

BIBLIOTHECA NAZ.

Emanuelis III

X
7
FOLI



DISPUTATIONUM
ROBERTI
BELLARMINI
POLITIANI, S. J.
S. R. E. CARDINALIS,


D E
CONTROVERSIIS
CHRISTIANÆ FIDEI
ADVERSUS HUIUS TEMPORIS HÆRETICOS,
Tomus Secundus,

CONTROVERSIAS QUATUOR GENERALES COMPLECTENS.

EDITIO ULTIMA JUXTA VENETAM ANNI MDXCIX.

*Correctionibus tamen & additionibus Auctoris in fine, nec non Indicibus
locuspletissimis nobilitata.*

Accesserunt coronidi hujus Secundi Tomi Opuscula recenter addita,
quorum seriem ibidem videre licebit.



VENETIIS, MDCCXXI.

Apud JOANNEM MALACHINUM, sub Signo S. IGNATII.

SUPERIORUM PERMISSU, AC PRIVILEGIO.



PRIMA
CONTROVERSIA
GENERALIS,

DE
CONCILIIS,
ET ECCLESIA MILITANTE.

QUATUOR LIBRIS COMPREHENSA.

INDEX LIBRORUM SECUNDI TOMI.

Primæ Controversiæ generalis.

DE CONCILIIS, ET ECCLESIA.

- LIBER I. De natura & causis Concilii.
II. De potestate Conciliorum.
III. De Ecclesiæ natura & proprietatibus.
IV. De notis veræ Ecclesiæ.

Secundæ Controversiæ generalis.

DE MEMBRIS ECCLESIAE.

- LIBER I. De Clericis & Sacerdotibus.
II. De Monachis & Religiosis cæteris.
III. De Laicis, ac potissimum de Magistratu politico.

Tertiæ Controversiæ generalis.

DE ECCLESIA, QUÆ PURGATUR IN LOCIS SUBTERRANEIS.

- LIBER I. De Purgatorio; an sit.
II. De loco, tempore, poenis, & aliis, quæ ad Purgatorium pertinent.

Quartæ Controversiæ generalis.

DE ECCLESIA, QUÆ TRIUMPHAT IN COELIS.

- LIBER I. De beatitudine & cultu Sanctorum.
II. De eorum reliquiis & imaginibus.
III. De Basilicis, festis diebus, aliisque rebus, quibus Sanctorum memoria à mortalibus colitur.

INDEX LIBRORUM ET CAPITULUM. LIBER PRIMUS.

De Conciliis, & Ecclesia.

P R Æ F A T I O.

<u>CAP. I.</u>	O RDO disputationis.
<u>II.</u>	Qui scripserint de Conciliis.
<u>III.</u>	De nomine Concilii & origine.
<u>IV.</u>	Partitio Conciliorum duplex.
<u>V.</u>	Concilia generalia approbata.
<u>VI.</u>	Concilia generalia reprobata.
<u>VII.</u>	Concilia partim confirmata, partim repro- bata.
<u>VIII.</u>	De concilio nec manifestè probato, nec manifestè reprobato.
<u>IX.</u>	De utilitate, vel etiam necessitate cele- brandorum Conciliorum.
<u>X.</u>	Concilia generalia utilia esse, & suo quo- dam modo necessaria, non tamen abso- lutè & simpliciter.

<u>CAP. XI.</u>	Concilia Episcoporum aliqua simpliciter ef- se necessaria.
<u>XII.</u>	Cujus sit congregare Concilia.
<u>XIII.</u>	Solvuntur argumenta adversariorum.
<u>XIV.</u>	Explicantur dubitationes quædam.
<u>XV.</u>	Quam sint ad Concilium convocandi.
<u>XVI.</u>	Solvuntur objectiones adversariorum.
<u>XVII.</u>	Quot Episcopi requirantur ad generale Concilium.
<u>XVIII.</u>	Episcopos in Conciliis non Consiliarios, sed Judices esse.
<u>XIX.</u>	Cujus sit generali Concilio præsidere.
<u>XX.</u>	Solvuntur argumenta adversariorum.
<u>XXI.</u>	Explicantur conditiones, quas Lutherani requirunt in Concilio celebrando.

LIBER SECUNDUS.

De Conciliorum auctoritate.

<u>CAP. I.</u>	A rgumenta & partitio hujus libri.
<u>II.</u>	Concilia generalia à Pontifice con- firmata, errare non posse, ex Scriptu- ris demonstratur.
<u>III.</u>	Idem probatur ex Patribus.
<u>IV.</u>	Idem ostenditur argumentis à ratione du- ctis.
<u>V.</u>	Concilia particularia, à Pontifice approba- ta, errare non posse.
<u>VI.</u>	Solvuntur argumenta ex Scripturis de- prompta.
<u>VII.</u>	Solvuntur argumenta petita ex testimonio veterum Patrum.
<u>VIII.</u>	Solvuntur argumenta ex Conciliorum erra- tibus.
<u>IX.</u>	Solvitur obiectio ducta ex ratione.
<u>X.</u>	Concilia particularia, non probata à sum-

<u>CAP. XI.</u>	mo Pontifice, non omnino certam fi- dem facere.
	Concilia generalia, ante confirmationem summi Pontificis, errare posse, nisi Pa- tres in definiendo sequantur Pontificis instructionem.
<u>XII.</u>	An sit major auctoritas Concilii, quàm Scriptura.
<u>XIII.</u>	An Concilium sit supra Pontificem.
<u>XIV.</u>	Explicantur opiniones diverse.
<u>XV.</u>	Summum Pontificem caput esse totius Ec- clesie.
<u>XVI.</u>	Non esse in Concilio summam potestatem.
<u>XVII.</u>	Summum Pontificem absolute esse supra Concilia.
<u>XVIII.</u>	Pontificem non posse subicere seipsum sen- tentia coactiva Conciliorum.
<u>XIX.</u>	Solvuntur argumenta adversariorum.

LIBER TERTIUS.

De Ecclesia militante toto orbe diffusa.

CAP. I.	D e nomine Ecclesia.	CAP. XII.	<i>ha sit semper visibilis, seu, an errare & deficere possit.</i>
II.	De definitione Ecclesia.	XIII.	Ecclesiam esse visibilem.
III.	De non baptizatis.	XIV.	Ecclesiam visibilem non posse deficere.
IV.	De Hæreticis & Apostatis.	XV.	Ecclesiam non posse errare.
V.	De Schismaticis.		Solvuntur argumenta, quibus asseritur Ec-
VI.	De excommunicatis.	XVI.	clesia invisibilis.
VII.	De predestinatis.		Solvuntur argumenta, quibus adversarii
VIII.	De non perfectis.	XVII.	probant, Ecclesiam posse deficere.
IX.	De magnis peccatoribus.		Solvuntur argumenta, quibus adversarii
X.	De infidelibus occultis.		probant, Pastores Ecclesia omnes simul
XI.	Proponitur altera controversia, An Eccle-		errare posse.

LIBER QUARTUS.

De notis Ecclesiæ.

CAP. I.	T raſlationem de notis Ecclesia uti-	CAP. IX.	NOTA sexta.
	liſſimam esse.	X.	NOTA septima.
II.	Refellitur ſententia hæreticorum.	XI.	NOTA octava.
III.	Proponuntur vera nota Ecclesia.	XII.	NOTA nona.
IV.	Explicatur prima NOTA.	XIII.	NOTA decima.
V.	NOTA ſecunda.	XIV.	NOTA undecima.
VI.	NOTA tertia.	XV.	NOTA duodecima.
VII.	NOTA quarta.	XVI.	NOTA decimatertia.
VIII.	NOTA quinta.	XVII.	NOTA decimaquarta.
		XVIII.	NOTA decimaquinta.



LIBER PRIMUS DE CONCILIIS, ET ECCLESIA. PREFATIO.



ACRORUM Conciliorum auctoritatem, quæ semper in Ecclesia magna fuit, adversus multiplices hæreticorum fraudes & calumnias, his libris pro viribus defensurus, antequam ad rem ipsam aggrediar, pauca quædam putavi esse dicenda de summa atque incredibili calliditate, quam ad hanc elevandam auctoritatem Satanæ administri nostris temporibus adhibuerunt. Etenim quoniam sacrosancta Conciliorum auctoritas in Ecclesia Catholica, ut par erat, semper eminuit, & sæpè in maximis rerum perturbationibus ad dissipandas errorum tenebras, quasi fulgor quidam salutaris illuxit, non existimavit hostis humani generis posse diutius se discordias in Ecclesia serere, & schismata, atque hæreses conservare & propagare, nisi judicia Ecclesiastica de medio tolleret; & cathedram illam everteret, ex qua Christus ipse per homines sonans, & judicans, omnes fidei controversias, litesque componit.

Itaque Lutheranos excitavit homines, ut ad fallendum paratos, ita projectos ad mentiendum; qui quidem, cum initio nullo modo fieri posse crederent, ut summus Pontifex ad indicendum generale Concilium adduceretur, coeperunt ipsi magna contentione simul & Pontificem graviter accusare, & adversus eundem Pontificem Concilii generalis opem implorare. Ita enim fore arbitrabantur, ut & quæcumque vellent scelera atque flagitia, quamvis falsa & incredibilia, de Pontifice liberè spargere, & eum apud omnes Christianas nationes reum maximorum criminum facere sibi liceret, & ipsi interim non Ecclesiæ hostes esse, ut re ipsa erant, sed viri amantes pietatis, fideique Zelum habere, quippe qui Concilii auctoritatem agnoscerent, ab omnibus judicarentur. Quocirca tot, & tam atrocibus calumniis, & maledictis, & voce, & literis Christi vicarium oneraverunt, ut permultis, magnisque nationibus planè persuaserint, eum non Christianum præfulem, sed Christi juratum hostem, atque adeò ipsum verum, & propriè dictum Antichristum esse.

Orationem certè immensam susciperem, si ea mendacia percensere vellem, quibus hæretici hujus temporis in omnibus penè libris, & sermonibus suis Apostolicæ sedis Pontificem impudentissimè asperserunt, unum solum aut alterum exempli causa attingam. Martinus Lutherus in libro de Ecclesia propè extremum: *Papa, inquit, Scripturam sacram, in cæno, & pulvere sepelivit, & doctrinam Christianam penè integram delevit.* Exstat libellus de primatu Papæ scriptus nomine totius Synodi Smalchaldicæ, auctore, ut arbitror, Philippo, quo in libro, præclara illa Synodus Lutheranorum ab hoc mendacio exorditur: *Papa, inquit, arrogat sibi auctoritatem condendi leges de cultibus, de mutatione Sacra-*

mento-

mentorum, de doctrina, & vult suos articulos, sua decreta, suas leges existimari pares legibus divinis. Et infra: *Arrogat sibi Papa divinam auctoritatem, quia sumit sibi jus mutandi doctrinam Christi, & cultus à Deo institutos, & suam doctrinam, & suos cultus vult observari tamquam divina.*

At quod Sacramentum, quem cultum à Deo institutum, quem doctrinæ articulum Papa mutavit? Et quis ille Pontifex fuit, qui suas leges divinis legibus exæquavit? An non videmus quotidie Pontificias leges, vel ab iisdem, qui tulerunt, vel à successoribus, si tempus id postulet, abrogari? Quæ verò divina lex ab ullo unquam Pontifice legitur abrogata? Sed nolo in ejusmodi nugis tempus amittere. Hoc affirmo, similibus mendaciis plenos esse libros Lutheranorum, eaque apud illos, non ut res saltem dubias, sed ut oracula certissima literis, & sermone omnium celebrari. Qui tamen initio, ut dicebam, ne omnino alieni ab Ecclesia Catholica esse viderentur, quanto plus auctoritatis detrahebant Pontifici, tanto amplius Concilio tribuebant. Exstat Lutheri ipsius ad generale Concilium provocatio. Exstant comitia imperia- lia, Augustana, Norimbergensia, Spirensia, Ratisbonensia, Wormatiensia, aliaque nonnulla, in quibus Lutherani generale Concilium sæpius postularunt.

At ne fortè molestum sit, si tempus in tam variis tot comitiorum actis recitandis conteramus, proferam tibi, Lector, ipsorum protestantium testimo- nium, quod ad initium ejus libri, qui *Protestatio adversus Concilium Tridentinum* inscribitur, continetur: *Profitemur, inquit, ac protestamur nos adharere, ac semper adhasisse protestationi, & appellationi R. Patris D. Lutheri ab injustissimo, violen- tissimoque judicio Pontificis, ac omnium ejus factionis judicium, ac liberum Christianum, legitimum, ac in Spiritu Sancto congregatum Concilium. Qui processus protestatio, & appellatio fuit postea unanimiter, ac multoties à nostris Ecclesiis renovatus, & in aliquot etiam imperialibus conventibus ab omnibus statibus comprobatus.* Hæc ipsorum sunt verba, quibus, ut vides, affirmant, Lutherum primò, deinde Ecclesias suas, postremò etiam Principes, sibi addictos, à Pontificis sententia ad Concilii ju- dicium sæpius appellasse.

Sed quamdiu existimas, in sententia ista expetendi Concilii permanferint? Quamdiu nullum futurum esse Concilium speraverunt. Nam simul ac Paulus Pontifex ejus nominis Tertius, Concilium generale ad Tridentum indixit, & ejusdem Concilii fundamenta jaci, & initia quædam apparere coeperunt, con- tinuò illi mutata sententia, vel potius, quam antè simulaverant, apertè pro- dita, Concilium improbare, à Conciliis appellare, nec solum recentia, sed etiam vetera omnia reprehendere? & ipsum Tridentinum, vixdum inchoa- tum, invektivis, censuris, protestationibus, calumniis quoque, & mendaciis opprimere studuerunt, ut si fieri posset, priùs Concilium illud hæreticorum astutia solveretur, quàm Catholicorum diligentia coalesceret.

Ita verò esse, ut dico, testes mihi sunt omnes, qui legerunt librum de Con- ciliis à Luthero illo ipso tempore conscriptum, libellum Philippi Melanchtho- nis de causis, cur Lutherani ad Concilium non accesserint; librum Protesta- tionis 34. Ministrorum: librum Illyrici de norma, ac praxi Concilii: Deni- que Martini Kemnitii examen Tridentini Concilii, Consilium Caroli Moli- næi super eodem non admittendo Concilio; antidotum Joannis Calvinii contra ejusdem venena Concilii. Sed operæ pretium erit ex istis ipsis, quos nomina- vimus, auctoribus, aliquid proponere, ut ex eorum verbis & testimonio co- gnoscas, quanti fiant ab illis Ecclesiæ Concilia, quæ paulò ante tantoperè fla- gitaverant.

Igitur Martinus Lutherus, cùm fama accepisset, indictum esse Concilium, continuò arrepto calamo, librum confecit, atque inscripsit, de Conciliis: cre-

do,

do, ut ageret Deo gratias, & Ecclesiæ gratularètur, atque omnes ad Concilium invitaret. Nihil minus; summa enim libri est, nihil esse opus Conciliis, cum etiam vetera illa sanctissima & celeberrima erraverint, & quilibet Parochi, & Ludimagistri non minus possint in Ecclesia, quàm quævis maxima, & numerosissima Concilia. Orditur à Concilio illo sine controversia antiquissimo & sanctissimo, quod Apostoli Hierosolymis celebraverunt; & quoniam in eo Concilio Apostoli decreverunt abstinendum esse à sanguine, & suffocato, ad has angustias nos redigit, ut vel ab his cibis nos abstineamus, vel apertè fateamur, liberum esse Concilio summo ac primo non obedire. Deinde, graviter exponit quanta calamitas esset, non vesci deinceps capreis, leporibus, cervis, cuniculis, anseribus, turdis, cæterisque aviculis, & quod miserius est, abstinere lucanicis, aliisque farciminibus, & jusculis etiam quibusdam, quæ non solum pipere condiuntur, sed etiam sanguine (ut ipse loquitur, qui ista bene norat) vel liquido tinguntur, vel crasso, & coagulato infarciuntur.

Quia verò tam gravis jactura nullo modo subeunda Luthero esse videbatur, inde effecit, non esse Apostolico decreto obtemperandum. Ex quo rursum ita conclusit; ergo liberum est nobis omnia alia Concilia relinquere, & sic liberi sumus ab omnibus Conciliis. Præclarè omnino: quasi verò quia non tenemur ea Concilii lege, quæ solum ad tempus data fuerat, jam nullis aliis Conciliorum legibus teneamur.

Pergit deinde ad Nicænum I. Concilium, cujus in Ecclesia Catholica semper summa auctoritas fuit, ac de canonibus ejus Concilii loquens: *Hi omnes, inquit, articuli, fœnum, stramen, ligna, stipula fuerunt. Et infra: De illis ligneis articulis reliquia manserunt, quasi aliqui titiones, nempe articulus de festo Paschatis.* Hic nimirum est honor, quem habet Lutherus antiquissimo & celeberrimo Concilio, ut ejus decreta ligna, fœnum, stipulas, titiones appellet. Sed parum esset, si tantum non necessarios, ac supervacaneos eos canones diceret, & non etiam periculosos, impossibiles, inter se contrarios, ac pugnantes esse contenderet. Quia enim vetat Concilium, ne qui se absciderunt, sacris Ordinibus initientur, & simul imperat hominibus sacratis, ne ullam omnino domi suæ foeminam habeant, præter matrem aut sororem: *Hic prorsus, inquit Lutherus, non intelligo sanctum Spiritum in hoc Concilio, si illi pro idoneis non sunt reputandi in ministerio Ecclesiastico, qui seipsos castrant ad vitanda libidinum incendia; & rursus illi etiam non sunt idonei, qui ad evincendos carnis stimulos habent, aut ducunt uxores; quo res tandem cadet? An debet Episcopus, aut Concionator illum intolerabilem ardorem, & astum amoris illiciti sustinere, & neque conjugio, neque castratione se ab his periculis liberare?* Quasi verò, Luthere, nihil sit medium, inter conjugium & castrationem. Quo pacto igitur, Paulus, Joannes, Jacobus, Apostoli cæteri, Ambrosius, Hieronymus, Gregorius, & quid enumero singulos homines? quo pacto, inquam, tot millia Sanctorum, neque se ipsi absciderunt, & tamen usque ad vitæ finem uxoribus caruerunt? nimirum precibus, jejuniis, labore assiduo, non membrorum abscissione gloriosa certamina superantur.

Sed audiamus, quàm honorificè de hoc eodem Nicæno Concilio sub finem hujus loci loquatur Lutherus: *An verò, inquit, nihil aliud est negotii Spiritui Sancto in Conciliis, quàm ut impossibilibus, periculosis, non necessariis legibus suos ministros obstringat, & oneret?* Quæ cum ita sint, vides certè, Lector, quanti faciat Lutherus Conciliorum auctoritatem, cum decreta Nicæni Concilii, quo nullum est magis à Patribus omnibus laudatum, ligna, non necessaria, periculosa, impossibilia, inter se pugnantia, ac demum stramen, fœnum, stipulas, titiones ore impudentissimo appellare non vereatur. Quid, quòd omnia Con-

lia ita extenuat, ut cum eis Parochorum industriam, & Ludimagistrorum auctoritatem comparet? *Putasne*, inquit, adeò esse tenue, aut angustum officium Parochi, aut Ludimoderatoris, ut non possint aliqua ex parte conferri ad Concilia? Dicam & quiddam amplius, majus lumen accedit doctrina Christiana ex Catechismo puerili, quam ex omnibus Conciliis. Et infra: Et quid opus est verbis, etiam si omnium Synodorum decreta possent per infundibulum demitti in tuum corpus, tamen nondum esses Christianus, quia nimis parum conferunt. Egregia sanè conclusio, & digna tam gravi Theologo, qui paulò ante tam seriò videbatur Concilii generalis iudicium appellare. Omitto quod dicit de II. III. & IV. Synodo, cum similia sint prioribus, & ego brevitati studeam.

Venio igitur ad ea mendacia, quæ ad extenuandam Concilii Tridentini auctoritatem adversarii sine ullo pudore effutiunt, nec tamen omnia, nec etiam plurima, id enim infiniti operis esset, sed pauca de multis proferam: *Illi Sycophanta*, inquit Lutherus in libro de Conciliis, qui parasitantur Papa, adeò sunt dementati, ut hoc paradoxum audacissime defendant, Concilia potestatem habere condendi novos articulos fidei, & mutandi veteres. At qui sunt isti Sycophantæ? Cur nemo nominatur? Ubi, quando, quo teste dixerunt, aut scripserunt, posse à Conciliis fidei articulos immutari?

Matthias Illyricus in libro de norma, ac praxi Concilii Tridentini: *Clamant illi*, inquit, Concilii scilicet Patres, Ecclesiam, idest, Pontificem cum suis spiritualibus esse supra Scripturam; & Papam posse ex plenitudine potestatis contra Apostolum, & totum vetus Testamentum dispensare. Hæc ille. Sed exstat Concilium, legatur diligenter, nusquam invenientur ejusmodi portenta.

Martinus Kemnitius in examine Concilii Tridentini, ita dives mendaciorum est, ut quatuor sententiolis, quinque mendacia comprehenderit; *Dicunt*, inquit, Patres, videlicet Concilii, quòd Papa habeat voluntatem pro ratione, in his, quæ vult; quòd possit formam Sacramentorum ab Apostolis traditam immutare, quòd contra epistolas Pauli possit statuere, quòd dispensare possit contra quatuor prima Concilia, & contra verba Evangelii. Quis crederet tam impudentes homines reperiri potuisse, qui de Tridentino Concilio tam audacter mentirentur, cum & ipsius acta passim legantur, & adhuc vivant plerique eorum, qui ipsi per se Concilio interfuerunt?

Sed restat adhuc aliud splendidum omnino, & sæpiùs repetitum adversariorum mendacium. Multis de causis Lutherani Hosium Cardinalem, virum æterna memoria dignum, implacabili odio persequuntur, sed eò præcipuè, quòd Legatus Apostolicæ sedis Concilio Tridentino præfederit, atque eidem Concilio industria & sapientia sua non parum ornamenti, atque etiam emolumenti contulerit. Ut igitur simul, & Legati, & Synodi auctoritatem deprimerent, verba quædam, quæ is Cardinalis in libro de expresso verbo Dei, nomine Schuvenckfeldii hæresiarchæ protulerat, & ideò protulerat, ut indicaret, quàm tetri errores ex Lutherana hæresi, quasi venanti fructus ex corrupta radice pullulassent; illa, inquam, verba, tamquam si Cardinalis ipse sententiam continerent, boni isti viri magna cum execratione ubique disseminaverunt; ac primùm in lib. Protestationis 34. Ministrorum, ita legimus: *Sed jam audiamus istius gloriosi gubernatoris presentis conciliabuli verba, quomodo, & secundum quam regulam ille cum suis sodalibus velit de Ecclesia, & religionis controversiis judicare, & statuere*: sic enim in blasphemia verba erumpit, inquiens: *Nos verò Dei de cælo sententiam expectabimus, ac tum istos pro sua, non Scripturarum sententia dimicantes, tum ipsas etiam Scripturas facessere jubebimus. Non oportet Legis, aut Scriptura esse peritum, sed à Deo doctum. Vanus est labor, qui Scriptura impenditur. Scriptura enim creatura est, & egenum quoddam elementum; nec convenit*

Chri-

Christiano nimium creatura addictum esse. Quibus recitatis subjiciunt Protestantes : Hac iste nefarius Antichristi Cardinalis Legatus, & impu conciliabuli Gubernator, contra irruentem Deum blasphematur.

Illyricus verò in libro de norma & praxi Concilii Tridentini, posteaquam illa eadem verba ex libro Cardinalis deprompta repetivit, ita illi bene precatus est : *Domine Jesus, inquit, obstruat igne infernali ista blasphema ora Antichristi, & ejus mancipiorum, & vindicet gloriam ab eorum tyrannide.* Quid tibi videtur, candide Lector, an non est scelus inauditum, & audacia planè incredibilis in causa tam atroci, & tam perspicua tam impudenter mentiri ? Est in manibus liber, nec ulla est in verbis ejus obscuritas, & si testimonium auctoris requiritur, ego ipse doctissimum illum senem aliquando dicentem audivi : *Ego ita sentirem? ego talia scriberem? si mea illa verba essent, verè dignus essem, qui in medio foro cremarer.* Et placuit tamen non uni, aut duobus, sed triginta quatuor simul Ministris verba illa optimi viri in alienum sensum ita detorquere, ut quæ Scovenckfeldii sunt, Cardinalis ipsius esse crederentur; qui mihi similiter fecisse videntur, ac si aliquis modo contenderet illa blasphema verba Judæorum de Christo : *Ecce homo vorax, & potator vini, non est hic homo à Deo, qui Sabbatum non custodit, reus est mortis, tolle, tolle, crucifige eum;* atque alia his similia, non esse verba Judæorum, sed Matthæi, aut Joannis, quòd in eorum Evangelii reperiantur. Habes igitur, quàm parvi æstiment Concilia adversarii, & quot fraudibus, & calumniis eorum auctoritatem elevare conentur, qui tamen paucis antè annis generale Concilium, tamquam unicum remedium præsentium dissidiorum expetere videbantur.

Sed dicet aliquis fortasse, optabant illi quidem, atque optant etiam nunc generale Concilium, sed non ejusmodi, quale Tridentinum fuit. Ita est, optant illi generale Concilium, sed quale numquam fuit. Explicat enim conditiones Concilii Philippus Melanchthon in eo libello, quem inscripsit, de causis cur Lutherani ad Concilium non accesserint; sed potissimum dux sunt. Altera, ut jus suffragii etiam decisivi habeant omnes homines docti, sive sacerdotes, sive laici sint; quod est in Ecclesia Christi ad hunc diem inauditum. Nec talis Concilii ullum exemplum proferent, præsertim, cùm doctos homines vocent, qui dum loquuntur, aut scribunt, aliquot verba Græca, aut Hebraica, Latinis admiscent. Altera conditio est, ut detur ab Imperatore salvus conductus, non solum personis, sed etiam causæ, hoc est, ut nec personæ possint puniri, si nolint obtemperare Concilio, nec fides, & confessio Lutheranorum possit damnari, etiamsi Theologi Lutherani eam defendere non potuerint; quæ conditio & cum superiore apertissimè pugnat, & est ipsa per se inepta & ridicula. Nam, si nec personæ, nec sententiæ damnari possunt, nihil omnino in Concilio decernetur.

Quorsum igitur attinebat petere, ut etiam laici suffragium habeant decisivum, si nihil est in Concilio decidendum? Et quorsum tot sumptus, tot pericula, tot labores in Concilio congregando? Quorsum ex toto orbe terrarum Episcopi, & Doctores vexantur, ut ad Concilium veniant? Quorsum tot dies in quæstionibus fidei proponendis, discutiendis, definiendis consumuntur : si posteaquam sunt omnia parata, adhuc licet unicuique Concilii decretum in controversiam revocare? Neque Philippus Melanchthon solus hoc docet, docuit ante eum Martinus Lutherus, docuere post eum Joannes Calvinus, Joannes Brentius, Martinus Kemnitius, Lutherani & Calvinistæ omnes; *Capite, inquit, Lutherus art. 115. ex quingentis articulis, hoc Evangelium, quia neque Papa, neque Conciliis, neque ulli hominum commissum est, ut concludat, quid sit fides. Ideò debeo dicere, Papa tu conclusisti cum Conciliis, nunc habeo ego judicium, an acceptare*
queam,

queam, necne. Et Calvinus lib.4. Inſtit. cap.9. §.8. Quoties, inquit, Concilii aliusque decretum profertur, expendi primum diligenter velim, quo tempore habitum ſit, quae de cauſa habitum, & quo conſilio, quales homines interſuerint; deinde illud ipſum, de quo agitur, ad Scripturæ amuſſim examinari, idque in eam modum, ut Concilii definitio pondus ſuum habeat, ſitque inſtar præjudicii; neque tamen examen, quod dixi, impediatur.

Itaque vult Calvinus, Concilii ſententiam, præjudicium, non iudicium eſſe, deque ea ſententia poſſe, ac debere quoſcumque, & maximè privatos homines iudicare. Quod idem aliis verbis Kemnitius, Brentius, & cæteri omnes docent. Quid verò eſt hoc aliud, quàm nolle iudicium ullum fieri? Nolle controverſias unquam finiri? Nolle pacem & concordiam, ſed bella, ſchiſmata, diſſenſiones, lites vigere perpetuò? Sed bene habet; niſi aliud dicerent, faciliùs laterent: hæretici certè non haberentur. Nunc verò ita ſe produnt, ut planè nunc ſint cæci, qui eos hæreticos eſſe non vident; nam cùm hæreſis ab electione dicatur, nulla eſt nota clarior, nullum certius ſignum hominis hæretici, quàm cùm Eccleſiaſtico iudicio non acquieſcit; ſed ipſe ſibi eſt dux, ipſe iudex, ipſe dogma proprium eligit, quod ſequatur. Fidei, obedientia comes eſt, mater humilitas. Hæreſeos ſoror, contumacia, mater ſuperbia eſt.

Quæ cùm ita ſint, noſtræ jam partes erunt, ut quantum operæ, induſtriæ, laboris in Eccleſiaſtica auctoritate labefactanda hoſtes fidei ponunt, tantum nos in eadem aſſerenda, ac vindicanda ponamus; & quoniam ea in ſummo Pontifice, & Epiſcoporum Conciliis præcipuè cernitur, & nos jam de Pontifice quinque libris, pro ingenii noſtri tenuitate, diſſeruimus, nunc de Conciliis, quanta maxima poterimus claritate, Deo duce, atque auſpice diſſeremus.





D E
CONCILIIS
 E T
ECCLÉSIA,
LIBER PRIMUS.

CAPUT PRIMUM.

Ordo Disputationis.

DISSERUIMUS hactenus de Capite militantis Ecclesiae; nunc de ipsa Ecclesia dissendendum erit. Quia verò Ecclesia bifariam considerari potest, ut in Conciliis congregata cernitur, & ut toto Orbe terrarum diffusa est; propterea nos quoque primum de Conciliis, tum de ipsa Ecclesia disputabimus. Praepōnimus autem disputationem de Conciliis disputationi de Ecclesia, licet Ordo naturae contra suadere videretur, quoniam disputatio de Conciliis magis connexa est cum disputatione de summo Pontifice, quae jam praecessit, quam disputatio de Ecclesia.

Igitur controversia de Conciliis duabus in rebus posita est, in definitione legitimi Concilii, & in ejusdem Concilii auctoritate; Haeretici enim hujus temporis fingunt novam formam Conciliorum, & iis deinde nullam ferè tribuunt auctoritatem. Nos tamen his duabus partibus addemus tertiam.

Itaque in tres partes dividetur universa disputatio. In prima praemittemus quaedam, quae ipsi disputationi quasi aditum aperiant; qui scripserint de hac materia, quid sit Concilium, quotuplex, quot, & quae hactenus celebrata sint: quae omnia tractabimus sine contentione ad modum simplicis narrationis. In secunda definiemus, quid propriè postulet natura legitimi Concilii; ubi tractabitur de materia, forma, fine, & efficiente Conciliorum, necnon de iis, quae adversarii requirunt in Conciliis. In tertia disceremus de auctoritate Conciliorum, tum absolute, tum etiam per comparationem ad Scripturam, & summi Pontificis auctoritatem.

Controv. Card. Bellarm. Tom. II.

CAPUT II.

Qui scripserint de Conciliis.

UT igitur ordiamur à primo; de hac materia tractant in primis libri ipsi Conciliorum, qui tamen negligenter conservari sunt, & multis vitiis scatent, quae corrigenda sunt ex Veterum lectione; deinde multa extant in decretis Gratiani, Ivonis, Burchardi, Martini Bracarenfis; item pauca quaedam legi possunt apud Hilarium lib. de Synod. Isidorum lib. 6. Etymolog. cap. 16. Bedam in lib. de sex aetat. in Constantino IV. Freculphum in fine Chron. Joan. Psellum & Photium lib. de septem Synod.

Praeter hos Veteres scripserunt multi Recentiorum, ut Thomas Waldensis lib. 2. doctrinal. Fid. cap. 26. & 27. Joannes de Turrecremata lib. 3. Sum. de Eccles. Joannes Gerson in tractatibus variis de potest. Eccles. & Concil. Dionysius Carthusianus in lib. tribus de Concil. Joannes Eckius in Enchir. Jodocus Clichtovaeus in defens. Concil. Senon. & Jodocus Tiletanus in defens. Concil. Trid. Joannes Cochlaeus in lib. de Concil. Joannes Rossensis cont. artic. Lutheri 28. & 29. Cajetanus in Opus. Albertus Pighius lib. 6. hierarch. Ecclesiast. Cardinalis Hosius in explanat. Symb. cap. 24. & lib. 2. cont. prolegom. Brentii, Petrus à Soto in defens. suae Confess. cont. Brentium; Joannes Antonius Delphinus lib. 2. de Eccles. Melchior Canus lib. 2. de Loc. Theolog. Hugo in opere inscripto, Synodia Hugonia; item Jacobarius in opere de Concil. & Gaspar Villalpandaeus in disputat. novem pro Concil. Trid. Alphonsus à Castro lib. 4. de haeres. Gulielmus Lindanus lib. 3. cap. 7. Panopl. Evang.

CAPUT III.

De nomine Concilii & origine.

PORRÒ Concilii nomine idem significatur in Ecclesia, quod nomine comitiorum in regnis; nam quemadmodum cum oritur controversia in Republi-

A . . . ca,

2 De Conciliis & Ecclesia. Lib. I. Cap. IV.

ea, conveniunt in unum Principes Regni, vel Magistratus, ac statunt quid facto opus sit: ita in Ecclesia cum oritur Controversia aliqua de religione, conveniunt Præsules Ecclesiarum, & simul collatis sententiis, statuunt quod bonum videtur. Ita actum videmus Act. 15. ubi primum coeperunt Concilia Christiana celebrari, ac deinceps singulis ætatibus.

Hanc autem originem Conciliorum, etsi Albertus Pighius lib. 6. de coelest. hierarch. cap. 1. contendat esse planè humanam, & naturali ratione excogitatam, probabilius tamen est divinam esse. Nam Concilium Chalcedonense in epist. ad Leonem, & VI. Synodus, act. 17. & Coelestinus Papa in epist. ad Conc. Ephes. & Conc. Tolet. III. non procul ab initio, docent, Concilia esse demonstrata à Christo in illis verbis Matth. 18. *Ubi fuerint duo, vel tres congregati in nomine meo, illic ego in medio illorum sum.*

Deinde, credibile est, Apostolos, qui pleni erant Spiritu sancto, nonnisi ipso Spiritu sancto admonente primum Concilium congregasse; unde etiam dicunt: *Visum est Spiritui sancto & nobis*, Act. 15. Præterea, etsi ratio naturalis dicat, ut in rebus dubiis Princeps consulat homines peritos; tamen ut soli Episcopi convocentur, & ii non sint consiliarii, sed iudices, non videtur solius humanæ rationis inventum. Denique certum est, Conciliorum celebrationem, quæ omnibus sæculis in Ecclesia fuit, de Apostolica traditione descendere: Apostolicas verò traditiones ego quidem humana inventa appellare non auderem. Sed hæcenus de origine. Nunc de nominibus uno verbo.

Nomen Latinum Concilij, invenitur passim in Testamento veteri & novo, pro congregationibus Judæorum, sed Græcè nomen, idest, *συνόδος*, non invenitur in Scripturis, ubi enim Latine legimus Concilium, in Græco textu ubique est *συνέδριον* vel *συνάγωγη* invenitur autem nomen Synodi primum in canonibus Apostolorum can. 38. ubi jubentur Episcopi singulis annis bis Concilia celebrare: deinde invenitur apud Eusebium lib. 5. hist. cap. 23. ac deinceps in omnibus Auctoribus.

C A P U T IV.

Partitio Conciliorum duplex.

Sunt autem quatuor genera Conciliorum: quædam enim sunt generalia, quædam nationalia, quædam provincialia, & quædam dicecesana. Membrorum trium primorum meminit Augustinus lib. 2. de Bapt. cont. Donatist. cap. 3. ubi dicit, Concilia provincialium, vel etiam majora qualia sunt regionum, emendari à Conciliis plenariis. Ultimi membri meminit Concilium Toletanum IV. cap. 25.

Generalia dicuntur ea, quibus interesse possunt & debent Episcopi totius Orbis, nisi legitime impedian- tur, & quibus nemo rectè præsidet, nisi summus Pontifex, aut alius ejus nomine: inde enim dicuntur œcumenica, idest, Orbis terræ Concilia.

Nationalia dicuntur, in quibus conveniunt Archiepiscopi, & Episcopi unius regni, vel nationis, quibus præest aliquis Patriarcha, vel Primas, qualia sunt multa Concilia Romana, Toletana, & Africana, de quibus illud norandum est, ea, licet sint re- vera distincta à generalibus & provincialibus, tamen utrorumque nominibus interdum appellari.

Vocantur enim sæpè Concilia Universalia, ut patet ex Conciliis Romanis sub Symmacho, ubi semper dicitur: *Symmachus Concilio generali Præsident*; & tamen aderant solum Episcopi Italix. Sic in Conci-

lio Toletano III. cap. 18. dicitur: *Præcipit hæc sancta, & universalis Synodus*, & tamen solum aderant Episcopi Hispaniæ. Idem patet ex Concilio IV. Carthagi- nensi. Dicuntur ergo ista generalia, sive universalia, quia sunt generalia in eo regno, non autem absolu- te. Dicuntur autem provincialia ista eadem à Gratia- no dist. 3. can. *Porro*; quia certis provinciis con- veniunt, non autem ad omnes Christianos perti- nent, sicut verè generalia.

Provincialia dicuntur, in quibus conveniunt tan- tum Episcopi unius provincie, quibus præest Archie- piscopus, sive Metropolitanus; & hujus generis sunt plura in totis Conciliis. De his videtur loqui VII. Synodus act. 3. cum ait, se amplecti etiam de- cisiones localium Conciliorum.

Dicecesana sunt, in quibus conveniunt tantum Presbyteri unius Episcopatus, & iis Episcopus præ- est: cujus generis paucissima exstant, nec immerito; nam vix dici possunt Concilia, cum in eis ordinariè nullus sit, qui jurisdictionem habeat, præter unum Episcopum qui præest.

Altera partitio Conciliorum complectitur item quatuor membra: quædam enim sunt ab Apostolica Sede approbata atque ab Ecclesia universa recepta; quædam omnino reprobata; quædam partim appro- bata, partim reprobata; quædam nec approbata, nec reprobata. Quod membrum postremum in Con- ciliis particularibus potissimum locum habet.

C A P U T V.

Concilia generalia approbata.

Concilia generalia approbata numerantur hucus- que decem & octo. Primum est Nicænum, quod quidem celebratum est ab anno Domini 327. usque ad annum 330. qui fuit annus 15. Sylvestri Papæ, & vicessimus Constantini Imperatoris; convenerunt Episcopi 318. de quibus erant Patriarchæ, Alexan- der Alexandrinus, Eustatius Antiochenus, Maca- rius Hierosolymitanus, & Metrophanes Constanti- nopolitanus, quamvis hi duo postremi non erant eo tempore Patriarchæ, sed diu postea eam dignitatem adepti sunt. Quidam etiam Metrophanem non per se, sed per Legatum Alexandrum, qui postea ei successit in Episcopatu adfuisse volunt. Vide Meta- phrastem in Orat. de rebus gest. apud Nicænam. Ad- duce potissimum controversiæ definitæ sunt: una de die Paschatis: altera de Divinitate Christi adversus hæresim Arianorum, ipso Ario Principe hæreseos post annos decem in latrinis dum alvum purgaret foedè defuncto.

Sed quia hæc omnia in dubium revocari possent propter discrepantes Scriptorum sententias, paucis singula demonstranda sunt. Primum, de tempore Concilii mira est opinionum varietas, sed veritas no- stræ sententiæ hac ratione confirmari potest. Con- stat, Concilium Nicænum finem accepisse anno 20. Imperii Constantini. Id enim scribit Eusebius lib. 3. de vita Constantini, & Socrates lib. 1. histor. cap. 12. coepit autem Constantinus imperare anno Christi 311. ut ex Chronico S. Hieronymi, ex Gregorio Haloan- dro, aliisque Chronologis patet. Efficitur igitur, ut anno Christi 330. fuerit annus Constantini 20. & fi- nis Nicæni Concilii.

Item inchoatum est Concilium Paulino, & Julia- no consulibus, ut Socrates refert lib. 1. cap. 9. aliàs 13. & Nicephorus lib. 8. cap. 26. Duravit autem annis 3. ut idem Nicephorus ibidem testatur. Porro consu- latum Paulini, & Juliani Cassiodorus annotavit an- no 17. Constantini, ex quo sequitur finitum Conci- lium

lum fuisse anno 20. ejusdem; proinde inchoatum anno Christi 327. finitum anno 330. Sanè Onuphrius Panninus, quia consulatum Paulini, & Juliani ponit anno Christi 325. hoc ipso anno ponit initium Synodi Nicenæ.

Deinde incidisse Concilii tempus in Sylvestri Pontificatum, non Sylvestri & Julii, ut Phorius docet de septem Synodis, vel Julii solius, ut Sozomenus scribit lib. 1. cap. 16. & ex Sozomeno Calvinus lib. 4. Institut. cap. 7. §. 1. & Joachimus Camerarius in historia Nicenæ Synodi, ubi se diligentissimum scriptorum veterum lectorem fuisse affirmat, facile demonstrari potest. Nam, ut supra diximus anno 20. Constantini, finis Concilio impositus est, quod etiam fateretur Camerarius lib. cit. Sylvester autem creatus est Pontifex anno sexto Constantini, ut ex Chronico Eusebii, ac Hieronymi patet, & sedit in Apostolica sede supra 20. annos, ut Damasus, Onuphrius, & omnes omnino scriptores testantur. Igitur annus 20. Constantini, & finis Nicenæ Concilii in Sylvestri Pontificatum necessariò incidit.

Præterea Milthiades Sylvestri prædecessor sedit eodem Constantino imperante, ut testantur Optatus lib. 1. contra Parmenian. & Augustinus in epist. 162. & 165. & ipse etiam Constantinus apud Eusebium lib. 10. hist. cap. 5. non igitur potuit Sylvester nisi post inchoatum Constantini imperium Apostolicam sedem adipisci. Tenuit autem eam omnium consensu supra 20. annos. Ergo 20. anno Constantini, qui fuit postremus Nicenæ Concilii, non Julius, sed Sylvester Apostolicam sedem moderabatur. Quare rectè Damasus in Pontificali, Hieronymus in Chronico, Theodoretus lib. 1. hist. cap. 3. sexta Synodus act. 18. & Concilium Florentinum sess. 3. alique permulti auctores Nicenam Synodum Sylvestri Papæ temporibus factam esse scripserunt.

De numero Episcoporum, qui eidem Concilio interfuerunt, videntur esse sententiæ variz. Nam Eusebius lib. 3. de vita Constantini dicit convenisse Episcopos supra 250. Athanasius lib. de sententia Nicenæ Synodi ait, fuisse Episcopos plus minus 300. Eustathius apud Theodoretum lib. 1. cap. 8. hist. dicit numeratos supra 270. Sozomenus lib. 1. cap. 16. ponit circiter 310. Vera tamen, & communis, sententia est, fuisse 318. Nam Epiphanius hæresi 69. scripsit, usque ad sua tempora fuisse conservata nomina singulorum Episcoporum, & fuisse præcisè 318. Hilarius quoque in lib. de Synodis prope extremum, & Ambrosius præfatione librorum de fide, mysticum & sacrum dicunt esse numerum Patrum Concilii Nicenæ, & multò antea præfiguratum in illis 318. milibus, quibus Abraham victoriam de quinque regibus reportavit. Denique Hieronymus in Chronico, Sulpitius lib. 2. hist. Theodoretus lib. 1. cap. 7. & omnes alii constanter hunc numerum ponunt.

Jam verò duas fuisse causas ejus Concilii: questionem videlicet de Paschate, & questionem de Christi Divinitate, testantur Eusebius lib. 3. de vita Constantini, Athanasius in libro de Synodis Arimini, & Seleuciæ, & Epiphanius hæresi 70. quæ est Audianorum.

Denique, utrum Nicænum Concilium ante mortem probrosam Arii celebratum sit, non est omnino certum. Epiphanius enim hæresi 69. apertè scribit, Concilium post mortem Arii celebratum fuisse: at contrarium scribunt historici. Rufinus lib. 10. cap. 13. Socrates lib. 1. cap. 19. & 25. & cæteri. Neque possunt hæ sententiæ conciliari, si dicamus duos Arios fuisse, ut significat Sulpitius lib. 2. sacræ historiæ. Nam etiam si duo Arii fuerint, unus tamen est ille, qui periit in latrinis. Hunc autem ipsum Epiphanius ante Concilium, Rufinus & cæteri post

Controv. Card. Bellarm. Tom. II.

A Concilium ponunt. Et sanè videntur historici melius sensisse, præsertim cum in V. Synodo tractatum sit, an liceat hæreticos post mortem damnare quod certè in dubium venire non potuisset, si Arium jam mortuum Synodus Nicæna damnasset. Sed res non est tanti momenti, ut propterea oporteat nos plus temporis in ea consumere.

B Secunda Synodus est Constantinopolitana, quæ celebrata est adversus Macedonium, negantem Spiritus sancti divinitatem, Theodosio seniore Imperatore, ac Damaso summo Pontifice. Convenerunt autem Episcopi ex diversis provinciis 150. è quibus Patriarchæ fuerunt Nectarius Constantinopolitanus, Timotheus Alexandrinus, Meletius Antiochenus, & Cyrillus Hierosolymitanus.

C Porro tempus Synodi hujus secundæ incidit, Prospero teste in Chronico, in Consulatum Gratiani & Theodosii Augustorum, hoc est, in annum Domini 383. vel in annum sequentem, ut vult Socrates, qui lib. 5. hist. cap. 8. scribit, Concilium convenisse Cos. Syagrio & Eucherio, hoc est in annum 384. vel si rationem Onuphrii sequaris, in annum 381. quos ex eodem Prospero & Cassiodoro, & aliis constat Consulatum gessisse post consulatum Gratiani & Augusti. Psellus in libro de septem Synodis ponit intervallum annorum 56. inter primam & secundam Synodum. Si autem ad numerum annorum 327. quo tempore diximus inchoatam fuisse Synodum primam, addas numerum annorum 56. efficies numerum annorum 383. qui est numerus, quem Prosper in Chronico adnotavit.

D Est verò animadvertendum, in hoc Concilio, neminem adfuisse ex Provinciis Occidentalibus. Siquidem Damasus Papa Romæ coegerat Synodum Occidentalium, atque ad eum locum invitaverat Episcopos, qui Constantinopoli convenerant, ut eo modo Romæ celebraretur Concilium plenissimum; sed quia patres Orientales justis de causis Romam venire non potuerunt, accepit Damasus excusationem eorum, & animis ac sententiis duæ illæ Synodi conjunctæ sunt, ac si una & eadem fuissent. Atque propter hujusmodi conjunctionem habita est Synodus Constantinopolitana una ex Oecumenicis & legitimis Synodis. Vide Theodoretum lib. 5. hist. cap. 9. & 10.

E Tertia Synodus est Ephesina I. quæ coacta est Theodosio juniore Imperatore, & Celestino I. summo Pontifice; Convenerunt Episcopi 200. Ex quibus Patriarchæ fuerunt Cyrillus Alexandrinus, qui locum etiam Romani Pontificis obtinebat, Joannes Antiochenus, & Juvenalis Hierosolymitanus; quamquam Joannes, quia, se adhuc in itinere constituto, Concilii decretum factum fuerat, initio dissentire cœpit à Cyrillo, postea tamen reconciliati sunt, atque idem senserunt. Causa Concilii fuit Nestorii Episcopi Constantinopolitani nova hæresis, quæ Christum in duas personas dividebat.

Celebratum verò Concilium est Basso & Antiocho Consulibus, ut Prosper in Chronico, & Socrates lib. 7. cap. 34. indicant; Is autem erat annus Domini 434. Quid sequuti sint Psellus, qui ponit solum intervallum annorum 40. inter secundam & tertiam Synodum, & Onuphrius, qui adnotavit hanc Synodum celebratam anno Domini 430. Cos. Theodosio decimumtercium, & Valentiniano tertium, non possum dicere, præsertim cum in ipsa Synodo tom. 2. cap. 1. disertis verbis legamus Synodum inchoatam post Consulatum Theodosii decimumtercium, & Valentiniani tertium, nec ignorare potuerit Onuphrius, non esse idem Cos. Theodosio decimumtercium, & Valentiniano.

A 2

tinia.

tiniano tertium, & post consulatum Theodosii de-
cimumtertium & Valentiniiani tertium.

Adde, quod Vincentius Lyrinensis in lib. de pro-
fanis vocum novitatibus propè extremum, qui ipso
tempore vixit, ita loquitur: *Ante triennium ferme
in Asia apud Ephesum celebratum Concilium est, viris
clarissimis Basso, Antiochoque Consulibus.* Quid cla-
rius? De tota hac Synodo vide Liberatum in Bre-
vuario cap. 5. 6. 7. 8. & sequentibus, Socratem lib. 7.
cap. 34. Evagrium lib. 1. cap. 4. & ipsam Synodum
nuper ex Græco in Latinum sermonem conversam,
ac tomis duobus comprehensam.

Quarta Synodus est Chalcedonensis, quæ col-
lecta est adversum hæresim Eutychetis Archiman-
drite, quæ unam tantum in Christo naturam as-
sererat post incarnationem. Acta verò est hæc Sy-
nodus Leone I. Pontifice Maximo, & Martino
Augusto, Consulatu ejusdem Martiani, ut ipsum
Concilium testatur act. 1. Incidit autem is Martia-
ni Consulatus in annum Christi 454. juxta com-
putum Marthæ Palmerii, & Gregorii Haloandri,
vel 452. juxta Marianum Scotum & Sigebertum,
vel 451. juxta Onuphrium in lib. de Romanis Pon-
tificibus. Psellus 30. annos interponit inter tertiam &
quartam Synodum; sed is, in superiori numero de-
traxit annos decem, ac posuit 40. pro 50. ita nunc
addidit annos decem, ac posuit triginta pro viginti,
nisi sit error Librariorum. Porro Episcopi adfue-
runt 630. ex quibus erant Patriarchæ, Dioscorus A-
lexandrinus, qui tamen mox ejectus est, Maximus
Antiochenus, Anatholius Constantinopolitanus, &
Juvenalis Hierosolymitanus. Vide Liberatum in
Brevuario cap. 11. & sequentibus, & Evagrium lib. 2.
histor. cap. 2. 3. & 4.

Quinta Synodus generalis non est, ut multi pu-
tant, ea quæ sub Agapeto & Menna celebrata est,
quæque in secundo tomo Conciliorum sub nomine
quintæ Synodi quatuor actionibus continetur; liquet
illam illam particularis fuisse, & quintam Synodum an-
tecessit, ut disertis verbis docent Joannes Zonaras in
vita Justiniani, & Nicephorus lib. 17. cap. 9.

Coacta est autem quinta Synodus vera apud Con-
stantinopolim, Vigilio summo Pontifice, & Justinia-
no seniore Imperatore, anno duodecimo post Con-
sulatum Basilii, ut initio ejusdem Synodi legimus,
qui est annus Domini incarnationis 553. vel 556.
juxta Psellum, qui annis 102. vult posteriorem esse
quintam Synodum quartam. Convenerunt Episco-
pi 165. ut idem Psellus tradit, è quibus erant Pa-
triarchæ Eutychius Constantinopolitanus, Apollina-
ris Alexandrinus, Dominus Antiochenus, & Eusto-
chius Hierosolymitanus, qui tamen non per se, sed
per Legatos interfuit. Summus autem Pontifex, nec
per se, nec per Legatos interfuit. Synodum tamen
per libellum confirmavit, ut Nicephorus scribit
lib. 17. cap. 27.

Causa congregandi Concilii fuit Origenis hæresis,
quæ tunc invalecebat. Itaque damnatus est Orige-
nes, & simul Dydimus & Evagrius ejus sectatores:
necnon Theodori Mopsuesteni, & Theodoretii Ci-
rensis scripta, & epistola, quæ dicebatur Ibae ad
Marium Persam, Vide de hac Synodo Zonaram loco
citato, Nicephorum lib. 17. cap. 27. S. Gregorium
lib. 1. epist. 24. Evagrium lib. 4. cap. 38. & Libera-
tum in Brevuario cap. 23. & 24. tamen quæ Libera-
tus dicit, valde cautè legenda sunt; aut enim non
sunt ipsius, aut ipse falsa aliqua relatione deceptus
fuit. Certè non congruunt cum aliorum Catholi-
corum Patrum narrationibus.

Sexta Synodus celebrata est apud Constantinopo-
lim anno duodecimo Constantini IV. teste Paulo
Diacono in vita ejusdem, qui quidem erat annus

A Domini 681. vel 685. juxta Psellum, qui annos 129.
ponit inter quintam & sextam Synodum. Quod ve-
rò in ipso Concilio passim adscribitur annus 28. ejus-
dem Constantini, non est error Typographorum,
ut censet Illyricus Cent. 7. cap. 9. Nam etiam non
imperavit Constantinus post mortem patris, nisi an-
nis 17. tamen imperavit etiam annis multis cum
tre suo, ut Zonaras significavit, dum illum ante ab
ipso patre coronatum fuisse ante discessum in Sici-
liam. Itaque Concilium numerat annos Constantini
à prima coronatione. Paulus verò Diaconus à mor-
te Constantis patris Constantini.

B Convenerunt Episcopi 289. ut idem Paulus Dia-
conus testatur, & consentit numerus, qui habetur
in VII. Synodo act. 3. Beda tamen in lib. de sex ata-
ribus, propè finem, Rhegino lib. 1. Ado Viennen-
sis, & Freculphus in Chronico, solum centum quin-
quaginta Patres numerant. Patriarchæ fuerunt duo,
Georgius Constantinopolitanus, & Macarius Antio-
chenus. Nam Alexandrinæ & Hierosolymitanæ Ec-
clesiarum solum Legati quidam adfuerunt. Summus
quoque Pontifex Agatho per Legatos suos interfuit,
& præsedit. In ea Synodo damnata est hæresis eo-
rum, qui unam tantum in Christo voluntatem esse
volebant. Vide de hac Synodo præter citatos aucto-
res, Albertum Pighium in Diatriba, & Franciscum
Turrianum in Apologia pro VI. & VII. Synodo.
C Albertus enim has duas Synodos sextam & septi-
mam, ut modò extant, adulterinas, & supposititias
esse concedit. Contra Turrianus veras & germanas
esse docet. Quid nobis verius videatur in lib. 4. de
Pontifice cap. 11. jam explicavimus.

Septima Synodus apud Nicæam congregata est an-
no VIII. Constantini & Irenæ, ut scribunt Paulus
Diaconus lib. 23. rerum Romanarum, & Cedrenus
in compendio historiarum. Fuit autem is annus Chri-
sti 781. si Paulo Diacono credimus, vel 786. si cre-
dimus Cedreno. Onuphrius ponit annum Constan-
tini X. & Christi 789. Psellus annos duntaxat 60.
inter sextam & septimam Synodum esse voluit,
quod nullo modo cum veritate coheret. Ideo qui-
dam mendum esse putant Librariorum, ac Psel-
lum ipsum annos centum scripsisse. Convenerunt
D Episcopi, ut idem Psellus habet 350. è quibus
Patriarcha unus fuit Tharasius Constantinopolita-
nus, cæterorum Patriarcharum solum Legati adfue-
runt. Adrianus Papa per Legatos suos præsedit,
ac una cum reliqua Synodo eos damnavit, qui
sacras Christi & Sanctorum imagines omni hono-
re spoliabant. De hac Synodo vide, si placet,
quæ nos differimus, cum ageremus de Concilio
Francofordiensi, in disputatione de cultu imagi-
num.

E Octava Synodus est Concilium IV. Constantino-
politanum, quod celebratum est Adriano II. summo
Pontifice, & Basilio Augusto, anno tertio ejusdem
Basilii, ut in ipsa Synodo acta prima significant,
qui annus erat Domini 870. Convenerunt Episco-
pi 383. è quibus unus Patriarcha Photius, ac dein-
de Ignatius Constantinopolitanus, cæteri per Lega-
tos adfuerunt.

Est autem hoc loco animadvertendum, tres Sy-
nodos in causa Photii Constantinopoli celebratas.
Una tempore Nicolai I. Pontificis, & Michaelis Im-
peratoris celebrata est, in qua depositus fuit Ignatius,
& ordinatus Photius, cujus Synodi meminit
Zonaras in vita Michaelis, nec est dubium, hanc
fuisse Profanam Synodum, ut patet ex epistolis Ni-
colai I. & Adriani II.

Altera Synodus est ea, quam nos diximus octa-
vam, quæ existat, quamvis imperfecta, in tomis
Conciliorum, in qua deposito Photio, iterum restitu-
tus

tutus est Ignatius, atque hujus Synodi meminit Zonaras in vita Basilii Imperatoris.

Tertia est ea, quam tempore ejusdem Basilii celebravit per Legatos suos Joannes VIII. Adriani successor, in qua Synodo, defuncto jam Ignatio, iterum restitutus est Photius; & si vera sunt, quæ Græci dicunt in Concilio Florentino sess. 6. & quæ refert ex hac Synodo Franciscus Turrianus in lib. de actis VI. VII. & VIII. Synodi, rescissa planè acta præcedentis Synodi, sub Adriano; quin etiam statutum, ut tolleretur de Symbolo illa particula (Filioque) sed id nullam habet verisimilitudinem. Idecirco facile mihi persuadeo, aut esse omnia conficta, quæ dicuntur de Joanne VIII. ut S. Antoninus docet in Summa historiali part. 3. tit. 22. cap. 13. §. 10. aut certè verum quidem esse, Photium à Joanne VIII. per Legatos restitutum in sedem Constantinopolitana post mortem Ignatii; at cætera supposititia, & adulterina esse, & à Græcis conficta, ut ex Manuele Calleca Turrianus ostendit lib. citato.

Confirmor autem in hac sententia, tum quia Zonaras meminit quidem restitutionis Photii, non autem abrogationis Concilii VIII. nec ablationis illius particulæ (Filioque) ex Symbolo; tum etiam, quia Græci in Concilio Florentino sess. 6. non agnoscunt pro Synodo Oecumenica Concilium illud sub Joanne VIII. etsi illis multum prodesse potuisset, si legitimum & germanum Concilium fuisset. Atque hæcenus de Conciliis Orientalibus, nunc addemus breviter Occidentalia.

Nonum Concilium est Lateranense Primum, Episcoporum 900. & amplius, anno 1123. contra Saracenos, pro recuperanda terra sancta, tempore Callisti II. & Henrici V. Imperatoris. Platina, Onuphrius. Non exstat.

Decimum est Lateranense II. Episcoporum mille, anno 1139. contra Antipapas, & pro jure Cleri, tempore Innocentii II. & Lotharii Imperatoris. Platina, Onuphrius. Non exstat.

Undecimum est Lateranense III. Episcoporum fere 300. pro reformatione Ecclesiæ, & contra Waldenses, anno 1180. tempore Alexandri III. & Friderici I. Imperatoris. Platina, Onuphrius, item Gulielmus Tyrius, qui interfuit lib. 20. de bello sacro c. 26.

Duodecimum est Lateranense IV. Patrum 1283. ex quibus erant Episcopi 1573. anno 1215. contra varias hæreses, & pro terra sancta, tempore Innocentii III. & Friderici II. Matthæus Palmerius, Onuphrius, Platina.

Tertiumdecimum est Lugdunense Primum, anno 1245. contra Imperatorem Fridericum, & pro terra sancta, tempore Innocentii IV. & Friderici II. Matthæus Palm. Platina, Onuphrius. Exstant hujus Concilii aliqua decreta in Sexto decretalium.

Decimumquartum est Lugdunense II. Patrum fere mille, ex quibus Episcopi erant 500. anno 1274. contra errorem Græcorum, tempore Greg. X. & Rodulphi Imperatoris. Matthæus Palm. Platina, Onuphrius. Exstant ex hoc Concilio quædam in Sexto decretalium.

Decimumquintum est Viennense, Episcoporum 300. anno 1311. contra varias hæreses, tempore Clementis V. & Henrici VII. Imperatoris. Palmerius, Platina, Onuphrius. Exstant ex hoc Concilio decreta, quæ dicuntur Clementinæ.

Decimumsextum est Florentinum, (Omitto Pisenum, Constantiense, & Basileense de quibus postea) anno 1439. Patrum 141. qui subscripserunt, & multorum aliorum, qui ante subscriptionem discesserant; ut in fine Concilii annotatur, contra errores Græcorum, tempore Eugenii IV. & Alberti Imperatoris. Matth. Palmerius, Platina.

Centrov. Card. Bellar. Tom. II.

A Decimumseptimum est Lateranense V. Patrum 114. contra schismata, & pro variis negotiis, tempore Julii II. & Leonis X. & Maximiliani Imperatoris, coepit anno 1512. finem habuit 1517.

B Decimumoctavum est Tridentinum, anno 1545. inchoatum, anno 1563. finitum contra hæreses Lutheranorum, tempore Pauli III. Julii III. ac Pii IV. & Caroli V. ac Ferdinandi Imperatorum. Numerus Patrum his verbis describitur à Gaspare Villalpandro, disputatione quinta de Concilio Tridentino. *Adjunt, inquit, sex Cardinales, quatuor Legati, Patriarcha tres, Archiepiscopi triginta duo, Episcopi ducenti vigintiocto, Abbates quinque, Generales ordinum ministri septem, Episcoporum procuratores plurimi.*

C Ex his Conciliis nullum est, quod non sit à Pontifice probatum, & à Catholicis recipiatur; nam de primis octo Conciliis patet ex decreto dist. 16. can. Sancta octo. De novem sequentibus Synodis, ex eo patet esse probatas, quod in eis præfuerit summus Pontifex. De ultima patet ex confirmatione Pii IV. At Græci tantum recipiunt prima septem Concilia, ut notum est ex Concilio Florent. sess. 5. & 6. Lutherani autem tantum recipiunt prima sex, ut patet ex Magdeburgensibus Centur. 8. cap. 9. & Centur. 9. cap. 9. Eutychiani, qui adhuc inveniuntur in Asia, tantum recipiunt prima tria. Nestoriani, qui etiam in Oriente reliqui sunt, tantum recipiunt prima duo. Trinitarii, qui in Hungaria & Polonia nunc versantur, nullum recipiunt.

C A P U T VI

Concilia generalia reprobata.

P Rimum generale reprobatum, est Concilium Antiochenum anno 345. in anno quinto Constantii, ut dicitur à Socrate lib. 2. cap. 5. & Sozomeno lib. 3. cap. 5. in quo damnatus est Athanasius, & via patefacta ad eversionem Concilii Nicæni Primi.

D Notandum est autem, à summa Conciliorum, & ab aliis confundi hoc Concilium cum aliis quibusdam. Sex enim fuerunt Concilia Antiochena. Primum & secundum contra Paulum Samosatenum, tempore Dionysii Papæ, circa annum 269. Vide Eusebium lib. 7. hist. cap. 23. 24. 25. & 26. Tertium Ariatorum, tempore Julii I. anno 345. ut supra diximus. Quartum est Macedonianorum pro sua hæresi anno 367. tempore Liberii Papæ. Hieronymus in Chronico. Quintum est Catholicum provinciale Episcoporum 30. cujus canones 25. habentur in tom. 1. Conciliorum. Videntur fuisse tempore Joviani, & Liberii. Vide Sozomenum lib. 6. cap. 4. Sextum est insertum act. 14. Concilii Chalcedonenfis.

I Secundum generale est Mediolanense Episcoporum plusquam 300. anno 354. tempore ejusdem Constantii, in quo etiam oblique fides Catholica damnata est. Rufinus lib. 10. cap. 20. Socrates lib. 2. cap. 29.

Tertium generale est Ariminense Episcoporum 600. sub eodem Constantio anno 363. ut vocat Hieronymus in Chronico, in quo sublatum est de Symbolo nomen *divinitus*: hujus Concilii fuit quasi pars quædam Seleuciense in Oriente. Vide Augustinum lib. 3. contra Maximinum cap. 14. Hieronymum contra Luciferianos. Ambrosium epist. 32. Rufinum lib. 10. cap. 21. Socratem lib. 2. cap. 29. Basilium epistol. 52. ad Athanasium.

Quartum est Ephesinum II. tempore Theodosii junioris anno 449. in quo, factione Dioscori, occi-

6 De Conciliis & Ecclesia. Lib. I. Cap. VII.

sus est S. Flavianus Episcopus Constantinopolitanus; & Legati Romani Pontificis Leonis fugati, ac demum hæresis Eutychiana confirmata. Reprobata est hæc Synodus à Leone in epistola ad Clerum & populum Constantinopolitanum; Item ad Theodosium; Item ad Pulcheriam, quæ sunt 22. 23. 24. 25. & Vide Breviarium Liberati cap. 12. & Evagrium lib. 1. cap. 9. & 10.

Quintum est Concilium Constantinopolitanum sub Leone Isauro contra sacras imagines anno 730. qui fuit tertiusdecimus imperii ejusdem. Concilium est reprobatum: Nam non interfuit ullus Patriarcharum, excepto S. Germano, qui tamen non consensit, & ideo à sua sede Constantinopolitana dejectus est.

Sextum est Concilium Constantinopolitanum sub Constantino Copronymo, & anno 755. Conveniunt autem Episcopi 338. sed nullus adfuit Patriarcharum, excepto Pseudoepiscopo Constantinopolitano. Definitum est in Concilio, abolendas esse Christi & Sanctorum imagines. Reprobatur hoc Concilium in VII. Synodo act. 6. Vide de his duobus Conciliis Constantinopolitanis Paulum Diaconum lib. 21. & 22. rerum Romanarum, & Zonaram in annalibus.

Illud etiam observabis, hanc Synodum falsò à nonnullis vocari tertiam Ephesinam, ut ab auctore summæ Conciliorum in principio VII. Synodi, & à Sixto Senensi lib. 5. bibliothecæ sanctæ annotat. 247. Nam omnes antiqui eam vocant Constantinopolitanam, & id ipsum clarissimè patet ex isto ipso Concilio, quod insertum legitur in VII. Synodo act. 6. Causa erroris videtur fuisse, quia isti profanæ Synodo præfedit Theodosius Episcopus Ephesus.

Septimum est Concilium Pisanum anno 1511. congregatum ab Imperatore & Rege Galliarum, & aliquot Cardinalibus contra Julium II. & reprobatur paulò post in Concilio Lateranensi sub Julio II. sess. 2. & 3.

Octavum numerari potest Concilium Wittembergense, quod Lutherani generale vocant 300. Pastorum præside Lutero anno 1536. Vide Cochleum in actis Lutheri, & Surium in commentario rerum in orbe gestarum anno 1536.

C A P U T VII.

Concilia partim confirmata, partim reprobata.

Primum generale partim confirmatum, partim reprobatur est Sardicense Concilium, Episcoporum 376. anno Domini 351. tempore Constantii & Julii I. ex quibus 300. Episcopi Occidentales fidem Catholicam confirmarunt, quam exponit Hilarius in lib. de Synodis, reliqui 76. Episcopi Orientales fidem Arianam scripserunt. Vide Socratem lib. 2. cap. 16. Sozomenum lib. 3. hist. cap. 10. & 11. & Theodoretum lib. 2. cap. 7. & 8.

Secundum est Concilium Syrmienense, quod celebratum est annis quinque post Sardicense, hoc est, anno Domini 356. Liberio summo Pontifice, & Constantio Imperatore. In hoc enim Concilio duæ formulæ fidei dissentientes inter se editæ sunt. Unam composuit Græcè Marcus Arethusius, qui postea sub Juliano illustre martyrium pertulit, quæ quidem ea esse videtur, quam Hilarius in lib. de Synodis propè extremum, ut Catholicam explicat. Alteram alii composuerunt Latine plenam aperta blasphemiam, quam Hilarius reprehendit in lib. de Synodis, non procul ab initio. In eodem etiam Concilio Photini

A hæresis damnata est, quam damnationem omnes Ecclesiæ probaverunt. Vide Socratem lib. 1. cap. 24. & seq. & Sozomenum lib. 4. cap. 5. & 6. vide etiam Epiphanium hæresi 71. qui tamen in eo lapsus videtur, quòd Sardicam pro Syrmio acceperit.

Tertium est Concilium Quinisextum, in quo continentur canones Trullani. Sciendum est enim ex Tharasio disputante in septima Synodo act. 4. sextam Synodum, quæ tempore Constantii IV. celebrata est, nullos canones edidisse, sed post annos aliquot tempore Justiniani Episcopos rediisse Constantinopolim, & in Palatio, quod dicitur Trullum 102. canones edidisse, qui dicuntur Trullani, & à Balsamone vocatur Concilium Quinisextum, quia non est hæc Synodus quinta nec sexta, sed canones addidit quintæ & sextæ Synodo.

B Quo tempore hæc Synodus habita sit, non est adeo certum. Nam Theophanes quidam historicus, quem citat Franciscus Turrianus in libro de VI. Synodo, docet celebratam hanc Synodum anno 27. à veræ sextæ Synodi dissolutione, nimirum anno secundo Imperii Justiniani instaurati. At Tharasius in VII. Synodo act. 4. & Epiphanius in eadem Synodo act. 6. tomo 1. dicunt post quinque annos à dissolutione Concilii hos canones editos: quod certè probabilius mihi videtur, nam alioqui non video, quæ fuerit illa erratica Synodus Constantinopoli à Justiniano habita, tempore Sergii Papæ, & quam idem Papa reprobavit, teste Beda libro de sex ætatibus, Paulo Diacono lib. 6. cap. 4. Othone Frisingensi lib. 5. cap. 13. Rheginone lib. 1. & Adone Vienneusi in Chronico: nam in anno 27. à dissolutione Concilii sexti, non sedebat Sergius, sed Constantinus Papa. Et certè Beda, & Tharasius antiquiores Theophane sunt. Quin etiam Beda ipso tempore vixit, quo Sergius Papa sedebat.

C Hos ergo canones dicimus partim reprobatos, quia non interfuit summus Pontifex, nec per se, nec per legatos, dum isti canones fierent. Et aperte Sergius Papa, qui tunc sedebat reprobavit erraticam istam Synodum, ut ait Beda in lib. de sex ætatibus in Justiniano. Partim autem approbatos, quia etsi canones illi ex se nullam vim habeant, tamen aliqui postea probati sunt à Pontifice, aut aliis legitimis Conciliis, qualis est can. 82. de pingendis imaginibus, receptus ab Adriano Papa, & VII. Synodo, ut patet ex ipsa septima Synodo act. 2. & 4. Vide quæ differimus adversus hanc Synodum Quinisextam lib. 2. de summo Pontifice cap. 18.

D Quartum est Concilium Francfordiense, quod celebratum est anno 794. juxta Rheginonem lib. 2. Adriano I. Pontifice, & Carolo Magno Rege Francorum. Quod Concilium ab Adriano confirmatum fuit, quantum ad eam partem, in qua definitur Christum non esse Filium Dei adoptivum, & ab eodem reprobatur, quantum ad alteram partem, in qua ex errore damnatur septima Synodus. Vide quæ nos diximus in 2. lib. de Conciliis cap. 9.

E Quintum est Concilium Constantiense Patrum fere mille, ex quibus Episcopi amplius 300. anno 1414. inchoatum sub Joanne XXIII. & anno 1418. finitum sub Martino V. & Sigismundo Imperatore. Plat. Palmerius dicit, quòd hoc Concilium quantum ad primas sessiones, ubi definit Concilium esse supra Papam, reprobatur in Concilio Florentino, & Lateranensi ultimo: quantum ad ultimas sessiones, & ea omnia quæ probavit Martinus V. ab omnibus Catholicis recipitur.

Sextum est Concilium Basileense inchoatum anno 1431. & continuatum Basileæ, ac deinde Laufanæ usque ad annum 1449. quo tempore cessit Nicolao V. Pontifici, tam Concilium, quam Papa Felix V. in schis-

in schismate ab ipso Concilio creatus. Vide acta Concilii, & Bullam annexam Nicolai V. Pontificis. Hujus Concilii nihil est ratum & probatum, nisi quaedam dispositiones circa beneficia Ecclesiastica, quae à Concilio factae fuerant, quas (pacis & unitatis gratia) Nicolaus praedictus approbavit. Concilium verò ipsum reprobatur in Concilio Lateranensi ultimo, sess. 11.

CAPUT VIII

De Concilio nec manifestè probato, nec manifestè reprobato.

Generale nec approbatum, nec reprobatum, videtur esse Concilium Pisanum, quod anno 1409. deposuit Gregorium XII. & Benedictum XIII. & elegit Alexandrum V. Siquidem S. Antoninus 3. partit. 22. cap. 5. §. 2. & 3. summæ historialis, asserit, conciliabulum illegitimum, non verum Ecclesiae Concilium fuisse, & eventus idem ostendisse videtur. Coactum enim Concilium fuit ad schisma tollendum, & tamen illud non sustulit, sed auxit. Si autem sine dubio fuisset reprobatum, etiam sine dubio Alexander VI. se non sextum, sed quintum appellasset. Adde, quod est ferme communis opinio, Alexandrum, & qui ei successit, Joannem fuisse veros Pontifices. At certè ex tribus, qui tum se pro Pontificibus gerebant, isti maximè ut veri Pontifices colebantur. Haec de generalibus.

De Conciliis particularibus vide tomos Conciliorum, & Gratiani decretum dist. 16. canon. sexta Synodus, & dist. 20. canon. de libellis. Item Chronicon Onuphrii, & secundum librum Chronographiae Genebrardi.

CAPUT IX.

De utilitate vel etiam necessitate celebrandorum Conciliorum.

His igitur praemissis, explicanda sunt ea, quibus legitima Concilia constant. Ea verò ad quatuor causas reduci possunt, ad finem, efficientem, materiam, & formam Conciliorum. Ac ut à fine, quae prima causarum est, incipiamus, Primum exponendae breviter erunt causae, ob quas Concilia celebrari solent; deinde ex iis judicandum erit, utrum Conciliorum congregatio sit necessaria, an solum utilis. Porro causae praecipuae, ob quas Concilia celebrantur, sex numerari solent.

Prima causa est haeresis nova, idest, numquam antea judicata, propter quam coacta sunt prima septem generalia Concilia. Semper enim Ecclesia tanti fecit periculum novarum haeresum, ut non putaverit aliter posse resisti, quam si omnes aut certè permulti Principes Ecclesiarum conjunctis viribus, & quasi agmine facto irruerent in hostes fidei.

Secunda est schisma inter Romanos Pontifices. Hac enim de causa celebratum est Concilium tempore Cornelii. Item aliud tempore Damasi, & rursum alia temporibus Symmachi, Innocentii II. & Alexandri III. & Pisanum, atque Constantiense temporibus Gregorii XII. & Benedicti XIII. nullum enim est potentius remedium, Concilio, ut sapissimè probatum est.

Tertia est, resistentia communi hosti totius Ecclesiae. Hoc modo coacta sunt Concilia ab Urbano II. Callixto II. Eugenio III. aliisque Pontificibus pro bello contra Saracenos. Item ad deponendum Impe-

Controv. Card. Bellarm. Tom. 11.

A ratorem celebrata sunt Concilia à Gregorio III. contra Leonem III. Iconomachum; à Gregorio VII. contra Henricum IV. ab Innocentio IV. contra Federicum II.

B Quarta causa est suspicio haereticis in Romano Pontifice, si fortè accideret, vel etiam tyrannis incorrigibilis; tunc enim deberet congregari generale Concilium, vel ad deponendum Pontificem, si inveniretur haereticus, vel certè ad admonendum, si in moribus videretur incorrigibilis: nam ut dicitur in VIII. Synodo, act. ultim. can. 21. debent generalia Concilia cognoscere controversias circa Romanum Pontificem exortas, non tamen audacter in eum sententiam ferre. Ob istam causam legimus celebratum Concilium Sinuesanum in causa S. Marcellini, & Romana Concilia in causa Damasi, Sixti III. & Symmachi, & Leonis III. & IV. quorum nullus à Concilio damnatus fuit, sed Marcellinus sibi ipse coram Concilio poenitentiam injunxit, reliqui se purgaverunt. Vide Platinam, & tomos Conciliorum.

Quinta causa est, dubitatio de electione Romani Pontificis. Si enim Cardinales non possent, aut non vellent Pontificem creare, aut certè omnes simul perirent; aut aliunde fieret verè dubium, ad quos pertineret ejusmodi electio, ad Concilium generale spectaret decernere de electione futuri Pontificis, quamquam non est verisimile id aliquando eventurum.

C Sexta est reformatio generalis abusuum & vitiorum, quae in Ecclesiam irrepunt; tamen enim solus Pontifex potest leges totae Ecclesiae praescribere, tamen longè suavius res agitur cum approbante Concilio generali summus Pontifex ejusmodi leges praescribit. Hinc videmus omnia ferè generalia Concilia canones edidisse de reformatione. Vide Joan. de Turcremata lib. 3. cap. 9. & 10.

CAPUT X.

Concilia generalia utilia esse, & suo quodam modo necessaria, non tamen absolutè, & simpliciter.

EX his causis, ob quas Concilia congregari diximus, facile erit judicare, sintne modo utilia, an etiam planè necessaria Concilia ad Ecclesiae conservationem. Et quidem de generalibus Conciliis ita statuo, ejusmodi Conciliorum convocationes utilissimas & suo quodam modo necessarias, non tamen absolutè, & simpliciter necessarias esse. Id quod mihi facilè persuadeo, Primum ex eo, quòd primis 300. annis caruit Ecclesia Conciliis generalibus nec tamen perit. Quemadmodum enim annis illis 300. Ecclesia sine Conciliis generalibus incolumis mansit, sic etiam potuisset sine dubio aliis 300. & rursum aliis 600. atque aliis mille permanere; nam non defuerunt illo etiam tempore multae haereses, multa schismata, multa vitia, atque abusus, quae tamen omnia Ecclesiam Catholicam, tamen Conciliorum generalium praedidio destitutam, opprimere non potuerunt.

Denique accedit etiam illud, quòd nulla ex enumeratis causis generale Concilium absolutè necessarium esse convincit. Nam primum emendatio vitiorum & abusuum, (ut à postrema causa incipiamus) fieri potest satis commodè, tum per leges summi Pontificis, tum per Conciliorum provincialium decreta, licet suavius id fiat, ut diximus, per Concilia generalia.

Illam autem causam de electione summi Pontificis fieri non potest, si moraliter, non Metaphysicè loquimur,

mur, ut unquam usu veniat. Quis enim credat futurum aliquando, ut Cardinales, aut non velint, aut non possint creare Pontificem? Quod si etiam id accideret, vix dubium esse posset, ad quos pertineret electio. Nam cum Romanus Episcopatus evectus sit ad summum Ecclesiae Pontificatum, eorum sine dubio est, summum Pontificem eligere, quorum est Romanum Episcopum eligere. Quorum autem sit Romanum Episcopum eligere, non magis dubium esse posset remotis Pontificum constitutionibus, quam ad quos pertineat aliarum civitatum Episcopos eligere. Sed de hac re alibi dicendum erit.

Illud constat, propter ejusmodi causam nullum haecenus Concilium generale convocatum esse. Quod idem de quarta causa dici potest. Nam propter suspiciones de doctrina, & vita Pontificum, nunquam convenerunt, nisi provincialia, aut nationalia concilia. Nec sanè videtur majori Concilio opus esse; nam dum est verè Pontifex, non potest ab ullo Concilio judicari, nisi fortè tribuat ipse Concilio potestatem examinandi causam suam, & sententiam discretivam, non tamen coactivam ferendi. Hanc autem potestatem aequè potest Papa tribuere Concilio particulari, atque universali.

Jam verò tertia causa duplici nomine non exigit necessariò generale Concilium; primum, quia non est absolutè necessarium, ut communi hosti, qualis est Turca, resistatur. Si enim Ecclesia conservari potuit sub immanissimis persecutionibus Neronis, Domitiani, Decii, Diocletiani, cur non posset etiam sub persecutione Turcarum? Deinde quis non videt etiam sine generali Concilio posse bellum indici communi hosti, quemadmodum saepe factum est?

Denique nec primam, aut secundam causam necessariò postulare Concilii generalis convocationem, testantur praeterita tempora. Nam si ad extinguendas septem haereses celebrata sunt septem Concilia generalia, plusquam centum haereses extinctae sunt a sola Apostolica sede, cooperantibus Conciliis particularibus & si unum schisma sublatum est per generale Concilium Constantiense, schismata supra quinque & viginti sine Concilio generali sublata sunt.

At S. Augustinus lib. 4. contra duas Epistolas Pelagianorum, cap. 12. affirmat, paucas quasdam haereses fuisse, ad quas superandas necessarium fuerit Concilium plenarium Occidentis, & Orientis. Sanctus quoque Leo in epist. 43. ad Martianum, laudat Martianum Augustum, quod Synodum generalem à se postulatam etiam ipse necessariam judicaverit.

S. Isidorus in praefatione Conciliorum scribit, ante Constantini tempora, Christianam Ecclesiam in varias haereses divisam fuisse, quod propter Imperatorum persecutiones non liceret Episcopis Concilia celebrare: ubi sine dubio de generalibus Conciliis loquitur. Constat enim ante tempora Constantini, multa Concilia particularia celebrata fuisse. Quare velle videtur Isidorus, Concilia generalia simpliciter esse necessaria ad haereses extirpandas.

Item S. Eugenius Episcopus Carthaginensis, ut Victor testis est, lib. secundo de persecutione Wandala, cum urgeretur à Rege Hunerico, ut de fide cum Arianis Episcopis conferret, respondit, causam fidei communem esse toti Catholicae Ecclesiae, proinde convocandos esse Episcopos ex omnibus Ecclesiae partibus, ac praecipuè significandam rem totam esse Ecclesiae Romanae, quae caput est omnium Ecclesiarum. Qua responsione significavit Eugenius, ad explicandas quaestiones fidei Concilium generale omnino necessarium esse.

Denique, antiqua illa quaestio, essentne rebaptizandi ab haeticis baptizati? numquam finiri potuit, donec accessit sententia Concilii generalis, ex-

A iamsi multae praecessissent Conciliorum particularium, & sedis Apostolicae definitiones. Videtur igitur ad controversias fidei terminandas simpliciter necessaria Synodus generalis. De qua re sic loquitur S. Augustinus lib. 1. de Baptis. contra Donatistas, cap. 7. *Quaestiois, inquit, hujus obscuritas prioribus Ecclesiae temporibus ante schisma Donati magnos viros, & magna charitate praeitos Patres, Episcopos ita inter se compulit, salva pace, disceptare, & fluctuare, ut diu Conciliorum in suis quibusque regionibus diversa statuta mutaverint, donec plenario totius orbis Concilio, quod saluberrimè sentiebatur, etiam remotis dubitationibus firmaretur. Et cap. 18. Hoc, inquit, de Baptismo pie credamus quod universa Ecclesia à sacrilegio schismatis remota custodit. In qua tamen, si aliud alii, & aliud alii, adhuc de ista quaestione, salva pace, sentirent, donec universali Concilio unum aliquid eliquatum sincerumque placuisset, humana infirmitatis errorem excusaret charitas unitatis. Et lib. 2. cap. 4. Necnos, inquit, tale aliquid audeamus asserere, nisi universa Ecclesia concordissima auctoritate firmati, cui & ipse sine dubio cederet, si jam illo tempore quaestiois hujus veritas eliquata, & declarata per plenarium Concilium solidaretur. Hæc Augustinus.*

Sed ad primum testimonium Augustini, non est difficile respondere; nec enim docet Augustinus, Concilia generalia ullo unquam tempore fuisse simpliciter necessaria, sed solum necessaria quodammodo, hoc est, ut suavius, & maturius pax Ecclesiis redderetur. Si quidem Augustinus quo in loco scripsit, ad haeresim quandam, hoc est, Arianam comprimendam, necessarium fuisse Concilium generale, in eodem scripsit, haeresim Pelagianam, aliasque plurimas sine Concilio generali comprimi potuisse. Si autem quæras, quare magis eguerit generali Concilio causa Arianorum, quam Pelagianorum, non respondebit Augustinus, quia obscurior fuerit quaestio ab Arianis in Ecclesiam introducta, quam à Pelagianis; id enim non videtur esse verum, cum multò plura & clariora sint in Scripturis testimonia pro divinitate Christi adversus Arianos, quam pro peccato originali adversus Pelagianos: sed quia Pelagianorum haeresis, Deo sic volente ac disponente, brevi damnata fuit ab universa Ecclesia, cum summa pace & consensione id ipsum decreverint Apostolica sedes Romae, Concilia Orientalium in Palaestina, & occidentalium in Africa. Haeresis autem Ariana multos Episcopos patronos ab ipso suo exordio habere coepit, qui non videbantur facile quieturi, nisi summa totius Ecclesiae Auctoritate obruerentur. Itaque ad haeresim Pelagianam extinguendam non fuit necessarium generale Concilium, necessarium autem fuit ad extinguendam haeresim Arianam; quoniam illa commodè, & facile ab Apostolica sede, cooperantibus Conciliis provincialibus variorum locorum, compressa est; hæc autem etsi tandem ab eadem Apostolica Sede, & provincialibus Conciliis comprimi potuisset, non tamen aequè commodè ac facile.

Idem ad testimonium S. Leonis responderi potest. Judicavit enim S. Leo, necessarium Concilium generale Chalcedonense, ut ejus auctoritate destrui posset id, quod perperam egerat Concilium generale Ephesinum secundum. At hanc non fuisse absolutam necessitatem, sed aliqualem duntaxat, perspicuum est ex Concilii Ariminensis irritatione. Fuit enim Ariminense Concilium generale, & frequentissimum, ac longè celebrius Ephesino secundo, & tamen à Pontifice Damaso sine ullius generalis Concilii praesidio irritatum fuit. De qua re vide epistolam Damasi ad Episcopos Illyrici, & epist. 52. Basilii ad Athanasium.

Eodem modo exponere cogimur testimonium I-

dori; nam quod ipse ait, ante Constantini imperium Ecclesiam divitam fuisse in varias hæreses, quia non dabatur Episcopis facultas congregandorum Conciliorum, & eo modo plebium docendarum: si absolute intelligatur, apertissime falsum est. Nam & ante tempora Constantini plurimæ hæreses sunt à Conciliis Episcoporum penitus sublatae, & extinctæ, & post tempora Constantini, non defuerunt hæreses novæ, quæ Ecclesiam longissimo tempore vexaverunt. Certè Nestorianæ, & Eutychanæ hæreses numquam penitus eradicari potuerunt, & tamen post Constantini tempora exortæ sunt, & in iis extirpandis Concilia generalia sæpius laborarunt. Id igitur solum Isidorus significare voluit, tempore Constantini Concilia generalia celebrari cœpisse, atque eam rem ad comprimendas hæreses utilissimam extitisse.

Jam verò quid S. Eugenius sibi voluerit, explicat ibidem Victor Uticensis. Scribit enim Eugenium mentionem fecisse Concilii generalis, & transmarinarum Ecclesiarum, cum vocaretur ad conferendum de fide cum Arianis, non quòd non essent in Africa viri doctissimi, qui tuto possent committi cum Episcopis Arianis, sed quòd existimabat transmarinos doctores, si in Africam venissent, libentius acturos causam fidei, cum non essent subiecti Regi Wandalarum, cui Africani Episcopi subiecti erant. Nec tamen mentitus est Eugenius, cum ait, causam fidei esse communem, & se non posse sine transmarinis Episcopis causam illam suscipere, nam etsi absolute licebat ei conferre cum Arianis de fide, ut sæpe aliàs in eadem regione contulerant Catholici cum Donatistis, tamen non expediebat eo tempore, & proinde nec licebat sine manifesto periculo. Itaque verè non poterat Eugenius sine transmarinis collegis provinciam illam suscipere, non quia deerat auctoritas, sed quia deerat opportunitas; nec iniquitas, sed prudentia fuit, Tyranni illius petitionem sententiæ ambiguitate eludere.

Restat Ultima illa objectio, de Baptismo hæreticorum, quæ solvitur duobus modis. Primum enim fortasse non est verum, quod Augustinus putabat, quæstionem illam non potuisse finiri ante Concilii generalis sententiam. Nam Concilium generale primum fuit Nicænum tempore Constantini celebratum. Scribit autem S. Hieronymus in Dialogo contra Luciferianos, illos ipsos Episcopos, qui cum Cypriano decreverant hæreticos esse rebaptizandos, postea contrarium protulisse decretum. Ex quo colligitur, eos Episcopos tandem sententiæ Stephani Romani Pontificis acquiescisse, qui tamen omnes mortui sunt ante tempora Nicæni Concilii.

Idem quoque Hieronymus in libro de scriptoribus Ecclesiasticis, scribit Dionysium Alexandrinum in sententiam Cypriani de rebaptizatione concessisse; quod etiam indicat Eusebius lib. 7. hist. cap. 4. & tamen constat eundem Dionysium paulò post mutasse sententiam; nec fuisse aulum rebaptizare quendam hominem, quem certò constabat ab hæreticis baptizatum, ut idem refert Eusebius lib. 7. hist. cap. 8. Quid, quod ipse etiam Augustinus in epistola 48. ad Vincentium suspicatur Cyprianum retractasse sententiam suam? Itaque probabile est, etiam ante Nicænum Concilium, auctoritate sedis Apostolicæ, quæstionem illam apud omnes Catholicos fuisse finitam. Sed etiamsi quæstio finita non fuisset usque ad Concilii plenarii determinationem, ut Augustinus dicit, non tamen inde colligere oporteret, non potuisse finiri; nam licet Apostolicæ sedi cooperantibus provincialibus Conciliis controversiam illam finiendi auctoritas non deesset, maluerunt tamen sancti illi Pontifices differre in tempus aliud magis opportunum

A' absolutam determinationem ejus quæstionis, quàm tot magnos viros ab Ecclesia separare. Quia verò temporis opportunitas non antè se obtulit, quàm cum Nicænum Concilium celebraretur, idcirco Augustinus toties repetit, in Concilio plenario orbis terræ, quæstionem illam tandem esse finitam.

At, inquires, Stephanus Papa, congregato Concilio quodam particulari, iussit non rebaptizari, & excommunicandos censuit eos, qui rebaptizarent, ut scribit Dionysius Alexandrinus, Eusebio teste lib. 7. hist. cap. 4. & Augustinus lib. de unico Baptismo, cap. 14. Igitur quæstionem Papa cum particulari suo Concilio finire voluit, nec potuit. Proinde necessaria videntur omnino Concilia generalia.

B Respondeo, ut lib. 4. de Pontifice, cap. 7. jam antè respondi, Stephanum quidem iussisse, ne ii rebaptizarentur, qui essent ab hæreticis baptizati, ac censuisse etiam rebaptizatores esse excommunicandos, non tamen re ipsa illos excommunicasse, id quod manifestè colligitur ex multis antiquis auctoribus. Nam ipse in primis Cyprianus in epistola ad Pompejum non ait, Stephanum excommunicasse, sed excommunicandos putasse, qui contra facerent: *Sacerdotes, inquit, Dei veritatem, Christi, & Ecclesia unitatem tuentes abstinentes putat.* Et in epistola ad Jubajanum dicit, se cum collegis suis contrarium sentientibus pacem habere: quod certè non diceret, si aut ab illis ipse excommunicatus fuisset, aut ipse eos excommunicasset: *Nos, inquit, quantum in nobis est, propter hæreticos, cum collegis, & Coepiscopis nostris non contendimus, cum quibus divinam concordiam, & dominicam pacem tenemus.*

C Hieronymus in Dialogo contra Luciferianos de Cypriano sic loquitur: *In communione eorum permansit, qui sententia sua contraxerant.* Augustinus lib. 1. de Baptismo, cap. 7. dicit magnos viros, & Ecclesiæ Patres atque Episcopos, hoc est, Stephanum, & Cyprianum, salva pace, & charitate discessisse. Pacianus epist. 2. ad Sympronianum: *Cyprianus, inquit, in concordia omnium, in pace communis, in confessorum grege passus est.* Vincentius Lyrinensis in suo libello: *O rerum, inquit, mira conversio, auctores ejusdem opinionis, Catholici, consecratores verò, hæretici judicantur. Absolvuntur magistri, condemnantur discipuli, conscriptores librorum sui regni erunt, assertores verò gehennæ suscipiet.* Nam quis illud Sanctorum omnium, & Episcoporum, & Martyrum hunc beatissimum Cyprianum, cum ceteris collegis suis in æternum dubitet regnaturum esse cum Christo? aut quis contra tam sacrilegus, qui Donatistas & ceteras pestes, quæ illius auctoritate Concilii rebaptizare se jactitant, in sempiternum neget arduos esse cum Diabolo?

C A P U T XI.

E Concilia Episcoporum aliqua simpliciter esse necessaria.

Q Uamvis autem generalia Concilia, non sint absolute necessaria, tamen Concilia aliqua, sive generalia, sive particularia sint, omnino necessaria esse ad bonam Ecclesiæ gubernationem, vix in quæstionem revocari posse dubito: Nam si necesse est, ut veniant scandala, ut ait Dominus, Matth. 18. & oportet hæreses esse, ut Apostolus ait, 1. Cor. 11. certè necesse est etiam, ut in Ecclesia sit certum aliquod iudicium, quo & scandala tolli, & hæreses damari possint, alioqui brevi tempore Ecclesia universa in partes scinderetur & periret, Nam *omne regnum in seipsum divisum desolabitur*, Matth. 12.

Etsi verò summus Pontifex iudex est, vice Christi,

si, omnium controversiarum, eique obtemperare debet fraternitas universa, ut Cyprianus loquitur lib. 1. epist. 3. & nos in libris de Pontifice multis argumentorum generibus demonstravimus; tamen non debet Pontifex in controversiis fidei dijudicandis, aut solo suo iudicio fidere, aut expectare divinam revelationem, sed adhibere diligentiam, quantam res tanta postulat, & ordinaria media; & tum demum expectare assistentiam Spiritus sancti, & directionem divinam.

Porro medium ordinarium, ac proinde necessarium esse Concilium, magnum, aut parvum, unum vel plura, prout ipse judicaverit, facile probari potest.

Primum ex divina illa promissione, Matth. 18. *Ubi fuerint duo, vel tres congregati in nomine meo, illic sum in medio eorum.* Hunc enim locum de Concilio intelligit Synodus Chalcedonensis in epist. ad Leonem, & alia Synodi, quas in sequenti libro adferemus.

Secundò, ex facto Apostolorum, qui cum possent etiam seorsim singuli definire controversias, tamen ne viderentur negligere medium ordinarium, & à Christo ipso demonstratum, non sine Concilio controversiam de legalibus Antiochiæ exortam definire voluerunt, Act. 15.

Tertiò, ex consuetudine totius Ecclesiæ, atque omnium seculorum. Semper enim fuit in Ecclesia ista consuetudo, ut ad res dubias explicandas Concilia Episcoporum haberentur. Et ipsi etiam Romani Pontifices nullam unquam hæresim novam sine novo Concilio damnaverunt, ut cognoscere poterit, qui vel tomos Conciliorum, vel historias Ecclesiasticas evolvere voluerit. Quod autem semper, & ab omnibus factum est, quis negare audebit, ordinarium dici posse, & revera esse?

Sed accedat confirmatio ex Patribus. Cyprianus lib. 2. epist. 1. ad Stephanum: *Necesse, inquit, habuimus convenientibus in unum pluribus sacerdotibus cogere, & celebrare Concilium.* Gelasius in tom. de vinc. anathem. Si precessit, inquit, consensus Pontificis, docetur à quibus, & ubi ille sit gestus, si secundum Ecclesiæ regulam celebratus, si paterna traditione profectus, si majorum more prolatus, si competenti examinatione depromptus, ubi proculdubio requirendum est, si synodali congregatione celebratus, quod in receptione damnati, & depulsione Catholici, quia nova est causa, fieri certissimum est.

Denique, Concilium Toletanum XI. in ipsa præfatione multis verbis demonstrat Conciliorum in Ecclesia necessitatem. Sed illa summa est, si Concilia desint, necesse esse, ut omnia vitiis, & erroribus continuo repleantur. Itaque etsi posset Deus per absolutam potentiam suam Ecclesiam sine Conciliis conservare: tamen secundum ordinariam providentiam ejus, necessaria Concilia sunt ad bonam Ecclesiæ gubernationem.

C A P U T XII.

Cujus sit congregare Concilia.

EXposuimus de fine, nunc de causa efficiente explicemus, oportet. Igitur convenit inter nos, & adversarios Concilia Diocesana ab Episcopo; Provincialia ab Archiepiscopo; Nationalia à Patriarcha, vel primatibus convocari debere. Id enim cum Augustino epist. 217. ad Victorinum, Catholici omnes verum esse fatentur. Idem fatetur Calvinus lib. 4. Instit. cap. 7. §. 8. & Illyricus Cent. 4. cap. 7. col. 534.

At de Concilio generali maxima controversia est, si quidem Catholici, munus convocandi Concilia

A generalia ad Romanum Pontificem propriè pertinere volunt, sic tamen, ut possit etiam alius, Pontifice consentiente, Concilium indicare, quoniam etiam satis sit, si indictionem factam, ipse postea ratam habeat, & confirmet. At si nec ipse indicat Concilium, nec aliquis alius de ejus mandato, vel consensu, nec ipse saltem approbet indictionem, illud non Concilium, sed conciliabulum fore.

Hæretici autem hujus temporis eam auctoritatem Imperatori attribuunt. Ita disertè Lutherus lib. de Conciliis pag. 58. ubi etiam dicit, ideo vocari Concilia universalis, quia ab universali omnium domino Imperatore cogebantur. Carolus Molinæus in consilio de Concilio Tridentino non recipiendo §. 6. inde probat non esse recipiendum Tridentinum Concilium, quia non ab Imperatore, sed à Pontifice indictum fuit. Item libellus Protestantium, quo rationem reddunt, cur ad Concilium Tridentinum non venerint. Idem docent Calvinus & Magdeburgenses loco notato: necnon Brentius in Prolegomenis contra Petrum à Soto, & ante hos omnes Nilus in lib. de primatu Papæ.

C Esse autem revera Pontificis, non Imperatoris congregare Synodum generalem, primò demonstrari potest ex divinis literis, nam Concilium Ecclesiæ non est legitimum: nisi congregetur in nomine Christi, ut dicitur Matth. 18. & Calvinus admittit lib. 4. Instit. cap. 9. §. 1. & 2. congregari autem in nomine Christi, nihil videtur esse aliud, quàm congregari auctoritate Christi, hoc est, ab eo, qui à Christo habeat congregandi auctoritatem. Nam quod Calvinus dicit, congregari in nomine Christi, esse ita congregari, ut solus Christus præsideat, & nullum collegam habeat, sed omnes subiectos, nec est secundum Scripturas, nec est nota sufficiens ad discernenda legitima Concilia: non est inquam, secundum Scripturas, nam in Scripturis, illud, *In nomine*, ubique ferè accipitur pro eo, quod est ex auctoritate, ut Marci ult. *In nomine meo demonia ejiciunt.* Joan. 5. *Ego veni in nomine Patris mei.* Matth. 7. *Nonne in nomine tuo prophetavimus?* Actor. 4. *In qua virtute, aut in quo nomine hoc fecistis?* Nec ullus fortasse occurreret locus, ubi aliquid facere in nomine Christi significet Christum habere præsidem sine collega. Sed quidquid de hoc sit, illud est certum, non posse hac nota discerni legitima Concilia, nam verum quidem est in legitimo Concilio oportere Christum ita præsidere, ut nullus sit ei collega, sed omnes subiecti; At quis judicabit? Quis discernet, an Christus ita præsideat cum cogitur Concilium, an non? Nec enim Christus visibili forma in Conciliis præsidet.

Respondet Calvinus, facile id posse discerni, tunc enim Christum sine collega præsidere, cum totum confessum verbo, & spiritu suo moderatur; hoc est, cum nihil de suo capite, sed omnia secundum Scripturæ regulam Episcopi definiunt.

E At hoc ipsum est ambiguum, & obscurum, nam & adversarii in suis Conciliis, & Catholici in suis affirmant, se nihil ex proprio capite comminisci, sed omnia ex divinis literis depromere. Quis igitur judicabit, utri verum Concilium faciant? Quare si congregari in nomine Christi, est Christum præsidem habere, ut Calvinus exponit, fieri non potest, ut legitima Concilia à non legitimis ulla ratione discernamus. Maneat igitur quod diximus, congregari in nomine Christi, nihil aliud esse, quàm ab eo congregari, qui habet à Christo auctoritatem congregandi.

Porro, Christus cum in cælum ascendit, ac visibilem suam præsentiam Ecclesiæ abstulit, non commisit Ecclesiam gubernandam, ac proinde etiam congregandam Tyberio, qui tunc imperabat, sed Petro Apostolo, cui dixit: *Pasce oves meas.* Igitur qui congregat-

congregantur ab eo, qui Petro succedit, in nomine Christi congregantur, non autem ii, qui ab eo congregantur, qui succedit Tyberio. Adhuc, Petrus & qui Petro legitime succedit, Pastor est omnium Christi ovium, proinde etiam Regum, Imperatorum, Sacerdotum, omnes enim comprehendit, qui nihil excepit, cum ait: Simon Joannis, pascere oves meas. Unde S. Leo serm. 3. anniversario suae assumptionis: *De toto, inquit, mundo unus Petrus eligitur, qui & universarum gentium vocatorem, & omnibus Apostolis, cunctis Ecclesiae Patribus praepatur, ut quavis in populo Dei multi Sacerdotes sint, multique Pastores, omnes tamen proprie regat Petrus, quos principaliter regit & Christus.* At quis non videt ovi ne conveniat congregare Pastores, an Pastori congregare oves? Igitur cum Pontifex pastor sit, Imperator ovis, non ad Imperatorem, sed ad Pontificem spectabit munus Concilia Episcopalia convocandi.

Secundò, Concilium generale ab eo indici debet ex auctoritate, qui potest omnes cogere, at nullus unquam Imperator totam Ecclesiam subiectam habuit, etiam quoad actiones civiles, ut eam habet Pontifex quoad actiones spirituales: nam Imperatores latissime dominabantur tempore B. Leonis, & B. Prosperi, & tamen tunc major erat orbis Christianus subiectus Papae, quam orbis Romanus subiectus Imperatori. Sic enim loquitur S. Leo serm. 1. de SS. Petro & Paulo *Per sacram B. Petri sedem caput orbis effecta (Roma) latius praesides religione divina, quam dominatione terrena.* Et Prosper libro de ingratia ita canit.

*Sedes Roma Petri, quae pastoralis honoris,
Facta caput mundo, quidquid non possidet armis,
Religione tenet.*

Nunc autem Imperator, vix unius provinciae Episcopos ad Concilium cogere posset, nec enim Itali, Hispani, Galli Imperatori subijciuntur, sed habent suos proprios Reges, vel Principes temporales. Quid si nullus esset Imperator, immò etiam nullus Princeps Christianus, num ideo Concilia fieri non possent?

Tertiò, Concilia provincialia indicuntur à Metropolitanò, & nationalia à Primatè vel Patriarcha, ut suprà ostendimus, etiam testimonio adversariorum, igitur Concilia generalia non ab Imperatore, sed à summo Pontifice indicenda sunt. Nam si Imperator indicare deberet generalia Concilia, deberet Rex, aut Dux, aut Magistratus civilis indicare Concilia provincialia, vel nationalia. Ut enim se habet Imperator orbis terrarum ad Concilium generale, ita se habet Rex aut Dux unius provinciae ad Concilium illius provinciae, vel nationis: quemadmodum igitur fatentur Concilia provincialia non convocari à Principe illius provinciae politico, sed ab Ecclesiastico, cur non eadem ratione fatentur, Concilia generalia non debere cogi à principe totius orbis terrarum politico, sed ab Ecclesiastico? Esse autem Papam Romanum totius orbis Christiani Ecclesiasticum Principem, paulò antè ex magno Leone audivimus, & nos in libris de Pontifice sussumè demonstravimus.

Adde, quòd etiam si non esset Romanus Pontifex, verus Princeps, & Monarcha Ecclesiasticus, ut nos docemus, sed esset solum primae sedis Episcopus, seu primus inter primarios Patriarchas, ut Nilus existimat; adhuc ad eum pertineret jus indicendi Concilia generalia. Primates enim non imperant propriè aliis Episcopis, & tamen quia primum locum inter Episcopos nationis suae tenent, jure suo Concilia nationalia indicare possunt. Nam ideo Metropolitanus indicit Synodum provincialem, quia toti provinciae praest, at summus Pontifex toti orbi praest, ut patet ex Leone serm. 3. de anniversario

die assumptionis suae ad Pontificatum, & epist. 84. ad Anastasium in fine.

Quartò probatur, ex illo antiquissimo canone, quo statuitur prater sententiam Romani Pontificis non posse Concilia celebrari: hunc enim canonem Apostolicum esse scribit B. Marcellus Papa in epistola ad Episcopos Antiochenae provinciae. Eundem renovavit Concilium Nicaenum I. ut testatur Synodus Alexandrina in epistola ad Felicem, & Julius I. in epist. ad Episcopos Orientales, cujus meminerunt Socrates lib. 2. cap. 13. Sozomenus lib. 3. cap. 9. & Nicephorus lib. 9. cap. 5. Si ergo sine Romani Pontificis consensu non licet Concilia celebrare, sequitur ejus potissimum esse illa convocare.

Calvinus respondet loco notato, ex illo canone id solum effici, debuisse vocari ad Synodum etiam Romanum Pontificem, quia erat unus ex praecipuis Patriarchis. At si ita esset, tunc etiam potuisset fieri canon, ne prater consensum Episcopi Alexandrini, vel Antiocheni cogeretur Concilium; nam isti etiam erant praecipui Patriarchae, & Romano Pontifici aequales, vel majores secundum Calvinum.

Magdeburgenses Centur. 4. cap. 7. col. 533. aliam excogitarunt solutionem. Dicunt enim verba Socratis non significare, prater Romani Pontificis sententiam non debere celebrari Concilia, sed non debere Ecclesias dedicari. Sic enim in Graeco habetur, *μη δὲ παρὰ γνώμην τοῦ ἐπισκόπου ῥώμης κατατίθενται τὰς ἐκκλησίας.* At falluntur Magdeburgenses, nam *κατατίθενται τὰς ἐκκλησίας*, non potest significare, dedicare templa, sed canonicum cœtum convocare, sive Concilium indicare, quomodo loquuntur Marcellus, & Julius Pontifices, qui Latine videntur scripsisse, & quomodo in Socrate, & Sozomeno Latine vertit Cassiodorus in historia Tripartita lib. 4. cap. 9. & 19. quomodo etiam intellexit Nicephorus lib. 9. cap. 5.

Sed clarissimè res tota ex epistola Julii, quam Socrates adducit, demonstrari potest: siquidem in ea epistola Julius reprehendit Orientales, quòd sine suo consensu Concilium Antiochia celebrassent. Rationem autem reddere volens, cur merito eos reprehenderet, istum canonem in medium adducit. Vel igitur canon de Concilii celebratione intelligi debet, vel stultum sanè fuisse Julium necesse est: utrum autem horum sit verius, quis non videt? Adde, quòd nullus veterum meminit ejusmodi canonis, quo prohibentur Ecclesiae dedicari prater sententiam Romani Pontificis, immò nec fuit unquam, nec est nunc usus in Ecclesia istius canonis.

Quintò probatur, ex Concilio Chalcedonensi act. 1. ubi Dioscorus Alexandrinus jubetur non sedere inter Episcopos, eò quòd Synodum facere ausus fuisset sine auctoritate Apostolicae sedis: *Quod, inquit, nunquam licuit, nunquam factum est.* Simile quid habemus in Concilio VII. generali, act. 6. ubi irritum judicatum est Concilium quoddam Constantinopolitanum, quia sine consensu Romani Pontificis coactum fuisset ab Imperatore.

Sextò probatur, ex Concilio Romano IV. sub Symmacho, in quo cum Rex Theodoricus diceret se Synodum convocasse, ut judicaretur causa Symmachi Papae: Responderunt Episcopi omnes, à Papa, non à Rege debuisse vocari Synodum, etiamsi Papa accusaretur. Rex verò ait, se ex voluntate, & consensu Pontificis Synodum convocasse, Episcopi verò non prius acquieverunt, quam Rex literas Pontificis proferret, & Pontifex ipse praesens testaretur ita esse.

Septimo probatur, testimonio antiquorum Pontificum. B. Leo epistola ad Turbium, quae est 93. c. 17. *Dedimus, inquit, literas ad fratres, & Coepiscopos nostros, eisque Concilium Synodi generalis indiximus.* Pelagius II.

12 De Conciliis & Ecclesia. Lib. I. Cap. XIII.

gius II. in epist. 1. ad Orientales: *Generalium Synodorum convocandi auctoritas Apostolica Sedi B. Petri singulari privilegio tradita est.* Sixtus III. qui & Pelagium, & Leonem precessit, in epistola ad Orientales: *Valentinianus, inquit, Augustus nostra auctoritate Synodum convocavit.* Adrianus II. in epistola ad Basilium Imperatorem quæ lecta est in VIII. Synodo, act. 1. *Volumus, inquit, per tua pietatis industriam Constantinopoli numerosum convocari Concilium.*

His accedat Valentinianus Imperator, qui cum ab Episcopis rogaretur, ut permetteret eis Concilium celebrare, respondit, ut refert Sozomenus lib. 6. cap. 7. *Mibi, qui sum in sorte plebis, fas non est talia curiosius perscrutari, sacerdotes, quibus ista cura sunt, quocunque valuerint loco conveniant.* Accedant ultimo multi alii Canones, qui habentur dist. 17. & plurimæ rationes, quas facit Joannes de Turrecremata lib. 3. cap. 6. & Concilium Lateranense ultimum sub Leone X. sess. 11. ubi asseritur, Romani Pontificis esse, generalia Concilia indicare: quod decretum factum est uno anno, antequam Lutherana hæresis nasceretur.

C A P U T XIII.

Solvuntur argumenta adversariorum.

Superest argumenta solvere, ex quibus etiam magis confirmabitur veritas. Argumenta Calvinii, & Magdeburgensium sumuntur ex indictionibus primorum generalium Conciliorum, quæ ab Imperatoribus, non à Pontificibus indicta fuere. De Nicæno I. ait Ruffinus lib. 10. hist. cap. 1. *Tum Constantinus apud urbem Nicænam Episcopale Concilium convocat.* Constantinopolitanum I. testatur Theodoretus lib. 5. hist. cap. 9. à Theodosio Seniore indictum fuisse. Ephesinum I. testatur Evagrius lib. 1. cap. 2. hist. nutu Theodosii junioris convenisse. Chalcedonense, testatur B. Leo epist. 43. & aliis nonnullis, à Martiano Imperatore imperatum. Sardicense quoque ab Imperatore Constantio indictum, testatur Theodoretus lib. 3. cap. 4.

Confirmatur hoc argumentum à Nilo testimonio S. Leonis I. Is enim in epist. 42. ad Theodosium Augustum supplicat Imperatori, ut jubeat intra Italiam provinciale convocari Concilium. Confirmant idem argumentum Magdeburgenses testimonio Liberii Papæ, qui apud Theodoretum lib. 2. cap. 16. concessit, in Imperatoris potestate esse convocare Concilia. Confirmat rursum Carolus Molinæus in consilio de non recipiendis decretis Concilii Tridentini, §. 6. testimonio S. Hieronymi lib. 2. Apologiæ contra Ruffinum, ubi loquens de Synodo quadam, sic Hieronymus ait: *Dic, quis Imperator hanc Synodum jussit convocari?* Addamus quartam confirmationem, ex eo, quod simul coeperunt esse Imperatores Christiani, & cogi generalia Concilia; si enim absque Imperatoribus celebrari possunt, cur primis trecentis annis nulla celebrata fuerunt?

Ad hæc respondeo primò, ista argumenta posse à nobis meritò contemni, nam adversarii nostri nolunt argumenta peti efficacia ex traditionibus, aut consuetudine Ecclesiæ, sed solum ex divinis literis, ista autem argumenta omnia petita sunt ex mera traditione, & praxi Ecclesiastica sine ullo Scripturæ testimonio. Secundò dico, posse nos opponere consuetudinem consuetudini; si enim quatuor aut quinque Concilia Imperatores indixerunt, plura quàm duodecim indixerunt Pontifices, ut adversarii etiam fatentur. Tertiò dico, nullum esse Concilium generale Catholicum à solo Imperatore indictum, id-

A est, sine consensu, & auctoritate Romani Pontificis; id quod breviter de illis quinque singillarim ostendo.

Ac primùm de Nicæno I. legimus in sexta Synodo, act. 18. Constantinum, & Sylvestrum magnam Synodum apud Nicæam congregasse. Damasus quoque in Pontificali scribit, cum Sylvestri consensu habitum esse in Nicæa Concilium. Et Ruffinus lib. 10. hist. cap. 1. dicit Constantinum ex sententia sacerdotum Concilium indixisse. Ex quibus non solum habemus quod volumus, sed etiam obiter colligimus falsum esse, quod ait Pighius lib. 6. cap. 1. de Ecclesiastica hierarchia, Conciliorum generalium convocationem esse inventum magni Constantini; non enim hoc ipse per se excogitavit, sed sacerdotum sententiam sequutus est.

B De Constantinopolitano I. Theodoretus refert, Theodosium non tam illud indixisse, quàm literas Pontificis Damasi, quibus Concilium indicebatur, ad Episcopos misisse. Sic enim scribunt Episcopi congregati in illo Concilio ad Damasum Pontificem apud Theodoretum lib. 5. hist. cap. 9. *Mandato, inquit, literarum superiore anno à vestra reverentia ad sanctissimum Imperatorem Theodosium missarum, ad iter duntaxat Constantinopolim usque faciendum nos praparavimus.*

Licet ergo Theodosius indixerat Concilium, tamen indixit ex mandato Apostolicarum literarum. **C** Quare in VI. Synodo act. 18. Patres dicunt, Theodosium & Damasum obtinuisse Macedonio per secundam Synodum, sicut paulò antè dixerat, Constantinum & Sylvestrum coegisse primam Synodum ut obfisterent Ario.

De Ephesino I. Prosper in Chronico indicat Synodum Ephesinam factam esse Cyrilli industria, & Cœlestini auctoritate. Constat etiam ex Evagrio lib. 1. cap. 4. & ex epistola Cœlestini ad Cyrillum, quæ habetur inter opera Cyrilli, & ex Photio in lib. de septem Synodis, Cyrillum profectum esse ad Concilium tanquam legatum Apostolicæ sedis, quod est argumentum certum eam Synodum non sine consensu Pontificis coactam esse.

D De Chalcedonensi patet ex epist. Martiani Imperatoris ad Leonem Papam, quæ habetur ante Concilium Chalcedonense: in qua Imperator indicturus Concilium, rogat Pontificem, ut ipse veniat, & Concilium faciat, vel si nolit venire, per literas significet, quid agi velit: & in fine concludit, se scripturum ad omnes Episcopos, ut ad certum locum conveniant: *Et qua Christianorum, inquit, religioni, atque Catholica fidei profuit, sicut sanctitas tua secundum Ecclesiasticas regulas definieris, sua dispositione declarent.* Extat etiam inter epistolas ad Chalcedonense Concilium pertinentes, quædam epist. Episcoporum secundæ Mesiæ ad Leonem Imperatorem, ubi sic ajunt: *In Chalcedonensium civitate multi sancti Episcopi conveniunt per iussione Leonis Romani Pontificis, qui verè caput est Episcoporum.*

E Denique Gelasius in epistola ad Episcopos Dardanæ, dicit, solam Apostolicam sedem, ut Synodus Chalcedonensis fieret, sua auctoritate decrevisse. Ubi Magdeburgensium lapsus notandus est, qui Centur. 5. cap. 7. col. 786. non intelligentes quid illud (sola) excluderet, putaverunt excludi Imperatorem, & ideo vociferantur Gelasium esse impudenter mentitum. Sed Gelasius per (sola) non excludi Imperatorem, sed alias sedes Episcopales. Non enim sedes Alexandrina, vel Antiochena, vel Hierosolymitana, aut etiam Constantinopolitana, sed sola Romana sedes eam Synodum fieri voluit, & re ipsa effecit, quanquam non sine ope pii Imperatoris Martiani.

De Sardicensi Concilio, quod à Julio Papa indictum fuerit, potest intelligi ex Socrate lib. 2. cap. 16. ubi dicit, Orientales Episcopos culpam absentiae suae à Sardicensi Concilio in Julium Episcopum Romanum contulisse, eò quod nimis angustum tempus praescriptum esset. Ex quo apparet, non ab Imperatore solo, sed etiam à Julio Pontifice, & ab eo potissimum Concilium indictum.

Haeremus ergo prima illa Concilia ab Imperatoribus indicta fuisse, sed ex Pontificum sententia, & consensu. Cur autem tunc non solus Pontifex indixerit, ut postea factum est, ratio non erat, quia sine auctoritate Imperatoris Concilium coactum, non esset futurum ratum apud Christianos, ut somniant adversarii, cum aperte dicat Athanasius in epistola ad solitariam vitam agentes: *Quando unquam iudicium Ecclesiae ab Imperatore auctoritatem habuit?* Sed propter multas alias iustissimas causas; quarum prima erat, quia tunc adhuc vigeat lex illa Imperialis antiqua, quae prohibebat omnia collegia, & frequentes hominum conventus sine Imperatoris auctoritate, eò quod metuerent Imperatores, ne seditio aliqua fieret, Vide l. 1. ff. de collegiis illicitis, & l. conventicula, C. de Episcopis, & Clericis.

Secunda, quia etiam si lex illa non fuisset, cum Imperatores eo tempore in magna pace orbis terrae imperarent, non poterat fieri Concilium nisi in aliqua urbe Imperiali, nulla autem ratio finit, ut in aliquo loco ex toto orbe conventus fiat sine licentia Domini illius loci, sicut etiam modò, si Concilium non fieret in terris Pontificis, sed in Gallia, Hispania, vel Germania, sine dubio peteretur consensus ejus, cujus est illa civitas, vel provincia.

Tertia, quia eo tempore Concilia generalia fiebant sumptibus publicis, praesertim quoad transvectiones Episcoporum ad locum Concilii; vehebantur enim equis, aut vehiculis civitatum, sine dispendio Ecclesiarum, ut constat ex lib. 3. de vita Constantini. Ubi etiam Eusebius addit, toto tempore Concilii Imperatoris sumptibus omnes Episcopos vixisse. Idem etiam patet ex Theodoro lib. 2. cap. 16. ubi cum Liberius peteret generale Concilium, respondit quidam, non sufficere censum publicum subvectioni Episcoporum. Item ex epist. Constantini IV. ad Pontificem Romanum, quae habetur initio sextae Synodi, idem patet.

Quarta ratio est, quia eo tempore Pontifex etsi in spiritualibus esset caput omnium etiam Imperatorum, tamen in temporalibus subiciebat se Imperatoribus, & ideo non poterat invito Imperatore aliquid agere, & cum tantum debuisset petere ab Imperatore auxilium ad convocandam Synodum, vel ut permitteret Synodum convocari, tamen quia Dominum suum temporalem eum de facto agnoscebat, supplicabat, ut juberet convocari Synodum. At post illa tempora istae omnes causae mutatae sunt, nam nec illa lex nunc viget, nec Imperatores in toto orbe dominantur, nec sumptibus publicis fiunt Concilia, nec sunt Gentiles, qui impedire possint, & Pontifex, qui est caput in spiritualibus, non est subiectus in temporalibus, cum etiam ipse in suis provinciis sit Princeps supremus temporalis, sicut sunt Reges & Principes alii, id quod divina providentia factum est, ut Pontifex liberè munus suum exequi possit.

Ad primam confirmationem ex Nilo, cujus librum in Latinam linguam Illyricus vertit, respondeo, duas fraudes in eo testimonio S. Leonis, quod ipsi proferunt, inesse, unam Nili, alteram Illyrici. Nam S. Leo in epist. 24. & 25. ad Theodosium disertis verbis petit generale Concilium: *Generalem*, inquit, *Synodum jubetis intra Italiam celebrari*. Nilus autem

hanc sententiam Graecè referens, pro generalem posuit *idm*, idest, propriam seu specialem, cum dicere debuisset *ἐκκλησιαστικὴν*. Et quia verbum illud Nili *idm* potuisset in bonum sensum exponi, ut significaret Synodum specialem, idest, speciali de causa congregatam, Illyricus ad tollendam omnem ambiguitatem, illud Nili *idm* vertit *provincialem*, ut necessario cogermur intelligere Synodum non generalem, sed particularem, à S. Leone postulatam ab Imperatore.

At refellitur ista fraus, tum ex verbis Leonis jam citatis, tum etiam ex epistola Valentini ad eundem Theodosium, quae habetur inter praefambulas ad Concilium Chalcedonense, ubi Valentinianus de eodem Concilio loquens dicit, S. Leonem voluisse intra Italiam ex toto orbe Episcopos convenire. Denique illa ipsa epistola Leonis ad Theodosium, quae Concilium intra Italiam postulat, nomine Synodi provincialis Romae jam convocatae scripta est; sic enim habet inscriptio: *Leo Episcopus, & Sancta Synodus, quae in urbe Roma convenit Theodosio semper Augusto*. Si ergo Leo Synodum provincialem jam intra Italiam convocaverat, cur id ab Imperatore postularetur? Cur autem generalem Synodum ab Imperatore peteret, jam dictum est.

Ad alteram confirmationem dico, mentiri Magdeburgenses, cum dicunt, Liberium concessisse Imperatori potestatem convocandi Synodum, idest, agnovisse illam potestatem propriam esse Imperatoris, ut ipsi intelligunt. Nam in toto illo Dialogo Liberii cum Imperatore, nulla mentio fit huius questionis: cujus sit convocare Synodum; sed tantum Liberius petit ab Imperatore potentissimo, & Ariano, ac proinde sibi infesto, ut fieret Synodus, quia sciebat invito Imperatore fieri non posse.

Ad tertiam confirmationem dico, Hieronymum illud dicere, quia revera tunc ob causas dictas Imperatores Synodos convocabant, licet non sine consensu Pontificum.

Ad quartam confirmationem dico, ante Constantinum non esse facta ulla generalia Concilia, non quia deesset auctoritas, sed quia deerat opportunitas; nec enim Christianis licebat ex multis provinciis in unum locum convenire propter assiduas persecutiones, ut adnotavit Isidorus lib. 6. Etymolog. cap. 16.

C A P U T XIV.

Explicantur dubitationes quadam.

PRÆTER hæc argumenta hæreticorum solent Catholicis quædam dubia proponere. Unum, an non liceat Concilium indici ab alio, quàm à Papa, quando sit necessarium Ecclesiae, & tamen Papa non sit illud indicare. Alterum, an non liceat Concilium indici ab alio quàm à Papa, quando Papa non debeat illud indicare, eò quod sit hæreticus vel schismaticus. Tertium dubium, an non liceat Concilium indici ab alio, quàm à Papa, quando Papa non posset illud indicare, eò quod esset captivus apud infideles, vel mortuus, vel insanus effectus, aut renunciasset.

Ad primum respondet Turrecremata lib. 3. cap. 8. vix esse possibilem eum casum; non enim credibile est, ullum Pontificem fore tam malum, qui non velit Concilium celebrari, si aperte constet id esse necessarium Ecclesiae conservationi. Quod si etiam ipse ex se talis esset, tamen Deus, qui Ecclesiam conservat, sine dubio, vel ejus mentem mutaret, vel eum de medio tolleretur. Dicit secundò, si nihil horum fieret, posse eum haberi tanquam suspectum de hæresi;

14 *De Conciliis & Ecclesia. Lib. I. Cap. XV.*

hæresi; nam ut dicitur dist. 83. can. Error, & aliis sequentibus, qui errori manifesto non resistit, cum possit & debeat, eum approbare censetur.

Ad secundum & tertium respondeo, in nullo casu sine Pontificis auctoritate posse convocari verum, & perfectum Concilium; de quali hic nos disputamus, quod videlicet auctoritatem habet definiendi quæstiones fidei. Præcipua enim auctoritas est in capite, sive in Petro, cui imperatum est, ut confirmet fratres suos, & ideo etiam pro eo Dominus oravit, ne deficeret fides ejus, Luc. 22. Poterit tamen in illis duobus casibus congregari Concilium imperfectum, quod sufficiet ad providendum Ecclesiæ de capite. Ecclesia enim sine dubio habet auctoritatem providendi sibi de capite, quamvis non possit sine capite statuere de multis, de quibus potest cum capite, ut rectè docet Cajetanus in opusculo de potestate Papæ c. 15. & 16. & multò antè Presbyteri Romanæ Ecclesiæ in epistola ad Cyprianum, quæ est 7. lib. 2. in operibus Cypriani. Porro Concilium istud imperfectum, fieri poterit, si vel indicatur à collegio Cardinalium, vel ipsi per se Episcopi in locum unum conveniant.

C A P U T XV.

Quinam sint ad Concilium convocandi.

Differuimus hætenus de causa finali, & efficiente Conciliorum; nunc de his, ex quibus Concilia præcipuè constant, quia quasi materia dici possunt, differendum est. Sunt autem initio annotanda duo. Unum est, Ecclesiam universam quatuor contineri hominum generibus; sunt enim aliqui clerici, aliqui laici, & rursum ex clericis, alii prælati, alii non prælati, item ex laicis alii principes, alii privati: Hæc distinctio, tamen ex parte ab hæreticis hujus temporis non recipiatur, tamen ex parte etiam recipitur, nam illi etiam fatentur esse quosdam certos homines dedicatos ministerio Verbi, quibus ex officio convenit docere, & pascere populum, quos ipsi ministros vocant, & rursum inter eos alios esse majores, quos vocant superintendentes, alios minores, quos tantum ministros appellant.

Alterum est, in Conciliis multis de causis aliquos interesse posse: alii enim intersunt, ut judices, qui dicuntur habere suffragium decisivum, alii ut disputando examinent difficultates, qui dicuntur habere suffragium consultivum: alii ut ministrent, quales sunt notarii, custodes, & alii, ut defendant Concilium, & dent operam, ut intrus & extra omnia sint pacata. Quæstio igitur est, qui sint ex illis quatuor hominum generibus vocandi ad Concilium, & quæ de causa,

Adversarii nostri duo dicunt. Primum, ex omni genere hominum debere interesse eos, qui eruditi sunt, & omnes debere esse judices, atque habere suffragium decisivum, quidquid sit de aliis muneribus. Ita disertè scribit Lutherus in lib. de Conciliis par. 2. pag. 264. ubi vult ex omnibus locis debere congregari ad 300. homines doctos in sacra Scriptura. Idem scribunt Protestantes in eo libro, quem inscripserunt; Causa cur Electores, & cæteri Confessioni Augustanæ addicti, ad Concilium Tridentinum non accedant. Postquam enim dixerant, primam causam esse, quia Concilium fuerat indictum à Pontifice, ponunt secundam causam, quia in eo non habuerant suffragium nisi Cardinales, Episcopi, Abbates, & Generales ordinum, cum debuissent omnes viri docti etiam laici suffragium habere decisivum. Idem prorsus docet Carolus Molinæus in suo

A consilio de Concil. Trident. non recipiendo, §. 28. Idem Magdeburgenses Cent. 1. lib. 2. cap. 9. col. 548. ubi explicant historiam Concilii Apostolorum, de quo Actor. 15. & dicunt in eo Concilio, postquam dictæ sunt sententiæ, à tota Ecclesia collata fuisse suffragia, & omnium judicio definitum, hominem justificari sola fide sine operibus.

B Secundo dicunt, Concilium Ecclesiæ non constare nisi ex verè piis, & electis, id quod apertè docet Brentius in Confessione Wirtenbergeni, capite de Conciliis, ubi postquam dixerat Concilia debere cedere Scripturis, reddidit rationem, quia de Scripturis certi sumus, quænam sint, & quòd sint infallibilis veritatis; at de Conciliis non item, quia non quilibet coetus hominum est vera Ecclesia, cum non omnium sit fides, neque omnes sint electi. Idem etiam tenentur dicere Confessionistæ & Calvinistæ, qui, ut infra videbimus, solos electos & sanctos ad Ecclesiam pertinere volunt, & certè Concilium Ecclesiæ nonnisi ex hominibus Ecclesiæ constat.

C At Catholicorum sententia est, solos Prælatos majores eosque omnes, idest, Episcopos in Conciliis generalibus & provincialibus habere jus suffragii decisivi ordinariè, ex privilegio autem & consuetudine, etiam Cardinales, Abbates, & Generales ordinum, licet Episcopi non sint; Ex Presbyteris autem & aliis Clericis minoribus tantum vocari aliquos viros doctos, qui juvent in disputando, vel aliis ministeriis; Principes autem vocari, tum ut Concilium defendant, tum ut testes & consensu decretorum Concilii, postea transgressores & contumaces poenis corporalibus puniant. Denique, ex privatis Laicis tantum vocari aliquos, qui videantur utiles, vel necessarii ad aliquod ministerium Concilii. Hanc sententiam esse Catholicorum, pater, tum ex personis, quæ interfuerunt Concilio Tridentino, tum ex Joanne de Turrecremata lib. 3. cap. 12. & 15. & aliis catholicis Auctoribus.

D Nunc ad probationem accedamus sententiæ nostræ & refutationem contrariæ. Ac primùm sententia illa posterior non eget refutatione, tum quòd refutanda sit in quæstione de Ecclesiæ definitione, tum etiam, quòd tam falsa sit, ut seipsam destruat; nam quòd dicit, Concilium constare ex electis & sanctis, affirmat aliquod esse Concilium, & nullum esse Concilium; nam ponit esse Concilium, dum explicat, ex quibus hominibus constet; Immo Brentius adeo præsupponit esse, ut dicat, magnam esse auctoritatem Conciliorum; & tamen cum dicit ex electis constare, cogitur dicere, nullum esse Concilium. Concilium enim facere, est homines inter se conjungi & coire in unum, electi autem in hoc mundo non possunt inter se conjungi, cum nemo sciat, quinam sint electi. Quod si qui adversariorum non requirunt in veris Ecclesiæ membris electionem, requirunt tamen internam fidem ac pietatem, ac proinde non poterunt unquam ostendere ullum Concilium, quòd certò dici possit Christianum Concilium, cum internam fidem ac pietatem in aliis nemo videat.

E Prior autem sententia refellenda nunc est, ac primò, ratione desumpta ex Scriptura sancta. Definire in Conciliis ea, quæ sunt credenda, vel agenda, proprium est munus pastorum; id enim propriè est pascere; est enim docere, & docere ita, ut teneantur alii credere. Porro docere, esse pascere, patet Hierem. 3. *Dabo vobis pastores secundum cor meum, & pascunt vos scientia, & doctrina.* Item ad Ephel. 4. *Alios autem pastores & doctores.* Ubi notat Hieronymus in hunc locum, & Augustinus epist. 59. ad Paulinum, conjunctum esse nomen pastoris cum nomine doctoris, quia proprium est pastorum docere. At non sunt pastores laici, nec Ecclesiastici quicunque,

sed soli Episcopi; sic enim legimus Act. 20. *Attende vobis & universo gregi, in quo vos Spiritus sanctus posuit Episcopos regere Ecclesiam Dei.* Et Joan. ult. Petro dicitur: *Pasce oves meas.*

Si quis autem contendat, omnes Christianos esse Episcopos, & quod dictum est Petro, omnibus Christianis esse dictum; is demonstrare debet, quinam sint illi, qui in Ecclesia dicuntur oves. Si enim omnes sint Pastores, ubi oves? Quod si quidam sunt Pastores, idest, Episcopi, & quidam oves, idest, Laici, & soli Pastores in Conciliis convenire debent, ut definiant, quæ sint bona pascua, quæ verò noxia; certè sequitur, non Laicorum, sed Sacerdotum esse Concilia. Adde, quod Philippus in Locis, cap. de numero Sacramentorum, & Calvinus lib. 4. Institut. cap. 14. §. 20. ponunt ordinationem Pastorum, qui dedicantur ad pascendum, idest, docendum populum, inter Sacramenta Ecclesiæ. Et apertè dicit Calvinus, hoc Sacramentum non esse commune toti Ecclesiæ, sed tantum quibusdam, qui per illud initiantur. Proinde ex eorum confessione, Laici non ordinati non sunt pastores, sed oves tantum; ergo non convenit eis docere, præsertim ea auctoritate, ut fit in Conciliis.

Probatum secundò, testimoniis veterum. Prima Concilia in Ecclesia celebrata fuerunt tempore Victoris Papæ, super questione Paschatis; de iis sic loquitur Eusebius lib. 5. hist. cap. 23. *Ob quam causam, inquit, convenerunt Episcopi, & Concilia per singulas quasque provincias convocantur.* Hæc ille. Qui non quorumvis eruditorum, sed Episcoporum dicit congregata esse Concilia. Quod idem docent Cyprianus in initio epistolæ ad Jubajan. Hilarius lib. de Synodis, Ambrosius epist. 32. Hieronymus lib. 2. Apologix contra Rufinum, Augustinus epist. 119. Leo epist. 16. & seq. Rufinus lib. 10. hist. cap. 1. Athanasius in epist. ad solitariam vitam agentes, alique Patres, qui passim asserunt, Concilia Episcoporum esse.

Præterea Theodosius junior in epist. ad Ephesinam Synodum, quæ exstat in 1. tomo ejus Concilii c. 32. *Illicitum est, inquit, cum, qui non sit in ordine sanctissimorum Episcoporum, Ecclesiasticis immisceri tractatibus.* Pulcheria quoque Imperatrix in epist. ad Strategum Bithyniæ, quæ habetur ante Concilium Chalcedonense, iussit, ut Clerici, Monachi, & Laici, etiam vi repellerentur à Concilio, exceptis paucis illis, quos Episcopi secum duxerant. In Concilio Chalcedonensi, act. 1. cum ad Martinum Archimandritam mitteretur, ut subscriberet, respondit, non esse suum, sed Episcoporum tantum subscribere. Et in eodem Concilio cum pro Dioscoto Monachi & Laici ingressi essent, sæpius Patres clamarunt: *Mitte foras superfluos, Concilium Episcoporum est.*

Tertiò probatur ex Conciliis hætenus celebratis: nam omnium Conciliorum decreta ab Episcopis solis facta esse, patet ex subscriptionibus, ubique enim inveniuntur soli Episcopi subscripsisse, exceptis paucis generalibus, quibus Imperator etiam subscripsit, sed alia forma, quàm Episcopi. Episcopi enim definiendo ut Judices, Imperatores consentiendo subscripserunt; & quibusdam etiam paucissimis, ut Florentino, Lateranensi, & Tridentino, quibus subscripserunt Abbates, & Generales Ordinum. Ceteri, quamvis optimi & doctissimi essent, numquam sunt admissi, nisi ad consultandum, excepto Concilio Basileensi, ubi Presbyteri admissi sunt ad suffragium decisivum, sed perperam & contra morem omnis antiquitatis. Nec illud Concilium fuit legitimum, ut supra diximus.

Quartò probatur rationibus; nam in primis negotia Ecclesiastica & publica, à personis Ecclesiasticis

& publicis tractanda sunt, ut notum est; tales autem soli sunt Episcopi. Deinde, si omnes homines docti admitti deberent, vel nunquam essent Concilia generalia, quia vix possent omnes docti totius Ecclesiæ convocari; vel si tandem congregarentur, esset impossibile regere tale Concilium, propter nimiam multitudinem. Præterea tunc sine dubio plures essent in Concilio inferiores, quàm superiores; & proinde tunc verè vinceret major sententia meliorem, & in Ecclesia regerentur superiores ab inferioribus, non è contrario, quod absurdissimum est. Item si ita esset, tunc facilè posset unus Princeps, in cujus regione sit Concilium, definire quicquid vellet; posset enim facilè colligere omnes Presbyteros & doctos homines suæ provincie, & in Concilium introducere id, quod non possent alii Principes, qui longè abessent. Denique, nulla est Respublica, quæ ratione naturali docente, non habeat aliquem ordinem in comitiis, ita ut non quicumque de plebe, sed tantum Principes & capita cæterorum, locum & suffragium habeant.

CAPUT XVI.

Solvuntur objectiones adversariorum.

AT obijcitur primò à Protestantibus in libello, qui inscribitur, *Causa &c.* testimonium Lucæ, Act. 15. ubi S. Lucas loquens de primo Concilio Apostolorum, ait: *Convenerunt Apostoli & Seniores videre de verbo hoc.* Et infra: *Tunc placuit Apostolis, & Senioribus cum omni Ecclesia;* ubi videmus, non solum Apostolos, sed etiam Presbyteros & Laicos in primo Concilio adfuisse.

Respondeo, in isto Concilio interfuisse Apostolos, tanquam judices, ad definiendum, Presbyteros autem ad consultandum; plebem autem non esse vocatam, sed tamen adfuisse, & consensisse, non quidem definiendo, vel disputando, sed tantum audiendo, & non reclamando; quod ita esse probatur dupliciter. Primum, ex consuetudine Ecclesiæ, quæ est optima Scripturarum interpres; nam cum in omnibus Conciliis, quæ post Apostolica tempora sunt celebrata, hunc ordinem observatum esse constet, ut soli Episcopi fuerint judices, licet præsentibus adfuerint multi alii, vel Clerici, vel Laici, idem omnino in Apostolico Concilio servatum esse credere debemus. Nec enim Ecclesia universa, ac præsertim primis illis temporibus, ab Apostolorum exemplo & traditione discessisset.

Deinde, hoc idem ex ipso contextu demonstrari potest: nam quod Apostoli & Presbyteri tantum vocati sint, patet ex eo, quod ibi dicitur: *Convenerunt Apostoli & Seniores videre de verbo hoc;* ubi nulla mentio fit plebis. Deinde, quod tam Apostoli, quàm Seniores loquuti sint, donec discutebatur controversia, colligitur ex verbis illis: *Et cum magna disquisitio ferret;* quod verò post disputationem, in qua Apostoli & Presbyteri loquuti erant, soli Apostoli sententias definitivas dixerint, patet ex eo, quod soli Petrus, Paulus, Barnabas, & Jacobus introducantur à Luca loquentes. Et quod nulli alii sententias dixerint, patet ex continuatione textus; nam post Petri sententiam, mox subditur: *Tacuit autem omnis multitudo, & audiebat Paulum & Barnabam.* Deinde subditur: *Et postquam tacuerunt,* nimirum Paulus & Barnabas, respondit Jacobus dicens, & mox finita Jacobi oratione subjungitur: *Tunc placuit Apostolis &c.*

Itaque mendacium est, quod Magdeburgenses dicunt, omnes qui ibi erant, sententiam suam dixisse,

se, quod autem sequitur: *Placuit Apostolis & Senioribus cum omni Ecclesia*, intelligitur de consensu tacito, qui debet dari ab omnibus, qui sunt in Concilio. Vide Concilium Carthaginense in operibus Cypriani; nam etiam in eo Concilio adfuerunt cum Episcopis etiam Presbyteri, Diaconi, & Laici permulti, & tamen soli Episcopi sententias dixerunt.

Secundò, obijciunt iidem ibidem: Concilium generale universam Ecclesiam repræsentat, ergo debent esse ibi homines ex omni genere, idest, Episcopi, Presbyteri, Principes, Privati, Clerici, Laici &c.

Respondet, multis modis posse aliquid repræsentari, sed optimum modum esse, quo per Principes repræsentantur populi. Sicut enim in comitiis generalibus multorum statuum congregari solent consules vel domini civitatum, sic in comitiis Ecclesiæ generalibus congregantur omnes Episcopi: nam quilibet Episcopus personam gerit suæ Ecclesiæ, ut patet ex Cypriano lib. 4. epist. 9. ubi dicit, Ecclesiam esse in Episcopo. Quare Eusebius lib. 3. de vita Constantini, Concilium Episcoporum 318. vocat conventum orbis terrarum, Et Augustinus lib. 1. de Baptismo, cap. 18. ejusdem Concilii Episcoporum consensum, vocat totius Ecclesiæ consensum.

Tertiò, obijciunt iidem ibidem: communis causa communibus votis & viribus juvanda est, sed causa fidei est communis omnibus Christianis; nec enim minus fides ad Laicos, quam ad Clericos pertinet; igitur ad Concilia etiam Laici convocandi sunt. Respondet: causam fidei ad omnes pertinere, sed diverso modo; nam ad Prælatos pertinet, ut doctores; ad ceteros, ut discipulos; sicut in bello causa victoriæ ad totum exercitum pertinet, tamen ducum est præcipere & ducere exercitum, ceterorum pugnare.

Si quis obijciat illa verba Nicolai I. in epistola ad Michaelem, quæ habentur etiam dist. 96. can. Ubiam: *Ubiam, inquit, legistis, Imperatores antecessores vestros synodalibus conventibus interfuisse, nisi forte in quibusdam, ubi de fide tractatum est, qua universalis est, qua omnium communis, qua non solum ad Clericos, verum etiam ad Laicos, & omnes omnino pertinet Christianos?* Responderi potest, Nicolaum ex eo, quod fides communis est omnibus, rectè collegisse, Imperatorem debere interesse, non quidem ut Judicem, sed ut eum, cui incumbit defendere communem fidem edictis ac legibus, & si oporteat, etiam gladio.

Quartò, obijciunt iidem, & Carolus Molinæus lucis notatis, necnon Brentius in Confessione Wirtembergica, cap. de Conciliis, & Hermannus Hamelmannus lib. 3. Prolegomenorum, cap. 6. sæpè unius hominis etiam Laici sententia præposita est sententiæ totius Concilii, quia Scripturæ auctoritate magis munita erat, & sine dubio etiam deinceps præponenda est; Ergo debent ad Concilium vocari etiam Laici, & quicumque alii.

Antecedens probant, primò ex Gratiano 36. q. 2. can. ult. ubi legimus Hieronymi auctoritatem, Scriptura sacra munitam, toti Concilio generali præjudicasse. Secundò, ex Panormitano in cap. Significasti, de electione, & ex Joanne Gersono par. 1. de examinatione doctrinarum: quorum ille dicit, unius privati sententiam præponendam esse sententiæ Papæ, si ille privatus moveatur melioribus auctoritatibus Testamenti veteris & novi; iste autem docet, quemcumque hominem doctum posse & debere toti Concilio resistere, si videat illud ex malitia, vel ignorantia errare.

Confirmatur hoc argumentum, quia ratio, cur Episcopi præcipuè vocentur, est, quia existimantur esse doctiores cæteris; si ergo multi Laici inveniantur doctiores Episcopis, vel æquè docti, cur non vocabuntur ad Concilium?

A Respondet ad primum: sententiam unius privati posse anteponi sententiæ Concilii generalis ante definitionem, dum causa discutitur; in executione enim eruditio, non auctoritas personæ primus tenet; præterea etiam post definitionem, quando constat, Concilium fuisse illegitimum: at nullo modo post definitionem Concilii legitimi.

B Ad illud ex Gratiano, dico primò, mentiri Hermannum, cum ait, secundum Gratianum anteponi Hieronymum Concilio generali; non enim de generali, sed de particulari loquitur Gratianus. Secundò dico, illa verba, quæ Gratianus Hieronymo tribuit, nusquam inveniri in operibus Hieronymi, nec videri ejus verba. Tertiò dico, Gratianum eo loco lapsum esse. Non enim pugnant Hieronymus, & Concilium, ut Gratianus putavit. Hieronymus enim tantum dixit, secundum legem veterem licuisse raptori ducere in uxorem mulierem à se raptam, si pater ejus consentiat; Concilium autem statuit, ut non obstante lege illa veteri, quæ judicialis est, & Christianos non obligat, non liceat raptori in uxorem ducere eam, quam rapuit.

C Ad illud ex Panormitano & Gerson, dico primò, eos loqui conditionaliter, sicut Apostolus, cum ait ad Galat. 1. *Si nos, aut Angelus de celo evangelizet &c.* Sicut ergo ex condicionali sententiâ Apostoli non licet colligere, ergo Apostoli & Angeli poterant Evangelizare aliquid contrarium Evangelio Christi, ita quoque ex eo, quod Panormitanus & Gerson dicunt, licere unicuique resistere Concilio, aut Papæ, si eos errare videat; non licere colligere, ergo absolute Concilia & Pontifices errare possunt, & ideo privati homines ad Concilia vocandi sunt. Dico secundò, eos loqui de resistentia, quæ potest fieri Concilio vel Papæ, tempore discussionis ante decisionem, vel etiam postea, quando Concilium est illegitimum.

D Ad confirmationem dico, Episcopos quidem debere eligi quàm doctissimos & optimos, tamen eos auctoritatem judicandi habere, non quia docti sunt, sed quia sunt personæ publicæ, idest, Principes habentes Ecclesiasticam jurisdictionem; quemadmodum etiam in Principibus & Judicibus secularibus, requiritur quidem jurisprudentia & probitas, tamen non propterea licebit privato homini meliori, & doctiori deturbare Principem, aut Judicem de sua sede, & eam occupare.

E Quartò, obijci Hermannus Hamelmannus lib. 3. Prolegomenor. cap. 10. multa veterum testimonia, quod coram populo tanquam iudice causæ fidei disputatæ sint. Sic enim disputarunt Apostolus Petrus & Simon Magus, apud Clementem lib. 1. & 2. Recognitionum; Archelaus Episcopus & Manichæus, apud Epiphanium hæresi 56. Sylvester Papa & Judæi, apud Zonaram in vita Constantini; Athanasius & Arius, apud Vigilium Episcopum Tridentinum; Augustinus & Maximinus, apud Augustinum lib. 1. cap. 1. cont. Maximin. Quod etiam in Nicæno Concilio multi fuerint Laici docti & eloquentes, patet ex Nicephoro lib. 8. cap. 14. Denique, quod populus sit iudex, disertè habet Ambrosius in epist. 32. ubi sic loquitur: *Causam fidei, inquit, in Ecclesia agendam quis abimat? Si quis confidit, huc veniat.* Et paulò post: *Iste populus iudicat, cujus in corde lex divina est, non humana: Lex non atramento scripta, sed Spiritu Dei vivi.* Et infra: *Sed Auxentius, inquit, certus non ignorat vos esse fidei, vestrum refugit examen.*

Pro solutione duo notanda sunt. Primò, duplex esse iudicium, publicum & privatum. Publicum est, quod profertur à publico iudice cum auctoritate, ita ut teneantur cæteri illi iudicio acquiescere. Privatum est, ea sententia, quam quisque eligit ut veram, sed neminem obligat; quomodo in disputationibus Theologo-

logorum & Philosophorum, auditores sunt iudices; audita enim utraque parte eligunt quod volunt, sed neminem cogere possunt, ut similiter sentiat.

Nota secundò, iudicium publicum in causa fidei numquam esse tributum populo, iudicium autem privatum aliquando esse tributum etiam à piis & sanctis hominibus; sed tunc solum, cum aliud fieri non potuit: tenentur enim populi sequi iudicium pastorum suorum; tamen quando hæretici impune versantur cum Catholicis, & multos seducunt, expedit quandoque publicas disputationes coram populo cum eis inire, & relinquere iudicium populo, ut sequatur, quos viderit melioribus rationibus niti: quomodo fecit Helias lib. 3. Reg. cap. 18. qui cum non posset aliter revocare populum à cultu Baal, instituit certamen cum Prophetis Baal, præsentem populo, & ait: *Qui exaudierit per ignem, ille sit Deus. Si Dominus est Deus, sequimini illum, si Baal est Deus, sequimini eum.*

His notatis, dico ad illa omnia loca, in illis disputationibus datum esse populo iudicium privatum, non publicum, & hoc quia non poterat aliter fieri. Id quod ex illa epist. 32. Ambrosii intelligi potest. Sic enim ait: *Veniant plane si qui sunt, ad Ecclesiam, audiant cum populo, non ut quisquam iudex resideat; sed unusquisque de suo affectu habeat examen, & eligat quem sequatur.* Ubi vides negari populo iudicium publicum, tribui privatum. Cur autem tribueretur privatum, causa erat, quia tunc Mediolani Imperator Arianis favebat, nec poterat aliud obtineri. Hoc in genere ad illa omnia loca dici potest. In particulari autem, ad illud de Nicæno Concilio, sciendum est, Laicos non esse vocatos, nec interfuisse actis Concilii, sed per se venisse, ut extra Concilium disputarent cum Episcopis, quos audierant ex toto orbe eò convenisse. Vide Rufinum lib. 10. cap. 3.

C A P U T XVII.

Quot Episcopi requirantur ad generale Concilium.

PRÆTER hæc argumenta hæreticorum, movent Catholici unum dubium de his, qui interesse debent in Concilio; nam vel ad generale Concilium faciendum requiruntur omnes Episcopi totius orbis, vel aliqui tantum; si omnes, nullum fuit ergo hæcenus Concilium generale, neque etiam videtur deinceps futurum; si aliqui tantum, quinam illi sunt? non enim videtur major ratio de uno, quàm de alio.

Respondeo, non posse istam quæstionem solvi melius, quàm ex consuetudine Ecclesiæ, & ex iis Conciliis, quæ omnium consensu generalia fuerunt, qualia sunt quatuor prima. Ex consuetudine autem Ecclesiæ colligimus quatuor conditiones & sufficere & requiri ad generale Concilium. Prima est, ut evocatio sit generalis, ita ut innotescat omnibus majoribus Christianis provinciis. Id enim constat semper fuisse servatum, adeò ut septima Synodus, act. 6. idèò iudicaverit Concilium Constantinopolitanum contra imagines, non fuisse generale, quia non exiit sonus ejus in omnem terram.

Secunda, ut ex Episcopis nullus excludatur, undecumque veniat, modò constet eum esse Episcopum & non excommunicatum.

Tertia, ut adsint per se, vel per alios, quatuor præcipui Patriarchæ, præter summum Pontificem, videlicet Constantinopolitanus, Alexandrinus, Antiochenus, Hierosolymitanus, quia istis suberant

Controv. Card. Bellarm. Tom. I.

A omnes alii Episcopi. Id patet tum ex usu, tum ex VII. Synodo, act. 6. ubi censetur, Constantinopolitanum contra imagines, non fuisse generale Concilium, quia non habuit Patriarchas: & in VIII. Synodo, act. 9. recipitur cum gaudio Vicarius Patriarchæ Alexandrini, tanquam sine illo aliquid defuisset Synodi plenitudini. Porro hæc tertia non omnino necessaria, sed tantum ad bene esse iudicabatur; nam Synodus tertia sine Patriarcha Antiocheno damnavit Nestorium Constantinopolitanum, & Synodus Chalcedonensis, sine Patriarcha Alexandrino omnia ferè conclusit; & nunc non sunt necessarii isti Patriarchæ, quia hæretici vel certè schismatici sunt.

B Quarta, ut saltem ex majori parte Christianarum provinciarum aliqui adveniant, & si quidem Concilium sit in Oriente, semper visum est sufficere, si ex provinciis omnibus Orientis Episcopi conveniant multi; ex toto autem Occidente mittantur aliqui à summo Pontifice, qui suppleant aliorum locum. Et econtrario, si celebretur in occidente, conveniant, ex omnibus provinciis Occidentis multi; ex Oriente autem pauci aliqui veniant nomine aliorum. Sic in Concilio Nicæno I. ex Occidente solum fuerunt duo Presbyteri missi ex Italia, unus Episcopus ex Gallia, unus ex Hispania, unus ex Africa. In Concilio II. & III. nulli fuerunt ex Occidente, sed tamen Pontifices Damasus & Coelestinus Concilia illa confirmarunt, nomine suo, & aliorum Episcoporum Occidentis, quos ipsi Romæ collegerant. In Concilio IV. solum fuerunt legati Leonis, & præterea misit ipse consensum aliorum Episcoporum Hispaniæ, Galliæ, & Italiæ, qui in suis provinciis celebratis Conciliis ad Leonem scripserant, se in omnibus sententiam ejus sequi. Vide tomos Conciliorum.

C Econtrario verò ad Concilia Occidentis, ut Lateranense sub Innocentio III. Lugdunense, sub Gregorio X. Viennense, sub Clemente V. ac nuper Tridentinum venerunt Episcopi frequentes ex toto Occidente, ex Oriente verò pauci quidam dumtaxat. Ex quo sequitur, posse interdum Concilia nationalia esse multò majora generalibus, quoad numerum Episcoporum, & tamen minora quoad auctoritatem; nam Concilium II. tantum habuit 150. Episcopos ex variis provinciis, & nationibus, & Concilium Carthaginense nationale ex sola Africa, tempore B. Augustini, habuit Episcopos 217. ut refert Prosper in Chronico anni 430.

C A P U T XVIII.

Episcopos in Conciliis non Consiliarios, sed Iudices esse.

E Sequitur postrema quæstio de forma Conciliorum, quæ tamen bipartita erit. Primò namque explicandum occurrit, an Concilia habeant formam iudicii, an tantum inquisitionis. Secundò, hoc definito, quòd habeant formam iudicii, quis debeat esse ordo inter iudices; ut enim in corpore forma dicitur figura, sive ordo omnium membrorum suo loco positum, ita in coetu hominum forma dicitur ordo quidam, quo præest, qui debet præesse, subest, qui debet subesse. Est ergo prima pars quæstionis: An Concilium sit verum iudicium, & Episcopi veri iudices, ita ut standum sit eorum sententiæ, quia ipsi sic statuerunt, quomodo statuit sententiæ Prætoris in causis politicis: an verò tantum sit inquisitio quædam, & tantum valeat decretum Concilii,

B **lii,**

lil, quantum valet ejus ratio; quomodo loquimur de decisionibus Doctorum, quas vel in scholis, vel in suis commentariis faciunt.

Hæretici hujus temporis in hoc ferè omnes conveniunt, quòd Concilium non sit, nisi inquisitio, & quòd solus Christus, & verbum ejus scriptum habeat suffragium decisivum, & ideo dicunt, non esse attendendum numerum suffragiorum, & sæpe magis sequendum unum, qui pro se Scripturam adferat, quàm totum reliquum Concilium. Et inde etiam deducunt, licere unicuique examinare decreta Concilii, & recipere, vel non recipere, ut voluerit. Ita Lutherus docet in assertionem artic. 29. & apud Cochleum in quingentis articulis art. 115. Idem vult Calvinus lib. 4. cap. 9. §. 8. Institut. Idem scribit Brentius in Confessione Wirtembergica, c. de Scriptura, & cap. de Conciliis. Kemnitius quoque in Examine 4. sess. Concilii Tridentini, passim Catholicos reprehendit, quòd tribuant Episcopis prætoriam auctoritatem judicandi de controversiis.

Denique, libellus Protestantium, ubi explicant causas cur ad Concilium non venerint, disertè docet, non debere in Concilio conveniri, ut votis & suffragiis quæstiones definiantur, sed ut inter tam multos aliquis reperiat, qui ex Scriptura ostendat, quid sequendum sit, & aliquem talem præponendum Concilio numerosissimo, etiam si arenas numerum vinceret. Hac sententia ostendunt hæretici, quàm parvi faciant Concilia, & quod verè nihil aliud cupiant, quàm quæstiones nunquam finire.

Nos ergo dictimus, confessum Episcoporum in Conciliis legitimis esse verum Judicium confessum, & eorum decreta & leges necessariò sequendas. Probatur primò tribus Scripturis. Prima est Deuter. 17. ubi jubentur, qui dubia habent, recurrere ad Sacerdotum Concilia, &: *Qui non obedierit eorum sententia, morte condemnatur.* Secunda Matth. 18. *Si Ecclesiam non audierit, sit tibi velut Ethnicus, & Publicanus.* Hic enim locus, etsi varias explicationes admittat, tamen cum Concilium legitimum omnium consensu maximè propriè dici possit Ecclesia, non potest ullo modo rejici hæc explicatio, qua asserimus, Dominum jussisse ut sententiæ legitimi Concilii obediamus. Tertia Act. 15. & 16. ubi Paulus pertransiens civitates varias, præcipiebat eis custodire dogmata, quæ erant decreta ab Apostolis in Concilio Hierosolymitano. De quo Concilio tria notanda sunt.

Primum est, in eo Concilio non ex Scripturis, sed ad suffragia Apostolorum definitam esse quæstionem. Non enim quæstio erat, ut adversarii fingunt, an sola fides justificet, sed an circumcisio, & cæteræ legales caeremoniæ essent necessariae Christianis. Id quod manifestè colligitur tum ex occasione Synodi, de qua sic loquitur S. Lucas, Act. 15. *Surrexerunt quidam de hæresi Pharisaorum, qui crediderunt, dicentes: Quia oportet circumcidi eos, præcipere quoque servare legem Moysi.* Conveneruntque Apostoli & Seniores videre de verbo hoc &c. Tum ex epistola Concilii, in qua nihil mandatur, nisi abstinencia à sanguine, suffocato, & immolatiis, & liberantur Gentes ab omnibus aliis Judaicis caeremoniis. Certè autem nihil horum in Scripturis habebatur; ubi enim, quæso, scriptum erat, ut Gentes non servarent legalia, excepto, mandato de abstinencia à sanguine, suffocato, & immolatiis?

Alterum est notandum, Apostolorum sententiam non fuisse permissam examini discipulorum, sed simpliciter imperatum fuisse, ut obedirent, ut clarissimè constat ex locis citatis Act. 15. & 16. quare adversarii, qui Conciliorum sententiam examinari vo-

lunt ab unoquoque homine privato, cum Scripturâ manifestissimè pugnant.

Tertium est, Concilii Apostolici definitionem, veram legem fuisse obligantem in conscientia. De qua re suprâ differuimus in quarto libro de Pontifice. Et sanè id satis Lucas ostendit cum modò præcepta, modò decreta, & dogmata appellat.

Secundò, probatur ex ipsis Conciliis; nam Concilia omnia dicunt anathema non obtemperantibus, vocant sua decreta canones, sive leges Ecclesiasticas, cum subscribunt, Episcopi dicunt: *Ego N. definiens subscripsi.* Præterea in Concilio Chalcedonen- si, act. 4. cum decem Episcopi Ægyptii nollent acquiescere, judicio majoris partis, pro hæreticis habebantur. Quæ omnia sunt apertissima argumenta, quòd Concilia sint vera judicia.

Probatur tertio; nam si non esset in Conciliis agendum suffragiis, sed disputationibus tantum, perperam fieret, ut soli Episcopi sententiam ferrent, cum munus disputandi sit hominum eruditorum, si- ve sint Episcopi, si- ve non. Cujus contrarium jam suprâ ostendimus. Frustrâ etiam vocarentur Episcopi aliqui rudes, & simplices, quales aliquos fuisse in Concilio Nicæno scribit Rufinus lib. 10. hist. cap. 3. Adde, quòd Protestantes in illo suo libello apertè secum pugnant; nam in eo libello docent, debere etiam Laicos cum Episcopis habere suffragium decisivum; & ibidem paulò post dicunt, non debere in Conciliis aliquid definiri ex multitudine suffragio- rum, sed tantum ex testimoniis Scripturarum. Multa alia adferemus postea, cum disputabimus, an Concilia possint errare?

At obijciunt exemplum Paphnutii, qui apud So- cratem lib. 1. cap. 8. & Sozomenum lib. 1. cap. 22. toti Concilio Nicæno volenti prohibere Sacerdotibus usum uxorum, solus liberè restitit, & prævaluit. Lutherus artic. 115. ex quingentis, apud Cochleum in septicipite, cap. 34. *Res, inquit, est insana, quòd Concilia concludere & statuere volunt, quid credendum sit; cum sæpe nullus vir ibi sit, qui divinum Spiritum, vel modicum offecerit, sicut contigit in Concilio Nicæno, ubi tractabant & volebant leges condere super statu Ecclesiastico, ne essent in Matrimonio. Ibi jam omnes erant falsi; tunc procedebat unus tantum homo Paphnu- tius, & refutavit hoc totum, dixit: Non ita, hoc non est Christianum, tunc totum Concilium apertè ab ista conclusione desistere.*

Respondeo Primò: incertam esse hanc narratio- nem, cum ejus non meminerint antiquiores, Eu- sebius, Athanasius, Epiphanius, Rufinus &c. Secundo, si vera sit narratio, Paphnutium ante defi- nitionem Concilii restitisse, ut ipsemet auctores tes- tantur, proinde hoc exemplum non esse ad propo- situm. Tertio dico, Paphnutium non allegasse Scri- pturam, sed solum auctoritate sua contendisse, & idcirco, judicio adversariorum, non debuisse audiri. Quarto addo, Paphnutium solum cupivisse, non in- terdicti usum uxorum iis, qui eas habebant; tamen hortatum esse Synodum, ut severè interdiceret Sa- cerdotibus & Monachis, ne post sacram Ordinatio- nem, vel Professionem uxores ducerent, ut ibidem Socrates & Sozomenus testantur. Ex quo mirum est, si non confundantur Lutherani, qui contra Paphnu- tii sententiam uxores ducunt, etiam si Monachi & Sacerdotes fuerint.

Addo postremò, Concilium statuisse planè contra- rium ejus, quod isti ex Paphnutio referunt. Nam statuit can. 3. ne in domibus Sacerdotum sint ullæ foeminae, præter matrem, sororem vel anitam. Un- de Epiphanius hæresi 59. dicit, esse contra canones ut Sacerdos, aut Diaconus, vel Subdiaconus liberos gignat. Quocirca Lutherus more suo secum pugnans,

in lib. de Conciliis parte prima, aperte dicit: Concilium Nicænum prohibuisse Sacerdotibus usum uxorum, ac se non intelligere Spiritum sanctum in eo Concilio, cum, & castrationem prohibeat, & contubernium fornicarum.

Obijciunt secundo aliqui Catholici; Si omnes Episcopi essent Judices, teneretur Pontifex, qui Concilio præsidet, in decretis faciendis sequi majorem partem Episcoporum; at falsum est, cum Damasus irritaverit acta Concilii Ariminensis, quibus major pars Episcoporum consenserat, ut patet ex epist. Damasi ad Episcopos Illyrici, & Leo irritaverit quoddam decretum Concilii Chalcedonensis, cui etiam major pars Concilii assenserat, ut ipse Leo testatur epist. 53. 54. & 55.

Respondeo primo, nunquam fortasse adhuc accidisse, ut Pontifex sequeretur minorem partem in Concilio, quando remota fraude & dolo, sententias dixerunt. Quod dico propter Concilia Ariminense & Chalcedonense, quæ fraude non caruerunt; nam in Ariminensi deceptos fuisse Catholicos verbi Græci obscuritate, testatur Rufinus lib. 10. c. 21. in Chalcedonensi autem fuisse fraudem, patet ex act. 16. ejus Concilii, ubi Vicarii Romani Pontificis conque- rantur, quod se absentibus fraudulenter factum esset illud decretum.

Dico secundo, Præsidentem Concilii, ut Præsidentem, debere sequi in decreto formando majorem partem suffragiorum, tamen Pontificem, non ut Præsidentem, sed ut Principem Ecclesiæ summum posse retractare illud judicium; & consequenter, si ipse sit Præses Concilii, posse, non ut Præsidentem, sed ut Principem summum, non sequi majorem partem, quemadmodum in temporalibus judiciis debet Præses à Rege constitutus, sequi majorem partem Judicum, tamen Rex, tanquam Superior, potest totum judicium irritare. Et hoc maxime locum habet in Pontifice, cujus est confirmare, & dirigere fratres suos, & ad hoc habet assistentiam Spiritus sancti, ne erret, juxta illud Lucæ 22. *Rogavi pro te &c.* Vide Joannem de Turrecremata lib. 3. cap. 63. & 64. & Canon lib. 5. cap. 5. quæst. 2.

C A P U T XIX.

Cujus sit generali Concilio præsidere.

Altera pars questionis est; An debeat aliquis præsidere, & quis ille sit. Hæretici nostri temporis docent, ordinarium Præsidentem Conciliorum debere esse Imperatorem, vel aliquem ab eo missum, vel si nullum ipse mittat, debere ab ipsa Synodo constitui. Ex re ipsa, dicunt, in Conciliis generalibus antiquis non præfuisse ferè unquam Romanum Pontificem, sed vel Imperatorem, aut ejus Legatos, vel antiquiorem Patriarcham, aut Episcopum ejus loci, ubi fiebat Concilium: ita docent Magdeburgenses Cent. 4. cap. 7. col. 536. Calvinus lib. 4. Instit. c. 7. §. 1 & 2. Carolus Molinæus in consilio de Concilio Trident. non recipiendo, §. 4. ubi aperte mentitur, cum ait, Legatos Pontificis post omnes Episcopos in Conciliis semper sedisse, cum in nullo Concilio inveniantur ultimo loco sedisse. Hermannus Hamelmannus lib. 3. Prolegomen. cap. 8. & Brentius in Prolegom. contra Petrum à Soto.

Catholici omnes id munus proprium esse docent summi Pontificis, ut per se vel per Legatos Synodo præsideat, & tanquam supremus Judex omnia moderetur. Dicimus autem, per se vel per Legatos, quia summus Pontifex nunquam interfuit Conciliis Orientalibus per se, neque id factum est casu, sed

Controv. Card. Bellarm. Tom. II.

A certa ratione, ut patet ex epistola Leonis 17. ad Theodosium, & 47. ad Concilium Chalcedonense, ubi dicit, se non venire ad Synodum, quoniam id non patitur consuetudo, nec ulla prædecessorum habet de hac re exempla.

B Adde, quod Vigilius Papa erat Constantinopoli, cum fieret in ea civitate Concilium V. generale, & tamen noluit interesse, sed per libellum confirmavit acta Concilii, ut scribit Photius in lib. de septem Synodis. Ipsi etiam Imperatores cum indicebant Concilia, alios omnes Episcopos per edictum præcipiendo vocabant, Romanum autem invitabant, ut dignaretur venire, si ei placeret, ut patet ex epistola Martiani Imperatoris ad Leonem Papam, quæ habetur ante Concilium Chalcedonense. Quæ autem sit ratio hujus rei, incertum est. Joannes de Turrecremata lib. 3. cap. 11. ponit aliquot rationes, quæ mihi non multum probantur.

Ego suspicor, has duas fuisse causas inter alias unam, quia non videbatur convenire, ut caput sequeretur membra, cum potius membra sequi debeant caput; itaque propterea interfuit Papa Conciliis Romanis, & quibusdam aliis, quæ ipse convocavit ad se, idest, ad locum, ubi ipse erat, non autem voluit, neque debuit ire ad Concilia alibi congregata.

C Altera ratio est, quia in Conciliis Orientalibus semper interfuit Imperator, aut aliquis ejus Legatus: & quamvis nec Imperator, nec Legatus ejus præfideret Concilio propriè ut Judex, tamen præsidebat saltem quoad locum materiale, & etiam si summus Pontifex ibi fuisset, adhuc voluissent illi eo modo præsidere, ut patet ex Concilio Florentino, in initio, ubi Græci omnino contendebant, ut in summo loco sederet eorum Imperator, & summum Pontificem præcederet. At quamvis utcumque tolerabile sit, ut Principes seculares in Concilio sedeant ante alios Episcopos, tamen nullo modo convenit, ut ante ipsum summum Pontificem. Ne ergo vel hoc tolerandum esset, vel tumultus excitaretur, non ibat ad ea Concilia, sed Legatos tantum mittebat.

D Sed his omissis, ad summum Pontificem jure pertinere præsentiam in Conciliis generalibus, probatur. Primo, ratione ex Scriptura petita. Summus Pontifex est pastor & pater Ecclesiæ universæ, adeo ut etiam Episcopi, & Principes omnes, respectu summi Pontificis, oves & filii dicantur, ut notum est ex illo Joannis ultimo *Pasce oves meas*. Et confirmatur ex eo, quod Concilia vocant Pontificem patrem, & ipse vocat Episcopos in Conciliis congregatos, aliquando filios, ut patet ex Theodoro lib. 5. hist. cap. 10. ubi Damasus respondens Episcopis Concilii secundi generalis, sic incipit: *Quod, inquit, Apostolica sedi debitam reverentiam exhibetis, vobis ipsi magno honori est filii honoratissimi*. Item ex epistola Concilii Antiocheni ad Julium, quæ sic incipit: *Domino beatissimo & honorabili patri Julio &c.* Et Stephanus Archiepiscopus Carthagenensis, cum tribus Conciliis ita scribunt: *Domino beatissimo & sancto patri Patrum Damaso &c.* Et Concilium Chalcedonense in epistola ad Leonem: *Rogamus, inquit, tuis decretis, nostrum honora judicium, ut firmitas tua, filiis, quod decet, adimpleat*. At quis, quæso, ambigere potest, utrum patres filii, & pastores ovibus præsidere debeant, an filii patribus, & oves pastoribus?

E Secundo, probatur ex Concilio Apostolico, act. 15. in quo Petrum præfuisse affirmat Hieronymus in epistola ad Augustinum, quæ est 11. inter epistolas Augustini; & idem ex eo colligitur, quod Petrus primus surgit, primus loquitur, primus questionem de-

B 2 finit,

finit, & omnes, ut Hieronymus dixit, sententiam ejus sequuntur.

Probatum tertio, ex actis octo generalium Conciliorum; nam quod in aliis Romanus Pontifex praeferat, etiam adversarii fatentur. Primum generale fuit Nicenum: de Praeside hujus Concilii, quatuor sunt opiniones. Aliqui volunt praesedisse Imperatorem; ita Brentius. Alii Eustathium Antiochenum; ita Magdeburgenses loco notato, & Lutherus in lib. de Conciliis par. 2. Alii Athanasium; ita Calvinus loco etiam notato. Alii Hosium Episcopum, & Vitum ac Vincentium Presbyteros Legatos Romani Pontificis.

Prima opinio falsissima est. Nam in primis Constantinus post omnes Episcopos subscripsit, ut testatur Basilus Imperator in fine VIII. Synodi: at Praeses primo loco subscripsit. Deinde Constantinus non aulus est sedere, nisi in sede humiliori, quam essent Episcoporum, & annuentibus Episcopis, ut colligitur ex Theodoro lib. 1. cap. 7. hist. & Eusebio lib. 3. de vita Constantini. Praeterea, Constantinus in ipso Concilio professus est, se debere ab Episcopis judicari, eisque subiectum esse, non praepositum, ut scribit Rufinus lib. 10. cap. 2. Quomodo igitur non secum ipse pugnasset, si in Episcopali iudicio praesidere voluisset?

Ad haec Ambrosius epist. 32. dicit, Constantinum in Concilio Niceno, non se fecisse iudicem, sed liberum reliquisse iudicium Sacerdotibus. Item Athanasius in secunda Apologia dicit, non posse haberi Synodum, in qua non Episcopus, sed Comes aliquis praesederit. Et in epistola ad solitariam vitam agentes, arguit vehementer Constantium, quod in Conciliis primas partes tenere vellet: Si, inquit, iudicium Episcoporum est, quid cum eo commune habet Imperator? Et in praecedentibus refert Hosium scripsisse eidem Constantio: Ne, inquit, nobis in hoc genere praecepe, sed ea potius à nobis discere. Tibi Deus imperium commisit, nobis ea, quae sunt Ecclesiae, commisit. Et non procul à fine: Quis enim, inquit, videns eum in discernendo principem se facere Episcoporum, & praesidere iudiciis Ecclesiasticis, non merito dicat, illum eam ipsam abominationem desolationis esse, quae à Daniele praedicta est? Ubi aperte vocat Constantium Antichristum, quia ausus est praesidere in iudicio Ecclesiastico. Scribit quoque Svidas in vita Leontii, quod cum Leontius Constantium in Concilio praesidentem & loquentem videret, dixit ad eum, mirari se, quod ille propriorum negligens, idest, bellorum, aliorumque civilium negotiorum, se in alijs, idest, Ecclesiasticis, tam curiosum praerberet. At certe nec Athanasius, nec Hosius, nec Leontius reprehendissent in Constantio, quod Synodis praesidere voluisset, si antea pater ejus Constantinus in Concilio Niceno praesedisset.

Quod Eustathius non fuerit praeses, probatur primo, quia in subscriptione Eustathius non invenitur primus, nec secundus, nec tertius, sed inter alios inferius positus. Secundo, quia cum esset in Concilio Alexander, Alexandrinus Episcopus, Antiocheno major & dignior, nulla ratio sinebat, ut ipse praecederet.

At inquiunt Magdeburgenses, apud Eusebium lib. 3. de vita Constantini, legimus eum, qui primus sedebat à dextris Imperatoris, orationem habuisse de laudibus Imperatoris: Eum autem, qui orationem habuit, constat, fuisse Eustathium, ex Theodoro lib. 1. hist. cap. 7. Respondeo, Eustathium fuisse primum dextri ordinis Episcoporum, ut Eusebius dicit, non tamen primum immediate post Imperatorem. Constat enim ex Athanasio in epistola ad solitariam vitam agentes, Hosium fuisse Pri-

ncipem ejus Concilii, & proinde ante Eustathium sedisse.

Itaque (si conjectare licet) tres ordines sedium erant in Concilio, unus à dextris, alter à sinistris, & tertius in capite aulae totius, & quidem in hoc tertio sedebat medius Imperator inter Episcopos Hosium Legatum Pontificis, & Alexandrum Episcopum Alexandrinum, necnon Vitum & Vincentium Legatos item Apostolicos. Deinde primus ordinis ejus, qui erat à dextris, sedebat Eustathius Episcopus Antiochenus. Alterius autem ordinis, qui erat à sinistris, sedebat primus Macharius Episcopus Hierosolymae; atque hac ratione servabatur ordo dignitatis inter primarios Patriarchas; quem certe valde probabile est servatum fuisse in ea Synodo, vel certe, si id placet, respondere possumus, Eustathio datum esse locum digniorem ob antiquitatis & sanctitatis ejus meritum, sed non propterea eum Concilio praesedisse. Nam alioquin Imperator praesedisset in Concilio IV. & VI. qui in summo loco sedebat. Itaque non tam ex loco, quam ex subscriptione colligenda est praesidentia; saepe enim honoris gratia ille sedet primus, qui revera primum locum non tenet.

Quod verò Athanasius non fuerit praeses, vix eget probatione, solus enim Calvinus, & sine ulla ratione id asserit; & praeterea constat, Athanasium tunc fuisse Diaconum, & ivisse ad Concilium cum Episcopo suo Alexandro, & nec sedisse, nec subscripsisse. Vide Rufinum lib. 10. hist. cap. 14. & Sulpitium lib. 2. sacrae historiae, Gregorium Nazianzenum oratione in Athanasium, & ipsum Athanasium in secunda Apologia. Porro Diaconum sedere, nedum praesidere in Synodo Episcoporum, nisi locum teneat Episcopi sui, est omnino inauditum. Non autem tenebat locum Episcopi Athanasius, cum Episcopus ipse Alexander adesset praesens. Denique inter subscriptiones invenitur quidem subscriptio Alexandrini Episcopi Alexandri, proximè posita post subscriptionem Romanorum Presbyterorum, at subscriptio Athanasii nusquam reperitur.

Quod ergo praesides fuerint Legati Pontificis Episcopus Hosius, Vitus & Vincentius Presbyteri, probatur primo, ex subscriptionibus. Hi enim tres primi omnium subscripserunt. Secundo, ex Cedreno in compendio historiarum, & Photio in libro de septem Synodis, qui dicunt Sylvestrum per suos Legatos Concilio Niceno auctoritatem contulisse. Tertio, ex Athanasio in epistola ad solitariam vitam agentes, ubi dicit, Hosium Principem fuisse in eo Concilio, & ipsum esse, qui composuit Symbolum, quod dicitur Nicenum. Cum autem Hosius fuerit simplex Episcopus, & proinde inferior omnibus Patriarchis, qui erant in eo Concilio, sine dubio nunquam habuisset primum locum, nisi vicem gessisset Romani Pontificis. Itaque in praefatione quadam Concilii Sardicenis, quae habetur in primo tomo Conciliorum, & fortasse est Dionysii Exigui, viri doctissimi, disertis verbis habetur, Hosium Cordubensem in Niceno Concilio Legatum egisse Romani Pontificis; quod etiam ex Codice Graeco intelligi potest, qui in Vaticana Bibliotheca habetur; cuius testimonium vide in lib. 2. de Concilio Niceno, edito ab Alphonso Pisano, Societatis Jesu, Coloniae anno M. D. LXXXI.

Secundum Concilium generale fuit Constantinopolitanum I. in quo constat non praesedisse Imperatorem, sed tantum misisse ad Episcopos literas Romani Pontificis, quibus ad Concilium vocabantur, ut patet ex epistola Concilii ad Damasum, apud Theodoretum lib. 5. cap. 9. Constat etiam non praesedisse Romanum Pontificem, sed Nectarium Episcopum

copum Constantinopolitanum: cuius rei causa est, quia Romanus Pontifex non interfuit, nec per se, nec per Legatos. Pontifex enim Damasus convocaverat quidem Episcopos Orientis Constantinopolim, sed ex eo loco postea volebat eos Romam venire, ubi ipse coegerat Synodum Episcoporum Occidentalium, ut Romae fieret plenissimum Concilium. Ceterum Orientales excusaverunt se iustas ob causas, & conjunxerunt se animis, & sententiis cum Occidentalibus, non autem praesentia corporali. Vide epistolas Damasii ad Concilium Constantinopolitanum, & Concilii ad Damasum, apud Theodoretum lib. 5. cap. 9. & 10. Quod autem, si Damasus adfuisset, sine dubio praesedisset, patet ex eisdem epistolis, ubi illi Damasum, ut caput suum agnoscunt, & ipse filios eos vocat.

Tertium Concilium fuit Ephesinum I. in quo certum est, non praesedisse Imperatorem, sed Romanum Pontificem per Legatos suos. Quod non Imperator, nec aliquis nomine ejus, patet ex epistola ipsius, videlicet Theodosii Junioris ad Synodum Ephesinam, quae habetur tomo 1. ejus Concilii cap. 32. ubi dicit, se misisse Candidianum Comitem, ad Concilium, non ut misceret se quaestionibus Ecclesiasticis, sed ad Synodi defensionem. Vide epistolam Nicolai I. ad Michaellem Imperatorem. Quod Romanus Pontifex Coelestinus praesederit per Legatum suum S. Cyrillum, testantur omnes historici; Evagrius lib. 1. cap. 4. Photius in libro de septem Synodis, Prosper in Chronico, Nicephorus lib. 14. cap. 34. & Liberatus Abbas in Breviario cap. 15. Denique Justinianus in Edicto, & Nicolaus I. in Epistola ad Michaellem, & ipse Coelestinus in Epistola ad Cyrillum, quae exstat in hac Synodo, tom. 1. cap. 16. & inter opera Cyrilli.

At Calvinus respondet, Coelestinum aliquo artificio quassivisse saltem nomen praesidentiae, cum rem habere non posset, & ideo cum mitteret illos suos, Cyrillo, qui alioqui praefuturus erat, vices suas delegasse, ut saltem per illum praesidere videretur.

At figmentum istud Calvini, quod sine ulla ratione profert, facile refellitur. Primum, ex Prospero, qui dicit, Nestorio praecipue restituisse Cyrilli industriam, & Coelestini auctoritatem. Secundò, ex epistola Coelestini, qua videmus mandari Cyrillo vices Romani Pontificis, multò antè, quàm Legati ceteri mitterentur. Tertio, ex Nicephoro loco notato, qui dicit, adeò magni fecisse Orientales hoc privilegium, datum Cyrillo à Coelestino, ut deinceps Cyrillus mitram, & nomen Papae, atque ut iudex orbis universi appellaretur, acceperit, & haec ornamenta etiam ad successores transmissit. Quarto, ex epistola Cyrilli ad Constantinopolitanos, in qua dicit, quòd si Nestorius intra terminum à sancto Coelestino Papa praescriptum, non resipuerit, communione Ecclesiae privabitur. Quintò, ex ipsa Synodo, quae ut refert Evagrius lib. 1. cap. 4. & ex ipsa sententia, quae habetur tomo 2. cap. 10. hujus Synodi, cum damnationem in Nestorium pronuntiare vellet, praemisit se cum aliis Ecclesiae canonibus, tum praecipue literis Papae Coelestini, necessario compulsam ad tam severam sententiam. Denique, extat epistola Synodi ad Coelestinum, in qua reservant iudicio ipsius Coelestini causam Joannis Episcopi Antiocheni, ut ipse in eum sententiam ferat. Quae omnia sunt certa argumenta, quòd Coelestinus re ipsa fuerit Praeses & Princeps in eo Concilio.

Quartum Concilium est Chalcedonense, in quo initio, idest, in prima actione, Imperator Martianus interfuit, & sedit primo loco, non tamen pra-

A sedit, ut Iudex, ut ipsemet testatus est in oratione ad Synodum, quae exstat act. 1. ubi ait, se venisse ad confirmandam fidem, sicut olim fecerat Constantinus Magnus, idest, non venisse ad explicandam fidem, & controversias judicandas; sed ad hoc, ut fides à Concilio explicata, firma, ac tutata consisteret, defensa videlicet Imperatoris ope & auctoritate. Interfuerunt denique nomine Imperatoris in aliis actionibus quidam Iudices seculares, qui non erant Iudices controversiarum fidei, sed tantum, an omnia fierent legitimè, sine vi, & fraude, & tumultibus. Quia enim in Concilio Ephesino II. Dioscorus Episcopus militibus introductis, vi coegerat Episcopos ad subscribendum: In hoc Concilio interfuerunt vel Imperator, vel Vicarii ejus ad impediendam violentiam. Id quod ex toto Concilio apparet, nunquam enim sententiam ferunt, nunquam subscribunt, & in omnibus sententiis Episcoporum acquiescunt.

B Praesuerunt autem revera ut Iudices Ecclesiastici, Legati Leonis Papae. Ipsi enim in omnibus actionibus primi nominantur, primi sedent, primi loquuntur, primi subscribunt, ipsi sententiam definitivam in Dioscorum proferunt, nomine Papae & totius Concilii action. 3. his verbis: *Sanctissimus ac beatissimus Papa caput universalis Ecclesiae Leo per nos Legatos suos, sancta Synodo consentiente, Petri Apostoli praeitus dignitate, qui Ecclesiae fundamentum, & petra fidei & caelestis regni janitor nuncupatur, Episcopali dignitate Dioscorum nudavit & ab omni sacerdotali opere fecit extorrem.* Denique B. Leo & Concilium totum id fatentur. Leo epist. 47. ad Concilium Chalcedonense, sic ait: *In his, inquit, fratribus Paschasino & Laurentio Episcopis, Bonifacio & Basilio Presbyteris, qui ab Apostolica sede directi sunt, me Synodo vestra fraternitas existimet praesidere.* Concilium Chalcedonense in epistola ad Leonem, quae habetur act. 3. in quibusdam exemplaribus in aliis post finem Concilii: *Quibus, Episcopis Concilii, in quidem sent membris caput praerat in his, qui tum tenebant ordinem, benevolentiam praeferebat. Imperatores vero ad ornandum decentissimè praesidebant &c.*

D Calvinus respondet, in hoc quidem Concilio praesedisse Legatos Pontificis Romani; sed ex privilegio Imperatoris, quod extorserat Leo Papa: *Cum enim fieret Concilium Ephesinum secundum, inquit Calvinus, non est ausus Leo petere primam sedem in Concilio, sed misit Legatos, & passus est eos subesse Dioscoro Alexandrino Episcopo Praefati.* Quia verò res male cessit, & Dioscorus non rectè navim gubernavit, Leo, illa occasione accepta, petiit ab Imperatore, ut permitteret aliud Concilium fieri, cui Legati sui praessent. Imperator, quia videbat, non esse in Oriente ullas idoneos Episcopos tanto oneri, ex defectu personarum, permisit Romanis Legatis praesidentiam.

E Haec historia, quam Calvinus sine ulla probatione recitat, plena est mendaciis; nam in primis, quòd Leo non sit ausus petere primam sedem in Concilio Ephesino, mendacium est. Scribit enim Liberatus in Breviario cap. 12. Legatos Romani Pontificis noluisse in Concilio sedere, cum vidissent praesidere Dioscorum, & non datam sanctae sedi Romanae praesessionem. Porro Dioscorum extorsisse contra fas ab Imperatore praesidentiam illam, scribunt Zonaras in vita Theodosii, & Evagrius lib. 1. cap. 10. Unde etiam Leo epist. 24. 25. & 26. ad Theodosium & Pulcheriam, frequenter repetit, Dioscorum in ea Synodo sibi vendicasse principatum. Ubi etiam testatur, Flavianum Episcopum Constantinopolitanum appellasse à Concilio illo ad Apostolicam sedem, & libellum appellationis tradidisse Legatis

Romanis: Quomodo ergo non auderet Leo in eo Concilio præsentiam petere, à quo ad se, tanquam ad maiorem, appellabatur? Deinde, quòd Leo perierit ab Imperatore, ut sui Legati præfessent in Synodo Chalcedonensi, & quòd Imperator id concesserit defectu personarum Orientalium, mendacia impudentissima sunt; nihil enim tale ab ullo narrat. Immo videmus Leonem Legatos misisse absolute, ut præfiderent, nullius consensu petito, ne dum venia vel permissione.

Quintum Concilium fuit Constantinopolitanum II. in eo præfedit non Menas, (ut falso Calvinus docet) Concilium enim à Mena celebratum, non generale, sed particulare fuit, ut suprà demonstravimus; sed Eutychius, Menæ successor, qui tamen agnovit, & professus est, præfidentiam debitam fuisse Romano Pontifici, si is interesse Concilio voluisset. Unde Zonaras in vita Justiniani: *Sub hoc, inquit, quintum Concilium est coactum centum sexaginta quinque Episcoporum, quorum Princeps fuit Vigilus Papa Romanus. Et ipse Eutychius Patriarcha in Epistola ad Vigilium, quæ habetur in fine primæ collationis quintæ Synodi: Petimus, inquit, præfidente nobis vestra Beatitudine de tribus capitulis quæri & conferri. Quæ verba Patriarchæ Eutychii non solum mendacium Calvinii refellunt, qui scripsit Menam in eo Concilio præfedis, sed etiam alterum Illyrici, qui Centur. 6. cap. 9. colum. 509. asseruit, Vigilium Papam noluisse Synodo interesse, ne cogeretur secundus Eutychio assidere. At qui hoc timere potuit, cum ipse Eutychius præfidentiam illi offerret?*

Sextum Concilium fuit Constantinopolitanum III. in eo Præfides fuerunt Legati Agathonis Romani Pontificis, Petrus & Georgius Presbyteri, ac Joannes Diaconus. Id enim affirmat Zonaras in vita Constantini IV. & præterea ex ipsa Synodo patet, ubi in singulis actionibus isti primi omnium nominantur, loquuntur, subscribunt. Interfuit in hac Synodo etiam Imperator Constantinus, cum nonnullis viris illustribus, & præfedit, idest, primo loco sedet, sed non fuit ullo modo Judex, aut formaliter Præses, nam nullam sententiam tulit, & ultimus omnium subscripsit, non definiens, sed consentiens.

Septimum Concilium est Nicænum II. in quo sine controversia Præfides fuerunt Legati Papæ Adriani I. Petrus Archipresbyter, & Petrus Abbas sancti Sabæ. Isti enim primi nominantur, & primi subscribunt. Imperator nihil in hac Synodo egisse legitur.

Octavum Concilium est Constantinopolitanum IV. in quo etiam sine controversia Legati Adriani II. præfederunt, videlicet Donatus & Stephanus Episcopi, & Marinus Diaconus, qui primi nominantur, & subscribunt, & in ipsa prima actione rogati à Concilio, ut ostenderent literas Papæ, quibus daretur eis præfidentia, mox exhibuerunt literas Adriani. Denique, ad finem Concilii ita subscribit primus: *Ego Donatus Dei gratia Episcopus Hostiensis, locum obtinens Domini mei Adriani universalis Papæ, huic sanctæ & universali Synodo præfident, omnia, quæ superius leguntur, promulgavi, & manu propria subscripsi.* Imperator autem Basiliius adfuit quidem, sed in fine Concilii aperte testatus est longa oratione, non esse suum, nec ullius hominis Laici, miscere se Ecclesiasticis judiciis. Et tandem subscripsit post omnes Patriarchas non definiens, sed suscipiens, & consentiens, præfatus etiam antea se debuisse subscribere post omnes Episcopos, ut olim fecerunt Constantinus, Theodosius, & Martinus; tamen se subscripsisse immediate post Pa-

triarchas, quia tali eum honore Episcopi afficere voluerunt.

Si ergo his addamus reliqua generalia Concilia, in quibus omnibus sine controversia Pontifex Romanus præfedit, habebimus ex continua Ecclesiæ consuetudine, propriè ad Romanum Pontificem pertinere munus in Conciliis generalibus præfidentis. De cæteris, quæ ad formam pertinent Conciliorum, ut de ordine, quo cæteri sedere debent, de vestibus Episcoporum in Synodo, de modo procedendi, &c. vide Joannem de Turrecremata lib. 3. cap. 26. & 27. & Concilium Toletanum IV. cap. 3. Toletanum XI. cap. 1. & initium Conciliorum Constantiensis & Basiliensis.

C A P U T XX.

Solvuntur argumenta adversariorum.

Argumenta Calvinii sumuntur à praxi Ecclesiæ. Proponit enim quinque Concilia, in quibus Pontifex Romanus non præfuit. Videlicet Nicænum, cui præfuit Athanasius; Quintum generale, cui præfuit Menas; Ephesinum secundum, cui præfuit Dioscorus; Carthaginense sextum, cui præfuit Aurelius, etiam si adessent Legati Pontificis; & Aquilejense, cui non Damasus, sed Ambrosius præfedit. Sed ad prima tria jam est responsum.

Ad Quartum dico, solum in generali Concilio debere necessariò Romanum Pontificem præfidere; in provincialibus enim, vel nationalibus, qualia sunt omnia Carthaginensia, non negamus deberi præfidentiam Archiepiscopo, vel primati ejus loci. Porro Legati Romani Pontificis non fuerunt ad illud Concilium missi, ut præfiderent, sed ut quædam tractarent cum eo Concilio nomine Romanæ Ecclesiæ.

Ad Quintum dico, argumentum constari ex duobus mendaciis Calvinii, quæ sunt major & minor, propositio; ex quibus quid potest colligi, nisi mendacium? Primum mendacium est, quòd Aquilejense Concilium fuerit generale; nam primò, si fuisset generale, fuisset secundum, & proinde Constantinopolitanum, quod postea sequutum est, non fuisset secundum, sed tertium. Deinde vix interfuerunt Episcopi 30. qui certè non sufficiunt ad generalem Synodum faciendam. Denique, in epistola hujus Concilii ad Imperatorem, dicunt Patres, non fuisse opus congregare Concilium generale, sed abundè satis fuisse ad id, pro quo vocati erant, paucos illos Episcopos, præsertim cum essent ex varis provinciis Occidentis. Itaque Concilium fuit provinciale, sed adjutum etiam aliquot Legatis quarundam aliarum provinciarum.

Secundum mendacium est, quòd Ambrosius præfederit: nam primus nominatur Valerianus Episcopus Aquilejensis, secundus Ambrosius Mediolanensis: quod est argumentum, Valeriano datum esse primum locum. Neque his repugnat, quòd Ambrosius in eo Concilio serè solus disputat cum hæreticis; munus enim disputandi non Præsidi, sed Episcopo doctissimo demandari solet.

Brentius argumenta petit ex Testamento veteri, in quo constat præcipuos Judices, etiam in rebus spiritualibus, fuisse Principes, sive Reges, ut patet de Mose, Josue, Davide, Salomone, Ezechia, Josia. Accedit, quòd Deus commisit Principibus custodiam legis divinæ, ut dicitur Roman. 13. *Si male egeris, time; non enim sine causa gladium portat.* Ergo Principum est judicare de lege Dei, quomodo sit

do sit servanda, & punire transgressores. Sed hoc argumentum jam est à nobis solutum in lib. 3. de verbo Dei, & in lib. 1. de Pontifice. Quia tamen non piguit adversarios eadem argumenta sæpius repetere, nec nos pigebit solutiones quoque sæpius repetere.

Respondeo igitur primò, Moysen non solum Principem, sed etiam summum Sacerdotem fuisse, ut patet ex Psalm. 98. *Moses & Aaron in Sacerdotibus ejus*; Josue autem, Davidem, Salomonem, & aliquos alios non solum Reges, sed etiam prophetas fuisse, quibus Deus quædam extraordinariè committebat, quæ ad Sacerdotes alioquin ex officio spectabant: Hoc modo Salomon Rex amovit Abiathar à sacerdotio, & constituit Sadoc pro eo, 3. Reg. 2. id enim fecit, non ut Rex, sed ut Propheta ex divina inspiratione; Unde subjungitur ibidem causa. *Ut impleretur sermo Domini, quem loquutus est super domum Heli, in Silo.* Sed non propter ista extraordinaria, delenda est ex Deut. cap. 17. lex illa generalis, qua jubenter omnes in dubiis circa legem recurrere ad Sacerdotes: neque illa Malachiæ 2. *Labis sacerdotis custodient scientiam, & legem requirent ex ore ejus.*

Dico secundo, alios Reges Synagoga, qui boni fuerunt, nunquam se miscuisse in negotiis sacerdotalibus ejus, & si quando se miscuerunt, punitos fuisse, ut patet de Rege Josaphat optimo, qui 2. Paralipom. 19. apertè distinguit officia, & dicit: *Amarias Sacerdos & Pontifex in omnibus, quæ ad Deum pertinent, præstabit: Porro Zabadias, qui est dux in domo Juda, super ea opera erit, quæ ad Regis officium pertinent.* Econtrariò autem Ozias Rex, 2. Paralip. 26. cum Sacerdotis officium usurpare voluisset, mox à Deo percussus, leprosus factus est, & permansit usque ad mortem.

Ad confirmationem dico, Reges esse custodes Legis divinæ, sed non interpretes, & proinde ad eorum officium pertinere, ut legibus & edictis suis jubent eam fidem teneri, quam Sacerdotes tenendam docent, & hæreticos ab Ecclesia judicatos coercerent poenis temporalibus, ut Augustinus docet in epist. 48. 50. & 166. Et pii Imperatores Constantinus, Theodosius, Martianus, alique id sæpè fecerunt, ut patet ex l. Cunctos populos, C. de summa Trinitate & fide Catholica, & ex toto titulo de hæreticis in eodem Codice.

Argumenta Hermannii sumuntur ex variis exemplis veterum. Primum est ex disputatione Athanasii cum Ario, præside Probo iudice, homine laico, & nondum Christiano, quem Imperator Constantius deputaverat, quæ quidem existat imperfecta in operibus Athanasii, sed perfecta in operibus Vigilii Episcopi Tridentini, qui floruit circa annum Domini 500.

Respondeo, nunquam fuisse talem disputationem re ipsa habitam: sed Vigilium eam composuisse per modum Dialogi: ut eo modo scriberet contra Arianos, ut ipsemet faceret lib. 5. contra Eutychen, non procul ab initio; Et præterea res ipsa clamat, nam disputatio habetur inter quatuor homines, Sabellium, Arium, Photinum, & Athanasium tunc Episcopum, ut patet ex epistola Imperatoris, quæ initio disputationis fingitur missa ad Probum: At Sabellius obiit antequam ullus ex aliis tribus orbi innotesceret, ut patet ex Eusebio lib. 7. histor. cap. 5. Arius quoque obiit tempore Constantini, antequam Constantius regnare inciperet, ut patet ex Socrat. lib. 1. cap. 25. ergo non potuit cum Athanasio congregi, tempore Constantii, ut hic fingitur. Quod verò quidam dicunt, duos fuisse Arios, & cum posteriore tamen disputasse Athanasium, refellitur ex ipsemet Vi-

A gilio qui initio hujus disputationis apertè testatur, se loqui de illo Ario, qui Arianam hæresim primus excogitavit.

Sed Dices, etiamsi Dialogus sit fictus, tamen apparet, non esse visum absurdum Vigilio, si iudex laicus præesset disputationi de religione. Respondeo, Vigilium ita Dialogum composuisse, ut ostenderet tantam esse vim Catholicæ veritatis, ut etiam sub iudice non Christiano vincere possit.

B Secundum exemplum est desumptum ex Zonara in vita Constantini, ubi legimus, ad petitionem Helenæ, quæ conabatur pertrahere Constantinum filium à fide Christi ad Judaismum, disputasse Sylvestrum cum Judæis coram quibusdam senatoribus, tanquam iudicibus, ex mandato Constantini.

Respondeo, videri incertam istam narrationem, omnes enim veteres Helenam laudant ut foeminam Christianissimam. Et non solum Catholici, sed etiam Magdeburgenses Cent. 4. col. 694. rident hanc narrationem, ut fabulosam; & ex Chronico Eusebii colligitur anno 325. lignum crucis Dominicæ ab Helena inventum, & Marianus Scotus sub annum 327. scribit illam disputationem incidisse opera Helenæ, tunc Christum persequentis, quæ nullo modo cohererent.

C Tertium exemplum sumitur ex Optato Milevitano, & Augustino, qui multis in locis scribunt, Donatistas in causa Cæciliani ab Imperatore iudice postulasse; Imperatorem autem dedisse eis Romanum Episcopum cum aliis quibusdam Episcopis, sed eos appellasse, & ab Imperatore accepisse alios iudices in Gallia, quos rursus appellantes Imperator ipse iudicavit. Ergo summus Iudex in causis Episcoporum est Imperator.

D Respondeo, bene habet quod hæretici argumentantur ex gestis hæreticorum majorum suorum, nam quod malè fecerint recurrendo ad Imperatorem tanquam Iudicem, & quod peius fecerint rursus ad eum appellando, Optatus, Augustinus & Imperator ipse testes sunt. Augustinus epist. 48. dicit, hinc merito reprehendit Donatistas, quòd apud Imperatorem accusaverint Cæcilianum, cum potius eum apud Episcopos Transmarinos convincere debuissent. Et ibidem addit, Imperatorem ordinatius egisse, qui Donatistas, ad se venientes, remisit ad iudicium Milthiadis Romani Episcopi.

E Optatus lib. 1. contra Parmen. refert, Imperatorem sic exclamasse: *O rabida furoris audacia, sicut in causis Gentilium fieri solet, appellationem interposuerunt.* Item Augustinus in epistol. 162. *Qua in re, inquit, quemadmodum detestetur illos Constantinus audivistis. Atque utinam, ut eis ipse cesset, ut de illa causa post Episcopos iudicaret, à sanctis Antistitibus veniam postea petiturus, sic & illi aliquando cederent veritati.* Ubi vides Constantinum agrè tulisse ad se appellari, & iudicasse post Episcopos coactum, ut vel sic frangeret furorē Donatistarum, cum viderent se ab omnibus condemnari: & præterea intellexisse Constantinum, se non posse jure suo iudicare, sed tantum ea spe, quòd postea Episcopi veniam illi darent, à quibus eam petiturus erat. Quæ autem fuerit mens Constantini extra hos articulos necessitatis, patet ex Rufino lib. 10. hist. cap. 2. ubi asseruit se debere iudicari ab Episcopis, non eos iudicare.

Quartum exemplum est sumptum ex Breviculo collationum circa principium, ubi sic Augustinus loquitur: *Cum Catholici Episcopi & partis Donati, iussu Imperatoris disputando inter se gestis apud Tribunal & Notarium Marcellinum cognatorem habitis, contulissent &c.* Ex in fine Breviculi asserit, Marcellinum, ut iudicem, sententiam tulisse pro Catholicis contra Donatistas.

Quintum exemplum sumitur ex Sozomeno lib. 4. cap. 5. & ex Epiphanio hæresi 17. qui scribunt Photinum petiisse & impetrasse ab Imperatore iudices, coram quibus causam suam ageret.

Respondeo ad quartum exemplum, ex doctrina ipsius Augustini, collationem illam cum Donatistis extraordinariam, & quadam necessitate susceptam fuisse: Nam ut scribit idem Augustinus lib. 3. contra Julianum, cap. 1. cum Pelagiani vellent opera Imperatoris cogere Catholicos ad collationem eo modo, quo antea Catholici coegerant Donatistas: Augustinus respondit, Catholicos eam collationem modo extraordinario cum Donatistis necessario habuisse, eò quod illi totam Africam infestarent, nec possent aliter reprimi, vel ad Concilium cogi, nisi per temporales potestates, ut tunc factum est.

Dico præterea illud iudicium non fuisse tale, quale est de quo nos agimus. Non enim ita iudicavit Marcellinus, ut ejus sententia totam Ecclesiam obligaverit, sed tantum ut represserit audaciam Donatistarum; sententia enim Marcellini fuit Donatistas ita à Catholicis confutatos, ut non habuerint quod respondere possent. Sicut etiam cum Augustinus disputavit cum Pascenio Ariano, arbitro Laurentio, ut patet ex epist. Augustini 174. & 178. sententia Laurentii non faciebat rem de fide, sed tantum valebat ad confusionem Pascenii, qui victus pronunciabatur; & idem dicendum est de disputatione Photini hæretici, & de similibus disputationibus. Nunquam enim in Ecclesia habitæ sunt pro legitimis definitionibus, qualia sunt decreta Conciliorum.

Sextum exemplum sumptum est ex Socrate lib. 5. cap. 10. & Sozomeno lib. 7. cap. 12. ubi legimus, Imperatorem Theodosium iussisse, ut singuli Principes variarum religionum, idest, Catholici, Ariani, Eunomiani adferrent ad se scriptam formulam fidei suæ. Quod cum factum esset, Imperatorem impensè Deum orasse, ut animum suum dirigeret in vera fide eligenda, & tum demum lectis omnibus confessionibus solam Catholicam approbasse, & eam servari iussisse.

Respondeo, Theodosium non suscepisse aliquam novam controversiam definiendam, neque se iudicem ullo modo fecisse in causa fidei. Quod patet primo, quia illa quæstio jam definita erat in Concilio Nicæno, cuius ipse adeo strenuus sectator erat, ut noluerit baptizari ab Episcopo Thessalonicensi, nisi prius intelligeret eum esse fidei Nicænae; ut est apud Socratem lib. 5. cap. 6. non ergo dubitare potuit, an esset verior fides Ariana, an fides Catholica. Secundò, quia Ambrosius in ep. 32. dicit, non esse Imperatorum in causa fidei iudicare; & hoc probat testimonio Constantini, Valentini senioris, & Theodosii. Item in Concilio Aquilejensi, idem Ambrosius dicit, Imperatorem Theodosium libertum reliquisse iudicium sacerdotibus. Theodosius igitur nihil iudicavit in causa fidei, sed tantum legit sectatorum confessiones, ut eis acquiesceret, eisque satisfaceret, ne videretur eos inauditos sine ratione damnare.

Quod autem scribit Socrates, Theodosium à Deo per orationes postulasse, ut se dirigeret in eligenda fide, falsum esse arbitror: Nam cum oraverit secretò, ut idem Socrates affirmat, quis potest scire, quid oraverit? Et præterea certum est eum non sic orasse, quia sic orando peccasset peccato infidelitatis, dubitando de fide, quam semel acceperat; Et tamen eum in hoc facto nihil peccasse, sed laudabiliter egisse, omnes fatentur. Oravit igitur, non ut dirigeretur in eligenda fide, sed ut dirigeretur in eo negotio, ne aliquid imprudenter ageret,

& fortasse à Deo veniam petiit, quòd alienum ius occupare videretur; & simul oravit, ne deciperetur legendo confessiones tot hæreticorum.

Septimum exemplum sumitur ex Theodoro lib. 5. cap. 23. ubi legimus, quòd cum Romani Pontifices nollent Flavianum esse Episcopum Antiochenum, tamen Theodosius Imperator aliter iudicavit, & iussit Flavianum Antiochiæ esse Episcopum.

Respondeo, hanc historiam mirificè ostendere Romani Pontificis primatum, & nihil planè obesse præsentis causæ. Dico igitur, Pontificem iure noluisse, ut Flavianus esset Episcopus, Imperatorem autem, quod fecit, ex potentia, non ex iustitia fecisse. Id quod probò, quia ut Socrates refert lib. 5. c. 5. cum esset schisma in Ecclesia Antiochena, & simul sederent Meletius, & Paulinus, placuit tandem omnibus, ut simul sederent; sed cum alter moreretur, alter solus Episcopus esset, nemine succedente Episcopo mortuo; idque iurejurando confirmaverunt. At nihilominus mortuo Meletio in ejus locum Flavianus successit, vivente adhuc Paulino, quod contra iuramentum, & proinde illicitum fuisse, omnibus notum erat. Quid ergo mirum, si id Romano Pontifici Damaso displicebat?

Quocirca S. Ambrosius in epist. 78. ad Theophilum Alexandrinum de hac re loquens, sic ait: *Scribit Sanctitas tua, Flavianum ad Imperialium re-scriptorum suffragia remeavisse. Frustrà ergo tantorum sacerdotum fusus labor; iterum ad huius seculi iudicia revertendum. Et infra: Sanè referendum arbitramur ad sanctum fratrem nostrum Romanæ Sacerdotem Ecclesiam.* Præterea Chrysostomus quoque Antiochiæ non à Flaviano, sed ab Evagrio, Paulini successore, Presbyter ordinatus est, ut est apud Socratem lib. 6. cap. 3. quod ille nunquam passus esset, si Flavianum pro vero Episcopo habuisset. Item Theophilus Alexandrinus Episcopus, ut refert Socrates lib. 5. cap. 15. Romanum Pontificem per Legatum suum rogavit, ut Flaviano peccatum, quod admiserat, dimitteret. Et similem operam apud Pontificem postea navasse Chrysostomum, patet ex Sozomeno lib. 8. cap. 3. Ex quibus clarissimum est, Flavianum peccasse, & iudicem ejus ac superiorem fuisse Romanum Pontificem. Item Hieronymus in epist. ad Damasum, de nomine hypostasis, loquens de eodem schismate, petit à Pontifice, cum eorum Episcoporum communicare debeat, & asserit se ei communicaturum, qui cum Romano Pontifice conjunctus sit.

Præterea tres optimi & sanctissimi Pontifices, Damasus, Syricius, Anastasius, ut scribit Theodoretus lib. 5. cap. 23. liberrimè in ea causa Imperatorem increparunt, ac dixerunt, eum quidem satis diligenter opprimere Tyrannos, qui contra se insurgunt; at iis, qui contra Dei legem tyrannidem exercent, impunitatem concedere. Quam objurcationem, tam atrocem, nunquam certè Pontifices tam sancti adhibuissent, nisi Imperatorem graviter errare vidissent. Quid, quòd Imperator ea objurcatione permotus, ut ibidem Theodoretus refert, non successit Romanis Pontificibus, sed Flavianum bis Romam navigare iussit, ut coram Pontifice se purgaret?

Denique, ut ibidem Theodoretus refert, etiam si Imperator de potentia, ut diximus, non de iustitia, Flavianum Episcopum esse volebat, tamen nunquam finita est causa illa, neque Episcopi Occidentis, & Ægypti Flaviano communicare voluerunt, donec Evagrio jam mortuo Pontifex Romanus Flaviano delictum condonavit; & Legatos ejus se admissurum promisit, & ipse Episcopos illustrissimos, & Presbyteros ac Diaconos Antiochenos, Legatos Romam misit.

Habe-

Habemus ergo quid requiratur ad legitimum Concilium. Nunc breviter appendicis loco annectemus, quale Concilium requirant Protestantes in eo libro, quem inscribunt? *Causa cur Electores, Principes, alique addicti Confessioni Augustana ad Concilium Tridentinum non accedant.*

C A P U T XXI.

Refutantur conditiones, quas Lutherani requirunt in Concilio celebrando.

Lutherani, qui se Protestantes vocant, octo conditiones proponunt Concilii celebrandi, de quibus quoniam satis plenè disseruit Gaspar Willalpandus, nos eas brevissimè refellemus.

Primo ergo requirunt, ut antequam fiat Synodus, irritentur omnia acta Concilii Tridentini. Secundo, ut Concilium fiat in Germania; est enim canon Ecclesiasticus apud Cyprianum lib. 1. epist. 3. ut illic lites judicentur, ubi exortæ sunt. Tertiò, ut Pontifex Romanus non indicat Concilium, nec ei præsit, sed sit altera pars litigantium, quandoquidem ipse est qui accusatur, & nemo debet simul esse iudex, & pars. Quartò, ut ex sola Scriptura divina sententiæ ferantur, non ex traditionibus, vel canonibus. Quintò, ut decisio non fiat penes suffragiorum pluralitatem, sed ut juxta normam verbi divini pronuncietur. Sextò, ut Romanus Pontifex absolvat omnes Prælatos à juramento fidelitatis, quo ei obstricti sunt. Septimò, ut Theologi principum, ac statuum Confessionis Augustanæ, non minus, quàm Episcopi in Concilio sententias, ac voces decisivas proferre permittantur. Octavò, ut detur salvus conductus ab Imperatore, non solum personis, sed etiam ipsi causæ principali, idest, ut nec personæ possint puniri, si nolint Concilio assentiri, nec fides, & Confessio Lutheranorum possint damnari, etiamsi Theologi Lutherani eam defendere non potuerint. Cum his conditionibus dicunt, se Concilium toto pectore optare, & hoc verè pium, & liberum Concilium se vocare.

Prima conditio est iniqua; quia nihil debet irritum haberi, nisi legitimo judicio damnatum. Concilium autem Tridentinum est quidem accusatum ab hæreticis, sed non damnatum in ullo legitimo judicio. Sicut ergo Concilium Ephesinum II. damnatum est in Concilio Chalcedonensi, & Constantinopolitanum contra imagines damnatum est in septima Synodo: ita Concilium Tridentinum si damnandum esset, deberet in alia Synodo examinari, & judicari, non autem ante Synodi judicium irritari.

Secunda conditio est etiam iniqua; ut enim Lutherani jure sibi videntur petere, ut Concilium non fiat in Italia, ubi prævalent Catholici, ita Catholici jure postulare possunt, ut non fiat in Germania, ubi prævalent Lutherani, & sanè non poterat locus eligi melior atque aptior, quàm Tridentum, quod est in finibus Germaniæ, & Italiæ, etiamsi Ethnicus hominis judicio quæstio ista relinqueretur.

Ad canonem autem qui est apud Cyprianum dico, intelligi eum canonem de particularibus causis, idest, de criminibus particularium hominum, quæ debent judicari ubi sunt commissa, quia ibi facilius testes inveniri possunt. At de causis fidei, quæ ad totam Ecclesiam pertinent, alia ratio est. Unde quæstio exorta Antiochiæ de legalium cessatione, Hierosolymæ in Concilio Apostolorum terminata est, Actor. 15. & hæresis Ariana exorta Alexandriæ in Ægypto, judicata est Nicææ in Bithynia: hæresis Nestorii exorta Constantinopoli,

A damnata est Ephesi: hæresis Eutychetis nata Constantinopoli, damnata Chalcedone: hæreses Origenistarum, Didymi & Evagrii, in V. Synodo judicatae sunt apud Constantinopolim, ubi minimè natae fuerant; hæresis Monothelitarum, quæ nata erat Alexandriæ, Cyro auctore, damnata est primùm Romæ in Concilio S. Martini Papæ: deinde Constantinopoli in VI. Synodo. Denique hæresis Iconoclastarum, quæ Constantinopoli vel exorta, vel mirificè aucta & confirmata fuerat, apud Nicæam Bithyniæ, & antea etiam Romæ in Concilio judicata & damnata est. Adde, quòd habuerunt etiam Lutherani in media Germania Concilia provincialia non pauca, ut Colonienſe, Moguntinum, & alia, in quibus damnati sunt. Neque obicere debent adversarij, ista Concilia Papistarum fuisse; idem enim omnes hæretici obicere potuissent. Semper enim in Ecclesia id servatum est, ut controversias judicarent Episcopi, qui tunc erant, & non propter novas quæstiones novi crearentur Episcopi.

B Tertia conditio iniqua est; quia Romanus Pontifex non potest privari jure suo indicendi Concilia, & eis præsidendi, in cuius possessione jam fuit per 1500. annos, nisi prius in legitimo judicio convincatur, non esse summus Pontifex. Quod verò dicunt, non debere eundem esse iudicem, & partem; dico habere locum in privatis hominibus, non in Principe supremo. Princeps enim supremus donec non declaratur, vel judicatur legitime excidisse à principatu, semper est summus iudex, etiamsi cum ipso litigetur.

C Itaque solent privati, qui cum Principe suo litigant, interdum appellare ab ipso Principe malè informato, ad eundem melius informandum. Et confirmatur hoc ex antiquis historiis; nam cum Marcellinus peccasset, & propter ipsum, Concilium congregatum fuisset, Episcopi omnes dixerunt, cum non posse ab ullo damnari, sed ipsum debere esse iudicem, & reum, ut refert Nicolaus I. in epistola ad Michaellem. Item Sixtus III. cum accusaretur de adulterio, Concilium congregavit Imperator, Pontifice consentiente, sed in eo Concilio nemo ausus est Pontificis causam discutere, nisi prius ipse dixisset, velle se ut causa discuteretur, etsi in suo arbitrio esset judicari, vel non judicari. Id patet tum ex actis Concilii, tum ex epistola ejusdem Sixti ad Episcopos Orientis.

D Denique in Concilio IV. Romano sub Symmacho legimus, Episcopos omnes dixisse, Concilium non potuisse jure indici, nisi à Pontifice, etiamsi ipse esset, qui accusabatur. Adhuc, nonne Arius cum Alexandro de fide litigabat? & tamen in Concilio Nicæno sedit Alexander, quia Episcopus erat, ut iudex. Item in tertia Synodo præfedit iudicio Episcopali Cyrillus, qui tamen altera pars litigantium à Nestorianis dicebatur. Ita quoque in IV. Synodo, præfederunt Legati Leonis, cum tamen tota causa inter Leonem, & Dioscorum versaretur. Accedit, quòd Pontifex in Concilio non est solus iudex, sed habet multos collegas, idest, omnes Episcopos, qui si eum convincere possent de hæresi, possent etiam eum judicare, & deponere, licet invitum. Nihil ergo habent hæretici, cur conquærantur, si Romanus Pontifex Concilio præfedit antequam damnatus esset.

E Quarta conditio iniqua est, quia non debent semel definita in dubium iterum revocari, juxta legem Martiani Imperatoris, l. nemo, C. de summa Trinitate, & fide Catholica. Constat autem in VII. Synodo generali definitum esse, traditiones non scriptas esse recipiendas. Quamvis autem ista conditio sit iniqua; posset tamen admitti, donec iterum

26 De Conciliis & Ecclesia. Lib. I. Cap. XXI.

rum in Synodo legitimè non esset definitum, eas esse recipiendas pro verbo Dei: Hinc enim est, quod Tridentinum Concilium, antequam ad alia procederetur, definivit Scripturas, & traditiones Apostolicas, pro verbo Dei recipiendas.

Quinta conditio tollit penitus formam Conciliorum, ut suprà ostendimus, & propterea non potest fieri, ut aliquando ad finem controversiarum deveniatur, nisi detur locus majori parti suffragiorum; cum enim utraque pars proferat Scripturarum testimonia, quomodo potest cognosci, quæ sit Concilii sententia, nisi colligantur suffragia, & plurium sententia valeat?

Sexta conditio est iniqua, & impertinens: Iniqua, quia non debent inferiores liberari ab obedientia superiorum, nisi prius ille legitimè deponatur, vel declaratur non esse superior. Quemadmodum iniquum esset, ut quotiescunque fiunt Comitia Imperialia, Imperator deberet liberare à juramento fidelitatis omnes Principes sibi subiectos: Quod autem non sit novum, Episcopos juramentum obedientiæ præstare Pontifici, patet ex B. Gregorio lib. 10. epist. 31. & ex cap. Significasti, extra de electione. Item ex Concilio Toletano XI. cap. 10. Impertinens autem, quia istud juramentum non tollit Episcoporum liberta-

tem, quæ in Conciliis necessaria est, jurant enim se fore obedientes summo Pontifici, quod intelligitur, donec Pontifex est, & dum jubet ea, quæ secundum Deum, & sacros canones jubere potest: sed non jurant, se non dicturos, quod sentiunt in Concilio, vel se non deposituros eum, si hæreticum esse convincant.

Septima conditio, si intelligatur de voce propriè decisiva in forma judicii, repugnat quintæ conditioni, & est contra formam omnium Conciliorum, ut suprà ostendimus; si intelligatur improprie, & vocetur vox decisiva, Scriptura divina in testimonium alicujus sententiæ in medium allata, conditio est æquissima, & nunquam negata Protestantibus, immò eis ter oblata in Concilio Tridentino, nimirum sess. 13. 15. & 18.

Ultima conditio pro prima parte, idest, quod attinet ad saluum conductum personarum, oblata est Protestantibus, ut patet ex iisdem locis Concilii Tridentini, idest, sess. 13. 15. & 18. pro secunda parte est prorsus inepta, & ridicula; Est enim ac si aperte dixissent, volumus vexari Episcopos totius Christiani orbis, & sumptus facere, ac labores maximos pati, ut ad Concilium veniant, & tamen cum venerint, nolumus quidquam statui, neque lites unquam finire.



LIBER SECUNDUS

DE

CONCILIORUM

AUCTORITATE.

CAPUT PRIMUM.

Argumentum & partitio hujus libri.



DE Concilii definitione & causis hucusque, pro instituti operis brevitate disputatum est: restat auctoritas. Et quoniam tum ex ipsis Conciliis, quæ exstant, tum ex lib. 4. de Pontifice constat, posse Concilia Episcopalia judicare controversias, tum fidei, tum morum, quæ in Ecclesia pro tempore oriuntur, hac omiſſa questione, illud solum explicandum suscipiemus; Sintne certa, & infallibilia Conciliorum judicia?

Erit autem hæc de auctoritate Conciliorum disputatio bipartita. Primum enim consideranda erit auctoritas Conciliorum absolute; deinde comparata cum aliis similibus principiis fidei, idest, cum Scriptura, Pontificisque decretis.

De auctoritate absolute considerata duæ sunt questiones. Una, an Concilia à summo Pontifice confirmata possint errare. Altera, an Concilia à Pontifice nondum confirmata, sed alioquin omnino legitima, errare possint. Nam de Conciliis reprobatis, vel partim probatis, partim reprobatis, nihil est quod dicamus, cum illa sine dubio erraverint, de istis autem idem sit iudicium, quod de aliis, quæ vel confirmata sunt, vel reprobata.

CAPUT II.

Concilia generalia à Pontifice confirmata, errare non posse, ex Scripturis demonstratur.

AC ut à Prima questione principium faciamus, hæretici hujus temporis nullum Concilium esse volunt, quod errare non possit. Ita Lutherus asserit, art. 28. & 29. & in lib. de Conciliis. Brentius in Confessione Wirtembergensi, cap. de Conciliis. Calvinus lib. 4. instit. cap. 9. §. 8. & in minori institutione, cap. 8. §. 163. & seq. Catholici verò omnes constanter docent, Concilia generalia à summo Pontifice confirmata errare non posse, nec in fide explicanda, nec in tradendis morum præceptis toti Ecclesie communibus. De Conciliis verò particularibus videtur esse aliqua dissensio inter Catholicos, cum enim istorum Conciliorum firmitas tota ferè pendeat ex firmitate Pontificis, ii qui dicunt Pontificem errare posse, consequenter dicere debent, etiam ejusmodi Concilia errare posse, quæ ut facilius, & clariùs explicentur, duas propositiones constituemus.

Sit igitur prima propositio: *Fide Catholica tenendum*

A est, Concilia generalia à summo Pontifice confirmata, errare non posse, nec in Fide, nec in moribus. Probatum primò, testimoniis divinæ Scripturæ, quæ ad quatuor Classes reduci possunt. In prima, erunt testimonia propria; in secunda, illa quæ probant Ecclesiam non posse errare; in tertia, illa quæ probant Papam non posse errare; in quarta, illa quæ probant Episcopos omnes, & Doctores Ecclesie non posse errare.

B Testimonia propria sunt tria. Primum est Matth. 18. *Ubi sunt duo vel tres congregati in nomine meo, illic sum in medio eorum.* Calvinus non adeò magni facit hoc testimonium, proptereaquod ex eo videatur probari posse, etiam Concilium duorum hominum non posse errare. Sed is hoc testimonium non contemnet, qui observavit, argumentum sumi non simpliciter ex his verbis, sed ex his verbis continuatis cum superioribus, & propterea addita argumentatione à minori ad majus. Dixerat enim antea Dominus de homine incorrigibili: *Dix Ecclesie, & si Ecclesiam non audierit, sit tibi velut Ethnicus & publicanus.* At ne quis Ecclesiam, sive congregationem Prælatorum contemnendam putaret, adiunxit continuò: *Amen dico vobis, quæcumque ligaveritis super terram, erunt ligata & in celo &c.*

C Et ne quis dubitaret de assistentia Dei, quando Episcopi congregati aliquem damnant, vel absolunt, subjungit: *Ubi enim sunt duo vel tres congregati in nomine meo, ibi ego in medio illorum sum.* Quorum verborum hæc sententia est; Si duo vel tres congregati in nomine meo, obtinent semper quod petunt à Deo, nimirum sapientiam, & lumen quod sufficit eis ad cognoscenda ea, quæ ipsis necessaria sunt, quantò magis Episcopi omnes congregati in nomine meo, semper obtinebunt, quod justè petunt, idest, sapientiam, & lumen ad judicanda ea, quæ ad totam Ecclesiam dirigendam pertinent?

D Itaque sive pauci, sive multi, sive privati, sive Episcopi congregentur in nomine Christi, omnes habent Christum præsentem, & adjuvantem, & obtinent quod eis convenit obtinere. Sed in congregatione paucorum & privatorum adest Christus, ut eos adjuvet in rebus parvis, & privatis; in congregatione autem Episcoporum adest, ut eos adjuvet in rebus magnis & publicis. Ita hunc locum exponit, & hoc argumento utitur Concilium Chalcedonense in epist. ad Leonem, quæ est post finem tertie actionis ejusdem Concilii. Item sexta Synodus, act. 17. **E** Toletanum III. non procul ab initio. Item Innocentius Papa apud Gratian. dist. 20. can. de quibus. Coelestinus in epist. ad Ephesinum Concilium I. & Cyrillus in expositione Symboli Nicæni circa principium.

Alter locus est Joan. 16. *Spiritus veritatis docebit vos omnem veritatem.* Et ne putemus hoc dici solis Apostolis, & non etiam successoribus, cap. 14. aperte Dominus testatur Spiritum sanctum mansurum cum Apostolis in æternum, idest, cum eis, & cum successoribus perpetuò. At Episcopos seorsim existentes non docet Spiritus sanctus omnem veritatem, ergo

ergo saltem Episcopos omnes in unum congregatos docebit omnem veritatem. Et sanè cum non sit in Ecclesia major aliqua cathedra, per quam Deus nos doceat, quàm summi Pontificis cathedra, adjuncto consensu generalis Concilii, si hæc etiam cathedra falli potest cum universam Ecclesiam docet, nescio, quomodo vera sit illa promissio: *Docebit vos omnem veritatem.*

Tertius locus est Act. 15. ubi primum Concilium confidenter ait: *Visum est Spiritui sancto, & nobis.* Si autem illud Concilium, ex quo formam acceperunt omnia alia Concilia, asserit decreta sua, esse decreta Spiritus sancti, certè idem asserere possunt cætera legitima Concilia, quæ universæ Ecclesiæ regulas credendi, & operandi præscribunt. Illi enim Concilio adfuit Spiritus sanctus, quia id necesse erat pro Ecclesiæ conservatione; at non minus aliis temporibus novis hæresibus exorientibus id necessarium fuit, atque etiam erit.

Secunda Classis testimoniorum continet omnia illa loca, quibus probatur Ecclesiam non posse errare, neque in credendo, neque in docendo, qualia sunt illa: *Super hanc petram edificabo Ecclesiam meam, & porta inferi non prævalebunt adversus eam* Matth. 16. *Ego vobiscum sum usque ad consummationem sæculi* Matthæi ultimo. *Ecclesia Dei vrvs est columna & firmamentum veritatis* 1. Tim. 3. & similia.

Ex his enim locis manifestè colligitur, Concilia generalia probata non posse errare, idque duobus modis. Primò, quia tota auctoritas Ecclesiæ, formaliter non est nisi in Prælati, sicut visus totius corporis formaliter est tantum in capite, ergo idem est Ecclesiam non posse errare in definiendis rebus fidei, & Episcopos non posse errare. Atqui, ut diximus, singuli seorsum errare possunt, igitur congregati in unum errare non poterunt.

Secundò, Concilium generale repræsentat Ecclesiam universam, & proinde consensum habet Ecclesiæ universalis; quare si Ecclesia non potest errare, neque Concilium œcumenicum legitimum, & approbatum potest errare. Porro à Concilio generali universam Ecclesiam repræsentari, Calvinus negat, sed faciliè demonstrari potest. Nam in primis 3. Regum cap. 8. apertè vocatur tota Ecclesia Israel, cœtus principum, qui cum Salomone convenerant; nam nec fieri poterat, ut omnis Israel, qui superabat numerum mille millium hominum, esset in eo templo simul; & initio capitis legimus convenisse ad regem sacerdotes, & capita singularum tribuum.

Præterea Athanasius in epist. de Synodis Arimin. & Seleuciæ, & in epistol. ad Episcopos Africanos. Epiphanius in fine Ancoratus. Eusebius lib. 3. de vita Constantini. Augustinus lib. 1. contra Donatistas cap. 18. & lib. 2. cap. 4. & lib. 4. cap. 6. Gelasius in epist. ad Episcopos Dardaniz. Gregorius lib. 1. epistol. 24. ad Joannem Eulogium, aliosque Patriarchas. Denique octava Synodus act. 5. vocant Concilium generale, conventum orbis terræ, vel consensum totius Ecclesiæ. Præterea Martinus V. in fine Concilii Constantiensis jubet interrogari suspectos de hæresi; An non credant, Concilium generale universam Ecclesiam repræsentare. Item B. Cyprianus lib. 4. epistol. 9. cum ait, Ecclesiam esse in Episcopo, sine dubio intelligit in omnibus Episcopis esse omnes Ecclesias. Denique, si in quolibet regno sive republica, id quod senatus, sive comitia statuunt, totius regni vel reipublicæ dicitur, cur non idem dicatur de Ecclesiasticis decretis, quæ sunt consensu omnium Episcoporum?

Tertia Classis testimoniorum continet illa loca omnia, quæ probant Romanum Pontificem non

A posse errare in fide; quæ est illud Lucæ 22. *Regavi pro te, ut non deficiat fides tua, & si quæ sunt alia, quæ alibi explicata sunt; ex his enim colligitur evidenter Concilium à Papa confirmatum errare non posse.* Et si enim sunt aliqui Catholici, qui existimant Pontificem errare posse, illi tamen dicunt tunc solum posse errare, quando non adhibet omnem diligentiam: at cum generale Concilium convocatur, sine dubio adhibet omnem diligentiam in re illa investiganda. Quid enim amplius facere potest? Ergo saltem tunc omnium consensu non errabit.

B Quarta Classis testimoniorum continet illa loca, quæ docent Episcopos habendos esse, ut Pastores; audiendos, ut Magistros; sequendos, ut Duces: qualia sunt Luc. 10. *Qui vos audit, me audit.* Et Heb. 13. *Obedite præpositis vestris, & subjacete eis.* Item illa, ubi dicuntur Rectores, vel Pastores Act. 20. & Ephes. 4. cum enim illi jubentur pascere, nos jubemur eos sequi ad pascua: præsertim cum ad eum finem dicantur ab Apostolo constituti in Ecclesia Pastores, ut non circumferamur omni vento doctrinæ. Item illa, quibus vocantur Doctores Matthæi ultimo: *Docete omnes Gentes.* Et 1. Timoth. 3. & ad Tit. 1. siquidem quo præcepto illi jubentur docere, eodem nos jubemur audire. Item illa ubi dicuntur speculatores: *Speculatorem domui Israel dedi te*, Ezechielis 33. quem locum de Episcopis exponunt Hieronymus, & Gregorius in Ezechielem. C Quare non immeritò etiam dicuntur oculi Episcopi in Concilio Toletano VIII. cap. 4. & ab Ambrosio lib. de dignitate sacerdotali cap. 6. Et profectò si jubentur Episcopi tanquam speculatores & oculi nobis viam ostendere, & nos jubemur per eam viam incedere, quam illi nobis ostenderint. Denique illa, ubi Episcopi dicuntur patres, & cæteri dicuntur filii, ut Galat. 4. & 1. Joan. 2.

D Ex quibus omnibus locis ita possumus ratiocinari; Si nos jubemur à Deo audire & sequi Episcopos, ut Præpositos, Pastores, Doctores, Speculatores, Patres, certè vel illi nos fallere non poterunt, vel nos poterimus culpam in Deum rejicere. At sine dubio singuli Episcopi errare possunt, & aliquando errant, & inter se quandoque dissentiant, ut nesciamus, quisnam eorum sequendus sit; ergo saltem omnes simul, præsertim in nomine Domini congregati, quando uno ore nos docent, errare non poterunt.

C A P U T III

Idem probatur ex Patribus.

E Accedat secundò testimonium, & traditio veterum Patrum. Ecclesia, & Patres multa de Conciliis passim scribunt; unde constat, eos sensisse, Concilia generalia errare non posse. Affirmant primum, Concilii Generalis sententiam esse in causa fidei ultimum Ecclesiæ judicium, à quo appellari non possit, quodque nullo modo irritari, vel retractari queat. Hinc autem apertissimè sequitur, ejusmodi Concilia non errare; nam alioquin iniquissimum esset cogere Christianos, ut non appellent ab eo judicio, quod erroneum esse potuit.

Porro hæc prima sententia frequentissima est apud veteres. Athanasius in Epistola ad Epictetum, quam etiam recitat Epiphanius hæresi 77. miratur quomodo illi audeant quæstionem movere de rebus in Nicæno Concilio definitis, cum non possint decreta ejusmodi Conciliorum mutari, nisi errando. Augustinus in epist. 162. dicit ultimum judicium Ecclesiæ esse generale Concilium. Leo epist. 50. ad Martianum, petit, ut semel definita in Conciliis generalibus

libus non retractentur. Id quod lege sua sanxit idem Martianus l. nemo, c. de summa Trinitate, & fide Catholica. Idem docet idem Leo epistol. 61. ad Concilium Chalcedonense, & epistol. 62. ad Maximum Antiochenum. Item Gelasius in epistola ad Episcopos Dardaniz. Idem statuitur in Concilio Ephesino circa finem, & in Concilio Chalcedonensi act. 5. can. ult.

Secundò docent Patres & Concilia, esse hæreticos, & excommunicandos omnes, qui non acquiescunt Conciliis plenariis. Ex quo manifestè sequitur, eos putasse Concilia non posse errare. Atque in primis omnia Concilia generalia dicunt anathema contradicentibus, ut Athanasius testatur de Nicæno in Epistola ad Episcopos Africæ, & de aliis patet in actis eorum.

Gregorius Nazianzenus in epistola priore ad Clodorum; cum Apollinaristæ negarent se esse hæreticos, & dicerent in concilio quodam Catholico receptos, sic ait: *Ostendant, inquit, hoc, & nos acquiescimus, perspicuum enim erit eos recta doctrina assentiri, nec enim se aliter res habere potest, si id consequuti sunt.* B. Leo epistol. 78. ad Leonem Augustum, docet, non posse inter Catholicos computari eos, qui resistunt Nicæno, vel Chalcedonensi Concilio: & idem Leo epistol. 77. ad Anatolium, jubet quendam Atticum Presbyterum, aut acquiescere Chalcedonensi Concilio, aut excommunicari. Basilius epistol. 78. in qua explicat fidem, docet suspectis de hæresi proponenda esse decreta Nicæni Concilii, inde enim apparebit hæretici ne illi sint, an Catholici. Præterea Augustinus lib. 1. de Baptismo cap. 18. hac tantum ratione excusat de hæresi Cyprianum, quòd adhuc eo tempore non extiterit generale Concilium, quo definitum potuisset quæstio illa de Baptismo hæreticorum. Item Gregorius lib. 1. epistol. 24. dicit anathema non recipientibus generalia concilia quinque, quæ sola illo tempore celebrata erant.

Tertiò Patres docent, esse divina & à Spiritu sancto edita decreta legitimorum generalium Conciliorum. Ex quo sequitur, ut non possint esse obnoxia errori. Ita Constantinus in epistol. ad Ecclesias apud Eusebium lib. 3. de vita Constantini vocat celestia mandata Concilii Nicæni decreta. Athanasius in epistol. ad Episcopos Africanos: *Verbum, inquit, Domini per acumen Nicææ Synodum manet in æternum.*

Gregorius Nazianzenus Orat. in Athanasium, dicit ad Concilium generale Nicænum Episcopos à sancto Spiritu congregatos. Cyrillus lib. 1. de Trinit. vocat decretum Concilii generalis Nicæni divinum, & sanctissimum oraculum. Leo epistol. 53. ad Anatolium, & 54. ad Martianum Imperatorem affirmat, Nicæni Concilii canones per sanctum Spiritum ordinatos. Et epistol. 37. ad Leonem Augustum asserit, Chalcedonense Concilium per Spiritum sanctum congregatum fuisse. Gregorius lib. 1. epistol. 24. affirmat, se venerari quatuor prima Concilia, sicut quatuor Evangelia. Nicolaus I. in epistol. ad Michaelem, decreta Conciliorum vocat divinitus inspiratas sententias. Denique Concilia ipsa affirmant, se in Spiritu sancto congregata.

Quartò docent, potius esse moriendum, quàm recedendum à decretis generalium Conciliorum: ita Ambrosius epistol. 31. *Sequitur, inquit, tractatum Nicæni Concilii, à quo nec mors, nec gladius poterit separare.* Hilarius autem re ipsa exilium passus est propter Nicænam fidem, ut ipse testatur in fine libri de Synodis, & Victor Africanus in libris tribus de Wandalica persecutione describit plurima celeberrima martyria Sanctorum, qui pro fide in Concilio generali explicata mortui sunt. Hieronymus lib.

A cont. Luciferianos loquens de Athanasio, Hilario, Eusebio, aliisque sanctis Confessoribus: *Quomodo poterant, inquit, adversum Synodum Nicænam facere, propter quam exilia sustinuerunt?*

CAPUT IV.

Idem ostenditur argumentis à ratione ductis.

B **A** Coedat postremò etiam naturalis ratio. Primum, si Concilia generalia possent errare, nullum esset in Ecclesia firmum iudicium, quo controversæ componi, & unitas in Ecclesia servari posset; nihil enim est majus generali Concilio, legitimo, & approbato.

Secundò, si non esset infallibile iudicium ejusmodi Conciliorum, possent merito revocari in dubium omnes damnatæ hæreses. Diceret enim Arius errasse Nicænum Concilium; Macedonius, Constantinopolitanum; Nestorius, Ephesinum; Euthyches, Chalcedonense.

Tertiò, nulla esset certitudo de multis sacrae Scripturae libris, nam de epistola ad Hebræos 2. Petri 2. & 3. Joannis, Jacobi, & Judæ, & de Apocalypsi, quos libros etiam Calvinistæ recipiunt, tamdiu est dubitatum, donec à Concilio res declarata est.

C **Q**uartò, si omnia Concilia possent errare, illud certè sequitur, ut omnia intolerabilem errorem admiserint, ac proinde nullo honore digna sint. Nam error intolerabilis est, proponere aliquid credendum, tanquam articulum fidei, de quo non constet, an sit verum, vel falsum; at Concilia præcipua, ut Nicænum, Constantinopolitanum, Ephesinum, Chalcedonense, ediderunt nova Symbola fidei, aut certè novas sententias, quas voluerunt haberi tanquam articulos fidei; quis autem dicere audebit, illa Concilia quatuor intolerabilem errorem continere, nulloque honore digna esse, cum ea videamus etiam ab adversariis cum honore suscipi, & non raro in testimonium veræ doctrinæ adduci? Restat igitur, ut firma, & infallibilia esse credamus eorum iudicia.

CAPUT V.

Concilia particularia, à Pontifice approbata, errare non posse.

E **A** ltera propositio: *Concilia particularia, à summo Pontifice confirmata in fide & moribus errare non possunt.* Hæc propositio non est æquè recepta, ac prior: illam nemo Catholicorum negat, hanc verò, non desunt, qui negent. Itaque ea solum de causa non affirmamus, hanc propositionem fide Catholica esse tenendam, quòd auctores, qui contrarium sentiunt, nondum videamus ab Ecclesia damnatos pro hæreticis. Constat etiam ex Eusebio lib. 7. histor. cap. 2. 3. & 4. Cornelium Papam cum nationali Concilio omnium Episcoporum Italici statuisse, non debere hæreticos rebaptizari, & eandem sententiam postea approbasse etiam Stephanum Papam, & iussisse, ut hæretici non rebaptizarentur: Et simul constat ex eodem Eusebio ibidem, Cyprianum contrarium sensisse, & mordicus defendisse, id quod etiam ipse fatetur in epistola ad Pompejum, ubi arguit Stephanum Papam erroris, & tamen Cyprianus semper est habitus in numero Catholicorum.

Sed quidquid de hoc sit, de quo alibi diximus, cum ageremus de Pontifice, certè temerarium, erroneum,

neum, & proximum hæresi est, existimare, Concilia particularia à Pontifice confirmata posse errare. Id quod primum probatur argumentis illis, quibus supra demonstravimus, summum Pontificem in iudicandis iis rebus quæ ad fidem, vel bonos mores pertinent, non posse errare. Si enim summus Pontifex errare non potest, certè nec Concilium, quamvis exiguum, ab illo comprobatur.

Secundò idem probatur ex eo, quòd si eiusmodi Concilia errare possent, plurimæ hæreses, quæ damnatæ sunt à solis Conciliis particularibus, iterum revocari possent in dubium, ut Pelagianorum, Priscillianistarum, Joviniani, & aliorum.

Tertiò, hæcenus non est inventum aliquod Concilium eiusmodi, quod erraverit.

Quartò, in VII. Synodo act. 3. & VIII. Synodo act. ult. can. 1. dicunt Patres se venerari, & recipere etiam localium Conciliorum decreta. Immo in eadem septima Synodo vocantur eiusmodi decreta divinitus inspirata. Superest, ut argumenta adversariorum proponamus, & diluamus.

C A P U T VI

Solvuntur argumenta ex Scripturis deprompta.

Adversarii quatuor argumentorum genera nobis obijciunt. Unum ex Scripturis petunt. Alterum ex testimoniis Patrum. Tertium ex ipsis Conciliis, quæ vel cum aliis Conciliis, vel cum Scripturis non raro pugnare videntur. Quartum ex naturali ratione. Sed primum nullas ferè habet vires, ideò brevissimè refutabitur.

Obijcit igitur Calvinus lib. 4. instit. cap. 9. §. 3. illa loca testamenti veteris, in quibus omnes Pastores, & Sacerdotes, atque Prophetæ reprehenduntur non solum improbitatis, sed etiam ignorantie, & erroris. Quale est illud Isa. 56. *Speculatores ejus cæci omnes, neque quidquam noverunt. Omnes canes muti, nec valent latrare, jacentes dormiunt, & amant dormitionem, & Pastores ipsi nihil sciunt, nec intelligunt.* Item illud Osee 9. *Speculator Ephraim cum Deo, laqueus aucupis, odium in domo Dei.* Et illud Hier. 6. *A Prophetæ usque ad Sacerdotem, quisque sectatur mendacium.* Et cap. 14. *Propheta mendacium prophetant in nomine meo.* Denique illud Ezech. 22. *Conjuratio Prophetarum in medio ejus sicut leo rugiens, & qui rapit prædæ. Sacerdotes ejus violant legem meam, & prophetaverunt sancta mea.*

Sed hæc omnia tribus modis solvuntur. Primum enim frequentissimum est in sacris literis, ut propter aliquos malos reprehendantur omnes, propter aliquos bonos laudentur omnes, quo videlicet vehementior sit tum vituperatio, tum commendatio. Annotavit id S. Augustinus lib. de unitate Ecclesiæ c. 12. & multa ex divinis literis exempla peti possent, sed unum hoc loco sufficiet. Scribit Apostolus ad Philip. c. 2. *Omnes querant quæ sua sunt, non quæ Jesu Christi.* Et tamen c. 1. Jam dixerat quoddam ex contentione, quoddam ex charitate Christum annunciare. Et c. 3. ait: *Imitatores mei estote, & observate eos, qui ita ambulant, sicut habetis formam nostram. Multi enim ambulant, quos sæpe dicebam vobis, nunc autem & flens dico, inimicos crucis Christi.* Et quæ sequuntur. Si igitur quidam ex charitate Christum annunciabant, & ambulant secundum Apostoli formam, ita ut etiam digni essent, quos Philippenses imitarentur, & observarent; non igitur omnes querebant, quæ sua sunt, & tamen suo quodam modo, idest, per figuram intellectionis, omnes querebant, quæ sua

A sunt, ut Apostolus loquitur. Non igitur allata Scripturæ testimonia cogunt, ut intelligamus Pastores, & Sacerdotes, & Prophetas Testamenti veteris aliquo tempore omnes simul mendaces, & sceleratos fuisse, sed tantum aliquos.

B Deinde cum nihil horum dicatur in Concilium Sacerdotum, sed in Pastores, & Prophetas, qui separatim populum decipiebant, non videntur ea testimonia ad rem nostram facere. Alia enim ratio est Pastorum in Concilio congregatorum publica auctoritate, & qui Dei nomine invocato quæstiones diligenter excutiunt, alia verò disperorum, & qui dum in locis quisque suis sedent, proprio iudicio indulgent. Quare eadem Scriptura, quæ tam frequenter in Pastores malos invectitur, & à falsis Prophetis cavendum esse monet, eadem tamen eos, qui de aliqua re dubitant, ad Concilium Sacerdotum mittit, ac præcipit, ut id observent, quod dixerint illi, qui præsunt loco, quem elegerit Dominus Deut. 17.

C Denique etiam si nihil horum haberemus, tamen non continuo liceret omnia, quæ dicuntur in Scripturis adversus Prophetas, & Sacerdotes Testamenti veteris, illa omnia transferre ad Sacerdotes Testamenti novi, præsertim in Concilio congregatos; certiores enim, & majores promissiones Dei habet Ecclesia, quam Synagoga. Nec enim de Synagoga usquam legimus, quod de Ecclesia Christus dicit, Matth. 16. *Super hanc petram ædificabo Ecclesiam meam, & porta inferi non prævalent adversus eam.* Nec id quod Apostolus ait 1. Timoth. 3. *Eam esse columnam & firmamentum veritatis.* Neque de Caipha scriptum est, sed de Petro: *Regavi pro te, ut non deficiat fides tua* Lucæ 22.

D Obijcit secundò idem Calvinus ibidem §. 4. hæc loca Testamenti novi 1. Pet. 2. quemadmodum fuerunt in populo veteri Pseudoprophetæ, sic & inter vos erunt falsi doctores, sectas perditionis insinuant. Act. 20. *Scio quòd post discessum meum intrabunt in vos lupi rapaces, non parcentes gregi, & ex vobis ipsi erunt, qui loquentur perversa, ut abducant discipulos post se.* Matth. 24. *Et multi Pseudoprophetae surgent, & seducant multos.*

E At sanè mirum est, si Calvinus dum hæc proponeret, non ad se ipse oculos reflectebat, ac dicebat: Quid si ego ipse unus sim de numero horum infelicium Pseudoprophetarum? Clarissimè enim Christus, Petrus, ac Paulus describunt hæreticos sub nomine falsorum Prophetarum, qui repugnantes doctrinæ, quæ per Episcopos, ordinaria successione in Ecclesia præsidentes, conservatur, sectas non metuunt introducere, ut abducant discipulos post se, & faciant sibi nomen in terra, ut alii Lutherani, alii Calvinistæ nominentur. Tantum verò abest, ut de Conciliis Episcoporum intelligi debeant ea loca, quæ monent, ut à falsis Prophetis caveamus, ut potius ea de causa ordinaria Concilia fiant, ut falsi Prophetæ detegantur, & confutentur, & tanquam lupi rapaces ab ovili Christi procul arceantur.

C A P U T VII

Solvuntur argumenta petita ex testimoniis veterum Patrum.

Proferunt secundo loco Patrum testimonia. Ac primum Calvinus adducit in medium S. Gregorium Nazianzenum, qui in epistola ad Procopium ita loquitur: *Ego, si vera scribere oportet, ita animo affectus sum, ut omnia Episcoporum Concilia*

lia fugiam; quoniam nullius Concilii finem latum, fassumque vidi, nec quod depulsionem malorum potius, quam accessionem, & incrementum habuerit.

Respondeo, non negat Nazianzenus legitima Concilia certam fidem facere, sed queritur sua tempore nullum Concilium fieri potuisse omni ex parte legitimum; id quod verissimum est. Nam Gregori ætas incidit in tempus medium inter Concilium primum, & secundum generale, quo tempore plurima facta sunt Concilia, quæ propter multitudinem Episcoporum, hæreticis faventium, infaustum exitum habuerunt; qualia fuerunt Seleuciense, Tirense, Ariminense, Mediolanense, Syrmienſe &c. Cum ergo suo tempore tot vidisset mala Concilia, & nullum bonum, & tamen vocaretur à Procopio nomine Imperatoris ad Concilium quoddam, duas excusationes adhibuit: unam, quod desperaret se legitimum Concilium eo tempore visurum: alteram, eamque præcipuam, quod morbo gravissimo detineretur, ut quotidie putaret se moriturum. Confirmatur hæc solutio ex Basilio, qui eodem tempore floruit, idest, post primum Concilium, & ante secundum. Et scribens in epist. 52. ad Athanasium, dicit videri sibi impossibile, ut eo tempore fieret legitimum Concilium, & idè oportere scribi ad Romanum Pontificem, ut ipse sua auctoritate irritaret acta Concilii Ariminensis.

Denique, quid senserit Gregorius de legitimis Conciliis, perspicuum est, tum ex ejus sententiis supra citatis, tum etiam ex eo quo adeò strenuus prædicator fuit Nicæni Concilii, ut templum, in quo ipse Constantinopoli concionabatur, *ἀναστάσις*, idest, resurrectio vocatum sit, quia ibi resurrexerit opera Gregorii fides Nicæna, per Arianos antea quodammodo extincta, ut refert historia Tripartita lib. 9. cap. 9. tum denique, quia postea interfuit ipse Concilio secundo generali, ut patet ex subscriptione, & ex oratione, quam habuit ad 150. Patres.

Alterum testimonium est Augustini, qui lib. 3. contra Maximinum cap. 14. ait: *Nec ego Nicænum, nec tu debes Ariminense, tanquam præjudicaturus, proferre Concilium, nec ego hujus auctoritate, nec tu illius detineris &c.*

Respondeo, Augustinum non velle dicere, non teneri ullo modo Maximinum auctoritate Concilii Nicæni, sed non teneri in illa disputatione, quia Augustinus id permittebat. Quia enim Maximinus objiciebat Nicæno Concilio Concilium Ariminense, & Augustino non videbatur operæpretium tunc tempus consumere in ostendendo Concilium Nicænum fuisse legitimum, & Ariminense illegitimum, cum haberet meliora argumenta ex Scripturis, ait; nunc nec ego hujus, nec tu illius auctoritate teneris, idest, nolo nunc teneamur Conciliorum auctoritatibus. Omittamus Concilia, ad Scripturas veniamus. Quod autem Augustinus alioqui putaverit, Concilium Nicænum summæ fuisse auctoritatis, & oportuisse omnes illi acquiescere, patet ex verbis præcedentibus, ubi sic ait: *Hoc est illud homonſion, quod in Concilio Nicæno adversus hæreticos Arianos à Catholicis Patribus veritatis auctoritate, & auctoritatis veritate firmatum est &c.* Quid enim est veritas auctoritatis, nisi vera & certa auctoritas?

Aliud testimonium proferunt ex lib. 2. de Baptismo cap. 3. ubi Augustinus dicit, Concilia plenaria priora à posterioribus emendari. Nec dici potest, eum loqui de plenariis improprie, idest, nationalibus; nam paulò antè dixerat, Concilia regionalia, & provincialia debere cedere plenariis, & tunc subdit, inter ipsa plenaria, priora à posterioribus emendari. Hic exultat Hermannus lib. 3. cap. 16.

A Prolegom. Si enim, inquit, priora illa antiquissima, emendatione indigent, quot erroribus scatebunt ista recentiora?

B Respondeo primò, fortè loqui Augustinum de Conciliis illegitimis, quæ per posteriora legitima emendantur, ut accidit Concilio Ephesino II. quod in Chalcedonensi emendatum est. Secundò dico, si de legitimis loquatur, agere eum de quæstionibus facti, non juris. In qualibus quæstionibus non dubium est, Concilium errare posse. Et certè Augustinus videtur de ejusmodi quæstionibus agere. Nam præcipua quæstio Catholicorum cum Donatistis erat de Cæciliano, libros ne sacros tradidisset hostibus fidei, an non? Potest etiam tertio dici, si contendant adversarii eum loqui de universalibus quæstionibus, Concilia priora emendari per posteriora, quoad præcepta morum, non quoad dogmata fidei; præcepta enim mutantur juxta temporum, locorum, & personarum mutationes, & illæ mutationes dicuntur emendationes, non quòd res mala esset eo tempore, quo est instituta, sed quòd mala esse cœperit mutatis circumstantiis. Utraque solutio satis confirmatur ex verbis Augustini, qui dicit tunc emendari Concilia, quando experimento aliquo aperitur, quod clausum erat. Experimento enim aperiuntur quæstiones de facto, vel de moribus, non quæstiones juris universales.

C Tertio, profert Calvinus Leonem, qui epist. 53. ad Anatolium, & 54. ad Martianum, & 55. ad Pulcheriam, agnoscit Chalcedonensem Synodum legitimam fuisse, & tamen non dubitat ei attribuire ambitionem & inconsultam temeritatem; ergo putabat legitimum Concilium posse errare.

D Respondeo, Concilium legitimum posse errare in his quæ non legitime agit, & de facto errasse, quando ab Apostolica sede reprobatur. Tale est id, de quo reprehenditur Concilium Chalcedonense à Leone. Ut enim patet ex ultima actione ejusdem Concilii, & ex epist. 61. ejusdem Leonis, quæ est ad Concilium Chalcedonense, decretum illud, quo anteponitur Episcopus Constantinopolitanus Alexandrino, & Antiocheno, factum est absentibus Legatis Romanæ sedis, non sine fraude, & à Leone improbatum fuit, quia contrarium erat Nicæni Concilii constitutioni.

E Ad hæc addit Hermannus lib. 3. cap. 13. Prolegomenorum, Isidorus, qui apud Gratian. dist. 50. can. Domino sancto, asserit, cum Concilia inter se dissentiant, standum esse antiquioribus, magisque probatis; quæ regula contraria est regulæ B. Augustini, qui posteriora Concilia anteponebat prioribus, & præterea ex ea colligitur, Concilia inter se aliquando pugnare, & proinde aliqua eorum errare. Respondeo, Isidorus loquitur de Conciliis, quorum non est certa auctoritas, quæ videlicet non sunt à Pontifice expresse confirmata, quæ Concilia inter se pugnare posse, & errare, non negamus. Neque pugnat Isidorus cum Augustino, nam Isidorus loquitur de fidei doctrina, Augustinus de quæstionibus facti, vel morum præceptis.

Lutherus in lib. de Conciliis pag. 54. probat Concilia inter se pugnare. Ex titulo decreti Gratiani, concordantia discordantiarum. Respondeo, loquitur de discordantiis apparentibus, non veris, nam si veræ essent, concordari non possent.

Addunt quidam alii ultimò Gratianum, qui d. 18. can. 1. dicit, Concilia Episcopalia esse invalida ad definiendum, & constituendum, non autem ad corrigendum. Respondeo, vocat episcopalia Concilia Gratianus, non quælibet Concilia, sed tantum provincialia. Illa enim propriè sunt Episcopalia, in quibus soli Episcopi, non Archiepiscopi, aut Patriar-

triarchæ conveniunt: Ista autem Concilia ordinariè non instituuntur ad dogmata fidei constituenda; id enim proprium est generalium Conciliorum, sed tantum ad restituendam disciplinam Ecclesiasticam, & mores corrigendos: Itaque ex se, & ordinariè invalida sunt ad constituenda dogmata fidei. Si tamen aliqua urgente necessitate definiant aliquid de fide, & eorum decretum à sede Apostolica approbetur, nihil obstat, quò minus valida esse possint.

C A P U T VIII.

Solvuntur argumenta ex Conciliorum erratis.

E Numerant denique adversarii errores Conciliorum, & præcipuè Hermannus lib. 3. cap. 15. & 16. Prolegomen., & lib. Protestantium, qui inscribitur: *Causa cur electores &c.* Sed è maximo numero errorum, solum tertia pars eget aliqua discussione. Trium enim generum errores in Conciliis adversarii observarunt. Quosdam errores veros & crassos, sed Conciliorum illegitimos & à Pontificibus reprobatorum, ut Ariminensis, Seleuciensis, Ephesini II. quos frustra enumerant, cum nihil faciant contra nos. Vide quæ diximus de Conciliis reprobatis, lib. 1. cap. 7. & 8.

Alios deinde errores non veros, sed fictos Conciliorum legitimorum, & probatorum: Omnia enim quæ ipsi non probant, vocant errores. Hoc modo dicunt errasse Concilium Chalcedonense, in quo sanctimonialia prohibentur votum continentiae violare, & Concilium Carthaginense V. in quo statuitur, ne altaria erigantur sine reliquiis Martyrum. Sed dum hæc dicunt, assument quod probandum erat.

Alios denique errores observant in veris, legitimisque Conciliis, qui revera speciem aliquam erroris habere videntur, idest, ejusmodi sententias videntur continere, quæ & nostro & illorum consensu judicantur erroneæ, atque hos dumtaxat examinare, & diluere debemus.

Primò loco Calvinus adducit Concilium 400. Prophetarum, qui omnes errarunt, ipso Deo potestante se misisse spiritum mendacem in ore ipsorum, 2. Regum 22. Sed quale, quæso, Concilium illud fuit? Primum non erant illi Prophetæ Domini; nam cum 400. illi Prophetæ sententias suas dixissent, legimus quævisse Regem Josaphat à Rege Achab, an non esset aliquis Propheta Domini, per quem Dominus interrogari posset? Achab autem respondisse: *Remansit unus, sed ego odi illum.* Deinde Concilia, non Prophetarum, sed sacerdotum esse debent. Denique Concilium illud, ab Achab Rege non à summo Pontifice coactum fuit, proinde nihil mirum, si erravit.

Proponunt secundo Calvinus & Brentius Concilium Judæorum, præside summo Pontifice Caipha, in quo excommunicati sunt, qui confitebantur Jesum esse Christum, Joan. 9. & postea Christus reus mortis judicatus est, Joan. 11. & Marc. 14.

Respondeo, quidam ajunt, quæstionem fuisse de facto, non de jure, quam Concilium illud judicavit, videlicet, num Jesus necandus esset; In ejusmodi autem judiciis Concilia errare posse, non dubium est. At quæstio illa etiam si de facto esset, tamen involvebat quæstionem de fide gravissimam, nimirum an Jesus esset verus Messias, & Dei Filius, atque adeò Deus verus. Quocirca erravit in fide perniciosissime Caiphas cum universo Concilio,

A cum judicavit Jesum blasphemasse, qui se Dei filium appellaverat.

Alii dicunt, Pontificem, & Concilium errasse, quantum ad errorem propriæ mentis, non tamen errasse in sententia, quam protulit. Verè enim Jesus erat reus mortis, quia peccata nostra in seipso purganda susceperat, & verè exponebat, eum mori pro populo. Quare Joan. cap. 11. dicit Caipham prophetasse. At licet verba Caipha bonum sensum recipiant, non tamen omnia, cum enim ait de Christo: *Blasphemavit, quid adhuc egemus testibus?* Certè tunc non prophetavit, sed blasphemavit.

B Alii dicunt, Concilium illud errasse, quia non processit secundum morem legitimi judicii: sed tumultuaria conspiratione, subornatis falsis testibus, Christum damnavit. Id quod adeò notum erat omnibus, ut etiam Pilatus sciret per invidiam eum fuisse traditum sibi à Pontificibus, ut habemus Matth. 27. Atque hæc quidem responsio probabilis est. Quia tamen non est inferiorum judicare, an superiores legitime procedant, necne, nisi manifestissime constet intolerabilem errorem committi; & credibile est, Deum non permissurum, ut Concilia, quibus summus Pontifex præsidet, non legitime procedant: Ideò respondemus, Pontifices & Concilia Judæorum non potuisse errare antequam Christus veniret, sed eo præsentente potuisse, immò fuisse prædictum erraturos Judæos, & Christum negaturos, Isai. 6. Daniel. 9. & alibi. Sicut enim non est necessarium, ut Vicarius Papæ non possit errare, cum ipse Papa regat Ecclesiam, & ab errore defendat; Sic etiam non fuit necessarium, ut Pontifices Judæorum non possent errare, quando Christus, summus totius Ecclesiæ Pontifex præsens aderat, & Ecclesiam per se administrabat.

C Tertiò videtur Lutherus reprehendere Concilium Apostolorum, de quo Act. 15. dicit enim in assert. art. 29. Jacobum mutasse Petri sententiam. Constat autem sententiam Petri, qui judicaverat, non debere Gentes cogi ad legalia, fuisse bonam & veram; nam eam tueretur Paulus in tota epist. ad Galatas, ergo sententia Jacobi, quam Synodus tota sequuta est, fuit mala, & falsa, quæ nimirum iussit Gentes abstinere à sanguine, & suffocato, quod nihil aliud est, quàm judaizare. Item Lutherus in lib. de Conciliis, parte prima, multa dicit de hac lege Apostolorum, & quamvis non audet asserere fuisse malam, tamen inde probat, Concilium nihil prodesse, quia non potest defendi ista lex, nisi dicamus Concilium non obligare.

D Respondeo, non desunt veteres, qui negent Concilium Apostolorum, quidquam præcepisse de abstinentia ab esu sanguinis, & suffocatorum animalium.

E Irenæus enim lib. 3. cap. 12. hunc locum bis adducens, semper omittit suffocatum, & nomine sanguinis videtur intelligere homicidium. Cyprianus lib. 3. ad Quirinum circa finem aperte dicit, Apostolos tantum præcepisse, ut abstinerent ab idololatria, fornicatione, & sanguinis effusione. Chrysostomus & Oecumenius in hunc locum, intelligunt per suffocatum homicidium. Nihilominus tamen in omnibus codicibus Græcis, & Latinis invenimus sanguinem, & suffocatum, & constat ex Tertull. in Apologetico, cap. 9. & ex Concilio Gangrensi, can. 2. per multos annos servatum in Ecclesia hoc præceptum, ita, ut non vescerentur Christiani sanguine, nec suffocatis animalibus. Ex præterea nulla erat ratio, cur Apostoli prohiberent homicidium; solum enim voluerunt prohibere quædam, de quibus Gentiles dubitabant, an essent peccata, homicidium autem esse peccatum apud omnes semper in confesso fuit.

Respon-

Respondemus igitur, Apostolos in primis prohibuisse fornicationem, quia illa non videbatur peccatum Gentilibus, cum nullis legibus puniretur; Deinde imperasse abstinentionem ab immolatis simulacrorum, sanguine, & suffocato, non ut legis veteris observantiam, sed ut sua, idest, Apostolica præcepta, idque in eum finem, ut facilius Ecclesia, ex Judæis, & Gentibus coalesceret. Non enim potuissent in illis initiis Judæi ferre Gentilium societatem, si eos vidissent vesci carnibus immolatis, aut sanguine, aut suffocato, à quibus illi valdè abhorrebant. Postea verò quàm Ecclesia crevit, & finis ille legis cessavit, lex etiam per se cessavit. De qua re sic loquitur S. Augustinus lib. 32. contra Faustum cap. 13. *Si hoc tunc Apostoli præceperunt, ut ab animalium sanguine abstinerent Christiani, ne profocatis carnibus vescerentur, elegisse mihi videntur pro tempore rem facilem, & nequaquam observantibus onerosam, in qua cum Israelitis etiam Gentes propter angularem illum lapidem, duos parietes in se condentem, aliquid communiter observarent. Et infra: Transacto verò illo tempore, quo illi duo parietes, unus ex Circumcisione, alter ex Præputio venientes, quatenus in angulari lapide concordarent, tamen suis quibusdam proprietatibus distinctius eminebant: & ubi Ecclesia Gentium talis effecta est, ut in ea nullus Israelita carnalis appareat, quis jam hoc Christianus observat, ut turdos, vel minores aviculas non attingat, nisi quarum sanguis effusus est, aut leporem non edat, si manu in cervice percussus, nullo cruento vulnere occisus est? Et qui forte pauci adhuc tangere ista formidant, à cæteris irridentur. Hæc ille.*

Itaque, neque Concilium erravit neque Jacobus Petri sententiam mutavit, sed antequam res definiretur, putavit addendum sententiæ Petri hoc præceptum positivum, & temporale, & postea ex communi sententia res definita est. Vide Hieronymum in epistola ad Augustinum, quæ est 11. inter epistolas Augustini, ubi dicit, Jacobum, & omnes alios Petri sententiæ acquiescere.

Quartò, proferunt Concilium Neocæsariense, confirmatum à Leone IV. dist. 20. can. De libellis, & receptum in Concilio Nicæno I. ut dicitur in Concilio Florentino sess. 7. Nam in hoc Concilio can. 7. invenitur exploratus error, quo prohibentur secundæ nuptiæ: *Presbyterum (inquit Concilium) convivio secundarum nuptiarum interesse non debere, maxime cum præcipiatur secundis nuptiis penitentiam tribuere.* Quis erit ergo Presbyter, qui, propter convivium, illis consentiat nuptiis, quas tamen Paulus concedit 1. Cor. 7. *Si dormierit vir ejus, liberata est, cui vult nubat, tantum in Domino.*

Respondet, Concilium loqui de eo, qui duas simul uxores habet, ut exponit rectè Glossa 31. quæst. 1. can. De his qui frequenter. Vel secundò dici potest, non prohiberi secundum Matrimonium, sed solemnitatem secundi Matrimonii, cui solemnitati propriè convenit nomen nuptiarum. Celebritas enim nuptiarum tantum semel in Ecclesia fieri consuevit, nimirum quando Virgines junguntur, ut Isidorus testatur lib. 2. de officiis cap. 19. ubi dicit, solum in primis nuptiis dari anulum, & velum quoddam, partim album, partim rubeum, quod flammecum dicebatur, à quo velo nuptias dictas, quia nimirum eo velo obnubuntur capita novarum nuptiarum, testatur Ambrosius lib. 1. de Abraham cap. 9. Canon igitur ille prohibet, ne Presbyter celebritati secundi Matrimonii intersit, quin potius penitentiam injungat iis, qui contra morem Ecclesiæ in secundo matrimonio ejusmodi celebritatem adhibuerint.

Quintò, proferunt Nicænum Concilium primum, de quo Lutherus in libro de Conciliis part. 1. dist. 1. Centrov. Card. Bellarm. Tom. II.

A cit, se non intelligere Spiritum sanctum in isto Concilio; nam in uno canone dicit, non esse idoneos ad Sacerdotium eos, qui se castraverunt; in altero prohibet, ne Sacerdotes habeant uxores, & tandem ita concludit pag. 92. *An verò nihil aliud est negotii Spiritui sancto in Conciliis, quàm ut impossibilibus, periculosis, non necessariis legibus suos ministros obstringat, & oneret?* Ibidem Lutherus refert canonem erroneum Nicæni Concilii de rebaptizandis Paulianis, & similem Concilii Iconii ex lib. 7. histor. Eusebii cap. 6. Item Lutherus ibidem, Brennius, & Hermannus, damnatam esse militiam asserunt in eodem Concilio, quam tamen constat ex approbatione Joannis Baptistæ Luc. 3. esse licitam. Sic autem habet canon 11. Concilii: *Qui verè per Dei gratiam vocati primò quidem ostenderunt fidem suam, deposito militia cingulo, post hæc autem ad proprium vomitum reversi sunt, ut & pecunias darent, & ambirent redire rursus ad militiam, isti decem annis sint inter penitentes, postquam triennium fuerint inter audientes, idest, Catechumenos.*

B Respondeo, Concilium Nicænum tantæ semper apud omnes Patres fuisse auctoritatis, ut mirum sit, Luthero in mentem venire potuisse, ut aliquid adversum hoc Concilium scriberet. Sed nimirum ita oportuit hæreticos prodi, dum ea vituperant, quæ omnis Catholica Ecclesia semper probavit. Sed ad rem. Displicet Luthero injunctam Ecclesiasticis viris legem continentiae, ideoque Concilium errasse clamat. At nobis Lutherus errat, & verbo, & facto, non Concilium; de qua re propria instituetur suo loco disputatio.

C Quod autem reprehendit canonem de rebaptizandis Paulianis, ignorantiam suam prodit. Pauliani enim, cum purum hominem Christum crederent, & Trinitatem apertè negarent, non baptizabant in nomine Trinitatis; proinde nec verè baptizabant. Porro Concilium Iconii particulare fuit, & improbatum à summo Pontifice, sicut Concilium Carthaginense sub Cypriano celebratum, qualia Concilia nos minime defendimus.

D Jam quod attinet ad militiam, Nicæna Synodus non prohibet militiam, nisi quatenus aliquando signum est idololatriæ. Sciendum enim est, olim cingulum militiæ fuisse rem magni honoris, & etiam commodi, propter magna privilegia concessa militibus: & propterea antiquos illos Imperatores Ethnicos, tempore persecutionis consuevisse auferre cingulum militiæ, & exauthorare eos, qui Christiani inveniebantur, & fidem negare volebant. Quod patet ex Eusebio lib. 8. hist. cap. 4. ubi dicit, initium persecutionis Diocletiani cœpisse à Christianis, quibus militia negabatur, nisi immolarent idolis. Et lib. 9. cap. 10. dicit, Licinium quoque initio suæ persecutionis, Christianos de Palatio, & de omni militia expulisse. Item ex Rufino, qui lib. 10. hist. cap. 32. ubi de Juliano ait, militiæ cingulum non dari, nisi immolantibus, jubet; & lib. 11. c. 2. dicit, Valentinianum à Deo recepisse imperium, quia pro ejus fide, tempore Juliani, militiæ cingulum spreverat.

E Quoniam ergo tunc quidam Christiani milites ardore fidei cingulum abiciebant, malentes potius sine honore, quàm sine fide vivere; deinde autem seducti à Diabolo, iterum ambiebant cingulum, parati fidem negare: ideo Concilium in hos tam severam poenitentiam constituit. Hæc ita esse patet; Primò, ex Theodoro Balsamone, & Zonara, qui ita exposuerunt in commentariis horum canonum. Secundò, ex Rufino, qui lib. 10. hist. cap. 6. enumerans canones Nicæni Concilii, hunc ita ponit: *Qui propter confessionem militiam abiecerant &c.* Tertio ex ipso canone; nam toto canone agitur de lapsis; &

primum quidem de iis, qui ob metum vitæ, aut opum amittendarum lapsi fuerant, negando fidem injungit Concilium poenitentiam decem annorum; deinde iis, qui militiam ambierant, quam pro fide contempserant, injungit tredecim annorum poenitentiam, quia nimirum isti gravius lapsi erant; priores enim simpliciter negaverant, isti autem post gratiam confessionis negaverant, in quo major ingratitudo erga Deum invenitur.

Sexto, profert Hermannus Concilium Arelaten-
se II. in cuius secundo canone sic dicitur: *Assumi aliquem ad sacerdotium, in vinculo conjugii constitutum, nisi fuerit promissa conversio, non oportet*. Hic duos errores notat Hermannus Hamelmannus. Unum, quod non liceat Sacerdotibus uti suis uxoribus, cum id sit contra Concilium Gangrense, in cuius can. 4. excommunicantur ii, qui nolunt interesse sacrificio, quod offertur à Presbytero conjugato. Est autem Gangrense Concilium receptum à Leone IV. dist. 20. canon. De libellis. Immo etiam contra Concilium Nicænum, in quo approbata est sententia Paphnutii, qui censuerat, non debere prohiberi Ecclesiasticos à consuetudine cum propriis uxoribus, ut patet ex Socrate lib. 1. cap. 8. ex quo sequitur, necessario errare Concilium Arelatense, vel Concilium Gangrense, & Nicænum Alterum errorem notat in illa voce *Conversio*, non enim convertimur nisi à malo; qui ergo jubet conjugatum converti, conjugium damnat, quæ est hæresis damnata in eodem Gangrensi Concilio can. 1.

Respondeo, illa Concilia non pugnare inter se, nec ullum eorum errasse; nam Concilium Gangrense edidit canones contra eos, qui putabant, nuptias, & esum carniū absolutè esse mala, & à Diabolo, quæ fuit hæresis Manichæi, & postea Eustathii Sebasteni, contra quem Gangrense Concilium celebratum est. Quia ergo hæretici isti ita horrebant nuptias, ut etiam Presbyteros, qui uxores habuerant, etiam si jam eas non haberent (saltem quasi uxores) ferre non possent; ideo Concilium etiam istum canonem addendum putavit. Unde in ipso canone sic habemus: *Quicumque discernit, à Presbytero, qui uxorem habuit, quod non oportet, eo ministrante, de oblatione percipere, anathema sit*. Ubi vides agi de eo, qui habuit uxorem, non qui habet.

Ad illud de Concilio Nicæno suprâ respondimus, non fideliter narratam esse historiam à Socrate. Ac, ut alia nunc argumenta prætermittamus, id satis colligitur ex isto Concilio Arelateni. Hoc enim Concilium celebratum est mox finito Nicæno Concilio, & in eo recepti sunt canones Nicæni, ut patet ex eo, quod ferè omnes in hoc Concilio repetuntur. Cum ergo etiam istum hic inveniamus, sine dubio, vel hic etiam fuit in Concilio Nicæno, vel saltem non est ei contrarius; nulli enim unquam Catholici repugnaverunt Nicæno Concilio.

Ad ultimum dico, conversionem non solum dici à statu malo ad bonum, sed etiam à bono ad meliorem, quare Gregorius lib. 2. epist. 100. vocat conversionem, professionem Monachatus, & existat titulus in Jure canonico de conversione conjugatorum.

Septimo, profert Hermannus Hamelmannus Sirmien-
se Concilium, quod videtur receptum, quia damnata est in eo hæresis Photini, & tamen apertè in eo Concilio confirmata est hæresis Ariana. Idem dici potest de Sardicensi, quod receptum est à Leone IV. dist. 20. can. De libellis. Ex tamen B. Augustinus lib. 3. contra Cresconium cap. 34. dicit: *Disce, inquit, quod nescis, Sardicense Concilium Ariano-
rum fuit &c.*

Respondeo, hæc argumenta procedere ex ignoran-

A
tia historiarum; multæ siquidem confessiones editæ sunt in Concilio Sirmien-
si, præter Photini damna-
tionem, aliæ Catholicæ, aliæ hæreticæ, ut nos suprâ docuimus, & perspicuum est ex Hilario in lib. de Synodis. Sardicense autem mox in duas partes divi-
sum fuit, & quidem una pars, quæ erat Occiden-
taliū 300. Episcoporum, cum quibus etiam erant Legati Julii Papæ, pro fide Catholica & Athanasio restituendo fuit, ut patet ex Hilario lib. de Synodis, & ex Athanasio in Apologia secunda, atque hanc partem confirmavit Leo IV. Altera pars fuit Orientalium 70. Episcoporum, qui seorsum convenientes fidem Catholicam, & Athanasium damnaverunt. Et de hac loquitur Augustinus, qui etiam non vide-
tur legisse aliud ex Concilio Sardicensi, quàm id, quod Orientales miserant ad Africam, ut unirent sibi Donatistas.

B
Octavo, profert idem Hermannus Hamelmannus Concilium Laodicænum, in cuius primo capite statuitur, ut secundum indulgentiam reddatur communio iis, qui secundis nuptiis juncti sunt: Ex quo videtur, Concilium antea abstulisse communionem iis, qui secundò uxorem duxerant, & postea illam eis reddere condonando peccatum; id enim significat, secundum indulgentiam.

C
Respondeo primò, fortasse loquitur Concilium de iis, qui in secundo Matrimonio adhibent solemnita-
tem, ut diximus de Concilio Neocæsariensi. Secundo dico, Concilium non errasse, etiam si loquatur de secundo Matrimonio, sed errorem potius cor-
xisse; apparet enim ex hoc loco, aliquos Episcopos particulares, ex zelo, non secundum scientiam, negasse communionem bigamis, quorum errorem Concilium corrigit, & jubet bigamis communio-
nem restitui; nam etiam ideo initio canonis vocat nuptias bigamorum liberas & legitimas. Illud verò, *Secundum indulgentiam*, sumptum est ex Paulo 1. Corin-
th. 7. qui ait, Usus conjugii se non imperare, sed indulgere. Ut ergo Paulus cum ait, se indulgere usum conjugii, non vult dicere, se ignoscere peccatum, sed se concedere minus bonum, quamvis optaret majus bonum ab illis teneri; ita Con-
cilium hoc dicit, se indulgere secundas nuptias, idest concedere, ut minus bonum, quamvis cupe-
ret magis eligi viduitatem, quæ est bonum quoddam excellentius conjugio.

D
Nonò, profert Hermannus Hamelmannus Conci-
lium secundum generale, in cuius can. 1. duo inve-
niantur errores, pugnantés cum aliorum Concilio-
rum decretis, Unus est, quod primatus Ecclesiasti-
cus sit Romani Pontificis: Alter, quod post Ro-
manum Pontificem debeat esse immediatè Episco-
pus Constantinopolitanus; quæ duo iterum reno-
vata sunt in Concilio Chalcedonen-
si aet. ult. Primus error pugnat cum Concilio Nicæno, in cuius
can. 7. tribuitur primatus Episcopo Hierosolymita-
no; & cum Concilio III. Carthagenensi cap. 26. ubi
decernitur, neminem debere vocari Principem Sa-
cerdotum, aut summum Sacerdotem. Secundus er-
ror pugnat cum Concilio Nicæno can. 6. ubi tribui-
tur secundus locus Alexandrino, tertius Antiocheno
Episcopo, quem canonem frequenter citat Leo I.
in epist. 53. 54. & 55.

E
Respondeo, primum non esse errorem, nec pugna-
re cum ullo Concilio. Quod autem adducit Herman-
nus ex can. 7. Concilii Nicæni, nihil valet. Ibi enim
tribuitur Hierosolymitano Episcopo aliquis honor,
non tamen primatus in omnem Ecclesiam. Immo
apertè subicitur in eo Concilio sedes Hierosolymita-
na, non solum sedis Romanæ, Alexandrinæ, & An-
tiochenæ, sed etiam Cæsariensis, quæ Palæstinæ Me-
tropolitana sedes erat, ut patet tum ex can. 6. & 7.
ip-
sius

ipſius Concilii, tum ex Leone locis notatis, & ex S. Hieronymo in epiſt. ad Pammachium de erroribus Joannis Hieroſolymitani. Quod verò addit ex Concilio Carthagenſi, adhuc magis eſt impertinens; nam Concilium illud nationale fuit, nec ſerebat leges univerſæ Eccleſiæ, ſed tantum Episcopis Africæ. Itaque non prohibuit, nec potuit prohibere, ne Romanus Pontifex diceretur Princeps Sacerdorum, vel ſummus Sacerdos, ſed tantum ne ita appellaretur ullus Metropolitanus Africæ.

Secundus error non propriè poteſt dici error, decretum enim illud de honore ſedium, ſicut à Concilio Nicæno factum fuerat, ita poterat ab alio ſimili Concilio mutari. Tamen quia ſine juſta ratione mutabatur à Concilio Conſtantinopolitano, & poſtea à Chalcedonenſi Pontifices Romani Damasus & Leo illud probare noluerunt, neque eorum Pontificum temporibus decretum illud executioni mandatum eſt, ut patet ex Leone epiſt. 53. ad Anatholium, ubi loquens de decreto Concilii Conſtantinopolitani: *Fruſtrà*, inquit, *quorundam Episcoporum proferitur conſenſus, cui tot annorum ſeries negavit effectum*. Et in epiſt. 55. ad Pulcheriam, loquens de decreto Concilii Chalcedonenſis: *Conſenſum*, inquit, *Episcoporum, Canonum apud Nicæam conditorum, regulis repugnantes, in irritum mittimus, & per auctoritatem B. Petri Apoſtoli generali proſus definitione caſſamus*.

Decimò, proſert Hermannus Hamelmannus Concilium Carthagenſe III. can. 47. ubi numerantur in canone Scripturarum aliquot libri Apocryphi, ut Tobias, Judith, Baruch, Sapientia, Eccleſiaſticus, & Machabæi, contra auctoritatem Concilii Laodicensi cap. ultimo, ubi iſti omnes libri rejiciuntur à canone.

Reſpondeo in primis. Concilium Carthagenſe eſſe majoris auctoritatis, quàm Laodicenum; tum quia poſterius, tum etiam quia nationale fuit, Episcoporum 44. & præterea confirmatum à Leone IV. diſt. 20. can. De libellis: Laodicenum autem fuit provinciale Episcoporum 22. & non confirmatum à Pontifice. Itaque hic poſſet habere locum, quod ait Auguſtinus, Concilia priora emendari à poſterioribus. Dico tamen ſecundò, neutrum Concilium erraſſe. Nam Concilium Laodicenum poſuit in canone eos libros, de quibus Episcopi ejus Concilii certi erant, alios autem omiſit, non quidem negans, eos eſſe canonicos, ſed nolens rem dubiam definire; Concilium autem Carthagenſe re magis diſcuſſa definiuit id, quod prius Concilium reliquerat ſub dubio.

Undecimò, proſert Concilium Toletanum I. in cujus can. 17. ſcribitur, poſſe admitti ad communionem eum, qui concubinam habet, modò non ſit uxoratus, & eſt hoc Concilium juſſu Leonis I. celebratum, ut patet ex cap. 21. Reſpondeo, hoc loco concubinam vocari uxorem ductam ſine dote, & externa ſolemnitate, ut rectè à Gratiano notatum eſt diſt. 34. canon. Omnibus, quod eſt conforme Juri civili, ut patet ex Novella 18. Juſtiniani. Quomodo Gen. 25. Agar & Cethura dicuntur concubinæ Abraham, quæ tamen veræ uxores erant, ut patet ex Gen. 16. de Agar, & Gen. 25. de Cethura.

At objicies, quia beatus Leo, qui hoc Concilium fieri juſſit, & probavit in epiſt. 92. ad Ruſticum Narbonenſem cap. 4. loquens de uxore & concubina, dicit, Concubinam non eſſe verè uxorem, neque conjunctionem cum ea eſſe Sacramentum, vel Matrimonium; & propterea eam mulierem, quæ nubet viro habenti concubinam, non peccare quaſi nubat homini conjugato, quia vir habens concubinam, non poteſt vocari conjugatus. Reſpondeo, Leonem aliter accipere nomen concubinæ,

Controv. Card. Bellarm. Tom. I. l.

A quàm Patres ejus Concilii acceperint; ipſe enim vocat concubinam eam, quæ aſſumitur ad confortium thori, ſine mutuo conſenſu perpetuò vivendi. Concilium autem vocat concubinam eam, quæ ducitur cum eo conſenſu, ſed privatim expreſſo, non per publica inſtrumenta.

B At, inquit, ſi Leo fuit auctor hujus Concilii, quomodo abſolutè negavit, concubinam dici poſſe uxorem? Reſpondeo, Leonem non fuiſſe auctorem totius Concilii, ſed tantum ultimi canonis. Initio enim Concilii, dicitur, Concilium hoc congregatum tempore Honorii & Arcadii Imperatorum, quo tempore nondum erat Pontifex Leo; ipſe enim creatus eſt tempore Theodoſii junioris, triginta tribus annis poſt mortem Arcadii, ut patet ex Chronico Proſperi. Deinde in ultimo capite ponitur quardam explicatio fidei, quæ dicitur facta juſſu Leonis Papæ. Quæ non poſſunt coherere, niſi dicamus Concilium Toletanum habitum fuiſſe ante tempora Leonis; ſed poſtea, tempore Leonis, factam fuiſſe illam explicationem fidei, & annexam eidem Concilio, quia iidem Episcopi huic explicationi ſubſcripſerunt, qui antea in Concilio fuerant. Et certè magna conjectura hujus rei eſſe poteſt, quod videamus, ante illam explicationem fidei poni Episcoporum ſubſcriptiones, quibus finitur Concilium; & deinde ruſſum alias eorundem ſubſcriptiones poſt illam explicationem fidei. Itaque S. Leo non confirmavit, niſi ultimum illum canonem ſuo tempore factum.

C Duodecimò, proſert Hermannus Hamelmannus Concilium Wormatiense, in cujus canone tertio invenitur exploratus error: Jubentur enim fures occulti explorari per ſacræ Euchariſtiæ perceptionem. Quem eſſe errorem docet beatus Thomas part. 3. quaſt. 80. art. 6. ad 3. Reſpondeo, Concilium fuiſſe provinciale, non confirmatum, unmodò potius reprobatum, quoad illum canonem, à ſummis Pontificibus, ut ibidem B. Thomas offendit.

D Decimotertio, proferunt alii canones VI. Synodi. Illi enim canones videntur recepti; nam Adrianus I. in epiſtola ad Tharaſium, quæ eſt in ſecund. act. VII. Synodi, dicit, hos canones divinè & legaliter prædicatos. Item Nicolaus I. epiſt. ad Michaellem & Innocentius III. cap. A multis, extra de ætate ordinandorum, & VII. Synodus act. 2. 3. 4. 5. & 6. his canonibus utuntur. At inveniuntur in his canonibus magni errores. Nam can. 2. recipitur Concilium ſub Cypriano de rebaptizandis hæreticis: quod erroneum fuiſſe probat Auguſtinus paſſim in libris ſeptem de Baptiſmo. Item can. 72. judicantur irrita, & ſolvenda conjugia Catholicorum cum hæreticis, qui eſt expreſſus error; Erſi enim peccat Catholicus ducens hæreticam uxorem, & contra; tamen Matrimonium eſt Sacramentum propter characterem Baptiſmi, quem hæreticus retinet, & ideo tale conjugium ſolvi non poteſt.

E Reſpondeo, non ſolum hos duos, ſed etiam multos alios canones eſſe erroneos in iſtis canonibus, ſed non ſunt editi iſti canones ab ullo legitimo & probato Concilio. Conſtat enim ex Tharaſio in VII. Synodo act. 4. hos canones non eſſe editos à VI. Synodo, quæ fuit tempore Agathonis, & Conſtantini, ſed poſt multos annos tempore Juſtiniani II. Imperatoris, cui Concilio non adfuit Romanus Pontifex, nec per ſe, nec per Legatos, neque poſtea Concilium confirmavit, ſed apertè reprobavit, ut reſtatur Beda in lib. de ſex ætatibus in Juſtiniano, & Paulus Diaconus in vita ejusdem Juſtiniani, & Platina in vita Sergii.

Ad verba Adriani reſpondeo, illum ſolum recitare ſententiam Tharaſii, nec reſellere, quia ille

C 2 can. 82.

can. 82. de picturis, utilis erat eo tempore ad questionem de qua agebatur. Ad Nicolaum respondeo, verba eius esse pro nobis; dicit enim, se citare illum canonem Græcorum, quomodo Paulus citavit verba Ethnicorum Poetarum. Ad Innocentium dico, eum nihil ibi definire de his canonibus, sed tantum citare unum canonem ex istis. Quod autem citaverit nomine VI. Synodi, factum est, vel quia sic vocantur communiter, licet verè non sint; vel quia Innocentius ex Gratiano dist. 32. can. Si quis, hunc canonem accepit; Gratianus autem saepe in hac parte erravit, tribuens opera iis, quorum non sunt. Ad VII. Synodum dico, semper citari hos canones à privatis hominibus in ea Synodo inter disputandum, non tamen aliquid definiri à tota Synodo. Nam definitio Concilii habetur act. 7. tantum; ibi autem nulla fit mentio horum canonum. Vide Franciscum Turrianum in libro de VI. Synodo, & ea quæ nos disserimus de his canonibus tom. 1. lib. 2. de Pontif. cap. 14.

Proferunt decimoquarto Hermanus Hamelmanus lib. 3. prolegom. cap. ult. Calvinus lib. 1. instit. cap. 11. §. 14. & sequent. & lib. 4. cap. 9. §. 9. necnon Magdeburgenses Cent. 8. cap. 9. Synodum VII. Nicænam II. quam dicunt pugnare cum duobus Conciliis: uno priore, idest, Constantinopolitano, sub Constantino Copronymo; altero posteriore, Francofordiensi, sub Carolo Magno; ita ut sive sit sequenda regula beati Augustini lib. 2. de Baptismo cap. 3. qui vult priora Concilia à posterioribus emendari, sive regula sancti Isidori apud Gratianum distinet. 50. canone, Domino sancto, qui docet, antiquiora Concilia recentioribus anteponenda; necessarium sit hoc Nicænum esse rejiciendum.

Quod pugnet Nicænum secundum cum antiquiore Constantinopolitano, patet ex ipso Nicæno II. act. 6. ubi fatentur Patres tempore superioris Imperatoris definitum fuisse in Concilio Constantinopolitano, imagines non esse ullo modo colendas; quod verò pugnet cum Concilio Francofordiensi posteriore, in quo etiam legati Romani Pontificis fuerunt, probant adversarii. Primum ex Adone, Aimonio, Abbate Urspergensis, Platina, aliisque historicis, qui ubi loquuntur de temporibus Caroli & Adriani, dicunt, in Synodo Francofordiensi damnatam VII. Synodum Græcorum, secundò, probant ex libris quatuor Caroli Magni, qui nuper prodierunt, idest, anno 1549. is enim libris Carolus Magnus totis viribus contra imagines & VII. Synodum pugnat, & ibidem legimus, hos ipsos libros in Francofordiensi Synodo approbatos.

Respondeo, Nicænam Synodum cum nullo legitimo Concilio pugnare. Ac primum, quod attinet ad Constantinopolitanum sub Imperatore Constantino Copronymo, constat illud non fuisse generale, nec legitimum ullo modo, cum in eo non interfuerit Romanus Pontifex, nec per se, nec per Legatos: ut Joannes, Zonaras, & Cedrenus referunt in vita Constantini Copronymi, & idem fatentur Magdeburgenses Cent. 8. cap. 9. colum. 551. Sine Pontifice autem Romano non posse œcumenica Concilia celebrari, patet ex regula Nicæni Concilii, quæ est apud Socratem lib. 2. cap. 13. Quod, quod nec adfuerunt tres alii præcipui Patriarchæ, Alexandrinus, Antiochenus, Hierosolymitanus, ut ex eisdem Zonara, Cedreno, & Magdeburgensibus patet. Quomodo ergo generale Concilium dici potest, cui neque Oriens, neque Occidens, neque Meridies consensit, sed pauci duntaxat Episcopi ex Aquilone? Denique, quotquot exstant historici, tum Græci, ut Zonaras, Psellus, Photius, Nicetas, Cedrenus; tum Latini, ut Rhegino, Sigebertus, Ado, Paulus Diaconus, Urspergensis, aliique permulti; omnes

A Concilium hoc vel apertè reprehendunt, vel inter Concilia Ecclesiæ non numerant.

De Concilio autem Francofordiensi, quo præcipuè nituntur adversarii, dico tria. Primò, quidquid illud Concilium definierit, non esse magni faciendum; nam sine dubio illi anteponendum est Concilium Nicænum II. quod certum est fuisse universalius, antiquius, & sine controversia à summo Pontifice approbatum. Nam constat ex ipso Concilio, adfuisse legatos Papæ Adriani, & rursus approbatum à Leone III. patet ex Ivone 4. part. cap. 147.

Dico secundò, si verum est quod dicunt Centuriatores Cent. 8. cap. 9. col. 639. nihil nobis eam Synodum obesse; nam ipsi dicunt, Synodo Francofordiensi non consensisse, sed repugnasse Adrianum & Legatos ejus. At certum est, Synodum, cui repugnat Rom. Pontifex, nullus esse auctoritatis, ut patet, tum ex Gelasio, in tomo de vinculo anathematum experientia. Nulla enim Synodus unquam habita est legitima, cui Rom. Pontifex repugnaverit. Quid, quod ipsa Synodus Francofordiensi hoc ipsum docet, nam ut ex Carolinis libris patet, Synodus Francofordiensi decrevit, judicium ultimum controversiarum ad Romanum Pontificem pertinere, & hoc præcepto argumento refellit Synodum septimam, quia existimavit sine auctoritate Romani Pontificis celebratam; Ergo Synodus Francofordiensi testimonio Magdeburgensium seipsam destruit.

Præterea ibidem Magdeburgenses dicunt, Synodum Nicænam ab Adriano confirmatam, Concilium autem Francofordiense reprobatur Synodum factam sine Papæ auctoritate; ergo iudicio Magdeburgensium, non est Nicæna nostra, sed aliqua alia, quæ reprobatur in Concilio Francofordiensi. Denique, ibidem docent Magdeburgenses, in Synodo Francofordiensi non esse definitum, ut imagines tollantur è templis, sed ut in templis quidem maneant, at non adorentur. Cur ergo ipsi è templis imagines tollunt? cur frangunt? cur non servant Francofordiense decretum? Ex quo etiam refellitur mendacium Apologiæ Anglorum, quæ docet, in Concilio Francofordiensi decretum, ut imagines deleantur. At è contrario Synodus Francofordiensi, testimonio librorum Carolinorum, Hincmari, & ipsorum Magdeburgensium, anathema dixit iis, qui imagines delere volunt. Præterea, res ipsa idem ostendit; nam si ea Synodus id statuisset, cur non esset factum? Quis enim resisteret in Occidentali Ecclesia decreto Episcoporum omnium, & Regis potentissimi? Non esse autem factum, certo certius est; nulli enim historici id referunt. Immo Jonas Aurelianensis, tanquam rem novam, & sacrilegam refert, quod Claudius Taurinensis in sua dioecesi imagines delere voluerit.

Tertio dico, rem esse incertissimam, quid statutum sit de imaginibus in Synodo Francofordiensi: nam antiqui auctores non sibi constant. Nam in primis ipsum decretum Francofordiense, quod citatur præfatione librorum Carolinorum, testatur in Synodo Francofordiensi damnatam Synodum, quæ Constantinopoli convenerat, & imagines adorari iusserat. Ubi cum nominat Constantinopolim, videtur loqui de Synodo hæreticorum contra imagines. At cum dicit, ibi decretum, ut imagines adorentur, videtur loqui de Synodo Catholicorum.

Pari ratione libri ipsi Carolini dicunt, in Synodo Francofordiensi damnatam Synodum, quæ facta fuerat Constantinopoli in Bithynia sine auctoritate Papæ, pro imaginibus adorandis, ubi cum nominat Constantinopolim, & dicit, à Synodo abfuisse Papæ auctoritatem, videtur loqui de Synodo hæreticorum; cum autem dicit in Bithynia, & pro imaginibus Synodum celebratam, videtur loqui de nostra

Nicæ-

Nicæna. Nam Nicæa est Metropolis Bithyniæ, Constantinopolis autem in Thracia est.

Jam verò Hincmarus Remensis cap. 20. libri contra Hincmarum Laudunensem, qui ipso ferè tempore floruerat, dicit, in Synodo Francofordiensi damnatam Synodum, quæ Nicææ convenerat, sine Papæ auctoritate, ubi etiam duo contraria conjungit, ut patet. Aimonius lib. 4. cap. 85. de gestis Francorum, & Abbas Urspergensis in Chronico anni 793. scribunt, in Synodo Francofordiensi damnatam septimam Synodum Græcorum, quæ convenerat Constantinopoli sub Constantino & Irene. Ubi etiam ipsi contraria jungunt inter se. Multi autem historici recentiores dicunt, in Synodo Francofordiensi damnatam Synodum de tollendis imaginibus, quam Græci septimam generalem dicebant. Ita Platina in vita Adriani, Blondus decadis 2. lib. 1. Sabellicus lib. 8. Enneadis 8. Paulus Æmilius lib. 2. de gestis Francorum.

Propter hanc confusionem Alanus Copus Dialogo 4. & 5. docet, in Synodo Francofordiensi solum damnatam Synodum Constantinopolitanam hæreticam, Nicænam autem non solum non damnatam, sed etiam confirmatam, quam sententiam optarem esse veram, sed tamen suspicor esse falsam.

Primò, quia libri illi Carolini licet falsò inscribantur Carolo, ut dicemus, tamen sine dubio scripti sunt tempore Caroli, ut patet ex refutatione eorundem librorum, quam edidit Adrianus I. & scripti videntur in Concilio Francofordiensi, & acta continere Synodi Francofordiensis. Id enim asserit Hincmarus ejus temporis auctor, & ipsi libri hoc præ se ferunt. Quòd autem Synodus, quæ in his libris refutatur, sit verè Nicæna II. dubitari non potest, si legantur vel ipsi libri, vel Adriani responsio.

Secundò, quia auctores antiqui omnes conveniunt in hoc, quòd in Concilio Francofordiensi sit reprobata Synodus VII. quæ decreverat, imagines adorandas. Ita Hincmarus, Aimonius, Rhegino, Ado, & alii passim docent. Dicere autem hos omnes mentiri, vel libros eorum esse corruptos, ut Copus dicit, videtur mihi paulò durius.

Tertiò, quia si isti auctores loquerentur de falsa VII. Synodo, idest, de Synodo Constantinopolitana contra imagines, certè meminissent etiam in suis historiis Synodi Nicæne verè VII. At non meminerunt ullius Concilii VII. nisi istius, quod reprobatum dicunt. Neque obstat, quòd libri Carolini, ut Abbas Urspergensis & Aimonius dicunt, reprobant Synodum Constantinopoli habitam; Nam Abbas sequutus est libros Carolinos, ut etiam Aimonius: auctor autem eorum librorum vel lapsu memorie, vel ex imperitia posuit Constantinopoli pro Nicæna. Nam alioqui cum dicat, Synodum celebratam in provincia Bythinia, ubi Nicæa est, non Constantinopolis, satis indicat, se de Nicæa loqui, & similiter Abbas, & Aimonius cum dicant, Synodum celebratam sub Constantino & Irene, clarè demonstrant se loqui de Nicæna Synodo, etiamsi per errorem nominent Constantinopolim.

Neque etiam obstat, quòd Hincmarus & libri Carolini dicant, Synodum reprobata in Concilio Francofordiensi, fuisse coactam sine auctoritate Papæ, quod est falsum de Nicæna, & verum de Constantinopolitana. Nam Hincmarus sequutus est libros Carolinos, ut ipse indicat; auctor autem eorum librorum hoc mendacium finxit, cum aliis multis, ut imponeret Synodo Francofordiensi, ut mox dicemus.

Neque obstat ultimò, quod Platina, Blondus, Sabellicus, & Paulus Æmilius dicant, reprobata Synodum de tollendis imaginibus. Nam in primis isti omnes recentiores sunt. Deinde, quod ipsi dicunt,

Controv. Card. Bellarm. Tom. II.

A non pugnat cum antiquorum historicorum dictis; Nam in Synodo Francofordiensi duæ Synodi reprobatae fuerunt, nimirum Constantinopolitana contra imagines, & Nicæna pro imaginibus, ut patet ex libris Carolinis & ex Hincmaro, & fortasse hæc est causa, cur antiquorum historicorum aliqui nominent Nicænam, aliqui Constantinopolim, cum dicunt, Synodum Græcorum reprobata in Concilio Francofordiensi.

B Videtur igitur mihi, in Synodo Francofordiensi verè reprobata Nicænam II. Synodum, sed per errorem, & materialiter, eo modo prorsus, quo olim Synodus Ariminensis damnavit homousion. Nam auctor librorum Carolinorum imposuit Synodo, duoque mendacia illi obtrusit. Unum mendacium fuit, in Synodo Nicæna, definitum fuisse, ut imagines adorarentur cultu latriæ. Alterum, decretum illud factum à Græcis sine consensu Papæ Romani. His duobus mendaciis pro veritate habitis, Synodus Francofordiensis reprobavit, & meritò, Nicænam Synodum, tanquam profanam & illegitimam.

C Quòd illa duo fuerint persuasa Concilio, patet ex ipsis libris Carolinis; nam in præfatione disertè habetur hoc modo: *Allata est in medium*, (scilicet in Synodo Francofordiensi) *questio de nova Græcorum Synodo, quam de adorandis imaginibus Constantinopoli fecerunt, in qua scriptum habebatur, ut qui imaginibus Sanctorum, ita ut Deifica Trinitati, servitium, aut adorationem non impenderet, anathema judicaretur. Qui supra, sanctissimi Patres nostri omnimodis orationem, & servitutem eis impendere renuentes, contempserunt, atque consentientes, condemnarunt.* Hæc ibi. In ipso etiam opere introducitur Constantinus Episcopus Cypri, in Concilio Nicæno anathema dicens iis, qui non adorant imagines eo cultu, quo adoratur sanctissima Trinitas. En clarè primum mendacium.

Idem auctor clarè docet, ad summum Pontificem pertinere judicium controversiarum fidei, & ideo Synodum illam pro adorandis imaginibus nihil valere, quod Pontificis auctoritate careat.

D Præterea auctores illi antiqui, qui dicunt, reprobata esse falsam Synodum, quæ decreverat, imagines esse adorandas, sine dubio per illud Adorandas, intelligunt adorandas cultu latriæ; nam ipsi quoque docent, imagines esse venerandas, & tamen execrantur illam Synodum, quæ jubet imagines adorari. Ado in Chronico anni 696. dicit, Romæ in die exaltationis Crucis, à toto populo Crucem osculari, & adorari solitam, & etiam in Chronico anni 717. vocat imaginem venerandam, quam everterat Philippicus hæreticus, & restituerat Theodosius Catholicus Imperator. Rhegino lib. 1. Chronici, sub finem, agnoscit Crucis adorationem, & deturbationem imaginum per Leonem Iconomachum factam, scelus appellat. Joannes Aventinus lib. 4. annalium, dicit, Carolo Magno Imperatore designato, imaginem ejus in templo ab omni populo veneratam, ipso præsentem. Abbas Urspergensis in Chronico, invehitur in Leonem Isaurum, & Constantinum Copronymum, propter imaginum dejectionem, eosque vocat impios, & Antichristi præcursores; & è contrario Gregorium Papam laudat, & sanctum virum fuisse dicit, qui propter imagines Christi & Sanctorum Imperatorem excommunicavit.

E Quòd autem verè mendacia sint, quòd Synodus Nicæna caruerit Papæ auctoritate, & quòd decreverit imagines adorandas cultu latriæ, certissimum est; nam in ipso Concilio Nicæno II. act. 2. recitantur epistolæ Papæ Adriani pro imaginibus, & in omnibus actionibus semper primi subscribunt Legati Romani; deinde quod ad cultum attinet, in 1. act. Basilus Ancyranus, qui antea fuerat hæreticus, cum relinqueret,

& confessionem Catholicam ederet, toto Concilio audiente & probante, dixit se imagines quidem colere, non tamen latria, cum ea soli debeat Deo. Similiter Constantinus Episcopus Constantiæ Cyprii VII. Synodo act. 3. loquutus est. Similiter loquuntur etiam ceteri act. 4. & 7.

Neque mirum videri debet, quod auctor librorum Carolinorum tam manifesta mendacia obtruserit Synodo Francofordiensi de Nicæna Synodo paulò antè habita; nam si nunc Magdeburgenses & Calvinus scribere audent, nos colere imagines divinis honoribus planè, ut Deos, cum tot libri Catholicorum, & ipsum generale Concilium Latinum, & in Germaniæ finibus Tridenti celebratum, disertè clament contrarium; quid mirum, si idem confictum sit de Synodo Græca, quam paucissimi legere poterant, & quæ in Oriente celebrata fuerat?

Si dicas, ergo saltem Concilium Francofordiense, quod frequentissimum fuit & legitimum, errare potuit. Respondeo, potuit errare, & erravit non in iuris, sed in facti questione, & præterea non mirum si errare potuit; nam non consenserunt Legati Romani, ut Magdeburgenses dicunt. Papa autem non solum non consentit, sed etiam refutavit Francofordiense decretum, ut patet ex libro Adriani de imaginibus ad Carolum, ubi refutantur omnia mendacia illorum librorum Carolinorum.

Quod autem ex libris Caroli adferunt, in quibus præcipuum firmamentum causæ suæ constituunt; Dico, eos libros, neque esse Caroli, neque ejusmodi, quibus ulla fide haberi possit.

Quod Caroli non sint, probatur primò, quia exstat liber Adriani Papæ I. ad Carolum, in quo libri isti accuratè refelluntur, ex quo Adriani libro perspicuè intelligitur, libros istos ab aliquo hæretico compositos, & à Carolo ad Pontificem missos, ut eis responderet. Esse autem Adriani hunc librum, qui exstat in 3. tom. Conciliorum, tum aliunde, tum etiam ex Ivone intelligi potest, qui multa ex hoc libro nomine Adriani in quartam partem sui decreti transtulit.

Secundò, constat ex historiis Græcorum & Latinorum, ut Zonarz, & Cedreni in vita Leonis Isauro, necnon Pauli Diaconi in vita ejusdem, Romanos Pontifices Gregorium III. Adrianum I. & Leonem III. defecisse à Græcis Imperatoribus, eos excommunicasse, vectigalia eis tribui ex Italia prohibuisse, seque in tutelam Francorum contulisse, atque in eos tandem imperium transtulisse, ea de causa præcipuè, quod Græci Imperatores hæresi Iconomachorum patrocinentur; cum è contrario Francorum Reges in fide antiqua constantes essent. Quomodo ergo verisimile est, Carolum Imperatorem eadem hæresi laborasse, & pro errore Græcorum contra Romanum Pontificem scripsisse? Sed verba Zonarz audiamus: *Igitur, inquit, Papa Gregorius deferta Imperatoris obedientia ob perversam illius opinionem, pacem cum Francis fecit, cum prius saepe dedisset operam, ut Leonem per literas ab odio Dei revocaret, atque ad cultum sacrarum imaginum reduceret.* Et infra in vita Irenæ: *Adriano veteris Roma Papa mortuo, Leo successit, vir reverendus & honorabilis, qui cum se ad Carolum Francorum Regem contulisset, ab eo tempore Roma Franci potiti sunt, Carolo à Leone coronato, & Romanorum Imperatore appellato.* Nam Papa Gregorius nihil sibi rei esse voluit cum impiis Ecclesiæ Constantinopolitanæ gubernatoribus & pacem cum Francis fecit.

Tertiò, scribit Jonas Aurelianensis lib. 1. de Cultu imaginum (floruit autem Jonas tempore Ludovici Pii Caroli filii) Claudium Taurinensem ejus hæresis patronum toto tempore, quo vixit Carolus,

A nunquam fuisse ausum mutare. Idemque ibidem, virum piissimum, ac sanctæ memoriæ Carolum Augustum appellat. Si ergo Iconomachi, vivente Carolo, non audebant hæresim suam prædicare; si defensores imaginum Carolum ut pium ac sanctum venerabantur, quanta impudentia est, libros contra imagines Carolo attribuire?

B Quartò, scribit Paulus Æmilius lib. 2. hist. Francorum, necnon Regino in Chronico, in Concilio quodam Gentiliaci coacto, Pipinum Regem, Caroli Magni patrem, Græcorum errorem contra sacras imagines Imperatoris Græci Legatis præsentibus, confutasse; ex eodem quoque Paulo constat, non diu postea ad Concilium, quod Romæ Stephanus Papa celebravit contra eundem Græcorum errorem, misisse Carolum Magnum Episcopos duodecim, ex præcipuis regni. Qua ergo audacia adversarii Christianissimi Principem in Iconoclastam transformare nituntur? præsertim cum Paulo Æmilio in hac parte assentiantur Magdeburgenses Cent. 8. cap. 9. col. 570.

Quintò, constat ex historicis omnibus, & ex ipsius Caroli epistolis, & carminibus; imò ex ipsis rebus gestis, Carolum & Adrianum semper conjunctissimos fuisse. Exstat adhuc Adriani epitaphium ab Imperatore Carolo non minus eleganter, quam piè descriptum, apud Onophrium in additione ad Platinam, cujus hoc est initium.

C *Hic pater Ecclesiæ, Roma decus, inclutus auctor
Adrianus requiem Papa beatus habet.
Vir, cui vita, Deus, pietas, lex, gloria Christus;
Pastor Apostolicus promptus ad omne bonum.*

Et infra:

*Post patrem Carolus lachrymans hæc carmina scripsit,
Tu mihi dulcis amor, te modò plango pater.
Tu memor esto mei, sequitur te mens mea semper.
Cum Christo teneas regna beata poli.*

Num credibile est igitur, Carolum alterius religionis ac fidei fuisse, quàm Adrianum? & in ipsum Adrianum tam acriter scripsisse, cum eum tantopere coluerit, & post obitum laudaret?

D Denique certum est, Carolum hominem Græcè & Latinè peritum, prudentem & ingeniosum fuisse, libri autem isti hominis barbari, imperiti, levis, ac penè stulti esse videntur. Nam Constantinopolim urbem notissimam in Bithynia esse dicit, cum nemo nesciat esse in Thracia, nisi fortè quia frequentes ibi terræmotus fiunt, solum mutaverit. Deinde, Concilium pro cultu imaginum Constantinopoli celebratum asserit, cum tamen Nicææ celebratum nemo sit qui nesciat, nisi qui nihil legat. Et quod gravius est, per calumniam & mendacium multa tribuunt isti libri Nicænis Patribus, quæ nunquam dixerunt, & interdum quæ adversarii dixerant: quale est illud, quod Eucharistia sit imago corporis Christi, quod non solum Patres Nicæni non defendunt, ut ille auctor somniat, sed etiam ex professo refellunt. Unde accepit Calvinus alterius mendacii occasionem. Quia enim Iconomachi dixerant, unam solum imaginem adorandam, idest, Eucharistiam, arque hoc dictum Pseudo-Carolus Nicæna Synodo tribuerat; Calvino placuit, ita rem totam immutare, ac dicere: *Ceterum ne suo solenni, plaudite, fabula careat, additur clausula* (nimirum à Concilio Nicæno) *Gaudeant & exultent, qui Christi habentes imaginem, sacrificium illi offerunt.* Quod est mendacium impudentissimum. Concilium enim Nicænum tantum abest, ut voluerit imaginibus sacrificium offerri, ut disertè in act. 7. declaraverit, non veram latriam, sed honorariam tantum adorationem imaginibus deferri.

E Accedat postremò, quod liber iste tanquam alter Mel-

Melchisedech, est sine patre, sine matre, sine genealogia. Prodiit enim repente in lucem nec scitur quando, aut ubi, aut quomodo, aut à quo reperi- tus; nec habet nomen auctoris, nec impressoris, nec loci, ubi impressus est. Quae sunt omnia argu- menta atque indicia fraudum. Sed esto, sit liber Caroli Magni, quid tandem adversarii obtinebunt? propterea nihil. Auctor enim huius libri disertè oppu- gnat omnia fere dogmata Calvinistarum; apertè enim docet, ad Romanum Pontificem pertinere ul- timum iudicium de controversiis fidei, & eum non à Concilio, sed à Deo ipso primatum habere. Idem vult exorcismum adhiberi in Baptismo, templa dedi- cari certo ritu, orandum esse pro defunctis, Sanctos invocandos, reliquias venerandas, Christum, aqua, salisque benedicti usum in Ecclesia retinen- dum; in Eucharistia verè esse corpus Christi, idque adorandum, & tanquam verum ac proprium sacrifi- cium offerendum, quae sunt omnes exploratae hære- ses apud adversarios.

Sa ergo volunt nos credere huic auctori, cum do- cet Nicenam Synodum errasse, credant eidem ipsi, cum asserit tam multa, quae jam enumeravimus. Quod si etiam constaret, Carolum ipsum hunc li- brum scripsisse, & in omnibus cum Calvinistis con- venire, quid haberent aliud, quam testimonium unius hominis laici, & militis? quod opponere velle Concilio generali Episcoporum, stultitia est manife- sta. Nam ut rectè ait Damascenus orat. 2. de imagi- nibus, Christus non commisit Ecclesiam Regibus & Imperatoribus, sed Episcopis & Pastoribus.

Decimoquinto, proferunt Concilia duo inter se contraria, quibus tamen praesuerunt Romani Pon- tifices. Nam Concilium Romanum sub Stephano VII. irritavit omnia acta Formosi Papae praedeces- soris sui; deinde Concilium Ravennense sub Joanne IX. irritavit acta Concilii sub Stephano, & ap- probavit acta Formosi. Vide Sigbertum in Chro- nico anni 903. Math. Palmerium in Chronico an- ni 899. & Platinam in vitis horum Pontificum. Respondeo, quæstionem fuisse de facto, idest, an Formosus fuisset verus & legitimus Papa; & quia Stephanus malè informatus, censuit eum non fuisse Papam, acta ejus irritavit. Quia verò Joannes postea re melius investigata, invenit contrarium, correxit errorem Concilii prioris, juxta regulam Augustini, qui dicit, Concilia priora aliquando emendari à posterioribus, nimirum in hujusmodi casibus particularibus.

Decimosexto, proferunt Concilium Romanum sub Nicolao II. in quo definitum est, non solum Sacramentum corporis Christi, sed, & ipsum ve- rum Christi corpus tractari, & frangi manibus Sacerdotum, & fidelium dentibus atteri, ut patet ex can. Ego Berengarius, de consec. dist. 2. At hic est error manifestus contra resurrectionem glorio- sam Christi, de qua dicit Apostolus: *Christus re- surgens à mortuis, jam non moritur*. Rom. 6. Si enim corpus Christi verum frangitur, & teritur, certè corrumpitur & moritur.

Respondeo, numquam fuisse quæstionem, an Christi corpus verè, ut est in se, frangeretur ma- nibus, & dentibus tereretur; certum enim est & semper fuit, Christi corpus incorruptibile nunc exi- stens, non posse frangi & teri, nisi in signo sive Sacramento, ita ut dicatur frangi ac teri, cum si- gnum ejus, idest species panis frangitur, & teritur. At quæstio fuit, an signum, quod frangitur, & teritur, sit nudum signum, an verò contineat Chri- sti corpus revera, & quia Berengarius docuerat es- se nudum signum, ideo Concilium constituens for- mam abjuratæ hujus erroris, voluit eum dice-

Controv. Card. Bellarm. Tom. II.

A re, non solum Sacramentum, sed etiam verum Christi corpus frangi, & teri; quorum verborum hic est sensus: non teritur, & frangitur nudum si- gnum, sed etiam verum Christi corpus, idest, sed signum habens realiter conjunctum Christi corpus: sive, sed etiam verum Christi corpus ibi praesens existens, frangitur, & teritur, non tamen in se, sed in signo. Quomodo etiam intelligimus, cum Chrysostomus homilia 83. in Matthæum, ait: *O quot, inquit, dicunt, vellem ejus formam, ejus cal- ceamenta videre. Ipsum igitur vides, ipsum tangis, ipsum comedis*.

B Decimosextimo, profert Hermannus Concilium Lateranense sub Innocentio III. in quo definitum est, habendum esse pro articulo fidei, panem & vinum in Sacramento transubstantiari in corpus & sanguinem Christi; At in Concilio Ephesino dicitur anathema omnibus proferentibus aliud Symbo- lum.

C Respondeo primò, Lateranense Concilium non composuisse ullum Symbolum, sed tantum definitivè se unam quæstionem de fide, sicut fecerunt multa Concilia post Ephesinum. Secundò dico, Concilium Ephesinum dixisse anathema proferentibus aliud Symbolum, idest, contrarium Nicæno, non autem aliud, idest, novum, & explicativum. Tertiò dico Concilium Ephesinum prohibuisse novi Symboli com- positionem Episcopis, & Conciliis particularibus, non autem summo Pontifici, aut Concilio genera- li; nemo enim in parem, vel majorem, habet præ- cipiendi auctoritatem.

D Decimosextimo, proferunt Concilium Constan- tiense & Basileense, nam illud sess. 13. excommu- nicavit omnes communicantes sub utraque specie, istud autem concessit utramque speciem Boemis. Respondeo, quidquid sit de horum Conciliorum auctoritate, dico ea non pugnare inter se; nam Constantiense excommunicat eos, qui commu- nicant sub utraque specie sine licentia Ecclesiae. Sic enim intelliguntur præcepta majorum; non enim qui præcipit, privat se auctoritate dispensandi. Concilium autem Basileense dispensavit cum Boe- mis, eisque licentiam dedit communicandi sub utra- que specie.

Ultimo, proferunt eadem Concilia Constantien- se & Basileense, quæ statuunt Concilium esse supra Papam, cujus contrarium habetur in Concilio Late- ranensi sess. 11. sed de hac re infra dicemus in fine hujus libri.

C A P U T IX.

Solvitur objectio, ducta ex ratione.

E Obijciunt postremò eam rationem. In omni cætu multitudinis sæpe accidit, ut major pars vincat meliorem, igitur in Conciliis Ecclesiae, ubi definiun- tur omnia ad plura suffragia, facillè fieri poterit, ut contingat error. Deinde esto, Concilia legitima non possint errare, tamen quis novit, an ullum fuerit un- quam legitimum Concilium? Nec enim est Conci- lium legitimum, nisi Episcoporum fidelium; quis au- tem scire potest, an qui in Concilio conveniunt, ha- beant veram fidem, & veram ordinationem? Deni- que, in antiquis Conciliis convenisse Episcopos ex multis provinciis, quæstionem propositam diligenter examinasse, subscripsisse deinde sponte sua, non ali- qua vi externa coactos, & alia ejusdem generis fe- cisse, quæ requiruntur ad legitima Concilia, unde novimus, nisi ex fide historicorum? At historici (di- vinis exceptis) non rarò mentiuntur, & certè non

C 4 sic-

firmam & infallibilem fidem faciunt. Restat igitur, tu Conciliorum decreta sint omnia dubia.

Respondemus, in cœtibus humanis aliquando id accidere, ut major pars vincat meliorem: in Concilio autem Ecclesiæ, ubi Spiritus sanctus præsidet: & ubi Christus est in medio eorum, qui in nomine ipsius congregati sunt, & ubi ille adest, cui dictum est ab ipsa Veritate: *Regavi pro te, ut non deficiat fides tua, & tu aliquando conversus, confirma fratres tuos*; non est, quod tale aliquid timeatur. Nam etiamsi major pars resistat meliori, ut factum est in Concilio Ariminensi, & Ephesino II. tamen nunquam vincit; mox enim irritantur ejusmodi Conciliorum acta ab eo, cui convenit ex officio fratres confirmare, quemadmodum in prædictis Conciliis Ariminensi & Ephesino II. factum videmus.

Ad alteram objectionem respondeo, non esse necessarium, ut sciamus Episcopos, qui ad Concilium conveniunt, habere veram fidem, & veram ordinationem, sed satis esse, si non constet contrarium. Nam etiam si summus Pontifex, quod fieri non posse credimus, & omnes Episcopi, qui ad aliquod generale Concilium à summo Pontifice convocantur, essent corde hæretici, & sola externa professione Catholici, nec verè accepissent sacri ordinis invisibilem characterem, sed nudam impositionem manuum; tamen certi sumus, Deum nunquam permissurum, ut ejusmodi Concilium in decretis suis formandis erraret: Assistit enim Concilio Spiritus sanctus, non tam propter ipsum Concilium, quàm propter Ecclesiam universam, quæ divino præcepto tenetur, Episcoporum sententiam non discutere, sed venerari. Itaque ne erraret Ecclesia universa, divina providentia faceret, ut etiam Concilium illud Episcoporum fictorum, vellet, nollet, verissimam fidem Ecclesiæ sequendam proponeret. Proinde, ut conventus aliquis Episcoporum legitimus sit, & dicatur, id solum requiritur, ut Episcopi illi conveniant, qui in Ecclesia ordinariè præsident, & Episcopi veri, atque Catholici palàm ab omnibus habeantur, quidquid sit de iis, quæ in cordibus eorum latent.

Quia tamen non solum scimus Deo curæ esse salutem Ecclesiæ suæ, sed etiam ex Scripturis didicimus, Dei providentiam suaviter omnia disponere: propterea certò credimus, Deum non permissurum, ut in Concilio, quod ab Ecclesia legitimum creditur, conveniant Episcopi, aut omnes, aut pro majori parte non legitimi, aut non Catholici. Effet enim vehementer durum ac violentum (etsi non impossibile Deo, qui etiam per jumentum aliquando corripuit Prophetæ insipientiam) ut Concilium totum hæreticorum, repugnante voluntate ac sententia, decretum Catholicum conderet.

Ad postremam objectionem quidam respondent, ut Vega in Conc. Trid. lib. 3. cap. 39. Concilium esse legitimum, fide Catholica teneri à fidelibus, non quia id historici testantur, sed quia ipsum Concilium hoc definiit; solent enim Concilia initio actorum definire, suum conventum esse legitimum, & in Spiritu sancto congregatum.

At profectò non videtur hæc solida responsio; primum, quia vetera Concilia non solebant initio testari, suum conventum esse legitimè, & in Spiritu sancto congregatum; Concilia verò quædam posteriora, ut Constantiense, Basileense, Lateranense, Tridentinum & alia, id quidem testantur, sed non tanquam decretum aliquod forment de fide. Nusquam enim invenitur inter canones propriè dictos, alicujus Concilii aliquis canon, quo definiatur illud ipsum Concilium esse legitimum, à quo canones illi conditi sunt. Secundò, aut constat nobis aliunde Concilium aliquod fuisse legitimum, dum definire

vellet, se esse legitimum, aut non constet. Si constat, frustra conditur tale decretum; si non constat, jam de ipso decreto dubitare incipiemus; si enim ambigo, an fuerit legitimum Concilium antequam definiret se esse legitimum, ambigo etiam, an non erraverit in eo ipso decreto, quo se legitimum esse pronunciavit.

Alii igitur respondent, Concilium aliquod esse legitimum, iis, qui tunc adsunt præsentibus, evidens esse posse sine aliâ probatione. Vident enim convenisse in unum Episcopos, qui habentur ab omnibus veri Episcopi, & convenisse ex variis provinciis, & vocatos ab eo, qui habet auctoritatem, & si quid aliud requiratur ad legitimum Concilium, id etiam videre possunt, nihil enim invisibile, ut supra diximus, requiritur. Posteris autem, vel absentibus, id ipsum est notum ex humana fide, sed certissima, & quæ evidentia naturali aliquo modo comparari possit. Nam exempli gratia, Nicænum Concilium fuisse legitimum, non solum unus aut alter historicus testatur, sed multi & varii scriptores ejus temporis, & temporum consequentium, & Ecclesia, quæ nunc est, id ipsum asserit, nec est, aut fuit, qui contrarium sentiat, aut senserit.

Quare, quemadmodum fuisse quondam Consulem Cicéronem, Julium Cæsarem Dictatorem, Octavianum cum Antonio prælio navali decertasse, & alia id genus, etsi ex fide humana pendeat, tamen adeò certa sunt, ut evidentiam quandam habere videantur: Sic etiam Concilia Ecclesiæ, quæ nos legitima fuisse dicimus, tot habent testimonia omnium ætatum, ut nihil dubitationis in animis nostris relinquant, quò minus credamus, talia fuisse, qualia dicuntur.

Quare cum ex fide Catholica habeamus, Concilia legitima à summo Pontifice confirmata, non posse errare, & ex naturali evidentia, aut ex fide humana certissima sciamus, Concilium Nicænum, Constantinopolitanum, Ephesinum I. & alia ejusmodi legitima, & à summo Pontifice approbata fuisse, id certè sequitur, ut hujusmodi Conciliorum decreta certa fide credamus. Vide, si placet, de hac re Melchiorum Canum lib. 6. de locis, cap. ult. in solutione decimi argumenti.

C A P U T X.

Concilia particularia, non probata à summo Pontifice, non omnino certam fidem facere.

SEquitur jam altera quæstio, num videlicet Concilia à summo Pontifice non confirmata, certam fidem faciant, quæ non est controversa inter Catholicos & hæreticos, & vix etiam inter Catholicos; ideo rem totam breviter explicabimus, ac primum de Conciliis particularibus, deinde de generalibus agemus.

De provincialibus igitur duo ex communi sententia Catholicorum asserimus, posse ejusmodi Concilia absolutè errare, tamen magnæ esse auctoritatis, ita ut temerarium sit, eis non acquiescere. Quod ejusmodi Concilia possint errare, testis est Carthaginense Concilium sub Cypriano, quod fuit nationale, celeberrimum, legitimum, Episcoporum 85. quorum plerique Martyres, aut Confessores erant, ut patet ex epistola Cypriani ad Jubajanum, & tamen erravit. Secundò, testis est quinta Synodus Romana sub Symmacho, ubi legimus, Concilia provincialia, quia præsentiam Papæ

non habent, valetudinem perdidisse. Tertio, Prosper in Chronico anni 420. dicit, hæresim Pelagianam à Concilio Africano 217. Episcoporum damnatam non prius ab Ecclesia totius orbis damnatam, quam Zozimus Papa decreta Concilii illius probasset. Unde etiam Augustinus lib. 2. retract. cap. 50. non dicit, hæresim Pelagianam à Conciliis Africanis, quæ particularia erant, damnatam, sed à Pontificibus Innocentio, Zozimo, cooperantibus Africanis Conciliis. Quarto, cur Concilia generalia errare non possint, duplex est causa præcipua. Prima, quia Concilium generale totam Ecclesiam repræsentat, & ideo ipso errante tota Ecclesia erraret. Secunda, quia Concilium generale non fit sine summo Pontifice, pro quo Christus oravit, ut non deficeret fides ejus: at nulla harum causarum locum habet in Concilio particulari.

Sed contra objicies: nam cap. Ad abolendam, extra de hæreticis, excommunicantur omnes illi, qui judicantur hæretici ab Ecclesia Romana, vel à Concilio provinciali, aut diocesano. Concilia igitur provincialia & diocesana faciunt dogmata de fide, alioqui non esset hæreticus, qui ea negaret.

Respondeo: duobus modis posse judicari de hæresi. Uno modo, de ipsa hæresi secundum se, & quasi in abstracto, ut cum quæritur, an sit hæreticum, hoc aut illud dicere. Altero modo, in ordine ad hominem hæreticum, ut cum quæritur, an hic inciderit in hæresim ab Ecclesia damnatam. Quamvis igitur Concilia provincialia, vel diocesana, non possint dogmata fidei constituere, tamen possunt judicare, an aliquis inciderit in hæresim manifestam, sicut etiam judicant inquisitores. Ad hunc finem collectum fuit Concilium Aquileiense tempore Ambrosii; nihil enim ibi definitum est, nisi Palladium quendam verum esse Arianæ discipulum, & de hoc videtur præcipue agere caput illud, Ad abolendam, de hæreticis. Etsi enim hoc judicium non sit infallibile, tamen sufficit ad excommunicandum.

Præterea secundo dico, posse etiam Concilia particularia censere de hæresi secundum se, quando res est facilis, & in qua omnes sæpe Doctores conveniunt; quomodo Concilium Antiochenum olim judicavit de hæresi Pauli Samosatani apud Eusebium lib. 7. histor. cap. 24. convenerunt enim undique Episcopi, non tanquam ad rem dubiam, sed tanquam ad manifestum lupum de ovili Christi ejiciendum. Etsi enim hoc judicium non sit prorsus infallibile, tamen debent privati homines acquiescere ejusmodi judicio, etsi secus egerint, merito excommunicantur, donec non judicaverit aliter Apostolica sedes, vel Concilium universale.

Denique tertio dico, posse etiam Concilia particularia definire dogmata verè dubia, & eorum decreta esse firma, si id faciant ex commissione Apostolicæ sedis, ut fecerant Patres Concilii Arausiaci II. & Toletani I. tempore Leonis I. & Synodi Complutensis, tempore Sixti IV. de quo vide summam Conciliorum. Vel saltem si decisionem suam mittant ad Romanum Pontificem, & ab eo confirmationem accipiant; quomodo constat factum esse in Conciliis Milevitano & Carthagenensi, ex Augustino epist. 90. 91. 92. 93. Immo credibile est, nullum Concilium particulare definivisse aliquid de fide, sine approbatione Apostolicæ Sedis. De his omnibus intelligi potest illud cap. Ad abolendam.

Quod autem Concilium particulare non expressè confirmatum, faciat argumentum adeò probabile, ut temerarium sit ei non acquiescere, planum est. Primo, quia in VII. Synodo, act. 3. & in VIII. Synodo, act. ult. can. 1. honorantur Synodi locales, & suscipiuntur, nec fit mentio ibi confirmatorum,

vel non. Secundo, quia plurima horum Conciliorum, ut Toletana, Bracarentia, Arelatensis, Hispalensis &c. videntur, ipso usu Ecclesiæ quodam modo probata. Tertio, quia si aliquot sancti Patres casu in eandem sententiam convenientes, faciunt argumentum probabile, quanto magis 40. aut 50. Episcopi simul convenientes, & invocato Spiritu Sancto, aliquid communi consensu stantes?

CAPUT XL

Concilia generalia, ante confirmationem summi Pontificis, errare posse, nisi Patres in definiendo sequantur Pontificis instructionem.

Jam verò de Conciliis universalibus variae sunt opiniones. Parisienses enim quidam, & illi omnes, qui docent, Concilium esse supra Papam, & aliqui præterea alii existimant, Concilia generalia legitima non posse errare, etiam ante confirmationem Pontificis. Contrarium docent alii, ut Cajetanus in Apolog. par. 2. cap. 21. Turrecremata lib. 3. cap. 32. 33. 34. & 38.

Nota duo primò, Legatos aliquando mitti ad Concilium cum instructione Sedis Apostolicæ, sicut legimus factum in Concilio IV. VI. & VII. aliquando sine instructione, ut factum est in Concilio Tridentino; cujus ratio est, quia in illis primis Conciliis una tantum quæstio tractabatur, & ideo facile poterat Pontifex explicare Legatis, quæ esset sententia sua de illa quæstione. At in Concilio Tridentino, tot quæstiones, & tam variae tractandæ erant, ut non posset commodè ejusmodi instructio haberi.

Secundò nota, posse quatuor modis contingere, ut fiat generalis Concilii definitio. Primò, ut Patres consentiant, & definiant, dissentientibus Legatis Apostolicæ Sedis. Secundò, ut definiant consentientibus Legatis, sed contra instructionem Pontificis agentibus. Tertio, consentientibus omnibus etiam Legatis, sed qui non habuerunt certam instructionem. Quarto, consentientibus omnibus cum Legatis habentibus & sequentibus Papæ instructionem.

Ac de primo & secundo modo nulla est difficultas. Constat enim talia Concilia errare posse; nam in primis de facto erravit Concilium Ephesinum II. quod repugnantibus Legatis Papæ Leonis definire voluit, ut patet ex epist. B. Leonis 24. & 25. &c. Item Concilium Constantinopolitanum tempore Nicolai I. erravit, cum Legati Nicolai contra instructionem Papæ egerint, ut patet ex epist. Nicolai ad Patriarchas, & ceteros Episcopos Orientis, & ex Zonara in vita Michaelis Imperatoris. Secundò, ejusmodi Concilia, non solum non confirmata, sed etiam reprobata dici debent; idem enim est sive Pontifex expressè Concilium reprobet, sive Concilium agat contra Pontificis sententiam. Constat autem Concilia reprobata à Pontifice nullam habere auctoritatem, ut multis exemplis ostendit Gehasius in tomo de Anathemate; & in epist. ad Episcopos Dardaniæ. Tertio, non possunt dici legitima Concilia, quæ pugnant cum suo capite; & similiter quando consentiunt Legatis agentibus contra informationem, quia tunc Legati non agunt ut Legati, cum non agant nomine Pontificis; disertè enim D. Leo in epist. 45. ad Pulcheriam, & Agatho in epist. ad Imperatorem, quæ lecta est in VI. Synodo, act. 4. affirmant se non dare auctoritatem Legatis, nisi agant secundum sibi traditas regulas.

De tertio modo res est sub opinione. Ego tamen existimo tale Concilium posse errare, neque esse infallibile ejus judicium ante confirmationem Pontificis. Primum, quia sententia ejus Concilii non est ultimum judicium Ecclesiae, & tamen si non posset errare, esset ultimum, & irrefragabile judicium. Non esse autem ultimum judicium horum Conciliorum, planum est: nam ejusmodi Concilia ad Pontificem mittuntur, & Pontifex Concilium approbare potest, vel reprobare, ut patet ex Gelasio in epist. ad Episcopos Dardaniz, & ex Nicolao in epist. ad Michaelem, & ex praxi Conciliorum petentium confirmationem; ac nominatim ex Bulla Pii IV. in qua confirmat Tridentinum Concilium, de qua re Turrecremata lib. 3. cap. 34.

Præterea secundò, firmitas Concilii nascitur ex consensione, & conjunctione corporis cum capite. At caput nondum aperuit sententiam suam; etsi enim Legati præsumunt nomine Pontificis, tamen non sunt revera Pontifices, nec sciunt, quæ sit mens Pontificis, nec habent illud privilegium non errandi quod habet Pontifex.

Tertiò, Concilium Basileense, sess. 2. unà cum Legato Pontificis communi consensu statuit, Concilium esse supra Papam, quod certè nunc judicatur erroneum.

Quartò, potest errare Concilium, quod aliquid definit contra instructionem Pontificis, ut de facto erravit Concilium Constantinopolitanum consentientibus etiam errori Legatis Nicolai I. Ergo potest etiam errare, quando nulla habetur instructio; nam non tenentur Episcopi in Concilio sequi illam instructionem, alioqui non essent iudices, neque essent libera suffragia.

At obijciunt, ejusmodi Concilium est generale legitimum, & universalem Ecclesiam representans, ergo errare non potest. Respondet Canus, Concilium non posse errare eo modo, quo Ecclesia non potest errare, id est, sicut Ecclesia non potest errare in iis, in quibus omnes de Ecclesia conveniunt, sic etiam Concilium non potest errare in iis, in quibus omnes de Concilio conveniunt. At contrà; nam Ecclesia non potest errare quoad fidem personalem, & ideo in eo solum non potest errare, in quo omnes conveniunt. At Concilium non potest errare, in iudicio de Fide, id est, in decreto formando. Est autem verum decretum Concilii, quod sit à majori parte, alioqui nullum esset legitimum Concilii decretum, cum semper aliqui dissentiant. Ergo Concilium absolute dicitur errare, quando errat major pars, quæ format decretum. Quare alia ratione solvenda esse objectionem existimo.

Dico igitur, Concilium illud non posse errare, quod absolute est generale, & Ecclesiam universalem perfecte representat, ejusmodi autem Concilium non est, antequam adsit sententia summi Pontificis. Nam Episcopi ceteri representant quidem corpus Ecclesiae, & quod illi faciunt, corpus Ecclesiae facere censetur: at Legati Papæ non ita representant caput Ecclesiae, id est, ipsum Papam, ut quod ipsi faciunt, absolute censetur fecisse Papam, alioqui nulla requireretur confirmatio; sed solum representant Pontificem, tamquam vicariū & internuncii ipsius, qui ad ipsum referre debeant, cum oriuntur dubia, & sententiam ejus expectare, & exequi. Itaque tale Concilium cum non representet absolute auctoritatem capitis, non nisi imperfectè totam Ecclesiam representat.

Quod si quis omnino velit ejusmodi Concilium absolute totam Ecclesiam representare, is respondere poterit, Concilium generale non censi prorsus absolute, nisi post confirmationem Pontificis; cum

A autem dicitur Concilium generale non posse errare, & ejus decreta certam fidem facere, id esse intelligendum, quando absolutum fuerit penitus, & ab omnibus obliquatum.

Obijciunt secundò, quod Concilia dicunt anathema contrarium sentientibus, antequam confirmantur. Respondeo: illa quidem dicere anathema, sed intelligere illud vim habiturum, si fuerit à Pontifice confirmatum, sicut quando Judex, à quo appellari potest, fert sententiam mortis in aliquem, intelligitur illum debere mori, nisi Princeps sententiam retractet.

De quarto modo vix dubium esse potest, videtur enim esse certum, tale Concilium non posse errare. B Primum enim in tali Concilio invenitur expressus consensus capitis, & membrorum, ac proinde totius Ecclesiae, quæ sine dubio errare non potest. Neque obest, quod instructio illa à Pontifice data non videatur definitiva sententia Apostolicæ Sedis; nam quando Concilium consensit cum Pontificis sententia, formaturque decretum à Legatis nomine Pontificis, tunc incipit esse sententia definitiva, & ultima, non solum Concilii, sed etiam Pontificis, neque potest Pontifex eam retractare; nam certò intelligit, sententiam suam fuisse à Deo, quando à Concilio approbatur, ut dicit B. Leo in epist. 63. ad Theodoretum: *Qua, inquit, Dominus nostro prius ministerio defuimus, universa fraternitatis irrefragabili præstitit assensu, ut verè à se prodire ostenderet, quod prius à prima omnium sede formatum, totius Christiani orbis iudicium recepiisset, ut in hoc quoque capiti membra concordent &c.*

C Quod ut melius intelligatur, sciendum est, Pontificem mittere solere Legatos instructos de sententia Apostolicæ Sedis cum ea conditione ut si Concilium consentiat iudicio Apostolicæ sedis, formetur decretum, sin minus, differatur decreti formatio, donec Romanus Pontifex consultus respondeat. Id quod patet ex Concilio Chalcedonensi, nam act. 3. cum Concilium consensisset iudicio Pontificis circa depositionem Dioscori, mox Legati his verbis formaverunt decretum: *Sancitissimus ac beatissimus Papa, caput universalis Ecclesiae, Leo, per nos Legatos suos, sancta Synodo consentiente, Petri Apostoli præditus dignitate, qui Ecclesie fundamentum, ac petra fidei, & celestis regni janitor nuncupatur, Episcopali dignitate Dioscorum nudavit, & ab omni sacerdotali opere fecit extorrem,*

D Deinde actione 16. cum Concilium aliquid statuere vellet contra instructionem Pontificis, Legati dixerunt, debere prius id significari Apostolicæ Sedi. Quando ergo Concilium definit aliquid, sequens expressam sententiam Pontificis, idem est, ac si confirmatum esset.

E Accedit ad hæc, quod Concilium Chalcedonense in epist. ad Leonem, quæ habetur act. 3. dum petit confirmationem decretorum, aperte dicit, se scribere Pontifici, & petere confirmationem, quoniam præter decretum de Fide contra Dioscorum, alia etiam quædam statuerunt sine expressa Pontificis sententia. Itaque solum petunt confirmationem eorum, quæ definierant præter Pontificis sententiam. Ipse etiam Leo in epist. 61. ad Concilium Chalcedonense, quæ illud confirmat, indicat non fuisse opus sua confirmatione, nisi quia dubitabant aliqui, an revera cum ejus consensu factum fuisset decretum Concilii, quæ etiam ratione confirmavit Pontifex multa alia similia Concilia, non quia errare potuerant, sed ut omnibus certius constaret, quæ Legati egerant, verè ex mandato expresso Pontificis egisse.

Denique in ejusmodi Conciliis, non expectata alia confirmatione Pontificis, mox fit executio, id est,

est, damnantur, qui contrarium sentiunt, ut manifesti hæretici, & deponuntur ab Episcopatu, vel sacerdotio. Ita in Nicæno Concilio damnati sunt & in exilium acti sex Episcopi unâ cum Ario, ut scribit Rufinus lib. 10. hist. cap. 5. in Ephesino Concilio damnatus, & depositus est Nestorius, ut Evagrius testatur lib. 1. cap. 4. In Chalcedonensi, act. 3. depositus est Dioscorus, & act. 4. decem Episcopi Ægypti judicantur hæretici, quia volebant acquiescere decreto prolato, act. 3. in Concilio VI. actione 8. & 12. damnatur & deponitur, & in exilium ejicitur Macharius Patriarcha Antiochenus cum aliquot suis discipulis, & act. 15. damnatur & deponitur Polychronus Presbyter. At si Concilia ista ante confirmationem Pontificis errare potuissent, non fuissent illi manifesti hæretici, qui ante confirmationem resistebant.

CAPUT XII

An sit major auctoritas Concilii, quam Scriptura.

Diximus de auctoritate Conciliorum absolute considerata; nunc de eadem dicendum est per comparisonem ad alia fidei principia, idest, ad verbum Dei scriptum, (nam de traditionibus eadem est ratio) & ad Pontificem. Et quidem hæretici hujus temporis passim clamant, nos subicere Scripturam Concilio. Calvinus lib. 4. instit. cap. 9. §. 14. *Subicere in eum modum, inquit, Dei oracula hominum censura, ut ideo rata sint, quia placuerint hominibus, blasphemia est indigna, quæ committeretur.* Similia apud alios passim inveniuntur. Cæterum hæc non nostra blasphemia, sed ipsorum impostura est. Catholici enim Scripturam sacram non subiciunt, sed anteponunt Conciliis; neque in hoc ulla controversia est. Quod si interdum Catholici aliqui dicunt, scripturam pendere ab Ecclesia, sive à Concilio, non intelligunt quoad auctoritatem, & secundum se, sed quoad explanationem, & quoad nos.

Observandum est igitur, multiplex esse discrimen inter Scripturam sacram, & Conciliorum decreta; ex quibus intelligitur, Scripturam præponi Conciliis. Primum est, quod Scriptura est verbum Dei immediate revelatum, & scriptum quodammodo Deo dictante; juxta illud 2. Pet. 1. *Spiritu sancto inspirante loquuti sunt sancti Dei homines.* Et 2. Timot. 3. *Omnia Scriptura divinitus inspirata.* Quod tamen non sic intelligendum est, quasi semper scriptores sacri novas revelationes habuerint, & scripserint ea, quæ antea ignorabant; constat enim Evangelistas Matthæum & Joannem scripsisse ea, quæ viderunt; Marcum & Lucam ea, quæ audierunt, ut Lucas ipse fatetur initio Evangelii: *Sicut tradiderunt, inquit, nobis, qui ab initio ipsi viderunt.*

Dicuntur igitur Scriptores sacri habuisse immediatam revelationem, & scripsisse ipsius Dei verba, quia vel nova quadam & antea incognita eis revelabantur à Deo, juxta illud Psalm. 50. *Incerta & occulta sapientia tua manifestasti mihi;* vel Deus immediate inspirabat, & movebat scriptores ad scribenda ea, quæ viderant, vel audierant, & eos dirigebat, ne aliquo modo errarent. Ut enim dicitur verè epistola principis, quæ à principe dictatur, etiam si is, qui eam scripsit, antea sciebat, quæ scripturus erat; ita dicitur, & est immediatum Dei verbum, quod scriptum est ab Evangelistis, Deo inspirante, & dirigente, licet scripserint ea, quæ viderant, vel audierant. At Concilia non habent, neque scribunt immediatas revelationes, aut verba Dei, sed tantum declarant,

quodnam sit verbum Dei scriptum vel traditum, & quomodo intelligi debeat, & præterea ex eo per rationationem deducunt conclusiones. Itaque Concilia cum definiunt, qui sint libri canonici & divini, non faciunt eos esse infallibilis veritatis, sed declarant solum esse tales.

Sic etiam Concilium Tridentinum, sess. 13. cap. 1. cum definit, verba illa: *Hoc est corpus meum*, intelligi propriè, non figuratè, non edit, sed declarat verbum Dei. Et cum Nicænum Concilium definiit Christum esse hominison Patri, deduxit conclusionem ex Scripturis, in quibus disertè continetur unum esse Deum, & Patrem esse Deum, ac Filium esse Deum; ex quibus sequitur necessariò Patrem, & Filium ejusdem esse substantiæ, & divinitatis. Et similiter Concilium sextum, cum definiit, in Christo duas esse voluntates, divinam & humanam, deduxit conclusionem ex Scriptura, in qua habetur, Christum esse perfectum Deum, & perfectum hominem.

Alterum discrimen ex hoc primo oritur, & est, quia scriptores sacri non debuerunt multum laborare in suis libris edendis; satis enim erat, si laborarent scribendo, vel dictando, si edebant vaticinia; vel ad summum revocando ad memoriam, quæ viderant, vel audierant, & cogitarent verba, quibus ea scriberent, si scribebant historias, vel epistolas, vel aliquid simile. At Patres in Conciliis debent rem ipsam querere, idest, conclusiones investigare, disputando, legendo, cogitando. Unde Actor. 15. legimus in primo Concilio magnam conquisitionem fuisse factam. Idem testatur de Nicæno Concilio Rufinus lib. 10. cap. 5. hist. Ecclesiasticæ, quocirca Actor. 15. dicunt Patres Concilii: *Visum est Spiritui sancto & nobis*, idest, Spiritu sancto nostram industriam & diligentiam adjuvante. At scriptores sacri soli Deo tribuunt ea, quæ scribunt, ac propterea tam sæpe repetebant Prophetæ illud: *Dixit Dominus.*

Tertium est, quod in Scriptura nullus potest esse error, sive agatur de fide, sive de moribus, & sive affirmetur aliquid generale, & toti Ecclesiæ commune, sive aliquid particulare, & ad unum tantum hominem pertinens; tam enim est certum & de fide, sine gratia Spiritus sancti neminem salvari, quam Petrum, Paulum, Stephanum, & quosdam alios verè Spiritum sanctum habuisse & salvos esse; utrumque enim eadem Scriptura verissima testatur: at Concilia in judiciis particularibus errare possunt.

Quartum est, quod in Scriptura non solum sententiæ, sed etiam verba omnia, & singula ad fidem pertinent: Credimus enim nullum esse verbum in Scriptura frustra, aut non rectè positum. At in Conciliis maxima pars actorum ad fidem non pertinet. Non enim sunt de fide disputationes quæ præmittuntur, neque rationes quæ adduntur, neque ea quæ ad explicandum & illustrandum adferuntur, sed tantum ipsa nuda decreta, & ea non omnia, sed tantum quæ proponuntur tanquam de fide. Interdum enim Concilia aliquid definiunt, non ut certum, sed ut probabile, ut Concilium Viennense, quod decrevit, tenendum ut probabilius, infantibus in Baptismo infundi gratiam & virtutes, ut habetur Clement. unic. de summ. Trinit. & Fide Catholica. Quando autem decretum proponitur, tanquam de fide, faciliè cognoscitur ex verbis Concilii; semper enim dicere solent, se explicare fidem Catholicam; vel hæreticos habendos, qui contrarium sentiunt; vel quod est communissimum, dicunt anathema, & ab Ecclesia excludunt eos, qui contrarium sentiunt: Quando autem nihil horum dicunt, non est certum rem esse de fide.

Denique, in ipsis decretis de fide, non verba, sed sensus tantum ad fidem pertinet. Non enim est hæ-

reticum dicere, in canonibus Conciliorum aliquod verbum esse supervacaneum, aut non rectè positum, nisi fortè de ipso verbo sit decretum formatum, ut cum in Concilio Nicæno decreverunt recipiendam vocem *ὁμολογίαν*; & in Ephesino vocem *θεοτόκον*.

Quintum est, quòd Scriptura non eget approbatione Pontificis ut sit authentica, sed tantum ut innotescat ejus auctoritas. At Concilia etiam legitima, & generalia non sunt rata nisi à Pontifice confirmantur, ut ostendimus quæstione superiori.

Sed obijciunt quidam, Gratianus d. 19. can. In canonicis, affirmat epistolas Pontificum decretales numerari debere inter Scripturas canonicas; & d. 20. can. Decretales, dicit Conciliorum canones ejusdem esse auctoritatis cum epistolis decretalibus; ergo etiam canones Conciliorum numerantur inter canonicas Scripturas. Non ergo Scripturæ præponuntur Conciliis. Præterea S. Gregorius lib. 1. epist. 24. dicit se venerari quatuor prima Concilia, ut quatuor libros Evangeliorum.

Respondeo ad Gratianum dupliciter. Primò, cum esse deceptum ex depravato codice, quem ipse habuit B. Augustini; tribuit enim illum canonem Augustino lib. 2. doctr. Christ. cap. 8. Codices autem veri, & emendati B. Augustini, non habent, ut Gratianus refert, sed longè aliter. Non enim Augustinus dicit epistolas eas esse Scripturam canonicam, quas Apostolica sedes dare, vel accipere solet, ut Gratianus legit, sed iudicium de Scripturis sanctis pertinere ad Ecclesias, atque ad eas potissimum, quæ Apostolicas sedes, vel epistolas accipere meruerunt, quales sunt Roma, in qua sedit Petrus, & ad quam scripsit Paulus; Ephesus, in qua sedit Joannes, & ad quam scripsit idem Paulus, & aliæ quædam.

Dico secundò, Gratianum, etiam hoc errore posito, non voluisse dicere, decreta Pontificum esse propriè Scripturas sacras, & canonicas, ut sunt Evangelia, vel Psalmi, sed esse Scripturas sacras, ut distinguantur à profanis, & canonicas, ut distinguantur à scriptis sacris Patrum, quæ non sunt regulæ, nec habent auctoritatem obligandi. Licet enim canones Pontificum & Conciliorum distinguantur, & postponantur Scripturæ divinæ, tamen suo modo sunt, & dici possunt scripta sacra & canonica, quomodo septima Synodus, act. 3. vocat decreta Conciliorum divinitus inspiratas constitutiones. Immo Innocentius, cap. Cum Marthæ, extra de celebratione Missarum, vocat Scripturam sacram sententiam illam Augustini: *Injuriam facit Martyri, qui orat pro Martyre*, serm. 17. de verbis Apostoli. Quòd autem Gratianus senserit Conciliorum decreta non esse æquanda divinis Scripturis propriè dictis, patet ex 36. causa, q. 2. can. Placuit, ubi Hieronymi sententiam, quia munita erat testimonio divinæ Scripturæ, anteponebat Concilii decreto.

Ad Gregorium respondeo, illud *sicut*, sonare similitudinem, non æqualitatem, ut illud Matth. 5. *Estote perfecti sicut Pater vester celestis perfectus est*. Vel si æqualitatem sonet, dicendum erit, non comparari à Gregorio Concilia cum Evangelis in omnibus, sed tantum in ipsa certitudine eorum, quæ in Scripturis dicuntur, & in Conciliis definiuntur. Cum enim utraque sint infallibilis veritatis, æquè certa dici possunt. Sed jam quandoquidem Concilia non sunt majoris auctoritatis, quàm Scripturæ, restat ut illud explicemus, utrum saltem majoris sit, Concilii œcumenici, quàm summi Pontificis auctoritas.

CAPUT XIII.

An Concilium sit supra Pontificem.

Quæstio hæc exorta est tempore Concilii Pisani, quia cum duo Pontifices, qui simul sedebant in schismate, Gregorius XII. & Benedictus XIII. non viderentur seriò cogitare de tollendo schismate per spontaneam abdicationem, quemadmodum ante Pontificatum uterque voverat, & juraverat, Cardinales utriusque patris secesserunt Pisam, & tractare cœperunt, an sibi liceret invitis Pontificibus illis Concilium generale convocare, & eos Pontifices deponere. Meminit Antoninus hujus disputationis, quæ Florentiæ habita est, 3. par. sum. hist. tit. 22. cap. 5. §. 2.

Deinde, cum paulò post fieret Concilium Constantiense, & Joannes XXIII. qui solus ad Concilium accesserat, à Concilio clam discessisset, atque ita Concilium sine capite remansisset, tractare Patres cœperunt, an Concilium posset, invitum Pontificem judicare, & deponere. Sed maximè controversia crevit tempore Concilii Basileensis. Quia enim Eugenius Papa IV. Concilium Basileense inchoatum dissolvere volebat, & impedire, ne ulterius progrediretur, cœperunt Patres querere, an tenerentur obedire Pontifici, an Pontifex potius teneretur obedire ipsis, idest, generali Concilio; & quoniam paulò ante viderant duos Pontifices Joannem XXIII. & Benedictum XIII. depositos fuisse per Concilium Constantiense, & sic impositum finem maximo schismati; cœperunt metuere, ne si Pontifex non teneatur obedire Concilio, iterum schisma renovaretur, & sine ullo remedio Ecclesia remaneret. Itaque hac occasione tunc plurimi in eam sententiam iverunt, ut Concilium esset supra Pontificem. Sed dum voluerunt schismatibus viam præcludere, ipsi novum schisma fecerunt, creato Pseudopapa Felice V. qui postea cognito errore, abdicavit se Pontificatu; & quamvis postea in Concilio Florentino, & Lateranensi ultimo videatur quæstio definita, tamen quia Florentinum Concilium, non ita expressè hoc definivit, & de Concilio Lateranensi, quod expressissimè rem definivit, nonnulli dubitant, an fuerit verè generale; idèò usque ad hanc diem quæstio superest, etiam inter Catholicos.

Observandum est autem, duobus modis posse comparari Papam cum Concilio: Uno modo, ut sumatur ab una parte solus Papa verus, & indubitatus, ab altera Concilium generale, cui præsit Papa per se, vel per legatos, ita ut nihil definiatur sine consensu ipsius: Altero modo, ut sumatur ab una parte solus Papa, ab altera Concilium generale, cui Papa nec per se, nec per suos legatos præsit. Intelligo autem non præsidere per suos legatos, etiam quando legatus quidem ab eo missus præest Concilio, sed agit contra ipsius Pontificis voluntatem; tunc enim non est verè ejus legatus, licet pro tali se gerat.

Quæstio præsens, licet nonnullis videatur præcipuè versari circa priorem comparisonem, quippe qui existimant Concilium sine Papa non esse verum Concilium, & proinde sine dubio Papam esse majorem tali Concilio; tamen revera quæstio præcipua est de Posteriori comparisonem. Quod patet primò, quia ista quæstio introducta est propter Pontificum depositionem, idest, ad inquirendum, an Papa etiam invitus à Concilio judicari, damnari, & deponi posset. Ad hunc autem finem supervacanea est illa quæstio, an Concilium cum Papa, sit majus solo Papa; nam sive sit majus, sive minus, numquam judicabit, neque damnabit, neque deponet invitum Papam. Quomodo enim hoc illud Concilium faceret,

ret, quod nihil agit sine consensu Papæ? Num Papa seipse invitum volat judicari, & damnari?

Secundò, idem patet ex Concilio Basileensi; nam Basileenses Patres, qui definierunt Concilium esse supra Papam, suum Concilium Basileense asseriebant esse supra Eugenium Papam, eo tempore, quo in Concilio neque Papa, neque ejus Legatus aderat. Quin etiam Papam omnibus modis repugnantem deponere aggressi sunt.

Hæc ergo est præcipua quæstio, & sola tractanda, nam ex hujus explicatione patebit etiam quid sit dicendum de priori. Qui enim docent, Papam esse supra Concilium sine ipso celebratum, iidem docent parem esse auctoritatem in solo Papa, & in Concilio cum Papa intensivè, licet extensivè sit major in Concilio: & proinde non posse à tali Concilio Papam judicari, vel damnari, nec ejusmodi Concilii decretis cum obligari coactivè, sed tantum directivè, & posse in eis dispensare, exceptis decretis de Fide, quæ immutabilia sunt. Ratio horum est, quia par in parem non habet potestatem. Qui verò docent, Concilium sine Papa esse supra Papam, docent etiam consequenter, Concilium cum Papa esse supra Papam, & obligare Papam, tametsi ipsi iidem fatentur, posse Papam tamquam ministrum Ecclesiæ dispensare in præceptis Concilii generalis, sed si malè dispensaverit, posse corrigi & puniri postea à Concilio generali. Hæc ergo prima comparatione omiſsa, sola secunda tractanda est.

CAPUT XIV.

Explicantur opiniones diversæ.

Porro de proposita quæstione tres invenio Doctorum sententias. Prima est, Concilium esse supra Pontificem, id quod asserunt in primis omnes hæretici hujus temporis, & nominatim Hermannus Hamelmannus id probare conatur multis argumentis lib. 3. cap. 13. Prolegomenor. Idem asserit Cardinalis Cameracensis, Joannes Gerson, Jacobus Almainus, & alii nonnulli in suis tractatibus de potestate Ecclesiæ. Item Nicolaus Cusanus in tractatu de concordantia canonica lib. 2. cap. ult. Panormitanus in cap. Significasti, extra de elect. & ibidem Magister ejus Cardinalis Florentinus; item Abulensis in cap. 18. Matthæi, quæst. 108. & in defensorio trium conclusionum, & quidam alii.

Ut autem hæc sententia intelligatur, notandum est, duo esse fundamenta hujus opinionis. Primum est, Papam non esse propriè caput Ecclesiæ universæ simul congregatæ. Id quod non eodem modo intelligunt hæretici, & alii auctores. Hæretici enim volunt, Papam nullo modo esse caput Ecclesiæ totius, sed tantum Episcopum suæ Ecclesiæ particularis, & ad summum, Patriarcham Occidentis.

At alii auctores citati docent, Papam esse caput & pastorem singulorum Christianorum, & singularum Ecclesiarum, si seorsim sumantur, non autem totius Ecclesiæ simul congregatæ in Concilio generali. Tunc enim Ecclesia accipit quasi formam quamdam corporis; & tota potestas, quæ erat sparsa in variis membris, ibi unitur, ita ut comparare Papam cum cæteris Christianis seorsum sumptis, sit comparare membrum nobilissimum cum minus nobili: At comparare Papam cum Concilio, sit comparare partem cum suo toto, & proinde minus cum majore.

Ex ne dicamus, Concilium sine Papa non esse totum perfectum, sed corpus sine capite, addunt secundum fundamentum, quod est, supremam Ecclesiasticam potestatem esse tam in Concilio, quam in

A Papa, sed in Concilio principalius, immediarius, & immobilis. Dicunt enim, Christum immediatè omnem potestatem solvendi & ligandi tribuisse Ecclesiæ; & cum Ecclesia semper duret, immobiliter in ea semper manere hanc potestatem: quia tamen non potest Ecclesia semper congregata manere, & exercere per se hanc potestatem, instituit Christus summum Pontificem, tamquam instrumentum generale ad omnes actiones Ecclesiæ, & in eo posuit hanc potestatem summam, ut eam exerceat nomine Ecclesiæ.

B Differunt inter se hi auctores, quòd aliqui ponunt hanc potestatem formaliter, & subjectivè in solo Pontifice, in Ecclesia autem ponunt eam ut in fine, quia est propter Ecclesiam, & ut in regulante, quia Ecclesiæ est regulare, & dirigere Papam, cum ipsa non possit errare, Papa autem possit; ac denique ut in supplente, quia deficiente Papa propter mortem naturalem aut civilem, Ecclesia supplet ejus officium.

C Alii verò volunt esse formaliter & subjectivè principaliter in Ecclesia, instrumentaliter in Pontifice. Conveniunt tamen in eo omnes, ut doceant esse hanc potestatem immediatè in Ecclesia, & proinde mortuo Papa, vel deposito, vel nolente adesse Concilio, Concilium non propterea esse corpus imperfectum, sed perfectum, & habere potestatem Papalem definiendi de fide, sancienti leges, dandi indulgentias &c. Ex quibus deducunt, Concilium esse supra Papam, & posse ipsum judicare, & punire, & idem esse querere, an Papa sit major Concilio, ac si quæreretur, an pars sit major suo toto.

Denique, volunt Papam esse in Ecclesia id, quod est Dux Venetiarum in Republica Veneta, vel Magister generalis in aliqua religione. Constat enim Ducem Venerum esse supra singulos magistratus, & supra singulos Senatores, & civitates Venetas, non tamen supra totum Senatum simul collectum. Et quando moritur Dux, certum est totam auctoritatem etiam Ducalem esse in Senatu. Quomodo etiam Magister generalis, est supra singulos religiosos, etiam priores, & provinciales, tamen non est supra congregationem generalem, cum ei parere debeat, non imperare.

D Secunda opinio est aliquorum Canonistarum, qui volunt Papam quidem esse supra Concilium, & à nemine judicari posse invitum, tamen posse ipsum sese subicere Concilio, & dare illi supra se potestatem, & si hoc fecerit, acquiescere debere sententiæ Concilii, etiam si de ipsius depositione ageretur. Ita docet gloss. in can. Nos si incompetenter, 2. qu. 7. & in can. in Synodo, d. 63.

E Ultima sententia est serè communis, quòd videlicet Papa adeò sit supra Concilium, ut non possit etiam se subicere ejus sententiæ, si propriè de sententiæ coactiva agatur. Hæc sententia videtur esse omnium Scholasticorum veterum, ut Alberti, B. Thom. B. Bonavent. Richardi, Paludani, & aliorum in 4. dist. 19. ubi de clavibus agitur, tametsi ex professo ipsi de hac re non disputarunt. Expressè autem hoc docent S. Antoninus 3. par. tit. 22. cap. 10. §. 4. summæ historialis, & 2. par. tit. 3. cap. 11. summæ Theologicæ, Joan. de Turrecremata lib. 2. cap. 93. & 104. summæ de Ecclesiâ, & in responsione ad oratores Basileenses de summi Pontificis & Concilii generalis auctorit. Alvarus Pelagius de planctu Ecclesiæ, lib. 1. art. 6. Dominicus Jacobatius lib. 10. de Concil. art. 7. in quo fusissimè quæstionem disputat, & solvit sexaginta tria argumenta adversariorum. Cardinalis Cajetanus in tractatu de comparatione Papæ, & Concilior. & in Apolog. pro tractatu prædicto. Albertus Pighius lib. 6. de hierarchia Ecclesiæ. Franciscus Ferrariensis in lib. 4. cont. Gentes, cap. 76. Augustinus de Ancona in tractatu de potest. Ecclesiæ, & Petrus de

de Monte in lib. de potestate Papæ, & Concilii. Franciscus Turrianus in tribus libris, quos de hac questione scripsit; & Canonistæ serè omnes in cap. Significasti, de electione; & can. Si Papa, dist. 40. Joannes Antonius Delphinus lib. 2. de Ecclesia, cap. ult. Thomas Campegius in tractatu de potest. Romani Pontificis, cap. 22. & seq. Nicolaus Sanderus lib. 7. de visibil. Monarchia, ubi agit de Concilio Constantiensi, pag. 540.

CAPUT XV.

Summum Pontificem caput esse totius Ecclesie.

JAM verò, ut rei veritas declararetur, adferemus ac demonstrabimus aliquot propositiones, quarum hæc sit prima, *Romanus Pontifex est pastor, & caput non solum omnium Ecclesiarum particularium, sed etiam totius universalis Ecclesie simul congregatae, à Christo immediate constitutus.* Hæc est contra primum fundamentum adversariorum, quæ tametsi probata est sufficimè in libris de Pontifice, tamen etiam hoc loco breviter probanda est.

Igitur probatur primò ex Scriptura. Petrus est fundamentum Ecclesie, à Christo positum, juxta illud: *Tu es Petrus, & super hanc petram edificabo Ecclesiam meam*, Matth. 16. proinde caput, ac pastor. Nam quod est in domo fundamentum, est in corpore caput, & in grege pastor. Ut enim fundamentum non pendet à domo, sed domus à fundamento; ita etiam caput non pendet à corpore, sed corpus à capite, & pastor non pendet à grege, sed grex à pastore. Quod autem per Ecclesiam eo loco intelligatur Ecclesia universalis, etiam congregata, ut est generale Concilium, probatur ex cap. Matth. 18. ubi de eadem sua Ecclesia Christus dicit: *Si eis non audieris, dic Ecclesia.* Quo loco per Ecclesiam intelligunt adversarii generale Concilium.

Præterea Ecclesia congregata, sive Concilium propriè est Ecclesia Christi, ut etiam adversarii concedunt: nam Ecclesia est congregatio fidelium, ergo quò magis fideles sunt congregati & uniti, eò magis propriè sunt Ecclesia; ac stultum est, cum aliquid de alio absolute pronunciat, excipere id, quod propriè per illud significatur. Ergo cum Christus dicit: *Super hanc petram edificabo Ecclesiam meam*, stultè excipitur Ecclesia universalis congregata, cum ea propriè sit Ecclesia.

Denique, Ecclesia Christi semper est congregata formaliter, quia est unum regnum, una familia, unus grex, licet dispersa videatur quantum ad locum. Igitur, si Pontifex est Pastor, & Caput Ecclesie, non certè dispersa, quæ nulla est, sed congregata Ecclesia est pastor, & caput. Idem habetur ex illo Joan. ult. *Pasce oves meas.* Nam etsi adversarii dicunt, Dominum dixisse: *Pasce oves meas*, non Ecclesiam meam, tamen Ecclesia in Orat. de Pontifice sic explicat: *Deus omnium fidelium pastor & rector, qui familiam tuam N. Ecclesia tua præesse voluisti.* Et præterea, vel Ecclesia congregata, sive Concilium generale pertinet ad oves Christi, vel non; si pertinet, ergo Ecclesie congregatae, & Concilii generalis pastor est Petrus; si non pertinet, ergo Christiani per congregationem desinunt esse oves Christi, quod est absurdissimum.

Secundò probatur ex Conciliis; nam Concilium Chalcedonense in epist. ad Leonem disertis verbis fatetur, S. Leonem caput fuisse totius illius Concilii, quod fuit omnium maximum, & in quo tota Ecclesia congregata conspiciebatur: *Quibus, inquit, tu quidem*

ut caput præeres. Item Concilium Lugdunense, ut habetur cap. Ubi periculum, de elect. in 6. vocat Pontificem rectorem universalis Ecclesie, non igitur solum particularium Ecclesiarum est rector. Similiter in Concil. Florentino definitum est, Pontificem esse totius Ecclesie caput, & accepisse à Domino plenissimam potestatem universalem Ecclesiam regendi. Concilium Constantiense, sess. 15. damnavit hæresim Joan. Huis dicentis, non esse Papam caput Ecclesie.

Probatur tertio rationibus. Primò, Papa est unum caput, ergo unius corporis caput, at Ecclesie particulares seorsim sumptæ non sunt unum corpus; ergo Papa est caput Ecclesie universalis. Secundò, Ecclesia universalis est unum corpus visibile, ergo habere debet unum caput visibile, alioquin videbitur monstrum. At non est fingere aliud quam Papam, ergo Papa caput est totius Ecclesie simul. Tertio, Papa est immediatus vicarius Christi, ut habetur in Concilio Lugdunensi, & Florentino citatis, necnon in Concilio Constantiensi, sess. 8. ubi damnatur hæresis Wiclefi dicentis, Papam non esse immediatum Christi vicarium. Neque id adversarii negant; ergo præest eis omnibus loco Christi, quibus Christus ipse invisibiliter præest, & quibus etiam præset visibiliter, si visibiliter adesset: Christus autem præest, & præset visibiliter, si adesset visibiliter, non solum Ecclesiis particularibus, sed etiam toti Ecclesie universali, & generalibus Conciliis; igitur etiam Papa præest Ecclesie universali.

CAPUT XVI.

Non esse in Concilio summam potestatem.

SIT jam altera propositio: *Summa Potestas Ecclesiastica non est in Ecclesia, vel Concilio, remoto Papa, aut formaliter, aut suppletivè.* Hæc est contra alterum fundamentum adversariorum, & quidem non esse formaliter in Ecclesia, vel in Concilio summam potestatem, qualis est in Papa, ex Scripturis aperte colligitur. Nam secundum Scripturas Ecclesia non est Democratia, vel Aristocratia, sed Monarchia, sive regnum Christi, juxta illud Psalm. 2. *Ego autem constitutus sum Rex ab eo super Sion montem sanctum ejus.* Et Luca 1. *Regni ejus non erit finis.* Et Joan. 18. non dixit Christus cum interrogaretur: *Ergo Rex es tu?* non sum Rex, aut, regnum meum non est in hoc mundo, sed ait: *Regnum meum non est de hoc mundo;* idest, est quidem in hoc mundo, sed non est tale regnum, quale tu putas, quale est Herodis, & similium Regum. Denique, Scriptura passim vocat Christum Regem, & Ecclesiam regnum ejus, ex quo sequitur, ut ab uno regi debeat, non à multis ipsa Ecclesia, quemadmodum gubernantur omnia regna.

Quod autem non sit suppletivè hæc auctoritas in Ecclesia, ostenditur hac ratione. Non habet Ecclesia hanc auctoritatem à seipsa, nec ab alio; igitur nullo modo habet. Quod à seipsa non habeat, manifestè probat discrimen, quod est inter regnum Christi, & regna cætera; non enim est Ecclesia tale regnum, qualia sunt regna hujus mundi, in quibus summa potestas est in rege, sed à populo profecta, & derivata, & proinde radicaliter, & suppletivè eadem potestas est in regno. Nam in regno Christi summa potestas est in Christo, & non derivata ullo modo à populo. In regnis enim hominum, potestas regis est à populo, quia populus facit regem, qui alioquin esset homo privatus, sicut cæteri; omnes enim homines naturaliter sunt liberi, & æquales, nec possent unus cæteris imperare, nisi illi se ei subicerent, & super se potestatem ei concederent.

At

At Christus est Deus & homo, & quatenus Deus, est naturaliter Dominus, & Rex omnium creaturarum; quatenus homo, habet à Deo omnem potestatem, nec ipse ab Ecclesia factus est Rex, sed ipse potius fecit Ecclesiam esse suum regnum. Apoc. 5. *Fecisti nos Deo nostro regnum*. Hinc est, quod in Scriptura, regnum Christi, quod est Ecclesia, ne putaretur tale, qualia sunt cetera, comparatur etiam familiæ, Matth. 24. *Quis est fidelis servus, & prudens, quem constituit Dominus super familiam suam*. Et Hebr. 3. Moyses erat fidelis in tota domo Dei tamquam servus, Christus autem erat fidelis in tota domo sua tamquam Dominus. Constat enim patrem familias non habere à familia ullam auctoritatem, sed ex se; quia non ipse à familia constituitur pater, sed ipse facit sibi familiam gignendo filios, emendo servos. Unde paterfamilias, etiamsi pessimus sit, numquam potest à familia judicari, vel expelli, sicut potest Rex quando degenerat in tyrannum. Comparatur etiam ovili, Joan. 10. Item corpori, & sponsæ, Ephes. 4. & 5. ut intelligamus, quod sicut non accipit auctoritatem pastor ab ovibus, nec caput à corpore, nec vir ab uxore, ita neque Christus ab Ecclesia.

Ex his habemus Ecclesiam ex se nullam habere auctoritatem, sed omnem esse in Christo, & iis, quibus Christus eam communicavit. Quod autem non habeat ab alio, nimirum à Christo, probatur. Nam Christus legitur quidem dedisse Petro claves regni coelorum, Matthæi 16. & eundem præfecisse ovili suo, Joan. ult. Dedit etiam Apostolis cæteris potestatem prædicandi, baptizandi, peccata dimittendi, & alia quædam faciendi, quæ ad munus Episcopale spectant, sed hanc potestatem Christus singulis dedit, ita ut potuerit quisque eorum illa omnia exercere sine congregatione aliorum, ut notum est: At quod ipsi Ecclesiæ, idest, fidelium universitati in se, idest, ratione suæ totalitatis aliquid potestatis tribuerit, nusquam legitur; immò è contrario legimus, præcipi populis, ut obediant, & subiaceant pastoribus suis, Hebr. 13. & alibi. Quod si Ecclesiæ universitati non est data ulla auctoritas, ergo neque Concilio generali, quatenus Ecclesiam universalem representat. Ergo in Concilio non est auctoritas summa, sive Papalis, sed tantum Episcopalis, seu Archiepiscopalis, prout sunt personæ, quæ ibi conveniunt. Siquidem summa, seu Papalis auctoritas non ponitur in Concilio ab adversariis, nisi quatenus Concilium gerit vicem Ecclesiæ universæ. Si ergo Ecclesia universa, secluso Papa, non habet Papalem auctoritatem, ergo multò minus Concilium habet.

Probatur secundò: nam si Concilium generale sine persona Papæ haberet Papalem auctoritatem formaliter, vel suppletivè, non indigeret confirmatione Papæ. Id autem est falsum. Constat enim omnia generalia Concilia Catholica confirmationem petisse.

Tertiò: Concilium sine Papa potest errare etiam in fidei decretis, ut patet in Concilio Sirmienfi, cui subscripsit Hosius; item Mediolanensi, Ariminensi, Ephesino II. Constantinopolitano sub Justiniano II. Constantinopolitano sub Leone Isauro, & alio sub Constantino Copronymo. At Concilium cum Papa non potest errare: ergo non potest sine Papa omnia illa, quæ potest cum Papa. Neque potest responderi, errasse illa Concilia, quod non fuerint legitima, nam plerisque nihil defuit, nisi Pontificis assensus. Immo Ephesinum II. fuit omnino simile Basileensi, utrumque enim fuit indictum à Pontifice, in utroque adhuc legatus Pontificis circa initium, ab utroque recessit paulò post Legatus Pontificis, in utroque fuit Pontifex excommunicatus, quæ omnia de Basileensi patent ex gestis ejus ab Ænea Sylvio descriptis. De Ephesino autem patet ex epist. Leonis 12. 13. 15. 21. 22.

& ex Concilio Chalcedonensi, act. 3. & nihilominus errasse Concilium Ephesinum adversarii negare non possunt.

Quartò, si in Ecclesia esset summa potestas principaliter, in Papa instrumentaliter, ut in ministro Ecclesiæ, ut ipsi dicunt, sequeretur Papam non esse immediatum Christi vicarium, sed mediatum; immediatè enim vicaria Christi esset Ecclesia, Papa autem esset immediatus vicarius Ecclesiæ, quod est expresse contra Concilium Constantiense, sess. 8. ubi damnatur hæresis Wiclefi, dicentis, non esse Pontificem immediatum Christi vicarium.

CAPUT XVII.

Summum Pontificem absolutè esse supra Concilium.

Tertia propositio. *Summus Pontifex simpliciter & absolutè est supra Ecclesiam universam, & supra Concilium generale, ita ut nullum in terris supra se iudicium agnoscat*. Hæc etiam est ferè de fide, & probatur primò ex duabus præcedentibus: nam si Papa est caput Ecclesiæ universæ, etiam simul congregatæ, & Ecclesia universa etiam simul congregata non habet ullam potestatem ratione suæ totalitatis; sequitur Papam supra Concilium esse, & supra Ecclesiam, non contra.

Secundò probatur ratione, in Scripturis fundata; nam omnia nomina, quæ in Scripturis tribuuntur Christo, unde constat eum esse supra Ecclesiam, eadem omnia tribuuntur Pontifici. Ac primò, Christus est paterfamilias in domo sua, quæ est Ecclesia, Pontifex in eadem est summus œconomus, idest, paterfamilias loco Christi, Lucæ 12. *Quis est fidelis dispensator, & prudens, quem constituit Dominus super familiam suam &c.* Hic enim per dispensatorem, sive œconomum, ut Græcè habetur, intelligunt Episcopum. Ambrosius in hunc locum, & Hilarius, & Hieronymus in cap. 24. Matth. ubi similis habetur sententia. Et quamvis Patres non loquantur expresse de Episcopo Romano, tamen sine dubio sententia Scripturæ illa est; ut Episcopi particulares sunt summi œconomi in suis Ecclesiis, ita esse Episcopum Romanum in Ecclesia universa. Unde Ambrosius in illud 1. Tim. 3. Ut scias quomodo te oporteat conversari in domo Dei &c. *Domus Dei*, inquit, *Ecclesia dicitur, cuius hodie rector est Damasus*. Et Chrysostomus lib. 2. de sacerdotio circa initium, hunc ipsum locum: *Quis est fidelis servus &c.* de Petro exponit.

Quod autem œconomus summus sit supra familiam, & ab ea judicari, ac puniri non possit, patet ex hoc eodem loco, Dominus enim ait: *Quem constituit Dominus super familiam suam*. Et ibidem: *Quod si dimiserit servus ille in corde suo, moram facit Dominus meus venire & capere percutere servos, & ancillas, edere, & bibere, & inebriari, veniet Dominus servi illius in die, qua non sperat, & dividet eum, partemque ejus cum infidelibus ponet*. Ubi vides Dominum servare suo iudicio servum illum, & non committere iudicio familiæ. Idem etiam docet usus omnium familiarum; nulla enim familia est, in qua liceat inferioribus famulis etiam simul congregatis punire, vel expellere œconomum, etiamsi pessimus sit, id enim ad solum Dominum totius familiæ pertinet.

Alterum nomen Christi est Pastor, Joannis 10. *Ego sum Pastor bonus &c.* Idem communicat Petro, Joan. ult. *Pasce oves meas*. Constat autem pastorem præesse ovibus, ut nullo modo ab eis judicari possit.

Tertium est, Caput corporis-Ecclesiæ, Ephes. 4. idem communicat Petro, ut habemus in Concilio Chal-

Chalcedonenſi, act. 3. ubi legati ſententiam pronuntiant in Dioſcorum, & in epiſt. Concilii ad Leonem. Porro caput à membris regi, & non ea potiùs regere, contra naturam eſt, ſicut etiam eſt contra naturam, quod membra ſibi caput præciant, eum fortè graviter ægrotat.

Quartum eſt, Vir, ſeu ſponſus, Ephes. 5. *Viri diligite uxorē veſtrā, ſicut Chriſtus dilexit Eccleſiam, & tradidit ſeipſum pro ea &c.* Idem convenit Petro, nam in Concilio generali Lugdunenſi, ut habetur cap. Ubi periculum, de elect. in 6. loquens Concilium de electione Romani Pontificis: *Acceleret, inquit, utiſ per neceſſaria totius mundi proviſo, idaneo celeriter eidem Eccleſiæ ſponſo dato.* Eſt autem contra Apoſtolum Ephes. 5. & contra naturæ ordinem, ut ſponſa præſit ſponſo, & non potiùs ſubſit.

Probatum ſecundò ex verbis expreſſis Conciliorum, & Pontificum. Cum enim controverſia iſta ſit de poteſtate Conciliorum, & Pontificum, ſi inter ſe Concilia & Pontifices conveniant, quid opus eſt, ut nos litigemus? Primum ergo exſtat Concilium Sinueſſanum ſub Marcellino, in cuius fine legimus: *Prima ſedes à nemine iudicabitur.* Paulò poſt exſtat Concilium Romanum ſub Sylveſtro, in cuius ult. can. ſimiliter legimus: *Nemo iudicabit primam ſedem.*

Præterea ex Concilio Chalcedonenſi colligitur Pontificem eſſe majorem Concilio, nam act. 3. recitantur multæ epiſtolæ ſcriptæ ex variis locis ad Concilium, quæ omnes ita incipiunt: *Sanctiſſimo & beatiſſimo univerſali Patriarchæ magnæ Romæ Leonī, & ſancto univerſali Concilio congregato in Chalcedonenſi civitate &c.* Nemo autem in toto Concilio fuit, qui reclamaret, ac dixerit, non debere anteponi Pontificem toti Concilio. Immo in fine illius actionis exſtat epiſtola Concilii ad eundem Leonem, in qua eum, & caput, & patrem ſuum agnoſcunt. Præterea in eadem actione damnatus eſt Dioſcorus cum tota Synodo Ephesine II. tum ob alias cauſas, tum præcipuè quia iudicare, & damnare auſus fuerat Romanum Pontificem Leonem. Ut enim Nicolaus I. ait in epiſtola ad Michaelem, non tam ob hæreſim damnatus eſt Dioſcorus, quàm ob horrendam præſumptionem, qua in ſummum Pontificem ſententiam dictare auſus fuerat. Ubi notandum, quòd ſi Dioſcorus, qui erat Patriarcha Alexandrinus, ideſt, primus poſt Romanum, cum generali Concilio non potuit ſure iudicare Romanum Pontificem, certè ſequitur evidenter, Concilium non eſſe ſupra Pontificem. Cur enim non potuit Pontificem iudicare, ſi erat ſupra ipſum, immò ejus iudex, ut adverſarii volunt?

Item Concilium Romanum V. ſub Symmacho recepit, & approbavit tamquam ſua decreta, librum Ennodii Diaconi, in quo ſic legimus: *Aliorum hominum cauſas Deus voluit per homines terminari. Sedis iſtius præſulem ſuo ſine quaſtione reſervavit arbitrio, voluit Petri Apoſtoli ſucceſſores celo tantum debere innocentiam.* In VIII. Synodo generali action. 7. legimus, Romanum Pontificem de omnium Eccleſiarum præſulibus judicaſſe; de eo verò neminem unquam judicaſſe; intellige, legitimè, ita ut fuerit receptum ab Eccleſiâ ejusmodi iudicium. Scribunt Platina in vita Leonis III. Paulus Æmilius lib. 3. hiſtoriz Franco- rum, cum Carolus Magnus Romam veniſſet ad cognoscendam cauſam Leonis Pontificis, cui multa crimina objecta fuerant, & ſimul conveniſſet ingens Concilium Epiſcoporum, omnes Epiſcopos una voce clamaſſe, non licere ulli hominum iudicare ſummum Pontificem, tum verò Carolum deſtiſſe à munere illo iudicandi, & Leonem juramento ſeipſum purgaſſe.

Præterea Concil. Lateranenſe ſub Alexandro III. ut habetur cap. Licet, extra de electione: *In Rom.*

A na Eccleſia, inquit, aliquid ſpecialiter conſtituitur, quia non poterit ad ſuperiorem haberi reſcuſus. Ubi Concilium docet, majori cautela debere eligi Romanum Pontificem, quàm alios Epiſcopos, quia ſi eligatur malus Epiſcopus, poteſt ille corrigi, & deponi per Romanum Pontificem; ſi autem eligatur malus Pontifex ſummus, non eſt remedium ullum, non enim habet ſuperiorem, à quo deponi poſſit. Item in Conſtantienſi Concilio edita eſt Bulla Martini V. ipſo approbante Concilio, in qua jubentur ſuſpecti de hæreſi interrogari, an non credant Romanum Pontificem habere in Eccleſiâ Dei ſupremam poteſtatem. At certè ſuprema eſt, qua nulla eſt major, & cui nulla æqualis.

B Denique Lateranenſe ultimum ſub Leone X. ſeſſ. 11. diſerte & ex profeſſo docuit, Pontificem eſſe ſupra omnia Concilia, & reprobavit contrarium decretum, editum in Concilio Baſileenſi: *Solum, inquit, Romanum Pontificem, tamquam ſuper omnia Concilia auctoritatem habentem, Conciliorum indicendorum, transferendorum, ac diſſolvendorum plenum jus, & poteſtatem habere, nedum ex ſacra Scriptura teſtimonio, dictis ſanctorum Patrum ac aliorum Romanorum Pontificum, ſed propria etiam eorumdem Conciliorum confeſſione, manifeſte conſtat.*

C Ad hunc locum nihil poteſt reſponderi, niſi vel non fuiſſe Concilium generale, vel non fuiſſe ab Eccleſiâ receptum, vel non definiſſe hoc, tamquam de fide. Sed non fuiſſe generale, vix dici poteſt; nam etſi fuerunt Epiſcopi pauciſſimi, nam ad centum non pervenerunt; tamen Concilium omnibus patebat, & omnes vocari fuerant, & in eo ſummus Pontifex verus, & indubitatus præſidebat. Quod autem non fuerit receptum, ſaltem ab omnibus, parum reſert, nam decreta Conciliorum non indigent approbatione populi, cum ab eo non accipiant auctoritatem. Verum eſt quidem, decreta de moribus, ſi non recipiantur, & Pontifex conniveat, tandem conſuetudine abrogari: ſed hoc non accidit ex eo quòd indigeant populi approbatione, ſed quia decreta mutabilia ſunt; & cum Pontifex videt longo tempore ea non ſervari, & tacet, cenſetur ipſe abrogare. At decreta de Fide immutabilia ſunt, nec poſſunt ullo modo abrogari, poſteaquam ſemel ſtatuta ſunt; tale autem eſt hoc, de quo agimus. Quod verò Concilium hoc rem iſtam non definiſſet, propriè, ut decretum fide Catholica tenendum, dubium eſt, & ideo non ſunt propriè hæretici, qui contrarium ſentiunt, ſed à temeritate magna excuſari non poſſunt.

D Accedant jam tertio Pontifices. Leo epiſt. 84. ad Anaſtaſium, in fine: *Magna, inquit, Dei diſpoſitione proviſum eſt, ne omnes ſibi omnia vendicarent, ſed eſſent in ſingulis provinciis ſinguli, quorum inter fratres haberetur prima ſententia, & ruſſum quidam in majoribus urbibus conſtituti ſollicitudinem ſuſciperent ampliorem, per quos, ad unam Petri ſedem univerſalis Eccleſiæ cura confluere, ut nihil unquam à ſuo capite diſſideret.* Jam ſi cura univerſalis Eccleſiæ ad Petrum pertinet, certè etiam Concilii, quod univerſalis Eccleſiæ vicem gerit.

E Gelafius in epiſt. ad Epiſcopos Dardaniz, *Cuncta, inquit, per mundum novit Eccleſia quod ſacroſancta Romana ſedes fas de omnibus habeat iudicandi, nec cuique liceat de ejus iudicare iudicio.*

Nicolaus I. in epiſt. ad Michaelem, idem repetit: *Patet, inquit, profeſſo ſedis Apoſtolicæ, cuius auctoritate major non eſt, iudicium, à nemine fore retractandum.*

Gregorius lib. 9. epiſt. 39. ad Theotiſtam patri- tiam: *Si, inquit, B. Petrus, cum à fidelibus culparetur, auctoritatem, quam in ſanctam Eccleſiam acceperat, attendiſſet, reſpondere poterat: ut Paſtorem ſuum oves reprehendere non auderent. Sed ſi in querela fidelium ali-*
quid

quid de sua potestate diceret, doctus mansuetudinis non fuisset; humiliter ergo eas ratione placavit.

Paschalis Papa, ut habetur cap. Significasti, extra de electione: Ajunt, inquit, in Conciliis statuta non inveniri, quasi Romana Ecclesia legem Concilia ulla praefixerint, cum omnia Concilia per Romanam Ecclesiam auctoritatem & facta sint, & robur acceperint, & in eorum statutis, Romani Pontificis patenter excipiantur auctoritas.

Innocentius III. serm. 3. de consecratione Pontificis: In tantum, inquit, mihi fides necessaria est, ut cum de ceteris peccatis Deum judicem habeam, propter solum peccatum, quod in fide committitur possem ab Ecclesia judicari.

Bonifacius VIII. in extravaganti, Viam sanctam, titulo de majoritate, & obedientia: Si deviat, inquit, terrena potestas, judicabitur à potestate spirituali, Si deviat spiritualis, minor à majori. Si vero suprema, à Deo solo, non ab homine poterit judicari. Accedat testimonium S. Bonifacii Episcopi Moguntini, qui etiam si summus Pontifex non fuerit, fuit tamen summæ auctoritatis. Is ergo, ut habetur dist. 40. can. si Papa: Cunctos, inquit, judicaturus, à nemine est judicandus, nisi deprehendatur à fide devias.

Probatum Quartò ex appellationibus à Concilio ad Papam, sine controversia enim semper à minore ad majorem appellatur. Appellari autem à Concilio ad Papam, non contrà, perspicuum est, ex Gelasio in epist. ad Episcopos Dardaniæ: Ad sedem, inquit, Apostolicam de qualibet mundi parte appellandum est, ab illa autem nemo est appellare permissus.

Et ne putemus eum loqui de appellatione ab aliquo Episcopo, non à Concilio: subdit, sæpe Romanos Pontifices solvisse eos, quos iniquè Concilia ligaverant; cujus rei exstant exempla clarissima. Nam Athanasius Episcopus Alexandrinus, & Paulus Episcopus Constantinopolitanus, à Concilio depositi, ad Julium Papam appellaverunt, & ab eo in suas sedes restituti sunt, ut auctor est Sozomenus lib. 3. hist. cap. 7. similiter Flavianus Episcopus Constantinopolitanus appellavit à Concilio Ephesino II. generali, ad Leonem Papam, ut testatur Leo epist. 25. ad Theodosium Augustum. Item Theodoretus Episcopus Cyri appellavit à Concilio eodem Ephesino II. ad eundem Leonem, ut patet ex Liberato in Breviario, cap. 12. & ex ipsa epistola Theodoretii, quæ exstat ad finem operum Leonis. Denique Joannes Chrysostomus à Concilio depositus appellavit ad Innocentium Papam, ut testatur Gelasius, ubi supra, & idem colligitur ex epistolis Chrysostomi ad Innocentium.

Probatum Quintò, ex approbatione & reprobatione Conciliorum; Nam omnia revocantur tandem ad examen Romani Pontificis, & quæ ille probat, recipiuntur, quæ improbat rejiciuntur, ut testatur Gelasius in eadem epistola ad Episcopos Dardaniæ. Et quidem quod ad petitionem Conciliorum approbaverit Pontifex multa Concilia, patet ex gestis ipsis Conciliorum, præcipuè I. II. III. IV. & VI.

Quod autem Pontifices aliquando Conciliorum decreta reprobaverint, quod est apertum signum superioritatis, ex Basilio patet, qui in epistola ad Athanasium, quæ est 51. scribit, videri sibi bonum, ut rogetur Romanus Episcopus, ut mittat aliquos in Græciam, qui ejus nomine irritent Concilium Arminense. Ipse etiam Damasus in epistola ad Episcopos Illyrii reprobatur Concilium illud. Similiter Leo in epist. 55. ad Pulcheriam: Consensiones, inquit, Episcoporum, canonum apud Nicaeam conditorum regulis repugnantes, in irritum mittimus, & per auctoritatem B. Petri Apostoli generali prorsus definitione cassamus. B.

Controv. Card. Bellarm. Tom. II.

A Gregorius lib. 4. epist. 34. Cuncta, inquit, acta illius Synodi, sede contradicente Apostolica, soluta sunt.

C A P U T XVIII.

Pontificem non posse subicere seipsum sententia coactiva Conciliorum.

Quarta propositio. Summus Pontifex non potest committere, neque Concilio, neque ulli homini supra se judicium coactivum, sed tantum discretivum. Nota, in judicio perfecto duo quedam reperiri. Primò, potestatem discutiendi causam, & discernendi ac judicandi quid agendum sit. Secundò, potestatem cogendi eum, qui cecidit causa, ad obtemperandum sententiæ contra se latæ. Utrumque invenitur in iudice propriè dicto, qualis est princeps, vel prætor à principe constitutus. Primum autem solum reperitur in arbitris, quorum sententiæ etiam si teneantur homines stare ex jure naturæ, quia tenemur servare promissa; non tamen ex vi sententiæ, quia non possunt arbitri cogere.

Jam ergo summus Pontifex non potest iudicem propriè dictum supra se constituere, sed tantum quodammodo arbitros, quorum sententiæ si non obtemperaverit, faciet quod non debet, non autem quod non potest.

Prima pars probatur. Primò, quia potestas Papæ super omnes, est de jure divino, ut patet. At non potest Papa dispensare in jure divino. Secundò, quia non potest inferior committere alicui judicium reservatum superiori. Non enim potest Episcopus committere suo poenitentiaro, ut absolvat in casibus reservatis Papæ. At judicium in causa Pontificis est reservatum Deo, ut supra docuimus. Tertio, quia sequeretur Papam esse superiorem, & non superiorem, respectu ejusdem, quæ est implicatio contradictionis. Id autem sequi, hac ratione ostenditur. Summus Pontifex, cum se ac suam causam judicio alicujus committit, non desinit esse Papa, ergo nec desinit esse superior quocumque Christiano. At nihilominus non est superior, sed inferior, si cogi potest: erit igitur simul superior, & non superior.

Secunda pars patet ex Sixto III. Leone III. Symmacho, Leone IV. & aliis, qui cum accusarentur, causas suas in Concilio Episcoporum discuti voluerunt, ut patet ex can. Mandatis, & can. Auditum, 1. quæst. 5. & ex Concilio IV. sub Symmacho, quos tamen Episcopi judicare ausi non sunt. Unde in Concilio IV. sub Symmacho, omnes Episcopi cum subscribunt, affirmant, se totum judicium Deo relinquere.

C A P U T XIX.

Solvuntur argumenta adversariorum.

Superest argumenta solvere. Ac primum Hermannus lib. 3. cap. 12. Prolegomenorum objicit aliquot exempla veterum. Secundò argumenta quædam ex Gersono. Tertio aliud quoddam ex Concilio Basiliensi.

Primum exemplum est Marcellini, qui in Concilio Sinuessano ab Episcopis damnatus, & depositus fuit. Respondeo Primò, Marcellinum fuisse accusatum de actu infidelitatis, in quo casu potest Concilium discutere causam Pontificis, & si inveniat, revera esse infidelem, potest declarare eum esse extra Ecclesiam, & sic damnare. Secundò dico, Episcopos quidem damnavisse Marcellinum, sed postea quàm ipse primus se ipse damnaverit, idest, abdi-

D cave

caverat se pontificatu, nam antea saepe clamaverant: *Prima sedes à nemine iudicabitur, tu rex, tu iudex, nobis à nobis iudicari &c.* Vide Nicolaum I. in epist. ad Michaellem.

Secundum Exemplum est Melchiadis Papæ, post cuius sententiam iudicavit eandem causam Episcopus Arelatenſis, ut testatur Augustinus in epist. 162. ad Glorium & Eleusium, ubi etiam addit Augustinus: *Ecce, inquit, putamus illos Episcopos, qui Roma iudicaverunt, non bonos iudices fuisse. Restabat adhuc plenarium Ecclesie universæ Concilium, ubi etiam cum ipſi iudicibus causa posset agitari, Ut si male iudicasse convicti essent, eorum sententia solveretur.*

Respondeo ad illud de Episcopo Arelatenſi ex eodem Augustino ibidem, eam causam iterum iudicatam fuisse, non quia oporteret, sed quia voluit Imperator acquiescere Donatistis, petentibus aliud iudicium, si forte in duobus iudiciis condemnati sanarentur. Ad illud de generali Concilio dico, Augustinum non conferre Papam sine Concilio, cum Concilio sine Papa, ut nos modo conferimus, sed conferre Concilium particulare, cui præsit Papa, cum Concilio generali, cui etiam præsit Papa. Potest autem sine dubio causa iudicata à Pontifice in Concilio particulari, iterum ab eodem iudicari in Concilio generali, præsertim in quaestione facti, quæ pendet ex informationibus, & in qua errare potest Ecclesia, qualis erat quaestio, de qua tunc agebatur. Immo etiam ordinariè, indicto Concilio generali, olim fiebant Concilia particularia prius in singulis provinciis, & etiam Romæ, & deinde res definitæ in illis Conciliis particularibus iterum tractabantur in Concilio generali, & tunc dabatur ultima, & definitiva sententia à Pontifice, Concilio assentiente.

Tertium est Liberii, quem Imperator deposuit, & postea restituit in suam sedem, iubens, ut simul cum Felice Romæ Ecclesiam regeret, quod idem iussit Concilium Syrmienſe literis datis ad Felicem, ut refert Sozomenus li. 4. c. 14. Respondeo, Imperatorem Ariam id fecisse injustè & tyrannicè, quomodo etiam Nero Petrum & Paulum interfecit. Concilium autem Syrmienſe non iussit, sed tantum literas exhortatorias misit ad Felicem, ut pateretur secum simul sedere Liberium. Adde, quod Concilium illud præcipuè Ariarum fuit, & nullius momenti.

Quartum est S. Leonis, cuius epistolam in Concilio Chalcedonenſi multi Episcopi examinarunt, ut refert Evagrius lib. 2. cap. 18. & ipse etiam Leo epistol. 63. gloriatur epistolam suam à Concilio approbatam fuisse. Respondeo, hinc non sequi Concilium esse supra Papam, nam Leo epistolam suam miserat ad Concilium, non ut continentem ultimam, & definitivam sententiam, sed ut instructionem tantum, qua adiuti Episcopi melius iudicarent. Posteaquam autem omnes consenserunt epistolæ Leonis, tum demum edita est definitio ultima nomine Pontificis, & Concilii. Hec de exemplis.

Secundò, proponit argumenta Gersonis, ac primum est illud, Matth. 18. dicitur: *Si peccaverit in te frater tuus &c. dic Ecclesie.* Sed Papa est etiam frater noster, cum sit Christianus, & dicere debeat, Pater noster qui es in coelis, potest igitur Papa ad iudicium Ecclesie vocari, proinde ab Ecclesia iudicari, ac puniri potest. Non autem quidquam agit Ecclesia, nisi per praelatos suos, igitur à praelatorum Concilio, Papa iudicari potest.

Respondeo, nomine Ecclesie, vel intelligi Episcopum, ut exponit hoc loco Chrysostomus, & Innocentius III. cap. Novit, extra, de iudiciis, & praxis Ecclesie demonstrat, quotidie enim Episcopo denunciantur ii, de quibus Dominus ait: *Dic Ecclesie, vel*

A certè fidelium cœtum cum suo capite. Nam ut Cyprianus ait in epistola ad Florentium, quæ est nona lib. 4. *Ecclesia est plebs sacerdoti adunata, & pastori suo grex adhaerens.* Quare in quocumque Episcopatu deferendi sunt peccatores ad Ecclesiam, & Episcopum eius loci, sed si is Episcopus peccet, non potest deferri ad eam Ecclesiam, nisi debeat deferri ad seipsum, cum ipse sit caput eiudem Ecclesie, sed deferendus est ad Ecclesiam aliquam altiore, cui præest Archiepiscopus, vel Patriarcha: Si verò peccet Patriarcha, deferri non potest ad Ecclesiam suam, sed ad maiorem, idest, ad Romanam Ecclesiam, vel generale Concilium, cui summus Pontifex præsidet: Quod si ipse summus Pontifex peccet, iudicio Dei reservandus est, non enim est ulla Ecclesia, ad quam deferri possit, cum sine ipso non invenitur Ecclesia cum capite.

B Sed iterum instant. Hæc verba, *dic Ecclesia*, dicta sunt Petro, ergo etiam Petrus, & eius successor debet deferre peccatores aliquando ad Ecclesiam, debet igitur agnoscere tribunal Ecclesie quoddam suo majus.

C Respondeo, quando hæc dicta sunt Petro, non fuisse eum adhuc Pontificem, sed hominem privatum, proinde illud ei dictum, quod iis convenit, qui superiorem aliquem agnoscunt. Addo præterea, suo quodam modo posse Pontificem hoc præceptum implere; Primum enim debet eum, qui peccavit, corripere privatim; deinde adhibere testes; postremò dicere Ecclesie, idest, sibi ipsi, ut præſidi, & Ecclesie, cui ipse præest, idest, publicè eum excommunicare. Quomodo intellexit hunc locum B. Gregorius lib. 4. epist. 38. ad Joannem Constantinopolitanum Episcopum.

Argumentum Secundum; Papa est membrum Ecclesie, ergo est minor suo toto, quod est Ecclesia, & potest, & debet amputari, si inficiat Ecclesiam, quia de jure naturæ est ut membra inficientia totum corpus abscindantur.

D Respondeo ad primam consequentiam, vel accipitur Ecclesia cum Papa, vel sine Papa, quando colligitur, ergo Papa ut membrum est minor Ecclesia, quæ est totum. Si accipiat Ecclesia sine Papa, falsum est illam esse totum, non enim est totum, sed pars, & quidem major, quàm caput, magnitudine molis, minor autem magnitudine virtutis, siue auctoritatis, ut patet in quolibet corpore. Quod autem adversarii dicunt, auctoritatem capitis manere in Ecclesia suppletivè, iam est refutatum antea. Si autem accipiat Ecclesia cum Papa, tunc, ut alias diximus, major est auctoritas Ecclesie extensivè, quàm Papæ solius: intensivè autem æqualis. Sicut ens ut comprehendit Deum & creaturas, non est majus bonum, quàm sit solus Deus intensivè, tametsi extensivè est majus, quia sunt plura bona: Sicut etiam Christus, ut homo, est caput homogeneum Ecclesie, & proinde pars eius, & tamen non est major Ecclesia tota, quàm Christus solus.

E At contra instant; Semper potentia agendi principalis est in toto, quàm in partibus, quæ sunt instrumenta totius; principalis enim dicitur homo videre, quàm oculus. Quare cum Ecclesia incluso etiam Papa, sit quoddam totum, & Papa sit pars quædam, & instrumentum huius totius, sequitur, principalis convenire ipsi Ecclesie summam potestatem Ecclesiasticam, quàm Papæ.

Respondeo, aliud esse iudicium de corpore Ecclesie, & de corporibus naturalibus; Nam in corporibus naturalibus virtus procedit ab essentia ad potentias, ideo principalis dicitur totum agere, quàm ulla pars, seu potentia. At in corpore Ecclesie virtus non procedit ab essentia ad potentias, seu partes, sed ab extrin-

extrinseco. Papa enim, qui est caput Ecclesie, non habet ab Ecclesia, sed à Deo auctoritatem, & ideo principale agens non est Ecclesia, sed Deus. Secundò dici potest, principale agens in quolibet corpore semper esse ipsum suppositum, quod sustentat & movet omnia membra. Porro suppositum corporis Ecclesie est Christus. Ut enim cum dicimus, hoc est corpus Petri vel Pauli, illud Petri vel Pauli, sonat suppositum; ita cum dicimus Ecclesia est corpus Christi, illud Christi sonat suppositum. Neque obstat quòd Christus sit etiam caput Ecclesie; nam Christus, ut influens in omnia membra, dicitur caput, ut autem sustentat & movet omnia, dici potest suppositum, & hoc modo concedimus, Papam esse instrumentum corporis Ecclesie, & quoddam minus ipso toto, ut nimirum in toto Christum ipsum, ut suppositum, includimus.

Ad alteram consequentiam posset dici. Primò, de jure naturæ esse, ut abscendantur membra putrida, sed excepto capite. Melius enim est habere caput putridum, quàm nullum. Sed hæc solutio parum valet; nam in corporibus naturalibus debet excipi caput, quia eo amputato, totum corpus moritur. At corpus Ecclesie non moritur moriente Papa; unde etiam videmus in Rebus publicis temporalibus, si Rex degeneret in tyrannum, licet sit caput Regni, tamen a populo deponi, & eligi alium. De eo ergo Secundò, in corpore naturali & Rebus publicis temporalibus posse abscindi membra inficientia totum corpus, quia ab ipso corpore pendent, & vim habent: At non eadem ratio est corporis Ecclesie, cujus caput non à corpore, sed à Deo auctoritatem accepit, sicut etiam non licet familie deponere summum œconomum, licet pessimum, quia non à familia, sed à Domino institutus est.

At, inquiunt, ergo sola Ecclesia sine remedio manet, si habet malum Pontificem, & poterit Pontifex impunè omnes vexare, & perdere, & nemo resistere poterit,

Respondeo, non mirum, si manet Ecclesia sine remedio humano efficaci, quandoquidem non nititur salus ejus præcipuè humana industria, sed divina protectione, cum ejus Rex Deus sit. Itaque etiam si Ecclesia non possit deponere Pontificem, tamen potest ac debet Domino supplicare, ut ipse remedium adhibeat: & certum est Deo fore curæ ejus salutem, qui talem Pontificem vel converteret, vel de medio tollet, antequam Ecclesiam destruat. Nec tamen hinc sequitur, non licere resistere Pontifici Ecclesiam destruenti; licet enim cum servata reverentia admonere, & modestè corrigere, repugnare etiam vi & armis, si Ecclesiam destruere velit. Ad resistendum enim, & vim vi repellendam, non requiritur ulla auctoritas. Vide de hac re Joannem de Turrecremata, lib. 2. cap. 106.

Tertium argumentum Gersonis ab Hermanno relatum, sumitur ex Concilio Constantiensi. Concilium Constantiense sess. 4. definivit, Concilium generale habere à Christo immediatam auctoritatem, cui omnes obedire tenentur, etiam si Papalis dignitatis existat. Vel hoc Concilium est approbatum, vel non: si est approbatum, ergo verum est, & recipiendum, quod definivit; si non, ergo perperam deposuit Joannem XXIII. Gregorium XII. & Benedictum XII. & elegit Martinum V. cui postea omnes alii Pontifices successerunt. Adde, quòd Martinus V. Papa in ult. sess. confirmavit omnia decreta circa fidem hujus Concilii Constantiensis: hoc autem decretum ad fidem pertinere videtur.

Respondeo dupliciter. Primò, Concilium Constantiense esse legitimum & approbatum, sed non pugnare cum iis, quæ diximus. Non enim definivit

Controv. Card. Bellarm. Tom. II.

A absolutè, Concilia generalia habere à Christo potestatem supra Pontifices, sed tantum in casu, idest, tempore schismatis, quando nescitur, quis sit verus Papa. Nam dubius Papa habetur pro non Papa, & proinde habere super illum potestatem, non est habere potestatem in Papam. Ita Turrecremata, Campegius & Sanderus locis notatis.

B Secundò, responderi potest, non fuisse Concilium Constantiense, cum id asseruit hujusmodi, ut questiones de fide definire posset; nam imprimis non erat tunc generale Concilium, cum tantum adesset tertia pars Ecclesie, idest, ut tantum Prælati, qui obediebant Joanni; nam qui obediebant Gregorio & Benedicto, repugnabant iis, quæ à Synodo fiebant. Deinde non aderat tunc certus Papa in Ecclesia, sine quo dubia de fide definiri non possunt; in Concilio autem nullus erat Papa. Joannes enim XXIII. qui Concilium inchoaverat, jam inde recesserat, cum quarta sessio haberetur.

C Neque verum est, quòd Martinus V. confirmaverit hoc decretum. Ipse enim disertè dixit, se confirmare tantum ea decreta de fide, quæ facta erant concilialiter, idest, more aliorum Conciliorum, re diligenter examinata: Constat autem hoc decretum sine ullo examine factum à Concilio Constantiensi. Itaque Martinus cum confirmavit decreta de fide concilialiter conclusa, intelligebat tantum de damnatione hæresum Wiclefi & Hufi.

D Neque sequitur, si Concilium in hoc erravit, errasse etiam in deponendo Gregorio XII. Joanne XXIII. & Benedicto XIII. Nam etsi Concilium sine Papa non potest definire nova dogmata fidei, potest tamen judicare tempore schismatis, quis sit verus Papa, & providere Ecclesie de vero Pastore, quando is nullus, aut dubius est, & hoc est quòd rectè fecit Concilium Constantiense. Adde, quòd Joannes & Gregorius non inviti depositi sunt; nam ipsi etiam sponte renunciaverunt Papatui, ut patet ex actis Concilii Constantiensis sess. 12. & 14. Benedictus autem non cessit, sed post ejus obitum Clemens VIII. successor ipsius cessit Martino V. quem omnis Ecclesia ut verum Pontificem, venerabatur, id quòd sufficit, ut Martinus esse posset verus Papa.

E Ultimò, adfert Hermannus Concilium Basileense, quòd sess. 33. definivit, fide Catholica esse credendum, Concilium esse supra Papam. Fuit autem hoc Concilium indictum à Martino V. ut habetur sess. 1. & deinde ab Eugenio declaratum sess. 16. legitimè continuatum à sua inchoatione. Denique à Nicolao V. confirmatum cum actibus suis.

Respondeo, Concilium Basileense legitimè inchoatum, sed illegitimè terminatum. Est autem mendacium exprellum Hermanni, quòd sit confirmatum à Nicolao V. cum actibus suis. Nicolaus, enim ut apparet ex Bulla ejus, eidem Concilio annexa, solum confirmavit ea, quæ egerat Concilium circa beneficia, & censuras Ecclesiasticas. Quæ autem definivit Concilium Basileense de sua auctoritate supra Pontificem, nullus Pontifex probavit, sed reprobavit ex professo in primis Eugenius Papa, ut patet ex Concilio Basileensi sess. 38. deinde Leo X. in Concilio Lateranensi ultimo sess. 11. item Ecclesia tota, quæ Eugenium à Basileensibus depositum, semper habuit pro vero Pontifice; denique Basileenses ipsi, & Papa Felix, quem ipsi creaverunt; Nam Papa Felix tandem cessit Nicolao Eugenio successor, & Basileenses qui Lausannam Concilium transfulerant, tandem sese Nicolao subjecerunt, ut in eadem Bulla Nicolaus testatur. Multa alia argumenta proponi, & solvi poterant, sed ea soluta sunt in libris de Pontifice. Vide etiam quæ dicimus de Concilio Basileensi in libro proxime sequente cap. 16.

D 1 LIBER

ECCLESIA MILITANTE

TOTO ORBE TERRARUM DIFFUSA.

CAPUT PRIMUM.

De nomine Ecclesia.



CONTROVERSIA de Ecclesia militante, multas habet partes. Primum enim de ipsa secundum se agendum erit; tum de membris ejus, hoc est, de Clericis, de Monachis, de Laicis. Rursum autem de Ecclesia militante secundum se considerata, de qua nunc disputare aggredimur, tres sunt præcipue controversiæ. Prima est, de nomine & definitione Ecclesiæ. Secunda, de qualitate, seu de visibilitate ejusdem. Tertia, de notis, quibus ea certò cognosci potest.

A prima nunc exordiemur; si tamen antea propter studiosos nomina eorum auctorum notaverimus, qui de Ecclesia scripserunt, seu potius eorum quorum nos libros legimus, nec enim omnes legimus. Igitur scripserunt de hoc argumento B. Augustinus lib. de unitate Ecclesiæ; B. Cyprianus librum ejusdem tituli, necnon Optatus lib. 6. contra Parmenianum. Ex recentioribus scripsit Thomas Waldensis tom. 1. lib. 2. doctrinæ fidei cap. 8. 9. 10. &c. Joannes de Turrecremata summam de Ecclesia; Joannes Driedo in lib. 4. de dogmatibus Ecclesiasticis, cap. 2. Albertus Pighius controversia 3. Cardinalis Hosius in confessione, in explicatione Symboli, & lib. 5. contra Prolegomena Brentii; Petrus à Soto 1. part. defensionis suæ contra Brentium. Joannes à Daventria in confut. 7. artic. Confessionis Augustinæ; Joannes Cochläus Philippica 4. & in lib. de Scripturæ & Ecclesiæ auctoritate; Joannes Eckius initio sui Enchiridii, Alphonsus à Castro lib. 6. cont. hæres. Melchior Canus lib. 4. de locis. Joannes Antonius Delphinus in libris trib. de Ecclesia. Joannes à Lovanio in explicat. Symboli, & omnes alii, qui Symbolum exposuerunt. Franciscus Turrianus in libris duobus de Ecclesia, & ordinat. Mimst. Post quos, anno 1577. incunte, nos hæc ipsa, quæ nunc emittimus in lucem in scholis disputavimus. A quo tempore scripsit etiam de eodem argumento Gregorius de Valentia in sua Analyfi fidei Catholicæ part. 6. & scripserunt etiam alii, sed non vacavit per alias occupationes eorum libros evolvere.

Venio nunc ad propositam disputationem: Ac ut primum de nomine, deinde de re ipsa dicamus, Ecclesiæ nomen est Græcum, deduciturque à verbo *ἐκκλησιω*, quod est evoco. Itaque Ecclesia est evocatio, sive cœtus vocatorum. Dicitur autem populus Dei cœtus vocatorum, quia nemo ad hunc populum se adjungit per se, & suo proprio instinctu, sed omnes quotquot veniunt, à Dei vocatione præveniuntur. Est enim vocatio primum beneficium, quod sancti à Deo recipiunt: *Quos vocavit*, inquit Apostolus Rom. 8. *hos justificavit: quos justi-*

A *ficavit; hos & magnificavit.* Et Actor. 2. *Quoscunque advocaverit Dominus Deus noster.* Hinc toties Apostolus Christianos appellat vocatos, in omnibus ferè epistolis.

Sunt autem tria circa hoc nomen notanda. Primum, nomen Ecclesiæ cum aliquo adjuncto, posse & in bonam & in malam partem accipi; dicitur enim: *Ecclesia malignantium* Psalm. 25. Et, *Ecclesia Sanctorum* Psalm. 88. Absolutè autem positum hoc nomen, non intelligi nisi de Ecclesia Christi, excepto uno loco Act. 19. ubi de populo Ethnicorum dicitur: *Erat enim Ecclesia confusa.*

B Secundò, nota cum Augustino in Psalm. 81. in illud: *Deus stetit in Synagoga Deorum*: tamen eadem sit Ecclesia veteris Testamenti & novi, quoad essentiam; tamen quia status Ecclesiæ novi Testamenti est longè excellentior, ideo etiam nomina esse distincta. Nam populus veteris Testamenti propriè dicitur Synagoga, idest, congregatio, populus novi Testamenti nusquam dicitur Synagoga, sed semper Ecclesia, idest, evocatio. Congregari enim commune est hominibus cum bestiis: at evocari proprium est hominum. Neque refert, quod populus Judæorum in Testamento veteri passim vocatur etiam Ecclesia: nam tam Synagoga, quàm Ecclesia apud Hebræos dicitur à congregando, *קָהַל* quod vertimus Synagoga, dicitur à *קָהַל* congregare. Similiter *קְהִלָּה*, idest, Ecclesia, dicitur à *קָהַל* congregari. Itaque sunt nomina duo, sed idem prorsus significant.

C Tertiò nota, quemadmodum civitas nunc significat cœtum hominum, nunc locum, in quo cœtus ille habitat, ita etiam Ecclesiam in Scripturis nunc significare cœtum fidelium, ut Rom. 16. *Salutant vos omnes Ecclesia Asia*, nunc locum ipsum, in quo fideles congregantur, ut Judith 6. *Omnis populus per totam noctem intra Ecclesiam oraverunt*, quamquam nos nunc solum de Ecclesia, ut cœtum fidelium significat, disputamus.

CAPUT II.

De definitione Ecclesiæ.

HÆC de nomine. De re autem ipsa quinque sunt hæreticæ sententiæ. Prima, quòd Ecclesia sit prædestinatorum congregatio, ita ut soli, & omnes prædestinati sint de Ecclesia. Ita Joannes Wiclef apud Waldensem tom. 1. lib. 2. cap. 8. & 9. Joannes Huls art. 1. 2. 3. 5. 6. ut habetur in Concilio Constantiensi sess. 15. è quibus sic habetur articulus. 5. *Præscitus etsi aliquando sit in gratia secundum presentem justitiam, tamen nunquam est pars sanctæ Ecclesiæ, & prædestinatus semper manet membrum Ecclesiæ, licet aliquando excidat à gratia adventitia, sed non à gratia prædestinationis.*

E Secunda, quòd Ecclesia sit hominum perfectorum nullum peccatum habentium multitudo. Ita quondam Pelagiani, ut B. Augustinus refert lib. de hæres. cap. 88.

cap. 88. *In id etiam, inquit, progrediuntur, ut dicant, vitam iustorum in hoc saeculo nullum omnino habere peccatum, & ex his Ecclesiam Christi in hac mortalitate perfici.* Eandem tribuit Anabaptistis huius temporis Calvinus lib. 4. Instit. cap. 1. §. 13.

Tertia, quod Ecclesia sit iustorum congregatio, seu potius eorum, qui numquam lapsi sunt circa fidei confessionem. Distinguitur autem hæc à superiore, quod prior opinio quoslibet peccatores excludat, hæc autem non excludit, nisi insignes peccatores. Ita senserunt olim Novatiani, ut auctor est Cypr. lib. 4. epist. 2. & Donatistæ apud Augustinum lib. de hæres. cap. 69. existimo enim falli Calvinum, ubi suprà & alios, qui putant, Novatianos & Donatistas exclusisse omne genus peccatorum. Clarè enim Cyprian. lib. 4. epist. 2. & Epiphanius in hæres. Catharorum, dicunt, eos retinuisse in Ecclesia fraudatores, mœchos, & similes: solumque exclusisse eos, qui in persecutione lapsi fuerant. Neque cum hoc pugnare videtur, quod habent Ambrosius lib. 1. de poenit. cap. 1. & 2. & Theodor. lib. 3. de fabul. hæres. Novatianos sustulisse potestatem remittendi peccata omnia, exceptis levissimis. Nam etiam si non absoluebant graves peccatores, tamen in suo cœtu eos retinebant, nisi lapsi essent circa fidem. Et Augustinus lib. 3. cont. Parmenian. cap. 3. docet, Donatistas non horruisse omnia, sed solum quædam majora scelera, quale erat illud, quod obiciebant Catholicis, consensisse traditoribus divinatorum librorum.

Quarta est Confessionistarum, qui etsi nomine damnant Pelagianos, Novatianos & Donatistas, tamen eorum sententia composita est ex hæresi Pelagianorum, & Novatianorum & Donatistarum. Docent enim primò cum Pelagianis non solum Confessionistæ, sed omnes Lutherani & Calvinistæ, nullum esse peccatum veniale ex natura sua, sed omnia esse mortalia ex se, venialia autem ex misericordia Dei, qui ea credentibus non imputat. Ita docuit Lutherus in assert. art. 32. Melanchthon in locis cap. de discrimine peccati mortalis & venialis. Calvinus lib. 2. Instit. cap. 8. §. 58. & 59.

Secundò, docet Confessio Augustana art. 7. Ecclesiam esse Sanctorum congregationem, qui verè credunt, & obediunt Deo. Et in Apologia Philippus conatur ostendere, peccatores non pertinere ad Ecclesiam, nisi nomine. Similia docet Brentius in Prolegomenis, contra Petrum à Soto. Neque obstat, quod & Philippus & Brentius ibidem dicunt, malos esse admixtos bonis, nam ipsi duas Ecclesias fingunt. Unam veram, & ad quam pertinet privilegia, quæ narrantur in Scripturis, & hanc esse Sanctorum congregationem, qui verè credunt, & obediunt Deo, & hanc non esse visibilem, nisi oculis fidei. Alteram externam, quæ nomine tantum est Ecclesia, & hanc esse congregationem hominum convenientium in doctrina fidei, & usu Sacramentorum, & in hac bonos & malos inveniri. Itaque malos numquam volunt esse partes veræ Ecclesiæ, & proinde cautè Philippus non dicit, Ecclesiam consistere ex malis & bonis, sed dicit, malos admisceri Ecclesiæ. Et Brentius dicit, malos esse aliquò modo in Ecclesia, sed non de Ecclesia.

Lutherus in lib. de Conciliis & Ecclesia, par. 1. dicit, Ecclesiam esse populum sanctum Christianum: & ut ostendat se loqui de sanctitate singulorum membrorum, inde probat, Papam & Cardinales non esse de Ecclesia, quia sancti non sunt. Si ergo soli iusti sunt partes veræ Ecclesiæ & omnia peccata, quantumvis levia, sunt peccata mortalia, & faciunt hominem iniustum, sequitur solos perfectos & omni peccato carentes, esse de Ecclesia, quæ erat opinio Pelagianorum.

Contrav. Card. Bellarm. Tom. II.

A Tertiò, dicunt Confessionistæ, in quo etiam cum omnibus Lutheranis conveniunt, omnia opera hominis, etiam iustificati, esse peccata mortalia. Id indicat Confessio Augustana art. 6. & 20. sed clariss. Lutherus in assert. artic. 32. ex quo videtur sequi, nullum hominem esse de Ecclesia. Nam si soli iusti sunt de Ecclesia, & nulli sunt omnino in mundo iusti, quippe cum omnium hominum opera sint peccata; quinam, quæso, Ecclesiam facient? Sed ipsi rem totam facilè explicant, dum dicunt, opera quidem hominis iusti omnia esse peccata mortalia, sed tamen non imputari, si adsit fides, & proinde eum, qui habet fidem, simul esse iustissimum, & in omni opere peccare. In quo aliquo modo conveniunt Confessionistæ cum Donatistis & Novatianis. Ut enim illi non excluderent ab Ecclesia omnes peccatores, sed tantum eos, qui idololatriam commiserant; ita isti non omnes peccatores excludunt, sed tantum eos, qui non verè credunt: putant enim, ut diximus, nullum crimen imputari credentibus.

B Quinta sententia est quasi constata ex omnibus istis. Docet enim, Ecclesiam consistere ex solis iustis prædestinatis. Ita Calvinus, qui tria docet. Primò, fidem semel habitam, numquam in æternum perdi posse, & proinde omnem, qui habet fidem, necessariò esse prædestinatum. Id habet in Inst. lib. 3. c. 2. §. 8. 9. 10. 11. quod idem antea expressè docuerat Jovinianus apud Hieronymum lib. 2. contra Jovinianum. Secundò docet, veram Ecclesiam à solo Deo cognosci posse, ejusque fundamentum esse divinam electionem, quia nimirum constat ex fidelibus, qui necessariò sunt de numero electorum. Id habet lib. 4. cap. 1. §. 2. & in minori Institutione c. 8. §. 4. & seq. Tertiò docet, esse præterea quandam Ecclesiam externam, in qua sint boni & mali &c. ut suprà dixerunt Confessionistæ. Id habet eodem libro & capite, in sequentibus sectionibus. Idem etiam sentire videtur Bucerus, qui in lib. 1. de regno Christi c. 5. definit regnum Christi, procuracionem salutis electorum Dei, quos Deus in terris colligit. Idem Tilmannus Heshusius lib. de erroribus Pontificiorum, loco 12. & lib. 1. de Ecclesia cap. 3.

C Nostra autem sententia est, Ecclesiam unam tantum esse, non duas, & illam unam & veram esse cœtum hominum ejusdem Christianæ fidei professione, & eorundem Sacramentorum communione colligatum, sub regimine legitimorum pastorum, ac præcipuè unius Christi in terris Vicarii Romani Pontificis. Ex qua definitione facilè colligi potest, qui homines ad Ecclesiam pertineant, qui verò ad eam non pertineant. Tres enim sunt partes huius definitionis. Professio veræ fidei, Sacramentorum communio, & subjectio ad legitimum pastorem Romanum Pontificem. Ratione primæ partis excluduntur omnes infideles tam qui numquam fuerunt in Ecclesia, ut Judæi, Turcæ, Pagani, tam qui fuerunt, & recesserunt, ut hæretici & apostatæ. Ratione secundæ, excluduntur Catechumeni & excommunicati, quoniam illi non sunt admissi ad Sacramentorum communionem, isti sunt dimissi. Ratione tertiæ, excluduntur schismatici, qui habent fidem & Sacramenta, sed non subduntur legitimo pastori, & ideo foris profitentur fidem, & Sacramenta percipiunt. Includuntur autem omnes alii, etiam si reprobi, scelerati & impij sint.

Atque hoc interest inter sententiam nostram, & alias omnes, quod omnes alie requirunt internas virtutes ad constituendum aliquem in Ecclesia, & propterea Ecclesiam veram invisibilem faciunt; nos autem, & credimus in Ecclesia inveniri omnes virtutes, Fidem, Spem, Charitatem, & cæteras, tamen ut aliquis aliquo modo dici possit pars veræ Ecclesiæ,

D 3 de

de qua Scripturæ loquuntur, non putamus requiri ullam internam virtutem, sed tantum externam professionem fidei, & Sacramentorum communionem, quæ sensu ipso percipitur. Ecclesia enim est cœtus hominum ita visibilis, & palpabilis, ut est cœtus populi Romani, vel Regnum Galliarum, aut Respublica Venetorum.

Notandum autem est ex Augustino in breviculo collationis, collat. 3. Ecclesiam esse corpus vivum, in quo est anima & corpus, & quidem anima sunt interna dona Spiritus sancti, Fides, Spes, Charitas &c. Corpus sunt externa professio fidei, & communicatio Sacramentorum. Ex quo fit, ut quidam sint de anima & de corpore Ecclesiæ, & promde uniti Christo capiti interius, & exterius, & tales sunt perfectissimè de Ecclesia, sunt enim quasi membra viva in corpore, quamvis etiam inter istos aliqui magis, aliqui minus vitam participant, & aliqui etiam solum initium vitæ habeant, & quasi sensum, sed non motum, ut qui habent solam fidem sine charitate. Rursum aliqui sint de anima, & non de corpore, ut Catechumeni, vel excommunicati, si fidem & charitatem habeant, quod fieri potest. Denique, aliqui sint de corpore, & non de anima, ut qui nullam habent internam virtutem, & tamen spe, aut timore aliquo temporali profitentur fidem, & in Sacramentis communicant sub regimine pastorum & tales sunt sicut capilli, aut ungues, aut mali humores in corpore humano.

Definitio igitur nostra solum comprehendit hunc ultimum modum existendi in Ecclesia, quia hic requiritur ut minimum, ut quis possit dici esse pars visibilis Ecclesiæ. Probandum igitur est ordine, non pertinere ad Ecclesiam non baptizatos, hæreticos, & apostatas, excommunicatos, & schismaticos. Deinde pertinere ad Ecclesiam non prædestinatos, non perfectos, peccatores etiam manifestos, infideles occultos, si habeant Sacramenta, professionem fidei, & subjectionem &c.

C A P U T III.

De non baptizatis.

DE infidelibus non baptizatis sine dubio Paulus loquitur 1. Cor. 5. *Quid enim mihi de iis, qui foris sunt, iudicare?* Ubi generaliter eos omnes foris esse dicit, qui non dederunt nomina sua Christo per Baptismum, sed aliquas alias religiones sequuntur.

De Catechumenis est paulò major difficultas, quia sunt fideles, & salvari possunt, si moriantur in eo statu, & tamen extra Ecclesiam nemo salvatur, sicut nec extra arcam Noe, juxta illud Concilii Lateranensis cap. 1. *Una est fidelium universalis Ecclesia, extra quam nullus omnino salvatur.* At nihilominus certum est, Catechumenos non esse in Ecclesia actu & propriè, sed tantum in potentia, quomodo homo conceptus, sed nondum formatus, & natus, non dicitur homo, nisi in potentia. Nam legimus Actor. 2. *Qui ergo receperunt verbum, baptizati sunt, & apposita sunt in die illa animæ circiter tria milia.* Item Concilium Florentinum in instructione Armenorum, docet, homines fieri membra Christi, ac de corpore Ecclesiæ, cum baptizantur. Idem & Patres docent.

Gregorius Nazianzenus oratione in sanctum Lavacrum dicit, Catechumenum esse in vestibulo pietatis, nec adhuc posse vocari fidelem, nisi intus ingrediatur per Baptismum. Joannes Chrysostomus hom. 24. in Joann. dicit Catechumenum alienum esse à fide, & nihil habere commune cum eo, non

civitatem, non mensam &c. Tertullian. lib. de præscriptionibus, reprehendit in hæreticis, quod non distinguant Catechumenos à fidelibus. Cyrill. lib. 12. in Joan. cap. 50. docet, Catechumenos esse apud Christianos id, quod erant incircumcisi apud Judæos, qui propterea non poterant vesci agno Paschali. Augustinus tract. 4. in Joan. & alibi distinguit Catechumenos à fidelibus. Quod etiam alii Patres faciunt. Constat autem Ecclesiam esse fidelium congregationem.

Denique, Catechumeni non habent jus ad ulla Sacramenta, neque ad alia, quæ sunt communia universæ Ecclesiæ. Non igitur actu, & propriè sunt Catechumeni de Ecclesia. Quomodo igitur, inquires, salvantur, si sunt extra Ecclesiam? Auctor libri de Ecclesiasticis dogmatibus cap. 74. apertè respondet, Catechumenos non salvari. Sed hoc nimis durum esse videtur. Certè Ambrosius in oratione de obitu Valentiniani disertis verbis affirmat, Catechumenos posse salvari, de quorum numero Valentinianus erat, cum de hac vita migraret.

Alia igitur querenda solutio est. Melchior Canus ait, Catechumenos posse salvari, quia etsi non sunt de Ecclesia, quæ propriè dicitur Christiana, sunt tamen de Ecclesia, quæ comprehendit omnes fideles ab Abel usque ad mundi consummationem. At non videtur satisfacere. Nam post Christi adventum nulla est vera Ecclesia, nisi illa quæ propriè dicitur Christiana, si ergo Catechumeni de ista non sunt, de nulla sunt. Respondeo igitur, quod dicitur, extra Ecclesiam neminem salvari, intelligi debere de iis, qui neque re ipsa, nec desiderio sunt de Ecclesia, sicut de Baptismo communiter loquuntur Theologi. Quoniam autem Catechumeni si non re, saltem voto sunt in Ecclesia, ideo salvari possunt. Neque repugnat similitudo arcæ Noe, extra quam nemo salvabatur, etiam si voto in ea fuisset: nam similitudines non in omnibus conveniunt. Quocirca 1. Pet. 3. Baptismus comparatur Arcæ Noe, & tamen constat, sine Baptismo in re, aliquos salvari.

At, inquires, August. tract. 4. in Joan. dicit, Catechumenos esse in Ecclesia; Verum est, sed ibidem separat eos à fidelibus. Voluit ergo dicere, esse in Ecclesia non actu, sed potentia, quod idem ipse explicuit initio lib. 2. de Symbolo, ubi comparat Catechumenos hominibus conceptis, non natis.

C A P U T IV.

De Hæreticis & Apostatis.

HÆRETICOS & apostatas baptizatos, Alphonsus de Castro lib. 2. de justa hæreticorum punitione cap. 24. docet esse membra & partes Ecclesiæ, etiam si palam falsam doctrinam profiteantur. Quæ sententia, ut est apertè falsa, ita facillimè refutari potest. Nam primò, Scriptura hoc indicat, cum ait 1. Timoth. 1. *Quidam circa fidem naufragaverunt.* Quo loco per metaphoram naufragii, intelligit hæreticos fracta una parte navis Ecclesiæ, ex ea in mare cecidisse: Quod etiam significatur illa parabola Domini de reite, quod præ multitudine scindebatur, Luc. 5. Præterea ad Tit. 3. *Hæreticum hominem post unam & alteram correptionem devota, sciens, quia subversus est qui ejusmodi est, & delinquit cum sit proprio iudicio condemnatus.* Ubi Apostolus Episcopo præcipit, ut hæreticum vitet, quod certè non juberet, si esset intra Ecclesiam. Debet enim pastor non vitare, sed curare eos, qui ad suum gregem pertinent. Et addit rationem, quia talis pertinax hæreticus est, proprio

proprio iudicio condemnatus, idest (ut Hieronymus exponit) non est ejectus ab Ecclesia per excommunicationem, ut multi alii peccatores, sed ipse seipsum ab Ecclesia ejecit. Item 1. Joan. 2. *Ex nobis exierunt, sed non erant ex nobis*; idest, ex nobis exierunt, quia erant nobiscum in eadem Ecclesia, sed non erant ex nobis, secundum divinam electionem, ut Augustinus exponit lib. de bono persever. cap. 8.

Secundò, probatur hoc idem ex cap. 8. & 19. Concilii Nicæni, ubi hæretici dicuntur posse recipi in Ecclesiam, si redire velint, cum certis tamen conditionibus. Item ex Concilio Lateranensi, unde constat cap. Firmiter, de summa Trinitate, & fide Catholica, ubi Ecclesia dicitur fidelium congregatio. Constat enim hæreticos nullo modo esse fideles.

Tertio, ex Patribus, Irenæus lib. 3. cap. 3. dicit, Polycarpum multos hæreticos ad Ecclesiam convertisse: ex quo sequitur, eos antea fuisse de Ecclesia egressos. Tertullianus lib. de præscriptione dicit, Marcionem cum ad Ecclesiam redire vellet, conditionem accepisse, ut ceteros, quos perverterat, Ecclesie restitueret. Cyprianus in epistola ad Jubajanum, dicit, hæreticos cum sint extra Ecclesiam, tamen vindicare sibi Ecclesie auctoritatem more simiarum, quæ cum homines non sint, tamen homines videri volunt.

Hieronymus in Dialogo contra Luciferianos, circa finem: *Sicubi audieris, inquit, eos qui dicuntur Christi, non à Domino Jesu Christo, sed à quoquam alio nuncupari, ut puta Marcionistas, Valentianios, Montenses, sive Campenses, scito non Ecclesiam Christi, sed Antichristi esse Synagogam*. Augustinus lib. 4. contra Donatistas, cap. 10. dicit, interdum accidere, ut hæreticus, foris existens, non agat contra Ecclesiam, & Catholicus intus existens, contra Ecclesiam agat, &c. Et lib. de unitate Ecclesie, cap. 4. *Qui non credunt, inquit, Christum in carne venisse de Virgine Maria, ex semine David, aut in corpore ipso resurrexisse, in quo crucifixus & sepultus est, non utique sunt in Ecclesia &c.*

Accedit postremo, quod cum Ecclesia sit multitudo unita (est enim populus quidam, sive regnum, sive corpus unum) & ista unio præcipue in professione unius fidei, & earundem legum ac rituum observatione consistat, nulla ratio permittit, ut eos de Ecclesie corpore esse dicamus, qui cum eo nullam omnino conjunctionem habent.

At contra obijciunt aliqui. Primò, quia Matth. 13. in parabola de zizaniis, in eodem agro inveniuntur tria, granum, paleæ, & zizania, quæ significant bonos Catholicos, & malos Catholicos & hæreticos, ut Augustinus exponit quæst. 11. super Matthæum, & Hieronymus & Chrysostomus in hunc locum. Quod autem ager sit Ecclesia, docet Cyprianus lib. 3. epist. 3. & Augustinus lib. 2. contra Cresconium, cap. 34.

Respondeo, aliqui intelligunt per zizania non hæreticos, sed homines malos, qui sunt in Ecclesia: ita Cyprianus loco notato, & lib. 4. epistol. 2. & Augustinus sæpè, non tam ex sua sententia quam ex Cypriani mente loquens. Quod autem Cyprianus per zizania non intelligat hæreticos, inde inte ligi potest, quod in illis ipsis locis, ubi dicit zizania esse in Ecclesia, dicit, hæreticos non esse in Ecclesia, & præterea ex intentione Cypriani, qui in illis locis scribit contra Novatianos, qui volebant admittere lapsos poenitentes in Ecclesiam, metuentes, ne communicarent peccatis aliorum: quibus Cyprianus ostendit ex parabola Domini, in Ecclesia non solum esse homines fortes, sed etiam imbe-

Controv. Card. Bellarm. Tom. I I.

A cilles, qui aliquando labuntur, sicut in agro simul cum frumento sunt etiam zizania.

At licet hæc expositio non sit contemnenda, neque nobis contraria, melius tamen respondetur cum Augustino quæst. 11. super Matthæum, per agrum non significari Ecclesiam, sed mundum universum. Dominus enim exponens parabolam ait, ager est mundus. Porro nomine zizaniorum, etsi rectè intelliguntur hæretici, tamen fortè magis ad literam intelligeremus omnes malos in genere, sive sint hæretici, sive non. Scopus enim parabolæ, est ostendere semper in mundo futuros aliquos malos, nec posse ulla humana diligentia mundum purgari ante diem iudicii. Unde Dominus ait, zizania esse filios nequam, & illos omnes, qui tandem in ignem æternum deiciuntur.

Secundò, obijciunt illud 2. Timot. 2. *In magna domo sunt vasa aurea, & argentea, & lignea, & fictilia*. Ubi nomine domus videtur Paulus intelligere Ecclesiam, & nomine vasorum ligneorum & fictilium hæreticos. Dixerat enim paulò antè: *Quorum sermo, ut cancer serpit, ex quibus est Hymenæus & Philetus, qui à veritate exciderunt*. Nomine autem domus intelligi Ecclesiam, docet Cyprian. lib. 3. epist. 3. & lib. 4. epist. 2. & Ambrosius in commentario huius loci, & Augustinus lib. 2. de Baptismo, cap. 12.

Respondeo, varias hic esse veterum expositiones. Una est Græcorum, Chrysostomi, & Theophylacti, qui nomine domus non intelligunt Ecclesiam, sed mundum, sicut diximus de agro, in quo sunt zizania. Altera est Latinorum, Cypriani, Ambrosii, Augustini, qui nomine domus intelligunt Ecclesiam, & licet Augustinus & Ambrosius per vasa lignea & fictilia velint significari hæreticos, tamen Augustinus idem explicat lib. 3. de Baptismo, c. 19. quomodo sit intelligendum, eos esse in Ecclesia, ubi dicit, eos esse in Ecclesia antequam per obstinationem & pertinaciam separentur, & ad hoc tempus respexisse Apostolum; ita ut non tam hæretici, quam errantes dicantur esse in Ecclesia. Addit etiam, posse dici, eos esse in Ecclesia, postquam exierunt, propter Sacramentorum administrationem, quia etiam ipsi quædam Sacramenta verè administrant: quod est dicere, eos esse in Ecclesia secundum aliquid, non simpliciter. Ambrosius autem accipit Ecclesiam largo modo, & magis vulgari, quam proprio, prout videlicet eos omnes complectitur, qui quovis modo nominantur Christiani. Ad quem modum Pagani dicere solent, in cœtu Christianorum multas esse dissentientes opiniones ac sectas.

At secundum Cyprianum (cujus expositionem verioriorem puto) per vasa lignea & fictilia non intelliguntur hæretici, sed infirmi fideles, ac debiles, qui facile seducuntur. Quod enim ait Apostolus: in magna domo sunt vasa aurea &c. non refertur ad illud, quorum sermo, ut cancer serpit, ex quibus sunt Hymenæus & Philetus; qui à veritate exciderunt sed ad illud: Et subverterunt quorundam fidem. Vult enim Apostolus dicere, quod si illi quosdam subverterunt, non propterea periculum est, ne omnes subvertantur. Nam in Ecclesia sunt fortes, & sunt debiles, &c.

Sed, inquit, Augustinus, qui intelligit per vasa lignea & fictilia hæreticos, dicit, se permotum ad hoc sentiendum ex verbis Cypriani in epistola ad Antonianum, quæ est secunda lib. 4. Respondeo, Augustinum existimavisse à Cypriano referri illa verba Apostoli: *In magna domo sunt vasa aurea &c.* ad illa *Quorum sermo, ut cancer serpit*, sicut ipse referebat. Cæterum Cypriani verba nihil tale sonant; & sanè Cyprianum non voluisse dicere, hæreticos esse in Ecclesia, patet ex eadem epistola, ubi aperte

D 4

dicat,

dicat, Novatianum, quia hæreticus est, extra Ecclesiam esse.

Argumentum tertium, hæreticos Ecclesia iudicare & punire potest, igitur sunt intus: *Nam quid mihi est*, inquit, Paulus, 1. Corinth. 5. *de iis, qui foris sunt, iudicare?* Præterea hæretici retinent characterem Baptismi, & sacerdotii, igitur sunt Christiani, & Sacerdotes.

Respondet, hæreticos, licet non sint de Ecclesia, tamen debere esse, & proinde ad eam pertinere, ut oves ad ovile, unde fugerunt. Sicut solet dici, ista ovis est illius ovilis, quando tamen vagatur extra ovile. Potest autem Ecclesia iudicare de iis, qui re ipsa intus sunt, vel certe esse debent, sicut pastor revera potest ovem, quæ extra ovile errat per montes, cogere iterum ad ovile: & Imperator potest desertorem militiæ, qui transfugit ad castra hostium, vi cogere ad sua castra, aut etiam suspendere. Apostolus autem loquitur de iis, qui ita foris sunt, ut nunquam fuerint intus.

Ad illud de characteribus dico, hæreticos retinere extra Ecclesiam characteres illos indelebiles, sicut retinent oves perditæ characterem inustum in dorso, & desertores militiæ signa militaria: sed non propterea sunt de Ecclesia, quia non sufficiunt characteres illi ad constituendum aliquem in Ecclesia; alioqui etiam in inferno esset Ecclesia. Et tamen S. Thom. 3. part. quæst. 8. art. 3. dicit, damnatos nec actu, nec potentia esse membra Christi. Præterea, non propriè unit character hominem cum capite, sed est signum potestatis & unionis cuiusdam, & ideo in inferno, illo signo cognoscuntur, qui fuerunt membra Christi. Quod autem non uniat, patet; nam non uniat exterius, cum sit res invisibilis: nec interius, cum non sit actus, nec habitus operativus. Unde B. Thomas primam unionem internam ponit in fide.

CAPUT V.

De Schismaticis.

DE Schismaticis nonnulli Catholicorum dubitant, an sint de Ecclesia: immò esse eos de Ecclesia affirmat Alphonsus de Castro loco notato. Sed facile est contrarium ex sacris literis, & Patrum traditione docere. Nam in primis cum dicitur Luc. 5. *scindebatur autem rete, per scissionem retis, & egressionem piscium ex rete intelliguntur schismata Ecclesiæ & egressio hæreticorum & schismaticorum de Ecclesia, ut exponit Augustinus tract. 122. in Joannem.*

Præterea Scriptura vocat Ecclesiam: *Unum ovile*, Joan. 10. *Unum corpus*, Rom. 12. *Unam sponsam*, 1. Cor. 12. *Unam ecclesiam*, Cant. 6. Schisma autem scindit id, quod erat unum in partes, ut patet ex ipso nomine. Nam, *σχίσμα* scindere est, & *σχίσμα*, scissura: ergo schismatici non sunt in Ecclesia, nec de Ecclesia. Nam pars, scissa à corpore, non est amplius pars eius corporis. Unde pulchrè Cyprianus lib. de unit. Ecclesiæ dicit, Ecclesiam significari per vestem Christi inconsuilem, quæ scissa non fuit, ut intelligeremus Ecclesiam scindi posse, sed non eo modo, quo scinduntur vestes, ita ut omnes partes æquè maneant partes vestis: sed quomodo scinditur ramus ab arbore, qui statim moritur, arbore vivente; & rivus à fonte, qui mox arefcit, fonte fluente; & radius à Sole, qui continuò deficit, Sole, ut erat permanente. Vel si contendas, partem scissam ab Ecclesia, esse etiam Ecclesiam quandam, multas Ecclesias facies, quod est contra Scripturas paulò ante notatas.

A Probatum secundò ex decretis Pelagii Papæ, qui ex professo probat, schismaticos non esse de Ecclesia, 24. q. 1. can. pudenda, & can. schisma. Accedit etiam testimonium totius Ecclesiæ, quæ in Parascève orat pro hæreticis, & schismaticis, ut eos Deus ad Ecclesiam Catholicam revocare dignetur. Quod certè non faceret, si eos in Ecclesia esse crederet. Huc etiam pertinet testimonium Catechismi Romani, cuius non est exigua auctoritas in Ecclesia Dei. Disertis autem verbis Catechismus prædictus in explicatione Symboli Apostolici, schismaticos ab Ecclesia separat.

B Probatum tertio ex Patribus. Irenæus lib. 4. c. 62. postquam dixerat in superioribus capitulis, virum spirituales iudicare omnes hæreticos & schismaticos, & enumeraverat in particulari multas hæreses, & subjunxerat de schismate propriè dicto, concludit in summa: *Judicabit, inquit, omnes eos, qui sunt extra veritatem, id est, extra Ecclesiam.* S. Cyprianus lib. 4. epist. 9. ad Florentinum Papianum: *Ecclesia, inquit, est plebs sacerdoti adunata, & pastori suo grex adhaerens, unde scire debes, Episcopum in Ecclesia esse, & Ecclesiam in Episcopo, & si qui cum Episcopo non sunt, in Ecclesia non esse &c.* At certè schismatici cum Episcopo non sunt, igitur nec in Ecclesia sunt.

C Chrysostomus hom. 3. in epist. 1. ad Corinthios: *Schismatis, inquit, significantia satis eos arguit, vel potius satis est ejus appellatio, quæ vehementer eos tangat. Non enim plures integra partes facta sunt, sed una perit. Siquidem integris Ecclesiis multas eas constituerent.* Et homil. 11. in epist. ad Ephesios docet, schismaticos similes esse manui à corpore præcisæ, quæ mox desinit esse membrum: & ibidem dicit, schismaticos in altera esse Ecclesia, licet in fide & dogmatibus cum vera Christi Ecclesia consentiant.

D Hieronymus in cap. 1. Amos *Schismatici, inquit, separant quidem deceptam multitudinem ab Ecclesia Dei, tamen hoc non faciunt crudelitate, quæ hæretici &c.* Et in cap. 3. ad Tit. *Inter hæresim, inquit, & schisma hoc interesse arbitramur, quod hæresis perversum dogma habeat: schisma propter Episcopalem dissensionem ab Ecclesia pariter separat.* Ubi nota illud: *Pariter Augustinus lib. de Fide & Symbolo, cap. 10. Credimus, inquit, & sanctam Ecclesiam, utique Catholicam: nam & hæretici, & schismatici congregationes suas Ecclesias vocant: sed hæretici de Deo falsa sentiendò ipsam fidem violant, schismatici autem dissensionibus iniquis à fraterna charitate diffiliunt, quatenus ea credunt, quæ credimus. Quapropter nec hæreticus pertinet ad Ecclesiam Catholicam, quoniam diligit Deum, nec schismaticus, quoniam diligit proximum.*

E Optatus lib. 1. contra Parmenianum, de schismaticis loquens: *Deserta, inquit, matre Catholica, impii filii dum foras excurrunt, & se separant, ut vos fecistis, à radice matris Ecclesiæ invidia factibus amputati, errando rebelles abscedunt.* Et lib. 2. comparat schismaticos cum ramis, rivulis, & radiis præcisus ab arbore, fonte, sole. Fulgentius de fide ad Petrum, cap. 38. & 39. *Firmissime tene, inquit, & multatenus dubites, non solum Paganos, sed etiam Judæos, hæreticos, & schismaticos, qui extra Ecclesiam Catholicam, præsentem suam vitam, in ignem æternum ituros.* Denique idem habent Thomas Waldensis to. 1. lib. 2. c. 9. doctrinalis fidei antiquæ, Joannes Oriedo lib. 4. de Scripturis & dogmatibus Ecclesiasticis, cap. 2. part. 3. & alii ex recentioribus.

Probatum ultimò ratione; nam de ratione Ecclesiæ est, ut sit una unione membrorum inter se, & cum suo capite, hanc autem unionem schismaticus tollit, dum se à communione capitis, & aliorum membrorum separat. Quod autem unitas essentialis Ecclesiæ consistat in illa conjunctione membrorum inter se, & cum

& cum capite, probatur: Nam multiplex unitas invenitur in Ecclesia. Prima est unitas ratione ejusdem principii, idest, Dei vocantis, Joan. 6. *Nemo venit ad me &c.* Secunda unitas ratione ejusdem ultimi finis, quod significatum est Matth. 20. in illo uno denario omnibus operantibus promisso. Tertia est ratione eorundem mediorum, idest, Fidei, Sacramentorum, Legum, juxta illud Ephes. 4. *Una Fides, una Baptisma.* Quarta est ratione ejusdem Spiritus sancti, à quo tanquam externo & separato Rectore universa Ecclesia gubernatur 1. Cor. 12. *Divisiones gratiarum sunt, idem autem Spiritus.* Quinta est ratione ejusdem capitis, tanquam interni, & conjuncti Rectoris; omnis enim Ecclesia eidem Christo, & ejus Vicario tanquam capiti paret, Ephes. 1. *Ipsam dedit caput super omnem Ecclesiam.* Et Joannes ultimo: *Simon Petre, pascue oves meas.* Sexta est ratione connexionis membrorum inter se, & præcipue cum capite, ut est principale membrum, Roman. 12. *Unum corpus sumus, singuli autem alter alterius membra.*

Jam verò inter has unitates, illæ, quæ faciunt propriè Ecclesiam unam, sunt duæ ultimæ. Nam per primam, Ecclesia non tam est una, quàm ex uno. Per secundam, non tam est una, quàm ad unum. Per tertiam, non tam est una, quàm per unum. Per quartam, non tam est una, quàm sub uno. Per quintam & sextam, propriè est una, idest, unum corpus, unus populus, una societas. Schisma autem opponitur his unitatibus postremis; tunc enim est schisma, quando unum membrum non vult amplius esse membrum illius corporis, nec sub illo capite; quare tollit unitatem essentialem, atque Ecclesiam ipsam. Schismaticus igitur non est de Ecclesia.

At obijciunt primò, Ecclesia est Catholicorum congregatio, ut Papa Nicolaus definivit de consecrat. dist. 1. can. Ecclesia: At schismatici sunt Catholici, igitur sunt de Ecclesia. Respondeo primò, schismaticos etsi fidem Catholicam habeant, tamen non propriè dici Catholicos, nisi eam fidem in Ecclesia Catholica profiteantur, ut patet ex Augustino & Optato locis notatis. Secundò dico, non esse plenam definitionem Nicolai Papæ; neque eum voluisse definire Ecclesiam, sed tantum excludere hæreticos ab Ecclesia. Sicut etiam Innocentius fecit, cum ait, Ecclesiam esse fidelium congregationem cap. Firmiter, de summa Trinitate & Fide Catholica.

Secundò obijciunt. Schismatici etsi nolint subesse Pontifici, tamen volunt subesse Christo summo capiti; & licet nolint communicare huic Ecclesie, quæ est in terris, tamen volunt communicare Ecclesie, quæ est in coelis, quæ est melior pars Ecclesie. Non igitur tollunt Ecclesie unitatem, nec sunt absolutè extra Ecclesiam. Et confirmatur argumentum à simili. Nam si quis non vellet esse sub Episcopo suo particulari, nec communicare cum Ecclesia particulari, quæ sub illo Episcopo est, & tamen vellet esse sub Romano Pontifice, & communicare cum Ecclesia universali, is non posset dici esse extra Ecclesiam.

Respondeo, neminem posse, etiamsi velit, subesse Christo, & communicare cum Ecclesia coelesti, qui non subest Pontifici, & non communicat cum Ecclesia militante. Christus enim ait: *Qui vos audit, me audit,* Lucæ 10. Et præterea, ut Christus est summum caput, quoad influxum interiorem; ipse eum influit in sua membra sensum & motum, idest, fidem & charitatem: ita Papa in Ecclesia militante est summum caput, quoad influxum exteriorum doctrinæ fidei & Sacramentorum. Ecclesia quoque triumphans unita est, imò potius una est cum

A militante, & proinde nemo potest velle separari ab una, quin separetur ab altera.

Ad confirmationem similiter respondeo, eum, qui separat se ab Ecclesia & Episcopo particulari, necessariò separari ab Ecclesia & Episcopo universali; nisi fortè ideò se aliquis separaret ab Ecclesia & Episcopo particulari, quòd illa Ecclesia & ille Episcopus hæretici aut schismatici sint. Rectè enim Cyprianus lib. 4. epist. 9. *Frustra, inquit, sibi blandiuntur ii, qui pacem cum Sacerdotibus Dei non habentes, obrepunt, & latenter apud quosdam communicare se credunt, cum Ecclesia, quæ Catholica una est, scissa non sit, neque divisa, sed sit utique connexa, & coherens sibi invicem Sacerdotum glutino copulata.*

C A P U T VI.

De excommunicatis.

DE Excommunicatis, quòd in Ecclesia non sint, docent, Catechismus Romanus in explicatione Symboli; Thomas Waldensis tom. 1. lib. 2. cap. 9. doctr. fid. antiquæ; Joannes de Turrecremata lib. 1. cap. 3. Summæ de Ecclesia; Joannes Driedo lib. 4. cap. 2. part. 2. de Scriptura & dogmatibus Ecclesiasticis, & alii nonnulli. Et probatur primò ex illo Matth. 18. *Si Ecclesiam non audierit, sit tibi sicut Ethnicus & Publicanus.* Ubi Dominus de excommunicatis loquitur secundum omnium expositionem. At Ethnicus non sunt de Ecclesia. Item ex illo 1. Corinth. 5. *Cur non magis luctum habuistis, ut tollatur de medio vestri, qui hoc opus fecit?* Et infra: *Nescitis, quia modicum fermentum totam massam corrumpit?* Item. *Auferte malum ex vobismetipsis, &c.* Quibus omnibus verbis describit Apostolus, quid sit excommunicari. Jube enim excommunicari eum, qui uxorem patris sui habuerat.

Secundò, probatur ex Jure canonico, 11. q. 3. can. Canonica: *Canonica instituta, & sanctorum Patrum exempla sequentes, Ecclesiarum Dei violatores, auctoritate Dei & judicio sancti Spiritus, à gremio sanctæ matris Ecclesie, & à consortio totius Christianitatis eliminamus.*

Tertiò, ex Patribus, Eusebius lib. 5. hist. cap. 24. narrans, quemadmodum Victor Papa excommunicaverat omnes Asianos: *Literas, inquit, mittit, quibus omnes simul absque discretione ab Ecclesiastico fœdere segregaret.* Et infra: *Irenæus, inquit, Victorem arguit, quod non rectè fecerit, abscindere à corporis unitate tot & tantas Ecclesias Dei.* Epiphanius hæres. 42. quæ est Marcionis, loquens de Marcione, qui antequam esset hæreticus, virginis professus erat, & tamen corripuit mulierem, quæ virginitatem quoque profitebatur, & ideo à patre suo excommunicatus fuit: *A proprio, inquit, patre ab Ecclesia ejicitur. Erat enim pater ipse propter excellentem pietatem illustris, & in Episcopatus ministerio honestè vivens perseverabat.*

Hylarius in cap. Matth. 18. in illud: *Sit tibi sicut Ethnicus & Publicanus,* dicit, Deum sic egisse cum populo Israel, ut Christus monet agendum. Primò enim corripuit populum inter se & ipsum solum, quando apparuit illis cum majestate in monte Sinai. Secundò, adhibuit secum duos testes, idest, Legem & Prophetas. Tertiò, dixit Ecclesie, idest, mittere Christum summum Præsulem Ecclesie, qui fœdos objurgaret. Ultimò, cum illi Ecclesie Præsulem non audirent, neglexit eos ac deseruit, ut Ethnicos & Publicanos. Quibus verbis ostendit, fieri sicut Ethnicum & Publicanum, quod sit per excommunicationem, esse, ejici de populo Dei, & non

non amplius à Deo gubernari peculiari illa providentia, qua gubernatur Ecclesia.

Chrysostomus & Theophylactus in hunc locum, exponunt, ejici de Ecclesia, quæ hic dicitur, fieri ut Ethnicum & Publicanum, Hieronymus in cap. 3. ad Tit. dicit, alios peccatores per Episcoporum excommunicationem propelli extra Ecclesiam, quod per seiplos sponte eunt hæretici & schismatici. Augustinus lib. de unit. Ecclesie, cap. ult. dicit, excommunicari esse visibiliter præcidi à corpore Ecclesie. Item lib. de correptione & gratia cap. 15. dicit, per excommunicationem separari ab omnibus sanis morbidam, ne per plures serpent dira contagia. Citatur etiam ex Augustino hæc sententia, 11. qu. 3. can. Omnis: *Omnis Christianus, qui à Sacerdotibus excommunicatur, Satana traditur. Quomodo? quia scilicet extra Ecclesiam Diabolus est, sicut in Ecclesia Christus.* Cui subscribit Anselmus, qui in cap. 5. 1. ad Cor. dicit, tradere hominem Satanæ, esse per excommunicationem eum de Ecclesia pellere.

Probatum ultimò ratione. Primò, per excommunicationem privantur homines omni commercio spirituali, quod habent homines Ecclesie inter se, ut docet Tertullian. in Apologetic. cap. 39. igitur non sunt amplius in cœtu Ecclesie. Quid enim est, civem aliquem privari civitate, nisi privari omni commercio, quod est inter homines illius civitatis? Secundò, excommunicatio eum locum habet in Ecclesia, quem poena mortis habebat in Testamento veteri, & quem habet in temporalibus Rebus publicis: at per mortem separantur homines planè à tota Republica. Augustinus qu. 39. in Deuter. Hoc, inquit, *nunc agit in Ecclesia excommunicatio, quod agebat tunc interfectio.* Ubi consert quod dicebatur Deuter. 24. *Auferes malum de medio tui, cum eo, quod dicit Apostolus 1. Corinth. 5. Auferte malum ex vobisipso.* Tertiò, nulla est poena gravior, quam Ecclesia infligere possit, excommunicatione, ut B. Augustinus docet lib. de correptione & gratia c. 15. ergo per excommunicationem ejicitur homo de Ecclesia. Nam gravius est projici de Ecclesia, quam quælibet poena, quæ de manentibus in Ecclesia sumitur. Quartò, excommunicatio non potest ferri, nisi in contumaces, ut B. Augustinus docet lib. de vera relig. cap. 6. Et idem etiam omnes Theologi deducunt ex illo Matth. 18. *Si Ecclesiam non audieris, sit tibi velut Ethnicus & Publicanus.* Igitur excommunicatio est ejectio de Ecclesia, si enim excommunicatio esset poena aliqua infra ejectionem, ferretur etiam quandoque in homicidas, adulteros, & alios facinorosos, licet non contumaces. Adde, quod cum absolvantur excommunicati, dicitur: *Restitue te unitati Ecclesie, & membrorum participationi.* Quod signum est perspicuum, excommunicatum separatum fuisse ab Ecclesie unitate.

At contra objiciunt. Primò, potest homo excommunicatus retinere Baptismum, fidei professionem, & subjectionem Prælatis legitimis, atque adeò esse amicus Dei, si nimirum sit injustè excommunicatus; potest etiam justè excommunicatus poenitentiam agere, & habere illa etiam antequam absolvatur, igitur in Ecclesia erit; etiam manens excommunicatus.

Respondeo, talem esse in Ecclesia animo, sive desiderio, quod sufficit illi ad salutem, non tamen esse corpore, sive externa communicatione, quæ propriè facit hominem esse de Ecclesia ista visibili, quæ est in terris. Augustinus lib. de vera religione cap. 6. *Sapè etiam finis divina providentia expelli de congregatione Christiana etiam bonos viros. Quam contumelianis, vel injuriam suam cum patientissime pro Ecclesia pace tulerint, neque ulla noverunt, vel schisma-*

tis, vel hæresis moliti fuerint, docebant homines quàm vero affectu, & quanta sinceritate charitatis Deo serviendum sit: Hos coronat in occulto Pater in occulto videns.

Secundò objiciunt, quia Augustinus lib. contra Donatistas, post collationem cap. 20. dicit: *Neque enim à populo Dei separamus, quos vel degradando, vel excommunicando ad humiliorem penitendo locum redigimus.*

Respondeo, suspicor locum esse corruptum, & sic legendum esse: *Neque enim à populo Dei non separamus.* Nam statim sequitur: *Et ubi hoc facere, pacis & tranquillitatis Ecclesie gratia non permittitur, non tamen ideo Ecclesiam negligimus, sed toleramus quæ nobis, ut perveniamus quod volumus, utentes cuncta præcepti Domini, ne cum voluerimus ante tempus colligere zizania, simul eradicemus & triticum.* Quod si locus hic non sit corruptus, responderi potest, per populum Dei hoc loco non intelligi solam Ecclesiam militantem, sed absolute numerum omnium salvandorum, sive sint in Ecclesia, sive esse possint. Non enim per excommunicationem intendunt Pastores separare homines à numero salvandorum, sed potius ea correptione juvare eorum salutem.

Tertiò, excommunicatio est medicina quadam spiritualis instituta in utilitatem eorum, qui excommunicantur. Unde Apostolus 2. ad Thessal. ult. ait: *Quod si quis non obedit verbo nostro per epistolam, hunc notate, & ne commisceamini cum illo, ut confundatur, & nolite quasi inimicum existimare, sed corripite, ut fratrem.*

Respondeo, excommunicatio etiam si abscondit hominem ab Ecclesia, tamen non aufert potentiam, ut non possit iterum inseri in Ecclesiam, si, qui præcisus est, si poenitentiam agere velit. Idcirco Ecclesia per excommunicationem separat quosdam à suo corpore, sed in utilitatem eorum, quia cupit eos illa confusione humiliari, & humiliatos iterum in suum corpus recipere.

C A P U T VII

De prædestinatis.

JAm verò, quod non soli prædestinati, sed etiam reprobi ad Ecclesiam pertinere possint, contra Wiclefium, & Hufs, & Calvinum, probatur primò ex parabolis Evangelicis apertissimis. Comparatur enim Ecclesia Matth. 3. aræ: *Permundabit, inquit, arcam suam, & congregabit triticum in horreum suum, paleas autem comburet igni inextinguibili.* Certè nomine aræ non potest intelligi, nisi Ecclesia, in qua tamen inveniuntur paleæ, quæ si comburentur igni inextinguibili, certè non significant electos. Item Matth. 13. comparatur sagenæ melle in mare, ex omni genere piscium congreganti, quorum tandem aliqui mittuntur in caminum ignis, qui certè non erant de prædestinatis.

Item Matth. 22. comparatur convivio nuptiali, ad quod intraverunt boni & mali, & postea mali non habentes vestem nuptialem, projiciuntur in tenebras exteriores, & ideo concludit Dominus: *Muli sunt vocati, pauci verò electi;* idest, multi sunt in Ecclesia, quæ est evocatio quadam, sive cœtus vocatorum, qui tamen non sunt de electis. Item Matth. 25. comparatur decem virginibus quarum quinque prudentes intrabunt in die judicii cum ipso ad nuptias, quinque fatuæ excludentur. Et ibidem comparatur ovili, in quo sunt oves & hædi, & illæ, Domino ipso explicante, significant electos, illi

isti reprobos. Primæ ad Corinth. 5. Paulus jubet expelli de Ecclesia incestuosum, & tamen non poterat illum facere reprobum ex prædestinato, imò nec volebat; nam eiecit illum, ut humiliatus rediret, & salvus fieret in die Domini, ut ibidem dicitur. Item 2. Timoth. 2. *In magna autem domo sunt vasa aurea, & argentea, & lignea, & fœlilia, quadam in gloriam, & quadam in contumeliam.* Nec dubium esse videtur, quin vasa in gloriam sint electi, vasa in contumeliam reprobi, etiam si in eadem domo sint.

Confirmatur hoc idem ex Cypriano lib. 3. epist. 3. & lib. 4. epist. 2. qui aperitissimè docet, in eadem Ecclesia esse triticum, & zizania, & vasa aurea, & lignea, cum certum sit, zizania comburenda, & lignea vasa esse in contumeliam. Item ex Augustino, qui tract. 45. in Joan. *Secundum præscientiam*, inquit, *& prædestinationem, quàm multa oves foris, quàm multi lupi intus?* Ubi prædestinatos multos dicit esse extra Ecclesiam, & reprobos multos intra Ecclesiam, quod idem repetit lib. 2. cont. Crescon. cap. 34.

Accedant præterea exempla Pauli & Judæ. Nam Joannes Huïs dicebat, Paulum semper fuisse de Ecclesia, Judam nunquam fuisse de Ecclesia. Ipse autem Paulus 1. Tim. 1. ad Gal. 1. & 1. Cor. 15. affirmat, se persecutum esse Ecclesiam Dei, & idem de eo affirmat Luc. Act. 9. Quæro igitur, vel illa Ecclesia, quam Paulus persequabatur, erat vera Dei Ecclesia, vel non: si vera, igitur Paulus aliquando non fuit membrum veræ Ecclesiæ. Quomodo enim erat de illa Ecclesia, quam totis viribus oppugnabat? Si non erat illa vera Ecclesia, ergo mentiuntur Paulus & Lucas, cum eam absolutè Dei Ecclesiam vocant.

Quare B. Augustinus ser. 1. de conversione S. Pauli, rectè docet, Paulum, licet prædestinatum, prius fuisse lupum, deinde ovem. Et Chrysostomus hom. 6. in 2. ad Timoth. dicit, Paulum fuisse vas fictile, sed esse versum in aureum; & Judam fuisse vas aureum, sed conversum in fictile. Porro Judas reprobus erat, ut patet ex Actis Apostolorum primo, & tamen de vera Ecclesia aliquando fuit; Nam, ut dicitur ibidem, fuit Apostolus ex duodecim, & Episcopus vocatus à David Propheta Psalm. 108. quæ non possunt esse vera, nisi aliquando de Ecclesia fuerit. Unde Augustinus in Ps. 3. dicit, Judam filium Christi fuisse, & tamen persecutum esse patrem suum, quomodo Absalon persequabatur Davidem. Et lib. de unitate Ecclesiæ cap. 13. dicit, Judam in Ecclesia fuisse, in qua erant cæteri Apostoli.

Accedat quoque ratio; nam si sola prædestinatio facit hominem esse de Ecclesia, sequitur, Turcas, Judæos, Hæreticos, & quoslibet impios, si prædestinati sint, nunc esse de Ecclesia, & viva membra Christi: & contrà, quoslibet sanctos & pios baptizatos, si non sint prædestinati, non esse de Ecclesia, nec de corpore Christi: at utrumque est falsissimum & contra expressas Scripturas. Nam quòd non baptizati, & hæretici non sint de Ecclesia, suprà ostendimus: quòd autem impii non sint viva membra, dicitur Rom. 8. *Qui Spiritum Christi non habet, hic non est ejus*, nimirum vivum membrum. Quod autem impii non habeant Spiritum Christi, sed Spiritum Diaboli, patet ex operibus eorum. Non enim sunt patientes, casti &c. quæ sunt opera Spiritus; sed sunt adulteri, homicidæ, blasphemæ, &c. quæ sunt opera carnis; ad Galatas 6. Econtrario autem, quòd omnes pii baptizati sint membra Christi, habetur 1. Corinth. 12. *Omnes nos uno spiritu in unum corpus baptizati sumus.* Et Galat. 3. *Omnes enim filii Dei estis per fidem in Christo Jesu; quicumque enim in Christo baptizati estis, Christum induistis.* Et tamen non est credibile, omnes Corinthios & Galatas fuisse prædestinatos.

A Denique Augustinus in epist. ad Dardan. *In compagem*, inquit, *Christi tanquam in vivano structuram templi Dei, quæ est Ecclesia, nati homines non ex operibus iustitia, qua fœderunt, sed renascendo per gratiam transferuntur, tanquam de massa ruina ad ædificii firmitatem.* Et lib. 2. cont. Crescon. cap. 21. ostendens impios non pertinere ad membra viva Christi: *Abste*, inquit, *ut intrare possint limites horti conclusi, cuius ille custos est, qui non potest falli: qui tamen si confitentur, & corriguntur, tunc intrant, tunc mundantur, tunc in arboribus horti conclusi, tunc in membris unica columba numerantur.*

B Probatur ultinò ex incommodis; nam si soli prædestinati essent de Ecclesia, omnia essent incerta. Nam nemo tunc cognosceret fratres suos, & nec pastores cognoscerent oves suas, nec ab illis cognoscerentur: cum nemo sciat qui sint prædestinati. Et præterea nemo sciret, quæ sint veræ Scripturæ, quæ vera Sacramenta, quæ vera fides &c. omnia enim pendent ex testimonio veræ Ecclesiæ.

At contrà obijciunt, primò, illud Cant. 4. *Hortus conclusus, fons signatus, puteus aquæ viventis &c.* quæ sine dubio dicuntur de Ecclesia; & tamen exponit Augustinus illa omnia de solis electis lib. 5. de baptismo cap. 27.

C Respondeo primò, sæpè Scripturam per figuram intellectionis attribuere aliquid toti, quod solum convenit parti: sicut Matth. 27. dicuntur latrones, qui erant cum Domino crucifixi, blasphemasse contra eum, cum tamen constet ex Luc. 23. unum tantum eorum blasphemasse. Philipp. 2. *Omnes quæ sua sunt querunt.* Et tamen tales non erant permulti sancti, qui tunc vivebant, & præcipuè Philippenses. Secundò dico, quæ dicuntur in Canticis de sponsa, non necessariò intelligenda esse de Ecclesia. Quidam enim ea intelligunt de Ecclesia, quidam de B. Virgine, quidam de qualibet anima perfecta, quod probabilius videtur, nam cap. 6. dicitur: *Sexaginta sunt regina, & octoginta concubina, & adolescentularum non est numerus. Una est columba mea, perfecta mea, una est matri suæ, electa genitrici suæ.* Quo loco si per unicam illam sponsam intelligas Ecclesiam, quid intelliges per reginas, concubinas, & adolescentulas, quas omnes fovet sponsus & diligit? Igitur per matrem intelligitur Ecclesia, per reginas, concubinas, & adolescentulas intelliguntur animæ imperfectiores, fideles tamen & bonæ. Dicitur enim cap. 1. *Propterea adolescentula dilexerunt te.* At per unicam, perfectam, sponsam, & columbam intelligitur anima perfecta. Sic etiam in eo quòd dicitur cap. 2. *Sicut lilium inter spinas, sic amica mea inter filias.* Si per amicam intelligas Ecclesiam, quid intelliges per cæteras filias? num congregationem infidelium? Ablit. Loquitur igitur de anima perfecta, quæ inter multas peccatrices in eodem horto Ecclesiæ commoratur. Augustinus epist. 48. *Dicuntur*, inquit, *spina propter malignitatem morum, dicuntur filia propter communionem Sacramentorum.*

E Argumentum secundum. Arca Noe figura fuit Ecclesiæ, ut Augustinus docet lib. 5. de Baptismo cult. at in Arca non fuerunt nisi qui salvandi erant ex aquis, ergo in Ecclesia non sunt nisi prædestinati.

Respondeo, similitudines non in omnibus convenire; alioqui omnis baptizatus esset etiam prædestinatus, quia 1. Petr. 3. comparatur Baptismus Arca Noe, & non solum boni, sed etiam mali salvarentur, quia in Arca salvata sunt animalia munda & immunda. In eo igitur Arca convenit cum Ecclesia, quòd sicut extra Arcam nemo salvari potuit, ita nec extra Ecclesiam, ut Augustinus loco notato, Cyprianus lib. de unitate Ecclesiæ, & Hieronymus in epistola ad Damasum, &c.

tribus hypostasis, docent. Nec est querenda alia similitudo.

Argumentum Tertium. Christus non est caput, nisi ejus Ecclesie, quam salvabit, & quam exhibebit sibi in die judicii gloriosam, non habentem maculam, aut rugam, ut dicitur Ephes. 5. At soli predestinati erunt salvi, & gloriosi, igitur soli predestinati ad Ecclesiam Christi pertinent.

Respondeo, cum dicitur, Christus non est caput, nisi ejus Ecclesie, quam salvabit illud: *Ejus Ecclesia*, potest significare, ejus partis Ecclesie, quam salvabit, & tunc propositio est falsa. Nam est caput totius corporis sui, licet quedam membra desitura sint esse membra, & in æternum peritura. Potest etiam significare illud: *Ejus Ecclesia*, totam Ecclesiam, ut distinguitur ab aliis congregationibus infidelium, & tunc propositio est vera, sed consequentia est mala. Quamvis enim aliqua membra hujus Ecclesie non salventur, non propterea sequitur, Christum non salvare Ecclesiam suam, cujus est caput.

Argumentum Quartum. Corpus mysticum simile est corpori vero, sed totum corpus Christi verum cum omnibus suis partibus salvum, & gloriosum est, igitur etiam corpus mysticum in omnibus suis membris & partibus salvum debet.

Respondeo primo, similitudines non in omnibus convenire. Secundo, sicut corpus Christi verum salvum est, & gloriosum, quoad omnes partes formales, non tamen quoad omnes materiales: fluebant enim & mutabantur in Christo partes materiales, ut in nobis fieri videmus: ita etiam corpus mysticum salvum futurum est, quoad omnes partes formales, quæ sunt Apostoli, Prophetæ, Pastores, Doctores &c. ex omni enim genere hominum aliqui salvantur, non tamen quoad omnes partes materiales, quæ sunt homines singulares.

Argumentum Quintum. Ecclesia est unum ovile, Joan. 10. at oves non sunt nisi predestinati, ut Augustinus docet tract. 45. in Joan. igitur soli predestinati, sunt de Ecclesia.

Respondeo, nomen ovis in Scripturis interdum significare solos predestinatos, ut Matth. 25. ubi separantur oves ab hædis, & Joan. 10. *Oves mea vocem meam audiunt.* Interdum tamen significare omnes in genere tam bonos, quam malos, qui sunt in Ecclesia, ut Joan. ult. *Pasce oves meas.* Et Psal. 73. *Iratus est furor tuus super oves pascuæ tuæ.* Et Ezech. 34. describuntur oves Dei, aliæ pingues, aliæ macilentæ, aliæ sanæ, aliæ agrotæ &c. Et quidem secundum hanc significationem argumentum non habet ullam vim. At secundum priorem respondemus, in ovili non esse solas oves, sed etiam hædos, ut patet Matth. 25. ubi separantur oves ab hædis, cum antea simul fuissent in eodem ovili. Ovile autem dicitur, etsi non solas oves contineat, à meliori parte. Quemadmodum Roma dicatur civitas, licet etiam multos non cives complectatur.

Argumentum Sextum, Joan. 10. *Alias oves habeo, quæ non sunt ex hoc ovili.* Et Joan. 11. *Jesus moriturus erat pro Gente, & non solum pro Gente, sed etiam ut filios Dei, qui erant dispersi, congregaret in unum.* In quibus locis predestinati dicuntur oves, & filii Dei, etiam cum in erroribus Gentilitatis versarentur. Quare predestinati semper sunt de Ecclesia. Item 2. Timoth. 2. *Firmum Dei fundamentum stat habens signaculum hoc, novit Dominus, qui sunt ejus.* Et 1. Joan. 2. *Ex nobis exierunt, sed non erant ex nobis, nam si fuissent ex nobis, mansissent utique nobiscum.* Igitur etiam antequam exirent, non erant ex nobis, sed videbantur esse. Et confirmatur ex Augustino libro de corrept. & gratia, cap. 9. ubi tractans loca citata, sic ait: *Quiaam, inquit, filii Dei, propter susceptam*

vel temporaliter gratiam, dicuntur à nobis, nec sunt tamen à Deo. Et infra: *Ex nobis, inquit, exierunt, sed non erant ex nobis, hoc est, & quando videbantur in nobis, non erant ex nobis.* Item, non erant filii, etiam quando videbantur in professione, & nomine filiorum. Et infra: *Quia ergo non habuerunt perseverantiam, sicut non verè discipuli Christi, ita nec verè filii Dei fuerunt, etiam quando esse videbantur, & ita vocabantur.* Præterea lib. 3. doctrinæ Christianæ, cap. 32. arguens Ticonium, qui vocaverat corpus Domini mysticum, id est, Ecclesiam, corpus bipertitum: *Non ita, inquit, debuit appellari. Non enim revera Domini corpus est quod cum illo non erit in æternum.*

Respondeo, notandas esse pro explicatione horum locorum duas distinctiones. Præma est, hominem posse dici Christi ovem, filium, membrum, duobus modis; uno modo secundum prædestinationem, altero modo secundum præsentem justitiam. Hæc distinctio habetur apud Paulum, nam Rom. 8. dicit: *Qui spiritum Christi non habet, hic non est ejus.* Et tamen 2. Timoth. 2. dicit de predestinatis: *Novit Dominus qui sunt ejus.* Itaque unus, & idem potest esse Christi membrum, & non esse. Erit enim ejus, si sit predestinatus, & non erit ejus, si interim spiritum ejus non habeat. Idem docet Augustinus 4. lib. de Baptismo, cap. 3. *Secundum præscientiam, inquit, multi etiam qui aperte foris sunt, & hæretici appellantur, multis & bonis Catholicis meliores sunt.* Et tractat. 45. in Joan. *Secundum præscientiam, inquit, & prædestinationem quàm multa oves foris? quàm multi lupi intus?* Similia vide de bono persever. cap. 8. de corrept. & gratia, cap. 9.

Interest autem inter hæc, quod qui sunt oves, aut filii, aut membra, solum secundum prædestinationem, non sunt actu, sed solum potentia tales. Prædestinatio enim nihil ponit in homine, sed est actus in ipso Deo manens: At qui sunt tales secundum præsentem justitiam, sunt actu & simpliciter tales, quia in se revera habent id, unde tales appellantur. Id quod aperte docet Augustinus tractat. 45. in Joan. *Quid est, inquit, quod dixi, quàm multa oves foris? quàm multi luxuriantur, casti futuri? quàm multi blasphemant Christum, credituri in Christum? & hi oves sunt. Veruntamen modo alienam vocem audiunt, alienos sequuntur. Item quàm multi intus laudant, blasphemantur? casti sunt, fornicantur? stant, casuri? & non sunt oves, de predestinatis enim loquimur.* Hæc ille. Ubi vide, quomodo dicat, in futuro, *luxuriantur, casti futuri &c.* nam eodem modo potest dici, foris sunt, intus futuri, & ex hac distinctione satisfacit illis locis Scripturæ adductis. Dicuntur enim ibi oves, & filii Dei quidam, qui adhuc non erant in Ecclesia, quia tales erant secundum prædestinationem, & in potentia, non autem actu & simpliciter.

Pari ratione, cum dicitur 2. Timoth. 2. *Novit Dominus, qui sunt ejus,* sermo est de illis, qui sunt ejus per prædestinationem, non autem de tota Ecclesia: Nam ibidem subjungit: *In magna autem domo sunt vasa aurea, & argentea, & lignea, & fictilia.* Et similiter dicuntur reprobi, qui exierunt de Ecclesia, non fuisse ex nobis, quia non fuerunt ex nobis secundum prædestinationem, licet fuerint secundum Sacramentorum communionem. Quomodo etiam intelligi debet quod ait auctor operis imperfecti in Matthæum homil. 20. ubi dicit, eum, qui ab Ecclesia cadit, numquam fuisse Christianum, intelligit enim secundum prædestinationem.

Altera distinctio est, posse aliquem dici verè filium Dei, aut membrum corporis Christi duobus modis; uno modo veritate essentiae, sive formæ, altero modo veritate finis, vel ut alii, dicunt, veritate

tate permanentiæ. Veritate essentiæ, est filius Dei, qui habet charitatem, 1. Joannis 4. *Omnis qui diligit, ex Deo natus est.* Et similiter veritate essentiæ est membrum Christi, qui de eodem spiritu vivit. 1. Corinth. 12. *In uno spiritu omnes vos in unum corpus baptizati estis.* At veritate finis dicitur filius Dei, qui assequetur hereditatem; & qui non assequetur, videtur filius, sed non est, finis enim filiationis est hereditas: *Quid si filius, & heres per Deum,* Galat. 4. sic etiam veritate finis est membrum, qui salvabitur, nam ad hoc univit sibi Christus Ecclesiam, tanquam corpus capiti, ut eam salvaret, ut dicitur Ephel. 4. Itaque qui est in gratia, & tamen non est prædestinatus, est verè filius, & membrum veritate essentiæ; & non est verè filius, nec membrum veritate finis. Et contrà, qui non est in gratia, & tamen est prædestinatus, non est verè filius, nec membrum veritate essentiæ, & tamen est verè utrumque veritate finis. De prima veritate intelligitur illud: *Qui servat verbum ejus, verè in hoc charitas Dei perfecta est.* 1. Joan. 2. de secunda intelligitur illud Joan. 8. *Si manseritis in sermone meo, verè discipuli mei eritis.*

Quibus notatis, facilè intelligentur loca Augustini, ubi dicit, justos non prædestinatos non esse verè filios, nec membra. Loquitur enim de veritate finis, non de veritate essentiæ. Nam ipse in iisdem locis se explicat. Lib. de corrept. & gratia, cap. 9. postquam dixerat probos non prædestinatos non esse verè filios, subjungit: *Non quia iustitiam simulaverunt, sed quia in ea non permanserunt.* Et lib. 3. doctrinæ Christianæ, cap. 32. reddens rationem cur dixerit, non verè pertinere ad corpus Christi eos, qui cum illo non erunt in æternum: *Nunc, inquit, in uno sunt, non tamen semper in uno erunt. Ipse est quippe ille servus commemoratus in Evangelio, cujus Dominus cum venerit, dividet eum, & partem ejus cum hypocritis ponet.*

CAPUT VIII.

De non perfectis.

Non perfectos in Ecclesia, contra Pelagianorum & Anabaptistarum sententiam, esse posse, facilè probari potest; nam si non essent in Ecclesia ii, qui habent aliquam imperfectionem, nulla fuisset; neque esset, neque futura esset Ecclesia in terris. Nam excepto Christo, & B. Virgine, qui soli non faciunt Ecclesiam, nulli sunt, quamvis sanctissimi in hac vita, qui non habeant aliqua venialia peccata, quæ tamen non tollunt iustitiam, nec faciunt hominem Deo inimicum, ut Pelagiani putabant. Id quod testantur in primis divinæ literæ. Psalm. 31. *Tu remisisti impietatem peccati mei, pro hac orabit ad te omnis sanctus in tempore opportuno.* Quid est enim, pro hac, nisi pro remissione? Et sanctus igitur est aliquis, & tamen habet, quod sibi postulet remitti, 3. Reg. 8. *Nec enim est homo, qui non peccet.* Proverb. 24. *Septies in die cadet iustus, & resurget.* Eccles. 7. *Non est homo iustus in terra, qui faciat bonum, & non peccet.* Matth. 6. jubentur omnes dicere: *Dimitte nobis debita nostra.* Jacobi 3. *In multis offendimus omnes.* 1. Joan. 1. *Si dixerimus, quia peccatum non habemus, nos ipsos seducimus, & veritas in nobis non est.* Quæ certè testimonia clariora sunt, quàm ut explicatio ne ulla indigeant.

Item testatur Concilium Milevitanum, can. 7. & 8. ubi definitur, justos dicere, non solum humiliter, sed etiam veraciter, & non solum pro

A aliis, sed etiam pro se: *Dimitte nobis debita nostra.*

Idem testantur veteres Patres, S. Cyprianus sermone de eleemosyna: *Quisquis se inculpatum dixerit, aut superbus, aut stultus est.* S. Gregorius Nazianzenus orat. 2. in Julianum: *Omni prorsus peccato vacare, supra humane naturæ modum Deus constituit.* B. Ambrosius serm. 16. in Psalm. 118. *Non potest, inquit, hoc iustus negare, quia nemo sine peccato est.* B. Chrysostomus in Psalm. 39. *Nec ex perfectis, inquit, universa constat Ecclesia, sed habet etiam otio, & socordia deditos &c.* S. Hieronymus lib. 2. contra Pelagianos: *Iustus, inquit, esse concedo, sine omni autem peccato esse, non assensior.* Et lib. 3. ferè toto hoc idem probat, ubi tamen admittit, posse ad aliquod brevissimum tempus esse hominem sine omni peccato, non tamen diu.

B. Augustinus lib. de spiritu & litera, cap. ult. docet posse hominem ex privilegio Dei singulari vivere sine omni peccato: tamen re ipsa neminem esse, qui sic vivat, aut vixerit, excepto Christo. Idem dicit lib. de natura & gratia, cap. 36. ubi tamen excipit etiam B. Virginem, & epist. 89. & 95. & toto libro de perfect. iustitiæ: ac demum lib. 1. contra duas epistolas Pelagiani, cap. 14. *Nullus in Ecclesia, inquit, rectè posset ordinari minister, si dixisset Apostolus, si quis sine peccato est, ubi dixit, si quis sine crimine est; aut si dixisset, peccatum nullum habentes, ubi dixit, nullum crimen habentes. Multi quippe baptizati fideles sunt sine crimine, sine peccato autem in hac vita neminem dixerim.* B. Gregorius lib. 21. Moralium, cap. 9. & in hac vita quidem multi sine crimine, sine peccato esse nullus valet.

C Argumenta in contrarium multa sunt, sed non omnia hic solvenda. Quæ enim adferuntur ad probandum, per quodlibet peccatum perdi iustitiam; vel posse hominem vivere sine omni peccato, non egeant solutione, cum paulò post ostenderimus, in Ecclesia esse optimos, & pessimos viros. Duo tantum sunt propria hujus loci. Unum ex Cant. 4. *Tota pulchra es amica mea, & macula non est in te.* Alterum ex Ephel. 5. *Ut exhiberet ipse sibi gloriosam Ecclesiam non habentem maculam, aut rugam, aut aliquid hujusmodi.* Quem locum de Ecclesia Catholica hujus temporis intelligendum esse docet Concilium Toletanum VI. cap. 1. explicans enim confessionem fidei, loco illius, sanctam Ecclesiam, ait, Ecclesiam sine macula, aut ruga.

D Respondeo ad Primum, sive intelligatur illud de Ecclesia ratione unius partis tantum, idest, ratione animarum iustarum, sive de anima perfecta, quod magis probo, animam iustam dici totam pulchram, vel per hyperbolem, quæ familiaris est amantibus: vel quia anima iusta, & perfecta mortalibus caret peccatis, quæ propriè maculam relinquunt, & vitat venialia, quantum licet per humanam fragilitatem: & si quæ committit, mox dele-
E re stydet. Id enim etsi non est esse immaculatum simpliciter, est tamen immaculatum pro statu hujus vitæ, ut Augustinus explicat libro de perfectione iustitiæ. Quomodo etiam nemo est perfectus in hac vita absolute, & tamen multi in Scripturis dicuntur perfecti, quia erant tales pro statu hujus vitæ Genes. 6. *Nec vir iustus fuit, atque perfectus.* Philip. 3. *Quicumque perfecti sumus, hoc sentiamus.* Immo etiam dicuntur immaculati, qui sine dubio venialibus non carent. Psalm. 17. *Et ero immaculatus cum eo.* Psalm. 118. *Beati immaculati in via.* Ephel. 1. *Elegit nos in ipso, ut essemus sancti & immaculati in veritate.*

Ad Secundum dico, Primò intelligi posse de Ecclesia, non ut nunc est, sed ut erit post resurrectionem.

tionem: ut exponunt S. Hieronymus in cap. 31. Hieremias circa finem. S. Augustinus lib. de perfect. iust. & alibi: & B. Bernardus serm. 3. de festo omnium Sanctorum. Neque obstat Concilium Toletanum; nam etsi illa verba intellexit Concilium de Ecclesia huius temporis, tamen non definivit, sic necessario esse intelligenda. Dico tamen Secundò, probabilius esse quòd loquatur Apostolus de Ecclesia huius temporis, sed tribuat per Synecdochen toti Ecclesie, quod uni parti convenit. Qui enim sunt nunc in Ecclesia iusti, sunt gloriosi per gratie pulchritudinem, quæ est gloria inchoata: sunt sine macula, ut paulò antè expositum est, & sunt sine ruga, quia per Baptismum renovati sunt, depositoque vetere homine induerunt novum, rugæ enim signa sunt vetustatis. Ita hunc locum intelligunt, præter Concilium Toletanum jam citatum, Chrysostomus, Hieronymus, & Theophylactus in commentario.

CAPUT IX.

De magnis peccatoribus,

JAM verò in una vera & Catholica Christi Ecclesia non solum imperfectos, sed etiam graves peccatores esse, & non solum occultos, sed etiam manifestos, contra errorem Novatianorum, Donatistarum & Confessionistarum, probatur Primò ex parabolis Evangeliorum de area, de reti, de convivio nuptiali, de decem virginibus, & de ovili, suprà citatis, quibus Catholici ita confutarunt olim Donatistas, ut planè non invenerint ullo modo quæ exirent, ut Augustinus refert in breviculo collationis, explicans collationem tertie diei.

Præterea sunt alia loca apertissima, Matth. 18. *Si peccaverit in te frater tuus, vade corripe eum &c. si eos non audierit, dic Ecclesie, si Ecclesiam non audierit, sit tibi velut Ethnicus & Publicanus.* Hic negari non potest, quin sermo sit de vera Ecclesia: Nam Christus loquitur de Ecclesia sua, & in hac Ecclesia constat inveniri peccatores, & tales peccatores, qui sæpè non emendantur per correptionem fraternam, nec etiam adhibitis duobus testibus: & tamen in Ecclesia manent, donec ab ipsa Ecclesia per sententiam Prælati ejiciantur. Item Matth. 23. Dominus præcipit de præpositis malis, ut faciamus quod dicunt, non quod faciunt, & cap. 24. describit præpositum malum, qui percutit servos, comedit, & bibit cum ebriosis &c. & dicit: *Veniet Dominus ejus in die, qua non sperat, & dividet eum, partemque ejus cum hypocritis ponet.* Ubi de præpositis Ecclesie agi docent Hilarius, Hieronymus, Chrysostomus, & alii in hunc locum. Item in epist. 1. ad Cor. cap. 1. Paulus dicit scribere se Ecclesie Dei, quæ est Corinthi, & mox ibidem subdit: *Significatum est mihi, quòd contentiones sunt inter vos &c.* Et cap. 5. *Auditur inter vos fornicatio, & talis fornicatio, qualis nec inter gentes, ita ut uxorem patris sui aliquis habeat.* Quid hic dicent? non esse hanc veram Ecclesiam? At Apostolus dicit esse Ecclesiam Dei. Non fuisse istum peccatorem gravissimum, & manifestum? At Apostolus hoc dicit. Non fuisse in illa Ecclesia? At Apostolus jubet, ut expellant eum per excommunicationem. *Tollatur, inquit, de medio vestri &c.*

Præterea Apocal. 2. & 3. scribit Joannes septem Ecclesiis Asiae, & ferè singulas reprehendit de rebus non levibus. Et notat Augustinus lib. 2. contra Parmenianum, cap. 10. non solum Ecclesias, sed etiam præpositum reprehendi significatum per An-

Agelum Sardensis Ecclesie: *Nomen, inquit, habet, quòd vivas, sed mortuus es, esto vigilans &c.* Adde, quòd tempore Testamenti veteris, numquam defuerunt gravissima peccata in populo Dei, & tamen nusquam legimus, quòd Moses, aut Samuel, aut alii Prophetæ, qui diversis temporibus fuerunt, aut Maria, Anna, Elizabeth, Simeon, Zacharias, Joannes Baptista, & alii iusti, quos Dominus invenit in populo Judæorum, separaverint se à reliquis pessimis hominibus, quantum ad templum, altare, sacrificia, & alia, quæ religionis sunt, ergo in eadem congregatione manebant boni & mali. Quod argumentum valde urget, & merito S. August. in breviculo, collatione tertia.

B Probatur Secundò ex testimonio Ecclesie Catholice, quæ erat tempore B. Augustini. Beatus Augustinus enim in breviculo collationum refert collationem celeberrimam Carthagine habitam inter 306. Episcopos Catholicos, quorum unus ipse erat, & 296. Episcopos Donatistas. Tot enim fuisse indicat Augustinus in collatione primæ diei. Deinde in collatione tertie diei refert, Donatistas coactos fateri, esse in Ecclesia bonos & malos, prolata à Catholicis illa parabola de reti, pisces bonos & malos congregante; sed dixisse adhuc Donatistas, tantum occultos malos esse in Ecclesia, sicut in reti, dum est in mari, non discernuntur à piscatoribus pisces boni à malis, sed in littore discernuntur, & mox separantur. Ad hoc autem dicit respondisse Catholicos, propterea Ecclesiam comparari etiam esse areæ, in qua discernuntur paleæ à frumento, immò magis apparent paleæ, quàm frumenta: & etiam Arce Noe, in qua etiam post egressum corvi, quo significantur hæretici, adhuc remanserunt palam animalia munda & immunda.

Addit etiam Augustinus, quòd cum calumniarentur Donatistæ, Catholicos duas Ecclesias facere, unam in terris, quæ haberet bonos & malos, alteram in coelis, quæ non haberet, nisi bonos; responderunt Catholici, se non duas Ecclesias facere, sed distinguere duo tempora Ecclesie. *Eandem, inquit, ipsam unam, & sanctam Ecclesiam dixerunt nunc esse aliter, tunc aliter futuram, nunc habere malos mixtos, tunc non habituram, sicut non ideo duo Christi sunt, quia aliquando mortalis, aliquando immortalis fuerit Christus.* Quæ sunt notanda contra nostros Confessionistas & Calvinistas, qui duas Ecclesias fingunt.

C Probatur Tertiò testimoniis Patrum, Cyprianus lib. 3. epist. 3. ad Maximum: *Impediri, inquit, non debet aut pdes, aut Charitas nostra, ut quoniam zizania esse in Ecclesia cernimus, ipsi de Ecclesia recedamus.* Gregorius Nazianzenus in orat. 1. Apologetica, ante medium, comparat Ecclesiam ingenti belluæ ex variis belluis compositæ, idest, magnis, parvis, feris, muribus &c. ut ostendat maximum esse laborem Episcopi, qui regere debet tot hominum genera, perfectos, & imperfectos, bonos & malos. Chrysostomus multa similia dicit de peccatis eorum, qui ab Episcopis reguntur, lib. 3. de sacerdotio. Idem in Psalm. 39. in illud Multiplicatae sunt super capillos capitis mei &c. *Nec ex perfectis quidem universa constat Ecclesia, sed habet etiam, qui otio, & socordia se dedunt, mollemque, & dissolutam vitam amplectuntur, & libenter servant voluptatibus, & quoniam est unum corpus, tanquam ex una persona hac, & illa pronunciat,*

D Hieronymus in Dialogo contra Luciferianos ultz medium: *Arca Noe, inquit, Ecclesia typus fuit, ut in illa omnium animalium genera, ita & in hac universarum, & gentium, & morum homines sunt: ut ibi pardus, hædi, lupus, & agnus, ita & hic iusti, & peccato-*

res, id est, vasa aurea, & argentea cum ligneis, & fœcilibus commorantur. Augustinus in tract. 6. in Joan. Nos, inquit, fatemur in Ecclesia Catholica, & bonos, & malos esse, sed tanquam grana, & paleas. Idem habet lib. 2. retractat. cap. 18. Libro post collationem cap. 7. & 20. Libro de unitate Ecclesie c. 13. lib. 18. de Civ. Dei cap. 49. & alibi. Fulgentius lib. de fide ad Petrum cap. 43. Firmissimè tene, & nullatenus dubites, aream Dei esse Catholicam Ecclesiam, & intra eam usque in finem sæculi frumento mixtas paleas contineri, id est, bonis malos Sacramentorum communione misceri. Gregorius hom. 11. & 38. in Evangelia, docet, & probat multis argumentis, malos esse in Ecclesia.

Probatur ultimò ratione. Nam si soli boni essent in Ecclesia, frustra esset Sacramentum poenitentiae, quod solis iis administratur, qui sunt de Ecclesia. Præterea nemo certò sciret, qui sint de Ecclesia. Incertum est enim qui sint revera boni, & qui non. Item mox atque prælati in aliquod peccatum incidissent, non essent amplius de Ecclesia, nec prælati, & proinde non deberet eis amplius obedire. Et similiter subditi mox atque peccarent, non essent amplius de grege; & proinde liceret pastoribus curam eorum non agere; ex quo summa confusio, & perturbatio oriretur.

At obijciunt primò Scripturam Isai. 52. Non adjiciet ultra, ut pertransseat per te incircumcissus, & immundus. Et ibidem: Recedite, recedite, exite inde, pollutum nolite tangere, exite de medio ejus. Quem locum exponens Apostolus 2. Corinth. 6. addit: Et recipiam vos, dicit Dominus. Itaque Deus in Ecclesiam non recipit, nisi eos, qui separant se ab immundis, & peccatoribus. Et rationem reddit ibidem Paulus, dicens: Qua enim participatio iustitiae cum iniquitate? qua conventio Christi ad Belial? 1. Cor. 10. Unus panis, & unum corpus multi sumus. At panis non efficitur nisi ex frumento, non ex paleis, & frumento Roman. 8. Qui spiritum Christi non habet, hic non est ejus. Et 1. Cor. 12. In uno spiritu omnes nos in unum corpus baptizati sumus. Ergo qui non habet spiritum, ut sunt omnes peccatores, non est membrum Christi. Si dicas, non est membrum vivum, tamen est membrum. Contrà, quia membrum mortuum non est membrum, nisi æquivocè. Ergo non est membrum verum, igitur non est membrum simpliciter.

Respondet ad primum B. August. lib. cont. Donatistas post collationem cap. 8. & 20. & in breviculo collationis tertiae dicit, intelligi de Ecclesia triumphante, quod dicitur: Non adjiciet ultra, ut pertransseat per te incircumcissus & immundus. Et quod additur: Recedite, exite &c. intelligi de separatione, quæ debet fieri animo, & moribus, non autem corporali discessione ab eodem templo, & Sacramentis &c.

At melius Cyrillus in hunc locum Isaiæ, à quo non videtur Hieronymus multum discrepare, docet secundum historicum sensum, agi de temporali persecutione Judæorum, ut sensus sit, cum à captivitate redieris, non adjiciet ultra, id est, in longum tempus, aliquis infidelis persequutor per terras tuas eas vastando, pertransire: Secundum mysticum autem sensum agi de Ecclesia, & prædicere Isaiam, fore, ut portæ inferi non prævaleant adversus eam. Incircumcissi enim, & immundi hostes Ecclesie præcipue sunt demones. Pari ratione quod sequitur: Recedite, recedite &c. secundum historicum sensum intelligitur de Judæis, quos hortatur Isaias, ut exeant de Babylone cum finitum fuerit tempus captivitatis: Secundum mysticum sensum intelligitur de Christianis, qui debent post Baptismum separari ab infidelium cœnibus, templis, sacrificiis, conjugis,

A & cæteris rebus, quæ quoquo modo ad religionem pertinent. Et hoc modo intellexit hunc locum B. Paulus, & citavit 2. Corinth. 6. non enim de commercio cum quibuscumque peccatoribus, sed solum cum infidelibus agit: Nolite jugum, inquit, ducere cum infidelibus qua pars fidei cum infidelibus? Quis autem consensus templo Dei cum idolis?

B Ad illud de uno pane, qui ex solo tritico fit, respondeo, similitudines non in omnibus convenire. In hoc autem consistit similitudo panis, & Ecclesie, ut Cyprianus explicat epist. 6. lib. 1. ad Magnum, & Irenæus lib. 3. c. 19. quod sicut ex multis granis per aquam fit unus panis, ita ex multis hominibus per aquam Baptismi, vel per Spiritum sanctum, qui etiam dicitur aqua Ezechiel. 36. & alibi, fit unus populus Dei. Nemo enim est in Ecclesia, qui non sit baptizatus, & non participet aliquod donum vel internum, vel æternum Spiritus sancti. Quanquam non est etiam verum, panem semper constare ex solo tritico. Interdum enim vel ex negligentia, vel ex malitia eorum, qui panem faciunt, admiscuntur etiam grana lolæ, sicut in vino sæpe ex malitia vendentium admiscetur aqua. Denique idem ostenditur ex ipsis verbis Pauli, nam dicit: Unus panis, & unum corpus sumus, qui de uno pane participamus. At de uno participant boni & mali, alioqui non arguerentur à Paulo 1. Corinth. 11. qui indignè communicant.

C Ad ultimum dico, malos non esse membra viva corporis Christi, & hoc significari illis Scripturis. Ad id quod addebatur, igitur sunt æquivocè membra &c. à multis solet concedi, malos non esse membra vera, nec simpliciter, corporis Ecclesie, sed tantum secundum quid, & æquivocè. Ita Joannes de Turrecremata lib. 1. cap. 57. ubi id probat ex Alexandro de Ales, Hugone, & B. Thoma. Idem etiam docent Perrus à Soto, Melchior Canus, & alii, qui tamen etsi dicant malos non esse membra vera, dicunt nihilominus verè esse in Ecclesia, sive in corpore Ecclesie, & esse simpliciter fideles, seu Christianos. Neque enim sola membra sunt in corpore, sed etiam humores, dentes, pili, & alia quæ non sunt membra. Neque fideles aut Christiani dicuntur tales à charitate, sed à fide sive à fidei professione. At si ita est, sequitur, Pontificem malum non esse caput Ecclesie: & alios Episcopos, si mali sint, non esse capita suarum Ecclesiarum. Caput enim non est humor, aut pilus, sed membrum, & quidem præcipuum: At hoc est contra Concilium Constantiense, in quo sess. 15. damnatur error 22. Joannis Hufs, quo assererat pastorem malum esse æquivocè pastorem, & error 30. quo assererat prælatum malum non esse verè prælatum.

D Respondeo igitur, membra posse considerari duobus modis: Uno modo, ut sunt res quædam secundum se, sive secundum essentiam, ac substantiam suam: alio modo, ut sunt instrumenta operativa. Nam ex gr. oculus hominis, & oculus bovis, ut sunt substantiæ quædam differunt specie, ratione diversæ animæ. At instrumenta operativa, sunt ejusdem speciei, quia idem habent objectum.

E Dico igitur, Episcopum malum, Presbyterum malum, Doctorem malum, esse membra mortua, & proinde non vera, corporis Christi, quantum attinet ad rationem membri, ut est pars quædam vivi corporis: tamen esse verissima membra in ratione instrumenti, id est, Papam & Episcopos esse vera capita, Doctores veros oculos, seu veram linguam hujus corporis &c. & ratio est, quia membra constituuntur viva per charitatem, qua impii carent: At instrumenta operativa constituuntur per potestatem, sive ordinis, sive jurisdictionis, quæ etiam sine gratia

64 De Ecclesia militante. Lib. III. Cap. IX.

tia esse potest. Nam etsi in corpore naturali non possit membrum mortuum esse verum instrumentum operationis, tamen in corpore mystico potest. In corpore enim naturali opera pendent ex bonitate instrumenti, quia anima non potest bene operari, nisi per bona instrumenta, nec opera vitæ exercere, nisi per instrumenta viva: at in corpore mystico opera non pendent ex bonitate, aut vita instrumenti. Anima enim huius corporis, idest, Spiritus sanctus æquè bene operatur per instrumenta bona & mala, viva & mortua &c.

Objectio secunda. Ecclesia in Symbolo dicitur sancta, igitur non constat, nisi ex sanctis. Nec sufficit, dicent, responsio eorum, qui dicunt Ecclesiam dici sanctam, quia una pars est sancta. Nam tunc etiam dici posset Ecclesia scelerata, quia una pars, immò major pars est scelerata.

Respondeo, Ecclesiam dici, & verè esse sanctam, quia omnia, quæ ad ipsam constituendam pertinent, sunt sancta. Tria requiruntur ad Ecclesiam constituendam. Primò, Baptisma, quod sanctum esse nemo negare potest. Secundò, professio Christiana, idest, fidei, & morum, sive dogmatum, & præceptorum Christianorum, quam professionem sanctam esse, & solam ipsam esse sanctam, certissimum est. Nec enim Judæorum, Turcarum, Ethnicorum, Hæreticorum professio sancta est, sed solum professio Christianorum. Tertiò, unio membrorum inter se, & cum capite, saltem externa, & quoad ea, quæ ad religionem pertinent; quæ unio etiam sine dubio est sancta. Dicitur etiam sancta propter sanctos, quos habet, & non propterea dici debet etiam scelerata: Nam denominatio fit à meliori, & præterea, quia habere sanctos est proprium Ecclesiæ, quia ipsa sola habet verè sanctos: At habere malos non est proprium Ecclesiæ, id enim etiam aliis cœtibus convenit. Denique sancta dici potest, quia tota est consecrata Deo; & quia caput ejus Christus, est sanctus sanctorum.

Objectio Tertia. Non habet Deum Patrem, qui Ecclesiam non habet matrem, ut Cyprianus docet lib. de unitate Ecclesiæ, & similiter, non habet Ecclesiam matrem, qui Deum non habet patrem. Sed nulli improbi Deum habent patrem: Nam qui Spiritu Dei aguntur, hi sunt filii Dei Rom. 8. Et Joan. 8. dicitur improbis. Vos ex patre Diabolo estis. Et 1. Joan. 3. In hoc sunt manifesti filii Dei, & filii Diaboli, omnis qui non est iustus, non est ex Deo. Ergo soli boni habent Ecclesiam matrem; ergo, soli boni sunt in Ecclesia.

Respondeo cum Augustino lib. contra Adimantum cap. 5. nomen filii tribus modis accipi in Scripturis. Uno modo dicuntur filii ratione productionis, sive illa sit propriè generatio, sive creatio, sive regeneratio; sic Dominus Christus propriè dicitur Filius Dei, quia à Deo Patre generatus. Dicuntur etiam omnes homines filii ratione creationis. Deuter. 32. Numquid non ipse est pater tuus, qui fecit, & creavit te? Necnon ratione novæ regenerationis dicuntur filii omnes iusti, & soli iusti, ut in locis notatis Rom. 8. & 1. Joan. 3. Secundò dicuntur filii aliqui ratione imitationis, quomodo Gal. 4. & Rom. 4. vocat Apostolus filios Abraham eos, qui fidem Abraham imitantur, & Matth. 5. Diligite inimicos vestros, benefacite his, qui vos oderunt, ut sitis filii patris vestri &c. Et hoc modo soli boni sunt filii Dei, mali omnes sunt filii Diaboli, ut dicitur Joan. 8. & 1. Joan. 3. locis notatis. Tertiò modo dicuntur filii ratione doctrinæ, quomodo 1. Cor. 4. Apostolus vocat Corinthios filios, quia eos docuerat Evangelium, & Galat. 4. Filii mei, inquit, quos iterum parturio, donec formetur Christus in vobis.

A Et hoc modo omnes qui sunt in Ecclesia, sunt filii Dei, & Ecclesiæ, quia tenent veram doctrinam Dei, & Ecclesiæ; tamen possunt esse boni & mali. Unde Isai. 1. Filii ematruvi, & exaltavi, ipsi autem spreverunt me. Et Cant. 2. Sicut lilium inter spinas, sic amica mea inter filias. Ubi filiz dicuntur animæ Christianæ, sed malæ.

B His notatis, ad argumentum respondetur, si de filiis doctrinæ agatur, falsam esse assumptionem, non enim est verum solos justos esse filios Dei, si solius doctrinæ ratio habeatur. Si verò agatur de filiis Dei per regenerationem, aut imitationem, malam esse postremam illam consecutionem, ergo soli boni sunt in Ecclesia. In Ecclesia enim non sunt soli filii, sed etiam servi, quanquam isti non manent in domo in æternum, filii manent in æternum Joannis 8. & hoc est ad mentem B. Cypriani. Is enim non voluit dicere, non esse in Ecclesia nisi filios, sed non esse ullos filios extra Ecclesiam, sicut non sunt ulli boni extra, licet sint aliqui mali intus. Volebat enim terrere hæreticos & schismaticos, ac monere eos, ne putarent, se posse esse bonos, aut filios extra Ecclesiam.

C Argumentum quartum ex Cypriano lib. 1. epist. 6. ad Magnum: In Ecclesia Dei, inquit, non nisi concordet atque unanimis habitant, loquente in psalmis Spiritu sancto, & dicente, Deus, qui inhabitare facit unanimes in domo: Ergo peccatores, qui cum aliis rixas, & contentiones movent, non sunt in Ecclesia.

Respondeo, loqui Cyprianum non de quacunque concordia, sed de illa, quæ opponitur schismati propriè dicto; agit enim ibi de Novatianis schismaticis. Alioqui dissensiones alias in Ecclesia esse posse, & re ipsa sæpè inveniri, testatur idem Cyprianus in sermone de lapsis, ubi inter alia peccata, quæ erant in hominibus in Ecclesia, ponit etiam, odiis pertinacibus invicem dissidere.

D Argumentum quintum ex Chrysostomo & Theophylacto in 2. Timoth. 2. ubi dicunt, illud: In magna domo sunt vasa aurea &c. non posse intelligi de Ecclesia, sed de mundo, quia in Ecclesia, non sunt vasa, nisi aurea & argentea.

E Respondeo, non negant, malos esse posse in Ecclesia, sed dicunt non esse necessarium, ut sint in Ecclesia. Quia enim Apostolus dicit in magna domo sunt vasa aurea & argentea, fictilia & lignea, & notum est, in magna domo hæc omnia esse necessaria, ne quis putaret Ecclesiam non posse consistere sine malis, dicunt hi Patres: nomine domus non intelligi Ecclesiam, sed mundum, nam Ecclesia non indiget malis: Imò quando erit in optimo statu suo, idest, in cœlo, nullos habebit malos; At mundus ornatur ex malis, non quidem per se, sed per accidens, si enim non essent mali, in mundo non exerceretur iustorum patientia, nec Dei iustitia.

Argumentum sextum ex Hieronymo, qui in Commentar. ad Ephes. 5. in illud, Ecclesia subjecta est Christo: Ecclesia, inquit, Christi gloriosa est, non habens maculam, neque rugam, neque aliquid huiusmodi, qui ergo peccator est, aut aliqua sorde maculatus, de Ecclesia Christi non potest appellari, nec Christo subiectus dici.

Respondeo, significat Hieronymus non posse malos de ea parte Ecclesiæ appellari, quæ solos perfectos continet; nam Hieronymus in cap. 1. ad Galatas exponens illud: Paulus Apostolus &c. Ecclesiæ Galatiæ. Volens explicare, quomodo cohæreant inter se verba Apostoli, qui nunc totas Ecclesias videtur laudare, nunc totas vituperare, ac reprehendere, dicit Ecclesiam dupliciter accipi, idest, non duas esse Ecclesias, sed de una diversimodè Scripturas loqui; interdum enim tribuit Scriptura toti Ecclesiæ, id quod est.

est proprium perfectorum, ut carere macula, & ruga, interdum id quod est proprium imperfectorum, ut peccare, & correptione indigere. Cum ergo laudatur Ecclesia, respiciendum est ad eam partem, quæ perfectos continet; cum reprehenditur, ad eam quæ continet imperfectos.

Argumentum septimum. Pacianus epist. 3. ad Sympronianum dicit, in Ecclesia non esse maculam, aut rugam, quia peccatores, donec non poenitet eos vitæ prioris, non sunt in Ecclesia, cum autem poenitet, jam sani sunt &c. Respondeo, non loquitur de omnibus peccatoribus, sed solum peccatoribus, qui in hæresim labuntur, nam antea dixerat, Ecclesiam carere macula, & ruga, quia caret hæreticis.

Argumentum octavum ex Augustino, qui lib. 1. cont. Cresconium, cap. 21. *Ac per hoc, inquit, etiam nesciente Ecclesia, propter malam, pollutamque conscientiam damnati à Christo jam in corpore Christi non sunt, quod est Ecclesia, quoniam non potest Christus habere membra damnata.* Similia habet lib. 2. contra Petilianum, cap. ult. lib. 4. de Baptismo cap. 3. lib. 6. cap. 3. lib. 7. cap. 49. 50. & 51. lib. de unit. Ecclesie cap. ult. lib. 3. doctrinæ Chritianæ, cap. 31. & alibi.

Respondeo, propter hæc loca non solum Brentius & Calvinus, sed etiam aliqui Catholici fingunt duas Ecclesias, sed verè fingunt: nam nec Scripturæ, nec Augustinus usquam meminerunt duarum Ecclesiarum, sed unius tantum. Certè in breviculo collationum, collat. 3. cum Donatistæ calumniarentur, Catholicos duas Ecclesias facere, unam, quæ solos bonos, aliam, quæ bonos cum malis contineret: responderunt Catholici, se numquam duas Ecclesias formasse, sed tantum distinguere partes, vel tempora Ecclesie; partes, quidem, quia aliter boni, aliter mali ad Ecclesiam pertinent; boni enim sunt pars interior, & quasi anima Ecclesie; mali sunt pars exterior, & quasi corpus, & dabant exemplum de homine interiore, & exteriori, qui non sunt duo homines, sed duæ partes ejusdem hominis.

Tempora autem distinguentes dicebant, Ecclesiam aliter esse nunc, aliter futuram post resurrectionem, nunc enim habet bonos & malos, tunc non habebit, nisi bonos; & ponebant exemplum de Christo, qui cum semper sit idem, tamen ante resurrectionem suam fuit mortalis & passibilis, postea immortalis & impassibilis, quam doctrinam idem Augustinus alibi sæpe confirmat, & variis similitudinibus explicat. Nam lib. 7. cont. Donatist. cap. 51. dicit bonos sic esse in domo Dei, quæ est Ecclesia, ut ipsi sint domus Dei constructa ex vivis lapidibus, malos sic esse in eadem domo, ut ipsi tamen non sint domus. Et lib. de unitate Ecclesie, cap. ult. dicit malos esse præciosos ab Ecclesia animo, non tamen corpore, quod est dicere, pertinere ad hominem exteriorem Ecclesie, non tamen ad interiorem. Et lib. 3. doctrinæ Christianæ, cap. 31. explicans illud Cantic. 1. *Nigra sum, sed formosa, sicut tabernaculum Cedar, sicut pelles Salomonis;* notat non esse dictum, nigra fui, seu formosa sum, sed, nigra sum & formosa, quia ipsa una & eadem Ecclesia nunc est nigra sicut tabernaculum Cedar, propter peccatores, quos in se habet, & simul est formosa sicut pelles Salomonis, idest, sicut tentoria regis, propter bonos, quos in se habet.

Idem Augustin. tract. 3. in Joan. epist. docet, malos esse quidem in Ecclesie corpore, non ut membra, sed ut humores corruptos, qui manent in pectore, qui revera sunt in corpore, & tamen sunt etiam verè separati à membris corporis. Ex his respondetur, quando Augustinus dicit malos non esse in Ecclesia, debere intelligi non esse eo modo quo sunt boni, idest, non esse ut membra corporis viva.

Controv. Card. Bellarmin. Tom. II.

A Sed obijcies, quia B. Augustinus lib. 3. de Baptismo cap. 18. & lib. 1. cap. 21. & 22. & lib. 6. cap. 3. & lib. 7. cap. 51. docet, solos sanctos esse illam Ecclesiam, quæ est fundata super petram, & cui datæ sunt claves regni coelorum, & de qua dicitur, si Ecclesiam non audierit, sit tibi sicut Ethnicus & Publicanus.

B Respondeo: Augustinum nihil aliud significare voluisse, quam omnia privilegia, quæ sunt à Deo concessa Ecclesie universæ, propter solos sanctos concessa esse, idest, in utilitatem, & commodum eorum, qui salutem æternam consequuntur. Nam alioquin idem Augustinus frequentissimè repetit, malos etiam Christianos utiliter Sacramenta administrare, ac proinde regenerare homines, solvere, ligare &c. Itaque in tract. 5. in Joan. confert malos ministros canali lapideo, per quem transit aqua ad areolas, & cum nihil ipse utilitatis acquirat, tamen causa est, ut herbar, & flores in areolis nascantur, & crescant. Quod idem fufius docet lib. 2. cont. Parmenianum cap. 10. & 11.

C Objectio nona est Magdeburgensium Cent. 1. lib. 1. cap. 4. col. 171. ubi ex Scripturis probant duas esse Ecclesias, unam bonorum, aliam malorum. Si enim distinguitur Matth. 5. iustitia discipulorum à iustitia Phariseorum; Matth. 6. distinguuntur pii ab hypocritis; Matth. 7. distinguitur cœtus euntium per viam angustam, à cœtu euntium per viam latam, & ibidem distinguitur domus fundata super petram, à domo fundata super arenam. Constat autem Ecclesiam malorum non esse unam sanctam Christi Ecclesiam; igitur vera Christi Ecclesia solos bonos amplectitur.

D Respondeo: in nullo horum locorum distingui duas Ecclesias, sed solum diversas qualitates eorum, qui in una, atque eadem Ecclesia sunt, quemadmodum enim Matth. 13. distinguuntur boni præces à malis; & tamen in eodem reti, quod Ecclesiam significat, tam illi, quam illi erant; ita quoque in eadem Ecclesia, quæ constat professione ejusdem fidei, & communicatione eorundem Sacramentorum, quidam sunt, qui ambulant per viam latam vitiorum, quidam per viam angustam virtutum, quidam sunt verè pii, quidam hypocritæ, quidam iustitiam Pharisaicam, quidam Apostolicam sequuntur. Denique, quidam sunt veluti domus fundata super petram, quidam autem veluti domus fundata super arenam. Nec enim hoc loco duæ domus duas Ecclesias significant, nisi velimus tot Ecclesias facere, quot sunt homines, sic enim Dominus ait: *Omnis ergo, qui audit verba mea hæc, & facit ea, assimilabitur viro sapienti, qui edificavit domum suam supra petram &c.*

E Objectio decima. Si Christi corpus Ecclesia est, non possunt esse partes, ac membra huius corporis, in quibus Christus nihil operatur; nihil autem operatur in impiis & hypocritis, non igitur qui ejusmodi sunt, ad Christi Ecclesiam pertinere possunt. Item oportet omnino distinguere Christi regnum à regno Diaboli, sed omnes impij ad regnum Diaboli pertinent; soli igitur pii pertinent ad regnum Christi, quod est Ecclesia.

Respondeo: non esse necesse, ut Christus in omnibus suis membris aliquid operetur. Sunt enim quedam membra mortua, & arida, quæ solum adherent reliquis externa conjunctione. Et si autem Christi regnum distinctum sit à regno Diaboli, possunt tamen idem homines ad utrumque regnum pertinere; qui enim malis moribus præditi, in fide Catholica, & conjunctione cum cæteris fidelibus perseverant, ad regnum Christi pertinent, quantum ad fidei professionem; ad regnum autem Diaboli, quantum ad morum perversitatem. Quare S. Augu-

E finis

stinus in Psal. 47. homines impios, qui sunt in Ecclesia, dicit esse filios, & alienos; filios propter formam pietatis, alienos propter amissionem virtutum.

CAPUT X.

De infidelibus occultis.

Restant postremò infideles occulti, idest ii, qui nec fidem internam, nec ullam Christianam virtutem habent, & tamen exterius propter temporale aliquod commodum fidem Catholicam profitentur, & communione Sacramentorum veris fidelibus permiscantur; quos quidem nullo modo ad veram Ecclesiam pertinere non solum Confessionistæ & Calvinistæ docent, sed etiam aliqui ex Catholicis, quorum unus est Joan. de Turrecremata, lib. 4. de Ecclesia, par. 2. c. 20. Quamquam hic auctor nihil fortasse aliud dicere voluit, nisi requiri fidem, ut quis unitus dici possit interna unione corpori Christi, quod est Ecclesia, quod quidem verissimum est.

Nos tamen modum loquendi plurimum sequimur, qui docent, eos, qui sola externa professione conjuncti sunt fidelibus ceteris, esse veras partes exteriores, atque adeo etiam membra, licet arida, & mortua, corporis Ecclesiae. Vide Thomam Waldensem tom. 1. lib. 2. cap. 9. num. 10. & cap. 11. num. 5. Joan. Driedonem lib. 4. de Ecclesiasticis Scripturis, & dogmatibus, cap. 2. par. 2. Petrum à Soto in Confessione Catholica, quam opposuit Confessioni Wirtembergensi cap. de Ecclesia, & cap. de Conciliis, & in Apologia pro eadem Confessione, par. 1. cap. 11. Hosium Cardinalem, lib. 3. cont. Prolegomena Brentii, & Melchiorum Canum lib. 4. de locis Theologicis, cap. ult. ad argumentum 12.

Ac primum hæc sententia demonstrari potest ex illis verbis Joannis: *Et nunc Antichristi multi facti sunt, ex nobis exierunt, sed non erant ex nobis, nam si fuissent ex nobis, mansissent utique nobiscum*, 1. Joan. 2. Hoc enim loco Joannes de hæreticis loquitur, quos Antichristos vocat, & dicit eos, antequam exirent, non fuisse ex nobis, idest, non fuisse Catholicos animo ac voluntate, sed hæreticos, atque Antichristos, & tamen ex nobis exivisse, quia etsi non erant ex nobis, animo ac voluntate, erant tamen ex nobis externa professione. Sed posteaquam se prodiderunt, & in apertum schisma proruperunt, jam desierunt omnibus modis esse ex nobis.

Et quamquam S. Augustinus aliquando illa verba: *Non erant ex nobis*, exponit de prædestinatione, tamen in commentario hujus loci exponit de hæreticis occultis. Sic enim ait Tract. 3. in epist. Joan. *Omnes hæretici, omnes schismatici ex nobis exierunt, idest, ex Ecclesia exeunt, sed non exirent, si ex nobis essent. Antequam exirent ergo, non erant ex nobis, si antequam exirent, non erant ex nobis. Multi intus sunt, non exierunt, & tamen Antichristi sunt. Et infra: Et qui intus sunt, certè sunt in Corpore Domini nostri Jesu Christi, quando adhuc curatur Corpus ipsum; & sanitas perfecta non erit, nisi in resurrectione mortuorum. Sic sunt in Corpore Christi, quomodo humores mali, quando evomuntur, tunc relevatur Corpus; sic & mali quando exeunt, tunc Ecclesia relevatur. Et dicit, quando eos evomit, atque projicit corpus, ex me exierunt humores isti, sed non erant ex me. Quid est non erant ex me? non de carne mea præfisi sunt, sed pectus mihi premebant cum inessent. Eodem modo exponit lib. 3. de Baptismo, cap. 19. & Tract. 61. in Joannem, quorum locorum verba infra adferemus.*

Secundò demonstratur hoc idem ex testimoniis eorum Patrum, qui communi consensu docent, eos,

A | qui sunt extra Ecclesiam, nullam habere auctoritatem, aut jurisdictionem in Ecclesia. Vide Cyprianum lib. 1. epist. 6. & lib. 2. epist. 1. Optatum lib. 1. cont. Parmenianum. Ambrosium lib. 1. de poenitentia, cap. 2. Hieronymum in Dialogo contra Luciferianos. Augustinum in Enchirid. cap. 65. & Coelestinum Papam in epist. ad Clerum Constantinopolitanum, & in altera ad Joan. Antiochenum, quæ habetur in 1. tom. Concilii Ephesini, cap. 18. & 19. & citantur etiam à Nicolao I. in epist. ad Michael.

B | Et sanè ipsa ratio manifestè hoc idem docet. Quo pacto enim cogitari, aut fingi etiam potest, ut is habeat jurisdictionem, & proinde sit caput Ecclesiae, qui non est membrum Ecclesiae? Quod enim unquam fuit caput, quod non fuerit membrum? Certum est autem, quidquid unus, aut alter senserit, occultum hæreticum, si Episcopus, aut etiam summus Pontifex esset, non amittere jurisdictionem, nec dignitatem, aut nomen capitis in Ecclesia, donec aut ipse se ab Ecclesia publicè separet, aut convictus hæreseos invitus separetur. Nam propterea Coelestinus, & Nicolaus locis citatis dicunt, Episcopum hæreticum, ex quo hæreses prædicare coepit, neminem potuisse solvere, vel ligare, quia nimirum antequam publicè prædicare inciperet, etiam si corde jam concepisset errorem, adhuc poterat solvere & ligare. Quod verum confirmatur ex can. Audivimus, 24. quest. 1. ubi sic legimus: *Si autem ex corde suo novam hæresin confinxerit, ex quo talia prædicare capit, neminem damnare potuit.* Adde, quòd si occulti hæretici nullam habere possent jurisdictionem, redderentur incerti omnes actus, qui ex jurisdictione dependent, quòd non parum Ecclesiam universam perturbaret. Jam ergo si is, qui non est in Ecclesia, non potest habere auctoritatem in Ecclesia, & hæreticus occultus habere potest, & aliquando re ipsa habet auctoritatem in Ecclesia, certè hæreticus occultus esse potest in Ecclesia.

C | Tertiò idem probatur ex Origene, Augustino, & Gregorio. Origenes homil. 21. in Josue: *Etià hic, inquit, in Hierusalem, idest, in Ecclesia sunt quidam Jebusæi, qui & fide, & actibus perversi sunt.* Nec dubium est, quin loquatur de occultis, nam statim adiungit: *Neque enim dicimus de iis, qui manifestè, & evidenter criminosi sunt, ut non de Ecclesia expellantur.*

D | Augustinus lib. 3. de Baptismo, cap. 19. Hujus, inquit, *fraternæ charitatis inimici, sive apertè foris sint, sive intus esse videantur, Pseudochristiani sunt, & Antichristi; inventis enim occasionibus foras exeunt. Sed etiam si occasiones desint, cum intus videntur, ab illa invisibili charitatis compage separati sunt.* Hæc Augustinus, qui cum de occultis hæreticis dicit, eos videri esse in Ecclesia, non significat, eos non esse revera, sed non esse eo modo, quo esse videntur. Videntur enim esse uniti interna & externa conjunctione, membris ceteris, & tamen non sunt uniti, nisi conjunctione externa. Nam si revera nullo modo essent intus, sed tantum esse viderentur, pari ratione, non verè exirent, quando apertè se produnt, sed exire viderentur. Augustinus autem dicit, inventis occasionibus foras exeunt, & addit, eos esse separatos quidem, etiam antequam exeant, sed ab invisibili charitatis compage, non ab externa Ecclesiae communione. Quemadmodum intelligi debet etiam, quòd idem Augustinus dicit, lib. 4. cap. 16. ubi dicit, hæreticos occultos separatos esse judicandos, licet ipsi non exeant: loquitur enim de separatione interna, non de externa. Neque proprium est hoc apud Augustinum, hæreticis occultis, sed omnibus peccatoribus, quos Augustinus affirmat non esse in corpore Christi, ut patet ex locis citatis capite superiore. Pergit loco notato Augustin. Unde, inquit, *Joannes dixit,*

ex nobis exierunt, sed non erant ex nobis, non ait, quod exeundo alieni facti sunt, sed quod alieni erant, propter hoc eos exisse declaravit. Dicit & Apostolus Paulus, de quibusdam, qui circa fidem aberraverant, in una magna domo eos fuisse, credo quod nondum exierant.

Item lib. 4. cap. 10. *Aut si zizania*, inquit, sola dicenda sunt, quæ usque in finem in maligno errore perdurant, & foris multa frumenta sunt, & intus multa zizania. Quorum verborum hic videtur esse sensus, ut intelligamus, extra Ecclesiam esse multos manifestos hæreticos, qui tandem convertentur ad veram fidem; & intus in ipsa Ecclesia esse multos occultos hæreticos, qui numquam convertentur. Idem habet lib. 1. de civit. Dei, cap. 35. *Meminerit sane*, inquit, in ipsis inimicis suis latere crues futuros, sicut ex illorum numero etiam Dei civitas habet secum commixtos communionem Sacramentorum. Ubi illud est observandum, de inimicis, qui sunt extra Ecclesiam, Augustinum dixisse, eos esse cives futuros, quia modo non sunt cives, sed erunt tempore suo. At de inimicis, qui latent intra Ecclesiam, non dixisse inimicos futuros, sed præsentem; jam enim sunt in ipsa Ecclesia, cum tamen pertineant ad numerum inimicorum.

Rursum Tract. 61. in Joan. tractans illud Joan. 13. ubi legimus Christum exeunte Juda turbatum fuisse: *Hoc nobis*, inquit, Dominus significare sua turbatione dignatus est, quod scilicet falsos fratres, & Domini agri illa zizania, ita necesse est usque ad messis tempus inter frumenta tolerari, ut quando ex eis aliqua separari etiam ante messis urgens causa compellit, fieri hoc sine Ecclesia perturbatione non possit. Hanc perturbationem sanctorum suorum, per schismaticos, & hæreticos futuram, quodammodo prænuntiavit Dominus præfiguravit in seipso, cum exituro inde homine malo, & commixtionem frumenti, in qua diu fuerat toleratus, separatione aperiissima relicto, turbatus est, non carne, sed spiritu. Et infra declarat, quomodo Judas unus esset ex discipulis Domini, & tamen jam typum gereret hæreticorum: Unus, inquit, numero, non merito; unus specie, non virtute; commixtione corporali, non vinculo spirituali; carnis adjunctione, non cordis sociis unitate. Et infra: *Utrumque verum est, & ex nobis, & non ex nobis*, secundum aliud ex nobis, secundum aliud non ex nobis, secundum communionem Sacramentorum ex nobis, secundum suorum proprietatem criminum non ex nobis. Item lib. de gestis cum Emerico, cap. 1. *Quidam*, inquit, adhuc corde positi in parte Donati præsentiam nobis exhibent corporalem, carne intus, spiritu foris.

Denique in lib. de catechizandis rudibus cap. 17. distinguit tria genera Christianorum, hæreticos occultos, malos Catholicos, bonos Catholicos: *Sunt*, inquit, qui propterea volunt esse Christiani, ut aut promerantur homines, à quibus temporalia commoda expectant, aut quia offendere nolunt, quos timeant. Sed isti reprobi sunt, etsi ad tempus eos portet Ecclesia, sicut area usque ad tempus ventilationis paleam sustinet. Si non se correxerint, & propter futuram sempiternam requiem Christiani esse ceperint, in fine separabuntur. Nec sibi blandiantur, quod in area esse possunt cum frumento Dei: quia in horreo cum illo non erunt, sed igni debito destinabuntur. Sunt etiam alii meliori quidem spe, sed tamen non minore periculo, qui jam Deum timeant, & non irident Christianum nomen, nec simulato corde intrant Ecclesiam Dei, sed in ista visa expectant salutem. Ubi manifestè vides, ex collatione horum duorum generum hominum, primum illud esse eorum, qui Deum non timeant, sed irident Christianum nomen, & ficto corde intrant Ecclesiam, & tamen in ea sunt, & manent, ac numerum faciunt, donec aperta discessione non separantur.

Controv. Card. Bellarm. Tom. II.

A Gregorius lib. 13. moral. cap. 4. explicans illa verba, Job 16. *Rugæ meæ testimonium dicunt contra me*: *Quid*, inquit, per rugas nisi dupliciter designatur? *Rugæ itaque sunt sancta Ecclesia omnes*, qui in ea dupliciter vivunt, quia fidem vocibus clamant, operibus denegant. Hi nimirum pacis tempore, quia hujus Mundi potestatibus eandem fidem honori esse conspiciunt, fideles se esse mentuntur. Sed cum sanctam Ecclesiam subita adversitatis procella turbaverit, illico ostendunt quod in perfida mente moluntur. Et infra: *Sed quia nunc intra finem fidei multos etiam reprobos tenet*, cum tempus persecutionis exarserit, ipsos hostes patitur, quos predicationis verbis alere ante videbatur. Dicit ergo, *ruga mea testimonium dicunt contra me*, id est, ipsi me insequendo increpant, qui nunc in meo corpore positi dupliciter sui in se malitiam non emendant. Et infra: *Etiā pacis sua tempore sancta Ecclesia falsiloquium patitur*, dum sunt in ea multi, qui de aternitatis promissionibus diffidunt, & tamen se fideles esse mentuntur, sed cum malitia tempus eruperit, is qui nunc metuens derogat ad contradicendum, ante faciem venit, quia verbis vera fidei apertis vocibus obfistit.

Quartò probatur ratione, ac primùm similitudo corporis humani id quod quærimus suadere potest. Est enim Ecclesia similis corpori humano, ut Apostolus docet, Rom. 12. & 1. Cor. 12. in corpore autem humano multa ac varia esse videmus partium genera, ita ut quædam vivant & sentiant, quædam vivunt, non sentiant, quædam nec vivunt, nec sentiant, ut notum est. Igitur in Ecclesia quoque nihil impedit, quo minus sint aliqui, qui habeant fidem & charitatem, quidam solam fidem; quidam ne ipsam quidem fidem, sed externam dumtaxat conjunctionem.

Deinde si ii, qui fide interna carent, non sunt, nec esse possent in Ecclesia, nulla erit inter nos & hæreticos amplius quæstio de Ecclesiæ visibilitate, proinde (quod ego certè magni facio) supervacaneæ erunt tot eruditissimorum hominum disputationes, quæ hætenus prodierunt. Omnes enim qui hætenus scripserunt, id obijciunt Lutheranis, & Calvinistis, quod Ecclesiam invisibilem faciant. Nullam autem futuram amplius quæstionem, ita probo.

Lutherani & Calvinistæ signa visibilia quædam & externa Ecclesiæ statuunt, nimirum predicationem verbi Dei, & Sacramentorum administrationem; & constanter docent, ubicumque hæc signa conspiciuntur, ibi esse etiam veram Christi Ecclesiam. Quia tamen solos justos & pios ad Ecclesiam veram pertinere volunt, & nemo potest certò scire, qui sunt verè justus & pii inter tam multos qui iustitiam & pietatem exterius præ se ferunt, cum certum sit multos ubique esse hypocritas, & falsos fratres: Idcirco nostri rectè concludunt, eos facere Ecclesiam invisibilem. Porro Lutheranis & Calvinistis iustitia in sola fide consistit, idemque est apud eos, Ecclesiam esse cœtum justorum & piorum, & esse cœtum verè credentium. Quis non igitur videt, nos cum illis planè convenire, si omnes illos ab Ecclesia excludamus, qui veram fidem in corde non habent?

Ad hæc, necesse est, ut nobis certitudine infallibili constet, qui cœtus hominum sit vera Christi Ecclesia; nam cum Scripturæ traditiones, & omnia planè dogmata ex testimonio Ecclesiæ pendeant, nisi certissimi sumus, quæ sit vera Ecclesia, incerta erunt prorsus omnia. At non potest certitudine infallibili nobis constare, quæ sit vera Ecclesia, si fides interna requiritur in quolibet membro, seu parte Ecclesiæ. Quis enim certò novit, in quibus sit ista fides? Non igitur fides, aut aliquid aliud invisibile, & occultum requiritur, ut quis aliquo modo pertineat ad Ecclesiam.

E 2 Re-

Respondent quidam ad hoc argumentum dupliciter. Primò, satis certò posse cognosci cœtum hominum fidelium, ita ut etiam videri dicatur, si effectus fidei conspiciatur, qualis est protestatio & confessio fidei; nam etiam hominem verè & propriè videre dicimus, cum tamen animum non videamus nisi in suis effectibus. Secundò addunt, non esse necessarium, ut constet nobis distinctè qui sint illi homines, qui Ecclesiam faciunt, sed satis esse si assignemus quemdam cœtum hominum, intra quem certò sciamus, vel credamus esse omnes illos, qui ad Ecclesiam pertinent. Siquidem si cui ostenderetur populus Romanus universus in foro, aut in theatro, ubi tamen essent etiam aliqui externi admixti, verè diceretur illum vidisse populum Romanum, tametsi discernere non potuisset Romanos ab externis.

Sed neutra solutio videtur satisfacere. Ac prior quidem facilè refellitur: nam cognitio illa ex effectibus non est certa, sed conjecturalis. Neque exemplum hominis convincit, nam in primis effectus vitæ in homine naturales sunt, & necessarii; effectus autem fidei liberi sunt, ac voluntarii, proinde multò minus certi. Deinde nec ipsum hominem ita videmus, ut certitudine infallibili nobis constet, eum quem videmus esse hominem; siquidem fieri potest, ut cum nos hominem videre credimus, Angelum, aut dæmonem videamus in forma humana. Certè Abraham, Loth, Tobias, & alii in testamento veteri non rarò homines esse crediderunt, qui Angeli erant? Nos autem infallibilem certitudinem de Ecclesia habere volumus qualem habemus, non de ipso homine, sed de figura, & externis coloribus ac lineamentis corporis humanis, in quorum visione decipi non possumus.

Posterior verò solutio multis de causis non satisfacit. Primò, quia potest fieri, ut adeo crescat aliquando numerus hypocritarum, ut plures sint hæretici occulti, quàm veri ac perfecti Catholici; tum autem non posset quisquam verè dicere, hic cœtus est Ecclesia Christi; quandoquidem in eo cœtu, quem ostendit, major pars ad Ecclesiam non pertinet, nec ipse scit, qui sint illi pauci qui Ecclesiam faciunt. Et quamvis sperandum sit, maiorem partem eorum, qui profitentur fidem, esse sinceros, id tamen non est certum.

Secundò, quia cum nunquam tota Ecclesia in unum locum conveniat, ita ut possimus certò dicere, in hoc cœtu est Ecclesia, sed sparsa sit per varia loca, & de nulla parte certi sumus, an non sit tota illa pars sine vera fide, quocumque ierimus, semper erimus dubii, an communicemus cum vera Christi Ecclesia. Neque his repugnat, quod alibi scripsimus, Romanam Ecclesiam particularem non posse destitui vera fide; nam nec ipsa Romana Ecclesia particularis tota simul alicubi convenit, sed sparsim congregatur in variis basilicis, quæ sunt in Romana civitate, nec certò scimus certitudine infallibili in eo cœtu, ad quem nos fortè accedimus, non esse omnes sine vera fide in corde.

Tertiò, quia posset etiam fieri, ut totum generale Concilium esset extra Ecclesiam; quid enim magnum esset, si inter tot millia profitentium Christi fidem, trecenti, vel quadringenti homines, qui ad Concilium conveniunt, fide vera carerent? Ita nimirum res aliqui notissimæ, & quas certissimas esse oportet, in dubium revocabuntur. Certè Brentius, ut in disputatione de Conciliis annotavimus, ea ratione Conciliorum auctoritatem elevat, quia non sumus certi, an ullus eorum Patrum fidem veram in corde habuerit, & proinde in Ecclesia Dei fuerit, non enim est columna & firmamentum veritatis falsa Ecclesia, sed vera.

A Quartò, quia si non scimus distinctè, qui sint, qui Ecclesiam constituunt, non tam sciemus, quæ sit Ecclesia, quàm ubi sit, seu potius ubi lateat Ecclesia, quod quidem non satis est ad Ecclesiae visibilitatem salvandam, de qua in sequenti capite disputandum erit. Sed jam quid aliqui objiciant, videamus.

Objiciunt primò, fundamentum & quasi formam Ecclesiae esse fidem, cum legamus 1. Cor. 3. *Quasi bonus architectus fundamentum posui. Et: Fundamentum aliud nemo potest ponere, præter id, quod positum est, quod est Christus Jesus.* Ad Ephes. 2. *Superadificati supra fundamentum Apostolorum & Prophetarum, ipso summo angulari lapide Christo Jesu.* Ephes. 4. *Unus Deus, una Fides, unum Baptisma.*

B Respondeo: formam Ecclesiae non esse fidem internam (nisi Ecclesiam invisibilem habere velimus) sed externam, idest, fidei confessionem. Id quod aperitissime docet S. Augustinus lib. 19. contra Faustum, cap. 11. & experientia idem testatur; illi enim admittuntur ad Ecclesiam, qui profitentur fidem. In locis autem allegatis fides non dicitur forma, vel fundamentum Ecclesiae, sed fundamentum iustitiæ, vel doctrinæ, quæ est in Ecclesia. Adde, quòd Scripturæ, sicut in Ecclesia ponunt fidem, ita etiam ponunt charitatem, & omnia dona Spiritus sancti, & tamen nemo Catholicorum docet, non esse de Ecclesia eos qui charitate & donis Spiritus sancti carent.

C Objiciunt secundò, definitionem Concilii Lateranensis, quæ habetur cap. Firmiter, de summa Trinit. & fide Catholica: una est fidelium universalis Ecclesia, extra quam nemo salvatur: cui similis est definitio Nicolai Papæ, quæ habetur de consecrat. d. 1. can. Ecclesia, Ecclesia est Catholicorum collectio, non sunt autem fideles & Catholici, qui fidem in corde non habent, etsi eam ore profiteantur.

D Respondeo, non esse has Ecclesiae definitiones. Nam Concilium Lateranense solum asserere voluit, Ecclesiam esse unam, non autem quid sit Ecclesia, accuratè describere. Appellavit autem Ecclesiam fidelium, quia hoc nomine distinguuntur Christiani baptizati, tum ab iis, qui manifestè infideles sunt, tum etiam à catechumenis. Propriè enim apud veteres catechumeni non dicebantur fideles, ut suprà ostendimus. Itaque idem est, ac si Concilium dixisset, Christianorum Ecclesia una est, non multæ. Adde secundò, posse etiam nomen fidelis accipi pro eo, qui fidem publicè profitemur, quemadmodum mox dicemus de nomine, Catholicus. Adde tertiò, verissimè etiam dici potuisse, Ecclesiam fidelium, idest eorum, qui veram fidem habent in corde, unam esse; Ecclesia enim præcipuè, & ex intentione fideles tantum colligit; cum autem admiscerentur aliqui ficti, & qui verè non credunt, id accidit præter intentionem Ecclesiae. Si enim eos nosse posset, numquam admitteret, aut casu admissos continuo excluderet.

E Porro in verbis illis Nicolai Papæ: *Ecclesia est Catholicorum collectio*, necessariò cogimur dicere, vocari Catholicos eos, qui fidem Catholicam profitentur, quidquid sit de fide interna. Jubet enim Nicolaus, ut non fiant Ecclesiae, idest, ut ipse exponit, Catholicorum collectiones, sine nutu sedis Apostolicæ. Planum autem est, non aliter fieri posse Catholicorum collectiones, quàm convocando in unum locum eos, qui habentur, & dicuntur Catholici, idest eos, qui publicè Catholicos se esse profitentur.

Objiciunt tertiò, testimonia Patrum, qui dicunt hæreticos non esse verè Christianos, quales sunt Tertullianus lib. de pudicitia. Cyprian. lib. 4. epist. 2. Athanasius serm. 2. contra Arianos, & Augustinus lib. de gratia Christi c. 11. at Ecclesia Christi nonnisi Christianorum esse potest, non igitur ad Ecclesiam perti-

pertinent, qui veram fidem non habent. Respon-
deo: eos Patres loqui de manifestis hæreticis, qui
nec in corde, nec in ore Christi fidem habent.
Christianus enim nomen est professionis, & illi di-
cuntur Christiani, qui Christi legem ac fidem publi-
cè colunt ac sequuntur.

Obijciunt quartò, ante Christi adventum non so-
lùm Synagogam Judæorum ad Ecclesiam Dei perti-
nuisse, sed omnes præterea Gentiles, qui per orbem
terræ dispersi, unum Deum sincerè colebant. Ex
quo videtur sequi, ut fides sit Ecclesiæ vinculum, &
proinde qui fidem non habet, ad Ecclesiam non per-
tineat. Respondeo: omnibus sæculis eos omnes &
solos Ecclesiam Dei constituisse, qui simul colligati
erant confessione & protestatione, sive ea per sacri-
ficia, sive alio modo fierent, unius fidei in unum
Deum creatorem cœli & terræ.

Obijciunt ultimò. Potissima causa, cur in Eccle-
siæ membris includuntur hæretici occulti, illa esse
videtur, ut constet nobis infallibili certitudine, qui-
nam cœtus hominum sit Ecclesia: at hæc certitudo
haberi nequit, etiamsi hæretici occulti ad Ecclesiam
pertinere dicantur: quod his argumentis confirma-
tur.

Primò, non sunt Ecclesiæ membra qui non sunt
baptizati; at nemo scit certò, qui sint verè baptiza-
ti, tum quia character Baptismi est invisibilis, tum
etiam quia cùm exterior Baptismus exhibetur, pau-
ci adsunt, qui videant, ac proinde cæteri fide huma-
na contenti esse debent.

Secundò, Ecclesia non potest esse sine Episcopis
& Presbyteris, ut Hieronymus docet contra Lucife-
rianos. At quis novit certò, qui sint veri Episcopi &
Presbyteri, cùm id pendeat ab intentione ordinan-
tis, & à characterè invisibili.

Tertiò, excommunicati non sunt de Ecclesia, ut
nos supra docuimus: at multi sunt excommunicati
occulti, nimirum excommunicati à jure ipso facto,
& non promulgati coram populo, ex quo cogimur
dubitare, cùm aliquem videmus, sitne ille de Eccle-
sia, an non?

Quartò, sæpe accidit, aut certè accidere potest,
ut hæretici manifesti alicubi simulent se Catholicos,
item Judæi, Turcæ, Pagani miscent se fidelibus, &
tamen aut ipsi de Ecclesia non erunt, aut Ecclesiam
esse dicimus cœtum hæreticorum & Paganorum hy-
pocritarum.

Respondeo ad primum, ad hoc, ut aliquis sit de
corpore Ecclesiæ, non requiri characterem, sed ex-
ternum Baptismum; nec externum Baptismum re-
quiri, ut quis censeatur & sit de Ecclesia, sed tan-
tùm ut admittatur. Si quis enim petit admitti ad
Ecclesiam, id non fiet sine Baptismo. Tamen si quis
dicat se baptizatum, & non constet contrarium,
admittetur ad Sacramenta cætera, & per hoc erit
de corpore Ecclesiæ. Et signum huius est, quia si
postea innotescat, illum non fuisse baptizatum, si-
quidem culpa ipsius id sit factum, expelletur de con-
gregatione, nec recipietur, nisi post pœnitentiam
baptizetur. At si non culpa ejus, non repellatur, sed
perficietur in eo, quod deerat, nec judicabitur non
fuisse in Ecclesia, sed judicabitur intrasse aliunde,
quàm per ordinariam portam. Unde Innocentius III.
cap. Apostolicam, de Presbytero non baptizato, ju-
dicavit, Presbyterum non baptizatum verè fuisse in
Ecclesia, & iussit pro ejus anima offerri sacrificium,
ut pro aliis fidelibus. Et Dionysius Alexandrinus, ut
habemus lib. 7. cap. 8. hist. Eccles. judicavit quem-
dam fuisse verè in Ecclesia, quem constabat non ve-
rè baptizatum, sed tantùm percepisse alia Sacramen-
ta, ut baptizatum.

Hæc videtur fuisse sententia Joan. Driedonis lib. 4.
Controv. Card. Bellarm. Tom. II.

A de script. & dogm. Ecclesiast. cap. 2. part. 2. ubi sic
loquitur. *Omnes qui habentur, tamquam Sacramenta
fidei visibiliter adscripti Ecclesiæ, secundum pacem quam-
dam corporaliter cum Christiano populo conversantes, dis-
cuntur esse in Ecclesia, donec vel iudicio Ecclesiæ sepa-
rentur, vel sua sponte exeant, ipsam Ecclesiam conte-
nentes, & persequentes.* Hæc ille. Qui satis apertè
scribit, in Ecclesia esse non solum omnes baptiza-
tos, sed omnes etiam illos, qui habentur pro bapti-
zatis. Posset tamen etiam responderi, & melius, eos
qui non sunt baptizati, & tamen habentur pro ba-
ptizatis, esse de Ecclesia secundum apparentiam ex-
teriorè tantùm, idest, putativè, non verè. Nec
tamen inde sequitur, ut Ecclesia fiat invisibilis: nam
tametsi non possint aliqui probare se esse baptizatos,
tamen plurimi probare possunt: & Baptismus natura
sua visibilis est.

Ad secundum dico, posse in Episcopis duo confi-
derari. Primò, quòd locum Christi teneant, & quòd
propterea debeamus illis obedientiam, & quòd ipsi
non possint nos decipere in iis, quæ necessaria sunt
ad salutem. Secundò, quòd habeant potestatem
Ordinis, & Jurisdictionis. Si primo modo confide-
rentur, certi sumus certitudine infallibili, quòd isti,
quos videmus, sint veri Episcopi & Pastores nostri.
Nam ad hoc non requiritur, nec fides, nec chara-
cter ordinis, nec legitima electio, sed solum, ut
habeantur pro talibus ab Ecclesia. Cùm enim sint
Episcopi propter Ecclesiam, non contrà: Deus assi-
sit eis, qui pro talibus habentur, ne errent in Ec-
clesia docenda. Itaque sunt illi veri Episcopi, &
Pastores, non absolute: sed quo ad illa tria quæ di-
ximus. Quod est idem, ac si diceremus, eos non
esse quidem in se veros Episcopos: tamen donec
pro talibus habentur ab Ecclesia, deberi illis obe-
dientiam, cùm conscientia etiam erronea obliget:
item tenere eos locum Christi, de facto non de jure,
cùm re ipsa populum Christi nomine regant. Deni-
que non posse ab illis Ecclesiam decipi, cùm Eccle-
sia non possit errare, & tamen eos teneatur sequi,
quos pro veris Pastoribus habet. Quod postremum
sano modo accipiendum est; si videlicet huiusmodi
Episcopi in doctrina omnes conveniant, aut summi
Pontifices sint. Neque enim dubium est, quin Epi-
scopi particulares, si ab aliis dissideant, errare pos-
sint. Si secundo modo considerentur, non habemus
certitudinem, nisi moralem, quòd isti sint veri Epi-
scopi, quamquam certum est certitudine infallibili,
quòd aliqui saltem sint veri, alioqui Deus Ecclesiam
deservisset. Sed ad hoc, ut teneamus Ecclesiam cer-
tam & conspicuam, quantum ad capita & membra,
sufficit prima consideratio.

Ad tertium dico, excommunicatos occultos esse
de Ecclesia, numero, non merito; de facto, non de
jure.

Ad quartum dico, in primis difficile esse, ut ejus-
modi homines non continuo detegantur, sed tamen
etiamsi longo tempore deludant Ecclesiam, nihil inde
incommodi accidere posse: nam Ecclesia non eos
numerat inter suos, nisi ratione professionis exter-
næ (nec enim de internis homines judicant) pro-
fessio autem illa externa sanctissima est, licet ab il-
lis malè usurpetur. Itaque sunt illi de Ecclesiæ cor-
pore, dum fidelibus junguntur eo vinculo professio-
nis & obedientiæ, quod Ecclesiam universam ligat,
& in unum corpus redigit. Nec tamen sequitur, Ec-
clesiam propterea esse cœtum hæreticorum, & Paga-
norum hypocritarum; nam etsi pauci quidam tales
in Ecclesia sunt, tamen certi sumus certitudine Fi-
dei divinæ, in eadem Ecclesia multos esse verè fide-
les, pios, & electos, quemadmodum etiam in cor-
pore humano inveniuntur & ungues & capilli, qui
non

non vivunt, & nemo tamen inde colligit, corpus humanum nihil esse, nisi ungues & capillos. Atque hæc dicta sunt juxta sententiam Driedonis. Nam secundum alteram sententiam, quam nos paulò ante veriore esse diximus, respondendum erit, Judæos, Turcas, Paganos, nec non manifestos Hæreticos, qui simulent se esse Christianos & Catholicos non esse de Ecclesia, nisi secundum apparentiam exteriori & putativè, non verè, Neque inde sequetur ut Ecclesia fiat invisibilis: nam si fortè necesse sit, cognoscere, an ejusmodi homines sint Ecclesie Catholice membra, nec ne: cogi poterunt, ut ostendant admissionem suam ad Ecclesiam, idest, ut probent se baptizatos, vel reconciliatos, quæ visibilia, & sensibus externis exposita sunt. Alia verò ratio est de fide, aliisque internis virtutibus, quas qui in omnibus Ecclesie membris requirunt, si faciunt Ecclesiam planè invisibilem, & soli Deo notam, ut rectè Petrus à Soto Brentianis objecit.

C A P U T XI.

Proponitur altera controversia: An Ecclesia sit semper visibilis, sive, an errare & deficere possit.

Explicuimus, quid sit Ecclesia, nunc dicendum est, qualis sit. Dissensio inter nos & hæreticos in tribus consistit. Primum enim illi dicunt, veram Ecclesiam esse invisibilem, solique Deo cognitam. Quo loco nota ex Friderico Staphilo in prima Apolog. par. 3. Lutheranos initio Ecclesiam invisibilem fecisse; deinde tamen, cum viderent absurda, quæ inde sequebantur, secreto consilio statuisse, ut Ecclesia visibilis diceretur: Itaque coeperunt omnes docere, Ecclesiam esse visibilem; sed sic tamen, ut nomine visibilis, re invisibilis esset.

Ac primum, Lutherus in lib. de servo arbitrio, cum ei Erasmus objecisset, non esse credibile, Deum tam longo tempore deseruisse Ecclesiam, respondit: Deum numquam deseruisse Ecclesiam, sed non esse Ecclesiam Christi illam, quæ vulgò dicitur Ecclesia, idest, Papam, Episcopos, Clericos, Monachos, & ceteram Catholicorum multitudinem, sed Ecclesiam esse quosdam paucos pios, quos, quasi reliquias, Deus conservat: Et semper hoc fuisse in mundo, ut vera Ecclesia non esset illa, quæ dicebatur Ecclesia, sed pii quidam pauci. Et in lib. cont. Catharinum dicit, Ecclesiam esse spiritualem, & sola fide perceptibilem. In lib. de abroganda Missa privata, par. 1. sic loquitur idem Lutherus: *Quis, inquit, Ecclesiam nobis monstrabit, cum sit occulta in Spiritu, & solam credatur sicut dicitur: Credo Ecclesiam sanctam?*

Jam Magdeburgenses Cent. 1. lib. 1. cap. 4. col. 170. definiunt, Ecclesiam cœtum visibilem; tamen col. 171. distinguunt duas Ecclesias, & col. 178. dicunt, veram Ecclesiam esse cœtum exiguum plerumque; falsam verò, numerosissimum, quia ad veram soli illi pertinent, qui intrant per portam angustam, idest, verè pii, quæ Ecclesia promde sit invisibilis; & col. 181. dicunt, tempore Christi fuisse de Ecclesia vera Pastores, Magos, Zachariam, Simeonem, Mariam, Annam; non autem Pontifices & Sacerdotes, quia nimirum illi pii, isti impii erant.

Philippus Melancthon in locis, loco 12. qui est de Ecclesia, repetit aliquoties Ecclesiam esse visibilem; tamen ibidem dicit, in controversiis sequendum esse verbum Dei juxta confessionem veræ Ecclesie; hanc autem veram Ecclesiam dicit non esse Pontifices & Sacerdotes, nec majorem partem Con-

A cili, sed quosdam pios & electos à Deo illuminatos: & ibidem dicit, tempore Eliæ Ecclesiam veram fuisse Eliam, Helisæum, & paucos alios illis adherentes: non autem ceteram Judæorum multitudinem: Et tempore Christi Ecclesiam fuisse Zachariam, Simeonem, Mariam, Pastores, quia nimirum pii erant.

Brentius in Confessione Wirtemberg. cap. de Conciliis, dicit, habere Ecclesiam Dei promissionem: tamen non esse standum judicio Conciliorum, quia pauci sunt ibi electi, & quia sæpe major pars vincit meliorem. Et in Prolegomenis: *Vide, inquit, quod faciat (Petrus à Soto) Ecclesiam visibilem, & sensibus corporeis perspectam. Delendus igitur erit ille articulus Symboli Apostolici: Credo Ecclesiam sanctam Catholicam, & erit sic reponendus, Video & sentio Ecclesiam sanctam Catholicam.* Item Calvinus lib. 4. Institut. cap. 1. §. 7. *Bisariam, inquit, de Ecclesia sacra litera loquuntur: interdum enim cum Ecclesiam nominant, eam intelligunt, qua est revera coram Deo &c.* Et infra de hac loquens: *Nobis, inquit, invisibilem, solius Dei oculis conspicuam, credere Ecclesiam necesse est.* Et §. 3. *Ceterum, inquit, ad amplectendam eo modo Ecclesia unitatem, nihil opus est Ecclesiam ipsam oculis cernere, aut manibus palpare.*

C Secundo docent, visibilem Ecclesiam interdum ita errare in fide, & moribus, ut penitus deficiat: ita Calvinus in præfatione Institut. *Sed non parum, inquit, à vero aberrant, dum Ecclesiam non agnoscunt, nisi quam præsentis oculis cernant.* Et infra: *Fremunt, inquit, nisi Ecclesia digito semper ostendatur.* Et infra: *Quin potius, inquit, permittamus Deo, ut quando ipse solus novit qui sui sunt, interdum etiam Ecclesia sua exteriorem notitiam ab hominum aspectu auferat.*

Tertio docent, Ecclesiam veram, idest invisibilem, non posse quidem deficere, nec errare in iis, quæ necessariò ad salutem pertinent, tamen in aliis errare posse: Ita Calvinus lib. 4. cap. 8. Institut. §. 13. & alibi. Nos contrarium asserimus, ac singula suis argumentis confirmabimus.

C A P U T XII.

Ecclesiam esse visibilem.

D **P**rimùm igitur, quòd vera Ecclesia sit visibilis, probatur primò ex Scripturis omnibus, ubicumque invenitur nomen Ecclesie: nam semper nomine Ecclesie visibilis congregatio significatur; nec unum saltem locum Calvinus proferre potuit, nec protulit, ubi hoc nomen tribueretur congregationi invisibili. Certè cum dicitur Num. 10. *Cur eduxistis Ecclesiam Domini in solitudinem?* Ecclesia vocatur populus ille notissimus Israel, qui exierat de Ægypto. Sic 3. Reg. 8. de visibili Ecclesia manifestè loquitur Scriptura, cum dicit: *Convertitque Rex faciem suam, & benedixit omni Ecclesie Israel.* Omnis enim Ecclesia Israel stabat. Matth. 16. *Super hanc petram edificabo Ecclesiam meam.* Nomine petreæ sive intelligas Christum aut fidei confessionem, ut hæretici volunt, sive Petrum, ut nos credimus, semper fundamentum Ecclesie est aliquid sensibile ut patet, ac proinde Ecclesia ipsa est sensibilis, sive visibilis: nam cessi nunc neque Christum, neque Petrum videamus, tamen tunc uterque sensibus corporeis expositus erat ad videndum: & nunc uterque videtur, non in se, sed in vicario, aut successore suo: Sicut Regnum Neapolitanum non ideo est invisibile, quia Rex abest, nam Rex videtur in suo Prorege, Matth. 18. *Dic Ecclesia, si Ecclesiam non audieris &c.*

E Certè neutrum servari posset, si esset Ecclesia invisibilis.

visibilis, Actor. 18. *Attendite vobis & universo gregi, in quo vos Spiritus sanctus posuit Episcopos regere Ecclesiam Dei.* Quomodo poterant regere Ecclesiam, quam non noverant? Actor. 15. *Illi quidem deducti ab Ecclesia pertransibant Phœnicem.* Et ibidem: *Cum venissent Hierosolimam, suscepti sunt ab Ecclesia.* Et c. 18. *Ascendit Paulus, & salutavit Ecclesiam.* Quomodo ista conveniunt Ecclesie invisibili? 1. Corinth. 15. Galat. 1. & Philipp. 3. Paulus dicit, se persequutum Ecclesiam Dei: at notum est, quos persequabatur, ex Actis Apostolor. cap. 9. Denique 1. Timoth. 3. *Hæc tibi scribo, fili Timothee, ut scias, quomodo te oporteat conversari in domo Dei, quæ est Ecclesia Dei vivi &c.* At sanè non poterat in ea conversari, nisi sciret, quam esset.

Secundò, probatur ex aliis Scripturis, ubi non nominatur, sed tamen apertè describitur Ecclesia, Psalm. 18. *In Sole posuit tabernaculum suum;* exponit Augustinus tract. 2. in epist. Joannis; In manifesto posuit Ecclesiam suam, ut, sicut Sol non potest omnino latere, ita nec Ecclesia possit abscondi. Item Isaïæ 2. Daniel. 2. & Michææ 4. comparatur Ecclesia monti magno & conspicuo, qui nullo modo potest latere, secundum communem expositionem Hieronymi in ea loca, & Augustini tract. 1. in epist. Joannis. Item illud Matth. 5. *Non potest civitas abscondi supra montem posita.* Augustinus lib. de univ. Ecclesie, cap. 14. & alibi passim exponit de Ecclesia. Denique parabola Evangelicæ de area, de reti, de ovili, de convivio &c. omnes ostendunt Ecclesiam veram, quæ est regnum cœlorum, esse visibilem.

Probatur tertio, ex ipso ortu, & progressu Ecclesie; nam, ut omittamus statum Testamenti veteris, in quo adedò visibilis erat Ecclesia, ut in ipsa carne portarent visibile signum circumcisionis, in Testamento novo sine dubio Ecclesia Christiana tota erat in principio in Apostolis & discipulis Christi, qui adeo visibiles erant, ut super illos visibiliter Spiritus sanctus descenderit in die Pentecostes. Deinde istis additi sunt visibiliter una die homines ad tria millia, & rursus ad quinque millia, per fidei Confessionem & Baptismum, ut patet actor. 1. 2. 3. & 4. ac deinceps semper illi omnes, & soli habiti sunt de Ecclesia Christi, qui ad illos primos se adjunxerunt per Baptismum, & Confessionem fidei, & inde non recesserunt per hæreses, aut schismata, vel expulsi non sunt per excommunicationem.

Quartò, probatur ex ipsa ratione Ecclesie; Ecclesia enim est societas quædam, non Angelorum, neque animarum, sed hominum. Non autem dici potest societas hominum, nisi in externis, & visibilibus signis consistat; nam non est societas, nisi se agnoscant ii, qui dicuntur socii, non autem se possunt homines agnoscere, nisi societatis vincula sint externa & visibilia. Et confirmatur ex more omnium humanarum societatum; nam in militiam, in civitatem, in regnum, & alia similia non aliter homines adscribuntur, quam signis visibilibus. Unde Augustinus lib. 19. cont. Faustum, cap. 11. *In nullum, inquit, nomen religionis, seu verum, seu falsum, congregari homines possunt, nisi aliquo signaculo, vel Sacramentorum visibilium consortio colligentur.*

Quintò, tempore Christi, ut volunt Philippus & Illyricus, Ecclesia solum erat in Zacharia, Simeone, Anna, Maria, & paucis aliis piis, non autem in Pontificibus, & cætera multitudine Judæorum. At constat, quod Zacharias, Simeon, & cæteri communicabant cum Pontificibus in templo, sacrificiis &c. Nam Zacharias in eodem templo sacrificabat. Anna ab eo templo non recedebat. Maria ibat singulis annis ad templum illud. Christus ipse nuttebat lepro-

Controv. Card. Bellarm. Tom. II.

A los ad Sacerdotes, & dicebat: *Quæ dicunt, facite.* Ergo, vel malè faciebant isti communicando falsæ Ecclesie; vel malè faciunt Lutherani non communicando nobiscum, & non obediendo Pontifici.

Sextò, probatur ex necessitate; nam tenemur omnes sub periculo æternæ mortis veræ Ecclesie nos adjungere, & in illa perseverare, idest, capiti ejus obedire, & cæteris membris communicare, ut patet ex Cypriano de simplicitate Prælator. Hieronymo in epist. 1. ad Damasum de nomine hypostasis, & Augustino lib. 4. de Baptismo, cap. 1. At hoc fieri non potest, si est Ecclesia invisibilis.

B Septimò, ex dictis questione superiore; si enim Ecclesia est congregatio hominum utentium Sacramentis iisdem, & fidem Christi profitentium, sub regimine legitimorum pastorum, ut ibi probatum est, sequitur necessariò eam esse visibilem.

C Ultimò, testimoniis veterum, Origenes homil. 30. in Matthæum, Ecclesia, inquit, *plena est fulgore ab Oriente usque ad Occidentem &c.* Cyprianus lib. de unit. Ecclesie: Ecclesia, inquit, *Domini luce perfusa, radios suos per orbem terrarum spargit &c.* Chrysostom. homil. 4. in cap. 6. Isaïæ: *Facilius est, inquit, Solem extinguere, quam Ecclesiam obscurari.* Augustinus lib. 3. cont. epist. Parmeniani, cap. 5. *Nulla, inquit, est securitas unitatis, nisi ex promissis Dei, Ecclesia declarata, quæ supra montem, ut dictum est, constituta, abscondi non potest.* Tract. 1. in epist. Joan. *Nunquid digito ostendimus Ecclesiam, fratres mei? Nonne aperta est? Et Tract. 2. Quid amplius dicturus sum, quam cæcos, qui tam magnum montem non vident? Qui contra lucernam, in candelabro positam, oculos claudunt?*

C A P U T XIII.

Ecclesiam visibilem non posse deficere.

D Jam, quod Ecclesia ista vera & visibilis non possit deficere, facile probari potest. Notandum autem est, multos ex nostris tempus terere, dum probant absolute Ecclesiam non posse deficere; nam Calvinus, & cæteri hæretici id concedunt; sed dicunt, intelligi debere de Ecclesia invisibili. Probare igitur volumus, Ecclesiam visibilem non posse deficere; & nomine Ecclesie non intelligimus unum, aut alterum hominem Christianum, sed multitudinem congregatam, in qua sint Prælati, & subditi.

E Primum, id ostenditur ex Scripturis, ubi apertè nominatur Ecclesia, Matth. 16. *Super hæc petram ædificabo Ecclesiam meam, & porta inferi non prævalent adversus eam.* Cui similis est ille 1. Timoth. 3. *Ut scias, quomodo te oporteat conversari in domo Dei, quæ est Ecclesia Dei vivi, columna, & firmamentum veritatis.* In utroque loco agitur de Ecclesia visibili, ut ostendimus, & tamen audivimus ipsam veritatem asserentem, portas inferorum non prævalituras contra eam Ecclesiam.

Secundò, ex aliis locis, ubi aperta est promissio sine nomine Ecclesie, Matth. ult. *Eccce ego vobiscum sum usque ad consummationem sæculi.* Quæ verba ad Ecclesiam visibilem dicta sunt, nimirum ad Apostolos, & discipulos cæteros, quos in die ascensionis suæ Dominus alloquutus est; & cum illi homines non essent permansuri in corpore usque ad mundi consummationem, necesse est dicere hanc promissionem pertinere ad eorum successores. Itaque hunc locum de Ecclesie perpetua duratione intelligunt Leo I. in epist. 31. ad Pulcheriam Augustam, & Leo II. in epist. ad Constantinum Augustum.

Præterea Ephes. 4. *Et ipse dedit quosdam quidem Apostolos, alios Prophetas, alios Evangelistas, alios Pasto-*

res, & Doctores ad consummationem Sanctorum in opus ministerii, in adificationem corporis Christi, donec occurrant omnes in unitatem Fidei, & agnitionis Filii Dei, in virum perfectum, & mensuram atatis plenitudinis Christi, ubi Apostolus docet, mansura in Ecclesia ista ministeria pastorum & doctorum, & continuam adificationem corporis Christi, & proinde visibilem Ecclesiam, usque ad diem iudicii. Nam quando sola esset in mundo Ecclesia invisibilis, non invenirentur ista ministeria, quæ non possunt exerceri, nisi se pastores & oves agnoscant. Et notandum, quod licet veteres intelligant hunc locum de spiritali mensura corporis mystici, recentiores autem de corporali mensura corporum beatorum, quæ dicunt futura tantæ magnitudinis, quantæ fuerunt vel fuissent in perfecta sua ætate, tamen omnes intelligunt hunc locum de novissimis diebus, quando complebitur numerus electorum. Vide Augustin. lib. 22. de civit. Dei cap. 15. 17. & 18. ubi utramque explicationem tangit.

Præterea Psal. 47. *Deus fundavit eam in æternum*, id est, Ecclesiam suam, quæ est civitas ejus, & Augustinus exponit, & res ipsa clamat: nam totus Psalmus est de fundatione Ecclesiæ Christianæ, tamquam novæ & visibilis civitatis. Incipit enim *Magnus Dominus & laudabilis nimis, in civitate Dei nostri, in monte sancto ejus: Fundatur exultatione universa terra &c.* Item Is. 61. (quod caput intelligi de Ecclesia novi testamenti, docuit Christus Lucæ 4. cum in Synagoga citavit, & exposuit de adventu suo initium hujus capitis: *Spiritus Domini super me &c.*) sic habetur: *Et factus sum perpe- tuum feriam eis: & scietur in Gentibus semen eorum, & germen eorum in medio populorum. Omnes qui viderint eos, cognoscent illos, quia isti sunt semen, cui benedixit Dominus.* Profecto tam est perspicuus hic locus, ut expositione non egeat. Quomodo enim invisibilis erit ille cœtus, de quo dicitur: *Omnes qui viderint eos, cognoscent illos, quia isti sunt semen, cui benedixit Dominus.*

Accedant tertio testimonia ex parabolis, quibus omnium consensu significatur Ecclesia: Area enim in qua sunt grana & paleæ; & rete, in quo sunt boni & mali pisces; & ager, in quo sunt frumenta & zizania; & convivium, in quo sunt boni & mali discumbentes; & ovile, in quo sunt oves & hœdi, significant Ecclesiam visibilem, ut etiam hæretici fatentur. Nam Ecclesia invisibilis non habet malos & bonos, sed tantum bonos, secundum eorum sententiam. At eadem parabola docent, istam Ecclesiam visibilem numquam interituram usque ad diem iudicii; nam Matth. 3. dicitur: *Ipse percu-ssabit aream suam, & triticum congregabit in horreum suum, paleas autem comburet igni inextinguibili*, quod sine dubio non fiet ante diem iudicii. Et Matth. 13. dicitur: *Sinite utraque crescere usque ad messem.* Et infra: *Messis autem consummatio sæculi est.* Et infra: *Sic erit in consummatione sæculi, exibunt Angeli, & separabunt malos de medio iustorum &c.*

Quarto, probatur ex Scripturis, quæ loquuntur de regno Christi Psal. 88. *Thronus ejus sicut Sol in conspectu meo, & sicut Luna perfecta in æternum, & testis in celo fidelis.* Ibidem: *Et ponam in sacrum sæculi semen ejus, & thronum ejus sicut dies cæli.* Daniel. 2. *In diebus autem regnorum illorum suscitabit Deus cæli Regnum, quod in æternum non dissipabitur: & Regnum ejus alteri populo non tradetur &c.* Et Lucæ 1. *Et Regni ejus non erit finis.* Ista loca non possunt intelligi, nisi de vera & visibili Christi Ecclesia numquam interitura. Nam Regnum Christi sine dubio est vera ejus Ecclesia. Neque regnum dici possunt aliquot homines occulti, & dispersi, & separati ab invicem, qui se non noverunt, qualis est Ecclesia invisibilis Lutheranorum. Regnum enim est multi-

A rudo hominum congregatorum, qui se invicem noverunt.

Præterea in Psal. 88. ubi dicitur Christi regnum æternum, dicitur etiam, quod in eo sint boni & mali, ac proinde, quod Ecclesia sit visibilis: *Si autem deliquerint filii ejus, inquit, legem meam, & iustitias meas non custodierint &c. Visitabo in virga iniquitatem eorum, & in verberibus peccata eorum, misericordiam autem meam non dispergam ab eo &c.* Quem locum pulchrè exponit de flagellis Ecclesiæ S. Cyprianus in serm. de lapsis. In illo etiam cap. 8. Dan. ubi dicitur, Regnum Christi perpetuum, legimus quoque illud, Regnum esse montem magnum impletem omnem terram, quem Isaias cap. 2. & Mich. c. 4. vocabant montem manifestum, secundum LXX.

B Quinto, probatur testimoniis veterum: Origenes & Chrysostomus locis citatis id affirmant, sed clarus Augustinus, & Bernardus. Augustinus in Ps. 101. concion. 2. disputans contra Donatistas, qui totam Ecclesiam visibilem perisse dicebant, & in solis quibusdam iustis in Africa remansisse: *Sed, inquit, illa Ecclesia, quæ fuit omnium Gentium, jam non est, perit, hoc dicunt, qui in illa non sunt. O impudentem vocem, illa non est, quia tu in illa non es. Vide, ne tu ideo non sis, nam illa erit, etsi tu non sis.* Et infra Ecclesiam ita loquentem introducit: *Quandem ero in isto sæculo? annuncia mihi, propter illos, qui dicunt, fuit, & jam non est, propter illos, qui dicunt: impleta sunt scriptura, crediderunt omnes gentes. Sed apostata vit, & perit Ecclesia de omnibus Gentibus; Et annunciat, nec vacua fuit vox ista. Quis annunciat mihi, nisi ipsa via? Quando annunciat? Ecce ego vobiscum sum usque ad consummationem sæculi.* Similia habet in Psal. 147. & libro de unitate Ecclesiæ cap. 13. & 20. & alibi.

C Neque responderi potest, loqui Augustinum de Ecclesia invisibili; nam illam non perisse, nec perituram, Donatistæ admitterant, & ad se trahebant illud: *Ego vobiscum sum usque ad consummationem sæculi*, ut Augustinus refert loco notato in Psal. 101. Bernardus serm. 79. in Cant. in illud, *Tenui eum, nec dimittam, donec introducam illum in domum matris meæ: Ita est, inquit, & tunc, & deinceps non deficit genus Christianum, nec fides de terra, nec charitas de Ecclesia. Venerunt flumina, flaverunt venti, & impigerunt in eam, & non cecidit, eo quod fundata esset super petram, petra autem erat Christus. Itaque nec verbositate Philosophorum, nec cavillationibus hæreticorum, nec gladiis persecutorum, potuit ista, aut poterit aliquando separari à charitate Dei &c.* Nec possunt hæc intelligi de Ecclesia invisibili, nam illam non persequuntur gladii tyrannorum, nec verbositas Philosophorum, nec cavillationes hæreticorum. Itaque visibilis Ecclesia non deficiet. Accedat Vincentius Lyrinensis, qui in suo commonitorio tanquam errorem gravissimum reprehendit Nestori sententiam, qui dicebat, totam Ecclesiam errasse in mysterio Incarnationis, eo quod cæcos Doctores secuta esset.

D Ultimo, probatur hoc idem naturali ratione. Primum enim si aliquando sola maneret in mundo Ecclesia invisibilis, aliquando etiam esset impossibilis salus iis, qui sunt extra Ecclesiam. Nam non possunt salvari, nisi in Ecclesiam ingrediantur, quemadmodum tempore Noe peribant necessario, qui non habebant aditum ad arcam: at non possunt ingredi in Ecclesiam, quam ignorant, igitur non habent remedium.

E Præterea, de ratione unius veræ Ecclesiæ est, ut sit visibilis, ergo si Ecclesia visibilis perit, nulla vera Ecclesia remanet.

Denique, vel homines illi occulti, qui Ecclesiam

invisibilem constituunt, profitentur palam fidem suam, & abstinere ab idolorum cultura, vel non; si profitentur, ergo non est Ecclesia invisibilis, sed maxime visibilis, sicut erat tempore Martyrum; si non profitentur, ergo nulla est Ecclesia; nam non est Ecclesia vera, in qua nulli sunt boni, & qui salvantur, non autem sunt boni, nec salvantur, qui non confitentur fidem, sed ea in corde retenta, exterius profitentur perfidiam & idololatriam, cum ad Roman. 10. dicat Apostolus: *Corde creditur ad iustitiam, ore autem confessio fit ad salutem*. Et Matth. 10. *Omnis, qui negaverit me coram hominibus, negabo eum coram Patre meo*. Ergo implicat contradictionem, Ecclesiam esse, & carere omnino forma visibili, nisi ponatur extra mundum, ubi numquam sit necessarium fidem confiteri.

CAPUT XIV.

Ecclesiam non posse errare.

Superest ut probemus, Ecclesiam non posse errare ullo modo, etiam non apostatando à Deo. Est tamen prius paulò diligentius explicanda sententia adversariorum, & nostra.

Calvinus igitur dicit, istam propositionem, *Ecclesia non potest errare*, esse veram, si intelligatur cum duplici restrictione. Prima est, si Ecclesia non proponat dogmata extra Scripturam, id est, si rejiciat traditiones non scriptas, & solum proponat fideliter quæ habentur in Scripturis. Si autem quæras, an certi simus, quòd Ecclesia proponet semper fideliter, quæ sunt in Scripturis: Respondet, Ecclesiam semper proponere fideliter, quæ habentur in Scripturis, in rebus necessariis ad salutem, non tamen in aliis, ac proinde semper remanere in Ecclesia naves aliquos errorum.

Secunda restrictio est, ut illud: *Ecclesia non potest errare*, intelligatur de sola Ecclesia universali, non autem extendatur ad Episcopos, qui sunt Ecclesia repræsentativè, ut nostri loquuntur; Quilibet enim Episcopus gerit personam suæ Ecclesiæ particularis, & proinde omnes Episcopi gerunt personam totius Ecclesiæ; ita habet Calvinus lib. 4. c. 8. §. 11. 12. 14. 15. majoris institutionis, & in minori institutione cap. 8. §. 146. 148. 149. & 150. ubi tamen mendaciter & fraudulentè explicans sententiam nostram, dicit, nos asserere, Ecclesiam non posse errare, sive utatur verbo Dei, sive non; cum tamen ipse non ignoret, nos non loqui de verbo Dei absolute, sed tantum de verbo scripto, ac dicere, Ecclesiam non posse errare; sive proponat, quæ habentur in scripturis, sive dogmata extra scripturam.

Nostri igitur sententia est, Ecclesiam absolute non posse errare, nec in rebus absolute necessariis, nec in aliis, quæ credenda, vel facienda nobis proponit, sive habeantur expresse in Scripturis, sive non. Et cum dicimus, Ecclesiam non posse errare, id intelligimus tam de universitate fidelium, quam de universitate Episcoporum, ita ut sensus sit ejus propositionis, Ecclesia non potest errare, id est, id quod tenent omnes fideles tanquam de fide, necessario est verum & de fide, & similiter id, quod docent omnes Episcopi, tanquam ad fidem pertinentens, necessario est verum & de fide.

His explicatis, probatur hæc veritas. Primum, de Ecclesia universa, ut continet omnes fideles, ac primum ex illo 1. Timoth. 3. *Ecclesia Dei est columna & firmamentum veritatis*. Respondet Calvinus, Ecclesiam dici columnam & firmamentum veritatis,

A quia conservat tanquam fidissima custos prædicationem verbi Dei scripti, non quod in nulla re errare possit.

At contra, nam in primis hoc modo officinæ librarium essent columnæ veritatis, quæ diligentissime custodiunt omnes Scripturas. Deinde Apostolus non meminit hic Scripturarum; sed simpliciter dicit, Ecclesiam esse columnam & firmamentum veritatis. Præterea, multò amplius est, esse columnam, quam simplicem custodem; nam columnæ innititur domus, & ea remota, cadit. Sic igitur Apostolus vocans Ecclesiam columnam veritatis, vult significare veritatem fidei, quoad nos nisi Ecclesiæ auctoritate, & verum esse quidquid Ecclesia probat, falsum quidquid illa improbat. Adde, quòd etiam Ecclesia fuit columna, quando non erant Scripturæ, ex quo sequitur, non dici columnam propter custodiam Scripturarum. Denique, si de custodia ageretur, melius arce, quam columnæ Paulus comparasset Ecclesiam; nec enim columnæ, sed arce libros custodiunt.

Præterea secundo, Ecclesia gubernatur à Christo, tanquam à capite sponso suo, & à Spiritu sancto, tanquam ab anima, ut patet Ephes. 1. *Ipsius dedit caput super omnem Ecclesiam, quæ est corpus ipsius*. Et Ephes. 4. *Unum corpus, & unus Spiritus*; Ephes. 5. *Vir caput est mulieris, sicut Christus caput Ecclesiæ*. Ergo si Ecclesia in dogmatibus fidei, vel morum erraret, Christo & Spiritui sancto error tribueretur. Quocirca Joan. 16. Dominus ait: *Spiritus veritatis docebit vos omnem veritatem*.

Respondit Calvinus, Christum & Spiritum sanctum docere Ecclesiam omnem veritatem simpliciter necessariam, semper tamen relinquere aliquem navum. Neque sequitur, tribui propterea Christo, aut Spiritui sancto errorem, sicut eis non tribuitur ignorantia, quæ sine dubio aliqua est in Ecclesia.

Respondeo, sicut vir, qui est caput mulieris, non tenetur remove ab uxore omnem ignorantiam, tenetur tamen remove omnem errorem, ex quo magnum aliquod malum oriatur, licet uxor excusetur per ignorantiam; ita etiam Christus tenetur remove omnem errorem ab Ecclesia, ex quo magnum oritur malum, talis autem est omnis error circa fidem. Nam magnum est malum, quod Ecclesia falsa fide Deum colat, cum præcipue cultus divinus in Fide, Spe, & Charitate consistat, ut Augustinus docet in Enchiridio, cap. 3.

Tertio, obligamur sub anathematis poena, credere Ecclesiæ in omnibus, ut patet Matth. 18. *Quod si Ecclesiam non audieris, sit tibi velut Ethnicus & Publicanus*; & Concilia omnia dicunt anathema non assentientibus Ecclesiæ decretis: At iniquum esset, sub tam gravi poena obligari ad assentiendum rebus incertis, & interdum falsis.

Respondet Calvinus, ideo Christum iussisse, ut Ecclesiam audiremus, quia sciebat, Ecclesiam nihil doctrinam extra verbum Dei scripturæ. At contra, nam, ut omittam plurima, quæ diximus in disputatione de traditionibus: vera Ecclesia docet, epistolam ad Romanos esse verbum Dei, epistolam ad Laodicenos non esse verbum Dei, & idem de Evangelio Marci & Nicodemi, & similibus dici potest, quæ nusquam scripta sunt, non igitur est verum, Ecclesiam nihil docere extra verbum Dei scripturæ.

Quarto, Ecclesiam esse sanctam, docet Symbolum Apostolorum, ista autem sanctitas proprie in professione dogmatum consistit, ergo Christiana professio nihil continet, nisi sanctum, id est, verum, quoad fidei doctrinam, & justum, quoad præcepta morum. Et in hoc revera excellit omnibus professionibus Philosophorum, Ethnæcorum, Ju-

dæorum, Hæreticorum: Omnes enim habent dogmata aliqua falsa admista veris.

Quintò, si esset vera Calvinii sententia, maxima pars dogmatum fidei in dubium revocari posset; nam multa sunt de fide, quæ non sunt absolute necessaria ad salutem. Sanè credere historias Testamenti veteris, vel Evangelia Marci & Lucæ esse canonica scripta, imò ullas esse divinas Scripturas, non est omnino necessarium ad salutem; nam sine hac fide multi salvati sunt, antequam Scripturæ scriberentur, & postea tempore novi Testamenti, multæ barbaræ nationes; de quibus scribit Irenæus lib. 3. cap. 4. At hoc est absurdissimum, nec ullo modo admitteret Calvinus posse dubitari de Scripturis; non igitur verum est, solum in rebus necessariis ad salutem, Ecclesiam non posse errare.

Probatum ultimò ex Patribus, qui, ut suprâ ostendimus, in quæstione de iudice controversiarum, omnes ad Ecclesiam provocant in quæstionibus fidei quibuscumque; quod cerè nullo modo facerent, si Ecclesiam falli posse existimarent, Tertullianus libro de præscript. Age, inquit, omnes Ecclesie erraverint, nullam respexerit Spiritus sanctus. Augustinus lib. 1. contra Cresconium, cap. 33. Scripturarum à nobis tenetur veritas, cum id facimus, quod universa iam placuit Ecclesie, quam ipsarum Scripturarum commendat auctoritas, ut quoniam sancta Scriptura fallere non potest, quisquis falli metuit hujus obscuritate quæstionis, Ecclesiam de illa consulat, quam sine ulla ambiguitate sancta Scriptura demonstrat. Et Epist. 118. Disputare contra id, quod universa Ecclesia sentit, insolentissimæ insania esse dicit.

Jam quòd etiam Ecclesia repræsentativè non possit errare, probatur primò, quia si omnes Episcopi errarent, tota etiam Ecclesia erraret, quia tenentur populi sequi suos Pastores, dicente Domino Lucæ 10. Qui vos audit, me audit, & Matth. 23. Quicumque dixerint, facite. Secundò, ex epistola Concilii Ephesini ad Nestorium, ubi cogitur Nestorius, si Ecclesie satisfacere velit, juramento confirmare, se ita sentire, ut sentiunt Orientis & Occidentis Episcopi. Item ex Augustino lib. 1. de Baptismo cap. 18. vocat decretum Concilii generalis, Ecclesie universæ consensum: & merito, nam Ecclesia non docet nec decernit quidquam, nisi per suos Pastores, sicut quodlibet corpus per suum caput. Unde etiam 3. Reg. 8. congregatio Sacerdotum & Seniorum vocatur omnis Ecclesia Israel. Et Chrysostomus exponit illud Matth. 18. Dic Ecclesia, idest, Prælati. Sed de his plura in materia de Conciliis.

C A P U T XV.

Solvuntur argumenta, quibus adstruitur Ecclesia invisibilis.

Superest, ut argumenta adversariorum diluamus. Ac primò, Ecclesiam esse invisibilem, his testimoniis probant. Hierem. 31. Dabo legem meam in cordibus eorum, & ero eis in Deum, & ipsi erunt mihi in populum. Ubi Deus distinguit Ecclesiam novi Testamenti ab Ecclesia Testamenti veteris, quòd illa fuerit cœtus quidam externus, & propterea habuerit legem scriptam in tabulis externis, & lapideis; ista autem sit populus quidam interior, & propterea legem habeat scriptam in cordibus. Idem habetur Lucæ 17. Regnum Dei non venit cum observatione. Neque dicent; Ecce hic, aut ecce illic. Ecce enim Regnum Dei intra vos est. Et Joan. 4. Venit hora, & nunc est, quando veri adoratores adorabunt

A Patrem in spiritu & veritate. Ergo Ecclesia novi Testamenti non consistit in aliquo signo exteriori, nec est alligata locis & cæremoniis corporalibus. Et Heb. 12. Non enim accessistis ad tractabilem montem, & accessibilem ignem, sed ad Sion montem, & civitatem Dei viventis &c. Ubi comparat Synagogam monti Sinai visibili & tangibili, Ecclesiam autem monti Sion spirituali. Item 1. Petri 2. Et ipsi tanquam lapides vivi superadificamini domus spiritualis, sacerdotes sancti, offerentes spirituales hostias Deo; at hæc domus est Ecclesia. Denique Ecclesiam esse, est, articulus fidei, ergo non videtur Ecclesia, sed creditur.

B Respondeo ad primum locum, Hieremiam non conferre Ecclesiam cum Synagoga, sed Testamentum novum cum veteri, ut eo loco patet: & quamvis Testamentum novum propriè sit charitas, quæ est lex in corde scripta, testamentum vetus propriè sit doctrina exterior, sive lex scripta in lapidibus, tamen non sequitur, Ecclesiam novi Testamenti esse invisibilem. Ut enim corpus cujuslibet animalis visibile est, & tamen habet multa intus, quæ non videntur, ut cor, hepar, spiritus vitales, & similia: ita Ecclesia visibilis habet multa invisibilia, Fidem, Spem, Charitatem &c. Et quamvis hæc dona invisibilia, sint necessaria in Ecclesia, & in sola Ecclesia, non tamen in omnibus ejus partibus, sicut sensus est necessariò in animali, & solo animali, & tamen non est in omnibus ejus partibus.

C Ad secundum dico, per Regnum Dei Lucæ 17. intelligi vel gratiam, per quam Deus nunc regnat in cordibus hominum, ut exponit Theophylactus, vel ipsum Christum, ut Beda exponit, loquitur enim eo loco Christus de utroque suo adventu. Interrogaverant enim Pharisei: Quando veniet Regnum Dei, idest Regnum Messie? Dominus autem respondet, Messiam venisse, & rursum etiam venturum in die judicii. Itaque de adventu primo ait: Regnum Dei non venit cum observatione; ecce enim Regnum Dei intra vos est, idest, jam advenit Messias, jam præsens est. De secundo subjungit. Et dicent vobis: Ecce hic, aut ecce illic, nolite exire, sicut enim fulgur coruscet de sub calo &c. ita erit adventus Filii hominis.

D Ad tertium dico, eo loco doceri, præcipium cultum Dei in Ecclesia internum futurum, sed non propterea sequitur, Ecclesiam ipsam esse invisibilem, ut jam dictum. Neque etiam sequitur, omnem cultum externum esse rejiciendum, & externa templa esse destruenda. Dominus enim eo loco non agit de loco orationis, sed de modo, & ritu. Si enim dicere voluisset, veros Dei cultores non amplius adoraturos Deum in Hierusalem, neque in monte Garizim, falsum dixisset. Constat enim Petrum & Joannem, post acceptum Spiritum sanctum, ascendisse in templum Hierosolymitanum ad horam orationis novam, ut dicitur in actis Apostol. 3. Constat etiam, semper fuisse postea in Palæstina Christianos, qui Deum adoraverunt in Hierusalem, & in monte Garizim, & ubicumque eos esse contingebat. Loquitur ergo de ritu adorandi, sive orandi; & sensus est, neque in monte hoc, neque in Hierosolymis adorabimus Patrem, idest, neque ritu Samaritanorum, neque ritu Judæorum, sed ritu Christianorum adorabimus, qui ritus est adorare in spiritu & veritate. Quod duobus modis exponitur.

E Chrysostomus, Cyrillus, & Euthymius in hunc locum, opponunt illud: In spiritu, cæremoniis Judæorum, quatenus corporales erant, illud: In veritate, idem cæremoniis, quatenus figuræ & umbræ erant rerum futurarum. Theophylactus, D. Thomas,

mas, & Cajetanus opponunt illud: *In spiritu*, ritui Judæorum, qui præcipue externus & corporalis erat; illud: *In veritate*, ritui Samaritanorum, qui falsus & erroneus erat; illi enim simul colebant Deum verum, & Deos falsos. Itaque Dominus dicit, ritum populi Christiani fore præcipue spirituales, & simul verum ac purum ab omni errore, licet spiritualis ritus non excludat corporales caeremonias, quatenus profunt ad spirituales cultum promovendum.

Ad quartum dico cum Chrysostomo, Theophylacto, D. Thoma, & aliis, Apostolum ibi per montem Sion spirituales, & civitatem Dei viventis, non intelligere Ecclesiam militantem; sed triumphantem, quæ ex beatis spiritibus constat. Confert enim Synagogam cum Ecclesia, ac dicit, homines Testamenti veteris accessisse ad montem Syna corporeum, ut aliquo modo per corporeas imagines ibi Deum viderent. At homines novi Testamenti accessisse non re, sed spe; ad montem Sion spirituales, idest, ad gloriam beatorum, ubi Deus videtur facie ad faciem. Unde ibidem subditur: *Et multorum millium Angelorum frequentans, & spiritus iustorum & perfectorum &c.*

Ad quintum respondeo, duobus modis dici aliquid spirituale. Uno modo, secundum substantiam, quomodo Ephes. 6. dicuntur *spiritualia nequicia in celestibus*. Altero modo, secundum ordinationem ad Spiritum, quia ordinatur aliquid ad spiritum, vel spiritus in eo dominatur. Quomodo 1. Corinth. 2. dicitur homo spiritualis, & 1. Corinth. 15. corpus spirituale, & 1. Petr. 2. vocantur hostiæ spirituales omnia bona opera, ut Eleemosyna, & Jejunia. B. Petrus ergo cum dicit, Ecclesiam esse domum spirituales, intelligit hoc secundo modo; vult enim, Ecclesiam non esse domum ex lignis & lapidibus, sed ex hominibus Deo consecratis ædificatam.

Ad sextum posset dici, in Symbolo non poni tantum, *Credo Ecclesiam*, sed, *Credo sanctam Ecclesiam*. Porro sanctitatem Ecclesie sine dubio invisibilem esse. Sed melius dico, in Ecclesia aliquid videri, & aliquid credi. Videmus enim eum coetum hominum, qui est Ecclesia, sed quod ille coetus sit ipsa vera Christi Ecclesia, non videmus, sed credimus. Vera enim Ecclesia est, quæ proficitur Christi fidem. Quis autem evidenter scit, nostram fidem esse Christi? id quidem firma ac certissima fide credimus: sed aliud est credere, aliud videre: immo ipsum credere definitur ab Apostolo, argumentum non apparentium.

Quod ut melius intelligatur, notandum est, omnem sententiam de fide, nasci, vel ex duabus propositionibus de fide, & tunc totam conclusionem inevidentem esse; vel ex una de fide, altera evidenti, & tunc conclusionem partim esse evidentem, partim inevidentem. Talis est ista conclusio: Isti homines, qui nunc profitentur fidem sub Romano Pontifice, sunt Ecclesia Christi; nam oritur ex hoc syllogismo: Ecclesia Christi est coetus hominum profitentium Christi fidem, sub regimine legitimorum Pastorum: sed isti qui subsunt hodie Romano Pontifici, sunt talis coetus; igitur sunt Ecclesia Christi. In quo syllogismo major est de fide, & proinde inevidens. Minor est evidens; nam nihil ponimus in minore, quod non oculis, aut auribus percipiatur. Rectè ergo inde infertur conclusio partim evidens, & partim inevidens.

Denique, res illa, seu (ut logicè loquamur) incomplexum illud, de quo prædicatur Ecclesie ratio ac definitio, visibile quiddam est: at complexum, seu connexio prædicati cum subiecto, sola fide tenetur. Nec desunt exempla, quibus hoc illu-

A streetur. Siquidem hominem illum, qui est Christus Dei Filius, Apostoli videbant, & tamen illum esse Christum Dei Filium, non videbant, sed credebant: Unde Joan. 20. dictum est Thomæ: *Quia vidisti me, Thoma, credidisti*. Et in Symbolo dicimus: *Credo unum Baptisma*, licet videamus, & sentiamus Baptisma, idest, aquæ asperisionem, & verborum prolationem. Non enim videmus, sed credimus illam aquæ asperisionem, & verborum prolationem esse Baptisma Christi; idest, Sacramentum quoddam.

C A P U T XVI.

B *Solvuntur argumenta, quibus adversarii probant, Ecclesiam posse deficere.*

J Am quod Ecclesia possit deficere, & aliquando deficiat, probant his argumentis. Primò; initio mundi in solis Adamo & Eva Ecclesia tota consistebat, saltem in virtute. At uterque fidem amisit, & à Deo apostatavit, ut patet tum ex Genes. 3. tum ex Patribus, Ambrosio libro de Paradiso cap. 6. Augustino Enchirid. cap. 45. & Prospero lib. de gratia Dei, contra collatorem, ante medium.

Secundò, tempore Moïsis tota Ecclesia à Deo apostatavit. Nam Aaron summus Pontifex proposuit vitulum adorandum, & totus populus clamavit: *Hi sunt Dei tui Israel*, Exod. 32.

Tertio, tempore Helix tota Ecclesia visibilis defecerat. Nam 3. Reg. 19. Helias dicit: *Relictus sum ego solus*. Et Dominus ad eum: *Reliqui mihi septem milia virorum in Israel, qui non curvaverunt genua ante Baal*, hos autem occultos fuisse non dubium est, cum eos ne Helias quidem cognosceret.

Quartò, ex Isaie 1. *Cognovit vos possessorem suum, & asinus præsepe domini sui, Israel autem me non cognovit*. A planta pedis usque ad verticem capitis non est in eis sanitas. Et Hierem. 2. *Confusi sunt domus Israel, ipsi & Reges eorum, Principes, & Sacerdotes, & Propheta eorum, dicentes ligno: Pater meus es tu*. Quid vultis mecum iudicio contendere? Omnes dereliquistis me, dicit Dominus. Et 2. Paral. 15. *Transibunt dies multi in Israel sine Deo vero, sine Sacerdote, & Doctore, & sine Lege*.

Quintò, prædictum est, Ecclesiam istam visibilem cessaturam Daniel. 9. *Deficiet hostia, & sacrificium*; Lucæ 18. *Filius hominis cum venerit, putas inveniet fidem in terra*; 2. Thessal. 2. *Nisi venerit discessio primus, & revelatus fuerit homo peccati*. Itaque nobis Calvinus dictum esse existimat id, quod legimus Hierem. 7. *Nolite confidere in verbis mendacii, dicentes: Templum Domini, templum Domini*. Ut enim antiqui illi Judæi non credebant Prophetis prædicentibus desolationem, quia videbant se habere templum Domini, & externas caeremonias; ita nos gloriamur, quod habeamus antiqua templa, Episcoporum successiones, Apostolicam sedem, & interim non attendimus ad Scripturas, quæ nobis desolationem aperte prædicunt.

Sextò, Concilium Basileense generale deposuit Eugenium tanquam hæreticum, & omnes ei adherentes, & elegit Felicem. Deinde tamen Concilio conclusio & solutio, iterum Eugenius in sedem irrepit sine ulla canonica electione, & ab eo nati sunt quoqueque postea Erunt Papæ, & Cardinales, & Episcopi; Ergo saltem ab eo tempore Ecclesia Romano Pontifici adherens, non fuit vera Ecclesia, & cum nulla fuerit alia visibilis, sequitur, visibilem Ecclesiam peruisse. Hoc argumentum Calvinus in præfatione Institut. ponit in ultimo loco tanquam for-

fortissimum, & addit hæc verba : *Hic deprehensi ha-
reant necesse est, aut igitur aliter Ecclesiam definiant,
aut omnes à nobis schismatici habebantur.*

Septimò, proferunt Patrum testimonia, ac pri-
mum Hilarius libro contra Auxentium, circa fi-
nem : *Malè, inquit, vos parietum amor capit; malè
Ecclesiam Dei in tectis, adificisque veneramini, malè
sub his pacis nomen ingeritis, montes mihi, & lacus, &
carceres, & voragine sunt tutiores.* Ubi dicit, adeò
suo tempore fuisse obscuratam veram Ecclesiam, ut
solum in latebris & cavernis inveniretur. Deinde
Hieronymus in Dialogo contra Luciferianos de eo-
dem tempore loquens : *Ingemuit, inquit, totus or-
bis, & se Arianum esse miratus est.* Item Basilii
epist. 69. & 70. & Bernardus serm. 33. in Cantica,
ita deplorant vitia Prælatorum omnium sui tempo-
ris, ut satis ostendant, eo tempore omnes declina-
se in viam suam, & nullam fuisse visibilem Eccle-
siam. Denique Chrysostomus homil. 49. in Mat-
thæum, docet, interdum nullum esse visibile si-
gnum, quo vera Ecclesia cognoscatur, & ideo tunc
solum ad Scripturas esse recurrendum.

Respondeo ad primum, si primos parentes pec-
casse, est Ecclesiam defecisse, tunc non solum visi-
bilem, sed etiam invisibilem Ecclesiam defecisse,
quod est contra adversarios. Dico secundò, tunc
non fuisse Ecclesiam. Nec enim duo homines sunt
Ecclesia, sed tantum fuisse initium Ecclesie, & ini-
tium tam materiale, quam formale. Nam Adam
fuit principium Ecclesie materiale, quia primus om-
nium fuit de Ecclesia; fuit etiam formale principium,
quia fuit caput sive Doctor & Rector populi Dei,
dum vixit. Porro caput Ecclesie non potest quidem
errare docendo falsam doctrinam, tamen potest er-
rare malè vivendo, & malè etiam sentiendo, ut
privatus homo, atque hoc tantum videmus accidisse
Adamo; malè enim aliquando vixit, & fortè etiam
malè de Deo sensit, tamen non malè docuit.

Ad secundum, de peccato Aaronis & populi in
cultu vituli aurei, dico, eo tempore neque caput,
neque corpus Ecclesie defecisse; nam caput erat so-
lus Moses, quem certum est non errasse. Aaron si-
quidem nondum erat Pontifex, nam postea factus
est, ut patet Exodi 40. Non etiam corpus defecit,
nam omnes Levitæ immunes fuerunt ab eo peccato,
ut patet ex eodem trigesimo secundo capite, ubi Mo-
ses dicit : *Si quis est Domini, jungatur mihi, congrega-
tisque sunt ad eum omnes filii Levi.*

Ad tertium, de tempore Helie, negatur conse-
quentia & antecedens huius argumenti. Consequen-
tia quidem, quia non est eadem ratio populi Judæo-
rum & populi Christianorum. Nam populus Judæo-
rum non erat Ecclesia universalis, ut est populus
Christianorum, sed particularis, & propterea etiam
extra illum populum inveniebantur fideles & iusti,
ut Melchisedech, Job, & postea Cornelius, Cen-
turio, & Eunuchus Candacis Reginae, & alii non-
nulli. Itaque etiamsi universa Synagoga Judæorum
defecisset, non continuò omnis Ecclesia Dei in ter-
ris defecisset. Sed antecedens etiam negatur. Non
enim ostendi potest, unquam Synagogam Judæo-
rum defecisse omnino usque ad Christi adventum,
quo tempore etiam non tam defecit, quam muta-
ta est in melius.

Ad illud ergo de Helia dico, Heliam non lo-
qui de omni populo Judæorum, sed solum de illa
parte, quæ subiecta erat Regi Samarie. Constat
enim ex eodem lib. 3. Regum, tempore Helie re-
gnasse in Hierusalem Asa, & post eum Josaphat
optimos Reges, & sub ipsis fuisse in Hierusalem
populum & Sacerdotes manifestissimè in vera reli-
gione persistentes. Unde Dominus, cum ait : *Reli-*

A *qui mihi septem millia virorum, addidit; In Israel.*
Israel enim tunc dicebantur ii, qui erant sub Re-
ge Samarie, sicut ii, qui erant sub Rege Hierusa-
lem, dicebantur Judas. Ex quo apparet evidenter,
deceptum esse Philippum Melanchthonem, qui in
Locis communibus, cap. de Ecclesia, dicit, tempo-
re Helie Ecclesiam fuisse in solo Helia, & Heli-
sæo, & paucis Sacerdotibus. Quem etiam in erro-
re sequutus est Calvinus præfatione Institutionum,
qui hoc argumento de Helia præcipuè nititur.

B Ad quartum responder Augustinus libro de uni-
tate Ecclesie cap. 12. & libro contra Donatistas,
post collationem cap. 20. ubi docet, Prophetas &
Apostolos interdum reprehendere universum popu-
lum, quasi nemo ibi sit bonus, cum tamen permul-
ti sint boni, & è contrario interdum consolari om-
nes, quasi omnes sint boni, cum constet ibi mul-
tos esse malos Ezech. 3. dicitur : *Omnis domus Is-
rael attrita fronte est, & duro corde.* Et tamen cap. 9.
dicitur : *Signa Thau super frontes virorum gementium,
& dolentium super cunctas abominationes, quæ sunt in
medio ejus.* Ad Galat. 3. *O insensati Galata, quis vos
fascinavit non obedire veritati?* Et tamen cap. 6. ait :
C *Fratres, etsi præoccupatus fuerit homo in aliquo deli-
cto, vos qui spirituales estis, huiusmodi instruite in spi-
ritu lenitatis.* Ad illud ex Paralypomenon respon-
deo, imprimis solum intelligi de regno Israel, non
de regno Juda. Deinde fortè loqui Scripturam de
tempore, quod erat futurum post Messie adventum,
Nunc enim transeunt dies multi in Israel sine Deo,
sine Sacerdote, sine Lege.

D Ad quintum dico, nos non gloriari in templis,
& successionem Episcoporum, & Apostolica sede se-
cundum se, sed propter Christi promissionem, qui
ait : *Tu es Petrus, & super hanc petram &c. Et por-
ta inferi non prævalebunt &c.* Qualem pronuersionem
Judæi numquam habuerunt. Neque verum est, ali-
cubi in Scripturis prædictam esse Ecclesie ruinam,
sed potius contrarium ubique. Quare ad illud Da-
nielis, etsi Hilarius can. 25. in Matthæum, & Hy-
politus, atque Apollinarius apud Hieronymum in
cap. 9. Danielis, intelligunt eam prophetiam de tem-
pore Antichristi, tamen sine dubio decepti sunt.
Loquitur enim Daniel apertissimè de everfione Hieru-
salem, & cessatione sacrificii Judæorum. Sic enim
exponunt Chrysostomus, & Theophylactus, &
Hieronymus in c. 24. Matthæi, Augustinus epist. 80.
ad Esychium, necnon Eusebius lib. 8. Evangel. de-
monstr. cap. 2. Clemens Alexandrinus lib. 1. Stro-
matum, Tertullianus libro contra Judæos cap. 5.
aliàs 8. & communis opinio Hebræorum, ac Ju-
lius Africanus apud Hieronymum in cap. 9. Da-
nielis.

E Et hanc solutionem coguntur admittere hæretici.
Nam ipsi dicunt, nunc esse tempora Antichristi, &
fuisse jam à multis sæculis, & tamen non cessavit
hostia & sacrificium. Ergo debent intelligere hunc
locum Danielis non de tempore Antichristi, sed de
everfione Hierosolymæ, quod sanè ex Evangelio
evidenter colligitur. Quod enim Matthæus cap. 24.
ait : *Cum videritis abominationem desolationis, quæ di-
cta est à Daniele Propheta, stantem in loco sancto,
qui legit intelligat. Tunc qui in Judæa sunt, fugiant
ad montes. Idem sic exposuit Lucas cap. 21. Cum vi-
deritis circumdari ab exercitu Hierusalem, tunc scitote,
quia appropinquavit desolatio ejus; Tunc qui in Judæa
sunt, fugiant ad montes.*

Ad illud Luc. 28. *Putas invenies fidem in terra?* di-
co, Dominum non loqui de fide simpliciter, sed de
eximia quadam fide, quæ in paucis reperitur, & in
paucissimis reperietur in ultimis diebus. Ita exponunt
Hieronymus in Dial. contra Luciferianos, & Au-
gusti.

gustinus lib. de unitate Ecclesie c. 13. vel dicamus cum Theophylacto, loqui Dominum de fide absolutè, & velle dicere paucos futuros fideles tempore Antichristi, non tamen nullos, nec tam paucos, ut non faciant Ecclesiam.

Ad illud Pauli dico, discessionis nomine, vel intelligi ipsum Antichristum, ut Chrysost. Theodor. Occumen. Theophyl. & August. lib. 20. de civitat. Dei cap. 19. exponunt, quem volunt appellatum discessionem per metonymiam, quia erit causa, ut multi discedant à Christo; vel defectionem à Romano imperio, ut Ambrosius, Sedulius, & Primasius exponunt, quæ est valde probabilis sententia: vel demum discessionem ab Ecclesia non generalem, sed particularem, idest, non omnium, sed multorum, vel omnium quidem, sed occultorum hæreticorum. Ut enim pulchrè exponebant quidam veteres apud August. lib. 20. de civit. Dei cap. 19. sicut modò multi, qui aliquandiu fuerunt in Ecclesia fido animo, tandem apertè discedunt per manifestam hæresis professionem, ita veniente Antichristo, omnes prorsus, qui tunc inveniuntur in Ecclesia occulti hæretici, ab Ecclesia discedent, & Antichristo se adjungent.

Ad sextum dico, Basileense Concilium initio quidem fuisse legitimum. Nam & Legatus aderat Romani Pontificis, & Episcopi plurimi. At quo tempore Eugenium deposuit & Felicem elegit, non fuit Concilium Ecclesie, sed Conciliabulum schismaticum, seditiosum, & nullius prorsus auctoritatis. Sic enim appellatur in Concilio Lateranensi ultimo, sess. 11. & proinde Eugenius semper fuit verus Pontifex, & mendacium est apertissimum Calvinii, qui dicit, hoc Concilium usque ad finem perdurasse in eadem auctoritate, & dignitate.

Nam in primis, quo tempore Concilium in Pontificem sententiam pronuntiare ausum est, non erat in Concilio Legatus Pontificis, & Episcopi præcipui omnes discesserant, sed Cardinalis quidam Arelatensis assumpserat sibi munus præsidendi, & quia Episcopi paucissimi erant, introduxerunt in Synodum ingentem multitudinem Presbyterorum, ita ut contra omnem formam antiquorum Conciliorum, non Episcoporum, sed Presbyterorum Synodus esset.

Deinde eodem tempore agebatur Florentie Concilium alterum, in quo præsidebat summus Pontifex, & cum eo sedebant Episcopi Latini & Græci sine comparatione plures, quàm essent Basileenses, & unà cum Episcopis aderat Imperator Græcorum, & Legatus Imperatoris Latinorum, ut nullo modo dubitari posset, utrum ex duobus esset verum Concilium Ecclesie generale.

Tertiò, Deus quoque sententiam suam dicere volens, tam horribili peste Basileam tunc affligebat, ut major pars eorum Patrum, qui ibi erant, vel extincti, vel secedere coacti fuerint. Quæ omnia refert Æneas Sylvius in historia Concilii Basileensis, cui ipse interfuit, & quam ediderunt nuper hæretici Basileenses, tanquam sibi faventem, propter damnatum Eugenium, cum revera illis plurimum noceat. Adde, quòd Concilium Basileense Lausannæ continuatum, subiecit se Nicolao, ut pater ex epistola Nicolai V.

Nunc ad loca Patrum. Ad Hilarium dico primò, id quod respondit olim August. epist. 48. Donatistis idem testimonium objicientibus, Ecclesiam quidem interdum obscurari multitudine scandalorum, sed ita tamen, ut etiam tunc in suis firmissimis emineat, sicut revera eo tempore, de quo loquitur Hilarius, eminebat Ecclesia in Julio, Athanasio, Hilario, Eusebio Vercellensi, ac deinde

A in Damaso, Ambrosio, Basilio, Gregorio Nazianzeno, aliisque non paucis firmissimis, atque constantissimis Ecclesie columnis.

Dico secundò, Hilarium loqui eo loco tantum de Ecclesia Mediolanensi, in qua multi simplices venerabantur Auxentium, ut Catholicum, cum tamen esset Arianus. Nam mira calliditate agebat Auxentius, ut ab Arianis agnosceretur Arianus, & tamen à multis simplicibus crederetur Catholicus. Vult igitur Hilarius, non esse credendum Auxentio, etiamsi Episcopus videretur, & in templo concionaretur, & melius esse, in carceribus & speluncis manere cum recta fide, quàm in templo Dei cum hæreticis.

B Hoc autem, quod dicitur de una civitate, una Basilica, & uno Episcopo, non potest trahi ad Ecclesiam universam. Potest enim fieri, ut unus Episcopus in una urbe, & uno templo doceat hæresim, non tamen ut omnes Episcopi in omnibus urbibus & templis mundi totius idem faciant.

C Ad locum Hieronymi respondeo, in verbis Hieronymi duas esse figuras; unam intellectionis, cum ait: *Ingemuit orbis*, vocat enim orbem magnam partem orbis, non totum orbem; alteram abusivis, cum ait *Arianum se esse miratus est*, vocat enim Arianos improprie eos, qui per ignorantiam subscripserant hæresi. Loquitur enim de illa multitudine Episcoporum, qui ex toto orbe convenientes Arimini, ab Arianis decepti, decreverunt, tollendum esse nomen *quærens*, quod quid significaret, non intelligebant: qui sine dubio non fuerunt hæretici, nec errantes, nisi materialiter. Quemadmodum si quis nostrum blasphemam sententiam proferret lingua extranea, putans esse piam aliquam precationem, non proprie blasphemus dici posset: Quocirca iidem Episcopi, ut admoniti sunt, & fallaciam agnoverunt, continuo errorem etiam correxerunt, & cum lachrymis poenitentiam egerunt blasphemie, licet sola lingua prolata, & tum videlicet ingemuit orbis, & se Arianum esse miratus est.

D Ad Basilium dico, eum non deplorare in illis epistolis vitia Catholicorum, sed miseriam Ecclesie, propter infestationem hæreticorum; Quæ enim dicuntur eo loco adversus Episcopos, non dicuntur adversus Episcopos Catholicos, ut Brentius putavit, sed adversus Episcopos Arianos.

E Et sanè credibile est, Brentium non ex ignorantia, sed ex malitia peccasse. Nam ibidem, ut apud Episcopos Catholicos doceat non esse veram Ecclesiam, refert ex lib. 11. Rufini hist. Ecclesiast. cap. 6. Mosem Eremitam sanctum noluisse ullo modo ordinari ab Episcopo Alexandrino, qui erat post Romanum Pontificem primarius Patriarcha.

At in eodem libro & capite Rufinus dicit, illum Episcopum Alexandrinum fuisse Arianum, & savissimum persecutorem Catholicorum, & propterea Mosem noluisse ab eo, sed ab aliquo Catholico ordinari; ita ut nulla ratione fraus & impudentia Brentii tegi, vel excusari queat.

Ad Bernardum dico, eum reprehendere vitia morum, non vitia doctrinae, & non propterea credidisse, Episcopos illos malos non fuisse verè Episcopos. Ipse enim serm. 66. in Cantica refellit ex instituto Apostolico hæreticos, qui dicebant, Episcopos malos non esse Episcopos.

Ad Chrysostomum jam responsum est supra, verba illa desumpta esse ex opere imperfecto, quod vel habet auctorem hæreticum Arianum, vel fuit ab hæreticis depravatum. Vide homil. 48. Ubi aperte vocat hæreticos homousianos.

CAPUT XVII.

Solvuntur argumenta, quibus adversarii probant, pastores Ecclesia omnes simul errare posse.

QUOD Ecclesia vel saltem omnes pastores Ecclesie simul errare possint, probant primò, quia tempore Michæ, Prophetæ omnes, qui erant 400. excepto Michæ, erraverunt, ut patet lib. 3. Reg. 22. & proinde Ecclesia, quæ illos sequebatur, ut debebat, decepta fuit. Secundò, Isaia 56. *Speculatores ejus eam omnes nescierunt universi &c.* Tertiò, in passione Domini summus Sacerdos cum omnibus sacerdotibus, & senioribus populi condemnaverunt Christum esse reum mortis. Marc. 14. & totus etiam populus, à sacerdotibus seductus, clamavit ad Pilatum: *Crucifige eum.* Marc. 15. Eodem tempore Apostoli omnes fidem amiserunt, nam Dominus Marc. ult. *Exprobravit incredulitatem eorum, & duritiam cordis &c.* Et Matth. 26. ait: *Omnes vos scandalum patiemini in me.*

Adde, quod non desunt etiam Catholici, qui dicant in passione Domini non mansisse veram fidem, nisi in sanctissima Virgine Maria, idque significari credunt una illa candela, quæ sola accensa conservatur, in triduo ante Pascha in officio nocturno. Ita Alexander Alensis 3. parte quæst. ult. artic. 2. & Joannes de Turrecremata, lib. 1. de Ecclesia cap. 30. & lib. 3. cap. 61. Sed hæc satis levia sunt, nec magno negotio refelluntur.

Ad primum dico, illos 400. Prophetas manifestè fuisse Pseudopphetas, neque id ignorasse, vel ipsum Achab, qui eos consulebat. Nam ibidem cum diceret Rex Josaphat: *Non est hic aliquis Propheta Domini, per quem interrogemus Dominum?* Respondit Achab: *Remansit unus, sed ego odi eum, quia non prophetat mihi nisi malum.* Certè si quis nunc in media Saxonia consuleret 400. Ministros Lutheranos de fide justificante, & postea unum Catholicum, non esset mirum, si major pars erraret. Et sicut nunc non sequitur totam Ecclesiam errare, etiam si errarent 400. Ministri Lutherani, quia præter Saxoniam, & vicina quædam loca, sunt alia multa, ubi vera fides prædicatur, ita non sequitur omnes Doctores Judæorum tempore Achab errasse, etiam si erraverint 400. Prophetæ, qui in Samaria erant. Nam præter eos Prophetas erant in Judæa multi alii prophetæ, & (quod potissimum est) erant sacerdotes in Hierusalem, quibus ex officio incumberebat respondere ad consulta de lege Domini.

Ad secundum dico, verba illa Prophetarum esse figurata, & dirigi quidem ad omnes, non tamen revera intelligi debere de omnibus, sed de multis, ut supra diximus.

Ad tertium dico, Sacerdotes, & Pontifices non habuisse privilegium non errandi in docendo populo, nisi usque ad tempora Christi, Christo autem præsentem, & docente parum oberat illorum error. Immo hoc videtur prædictum per Hieremiam c. 18. cum ait: *Peribit lex à sacerdote, verbum à Propheta, consilium à sapiente.* Quamvis propter honorem sacerdotii Deus providit, ut sententia Pontificis Caiphæ in aliquo sensu, licet à Caipha non intento, esset vera & iusta. Nam Joan. 11. dicitur, quia erat Pontifex anni illius, prophetavit, de qua re plura diximus in lib. 2. de Conciliis.

Quod ad populum attinet, qui clamavit: *Crucifi-*

ge, dico eum populum non fuisse omnes Judæos: sed aliquos tantum, & fortè minorem partem; nam in ipsa urbe Hierusalem erat Nicodemus, & Joseph ab Arimathia, & multi alii, quibus id displicebat, & extra Hierusalem in tota reliqua Judæa, & in toto orbe terrarum erant plurimi Judæi dispersi, qui nihil sciebant de morte Christi, & proinde in vera fide, & religione permanebant.

Ad illud de Apostolis dico primò, Apostolos tunc non fuisse Episcopos nisi designatos, ut patet, sed solum partes Ecclesie materiales, quæ errare possunt, neque in eis solis Ecclesia consistebat. Nam status Ecclesie Christianæ cum obligatione ad ingrediendum in eam incepit in die Pentecostes, quando peractis omnibus mysteriis redemptionis cœperunt Apostoli in Hierusalem publicè promulgare fidem Christi, & Baptisma. Itaque etiam si Apostoli omnes tempore passionis Christi errassent circa fidem, nihil obfuisse eorum error Ecclesie universali.

Dico secundò, non esse probabile quod Apostoli fidem amiserint. Nam non leguntur reprehensi, nisi de fide resurrectionis, illam autem non potuerunt amittere, cum eam non habuerint, nisi postquam Dominus resurrexit; Etsi enim antea Christus sæpe illis prædicaverat se ressurecturum, tamen ipsi putaverant eum loqui figuratè, & non intellexerant, neque crediderant. Siquidem Lucæ 18. cum dixisset Dominus: *Occident eum, & tertia die resurget.* Subjungit Lucas: *Et ipsi nihil horum intellexerunt, & erat verbum istud absconditum ab eis, & non intelligebant, quæ dicebantur.* Et Joan. 20. legimus, Petrum & Joannem, audito à Magdalena sublatum esse corpus Domini de monumento, mox cucurrisse ad monumentum, & visis linteaminibus & sudario credidisse, nimirum Christi corpus fuisse ab aliquo sublatum: Nam, inquit, Joan. *nondum sciebant Scripturas, quia oporteret eum à mortuis resurgere*, idest, ideo crediderunt ab aliquo sublatum, quia non sciebant eum debuisse resurgere. Præterea Lucæ 22. dictum est Petro; *Rogavi pro te, ut non deficiat fides tua.* Quomodo igitur credibile erit eadem nocte fidem Petri defecisse, ita ut non saltem in corde ejus remaneret; nam quod in ore non permanserit certum est. Denique, Maria Magdalena summa charitate flagrabat in illo triduo, ut patet ex Joan. 19. & 20. at sine fide non potest esse charitas, ergo non amiserat Magdalena fidem in Christum, quam antè habuerat, ergo non in sola B. Virgine fides permansit.

Quod autem dicitur Marci ultimo: *Exprobravit incredulitatem*, non significat eos amisisse fidem, quam habuerant, sed tardos fuisse ad credendum quod nondum crediderant, quod quidem aliquod peccatum fuit, sed non propriè infidelitatis. Illud verò Matth. 26. *Omnes vos scandalum patiemini in me in nocte ista*, significat peccatum, quod commiserunt Apostoli fugiendo, & nimis timendo, & vacillando, etiam circa fidem, ex occasione Dominicæ passionis; nec enim omnis vacillatio est infidelitas, sed solum vacillatio deliberata.

Miror autem Joannem de Turrecremata, qui propter argumentum levissimum de candela, dicit esse contra fidem universalis Ecclesie asserere non in sola B. Virgine mansisse fidem in die passionis Domini. Nam Rupertus lib. 5. de divin. offic. c. 26. dicit ultimam candelam tempore suo consuevisse etiam extingui. Et addit cap. 28. illis tribus noctibus post omnia lumina extincta, iterum postea ex lapide novum ignem accendi solitum; & quidem per omnia lumina, quæ paulatim exstinguiebantur, significari prophetas, quos diversis sæculis Judæi occiderunt, & illos occidentes sibi ipsis tenebras mentis

De Ecclesia militante. Lib. III. Cap. XVII. 79

ris faciebant : per ultimam verò significari Christum, quem cum occiderunt, sibi ipsis tenebras densissimas pepererunt; Per novum autem lumen, quod singulis illis tribus noctibus ex lapide excutiebatur, significari novum lumen Christianorum, quod ex lapide Christo à Judæis percusso in mentibus nostris ortum est.

Quod si neglecta consuetudine, antiquæ Ecclesiæ vim faciant in eo usu, qui nunc est, ultimam candelam non extinguendi : potest cum Abulensi responderi quæst. 14. prologi in Matthæum, per illam candelam significari beatam Virginem, in qua sola, ut piè creditur, fuit in illo triduo

A fides explicita resurrectionis. Ex quo tamen non sequitur in aliis fuisse errorem, vel infidelitatem, quia non tenebantur credere explicitè resurrectionem, nisi post legitimam ejus promulgationem, & probationem; & præsertim illi, qui aberant à Hierusalem, & nihil de Christo audierant. Et sanè videtur periculosum dicere in sola Virgine mansisse veram fidem; tum quia Ecclesia periisset, non enim una persona potest dici Ecclesia, cum Ecclesia sit populus & regnum Dei; tum etiam quia tunc illi qui aberant à Hierusalem, & usque ad illud tempus habuerant veram fidem, mox illam amisissent sine sua culpa.



LIBER QUARTUS DE NOTIS ECCLESIAE.

CAPUT PRIMUM.

Tractationem de Notis Ecclesiae utilissimam esse.



Superest Controversia de Notis verae Ecclesiae, quae controversia utilissima est; Omnes enim consentiunt, in sola vera Ecclesia esse veram fidem, veram peccatorum remissionem, veram spem salutis aeternae, adeo ut Cyprianus de simplicitate Praelatorum dicat: *Cum Deo manere non possunt, qui esse in Ecclesia Dei unanimiter noluerunt. Ardeant licet flammis, & ignibus traditi, vel obiecti bestiis animas suas ponant, non erit illa fidei corona, sed poena perfidia: occidi talis potest, coronari non potest.*

Similia docent omnes Patres, nec haeretici ea negant; Nam idcirco omnis haeresis ad se solam trahit veram Ecclesiam, & alios omnes extra Ecclesiam ponit, ut his verbis Lactantius docet lib. 4. cap. ult. divinarum institutionum: *Sola Catholica, inquit, Ecclesia est, qua verum cultum retinet. Hic autem est fons veritatis, hoc est, domicilium fidei, hoc templum Dei, quo si quis non intraverit, vel à quo si quis exierit, à spe vita, ac salutis aeternae alienus est. Sed tamen singuli quinque haeticorum catus se potissimum Christianos, & suam esse Catholicam Ecclesiam putant.* Itaque si in hac controversia conveniremus, reliquae omnes faciliò componerentur. Duo igitur tractanda sunt. Primò refellenda sententia haeticorum huius temporis de notis verae Ecclesiae. Secundò explicanda & defendenda sententia Catholicorum.

CAPUT II.

Refellitur sententia haeticorum.

Quantum ad primum, Lutherus in libro de Conciliis & Ecclesia, in ultima parte libri proponit has septem notas. Primò, veram, & incorruptam praedicationem Evangelii. II. Legitimam administrationem Baptismi. III. Legitimum usum Eucharistiae. IV. Legitimum usum clavium. V. Legitimam electionem ministrorum, qui doceant, & Sacramenta ministrent. VI. Orationem publicam, & Psalmodiam, & Catechismum, sed lingua, quae intelligatur ab omnibus. VII. Mysterium crucis, idest, tribulationes intus & extra, ita ut intus sit castitas, pusillanimitas, terrores; foris, paupertas, contemptus, & ut habeantur ab hominibus haeretici, cacodæmones, catharmata.

Notandum verò est, Lutherum valde cavisse, ne ullam notam reciperet earum quae sunt in Symbolo Constantinopolitano, cum tamen omnia vetera Concilia per eas notas, maximè per Apostolicam Ecclesiam se discerni vellent ab omnibus sectis.

A Porro ceteri solent duas tantum proponere, quae complectuntur primas quinque notas Lutheri, idest, praedicationem sinceram verbi Dei, & sincerum usum Sacramentorum; & ex his duabus quilibet secta probat apud se esse veram Ecclesiam. Ita docet Confessio Augustana, art. 6. & in Apologia ejusdem; item Brentius in Confessione Wirtembergensi capite de Ecclesia, & Joannes Calvinus in Institut. lib. 4. cap. 1. §. 9. 10. & 11. Centuriatores, Cent. 1. lib. 1. cap. 4. col. 173. & 174. & Cent. 1. lib. 2. cap. 4. colum. 379. 380. & 381. his duabus addunt alias duas, quae possunt reduci ad quintam, & septimam Lutheri, idest, constantiam in confessione fidei, sive perseverantiam; & obedientiam erga ministros verbi, quatenus verbum ipsum administrant.

B Hae notae non sunt ullo modo sufficientes. Nam in primis non declarant, quae sit vera Ecclesia secundum haeticos, nisi probabiliter; non enim hinc scire possumus, qui sint electi, vel iusti, & potius discimus, ubi lateat Ecclesia, quam quae sit. Praeterea, neque hoc sufficienter declarat. Id quod de singulis faciliè probari potest.

C Ac primum de prima, tribus rationibus. Primum enim, notae debent esse propriae, non communes. Si enim velim designare tibi certum hominem, quem numquam vidisti, ut mox atque eum videris, discernas ab aliis, non debeo dicere, est quidam qui habet duos oculos, duas manus &c. nam haec sunt communia omnibus. Neque etiam debeo eum designare per notas, quae licet sint ei propriae secundum rem, tamen non sunt propriae opinione aliorum, cum multi sibi illas vendicare soleant. Sic enim numquam ille, qui quaeritur, inveniretur.

D Jam verò sincera praedicatio veritatis est nota communissima omnibus sectis, saltem opinione ipsarum. Nam vel debet esse praedicatio pura ab omni errore, vel solum ab essentialibus, & fundamentalibus; Si detur primum, ex hac ipsa nota colligemus, apud nullos Lutheranorum esse Ecclesiam; nam ipsi fatentur suas Ecclesias non carere nævis. Lutherus libro de Ecclesia clarè dicit, verbum Dei esse notam, licet aliàs magis, aliàs minus purè praedicetur; & Calvinus idem fatetur, lib. 4. Inst. c. 1. §. 12. Si secundum, jam erit nota communis multis sectis. Certè Lutherani, & Zwingliani non dissentiunt de fundamento praecipuo fidei, ut de Trinitate, & Incarnatione. Immo etiam Pelagiani veram Ecclesiam habuissent, qui in primariis articulis, antequam Nestorianos peperissent, non dissentiebant. Unde etiam Coelestinus apud Augustinum lib. 2. de peccato originali cap. 22. hac ratione conabatur ostendere se non esse extra Ecclesiam; & tamen Lutherani, & Calvinistae nullos magis execrantur, quam Pelagianos; & nos immò potissimum ponunt extra Ecclesiam, quia Pelagianos putant.

E Praeterea hoc secundo modo, etiam si reipsa aliquibus non conveniat haec nota, ut Anabaptistis, tamen omnibus convenit opinione sua. Quae enim secta unquam fuit, quae non diceret se habere sinceram praedicationem veritatis? Certè Augustinus lib. contra epistolam fundamenti cap. 4. dicit, Catholicam quidem Ecclesiam multis notis faciliè cognosci, sed

sed hæreticos nihil habere nisi veritatis pollicitationem, idest, quod apud se sit vera, & sincera prædicatio.

Secundò, Notæ debent esse notiores ea re, cuius sunt notæ, alioqui enim non sunt notæ, sed ignoræ. Jam adversarii non volunt solum externam prædicationem verbi esse notam Ecclesiae, sed prædicationem, & receptionem. Ibi enim dicunt esse veram Ecclesiam, ubi prædicatur, auditur, & creditur verbum. At quis nosse potest, ubi verè credatur verbum? Præterea etiam de externa prædicatione. Sine dubio notius est, quæ sit vera Ecclesia, quàm quæ sit vera prædicatio verbi, nam id ab Ecclesia distinetur, ut Irenæus, Tertullianus, Augustinus, & omnes veteres doceant.

Irenæus lib. 3. cap. 4. Quid enim, inquit, & si de aliqua modica questione disceptatio orta fuisset, nomen oporteret in antiquissimas recurrere Ecclesias, & ab eis sumere de præsentis questione, quod certum & re liquidum est? Tertullianus libro de præscript. Quid, inquit, prædicaverint Apostoli, quid illis Christus revelaverit, & hic perscribam non aliter probari debere, nisi per easdem Ecclesias, quas ipsi Apostoli considerant: si hæc ita sunt, constat proinde omnem doctrinam, quæ cum illis Ecclesiis Apostolicis, & matricibus, & originalibus fidei conspirat, veritati deputandam, reliquam verò omnem de mendacio præiudicandam.

Idem ratione ostenditur, nam vera prædicatio, est prædicatio, & interpretatio veræ Scripturæ divinæ; Quæ sit autem vera Scriptura, & quis ejus verus sensus, non possumus scire, nisi ex testimonio veræ Ecclesiae, ut Augustinus docet, lib. contra epist. fundamenti, cap. 5. & lib. de utilitate credendi, c. 14. & ipse quoque Brentius in Confessione Wirtembergenfis, cap. de Scriptura, qui confectur Ecclesiam habere jus testificandi de vera Scriptura, & etiam interpretandi veram Scripturam; & Calvinus, lib. 4. cap. 1. §. 5. vult Ecclesiam esse fidelem custodem verbi Dei, & Philippus in Locis, capite de Ecclesia, requirit testimonium veræ Ecclesiae ad dirimendas lites. At prius debet esse notus custos Thesauri, quàm Thesaurus; & Doctor, quàm doctrina, cum à Doctore petatur doctrina, non contrà. Ergo potius Ecclesia est nota veræ prædicationis, quàm vera prædicatio sit nota veræ Ecclesiae.

Tertiò, veræ Notæ sunt inseparabiles à vera Ecclesia, sed Ecclesiae Corinthiorum: & Galatarum, ad quas scribebat Paulus, veræ Ecclesiae erant, & tamen ibi non erat aliquando sincera prædicatio verbi, ut ex Apostolo cognosci potest, qui dicit se scribere Ecclesiis Dei, quæ sunt Corinthi, vel in Galatia, 1. Corinth. 1. & Galat. 1. & tamen 1. Corinth. 15. arguuntur Corinthii, quòd docerent non esse futuram resurrectionem, & Galatæ per totam serè epistolam reprehenduntur, quòd docerent, servandam esse legem Moysi cum Evangelio.

Sed Dices, quomodo erant istæ veræ Ecclesiae, cum hæresim docerent? Respondeo, aliud esse errare, & paratum esse ad discendum, & cum didicis, ad obediendum; aliud nolle discere, & cum audieris veritatem, nolle acquiescere. Neutrum horum esse potest in Ecclesia universali; in Ecclesia autem particulari esse potest illud primum, in neutra autem illud secundum, sed solum in Synagogis Satanæ, & Ecclesiis malignantium. Rursum, esse potest pura doctrina ab omni errore in falsa Ecclesia; nam schismatici puri ut quondam Luciferiani & Donatistæ, initio integram habent doctrinam, & tamen sunt extra Ecclesiam. Si dicant non habere integram doctrinam, quia doctrina vera docet manendum in veræ Ecclesiae unitate: contrà, Nam schismatici credunt & docent oportere esse in vera

Controv. Card. Bellarm. Tom. II.

A Ecclesia, & obedire vero capiti, licet non faciant; & proinde non errant in fide, sed deficiunt in charitate.

At Obijciunt pro hac nota Brentius, Philippus, & Calvinus quædam loca Scripturæ. Joan. 10. Oves mea vocem meam audiunt: Ergo ibi est Ecclesia, ubi auditur verbum Dei. Item ad Ephes. 5. Mundans eam lavacro in verbo vitæ. Ecclesia mundatur verbo, ergo ubicumque est verbum mundans, ibi est Ecclesia. Ita Philippus in Apologia. At Calvinus lib. 4. cap. 1. §. 9. contentus est illo Matth. 18. Ubi sunt duo vel tres &c.

B Brentius in confessione capite de Ecclesia, profert illud Joan. 10. Illi dicunt Deos, ad quos sermo Dei factus est. Et illud 15. cap. Vos mundi estis propter sermonem, quem loquutus sum vobis. Illa enim est Ecclesia, quæ est munda coram Deo. Et illud Rom. 1. Evangelium virtus Dei est in salutem omni credenti. Addit Chrysostomum hom. 49. in Matth. Qui ergo vult cognoscere, quæ sit vera Ecclesia Christi, unde cognoscat, nisi tantummodo per Scripturas? Et Augustinum epist. 166. In Scripturis didicimus Christum, in Scripturis didicimus Ecclesiam &c. Item lib. de unitate Ecclesiae, cap. 2. Quæstio inter nos versatur, ubi sit Ecclesia; quid ergo facturi sumus in verbis nostris eam quaerimus, an in verbis capituli sui? puto quòd potius in illius verbis eam quaerere debeamus, qui veritas est, & optimè novit corpus suum. Et cap. 3. Non audiamus, hæc dico, hæc dicis, sed audiamus, hæc dicit Dominus. Et infra: Nolo hominis documentis, sed divinis oraculis sanctam Ecclesiam demonstrari.

C Respondeo. Primus locus non docet ubi sit Ecclesia, sed docet, qui sint electi, nimirum qui corde perseveranter audiunt, & retinent verbum, ut exponit Augustinus; Cum autem non possit sciri, qui corde audiant, non potest hæc esse visibilis nota Ecclesiae, sed est nota unicuique ut saltem conjecturaliter cognoscat suam electionem.

Secundus locus nihil probat, nam illa mundatio est invisibilis, nec Paulus ibi vult docere, quæ sit, vel ubi sit Ecclesia, sed quid boni Deus contulerit Ecclesiae.

D Tertius, non demonstrat ubi sit Ecclesia, sed ubi sit Christus. Ubi enim est vera Ecclesia, ibi est Christus: Præterea si congregati in nomine Christi sit nota Ecclesiae, certè non erit congregari quomodocumque in nomine Christi, sic enim omnes hæreses, & schismata congregantur in nomine Christi: sed erit congregari ab illis, qui funguntur Christi auctoritate, quales sunt Episcopi legitime ordinati, & succedentes aliis & aliis usque ad Apostolos, quos Christus primo reliquit loco suo. Et sic ista nota coincidit cum nostris, de quibus postea.

E Quartus locus nihil probat. Primò, quia ibi dicuntur Dii soli Principes, quibus Deus aliquid commisit, id enim est fieri ad aliquem verbum Dei. Secundò, quia verbum Dei non facit Deos, si tantum prædicetur, sed si recipiatur, & credatur: At hoc invisibile est, ut patet.

Quintus locus est similis secundo, unde idem Brentius dicit, Ecclesiam esse mundam coram Deo, idest, non coram hominibus, & non advertit ex hac nota sequi, illam fieri Deo manifestam, non nobis.

Sextus locus nihil probat, nam effectus Evangelii est invisibilis.

Sed instat Calvinus. Verbum Dei est ferax, & ubicumque prædicatur, fructificat, ergo ubicumque prædicatur, ibi est aliqua Ecclesia.

Respondeo. Si quid probat hæc ratio, tantum probat, ubi prædicatur, ibi esse aliquos bonos, sed nos illos non novimus. Sed neque hoc probat, nam verbum Dei semper fructificat, cum legitime prædicatur,

F

catur, idest, à prædicatoribus missis ab ordinaria potestate: Alioqui videmus prædicari inter hæreticos variarum sectarum ubi non fructificat nisi lolium. Ad locum Chrysostomi jam sæpè respondimus. Ad loca Augustini respondeo, ex Scriptura probari, ubi sit Ecclesiæ, non tamquam ex nota Ecclesiæ, sed quia Scriptura docet, quæ sint notæ dum docet, qualis illa sit, ubi coeperit, quomodo creverit.

Dices, saltem scriptura est notior, quàm Ecclesiæ, quandoquidem inde probatur Ecclesiæ.

Respondeo. Simpliciter Ecclesiæ esse priorem, & notiozem, quàm sit Scriptura. Nam Ecclesiæ fuit ante Scripturam, & ipsi data est Scriptura à Deo, & ipsa eam aliis tradidit, & explicat: tamen aliquando ex hypothesi Scripturam esse notiozem, quando videlicet Scriptura est recepta, & clarè loquitur, & oritur questio de ipsa Ecclesiæ. Sicut interdum è contrario Ecclesiæ est recepta, & nota, & questio oritur de Scriptura: & sic unum probatur ex altero: verbi gratia quando disputabatur de Baptismo hæreticorum, quia Scriptura obscurè loquitur, & Ecclesiæ nota erat, Augustinus probabat secundum Scripturas ratum esse Baptismum hæreticorum, quia Ecclesiæ illum habet pro rato. Contrà, cum disputabatur de Ecclesiæ, an esset in sola Africa, quia Scripturæ receptæ & claræ erant, inde Augustinus probabat, & idem nos faciemus, cum deducemus notas Ecclesiæ ex Scripturis, sed non propterea Scriptura est simpliciter notior, quàm Ecclesiæ.

Secunda nota iisdem argumentis refutatur. Nam Primò eam sibi omnes vendicant: nam præter Catholicos, Calvinistæ ideo separati sunt à Lutheranis cæteris, quod utrique putant, se solos habere verum Sacramentum Eucharistiæ. Anabaptistæ autem separati sunt ab utrisque, quia se solos putant habere verum usum Baptismi. Præterea Pelagiani habebant omnia Sacramenta, & similiter omnes schismatici. Secundò, legitimus usus Sacramentorum minus notus est, quàm sit Ecclesiæ. Nam ille est legitimus Sacramentorum usus, qui est conformis Scripturæ, ut ipsi docent: Scripturæ autem pendent ab Ecclesiæ, non contrà, ut sæpè diximus. Tertio, Ecclesiæ Corinthiorum erat vera Ecclesiæ, & tamen 1. Corinth. 11. reprehenduntur Corinthii, quòd non sincerè tractarent præcipuum Sacramentorum, & similiter Ecclesiæ Africanæ, quæ erant sub Cypriano, & sub illis 86. Episcopis, quorum sententias ipse refert in epistola ad Quirinum, veræ Ecclesiæ erant, ut beatus Augustinus lib. 6. cap. 7. de Baptismo, & beatus Hieronymus contra Luciferianos docent; & tamen non sincerè tractabant Sacramentum Baptismi, ut iidem Hieronymus & Augustinus ibidem docent.

Tertia nota refutanda, est oratio & psalmodia quæ est sexta Lutherana. Refellitur autem, quia si loquatur de invocatione, quæ ex corde procedit, invisibilis nota est, si de externa tamen invocatione & psalmodia, est nota communissima. Nam hoc tempore omnes sectæ, etiam Anabaptistarum, dicunt orationem Dominicam, & canunt Psalmos lingua vulgari, & idem olim faciebant Ariani, ut refert Socrates lib. 6. c. 8. & Ambrosius de tradendis basilicis. Immo hoc tempore nota veræ Ecclesiæ ferè dici potest, canere Psalmos lingua Latina, quia hoc relictum videtur ferè soli antiquæ, & Catholicæ Ecclesiæ, quæ non mutatur quotidie, ut sectæ hæreticorum.

Quarta nota refellenda, est septima Lutherana, nimirum interna mœstitia, pusillanimitas, externæ persecutiones, & vocari hæretici. Ac de internis falsissima nota est, nam obscuræ sunt, si internæ sunt. Item pusillanimitas est vitium, & Paulus ubique

A hortatur ad internam lætitiæ, & dicit regnum Dei esse gaudium in Spiritu sancto. Vide Rom. 14. Coloss. 3. Philipp. 4. Ephes. 5. De externis non est nota perpetua; nam Ecclesiæ in principio & in fine passa est magnas angustias: at in medio florentissima fuit: & omnia prædicta sunt. Vide Augustinum epist. 50.

Quinta nota est Centuriatorum, quòd ea sit vera Ecclesiæ, in qua inveniuntur qui perseverant in confessione fidei usque ad mortem. Quæ refellitur Primò, quia non magis nota est confessio veræ fidei, quam vera Scripturæ prædicatio, & legitimus Sacramentorum usus.

B Secundò, quia ex hac nota colligeretur veram Ecclesiæ non posse esse ullo modo apud Lutheranos. Ipsi enim dicunt, per multa secula ante Lutheri adventum cessasse confessionem veræ fidei, & Ecclesiæ conservatam in latebris, & fuisse prorsus invisibilem, ergo Ecclesiæ Lutheranorum est nova, & promde falsa.

C Tertio, quia hanc notam videmus in omnibus sectis, & in nulla minus, quàm in cœtu Lutheranorum; nam in primis Ecclesiæ nostra habet innumera- biles martyres, qui perseverarunt constantissimè in confessione fidei; deinde Montanistæ valde gloriabantur de suis martyribus, ut patet tum ex Eusebio lib. 5. hist. cap. 18. tum ex Tertulliano in lib. de fuga in persecutione, quem scripsit, cum Montanista esset, contra Catholicos, obijciens eis quòd malè facerent fugiendo.

D Item Massaliani apud Epiphanium hæres. 80. ideo dicti sunt etiam Martyriani, quia gloriabantur valde de numero martyrum suorum. Idem de Donatistis constat. S. Augustinus epist. 68. *Vivebant, inquit, ut latrones, honorabantur ut Martyres.* De Anabaptistis, qui erant tempore B. Bernardi, scribit ipse serm. 66. in Cantica: *Mirabantur, inquit, aliqui quòd non modò patienter, sed etiam læti ducerentur ad mortem.* De Admiris scribit Aeneas Sylvius lib. de hist. Boemorum, cap. 41. viros cum sceminis conjugibus suis lætos, atque canentes properare solitos ad ignem. Hoc verò tempore nostro nemo ignorat in hac obstinatione moriendi pro perfidia, primùm locum tenere Anabaptistas, secundum Calvinistas, extremum ac penè nullum meros Lutheranos, qui tamen hanc notam veræ Ecclesiæ soli proponunt.

C A P U T III.

Proponuntur vera Nota Ecclesiæ.

E H Is igitur notis breviter refutatis, restat ut veras notas proponamus. Est autem initio observandum, Ecclesiæ Catholicæ esse quasi solem quandam, qui radios lucis clarissimos ex omni parte diffundit, ut facillimè per eos cognosci possit. Habet enim plurimas notas, sive testimonia, ac signa, quæ eam discernunt ab omni falsa religione Paganorum, Judæorum, Hæreticorum: & non quidem efficiunt evidentè verum, ipsam esse veram Dei Ecclesiæ, sed tamen efficiunt id evidentè credibile, nec enim est idem evidentè verum, & evidentè credibile. Nam evidentè verum dicitur, quòd vel in se, vel in suis principiis videtur; evidentè credibile illud dicitur, quòd non videtur nec in se; nec in suis principiis, habet tamen tot, & tam gravia testimonia, ut quilibet vir sapiens meritò id credere debeat, ut si iudex videat hominem à latrone occidi, vel vulnerari læthaliter, & postea mori, habet evidentiam veritatis, quòd ille latro sit homicida; si autem eadem fieri non videat, sed habeat vi-

pinti testes viros gravissimos, qui dicunt se vidisse, habet evidentiam credibilitatis.

Dicimus ergo, notas Ecclesiae, quas adferemus, non facere evidentiam veritatis simpliciter, quia alioqui nulli invenirentur, qui id negarent, sicut nemo invenitur, qui neget sententias, quas Mathematici demonstrant; sed tamen efficiunt evidentiam credibilitatis, juxta illud Psalm. 92. *Testimonia tua credibilia facta sunt nimis.* Apud eos autem, qui admittunt Scripturas divinas, & historias, ac Patrum veterum scripta, faciunt etiam evidentiam veritatis. Tamen enim articulorum fidei veritas non potest nobis esse evidens absolute, tamen potest esse evidens ex hypothesi, idest, supposita veritate Scripturarum. Quod enim à scriptura evidenter deducitur, est evidenter verum, suppositis Scripturis.

Porro hæ notæ à variis variè nominantur, & numerantur. B. Augustinus lib. contra epist. fundamenti, cap. 4. sex notas ponit. B. Hieronymus contra Luciferianos in fine, duas. Vincentius in suo com-
monitorio, tres.

Ex recentioribus Driedo lib. 4. cap. 2. part. 2. de Eccles. dogmat. & Petrus à Soto prima parte defensionis, cap. 44. & sequentibus, alias tres. Cardinalis Hosius in explicatione symboli, quatuor. Nicolaus Sanderus lib. 8. de visibili monarchia, cap. 50. alias sex. Michael Medina lib. 2. de recta fide ponit decem: & lib. 7. cap. 26. addit undecimam. Cunerus Petri in libello de notis Ecclesiae ponit (ni fallor) duodecim, nec enim, cum hæc scriberemus, libellum ejus habebamus in manibus.

Nos quindecim Notas proponemus, quæ, si quis velit, poterunt aliquo modo revocari ad illas quatuor, quæ communiter à recentioribus assignantur ex Symbolo Constantinopolitano, Unam, Sanctam, Catholicam, & Apostolicam.

C A P U T IV.

Explicatur prima Nota.

Prima Nota, est ipsum Catholicæ Ecclesiae & Christianorum nomen; nam, ut S. Augustinus docet lib. contra epist. fundamenti, cap. 4. etiam si omnis hæresis velit videri, & dici Catholica Ecclesia, tamen cum interrogantur hæretici à paganis, ubi ad Catholicam conveniatur? nemo audet domum suam ostendere, & Cyrillus cateches. 18. dicit: *Si iveris in aliquam urbem, non petas, ubi sit Ecclesia, vel domus Dei; nam etiam hæretici dicunt se habere domum Dei, & Ecclesiam, sed petas, ubi sit Catholica Ecclesia; id enim nomen proprium est hujus sanctæ Ecclesie matris omnium nostrum; quasi dicat, si hoc petas, nullus hæreticus suam Ecclesiam ostendet.*

Pacianus in epistola ad Sympronianum, quæ est de nomine Catholico: *Certe, inquit, non est ab homine mutatum, quod per sæcula tanta non cecidit. Catholicum istud, nec Marcionem, nec Apellem, nec Montanum sonat, nec hæreticos sumit auctores.* Et infra: *Christianus mihi nomen est, Catholicus verò cognomen; illud me nuncupat, istud ostendit.* Et ibidem pulchrè dicit, nomen Catholicum convenire capiti principali, & trunco illius arboris, unde multi rami variis temporibus excinduntur: sectæ enim hæreticæ sunt rami, idest, partes quædam ab arbore Ecclesiae præcisæ; ipsa autem arbor, quæ sua radice nititur, & semper eadem manet, & est quid totum, Catholica dicitur. Similiter nulla est hæresis, quæ non accipiat nomen ab aliquo homine auctore suo, & nomen Christianum iis relinquat, à quibus discedit. Sic 1. Corinth. 3. schismaticorum

Contrav. Card. Bellarm. Tom. II.

A alii dicebant: Ego sum Pauli, alii, ego Apollo, alii ego verò Cephe.

Justinus in Triphone: *Et sunt, inquit, distincti cognominibus, denominati à quibusdam viris, ut quisque fuit auctor alicujus novæ doctrine.* Ex iis alii vocantur Marcionista, alii Valentiniani, alii Basilidiani, alii Saturniniani, alii alio vocabulo, quisque à primo inventore sui dogmatis. Irenæus lib. 1. cap. 20. *Habent, inquit, & vocabula, à principe impiissima sententiæ Simone dicti Simoniani.* Lactantius lib. 4. cap. 30. *Cum Marcionista aut Ariani nominantur, Christiani esse desierunt, qui Christi nomine amisso, humana & externa vocabula induerunt.* Athanasius serm. 2. contra Arianos: *Nonquam, inquit, populus ab Episcopis suis, sed à Domino, in quem creditum fuit, nomen accepit.* Certè à beatis Apostolis præceptoribus nostris appellationes adepti non sumus, sed à Christo Christiani sumus, & nuncupamur. Illi verò qui aliunde originem suæ fidei deducunt, meritis auctorum suorum cognomenta præ se ferunt. Quapropter cum à Christo omnes Christiani effemus, & disceremur, explosus est Marcion inventor hæreseos. Reliqui autem qui remanserunt, Christiani titulum retinuerunt: qui verò Marcionem sequuti sunt, non jam inde Christiani, sed Marcionista appellati sunt. Ita quoque Valentinus, Basilides, Manichæus & ceteri sectatoribus suis nomina impertierunt.

Chrysostomus homil. 33. in acta Apostolorum *Illi habent quosdam à quibus appellantur: prout enim hæresiarcha nomen, ita & secta vocatur, nobis autem nullus vir nomen dedit, sed fides ipsa.*

Hieronymus contra Luciferianos in fine: *Sicubi audietis eos, qui dicuntur Christiani, non à Domino Jesu Christo, sed à quoquo alio nuncupari, ut Marcionistas, Valentinianos, scito non Ecclesiam Christi, sed Antichristi esse Synagogam.* Jam ergo si nunc dicuntur alii Martinistæ, vel Lutherani, alii Zvingliani, alii Calvinistæ, &c. nos autem ab aliquo certo homine nemo unquam vocavit, constat nostram solum esse veram Ecclesiam.

At, inquiunt, vos vocamini passim, Papistæ, Romani, vel Romanenses. Respondeo, etiam olim fuisse vocatos Catholicos homousianos, sed ista ipsa nomina veritati attestantur. Non enim sunt nomina alicujus novi auctoris, & hæresiarchæ, ut sunt ipsorum nomina: sed homousianus significat eum, qui credit Filium Patri consubstantialem, quod est dogma verissimum. Papista deducitur à Papa, qualis fuit etiam Petrus, & Christus ipse, ut notum est, Romanus autem, & Romanensis, etiam ante 1100. annos idem erat, quod Catholicus, ut patet ex Ambrosio in oratione de obitu Saryri. Adde, quod Chrysostomus hom. 33. in acta dicit, non esse malum si Catholici denominentur ab us, qui Ecclesiam gubernant nomine Christi, modò non denominentur ab aliquo homine particulari, sicut hæretici faciunt. Ubi videtur prævidisse nos vocandos quandoque Papistas. Adde, quòd non vocamur Papistæ, nisi à Lutheranis in Germania, & vicinis regionibus, non sic autem vocamur in Græcia, Asia, Africa, Indiis, ut interim omittam Italiam, & Hispaniam.

C A P U T V.

Nota secunda.

Secunda Nota est Antiquitas, nam sine dubio vera Ecclesia antiquior est, quàm falsa, Quemadmodum Deus antè fuit, quàm esset Diabolus. Quocirca Matth. 13. prius seminatum legimus fuisse bonum semen, quàm zizania: & Ecclesia dicitur Catholica, quia omni tempore fuit, & similiter dicitur

F 2 Apосто-

Apostolica, quia fundamenta ab Apostolis, & proinde antiquissima. Jam quod nostra Ecclesia sit antiquior omnium paganorum conventiculis, immò quod nostra Scriptura sit antiquior ipsis Divis Gentilium, demonstrat Tertullianus in Apologetico, c. 19. & 20. & B. Augustinus lib. 18. de civitate Dei, c. 37. & 38. Quod autem nostra Ecclesia, quam adversarii Papisticam vocant sit illa ipsa quam Christus instituit, & proinde vetustior omnibus sectis hæreticorum, hac ratiocinatione concludi potest.

In omni insigni mutatione religionis semper ista sex demonstrari possunt. Primo, auctor ejus. II. dogma aliquod novum. III. tempus, quo coepit. IV. locus ubi coepit. V. quis eam oppugnaverit. VI. exiguus aliquis coetus, qui paulatim aliis accedentibus crescere coeperit: nam illa omnia invenimus in ipsa Christi Ecclesia, quæ tamen non fuit nova Ecclesia, sed solum mutatio quadam status Ecclesiæ secundum Prophetarum prædictiones. Primo enim scimus, auctorem fuisse Christum, unde Christiani dicimur. Secundò coepisse tunc explicite credi nova dogmata Trinitatis, & Incarnationis. Tertiò coepisse ista prædicari anno 15. Imperii Tiberii Cæsaris. Quarto coepisse in Judæa. Quinto mox oppugnatam fuisse hanc religionem à Scribis & Phariseis, deinde à Gentilibus summa vi. Sexto scimus, initio fuisse multò pauciores Christianos, quàm essent Judæi, cum separatio facta est. Si ergo in hac mutatione status ejusdem Ecclesiæ illa sex ostendi possunt, multò magis eadem poterunt demonstrari in quavis perfecta mutatione. Jam verò nos illa omnia, de singulis hæreticorum sectis facillimè demonstramus. Nihil autem horum adversarii unquam de nostra Ecclesia post Apostolica tempora demonstrare potuerunt.

Ac ut exemplis rem illustremus. Arianorum auctorem scimus fuisse Arium quendam Presbyterum Alexandrinum, Nestorianorum verò Nestorum, Episcopum Constantinopolitanum. Lutheranismum autem Martinum Lutherum presbyterum, & Monachum ordinis sancti Augustini.

Secundò scimus, quæ dogmata invenerint. Arius enim docuit Filium Dei esse creaturam. Nestorius in Christo esse duas personas. Lutherus justificari homines per solam fidem specialem, idest, per hoc solum, quod se iustos putent: item negavit Eucharistiam esse sacrificium.

Tertiò scimus tempora. Coepit enim Ariana hæresis anno Domini 324. Nestoriana anno 431. Lutheranismus anno 1517.

Quartò scimus loca. Coepit Arianismus in Ægypto. Nestoriana hæresis in Thracia. Lutherana in Saxonia.

Quintò scimus, Arianos mox oppugnatos fuisse à Sylvestro Pontifice, à Concilio Nicæno, ab Athanasio, Hilario, & aliis. Nestorianam à Pontifice Cœlestino, Concilio Ephesino, Cyrillo, aliisque permultis. Lutheranismum à Leone X. Pontifice, à Concilio Tridentino, ab Academicis omnibus Catholicis, & Doctoribus plurimis.

Sextò scimus, initia harum hæresum valde exigua fuisse, & multò plures initio separationis sine comparatione fuisse Catholicos toto orbe terrarum diffusos quàm erant Arianæ, Nestorianæ, vel Lutheranae, quod ne ipsi quidem negant.

Quod verò nihil horum de nobis ostendere possint, perspicuum est, nam Primo, numquam obicerunt nobis auctorem nostræ sectæ, nec ab ullo particulari homine nos appellaverunt, quod certe libentissimè facerent si possent.

Secundò, numquam ostenderunt primam originem ullius dogmatis nostri; immò Centuriatores

A in singulis Centuriis, cap. 4. circa finem, annotant, qui auctores defenderint nostra dogmata, quæ nunc ipsi oppugnant, nec originem inveniunt, nisi tempore Apostolorum. Nam etiam Justinum, & Irenæum numerant inter nostros fautores: quos constat proximè insequutos Apostolorum tempora. Et c. 5. in singulis Centuriis enumerant omnes hæreses cujuscumque sæculi, & qui restiterint, nec unquam annotant aliquam hæresim excogitatam à Romanis Pontificibus, sed potius omnes hæreses ab illis condemnatas. Nunc quidem nobis multas hæreses obijciunt. Nam Tilmannus Heshusius scribit librum de sexcentis hæresibus Papistarum, sed illæ hæreses, exceptis mendaciis Tilmanni, sunt antiquissima dogmata, quod vel ex Centuriis, facillimè probari posset. Nam Illyricus nostra dogmata in omnium Patrum libris invenit; sed in Patribus vocat novos, in nobis hæreses, scilicet, hæc est astutia Adversariorum; ut ostendant nos esse extra Ecclesiam, nostra dogmata vocant hæreses: ut non videantur ipsi separati ab Ecclesia Patrum, eadem dogmata in illis vocant novos.

B Tertiò, numquam designare potuerunt tempus certum nostræ defectionis ab Ecclesia. Dicunt quidem post primos quingentos annos coepisse valde invalescere hanc sectam, tamen quando coeperit, absolute numquam dixerunt.

C Quartò, numquam ostenderunt, quo loco coeperit, nam post primos quingentos annos floruit Gregorius, cum quo totum orbem terrarum communicasse, ex epistolis ejus, quas ad omnes provincias mittit, cognosci potest. Item post Gregorii obitum celebratum est Concilium VI. generale, ex quo manifestè colligitur, totum Orientem, & Occidentem, eo tempore cum Romano Pontifice, ut membra cum suo capite, conjuncta fuisse.

D Quintò, numquam ostenderunt, quis eam oppugnaverit, tamquam nuper ortam, & quæ Concilia contra eam celebrata fuerint. Obijciunt quidem Concilium Constantinopolitanum sub Copronymo, quod videtur fuisse generale, & damnavit imagines, quas Romani defendebant. At non fuit hoc verum generale Concilium, cum non habuerit ullum verum Patriarcham. Præterea istud Concilium non damnavit dogma tunc exortum, sed dogma antiquum, & in tota Ecclesia receptum; nam non statuit, ut non reciperetur cultus imaginum, sed ut aboleretur, & ut imagines è templo auferrentur. Vide Cedrenum, Zonaram, & Paulum Diaconum.

E Sextò, non potest ullo modo ostendi, quod unquam nostra Ecclesia separaverit se ab aliqua majore; ita ut qui adhærebant Romanæ sedis, essent paucissimi, reliqui Christiani multò plures; nam ex epistolis B. Gregorii, quas scribit ad Episcopos Orientis, Africae, Hispaniae, Galliae, Italiae constat omnes ferè Christianos cum eo communicasse.

Hoc argumento ab antiquitate semper usi sunt veteres Patres contra hæreticos, ad ostendendam veram Ecclesiam. Tertullianus libro de præscript. *Qui estis vos, inquit, unde, & quando venistis? Ubi tandem latuistis?* Optatus lib. 2. contra Parmenianum: *Vestra, inquit, cathedra originem ostendite, qui vobis vultis sanctam Ecclesiam vendicare.* Hilarius li. 6. de Trinitate ante medium. *Tardè mihi, inquit, hos pissimos Doctores atas nunc hujus sæculi protulit. Serò hos habuit fides mea, quam tu erudisti, magistros, inauditis ego his omnibus in te credidi &c.* Hieronymus in epistol. ad Pammachium, & Oceanum: *Quisquis, inquit, asserit ei novorum dogmatum, queso te, ut parcas Romanis auribus, parcas fidei, qua Apostolico ore laudata est. Cur post quadringentos annos docere nos niteris, quod antè nescivimus? Usque in hanc diem sine vestra ista doctrina Chri-*

ma Christianus mundus fuit. Et lib. contra Luciferianos in fine: Ex hoc ipso, inquit, quod posterius insistenti sunt, eos se esse indicant, quos futuros Apostolus prænunciavit. Denique Augustinus lib. contra epist. fundamenti, c. 4. antiquitatem inter notas Ecclesiae ponit.

Ad hoc argumentum quatuor adferunt solutiones. Primò, responder Calvinus lib. 4. Instit. cap. 2. §. 3. non posse ex antiquitate invictum argumentum duci. Nam Imael fuit senior quam Isaac, & tamen dictum est: eijce ancillam, & filium ejus. At Imael non fuit figura falsæ religionis, sed solum Testamenti veteris quod erat bonum, & à Deo: Sed quia status hominum ejus testamenti erat servorum, qui timore ducuntur, debuit ei succedere testamentum novum perfectius, ad quod pertinent liberi, qui ducuntur amore. Galat. 4. Scriptum est, quia Abraham duos filios habuit &c. que sunt per allegoriam dicta, hæc enim sunt duo Testamenta &c.

Secundò dicunt, non posse ostendi de nostra Ecclesia, quo tempore, quo loco, per quem auctorem præcise coeperit &c. non quòd revera non sit nova, sed quia non facta est simul ista mutatio, sed paulatim irrepserunt errores non advertentibus, immò etiam dormientibus pastoribus. At etiam aliæ mutationes non factæ sunt totæ simul, sed paulatim, ut patet de Lutero, qui initio non negabat nisi indulgentias &c. & tamen scimus de singulis, quando, & quomodo ortæ sint. Præterea Matth. 13. non dicuntur zizania nata dormientibus hominibus, sed seminata dormientibus hominibus; mox autem nata apparuisse, & cognita fuisse. Quomodo igitur nostræ hæreses per mille ferme annos detectæ non sunt? Sanè non solum pastores, sed etiam Deus valde dormivisset, si per tot sæcula numquam excitasset aliquem, qui istis erroribus resisteret. Et delendum esset ex Evangelio illud: Ego vobiscum sum usque ad consummationem sæculi.

Tertiò dicunt, quòd licet non possit ostendi, quando coeperit initium hujus depravationis, tamen posse ostendi, quando insignis mutatio facta est. Nam initio anni 600. Papa in Antichristum apertè mutatus est, quando videlicet Romanus Pontifex obituit à Phoca Imperatore, ut caput Episcoporum diceretur, & quando aperuit Pantheon templum omnium Deorum. Ita docent Magdeburgenses Centur. 7. cap. 1. & concordant plerique adversariorum. Nam etiam Theodorus Bibliander in tabulis suæ Chronologiae initio anni 600. ponit apparitionem Antichristi, idest, Papæ; & Lutherus in supputatione temporum, vult S. Gregorium fuisse ultimum Papam; & passim Calvinistæ, & Lutherani, usque ad primos 500. vel 600. annos extendunt Ecclesiae puritatem.

At in primis post annum 670. diu post tempora Phocæ celebratum est Concilium VI. generale, quod adversarii ut sacrosanctum recipiunt; ut patet tum ex aliis, tum ex Confessione Tigurinorum, & ex Centuriis Magdeburgensium; In eo autem Concilio præcipuæ partes fuerunt Romani Pontificis Agathonis; Nam ejus sententiam per legatos & epistolas ipsius explicatam, omnes sequuti sunt, ut etiam prolixè describunt Centuriatores Cent. 7. cap. 9. Vel ergo Papa nondum erat Antichristus, vel tota Ecclesia, & sanctum generale Concilium Antichristum venerata & sequuta est.

Præterea falsum est, quòd Phocas primus tribuerit Romano Pontifici nomen capitis Ecclesiae. Nam Justinianus senior, qui serè centum annis fuit ante Phocam in epistola ad Joannem II. Papam disertis verbis vocat eum caput omnium Ecclesiarum. Et hoc idem habetur in epistola ejusdem Joannis II. responsiva ad Justinianum, ubi Papa repetit summam literarum Imperatoris, & habetur utraque epistola

Controv. Card. Bellarm. Tom. II.

A in Codice lib. 1. titul. 1. leg. 4. & 6. Nec id ignorant Centuriatores. Nam Cent. 6. cap. 10. col. 670. meminerunt legis quartæ Codicis, quæ ex epistola Joannis Papæ sumpta est. Itaque contra conscientiam suam mentiuntur.

B Præterea ante tempora Justiniani Concilium Chalcedonense in epist. ad Leonem vocat eum caput omnium Episcoporum. Et ipse S. Leo ferm. 1. de sanctis Petro, & Paulo, sic Romam alloquitur: Per sacram B. Petri sedem caput orbis effecta latini præfides religione divina, quam dominatione terrena. Et infra, Minus est, quod tibi bellicus labor subdidit, quam quod pax Christiana subjecit. Phocas igitur non primus hoc nomen tribuit Romano Pontifici, sed primus compescuit superbiam Episcopi Constantinopolitani, qui se Romano Pontifici æquare volebat.

Ad illud de Ecclesia, quæ dicitur Pantheon, dico primò, argumentum esse contra adversarios. Nam Dan. 11. legimus, Antichristum pugnaturum contra omnes Deos, & solum in occulto adoraturum Deum Maozim. & 2. Tess. 2. dicitur elevaturum seipsum supra omne, quod dicitur Deus. Ergo si Papa aperuit templum omnibus Diis, hoc ipso non est Antichristus. Præterea antequam templum Pantheon consecraretur Deo in memoriam omnium Sanctorum, jam erant Romæ templa S. Petri, Pauli, Laurentii, Sebastiani &c.

C Sed objicit Melancthon in Confessione & Apolog. art. 21. invocationem Sanctorum non fuisse ante Gregorii tempora; ergo tunc coepit. Respondeo, mendacium esse. Nam plurimi Patres, & in iis Ambrosius in lib. de viduis, meminerunt invocationis Sanctorum: sed de Antichristo, & invocatione Sanctorum suis locis fusiè disseruimus.

D Quartò, respondet Calvinus in præfat. Instit. suam Ecclesiam non esse novam, sed antiquissimam; immò illam ipsam, quam Christus fundavit, tamen non esse vitam per multa sæcula, & nunc demum apparuisse. At contra est argumentum quod ficit B. Augustinus contra Donatistas lib. 3. de Baptismo, cap. 2. aut ista Ecclesia, quæ nunc apparuit, antea perierat, & nunc surrexit; aut non perierat, sed tantum latuerat, & nunc extulit caput. Non Primum, quia tunc non potuissent renasci ipsi, si mater perierat. Si perit: Unde ergo, inquit, B. Augustinus, Donatus apparuit? de qua terra genuit? ex quo mari emerfit? de quo caelo cecidit? Et præterea falsæ erunt promissiones Christi, Matth. 16. Porta inferi non prævalent adversus eam. Et Matthæi ultimo: Ego vobiscum sum usque &c. Non Secundum, quia tunc vel ista Ecclesia latens profitebatur suam fidem, vel non profitebatur; si profitebatur, ergo non erat latens, sed manifesta: & si manifesta, quomodo nemo advertebat? Quomodo non capiebantur, & coercerantur ab inquisitoribus, qui longo tempore ante Lutheri ætatem esse coeperunt in Ecclesia? Quomodo nullum vestigium, nulla memoria eorum exstat? Si autem non profitebatur fidem, sed verè & propriè latebat, (quam partem ipsi defendere coguntur) ergo illa non fuit Ecclesia, ac proinde nulla fuit in mundo vera Ecclesia. Nam ut ipsi dicunt, confessio fidei est nota veræ Ecclesiae: & Rom. 10. Ore confessio fit ad salutem.

E Præterea si ita est, quomodo apparente Lutero, & Calvino nemo fuit qui se illis adjungeret, nisi quos ipsi deceperunt? Si multi Lutherani, & Calvinistæ latebant, debuissent multi prædicante Lutero, & Calvino mox cognoscere locos suos, & ad eos currere etiam non vocati, at non ita factum est; Nam omnes ferè qui sunt Lutherani, & Calvinistæ, fatentur se antea fuisse ex nostris, & nihil cognovisse de nova illa doctrina. Immo Lutherus ipse

F 2

late-

fatetur, se aliquando non fuisse Lutheranum, sed Monachum Catholicum, & Missas celebrasse per quindecim annos seriò, ac devotè. Vide librum de Missa angulari, vel Joannem Cochlaeum in actus Lutheri anni 1534. Item lib. 2. Lutheri contra Zwinglium, vel Septicipitem Joannis Cochlaei, cap. 24.

Denique, si ita Ecclesia latuisset, ut Calvinus dicit, sequeretur Ecclesiam Christi fuisse peiorem, & miseriorem omni secta hæretica, & ipso etiam populo Judæorum post everisionem Hierosolymæ; quod certè est blasphemum, cum Deus per Prophetas passim prædicet gloriam Ecclesiæ, & polliceatur se cum ea semper futurum. Quod illud sequatur, patet; nam omnis hæretica secta habuit sua templa, suos Episcopos, sua Sacramenta. Et similiter Judæi post everisam Hierusalem semper habuerunt aliquas Synagogas, ubi liberè excercuerunt suas caeremonias, ut patet ex Gregorio li. 7. epist. 5. nec unquam coacti sunt generaliter adorare Deos alienos. At Ecclesia, quam latentem fingit Calvinus, per annos serè mille, nulla habuit templa, nulla sacra, nullos Episcopos, nec habuit unum angulum terræ ubi liberè excerceret actus Religionis suæ, & quod peius est, coacta est servire Dñs alienis, adorare idola, sacrilegiis communicare, quæ est horribilior, & longior captivitas, quàm unquam fuerit Judæorum; immò est ista Ecclesia deformior ipsis ruinis Synagoga.

C A P U T VI.

Nota tertia.

Tertia Nota est Duratio diuturna, nec unquam interrupta. Ecclesia enim dicitur Catholica, non solum quia semper fuit, sed etiam quia semper erit, juxta illud Dan. 9. *Regnum quod in æternum non dissipabitur.* Et Act. 5. *Si est ex hominibus Concilium hoc, aut opus, dissolvetur; si verò ex Deo est, non poteritis dissolvere.* De hæreticis autem S. Paulus dicit: *Sed ultra non proficient.* 2. Timoth. 3. & B. Cyprianus lib. 4. epistol. 2. dicit schismaticos semper inter initia fervere, incrementa verò habere non posse, sed statim cum prava sua æmulatione deficere. Et B. Augustinus Psalm. 57. in illud; *Ad nihilum devenient tanquam aqua decurrens: Non vos terreat, inquit, fratres quidam fluctus, qui dicuntur torrentes. Hyemalibus aquis implentur. Nolite timere: post paululum transiit, decurrit aqua, ad tempus perscrepit, mox cessabit. Non flere non possunt. Multa hæreses jam emortue sunt, cecurrerunt in rivis suis quantum potuerunt, decurrerunt: siccati sunt rivus, vix eorum memoria reperitur, vel quia fuerint.*

Jam verò constat Ecclesiam nostram durasse ab initio mundi hucusque. Vel si de statu novi Testamenti loquamur, durasse à Christo hucusque per 1577. annos, frustra eam oppugnantibus primo Judæis, deinde paganis, ultimo hæreticis; nec solum durasse, sed etiam ex persecutionibus crevisse. Ut enim aquæ diluvii, palatia regum obruebant, atque depreciebant, arcam verò Noe semper magis ac magis attollebant, ita persecutiones regna temporalia facile destruunt, Christi regnum, quod est Ecclesia, non modò non destruunt, sed etiam illustrent. Itaque Justinus in Triphone, dicit persecutionem id esse Ecclesiæ, quod est vineis putatio; ut enim vineæ putatione ad ubertatem provocantur, ita quoque Ecclesia persecutionibus crescit: & Tertullianus cap. ult. Apologetici sanguinem Martyrum eleganter semen Christianorum vocat, quod explicasse videtur Leo serm. 1. de SS. Petro & Paulo, cum ait: *Non minuitur persecucionibus Ecclesia, sed*

augetur, & semper Dominicus ager segete ditare vestitur, dum grana, quæ singula cadunt, multiplicata nascuntur.

Quamvis autem hæretici hujus temporis non concedant nostram Ecclesiam 1577. annis durasse, concedunt tamen durasse sine ulla interruptione à Gregorio I. hucusque, idest, annos serè mille. Quod tempus etiam si solum esset, adhuc esset longius, quàm fuerit ætas ullius hæresis. Sed tamen falsum est non diutius durasse; ipsi enim non possunt ostendere per ullam historiam, aut veterum scripta, factam esse mutationem religionis in Ecclesia Romana tempore S. Gregorii.

Deinde nostram Ecclesiam esse veram Ecclesiam probari potest etiam hoc argumento; nam ante Lutheri tempora, non erant in mundo, nisi hæ religiones, Paganismus, Judaismus, Mahometismus, Græcismus, Nestorianismus, Hussitarum hæresis, & Romana Ecclesia. Sed certum est non fuisse veram Ecclesiam Christi apud ullam ex prædictis sectis, ut etiam Lutherani fatentur, ergo fuit apud Romanam Ecclesiam, aut certè perit de mundo omnis vera, & visibilis Ecclesia; quod non posse fieri, supra docuimus. At verò sectæ omnes hæreticæ brevi defecerunt præter eas, quæ nunc exortæ sunt.

Refert Theodoretus in lib. de hæreticis fabulis, septuaginta sex diversas hæreses usque ad sua tempora exortas; & libro 3. ejusdem operis testatur omnes illas extinctas fuisse, paucissimis exceptis. Augustinus in lib. de hæresibus numerat 88. hæreses, ex quibus plurimas periisse testatur in expositione Psalm. 57. Nos numeramus usque ad tempora Lutheri 200. hæreticorum diversissimas familias: ex his autem non supersunt, nisi reliquæ quædam Nestorianorum, & Eutychnianorum in Oriente; & Hussitarum in Boemia; reliquæ omnes funditus interierunt. Et mirabilis valde est in hac re providentia Dei, quòd fuerint hætenus usque ad Lutheri tempora, ut minimum 200. hæresiarchæ, quorum multi habuerunt multos Episcopos, multas Ecclesias, multos potentissimos Patronos, & Imperatores, & Reges, & scripserunt libros innumerabiles, ut viderentur numquam posse deficere; & tamen ita defecerunt, ut jam non supersint nec ipsi, nec libri eorum, nec dogmata, nec nomina, aut vestigia ulla, nisi in libris Catholicorum. Itaque si Catholici non scripissent eorum nomina in suis libris, nesciremus quidem eos fuisse unquam in hoc mundo.

Quàm firmis radicibus nixa videbatur hæresis Ariana temporibus Athanasii & Hilarii? At nunc ubi, quæso, est? Evanuit velut pulvis, quem projicit ventus à facie terræ. Ante annos ducentos regnabat in Gallia hæresis Albigenium, quæ præter vires doctrinæ, magis abundabat copiis militum, & potentia, quàm nunc hæresis Calvinistarum, ut cognosci potest ex lib. 6. Pauli Æmili de rebus Gallorum; & tamen ubi nunc sunt Albigenes? Quotusquisque est, qui eos vel nominari audierit?

Potro Lutherani vix nati arescere cœperunt: cœpit regnum Lutheri anno 1517. sed vix sepeem annis pacificè regnavit. Nam anno 1525. surrexit Zwinglius, & post duos alios annos surrexerunt Anabaptistæ, qui majorem partem Lutheranorum à Luthero separatam ad se traxerunt. Qui verò manserunt Lutherani, ita immutarunt Lutheri doctrinam, ut vix ulli jam inveniantur puri Lutherani. De quo graviter conqueritur Illyricus in præfationibus omnium Centuriarum.

Sed nec Zwinglius diu regnavit. Nam anno 1538. surrexit Calvinus, qui ita brevi invaluit, ut vix pauca quædam oppida Helvetiorum Zwinglianis reliquerit. Ipsi quoque Calvinistæ per Libertinos in Gal-

Gallia, per Trinitarios in Polonia, & Samofarenos in Transylvania, quotidie magis ad paucitatem rediguntur.

Potro Calvinus, ut erat sagax, regnum suum non fore diuturnum prævidit & prædixit in præfatione Catechismi Genevensis, quem ad Ministros in Frisia Orientali misit: *De posteritate, inquit, ego se sum anxius, ut tamen vix cogitare audeam. Nisi enim mirabiliter Deus è celo succurrerit, videre mihi videor extremam barbariem impendere orbi. Atque utinam non paulò post sentiant filii nostri fuisse hoc verum potius vaticinium, quam conjecturam.* Quæ Calvinæ anxietas satis apertè declarat sectam ipsius rem esse planè humanam, non spiritu Dei, sed industria quadam, atque artificio humano excogitaram, ac denique longissimè abesse à spiritu ejus, qui dixit: *Super hanc petram edificabo Ecclesiam meam, & porta inferi non prevalebunt adversus eam.*

Centuriatores quoque in præfatione secundæ Centuriæ idem vaticinantur de suo Lutherismo. *Maxima, inquit, in doctrina variationes, & inclinationes impendere videntur, & sic merentur hominum peccata, quæ sunt indices atrociora. At tempora quidem Germanici Prophetæ Martini Lutheri, cujus voce & ministerio lux Evangelii quasi è tenebris Egyptiacis revocata est, propemodum Apostolorum ætati respondent. Nunc verò ipso sublato, quasi alteram Evangelii ætatem ingressi sumus, ubi plures phanatismi incipiunt pullulare, & paulatim regnare.* Et in præfatione Cent. 5. postquam ostenderunt præcipuos articulos de libero arbitrio, de fide justificante, de bonis operibus, non defendi amplius à Lutheranis plurimis Luthericè, sed Papisticè, subjungunt: *Periit jam, idque repente, veritas patefacta. Philosophia, Papisimus & alia secte longè lateque in templo Dei primam cathedram occupant.*

Concludimus ergo cum S. Hieronymo in extremo Dialogo adversus Luciferianos: *Brevem, inquit, & pertamque animi mei sententiam proferam, in illa esse Ecclesia permanendum, quæ ab Apostolis fundata, usque ad diem hanc durat.* Et cum S. Augustino lib. de utilitate credendi, cap. 17. *Dubitabimus, inquit, nos illius Ecclesia concedere gremio, quæ ab Apostolica sede per successiones Episcoporum frustra hæreticis circumlatrantibus culmen auctoritatis obtinuit?*

CAPUT VII.

Nota quarta.

Quarta Nota est Amplitudo, sive multitudo, & varietas credentium. Ecclesia enim verè Catholica non solum debet amplecti omnia tempora, sed etiam omnia loca, omnes nationes, omnia hominum genera. Sic enim explicat, quid sit esse Catholicum, Vincentius Lyrinensis in suo commonitorio, ubi dicit eos propriè esse Catholicos, qui tenent id, quod semper, quod ubique, quod ab omnibus creditum est. Et sic prædictum erat Psal. 2. *Dabo tibi gentes, hereditatem tuam, & possessionem tuam, terminos terra.* Et Psal. 71. *Dominabitur à mari usque ad mare &c.* Et Dominus ipse Luc. ult. & act. 1. dicit prædicandum Evangelium in omnes gentes initio factò à Hierusalem.

Sunt autem aliqua observanda, antequam ex hac Nota argumentum depromamus. Primum est ex Augustino lib. de unitate Ecclesiæ, cap. 6. & Beda in cap. 6. Cant. ut Ecclesia sit Catholica, in primis requiri, ut non excludat ulla tempora, loca, vel hominum genera, in quo distinguitur à Sinagoga, quæ erat Ecclesia particularis, non Catholica, quia erat alligata uni temporis, idest, usque ad adventum

Contror. Card. Bellarm. Tom. II.

A Messie, item uni loco, idest, templo Salomonis, extra quod non poterant sacrificare, & uni familiæ, idest, filiis Jacob.

Secundò, nota ex Augustino epistol. 80. ad Helychium, ut sit Ecclesia Catholica, non requiri, ut sit in omnibus locis totius mundi, sed tantum, ut innotescat omnibus provinciis, & in omnibus fructificet, ita ut in omnibus provinciis aliqui sint de Ecclesia; Donec enim hoc fiat, non veniet dies Domini, ut patet ex Matth. 24.

Tertiò ex Driedone lib. 4. cap. 2. par. 2. de Ecclesiæ dogmat. nota, non requiri, ut hoc fiat simul, ita ut uno tempore in omnibus provinciis necessariò esse oporteat aliquos fideles: satis enim est, si fiat successivè. Ex quo id sequitur, quod si sola una provincia retineret veram fidem, adhuc verè & propriè diceretur Ecclesia Catholica, dummodò clarè ostenderetur, eam esse unam & eandem cum illa, quæ fuit aliquo tempore, vel diversis in toto mundo, quemadmodum nunc quælibet Dioecesis dicitur Catholica, quia est continuata cum aliis, quæ faciunt unam Ecclesiam Catholicam.

At, inquit, hoc est incidere in errorem Petilianæ, & Donatistarum, qui dicebant, Ecclesiam quidem fuisse in toto orbe, sed postea periisse, ex omnibus provinciis, & in sola Africa remansisse, quos Augustinus reprehendit Psalm. 101. conc. 2. Respondeo, Donatistas errasse in duobus. Primum, quod vellent, Ecclesiam tantum fuisse in Africa, eo tempore, quo manifestè in toto mundo adhuc fructificabat. Secundò, quod suam Ecclesiam Africanam non poterant continuare cum illa, quæ in toto orbe fuerat, nam in illa semper fuerunt boni & mali, ut Augustinus probat, ipsi autem non volebant nisi bonos.

Ultimò, nota, quod etsi Ecclesia non necessariò debuit simul esse in omnibus locis, tamen hoc tempore debet necessariò vel esse, vel fuisse in majori parte orbis terræ. Nam Ecclesia omnium consensu, etiam hæreticorum, jam senuit, si ergo in sua adolescentia, & juventute non crevisset, quomodo nunc in senectute cresceret? Oportet igitur, ut jam creverit, atque occupaverit, si non totum orbem terrarum, at certè magnam partem.

Jam verò nostram Ecclesiam maximam partem orbis occupasse, & esse verè Catholicam, ita probatur. Nam tempore Apostolorum in toto mundo fructificare cepit, ut Paulus dicit Col. 1. Item tempore Irenæi erat sparsa per totum orbem, idest, per omnes provincias tunc cognitæ, id quod ipse refert lib. 1. cap. 3. Idem postea refert de suo tempore Tertullianus lib. contra Judæos, cap. 3. Idem postea Cyprianus lib. de unitate Ecclesiæ. Idem postea Athanasius lib. de humanitate Verbi. Idem postea Chrysostomus & Hieronymus in cap. 24. Matth. & Augustinus in epist. 78. & 80. ad Helychium, necnon Theodoretus in lib. de legibus, & Leo Magnus serm. 1. de sanctis Petro & Paulo, ac S. Prosper, qui in lib. de ingratis, ita cecinit:

Sedes Roma Petri, quæ pastoralis honoris.

Facta caput mundo, quidquid non possidet armis,
Religione tenet.

Sed hæc fortasse non negabunt adversarii. At nos idem ostendemus de posterioribus temporibus. Tempore B. Gregorii Ecclesiam nostram fuisse in toto orbe terrarum, planum est, ut supra etiam adnotavimus ex epist. ipsius Gregorii ad Episcopos Orientis, Africa, Hispaniæ, Galliæ, Angliæ, Siciiliæ. Item ex Beda in cap. 6. Cantorum, necnon ex Bernardo, qui disputans coram Rege Siciiliæ Rogerio, assererat, Romano Pontifici suo tempore paruisse Orientem & Occidentem totum, item Franciam,

F 4

Ger.

Germaniam, Angliam, Iberos, & plurimas barbaras nationes. Vide vitam S. Bernardi lib. 2. cap. 7.

Denique, nostro tempore Ecclesia Romana præter Italiam & Hispaniam totam, præter Galliam ferè totam, præter Germaniam, Angliam, Poloniam, Boemiam, Hungariam, Græciam, Siriam, Æthiopiam, Ægyptum, in quibus multi inveniuntur Catholici, in ipso novo orbe habet Ecclesias sine admitione hæreticorum, in omnibus quatuor partibus mundi; ad Orientem, in Indiis; ad Occidentem, in America; ad Septentrionem, in Japonia; ad Meridiem, in Brasilia, & exteriori parte Africae. At sectæ hæreticæ numquam totum orbem, aut certè dimidiam ejus partem occuparunt.

Sectæ Mahumeti, cum hæresibus Nestorii, & Eutychetis, quæ adhuc vigent in Oriente, numquam ad Occidentem transierunt. Hæreses autem Lutheranorum numquam transierunt mare, nec Asiam, aut Africam, Ægyptum, aut Græciam viderunt. Ex quo intelligimus illustre esse mendacium, quod habetur in principio præfationis Concordiæ Lutheranorum, anno 1580. editæ: dicunt enim, Confessionem Augustanam in toto orbe terrarum percrebuisse, & in ore & sermone omnium esse cœpisse. At ex tribus partibus orbis terræ, duæ majores, Asia & Africa, nec nomen hujus Confessionis audierunt. In Europa multæ provinciæ: ut tota Græcia, Italia, Hispania, vel nesciunt quid sit Confessio Augustana, vel execrantur; Gallia, Helvetia, & Britannia, non recipiunt, nisi nomine tenus; Immo rara est civitas, quæ ab una aliqua secta hæretica tota possideatur. Et quamvis videantur hæretici hoc tempore magnam partem Septentrionis obtinere, tamen non tenentur omnia illa loca ab una secta, sed à plurimis, quæ inter se non minus pugnant, quàm nobiscum.

Itaque pulchrè August. in lib. de pastor. cap. 8. docet, Ecclesiam esse ubique, & hæresim ubique. Sed Ecclesiam esse unam & eandem ubique, hæreses autem non easdem, sed diversissimas, quæ se invicem non noverunt, & proinde nullam earum esse Catholicam. Quocirca rectè eas comparat sarmentis præcis, quæ ubi cadunt, cum præciduntur, ibi manent. Cum interim Ecclesia tanquam vitis viva, ubique palmites suos extendat, Hinc etiam ipse passim hoc argumento utitur, ut lib. contra epist. fundamenti, cap. 4. & de utilitate credendi, cap. 14. & 17. & alibi,

Neque sperare possunt hæretici, sectam suam aliquando occupaturam esse totum orbem: Nam non debet nunc incipere Ecclesia crescere, cum jam senuerit, ut supra diximus. Et si Augustinus absurdissimum censuit, quod hæresis Donatistarum post annum Domini 300. ex Carthagine esset propaganda in omnem terram, libro de unitate Ecclesie, cap. 14. & 15, quanto magis absurdum erit nunc post annum 1577. Hæresim Lutheranam vel Calvinianam ex Wirtembergæ vel Geneva in omnem terram esse diffundendam?

C A P U T VIII.

Nota quinta.

Quinta Nota est Successio Episcoporum in Romana Ecclesia ab Apostolis deducta usque ad nos; hinc enim dicitur Apostolica. Ac propterea omnes veteres hac successione, tanquam argumento evidentissimo usi sunt ad veram Ecclesiam ostendendam. Irenæus lib. 3. c. 3. enumerat Episcopos Romanos à Petro, usque ad Eleutherium, qui suo tempore sedebat. Ac dicit, per hanc successionem

A confundi omnes hæreticos. Tertullianus in lib. de præscript. Cedant, inquit, hæretici origines Ecclesiarum suarum, evolvant ordinem Episcoporum suorum, ita per successionem ab initio decurrentem, ut primus ille Episcopus aliquem ex Apostolis, vel Apostolicis viris habuerit auctorem & antecessorem. Hoc enim modo Romanorum Ecclesia Clementem à Petro ordinatum refert. Confin-gant tale aliquid hæretici. Eusebius in historia & in Chronico, & Hieronymus ac Prosper, qui Chronicum Eusebii continuarunt, diligentissimè annotant successionem Romanorum Episcoporum, ut inde continuatio Ecclesie manifesta sit. Epiphanius hæres. 27. quæ est Carpocratis, enumerat ordine Pontifices Romanos, & subjungit: Et ne quis, inquit, miretur, quid tam exactè singula recensemus. Per hac enim semper claritas ostenditur,

B Optatus Milevitan. lib. 2. contra Parmenianum, enumerat omnes Romanos Pontifices à Petro usque ad Syricum, qui tunc sedebat, ut ostendat non esse Ecclesiam apud Donatistas, qui per similem successionem ad Apostolos ascendere non poterant, & subdit: Vos, inquit, vestra cathedra originem ostendite, qui vobis vultis sanctam Ecclesiam vindicare.

C Denique Augustinus in epist. 165. ad Generosum, ad eundem finem enumerat Pontifices Romanos à Petro usque ad Anastasium, qui tunc sedebat. Et in Psalmo contra partem Donati: Numerate, inquit, Sacerdotes, vel ab ipsa sede Petri, & in ordine illo Patrum, quis cui successerit, videte. Ipse est petra, quam non vincunt superba inferorum porte. Et lib. contra epist. fundamenti, cap. 4. Tenet me, inquit, in Ecclesia ab ipsa sede Petri Apostoli, cui pascendas oves suas Dominus commendavit, usque ad præsentem Episcopatum successio Sacerdotum.

D Si ergo veteres tanti fecerunt ad veram Ecclesiam ostendendam continuationem 12. vel 20. vel 40. Pontificum, quanti nos facere debemus continuationem non interruptam Pontificum 200. & amplius? præsertim cum videamus defecisse alias Apostolicas sedes, Antiochenam, Alexandrinam, & Hierosolymitanam, in quibus posteaquam à Persis, vel Saracenis, ea loca Romanis adempta sunt, quod accidit ante annos 900. aut nulla, aut obscurissima fuit successio. Et in ipsa urbe Roma toties mutatam esse formam temporalis domini, nunc Imperatoribus, nunc Regibus Gothorum, nunc Exarchis Græcorum, nunc etiam Consulibus, sive justè, sive injustè dominantibus, & ipsam urbem aliquoties ever-sam, & tamen sedem Petri nunquam defecisse, neque ever-sam fuisse, sed immobilem semper per-manuisse.

E Sed ut vis hujus argumenti melius intelligatur, aliqua notanda sunt. Primum est, non posse ullo modo Ecclesiam esse sine Pastoribus & Episcopis, ut rectè docet Cypr. in epist. 9. lib. 4. ubi dicit, Ecclesiam esse plebein Episcopo adunatam, & Episcopum esse in Ecclesia, & Ecclesiam in Episcopo. Quare Hieron. lib. contra Luciferianos: Ecclesia, inquit, non est, quæ non habet Sacerdotes. Id quod aperte probatur ex Paulo Ephes. 4. Et ipse dedit quosdam quidam Apostolos, quosdam autem Prophetas, alios Pastores & Doctores ad consummationem Sanctorum, in adificationem corporis Christi; donec occurramus omnes &c. Ubi docet Apostolos, futuros pastores in Ecclesia usque ad diem judicii; Tunc enim occurrerimus Domino in unitate fidei, in virum perfectum, in mensuram ætatis plenitudinis Christi. Esse autem Episcopos Pastores hujus gregis, docet idem Apostolus, apud Lucam Act. 20. Attendite vobis & universo gregi, in quo vos Spiritus sanctus posuit Episcopos regere Ecclesiam Dei. Sed nec Lutherus id negat, quin potius in lib. de Eccl. & Conc. inter notas Ecclesie ponit,

nit, habere veros pastores. Ex quo sequitur, eam non esse veram Ecclesiam, quæ aut nullos, aut non veros habet pastores.

Nota secundò, illos solos in Ecclesia semper habitos fuisse veros Episcopos, qui ab Apostolis per legitimam successionem & ordinationem descendisse ostendebantur. Omnes autem alios fures & latrones, quippe qui non per ostium intrassent, sed ascendissent aliunde: Nam constat, Christum, à quo Ecclesia novi Testamenti coepit, duodecim Apostolos tantum elegisse Episcopos & Sacerdotes, & eis commisisse omnem auctoritatem pascendi & gubernandi Ecclesiam; Apostolos autem postea elegisse atque ordinasse alios Episcopos, & eis tradidisse similem potestatem, alios deinceps ordinandi: Id quod ex historiis non solum antiquis Eusebii & similium, sed etiam ex ipsis Centuriis Magdeburgensium aperte ostenditur. Et hinc est quod Paulus, qui extra ordinem Apostolus à Christo post ascensionem in cælum factus est; non fuisset agnitus in Ecclesia pro tali, nisi prius in Ecclesia baptizatus fuisset, & ab Apostolis dexteram accepisset; imò & ab illis ordinatus fuisset, ut patet ex act. 9. & 13. & Gal. 1. Itaque sicut in populo Testamenti veteris, qui per carnalem generationem propagabatur, nulli erant de populo illo Dei, nisi qui descendebant à duodecim filiis Jacob, nulli Sacerdotes, nisi qui descendebant à Levi per Aaron. Et idcirco diligentissime tunc conservabantur genealogiz, ut patet ex toto veteri Testamento: ita in populo Testamenti novi, qui spirituali generatione multiplicantur, nulli sunt Christiani, nisi per Apostolos, vel eorum successores, aut ab eis missos, conversi; nulli Episcopi, nisi qui eisdem legitime succedunt, & ideo tam diligenter annotantur à nostris Episcoporum successiones.

Nota teritiò, duo requiri, ut aliquis Episcopus dicatur ab Apostolis legitime descendere, & proinde esse legitimus Episcopus. Unum est successio, alterum est ordinatio. Quantum ad successionem, id requiritur, ut is qui verus Episcopus haberi cupit, succedat alicui Apostolo, quomodo Clemens successit Petro, & Polycarpus Joanni, vel certe ut succedat alicui, quem aliquis Apostolus fecerit Episcopum, quomodo Ignatius successit Evodio, & Anianus Marco, quos Petrus fecerat Episcopos, vel demum, si Episcopatus est novus, ut fiat Episcopus ab eo, qui habet Apostolicam auctoritatem, qui est solus Rom. Pontifex. Nam, ut B. Augustinus scribit in epist. 162. in Romana Ecclesia semper viguit Apostolicæ Cathedræ principatus.

Ratio hujus est, quia institutio novorum Episcopatum non potest pertinere ad ullum, qui habeat definitam regionem, quales sunt Episcopi particulares, sed ad eum, qui toti Ecclesiæ præest, & cui propriè cura incumbit Ecclesiam propagandi, quales fuerunt omnes Apostoli. Petrus quidem ex officio, & ceteri ex delegatione, & quicumque alter intrat, non est de Ecclesia Apostolica, cum non possit ostendere originem suam ab Apostolis. Nec tamen ob id negamus, quin etiam Patriarchæ & Metropolitani aliquando possint novos Episcopatus erigere, quod sanctum Athanasium in Oriente, & sanctum Bonifacium in Germania fecisse constat; modò à sede Apostolica facultatem habuerint.

Quantum ad ordinationem autem, requiritur, ut qui fit Episcopus, ordinetur à tribus Episcopis, qui & ipsi sint ab alijs ordinati, & illi ab alijs, donec ad Apostolos veniatur. Id clarè habetur Canon. 1. Apostolorum, ubi præcipitur, ut Episcopus ordinetur à duobus vel tribus Episcopis, idest, à duobus assistentibus Metropolitano, vel à pluribus.

A Item Anacletus epist. 2. docet, Jacobum ordinatum fuisse Episcopum Hierosolymæ, à Petro, Jacobo, & Joanne, & eodem modo à tribus, ut minimum, omnes alios ordinari debere. Idem habetur in Concilio Nicæno I. cap. 4. & in Carthag. IV. cap. 2. Immo Apostolus hoc ipsum indicat, cum 1. Tim. 4. scribit: *Noli negligere gratiam qua in te est, qua data est tibi cum impositione manuum Presbyterii*: Siquidem nomine Presbyterii intelligit cœtum Episcoporum, qui simul cum ordinante imponebant manus super caput ordinandi, ut exponit Chrysostomus, Theophylactus, & Occumenius: Neque mirum est, Episcoporum cœtum vocari Presbyterium; nomen enim Presbyterii commune erat olim Presbyteris & Episcopis, ut patet ex epist. Irenæi ad Victorem, quæ est apud Eusebium lib. 5. hist. cap. 24. Ubi Irenæus vocat Presbyteros Romanos Pontifices, Victorem, Anicetum, Pium, Telephorum & Xystum. Itaque dubium esse non potest, quin requirantur ordinariè tres, ut minimum, Episcopi, ad novi Episcopi ordinationem, nisi fortè ex dispensatione cum uno Episcopo ordinante adsint Abbates insulari, qui vicem Episcoporum gerant, ut aliquando fieri solet ob Episcoporum raritatem.

Nota quartò, antiquos hæreticos consuevisse, ut plurimum Ecclesiam imitari in ordinatione Episcoporum, ut patet ex Cypriano 1. lib. epist. 3. & Augustin. epist. 165. & ideo sanctos Patres non reprehendisse in eis, nisi defectum successionis, & ex eo solum probasse, eos non esse veros Episcopos, quippe qui ad Ecclesiam Apostolicam non pertinerent, cum ab Apostolis per successionem non ducerent originem. Nostris autem temporis hæretici neutrum habent, idest, nec ordinationem, nec successionem, & propterea longè inverecundius, quàm ulli unquam alii hæretici, sibi nomen & munus Episcopi usurpant.

Ex quo argumentum insolubile sumitur hoc modo. Ecclesia non potest esse sine Episcopis, ut ostendimus. Apud Lutheranos non sunt Episcopi, nam non habent ordinationem, nec successionem ab Apostolis: igitur apud eos non est Ecclesia. Et quidem quod nec Lutherus, qui habitus est Episcopus Wirtembergenfis, nec Zwinglius, qui habitus est Episcopus Tigurinus, nec Oecolampadius, qui in ipso sepulchri Epitaphio vocatur primus Basileæ Episcopus, nec Calvinus, qui dictus est Episcopus Genevensis, nec ulli alii ordinati sint à tribus Episcopis, neque ex dispensatione ab uno, assistentibus Abbatibus, notissimum est, nec ipsi negant. Ergo saltem Patribus Nicæni & Carthaginensis Concilii, imò & ipsis Apostolis, qui statuerunt, Episcopum à tribus Episcopis debere ordinari, isti non sunt Episcopi, eisque convenit, quod Cyprianus lib. de simplicitate Prælatorum ait: *si sunt, qui se ultro apud temerarios convenas sine divina dispositione præficiunt, qui se Præpositos sine ulla ordinationis lege constituunt, qui nemine Episcopatum dante, Episcopi sibi nomen assumunt*.

Respondet Brentius: Nos legitime vocati sumus à populo & magistratu, & ab eis Episcopatum accepimus, & non nos intrusimus. At contra; Nam hic non disputamus de electione Episcopi, quàm scimus variè variis temporibus celebratam. Constat enim Apostolos & veteres Romanos Pontifices, misisse Episcopos ad varias civitates, sine ullo consensu populorum requisito. Constat etiam, aliquando populum simul cum Clero Episcopum elegisse, aliquando solum Clerum. Cæterum quomodocumque fieret electio, semper fuit necessaria ordinatio, quam non populus, sed soli Episcopi, & quidem tres ut minimum, regulariter conferebant, quod nemo nescit,

scit, nisi qui nihil legit. Dicat ergo Lutherus, à quibus Episcopis ordinatus fuerit Antistes Virtembergensis. Dicant etiam ceteri, à quibus fuerint ordinati: sed nec dicunt, nec dicere possunt.

Deinde, quòd non successerint in Episcopatu antiquis Episcopis, certissimum est, tum quia in omnibus urbibus, ubi isti se fecerunt Episcopos, erant antea, & sunt etiam modò in plerisque locis Episcopi Catholici, qui legitime successerunt antiquis; non autem succeditur, nisi Episcopis defunctis, aut legitime depositis. Tum etiam, quia ipsi fatentur, se primos esse earum urbium Episcopos. Certè Basileæ extat adhuc epitaphium ad sepulchrum Occolampadii, ubi dicitur, ut paulo antò notavi, & ego ipse legi, non sine risu, Occolampadius primus illius urbis Episcopus. De istis ergo dici potest, quod ait Cyprianus lib. 1. epist. 6. ad Magnum: *Novatianus, inquit, in Ecclesia non est, neque Episcopus computari potest, qui Apostolica traditione contempta, nemini succedens, à seipso ordinatus est. Ex infra: Aut pastor haberi quomodo potest, qui manente vero pastore, & in Ecclesia Dei ordinatione succedanea, presidente, nemini succedens, & à seipso incipiens, alienus sit & profanus?* Ex lib. 4. epist. 2. ad Antonianum: *Cornelius, inquit, Episcopus factus est, cum Fabiani locus, idest, cum locus Petri, & gradus cathedra sacerdotalis vacaret, quo occupato de Dei voluntate, atque omnium nostrum consensu formato, quisquis iam Episcopus fieri voluerit, fors patet necesse est.* His similia sunt, quæ suprà exavimus de successione legitima, ex Irenæo, Tertulliano, Epiphanio, Optato & Augustino.

Sed onciunt primò, Episcopi Papistæ deseruerunt veram fidem, ergo non sunt amplius Episcopi, ergo merito possunt pui Ministri loca eorum occupare.

Respondeo ad hoc Brentii argumentum (admissò quòd sit dubium, ubi sit vera fides, quamquam apud nos certissimum est esse) Episcopos Catholicos, qui per tot sæcula possederunt sedes suas pacificè, non posse eis privari, nisi legitime judicentur, & damnentur. Nam in omni controversia melior est conditio possidentis. Constat autem, Episcopos Catholicos in nullo legitimo iudicio esse damnatos. Quis enim eos damnavit, præter Lutheranos? At ipsi accusatores sunt, non iudices. Quis enim eos constituit iudices nostros? Præterea etiam si nostri jam damnati essent, non continuò illi succedunt, cum nemo eos Episcopos instituerit, qui habuerit instituendi Episcopos auctoritatem: nec veri sint Episcopi cum eos nemo ordinaverit, qui habuerit ius ordinandi, ut suprà ostendimus.

Secundò, objicit Brentius ibidem, idest, in Prolegomenis contra Petrum à Soto. Caiphas legitime successit antiquis Pontificibus, & potuisset usque ad Aaronem deducere majores suos, & tamen non petierunt Apostoli, ut à Caipha ordinarentur; sed Caipha, & omnibus illis Pontificibus, qui legitime succedebant invitis, facti sunt Episcopi & Pontifices sine ulla successione, ergo etiam modo cum ordinari Episcopi imitentur Caipham, licet sine eorum ordinatione & successione Episcopatum gerere.

Respondeo, sacerdotium Aaronicum fuisse, temporale, & solum durasse usque ad inchoationem novi Testamenti; deinceps autem cœpisse sacerdotium secundum ordinem Melchisedech à Christo institutum, cuius sacerdotii cum primitiæ fuerint Apostoli, non debuerunt succedere Caiphae, sed esse principium novi sacerdotii, ut patet ex Psalm. 109. *Tu es Sacerdos in æternum*; & ex cap. 7. ad Hebræos. Sicut ergo ab Aaron usque ad Christum non fuerunt veri Sacerdotes, nisi qui successerunt Aaroni, ita ab Apostolis usque ad finem mundi non erunt veri Sacerdotes, nisi qui Apostolis succedent. Verum tamen

est, quòd ut cum honore sacerdotium Aaronicum deferretur ad sepulturam, Apostoli illud honorabant, ut patet ex Cypriano lib. 1. epist. 3. ad Cornelium, & lib. 4. epist. 9. ad Florentium Pupianum, ubi adducit illud ex Act. 23. *Nesciebam fratres, quia Princeps Sacerdotum est.*

Tertiò, objicit Calvinus lib. 4. Instit. cap. 2. §. 2. & 3. cur non enumeremus etiam successiones Episcoporum Africae, Ægypti & totius Asiae; & respondet ipsemet nobis insultans, quia perit ibi sacrosancta ista successio.

Respondeo, vel Calvinus ex eo, quòd perit successio in illis locis, vult concludere, non esse Ecclesiam, vel esse Ecclesiam; si Primum, pro nobis facit: Nam si ibi non est Ecclesia, quia ibi non est successio, ergo hic est Ecclesia, quia hic est successio. Si secundum, respondemus, eos qui ibi ad veram Ecclesiam pertinent, non posse quidem ostendere successionem continuam Episcoporum suorum particularium, sed posse ostendere successionem continuam Episcoporum universalium, qui sunt Romani Episcopi, quibus illi subjectos se esse fatentur. Hæc enim est causa, cur veteres Episcopi magis solliciti fuerint de successione Romani Pontificis, quàm de sua. Irenæus erat Episcopus Lugdunensis in Gallia, Optatus, & Augustinus erant Episcopi in Africa, Epiphanius Salaminæ in Cipro, Eusebius Cæsareæ in Palesstina, & tamen nullus eorum texere voluit suæ Ecclesiae successionem, sed Romanæ tantum Ecclesiae. Satis enim illis videbatur ostendere continuam successionem in Ecclesia principali, cuius ipsi se membra esse gaudebant.

Quartò, objicit idem Calvinus. In Ecclesia Græca adhuc servatur successio non interrupta Episcoporum, & tamen non est illa vera Ecclesia, secundum opinionem nostram, non igitur successio est Notæ veræ Ecclesiae.

Respondeo primum, non posse ostendi in Ecclesia Græca certam successionem; nam imprimis fatetur Calvinus, in Asia, & Ægypto, & proinde Antiochiæ, Hierosolymæ, & Alexandria interruptam fuisse successionem; sola restat Constantinopolitana Ecclesia ex Patriarchalibus, quæ non videtur unquam caruisse proprio Patriarcha. At Constantinopolitana Ecclesia non est Apostolica, nec ostendit certam originem ab Apostolis; Tametsi enim Nicephorus Patriarcha in Chronologia conetur deducere ab Andrea Apostolo successionem Episcoporum Bizantii, tamen nulli veteres id tradunt, nec unquam à Patriarchis Ecclesia Bizantina, sive Constantinopolitana dicta est Apostolica, & Patres Concilii Constantinopolitani I. in epist. ad Damasum Romanum Pontificem, aperte fatentur, Ecclesiam illam novellam esse. Itaque habet quidem Ecclesia Constantinopolitana qualemcumque successionem à tempore Constantini hucusque, non autem ab Apostolicis temporibus, quòd præcipue queritur.

Dico secundò, argumentum à successione legitima adferri à nobis præcipue ad probandum non esse Ecclesiam, ubi non est hæc successio, quod quidem evidens est; ex quo tamen non colligitur necessariò, ibi esse Ecclesiam, ubi est successio. Itaque hoc argumento probamus evidenter, non esse Ecclesiam apud Lutheranos. Quòd autem apud Græcos non sit Ecclesia, probamus alio modo, quia nimirum convicti sunt legitime in tribus plenariis Conciliis, Lateranensi, Lugdunensi, & Florentino, de schismate & hæresi: Ac præcipue de hæresi circa processionem Spiritus sancti à Filio, quam esse manifestam hæresim, Lutherani & Calvinistæ etiam consentunt.

Adde ultimò, quòd omnes Ecclesiae illæ Patriarchales habuerunt per longa tempora Episcopos manifestos

nifestos hæreticos, & proinde interrupta est veterum Pastorum successio.

Quintò, objicit idem Calvinus, veteres Patres, qui ostendunt Ecclesiam ex successione Pontificum Romanorum, id facere, quia illis temporibus constabat non fuisse mutatam fidem & religionem in Ecclesia Romana; at nunc contrarium constat.

Respondeo, vel intelligit Calvinus, eo tempore constituisse Catholicis tantum, vel Catholicis simul & hæreticis, quod in Romana Ecclesia non esset mutata religio. Si primum assumat, nihil dicit, nam etiam hoc tempore Catholicis constat, non esse in Romana Ecclesia mutatam religionem. Si secundum asserat, apertè mentitur. Nulli enim fuissent hæretici, si semper omnes putassent, in Romana Ecclesia esse veram fidem. Præterea Donatistæ Romanam Ecclesiam oppugnabant, ut nunc faciunt Lutherani & Calvinistæ.

Optatus lib. 2. cont. Parmenianum: Unde est, inquit, quod claves Regni vobis Donatista usurpare contenditis, qui contra cathedram Petri vestris presumptionibus & audaciis sacrilegio militatis? Et August. lib. 2. contra literas Petil. cap. 51. Cathedra tibi quid fecit Ecclesia Romana, in qua Petrus sedet, & in qua nunc Anastasius sedet? Cur appellas cathedram pestilentia, cathedram Apostolicam? Et tamen Optatus & Augustinus à successione ista contra Donatistas argumentantur, ut suprà diximus.

CAPUT IX.

Nota sexta.

Sexta Nota est conspiratio in doctrina cum Ecclesia antiqua. Vera enim Ecclesia dicitur Apostolica teste Tertull. lib. de præscript. non solum propter successionem Episcoporum ab Apostolis, sed etiam propter doctrinæ consanguinitatem, ut ipse loquitur, quia videlicet doctrinam retinet, quam Apostoli tradiderunt. Certum autem est, antiquam Ecclesiam primis quingentis annis veram Ecclesiam fuisse, & proinde Apostolicam doctrinam retinuisse. Quare laudatur Theodosius Imperator à Sozomeno lib. 7. hist. cap. 12. quod hac arte compescuerit hæreticos sui temporis. Jussit Principes sectarum convenire, deinde petiit, an existimarent, antiquos Patres, qui Ecclesiam rexerant ante dissidium illud, quod tunc de religione ortum fuerat, rectè consensisse, & verè sanctos & Apostolicos fuisse, quod cum illi concessissent, subjunxit: *Examinemus ergo doctrinam vestram ad illorum scripta, & si cum illis consenserit, retineatur, sin minus, abiciatur.*

Jam duobus modis possemus ex hac Nota probare nostram esse veram Ecclesiam, non autem adversariorum. Primò, proferendo sententias veterum, quibus singula nostra dogmata confirmaremus, adversariorum refutaremus; sed hic modus prolixissimus esset, & multis calumniis & objectionibus obnoxius. Altera via est brevior & certior, nimirum ostendendo primùm ex confessione adversariorum, nostra dogmata esse doctrinam omnium veterum. Deinde, dogmata adversariorum habita fuisse in Ecclesia antiqua pro exploratis hæresibus. Sic enim constabit, doctrinam nostram conspirare cum doctrina veterum Catholicorum, doctrinam verò illorum conspirare cum doctrina veterum hæreticorum.

Ac primùm Calvinus in sua institutione cum nostra oppugnat, passim fatetur, se repugnare toti antiquitati: Ex quo sequitur, nostra esse omnino antiquitati consentanea. Sic igitur ait lib. 2. cap. 2. §. 4. *Semper apud Latinos nomen liberi arbitrii existit, apud*

A Græcos verò ἀντρεξούσης vocabulum multo arrogantius. Et infrà §. 8. *Ego verò neque ipse hujusmodi vocem usurpare velim, & alios, si me consulant, abstinere optarim.* Ibidem dicit, omnes veteres, excepto Augustino, in hac re plus æquo extulisse humanas vires, & de libero arbitrio aut variasse, aut vacillasse, ut nihil certi ex eorum scriptis sumi possit.

Ita proficitur, se nullum veterum, excepto Augustino, sequenturum; & paulò post etiam Augustinum deserit. Nam lib. 2. cap. 3. §. 7. reprehendit illam Augustini sententiam, ex epist. 106. voluntatem nostram cooperari gratiæ, non ut præviam, sed ut pedissequam, atqui, ait Calvinus, nec ut pedissequam cooperari, sed simpliciter totum fieri à gratia. Et lib. 3. cap. 11. §. 15. *Ac ne Augustini quidem, inquit, sententia per omnia recipienda est, qui gratiam ad sanctificationem refert, quia in vita novitatem regeneramus per spiritum.* Itaque in articulo de gratia & libero arbitrio fatetur Calvinus se toti antiquitati repugnare. Item lib. 2. cap. 14. §. 3. *Excusari non potest veterum error, inquit, qui dum ad Mediatoris personam non attendunt, totius ferè doctrinæ, quæ in Evangelio Joannis legitur, jejunium observant sensum, seseque implicant multiloquiis.* Docet hoc loco Calvinus, Filium Dei subjectum esse Patri etiam ratione Divinitatis; & quia omnes veteres contrarium docent, ipse ait, omnes errasse, neque eorum errorem excusabilem esse.

C Item lib. 2. cap. 16. §. 9. *Fabula, inquit, de loco subterraneo, qui dicitur Limbus, tamesi magnos auctores habeat, tamen nihil aliud quàm fabula est.* Vocat magnos auctores, antiquos Patres; nam scholasticos Doctores non solet appellare, nisi Sophistas.

Item lib. 3. cap. 3. §. 10. *Ab uno Augustino, inquit, sumant Lectores, si quid de sensu antiquitatis habere voluit.* Porro inter illum & nos, hoc discriminis videri potest, quod ipse morbum concupiscentiæ, tunc demum peccatum fieri docet, cum appetitioni cedit voluntas; nos autem illud ipsam pro peccato habemus, quod aliqua omnino cupiditate contra legem Dei homo titillatur, innuò ipsam pravitatem, quæ hujusmodi cupiditates nobis generat, asserimus esse peccatum. Hic apertè omnibus Patribus se fatetur contrarium, atque ipsi etiam Augustino, in quæstione de concupiscentia, quæ præcipua quæstio est. Nam ex hoc fundamento deducunt non esse in nobis veram justitiam, sed tantùm imputativam, & nulla esse bona merita, imò omnia opera esse peccata.

D Item lib. 3. cap. 4. §. 38. *Omnes ferè veteres, inquit, quorum libri existunt, aut hac in parte lapsi sunt, ubi de satisfactione agitur, aut nimis asperè & durè loquuti sunt.* Item lib. 3. cap. 5. §. 10. *Ante mille & trecentos annos usu receptum fuit, ut precationes fierent pro defunctis.* Sed veteres omnes, fateor, in errorem abrepti sunt. Item lib. 3. cap. 15. §. 2. *Uti sunt, fateor, passim vetusti Doctores nomine meriti.* Et infrà dicit, pessimè consuluisse fidei sinceritati, qui hoc nomen invenit. Item lib. 4. cap. 4. §. 10. *Peccavit antiquitas immodica severitate, quod plus requireret in Episcopo, quàm Paulus requirat, ac præsertim successu temporis, calibatam.* Item lib. 4. cap. 12. §. 8. *Excusari nullo modo potest immodica veterum austeritas, quæ & prorsus Domini præscripto diffidebat, & erat mirum in modum periculosa, cum peccatori penitentiam solennem nunc in septem, nunc in quatuor, nunc in tres annos, nunc in totam vitam inducerent.* Nota, Calvino ita videri hoc asperum, quia ipse putat, per fidem sic justificari hominem, ut nihil penè luendum restet. Quod si verum esset, rectissimè accusaret omnes veteres; proinde sequitur sententiam nostram de poena remanente post remissionem culpæ, judicio Calvini sententiam esse omnium veterum.

Item

Item lib. 4. cap. 12. §. 20. *Non in totum excusare audeo veteres; qui & superstitionis quadam semina iecerint, & occasionem praeberint tyrannidi, qua postea exarsit, & tunc passim invaluerat, superstitiosa Quadagesima observatio, quia & vulgus eximium aliquod obsequium praestare se Deo in ea existimabat, & pastores eam commendabant pro sancta imitatione.* Ex infra: *Fuit igitur mera vanitas & superstitionis plena, quod titulo ac colore imitationis Christi jejunium ordinabant.* Ibidem §. 23. *Quod Sacerdotibus interdictum fuit conjugium, id factum est impia tyrannide.* Quando autem fuerit interdictum, notat ipse in margine ponens: *Syricius in epistola ad Episcopos Hispaniae.* Porro Syricius ferè ante annos 1200. sedit. Et infra subiungit de hac lege: *Hac qua videbantur reverentiam sacerdotio conciliare, magno plausu etiam antiquitus recepta esse fateor.*

Idem lib. 4. cap. 15. §. 20. *Quod multis ab hinc saeculis, adeoque ab ipso ferè Ecclesia exordio usu receptum video, ut in periculo mortis Laici baptizarent, si Minister in tempore non adesset, non video quàm firma ratione possit defendi.* Item lib. 4. cap. 18. §. 21. *Excusari non posse arbitror, veteres, quia aliquod in actionis modo peccaverint, imitati sunt enim Judaicum sacrificandi morem magis, quàm aut ordinaverint Christus, aut Evangelii ratio fovebat.* Hæc Calvinus.

Jam Centuriatores in singulis centuriis ad finem 4. capitis, annotant, omnes ferè Doctores illius sæculi, docuisse ea dogmata, quæ nos hoc tempore tuemur, quæ ipsi naves sanctorum Patrum vocant. Et quia de omnibus dicere nimis longum esset, annotabo solum aliqua pauca ex 2. 3. 4. & 5. Centuriis.

In secunda ergo Centuria cap. 4. col. 59. de libero arbitrio, dicunt, id ab omnibus Patribus ejus sæculi concessum fuisse: *Eodem, inquit, modo Clemens liberum arbitrium ubique asserit, ut appareat in ejusmodi tenebris, non tantum fuisse omnes ejus sæculi Doctores, verum etiam in posterioribus eas subinde crevisse & auctas esse.*

Notandum autem est, Lutheranos habere articulum de libero arbitrio pro fundamento totius suæ doctrinæ. Lutherus enim in assert. artic. 36. dicit, hunc articulum esse optimum, & summum rerum suarum, adeò ut articuli de Papatu, de Conciliis aliisque similibus rebus nugæ dici possint. Itaque in præcipua controversia, & in ipsa summa rei omnes veteres (testibus Magdeburgensibus) nobis favent. Deinde col. 60. *Doctrina, inquit, de justificatione negligentius & obscurius ab his Doctoribus tradita est, videlicet, non docent nos sola fide justificari.* Ex Centur. 3. cap. 4. col. 83. *Videat, inquit, in Doctorum hujus sæculi scriptis, non obscura vestigia invocationis Sanctorum.* Ex col. 85. *Martyrium immodicè extulerunt omnes hujus ætatis Doctores.* Nolunt enim Lutherani esse martyrium genus quoddam Baptismi, aut ullo modo expiari peccata per martyrium.

Centuria 4. col. 295. ponunt testimonia veterum ferè omnium illius sæculi, ut Athanasii, Basilii, Nazianzeni, Epiphani, Ephrem, Ambrosii, & Prudentii, pro invocatione Sanctorum, quam ipsi tamen idololatriam vocant.

Centuria 5. col. 500. *Sicut, inquit, prioribus aliquot sæculis doctrina de libero arbitrio depravata est, ita hoc etiam &c.* Et infra: *Etiam si autem interdum bene, & sanctè videntur loqui, tamen tandem liberum arbitrium in rebus atque spiritualibus in sua conversione statuant.* Et col. 506. *Nimirum hac ætas bonis hominum operibus adscripsit, id quod ex depravato articulo justificationis emanat &c.* Et statim citant omnium veterum illius sæculi, etiam Augustini, multa testimonia, quod opera sint meritoria, quod ipsi pro magno errore habent.

Porro eleganter adversus istos, qui omnes antiquos errasse dicunt, loquitur Tertull. lib. de præscriptionibus: *Age, inquit, nunc omnes Ecclesia erraverint, deceptus sit & Apostolus de testimonio suo reddendo quibusdam. Nullam respexerit Spiritus sanctus, nisi eam in veritate deduceres, ad hoc missus à Christo, ad hoc postulatus de Patre, ut esset Doctor veritatis. Neglexeris officium Dei villicus, Christi Vicarius, finis Ecclesias aliter interim intelligere, aliter credere, quod ipse per Apostolos predicabat. Et quid verisimile est, ut tot ac tanta in unam fidem erraverint? Audeas ergo aliquis dicere, errasse eos, qui tradiderunt? Quoquo modo sit erratum, tandem utique erroris error, quandoque hæreses non erant. Aliques Marcionitas & Valentiniianos liberanda veritas expectabat. Interea perperam evangelizabatur. Tot nullia millium perperam simula &c.*

Nunc ad alteram partem ut accedamus, præmittendum est, in Ecclesia antiqua illos errores habitos esse communiter ab omnibus pro exploratis & damnatis hæresibus, qui ponuntur in Catalogo hæresum ab Irenæo, Hieronymo, Epiphanio, Philastrio, Augustino, Theodoro, Damasceno, aliisque probatis auctoribus: Nam illi cum essent viri sancti & docti, numquam fuissent ausi, simpliciter in Catalogum hæreseon referre ea dogmata, de quibus in Ecclesia dubitari scivissent. Et præterea neminem legimus, qui unquam contradixerit his Patribus, tanquam qui non justè aliquem notassent hæreseos. Hoc præmissio, aggrediamur Catalogum.

Simoniani docebant, salvari homines secundum gratiam Simonis, quem Deum faciebant, & non secundum opera iusta, inquit Irenæus lib. 1. cap. 20. Eunomiani similiter docebant, non posse homini ulla peccata nocere, modò fidem habeat, ut Augustinus testatur lib. de hæres. cap. 54. qui etiam lib. de fide & operibus cap. 14. dicit hanc hæresim de sola fide sufficiente ad salutem sine operibus ortam esse tempore Apostolorum, ex non intellecto Paulo, & propterea contra hanc hæresim stylum præcipuè direxisse alios Apostolos in suis epistolis, idest, Petrum, Joannem, Jacobum, & Judam. At hæc eadem est sententia omnium sectariorum hujus temporis.

Lutherus in lib. de captivitate Babylonica cap. de Eucharistia; *Non alia via, inquit, potest homo cum Deo convenire: aut agere, quàm per fidem; opera ille nihil curat.* Ibidem: *Tam dives est Christianus, ut non possit perire etiam si velit, quantumvisque malè vivat, nisi nolit credere.* Exi autem Calvinus, Brentius, & alii quidam conentur nonnihil temperare hanc sententiam, dum dicunt, opera bona esse necessaria, tanquam effectus fidei, tamen adhuc hærent in eodem errore, nam etiam posita ista necessitate, docent, opera non mereri ullo modo vitam æternam, etiam si Deus ea requirat, tanquam testimonia fidei. Hæc autem erat ipsissima hæresis Simonis, qui dicebat, hominem salvari per gratiam, non per opera iusta. Præterea posita illa necessitate operum, docent omnes sectarii: Si quis post omnia scelera patrata habeat actum fidei, nullum ei peccatum imputari, quod nihil est aliud, quàm quod Eunomius & Lutherus docent.

Deinde Florini hæresis fuit, Deum esse causam peccatorum, quam Irenæus apud Eusebium lib. 5. hist. cap. 20. dicebat esse plus quàm hæresim, quam etiam tribuit Vincentius Lyrinensis in suo commonitorio Simoni Mago. Eandem sine ullo pudore docet Calvinus lib. 1. Instit. cap. 18. §. 2. *Non solum permisso, inquit, sed etiam voluntate Dei, homines peccant, ita ut nihil ipsi deliberando agant, nisi quod Deus apud se decreverit, & arcana directione constituit.* Et lib. 3.

cap. 23. §. 24. dicit Dei non solam praevisione & permissione, sed etiam voluntate in peccatum lapsum esse Adamum. Et infra cap. 24. §. 14. Quod, inquit, aliqui verbum Dei audire contemnunt, ipsorum est pravitas, sed in hanc pravitatem à Deo additi sunt, ut in eis potentiam suam, & severitatem ostendat.

Idem aperte docuit Lutherus in lib. de servo arbitrio, ubi dicit: illud velle, quo Judas voluit Christum prodere, fuisse opus Dei, nec fuisse in manu Judae, aut ullius creaturae, mutare illam voluntatem. Similiter docuit Petrus Martyr in Commentario cap. 2. lib. 1. Reg. & Philippus Melancthon in Commentario cap. 8. ad Romanos, ubi dicit, ita fuisse opus Dei Judae proditorem, ac Pauli conversionem; quae commentaria adeò dicuntur placuisse Luthero, ut diceret, Philippum secundum esse à Paulo: Hunc tamen errorem Philippus retractavit, tum in Locis, tum in Apologia art. 19. Confessionis Augustanae.

III. Origenis haeresis fuit perdidisse Adamum imaginem Dei, ad quam creatus fuerat, testis est Epiphanius haeres. 64. Idem docet Calvinus lib. 2. Instit. cap. 1. §. 5. Per peccatum, inquit, primi hominis oblitterata est caelestis imago. Item Origenis fuit error, infernum nihil esse, nisi conscientiae horrorem, teste Hieronymo in epist. ad Avitum. Idem docet Calvinus lib. 3. Instit. cap. ult. §. ult.

IV. Peperiani haeretici, ut ait Augustinus lib. de haeres. cap. 27. tantum dant mulieribus principatum, ut sacerdotio quoque apud eos honorentur. Lutherus artic. 13. ex iis, quos Leo X. damnavit, dicit in Sacramento Poenitentiae aequè absolvere posse mulierem, vel puerum, atque Episcopum, vel Papam; Et jam re ipsa Protestantibus in Anglia mulier quaedam est summus Pontifex.

V. Proclus haereticus apud Epiphanium haeres. 64. dicebat, peccatum in renatis semper vivere; concupiscentiam enim verè esse peccatum, nec tolli per Baptismum, sed sopiri per fidem; Quod idem postea docuerunt Messaliani haeretici apud Theodoretum lib. 4. de haeticis fabulis. Hæc est ipsissima sententia Lutheri artic. 2. & 31. atque in assertionibus eorundem articulorum. Item Philippi in locis communibus cap. De peccato originis, & Calvini lib. 4. Instit. cap. 15. §. 10.

VI. Novatianorum error præcipuus erat, non esse in Ecclesia potestatem reconciliandi homines Deo, nisi per Baptismum. Postea etiam addiderunt, non debere baptizatos inungi Chrismate ab Episcopo. Ita refert Theodoret. lib. 3. de haeret. fabul. & S. Cornelius Papa apud Eusebium lib. 6. cap. 33. hist.

Quæ sententia pro parte priorè expressè Calvinistarum est. Nam Calvinus lib. 4. Instit. cap. 19. §. 17. sic ait, nullum esse Poenitentiae Sacramentum, præter Baptismum; Quod verè Hieronymus ait: Poenitentiam esse secundam tabulam post naufragium; planè impium est, & excusari non potest. Pro altera parte est omnium Lutheranorum. Lutherus de captivitate Babylonica cap. de Eucharistia, tria tantum agnoscit Sacramenta, Baptismum, Poenitentiam, & Panem. Tamen infra cap. de Extrema unctione, rejicit Poenitentiam. Confessio Augustana art. 12. disertè rejicit Confirmationem. Et Calvinus lib. 4. Instit. cap. 19. §. 5. & sequent. dicit, Chrisma nostrum esse oleum Diaboli mendaciis pollutum, & propterea Calvinistæ ex illo ocreas suas inungunt, cum possunt.

VII. Sabellius docuit, unam tantum esse personam in Deo, non tres, testis Epiphanius haeres. 57. Idem docuit nostro tempore Michael Servetus lib. 1. de Trinitate, sine ullis ambagibus, & nunc ea sententia in multis locis regnat.

VIII. Manichæorum, inquit Hieronymus in præ-

A fatione Dialogorum contra Pelagianos, est, hominum damnare naturam, & liberum auferre arbitrium. Et Augustinus de haeres. cap. 46. Peccatorum originem, inquit, non tribuunt Manichæi libero arbitrio. Idem aperte sectarii omnes. Lutherus art. 36. dicit, liberum arbitrium esse rem de solo titulo. In assertionibus autem ejusdem articuli dicit, esse titulum sine re, & omnia ex necessitate absoluta evenire. Et propterea libro, quem scripsit contra liberum arbitrium in Erasmo, nomen posuit, de servo arbitrio. Calvinus lib. 2. Instit. cap. 2. 3. & 4. non permittit homini liberam electionem ulla in re, adeò ut ne ipsum quidem nomen tolerare possit. Hæc tamen est magis impius Calvinus Manichæo, quod Manichæus Deo malo tribuat peccatorum originem, Calvinus Deo bono.

B Manichæi præterea accusabant passim Patres Testamenti veteris, ut Abraham, Sampsonem, Saram, Rebeccam, & similes, ut Augustinus testatur lib. 22. contra Faustum, & duobus libris cont. Adversarium Legis & Prophetarum. Idem fecit Calvinus. Nam lib. 3. cap. 2. §. 31. Instit. Saram, inquit, multis modis peccavit, cum ancillam viro suo supposuit. Rebecca verò variis fraudibus, & imposturis Dei veritatem corripit, cum malo artificio filii benedictionem procurat, maritum decipit, filium mentiri cogit. Item lib. 3. cap. 5. §. 8. Superstitione & præpostero zelo non caruit factum Jude Machabæi, qui oblationem misit pro mortuis in Hierusalem. Item lib. 3. cap. 14. §. 11. dicit, Abraham fuisse idololatram. Item lib. 3. cap. 20. §. 15. In Sampsonem, inquit, cum ait: Robora me Domine &c. vitiosa cupiditas vindictæ dominata est. Item lib. 4. c. 15. §. 22. posteaquam docuerat, mulieri in nullo casu licere baptizare, subdit: Nec in exemplum trahi debet, quod Sephora stulta mulier filium circumcidit, in quo multis modis graviter peccavit.

C IX. Donatistæ Ecclesiam ex solis justis constare volebant, atque inde deducebant, Ecclesiam visibilem periisse de orbe terrarum, & in sola Africa remansisse, ut Augustinus docet lib. de unit. Ecclesiae, cap. 12. Idem Catholicos crudelissimè trucidabant, oderant præcipuè Monachos & Episcopos, quos Phariseos vocabant, & in primis Episcopum Romanum, cujus sedem cathedram pestilentiae appellabant, altaria frangebant, Ecclesias spoliabant, sacros calices vendebant, Eucharistiam canibus dabant, sacrum Chrisma projiciebant, ut patet ex Augustino lib. 2. cont. Petilian. cap. 51. & 61. lib. 3. cap. 40. & epist. 163. & alibi. Idem ex Opeato lib. 2. & 6. contra Parmenian.

D Eandem esse doctrinam & vitam Calvinistarum certum est, nam Ecclesiam ex solis bonis constare, docet Calvinus lib. 4. Instit. cap. 1. §. 7. quod etiam docet articul. 7. Confessionis Augustanae. Ecclesiam visibilem à multis sæculis periisse, & nunc solum esse in Septentrionalibus partibus, ubi ipsi sunt, docent omnes, præcipuè Calvinus lib. 4. Instit. cap. 2. §. 2. Porro nihil eorum, quæ blasphemè, vel crudeliter, vel sacrilegè dixerunt Donatistæ, vel egerunt in Catholicos, & Sacramenta, atque altaria &c. omisisse Calvinistas, sed multò plura & majora dixisse, & egisse, patet ex historia Suri, & ex libro, qui nuper prodit, qui inscribitur; De furoribus Gallicis, & aliis auctoribus fide dignis.

X. Ariani docebant, Filium Dei esse Patre minorem, ut est apud Epiphanium haeres. 69. Deinde, iidem Ariani non recipiebant ullo modo traditiones non scriptas, ut docet Maximinus Episcopus Ariarum apud August. lib. 1. cap. 2. & ult. cont. Maximum. Quam hæresim postea imitati sunt multi alii, ut Nestorius, Dioscorus, Eutyches, ut habetur in VII. Synodo, act. 1. Denique iidem Ariani plura

plura & majora sacrilegia patrarunt in Sacramenta, Altaria, Sacerdotes, Monachos, Sanctimonialia &c. quam Donatistae, ut patet ex Athanasio in Apologia pro fuga sua, Rufino lib. 11. hist. cap. 3. Theodoro lib. 4. hist. cap. 19. & 20. & Victore Uticensi lib. 2. & 3. de Wandalica persecutione.

Primum errorem Arianorum aperte docent hoc tempore multi, qui Tritheitae dicuntur, ut agnosci potest ex Prothesibus Valentini Gentilis. Quamvis autem Lutherus, Philippus, Calvinus, & similes habeant Arium pro haeretico, tamen negare non possunt, quin in suis scriptis huius erroris semina jecerint, unde postea orti isti novi Ariani, quos ipsimet impugnant, ut nos demonstravimus in praefat. libror. de Christo. Deinde alterum errorem docent omnes huius temporis haeretici. Sectarii enim huius temporis omnes traditiones rejiciunt, ut patet ex Brentio in Prolegomenis, Calvino lib. 4. Institut. cap. 8. §. 8. & aliis. Porro illa crudelia & sacrilega facinora Arianorum, si tantum nomina mutantur, sunt illa ipsa, quae Calvinistae passim faciunt.

XI. Acriani haeretici, teste Epiphonio haeres. 75. & Augustino lib. de haeres. cap. 33. tres errores docuerunt: Orare, inquit Augustinus, *vel offerre pro mortuis oblationem non oportere, nec statuta solemniter celebranda esse jejunia, sed cum quisque voluerit jejunandum, ne videatur esse sub lege.* Denique, presbyterum ab Episcopo nulla differentia debere discerni. Addit Epiphonius, eos de contrario consuevisse feria sexta, & in Quadragesima, ac praecipue in hebdomada sancta vesci carnibus & si quando jejunare volebant, potius die Dominico, quam alio die jejunare solitos.

Eadem docent & faciunt Calvinistae, & Lutherani fere omnes. Calvinus instit. lib. 3. cap. 5. §. 6. 7. & sequentib. disputat ex professo contra orationem pro defunctis. Idem lib. 4. cap. 12. §. 20. disputat contra jejunium Quadragesimae, & supersticiosum vocat. Denique lib. 4. cap. 3. §. 8. inquit: *Episcoporum, ac Presbyterorum, Pastorum, ac Ministrorum eadem funditio & provincia est.* Centuriatores Cent. 4. cap. 5. col. 401. cum in aliorum haeticorum erroribus numerandis soleant omittere eos quos suos etiam esse agnoscunt, cum ad Aerium venerunt, quia videbant hos tres errores tantum, tamquam proprios Aerii, ab Epiphonio & Augustino annotatos fuisse, non potuerunt eos omittere: Itaque posuerunt illos quidem, sed mox addiderunt, si nihil aliud sit, hos non videri errores, sed contrarios potius. Fatentur igitur, has tres sententias sibi cum Aerio esse communes, neque negant, in antiqua Ecclesia pro damnatis haeresibus habitas esse. Ex quo sequitur, ut etiam Centuriatores, licet tum nondum nati, antiquae Ecclesiae haeretici fuerint.

XII. Jovinianus, non posse peccare esseruit hominem post Baptismum, si verè baptizatus fuerit, idest, si revera fidem & gratiam Dei acceperit, deinde ciborum delectum, & jejunia non esse meritoria: praeterea conjugium virginitati dignitate & merito aequari. Unde etiam aliquot Sanctimonialia ejus hortatu nupserunt. Item praemia beatorum esse paria. Denique, B. Mariam in partu carnis virginitatem amisisse: Ita referunt Hieronymus lib. 1. & 2. contra Jovianum. & Augustinus lib. de haeres. cap. 81.

Primus horum errorum est etiam Calvinus, lib. 2. instit. cap. 2. §. 11. & 12. ubi dicit, veram fidem, quae à gratia separari nequit opinione ipsius, semel habitam, numquam amitti posse: & ideo non esse, nisi electorum.

Secundus ejusdem Calvinus est lib. 4. cap. 12. §. 19. ubi arguit omnes veteres, quod laudaverint jejunium, quasi esset meritorium. Idem error Joviniani

A habetur in Confessione Augustan. art. 24. & in locis Philippi, cap. De mortificatione.

B Tertius est error Martini Lutheri in epithalamio, ubi exponens c. 7. primae ad Corinth. quatuor comparationes facit. Prima est, castitatis cum Matrimonio absolute, & sic fatetur castitatem esse nobilius donum. Secunda, castitatis cum Matrimonio coram Deo, & sic dicit esse aequalia. Tertia, mulieris conjugatae cum virgine, & ait: *Oportet admittamus mulierem conjugatam coram Deo praestare virginibus.* Quarta, status conjugatorum cum statu religiosorum & Ecclesiasticorum profitentium coelibatum, & dicit, statum conjugatorum ex natura sua esse spirituales, divinum coelestem, & quasi aurum: statum verò coelibum esse saecularem, terrenum, & quasi lutum. Similia habet Confessio Augustana, art. 23. & Calvinus lib. 4. instit. cap. 13. §. 3. & sequent. De his duobus erroribus Centuriatores, Centur. 4. cap. 5. col. 381. dicunt, perperam reprehendi Jovinianum, à Hieronymo & Augustino, cum ipsi potius, si contrarium senserunt, fuerint haeretici.

Quartus error Bucerii ac Molinæ est. Hic enim Bucero auctore, in tertia unionis Evangelicae parte affirmat, Jesum nascentem adaperuisse vulvam B. Mariae.

C Quintus est Lutheri in sermone de natali B. Mariae, & in commentario primae epistolae Petri, ubi dicit, omnes Christianos esse aequè sanctos ac justos, atque est mater Dei: Ex quo sine dubio sequitur, fore omnes aequè beatos.

XIII. Vigilantius multa etiam docuit. Primò, Sanctorum reliquias non esse venerandas. Secundò orationes mortuorum pro aliis non exaudiri, ex quo sequitur, frustra Sanctos invocari. Tertiò, Ecclesiasticos debere esse uxoratos. Quartò, non expedire relinquere omnia & dare pauperibus, & ad religionem, relicto saeculo, properare: Ita refert Hieronymus in libro contra Vigilantium.

D Eadem omnia docent nunc sectarii. Lutherus in sermone de sancta cruce dicit, reliquias Sanctorum esse fidelium seductionem, & ideo sub terram penitus condi debere; Et in libro de abroganda Missa, parte 3. affirmat, non majorem esse Deo curam de sancto sepulchro Domini, quam de bobus, de quibus Apostolus ait: *Numquid Deo est cura de bobus?* Idem Lutherus lib. de Eucharistia ad Waldenses dicit, stultam & perniciosam esse Sanctorum invocationem. Idem in Epithalamio dicit, Matrimonium jure divino esse præceptum omnibus, etiam Ecclesiasticis & Monachis, qui non sentiunt se habere donum continentiae. Vocat autem ipse donum continentiae, non gratiam, qua non consentimus tentationibus carnalibus, sed qua non tentamur, quale donum ferè nulli habent. Denique, idem ferè in lib. de votis monasticis ex professo dehortatur à religione, & solum permittit, ut foeminae 60. annorum, & viri 80. vel 100. annorum in monasteriis maneat. Eadem docet Confessio Augustana; nam contra Sanctorum invocationes agit art. 21. contra Clericorum continentiam & Monachorum, art. 23.

Similiter Calvinus contra invocationem Sanctorum agit lib. 3. instit. cap. 20. §. 21. Ubi etiam dicit, Papistas in suis Litaniis, Hymnis & Profis, in quibus Sanctis mortuis nihil non tribuunt, nullam Christi mentionem facere, quod est mendacium crassissimum. Contra reliquiarum visitationem agit, lib. 4. cap. 13. §. 7. & in lib. quem inscripsit, Admonitionem de Reliquiis. Et reipsa Calvinistae combusserunt, & in flammam projecerunt corpora Sanctorum Irenaei, Martini, Hilarii, Bonaventurae &c. Contra coelibatum Clericorum, & Monachorum professionem disputat Calvinus lib. 4. cap. 12. & 13. totis capitibus.

Deni-

Denique Centuriatores non voluerunt numerare Vigilantium inter hæreticos, sed scribunt de eo Centur. 4. cap. 8. col. 602. ubi dicunt fuisse contentionem inter duos sanctos Presbyteros, idest, Vigilantium & Hieronymum de reliquiis, invocatione Sanctorum &c. sed Hieronymum clamoribus tantum egisse, Vigilantium autem solidis rationibus. Ubi etiam impudentissime censuram quandam Erasmi in librum Hieronymi contra Vigilantium tribuunt Gregorio, quasi Gregorius desiderasset in Hieronymo modestiam. Sed de his aliis.

XIV. Pelagiani duo inter alia docebant. Primò, non esse in hominibus peccatum originale, & præcipuè in filiis fidelium: Ita refert Augustinus lib. 6. cont. Julianum cap. 2. & 3. & lib. 4. ad Bonifacium c. 2. & 4. Secundò, per quodlibet peccatum, quamvis levissimum, perdi justiciam, ac proinde omne peccatum esse mortale. Ita refert B. Hieronymus lib. 2. contra Pelagianos. Primum horum diserte docent Zwinglius in lib. de Baptismo, Martinus Bucer in cap. 3. Matthæi, & Calvinus lib. 4. Instit. c. 15. §. 20. nisi quòd Zwinglius negat simpliciter peccatum originale in quolibet homine, & tantum vult miseras quasdam per Adamum nos contraxisse. Bucerus autem & Calvinus, solum in filiis fidelium negant peccatum originale, quos dicunt Sanctos nasci, & salvari etiam sine Baptismo. Errorem alterum docent omnes sectarii. Lutherus assert. art. 32. Philippus in locis cap. de discrimine peccati mortalis & venialis, Calvinus lib. 2. Instit. cap. 8. §. 58. & lib. 3. cap. 4. §. 28. ceteri omnes omne peccatum natura sua volunt esse mortale.

XV. Nestoriani docuerunt, in Christo duas esse personas, & duas naturas; ita Theodoretus lib. 4. de hæret. fabulis. Idem omnes veteres contemnebant, teste Vincentio Lyrinensi, id quod egregie præstat Lutherus, Calvinus, & alii omnes; Errorem autem præcipuum Nestorii docet hoc tempore Theodorus Beza sive ex ignorantia, sive ex malicia, qui in lib. de hypostatica duarum in Christo naturarum unione, dicit, se duas uniones hypostaticas in Christo ponere, unam animæ cum carne, alteram divinitatis cum humanitate.

XVI. Eodem tempore fuerunt aliqui, nescio an etiam ipsi Nestoriani essent, qui docuerunt, in Eucharistia non manere corpus Christi, si servetur in alteram diem, quos Cyrillus in epist. ad Calosirium Episcopum insanire dicit. Hunc errorem rursus excogitavit Bucerus, docens, in Eucharistia non esse Christi corpus, nisi quando sumitur. Vide Cochleum tract. 8. lib. 3. Miscellaneorum. Idem postea docuit Philippus Melanchthon in locis cap. de Coena Domini, & Calvinus lib. 4. Instit. cap. 17. §. 39.

XVII. Eutychiani docuerunt, unam esse in Christo naturam, sicut unam personam; ita refert Theodoretus lib. 4. de hæret. fabulis. Eandem hoc tempore multi instaurarunt. In primis Gaspar Swenckfeldius in lib. de Divina Majestate humanitatis Christi, asserit, post ascensionem Christi humanam ejus naturam conversam esse in divinam, & jam esse verum Deum, non creaturam. Idem, vel aliquid aliquanto pejus videtur sensisse Brentius, qui in sermone de Ascensione Domini docet: Christi humanitatem ab ipsa incarnatione semper fuisse ubique. Idem docet Jacobus Smidelinus in disputatione Tubingensi cap. 34. de qua re vide libros nostros de Christo.

XVIII. Xenajas Persa primus palam asseruit, Christi & Sanctorum imagines non esse venerandas: testis Nicephorus lib. 16. cap. 27. Idem nunc Calvinus lib. 1. Instit. cap. 11. toto. Ubi etiam §. 7. non vult ullo modo erigi signum crucis: in quo se fra-

trem Diaboli ostendit, nisi quòd Diabolum ipsum impietate vincit. Diabolus enim crucem execratur, quia timet, & timendo honorat; Calvinus execratur, quia despicit, atque irridet. Ibi etiam §. 13. dicit, primis quingentis annis nullas fuisse imagines in templis Christianorum, quod est insigne mendacium, etiam ipso Calvino teste; Nam in præfat. Instit. dicit, Epiphanium in epist. ad Joannem Hierosolymitanum scribere, se in templo vidisse imaginem Christi, aut nescio cujus Sancti pendere: Et præterea Lactantius in carmine ad crucifixum, Basilus in oratione in Barlaam, circa finem; Nyssen oratione in Theodorum, non procul ab initio; Paulinus Natali X. S. Felicis; Prudentius de S. Cassiano; Evodius lib. 2. de miraculis S. Stephani; Athanasius ad Antiochum q. 16. docent, suo tempore imagines Sanctorum fuisse in templis: istos autem omnes vixisse ante mille & centum annos, notissimum est. Adde, quod Nicephorus lib. 14. cap. 2. dicit, imaginem B. Mariæ à S. Luca depictam, positam fuisse in templo, quod Pulcheria soror Theodosii Constantino- poli extruxit in honorem B. Virginis.

XIX. Lampetiani docuerunt, Monasteria debere esse libera, idest, sine votis perpetuis; ita refert Damascenus lib. de centum hæres. circa finem. Idem hoc tempore Lutherus, qui in lib. de votis monasticis dicit, non posse voveri piè in Monasteriis, nisi hac forma; Voveo castitatem, paupertatem, & obedientiam usque ad mortem, liberè, idest, ut mutare possim, quando volo.

XX. Quorundam, qui negabant, Eucharistiam verè esse carnem Christi, & tantum esse volebant figuram, seu imaginem corporis Christi; ita refertur in VII. Synodo act. 6. tom. 3. Et longè antea ex Ignatio idem refert Theodoretus in Dialogo, qui dicitur Impatibilis. Hanc hæresim docent hoc tempore Zwinglius in lib. de verbis Coenæ Domini, & Calvinus lib. 4. Instit. cap. 17. §. 12.

Habemus hæcenus viginti Hæresiarcharum hæreses, quæ damnatæ sunt ab Ecclesia, quæ fuit primis 700. annis, quas hæreses cum nos pro hæresibus, adversarii nostri pro articulis fidei habeant, sequitur nostram doctrinam conspirare cum doctrina antiquæ Ecclesiæ, Adversariorum autem cum hæresibus antiquis.

C A P U T X.

Nota septima.

Septima Nota est unio membrorum inter se, & cum capite; nam Ecclesiam esse unum corpus, unam sponsam, unum ovile, passim Scripturæ docent, ad Rom. 12. Cantic. 6. Joan. 10. & in Symbolo Constantinopolitano, dicimus unam Ecclesiam. Præcipua autem unitas corporis consistit in conjunctione membrorum cum capite, & inter se. De utraque unione dicendum est, & primùm de prima; Sed quoniam de capite Ecclesiæ, qui est Romanus Pontifex, alibi disseruimus, hic solum, aliquot in medium allatis testimoniis Patrum, ostendimus, apud veteres semper fuisse habitam pro nota veræ Ecclesiæ conjunctionem cum Romano Pontifice.

Irenæus lib. 3. cap. 3. apertè dicit, ad Romanam Ecclesiam, propter potentiorē principalitatem, necesse esse omnem convenire Ecclesiam, idest, eos, qui undique sunt fideles. Cyprianus lib. 1. epist. 3. Post ista, inquit, adhuc insuper Pseudoepiscopo sibi ab hæreticis constituto, navigare audent, & ad Petri Cathedram atque Ecclesiam principalem, unde unitas sacerdotalis exorta est, à schismaticis & profanis literas ferre,

nec

nec cogitare eos esse Romanos, ad quos perfidia habere non possit accessum. Et lib. 4. epistol. 8. de Cathedra Romani Pontificis loquens: Scimus, inquit, hortatos nos esse, ut Ecclesia Catholica matricem & radicem agnoscerent, & tenerent. Ambrosius in oratione de obitu Satyri: Regavit, inquit, si cum Episcopis Catholicis, idest, si cum Ecclesia Romana consentiret.

Hieronymus in epist. ad Damasum de hypostasis nomine: Hic, inquit, in tres partes scissa Ecclesia, me ad se rapere festinat. Ego interim clamito: Si quis Cathedra Petri iungitur, meus est. Meletius, Vitalis, atque Paulinus tibi horere se dicunt. Possem credere, si hoc unus assereret; nunc aut duo mentiuntur, aut omnes. Et in epist. superiori: Ego, inquit, Beatitudini tuae, idest, Cathedra Petri communionem confocior: Super illam petram edificatam Ecclesiam scio. Quicumque extra hanc domum agnam comederit, profanus est; Si quis in Arca Noe non fuerit, peribit regnante diluvio. Non novi Vitalem, Meletium respuo, ignoro Paulinum. Quicumque tecum non colligit, spargit, idest, qui Christi non est, Antichristi est. Et in epiaphio Marcellae scribit, S. Athanasium & eius successorem Petrum, Alexandrinos Episcopos, persecutionem Arianæ hæreseos declinantes, tanquam ad tutissimum suæ communionis portum, Romam confugisse.

Optatus lib. 2. contra Parmen. à principio per aliquas paginas, docet, veræ Ecclesiæ dotem primam, & præcipuam esse Cathedram Petri, quæ Romæ est, & inde probat, Donatistas non pertinere ad Ecclesiam veram, quia non essent conjuncti cum Syricio, qui tunc sedebat in Cathedra Petri.

Augustinus in epist. 162. loquens de Ceciliano Episcopo: Qui, inquit, posset non curare conspirantem multitudinem inimicorum, cum se videret Romana Ecclesia, in qua semper Apostolica Cathedra viguit principatus, per communicatorias literas esse conjunctum? Et in Psal. cont. partem Donati: Venite fratres, si vultis, ut inseramini in vite. Dolor est, cum vos videamus præcisos ita jacere: Numerate Sacerdotes, vel ab ipsa Petri sede, in ordine illo Patrum quis, cui successerit, videte: Ipsa est petra, quam non vincunt superba inferorum porte. Leo epist. 87. ad Episcopos Viennensis provinciae: Predicationis, inquit, Evangelii Sacramentum ita Dominus ad omnium Apostolorum officium pertinere voluit, ut in beatissimo Petro Apostolorum omnium summo, principaliter collocaret, ut ab ipso quodam capite dona sua, velut in corpus omne diffunderet, ut exortem se mysterium intelligeret esse divini, qui ausus fuisset à Petri soliditate recedere.

His adde experientiam; Videmus enim omnes illas Ecclesias, quæ ab isto capite se diviserunt, tanquam ramos præcisos à radice, continuo aruisse. Certè Ecclesiæ Asiaticæ & Africanæ, quæ quondam ita florebant, ut numerosissima Concilia celebrarent, & semper haberent multos homines, vel doctrina, vel sanctitate, vel utroque Dei munere clarissimos, ab eo tempore, quo à Romana Ecclesia schisma fecerunt, nulla Concilia celebrarunt, nullos habuerunt homines fama sanctitatis, aut doctrinæ toti orbi notos, & nunc in summa ignorantia versantur.

Veniamus nunc ad consensionem membrorum inter se. Certum est, Concordiam esse signum Regni Dei, quod stare debet in æternum: Discordiam autem, Regni Diaboli, quod tandem ruere debet. Unde Matth. 12. Omne Regnum in seipsum divisum, desolabitur. Et 1. Corint. 14. Non est dissensionis Deus, sed pacis. Et D. August. lib. 18. de Civit. Dei cap. 52. dicit, Diabolum cupivisse per hæreticos efficere, ut in Ecclesia Christi essent liberæ dissensiones, quomodo erant in Academijs Philosophorum: ut sicut illæ per multas divisiones tandem intereunt, & ab invicem contumuntur, ita fieret in Ecclesia.

A Jam ex hac nota clarissimum est, nostram Ecclesiam solam esse veram Dei Ecclesiam: Si quidem in nostra Ecclesia in primis omnes Scriptores sacri mirificè inter se consentiunt, licet fuerint homines diversi, & in locis, temporibus, ac linguis diversi scripserint, quod pro re planè divina B. August. observat lib. 18. Civ. Dei cap. 41. Deinde omnia legitimorum Conciliorum & Pontificum decreta etiam in omnibus dogmatibus inter se conveniunt, licet edita sint à diversis hominibus, diversis locis, temporibus, occasionibus, & contra diversissimas, immò sæpè contrarias hæreses. Quod est apertum signum unius & ejusdem Spiritus sancti, hanc Ecclesiam gubernantis. Hoc autem esse verum, ostendit diligentia hæreticorum, qui licet omnia diligenter eolverint, tamen non invenerunt quidquam ullius momenti, quod reprehendere possent; ut in disputatione de Concilio ostendimus.

B Denique, nunc omnes Catholici, toto orbe dispersi de omnibus dogmatibus fidei sentiunt idem: Nec possunt aliter sentire, cum omnes subiciant sensum suum sensui unius, & ejusdem summi Pastoris ex Cathedra Petri cum consilio aliorum pastorum Ecclesiam dirigentis.

C Quod autem nulla unquam fuerit secta Gentilium, vel Hæreticorum, in qua talis consensus esset; facile potest ostendi. Ac primum de Paganorum sectis, dicit Augustinus serm. 11. de verbis Domini, ad eandem religionem apud eos Junonem, & Herculem; aliosque Deos inter se dissidentes, & etiam belligerantes pertinuisse. De Philosophis notum est omnibus adeo, ut Basilius orat. 1. de opere sex dierum dicat, non esse opus, ut nos pugnemus contra Philosophos, cum illi mutuis dissentionibus sufficiant ad suam ipsorum doctrinam evertendam: De quo etiam vide Theodoretum lib. de fide, & Augustinum lib. 18. de Civ. Dei cap. 41.

D Eundem fuisse morem omnium hæreticorum, certissimum est; Nam Irenæus lib. 1. cap. 21. & sequentibus docet, hæresim Simonis primi hæresiarchæ mox divisam, & inde natas esse sectas Menandrianorum, Basilidianorum, Saturninianorum &c. Item lib. 1. cap. 5. scribit de Valentinianis, quod cum essent plurimi, vix duo, aut tres inter se conveniebant in omnibus dogmatibus. De Donatistis scribit Augustinus lib. 1. de Baptismo cap. 6. hæresim Donatistarum in multa minutissima frustra conciliam fuisse suo tempore.

E Marcionistas mox divisos fuisse, & inde natos Lucianistas, Appellianos, & Severianos docet Epiphanius lib. 1. tom. 3. contra hæreses. Montanistas divisos esse in Pepuzianos, Artotyritas, Phrygistas &c. scribit Epiphanius lib. 2. tom. 1. Manichæos quoque in sectas divisas testatur Augustin. lib. de hæres. cap. 46. Messalianos autem divisos in Martyrianos, Sathanianos, Entusiastas, docent Epiphanius hæres. 80. Theodoretus lib. 4. de hæretic. fabul. Ariani mox divisi sunt in Acacianos, Macedonianos, Euvomianos, ut patet ex Rufino lib. 10. hist. cap. 25. Idem etiam Ariani singulis serè annis fidem mutabant, ut scribit Hilarius in utroque libro ad Constantium. Pari ratione Eutychiani ita divisi fuerunt, ut omnes serè sectæ, quæ postea existerunt in Oriente, sint proles Eutychianorum, ut patet ex Evagrius lib. 3. & 4. histor. & ex Damasceno lib. de centum hæresibus.

Denique nostro tempore constat ex Friderico Staphylo in libello de Concordia discipulorum Lutheri, Lutheranos vixdum natos, dividi coepisse in Anabaptistas, Confessionistas, & Sacramentarios; & rursum singulas sectas in alias & alias usque ad 34. & hoc quidem tempore Staphyli; Nunc autem numerantur

tur ferè 100. diversissimæ sectæ ab uno Luthero prodeuntes. Id quod fit magna providentia Dei; nam hoc modo hæreses seipsas consumunt; divisio enim earum non est Mathematica, quæ procedit in infinitum. Unde Isaia 19. dicitur: *Concurrere faciam Egyptios adversus Egyptios.* Et Hilarius lib. 7. de Trinitate: *Bellum hæreticorum, inquit, pax est Ecclesiæ.*

Adde, quod iidem etiam auctores hæretici secum non consentiunt, quæ est certissima nota falsæ doctrinæ, ut ipsemet Lutherus ait in lib. de votis monasticis: *Mendacia, inquit, certius dignoscere non potes, nisi quando sibi metipsis contraria sunt. A Deo enim ita ordinatum est, ut impii semper seipsos confundant, & quod mendacia non consent, sed semper contra semetipsa testentur.* Porro Lutheri contradictiones innumeras collegit Joannes Cochleus in Septicypite. Ubi ad finem adjecit 36. varias sententias unius Lutheri de uno articulo, idest, de communione sub utraque specie. Confessionem quoque Augustanam, quam omnes pro sacrosancta habent, ita immutarunt, & variè ediderunt, ut nesciant ipsi, quæ sit vera Confessio Augustana, de qua re consule Harmoniam Andree Fabricii Leodii, ubi videbis præter cætera editionem anni 30. & editionem anni 40. quarum una duplo est major altera.

Sed ad hoc argumentum adversarii respondent ut possunt. Calvinus in primis in præfatione Instit. dicit, non esse mirum si ex religione sua mox oriantur divisiones, & sectæ contrariæ. Nam id accidit etiam Ecclesiæ Apostolorum; Ex ea enim prodierunt Simoniani, Nicolaitæ &c. semper enim Diabolus, ubi videt bonum semen seminari, accedit, & superfeminat zizania. Deinde, idem Calvinus lib. 4. Instit. cap. 13. §. 14. dicit, ex hac nota colligi, non esse apud nos veram Ecclesiam. Nam tot sunt apud nos schismaticorum conventicula, & divisiones, quot sunt monasteria. Olim enim Monachi vivebant quidem separati ab aliis, sed non percipiebant Sacramenta separatim; immò concurrebant ad Ecclesias ordinariorum ministrorum, & ibi cum reliqua plebe sacris intererant. Nunc autem singula monasteria sibi privarum altare crexerunt, & Sacramenta percipiunt separati à populo Christiano, quod etiam nominibus testantur, cum alii Benedictini, alii Franciscani, alii Dominicani dicantur. Tertiò addunt alii, plures apud nos esse sectas, Thomistarum, Scotistarum, & similia, quàm apud illos.

Respondeo ad primum, hoc esse discrimen inter divisionem hæreticorum ab Ecclesia, & divisionem ab aliqua hæresi, quòd in Ecclesia Catholica invenitur certa regula componendarum controversiarum, idest, sententia summi Pastoris, vel Concilii plenarii, & ideo non oritur ex doctrina Ecclesiæ dissensio, sed ex sola malitia Diaboli. Præterea undecunque oritur, mox damnatur, & ejecto hæretico scissura refarcitur, nec ulterius in ipsa Ecclesia progreditur. At apud hæreticos non est ulla regula finiendarum controversiarum. Quisque enim se præponit aliis, & quisque vult esse iudex aliorum, & inde fit, ut ordinariè quælibet nova hæresis statim pariat alias, & alias, donec per multas divisiones consumatur, ita ut miraculum videatur, si aliqua hæresis diutius duret. Itaque Ecclesiæ doctrina per se gignit unionem, & conjunctionem animorum: hæresis verò per se, & ex propria sua natura divisiones, & schismata germinat. Cum ergo videamus more aliarum hæresum, sectam Lutheranam mox divisam fuisse in tam multas alias sectas, & quotidie magis, & magis dividi, nec sperari ab illis ullum finem divisionum, meritò judicamus eos hæreticos, & tandem penitus interituros nomen Lutheranum.

Ad secundum argumentum dico, in primis esse

A mendacium Calvini, quòd antiqui Monachi non habuerint proprium altare, sed acceperint Sacramenta in Ecclesiis ordinariorum parochorum. Nam Epiphanius in epistola ad Joannem Hierosolym. testatur, se in Monasterio S. Hieronymi ordinasse Presbyterum Paulinianum, qui in ipso Monasterio Sacramenta conficeret cæteris Monachis, quia S. Hieronymus præ humilitate nimia non audebat sacrificia altaris offerre. Item Cassianus collat. 18. quæ est Abbatis Pyramonis, cap. 15. narrat in ipsa Eremita habuisse Monachos suos Presbyteros, etiam Monachos, qui Sacramenta cæteris ministrabant. Augustinus lib. 1. de moribus Ecclesiæ cap. 31. & 33. docet non solum in solitudine, sed etiam in urbibus ut Mediolani, & Romæ habuisse Monachos in suis cœnobis præpositum Presbyterum; qui sine dubio ideo Presbyter erat, ut in cœnobio Sacramenta conficeret, & non cogerentur Monachi egredi de Monasteriis, ut irent ad Ecclesias. Denique Joannes Damascenus in historia de Barlaam & Josaphat scribit, Barlaam Eremitam in sua cella sacrificium Missæ celebrasse, præsentem solum ministro suo Josaphat.

B Dico secundò, schismaticum non fieri ullum propter diversum altare materialiter, sed formaliter; alioqui omnes parochi essent schismatici, quia habent diversa altaria in eadem civitate. Et omnes Episcopi essent schismatici, quia habent altaria diversa in civitatibus diversis. Soli igitur illi schismatici sunt, qui ita erigunt altare proprium, ut altare aliorum profanum censeant. Denique Monachos huius temporis non esse schismaticos ex eo perspicuum est, quòd parent uni summo Pontifici, ordinantur Presbyteri ab Episcopis ordinariis, denique frequentantur à populis. Porro nomina illa Benedictinorum, Franciscanorum, Dominicanorum desumpta sunt non ab auctore doctrinæ, sed ab institutore severioris disciplinæ, ut notum est.

C Ad tertium dico, Thomistas & Scotistas non dissentire, nisi in iis rebus, quæ ad fidem non pertinent, ut B. Augustinus dicit de dissensionibus Doctorum sui temporis lib. 1. contra Julianum; & propterea semper subijciunt se, & sua Ecclesiæ definitioni omnes Catholici. Proinde etsi verbis interdum pugnare videant, re tamen ipsa in rebus fidei omnes conveniunt; cum omnes id unum credere se profiteantur, quod in Ecclesia Catholica Romana credendum esse judicatum fuerit.

D At hæretici de rebus fidei præcipuis dissentiant, & unus habet alium pro hæretico, & tamen eundem Lutherum patrem agnoscunt. De quo vide Hosium, lib. 1. contra Brentium, & Canisium in præfatione librorum Vegæ Coloniz excusorum. Neque id adversarii inficiari ulla ratione possunt: Siquidem primò non negant, Anabaptistas hæreticos esse Lutheranis & Zvinglianis, & contrà; & tamen ex eodem Luthero omnes prodierunt. Deinde Zvingliani sunt hæretici Lutheranis cæteris, ut patet ex testamento Brentii, & multis Lutheri libris. At Zvingliani, & Calvinistæ non audent Lutherum execrari, & tamen in rebus gravissimis ab eo dissentiant, ut patet ex libris Calvini, Bezae, Martyris, de cœna Domini, & de loco corporis Christi.

E Rursus inter Confessionistas Lutheranos, rigidi, & molles gravissimè contendunt. Id apparet ex libris Joannis Wigandi, & Illyrici contra Georgium Majorem, & Philippum Melanchthonem, & horum contra illos. Centuriatores in præfatione 5. Centuriz de se sic ajunt: *Etsi sunt aliqui adhuc Doctores Ecclesiæ Dei in variis locis dispersi, tamen ii non tantum à filiis hujus sæculi, quibus hoc solemne est, sed etiam à propriis synergis, & confratribus iridentur, molestantur, affliguntur, debilitantur, & franguntur, dum eos Sto-*

cos, & seditiosos proclamant : dum seditionis, & haresum crimina eis impingunt.

Joannes Wigandus in lib. de error. Georgii Majoris : Tu, inquit, Georgi, es ille vir, qui turbat Israel, non nos, qui te monemus de fœdis erroribus pugnantibus cum verbo Dei. Nam tu ista zizania & tetros errores, in Ecclesia Dei libris editis, longè, lateque diffemas, ac plantas. Nos verò Ecclesiam Dei hortamur, ut in vera, & semel agnita, atque accepta puritate doctrina à Deo per salutare organum Lutherum perflet. Et infra : Non sunt lana, neque linum, de quibus hic disceptatur, sed de gravissimis doctrina Christiana capitibus, quæ à Majore, & aliis fœdè depravantur. Et infra post quartum errorem : Major, inquit, ingenti audacia gloriatur, se ne pilam quidem de doctrina Lutheri discessisse, & interim totam Lutheri doctrinam de seruo arbitrio, reproba menti, & Diabolo in cathedra Lutheri sedem attribuit. Et infra post septimum errorem : Hos perniciosos errores, inquit, Majoris, vir Dei, Lutherus tum in scriptis suis, tum disputationibus publicè refutavit, & explosit.

Præterea inter ipsos rigidos quæstio gravissima orta est de peccato originis, Nam Illyricus contendit peccatum originis esse substantiam, & contrariam sententiam vocat spectra Pelagiana. Contra verò Joannes Wigandus, Tilmannus Heshusius, & alii scribunt contra Illyricum, ut contra manifestum Manichæum. Certè Heshusius initio antidoti contra Illyricum, docet istam quæstionem ad fundamenta fidei pertinere.

Denique ex eadem provincia Saxonia, intra decem annos prodierunt contradictoriæ sententiæ publico nomine editæ, de re omnium gravissima. Nam in Synodo Dresdensi, anno 1571. celebrata, communi consensu exploserunt sententiam Brentii, Illyrici, & aliorum de persona Christi, & tamen illam ipsam sententiam à se damnatam, anno 1580. in lib. Concordiæ publicè receperunt, & tam Synodus, quam Concordia Wirtembergæ impressa sunt, & ejusdem Principis auctoritatem præ se ferunt.

C A P U T XI.

Nota octava.

Octava Nota est Sanctitas doctrinæ. Vera enim Ecclesia non solum est Catholica, Apostolica, una, sed etiam sancta, ut habet Symbolum Constantinopolitanum. Constat autem sanctam dici Ecclesiam, quia professio ejus est sancta, nihil continens falsum quoad fidei doctrinam, nihil injustum quoad doctrinam morum. Unde in Psalm. 18. appellatur lex Domini immaculata, testimonium fidele, præceptum Domini lucidum. Ex hac nota evidenter ostenditur nullam esse veram Ecclesiam, nisi nostram. Nulla enim est secta vel Paganorum, vel Philosophorum, vel Judæorum, vel Turcarum, vel Hæreticorum, quæ non contineat aliquos exploratos errores, & rectæ rationi manifestè contrarios.

De Paganis multorum Deorum cultoribus ostendit quàm absurda, ac turpia senserint Minutius Felix in Octavio, Arnobius lib. 4. 5. 6. & 7. contra Gentes, & Augustinus lib. 7. de civitate Dei, per totum, nec ullus de hac re hoc tempore dubitat.

De Philosophis antiquis idem docet Theodoretus in lib. de legibus, qui est nonus ad Græcos, ubi docet, Lycurgi legibus permitti adulteria : legibus Persarum, permitti incestas nuptias cum matribus, filiabus, sororibus : legibus Massagetarum, morituros & senes à propinquis devorari : legibus Tibarenorum, dejici senes ex altis turribus : legibus Hyrcanorum,

A projici cadavera hominum canibus : legibus Scytharum, cum mortuis sepeliri vivos, qui ab eis dilecti fuerant : legibus Platonis, quæ vitæ sunt omnium optimæ, horrenda vitia præscribi, vel laudari, ut communionem uxorum, nefandam libidinem, extinctionem conceptuum, cædes infantium, & similia.

De Mahumetanis idem patet ex Alcorano. Nam cap. 2. docet omnes salvari in suis legibus, si eas servant, Judæos, Christianos, Turcas c. 5. 28. 47. 48. & aliis passim docet beatitudinem futuræ vitæ consistere in cibo, & potu, & uxorum multitudine, nec unquam in toto Alcorano mentio fit actionum spiritualium visionis, vel amoris Dei. Cap. 43. dicit Deum, & Angelos orare pro Mahumeto. Similia absurdissima passim leguntur in Alcorano.

B De Judæis, qui post Christi adventum scripserunt, manifestum est ex libris ipsorum. Nam in primis in doctrina Thalmud, quæ est ipsorum verbum Dei non scriptum, inveniuntur innumerabiles errores, de quibus vide Sixtum Senensem, lib. 2. Bibliothecæ sanctæ. R. Salomon, quem Judæi maximi faciunt, in comment. cap. 2. Gen. in illud. *Hoc nunc es ex ossibus meis*, dicit Adamum cum omnibus bestiis, & feris carnaliter congressum, nec potuisse libidinem exple-
C re quousque ad Evæ amplexus pervenit, Idem in cap. 28. Numer. in illud : *In Kalendis autem offeretis holocaustum Domino*, ipse legit, holocaustum Domini, & dicit præceptum esse offerri holocaustum in die novilunii pro peccato Dei, quod commisit, cum diminuit lumen lunæ. Quam fabulam narrat idem R. Salomon in caput 1. Genes. in illud : *Duo luminaria magna*, Idem in caput 4. Deuteron. in illud : *Creavit Deus hominem*, dicit Adamum fuisse tam procerum, ut capite cælum tangeret, dum esset in terra. Similia passim occurrunt in libris Judæorum.

D De Hæreticis antiquis idem ostendi potest. Nulla enim ferè fuit hæresis, quæ non habuerit manifestos errores. Gnostici inter alia frequentari debere docebant scortationes, & luxuriam omnem exerceri, tamen vitari conceptum, Et si conceptus casu sequebatur, extrahebant de utero prægnantis, & contusum in mortario, ac melle & pipere conditum devorabant, & hoc modo magnum Pascha se celebrare dicebant : Ita refert Epiphanius hæres. 26.

Carpocratiani docebant, teneri unumquemque ad omnia genera scelerum perpetranda, & si cum moriebantur, non perpetraverant omnia, dicebant animas remitti ad corpora, idque toties, donec implerent scelerum mensuram, & hoc modo exponebant illud Evangelii. Non exies inde, donec reddideris novissimum quadrantem : Ita refert Epiph. hæres. 27.

Montanistæ sacrificium efficiebant ex sanguine aniculi infantis, quem minutis vulneribus æreis aciculis totum exprimebant incredibili crudelitate : Testis est Augustinus, hæres. 26.

E Manichæi docebant, æquale peccatum esse præcidere solum de arbore, atque hominem interficere. Idem asserebant partes divinæ essentiae teneri captivas à principibus tenebrarum, & ex iis aliquas liberari, alias in æternum damnandas : Augustinus hæres. 46.

Donatistæ, ut seiplos martyres facerent, de montibus ipsi se præcipitabant, vel aquis præfocabant, vel in ignem conjiciebant, vel mortem minabantur, & inferebant iis, qui eos occidere nollent : Testis Augustinus, epist. 50. & Theodoretus, lib. 4. de hæret. fabulis. Ejus generis infinita adduci possent.

Sectarii nostri temporis docent, omnem hominem justificari sola fide speciali, qua quisque certò credit, se propter Christum coram Deo esse justum, quod cum quolibet paradoxo comparari potest. Non enim est id supra, vel præter rationem, sed planè contra omnem

omnem rationem. Quæro enim, cum incipio credere me esse justum, vel sum justus, vel injustus; si justus, igitur non justificor per fidem, qua credo, me esse justum, quia ista fides est posterior mea justitia; si injustus, ergo ista fides est falsa, ergo non est fides divina justificans, nisi dicamus, homines justificari per mendacium.

Præterea Lutherani omnes, maxime spiritum præcui, & invocationem extollunt, & tamen hæc fides tollit orationem Dominicam. Nam si certo credo, me nullum habere peccatum, mentior, si cum hac fide dico, dimitte nobis debita nostra. Præterea Calvinistæ Anabaptistas omnino damnant, nec censent posse eos justificari, nec salvari, nisi convertantur ab erroribus suis, & tamen sciunt Anabaptistas certo credere se esse justos, ergo coguntur dicere eos simul & justos, & non justos esse.

Præter hoc dogma commune, singuli habent sua propria dogmata, plena manifestæ absurditatis. Anabaptistæ præter alia multa habent nocturna conventicula; in quibus nuptias caninas exercent, ut colligitur ex articulis eorum, quos Joannes Cochläus refutavit, & aperte etiam propriis sororibus junguntur. Art. 11. Anabaptistarum est: nemo debet publice prædicare art. 17. post sermonem fiat adhortatio, ut crescant, & multiplicentur art. 19. licet fratri germanam sororem in uxorem accipere.

Lutherani habent quasi proprium errorem illum manifestissimum, quod infantes, dum baptizantur, utantur ratione, audiant verbum Dei, credant, diligant, quod in Synodo Wittembergensi anno 1536. publice definierant. Quod tamen aperte repugnat veritati, ut Augustinus epist. 57. ad Dardanum scribit, injuriam facere humanis sensibus, qui hoc dicunt. Quomodo enim credibile est infantem, qui plorat, & reluctatur quantum potest, dum abluitur, intelligere, quid agatur? Porro Calvinistæ habent tanquam propriam sententiam illam, non modò pietati, sed etiam rationi apertissime repugnantem, quod omnia absoluta necessitate eveniant, quodque Deus sit causa peccatorum, à qua Lutherani penè omnes jam discesserunt.

At Ecclesia nostra Catholica nullum errorem, nullam turpitudinem, nihil contra rationem docet, etsi multa supra rationem. Proinde sola est absolute sancta, eique soli convenit, quod in Symbolo dicimus: *Credo sanctam Ecclesiam*: Quam rem ostenderunt adversus Paganos, Justinus in utraque Apologia, Tertullianus in Apologetic. cap. 36. & sequentibus, Arnobius lib. 1. 2. & 3. contra Gentes, Minutius Felix in Octavio, Augustinus in libris de civitate Dei. Contra Paganos autem & hæreticos omnes, idem ostendit accuratissime B. Thomas in libris contra Gentes.

Concludamus igitur cum S. Augustino lib. 2. de civit. Dei cap. 28. *Nihil in Christianis Ecclesiis turpe, & flagitiosum spectandum, imitandumque proponitur, ubi veri Dei aut præcepta insinuantur, aut miracula narrantur, aut dona laudantur, aut beneficia postulantur.* Et lib. 22. cap. 7. *Persuadebatur veritas nova consuetudini, sed non contraria rationi.*

C A P U T XII

Nota nona.

Nona Nota est efficacia doctrinæ. Sola enim vera Ecclesia habet doctrinam, non solum immaculatam, sed etiam convertentem animas, ut dicitur Psalm. 18. & sermonem vivum penetrantem usque ad divisionem animæ, ac spiritus, Hebr. 4. Philosophi

Controv. Card. Bellarm. Tom. II.

A antiqui tamen magnam sapientiam ostentarent, & summa eloquentia leges suas populis suaderent, nunquam tamen vel vicina oppida ad suas leges trahere potuerunt, ut docet Athanasius lib. de humanitate verbi, & Theodoretus lib. de legibus. Quia non erant verba eorum verba viva, sed mortua, non spiritus Dei, sed spiritus hominum. Mahumetani autem traxerunt quidem multos, sed terrore armorum, non vi, & efficacia doctrinæ. Quare ipsemet Mahumetus in Alcorano, cap. 18. & 19. docet bello cogendos homines ad fidem. Porro hæretici nunquam leguntur convertisse ullos Ethnicos, aut Judæos ad fidem, sed solum pervertisse Christianos, quod etiam notavit Tertullianus in lib. de præscript. hæret. *De verbi, inquit, administratione quid dicam? Cum hoc sit negotium illis non Ethnicos convertendi, sed nostras evertendi, nostra suffodiant, ut sua adificent &c.*

B At, inquit, Freculphus in Chronico tomo 2. lib. 4. cap. 20. refert ab Arianis tempore Valentis Imperatoris totam gentem Gothorum à paganismo ad fidem conversam.

C Respondeo, non ab Arianis Gothos esse conversos, sed misere deceptos. Gochi enim cum jam de finibus suis egressi sub Romani Imperii auspiciis militarent, & multa præclara de Christianis audirent, sua sponte, nemine impellente, ab Imperatore petierunt Episcopos, à quibus docerentur, parati ad credendum quicquid eis diceretur. Imperator verò, quia Arianus erat, Arianos Episcopos misit, atque ita Gothi misere decepti, cum Christiani fieri vellet, Ariani facti sunt, non tamen ulla virtute, aut miraculis Arianorum. Quæ enim difficultas est instillare venenum homini parato ad illud sumendum? Adde, quod Freculphus non integrè historiam hanc refert; constat enim ex Socrate, lib. 4. cap. 27. Sozomeno, lib. 6. cap. 37. Theodoro, lib. 4. cap. ult. majorem partem illorum Gothorum fuisse Christianam, & Catholicam, & ab Arianis postea deceptam. Non igitur convertunt homines ad fidem hæretici, nec possunt. Nam hæretici habent quidem Scripturam, sed non habent verum sensum Scripturarum, qui propriè est gladius spiritus. Verba enim non tam gladius, quam vagina sunt, qua gladius spiritus continetur. Cum ergo illi non pugnent gladio, sed vagina tantum, quid mirum, si non feriant corda infidelium? Neque etiam mirum est, quod Catholicos pervertant, nam proni sunt homines ad descensum, ad viam latam & facilem, quam illi aperiant. Et Deus id fieri sinit propter ingratitudinem eorum, qui semel sunt illuminati, & luminis accepto bonis operibus non respondent.

E At Ecclesia verè sancta, & Apostolica olim brevissimo tempore per homines contemptibiles externæ speciei, sine armis, & sine pompa verborum totum Mundum traxit, idest, homines magnos, parvos, doctos, indoctos, juvenes, senes, viros, foeminas; Et traxit, non ad delicias hujus sæculi, sed ad res credendas supra omnem rationem, & ad crucem, & angustias, & vitam perfectissimam repugnantem carni & sanguini, & hæc omnia propter præmium nullum in hac vita, sed solum in futura. Et hoc ita persuasit, ut maluerint plurimi potius amittere omnes opes, honores, amicos, affines, & vitam ipsam, quam Christi fidem; De quo vide Athanasium, & Theodoretum locis notatis, & Augustinum lib. 22. de civit. Dei, cap. 5. Ubi ponit inter præcipua miracula, quod pauci Apostoli sola Verbi divini efficacia sine eloquentia, aut armis totum mundum subegerint.

Deinde à tempore B. Gregorii usque ad nostra tempora conversos multos à nostris probari potest testimonio adversariorum. Nam quò sexto sæculo

Iussu B. Gregorii Anglos paganos non hæretici, qui tunc etiam non deerant, sed Monachi Pontificii ad fidem Christi converterint, testantur Centuriatores, Cent. 6. cap. 2. col. 37.

Deinde tempore Cononis Papæ, S. Kilianus à Papa missus convertit. Francones, ut dicunt ipsimet Centuriatores, Cent. 7. cap. 2. col. 31.

Deinde tempore Gregorii II. & Gregorii III. ac Zachariæ Pontificum conversa est magna pars Germaniæ ad fidem, non per hæreticos Iconomachos, quibus tunc mundus abundabat, sed per S. Bonifacium Episcopum, & Martyrem, quem Papa Gregorius II. miserat, ut fatentur Centuriatores, Cent. 8. c. 2. col. 20. ubi honorificè de eo loquuntur his verbis: *Hoc sæculo postquam illuxit tempus, quod Dominus sua misericordia præfignavit, majori cum fructu res successit. Nam excitavit Dominus Vinofridum, quem Romani dixerunt Bonifacium, cum suis collegis ad Ecclesiæ suæ in Germania propagationem, & opus manuum eorum ipse gubernavit, & promovebat &c.*

Hic erant obliti Centuriatores S. Bonifacium fuisse Papistam, propterea tam bene de eo loquuntur. Nam in præfatione ejusdem Centuriæ Blasphemi, & ingratiissimi in suum Apostolum sic loquuntur: *Hanc ad rem habet Papa suos dracones egregios, peritissimos ejusmodi aucupiorum, audaces, temerarios, qui præmiis, & honoribus illecti, & irretiti, sedulam operantur in omnibus nationibus, & regnis mutant. Et infra: Talis fuit drongo, Bonifacius ille, Germanorum Apostolus dictus, qui in hoc summo studio, arte, ac vi incubuit, ut universam Germaniam in potestatem Papæ Romani redigeret. Est autem in nonnullis locis Ethnicam idololatriam aboluisse narratur, tamen religionem Christianam non seminavit puram, & incorruptam. Et infra: Ea fuit insolentia inflatus iste Pseudoapostolus, ut non modò monitores omnes ex alto despiceret, verum etiam apud tyrannum illum Romanum invidiosè deferret tanquam hæreticos, & turbatores Ecclesiæ &c.* Ecce quomodo tractant Apostolum Germaniæ, de quo omnes historici ejus temporis honorificentissimè loquuntur.

Deinde Centur. 9. cap. 2. col. 15. fatentur, Monachos Corbejenfes convertisse Wandalos, & col. 18. fatentur Bulgaros, Slavos, Polonos, Danos, Moravos, eo sæculo convertos, subiectos fuisse Romanis Pontificibus: Ex quo apparet à Papistis fuisse convertos. Item Cent. 10. cap. 2. col. 18. & 19. plures reges, & populos ad fidem convertos docent opera Henrici I. Imperatoris, & Adalberti Boemorum, ac Methodii Moravorum Archipræsulum, quos omnes Papistas fuisse negare non possunt, cum constet eos Pontificibus Romanis subiectos fuisse.

Deique Cent. 11. cap. 2. col. 27. docent, Hungaros magna ex parte hoc sæculo convertos, & Episcopos illi genti datos, à Romano Pontifice confirmatos fuisse, petente hanc eorum confirmationem S. Stephano Hungarorum Rege nuper converso.

Post illa tempora non defuerunt etiam in Ecclesiâ Catholica similes conversiones, siquidem Adrianus Pontifex IV. ante suum Pontificatum ab Eugenio Papa missus, Norvegiam ad fidem convertit, ut Platina, alique testantur, & ni fallor, ipsi etiam Centuriatores Centuria 12. quam unâ cum 13. editam audio, sed nondum vidi. Ab uno S. Vincentio ordinis Prædicatorum constat esse convertos ad fidem vigintiquaque nullia, partim Judæorum, partim Saracenorum, ut scribit B. Antoninus 3. parte hist. tit. 23. cap. 8. §. 4. qui floruit eadem ætate.

Denique, hoc nostro sæculo in novo orbe multa millia Gentium Catholici converterunt. Judæorum quoque singulis annis convertuntur & baptizantur Romæ aliqui à Catholicis Pontifici Romano additis, nec desunt etiam Turcæ, qui tum Romæ, tum

alibi à Catholicis convertantur. Lutherani verò vix unum aut alterum converterunt, cum tamen comparent se cum Apostolis, & Evangelistis, & habeant in Germania plurimos Judæos, & in Polonia, & Hungaria vicinissimos Turcas. Rectissimè igitur B. Augustinus lib. 13. contra Faustum, cap. 12. comparat hæreticos cum perdicibus, quæ congregant pullos, quos non pepererunt: cum è contrario Ecclesiâ sit columba fecundissima, quæ quotidie parit novos pullos.

C A P U T XIII

Nota decima.

Decima Nota est Sanctitas vitæ auctorum, sive primorum Patrum nostræ religionis. Ecclesiâ enim vera non solum habet doctrinam sanctam, & efficacem, sed etiam Doctores sanctos, & signorum gloria clarissimos. Nunc de probitate, postea de miraculis dicemus.

Jam ergo si quis consideret magistros Ecclesiæ Catholicæ, primùm Patriarchas, & Prophetas, deinde Apostolos, tum Doctores, qui contra singulas hæreses dimicarunt, denique institutores ordinum religionum, inveniet omnes tam sanctos, castos, pios, sobrios fuisse, ut adversarii nihil habeant, quod reprehendant, nisi nimiam sanctitatem, ut B. Augustinus ait de Monachis sui temporis, libro de moribus Ecclesiæ, cap. 31. & idem Augustinus lib. 2. in Julianum de Catholicis Doctoribus ait: *Isti sunt Episcopi, & Pastores docti, graves, sancti, veritatis acerrimi defensores, qui Catholicam fidem in lacte succurrunt, in cibo sumpserunt, ejus lac, & cibum parvis, magnisque ministraverunt. Talibus post Apostolos sancta Ecclesiâ plantatoribus, rigatoribus, edificatoribus, pastoribus, nutritoribus crevit.* Adde, quod Bernardum, Dominicum, & Franciscum, sanctos fatentur fuisse, Lutherus cap. 2. libri de captivitate Babylonica, Philippus in Apolog. art. 5. & 27. & alii ex adversariis.

At Ethnicorum Doctores fuerunt vel Poetæ leves, vel Philosophi superbi, utrique autem impurissimi. Nam præcipuos sapientes Græcorum supra modum impudicos fuisse, adeo, ut etiam apud suos essent infames, præcipuè propter vitia contra naturam, testis est Athenæus lib. 13. cap. 27. & ex nostris Theodoretus libro de legibus, & apertè etiam B. Paulus Rom. 1. Mahumeto autem nihil incontinentius fingi potest, nam ipse in Alcorano cap. 43. dicit se à Deo privilegium accepisse coniungendi sibi omnes foeminas, quas dilexisset, quamvis consanguineæ essent.

De hæresiarchis plurima dici possent, sed unum est vitium omnibus commune, superbia. Augustinus libro de pastoribus cap. 8. *Diversis locis, inquit, sunt diversa, sed una mater superbia omnes genuit, sicut una mater nostra Catholica omnes Christianos fideles toto orbe diffusos.* Et certè nulla hæresis invenitur ex intentione, & per se inventa, sed per accidens ex aliqua mala occasione, ut solent monstra generari.

De Theobute primo omnium hæreticorum scribit his verbis Egesippus apud Eusebium lib. 4. hist. c. 22. *Tunc, inquit, Ecclesiâ virgo vocabatur, quia nondum fuerat adulterini verbi subreptione corrupta: sed Theobutes quidam, quia repulsam meruit Episcopatus, caput initio perturbare omnia, & corrumpere.*

Post hunc surrexit Simon Magnus, quem constat ex Act. 8. Episcopalem auctoritatem ambivisse, & data pecunia emere voluisse. Ubi verò exclusus fuit, hæresim novam excogitasse, ut qui in Ecclesiâ non poterat, saltem extra eam principatum gereret.

Paulò

Paulò post Simonem exstitit Valentinus, de quo sic Tertullianus libro contra Valentinianos, non procul ab initio: *Speraverat, inquit, Episcopatum Valentinus, quia & ingenio poterat, & eloquio, sed alium ex martyrii prerogativa loci potitum indignatus, de Ecclesia authentica regula abruptis, (ut solent animi pro prioratu exciti presumptione ultionis accendi) &c.*

Exoritur deinde Marcion, de quo sic Epiphanius hæres. 41. circa initium: *Amulatione, inquit, elatus Marcion, ubi non accepit præfidentiam, & ingressum Ecclesiam, excogitat sibi ipsi consilium. Et infra: Amulatione, inquit, igitur commotus, & ad magnam indignationem, & superbiam elatus fissuram efficit, sibi ipsi hæresim erigens, ac dicens: Ego fundam Ecclesiam vestram, & multam fissuram in ipsam in æternum, & revera fissuram intulisti non parvam; sed non Ecclesiam fudit, verum seipsum, & eos, qui ipsi obediunt.*

De Montano sic scribit Theodoretus lib. 3. de hæreticis fabul. 11. inquit, *ambitione, & primum locum obtinendi cupiditate motus, seipsum Paracletum vocavit &c.* De Novatiano idem scribit ex Cornelio in epist. ad Fabium lib. 6. hist. cap. 35. *Refert, inquit, quòd Episcopatus cupiditate, quam intra se latenter gerebat, in hac omnia deciderit, Sabellius, inquit Epiphanius, hæres. 57. ad majorem fastum ac dementiam delatus, seipsum dixit esse Moysen, & fratrem suum Aaronem. Arius; ut ait Theodoretus lib. 4. de hæreticis fabul. in principio: Cum esset relatus in numerum Presbyterorum Alexandrina Ecclesia, & magnam Alexandrum in pontificali cathedra sedentem videret, invidia stimulo percitus est, cumque adversus eum pugna committenda materiam quereretur, occasione invenit dogmatum impietatem.*

De hæresi Semiarianorum sic loquitur Epiphanius hæres. 73. *Itaque ad contentionem devenerunt; inquit, eodem rursus cum sodalibus suis, propter odia quadam & emulationem humanam, rixantes inter se, & de principatu litigantes.* De Aerio idem Epiphanius hæres. 75. *Cum autem, inquit, venisset Eustachius ad Episcopatum, Aerius magis concupiscebat, sed non pervenit ad ipsum. Hinc oritur amulatio.*

Nestorium scribit Theodoretus lib. 4. hæres. fabularum, magnam partem ætatis egisse occupando favorem populi fusca veste, simulato pallore, compositis verbis, donec tandem ad Episcopatum pervenit. De Sabbatio item hæresiarcha scribit Socrates lib. 5. hist. cap. 20. *Quin etiam, inquit, adipiscendi Episcopatus desiderio flagrabat.* Joannem Wiclefum, quia Episcopus esse non potuit, hæresiarcham factum scribit Thomas Waldens. lib. 3. doct. fid. cap. 60.

Eodem modo sectas hujus temporis exortas esse ex ambitione, superbia, invidentia, odio, adversarii certè negare non possunt. Nam initium primum omnium hæresum hujus temporis constat fuisse invidentiam, & ambitionem Lutheri, agrè ferentis munus promulgandarum indulgentiarum à sui ordinis Monachis, ad Monachos ordinis Prædicatorum translatum fuisse, ut scribit Joannes Cochläus in actis Lutheri anno 1517. Unde (ut idem refert paulò post in actis anni 1519.) in prima disputatione, quæ Lipsiæ habita est inter Lutherum, & Eckium, exclamavit Lutherus: *Hac causa nec propter Deum capta est, nec propter Deum finietur.* Idem in epistola ad Argentinenses dicit, se libenter negaturum fuisse in Eucharistia esse corpus Christi, si Scripturæ non essent tam claræ, quia ea ratione videret se multum Papæ posse incommodare.

Idem in libro contra Regem Angliæ tanta superbia jactat se, & sua, ut dicat Reges, Principes, Pontifices &c. non esse dignos, qui solvant suarum corrigiam calceamentorum, & se pro sancto viro vel le haberi, velint, nolint homines, & se non magni

Controv. Card. Bellarm. Tom. II.

A: *facere mille Cyprianos, & mille Augustinos.* Et in libro de Missa angulari, ut Patrem suum esse ostenderet eum, qui est Rex super omnes filios superbiæ, dicit se à Diabolo doctum, quòd Missa esset res mala, & rationibus Diaboli convictum abolevisse Missam. Denique tantus fuit Lutheri fastus, ut etiam à suis tolerari non potuerit: Sic enim de eo scribit Conradus Gesnerus in universali sua Bibliotheca: *Illud, inquit, non est dissimulandum, virum esse Lutherum vehementis ingenii, impatientem, & qui nisi per omnia sibi consentientes ferre nesciat. Et infra: Dominus facit, ne contentione, & impudentia eris absit Ecclesia sua, cujus olim crepundia tam feliciter promovit.*

B: *Tigurini verò Ministri in responsione ad librum, quem inscripserat Lutherus contra Zwinglium, sic ajunt: Propheta, inquit, & Apostoli Dei gloria, non privato honori, non sua pertinacia, & superbia studebant. Lutherus autem sua quarit, pertinax est, insolentia nimia effertur, & in omnibus correptionibus suis plurimum maligni spiritus, quàm minimùm verò amici, & paterni animi deprehenditur.* Similes sunt Lutheri discipuli omnes, è quorum libris si jactationes, mendacia, scommata, maledicta, convitia tollerentur, ex maximis voluminibus vix libelli perexigui effici possent.

C: *Quod verò attinet ad populum, sunt quidem in Ecclesia Catholica plurimi mali, sed ex hæreticis nullus est bonus. Et quamquam res ipsa notissima est eis, qui norunt mores utrorumque, tamen non est contemnendum Lutheri testimonium ab ipsa veritate extortum.* Is in postilla super Evangel. Dominicæ primæ Adventus sic ait: *Mundus in dies fit deterior, sunt nunc homines magis vindictæ cupidi, magis avari, magis ab omni misericordia remoti, magis immodesti, & indisciplinati, multoque deteriores, quàm fuerint in Papatu.* Hæc ille. Testimonium hoc verum est, cui non ablimile est testimonium Jacobi Andreæ Smidelini in concione 4. super cap. 21. Lucæ, cujus concionum partem habes apud Petrum Canisium lib. 1. cap. 4. de corruptelis verbi Dei. Inter alia sic loquitur de Lutheranis suis Smidelinus: *Ut totus mundus agnoscat eos non esse Papistas, nec bonis operibus quidquam fidere, illorum etiam operum nullum exercent penitus. Jejuniis loco comessionibus, & perpotationibus nocte dieque vacant. Ubi pauperibus benignè facere oportebat, eos deglubunt & excoriant. Precationes vertunt in juramenta, blasphemias, & divini nominis execrationes, idque tam perditè, ut Christus ne ab ipsis quidem Turcis hodie tantopere blasphemetur. Denique pro humilitate regnat passim superbia, fastus, elatio, atque hoc universum vita genus ab illis Evangelicum dicitur institutum.* Hæc ille.

D: *Addam & tertium testimonium Erasmi, qui & res eorum optimè noverat, & ab eorum doctrina non omnino abhorreere visus est.* Is igitur in epistola ad Vulturium Neocomum, quam scripsit anno 1529. *Circumspice, inquit, populum istum Evangelicum, & observa, num minus illic indulgentur luxui, libidini, & pecunia, quàm faciant ii, quos detestamini. Profer mihi, quem istud Evangelium ex comessatore sobrium, ex feroci mansuetum, ex rapaci liberalem, ex maledico benedictum, ex impudico reddiderit verecundum. Ego tibi multos ostendam, qui facti sunt seipsi deteriores.* Vide, si placet, Joannem Cochläum præfatione libri de actis & scriptis Martini Lutheri.

C A P U T XIV.

Nota undecima.

UNDecima Nota est Gloria miraculorum. Sunt autem duo fundamenta præmittenda. Unum, quòd miracula sint necessaria ad novam fidem, vel

extraordinariam missionem persuadendam. Alterum, quod sint efficacia, & sufficientia, nam ex prior deducemus non esse apud adversarios veram Ecclesiam: ex posteriore deducemus eam esse apud nos.

Quod igitur miracula sint necessaria, probatur primo Scripturae testimonio. Exod. 4. cum Moses mitteretur à Deo ad populum, ac diceret: *Non credent mihi, neque audient vocem meam*. Non respondit Deus, debent credere, velint nolint, sed dedit illi potestatem faciendi miracula, & ait: *Ut credant, quod apparueris tibi Dominus &c.* Et in novo Testamento Matth. 10. *Euntes, predicate dicentes: Appropinquavit regnum caelorum, infirmos curate, mortuos suscite, leprosos mundate, daemones ejicite.* Joan. 15. *Si opera non fecissem in eis, qua nemo alius fecit, peccatum non haberent.*

Præterea qui mittitur, debet ostendere testimonio ejus à quo mittitur, suam auctoritatem, alioqui nemo tenetur eum recipere. Omnis autem, qui mittitur ad prædicandum, vel mittitur à Deo per ordinarios prælatos, vel extraordinariè à solo Deo, & quidem qui mittitur per ordinarium Prælatum, debet ostendere testimonium ordinarii Prælati, nimirum literas ejus sigillo munitas; qui verò mittitur à solo Deo, debet ostendere sigillum Dei, quod nihil est aliud, quàm miraculum. Sic enim dicitur Marc. ult. *Illi verò profecti prædicaverunt ubique Domino cooperante, & sermonem confirmante, sequentibus signis.* Et Heb. 2. *Conestante Deo signis, & virtutibus.*

Denique adeo est hoc verum, ut non solum B. Augustinus lib. 22. de civit. Dei, cap. 8. dicat miracula fuisse necessaria, ut mundus crederet, sed etiam Philippus Melanchthon id concedat, nam in cap. 3. Matth. dicit, quando magnæ sunt tenebræ, vocari novos Doctores, & semper addi à Deo miracula, ut certò sciamus à Deo esse missos.

Jam quod attinet ad secundum, quod miraculum sit testimonium sufficiens, & ubi est verum miraculum, ibi sit vera fides, facile probari potest. Si quidem vera miracula non possunt fieri, nisi Dei virtute; dicitur enim miraculum, quod superat vires omnium creaturarum, & ideo omnibus creaturis est mirabile, & propterea etiam in Scripturis dicuntur testimonia Dei, ut supra vidimus. Quare, quod miraculo confirmatur, Dei testimonio confirmatur, Deus autem non potest esse testis mendacii, igitur quod miraculo confirmatur, verum sit necesse est. Neque repugnat, quod vera miracula non semper fiunt ad confirmandam fidem, sed interdum ad illustrandam Sanctorum vitam, nam cum miracula fiunt ad gloriam alicujus sancti demonstrandam, illa miracula ostendunt eum hominem verè esse sanctum. Cum autem nemo sit verè sanctus sine vera fide: *Quia iustus ex fide vivit*, Hebr. 10. eadem miracula ostendunt, & confirmant veram fidem.

His jactis fundamentis facile erit colligere apud Ethnicos, Turcas, Judæos, Hæreticos non esse veram fidem, nulla sunt enim apud eos vera miracula, & tamen omnes illi novam doctrinam prædicant, & non sunt missi ab ordinariis Prælati.

De Paganis notum est, nam solum leguntur quædam levia, quæ facillimè arte demonis fieri possunt, qualia sunt quæ refert Valerius Maximus, lib. 8. de statuis, de brutis loquentibus, deque Virgine Vestali aquam cribro hauriente, & M. T. de augure, qui novacula coram scidit, libro 1. de divinatione. Quæ omnia quomodo à demonibus facillimè fierent, ostendunt, Tertullianus in Apolog. cap. 22. & 23. & B. Augustinus lib. 10. de civitate Dei, cap. 16.

A De Judæis post Christi adventum notum est, non habuisse eos ulla miracula, & id unum de piscina, quod adhuc durabat Christo prædicante, postea interisse.

De Mahumetanis testatur Damascenus lib. de centum hæres. circa finem, Mahumetum nullo testimonio probare potuisse suam legem. Et in Alcorano ipse fatetur Christi miracula, sibi gladium esse datum: tamen cap. 64. dicit, tantum semel in luna nescio quod miraculum fecisse, non enim clarè explicat. Expositores autem dicunt aliquando lunam in duas partes fuisse divisam, tunc Mahumetum eam in manus accepisse, & reparatam ad cælum remisisse, sed neminem fuisse, qui videret hoc miraculum, nisi auctorem, idest, Mahumetum.

B De falsis Prophetis, & Hæreticis non minus est certum, eos & sæpe miracula facere conatos, & semper spe sua esse frustratos. Nota est historia Prophetarum Baal, qui ignem de cælo deducere voluerunt per invocationem Baal; nec tamen potuerunt: quod tamen verus Propheta Helias per invocationem veri Dei nullo negotio effect. Vide libr. 3. Regum cap. 18.

C Pari ratione delusum Simonem Magum scribit Egesippus lib. 3. de excidio Hierosol. cap. 2. nam & mortuum excitare, & per aerem volare tentavit, sed nihil ei successit. Manichæum frustra conatum filio Regis ægotanti sanitatem afferre scribit Epiphanius hæresi 66. Cyrolam Patriarcham Arianorum planè excæcasse muscum quendam, qui se cæcum finxerat, & ab eo præsidium implorabat, scribit Gregorius Turonicus lib. 2. histor. Francorum, cap. 3. Eunomianum quendam à S. Machario victum in contentione de suscitatione hominis mortui, scribit Joannes Cassianus collatione 15. cap. 3. Polychronium Monothelitam frustra sudasse in excitatione alterius cujusdam defuncti, testantur publica acta sextæ Synodi, act. 15.

D De Donatistis quod contra se miracula fecerint, dum ampullam Chrismatismis projecerunt in saxa, quæ Angelica manu sustentata frangi non potuit, & dum Eucharistiam canibus dare voluerunt, & ipsi ab iisdem canibus discepti sunt, scribit Optatus lib. 2. contra Parmenianum.

E De Timotheo Æluro Eutychiano scribit Theodorus lector lib. 1. collectaneorum, per multas noctes cum habitu nigro indutum per cellas Monachorum discursisse, dicentem: se esse Angelum à Deo missum, ut illis significaret, ne Proterio (is erat vir sanctus, & Catholicus Episcopus Alexandriæ) communicarent; sed ejus loco Timotheum Ælurum Episcopum designarent.

De quodam Iconomacho scribit Paulus Diaconus lib. ult. rerum Romanarum, cum in sepulchro quodam inclusum, inde Constantinum Iconomachum laudibus in cælum vehere cœpisse, ut nimirum ita quasi mortuorum responsis hæresis confirmaretur.

De nostri sæculi hæreticis idem omnino constat. Nam in primis Lutherus bis tentavit miraculum facere: voluit aliquando de quadam discipula sua Diabolum ejicere, sed periculum fuit, ne ipse à demone occideretur. Vide Staphylum, qui interfuit, in absoluta responsione.

Rursum, (ut scribit Joannes Cochlaus in actis Lutheri anno 1523.) Nescenum in Albi nuserè submersum, spe miraculi Lutherus vanis immurmurationibus frustra in vitam revocare tentavit. Sed quamvis viventi miracula non successerint, idem tamen post mortem miraculo insigni claruit. Nam ejus cadaver cum deferretur in media hyeme, quo tempore corpora mortua in multos dies conservari solent,

lent, & esset inclusum in arca stamnea optimè clausa, ut Wittembergæ sepeliretur, tam retrum odorem spirare coepit, ut nemo eum ferre potuerit. Proinde coacti fuerunt corpus relinquere in itinere. Vide historiolum de morte Lutheri, quæ solet annecti libro Cochlaei de vita, & actis ejusdem Lutheri.

Aliud miraculum refert Felicianus Ninguarda in libro contra Annam Burgensem, & Lindanus in Dubitatio, & Alanus Copus lib. 6. Dialogorum ejusdam Ministri, qui in finibus Poloniæ & Hungariæ anno 1558. excitare voluit hominem, nomine Matthæum, quem ipse persuaserat, ut se mortuum fingeret, & revera mortuum effecit. Simile narratur de Calvino ab iisdem, sed fusius à Hieronymo Bolseco in vita Calvini, cap. 13. ex quo hinc pauca inferere placuit.

Prætere, inquit, non debeo vāfram ejus, & subtilem machinationem, qua tum usus est, cum quendam, cui Bruleo nomen, & patria Ostunum, in vitam revocare cogitaret, molireturque, ut sancti atque gloriosi Dei Propheta, miraculorumque patratoris nomen sibi, & famam pararet. Historia talis est; Is, quem dixi, Bruleus Ostuno Genevans demigravit, & cum inopi esset ipse, & uxor ejus, Calvini gratiam aucupabantur, ut ei commendati, peculii pauperum fierent participes. Hi Calvinus visa subsidia benignè pollicetur, si ipsi contra suam operam sibi non negarent ad rem quandam, quam per eos fieri vellet: sed opus esse fide, & magna taciturnitate. Vixit illi ad id quod jubere vellet promptus se offerunt, & quemadmodum à Calvino instructus fuerat, miser hic Bruleus morbum simulat. Ministri pro concione populo commendant, ut precibus juvarent, & elemosynis paupertati succurrerent. Non diu post personam mortui induit, & mortuum se simulat. Hic Calvinus clam admonitus, quasi tum omnium rerum ignarus deambulatum prodit, sed comitatus magna caterva amicorum, postquam eò ventum esset, ubi clamores, & ejulatus uxoris, qua misellam, & desolatam egregiè exprimebant, exaudiret, quidnam hoc esset, sciscitatus, demum ingreditur, ubi in gremio ipse, & reliqua cetera præstat, precibusque alta voce profusus Deum abtestatur potentiam suam ostendere & mortuo huic vitam restituere, gloriamque suam sic universo populo declarare vellet, simulque manifestum facere se (Calvinum) peccatorem, sibi que gratum servum esse, & à se ad Evangelii sui ministerii atque Ecclesie reformationem singulariter, & verè vocatum. Post quas preces ad mortuum appropinquat, & miseri hominis manum apprehensa in Dei nomine imperat, ut se erigat. Repetit iterum, sapiusque eisdem sermones voce etiam altius elevata. Quid sit? neque audit, neque loquitur, neque se commovet mortuus. Iussu enim Dei judicio, qui facis, mendaciæque detestatur, is, qui se mortuum simulabat, verè esse mortuus repertus est. Et uxor, quidquid eum agigaret, quomodocumque impelleret, neque vocem extorquere, neque ut se commoveret, efficere potuit; sed totus frigeat, rigeat totus. Quo animadvertens plorare, ululatus serio edere & ex anima caput uxor, & in Calvinum invelta, inopostorem eum, fœdissimum, latronem, qui maritum interemisset, appellans, ex ordine rem, quo modo erat gesta, clara atque voce exposuit. Et infatigabiliter: Negent hoc quantum velint Calvinus mancipia, exploratum & cognitum satis fuit, veritasque rei probata, immò per ipsammet uxorem confirmata.

Possumus ergo his opponere quod ait Tertullianus in libro de præscript. Si alium Deum prædicant, cur ejusdem, rebus, & literis utuntur, contra quem prædicant? Si eundem, quomodo aliter? Alioqui probent se novos Apostolos: dicant Christum iterum descendisse, & dedisse eis virtutem eadem signa edendi. Volo igitur, inquit, virtutes eorum proferre, nisi quod agnosco maximam virtutem eorum, qua Apostolos in perversum amulantur? Illi enim de mortuis suscitabant, isti de vivis mortuos faciunt.

Contrav. Card. Bellarm. Tom. II.

A Respondet Calvinus in præfat. institut. & alii, nos injuriam eis facere, quòd ab eis miracula exigimus, cum ipsi doctrinam antiquam, & innumeris miraculis ab Apostolis, & Martyribus confirmatam prædicent.

At contra; nam ostendimus supra doctrinam eorum esse novam, & pugnantem cum tota antiquitate. Deinde constat eos saltem aliter docere, quam doceant ordinarii pastores Ecclesiæ; Constat etiam eos non missos ab ordinariis pastoribus; ergo non tenemur eos recipere, nec tutò possumus, nisi suam missionem, & apostolatam probent divino testimonio.

B Respondet, Joannem quoque Baptistam missum extraordinariè, & tamen signum nullum fecisse, ut dicitur Joan. 10.

At quamquam Joannes ipse non fecit miracula, tamen in eo facta sunt à Deo multa, & magna. Primum quòd natus de anu, & sterili: deinde quòd pater ejus obmurmuravit, & postea soluta est lingua ejus in nativitate filii, quòd in utero exultavit: quòd à puero in desertis locis vixit. Luc. 1. Deinde Joannes erat filius Sacerdotis, & proinde Sacerdos, & ordinarius minister. Præterea nihil docuit contra communem doctrinam, neque se à cæteris sacerdotibus, & populo separavit. Et quamquam Principes, & Pharisei eum odissent, quia Christum prædicabat, tamen interrogati à Christo, Matt. 21. quid sentirent de Baptismo Joannis, non sunt ausi illum improbare. Denique Josephus lib. 18. antiquit. cap. 10. testatur Joannem à Judæis habitum inter præcipuos viros, justitiæ & probitatis causa. Unde mendacium est, quod Centuriatores dicunt, Cent. 1. lib. 1. cap. 10. col. 363. Joan. habitum à Sacerdotibus, & Phariseis pro hæretico.

C Veniamus nunc ad alteram partem, ac nostram Ecclesiam esse veram Dei Ecclesiam demonstremus ex miraculis, quæ singulis ætatibus habuit plurima, & testatissima: Ac primum de undecim primis sæculis planum est ex XI. tomis histor. Ecclesiasticæ Magdeburgensium. In singulis enim sæculis illis, c. 13. annotant ex auctoribus illorum temporum omnia miracula, & in singulis sæculis inveniunt miracula plurima in confirmationem dogmatum nostrorum, ut confessionis Sacramentalis, reliquiarum, imaginum, Eucharistiæ, Pontificatus, monachatus, invocationis sanctorum &c. ipsi enim hos titulos ponunt. Et quamvis postea subjungant, illa omnia fuisse demonum illusiones, vel falsas narrationes, tamen nihil asserunt, quo id probent, nisi quòd ea miracula pugnant cum Evangelio Lutheri.

D Proderit tamen breviter annotare, quomodo omnibus sæculis Ecclesia miraculis claruerit, ut etiam nunc intelligamus eam esse veram Ecclesiam, quæ antiquæ similis est, idest, in qua durat hoc donum. Primo sæculo habemus miracula Christi, & Apostolorum in Evangeliiis, & actis.

E Secundo sæculo habemus miracula Christianorum militum in exercitu M. Antonini, de quo vide Tertul. in lib. ad Scapulum, & in Apolog. cap. 5. Euseb. lib. 5. hist. cap. 5. & Oros. lib. 7. hist. cap. 15. & ipsam epistolam Imperatoris, ad Justinii opera adjunctam.

Tertio sæculo habemus miracula Gregorii Thaumaturgi, de quibus vide Basilium libro de Spiritu sancto, cap. 29. Gregorium Nyssenum in vita ejus. Hieronymum de viris illustribus, & Eusebium ex versione Rufini lib. 7. cap. 25.

Quarto sæculo habemus miracula Antonii, Hilarii, Martini, Nicolai, & aliorum, scripta ab Athanasio, Hieronymo, Sulpitio, & aliis.

Quinto sæculo habemus miracula plurima, quæ

describit Augustinus facta suo tempore, lib. 22. de civitate Dei, cap. 8.

Sexto saeculo habemus miracula, quae narrat Gregorius in Dialogis, ubi narrat duo facta à Romanis Pontificibus, Joanne, & Agapeto, lib. 3. c. 2. & 3.

Septimo saeculo miracula facta in Anglia à S. Augustino, & sociis, de quibus Gregorius lib. 9. epist. 58. & Beda lib. 1. hist. cap. 31. Item ab Osualdo Rege per lignum crucis lib. 3. cap. 2.

Octavo saeculo miracula S. Cuthberti, & S. Joannis in Anglia, teste Beda lib. 4. & 5. hist.

Nono saeculo miracula Tharasia, scripta ab Ignatio Nicano. Item alia innumerabilia omnis generis facta in civitate Suesionensi in translatione reliquiarum S. Sebastiani Martyris, quae facta est anno Domini 826. De qua vide annales Francorum, scriptos summa fide ab auctore, qui illo ipso tempore floruit.

Decimo saeculo miracula S. Romualdi, scripta à B. Petro Damiani: Item Wenceslai Regis Boemorum, S. Udalrici, & S. Dunstani, de quibus vide Surium.

Undecimo saeculo miracula S. Eduardi Regis & Virginis, S. Anselmi, Gregorii Papae VII. & aliorum. Post illa undecim saecula.

Duodecimo saeculo claruerunt in Ecclesia Catholica miracula B. Malachias, & B. Bernardus. De Malachia Episcopo legato Pont. Rom. sic scribit Bernardus in vita ejus, posteaquam narravit multa ejus miracula: *Quo, inquit, antiquorum genere miraculorum Malachias non clarius? Si bene advertimus pauca ipsa, quae dicta sunt, non prophetia defuit illi, non revelatio, non gratia sanctorum, non mutatio mentium, non denique mortuorum suscitatio.*

Beatus autem Bernardus Monachus, & pater Monachorum, ac Romanis Pontificibus addictissimus, pluribus miraculis claruit, quam ullus Sanctorum, quorum vitae scriptae exstant. Nam una die in Constantiensi diocesi constat eum illuminasse caecos undecim, curasse mancos decem, & claudos decem & octo, ut scribit Gotfridus, qui cum ipso vixit, lib. 4. cap. 4. vitae ejus. Et praeterea omnes quinque libri plenissimi sunt miraculis, ut difficile sit eorum numerum inire.

Decimotertio saeculo claruerunt in Ecclesia Catholica multi, sed praecipue B. Franciscus, cujus vitam miraculis plenissimam scribit B. Bonaventura: Item B. Dominicus, cujus vita, etsi negligentius scripta fuit, tamen constat eum tres mortuos excitasse. Claruerunt eodem saeculo miraculis B. Petrus Martyr, & B. Thomas ex ordine Praedicatorum, & B. Antonius, ac B. Bonaventura ex ordine Minorum, de quibus vide Antoninum 3. par. hist. tit. 23. & 24. & ad finem ejus saeculi claruit miraculis plurimis S. Coelestinus V. Pontifex Romanus tam ante Pontificatum, quam postea, ut scribit in ejus vita Petrus Cardinalis Cameracensis.

Decimoquarto saeculo claruerunt miraculis etiam multi, sed praecipue, S. Catharina Senensis, S. Nicolaus Tolentinas, de quibus vide Antoninum, ubi supra.

Decimoquinto saeculo claruit S. Bernardinus, item S. Vincentius vivus, & mortuus miraculis plurimis, adeo ut B. Antoninus 3. parte hist. tit. 23. dicat, constare de 38. mortuis per eum excitatis. Idem B. Antoninus eodem saeculo miraculis claruit, cujus vita exstat apud Surium.

Denique hoc nostro saeculo claruit in primis S. Franciscus de Paula plurimis miraculis, ut in Bulla Canonizationis scribit Leo X. Pont. quae Bulla exstat apud Surium. Claruit etiam in Indis omni genere miraculorum B. Pater Franciscus Xaverius Societatis Jesu Presbyter. Constat enim ex Indicis literis, quas ii, qui cum eo versabantur, huc miserunt, ab eo

A paralyticos, surdos, mutos, caecos esse curatos, mortuum quoque ad vitam revocatum, & cum mortuus deferretur ad insulam Goam ex Malacca, maris tempestatem sedaram. Denique corpus ejus post 15. menses à morte integerrimum, & suaviter olens repertum, cum tamen jaciisset per multos menses calce obrutum, nec dubium est, quin usque ad hanc diem integrum & incorruptum conservetur.

B Conferantur ista cum Lutheri vita, & morte. Lutherus deserit Monasterium, ducit uxorem post votum continentiae, bellum indicit Papae, Franciscus ingreditur ordinem religiosum, servat diligentissime votum continentiae: obligat se Papae voto obedientiae peculiari, & ab eo missus in extremas mundi oras proficiscitur. Certè isti contrariis itineribus incedunt, ut necesse sit alterum eorum aberrare à recta via. Quis poterit melior esse iudex, quam Deus, qui scrutatur renes & corda? Quomodo autem potuit Deus apertius sententiam suam explicare, quam tribuendo uni donum singulare miraculorum, & conservando corpus ejus praeter naturae ordinem perpetuò incorruptum, cum interim alter ne unam quidem muscam excitare potuerit, & corpus ejus praeter naturae etiam ordinem subito putrescere coeperit, idque in hyeme, quando gelu omnia rigeant, & ita putrescere, ut intra arcam stanneam faetor contineri nequiverit?

C Merito igitur Augustinus libro de utilitate credendi, cap. 17. & libro contra epistolam fundamenti, cap. 4. dicit, se teneri in Ecclesia vinculis miraculorum, & Richardus de S. Victore lib. 1. de Trinitate, cap. 2. audet dicere: *Domine, si error est quod credimus, à te decepti sumus; ista enim in nobis res signis & prodigiis confirmata sunt, quae non nisi à te fieri potuerunt.*

D Sed respondet Calvinus in praefatione Institutionis, & Magdeburgenses in singulis ferè Centuriis, miracula Sanctorum nostrorum vel esse ficta, vel imaginaria, idest, vel non ita res contigisse, & falsò narrari ab historicis, vel si contigerunt, esse praestigias daemonum. Quocirca Magdeburgenses Cent. 5. c. 10. col. 1393. dicunt, si vera sunt, quae de miraculis B. Martini scribit Sulpitius, B. Martinum sine dubio fuisse necromanticum. Et quidem esse haec miracula ficta, non probant, sed dicunt solum.

Fuisse autem daemonum praestigias, ex eo probare nituntur, quod vera miracula confirmant Evangelium, ut constat Marci ultimo; ista autem evertunt Evangelium, & confirmant idololatriam, idest, reliquiarum, & imaginum cultum, Sanctorum invocationem, Missam, & alia id genus. Addunt secundo, ex miraculis non sumi argumentum firmum ad probandam veram fidem, id quod probant quatuor argumentis. Primò, quia etiam Antichristus faciet signa, & prodigia magna, Matth. 24. Apocalyp. 13. & 2. Thessal. 2.

E Secundo, quia Augustinus tractatu 13. in Joan. dicit, non esse credendum Donatistis etiam si miracula faciant; ubi per contemptum vocat eos mirabilarios; & libro de unitate Ecclesiae, cap. 16. postquam docuit non esse credendum miraculis Donatarum, addit, nec etiam miraculis Catholicorum: *Quaecumque, inquit, talia in Catholica sunt, ideo sunt approbanda, quia in Catholica sunt: non ideo ipsa manifestantur Ecclesia, quia haec in ea sunt.*

Tertiò, quia olim ad sepulchrum Hieremiae fiebant miracula, opera Daemonum; quod inde patet, quia fiebant in eorum utilitatem, qui Hieremiam pro Deo, sacrificiis, divinisque honoribus colebant.

Quartò, quia ex Svetonio constat Vespasianum Imperatorem caeco lumen, & claudum gressum aliquando reddidisse. Item ex Socrat. lib. 7. hist. cap. 17. profuerunt Centuriatores Magdeburgenses Cent. 5. cap. 13. col. 1463.

col. 1463. miraculum Pauli Episcopi Novatiani; nec tamen, inde colligere licet veram fuisse religionem, quam Vespasianus, aut Novatiani colebant.

Sed respondeamus ad singula. Ad primum cum negant facta esse miracula, quæ à nostris referuntur, Respondeo, impudentissimè negari. Stultum enim est credere potius Calvino, & Illyrico de historiis antiquis, quibus non interfuerunt, quàm Bernardo, Bonaventuræ, Antonino, qui interfuerunt. Præterea, ut S. Augustinus respondit, Paganis negantibus historias miraculorum nostrorum lib. 10. de Civit. Dei, cap. 18. si liceat absque ulla ratione negare facta olim miracula, peribit fides omnium librorum, & tollitur non solum nostra, sed etiam omnis alia religio. Omnes enim, qui Dii habentur, operibus mirabilibus, à doctis viris conscriptis, divinitatem suam, si ve veram, si ve falsam, mundo persuasurunt.

Ad secundum, cum dicunt esse præstigias Dæmonum, Respondeo, in primis hanc esse veterem calumniam; sic enim Scribæ & Pharisei loquebantur de miraculis Christi, Matth. 12. & Pagani de miraculis martyrum, quos magos, & necromanticos vocare solebant; Et Ariani, Eunomiani, Vigilantiani de miraculis Catholicorum, ut testantur Ambrosius in serm. de SS. Gervasio & Prothasio, Hieronymus cont. Vigilantium, & Victor lib. 2. de persecut. Wandalica. Deinde nullam habet probabilitatem, quòd SS. Martinus, Franciscus, & alii quidam, qui simplicissimi erant, magica arte uterentur.

Sed, inquiunt, ista miracula evertunt Evangelium. Respondeo, verum est, sed Calvini, non Christi, vel probent ipsi quod tam audacter affirmant. Nec minus facillè refelluntur illa argumenta postrema, quibus probant, miracula non facere certam fidem.

Ad primum respondeo, miracula Antichristi fore mendacia, ut Apostolus dixit 2. Thessal. 2. id est, non vera & solida, sed apparentia, vel mirabilia hominibus, non tamen absolute miracula, qualia arte Dæmonis fieri possunt. Id patet ex Apocalypsis cap. 13. ubi pro maximis Antichristi miraculis ponitur, quòd faciet ignem de celo descendere, & ut imago bestię loquatur. Hæc autem facillima esse Diabolo, palam est: At miracula Sanctorum sunt illuminationes cæcorum, curationes claudorum, excitationes mortuorum: quæ non nisi ejus virtute fieri possunt, de quo canimus in Psalmo 135. *Qui facit mirabilia magna solus.*

Ad secundum dico, miracula Donatistarum, quæ Augustinus contemnit, non fuisse miracula talia, qualia Sanctorum sunt, sed occultas quasdam visiones tantum, quas sine ullo teste jactabant se vidisse; qualis fuit visio Zvinglii, qui in lib. qui inscribitur subsidium de Eucharistia, dicit se vidisse spiritum, sed non potuisse discernere, esset ne albus, an niger; qualis est etiam visio, quæ narratur in libro, qui inscribitur querela, vel soninium Lutheri, ubi Lutherus narratur apparuisse quibusdam Lutheranis, tristisque vultu conquestus, quod tam se, quàm doctrinam suam discipuli sui brevi essent deserturi. Itaque non sine causa ea miracula S. Augustinus vocat fabulas.

Quod autem Augustinus maximi faciat vera miracula, patet ex lib. 22. de Civit. Dei, cap. 8. ubi contra Paganos adducit miracula maxima, facta ad reliquias Sanctorum, præcipuè Stephani Protomartyris.

Ad id, quod Augustinus dicit, Ecclesiam non demonstrari ex miraculis, sed ex scripturis, Respondeo, Augustinum contrario modo loqui in lib. cont. epist. fundamenti, cap. 4. & 5. ubi dicit, Ecclesiam demonstrari ex miraculis, non ex scripturis, immò Scripturas demonstrari ex Ecclesia. Ne igitur secum pugnet, dicendum est, in utroque loco eum loqui ex hypothese. Quia enim Manichæi admittebant miracula, &

A negabant Scripturas (nam veterem dicebant esse à Diabolo, novam dicebant esse totam corruptam à falsariis) Augustinus in lib. cont. epistol. fundamenti Manichæorum, ex miraculis demonstrat Ecclesiam, deinde ex Ecclesia demonstrat Scripturam. Sed quia Donatistæ credebant Scripturæ tam veteri, quàm novæ, & jactabant suas visiones, contemnentes miracula Ecclesiæ, ideo Augustinus cont. Donatistas alia via procedit, & ex scripturis demonstrat Ecclesiam, deinde per Ecclesiam vult judicari de miraculis.

B Est autem observandum, rectè demonstrari ex miraculis Ecclesiam, & ex Ecclesia miracula, sed diverso genere demonstrationis; quemadmodum ex effectu demonstratur causa, & ex causa effectus. Nam ex miraculis demonstratur Ecclesia, non quoad evidentiam, vel certitudinem rei, sed quoad evidentiam & certitudinem credibilitatis. Cujus rei ratio est, quia ante approbationem Ecclesiæ, non est evidens aut certum certitudine fidei de ullo miraculo, quod sit verum miraculum; tamen est tale, ut evidenter faciat rem credibilem. Et quidem, quòd non sit evidens, patet, quia tunc fides esset evidens, quòd non sit certum certitudine fidei, patet, quia non constat nobis certitudine, cui non possit subesse falsum, illam non esse illusionem Dæmonis. Dæmon enim etsi non potest facere verè miracula, tamen potest facere apparenter etiam maxima quæque.

C Cur ergo (inquit) tenebantur credere Christo prædicanti, qui ejus miracula videbant? Respondeo, quia homo non potest salvari sine fide Christi: & ideo tenetur accipere eam fidem, ut medium ad salutem suam necessarium. Noluit autem Deus obligare homines, ut crederent incredibilia, sed solum quando per miracula, & similia motiva fides facta est credibilis: at ex Ecclesia demonstratur miraculum, quoad certitudinem rei, quia, quando Ecclesia declarat miraculum factum, esse verum miraculum, certi sumus ita esse.

D Ad tertium dico, mendacium esse Calvini, quòd populi coluerint Hieremiam sacrificiis, divinisque honoribus. Nam nullum testem adducit hujus rei, nisi quòd in margine ponit (Hieronymus præfatione in Hieremiam.) Cæterum, neque in præfatione Hieronymi in Hieremiam, à se translaturum, neque in præfatione Commentariorum Hieremiæ ulla mentio sit hujus historiæ. Præterea existat alia quædam præfatiuncula in Bibliis Benedicti, Hieremiæ præfixa, ad quam videtur Calvinus respexisse. Sed ea non est Hieronymi, neque in ea sit mentio sacrificiorum, divinorumque honorum; sed solum, quòd miracula facta sint ad sepulchrum ejus. Denique Epiphanius & Isidorus in vita Hieremiæ, dicunt quidem miracula facta; sed de sacrificiis, divinisque honoribus nihil dicunt.

E Ad quartum respondeo, nec cæcum verè, nec verè claudum à Vespasiano esse curatum. Nam, ut scribit Cornelius Tacitus lib. 4. hist. interrogati Medici, an morbi duorum illorum curabiles essent; responderunt, esse curabiles; Medici, inquit, *varia differere: huic non excessum vim luminis, & redituram, si pellantur obstantia, illi elapsos in præcæm artus, si salubris vis adhibeatur, posse integrari.* Igitur mirum non est, si morbi curabiles naturaliter, opera Diaboli curati fuerint. Adde, quòd, ut Tertullianus docet in Apologetico, cap. 22. credibile est totum illum morbum fuisse à Diabolo, qui insidens in oculo unius, & alterius tibia, impediabat usum eorum membrorum: idque eo fine, ut videretur sanare, cum desineret nocere.

Ad postremum de miraculo Novatiani respondeo, miraculum factum esse non in confirmationem fidei Novatiani, sed Catholici Baptismi. Id enim pro miraculo scribit Socrates, quod cum ad Paulum Episcopum

scopum Novatianum venisset quidam Judæus impostor, ut ab eo baptizaretur, & apud se Baptismum irrideret, continuo tota sacri fontis aqua evanuit. At non fuisse hoc miraculum Novatiani erroris, sed veri Baptismi perspicuum est ex eo, quod idem Socrates subjungit, cognitum paulò post fuisse, cum Judæum jam antea baptizatum ritu Catholico ab Attico Episcopo Constantinopolitano. Itaque Deus, quia noluit irrideri Baptismum, in Ecclesia ritè susceptum, non permisit impostorem Judæum ab hæretico Episcopo iterum baptizari.

CAPUT XV.

Nota duodecima.

Duodecima nota est lumen propheticum. Sicut enim Christus Marci ult. promittit Ecclesiae donum miraculorum, ita etiam Joel. 2. exponente Petro Act. 2. promittit donum prophetiae, quod certè est maximum, cum certum sit, neminem cognoscere futura contingentia, excepto Deo, Isaie 41. *Annunciate quæ ventura sunt in futurum, & sciemus, quia Dii estis vos.* Et è contrario Deut. 18. ponitur tamquam nota falsæ doctrinae, si Propheta prædixerit aliquid, & non evenerit.

Jam apud Ethnicos & Hæreticos nulla fuerunt vera vaticinia, sed multa falsa, nisi fortè fierent in testimonium nostræ fidei, ut fuerunt vaticinia Sybillarum & Balaam. Ersi enim Ethnici habuerunt plurima oracula Apollinis, tamen illa, vel per ambages respondebant, quando scilicet Apollo non sciebat revera, quid esset futurum; vel ea prædicebant, quæ Dæmones ipsi facturi erant; vel ea, quæ coepta erant fieri, ignorantibus nuntiabant tamquam futura; vel demum ea prædicebant, quæ naturales habent causas nobis ignotas; illis autem notas propter majorem naturæ subtilitatem. De qua re vide S. Athanasium, in vita S. Antonii, S. Augustinum lib. de divinatione Dæmonum, & Theodoretum lib. de oraculis.

Hæretici quoque, quotiescumque aliquid prædicere voluerunt, decepti sunt. Id patet de falsis Prophetis in Testamento veteri, 3. Reg. 22. Tempore autem novi Testamenti fuit olim Montanus, qui Propheta videri voluit cum duabus Prophetissis Prisca & Maximilla, & prædixerunt bella, & nescio quæ alia tunc futura; sed planè contrarium accidit, ut notat Eusebius lib. 5. hist. cap. 16. & 18.

Nostris temporibus Lutherus, quem Lutherani constanter Prophetam Germanicum, & Heliam vocant, apud Cochläum in actis Lutheri anni 1525. prædixit fore, ut, si ipse adhuc per duos annos suam doctrinam prædicaret, evanescerent Papa, Cardinales, Episcopi, Monachi, Moniales, turres, campanæ, Murræ &c. & tamen prædicavit postea non duos, sed ferè 22. annos; obiit enim anno 1546. & tamen non evanuerunt Papa, Cardinales, Episcopi, Monachi &c. Ibidem Cochläus refert de Thoma Muntero, qui se Gedeonem vocabat, & infinitos rusticos armaverat contra Principes Germaniæ, quòd prædixerit certam victoriam suis, & se in manica excepturum omnes globos tormentorum bellicorum, & tamen paulò post cæsi sint ferè omnes rustici, & Thomas captus, & securi percussus. Idem Cochläus in actis Lutheri, anni 1533. scribit, tam constanter asseruisse Lutheranorum Prophetas, illo anno futurum diem ultimi judicii, & ipsum etiam diem designasse, ut multi nec arare, nec serere voluerint; qui tamen mendaces inventi sunt.

At in Ecclesia Catholica præter Prophetas Testamenti veteris, & eos qui fuerunt primis quingentis an-

A nis à Christi adventu, ut Agabum, de quo Act. 11. & Gregorium Thaumaturgum, de quo Basilus lib. de Spiritu sancto, cap. 29. & Antonium, de quo Athanasius in ejus vita, & Abbatem Joannem, de quo Augustinus lib. 5. de Civit. Dei cap. 26. fuerunt etiam posterioribus sæculis, quibus juxta Lutheranos perierat apud Romanos Ecclesia, veri Prophetæ, & quidem Monachi, ac Romano Pontifici addicti. De S. Benedicto ita scribit Gregorius lib. 2. Dialog. c. 15. *Benedictus, inquit, Regem de suis actibus increpavit, atque in paucis sermonibus cuncta, quæ illi erant eventura, prænuñtiavit dicens: Multa mala facis, multa mala fecisti, jam aliquando ab iniquitate conquiesce. Equidem Romam ingressurus es, mare transiturus, novem annis regnans, decimo morieris.* Quæ omnia completa se vidisse ibidem Gregorius testatur.

B De S. Bernardo scribitur in ejus vita lib. 4. cap. 3. eum quatuor hominibus prædixisse conversionem, tribus de ea nihil cogitantibus, quarto etiam ab ea re alienissimo; Quæ omnia, sicut prædixerat, evenerunt. Sed mirabile est prorsus, quod ibidem de nobili quodam viro narratur; nam cum pro ejus conversione, ut S. Bernardus oraret, quidam illius filius peteret, respondit Sanctus: *Ne timeas, ego illum probatum Monachum in hac Claravalle sepeliām.* Quot sunt in hac una sententia vaticinia? Nam & Monachum illum aliquando futurum, & in ordine monastico usque ad mortem perseveraturum, & sanctè, ac piè diem extremum clausurum, idque ante ipsum Bernardum, & in Claravalle, & ipsius Bernardi manibus sepeliendum. Sex vaticinia sunt inter se diversa, & omnia tamen, nec sine singulari Dei providentia, impleta. Sic enim auctor pergit: *Et perfectus, inquit, Monachus factus est, & à Patre sancto (sicut ipse prædixerat) in Claravalle sepultus: tamquam enim mori illo absente non posset, quinque mensibus infirmatus, & celeberrimum, immò continuans responsum mortis in seipso habens, sustinuit, donec Pater sanctus rediret, qui, ut oim promiserat, eum traderet sepultura.*

C S. Franciscus (ut scribit in ejus vita B. Bonaventura) cum Christianus exercitus certo die cum Saracenis pugnaturus esset, admonuit Duces, ne eo die pugnarent: sibi enim à Deo revelatum, victoriam hostibus eo die cessuram. Sed cum contemnerent Duces beati Francisci monita, cæsi, fusique sunt Christiani inaudita strage. Addi possent multa alia ejusdem generis; ferè enim nulli coluntur in Ecclesia sancti homines, qui simul cum miraculis, non etiam hoc dono claruerint. Sed hæc pauca hoc loco sufficiunt.

CAPUT XVI.

Nota decimatertia.

Decimatertia Nota est Confessio adversariorum. Tanta enim est vis veritatis, ut etiam adversarios cogat interdum sibi testimonium dare, juxta illud Deut. 32. *Non enim est Deus noster, ut Dii eorum, & inimici nostri sunt iudices.* Jam nusquam inveniuntur Catholici laudasse, aut approbasse doctrinam, aut vitam ullorum Ethnicorum, aut hæreticorum: Scimus enim, unam tantum esse veram fidem, & sine ea nullam esse veram justitiam. Itaque nos constanter asserimus, errare omnes, qui doctrinam nostram non sequuntur. At non sic de nobis loquuntur Pagani, Judæi, Turcæ, Hæretici.

E De Paganis multa testimonia sunt. Plinius II. in epist. ad Trajanum, lib. 10. epistolarum scribit Christianos omnia vitia detestari, sanctissimeque vivere, & hoc solum in eis posse reprehendi, quòd nimis facile pro Deo suo vitam profundant, quodque horis ante-

antelucanis surgant ad canendas laudes Christo. Tertullian. in Apologet. cap. 1. & 2. testatur, Paganos noluisse discuti causam Christianorum, sed damnari sine discussione, quia sciebant, se in eis nihil mali reperturos; & cap. 5. & 6. affirmat, eos Imperatores, qui sunt habitus optimi, favisse Christianis; ut M. Aurelium, Vespasianum, Antoninum Pium; eos autem persecutiones movisse, qui sunt habitus pessimi, etiam ab ipsis Gentilibus, ut Neronem, & Domitianum.

Exstat quoque epist. Marci Aurelii Imperatoris, in qua testatur, in Germania cum per dies quinque fixi laboraret exercitus, & essent Romani circumdati ab incredibili multitudine Germanorum, ut esset impossibile humanis viribus evadere; tunc se ad Deos patrios confugisse, sed frustra; deinde aliquot milites Christianos, qui erant in exercitu, rogasse, ut etiam ipsi Deum suum orarent. Porro vix illos in genua ad orationem procubuisse, cum statim de caelo in Romanos quidem jucundissimus imber descendit; in hostes vero ignis & grando permixta: cujus epistolae meminit Tertullianus in Apologet. cap. 5. & in lib. ad Scapulum, & nuper inventa est, & impressa in operibus Iustini.

Denique, S. Antonium, S. Hilarionem, & S. Martinum fuisse honori & reverentiae Paganis, scribunt Athanasius, Hieronym. & Sulpicius, in eorum vitis.

De Judaeis habemus in primis testimonium Josephi lib. 18. antiquit. cap. 6. ubi affirmat, Christum plus quam hominem fuisse, & verè Messiam esse. Philo scripsit librum insignem de laudibus eorum Christianorum, qui sub Marco Evangelista in Aegypto vivebant; quem librum scriptum de laude Christianorum, non de secta aliqua Judaica, ut putant Centuriatores Cent. 1. lib. 2. cap. 3. col. 18. testatur Eusebius lib. 1. histor. cap. 16. Epiphanius haeres. 29. Hieronymus de viris illustribus in Philone. Sozomenus lib. 1. cap. 12. & Beda praefatione in Marcum.

Mahumetus in Alcorano, cap. 2. docet, Christianos salvari; & cap. 4. dicit, Christum maximum esse Prophetarum, & ipsam Dei animam habere. Testatur quoque S. Bonaventura, Sultanum Aegypti, licet Mahumetanum, in summo honore ac reverentia habuisse B. Franciscum, quem tamen sciebat Christianum & Catholicum esse.

Idem de haereticis dici potest. Nam B. Benedictum Catholicum à Rege Toula Ariano summo honore affectum, ut verum Dei servum & Prophetam, scribit S. Gregorius lib. 2. Dialog. cap. 15. Et Lutherus jam haereticus existens, sic scribit in lib. contra Anabaptistas, qui in odium Papae rejiciunt Baptismum parvulorum: *Nos, inquit, fatemur, sub Papatu plurimum esse boni Christiani, immò omnes bonum Christianum, atque etiam illius ad nos devenisse. Quippe fatemur in Papatu veram esse Scripturam sacram, verum Baptismum, verum Sacramentum Altaris, veras claves ad remissionem peccatorum, verum predicandi officium, verum Catechismum, ut sunt, oratio Dominica, decem Praecepta, articuli Fidei. Dico insuper, sub Papatu veram Christianitatem, immò verum nucleum Christianitatis esse.* Hæc ibi. Ubi si nobis nucleum tribuit, certe sibi nihil servat, nisi corticem vel putamina.

Calvinus Institue. cap. 10. §. 17. vocat Bernardum pium scriptorem. At certe Papista fuit Bernardus, & nemo est pius sine vera fide. Philippus in Apologia art. 5. & 27. Confessionis Augustanae, vocat sanctos Bernardum, Dominicum, & Franciscum, quod idem facit Lutherus in libro de abroganda Missa, prope finem. Item, ut scribit Cochlaus in actis Lutheri, anni 1531. cum post multa praelia inter Catholicos & haereticos Helveticos pax componeretur in 1. art. Concordiae haeretici scribebant, se velle de-

inceps dimittere confederatos suos quietos circa veram, indubitam, & Catholicam fidem suam: Catholici autem scribebant, se velle dimittere confederatos suos quietos circa fidem eorum; nihil verò addebant de vera, indubitata, vel Catholica.

CAPUT XVII.

Nota decimaquarta.

Decimaquarta Nota est infelix exitus, seu finis eorum, qui Ecclesiam oppugnant. Edsi enim Deus punit suos, & flagellat, tamen tandem projicit virgam in ignem. Deut. 32. *Laudate Gentes populum ejus, quia sanguinem servorum suorum ulciscetur, & vindictam retribuet in hostes eorum.*

De misero fine Pharaonis, primi persecutoris Ecclesiae, legimus Exod. 14. de Dathan & Abiron primis schismaticis legimus Numer. 16. de Jezabel, 4. Reg. 9. De Antiocho, 2. Machab. 9. de Pilato, quod seipsum interfecerit, scribit Eusebius lib. 3. hist. cap. 7. Et cap. ult. refert breviter cladem Judaeorum, quam Josephus latè prosequitur in lib. de bello Judaico. De Herode Ascalonita, qui obiit scatens vermibus cum prius occidisset uxorem, & filios, & seipsum occidere voluisset, scribit Josephus lib. 17. antiquitat. cap. 9. De Herode Tetrarcha, quod amisso regno, in exilium relegatus perpetuum, miserrimè vixerit, scribit idem Josephus lib. 18. cap. 14. De Filia Herodiadis, vide Nicephorum lib. 1. cap. 20. De Herode Agrippa vide Actor. 12. Neronem, Domitianum, & ceteros Imperatores, qui Christianos persecuti sunt, omnes vel à seipsis, vel ab aliis crudeliter necatos, vel certè miserè periisse, constat ex Chronicis & historiis omnibus. Nam Trajanus horrenda paralyti, & simul hydropisi extinctus est. Diocletianus Imperium deposuit præ dolore, quod Christianos delere non posset. Galerius, Maximianus & Maximinus tam horrendis doloribus correpti sunt, ut etiam Medici Ethnici dicerent, divinam esse plagam. Vide Eusebium in Chronico, & lib. 8. histor. cap. ult. & lib. 9. cap. ult.

D Veniamus ad Haesiarchas & Apostatas. Simon Magus cum volare vellet, orationibus B. Petri deiectus, tibias fregit, & paulò post cum summa ignominia obiit: Egesippus lib. 3. cap. 2. de excidio Hierosolymitano, & Arnobius lib. 2. contra Gentes.

Excoriatus est à Rege Persarum Manichæus vivus, non ob fidem, sed quia filium Regis curaturus occidit: Epiphanius haeres. 66.

Montanus, Theodotus, & Prophetissae eorum laqueis seiplos necaverunt. Eusebius lib. 5. hist. cap. 16. Donatistae quidam cum canibus Eucharistiam projicerent, ab iisdem canibus lacerati sunt: Optatus lib. 2. contra Parmenianum.

E Arius cum in Ecclesiam intrare vellet, subito motu alvi ad latrinas publicas accessit, & simul cum excrementis intestina omnia & animam effudit: Testis Athanasius orat. 1. contra Arianos, & Rufinus lib. 10. hist. cap. 13.

Julianus Apostata divinitus occisus, communi etiam caruit sepultura; nam à terra spontè aperta, absorptum scribit Gregorius Nazianzenus orat. in Athanasium, circa fin.

Valens Arianus, qui Juliano in persecutione Christianorum successit, vivus à Gothis etiam Arianis crematus est: Rufinus lib. 11. histor. cap. 13.

Nestorius lingua impia à vermibus consumpta, miserrimè interit: Evagrius lib. 1. hist. cap. 7.

Hunericus Rex Wandalorum Arianus, & persecutor Ecclesiae, vermibus toto corpore scatens, consumptus est: Victor lib. 3. extremo.

Anastasius Imperator, fautor hæreticorum Eurychianorum, fulmine ictus interiit, ut scribunt Cedrenus, Zonaras, & Paulus Diaconus in ejus vita. Tempore Leonis Iconomachi, pestilentia consecuta combustionem imaginum in foro Constantinopolitano, trecenta millia hominum sustulit Constantinopoli: Vide Chronica Matthæi Palmerii anno 1241. De Constantino Copronymo, vide Paulum Diaconum.

Lutherus morte repentina sublatuſ est. Nam cum vesperi opiparam coenam sumpſisset lætus, & sanus, & facetiis suis omnes ad risum provocasset, eadem nocte mortuus est: Vide Cochlarum in vita Lutheri.

Zwinglius in bello contra Catholicos trucidatus est, & paulò post Basileæ frater ejus spiritualis Occolampadius, cum vesperi sanus cubitum ivisset, manè inventus est ab uxore mortuus in lecto: Auctor Cochlarum in actis Lutheri anno 1531.

Andream Carolstadium à Dæmone interfectum, Ministri Basileenses scribunt in Epistola, quam ediderunt de morte Carolstadii.

Joannes Calvinus vermibus consumptus, expiravit, ut Antiochus, Herodes, Maximinus, & Hunericus, testatur Hieronymus Bolsecus in ejus vita. Qui etiam addit, eum, dæmonibus invocatis, blasphemantem & execrantem obiisse.

C A P U T XVIII.

Nota decimaquinta.

Ultima Nota est felicitas temporalis, divinitus iis collata, qui Ecclesiam defenderunt. Numquam enim Catholici Principes ex animo Deo adhaeserunt, quum facillimè de hostibus triumpharent. Notæ sunt in primis victoriæ in Testamento veteri Abrahamæ, Moſis, Josue, Gedeonis, Samuelis, Davidis, Ezechiz, Josiæ, Machabæorum. In testamento novo Constantinus, qui primus publicè ex Imperatoribus Ecclesiam defendit, eo serè modo Maxentium vicit, quo Moſes Pharaonem. Vide Euseb. lib. 9. hist. cap. 9. de eo sic ait Augustin. lib. 5. de Civ. Dei, cap. 25. *Constantinum Imperatorem, non supplicentem dæmonibus, sed ipsum verum Deum colentem, tantis terrenis implevit muneribus, quanta optare nullus auderet. Universum orbem Romanum unus Augustus tenuit, & defendit. In administrandis & gerendis bellis victoriosissimus fuit. In tyrannis opprimendis per omnia prosperatus est. Grandævus aegritudine & senectute defunctus est, filius imperatorem reliquit.*

De Theodosio seniore scribit idem Augustinus ibidem, cap. 26. ei, quòd verè pius & Catholicus esset, adeò prosperè omnia successisse, ut in præliis hostium tela in auctores, Deo agente, retorquerentur. Addit Theodoretus lib. 5. hist. cap. 24. sanctos Joannem & Philippum Apostolos apparuisse in equis albis in eodem prælio pro Theodosio Imperatore pugnantes.

De Honorio etiam planè Catholico, & Romano Pontifici addictissimo, ut patet ex ejus epistolis ad Bonifacium Papam, scribit Augustinus lib. 5. de Civ. Dei, cap. 23. ita Deum pro illo pugnasse, ut uno prælio multò amplius, quàm centum millia Gothorum proſternerentur, & Rex ipse Radagaisus cum fi-

liis caperetur, & occideretur, ex Romanis ne uno quidem vulnerato, nedum extincto.

De Theodosio juniore scribit Socrates lib. 7. hist. cap. 18. exercitu ejus pugnante cum Barbaris, & ipso interim in urbe precibus apud Deum vacante, circiter centum millia Saracenorum, ab Angelis acta in Euphratem, miserrimè perisse.

Justinianus senior, donec Catholicus fuit, sceleratissimè imperavit, ita ut Italiam, Africam, aliasque multas provincias Romano Imperio restituerit, ut patet ex Evagrio lib. 4. hist. cap. 16. & seq. At, ubi hæreticus factus est, & edictum proponere voluit de sua hæresi recipienda, mox repentina morte sublatuſ est, & Ecclesiam magno metu liberavit, ut idem Evagrius scribit lib. 4. cap. ult.

Heraclius quoque, ut ex Joanne Zonara, aliisque historicis cognosci potest, dum Catholicus esset, præclarissimam victoriam de Persis reportavit, & crucem Domini recepit, quando res Romanæ desperatæ omnino esse videbantur. At cum in hæresim incidit Monothelitarum, omnia illi infelicitè successerunt, & ipse novo atque inaudito morbi genere extinctus est.

Constat item ex Græcorum historicis, Imperatores Orientis ab eo tempore, quo propter dissidium circa imagines se ab Ecclesia Romana separaverunt, semper in dies deterius se habuisse, donec tandem Imperium penitus amiserunt. In Occidente verò ex Latinorum historicis manifestè colligitur, semper Imperatores magis, vel minus floruisse, ut magis, vel minus Romanæ Ecclesiæ addicti fuerunt.

Tempore Urbani II. ad annum Domini 1098. Christiani in bello sacro à Papa indicto pro recuperatione Hierosolymæ, cum essent Antiochiæ in summa desperatione, eò quòd propè adesset infinitus exercitus Turcarum & Persarum, & ipsi pauci essent, & diuturna fame propè enecti, ita ut etiam viri fortissimi baculis innixi incederent, nec equos haberent, nisi paucissimos, ita ut præcipuus Princeps Godefredus equo commodato uteretur, & multi Principes in alinis equitare cogerentur, tandem Deus revelavit, ubi esset sacra lancea, & ea prælata, in bello victoriam dedit, ita ut occiderint centum millia Turcarum, & ex ipsis vix quatuor millia ceciderunt. Cecidit etiam ros divinitus in illos, qui animis & corporibus vires addidit. Denique apparuerunt tres viri sancti pro illis de coelo pugnantes: Vide Paulum Æmulum lib. 4. Gulielmum Tyrium lib. 6. propè fin. & Dodechunum Mariani Scoti continuatorem.

Tempore Innocentii III. in Gallia ab octo millibus Catholicorum caesa sunt uno prælio centum millia Albigenſium hæreticorum, ut scribit Æmilius lib. 6. historiz Francorum.

Noſtris temporibus anno 1531. quinque prælia commiserunt pro fide Catholici Helvetii cum hæreticis Helvetiis, & semper Catholici vicerunt, cum tamen essent numero & armis multò inferiores: Vide Joan. Cochlarum in actis Lutheri, anni 1531.

Carolus V. miraculo divino victoriam retulit de Lutheranis anno 1547.

In Gallia quoque & Belgis multas victorias Catholici de hæreticis, non sine miraculo, reportarunt. Immo vix unquam fuerunt hæretici superiores, quando iusto prælio dimicatum est. Atque hæc de notis Ecclesiæ, & universa hac disputatione pro instituta brevitate dicta sunt.

Finis quartæ Controversiæ generalis.

LAUS DEO, VIRGINIQUE MATRI MARIE.

SECUN-

S E C U N D A
CONTROVERSIA
G E N E R A L I S,
D E
MEMBRIS ECCLESIAE
M I L I T A N T I S,
TRIBUS LIBRIS EXPLICATA.

THE
AMERICAN
MUSEUM OF
NATURAL HISTORY
NEW YORK
1911

INDEX LIBRORUM ET CAPITUM.

LIBER PRIMUS

De Clericis.

P R Æ F A T I O.

Ordo Disputationis de Clericis.

CAP. I.	D E nomine Clerici & Laici.	CAP. XVII.	De Chorepiscopis.
II.	Proponitur quaestio de institutione Ministrorum Ecclesiae.	XVIII.	De celibatu Sacerdotum; siue iure divino annexus sacris ordinibus celibatus, an non?
III.	Non pertinere ad populum ius ordinandi Pastores, sive Ministros.	XIX.	Celibatum iure Apostolico rectissime annexum ordinibus sacris.
IV.	Non esse populi, sed Episcoporum vocare Ministros.	XX.	Solvuntur argumenta Calvini.
V.	Electio Ministrorum non fieri à solo Deo.	XXI.	Solvuntur argumenta Philippi.
VI.	Non decuisse Christianos Sacerdotes carnali successione propagari.	XXII.	Solvuntur argumenta Magdeburgensium.
VII.	Ius eligendi Pontificem, ceterosque Ecclesiae Ministros, non convenire populo iure divino.	XXIII.	De bigamia.
VIII.	Electio Episcoporum, non pertinere iure divino ad Clerum, sed ad summum Pontificem.	XXIV.	Solvuntur objectiones Lutheri.
IX.	Rationem eligendi summum Pontificem, per solos Cardinales, esse omnino optimam.	XXV.	De decimis.
X.	Ad quas electio summi Pontificis pertinet, si Cardinales nulli essent &c.	DUBIUM I.	An praeceptum de solvendis decimis possit contraria consuetudine abrogari.
XI.	De numero Ordinum Ecclesiasticorum.	II.	An Laici pauperes teneantur decimas dare Clericis divitibus.
XII.	De antiquitate Ordinum.	III.	An excusari possint à peccato, qui nullas decimas solvunt, ubi non est consuetudo solvendi.
XIII.	De officiis Ministrorum.	IV.	Qua ratione ostendi possit, iustam esse determinationem Ecclesiae, quod Christiani decimam partem suorum fructuum Ecclesiae tribuant.
XIV.	De distinctione Episcopi & Presbyteri.	CAP. XXVI.	De possessionibus, quae dono Laicorum possidentur à Clericis.
XV.	Solvuntur objectiones.	XXVII.	De donis secularibus.
XVI.	De Cardinalibus.	XXVIII.	An Clerici sint liberi à iugo potestatis secularis.

LIBER SECUNDUS

De Monachis.

P R Æ F A T I O.

CAP. I.	D E nomine Monasterii.	CAP. XIV.	Explicatur nomen & definitio voti.
II.	De natura, sive definitione Religionis.	XV.	Explicatur status quaestionis.
III.	De variis Ordinibus Religiosis.	XVI.	Omne quod fit ex voto, esse cultus Dei.
IV.	De confirmatione Religionum.	XVII.	Non fuisse Judaeorum proprium vota facere, sed cum Christianis id etiam esse commune.
V.	De origine Religionum.	XVIII.	Solvuntur objectiones.
VI.	Mendacia deteguntur, & calumnia refutantur.	XIX.	Non esse propriè votum promissionem, qua fit in Baptismo.
VII.	Quid sit Consilium perfectionis?	XX.	Paupertatem voluntariam rectè Deo voveri.
VIII.	Ponuntur varia sententia de Consiliis.	XXI.	De voto obedientiae.
IX.	Afferuntur Consilia Evangelica testimoniis Scripturae.	XXII.	Afferitur votum continentiae ex illis verbis, Luc. 1. Quomodo fiet istud &c.
X.	Idem asseritur exemplis.	XXIII.	Idem asseritur ex illis verbis, Matth. 19. Sunt
XI.	Idem asseritur testimoniis Patrum.		
XII.	Idem confirmatur naturali ratione.		
XIII.	Solvuntur objectiones.		

- | | |
|--|--|
| <p>CAP. XXIV. <i>Sunt Eunuchi qui se castraverunt &c. Idem asseritur ex verbis Apostoli, 1. ad Tim. 5. Damnationem habent, quia primam fidem irritam fecerunt.</i></p> <p>XXV. <i>Idem asseritur ex Concilio.</i></p> <p>XXVI. <i>Idem asseritur ex responsis Pontificum, & Imperatorum.</i></p> <p>XXVII. <i>Idem asseritur testimonio Patrum.</i></p> <p>XXVIII. <i>Idem asseritur ratione.</i></p> <p>XXIX. <i>Solvitur obiectio prima adversariorum.</i></p> <p>XXX. <i>Solvitur secunda obiectio.</i></p> <p>XXXI. <i>Solvitur tertia obiectio.</i></p> <p>XXXII. <i>Solvitur quarta obiectio ex ratione naturali.</i></p> <p>XXXIII. <i>Solvitur obiectio quinta ex Conciliis.</i></p> <p>XXXIV. <i>Solvitur obiectio sexta ex Patribus.</i></p> <p>XXXV. <i>Quod iuniores vovare possint.</i></p> | <p>CAP. XXXVI. <i>Licere filiis ingredi Religionem parentibus invitis.</i></p> <p>XXXVII. <i>Licere conjugatis ex consensu vovare continentiam.</i></p> <p>XXXVIII. <i>Per vota solennia solvi Matrimonium, non consummatum.</i></p> <p>XXXIX. <i>De Eremitis.</i></p> <p>XL. <i>De habitu & tonsura Monachorum.</i></p> <p>XLI. <i>Licere Monachis manibus laborare.</i></p> <p>XLII. <i>Non teneri Monachos ad laborem manuum.</i></p> <p>XLIII. <i>Licetum esse Monachis vivere ex bonis patrimonialibus in communi.</i></p> <p>XLIV. <i>Licetum esse Monachis vivere ex rebus sponte oblatis & donatis.</i></p> <p>XLV. <i>Licere Monachis ex mendicatione vivere.</i></p> <p>XLVI. <i>Solvuntur obiectioes.</i></p> |
|--|--|

LIBER TERTIUS

De Laicis, sive Sæcularibus.

- | | |
|--|--|
| <p>CAP. I. <i>Ordo totius Disputationis.</i></p> <p>II. <i>Proponitur prima questio: An politica potestas sit bona, & Christianis licita.</i></p> <p>III. <i>Ex Scripturis asseritur politicus magistratus.</i></p> <p>IV. <i>Idem asseritur exemplis Sanctorum.</i></p> <p>V. <i>Idem asseritur ex fine principatus.</i></p> <p>VI. <i>Idem asseritur ratione ducta ab efficiente.</i></p> <p>VII. <i>Idem asseritur ex antiquitate.</i></p> <p>VIII. <i>Principatum sive dominium in impiis esse posse.</i></p> <p>IX. <i>Proponitur questio de potestate magistratus.</i></p> <p>X. <i>Licere Christiano Principi leges condere.</i></p> <p>XI. <i>Legem civilem non minus obligare in conscientia, quam legem divinam.</i></p> <p>XII. <i>Judicia publica exercere non esse illicitum Christianis.</i></p> | <p>CAP. XIII. <i>Licere Christiano magistratus gladio punire perturbatores Reipublicæ.</i></p> <p>XIV. <i>Licere Christianis aliquando bella gerere.</i></p> <p>XV. <i>Quot sint, & qua iusti belli conditiones.</i></p> <p>XVI. <i>Licere bellum gerere Christianis contra Turcas.</i></p> <p>XVII. <i>Ad magistratum non pertinere iudicium de Religione.</i></p> <p>XVIII. <i>Ad magistratum pertinere defensionem Religionis.</i></p> <p>XIX. <i>Non posse conciliari Catholicos cum hæreticis.</i></p> <p>XX. <i>Libros hæreticorum abolendos esse.</i></p> <p>XXI. <i>Posse hæreticos ab Ecclesia damnatos temporalibus penis, & etiam morte mulctari.</i></p> <p>XXII. <i>Solvuntur obiectioes.</i></p> |
|--|--|

P R Æ F A T I O
I N L I B R O S T R E S
D E
M E M B R I S E C C L E S I Æ
M I L I T A N T I S.



ECCLESIA CATHOLICA, optime Lector, uni trinoque Deo militans, atque, ut Scripturæ loquuntur, terribilis, velut castrorum acies ordinata, tribus potissimum ordinibus militum, Christo auctore, distinguitur. Alii siquidem in hoc divino exercitu Clerici, alii Laici dicuntur. Quidam etiam sunt, tum ex Clericis, tum ex Laicis, qui certis symbolis ac functione ab utrisque distincti, tertium ordinem faciunt, ac Regulares, sive Monachi nominantur.

Ordo primus ac nobilissimus Clericorum vel Duces habet, vel Ducum ipsorum famulos & ministros. Licet enim Imperator Ecclesiæ primus ac summus, Christus ipse sit, tamen quod non solum in terris, sed etiam in coelis, & apud inferos magnos exercitus habeat, quodque solis coelestibus præsentiam suam, ut par est, aspectabilem præbeat, Vicarium Imperatorem, ac Ducem exercitui, qui est in terris, Apostolum Petrum, ejusque successores summo cum imperio, & potestate præfecit. Ergo Romanus Pontifex hæres Apostolorum Principis, castra coelestia in terris ducit, Christumque ipsum nobis mortalibus quodammodo repræsentat.

Proximi sunt Episcopi, qui Tribunorum militarium locum sortiti, imperant etiam ipsi, non totis castris, sed agmini quisque suo. Siquidem in partem sollicitudinis, ut nostri loquuntur, vocati sunt, non in plenitudinem potestatis. Sub his Presbyteri, quos Parochos dicimus, quasi quidam Centuriones singulis cohortibus præfunt; Diaconi, Subdiaconi, Lectores, atque Administri cæteri, vel signa atque aquilas gerunt, vel tubis, ac tympanis accedunt ad prælium, vel huc atque illuc celeriter discurrentes, mandata Imperatoris ac Ducum ad milites perferunt.

Porro Laici, hoc est, populus ipse fidelis, longè lateque toto campo diffusus, atque adversus Diabolum sub Christi signis in acie constitutus, quasi quadratum agmen efficit, atque statarias legiones. Omnes enim in Baptismo ad Christi militiam nomen dederunt, ejusque charactere insigniti, Sacramentum perceperunt. Omnes per sacram Confirmationem ad prælium inuncti, crucis signo muniti, atque armis coelestibus donati, instructique sunt. Denique, omnes de mensa Domini opulentissimo comœatu, amplissimæque mercedis pignore in Eucharistia percepto, bellum æternum Diabolo, atque omnibus ejus copiis indixerunt.

Jam verò Regulares ac Monachi, neque uno in loco degunt, neque iisdem muneribus destinantur, sed alii in montibus & turribus quasi vigiles quidam perpetuo excubant, & clamore propè assiduo hostes exterrent; alii tanquam devoti milites ante ipsam aciem longè progrediuntur, castraque hostilia audacter infestant; quidam etiam sunt, quos Anachoretas nominare solemus, qui divina quadam virtute præditi, seorsim à cæteris in aperto campo, locisque

desertis ad singulare certamen hostem provocant, nec rarò eundem Christi ope gloriosè prosterunt.

Hæc igitur est Ecclesia Dei vivi, hæc sunt castra Sanctorum, tribus militum ordinibus ab ipsa Dei sapientia divino planè consilio disposita atque distincta, quæ quidem licèt adversus omnes hostiles acies insuperabilia atque invicta consistant, neque ullam sive humanam, sive diabolicam vim sub omnipotentis Imperatoris præsidio pertimescant: non tamen Satanas sibi ipse deest; circuit, quærit, observat, insidiatur, nullam nocendi elabi finit opportunitatem. Non potest ille Dei exercitum profligare, conatur tamen. Non sperat victoriam, at non desinit laceßere. Non fundet unquam Christi copias, nec delebit, at confundere & perturbare novis ac variis stratagematum formis, & libris, & sermonibus hæreticorum, non cessat. Hinc enim hæretici hujus temporis planè omnes Clericos cum Laicis ita confundunt, ut ne nomen quidem Clericorum (de qua re paulò post agemus) superesse patiantur.

Designant illi quidem certos homines, quibus docendi munus, Sacramentorumque administrationem permittunt, quos etiam Ecclesiæ Ministros vocant. At eos nec populis cum potestate præesse, nec legibus continentiae astringi, nec à tribunalibus politicis liberos esse volunt: Sed Laicorum more, jungere connubia, filios procreare, sæculi hujus negotia exercere, ad forum & judicia pertrahi, invitis etiam summis Antistitibus, jubent. Nam de consecratione, atque unctione Pontificum, de tiaris, infulis, pedis, de palliis, tunicisque sacris, de corona capillorum, de reliquo apparatu, qui ad officium exornandum Ministrorum Dei, atque ad ornatum Ecclesiasticum à cultu profano distinguendum pertinet, nihil commemorare necesse est. Hæc enim omnia adeò confidenter aspernantur, ac de medio tollunt hæretici, ac si ea certissimis rationibus, cum ne probabiles quidem attulerint, superstitionem redolere Judaicam demonstrassent. Monachos autem in universum omnes, sive Anachoretæ, sive Coenobitæ illi sint, nec minus omnia Monastica instituta, ritus, vota, consuetudines, vestes, functiones, & ipsa etiam vocabula execrantur. Neque aliud esse vult Calvinus lib. 4. Instit. cap. 13. Monasteria Coenobitarum, nisi lupanaria sceleratorum, vel conventicula schismaticorum: Anachoretas autem, Magdeburgenses Centuriatores Centur. 4. cap. 6. & 10. monstra quædam humana, vel urfos potius, ac Myfanthropos appellandos censuerunt.

Soli restant Laici, quibus etsi mirum in modum adulentur Lutherani, ut ea ratione major Clericis ac Monachis consletur invidia, verumtamen adsunt Anabaptistæ, qui nec Laicis parcunt, dum jurisdictione magistratus, magistratibus urbes, urbibus genus humanum spoliant, atque ad eam formam regimen universum revocant, quæ non modò Reipublicæ ipsorum, sed ipsi etiam generi humano, si passim usu recipiatur, extremam ruinam, atque exitium possit asferre. Sed enim haud scio, plusne Laicis Anabaptistæ noceant vexando, ac detrahendo, an cumulando, & blandiendo Lutherani. Detrahunt illi populo Christiano politicam potestatem, sine qua salus Reipublicæ terrenæ in apertum discrimen, interitumque vocatur. Augent contra Lutherani eundem populum etiam Ecclesiastica potestate, ut nimirum ducantur Pastores ab ovibus, & imperent Imperatoribus milites, atque interim pereat res Christiana, pereat Christi regnum, pereant animæ, quarum salutem propria vita, & sanguine Dei Filius emerat.

Quæ cum ita sint, ad omnes pertinet, qui in Ecclesia Catholica Doctoris munere funguntur, impiis hæreticorum conatibus, vel Satanæ potius consiliis & furori occurrere, & omnes Ecclesiæ partes, omnia membra, omnes ordines pro viribus protegere, ac tueri. A nobis verò non modò charitas Christiana,

& onus à majoribus impositum flagitat, sed etiam cogit ordo disputationum, ut ad eas controversias explicandas aggrediamur, quæ sunt de tribus illis Ecclesiæ partibus, idest, Clericis, Laicis, Monachis, ab hæreticis hujus temporis excitatæ. Quando enim pro capite militantis Ecclesiæ, proque ipsa Ecclesia, tum in Conciliis congregata, tum etiam diffusa toto orbe terrarum, pro nostrarum virium tenuitate pugnaverimus: Illud unum est reliquum, ut pro membris ejusdem Ecclesiæ, pro nostra virili parte dimicemus, & Christo duce, atque imperatore, omnia hostium tela clypeo veritatis, & gladio verbi Dei discutiamus.

Ordo Disputationis de Clericis.

Igitur disputatio de Clericis (nam ab ea exordiendum esse, tum antiquitatis, tum etiam dignitatis ordo nos admonet) octo partibus continetur. Primum enim, de ipso nomine Clericorum differendum erit. Deinde, de vocatione, sive electione ad sacrum Ministerium. Tertiò, de distinctione, numero & officio Ministrorum. Quartò, de coelibatu hominum sacrorum. Quintò, de solemnibus precibus, & laudibus, certis horis, certoque ordine concinendis. Sextò, de Ecclesiastica tonsura, vel rasura capillorum. Septimò, de possessione temporalium bonorum, sive politico, sive Ecclesiastico jure acquirentium. Octavò, de exceptione Clericorum à tribunalium civilium potestate. Nihil autem de Sacramento Ordinis, nihil item de Ecclesiastica jurisdictione hoc loco dicendum erit, quòd ea partim ad quæstiones de Sacramentis, partim ad quæstiones de Pontifice, & Conciliis pertinere videantur.

LIBER PRIMUS

DE CLERICIS.

CAPUT PRIMUM.

De nomine Clerici & Laici.



UID hæc nomina Clerici atque Laici sibi velint, nemini dubium esse puto. Tamen enim Græcam originem habent, tamen trita sunt, ac pervulgata. Quis enim ignorat idem esse *κλῆρος* Græcis, quod populum Latinis? Idem illis, *κλῆρος*, quod sortem, siue hæreditatem nobis? Inde igitur laici dicti sunt quasi plebei, ac populares, quibus nulla pars functionis Ecclesiasticæ demandata est; Clerici autem quasi Domini fors, & hæreditas, qui divino cultui consecrati, procurandæ religionis ac rerum sacrarum, Deo ipso iubente, providentiam, ac sollicitudinem susceperunt: *Clericus*, inquit S. Hieronymus in epistola ad Nepot. interpretetur primò vocabulum suum, & nominis definitione prolata, nitatur esse quod dicitur. Si enim *κλῆρος* Græcè, fors Latine appellatur, propterea vocantur Clerici, vel quia de sorte sunt Domini, vel quia ipse Dominus fors, idest, pars Clericorum est. Cur autem hæreditas sortis nomine appelletur, illa ratio reddi solet, quod hæreditas in plures sorte plerumque dividatur. Unde est illud Prophetæ Psal. 77. *Sorte divisi estis terram in funiculo distributionis.*

Accedit quòd licet ad unum aliquem hæreditas tota perveniat, id tamen non electione, sed sorte fit: Nascuntur enim ut plurimum, non sunt hæredes. Quis autem laboravit, quis operam dedit, ut huius potius quàm illius filius & hæres nasceretur? Atque huc Apostolus Paulus, Chrysostomo teste, respexit cum ait, scribens ad Coloss. *Dignos nos fecit in partem sortis sanctorum.* Et rursus ad Ephes. *In quo nos sorte vocati sumus.* Non quòd (ut Lutherani volunt) æterna beatitudo nullis meritis acquiratur, sed quòd ad gratiam & adoptionem filiorum Dei sine ullo opere nostro vocemur. Falluntur enim Pelagiani, qui priores partes homini, posteriores verò Deo tribuunt in conversione ac penitentia peccatoris. Quomodo enim sorte vocamur, si nos ipsi Deum ullo nostro vel opere vel conatu præveniamus?

Nemo igitur gratiam invocatur, nisi præventus à gratia; nemo eligit Deum, nisi prius electus à Deo, nemo diligit, nisi prius dilectus: Aversos ille convertit, errantes revocat, invenitur à non quærentibus, palàm apparet non interrogantibus. Quia tamen quod nobis fors est, Deo providentia, & prædestinatio est, propterea sapienter Apostolus simul iungit utrumque, cum ait: *In quo nos sorte vocati sumus, prædestinati secundum propositum voluntatis ejus.* Sed de his hæcenus.

Habemus igitur quid Clericorum ac laicorum nomen significet. Hinc autem prima inter nos, & hæreticos quæstio nascitur, rectè ne, an secus, quidam inter Christianos Clerici, quidam laici nominentur. Lutherani enim & Calvinistæ tamen minimè negant, quod ad rem attinet, ministerium verbi, &

A Sacramentorum non ex æquo ad omnes pertinere, & habent ipsi quoque suos quosdam Ministros & Pastores, siue (ut ipsi loquuntur) Superintendentes, quibus totam ferè religionis suæ curam permittunt: tamen quod eorum contentiones & schismata ab odio Clericorum, & Laicorum favore initium duxerint, & vocabulum Cleri non obscurè excellentiam quandam, ac dignitatem præ se ferre videatur, nullo modo ferunt, ut Ministri Ecclesiastici, Clerici; cæteri, laici appellentur.

Itaque Lutherus in lib. illo planè tartareo de abroganda Missa privata par. 1. tractans illud B. Petri, Non dominantes in Cleris: Quod, inquit, nostra translatio habet, non dominantes in Cleris, interpretis incuria fuit, qua fecit, ut Clerum hoc loco intelligerent, quos nunc à laicis discevit impia hominum traditio. Et infra: Hoc dixisse contenti sumus, Christianum populum esse simplicem, in quo prorsus nulla secta, nulla differentia personarum, nullus clericus, nullus laicus, nullus unctus, nullus rufus, nullus monachus esse debeat. Et Calvinus in 4. lib. suæ Institut. cap. 4. §. 9. Hæc, inquit, appellatio aut errore, aut certè ex prava affectione nata est, cum t. ta Ecclesia clerus, idest, hæreditas Domini, à Petro dicatur. Et in comment. cap. 5. prioris epistol. B. Petri: Utinam, inquit, numquam Patribus venisset in mentem, ut hac voce uterentur. Hæc illi. A quibus ego libenter quærerem, quo tempore, quo loco, quibus auctoribus hanc appellationem natam esse putent?

Si enim paucis antè annis, in angulo nescio quo, ab aliquo ambitioso, atque indocto artifice vocabulorum, fabricatam esse hanc vocem demonstrare, possent Lutherani, possemus & nos vicissim facile credere, ex errore, aut pravo affectu, aut etiam impia traditione natam esse: Sin autem ex divinis literis deprompta hæc appellatio, in ore omnium Conciliorum, omnium Patrum, totius Ecclesiæ, orbis terrarum universi, omnibus ætatibus, ac sæculis fuit, quis poterit satis hominum istorum audaciam, impudentiamque mirari?

Et quidem si de Conciliorum decretis, & sanctorum Patrum voluminibus agitur, non tam quærendum est, ubi Clericorum & laicorum nomen & distinctio habeatur, quàm ubi non habeatur. Ita passim in singulis propè paginis tum Patrum, tum Conciliorum veterum appellatio illa occurrit, quam ex errore, aut pravo affectu, vel impia traditione natam esse Lutherus & Calvinus affirmant.

Prodeat ex vetustis scriptoribus Tertullianus, qui non modò antiquissimus, sed etiam doctissimus fuit. Is igitur in lib. de Monogamia hoc modo loquitur: Cum extollimur, inquit, & inflamur adversus Clerum, tunc unum omnes sumus, tunc omnes Sacerdotes, quia Sacerdotes nos Deo & Patri fecit. Cum ad peræquationem disciplina sacerdotalis provocamur, deponimus infulas, & impares sumus. Et infra: Laicis verò quia Monogamia non convenit, cætera quoque aliena sunt. Quid potuit clariùs adversus Lutherum & Calvinum Tertullianus dicere, quàm arrogantes ac superbos esse laicos, qui extolluntur, atque instantur adversus Clericos? Sed fortasse singulorum hominum testimonium sine temeritate contemnitur.

Prodeat igitur, non ex hominibus singulis sed ex cœtibus hominum, Concilium I. Nicænum, Oecumenicum,

nicum, vetustissimum, frequentissimum, celeberrimum, cuiusque auctoritas tanta semper apud omnes veteres fuit, ut ab Eusebio lib. 3. de vita Constantini, & Augustino lib. 1. de Baptismo cap. 18. orbis terrarum Concilium appelletur; ab Athanasio in epistola ad Episcopos Africæ, & Leone epist. 53. ad Anatolium, cum oraculis Spiritus sancti; à Gregorio verò lib. 1. epistol. 24. cum ipso Evangelio conferatur. In ea igitur tanta Synodo, quam neque erroris, neque pravi affectus, multò etiam minus impietatis possumus reprehendere, nisi vitiorum eorundem Ecclesiam totam, & orbem terrarum universum reprehendamus: in ea, inquam, Synodo appellatio Clericorum in singulis ferè canonibus inculcatur. Sic habet Canon primus: *Si quis in agnitionem vel à Medicis scélus, vel à Barbaris castratus est, placuit ut iste permaneat in Clero. Si quis autem sanus seipsum absceidit, hic etiam si est in Clero, cessare debet, & ex hoc nullum talem oportet ordinare.* In II. verò can. III. VIII. in XVII. in XVIII. & XIX. nihil ferè tractatur aliud, quàm de ordinationibus Clericorum, quod in omnibus omnino Conciliis passim occurrit.

Quid, quòd in ipsis etiam Apostolorum canonibus à S. Clemente descriptis, distinctio, & nomen Clericorum, & laicorum non semel legitur? Can. XII. *Si quis cum damnato Clerico, ut cum Clerico, oraverit, damnetur.* Can. XIII. *Si quis Clericus aut laicus à communione suspensus &c.* Can. XV. *Si quis Presbyter, aut Diaconus, aut quilibet de numero Clericorum, relinquens propriam parochiam pergat ad aliam, hunc ulterius ministrare non patimur, præsertim si vocatus ab Episcopo redire contempserit, veritatem tamen tanquam laicus ibi communicet.*

Quid hic Calvinus & Lutherus dicent? Ignorabant Patres Nicæni, ignorabat Clemens Pontifex, ignorabant Apostoli Christianum populum simplicem esse debere, ut nullus in eo Clericus nullus sit laicus? An potius impia traditione, errore, pravoque affectu Ecclesiæ Ministris ejusmodi nomen indiderunt?

At, inquiunt, non multum nos laboramus quod homines dicant, jamdudum enim valere jussimus verba hominum. Verbum Dei proferatur ad medium, si controversia finienda est. Videamus igitur quid habeat Verbum Dei, quamquam opus non esset, cum de re constet, magnopere de nomine litigare. Apud Hieremiam cap. 12. ita Spiritus sanctus loquitur: *Cleri eorum non proderunt eis.*

Ac ne fortè de istis ipsis verbis Dei litigandum sit, profero testes omni exceptione majores, Origenem, Epiphanium, Hieronymum, qui non modò Scripturarum diligentissimi tractatores fuerunt, sed etiam penè soli inter omnes Ecclesiæ Patres Hebraicæ linguæ, qua Hieremiæ volumen scriptum esse constat, scientiam habuerunt. Sic igitur Origenes hom. 7. in Hierem. exponit hæc verba, Cleri eorum non proderunt eis: *Hæc, inquit, ante me alii exposuerunt, & quia non improbo interpretationem eorum, consensiens eandem profero. Nos qui putamus aliquid esse, idest, qui in clericatus vobis ordine præsidemus, in tantum, ut quidam de minori gradu ad hunc locum cupiant pervenire, nosse debetis, non statim in eo esse salvandos, quia Clerici sumus; multi enim, & Presbyteri pereunt, & laici beatissimi reperiuntur.*

Sanctus autem Epiphanius ad initium ejus epistolæ, quam ad Joannem Episcopum Hierosolymæ scripsit: *Oportebat, inquit, nos dilectissime, clericatus honore non abuti in superbiam, sed custodia mandatorum Dei, & observatione diligentissima hoc esse quod dicimus. Si enim sacra Scriptura loquitur: Cleri eorum non proderunt eis, que arrogantia clericatus conducere nobis*

Contrav. Card. Bellarm. Tom. II.

A poterit, qui non solum cogitatione & sensu, sed etiam sermone peccamus?

Eodem modo S. Hieronymus in commentario hujus loci, *Dicitur, inquit, hoc & Ecclesiasticis; Quid enim jurare poterit Episcopi nomen, & Presbyteri, vel reliquis ordo Ecclesiasticus; cum magis graventur dignitatibus suis, & potentes potenter tormenta patientur?* Idem quoque Hieronymus in epist. ad Nepotianum: *Obsecro, inquit, te, & repetens iterum, iterumque monebo, ne officium clericatus, genus antiquæ militiæ putet, idest, ne lucra sæculi in Christi quaras militia, ne plus habeas quàm quando Clericus esse cupisti, & dicatur tibi, Cleri eorum non proderunt eis. Habemus igitur verbum Dei, in quo, Origene, Epiphanius & Hieronymo testibus, Episcopi & Presbyteri, cæterique ordines Ecclesiastici, clerici nominantur.*

Sed accedat postreimò Dei ipsius gravissimum testimonium, non solum verbo prolatum, sed etiam horribili quodam prodigio quasi sigillo proprio consignatum. Quod enim hoc tempore Lutherus, & Calvinus adversus Clericos clamant, idem olim Dathan & Abyron adversus Sacerdotes Testamenti veteris clamabant: *Sufficiat vobis, ajebant illi Num. 16. quod omnis multitudo sanctorum est, & in ipso est Dominus, cur elevamini super populum Domini?* Quid verò Lutherus & Calvinus dicunt? Sufficiat vobis quod omnis Ecclesia clerus, idest, hæreditas Domini est, cur elevamini super laicos? Cur soli vobis Cleri vocabulum usurpatis?

At qualem exitum reperit contentio illa veterum schismaticorum? Acerbum omnino, & luctuosum: Siquidem continuò, ut scriptura eodem loco narrat, ad imperium Domini, qui schismata, & seditiones adversus ministros suos ferre non potest, *disrupta est terra sub pedibus eorum, & aperiens os suum devoravit illos cum uxoribus, cum liberis, cum tabernaculis, cunctisque opibus, descenderuntque viri in infernum, aperti humi, & perierunt de medio multitudinis.* Hæc videlicet justissima pena illorum est, qui diversos in Ecclesia gradus, ordinemque pulcherrimum, ab ipsa Dei sapientia constitutum, confundere, ac perturbare nituntur, ut ad ea inferorum detrudantur loca, ubi umbra mortis, & nullus ordo, sed sempiternus horror inhabitat.

Sed eorum objectunculas, licet frigidas, & jejunas, breviter diluamus. Christianus populus, inquit Lutherus, simplex debet esse, ubi nemo sit clericus, nemo laicus, nam ut Apostolus ait ad Galat. 3. *Non est Judæus, neque Græcus, non est servus neque liber, non est masculus neque femina, omnes enim vos unum estis in Christo Jesu.*

Unum & simplicem Christianum populum esse debere, negari non potest, sed interest qua unitate, qua simplicitate: *Unus Dominus, inquit Apostolus ad Ephes. 4. una Fides, unus Baptisma, unus Deus & Pater omnium.* Hæc est unitas, hæc simplicitas populi Christiani, ut unius sint omnes fidei, idem dicant, idem sentiant omnes, nec sint in eis schismata. Qua simplicitate cum omnino careant Lutherani, quippè quibus tot penè sunt sectæ, quot civitates, tot symbola, quot capita, viderint ipsi quàm bene Christianus populus dici possint.

Porro distinctio Clericorum & laicorum cum hac simplicitate non magis pugnat, quàm pugnet membrorum distinctio cum corporis unitate. Unum est corpus humanum, nec tamen totum est oculus, nec totum est auris, nec totum manus, nec totum pedes, alioqui, ut verbis utar Apostoli, 1. Corinth. 12. *Si totum corpus oculus, ubi auditus? si totum auditus, ubi odoratus? & si essent omnia unum membrum, ubi corpus? Nunc autem multa quidem sunt membra, unum autem corpus.* Sic prorsus in Ecclesia alii

H 2 Clerici,

Clerici, alii Laici, alii Monachi sunt; & rursus Clericorum, alii Sacerdotes, alii Ministri; Laicorum alii Principes, alii privati; Monachorum alii anachoretæ, alii cornobitæ. Sed hæc membrorum ac partium varietas est, corpus verò unum, quoniam unum omnes Dominum habemus, unam Fidem, unum Baptisma, unum Deum Patrem, unam Ecclesiam matrem, uno spiritu vivimus, uno pane nutrimur.

Neque verò his repugnant verba illa Pauli: *Non est Judæus neque Græcus, non est servus neque liber, non est masculus neque femina*. Tamen eadem ratione dicere potuisset, non est laicus, neque clericus. Neque enim illis verbis excludere voluit Apostolus ab Ecclesia diversitatem sexuum, nationum, conditionum, sed admonere, non ista esse quæ filios Dei faciant, sed fidem quæ per dilectionem operatur, sic enim ait: *Omnes vos filii Dei estis per fidem, quæ est in Christo Jesu: Quicumque enim in Christo Jesu baptizati estis, Christum induistis: Non est Judæus neque Græcus, non est servus neque liber, non est masculus neque femina*. Itaque nihil obest sexus, si adsit fides: nihil prodest, si absit; & laicus cum charitate, Dei filius est, & Clericus sine charitate mancipium Diaboli est. Sunt igitur in Ecclesia Clerici, sunt laici, sunt liberi, sunt servi, sunt masculi, sunt foeminae: sed hæredes regni sempiterni, non istæ graduum, sive conditionum, sive sexuum differentiar, sed fides cum spe & charitate constituit.

At B. Petrus in epistola sua priore cap. 5. totam Ecclesiam Clerum appellat, cum ad Episcopos ait: *Pascite qui in vobis est gregem Dei, providentes non coacti, sed spontanei, neque turpis lucri gratia, sed voluntarii, neque ut dominantes in cleris, sed forma facti gregis ex animo*. Ex errore igitur, inquit, impiae traditione, aut pravo affectu ab honore Clerici nominis dejecti sunt laici.

Sed hæc obiectio nec difficulter, nec uno modo solvitur. Primum omnino probabile est quod S. Hieronymus in epist. ad Nepotianum, & Oecumenius in commentario hujus epistolæ docent, Cleri appellationem hoc loco positam, non ad Ecclesiam universam, sed ad eos tantum esse referendam, qui propriè Clerici vulgò nominantur. Tamen enim ad Episcopi gregem tum Clerici, tum laici pertinent, tamen quia tanto majus periculum erat, ne Episcopi Clericis dominari vellent quàm laicis, quanto Clerici magis subiecti, atque obsequentes Episcopis, ut proprii eorum administri, ex ipsa sua professione debent esse, quàm laici, propterea B. Petrus Episcopos monet, ut universum quidem gregem diligenter pascant, sed in pascendis laicis caveant turpe lucrum, in Clericis regendis fugiant dominandi cupiditatem.

Adde, quòd nomen Cleri derivatum est ad Christianos à Judæis, & sine dubio S. Petrus alludit ad Levitas Judæorum, qui Num. 18. & Deuter. 18. dicuntur esse de sorte Domini, & Dominus dicitur esse eorum fors & hæreditas, quia donavit eis quodammodo partem suam, idest, decimas, & oblationes filiorum Israel. Porro Levitis non respondent in Ecclesia novi Testamenti omnes Christiani, sed soli sacerdotes, eorumque ministri. Petrus igitur nomine Cleri non omnes Christianos, sed solos ministros Ecclesiasticos intellexit.

Quòd si hæc interpretatio ab adversariis obstinatè rejiciatur, nihil est cur magnopere contendamus. Potest enim eadem appellatio Cleri diversa ratione cum universæ Ecclesiæ, tum solis templi Ministris aptissimè convenire. Nam ut Ecclesia universa, fors atque hæreditas Christi est, quòd eam acquiescent sanguine suo, & simul tamen quadam certa Ecclesiæ portio, altaris ministerio consecrata, magis pro-

pria ratione fors, & hæreditas ejusdem Christi dici potest, non secus atque olim Synagoga Judæorum universa in libris Prophetarum passim hæreditas Domini vocabatur, quòd eam universam Deus ex Ægypto liberasset, & quodammodo redemisset, & tamen solam tribum Leviticam, quam rebus sacris præfecerat, speciali quadam ratione sortem suam & hæreditatem idem Dominus appellabat.

C A P U T II

Proponitur quaestio de institutione ministrorum Ecclesiæ.

S Equitur altera quaestio de institutione Episcoporum, aliorumque Ecclesiæ Ministrorum, quæ sane cum gravissima, tum etiam utilissima est, non ad id modò, de quo agimus in præsentia, sed etiam ad veram Dei Ecclesiam cognoscendam. Illud autem initio præmittendum est, appellatione creationis Episcoporum tria contineri; electionem, ordinationem, & vocationem seu missionem. Electio nihil est aliud, quàm designatio certæ personæ ad Ecclesiasticam præfecturam. Ordinatio, sacra cæremonia est, qua certo ritu futurus Episcopus inungitur & consecratur. Missio seu vocatio jurisdictionem tribuit, ac re ipsa Pastorem, ac Præsulem facit.

E xistit igitur inter nos & adversarios controversia, cui potissimum jus sit in Ecclesia Episcopos creandi, idest, eligendi, vocandi, atque iniandi. Rursus observandum est, electionem multis ac variis modis fieri posse: Nam aut Deus solus elegit, quomodo Aaron, & Petrus electi fuere, aut Deus per homines. Cum autem per homines Deus eligit, aut id facit naturali propagatione, quomodo filii Aaron, & nepotes olim ad sacerdotium perveniebant, aut certè voluntaria electione. Quòd si voluntaria electione, aut unius, qua ratione Clemens à Petro electus dicitur, aut plurium, & si plurium, aut populi, aut cleri, aut utriusque.

D Sunt autem tres de hac tota quaestione sententiæ. Prima Joannis Wiclef, & Joannis Huls, qui teste Thoma Waldensi lib. 2. doctrin. fidei cap. 39. & 40. docebant, solius Dei munus esse eligere Pastores Ecclesiæ, quod soli pii, & prædestinati, Episcopi & Pastores esse possint, & solus Deus noverit, qui sint pii, & prædestinati. Vide in Concilio Constantiensi sess. 8. & 15. articulos horum hæreticorum.

E Altera sententia est Martini Lutheri, Joannis Calvinii, Matthiæ Illyrici, Joannis Brentii, Martini Kemnitii, aliorumque hujus temporis Sectariorum, qui electionem, & vocationem, jure divino ad Ecclesiam universam, hoc est, ad Clerum & Populum spectare volunt, ita prorsus ut sine populi consensu ac suffragio nemo legitimè electus, aut vocatus ad Episcopatum habeatur. Porro ordinationem, quæ per manus impositionem fieri solet, solis Pastoribus tribuunt. Nec enim fieri posset ut totus populus manus imponeret, sed ita tamen ad solos Pastores munus hoc referunt, ut illi nomine totius Cleri ac Populi novis Pastoribus manus imponant, ac verè dici possit totus Clerus ac Populus non solum eligere ac vocare Pastores, sed eosdem etiam initiare & ordinare. Sed verba ipsorum audiamus.

Martinus Lutherus in lib. de potestate Papæ: *Hanc ritum, inquit, per multas epistolas Cyprianus commemorat, semper suffragium populi, & judicium propinquorum Episcoporum, ita allegans, ut hanc ex Deo ordinationem esse cum fiducia pronunciet. Et infra: Nec referre est necesse quanto felicius hodie is ritus divinus serva-*

servaretur; præsertim tot sacerdotibus malis regnantibus, & invito populo impositis. Idem, fusè atque ex verbo Dei, ut ipse jactat, in eo libro demonstrat, quem inscripsit de instituendis ministris, ad Boemos. Joannes Calvinus lib. 4. Institut. Christianæ cap. 3. §. 15. *Habemus, inquit, esse hanc legitimam ex verbo Dei ministri vocationem, ubi ex populi consensu & approbatione creantur, qui visi fuerint idonei. Præesse autem electioni debere alios Pastores, ne quid vel per levitatem, vel per mala studia, vel per tumultum à multitudine peccetur.* Matthias Flaccius Illyricus præter eum librum, quem scripsit de electione Episcoporum, in quo totis viribus contendit, jus eligendi, atque instituendi Episcopos, neque summo Pontifici, neque Regibus, neque Canonicis permittendum, sed multitudini fidelium, cui convenit jure divino, esse restituendum; scripsit etiam multa cum collegis suis Magdeburgensibus Centuriatoribus in histor. Eccles. Centur. 1. lib. 2. cap. 4. col. 391. *Habet, inquit, Ecclesia in qualibet loco, hoc est, totus cætus, tum, ut nunc vocamus, laicorum, tum clericorum conjunctim potestatem eligendi, vocandi, & ordinandi ministros idoneos.* Non dissimilia sunt quæ scribunt Joannes Brennius in Prolegomenis adversus Petrum à Soto, & Martinus Kemniti in Examine Concilii Tridentini in disputatione de ordinis Sacramento. Hæc igitur eorum sententia est, ex qua non obscurè colligi putant, nullos esse apud nos Episcopos ritè vocatos, quod jamdudum nostri in Episcoporum electionibus plebem excluderint à ferendo suffragio.

Contra autem Doctores Catholici summa consensione docent, jus Episcopos ordinandi ac vocandi ad plebem nullo modo pertinere posse; jus autem eligendi fuisse aliquando, & aliquo modo penes populum, sed Pontificum concessione vel conniventia, non lege divina: Ex quo nos longè verius colligemus, nullam esse apud hæreticos veram ordinationem, nullam vocationem, nullam electionem, proinde, nullos Episcopos, nullam Ecclesiam. Ut autem hæc omnia distinctè, atque ordine demonstremus, propositis aliquot sententiis seu propositionibus, disputabimus primum de ordinatione, tum de vocatione, postremò de electione.

CAPUT III.

Non pertinere ad populum jus ordinandi Pastores, sive Ministros.

SIT igitur hæc prima nostra propositio seu sententia. *Ordinationem tum Episcoporum, tum aliorum Ecclesie Ministrorum, non ad plebem, sed ad solos Episcopos pertinere.* Testantur id passim divinæ Scripturæ, testantur decreta Conciliorum, testantur veteres Patres, testantur denique nos populi Dei, & exempla maiorum. Aaronem, & filios ejus sacerdotes primos Testamenti veteris, solus Moses Sacerdos, & Pontifex ordinavit & consecravir Levit. 8. Moysen autem Sacerdotem fuisse, testatur David in Psalm. 98. *Moses, inquit, & Aaron in sacerdotibus ejus.* Testatur Philo lib. 3. extremo de vita Moysi: *Hæc, inquit, fuit vita, obitusque Moysi Regis, Legislatoris, Vasis & Pontificis.* Testatur Hieronymus lib. 1. in Jovinianum, testatur Augustinus in Commentario Psalm. 98. testatur Gregorius Nazianzenus oratione ad Gregorium Nyssenum, testatur denique S. Leo epist. 88. ad Episcopos Germaniæ & Galliæ.

In Testamento novo; ubicumque mentio fit manus impositionis, quo ritu etiam apud adversarios *Controv. Card. Bellarm. Tom. II.*

A ordinatione celebratur, semper ea Apostolis, cæterisque Episcopis, nunquam verò plebi tribuitur. Actor. 6. Soli Apostoli per manus impositionem Diaconos ordinarunt 1. Timoth. 4. *Noli, inquit Apostolus, negligere gratiam, qua in te est, qua data est tibi per impositionem manuum Presbyterii.* Quo loco Presbyterium, Episcoporum cœtum significat, ut testantur omnes ferè interpretes, ac præsertim Græci, Chrysostomus, Theodoretus, Oecumenius, Theophylactus: *Non de Presbyteris, inquit Chrysostomus, hic loquitur, sed de Episcopis, neque enim profectò Presbyteri ipsum ordinarunt.* Item in eodem loco loquitur Apostolus ad Episcopum: *Manus citò nemini imposueris.* Ac rursus 2. Timoth. 1. *Resuscites, inquit, gratiam, qua data est tibi per impositionem manuum mearum.*

B Itaque ex divinis literis satis probatur, munus ordinandi proprium esse Episcoporum. Quod idem ex plurimis Conciliorum decretis confirmari posset. Sed quoniam res est perspicua & notissima, cum solum canonem hoc loco ad memoriam revocabo, quo Episcopum à tribus Episcopis ordinandum esse, definitum est, qui Canon primus est inter canones Apostolorum, & rursus 4. est inter canones Concilii I. Nicæni, oecumenici, maximi, ac celeberrimi. Denique 12. est Concilii II. Carthaginensis, trigésimus nonus III. secundus IV. & quartus VI. Quæ Concilia etsi non oecumenica, sed nationalia fuerint, fuisse tamen frequentissima, & S. Augustini præsentia ac suffragio illustrata.

C Accedat, quod veteres Patres constanter docent, solius Episcopi esse initiare sacris, sive Presbyteros, sive Diaconos, sive ipsos etiam Episcopos, neque id ullo modo Presbyteris licere. Vide Epiphanium hæres. 75. quæ est Aerii. Joannem Chrysostomum cum cæteris Græcis in commentar. 3. & 4. cap. 1. epist. ad Timoth. Hieronymum in epistol. ad Evagrium. Augustinum in breviculo, collat. 3. cap. 5. Quod si Presbyteris non licet Episcopos, aut Presbyteros ordinare, quod id munus solis Episcopis conveniat, quanto minus id clericis inferioris gradus, aut etiam laicis licebit?

D Accedat postremò antiquissima, ac perpetua Ecclesie universæ consuetudo, quæ optima juris interpret esse solet. Nam, ut verbis utar Evangelicis, à sæculo non est auditum, ut Episcopum non Episcopus ordinaret. Neque hujusce rei ullum unquam vel institutum ex disciplina, vel exemplum ex historiis, vel etiam usurpatio ex hæretica licentia proferetur. Nam apud Lutheranos quoque & Calvinistas, qui ritus Ecclesiasticos penè omnes sustulerunt, ii solum manus imponunt, & Pastores, seu Ministros faciunt, qui Pastores & Episcopi, licet revera non sint, tamen haberi & appellari volunt. Quare quod attinet ad ordinationes, non Clerus, & populus universus, sed soli Pontifices Episcopos & Presbyteros creant.

E Sed, inquiunt: Etsi Clerus ac populus per se manus Episcopis non imponat, id tamen non eo fit, quod desit multitudini auctoritas, sed quod ad vitandam confusionem, quæ necessariò existeret, si tot manus super unius hominis caput imponendæ essent, visum est melius ut paucis Pastoribus ea cura demandaretur. Itaque auctoritas ordinandi ministros, totius multitudinis est, executio verò Pastorum. Sed cum Pastores, quod faciunt, totus Cleri, ac populi auctoritate; & nomine faciant, ipse etiam Clerus & populus ordinare, & consecrare ministros dici potest.

At certè falluntur, vel fallere volunt adversarii, dum ita ratiocinantur. Nam tribus modis potest intelligi, quod ipsi dicunt, auctoritate, ac nomine totius

Cleri, & populi à Pastoribus ordinari Pastores. Primum, quomodo nomine totius corporis lingua loquitur, oculi vident, aures audiunt, & de cæteris membris ad eundem modum. Quod enim pars corporis facit, toti etiam corpori tribui solet, licet reliquum corpus neque præstet unquam, neque præstare possit, quod est illius partis proprium. Videt oculis totus homo, sed ita videt, ut nulla ratione queat lingua, manibus, pedibus, aliove membro videre. Quod si hoc modo vellent adversarii ab universa multitudine per suos Pastores ordinari ministros, non esset cum eis magnopere contendendum. Nihil enim potestatis vel auctoritatis in ipsa multitudine ponerent præter eam quam habent Pastores, qui in membris, ac partibus ejusdem multitudinis numerantur. Sed non id solum illi quærunt, neque hac moderatione contenti sunt.

Altero igitur modo potest intelligi, auctoritate populi Antistites à Pastoribus ordinari, ut videlicet in ipso populo, remotis etiam omnibus Pastoribus, sit vera ordinandi potestas, neque aliud impediat, quo minus populus re ipsa Pastoribus manus imponat, quam confusio multitudinis; quomodo prætores in urbibus, auctoritate ac nomine Principis, pro tribunali sedent, ac jus civibus dicunt. Ita enim prætor in jure dicendo locum Principis obtinet, ut possit tamen Princeps, si velit, per se jus dicere.

At neque hic modus adversariis probari debet, si ipsi sibi constare velint. Nam si sola confusio multitudinis impediret, quo minus populus ordinaret ministros, posset certe idem populus munus ordinandi paucis hominibus de suo corpore, idest, etiam non Pastoribus demandare. At id non modò Conciliorum decretis, & perpetuæ consuetudini, & omnium Patrum testimoniis, sed etiam adversariorum exemplis, & verbis, & ipsi rationi repugnat. Nam ut paulo antè diximus, in hæreticorum coetibus non quivis è populo, sed soli Pastores manus imponere ordinandis ita solent, ut si secus fiat, irrita censeatur ordinatio, & Joannes Calvinus lib. 4. Institut. cap. 3. §. 16. ita omnino faciendum esse ex Apostolorum consuetudine his verbis docet: *Licet nullum exstet certum præceptum de manuum impositione, quia tamen fuisse in perpetuo usu Apostolis videmus, illa tam accurata eorum observatio præcepti vice nobis esse debet. Et infra: Hoc postremo habendum est, non universam multitudinem manus imposuisse suis ministris, sed solos pastores.* Hæc ille. Et sanè cum potestas ordinis, quæ ad ordinandos ministros necessaria est, per ordinationem accipiat, quis capere potest, ut vel populus universus, vel pauci de populo, nulla prius ordinatione accepta, manus imponere, & ordinare ministros possint?

Restat igitur modus tertius, quo possit intelligi quod adversarii dicunt, auctoritate multitudinis Pastores à Pastoribus ordinari, nimirum, licet non habeat multitudo ordinis potestatem, habeat tamen jurisdictionis, & proinde jus Pastoribus imperandi, ut certis hominibus à se designatis manus imponant.

Sed quoniam de hac potestate jurisdictionis, quam adversarii populo tribuunt, in sequenti capite disputandum erit, nunc solum ex his quæ dicta sunt, quæque ab adversariis affirmantur, argumentum, ni fallor, indissolubile colligemus, Ecclesiam eos nullam habere. Est autem hoc argumentum. Non sunt veri Pastores, qui non sunt per manus impositionem à veris Pastoribus ordinati. Id Calvinus ex Apostolorum perpetua consuetudine, quæ nobis pro lege, ut ipse ait, esse debet, rectissime collegit. Lutherus autem, Zwinglius, Calvinus, & cæteri, qui Pastores primi apud suos habentur, non fuerunt per manus impositionem à veris Pastoribus ordinati. Nam

A si secus, à quibus obsecro? à suis ne? an à nostris? Non à suis, ipsi enim sunt primi, neque enim ante Lutherum ulli fuerunt Lutherani, neque ante Zwinglium Zwingliani, neque ante Calvinum Calvinisti, qui eos Pastores ordinare possent. Non item à nostris, siquidem in Ecclesia Catholica, unde recesserunt, neque Lutherus, neque Zwinglius, neque Calvinus Episcopi fuerunt, sed tantum Presbyteri. Porro Presbyteri, qui Calvino Ministri sunt, non Pastores, non habent ordinandi potestatem: *Quid facit, inquit Hieronymus in epistol. ad Evagrium, excepta ordinatione Episcopus, quod Presbyter non faciat?* Et Calvinus Hieronymo subscribens paulò antè dixit, à solis Pastoribus, idest, Episcopis Ministros ordinari.

B Adde etiam, quod ordinationem Catholicam adversarii nihil faciunt. Sic enim Calvinus de nostra ordinatione loquitur lib. 4. Institut. cap. 5. §. 3. *Ordinatio autem nihil aliud est, quam merum ludibrium.* Ex Martinus Kemnitius loco notato, non magis ratas esse contendit hoc tempore Catholicorum Episcoporum ordinationes, quam olim fuisse Apostolicis temporibus Annæ & Caiphæ Pontificum Judæorum.

C Quod si primi illi adversariorum Episcopi & Pastores, veri Pastores & Episcopi non fuerunt, certè nec secundi, nec tertii, nec cæteri, qui primis illis successerunt. At Ecclesia sine Episcopis & Pastoribus esse non potest, ut idem Calvinus verè affirmat lib. 4. Institut. cap. 3. §. 4. *Sequitur, inquit, Pastores & Doctores, quibus carere nunquam potest Ecclesia.* Hæc ille. *Est enim Ecclesia, ut S. Cyprianus eam definit in epist. 9. lib. 4. plebs Episcopo adunata, & Pastori suo grege adherens.* Sequitur igitur, ut adversarii, qui veros Episcopos, & Pastores non habent neque veram Ecclesiam habeant.

D Hoc argumento S. Hieronymus in Dialogo adversus Luciferianos. Hilarius quendam hæresiarcham apertissime confutavit: *Hilarius, inquit, cum Diacomus de Ecclesia recesserit, solusque, ut putat, turba sit mundi, neque Eucharistiam conspiceret potest, Episcopos & Presbyteros non habens, neque Baptisma sine Eucharistia tradere. Et cum jam homo mortuus sit, cum homine pariter interiit & secta, quia post se nullum Clericum Diacomus potuit ordinare: Ecclesia autem non est qua non habet Sacerdotes.*

E Unum duntaxat effugium invenit Calvinus; scribit enim lib. 4. Institut. cap. 3. §. 4. *Ecclesia constituta, nonnisi à Pastoribus Pastores ordinandos esse.* At cum Ecclesia vel primum constituitur, vel iterum renovatur, ac restituitur, solere Deum extraordinario modo excitare Apostolos & Evangelistas, in quorum numero se & Lutherum sine dubio vult haberi: *Quamquam, inquit, non nego, quæ Apostolos postea quoque, vel saltem eorum loco, Evangelistas interdum excitavit Deus, ut nostro tempore factum est; Talibus enim, qui Ecclesiam ab Antichristi defectione reducerent, opus fuit. Munus tamen ipsum nihilominus extraordinarium appello, qui in Ecclesiis rite constitutis locum non habet.* Sed hoc miserum est perfugium: Nam Ecclesia semel à Christo bene constituta non potest rueri, nec deficere ad Antichristum cum non sit fundata super arenam, sed supra firmam petram Matth. 16. Quocirca non eget novis Apostolis & architectis.

Deinde, si Lutherus & Calvinus novi Apostoli fuissent, venissent omninò cum signis, & miraculis Apostolorum, sic enim veri Christi Apostoli legationem suam probaverunt. Alioqui cur potius Lutherum recipimus, quàm Manichæum? Calvinum, quàm Arium? Eodem enim modo omnes venerunt. Adde, quod primi Apostoli omnes per impositionem manuum ordinati fuerunt, Petrus quidem à Christo,

sto, ceteri à Petro, ut Joannes de Turrecremata ostendit lib. 2. cap. 32. & nos in primo libro de Pontifice cap. 23. docuimus, dum sancti Petri prerogativas enumeraremus.

CAPUT IV.

*Non esse populi, sed Episcoporum,
vocare Ministros.*

Sequitur altera propositio. *Vocatio seu missio Ministrorum non ad populum pertinet, sed ad Episcopos, & potissimum ad summum Pontificem.* De hac propositione satis multa dicta sunt in libro de Pontifice, ubi demonstravimus Ecclesiasticam jurisdictionem non esse in ipso cœtu fidelium, sed in capite, idest, in summo Pontifice, & ab eo ad Episcopos ceteros derivari. Probatur igitur hæc propositio primum ex verbo Dei; legimus enim Petro collatam potestatem, Matth. 16. & Joan. 21. *Tibi dabo claves. Et: Pasce oves meas.* Et rursus Apostolis Joan. 20. *Ego mitto vos.* Et: *Quorum remiseritis peccata, remittuntur eis.* Multitudini autem fidelium Christus, auctor omnis Ecclesiasticæ jurisdictionis, nihil unquam tribuisse legitur.

Deinde idem hoc probatur ex Apostolica consuetudine. Nam Actor. 14. Paulus & Barnabas, Episcopi & Apostoli constituiebant per civitates Presbyteros, & ad Titum 1. *Hujus rei gratia, inquit, Apostolus, reliqui te Creta, ut constituas per civitates Presbyteros, sicut ego constitui tibi.* Et ipsi etiam Centuriatores Centuria 1. lib. 2. cap. 2. fatentur primos Episcopos post Apostolos ab Apostolis constitutos.

Denique idem colligitur ex sequentibus. Demonstraturi enim sumus paulò infra, electionem Ministrorum populo non convenire; ex quo certè sequitur majori ratione, vocationem eidem populo non convenire. Objectiones adversariorum omnes simul tum refellentur, cum de electione disputabitur.

CAPUT V.

Electionem Ministrorum non fieri à solo Deo.

His igitur de ordinatione, & vocatione præmissis, ad electionem, de qua præcipua quæstio est, veniamus: sitque hæc tertia propositio. *Electio Ministrorum Ecclesia non fit à solo Deo.* Hæc propositio asseritur adversus errores Joannis Wiclef. & Joannis Huls, qui damnati sunt in Concilio Constantiensi: nam Iess. 8. damnatur hic articulus Wiclef, qui est octavus: *Si Papa fit præsitus, & malus, non habet potestatem super fideles.* Et rursus iste, qui est art. 40. quique ex octavo deducitur: *Electio Papa à Cardinalibus, per Diabolum est introducta.* Sessione autem 15. damnantur hi articuli Joannis Huls. Articulus 23. *Papa vel prælatus malus, & præsitus, est equivocè Pastor.* Articulus 26. qui deducitur ex 23. *Non eo ipso quo electores, vel major pars eorum consenserit viva voce secundum ritum hominum in personam aliquam, eo ipso illa persona est legitimè electa: unde si electores bene, vel malè elegerint, operibus electi debemus credere.* Hæc ille.

Refellitur iste error, ac sententia nostra comprobatur. Primum exemplo ipsius Dei, qui non semper eligit prædestinatos ad gubernacula politica, vel Ecclesiastica. Nam 1. Reg. 10. Saulem Deus ele-

Agit, qui tamen postea reprobus fuit. Et Christus Joannis 6. Judam elegit, quem constat minime prædestinatum fuisse: *Nonne, inquit, ego vos duodecim elegi, & unus ex vobis Diabolus est.*

BSecundò exemplis Apostolorum, qui Act. 6. elegerunt Diaconos, & inter eos Nicolaum, qui postea fuit hæresiarcha. Ex quo apparet eos non laborasse in electione, essent ne prædestinati, an reprobi, quos eligebant, cum satis intelligerent id sciri non posse.

CTertiò ex Patribus. Origenes hom. 4. in lib. Judicum docet ac demonstrat, sepæ divinam providentiam ad punienda peccata populorum efficere, ut impii sedeant ad gubernacula tum Regnorum, tum etiam Ecclesiarum. Chrysostomus autem hom. postrema in epist. ad Hebr. August. lib. 2. cap. 4. contra epistolam Parmeniani: & Bernardus serm. 66. in Cantica, docent, homines malos veros Episcopos esse posse si legitimè eligantur, id quod etiam confirmat S. Bernardus ex testimonio illo Joan. 11. de Caipha: *Cum esset Pontifex anni illius prophetauit.* Fuit enim Caiphas, etsi iniquus & reprobus, tamen Pontifex, cum ejus dignitatis gratia Deus ei dederit, ut prophetaret.

DQuartò ratione. Si solus Deus eligeret Pastores Ecclesiæ, aut id faceret sola sua voluntate, sine ullo signo externo & visibili, aut certè visibili aliquo signo; si primum assereretur, quid nobis ejusmodi electio prodesset? Numquam enim sciremus quis Ecclesiæ esset Pastor; si secundum, aut signum illud esset prodigiosum, ac præter ordinem naturæ, ut columbæ descensus, aut cœlestis aliquis fulgor, aut certè loco signi accipiendæ essent sortes, quomodo Apostoli Actor. 1. cupientes S. Matthiam eligi à solo Deo, sortibus usi sunt. At prodigia illa columbæ, & luminis rarissima esse solent; certè hoc tempore minime ea videmus.

ESortibus autem uti, cum humano consilio res transigi potest, nullo modo licet. Nam aut sortes existimantur gubernari à casu, aut à cœlo, aut à Diabolo, aut à Deo. Si à casu, stultum est homines ratione præditos velle sortibus eligere Pastores suos, & committere fortunæ temeritati, quod poterant consilii maturitate definire, si à cœlo, superstitionis vitium est uti sortibus in ejusmodi electionibus. Neque enim cœlum vim habet moderandi liberas actiones, quales sunt jacere sortes, vel educere: si à Diabolo, impium, & sacrilegum est, rerum sacrarum auctorem Diabolum facere: si denique à Deo, peccatum est tentationis Dei, expetere, atque expectare à Deo, ut ipse sortes dirigat, quando neque ipse id se facturum promisit, neque deest humanum consilium. Quocirca Ecclesia rationem eligendi prælatos sortibus, meritò improbavit, capite Ecclesia, extra de Sortilegiis. Quam rationem reprehendunt etiam Hieronymus in caput 1. Jonæ, & Beda in cap. 1. Actor.

At, inquit, Salomon Proverb. 16. asserit sortes à Deo gubernari, cum ait: *Sortes mittuntur in finem, à Domino autem temperantur.* Respondeo, Salomonem dicere voluisse omnia gubernari à divina providentia, etiam si nobis planè casu quodam fieri videantur, ut id, quod sorte alicui contingit. Porro divina providentia in sortibus cernitur, non quòd semper qui sorte eligitur sit melior, sed quòd si melior, si peior sit, non sine Dei providentia eligatur; qualis providentia in omnibus aliis eventibus, quamvis maxime fortuitis, cernitur. Proinde non tollit ista communis providentia casum; neque facit ut melius sit sorte præpositos Ecclesiæ eligere, quàm suffragiis.

Neque his repugnat exemplum S. Matthiæ, qui sorte

forte electus fuit. Nam in primis non fuerunt fortasse illæ sortes propriè ductæ, sed cœlestis aliquod lumen super Matthiam à Deo effusum, ut indicare videtur Dionysius Areopagita de eccles. hierarch. cap. 5. par. 3. Aut certè sortes illæ veræ, ac propriæ fuerunt, sed privilegium, atque inspiratio Dei peculiaris causa fuit, cur iis Apostoli uterentur. Quia enim Apostoli cæteri à Christo electi fuerant, ne videretur S. Matthias cæteris inferior, voluit fortasse idem Christus per se illum eligere. Itaque inspiravit Apostolis, ut sorte uterentur. Sed privilegium, ut Hieronymus notavit in caput 1. Jonæ, non debet trahi in exemplum ordinariorum electionum. Aut postremò sine ullo privilegio fortibus Apostoli in ea electione uti voluerunt, quod Matthias & Barsabas adeo essent pares sanctitate, & doctrina, ut humano iudicio discerni non posset uter præponendus esset. In ejusmodi enim casibus licitus est sortium usus, tum quia non tentatur Deus, cum id ab eo exquiratur, quod humano iudicio declarari non potest, tum quia nullum est periculum, quicumque sorte exeat, etiamsi planè casu exiret, quando pares sunt, de quibus præficiendis agitur, & tollitur materia querimoniarum, nullique fit injuria.

Quapropter sortibus utendum esse in ejusmodi casibus, docet S. August. lib. 1. doctrinæ Christianæ, cap. 28. & in epist. 180. ad Honoratum. Quomodo apud Judæos ex multis sacerdotibus sorte eligebatur unus, qui certo tempore thus Domino adoleret, unde est illud Luc. 1. Sorte exiit, ut Zacharias incensum poneret &c. Atque ad hunc ritum respexisse Apostolos in electione S. Matthiæ testantur Ambrosius in cap. 1. Lucæ, & Beda in cap. 1. Actor.

C A P U T VI

Quarta Propositio.

Non decuisse Christianos Sacerdotes carnali successione propagari. Confirmatur hæc sententia Primum ex figura, quæ in lege naturæ præcessit. Nam Melchisedech, secundum cujus ordinem Christus & Christiani sacerdotes esse dicuntur, idcirco sine patre, sine matre, sine genealogia fuisse describitur ad Heb. 7. ut intelligeremus sacerdotes Christianos non debere nasci, sed fieri.

Secundò idem probatur ex prophetia Isaïæ 66. Assumam, inquit Dominus, ex eis Sacerdotes, & Levitas. In quem locum observat S. Hieronymus, ideo dixisse Prophetam: assumam ex eis, quia in Testamento novo, de quo apertissimè eo loco loquitur Isaïas, non erant Sacerdotes nascituri ex una aliqua familia, sed assumendi ex omnibus Gentibus.

Tertiò, idem probatur ex differentia Testamenti novi, ac veteris, ut enim in testamento veteri populus Dei propagabatur per carnalem generationem ex Jacob, in novo autem propagatur per spiritualem regenerationem ex Christo: ita quoque par erat ut in Testamento veteri Sacerdotes carnali successione propagarentur, in novo autem spirituali electione assumerentur. Item quemadmodum sacerdotum Aaronicum carnale fuit, quippe quod totum in bobus, & ovibus mactandis occupabatur, Christianum autem sacerdotium spirituale est, cum in hostia spirituali, ac divina sacrificanda occupetur, sic etiam æquum erat, ut sacerdotum propagatio in Testamento veteri carnalis, in novo, spiritualis esset. Adde, quòd illi uxores, & liberos habebant, proinde facilè potuit illa ratio institui, ut parentibus filii succederent, nostri autem cœlibes esse debent, præsertim secundum ritum Ecclesiæ purioris. Quare

A non potest ullo pacto fieri, ut sacerdotium Christianum successionem carnalis generationis consequatur.

Quartò idem probatur naturali ratione. Christianæ enim Reipub. (quæ sanè perfectissima est) perfectissima ratio convenit instituendi Ministros: At longè melior est ratio per electionem, quàm per generationem; nam si electio valeat, semper optimi, & doctissimi Pastores præfici possunt Ecclesiis; si autem generatio locum habeat, cogemur non raro pueros habere Episcopos, aut viros improbos, & imperitos.

B Neque verò rectè obijci potest, etiam nunc eligi sæpe improbos, & imperitos, aut adolescentulos, ac penè pueros, id enim non accidit ex natura rei, sed vitio eligentium, quod facilè emendari potest. At generatio naturaliter affert secum ejusmodi incommoda, quæ nullum omnino remedium admittunt. Maneat igitur, melius esse Pastores Ecclesiæ eligi, quàm nasci.

C A P U T VII

Quinta Propositio.

Jus eligendi summum Pontificem, ceterosque Ecclesiæ Pastores, & Ministros, non convenit populo jure divino. Sed si quid aliquando in hac re populus potuit, id totum habuit ex conventia, vel concessione Pontificum. Hæc Propositio propriè statuitur adversus Lutheranos & Calvinistas. Et probatur Primo exemplo Aaronis, & testimonio B. Pauli; scribit enim Apostolus ad Hebr. 5. Neminem assumere sibi debere honorem, nisi vocetur à Deo, tamquam Aaron; atqui Aaron à solo Mose fuit electus in Pontificem; sine ullo vel consensu, vel consilio multitudinis.

C Secundò idem probatur exemplo, & verbo Christi; Christus enim Joan. 20. Apostolis ait: Sicut misit me Pater, & ego mitto vos. Quocirca voluit, ut ea potestate, eaque ratione Apostoli gubernarent Ecclesiam, quæ ipse eam gubernaverat eo tempore, quo præsentiam suam mundo exhibuerat. At ipse Apostolos primùm duodecim, ac deinde discipulos septuaginta duos elegit, sine consilio, aut suffragio ullo multitudinis.

D Tertiò ex jure divino tum naturali, tum etiam scripto; nam jure divino scripto Episcopi sunt Pastores populi, populi sunt oves, Joan. ult. Act. 20. 1. Petr. 5. Ratio autem naturalis apertissimè docet, ovibus non convenire, ut pascant, ac regant, sed regantur, atque pascantur. At eligere Pastores, ad gubernationem & regimen pertinere certissimum est; non igitur populo convenit Pastores eligere.

E Obijcies fortasse, quòd in terrena Republica populi dicantur oves, reges pastores, & tamen regis electio ad populum spectet. Respondeo, aliam esse rationem terrenæ, aliam cœlestis, idest, Christianæ Reipublicæ. Nam in terrena Repub. nascuntur omnes homines naturaliter liberi, & proinde potestatem politicam immediatè ipse populus habet, donec eam in regem aliquem non transfulerit. At Christiana Respublica numquam habuit ejusmodi libertatem, siquidem cum ipsa natus est Rex & Pastor ipse, Christus enim simul Ecclesiam instituit, & Petrum ei præfecit. Deinde populus in terrena Republica tunc solum potest regem eligere, cum rege caret: at Ecclesia numquam rege caret, semper enim Christus vivit, semper etiam sunt in Ecclesia Episcopi aliqui, qui Pastores novos eligere & creare possunt.

Quarto idem probatur exemplo Apostolorum, qui Episco-

Episcopos passim eligeant sine ullo suffragio multitudinis, ut vel ex eo constet, quod Episcopos à se creatos mittebant ad populos absentes, & infideles. Neque valet quidquam responso Kemnitii, qui in Examine Tridentini Concilii in disputatione de Sacramento ordinis scribit, Episcopos, quos Apostoli mittebant ad infideles, eligi solitos à plebe illius Ecclesie, ubi ordinabantur. Nam qui dicant jure divino pertinere electiones ad populum, eam rationem reddunt, ne populus accipiat Pastorem, quem neque novit, neque cupit. Proinde volunt jure divino pertinere ad populum Episcopi proprii, non alieni electionem. Deinde quo jure unus populus Episcopum alterius populi eligere potest? Denique unde probat Kemnitius, Episcopos, quos Apostoli mittebant, à populo ejus Ecclesie electos fuisse, ubi ordinabantur.

Quinto probatur eadem nostra conclusio ex Conciliorum veterum decretis, ac I. Laodicenum Concilium can. 13. sic habet: *Non est permittendum turbis electionem eorum facere, qui sunt ad sacerdotium promovendi.* Nec valet Calvinii responsio, qui canonem istum ita interpretatur, ut velit non excludi eo canone turbas ab electione, sed solum constitui, ut non solæ turbæ eligant, sed intersint etiam seniores. Cum enim semper interfuerint seniores, nihil omnino Concilium statuisset, si vera esset Calvinii interpretatio.

Ad hæc in Concilio Martini Papæ apud Martinum Bracarensem, cap. 1. decretorum ita legimus: *Denique Non licet populo electionem facere eorum, qui ad sacerdotium promoventur, sed in judicio Episcoporum fit.* Item Concilium Nicænum II. can. 3. sic habet: *Omni electionem, quæ fit à magistratibus, Episcopis, vel Presbyteris, vel Diaconis, irritam manere. Oportet enim eum, qui est promovendus ad Episcopatum, ab Episcopis eligi.*

Denique Concilium IV. Constantinopolitanum quod est octavum generale, can. 28. *Sancta, inquit, & universalis Synodus definit, neminem laicorum Principum, vel potentum sinit inferre electioni, vel promotioni Patriarchæ, vel Metropolitanis, aut cujuslibet Episcopi, præsertim cum nullus in talibus potestatem, quælibet potentum, vel ceterorum laicorum habere conveniat, sed potius silere, ac attendere sibi, usque quò regulariter à collegio Ecclesie suscipiat finem electionis futuri Pontificis.*

Sexto idem probatur exemplis, seu testimoniis veterum, qui post Apostolos floruerunt. S. Hieronymus in epist. 85. ad Evagrium: *Alexandria, inquit, à Marco Evangelista usque ad Heraclum, & Dionysium Episcopos, Presbyteri semper unum ex se electum, in excellentiori gradu collocatum, Episcopum nominabant.* Hæc ille. Quo satis aperte docet Alexandria antiquissimis temporibus Episcopos non à populo, sed à Presbyteris eligi solitos. Rufinus lib. 10. hist. cap. 9. scribit, Frumentium à S. Athanasio creatum Episcopum: à Indorum, Indis ipsis ea de re nihil neque scientibus, neque cogitantibus. Epiptianus in epistola ad Joannem Episcopum Hierosolymæ scribit à se Paulinianum, S. Hieronymi fratrem, Presbyterum ordinatum, & directum ad monasterium, ut in eo fungeretur munere sacerdotali, cum tamen de ea re nihil ad se ejusdem monasterii fratres scripissent. S. Augustinus Anglorum Apostolum B. Gregorius Episcopum designavit, atque ab Arelateni Episcopo ordinari iussit, si Angli fidem reciperent, neque electionem, aut postulationem ullam Anglorum expectavit. Vide Bedam li. 1. historie gentis suæ. Beatus quoque Gregorius II. S. Bonifacium Germanis Episcopum ordinavit nihil ea de re scientibus, cogitantibusve Germanis.

A Vide ipsius vitam nuper editam, atque ejusmodi exempla plurima possent afferri.

Septimo idem probatur ex incommodis, quæ popularem electionem consequuntur, Primum, populares imperiti sunt, nec possunt etiam si maxime velint, judicare an aliquis sit idoneus sacerdotio nec ne. Valentinianus Augustus, ut refert Theodoretus lib. 4. hist. cap. 6. cum ad eum deferretur ab Episcopis electio Episcopi Mediolanensis, respondit: *Major res est, quam ut nobis conveniat, vos autem gratia divina præditi, & illius splendore fulgentes melius eligitis.* Hæc ille. At quantum magis id posset, ac deberet dicere imperita multitudo, si sciret? Quo pacto enim, quæso, judicabunt mercatores, agricolæ, cæmentarii, ceterique opifices, num quis habeat eruditionem, & prudentiam Episcopo necessariam?

Deinde, si populus jus habeat eligendi, necesse erit, ut semper ii præficiantur quos præfici cupient peiores, & stultiores; nam major pars vincet, plures autem sunt in qualibet civitate mali, quam boni, plures stulti, quam sapientes. Quare S. Chrysostomus lib. 3. de sacerdotio graviter queritur, quod suo tempore Episcoporum electiones in manu populi essent, ac dicit non esse mirandum, si pessimi quique præficiantur & optimi viri interim negligantur, cum eorum sit eligere, qui nihil norunt nisi de rebus temporalibus judicare.

C Denique, electio popularis obnoxia est tumultibus, ac seditionibus, ut S. Augustinus dicit in epist. 110. & 225. ubi refert historiam turbulentissimæ commotionis popularis in electione Piniani. Rufinus quoque lib. 11. hist. cap. 11. narrans dissensionem populi Mediolanensis in Episcopo designando. *Dissentio, inquit, gravis & periculosa urbi propria maturum parabat exitum.* Sed insignis contentio præter ceteras fuit in electione S. Damasi, tanto enim ardore animi partes concurrerunt, ut in quodam templo 137. homines necarent, ut scribunt Ammianus Marcellinus lib. 27. Hieronymus in Chronico, & Rufinus lib. 11. hist. cap. 10.

D At, inquit Calvinus, si tam est incommoda hæc ratio eligendi, cur eam veteres patiebantur? Quod ergo eam non tollerent è medio, argumento est non potuisse tolli, propterea, quod esset jure divino constituta.

Respondeo, eam rationem eligendi ad suffragia populi, paulatim in Ecclesiam irrepsisse, proinde debuisse etiam paulatim suaviterque de medio tolli; initio enim, hoc est, Apostolicis temporibus, inscienti populo, Pastores eligeantur. Deinde coepit populus adhiberi ad testimonium dandum de vita, & moribus eligendi. Unde est illud Tertulliani in Apolog. cap. 39. *Præsent probati quique seniores, honorem istum non pretio sed testimonio adepti.* Tum ut populi magis diligerent suos Episcopos, coepi sunt ii tantum ordinari, quos populus postulasset. Unde est illud S. Leonis in epist. 87. vel 89. *Expectarentur vota civium, testimonia populorum, honoratorum arbitrium, electio Clericorum, quæ in sacerdotium solent ordinationibus ab his, qui norunt Patrum regulas, custodiri.* Ubi S. Leo populis tribuit vota, id est, desideria, & testimonia, Clericis autem electionem.

E Tandem obtinuit in quibusdam locis consuetudo, ut etiam jus suffragii sibi populus usurparet, ut intelligi potest ex lib. 3. Chrysostomi de sacerdotio. Sed posteaquam hoc aliquandiu toleratum est, & apparuit ejus rei confusio, & indignitas, tum etiam paulatim sublata est populo electio & postulatio, solumque relictum est testimonium vitæ & morum. Nam etiam nunc ordinantur Episcopi & Presbyteri coram populo, & Episcopus, qui ordines collaturus

rus est, per Diaconum populum alloquitur, ac petit, ut si quis est, qui aliquid habeat adversus ordinandos, accedat, & dicat. Superest argumenta solvere.

Matthias Illyricus in lib. de electione Episcoporum collegit omnia ferme argumenta, quæ à Luthero, Brentio, Calvino, & aliis excogitata fuerant. Sex autem primo loco ex verbo Dei argumenta depromit. Primum ejusmodi est: Claves regni cælorum non soli Papæ aut Episcopis, sed toti Ecclesiæ datæ sunt. Nam quod dicitur, Matth. 16. *Tibi dabo claves &c.* S. Augustinus tract. 124. in Joan. interpretatur dictum esse Petro, ut is personam gerebat Ecclesiæ. Præterea Matth. 18. toti multitudini dicitur: *Quicumque alligaveritis super terram &c.* Illis enim hoc dicitur, quibus dicitur paulò ante: *Si peccaverit in te frater tuus, vade corripe eum &c.* At nomine clavium significatur omnis potestas Ecclesiastica, igitur tota multitudo fidelium potestatem habet à Christo eligendi & vocandi, atque etiam ordinandi Ministros.

Respondeo, de hoc argumento multa diximus in 1. lib. de Pontifice, idcirco paucis hoc loco rem totam expediemus. Igitur verba illa Matth. 16. *Tibi dabo claves*, sententiæ nostræ manifestè favent, neque illi repugnat S. Augustini interpretatio. Nam propterea S. Augustinus dicit, Apostolum Petrum in persona totius Ecclesiæ accepisse claves, quia in totius Ecclesiæ commodum & utilitatem eas accepit, & etiam quia non ipse solus illis usus erat, sed transmissurus ad successores, & communicaturus cum aliis omnibus Episcopis & Presbyteris.

In altero autem loco: *Quicumque alligaveritis &c.* promittitur Ecclesiæ potestas ligandi & solvendi, sed quæ in Prælati sit, non in reliqua multitudine. Verè enim dicitur Ecclesiæ solvere & ligare, quia Prælati ejus solvunt & ligant, quemadmodum dicitur homo loqui & videre, licet non nisi lingua loquatur, & oculis videat. Id autem ita esse, ex ipso illo loco deducitur; nam posteaquam jussit, ut qui correptione fraterna, adhibitis etiam duobus aut tribus testibus, non moveretur, deferretur ad Ecclesiam, & ne quis Ecclesiæ tribunal contemnendum putaret, adjecit eam promissionem: *Quicumque alligaveritis &c.* quare illi Ecclesiæ dicitur: *Quicumque alligaveritis*, de qua dictum est: *Dic Ecclesiæ.*

Illud autem: *Dic Ecclesiæ*, exponitur à Chrysostomo in commentario ejus loci, ac si dictum esset: *Dic Prælati Ecclesiæ*, ceteri quoque Doctores per Ecclesiam eo loco positam intelligunt Prælatum, aut Concilium Prælatorum: & usus Ecclesiæ idem confirmat. Semper enim qui ad Ecclesiam deferuntur, ad Episcopum aut Concilium deferuntur. Secundum argumentum tale est: Imperat Dominus, Joan. 10. ut non audiamus vocem alienorum. Et rursus Matt. 7. ut fugiamus falsos Prophetas, & Apostolus ad Galat. 1. jubet anathematizari eos, qui docent aliquid præter Evangelium: Igitur populus Christianus divinum habet mandatum, quo tenetur bonos Pastores querere & vocare, & perniciosos rejicere.

Respondeo, populum debere quidem discernere verum à falso Propheta, sed non alia regula, quàm diligenter attendendo, an is, qui prædicat, dicat contraria iis, quæ dicebantur à prædecessoribus, vel iis, quæ dicuntur ab aliis ordinariis Pastoribus, & præsertim ab Apostolica sede, & Ecclesiæ principali; nam imperatum est populo, ut audiat Pastores suos. Lucæ 10. *Qui vos audit, me audit.* Et Matt. 23. *Quo dicunt facite.* Non igitur debet populus judicare suum Pastorem nisi nova audiat, & à doctrina aliorum Pastorum aliena.

Præterea, hoc est quod Paulus monet ad Gal. 1.

A ut anathematizemus, qui docent nova, & contraria iis, quæ antea evangelizata sunt. Adde, quod populus cum sit rudis, non potest aliter judicare de doctrina Pastoris. Si enim per se posset judicare, non egeret prædicatoribus: ex quo deducitur, debuisse hominibus hujus temporis suspectam esse doctrinam Lutheri, Calvini, & simulum, qui per se veniebant, & prædicabant nova & pugnancia cum doctrina omnium Pastorum Ecclesiæ. Nam cum Pastor ordinarius & aliquis alius qui prædicat non vocatus, contraria docent, debet omnino populus Pastorem suum potius sequi, quàm illum alterum, qui non est Pastor, etiam si fortè contingeret, ut Pastor erraret. Nam cum ipse populus non possit de ea re judicare, cur non potius credet illi, cui jussus est obedire? Quanquam non est credibile, Deum permissurum, ut ordinarius Pastor ita erret, ut decipiat simplicem populum; facile enim apparet, an doceat contraria cæteris Pastoribus.

B Observandum est præterea, populum posse quidem ea regula, quam posuimus, internoscere verum Prophetam à falso, sed non propterea posse falsum Pastorem, si sit Episcopus, deponere, & alium ejus loco substituere. Nam Dominus & Apostolus tantum jubent, ut falsi Prophetæ non audiantur à populo: non autem ut populus eos deponat. Et certè usus Ecclesiæ semper hoc habuit, ut hæretici Episcopi à Conciliis Episcoporum, vel à summis Pontificibus deponerentur. Ex his secundum argumentum manet solutum.

C Tertium argumentum est hoc: Episcopi non sunt Domini, sed ministri Ecclesiæ, 1. Cor. 3. & 1. Pet. 5. Et præterea Ecclesia est columna & firmamentum veritatis, 1. Tim. 3. Igitur summum tribunal est penes Ecclesiam, non penes Episcopos, proinde ipse potest eligere & vocare Ministros.

D Respondeo, Episcopos esse Ministros Ecclesiæ, quia pro ea laborant, non illi obediendo, sed eam regendo, eique præsidendo, ut aliàs diximus. Duplex enim est genus Ministrorum, cum alii serviant obediendo, ut mancipia; alii imperando, ut pedagogi, & omnis magistratus; porro Episcopos servire populis regendo & imperando, patet Actor. 20. & ad Hebr. 13. Est autem Ecclesia columna veritatis, quia semper audit Petrum, pro quo Dominus oravit, ne deficeret fides ejus.

E Argumentum Quartum sumunt ex Actor. 1. ubi non soli Apostoli, sed tota Ecclesia elegit Matthiam & Barsabam, ut ex eis Deus unum assumeret.

Respondeo cum Chrysostomo in hunc locum, id factum esse ex concessione Petri, non ex necessitate: *Quid*, inquit Chrysostomus, *an non licebat ipsi Petro eligere? licebat, & quidem maxime. Verum id non fecit, ne cui videretur gratificari.* Præterea illa non tam electio fuit, quàm postulatio quædam, qua cupiverunt à Deo aliquem eligi in locum Judæ. Denique ab exemplo uno non deducitur aliquid esse de jure divino. Nos quidem efficaciter probamus, non esse de jure divino, ut populus eligat, quando exemplis ostendimus, aliquando, sine populi suffragio Episcopos fuisse electos, quia non potest rectè fieri contra jus divinum. At non efficaciter probamus esse de jure divino id omne, quod aliquando factum legimus.

Quintum argumentum ex Actor. 6. ubi de multitudine credentium dicitur: *Et elegerunt Stephanum &c.*

Respondeo Primò, ab hoc exemplo non probari, id esse de jure divino. Secundò dico, id etiam esse tributum populo ex concessione Apostolorum, ut Lucas ipse apertè testatur. Tertiò dico, locum hunc non esse ad propositum: Nos enim agimus de electione Pastorum, qui præficiuntur Ecclesiæ regen-

regendæ; isti autem Diaconi erant præficiendi mens.

Argumentum Sextum actor. 14. Et cum constituis-
sent illis per singulas civitates Presbyteros, verbum
Græcum χειροτονίας, significat, cum elegerint
per suffragia. Nam χειροτονία est quasi χεῖρας τινος,
idest, manus tendo, seu attollo in signum suffragii;
ut enim constat ex M. T. in oratione pro Flacco,
signum suffragii apud Græcos erat, attollere manus.
Cum ergo Paulus & Barnabas elegerint Episcopos
ad suffragia populi, manifestum est, eos præfuisse
quidem electioni, sed non solos elegerint.

Respondeo ad hoc argumentum, quod est præci-
puum fundamentum Illyrici, Calvini, Kemniti,
& aliorum, verbum χειροτονία tria significare pos-
se. Primò, eligere per suffragia, ut ratio ipsa ety-
mologia docet, & usus etiam profanorum aucto-
rum.

Secundò, eligere ac decernere quocumque id fiat
modo: Nam etiam si etymologia ab extensione ma-
nuum sumpta sit, tamen derivatur postea verbum
ad omnem electionem & sanctionem, ut multis a-
liis verbis accidit. Nam Actor. 1. Lucas dicit. Ceci-
dit fors super Matthiam, & annumeratus est cum unde-
cim Apostolis. Græcè καὶ σύγκριτε ψήφισθαι, idest, suf-
fragiis additus est. Nam ψήφισθαι est dare suffra-
gium, & ψήφισμα est ipsum suffragium, & tamen B.
Matthias non suffragiis, sed sorte electus est. Itaque
ψήφισθαι eo loco accipitur pro cooptare, quocum-
que modo id fiat, & Act. 10. Dedit enim manifestum
fieri non omni populo, sed testibus præordinatis à Deo.
Græcè, ἀλλὰ μαρτυροῖσι τοῖς πρὸς χειροτονιῶν ἀπὸ
τοῦ Θεοῦ. Nec tamen Deus suffragiis elegit, quibus
ostenderet Christum redivivum.

Tertiò, significat apud Ecclesiasticos, ordinare
per manuum impositionem. Nam Chrysostomus
hom. 14. in Acta, exponens illud: Et cum orassent,
imposuerunt illis manus. Sic ait: τοῦτο γὰρ ἐστὶ χειροτονία.
Et hom. 10. in 1. Tim. quærit, cur Apostolus, cum
præcepit de Episcopis, transit ad Diaconos, omissis
Presbyteris: & respondet, quia Episcopi & Presby-
teri sunt iidem, nisi quòd Episcopi ordinant, Pres-
byteri non ordinant. τὴν γὰρ χειροτονίαν μὴ ἀναβιβάζου-
σι. Eodem modo Concilium Nicænum in epist. ad
Alexandrinus apud Theodoretum lib. 1. hist. cap. 9.
utitur voce χειροτονία, pro ordinatione: si igitur ac-
cipiamus illud Actor. 14. χειροτονίας, secundo
modo, vel tertio, argumentum solutum est; si au-
tem accipiamus primo modo, tunc notandum est,
χειροτονίαν, non significare eligere per suffragia ab aliis
data, sed eligere proprio suffragio, ut patet ex ety-
mologia, & ex usu auctorum. Nam Demosthenes in
oratione contra Timocratem, tribuit populo χειρο-
τονίαν. Sic enim ait: ὁ δῆμος τὰς ἑμὰς γυνῆας περὶ ἰσω-
τηρίας τῆς πόλεως ἐχειροτονῶν. Similiter Cicero in ora-
tione pro Flacco, de populo dicit, Porrexerunt ma-
nus, psephisma natum est. Cum ergo Lucas dicit
de Paulo & Barnaba χειροτονίας δὲ αὐτοῖς πρεσβυτέ-
ρους κατὰ ἐκκλησίαν, non vult dicere, Paulum, & Bar-
nabam ad suffragia populi creasse Episcopos, sed ad
suffragia propria tantum, nisi velint adversarii illud,
χειροτονίας referri ad populum, repugnante tota
sententia Scripturæ. Nam de quibus dicitur: cum
constituisent Presbyteros, de iisdem dicitur: Com-
mendaverunt illos Deo, in quem crediderant, quæ sine
controversia ad Apostolos tantum referuntur.

Argumentum Septimum sumunt Lutherus, Cal-
vinus, Kemniti, & Illyricus ex Cypriano, qui
lib. 1. epist. 4. sic ait, Propter quod plebs obsequens præ-
ceptis Dominicis, & Deum metuens, à peccatore propo-
sito separare se debet, nec ad sacrilegi Sacerdotis sacrifi-
cia miscere, quando ipsa maxime habeat potestatem, vel

A eligendi dignos Sacerdotes, vel indignos recusandi, quod
& ipsum videmus de divina auctoritate descendere, ut
Sacerdos plebe presente, sub omnium oculis deligatur, &
dignus atque idoneus publico iudicio ac testimonio impro-
betur &c.

B Respondeo dupliciter. Primò, Cyprianum non
velle dicere, descendere ex iure divino, ut Episco-
pus à populo eligatur, sed ab exemplis divinis, ut
patet ex sequentibus. Nam probare volens, hoc
descendere de divina auctoritate, probat solum tri-
bus exemplis Scripturarum; quia nimirum Eleaza-
rus, Numer. 20. coram populo ordinatus est, & si-
militer Matthias, Act. 1. & septem Diaconi, A-
ctor. 6. At exempla scripturarum non faciunt rem ef-
se de iure divino, sed præcepta Dei sunt, quæ hoc
faciunt.

C Secundò dico, Cyprianum hoc loco nihil tribuere
populo circa electiones Sacerdotum, nisi ut ferant
testimonium de vita & moribus ordinandorum, quod
etiam nunc servatur in Ecclesia Catholica. Dicit
autem Cyprianus, populum habere potestatem eli-
gendi, & suffragium ferendi, quia potest dicere, si
quid noverit boni vel mali de ordinando, & sic te-
stimonio suo efficere, ut eligatur, vel non eligatur.
Itaque habet populus, secundum Cypriani senten-
tiam, potestatem eligendi & suffragandi per testimo-
nium, non per calculum, more testis, non iudicis.
Id quod ex eodem loco perspicuum fieri potest, dicit
enim debere in Ecclesia eligi Episcopum, quomodo
Scriptura docet fuisse electum Eleazarum. At scri-
ptura Num. 20. dicit, Eleazarum electum à Mose,
& nihil tribuit populo, nisi coram eo fuisse Eleaza-
rum electum; Et Cyprianus explicans hoc, ait: Co-
ram omni Synagoga iubet Deus constitui Sacerdotem, id-
est, instruit, & ostendit ordinationes sacerdotales, non
nisi sub populi assistentis conscientia fieri oportere, ut ple-
be presente, vel detogantur malorum crimina, vel bono-
rum merita predicentur. Et infra: Propter quod diligen-
ter de traditione divina & Apostolica observatione ser-
vandam est, & tenendum, quod apud nos quoque, & fe-
rè per provincias universas tenetur, ut ad ordinationes
rite celebrandas ad eam plebem, cui Propositus ordina-
tur, Episcopi ejusdem provincia proximique conven-
iant, & Episcopus deligatur, plebe presente, quæ sin-
gularum vitam plenissime novit, & uniuscuiusque actum de
ejus conversatione perspexit.

D Argumentum Octavum sumit Illyricus ex Nicæno
Concilio. Nam in epist. eiusdem Concilii ad Ale-
xandrinus, apud Theodoretum lib. 1. cap. 9. hist. ha-
bentur hæc verba: Dignum est, vos potestatem habe-
re, & eligendi quemlibet, & nomina eorum dandi, qui
Clero sunt digni, & absolute facere omnia secundum le-
ges & sanctiones Ecclesie. Si quem verò contigerit re-
quiescere in Ecclesia, tunc provehi in honorem defun-
cti eos, qui nuper assumpti sunt, solummodo si videan-
tur digni, & populus eos elegerit, condecernente simul
& designante maxime Alexandrina civitatis Episcopo.

E Respondeo, ex hoc testimonio nihil aliud colligi
posse, nisi jam tum coepisse consuetudinem, ut
populus electioni admisceretur, quod nos minime
negamus. Non autem inde colligitur, id esse de
iure divino, quod adversariis erat probandum. Sed
notanda est hoc loco duplex fraus Illyrici. Nam
Concilium Nicænum initio hujus testimonii ab Il-
lyrico citati, non loquitur de plebe, sed de Epif-
copis, atque illos dicit habere debere potestatem
eligendi, & omnia faciendi secundum Ecclesie san-
ctiones: Illyricus autem sic pervertit, & immura-
vit verba, ut videatur Concilium tribuere plebi
omnem potestatem gubernandi Ecclesiam. Deinde
ad finem ejus testimonii Concilium dicit debere eli-
gi Episcopum à populo, sed confirmari electionem
ab Epif-

ab Episcopo Alexandrino (nam de Episcopis Ægypti agitur) & proinde tribuit Concilium præcipuam auctoritatem Episcopo in electionibus. Illyricus autem immutavit verba, ut videretur, Episcopus nihil amplius posse, quam populus. Vide totum locum.

Argumentum Nonum Illyrici, Calvini & Kemnitii, sumitur ex epistola Concilii II. generalis ad Damasum, quam refert Theodoretus lib. 5. hist. cap. 9. ubi sic legimus, *Reverendissimum & Deo amabilem Nostrium Episcopum ordinavimus coram universali Concilio cum omni concordia, sub aspectu etiam Deo amabilis Imperatoris Theodosii, universique Cleri, cuncta decernente pariter civitate.* Similia profert Calvinus ex Leone epist. 89. & Gregorio lib. 2. epist. cap. 69. Addit Kemnitius unum testimonium ex Ambrosio lib. 10. epist. 82. & alia, quæ non ex fontibus citat, sed ex decreto Gratiani, dist. 23. 24. 62. 63. 65. 67. & 8. quæst. 1. can. Licet. multa etiam ejusdem generis citat Illyricus in suo libro de electione Episcoporum.

Respondeo Primò, ex nullo horum testimoniorum colligi, esse de jure divino, ut populus eligat. Secundò, in his omnibus, uno vel altero exceptis, nullam fieri mentionem electionis, sed solum postulationis vel testimonii, Tertio, nos non negare, quin aliquando populus elegerit, sicut etiam nunc in quibusdam locis eligunt Reges, sed id juris habere eos, vel habuisse ex concessione Pontificum, non ex jure divino. Ex quibus apparet, quàm splendidè mentiatur Calvinus lib. 4. Instit. cap. 5. §. 2. cum dicit ritum eligendi Episcopos sine suffragio populi, pugnare cum verbo Dei, & cum multis Conciliorum decretis, quæ statuerunt, irritam esse electionem si aliter fiat. Nam nec ullum verbum Dei attulit, nec ullum Concilii decretum, nec ullum asserri potest, in quo habeatur quod ipse dicit.

Argumentum Decimum Illyrici, sumitur à consuetudine Ecclesiæ. Dicit enim, fuisse usum istum in Ecclesia per annos ferè 1300. & solum à tempore Friderici II. qui obiit anno 1250. introductum, ut Laici excluderentur ab electione. Probat autem, quòd tamdiu duraverit consuetudo eligendi ad suffragia populi, ex Gregorio IX: qui sedit tempore Friderici. Exstat enim in decretalibus epistolis à Gregorio IX. editis, tit. de electione, cap. Messana, mentio hujus rei, necnon in epistola ejusdem Gregorii ad Episcopum Bremensem, apud Krantium lib. 8. Metropolis, cap. 3. Denique ita concludit Illyricus hoc argumentum. Quare nullum prorsus est dubium, quin electio ante annos 300. & deinceps quoque aliquandiu à Laicis citra omnem controversiam sit factitata.

Respondeo, Illyricum egregiè mentiri. Nam in primis, Apostolorum tempore, & deinceps multis annis nihil potuit in electionibus populus, nisi testimonium vitæ dare, ut ex suprà dictis patet. Deinde consequentibus sæculis irrepsit plebs ad suffragia, sed nec tam longo tempore, nec citra controversiam, ut Illyricus dicit. Nam Gregorius IX. in epist. citata ad Bremensem Episcopum clarissimè dicit, Canonico- rum fuisse electionem, licet accesserint etiam vota, idest, desideria & postulationes populi.

Porro caput Messana, est contra ipsum Illyricum, nam in eo capite prohibetur severissimè, ne Laici eligant. *Edicto, inquit Honorius, perpetuo prohibemus, ne per Laicos cum Canonicis Pontificis electio presumatur. Quod si forte presumpta fuerit, nullam obtineat firmitatem, non obstante contraria consuetudine, qua dici debet potius corruptela.* Hæc ille. Non igitur citra controversiam Laici ante annos trecentos eligebant. Præterea, electio Alexandri III. ante annos 150. per solos Cardinales facta est, ut cognosci

A potest ex Radevico lib. 2. de rebus gestis Friderici I. cap. 50. & sequentibus. Item electio Gregorii VII. ante annos quingentos, per solos Cardinales facta est, ut patet ex decreto electionis illius apud Platynam. Denique, quomodo citra controversiam usque ad annum 1200. Laici elegerunt? cum, ut suprà citavimus, Concilium octavum ante annos 700. & Concilium septimum ante annos 800. & Concilium Martini Papæ ante annos 900. & Concilium Laodicenum ante annos 1200. interdixerint, ne Laici eligant.

B Argumentum Undecimum est ejusdem Illyrici, qui politicas rationes quasdam profert, sed ineptissimas, qualis illa est, quòd Canonici & Monachi ferè semper eligant Episcopos, aut Abbates Papistas, raro aut numquam Lutheranos. Scilicet, valde expediret Ecclesiis & Monasteriis, ut ab iis gubernarentur, qui nihil oderunt magis, quàm Clericos & Monachos. Addit etiam, valde esse incommodum, quòd cum Episcopi & Abbates Germaniæ sint etiam Principes temporales, à sex tantum aut octo interdum hominibus eligantur, quasi Imperator non sit Princeps longè major, qui tamen à sex tantum aut septem Electoribus creatur.

C A P U T VIII.

Sexta Propositio.

C **E**lectio Episcoporum non pertinet jure divino ad Clerum, sed ad summum Pontificem, ut vel ipse eligat, vel præscribat eligendi modum.

Probatur Primò, quoniam ex Evangelio nihil aliud habemus, nisi Ecclesiam universam sancto Petro esse commissam, Joan. ult. Itaque ad illum pertinet, providere Christianis de iis, qui curam eorum gerant. Deinde, si ad Clerum pertineret electio jure divino, ad totum Clerum pertineret. Non enim jus divinum definivit, ut hi potius, quàm illi ex Clericis eligant, at non omnibus Clericis convenire electionem, satis probatur ex eo, quòd eadem ferè incommoda acciderent ob multitudinem Clericorum, quæ accidebant in electione populari. Quocirca multis jam sæculis soli Clerici primarii eligunt, quòd tamen fieri non potuisset, si jure divino omnes Clerici electores fuissent. Denique, S. Petrus, qui jus divinum certè non ignorabat, non solum in Ecclesia Romana successorem sibi delegit Clementem, neque exspectavit, ut is à Clericis eligeretur, sed etiam ad plurimas provincias Episcopos misit. Vide Damasum in Pontificali, Innocentium I. in epist. ad Decentium, & Joannem III. in epistola ad Germanos. Vide etiam de tota re Cajetanum de potestate Papæ & Concilii, cap. 13.

C A P U T IX.

Septima Propositio.

E **R**atio eligendi summum Pontificem per solos Cardinales, est omnium optima, & merito conservanda, etsi absolutè posset Pontifex eam mutare, si vellet.

Secunda pars est evidens, quia de jure positivo est, ut Cardinales eligant. Probatur prima pars hujus conclusionis, Primò, inductione. Non debet Pontifex creari per sortes, nec per carnalem successionem, nec per solius prædecessoris nominationem, nec ad suffragia populi, nec ad suffragia totius Cleri, ut jam probatum est, ergo ad suffragia primorum ex Clero: Tales sunt Cardinales, sunt enim præcipui

qui Episcopi, Presbyteri, & Diaconi Romanæ Ecclesiæ.

Secundò, nulli melius judicare possunt, qualis debeat esse Episcopus eligendus, quàm ii, qui sunt Episcopi Conciliarii, & cum eo Ecclesiam regunt, & optimè norunt Ecclesiastica negotia; tales sunt Cardinales, igitur ad eos rectissimè pertinebat electio.

Tertiò, ex duratione; nulla enim forma electionis diu durare potuit, præter istam per solos Cardinales. Constat enim ab anno 1179. usque ad hoc tempus per annos 400. semper electos Pontifices à duabus partibus Cardinalium, juxta decretum Alexandri III. promulgatum in Concilio Lateranensi, ut habemus cap. Licet, extra de electione, nec tamen tunc coepit electio fieri per solos Cardinales, sed diu antea videtur incepisse. Nam in illo cap. Licet, Alexander III. apertè indicat, jam antè coepisse morem istum, ut soli Cardinales eligerent, & solum se constituere, ut non sufficiat major pars Cardinalium, sed requirantur duæ partes. Porro ante hoc tempus per 1100. annos, 17. mutationes inveniuntur in electione Romani Pontificis, ut quidam annotarunt.

Quartò probatur experientia, quia numquam fuerunt pauciora schismata, quàm hoc tempore. Annotavit Onuphrius in lib. de Pontificibus Romanis, schismata 29. in Ecclesia Romana, ex quibus 26. fuerunt usque ad Alexandrum; toto reliquo tempore solum tria; ex quibus etiam tribus unum solum accidit vitio Cardinalium, nimirum illud, quod factum est tempore Urbani VI. Nam illud alterum, quod accidit tempore Joannis XXII. ab Imperatore Ludovico IV. excitatum est; postremum verò temporibus Eugenii à Concilio Basileensi.

Quintò probatur, nam hæc forma eligendi temperata est ex omnibus aliis bonis & legitimis formis; sciendum est enim quinque modis præcipuè consuevisse eligi Episcopos. Primus modus fuit, ut ipse summus Pontifex per se eligeret, qui modus præsertim servabatur olim in novis Episcopatibus erigendis, novisque Episcopis mittendis.

Secundus modus fuit, ut Episcopum eligerent Episcopi omnes ejusdem provincie, vel major eorum pars, postulato tamen testimonio, & consensu Cleri & populi ejus loci, cui Episcopus dabatur: & eodem modo eligebantur Metropolitani, & Patriarchæ, & ipse summus Pontifex, nimirum ab Episcopis vicinis, seu provincialibus. Et hic modus antiquissimus fuit, & duravit satis diu. De hoc modo loquitur Cyprianus lib. 1. epist. 4. *Apud nos, inquit, & ferè per universas provincias tenetur, ut ad ordinationes ritè celebrandas, ad eam plebem, cui Præpositus ordinatur, Episcopi ejusdem provincie proximi quinque conveniant, & Episcopus deligatur plebe præsentè, quæ singulorum vitam plenissimè norit, & uniuscujusque actum de ejus conversatione perspexit.* Idem lib. 4. epist. 2. testatur, Cornelium Papam electum fuisse à plurimis Episcopis, de testimonio & suffragiis totius Cleri & populi. De eodem modo legimus in Concilio Nicæno, can. 4. Episcopum debere constitui ab omnibus Episcopis provincie, & si id fieri nequit, saltem per literas debere haberi consensum absentium omnium, vel majoris partis, ut exponit can. 6. ejusdem Concilii. Idem habetur in Concilio Antiocheno, canon. 19. & in decretis collectis à Martino Bracarenfi, cap. 3.

Tertius modus fuit, ut eligeret Clerus & populus civitatis. Hic modus fuit in usu tempore Chrysostomi, Ambrosii, Augustini, Leonis, Gregorii, ut patet ex locis suprà citatis.

Quartus modus fuit, ut Imperatores & Reges,

vel soli, vel cum Clero & populo eligerent. Constat enim, Justinianum seniore post recuperatam Italiam, noluisse quemquam creari Romanum Pontificem, sine sua approbatione, quod servatum est usque ad Constantinum IV. qui juri suorum prædecessorum in hac parte cessit, ut ex Platina, & aliis cognosci potest. Constat item, Carolo Magno jus eligendi Romanum Pontificem & alios Episcopos concessum ab Adriano I. & deinde simile jus concessum Othoni à Leone VIII. ut patet ex Gratiano distinct. 63. can. Adrianus, & can. in Synodo.

Quintus modus fuit, ut soli Canonici, idest, primarii Clerici Episcopum eligerent, qui modus servatur à longo tempore in multis Germaniæ locis.

Ex his quinque formis Prima non potest reperiri in electione summi Pontificis, quia non expedit, ut prædecessor eligat successorem. Reperitur tamen aliquo modo, quatenus hæc forma electionis ab ipsius Pontificis decreto manavit. Secunda reperitur in hac forma, quantum ad id, quod erat in ea præcipuum; nam eligunt nunc Episcopi vicini, ut tunc eligebant, nimirum sex Episcopi Cardinales. Tertia non reperitur, quia erat omnium maximè incommoda, ut suprà ostendimus. Quarta non reperitur etiam, quia quòd Imperatores se miscuerint electioni, factum est vel vi, & quasi tyrannide Imperatorum, ut quando Græci Imperatores volebant creari Pontificem sine suo jussu, immò etiam nisi pecuniariam summam accepissent; quam consuetudinem tyrannicam fuisse affirmat S. Gregorius in commentario Psalm. 4. poenitentialis; vel quia Pontifices ipsi id necessarium judicabant ad Ecclesiæ defensionem, ut quando Carolo Magno & Othone id Pontifices concesserunt. At nunc nec Imperatores tyrannicè se ingerunt electioni, nec id requiritur ad Ecclesiæ defensionem. Immo etiam vix invenitur aliquis pius Imperator, qui hoc jure sibi concessio uti voluerit, & è contrario exstat aperta renunciatio huic juri facta à Ludovico Caroli filio, can. Ego Ludovicus, dist. 63. & ab Othone I. can. Constitutio, eadem distinctione. Quinta denique reperitur; nam quòd sunt Canonici in aliis urbibus, id sunt Presbyteri & Diaconi Cardinales in urbe.

CAPUT X.

Octava Propositio.

Si nulla exstaret pontificia constitutio de electione summi Pontificis, vel casu aliquo omnes electores à jure designati, idest, omnes Cardinales simul perirent, jus electionis ad Episcopos vicinos & Clerum Romanum pertineret, cum dependentia tamen aliqua à Concilio generali Episcoporum.

In hac propositione non videntur omnes convenire. Quidam enim existimant, secluso jure positivo, jus eligendi devolvi ad Concilium Episcoporum, ut Cajetanus tractat. de potestate Papæ & Concilii, cap. 13. & 21. & Franciscus Victoria relect. 2. quest. 2. de potestate Ecclesiæ. Alii, ut refert Sylvester verbo Excommunicatio, 9. §. 3. docet, ad Clerum Romanum pertinere jus eligendi in illo casu. Sed conciliari possunt hæc duæ opiniones. Nam ad Episcoporum Concilium pertinet sine dubio primaria auctoritas eligendi in illo casu; siquidem, mortuo Pontifice, non est in Ecclesia ulla major auctoritas, quàm generalis Concilii: & si Pontifex non esset Episcopus Romanus, nec alicujus particularis loci, sed solum generalis Pastor totius Ecclesiæ, ad Episcopos pertineret, vel eligere successorem, vel designare electores: tamen posteaquam unitus est Pontificatus orbis

Epis-

Episcopatus urbis, immediata auctoritas eligendi in illo casu deberet ab Episcopis totius orbis permitti Episcopis vicinis, & Clericis Romanæ Ecclesiæ, quod probatur dupliciter.

Primo, quia ab omnibus Episcopis vicinis, & Clericis Romanis translatus est ius eligendi ad Cardinales, qui sunt quadam pars Episcoporum & Clericorum Romanæ Ecclesiæ; ergo Cardinalibus deficientibus deberet redire ius eligendi ad omnes Episcopos & Clericos Romanæ Ecclesiæ.

Secundo, quia hæc est antiquissima consuetudo, ut ex Cypriano supra ostendimus, ut Episcopum tam Romanum, quam alios eligant Episcopi vicini, præsentem Clero. Nec unquam est auditum, quod Episcopi, aut Archiepiscopi totius orbis convenirent ad electionem summi Pontificis, nisi in casu, in quo dubitatur, qui sint legitimi electores. Hoc enim dubium à Concilio generali explicari debet, ut factum est in Concilio Constantensi.

CAPUT XI.

De numero Ordinum Ecclesiasticorum.

SEquitur tertia Quæstio de distinctione Clericorum, seu Ministrorum Ecclesiæ; quæ sanè quæstio tribus in rebus posita est. Dissentimus enim ab adversariis de numero, de antiquitate, & de officio Clericorum. Ac, ut à numero incipiamus, Joannes Calvinus lib. 4. Institut. cap. 4. & cap. 19. & Martinus Kemnitius in Examine 23. sess. Concilii Tridentini, reprehendunt numerum septenarium ordinum, quem Catholici passim asserunt, ac docent, tres tantum esse veros ordines, Episcoporum, quos ipsi Pastores libentius vocant, Presbyterorum, quos Seniores, vel Doctores, vel Ministros verbi appellant, & Diaconorum.

Ex cæteris ordinibus simpliciter auferunt ordinem Exorcistæ, reliquos agnoscunt quidem, sed neque ordines esse volunt, neque certo numero contineri. Dicunt enim, Lectores, Acolythos, Ostiarios, & similes, fuisse ministros quosdam, quos pastores libere assumebant pro necessitate Ecclesiæ, idest, plures aut pauciores, prout Ecclesiæ magnitudo, aut parvas requirebat. Id verò probant ex eo, quod variè à Patribus isti ordines numerantur. Et quidem Calvinus lib. 4. cap. 4. §. 1. Hieronymum producit testem, qui in comment. cap. 19. Isaïæ, quinque ordines numerat, Episcopos, Presbyteros, Diaconos, Fideles & Catechumenos.

Kemnitius autem testes producit; Primo, Dionysium Areopagitam, qui in 5. cap. Ecclesiasticæ Hierarchiæ, tres tantum facit ordines, Pontificum, Sacerdotum & Ministrorum. Secundo, Canones Apostolorum, ubi numerantur quinque ordines, Episcoporum, Presbyterorum, Diaconorum, Lectorum & Cantorum. Tertiò, Ambrosium, qui in comment. cap. 4. ad Ephes. numerat etiam quinque, sed loco Cantorum ponit Exorcistas. Quarto, Ignatium in epistola ad Antiochenos, & Epiphanium in fine Panarii, qui plures numerat, quam septem; addunt enim *verruas*, idest, laborantes. Addit etiam Ignatius Confessores. Quintò, Canonistas, qui apud Gratianum dist. 23. & 25. addunt Psalmistam: *Non igitur*, inquit Kemnitius, *Catholicum dogma est, de septem illis ordinibus*. Hæc illi.

Porro Catholici certum ac statum numerum esse volunt eorum, qui propriè ordines Clericorum nominantur. Est autem observandum, duobus modis accipi solere apud auctores ordinem Ecclesiasticum; Uno modo propriè, alio modo communiter. Propriè

A illi dicuntur ordines, qui certo ritu sacro & solemniter conferuntur ab Episcopo, & ad certum ministerium sacrificio divino exhibendum referuntur. Qua ratione septem dumtaxat ordines numerantur, videlicet, Sacerdos, Diaconus, Subdiaconus, Acolythus, Lector, Exorcista, & Ostiarius. Exi enim Episcopus & Presbyter distinguuntur, tamen quantum ad sacrificium, idem omnino ministerium exhibent, proinde unum ordinem, non duos faciunt, sicut etiam Lector, & Cantor, seu Psalmista.

B Quare Cornelius Papa in epistola ad Fabianum apud Eusebium lib. 6. hist. cap. 33. dicit, in Ecclesia Romana suo tempore, idest, ante annos 1300. fuisse Presbyteros XLVI. Diaconos septem, Subdiaconos septem, Acolythos XLII. Exorcistas cum Lectoribus, & Ostiariis LII. ubi nullam facit mentionem Cantorum, vel laborantium, vel aliorum quos alii numerant, quia nimirum illi nec habent propriam ordinationem, nec referuntur distincta ratione ad sacrificium.

C In Concilio item Roman. sub Sylvestro cap. 3. numerantur idem septem ordines. In Concilio autem Carthag. IV. can. 2. & sequentibus, præter ordines jam nominatos in epist. S. Cornelii, & in Concilio Roman. additur ultimo loco Psalmista, seu Cantor, sed ibidem Concilium monet: Psalmistam non ordinari ab Episcopo, sed etiam sine licentia Episcopi, sola iussione Presbyteri, posse officium canendi suscipere. Isidorus lib. 7. Etymol. cap. 12. & in epist. ad Ludifredum, Rabanus lib. 1. de instit. Cleric. c. 6. & sequent. Amalarius lib. 2. de officiis Ecclesiasticis c. 7. & sequent. Hugo de S. Victore lib. 2. de Sacramentis par. 3. cap. 5. eosdem septem ordines numerant, & explicant; Idem facit Magister sent. quem omnes Theologi sequuntur in 4. dist. 24.

D Denique eosdem numerat Concilium Florentinum in instructione Armenorum, & Tridentinum sess. 23. cap. 2. & Ecclesiæ usus idem testatur; non enim alii ordines præter istos conferri solent: Nam prima tonsura non est ordo, cum nullum habeat officium annexum, sed est preparatio ad ordines, ut Catechismus ad Christianismum.

E Communiter autem dicuntur ordines illi omnes, qui quomodocumque dedicantur divinis obsequiis, etiam si non referantur ad sacrificium. Ex hoc modo etiam Monachi, virgines, & viduæ Deo sacratæ, necnon laborantes in sepeliendis defunctis, ordines aliquando dicuntur à Patribus: Nam de ordinatione Monachi scribit Dionysius c. 6. Ecclesiasticæ Hierarchiæ de ordine verò laborantium in sepeliendis mortuis, Epiphanius in Compendiaria doctrina. Habebatur enim actio quadam religiosa, sepultura mortuorum. De ordine Diaconissarum, virginum, aut viduarum, quæ serviebant Ecclesiæ in instructione mulierum, quæ baptizandæ erant, idem Epiphanius ibidem.

Ex his autem facile erit explicare loca, quæ ab adversariis afferuntur contra numerum septenarium ordinum. Ac primò ad locum Hieronymi, à Calvino adductum, Respondeo, S. Hieronymum eo loco non loqui de ordinibus Clericorum, sed de ordinibus Christianorum; idè ponit primo loco Clericos, deinde Laicos, quos fideles vocat, ultimo Catechumenos. Porro ex Clericis nominat tres tantum, idest, Episcopos, Presbyteros, Diaconos, quia volebat perficere numerum quinarium; Explicabat enim illud Isaïæ: *Erunt quinque civitates in terra Egypti loquentes lingua Chanaanitide*, ac per eas civitates Ecclesiam Christianam intelligi volebat. Itaque ad perficiendum quinarium numerum, ex omnibus Clericis tres primos posuit, in quibus omnes alii continentur, quos idem Hieronymus alibi distinctè ponit:

nit: Nam Subdiaconorum meminit in epist. 91. in primis verbis, Acolythorum meminit ac Lectorum in epist. 2. ad Nepotianum: Denique Exorcistarum & Ostiariorum in commentar. cap. 2. epistolæ ad Titum in postremis verbis.

Ad locum Dionysii, à Kemnitio productum, respondeo, Dionysium non voluisse exponere numerum ordinum, sed numerum Hierarchiarum. Tres enim sunt Hierarchiæ in Ecclesia militante, ut etiam tres sunt in Ecclesia triumphante; Prima est Pontificum; Secunda Sacerdotum; Tertia Diaconorum. Diaconi enim, etiam si ministri dicuntur & sunt, si comparentur ad Sacerdotes, tamen sunt etiam Principes & Præsules, si comparentur ad plebem, & ideo dicuntur Hierarchæ; Ordines autem inferiores non præsunt populis, sed tantum ministrant Diaconis & Sacerdotibus.

Quod autem Diaconi præsint, docent Ignatius in epist. ad Trallianos: *Subiecti*, inquit, *estote Episcopo, similiter & Presbyteris, atque Diaconis*. Item Hieronymus in cap. 2. ad Titum: *Non solum*, inquit, *Episcopi, Presbyteri & Diaconi debent magnopere providere, ut cunctum populum, cui præsident, conversatione, sermone, ac scientia præcedant, verum & inferior gradus, Exorcista, Lectores, Editui, & omnes omnino, qui domui Dei servantur*. Docet id etiam Joannes Chrysostom. qui homil. 83. in Matth. Diacono suadens, ut Imperatorem arceat à communione, si indignè adeat: *Cohibe*, inquit, *& coerce, maiorem tu illo habes potestatem*. Ex hac etiam ratio est, cur Episcopi ordinariè assumerent ex Presbyteris, aut Diaconis Ecclesiæ, non ex inferioribus ordinibus, ut patet ex Leone epist. 84. ad Anastasium, cap. 6. quam etiam puto causam esse, cur in Romana Ecclesia soli Episcopi, Presbyteri & Diaconi sint Cardinales.

Ad locum ex Canonibus Apostolorum, Respondeo, Clementem in canonibus Apostolorum nunquam voluisse omnes ordines numerare, sed data occasione, modò unum, modò alium ordinem nominasse. Eundem autem Clementem plures ordines agnovisse, perspicuum est ex can. 15. ubi dicit: *Si quis Presbyter, aut Diaconus, aut quilibet de numero Clericorum &c.*

Ad testimonium Ambrosii respondeo, Ambrosium in commentar. cap. 4. ad Ephesios, solum quinque ordinum mentionem fecisse, quia volebat de ordinibus explicare verba illa Pauli. Alios dedit Apostolos, alios Prophetas, alios Evangelistas, alios Pastores & Doctores, & quia Paulus solum quinque nomina posuit, idcirco conatus est etiam ipse quinque ordines numerare. Itaque per Apostolos intellexit Episcopos, per Prophetas Presbyteros, per Evangelistas Diaconos, per Pastores Lectores, per Doctores, vel, ut ipse legit, Magistros, Exorcistas.

Ad testimonium Ignatii & Epiphanii respondeo, illos Patres numerasse non solum ordines propriè dictos, sed etiam alios.

Ad testimonia Canonistarum respondeo, illos facere novem ordines, quia distinguunt Episcopum à Presbytero, & Lectorem à Cantore, quod Theologi non faciunt, sed in re non est dissensio. Theologi enim solum considerant ordines, ut se habent ad sacrificium, quomodo (ut diximus) Episcopus & Presbyter, Lector & Cantor non distinguuntur. Canonistæ autem considerant ordines, ut Hierarchiam constituunt, & idcirco rectè distinguunt Episcopum à Presbytero, atque hæc de primo.

CAPUT XII.

De antiquitate Ordinum.

Joannes Calvinus, de Ordinum, præcipuè minorum, antiquitate ita loquitur lib. 4. Institution. cap. 19. §. 27. *Primitiva*, inquit, *Ecclesia incogniti fuerunt, & multis postea annis excogitati*. Sed fallam esse hanc Calvinii sententiam testantur Clemens & Ignatius, Apostolorum discipuli: Uterque enim eorum Ordinum meminit. Clemens lib. 8. constituit. Omnium ferè Ordinum etiam minorum ritus declarat. Ignatius autem in epist. ad Antiocheos ita concludit: *Salute*, inquit, *sanctum Presbyterum vestrum, saluto sanctos Diaconos, saluto Subdiaconos, Lectores, Cantores, Ostiarios, Laborantes, Exorcistas*.

Ad hæc, tempore S. Cypriani omnes ordines erant in Ecclesia, nec tamen tunc coeperunt. Nam ut de re antiqua, & ubique recepta loquuntur auctores illius temporis, qui sanè non multum aberant ab Apostolicis temporibus. Cyprianus lib. 2. epist. 10. *Exemplaria*, inquit, *eadem nunc quoque per Mettium Hypodacenum à me missum, & Nicephorum Acolythum transmissi*. Lib. 2. epist. 5. & lib. 4. epist. 5. scribit se ordinasse Lectores Aurelium, & Celerinum. Lib. 5. epist. 14. *Presbyter*, inquit, *de Clero, & Exorcista, & Lector Lucianus scripti*.

Eodem tempore scripsit epistolam S. Cornelius ad Fabianum Antiochenum, ex qua hæc sunt verba apud Eusebium lib. 6. histor. Eccles. cap. 33. *Is ergo qui Evangelium vendicabat, nesciebat in Ecclesia Catholica unum Episcopum esse debere, ubi videbat esse Presbyteros 46. Diaconos septem, Subdiaconos septem, Acolythos 42. Exorcistas, & Lectores cum Ostiariis 52. Omitto Concilium Laodicenum, can. 24. & Carthaginense IV. can. 2. & seq. in quibus omnium Ordinum mentio fit, quorum hoc celebratum est ante annos 1100. illud ante annos 1200. ex quibus satis colligitur rem esse longè antiquiorem, quam putet Calvinus.*

CAPUT XIII.

De officiis Ministrorum.

Restat officium, in quo etiam non parum à nobis Kemnitius, & Calvinus dissentiunt. Dicamus de singulis seorsim. Exordium in Ecclesia sumitur à prima tonsura, quæ quidem non est ordo, cum nullum habeat certum officium annexum: sed est quædam dispositio, ac præparatio ad Ordines. Profitentur enim se ordinibus initiandos, & à sæculi negotiis ad militiam Ecclesiasticam transituros, qui ita tondentur. Porro de ritu tonsuræ & rasuræ erit infra propria disputatio.

Primus igitur ordo, Ostiariorum est, de quo Ordine ferè convenimus. Fatetur enim Calvinus lib. 4. Institut. cap. 4. §. 9. Officium Ostiariorum apud veteres fuisse aperire, & claudere fores Ecclesiæ, proinde curam habere ipsius templi. Cæterum postea libro eodem, cap. 19. §. 27. reprehendit, quod solemniter ritu Ostiarios ordinent Episcopi apud nos. Existimat enim ipse non esse certum ordinem Ecclesiasticum, sed officium tantum, quale est eorum, qui Janitores sunt in profanis domibus. At nihil ipse affert, quo sententiam suam probet. Nos autem habemus testimonia suprâ citata, in quibus Ostiariorum Ordo inter Ordines Ecclesiæ numeratur. Ac præterea in Concil. Carthaginensi IV. can. 9. præscribitur forma, & ritus

ordinandorum Ostiariorum, & est ille ipse, quo nunc utitur Ecclesia: Ostiarius, inquit Concilium, cum ordinatur postquam ab Archidiacono instructus fuerit, qualiter in domo Dei debeat conversari, ad suggestionem Archidiaconi tradat ei Episcopus claves Ecclesie de Altario dicens: Sic age quasi redditurus Deo rationem pro his rebus, quae his clavibus reconduntur. Itaque Calvinus dum hæc ridet, non solum modernos Papistas, ut ipse loquitur, ridet, sed etiam Ecclesiam Catholicam, quæ est, & quæ erat in Christo ante annos 1100.

Secundus est ordo Lectorum, quorum officium erat legere ex pulpito in Ecclesia quidquid legendum erat ex utroque Testamento; Nam etiam Evangelia legi à Lectoribus consuevisse testatur Cyprianus lib. 2. epist. 5. ubi loquens de Aurelio ordinato Lectore: Nihil, inquit, magis congruit voci, quæ Dominum gloriosa predicatione confessa est, quàm celebrandis divinis lectionibus perfumare, & post sublimia verba, quæ Christi martyrium protoliqua sunt, Evangelium legere, unde martyres fiunt. Hæc ille. Credibile tamen est, Lectoris officium non fuisse, ut legeret Evangelium tempore sacrificii, (id enim Diaconorum fuisse paulò post ostendimus) sed solum extra illud tempus.

Calvinus fatetur quidem hoc fuisse officium Lectorum, lib. 4. cap. 4. Institut. §. 9. Sed dicit non fuisse gradum, neque ordinem certum in Ecclesia, sed solum solitos Episcopos quibusdam ex domesticis suis ministris injungere, ut in Ecclesia legerent Scripturas, ut eo modo innotescerent plebi, & discerent ferre conspectum hominum.

At non solum Concilium Carthaginense IV. can. 8. præscribit ritum solemnem ordinandi Lectores, sed etiam S. Cyprianus lib. 2. epist. 5. lib. 3. epist. 22. & lib. 4. epist. 5. aperte significat, Lectoratum fuisse ordinem, & gradum in Ecclesia; nam passim vocat gradum, & honorem Ecclesiasticum. Item dicit, Celerinum initio ex humilitate refugisse eum gradum, sed tandem divina revelatione admonitum acquiescisse. Ad hæc excusat multis verbis, quod quosdam ordinaverit Lectores, urgente necessitate sine consilio, & consensu expresso Cleri. Denique dicit, se prius quemdam, Saturnum nomine, fecisse Clero proximum, quod ei permisisset in Paschate legere in Ecclesia, cum ordinatus non esset: deinde verò eum in Clerum cooptasse, atque ad ordinem Lectoris promovisse. Ubi vides aliud esse legere in Ecclesia, quod solum Calvinus agnoscit, aliud verò promoveri ad ordinem Lectoris.

Tertius ordo Exorcistarum est, ad quorum officium pertinet exorcismos Ecclesie legere super Energumenos, & eo modo preparare illos, ut sacrificii divini participes fieri possint. Olim siquidem, quia frequentissimè daemones pellebantur de corporibus humanis, concurrebant plurimi Energumeni ad Ecclesiam, ita ut essent quasi greges Energumenorum, ac propterea iste ordo institutus fuit.

Fuisse revera ordinem certum Ecclesiasticum Exorcistarum, & non solum donum, & gratiam gratis datam, ut vult Calvinus, patet ex testimoniis supra citatis, Ignatii in epist. ad Antiochenos, Cornelii Papæ in epist. ad Fabianum, apud Eusebium lib. 6. histor. cap. 33. & Cypriani lib. 5. epistola 14. Concilii Romani sub Sylvestro can. 3. & Concilii Laodicensi can. 24. ubi Exorcistæ inter ordines numerantur; sed præcipuè id ostenditur ex Concilio Carthaginensi IV. can. 7. ubi sic legimus: Exorcista cum ordinatur, accipiat de manu Episcopi libellum, in quo scripti sunt Exorcismi, dicente sibi Episcopo: Accipe, & commenda memoria, & habeto potestatem imponendi manum super Energumenum, sive baptismum, sive cate-

A chumenum. Concilium item Laodicenum can. 26. prohibet, ne quis exorcizet neque publicè, neque privatum, nisi ab Episcopo ad eum ordinem provocatus sit.

Ex quibus Conciliis intelligimus, quàm aperte mentiat Calvinus, cum ait lib. 4. Institut. cap. 19. §. 24. Fingitur illis Exorcistis potestas data imponendi manus super Energumenos. Quomodo enim fingimus, quod ex tam antiquis Conciliis comprobamus? Adde etiam testimonium Sulpitii, qui in lib. de vita D. Martini cap. 4. ita scribit: Tentavit Hilarius imposito Diaconis officio sibi Martinum artius implicare, & ministerio vincere divino, sed cum sapissimè resistisset, indignum se esse vociferans, intellexit vir altioris ingenii, hoc enim modo posse constringi, si id ei officii imponeret, in quo quidam locus injuria videretur. Itaque Exorcistam eum esse præcepit, quam ille ordinationem, ne desperasse tanquam humiliorem videretur, non repudiavit.

Quartus ordo Acolythorum est, quorum id est proprium, ut cum cereo accenso sequantur Diaconum ad locum Evangelii, & urceolos, atque ampullas ad sacrificium præparent, ac Subdiacono porrigant. Inde enim dictus est Acolythus, quasi pedisequus ab ἀκολούθῳ, quod est sequor, & etiam ceroserarius à gestando cereo.

Hic verò Calvinus risum tenere non potest, sic enim ait lib. 4. Institut. cap. 19. §. 23. Sed, inquit, in primis spectabilis est argutia, quæ in Acolythi nomine Philosophantur, ceroserarium appellant, verba, ut arbitror, magico, certè inaudito Gentibus ac linguis omnibus. Ex supra cap. 4. §. 9. Vocabant, inquit, Acolythos, qui Episcopo in domesticis obsequiis adessent, eumque perpetuò comitarentur, primum honoris causa, deinde ne qua suspicio oriretur. Hæc ille. Itaque vult Acolythos nihil aliud olim fuisse, nisi Episcoporum quasi Cubicularios. At ipse quidem nullo teste probat quod dicit, proinde videtur ipse, an non finxerit Acolythi officium ex capite suo. Nos autem Acolytharum ordinem fuisse, & gradum Ecclesiasticum, probamus ex testimoniis plurimis supra citatis, Cornelii, Cypriani, Concilii Romani, & Concilii Carthaginensis.

Porro ad officium ejus pertinuisse cereos, & urceolos, quæ Calvinus ridet, testatur Concilium Carthaginense IV. can. 6. Acolythus, inquit Concilium, cum ordinatur, ab Episcopo quidem doceatur, qualiter in officio suo agere debeat, sed ab Archidiacono accipiat ceroserarium cum cereo, ut sciat se ad accendenda Ecclesie lumina mancipari. Accipiat & urceolum vacuum, ad suggerendum vinum in Eucharistiam sanguinis Christi. Hæc ibi. Ubi etiam vides nomen ceroserarii non esse magicum, neque omnibus Gentibus, & linguis inauditum, nisi tot sanctos Patres, & cum eis D. Augustinum, qui Concilio intererat, Magos, & nullius Gentis aut linguae homines esse velis. Idem quoque nomen est apud Isidorum lib. 7. etymolog. cap. 12. apud Amalarium lib. 2. cap. 10. apud Rabanum lib. 1. de institut. Clericorum, cap. 9. apud Hugonem lib. 2. de Sacramentis, par. 3. cap. 5. & apud alios multos, qui nec Magi erant, nec nullius Gentis aut linguae.

Quintus ordo Subdiaconorum est, ad cujus officium propriè pertinet ministrare Diacono in sacrificio, ac propterea dum ordinatur, accipit calicem vacuum, & patenam, ut habemus in Concilio Carthaginensi IV. can. 5. & in Concilio Toletano IV. can. 27. Eiusdem est epistolas B. Pauli ad Missam legere, ut Concilium Remense can. 4. docet. Meminerunt hujus ordinis omnes auctores supra citati. Proinde falsum est, quod scribit Calvinus lib. 4. Institut. cap. 4. §. 5. Subdiaconorum officium nil aliud fuisse,

fuisse, nisi juvare Diaconos in eleemosynis distribuendis, pauperibusque curandis.

Sextus ordo Diaconorum est, quos oblationibus colligendis, & opibus Ecclesiae administrandis prepositos fuisse, inter Catholicos & haereticos constat; id enim testantur Acta Apostolorum cap. 6. Idem patet ex Leone in sermone de S. Laurentio. Ex quo officio fortasse factum est olim, ut Diaconi insolecerent adversus Presbyteros: semper enim officia pecuniaria adamata praeter ceteris fuisse videntur. Reprehendunt Diaconorum arrogantiam Concilia nonnulla, Nicenum can. 14. Laodicenum can. 30. & Toletanum IV. can. 38. Item Patres, Cyprian. lib. 3. epist. 9. Hieronymus in epist. 85. ad Evagrium, & lib. 14. in Ezechielem exponens caput 48. & Bernardus lib. 4. de considerat.

Sed praeter hoc officium habebant etiam Diaconi alia nonnulla, quae adversarii non agnoscunt. Primò, Diaconorum erat Sacerdoti sacrificanti assistere, ac ministrare, & populo distribuere Eucharistiam: ac propter sacrum hoc ministerium, potissimum sacram ordinationem accipiunt. Videmus enim Actor. 6. per impositionem manuum ordinari Diaconos, qua sacra caeremonia non est credibile Apostolos usos fuisse, si solum ministerium mensarum Diaconis committere voluissent; antea enim viduae ministrabant mensis, nec tamen certo ritu ordinabantur.

Praeterea Clemens lib. 2. cap. 14. Constitut. significat Diaconos Sacerdoti ministrare solitos in sacrificii oblatione: quod etiam aperte docet Cyprianus in serm. 6. qui est de lapsis. Idem cognoscimus ex historia sancti Laurentii apud Ambrosium lib. 1. de officiis cap. 41. Inducit enim sanctum Laurentium sic loquentem ad D. Sixtum: *Quò progredieris sine filio pater? Quo sacerdos sancte sine Diacono properas? Tu nunquam sine ministro sacrificium offerre consueveras.* Et infra: *Cui commisisti consummandorum consortium Sacramentorum, huic consortium tui sanguinis negas?* Idem patet ex Liturgia Chrysostomi, & ex homil. 83. super Matthaeum. Idem ex S. Gregorio, qui in epistola ad Leandrum, quae praefigitur libris ejus in Job, nihil aliud Diaconatum, nisi sacri altaris ministerium vocat: Denique Isidorus, Rabanus, Amalarius, Hugo, & alii supra citati, qui describunt officia omnium ordinum, hoc docent, quod nos diximus.

Secundò, Diaconorum erat tempore sacrificii Evangelium legere: Id testatur praeter supradictos auctores S. Hieronymus in epist. 48. ad Sabinianum: *Tu, inquit, exanguis & pallidus, ut suspicione omni careres, Evangelium Christi, quasi Diaconus lectitabas.* Testatur etiam S. Gregorius in Synodo Romana, quae habetur lib. 4. epist. cap. 88. ubi prohibet, ne Diaconi cantent in Ecclesia, excepto Evangelio, tempore sacrificii. Idem etiam testantur Concilia antiqua, Valense can. 4. & Remense can. 5.

Tertiò, Diaconorum erat baptizare, praedicare, reconciliare publicos poenitentes, Eucharistiam deferre, & praebere laicis, ac breviter omnia facere, quae Episcopi & Presbyteri faciunt, excepta consecratione corporis Domini, & ordinatione Clericorum, & aliis officiis, quae requirunt potestatem ordinis. Nam Diaconos baptizare posse, patet exemplo Philippi Diaconi, Actor. 8. unde Tertullianus in lib. de Baptismo: *Jus, inquit, dandi Baptismum summus Sacerdos habet, dehinc etiam Presbyteri, & Diaconi.* Posse item Diaconos praedicare docet exemplum Stephani & Philippi Diaconorum, Actor. 7. & 8. Item exemplum S. Vincentii Martyris, qui cum Diaconus esset, praedicabat tamen, ut Augustinus testatur serm. 2. de S. Vincentio.

Controv. Card. Bellarm. Tom. II.

A Denique Gregorius lib. 4. epist. cap. 88. docet, ad Diaconum etiam pertinere officium praedicationis, & ipsum etiam Gregorium adhuc Diaconum praedicasse testatur Joannes Diaconus in ejus vita lib. 1. cap. 41. Rursus Diaconos aliquando reconciliare solitos poenitentes in absentia Episcopi, & Presbyterorum, docet Cyprianus lib. 3. epist. 17. Item Eucharistiam praebere laicis in absentia Presbyterorum posse Diaconos, docet Concilium Nicenum can. 14. Testatur item Justinus in Apologia secunda extrema, Diaconos deferre solitos Eucharistiam ad absentes.

B Est tamen observandum, haec omnia, ac praecipue officium praedicandi, propria Episcoporum esse, ita ut ne Presbyteris quidem praedicare liceat, nisi ex Episcopi mandato, aut consensu. Episcopi enim proprie Apostolis succedunt, Apostoli autem sunt, qui Actor. 6. dicunt: *Non est bonum nos derelinquere verbum Dei, & ministrare mensis.* Scribit etiam Possidius in vita B. Augustini cap. 5. Valerium Episcopum concessisse S. Augustino Presbytero suo praedicandi potestatem, eo quod ipse cum Graecus esset, minus commodè Latino populo praedicare posset. Legimus quoque in Concil. Vasensi II. can. 2. factam ab Episcoporum Concilio Presbyteris potestatem praedicandi. Ibidem praecipitur etiam ut Diaconi, quando non est Presbyter, qui praedicet verbum, Homilias sanctorum Patrum loco concionis recitent.

C Septimus ordo, Sacerdotum est, de quo gravis controversia inter nos & haereticos versatur, quae in sequenti capite disputanda est.

C A P U T XIV.

De distinctione Episcopi & Presbyteri.

D Existit igitur quaestio: *Sitne Presbyter idem omnino quod Episcopus, ac praesertim jure divino.* Fuit antiqua haereticis Acrii teste Epiphano haeresi 75. & Augustino lib. de haeresibus, cap. 53. nihil interesse inter Episcopum & Presbyterum; quam haeresim propterea ille videtur excogitasse, ut se ipse consolaretur, quod Episcopus factus non esset, ut aperte significat Epiphanius. Eandem haeresim postea sequutus est Joannes Wiclefus teste Thoma Waldensi lib. 2. doctrin. fidei, artic. 3. cap. 60. & nostris temporibus Lutherani & Calvinistae. Siquidem Joannes Calvinus lib. 4. Institut. cap. 4. §. 2. sic loquitur: *Quibus docendi munus injunctum erat, eos omnes nominabant Presbyteros. Illi ex suo numero in singulis civitatibus unum eligebant, cui specialiter dabant titulum Episcopi, ne ex aequalitate, ut fieri solet, dissidia nascerentur. Neque tamen sic honore, & dignitate superior erat Episcopus, ut dominum in collegas haberet, sed quas partes habet consul in senatu, ut referat de negotiis, consulendo, monendo, hortando, aliis praeat, auctoritate sua totam actionem regat, & quod decretum communi consilio fuerit, exequatur. Id munus sustinebat Episcopus in Presbyterorum catu; atque idipsum pro temporum necessitate fuisse humano consensu inductum, fatentur ipsi veteres. Hac ille. Non dissimilia habent Martinus Kemnitius in examine sess. 23. Concil. Tridentini. Necnon & Erasmus annotat. ad 4. caput 1. ad Timotheum.*

E At Ecclesia Catholica distinctionem agnoscit, ac docet jure divino Episcopatum Presbyterio majorem esse, tum ordinis potestate, tum etiam jurisdictione: sic enim loquitur Concilium Trident. sess. 23. cap. 4. *Proinde sacrosancta Synodus declarat praeter ceteros Ecclesiasticos gradus, Episcopos, qui in Apostolorum*

locum successerunt, ad hunc hierarchicum ordinem prae-
cipue pertinere, & posito, sicut Apostolus ait, à Spiritu
sancto regere Ecclesiam Dei, eosque Presbyteris superiores
esse &c. Et canon. 6. Si quis dixerit in Ecclesia Catholi-
ca non esse hierarchiam divina ordinatione institutam, qua
constat ex Episcopis, Presbyteris, & Ministris, anathema
sit. Et can. 7. Si quis dixerit Episcopos non esse Presby-
teris superiores &c. anathema sit. Eandem sententiam
docent, & defendunt Theologi Doctores apud Ma-
gistrum in lib. 4. sentent. dist. 24. & S. Thom. in 2. 2.
quæst. 184. artic. 6.

Nos igitur omissa illa questione, quæ ad disputa-
tionem de Sacramentis pertinet; Sitne unus ordo,
unumve Sacramentum Episcopatus, & Presbyterii,
aut duo: tria demonstrare conabimur. Primò, jure
divino majorem esse Episcopum Presbytero, quod
attinet ad ordinis potestatem. Secundò, majorem
esse etiam quantum ad jurisdictionem. Tertiò, Epi-
scopos in veteri Ecclesia non fuisse in cœtu Presby-
terorum, quasi Consules in senatu, sed quasi Reges
ac Principes in cœtu Consiliariorum.

Quod ad primum attinet, facile probari potest,
Episcopum majorem esse Presbytero, quantum ad
ordinis potestatem, idque jure divino. Nam solus
Episcopus ordinare potest Presbyteros, & eo modo
generare Patres Ecclesiæ; ut Epiphanius ratiocina-
tur adversus Arium. Presbyteri autem ordinare
non possunt, sed solum baptizare, & eo modo filios
Ecclesiæ generare. Id autem ita esse docet Dama-
sus in epist. 3. Item Concilium Antiochenum cap. 10.
& Ancyranum canone 12. Epiphanius hæresi 75.
Chrysostomus, Theodoretus, Theophylactus, &
Occumenius, in 3. & 4. cap. 1. ad Timotheum.
Item S. Hieronym. in epist. 85. ad Evagrium: Quid
facit, inquit, Episcopus excepta ordinatione, quod Pres-
byter non faciat? Denique S. Leo epist. 88. idem do-
cet, & Ecclesiæ consuetudo. Numquam enim est au-
ditum, quod Presbyteri Presbyteros, aut Diacono-
nos, nedum Episcopos ordinaverint.

Esse autem ex jure divino, ut soli Episcopi ordi-
nent, inde colligitur, quod habebatur irritum, si
quid in ea re fecissent, qui veri Episcopi non erant.
Sic enim scribit Gregorius III. in epist. ad Bonifa-
cium: Presbyteri, quos reperisti, si incogniti fuerint
viri illi, qui ordinant, & dubium est eos Episcopos fuisse,
aut qui eos ordinaverint, si bona actionis, virique
Catholici sint, & ipsi Presbyteri in ministerio Christi.
De sancta lege edocti, ab Episcopo suo benedictionem
Presbyteratus suscipiant, & consecrentur, & sic mini-
sterio sacro fungantur. Et ante eum Damasus in e-
pist. 3. loquens de Chorepiscopis, qui cum solum
Presbyteri essent, Pontificum more ordinare aude-
bant: Vacuum, inquit, est & inane, quidquid in præ-
dicto sacerdotii summi egerint ministerio. At certe si
jure divino Presbyteri ex ipsa sua ordinatione, idest,
ex charactere suo sacerdotali haberent, ut ordinare
possent, non esset irritum quod facerent, tametsi
prohibente Ecclesia facerent. Præterea cum ordina-
tio Sacramentum sit (ut etiam Calvinus admittit) &
Sacramenta omnia à Deo sint instituta, certè qui
major est ordinis potestate, quæ per Sacramentum
ordinationis accipitur, is quoque major sit ex divina
institutione necesse est.

Idem argumentum fieri potest ex confirmatione
baptizatorum, & templorum atque altarium consec-
ratione. Constat enim solos Episcopos, ut ordina-
rios Ministros, confirmationis Sacramentum posse
conferre, necnon templa & altaria consecrare, ne-
que id Presbyteris licere, ut S. Leo docet in epist.
ad Episcopos Germaniæ & Galliæ, & ante eum Da-
masus in epist. 3. de Chorepiscopis, & ante utrum-
que Dionysius cap. 4. & 5. Ecclesiasticæ hierarchiæ,

A ubi dicit solum Episcopum divina ordinatione Chris-
ma consecrare. Quin etiam videmus Act. 8. Apo-
stolos ipsos, quibus Episcopi succedunt, missos, ut
per manus impositionem darent Spiritum sanctum
jam baptizatis.

B Quod ad secundum attinet de potestate jurisdic-
tionis, Episcopos jure divino Presbyteris esse majores.
Probamus primò ex figura Testamenti veteris,
quamquam hoc argumentum, ut etiam sequens de
distinctione Apostolorum & discipulorum, probat
etiam de potestate ordinis. Nam in Testamento ve-
teri erat unus summus Sacerdos Aaron, & qui ei
succedebant. Erant præterea minores Sacerdotes,
omnes videlicet filii Aaron, & qui ab illis descen-
debant. Ac denique erant Levitæ cæteri, qui à Lo-
vi originem ducebant, sed non per Aaronem. Con-
stat autem jure divino fuisse distinctos hos tres gra-
dus, Pontificum, Sacerdotum, & Levitarum; ita
ut Pontifex major esset Sacerdotibus, & Sacerdotes
Levitis; nam & consecrationes eorum distinctæ e-
rant, & vestes, & officia, ut patet Exod. 28. & 40.
Levit. 8. & Numeri 3. 4. & 20.

C Quod autem jurisdictio penes Pontificem esset,
non autem penes cœtum minorum Sacerdotum, pa-
tet ex lib. Deuteronom. cap. 17. Qui superbierit no-
lens obedire Sacerdotis imperio, ex sententia iudicis mo-
riatur. Quod etiam fatentur Centuriatores Magde-
burgens. Centur. 1. lib. 1. cap. 7. colum. 257. In Ec-
clesia, inquit, populi Judaici unus tantum erat lege
divina Sacerdos summus, quem omnes cogebantur agno-
scere, eique parere. Idem quoque fatetur Calvinus
lib. 4. Institut. cap. 6. §. 2. Illic, inquit, unum Anti-
stitem præfecit, quem omnes respicerent, quod melius in
unitate continerentur. At Episcopi id sunt in Eccle-
sia, quod erant Pontifices in testamento veteri, id
Presbyteri apud nos, quod illic minores Sacerdo-
tes, ut etiam id Diaconi nostri, quod illorum Levi-
tæ, ut docent Damasus in epist. 3. de Chorepisco-
pis, Hieronymus in epist. ad Evagrium 85. Leo e-
pist. ad Episcopos Germaniæ & Galliæ 88. Concilium
Hispalense II. can. 7. & alii permulti gravissimi au-
ctores.

D Et sanè nulla ratio permittit, ut distinctior fuerit
hierarchia in Testamento veteri, quam in novo cum
illud umbræ, istud imagini comparetur ab Apostolo
ad Hebr. 10. Sequitur igitur, ut sicut in Testamento
veteri jure divino Pontifices Sacerdotibus minoribus
auctoritate præstabant, ita etiam Episcopi in Eccle-
sia Presbyteris præstent.

E Secundò, probatur hoc idem ex distinctione A-
postolorum & discipulorum LXX. Nam Episcopos
Apostolis succedere, Presbyteros autem septuagin-
ta discipulis, docent constanter omnes Patres. Vi-
de Concilium Neocæsariense can. 13. Damasum in
epist. 3. de Chorepiscopis, Anacletum epist. 2. Hie-
ronymum in epist. ad Marcellam de erroribus Mon-
tani, Augustinum tract. in Psalm. 44. Leonem e-
pist. 88. Ildorum lib. 2. de divinis officiis, Bedam
in cap. 10. Lucæ, & alios. Porro Apostolos jure
divino majores fuisse discipulis septuaginta, satis a-
pertè colligitur. Primùm, ex institutione distincta,
& diversa. Apostolos enim solum duodecim Domi-
nus esse voluit, Lucæ cap. 6. & eos semper ferè se-
cum habebat, ac privatum instituebat; Discipulos
autem LXXII. Lucæ 10. instituit. Præterea Joan. 20.
solis Apostolis dixit: Sicut misit me Pater, & ego
mitto vos. Denique Act. 1. Cum ex Judæ apostasia
numerus duodenarius imminutus esset, assum-
ptus est Matthias, nec sine solempni quadam cære-
monia, cum tamen esset ille antea ex numero disci-
pulorum.

Tertiò, probatur hoc idem ex illis Domini ver-
bis

bis Matthæi 24. *Fidelis servus & prudens, quem constituit Dominus super familiam suam.* Hæc enim verba S. Hilarius & cæteri Patres in hunc locum, de Episcopis dicta esse volunt; Ex quo intelligimus, ipso Domino instituyente, Episcoporum propriam esse curam, & gubernationem Ecclesiæ, quod etiam pertinet locus ille Actorum 20. *Attendite vobis, & universo gregi, in quo vos Spiritus sanctus posuit Episcopos, regere Ecclesiam Dei.*

Quartò, probatur ex antiquitate; nam si jure humano Episcopi Presbyteris præessent, inveniretur certè principium aliquod hujus institutionis post Apostolica tempora. At ipso tempore Apostolorum is erat Ecclesiæ usus, ut Presbyteri Episcopis subessent; nam 1. Timoth. 5. Apostolus ita scribit: *Adversus Presbyterum accusationem noli recipere, nisi sub duobus, aut tribus testibus.* Ubi videmus Episcopum Apostolorum tempore judicem Presbyterorum, proinde verum Principem, ac superiorem.

Item Ignatius Apostolorum discipulus in epist. ad Philadelphienfes ita scribit: *Boni sunt Sacerdotes, & sermonis Ministri, melior autem est Pontifex, cui credita sunt sancta Sanctorum, cui soli commissa sunt secreta Dei.* Clemens quoque Ignatii æqualis, in Apostolorum canonibus canon. 40. *Presbyteri, inquit, & Diaconi præter Episcopum nihil agere pertinent; nam Domini populus illi commissus est, & pro animabus eorum hic redditurus est rationem.* Denique Dionysius Arcopagita Pauli Apostoli discipulus cap. 5. Ecclesiast. hierarch. describens hierarchiam divinitus institutam; primo loco Pontifices, secundo Sacerdotes, tertio Ministros ponit. Irenæus, qui proximus Apostolicis temporibus fuit, lib. 3. cap. 3. *Habemus, inquit, annu-merare eos, qui ab Apostolis instituti sunt Episcopi, & successores eorum. Nam si recondita mysteria scissent Apostoli, qui seorsum & latenter ab reliquis perfectos docebant, his vel maxime traderent ea, quibus etiam ipsas Ecclesias committebant &c.* Ubi Episcopis dicit commissas esse Ecclesias, ut Apostolorum successoribus. Tertullianus antiquissimus Latinorum, in libro de baptismo: *Ius habet, inquit, dandi Baptismum summus Sacerdos, qui est Episcopus, dehinc Presbyteri, & Diaconi, sed non sine Episcopi facultate.*

Quantum ad tertium, quod Episcoporum auctoritas non sit in coetu Presbyterorum, quasi Consulibus in senatu, sed ut Principis in Concilio Consiliariorum sibi subditorum, primùm colligitur ex testimonio jam citatis B. Pauli, in epist. ad Timotheum, Clementis, Irenæi, Tertulliani, deinde ex Conciliis. Omnia siquidem Concilia, tum generalia, tum provincialia, etiam antiquissima, quorum meminit Eusebius, lib. 5. histor. cap. 23. & 25. à solis Episcopis celebrata sunt.

Constat autem in Conciliis maximè exerceri jurisdictionem, cum leges in eis ponantur, & poenæ prævaricatoribus decernantur. Item ex eo, quod multis in locis legimus, Presbyteros ab Episcopis excommunicatos, nusquam autem Episcopos à Presbyteris. Vide Concilium II. Carthaginense, can. 8. & 9. Denique ex eo, quod soli Episcopi solum, si-ve thronum habent in Ecclesia, quod est potestatis indicium, unde & imperare Principum more dicuntur à Patribus. Vide Chrysost. in lib. de sacerdotio, Ambr. in lib. de dignitate sacerdotali, & Gregor. Nazianz. in oratione ad Principem irascentem, & populum timore perculsum. Sed jam objectiones diluamus.

CAPUT XV.

Solvuntur objectiones.

Primo loco obijciunt testimonium B. Pauli, ex quo iidem videntur esse Episcopi & Presbyteri, Philip. 1. *Paulus & Timotheus servi Jesu Christi, omnibus sanctis, qui sunt Philippis, cum Episcopis & Diaconibus.* Certè hoc loco Presbyteri dicuntur Episcopi; non enim in una urbe multi fuissent Episcopi, si Episcopi nomen summum aliquem Sacerdotem significaret. Deinde quare non dixit Paulus, cum Episcopo, Presbyteris, & Diaconibus, si Presbyteri ab Episcopis eo tempore distinguebantur.

Respondeo. Ambrosii commentarius non refert illud cum Episcopis & Diaconibus, ad eos quibus scribitur, sed ad eos qui scribunt, ita ut Episcopi hoc loco dicantur Paulus & Timotheus, & hic sit sensus: *Paulus & Timotheus servi Jesu Christi, omnibus sanctis, qui sunt Philippis, cum Episcopis, id est, cum Paulo & Timotheo, & eorum Diaconibus, gratia vobis, & pax &c.* Sed nimis dura expositio videtur.

Epiphanius in lib. de hæresibus, hæresi septuagesima quinta, dicit Paulum ita scribere solitum, quod eo tempore ob ministrorum penuriam multis in locis non essent Presbyteri ulli, sed Episcopi soli cum Diaconibus. Possunt enim Episcopi etiam Presbyterorum officio fungi. At hæc Epiphaniæ explicatio tum haberet locum, si Paulus diceret, cum Episcopo & Diaconibus, aut si non ad unam civitatem, sed ad multas simul scriberet: Sed cum ipse ad unam urbem Philippensem scribat, & dicat se scribere ad Episcopos & Diaconos, quomodo, quæso, illa explicatio locum habere potest? Si enim in una urbe multi Episcopi esse poterant, quantò facilius unus Episcopus, & aliquot Presbyteri.

Theodoretus in commentario huius loci, & fusiùs in cap. 3. primæ ad Timotheum scribit, Apostolorum tempore veros Episcopos, non Episcopos, sed Apostolos dici solitos. Presbyteros autem Episcopi nomine tunc appellari consuevisse. Nam ad Romanos 16. Paulus Andronicum Apostolum vocat, & Philip. 2. Epaphroditum Apostolum Philippensium appellat, qui videlicet Episcopi erant. Postea tamen omisso Apostoli nomine, Episcopos solum Episcopos, Presbyteros autem solum Presbyteros appellari coepisse. Quæ observatio Theodoretæ si vera sit, non solum objectioni desumptæ ex hoc loco, sed etiam ex omnibus aliis locis satisfacit; semper enim dicere poterimus, Paulum nomine Episcoporum Presbyteros accepisse.

Facilior est sancti Joannis Chrysostomi & aliorum multorum commentarius, qui docent, Apostolorum tempore nomina illa, Episcopus & Presbyter, communia fuisse omnibus Sacerdotibus, tam majoribus, quos nunc Episcopos dicimus, quàm minoribus, quos Presbyteros appellamus, licet res ipsæ & potestates distinctæ essent. Itaque Paulum nomine Episcoporum complexum esse omnes Sacerdotes, ut hic sit sensus: *Paulus & Timotheus servi Jesu Christi, omnibus sanctis, qui sunt Philippis, cum Episcopis & Diaconibus, id est, cum Sacerdotibus, & eorum Ministris?*

Adde, quod videtur B. Paulus universum Clerum salutare voluisse, sed ne cogeretur singulos ordines numerare, generatim id fecit. Omnes enim ordines ad duo primaria genera revocantur, ad Sacerdotes, & Ministros, quorum illud subdividitur in duas species analogas, in summos Sacerdotes, & simplices Sacerdotes: istud verò in sex alias species, in

Diaconos, Subdiaconos, Acolythos, Lectores, Exorcistas, & Ostiarios. Quamvis autem nunc nomen Episcopi tantum principali analogato, idest, summo Sacerdoti, tribui soleat, & nomen Diaconi, tantum principali ministro, tamen convenit suo modo nomen Episcopi minoribus etiam Sacerdotibus; nam & illi superintendunt, & regunt populum saltem in foro conscientiae, & ex delegatione Episcopi, & nomen Diaconi convenit suo modo ordinibus etiam inferioribus, cum omnes ministrent Sacerdoti.

Altera obiectio sumitur ex cap. 1. epist. ad Titum, ubi sic Apostolus loquitur: *Hujus rei gratia reliqui te Creta, ut constituas per civitates Presbyteros, sicut ego disposui tibi.* Et paulò infra: *Oportet enim Episcopum irreprehensibilem esse &c.* quo loco videmus Presbyteros Episcopos esse. Sed eadem adhiberi potest responsio, quæ ad locum superiorem adhibita est; Nomina enim eo tempore communia erant.

Tertia obiectio sumitur ex 3. cap. prioris epist. ad Timoth. ubi B. Paulus posteaquam præcepta quædam Episcopis dederat, continuo Presbyteris omnis transit ad Diaconos. Quare videtur pro iisdem habuisse Episcopos & Presbyteros. Respondeo: B. Paulum generatim instruere voluisse Clerum universum, ac propterea sub nomine Episcoporum comprehendisse etiam Presbyteros, sub nomine Diaconorum omnes inferiores Ministros; eadem enim præcepta omnibus conveniebant.

Quarta obiectio ex cap. 4. prioris ad Timoth. ubi Paulus ait: *Noli negligere gratiam Dei, qua in te est, qua data est tibi per impositionem manuum Presbyterii.* Ex quo loco Kemnitius affirmat, S. Hieronymum demonstrasse, posse Episcopum à Presbyteris ordinari: proinde nihil interesse inter Episcopum & Presbyterum. Sed impudenter mentitur Kemnitius. Nam S. Hieronymus in epist. ad Evagrium (quam Kemnitius citat) disertis verbis affirmat Presbyteros ordinare non posse: *Quid facit, inquit, Episcopus, excepta ordinatione, quod non etiam faciat Presbyter?* Adduxit autem S. Hieronymus locum illum Apostoli, ut ostenderet Episcopos in Scripturis interdum appellari Presbyteros. Sic enim exposuit verba illa: *Per impositionem manuum Presbyterii*, ac si dictum esset, per impositionem manuum, qua Presbyteratum accepisti, cum tamen constet, Timotheum non Presbyterum simplicem, sed Episcopum fuisse. Quo modo etiam exposuit Anselmus, & quidam alii Latini, & ipse etiam Calvinus lib. 4. Institut. cap. 3. extremo. Quamquam nobis verior videtur Græcorum expositio, qui nomine Presbyterii intelligunt chorum, si ve cætum Presbyterorum, idest, Episcoporum, qui novo Episcopo manus imponunt; sic enim exponunt Chrysostomus, Theodoretus, Theophylactus, & Oecumenius.

Quinta obiectio ex cap. 20. Actor. ubi B. Paulus mittens Ephesum, vocavit ad se majores natu Ecclesiæ, idest, Presbyteros, & tamen dum eos alloquitur, Episcopos appellat, dicens: *Attendite vobis, & universo gregi, in quo vos Spiritus sanctus posuit Episcopos, regere Ecclesiam Dei.* Item ex cap. 5. prioris epistolæ B. Petri, ubi Petrus Presbyteros sic alloquitur: *Seniores, qui in vobis sunt, obsecro consenior & testis Christi passionum &c. Pascite, qui in vobis est gregem Dei, providentes non coacti &c.* Ubi illud *Seniores* in Græco textu est *πρωτοπρεσβυτερος*, illud autem *Providentes*, in Græco est *προνομιαντες*. Denique ex epist. 2. & 3. S. Joannis, in quibus Apostolus se Presbyterum vocat, cum sine ulla dubitatione Episcopus fuerit. Sed ad hæc omnia uno verbo respondetur. Nomina eo tempore fuisse communia, & propterea in his omnibus locis veros etiam Episcopos Presbyteros appellari. His addunt Patrum testimonia.

A Est igitur sexta obiectio ex S. Hieronymo, qui in comment. 1. cap. epist. ad Titum ita scribit: *Idem est Presbyter qui Episcopus, & antequam Diaboli insinuat studia in religione fierent, & diceretur in populis: Ego sum Pauli, ego Apollo, ego verò Cepha, communi Presbyterorum consilio Ecclesia gubernabantur.* Postquam verò unusquisque eos, quos baptizaverat, suos putabat esse, non Christi, in toto orbe decretum est, ut unus de Presbyteris electus superponeretur ceteris, ad quem omnis Ecclesia cura pertineret, & schismatum semina tollerentur. Et infra: *Sicut ergo Presbyteri sciunt se ex Ecclesia consuetudine, ei, qui sibi prapostus fuerit, esse subiectos, ita Episcopi noverint, se magis consuetudine, quam dispositionis Dominica veritate Presbyteris esse majores, & in commune debere Ecclesiam regere.* Similia habet idem Hieronymus in epist. 85. ad Evagrium.

B Hæc S. Hieronymi verba aliqui piè interpretari conantur, ut S. Thomas, qui in 2. 2. qu. 184. artic. 6. scribit, Hieronymum loqui solum de nominibus Episcopi & Presbyteri, non de ipsa re. At certè verba illa citata: *Communi Presbyterorum consilio Ecclesia gubernabantur.* Et illa: *Magis consuetudine, quam dispositionis Dominica veritate Presbyteris esse majores, &c.* aliud significant quam solam communitatem vocabulorum.

C Joan. Antonius Delphinus, lib. 2. de Ecclesia docet, ex Hieronym. sententia initio nascentis Ecclesiæ omnes Presbyteros fuisse Episcopos. Non quòd idem sit Episcopatus & Presbyteratus, sed quòd utraque dignitas omnibus Sacerdotibus primo illo tempore daretur. Deinde autem ad schismata evitanda coepisse aliquos solum Presbyteros ordinari, & hoc modo ex Ecclesiæ consuetudine factum esse, ut Episcopi majores Presbyteris essent.

D At hæc etiam solutio non plenè satisfacit. Sanctus enim Hieronymus tueri conatur Presbyterorum dignitatem, qualis erat suo tempore adversus insolentiam Diaconorum, ut patet ex epist. ad Evagrium. Inde autem demonstrare nititur dignitatem Presbyterorum esse maximam, quòd eadem sit cum Episcopali. Nihil autem ad hoc probandum afferret, si solum doceret primos Presbyteros, idè fuisse Episcopis pares, quòd haberent etiam Episcopalem potestatem, nec essent simplices Presbyteri. Deinde, si idè primi Presbyteri fuissent pares Episcopis, quia essent etiam ipsi veri Episcopi: distinctio, quæ ex Hieronymi sententia postea exorta est, inde accidisset, quòd aliqui simplicem Presbyteratum in ordinatione postea accepissent. At S. Hieronymus contrarium significat, docet enim: Episcopatum esse novum, & ex Ecclesiæ consuetudine, non simplicem Presbyteratum; sic enim ipse ait: *Communi Presbyterorum consilio Ecclesia gubernabantur, postquam verò unusquisque &c.*

E Michael Medina in lib. 1. de sacrorum hominum origine, & continentia, cap. 5. affirmat S. Hieronymum idem omnino cum Aerianis sensisse, neque solum Hieronymum in ea hæresi fuisse, sed etiam Ambrosium, Augustinum, Sedulium, Primasium, Chrysostomum, Theodoretum, Oecumenium, & Theophylactum. Atque ita, inquit Medina, isti viri aliqui sanctissimi, & sanctarum Scripturarum consultissimi, quorum tamen sententiam prius in Aerio, deinde in VValdensibus, postremò in Joanne VViclefo damnavit Ecclesia. Et infra: *Ergo in Hieronymo, & Gracis illis Patribus olim propter eorum honorem, & reverentiam hæc sententia aut dissimulabatur, aut tolerabatur in illis: contra in hæreticis, quòd in aliis quoque multis ab Ecclesia declinarent, tamquam hæretica semper est damnata.* Hæc ille.

Cæterum hæc Medinae sententia (ut levissimè dicam) valde est inconsiderata. Nam primùm injuriam facit tot clarissimis Patribus, quos sine ulla causa,

causa, ut mox ostendam, Aerianos facit. Deinde injuriam facit Ecclesiae, quam acceptionis personarum nota inurit. Nam cum omnes citati auctores post Aerium vixerint, cur, quæso, Ecclesia unam atque eandem sententiam in Aerio damnavit, in Patribus toleravit? Nonne Aerio potius ignoscendum fuit, qui ante definitionem Ecclesiae peccasse videbatur, quam Patribus illis, qui damnatam jam hærelim sequuti sunt? Denique injuriam facit communi causæ Doctorum Catholicorum. Quia enim fronte sanctos Patres adversus hæreticos adteremus, si eam sententiam ab Ecclesia damnatam dixerimus, quæ omnes ferè Patres, tum Græci, tum Latini docuerunt.

At (inquit Medina) *VValdenses hæretici Hieronymi testimonia utebantur, idem igitur illi, & Hieronymus senserunt*. Egregium profectò argumentum. Hoc modo concludere licebit etiam, idem sentire Lutherum, & Paulum. Nam Pauli testimoniis passim utitur Lutherus. Mentiuntur igitur Waldenses, cum Hieronymum auctorem sequi se dicunt.

Sed instat Medina, Aerius non ignorabat, secundum Ecclesiae leges Episcopum Presbytero esse majorem, sed jure divino pares esse affirmabat. Quare cum Hieronymus apertissime dicat, non Dominicæ dispositionis veritate, sed sola consuetudine Ecclesiastica Episcopos majores Presbyteris esse, nihil omnino inter Aerii & Hieronymi sententiam interesse videtur.

Respondeo: tantum distare Hieronymum ab Aerio, quantum Catholicus ab hæretico, & coelum ab inferis distat. Nam in primis S. Hieronymus ubique agnoscit Episcopum esse majorem Presbytero, quantum ad ordinis potestatem, & hoc sine dubio jure divino, ut patet ex epist. ad Evagrium, ubi sic ait: *Quid facit Episcopus, excepta ordinatione, quod non faciat etiam Presbyter?* At Aerius discrimen non agnoscebat, ut ex Epiphania potest intelligi, hæresi 75.

Deinde quantum ad potestatem jurisdictionis, Aerius, ut etiam Lutherani & Calvinistæ, non modò negabat jure divino majorem esse Episcopum Presbytero, sed etiam contendebat non rectè facere Ecclesiam, quæ Episcopos Presbyteris anteponat. At S. Hieronymus, etsi jure divino agnoscere non videtur discrimen inter jurisdictionem Episcopi & Presbyteri, tamen agnoscit hoc ipsum discrimen tantquam legitimè, immò & necessariò ad schismata vitanda ab Apostolis introductum. Non enim vult S. Hieronymus ante paucos annos ex temporum corruptela natum esse Episcoporum principatum, sed ab eo tempore, quo coepit dici in Ecclesia: *Ego sum Pauli, ego Apollo, ego autem Cepha*, quæ verba Apostoli Pauli sunt, 1. Corinth. 1. Proinde in ipsis Ecclesiae primordiis, cum adhuc viverent Apostoli, in toto orbe ab ipsis Apostolis, Ecclesias tum regentibus, vult S. Hieronymus jurisdictionem Ecclesiasticam ad Episcopos esse delatam. Itaque nihil commune est Aerio & Hieronymo. Neque ullo modo credibile est S. Hieronymum Aerii sententiam fuisse sequutum, quam sciebat jam à S. Epiphania refutatam.

Est autem hoc loco observandum, S. Hieronymum in illa sua sententia non adeo constantem videri, ut valdè probabile sit eum non omnino certum fuisse. Docuit enim in explicatione capitis primi ad Titum, consuetudinem, quæ Episcopos Presbyteris anteposuit, coepisse ab eo tempore, quo dictum est: *Ego sum Pauli, ego Apollo, ego autem Cepha*, & tamen Presbyteros Episcopis pares esse colligere nititur ex epistola ad Titum, & ad Philipenses, & ex epistolis Petri & Joannis, quæ scriptæ sunt post epistolam priorem ad Corinthios, ubi illa verba habentur: *Ego*

A *sum Pauli, ego Apollo &c.* Deinde in libro de scriptoribus Ecclesiasticis in Jacobo, dicit Jacobum continuò à Christi ascensione ordinatum Episcopum Hierosolymorum. Non igitur fuit unquam illud tempus, quo Ecclesiae sine Episcopis à Presbyteris gubernabantur.

Præterea idem Hieronymus in epist. ad Evagrium, comparat Episcopum Aaroni, Presbyteros filis Aaroni. Et in epist. ad Marcellam de erroribus Montani, Episcopos Apostolis succedere dicit. At certè Aaron jure divino major erat ordine, & jurisdictione, filiis suis, & Apostoli omnibus aliis Christi discipulis.

B Denique in lib. 1. adversus Jovinianum, idem Hieronymus affirmat ab ipso Christo unum electum ex duodecim, idest, Petrum, ut capite constituto, schismatum tolleretur occasio. At si Christus voluit inter ipsos Apostolos unum eminere, cur non credemus etiam voluisse eum, ut inter Presbyteros unus emeretur? Ac de S. Hieronymo satis, ut etiam de Anselmo & Sedulio, qui in commentario cap. 1. epistolæ ad Titum, ad verbum Hieronymi sententiam retulerunt.

C Septima objectio sumitur ex Ambrosio, qui in commentar. cap. 4. ad Ephesios ita scribit: *Timotheum Episcopum à se creatum, Presbyterum vocat, quia primi Presbyteri Episcopi appellabantur, ut recedente eo, sequens ei succederet. Denique apud Egyptum Presbyteri consignant, si præsens non sit Episcopus. Sed quia caperunt sequentes Presbyteri indigni inveniri ad primatus tenendos, immutata est ratio, prospiciente Concilio, ut non ordo, sed meritum crearet Episcopum, multorum sacerdotum judicio constitutum &c.*

D Sed hic locus non habet difficultatem. Nam (ut interim omittam, commentaria illa non videri ab Ambrosio edita) auctor eorum commentariorum loquitur solum de ratione successionis Episcoporum, ac docet, initio nascentis Ecclesiae, antiquissimum Presbyterum consuevisse ordinari Episcopum, eoque mortuo succedere solum, sine alia electione, antiquissimum item Presbyterum. Sed non negat auctor iste primum illum Presbyterum, cum Episcopo succedebat, debuisse iterum consecrari, & novam potestatem ac jurisdictionem accipere. Neque semel idem auctor clarissime docet, multum interesse inter Episcopum, & Presbyterum; nam in eodem commentar. cap. 4. ad Ephesios sic ait: *In Episcopo omnes ordines sunt, quia primus Sacerdos est, hoc est, Princeps est Sacerdotum*. Et in cap. 3. prioris ad Timotheum: *Episcopi, inquit, & Presbyteri una ordinatio est, uterque enim Sacerdos est, sed Episcopus primus est, ut omnis Episcopus Presbyter sit, non tamen omnis Presbyter Episcopus. Hic enim Episcopus est, qui inter Presbyteros primus est. Denique Timotheum Presbyterum ordinatum significat, sed, quia ante se alterum non habebat, Episcopus erat, unde, & quemadmodum Episcopum ordines, ostendit: Neque enim fas erat, aut licebat, ut inferior ordinaret majorem; nemo enim tribuit quod non accepit*. Hæc ille. Ubi vides majorem esse Episcopum Presbytero, & ideo à Presbytero Episcopum ordinari non posse, quòd Presbyter non habeat Episcopalem ordinationem.

E Octava objectio ex Chrysostomo in commentar. cap. 3. prioris ad Timoth. ubi sic legimus homil. 11. *Inter Episcopum atque Presbyterum interest ferè nihil, quippe & Presbyteris Ecclesia cura permissa est, & qua de Episcopis docet, ea etiam Presbyteris congrunt. Sola quippe ordinatione superiores illi sunt, atque hoc tantum plusquam Presbyteri habere videntur*. Idem docent, & verbis ferè iisdem, Primasius, Theophylactus, & Oecumenius, in commentar. ejusdem loci.

Respondeo, ex istis ipsis verbis apertè colligi, ma-

jores esse Episcopos Presbyteris, cum Episcopi ordinare possint, Presbyteri non possint, ut auctores citati una voce testantur.

At, inquit, saltem quoad jurisdictionem pares sunt Episcopis Presbyteri, quandoquidem nihil habent Episcopi, quod Presbyteri non habeant, excepta ordinatione. Respondeo: hos auctores cum nihil tribuunt Episcopo, quod non sit cum Presbyteris commune, excepta ordinatione, loqui de iis rebus, quæ nullo modo Presbyteris conveniunt. Tale autem nihil est, nisi ordinatio præcipue Sacerdotum. Nam potestas jurisdictionis, ex commissione Episcopi, potest etiam Presbyteris convenire, immo etiam confirmare baptizatos possunt Presbyteri ex dispensatione. At ordinatio Sacerdotum ita propria Episcoporum est, ut nullo modo Presbyteris permitti possit.

Quod autem Chrysostomus senserit, Apostolorum tempore Episcopum à Presbytero distinctum fuisse, colligitur etiam ex homil. 1. in epist. ad Philipenses, ubi exponens illud, cum Episcopis, & Diaconibus: *Quid, inquit, hoc sibi vult? Itane unus civitatis plures erant Episcopi? Nequaquam, sed hoc titulus designat Presbyteros, tunc enim temporis adhuc vocabulum erat commune.*

Nona objectio ex Theodoro, qui in Commentar. cap. 1. ad Philipenses aliquoties repetit, Presbyteros fuisse, quos Paulus Episcopos appellat. Sed hoc jam antea explicatum est. Theodoretus enim docet quidem, olim Presbyteros Episcoporum nomen habuisse: sed ibidem addit veros Episcopos nomine Apostolorum, eo tempore appellari solitos, ita ut semper & re & nomine majores fuerint Episcopi Presbyteris, ex sententia Theodreti. Quare idem auctor in cap. 3. prioris ad Timotheum ita scribit: *Sed tamen, etiam Presbyteris has leges constituit divinus Apostolus, clarum est, quod has leges oportet primis servare Episcopos, ut qui sint majorem dignitatem assequati.*

Decima objectio ex Augustino, qui in epist. 19. ad Hieronymum sic ait: *Quamvis enim secundum honorum vocabula, quæ jam Ecclesia usus obtinuit, Episcopatus Presbyteris major sit, in multis rebus tamen Augustinus Hieronymo minor sit.*

Respondeo, illud: *Jam obtinuit*, non opponi tempori antiquo ipsius Ecclesiæ, sed tempori quod fuit ante exortum Ecclesiæ nostræ Christianæ. Itaque non est sensus, olim Episcopi & Presbyteri erant æquales, sed jam usus obtinuit, ut Episcopatus Presbyterio major sit. Sed hic est sensus: Ante Christiana tempora, nomina ista, Episcopus & Presbyter, non erant honoris vocabula, sed officii, aut ætatis, nunc autem honoris ac dignitatis nomina sunt, & secundum hæc nomina Augustinus Hieronymo major est, quamvis aliis multis nominibus Augustinus Hieronymo minor sit.

Undecima objectio. Presbyteri succedunt Apostolis non minus quam Episcopi, ut patet ex Clemente, lib. 2. constit. cap. 32. & Ignatio in epist. ad Smyrneses. Non igitur sunt Presbyteri Episcopis inferiores.

Respondeo: Episcopos & Presbyteros variis modis à Patribus comparari, sed semper servata proportionem, & distinctionem. Aliquando dicunt Episcopum tenere locum Dei, Presbyterum locum Christi, Diaconum locum Apostolorum. Ita Clemens lib. 2. constit. cap. 30. & Ignatius in epist. ad Trallianos. Aliquando Episcopo dant locum Christi, Presbyteris locum Apostolorum, Diaconis locum Discipulorum LXXII. Ita Clemens loco cit. lib. 2. cap. 32. & Ignatius ad Smyrneses. Aliquando Episcopis dant locum Apostolorum, Presbyteris locum LXXII. Discipulorum, ut Patres supra citati.

Duodecima objectio: Christus Presbyteros ordinavit in cena, ut Catholici omnes docent: at Episcopos nusquam legitur ordinasse. Non igitur Episcopatus jure divino est introductus. Respondeo: à Christo B. Petrum ordinatum fuisse Episcopum, à B. Petro Jacobum & Joannem, ab his tribus ceteros Apostolos, ut in lib. 1. de summo Pontifice supra ostendimus.

CAPUT XVI.

De Cardinalibus.

DE Cardinalibus Romanæ Ecclesiæ pauca quedam addenda sunt, ut Joanni Calvino etiam de hoc ordine Clericorum breviter respondeamus. Dicemus autem primò, de antiquitate, & significatione nominis Cardinalium. Secundò, de antiquitate, & varietate officii Cardinalium. Terriò, de comparisonem Cardinalium cum Episcopis: Hæc enim tria Calvinus attingit, lib. 4. Instit. cap. 7. §. 30.

Si quis autem plura cognoscere velit, legat ex Theologis Alvarum Pelagium, lib. 2. de planctu Ecclesiæ, art. 16. Augustin. Triumphum in summa de potest. Ecclesiæ, quæst. 102. Thomam Waldensem, lib. 2. doctrinalis fidei, art. 3. cap. 54. Joan. de Turrecremata, lib. 1. summæ de Ecclesiâ, cap. 81. 82. 83. & 84. S. Antoninum in summa Theologica, 3. part. tit. 21. Joan. Antonium Delphinum, lib. 2. de Ecclesiâ. Ex Canonistis, Andream Barbatum in tract. de præstantia Cardinalium ad Bessarionem, Martinum Laudensem in tract. de Cardinalibus, Dominicum Jacobarium, lib. 1. de Conciliis, art. 12. & Joannem Hieronymum Albanum in lib. de Cardinalibus. Ex Historicis, Onuphrium Paninum in libello de Episcopatibus, Titulis, & Diaconis Cardinalium.

Ut igitur à primo incipiamus, Calvinus loco notato, ante Gregorii tempora dicit se non legisse nomen Cardinalium: At in Concilio Romano sub Sylvestro can. 6. legimus septem fuisse Diaconos Cardinales in Romana Ecclesiâ. Præcessit autem Sylvester Gregorium annis serè trecentis; neque tamen tunc primum coepit hoc nomen. Non enim Concilium illud instituit Cardinales, sed solum jussit ut præter Cardinales Diaconos Romanæ Ecclesiæ, essent etiam duo Diaconi ad examen Paroeciarum.

Porro nomen Cardinalis idem serè significare videtur quod Principalis, sive is à quo alii pendent, ut à cardine ostia dependere solent. Hinc enim & virtutes Cardinales, & venti Cardinales, & puncta cœli Cardinalia dici solent, & Augustin. lib. 1. de Baptismo, cap. 6. Primarios Donatistas, Cardinales Donatistas appellavit. Cur autem Electores Pontificis Cardinales dicantur, non omnes explicant eodem modo.

Calvinus loco notato docet, hoc nomen tempore sancti Gregorii proprium fuisse Episcoporum, proinde non rectè nunc tribui Presbyteris & Diaconis, aut solis Episcopis Romanæ Curie: *Hic titulus, inquit, Gregorii ætate in solos Episcopos compete-
bat. Nam quoties meminit Cardinalium, non Romana Ecclesiâ, sed aliis quibuslibet eos attribuit, ut in summa nihil aliud sit sacerdos Cardinalis, quam Episcopus.* Hæc ille. At Calvinus in exploratum errorem incidit; nam S. Gregorius lib. 5. epist. 11. ad Fortunatum Episcopum Neapolitanum meminit Diaconorum Cardinalium, & lib. 11. epist. 34. ad Joannem Episcopum Syracusanum meminit Presbyterorum Cardinalium, & Joan. Diaconus lib. 3. vitæ S. Gregorii cap. 7. enumerat Episcopos, quos S. Gregorius

ex Presbyteris Cardinalibus fecerat. Non igitur verum est, idem esse apud Gregorium, Episcopum & Cardinalem.

Leo IX. Pont. Max. in epistola ad Michaellem, cap. 32. dicit, Clericos Romanæ Ecclesiæ Cardinales vocari, quod summo Pontifici proximè adhareant, qui est veluti cardo totius Ecclesiæ. Nam ut in cardine ostium vertitur, & regitur, ac sustentatur, sic etiam à summi Pontificis providentia, & firmitate tota Ecclesia pender. Hæc verò explicatio rectè docet, cur Cardinales Romanæ Ecclesiæ dicantur præ cæteris, & per Antonomasiam Cardinales, at non explicat cur simpliciter dicantur Cardinales, cum constet etiam alibi esse, & fuisse qui dicerentur Cardinales, ut patet ex Gregorio, locis citatis, lib. 5. epist. 11. & lib. 11. epist. 34. & ex Concilio Meldensi, canon. 54.

Onuphrius in libro de Cardinalium titulis existimat, Presbyteros & Diaconos Cardinales dictos esse eos, qui præerant aliis Presbyteris vel Diaconis ejusdem Ecclesiæ, quasi principales Presbyteri, vel Diaconi in illa Ecclesia, erant enim plures Presbyteri in eadem Ecclesia, sed Præses tantum dicebatur Cardinalis.

Hæc Onuphrii explicatio non videtur vera. Nam in eodem titulo plures erant aliquando Cardinales, ut patet ex Synodo S. Gregorii, quæ habetur lib. 4. registr. cap. 88. ubi ponuntur subscriptiones Presbyterorum Cardinalium, & inter eas tres inveniuntur tituli sanctæ Balbinæ, duo sancti Damasi, duo sancti Sylvestri, duo sanctorum Apostolorum. Non igitur is tantum Cardinalis dicebatur, qui præerat titulo. Præterea, tempore S. Sylvestri, septem tantum Romæ erant Diaconi Cardinales; nam adhuc recens erat eo tempore Canon 14. Concilii Neocæsariensis, ubi definitur, in qualibet civitate, quamvis magna, septem tantum debere esse Diaconos, & tamen illi omnes Romæ dicebantur Cardinales, ut patet ex Concilio Romano sub Sylvestro can. 6. Non igitur Diaconus Cardinalis erat, qui præerat aliis Diaconis ejusdem Ecclesiæ. Adde postremò, quod juxta hanc Onuphrii explicationem, nulla ratio reddi posset, cur dicerentur quidam Episcopi Cardinales; Non enim dici possunt Episcopi Cardinales, quod præfint aliis Episcopis suæ diocesis, sicut Presbyter Cardinalis, quod præfuit Presbyteris sui tituli, nam non sunt in una diocesi plures Episcopi.

Existimo igitur nomen Cardinalis primò impostum esse loco, & à loco derivatum ad personas. Dicebantur enim tituli Cardinales, quædam Ecclesiæ principales, ubi Baptisma conferebatur; & dicebantur Ecclesiæ vel tituli Cardinales, ad differentiam aliorum locorum sacrorum minus principalium. Inde autem Presbyter, qui eam Ecclesiam regebat, dicebatur Presbyter Cardinalis. Pari ratione Diaconæ Cardinales erant loca quædam principalia in urbe distincta juxta numerum regionum, & qui in eis residebant Diaconi, dicebantur Cardinales Diaconi, ab Ecclesia videlicet Cardinali, quam tenebant. Sic etiam postmodum dicti sunt Episcopatus Cardinales; Et inde Episcopi Cardinales sex illi, qui ad eligendum Pontificem conveniebant, & eidem Pontifici à Consiliis erant præter cæteros orbis Christiani Episcopos.

Quod autem à loco coeperit hoc nomen, cognosci potest ex Concilio Meldensi, can. 54. ubi sic legimus, ut titulos Cardinales in urbibus, vel suburbis constitutos Episcopus canonicè ordinet, & disponat. Item ex Joan. Diacono in vita S. Gregorii, lib. 3. cap. 11. ubi sic ait: *Cardinales violent in Parochiis ordinatos forensibus, in pristinum Car-*

dinem Gregorius revocabat. Ubi Cardinem vocat Cardinalem titulum sive Ecclesiam. Ac de nomine quidem hæcenus. Si quis autem velit cognoscere nomina, & numerum titulorum, Diaconiarum, & Episcopatum Cardinalium, Onuphrium consulat in libro de Cardinalibus.

Jam de officio, & officii antiquitate breviter dicamus. Tria sunt officia Cardinalium. Primum est commune cum Episcopis, Presbyteris & Diaconis cæteris; omnes enim Cardinales, aut Episcopale, aut Presbyterale, aut Diaconale officium habent: Alterum officium est summum Pontificem eligere: Postremum eidem Pontifici perpetuò assistere, eumque in regenda universa Ecclesia consilio, & industria adjuvare. Ex his officiis primum negari non potest, quin sit antiquissimum. Neque id negat Calvinus; quin potius hoc solum agnoscit, sic enim scribit loco citato, lib. 4. cap. 7. §. 30. *Et sane nihil officii tunc habebant, nisi ut in doctrina & Sacramentorum administratione Episcopo adessent ac subessent.* Hæc ille.

At Calvinus secum pugnare mihi videtur; nam eodem lib. 4. Institut. cap. 4. §. 2. docet, antiquissimis temporibus cum fuisse usum in Ecclesia, ut Presbyteri eligerent Episcopum, & cum illo ita Ecclesiam communi consilio regerent, ut nihil plus Episcopus haberet in cœtu Presbyterorum, quam Consul in Senatu: *Presbyteri, inquit, ex suo numero unum eligebant, cui specialiter dabant titulum Episcopi.* Et infra: *Quas partes habet Consul in senatu, eas habet Episcopus in Presbyterorum cœtu.* Hæc ille. Quod si verum est, certè sequitur, ut quod nunc Romæ Cardinales faciunt, dum Episcopum ex suo numero eligunt, aut tanquam senatores quidam Ecclesiastici cum eo Ecclesiam regunt, antiquissimum sit ac proinde omnia tria officia sint antiquissima.

Est autem hoc loco observandum. Omnia quidem tria Cardinalium officia esse antiquissima, & ab ipso tempore Apostolorum inchoata, sed tamen non esse æquè antiquum, ut soli Cardinales duobus officiis posterioribus fungantur. Nam à tempore Apostolorum per multos annos, immò etiam per aliquot sæcula, quia pauci erant Presbyteri, & Diaconi, omnes simul ad electionem Episcopi, & ad Concilia vocabantur, neque erat opus tunc distinguere à Cardinalibus non Cardinales, sicut etiam in aliis Ecclesiis non distinguebantur Canonici à non Canonici. Quare Cyprianus cum aliquoties scribat ad Romanum Clerum, non scribit ad solos Cardinales, sed ad omnes Presbyteros & Diaconos Romanæ Ecclesiæ, & similiter illi cum Cypriano respondent, Presbyteri & Diaconi omnes respondent. Vide lib. 2. epist. 7. & lib. 3. epist. 5. & 21.

Deinde autem cum crevisset multitudo Cleri, vocabantur quidem omnes ad electionem faciendam, sed non omnes ad concilia vocabantur, sed aliqui principales, qui Romæ, & aliis quibusdam in locis Cardinales dicebantur. Id constat ex Synodo Gregorii, lib. 4. registri, cap. 88. Nam solum Concilio interfuerunt ex Presbyteris XXXIV. & ii Titulares omnes, idest, Cardinales. Cerrum autem est, tunc Romæ fuisse multò plures Presbyteros, quam XXXIV. Nam si tempore sancti Cornelii circa annum Domini 250. in medio persecutionum, regnantibus idololatriis, tamen erant Romæ XLVI. Presbyteri, ut ex epistola ejusdem Cornelii refert Eusebius, lib. 6. histor. cap. 33. certè multo plures erant tempore sancti Gregorii, circa annum Domini 600. quando nullus in urbe erat Paganus. Denique, postremis quingentis annis neque ad Concilia, neque ad electionem admissi sunt omnes Clerici, quod nimis multi essent, sed soli Cardinales, ut

suprà

suprà ostendimus, cum de vocatione Ministrorum ageremus.

Quantum ad tertium, de comparatione Cardinalium cum Episcopis, fusè tractant suprà citati auctores, sed in hac tamen ferè omnes conveniunt, quòd si consideremus ordinis potestatem, major sit Episcopus Presbytero, vel Diacono Cardinali. Nam Episcopus ordinat Presbyteros, confirmat baptizatos, aliaque id genus facit, quæ Cardinales Presbyteri, vel Diaconi, facere non possunt. Qua etiam ratione summus Pontifex Episcopum se vocat, non Cardinalem, & Episcopos omnes appellat venerabiles fratres, Cardinales autem dilectos filios, quomodo vocat etiam Laicos.

Pari ratione, si consideremus jurisdictionem in propriam Ecclesiam, idest, Episcopi in suam Dioecesim, & Cardinalis in suum titulum, aut Diconiam, major est Episcopus Cardinali Presbytero, vel Diacono. Nam in primis major est ordinariò Dioecesis Episcopi, quàm titulus Cardinalis, ac præterea Episcopus in sua Dioecesi amplissimam habet jurisdictionem tanquam proprius & ordinarius Pastor, ferendi leges, dispensandi, puniendi, indulgendi &c. At Cardinalis Presbyter & Diaconus, cum in suo titulo sit veluti Parochus, Episcopo subjectus, nihil potest, nisi quantum Episcopus ei permiserit.

At si consideremus regimen Ecclesiae universalis, major est Cardinalis Presbyter, vel Diaconus Episcopo non Cardinali. Nam Episcopi simplices nunquam adhibentur ad regimen universalis Ecclesiae, nisi rarissimè, idest, cum ad generale Concilium convocantur. At Cardinales ferè quotidie præsto sunt Pontifici, neque ullum negotium majoris momenti sine eorum Concilio peragitur. Et quia hinc fit, ut Episcopi à Cardinalibus, ut summi Pontificis cooperatoribus, judicentur, creentur, deponantur, non autem contra Cardinales ab Episcopis, propterea absolutè Cardinalis Episcopum non Cardinalem præcedit. Atque hanc rationem ut præcipuam affert etiam Eugenius Pontifex IV. in epistola ad Archiepiscopum Cantuariensem, quæ exstat apud Dominicum Jacobatum, lib. 1. de Conciliis, art. 12. Et ante Eugenium S. Bernardus lib. 4. de consideratione, de Cardinalibus loquens: *Veniamus, inquit, ad collaterales, & coadiutores tuos. Hi seduli tui, hi intimi tui.* Et infra: *An non eligendi de toto orbe, orbem iudicaturi?* Et in epist. 188. ad Cardinales scripta: *Nulli dubium, inquit, quin ad vos specialiter spectet tollere scandala de regno Dei, surgentes succidere spinas, sedare querelas.* Et infra: *Agite pro loco, quem tenetis, pro dignitate, qua polletis, pro potestate, quam accepistis &c.* ubi apertissimè agnoscit S. Bernardus majorem in Cardinalibus, quàm in Episcopis potestatem.

Sed occurrit Calvinus loco notato, lib. 4. cap. 7. §. 30. & objicit tria testimonia: *Video, inquit Calvinus, fuisse tunc Episcopos minores, quos nunc longè antecellunt.* Notum est illud Augustini epistola decimona ad Hieronymum: *quamquam secundum honorem vocabula, quæ jam Ecclesia usus obtinuit, Episcopatus Presbyterio major sit, tamen in multis rebus Augustinus Hieronymo minor est.* Hic certè Romana Ecclesia Presbyterum ab aliis minimè discernit, sed omnes ex æquo postponit Episcopis. Idque consuevit observatum, ut in Concilio Carthaginensi, cum duo adessent Legati Romana sedis, unus Episcopus, secundus Presbyter, hic in ultimum locum rejectus fuerit. Verum ne nimis vetera prosequamur, exstat Concilium sub Gregorio habitum Romæ, in quo Presbyteri ultimo loco sedent, & seorsum subscribunt, Diaconi locum nullum in subscriptione habent. Hæc ille.

Sed Augustini testimonium ad rem non facit; non

A enim negamus Episcopatum Presbyterio majorem esse, sed dicimus, Presbyterum Cardinalem Episcopo non Cardinali esse majorem, non quòd Presbyter sit major Episcopo, sed quòd Cardinalis major sit non Cardinali. Nam alioqui Episcopus Cardinalis Presbyterum Cardinalem, & Presbyter Cardinalis Diaconum Cardinalem semper præcedit.

At, inquit Calvinus, *Augustinus non querit Presbyterum, sed Hieronymum Presbyterum Romana Ecclesia Episcopo postponit.*

B Respondeo, S. Hieronymum non Romanæ Ecclesiae, sed Antiochenæ Presbyterum fuisse; id enim ipse testatur in epist. 61. ad Pammachium, de erroribus Joannis Hierosolymæ Episcopi. Neque repugnat quòd ipse aliquando Romæ fuerit, & Damasum Pontificem juverit in epistolis scribendis, ut ipse testatur in Epistola ad Ageruchiam de Monogamia. Nam etsi Romæ fuerit, non tamen habuit Romæ titulum aliquem proprium, sive Ecclesiam regendam, ut Cardinales habent; Quocirca cum jam Roma rediisset, & in Syria degeret, quando scripsit epistolam ad Pammachium adversus Joannem Hierosolymitanum, non tamen ait, se Romanum, sed Antiochenum Presbyterum fuisse. Et sanè, si potuisset verè dicere, se Romanæ Ecclesiae Presbyterum Cardinalem esse, vel fuisse, libenter dixisset. Cupiebat enim Joanni Episcopo Hierosolymæ demonstrare, se Presbyterum fuisse majoris cujusdam Ecclesiae, quàm Hierosolymitana esset, & proinde se non reliquisse suam Ecclesiam, ut in Ecclesia Hierosolymitana aliquid quæreretur: Ob id, inquit, *& ego Antiochiam, & ille Constantinopolim, urbes celeberrimas, deseruimus, non ut te in populis prædicantem laudaremus, sed ut in agris & in solitudine adolescentia peccata descentes, Christi in nos misericordiam descefferemus.* Hæc illæ. Cum igitur constet, semper Romanam Ecclesiam Antiochenæ prælatam fuisse, certè sanctus Hieronymus libenter dixisset, si id verè dicere potuisset, ob id & ego Romam, & ille Constantinopolim &c.

C Neque etiam testimonium Concilii VI. Carthaginensis valde est ad rem. Nam etsi in eo Concilio Presbyter Romanus sederit post Episcopos, tamen in Concilio Nicæno, in Ephesino, in Calcedonensi, in VI. VII. & VIII. Synodo generali. Romani Presbyteri sederunt ante Episcopos. Sed quamquam hæc ita se habeant fateor tamen, olim Episcopos quoscumque prælatos fuisse Cardinalibus non Episcopis, immò etiam Cardinalatum gradum fuisse ad Episcopatum, ut Onuphrius rectè docet in libro de Cardinalibus, & apertissimè colligitur ex lib. 1. cap. 7. vitæ S. Gregorii.

D Postea tamen mutatus est ordo, & cœpti sunt Cardinales Episcopis anteponi, & Episcopatus gradus esse ad Cardinalatum; cujus mutationis duplex ratio assignari potest. Una, quòd ad solos Cardinales devoluta sit electio summi Pontificis. Nam quo tempore Pontifices eligebant Clerus & populus, non est mirum, si non tanti fierent Cardinales. At posteaquam cœperunt soli ipsi eligere, & etiam soli ipsi, ut plurimum, eligi, non sine causa cœpit dignitas Cardinalitia pluris fieri, quàm antea.

E Altera causa est, quòd soli Cardinales cœperint adesse summo Pontifici in Consiliis. Nam antea Cardinales neque soli, neque primarii Consilarii Pontificis erant; siquidem primis sexcentis, vel octingentis annis, summi Pontifices ad graviora negotia Ecclesiae dijudicanda cogeant Concilia nationalia Episcoporum Italiae, quibus Conciliis intererant quidem Cardinales Presbyteri, sed tamen primus locus Episcoporum erat. Id cognosci potest ex tomis Concilio-

ciliorum, ubi plurima inveniuntur Concilia Romana, sive Lateranensia, celebrata ab anno Domini 300. ad 800.

Quocirca non erat ratio, cur eo tempore Cardinales Presbyteri Episcopis anteponerentur, cum eo tempore non minus, immò magis Pontificem juverent in Ecclesia universali regenda Episcopi, quàm Cardinales. At postea creverunt negotia Ecclesiae Romanae, praesertim cum accessisset principatus temporalis, tempore Pipini & Caroli Magni: proinde egebat summus Pontifex Consiliariorum ope multò saepius, quàm antea. Neque poterat tam saepe convocare Concilia Episcoporum, quàm necesse erat, Concilia enim vix tertio quoque anno cogi poterant, Pontifex autem quolibet anno saepius egebat Consilio. Itaque usu docente, & necessitate cogente his postremis annis sexcentis vel septingentis coeperunt paulatim omitti Concilia Episcopalia, & res tota redigi ad senatum Cardinalium. Potuisse autem hoc fieri, & rectè factum esse, in dubium revocari non potest; nam non tenetur Pontifex hos potius, quàm illos in Consilium adhibere.

Deinde, hac ratione multa commoda consequuta sunt. Primum, quòd habeat nunc summus Pontifex senatum in promptu, ita ut possit etiam singulis diebus, si velit, de rebus gravissimis deliberare. Alterum, quòd hoc fiat sine detrimento Ecclesiarum particularium. Nec enim possent Concilia Episcoporum saepe cogi sine detrimento Ecclesiarum, quibus absentia Pastorum perniciofa est. Tertium, quòd habeat Consiliarios magis instructos, & exercitatos, cum hæc sola & assidue tractent. Facta autem legitime hac mutatione concilii Pontifici ab Episcopis, & Cardinalibus ad solos Cardinales, mirum esse non debet, si etiam facta est mutatio dignitatum.

Sed placet, ad finem huius loci repugnantiam verborum Calvini in extrema disputatione cap. 7. lib. 4. Institut. annotare. Nam in ultimo paragrapho miratur Cardinalium amplitudinem: *Nescio, inquit, qui factum sit, ut ita subito in tantam amplitudinem emergerint. Et mox infra: Nunc adeò mutata sors est, ut facti sint Regum, & Caesarum cognati. Nec dubium est, quum una cum suo capite sensum creverint, donec ad hoc dignitatis fastigium evelti fuerint. Hæc ille. Qui tamen continuo subiungit contrarium: Impleri, inquit, in illis oportuit quod de talibus ait Malachias. Vos recessistis de via, & offendere fecistis in lege plurimos; propterea ecce ego dedo vos contemptibiles & viles omni populo. At quomodo, quaeso, ista cohererent, ut in summum fastigium amplitudinis creverint Cardinales, ita ut Regum ac Caesarum cognati facti sint & tamen contemptibiles ac viles evaserint omni populo? Sed de his satis.*

CAPUT XVII.

De Chorepiscopis.

Diximus de distinctione & officio Clericorum eorum, qui etiam hoc tempore locum suum habent in Ecclesia; nunc addendum visum est aliquid de Chorepiscopis, quorum nomen & officium olim in usu erat, nunc autem penè interiisse videtur.

Igitur Chorepiscopi dicebantur olim presbyteri quidam, qui in pagis, aut oppidulis curam animarum gerebant loco Episcoporum, ut nunc ferè Parochi faciunt. Dicebantur autem Chorepiscopi, vel, ut Damasus indicat in epist. 3. quasi villarum Episcopi. Nam *Χώρα* Græcè oppidum ac regionem significat. Vel potius, ut Concilium Neocæsariense canone 13. & Antiochenum can. 8. docent, quasi Vicarii

A Episcopi, vel Vicarii Episcoporum, seu loco Episcoporum constituti; *Χώρα* enim locum etiam significare potest. Porro ejusmodi Chorepiscopi non poterant Presbyteros & Diaconos ordinare, nec Chrismate fidelium frontes inungere, nec templa, aut altaria consecrare. Cætera ferè omnia præstare poterant, quæ præstant Episcopi, ut cognosci potest ex Concilio Ancyrano, can. 12. & Antiocheno, can. 10. & Hispalensi II. can. 7. item ex Damaso in epist. 3. Leone epist. 86. aliàs 88. & Joanne III. in epistola ad Episcopos Germaniæ & Galliæ.

B Sed quaestio hoc loco occurrit. An Subdiaconos ordinare Chorepiscopis aliquando licuerit. Nam in Concilio Antiocheno can. 10. id eis licuisse disertis verbis asseritur. Contrà autem, id eis minimè licuisse, Damasus Papa in epist. 3. æquè disertis verbis affirmat; Concilia & Pontifices cæteri suprà citati negant licere Chorepiscopis Presbyteros vel Diaconos ordinare, de Subdiaconis, cæterisque ordinibus nihil expresse dicunt.

C Respondeo, quosdam fuisse Chorepiscopos, qui verè Episcopalem consecrationem acceperant, sed Chorepiscopi dicebantur, quòd non haberent propriam Ecclesiam, sed in aliena Dioecesi ministrarent, quales sunt hoc tempore Episcopi quidam Titulares, qui & Suffraganei dici solent. Alios verò Chorepiscopos fuisse, qui nihil aliud, nisi Presbyteri essent, sed, ut diximus, in pagis, ac villis, seu etiam oppidulis, Episcopum aliquo modo representarent. De prioribus loqui videtur Concilium Antiochenum, ut etiam Damasus annotavit in epist. 3. nam ita incipit Canon: *Chorepiscopi, qui manus impositionem ab Episcopis acceperunt, & ut Episcopi, sunt ordinati &c.* ubi non de omnibus Chorepiscopis loquitur Concilium, sed de illis tantum, qui à pluribus Episcopis, ritu Pontificum sunt consecrati. Præterea in eodem canone Concilium non solum his Chorepiscopis permittit, ut Subdiaconos absolute ordinent, sed etiam ut Presbyteros & Diaconos ordinare possint, si id Episcopus loci permiserit, ex quo certè sequitur eos, Chorepiscopos veros Episcopos fuisse.

D Porro in fine illius canonis, ubi legimus (*Chorepiscopus ab Episcopo loci ordinandus est*) non de iisdem Chorepiscopis agitur, sed de illo altero genere. Voluit enim Concilium legem statuere, ut deinceps Chorepiscopus ordinetur ab uno Episcopo, & proinde Presbyter sit, non Episcopus. De quo genere Chorepiscoporum loquitur Damasus in epist. 3. cum dicit, non licere Chorepiscopis ordinare Subdiaconos.

E Cætera autem Concilia & Patres, qui negant, Chorepiscopis licere ordinare Diaconos, & de subdiaconis nihil dicunt, videntur nomine Diaconorum etiam Subdiaconos accepisse, cum sit uterque sacer ordo, & saepe apud veteres eodem nomine appellentur. Quòd si evidenter ostendi possit, concessum aliquando fuisse Chorepiscopis secundi generis, ut Subdiaconos ordinarent, dicendum erit, id fuisse privilegium & dispensationem quandam, qualis etiam fuit quibusdam in locis, ut presbyteri, absente Episcopo, Confirmationis Sacramentum exhiberent, ut Ambrosius scribit de Sacerdotibus Ægypti, in commentario cap. 4. epistolæ ad Ephesios. Atque hæc de distinctione & officio Clericorum.

CAPUT XVIII.

De cœlibatu Sacerdotum; Sitne jure divino annexus sacris ordinibus cœlibatus, an non?

Sequitur quarta Disputatio; quæ est de cœlibatu, seu continentia hominum sacratorum, quæ quidem trimembris erit. Primum enim explicandum occurrit, sitne jure divino annexus cœlibatus ordinibus sacris. Deinde, si constiterit non ita esse, utrum saltem jure Apostolico, ac rectissime, id factum sit. Postremò, num Digami Apostolica lege arceantur à sacris ordinibus.

Ac, ut à primo incipiamus, Joannes Major in 4. dist. 24. quæst. 2. de jure divino esse putavit, quòd votum Sacerdotum solemne sit, ac proinde indispensabile esse. Idem ferè docuit Clichtovæus lib. de continentia Sacerdotum, cap. 4. & sequentibus, ubi duo dicit, quæ nescio, an inter se bene cohaereant. Unum est, de jure divino esse, ut qui est sacris ordinibus initiatus, non possit uxorem ducere, neque in hoc ullam dispensationem cadere posse. Alterum est, eos, qui uxores duxerunt, non posse sacris ordinibus initiari, nisi deinceps continere velint, esse præceptum Ecclesiæ, & à Syricio Papa primum edictum, nec unquam ab Ecclesia Orientali receptum fuisse. Itaque licuisse in tota Ecclesia Sacerdotibus uti uxoribus, quas ante ordines duxerant, usque ad tempora Syricii; in Ecclesia autem Orientali, & nunc licere, & semper licuisse.

At B. Thomas in 2. 2. quæst. 88. artic. 11. discretè docet, votum continentiae esse annexum ordinibus sacris ex solo Ecclesiæ decreto, ac proinde dispensabile esse. Idem docet Cajetanus in opusculis, tom. 1. tract. 27. & Sotus lib. 7. de justitia, quæst. 6. artic. 2. ubi etiam docet, quod ego verissimum puto, decretum hoc, quo votum est annexum ordinibus, non quidem propriè divinum esse, sed tamen esse Apostolicum, & in tota Ecclesia à temporibus Apostolorum, longo tempore esse servatum. Sed quia hoc multis rationibus in sequenti capite contra hæreticos confirmabimus, nunc solum breviter probandum est, non jure divino, sed humano dumtaxat prohibitum esse conjugium Sacerdotibus, & proinde in hoc dispensari posse.

Probatur primò, ex altero eorum, quæ Clichtovæus asserit: non est de jure divino, ut conjugati, si ordinentur, ab uxoribus suis abstineant; igitur neque est de jure divino, ut Sacerdotes non ducant uxores. Nam matrimonium non pugnat cum ordinibus ratione essentiae suæ, sed ratione officii seu exercitii conjugalis; si enim Deus prohibuisset Sacerdotibus conjugium, certè prohibuisset propter actum conjugalem, qui hominem reddit totum carnalem, & ineptum ad divina; necnon propter sollicitudinem domus, & liberorum, quæ plurimas parit distractiones, non autem propter solum Sacramentum conjugii, vel propter contractum matrimonii, qui celebratur solo consensu animorum, & est res brevissima & honestissima, Si ergo licuit Sacerdotibus jure divino habere uxores, quas ante ordinationem duxerant, & eis uti maritorum more: Cur, quæso, non licuisset etiam post ordinationem ducere? Adde, quòd rationes, quas Clichtovæus pro se adducit, omnes sumuntur à puritate munerum sacerdotalium, cui certè non repugnat, uxorem ducere, vel duxisse, sed ei cohabitare.

A Non esse autem jure divino prohibitum, ne Sacerdotes utantur uxoribus, quas duxerant ante ordinem, conceditur à Clichtovæo. Sed propter quosdam alios, qui de ea re dubitant, probatur apertissime ex eo, quòd Ecclesia Romana multis jam sæculis permittit Græcis Sacerdotibus usum uxorum, quas ante ordinationem duxerant, ut patet ex capit. Cum olim, de Clericis conjugatis. Adde Gregorii testimonium, lib. 1. epist. 42. ubi permittit Subdiaconis, ut liberè utantur uxoribus suis, quas duxerant ante ordinationem, licet prohibeat deinceps ejusmodi ordinari, nisi continentiam voveant.

B Secundo probatur, quia in tota Scriptura nullum tale exstat præceptum. Nam in Testamento veteri Sacerdotibus licitum erat uxores ducere. In novo autem nihil de hac re Dominus loquutus est. Apostolus quidem in epistolis ad Timotheum, & Titum, jubet Episcopos & Diaconos eligi castos, sed quod Apostolus præcipit, non divinum, sed Apostolicum præceptum est, de quo postea agemus.

Proferunt illi ex Deuter. cap. 33. benedictionem Moysi, in qua dicitur Levitis, idest, ut ipsi exponunt, de Sacerdotibus Christianis. Qui dixerunt patri suo & matri. Nescio vos & filios ignoraverunt. At istud, divinum vaticinium, non divinum præceptum est; sive enim lege divina, sive humana fiat, ut Sacerdotes uxoribus careant, impletur vaticinium Moysi.

C Proferunt deinde illud Christi Lucæ 21. *Videte, ne graventur corda vestra crapula, & ebrietate, & curis hujus mundi*: quod ad Sacerdotes præcipuè spectare testatur Leo, serm. 8. de jejunio decimi mensis. Sed in hoc apertè falluntur, qui hoc argumentum adducunt. Nam Leo in isto ipso loco ad omnes fideles, Christi præceptum pertinere dicit; sed ad nos præcipuè, quibus dies Domini jam est vicinior. Deinde, cum Paulus 1. Timoth. 3. jubet Episcopum eligi: *Qui domui suæ bene præsit, & filios habeat subditos in omni castitate*; nec tamen contraria Christo doceat: certè non jubet Christus ulli, ne habeat curam uxoris ac liberorum, sed ne gravetur nimia sollicitudine.

D At inquirunt, ratio naturalis dicat, ministerium purissimum à continentibus esse peragendum. Respondeo, dictare id quidem rationem, sed ut rem convenientem, non ut omnino necessariam.

Tertiò probatur, ex Concilio Ancyrano, cap. 10. ubi dicitur posse Diaconos cum licentia Episcopi uxores ducere, etiam post susceptum Diaconatum; ergo non est de jure divino; nec enim Episcopi in jure divino dispensant. Estque hoc Concilium antiquissimum, & confirmatum à Leone Papa, dist. 20. can. de libellis. Accedat postremò, quòd Concilia, & Patres in sequenti capite producendi, passim testantur, hanc legem esse Ecclesiasticam; quod etiam legimus in Concilio Tridentino, sess. 24. can. 9.

CAPUT XIX.

Cœlibatum jure Apostolico rectissime annexum ordinibus sacris.

JAm vero de altera quæstione; An rectè factum sit, ut cœlibatus perpetuus sacris ordinibus annexeretur, duo sunt resutandi errores; unus Græcorum, alter Lutheranorum. Prior error est; Oportere Clericos, antequam ordines sacros suscipiant, uxores ducere, quia post sacros ordines susceptos, non licet id facere, & nimis magno periculo fornicandi se exponit, qui sine uxore vivit.

Hujus erroris aliqui auctorem faciunt Nicolaum, unum ex septem primis Diaconis. Sed quidquid de hoc

hoc sit, constat, Vigilantium hunc errorem expressè docuisse; de quo sic B. Hieronymus initio lib. contra Vigilantium: *Pro nefas, inquit, Episcopos sui sceleris dicitur habere consortes, si tamen Episcopi nominandi sunt, qui non ordinant Diaconos, nisi prius uxo- res duxerint, nulli calibì credentes pudicitiam.* Hunc erro- rem receperunt Patres Concilii Trullani, circa an- num Domini 700. ut patet ex can. 13. ubi profana il- la Synodus damnat nominatim canones Romanæ Ecclesiæ, & contrarium statuit, nimirum ut Clerici ante Subdiaconatum uxores ducant, & cum eis vi- vant postea, in sacris ordinibus constituti. Tempore huius Synodi cœpit mos Græcorum, qui nunc est. Auctus autem est & confirmatus tempore Leonis IX. quando diffidium Græcorum à Latinis maximè cre- vit in multis aliis articulis. Unde exstat liber Hum- berti Cardinalis eo tempore scriptus de hac re, con- tra Nicetam Abbatem, qui hunc morem Græcorum tunc acerrimè defendebat.

Posterior error longè gravior est. Non solum li- cere ante ordinationem, sed etiam post ordinationem, uxorem ducere. Huius erroris fundamenta quædam jecit Jovinianus, qui docuit, virginitatem non præstare matrimonio; inde enim sequebatur, frustra Sacerdotes velle carere uxoribus. Unde et- iam quædam Sanctimoniales, Joviniano audito, nu- pserunt, ut B. Augustinus refert lib. de hæresibus, cap. 82. Hæc tamen hæresis mox extincta fuit, nec usque ad deceptionem alicujus Sacerdotis pervenit, ut ibidem Augustinus ait.

Primus autem qui docuit apertè, licere post ordi- nationem uxorem ducere, fuit Joannes Wiclefus, ut refert Thomas Waldensis tom. 2. de Sacramentis, cap. 128. & 129. & tom. 3. de Sacramentalibus, c. 66. & 67. Eum sequuti sunt Lutherus in lib. de abrogan- da Missa privata, Pomeranus in lib. de conjugio Epi- scoporum, Magdeburgenses in Centuriis singulis, cap. 7. & nominatim Centuria 11. cap. 7. col. 389. ubi dicunt, hanc esse hæresim maximè pestiferam omnium, quæ unquam Christianum regnum pertur- barunt. Item Beza, & Martyr in primam ad Corin- thios 7. Philippus Melanchthon in Confessione Au- gustana, art. 23. & in Apologia ejusdem articuli, Calvinus lib. 4. Institut. cap. 12. §. 23. Brentius in Confessione Wirtembergensi, capite de conjugio; Præterea Erasmus in declamatione de laudibus ma- trimonii, utile esse judicat, si Sacerdotibus jus con- jugii concedatur, & idem sensisse videtur Panormi- tanus, Catholicus alioqui & doctus auctor, in cap. Cum olim, de Clericis conjugatis. Audio Kemni- tium in tertia parte Examinis Concilii Tridentini, de cœlibatu Sacerdotum copiosè tractasse, sed cum li- brum nondum videre potui. Ac si ex aliis ejus ope- ribus conjectura facienda est, nihil aut parum ad- modum addet ad ea, quæ Centuriatores & Calvinus collegerunt.

Contra hos errores probandum nobis est, votum continentie annexum esse ordinibus sacris, ita ut nec ducere uxores, nec uxoribus antea ductis uti li- ceat post ordinationem; positivo quidem jure, sed antiquissimo & æquissimo, & quod nullo modo ex- pediat, ut hoc tempore relaxetur.

Probatur primò, Scripturis; ac primùm Paulus in epist. ad Titum, cap. 1. *Oportet, inquit, esse Episco- pum hospitalem, benignum, sobrium, justum, sanctum, continentem.* Ubi notandum pro eo, quod nos habemus sobrium, Græcè esse *σωφρον*, quod, ut Hiero- nymus in hunc locum dicit, ambiguum est, & pru- dentem, sobrium, castum significare potest; hoc au- tem loco significat castum. Quia verò castitas etiam conjugatis communis est, ideo Apostolus addit et- iam, *continentem*; quod ibidem B. Hieronymus ex-

ponit ab uxoris amplexibus. Idem in epist. 2. ad Tim. cap. 2. *Labara, inquit, sicut bonus miles Christi Jesu, nemo militans Deo implicat se negotiis secularibus.* Hic Apostolus Episcopo præcipit, ut strenuè militet Deo; deinde dicit, non posse eum bene militare Deo, si se implicaverit negotiis secularibus, qualia certè esse nuptias, nemo negare potest. Nam, ut S. Basilus pulchrè docet in proœmio constitutionum Monasticarum: *Nuptiæ pedica sunt.* Idem Apostolus 1. ad Corinthios 7. jubet, conjugatos vacare ex con- sensu ad tempus ab opere nuptiarum, ut orationi in- stare possint; Ex quo per bonam consequentiam de- ducit B. Hieronymus in cap. 1. ad Titum, & lib. 1. in Jovinianum, eum præcipere Episcopis, & aliis ho- minibus sacris, ut perpetuò à nuptiarum opere va- cent, cum quotidie orationi insistere debeant. Quo eodem argumento ex hoc loco utuntur Origenes ho- mil. 23. in Numer. & Epiphanius hæresi Cacha- ro- rum.

Præterea in veteri Testamento, continentiam ab uxoribus videmus in primis fuisse requisitam in iis, qui Deo propinquaturi, vel rem aliquam sanctam tractaturi erant. Nam Exod. 12. præcipitur, ut co- mesturi Agnum Paschalem renes suos accingerent, quo significabatur, ut Gregorius exponit homil. 22. super Evangel. debere eos carnis voluptatem edoma- re, qui Agnum Paschalem comedunt. Exod. 19. cum populus legem à Deo accepturus esset, ait illis Mo- ses: *Estote parati in diem tertium, & ne appropinquetis uxoribus vestris.* Quo testimonio utitur Ambrosius lib. 1. de officiis, cap. ultimo, ad probandam conti- nentiam Clericorum.

Item Exod. 28. præcipit Deus, ut Aaron & filii ejus cum ingrederentur tabernaculum, sceminalib; lineis à renibus usque ad scemora tecti essent; quo exponit Beda, lib. 3. de tabernaculo cap. 9. significa- tum esse, debere Sacerdotes novi Testamenti aut vir- gines esse, aut contracta cum uxoribus scœdera dissol- visse. Item 1. Reg. 21. noluit Achimelech Sacerdos dare Davidi panes propositionis comedendos, nisi prius intellexisset, eum ab uxore aliquamdiu se con- tinuisse. Ex quo deducit B. Hieronymus in cap. 1. ad Titum, perpetuam requiri in Sacerdotibus continen- tiam, etiam ab uxoribus, qui corpus Christi, quod illo pane propositionis significabatur, conficiunt, edunt, aliisque tradunt.

Denique ex lib. 1. Paralip. cap. 14. & Lucæ 1. col- ligitur, Sacerdotes veteris Testamenti per vices suas ministrare solitos, & toto eo tempore, quo mini- strabant in tabernaculo, à domo & uxore abfuisse. Ex quo deducunt Syricius Papa in epistola ad Himericum, & Innocentius I. in epistola ad Victricium, necnon Beda in cap. 1. Lucæ, quòd si illi tempore, quo ministrabant, ab uxoribus abstinebant, omnino decere, ut Sacerdotes nostri, qui non per vices, sed semper ministrant, semper ab uxoribus se conti- neant.

Hoc ultimum argumentum solvere conatur Calvi- nus, lib. 4. cap. 12. §. 25. ac dicit, Sacerdotes Levi- ticos *ἀγγέλλους* Christi fuisse, idest, figuram Christi gessisse, & quia Christi excellentiam & sanctitatem exactè referre non poterant, jussos fuisse ultra hu- manum morem se purificare. Nunc autem id neces- sarium non esse, cum per Christi adventum figuræ, atque umbræ cessaverint.

At solutio parum valet. Nam sicut Levitici Sacer- dotes, Christi venturi figuram gerebant, ita nunc Sacerdotes Christiani Christum, qui venit, repræ- sentant. Sacerdos enim, dum sacra mysteria per- agit, Christi personam sustinet, & propterea sacrifi- cans, non dicit: Hoc est corpus Christi, sed: Hoc est corpus meum. Ipse enim Christum eo loco agit, id quod

id quod etiam vestium sacrarum ornatus designat. Deinde, non est illa primaria causa, cur Sacerdotes Levitici deberent abstinere ab uxoribus, quia gerebant Christi figuram, sed quia Domino ministrabant. Exodi 19. *Sacerdotes, qui accedunt ad Deum, sanctificentur, ne percussat eos.* Nam alioqui David semper erat Christi figura, & tamen tunc solum iussus est abstinere ab uxore, quando panem sanctum comesturus erat, ut diximus. Denique, si illi, quia Christum significabant, debuerunt ultra humanum modum se purificare, quanto magis purificari debuerunt, qui Christum ipsum quotidie tractant.

Probatur secundò, testimoniis Conciliorum antiquorum totius Ecclesie. Ac primum Ecclesie Orientalis. Habemus Concilium Ancyranum celebratum ante annos 1200. can. 10. ubi dicitur: Diaconos qui in ipsa ordinatione non protestantur se velle uxorem habere, non posse post ordinationem eam ducere; Si autem protestentur, posse ducere, quia tunc censetur Episcopus cum eis dispensasse. Item Concilium Neocesariense paulò post celebratum, cap. 1. *Presbyter, inquit, si uxorem duxerit, ordine suo moveatur.* Concilium Nicenum I. can. 3. interdicat Episcopo, Presbytero, & Diacono ne mulierem ullam habeat præter matrem, sororem, amitam. Nulla uxoris mentio fit, quæ tamen primo loco poni debuit, si cum ea habitare liceret. Item, cur prohibetur Clericis cohabitatio mulierum, si uxorati esse possunt? Nonne uxores ancillas habere possunt in eadem domo? Denique Synodus Trullana, can. 6. prohibet, ne Episcopi, Presbyteri, Diaconi, aut Subdiaconi post ordinationem suam, uxorem ducant, & can. 48. præcipit, ut Episcopus non cohabitaret uxori.

Ecclesie Africane habemus inigne testimonium. Concilium enim Carthaginense II. can. 2. *Omniis placet, inquit, ut Episcopi, Presbyteri, Diaconi, vel qui Sacramenta contrahant, pudicitia custodes etiam ab uxoribus se abstineant.* Et ratio ibi redditur: *Ut quod, inquit, Apostoli docuerunt, & ipsa servavit antiquitas, nos quoque custodiamus.* Hoc testimonium non solum refellit Lutheranos, sed etiam eos ex Catholicis, qui volunt hoc decretum de sacerdotum continentia à Syricio incepisse. Isti enim Patres ab Apostolis incepisse dicunt. Item Concilium Carthaginense V. can. 3. & Concilium Africanum, can. 37. idem constituunt.

Ecclesie Italice habemus Concilium Romanum sub Sylvestro I. quod canon. 8. prohibet Subdiaconis, ne uxores ullo modo ducere audeant.

Ecclesie Gallicæ habemus Concilium Arelaten- se II. ante annos 1700. celebratum; in quo can. 2. cavetur, ne ullus conjugatus, ad sacerdotium assumatur, nisi continentiam ab uxore promiserit. Item Concilium Turonense I. canone 1. & 2. & Turonense II. canone 20. Agathense, cap. 9. & Aurelianense III. can. 2. *Ut nullo, inquit, Clericorum à Subdiacono & supra, propria, si fortè jam habeat, miscetur uxori.*

Ecclesie Hispanice habemus Concilium Elibertinum ante tempora Syricii, can. 33. *Placuit, inquit, in totum prohibere Episcopis, Presbyteris, Diaconis, ac Subdiaconis abstinere se à conjugibus, & non generare filios.* Toletanum II. cap. 1. & Toletanum IV. cap. 26. & Toletanum VIII. cap. 6. etiam Subdiaconis usum uxorum prohibeat.

Denique Ecclesie Germanicæ habemus Concilium Aquisgranense tempore Ludovici I. cap. 6. Concilium Wormaciense, cap. 9. *Placuit, inquit, ut Episcopi, Presbyteri, Diaconi, & Subdiaconi abstineant se ab uxoribus, & non generent filios.* Denique Concilium Moguntinum tempore Arnulphi Imperatoris,

A cap. 10. statuit, ut nulla penitus mulier, ne soror quidem, aut mater, cum Ecclesiasticis habitare permittatur.

Ex his apparet mendacium esse apertissimum, quod Philippus dicit in ipsa Confessione Augustana, art. 23. cui tot Principes subscripserunt, in Germania ante annos 400. primum esse legem cœlibatus impositam Clericis. Nam Concilia citata, sunt in Germania ante annos 700. celebrata, vel etiam amplius. Nec minus mendacium est, quod in Apologia dicit, legem de cœlibatu Clericorum in nullo Concilio reperiri, sed à solo Romano Pontifice contra Synodorum sententiam inductam esse.

Probatur tertio, testimoniis veterum Pontificum. B Clemens I. in Canonibus Apostolorum, can. 27. *In nuptiis autem qui ad Clerum proveci sunt, precipimus, ut si voluerint, uxores accipiant, sed lectores, cantoresque tantummodo.* Quod autem de lectoribus, & cantoribus dicitur, idem de aliis minoribus ordinibus intelligitur, cum sit omnium eadem ratio, Calixtus I. apud Gratianum, dist. 27. can. Presbyteris: *Presbyteris, inquit, Diaconis, Subdiaconis, & Monachis concubinas habere seu matrimonia contrahere penitus interdiciamus.* Syricius in epistola ad Himericum, cap. 7. (quod etiam Calvinus facit) prohibet cum uxore commercium iis qui sunt in sacris. Idem paulò post confirmavit Innocentius I. in epistola ad Victoricium, cap. 9. & in epist. ad Exuperium, cap. 1. Idem C Leo I. in epist. 82. ad Anastasium Episcopum Thessalonice, cap. 4. & in epist. 90. ad Rusticum Narbonensem, cap. 3. Idem Gregorius I. in epist. 42. lib. 1. & epist. 34. libri 3. Idem Zacharias Papa in epist. ultima, ad Bonifacium Episcopum Germaniæ, ante annos 800. Unde etiam apparet clarius Philippi mendacium.

Sed placet verba referre Leonis I. in epist. ad Anastasium, quia non solum Lutheranos, sed etiam Græcos, evidenter coarguunt. Ad Græcos enim scribit hoc modo: *Omnium, inquit, Sacerdotum tam excellenti est electio, ut hæc, que in aliis membris Ecclesia vacat à culpa, in illis tamen habeantur illicita.* Cum enim extra Clericorum ordinem constitutis nuptiarum societati, & procreationi filiorum studere sit liberum, ad exhibendam tamen perfectam continentiam puritatem, nec Subdiaconis quidem carnale coniugium conceditur, ut & qui habent, sint tanquam non habentes, & qui non habent, permaneant singulares & inempti. Quod si in hoc ordine, qui quartus exstat à capite, dignum est custodiri, quanto magis in primo, vel in secundo, tertio servandum est, ne aut Levitico ministerio, aut Presbyterali honore, aut Episcopali excellentia quisquam idoneus existimetur, qui se à voluptate uxoria, necdum frangere detegitur? His adde expressa testimonia veterum Imperatorum, quæ exstant Codice de Episcopis, & Clericis, leg. cum qui, & sequentibus, item in Authenticis de Monachis.

Probatur quarto, testimoniis veterum Patrum Græcorum & Latinorum. Origenes homil. 23. in librum Numeri: *Certum est, inquit, quia impeditur sacrificium indefinens iis, qui conjugalibus necessitatibus serviunt, unde videtur mihi quod illius solius est offerre sacrificium, qui indefinenti & perpetua se devoverit castitati.* Eusebius lib. 1. demonstrat. Evang. cap. 9. *Verumtamen, inquit, eos qui sacrati sunt atque in Dei ministerio, cultuque occupati, continere deinceps seipsos à commercio uxoris decet &c.*

Epiphanius ad finem operis contra hæreses: *Sanctum, inquit, sacerdotum ex virginibus, ut plurimum, aut ex solitariis, aut si hi ad ministerium non suffecerint, de his qui se à propriis uxoribus continent, & si quis ab initio continens viduus fuerit, habere potest locum Episcopi, Presbyteri, Diaconi, Hypodiaconi.* Item hæresi 59. quæ est Catharorum? Sed, inquit, & adhuc vivens

Et liberos gignentem unius uxoris virum Ecclesia non suscipit, sed eam, qui se ab una continuit, aut in viduitate vixit, Diaconum, & Presbyterum, & Episcopum, & Hypodiamum: maxime ubi sancti sunt Canones Ecclesiastici. At dices mihi in quibusdam locis adhuc liberos gignere Presbyteros, & Diaconos, & Hypodiamos: At hoc non est iuxta Canonem, sed iuxta hominum mentem, qua per tempus elanguit.

Chrysostomus homil. 2. de patientia Job: Dixit, inquit, unius uxoris virum, non ea ratione, ut id nunc in Ecclesia observetur, oportet enim omni prorsus castitate Sacerdotem ornatum esse. Gregorius Nyssenus libro de virginitate cap. ult. Quomodo, inquit, Dei sacerdotio jungeris, qui ad hoc ipsum, ut munus offerres, unctus est? Quomodo hac ipsa Deo offeres, qui legi non obtemperas prohibenti, ne sacra impurus facias? Ac si Deum tibi apparere expetis, quid in causa est cur Moysen non audias, qui populo edicit, ut à nuptiis purus sit, quo Dei aspectum comprehendat? Cyrillus Catechesi 12. Si, inquit, qui apud Jesum bene fungitur sacerdotio, abstinet à muliere: ipse Jesus quomodo ex viro, & muliere proditurus esset? Oecumenius in cap. 3. primæ ad Timoth. in illud; Unius uxoris virum: Non statuit, inquit, ut ab uxore pendeat Episcopus, aut uxorem necessario habeat, sed si fiat, inquit, è monachis, non sit saltem bigamus, ita tamen ut vocatus ad Episcopi munus, illud compleat, quod qui habent uxores, sint tanquam non habentes.

Jam ex Latinis. Cyprianus, siue quicumque est auctor, in lib. de singularitate Clericorum, affirmat sibi à Domino revelatum, non debere Clericos domi suæ habere mulieres; id quod etiam toto eo libro probat. Neque obstat, quod in extremo libro (ut Petrus Martyr notavit) sic loquitur: Si quis habet matrem, vel filiam, vel sororem, vel conjugem, vel cognatam, sic habeat, ut nulla ancilla interficiat &c. Nam loquitur de conjugē, quæ simul voverit continentiam. Similis habetur locus in Concilio II. Arelatensi, can. 3. Si quis de Clericis à gradu diaconatus in solatio suo mulierem præter auiam, matrem, sororem, filiam, neptem, vel conuersam secum uxorem habere præsumpserit, à communione alienus habeatur. Alioqui si Cyprianus uxorem Clericis concederet, quæ uti liceret, pugnaret cum toto suo libro, & cum ipso titulo: De singularitate Clericorum.

Ambrosius lib. 1. de officiis, cap. ult. Inoffensum, inquit, exhibendum, & immaculatum ministerium, nec nullo conjugali coitu violandum cognoscitis, qui integro corpore, incorrupto pudore, alieni etiam ab ipso consortio conjugali, sacri ministerii gratiam recepistis. Quod ideo non præterro, quia in plerisque abditioribus locis, cum ministerium gererent, vel etiam sacerdotium, filios susceperunt. Idem in epist. 82. ad Ecclesiam Vercellensem: Habentem, inquit, filios, dixit Apostolus, non facientem &c. Et in cap. 1. epist. 1. ad Timotheum: Deinceps, inquit, ab usu famula cohibentur &c.

Hieronymus lib. in Vigilantium circa initium: Quid facient, inquit, Orientis Ecclesia? quid Egypti, & solis Apostolica, quæ aut virgines Clericos accipiunt, aut continentes, aut si uxores habuerint, mariti esse desistunt? Idem in fine Apologiæ pro libris contra Jovinianum: Episcopi, inquit, Presbyteri, Diaconi, aut virgines eliguntur, aut vidui, aut certe post sacerdotium pudici.

Augustinus lib. 2. de adulterinis coniugiis, cap. 20. Saltem, inquit, eis proponere continentiam Clericorum, qui plerumque ad eandem sarcinam subeundam capiuntur iuviti, eamque susceptam usque ad debitum finem, Domino adiuvante perducunt. Vide totum locum. Auctor questionum veteris & novi testamenti, qui non est Augustinus, ut titulus præfert, sed aliquis antiquior, questione ultima sub finem: Si licet, inquit, & bonum est nubere, cur sacerdo-

A tibus non licet uxores habere? Et prolixè causam reddit.

Gregorius præter decreta suprâ citata lib. 6. cap. 1. in lib. Regum, errare dicit eos, qui propter verbum Pauli: Unusquisque uxorem suam habeat, putant licere Ecclesiasticis uxores habere. Gregorius Turonicus lib. 4. hist. cap. 4. refert quendam Comitem, qui dimissa uxore fuerat sacris initiatus, quia postea ad uxorem redire voluit, ab omnibus Episcopis excommunicatum fuisse.

Isidorus lib. 2. de officiis divinis, cap. 10. Placuit, inquit, sanctis Patribus, ut qui sacra mysteria contrectant, casti sint, & continentēs ab uxoribus, & ab omni carnali immunditia sint liberi. Hæc de Subdiaconis dicit. Similia docet de Diaconis, & Presbyteris cap. 5. & 8. Ex quibus locis intelligi possunt ea verba capituli secundi: Castimoniam corporis perpetuò servant, aut unius matrimonii vinculo fuderentur. Hæc enim dicuntur de Clericis in universum, tum maioribus, tum minoribus. Debent enim omnes Clerici aut perpetuo esse continentes, si maioribus ordinibus initiati sint, aut unius matrimonii vinculo copulari, si minoribus.

B. Anselmus in epist. 8. asserit rectè à Gregorio VII. prohibitum fuisse, ne ulli interessent Sacris sacerdotum conjugatorum. Beda lib. 3. de tabernaculo, c. 9. Nemo potest, inquit, vel sacerdotium suscipere, vel ad altaris ministerium consecrari, nisi aut virgo permanserit, aut contracta cum uxore matrimonii fœdera soluerit. Denique, ut recentiores omittam, Arator Subdiaconus Vigilii Papæ ante annos 1000. in lib. in Acta Apostolorum cap. 30. posteaquam explicuit rationem, cur sacerdotibus veteris legis permitteretur, ut solum ad tempus ab uxoribus se continerent, subdit:

Ecclesia nunc alma fides sine fine pudicos Pontifices iubet esse suos &c.

His testimoniis accedant exempla eorundem. Nam à tempore Apostolorum, omnes Episcopi, Presbyteri, alique Ecclesiastici, quorum vitas habemus, & quos unquam laudatos audivimus, continentes fuerunt, neque ullum exemplum probati viri in contrarium afferri potest. Magdeburgenses quidem diligentissimè quæsierunt omnibus sæculis aliquos, qui uxorem duxerint post susceptos ordines, & multa exempla proferunt, Centuria 4. 5. 6. 7. 8. 9. 10. & 11. initio capituli septimi, sed nullum eorum aliquid valet. Nam vel exempla illa debent intelligi de uxoribus, quas antea duxerant, ut de Gregorio, patre Gregorii Nazianzeni, vel intelliguntur de minoribus Clericis, ut quod proferunt ex Concilio Toletano IV. cap. 42. vel sunt exempla eorum qui reprehenduntur, ut quæ proferunt ex epistola Zachariæ ad Bonifacium, vel sunt expressa mendacia, ut cum dicunt Cent. 5. cap. 7. Presbyteros Macedoniæ duxisse uxores, teste Innocentio I. epist. 22. nihil enim tale Innocentius dicit. Philippus in lib. de coelibatu ad Regem Angliæ, probat veteres Episcopos matrimonio usos ex epist. Polycratis, apud Eusebium lib. 5. hist. cap. 24. scribit enim Polycrates septem ex parentibus suis fuisse Episcopos, seque octavum esse. At decipit Philippus est ex versione Rufini. Græca enim vox *οὐγενῶν*, quæ est apud Eusebium, non parentes, sed cognatos significat. Sed fac esse parentes, num propterea sequitur eos in Episcopatu matrimonio usos?

Ex hac autem tanta nube testium tria deducuntur. Primò, errare Clitovæum & alios, qui putant legem continentiae impositam Clericis primùm à Syricio. Nam Clemens, Origenes, Eusebius, Epiphanius, & aliqua Concilia citata, antiquiora sunt Syricio. Secundò, morem Græcorum, quem nunc habent, non fuisse primis sexcentis annis, ut patet ex

iisdem

isdem auctoribus, necnon ex Chrysostomo, Hieronymo, & Leone locis citatis. Tertio, mendacium esse, & quidem impudentissimum Calvini lib. 4. instit. cap. 12. §. 25. ubi dicit omnes veteres Patres approbasse conjugium in ordine Episcopali. Nam Patres plurimi citati, & Concilia plurima contrarium statuunt, & nullum exemplum in contrarium adferri potest.

Probatum jam quinto ratione; cum enim conjugium vehementer impediatur Ecclesiastica munera, æquum fuit, ut sacerdotibus, aliisque sacris hominibus conjugia prohiberentur, nam Ecclesiasticorum munera sunt sacrificare, orare, docere, exhortari, Sacramenta ministrare, curam pauperum gerere, & similia, quæ ritè exerceri non possunt, ut Apostolus ad Titum c. 1. docet, nisi sacerdos sit hospitalis, benignus, sobrius, justus, sanctus, continens, doctus.

Jam verò matrimonium impedit in primis, ut Hieronymus dicit lib. 1. in Jovinianum, munus sacrificandi, quia summa quædam puritas, & sanctitas in eo requiritur, ut Chrysostomus explicat lib. 6. de sacerdotio. In actu verò conjugii negari non potest, quin admixta sit quædam impuritas & pollutio, non quæ peccatum sit, sed quæ ex peccato tamen nata sit. Quamvis enim Calvinus, loco notato, vociferetur contra Syricium, qui conjugium sacerdotum pollutionem vocavit, tamen non solum conjugium sacerdotum, quod sacrilegium est, non conjugium, sed etiam sanctorum matrimonium sine pollutione quadam, & turpitudine non exerceri, satis testatur rebellio membrorum, & verecundia humana in illo actu, quæ secretum semper querit, ut notavit B. Augustinus lib. 14. de civitate Dei, cap. 17.

Deinde, impedit studium orationis, & lectionis, in quo assidue sacerdos versari debet. Oratio enim requirit mentem elevatam, purgatam, & tranquillam; actus autem conjugii, ut B. Augustinus docet lib. 14. de civit. Dei, cap. 16. maxime hebetat aciem mentis, & deprimit ad inferiora, & perturbat & animam ipsam carnalem quodammodo facit.

Tertio, impedit efficaciam prædicationis, ut Ambrosius docet lib. 1. de officiis cap. ultim. quomodo enim efficaciter exhortabitur viduas & virgines, qui liberis perpetuo operam dat?

Quarto, impedit curam pastorem, nam qui uxorem, & liberos habet, de illis semper cogitat, & affectus, quo oves suas prosequi deberet, in uxore & filiis totus consumitur, & tamen (ut Ambrosius docet lib. 1. de officiis, cap. 7.) plus diligendi essent filii spirituales, quam carnales.

Quinto, impedit curam pauperum, & illam hospitalitatem, & benignitatem, quam Apostolus tantopere commendat; nam qui uxorem, & liberos habet, debet eis thesaurizare, & raro inveniuntur conjugati qui superfluum habeant. Adde, quod cum Clericus non possit filiis relinquere beneficia, & tamen omnis Pater cupiat bene prospectum filiis suis, cogereutur esse avarissimi, & vendere Sacramenta.

Sexto, impediret Sacramentorum administrationem; tunc enim vix distinguerentur Clerici à Laicis, & esset sicut populus, sic sacerdos. Quod experientia testatur; nam tempore Gregori VII. cum in Germania coepissent sacerdotes uxores ducere, tantus contemptus Sacramentorum sequutus est, ut passim Laici Sacramenta administrarent, ut Joannes Nauclerus, & alii referunt. Itaque merito D. Epiphanius hæresi 39. dicit, propter honorem sacerdotii necessariam esse continentiam. Superest argumenta solvere. Ac primum solvam argumenta Calvinii eodem ordine quo ipse proponit.

CAPUT XX.

Solvuntur argumenta Calvinii.

Argumentum primum. Deus reliquit matrimonium liberum, ergo nulli homini licuit id prohibere, & confirmatur ex Apostolo 1. Timoth. 4. ubi notam hæreticorum esse dicit prohibere nuptias.

Respondeo, concedimus totum argumentum, neque enim Ecclesia prohibet matrimonium, aut cogit ullum ad cœlibatum absolute suscipiendum, sed solum requirit eam conditionem in iis, qui initiari volunt sacris mysteriis, quam si quis nolit accipere, potest non accipere, sed non initiabitur. Quemadmodum non censetur Ecclesia prohibere judicia forensia, nec officium tortoris, etiam si nolit talia ab Ecclesiasticis fieri. Ad locum Apostoli dicimus cum Hieronymo lib. 1. in Jovinianum, & Augustino lib. 30. contra Faustum, cap. 4. & 6. Ambrosio, Chrysostomo, aliisque in hunc locum, notari ab Apostolo eos, qui absolute nuptias ut malas prohibebant, quales fuerunt Tatianus, Marcion, & Manichæus.

Sed forte objiciunt, quia Apostolus dicit id futurum in novissimis diebus. Respondeo, novissimos dies intelligi totam hanc ultimam ætatem, quæ est à Christo usque ad judicium. Nam Apostolus ait: *Nos sumus in quos fines sæculorum devenerunt.* 1. Cor. 10. Et: *Filioli novissima hora est.* 1. Joan. 2. Adde, quod vox Græca non est *ioΧαίρος* sed *ioτίπος*, id est, non in ultimis, sed in posterioribus temporibus. Neque id negare possunt adversarii, nisi velint Manichæos & Encratitas ab Apostolo notatos non fuisse, qui tamen apertissime nuptias prohibebant. Nec enim illi in ultimis temporibus fuerunt.

Sed objicit Petrus Martyr in lib. de cœlibatu, & votis monasticis, sanctum Augustinum, qui lib. 2. de moribus Manichæorum, cap. 18. & in epist. 74. ad Deuterium, testatur Manichæos non prohibuisse nuptias nisi electis suis, qui erant apud eos quasi Sacerdotes, & Monachi: & tamen dicit eos notari ab Apostolo, cum ait, doctrinam esse demoniorum, prohibitionem nuptiarum.

Respondeo. Idem Augustinus lib. 30. contra Faustum, cap. 6. scribit, à Manichæis interdictas nuptias simpliciter, quia etsi eas mittebant auditoribus suis, id faciebant, quia non poterant aliud obtinere: *Nec ideo, inquit, vos dicatis non prohibere, quia multos vestros audiret in hoc obedire nolentes, aut non valentes, salva amicitia toleratis.* Hæc ille. Nos autem non solum toleramus Christianos conjugatos, sed etiam laudamus. Ac propterea Manichæi auditoribus suis sic nuptias mittebant ad explendam libidinem, ut tamen conceptum, & liberorum procreationem cavendam esse monerent. Quod est nuptias apertissime detestari. Catholici autem ideo potissimum nuptias laudant, quod ad procreationem liberorum a Deo institutæ fuisse noscantur.

Argumentum secundum. Apostolus 1. Timoth. 3. & Tit. 1. cum absoluti Episcopi ideam exprimeret, inter reliquas dotes, & virtutes, quas in eo requirebat, ausus est conjugium ponere: ait enim, unius uxoris virum esse eligendum.

Respondeo, falsissimum est, quod Apostolus inter dotes, aut virtutes absoluti Episcopi ponat conjugium: ad quod probandum sufficere deberet, quod quotquot Sanctissimi Episcopi hætenus fuerunt, omnes continentes fuerunt, ut supra diximus: quos certè nullo modo credibile est, aut non intellexisse verba Pauli, aut ei obtemperare noluisse. Præterea cum

eum idem Paulus, 1. Corinth. 7. hortetur ad continentiam, & dicat bonum esse innuptis & viduis, ut sic permaneant, & : *Qui nubit bene facit, qui non nubit melius facit*, quomodo credibile est eundem Paulum inter dotes, & virtutes Episcopi posuisse ut uxorem habeat? Adde, quod non solum Chrysostomus & alii Patres in hunc locum docent, Paulum non tulisse legem, ut episcopi habeant uxores, sed solum ut non habeant, vel habuerint plures quam unam: sed etiam Martinus Lutherus in propositionibus de digamia contendit ista verba: *Unius uxoris virum*, esse accipienda negativè, non positivè, ita ut non teneatur Episcopus habere unam, sed teneatur non habere plures foeminas unà cum uxore.

At, inquit Calvinus, Paulus ibidem, ubi descripsit quales debeant esse Episcopi & Diaconi, describit etiam quales debeant esse eorum uxores. Respondeo, Paulum, ubi dicit: *Mulieres simpliciter iudica* &c. vel loqui de mulieribus generatim, ut Ambrosius exponit, vel de Diaconissis, quæ viduæ erant, ut Chrysostomus & Theophylactus docent, vel si loquatur de uxoribus Episcoporum, & Diaconorum, loqui de uxoribus, quas acceperant ante ordinationem, non quas postea accepturi essent.

Argumentum Tertium. Apostolus Heb. 13. citra exceptionem securè pronunciat, honorabile esse inter omnes conjugium: Cur non etiam inter Sacerdotes?

Respondeo, argumentum facilè in ipsum retorqueri posse, si enim conjugii omnium sunt honorabilia, etiam conjugia consanguineorum in primo aut secundo gradu erunt honorabilia, & conjugia adolescentium injussu parentum contracta, erunt honorabilia, quæ tamen Calvinus improbat libro 4. capite 19. §. 37. insit. Dico igitur, tribus modis posse exponi illud, *In omnibus*, Græcè *ἐν παντί*. Primò, ut in omnibus, idem sit, quod omni ex parte, idest, conjugium honorabile est in omnibus, quæ conjugii sunt, sive Sacramentum, sive fides, sive prolem consideres: ita Occumenius in hunc locum. Secundò, ut omnibus, significet apud omnes, idest, nemo debet conjugium reprehendere, etiamsi virginitatem ipse profiteatur; ita videtur accepisse Fulgentius lib. de fide ad Petrum cap. 3. Denique, in omnibus, idest, in omnibus legitimè conjunctis, quicumque illi sint, sive senes, sive juvenes, sive nobiles, sive obscuri, sive Græci, sive Hebræi &c. Ita Theophylactus in hunc locum, & hæc videtur magis literalis expositio, sed parum refert.

Argumentum Quartum. Apostoli exemplo suo docuerunt, nullius, quamvis excellentis functionis sanctitate, indignum esse conjugium, nam eos uxores non solum habuisse, sed etiam circumduxisse testatur Paulus 1. Corinth. 9. cui loco etiam addi potest illud Philipp. ult. *Rogo te etiam Germanæ compar adjuva illas* &c. Posset enim commode verti, Germana conjugum, quod Græcè scriptum est.

Respondeo, non esse omnino certum, qui ex Apostolis uxorem habuerint, & qui non habuerint. Tertullianus libro de Monogamia, & Hieronymus libro 1. in Jovinianum existimant præter Petrum, cuius socrum in Evangelio legimus, nullum alium Apostolorum uxorem habuisse. S. Ignatius in epistola ad Philadelphenses dicit, Petrum & Paulum, & reliquos Apostolos conjugatos fuisse, excepto Joanne, quamquam in Vaticano codice, & quibusdam aliis vetustis non habetur nomen Pauli. Clemens quoque Alexandrinus libro 3. Stromatum circa medium, aliquos Apostolorum, & nominatim Paulum uxorem habuisse asserit ex locis citatis. Sed quidquid de hoc sit, certum est eos ex Apostolis, qui uxorem

habuerunt, postquam vocati à Christo fuerunt, officio conjugali renunciassè, ut beatus Hieronymus docet lib. 1. in Jovinianum, & satis colligitur ex cap. 10. Matth. *Eccæ nos reliquimus omnia, & sequi sumus te*. Statim enim Dominus explicans, quid sit relinquere omnia; adjicit: *Omnis qui reliquerit patrem, aut matrem, aut uxorem &c.*

Ad locum igitur illum 1. Cor. 9. ubi dicitur: *Nam quid non habemus potestatem sororem mulierem circumducendi, sicut ceteri Apostoli, & fratres Domini, & Cephas?* Dico Apostolum non de uxoribus, sed de piis foeminis loqui, quæ sequebantur Apostolos, & eis ministrabant, sicut etiam Dominum sequebantur Lucæ 8. Ita ferè omnes Græci & Latini exponunt, ut Chrysostomus, Theodoretus, Occumenius, Theophylactus, Ambrosius, Haymo, & alii in hunc locum. Necnon Tertullianus libro de Monogamia, B. Hieronymus libro 1. in Jovinianum, B. Augustinus libro de opere Monachorum, capit. 4. & 5. & certè proprietates linguæ Græcæ hoc satis ostendit. Nam dicit *ἀδελφὴ γυναῖκα περιέγειν*, sine ullo articulo. Si enim de uxore loqueretur, diceret: *ἡ γυναῖκα*; uxor enim certa quædam mulier est. Adde, quod Clemens Alexandrinus, qui unus ex veteribus exposuit hunc locum de uxoribus Apostolorum, ibidem addit; quod etsi uxores erant, tamen cessaverat inter eos conjugale officium, & loco sororum, non loco uxorum ab Apostolis habebantur, quod nobis sufficit contra hæreticos.

Occurrit Petrus Martyr in cap. 9. primæ ad Corinth. ubi probat tripliciter Apostolum loqui de uxoribus. Primò, quia alioqui non diceret, sorores mulieres, sed sorores tantum, cum constet omnem sororem esse mulierem. Secundò, quia non diceret, potestatem circumducendi mulierem, quod sonat auctoritatem, sed diceret consuevisse mulieres sequi, ut legimus Luc. 8. Tertiò, quia si illæ mulieres aluissent Apostolos ex suis facultatibus, falsum esset quod Apostoli accepissent sumptus à populis, ergo loquitur de uxoribus, quæ sequebantur Apostolos viros suos, & non eos alebant, sed ab eis alebantur ex sumptibus populorum.

Ad Primum dico, sic vocari sorores mulieres, sicut Act. 1. dicuntur viri fratres, nisi quod Paulus, ut sæpè solet, mutavit ordinem, & dixit sororem mulierem, pro mulierem sororem. Ad Secundum dico, potestatem, de qua Paulus loquitur, non fuisse in mulieres, sed in actionem eas circumducendi, si sequi vellent, vel si in mulieres erat potestas, dicam, Apostolos habuisse auctoritatem in eas mulieres, non virorum in uxores, sed doctorum in discipulas. Ad Tertium dico vel eas mulieres non fuisse divites, & non ministrasse pecunias, sed obsequium tantum, accipientes pecunias à populis, quibus Apostoli prædicabant, vel fuisse divites, & aluisse Apostolos, sed non semper fuisse cum Apostolis, & ideo Apostolos aliquando fuisse nutritos à populis, aliquando ab illis mulieribus.

Ad locum ex Phil. 4. dico duo. Primò, non de uxore Pauli hic agi, sed de viro aliquo, quem Paulus vocat Germanum comparem, seu conjugem, aut conjugalem, *συζυγῆς* enim significat eum, qui idem jugum trahit. Vocat autem eum conjugem, vel quia erat maritus alicujus ex foeminis antea nominatis, idest, Evodix aut Synchiches, ut Chrysostomus & Theophylactus dicunt, vel quia erat socius suus in Evangelii prædicatione, ut Theodoretus, & Haymo docent, vel certè est nomen proprium viri, ut vult Occumenius.

Quòd autem ita sit, idest, quòd non loquatur de uxore, suadent hæc rationes. Prima, quia plurima

veterum asserunt Paulum non habuisse uxorem, ut Hieronymus in epistola ad Eustochium de virginitate. Hilarius in Psalm. 127. Augustinus libro de gratia, & libero arbitrio, cap. 4. Epiphanius hæresi 58. Valesiorum, Ambrosius in c. 7. prioris ad Corinth. & in exhortatione ad virgines, Tertullianus in utroque libro ad uxorem. Item Chrysost. Theodoretus, aliique veteres omnes in hunc locum, excepto Clemente Alexandrino. Secunda, quia, ut Theophylactus notavit, si de uxore loqueretur, non diceret *ymen*, sed in genere foeminino *ymenia*. Non enim tam politus erat Apostolus ut Atticismis uteretur. Tertia, quia, ut dicit Oecumenius, non est credibile uxorem Pauli habitasse Philippis, & non potius in Judæa, vel certè in Tarso Ciliciæ, unde Paulus oriundus erat. Quarta, quia, ut Ambrosius notavit in 1. Corinth. 7. Paulus adolescens à Domino vocatus est, quo tempore non est credibile cum uxorem habuisse, & certum est postea non accepisse. Quinta, quia, ut notavit Theodoretus, Paulus 1. Corinth. 7. ponit se inter eos qui non habebant uxores: *In nuptis, & viduis, inquit, dico, bonum est illis si sic permanserint, sicut & ego; Quod si non se continent, nubant.* At epistola ad Corinthios scripta est ante epistolam ad Philippenses, ut idem Theodoretus ostendit in præfatione commentarii in epistolas. Igitur vel Paulus accepit uxorem postquam scripserat ad Corinthios, quod est incredibile, aut non habuit uxorem cum scriberet ad Philippenses.

Dico Secundo, quod si constaret Paulum loqui de uxore sua, tamen certum etiam nobis esse deberet, eum ab uxore separatam fuisse, quoad thorum. Quod enim Paulus vitam continentem duxerit cum Evangelium prædicabat, evidenter deducit ex 1. Corinth. 7. B. Augustinus libro de gratia & libero arbitrio, cap. 4.

Argumentum Quintum & ultimum Calvini sumitur ex historia Socratis lib. 1. cap. 8. & Sozomeni lib. 1. cap. 22. ubi dicunt, quod cum Nicænum Concilium legem ferre vellet, ne liceret Clericis cum uxoribus suis dormire, surrexit Paphnutius confessor, & Synodus tota in ejus sententiam ivit, & continentiam ab uxore in arbitrio cujusque reliquit.

Respondeo, hoc testimonium aliquid habere momenti pro sententia Græcorum, sed nullum penitus pro errore Lutheranorum. Nam uterque auctor in eodem loco testatur Paphnutium adieciisse, bonum sibi videri ut secundum antiquos Canones prohibeatur Clericis, ne post ordinationem ullo modo uxores ducant, sed solum permittantur uti illis, quas ante ordinationem acceperunt. Nonne hoc totum contra Lutheranos est, qui post sacerdotium uxores ducunt?

At neque pro Græcorum errore magnum est præsidium in hoc testimonio Socratis, & Sozomeni. Nam vel totum est falsum quod isti de Paphnutio tradunt, vel certè (quod magis credo) tale aliquid tunc accidit, sed non bene ab istis narratum est. Fortasse voluerunt Patres Concilii graviores poenas constituere in Clericos incontinentes, quales tunc aliquos fuisse ex Epiphanio, & Ambrosio locis notatis intelligi potest, & Paphnutius suavit non esse id faciendum.

At quod Concilium statuerit, continentiam esse relinquendam in arbitrio Clericorum nullam habet apparentiam, nec debet illis auctoribus credi. Primo, quia Sozomeni historia à S. Gregorio reprobatur, lib. 6. epist. 31. *Quia, inquit Gregorius, multa mentiuntur.* Socrates autem, ut omitam cætera, lib. 5. suæ historię, cap. 21. tria clara mendacia dicit. Primò: licuisse suo tempore unicuique celebrare Pascha

A quando vellet, nec de hac re Ecclesiam aliquid ceteri statuisset. At constat, Nicænam Synodum statuisse ut Pascha semper celebraretur prima Dominica post quartamdecimam lunam primi mensis, cujus Canonis meminerunt Epiphanius hæresi 70. Audianorum, & Ambrosius lib. 10. epistola 83. Eusebius in vita Constantini, Athanasius in libro de Synodis Arimini, & Seleuciæ. Secundò dicit, in Romana Ecclesia non jejunari ante Pascha, nisi tres hebdomadas, & tamen vocari Quadragesimam. At S. Leo, qui eodem tempore vixit, quo Socrates, sermone 4. de Quadragesima dicit, Romæ jejunari XL. dies, & idem dicit Gregorius hom. 16. in Evangelia, & certissimum est. Tertio dicit, Romæ non jejunari in Sabbatis, cum tamen contrarium sit certum ex Augustino epistol. 86. & 118. ad Januarium. Si ergo in historia sui temporis Socrates tam aperte mentitur, vel certè refert quæ non scit, quæ fides adhiberi illi potest in historia Concilii Nicæni, quod annis plusquam centum ante ejus ætatem celebratum est?

B Præterea, historia ista de Paphnutio manifestè pugnat cum verbis Epiphanius contra hæresi 59. ubi ait, esse contra Canones Ecclesiasticos, quod Sacerdos vel Diaconus liberos gignat, & cum verbis Hieronymi libro contra Vigilantium, ubi dicit in Oriente & Ægypto non esse licitum Sacerdotibus & Diaconis uxoribus uti, quod sanè falsum est, si Nicæna Synodus, in Oriente paulò ante celebrata, uxorum usum illis concessit. Vel ergo Epiphanius, & Hieronymus, vel Socrates, & Sozomenus mentiuntur. At certè magis credendum est Epiphanio, & Hieronymo viris sanctis, & qui vicini fuerunt temporibus Concilii Nicæni, quàm Socrati, & Sozomeno hæreticis, & multò recentioribus.

C Deinde, quomodo coheret illa narratio de Paphnutio cum canone tertio Concilii Nicæni, ubi prohibetur Episcopis, Presbyteris, Diaconis, ne ullam domi mulierem habeant, præter matrem, sororem, amitam? Et hoc argumento convictus Lutherus, in lib. de Conciliis parte prima dicit, Patres Concilii noluisse sequi sententiam Paphnutii, quamvis etiam contrarium Lutherus alibi scripserit.

D Denique, qui fieri potest, ut nec Rufinus, qui multa de Concilio Nicæno & Paphnutio scripsit lib. 1. historię Ecclesiasticæ, nec ullus alius ex veteribus ante Socratem hujus rei meminerit, nec ullum vestigium tantæ rei in actis Concilii exstet? Quod autem quidam dicunt, Suidam, qui hujus rei meminit in Vita Paphnutii, fuisse paulò post tempora Constantini, apertè falsum est, nam Suidas aliquot sæculis Socrate posterior est, quippe qui scribit etiam vitam Joannis Damasceni.

CAPUT XXL

Solvuntur argumenta Philippi.

E Nunc ad argumenta Philippi veniamus. Argumentum Primum. Conjugium est de jure divino. Gen. 1. *Crescite & multiplicamini*: Et de jure naturæ, ut patet ex naturali appetitu generandi, at jus divinum & naturæ non potest tolli ulla humana lege, ergo &c. Et confirmatur. Nam sicut nemo potest obligari à se, vel ab alio ad non comedendum, quia hoc esset contra naturalem inclinationem conservandi individuum, ita nemo potest obligari à se vel ab alio ad non ducendam uxorem, quia id esset contra naturalem inclinationem conservandi speciem.

Respon-

Respondeo, verbum Domini non præceptum sonare, sed naturæ institutionem exprimere. Nam etiam avibus, & brutis animantibus ibidem Deus dixit: *Crescite & multiplicamini*; quibus tamen nihil propriè præcipi potest. Præceptum autem naturale esse de conjugio incundo, concedi potest, sed quia est affirmativum, non obligat nisi in casu necessitatis, idest, quando periculum immineret, ne humanum genus periret. Et per hoc respondetur ad confirmationem.

Nam sicut non tenemur comedere, nisi quando periculum est, ne pereat individuum, ita non tenemur ducere uxorem, nisi quando periculum esset, ne species humana periret. Ad quod respicientes Patres dixerunt, illud: *Crescite & multiplicamini*, tunc fuisse præceptum singulis hominibus, quando terra erat vacua, ut in exordio mundi, & mox à diluvio. Nunc autem cum terra plena sit, cælum esse replendum, quod melius continendo, quam nubendo fit; Etsi enim hanc solutionem Philippus ridet, tamen est Tertulliani lib. de Monogamia ante medium, Cypriani lib. de Habitu Virginum, Hieronymi lib. 1. in Jovinianum, & Augustini de sancta Virginitate, cap. 9. & ipse textus hoc docet; nam postquam Deus dixit: *Crescite & multiplicamini*, subdit, quasi rationem reddens: *Et replete terram*. Itaque tunc solum vim præcepti illa verba habent, cum terra est vacua. Denique, si Philippus vult jure divino & naturali quocumque tempore teneri homines omnes ad conjugium, injuriam facit Christo, Mariæ, Joanni, innumerisque aliis sanctissimis viris, qui sine uxore vixerunt.

Argumentum Secundum. Apostolus præcipit omnibus, qui donum continentie non habent, ut nubant, 1. Cor. 7. *Propter fornicationem autem unusquisque uxorem suam habeat*.

Respondeo, Apostolum loqui de conjugatis, qui cum in Paganismo uxores duxissent, post conversionem ad fidem, dubitabant an deberent uxoribus uti; iis enim respondet, ut unusquisque uxorem suam retineat, & conjugale debitum invicem reddant. Ita Tertullianus lib. de Monogamia, & B. Hieronymus li. 1. in Jovinianum, & patet ex sequentibus. Nam paulò post addit: *Dico autem non nuptis, & viduis, bonum est eis si sic permanserint*. Et: *Solutus es ab uxore, noli querere uxorem*.

Adde etiam, non esse hoc præceptum Apostoli, sed consilium, vel permissionem potius, sicut illa ejusdem capituli: *Si non se continet, nubat, & si nupserit virgo, non peccavit* &c. Est enim sensus Apostoli, ut Hieronymus ibidem & Chrysostomus, & Ambrosius, & alii in hunc locum exponunt: Bonum est mulierem non tangere, & vel uxorem non ducere, vel post eam ductam ex consensu ab officio conjugali abstinere; tamen si timetis fornicationem, bene facitis uxori adherendo, quia melius est carere perfectione virginitatis, quam incidere in flagitia fornicationum.

Adde tertio, hæc omnia dici iis, qui votum continentie non habent. Qui enim voverunt continentiam, iis non dicitur: *Unusquisque uxorem suam habeat, & virgo si nupserit, non peccavit*. Sed dicitur: *Redde altissimo vota tua*. Et: *Damnationem habent, quia primam fidem irritam fecerunt*. Hanc exceptionem diserte ponunt Hieronymus lib. 1. in Jovinianum in illud; *Si nupserit virgo non peccavit*. Chrysostomus in commentario ejusdem loci. Epiphanius hæresi 61. eadem verba exponens. Item Augustinus in Psalm. 83. tractans eadem verba: & Gregorius lib. 6. cap. 1. in lib. Regum, tractans illud: *Unusquisque uxorem suam habeat*.

Argumentum Tertium. Lex pontificia, quæ cœ-

A libatum sacerdotio adjunxit, dissentit à Conciliis antiquis, proinde iniqua censenda est. Quæ autem sint illa Concilia, ipse non dixit. Nos tamen adducamus quæcumque adduci possunt. Primo est Canon Apostolorum sextus: *Episcopus aut Presbyter uxorem propriam nequaquam obtentu religionis abiciat*.

Secundò est Canon Concilii Gangrensis quartus: *Quicumque discernit à Presbytero, qui uxorem habuit, quod non oporteat eo ministrante de oblatione percipere, anathema sit*.

Tertiò est Canon 13. sextæ Synodi, qui diserte reprobatur morem Romanæ Ecclesiæ, quo jubentur profiteri continentiam, qui sacris initiantur.

B Quartò est Canon 3. Concilii V. Carthaginensis, in quo statuitur, ut Episcopi, Presbyteri, Diaconi se abstineant ab uxoribus in propriis terminis, idest, in ordine vicis suæ, ut exponunt Trullani Patres Canone jam citato.

Quintò est Canon Aliter, distinctio. 31. ubi Stephanus Papa dicit, in Orientali Ecclesia Ecclesiasticos viros matrimoniis copulari, nec eum morem reprehendit. Ergo falsum est, quod sæpè diximus, nunquam esse auditum quod licuerit post sacram ordinationem uxorem ducere.

C Ultimò est Canon B. Augustini 35. quæst. 1. can. cum igitur, ubi dicitur: *Ecclesia, post Apostolica instituta, quadam consilia perfectionis addidit, utpotè de continentia Clericorum* &c. Ergo hoc, consilium, non præceptum est. Hæc fortè sunt omnia quæ ex jure Canonico pro sententia hæreticorum adduci possunt.

Ad Primum respondet Hubertus Cardinalis in lib. contra Nicetam, & habetur hæc responsio sub nomine Leonis IX. dist. 31. can. Omnino, Apostolos jussisse ut non abiciant Clerici uxores à cura suâ, & si reliquerint quoad thorum, debent enim adhuc eas alere, & eis in omnibus providere. Id quod exposuit Concilium Trullanum can. 48. ubi dicitur; quod Episcopi uxor debet in monasterio aliquo degere, & providentia Episcopi viri sui frui. Necnon Concilium Turonense II. can. 8. ubi dicitur, quod Episcopus conjugatus debet habere uxorem ut sororem, & ejus curam gerere, absque tamen ulla suspitione carnalis commercii. Adde, quod iste ipse Canon pro nobis facit; nam Græca vox pro qua habemus (religionis) est *εὐλαστίας*, quæ cautionem propriè significat. Itaque sensus est, Episcopus aut Presbyter nequaquam prætextu cautionis uxorem abiciat, idest, ne curam uxoris dimittat, eo prætextu quod tenetur ab ea se continere.

D Ad Secundum dico, anathema dici eis, qui putant matrimonium ex se esse malum, & propterea existimant non licere sacra facere ei qui uxorem habuit, etiamsi ab illa se contineat. Id ita esse, patet, tum quia in ipso primo Canone dicitur anathema iis, qui putant nuptias absolutè esse malas, & in hoc canone quarto non dicitur, qui uxorem habet, sed qui uxorem habuit.

Ad Tertium dico illos Canones non esse ullius approbati Concilii. Nam vera sexta Synodus nullos Canones edidit, ut patet ex VII. Synodo, actione 4. & 5. Sed post VI. Synodum quidam Episcopi convenerunt Constantinopoli, & in palatio Imperatoris Justiniani II. quod Trullum dicebatur, Canones istos ediderunt nomine sextæ Synodi. Cæterum hos Canones non solum nullus Romanus Pontifex probavit, sed etiam aperte improbavit Sergius Papa, qui tunc sedebat, ut Beda scribit, in lib. de sex ætatibus in Justiniano, & Paulus Diaconus lib. 8. cap. 9. de Rebus Romanis. Vocat autem Beda erraticam Synodum cœtum illorum Patrum, qui hos

canones ediderunt. Adde, quod etiam si isti Canones aliquid valerent, nihil tamen juvarent causam Lutheranorum, non enim permittunt, ut ulli Clerico post sacrorum ordinum susceptionem liceat uxorem ducere, quod Lutherani faciunt, sed solum ut liceat uti uxore ante ordinem ducta, & hoc etiam non permittunt Episcopis, sed solum inferioribus Clericis, ut patet ex can. 6. 12. & 48.

Ad Quartum dico, verba Latina Concilii non esse, in propriis terminis, sed secundum priorum statuta, vel, secundum propria statuta, idest, secundum legem conditam in Conciliis prioribus Carthagenensibus, ac præcipue in II. Carthagenensi can. 2. Græci autem hæc verba malè intelligentes vertunt, *κατὰ τοῦ ἰδίου ἑσπῶς*. Quamquam etiam hæc ipsa Græca verba non malè reddi possent, secundum proprias definitiones. Sed cum Latinum sit Concilium, non Græcum, non multum laborandum est de Græca lectione. Prohiberi autem in hoc Concilio omnem usum uxorum sacris hominibus, patet ex Augustino li. 2. de adulterinis coniugiis, cap. 20. qui Augustinus illi Concilio interfuit. Item ex eo quod iste Canon loquitur eodem modo de Episcopis, & de aliis. At Patres Trullani non permittunt Episcopos misceri unquam suis uxoribus.

Ad Quintum dico Primum, Canonem illum fortè nullius esse auctoritatis; nam nec dicit Gratianus quorū sit Stephanus ille, qui eum Canonem edidit, cum plurimi fuerint Pontifices ejus nominis, nec ullius Stephani epistola exstat, ubi ille Canon habeatur. Dico Secundò, absque ullo dubio auctoritatem ejus Canonis, cum dicit Orientales Clericos matrimonio copulari, non velle dicere, uxores ducunt, sed matrimoniale officium exercent, ut glossa explicat. Nam cum certum sit ex Conciliis plurimis, & ex ipsa praxi, & confessione Græcorum, numquam fuisse licitum, nec nunc haberi licitum in Græcia, ut in sacris existentes, ducant uxores, vel ille Stephanus falsum dicit, vel tantum intelligit, ut nos diximus, matrimonio copulantur, idest, matrimonii copulam exercent. Porro hoc ipsum et si Romana Ecclesia non probat, & abusum esse judicat, tamen permittit Græcis, & si errorem alium non haberent, facile pax componeretur.

Ad Ultimū dico, ea verba non esse B. Augustini sed Gratiani, qui sua verba cum verbis B. Augustini continuavit, ut sæpè facere solet. Legantur apud Augustinum lib. 15. de civitate Dei, c. 16. Præterea quod Gratianus dicit, bonum sensum habet, cum enim ait Ecclesiam addidisse quadam consilia perfectionis, & in eis numerat continentiam Clericorum, vult dicere, Ecclesiam imposuisse Clericis continentiam præcepto servandam, quæ alioqui solum erat consilium perfectionis. Nec enim credibile est tam ineptum fuisse Gratianum, ut putaverit continentiam non fuisse consilium perfectionis ante Ecclesiæ definitionem.

Alium Canonem profert Petrus Martyr in lib. de Coelibatu, & votis, ex epistola 87. aliàs 85. S. Leonis, ubi sic legimus: *Dicente enim Apostolo, ut inter alias Christianismi regulas is Episcopus ordinetur, quem unius uxoris virum fuisse aut esse constaret, tam sacra semper est habita ista præceptio, ut jam de muliere sacerdotis eligenda, eadem intelligatur servanda conditio: ne fortè illa priusquam in matrimonium ejus veniret, qui ab hac non habuisset uxorem, alterius viri esset experta conjugium*. Ex hoc loco duo deducit Martyr, posse fieri Episcopum, non solum qui habuerit, sed etiam qui habeat unam uxorem: & posse Episcopum uxorem ducere, si non habeat. At mira est impudentia hujus hominis; Nam idem Leo in epist. 84. ad Anastasium capit. 3. & 4. disertis verbis jubet, Episco-

pum ita unius uxoris virum esse posse, ut tamen ab illa perpetuò se contineat. Quod verò in quibusdam exemplaribus legitur: *De muliere sacerdotis eligenda*, mendum est manifestum. Sic enim legi debet, & legitur in codicibus melioribus: *De muliere sacerdotis eligendi*.

Argumentum Quartum Philippi. Continentia res est difficillima, nec omnibus datur, ut patet Matt. 19. *Non omnes capiunt verbum hoc*. Ergo non debuit ita indifferenter omnibus Clericis imponi. Respondeo, sicut non omnium est donum continentiae, ita nec omnes debent esse sacerdotes, sed solum ii, qui videntur hoc donum habere.

Sed Dices. Quid si aliquis putet se posse continere & postea experietur se non posse, quando ordines accipit?

Respondeo, illos habere donum continentiae, qui volunt, & cupiunt continere: quibus autem Deus dedit velle, dabit etiam perficere si ipsi velint. Proinde nemo potest dicere se non habere donum, quod se habere putabat; nam illa voluntas continendi propter Deum est ipsum donum continentiae. Ad hæc, nonne etiam conjugati sæpè coguntur, vel propter absentiam, vel propter aegritudinem longissimam conjugis, abstinere se ab uxore? & tamen non licet eis aliam uxorem ducere, quantumvis utrantur aestu libidinis. Quod exemplum affert D. Augustinus lib. 2. de adulterinis coniugiis, c. 19. & 20. contra eos, qui contra jus uxorem ducunt eo prætextu, quod continere non possint.

Adde, quod nemo est, qui continere non possit si velit, ut docent Patres, Tertullianus in fine lib. de Monogamia, Nazianzenus orat. 31. Basilus de Virgin. ultra medium, Chrysostomus & Hieronymus in cap. 19. Matth. & Augustinus lib. 6. confess. c. 11. Sed oportet remedia necessaria non negligere, quæ tria sunt; oratio, jejunium, & periculorum evitatio. Nam tentatio carnis vel oritur ex suggestione demonis, ut patet in Antonio, Hilarione, Benedicto, & similibus, qui in eremo, & perpetuis jejniis viventes, tamen tentabantur, & tunc necessaria est oratio, quia demon fortior nobis est, nec possumus eum vincere nisi auxilio fortioris, qui est Deus: propter hoc dicitur Sapient. 8. *Nemo potest esse continens nisi Deus det*. Vel oritur ex abundantia cibi & potus, nam cum natura accipit quod sufficit ad nutritionem reliquum convertitur in materiam generationis, inde nascitur pruritus carnis, & contra hoc necessarium est jejunium, ut carnis terat superbiam, potus cibi-que parcitas. Vel denique oritur ex aspectu, & colloquio foeminarum; nam res visæ vel auditæ, si naturæ convenient imaginationem naturaliter movent, & imaginatio appetitum. Hinc tot leges Conciliorum prohibentium Clericis foeminarum contubernium, de quo etiam vide Basilium c. 3. Monast. const.

Cum igitur Lutherani hæc tria abjecerint, videlicet, orationem Canoniarum horarum, jejunia omnia, & etiam feria 6. carnibus vescantur, ac demum quisque domi suæ mulierem habere velit, quid mirum si continere non possint? Certè Lutherus ipse in singulis prandis & cœnis, largissimè epulabatur, & unum sextarium vini dulcis hauriebat, ut est in epistola quadam ad finem operis Joannis Cochlaei de Vita Lutheri.

Argumentum Quintum & ultimum. Coelibatus iste Clericorum prodigiosas libidines parit, mundum concubinis, & Ecclesiam scandalis replet.

Respondeo, falsum esse, quod coelibatus ista pariat, sed abusus est coelibatus, qui ista parit. Apostolus enim 1. Cor. 7. fructus coelibatus esse dicit, cogitare quæ Dei sunt, sanctum esse corpore & spiritu, sine intermissione Domino assidere: Non igitur

ulius,

usus, sed abusus coelibatus prodigiosas libidines parit. Si autem propter abusus res bonæ tollendæ essent, cælum & terra etiam tollenda essent, quia eis quidam abutuntur, putantes esse Deos; necnon Decalogus tollendus esset, & omnia Sacramenta, quia etiam eis multi abutuntur. Ita responder Gregorius Nazianzenus orat. in Basilium non procul à principio, illis qui execrantur Philosophiam naturalem, & scripta gentilium, propterea quod quidam eis abutuntur. Nec tamen admittimus rot esse concubenarios, & impuros inter Ecclesiasticos, quot hæretici dicunt, qui omnes alios ex se metientes, nullos putant esse castos. Certè plurimi sunt qui quotidie celebrant, & de quibus nulla mala suspicio auditur.

Præter hæc argumenta respondendum videtur etiam querimoniz Philippi: *Olum*, inquit, *Canones suspendebant sacerdotes, qui uxores duxissent, ab officio, vos autem suspenditis ab arboribus.*

Respondeo in primis, hinc sequi Lutherum, & alios qui post sacerdotium uxores duxerunt, suspensos fuisse ab officio ex sententia veterum Canonum, & ideo cum officio fungi voluerint, & tamen conjuges retinere, rebelles & contumaces fuisse adversus Ecclesiam, ac proinde merito ab arboribus suspendi potuisse. Dico præterea, Canones veteris Ecclesiæ, alios mitiores, alios severiores fuisse; Nam Concilium Neocæsariense canon. 1. jubet Presbyterum ordine moveri, si uxorem ducat; at Concilium Toletanum II. canon. 1. jubet sacerdotem, qui uxorem duxit, ut sacrilegii reum ab Ecclesia haberi extraneum, & Toletanum VIII. canon. 6. jubet ejusmodi homines recludi in monasteriis ut ibidem sub gravibus poenitentiz oneribus usque ad finem vitæ degant. Adde ultimò, Presbyteros numquam in Ecclesia tam severè puniri; quia uxores ducunt, ut Philippus dicit: sed quia post votum solemne ducunt, & proinde non uxores, sed concubinas sub conjugii nomine ducunt, & matrimonium simul ac sacerdotium polluant, cui intemperantiz cum etiam hæresim addunt, ac dicunt, vota non esse servanda, quid mirum si digni sunt, qui ab arboribus suspendantur.

Addamus Hieronymi testimonium lib. 1. adversus Jovinianum: *Certè confiteris, inquit, non posse esse Episcopum qui in Episcopatu filios faciat, alioquin si deprehensus fuerit, non quasi vir tenebitur, sed quasi adulter damnabitur.* Hæc ille. Porro adulterii poenam Hieronymi tempore, & quidem ordinariam, fuisse ultimum supplicium, patet ex epist. 49. ejusdem Hieronymi, de muliere septies icta; & ex li. 1. contra Jovinianum, ubi sic ait: *Quotidie mechorum sanguis effunditur, & inter ipsas leges, secures, ac tribunalia, flagrans libido dominatur.* Quare Hieronymi sententia, Episcopi liberis operam dantes, non solum suspendi possunt ab officio, sed etiam, ut adulteri, capite cædi. Sed jam ad Magdeburgenses veniamus.

CAPUT XXII.

Solvuntur argumenta Magdeburgensium.

Magdeburgenses Cent. 9. cap. 10. col. 540. 541. & 542. colligunt decem argumenta contra coelibatum Clericorum ex una epistola S. Udalrici Episcopi Augustani ad Nicolaum Papam, quæ nuper excusa est Basileæ, & inserta in illo opere, quod inscribitur, *Orthodoxologia sanctorum Patrum.* Sed ex his argumentis novem sunt eadem cum illis, quæ jam solvimus, à Calvino & Me-

Canterv. Card. Bellarm. Tom. II.

A lanchthone proposita, unum solum solvendum superest, quod sumitur ex quadam miserabili narratione. Scribit enim iste sanctus Udalricus hanc historiam: *Beatus Gregorius Magnus Papa I. aliquando suo quodam decreto uxores sacerdotibus admittit. Deinde paulò post cum idem Gregorius jussisset ex piscina sua pisces aliquot capi, piscatores pro piscibus sex millia capitum infantium suffocatorum repererunt; quam eadem infantium cum intellexeret S. Gregorius ex occultis fornicationibus vel adulteriis sacerdotum natam esse; continuo revocavit decretum, & peccatum suum dignis poenitentia fructibus purgavit.* Hanc narrationem, quia vehementer odiosam reddit legem de coelibatu Clericorum, sæpè alibi inculcant iidem Magdeburgenses, ut Centuria 6. cap. 7. colum. 388. & cap. 10. colum. 686.

B Respondeo Primò, si quid valet hujus sancti Udalrici auctoritas, ea magis premi Lutheranos, quam nos. Nam in hac epistola fatetur, Romanum Pontificem esse caput omnium, & ei ab omnibus deberi obedientiam. Item asserit, Pontificem debere cogere Presbyteros & Monachos, ne ullo modo uxorem ducant, & si duxerint post votum continentiz, debere separari.

C Dico Secundò, eam epistolam videri confictam; & confictam ab aliquo imperito defensore conjugii Ecclesiasticorum. Nam in primis tempora nullo modo coherent: nam S. Udalricus creatus est Episcopus anno Domini 924. ut Hermannus Contractus & Abbas Urspergenlis docent, vel anno 903. ut dicitur scriptum esse in Chronico Augustanæ Ecclesiæ; Nicolaus autem Papa I. obiit anno 867. ut Onuphrius annotavit in libro de Romanis Pontificibus: Non ergo potuit scribere Episcopus Udalricus ad Papam Nicolaum, qui jamdudum obierat.

D Dicent, scripsit fortasse antequam fieret Episcopus. At in principio epistolæ se Episcopum vocat; præterea conveniunt auctores, S. Udalricum 83. annos vixisse, 50. in Episcopatu, & 33. ante Episcopatum; ex quo sequitur eum natum esse anno Domini 870. vel 891. juxta alios, ergo inter obitum Nicolai, & ortum Udalrici sunt anni ut minimum tres; nam secundum alios sunt 24. Nisi ergo scripserit ipse antequam nasceretur, vel ad Nicolaum post ejus mortem, non potest esse epistola S. Udalrici ad Nicolaum.

Dicent: non esse Nicolaum I. sed II. ad quem scribit S. Udalricus. At id minus fieri potuit; nam obiit S. Udalricus ferè circiter centum annis ante initium Pontificatus Nicolai II. obiit enim S. Udalricus anno 953. vel 974. & Nicolaus II. creatus est Papa anno 1059.

E Dicent fortasse, duos esse Udalricos Episcopos Augustanos. Unum enim ponunt Magdeburgenses Centuria 9. cap. 10. col. 540. alterum Centur. 10. cap. 10. col. 602. Sed priorem illum confinxerunt ipsi Centuriatores, non enim aliunde probant illum aliquando extitisse quam ex epistola ad Nicolaum. Munsterus enim lib. 3. de Germania Catalogum recensens Episcoporum Augustanorum, nullum Huldericum vel Udalricum ponit ante S. Udalricum, qui vixit post tempora Nicolai, ut suprà ostendimus. Quocirca Magdeburgenses illius prioris Hulderici, à se conficti, neque patriam, neque parentes indicant, neque auctorem ullum citant, qui de ejus Episcopatu testetur, ut in aliis facere solent.

Præterea, quod iste auctor dicit S. Gregorium admississe uxores sacerdotibus, falsum est, & magis adhuc falsum quod resciderit hujusmodi decretum. Quod verò in piscina Gregorii sex millia capitum sine inventa, falsissimum. Nec enim ullum exstat vestigium harum rerum in omnibus B. Gregorii operibus.

ribus. Immo ipse lib. 1. epist. 42. meminit decreti sui prædecessoris, qui iusserat, Subdiaconos Siculos separari ab uxoribus, & vivere coelibes, ut reliqui Subdiaconi in totâ Ecclesia vivebant, & ibidem temperat rigorem decreti. Juber enim permitti uxores Subdiaconis, qui eas duxerant ante ordinationem, sed non ordinari rursus alios nisi prius voverent continentiam. Itaque nihil ipse novi statuit, sed solum mitigavit rigorem sententiæ sui prædecessoris.

Præterea, si ex decreto Gregorii nata est illa cædes sex millium infantum, certè in Sicilia nata est, ad quam solum pertinet Gregorii decretum. Quomodo autem verisimile est paucissimos Subdiaconos Siciliæ brevissimo tempore sex millia infantum genuisse? Et quomodo illa sex millia capitum ex Sicilia in Romanam piscinam Gregorii saltaverunt? Quomodo autem intellectum est illa esse capita filiorum Clericorum, non Laicorum? Denique cur de historia tam admiranda nihil scripsit Joan. Draconus, Beda, Sigebertus, Ado, Freculphus, aliique tam multi? Itaque non immerito suspicatur Staphylus, hanc epistolam confictam sub nomine S. Udalrici, in responsione ad fictas dissensiones, quas inter Catholicos esse falsò criminatur Illyricus, qui etiam addit Augustæ inter opera S. Udalrici, nullam syllabam de hac re exstare.

De tota hac disputatione, vide Michaellem Medinam in libris quinque de continentia hominum sacrorum, Claudum Espenceum in libris ejusdem argumenti, Jodocum Chetovæum in libro de coelibatu Sacerdotum, Hosium in Dialogo de hac re, Ajalam de traditionibus parte tertia, Didacum Payvam libro ultimo, Joannem Cochlam de votis contra Calvinum, Alphonsum à Castro lib. 13. de hæresibus, verbo Sacerdotium, hæresi 4. Albertum Pighium controversia 15. Vide etiam solutiones aliorum argumentorum, quæ huc etiam referri potuissent, infra lib. 2. de Monachis, cap. 29. & sequentibus.

C A P U T XXIII.

De Digamia.

Postrema restat quæstio, num Apostolica lege prohibitum sit, ne qui post primæ uxoris obitum alteram duxit, ad sacros ordines admittatur. Tota autem controversia de verbis illis beati Pauli est: *Oportet Episcopum irreprehensibilem esse, unius uxoris virum.* Et rursus: *Diaconi sint unius uxoris viri.* 1. Timoth. 3. & Tit. 1. Tres autem ejus loci expositiones præcipuè reperiuntur.

Prima Lutheri est in libro de captivitate Babylonica, capite de ordinis Sacramento, & fusiùs in propositionibus de digamia Episcoporum, ubi docet, B. Paulum illis verbis solum prohibuisse scortationem, & adulteria, & sensus sit: *Oportet Episcopum esse unius uxoris virum*, idest, oportet Episcopum sola uxore legitimâ, sive una, sive pluribus esse contentum, non indulgere scortationibus; ita ut vocabulum viri, non significet maritum, sed aliquid commune ad maritum, & adulterum, & addit, non modo non esse prohibitam à Paulo pluralitatem uxorum successive, sed neque simul, nisi fortè apud Gentiles propter scandalum; nam apud Judæos, ubi erat consuetudo plures uxores ducendi, non existimat Lutherus interdictum fuisse Christianis Episcopis multas simul uxores habere.

Altera sententia est aliorum, qui existimant à Paulo prohiberi multitudinem plurium uxorum si-

mul, non tamen successive. Ita docent Magdeburgenses, etsi alioqui rigidi Lutherani esse soleant, Cent. 1. lib. 2. cap. 4. col. 451. & 452. & Calvinus in cap. 3. prioris ad Timoth. & in caput 1. epistolæ ad Titum.

Tertia sententia Catholica Ecclesiæ est, quæ semper verba illa B. Pauli ita intelligenda esse docuit, ut prohibitum sit sacris ordinibus initiare eos, qui quovis modo bigami fuerint. Quam sententiam probare possumus tribus argumentis.

Primo ex cap. 5. prioris ad Timotheum, ubi de viduis legimus: *Vidua eligatur non minus sexaginta annorum, quæ fuerit unius viri uxor.* Ex hoc enim loco refellitur in primis Lutheri sententia; nam eadem phrasi dicitur, unius viri uxor, & unius uxoris vir: certum autem est illud: *Unius viri uxor*, non posse significare, ut vidua non fuerit adultera, vel scortatrix; nam scortum non dicitur uxor, si ad adulterum aut scortatorem referatur, sed adultera, vel meretrix. Deinde continentia ab adulterio & scortatione, non solum sequitur in muliere quo tempore vir ejus vivit, sed etiam postea dum in viduitate degit, & tamen Paulus non loquitur hoc loco nisi de tempore quo vir ejus viduæ vivebat; non enim dicitur uxor unius viri fuisse, nisi quando virum habebat. Igitur illis verbis: *Quæ fuerit unius viri uxor*, non potest significari ut eligatur vidua quæ non fuerit scortatrix, aut adultera, sed quæ unum solum maritum habuerit.

Ex eodem loco refellitur etiam sententia Centuriatorum, Calvini, Pomerani, & aliorum, qui volunt Paulum prohibuisse, ne habeat Episcopus vel Diaconus duas simul uxores. Nam (ut diximus) eadem phrasi, & in eadem epistola, & ab eodem Apostolo jubetur esse Episcopus unius uxoris vir, & vidua unius viri uxor. At nulla ratio permittit, ut Paulus jubere voluerit, ne vidua eligatur, quæ fuerit uxor multorum virorum simul; id enim frustra Paulus iussisset, cum nusquam, & nunquam fuerit ejusmodi usus, ut una mulier esset plurium virorum uxor. Habuerunt quondam Judæi multas uxores, ut etiam nunc habent Turcæ, at nunquam est auditum, ut una mulier plures maritos habuerit. Nam ut ait S. Augustinus lib. 3. de doctrina Christiana, cap. 12. Cur unus vir haberet plures uxores, ratio erat, ut plures filii nascerentur; at cur una mulier sit uxor plurium virorum, nulla esse potest ratio; non enim pariet mulier nisi semel in anno, sive habeat unum, sive centum viros, immò meretrices nullos pariunt ordinariè.

Altera ratio ducitur ex tempore, quo hæc Paulus scripsit; nam eo tempore non erat consuetudo, neque apud Judæos, neque apud Gentiles, & multò minus apud Christianos, ut unus vir duas simul uxores haberet; proinde quod non fiebat, non erat cur tam seriò prohiberetur. Et quidem quod ad Gentiles attinet, satis patet ex eo quod in Imperio Romano, quo tunc orbis terrarum regebatur, semper infamis & prohibita fuit polygamia plurium uxorum simul. Vide ff. de his qui notantur infamia lege prima. Item, Codice de incontinentiis upris, l. neminem, & ad l. Juliam, de adulteris, l. cum qui; Tamen enim leges istæ paulò posteriores sint Apostolicis temporibus, tamen indicant prohibitionem polygamie, multò esse antiquiorem.

Primus, qui publica lege concessit polygamiam plurium uxorum simul, fuit Valentinianus senat, ut Socrates refert lib. 4. cap. 26. Sed non diu ea lex duravit, cum constaret, Imperatorem non alia de causa eam legem tulisse, quam ut regeret intemperantiam suam.

Quod

Quod verò attinet ad Christianos, necnon etiam Judæos, ex Testamento novo facile colligi potest, non fuisse apud eos consuetudinem, ut quis duas uxores haberet; semper enim de conjuge in numero singulari loquitur Scriptura Testamenti novi. Matth. 5. *Qui dimiserit uxorem suam.* Cap. 19. *Si licet homini dimittere uxorem suam.* Et ibidem: *Omnis, qui reliquerit domum, vel agros, aut patrem, aut matrem, aut uxorem &c. Luc. 14. Qui non odit patrem, & matrem, & uxorem, & filios &c. 1. Corinth. 7. Unusquisque suam uxorem habeat.* Item: *Alligatus es uxori, noli querere solutionem; solutus es ab uxore, noli querere uxorem.* Ad Ephel. 5. *Unusquisque uxorem suam, sicut seipsum diligit.* Quin etiam Lucæ 1. legimus, Zachariam uxore sterili usque ad senectutem permanente, non tamen superduxisse alteram, quod haud dubiè fecisset, si eo tempore id fieri licuisset. Scribit quidem Josephus lib. 17. antiquit. cap. 2. Herodi Regi novem uxores fuisse: At privati homines etiam apud Judæos jamdudum desierant plures uxores accipere.

Tertia ratio est auctoritas Patrum, qui semper hunc locum de monogamia ita intellexerunt, ut non liceat eum Episcopum vel Diaconum creati, qui duas uxores, etiam diversis temporibus, habuerit. Tertullianus lib. 1. ad uxorem: *Quantum fidei detrahant, quantum obstrepent sanctitati nuptia secunda, disciplina Ecclesia, & prescriptio Apostoli declarat, cum digamos non finit presidere, cum viduam allegi in ordinationem, nisi nupturam non concedit.* Neque dubium est, quin per digamos intelligat eos, qui duas uxores habuerunt, non simul, sed unam post alteram; nam de hac digamia in toto libro loquitur. Hortatur enim uxorem suam, ut se mortuo non ineat secundas nuptias. Similia habet in lib. de monogamia, & in libro de exhortatione castitatis. Neque his repugnat, quod idem Tertullianus in libro de monogamia Catholicis objicit, digamiam Sacerdotum: *Quot, inquit, ex digamia praesident apud vos? Nam vel aliqui digami ex dispensatione praesidebant: vel certè aliqui, qui alteram habuerant ante Baptismum, qui multorum opinione non habebantur digami, etiam apud alios, in quibus Tertullianus erat, digami censerentur: vel tandem vitio & abusu id fiebat; nec enim defendimus, numquam esse factum id quod fieri non debere dicimus.*

Epiphanius hæres. 59. Catharorum: *Qua ad sacerdotium tradita sunt, propter eminentiam celebrationis sacrorum, ea aequaliter ferri ad omnes putaverunt, cum audierint, quod oportet Episcopum irreprehensibilem esse, unius uxoris virum, continentem similiter & Diaconum, & Presbyterum.* Revera enim non suscipit sancta Dei predicatio post Christi adventum eos, qui à nuptiis, mortua ipsorum uxore, secundis nuptiis conjuncti sunt, propter excellentem sacerdotii honorem, ac dignitatem, & hac certò sancta Dei Ecclesia cum sinceritate observat. Hæc ille. Ubi apertissimè loquitur de digamia plurium uxorum successiva, cum eos digamos appellet, qui mortua uxore, aliam ducunt, & cum Catharos reprehendat, qui ex hoc loco Pauli etiam Laicis interdicebant secundas nuptias.

Ambrosius lib. 10. epist. 82. ad Ecclesiam Vercellens. tractans hunc locum Pauli: *Unius uxoris vir: Qui, inquit, conjugium iteraverit, culpam non habet coinquinati, sed prerogativa exiuntur Sacerdotis.* Hæc ille. Ubi apertissimè rejicit Lutheri atque Calvinii sententiam, qui volunt ab Apostolo prohiberi vel duas simul uxores, vel adulteria; hæc enim qui admittunt, culpam habent coinquinati, & non solum prerogativa exiuntur Sacerdotis. Similia habet Ambrosius lib. 1. de officiis, cap. ult. & lib. de dignitate sacerdotali, cap. 4.

Hieronymus in commentario primi capitis epistolæ. *Contrav. Card. Bellarm. Tom. II.*

A) lz ad Titum, per unius uxoris virum monogamum intelligit. Quòd autem monogami nomine intelligat eum, qui nec simul, nec successivè plures habuerit, perspicuum est ex illis verbis: *Apostolus, inquit, de Episcopis & Presbyteris hac præcipiens utique in cæteris relaxavit, non quòd hortetur ad secunda matrimonia, sed quòd necessitati carnis indulgeat.* Hæc ille. At certè non indulget Apostolus Laicis ut fornicentur, aut duas simul uxores ducant, sed solum, ut uxore defuncta, iterum ineant matrimonium; Igitur hoc ipsum Sacerdotibus prohibet, ne plures etiam successivè uxores habeant.

B) S. Augustinus lib. de bono conjugali, cap. 18. tractans hunc locum; *Unius uxoris vir: Non absurdè, inquit, visum est, cum qui excessit uxorum numerum singularem, non peccatum aliquod commisisse, sed normam quandam Sacramenti amisisse non ad vita bona meritum, sed ad ordinationis Ecclesiastica signaculum necessariam.* Hæc ille. Ubi cum dicit, numerum singularem uxorum excedere, impedimentum esse ordinationis, nec tamen esse peccatum, apertè indicat, se loqui de multitudine uxorum non uno tempore, sed diverso. Nam eodem tempore plures uxores habere Christiano nullo modo licet ex Augustini sententia: sic enim loquitur idem Augustinus libr. 20. contra Faustum, cap. 47. *Quid, inquit, tandem criminis est, quod de pluribus simul habitis uxoribus, objicitur sancto viro Jacob? Si naturam consulas, non lasciviendi, sed gignendi causa illis mulieribus utebatur. Si morem, illo tempore, atque in illis terris hoc facitabatur, si præceptum, nulla lege prohibebatur, nunc verò cur crimen est, si quis hoc faciat, nisi quia, & moribus & legibus non licet?* Idem quoque habet in libro de bono conjugali, cap. 7. & lib. 3. de doctrina Christiana, cap. duodecimo.

D) Sanctus Joannes Chrysostomus hom. 2. in epist. ad Titum: *Castigas, inquit, hoc ipso etiam impudicos, dum non eos permittit post secundas nuptias ad Ecclesia regimen, dignitatemque Pastoris assumi, nam qui defunctæ uxori benevolentiam nullam servasse deprehenditur, quo pacto hic Ecclesia præceptor esse optimus poterit? Nostis enim profectò omnes, quòd etsi per leges secunda nuptia permittuntur, multis tamen ea res accusationibus patet. Nullam ergo occasionem præbere subjectis præsumunt.* Hæc ille. Ubi clarissimè significat, unius uxoris virum à B. Paulo dici eum, qui post obitum primæ uxoris, secundam non duxit, quo modo exponunt etiam cæteri, cum Græci, ut Theophylactus & Oecumenius, tum Latini, Sedulius, Anselmus, Primasius, Haymo, S. Thomas, & cæteri in comment. hujus loci. Idem etiam disertis verbis docent veteres summi, sanctissimique Pontifices; Syricius in epist. 1. ad Himericum, cap. 11. Leo I. in epist. 85. aliàs 88. ad Episcopos Africæ, cap. 1. Gelasius I. in epist. 1. ad Episcopos Lucaniæ, Brutii, & Siciliæ, cap. 5. Hilarius in Concilio Romano; & Innocentius in epist. 22. Unus est Theodoretus, quantum legere potui, ex omni numero veterum, qui per unius uxoris virum intellexerit eum, qui duas aut plures simul uxores non habet; ita enim exponit in commentario cap. 3. prioris epistolæ ad Timotheum; sed non est tanta ejus auctoritas, ut tot sanctis Pontificibus, & omnibus aliis Patribus anteponi debeat.

E) His accedit Quarto & ultimo totius Ecclesiæ consuetudo. Nam, ut Innocentius scribit in epist. 22. cap. 1. in toto Oriente & Occidente hoc servabatur, quod etiam nunc servari videmus, ut bigami non ordinentur. Neque solum ubique, sed etiam semper hoc servatum esse, planum esse potest ex Leone epist. 88. ad Afros, ubi dicit, semper hoc esse servatum; necnon ex eo, quòd hujus rei mentio fit in

Canonibus Apostolorum, can. 17. & 18. & in antiquissimis Conciliis, ut Neocæsariensi, can. 8. & Nicænum I. teste Ambrosio in epist. 82. Deinceps etiam semper esse servatum, patet ex decreto Gratiani, dist. 26. & ex decretalium volumine, tit. de digamis, ubi multa ponuntur testimonia Pontificum, & Patrum diversarum ætatum: Quod autem semper & ubique servatum est, sine dubitatione ulla ab Apostolica traditione descendit.

CAPUT XXIV.

Solvuntur objectiones Lutheri.

Sed jam ad argumenta Lutheri respondeamus. Prima Objectio. Apostolus jubet, Episcopum eligi irreprehensibilem, sive, ut ad Titum loquitur, sine crimine, quod est Græcè ἀνέγκλιτος. Is autem est ejusmodi, qui non potest palam argui alicujus criminis. Explicavit verò statim Apostolus, quæ sint crimina, quibus carere debet Episcopus, & ait: *Unius uxoris vir, filius habens fideles*. Igitur unius uxoris vir, non significat monogamiam, quæ opponitur polygamie plurium uxorum successive, quæ numquam fuit crimen, sed eam, quæ opponitur fornicationi & adulterio, quæ vera sunt crimina.

Respondeo, potest hoc loco nomine criminis non solum peccatum intelligi, sed quidquid ab hominibus reprehendi solet; neque enim sola peccata reprehenduntur, sed etiam ea, quæ signum præbent incontinentiæ, aut alterius vitii: talem autem esse quamlibet bigamiam certissimum est. Nam idcirco in Concilio Neocæsariensi, can. 7. prohibentur Sacerdotes interesse nuptiis digamorum, & etiam apud Gentiles bigami Pontifices esse non poterant, ut Tertullianus refert, lib. 1. ad uxorem, & Servius in illud 4. *Æneidos*.

Huic uni forsitan potius succumbere culpa.

Culpa, inquit, propter antiquum ritum, quo repellebantur à sacerdotio bis nuptæ.

Apostolus igitur vult, Episcopum nullius rei, quæ malam speciem præ se ferat, apud homines posse notari, & ideo monogamum esse jubet. Ita hunc locum Chrysostomus exponit; possumus tamen nomine criminis intelligere etiam peccatum grave ac lathale, ut vult S. Augustinus tract. 41. in Joannem, & lib. 1. contra duas epistolas Pelagianorum, cap. 14. sed si ita accipiamus nomen criminis, non debemus exponere verba sequentia B. Pauli, quasi iis explicetur quid sit, esse irreprehensibilem, sive sine crimine; Sed ita, ut eis declaratur, Episcopum non solum sine crimine esse debere, sed etiam multis præclaris dotibus ornatum, ut monogamia, sobrietate, doctrina &c.

Secunda Objectio. Si Episcopus monogamus esse deberet, aut ratio huius rei esset moralis, videlicet ob maiorem continentiam, aut certe spiritualis sive mystica, videlicet ob significationem conjugii unius Christi cum una Ecclesia; at neutrum dici potest. Nam si ratio esset moralis, multò magis requireretur in Episcopo ne esset adulter, aut concubiniarius, quàm ne esset bigamus, & tamen videmus adulteros, & concubinarios non repelli à sacerdotio, digamos autem repelli; Si verò ratio sit mystica, multa sequuntur absurda. Nam in primis ceteræ dotes Episcoporum, quæ à Paulo numerantur, omnes sunt morales, ut sobrietas, & hospitalitas, doctrina, & ceteræ. Cur non etiam ista erit moralis: unius uxoris vir?

Secundò, si ideo Episcopus debet esse monoga-

Amus, quia eius conjugium significat matrimonium Christi cum Ecclesia, igitur etiam Laici debebunt esse monogami, quia eorum quoque conjugium significat Christi conjugium.

Tertiò, si illa est ratio, igitur debet Episcopus ducere virginem, & eam semper virginem conservare; ita enim Christus fecit.

Quartò, debet Episcopus priorem uxorem repudiare, & posteriori adherere. Nam Christus, Synagoga repudiata, adhæsit Ecclesiæ, quocirca Episcopus, ut Christum imitetur, non monogamus, sed bigamus erit.

Quintò, debet idem Episcopus necessariò uxorem habere, eaque ne ad punctum quidem temporis carere; Christus enim Ecclesia sponsa sua nunquam caret.

B Respondeo, rationem, cur Episcopi, Presbyteri, & Diaconi debeant esse monogami, partim esse moralem, partim mysticam; tamen enim multæ rationes reddi solent à Patribus, tamen omnes revocantur ad duas illas in argumento adversarii notatas. Una igitur causa est moralis, videlicet minor suspicio incontinentiæ, sive perfectior continentia. Hanc reddit Tertullianus locis citatis, & Chrysostomus in commentario locorum B. Pauli, atque ad hanc revocatur causa, quam reddit Epiphanius hæresi 59. ubi dicit, monogamum esse debere Episcopum ob excellentiam sacerdotii. Ad eandem revocari potest ea, quam reddit Ambrosius, lib. 1. de officiis, cap. ult. ubi dicit, monogamum esse debere Episcopum, ut liberius hortari possit homines ad continentiam.

C Altera causa est mystica, videlicet perfecta significatio conjugii Christi cum Ecclesia, qui enim secundam uxorem duxit, significat quidem conjugio suo Christi conjugium, sed non ita perfectè, ut is, qui unam solam habuit; non enim significat, Christum ita esse unius Ecclesiæ sponsum, ut numquam habuerit aliam.

Dices, peccat igitur, qui secundam uxorem ducit; nam falsum significat, Christum videlicet plurimum esse sponsum Ecclesiarum. Respondeo, id non sequi. Nam secundæ nuptiæ non sunt institutæ ad significandum, Christum bis maritum esse, ideoque id non significant, quamquam nec significant eum esse ita unum unius, ut non habuerit aliam, sed simpliciter significant ipsam conjunctionem unius cum una præsentis, quidquid fuerit de præterito. Itaque nuptiæ digamorum nihil falsi significant, sed carent quadam perfectione significationis, quam habent nuptiæ monogamorum. Atque hanc causam redunt sanctus Augustinus libro de bono conjugali, cap. 18. & sanctus Leo in epist. 88. ad Afros, & huc etiam pertinet ratio illa Epiphani de excellentia sacerdotii.

E Ut igitur respondeamus ad singulas partes objectionis; Si ratio, inquiunt, moralis est, igitur majori ratione prohibentur adultera & concubinatus, quàm digamia.

Respondeo, prohiberi quidem etiam ista, non enim voluit adulteros, aut concubinarios Episcopos eligi, qui iussit eligi homines sine crimine, irreprehensibiles, sobrios, castos &c. sed tamen negamus magis ista prohiberi, quàm digamiam in Episcopo deligendo. Nam ista prohibentur una solum ratione, & ea non primaria: digamia verò duabus rationibus prohibetur. Quòd autem primaria ratio non sit illa moralis, ob signum incontinentiæ, sed altera mystica ob significationem, patet ex eo, quòd digami censentur etiam illi, qui unam uxorem habuerunt, sed viduam, vel alio modo corruptam, ut constat ex citatis locis canonum Apostolorum,

Con-

Concilii Neocæsariensis, Innocentii, Leonis, & aliorum, ac præterea etiam si longè turpior sit concubitus, quàm digamia, tamen digamia ex natura sua signum est incontinentiæ magis diuturnæ, firmitusque inhaerentis.

Ad primum alterius partis respondeo, rectè monogamiam numerari cum cæteris moralibus dotibus, tum quia etiam ipsa est moralis dos, tum etiam quia nihil incommodi habet, numerare dotem mysticam cum moralibus, cum omnes Episcopo necessariæ sint.

Ad secundum, negamus id sequi, ut etiam Laici debeant esse monogami. Non enim necesse est, ut Laici ea perfectione sint præditi, qua præditi esse debent Episcopi; Quare satis est, si matrimonium Laicorum significet conjugium Christi cum Ecclesia, licet non significet illud, ut est unius cum una, ut supra diximus.

Ad tertium, negamus etiam sequi, ut Episcopus debeat uxorem semper virginem servasse. Nam Christi sponsa Ecclesia duo privilegia habet; nam & virgo est, juxta illud 2. Corinth. 11. *Despondi vos uni viro virginem castam exhibere Christo*; & simul fecundissima est, & plurimos quotidie filios parit per lavacrum regenerationis. Duo autem ista privilegia simul, nullum conjugium humanum representare potest, illo excepto, quod fuit inter B. Virginem & S. Josephum. Idcirco satis est, si Episcopi conjugium, alterum eorum significet, nimirum aut fecunditatem Ecclesiæ, si filios ex uxore habuerit, aut virginitatem, si fortè uxorem virginem conservavit, ut aliqui sancti viri fecerunt.

Ad quartum, negamus, Christum repudiasse unquam sponsam suam, ut acciperet aliam. Nam Christus, ut homo, non accepit unquam, nisi unam sponsam, idest, Ecclesiam Christianam, quam ipse ex latere suo perfollo sibi formavit, ut quondam Adam, unam Evam ex latere suoeductam, uxorem accepit. Idem verò Christus, ut Deus, ab initio mundi Ecclesiam sibi conjunxit in matrimonium, neque unquam eam dimisit. Etsi enim videtur Christus repudiasse Synagogam, quia sunt hoc tempore Judæi sine Deo, & quia B. Paulus ad Galat. 4. exponit de Testamento veteri illud Genes. 21. *Ejice ancillam, & filium ejus*. Tamen revera Ecclesiam Testamenti veteris Christus non repudiavit, sed renovavit, & pulchram reddidit, & ex ancilla liberam fecit, & hoc modo ejecit ancillam, idest, statum illum servilem. Quomodo si aliquis ancillam uxorem acciperet, ac post aliquantum temporis eam liberaret. Quare B. Paulus ad Rom. 11. *Nunquid, inquit, Deus repulit populum suum? Absit. Nam & ego Israelita sum. Non repulit Deus plebem suam, quam præscivit &c.* Itaque solum pars quædam obstinatorum Judæorum recessit ab unitate veræ Synagogæ: reliqui manserunt; & per eos continuatum est conjugium Christi cum Ecclesia.

Ad quintum, negamus, Episcopum semper ac necessariò uxorem habere debere; imò melius facturum dicimus, si numquam uxorem duxerit. Nam cum Christus & virgo & maritus sit, si Episcopus uxorem non habeat, Christum virginem representabit, si uxorem habeat, Christi conjugium significabit. Itaque monogamia in Episcopo requiritur, si conjugatus fuerit, non absolutè.

Tertia Objectio, quòd Paulus ait, 1. Timoth. 3. Episcopum esse oportere unius uxoris virum; simile est ei, quod idem ait, 1. Corinth. 7. *Unusquisque uxorem suam habeat*. At in his posterioribus verbis non prohibentur secundæ nuptiæ, sed adulteria, & scortationes.

Respondeo, probandam esse Luthero propositio-

A nem argumenti; non enim sunt omnino similes duæ illæ sententiæ. Nam in priori determinatur numerus conjugii, cum unius uxoris mentio sit; in posteriore non determinatur; habebit enim verè unusquisque suam uxorem, si legitimam conjugem habeat, etiam si fortè non sit prima, sed secunda.

B Sed instat Luterus, & probat sententias illas esse similes. Nam, 1. Timoth. 3. Paulus ait: *Diaconi sint unius uxoris viri*, ubi illud; *Unius*, non potest determinare numerum, alioqui sensus esset, ut multi Diaconi unam uxorem communem haberent. Ponitur igitur illa vox, *Unius*, pro, *Solius*, ut sensus sit, Diaconi solius uxoris suæ viri sint, non mulierum cæterarum. At indigna est objectio, cui respondeatur. Quis enim non intelligit illud: *Diaconi sint unius uxoris viri*; divisè accipi debere, non conjunctè? Iste igitur sensus est; Diaconi, idest, qui libet Diaconus sit unius uxoris vir.

C Quarta Objectio. Apostolus Paulus 1. Corinth. 7. se in numero viduorum ponit, & tamen 1. ad Corinth. 9. ait: *An non habemus potestatem sororem uxorem circumducendi, sicut Apostoli, & fratres Domini, & Cephas?* Poterat igitur Paulus, licet viduus esset, uxorem ducere, quomodo enim potuisset sororem uxorem circumducere, si non potuisset eam prius ducere.

D Respondeo, hoc argumentum multis modis peccare. Primum enim B. Paulus non se inter viduos numerat, sed inter eos, qui uxore carebant, sive eam numquam accepissent, sive jam amisissent: *In nuptis, inquit, & viduis dico, quia bonum est, si sic permanserint, sicut & ego*. Deinde, non dicit idem Apostolus, habere se potestatem sororem uxorem circumducendi, sed sororem mulierem, ut interpretes omnes tradunt de qua re superiore questione disputavimus.

E Objectio quinta. Poterat Paulus, si voluisset, apertè dicere, Episcopum debere esse monogamum, ergo cum non dixerit, Episcopum debere esse monogamum, sed unius uxoris virum, cogere voluit Lectores, ut intelligerent verba sua, non de singularitate nuptiarum, quod sonat nomen monogamiæ, sed de singularitate mulieris, quod significat illud: *Unius uxoris vir*. Non igitur interdicit Episcopo B. Paulus secundas nuptias, sed aliarum mulierum commercium, præter commercium legitime uxoris.

Respondeo, si ita cavillari liceat, numquam finiendas quæstiones: Dixit Apostolus, quod intelligeretur, non debuit omnes loquendi formas excutere. Adde vocem, *Monogamus*, apud Græcos non esse in usu, sed à Latinis primùm usurpari coeptam, etsi ex Græcis vocibus compositam. Proinde non esse mirum, si Paulus, qui Græcè scripsit, ea non fuerit usus. Adde etiam, hanc ipsam vocem, licet propriè ab unis nuptiis deductam, tamen usitatè etiam accipi pro eo, qui habet unam uxorem, sive ea prima fuerit, sive secunda; ex quo sequitur, ut idem omnino sit Monogamus, quod unius uxoris vir.

Sexta objectio. Ambrosius lib. de dignit. sacerdotali cap. 4. illa verba: *Unius uxoris vir*, exposuit de conjugio spiritali Episcopi cum Ecclesia, atque ait, Apostolum id jubere, ut Episcopus unam Ecclesiam regat, non multas. Non igitur, si Ambrosio credimus, interdicitur Sacerdotibus digamia.

Hieronymus quoque in epistola ad Oceanum, defendit acerrimè Carterium Hispanum Episcopum, qui duas uxores habuerat, & ad legem Apostoli, in quam peccasse Episcopus ille accusabatur, responderet: posse illud: *Unius uxoris vir*, multis modis intelligi. Nam primùm hic potest esse sensus. Sit Episcopus

copus unius uxoris vir, idest, unam habeat uno tempore, & licet ea mortua alteram ducat, numquam tamen simul habeat duas. Deinde etiam, nomine uxoris accipi potest Ecclesia, ut ille sit unius uxoris vir, qui uni prapositus Ecclesiae est. Et rursus, nomine uxoris mulier potest accipi, ut idem sit unius uxoris vir, quod unius mulieris vir, ut non tam secundae nuptiae, quam multarum simul mulierum commercium prohibeatur.

Addere possumus testimonium S. Augustini lib. de bono conjugali cap. 18. ubi opponit Sacerdotem Testamenti veteris, qui multas uxores habere poterat, Sacerdoti Testamenti novi, qui unam solum habere potest. At ille multas simul habere poterat, igitur iste plures uno tempore habere prohibetur, non autem unam post alteram.

Ad Ambrosii testimonium facile erit respondere, siquidem ipse in illo ipso loco, qui nobis objicitur, scribit, ad literam prohiberi digamiam uxorum Sacerdotibus. Mystice autem posse etiam exponi de digamia Ecclesiarum; quocirca idem Ambrosius in epistol. 82. & lib. 1. de officiis cap. ult. & in comment. in Paulum, non meminit huius mysticae expositionis, sed exponit simpliciter de vera Monogamia.

Ad Hieronymi verò, ut respondeamus, observandum est, controversiam fuisse inter veteres Patres; An qui unam uxorem habuit ante Baptismum eaque mortua, alteram duxit post Baptismum, bigamus censendus esset, nec ne? Nam S. Hieronymus in epistola ad Oceanum contendit, ejusmodi hominem non esse bigamum, propterea quod per Baptismum sit factus novus homo ex veteri, & nihil ei nocere possit eorum, quae fecit ante Baptismum. Et sanè huic sententiae multum favet can. 17. Apostolorum, qui disertè prohibet Episcopum fieri, qui post Baptismum bis nuptias celebravit.

Contra verò, Ambrosius, Innocentius, & Augustinus locis citatis contendunt, omnino habendum bigamum, qui duas uxores habuit, sive ante Baptismum, sive post Baptismum. Nam Baptisma diluit peccata, non solvit conjugia; & renovat hominem, quantum ad vetustatem vitiorum, non quantum ad ea, quae rectè se habent. Atque haec sententia tandem praevaluit, & ab universa Ecclesia recepta est. Neque obstat canon Apostolicus; fortasse enim eo tempore propter hominum paucitatem dispensabant Apostoli cum illis, qui ante Baptismum uxorem unam, vel plures habuerant, modo non habuissent plures post Baptismum. Neque enim est hoc praeceptum Apostoli omnino indispensabile. Hieronymus igitur non defendit Episcopum polygamum, nec docet, à B. Paulo permissam polygamiam Sacerdotibus, sed solum contendit, eum, qui unam tantum uxorem habuit, post Baptismum non esse polygamum, licet habuerit alteram ante Baptismum.

Et quamvis idem Hieronymus tres illas expositiones loci Paulini adducat, quae in objectione propositae sunt, non tamen eas approbat, ut veras & germanas. Nam primam illam de polygamia plurium uxorum simul, dicit se adducere, ut malo cuneo malum nodum scindat. Alteram de polygamia Ecclesiarum, dicit esse coactam, & duram expositionem: *Quidam, inquit, coacte interpretantur uxores pro Ecclesiis, viros pro Episcopis.* Denique tertiam illam de viro unius mulieris, & simul duas superiores, rejicit apertissimè, cum sic ait: *Hac universa proferimus, non quo vera & simplici intelligentia resistamus, sed ut doceamus te Scripturas sanctas sic intelligere, ut scripta sunt, nec evacuare Baptismum Salvatoris, & totum patibuli Sacramentum irritum face-*

re. Haec ille. Ubi tres illas expositiones uni simplici & verae opponit; Quam autem vocet simplicem & veram, intelligi potest ex commentario ejus ad cap. 1. epist. ad Titum, ubi simpliciter exponit, unius uxoris virum esse eum, qui post obitum primae uxoris, secundam non duxit.

Ad locum Augustini respondeo, antithesum sacerdotum Testamenti veteris, & novi, in eo solum positam esse, quod illi habuerunt plures uxores, isti unam; non autem in eo, quod illi habuerunt plures simul, isti non plures simul, id quod ex duobus colligi potest: Nam Augustinus dicit, ideo Sacerdotes novi Testamenti non posse habere plures uxores, quia significant Christi conjugium cum una Ecclesia; at Ecclesia una est omnino, non una post alteram. Deinde idem Augustinus ibidem dicit, non esse peccatum, habere nunc duas uxores, sed tamen esse impedimentum ordinationis. At habere duas simul tempore novi Testamenti, peccatum esse, idem Augustinus docet lib. de bono conjug. cap. 7. Igitur cum dicit, Sacerdotem Testamenti novi non posse habere, nisi unam uxorem, intelligit, nec simul, nec successive.

Septima objectio nostra est, ut res melius intelligatur, si bigamia prohibita esset Sacerdotibus ob defectum significationis, certè bigamus esset, qui plures uxores legitimas habuisset, licet cum una tantum matrimonium consummasset; nam matrimonium integrum est & perfectum etiam sine copula conjugali. At contrarium definit jus canonicum cap. Debitum de bigamis.

Ad haec, illa sola bigamia prohibita esset, quae ex duobus veris matrimoniis constaret, at non ita est; nam cap. Nuper, de bigamis, censentur bigami etiam illi, qui unam uxorem legitime duxerunt, & alteram non legitime, cum tamen posterius non fuerit verum matrimonium. Immo etiam qui post votum solemne unam uxorem ducunt, bigami censentur, & illi quoque, qui fornicariam ducunt, licet unam. Ubi nullo modo fingere licet duo matrimonia, nisi quis fornicationem matrimonium appellet. Et confirmatur; Nam si vir fornicarius ducat uxorem virginem, non est bigamus; si verò vir castus ducat fornicariam, bigamus est: Non igitur fundamentum bigamiae est defectus significationis; nam in hoc paria sunt illa conjugia, in quibus aut vir, aut mulier fornicationem admisit.

Respondeo, tres sunt species bigamiae, ut interpretes juris Canonici rectè docent in titulum de digamis. Prima species est digamia vera & propria, ea videlicet, quae ex duobus veris matrimoniis oritur. Contingit autem tribus modis haec digamia. Primò, ex parte viri tantum, cum vir habuit duas veras uxores. Secundò, ex parte uxoris tantum, cum uxor habuit duos veros maritos. Tertiò, ex parte utriusque, cum viduus viduam ducit; & de hac specie nulla dubitatio est. Constat enim, semper in ea defectum significationis adesse, cum aut vir non sit unus unius, aut uxor non sit una unius.

Secunda species est digamia interpretativa, idest, quae verè ex natura rei non est digamia, sed juris interpretatione habetur ac reputatur digamia. Contingit autem haec digamia quotiescumque aliquis ducit secundam uxorem, aut uxor secundum virum de facto, non de jure, sive primum conjugium de jure, sive tamen de facto fuerit, ut patet ex tit. de digam. Licet enim hic non sit verè defectus significationis, tamen Ecclesia extendit poenam bigamorum etiam ad istos, & fortè S. Paulus, cum ait: *Episcopi sint unius uxoris viri*, intelligi voluit id de jure, vel de facto, ita ut interdixerit, ne quis ordinetur, qui fuerit plurium uxorum vir, sive de jure, sive de facto.

Tertia

Tertia species est digamia metaphorica, idest, quæ confurgit ex duplici conjugio, quorum alterum non verum, sed metaphoricum fuerit. Sic enim Ancyranum Concilium can. 19. inter digamos haberi jubet eos, qui post votum continentiae ad matrimonium transierunt: siquidem votum continentiae genus est matrimonii animæ cum Deo, licet metaphoricum. Porro isti prohibentur ordinari, non quia verè bigami sint, sed quia Ecclesia poenam bigamorum ad eos extendere voluit.

Ex his primùm respondeo, bigamiam non oriri, nisi ex matrimonio consummato. Nam, ut rectè dicit Innocentius Papa c. Debitum, de digamis, Matrimonium ratum, sed non consummatum significat conjunctionem Dei cum anima per gratiam; Matrimonium autem consummatum significat conjunctionem Christi cum Ecclesia per naturæ conformitatem. Nam Apostolus ad Ephes. 5. tum dixit: *Sacramentum hoc magnum est, ego autem dico, in Christo & in Ecclesia, cum paulo antè dixisset: Erunt duo in carne una.* Bigamia verò nascitur ex defectu significationis conjugii Christi cum Ecclesia, non Dei cum anima.

Ad id verò, quod obieciatur de bigamia eorum, qui habuerunt plures uxores de facto, non de jure, jam responsum est in explicatione specierum bigamiæ.

Ad illud verò de eo, qui ducit fornicariam, quidam respondent, idèò bigamum esse, qui ducit fornicariam, licet bigamus non sit fornicarius, qui ducit virginem, quia Episcopus repræsentat Ecclesiam, sponsa Episcopi repræsentat Christum; constat autem, in ipsa Ecclesia non deesse aliquas corruptelas, in Christo verò nihil ejusmodi esse posse. At hæc solutio pugnat cum Apostolo Paulo, qui ad Ephes. comparat virum cum Christo, & sponsam cum Ecclesia: *Viri, inquit, diligite uxores vestras, sicut Christus Ecclesiam.* Alit, in quibus est Dominicus à Soto in 4. sent. dist. 27. q. 3. art. 1. dicunt, causam illius discriminis esse, quia matrimonium sumit speciem suam à termino ad quem, ac proinde matrimonium viri tunc solum vitatur, cum in uxore est vitium; illa enim est terminus ad quem, respectu viri. Et contrà, quando vitium est in viro, tunc vitatur matrimonium ex parte uxoris, & si illa esset capax ordinationis, fieret irregularis, si nuberet viro fornicario.

At hæc solutio acutior, quàm verior esse videtur; nam si ex termino ad quem, tantum nasceretur bigamia, certè qui duceret secundam uxorem virginem, non esset bigamus; nam in ejusmodi matrimonio nullum est vitium in termino ad quem, sed totum est in termino à quo, idest, in ipso viro, qui bis matrimonium contrahit: atqui nulla est magis propria bigamia, quàm ducere duas uxores, licet virgines. Sicut igitur æquè oritur bigamia, si viduus ducat virginem, & si virgo ducat viduum, ut patet, ita quoque bigamia esset, cum vir fornicarius ducit virginem, si bigamia esset, cum vir castus ducit fornicariam.

Respondeo igitur, prohibitum esse ne ordinetur, qui ducit fornicariam, non quòd ea sit bigamia, neque ob illud Apostoli præceptum: *Unius uxoris vir,* sed quia sic placuit Ecclesiæ ob dignitatem sacerdotii: Nam indignum est tam gravi persona matrimonium cum fornicaria, non autem indignum est viro fornicario, si uxorem virginem ducat; Esse autem huius rei causam, non bigamiam, sed dignitatem sacerdotii, ex eo probari potest, quod can. 18. Apostolorum, ubi prohibetur sacerdos fieri qui duxit fornicariam; prohibetur etiam is fieri sacerdos, qui duxit ancillam, vel comediarum actricem, ubi nullum locum habet bigamia, sed sola infamia. Atque hæc de coelibatu dicta sufficiant.

A Sequerentur nunc disputationes, quinta & sexta videlicet; quinta de horis canonicis, & sexta de ritu tonsuræ, sive rasuræ Clericorum; sed quia de horis canonicis in disputatione de oratione commodius tractari poterit, de ritu verò tonsuræ differemus in sequenti libro, qui erit de Monachis, nunc ad septimam disputationem nos conferemus.

CAPUT XXV.

De decimis.

B Septima quæstio erat de temporalibus bonis Clericorum; Sunt autem tria bonorum genera, de quibus ambigi potest, an Clericis convenient. Primò loco sunt decimæ, quæ debentur Clericis ex iustitia. Secundò, sunt, agri, domus, ac possessiones ceteræ, quas dono Laicorum, maxime Principum, Ecclesia possidet. Tertio, sunt bona, quæ habentur titulo planè seculari, ut hæreditate paterna, emptione, venditione &c. de singulis ordine dicemus. Ac primùm, de decimis quatuor invenio errores.

Primus error fuit Joan. Wiclefi, qui, ut refert Wald. lib. 2. doctrinalis fidei art. 3. cap. 64. & 65. docebat decimas esse puras eleemosynas, & nullo jure deberi Sacerdotibus. Eundem errorem sequuntur hodie Anabaptistæ, Trinitarii: Nam in libello, quem ediderunt anno 1568. Albæ Julæ de Antithesibus veri & falsi Christi, tertiam Antithesin faciunt hanc: *Falsus Christus, sicut ipse est Deus æternus, & distissimus, sic dedit suis Sacerdotibus decimas, & multa bona temporalia. Christus autem verus, qui homo temporalis, & pauper fuit, pauperes etiam vult Ministras.*

C Error est manifestus, facile enim doceri potest, esse de jure naturæ & divino, quòd aliquid solvant Laici Sacerdotibus, & præterea de jure Ecclesiastico, ut id quod solvitur sit pars decima. Quod sit de jure naturæ, probatur: Nam certè ratio dicitur, ut is, qui pro populo laborant, populus alimenta præbeat: Unde enim deducimus deberi Regibus tributa, & militibus stipendia, & iudicibus, aliisque ministris publicis salaria, inde etiam deducere possumus, deberi sacerdotibus decimas, vel aliquid earum loco. Itaque tempore legis naturæ videmus Abraham dedisse decimas Melchisedecho sacerdoti, qui tunc erat Genes. 14. In quem locum scribens Chrysostomus hom. 35. in Genes. dicit Abrahamum hoc facto Doctorem nostrum fuisse, ac monuisse quid nos facere debeamus.

D Quòd autem de jure divino sit, probatur ex utroque Testamento, ac primùm Levit. ult. Num. 18. Malach. 3. & alibi, Deus iussit decimas Levitis dari, quæ quidem præcepta licet non obligent Christianos, ut judicialia erant, obligant tamen quatenus moralia, idest, quòd pars aliqua fructuum sit Sacerdotibus danda; Id enim apertè docet Clemens lib. 2. constitut. Apostol. cap. 29. 38. & 39. & lib. 8. cap. 36. ubi dicit, etsi Christiani sint liberi à caeremoniis legis veteris, non tamen à decimis, & oblationibus, imò nunc magis teneri ad hæc omnia Christianos, cum debeat eorum iustitia abundare plus quàm Scribarum & Phariseorum.

E Item B. Hieronymus in cap. Malach. 3. sic ait: *Quod, inquit, de decimis, primitivisque diximus, quæ olim dabantur à populo Sacerdotibus, atque Levitis, in Ecclesia quoque populi intelligite, quibus præceptum est non solum decimas, & primitias dare, sed & vendere omnia quæ habent, & dare pauperibus. Quod si facere volumus, saltem Judæorum imitemur exordia, ne pauperibus partem decimus ex toto, & Sacerdotibus ac Levitis honorem debitum deferamus: quod qui non fecerit, Deum fraudat.*

frandare, & supplantare convincitur. Ubi tamen nota, quod etiam B. Hieronymus dicat esse præceptum, vendere omnia, & dare pauperibus tamen intelligit esse præceptum non absolute, sicut de solvendis decimis, sed si quis perfectus esse velit; nam de isto subdit: *Quod si facere volumus &c.* De decimis autem dicit: *Quod qui non fecerit, Deus frandare, & supplantare convincitur.*

Item B. Augustinus serm. 219. de tempore eundem locum Malachiae tractans: *Deus, inquit, qui dignatus est totum dare, decimam à nobis dignatur repetere, non sibi, sed nobis sine dubio profuturam; sic enim per Prophetam ipse promisit, dicens: Inferte omnem decimam in horreis meis, ut sit cibus in domo mea, & probate me in his, dicit Dominus.* Fortè non est B. Augustini iste sermo, tamen insignis est sine dubio, & antiqui alicujus Patris; nam inde tanquam ex Augustino multa sunt adscripta in decreto 16. q. 1.

Item B. Gregorius hom. 16. in Evangelia: *Sicut, inquit, offerre in lege jubemini fratres carissimi decimas rerum, ita ei offerre contendite, & decimas dierum.* Deinde in Testamento novo habemus Matth. 22. *Reddite quæ sunt Cæsaris, Cæsari, & quæ sunt Dei, Deo.* In quem locum Hieronymus & Augustinus lib. 50. homil. hom. 48. dicunt præcipere Dominum, ut reddantur Cæsari tributa, & Deo decimæ. Præterea Matth. 10. *Dignus est operarius mercede sua* 1. Corinth. 9. *Nescitis, quoniam qui in sacrario operantur, quæ de sacrario sunt edunt, & qui altari deserviunt, cum altari participant: Ita & Dominus ordinavit iis, qui Evangelium annunciant, de Evangelio vivere.* Et ibidem: *Quis militat suis stipendiis unquam; Et si nos vobis spiritualia seminavimus, magnum est, si nos carnalia vestra metamus?*

De quo loco tractans Augustinus tract. in Ps. 146. & inde exponens illa verba Psalmi: *Qui parat terram pluviam, producit in montibus fenum, dicit populos, qui tanquam terra accipiunt pluviam doctrinæ à Sacerdotibus, debere illis producere fœnum temporalium bonorum: Accipe, inquit, pluviam, & da fenum; etenim ista omnia, quæ Ecclesia ad necessitates servientium Deo dantur à divitibus, quid sunt nisi fœnum?* Et infra: *Debetur pluvia fructus, debetur servo cibus, sicut Dominus ait: Manducate quæ ab ipsis sunt, & ne putarent aliquid de suo donare; dignus est, inquit, operarius mercede sua.* Et infra: *Exime aliquam partem reddituum tuorum; decimas vis, decimas exime, quantum parum sit; dictum est enim, quia Pharisei decimas dabant, & quid ait Dominus? Nisi abundaveris iustitia vestra plus quam Scribarum, & Phariseorum, non intrabitis in regnum celorum.*

Nota, tempore B. Augustini multos in Africa non consuevisse decimasolvere, sicut modò in quibusdam aliis partibus, & ideò eos B. Augustinum ad decimas cohortari, sicut etiam facit hom. 48. ex lib. 50. homiliarum: *Majores nostri, inquit, idè copiosius abundabant, quia Deo decimas dabant, & Cæsari censum reddebant.* Modò autem quia discessit devotio Dei, accessit indicio fisci: *Nolumus partiri cum Deo decimas, modò autem totum tollitur.*

Superest, ut jura Ecclesiastica proferamus. Ac primum multa sunt antiqua Concilia, in quibus id aperte præcipitur, ut Aurelianense l. cap. 17. ante annos mille. Item Marisconense II. cap. 5. eodem sæculo celebratum, dicit leges divinas de solvendis decimis longis temporibus in Ecclesia custoditas, etiam deinceps esse custodiendas. Forojuliense cap. ult. idem habet. Moguntinum tempore Caroli Magni cap. 38. Moguntinum sub Rabano, cap. 10. Moguntinum tempore Imperatoris Arnulphi, cap. 17. excommunicari jubet eos, qui decimas dare neglexerint. Remense, cap. 38. tempore Caroli Magni, Va-

lentinum tempore Lotharii, cap. 10. Arelatense IV. cap. 9. Cabilonense II. cap. 19. Metense cap. 2. Triburiense, c. 13. quæ omnia ante annos 700. vel 800. vel mille acta sunt.

Præterea sunt Concilia generalia, Lateranense sub Innocentio III. cap. 53. 54. 55. & 56. statuit, ut decimæ ante tributa, & census persolvantur, & aliqua in Concilio Viennensi, ut habetur in Clement. Cupientes, de pœnis, excommunicantur ipso facto religiosi, qui in concione aliquid dicunt, unde retrahunt populum à solvendis decimis. Concilium Constantiense, sess. 8. damnavit articulum Wiclefi, quòd decimæ sint puræ elemosynæ. Ac deinde Concilium Tridentinum sess. 25. cap. 12. docet solutionem decimarum debitam esse Deo; & jubet ut excommunicentur, qui eas subtrahunt, aut ne ab aliis dentur impediunt, nec debere absolvi, donec integrè restituant. His accedant plurima decreta Pontificum summorum, quæ habentur 16. qu. 1. & 7. & extra de decimis, necnon in Sexto & Clementinis, & extravagantibus eodem titulo.

Alter error est ejusdem Wiclefi, quòd scilicet decimæ non modò sint puræ elemosynæ, sed etiam nullo modo dandæ sint malis Sacerdotibus. Existimavit enim Wiclefus, eum qui elemosynam facit peccatori, in peccato jure communicare. De quo errore plura dicemus in tractatu de elemosyna: nunc breviter refellitur error præsens. Primum, ex illa Matth. 22. *Reddite quæ sunt Cæsaris, Cæsari, & quæ sunt Dei, Deo.* Ubi ita S. Hieron. scribit: *Quod ait, inquit, reddite quæ sunt Cæsaris, Cæsari, nummum, tributum, & pecuniam; & quæ sunt Dei, Deo, decimas, primitias, & oblationes, ac victimas sentiamus.* Ac certum est tempore Domini non solum Cæsarem impium, & infidelem, sed etiam Sacerdotes improbilissimos, ac depravatissimos fuisse. Secundò ex Innocentio III. in epist. ad Episcopum Vercellensem, & habetur cap. Tua nos, de decimis: *Prætextu, inquit, nequitia Clericorum nequeunt decimas, nisi quibus ex mandato divino debentur, pro suo arbitrio erogare, cum nulli sit licitum aliena cuique concedere præter Domini voluntatem.* Denique tertio, quia decimæ non dantur Clericis, quia boni sunt, sed quia Clerici sunt, sicut tributa dantur Regibus, non quia prohi, sed quia Reges.

Tertius error est quorundam, qui dicuntur Fraticelli, sive Pseudoapostoli, qui inter alios errores, quos refert Joannes Turrecremata lib. 4. par. 3. cap. 37. Summæ, docebant non posse percipere decimas eos, qui non vivunt in paupertate more Apostolorum; error est sine ullo fundamento; Nam ratio, cur debeantur Clericis decimæ, est, quia laborant in populi utilitatem: Hæc autem ratio non minus in divite quam in paupere inveniri potest; Accedit quòd Dominus Matth. 22. iussit dari decimas Sacerdotibus Judæorum, qui in paupertate non vivebant.

Quartus error est multorum Canonistarum, qui contendunt decimas, etiam quoad determinationem quantitatis, esse de jure divino; nec posse ulla humana lege aut consuetudine aliam statui quantitatem. Ita Glos. in cap. 1. de decimis, in Sexto, Innocentius in Rubric. de decimis, Panormitanus in cap. In aliquibus, de decimis, & Hostiensis in sua summa tit. de decimis, §. 7. quos alii ferè omnes sequuntur. Argumentum eorum est, quia plurimi Canones, ac præsertim cap. In aliquibus, de decimis, dicunt decimas deberi jure divino. At sine ullo dubio error est manifestus, ut non solum Theologi omnes, sed etiam ex Canonistis docent Sylvest. verbo decima, qu. 4. & Navarrus cap. 21. nu. 28. nec semel tantum, sed bis peccant multi Canonistarum, semel, quia falsum

falsum defendunt: Iterum, quia damnant ferè hæreseos omnes Theologos, qui contrarium sentiunt; cum è contrario ipsorum sententia facillimè convinci possit erroris.

Probatur igitur præceptum de solvendis decimis, quantum ad determinationem talis quantitatis non esse nunc de jure divino. Tale præceptum nusquam invenitur Christianis impositum, nec in nova, nec in veteri lege; & quòd non in nova, patet; quòd non in veteri, probatur; nam præceptum legis veteris, quoad illam determinationem, non erat morale, nec propriè ceremoniale, sed judiciale, ut Alexander docet 3. par. quæst. 51. in 3. & B. Thomas in 2. 2. quæst. 87. artic. 1. quos omnes Theologi sequuntur.

Quòd non sit morale, patet, quia moralia semper obligaverunt, lex autem de decimis non fuit ante tempora Moïsi; Nec ratio dicit, ut sacerdoti dentur decem partes, sed ut detur quantum satis est ad ejus sustentationem. Unde Genes. 28. Jacob vovit se daturum decimas Deo omnium quæ possideret, si Deus eum dirigeret in via &c. At impium fuisset vovere decimas cum tali conditione, si absolute fuisset obligatus eas solvere. Præterea si moralis fuisset ista determinatio decimarum, certè etiam morale esset præceptum, quod ibidem additur, ut qui decimas habent, nullum aliud patrimonium habeant, atque ita jure divino tenerentur Clerici dimittere patrimonium.

Quòd autem non sit propriè ceremoniale, sed judiciale, probatur. Nam non ordinatur immediatè ad colendum Deum, sed ad æquitatem inter homines constituendam. Ideo enim iussit Deus dari decimam partem omnium bonorum Levitis, non octavam aut vicesimam, ut esset proportio inter opes Levitarum, & aliorum. Erat enim familia Levi una ex duodecim tribubus Israel, vel potius ex tredecim; nam etiam si duodecim fuerint filii Israel, tamen Joseph duas tribus fecit, idest, Ephraim, & Manasse, & secundum æquitatem tertiam decimam partem bonorum habere debuissent, tamen quia erant cæteris nobiliores, & quia Deus prævidebat, non defuturos transgressores, qui non integrè solverent, idcirco attribuit eis partem decimam, idest, amplius quàm cæteris, ut sic ad æqualitatem veniretur, non obstantibus transgressoribus.

Neque obstat quod Innocentius Papa c. Tua nos, de decimis, dicit decimas Deum requirere ad professionem supremi domini. Ex quo videtur sequi, quòd sit præceptum ceremoniale; nam non dantur decimæ immediatè, & per se ad hunc finem, ut profiteantur, qui eas dant, se agnoscere supremum dominium Dei, sicut faciunt qui sacrificium offerunt, sed solum mediatè, & per aliud, quia nimirum dantur Deo per suos ministros; dantur enim Sacerdotibus ut ministris Dei. Constat autem ex fide Catholica legem veterem post Christi adventum esse abrogatam, quatenus positiva erat ut Apostolus Gal. 3. Ephes. 2. Hebr. 7. & alibi disertè docet, & idem confirmat decretalis unica, de purificatione post partum, quam Canonistæ ignorare non possunt. Non igitur lex illa de solvenda decima parte bonorum, cum sit judicialis ad Christianos pertinet, ex vi Testamenti veteris.

Ad Argumentum ipsorum respondemus, quòd cum sacri Canones dicunt, jure divino deberi decimas, tribus modis intelligi possunt. Uno modo, ut sensus sit, deberi jure divino quoad substantiam, non quoad quantitatem, sive jure divino addita Ecclesie determinatione, sicut dicimus festa jure divino sanctificanda esse etiam nunc: & hoc modo intellige Concilium Matifconense II. cap. 5.

A ubi dicit, legem divinam de solvendis decimis esse servandam.

Altero modo, ut sit sensus, Deum imposuisse decimas Christianis non verbo, sed exemplo. Nam dum eas Judæis imposuit, simul ostendit, quid etiam Christianos facere par esset; Quomodo quidem Patres dicunt, quadragesimam indictam esse à Domino, quia nimirum exemplo nos docuit jejunare quadragesimam. Vide Ambrosium serm. 36.

B Tertio modo, ut sit sensus, deberi jure divino, idest, juxta determinationem quantitatis, quæ habetur in jure divino, quamquam non ex vi juris divini, sed ex vi juris Ecclesiastici; & hoc modo intelligi debent verba capituli, in aliquibus, de decimis, quæ talia sunt: *Illæ quippe decimæ necessario solvenda sunt, quæ debentur ex lege divina, vel loci consuetudine approbata.* Est enim sensus. Illæ decimæ necessario solvendæ sunt, quæ debentur, vel juxta quantitatem lege divina determinatam, quam Ecclesia innovavit; ut sit, ubi solvuntur integræ decimæ; vel juxta quantitatem consuetudine loci determinatam, ut sit, ubi solvitur minus quàm decima, & tamen vocatur decima. Ex nota ex hoc textu, quo Canonistæ maximè nituntur, sumi argumentum optimum contra ipsos; Si enim decimæ quoad quantitatem deberentur jure divino, ubique integræ solvendæ essent, nec diceret textus iste, alicubi debere solvi juxta consuetudinem. Atque hæc de erroribus. Sequitur ut dubia quædam explicemus.

DUBIUM PRIMUM.

An præceptum de solvendis decimis possit contraria consuetudine abrogari.

R Espondeo, certum est, præceptum de solvendis decimis, qua parte divinum & naturale est, non posse ulla lege humana vel consuetudine contraria aboleri. Ac proinde certum est, Ecclesiam habere jus petendi decimas, etiam ubi consuetudo est ut non solvantur; In hoc enim omnes Theologi & Canonistæ conveniunt. Dubium autem est, an præceptum de decimis, quatenus positivum, & humanum est, possit mutari consuetudine. Sotus lib. 9. quæst. 4. art. 1. de justitia, dicit non posse, & hanc putat mentem esse B. Thomæ.

D Contrarium puto verum cum Sylvestro, verbo Decima, quæst. 4. & Navarro cap. 21. num. 28. Nec dubito hanc esse mentem B. Thomæ; Nam B. Thomas in 2. 2. quæst. 87. artic. 1. docet, præceptum de decimis, quatenus humanum est, posse ab Ecclesia mutari, ita ut teneatur populus non decimam, sed duodecimam, vel octavam solvere. At non minorem vim habet consuetudo legitimè præscripta, quàm lex quælibet humana, ut, cum cæteris, docet ipse etiam Sotus lib. 1. quæst. 7. artic. 2. de justitia. Præterea B. Thomas quodlibet 2. art. 8. postquam docuit consuetudine nunquam abrogari legem de solvendis decimis, subjungit rationem, quia lex ista divina & naturalis est. Ergo B. Thomas non negat legem de decimis, quatenus Ecclesiastica est, posse mutari consuetudine, sed solum quatenus naturalis & divina est.

E His accedit cap. In aliquibus, de decimis, ubi dicitur solvendas esse decimas secundum determinationem aut legis divinæ, aut consuetudinis approbatæ. Hic tamen observandum est, quòd sicut consuetudo tollit legem, ita lex tollit consuetudinem, si justis causis feratur ab eo, qui habet auctoritatem. Itaque ubi nunc est consuetudo solvendi solum tricesimam

sinam aut quinquagesimam, loco decimæ, non tenentur solvere quidquam amplius; Tamen si nunc Pontifex, aut Concilium iustis de causis iterum legem ferat, ut integræ decimæ solvantur ubique, non obstante consuetudine, sine dubio tenerentur omnes solvere; sicut omnium iudicio tenentur solvere, qui in eis locis agunt, ubi non est consuetudo solvendi minus, quàm decimam.

DUBIUM II.

An Laici pauperes teneantur decimas dare Clericis dicitibus.

Ratio dubitationis est, quia sicut laicus tenetur alere Sacerdotem, quia Sacerdos est, ita Sacerdos tenetur alere laicum, quia pauper est.

Respondet B. Thomas quodlib. 6. art. 10. sine dubio debere pauperem laicum dare decimas Clerico diviti, quia obligatio decimarum ad iusticiam commutativam pertinet, in qua non consideratur conditio personæ, sed æqualitas rei ad rem; qui enim v. gr. emit, debet solvere quantum res valet, sive ipse sit dives, sive pauper. Neque argumentum in contrarium valet, quia non tenetur Clericus hunc pauperem potius alere, quàm alium.

DUBIUM III.

An excusari possint à peccato, qui nullas decimas solvunt, ubi non est consuetudo solvendi.

Respondeo, tribus modis peccare posse, qui nullas decimas solvunt, ut Sylvester, ubi suprâ, & alii docent. Primò, si Ecclesia propter defectum decimarum notabiliter patiatur, tunc enim sive ipsa decimas petat, sive non, tenetur populus omnino ei providere. Secundò, si Ecclesia iure petat decimas, sive egeat notabiliter, sive non, tenetur populus solvere, etiamsi consueverit non solvere. Tertiò, si populus eo animo esset, ut non solveret, etiamsi iustissimè eas à se peti intelligeret.

Extra hos casus sine ullo dubio excusantur, quia, ut B. Thomas dicit, Ecclesia dum non petit decimas, censetur eas condonare; non autem peccat, qui non solvit debitum sibi condonatum. Alioqui Apostolus peccare fecisset Corinthios, qui stipendia sibi debita ab eis accipere volebat, ne impedimentum poneret Evangelio 1. Cor. 9. S. etiam Augustinus in peccato fovisset populum suum, quem ad solvendas decimas non cogebar, etiamsi hortaretur, ut patet ex tract. in Ps. 146. & ex hom. 48. ex 50. homiliis.

DUBIUM IV.

Qua ratione ostendi possit, justam esse determinationem Ecclesie, quòd Christiani decimam partem suorum fructuum Ecclesie tribuant.

NON disputamus, an hoc sit justum, quia Ecclesia statuit; id enim insolentissimæ infantiæ esset, ut B. Augustinus scripsit in epist. 118. sed qua ratione id esse justum ostendi possit. Nam in veteri lege idè justum erat, quia Levitæ erant pars duodecima, vel tertiadecima totius populi Hebræorum. At Clerus in nova lege non videtur centesi-

Ama pars Christianorum; qua igitur æquitate decimam partem habere debet omnium bonorum, quæ sunt in orbe Christiano? Cajetanus in 2. 2. qu. 87. respondet, se non posse aliam rationem reddere, quàm idè justum esse, ut Clerus habeat decimam partem, quia debet pauperes alere, qui sine ullo numero sunt? Sed quamvis hæc ratio optima sit, cum videamus canones passim id præcipere, ut Clerici ex decimis alant pauperes, tamen non est hæc sola ratio, cur justæ sint decimæ.

BPrimum enim non est verum Levitæ fuisse tertiadecimam partem populi Judaici, & nostrum Clerum non esse centesimam partem populi Christiani; Nam Hebræi numerati sine Levitis Num. 1. erant sexcenta tria millia, quingenti quinquaginta, & non numerabantur pueri ante annos viginti, neque senes; nam cum his sine dubio erant plus quàm duplo plures, idèst, circiter mille millia, & trecenta millia. Levitæ autem omnes ab infante usque ad senem numerantur Numer. 3. vigintiduo millia tantum. Jam igitur addendo Levitæ cæteris Hebræis, & dividendo totum numerum per vigintiduo millia, efficiuntur partes divisæ sexaginta, ergo Levitæ non erant pars tertiadecima, sed vix sexagesima totius populi. Porro Clerus Christianorum fortè major est, quàm sexagesima pars Christiani populi. Nulla est enim serè ampla familia, ex qua non sit aliquis Ecclesiasticus, & nullus est pagus, ubi non sit templum unum, aut plura, & aliquot Sacerdotes.

CDeinde, Christianus Clerus majoribus laboribus & sumptibus obnoxius est, quàm tribus Levitica erat apud Judæos, ut omittam dignitatem sacerdotii nostri incomparabiliter majorem quàm sacerdotii Aaronici. Tunc unum erat templum, unus Pontifex, & pauci quidam Sacerdotes ex sola familia Aaron, qui per vices in templo ministrabant, reliqui omnes erant turba famulorum. At nunc sunt innúmera templa conservanda sumptibus Ecclesie, sunt etiam plurimi Episcopi, & Prælati, necnon innumeri Sacerdotes, qui docti esse debent, & proinde multum in studiis ex patrimonio suo insumere; & postea non per vices, sed perpetuò Ecclesie ministeriis adesse, quos certè honestè pro status sui conditione vivere oportet ex Ecclesie bonis.

DHis accedit, quòd multi sunt liberi à solvendis decimis, multi ex malitia non solvunt, aut certè non plenè & fideliter. Sæpè etiam Reges & Principes non solum non solvunt, sed etiam impetrant ab Ecclesia decimarum partem in subsidium belli, aliorumque publicorum sumptuum.

EDenique, cum populus Christianus debeat esse perfectior, quàm Judaicus, ut dicitur Matth. 5. si ille decimam suorum bonorum dabat Deo, cur non tantundem saltem faciet Christianus? Itaque verum est quod loco notato dicit B. Thomas, hanc determinationem Ecclesie respectu populi esse humaniorem ac benigniorem, quàm rigor justitiæ absolutæ pateretur.

CAPUT XXVI.

De possessionibus, quæ dono Laicorum possidentur à Clericis.

DE possessionibus Ecclesiasticis fuit error Joannis Wiclefi, apud Thomam Waldensem lib. 4. doctrin. fidei artic. 3. qui docebat non licere Clericis habere ullas possessiones, & peccasse tam qui eas donaverunt Ecclesie quàm qui eas receperunt. Fundamenta ejus hæc sunt. Primum, quia Sacerdotes Testamenti veteris prohibebantur habere possessiones,

nes, ut patet Numer. 18. Dixit Dominus ad Aaron, in terra eorum nihil possidebitis, nec habebitis partem inter eos, ego pars & hereditas tua. Item Deut. 10. Quamobrem non habuit Levi partem, nec possessionem cum fratribus suis, quia ipse Dominus possessio eius est. Et Josue 13. Tribui autem Levi non dedit possessionem, quoniam Dominus Deus Israel ipse possessio eius.

Secundus, quia Matth. 10. Dominus jubet Apostolis, ut nihil possideant, non pecuniam, non duas tunicas &c. Ibidem dicit: Non est discipulus super magistrum. Christus autem nullam possessionem habuit. Item Luc. 14. Nisi quis renunciaverit omnibus quae possidet, non potest meus esse discipulus. At certe discipuli Christi Clerici omnes esse debent.

At hunc errorem manifestum esse, probatur. Primum, de Sacerdotibus, & Levitis Testamenti veteris: Nam etsi in partitione terrae non erant habituri agros, & vineas, erant habituri tamen & possiduri urbes ad habitandum, & suburbana ad alenda pecora. Poterant etiam agros & vineas emere, & etiam ex oblationibus populi habere, ut modo habet Ecclesia: Nam Numer. 35. dicitur: Praecepit filiis Israel, ut dent Levitis de possessionibus suis urbes ad habitandum, & suburbana earum per circuitum, quae à muris civitatum forissecus per circuitum mille passuum spatio tendantur. Et Josue 21. id legimus impletum.

Neque obstat quod Lyranus in Numer. 35. dicit eas urbes fuisse Sacerdotum, quoad usum, dominium autem earum fuisse penes alios. Et probat de Hebron, quae data est Sacerdotibus, Josue 21. & tamen dominus eius erat Caleb de tribu Juda, Josue 14. Hoc non obstat: Nam Lyranus fallitur, ut patet ex Levit. 25. ubi legimus urbes & suburbana Sacerdotum esse eorum possessionem, & posse illas vendere, & redimere domos, ut alii faciebant, & de Hebron legimus Josue 21. solos, agros & vineas, quae erant in territorio Hebron, fuisse Caleb, urbem autem & suburbana Sacerdotum. Item Levit. ult. praecipitur, ut si quis agrum Domino voverit, cum Sacerdotes possideant. 3. Reg. 2. dicit Rex Abiathar Sacerdoti: Vade ad agrum tuum. Item Hieremias Sacerdos erat, & tamen Hierem. 32. scribit ipsemet se emisse ac possedisse agrum, qui fuerat patruelis sui. Et Act. 4. legimus Barnabam fuisse Levitam, & vendidisse agrum quem habebat.

Ex his facile est respondere ad primum argumentum Wiclefi. Quando enim Scriptura dicit, Sacerdotes non debuisse habere quidquam, sed Dominum esse eorum hereditatem, vult dicere non debuisse eos habere quidquam more aliorum, tanquam filios Jacob, & ex paterna hereditate: sed solum habere debuisse ea, quae debebantur Deo, cuius ipsi ministri erant; & sic factum est; Nam tota terra Palaestinae quasi quaedam hereditas divisa fuit in duodecim partes pro numero tribuum, exclusa omnino tribu Levi, quae erat decimartertia.

Nam etsi duodecim tantum fuerint filii Jacob, tribus tamen fuerunt XIII. quia Joseph duas tribus faciebat, nimirum Ephraim & Manasse. Deinde terra iam divisa, & Levi exheredato, Deus voluit sibi tanquam proprio Regi Judaeorum dari loco tributi decimam partem omnium fructuum, & 48. civitates cum suburbanis suis, & haec omnia donavit ipse Levitis; Quae portio Levitarum, ut supra diximus, major fuit quacumque portione aliarum tribuum; Nam habuerunt decimam partem, cum ipsi vix essent sexagesima pars totius populi, & hoc significant illa verba: Ego Dominus hereditas Levitarum sum. Ubi nota miram Dei providentiam erga Sacerdotes; Jacob exheredavit filium Levi, pro-

pter peccatum ipsius, ut patet Genes. 49. Dividam illos in Jacob, & dispergam eos in Israel. Deus autem ratam habuit sententiam Israelis, sed eam implevit cum summo honore Levitarum, & totius populi utilitate; Nam dedit ipse Levitis suam hereditatem, & totus populus maximum commodum inde consequutus est. Si enim fuissent Levitae collecti in unum locum, ut erant aliae tribus, non potuissent omnes populi facile ab eis doceri: dispersi autem in omnes tribus, facile omnibus adesse, eoque instruere in lege domini potuerunt.

Probatur jam hoc idem de Sacerdotibus novi Testamenti: Nam etsi in Scripturis nihil legimus de possessionibus Ecclesiarum, legimus tamen in antiquissimis Pontificum, & Conciliorum decretis, & in libris sanctorum Patrum. Pius Papa I. in epist. 2. dicit, sacrilegium esse, qui Ecclesiae praedia & donaria diripit. Urbanus I. in epist. ad omnes Episcopos dicit, initio Ecclesiae consuevisse pios homines vendere possessiones, & pretium donare Ecclesiis. Deinde tamen judicatum esse commodius, si possessiones ipsae donarentur Ecclesiae, ut eo modo non solum praesentibus, sed etiam futuris provideretur.

Sunt etiam Concilia omnium Ecclesiarum, quae prohibent alienari possessiones Ecclesiae, & earum curam Episcopo committunt. Vide Concilium Antiochenum, cap. 25. & Ancyranum, cap. 15. Item Concilium Carthaginense IV. cap. 32. & Carthaginense V. c. 4. Item Concilium Hippalense I. cap. 1. Toleranum IV. canon 32. & 68. Item Agathense cap. 49. & 51. Item Moguntinum sub Arnulpho Imperatore c. 12. Denique Romanum VI. sub Symmacho. Praeterea meminerunt Ecclesiasticarum possessionum Ambrosius epist. 32. Chrysostomus hom. 37. ad populum Antiochenum: Augustinus serm. 1. & 2. De communi vita Clericorum: Prosper lib. 2. De vita contemplativa cap. 9. Gregorius lib. 4. epist. 33. & alii Patres passim.

Ad illud Matth. 10. Nihil tuleritis in via &c. Respondeo, illa verba dici Apostolis pro eo tempore, quo in itinere erant futuri in terra promissionis, ante Christi passionem; tunc enim ut expeditiores essent, non debuerunt ferre secum quidquam, praesertim cum neque pauperum, neque Ecclesiarum tunc curam haberent. At ubi coeperunt Apostoli post Christi Ascensionem figere sedes in certis locis, & habere curam Ecclesiarum, & pauperum, non timuerunt recipere bona temporalia, ut patet Act. 4. 5. & 6. ubi Apostoli recipiebant multas pecunias, ut inde alerent & se, & alios.

Ad illud: Non est discipulus super magistrum, Respondeo, Dominum loqui eo loco de tribulationibus, à quibus non fuerunt immunes Apostoli, cum eorum Dominus, & magister multa passus sit; Neque esse ditiozem, est eile majorem, sed potius minorem; Nam apud Deum ille est major, qui est melior; melior autem est, qui est pauperior, cum Dominus dicat: Si vis perfectus esse, vade, vende omnia quae habes &c. Matth. 19.

Ad postremum respondet Augustinus epist. 5. ad Marcellinum, Dominum loqui de preparatione mentis. Nam ibidem explicans quid sit renunciare omnibus, dicit: Si quis venit ad me, & non odit patrem, & matrem, & uxorem, adhuc autem & animam suam, non potest meus esse discipulus. Et tamen non tenemur, nec possumus, parentes, filios, uxorem, & multò minus vitam odisse, nisi in preparatione animi.

CAPUT XXVII

De bonis secularibus.

QUantum ad tertium de secularibus bonis, Thomas Waldensis lib. 4. doct. fidei art. 3. cap. 41. docet, Clericos debere bona propria vel erogare pauperibus, vel in commune ponere, & probat aliquot sententiis Patrum, qui non permittunt Clericis, ut habeant ulla bona propria, qualia sunt patrimonialia, sed solum bona communia, nimirum Ecclesiastica. Origenes hom. 16. in Genes. exponens cap. 47. de sacerdotibus Pharaonis. Hieronymus in epist. ad Nepotianum de vita Clericorum, ubi dicit Clericum, qui habet partem in terra, non futurum partem Domini, nec Dominum partem ejus. Similia & duriora habet B. Bernardus in declamatione super illud Matth. 19. Ecce nos reliquimus omnia: Clericus, inquit, qui habet partem in terra, non habebit partem in celo.

Verumtamen certum est, non obligari Clericos propter Clericatum ad dimittendum patrimonium. Probatum primò Scriptura: Nam 1. Timoth. 3. jubet Apostolus eligi Episcopum hospitalem, & qui domui suae bene praeest, & filios subditos habeat. At haec omnia praesupponunt divitias proprias. Praeterea Philemon habuit servum, & dives erat, ut apparet ex epistola ad Philemonem, & tamen Episcopus erat, ut Hieronymus & Anselmus docent in eam epistolam; Hieronymus enim vocat eum Evangelistam, Anselmus verò nominatim Episcopum.

Praeterea Eusebius lib. 3. histor. cap. 19. scribit de consanguineis Domini, quod habuerint possessiones quasdam, licet modicas, ex paterna hereditate, & tamen fuerint Ecclesiae Duces, idest, Episcopi. Item can. 40. Apostolorum sic ait: *Sint manifesta res Episcopi, si tamen habet proprias, & manifesta Dominica, ut potestatem habeat de propriis moriens Episcopus, sicut voluerit, & quibus voluerit derelinquere.* Idem habet Concilium Agathense canon 48. & Martinus Bracarensis, can. 15. suorum decretorum, & Hispalense Concilium I. can. 1.

Praeterea Ambrosius in epist. 33. ad Marcellinam, dicit se, cum rogaretur ut Ecclesiam unam Arianis traderet, obtulisse patrimonium suum, patrimonium autem Christi se tradere noluisse. B. Augustinus serm. 1. de moribus Clericorum, dicit eos Clericos, qui professi fuerant vitam communem, si postea resiliant à proposito, & propria habere velint, graviter peccare propter voti violationem: Ubi indicat alios Clericos, qui non voverunt vitam communem posse habere propria. B. Prosper lib. 2. de Vita Contemplativa cap. 12. dicit sine ullo peccato posse Clericum vivere ex proprio patrimonio.

Ad locum Origenis, Hieronymi & Bernardi resp. videri potest, loqui eos de illis Clericis, qui dant operam augendis opibus, & non contenti rebus necessariis, etiam superflua retinent. Illi enim propriè dicuntur habere, vel quærere possessionem in terra, qui non contenti victu, & vestitu, semper flagrant habendi cupiditate. Certè Hieronymus cum dicit Clericum non debere quidquam in terra possidere, addit: *Ut possit, inquit, cum Propheta dicere, pars mea Dominus, & ut sit verus Levita.* At Propheta David, qui ait: *Pars mea Dominus,* Rex ditissimus erat, & similiter veri Levitae divites erant externis opibus, sed non affectu.

Possent autem dubitari, an qui bona patrimonialia habet, possit simul bona Ecclesiastica habere? Nam S. Prosper lib. 2. de Vita Contemplat. cap. 9. 10. 11.

A & 12. docet non posse Clericum sine gravissimo peccato vivere ex bonis Ecclesiasticis si habeat bona propria, unde sufficienter alatur, & probat hac ratione: Bona Ecclesiastica non dantur Clericis in praemium laboris, sed solum, ut sustententur, & necessaria ad vitam habeant, quia praemium laboris est vita aeterna, & simonia esset dare spiritualia pro temporalibus. Et confirmatur ex can. 41. Apostolorum, ubi dicitur, ut Episcopus accipiat ex bonis Ecclesiae pro sua sustentatione si tamen indiget: Et idem reperitur in Concilio Antiocheno cap. 25. quare qui ex patrimonio vivit, nec eget sustentatione, non potest percipere fructus bonorum Ecclesiasticorum. At contrarium docet Glossa, & Joannes de Turrecremata in can. Clericos, 1. q. 2. & ratio est, quia Matth. 10. dicitur: *Dignus est operarius mercede sua,* & 1. Corinth. 9. *Quis militat suis stipendiis unquam?* Ergo potest Clericus laborans pro Ecclesia percipere alimenta, & parcere suis propriis rebus. Adde, quod praxis est, & fuit pro hac opinione secunda, nam B. Prosper loco notato dicit sententiam suam visam esse duram per multis, & ideò duram, quia nova esset. Itaque etiam tunc plurimi Clerici patrimonium suum servabant, & nihilominus portionem decimarum habere volebant.

Ex his opinionibus prima est tutior, etsi secunda fortasse est verior, nisi hoc modo concilientur, ut dicamus S. Prosperum loqui de illis, qui planè sufficientem habent sustentationem ex patrimonio, aut beneficio, tunc enim alterum est superfluum, & proinde pauperibus debitum. Alios verò auctores loqui de illis, qui neque ex patrimonio, neque ex beneficio sufficientem omnino sustentationem habent; hi enim utrumque retinere possunt, modò ex utroque nihil accipiant ultra sustentationem decentem, juxta conditionem proprii status. Quod enim verè superfluum est, dandum esse pauperibus, Theologi communiter docent. Vide quae scripsimus in 3. tom. lib. ult. cap. 7.

CAPUT XXVIII

An Clerici sint liberi à jugo potestatis secularis.

Postrema restat quaestio de libertate Ecclesiastica, de qua in hac ultima editione paulo fusius disputare institui, quod animadverterim his proximis annis non defuisse, qui testimonio hujus libri abuti voluerint ad oppugnandum Ecclesiasticam libertatem.

Primum igitur Hæretici permulti contendunt, Clericos tum majores, tum minores, jure subjectos esse debere seculari potestati tum in solvendis tributis, tum in iudiciis & causis. Marsilius de Padua, & Joannes de Janduno docuerunt, ipsum etiam Christum non fuisse liberum à solvendis tributis, & quod fecit Matth. 17. cum tributum solvit, id fecisse non voluntate, sed necessitate. Ita refert Joan. de Turrecremata lib. 4. Summ. de Eccles. par. 2. cap. 37.

Joannes Calvinus lib. 4. Instit. cap. 11. §. 15. docet, Clericos omnes, praeterquam in causis merè Ecclesiasticis subjectos esse debere legibus, & tribunalibus saecularium Magistratuum. Idem docet Petrus Martyr in cap. 17. ad Romanos, ubi etiam addit, Principes non potuisse concedere Clericis privilegium, ut non subicerentur Magistratibus politicis, cum id sit contra jus divinum. Et ideò non obstante concessione Principum, debere Clericos subjectos esse Magistratibus saecularibus. Joannes Brentius in Prolegomenis, & Melancthon in Locis cap. de Magistratu,

gistratur, in rebus etiam & causis Ecclesiasticis subjungunt Clericos politicis tribunalibus.

Ex Catholicis nonnulli censent, jure divino liberos esse Clericos, & eorum bona à potestate Principum secularium. Ita docet Glossa, & nonnulli ex Canonistis in can. Si Imperator, dist. 96. & in cap. Quamquam, de Censibus in 6. & ex Theologis Joannes Driedonus lib. 1. de libertate Christiana cap. 9. Nonnulli verò existimant, Clericos liberos esse partim jure divino, partim jure humano, idest, in causis ecclesiasticis, & spiritualibus jure divino; in aliis, jure humano. In his videntur esse Franciscus Victoria de potestate Ecclesiae, Relect. 1. quæst. ult. Dominicus à Soto in 4. dist. 25. quæst. 2. art. 2. Joannes Medina in Codice de Restitutione quæst. 15. & ex Canonistis Didacus Covarruvias in lib. practicarum quæstionum cap. 31.

Sic igitur prima propositio. *In causis Ecclesiasticis liberi sunt Clerici jure divino à secularium Principum potestate.* Vocantur causæ Ecclesiasticæ, quarum cognitio non pendet à legibus civilibus, sed ab Evangelio, vel à Canonibus Pontificum, aut Conciliorum, quales sunt controversiæ de fide, de Sacramentis, & aliæ id genus.

Probatur primum ex divinis literis. Nam ex doctrina scripturarum sanctarum Regimen Ecclesiasticum est distinctum à politico, & illo etiam sublimius, ut à nobis demonstratum est in lib. 1. de summo Pontifice cap. 7. & lib. 5. cap. 7. Ergo causæ Ecclesiasticæ judicari non debent à Politicis Magistratibus. Præterea secundum scripturas tota auctoritas regendi Ecclesiam à Christo commissæ est Apostolis, & præcipue Petro: ergo in rebus Ecclesiasticis Laici omnes, etiam Principes, sunt oves, & subditi, non Pastores, & Judices, ut locis notatis demonstratum est.

Secundò probatur ex Conciliis. Nam in Milevitano, can. 13. & Marticensi, can. 8. Clerici graviter puniuntur, si causam Ecclesiae ad Imperatoris terreni judicium deferant.

Tertiò ex Patribus. Severus Sulpitius in lib. 2. sacre historię refert S. Martinum aliquando exclamasse, novum esse, & inauditum nefas, ut causam Ecclesiae Judex sæculi judicaret. Item S. Ambrosius in epist. 78. ad Theophilum, & S. Augustinus in epist. 162. reprehendunt eos, qui causas Ecclesiae terrenis Judicibus judicandas exponunt.

Quartò ex Apostolorum exemplo. Apostoli enim Ecclesias gubernaverunt, quo tempore nulli erant Principes Christiani, proinde numquam ad eos causam Ecclesiae judicandam detulerunt. Et si Apostolus Paulus 1. Cor. 6. jubet lites etiam civiles Christianorum non deferri ad judicium Ethnicorum, quo modo permisisset ad eos deferri lites Ecclesiasticas? Utiundò ex Justiniano seniore Imperatore, qui idem affirmat Novella 83.

Secunda propositio, *Non sunt exempti Clerici ab obligatione legum civilium, quæ non repugnant sacris Canonibus, vel officiis clericali.* Loquimur hic potissimum de legibus politicis, quæ dirigunt actiones humanas in commerciis temporalibus, ut cum Princeps, vel Magistratus constituit pretia rebus venalibus, vel jubet noctu neminem incedere cum armis, vel sine lumine, vel non asportare frumentum extra provinciam, & his similia. Nec volumus dicere, his legibus teneri Clericos obligatione coactiva, sed solum directiva, nisi eadem leges ab Ecclesia approbatæ fuerint. Quòd si de iisdem temporalibus rebus disposuisset etiam lex Ecclesiastica, eam sequi deberent Clerici, & tunc legem civilem ne directivè quidem observare tenerentur.

Probatur igitur Clericos ad observationem legum

Controv. Card. Bellarm. Tom. II.

A civilium directivè teneri in defectum legis Ecclesiasticæ. Nam Clerici præterquam quòd Clerici sunt, sunt etiam cives, & partes quadam Reipublicæ politicæ: igitur ut tales, vivere debent civilibus legibus. Non sunt autem aliæ, ut nunc ponimus, nisi quæ à politico Magistratu sunt latæ: igitur illas Clerici servare debent, alioqui magna perturbatio, & confusio in Republica oriretur, si Clerici non servarent civiles leges in commerciis civilibus, & humanis.

B Secundò probatur ex confessione Pontificum, & Imperatorum. Nicolaus I. in epist. ad Michaellem prope finem dicit, Deum divisisse Pontificiam auctoritatem ab Imperiali, ut & Christiani Imperatores pro æterna vita Pontificibus indigerent, & Pontifices pro cursu temporalium tantummodo rerum Imperialibus legibus uterentur. Imperator Valentinianus in epist. ad Episcopos Asiæ, quam refert Theodoretus lib. 4. hist. cap. 7. scribit, probos Episcopos non solum Dei, sed etiam Regum legibus obtemperare. Denique S. Joannes Chrysostomus in cap. 13. ad Romanos, dicit Christi Evangelio non tolli politicas leges, & ideo debere etiam sacerdotes & Monachos eis parere.

C Tertia propositio. *Non possunt Clerici à iudice seculari judicari, etiam si leges civiles non servant.* Probatur primò ex Concilio Chalcedonensi can. 9. ubi sic legimus: *Si Clericus adversus Clericum habet negotiationem, non relinquat Episcopum suum, & ad secularia judicia non recurrat.* Concilium Agathense can. 32. adhuc clariùs in hæc verba loquitur, *Clericum nullus præsumat apud secularem Judicem, Episcopo non permittente, pulsare.* Idem habent Concilium Carthaginense tertium can. 9. Toletanum tertium can. 13. Marticensense can. 8.

D Secundò probatur ex Imperatorum Constitutionibus. Nam eximit Justinianus Clericos & Monachos à seculari judicio in Novellis 79. 83. & 123. quamquam non eximit in causis criminalibus, sed in civilibus tantum: in criminalibus autem vult à Prætore cognosci causam, non tamen condemnari Clericum, nisi priùs ab Episcopo fuerit degradatus. At nihilominus lex Canonica simpliciter eximit Clericos in omnibus causis tum civilibus, tum criminalibus, & perspicuum est ex epistola Caji Papæ ad Felicem Episcopum, item ex epist. 2. Marcellini, & ex lib. 11. Registri S. Gregorii epist. 14. ad Joannem Defensorem. Debet autem lex Civilis cedere legi Canonice, cum possit summus Pontifex Imperatori præcipere in iis præsertim, quæ ad Ecclesiam pertinent.

E Tertiò probatur ratione. Nam omnino absurdum est, ut ovis Pastorem suum quocumque modo judicare præsumat. Itaque non sine magna laude refert Rufinus lib. 10. hist. cap. 2. & post eum B. Gregorius lib. 4. epist. 75. vocem illam Constantini ad Episcopos, *Vos Dis estis à summo Deo constituti, æquum non est, ut homo judicet Deos.*

At objicit Calvinus lib. 4. Institut. cap. 11. §. 15. epistolam Constantini Imperat. ad Nicomedienses, quam refert Theodoretus lib. 1. histor. cap. 20. ubi dicit Constantinus se Eusebium Episcopum Nicomediensem in exilium ejecisse, & subjungit, *Si quis Episcoporum inconsultè tumultuatus sit, ministri Dei, hoc est, mea executione illius audacia coercebitur.*

Respondeo, more solito Calvinum imponere simplicibus. Nam Constantinus in illa epistola scribit, se quidem ejecisse in exilium Eusebium Episcopum, sed addit, eum ante fuisse à Nicæno Concilio depositum ab Episcopatu propter hæresim. Nos autem non negamus, quin debeat Magistratus secularis

L

punire

punire Clericos, quando ab Ecclesia damnantur, & degradantur, & Judicibus secularibus traduntur. Verba autem Constantini, quæ Calvinus subiungit, ab ipso depravata sunt. Non enim minatur eo loco poenam Constantinus Episcopis, sed Laicis; dicit enim se graviter animadversurum in plebem Nicomedensem, si iterum redire velit ad Episcopos Hæreticos, à Concilio generali damnatos, & non acquiescat suscipere probum & Catholicum Antistitem. Hæc enim sunt verba ejus, *Sin autem quisquam* (non dicit, Episcoporum, ut Calvinus addidit) *temeritate & audacia accensus, eas Ecclesia pestes, idest, Episcopos Arianos, vel memoria, vel laudibus celebrare aggrediat, confestim opera ac diligentia Ministri Dei, hoc est, mea, penas sua inscitia dabit.*

Obijcit secundo Petrus Martyr. Jure divino subiecta est omnis anima sublimioribus potestatibus, idest, Regibus, ut constat ex epist. ad Rom. cap. 13. Ergo non potuerunt Reges eximere ullos Christianos à sua potestate. Et confirmatur argumentum ex doctrina Catholicorum, qui ea ratione probant, non posse ullum eximi à potestate Papa, quia jure divino omnes homines subijciuntur Papa.

Respondeo, nihil ea ratiocinatione concludi, quamvis enim jure divino sit omnis anima potestatibus sublimioribus subiecta, ac per hoc etiam Regibus dum sublimiores potestates sunt: tamen fieri potest, ut qui nunc est sublimior potestas, paulò post non sit, ut si ipse subiciat alteri partem sui regni, vel jure belli, aut alio iusto titulo Regnum, vel Regni partem amittat. Quoniam ergo Clericos partim ipsi Principes subjecerunt in omnibus causis, etiam temporalibus & civilibus Episcopis suis: & postremo summus Pontifex Clericos omnes exemit à subiectione Principum secularium, sequitur, ut respectu clericorum non sint Principes, superiores potestates, ac proinde non teneantur Clerici Principibus parere neque jure humano, neque jure divino, nisi quantum ad leges quasdam directivas ut diximus.

Ad confirmationem respondeo, non esse eandem rationem Pontificatus, & Regnorum. Nam Regna non sunt immediatè à Deo instituta, sed ab hominibus, & ideo ab hominibus mutati possunt in alias regiminis formas: Pontificatus autem à Deo immediatè est institutus, & ideo non potest ab hominibus immutari.

Quarta propositio: *Bona Clericorum tam Ecclesiastica, quam secularia libera sunt, ac merito esse debent à tributis Principum secularium.* Quod libera sint de facto, perspicuum est ex Concilio Lateranensi sub Alexandro III. part. 1. cap. 19. ex Concilio Lateranensi sub Innocentio III. cap. 46. Item ex cap. Ecclesia Sanctæ Mariæ, de constitut. ex cap. Quamquam, de cens. in 6. ex Extravaganti, Quod olim, de immunit. Eccles. Item ex cap. Quia nonnulli, & cap. Clericis, de Immunit. Eccles. in 6. Præterea, ex legibus Principum, quæ habentur in Codice Theodosiano, lib. 16. tit. 2. lege 16. & 26. & in Codice Justiniani, lege sancimus, de sacrosanctis Ecclesiis, & in lib. 10. hist. Eusebii cap. 7. ex versione Christophorsoni. Ubi tamen est observandum, ante Justiniani tempora legibus priorum Principum immunes fuisse Clericos à tributis personalibus, ut etiam indicat S. Hieronymus in commentario ad cap. 17. Matthæi: non tamen fuisse liberos à tributis, quæ pendi solent ratione possessionum, ut colligitur ex Sancto Ambrosio in oratione de tradendis Basilicis, ubi dicit, *Agri Ecclesia solvant tributum;* & ex Theodoro lib. 4. hist. cap. 7. ubi scribit, Valentianum seniore in epistola ad Episcopos Asiæ illa verba posuisse, *Boni Episcopi tributa pensant Regibus.*

A Quod autem hæc exemptio jure facta sit, & quo jure, humano ne solum, an etiam divino, in sequentibus propositionibus exponemus.

Obijcit adversus hanc propositionem Marsilius de Padua exemplum Christi, qui tributum solvit, ut habemus Matth. 17. Sed facilis est responsio. Christus enim solvit tributum, quia voluit, non quia debuit. Id quod ex eodem loco intelligi potest. Nam cum dictum esset Petro ab iis, qui exigebant tributum. *Mazister vester non solvit didrachma?* Dominus Petro ait, *Quid tibi videtur Simon? Reges terræ à quibus accipiunt tributum, vel censum? à filiis suis, an ab alienis?* Respondit Simon, *ab alienis.* Ait Dominus, *ergo liberi sunt filii.* Sed ut non scandalizemus eos, vade ad mare, & mitte hamum, & eum piscem, qui primus ascenderit, tolle, & aperto ore ejus invenies statuerem, illum sumens da eis pro me, & pro te. Duæ sunt autem interpretationes ejus loci, Ergo liberi sunt filii, & secundum utramque rectissime Dominus ostendit, se liberum fuisse à tributo solvendo. Prior expositio est Sancti Hilarii, qui docet, agi hoc loco de tributo, quod imposuerat Deus omnibus filiis Israel Exod. 30. in usum templi, quod tributum propriè erat didrachma. Et secundum hanc expositionem, quæ verissima nobis videtur, vis argumenti hæc est: Reges terræ non exigunt tributum à filiis suis, sed ab alienis: igitur neque Rex cæli exiget tributum à me, qui sum ejus proprius & naturalis filius. Posterior interpretatio est S. Hieronymi, qui verba Domini de tributo, quod Cæsari solvebatur, exponit, quæ sententia minus probabilis esse videtur, quia tributum, quod solvebatur Cæsari, tempore Christi, non erat didrachma, sed denarius, ut perspicuum est ex cap. 22. Matth. *Ostendite mihi numisma Censui.* *At illi obtulerunt ei denarium.* Neque potest ulla solida ratione demonstrari, consuevisse didrachmi tributum Cæsari solvi, nisi post Christi Ascensionem in cælum; scribit enim Josephus in lib. 7. de bello Judaico cap. 26. post eversum templum, à Vespasiano Imperatore, institutum fuisse, ut tributum didrachmi, quod Judæi omnes templo solvebant singulis annis, deinceps in Capitolium deferretur. Sed tamen ex hac etiam sententia rectè colligitur, Christum non fuisse ullius tributi debitorem, quamvis enim non esset filius Cæsaris, qui tributum, juxta hanc sententiam, exigebat: erat tamen filius Dei, cujus Ministri sunt omnes Reges, & Principes terræ, ut legimus Sap. 6. & Rom. 13. neque debent Ministri Regis à Filio Regis tributum petere. Præterea tributa solvuntur Regibus ratione vitæ hujus corporalis, timoribus, & periculis obnoxii, ut S. Thomas docet in 2.2. q. 104. art. 6. ad primum. Et ideo iusti etiam homines, licet secundum animam liberi sint à servitute peccati, tamen ratione corporis, cujus redemptionem adhuc expectant, ut ait Apostolus ad Rom. 8. subiecti sunt tributis, & potestati civili. At Christus non solum secundum animam, sed etiam secundum corpus liber erat, non servus; neque redemptionem, sed solam Resurrectionem corporis expectabat; carebat enim omni morbo concupiscentiæ, & omni lege peccati, neque periculis, aut injuriis obnoxius erat, nisi quantum ipse permittebat. *Oblatus est,* inquit Isaias c. 53. *quia ipse voluit.* Itaque nulli Regi tributum debebat, qui nullius Regis defensione indigebat, & merito damnata est, ut hæretica, sententia Marsili Paduani à Joanne XXII. Pontifice in Extravaganti, Licet, quam refert Joan. de Turrecremata lib. 4. Summæ de Ecclesia, part. 2. cap. 37.

B

C

D

E

Quinta propositio, *Exceptio Clericorum in rebus politicis tam quo ad personas, tum quo ad bona introducta est jure humano pariter & divino.* Et quidem quod jure humano introducta sit, patet ex iis testimoniis, quæ

quæ attulimus in tertia, & quarta propositione probanda. Quod autem sit etiam introducta jure divino, probandum est hoc loco. Sed antea tamen observandum est, nos per jus divinum non intelligere præceptum Dei propriè dictum, quod extet expressè in sacris literis: sed quod ab exemplis vel testimoniis testamenti veteris, vel novi per quandam similitudinem deduci possit. Atque hinc fortasse conciliari poterunt Theologorum, & Juris peritorum sententiæ. Illi enim cum negant, exemptionem Clericorum esse juris divini, præceptum divinum propriè dictum expressè in scripturis extare negant: isti verò cum affirmant, eandem exemptionem esse juris divini, id solum affirmant, quod Theologi minimè negant, deduci per similitudinem ab exemplis, & testimoniis sacre scripturæ, Deum voluisse, ut Clerici, & ipsorum bona libera essent à potestate, & jurisdictione Laicorum.

Certè Geminianus, Ancharanus, & alii insignes Doctores, exponentes caput, Quamquam, de Censibus in 6. notant, in eo capitulo haberi textum expressum, quo immunitas Ecclesiasticorum dicatur esse juris divini. Sed quomodo id sit intelligendum, à Glossa petendum esse monent. Glossa verò in idem caput, docet, esse juris divini eam immunitatem, quia deducitur ab exemplo Josephi Patriarchæ, qui exemit sacerdotes Ægyptiorum Gen. 47. & Artaxerxis Regis Persarum, qui exemit sacerdotes Israeliticos 1. Esdræ 7. Nam ut rectè ait Alexander Pontifex in Concilio Lateranensi, unde extat cap. Non minus, de immunit. Eccles. *Non decet Ecclesiam Dei minus liberam esse tempore Principum Christianorum, quàm fuerit tempore Pharaonis.*

His igitur notatis, probatur nostra propositio, primò testimoniis scripturæ divinæ. Nam præter loca jam citata ex Genesi, & ex libro Esdræ, habemus alia duo non minus illustria. Siquidem in lib. Numerorum cap. 3. Deus non semel, sed sæpius repetit, Levitas propriè suos esse, atque eos sibi ex omni populo delegisse. Et in eodem loco dono dari jubet omnes Levitas Aaroni, & filiis ejus, idest, summo sacerdoti, & successoribus ejus. Quos enim sibi ipse delegit ad ministerium templi, rerumque sacrarum, soli Pontifici, qui locum Dei representabat in terris, subjectos esse voluit, ac per hoc à jurisdictione terrenorum Principum liberavit. Constat autem id esse nunc in Ecclesia Clericos, quod erant Levitæ in testamento veteri, & Pontificem Christianorum non minoris esse auctoritatis, sed longè majoris in Ecclesia Christi, quàm fuerit Aaron in Synagoga Judæorum. *Nunc (inquit S. Leo serm. 8. de passione Domini) & ordo clarior Levitarum, & dignitas amplior Seniorum, & sacratior unctio Sacerdotum.*

Sequitur igitur ut quemadmodum in testamento veteri liberi erant Levitæ jure divino à potestate Principum secularium: ita sint etiam clerici in testamento novo.

Alius locus est is, quem suprà tractavimus ex cap. 17. Matth. *ergo liberi sunt filii.* Nam cum filii Regum à tributis eximuntur, non ipsorum personæ tantum, sed etiam servi, & Ministri; atque adeo ipsorum familiæ à tributis eximuntur. Certum est autem Clericos omnes propriè ad familiam Christi, qui filius est Regis Regum, pertinere. Atque id videtur Dominus significare voluisse, cum ait Petro; *Ut autem non scandalizemus eos, sumens staterem de illis pro me, & pro te;* quasi diceret, & se & familiam suam, cujus Præfectus erat Petrus, liberos à tributis esse debere. Quod etiam intellexisse videtur S. Hieronymus in commentario ejus loci, cum dicit, Clericos propter honorem Domini tributa non solvere; & S. Augustinus lib. 1. quæst. Evangel. quæst. 23.

Controv. Card. Bellarm. Tom. II.

A cum scribit, in omni Regno terreno non esse vectigales filios Regni illius, sub quo sunt omnia Regna terræ.

Secundò probatur eadem propositio ex testimoniis sacrorum Canonum. Concilium Tridentinum Generale nostris temporibus celebratum sess. 25. cap. 20. de Reformatione, sic loquitur, *Ecclesia & personarum Ecclesiasticarum immunitas Dei ordinatione, & Canonicis sanctionibus instituta est.* Concilium Coloniense paulò ante ipsam Tridentinam Synodum celebratum, part. 9. cap. 20. *Immunitas, inquit, Ecclesiastica vetustissima res est, jure pariter divino & humano introducta, qua in duobus potissimum sita est, primum ut Clerici eorumque possessiones à vectigalibus & tributis, aliisque numeribus laicis libera sint, deinde ne rei criminis ad Ecclesiam confuzientes inde extrahantur.* Concilium Lateranense sub Leone X. celebratum, sess. 9. *Cum à jure, inquit, tam divino, quàm humano Laici potestas nulla in Ecclesiasticas personas attributa sit, innovamus omnes, & singulas constitutiones; & Concilium Lateranense sub Innocentio III. cap. 43. Nimis (inquit) de jure divino quidam Laici usurpare conantur, cum vires Ecclesiasticas nihil temporale obtinentes ab eis ad præstanda sibi fidelitatis iuramenta compellunt.* Bonifacius VIII. in capit. Quamquam, de censibus in 6. tanquam de re nota & explorata loquitur, cum ait, jure divino & humano Clericos & eorum bona libera esse à secularium potestate. Joannes item VIII. Can. si Imperator. dist. 96. *Non à legibus (inquit) publicis, non à potestatibus sæculi, sed à Pontificibus & Sacerdotibus Omnipotens Deus Christiana Religionis Clericos & Sacerdotes voluit ordinari, & discuti.* Et quod de personis affirmat Joannes Pontifex, affirmavit multò ante Simmachus Papa cum tota Synodo tertia Romana de bonis Ecclesiasticis. *Solis (inquit) sacerdotibus disponendi de rebus Ecclesia indissensit à Deo cura commissa est.* His addi potest Innocentius IV. Pontifex, quamvis non ut Pontifex, sed ut Doctor particularis de hac re scripserit. In commentario enim ad cap. 2. de Majoritate & obedientia posteaquam docuerat, Clericos exemptos fuisse à potestate Laicorum per summum Pontificem Imperatore consentiente, addidit, hanc non esse plenam exemptionem, & ideo dicendum esse, clericos ab ipso Deo fuisse exemptos. Hoc testimonium Innocentii ea de causa addendum putavi, quoniam Covarruvias in lib. practicarum quæstionum cap. 31. scribit, prædictum Pontificem in loco à nobis citato affirmasse, exemptionem Clericorum non esse juris divini, quod falsum esse verba citata palam ostendunt, & ante nos in hanc eandem sententiam Innocentium allegavit Panormitanus in cap. Nimis, de jurejur. ubi etiam idem auctor rectè refellit eos, qui per jus divinum intelligunt jus Canonicum. Et fortasse ad ejusmodi explicationes excludendas Concilium Tridentinum non utitur vocibus juris divini, & humani, quæ possent trahi ad significandum jus Canonicum, & civile, sed ait, *ordinatione divina, & Ecclesiasticis sanctionibus immunitatem Ecclesia, & personarum ecclesiasticarum fuisse institutam.*

CAPUT XXIX.

An exemptio Clericorum sit juris divini naturalis.

Differimus hætenus de jure divino positivo; nunc de jure naturali differendum est, quod planè divinum esse in dubium revocari non potest, cum jus naturale sit illud, quod est ab auctore naturæ in animis nostris impressum. Sed antequam ex-

plicare incipiam, an ad hoc jus pertineat exemptio Clericorum, distinguendi sunt gradus juris naturalis. Tres enim sunt gradus naturalium præceptorum. Primus est eorum, quæ ita perspicue sunt impressa in cordibus hominum, ut solo lumine rationis, sine ulla disciplina vel arte, imò sine novo discursu rationis judicentur ab omnibus iusta; talia sunt prima quædam principia, ut bonum esse appetendum, malum fugiendum, conservandam vitam cibo & potu, propagandam & educandam sobolem ad conservandum genus humanum, Deum esse colendum, non esse faciendum alteri quod tibi non vis fieri. Hæc maxime propriè sunt præcepta juris naturæ, de quibus ita loquitur Sanctus Ambrosius in epist. 71. ad Irenæum, *Lex natura, quam Deus singulorum infudit pectoribus, non scribitur, sed innascitur, nec aliqua percipitur lectione, sed profluit quodam natura fonte in singulis exprimitur, & humanis ingeniis hæretur; & Sanctus Hieronymus in epist. ad Algasiam quæst. 8. Lex, quæ in corde scribitur, omnes continet nationes; & nullus hominum est, qui hanc legem nesciat. Et idcirco, justum judicium Dei est scribens in corde humani generis, quod tibi fieri noluisti, alteri ne feceris; & Sanctus Augustinus in tract. Psalmi 57. *Manu formatoris nostri in ipsis cordibus nostris veritas scripsit, quod tibi non vis fieri, ne facias alteri. Hoc & antequam lex daretur, nemo ignorare permissus est, ut esset unde judicaretur & quibus lex non esset data.* Nec dissentiunt Græci, ut Chrysostomus hom. 54. in Genesim, nec Scholastici, ut S. Thomas in 1. 2. quæst. 94. art. 2. neque etiam ipsa iura, ut patet ex can. Jus naturale dicitur. 1. & l. 1. ff. de just. & jure. Secundus gradus est eorum præceptorum, quæ deducuntur ex illis primis principis, tanquam conclusiones proximæ, & quasi naturaliter fluentes per facilem, evidentem, & necessariam consequentiam, ut non sit opus arte vel disciplina, sed simplici discursu, qualem omnes homines habere possunt: talia sunt omnia præcepta decalogi. Nam ex illo principio, in corde omnium impresso, Deum esse colendum, sequitur continuo non esse colenda idola, neque esse pejerandum. Ex illo altero principio, quod tibi non vis fieri, alteri ne feceris, sequitur non esse occidendum, non esse moechandum, non esse furandum &c. Et sanè aliqua hujus generis præcepta aliquando ob nimiam hominum execrationem deleta sunt de cordibus hominum, ut patet ex lib. 6. Cæsaris de bello Gallico, ubi legimus apud Germanos furtum non fuisse vitium, sed virtutem; & ex Sancto Hieronymo lib. 2. in Jovinianum & ex Theodoro lib. 9. ad Græcos, qui referunt multa vitia contra naturam, quæ à populis quibusdam, & etiam à Legislatoribus eorum tanquam licita & iusta approbabantur. Sed quamvis ejusmodi præcepta à nonnullis ignorarentur, verè tamen & propriè ad jus divinum naturale pertinent, ut docet S. Thomas in 1. 2. quæst. 94. art. 5. & q. 100. art. 8. ubi scribit, in præceptis Decalogi, quia sunt propriè juris naturalis, nullam cadere posse dispensationem. Et certè sicut ea, quæ deducuntur per necessariam consequentiam ex articulis fidei, pertinent ad fidem, quia non possunt negari, quin articuli ipsi negentur: ita quæ deducuntur per necessariam consequentiam ex primis principis juris naturalis, pertinent etiam ad jus naturale, quia non possunt destrui, quin destruaturs natura. Tertius gradus præceptorum naturalium est eorum, quæ deducuntur quidem ex principis juris naturæ, sed per consequentiam non absolute necessariam, nec omnino evidentem, & ideo egent humana constitutione. Ex hæc sunt quæ Theologi propriè referunt ad jus gentium, & ea distinguunt à jure civili, quod jus civile non deducatur ex jure naturæ per modum conclusionis, deductæ*

A ex principis, sed per modum determinationis eorum, quæ generatim præcipiuntur à jure naturæ. Quæ doctrina est Sancti Thomæ in 1. 2. quæst. 95. art. 2. & 4. & quamvis idem S. Thomas in prædicta q. 95. art. 4. Ilidorum sequutus dicat, jus gentium esse speciem juris positivi, contra verò in 2. 2. q. 57. art. 3. & clarius lect. 12. in lib. 5. Ethic. dicat esse speciem juris naturalis, & alleget Jureconsultos veteres, qui jus naturale aliud esse docebant, quod est commune omnibus animalibus, aliud quod est commune omnibus hominibus; tamen non pugnat ipse secum, nec Ilidorus cum Jureconsultis pugnat. Nam & idem S. Thomas in 1. 2. q. 95. art. 4. ad primum, scribit jus gentium esse aliquo modo naturale, & aliquo modo positivum, ac per hoc est medium inter jus naturale purum & jus civile. Jus enim naturale purum est illud, quod nullo modo pendet ex humana constitutione; jus civile autem quod ex sola hominum constitutione pendet, & ideo purè positivum dici potest. Jus verò gentium partim est naturale, partim positivum, quia pendet quidem ab humana constitutione, idest, à consensu omnium gentium, sed non pendet ab auctoritate Principis, vel Magistratus particularis. Ex quo sequitur, ut ea quæ sunt de jure gentium, quia sunt aliquo modo naturalia, ideo prohibeantur quia sunt mala: contra autem quæ sunt de jure civili, quia sunt purè positiva, ideo sine mala, quia prohibentur. Rursus, sequitur, ut ea quæ sunt de jure gentium, quia sunt aliquo modo naturalia, non possint à Principibus vel Magistratibus abrogari, vel immutari: contra autem, quæ sunt de jure civili, quia sunt purè positiva, sicut à Principe, vel Magistratu constituuntur, ita posse à Magistratu, vel Principe abrogari. His ita explicatis, dicendum videtur. Exemptionem Ecclesiasticorum non pertinere ad primum, vel secundum naturalium præceptorum gradum, nec tamen esse juris tantum positivi sive canonici, sive civilis, sed referendam esse ad tertium gradum præceptorum juris naturæ, sive, quod idem est, ad jus gentium. Hæc mihi videtur esse sententia serè omnium Theologorum, & Canonistarum, & in re non arbitror dissentire Joannem Driedonem, qui in lib. 1. de libertate Christiana cap. 9. cum Canonistis dicit, exemptionem Clericorum esse juris divini naturalis, à Victoria in Relezione prima de potestate Ecclesiæ q. ult. & Soto in 4. sentent. dist. 35. q. 2. qui dicunt, esse juris humani, ac positivi. Nam Joannes Driedo non dicit esse juris naturalis, quia sit primum aliquod principium juris naturæ, aut conclusio proxima, & quasi naturaliter deducta ex primis principis, sed dicit esse juris naturalis, quia est omnino conformis, & consentanea rationi naturali. Victoria verò, & Sotus negant esse juris divini naturalis, quia per jus naturale intelligunt jus purè naturale, quo modo etiam negat idem Sotus jus gentium esse naturale; tamen idem auctores, & maxime Sotus, addunt hanc exemptionem esse omnino consentaneam rationi, & ipsi naturæ. Neque dicere volunt solum, esse rationabilem, idest, non contrariam rationi, sic enim nihil docissent, cum omnis iusta lex etiam purè positiva non debeat esse contraria rationi, sed dicere volunt, esse deductam ut conclusionem ex jure naturæ, & vim habere ex jure naturæ, & ideo addunt, in hanc exemptionem consensisse omnes gentes, ac propterea non posse mutari, vel abrogari à Regibus & Principibus, etiam si omnes simul conjuncti eam abrogare conentur. Neque dissentit S. Thomas, licet in comment. ad c. 13. ad Rom. scripserit, Clericos privilegio Principum liberos esse à tributis; nam in eodem loco addit, id factum esse ob naturalem æquitatem.

Hanc igitur sententiam probare possumus his argumentis.

gumentis. Primò ex consuetudine omnium gentium, quod enim ubique fit, ex natura ipsa descendit, quæ omnibus communis est, constat apud Hebræos, Levitas fuisse liberos à tributis ex cap. 30. Exod. & c. 1. Numer. Constat apud Ægyptios sub Rege Pharaone sacerdotes fuisse exemptos, ex cap. 47. Gen. Constat idem de sacerdotibus Hebræorum sub Rege Artaxerxe ex lib. 1. Eldræ cap. 7. Idem cognosci potest de sacerdotibus Gentilium ex Aristotele in lib. 2. Oeconom. ex Cæsare lib. 6. de bello Gallico, ex Plutarcho in Camillo, & ex alijs. Apud Christianos Imperator Constantinus, qui primus fuit Imperator apertè Christianus, continuò natura docente ecclesiasticos immunes à communibus Reip. oneribus declaravit, ut patet ex epistola ejus ad Avilinum apud Eusebium lib. 10. hist. eccles. cap. 7. quod idem multi alij Imperatores fecerunt. Et notanda sunt verba Justiniani l. sancimus 2. C. de sacrosanct. eccles. Nam ubi exemisset Ecclesias, ait: *Cur enim non facimus discrimen inter res divinas & humanas; & cur non competens prerogativa celesti favori conservetur?* Quibus verbis ostendit, exemptionem illam non fuisse arbitriam, & liberam, sed debitam, & necessariam.

Alterum argumentum ducitur à similitudine, quam potestas ecclesiastica, & secularis habent cum anima & corpore humano. Nam (ut ostendimus in lib. 5. de Summo Pontifice, ex S. Gregorio Nazianzeno, Hugone de S. Victore, alijsque insignibus auctoribus) non potest melius intelligi quo modo, se habeat potestas ecclesiastica ad secularem, quàm ex modo, quo se habet in homine spiritus ad carnem; Spiritus autem ita se habet ad carnem, ut quamvis non impediatur actiones ejus, cum bene se habent, eam tamen regat, & moderetur, & aliquando cohibeat, aliquando exaltet, prout ad finem suum expedire judicat. Contra verò, caro nullum habet imperium in spiritum, neque cum ulla in re dirigere, vel judicare, vel coercere potest. Sic igitur potestas ecclesiastica, quæ spiritualis est, ac per hoc naturaliter seculari superior, secularem potestatem, cum opus est, dirigere, judicare, & coercere potest; ipsam vero à seculari dirigi, vel judicari, vel coerceri nulla ratione permittitur. Tertiò probatur ex nominibus Patris, & Pastoris, quibus tum in sacris literis, & in libris sanctorum Patrum, tum ex communi Christianorum consuetudine sacerdotes ornantur. Natura enim docet, ut filii parentibus obediant, atque ab eis se corrigi æquo animo ferant, non autem ipsi parentibus imperare, eosque corrigere, vel judicare velint. Multo etiam magis eadem dūce & magistra natura oves à Pastoribus reguntur & gubernantur, & quando aberrant, vel sibilo, vel baculo reducuntur in viam; & planè contra naturam esset, si ovis Pastorem regere, vel gubernare videretur. Quartum argumentum peti potest à nomine & officio Clericorum, Clerici enim sunt ministri Dei, consecrati ad obsequium solius Dei, atque ad hoc ipsum ab universo populo Deo oblato, unde & Clerici dicuntur tanquam ad sortem Domini pertinentes, ut S. Hieronymus docet in epist. ad Nepotianum. Certè autem in ea, quæ sunt oblata & consecrata Deo, & quasi propria ipsius Dei facta sunt, nullum jus habere possunt Principes seculi. Id quod & lumen rationis ostendit, & Deus ipse in scripturis Sanctis non obscure tradit, cum ait Levitici ult. *Quicquid semel Deo fuerit consecratum, sanctum sanctorum erit Domino.* Quis autem dicere audeat, jus esse profano homini in ea, quæ sancta sanctorum, idest, sanctissima dici meruerunt? Qua ratione bona etiam temporalia Clericorum, bona dominica propriè dicuntur in cap. 4. Apostolico, & ideo tanquam Deo sacra jurisdictioni Laicorum subiecta esse non possunt. Quintum argumentum du-

Controv. Card. Bellar. n. Tom. I l.

ciunt à signis, & prodigijs, quæ non rarò Deus ostendit in eos, qui Ecclesiarum immunitatem violare præsumpserunt. De qua re multa legi possunt apud Tilmannum Bredembachum in lib. 5. sacrarum collationum. Sed extat insigne testimonium Basili Porphirogeniti, Græcorum Imperatoris apud Balsamonein in Nomocanone Photii, in commentario canonis primi synodi Constantinopolitane primæ, & secundæ, quam nos Latini octavam synodum appellamus. Refert enim idem Basilius causam omnium calamitatum ejus temporis in legem quandam Nicephori Phocæ prædecessoris sui contra Ecclesiæ libertatem latam. *Ex quo, inquit, Lex ista robur habuit, nihil boni penitus in hodiernum usque diem vita nostra consigit, sed potius è contrario nullum omnino genus calamitatis defuit.* Itaque legem illam meritò irritam esse voluit, ac penitus abrogavit.

CAPUT XXX.

Solvuntur argumenta contraria.

Sed operæ pretium erit ad eas objectiones breviter respondere, quas Didacus Covarruvias loco citato, & Joannes Medina in Codice de Restitution. q. 15. (qui liberius alijs auctoribus loquuti sunt,) in medium protulerunt. Obijciunt ergo primò, nullam extare legem divinam qua Clerici eximantur à jurisdictione Principum Laicorum. Sed jam ostendimus extare non pauca testimonia scripturæ veteris, ex quibus per probabilem consequentiam ducatur argumentum ad probandum jure divino clericos liberos esse à jurisdictione Principum secularium. Neque obstat, quod testamentum vetus abrogatum jam sit per testamentum novum. Nam tametsi abrogata sint caeremonialia, judicialiaque præcepta: non tamen sunt abrogata moralia, idest, quæ continent vel declarant jus naturæ. Et præterea cum caeremoniæ Judæorum figuræ fuerint rerum nostrarum, ut Apostolus docet 1. Cor. 10. Gal. 4. & Hebr. 7. non malè ducimus argumenta per similitudinem à ritibus Judaicis. Denique non sola testimonia scripturæ veteris, sed etiam rationes ex jure naturæ depromptas adduximus, jus autem naturæ non humanum, sed divinum est, cum ab ipsius naturæ auctore manaverit. Secundò obijciunt leges multas Justiniani ex Codice, & Authenticis, ex quibus cognosci potest, olim Clericos Imperatoris jurisdictioni fuisse subiectos. Sed facilis est responsio. Nam si hoc argumentum vim ullam haberet, probaret etiam in rebus ecclesiasticis & spiritualibus non esse liberos Clericos jure divino à potestate Principum Laicorum: constat enim non solum ex Codice & Authenticis, sed multo magis ex Nomocanone Photii, non paucas leges Justiniani de rebus planè ecclesiasticis, & spiritualibus disponere. Covarruvias autem, & Medina, ut etiam omnes Theologi & Canonistæ, summo consensu docent in rebus Ecclesiasticis, & spiritualibus liberos esse Clericos à Potestate Principum seculi jure divino. Coguntur igitur ipsi etiam nobiscum dicere leges illas procedere de facto non de jure, & toleratas aliquando à summis Pontificibus, numquam autem approbatas. Non tamen negaverim, multas quoque esse civiles leges Imperatorum, quas non minus Clerici, quàm Laici sequi debeant. Ecclesia enim pro cursu temporalium tantummodo rerum, ut loquitur Nicolaus I. Papa in epistola ad Michaellem, Imperialibus utitur legibus. Quod idem habemus in multis Canonibus distinctionis decimæ apud Gratianum, & capite 1. de novi oper. nunciat. & alibi. Quæ tamen omnia

intelligi debent de iis legibus, quæ non sunt contrariæ Ecclesiasticæ libertati, & quo ad directionem, non quo ad coactionem, ac denuque cum adsunt aliæ conditiones, quas notant Doctores, ac præsertim Felinus in cap. Ecclesia S. Mariæ, de consuet., quæst. 1. Tertio obijciunt exemplum Apostoli Pauli, qui cum esset Præsul ecclesiasticus, non timuit appellare Cæsarem, atque ab eo judicari se debere libere confiteri, ut S. Lucas refert Act. 25. Sed hanc objectionem Covarruvias omnino debuisset omittere; Nam B. Paulus, ut constat ex cap. ult. Actorum, coactus est appellare Cæsarem, oppressus videlicet calumniis Judæorum, & injustitia Præsidis Romani, qui solum Cæsarem supremum Judicem agnoscebant. Itaque ipse quoque de facto saltem, si non de jure, Cæsarem Judicem agnoscere debuit, nec sine risu exceptus fuisset, si B. Petri supremi Principis ac Judicis sui coram Gentilibus, vel Judæis mentionem facere voluisset.

Quarto obijciunt testimonia Sanctorum Apostolorum Petri, & Pauli. Scribit enim B. Petrus in epist. priore cap. 2. *Subiecti esse omni humana creatura propter Deum, sive Regi tanquam præcellenti, sive Ducibus tanquam ab eo missis*, & B. Paulus in epist. ad Rom. cap. 13. *Omnis, inquit, anima potestatibus sublimioribus subdita sit*. In quem locum scribit S. Joannes Chrysostomus, hæc dici non tantum Laicis, sed etiam Clericis, & Monachis, & ipsis etiam Apostolis & Evangelistis. Respondeo, sententias Apostolorum generales esse. Quamvis enim nominatim in eis fiat mentio Regum, quoniam eo tempore valde necessarium erat diligenter monere Christianos, ut Regibus obedirent, ne Fidei prædicatio impediretur, tamen absolute verba illa tam B. Petri, quam B. Pauli nihil aliud significant, nisi debere omnes homines suis legitimis superioribus subditos esse, eisque debitam obedientiam exhibere. Quare non potest ex his testimoniis Apostolicis probari Clericos Principibus sæculi, vel ipsorum legibus obtemperare debere, nisi prius probetur, Reges sæculi esse legitimos superiores, & Judices Clericorum. Quod certè probari non poterit nisi probetur, oves Pastoribus, filios parentibus, & temporalia spiritualibus præminere. Nec tamen Chrysostomo contradicimus. Quamvis enim judicem proprium Clericorum, & Monachorum solum Pontificem esse dicamus, tamen fatemur, Reges, non solum Laicorum, sed etiam Clericorum, & Monachorum Reges esse. Unde etiam non sine causa in publicis precibus oramus pro Rege, vel pro Imperatore nostro. Nam cum Reges bella gerant non solum pro Laicis, sed etiam pro Clericis, & Monachis, proque omnium pace, & tranquillitate invigilent, debetur eis ab omnibus honor, juxta illud B. Petri, 1. epist. cap. 2. *Regem honorificate*. Debetur etiam obedientia, cum eorum leges non sunt contrariæ sacris Canonibus, & cum de rebus iisdem nulla existet canonica dispositio. Ac demum quoad directionem ut supra diximus, non ad coactionem. Præter hæc argumenta obijcit Joannes Medina loc. cit. quædam alia, quæ Covarruvias fortasse, ut leviora prætermittenda putavit. Sed nos ea quoque breviter diluamus. Ait igitur Medina in lege naturæ primogenitos omnes fuisse sacerdotes, nec tamen exemptos à majorum suorum potestate. Item in lege scripta Levitas, quibus nunc succedunt Clerici, non solum Aaroni Pontifici subiectos fuisse, sed etiam Mosis, qui Princeps erat civilis totius populi Judæorum. In lege quoque evangelica Christum ipsum, qui caput erat omnium sacerdotum, Pilato subiectum fuisse, juxta illud. *Non haberes potestatem in me ullam, nisi tibi datum esset desuper*. Joan. 19. Denique ita ratiocinatur Medina: Lex evangelica, Baptismus, ordo

A clericalis, non liberant jure divino à debitis antea contractis, ut à debito servitutis, à debito pecuniario, à debito conjugali, ergo nec à debito subjectionis & obedientiæ civilis, sed clerici ante clericatum subiecti erant potestati & jurisdictioni Principum, & Magistratum sæcularum, non igitur liberi sunt jure divino ab eadem potestate, & jurisdictione post Clericatum. Sed ad hæc omnia facilis est & expedita responsio. Nam de primogenitis in lege naturæ non probavit Medina eos Civilibus Magistratibus fuisse subiectos. Nos autem probare possumus, non fuisse, quoniam iidem Primogeniti sacerdotes & Principes esse solebant, docet S. Hieronymus in quæstionibus. Hebraicis ad cap. 49. Genes. quæ est etiam communis Hebræorum sententia, & exprimitur ab ipsa Paraphrasi. Caldaica eodem loco in benedictione Ruben. Porro Moses, cui subiecti erant Levitæ, non solum Princeps civilis totius populi, sed etiam summus sacerdos erat, & Aaron major, quamvis extraordinaria potestate. Unde dicitur in Psal. 98. *Moses, & Aaron in sacerdotibus ejus*, & novimus Aaron à Mose consecratum; & denique testatur Philo in extremo libro de vita Mosis fuisse Mosen Pontificem, Regem, & legislatorem Hebræorum. Quid igitur mirum, si Levitæ Moyse subiecti erant, non minus quam Aaroni, cum Moses non minus quam Aaron sacerdotio fungeretur. Christum autem Pilato subiectum fuisse de facto solum, non de jure certissimum est. Et potestas desuper data, quam in Pilato Christus agnoscit, non potestas judiciaria, sed permissio intelligenda est, ut Sancti Patres docent, Chrysostomus & Cyrillus; de qua Dominus ait Luc. 22. hæc est hora vestra, & potestas tenebrarum. Et certè ferendum non esset, si Medina cum Marsilio Paduano Christum, Dei filium naturalem, Principibus terrenis jure subiectum fuisse dicere vellet. Ratiocinatio denique ejusdem Medinæ aut nihil probat, aut plus quam ipse velit probat. Nam si paria sunt eximere à debito servitutis, vel pecuniario, vel uxorio; & eximere à debito subjectionis, & obedientiæ civilis: sicut non potest summus Pontifex eximere homines Christianos à debito servitutis, vel pecuniario, vel uxorio sine consensu partis, quoniam alioquin injuriam facere videretur; ita non potuisset idem summus Pontifex eximere Clericos à jurisdictione Principum sæcularum, sine ipsorum consensu. Atque hoc est contra omnes Theologos, à quibus nec ipse Medina dissentit. Non igitur sunt illa paria, ac per hoc Medinæ argumentum non rectè concludit. Ratio verò discriminis inter illa debita hæc est, quod majus omnino sit vinculum inter creditorem & debitorem, Dominum & servum, virum & uxorem; quam inter Principem, vel Magistratum & civem. Itaque clericatus non eximit à debitis illis prioris generis, & ideo non poterit fieri Clericus is, qui servus est, nisi prius à Domino liberetur, neque is qui est alligatus uxori, nisi uxor consentiat, & ipsa quoque votum continentiæ emittat, neque is qui tantum pecuniæ debet, ut restituere nequeat, si Clericus fiat, nisi à creditore debitum remittatur. At idem Clericatus eximit à subiectione civili, & transfert in subiectionem ecclesiasticam etiam non consentiente, vel repugnante superiore civili; quoniam unusquisque circa statum propriæ personæ liber est, sicut potest relinquere patrem & matrem, & adherere uxori, juxta verbum Domini Matth. 19. ita potest relinquere Principem sæculi, & in sortem Domini transire, atque ad Dei servitutem accedere, sequæ totum Episcopo in clericatu, vel Abbati in Monastica professione committere. At, inquit Medina, lex evangelica, & Baptismus non eximunt à jurisdictione civili, igitur neque eximit Clericatus. Res-

pondeo, non esse eandem rationem legis evangelicæ & Baptismi, ac ipsius Clericatus. Nam lex Evangelica, & Baptismus non excludunt, immò necessarium esse volunt Principatum civilem, ut adversus Anabaptistas nos alio loco probavimus. At Clericatus, ut etiam Monachatus, non possit suo munere rectè fungi, nisi liber esset & immunis à jurisdictione civili; & ordo ipse naturæ pervertetur, si Pastores ovibus, parentes filiis, & spiritualia corporalibus subijcienda sint. At, inquit, injuriâ fiet Principibus si inviti suo jure priventur, quod in clericos ante clericatum habebant. Respondeo, nullam ipsi injuriâ fieri, quia qui jure suo utitur, nullam facit injuriâ. Utitur autem jure suo, qui eligit statum quem sibi magis convenientem esse censet, quamvis per accidens sequatur, ut Princeps subdito suo privetur. Nam etsi quis iusta de causâ domicilium suum in aliam civitatem, vel provinciam transferat, desinet subditus esse priori Principi, nec tamen injuriâ illi fecisse videbitur. Ultima obiectio Medinæ illa est, quod non repugnet rationi, ut homines addicti obsequio Dei & spiritualibus functionibus subsint in rebus temporalibus, & civilibus Regi, vel Magistratui sæculari. Ex quo sequitur, ut si exempti sint, id facta sit concessione Principum, non jure divino. Addi potest confirmatio ad hoc argumentum, ut nihil difficultatis subterfugere videamur. Nam sicut Princeps sæcularis, ut Christianus & in rebus spiritualibus est ovis, & filius sacerdotum: ita è contrariio sacerdotes ut cives, & in rebus temporalibus videntur posse dici oves, & quasi filii Principum sæcularium. Item quia una tantum est Ecclesia, continens Clericos & Laicos, & Ecclesiæ caput est summus Pontifex, ideo subiungunt omnes eidem summo Pontifici tum Clerici, tum Laici, igitur eodem modo quoniam una est civitas continens Laicos, & Clericos, & civitatis caput est Princeps sæcularis, ideo subiecti debent esse omnes tam Laici, quam Clerici Principi sæculari in iis, quæ pertinent ad bonum regimen civitatis. Respondeo, hoc argumento probari, exemptionem clericorum, non esse de jure naturæ primario, quod nos supra in duos gradus distinximus, sed esse de jure naturæ secundario, quod etiam jus gentium appellari diximus. Nam ut S. Thomas rectè docet in 2.2. quæst. 57. art. 3. jus naturæ prima-

A rium respicit rem absolutè consideratam, jus naturæ secundarium, sive jus gentium respicit rem in ordine ad certum finem, & ideo pendet ex discursu rationis. Licet igitur non repugnat rationi absolutè, ut clericus subsit in rebus civilibus Principi sæculari, tamen repugnat in ordine ad officium Clericorum rectè administrandum. Nam ut alia omit- tam, turpissimum esset ut etiam Sotus annotavit, si Magistratus Episcopum corrigere, vel punire posset, à quo ipse corrigendus, & puniendus est. Et quis ferret, si hodie sacerdos ad suum Tribunal Magistratum vocaret, cras autem Magistratus vocaret sacerdotem ad suum? Et nonne omnis reverentia, quam necessario debent Laici sacerdotibus, periret, si eos pro imperio coercere possent? Hinc igitur ante omnes Principum leges, humanum genus ratione docente constituit, ut ubique sacerdotes immunes essent à jurisdictione Principum Laicorum. Ad primam confirmationem respondeo, Principem quidem ovem, ac filium spiritualem sacerdotis esse: sed sacerdotem nullo modo filium vel ovem Principis dici posse: quoniam sacerdotes, & omnes clerici suum habent Principem spiritualem, à quo non in spiritualibus solum, sed etiam in temporalibus reguntur. Neque fieri potest, ut duos agnoscant Principes in rebus temporalibus, cum, juxta Evangelium, nemo possit duobus Dominis servire. Ad alteram confirmationem respondeo, Ecclesiam verè unam tantum esse, & nullo modo duas, civitatem autem unam esse materialiter, & duas formaliter. Nam Ecclesia continet omnes Christianos Catholicos, si- ve sint Clerici, si- ve Laici. Si quis autem consideret cœtum Laicorum, non ut Christiani sunt, sed ut cives, vel quocumque alio modo, is cœtus Ecclesiæ dici non potest. Non igitur duæ fingi possunt Ecclesiæ, ac multo minus esse. At cœtus Laicorum, & cœtus Clericorum formaliter duæ civitates dici possunt, quoniam in ipsis etiam temporalibus rebus diversas leges habent, diversum Principem, diversa tribunalia, & tamen materialiter unam quaque civitatem faciunt, quia unam Urbem inhabitant, & sub ejusdem Principis protectione vivunt, qui sicut pro labore, ac sollicitudine, quam pro communi bono suscipit, à Laicis tributa recipit, ita recipit à Clericis auxilia longè majora publicarum precum, & sacrificiorum ad Deum.

LIBER SECUNDUS

DE

MONACHIS.

P R Æ F A T I O.



DISSERUIMUS Libro superiore de Episcopis, & Clericis, idest, de prima & nobilissima parte corporis Ecclesiastici. Sequitur, ut de altera parte Ecclesiæ, hoc est, de iis hominibus differamus, qui Evangelica Christi sequuti consilia, vitæ genus arctioris, ac sublimioris instituunt, quàm aut lex divina, vel humana præscribat, aut etiam multorum mortalium infirmitas patiatur. De quo hominum genere disputationem ingrediar, si pauca prius de hujus ipsius disputationis utilitate, vel potius necessitate, dixerò.

Quamquam enim monastica vitæ instituta, non ad omnes Christianos pertinent, defensio tamen tam magnæ, & tam excellentis partis Catholicæ nostræ Ecclesiæ, ad eos omnes communiter pertinet, qui Christianam Rempublicam salvam cupiunt. Hæretici enim dum hanc partem petunt, ac ut monasticen vituperent, portentosa mendacia quotidie de Monachis fingunt, & quacumque oblata occasione in Monachos invehuntur, atque eos in odium vulgi rapiunt, & primarios Antichristi satellites vocant, non eò certè spectant, ut ordines solum hominum religiosorum disjiciant, monasticenque de medio tollant, sed ut Ecclesiam totam hac ratione perturbent, ac lædant, eamque (si fieri possit) à fundamentis evertant. Intelligunt enim, si contra Monachos causam obtinuerint, idest, si populo Christiano persuaferint, non à Christo institutos, sed à malo dæmone excogitados ordines religiosorum fuisse, se continuo id effecturos, ut universa Ecclesia, quæ una voce & consensu tot jam sæculis monasticen approbavit, vano errore delusa, pro Christo Antichristum coluisse, & à rectæ fidei, veræque doctrinæ tramite quàm longissimè aberrasse videatur.

Neque verò novum est hoc hæreticorum adversus Monachos bellum, neque recens mali dæmonis artificium, per monasticæ vitæ oppugnationem Ecclesiam universam petere. Sicut enim quotquot fuerunt unquam pii scriptores, tum sermonibus, tum scriptis libris, hoc genus vitæ laudibus in cælum tollere conati sunt, sic nulli ferè unquam hæretici exstiterunt, qui vel nomen Monachorum patienter audire potuerint: *Quando vos* (inquit B. Augustinus in Psalm. 132.) *rectè hæreticis de Circumcellionibus insultare cœperitis, ut erubescendo sententur: illi vobis insultant de Monachis. Primò, si comparandi sunt, vos videte, quid opus est, ut verbis nostris comparentur ebriosi cum sobriis, præcipites cum consideratis, furentes cum simplicibus, vagantes cum congregatis? Sed tamen dicere consueverunt, quid sibi vult nomen Monachorum? Quanto melius dicimus nos, quid sibi vult nomen Circumcellionum?* Et rursus, de Petiliano hæreticorum principe, idem Augustinus lib. adversus Petilianum 3. cap. 40. *Deinceps, inquit, perrexit ore maledico in vituperationem monasteriorum & Monachorum, arguens etiam me, quòd hoc genus vitæ à me fuerit institutum.*

Jam verò ARIANI tanto furore bacchabantur in Monachos, ut ipsas etiam desertissimas solitudines, locaque maximè abdita & recondita penetrarent, ut

Mona-

Monachos quærent, raperent, atque occiderent. Sic enim de Lucio Episcopo Ariano scribit Ruffinus lib. hist. 11. cap. 3. *Inde, inquit, ad monasteria furoris sui arma convertit, vastat eremum, & bella quiescentibus indicit. Ter mille simul, aut eò amplius, viros per totam solitudinem secreta, & solitaria habitatione dispersos, oppugnare pariter aggreditur. Mittit armatam equitum ac peditum manum. Tribunos, Præpositos, & bellorum Duces, tamquam adversus Barbaros pugnaturus, elegit. Qui cum venissent, novam belli speciem vident, hostes suos gladiis objectare cervices, & nihil aliud dicere, nisi, Amice, ad quid venisti?* De Valente Imperatore pariter Ariano in Chronico B. Hieronymus annotavit, usque adeò illum odisse Monachos, ut lege lata, Monachos omnes aut arma sumere, militesque fieri, aut fustibus cædi, mactarique decreverit.

Sed nimis longum esset, si omnia veterum hæreticorum, ac præsertim Imperatoris Constantini Copronymi, & cæterorum veterum Iconomachorum in sanctos illos Monachos, aut improbè dicta, aut crudeliter facta commemorarem. Quid igitur, ut ad posteriora tempora descendamus, Joannes Wiclef de Religiosorum ordinibus sensit? Nempe omnes ad unum à Diabolo in Ecclesiam introductos, & Augustinum, Benedictum, Bernardum ad inferos esse damnatos, nisi poenitentiam egerint, quòd Monachi, & Patres Monachorum fuerint. Sic enim habent articuli ejus postremi in Concilio apud Constantiam reprobati. Quid Martinus Lutherus? Nonne tertio quoque verbo in omnibus scriptis suis, quæ sanè quamplurima exstant, monasticen lacerat? At, ut alia prætermittam, quæ suo loco postea afferentur, certè in Epithalamio illo suo, plus quàm credi possit, obsceno & sordido, quod in caput septimum epistolæ prioris ad Corinthios scripsit, qui cœlibem vitam in monasteriis ducunt, eos omnes idolo Moloch corpora sua cremare confirmat. Et in eodem libro, statum religionis nihil valere, sed Ethnicum, terrenum, sæcularem, ac veluti lutum esse dicit, cùm è contrario statum conjugii spirituales, cœlestem, divinum, atque aureum esse prædicet. Joannes Calvinus libro Institutionum 4. cap. 13. rem totam breviter ita definit, ut esse velit monasteria lupanaria; vota monastica retia Satanae; Monachos omnes sophystas cucullatos, qui ab Ecclesia dissensionem fecerint, & se totos Diabolo consecraverint. Philippus Melanchthon in Apologia pro Confessione Augustana, articulo de votis, vota atque opera Monachorum nunc observationes fatuas, nunc hypocriticas simulationes, nunc etiam traditiones Pharisaicas atque Mahumeticas vocat. Magdeburgenses Centuriatores in 10. cap. 4. Cent. posteaquam multorum veterum Eremitarum vitas & res gestas breviter descripserunt, in hæc verba sermonem claudunt: *Sed quis, inquiunt, non hac hominum monstra excretur, ut inimicos humana societatis, & contra totam secundam tabulam delinquentes?* Ut illud interim omittam, quòd partem non modicam ingentium illorum voluminum in Monachorum vituperatione consumunt, quos ubique hypocrisis, ubique superstitionis, ubique impietatis accusant.

Sed quid, obsecro, Lutheranos in tam apertum, tamque implacabile bellum contra Monachos impulit? Quid eis Monachi nocuerunt? quid rapuerunt? quid illis debent? Nonne, si saperent, ingentes gratias potiùs regno Monachorum, ut ipsi vocant, agere deberent? Ex quo nimirum Apostolus ille Germanicus, tertius Helias, totque alii illustres Prophetæ, atque Evangelistæ, tamquam ex equo Trojano prodierunt. Unde enim habent Lutherum, Pomeranum, Bucerum, Pellicanum, Munsterum, Menium, Musculum, Miconium, Oecolampadium, Martyrem, Ochinum? Nonne ex monasteriis? Quamquam si verum fateri volumus, non monasteria tot nobis hæreticos pepererunt, sed ipsa potiùs pestis hæreseos monasteriorum desertores fecit.

Sed quid miramur, si filii tenebrarum lucem religionis æquis oculis intueri non queunt: si desertores militiæ, castra Sanctorum oderunt: si fugitivi ac perfidi, stantes in acie commilitones suos exhorrent: si denique principis tenebrarum, primique coelestis militiæ desertoris ac transfugæ, discipuli ejus ac filii, opera imitantur? *Nam* (ut apud Athanasium magnus ait Antonius) *omnes quidem Christianos Diabolus odit, sed probos Monachos, Christique virgines tolerare nullo modo potest.* Hinc illæ voces Abbatis Sereni apud Cassianum Collat. 7. cap. 23. *In ipsis, inquit, cœnobiis, in quibus commorabantur octo, vel decem, ita Daemonum atrocitas grassabatur, & frequentes, ac sensibiles sentiebantur aggressus, ut non auderent omnes pariter noctibus obdormire, sed vicissim alius degustantibus somnum, alii vigiliis celebrantes, Psalmis & orationibus, seu lectionibus inhærebant, cumque illos ad soporem natura necessitas invitaret, expergesactis ad eorum, qui dormituri erant, custodiam, similiter excubia tradebantur.*

Habetis, quid hæretici tam veteres, quàm recentes, & quid ipse etiam pater eorum Diabolus de Monachis censeat. Nunc de iisdem quid censeant Patres, quid etiam Christus & Deus, meritò à me requiri, atque exspectari video. Sed quoniam plurima hujus generis testimonia in ipsa Disputatione sæpius nobis erunt necessario afferenda, nunc duobus tantum duorum clarissimorum utriusque Ecclesiæ luminum testimoniis contentus, rem totam, quam brevissimè fieri poterit, expediam. Prodeat igitur in primis totius Græciæ eximium decus S. Joannes Chrysostomus. Is enim & pro vitæ monasticæ defensione tribus integris libris acerrimè decertavit, & ubique solitudines, ac Monasteria ita splendidè, magnificèque laudat, ut illa Regnis atque Imperiis, & ipsi etiam Paradiso, ac Cœlo non dubitet anteponere. Denique homil. 8. in Matthæum: *Si quis, inquit, nunc ad Ægypti veniat solitudines, paradiso prorsus omnem illum eremum videbit digniorem, & innumerabiles Angelorum cœtus in corporibus fulgere mortalibus. Est enim cernere tota illa regione diffusum exercitum Christi, & admirabilem illum regium gregem, virtutumque coelestium conversationem in terris micantem. Atque hac non in viris solum, verum etiam in fœminis splendere conspicias. Non ita variis astrorum choris cœlum resulget, ut Ægyptus innumeris Monachorum, ac virginum distinguatur, atque illustratur habitaculis.* Quanta est hæc laus? & à quanto viro, quanta verborum majestate profecta? Sed jam B. Augustinum totius occidentis clarissimum lumen audiamus.

Is igitur in libro de moribus Ecclesiæ primo, cap. 31. Monachorum vitam, tum Eremitarum, tum Coenobitarum, Manichæis perfectionem jactantibus objiciens: *Nihil, inquit, de iis dicam, qui secretissimi penitus ab omni hominum conspectu, pane solo, qui eis per certa intervalla temporum affertur, & aqua contenti, desertissimas terras incolunt, perfruentes colloquio Dei, cui puris mentibus inhæserunt, & ejus pulchritudinis contemplatione beatissimi, quæ nisi Sanctorum intellectu percipi non potest; Nihil, inquam, de his loquar; videntur enim nonnullis res humanas plus quàm oporteret, deseruisse, non intelligentibus, quantum nobis eorum animus in orationibus profit, & vita ad exemplum, quorum corpora videre non sumus. Sed hic disputare longum & supervacaneum puto. Nam hoc tam excellens fastigium sanctitatis, cui non sua sponte mirandum, & honorandum videtur, oratione nostra videri qui potest? Sed si hoc excedat nostram tolerantiam, quis non illos miretur, & predicet, qui contemptis atque desertis mundi hujus illecebris, in communem vitam castissimam sanctissimamque congregati, simul atatem agunt, viventes in orationibus, in lectionibus, in disputationibus. Nulla superbia tumidi, nulla pervicacia turbulenti, nulla irvidentia lividi: sed modesti, verecundi, pacati, concordissimam vitam & intensissimam in Deum, gratissimum ipsi munus offerunt, à quo ista posse mernerunt. Nemo quidquam possidet proprium, nemo cuiquam onerosus est. Patres verò non solum sanctissimi moribus, sed etiam divina ac-*

Et rina excellentissimi, nulla superbia consulunt his, quos filios vocant, magna sua in jubendo auctoritate, magna eorum in obtemperando voluntate. Ac demum post alia multa finem faciens, ait: Hos mores, hanc vitam, hunc ordinem, hoc institutum si laudare velim, neque dignè valeo, & vereor, ne judicare videar, per seipsum tantummodo expositum placere non posse, si super narratoris simplicitatem cothurnum etiam laudatoris addendum putarero. Quàm dissimilia sunt hæc verba Catholicorum Patrum iis, quæ ex Luthero & Calvino paulò ante recitavimus? Nimirum, hic fides, ibi perfidia; hic sapientia, ibi stultitia; hic gravitas, ibi furor; hic Deus, ibi Diabolus loquebatur.

Neque verò Deus per voces & scripta solùm Catholicorum Patrum, sed etiam ipse per se sanctitati, atque præstantiæ ordinum Religiosorum testimonium tulit. Quid enim de hoc vitæ genere Deus censeat, testantur in primis divinæ illæ, amplissimæque promissiones, quæ partim in Prophetis, partim in Evangeliiis exstant, quibus (Matth. 19. Mar. 10. Luc. 18. Isaïæ 56.) centuplum in hoc sæculo, sedes honoraria in judicio, locus & nomen in regno cœlorum majus, atque nobilius, quàm filiorum & filiarum sit, hujus disciplinæ cultoribus Dominus pollicetur. Testantur deinde hoc idem divina signa, atque prodigia. Certè enim post Apostolica tempora splendore maximorum signorum, judicio orbis terræ, semper clarissimi habiti sunt magnus Antonius, uterque Macharius, Hilarion, Benedictus, Bernardus, Franciscus, Dominicus. At ii omnes sine contròversia professione Monachi fuerunt.

Quantæ igitur, & quàm projectæ est audaciæ, sanctissima instituta, à Deo ipso, de cœlo signis, atque prodigiis clamante, & approbante, confirmata, adhuc tamen animis obfirmatis contemnere, improbare, rejicere, conspuere, lacerare? Ut interim omittam, quòd hæc ipsa instituta longè ante Helias & Joannes adumbrarunt, Christus consuluit, Apostoli coluerunt, Sancti ferè omnes adamarunt. Exceptis enim sacris Martyribus, rari omnino in numerum Sanctorum relati leguntur, qui ex Monasteriis non prodierint. Ut mihi jam monasticæ vitæ approbatio inter eas notas ac symbola, quibus Ecclesiam Catholicam ab omnium hæreticorum conventiculis internoscimus, atque distinguimus, principem locum tenere, clarissimèque eminere videantur. Quòd sanctus ille Alexandrinæ Ecclesiæ Episcopus Petrus probè intellexit, cum auctore Theodoreto lib. hist. 4. cap. 20. ex eo potissimùm demonstravit, Lucium quemdam non Episcopum, non Catholicum, sed hæreticum, hostem, lupum, & invasorem esse, quòd eum nulli Monachi de more Ecclesiæ sacros Hymnos concinentes, ad solium Pontificale deduxerint. Existimabat enim magnus ille Pontifex, ita partem veræ Ecclesiæ esse ordines Monachorum, ut Episcopus Ecclesiæ haberi non posset, qui secum Monachos habere nolisset.

Quæ cum ita sint, intelligi profectò facilè potest, ita causam Monachorum cum Ecclesiæ causa esse conjunctam, ut nemo unquam Ecclesiæ hostis fuerit, qui non bellum eodem tempore Monachis omnibus indixerit. Quare à nobis mater nostra Ecclesia Catholica petere mihi videtur, ne nos ab hostibus diligentia, studioque vinci patiamur, sed quantum illi dies ac noctes legendo & scribendo laborant, ut aliquod Ecclesiæ, vel ejus partibus ac membris detrimentum afferant, tantum nos opera, & laboris in omnibus Ecclesiæ partibus factis tectisque conservandis collocemus; præsertim cum nos apud Deum clarissima justitiæ, fideique corona, illos poena sola perfidiæ, atque scelerum apud inferos maneat. Nunc ad rem ipsam propiùs accedamus.

Omnis hæc de Monachis Disputatio septem præcipuis capitibus, siue quæstionibus continetur. Quibus quæstionibus una eademque opera explicabuntur nomina, origo, natura, partes, proprietates, & actiones vitæ religiosæ; &
simul

simul ad ea omnia respondebitur, quæ adversarii nostri in Monachis & eorum ordinibus reprehendunt.

Prima igitur quæstio erit de origine, ratione, & varietate Religionum. Nec enim verentur adversarii, asserere, ordines Religiosorum, rem esse recens in Ecclesia investam, & idem esse dicere: Ego sum ordinis B. Augustini, ego Benedicti, ego Dominici, ego Francisci, ac dicere: Ego quidem sum Pauli, ego autem Apollo, ego vero Cephæ: quod Apostolus in Corinthiis gravissimè reprehendit, ut etiam illos propterea seditionis, schismatis, atque hæreseos notare non vereatur.

Secunda quæstio erit de consiliis Evangelicis, quæ sunt quasi bases & fundamenta totius monastici ædificii. Horrent enim hæretici ad vocem consiliorum, & operum supererogationis, tanquam ad ingentem blasphemiam. Id quod necessario faciunt; cum enim arbitrentur ipsi, præcepta divina non posse à quoquam, tametsi justissimo, unquam impleri, non possunt non vehementer mirari, cum nos dicere audiunt, veros Religiosos non solum præcepta, sed etiam consilia adimplere, & plus facere, quam Deus præcepit.

Tertia quæstio erit de votis monasticis. Cum enim adversarii putent, nihil Deo placere, nisi quod ipse fieri jussit, omnia vota, quæ de rebus à Deo non imperatis suscipiuntur, tanquam superstitiosa, & inania reprehendunt. Immò apertè votum continentiae sacrificium idoli Moloch, votum paupertatis meram stultitiam, votum obedientiae summam temeritatem esse volunt.

Quarta quæstio erit de votis, quæ filii invitis parentibus, & conjuges invito altero conjuge, aliquando suscipiunt. Nam cum Deus mandaverit, honorari parentes, & non separari quos Deus conjunxit, graviter nos accusant, quòd filios invitis parentibus Monachos fieri patiamur, & matrimonia, licèt nondum consummata, tamen rata & firma, propter monasticam professionem dissolvamus.

Quinta, de solitudine, & summa vitæ severitate Eremitarum. Eremitas enim adversarii ursos ac misanthropos vocant propter solitudinem: propter eam autem severitatem, qua plurimi eorum numquam cilicium exuebant, solis radicibus vescebantur, humi cubantes somnum brevissimum capiebant: nonnulli etiam integris hebdomadibus jejunabant: alii ferreis catenis se onerabant: quidam in editis columnis perpetuò consistebant; eos omnes execrantur tanquam sui ipsorum homicidas, & illius Apostolici præcepti transgressores: *Habeo honorem corpori*; quo præcepto nullum ipsi religiosius ac sanctius colunt.

Sexta, de habitu & tonsura. Miram enim superstitionem in eo positam esse credunt, quòd Monachi semper idem vestimenti genus, eadem forma, eodem colore, eadem magnitudine gerant, & eodem semper modo, qui sunt ejusdem ordinis, tondantur.

Septima, de opere Monachorum. Existimant enim adversarii, de naturâ & ratione veræ monasticæ professionis esse, ut Monachi omnes labore manuum victum quærant, & idcirco eos omnes, qui id non faciunt, tanquam suæ ipsius professionis corruptores, falsosque ac degeneres Monachos arguunt, & malum & illicitum esse docent, tam sponte sua ad mendacitatem devenire, quam mendicatione victum colligere.

Scripserunt de hoc argumento S. Joannes Chrysostomus in tribus libris contra vituperatores vitæ monasticæ; Joannes Cassianus in libris de institutis Cœnobiorum; Albertus Magnus in defensorio mendicantium; B. Thomas in opusculo 19. quod est contra impugnantes religionem; B. Bonaventura in Apologia pauperum, & libro de paupertate Christi; Thomas Waldensis lib. 3. & 4. de doctrina fidei, & de sacramentalibus, tit. 9. Albertus Pighius controver-

fla 14. Alphonfus Virvesius Philippica 20. Alphonfus à Castro in libris contra hæreses, verbo Mendicitas, verbo Monachus, & verbo Votum; Joannes Bunderius in suo Compendio concertationum, titulo 34. Conradus Koellim in everfione Epithalamii Lutherani; Joannes à Daventria in refutatione Confessionis Auguftanæ; Joannes Eckius in Enchiridio, & in conclusionibus de votis; Franciscus Orantius lib. 5. de locis Catholicis; Gaspar Schatzgerus lib. 1. cap. ult. & lib. 2. cap. 1. fuarum Controversiarum; Joannes Hoffmeisterus contra art. 27. Confessionis Auguftanæ; Jacobus Latomus libro de Monachorum institutis & votis; Joannes Cochlaeus libro de votis, & in discussione artic. 27. Confessionis Auguftanæ; Jodocus Cliftovæus lib. 3. Antilutheri; Alanus Copus Dialogo 2. Matthæus Galenus de origine Monastices; Richardus Coenomannus in antidoto ad censuram Erasmi in regulam S. Auguftini; Franciscus Turrianus libris duobus de votis monasticis; Guglielmus Lindanus lib. 4. cap. 98. Panopliæ.

CAPUT PRIMUM.

De nomine Monastices.



Explicatur igitur primo loco naturam, partitionem, atque ortum Religionum, & simul hæreticorum mendacia, & calumnias refutaturus, à nomine, ut par est, exordiar. Nomina apud Græcos quinque inveniuntur. Vocant enim professorem huius vitæ

θεραπευτήν, ἀσκητήν, ἱερέα, φιλόσοφον, μοναχόν: Latini retinuerunt ultimum Græcum vocabulum, & addiderunt regularem, & religiosum. θεραπευτής significat cultorem. Utitur hoc nomine Dionysius, cap. 6. Ecclesiasticæ hierarchiæ, ubi dicit ab Apostolis fuisse Monachos vocatos θεραπευτάς, eò quòd ipsi purè præter cæteros Deum colant. Utitur eodem nomine Philo initio libri de vita contemplativa supplicum, ubi dicit, eos vocari θεραπευτάς, vel quòd Deum diligentissimè colant, vel quòd animas suas colant, & curent à morbis vitiorum; nam θεραπευτής significat & cultorem & medicum. ἀσκητής significat pugilem sive exercitorem, quo nomine passim utitur Basiliius, qui etiam sermones suos de rebus monasticis vocat asceticos. Dicuntur autem Monachi pugiles, vel exercitatores, quia totum eorum officium deberet esse virtutum palæstra, cum alii homines exerceant se in bello, in mercatura &c. ἱερέα supplicem significat, quo nomine utitur Philo, qui librum de vita Monachorum sui temporis, inscripsit de vita contemplativa supplicum. Dicuntur autem supplices à præcipuo munere, quod est orare, & laudare Deum.

Philosophi dicuntur Monachi passim à Chrysostomo in libris contra vituperatores vitæ monasticæ, & à Nilo, qui librum suum de monastice, inscripsit de Christiana Philosophia. Dicuntur autem Monachi Philosophi, ut Nilus indicat, quia eum locum tenent apud Christianos, quem Philosophi apud Ethnicos. Philosophi enim dicebantur apud Ethnicos, homines quidam severi contemptores rerum temporalium, & toti sapientiæ studio dediti. Nomen Monachi frequentissimum est apud omnes Patres Græcos & Latinos. Quid autem significet, non eodem modo explicatur ab omnibus.

B. Hieronymus in epist. ad Heliodorum, videtur

A velle nomen Monachi propriissimè convenire eremitis, qui soli habitabant: Interpretare, inquit, vocabulum Monachi, hoc est, tuum; quid facis in turba, qui solus es? At non ita esse, tum ex eo cognosci potest, quod eremitæ coeperunt à Paulo primo eremita, ipso Hieronymo auctore in ejus vita. Nomen autem Monachi invenitur apud Dionysium Areopagitam, qui ferè 300. annis Paulum primum eremitam antecessit, tum ex eo, quòd omnes veteres, & ipse etiam Hieronymus in epist. ad Eustochium de servanda virginitate nomen Monachi tam eremitis, quàm cœnobitis volunt esse commune.

B. Augustinus in Psalm. 133. exponens illud: Ecce quàm bonum & quàm jucundum habitare fratres in unum; dicit hoc dulcissimum canticum excitasse homines, & de secularibus Monachos fecisse, nihilque aliud significare Monachum, quàm hominem in tali unitate, & communitate cum aliis ejusdem instituti viventem, ut cum illis omnibus unum eor habeat, & unum, ac solum hominem faciat. Secundum quam significationem nomen Monachi solis cœnobitis conveniret. At verissima explicatio huius nominis est apud Cassianum & Dionysium. Scribit enim Cassianus collat. 18. Abbatis Pyramonis, cap. 3. inde Monachos dictos, quod à conjugis abstinerent, & à parentum se consortio, ac mundi huius conversatione secernerent, ut nimirum soli Deo per contemplationem inhaererent. Quod idem tradit Dionysius cap. 6. Ecclesiasticæ hierarchiæ, ubi dicit, Monachos appellari, quod rebus divisibilibus relictis, Monadi, id est, Divinitati soli placere contenderent.

C Ex quo sequitur, propriè Monachos non esse, nisi eos religiosos, qui soli vitæ contemplativæ dant operam, quales sunt Cassinenses, Cistercienses, Carthusiani, Camaldulenses, atque alii id genus. Quod intelligentes S. Thomas, S. Bonaventura, & alii Doctores posteriores, non vocant Monachos, Dominicanos & Franciscanos, & similes, qui non soli contemplationi insistant, sed in actione versantur, juvantes Episcopos & Clericos in concionibus, & Sacramentis, sed regulares, vel religiosos appellant. Regulares quidem, quòd certæ regulæ vivendi additi sint, quo nomine passim utuntur Concilia. Religiosos autem, quòd se totos Dei obsequio mancipaverint, ut rectè explicat B. Thomas 2. 2. quæst. 186. artic. 1. Religio enim est virtus, qua Deo debitum cultum exhibemus. Quare sicut omnes probi Christiani dici possunt religiosi, si Deo serviant, ut eorum vocatio requirit: ita illi per antonomasiam dicuntur religiosi, qui nulli rei serviunt, nisi Deo. Et licet hoc nomen videatur novum, tamen revera est

omnium

omnium antiquissimum; respondet enim propriè illi Græco, *ὑπακουή*, quo Dionysium, & Philonem ufos fuisse docuimus. Hæc de nomine.

C A P U T II.

De natura, sive definitione Religionis.

Quamvis ad rem attinet, Religio, ut hic à nobis accipitur, sic definiri potest: Religio status est hominum ad perfectionem Christianam per paupertatis, continentiae, & obedientiae vota tendentium.

Sunt autem hoc loco annotanda quædam. Primum illud est, veram perfectionem in charitate consistere; perfectio enim uniuscujusque rei in eo posita est, ut fini suo ultimo quàm artissimè conjungatur. Finis autem hominis Deus est, charitas verò maxime unit hominem cum Deo, juxta illud 1. Joan. 4. *Qui manet in charitate, in Deo manet, & Deus in eo.* Et Coloss. 3. *Charitas est vinculum perfectionis*, idest vinculum, quod ligans hominem cum Deo, hominem reddit perfectum: vel (ut Chrysostomus exponit) vinculum quod ligans, & continens in homine omnes virtutes, hominem reddit perfectum. Ut enim spiritus humanus ligat, & continet omnes humores, & partes alioqui dilapsuras, ita Spiritus sanctus inhabitans corda nostra per charitatem continet omnes virtutes alioqui facile dilapsuras. Quod etiam idem Apostolus ostendit, cum ait 1. Cor. 13. *Charitas patiens est, benigna est, & quæ sequuntur.*

Itaque Irenæus lib. 5. ante med. exponens illud Apostoli 1. Thessal. ult. *Ut integer spiritus vester, & anima, & corpus conservetur*, dicit hominem perfectum tribus constare, corpore, anima, & Spiritu Sancto inhabitante per charitatem. Ut enim si desit ei corpus, vel anima, erit imperfectus in genere naturæ: ita si desit charitas, erit imperfectus in genere moris. Quo modo locum illum Pauli intelligunt etiam ferè omnes Græci, Chrysostomus, Theodoretus, Oecumenius, Theophylactus, & cum eis Hieronymus in epist. ad Hedibiam, quæst. ult. Denique quod charitas sit Christiana perfectio ex eo patet, quod ad eam omnia referuntur. Matth. 22. *In his duobus mandatis unversa lex &c.* 1. Timoth. 1. *Finis præcepti charitas.*

Nota secundò, ex B. Thoma in opusc. de perfectione, quatuor esse gradus charitatis, proinde etiam quatuor esse gradus perfectionis; dicitur enim perfectum id, cui nihil deest in ordine ad aliquem finem. Quare, non repugnat aliquid esse perfectum, & imperfectum, si comparatur ad diversos gradus, seu etiam fines.

Primus gradus est Charitatis diligere Deum quantum est diligibilis, idest, infinito amore. Qui gradus soli Deo convenit, & ideo solus Deus in ordine ad istum gradum perfectus est. Angeli, & omnes Sancti sunt imperfecti. Quamquam hæc imperfectio non est propriè dicenda privatio, aut vitium, sed pura quædam negatio.

Secundus gradus est, diligere Deum, non quantum est diligibilis, sed quantum potest creatura diligere, ita ut semper actu de Deo cogitet, & sine intermissione in eum per affectum feratur, & ne primos quidem motus cupiditatis sentiat contra Deum. In hoc gradu versantur beati, quorum comparatione omnes alii sunt imperfecti. Quare Phil. 3. Apostolus, qui dixerat: *Quicumque perfecti sumus, hoc sentimus.* Idem ait: *Non quòd jam acceperim, aut jam perfectus sim.*

Tertius gradus est, diligere Deum, non quantum est diligibilis, nec quantum potest creatura quælibet

A absolute diligere, sed quantum potest creatura mortalis, quæ à se removet omnia divini amoris impedimenta, & totam se Dei obsequio consecravit. Qui in hoc gradu versantur, imperfecti sunt respectu beatorum, sed perfecti respectu aliorum hominum, etiam iustorum & piorum. Et hæc est perfectio, de qua loquuntur Theologi, cum dicunt, statum Episcoporum esse statum perfectionis adeptæ, & statum religiosorum esse statum perfectionis acquirendæ. Hoc enim interest inter Episcopos & religiosos, quod religiosi non tenentur continuò esse perfecti, sed tantum aspirare ad perfectionem. Versantur enim in exercitatione virtutis, & remotione impedimentorum. At Episcopi deberent esse perfecti, idest, ad eum gradum charitatis pervenisse, ad quem religiosi per sua vota, & exercitia tendunt. Propterea in definitione diximus, religionem esse statum hominum ad perfectionem tendentium.

B Quartus gradus est, diligere Deum, non quantum est diligibilis, non quantum potest creatura vel absolute, vel in hac vita diligere, sed tamen ita, ut nihil æquè, aut magis, quam Deum diligat, idest, nihil admittat contrarium divinæ dilectioni. Et hic gradus præceptus est omnibus, & quædam habet perfectionem, licet respectu superiorum sit imperfectus. Unde 1. Joan. 2. dicitur: *Qui servat verbum ejus, verè in hoc charitas Dei perfecta est.* Et tamen Matth. 19. Dominus ei, qui dicebat se omnia præcepta servasse, ait: *Si vis perfectus esse, vade, vende omnia &c.* Loquitur enim Joannes de isto quarto gradu: Dominus autem de tertio, de quo nos in definitione religionis, & in tota hac disputatione agemus.

C Nota tertio, instrumenta aptissima, atque utilissima ad hanc perfectionem acquirendam, esse illas tres virtutes, paupertatem, continentiam, & obedientiam; nam ut quis perfectè Deum diligat, debet & se totum Deo tradere, & omnia impedimenta removere. Utrumque consequimur per has virtutes. Tradimus enim Deo nos totos, quando tradimus animum, corpus, & res externas; nihil enim habemus aliud. Tradimus autem animum per obedientiam, corpus per continentiam, res externas per paupertatem. Item per has virtutes removentur omnia impedimenta divini amoris: *Radix enim omnium malorum est cupiditas*, 1. Tim. 6. quemadmodum: *Radix omnium bonorum est charitas*, ut Augustinus adjungit serm. 12. de verbis Domini.

D Omnis autem mala cupiditas ad tria capita revocatur, ad luxuriam, avaritiam, superbiam: quod & auctoritate, & ratione probatur. Nam 1. Joan. 2. dicitur: *Quidquid est in Mundo, aut est concupiscentia carnis, aut concupiscentia oculorum, aut superbia vite.* Ratione, quia in homine duplex est appetitus, concupiscibilis & irascibilis, ille appetit bonum absolute, iste bonum arduum. Rursum ille prior duplex est, naturalis & animalis.

E Naturalis appetit ea bona, quæ sunt necessaria ad naturam conservandam tam in individuo, ut cibum & potum, quàm in specie, ut actum generationis. Qui appetitus cum est inordinatus, dicitur incontinentia, & à Joanne concupiscentia carnis. Animalis appetitus dicitur ille, quo appetimus ea, quæ sunt bona secundum existimationem, ut pecunias, vestes, lapides pretiosos & similia, quæ non appetuntur à bestis, quibus non inest appetitus nisi naturalis, & hic appetitus cum est inordinatus, dicitur avaritia, vel curiositas, & à Joanne concupiscentia oculorum.

Denique appetitus irascibilis appetit excellentiam quæ apprehenditur ut res maxime ardua, & cum est inordinatus, dicitur à Joanne superbia vite. Hos igitur tres fontes impedimentorum obstruunt tres illæ

virtutes, concupiscentiam carnis continentia, concupiscentiam oculorum paupertas, superbiam vitæ obedientia.

Nota quartò, non sufficere ad religionem has tres virtutes, nisi accedat votum, idest, sacra promissio Deo facta, qua quis obstringat se perpetuò ita victurum. Religio enim est status quidam: status autem significat rem immobilem & perpetuam. Quare fieri poterit, ut aliquis sit perfectus, & tamen non sit in statu perfectionis, quemadmodum è contrario non raro accidit, ut multi tam Episcopi, quàm religiosi sint in statu perfectionis, & non sint perfecti. Ex his poterit tota definitio satis intelligi.

CAPUT III.

De variis Ordinibus Religiosorum.

Quantum ad tertium, veteres duo tantum agnoscunt genera religiosorum; unum Anachoretarum, sive Eremitarum; alterum Coenobitarum. Ita enim docet Hieronymus in epist. ad Eustoch. de Virginitate, Augustin. lib. 1. de moribus Ecclesiæ cap. 31. & Cassianus collat. 18. cap. 4. Itaque errat Isidorus lib. 2. de divinis officiis cap. 15. ubi tria facit genera Monachorum, Eremitas, Anachoretas, Coenobitas; nam iidem sunt anachoretæ & eremitæ.

Addit quidem Hieronymus tertium genus, & Cassianus tertium & quartum, sed illa non sunt verè genera religiosorum, sed quædam relaxationes & corruptiones religionum. Nam tertium genus vocant eorum, qui in coenobiis vivunt, sed adhuc aliquas proprias retinent facultates, nec in omnibus obtemperant præpositis; quæ sine dubio est corruptio vitæ coenobiticæ. Quartum genus vocant eorum, qui ex monasteriis ad eremum transeunt, non ut sanctiis, sed ut liberiis vivant, nimirum excusso iugo superiorum, & legum coenobiticarum, quæ est corruptio vitæ eremiticæ. Quare ista duo à Patribus vocantur deterrima genera Monachorum. Possumus nos cum B. Thoma, & Scholasticis paulò plenius & subtilius explicare formas, & genera religionum juxta fines, ad quos instituuntur. Omnis igitur religio ad perfectionem charitatis refertur, ut dictum est.

Possumus autem tribus modis Deum diligere, eique servire: Uno modo, per contemplationem ipsum Deum in se diligendo, eique inhærendo: Alio modo, per actionem Deo in membris ejus serviendo, ut alendo pauperes, suscipiendo peregrinos &c. Tertio modo, per utrumque simul Deo obsequium præstando, idest, per contemplationem, quæ in actionem prodeat, sive per actionem, quæ necessario requirat contemplationem. Quod faciunt, qui concionibus, & Sacramentorum administratione populo serviunt.

Juxta hos fines tria sunt genera religionum. Unum earum, quæ profitentur vitam contemplativam solum, quod genus in multas formas dividi potest juxta varias constitutiones & regulas, quas sequuntur. Alii enim sequuntur instituta S. Antonii, alii S. Pachomii, alii S. Basilii, alii S. Benedicti, alii S. Romualdi, alii S. Brunonis &c.

Alterum genus est earum religionum, quæ profitentur vitam activam, quod in tot formas dividitur, quot sunt opera charitatis. Quidam enim militando, atque Ecclesiam armis protegendo serviunt Deo. Quales sunt equites Hierosolymitani, S. Jacobi, S. Joannis, & alii quidam ægrotos curando in Xenodochiis, quidam mortuos sepeliendo, & alii aliis rationibus dum in proximos benevolentiam ostendunt, Deo gratum obsequium præstant.

A) Tertium genus est eorum, qui profitentur vitam mixtam, quod etiam in varias formas dividitur juxta varias eorum institutiones. Quidam enim sequuntur regulam S. Augustini, quidam S. Dominici, quidam S. Francisci &c.

B) Quod autem hæc ordinum varietas fuerit, in usu in veteri Ecclesia, & utilissima sit, facile probari potest. Nam, ut ex Hieronymo, Augustino, Cassiano locis notatis patet, semper fuerunt tam eremitæ, quàm coenobitæ, qui vitam contemplativam profiterentur. Quod etiam fuerint, qui vitam activam exercerent, patet ex Cassiano collat. 14. quæ est prima Abbatis Nestoris cap. 4. ubi dicit, ex religiosis sui temporis alios dedisse operam contemplationi, alios curando Xenodochio, alios alendis pauperibus, alios miserorum suscipiendo patrocinio &c. Quod denique fuerint, qui vitam mixtam sequerentur, perspicuum est tum ex eodem Cassiano ibidem, ubi dicit, quosdam etiam religiosos dedisse operam instruendis & docendis imperitis, tum ex B. Augustino, qui in duobus sermonibus de communi vita Clericorum asserit, se instituisse in suo Episcopatu religionem regularium Clericorum.

C) Quod autem in his tribus generibus religionum multæ essent diversitates, juxta varias observationes, & ritus vivendi, docet Epiphanius in fine librorum contra hæreses, ubi dicit, quosdam religiosos ex instituto sui ordinis abstinuisse à carnibus, alios etiam ab ovis, alios etiam à piscibus, alios etiam à pane. Rursum, quosdam nudis pedibus ambulasse, alios saccum interius gestasse, alios humi cubasse &c.

D) Jam verò quod hæc varietas institutorum in eadem fidei consensione nihil obsit Christianæ religioni, sed potius valde prosit, hinc intelligi potest, quod hæc ratione provisum est omni hominum generi, ut nemo sit, qui velit ad perfectionem tendere, & non possit. Varia enim sunt hominum ingenia, varæ propensiones, nec pares omnibus vires. Unus diligit solitudinem, alius gaudet frequentia; unus libenter orat, alius libentius legit, vel operatur &c. Si ergo omnis religio requireret solitudinem, vel omnis communionem & frequentiam, aut si omnis religio abstinere à carnibus indiceret, vel nulla indiceret &c. pauci admodum religiosi esse possent. Nunc autem in tanta varietate religionum potest omnibus satisfieri.

E) Altera ratio esse potest, quia cum omnis ordo initio serveat, ac multos homines excitet ad pietatem; paulatim autem postea fervorem illum remittat, Deus subinde novos ordines excitando, quasi perpetuò fervorem in Ecclesia sua nunc per hos, nunc per illos conservat. Certè si quis legat vitam, & res gestas sanctorum Antonii, Benedicti, Bernardi, Brunonis, Francisci, Dominici, & aliorum, qui aut novos ordines instituerunt, aut veteres jam penè collapsos restituerunt, is fatebitur esse verissimum, quod diximus de mirifico ardore in studium pietatis, & multorum hominum conversione à peccatis ad Deum per novos ordines religiosos.

CAPUT IV.

De confirmatione Religionum.

Oritur hoc loco brevis quædam dubitatio, an religionum institutio libera sit, an verò egeat summi Pontificis confirmatione, sed facilis est solutio. Duo siquidem in omni religione inveniuntur, essentia ipsa religionis, quæ in tribus votis sita est, & determinatio illius essentiæ ad certum modum vivendi.

vendi. Et quidem essentia religionum in Evangelio fundamentum habet, ut paulò post demonstraturi sumus: proinde ex hac parte non egent religiones Pontificum approbatione. Modus autem ille varius, quo tria vota suscipi possunt, non ita perspicuè in Evangelio elucet, & non parum ex prudentia, & directione humana pendet. Quare Pontificis confirmatione indigere potest, & nunc re ipsa, propter jus positivum novas religiones prohibens, omnino indiget. Itaque Antonius, Basilus, Augustinus, Benedictus, auctores religionum fuerunt, nec ullam leguntur à Pontifice approbationem quaesivisse, propterea quod nondum existeret jus Ecclesiasticum id præcipiens. Condendi autem novi juris hæc fuit occasio.

Ad annum Domini circiter 1170. pauperes de Lugduno ordinem quemdam religiosum instituerunt, sed multis admixtis superstitionibus, & hæresibus. Quocirca à Lucio III. Alexandri III. successore hæreseos damnati fuerunt, & secta eorum reprobata, ut scribit Abbas Urspergensis in Chronico anni 1212. Illi verò postmodum, idest, tempore Innocentii III. sedem Apostolicam adeuntes diu institerunt, ut idem auctor ait, ut reconciliarentur, & religio ipsorum confirmaretur, nec tamen impetrarunt.

Inde igitur factum est, ut B. Franciscus, & B. Dominicus volentes similiter novos ordines instituere, & metuentes, ne sibi accideret, quod videbant accidisse Waldensibus, noluerunt confidere suo iudicio, sed à Pontifice confirmationem petiverunt, & impetraverunt. Paulò autem post in Concilio Lateranensi generali considerans Innocentius III. periculum, quod imminere Ecclesiæ, si unicuique liceret novam religionem excogitare, prohibuit, ne deinceps ullus novus ordo institueretur, nimirum sine approbatione Apostolicæ Sedis, ut habemus cap. fin. de Relig. dom. Quod decretum renovavit Gregorius X. in Concilio Lugdunensi, ut habemus cap. Unico, de Relig. dom. in 6. Atque hunc coepit esse necessarium, quod antea erat liberum.

CAPUT V.

De origine Religionum.

Quod ad quartum attinet de origine, adversarii tria docent. Primò, religiones incoepisse demum quarto sæculo, idest, post annum Christi 300. primosque auctores fuisse Antonium, Macharium, & similes. Ita docent Magdeburgenses Centur. 4. c. 6. col. 464. *Capit*, inquit, *hoc sæculo primum monasteria &c.* Idem repetunt sæpissimè.

Secundò, religiones coepisse partim casu, partim errore, partim prava imitatione. Centur. 4. cap. 6. col. 470. dicunt Magdeburgenses, non sponte sua ad solitudinem concessisse primos eremitas, sed casu quodam, nimirum, ut fugerent persecutionem. Id, quod scribit de Paulo primo eremita B. Hieronymus in eius vita, & Sozomenus lib. 1. cap. 13. idem autem Magdeburgenses Cent. 5. cap. 6. col. 700. *Cepit*, inquit, *monachatus partim obscuracione doctrinae de justificatione, & veris cultibus Dei, partim ex prava emulacione Effensorum.*

Tertio, addunt Philippus in Apologia pro art. 27. Confessionis Augustanæ, & Calvinus lib. 4. Instit. cap. 13. §. 10. fuisse quidem apud veteres quarti & quinti sæculi aliquos Monachos, sed eos, qui nunc sunt, nihil cum illis habere commune, & ideo verè dici posse, monachatum, qualis nunc est, rem novam, & recentem esse.

Nos ergo primò ostendemus religiosam vitam diu

ante quartum sæculum incoepisse. Secundò, originem ejus non fuisse casum, vel errorem, vel pravam imitationem, sed perfectionis desiderium. Tertio, religiones, quæ nunc sunt, easdem esse quoad essentiam cum iis, quæ erant temporibus antiquissimis. Dicimus itaque primum vitam religiosam adeo esse antiquam, ut quædam ejus adumbratio fuerit in lege naturæ ante diluvium: major quædam expressio in lege Moysis: perfectio autem Apostolorum tempore.

Habemus in primis Genes. 4. de Enos: *Isse cepit invocare nomen Domini.* Ex quo loco colligunt auctores, hunc Enos instituisse peculiarem aliquem cultum, & sublimiorem, quàm esset religio vulgi: nam ante Enos certè etiam Adam, & Abel, & Seth Deum invocaverunt: & tamen iste dicitur primus coepisse invocare nomen Domini. Vide de hac re Waldensem lib. 3. doctr. fidei, art. 1. cap. 1.

Habemus deinde Num. 6. vota Nazæorum, qui seiplos Domino consecrabant; ad quorum exemplum etiam in Ecclesia quosdam seiplos totos divino cultui devovere scribit Origenes hom. 11. in Levitic.

Habemus deinde in eodem Testamento veteri, Heliam & Helisæum, ac filios Prophetarum sine uxoribus, & divitiis in hoc mundo vixisse. De quibus B. Hieronymus in epistola ad Rusticum, quæ est ordine quarta: *Filii Prophetarum*, inquit, *quos Monachos in veteri Testamento legimus, adificabant sibi casulas, propè fluentia Jordanis, & turbis urbium derelictis, potentia, & herbis agrestibus victitabant.* Et epist. 13. ad Paulinum, de Monachis loquens: *Noster princeps*, inquit, *Helias, noster Helisæus, nostri duces filii Prophetarum, qui habitabant in agris, & solitudinibus, & faciebant sibi tabernacula propè fluentia Jordanis.*

Habemus etiam Hierem. 35. insignem commendationem nepotum Rechab, qui cum eis pater, sive avus præcepisset, ut domos non ædificarent, agros non seminarent, vineas non plantarent, vinum nunquam biberent, vitam durissimam quasi extra mundum agerent, omnia diligentissimè observarunt. Quos etiam Monachorum nostrorum figuram gessisse scribit Hieronymus in eadem ad Paulinum epistola.

Denique Joannem Baptistam Monachorum, & eremitarum principem fuisse, scribunt serè omnes Patres. Nazianzenus orat. in Basilium, S. Basilium, quia Monachus fuerat, cum Joanne Baptista comparat. Chrysostomus hom. 1. in Marcum, *Sicut*, inquit, *Sacerdotum principes sunt Apostoli, sic Monachorum princeps Joannes Baptista est.* Hieronymus ad Eustochium de servanda virginitate, de eremitis disserens: *Hujus vita*, inquit, *auctor Paulus, illustrator Antonius, & ut ad superiora conscendam, princeps Joannes Baptista.* Idem docent Cassianus collat. 18. cap. 6. Sozomenus lib. 1. hist. cap. 12. Isidorus lib. 2. de divinis officiis cap. 15. & B. Bernardus serm. de excellentia Joannis Baptistæ.

Veniamus ad novum testamentum, & ostendemus ante annum 300. fuisse Monachos in Ecclesia. Primum id probatur ex Athanasio in vita B. Antonii, ubi Athanasius docet, ante Antonium non fuisse quidem eremitas, sed tamen Monachos fuisse, qui in agris, civitatibus vicinis, monasteria sua constituebant: & Antonium, cum is Monachus fieri vellet, ad senem quemdam accessisse, qui ab incuntee ætate monasticen exercuerat. Ex quo sequitur & B. Antonium non fuisse primum Monachum, & ante annum Domini 300. fuisse Monachos; nam Antonius floruit initio IV. sæculi; anno enim 300. erat annorum 40. ut colligitur ex Chronico Hieronymi,

& tamen ipso adolescente inveniebantur multi Monachi senes.

Quoniam autem Magdeburgenses Cent. 4. cap. 10. col. 1306. subdubitant, an hæc vita sit ab Athanasio scripta, facile id probari potest: Nam scripsisse Athanasium vitam Antonii, testantur Nazianzenus, in Athanasio, Hieronymus de viris illustribus in Antonio, in Evagrio, & in Athanasio, Rufinus lib. 1. hist. cap. 8. Augustinus lib. 8. Confess. cap. 6. Paulinus in vita Ambrosii, Palladius in historia Lausiaca, cap. 8. & Socrates lib. 4. c. 18. Quod autem hæc ipsa, quam habemus, sit illa ipsa Athanasii, patet ex eo, quod est revera insigne volumen, ut Hieronymus dicit fuisse librum illum Athanasii; Item continet plurima illa miracula, quorum meminit Augustinus. Præterea recenset historiam illam de anima Ammonis, quam Palladius, & Socrates ex libro Athanasii de vita Antonii referunt. Denique nihil in contrarium asserunt Centuriatores, nisi iudicium suum, stultum autem est sine ulla ratione, vel conjectura, vel auctoritate id in controversiam vocare, de quo nemo dubitat.

Probatum secundò ex Damaso, qui in vita Dionysii Papæ scribit, hunc ipsum Dionysium ex Monacho ad Pontificatum assumptum fuisse. Constat autem ex Chronico Eusebii, Dionysium Romæ sedisse anno Domini 266. non ergo Monachi coeperunt post annum Domini 300.

Tertiò probatur ex Cypriano & Tertulliano, qui etiam antiquiores Dionysio Papa fuerunt. Scribit enim Tertullianus librum de velandis virginibus, & Cyprianus Tertullianum sequutus scribit librum ejusdem argumenti, quem de habitu virginum inscripsit. Uterque autem loquitur de virginibus religiosis, & per solemnem professionem Deo consecratis. Nam Tertullianus distinguit in eo lib. inter virgines mundi, idest, seculares, & virgines Dei, idest, sanctimonialiales, de quibus ait: *O sacrilega manus, qua dictatum Deo habitum detrahere potuerunt! Quid peius aliquis persecutor fecisset, si hoc à virgine electum cognovisset?* Et infra, eas alloquens: *Nupisti, inquit, Christo, illi tradidisti carnem tuam &c.* Similia habet Cyprianus.

Quartò, probatur ex Dionysio Areopagita, Tertulliano antiquiore; is enim epistolam scribit ad Demophilum Monachum, & libro de Eccles. hierarch. cap. 6. prolixè explicat monasticæ professionis formam.

Fatentur Magdeburgenses verè de Monachis scribere auctorem ejus libri, sed eum negant esse Dionysium Pauli Apostoli discipulum, Centur. 1. lib. 2. cap. 10. colum. 624. quod idem negant Laurentius Valla, & Erasmus in annotat. ad cap. 17. Act. Item Lutherus, Calvinus, & omnes hæretici. At opera ista nomine Dionysii citant tres veteres Pontifices, Gregorius I. hom. 34. in Evangelia, Martinus I. in Concilio Romano, & Agatho in epistola ad Imperatorem Constantinum IV. Item Nicolaus Papa I. in epistola ad Michaellem Imperatorem citat epistolam S. Dionysii Areopagitæ, ad Demophilum Monachum. Item duo generalia Concilia VI. actor. 4. & VII. canon. 2. Præterea Doctores plurimi, ut S. Maximus, qui annotationes scripsit in Dionysium, Sophronius Patriarcha Hierosolymæ in oratione pulcherrima, quæ habetur act. 11. sextæ Synodi, Damascenus lib. 1. cap. 12. de fide, Euthymius Panopolitæ part. 1. tit. 2. Anastasius Bibliothecarius in epistola ad Carolum Calvum, Hilduinus in epistola ad Ludovicum Pium, & alii posteriores omnes. Non est autem ullo modo verisimile tot Patres non potuisse videre id, quod nunc Valla, & Erasmus vidisse se dicunt.

Controv. Card. Bellarm. Tom. II.

A Deinde sic possumus ratiocinari: Auctor horum librorum non potest esse recentior, quàm sit B. Gregorius, ut notum est, cum à Gregorio ipso citetur. Rursum non potest esse recentior, quàm sit Hieronymus: Nam Gregorius cum citans vocat antiquum, & venerabilem patrem, non autem vocaret antiquum hominem, suo sæculo proximum. Non potest etiam floruisse paulò antè Hieronymum, idest, IV. sæculo: Nam sine dubio tunc Hieronymus posuisset eum inter scriptores Ecclesiasticos; non enim potuisset ignorare scriptorem, qui sua memoria extitisset. Et præterea notus fuisset eadem ratione Ambrosio, Augustino, Chrysostomo, aliisque Patribus, quibus tamen incognitus fuit, quantum ex eorum operibus colligi potest. Quare necesse est, ut Anastasius dicit, auctorem esse antiquissimum, & suppressum fuisse ab hæreticis, ac tandem Romæ repertum fuisse tempore Beati Gregorii, vel paulò ante.

B Ex quo solvitur argumentum Vallæ, Erasmi, & Centuriatorum, qui hoc utuntur tanquam præcipuo argumento, quod Ambrosius, Chrysostomus, Augustinus, & maximè Hieronymus nunquam citent hos libros. Hoc enim argumentum eorum nobis maximè favet: Nam cum isti Patres non citent hæc opera, signum est auctorem hunc non extitisse ipsorum tempore, & cum constet ex Gregorio eum non esse illis posteriorem, sequitur necessariò esse longè antiquiorem. Unde etiam Valla testatur, plurimos viros doctissimos sensisse hæc opera non esse quidem Dionysii Areopagitæ, sed tamen auctoris ferè æquè antiqui, nimirum Apollinaris Hierapolitæ, vel, ut alii volunt, Dionysii Corinthii, quorum uterque floruit anno Domini 174. ut Eusebius testatur in Chronico. Hoc autem etiam non est verum, tamen nobis sufficit ad asserendam antiquitatem monasticæ.

C Quintò probatur ex Philone Judæo, qui etiam Dionysio Areopagita fuit antiquior. Philo igitur in lib. de vita contemplativa supplicum, prolixè admodum describit vitam, & mores Monachorum, & sacrarum virginum, quos instituit in Ægypto S. Marcus Evangelista, ubi apertè ponit professionem continentis, & paupertatis, jejuniorum, psalmodiæ &c.

D Magdeburgenses Centur. 1. lib. 2. cap. 3. pag. 18. fatentur Philonem hæc scripsisse, sed eum non esse loquutum de Christianis, sed de Essenis, quæ erat secta Judæorum omnino similis nostris religionibus. Hoc autem non probant alia ratione, nisi quia nondum Christiani talia exercitia habuerunt. Quod si eis obijciamus, hoc esse petere principium, respondebunt, ut solent, nos agere sophistas.

E Probemus igitur breviter non dialectica ratiocinatione, sed testimoniis Patrum, Philonem de Christianis esse loquutum. In primis Eusebius lib. 2. hist. cap. 16. dicit Philonem Romæ S. Petrum vidisse, atque ejus adhæsisse colloquiis, verbum Dei prædicantis, & eorum vitam, qui in monasteriis degunt, luculenter scripsisse. Item Epiphanius hæretici 29. quæ est Nazaræorum, de hoc libro Philonis loquens: *Monasteria ipsorum, inquit, in vicinia circa Mariam paludem recensens, non de aliis narratis, quàm de Christianis.*

Præterea Hieronymus de vir. illustr. in Philone, posteaquam docuit Philonem de Christianis esse loquutum, subiungit: *Ex quo apparet, inquit, talem primam Christo credentium fuisse Ecclesiam, quales nunc Monachi esse nituntur, & cupiunt.* Præterea Cassianus lib. 2. c. 5. de institutis coenobiorum asserit, à S. Marco Ægyptios Monachos accepisse primam vivendi

M nor-

normam. Id quod non potest Cassianus didicisse, nisi ex hoc libro Philonis. Idem asserunt disertis verbis; Beda Prologo in Marcum, Sozomenus lib. 1. cap. 12. & Nicephorus lib. 2. cap. 15.

Dicit fortassis aliquis, similia narrat de Essenis Josephus lib. 2. de bello Judaico cap. 7. & lib. 18. antiq. cap. 2. iis, quæ narrat Philo. Constat autem Josephum de Judæis loqui, cum affirmet tres esse Judæorum sectas, Phariseorum, Sadduceorum, Essenorum.

Respondeo, duas esse de loco isto Josephi opiniones. Quidam enim asserunt non loqui de eisdem Josephum & Philonem. Nam Josephus lib. 18. antiq. cap. 2. asserit Essenorum sectam antiquam apud Judæos fuisse: Philo autem indicat se loqui de disciplina suo tempore exorta. Præterea multa tribuuntur Essenis à Josepho, quæ sunt manifestè erroneæ & supersticiosa, quorum nihil tribuit Philo suis therapeuticis. Unde S. Nilus initio Asceticorum suorum, asserit Essenos (de quibus videlicet Josephus loquitur) habuisse quidem mores similes moribus Monachorum, sed quia fide in Christum caruerunt, nihil eis profuisse sanctos mores.

Alii docent tam Philonem, quam Josephum de Christianis loqui, quibus favere videtur B. Hieronymus in epist. ad Eustochium de servanda virginitate, ubi de Monachis loquens: *Tales, inquit, Philo, Platonicus sermonis imitator, tales Josephus, Græci Livi, in secunda Judaica captivitatibus historia, Essenos refert.* Quam sententiam tuetur Matthæus Galenus lib. de orig. Monasticæ cap. 5. & ad ea, quæ obijciuntur ab aliis, de erroribus, quos tribuit Josephus Essenis, & de eorum antiquitate, respondet, Josephum non fuisse consequutum exactè mysteria nostrorum Monachorum, & idèò frequenter lapsum esse, & eos confudisse cum antiquis Judæis. Fuerunt enim tria genera ejusdem ferè nominis, nimirum Esseni Samaritani, de quibus Epiphanius hæresi 10. Item Esseni Judæi, de quibus Epiphanius hæresi 19. quos tamen ipse Ossenos vocat. Denique Esseni Christiani, ex Judæis conversi, quos Epiphanius Esseos, vel Jesseos vocat hæresi 29. Credibile igitur est, Josephum confudisse nostros Jesseos cum suis Essenis, præsertim cum eo tempore Christiani pro Judæis haberentur. Utraque solutio probabilis est.

Sextò probatur ex Apostolorum exemplo, qui verè primi fuerunt Monachi Christiani; nam quòd vitam cœnobiticam instituerint, ubi essent omnia communia, patet ex actis Apostolorum cap. 4. Quòd ea ratio vivendi non fuerit omnium Christianorum, sed eorum tantum, qui volebant perfectius vivere, patet ex c. 5. Act. ubi cum Ananias fraudasset de pretio agri, & decipere voluisset Apostolos, audiuit à S. Petro: *Nomine manens tibi manebat, & vendidit in tua erat potestate?* Quòd etiam voto ad eam perfectionem se obligarint Apostoli, docet Augustinus lib. 17. de Civ. Dei cap. 4. *Hoc votum, inquit, potentissimi venerant &c.* Quòd denique ab Apostolorum exemplo coeperint religiones, testantur plurimi Patres, ut Eusebius lib. 2. hist. cap. 16. Hieronymus de viris illustribus in Philone, Augustinus serm. 2. de vita communi Clericorum, Possadius in vita Augustini, Isidorus lib. 2. de offic. cap. 15. Denique Cassianus collat. 18. cap. 5. *Itaque, inquit, cœnobitarum disciplina à tempore predicationis Apostolica sumpsit exordium.*

At Magdeburgenses Cent. 1. lib. 2. cap. 6. col. 506. obijciunt Chrysostomum, qui hom. 25. in epist. ad Hebræos: *Neque vestigium, inquit, Monachi tunc erat, sed omnia ad seculares loquebatur B. Paulus.*

Respondeo, Chrysostomum loqui solum de Ec-

clesia Corinthiorum. Exponit enim illa verba Pauli 1. Corinth. 5. *Si quis frater nominatur in vobis &c.* ac dicit Paulum nomine fratris non intelligere solos Monachos, sed quoslibet fideles, quia tunc ne vestigium quidem erat Monachi apud Corinthios. At non propterea sequitur, non fuisse tunc Monachos in Palestina, & in Ægypto. Quòd autem Chrysostomus non neget Apostolorum tempore fuisse Monachos, patet ex plurimis ejus testimoniis. Nam hom. 17. ad populum de monastice loquens: *Tanti est, inquit, Philosophia à Christo introducta.* Certè si Christus introduxit monasticen, jam erat tempore Pauli Apostoli. Hom. 11. in acta dicit, Monachos sic vivere, ut olim initio Ecclesiæ vivebant fideles omnes, in Hierusalem. Item hom. 69. in Marth. dicit Monachos etiam habitu imitari Apostolos. Denique lib. 3. cont. vituper. vitæ monasticæ, non procul à fine, asserit ea ab Apostolis impleri, quæ nunc à Monachis implentur.

Nunc quòd attinet ad secundum, non occasione persecutionum, & casu exortam esse vitam monasticam, facilè demonstrabitur. Nam de cœnobitis non est dubium, cum existerint ante omnes persecutiones. De eremitis idem probatur; nam etsi Paulus primus Eremita occasione persecutionis solitudinem colere coeperit, tamen Antonius non tali occasione coepit, sed solo studio vitæ purioris, ut ex Athanasio in ejus vita perspicuum est. Vita autem Eremitica non à Paulo, sed ab Antonio introducta est; etsi enim Paulus primus omnium in Eremo vixerit, tamen non habuit ipse discipulos, nec fuit notus, nisi paulo antè mortem. Antonius autem verè princeps Eremitarum dici debet, quippe qui nec ab alio didicit, & ipse docuit omnes. Quare rectè Hieronymus in vita Pauli dicit, Antonium merito vocari auctorem vitæ Eremiticæ, non tam quòd ipse omnes præcesserit, quam quòd ab ipso omnium incitata sint studia. Quocirca uterque dici potest primus Eremita, Paulus quidem tempore, Antonius autem magisterio.

Quòd etiam causa instituendæ vitæ religiosæ non fuerit obscuratio doctrinæ de justificatione; vel prava Essenorum imitatio, ex iis, quæ diximus, manifestum est: Nam auctores religionum fuerunt primùm Apostoli, ac deinde Antonius, Basilus, Augustinus doctissimi, & sanctissimi homines, quos non possumus ignorantia, & prave æmulationis accusare. Nam Basilum fuisse auctorem cujusdam ordinis monastici testatur Nazianzenus in ejus vita: Augustinus verò à se institutum monasticum ordinem fatetur lib. 3. contra literas Petiliani c. 40. Certè autem inter Græcos vix invenietur aliquis Basilio doctior, ut nec Augustino inter Latinos.

Quantum ad tertium, quòd essentia monasticæ eadem sit nostrorum, & antiquorum Monachorum, plurimis testimoniis probari posset, quæ postea afferrentur in disputatione de votis. Nunc, quia Calvinus, & Melancthon per antiquos Monachos intelligunt eos, qui erant tempore sanctorum Augustini, & Basilii, ex his duobus probemus sententiam nostram.

Essentia vitæ religiosæ in tribus illis virtutibus, obedientia, paupertate, castitate, ab omnibus hujus temporis religiosis constituitur. Idem fiebat ab antiquis: Nam Augustinus lib. 1. de moribus Ecclesiæ cap. 21. vitam cœnobitarum explicans; Primum ait, eos spiritus mundi hujus illecebris in vitam castissimam, & sanctissimam congregari. Secundò addit, à nullo quidquam possideri proprium. Tertio adjungit, Patres nulla superbia consulere iis, quos filios vocant, magna sua in jubendo auctoritate, magna illorum in obtemperando voluntate.

Basilus

Basiliius autem in præfatione constitutionum monasticarum, de monacho futuro sic loquitur: *Nuptias, inquit, veluti compedes fugit, his autem relictis, vitam suam Deo consecrat, & castitatem proficitur, ut neque facultas ipsi sit conversionis ad nuptias.* Item c. 22. constitutionum, de obedientia fulsissime disputat, ac tandem concludit, ita oportere Monachos obedire præposito, ut oves pastori, atque ut instrumentum fabro: *Non curiosè, inquit, investigando præcepta, nisi peccato fuerint pura, sed cum omni alacritate ac studio explendo ea quæ sunt demandata.* Denique cap. ult. discribit de paupertate, ac docet, Monachum ab omni prorsus privata rerum materialium possessione liberum esse debere.

Porro fuisse olim etiam cucullas, & reliquum habitum monasticum, necnon psalmodiam, jejunia, ciborum delectum, aliaque id genus instituta, cognosci potest, tum ex Epiphania in compendiarie doctrina, tum ex Joanne Cassiano in libris de institutis cœnobiorum.

CAPUT VI

Mendacia deteguntur, & calumnia refutantur.

QUANTUM ad quintam partem quæstionis, referemus breviter mendacia quædam manifesta, vel absurdissimas sententias trium præcipuorum hujus temporis Hæresiarcharum, Lutheri, Melancthonis, Calvini, quas in disputationibus suis contra monasticam protulerunt; horum enim mendaciorum refutatio plus valet ad eos confundendos, quàm multa subtilissima argumenta.

Lutherus igitur in Epithalamio. Primò asserit, mulieres nonnisi ad matrimonium creatas fuisse. At si ita est, non igitur in coelo ullæ erunt mulieres, ubi non nubent, neque nubentur, & incidemus in hæresim Origenistarum, qui in futuro sæculo negant futuram sexuum distinctionem, quam Hieronymus refellit in epistola contra errores Joannis Hierosolymitani. Frustrà etiam fuerunt in hoc mundo tot milia sanctissimarum virginum, si mulier non est ad aliud creata, quàm ad nuptias.

Secundò dicit, idem esse consultare, sit ne ducenda uxor, & sit ne comedendum, & bibendum. At de priore omnes sapientes consultant, etiam Ethnici, ut patet ex Gellio lib. 1. cap. 5. de posteriore, soli stulti, vel ne stulti quidem.

Tertiò dicit, Moysen præcepisse omnibus Judæis matrimonium, ita ut nullo modo licuerit in veteri Testamento carere uxore. Quomodo igitur Helias, Helisæus, Hieremias, Joannes Baptista uxoribus caruerunt? Caruisse enim probat Hieronymus lib. 1. contra Jovinianum. Sed Lutherus hoc præceptum non in divinis literis reperit, sed ex Rabinorum delirus sumpsit. Nam R. Salomon in cap. 9. Gen. vult esse reum homicidii, qui liberis non dat operam, & R. David Kimhi in cap. 56. Isaïæ ait, sententiam esse antiquorum Judæorum, eum qui non relinquit filium, esse tanquam excommunicatum à Deo.

Quartò dicit, & sæpissime repetit, & inculcat Paulum, cum ait, se potuisse circumducere sororem mulierem 1. Corinth. 9. voluisse dicere, se potuisse ducere uxorem, quasi *ἡγαγόν* & *γαμίζω*, idem significant, quæ est imperitia, vel malicia intolerabilis.

Quintò dicit, virginitatem quidem præstare conjugio, tamen mulierem conjugatam meliorem esse coram Deo, quàm sit virgo, quæ quàm bene coherere, ipse viderit. Certè aliter loquitur B. Augustinus

Contr. Card. Bellarm. Tom. 11.

A lib. de sancta virginitate cap. 31. *Cum ergo, inquit, perpetua continentia professores se conjugatis comparantes, secundum Scripturas compererint eas infra esse, & opere, & mercede, & voto, & premio, statim veniat in mentem quod scriptum est: Quanto major es, tanto humilia te in omnibus.*

B Idem Lutherus lib. de votis monasticis. Primò dicit, Ecclesiam primitivam, & novum Testamentum in totum ignorasse vovendæ cujusque rei usum. At B. Mariam vovisse continentiam docet Augustinus de sancta virginitate cap. 4. *Quomodo, inquit, ait Maria, fiet istud, quoniam virum non cognosco? Quod profecto non diceret, nisi Deo virginem se antè vovisset.* Vovisse etiam Apostolos, aliosque multos in primitiva Ecclesia, paupertatem, & continentiam, infra ostendemus in quæstione de votis. Imò Lutherus ipse in hoc ipso libro paulò inferius dicit. In Baptismo omnes Christianos verè vovere omnia præcepta. At hoc votum primitiva Ecclesia non ignoravit, nisi etiam Baptismum ignoraverit.

Secundò dicit, formam vovendi hanc esse debere, si piè vovendum sit: Voveo castitatem, paupertatem & obedientiam usque ad mortem liberè, idest, ut mutare possim quando volo. At si usque ad mortem continentiam polliceris, quomodo liberè? si liberè, quomodo usque ad mortem?

C Tertiò dicit, Christum numquam consuluisse virginitatem, sed ab ea potius deterruisse, & Apostolum, cum ait: *De virginibus præceptum Domini non habeo, consilium autem do,* voluisse dicere, non consulo, sed absterreo. Quid ista glossa præclarius? Adde quod idem Lutherus in assertionem articuli 30. ait nullum esse consilium Evangelicum, nisi unum virginitatis.

D Quartò dicit, unam vitam non esse meliorem alia coram Deo, sed omnia paria, cum Joviniano, & quia noverat à B. Hieronymo Jovinianum confutatum, dicit Hieronymum ut placeret amicis ea dixisse, & Scripturæ loca inconsideratè undique contraxisse, & ea ad suum propositum detorsisse: *Ne dicam, inquit, depravasse.* Ex Jovinianum ab eo non solida eruditione, sed sola auctoritate sua superatum, & tandem concludit: *Quis scit si Hieronymus hac parte fuerit unus illorum de quibus in Ezechiele dicit Dominus: Propheta cum erraveris, & mendacium loquutus fueris, ego Dominus decepi Prophetam illum?* At Augustinus epistol. 29. ad Hieronymum, libros Hieronymi contra Jovinianum vocat suavissimam, præclarissimamque disputationem, & epistol. 28. Joviniani librum vaniloquia nominat.

E Quintò dicit, optimam formam religionum futuram, si ad professionem nemo admittatur ante annum. 70. vel 80. At hoc absurdissimum est, & indignum quod refellatur. Certè Hieronymus in epistola ad Eustochium de custodia virginitatis, de cœnobitis loquens: *Senibus, inquit, & parvulis sæpè sit prandium, ut aliorum fessa sustentetur ætas, aliorum non frangatur incipiens.* Ex quibus verbis duo colligimus; unum, fuisse tempore S. Hieronymi in monasteriis homines omnium ætatum, senes, pueros, & mediæ ætatis viros; alterum, minus aptos esse ad labores monasteriorum homines nimium senes, aut nimium juvenes, quandoquidem oporteat his prandia præbere, jejunantibus cæteris.

Philippus Melancthon in confessione Augustana art. 27. & in Apologia ejusdem articuli. Primò dicit, tempore S. Augustini monasteria fuisse libera collegia, non astricta ullis votis. At Augustinus in Psal. 75. ait: *Nemo postus in Monasterio frater dicat, recedo de Monasterio, neque enim soli, qui sunt in monasterio, perveniuntur sunt ad regnum celorum, & illi, qui ibi non sunt, ad Deum non pertinent.* &c.

M 2 sponde-

spondetur ei, sed illi non vocatus, tu vocasti. Et in Psal. 99. de Apostatis ait: Dum non perseveraveris implere quod vocat, fit desertor tam sancti propofiti, & reus voti non reddit.

Secundò dicit, monasteria olim fuisse scholas sacrarum literarum, & aliarum disciplinarum. At Basilus in constitutionibus monasticis, Cassianus de institutis cœnobiorum, Hieronymus in epist. ad Rusticum, & in alia ad Paulinum de institutione Monachi, Augustinus lib. 1. de moribus Ecclesiæ cap. 31. alique veteres dum describunt instituta monasteriorum, meminerunt orationis, jejuniorum, psalmodiæ, continentiae, obedientiae, paupertatis. De scholis literarum, & dialecticæ aliarumque disciplinarum ne verbum quidem.

Tertiò dicit, S. Bernardum & Franciscum ob solam corporis utilitatem religionem suscepisse; corporis verò utilitatem vocat carere impedimentis conjugii, curis liberorum educandorum, & similibus, quæ quidem non immeritò ad corporis quandam utilitatem pertinere dicuntur. Sed quòd S. Franciscus nudis pedibus ambularet, una sola tunica, eaque cilicina, & asperissima uteretur, humi cubaret, totas noctes vigilaret, serè semper jejunaret, pane solo, & aqua, ut plurimum sustentaretur, quis nisi insanus ad corporis utilitatem referret? Porro S. Bernardus non solum durissimè vixit, sed etiam ser. 30. in Cantic. & alibi passim apertè docet, non esse Monachi, sed Medici, corporis utilitatem & bonam habitudinem curare, Monachi verò esse spiritus utilitatem quærere, & carnem crucifigere, & corpus castigare, ut spiritus vivat, & valeat.

Quartò dicit, monachatum esse nuper inventum; quod quantum sit mendacium, jam à nobis demonstratum est, cum ab Apostolorum tempore eum deduxerimus. Præterea libenter discerem, quid vocet Philippus, Nuper: nam etiamsi negat Apostolorum tempore fuisse Monachos, & rursus asserit Monachos nostros non esse similes iis, qui fuerunt Augustini tempore, tamen non negat, nec potest negare, quin saltem monachatus, qui nunc est, coeperit à tempore S. Benedicti, id enim Lutherani omnes admittunt, cum videant adhuc exstare, & servari regulas ab ipso conditas, & habitari monasteria, quæ ipse fundavit. At S. Benedictus ante annos mille floruit. Nisi ergo apud Philippum mille anni sint, ut dies unus, juxta Scripturas, viderit ipse quàm sit verum, nuper coepisse monachatum.

Quintò dicit, nos asserere vitam monasticam mereri justificationem, & remissionem peccatorum, & applicatam aliis eos salvare, & longè meliorem esse ipso Baptismo. At hæc mera calumnia est, nulli enim Catholici ita docuerunt unquam. Dicimus quidem opera religionis, idest, castè vivere, nihil proprii retinere, obedire majoribus, bona esse opera, & meritoria vitæ æternæ, si à iustis fiant, & conducere ad satisfactionem pro peccatis, sicut cætera omnia bona opera; at mereri justificationem nullus dicit.

Dicimus etiam, posse religiosos facere alios homines participes suorum bonorum operum, ut possunt omnes alii fideles; est enim communicatio inter membra ejusdem corporis: At posse Monachum salvare alios suis operibus, idest, mereri illis gratiam, vel gloriam, nemo Catholicus dixit unquam.

Denique dicimus, inter Baptismum, & professionem religionis esse quandam similitudinem; quòd sicut in Baptismo renunciamus Diabolo; & incipimus novam vitam, ita per professionem religionis renunciamus sæculo, & multis licitis voluptatibus, & incipimus novam vitam; & sicut in Baptismo remittuntur perfectè omnia peccata, quoad culpam & po-

A nam, ita in professione religiosa, quando debita intentione suscipitur, piè creditur remitti omnis poena temporalis, pro qua alioqui satisfaciendum esset, etiam culpa remissa; non tamen propterea anteponimus, vel æquamus Baptismo professionem monasticam; Baptismus enim non solum poenam, sed etiam culpam tollit, idque certò scimus, professio autem monastica non tollit culpam, sed solam poenam, & hoc ipsum non certò asserimus, sed piè credimus, neque est hoc nostrum inventum. Nam in primis testatur Athanasius in vita Antonii, B. Antonium in visione audivisse sanctos Angelos dicentes, omnia peccata sibi remissa fuisse, quando monasticam vitam suscepit.

B B. Hieronymus in epist. 25. de obitu Blesilla: Cùm, inquit, propitio Christo ante quatuor ferme menses secundo quodam modo se propofiti Baptismo laverit, & ita deinceps vixerit, ut calcato mundo semper monasterium cogitaverit.

B. Bernardus lib. de præcepto, & dispensatione non procul à fine: Audire, inquit, & hoc vultis à me unde inter cætera penitentia instituta monasterialis disciplina meruerit hanc prærogativam, ut secundum Baptisma nuncupetur, arbitror ob perfectam mundi abrenunciationem, ac singularem excellentiam vitæ spiritualis, quæ præeminens universis vitæ humana generibus, hujuscemodi conversatio professores, & amatores suos Angelis similes, dissimiles hominibus facit; immò divinam in homine reformat imaginem, configurans nos Christo instar Baptismi, & quasi denique secundo baptizamus, dum per id, quod mortificamus membra nostra, quæ sunt super terram, Christum induimus, complantati denique similitudini mortis ejus &c. Et serm. 30. in Cantica, laborem monasticum martyrii genus esse dicit; nemo autem ignorat martyrium genus esse Baptismi. Denique etiam B. Thomas 2. 2. quæst. ult. artic. 30. docet rectè credi per monasticam professionem satisfieri pro omnibus peccatis, & esse hanc professionem alterum Baptisma.

C Idem Melanchthon in locis communibus capite de discrimine consiliorum & præceptorum dicit. Primò, deplorandam esse nostram cæcitatem, quòd mendicitatem, aut simile opus non mandatum, ornemus majoribus titulis, quàm legem divinam, cum nullum opus possit cogitari majus, quàm quod in primo præcepto flagitatur: Diliges Dominum Deum tuum &c.

D Ad hanc calumniam breviter respondemus, neminem esse Catholicorum, qui simpliciter præponat consilia præceptis. Immo B. Thomas in 2. 2. q. 184. artic. 3. contrarium docet; vult enim perfectionem Christianam essentialiter consistere in observatione præceptorum, instrumentaliter in observatione consiliorum.

E Possumus tamen antepondere consilia præceptis tribus modis. Primò, comparando singula consilia non cuicumque præcepto, sed præceptis illis, quæ versantur circa eandem materiam; v. gr. circa materiam externorum operum versatur præceptum: Non furaberis, circa eandem versatur consilium: Vende omnia, & da pauperibus; certum est, consilium hoc esse perfectius præcepto, non furaberis. Similiter consilium virginittis perfectius est præcepto: Non machaberis, & sic de aliis.

Secundò, comparando non consilia cum præceptis, sed statum hominum servantium præcepta & consilia, cum statu eorum, qui sola observant præcepta. Neque enim dubitari potest, quin sit res longè melior, & perfectior status prior posteriore, quandoquidem ille istum includit, non contrà. Unde Dominus et, qui dicebat servasse se omnia præcepta, dixit: Si vis perfectus esse, vende omnia quæ habes &c.

Tertiò,

Tertiò, comparando consilia cum quolibet præcepto, etiam cum illo: *Diliges Dominum Deum tuum*; sed considerando in consiliis non opera externa consiliorum, sed charitatem, quam præsupponunt, & ad quam ducunt, illo enim præcepto, *Diliges Dominum Deum tuum*, non præcipitur charitas infinita, sed certus quidam gradus, nimirum tanta charitas, ut per eam nihil Deo æques vel anteponas. At major gradus charitatis requiritur, ut propter Deum renuncies omnibus opibus, & voluptatibus aliqui licitis; dicit enim Augustinus ser. 18. de verbis Apostoli de virginibus loquens: *Major amor majus imposuit*.

Secundò dicit Melanchthon, falsò nos putare legem Dei tantum de externa disciplina concionari, ut illa lege: *Non occides*, prohiberi injustam cædem, non autem privatam cupiditatem vindictæ, malevolentiam, injusta odia &c. & hoc deducit ex eo, quòd non putamus esse peccata primos motus concupiscentiæ, quibus non consentimus. In qua re ter ipse peccat. Primò, quòd mentitur nos non agnoscere pro peccatis nisi externa opera, quòd est tam ingens mendacium, ut ferè sit incredibile. Secundò, quòd hoc deducit ex eo, quòd docemus involuntarios motus animi non esse peccata, quasi nulli sint actus interni nisi involuntarii. Tertiò, quòd hoc ipse asserit, nimirum involuntarios motus esse peccata, imò etiam naturalem propensionem, & naturales potentias, quibus caro concupiscit contra spiritum, vult esse peccata, quòd est contra omnem rationem. Nomine enim peccati omnes intelligunt actum malum, & voluntarium, unde B. Augustinus in extremo lib. de perfectione justitiæ, dicit, cum, qui nullo modo consentit illicitis motibus concupiscentiæ, etiamsi eos sentiat, non debere dicere Deo: *Dimitte nobis debita nostra*, sed solum quòd sequitur: *Ne nos inducas in tentationem*.

Jam Calvinus lib. 4. Instit. cap. 13. §. 3. dicit nos pollutionem vocare conjugium, quòd Deus instituit. Mendacium est. Nos enim quòd Deus instituit vocamus Sacramentum, & magnum Sacramentum cum Paulo, non pollutionem. At concupiscentiam, & membrorum inobedientiam, quam Deus non instituit, & sine qua tamen non consummatur conjugium, vocamus pollutionem, & morbum, qui non peccatum sit, sed ex peccato natus sit. Vide Augustinum de nuptiis, & concupiscentia.

Secundò, dicit ibidem §. 8. olim pios homines, qui Monachi fiebant, nihil aliud intendisse, quàm ut se monastica disciplina ad Ecclesiæ gubernationem præpararent: quòd est mendacium contumeliosum in omnes sanctos, qui ex monasteriis ad Episcopatum vocati sunt, qui, si Calvino credimus, ambitiosissimi fuerunt, cum econtrariò constet eos omnes invitos ex Monachis Episcopos factos. Certè B. Augustinus ser. 1. de communi vita Clericorum affirmat se Monachum non Episcopum esse voluisse, & idèò nunquam ivisse ad loca, quæ Episcopo carebant, ne fortè ibi Episcopus esse cogeretur. Chrysostomus & Basilus quàm vehementer fugerint Episcopatum, ut perpetuò in monasterio viverent, ex lib. Chrysostomi de sacerdotio facilè potest intelligi. Hieronymus in epistol. ad Pammachium contra Joannem Hierosolymæ Episcopum, asserit se invitum à Paulino Episcopo Presbyterum esse creatum, cum non Presbyter, sed Monachus tantum esse decrevisset, Gregorius in epistola ad Leandrum, quæ habetur in initio Moralium, miserabiliter deplorat casum suum, quòd cum elegisset perpetuò vivere in monasterio, tamen compulsus fuisset Pontificatum suscipere.

Et quoniam Calvinus pro se adducit epist. 81. Augustini.

Controv. Card. Bellarm. Tom. II.

Augustini ad Monachos insulæ Caprariæ, cum tamen locus, quem adducit, magis nobis, quàm illi fa-
veat, ipsum locum proferamus: *Vos autem fratres*, inquit, *exhortamur in Domino, ut propositum vestrum custodiat, & usque in finem perseveretis, ac, si quam operam vestram mater Ecclesia desideraverit, nec elatione avida suscipiatis, nec blandiente desidia respiciatis, sed miti corde obtemperetis Deo, nec vestrum osium necessitatibus Ecclesiæ præponatis, cui parturienti, si nulli boni ministrare vellent, quomodo nasceremini non inveniretis*. Ex hoc loco probat Calvinus, consuevisse olim, ex monasteriis Episcopos & Clericos aliquando peti, ex quo vult esse consequens, eos, qui Monachi fiebant, idèò fieri solitos, ut se ad Episcopatum, & similia Ecclesiastica munera præpararent: Sed hoc non esse consequens, nemo non videt, & verba illa Augustini contrarium indicant. Nam in primis si Monachi illi insulæ Caprariæ se præparabant ad Ecclesiastica munera, quid opus fuit eos hortari, ne recusarent ea munera, si quando ad ea vocarentur? Deinde, cur Augustinus eos hortatur, ut propositum suum custodiant, & usque in finem perseverent, si non erant ibi perpetuò mansuri, sed solum ad tempus, donec videlicet se præparassent Ecclesiastico ministerio?

Tertiò, dicit ibidem §. 10. Augustinum cum legitimum monachatum nobis deformat, omnem rigidam exactionem voluisse abesse earum rerum, quæ nobis verbo Domini liberæ relinquuntur. Hoc mendacium esse, patet ex locis supra allegatis ex Augustino in Ps. 75. & 99. & aliis infra citandis.

Quartò, dicit ibidem, Augustinum requirere in Monachis, ut omnia sua instituta referant ad eam pietatem, quam Deus omnibus commendavit, idèst, ad charitatem Dei & proximi, nostros autem Monachos nescio quam novam pietatem sibi finxisse, cujus meditatione sint omnibus perfectiores. Hoc quoque mendacium est, & solum verè dicit Calvinus, nescio quam novam pietatem &c. Verè enim nescit, quam novam pietatem Monachi finxerint, nihil enim finxerunt novi, cum omnibus suis votis nihil aliud cupiant, quàm perfici in charitate. Quòd verò monastica vita sit perfectior vita sæcularium, quòd tantopere exhorret Calvinus, Augustinus apertissimè docet in epist. 89. q. 4. ad Hilarium, ubi sic ait: *Magister bonus mandata legis ab ista excellentiore perfectione distinxit; ibi enim dicit: Si vis ad vitam ingredi, serva mandata; hic autem: Si vis perfectus esse, vende omnia quæ habes &c.*

Quintò, dicit ibidem §. 11. vitam monasticam nunquam esse vel una syllaba à Domino approbatam. Hoc mendacium refellit Augustinus loco jam citato, & Chrysostomus hom. 17. ad populum: *Tanti est, inquit, Philosophia à Christo introducta*.

Sextò, dicit §. 12. nulli unquam veterum venisse in mentem, dicere Christum aliquid consuluisse, sed omnes una voce clamare, nullam penitus voculam à Christo emissam, cui non sit necessariò obtemperandum. Hoc impudentissimum est mendacium; ipse enim nullum adduxit testem ad suam sententiam confirmandam. Nos autem in sequenti questione adducemus omnes veteres, qui revera una voce clamant, multa esse consilia Evangelica. Nunc sufficiat locus Augustini citatus.

Septimò, dicit ibidem, Monachos, ut videantur aliis perfectiores, promittere se consilia Evangelica servaturos, de non jurando, de inimicis diligendis, de non appetenda vindicta. At neque ista ulli Monachi vovent, & nos ea non consilia, sed præcepta esse dicimus.

Octavò, dicit §. 14. Patres toto pectore abhoruisse ab illa blasphemia & sacrilego dogmate, quòd

professio monastica secundum Baptisma nominatur. At nos ostendimus, Athanasium, Hieronymum, Bernardum, Thomam, non abhorruisse ab illa sententia. Ipse verò pro se nullum adduxit.

Nonò, dicit ibidem, tempore Augustini veros Monachos totos se ad charitatem proximi accommodavisse, nostros autem à tota Ecclesia discessionem fecisse. Id verò probat dupliciter. Primò, quia veteres Monachi ad eandem Ecclesiam cum cæteris Christianis conveniebant, & cum iisdem Sacramenta participabant; nostri autem proprias habent Ecclesias, propria altaria &c. Secundò, quia 1. Corinth. 1. Apostolus vocat schismaticos eos, qui dicebant: *Ego sum Pauli, ego Apollo, ego Cepha*; At Monachi dicunt; *Ego sum Augustini, ego Benedicti, ego Francisci*.

Hic est mendacium duplex: Nam in primis falsum est, veteres Monachos non habuisse proprias Ecclesias, Altaria, Sacramenta: Nam olim tam Eremitæ, quàm Coenobitæ ferè omnes extra urbes procul à reliquis hominibus habitabant, & quia non poterant ad Ecclesias Episcoporum vel Parochorum convenire, habebant singula monasteria suum Abbatem, Presbyterum, à quo Sacramenta percipiebant. Id manifestè indicat Augustinus tum lib. 1. de moribus Ecclesiæ cap. 31. & 33. tum in epist. 81. ad Eudoxium Presbyterum, & Abbatem in insula Capraria; item Epiphanius in epist. ad Joannem Hierosolymitanum, ubi dicit, se ordinasse Paulinianum Presbyterum monasterii Bethleemitici, quia S. Hieronymus ejus monasterii Præpositus, præ nimia humilitate non audebat Sacramenta fratribus ministrare. Idem apparet ex collationibus Cassiani ferè omnibus, ac præcipuè 18. cap. 15.

Deinde, falsum est Monachos nostros discessionem fecisse ab Ecclesia, cum videamus, eos eundem Pontificem agnoscere, quem reliqua Ecclesia; ab iisdem Episcopis ordinari, à quibus cæteri Clerici, denique eidem populo communicare, cui cæteri Christiani. Si autem, quia habent Ecclesias, & altaria, schismatici essent, essent etiam schismatici omnes Parochi, nulla enim est parocchia, quæ non habeat Ecclesiam, & altaria distincta ab Ecclesia, & altaribus aliarum parocciarum.

Ultimò falsum est, eodem sensu, Monachos dicere: *Ego sum Augustini, ego sum Benedicti*, quo Corinthii dicebant: *Ego sum Pauli, ego Apollo*; Isti enim in duobus errabant, dicendo: *Ego sum Pauli, ego Apollo*. Primò, quia putabant, vim Sacramenti Baptismi pendere à probitate baptizantis, & idè gloriabantur, se filios esse spirituales excellentium virorum, ut exponit Augustinus tract. 5. in Joann. & alibi. Et patet primò ex verbis sequentibus: *Nam Paulus crucifixus est pro vobis? aut in nomine Pauli baptizati estis?* Secundò ex eo, quòd toto illo capite, & tribus sequentibus, ad hunc errorem tollendum, Paulus docet, Apostolos solùm esse ministros Christi, Christum autem esse, qui verè, & ex potestate omnia facit, & idè Deum elegisse indoctos & viles, per quos mundum converteret, ne salus ab hominibus pendere videretur. Tertiò ex eo, quòd hinc intelligimus, quomodo verè schismatici facerent, qui dicebant: *Ego sum Pauli, ego Apollo*; nam tot Baptismata faciebant, quot erant baptizatores, & proinde tot fides & Ecclesias.

Secundò errabant, quòd temerè judicabant de prædicatoribus suis, & alios aliis præferebant, ut patet ex illis verbis cap. 4. *Nolite ante tempus judicare &c. Mihi autem pro minimo est, ut à vobis iudicer &c.* At Monachi cum dicunt: *Ego sum Augustini, ego Benedicti*, solùm hoc dicunt ad distinctionem ordinum indicandam. Quòd si aliqui ex

A simplicioribus religiosis interdum contendunt pro gloria suorum Ducum, & B. Franciscum propter stigmata B. Dominico anteponunt, vel econtrario, malè faciunt, & incidunt in posteriorem reprehensionem Apostoli, sed nec isti propterea schismatici sunt, nec oportet propter paucos idiotas, universos ordines religiosorum infamare.

Decimò dicit, §. 19. olim nefas fuisse, mulierem admittere ad votum continentiae ante annum 60. Sed aliud indicat summa illa sollicitudo veterum, Cypriani, Chrysostomi, Ambrosii, Hieronymi, in sacris virginibus custodiendis; si enim Sanctumoniales omnes excederent annum 60. non magna custodia indigeret earum pudicitia.

CAPUT VII.

Quid sit Consilium perfectionis.

SEquitur nunc quæstio de consiliis perfectionis, quam secundo loco tractandam proposuimus. Ac primùm explicandum erit, quid sit consilium perfectionis, & in quo differat à præcepto. Secundò, quid sentiant hæretici, & quid Catholici. Tertiò, probanda veritas. Quartò, solvenda argumenta.

Quantum ad primum, consilium perfectionis vocamus opus bonum, à Christo nobis non imperatum, sed demonstratum, non mandatum, sed commendatum. Differt autem à præcepto ex parte materię, ex parte subjecti, ex parte formę, ex parte finis. Ex parte materię dupliciter. Primò, quia materia præcepti est facilior, consilii difficilior, illa enim sumpta est ex principiis naturę, hæc superat quodammodo naturam: Nam ad servandam conjugii fidem natura inclinatur, at non ita ad abstinendum à conjugio. Ambrosius lib. 1. de virgin. *Quis, inquit, humano cum possit ingenio comprehendere, quam nec natura suis inclusit legibus? Aut quis naturalis voce complecti, quod supra usum naturę sit? Et celo accersit, quod imitaretur in terris.* Et Hieronymus, sive quicumque fuit auctor, sermone de assumptione: *Profectò, inquit, in carne præter carnem vivere non terrena vita est, sed celestis.*

Secundò, quia materia præcepti bona est, consilii melior & perfectior, loquendo de præceptis, quæ circa eandem materiam versantur, circa quam versantur consilia, consilium enim includit præceptum, & aliquid supra præceptum addit. Augustinus ser. 18. de verbis Apostoli; *Illa autem, inquit, amantes, quibus terrena nuptia viderunt, qua terrenos amplexus non desideraverunt, usque adeò acceptarunt præceptum, ut non recusarent consilium, ut plus placerent, plus se ornarent.*

Ex parte subjecti differunt consilia & præcepta, quòd præceptum commune sit omnibus, consilium non item. Augustinus ser. 61. de tempore: *De virginitate dicitur: Qui potest capere, capiat; de iustitia non dicitur: Qui potest facere, faciat, sed: Omnis arbor, quæ non facit fructum bonum excindetur, & in ignem mittetur.*

Ex parte formę, quòd præceptum vi sua obliget, consilium in arbitrio hominis positum sit. Hieronymus in epist. ad Eustochium de servanda virginitate: *Ubi consilium, ibi offerentis arbitrium, ubi præceptum datur, ibi necessitas est servientis.* Et Augustinus de sancta virginitate cap. 30. *Neque enim, inquit, sicut non machaberis, non occides, ita dici potest, non nubes; illa exiguntur, ista offeruntur: si sunt ista, laudantur, nisi fiant ista, damnantur.*

Ex parte finis, sive effectus, quòd præceptum observatum habet præmium, non observatum habet poenam:

poenam : Consilium autem si non servetur , nullam habet poenam , & si servetur , majus habet præmium . Augustinus de sancta virginitate , cap. 14. *Præcepto quisquis non obtemperat reus est debitor pœne .* Et infra : *Sed quoniam devitatis remissive peccatis , ad eunda est vita æterna , in qua est quadam egregia gloria , non omnibus in æternum victuris , sed quibusdam ibi tribuenda ; cui consequenda , parum est , liberatum esse à peccatis , nisi aliquid ipsi liberatori voteatur , quod non sit omnibus non votisse , sed votisse ac reddidisse sit laudis : Consilium , inquit Apostolus , de &c.*

CAPUT VIII

Ponuntur varia sententia de Consiliis .

QUantum ad secundum , quatuor sunt de hac re sententiæ , tres falsæ , una vera . Quidam enim volunt ea , quæ nos vocamus consilia , ut voluntariam paupertatem , & continentiam , non esse consilia , sed præcepta . Alii , non esse consilia nec præcepta , sed res indifferentes . Alii , non esse consilia nec præcepta , sed mala & prohibita . Alii denique , esse consilia .

Prima opinio est vetustissima eorum , qui se Apostolicos dicebant , qui , teste Epiphonio hæresi 61. & Augustino hæresi 40. affirmabant , non posse salvari eos , qui non viverent in coelibatu , & paupertate , more Apostolorum . Idem , ex parte , docuerunt Enekratitæ , auctore Tatiano , S. Justinii discipulo , qui docebant omnes Christianos debere à nuptiis abstinere , & coelibes vivere , ut Irenæus testatur lib. 1. c. 30. Item Pelagiani , qui teste Augustino , epist. 89. & 106. negabant spem salutis iis , qui non renuntiarent actu omnibus quæ possidebant . Quod idem aut sensit , aut sentire se simulavit Julianus Apostata ; nam , teste , Nazianzeno orat. 1. in Julianum , lege lata decrevit , ne Christiani ulla se ratione defenderent , etiam si spoliarentur , vel occiderentur injustè , & rationem legis reddens , dicebat : velle se Christianos cogere , ut Evangelium observarent , quo præceptum esset , ut Christiani nihil possiderent , & percutienti unam maxillam , alteram preberent .

Secunda opinio fuit Joviniani , Vigilantiæ , Lampetianorum . Jovinianus enim docuit , nullum esse consilium , neque præceptum continentie , cum ejusdem meriti sint virgines & conjugatæ , ut Hieronymus lib. 1. in Jovinianum , & Augustinus hæresi 82. testes sunt . Vigilantiæ idem asseruit de paupertate ; nam , ut Hieronymus refert in libro contra Vigilantiam , asserbat ille melius esse opes suas possidere , & ex iis Eleemosynas facere , quàm omnia simul dimittere , Lampetiani idem senserunt de obedientia ; nam , ut scribit Damascenus hæresi 98. volebant Lampetiani , Monachos in cœnobis liberos esse debere , nec pendere ex præpositi alicujus arbitrio .

Tertia opinio est Joannis Wiclefi , & Lutheranorum , qui primi coeperunt religiones ut malas , vituperare . Joannes Wiclef articul. 21. in Concilio Constantiensi , sess. 8. dicit , eos qui ingrediuntur religiones eo ipso reddi ineptos ad servanda mandata Dei , ex quo sequitur , continentiam , obedientiam , & paupertatem religiosam non consuli à Deo , sed prohiberi . Lutherus in epithalamio , & libro de votis monasticis . Philippus in locis communibus , cap. de discrimine præcepti & consilii , & in Apologia Confessionis Augustanæ , artic. 27. Petrus Martyr in libro de coelibatu , & votis monasticis . Calvinus lib. 4. Institut. cap. 13. Brentius in Confessione Wirtembergica , capite de votis mo-

Centrov. Card. Bellum. Tom. II.

A nasticis , & alii hæretici in genere docent , nullum esse consilium Evangelicum . Quamvis enim Lutherus in assertione art. 30. admiserit unum continuum , idest , virginitatem , tamen revocavit postea sententiam in epithalamio .

B In particulari tria dicunt . Primò , vitam pauperem & coelibem ducere sub obedientia Prælati , esse meram impietatem & superstitionem , si id fiat ad colendum Deum , idest , si quis putet hæc placere Deo ; & esse per se meritoria . Secundò dicunt , voluntariam paupertatem , & obedientiam exhibitam ei , cui alioqui non debetur , si non assumatur ad colendum Deum , non esse quidem impiam , tamen esse stultam , & inanem , & proinde malam . Satis enim esse , ferre pauperiem , quam necessitas adfert , & obedire parentibus & magistratibus . Tertiò dicunt , continentiam , si non assumatur cum opinionione cultus , sed ut instrumentum ad expeditius obcunda munera Evangelii , esse bonam & laudabilem , & sic laudari ab Apostolo , 1. Corinth. 7. tamen non esse possibilem , nisi illis , qui sciunt , se habere peculiare Dei donum , quod tam rarum esse volunt , ut Lutherus in epithalamio dicat , neminem posse continere , nisi divino miraculo . Et ubi est unus continens , ibi esse plus quàm centum millia , quibus matrimonium necessarium sit .

C Quarta sententia est Catholicorum omnium , multa esse verè & propriè consilia Evangelica , sed præcipuè tria , Continentiam , Obedientiam , & Paupertatem , quæ nec sint præcepta , nec indifferentia , sed Deo grata , & ab illo commanata .

CAPUT IX.

Asseruntur Consilia Evangelica testimoniis Scriptura .

QUæ sententia ut ad tertium veniamus , probatur primò , Scripturis . Secundò , exemplis primitivæ Ecclesiæ . Tertiò , testimoniis veterum . Quarto , rationibus .

D Primum testimonium est Isaïæ 56. *Non dicat Eunuchus . Ego lignum aridum , quia hæc dicit Dominus Eunuchis : qui custodierint sabbata mea , & elegerint quæ ego volui , & servaverint fœdus meum , dabo eis in domo mea , & in muris meis locum , & nomen meum à filiis & filiabus nomen æternum dabo eis , quod non peribit .*

E Quod hic agatur de continentibus voluntariis , non de abscissis , vel sic natis , qui necessario continent , docent Hieronymus & Cyrillus in hunc locum , Augustinus libr. de sancta virginitate , cap. 14. & Basilus in libro de vera virginitate . Ambrosius in exhortatione ad virgines , & Gregorius 3. parte pastoralis , cap. 29. & patet ex præmio , quod Eunuchis promittitur . Nec enim ulla ratio est , cur abscissis vel natis Eunuchis promittatur major gloria , quàm sit filiorum & filiarum Dei . Addit autem subtiliter Augustinus . Si quis contendat , Isaïam loqui de veris Eunuchis , adhuc juvari causam nostram ; nam si Eunuchis , qui continent se , quia non possunt aliud facere , promittitur major gloria , quàm iis conjugatis : certè majore ratione promittitur iis , qui se continebunt , etiam si possent non continere .

Est autem hoc loco observandum illud nomen : *Melius à filiis & filiabus* ; posse habere alium etiam sensum , videlicet , ut intelligamus promitti aliquid melius , quàm fuissent filii & filiae , nam verba Hebræa *אשר יקראו בשם* , idest , nomen bonum præ filiis & filiabus optimè recipiunt hunc sensum , dabo illis qui carent liberis aliquid melius , quàm sit habere

re liberos, & sic etiam verterunt 70. Interpretes: *τοὺς ἐλευθέρους χρεῖται ὁ υἱὸς, καὶ ἀγαπᾷ. Et recidit in idem cum superiore sententia; Nam semper anteponuntur continentes conjugatis, cum isti liberos, illi melius aliquid habituri sint.*

Quod autem continentia Eunuchorum hoc loco non imperetur, sed consulatur, docent iidem auctores, & probat Hieronymus ex illis verbis: *Qui elegerint quæ ego volui.* Illi enim dicuntur eligere, qui non coguntur præcepto. Itaque sensus est; Qui elegerint quæ ego volui, idest, qui transcendent ea, quæ præcepi accommodans inc humana imbecillitati, sponte sua elegerint perfectiora, quæ ego cupio & vellem. Præterea idem patet ex eo, quod qui Eunuchi non sunt, etsi postponuntur Eunuchis, tamen non excluduntur à regno cœlorum, imò filii & filiae vocantur; Ergo non tenentur omnes esse Eunuchi, ergo non est præceptum.

Quod autem continentia non solum sit utilis in hac vita, ut adversarii dicunt, sed sit verè meritoria gloriæ singularis, quod tanquam blasphemiam horrent, patet ex illis verbis: *Nomen æternum dabo eis, quod non peribit, quod sic exponit Augustinus de sancta virginitate cap. 25. Quid, inquit, tergiversaris impia cecitas? Quid temporalem tantummodum utilitatem promittis continentibus Sanctis? Nomen æternum dabo eis. Et si fortè hic ipsum æternum pro diuturno conaris accipere, addo, accumulo, inculco, nec unquam deerit, quid quaris amplius? Quid dicis amplius? æternum hoc nomen, quidquid illud est, Spadonibus Dei, quod utique gloriæ quandam propriam excellentemque significat, non erit commune cum multis, quamvis in eodem regno, & in eadem domo constitutis: Nam idèò fortasse & nomen dictum est, quod eos, quibus datur, distinguat à cæteris.*

Sed occurrit Petrus Martyr in lib. de coelibatu & votis monasticis, ac probat, Isaiam loqui de veris Eunuchis, qui erant apud Judæos: Nam quia eo tempore magna felicitas erat, habere multam prolem, dicit, Deum voluisse consolari Eunuchos, atque illis idcirco pollicetur se habiturum eos meliore in loco, quàm filios & filias, idest, quàm Israelitas reliquos, qui non custodiunt legem divinam, si tamen ipsi eandem legem diligenter observaverint.

At hæc expositio facilè refelli potest. Primò, quia contraria est antiquis, sanctissimis, ac doctissimis Patribus, Basilio, Cyrillo, Ambrosio, Hieronymo, Augustino, Gregorio, quibus in re dubia multò tutius credi potest, quàm uni Apostata, qui mavult Rabinos Judæorum, quàm sanctos Patres Ecclesiæ sequi.

Secundò, quia absurdè Petrus Martyr per filios Dei, quibus anteponuntur Eunuchi, intelligit Israelitas malos: Nam vel dicuntur filii Dei Israelitæ mali quatenus Israelitæ, vel quatenus mali, non quatenus Israelitæ, quia etiam Eunuchi erant Israelitæ, & proinde filii; quocirca inepta esset collatio: non etiam dicuntur filii, quatenus mali, quia homo, quàm malus est, non ex Deo, sed ex Diabolo est: Quare per filios conjugati fideles & boni intelliguntur, qui etiam locum bonum habent in domo Dei, sed eis anteponuntur virgines, & continentes, qui locum meliorem habent, idest, locum sponsæ.

Tertiò, quia hoc loco Deus pollicetur Eunuchis nomen æternum, idest, celebrem famam, eamque numquam interituram, neque in hoc sæculo, neque in futuro. Ostendat igitur Petrus Martyr, qui sint illi Eunuchi, in quibus impletum sit hoc vaticinium; certè non inveniet carne abscissos valde celebratos. At nos proferre possumus exercitum innumerabilem Sanctorum, & sanctarum Virginum, quorum laudibus pleni sunt libri sanctorum Patrum.

A Itaque ipsa vaticinii hujus tam manifesta impletio in sanctis Virginibus satis esse deberet ad excludendam carnalem & Judaicam illam sententiam de carnalibus Eunuchis.

Secundum testimonium Sap. 3. *Felix sterilis, & incoquinata, quæ nescit thorum in delicto, habebit fructum in refectione animarum sanctarum, & Spado, qui non operatus est per manus suas iniquitatem, nec cogitavit contra Deum nequissima, dabitur enim ei fides donum electum (idest, donum quoddam singulare, respondens fidelitati ipsius) & sors in templo Dei. Bonorum enim laborum gloriosus est fructus, & quæ non concidit radix sapientia.* Quem locum similem esse superiori, docet Hieronymus, ubi suprâ.

B Tertium testimonium Matt. 13. ubi Dominus comparat regnum cœlorum, idest, Ecclesiam, terræ bonæ, cujus una pars reddebat fructum centesimum, alia sexagesimum, alia trigessimum. Quem locum exponentes Cyprianus de habitu virginum, Hieronymus lib. 1. in Jovinianum, & Augustinus de sancta virginitate cap. 44. & 45. docent, ea parabola distinguere meritum casti conjugii, viduitatis & virginitatis. Ex quo apparet, continentiam virginalem esse majus bonum, & magis meritorium apud Deum, quàm sit castitas conjugalis, ac proinde esse consilium divinum; quod enim Deus non præcipit, & tamen commendat, & anteponebat aliis rebus, sine dubio consulit.

C Quartum est Matth. 19. cum Apostoli dixissent: *Non expedit nubere,* Dominus ait: *Non omnes capiunt verbum hoc, sed quibus datum est, sunt enim Eunuchi, qui de matris utero sic nati sunt, & sunt Eunuchi, qui facti sunt ab hominibus, & sunt Eunuchi, qui seipsos castraverunt propter regnum cœlorum. Qui potest capere, capiat.* Hic non dari præceptum de continentia, patet ex superioribus; Nam initio hujus capituli Dominus approbavit nuptias, dicens: *Quod Deus conjunxit, homo non separet;* ergo non prohibet hoc loco nuptias, ergo non præcipit continentiam. Idem patet ex sequentibus. *Qui potest capere capiat:* Nam, ut eleganter ait Augustinus serm. 61. de tempore, de præceptis justitiæ non potest dici: *Qui potest facere, faciat,* sed omnis arbor, quæ non fecerit fructum bonum, excindetur. Quod autem consilium detur, patet ex eo, quod cum Apostoli dixissent: *Non expedit nubere,* Dominus non ait: *Imò verò expedit,* sed ait; *Non omnes capiunt verbum hoc; qui potest capere, capiat;* idest, verum dixistis, nuptias non expedire, nam impediunt potius; tamen non omnes hoc intelligunt, sed qui potest assequi, non omitat. Quod denique continentia non solum conferat corporalem utilitatem, sed præmium habeat in cœlo, patet ex illo: *Sunt Eunuchi, qui castraverunt se propter regnum cœlorum.*

E At adversarii, ac in primis Petrus Martyr in lib. de coelibatu & votis, illud, *Propter regnum cœlorum,* exponunt propter Evangelium expeditius prædicandum. Contrà autem est omnium Patrum expositio. Cyprianus lib. de habitu virginum: *Nec ornari jam, inquit, aut placere alii, quàm Domino suo studeant, à quo & mercedem virginitatis expectant, dicente ipso: Sunt enim Spadones, qui se castraverunt propter regnum Dei &c.* Ubi regnum Dei exponit Cyprianus virginitatis mercedem: non ergo significat prædicationem Evangelii, præsertim cum Cyprianus de mulieribus virginibus loquatur, quæ non possunt prædicare Evangelium. Hilarius in hunc locum, illud: *Propter regnum cœlorum;* exponit, spe regni cœlestis quod ad Evangelii prædicationem referri non potest.

Chrysostomus in hunc locum alloquens Eunuchum spiritualem: *Gratias, inquit, age Deo, quia magnus*

magna premia, rutilantesque coronas habebis, si ita vi-
ves, quemadmodum sine aliquo illi premio.

Hieronymus lib. 1. contra Jovinianum; Proponit,
inquit, Agonothetis premium, invitat ad cursum, te-
net in manu virginis braviu, ostendit purissimum
fontem, & clamat: Qui sitis veniat, & bibat, qui
potest capere, capiat. Non dicit, velitis, nolitis, biben-
dum vobis est, atque currendum, sed qui voluerit, qui
potuerit currere atque potare, ille vincet, ille satiabitur.

Denique, Augustinus de sancta virginitate, c. 24.
Christo, inquit, laudanti eos, qui se castraverunt, non
propter hoc saculum, sed propter regnum Celorum, Chri-
stianus contradicat, affirmans hoc presenti vita esse uti-
le, non futura &c. vide similia apud Bedam & Ansel-
mum in commentario hujus loci.

Quintum est ibidem, ubi adolescenti dicitur: Si
vis perfectus esse, vade, vende omnia qua habes & da
pauperibus, & habebis thesaurum in celo. Quod hic
non datur preceptum, sed consilium, patet ex ipsa
consequentia verborum: nam interroganti: Quid fa-
ciam, ut salvus fiam? Dominus respondit: Si vis ad
vitam ingredi, serva mandata. Ubi ostendit, manda-
torum observationem sufficere ad salutem, ac dein-
de subjungit: Si vis perfectus esse, idest, si non es
contentus vita aeterna, sed aspiras ad excellentem
gradum in ipsa vita aeterna: Vade, vende omnia.

Præterea, si hoc esset præceptum, certè esset præ-
ceptum charitatis, at non est; nam charitas non re-
quirit, nisi ut diligamus proximum, sicut nos ipsos;
ergo non requirit, ut demus omnia nostra proximis,
& nobis nihil servemus, sed satisfacimus ei præce-
pto, si partim demus, partim retineamus. Quod
autem dare omnia mereatur insigne præmium, pa-
tet ex illis verbis: Et habebis thesaurum in celo. Sed
occurrunt quinque expositiones refellendæ.

Prima est S. Hieronymi & Bedæ in hunc locum,
ubi docent, juvenem istum non voto discentis, sed
animo tentantis ad Dominum accessisse. Ex quo
posset aliquis colligere, Dominum quoque non seriò
respondisse, sed ironicè. Refellit Chrysostomus
hanc sententiam. Primò, quia nullus Evangelista
hunc adolescentem reprehendit, cum tres hanc hi-
storiam scribant, nimirum Matthæus cap. 19. Marcus
cap. 10. Lucas cap. 18. Secundò, quia Dominus le-
nissimè cum eo locutus est, cum alioqui tentatores
aliter excipere soleat. Tertiò, quia non abiisset tri-
stis audito verbo Domini, nisi revera seriò perfe-
ctionem desiderasset.

Adde, quod Dominus intuitus eum, dilexit illum,
ut ait Marcus, Dominus autem non diligit hypocri-
tas. Ergo B. Hieronymus memoria lapsus est, exi-
stimavit enim, hunc juvenem eundem esse cum illo
Pharisæo tentatore, de quo Marc. 14. nam hunc
locum Marci allegat, cum tamen Marcus distinguat
unum ab altero, ut patet ex cap. 10. & 14. Quare
Hieronymus quæst. 1. ad Hedibiam, & libro contra
Vigilantium, hunc locum expendens, longè aliter
exponit. Similiter memoria lapsus est Erasmus, qui
in annotatione ad hunc locum scribit, à Chrysosto-
mo hunc adolescentem tanquam tentatorem accusa-
ri, cum è contrario potius Chrysostomus eum de-
fendat. Beda quoque in commentario ad cap. 10.
Marci, apertè mutat sententiam, ac docet falli eos,
qui putant hunc adolescentem animo tentantis ac-
cessisse.

Alterà expositio est Joannis Calvini lib. 4. Instit.
cap. 13. §. 13. qui primò demonstrat, Dominum non
potuisse constituere perfectionem in vendendis omni-
bus rebus, cum Apostolus 1. Corinth. 13. dicat: Si
distribuerò in cibos pauperum omnes facultates meas, cha-
ritatem autem non habeam, nihil mihi prodest. Et ad
Coloss. 3. dicat, charitatem esse vinculum perfectio-

A nis. Deinde explicat ipse locum hunc, ac dicit, a-
dolescentem illum, qui dixerat: Omnia hac servavi à
juventute mea, mentitum fuisse, & ideo Christum ei
dixisse. Vade, vende omnia qua habes, non ut eum ad
hoc faciendum hortaretur, sed ut proposito illi man-
dato, quod implere non posset, disceret, se esse
mentitum; quomodo si jactanti se scire omnia, di-
ceremus: explica igitur nobis, quot sint stellæ in
celo, vel grana arenæ in littore maris; Quod au-
tem ille juvenis non servaverit omnia mandata, pro-
bat Calvinus, quia unum ex mandatis est, diligere
Deum ex toto corde: qui autem diligit ex toto cor-
de, paratus est omnia dimittere propter Deum; Nec
efficitur tristis, si ei dicatur à Deo, ut dimittat om-
nia, iste autem juvenis, audito Christi verbo, tri-
stis effectus est.

B Eadem est expositio Petri Martyris in libro de con-
libatu & votis, ubi addit etiam hoc argumentum:
Dominus ait: Si vis esse perfectus, vende omnia &c. at
perfectio omnibus imperatur Matth. 5. Estote perfe-
cti; igitur non consilium, sed præceptum fuit huic
adolescenti, vendere omnia.

C At errare Petrum Martyrem & Calvinum, pro-
batur Primo ex cap. 10. Marc. ubi legimus: Dominus
autem intuitus eum, dilexit eum. Dominus autem non
diligit mendaces, igitur credibile est, eum vera di-
xisse. Neque argumentum Calvini concludit, nam
qui diligit ex toto corde, non tenetur facere om-
nia, quæ Deus consulit, sed solum quæ præcipit.
Hic autem Dominum non præcipere, sed consule-
re, jam probatum est: & rursus probari potest; nam
Dominus non absolurè dixit: Vende omnia, sed sub
condizione: Si vis perfectus esse.

At, inquiunt, tenebatur esse perfectus, cum sit
præceptum: Perfecti estote, Matth. 5. igitur teneba-
tur etiam vendere omnia. Sed contrà, nam in pri-
mis jam suprà ostendimus, perfectionem hoc loco
positam, non esse præcepti, cum distinguatur ab
observatione legis, de qua dictum est: Si vis ad
vitam ingredi, serva mandata.

D Neque obstat illud Matth. 5. Estote perfecti; nam
varia sunt genera perfectionis, ut diximus suprà
capit. 2. Quædam enim est perfectio necessaria ad
salutem, quæ consistit in plena observatione man-
datorum; quædam est perfectio major, quæ ne-
cessaria est non ad salutem simpliciter, sed ad ex-
cellentiorum gradum gloriæ in regno celorum, &
hæc consistit in observatione consiliorum. De prio-
re igitur perfectione loquitur Dominus Matth. 5.
de posteriore hoc loco. Id quod rursus hoc modo
probat, nam si hæc perfectio esset præcepti, cer-
tè tenerentur omnes Christiani vendere omnia sua,
nam ad præcepta omnia omnes tenentur.

E Respondet Martyr, hoc præceptum vendendi
omnia datum esse solum huic adolescenti, & proin-
de, illi fuisse necessarium ad perfectionem, non au-
tem aliis; ille enim est perfectus, qui Deo jubenti
obedit.

At contra, sicut cum Dominus ait: Si vis ad vi-
tam ingredi, serva mandata, indicavit, servare man-
data esse medium ad vitam æternam omnibus homi-
nibus. Sic etiam cum ait: Si vis esse perfectus, vende
omnia, indicavit, vendere omnia esse medium ad
perfectionem omnibus hominibus, & non solum illi
adolescenti. Præterea, idem probamus ex testimo-
niis veterum sanctorum Patrum, qui docent, Do-
minum hoc loco non imperasse, sed tantumhorta-
tum esse, & consuluisse, tanquam perfectionem,
vendere omnia, & dare pauperibus.

Ambrosius lib. de viduis, ultra medium: Ut inteli-
gas, inquit, distantiam præcepti, atque consilii, illum
recorderis, cui in Evangelio ante præscribitur, ne homici-
dum

dum faciat, ne adulterium admittat, ne falsum testimonium dicat; praeceptum enim ibi est, ubi est pena peccati. At verò cum se praecepta legis memorasset implese, consilium ei datur, ut vendat omnia, & sequatur Dominum; hac enim non pro praecepto dantur, sed pro consilio deferuntur.

Hieronymus lib. contra Vigilantium: Quod autem asseris eos melius facere, qui utuntur rebus suis & paulatim fructus possessionum suarum pauperibus dividunt, quam eos qui possessionibus venditis semel omnia largiuntur, non à me, sed à Domino respondebitur: si vis perfectus esse, vade, vende omnia qua habes, & da pauperibus. Ad eum loquitur, qui vult esse perfectus, qui cum Apostolis patrem, & naviculam, & rete dimittit. Iste quem tu laudas, secundus & tertius gradus est, quem & nos recipimus, dummodo sciamus prima secundis & tertiis preferenda.

Augustinus epist. 89. quaest. 4. Viderit, inquit, ille juvenis quemadmodum ille legis mandata servaverit, verumtamen magister bonus mandata legis ab ista excellentiore perfectione distinguit; ibi enim dicit, si vis venire ad vitam, serva mandata; hic autem, si vis perfectus esse, vade, vende omnia &c. Chrysostomus in hunc locum: Ut alliciat, inquit, ingentem ei mercedem futuram ostendit, & voluntati ejus omnia relinquit.

Idem probatur ex verbis sequentibus; nam cum Petrus vidisset adolescentem audito hoc consilio abiisse tristem, dixit Domino: Ecce nos reliquimus omnia, & sequuti sumus te; quid ergo erit nobis? quasi diceret, ecce nos fecimus quod iste juvenis facere noluit, quid ergo nobis dabis? Cui interrogationi, si vera est Martiris & Calvini sententia, Dominus respondere debuit, nihil vobis dabo, nam soli illi juveni, & illi non serio loquutus sum, sed solum ea dixi, ut juvenis ille intelligeret se fuisse mentitum. At non ita respondit, sed ait: Amen dico vobis, quod vos qui sequuti estis me in regeneratione &c. Et ne putemus solis Apostolis hæc promitti, audiamus Augustinum epistola 89. quaest. 4. hunc locum exponentem: Qui, inquit, illius perfectionis de vendendis rebus suis consilium tam grande, tamque praeclarum non receperunt, & tamen à damnabilibus immunes criminibus esurientem Christum paverunt, non sedebunt quidem cum Christo sublimiter iudicaturi, sed ad ipsius dexteram stabunt misericorditer iudicandi.

Ad argumentum Calvini ex Apostolo, respondeo, desertionem omnium rerum posse dupliciter considerari; uno modo secundum se, altero modo ut est actus imperatus dilectionis. Primo modo, desertio omnium rerum non est perfectio, sed tamen est instrumentum ad perfectionem, & sic possumus exponere verba Domini: Si vis perfectus esse, vende omnia, idest, sume hoc instrumentum & acquies perfectionem; quia tamen hæc desertio rerum, si absque charitate sit, non salvat hominem, ideo dicitur non prodesse, ab Apostolo, 1. Cor. 13. Secundo modo desertio ipsa potest dici perfectio, sive opus perfectionis, quia includit gradum quemdam eximium charitatis, & de hac etiam potest intelligi verbum Domini, ut sensus sit, si vis esse perfectus, vende omnia; nam hinc apparebit te habere perfectam charitatem.

Tertia expositio est Pelagianorum; qui illud: Si vis esse perfectus, explicabant, si vis ut tibi nihil desit ad consequendam salutem; ille enim est perfectus, cui nihil deest, & hoc probabant ex illis verbis Domini, Marc. 10. Unum tibi deest; & ex verbis adolescentis, Matth. 19. Quid adhuc mihi deest? quasi diceret, servavi ista praecepta Decalogi à Mose tradita; num aliquid aliud faciendum est? cui respondit Dominus, Marc. 10. Unum tibi deest, vade, vende omnia &c.

A At falsam esse hanc expositionem, docet Augustinus epist. 89. quaest. 4. ex illis verbis 1. Tim. 6. Divitibus huius sæculi praecepe, non superbe sapere, nec sperare in incerto divitiarum, sed in Deo vivo. Bene faciunt divites; sunt in operibus bonis, facile tribuant &c. Puto, inquit Augustinus, quod ista praeceptum, divites instruat, non fallebat Apostolus, qui non ait, praecepe divitibus huius Mundi, ut vendant omnia qua habent, dent pauperibus, & sequantur Dominum, sed non superbe sapere &c.

B Cum ergo Dominus ait: Si vis perfectus esse, non loquitur de perfectione necessaria ad salutem, sed de alia quadam maiore. Et cum ait: Unum tibi deest, non vult dicere ad salutem consequendam, sed ad perfectionem istam maiorem. Et similiter ille juvenis dicens: Quid adhuc mihi deest? non intelligit ad salutem simpliciter assequendam; jam enim audierat responsum: Si vis ad vitam ingredi, serva mandata; sed intelligit ad salutem facilius, & perfectius assequendam, q. d. quid possem adhuc facere utile ad vitam æternam? Quod si quis admittere velit juvenem petivisse, an aliquid sibi deesset simpliciter ad salutem, dicere poterit à Domino fuisse responsum, nihil ei deesse ad salutem; non enim Dominus ait: Unum tibi deest, vende omnia; sed: Si vis perfectus esse, unum tibi deest, ut patet ex verbis Matthæi, & Marci simul junctis, q. d. nihil tibi deest ad salutem simpliciter assequendam, sed, si vis perfectus esse, unum tibi deest &c.

C Quarta expositio est Gulielmi de sancto amore, contra quem scribit B. Thomas opusc. 19. qui dicebat verba ista Domini debere intelligi secundum animi præparationem, & verum praeceptum continere, sicut illa Matth. 5. Si quis te percusserit in unam maxillam, præbe illi & alteram; quod praeceptum est, sed intelligit in animi præparatione, ut Augustinus exponit in epist. 5. ad Marcellinum. Eodem modo videtur intelligere hunc locum Melancthon in locis communibus, cap. de paupertate.

D At hæc quoque falsa expositio est, nam exempla Domini, & Sanctorum sunt optima commentaria Scripturarum. Videmus autem Dominum, cum fuit in maxilla percussus, Joan. 18. non vertisse alteram, sed dixisse: Cur me cadis? Et similiter Apostolum, cum esset in maxilla percussus, Act. 23. non vertisse alteram, sed dixisse: Percutiat te Deus paries dealbate. Ex quibus exemplis evidenter colligit Augustinus in epist. 5. illud esse praeceptum, sed intelligi in præparatione animi. At verò consilium de relinquendis omnibus rebus, Dominus, & Apostoli, & Sancti plurimi non in præparatione animi retinuerunt, sed re ipsa & factis impleverunt, Luc. 9. de se Dominus ait: Vulpes foveas habent, & volucres caelividos, filius autem hominis non habet ubi caput suum reclinet. Et Matth. 19. Apostoli dicunt: Ecce nos reliquimus omnia, & sequuti sumus te. Et de S. Anton. scribit Athanasius, quod cum audisset in Ecclesia legi hoc Evangelium: Si vis perfectus esse, vade, vende omnia, eum mox à Deo eductum de vero sensu eorum verborum, omnia vendidisse & dedisse pauperibus. Ex quo apparet de reali desertione omnium facultatum hunc locum esse intelligendum.

E Præterea illud praeceptum de maxilla præbenda percussori, non potest impleri re ipsa sine damno proximi, & offensione Dei, & ideo intelligimus præcipi solum patientiam, non autem ut re ipsa offeramus alteram maxillam. At vendere omnia, & dare pauperibus, sine ullius damno fieri potest; nemini enim facit injuriam, qui res suas donat pauperibus: idcirco intelligimus hoc consilium re ipsa implendum.

Quinta expositio falsa, est Osiandri, qui, ut refert

fert Alphonsus Virnefius Philippica 10. admisit hoc esse verè consilium Evangelicum, sed non esse datum nisi juveni illi, cum quo Christus loquebatur.

At Contra; Nam in primis non dixit Christus illa verba adolescenti quomodocumque, sed cum conditione, si vellet esse perfectus, ergo consilium illi datum, omnibus fidelibus qui volunt esse perfecti, datur, juxta illud Matth. 13. *Quod vobis dico, omnibus dico, vigilate.* Præterea quæ Christus dixit alicui ut Principi, accipiuntur dicta omnibus Principibus; ut: *Pasce oves meas*, Joan. 21. ergo etiam quæ dixit uni ut privatæ personæ, intelliguntur dicta omnibus privatis personis. Præterea quòd Christus hæc dixerit omnibus, patet ex intelligentia Apostolorum, qui hæc sibi etiam dicta crediderunt, dicentes: *Ecce nos reliquimus omnia.* Et ex approbatione Domini dicentis: *Amen dico vobis, quod vos qui sequuti estis &c.* Adhæc, ut supra diximus, simillimæ sententiæ sunt, & ab eodem, atque eidem dictæ: *Si vis ad vitam ingredi, serva mandata.* Et: *Si vis perfectus esse, vende omnia &c.* At prior dicta est omnibus, cur non etiam posterior? Denique S. Antonius teste B. Athanasio, & S. Franciscus teste B. Bonaventura, sibi dictum putaverunt: *Si vis perfectus esse, vende omnia.* Quod idem pluribus aliis testibus probare possemus: Non igitur soli illi juveni datum est consilium hoc.

Sextum testimonium est ibidem de obedientia, ubi Dominus ait: *Et sequere me*; nam quòd hæc sequela sit consilium, patet, quia dicitur ei soli, Qui vult esse perfectus, & cui dictum est: *Vende omnia qua habes.* Quod autem illo: *Sequere me*, significetur obedientia, probatur dupliciter. Primò, quia sequi Christum est imitari Christum; Christus autem factus est obediens usque ad mortem, Philipp. 2. Secundò, quia Matth. 16. explicat ipse Christus quid sit sequi se dicens: *Qui vult venire post me, abneget semetipsum, tollat crucem suam, & sequatur me.* Quod ultimum, est explicatio superiorum, ut sensus sit, Qui vult post me venire, idest, me sequi, abneget se, & tollat crucem suam, & sic sequetur me. Porro abnegare se, nihil est aliud quàm valedicere suo judicio, & suis affectibus & accommodare se alterius judicio, & voluntati.

Dicit aliquis: Abnegare se, est quidem obedire, sed hoc loco agitur de obedientia quæ necessario debetur Deo, non quæ sponte exhibetur homini, sequitur enim, Qui amat animam suam, perdet eam.

Respondeo, hoc loco agi de obedientia, quæ necessario debetur Deo; tamen hinc deduci etiam consilium religiosæ obedientiæ. Nam hinc habemus, sequi Christum, esse abnegare seipsum, idest, alterius voluntati seipsum subicere. Habemus autem ex aliis locis duplicem esse Christi sequelam: unam communem, & necessariam omnibus fidelibus, de qua hic agitur, idest, Matth. 16. & Luc. 9. & rursum aliam quæ solis iis consulitur, qui volunt esse perfecti, de qua agitur Matth. 19. & Lucæ 18. Ergo necesse est duplicem esse abnegationem sui, idest, obedientiam, unam communem & necessariam omnibus, quæ consistit in obediendo in iis rebus tantum, quæ sunt necessariae ad salutem: alteram maiorem, & universaliorem, quæ consistit in obediendo in omnibus rebus, etiam non necessariis, modò peccata non sint: qualis obedientia laudatur in Rechabitis Hierem. 35. qui obedierunt patri suo in iis, in quibus non tenebantur.

Septimum testimonium est 1. Corinth. 7. ubi multis modis proponitur consilium continentiae. Bonum

A est, inquit Paulus, mulierem non tangere. Item: Bonum est homini sic esse. Item: Solutus es ab uxore, noli querere uxorem. Item: Dico autem innuptis, & viduis, bonum est si sic permanserint, sicut & ego. Item: Volo omnes vos esse sicut me ipsum, idest, continentem, sic enim omnes veteres exponunt. Item: De virginibus præceptum Domini non habeo: consilium autem do, tanquam misericordiam consequutus à Domino ut sum fidelis. Ubi indicat Apostolus consilium hoc non esse humanum, sed divinum: dicit enim se consilium dare, non ut hominem politicum, sed ut fidelem ministrum Dei. Item: Qui matrimonio jungit virginem suam, bene facit, & qui non jungit, melius facit. Denique de vidua: Cui vult nubas, tantum in Domino; beatior autem erit si sic permanserit secundum meum consilium; puto autem, quod & ego spiritum Dei habeam: ubi rursum vides tribui consilium hoc Spiritui sancto.

B Ad hæc loca respondent adversarii tripliciter. Prima solutio est Lutheri in epithalamio, ubi dicit, Apostolum hoc loco non consulere, sed dissuadere continentiam; Et probat ex eo quòd Apostolus in hoc capite laudationi continentiae admiscet necessitatem matrimonii; nam postquam dixit: Bonum est homini mulierem non tangere, statim subjungit: Propter fornicationem autem unusquisque suam uxorem habeat, quasi velit dicere, ego quidem vellem hortari ad continentiam, quæ sanè præclarum quiddam est, tamen non finit me hoc facere periculum fornicandi. Idem ferè docet Calvinus in commentario hujus loci; ait enim similem esse Pauli sententiam: Bonum est homini mulierem non tangere: huic sententiæ, bonum esset homini non comedere, neque bibere, si fieri posset; sed quia non potest fieri sine miraculo, ideo, unusquisque comedat, & bibat.

C At Contra; nam in primis verba Pauli apertissima sunt; Non enim dicit bonum esset, sed: Bonum est; non ait consilium dare vellem, sed: Consilium do &c. Deinde Patres omnes sic exponunt. Vide Chrysostomum & alios in hunc locum. Ambrosium libro de viduis propè finem. Hieronymum lib. 1. in Jovinianum, & Augustinum libro de sancta virginitate, cap. 13. & sequentibus. Ex quibus Augustinus, quasi prævidisset, unum ex suis Augustinianis apostatis dicturum, Apostolum hoc loco hortari ad nuptias, & deterrere à continentia, diserte scripsit contrarium, sic enim ait, cap. 16. Hoc modo, inquit, exhortatur ad virginitatem, continentiamque perpetuam, ut aliquantulum à nuptiis etiam deterreret.

D Præterea, si ita est difficile continere, ut isti dicunt, & exemplo ostendunt, cum nulli apud eos contineant: certè Paulus ineptissimus fuit, qui rem impossibilem tantopere laudavit. Et patebit absurditas hujus rei, si quis applicet omnia verba Pauli ad exemplum Calvini. Nonne enim ridiculus fuisset Apostolus, si dixisset, bonum est non comedere? Item, cares cibo, noli querere cibum? Item, de non comedendo præceptum Domini non habeo, consilium autem do, ut nemo comedat? Item, qui comedit, bene facit, qui non comedit, melius facit? Item, non peccat qui comedit, quod vult facit, beatior erit si non comederit? Non igitur de re impossibili loquitur Paulus.

E Per illud autem: Propter fornicationem autem unusquisque suam uxorem habeat, non monet Apostolus, ut unusquisque, cui inest aliquod periculum fornicandi, uxorem ducat: nam tunc omnes omnino deberent uxorem ducere, nullo excepto, cum tamen Lutherus ipse excipiat eos, qui habent donum continentiae. Nam etiam illis inest periculum fornicandi,

tandi, cum possint donum illud amittere, & vinei aliquando à tentatione, sed monet, ut qui uxorem duxerunt, illam retineant, & quicumque est fornicaturus, uxorem potius ducat, sicut infra dicit: *Qui non se continet, nubat.*

Altera expositio est Petri Martyris in hunc locum, ubi opponit his verbis Pauli: *Bonum est homini mulierem non tangere*, idest, sine uxore esse, illa verba Dei Genes. 2. *Non est bonum hominem esse solum*, idest, non est bonum hominem sine uxore esse. Et quia non debet pugnare Paulus cum Deo, dicit Paulum loqui solum de illis, qui certi sunt se habere continentiae donum, Deum autem, de omnibus illis qui hoc dono carent. Et quoniam rarissimi, aut nulli sunt, qui certo sciant se habere hoc donum, inde vult inferre, bonum esse, ut omnes ducant uxores.

At utrinque errat, Nam quod Deus non loquatur de iis, qui hoc dono carent, patet, nam ea verba loquutus est Deus ante peccatum Adæ, quo tempore Adam sine ullo dubio carebat mala concupiscentia, & habebat cum cæteris virtutibus etiam donum continentiae, ita ut posset continere, si opus esset.

Quod autem Paulus non loquatur de iis solum, qui habent donum continentiae, sed absolute pronunciet, bonum esse viro mulierem non tangere, patet etiam; nam etsi non omnes habent hoc donum, tamen omnes possunt habere, si à Deo illud petant, & proinde omnibus potest convenire Pauli consilium. Nam si ita hoc donum esset à Deo, ut nullo modo esset in nostra potestate continere, & non continere, sicut non est in nostra potestate prophetare, quod exemplum affert Calvinus in commentario hujus capitis, absurde Paulus diceret: *Consilium autem do.* Et: *Quod vult, faciat*; non enim ulla est consultatio, aut electio de eo, quod non est in nostra potestate. Quis enim, nisi stultus, consultaret, an vellet prophetare, vel non prophetare?

Item, idem B. Paulus ibidem dicit, etiam continentiam conjugalem esse donum Dei, & non dari omnibus: *Unusquisque*, inquit, *donum suum habet ex Deo, unus quidem sic, alius autem sic.* Peto igitur, qui non habet donum continentiae conjugalis, quid agat? Num licebit ei fornicari? Respondebunt: non licere fornicari, quia etsi non habet donum continentiae, tamen habebit, si à Deo petat. Idem ego dicam de continentia virginali. Verba igitur Dei & Pauli aliter concordanda sunt. Deus loquitur de bono speciei, Paulus de bono individui. Item, Deus loquitur pro eo tempore, quo mundus erat vacuus, Paulus pro eo, quo mundus est plenus. Denique, Deus loquitur de bono, quod refertur ad vitam temporalem, Paulus autem de bono, quod refertur ad vitam æternam, ut jam probabimus.

Est ergo Tertia solutio, quod Paulus sive suadeat continentiam, sive non, solum illam laudet tanquam utilem ad aliud, non autem ut per se Deo gratam & meritoriam: Hanc autem utilitatem non eodem modo exponunt; Nam Lutherus in Epithalamio non agnoscit aliam utilitatem quam temporalem, quia nimirum liberat à curis, & afflictionibus multis, quæ necessario sunt annexæ matrimonio: *Vult*, inquit, *S. Paulus hoc verbum spiritualiter intelligi, ubi ait, bonum est homini mulierem non tangere, ut hoc bonum non sit dictum de merito coram Deo, sicut hactenus textus ille etiam à S. Hieronymo est expositus, sed dictum est, de temporali bono, commodo, & quiesce in hac vita, quibus homo castus antecellit conjugatus; siquidem is, qui sine conjugio castus vivit, ab his molestiis, & tribulationibus, quæ in matrimoniali statu sunt, liber est.*

At Melancthon in locis, cap. De castitate, Martyr in hunc locum Apostoli, & alii non solum hanc utilitatem temporalem agnoscunt, sed etiam aliquam spirituales, quod nimirum qui uxore carent, expeditiores sunt ad orandum, prædicandum &c. Nos autem præter has duas agnoscimus tertiam, nimirum ad placendum Deo, & præmia maxima promerenda. Et quidem ad refellendum Lutherum sufficere deberet, quod idem omnino senserat Jovinianus, quem his verbis refellit Augustinus, libro de sancta virginitate, cap. 13. Unde, inquit, *mirabiliter desipiunt, qui putant hujus continentia bonum non esse necessarium propter regnum celorum, sed propter præsens sacrum, quod scilicet conjugia terrenis curis pluribus, atque arctioribus dissidentur, qua molestia virgines, & continentes carent &c.*

At, inquiunt, Apostolus dicit: *Arbitror hoc bonum esse propter præsentem necessitatem.* Et infra: *Tribulationes tamen carnis habebunt hujusmodi.*

Respondeo, illud *Propter præsentem*, vel, ut nos legimus: *Instantem necessitatem*, non significare propter præsentem molestias fugiendas, sed propter temporis brevitate, quia Dominus propè est, & dies illi propinquant, de quibus dicitur: *Va pregnantibus, & nutriendis in illis diebus.* Matth. 24. ut exponit Hieronymus, libro contra Helvidium, libr. 1. contra Jovinianum, & in epist. ad Eustochium de virginitate, & patet ex Apostolo hoc loco, qui quasi explicans quid sit præsens necessitas, ait: *Tempus breve est, & rursum: Præterit enim figura hujus mundi.* Illud autem: *Tribulationes tamen carnis habebunt hujusmodi*, intelligitur quidem de afflictione temporali, quam patiuntur conjugati, sed non ad eam solum fugiendam, docet B. Paulus bonam esse continentiam: Immo, ut pulchrè exponit Hieronymus, libr. 1. contra Jovinianum, ne quis putaret, conjugatos esse quidem inferiores virginibus quantum ad spiritualia, sed tamen esse foeliciores quantum ad carnalia, ideo addit eos etiam miseros esse quoad carnalia, & propterea nullam esse causam ambigendi, sitne melius continere an nubere.

Jam verò contra Philippum, & Martyrem, sunt in hoc ipso capite duo vel tria loca. Primus est: *Mulier inupta, & virgo cogitat quæ Domini sunt, quomodo placeat Deo, ut sit sancta, & corpore, & spiritu.* Ubi Apostolus dicit, virginitatem esse sanctitatem corporis, & spiritus, & per eam nos placere Deo; sensus enim est, sicut mulier conjugata cogitat, quomodo se pulchram conservet, ut sic placeat viro suo, sic virgo cogitat, quomodo servet corporis integritatem, & sanctitatem, ut per eam placeat Deo. Hieronymus libr. 1. contra Jovin. hoc exponens: *Ita, inquit, virginitas hostia Christi est, cujus nec mentem cogitatio, nec carnem libido maculavit: ubi vides virginitatem hostiam Dei nominari, proinde rem esse, qua colitur Deus, & quæ placet Deo.*

Secundus est: *Non ut laqueum vobis injiciam, sed ad id quod honestum est, & quod facultatem præbeat sine impedimento Dominum obsecrandi:* ubi Apostolus dicit, continentiam & per se honestam, ac decoram esse, & proinde Deo caram, & simul utilem ad aliud, idest, ad orandum sine intermissione.

Tertius est: *Beatior autem erit si sic permanserit, idest, ut exponit Ambrosius, dignior in futuro sæculo.*

Accedat Ultimò Augustinus libro de sancta virginitate, cap. 14. ubi sic ait: *Quoniam adæuna est vita æterna, in qua est quadam egregia gloria, non omnibus in æternum victuris, sed quibusdam ibi tribuenda, cui consequenda non satis est liberatum esse à peccato, nisi ipsi liberatoriroveatur aliquid quod non sit criminis non vovisse, sed vovisse ac reddidisse sit laudis, ideo ait Apostolus: Consilium autem do.*

Octavum testimonium est, 1. Corinth. 9. quo toto capite Paulus conatur ostendere, se plus fecisse quam sibi esset præceptum & propterea singularem gloriam apud Deum meruisse. Nam cum Dominus ordinasset iis, qui Evangelium annunciant, de Evangelio vivere, Paulus maluit gratis Evangelium prædicare, & sic facere opus supererogationis: *Melius, inquit, est mihi mori, quam ut gloriam meam quis evacuet. Nam etsi evangelizavero, non est mihi gloria; necessitas enim mihi incumbit: Va enim mihi est, si non evangelizavero. Qua est ergo merces mea? ut Evangelium prædicans, sine sumptu ponam Evangelium.*

Respondet Petrus Martyr in commentario huius loci, Paulum non loqui de opere supererogationis, sed de opere debito coram Deo, licet non debito secundum iudicium hominum, & ideo etiam nomine gloriæ vult intelligi gloriationem coram hominibus, non coram Dei tribunali. Et probat tripliciter. Primò, quia Paulus ait: *Melius est mihi mori, quam ut gloriam meam quis evacuet.* At pro opere non necessario, quale est supererogationis, nemo debet mortem subire, sed solum pro necessario, ergo loquitur de opere necessario coram Deo; ex quo tamen sequitur gloriatio coram hominibus, qui illud opus judicare possunt non necessarium.

Secundò, quia Paulus desperat de mercede, nisi hoc opus faciat, ait enim: *Et si evangelizavero non est mihi gloria, idest, si prædicavero accipiendo sumptus à populo, nihil lucrabor: Unde sequitur? Qua est ergo merces mea? Ut Evangelium prædicans sine sumptu ponam Evangelium;* ergo loquitur de opere debito, quod nisi fiat, perditur tota merces.

Tertiò, quia dicit, ut non abutar potestate mea; & ne quod offendiculum ponam Evangelio Christi; At abuti potestate, & offendiculum ponere Evangelio, peccatum est. Itaque concludit Martyr, Apostolum Paulum graviter peccaturum fuisse si accepisset sumptus à populo, quia hoc modo impedivisset cursum Evangelii.

In hac explicatione duo sunt errores Martyris. Primus, quòd per gloriam, quam sibi tribuit Paulus, intelligit gloriationem coram hominibus, non coram Deo. Nam in primis B. August. lib. de opere Monachorum cap. 10. contrarium scribit his verbis: *Bonum est magis mihi mori, quam ut gloriam meam quis evacuet. Quam gloriam? nisi quam habere voluit apud Deum in Christo:* hæc August. Ubi vide quam apertè Martyri contradicat. Deinde verba Pauli apertè ostendunt, eum loqui de gloria apud Deum, idest, de merito cuiusdam excellentis gloriæ, quam expectabat opere isto supererogationis; nam infra, id quod vocavit gloriam, vocat mercedem. *Qua est ergo merces mea &c.* At certè non expectabat Paulus mercedem ab hominibus, sed à Deo. Denique si Paulus gloriaretur coram hominibus, quasi de opere indebito, quod tamen re vera coram Deo debitum esset, falsò gloriaretur, quod quis dicat, nisi fortè aliquis Petrus Pseudomartyr?

Secundus error est, quòd dicat Paulum peccaturum fuisse, si accepisset sumptus à populo, & proinde opus ejus fuisse debitum, non supererogationis. Nam in primis Paulus in toto isto capite nihil aliud agit, quam ut probet sibi licuisse vivere ex populi sumptibus, id enim probat, Primò, exemplo aliorum Apostolorum. Secundò, exemplis militum, Pastorum, Agricolarum. Tertiò, ex lege Moisi. Quartò, ex Christi ordinatione. Quintò, ex ipsa natura.

Præterea ita exposuerunt omnes Patres, Chrysostomus in hunc locum: *Qua, inquit, supra præceptum sunt multa, secundum hoc dictum, mercedem con-*

A *sequuntur; quæ autem sub præcepto continentur, non itidem.* Ambrosius bis reperit Paulum sibi licita illicita fecisse. Augustinus libro de opere Monachorum, cap. 5. *Andræas, inquit, stabularius, ad quem veneratus ille perducitur est, si quid amplius erogaveris, in reddendo reddam tibi: amplius ergo erogabas Paulus, qui suus, ut ipse testatur, sumptibus militabat.* Denique Apostoli ceteri sumptus à populis accipiebant, ut hic Paulus dicit, nec est verisimile eos peccasse, ergo nec Paulus peccasset accipiendo.

B Respondet Martyr, non esse eandem rationem Pauli, & aliorum; nam alii non habuerunt Pseudoapostolos æmulos, ut habuit Paulus. At hoc nihil valet; nam alioqui non rectè probaret exemplo aliorum Apostolorum B. Paulus se potuisse ali à populo. Responderi enim potuisset, non esse eandem rationem aliorum Apostolorum, & suam. Deinde Paulus non abstinuit ab accipiendis sumptibus propter Pseudoapostolos, sed ne gravaret populos, ut ipse dicit, 1. Thessal. 2. & 2. Thessal. 3. Inmò propter Pseudoapostolos debuisset potius accipere sumptus. Illi enim de hoc Paulum accusabant, ut Cajetanus bene animadvertit, quod Paulus non videretur verus Apostolus, cum non viveret more aliorum Apostolorum. Quocirca ille in toto isto capite probat se esse verum Apostolum, & se posse accipere sumptus si velit.

C Ad Primum argumentum dico, falsum esse, non licere mori pro opere supererogationis; quot enim sacræ virgines occisæ sunt, quia nuptias recusaverunt.

Ad Secundum respondet Anselmus in hunc locum, Paulum desperare de gloria, si solum evangelizet propter alimenta temporalia. Possumus secundò & melius dicere, Paulum cum ait: *Si evangelizavero non est mihi gloria &c.* non desperare de gloria simpliciter, sed de gloria quadam singulari, quæ debetur operi supererogationis, ut exponit Chrysostomus.

D Ad Tertium dico cum Chrysostomo homil. 8. de poenitentia, & cum Oecumenio & Theophylacto in hunc locum, Paulum accepisse nomen abusus pro vehemente usu; voluit enim dicere, ne quantum possum utar potestate mea. Neque est hoc novum; nam alii etiam auctores tum sacri, tum profani utuntur hac voce in bonam partem, Tria enim significat vox *καταχρημα*, & Latine, abutor. Primò, uti re aliqua contra ejus institutionem, & hoc malum est. Secundò, uti præter institutionem, & hoc non est malum; unde est figura *καταχρημα*. S. Paulinus epist. 11. ad Severum: *Itaque, inquit, prompto filii Imperatoris assensu mater Augusta patefactis ad opera sancta thesauris toto abusa fisco est.* Tertiò, uti simpliciter, ut apud Platonem epist. 8. & alios auctores.

E Quòd autem ait: *Ne quod offendiculum ponam,* dico ibi offendiculum non significare scandalum, sed interruptionem, est enim Græcè *ὑπόμνημα*. Metuebat enim Paulus, ut aliqui avariores, ne deberent alere concionatores, ab Evangelio retardarentur; hic autem metus poterat communis esse Paulo cum cæteris Apostolis, qui tamen hoc non obstante, sumptus à populo capiebant. Ex quo intelligimus non fuisse peccatum accipere sumptus à populo, etiamsi inde sequeretur aliqua retardatio cursus Evangelii; nam illa retardatio non oriebatur culpa Apostolorum, qui utebantur jure suo, sed culpa auditorum. Tamen B. Paulus maluit pari famem, & laborem, quam ut ullo modo Evangelii cursus retardaretur.

Adde postremò quod si illa verba: *Ut non abutar potestate mea,* & illa: *Ne offendiculum ponam,* significarent Paulum peccaturum fuisse, si à populo sumptus accepisset, sequeretur eum non potuisse apud homi-

homines gloriari tamquam de opere indebito. Nam si ipse dicit se debuisse illud facere, idque hominibus dicit, quomodo gloriatur se fecisse opus indebitum? Ergo Petrus Martyr secum ipse pugnat, dum docet, Paulum gloriari apud homines de opere indebito; & tamen inducit eundem Paulum dicentem, se debuisse illud opus facere, & peccaturum nisi fecisset.

Nonum testimonium est Apoc. 14. ubi legimus: *Nemo poterat dicere canticum nisi illa centum quadraginta quatuor millia; hi sunt qui cum mulieribus non sunt coinquinati; virgines enim sunt, & sequuntur Agnum quocumque serit.* Ex quo testimonio apparet, singulare præmium habere virgines, quandoquidem canunt canticum, quod nulli alii Beatorum canere possunt.

Respondent Magdeburgens. Cent. 1. lib. 2. cap. 4. col. 454. hunc locum debere intelligi mysticè de iis, qui non sunt maculati idololatria, quæ vocatur fornicatio Babylonis, meretricis magnæ.

At contra. Nam in primis Joannes indicat paucos quosdam fuisse istos virgines, qui soli canticum illud dicere poterant; pauci enim sunt centum quadraginta quatuor millia, si cum illa turba magna Sanctorum comparentur, quæ præ multitudine numerari non poterat, quam idem Joannes vidit Apocal. cap. 7. At major pars Sanctorum immunis fuit ab idololatria, ut notum est. Præterea Joannes non diceret, cum mulieribus non sunt coinquinati, sed cum muliere, si intelligeret de fornicatione Babylonis.

Denique Patres de veris virginibus exponunt, Primasius, Beda, Oecumenius, & Anselmus in hunc locum, Hier. libro contra Helvidium in fine, Greg. 3. parte pastoralis, cap. 29. & Augustinus de S. Virginitate, cap. 27. & sequentibus, qui inter cætera sic ait: cap. 29. *Videbit vos cætera multitudo fidelium, qua Agnum ad hoc sequi non valet: videbit nec invidet, & collatando vobis quod in se non habet, habebit in vobis. Nam & illud canticum novum, proprium vestrum, dicere non poterit, audire autem poterit, & delectari vestro tam excellenti bono, sed vis qui & dicetis, & audietis, quia & hoc quod dicetis, à vobis audietis, felicius exultabitis, jucundiusque regnabitis.* Hæc de Scripturis.

CAPUT X.

Idem asseritur exemplis.

Secundo probatur exemplis primitivæ Ecclesiæ. Nam constat mox initio nascentis Ecclesiæ plurimos cepisse colere continentiam, & vitam communem, rebus omnibus divenditis, quod in testamento veteri rarissimum fuerat. Nec potuit ejus novitatis alia esse causa nisi prædicatio Christi, & Apostolorum. Actor. 4. legimus, quotquot erant possessores agrorum & domorum, iis venditis, pretia attulisse ad pedes Apostolorum. Unde hoc? nisi quia audierant Dominum id consuluisse.

Porro continentiam tam multi certatim arripiebant, ut Actor. 21. legamus, unum Philippum quatuor filias habuisse, & omnes virgines fuisse, quas certè non ad tempus aliquot virgines credere debemus, sed perpetuò, & ex electione; refert enim id Lucas tamquam aliquid magnum, quod videlicet uni homini essent quatuor filiarum virgines. At quid magni est habere quatuor filias virgines, quæ ubi maturæ fuerint, nupturæ sint? Adde, quod Euseb. lib. 3. hist. cap. 30. ex Policrate docet, filias Philippi in virginitate consensuisse.

Præterea Philo Judæus in lib. de vita contempla-

Ativa, testatur plurimos suo tempore, idest, initio Ecclesiæ, vitam communem & coelibem duxisse; ait enim, talia hominum collegia fuisse in multis orbis terrarum partibus, tam apud Græcos, quam apud barbaros, sed præcipuè in Ægypto. Justinus ex Græcis ferè antiquissimus in Apologia secunda ante medium ait, apud nullam gentem ita coli coelibatum, ut apud Christianos, ubi sunt plurimi utriusque sexus usque ad senectutem in virginitate permanentes. Quod idem scribit Tertullianus antiquissimus Latinorum in Apologetico, cap. 9.

CAPUT XI.

Idem asseritur testimoniis Patrum.

Tertio probatur ex clarissimis Patrum testimoniis, tum Græcorum, tum Latinorum; & quia testibus abundamus, omittam eos, quorum testimonia hæretici non recipiunt, ut Dionysium, & Ignatium, & similes.

Origenes in cap. 15. ad Rom. Ea, inquit, quæ supra debitum facimus, non facimus ex præceptis. Verbi causa: Virginitas non ex debito solvitur, neque enim per præceptum expetitur, sed supra debitum offertur.

Eusebius lib. 1. demonstr. Evang. cap. 8. Quocirca, inquit, in Ecclesia Dei duo modi vivendi instituti sunt. **C** Alter quidem naturam nostram, & communem hominum vitam rationem excedens, non nuptias, non sobolem, non substantiam, non opum facultatem requirens, & soli divino cultui, ex immenso rerum celestium amore addictus, & talis quidem existit in Christianismo perfecta vitæ modus. Alter verò remissior atque humanior, hic & modesto conjugio, & sobolis procreatione implicatur, & rei familiaris curam assumit, & iussu militantis, quæ sunt agenda describit, agros quoque & mercaturam adiuncta religione non negligit, & his quidem secundus pietatis attributus est gradus. Et quod uterque vitæ modus à Christo sit institutus, initio capitis apertè docuit.

Athanasius in lib. de Humanitate Verbi, ultra medium: Quis, inquit, hominum, vel post mortem, vel in vita auctor servanda virginitatis fuit? at non contra arbitratus est, eam virtutem præstari non posse? Atamen Salvator noster, & omnium Rex Christus, tantum valuit in huiusmodi præceptis, ut pueri nondum maturi legum disciplina, virginitatem, quæ supra leger est, profiteantur. Nota, vocari hic præcepta, non leges obligantes, sed institutiones, & doctrinam, alioqui pugnaret ipse secum, cum & præceptum vocat, & supra legem esse dicit.

Basilii in libr. de Virginitate, ultra medium: Vult enim Dominus, inquit, non præceptum esse ipsum virginitatis rectè factum, sed insigne animæ, virtutis studiosa ex propria ac libera potestate, id quod supra mandatum, & supra naturam est, à seipsa perpetrantis.

E Epiphanius, hæres. 48. Gaudet quidem, nimirum Ecclesia, his, qui approbatum Dei cultum præstare possunt, virginitatem exercere diligunt, veram unam nuptias honorat &c.

Joannes Chrysostomus homil. 8. de poenitentia: Nequaquam, inquit, Dominum incuset, haud mandat impossibilia, multi & ipsa superant mandata. Et infra, posteaquam exempla posuit de continentia & paupertate, ait in personâ Dei: Non cogo, non gravo, sed proficientem quidem coronabo; non proficientem non punio.

Gregorius Nazianzenus orat. 1. in Julianum, ultra medium: Quomodo, inquit, illud non animadvertis omnium sapientissime & ingeniosissime, atque ad virtutum arcem & verticem Christianos coarctans, qui in legibus nostris alia parendi necessitate imponant, nec sine peri-

ne periculo pratermitti possunt, alia non necessitate constringunt, sed in electione, & voluntate posita sunt, ac proinde hanc rationem habent, ut qui ea custodierint, honore, & premiis exornentur, qui autem minus ea expleverint, nihil periculi pertimescant.

Jam ex Latinis. Cyprianus lib. de Habitu virginum, prope finem: Neque hoc jubet Dominus, inquit, sed hortatur, neque jugum necessitatis imponit, quando manet voluntatis arbitrium liberum: sed cum habitationes multas apud Patrem suum esse dicat, melioris habitaculi hospitia demonstrat. Habitacula ista meliora vos petitis, carnis desideria castrantes, majoris gratia premium in caelestibus obtinetis.

Ambrosius lib. de Viduis, ultra medium: Qui praeceptum, inquit, impleverint, dicere possunt, servi mutiles sumus, quod debuimus facere, facimus; Hoc virgo non dicit, non dicit ille, qui bona sua vendidit. Et infra, Ideo ergo praeceptum non datur, consilium datur; praeceptum enim castitatis est, consilium integritatis.

Hieronymus lib. 1. contra Jovinianum, Proponit Agonothetes premium, invitatur ad cursum, tenet in manu virginitatis braviolum, ostendit purissimum fontem, & clamat: Si quis sitis, veniat, & bibat, non dicit, velitis nolitis, bibendum vobis est, atque currendum, sed qui voluerit, qui potuerit currere atque potare, ille vincet, ille satiabitur, & ideo plus amat virgines Christus, quia sponte tribuunt, quod sibi non fuerat imperatum, majorisque gratia est offerre quod non debeas, quam reddere quod exigeris.

Gregorius lib. 15. Moralium cap. 5. Electi, inquit, nunquam plus student agere, quam eis dignatus est Dominus jubere, carnis enim virginitas nequaquam iussa est, sed tantum laudata, Nam si illa jubere, meminum conjugium iam culpa crederetur, & tamen multi virtute virginitatis pollent, ut videlicet plus impendant obsequio, quam acceperunt praecepto. Haec ille. Vide etiam tertia parte pastoralis, cap. 28. & 29.

Augustinus lib. de Sancta Virginitate cap. 30. loquens de praeceptis & consiliis: In illis, inquit, Dominus debitum imperat vobis, in his autem, si quid amplius supererogaveritis, in reddendo reddet vobis. Et serm. 18. de verbis Apostoli: Ambierunt, inquit, virgines illam majorem pulchritudinem cordis sui, tanquam dicerent: quid jubet ne adultera simus? Hoc praecipit amando te plus facimus, quam praecipis. Et in Enchirid. capit. 121. Quaecumque, inquit, mandat Deus, ex quibus munus est, Nam machaberis, & quaecumque non jubentur, sed speciali consilio monentur, ex quibus munus est, Bonum est homini mulierem non tangere, tunc recte sunt, cum referuntur ad diligendum Deum, & proximum, & in hoc saeculo, & in futuro. Ex his apparet, quanto mendacio Calvinus dicat, lib. 4. Instit. cap. 13. §. 12. nulli veterum venisse in mentem, quod Christus aliquid consuluerit.

CAPUT XII.

Idem confirmatur naturali ratione.

Ultimo probatur ratione desumpta, tum ex corporibus naturalibus, tum ex politicis Rebuspublicis. Videmus enim in qualibet re naturali, duplicem esse perfectionem: unam necessariam ad esse, alteram ad bene esse: unam, sine qua rei natura non est perfecta, alteram, sine qua non est ornata; homo si habeat animam & corpus, perfectus est, quod ad naturam attinet, etiam si alioqui deformis, & imperitus, atque improbus sit. At cum est elegans, politicus, formosus, doctus, probus, aliam quandam habet perfectionem; ergo eodem

A modo homo Christianus duplicem habere debet perfectionem: unam necessariam ad esse, idest, per quam sit verè filius Dei, & haeres regni, quae consistit in praeceptorum observatione: alioqui enim non esset Christus bonus legislator, si legem tulisset, quae non perficeret hominem Christianum: alteram necessariam ad bene esse, quae consistit in consiliis.

B Videmus item in omnibus bene institutis Rebuspublicis praepraemia, & poenas constitutas servantibus, aut transgredientibus leges, esse etiam praemia quaedam decreta heroicis operibus. Hinc apud Romanos praepraemia debita militibus, non violentibus militum disciplinam, fuisse etiam coronas civicas, ovationes, supplicationes, ac triumphos decretos factis heroicis, ut omnes noverunt. Ita ergo non abhorret à ratione, immò potius conforme est rationi, ut praepraemia vitam aeternam promissam observatoribus legis divinae, sint etiam certa praemia, & singulares honores pro iis, qui non solum Dei legem servant, sed etiam virtutes heroicas ostendunt.

CAPUT XIII.

Solvuntur objectiones.

C IN contrarium sunt argumenta tria Pelagianorum, & 14. Calvinistarum, quae diligenter collegit ex Calvino & aliis Petrus Martyr in comment. 1. ad Corinth. 9.

Primum est, Matth. 19. Dominus ait: Facilius est camelum per foramen acus transire, quam divitem intrare in regnum caelorum, illud est impossibile, igitur & hoc. Respondeo cum Augustino epist. 89. quaest. 4. in eodem loco esse solutionem; nam Dominus ait: Quod impossibile est apud homines, possibile est apud Deum.

D Sed instant, ideo possibile apud Deum dici, quia Deus per Evangelium suum docuit vendere omnia, & dare pauperibus; quod qui fecerit, poterit intrare in regnum caelorum. Respondeo, si ita esset, tunc esset etiam possibile apud homines. Nam etiam Ethnici Philosophi potuerunt abicere omnes facultates, ut de Crate Thebano, & de Antisthene refert B. Hieronymus in epist. 26. ad Pammachium de obitu Paulinae uxoris. Sicut etiam apud homines possibile est camelum intrare per foramen acus, si desinat esse camelus, & redigatur ad subtilitatem setae. Christus autem dicit: Id quod impossibile est hominibus, possibile esse Deo, idest, introducere camelum, existentem camelum, per foramen acus, & divitem, existentem divitem, in regnum caelorum; potest ergo dives salvari, si gratia Dei adjutus bene utatur divitiis.

E Secundum argumentum Lucae 14. Nisi quis renunciat omnibus, quae possidet, non potest meus esse discipulus. Respondeo cum Augustino, epist. 5. & epistol. 89. quaest. 4. loqui Dominum de praeparatione animi; nam paulò ante inter ea, quibus renunciare oportet, numeravit Dominus uxorem, & propriam animam.

Tertiò, Matth. 5. Estote perfecti, dicitur omnibus Christianis; at qui vult perfectus esse, debet omnia vendere, & dare pauperibus, Matth. 19. ergo &c. Respondeo, in primo loco agi de perfectione necessaria, in secundo de perfectione utili, sunt enim varii gradus charitatis, ut alias expositum est.

Argumentum Primum Petri Martyris tale est. Deus jubet se diligere ex toto corde, ex tota anima, & ex omnibus viribus; unde nihil superest non debitum quod agimus; quidquid enim agimus, corde, anima, & viribus, ac viribus agimus, quare omnia nostra Deo sunt obstricta. Augustinus lib. 1. doct.

doctr. Christ. cap. 22. *Cum autem, inquit, ait toto corde, tota mente, tota anima, nullam vitam nostram partem reliquit, qua vacare debeat.*

Ad hæc, præceptum dilectionis, ut etiam præceptum non concupiscendi, in hac vita impleri non posse, Augustinus affirmat lib. de spiritu & litera cap. ult. *Ad illum, inquit, vitam jam immortalem pertinet, Diliges Dominum Deum tuum ex toto corde tuo: ad hanc autem, non regnet peccatum in vestro mortali corpore: ad illam, non concupisces, ad istam, post concupiscentias tuas non eas.* Ex in lib. de perfectione justitiae ante medium: *In qua plenitudine charitatis, nimirum in patria, præceptum illud implebitur, Diliges Dominum Deum tuum ex toto corde tuo; nam cum est adhuc aliquid carnalis concupiscentia, quod vel continendo fruetur, non omni modo ex tota anima diligitur Deus.*

Adde etiam S. Bernardum, & B. Thomam. Nam Bernardus serm. 50. in Cantic. *Si placet, inquit, tibi magis de affectuali datum fuisse mandatum, non inde contendo, dummodo acquiescas & tu mihi, quod minime in vita ista ab aliquo hominum possit, vel potuerit adimpleri.* S. Thomas in 2. 2. quæst. 44. art. 6. dicit, in hac vita præceptum dilectionis imperfectè impleri: & quæst. 184. art. 3. dicit, hoc præcepto ita imperari dilectionem sine mensura, ut nullus gradus charitatis remaneat, qui sit in consilio. Quare si in hac vita præceptum primum nunquam perfectè implere possumus, certè multò minus possumus amplius facere, quàm sit nobis præceptum.

Respondeo; Vis argumenti principalis potissimum in duobus posita est. Primò, in illa enumeratione potentiarum cordis, animæ, mentis, virium omnium. Secundò, in illa particula: *Ex toto*. Hinc enim videtur colligi debere, nihil omnino posse hominem propter Deum facere, sive corde, sive corpore, quod non teneatur facere. Ostendam igitur neutra ex parte argumentum concludere.

Quod attinet ad illam enumerationem, quidam ex Patribus existimarunt, illa omnia esse diversa, & ideo conati sunt distinctionem eorum ostendere, ut videlicet anima significet partem animæ vegetativæ, cor sentientem, mens intelligentem, vel aliquid ejusmodi. Vide Gregorium Nyssenum in libro de creatione hominis cap. 8. Theophylactum & Anselmum in commentariis cap. 23. Matthæi. Augustinum lib. 1. doctrinæ Christianæ cap. 22. Bernardum serm. 20. in Cantica, & S. Thomam in 2. 2. quæst. 44. artic. 5.

Sed simplicior & Scripturæ conformior est eorum sententia, qui docent ista omnia idem significare, & more Scripturæ multa, & varia nomina poni ad rem eandem explicandam, majoris expressionis gratia. Itaque idem esse, diligere corde, & diligere anima, & diligere mente, nimirum diligere verè, sincerè, non fictè, non simulatè. Nam in primis Hilarius, Hieronymus, & Chrysostomus, in commentario ad cap. 22. Matthæi, & Ambrosius ad cap. 10. Lucæ, ubi hoc præceptum explicant, nihil omnino de distinctione harum vocum tradunt.

Deinde Matthæus cap. 22. Marcus cap. 12. & Lucas cap. 10. referunt præceptum dilectionis ex libro Deuteronomii cap. 6. & tamen nullus horum auctorum convenit in numero, & ordine harum vocum cum altero, quod est evidens argumentum, nihil esse mysterii in illa enumeratione. Moses dixerat: *Diliges ex toto corde, ex tota anima, & ex tota fortitudine tua.* Matthæus posuit: *Ex toto corde, ex tota anima, ex tota mente.* Marcus: *Ex toto corde, ex tota anima, ex tota mente, ex tota virtute.* Lucas: *Ex toto corde, ex tota anima, ex omnibus viribus, & ex tota mente.*

A Præterea 3. Regum 14. de Davide dicitur, quòd sequutus sit Dominum in toto corde suo; de Josia autem 4. Regum 23. dicitur, quòd sequutus sit Dominum in toto corde, tota anima, & tota virtute, nec tamen ullus auderet Josiam Davidi antepone; Item Moses requirit Deut. 4. ut homo quærat Deum in toto corde, & in tota anima, si eum invenire desiderat: At Samuel 1. Regum 7. solum requirit, ut Deus quæretur in toto corde. Apparet igitur illis omnibus verbis id unum imperari, ut Deum sincerè diligamus.

B Porro illa verba: *Ex omnibus viribus*, non significant ex omnibus potentiis animæ, sed omni virtute, & quod vulgò dicimus, pro viribus; nam in Græcis codicibus nihil est aliud nisi ἐξ ὅλης ἰσχύος, quod tamen interpretes nunc vertit ex omni virtute, nunc ex omni fortitudine, nunc ex omnibus viribus. Quare ineptè Lutherus in assert. art. 31. contendit, hoc præceptum impleri non posse, quia una quædam ex viribus animæ, nimirum appetitus sensitivus, non diligit Deum, cum tamen diligere jubeamur Deum ex omnibus viribus. Sed etiam si juxta priorem expositionem enumerarentur variae potentiae animæ, ac juberemur illas omnes exercere ad gloriam Dei, adhuc nihil adversari obtinerent. Quoniam enim præceptum hoc affirmativum est, ideo dicendum esset solum præcipi, ut exerceremus eas potentias propter Deum, quando id necessitas gloriæ ejus procurandæ requireret, alio autem tempore si id fieret, opus esset consilii, & supererogationis.

C Jam verò quantum ad illam particulam: *Ex toto*, sunt etiam duæ Patrum expositiones. Una est sanctorum, Augustini, Bernardi, & Thomæ, locis notatis, qui docent illud: *Ex toto*, significare, imperari nobis hoc mandato omnes gradus charitatis, quos vel in hoc mundo, vel in alio habere possumus, ita ut semper Deum amemus, & non sit in nobis ullus motus cupiditatis, neque voluntarius, neque involuntarius, cum Dei amore pugnans, ex quo rectè deducunt hoc mandatum in hac vita perfectè impleri non posse. Quæ sententia non pugnat cum sententia nostra, de consiliis Evangelicis, tamen non videtur admodum conformis sacris literis. Quòd autem non pugnet cum sententia nostra, ex eo patet, quòd idem Patres affirmant, hoc præceptum, licet non possit perfectè impleri in hac vita, non tamen facere prævaricatores, si non impleatur.

D Ut autem id intelligatur, observandum est duobus modis posse aliquid præcipi: Uno modo, ut solum indicetur id quod faciendum est: Alio modo, ut indicetur præcepto id quod faciendum est, & finis, cujus gratia id faciendum est. Si dicat Imperator militibus, pugnate adversus illam urbem, solum indicat id quod faciendum est: si verò dicat, capite illam urbem, indicat quod faciendum est, & finem etiam illius operis, idem enim est, ac si diceret, pugnate ad hunc finem, ut urbem capiat. Interest autem multum inter hos duos modos præcipiendi, nam cum præcipitur priore modo, prævaricator est, qui non facit id totum quod præcipitur: cum verò præcipitur posteriore modo, non est prævaricator, qui non facit id totum, quod præcipitur, sed is tamen prævaricator est, qui non facit id, quod indicatur per modum medi ad finem. Præceptum enim propriè non obligat, quatenus indicat finem, sed solum quatenus præcipit medium. Itaque si dicat Imperator, pugnate, peccant milites, si non pugnent; si verò dixerit, capite urbem, non peccant si urbem non capiant, modò pugnent, ac pugnando dent operam ut illam capiant.

Patres

Patres igitur suprâ citati, Augustinus, Bernardus, Thomas, existimant hoc præcepto: *Dilige Dominum Deum tuum ex toto corde tuo*, simul imperari medium, & indicari finem; & ideo docent, non posse impleri perfectè hoc præceptum in hac vita, & tamen non esse prævaricatorem, qui non perfectè illud implet. Augustinus de spiritu & litera, cap. ultim. posteaquam dixerat, non posse impleri hoc mandatum in hac vita, addidit: *Sed ideo nobis hoc etiam nunc præceptum est, ut admoneremur, quid fide exposcere, quò spem premittere debeamus.* Et infra: *Necque enim si esse nondum potest tanta dilectio Dei, quanta illi cognitioni plena perfectæque debetur, jam culpa deputandum est &c.* Et lib. de perfectione justitiæ: *Cur, inquit, non præcipitur homini ista perfectio, quamvis eam in hac vita nemo habeat? Non enim rectè curritur, si quò currendum est nesciatur; quomodo autem sciretur, si nullis præceptis ostenderetur?* Et ad finem ejusdem libri docet idem Augustinus, motus involuntarios concupiscentiæ, licet hoc præcepto prohibiti sint, tamen adeò non esse peccata, ut non sit opus dicere pro eis: *Dimitte nobis debita nostra.*

S. Bernardus serm. 50. in Cantica: *Nec latuit, inquit, præceptorem, præcepti pondus hominum excedere vires, sed judicavit utile ex hoc ipso sua illos insufficiencia admoneri, & ut scirent sanè, ad quem justitia finem nisi pro viribus oporteret; Ergo mandando impossibilia non prævaricatores homines fecit, sed humiles.* Sic etiam B. Thomas solum docet, hoc præceptum imperfectè servari, quatenus indicat finem, & in eodem sensu dicit, nullum gradum dilectionis esse in consilio, sed omnes in præcepto, quatenus videlicet hoc præceptum continet & medium, & finem. Nihil enim addi potest ad eam dilectionem, quæ ut finis proponitur; finis enim sine mensura appetitur. Quare in eodem loco S. Thomas affirmat, nullum esse peccatum, non implere hoc præceptum in tota sua latitudine, sed satis esse si aliquo modo observetur.

Quocirca remanet jam suus locus consiliis etiam circa hoc præceptum. Nam etiamsi nihil possum addere huic præcepto, quatenus indicat finem, tamen possum addere quatenus indicat medium: & si non pecco, ex sententia sancti Thomæ, si non amem Deum, nisi uno gradu amoris, certè non teneor in rigore amplius amare; implicat enim contradictionem, quòd non peccem, non faciendo quòd facere teneor; ergo si addam alterum gradum amoris, amò plus quàm teneor, atque eo modo facio actum supererogationis, & consilii.

Demonstravimus igitur, sententiam istam Patrum, non esse contrariam sententiæ nostræ de consiliis Evangelicis. Quòd autem hæc sententia non sit conformis divinis literis, mox ostendemus. Est igitur alia sententia, illud: *Ex toto corde*, non significare omnes actus cordis, vel omnem intentionem possibilem, ita ut imperetur, ut nihil corde agamus, nisi Deum diligere, idque summa vehementia amoris, sed solum ut amemus Deum præcipuo amore, nihilque illi in amore anteponamus, vel æquemus, ac proinde solum in hoc præcepto contineatur id, quòd faciendum est, non etiam finis ob quem faciendum est. Ex quo sequuntur sex quasi corollaria.

Primum est, huic præcepto adversari omnia peccata mortalia, quia in omni peccato mortali anteponitur creatura creatori. Secundum, huic præcepto non adversari amorem honestum affinium, & amicorum, licet non referatur actu in Deum, quia non tenemur Deum solum amare, sed eum præcipuè. Tertium, non adversari peccata venialia eidem præcepto, quia peccata venialia non mutant

A ultimum finem. Quartum, non adversari eidem præcepto motus involuntarios concupiscentiæ, etiamsi rerum alioqui gravissimarum, ut infidelitatis, blasphemæ, adulterii &c. nam cum charitas Dei sit in voluntate, non adversantur ei, nisi motus voluntarii. Quintum, hoc præceptum perfectè in hac vita servari posse, quia non exigit, nisi ut amemus Deum plus quàm creaturas. Sextum, posse Deum ex toto corde magis & minus diligi; qui enim propter Deum abstinere se à licitis, magis diligit, quàm qui solum se abstinere ab illicitis, & tamen uterque diligit toto corde.

B Quòd autem hæc explicatio sit verior, & Scripturis conformior, quàm superior, multis modis probari potest. Primò, quia in Scripturis passim ita accipitur illa vox: *Totum*, vel *omnis*, ut Matth. 2. *Turbatus est Herodes, & omnis Hierosolyma cum illo.* Et Act. 2. *Tota confunditur Hierusalem.* In his enim locis significatur, magnam partem eorum, qui erant in Hierusalem turbatos fuisse, non autem omnes omnino, & tamen simpliciter Scriptura dicit: *Omnis Hierosolyma turbata est.* Et: *Tota confunditur Hierusalem.* Sic etiam Gen. 31. dicit Jacob: *Scitis, quòd totis viribus servierim patri vestro; & tamen multa alia eodem tempore Jacob fecerat.* 2. Reg. 15. *Toto corde universus Israel sequitur Absalon*, aliaque id genus frequentissimè inveniuntur. Scriptura enim utitur sæpè communibus phrasibus. C Vulgo autem absolute dicimus: *Totus sum in hac re*, vel *totis viribus hoc agam*, cum tamen nihil aliud significare velimus, nisi præcipua cura, ac studio nos incumbere.

Secundò, Scriptura docet hoc præceptum esse facile, ac præsupponit servari posse, quòd tamen non esset verum, si in hac vita impleri non posset. Deuter. 10. *Et nunc Israel quid Dominus Deus tuus petit à te, nisi ut timeas Dominum Deum tuum, & diligas eum, ac servias ei in toto corde tuo, & in tota anima tua.* Et cap. 13. *Tentat vos Dominus Deus vester, ut palam fiat, utrum diligatis eum in toto corde vestro, & in tota anima vestra, an non.* Lucæ 10. querenti jurisperito: *Quid faciendo vitam æternam possidebo?* Dominus respondit: *In lege quid scriptum est? quomodo legis?* ait ille: *Dilige Dominum Deum tuum ex toto corde tuo &c.* Et Dominus: *Hoc fac, & vires.* Certè hæc omnia præsupponunt mandatum hoc in hac vita impleri posse, alioqui in promptu fuisset reprehensio.

D Tertiò, promisit Deus se facturum, ut tempore novi Testamenti diligatur in toto corde, tota anima &c. Igitur aut Deus, quòd esse non potest, mentitus est, aut hoc mandatum in hac vita simpliciter adimpletur. Deuteronom. 30. *Circumcidet Dominus cor tuum, & cor seminis tui, ut diligas eum in toto corde, & in tota anima, ut possis vivere.* Hierem. 24. *Dabo eis cor, ut sciant me, & erunt mihi in populum, & ego ero illis in Deus, quia revertentur ad me in toto corde suo.*

E Quartò, multi hoc mandatum impleverunt; igitur in hac vita impleri potest. Deuter. 30. *Gaudet Dominus in te, sicut gavisus est in Patribus tuis, si tamen revertaris ad eum in toto corde tuo, & in tota anima tua.* 3. Reg. 14. *Non fuisti sicut servus meus David, qui custodivit mandata mea, & sequutus est me in toto corde suo.* Ecclesiast. 47. *De omni corde suo laudavit Dominum, & dilexit eum, qui fecit illum.* 4. Regum 23. *Similis illi non fuit ante eum Rex, qui reverteretur ad Dominum in omni corde suo, & in tota anima sua, & in universa virtute sua, juxta omnem legem Moysi.* Psalm. 118. *In toto corde meo exquisivi te.*

Accedat postremò consensus Patrum, qui nihil impossibile nobis à Deo mandatum esse docent. Vi-

de Origenem homil. 9. in Josue; Basilium in illud: *Attende tibi*; Hilarium in illud Psal. 118. *Latum mandatum tuum nimis*; Hieronymum lib. 3. contra Pelagianos, & Augustinum lib. de natura & gratia, c. 69. qui auctor non solum in genere dicit, Deum nihil impossibile præcepisse, sed etiam in specie de mandato dilectionis: *Quomodo*, inquit, *est grave, cum sit dilectionis mandatum?* Et in Psal. 56. de hoc ipso mandato: *Neque enim*, inquit, *imperaret hoc Deus, ut faceremus, si impossibile iudicaret, ut ab homine fieret.* Ubi videtur Augustinus aut mutasse, aut certe explicavisse priorem sententiam. Bernardus etiam sermon. 50. in Cantica, etiam exposuit hoc mandatum uno modo de dilectione, quæ hic perfecte haberi non potest, tamen magis propendet in sententiam hanc posteriorem, quam etiam sequitur Bonavent. in 3. dist. 27. art. 2. quæst. ult. & plerique Doctores in eadem distinct.

Argumentum secundum. Dominus ait Matth. 7. de lege sua: *Quam angusta porta est, & arcta via, qua ducit ad vitam, & pauci sunt qui inveniunt eam.* Quomodo ergo non errant, qui eam tam latam & facilem prædicant, ut etiam dicant, posse hominem plus facere, quam lex exigat?

Respondeo: idem Dominus ait de lege sua Matth. 11. *Iugum meum suave est, & onus meum leve.* Et David de lege Domini sub eadem metaphora Psal. 118. *Latum mandatum tuum nimis.* Et Apostolus 1. Joan. 5. *Et mandata eius gravia non sunt.* Quare lex Domini difficilis est, & facilis: difficilis ex natura sua, quia difficile est attingere medium, in quo virtus consistit, facile verò est aberrare à scopo; difficilior etiam redditur ex naturæ corruptione; difficile enim est avaro facere eleemosynam, luxurioso continere &c. At facilis est habenti gratiam & charitatem; gratia enim & naturam sanat, & dirigit, atque inclinat ad medium attingendum; ut etiam difficile est homini pingui, & onusto ingredi portam etiam utcumque latam, at homini tenui, & nudo non est difficile ingredi portam, etiam utcumque angustam. Unde S. Leo serm. 5. de Epiphania: *Nihil*, inquit, *arduum est humilibus, nihil asperum mitibus.* Et B. Augustin. lib. de natura & gratia, cap. 69. *Omnia*, inquit, *sunt facilia charitati.* Et David Psal. 118. *Viam mandatorum tuorum tueri, cum dilatasti cor meum*; certe autem qui currit, cum solum ambulare teneatur, plus facit, quam ei imperatum sit.

Argumentum tertium. In opere nostro semper aliquid deest: ergo numquam implemus legem: ergo multò minùs possumus facere opera supererogationis. Probatur antecedens, quia Paulus ad Rom. 7. dicit, *se mente servire legi Dei, carne autem legi peccati*; & Job verebatur omnia opera sua, Job 9. & Isaïas cap. 64. vocat pannum menstruatam omnes iustitias nostras; & David clamat Psal. 142. *ne intres in iudicium cum servo tuo, quia non iustificabitur in conspectu tuo omnis verus.*

Respondeo: negandum esse antecedens; nam si nullo modo legem servare possemus, mentiretur Joannes, cum ait: *Et mandata eius gravia non sunt*, 1. Joan. 5. & Dominus, cum ait Matth. 19. *Si vis ad vitam ingredi, serva mandata*, juvenem illum non docuisset, sed delusisset, ac si dixisset: si vis in cælum ascendere, fac tibi remigium alarum, & vola per aerem. Inimò sequeretur hominem numquam peccare; non enim peccat qui non facit quod non potest, & Deus esset omni Tyranno iniquior, & crudelior, quippe qui tributum peteret quod nemo posset solvere, & hoc ab amicis suis peteret. Adde quòd Basilii oratione in illud: *Attende tibi*, dicit impium esse asserere, aliquid impossibile Deum præcepisse, quod idem docent omnes Patres.

A Ad primum ergo locum dico, Paulum loqui de motibus concupiscentiæ involuntariis, qui non peccata, sed pœnæ sunt.

Ad secundum dico, contrarium inde elici, ideo enim Job verebatur omnia sua opera, quia metuebat ne aliquid in eis imperfectionis misceret; illi autem propriè metunt, qui vident posse vitari malum quod metunt; semper enim conjuncta sunt spes, & metus; qui enim certò sciunt non posse vitari, desperant & dolent potius quam metunt. Unde B. Gregorius in hunc locum scribens, ait: *Ipsa bona nostra, quia insidiantis culpa evadere gladium nequeunt, nisi sollicito quotidie timore muniantur, per sanctum virum nunc rectè dicitur: Verebar omnia opera mea.*

B Ad tertium dico cum Hieronymo ibidem, Prophetam loqui in persona gravissimorum peccatorum, qui si qua opera bona faciebant, saltem moraliter, ea inquinabant admixtione multorum criminum; Nos autem non de peccatoribus, sed de justis loquimur, cum dicimus homines posse legem servare, & etiam amplius facere. Nec tamen admittimus omnia opera peccatoris necessariò esse peccata; nam Isaïas non comparat opera peccatorum sordibus, sed panno sordidato, in quo sunt partes nitidæ, & partes maculatæ.

C Ad ultimum dico, cum Augustino lib. de perfectione iustor. Hieronym. in epist. ad Ctesiphontem, & Gregorio in hunc Psalmum, non posse hominem justificari coram Deo, quia nemo est, qui non habeat peccata venialia, quæ tamen non impediunt quin homo sit justus, & multa opera bona faciat, etiam supererogationis; non enim dicit David, non iustificabitur omne opus, sed omnis vivens; vel dicendum cum Arnobio, Hilario, Hieronymo, & Euthymio in hunc locum, non posse ullum justificari si comparetur cum Deo; tam sublimis enim est Dei iustitia, ut ejus comparatione omnis hominum & Angelorum iustitia, iniustitia videatur, sicut candelæ accensa coram sole, non lucere, sed umbram facere videtur.

D Argumentum quartum. Verba Christi Lucæ 17. inquit Martyr: *Cum feceritis hæc omnia, dicite, servi inutiles sumus, quæ debuimus facere, fecimus*, istud commentum prorsus excludunt, & confirmatur: nam servus quidquid est, Domini est, & quidquid facit, Domino facere tenetur.

E Respondeo: Petrum non egisse hoc loco fidelem martyrem, nam omisit ea verba, in quibus latebat solutio. Non enim Dominus ait, cum feceritis omnia, dicite, servi inutiles sumus &c. Sed, cum feceritis hæc omnia, quæ præcepta sunt vobis, dicite, servi inutiles sumus, quæ debuimus facere, fecimus. Unde Ambrosius lib. de Viduis: *Hæc*, inquit, *virgo non dicit, hæc non dicit ille, qui bona sua vendidit, sed quasi reposita expectat præmia, sicut sanctus Apostolus ait: Ecce nos reliquimus omnia, & sequuti sumus te; quid ergo erit nobis? Non enim quasi inutilis servus, quod debuit facere, fecisse se dicit, sed quasi utilis Domino, qui commissa sibi talenta quasiis multiplicavit usuris, mercedem fidei, atque virtutis, bene sibi conscius meritumque securus, expectat.* Adde quòd Dominus non ait, servi inutiles estis, sed dicite, *servi inutiles sumus*; vult enim nos humiles esse & non jactare nostra merita, sed ipse tamen postea dicit: *Euge serve bone & fidelis*; inutilem autem servum vocabit eum dumtaxat, qui præceptis non obedierit, ut patet Matth. 24. in parabola de talentis: *Inutilem*, inquit, *servum projicite in tenebras exteriores.*

Ad confirmationem, fateor, servum, quidquid est, Domini esse, & quidquid agit, in lucrum Domini cedere. At non inde sequitur ex debito eum facere quid.

quidquid facit : quid enim si velit sibi de somno concessio aliquid subtrahere , ut pro Domino suo aliquid agat , nonne plus faciet quàm teneretur ?

Argumentum quintum . Jubemur quotidie dicere Deo : *Dimitte nobis debita nostra* : ergo numquam facimus quantum debemus : ergo multò minus facimus plus quàm debemus . Respondeo , quotidie nos Deo dicere : *Dimitte nobis debita nostra* , propter peccata venialia , quibus in hac vita aut numquam , aut rarò caremus , quibus tamen non obstantibus , & iusti esse , & supererogationis opera facere possumus .

Argumentum sextum . Apostoli Matth. 19. non solum non cognoverunt de operibus supererogationis , sed etiam de ipsa salute dubitarunt , dicentes : *Quis poterit saluus esse ?* Quibus Dominus non ait , non solum salvi esse , sed etiam supererogare potestis , sed ait : *Quod impossibile est hominibus , possibile est apud Deum* . Respondeo , apud homines impossibile esse & salvari , & opera supererogationis facere ; apud Deum utrumque esse possibile .

Argumentum septimum . Hieremias dicit : *Maledictus qui facit opus Dei negligenter* , cap. 48. Nemo autem est , cui non subrepat aliqua negligentia : ergo nemo satisfacit debito suo erga Deum . Respondeo , loquitur de negligentia gravi , quæ amicitiam Dei tollat , unde in Hebræo ^{חמור} fraudem potius , quàm negligentiam significat ; sicut Hieronymus etiam vertit .

Argumentum octavum . Christus ait : *Hoc est praeceptum meum , ut diligatis invicem , sicut ego dilexi vos* , Joann. 13. At Christus sic nos dilexit , ut pro nobis sit mortuus ; ergo & nos debemus pro fratribus animas ponere , ut concludit Joannes , 1. Joan. 3. at hæc est summa charitas , cui nihil addi potest : *Majorem enim charitatem nemo habet , quàm ut animam quis ponat pro amicis suis* , Joan. 13. Ergo nullus remanet locus consilii , & operibus supererogationis . Respondeo , non tenemur animas ponere pro fratribus , nisi quando id necessarium est ad eorum salutem æternam , si ergo id faciamus , cum non est necessarium , sed utile tantum , opus consilii & supererogationis faciemus : & similiter si proximo beneficiam , quando non est in extrema vel gravi necessitate , opus facio supererogationis .

Argumentum nonum . Jubet Deus Deuteron. 4. nihil addi praeceptis suis ; malè ergo adduntur consilia . Respondeo : jubet Deus nihil addi praecepto , quod ipsum corrumpat , non autem aliquid , quod ipsum perficiat ; consilia autem perficiunt , non corrumpunt praecepta , ut patet . Vide plura , si libet , de hoc argumento in lib. 4. de Pontifice , cap. 17.

Argumentum decimum . Ita sumus Deo obligati , ut non possimus unquam facere , quantum debemus : ergo numquam supererogamus . Antecedens patet ; nam quidquid habemus boni , ab illo habemus : ergo omnia nostra sunt ei debita , & si milles pro Deo viram ponemus , numquam tamen reddemus ei aliquid æquale .

Respondeo : argumentum probat , potuisse Deum à nobis exigere quidquid possumus , non tamen voluisse . Constat enim ex divinis literis , Deum pro sua benignitate imposuisse nobis jugum suave , & onus leve . Præterea probat hoc argumentum , numquam hominem posse facere plus quàm debet , immò etiam nec quantum debet , si consideremus beneficia Dei nobis collata ; numquam enim ei reddemus æquale ; & tamen possumus facere plus quàm debemus , si consideremus legem nobis à Deo impositam , & proinde possumus facere plus quàm revera facere teneamur ; nam etsi non possumus superare , aut æquare Dei beneficia nostris operibus , tamen non pro-

Controv. Card. Bellarm. Tom. II.

A pterea rei efficimur , quia non tenemur id præstare , sed id solum , quod Deus imperavit .

Argumentum undecimum . Ad Philipp. 4. dicitur : *Quod reliquum est , fratres , quaecumque sunt vera , quaecumque honesta , quaecumque iusta , quaecumque pura , quaecumque accommoda , quaecumque boni nominis , si qua virtus , & si qua laus , hæc cogitate , quæ & didicistis , & accepistis , & audistis , & vidistis in me , hæc facite , & Deus pacis erit vobiscum* . Inveniant , inquit Petrus Martyr , isti acuti homines , quod huic praecepto Pauli superaddi possit . Respondeo , hæc omnia debere accipi negativè , ut sensus sit . Nihil cogitetis , neque agatis , nisi quod iustum est , quod verum , quod pudicum &c. Et hoc modo multa possunt superaddi affirmativa ; alioqui si juberet Paulus , ut omnia , quæ sunt vera cogitarem , deberemus cogitare , non solum omnem Scripturam sanctam , sed etiam totam Philosophiam , ac præsertim Mathematicas demonstrationes , quæ verissimæ sunt .

Argumentum duodecimum . Te , inquit , interrogo , an possis aliquid facere ultra legem , vel non ? si non potes , convenimus ; si potes , ergo teneris id facere . Nam lex requirit omnes tuas vires , & quidquid potes : ergo implicat contradictionem , quòd possis ultra legem aliquid facere . Respondeo , nego , legem requirere omnes vires , & quidquid possumus , solum enim requirit , ut impleamus , quod præcipitur , sive nobis superent vires , sive non . Alioqui 1. ad Corinthios 7. Paulus non potuisset dicere de homine soluto : *Quod vult , faciat : non peccat , si nubat* . Sic enim argumentabor : aut ille potest continere , aut non ; si non , ergo tenetur nubere , ut Calvinus & Martyr docent ; si potest , ergo tenetur continere ; lex enim requirit quidquid possumus : ergo numquam datur tempus , quo liceat dicere : *Quod vult , faciat ; non peccat , si nubat* .

Argumentum decimūterrium . Non caret superbia & arrogantia infinita , ut dicas , te plus facere , quàm tenearis , & Christo sit injuria non vulgaris , qui frustra dicetur mortuus ; si valuisses legem præstare , aut plus efficere , quàm in illa praeceptum fuerit .

Respondeo : non timuisse istam superbiam infinitam illas virgines , quæ , teste Augustino , serm. 18. de verbis Apostoli , dixerunt : *Amando te plus facimus , quàm præcipis : neque illos omnes Patres , quos supra citavimus . Sed hoc revera non caret superbia infinita , propter tam debiles ratiunculas opponere se omnibus sacris Doctoribus , immò & ipsi Scripturæ , quod Petrus Martyr facit . Illud autem de Christo est manifesta calumnia ; non enim dicimus , posse hominem suis viribus , aut sine Christi gratia legem servare , vel aliquid superaddere .*

Argumentum decimūquartum . Nolle Deum plus amare , si plus possis , gravissimum peccatum est : ergo nihil potes superaddere , quod non debeas . Probat antecedens ; primò , quia negat Deum esse summum bonum , qui non vult eum amare quantum potest ; secundò , quia abutitur Dei dono , qui potest plus diligere , & non vult ; nam posse plus diligere sine dubio Dei donum est . Adde , quòd qui talentum abscondit , à Deo punitus est , Matth. 25. & peccatum est ingratitudinis , nolle facere quod potes pro eo , cui non potes referre paria .

Respondeo , nolle plus amare si plus possis , esse peccatum , si ex contemptu id fiat , vel si necessitas exigat majorem illum amorem ; vel si id fiat ex superbia , quasi putes te satis esse perfectum ; vel denique si ex accidia & pigritia nolis ullo modo amplius proficere . Id enim repugnat statui viatoris , at si velis quidem plus diligere & proficere , sed juxta conditionem & gradum tuum , etiamsi nolis ad altiores statum ascendere , quamvis possis , non peccas . Verbi gr.

N 2 cui est

cui est imperatum, ut proficiscatur Venetias, si in media via consistat, & nolit progredi, peccat: At si velit progredi, sed per viam communem, non per compendia; & si velit in ipsa via ambulare, non currere, non peccat.

Igitur ad primum dico, illum negare Deum esse summum bonum, saltem factis, qui non vult eum summo amore diligere, idest, super omnia alia: qui autem diligit Deum super omnia, ille Deum habet pro summo bono, etiamsi eum non tam ardentem amet, quam fortè posset, vel non faciat pro eo omnia, quæ posset. Alioqui semper essemus perplexi, immò etiam semper peccaremus; quantumvis enim ardentem Deum diligamus, semper tamen videmur paulò ardentius posse diligere, si paulò amplius conemur.

Ad secundum dico, illum abuti Dei dono, qui eo non utitur quando est necessarium; qui autem paratus est eo uti, si necessarium sit, etiamsi numquam fortasse utatur, non dicitur eo abuti. Nam ille, cui Paulus dicit 1. Cor. 7. *Quod vult, faciat*, sine dubio potuit continere, & tamen ei dicitur: *Non peccat, si nubat*. Et B. Augustinus de bono conjugali cap. 21. dicit: Abrahamum habuisse donum continentiae, non minus, quam Joannes habuerit, ita ut potuerit semper continere, & tamen numquam continuasse, ne in extrema quidem senectute: & Joannem Evangelistam habuisse donum patiendi martyrium, non minus quam Petrum: & tamen non exercuisse illud donum, ut fecit Petrus: Accusare autem Abrahamum, vel Joannem, quasi donis Dei abusi sint, extremae dementiae est.

Ad illud de ingratitudine dico, non esse ingratum benefactori eum, qui benefactori adest, cum necessitas ejus id postulat, aut cum ipse operam nostram requirit, & qui voluntati ejus satisfacit. Porro Deus contentus est ut legem ejus servemus, neque aliud à nobis requirit, etiamsi possimus plura prestare.

Ad illud de talentis dico, servum illum fuisse damnatum, quia habuerat præceptum negociandi: quomodo nunc qui habet talentum concionandi, & simul habet præceptum, & quia est Episcopus, punietur, si non concionetur. At qui habet idem talentum, sed non habet præceptum, non punietur, ut patet de sancto Antonio &c.

C A P U T XIV.

Explicatur nomen, & definitio voti.

SEquitur Disputatio tertia, quæ est de votis monasticis, cujus disputationis sex erunt partes. Primum enim exponemus breviter nomen, & definitionem voti. Deinde, explicabimus sententiam adversariorum. Tertio, probabimus omne quod fit ex voto esse cultum Dei. Quarto, vota non esse propria Judæorum, sed etiam à Christianis rectè fieri ostendimus. Quinto, de rebus præceptis, qualis est promissio facta in Baptismo, non solere propriè fieri vota. Sexto, de rebus non præceptis, ac nominatim de continentia, paupertate, & obedientia, vota rectè fieri demonstrabimus.

Quoad primum, nomen voti apud Latinos ambiguum est; significat enim promissionem & orationem, ac desiderium; dicimus enim, suscepi votum continentiae, idest, promisi Deo continentiam; item, pro voto mihi continentia succedit, idest, ut desiderabam, & vota pro continentia Deo fudi, idest, precatus sum à Deo continentiam. Apud Græcos non est idem nomen pro voto, & oratione, tamen sunt duo affinia nomina; nam *ὑπόσχεσις* significat vo-

tum, *προσευχή*, orationem. Apud Hebræos voti & orationis nomina nullam habent affinitatem; votum enim dicitur *נדר* oratio *תפלה* cujus rei ea est ratio, quod apud Græcos & Latinos, cum hæc nomina inventa sunt, non erat ulla vera pietas, & ideo nihil homines Deo, vel Diis vovebant, nisi ad id, quod desiderabant impetrandum, & propterea semper votis annectebant preces, juxta illud Virgilii *Æneidos* 6. *Cessat in vota precesque*.

Hinc igitur Græci, ut observavit Gregorius Nyssenus orat. 2. orationem Dominicam, vocaverunt orationem *προσευχήν*, quia post votum fiebat, quod vocabant *ὑπόσχεσις*. Latini autem (ut diximus) eodem nomine promissionem Deo factam, & preces ad Deum appellabant. At Hebræi, quia Deum piè colebant, & absoluta etiam vota facere consueverant sine ulla relatione ad preces, ut nos quoque Christiani facimus, propterea propriis & diversis nominibus, hæc duo nominabant.

Potest autem definiri votum: *Religiosa promissio aliquis excellentioris boni, Deo facta libera voluntate*. Promissio dicitur, quasi contractus quidam inter Deum & hominem. Nec enim sufficit ad votum, proposuisse ac statuuisse aliquid facere, nisi etiam promittatur; votum enim includit obligationem unius ad alterum; non enim obligat votum solum ratione veritatis, idest, quia tenetur qui vovit, verum facere quod dixit, sed etiam ratione fidelitatis, quia tenetur alteri fidem datam servare. Hæc autem obligatio non potest nasci ex proposito solo, quod quis apud se concipit, sed necessariò promissionem requirit. Religiosa dicitur, ut significetur, cujus virtutis actus sit votum, nimirum religionis.

Est autem observandum, in voto semper esse duas actiones, alteram materiale, alteram formalem. Materialis est, de qua fit votum, ut jejunare, sacrificare &c. Formalis est ipsa promissio jejunandi, vel sacrificandi, & promissionis adimpletio. Quare formalis actio semper est actus religionis; materialis autem interdum est religionis, ut si quis voveat quotidie sacra facere, interdum alterius virtutis, ut si quis voveat sexta feria semper jejunare. Excellentioris boni dicitur, ut determinetur materia voti, nec enim voveri potest, nisi id, quod melius sit facere, quam omittere.

Ex quo perspicuum est, quinque rerum genera excludi à materia voti. Primo, peccata, ut cum Judæi voverunt se occisuros Paulum, Actor. 23. nam vovere peccata, non est Deo munus promittere, sed minari. Secundo, opera indifferentia, ut non ire ad forum; non enim potest Deo placere, quod est vanum, & inutile: *Displicet enim ei stulta promissio*, Ecclesi. 5. Tertio, opera impossibilia, ut si quis voveat se profecturum in Hierusalem sine navi. Quarto, opera necessaria, ut si quis voveat se moriturum quando placuerit Deo. Quinto, opera bona, quæ tamen majora bona impediunt, ut si quis voveat se ducturum uxorem. Quamquam hoc ipsum certo tempore, ac certæ personæ potest esse melius facere, quam omittere: proinde tum erit legitima voti materia, etsi absolute contrà judicandum sit.

Deo Facta dicitur, ut intelligamus, vota differre à juramentis, licet utraque sint actus religionis, & in materia serè convenient; vota enim fiunt Deo, juramenta hominibus per Deum. Non autem hinc excluduntur vota, quæ fiunt sanctis; nam vel ea sunt vota materialiter, non formaliter, ut quidam docent, qui existimant in votis Sanctorum duas esse promissiones; unam Sanctis, quibus aliquid promittitur; alteram Deo, cui promittitur adimpletio promissionis factæ Sanctis, & hanc solam propriè votum esse dicunt; vel (quod verius puto) vota fiunt verè Sanctis,

dis, sed ut Sancti sunt, idest, ut excellentissimo modo participant Dei naturam & gloriam, de qua re disputavimus in lib. 3. de Ecclesia triumphante cap. 10.

Addimus ultimum, Libera voluntate, ut distinguatur votum à lege communi; votum enim est *lex* quaedam privata, & obligat more legis, sed *lex* communis obligat etiam nolentem, & invitum; votum autem est *lex*, quam nos ipsi nobis ferimus, & proinde non obligat, nisi eum, qui spontè votum fecerit, & hinc non habentur rata vota facta ante usum rationis, nec ea, quæ propter ignorantiam, aut metum censentur involuntaria.

CAPUT XV.

Explicatur status questionis.

JAM verò, ut breviter explicemus, quibus in rebus ab adversariis dissentiamus. Lutheri & Calvini sententia eadem esse videtur; uterque enim tria quædam de votis docet. Primum, vota ad colendum Deum non posse fieri, nisi de rebus præceptis, proinde unum esse commune votum fidelium, promissionem illam, quam facimus in Baptismo.

Secundum, vota de rebus à Deo non præceptis posse fieri, si non ad colendum Deum, aut satisfaciendum pro peccatis, sed ad negotia hujus vitæ expeditius peragenda, aut ad vitanda peccata, aut ad alios bonos fines fiant: exempli causa docet Calvinus, eum, qui sæpè in vitium ebrietatis labitur, rectè facturum, si voveat, se triduo aquam bibiturum, si iterum inciderit in ebrietatem; quomodo etiam existimat, Apostolorum tempore viduas quædam vovisse continentiam, ut expeditius fungerentur munere Diaconissarum.

Tertium, vota Monachorum impia, irrita, & omnino solvenda esse, quòd fiant cum opinione cultus, & tamen de iis rebus sint, quas Deus nusquam præcepit. Hæc omnia Lutherus docet in lib. de votis monasticis, & Calvinus lib. 4. Institutionum cap. 13. Nec dissimilia docent Confessio Augustana artic. 27. & Confessio Wirtembergenfis, cap. de votis monasticis.

Petrus Martyr in lib. de Cœlibatu & votis monasticis, duo dicit pugnancia cum doctrina Lutheri & Calvini. Primum est, vota in Testamento veteri fieri potuisse, ut etiam sacrificia & caeremonias ceteras; in novo testamento fieri non posse, cum sint abrogata cum reliquis Judaicis caeremoniis. Secundum est, promissionem, quæ fit in Baptismo, non esse votum; in tertio dicto cum Luthero & Calvino concordat.

CAPUT XVI.

Omne quod fit ex voto, esse cultum Dei.

UT igitur ad disputationes veniamus, statuo hanc propositionem: *Omne quod fit ex voto, etiamsi alioqui non sit à Deo præceptum, verè & propriè est cultus Dei.* Hæc propositio est contra Lutherum & Calvinum, qui vota de rebus non præceptis, docent non posse fieri ad colendum Deum; quasi aliqua esse possint vera vota, quæ non sint cultus Dei. Probo igitur positam assertionem.

Primò, vovere est actus religionis, ergo & reddere sive implere votum est actus religionis, sive fiat de re præcepta, sive non præcepta. Probatur antecedens ex illo Isaïæ 15. *In illo die cognoscent Egyptii Dominum, & colent eum in hostiis & numeribus, & vota vovebunt, & solvent.* Ubi posteriora sunt ex-
Contræ. Card. Bellarm. Tom. II.

A plicationes priorum; vota enim munera sunt. Præterea hæc est natura voti, ut rem alioqui non ordinatam ad Dei cultum, ordinet ad cultum Dei, juxta illud Deuter. 12. *Quidquid sanctificaveris & voveris &c.* Denique, faretur Calvinus lib. 4. cap. 13. §. 2. vovere esse officium religionis. Probatur jam consequentia; nam promittere & solvere, ad eandem virtutem pertinent; sed per id, quod fit ex voto, etiamsi non præceptum, impletur votum: ergo per id colitur Deus.

B Secundò, omne votum est promissio Deo facta, ut etiam Calvinus docet initio cap. 13. lib. 4. Instit. ergo votum quodcumque implere, est fidem Deo servare; at servare Deo fidem, est Deum immediatè colere & honorare; sicut è contrario fidem ei non servare, est injuriam illi facere: ergo cujuslibet voti impletio cultus Dei est.

C Tertio, omne juramentum est cultus Dei, etiamsi fiat de re non præcepta; ut, si quis juret, se non bibiturum vinum, ut Calvinus ipse affirmat lib. 2. cap. 8. §. 23. Institutionum: ergo & votum de re eadem erit cultus Dei. Probatur consequentia: nam adeò similia sunt juramenta & vota, ut in Scripturis sæpe juramentum pro voto accipiat, ut patet Numer. 30. *Si mulier, inquit Scriptura, habens virum voverit aliquid, & verbum de ore egrediens, animam ejus obligaverit juramento, voti rea erit, reddet quod promissit &c.* Præterea, sicut per juramentum de re non præcepta faciendâ, honoramus Deum, quia protestamur, eum esse immutabilem veritatem, & veritatis assertorem; ita per votum de re non præcepta, sed tamen bona, Deum honoramus, quia protestamur ei, ut summo bono, placeat actus virtutum.

Quartò, solvere ex voto aliquid non præceptum, sed tamen bonum, falsis Dûs, est peccatum, & non aliud, quàm idololatriæ: ergo solvere Deo vero ex voto rem eandem, erit actus latræ.

D Quintò, si quis voveat abstinere per triduum à vino, & non faciat, sine dubio peccat: at non peccat peccato intemperantiæ; non enim est actus necessarius temperantiæ abstinere à vino: ergo peccat, quia Deum afficit injuria, non servando illi fidem: ergo si abstineat, Deum honorat.

E Sextò, omni actu virtutis etiam non præcepto, nec ex voto facto, sed facto tamen propter Deum, colitur Deus: ergo multò magis, si is actus fiat ex voto, eo Deus colitur. Probatur antecedens. Primò, Scripturæ testimonio: nam Lucæ 2. dicitur Anna servisse Deo jejuniis & orationibus, & est verbum *λατρεύουσα*, quod propriè cultum significat, Philippen. 2. *Repletus sum acceptis ab Epaphrodito, quamississis in odorem suavitatis, hostiam placentem & acceptabilem Deo.* Hebr. ult. *Beneficentia & communicatio- nis nolite oblivisci; talibus enim hostiis promeretur Deus.* Jacobi 1. *Religio munda apud Deum est visitare pupillos & viduas &c.* Quæ omnia intelliguntur etiam de Eleemosyna non præcepta.

Secundò, ex Patribus. Nam Tertullianus lib. de Resurrect. carnis, ait: *Nam sacrificia Deo grata, conflictationes dico animæ, jejunia, & seras, & aridas escas, & appendices hujus officii sordes. Caro de proprio suo incommodo instauratur, virginitas quoque, & viduitas, & modesta in occulto matrimonii dissimulatio, & una notitia ejus, de bonis carnis Deo adolentur.* Epiphanius hæres. 48. virginitatem, & abdicationem rerum vocat approbatum Dei cultum. Hieronymus lib. 1. in Jovinianum: *Illæ, inquit, virginitas hostia est Christo, cujus nec animum cogitatio, nec carnis libido maculavit.* Augustinus lib. de bono viduitatis, cap. 9. de continentia loquens: *Nulla, inquit, Christo suberabatur oblatio &c.* Et lib. 10. de Civit. Dei, cap. 6. fa-
N 3 crisi-

erificium vocat omne opus bonum propter Deum factum; certum autem est, sacrificium propriè cultum esse Dei.

Septimò, votum de re præcepta non est verum & proprium votum, nisi quatenus res illa concipitur ut non præcepta, ut paulò post ostendemus; igitur vel votum de re non præcepta cultus Dei est, vel nullum votum est cultus Dei, sed hoc est falsum, ergo illud verum.

Octavò, si votum de re non præcepta, non est cultus Dei: ergo nec ipsum vovere absolutè est cultus Dei; nam ipsum vovere nusquam est præceptum. At hoc est contra ipsum Calvinum, qui docet, vovere esse actum religionis.

Nonò, probatur exemplis Scripturarum. Nam primum votum legitur, Genes. 28. *Votum vovit Jacob, si fuerit Dominus mecum &c. eris mihi Dominus in Deum, & lapis iste, quem erexi, vocabitur domus Dei, cunctorumque qua dederit mihi, decimas offeram tibi.* Quòd hoc sit votum de re non præcepta, patet, quia alioqui peccasset Jacob faciendo votum conditionatum de re præcepta. Quòd autem hoc votum fuerit factum ad colendum Deum, patet, nam habere lapidem pro domo Dei, idest pro ara, & offerre decimas, sunt actus religionis. Aliud votum fuit Davidis de extruendo templo, de quo Psalm. 131. *Votum vovit Deo Jacob &c.* quòd hoc votum fuerit de re non præcepta, patet ex lib. 2. Regum, cap. 7. ubi Deus audito hoc voto Davidis, & laudata ejus voluntate, dicit se non præcepisse, ut sibi fieret templum, nec velle fieri à Davide. Quòd autem David hoc loco voluerit colere Deum, patet, quia extruere templum est actus religionis.

Denique omnia vota, quæ leguntur in Scripturis, Levitic. 27. Num. 6. & 30. Deuter. 12. & 23. vota erant de rebus non præceptis, ut ex ipsis locis patet, & tamen quòd placerent Deo, patet, quia severissimè illorum solutionem exigebat: *Si votum voveris, inquit Deuter. 23. non tardabis reddere, quia requirit illud Dominus; & si moratus fueris, reputabitur tibi in peccatum: si nolueris polliceri, absque peccato eris.* Ubi clarè vides, votum liberè factum, à Deo severè exigi.

Sed solvamus argumentum illorum. Sic igitur argumentantur: Omnis cultus voluntarius, idest, quem Deus non præcepit, Deo placere non potest; ergo non debet fieri votum de re non præcepta ad colendum Deum. Probatur antecedens; nam Coloss. 2. Apostolus reprehendit omnem *ἰδωλοθυμία*, sic enim est in Græco, quod noster interpretes vertit, superstitionem, & Rom. 14. ait: *Quod non est ex fide, peccatum est.* Quibus verbis indicat, peccatum esse id aggredi, quod fides ex verbo Dei concepta non ostendit, qualiter à Deo aestimetur; tales autem sunt omnes cultus voluntarii.

Ad illud, ad Colossens. 2. de *ἰδωλοθυμία*, quidam respondent, Paulum eo loco non accipere in malam partem cultum voluntarium, sed in bonam; tamen quia vulgata editio vertit, superstitionem, & Hieronymus in epist. ad Algasiam, quæst. 10. Augustinus in epist. 59. ad Paulinum, quæst. 7. Ambrosius, Theodoretus, Oecumenius, & alii omnes in hunc locum, accipiunt eam vocem pro simulata religione, dicendum est, Apostolum hoc loco voluntarium cultum appellare non eas actiones, quæ non sunt à Deo præceptæ, id enim repugnet plurimis Scripturarum testimoniis, ut jam probavimus, sed eas, quæ nec à Deo probatæ, vel commendatæ sunt, nec revera ex natura sua sunt materia cultus, sed sunt res inanes, & tamen ab aliquibus usurpantur quasi essent cultus; quales sunt qui dicuntur superstitionis cultus, ut cum aliqui ponunt religionem

A in numero lotionum, ut Judæi olim faciebant, & Turcæ hoc tempore faciunt, qui putant valde se colere Deum, si toto corpore sæpius loto ad orandum accedant; loquitur enim Apostolus de iis, qui se abstinebant à cibis quibusdam, tamquam natura sua immundis, & in eo ponebant religionem, si tales cibos numquam attingerent.

B Ad illud ex Rom. 14. dico, cum communi expositione veterum, fidem accipi pro conscientia, ut sensus sit, peccatum esse id omne, quod sit contra conscientiam. Sed admissa etiam Calvinii expositione, non video, quæ ratione inde colligatur, non placere Deo cultus, quos ipse non præcepit; nam fides ex verbo Dei concepta, non ostendit solum placere Deo, quæ ipse præcepit, sed etiam quæ ipse consuluit; & quæ neque præcepit, neque consuluit, sed tamen ex se bona sunt: ut patet ex infinitis locis, ubi jubet sibi reddi vota spontè facta.

C A P U T XVII

Non fuisse Judæorum proprium vota facere, sed cum Christianis etiam id esse commune.

C **R**efellenda nunc est Petri Martyris sententia, qui in libro de votis & coelibatu contra Smithæum adversus omnes, tum Catholicos, tum hæreticos, omnia omnino vota Christianis interdicat: *Quare, inquit, ut alia caeremonia per Christum sublata sunt, ita & vovendi ratio debet facessere.* Ex infra: *Quare votum, licet antiquitus potuerit usui esse, cum ad legis caeremonias pertineret, modò explosum est.*

Hæc sententia primò refellitur ex illa prædictione, Isaie 19. *Colent enim in hostiis & numeribus, & vota vovebunt Domino, & solvent.* Hæc enim de Christianis prædicta esse, S. Hieronymus, S. Cyrillus, & cæteri omnes in commentario hujus loci apertissimè docent.

D Respondet Martyr, hæc quidem de Christianis dici, sed per vota & hostias non intelligi vera vota, verasque hostias, sed cultum spiritalem & Christianum. Dicit enim, Isaïam, cum Judæis loqueretur, per ea, quibus tunc Deus colebatur, explicare voluisse cultum postea futurum; non enim aliter Judæos intellecturos fuisse, quæ dicebantur.

E Sed refellitur hæc solutio; nam in primis etiam non habeamus easdem hostias, neque eadem vota, quæ Judæi habuerunt, tamen si nulla haberemus, malè explicuisset Isaïas cultum Christianum per hostias & vota; non enim explicatur aliquid per id, quod nullo modo ei simile est. Longè melius explicuisset per contradictorium, si dixisset: Non colent hostias, nec vota vovebunt; tunc enim omnes intellexissent cultum quidem futurum, sed non qualis tunc erat. Præterea expositio ista Petri Martyris non potest probari, nisi assumatur ut certum id, quod est in quæstione. Nam si petas ab eo, cur illa verba: *Vota vovebunt, & solvent,* exponere velit metaphoricè potius, quàm propriè, nihil aliud respondebit, nisi quia propriè exponi non possunt, cum apud Christianos nulla essent futura vota. At hoc est, de quo contendimus: An Christiani sint vota facturi, & cum ille neget, nos asseramus, quis non videt verbum Dei nobis favere, cum de Christianis dicat: *Vota vovebunt, & solvent.*

Secundò, idem probatur ex illa exhortatione Ps. 75. *Vovete, & reddite Domino Deo vestro &c.* tamen enim Petrus Martyr contendat, hæc Judæis tantum dici, tamen longè aliud docent sancti Patres, ex quibus

bus B. Augustinus hunc locum ita enarrat, non Judæis, sed Christianis loquens: *Quisque quod potest voveat, & reddat, non suis pigri ad vivendum, non enim viribus vestris implebitis.*

Tertio, idem probatur ex illis verbis B. Pauli prioris epistolæ ad Timotheum cap. 5. ubi de viduis quibusdam dicit: *Cum luxuriata fuerint in Christo, nubere volunt, habentes damnationem, quia primam fidem irritam fecerunt.* Quo loco per primam fidem omnes omnino interpretes, tum Græci, tum Latini, intelligunt votum continentie. Sanctus Augustinus in Psalm. 75. *Quid est, inquit, primam fidem irritam fecerunt? voverunt, & non reddiderunt.* Sed de hoc loco infra fusè differemus, nunc solum inquisse sufficiat. Omnia quoque testimonia & argumenta, quæ proferemus, ad probandum vota monastica esse licita, huc etiam referri possent.

Ultimò, votum non est cæremonia Judaica, nulla igitur causa est cur solis Judæis, & non etiam Christianis liceat vovere; nam in primis vovendi actus sola mente perfici potest. Tamen enim ore quoque vovere solemus, tamen etiam sine ulla voce solo cordis motu votum emitti potest: cæremoniæ autem omnes res sunt exteriores & sensibiles, ut notum est; non igitur vota ad cæremonias, sed ad internum cultum pertinent. Deinde, licet vota cæremoniæ essent, non continuò Judaicæ essent; multæ enim sunt cæremoniæ omni hominum generi, & omni religioni communes, ut genua flectere ad orandum, manus attollere, cælum aspicere, tundere pectus. Et denique, illæ solæ dicuntur propriè Judaicæ cæremoniæ, quæ vel à Mose sunt institutæ, vel Christum venturum significabant, quamvis ante Mosem coeperint; & proinde Christo adveniente cessaverunt.

Porro vota non coeperunt à Mose; nam Jacob Patriarcha *votum vovit*, Genes. 28. longè antequam Moses nasceretur; neque vota ad Christum venturum significandum instituta sunt. Quid enim habent cum Christo venturo vota jejuniorum, continentie, eleemosynarum, & similia? Nec denum cum Mose cessarunt. Nam licet in Ecclesia Christi post Evangelii plenam promulgationem cessaverit circumcisio, sacrificia ovium ac boum, & alia id genus, tamen vota nunquam cessarunt, ut patet vel ex uno loco sancti Augustini: siquidem in illud Psalm. 75. *Vovete, & reddite*, sic ait de Christianis sui temporis. *Alius vovet Deo castitatem conjugalem, ut præter uxorem non noverit aliam. Alii etiam voverunt, etsi experti tale conjugium, ultra nihil tale pati, nihil tale concupiscere, aut sustinere, & ipsi voverunt aliquid majus, quàm illi. Alii virginitatem ipsam ab ineunte ætate voverunt, ut nihil tale vel experiantur, quale illi experti sunt, & reliquerunt; & isti voverunt plurimum. Alii voverunt, domum suam esse hospitalem omnibus sanctis advenientibus, magnum votum voverunt. Alius vovet, relinquere omnia sua, distribuendo pauperibus, & ire in communem vitam, in societatem Sanctorum, magnum votum vovit.* Hæc ille.

Ac ne fortè respondeatur, vovendi cæremoniam esse jure abrogatam, sed non factò, ac non defuisse qui voverint, sed eos fecisse, quod non licebat: considerandum est, non qualescumque homines, sed doctissimos & sanctissimos, ut Augustinum, Basilium, Hieronymum, Bernardum, aliosque permultos vota vovisse, & laudasse, quorum testimonia postea afferentur. Nunc Augustinum sufficere posse putavi, præsertim cum id adversarius noster non neget.

Respondet enim Martyr, non esse curandum, quod homines, etiamsi inculpati, & sine controversia Deo grati, fecerint, quia non illorum vita, sed

Controv. Card. Bellarm. Tom. II.

A verbum Dei est regula nostræ fidei. Quod quidem accepit Martyr à Lutherò, qui in libro de abroganda Missa fusissimè docet, non esse cogitandum, quid Sancti fecerint, sed quid facere debuerint secundum regulam verbi Dei.

B At quomodo, quæso, potest fieri, ut inculpati & Deo grati fuerint, qui vota frequentarunt in Christi Ecclesia, si vota ad cæremonias Judaicas pertinent? Certè, si qui hoc tempore, vel circumcisionem, vel Sabbathum, vel sacrificia cruenta publicè celebrarent, nullo modo inculpati, & grati Deo esse possent, præsertim si nulla ignorantia laborarent. Si ergo vota similia sunt circumcisioni, & sacrificiis cruentis, ut Martyr affirmat, quomodo inculpati, & grati Deo fuerunt Basilus, Augustinus, Bernardus, & alii doctissimi viri, qui vota fecerunt, & aliis facienda suaserunt?

C Deinde non est nostra quæstio, verbum Dei ne; an exempla Sanctorum pro regula fidei & morum habere debeamus, sed utri verbum Dei melius intellexerint: Petrus Martyr, Calvinus, Lutherus, & similes homines, an viri illi, quos sanctissimos, & doctissimos fuisse utrique confitemur: exempla enim Sanctorum non repugnant verbo Dei, sed explicant, aut declarant, ideo & Apostolus dicebat: *Imitatores mei estote.* Et Christus, Matth. 5. viros sanctos comparat lucernæ positæ super candelabrum, quæ lucet omnibus, qui in domo sunt. Neque huic veritati repugnat, quod etiam sancti interdum labuntur, ut patet de ebrietate Noe, de adulterio Davidis, de simulatione B. Petri, quam Paulus reprehendit; non enim omnia facta Sanctorum imitanda esse dicimus, sed ea solum, quæ neque pugnant apertè cum regula fidei, neque inveniuntur vel à Scriptura, vel ab aliis sanctis viris reprehensa, sed contra potius à piis & doctis passim laudata. Ejusmodi autem esse vota, nemo negare potest, nisi qui vel nihil legit, vel nihil credat.

C A P U T XVIII.

Solvuntur objectiones.

D S Ed audiamus nunc objectiones Petri Martyris, ut videamus, an habuerit aliquam, si non justam, saltem probabilem causam recedendi à communi sententia omnium penè tum Catholicorum, tum hæreticorum.

E Obsectio prima. In Testamento veteri frequens est mentio votorum, in novo ne nominatur quidem votum, nisi cum sermo est de votis Judaicis, ut Actor. 21. igitur vota ad cæremonias Judaicas pertinent.

Respondeo, nomen voti in Testamento novo non habetur, res tamen habetur, ut ostendimus ex Apostolo, & infra clariùs ostendemus. Sed etiamsi non haberetur, sufficerent testimonia veteris Testamenti cum usu & explicatione Ecclesiæ. Moralia enim præcepta, vel documenta Scripturæ veteris, non minus ad Christianos, quàm ad Judæos pertinent; idcirco enim assiduè in Ecclesia leguntur Psalmi, quod pleni sint moralibus documentis.

Et sanè, si Martyris argumentum valeret aliquid, concluderet etiam, usuram Christianis non esse prohibitam; nam usura in Psalmis, & Prophetis passim prohibetur, in Testamento novo non legitur prohibita sub nomine usuræ, colligitur quidem usuræ prohibitio ex illo loco: *Mutuum date, nihil inde sperantes*, Lucæ 6. sed multò obscurius, quàm votum colligatur ex illis verbis Pauli, quia primam fidem irritam fecerunt. Nam ista verba omnes Patres

de voto intelligunt, illa non omnes intelligunt de usura; nam S. Basilius in Commentario Psalm. 14. S. Ambrosius in lib. de Tobia cap. 16. S. Hieronymus in Commentar. in Ezechiel. cap. 18. & aliqui recentiores contendunt in illis verbis non prohiberi usuram, sed consilium dari divitibus, ut dent mutuo sine ulla spe sortem ipsam recuperandi.

Si igitur usura jure divino prohibita est Christianis, licet expressè eiusmodi prohibitio non habeatur nisi in veteri Testamento, quanto magis religio vovendi licita erit Christianis, cum & res, & nomen voti in Testamento veteri, res autem in novo expressè contineatur?

Secunda obiectio. Quotquot fidem Christi profitemur, eo ipso toti sumus illi obstricti; quid igitur voto nos rursus ei tradimus? Ridiculus porro haberetur filius, qui tabulis obsignatis atque testibus vellet sese patrie potestati subdere. Idcirco qui vota nuncupant, aut se fateantur non esse Dei, aut intelligant quàm vovendo stultè agant, dum, quemadmodum dicitur, actum agunt. Lege cavit Deus, ne Israelitæ primogenita ex pecoribus sibi voverent, non alia sanè ratione, nisi quòd jure sibi debebantur. Propterea cum nos jam Christi membra simus, & Deo omnibus modis obstricti, non minus quàm primogenita antiquitus erant, non est permittendum ut voveamus. Hæc ille.

Respondeo dupliciter. Primò, retorquendo argumentum; nam quemadmodum Christiani Deo sunt obstricti ratione creationis, & redemptionis, sic etiam Judæi obstricti erant Deo ratione creationis, & liberationis de Ægypto, igitur etiam illi vovere non poterant, ne actum agerent.

Respondet Petrus Martyr, nos quidem vovere non posse, quia non solum Deo obstricti sumus, sed etiam scimus obstrictos nos esse luce jam Evangelii coruscante; illi autem vovere poterant, & debebant, ut admonerentur hac veluti pædagogia perpetuo debito se, ac sua omnia Deo obstricta esse.

At nullo negotio hæc solutio refelli potest; nam qui apud Judæos vovebant, non erant solum imperiti aliqui homines, sed etiam Prophetæ sapientissimi, qui melius noverant debitum nostrum cum Deo, quàm ulli nostrum sciant. David Prophetæ sapientissimus: *Votum vovit Deo Jacob*, Psalm. 131. & Principes ad vovendum hortatus est, lib. 1. Paralip. cap. 29. ubi hæc addidit, ut os obstrueret Petro Martyri, iudicans se & suos non ignorare omnia esse Dei: *Quis*, inquit, *ego, & quis populus tuus, ut possimus tibi hac universa promittere? Tua sunt omnia, & quæ de manu tua accepimus, dedimus tibi*. Præterea, si Judæi hoc ignorassent, non potuissent per vota hujus debiti admoneri, sed potius contrarium ex sua vovendi consuetudine colligere potuissent; nam si non possumus vovere Deo, quæ ipsius sunt, qui vovet, admonetur se aliquid habere quod non sit Dei. Itaque pædagogiam valde malam Deus Judæis tribuisset, si esset vera Martyris sententia. Voluisset enim eos assuescere faciendis votis, ut admonerentur omnia esse Deo obstricta, & interim contrarium eveniret.

Respondeo secundò ad argumentum directè, nos & omnia nostra Deo esse debita & obstricta in hoc sensu, quòd omnia ab illo accepimus, & ejus beneficio retinemus, & proinde potest ille, si velit, omnia repetere, & nos tenemur quidquid ille jusserit facere. Tamen quia ille multa nobis libera relinquit, in quibus possumus pro arbitrio, hoc aut illud facere, idcirco multa sunt Dei & nostra simul; Dei, quia ejus beneficio illa habemus; nostra, quia possumus pro arbitrio de illis disponere, dummodo non contra Deum. Quocirca quando vovemus, & offe-

rimus aliquid Deo, de rebus ejus damus, & tamen verè damus, quia res illæ etiam nostræ erant, & potuissimus non dare. Unde Concilium Arausicanum can. 11. *Nemo*, inquit, *quidquam Domino rectè voverit, nisi ab ipso acceperit, sicut legitur, quæ de manu tua accepimus, damus tibi*.

Ad illud exemplum filiusfamilias, qui ridiculus esset si tabulis obsignatis se subdere vellet patri, Respondeo: filiusfamilias ridiculam fore si tabulis obsignatis se patri subdere vellet in iis rebus, in quibus necessariò parere tenetur, & de quibus imperium patris jam habet; at non fore ridiculum si in iis rebus se subdat, in quibus alioqui sui juris erat. Nec enim parentes possunt omnia quæ volunt filiis imperare, & in iis etiam quæ possunt, sæpe non imperant, sed dant filiis optionem; exempli causa, liberum est filiis uxorem ducere, vel non ducere, nec possunt in ea re à parentibus cogi, si tamen quis patri polliceatur se facturum in eo negotio, quod is imperaverit, tenebitur stare promissis.

Ad illud autem de primogenitis pecorum, quæ Deo voveri non poterant, quia Dei erant, Respondeo, hoc ipsum sententiæ nostræ favere; nam ideo primogenita pecorum voveri non poterant; reliqua autem voveri poterant, tametsi omnia Dei sint: (*Dominus enim est terra, & plenitudo ejus*, Psalm. 23.) quia Deus Levit. 27. non reliquerat Judæis liberam dispositionem primogenitorum, ut reliquerat rerum cæterarum. Sic igitur & nos non vovemus ea quæ non sunt in nostra potestate, sed ea solum, quæ Deus libera nobis reliquit.

Sed instat Petrus Martyr. Nihil est liberum, nihil indifferens in particulari, licet in genere dicantur quædam *adiaphora*, quia nec omnibus, nec omni tempore conveniunt. Nam cum aliquid occurrit expetendum, vel rejiciendum, aut illud repugnat salutis propriæ vel aliorum, & necessariò rejiciendum est; aut conducit salutis propriæ vel aliorum, & necessariò expetendum est, si verè Deum & proximum diligimus.

Respondeo, falsum esse membrum hoc postremum; non enim necessariò expetendum est, quod conducit salutis propriæ vel aliorum, alioqui non diceret Dominus, Deut. 23. *Si nuberis polliceri, absque peccato eris*. Neque Apostolus diceret, 1. Cor. 7. *Quod vultis, faciat; non peccat, si nubat*. Qui enim potest sine peccato facere quod voluerit, idest, nubere, aut non nubere; vovere, aut non vovere, certè nec necessariò cogitur expetere nuptias, aut votum, nec necessariò illa rejicere. Illud ergo solum necessariò est expetendum, quod necessarium est ad salutem; quod verò utile est, non necessarium, utiliter quoque, non necessariò expetitur.

Obiectio tertia. Libertas Evangelica, in qua nos Dominus constituit, minuitur per vota; non igitur Christianis licet vovere. Antecedens probatur; nam Christus liber esse voluit genera vitæ, quod nec omnibus, nec omni tempore conveniant. Qui autem vovent unum genus vitæ, necessarium sibi illud faciunt, ut jam non possint ad aliud transire. Item, Christus nos à lege exonerare constituit, qui autem vovent, se magis ac magis impediunt legibus. Cur, inquit Martyr, non se liberos servant? Si nolunt rectè agere, nisi lege adigantur, se magis ad servitutem legis, quam ad regnum gratiæ & fidei pertinere declarant.

Respondeo primò, retorquendo argumentum; nam si Christus libera esse voluit genera vitæ, cur ipsi se legibus matrimonii adstringunt? Nec minus enim impedit coniugium à coelibatu, quàm votum coelibatus à conjugio. Deinde, si Deus liberos nos à legibus esse voluit, & genera vitæ libera nobis reliquit,

liquit, quid est quod paulò ante Martyr dicebat, nihil esse liberum, nihil indifferens, sed omnia omnino aut præcepta, aut prohibita? Itaque prædicant verbo libertatem Evangelicam, & interim imponunt legem importabilem, & qualem nullus unquam tyrannus imposuit.

Secundò respondeo, libertatem Evangelicam non esse libertatem (ut illi somniant) à lege, sed à peccato, Rom. 6. *Liberati à peccato servi facti estis iustitiæ*: Item à caeremoniis Judaicis quæ erant umbræ futurorum, ac demum à timore, & servitute, non autem ab obligatione legis, qui enim charitate, quæ est propriè gratia Testamenti novi, & libertas Evangelica, præditus est, lege quidem tenetur, sed non est sub lege, quia libenter implet legem. Sed de hac re alibi sæpe tractavimus.

Obiectio quarta. Qui vovet, injuriam Deo facit; nam in primis repugnat illi, faciens necessaria quæ ille voluit esse libera. Deinde arguit Deum vel insipientiæ, vel invidiæ; nam voto se obligat ad unum genus vitæ, ut eo modo perfectior evadat; quasi Deus, qui eum ad illud vitæ genus non obligavit, aut non sciverit ei tam bene prospicere, ut ipse sibi prospexit, aut certè inviderit illi istam majorem perfectionem.

Respondeo, nullam fieri Deo injuriam per vota, quia ipse voluit esse libera genera vitæ negativè (ut sic loquar) non affirmativè, idest, noluit obligare, sed reliquit in arbitrio nostro, ut quisque ad quod vellet se obligaret. Quòd itaque non obligaverit nos, benignitas ejus fuit; quòd verò per vota ipsi nos obligemus ad id, quod illi gratius esse scimus, gratitudo, & pietas est. Et sicut non pugnant benignitas Domini, & gratitudo servi, sic etiam non pugnat quòd nobis necessaria faciamus, quæ libera Deus nobis reliquit. Neque insipientiæ aut invidiæ illum arguimus; nam quod facimus, ejus consilio, & admonitione facimus; etsi enim non imperavit nobis majorem illam perfectionem, ad quam per vota tendimus, consuluit tamen, & admonuit, ut ad eam aspiraremus. De qua re paulò post agemus.

C A P U T XIX.

Non esse propriè votum promissionem, quæ fit in Baptismo.

SEquitur ordine quinta pars disputationis, in qua refellenda est sententia Lutheri & Calvinii, quòd promissio, quæ fit in Baptismo, votum propriè dici debeat. Sunt autem quedam antea prænotanda. Primum est, quæstionem esse inter Theologos, num res à Deo imperatæ sub votum propriè cadere possint. Quidam enim id negant, ut S. Thomas, & S. Bonaventura in 4. distinct. 38. Alii verò affirmant, ut recentiores quidam, Dominicus à Soto lib. 7. de iustitia, & jure, quæst. 1. art. 3. & Alphonsus à Castro lib. 1. de lege pœnali, cap. 10.

Sed conciliari possunt hæ sententiæ. Nam duobus modis fieri potest votum de re præcepta, uno modo cum intentione se obligandi, etiam si res illa præcepta non esset; alio modo cum intentione solum acceptandi, & testificandi obligationem, quæ antea erat. Priore modo loquuntur auctores posteriores, & rectè docent res etiam à Deo imperatas, propriè posse voveri si concipiuntur ut liberæ, & qui vovet, intendat ad eas se obligare nova obligatione, nam qui cœlibatum Deo vovit, non minus propriè censetur sacrilegus si fornicetur, quàm si nubat. Ex quo sequitur, non fornicari esse etiam materiam voti propriè dicti, licet alioqui præceptum sit; pari ratione

A qui post votum paupertatis furatur, non minus sacrilegus est, quàm si res suas, quas jam dimiserat, recuperat: ex quo intelligamus non furari, quod præceptum est, posse sub votum cadere, ut res suas dimittere, quod non est præceptum, sed consilium. Vide S. Thomam in 2. 2. quæst. 186. art. 10. ubi admittit religiosos his peccare si furentur, aut fornicentur, quod & contra legem communem, & contra votum proprium delinquant.

B Posteriore modo loquuntur auctores priores, qui rectè docent, res præceptas non cadere propriè sub votum, si accipiantur ut præcepta, idest, si quis dum eas recipit se facturum, nihil novi promittit, sed solum agnoscit & recipit obligationem, quam lex ipsa secum affert; qualis fuit illa promissio Hebræorum, Exod. 19. *Cuncta quæ loquutus est Dominus, faciemus*. Ubi enim non est intentio novæ obligationis, nullum esse votum propriè dictum constat.

C Secundo loco prænotandum est, in Baptismo omnes Christianos promittere se legem Dei servaturos, atque ex eo tempore abrenunciare Diabolo, & pompis ejus, id enim & ritus Baptismi testatur, & Patres apertissimè docent, ut Tertullianus libro de corona militis, S. Cyprianus lib. 1. epist. 5. S. Basilii lib. de Spiritu sancto, cap. 27. S. Hieronymus in Apologia prima contra Rufinum prope finem. S. Augustinus lib. 1. de peccatorum meritis, & remission. cap. 33. S. Gregorius homil. 29. in Evangelia, & Beda lib. 3. histor. Anglorum, cap. 19.

Quæstio igitur est; An ea promissio sit solum quædam testificatio, & acceptatio obligationis, quam lex Dei secum affert, proinde non appellanda votum, nisi fortè impropriè, & largo modo: An verò sit nova promissio novam obligationem includens, atque adeo votum propriè dictum. Martinus enim Lutherus in lib. de votis monasticis, & Joannes Calvinus lib. 4. instit. cap. 13. §. 6. votum primum esse docent promissionem illam, quam facimus in Baptismo, cujus contrarium affirmat communis sententia Theologorum, in quarto sententiarum, distinctione 38. Quæ sententia quoniam verissima est, his argumentis confirmari potest.

D Primum, vota, ut in Scripturis accipiuntur, spontanea ac voluntaria, non necessaria esse debent. Sic enim legimus Deuteronom. 23. *Si votum voveris, non tardabis reddere, quia requirit illud Dominus, & si moratus fueris, reputabitur tibi in peccatum, si nolueris polliceri absque peccato eris*. At promissio, quæ fit in Baptismo, necessaria est, neque de illa potest dici, si nolueris polliceri, absque peccato eris. Omnes enim ad Baptismum suscipiendum divina lege obligantur, neque Baptismus sine illa promissione ab Ecclesia datur.

E Secundò, vota parvulorum à parentibus edita, rata non sunt, nisi ab ipsis, quorum nomine facta sunt, postmodum in ætate adulta confirmentur. Id enim docet Sanctus Bernardus in epist. 1. ad Robertum, & apertissima ratio id ipsum confirmat, quia votum est lex particularis, quam sibi quisque imponit, si vult, ac proinde voluntatem propriam necessariò exigit. At promissio quæ fit in Baptismo parvulos obligat, ita ut postea, velint nolint, cogantur eam habere ratam etiam si non per se, sed per alios eam ediderint. Igitur non ex voto, sed aliunde vim habet obligatio quæ suscipitur in Baptismo.

Tertiò, si ea promissio votum esset propriè dictum, omnia Christianorum peccata essent duplicia, quia contra legem, & contra votum; omnia essent sacrilegia, quia contra voti religionem; nec minus peccaret sæcularis fornicando, aut furando, quàm religiosus, ut patet. At hæc omnia communi fidelium sen-

sententia, ac iudicio repugnant, non igitur illa promissio votum est propriè dictum.

Quartò, illa promissio quæ sit in Baptismo, si votum esset, certè aut explicite, aut implicite voti obligationem contineret. At non explicite continet, nec enim fideles dum baptizantur explicitam intentionem habent, aut habere debent se obligandi, nisi quantum ex ipsis Dei legibus obligantur. Quòd autem nec implicitam obligationem contineat, ita probatur, si esset implicitum votum in Baptismo, aut esset ex lege Ecclesiæ annexente hoc votum Baptismo, quomodo adjunctum est votum continentia Sacramento ordinis, (talis autem Ecclesiæ lex nusquam exstat) aut esset ex natura ipsa religionis Christianæ, ut quemadmodum connexa sunt vota monastica ordinibus religiosi, ita etiam annexum esset Christianæ religioni votum renunciandi Diabolo, & pompis, atque operibus ejus. Sed neque hoc dici potest; nam religio Christiana cum sit omnibus necessaria, vincula habere debuit, divinas leges, quæ necessariò ab omnibus servandæ sunt: ordines verò religiosi, quia non necessitatis, sed voluntatis sunt, vincula quoque non necessaria, sed voluntaria habent, qualia sunt omnia vota propriè dicta.

Accedat postremò, quòd cum non sit ullo modo necessarium, neque etiam admodum utile de iis rebus, quæ sunt in præcepto, vota facere, non est credibile Deum, aut Ecclesiam voluisse, ut omnes fideles ad ejusmodi vota faciendâ obligarentur. Non esse autem admodum utile de rebus iis, ad quas ex lege obligati sumus, vota facere, nisi fortè ea vota coincident cum votis de rebus non præceptis, ex eo præspicuum est, quòd vota de rebus non præceptis ideo laudabiliter fiunt, præter alias causas, ut homo eo modo firmiter, & stabilius perseveret in bono opere jam concepto, qui enim se liberos cernunt, facile mutant propositum bonum. Cum igitur ad opera legis faciendâ satis ligati simus ex ipsa lege, non opus est nova vincula querere, ne occasionem gravius peccandi nobis ipsi sine magna utilitate procuremus.

Objectiones, quæ contrà fieri solent, facile solvi possunt. Prima objectio. Christiani gravius peccant, & puniuntur cum non servant legem Dei, quàm Ethnici vel Judæi: Igitur aliquam habent obligationem, quam illi non habent. Respondeo, gravius peccant, & puniuntur Christiani, quia magis ingrati sunt, & melius noverunt Domini voluntatem, non autem quia habeant aliam obligationem, quia tunc non solum gravius peccarent, sed etiam bis peccarent.

Secunda objectio. S. Augustinus in Psal. 75. *Vovete, inquit, & reddite Domino Deo vestro omnes communiter. Quid debemus vovere? credere in illum, sperare ab illo vitam æternam, bene vivere secundum communem modum; est enim quidam modus communis omnibus furtum non facere, adulterium non facere, non amare violentiam, non superbire, non hominem occidere, non odisse fratrem, non adversus aliquem texere perniciem, hoc totum omnes vovere debemus.* Hæc ille. Respondeo, accipit S. Augustinus, eo loco nomen voti largo & communi modo, ut non solum comprehendat vota propriè dicta, sed etiam quamlibet aliam promissionem, quamvis talis acceptio voti non facile in scripturis inveniat.

Tertia objectio. Ecclesia eos, qui promiserunt in Baptismo Christi legem se servaturos, cogit ut eam servant: non autem cogit Ethnicos, & Judæos, qui id non promiserunt; igitur obligatio quædam nascitur ex promissione, quam non adfert secum ipsa lex, proinde illa promissio verum votum esse videtur. Respondeo, cogit Ecclesia Christianos baptizatos,

A ut servant legem Christi, non tam ex eorum promissione, quàm ex eo, quòd per Baptismum facti sunt membra, & filii Ecclesiæ, omne enim membrum subiectum esse debet capiti, & omnis filius parenti jure naturæ subicitur.

CAPUT XX

Paupertatem voluntariam rectè Deo voveri.

B **R** Estat pars quæstionis postrema, in qua, ut promissimus, tria vota monastica defendenda sunt. Incipiemus à voto paupertatis, inde ad votum obedientiæ, postremò ad votum continentia, de quo potissima quæstio est, veniemus.

Igitur paupertatem voluntariam rectè suscipi, ac Deo voveri, primò probatur ex illis verbis Matth. 5. *Beati pauperes spiritu, quoniam ipsorum est regnum celorum.* Ubi notandum est, pauperes in Scriptura tribus modis accipi solere. Primò dicuntur pauperes, qui sunt afflicti, ut Psalm. 24. *Unicus, & pauper sum ego, tribulationes cordis mei multiplicatae sunt.* Secundò dicuntur pauperes, qui sunt humiles, ut Isaiæ ultimò: *Ad quem respiciam nisi ad pauperem, & contritum, & trementem sermones meos?* Tertiò dicuntur pauperes propriè, qui non sunt divites, idque tribus modis, aut actu, sed non affectu, aut affectu, sed non actu, aut actu simul, & affectu.

C Quinque igitur existunt hujus loci expositiones. Prima est Calvini in hunc locum, qui per pauperes intelligit afflictos. Sed hæc expositio non est germana; nam coincideret tunc hæc prima beatitudo cum tertia: *Beati qui lugent*; aut cum ultima: *Beati qui persecutionem patiuntur.* Ex præterea non est expositio Patrum, ac demum Lucæ 6. Dominus pauperibus divites opponit.

D Secunda expositio est Chrysostomi in commentario hujus loci, & Augustini lib. 1. de sermone Domini in monte, qui per pauperes intelligunt humiles, quæ expositio vera quidem est, sed non primariò intenta, ut paulò post ostendemus.

Tertia esse posset, ut beati dicantur illi, qui sunt pauperes actu, non affectu, sed hæc falsa expositio est, & à Patribus reprehenditur; non enim beati, sed miseri sunt isti pauperes. Quocirca Dominus addidit, *spiritu*, idest, voluntate, & electione, nec qualicumque voluntate, sed spirituali, ut notat S. Bernardus serm. 1. de festo omnium Sanctorum. Fuerunt enim etiam Philosophi quidam voluntate pauperes, sed non spiritu pauperes, quia non propter Deum, sed propter curiositatem amarunt paupertatem.

Quarta expositio esse posset, quòd beati dicantur pauperes affectu, licet non actu. Hæc vera est, sed non est præcipuè intenta, ut mox ostendam.

E Est igitur quinta, ut beati dicantur, qui propter Deum spontè eligunt paupertatem, & proinde etiam humilitatem, & pauperes spiritu hoc loco nominari eos, qui sunt voluntariè pauperes, & proinde etiam humiles, nam ut plurimum divitiarum elationem, paupertas humilitatem gignit. Ita exponunt B. Ambrosius in cap. 6. Lucæ B. Gregorius Nyssenus, B. Hieronymus, & venerabilis Beda in cap. 5. Matthæi, necnon S. Leo I. in sermone de illis verbis Domini Matth. 5. qui paupertatis voluntariæ, & humilitatis simul meminere. Item Chromatii, & Anselmi in hunc locum, Basilii quæst. 205. Bernardi serm. 1. de festo omnium Sanctorum, & recentiorum, ut Abulensis, Lyrani, Cajetani, Jansenii, & aliorum, qui de paupertate voluntaria, & actuali exponunt, & rectè; nam in primis verbum Græcum πτωχός, mendicum

dicum propriè significat; ut etiam Latina vox pauper, non humilem propriè, sed egenum significare solet.

Deinde præmium illud (*Quoniam ipsorum est regnum celorum*) propriissimè respondet veræ paupertati. Præterea Luc. 6. Pauperes, qui beati esse dicuntur, non superbis, sed divitibus opponuntur; sic enim paulò post subiungit Dominus: *Va vobis divitibus*. Denique Christus actu & affectu pauper fuit, & docuit sine dubio id quod ipse fecit. Præterea sæpius divitias periculosas esse dixit; nam Matth. 13. comparavit spinis, quæ suffocant sementem, & Marci 10. *Quàm difficile, inquit, qui pecunias habent, intrabunt in regnum celorum. Et: Facilius est camelum intrare per foramen acus, quàm divitem in regnum celorum.*

Hinc ergo sic argumentari possumus pro voto paupertatis. Id omne Deo rectè vovetur, quod ex ejus testimonio scimus esse bonum, & illi gratum, sed paupertas voluntaria testimonio Christi bona est & Deo grata, cum beati dicantur ejusmodi pauperes, & illi promittatur regnum celorum in præmium, igitur ejusmodi paupertas Deo rectissimè vovetur.

Secundum testimonium est Matth. 19. ubi Dominus ait: *Si vis perfectus esse, vade, vende omnia quæ habes, & da pauperibus, & habebis thesaurum in celo.* Et ibidem: *Eccce, nos reliquimus omnia, & sequi sumus te, quid ergo erit nobis?* &c. Quod enim hic detur consilium veræ abdicationis facultatum, supra demonstravimus in disputatione de Consiliis Evangelicis. Quod autem hinc sequatur, posse voveri paupertatem, patet ex argumento paulò antè facto. Et præterea ex utroque testimonio non solum colligitur paupertatem rectè voveri posse, quod tamen ad rem nostram sufficit, sed etiam colligitur hortatum esse Dominum ad vovendam hanc paupertatem; parum enim prodesset dare omnia pauperibus, & fieri pauperem spiritu, si quis paulò post iterum rediret ad lucra, & opes comparandas. Quocirca sancti Patres intellexerunt his testimoniis commendari paupertatem perfectam, quæ suscipitur cum proposito, & voto semper ita permanendi.

Itaque S. Augustinus in epist. 89. quæst. 4. & in Psalm. 103. concione 3. totum hunc locum refert ad professionem monasticam; & S. Bernardus in declaratione super hunc locum Evangelii: *Hæc, inquit, sunt verba, quæ contemptum mundi in universo mundo, & voluntariam persuasere paupertatem. Hæc sunt quæ Monachis claustra replent, deserta Anachoretis.*

Tertiò testimonium est Actor. 4. ubi sic legimus: *Multitudinis autem credentium erat cor unum, & anima una, nec quisquam eorum quæ possidebat aliquid suum esse dicebat, sed erant illis omnia communia.* Quod autem ex voto ita viverent primi illi Christiani in Hierusalem, docet S. Augustinus serm. 1. de communi vita Clericorum, ubi dicit, idipsum se cum suis facere voluisse, quod primos Christianos fecisse testantur Acta Apostolorum jam citata, & tamen ibidem sæpius repetit, nemini licere in tali vita habere proprium, idque ex professione facta Deo. Sic enim loquitur de quodam Presbytero suo, qui contra professionem aliquid retinuerat, & inde testamentum cum moretur fecerat: *O dolor, inquit, illius societatis, o fructus natus non de arbore, quam plantavit Dominus! Sed Ecclesiam scripsit hæredem. Nolo numerare ista; non amo amaritudinis fructum, ego illum Deo quarebam, Deo societatem professus erat, hanc teneret, hanc exhiberet, nihil haberet, testamentum non faceret.*

Quartum testimonium est Actor. 5. ubi Ananias & Sapphira uxor ejus, cum vitam communem profiteri velle viderentur, & tamen aliquid proprii sibi clam retinissent, continuò ab Apostolo Petro detecti &

A increpati, atque à Deo invisibiliter percussi interierunt. Hic Petrus Martyr in lib. de Votis dicit, se nullum vorum videre; peccatum enim Ananias & Sapphiræ fuisse mendacium, ambitionem, avaritiam, & hypocrisim, non autem voti violationem, seu sacrilegium. Sed facile possumus ostendere, primò ex circumstantiis loci hujus, deinde ex testimoniis Patrum, Ananiam & Sapphiram vovisse, & tanquam sacrilegii reos esse punitos.

Quod igitur Ananias & Sapphira voverint vitam illam communem, colligitur ex illis verbis: *Fraudavit de pretio agri, conscia uxore sua*. Non enim fraudasse diceretur, nisi rem jam obligatam promissione, subripisset. Quod autem rem non præceptam voverint, patet ex illis verbis: *Nonne manens tibi manebat, & venditum in tua erat potestate?* Quod denique votum illud Deo factum esset, & proinde ejus violatio sacrilegium fuerit, testantur verba illa: *Anania, cur tentavit Satanas cor tuum mentiri te Spiritui sancto, & fraudare de pretio agri?* Quid enim est mentiri Spiritui sancto, nisi fallere fidem datam Spiritui sancto?

Posset quidem utcumque dici mentitus Spiritui sancto, si mendacium tantum sancto Petro dixisset, in quo sine dubio erat Spiritus sanctus: tamen nemo negare potest, quin magis propriè dicatur mentiri Spiritui sancto, qui promittit aliquid Deo, & non servat, quàm qui mentitur homini alicui sancto. Præterea severissima illa poena, quam Deus ipse continuo sumpsit de Anania & Sapphira, omnino clamat majus illud peccatum fuisse, quàm simplicis mendacii, & avaritiæ, & ambitionis, atque hypocrisis; quomodo enim potuit puniri culpa ulla atrocior? Itaque sine, dubio sacrilegium fuit, quod eo modo puniri meruit.

Accedat jam communis expositio Patrum. S. Joannes Chrysostomus, homil. 12. in Acta Apostolorum: *Quare, inquit, hoc fecisti? voluisti habere? oportebat initio habere, & non promittere. Nunc autem postquam consecrasti, majus sacrilegium commisisti; qui enim aliena rapit, forsitan alienarum rerum desiderio rapit. Tibi autem licebat tua retinere, cur igitur sacra fecisti ea, & postea accepisti?*

D S. Hieronymus in epistola ad Demetriadem, quæ est octava primi Tomi: *Ananias, inquit, & Sapphira dispensatores timidi, immò corde duplici, & ideo condemnati, quia post votum obtulerunt quasi sua, & non ejus, cui semel ea voverant; partemque sibi jam aliena substantia reservaverunt.*

S. Augustinus serm. 27. de verbis Apostoli: *Duas, inquit, ex eo quod promiserat, partem subtraxit, sacrilegii simul condemnatur, & fraudis.* Et serm. 10. aliàs 12. de diversis, in editione Lovaniensi: *Si Deo, inquit, displicuit detrahere de pecunia quam voverant Deo, quomodo irascitur quando vovetur castitas, & non exhibetur? Et infra: Potest igitur virgini sanctimoniali nubenti dici quod ait Petrus de pecunia: Virginitas tua nunquid non manens tibi manebat, & antequam eam voveres in tua fuerat potestate?*

E S. Fulgentius in epistola de debito conjugali, c. 8. *Quàm, inquit, sit malum, quamque sollicitè fugiendum, si quis de hoc quod Deo voverit, aut retinere, aut rapere aliquid mortifera prevaricatione pertentet; exemplo suprà Ananias & Sapphira.*

S. Gregorius lib. 1. epist. 33. ad Venantium: *Ananias, inquit, Deo pecunias voverat, quas postea victus persuasione Diaboli subtraxit, sed qua morte multatus est scis.*

Arator lib. 1. in Acta Apostolorum hunc locum enarrans, sic ait:

— Sed quod mutata voluntas
Falsi crimen habet: cumque est jam cautio voti
Stare decet, nec velle prius violare sequenti, &c.
Occu-

Oecumenius in commentario hujus loci aliquoties sacrilegium vocat Ananiae peccatum. Beda in eundem locum dicit, ab Ananiae exemplo natum esse deterrimum illud Monachorum genus, quod Sarabaitarum dicitur, qui sub vita, & professione monastica, aliquid proprii retinere volunt. Atque hæc de Scripturis pro voto paupertatis.

Confirmari potest hoc idem ex traditione Patrum. S. Urbanus Papa I. in epistola sua decretali: *Quicumque vestrum, inquit, vitam communem suscepit, & vovit se nihil proprium habere, videat ne sollicitationem suam irritam faciat.* S. Basilius in constitutionibus monasticis, cap. ult. dicit, Monachum salutem animæ perdere, & furem esse, atque alterum Judam, si quid privati possideat. At cur ita, quæso, si nulla est promissio, nullum votum?

S. Hieronymus in epist. 22. ad Eustochium de virginitate, scribit adeo arctam fuisse in Monachis sui temporis professionem paupertatis, ut nemini liceret vel necessaria petere; tamen vigilabat præpositorum diligentia, ne cui aliquid necessarium deesset: *Quia, inquit, non licet dicere cuiquam, tunicam, & sagum, textaque juncis strata non habeo. Ille ita universa moderatur, ut nemo quid postulet, nemo non habeat.* Ibidem scribit, aliquando in monasterio quodam Nitriæ repertum fuisse Monachum jam moriturum, qui nescio quot solidos sibi retinuerat. Quocirca placuisse Machario, Isidoro, aliisque sanctis congregatis in unum, ut cum mortuo pecuniæ infoderentur, clamantibus omnibus, pecunia tua tecum sit in perditionem. Quod idem postea in simili casu fecisse S. Gregorium, scribit Joan. Diaconus, lib. 1. cap. 15. Vita B. Gregorii, & ipse etiam Gregorius, lib. 4. Dialogorum, cap. 55.

S. Augustinus in Psal. 25. *Alius, inquit, vovet relinquere omnia, & ire in communem vitam, in societatem sanctorum; magnus votum vovit.* Et lib. 17. de civit. Dei, cap. 4. *Dixerunt, inquit, potentes illi, ecce nos reliquimus omnia, & sequi sumus te. Hoc votum potentissimi voverant, sed unde hoc eis, nisi ab illo, de quo hic continuo dictum est, datus votum voverit?*

Joannes Cassianus lib. 4. de institutis renunciatorum, cap. 13. *Illam, inquit, virtutem inter ceteras eorum institutiones vel commemorare superfluum puto, quod scilicet nulli cistellam, nulli peculiarem sportellam liceat possidere, nec tale aliquid, quod velut proprium retinens suo debeat communire signaculo.* Et c. 33. de hac ipsa renunciatione perfecta loquens: *Sicut, inquit, immensa gloria fideliter servientibus Deo, ac secundum regulam institutionem ei adhaerentibus repromittitur in futurum, ita poena gravissima præparatur his, qui tepide eam, negligenterque fuerint exequuti, & secundum hoc quod professi sunt, vel quod ab hominibus esse creduntur, fructus etiam congruos sanctitatis eidem exhibere neglexerint; melius est enim secundum Scripturam sententiam non vovere quæquam, quam vovere, & non reddere.*

Adde etiam Concilium Aurelianense I. can. 21. ubi graviter Monachi puniri jubentur, qui contra professionem suam aliquid proprii possidere voluerint.

Contra paupertatis votum una est obiectio Joannis Brentii in Confessione Wirtembergica, cap. de votis monasticis. Aut is, qui vovet, est pauper conditione, aut dives: si pauper est, nihil habet quod possit vovere se relicturum aut daturum, sed debet ferre patienter crucem sibi à Domino impositam; Quam si præterea vovet, idem facit ac si in morbo voveret se ægrotaturum, qui est furor, non pietas: si autem dives est, aut vovet ponere omnia in commune, aut dare omnia pauperibus propter majus meritum, & vivere deinceps ex eleemosynis: si primum, nihil aliud agit, quam providere sibi de certiore, & copiosiore victu, quod est fugere, non

A amare paupertatem: si secundum, peccat contra fidem, & charitatem; contra fidem, quia unus est mediator Dei & hominum, qui nobis omnia meruit, cui facit injuriam, qui suis propriis operibus mereri se arbitratur; contra charitatem autem, quia charitas præcipit ne sine necessitate molesti simus proximo nostra mendicatione.

B Respondeo ad primum membrum, etiam pauperes rectè vovere, & multum dare, dant enim id omne quod acquirere possent. Augustinus epist. 89. quæst. 4. *Neque, inquit, mihi minus imputabitur, quia dives non fui. Nam nec Apostoli, qui primi hoc fecerunt, divites fuerunt: sed totum mundum dimittis, qui, & quod habet, & quod optat habere, dimittis.* Neque est simile votum ægritudinis voto paupertatis; nam Christus dixit: *Beati pauperes, non beati ægroti, Matth. 5.* Et: *Si vis perfectus esse, vende omnia quæ possides, & da pauperibus, Matth. 19.* non autem si vis perfectus esse, projice sanitatem, cura ut ægrotes. Denique tenemur, si possumus, sanare ægritudinem, ne nostræ mortis causa fuisse videamur: at discescere nemo tenetur.

C Ad secundum membrum dico, ponere omnia in commune, esse verè amare paupertatem; nam ille verè est pauper, qui nullius rei est Dominus, qui nihil habet quod vendere, donare, permutare, destruere possit, & quam aliam paupertatem elegerunt primi Christiani, nisi istam quæ nemo aliquid diceret suum, sed essent illis omnia communia? Act. 4.

D Ad tertium; Nego esse contra fidem, dare omnia sua pauperibus propter majus meritum, alioqui Christus aliquid contra fidem consulisset, cum ait: *Vende omnia quæ possides, & da pauperibus, & habebis thesaurum in celo, Matth. 19.* Non enim pugnant merita nostra cum Christi meritis, sed ex illis potius ut effectus ex causa promanant, nam sine Christi meritis nulla sunt nostra merita. Ille enim, præter alia, etiam potentiam merendi nobis acquisivit merito mortis suæ. Nego etiam esse contra charitatem proximi mendicare; quandoquidem neminem cogunt dare eleemosynam mendicantes, sed potius occasionem divitibus præbent comparandi sibi regnum cælorum. Sed de hoc infra latius.

CAPUT XXI

De voto obedientia.

E Jam verò obedientiam religiosam rectè voveri Deo, his rationibus probari potest. Primò, grata est Deo obedientia etiam in iis rebus, quas ipse non præcepit. Nam Hieremias 35. laudantur, & remunerantur à Deo filii Jonadab, qui, ut obedirent patri suo, non bibebant vinum, non serebant agros, non habebant domos, sed habitabant perpetuò in tentoriis: omne autem quod Deo gratum est, voveri illi potest, igitur obedientia, etiam aliqui non debita, Deo voveri potest.

Respondet Petrus Martyr in lib. de votis, nihil indebitum fecisse filios Jonadab. Nam etiam si Deus non jussisset illis, ut non biberent vinum, nec serebant agros, nec domos inhabitarent, jussisset tamen ut parenti obedirent, ac proinde illi, dum patri obedierunt, id solum fecerunt, quod facere divino præcepto tenebantur.

Sed refellitur hæc solutio. Primò, ex testimonio Rabani, qui in commentario hujus loci dicit, filios Jonadab plus fecisse, quam lex divina præciperet.

Secundò, ex ipso textu Hieremias; nam Deus eo loco exemplo filiorum Jonadab reprehendit populum suum, quod illi obedierint voci unius hominis, ipse

ipse autem voci ipsius Dei obedire noluerit. Firma-
verunt, inquit, filii Jonadab, filii Rechab præce-
ptum patris sui, quod præceperat eis, populus au-
tem iste non obedivit mihi. Quæ Domini ratio pla-
nè frigeret, si filii Jonadab divino præcepto obstricti
fuissent obedire patri suo in rebus illis, ut non bi-
berent vinum &c. tunc enim nulla esset antithesis
inter Deum & creaturam; nam & filii Jonadab obe-
divissent Deo, & filii Israel non obedivissent Deo.

Tertiò, idem colligitur ex laude & remuneratio-
ne divina; non enim tantopere Deus laudasset fi-
lios Jonadab, nisi aliquid singulare fecissent.

Postremò, idipsum ratio manifesta suadet. Nam
etiamsi tenentur filii obedire parentibus, non tamen
tenentur obedire in omnibus rebus, postquam ad
annos pubertatis pervenerint. Est enim unusquisque
sui juris in deligendo statu, & genere vitæ, alioqui
nihil interesset inter servos, & liberos, si semper, &
omnibus in rebus filii in patris potestate essent.

Quod verò B. Paulus ait Coloss. 3. *Filii obedite
parentibus per omnia*. Vel ita intelligi debet, ut illud
(*Per omnia*) significet per omnia ad quæ se ex-
tendit patria potestas, ut rectè docet S. Thomas
in 2. 2. quæst. 104. art. 5. quemadmodum si quis di-
ceret, oportere milites obedire Imperatori per om-
nia, exponendum esset per omnia, quæ ad mili-
tiam pertinent. Vel certè tenentur filii per omnia
parentibus obedire, sed dum parvuli sunt; nam ut
dicitur ad Galat. 4. *Quanto tempore habes parvulus es,*
nihil differt à servo; & Dominus ipse parentibus
subditus erat cum puer esset, ut legimus, Luc. 2.

Secunda ratio ex Testamento novo sumi potest.
Nam, ut suprà diximus in disputatione de consiliis
consilium perfectionis est sequi Dominum perfectè
abnegando seipsum, ut colligitur ex illo Matth. 16.
*Qui vult venire post me, abneget semetipsum, & tol-
lat crucem suam, & sequatur me*; nam et si in præpa-
ratione animi abnegare seipsum præceptum sit, cum
ibidem Dominus addat, qui enim voluerit animam
suam salvam facere, perdet eam: tamen extra ar-
ticulum necessitatis abnegare seipsum perfectè, &
omnibus in rebus subijciendo iudicium, & volunta-
tem suam alterius iudicio, & voluntati, non est
præceptum, sed consilium. Ideo enim Matth. 19.
dicitur: *Si vis perfectus esse, vade, vende omnia &c.*
& veni, sequere me.

Porrò, perfecta sequela Domini, quæ in abnega-
tione sui ipsius, idest, in perfecta obedientia consi-
stit, necessariò includit votum, quo quis ita sei-
plum abneget, ut non possit retrocedere; non enim
perfecta est abnegatio sui, obedire alteri ad tem-
pus, & paulò post non obedire. Quocirca Domi-
nus ibidem addidit: *Et tollat Crucem suam*: siqui-
dem ut eleganter monet Joannes Cassianus, lib. 4.
de institutis cœnobiorum, cap. 35. verus, ac perfe-
ctus Monachus simulis crucifixo esse debet; qui enim
cruci affixus est, non solum non ambulat quò vult,
nec facit, quod vult; sed nec potest ambulare,
aut operari, nisi ab alio moveatur.

Tertia ratio, rectè faciunt homines, qui cupien-
tes vitam communem agere, communi consensu
eligunt sibi aliquem in præpositum. Id enim & re-
cta ratio suadet, & Scriptura etiam monet, Pro-
verb. 3. cum dicit: *Ne imitaris prudentia tua*. Rur-
sus, proposito constituto, bonum est, & Deo gra-
tum, ut illi obediat, cum scriptum sit: *Qui vos au-
dit, me audit*, Luc. 10. Et: *Obedite præpositis vestris*,
Hebr. 13. At omne quod Deo placere constat testimo-
nio ipsius, rectè voveri potest, ut adversarii con-
cedunt: poterit igitur obedientia exhibenda præ-
posito, à nobis ipsis electo, & cui alioqui obedi-
re non teneremur, rectè voveri.

A Quarta ratio ex usu antiquæ Ecclesiæ. Certum est
apud veteres sanctos obedientiam monasticam in usu
fuisse. Nam S. Basilus in constitut. monasticis, c. 22.
Nunc, inquit, rursus sermonem de obedientia exercea-
mus, ostendentes quantam obedientiam ab exercitationi-
bus erga præfectum exacta doctrina ratio exigat &c. Ex
toto capite de obedientia disserit, ac docet, debere
Monachum præposito parere, & non discutere quid
sit quod præcipitur, modo non sit manifestè pecca-
tum, ac breviter talem se exhibere præposito, qua-
les sunt oves ad pastorem, & instrumenta ad opifi-
cem comparata. Nec illud omittit, necessarium esse
Monachis, perfectè obedire præpositis, & alioqui à
salute æterna eos excidere, idem docet Cassianus,
lib. 4. de institutis cœnobiorum, cap. 23. & sequen-
tibus.

B S. Hieronymus in epist. ad Eustochium de custodia
virginitatis, describens instituta Monachorum: *Pri-*
ma, inquit, apud eos confederatio est, obedire majoribus.
Et in epist. ad Rusticum Monachum: *Per hæc omnia,*
inquit, *ad illud tendit oratio, ut doceam te non tuo ar-*
bitrio dimittendum, sed vivere debere in monasterio sub
amici disciplina patris, consortioque multorum. Et in-
frà: *Non facias quod vis, comedas quod iuberis, ve-*
stire quod acceperis. Et infrà: *Præpositum monasterii*
timeas ut Dominum, diligas ut parentem, credas tibi
salutare quicquid ille præceperit, nec de majorum sen-
tentia iudices, cuius officii est obedire, & implere qua
jussa sunt.

C Sulpitius in Dialogo primo de virtutibus sancti
Martini, de Monachis differens: *Præcipue, inquit,*
ibi virtus, & prima, est obedientia; neque aliter adve-
niens ad monasterium Abbatibus suscipitur, quam qui tem-
tatus prius fuerit, & probatus, nullum unquam recusa-
turus, quolibet arduum ac difficile, indignumque soli-
ratu Abbatis imperium.

S. Augustinus lib. 1. de moribus Ecclesiæ, cap. 31.
Hi verò Patres, inquit, nulla superbia consulunt iis,
quos filios vocant, magna sua in iubendo auctoritate,
magna illorum in obtemperando voluntate. Hæc ille.
Eiusmodi autem testimonia plurima afferre posse-
mus, si opus esset.

D Respondebunt fortasse, obedientiam quidem in
usu fuisse apud veteres Monachos, sed votum obe-
dientiæ non item. At Joannes Cassianus lib. 4. de
institutis renunciantium, cap. 33. voti & professio-
nis nominatim meminit, ubi disserit de observatio-
ne monasticarum institutionum, quarum primaria
de obedientia erat, verba ejus capite superiore ci-
tavimus.

Item S. Gregorius homil. 20. in Ezechielem: *Cum,*
inquit, *quis suum aliquid Deo vovet, & aliquid non*
vovet, sacrificium est, cum verò omne quod habet,
omne quod vivit, omne quod sapit, omnipotenti Deo
voverit, holocaustum est. Hæc ille. Ubi de votis mo-
nasticis loquitur, quibus homo nihil sibi retinet,
ac ne iudicium quidem, quod Deo non offerat.

E Denique S. Augustinus in Psalm. 75. *Nemo, in-*
quit, positus in monasterio frater dicat, recedo de mo-
nasterio; neque enim soli qui sunt in monasterio perven-
turi sunt ad regnum celorum, & illi qui ibi non sunt
ad Deum non pertinent. Respondetur ei, *sed illi non*
voverunt, tu vovisti. Et in Psalm. 99. *Dum non perse-*
veraverit implere quod vovit, fit desertor tam sancti
propositi, & reus voti non redditi.

Accedant postremò miracula, quæ Deus ad con-
firmandum obedientiam monasticam non rarò osten-
dit. Scribit Sulpitius in primo Dialogo de virtuti-
bus sancti Martini duo miracula his verbis: *Duo vo-*
bis referam incredibilis obedientia admodum magna mi-
racula, licet suppetant plura recolenti, sed ad excitan-
dam virtutum amulationem, cui pauca non sufficiunt,
multa

multa non proderunt. Ergo cum quidam saculi alibus abdicatis, monasterium magna dispositionis ingressurus, cepisset rogare, Abbas ei capis multa proponere, graves esse istius disciplina labores, sua verò dura imperia, quæ nullus facile valeret implere patientia. Aliud potius monasterium, ubi facilius legibus viveretur, expeteret; non tentaret aggredi quod implere non posset. Ille verò nihil his terroribus permoveri, sed magis ita omnem obedientiam polliceri, ut si eum Abbas in ignem ire precipere, non recusaret intrare. Quam illius professionem ubi magister accepit, non cunctatur probare profitemem. Casu cibarius prope ardebat, qui multo igne succensus coquendis panibus parabatur. Exundabat abruptis flamma fornacibus, & intra camini illius concava totis habenis regnabat incendium. Hoc igitur advenam illum jubet magister intrare, nec distulit parere precepto, medias flammæ nihil cunctatus ingreditur, quæ mox tam audaci fide victa, velut illis quondam Hebrais pueris cessere venienti; superata natura est, fugit incendium, & qui putabatur arsurus, velut frigido rore perfusus seipso miratus est. Sed quid mirum, si tuum Christe tyronem ignis ille non attigit, ut nec Abbatem pigeret dura mandasse, nec discipulum paniteret imperio paruisse? Qui eo die quo advenerat dum tentaretur infirmus, perfectus inventus est, merito felix, merito gloriosus, probatus obedientia, glorificatus est passione.

In eodem autem monasterio factum id, quod dicturus sum, recenti memoria ferebatur. Quidam itidem ad eundem Abbatem recipiendus advenerat, cum prima ei lex obedientia poneretur, ac perpetem polliceretur ad omnia vel extrema patientiam. Casu Abbas floracinam virgam jampridem aridam manu gerebat, hanc solo fixit, atque illi advena id operis imponit, ut tandem virgula aquam irriguam ministraret, donec, quod contra omnem naturam erat, lignum aridum in solo arente vivifceret. Subiectus advena dura legis imperio aquam propriis humeris quotidie convehabat, quæ à nilo flumine per duo ferè milia petebatur, jamque emenso anni spatio labor non cessabat operantis, & de fructu operis spes esse non poterat, tamen obedientia virtus in labore durabat. Sequens quoque annus vanum laborem jam affecti fratris eludit. Tertiò denum succedentium temporum labente curriculo, cum neque noctu, neque interdiu aquarius ille cessaret operator, virga floruit. Ego ipsam ex illa virgula arbutulam, quæ hodie quoque intra atrium monasterii est ramis virentibus, vidi, quæ quasi in testimonium manens, quantum obedientia meruit, & quantum fides possit, ostendit. Hæc ille.

Alia non dissimilia narrat S. Gregorius lib. 2. Dialogorum, cap. 7. de S. Mauro, qui ad Abbatis imperium super aquas ambulavit; & Joannes Cassianus lib. 4. de institutis renunciantium, cap. 23. de Abbate Joanne, qui propter obedientie virtutem ad prophetie gratiam sublimatus, sic universo claruit orbi, ut etiam regibus mundi hujus merito suo redderetur illustris.

Sed occurrunt solvendæ objectiones. Prima Lutheri est in lib. de votis monasticis, ubi hoc modo ratiocinatur. Scriptura jubet, ut omnibus hominibus obediamus, Philip. 2. *Superiores invicem arbitantes. Et 1. Petri 2. Subiecti estote omni humana creatura propter Deum.* Igitur obligare se ad obediendum uni soli præposito, contra Scripturam est; idem enim est ac si quis ita voveret; Deus voveo tibi nolle me secundum Evangelium tuum omnibus subijci, sed tantum uni majori.

Respondeo, Apostolum Paulum eo loco non vel- le ut omnes habeamus tamquam principes, quibus parere teneamur, sed ut omnes judicemus nobis esse superiores, idest, meliores, & sanctiores; commendat enim humilitatem, ut ipsa verba ejus indicant: *Per humilitatem invicem superiores arbitantes.* Adde,

A quod si vellet Apostolus, ut omnibus obediremus; rem planè impossibilem vellet; si enim omnes omnibus obedire debent, nulli erunt qui jubeant, & nulli qui obediant. Porro S. Petrus per omnem humanam creaturam, intelligit omnem hominem potestate imperandi prædixit. Sic enim explicat ipse se: *Sive, inquit, regi tanquam præcellenti, sive ducibus tanquam ab eo missis.*

Secunda objectio est ejusdem Lutheri in eodem loco. Præpositus monasterii liber est ab obedientia, quam voverat sine alia dispensatione, igitur signum est, votum illud non obligare coram Deo. Respondeo, in eo, qui eligitur in præpositum, remanere obligationem voti, licet per accidens cesset exercitium illius voti, quia deest materia: cujus signum est, quia si is qui nunc est præpositus privetur officio, iterum tenebitur ad obedientiam, etiam si novum aliquod votum non faciat. Vide S. Thomam in 2. 2. quæst. 88. art. 11. & quæst. 186. art. 5.

Tertia est Petri Martyris in comment. ad cap. 7. prioris ad Corin. Verat B. Paulus, ne Christiani servos se faciant, cum ait: *Prelio empti estis, nolite fieri servi hominum.* Non igitur licet votum obedientie facere. Quid enim hoc est aliud, quàm sponte sua se in servitutem Abbatibus tradere?

At facilis responsio est; non enim B. Paulus prohibet servitutem, quæ hominibus exhibetur, sed id prohibet, ne hominibus propter ipsos homines potissimum, sed propter Deum serviatur, id quod exposuit clariùs ad Coloss. 3. ubi sic ait: *Servi obedite per omnia dominis carnalibus, non ad oculum servantibus, quasi hominibus placentes, sed in simplicitate cordis timentes Dominum. Quodcumque facitis, ex animo operamini sicut Domino, & non hominibus, scientes quod à Domino recipietis retributionem hereditatis. Domino Christo servite.* Quocirca S. Paulinus etsi non ignorabat Apostolum dixisse: *Nolite fieri servi hominum;* tamen seipsum vendidit, ut filium viduæ redimeret, quod S. Gregorius cum laude ejus refert, lib. 3. Dialogorum, cap. 1.

Sed inquit Petrus Martyr, S. Paulinus ex charitate erga proximum seipsum vendidit, quod autem ex charitate fit, rectè fit. Quasi verò perfecti Monachi ex cupiditate, & non ex charitate erga Deum, se Abbatibus, aliisque Præpositis sponte subijciant. Sed de obedientia hæcenus.

C A P U T XXII.

Afferitur votum continentia ex illis verbis Luca primo; Quomodo fiet istud? &c.

V Enio tandem ad votum continentie, quod primum Scripturæ testimoniis, deinde Conciliorum, & Ecclesiæ totius consensu, tertio Pontificum, & Imperatorum decretis ac legibus; quarto Patrum Græcorum, & Latinorum traditione; postremo naturali etiam ratione confirmare pro viribus nitar.

Primum igitur testimonium sit illud Luc. 1. *Quomodo fiet istud, quoniam virum non cognosco?* Quibus verbis Virgo sanctissima significat impedimentum se habere, quo minus filium concipere & parere posset: impedimentum autem illud non aliud esse potuit, quàm votum continentie jam emissum. Illa enim verba: *Virum non cognosco,* non significant jam actu non cognosco, sed non licet mihi cognoscere, alioqui ineptissima interrogatio fuisset, cum posset statim responderi, etsi nunc virum non cognoscis, tamen paulò post cognoscas. Itaque sicut dicimus in Quadragesima. Ego non vescor carnibus, idest, non licet mihi hoc tempore carnibus vesci; sic B. Virgo dixit:

dixit: *Virum non cognosco*, idest, prohibeor virum cognoscere. Cur autem prohiberetur, nulla ratio potest reddi, nisi votum; nam & virum habebat, & juvenis erat; nec est credibile sterilem, aut impotentem fuisse, vel certè id ipsa nondum scire poterat cum ad virum nondum pervenisset. Nec denique prohibebatur virum cognoscere lege aliqua communis, ut notum est, igitur lege particulari, idest, voto.

Idem confirmatur ex Patribus. S. Gregorius Nyssenus in oratione de nativitate Domini: *Nam*, inquit, *si nuptiarum causa assumpta erat à Josepho, quomodo Angelum de partu predicentem, quasi re nova atque insolita obstupescit, adversata esset cum prorsus speraret se quoque ipsam aliquando juxta legem naturæ matrem esse futuram? Sed quoniam Deo dicatam, & consecratam carnem, veluti sanctum quoddam donarium, intactam servari oportebat, propterea etiam si Angelus sit, inquit, ac de celo veneris, etiam si supra hominem sit id quod apparet, attamen ut virum cognoscam, fieri non potest. Qui mater ero absque viro? Josephum enim sponsam quidem novi, virum autem non cognosco.*

S. Augustinus lib. de sancta virginitate, cap. 4. Ipsa quoque, inquit, virginitas ejus gratior, & acceptior, quia non eam conceptus Christus viro violaturo, quam conservaret, ipse præcipuit, sed priusquam conciperetur, jam Deo dicatam, de qua nasceretur, elegit. Hoc indicant verba, quæ sibi fatum annuncianti Angelo Maria reddidit. *Quomodo*, inquit, *fiet istud, quoniam virum non cognosco? Quod profectò non diceret, nisi Deo virginem se antè vovisset. Sed quia hoc Israelitarum mores adhuc recensabant, desponsata est viro iusto, non violenter ablaturo, sed potius contra violentos custodituro, quod illa jam reverat.*

Beda in cap. 1. Lucæ: *Propositam*, inquit, *sua mentis reverenter exposuit, vitam videlicet virginalem se ducere decrevisse. Quæ, quia prima faminarum tanta se virtuti mancipare curavit, jure singulari præ cæteris faminis beatitate meruit excellere.*

S. Anselmus lib. de excellentia virginis, cap. 4. *Virgo*, inquit, *& tenera, & delicata, regali stirpe progenita, & speciosissima, totam intentionem suam, totum amorem suum, totum studium suum ad hoc intendit, ut corpus, & animam suam Deo virginitate perpetua consecraret.*

Rupertus lib. 3. in Cantica. *Votum*, inquit, *egregium prima Deo vovisti, votum virginitatis.*

Denique S. Bernardus serm. 4. super Missus est: *Non dubitat*, inquit, *de facto, sed modum requirit, & ordinem: nec enim quæris, an fiet istud, sed quomodo; quasi dicat, tam sciat Dominus meus testis conscientia mea, votum esse ancilla sua non cognoscere virum, quæ lege, quo ordine placebit ei, ut fiat istud? si oportuerit me frangere votum ut pariam filium, & gaudeo de filio, & doleo de voto. Et in serm. Signum magnum: In libertate spiritus legis Mosaica decreta transcendens, illibatam Deo corporis simul & Spiritus sanctimoniam vovit. Probat enim propositi inviolabile fundamentum, quod tam constanter promittenti filium Angelo respondit, quomodo fiet istud, quoniam virum non cognosco? Accedat consensus Theologorum apud Magistrum in 4. lib. sententiarum, dist. 30.*

Sed videamus quid ad hæc adversarii respondeant. Joannes Calvinus in commentario hujus loci apud Marloratum, tria dicit reprehensione digna. Primò, accusat Beatissimam Virginem, quòd malignè restrinxerit Dei potentiam: *Videtur*, inquit, *sancta Virgo non minus malignè restringere Dei potentiam, quàm prius Zacharias: quod enim præter communem naturæ ordinem est, impossibile esse colligit. Sic enim ratiocinatur: virum non cognosco, qui credam igitur futurum quod nuncias? Nec verò magnopere laborandum est, ut eam purgemus ab omni vitio. Hæc ille.*

A Cuius sanè verba satis indicant impietatem ejus, & quàm nihil ei commune sit cum sanctis Patribus. Nam S. Ambrosius, S. Bernardus, Beda venerabilis, & alii in hunc locum disertis verbis monent, illud: *Quomodo fiet istud?* non fuisse dubitantis, sed quærentis, ac discere cupientis modum quo res illa futura erat, quæ cum ipsius voto pugnare videbatur. Deinde, quomodo credibile est eam malignè restringere voluisse Dei potentiam, quæ erat gratia plena, & cum qua Dominus ipse singulari modo semper aderat, ut Angelus paulò antè dixerat. Denique si non minus malignè S. Virgo potentiam Dei restrinxit, quàm antè Zacharias, cur non æquè punita fuit? Certè Zacharias ab Angelo ob incredulitatem, & verbis castigatus, & amissæ loquelæ supplicio punitus fuit. Beatissima Virgo ne minimo quidem verbulo reprehensa. At si idem utriusque peccatum, cur non & poena eadem fuit?

B Secundò, Calvinus accusat Patres, qui votum virginitatis ex his verbis colligunt: *Quòd autem*, inquit, *ex hoc loco occasionem quidam sumpserunt, ut dicerent virginem habuisse votum perpetuæ virginitatis, quod alioqui supervacanea fuisset ista responsio, nimis infirmum est, immò absurdum, ac ridiculum. Existimabimus ne Virginem passam fuisse marito se collocari, ut eum luderet? Fuisset profectò perfidia, gravi reprehensione digna, si sanctum conjugii fœdus non sine Dei ludibrio sprevisset.*

C Hic etiam desideramus Calvinii modestiam. Quale enim est, ut absurdum & ridiculum dicat, quòd asseritur à Nysseno, Augustino, Beda, Bernardo, Anselmo, Ruperto, & ab omni schola Theologorum? Porro argumentum ejus duobus modis solvitur. Primùm negando consequentiam, quidquid sit de antecedente: nam etiam si daremus B. Virginem cum Josepho conjugium contraxisse animo consummandi matrimonium, ut Calvinus annotatione in cap. 1. Lucæ, Beza ibidem, Bucerus in cap. 1. Matthæi, Martyr in libro de coelibatu & votis monasticis, & Centuriatores, Centur. 1. lib. 1. cap. 10. falsò docent, adhuc tamen non sequeretur, eam, cum dixit: *Quomodo fiet istud, quoniam virum non cognosco?* non habuisse votum virginitatis; potuit enim hoc votum emisisse post conjugii celebrationem, & tamen ante Angelicam salutationem, ut S. Thomas docet, 3. parte quæst. 28. artic. 4. ita ut primùm nuptiæ celebratæ sint, deinde antequam ad matrimonii consummationem veniretur, B. Virgo votum virginitatis emisisset, ipso S. Josepho consentiente, & ut piè credatur, etiam simul vovente.

D Addo tamen secundò, B. Virginem numquam habuisse explicitum animum consummandi matrimonium, ac proinde falsum esse etiam antecedens argumenti adversariorum: nam alioqui non esset Virgo animo, sed solum carne. Nec tamen impeditum fuit verum matrimonium ex perpetua voluntate continendi, nec luserit virum suum, neque conjugium perfidè S. Virgo sprevit, ut blasphematur Calvinus; nam cum matrimonium inivit, dedit viro absolutam potestatem in corpus suum, ita ut verè licuerit S. Josepho, si voluisset, cum B. Virgine matrimonium consummare, id enim requiritur, & sufficit ad essentiam veri conjugii; tamen quia sciebat ipsa, divina revelatione edocta, numquam S. Josephum id expetitum, idcirco poterat habere, & habebat explicitam voluntatem semper continendi, in qua voluntate propriè virginitas consistit. Et quamvis S. Thomas non admittat votum absolutum virginitatis in B. Virgine ante desponsationem, Scotus tamen admittit in 4. distinct. 30. quæst. 2. & ante Scotum Albertus Magnus in libro de laudibus Virginis, & ante Albertum Sancti Patres, Gregorius Nyssenus, & Augustinus locis notatis disertis verbis docent, B. Virginem

nem vovisse ante desponsationem; neque video cur id votum pugnet cum veri conjugii celebratione, posita revelatione, quam omnes Theologi ponunt, qua Beatæ Virginis revelatum fuit, nunquam S. Josephum debitum conjugale expetiturum.

At, inquiunt quidam, non potest, qui per votum se Deo tradidit, per nuptias se alteri tradere. Unde & Apostolus 1. Timoth. 5. dicit eas, quæ post votum nubere volebant, damnationem habere; *Quia primam fidem irritam fecerunt*. Respondeo, eum, qui vovit continentiam, non posse jam se alteri tradere cum periculo violandi voti; nam de hujusmodi personis Apostolus loquitur, & ratio ipsa hoc docet. At si adfit certitudo infallibilis voti nunquam violandi, non repugnat, ut qui est unius se tradat etiam alteri in diverso genere nuptiarum, alioqui non possent conjuges ex communi consensu vovere continentiam, quod tamen admittunt omnes Theologi; nam ejusmodi conjuges se tradunt Deo per votum, & tamen sunt invicem obligati per matrimonium.

Tertiò, Calvinus respondet nostro & Patrum argumento, quo probamus, Virginem vovisse virginitatem, quia alioqui ineptè respondisset Angelo: *Quomodo fiet istud, quoniam virum non cognosco?* Solvendum, inquit, est obiectum, quod Virgo in futurum tempus respiciat, ideoque significet, nullam sibi fore cohabitationem cum viro. Hæc verò conjectura & probabilis est, & simplex, quod rei magnitudo, vel potius majestas virginem perculerit, ut sensus omnes admiratione ligatos haberet ac constrictos; cum audis nasciturum esse Dei Filium, aliquid non vulgare concipit; atque hæc ratio est cur coitum virilem excludat. Hinc attonita exclamat: *Quomodo fiet istud?* Hæc ille. Ad quem modum exponit etiam Theodorus Beza.

Sed primum, si sola conjectura Calvinus nititur, cur deserit Patrum Theologorum omnium auctoritatem? An tutum sit ob conjecturam unam repugnare omnibus Patribus; ipse viderit. Deinde improbabilis & longè petita illa conjectura est. Nam primum quod occurrit ei, cui filius promittitur, est naturalis modus generandi. Proinde omnino credibile est, sanctam Virginem, cum sibi filium promitti audivit, non statim cogitasse filium illum sine opera viri nasciturum, sed more, & ordine communi, & naturali. Neque obstat quod ab Angelo promittebatur, & magnus futurus dicebatur; nam sæpè aliàs Angeli nunciaverunt filiorum magnorum generationem, ut Abraham Genes. 18. Manuæ Jud. 13. Zachariæ Luc. 1. & tamen omnes naturali generatione nascituri erant.

Deinde Virgo sanctissima humillima erat, propterea non est credibile statim eam cogitasse se fore Messiae matrem, & virginem illam; de quo scriptum erat, Isaïa 7. *Ecce virgo concipiet*. Immo etiam valde probabile est eam non scivisse Messiae matrem virginem futuram, non enim id notum erat vulgo apud Judæos; nam prophetiæ obscuræ erant, & paucis intellectæ antequam implerentur. Præterea, Virgo sancta curiosa non erat, idcirco si scivisset, ut Calvinus dicit, se virginem parituram, nunquam dixisset, quomodo fiet istud? id enim fuisset velle indagare divina mysteria sine necessitate, quod pertinet ad curiositatem.

Ad hæc, Angeli responsio satis apertè docet, quid Beata Virgo quæsierit: siquidem nihil aliud Angelus respondet, nisi illam, sine viri opera, solius Spiritus sancti virtute concepturam & parituram.

Denique sancti Patres ita hunc locum intellexerunt, ac præter eos, quos supra citavimus, S. Athanasius in sermone de sanctissima Deipara: *Quin, inquit, & hic hæsit Virgo, utpote ad naturam respiciens, & de Josepho cogitans, cui nupta erat, ad An-*

gelum tale responsum dedit: Quomodo fiet istud, quoniam virum non cognosco.

Sed jam Calvino dimisso Petrum Martyrem adducimus. Is in lib. de coelibatu & votis, tria quædam affert ad hunc locum Evangelii explicandum. Primò dicit, non coherere matrimonium virginis cum voto virginis. Sed hoc jam solutum est.

Secundò dicit non posse colligi votum ex illis verbis: *Quoniam virum non cognosco*, nisi more Anaxagoræ quodlibet faciamus ex quolibet, & probat ex aliis similibus locutionibus; nam Exod. 6. Moyses dixit: *Quomodo audiet me Pharaon, cum sum labii incircumcisus?* Et tamen non inde rectè colligeremus, Moysen vovisse labiorum incircumcisionem. Et Nicodemus dixit, Joan. 3. *Quomodo potest homo nasci cum sit senex?* Et tamen quis inde colligat Nicodemum vovisse senectutem?

Sed hæc nimis frigida sunt; nam incircumcisio labiorum, & senectus, non pendent ex libero arbitrio, & ideo impedimentum afferunt, sive ad loquendum, sive ad nascendum, quod non potest tolli ab homine. Quocirca prudenter dixit Moyses: *Quomodo audiet me Pharaon, cum sum labii incircumcisus?* Et Nicodemus: *Quomodo potest homo nasci cum sit senex?* etiam si nec ille voverit incircumcisionem labiorum, nec iste senectutem: quia sine tali voto impedimentum habebant, ille ad loquendum, & iste ad nascendum, quod per se remove non poterant. At virum cognoscere, mulieri conjugatæ in arbitrio positum est; idcirco ineptè respondit Sancta Maria: *Quomodo fiet istud, quoniam virum non cognosco*, si nulla lege prohibebatur virum cognoscere: constat autem, eam non fuisse prohibitam lege communi; sequitur igitur, ut prohibita fuerit lege privata, idest, voto.

Tertiò, conatur solvere hoc nostrum argumentum, atque ait, Beatam Virginem etiam si votum non fecerit, tamen prudenter interrogasse: *Prudenti, inquit, sanè Virginis nostra interrogatio, quia si conceptus & partus, qui ei predicebatur, ordinaria nstataque ratione futurus esset, dixit hoc obitare, quod virum nondum admisceretur; si verò extra ordinem, ac supra naturam, de modo cupit edoceri.* Hæc ille.

Sed frustra laborat; nam si naturali & ordinaria via conceptus futurus erat, non prudenter, sed stultissimè dixisset hoc obitare, quod nondum viro admisceretur. Nam non promittebatur ei conceptus præsens, aut præteritus, sed futurus: *Ecce, inquit, concipies, & paries*. Ad futurum autem conceptum non requirebatur, ut virum cognosceret, aut cognovisset, sed ut cognoscere posset, ac vellet in futurum; quare nulla omnino sponsa, nisi fortè amens, à prædicente aliquo conceptum quæreret, *Quomodo fiet istud, cum virum nondum cognoverim; responderetur enim ei, si nondum cognovisti, postea cognosces*. Si autem supra naturam conceptus Virginis futurus erat, adhuc imprudenter dixisset: *Quomodo fiet istud, quoniam virum non cognosco?* Idem enim est, ac si dixisset: *Quomodo potest fieri, ut Virgo pariam, cum virum non cognoverim; quæ non minus stulta interrogatio est, quàm si quis diceret: Quomodo potest ignis calefacere, cum non sit frigidus?* Verissima igitur est sententia Patrum, & Theologorum, rectissimè colligi ex interrogatione Beatæ Virginis votum perpetuæ continentię.

CAPUT XXIII

*Idem afferitur ex illis verbis Matth. 19.
Sunt Eunuchi, qui se castraverunt &c.*

A Alterum testimonium pro voto continentie est, Matth. 19. ubi Dominus quosdam esse dicit *Eunuchos, qui se castraverunt propter regnum celorum*. Et addit cohortationem: *Qui potest capere, capiat*. Ipsa enim Eunuchorum appellatio perspicue indicat votum. Non enim est Eunuchus, qui solum continet, sed qui non potest non continere. Eunuchi autem, de quibus hic agitur, non coguntur continere ex vitio naturæ; nam ab his eos Christus ipse sejunxit. Neque coguntur lege aliqua communi (nulla enim lex est prohibens nuptias absolute) igitur id solum remanet, ut non possint ex lege particulari sponte assumpta, idest, ex voto. Idem etiam colligitur ex illo verbo: *Qui se castraverunt*; nam si Dominus loqueretur de his, qui sine ullo voto coelibes vivunt, diceret, qui se castrant quotidie, non qui se castraverunt; cum ergo dixerit, qui se castraverunt, significat eos unica actione voluntaria imputasse sibi omnem facultatem contrahendi nuptias. Et confirmatur explicatio hæc ex Patribus.

S. Epiphanius hæresi 58. *Valefiorum*: *Quinam, inquit, hi fuerint, qui se castraverunt propter regnum celorum, quam generosi Apostoli, ac monasticam vitam degentes, & demum virgines? Et infra, post ipsos vero, Apostolos, quot millia in mundo solitariam vitam agentes, & à monasteriis, & virginibus conventibus hujus certaminis gloriam abstulerunt*. Hæc ille. Qui dum affirmat, castrare seipsum propter regnum celorum id esse, quod Monachi & sacre Virgines faciunt, aperte significat, castrationem hanc non simplicem continentiam, sed continentiam Deo devotam significare.

S. Hieronymus in commentario hujus loci: *Unusquisque, inquit, consideret vires suas, utrum possit virginalia implere precepta*. Hæc ille. At quæ sunt præcepta virginalia, nisi obligatio non nubendi, quæ sine voto nulla est? Et lib. 1. in Jovinianum dicit, eos castrare seipsum, qui templum se Deo purissimum, & holocaustum acceptissimum offerunt; ubi quoque non solum coelibatum, sed coelibatum Deo devotum & sacratum, castrationem vbeat.

S. Augustinus lib. de sancta virginitate, cap. 30. alludens ad hunc locum, ubi Dominus de castratione ista voluntaria ait: *Qui potest capere, capiat*. *Vos etiam, inquit, qui hoc nondum vovistis, qui potestis capere, capite*.

Sanctus Fulgentius lib. de fide ad Petrum cap. 3. *Quisquis, inquit, seipsum castraverit propter regnum celorum, & in corde suo continentiam Deo voverit &c.* ubi illud (Et) ad explicationem pertinere, non dubium est.

Sed occurrit Petrus Martyr in lib. suo de coelibatu & votis, ac docet, ex hoc loco non posse votum continentie statui; nam Apostoli, quibus Dominus respondit per illam similitudinem Eunuchorum, tantum dixerunt: *Si ita est causa cum uxore, non expedit nubere*; non autem dixerunt, expedit vovere continentiam. Quare Dominus si ad propositum respondere voluit, non de voto, sed de utilitate & incommodis conjugii differere debuit; ergo per Eunuchos, qui se castrant propter regnum celorum, intelligit eos, quibus ex peculiari Dei dono expedit non nubere, ut expediunt Evangelium prædicent. Addit etiam Martyr, non oportere vim facere in metaphora Eunuchorum, sed in scopo præcipuo ipsius para-

A bolæ; quemadmodum in parabola de villico iniquitatis, etsi ducatur similitudo ab eo qui ex bonis alienis sibi fecit amicos: non tamen Christus intendit hoc docere, ut ex bonis alienis eleemosynas faciamus.

At frustra laborat Petrus Martyr, ut verba Domini satis aperta & dilucida obsecret & pervertat; ac in multis errat. Primum, quantum ad scopum horum verborum; nam etiam Apostoli non loquerentur de voto, sed solum quærent, an expediret nubere, Dominus tamen aliquid perfectius eis ostendit, & sic confirmavit non expedire nubere, ut etiam adderet, expedire, voto se obligare ad non nubendum, ut patet ex metaphora Eunuchorum & castrationis.

B Secundò errat, cum ait, non esse vim faciendam in vocibus istis, quòd in parabolis non omnia ponantur ad significandum. Errat, inquam, nam licet in parabolis esse possint interdum quædam partes, quæ nihil significant, sed ponantur solum ad explendam narrationem, tamen in verbis Evangelii, de quibus agimus, nulla est parabola, sed solum duo verba metaphorica, nimirum, nomen, Eunuchi, & nomen, Castrationis, quæ verba nisi aptam similitudinem contineant, tota Christi oratio inepta redditur. Non continent autem illa verba aptam similitudinem, nisi illi, qui dicuntur metaphoricè Eunuchi, habeant voluntariam necessitatem continendi, sicut Eunuchi propriè dicti habent naturalem continendi necessitatem.

C Tertiò deinde errat Martyr, quia licet in parabolis prolixis possit aliqua pars nihil significare, tamen id in quo parabola præcipue consistit, non potest non significare, nisi ineptissima sit parabola. Jam verò in verbis Evangelii, de quibus nunc agimus, si parabola esset, ea præcipue in vocibus (Eunuchi & Castrationis) consisteret, ut patet, ac proinde meritò in his vocibus vis facienda esset.

D Errat Quartò in exemplo, quòd affert de villico iniquitatis. Nam non existimat aliquid significare, quòd villicus ille ex alienis bonis sibi amicos fecerit, cum tamen in hoc maxime parabola consistat; vult enim nos Dominus docere, ut quemadmodum ille villicus ex bonis Domini sui multa largiendo, sibi multos amicos comparavit: ita & nos ex bonis Domini nostri, idest, Dei, cujus sunt omnia quæ habemus, Eleemosynas faciendo multos amicos in cælo faciamus. Hoc solum interest, quòd ille peccabat bona Domini sui largiendo, quia contra ejus voluntatem largiebatur, & idcirco dicitur villicus iniquitatis; nos autem non peccamus bona Domini nostri largiendo, quia hoc ipsum ei vehementer placet, ut bona sua liberaliter erogemus, cum nullum ipse ex hac largitione dispendium patiatur. Ex sanè vehementer accendit ad Eleemosynam faciendum ista cogitatio, quòd opes nostræ res sint alienæ, idest, Dei, & tamen ex ejusmodi alienis rebus possumus nobis regnum cælorum comparare.

E Postremò errat Petrus Martyr, quòd existimet, hic solum continentiam laudari, ut liber à cura uxoris & liberorum, facilius possit Evangelium prædicare, quem errorem supra refutavimus disputatione de consiliis Evangelicis. Hic unum duntaxat S. Augustini testimonium addam, lib. de sancta virginitate cap. 23. *Quid, inquit, veracius, quid lucidius dici potuit, Christus dicit, Veritas dicit, Virtus & Sapientia Dei dicit, eos qui pio proposito ab uxore ducenda se continuerint, castrare se propter regnum celorum: & contra, humana vanitas impia temeritate contendit, eos, qui hoc faciunt, presentem tantummodo necessitatem molestiarum conjugialium devitare: in regno cælorum amplius quidquam ceteris nihil habere*. Hæc ille.

CAPUT XXIV.

Idem asseritur ex verbis Apostoli 1. ad Tim. 5. Damnationem habent, quia primam fidem irritam fecerunt.

Tertius locus pro continentiae voto habetur in epistola priore ad Timoth. cap. 5. ubi hoc modo Apostolus loquitur: *Adolescentes viduas devota, cum enim luxuriata fuerint in Christo, nubere volunt, habentes damnationem, quia primam fidem irritam fecerunt*: quo loco per primam fidem nihil aliud intelligi potest, nisi continentiae votum, ut omnes omnino veteres intellexerunt. Nam cum Apostolus dicat, eas primam fidem irritam facere, quae nubere volunt, necessario colligimus cum loqui de fide servandae continentiae, quae per nuptias violatur.

Ista autem fides servandae continentiae, aut est fides data marito carnali, aut Christo sponso spirituali; non potest esse fides data carnali marito; illa enim tamdiu durat, quamdiu maritus vivit; mortuo autem viro, soluta est mulier, & cui vult, nubere potest, ut Apostolus ait ad Roman. 7. & 1. Cor. 7. Igitur sequitur, ut hoc loco fides, quae per nuptias irrita fieri dicitur, sit fides data spirituali sponso Christo. Non potest autem haec fides, Christo data, esse simplex propositum, seu voluntas continendi sine promissione ac voto; tum quia simplex propositum non habet relationem ad aliud, nec fides dici potest; unde non irritatur fides, cum mutatur propositum; tum etiam quia propositum saepe licet sine ulla culpa mutare. Apostolus autem absolute dicit eas damnationem habere, quia fidem irritam faciunt; sequitur igitur, ut fides hoc loco votum significet. Ex quo sequitur, votum perpetuae continentiae non esse impossibile, nec illicitum, quia nullum tunc fuisset peccatum illud violare.

Ita exposuit Concilium Carthaginense IV. can. 104. Si quae viduae quantumlibet in minoribus annis positae, se devoverint Domino, & veste laicali abjecta, sub testimonio Episcopi & Ecclesiae religioso habitu apparuerint, postea vero ad nuptias saeculares transierint, secundum Apostolum damnationem habebunt, quoniam fidem castitatis, quam Domino voverunt, irritam facere ausae sunt. Haec sententia est 214. Episcoporum, qui in hoc Concilio interfuerunt. Idem habetur in Concilio Toletano IV. cap. 55. ubi 70. Episcopi fuerunt.

Ita exponunt etiam tres summi sanctique Pontifices; Clemens lib. 3. const. cap. 1. & 2. Innocentius I. in epist. 2. cap. 13. & Gelasius I. in epist. 1. cap. 23. Ita etiam Tertullianus in libro de Monogamia, non procul à fine; Basilius in lib. de virginitate, parum ultra medium; Hieronymus lib. 1. in Jovinianum, & in cap. 44. Ezechielis; Epiphanius haer. 48. Augustinus libro de sancta virginitate, cap. 23. & libro de bono viduitatis, cap. 8. & 9. & in Psalm. 75. Fulgentius in epist. 1. Praeterea omnes expositores huius loci, tum Graeci, ut Chrysostomus, Theodoretus, Theophylactus & Occumenius; tum Latini, ut Ambrosius, Primasius, Beda, Haymo, Sedulus, Anselmus & alii.

Ad hunc locum multi respondere conati sunt, ac primum Lutherus in lib. de votis monasticis, contendit, per primam fidem non posse intelligi votum, eo quod nusquam alibi in Scripturis votum dicatur fides. Vult autem ipse per primam fidem intelligi fidem Christianam, quam perdidit viduae illae, quae ut facilius nubere illis liceret, defecerunt à fide Christiana ad Iudaismum, vel Paganismum, & con-

A firmat hanc explicationem suam duabus rationibus: Primò, quia de his viduis Apostolus dicit, eas abiisse retrò post Satanam. Secundò, quia dicit, eas luxurias esse adversus Christum; nam & abire post Satanam, & luxuriari adversus Christum, nihil videntur significare aliud, quàm Apostasiam à fide Christi.

Sed haec nova explicatio facile refellitur. Nam etsi fides nusquam alibi significat votum, tamen multis in locis significat promissionem, sive constantiam in promissione servanda, quorum utrumque ad votum pertinere certum est, cum votum promissio quaedam sit. Genes. 44. *Ego hunc in fidem meam recepi*. Ad Rom. 3. *Numquid incredulitas istorum fidem Dei evacuavit?* Sic igitur hoc loco fides promissionem, seu pactum significare potest. Quòd autem non solum possit, sed etiam debeat fides hoc loco pro pacto ac voto accipi, non pro fide Christiana, qua Deo credimus, colligitur ex illo verbo adjuncto (*irritam fecerunt*): nam fides, qua Deo credimus, non rectè dicitur irritari, sed amitti, vel corrumpi: pacta autem & vota propriissime irritari dicuntur. Deut. 30. *Si quis Domino votum voverit, non faciet irritum verbum suum*. Psalm. 88. *Quae procedunt de labiis meis, non faciam irrita*.

B Deinde, nulla causa erat, cur viduae illae, si non voverant continentiam, non possent nubere, nisi deficerent ad Iudaeos, aut Paganos: Quis enim illas prohibebat nubere inter Christianos? An, non Apostolus 1. Cor. 7. apertè permiserat, ut viduae iterum nuberent, modò in Domino, idest, inter Christianos? Neque Lutheri rationes concludunt; nam abire post Satanam, non solum contingit per apostasiam, sed per omne peccatum mortale, luxuriari autem contra Christum, non potest significare defectionem à Christi fide, sed scortari in injuriam Christi. Nam Apostolus dicit, eas viduas prius luxuriari in Christum, & postea nubere velle: Lutherus autem dicit, eas nubere velle, & propterea deficere à Christo: ergo cogitur fateri, non esse idem luxuriari & deficere.

C Ad eundem locum tres solutiones Calvinus affert. Primò dicit, Apostolum nomine primae fidei accipere fidem in Baptismo datam, quam istae viduae irritam fecerunt lasciviendo, & scortando.

D At solutio parum valet. Nam praeterquam quòd adversatur omnibus veteribus citatis, apertè Apostolus dicit, eas habere damnationem, quia primam fidem irritam fecerunt nubere volendo, nulla autem mulier in Baptismo promittit se non esse nupturam. Si ergo non voverant continentiam, cur damnantur, si nubere velint? Quòd autem Apostolus hoc loco ait: *Cum luxuriata fuerint in Christo*; aliqui intelligunt de spiritualibus deliciis, ut sit sensus: Posteaquam deliciis spiritualibus in domo Dei abundarunt, ingratae sponso coelesti terrenas appetunt nuptias; ita Tertullianus de Monogamia, & Cyprianus lib. 3. ad Quirinum cap. 74. Alii intelligunt de temporalium rerum affluentia, ut sit sensus; Posteaquam in domo Dei Ecclesiae sumpibus ad saietatem pastae fuerint, nubere volunt; ita Theodoretus & B. Thomas in hunc locum. Alii, ut Chrysostomus hoc loco, & Hieronymus in epistola ad Ageruchianam de Monogamia, intelligunt de fornicatione, ut sit sensus; Postquam in injuriam sponsi sui Christi fornicatae fuerint etiam hoc addunt, ut nubere velint.

E Sed quocumque modo accipiat illud: *Cum luxuriata fuerint, nubere volunt*; semper argumentum nostrum suum robur habet. Nam si de scortatione non accipiat illud; *Postquam luxuriata fuerint*, constat solum reprehendi quòd nubere velint contra votum. Si autem accipiat de scortatione, tunc non solum non reprehendi, sed etiam laudari deberent, si à scortatione ad honestum conjugium transire vellent.

Non

Non igitur primam fidem vocat Apostolus fidem Baptismi, sed fidem voti, cui respondet, tamquam secunda, fides matrimonii ineundi; idem enim est, ac si diceret, post fidem Christo datam, volunt fidem mortali marito dare, & primam illam irritam facere. Adde, quod etiam si de fide in Baptismo data Apostolus loqueretur, adhuc nihil pro hæreticis concluderetur. Nam in Baptismo promissimus legem Dei nos servaturos; lex autem passim id inculcat, vota esse reddenda. Itaque etiam hoc verum est, eas viduas, quæ post votum nubere volunt, votum violando, fidem in Baptismo Deo datam irritam facere.

Altera solutio Calvinii est, viduas illas, de quibus Apostolus loquitur promississe continentiam, & hanc promissionem irritam fecisse, cum nubere voluerunt, sed tamen non potuisse id promittere, nisi eas, quæ exceperant annum sexagesimum, & jam non amplius aptæ erant conjugio. Dicit enim Apostolus: *Vidua eligatur non minus sexaginta annorum*. Itaque nihil ex hoc loco deduci posse pro voto Sanctimonialium, quæ etiam in flore ætatis continentiam profitentur. Hæc etiam solutio nihil solidi habet; nam etsi Apostolus jubeat, viduam eligi annorum sexaginta, tamen non vetulas, sed adolescentiores accuat, quod primam fidem irritam fecerint volendo nubere.

Si igitur verum est quod Calvinus ait, non posse juniorem continentiam vovere, cur Apostolus eas reprehendit? Præterea dico Apostolum, cum ait: *Vidua eligatur non minus annorum sexaginta*. Et: *Adolescentiores viduas devota*, idest, non eas eligas, non loqui de admissione ad votum continentiae, sed vel de electione ad quandam præfecturam & ordinem Diaconissæ, ut exponunt Tertullianus libro de velandis virginibus, & lib. 1. ad uxorem, & quidam alii: vel, quod probabilius est, de admissione ad numerum earum viduarum quæ ab Ecclesia alebantur, ut Chrysostomus & Ambrosius in hunc locum, & Hieronymus in epistola ad Salvinam, exponunt; verbum enim *Eligatur*, Græcè *καταλεγειν*, in Catalogum adscribi & numerari significat.

Nolebat autem Apostolus, viduas minores annis sexaginta ab Ecclesia ali, ut beatus Hieronymus loco notato docet, quia juniores possunt labore suo victum sibi comparare: & præterea, quia juniores difficilius conservantur in pudicitia, & turpius erat, aliquam earum viduarum, quæ ab Episcopo alebantur & regebantur, labi, quam aliquam aliam, ideo eas valde probatas esse volebat, & quibus nullum periculum incontinentiæ timeretur.

Tertia solutio est, quod ista promissio continentiae, quam viduæ faciebant, non erat propriè votum Deo factum ad eum colendum, sed erat promissio facta Ecclesiae ad expeditius ministrandum iis, quibus ex officio Diaconissarum debebant, quomodo si aliqua cupiens recipi in ancillam, promittat se non cogitaturam de nuptiis, ut liberiùs servire possit.

Hæc solutio minime omnium quadrat; nam præterquam, quod Patres citati dicunt, eas Deo verè vovisse, si votum Deo factum rescindi potest, ac debet (ut Calvinus dicit) ab eo, qui stimulis carnis agitur, continere non potest, quanto magis rescindi poterit promissio facta Ecclesiae? Cur ergo istas adolescentiores Apostolus damnat, quia nubere volunt?

Sed, inquiunt, non damnat, quia nubere volunt, sed quia fidem Ecclesiae datam irritam fecerunt scortando. At contra; nam Apostolus in præsentia dicit: *Habentes damnationem*; ergo debet culpa præsens damnationi præsentia respondere: scortatio autem jam præterierat, & ex sententia Calvinii emendata fuerat per novam voluntatem honesti conjugii; Sic

Controv. Card. Bellarm. Tom. II.

A enim loquitur Apostolus: *Cum luxuriata fuerint, nubere volunt*; non igitur damnantur, quia luxuriatae fuerint, sed quia nubere volunt, quod est præsens. Cur autem damnantur quia nubere volunt, nisi quia continentiam voverunt, & sic nubere volendo, primam fidem irritam fecerunt?

Sed instant rursus, quia ibidem Apostolus dicit: *Volo juniores nubere*; non ergo approbat vota juniorum. At vide hujus loci explicationem infra cap. 30.

B Jam verò Petrus Martyr in lib. de coelibatu & votis, post repetitionem eorum, quæ ex Lutero & Calvino jam protulimus, & refutavimus, duo adfert nova. Primum dicit, hunc locum esse ambiguum, & posse variis modis exponi, proinde nihil solidi hinc adferri posse ad confirmanda dogmata.

C Respondeo, non posse rectè ambiguum vocari eum locum, quem omnes interpretes, qui quidem ante nostras lites exortas exstiterunt, uno modo exposuerunt: alioqui nihil erit non ambiguum. Nihil enim est tam apertè dictum, quod non possit à contentiosis ambiguum fieri. Adde præterea, ex locis ambiguis dogmata stabiliri, & confirmari posse, quando accessit explicatio Ecclesiae per Concilia approbata, aut per communem Patrum consensum; nam alioqui nihil omnino habebimus certi, ut revera nihil hæretici certi habent; nam, ut diximus, nihil est in Scripturis, quod non possit exponi variis modis, si velimus contentiosè agere. Quod si addas præterea, ex ejusmodi ambiguis locis dogmata fidei confirmari non posse, nullum omnino habebimus dogma. Exempli causa, Christum esse Deum, negant hodie in Transylvania permulti, & omnia loca Scripturæ, quibus id nos probamus, illi variis modis exponunt; ergo si Petro Martyri credimus, non erit dogma fidei, Christum esse Deum, atque hoc idem de omnibus aliis articulis faciliè posset ostendi.

D Secundò, Petrus Martyr contendit illud: *Habentes damnationem*: non significare poenam, quæ peccato respondeat coram Deo, sed solùm quandam infamiam apud homines. Etsi enim illæ, quæ promiserant Ecclesiae castas se futuras non peccent nubendo, immò bene faciant cum Paulus dixerit: *Melius est nubere, quam viri* 1. Corinth. 7. tamen subeunt quandam notam levitatis, quod non perseverent in eo, quod coeperant.

Porro id non aliter probat, quam auctoritate Martini Bucerii, qui vocem illam *κρίμα*, quam noster interpretes damnationem interpretatus est, ambiguum esse docuit, & interdum accipi pro accusatione coram hominibus.

E At nos Bucero opponimus in primis omnes Patres suprà citatos, qui damnationem æternam coram Deo habere dicunt viduas, quæ post votum nubere volunt. Opponimus deinde ipsum Apostolum Paulum, qui ubique illa voce utitur ad significandam damnationem coram Deo & hominibus, pro crimine magno & manifesto, ad Rom. 3. *Quorum damnatio, τὸ κρίμα, manifesta est*, appellat damnationem judicium Dei contra illos, qui blasphemabant, ac mentiebantur Apostolum dicere, *Facimus mala, ut eveniant bona*. Et ad Rom. 13. *Qui autem resistunt Dei ordinationi, ipsi sibi damnationem, κρίμα, acquirunt*. Certè autem, qui Deo resistunt damnationem habent coram Deo, & non coram hominibus tantum.

Denique, Joannes etiam cap. 3. non semel, sed ter utitur verbo (*κρίμα*) in hac significatione: *Non venit, inquit, filius hominis, ut judicet mundum sed ut salvetur mundus per ipsum*. Ubi illud, *ὅτι κρίμα* (ut judicet) non significat judicium discussionis, sed damnationis. Est enim sensus: Non venit, ut sententiam damnationis ferat adversus mundum, sed contrà potius, absolutionis. Sic etiam paulò post: *Qui credit*,

dit, non iudicatur, idest, non damnatur, qui autem non credit, iam iudicatus est, idest, manifesta est sententia damnationis, quam habebit, etiam si nondum pronunciata sit. Viderint igitur Bucerus & Martyr, ubi legerint *apua*, non significare damnationem coram Deo.

Præterea, quare, quæso, viduæ illæ, si nullo voto obstrictæ erant, infames fuissent apud homines, si nubere voluissent? Si non erat turpe (ut ipsi dicunt) Episcopo uxorem habere, & ea mortua, rursus aliam, & aliam ducere, & in ipso Episcopatu filios procreare, cur turpe fuisset viduæ, quæ continere non poterat, nubere? Et si nec infamiam, nec levitatem, nec turpitudinem esse volunt hoc tempore Monachis & Sanctimonialibus, post solemne votum continentia, ad matrimonium transire; quomodo audent dicere, fuisse infame, ac turpe viduis illis velle nubere, cum nullam haberent non nubendi obligationem.

CAPUT XXV.

Idem asseritur ex Conciliis.

Nunc secundò probanda est nostra sententia testimonio omnium Ecclesiarum, quod ex Conciliis antiquis facile haberi poterit. Iudicium Ecclesiæ Orientalis, patet ex Concilio Ancyrano can. 18. Quotquot virginitatem pollicitam pravaricati sunt, professione contempta, inter digamos habeantur. Item ex Concilio Chalcedonensi generali can. 16. Virginem, qua se Domino consecravit, similiter & Monachum, non licere nuptialia iura contrahere, quòd si hoc inventi fuerint perpetrantes, excommunicentur.

Iudicium Ecclesiæ Africanæ, patet in Concilio Carthaginensi III. cap. 33. ubi præcipitur, ut sacre Virgines in monasteriis diligentissimè custodiantur. Et in Concilio Carthaginensi IV. cap. ult. ut supra citatum est.

Iudicium Ecclesiæ Hispanicæ, patet in Concilio Toletano IV. cap. 55. Duo sunt genera viduarum, saculares & sanctimoniales. Et paulò infra: Ea si ad nuptias transierint, juxta Apostolum, non sine damnatione erunt, quia se primum Deo voventes, postea castitatis propositum abiecerunt.

Iudicium Ecclesiæ Gallicæ, patet in Concilio Turonensi II. cap. 16. ante annos mille celebrato: Si qui in monasterio conversi sunt, nullatenus exinde habeant licentiam evagandi, nec, quod atfit, ullus eorum conjugem ducere, & si uxorem duxerit, excommunicetur, & de uxoris malè sociata consortio etiam iudicis auxilio separetur. Quòd si iudex ad hoc solatium dare noluerit, excommunicetur. Qui infelix Monachus tali conjunctione fadatus, si per cuiuscunque patrocinium se conatus fuerit defendere, & is, qui in hac pertinacitate perdurat, & illi, qui eum exceperint defensandum ab Ecclesia segregentur, donec revertatur ad septa monasterii, & indictam ab Abbate, quamdiu præceptum ei fuerit, agat penitentiam, & post satisfactionem revertatur ad gratiam.

Iudicium Ecclesiæ Germanicæ, patet ex Concilio Moguntinensi, tempore Arnulphi Imperatoris, capite ultimo: Quæ propositum castitatis assumpserint, aut monasteriis claustris regulariter constringantur, aut domi manentes, castitatem suam professionis integerrimè custodiant. Ibidem confirmatur decretum 13. Concilii Elibertini, & sextum Colonienfis Concilii, sub Carolo Crasso, in quibus statutum fuit, ut Virgines sacre, si semel votum violaverint, pactumque virginitatis perdiderint, solum in fine vitæ communionem percipiant: si autem libidini diu servierint, ne in fine quidem eam accipiant. Multa item de vita

A Monachorum & Sanctimonialium habentur in Concilio Moguntino, sub Rabano.

Judicium Ecclesiæ Italicæ patet ex Concilio Romano sub Sylvestro can. 10. ubi prohibetur Episcopus benedicere virginem, quæ nuptias aliquando expetit, nisi diu fuerit ejus pudicitia probata. Et ex Concilio Forojulienfi, tempore Caroli Magni: Item placuit de feminis cuiuscunque conditionis, puellis scilicet vel viduis, quæ virginitatis, siue continentia propositum spontaneè pollicentes, Deo mancipata fuerint, & ob continentia signum nigrum vestem, quasi religiosam: sicut antiquis mos fuit in his regionibus, inducenda fuerint, licet non à Sacerdote sacra, in hoc tamen proposito eum perpetim perseverare mandamus. Si verò postea, siue clanculò, seu publicè nupserint, dignis quidem mandato iudicio corporalibus coercita vindictis, segregentur ab invicem, & agant cunctis diebus vitæ suæ penitentiam &c.

CAPUT XXVI.

Idem asseritur ex responsis Pontificum & Imperatorum.

Tertiò, probanda est responsis aliquot veterum & sanctorum Pontificum. Ac primùm Clemens lib. 3. Constitut. Apostol. c. 1. Quare, inquit, oportet non temerè facere professionem, sed cum consilio & consideratione. Prestat enim, eam non vovere, quam vovere, & non reddere. De viduis loquitur.

Syricius epist. 1. cap. 6. dicit, nec publicas leges, nec jura Ecclesiastica ullo modo permittere Monachis vel Sanctimonialibus nuptias post votum.

Innocentius I. epistol. 2. cap. 12. dicit, eas, quæ post votum nupserunt, esse adulteras Christi, id est, sacrilegas.

Leo I. epistola ad Rusticum Narbonensem Episcopum; quæ est 90. cap. 13. Propositum, inquit, Monachi proprio arbitrio & voluntate susceptum, deseri non potest absque peccato. Quod enim quis vovit Deo, debet & reddere. Idem dicit capite sequenti de Sanctimonialibus.

Geladius epist. 1. cap. 22. Virginibus, inquit, sacri temerè se quisdam sociare cognovimus, & post dictum Deo propositum incesta fœdera sacrilegaque miscere, qui protinus aquum est à sacra communione detruendi, & nisi per publicam, probatamque penitentiam omnino non recipi &c. Idem cap. 23. dicit, viduas etiam peccare, si post votum nubant.

Denique, Gregorius I. lib. 1. epist. 33. ad Venantium: Considera, inquit, quanto periculo in divino iudicio dignus eris, qui temetipsum Deo omnipotenti, cui sub monachali habitu devoveras, subtraxisti &c. Et epist. 40. ad Anthemium, jubet Monachos, si uxores ducant, debere separari, & remitti ad monasteria.

E His accedant responsa etiam Principum politicorum. Scribit enim Eusebius lib. 4. de vita Constantini, fuisse abrogatam à Constantino antiquam legem Romanorum, qua privabantur successione hereditaria homines steriles, vel orbatu liberis. Causam autem abrogationis scribit fuisse propter eos, qui religionis & pietatis gratia ex voto cœlibatum colebant, ne videretur lex politica pietatem velle punire. Rursus, cum tempore Juliani Apostata cœpissent quidam sacras Virgines in conjugium petere, Jovinianus Imperator Christianus, qui Juliano successit, legem tulit, ut capite plecteretur, qui sacram Virginem, vel ad conjugium petere, vel etiam impudicè aspicere deprehensus fuisset. Scribit hanc historiam Sozomenus lib. 6. hist. Eccles. cap. 3. & exstat adhuc ea lex in Codice, L. Si quis, de Episcopis

pis & Clericis. Quæ lex si hoc tempore observata fuisset, Martinus Lutherus, cum non paucis ex suis, iustissimè caput amisisset.

CAPUT XXVII

Idem asseritur testimonio Patrum.

Quartò probanda est testimoniis Patrum. S. Ignatius epist. ad Tharsenses jubet honorari virgines Deo sacras: & epist. ad Antiochenes Virgines, inquit, agnoscat cui se consecraverunt.

Dionysius Eccles. hierarch. cap. 6. part. 2. describens ritum, quo initiabantur Monachi, dicit eos publicè in Ecclesia promittere, se renunciare vitæ divilibi, idest, vitæ seculari; secularis enim divinus est, ut Apostolus dicit 1. Corinth. 7. cum partum de Deo, partum de uxore cogitet.

Martialis epist. ad Tholosanos, capite octavo dicit se Valeriæ virgini persuasisse, ut virginitatem suam Deo voveret, quod etiam Iphigeniæ suasisse Marthæum scribit Abdias in ejus vita, & Theclæ Beatum Paulum scribit S. Ambrosius lib. 2. de virginibus, & Flaviæ Domitillæ sanctum Clementem scribit Beda in martyrologio die 7. Maji, cujus etiam meminit Eusebius in Chronico.

Tertullianus lib. de velandis virginibus: O sacrilega manus, inquit, qua dicatum Deo habitum detrabere potuerunt, quid pejus aliquis persecutor fecisset, si hoc à virgine electum cognovisset? Et in fine libri: Nupisti, inquit, Christo, illi tradidisti carnem tuam, illi sponsasti maturitatem tuam. Et ibidem: Quid, inquit, faciet ipsum continentia votum &c. Et lib. de Monogamia, ultra medium: Habentes, inquit, iudicium, quòd primam fidem resciderunt, illum videlicet, à qua, in viduitate inventa, & professæ eam, noluerint perseverare.

Clemens Alexandrinus Strom. 3. initio: Est ergo, inquit, continentia, corporis despicientia convenienter pactis convergentis cum Deo iuris. Et in fine libri: Dominus, inquit, dixit, qui uxorem duxit, non repudiet eam; qui non duxit non ducat; qui autem professus est se nunquam ducturum, sine uxore perseveret.

Origenes hom. 23. in Numeros: Unde, inquit, mihi videtur illius solius esse indefinens offerre sacrificium qui se indefinens, & perpetua devoverit continentia.

Hilarius in Psalm. 64. Deo ergo, inquit, vovenda sunt contemptus corporis, castitatis custodia, jejunii tolerantia.

Eusebius lib. 4. de vita Constantini: Castitatem, inquit, virginalemque modestiam amplexata quadam, corpus, & animum consecravere Deo. Et infra de Constantino: Virgineum, inquit, chorum tantum non adorabat, istic habitare Deum, cui se puella devoverant, arbitrabatur.

S. Cyprianus li. 1. epist. 11. ad Pomponium: Christus, inquit, Dominus & Iudex noster, cum virginem suam sibi dicatam, & sanctitati suæ destinatam, jacere cum altero cernat, quam indignatur, & irascitur, & quas penas incestis ejusmodi conjunctionibus comminatur? Et infra, Quæ, inquit, hoc crimen admisit, non mariti, sed Christi adultera est. Et lib. de habitu virginum: Qui, inquit, se Christo dicaverint, & tam carnem quam mentem Deo devoverint, opus suum consumment magno premio destinatum.

S. Athanasius in lib. de Humanitate Verbi dicit, etiam pueros virginitatem suo tempore profiteri solitos: & in Apologia pro fuga sua meminit sacrarum virginum, quas Ariani petulantissimè vexaverunt. Quod fusiùs scribit Petrus, Athanasii successor, in epistola quadam, quæ exstat apud Theodoretum lib. 4. hist. Eccl. cap. 20. 21. 22. Idem Athanasius in

Contrav. Card. Bellarm. Tom. II.

A lib. de virginitate: Postquam, inquit, continentiam professæ es, corpus tuum sanctificasti.

S. Basiliius in proœmio constituit monast. Itaque, inquit, qui à mundi vinculis liber esse cupit, nuptias veluti pedicæ quasdam fugit; his autem relictis, vitam suam Deo consecrat, & castitatem proficitur, ut neque facultas ipsi sit conversionis ad nuptias. Et epist. ult. quæ est ad virginem lapsam: Et quis, inquit, impius in profundum collapsus mala de cetero contemnit, etiam ipsa abnegat ad verum sponsum pacta, neque esse virgo, neque unquam promississe clamas. Revoca in memoriam honestam professionem, quam professæ es coram Deo, & Angelis, & hominibus. Revoca in memoriam venerandam congregationem, & sacrum virginum chorum. Quot literas ad Sanctos sæpè exarasti, per quas pro te orare petisti, non ut nuptias humanas, immo ignominiosam corruptionem assequereris, sed ut à Domino Jesu non excideres &c. Idem lib. de Virginitate parum à medio: Cum, inquit, virginitatem Domino professæ fuisset, carnali postmodum voluptate male blanda delinita ac devicta stupri scelus honesto conjugii nomine obtegere cupiunt. Et paulò ante: Horrendo, inquit, sacrilegio Christi sponsa adulter efficitur. Et paulò infra: Nam quod solemne, inquit, legitimumque connubium sponsus ille (Christus) occupavit, & virginitatis habitus, & fœdera, & conventa cum illo, & præterea processus ipse testatur, hujusmodi quippe nobilitate viro processit in publicum &c. Idem in questionibus fusè explicatis, quæst. 14. & 15. multa de voto solemnæ Monachorum disputat.

S. Gregorius Nazianzenus oratione de obitu patris sui ultra medium: Ut enim, inquit, nos Deo vivimus, si discrimen effugeremus, ita periculo defuncti, nosmetipsos obtulimus &c. Gregorius enim, ut ipse poemate de vita sua scribit, à matre Deo consecratus fuerat, antequam nasceretur, & ipse postea, cum in mari periclitaretur, iterum votum continentiae, & religionis emisit, quod etiam servavit.

S. Optatus Milevitanus li. 6. contra Parmenianum: Spirituale, inquit, hoc genus nubendi est; in nuptias sponsi jam venerant voluntate ex professione sua &c.

Sanctus Epiphanius hæc. 61. Apostolicorum: Tradiderunt, inquit, sancti Dei Apostoli, peccatum esse, post decretam virginitatem ad nuptias converti. Et infra: Si, inquit, quæ vidua fuit, ac Deo dicata, & postea nuphit, iudicium & condemnationem habebit, quòd primam fidem rejecit; quantò magis quæ Deo dicata virgo fuit, & nuphit, contra Christum laservit, & majorem fidem rejecit, & iudicium habebit? Et hæc. 48. Montanitarum: Gaudet, inquit, Deus verbum his, qui approbatum Dei cultum prestare possunt, & virginitatem, & continentiam exercere deligunt &c. Vides cultum vocari professionem continentiae.

Sanctus Joannes Chrysostomus hom. 15. in priorem ad Timotheum: Et vidua, inquit, in viduitatis professione Christo consentit, idest, Christo nubit. Et infra: Cum, inquit, illi se devoverint, nubere volunt habentes damnationem, quia primam fidem irritam fecerunt, fidem pactum dicit. Et homil. 14. prolixissimè describit, ac miris laudibus prædicat monasticam professionem, sed clarissimè epist. 6. ad Theodorum lapsam: Honorabiles, inquit, nuptia, sed te etiam servare non convenit privilegia nuptiarum, quoniam frequenter hoc ipsum nuptias voces, ego tamen adulterio illud pejus existimo &c.

Sulpicius in vita S. Martini ante medium? Arborius, inquit, vir sancti admodum & fidelis ingenii, cum filia ejus gravissimè quartana febris assibus ureretur, epistolam Martini, quæ casu ad eum delata fuerat, pectori puella in ipso accessu ardoris inseruit, statimque fugata febris est. Quæ res apud Arborium tantum valuit, ut statim puellam Deo voveret, & perpetua virginitati dicaret;

caret; profectusque ad Martinum, puellam ei praesens obtulit, neque ab alio eam, quàm à Martino, habitum virginitalis imposito, passus est consecrari.

Rufinus lib. 10. histor. cap. 8. dicit, Hierosolymis fuisse insigne monasterium sacrarum virginum, quibus Helena mater Constantini suis manibus ministrare in mensa aliquando solebat.

Sanctus Ambrosius lib. 3. de virginibus, ante medium: *Initiatae, inquit, sacris mysteriis, & consecratas integritati puellas nubere prohibes. Utinam potuissim revocare nupturas, utinam potuissim flammecum nuptiale pio integritatis velamine mutare. An indignum videtur, ut sacratae virgines, à sacrosanctis altaribus non abducantur ad nuptias? & quibus licet sponsum eligere, non licet Deum praefere?* Ex infra: *Discite, inquit, quantas Alexandrina, totiusque Orientis, & Africana Ecclesia, quotannis sacrare consueverint; pauciores hic homines produnt, quàm illis virgines consecrantur. Similia passim repetit.*

B. Hieronymus in epist. ad Sabinianum, *Moris est, inquit, in Aegypti & Syria monasteriis, ut tam virgo, quàm vidua, qua se Deo voverint, & saeculo renunciantes, omnes delicias saeculi conculcarint, crimem monasteriorum matribus offerant desecandum, non intecto postea contra Apostoli voluntatem incessura capite, sed ligato pariter, ac velato. Plena sunt scripta sancti huius viri testimoniis, pro castitatis voto, & professione, adeo ut Petrus Martyr dicat, nullum esse ex Patribus, qui magis dogmati ipsorum adversetur, quàm Hieronymus.*

S. Augustinus lib. 1. de adulterinis coniugiis c. 24. *Quod, inquit, cuiquam, antequam voverit, licebat, cum id se nunquam facturum voverit, non licebit: si tamen id voverit, quod vovendum fuit, sicut est perpetua virginitas &c.* Ex in Psalm. 75. *Nescio, inquit, qua castimonialis nubere voluit. Quid voluit? quod & mater iphus. Aliquid mali voluit? mali planè, quare? quia voverat Domino Deo suo. Idem ibidem: Quid, inquit, ait Apostolus de quibusdam, qui voverunt, & non reddiderunt? Habentes, inquit, damnationem, quia primam fidem irritam fecerunt. Quid est primam fidem irritam fecerunt? Voverunt & non reddiderunt.*

S. Fulgentius lib. de fide ad Petrum cap. 42. *Eis, inquit, qui sive conjugati, sive à conjugio liberi, continentiam Deo voverunt, admodum est damnabile, si vel illi conjugale opus voluerint appetere, quo se non accessuros, vel illi repetere, à quo recessuros, illi libera, illi communi professi sunt voluntate. Idem S. Fulgentius in epist. 1. cap. 6. Non peccat, inquit, virgo nubens, si virginitatem Deo priusquam nuberet in corde non vovit. Ex epist. 3. cap. 4. Hic est, inquit, unigenitus Dei Filius, unigenitus etiam virginis Filius, unus omnium sacrarum virginum sponsus, sancta virginitatis fructus, decus, & munus, quem corporaliter sancta virginitas peperit, cui spiritualiter sancta virginitas nubit, à quo sancta virginitas fecundatur, ut perseveret intacta: à quo decoratur, ut permaneat pulchra; à quo coronatur, ut regnet perenniter gloriosa. Quapropter bonum depositum custodi, & meritum tanti boni, quod ut haberes, Deus dedit, & ut Deo voveres, ipse fecit.*

Ad hæc omnia Conciliorum, Pontificum, & Patrum testimonia, tres adfert responsiones Petrus Martyr ad finem libri. Primò dicit, omnia ista humana esse testimonia, nec esse Christiani hominis officium provocare à testimoniis Dei ad testimonia hominum: *Quod, inquit, ad alterum attinet de iudicio Patrum, quoniam adversarii nostri, & in hac causa, & in aliis controversiis semper provocare solent ad eos, pronuncio mihi non videri hominis esse Christiani ad hominum iudicia provocare à Scripturis Dei. Hoc enim est injuriam facere Spiritui sancto; nam fides est ex auditu, auditus autem ex verbo Dei, non ex Patribus. Hæc il-*

A le. Ubi etiam fulissimè probat, non esse provocandum à Scriptura ad Patres.

Sed dum hæc dicit, ipse mihi provocare videtur à candore ad impudentiam, à veritate ad mendacium; Non enim Catholici Doctores provocarunt unquam à Scriptura ad Patres, sed in Scripturæ intelligentia à iudicio paucorum seditiosorum, ad iudicium multorum sapientissimorum, & optimorum virorum, vel etiam à iudicio partis ad iudicium aliorum, qui partes non sint. Ut enim in humanis litibus cum duo contendunt, & iudicem aliquem appellant, non provocant à lege ad iudicem, sed à parte litigante ad iudicem. Et si rursus iudex non satisfaciatur, provocant iterum non à lege, sed ab uno iudice ad alium, donec veniatur ad aliquem, à quo provocari non possit. Ita quoque in Ecclesia cum oriuntur lites, inspiciuntur leges divinae, quæ ab omnibus recipiuntur. Quòd si lis non finiatur, quaeritur iudex, non quòd Scripturæ non credatur, sed quòd de ipsa Scriptura quaestio sit. Itaque provocamus ab explicatione adversarii litigantis, ad arbitrium sapientium, & peritorum, qui ante litem exortam floruerunt. Quòd si illi inter se fortasse non conveniant, provocamus ad Ecclesiae totius iudicium, idest, ad summi Pastoris, vel generalis Concilii definitionem.

Quòd si quis adhuc velit ab isto iudice ad Scripturam provocare, idem facit, ac si quis in humanis litibus à Prætoribus provocaret ad legem, quod ridiculum esset, cum nihil sit aliud provocare à Prætoribus ad legem, quando de sensu legis quaestio est, quàm provocare à sententia publici iudicis ad suum proprium, privatumque iudicium.

C At, inquit Petrus, etiam Patres omnes, & Concilia, licet inter se optimè consentiant, errare possunt, nisi cum verbo Dei consentiant. Respondeo, id quidem esse verum, sed assumptionem, quæ subiceretur, esse falsam, nimirum posse omnes Patres, aut Concilia legitima & approbata, cum verbo Dei non consentire. Exempla autem, quæ ipse adfert, nihil aliud probat, nisi posse Patres singulos seorsim, & Concilia illegitima, & reprobata errare. Concilium enim II. Ephesinum, & Constantinopolitanum sub Leone Iconomacho, quorum exempla Martyr adducit, nemo nescit qualia fuerint.

D Altera eius responsio est. Patres quidem id asserere, quod nos dicimus, sed non esse audiendos, quòd non habuerint iustam causam id asserendi: *Certe, inquit, ut quod verum est fateamur, eos in hac causa habemus iniquiores. Statim enim ab Apostolorum temporibus nimium tribui captum est calibatus, quibus autem de causis id factum sit, supra multis verbis docuimus. Hæc ille.*

E Docuit autem suprà, quatuor esse causas, cur initio Ecclesiae coeperit coli coelibatus: Cur tanto, inquit, in presio virginitas fuerit, causa una esse potest, quòd Christus dixerit, esse Eunuchos, qui se castraverunt propter regnum coelorum, & in eam sententiam permulta Paulus habet in septimo capite prioris ad Corinth. Hac sane Patres semper habuerunt in ore, sed eos cogitare oportuit, quemadmodum essent accipiendi. Et infra, *Alterca causa est, quòd illo tempore graves erant persecutiones omnibus in locis, minus autem molestum est in persecutione, si quis solus fugiat, quàm si cogatur sollicitus esse de uxore & liberis. Tertia causa est, quia illis temporibus Christiana religio gravi laborabat infamia; cum enim homines antebacani, & in tenebris metu Principum ad hymnos & synagogas convenirent, populus capiebat suspicari illos uti inter se promiscuo concubitu, & nefaria libidine &c. Ex infra: Atque ea gratia magnam numerum alebant virginum & coelibum. Quarta causa est, quia bona partem eorum, qui accesserunt ad Christum, erat Ethnicorum. At illi maxime semper suspiciebant virginitatem & coelibatum.*

Hic nos respondemus, Primam causam esse præcipuam, & verissimam, nimirum verba Christi, & Apostoli. Quod autem addit Martyr, sanctos Patres debuisse cogitare, quemadmodum illa essent accipienda, coincidit cum responsione superiori. Id enim est querere, utris tandem magis credendum sit in eorum locorum explicatione, Patribus ne antiquissimis, & sanctissimis, & doctissimis, an Luthe- ro, & Calvino. Sed certè non video quomodo ambi- gi possit de hac re; nam si statim ab Apostolis, ut Martyr dicit, floruerunt Patres illi, profectò Apo- stolos ipsos audire & consulere potuerunt: ac proinde longè melius verba illorum intelligere, quàm isti, qui mille & quingentis annis post Apostolos fuerunt.

Secunda, & Tertia causa potuerunt quidem mo- mentum aliquod habere ad suadendam continen- tiam, sed non fuisse causas præcipuas huius rei, fa- cile probamus. Primò, quia Patres, dum laudant, & suadent continentiam, & continentie votum, numquam adferunt istas causas, sed verba Christi, Apostolorum, & Prophetarum. Quocirca ipse etiam Petrus Martyr facetur, semper Patribus fuisse in ore verba Christi, & Pauli, nec attulit ullum testimo- nium alicujus veteris, qui scripserit suspiciendum es- se, vel suscipiendum coelibatum ob fugam in perse- cutione, aut ob refellendam calumniam Ethnico- rum. Secundò, si istæ fuissent causæ præcipuæ, jam- dudum cessasset admiratio coelibatus; nam causæ il- læ brevissimo tempore durarunt: Non autem ita est, sed semper magis & magis in Ecclesia floruit, & vi- guit honor continentie Deo sacratæ ac devotæ.

Quarta causa falsissima est, cum constet coelibat- um in Ecclesia non à Gentilibus, sed à Judæis coe- pisse. Siquidem Christus ipse virgo, mater ejus vir- go, Joannes virgo, Apostoli omnes post vocatio- nem suam continentes, ex Judæis, non ex Genti- bus nati fuerant. Illi etiam primi Christiani, qui in Ægypto continentiam colebant, de quibus scribit Philo in lib. de vita contemplativa supplicum, ex Judaismo, non ex Paganismo, ad Ecclesiam vene- rant.

Adde, quòd Petrus Martyr contrarium scripsit in commentario ad cap. 7. prioris ad Corinthios, ubi sic ait: *Neque judicamus de celibatu, quòd sit in præsen- ti, ut hætenus erat in Judaismo, & apud Ethnicos, pa- rum honestus. Scribit enim Cicero de legibus, Celibes es- se prohibendo. Christus hanc ignominiam celibatus amo- vit &c.*

Porro Gentilium testimonia adferuntur quidem interdum à Patribus, sed ita adferuntur, ut Apo- stolus quondam citavit Aratum Poetam Act. 17. & Menandrum 1. Corinth. 15. nimirum non ut in ejus- modi testimoniis ponatur firmamentum dogmatis fidei, sed ut ostendatur coelibatus non pugnare con- tra naturam, & rationem, & ut Christiani erubescant, si in iis quæ ad virtutem pertinent, invenian- tur Ethnicis inferiores. Hoc modo S. Hieronymus in libris adversus Jovinianum, postquam multis Scri- pturæ testimoniis coelibatum confirmavit, producit etiam Ethnicorum testimonia & exempla.

Tertia responsio Petri Martyris constat ex aliquot Patrum testimoniis, quæ cum voto continentie pu- gnare videntur. Sed ea paulò post adferemus, ubi ad objectiones adversariorum dissolvendas pervene- rimus.

CAPUT XXVIII

Idem asseritur ratione.

Nunc tandem, ut ad postremum genus argu- mentorum veniamus, duplici ratione, in Scri- pturis, & Patrum testimoniis fundata, id ipsum bre- viter confirmabimus. Prima ratio ex dignitate continen- tiæ, secunda ex utilitate vivendi sumetur. Primum igitur id omne Deo rectè vovetur, quod est illi gratius si fiat, quàm si non fiat. Ejusmodi au- tem continentia est, cum longè excellat conjugio, & cum fornicatione ne comparari quidem debeat, poterit igitur rectè continentia Deo voveri. Assum- ptio, quæ sola negari solet, paucis confirmanda est. Quia verò Lutherus in Epithalamio cavillatur, virginitatem quidem præstare conjugio, sed non item vitam coelibem vitæ conjugali: Argumenta adfere- mus de vita ipsa, & statu coelibum. Ac primum Scriptura divina clamat 1. Cor. 7. *Igitur qui matrimo- nio jungit virginem suam, bene facit, & qui non jungit, melius facit.* Et infra: *Cui vult nubar, tantum in Do- mino; beatior autem erit, si sic permanserit.* Huc et- iam pertinent alia testimonia, quæ attulimus suprà in disputatione de consiliis.

Jam verò Patres passim perfectam vitam hanc ef- se dicunt. Cyprianus lib. de habitu virginum, virgi- num coetum esse dicit illustriorem portionem gregis Christi. Et ibidem: *Magna, inquit, vos merces ma- net, premium grande virtutis, munus maximum castita- tis.* Dionysius de Ecclesiastica hierarch. c. 6. part. 2. *Sacerdos, inquit, perfectissimam ei vitam exponit, ei videlicet, qui monasticam vitam proficitur.* Eusebius lib. 1. cap. 8. demonstr. Evangel. *Et talis, inquit, ex- istit in Christianismo perfecta vita modus.* Basilii c. 18. monasticarum constitutionum, & Gregorius Na- zianzenus in oratione de obitu S. Basilii, vitam per- fectam, immò etiam perfectissimam appellant, mo- nasticen. Joannes Chrysostomus lib. 3. adversus vitu- peratores vitæ monasticæ, eandem vitam appellat perfectionis culmen, virtutisque fastigium.

Hieronymus in epist. 1. ad Heliodorum: *Tu perfe- ctum te fore pollicitus es, nam quando relicta militia de castrasti propter regna cælorum, quid aliud quàm perfe- ctam secutus es vitam?* Augustinus libr. 1. de mori- bus Ecclesiæ cap. 31. *Jam, inquit, accipite perfectio- rum Christianorum, quibus summa castitas non laudan- da solùm, sed etiam capeffenda visa est, mores & con- tinentiam singularem.* Et de sancta virginitate c. 52. *Pergite, inquit, virgines Dei, via sublimitatis, pede humilitatis.*

Sulpitius in 3. Dialogo: *Beata species, inquit, & Deo digna, nihil enim virginitati est comparandum.* Ii- dem quoque Patres summo consensu vitam virgi- num, angelicam vitam esse docent, vitam verò con- jugalem, vitam hominum. Ambrosius lib. 1. de vir- ginibus: *Nemo miretur, si Angelis comparentur, quæ Angelorum Domino copulantur.* Cyrillus catechesi 12. *Non ignoremus castitatis gloriam, Angelica enim est coro- na, & supra hominem hac perfectio.*

Nazianzenus in carmine de virginitate:

*Salve virginitas divino tradita dono,
Mater inoffensa vita, bona maxima fundens,
Christi pars & spiritibus sociata supernis,
Ignaris thalami.*

Athanasius lib. de Virginitate extremo, his titu- lis virginitatem celebrat: *O virginitas opulentia inde- ficiens, corona immarcescibilis, templum Dei, domi- lium Spiritus sancti, margarita speciosa, vulgò inconspi- cua, gaudium Prophetarum, gloriatio Apostolorum, An- gelo-*

gelorum vita, Sanctorum corona, Vide præterea, si placet, de comparatione virginum cum Angelis, Hieronymum in epist. 8. ad Demetriadem, Augustinum de sancta virginitate cap. 13. Chrysostomum hom. 18. in Genesim, Basilium in lib. de virginitate, Fulgentium in epist. 3. ad Probam, Damascenum lib. 4. cap. 25. Isidorum lib. 2. de summo bono.

Hic verò mirè irascitur Petrus Martyr; nam in lib. de coelibatu, & votis recitat sententiam Athanasii supra citatam, & ait: *Sunt hæc hyperbolis plena, neque ad amissam veritatis consistunt. Apostoli sanè conjuges habuerunt, & Propheta, quomodo ergo virginitas est illis gaudium, & corona? Quid præterea cum virginitate commune habent Angeli, quandoquidem corpore carent? Unde non magis illi virgines queunt dici, quam si quis lapidem cæcum appelles.* Hæc ille. Sed quid mirum, si non placent porcis margaritæ?

Quod autem falsi accusat Athanasium Petrus, quod dixerit, continentiam gaudium esse Prophetarum, & gloriam Apostolorum, refellitur facillimè ex S. Hieronymo, qui in epist. 22. ad Eustochium sic ait: *Virgo Helias, Helisens virgo, virgines filii Prophetarum. Hieremia dicitur, & tu ne accipias uxorem.* Hæc ille: Quis verò nescit Joannem Baptistam, & Prophetam, & virginem fuisse? ex Apostolis Joannem certò scimus virginem fuisse. Quod idem de Paulo idem Hieronymus affirmat loco citato, & de Apostolis omnibus in Apologia pro libris contra Jovinianum: *Apostoli, inquit, aut virgines, aut post nuptias continent.* Ad hos ergo Apostolos, & Prophetas respiciens Athanasius, verè & propriè, non falsò & hyperbolicè locutus est.

Quod autem reprehendit Petrus comparationem virginum cum Angelis, non solum Athanasio, sed omnibus aliis Patribus, & ipsi etiam Christo injuriam facit, qui Matth. 22. ait: *In resurrectione, neque nubent, neque nubentur, sed erunt sicut Angeli Dei in celo.* Cui credemus jam, Petro Martyri neganti eos, qui non nubunt, similes esse Angelis, an Christo id ipsum asserenti?

At, inquit, Angelis non magis convenit non nubere, quàm lapidi non videre. Ita est, sed tamen sicut eum, qui valdè cæcus, aut surdus, aut mutus est, lapidi, & trunco, non ineptè comparamus; sic etiam eos, qui continentia & puritate excellunt, rectissimè Angelis similes facimus; nam alioqui nec vultum habent Angeli, & tamen non timuit S. Lucas dicere Act. 6. *Viderunt vultum Stephani, sicut vultum Angeli.* Atque hæc de prima ratione. Addo aliam rationem ex parte ipsius voti. Melius est & Deo gratius ex voto aliquid facere, quàm sine voto; igitur non solum licet, sed etiam expedit continentiam vovere. Antecedens his argumentis confirmatur.

Primò, Scriptura hortatur ad vovendum Psal. 75. *Vovete, & reddite.* Quo testimonio permotus S. Augustinus, multis in locis ad vovendum hortatur, ut in epist. 45. ad Armentarium, epist. 89. ad Hilarium epist. 143. ad Julianum, in lib. de bono viduitatis cap. 19. in lib. de sancta virginitate cap. 29. & 30. in Psalm. 75. 99. & alibi. At si melius esset absque voto operari, deciperet nos Spiritus Sanctus, quod nullo modo fieri potest: igitur melius est operari ex voto.

Secundò, opus eò melius est, ac Deo gratius, quòd ex pluribus, aut ex majori virtute procedit: continere sine voto, est temperantiæ, continere ex voto est actus simul temperantiæ & religionis, quæ quidem religio temperantia ipsa longè est nobilior: igitur continere ex voto melius, & Deo gratius est, quàm sine voto. Itaque S. Augustinus in lib. de sancta virginitate cap. 8. *Nulla, inquit, facundia san-*

cta virginitati etiam carnis comparari potest; neque enim & ipsa, quia virginitas est, sed quia Deo dicata est, honoratur, quæ licet in carne servetur, spiritus tamen religionis ac devotione servatur, ac per hoc spiritualis est etiam virginitas corporis, quam vovet ac servat continentia pietatis.

Tertiò, quod fit ex voto, majori charitate & liberalitate fit, quàm quod sine voto. Qui enim sine voto aliquid facit, opus dumtaxat offert Deo; qui autem vovet atque ex voto facit, & opus, & facultatem offert. Quod explicat S. Anselmus in lib. de similitudinibus cap. 84. his verbis: *Plus donat, qui arborem cum fructibus, quàm qui solos fructus donat.*

Quartò, melius est, quod fit ex voluntate confirmata in bonum, quàm quod fit sine ejusmodi firmitate, sicut pejus est peccare ex voluntate obfirmata ad malum, quàm ex fragilitate. Et quemadmodum qui peccant ex voluntate confirmata in malum, similes sunt damnatis: ita qui operantur ex voluntate confirmata in bono, similes sunt beatis.

Quintò, qui vovet, non solum id lucratur, quod diximus, quod excellentius opus facit, sed etiam munit seipsum adversus tentationes Diaboli, & humanam fragilitatem, ac mutabilitatem. Homines enim in his rebus, ad quas non sunt alligari vinculis legum, etiam si optimæ sint, & utilissimæ, facillè mutant propositum, Diabolo instigante: & etiam sine Diaboli artibus, ex propria mutabilitate. Quocirca videmus in rebus humanis sæpè requiri juraamenta, ut alligetur voluntas, ne facillè mutari possit. Ita milites, magistratus, sponsi, atque alii id genus jurare coguntur, non autem solis verbis se facturos quod debent polliceri. Hinc S. Augustinus epist. 45. ad Armentarium: *Non te, inquit, vovisse pauteat, immò gaudere jam tibi non licere, quod cum tuo detrimento licuisset.* Et infra: *Felix necessitas, qua ad meliora compellit.*

CAPUT XXIX.

Solvitur objectio prima adversariorum.

Restat nunc, ut objectiones adversariorum solvamus. Prima objectio communis est omnibus & sumitur ab illis Scripturis, quæ docent, opera bona non ex necessitate, quam tamen secum adferunt vota, sed voluntariè, ac liberè esse facienda: Id enim est melius, & laudabilius, & Deo etiam acceptius, quod est magis voluntarium, & liberum, ac proinde minus necessarium. Psalm. 53. *Voluntariè sacrificabo tibi.* 1. Corinth. 7. *Non ut liquerem vobis impericium, idest, horror ad continentiam; sed non ad votum.* 2. Corinth. 9. *Unusquisque prout destinatus in corde suo, non ex tristitia, aut ex necessitate, hilarem enim datorem diligit Deus.* Et ad Philemonem: *Ne veluti ex necessitate bonum tantum sit, sed voluntarium.* S. Hieronymus lib. 1. in Jovinianum, ante medium: *Et ideo plus amat virgines Christus quia sponte tribuunt, quod sibi non fuerat imperatum: majorisque gratia est offerre quod non debeas, quàm reddere quod exigaris.* Et S. Prosper lib. 2. de vita contemplativa cap. ult. *Sic abstinere, vel jejunare debemus, ut non nos necessitati jejunandi subdamus, ne jam non devoti, sed invidi, rem voluntariam faciamus.*

Respondeo, triplicem esse libertatem, ac triplicem item necessitatem. Unam ex parte debiti, sive debirum oriatur ex præcepto, sive ex voto, sive aliunde. Id enim dicimur liberè facere, quod non tenemur facere, id verò necessariò, quod tenemur. Alteram ex parte naturalis determinationis voluntatis. Illa enim dicimur liberè facere, in quibus non habet

habemus voluntatem determinatam ad unum : atque hæc libertas est, quæ propriè dicitur liberum arbitrium. Tertiam ex parte coactionis, sive ea sit absoluta coactio, ut cum quis trahitur vi, quod ire non vult, sive sit moralis quædam, & quasi conditionata coactio, ut cum quis noller aliquid facere, & non libenter facit, facit tamen coactus timore aliquo humano, aut servili.

Ex his prima libertas non est necessaria ad opus laudabile, aut Deo gratum faciendum : Neque contraria necessitas pugnat cum laude & merito operis boni, quia potius contrà, ut ostendimus, ista necessitas augeat laudem operis boni. Semper enim nisi aliunde sit impedimentum, melius est opus ex præcepto, quàm non ex præcepto, ex voto quàm non ex voto. Altera illa libertas necessaria est ad laudem boni operis, sed ea æquè reperitur in opere, quod sit ex præcepto aut voto, & in opere omnibus modis indebito; Nam etiamsi quis milles voverit aliquid, poterit tamen ex arbitrio libertate votum non reddere, & peccare. Tertia libertas est item necessaria ad laudem boni operis, sed neque ipsa repugnat præcepto, & multò minus voto. Potest enim fieri, ut quis tanta alacritate, & promptitudine exequatur opera præcepta, quanta alius opera non præcepta. Unde David dicebat Psal. 118. *In via testimoniorum tuorum delectatus sum, sicut in omnibus divitiis.* Et : *Quàm dulcia faucibus meis eloquia tua, super mel ori meo.*

Pari ratione fieri potest, immò ordinariè fit, ut quod sit ex voto, fiat libentius, & promptius, quàm quod sit sine voto. Votum enim ex se lætitiâ gignit, cum ex magna charitate procedat, juxta illud 1. Paral. ult. *Lazarus est populus, cum vota sponte promitteret, quia corde toto offerebant ea Domino.* Quod si aliqui cum tristitia solvunt, quod voverunt, id accidit ex vitio hominum, non ex natura voti, nec tamen etiam tunc melius est quod sit sine voto, quàm ex voto : Nam, ut S. Thomas docet in opuscul. 18. quod est de perfectione cap. 12. potest tribus modis quis se habere in solvendo voto.

Uno modo, ut libenter faciat id, ad quod tenetur ex voto, & quia res ipsa placet, & quia votum placet; Et tunc sine dubio magis meretur, quàm alius, qui æquè libenter illud idem operatur sine voto.

Altero modo, ut invitus faciat rem illam, quam vovit, tamen libenter impleat votum; ut si is, qui vovit jejunium, incipiat non amare jejunium, & proinde cum difficultate, & tristitia jejunet, adeò ut si esset sui juris, non voveret jejunium; tamen quia jam vovit, & placet ei vehementer servare Deo fidem datam, propterea prompto & alacri animo superet eam difficultatem, ut impleat votum. Atque hic etiam magis meretur quàm alius, qui sine voto libenter jejunet; ut enim excellentior est religio, quàm temperantia, ita melius est implere votum libenter, quod est religionis, quàm libenter jejunare, quod est temperantiæ.

Tertio modo potest fieri, ut quis adeò doleat se vovisse, ut non velit amplius servare votum, sed quia hoc est simpliciter malum, non potest conferri cum bono.

Ex his ad ea testimonia, quæ contrà protulimus, facile est respondere. Ad illud Psalm. 53. *Voluntariè sacrificabo.* Respondeo, illud, *voluntariè*, opponi tristitiæ, & coactioni, non autem necessitati, quæ oritur ex voto, aut præcepto.

Ad illud 1. Cor. 7. *Non ut laqueum vobis injiciam :* quibus verbis apertissimè demonstrari existimat Petrus Martyr prohibita esse vota, respondeo, *laqueum*, appellari necessitatem, quæ detinet invitum, non

A autem quamlibet necessitatem. Proinde vota esse laqueos illis, qui temerè voverunt, vel qui coacti sunt ab aliis vovere, cum ipsi nihil tale cuperent : Quemadmodum etiam nuptiæ laquei dici possunt iis, qui temerè ducunt uxorem, & eo modo alligant se alicui, cum qua vivere non possunt, & inde occasionem accipiunt cum aliis fornicandi. Est igitur sensus Apostoli : Exhortor vos ad continentiam, sed ita tamen, ut non cogam invitos, nec suadeam temerè eam accipere, & vovere, & quod esset laqueus animarum, sed ut ostendam id, quod est per se honestum, & utilissimum; ut quibus Dominus hujus rei desiderium inspiraverit, illi accipiant, & voveant.

B Quòd autem laqueus hoc loco non dicatur votum, aut necessitas absolutè, sed, ut diximus, votum ab invito, aut temerè susceptum, testatur S. Augustinus lib. de bono viduitatis cap. 5. qui sic exponit : *Non ut laqueum vobis injiciam, idest, non ut vos cogam,* & S. Hieronymus lib. 1. in Jovinianum : *Non imponit, inquit, nobis Apostolus laqueum, nec cogit esse, quod nolumus.* Similiter exponunt commentaria in hunc locum Theodoretus, Theophylactus, Anselmus, & aliorum.

C Accedit ipsa laquei metaphora, non enim laqueus dicitur funis ligans, & tenens hominem, ne fortè cadat; sed funis vi detinens, & ad capiendum, & ad perdendum expositus. Denique Sapiens Prov. 20. idipsum disertis verbis exposuit : *Ruina, inquit, est homini devotare sanctos, & post vota retractare.* Ubi pro eo, quod Hieronymus vertit, ruina in Hebræo est *ῥῥῶ*, quòd propriè laqueum significat : Nam *ῥῥῶ* illaqueare est, *ῥῥῶ* auceps dicitur, unde vertunt septuaginta interpretes, *παγίς*, idest laqueus; nec malè Hieronymus vertit ruinam, quia finis proprius laquei casus & ruina est. Igitur juxta Salomonem laqueus, & ruina est, non absolutè vovere, sed vovere, & post votum retractare, quod accidit iis, qui temerè aut inviti voverunt. Isti enim voto, ut laqueo quodam tenentur coacti, & occasionem accipiunt gravius delinquendi.

D Ad illud 1. Corinth. 9. *Non ex tristitia, aut ex necessitate,* respondeo, hoc loco appellari necessitatem, non legem, aut votum, sed humanam necessitatem, quæ cogit homines facere, quod non vellent. Loquitur enim de iis, qui eleemosynas faciunt inviti, quia videlicet erubescunt non facere, quod alii faciunt, ne judicentur avari; aut non audent negare petenti magno alicui viro, qualis erat ipse Paulus, pro egenis. De hac necessitate loqui B. Paulum testantur verba sequentia : *Hilarem enim datorem diligit Deus.* Necessitas enim quæ ex humano timore nascitur, hilaritati opponitur, non autem necessitas voti quæ oritur ex charitate. Idem respondendum est ad alium locum ex epistola ad Philemonem.

E Ad testimonium autem S. Hieronymi lib. 1. in Jovinianum, ubi dicit majoris gratiæ esse offerre quod non debeas, quàm reddere quod exigaris, respondeo, S. Hieronymum loqui de opere illo, quod exigitur ratione præcepti, non de eo, quod exigitur ratione voti. Nam multum interest inter legem & votum, quod ad rem præsentem pertinet; qui enim facit opus non imperatum ulla lege, etsi non facit opus laudabilius, quatenus facit opus non imperatum, immò, ut supra diximus, cæteris paribus, melius sit opus imperatum, quàm non imperatum facere, tamen tribus de causis, ut plurimum, facit opus laudabilius.

Primo, quia res non imperatæ sunt plerumque nobiliores secundum se, quàm res imperatæ; Deus enim minora imperavit, majora consuluit. At hoc non habet locum in votis; non enim minora sunt ex voto, majora sine voto, sed econtrariò, perfectius-

fectissima enim quæque opera voveri possunt, & solent.

Secundò, quia semper, qui facit opera non imperata, ex charitate, sicut oportet, facit etiam omnia opera imperata: atque ita plus dat, quam ille, qui facit solum opera imperata; includuntur enim præcepta in consiliis, non contrà. Sed neque hoc in votis locum habet; non enim qui facit aliquid sine voto, continuò implet etiam omnia vota.

Tertiò, quia ut plurimum major promptitudo requiritur ad opus non imperatum aggrediendum, quam ad opus imperatum, ut notum est; ac propterea ratione majoris promptitudinis opus non imperatum majoris gratiæ est, ut Hieronymus dicit, quam opus imperatum. At de voto hoc dici non potest; nam etsi major promptitudo fortè requiratur ad aggrediendum novum opus, ad quod non tenemur ullo modo, quam ad opera ordinaria facienda, ad quæ tenemur ex voto: tamen major illa promptitudo superatur ab alia quadam adhuc majore, quæ necessaria fuit ad votum ipsum faciendum. Cum enim votum sponte offeratur, & sit res ardua, & difficilis, multò major promptitudo requiritur ad votum faciendum, quam ad faciendum aliquid sine voto.

Ad testimonium S. Prosperi ex lib. 2. de vita contemplativa cap. ult. ubi dicit, sic esse abstinendum, ut non nos necessitati subdamus, respondeo, necessitatem, de qua S. Prosper loquitur, non esse necessitatem legis, aut voti, sed necessitatem timoris humani, quæ tristitiam gignit; ideò enim subjungit idem auctor: *Ne non devoti, sed inviti rem voluntariam faciamus.*

C A P U T XXX.

Solvitur secunda objectio.

Alteram objectionem ducunt ex illis Scripturæ testimoniis, quæ aperte imperant matrimonium iis, qui stimulum carnis patiuntur. Hinc enim sequitur, votum continentiae perpetuæ temerarium esse, & proinde illicitum, cum nemo sciat quamdiu sine ejusmodi stimulis vivere queat 1. Corinth. 7. *Qui non se continent, nubant; melius est enim nubere, quam uri.* Ibidem: *Propter fornicationem unusquisque suam uxorem habeat.* Huc etiam maximè facit illud 1. Timoth. 5. *Volo juniores nubere, matresfamilias esse, filios procreare.* Contra quod præceptum si peccare videntur, qui puellis continentiae votum suadent, aut permittunt.

Respondeo ad hoc argumentum tribus modis. Primum assero, in nullo horum locorum vocari ad nuptias ab Apostolo eos, qui tentantur stimulis carnis, sed eos, qui incontinenter vivunt, ita, ut flagitiis se polluant. Secundò assero, eos, qui incontinenter vivunt, non vocari absoluto imperio ad nuptias, sed solum ostendi eis remedium quoddam facile, & quasi portum, quò se recipiant; sic tamen ut liberum eis relinquantur ad majora aspirare. Tertiò assero, hoc ipsum sive consilium, sive permissionem, sive remedium non dari ab Apostolo iis, qui voverunt continentiam, sed solum hominibus solutis, & liberis.

Ac ut de primo priùs dicamus, sciendum est, adversarios existimare nuptias esse necessarias jure divino iis, qui uruntur. Per unctionem autem intelligunt tentationes carnis non breves & leves, sed graves & diuturnas, quæ conscientiam turbant, licet eis non consentiatur. Ita docet Lutherus in Epi-

thalamio, ubi etiam graviter accusat S. Hieronymum, quòd conjugium non inierit, cum ipsemet fateatur in epist. 22. ad Eustochium, se gravissimis, & diuturnis ardoribus carnis vexatum fuisse: Imò etiam eò Lutherus progreditur, ut S. Hieronymum propterea hæresis Pelagianæ accuset, quasi videlicet senserit propriis viribus, sine dono Dei posse aliquem vincere tentationes. Quæ tamen est manifesta calumnia, cum ibidem Hieronymus dicat se precibus ad Deum assidue instare solum pro victoria obtinenda contra tentationes.

Sed de unctione cum Luthero conveniunt Calvinus, & Petrus Martyr in commentario 1. Cor. 7. distinguit enim Calvinus tria genera tentationum carnis. Unum, quod ita tentat, ut vincat, & hoc esse dicit pessimum genus unctionis, quod verissimum est. Alterum, quod ita tentat, ut statim acriter repellatur, ita ut intus jacula non penetrent, nec ulla mentis perturbatio oriatur, & has tentationes fateretur non propriè vocari unctiones, & propter has non esse nuptias necessarias, quod etiam libenter concedimus. Tertium genus esse dicit medium, cum quis videlicet tentationi non plenè consentit, tamen jacula intus penetrant, & sentitur carnis delectatio & mentis perturbatio; & has tentationes propriè unctiones esse dicit, & qui eas habent, eos affirmat certa lege citari ab Apostolo ad matrimonium, ita ut peccent non nubendo.

Ubi est observandum, Calvinum non sine fraude dixisse, tertium genus tentationis esse cum quis plenè non consentit, licet jacula intus penetrent; nam ad rem obscurandam posuit, plenè; cum vellet dicere, tertium genus esse, cum quis nullo modo consentit, & tamen sentit acres stimulos carnis. Qui enim consentit, sive plenè, sive non plenè, ad primum genus pertinet secundum eorum sententiam, cum non agnoscant discrimen peccati mortalis, & venialis, sed omnem motum carnis, quantumvis involuntarium, doceant esse mortale peccatum.

Imò hoc est fundamentum præcipuum, ex quo deducunt eos, qui graviter tentantur, debere necessariò uxorem ducere, quia, ut Lutherus in Epithalamio docet, non sunt certamina castitatis similia aliis certaminibus, qui enim tolerat famem, aut sitim, aut alia id genus, non peccat; at æstus libidinis sine peccato esse non potest, cum sit prohibitus omnis motus concupiscentiæ. In quo fundamento Calvinus, Petrus Martyr, & omnes alii conveniunt. Sed & fundamentum ipsum est putridum, & ædificium, quod superextruunt, facile do-
jici potest.

Ac de fundamento quidem alibi disputandum erit, nunc S. Pauli & Augustini testimonium sufficiat Rom. 7. *Si quod nolo, facio, jam non ego operor illud.* Quis capiat, mihi esse peccatum, quod ego non operor? Augustinus lib. 1. de Civ. Dei cap. 25. *Quòd si illa concupiscentialis inobedientia, qua adhuc in membris moribundus habitat, præter voluntatis legem, quasi lege sua movetur, quanto magis absque culpa est in corpore non consentientis, si absque culpa est in corpore dormientis?* Sed de hoc alibi. Nunc ad rem præsentem venientes, asserimus ab Apostolo vocari homines ad matrimonium non ob solas tentationes, sive sensum, sed ob consensum libidinis, & per unctionem, non tentationes, sed incontinentiam, & flagitia interpretamur, ut hic sit sensus verborum Apostoli; qui omnino decrevit, aut fornicari, aut nubere, is bene facit si nubat, quia melius est nubere, quam uri, idest, quam fornicari.

Probamus hanc nostram expositionem. Primò, ex antecedentibus verbis, dicturus enim Apostolus: *Melius est nubere, quam uri,* præmisit: *Si non se con-*
sistent.

tinent, nubant. Ubi per unctionem exponit ipsemet Paulus incontinentiam: Nam causam reddit cur debeant nubere qui non se continent, quod videlicet melius sit nubere, quam uri, idest, quam non continere; constat autem incontinentiam non tentationem, sed flagitium significare.

Secundò idem patet ex illis verbis ejusdem capituli: *Bonum est homini mulierem non tangere; propter fornicationem autem unusquisque suam uxorem habeat.* Ubi non dicit Apostolus, propter tentationem fugiendam, sed propter fornicationem fugiendam quisque suam uxorem habeat, idest, non si tentaris, sed si fornicaturus es, uxorem potius habeas.

Tertiò idem probatur ex illis verbis: *Iterum revertimini in idipsum, ne tentet vos Satanas propter incontinentiam vestram.* Ubi etiam non propter simplicem tentationem jubet, ut conjuges debitum invicem reddant, sed propter incontinentiam. Idem igitur significat apud Apostolum unctione, quod incontinentia.

Quartò ex illo 1. Timoth. 5. *Volo juniores nubere;* causam enim reddit non tentationem, sed incontinentiam: *Nullam, inquit, dare occasionem adversario maledicti causa,* idest, ne demus occasionem Gentilibus maledicendi vitam, & mores Christianorum: non autem possunt inaledicere adversarii Christianis ob occultas tentationes, sed ob manifesta flagitia. Unde mox subjungit: *Jam enim quadam abiierunt post Satanas.*

Quintò idem probari potest exemplo ipsius Apostoli 2. Corinth. 12. *Datus est mihi stimulus carnis mea Angelus Satana, qui me colaphizat: propter quod ter Dominum rogaui, ut auferretur à me.* Nec est verum quod dicit Petrus Martyr in lib. de coelibatu, & votis, Apostolum impetrasse gratiam, qua nec laberetur, nec graviter vexaretur, ipse enim Apostolus contrarium dicit, se videlicet non impetrasse quod petebat, ut auferretur stimulus carnis. Ait enim: *Et respondit mihi Dominus, sufficit tibi gratia mea, nam virtus in infirmitate perficitur.* Unde S. Augustinus tract. 7. in Joan. & serm. 53. de verbis Domini, & alibi sæpe, hoc Pauli exemplum adfert, cum ostendere vult Deum sæpe utiliter non exaudire suorum orationes. Itaque Apostolus tentabatur magnis & diuturnis stimulis carnis, & tamen uxorem non dicebat: non igitur tentari est uri, alioqui Paulus suo ipsius judicio damnatus esset.

Sed addit Petrus Martyr, hunc locum Apostoli non necessariò de tentatione carnali esse intelligendum, cum Chrysostomus per stimulum carnis dolorem capitis intelligat; alii verò persecutiones, quas patiebatur.

At hæc nimis magna negligentia, vel impudentia est, cum Chrysostomus, necnon Theodoretus, Oecumenius, & Theophylactus disertis verbis refellant eos, qui per stimulum carnis dolorem capitis interpretantur. Illud quidem est verum, hos Patres referre hunc locum ad persecutiones; tamen S. Augustinus in Plal. 58. concione 2. contendit, stimulum carnis aliquid significare, quod verecundiam, & pudorem adferat, & quod nemo de tanto Apostolo dicere ausus fuisset, nisi ipse hoc de se confiteri non erubisset. At certè nullus est pudor, dolores capitis, aut persecutiones confiteri.

Unde etiam Theophylactus, licet exponat de persecutionibus, tamen addit, satius esse exponere de tentatione carnis: *Vel, inquit, quod satius est, Veneris incitamenta, quibus maxime urgebatur, expressit.* Quomodo etiam exponi posse docent Sedulius, Anselmus, & Thomas in commentario; quod idem suadet metaphora colaphizationis; ut enim colaphus, non tam lædit carnem, quam pudorem inji-

cit animo, ita carnalis tentatio, cui non consentitur, ruborem potius, quam detrimentum adfert. Denique adeo videtur jam recepta hæc expositio, ut vulgo tentationes carnales, stimulus carnis dici soleant.

Sed quia hic locus non omnino convincit, cum variis modis à Patribus exponatur, sunt alia duo magis perspicua 1. Corinth. 9. *Cassigo corpus meum, & in servitutem redigo.* Et Rom. 7. *Ego ipse mente servo legi Dei, carne autem legi peccati.* Et: *Non quod volo bonum, hoc ago, sed quod nolo malum.* Et: *Sensio aliam legem in membris meis, repugnantem legi mentis mei.*

Quæ loca non modò S. Augustinus multis in locis, ac præcipuè lib. 2. retract. cap. 1. & lib. 6. in Julianum cap. 11. contendit de ipso Paulo, & aliis justis hominibus intelligenda esse: sed etiam Lutherus in assert. 2. articuli omnino affirmat non posse aliter intelligi, & probat ex laboribus omnium Sanctorum & nominatim S. Hieronymi in superandis gravissimis carnis tentationibus: *Quid, inquit, in vita omnium Sanctorum legimus, quàm labores, vigiliæ, orationes, jejunia, quibus veluti machinis spiritualibus pugnaverunt adversus carnem, & concupiscentias corporis proprii? Quis eorum non gemit? non accusat, non laborat in carne sua, & in concupiscentiis suis? Cum ergo in his omnibus videamus illas auctoritates, caro concupiscit adversus spiritum, & condeletor legi Dei secundum interiorem hominem, video autem aliam legem &c. qua causa est, ut hac Apostolum velimus non in sua, sed in improborum persona dicere, qua in personis piissimarum videmus vivacissimis studiis gerit* Et infra: *Quoties ergo S. Hieronymus de incendiis libidinum conqueritur, etiam tum cum multo jejuniis, & labore contra eam pugnaret, hoc est, dum esset non modò baptizatus, sed & sanctissimus* Hæc ille. Qui ut verissimè ista dicit, ita manifestè repugnat iis, quæ docuit de S. Hieronymo in Epithalamio. Hic enim eum cum Paulo jungit, & cum omnibus sanctis, concupiscentiæ strenuè repugnantibus, ex quo sequitur, ut vel apud Paulum 1. Corinth. 7. uri non sit tentari, sed labi in scelera: vel Paulus, & omnes Sancti unctionem passi sint, ac pròinde contra Deum peccaverint, quod matrimonium non inierint.

Accedunt sextò testimonia Patrum. Clemens Alexandrinus lib. 4. Stromatum in ipso principio, Basilidis Hæresiarchæ sectatoribus tribuit eam explicationem, quam nunc adversarii amplectuntur: *Et illud, inquit, melius est nubere, quàm uri, ajunt dicere Apostolum, ne animam tuam in ignem injicias, noctu, & interdum resistens, & timens, ne à continentia excidas; nam cum in resistendo occupata fueris anima, à spe est divisa.* Apprehende ergo, inquit his verbis Ilidorus in moralibus, *robustam mulierem, ne à Dei gratia aveharis, & cum ignem in semine excreveris, cum bona ores conscientia.* Et paulò post: *Har voces, inquit, adduxi ad Basilidianos reprehendendos &c.* Commentarius, qui Ambrosio tribuitur, in hunc locum: *Cum, inquit, voluntas calori carnis consentit, uritur; nam desideria pati, & non vinci, illustris viri est, & perfecti.*

S. Hieronymus in Apologia pro libris contra Jovinianum: *Si autem, inquit, se continere non possunt, & ardorem libidinis non tam continentia volunt quàm fornicatione restringere, melius est nubere, quàm uri, id est, melius est maritum ducere, quàm fornicari.* Hæc ille. S. Augustinus lib. de sancta virginitate cap. 34. *Melius, inquit, nubere, quàm nuptur, idest, quàm occultæ flamma concupiscentiæ in ipsa concupiscentia vastarentur, quas panitet professionis, & piget confessionis.* Idem S. Augustinus lib. de bono conjugali c. 10. *Mibi, inquit, videtur hoc tempore solos eos, qui se non continent, conjugari oportere, secundum illam ejusdem Apo-*

Apostoli sententiam: Quod si se non continent, nubant; melius est enim nubere, quam uri.

Porro Chrysostomus visus est Petro Martyri de tentatione sola hunc locum intellexisse, sed non ita est; sic enim Chrysostomus brevissime exposuit: *Significat Apostolus quanta sit concupiscentia tyrannis. Hoc autem est quod dicit, si magnam violentiam pateris, & libidine incenderis, laboribus te & sudoribus libera, ne quando decidas.* Hæc ille. Ubi uisionem interpretatur tentationem, quæ ad flagitium omnino perducet, nimirum accedente ad æstum concupiscentia animi infirmitate; id enim significant illæ voces: *Tyrannis, violentia, & ne decidas.* Itaque sensus est juxta Chrysostomum, si animo imbecillo es, & vis tentationis ita urget, ut omnino sis fornicaturus, præstat, ut nubas; quem sensum clarius expressit in lib. de virginit. Et Chrysostomum sequutus Theodoritus ita expressit: *Uisionem, inquit, non vocat cupiditatis molestiam, sed animæ mancipationem, & ad id quod est deterius inclinationem. Quod autem dicit, est ejusmodi: melius quidam est, & vos quibus conjugalis consuetudo nondum obtigit, & vos qui conjuncti quidem fuistis, sed morte estis disjuncti, eligere continentiam. Sin autem cupiditatis impetum ferre non potestis, sed ad hoc sustinendum certamen imbecilla animo estis, quæ ad ea, quæ pulchra, & honesta sunt, non habetis alacritatem, & ardorem animi propositum, nulla lex prohibet, quo minus matrimonium contrahatis.* Hæc ille.

Denique, ut omittam cæteros, S. Thomas in commentario hujus loci, non solum affirmat uisionem hoc loco incontinentiam significare, sed etiam id confirmat ex ipsa vocis proprietate. Uri enim non calere significat, quod tentatis convenit, sed calore labefactari, ac detrimentum pati, quod minimè convenit iis, qui simpliciter tentantur, sed iis, qui tentationibus superantur. Atque hinc Scriptura 1. Pet. 1. Eccles. 2. Sap. 3. & alibi comparat justos in tentationibus positos auro, quod per ignem probatur: aurum enim in igne probari dicitur, non comburi, licet valde incalescat, quia detrimentum non patitur: paleam verò incalescere, & comburi, quia planè corrumpitur.

Alteram nunc solutionem addam, tamen enim per uisionem Apostolus tentationem significaret, adhuc tamen nihil adversarii obtinerent: Nam in nullo eorum locorum, quos ipsi citant, invenitur verum præceptum nubendi, sed sola permissio: falsumque est quod Calvinus lib. 4. Instit. cap. 13. §. 17. dicit, certa lege citari ad conjugium eos, qui uruntur. Primum enim forma loquendi non est imperativa: Nam non ait Apostolus, qui non continetis, nubite, sed: *Qui non se continent, nubant;* nec ait, propter fornicationem ducite uxorem, sed: *Uxorem habeat &c.*

Deinde ratio, quam Apostolus reddit, nimirum: *Melius est nubere, quam uri,* satis indicat, verba Apostoli, non præceptum, sed permissionem continere. Ut enim Chrysostomus notat, Apostolus rationes adjungit, ne videatur legislatio, id quod ipse dixit: Ac præterea ratio ipsa non concludit, necessarium esse matrimonium, sed licitum, & permissum: Nam etsi melius est nubere, quam uri, tamen est quoddam tertium melius utroque, idest, continere, & uisionem inedia & lachrymis restringere. Quomodo, si quis diceret, qui non vult pugnare, fugiat, quia melius est fugere, quam occidi, is non imperaret, sed permetteret fugam; non enim prohiberet pugnare, & vincere, quod est melius, quam fugere, vel occidi.

Tertio, sicut Apostolus ait: *Qui non se continent, nubant.* Ita dixit: *Iterum revertimini in idipsum,* ut enim monuit incontinentes solutos, ut nubent, ob

A periculum fornicationis, sic etiam monuit conjugatos incontinentes, ut post aliquam seriationem ab opere conjugali, iterum redeant ad opus conjugale, ob periculum adulterii. At his verbis posterioribus nihil Apostolus imperavit, sed solum permisit; sic enim subjunxit: *Hoc autem dico secundum indulgentiam, non secundum imperium;* igitur in verbis quoque prioribus, nullum imperium, sed sola indulgentia, ac permissio est.

B Ex quo intelligimus, etiam in illis verbis: *Unusquisque uxorem suam habeat,* nullum esse præceptum: Nam aut loquitur de illis, qui jam uxores duxerunt, ut vult S. Hieronymus lib. 1. in Jovinianum, & rectè, quia sequitur paulò post: *Dico autem imptis, & viduis, bonum est si sic permanserint;* aut loquitur de illis, qui non duxerant, ut Petrus Martyr contendit: si de iis qui duxerant, tunc sensus erit: *Unusquisque uxorem suam habeat,* idest, retineat etiam quoad thorum, sed juxta indulgentiam, non juxta imperium, idem enim est: *Iterum revertimini in idipsum: & unusquisque suam uxorem habeat,* quoad thorum: si verò de iis loquitur, qui non duxerunt, idem erit; Unusquisque uxorem ducat ob fornicationem, & qui non se continent, nubant, quod jam ostendimus, permissionem, non legem sonare. Imò à majori ducitur argumentum: Nam si, ubi est adulterii periculum, Paulus non imperat opus conjugale, sed permittit; multò magis non imperabit ubi est periculum solius fornicationis.

C Quarto, si ullum esset præceptum matrimonii in verbis Pauli, maximè esset in illis 1. Timoth. 5. *Volo juniores nubere,* ac nullum ibi esse præceptum facile probari potest. Nam in primis pugnaret cum illis verbis ejusdem Apostoli 1. Corinth. 7. *Volo omnes esse sicut meipsum,* idest, continentes; ista enim apertissime pugnant, volo omnes continere, & volo quosdam nubere. Idem enim est ac si diceret, volo omnes continere, & non volo omnes continere. Neutrum igitur Apostolus jubet, sed absolute optat, unum, idest, omnes continere, & tamen alterum permittit cedens infirmitati quorundam, idest, nubere. Præterea non solum Paulus dixit: *Volo juniores nubere,* sed addit: *Filios procreare, matresfamilias esse &c.* Si ergo cum ait: *Volo juniores nubere,* imperat nuptias, etiam cum ait volo eas *Filios procreare, & matresfamilias esse,* imperat, ut liberos habeant, proinde si steriles fuerint, peccabunt in Apostolicam legem. Quod sanè nemo nisi stultus concederet.

D Addo ultimò testimonia Patrum. Ac locum quidem illum: *Qui non se continent, nubant,* jam audimus Theodoretum ita exponentem, nulla lex prohibet, quò minus matrimonium contrahatis, quod idem & alii docent. Locum autem istum: *Volo juniores nubere,* ita exponit Chrysostomus: *Volo quia ipsæ volunt.* Et infra: *An verò matrimonium præcipit? absit. Sed neque prohibet.* Et infra: *Prohibet igitur ab hujusmodi viduis, atque deterret, non quò adolescentulas esse viduas nolis, sed quò adulteras fieri vetet.*

E S. Ambrosius utrumque locum exponit simul in lib. de viduis: *Non puto,* inquit, quod juniores revocandas putarit à viduitatis affectu, maximè cum dixerit: *Melius est nubere, quam uri:* Nam utique pro remedio nuptias suavit, ut peritura sanetur, non pro electione præscript, casta & continens quod sequatur. Et in fine libri: *Sed nec viduas præceptum accipit, sed consilium.* S. Hieronymus in epist. 11. ad Ageruchiam de Monogamia: *Ubi,* inquit, *Apostolus alterum matrimonium, cum ait: Volo juniores nubere, præferens dignitatem fornicationi, secundum indulgentiam duntaxat, non secundum imperium.* S. Augustinus lib. de bono viduitatis cap. 8. *Quod,* inquit, *dicit: Volo juniores nubere,*

bere, nuptiarum bonum Apostolica sobrietate, & auctoritate commendat; non procreandi officium etiam eis, quæ continentia bonum capiunt, tanquam ad obsequium legis imponit. Et paulò ante: Idem dixerunt de illo loco, qui non se continent, nubant, nimirum remedium ostendi, non legem fgi.

Sed adferamus nunc tandem solutionem tertiam. Dico igitur, ista omnia, quæ ex Apostolo adversarii objiciunt, siue permissionem sonent, ut nos probavimus, siue præceptum, ut ipsi volunt, pertinere solùm ad homines liberos, non autem ad eos, qui votis jam obligati sunt. Nam de ea quæ habet votum continentia, non potest rectè dici: *Quæ non se continet, nubat; melius est nubere, quàm uri*. Nam utrumque est malum, & nubere, & uri; imò pejus est nubere, quidquid reclament adversarii, præsertim ei, quæ habet votum solemne.

Nam quæ uritur, aut non peccat si ustio solùm tentationem significat; aut peccat solùm contra temperantiam, & contra votum, si fornicationem significat: quæ verò nubit post solemne votum, peccat contra temperantiam, contra votum, & contra ipsum conjugium, cum sub nomine conjugii regat perpetuum sacrilegium. Quæ autem nubit post votum simplex, illa verum matrimonium contrahit, tamen aliquo modo magis peccat, quàm quæ fornicatur, quia reddit se impotentem ad servandum votum, quod non facit, quæ fornicatur.

Secundò, ei, quæ virum habet, & siue, quòd ille perpetuò ægrotet, siue quòd perpetuò absit, non potest ab eo debitum conjugale petere, etiam si gravissimè uratur, non potest dici, si non se continet, nubat; melius est nubere, quàm uri. Sed necessariò dicendum illi est, ut servet fidem conjugii, & orationibus & jeuniis pugnet contra ustionem. Id quod ne adversarii quidem negare audent. Non igitur Apostolus ea verba dixit omnibus, qui uruntur, sed solùm iis, qui soluti, ac liberi sunt: & si ligati censentur ii, qui fidem conjugii dederunt, cur non ii, qui dederunt Deo?

Tertiò, ex Patribus S. Ambrosius ad virginem lapsam cap. 5. Dicit aliquis, inquit, *melius est nubere, quàm uri*. Hoc dictum ad non pollicitam pertinet, ad nondum velatam. Caterum, quæ se spondit Christo, & sanctum velamen accepit, jam nupsit, jam immortalis juncta est viro. Etiam si voluerit nubere communi lege committi, adulterium perpetrat, ancilla mortis efficitur.

S. Hieronymus lib. 1. in Jovinianum: Si nupsit, inquit, *virgo non peccavit, non illa virgo quæ semet Dei cultui dedicavit; harum enim si quæ nupsit, habebit damnationem, quia primam fidem irritam fecit; virgines enim quæ post consecrationem nupsierint, non tam adultera sunt, quàm incesta*.

S. Augustinus lib. 1. de adulterinis conjugis cap. 15. Illis, inquit, qui se non continent, utique expedit nubere, & quod licet, expedit: quæ autem voverint continentiam, nec licet, nec expedit. Et lib. de bono viduitatis cap. 8. Proinde, inquit, quæ se non continent, nubant, antequam continentiam profiteantur, antequam Deo voveant, quod nisi reddant, jure damnantur.

Gregorius in lib. pastoralis par. 3. admonitionis 28. Scriptum est, inquit, *melius est nubere, quàm uri*, siue culpa quippè ad conjugium veniunt, si tamen necdum meliora voverunt.

S. Joannes Chrysostomus in lib. de virgin. cap. 39. Vidua, inquit, omnino si voluerit, potestatem nubendi facit, at eam, quæ conjuge mortuo se in sequens tempus Deo consecravit, si postea nupsit, vehementer accusat, ut quæ fidem Deo datam post fefellerit. Non his ergo, sed illis dixit, si se non continent, nubant, mo-

lus est enim nubere, quàm uri. Idem Chrysostomus hom. 19. in priorem ad Corinthios, exponens illud; Si nupsit virgo, non peccavit: *Non de ea, inquit, quæ sibi elegerit virginitatem loquitur, quippè quæ jam peccavit*. Quod idem habent Theodoretus, Theophylactus, Oecumenius in eundem locum, & Epiphanius hæres. 61.

CAPUT XXXI.

Solvitur tertia objectio.

Objectio tertia, eaque omnium gravissima, sumitur ab iis locis, qui docent, continentiam esse donum Dei, quod non omnibus detur. Quod argumentum etsi solvimus breviter in disputatione de coelibatu sacerdotum, hoc tamen loco accuratius solvendum est. Loca præcipua sunt quatuor Sapient. 8. *Nemo potest esse continens, nisi Deus det*. Matth. 19. *Non omnes capiunt verbum hoc, sed quibus datum est*. Et infra. *Qui potest capere, capiat*. 1. Corinth. 7. *Volo autem omnes homines esse sicut meipsum, sed unusquisque proprium donum habet ex Deo, unus sic, alius autem sic*. Et infra: *Qui statuit in corde suo firmus non habens necessitatem, potestatem autem habens suæ voluntatis, & hoc judicavit in corde suo servare virginem suam, bene facit*. Quem locum tractans S. Hieronymus lib. 1. in Jovinianum dicit, quosdam habere necessitatem nubendi, aut scortandi.

Ex his locis ita argumentantur: Nemo debet vovere, nisi id, quod certò scit se posse solvere; alioqui exponit se periculo violandi votum, & proinde temerè vover, & Deum offendit: *Displicet enim illi infidelis, & stulta promissio*. Eccles. 5. At nemo potest certò scire, an poterit perpetuò continere, cum id non possit sine dono Dei, nec possit ulla ratione scire, an habeat illud donum, & multò minus an sit perpetuò habiturus, ut Scripturæ alata ostendunt; nemo igitur potest, nisi temerè, & imprudenter, perpetuam continentiam vovere. Ex qua ratione illud etiam deducunt, eos, qui jam voverunt, posse, ac debere votum suum rescindere, quia ea, quæ non sunt in nostra potestate, non sunt materia voti.

Addit Petrus Martyr similitudinem. Si quis enim voverit se perpetuò ministraturum pauperibus, ac deinde paulò post in morbum incidat, certè non tenebitur voto suo, quia quod erat ei possibile cum vovit, jam illi impossibile factum est; igitur & ille, qui continentiam vovit, si incidat in morbum concupiscentiæ, non tenebitur amplius voto suo. Neque satis est dicere, posse istum orare Deum, ac petere continentiam: Nam etiam, qui ægrotat corpore, posset orare Deum, & petere sanitatem, & tamen si non impetrat, ut sæpè accidit, liber à voto suo est.

Respondemus, continentiam, & donum esse Dei, & tamen in arbitrio, & potestate hominis positam, quorum alterum adversarii affirmant, alterum negant. Est igitur observandum, multa esse genera donorum Dei. Quædam enim dantur homini sine ejus cooperatione, qualia sunt robur, sanitas, pulchritudo, prophetiæ, linguarum aut miraculorum gratia, & omnes habitus, quos Deus infundit, & hæc stultum esset asserere esse in nostra potestate, aut pendere ex humana electione, ita, ut possit ea habere quicumque velit: Atque ad hoc genus donorum revocant adversarii continentiam, disertis enim verbis Petrus Martyr dicit: *Idem esse, statuerè an velis continere, & an velis prophetare*.

Aliud genus doni consistit in auxilio divino, sine quo

quo non faceremus id, quod cum eo auxilio facimus, sic enim credere, sperare, diligere, perseverare, patientem esse, vincere tentationes dicuntur, & sunt verissima Dei dona, quia nisi Deus gratia sua nos praeveniret excitando, & adjuvaret dirigendo, protegendo, & cooperando, nihil boni faceremus; & tamen ista ipsa opera pendent ab electione humana, & sunt in nostra potestate, quia Deus licet juvet, non tamen cogit, neque necessitat; & licet homo sine Dei auxilio non possit quidquam boni facere, absolute tamen dicitur posse, quia sufficiens auxilium, ut quis operetur, aut saltem, ut possit majus auxilium petere, numquam deest, alioqui non peccarent homines non credendo, non sperando &c. Ad hoc genus donorum continentiam pertinere dicimus.

Ubi praeterea est notandum, quod sicut circa fidem, poenitentiam, perseverantiam, aliosque actus bonos, ita etiam circa continentiam duplex gratia, sive auxilium distingui solet; Unum sufficiens, quod omnibus datur saltem pro loco, & tempore; quo auxilio non tam fit ut operemur, quam ut operari possimus; Aliud autem efficax, quo re ipsa operamur. Atque hoc posterius est donum singulare, quod non omnibus datur; soli enim illi donum fidei habent, qui re ipsa credunt, soli illi donum habent perseverantiae, qui re ipsa perseverant, soli illi donum habent continentiae, qui re ipsa continent, quos notum est non esse multos, nedum omnes, & de hoc dicitur: *Non omnes capiunt verbum hoc, sed quibus datum est.* Et simul est verum, omnes, qui volunt, posse continere, quia sufficiens auxilium ad continendum, aut ad gratiam impetrandam nulli denegetur. Sicut etiam de fide scriptum est: *Non omnium est fides* 2. Thess. 3. & tamen omnes credere possunt si volunt, cum praedicatur Evangelium, alioqui non peccarent, qui non crederent. Quid intersit inter haec auxilia, non est hujus loci explicare, sed in disputatione de gratia, & libero arbitrio, si Deus annuerit, explicabitur.

His jam notatis, probandum est, continentiam donum Dei esse, & tamen in arbitrio nostro positam. Quod sit donum Dei, Scripturae allatae clarissime ostendunt, nec adversarii id negant: quod autem sit in potestate nostra, praeviente, ut diximus, & comitante gratia, his argumentis confirmamus.

Primo testimoniis earundem Scripturarum: nam Matth. 19. illa verba: *Sunt eunuchi, qui se castraverunt propter regnum caelorum*, aperte indicant arbitrii libertatem. Si enim continentia ita esset donum Dei, ut ab hominis electione non penderet, dicendum fuisset, sunt eunuchi, qui sunt facti à Deo, non autem, qui se castraverunt: Ideo enim de abscissis dicitur, sunt enim eunuchi, qui sunt facti ab hominibus, non autem qui se castraverunt, quia illa abscissio est opus alienum, non proprium. Praeterea, si donum continentiae simile est dono prophetiae, linguarum, sanitatis, atque aliis ejusmodi, cur non dicimus, sunt Prophetae, qui se ipsos Prophetas fecerunt, sicut dicimus, sunt eunuchi, qui se ipsos castraverunt?

Secundo illa verba: *Qui potest capere, capiat*, cohortationem ad continentiam habent, ut, praeter sanctos Patres, etiam Petrus Martyr testatur in lib. de coelibatu & votis. Sic etiam illa verba Pauli prioris epist. ad Corinth. 7. *De virginibus praeceptum Domini non habeo, consilium autem do*, cohortationem continent, eodem interprete Petro Martyre. At quis, rogo, sapiens hortaretur unquam ad id, quod non est in potestate? Num, quis unquam hortatus est homines, ut Prophetae fiant,

aut robusti ex debilibus, proceri ex parvis, formosi ex deformibus?

Sed, inquit Martyr, *ista cohortationes dantur iis tantum, qui donum Dei habent.* Contra; qui donum habent, ipsorum sententia, non possunt non continere. Scribit enim Martinus Bucerus, qui Petro Martyri instar oraculi esse solet, in illud Matth. 19. *Non omnes capiunt verbum hoc, sed quibus datum est.* Sicut valde famelicus non potest non avidè cibum sumere, si offeratur ei: sic non posse non continere ab uxore ducenda, qui donum id à Deo susceperit. Si igitur, qui donum non habent, non possunt continere; qui habent, non possunt non continere; qui sunt illi, quos Christus & Apostolus ejus ad continentiam cohortantur?

Tertio, illa verba 1. ad Corinth. 7. *Quod vult, faciat; non peccat, si nubat*, liberam homini optionem dant eligendi conjugium, aut coelibatum; Quomodo ergo non est in arbitrio hominis positum, ut contineat, si velit? Non enim de rebus impossibilibus ulla deliberatio esse potest.

Quarto, continentes, ac coelibes in Scripturis laudantur, & praemiis afficiuntur, ut satis probatum est in disputatione de consiliis Evangelicis, ex testimonio Isa. 56. de Eunuchis, quibus promittitur, *nomen melius, quam filiis & filiabus.* Et ex Apocalyp. cap. 14. ubi *Virgines cantant canticum novum, quod nemo alius cantare potest.* Et ex illo Sap. 3. *Bonorum laborum gloriosus est fructus &c.* At nullum praemium, nullam laudem merentur opera, quae non sunt in nostra potestate, ut omnes consentiunt: Nec enim praemio afficiuntur, qui prophetant, qui linguis loquuntur, qui morbos curant, qui daemones ejiciunt, quia haec solius Dei dona sunt: igitur continentia non solum est donum Dei, sed etiam libera hominis actio.

Quinto, à simili, non minus donum Dei est credere, quam continere. Nam de fide scriptum est: Joan. 6. *Nemo potest ad me venire, nisi Pater traxerit eum.* Et in Actis Apostolorum cap. 13. *Crediderunt quotquot erant praedesignati ad vitam aeternam.* Et ad Ephes. 2. *Gratia estis salvati per fidem, & hoc non ex vobis, Dei enim donum est.* Ad Philipp. 1. *Vobis datum est, ut in eum credatis.* Et 2. ad Thess. ult. *Non omnium est fides.* At nihilominus credere possunt omnes, qui volunt, & rectè hortamur omnes ad fidem, & sine ulla temeritate promittunt omnes in Baptismo, se fidem Christianam conservaturos usque ad mortem: igitur & continere possunt omnes, qui volunt, & rectè hortamur omnes ad continentiam; & sine temeritate multi promittunt Deo, se continentiam perpetuam servaturos.

Respondent, discrimen esse inter fidem & continentiam, quod illa sit necessaria ad salutem, haec non item. Unde monere solemus, ut facit S. Hieronymus in comment. cap. 19. Matth. ut quisque exploret vires suas, antequam voveat continentiam, non autem monemus, ut quisque exploret vires suas antequam credat.

At facile hoc refellitur; nam potissima causa, cur votum continentiae temerarium asseritur ab adversariis, non est, quia continentia non sit res necessaria, sed quia res impossibilis, sine peculiari Dei dono, quod non omnibus datur. Alioqui multa non necessaria sine ulla temeritate voveri possunt, ut notum est. Si igitur haec potissima causa aequè locum habet in fide atque in continentia, ut ex Scripturis demonstravimus, cur temerè promittitur continentia, & non temerè promittitur fides?

Adde, quod non est verum, debere eum, qui vult vovere continentiam, explorare vires suas, & non debere explorare vires suas, qui vult fidem

Chri-

Christianam amplecti. Nam Dominus Luc. 14. monet eos, qui volunt ad se venire, idest, legem ac fidem suam suscipere, ut imitentur eos, qui volunt turrim aedificare, qui prius computant, si habent sumptus ad perficiendum; necnon eos, qui bellum gesturi sunt, qui prius cogitant, si possint cum decem milibus occurrere ei, qui cum viginti milibus venit. Unde & Ecclesia explorat Catechumenos, an habeant plenum & stabile propositum perseverandi in fide & lege Christiana, quia peius est à fide deficere, quam fidem numquam recipere. Ad quem finem ex antiquissima consuetudine in Quadragesima fiunt aliquot scrutina Catechumenorum, qui in Paschate baptizandi sunt. De quibus vide, si placet, Alcuinum in lib. de officiis divinis cap. de Sabbatho sancto.

Hoc solum interest inter fidem & continentiam, quod, qui explorans vires suas, non iudicat se habere sufficientes vires ad continendum, potest nubere, quia continentia non est necessaria ad salutem, quamquam etiam potest procurare vires majores per orationem; qui autem iudicat, se non habere sufficientes vires ad perseverandum in fide & lege Christi, is non potest propterea licetè non amplecti fidem & legem Christi, quæ necessaria est, sed debet vires majores à Deo petere, quas sine dubio habebit, si fideliter petat.

Sextò, probatur ex absurdo, quod ex adversariorum sententia sequitur. Nam si continere non possint omnes, qui volunt, sequitur, multis hominibus nullum peccatum esse fornicari aut moechari. Nam si quis, antequam uxorem ducat, gravissimè urgeatur stimulis carnis, & donum continentie fortè non habeat, quid agat? fornicabiturne impune? *Habet*, inquiunt, *paratum remedium, ducat uxorem*. Sed quid, si non statim inveniat? Nec enim uno die contrahuntur matrimonia, imò multi menses plerumque intercedunt inter sponsalia, & nuptias. Ad hæc, si jam duxit, sed fortè abest procul ab ea, ut sæpè contingit, aut ea morbo gravi, & diuturno laborat, ita ut non liceat viro debitum petere conjugale, quid agat? moechabiturne, si fortè uritur, & donum continentie se habere non videt? *Non licet*, inquiunt, *moechari: idcirco, qui ejusmodi est, pro continentia dono Deum exoret; non enim negabit ille, quod fideliter petit*.

Sed cur, quæso, non idem facere poterit, qui continentiam vovit, si fortè uratur, & donum se habere non videat? Respondent, magnum esse discrimen inter continentiam ab adulterio, vel fornicatione, & continentiam ab uxore. Illa enim necessaria est, & à Deo imperata, idcirco numquam Deus eam petentibus negat. At continentia ab uxore nec necessaria est, nec imperata; idè non semper conceditur, etiamsi petatur. Addit Petrus Martyr in lib. de coelibatu & votis, coelibatum non esse petendum à Deo absolutè, sed solum sub conditione, si expediat ad majorem ejus gloriam, sicut petimus famitatem, opes, & similia, quæ non sunt necessaria ad salutem. Joannes Calvinus lib. 4. Instit. cap. 13. §. 17. dicit, nostrum non esse fiduciam habere obtinendi à Deo specialis doni, quale est coelibatus. Martinus Bucer in cap. 19. Matthæi, clarè affirmat, non esse petendum coelibatum à Deo ab iis, qui nesciunt, an Deus velit illum eis dare. Ratio autem eorum est, quia oratio debet nasci ex fide, fides autem niti debet promissione Dei; promissio verò nulla est, qua coelibatum perpetuum alicui certò promiserit. Ita impij & impuri isti homines, non modò coelibatum oppugnant, sed etiam viam libi, & alias ad eum præcludunt.

Sed facilè est ratiunculas istas refellere: Nam etsi

A promissio particularis deest, sufficit tamen promissio generalis: *Petite & accipietis* Luc. 11. Et: *Si quid petitis Patrem in nomine meo, dabit vobis*, Joan. 14. 15. & 16. Alioqui enim, si requireretur particularis promissio, nec Fides, nec Spes, nec Dilectio, nec Continentia conjugalis, nec alia virtus peti posset: nusquam enim exstant promissiones horum donorum in particulari.

B Porro generales promissiones requirunt quidem certas condiciones: non enim quod quisque petit, semper impetrat, cum sæpè contingat minus utilia, & minus bona peti, quæ Deum nullo modo dare conveniat: sed conditio, quæ requiritur, non est, ut adversarii fingunt, ut res, quæ petitur, sit necessaria ad salutem, vel imperata. Id enim nulla ratione, vel auctoritate confirmant, sed est, ut id, quod petimus, sit secundum ejus voluntatem; sic enim docet nos S. Joannes in epist. 1. cap. 5. Hæc est fiducia, quam habemus ad Deum, quia quodcumque petierimus secundum ejus voluntatem audit nos. Non solum autem est secundum ejus voluntatem id, quod est necessarium ad salutem, sed etiam id, quod est utile, & utilius, quam ejus oppositum; neque id solum, quod ipse imperavit, sed etiam quod consuluit, & laudavit, & cui præmium maximum promisit. Talem autem esse coelibatum, supra multis docuimus.

C Sanctus Augustinus tract. 102. in Joannem, explicans quid sit, quod Deus petentibus in nomine Christi non negat, dicit esse id, quod conducit ad æternam salutem, nec addit, oportere esse necessarium, aut imperatum.

Probatur ultimò, coelibatum esse in potestate nostra, Dei gratia adjuvante, ex testimonio Patrum. Tertullianus lib. de Monogamia, propè finem, explicans locum illum, Non omnes capiunt verbum hoc: *Elige*, inquit, *quod bonum est; si non potes est quia non vis. Pote enim si velis, ostendit, quia tuo arbitrio utrumque relinquit*.

D Origenes in commentario ejusdem loci: *Qui vult*, inquit, *capere verbum, quod de castitate positum est, petat: credens dicenti, & accipiet, non dubitans de illo, quod dictum est: Omnis qui petit, accipit*. Hieronymus in eundem locum: *Hic*, inquit, *datum est, qui petierunt, qui voluerunt, qui, ut acciperent, laboraverunt. Omni enim petenti dabitur, & querens inveniet, & pulsanti aperietur*. Gregorius Nazianzenus orat. 31. in hoc Evangelii cap. de tribus Eunuchorum generibus: *Cum audis*, inquit, *quibus datum est, adde, datum esse iis, qui volunt, & assentiuntur*.

E Ambrosius lib. 3. de virginibus: *Dominus*, inquit, *qui sciret predicandam omnibus integritatem, imitandam paucis, non omnes, inquit, capit verbum istud*. Et lib. de viduis: *Sunt*, inquit, *Spadones, qui se castraverunt propter regnum calorum; sed hoc non omnibus imperatur, sed ab omnibus flagitatur*. Et infra: *Scis Creator omnium affectus esse varias flagitatorum, & idè promissum virtutem provocavit, non infirmitatem vinculis alligavit*. Hæc ille. Ubi vides, continentiam omnibus prædicari, ab omnibus flagitari, nimirum, si ipsi volunt præmia ejus consequi.

Joannes Chrysostomus in comment. ejusdem loci: *Hic*, inquit, *datum est, qui spontè id eligant, quod idè dixit, ut ostenderet superiore nobis auxilio opus esse, quod quidem omnibus paratum est, si volumus in hac lucta evadere superiores*.

Augustinus in Psalm. 137. in illud, *Votum vovit Deo Jacob: Ipse David*, inquit, *vovit, tanquam in potestate habens, & rogat Deum, ut impleat, quod vovit; est devotio reverentis, sed est humilitas deprecantis. Nemo presumat viribus suis reddere, quod voverit. Qui te hortatur ut voveas, ipse adiuvat, ut reddas*.
Et

Ex lib. 6. Confess. cap. 11. *Utique daret, inquit, mirum continentiam, si gemitu interno pulsarem aures tuas.* Denique, idem Augustinus lib. 2. de adulterinis conjugis, cap. 10. 13. & 20. ex professo docet, possibilem esse continentiam omnibus, etiam illis, qui nihil de ea cogitantes, in ejus servandæ necessitatem inciderunt. Quod idem adhuc fusiùs docet Basilus in lib. de virginit. ultra medium. Ex his ad loca Scripturæ, initio posita, facile erit respondere.

Ille igitur locus primus Sap. 8. *Nemo potest esse continent, nisi Deus det,* de continentia in genere accipi debet, ut non solum virginalem, aut vidualem, sed etiam conjugalem comprehendit. Is enim, qui hæc verba dicit, Salomon est, qui quidem non virgo, aut viduus, sed maritus erat, ac proinde maritalem continentiam à Deo petebat. Quocirca non habemus ex hoc loco, continentiam ita esse donum Dei, ut non possit esse omnibus communis. Nam etiam ex adversariorum sententia, continentia conjugalis ab omnibus haberi potest, modò eam à Deo petant; idcirco enim sequitur: *Adi Deum, & deprecatus sum.*

Ille alius locus Matth. 19. *Non omnes capiunt verbum hoc, sed quibus datum est,* majore explicatione indiget. Adversarii contendunt illud, *Non omnes capiunt,* hunc habere sensum: Non omnes sunt capaces continentiae ab uxore, sed ii soli, qui habent peculiare donum. Ex quo sequitur, ut qui non habent donum, verè non possint continere. Colligunt verò hunc sensum ex voce Græca *χρησις*; nam *χρησις*, non significat capere, idest, apprehendere, quomodo dicimus cape librum, cape pileum, sed capere, idest, capacem esse, quomodo dicimus, hydria hæc tantum aquæ capit, ut metretam unam, vel alteram, ut Evangelium loquitur.

At falluntur adversarii ambiguitate hujus vocis. Nam verbum *χρησις*, & Latinum capio, interdum significat naturalem potentiam ad capiendum, quam qui non habent, dicuntur propriè incapaces; interdum tamen significat actualem, seu voluntariam capacitatem, quæ ex libero arbitrio pendet, & qui eam non habent, non dicuntur incapaces, sed dicuntur non capere. Exempli gratia, locus angustus rectè dicitur incapax multarum rerum, & similiter pueri, qui nondum apti sunt naturaliter ad fraudes necandas, dicuntur doli incapaces. At qui aliquid non intelligit, quia non attendit, aut quia non est qui eum doceat, is non dicitur incapax, tamen nondum capiat, quod dicitur. Et similiter qui consilium aliquod non admittit, quia ab alio jam est persuasus ad aliud, dicitur quidem non capere illud consilium, non tamen non esse capax, sive non posse illud admittere, si velit. Et in hac significatione accipitur hoc loco, significat enim non omnes intelligere practicè, idest, non admittere, non persuaderi, non approbare quod dictum est, non expedit nubere.

Quod autem hoc ita sit, probatur primò, quia si capere hoc loco significaret esse capacem, ineptè Dominus addidisset: *Qui potest capere, capiat.* His enim verbis adhortatur Dominus ad continentiam, ut Petrus Martyr fatetur, & omnes interpretes docent. At qualis adhortatio est, qui potest esse capax, sit capax? Præterea, si de capacitate hic ageretur, & vellet Dominus, ut adversarii contendunt, ostendere, non omnes esse capaces continentiae, ac proinde illis necessarium esse nubere, ratio illa (sunt enim Eunuchi, qui de matris utero sic nati sunt &c.) nihil planè ad rem faceret, immò contrarium potius probaret. Nam si dicas, quidam continent vitio naturæ, ut frigidi; quidam aliena crudelitate, ut ab hominibus castrati; quidam propria voluntate, ut qui propter Dei cultum coelibes vivunt, non ergo

A omnes possunt continere: certè non rectè colliges, quàm si diceres: Quidam vi tracti currunt, alii currunt spontè, non igitur omnes possunt currere. At contra rectè colligeres: Multi necessitate continent, multi voluntate; igitur credibile est, omnes continere posse, si velint.

Quocirca S. Joannes Chrysostomus in commentario hujus loci rectè docet, Christum per hanc similitudinem Eunuchorum probare voluisse, facile & utile esse abstinere à nuptiis, & proinde non rectè judicare eos, qui non capiunt, idest, non suscipiunt & approbant verbum hoc. Nam si multi abstinent, sine ulla spe majoris boni, ut Eunuchi corporales, quantò facilius erit abstinere proposita spe excellentissimi præmii & fulgidissimæ coronæ? Adde ultimò testimonia Patrum, quæ paulò ante citata sunt.

B Illud autem: *Qui potest capere, capiat,* duobus modis potest exponi. Primo, ut loquatur Dominus de potentia proxima, quam non habent, nisi illi, quibus jam Dominus inspiravit desiderium efficacè continendi, ut sensus sit: *Qui potest capere, capiat,* idest, qui Dei dono sentiunt sibi intus persuaderi, ut contineant, approbent verbum hoc. Ita videntur hoc dictum intellexisse Hieronymus in hunc locum, & Augustinus lib. 2. de adulterinis conjugis cap. 19. sed non debet hinc deduci, ergo non omnes possunt continere. Nam etiamsi non omnes habent potentiam proximam, tamen habent remotam, & possunt, si velint, precibus impetrare potentiam proximam, idest, vires ad continendum: sicut de fide dicitur Joan. 6. *Nemo potest ad me venire, nisi Pater traxerit eum.* Addi enim potest: Qui potest venire, veniat, idest, qui trahitur, veniat; qui autem non trahitur, oret, ut trahatur.

C Secundo, dici potest, hunc locum habere eundem sensum cum illo Matth. 13. *Qui habet aures audiendi, audiat,* non enim vult Dominus dicere, non omnes habere aures, sed monet omnes, ut utantur facultate, quam habent. Quomodo solemus dicere: Qui habet oculos, videat; qui habet mentem, judicet; sic igitur & hoc loco Dominus dicit: *Qui potest capere, capiat,* idest, qui habet mentem & judicium sanum, intelligat, judicet, approbet verbum hoc, quod dictum est: *Non expedit nubere.*

D Jam verò tertius locus: *Unusquisque proprium donum habet ex Deo, unus sic, alius autem sic,* 1. Cor. 7. non habet difficultatem; nam Apostolus vocat donum Dei non solum continentiam virginalem, sed etiam conjugalem. Donum enim Dei est, quod aliqui eligant virginitatem, & similiter, quod aliqui eligant matrimonium, & in eo castè perseverent. Sed quomodo cum his cohareat, quod in potestate nostra sit continere, & castè vivere, jam antea exposuimus.

E Postremus locus non facit ad propositum: Nam cum Paulus ait: *Qui statuit in corde suo firmus, non habens necessitatem, potestatem autem habens sua voluntatis, & hoc, judicavit in corde suo servare virginem suam, bene facit:* dupliciter accipi potest nomen, Virginis. Uno modo, pro ipsa virginitate, ut accipit S. Hieronym. lib. 1. in Jovinianum. Alio modo, pro filia virgine, ut exponit Epiphanius hæres. 61. Item comment. Ambrosii, Theodoret, Theophylacti, & aliorum ferè omnium.

Prima expositio non est probabilis, est enim inauditum, ut virgo accipiat pro virginitate. Neque in hac re questionem habemus cum adversariis: Nam Joannes Calvinus, Petrus Martyr, Erasmus, & alii in hunc locum, per virginem, filiam virginem intelligunt, non virginitatem. Si tamen admitteretur prior illa expositio, per necessitatem non oporteret intelligere necessitatem absolutam conjugii, sed

sed conditionatam. Nam, ut eo loco S. Hieronymus dicit, qui nolunt continere, illis necesse est, aut uxorem ducere, aut scortari, absolutè tamen neutrum est necessarium. Si verò accipiatur expositio posterior, quæ vera & germana est, per necessitatem non erit opus accipere necessitatem conjugii, ob carentiam doni continentiae, de qua necessitate hîc agimus, sed necessitatem extrinsecam, quæ ad rem præsentem non pertinet. Dicitur enim pater habere necessitatem jungendi filiam matrimonio, si ipsa nolit vivere in coelibatu, vel, si ipse servus sit, & cogatur à Domino filiam elocare: & contrà dicitur, habere necessitatem servandi filiam virginem, si vel ipsa nolit nubere (neque enim ad id cogi potest) vel si non inveniatur, qui eam velit. Sed si nulla talis necessitas adsit, liberum erit patri statuere de filia, ut voluerit: sed si jungat eam matrimonio, bene faciet, si non jungat melius faciet, ut Apostolus ibidem scribit. Hæc de locis scripturæ propositis.

Ad eam verò similitudinem, quam Petrus Martyr posuit de eo, qui vovit ministrare ægrotis, & postea non fecit, quòd in morbum ipse inciderit, respondetur, non esse simile hoc votum continentiae. Primum enim, iste non peccat non implendo votum, quia voluntatem habet promptam & paratam ad votum implendum, non enim vult ægrotare, sed cogitur. At qui ob morbum concupiscentiæ ducit uxorem post votum, is non habet voluntatem implendi votum, sed habet contrariam, idest, non implendi; implicat enim contradictionem, quòd quis velit continere, ut vovit, & velit uxorem ducere.

Deinde, ægritudo corporalis non pendet à voluntate ægrotantis, incontinentia verò pendet. Non enim potest rectè dici, Nemo ægrotat, nisi qui vult. At rectissime dicitur, Nemo fornicatur, nisi qui vult. Obediunt enim membra corporis ad nutum voluntatis.

Denique, sanitas corporalis non est bonum absolute petendum, quia sæpè melior est ægritudo ad vitam æternam consequendam, quàm sanitas. Unde nullum exstat consilium Evangelicum de tuenda sanitate, propter regnum cælorum. At continentia absolute peti potest, & infallibiliter conceditur, si aliunde non sit defectus in oratione, quia est bonum ad vitam æternam longè utilius, quàm matrimonium, & propterea consultitur & commendatur passim in Scripturis.

C A P U T XXXII

Solvitur quarta objectio ex ratione naturali.

Diluendæ sunt objectiones, quas adversarii sumunt ex variis incommodis, quæ videntur nasci ex coelibatu. Prima ratio. Coelibatus naturæ ipsi repugnare videtur, quæ frustrà sexuum diversitatem & vim generativam molita erit in homine, si melius est coelibem esse, quàm conjugatum.

Hæc ratio Joviniani est, & jam olim à S. Hieronymo lib. 1. in Jovinianum, refutata. Sed quia rursus à Lutero in sermone de matrimonio, & ab Erasmo in Encomio matrimonii revocata in lucem est, respondemus, non esse frustrà vim generativam, & sexuum diversitatem, etiam si permulti ea non urantur. Ea siquidem, quæ propter bonum speciei instituta sunt, non dicuntur frustrà, si à quibusdam individuis exerceantur, etiam si à multis aliis non exerceantur, alioqui enim omnes herbe, omniaque poma cum feminibus nascuntur, & tamen paucissima ex eis feruntur.

Controu. Card. Bellarm. Tom. II.

A Secunda ratio. Si omnes continerent, mundus periret: non igitur oportet omnibus continentiam prædicari.

Respondent Patres, non esse periculum, ut omnes continere velint; semper enim plures erunt imperfecti, quàm perfecti, & ideo oportere omnibus prædicari, ut saltem pauci id faciant. S. Hieronymus lib. in Jovinianum: *At dices, inquit, Si omnes virgines fuerint, quomodo stabit genus humanum? Noli metuere, ne omnes virgines fiant. Difficilis res est virginitas, & ideo rara, quia difficilis.*

B Aliam solutionem adfert S. Augustinus, cap. 10. de bono conjugali: *Novi quosdam, qui mormurent, Quid si omnes velint ab omni concubitu abstinere, unde subsistet genus humanum? Utinam omnes hoc vellent! Multò citius Dei civitas compleretur, & acceleraretur terminus sæculi.* Hæc ille. Quod etiam clariùs docet libro de bono viduitatis, cap. 23. unde & Apostolus dixit in priori epist. ad Corinth. 7. *Volo omnes esse, sicut meipsum, idest, coelibes.* Quod certè non dixisset, si non liceret omnibus coelibatum eligere, etiamsi mundus finiendus esset.

C Ex quo intelligimus, non esse certam opinionem eorum, qui dicunt, si soli essent in mundo Monachi & Sanctimonialia, debere eos conjungi matrimonio ad speciem conservandam. Possent enim ejusmodi credere mundi finem adesse, ac proinde non tenerentur votum violare, ut speciem propagarent. Si tamen quis defendere velit, quod nonnulli probabiliter docent, teneri ad conjugium homines in extrema illa necessitate conservandi generis humani, non esset cur votum timeret. Vota enim non possunt præscribere contra legem divinam.

Tertia ratio. Ex coelibatu tot Monachorum, Sacerdotum, & Sanctimonialium, laeditur Christiana Respublica, siquidem minuitur numerus Christianorum, nec potest commodè resisti multitudini infidelium.

D Respondet S. Ambrosius lib. 3. de virginibus: *Nonnulli, inquit, dixisse audivi, quòd perit mundus, defecit genus humanum, conjugia labefacta sunt. Quæro, quis tandem quasivit uxorem, qui non inveniret? & cætera, quæ apud eum legere poteris.* Sed certè hoc tempore, si qua causa est paucitatis Christianorum, & multitudinis infidelium, ea non coelibatus, sed monogamia est. Turcæ siquidem habent etiam suos quosdam religiosos, qui coelibes esse coguntur, sed ideo valde multiplicantur, quòd plures simul uxores habeant. Non puto autem adversarios tam esse cæcos, ut velint etiam contra Christi legem introducere polygamiam.

E Porro causa, cur Christiani plerumque viribus inferiores sint, cum est adversus Turcas pugnandum, non est paucitas hominum, sed discordia Principum Christianorum. Alioqui enim Magnus Alexander exiguum exercitum habuit, sed obedientem & strenuum, ideo totum orbem terrarum brevi subegit. Romani quoque non multitudine, sed arte & disciplina vincebant. Denique, tempore Caroli Magni res Christiana mirabiliter floruit, & tamen plurimi tunc erant Sacerdotes, Monachi, & Sanctimonialia, qui coelibatum colebant.

Quarta ratio. Ex coelibatu perpetuo non raro morbi oriuntur, qui non aliter curari possunt, quàm opere conjugali: igitur temerè voveretur ejusmodi coelibatus. Potest enim ac debet in ejusmodi casibus votum frangi, ut vitæ consulatur. Respondeo, nullos morbos ex continentia, sed ex crapula, & incontinentia omnes, aut ferè omnes nasci.

Sed quid si morbus aliunde contractus usu conjugii curari posset, & aliter non posset? Respondet S. Bonaventura in 4. dist. 38. art. 2. q. ult. nullo modo

do licere ob periculum morbi, vel mortis, votum continentiae violare. Primò, quia nullus est morbus, qui non possit alia ratione curari, ut medici periti & pii de hac re consulti respondent. Secundò, quia etiamsi non posset aliter morbus curari, quàm voti violatione, melior est virtus continentiae, quàm aliqua prolixitas vitae corporalis; nam qui dant operam literis, & sacris meditationibus praesertim si vitae asperitatem adjungant, ferè certò sciunt se minuere sibi ipsis vitam, & tamen rectè possunt sapientiae, & pietatis accessionem anteponeere paucis annis vitae corporalis.

Dices, si jejunii lex, aut votum, corporis valetudini vehementer noceat, potest ac debet non servari; cur igitur non idem dicatur de voto continentiae.

Respondeo, non esse eandem rationem jejunii & continentiae; nam cibus ordinatur per se ad salutem individui: idcirco illo non uti cum necesse est ad salutem conservandam, vitium est, non virtus, proinde nec voti materia. At conjugii actus non ordinatur per se ad salutem individui, immò potius nocet. Quod si quando prodesse posset, solum esset per accidens, neque id omnino certò. Non autem licet propter incertum, & per accidens, omittere voti implicationem, quae certò, & per se bona est, & simile est, si quis me velit occidere, nisi furtum faciam. Non enim licet furari, etiamsi aliqui teneat servare vitam, nam furtum non est medium per se institutum ad vitam servandam, sed solum per accidens prodesset ex mala alterius voluntate. Refert Martinus Cromerus lib. 29. de rebus Polonicis, Casimirus quendam regis filium miraculis post obitum claruisse, qui maluerat mori, quàm foeminae admisceri, ut ei medici suadebant. Vide de hoc argumento plura apud Michaelē Medinam lib. 4. de continentia, controversia 4.

Quinta ratio. Propensio ad gignendam prolem naturalis est & bona, quippe quae etiam in natura integra fuisset, & in omnibus animantibus est. At impedire naturalem, ac bonam propensionem, quod faciunt qui coelibatum perpetuò colunt, peccatum est, cum id nihil sit aliud, quàm naturae, ac Deo ipsi, qui naturam instituit reluctari. Igitur non licet coelibatum perpetuò colere illis, qui propensionem ad gignendum sentiunt. Atque haec est ratio, ob quam Lutherus in sermone de matrimonio dicere ausus est, non esse praeceptum, sed plus quàm praeceptum, illud: *Crescite, & multiplicamini*, Genes. 1.

Respondet Michael Medina lib. 4. de continentia, capit. 11. impedire alterum ne operetur juxta naturalem propensionem, ut si quis cogat aliquem perpetuò continere, peccatum esse; non autem esse peccatum impedire in seipso naturalem propensionem, ut si quis sponte sua perpetuò contineat: quia jus, & injuria ad alterum referuntur, nec enim aliquis propriè sibi ipse injuriam facere potest.

At si ita est, cur peccatum erit occidere seipsum? Certè B. Thomas in 2. 2. quaest. 64. art. 5. ideo affirmat peccatum esse, seipsum occidere, quod sit contra naturae propensionem: & si peccatum est occidere se, quia id pugnat cum naturali propensione, cur non erit peccatum nolle filios procreare, cum id etiam pugnet cum naturali propensione? Franciscus Victoria in relectione de homicidio, & Dominicus à Soto lib. 5. de iustitia & jure, quaest. 1. art. 5. respondet propensionem ad generandum esse quidem naturalem, tamen non convenire homini, ut homo est, sed ut convenit cum bestis. At propensionem ad vivendum, & naturalem esse, & convenire homini ut homo est: propterea peccatum esse

A seipsum occidere, quod id sit contra propensionem hominis naturalem, at non generare non esse peccatum, quod non sit contra propensionem propriè humanam.

Sed non videtur haec responsio plenè satisfacere; nam si propensio ad generandum non est propriè humana, quia est homini communis cum bestis, certè multò minus propensio ad vivendum erit propriè humana, cum sit homini communis cum omnibus viventibus. Dicent fortasse, generare convenire homini ratione corporis tantum, vivere autem ratione corporis, & ratione animae. At hoc loco non differimus nisi de vita corporali; praeterea ipsum vivere, & esse, nonne commune est cum aliis rebus? Deinde si occidere seipsum esset peccatum, quia est contra naturalem hominis propensionem: certè etiam velle occidi ab alio & optare mortem, esset peccatum, quia id etiam est contra hominis propensionem naturalem; nam Joan. 21. Petro dicitur: *Cum senaveris, alius cinget te, & ducet quò tu non vis*. Et 2. Cor. 5. Paulus ait: *Cupimus non spoliari, sed supervestiri*: Et tamen quis dixerit peccasse eundem Paulum, cum ait: *Cupio dissolvi, & esse cum Christo*, Philipp. 1. & S. Ignatium, cum (ut ipse scribit in epistola ad Romanos) summo ardore cuperet à bestis devorari?

Denique constat, consilium esse sanctissimum, cum quis invaditur à latrone, & non potest mortem evadere, nisi latronem occidendo, ut mortem potius oppetat, quàm inferat, etiamsi ad maximè videatur contra naturae inclinationem.

Respondeo igitur, duplicem esse hominis inclinationem naturalem; unam in rem absolutè, & secundum se consideratam; alteram in rem consideratam cum omnibus circumstantiis. Nam si consideres mortem secundum se, morbum, jejunium, atque alia id genus, naturaliter abhorrebis; at si consideres mortem, morbum & similia, ut materiam patientiae, ut viam ad coelum, ut occasionem glorificandi Deum, jam incipies affici & appetere. Quia verò postremo propensio sola est verè, ac propriè humana, quia est secundum rectum judicium rationis, ideo contra illam facere peccatum est. Est enim id pugnare cum ratione, atque ideo cum ipso jure naturae, & cum Deo auctore naturae.

Porro coelibatus etsi est contra priorem inclinationem, non tamen contra posteriorem, immò consonus est posteriori illi inclinationi quia est medium ad purius, & ferventius amandum Deum. At occisio sui ipsius est contra utramque inclinationem, nisi fortè à Deo praecipatur: Idcirco nunquam licet semetipsum occidere, nisi Deus jubeat; nam si Deus jubeat, poterit appeti ut medium ad majus bonum, idest, ad implendam Dei voluntatem, & gratiam eius promerendam: *Melior est enim misericordia Domini super vias*, Psalm. 62. At extra hunc casum nunquam potest esse medium ad majus bonum; nam bona omnia vel corporalia, vel spiritualia sunt; corporaliū fundamentum est vita, idcirco fieri non potest, ut occisio sit medium ad majus bonum corporale; spiritualia verò sunt actus liberi arbitrii, proinde à voluntate pendent, nec est ullum ejusmodi bonum, quod non possit haberi sine sui ipsius occisione.

Sexta ratio. Virginitas non est virtus, sed res omnino indifferens; nam virtutes per se expetuntur, virginitas autem non est bona, nec appetibilis, nisi relata ad illud, idest, ad Deum purius orandum & colendum. Praeterea virtutibus omnibus contraria sunt vitia, virginitati autem nullum opponitur vitium, non igitur virginitas materia voti esse potest.

Respondeo, virginitatem absolutè consideratam, ut solum dicit negationem quamdam conjugii, non esse

esse virtutem : sed eandem, ut est perfecta quædam refrænatio concupiscentiæ, & proinde medium ad melius, ac purius Deum colendum, omnino esse virtutem; immò ut S. Fulgentius notavit in epist. 3. cap. 4. adeo virtus est virginitas, ut à virtute nomen acceperit. Quomodo etiam mortem appetere absolute non est virtus, tamen mortem appetere ad fidem, vel patriam defendendam, virtus est fortitudinis. Verum est tamen virginitatem antequam Deo per votum consecratur, non esse virtutem specialem, & ideo non habere contrarium vitium. Est enim, si absque voto consideretur, actus quidam perfectus, & heroicus temperantiæ, & ideo non vitium illi opponitur, sed aliquid minus bonum. Vitia enim opponuntur actibus necessariis virtutum, non autem actibus perfectis, & heroicis. Vide S. Thomam in 2. 2. quæst. 152.

Septima ratio est Erasmi in colloquio Proci & Puellæ, ubi petulantissimè loquitur: Pomarium melius est, quod post flores fructus parturit; vitis melior, quæ amplexa palum, vel ulmum, uvis gravida est, quàm quæ humi jacens computrescit; rosa scilicet, quæ manu hominis atteritur, delectans interim oculos, & nares, quàm quæ senescit in frutice; vinum scilicet, quod bibitur antequam acefcat. Ex quibus illud efficere contendit, ut conjugium melius, magisque expetendum videatur, quàm coelibatus. Illud etiam addit, unam virginem si nubat, posse multas virgines parere, proinde si virginitas placet, non posse nuptias virginum displicere, quod hoc ipsum, quod tantopere placet, cum foenore reddunt.

Sed ejusmodi argumenta talia sunt, qualia equi & canes, si loqui possent, proponerent, quippe qui nihil melius noverunt corporis delicias. At Christianos qualescumque, quibus regnum coelorum patria est, vita præfens exilium, auctor Christus virgo de virgine, & virginitatis prædicator, mirum est potuisse eo modo argumentari. Nam virgo Christiana non habet flores sine fructibus, immò fructum habet centesimum, cum conjugium non habeat nisi tricellum, ut Patres colligunt ex cap. 13. Matth. unde S. Augustinus lib. de sancta virginitate, cap. 8. *Nulla, inquit, carnis fecunditas sanctæ virginitati, etiam carnis, potest comparari.* Et S. Ambrosius lib. 1. de virginibus: *Conferamus, inquit, bonam mulierem cum ultimis virginum, jactet licet faciendo se mulier nobilis partu &c.* Et sanctus quoque Hieronymus in epist. ad Demetriadem, & epist. 22. ad Eustochium, idem argumentum fusè diluit.

Sed Erasmus non habuit fortè oculos, quibus fructus virginum conspici possunt: *Animalis enim homo non percipit ea quæ sunt spiritus*, 1. Corinth. 2. Pari ratione non est virgo Christiana vitis humi jacens, & putrescens, sed est ulmo nobilissimæ adhærens, Christo desponsa, ejusque spiritu gravida, ut pulchrè docet S. Fulgentius in epist. 3. ad Probam, cap. 4.

Denique, virgo Christiana non est rosa in frutice senescens, aut vinum acefscens, sed perpetuò florens, & vicens. Conjugia enim marcescunt, & acefscunt, quippe quæ finem habitura sunt: virginitatis autem flos hic incipit, & in futura vita perficitur, ubi nemo nubat, sed omnes sunt velut Angeli Dei.

Porro, quod addit Erasmus, ex nuptiis virgines nasci, eleganter refellit S. Augustinus lib. de sancta virginitate, cap. 10. Nam, inquit, ne illo quidem debent continentium meritis se conferre conjugia, quod ex eis virgines procreantur. Hoc enim non conjugii bonum est, sed naturæ, quæ sic divinitus instituta est, ne quolibet humano utriusque sexus concubitu sive ordinato, & honesto, sive turpi, & illicito, nulla femina, nisi virgo nascatur.

Controv. Card. Bellarm. Tom. II.

A Ita fit ut virgo nascatur etiam de supra, sacra autem virgo nec de conjugio. Hæc ille.

C A P U T XXXIII.

Solvitur objectio quinta ex Conciliis.

O Bjiunt adversarii quoque testimonia Conciliorum & Patrum, quæ tamen nullo negotio solvi poterunt. Primum testimonium est Concilii Ancyrani, can. 19. *Quotquot virginitatem pollicitam prævaricati sunt, professione contempta, inter bigamos habeantur.* Hoc testimonium profert Joannes Brentius in prolegomenis contra Petrum à Soto, ut inde probet matrimonium post votum non esse peccatum, cum constet digamiam peccatum non esse. Sed malè Joannes Brentius ratiocinatur; nam Concilium non docet, eos, qui ducunt uxorem post votum, verè esse digamos, sed in poenam peccati facit eos inhabiles ad sacerdotium, ac si digami essent. Ex eo autem quod ejusmodi homines à Concilio puniuntur, non potest colligi eos non peccasse, sed contra potius peccasse, poena enim culpam sequitur; & cum ipsum Concilium dicat eos prævaricatos esse promissionem, & professionem contempsisse, is tantum dicere poterit eos non peccasse, qui prævaricationem & contemptum peccata esse negare audebit.

C At, inquit Petrus Martyr, in lib. de coelibatu, & votis, Concilium hoc non diremit matrimonium contractum post votum, nec alia poena affecit, quàm ut digamia reputaretur.

Respondeo, Concilium non diremisit matrimonium, quia nullum erat quod dirimi posset. Nec enim Concilium dicit eos matrimonium contraxisse, sed solum prævaricatos promissionem suam, quod tam fornicatione, quàm nuptiis fieri potuit. Quod si etiam nuptiæ fuerint veræ illorum, & propterea nec dirimendæ, quod etiam nunc servamus in iis, qui post votum simplex uxorem ducunt, an propterea licuit ex Concilii sententia iis, qui voverunt continentiam, nuptiis copulari? Quàm multa malè fiunt, quæ tamen facta tenent? Certè si nullum esset peccatum ita copulari, non punirentur à Concilio, qui id fecerunt: liquidem apud adversarios, ubi nullum est crimen votum continentie violare, non solum non arcentur à ministerio qui ex Monachis mariti facti sunt, sed ipsi propè soli vocantur ad ministerium.

D Secundum testimonium est Concilii Gangrensis, can. 9. & 10. ubi dampnantur, qui continentiam professi, nuptias execrantur, aut despiciunt conjugatos.

E Respondeo, Joannem Brentium in Confessione Wirtembergensi capite de votis, & Petrum Martyrem in lib. de coelibatu & votis, dum hos Canones proferunt, impudentiam suam ostendere. Nihil enim isti Canones docent, nisi nuptias non esse malas, licet votum continentie sit melius; & continentie professores humiles esse debere, non superbos. Quod ipsum fusè docet S. Augustinus in ultimis aliquot capitibus libri de sancta virginitate, sed Canones ipsos audiamus. Canon IX. *Si quis vel virginitatem, vel continentiam professus tamquam abominabiles nuptias judicat, & non propter hoc solum, quod continentia, & virginitatis bonum sanctum propositum est, anathema sit.* Canon X. *Si quis propter Deum virginitatem professus, in conjugio positus per arrogantiam vituperaverit, anathema sit.* Quid hic legitur, quod non Catholici omnes libentissimè audiamus & amplectamur?

Tertium testimonium est Concilii Chalcedonensis can. 16. *Si qua se virgo Deo dedicaverit, similiter*

P 2 & Ma.

Et Monachis, non licere eis jungi nuptiis; si verò inventi fuerint hoc facientes, nomenque excommunicati. Statuimus verò posse in eis fieri humanitatem, si ita probaverit loci Episcopus.

Ex hoc loco colligit Petrus Martyr potuisse permitti ab Episcopo connubia Monachorum, & Sacerdotum. At non hoc dicit Canon, immò apertè negat posse conjungi ejusmodi personas. Humanitas porro illa, de qua loquitur Concilium, non est indulgentia nuptiarum, sed absolutio ab excommunicatione. Cùm enim statuat Concilium perpetuum anathema in ejusmodi apostatas, permittit tamen, ut Episcopus etiam ante mortis articulum anathema tollat, si nimirum illi ad poenitentiam venerint, & à malè contracto connubio discesserint, ut exponit Concilium Triburiense, can. 23. Nunc ad Patrum testimonia veniamus, quæ à Brentio, Calvino, Illyrico, sed potissimùm à Petro Martyre collecta sunt.

CAPUT XXXIV.

Solvitur objectio sexta ex Patribus.

Primus ex Patribus est Petrus cum omnibus Apostolis, excepto Joanne: Sumemus, inquit Petrus Martyr, principium ab Apostolis; nam quodammodo sunt Patres Patrum. Illi autem quamvis essent sanctissimi, tamen non aspersi sunt conjugia. Immo si credimus Ambrosio, omnes habuerunt uxores præter Joannem & Paulum. Et infra: Quamquam ita Ambrosium cito hoc loco, non ut prorsus concedam in eam sententiam: unde enim sciebat ille, Paulum non habuisse uxorem?

Respondeo, qui ex Apostolis uxorem habuerint, & qui non habuerint, ex Scripturis certò constare non posse, excepto solo Petro, cujus socrum legimus Matth. 8. Joannem tamen virginem fuisse nemo dubitavit unquam. Idem de Paulo, & Apostolis cæteris probabiliter docet Hieronymus lib. 1. contrà Jovinianum. Sed quidquid de hoc sit, illud nobis satis est, & Petrum, & Apostolos omnes, post vocationem à Christo, continentes fuisse. Sed, inquit Petrus Martyr, solent dicere, Apostolos, postquam venissent ad Christum, repudiassse quodammodo uxores, & ab illarum consortio abstinuisse. Qui ista dicunt, sua tantum dicunt, nihil probant; immò absurde, & sine ratione dicunt; nam nisi intercessisset adulterium, nullo modo licuit discedere ab uxoribus. Nec Christus venit in mundum facere divortia, sed potius monere, ut quod Deus conjunxit, homo non separet. Hæc ille. Nos verò non dicimus ab Apostolis repudiatas uxores, quod Christus prohibet Matth. 19. sed ex consensu abstinuisse à commercio conjugali. Nec enim S. Joseph ideo repudiassse dicendus est Beatissimam conjugem suam, quia eam nunquam cognoverit. Non enim carnalis copula, sed consensio animorum conjugium facit.

Porro Apostolos omnes post vocationem renunciassse officio conjugali, non tantum dicimus, sed etiam probamus. Nam cùm Petrus dixisset Matth. 19. Ecce nos reliquimus omnia, Dominus addidit: Omnis, qui reliquerit domum, aut parentes, aut fratres, aut uxorem &c. centuplum accipiet, & vitam æternam possidebit. Ubi satis apertè inter omnia illa, quæ legimus Apostolos reliquissse, videmus etiam conjuges numerari. Quòd si relinqui non potest uxor, quin repudietur, accuset igitur Petrus Martyr Christum, qui præmium tam grande uxores relinquentibus pollicetur. Adde, quod non nos primi docemus, Apostolos cœlibes post vocationem vixisse. Docuit id Clemens Alexandrinus lib. 3. Stromatum; docuit S. Hieronymus lib. 1. in Jovinianum; docuerunt alii ferè omnes, nec ullus Catholicorum umquam contradi-

xit.

Secundo loco ponit Petrus Martyr Ignatium, qui in epistola ad Philadelphienfes dicit, non esse detrahendum nuptiis, quòd Patriarchæ, Prophetæ & Apostoli Mariti fuerunt. Respondeo, de Apostolis jam diximus, eos habuisse uxores, sed post vocationem mutasse illas in sorores, ut Clemens Alexandrinus loquitur. Patriarchæ & Prophetæ tempori & statui legis veteris serviebant. Quamquam, ut nonnulli Prophetæ, ut Isaias & Ezechiel, exemplo docuerunt non esse detrahendum nuptiis, ut rectè Ignatius monet, sic alii item Prophetæ, ut Helias, & Hieremias exemplum continentie præbuerunt.

Tertio ponit Justinum, qui in Apologia 2. meminit continentie, sed non meminit voti. Respondeo, quid hoc ad rem? Num ideo vovere non licet, quia Justinus non meminit voti?

Quarto ponit Dionysium Corinthium, qui in epistola ad Gnosios, teste Eusebio lib. 4. histor. cap. 23. monet Pnytum Episcopum Gnosiorum, ne compellat fratres ad servandam continentiam. Respondeo, quis nostrum contradicit? Sed num quia non licet cogere fratres ad continentiam, non licet etiam sponte illam suscipere?

Quinto profert Irenæum, qui lib. 1. cap. 9. meminit uxoris Diaconi cujusdam; & cap. 31. dicit, Tatianum hæresiarcham æqualle matrimonium scortationi. Addit Petrus Martyr: Et quid aliud nostri faciunt adversarii? Immo isti matrimonium ministrorum statuant esse adulterio & scortatione deterius, quid est consentire cum Tatiano, si hoc non est?

Respondeo, quid est ineptire, vel potius impudenter mentiri, si hoc non est? Num ideo votum continentie illicitum erit, quia Diaconus quidam uxorem habuit? Et unde probas Diaconum illum ab uxore non continuissse post sacrum ordinem susceptum? Porro Tatianus vera & legitima matrimonia damnabat, & ideo hæreticus erat; nos sacrorum ministrorum conjugia, non conjugia legitima, sed sacrilegia conjugii nomine recta esse ostendimus, & ideo reprehendimus. Alioqui si Tatianum sectatur quicumque conjugia illegitima non commendat, Tatianum etiam sectari dicetur, qui conjugium parentis cum filia non probaverit. Itaque S. Augustinus, qui Tatiani hæresim optimè noverat, eamque damnaverat in lib. de hæresibus, cap. 25. idem tamen conjugia, quæ post votum contrahuntur, pejora adulterio esse affirmat in libro de bono viduitatis, cap. 11.

Sexto loco profert Clementem Alexandrinum, qui in primo libro pedagogi, cap. 10. dicit, Christianos debere, aut matrimonium contrahere, aut purè vivere, si non contrahant. Hinc enim colligit Petrus Martyr eos, qui non purè vivunt ex Monachis & Sacerdotibus, debere matrimonium contrahere. At cur non potius colligit, debere eos mutare vitam, & mores emendare, & sic purè, & castè vivere, & votum suum Domino reddere? Sed, inquit Martyr, idem Clemens in lib. 3. Stromatum dicit, Paulum habuisse uxorem, Petrum, ac Philippum liberos genuisse.

Respondeo, sed ibidem dicit, ante vocationem ad Apostolatam ista facta esse, postea verò ab Apostolis uxores habitas loco sororum, non loco uxorum. Attegit deinde longissimam disputationem ejusdem Clementis contra eos, qui nuptias damnant. Sed omnia sunt *πάρεργα*, neque aliud probant nisi inopiam, qua ipse premittitur, testimoniorum, quæ ad rem faciunt.

Septimo transit ad Tertullianum, ac primum fatetur multa in Tertulliano esse pro Papistis, sed non

non esse fidem habendam Tertulliano, quod hæreticus fuerit, & secundas nuptias prohibuerit. Sed facile hoc refellitur; nam etiam si hæreticus fuerit, non tamen unquam à veteribus reprehenditur, quod votum continentiae asseruerit, sed ob alios errores, quos S. Augustinus notavit lib. de hæresibus, cap. 86.

Deinde Petrus Martyr mentiri aude, in libro de velandis virginibus Tertullianum tractare, an solæ nuptiæ debeant velato capite ingredi Ecclesiam, an etiam virgines, non autem loqui de velo, seu habitu sacrarum virginum. Sed adeo inanifestè mentitur, ut non sit opus, nisi librum ipsum legere. Scribit enim adversus virgines seculares, quæ cum nudo capite incederent, ægrè ferebant, virgines sacras rectas, & velatas procedere, & adserebant in argumentum, quod Apostolus 1. Corinth. 11. mulieres velari iusserit, de virginibus autem nihil dixerit: *Ambiunt, inquit, virgines hominum, adversus virgines Dei.* Et infra: *Scandalizantur, inquit, quia aliter alie incedunt, & malunt scandalizari, quam provocari.* Et infra: *O sacrilega manus, qua dicatum Deo habitum detrahere potuerunt.* Et infra: *Nupisti Christo, illi tradidisti carnem tuam, illi sponsasti maturitatem tuam, incede secundum sponsi tui voluntatem. Christus est qui & alienas sponfas & maritatas velari jubet; utique multo magis suas.* Denique liber S. Cypriani de habitu virginum ex libro Tertulliani expressus, satis apertè docet, de quibus virginibus Tertullianus loquatur.

Sed habet Petrus Martyr ex Tertulliano insigne testimonium contra nos, nam in lib. de monogamia, tractans locum illum 1. Timoth. 5. *Volo juniores nubere*, ita loquitur: *Ad eas dirigit, quales supra denotat, juvenculas viduas, quæ in viduitate deprehensa, & aliquandiu affectata, postquam in deliciis habuerunt Christum, nubere volunt habentes iudicium, quod primam fidem resciderunt, illam videlicet, à qua in viduitate inventa, & professa eam, non perseverant. Propter quod vult eas nubere, ne primam fidem susceptæ viduitatis postea rescindant.* Ex his verbis, inquit Martyr, alterutrum horum omnino intelligendum est, *vel Paulum velle eas nubere, quamvis vovissent, idque magis Tertullianus videtur sentire, vel si non de viduis, quæ professa sint, sed de similibus agatur, tamen Paulum eas quoque velle nubere, ne postea fidem datam rescindant.* Hac quoque sententia contra adversarios nostros facit; nam illi juvenculas, & penè puellas permittunt vivere, & in periculum incurrere.

Respondeo, priorem sensum nullo modo admittunt verba Tertulliani. Illa enim verba, *Propter quod vult eas nubere, ne primam fidem susceptæ viduitatis postea rescindant*, apertissimè monent eum loqui de illis, quæ nondum voverunt. Nam quæ semel voverunt, & fidem primam resciderunt, quomodo possunt nubere, ne primam fidem rescindant, cum jam eam resciderint? & cum ipsum nubere, sit primam fidem rescindere? Tertullianus enim interpretatur primam fidem rescindere, non perseverare in professione viduitatis.

At, inquit Martyr, *Paulus dicens: Volo juniores nubere, dirigit sermonem ad eas, quæ primam fidem irritam fecerunt, ut Tertullianus dicit; vult igitur Apostolus, ex interpretatione Tertulliani eas nubere, quæ jam voverant.* Respondeo, dirigere sermonem ad eas quæ voverant, nihil aliud est, quàm eas respicere, & ex earum ruina aliis prospicere de remedio, ut verba sequentia apertissimè docent. Quod verò attinet ad posteriorem sensum, fatemur velle Apostolum juvenculas nubere, sed ut suprà ex Patribus ostendimus, non omnes juvenculas, sed eas tantum quæ continere nolunt. Omisso hic mendacia reliqua Pe-

Controv. Card. Bellarm. Tom. II.

tri Martyris, cum dicit nos matrimonium impurum, & spurcum appellare: & alia id genus, quorum Deo rationem in iudicio reddet.

Octavo loco ponit Origenem, in cuius libris nihil invenit pro se, nisi quod loca quædam pro se facere interpretatur, quia non faciant contra se, nimirum, ubi Origenes non vituperat nuptias, & multò magis ubi aliquid dicit in laudem nuptiarum. Ita profert multa ex commentariis Origenis in cap. 12. ad Roman. & in c. 19. & 23. Matthæi. Sed nihil omnino est quod ad rem faciat; nos enim nuptias longè magis honoramus, quàm adversarij faciant, cum Sacramentum Christi esse doceamus, quod illi pertinacissimè negant, & civilem contractum solum in nuptiis agnoscant.

Nono venit ad Cyprianum, qui lib. 1. epist. 11. ad Pomponium ita scribit de quibusdam virginibus, quæ posteaquam se Deo dicaverant, cum masculis cubare repertæ fuerant: *Quod si ex fide se Christo dicaverunt, publice, & castè sine ulla fabula perseverent, ita fortes, & stabiles premium virginis expectent. Si autem perseverare nolunt, vel non possunt, melius est ut nubant, quàm in ignem delictis suis cadant.*

Hunc locum non Petrus Martyr solum, sed etiam Calvinus, Brentius, alique ex adversariis objecerunt. Refellit quoque Petrus Martyr aliquot solutiones parùm congruas, ut ostenderet argumentum planè esse insolubile. Sed responsio plana, & facilis in promptu est. Sanctus enim Cyprianus eo modo loquitur, quo Sanctus Paulus 1. Timoth. 5. nimirum occasione quarundam virginum, quæ parùm honestè se gerebant post votum continentiae, monet alias, ut si non habent firmum propositum perseverandi, non voveant, sed nubant. Hic igitur sensus est verborum Cypriani: *Quod si ex fide se Christo dicaverunt, pudicè & castè sine ulla fabula perseverent. Si autem perseverare nolunt, aut non possunt, id est, si dum de voto faciendo deliberant, cogitant se non perseveraturas, melius est ut nubant, quàm in ignem delictis suis cadant.*

Esse autem hunc sensum eorum verborum probari potest. Primò, quia S. Cyprianus virginibus illis sub disjunctione concedit, ut nubant, si perseverare nolunt, aut non possunt. Proinde concedit, ut nubant, si tantum nolint perseverare, etiam si alioqui possint. At post votum licitum esse nubere ei, qui perseverare potest, ne Calvinus quidem, aut Petrus Martyr affirmaret.

Secundò, de sacris virginibus in eadem epistola idem Cyprianus dicit, eas gravissimè peccare si alicui viro misceantur, & non mariti, sed Christi adulteras esse: *Si superveniens, inquit, maritus sponfam suam jacentem cum altero videat nonne indignatur, & fremit? & per zeli dolorem fortassis & gladium in manus sumit? Quid Christus Dominus & Iudex noster cum virginem suam sibi dicatam, & sanctitati suæ destinatam jacere cum altero cernit, quàm indignatur, & irascitur. Et quas penas incestis ejusmodi conjunctionibus comminatur?* Hæc ille. Non ergo Cyprianus potuit ejusmodi virginibus Deo dicatis nuptias permittere, nisi incestam conjunctionem & manifestam Dei offensionem, seipso teste, permittere vellet. Quis verò credat tam stultum Cyprianum fuisse, ut sciens, & prudens gravissima crimina permitteret?

Tertiò, de virginibus Deo dicatis, quæ jam lapsæ fuerant, in eadem epistola jubet ut separentur, idque aliquoties repetit, & ne semel quidem admonet, posse eas cum stupratoribus suis, aut cum aliis inire matrimonium: *Quod si, inquit, obstinata perseverant, nec se ab invicem separant, sciant se cum hac sua impudica obstinatione nunquam à nobis admitti in Ecclesiam posse &c.* Igitur cum suprà monebat, ut nub-

rent, non de iis loquebatur, quæ jam voverant, sed de iis, quæ adhuc sui juris erant.

Urget Petrus Martyr illud verbum : *Aut non possunt*, quasi aliquæ sint quæ absolute non possint continere, etiam si velint. Sed hoc supra explicatum est. Sic enim Cyprianus loquitur, quomodo Christus ipse, cum ait, qui potest capere, capiat. Illi enim dicuntur velle, & non posse, qui desiderant continere, sed non plena, & perfecta voluntate. Proinde desunt illis vires efficaces ad continendum, quæ tamen vires, si vellet in oratione laborare, non difficulter acquirerent. Alium locum ex libro de singularitate Clericorum, in disputatione de cœlibatu sacerdotum explicavimus.

Decimo ponit Eusebium Cæsariensem, ex quo tamen nihil adfert nisi conjecturam quandam, quod consecratio virginum solemniter cœperit tempore Constantini Imperatoris, antea verò non fuerit. Conjectura hæc est, quòd lib. 4. de vita Constantini, posteaquam narraverat, Constantini decreto abrogatam fuisse legem veterem, quæ privabat hæreditate eos, qui liberos non habebant, continuò subjecerit Eusebius, mulieres ad perpetuam virginitatem se Deo consecrasse, necnon ad sacerdotium Dei. At hæc conjectura nititur manifesto mendacio, Non enim Eusebius subjecit de virginum consecratione post narrationem de abrogata lege, sed præmittit tamquam rationem legis abrogatæ. Dicit enim, Constantinum legem illam abrogasse, quia multi viri, multæque fœminæ liberis carebant, non ob impotentiam generandi, sed quia ob immensum amorem numinis, perpetuum cœlibatum profitebantur.

Undecimo loco Athanasium ponit, sed ne syllabam quidem unam pro se invenire potuit, Idcirco solum attulit loca quædam contra se, & respondit, non esse Athanasium audiendum, non esse tolerantium, nimis multum sibi sumpsisse hunc patrem. Centuriatores cent. 4. cap. 4. col. 267. & c. 6. col. 466. & cap. 7. col. 486. proferunt unum Athanasii testimonium ex epistola ad Dracontium, ubi dicit, se novisse Episcopos & Monachos, qui filios genuerint.

Respondeo, nos etiam novisse permultos Monachos, qui simul etiam Episcopi dici volebant, & filios genuerunt, nimirum Lutherum, Bucerum, Martyrem, Ochinum, Oecolampadium, Wigandum, & alios. Athanasius enim eo loco reprehendit Episcopos & Monachos perdite viuentes, ac dicit, nonnullos reperiri, qui filios genuerint. Nam alioqui id illicitum fuisse ex sententia Athanasii, patet ex cohortatione ad Monachos, ubi inter alia impedimenta monasticæ vitæ ponit, alligatum esse uxori, aut filiis impeditum.

Duodecimo loco ponit Basilium, quem ab eruditione, & doctrina magnum appellatum fuisse dicit. Profert autem unum testimonium ex libro de virginitate, ubi Basilus arguit sacras virgines, quæ perdite & flagitiose vivunt, ac dicit, longè esse præstabilius si viros habeant, illisque subjectæ sint, & officium conjugale, ut decet, exercent; *Nihil*, inquit Martyr, *pro nobis dici potuit aptius.*

Respondeo, non monet Basilus, ut sacræ virgines; quæ flagitiose vivunt, relicta professione nubant, sed dicit, melius fuisse futurum, si nupsissent antequam voverent. Melius enim est in statu humiliore salvari, quàm in sublimi damnari. Id ita esse planum est tum ex illis verbis: *Nam si abjecto viri iugo, & ad vitam, ad quam conservanda domus, & procreandorum liberorum gratia, facta est inutilis, & professe virginitati pendenda futura est, tota res damni plena est.* Et longè præstabilius esset ipsam viro conjunctam ad vitam gubernari &c. Ubi vides nuptias suaderi, non

A ei, quæ vovit, sed ei, quæ professæ virginitati pendenda futura est, tum ex eodem libro, ubi Basilus subtilissimè probat, sacras virgines non posse ullo modo nubere: *Virginitatem*, inquit, *professa, deinde à carnis voluptatibus incitata, scortationis peccatum nuptiarum nomine velare voluit, non ignorantes, opinor, etiam si ignorantiam simulent, quòd qua sponsi sui dexteram præterit; neque hujus est sponsa, quem illegitimè reliquit, neque illius, cui seipsam per affectum vitiosum adiunxit, iuxta leges uxor reperiri potest.* Et infra: *Ne decipiat seipsam, quòd peccatum ipsi pro nuptiis reputabitur.* Et infra: *Non enim locum apud ipsum habebit nuptiarum prætextus.*

B At, inquit Martyr, Basilus cum hac scripsit, oblitus erat sui. Sed quis credat virum tam admirabilem, qui ab eruditione magni nomen invenit, in eodem libro tam apertè secum pugnare, nec potuisse tres paginas scribere, quin oblivisceretur sui? Omitto quæ deinde attexit Martyr in reprehensionem S. Basilii: non enim hic quærimus, an rectè dixerit, sed an dixerit id, de quo agimus. Quamquam etiam ad refutationem calumniarum, & ratiuncularum Martyris, satis est scire, illum fuisse verè magnum Basilium, istum esse Petrum falsò Martyrem appellatum. Adfert aliud testimonium ex quæst. 15. susè explicata, sed ad rem non pertinet, & à nobis paulò infra resutabitur in disputatione de votis filiorum invitæ parentibus editis.

C Decimotertio ponit Gregorium Nazianzenum, ex quo nihil adferre potuit contra nos. Tantùm adfert multa, quæ dicit pro se facere, quia non faciunt contra se nimirum ubi Nazianzenus scribit nuptias esse bonas. Adfert etiam multa, quæ dicit se non probare, ut quòd Nazianzenus dicat virginitatem homines Angelis aggregare, nuptias perturbationis, virginitatem splendoris indicium esse, continentiam in arbitrio positam, ita ut possint continere omnes, qui volunt. Hæc Martyr admittere se non posse dicit, sed non multum refert quid ipse admittat, modò Nazianzenus à Catholicis faciat.

D Decimoquarto ponit Hilarium, ex quo unum dumtaxat locum habere potuit, quem nobis obiceret. In reliquis Hilarium rejicit cum cæteris Patribus, qui Papistis nimis apertè favent. Testimonium igitur contra nos profert Martyr ex commentario Hilarii in cap. 19. Matth. ubi sic loquitur: *Nobis circa Eunuchos sermo fit & voluntas, & in uno posuit naturam, in altero necessitatem, & in tertio voluntatem. Naturam in eo qui ita nascitur, necessitatem in eo, qui ita factus est, voluntatem in illo, qui spe regni cælestis talis esse decreverit, cui nos similes efficit, si tamen possimus, admonet.* Ecce, inquit Martyr, *is non inquit, si tamen velimus, sed, si possimus, rationem habens unum uniuscujusque nostrum.*

E Respondeo, nihil Hilarius addit ad verbum Domini: *Qui potest capere, capiat.* De quo loco satis multa diximus. Neque negamus habendam esse virium rationem, & eos non debere seipsos castrare ob regnum cœlorum, qui nondum vires habere se sentiunt ad continendum, & qui proinde non possunt. Tamen addimus, eos, qui vires nondum habent, & modò non possunt, posse tamen per orationem vires acquirere, quibus postmodum poterunt si voluerint.

Alium locum ex Hilario proferunt Magdeburgenses, Cent. 4. cap. 4. col. 300. ubi postquam posuerunt encomia virginitatis ex Athanasio, ita subiungunt: *Contra hanc superstitiosam opinionem videtur Hilarius in Psal. 64. loqui; Cernimus nudis Philosophos algere corporibus. Ipse etiam conjugiorum usu Magistri abstinent, heretici sicco panis cibo utuntur, Sed quis tandem otiosi hujus propositi profectus? Totum hoc inane, & ridiculum est, & cum ipsis superstitionis causis miserabile. Deo ergo vivenda sunt contemptus corporis, castitatis custodia,*

jeiunij tolerantia. Vota enim tantum Ecclesiastica religionis utilia sunt, quæ cum & dignis Deo cautionibus & propofita in Ecclesia observantia studio probantur.

Ex his verbis Magdeburgenses collegiffe videntur, votendum esse corporis contemptum, sed non extremum illum usque ad nuditatem, & algorem; votendam castitatem, sed conjugalem, non virginalem; votenda jejunia, sed non ardua illa, quibus nonnulli solo pane vivunt. At non hoc Hilarius dicit, sed monet, continentiam, jejunia, corporis contemptum, extra Ecclesiam nihil prodesse, multum autem prodesse si in Ecclesia propter Deum suscipiantur, ipsique Deo voveantur. Explicat enim illa verba Psalmi: *Tibi reddetur votum in Hierusalem*. Et vim facit in illis vocibus: *Tibi, & in Hierusalem*, idest, Deo, & in Ecclesia. Atque inde superstitiosa vocat continentiam, & jejunia Gentilium, quia non Deo, & hæreticorum, quia non in Ecclesia offeruntur. Quocirca Petrus Martyr ex hoc loco Hilarii colligit, Hilarium sensisse, votum coelibatus debere fieri ad placendum Deo. Sed addit, sibi hanc Hilarii sententiam non probari.

Decimoquinto ponit Epiphanium, ex quo duo testimonia profert, unum ex lib. de hæresib. hæresi 48. ubi sic legimus, *Nos vero non necessitatem imponimus, verum cum bono consilio admonemus, exhortantes eum qui potest, non autem necessitatem imponimus non potens, neque rejicimus ipsum à vita*.

Ex his verbis arguit Catholicos Petrus Martyr quod imponant necessitatem coelibatus, quia non admittunt ad sacros ordines nisi coelibes: Et rursus, quod dicant omnes posse continere, si velint; quorum utrumque reprobat Epiphanius. Sed de hoc posteriore jam sæpe diximus, quomodo verum sit quoddam posse, & non posse continere. Nam non possunt, dum non habent donum, & tamen possunt absolute, quia possunt donum petere & habere. Et tamen interim non negamus, quin malè faciant, qui vovent eo tempore, quo se donum non habere sentiunt, & pejus etiam faciunt, qui ejusmodi homines impellunt, aut etiam cogunt ad votendum. De priore autem, manifesta calumnia est; nam etsi non admittimus ad sacros ordines, nisi coelibes, tamen sicut non cogimus ad ordines suscipiendos, ita nec ad coelibatum profitendum.

Itaque idem ipse Epiphanius, qui neminem vult cogi ad coelibatum, affirmat non debere admitti ad sacros ordines nisi coelibes. Sic enim loquitur Epiphanius hæresi 59. *Revera non suscipit sancta Dei prædicatio post Christi adventum eos, qui mortua suæ uxore secundas nuptias conjuncti sunt, propter excellentem sacerdotii honorem & dignitatem; sed & adhuc liberos gignentem minus moris virum non suscipit, sed eum, qui se ab una continet, aut in viduitate vivit, Diaconum, & Presbyterum, & Episcopum, & Hypodiaconum*.

Aliud testimonium proferunt, tum Petrus Martyr, tum etiam Joannes Brentius ex eodem libro hæresi 61. ubi sic legimus: *Melius est lapsum à cursu palam sibi uxorem sumere secundum legem & à virginitate multo tempore penitentiam agere, & non quotidie jaculis sanciri*.

Respondeo primò, Epiphanius videtur dicere, minus malum esse nubere post votum, quàm occultè & assidue scortari: non tamen dicit, non esse malum nubere post votum, quod adversarii dicunt, & de quo nostra controversia est. Nam in eodem loco paulò antè Epiphanius sic ait: *Sancti Apostoli tradiderunt, peccatum esse post decretam virginitatem converti ad nuptias*. Et paulò post, monet illud Pauli: *Si nupserit virgo, non peccavit*, intelligi debere de ea quæ nondum est dicata Deo. Et infra, illud 1. Timoth. 5.

Controv. Card. Bellarm. Tom. II.

A *Damnationem habent, quia primam fidem irritam fecerunt, dicit maxime pertinere ad virgines, quæ nubere volunt post votum*.

Denique ipse etiam Petrus Martyr, fatetur Epiphanium nobiscum facere: *Numquam, inquit, asserui, Epiphanium facere mecum, quod dicat esse peccatum matrimonium inire, post votum editum*. Et infra: *In eo itaque mecum non convenit Epiphanius, sed tamen in eo quod illas nuptias, & veras esse dicat, & licitas*. Hæc ille. Qui manifestè secum pugnat, vel Epiphanium falsò pugnare secum ipsum asserit. Nam peccatum esse nuptias inire post votum, & nuptias esse licitas post votum pugnantia sunt: utrumque tribuit Martyr Epiphanio, qui tamen constanter primum asserit semper, alterum numquam.

B Secundo dico, probabile esse, Epiphanium non voluisse etiam dicere, minus malum esse nubere post votum, quàm scortari, sed hortatum esse ad nuptias eos, qui sine voto perseverabant in coelibatu, & tamen flagitiosè vivebant; nam in eo loco distinguit duo genera virginum. Unum eorum, qui ex electione, & professione, ac voto virgines erant, & de his sæpius reperit, non licere sine gravissimo crimine post dicatam Deo virginitatem converti ad nuptias. Alterum eorum, qui tempore adolescentiæ non invenerunt commodas nuptias, & ideo quasi necessario permanferant toto eo tempore coelibes, deinde cum jam proveci essent ætate, erubescabant converti ad nuptias, atque idcirco coelibes permanere decreverant: interim tamen occultè scortabantur, & coram hominibus virgines erant, coram Deo nequaquam. Hos ergo hortatur, ut agant poenitentiam propter amissam per fornicationem virginitatem, & ad matrimonium confugiant, magisque timeant Dei condemnationem quàm hominum judicia.

C Itaque cum ait Epiphanius: *Melius est unum peccatum habere, quàm multa*, non vult dicere, melius est peccare semel nubendo post votum, quàm sæpius scortari, sed melius esse post unam fornicationem transire ad nuptias, quàm coelibem manendo exponere se periculo assidue scortandi. Et cum hortatur eum, qui à cursu lapsus est, ut uxorem accipiat, non vocat cursum votum coelibatus, sed ipsum coelibatum, quem ille longo tempore liberè servaverat, & postea per fornicationem corruperat. Hoc dico valde esse probabile, tum quia verba Epiphanii hunc sensum patiuntur, tum etiam quia non est credibile Epiphanium hortari voluisse ad id, quod ipse fatetur esse contra Apostolicas sanctiones.

D Decimosextò proponit Petrus Martyr Chrysostomum, ex quo nihil adfert, nisi laudes nuptiarum, quæ nihil causæ nostræ efficiunt. Sed Magdeburgenses Cent. 5. cap. 4. col. 444. produciunt testimonium Chrysostomi ex oratione de cohabitatione regularium mulierum cum viris, ubi hortatur virgines sacras, ut potius apertè nubant, quàm cum viris ita cohabitent: *Nam illas nuptias, inquit, neque Deus condemnat, neque homines reprehendunt. Honestæ enim res est, neminem offendens, neminem ladens. Virginitas autem illa cum viris plusquam stuprum ipsum ab omnibus arguitur*.

E At non satis fideliter hæc verba Magdeburgenses retulerunt. Siquidem omiserunt ea, quæ proximè præcedunt; ex quibus apertissimè colligitur, Chrysostomum loqui de nuptiis, quæ votum præcedunt, non de iis, quæ illud sequuntur. Sic ait: *Nam si habere cohabitatores concupiscis, non oportebat virginitatem eligere sed ad nuptias transfundendum erat. Multò enim melius sic nupisse, quàm illo modo virginem prosteri, fuisset; nam illas nuptias neque Deus condemnat &c*. Et infra: *Si concupiscunt virum, & nuptias, quis prohibebat, & libertatem adimebat, ne hoc facerent?* Hæc ille. Loquitur ergo Chrysostomus, quomodo Cyprianus, &

Basilii loquebantur, de eo, quod debuisset fieri ante votum, non de eo, quod post votum fieri debuit. Idem enim Chrysostomus in epist. 6. ad Theodorum, disertè dicit matrimonium post vota monastica non matrimonium, sed quid adulterio peius esse.

Exstat apud Chrysostomum alius locus, qui contra vota obici potuisset, quamvis enim non legerim ab aliquo adversariorum notatum fuisse, lib. 3. adversus vituperatores vite monasticæ, sub finem ita loquitur Chrysostomus: *Ergo ne intempestivè liberos nostros ab deserti commoratione revocemus, verum studii celestis disciplinam in eis solidam permittamus, altisque radicibus arbuscula firmari, & sive decem annos, sive etiam viginti nutriendi illi sint in monasterio, non perturbemus.* Ex his verbis colligi videtur, non fuisse Monachos votis adstrictos, aut certè vota ipsa libera fuisse Chrysostomi ætate, quandoquidem domum ex monasterio redire poterant.

Respondeo: duo erant genera hominum, qui in monasteriis eo tempore vivebant. Alii enim monasticen profitebantur, & hi votis adstricti erant, nec redire poterant ad negotia sæcularia. Alii solum ad tempus in Monasteriis degebant, non tam ut Monachi fierent, quam ut in pietate, & virtutibus exercerentur. Hi verò nullis votis alligati erant, & cum volebant abire ex monasterio, poterant. De his ergo posterioribus hoc loco Chrysostomus loquitur. Quod etiam ex ea cognosci potest, quod omnes cives hortatur, ut ad monasteria filios suos mittant, necnon, ut ipsi etiam, licet conjugati, eò se conferant, ibique aliquandiu commorentur. De prioribus loquitur S. Basilii cap. 21. Constitutionum, ubi multis rationibus ostendit non licere Monacho domum redire. Ipse etiam Chrysostomus in epist. 6. ad Theodorum: *Equidem fleo, inquit, non quod paternarum rerum sollicitudinem geras, sed quod negligendæ calcaveris, quia quid ante de peccatore Christo sponderas. Ad hac inhorresco, hic angor, & crucior; propter ista formido non immerito. Ut enim non obicitur desertio militum, non militanti; ita is, qui semel ceperit esse miles, cum deseruisse detegitur, pena ultima dignus judicatur.* Item Theophylactus in cap. 8. Matth. Si autem, inquit, illi neque patrem sepelire licuit, va his, qui monasticen professi ad mundana regrediuntur negotia.

Decimoseptimò ponit Petrus Martyr Ambrosium, ex quo quia nihil adferre potuit contra vota continentie, invehitur in ejus libros de virginibus planè aureos & dulcissimos. Dicit Ambrosium sibi ipsum non constare, quod nunc doceat virginitatem non imperari, sed consuli; nunc verò ipse idem eam imperet, cum prohibeat virgines Deo sacratas nubere. Sed non intelligit iste falsus Martyr carnali amore cæcatus, neque quæ loquatur, neque de quibus affirmet. Aliud enim est imperare virginitatem, aliud eam exigere ab eo, qui sponte se obligavit. Denique libros illos de virginibus, qui tantopere displicent Petro Martyri, S. Hieronymus mirificè laudat in epist. 22. ad Eustochium.

Decimooctavò ponit Hieronymum, ex quo unum locum profert ex epist. 8. ad Demetriadem. Deinde acerbè satis reprehendit libros S. Hieronymi adversus Jovinianum. Sed posteriori objectioni latè est opponere S. Augustinum, qui in epist. 29. ad Hieronymum, libros illos contra Jovinianum suavissimam & præclarissimam disputationem appellat. Necnon ipsum Hieronymum, qui in Apologia pro libris suis contra Jovinianum, eas calumnias, quas nunc Petrus Martyr profert, jam aptè refutavit.

Porro testimonium in epist. ad Demetriadem, hoc est: *Sacrum virginum propositum, & celestis, Angelorumque familia gloriatur, quarundam non bene se agen-*

tiuum nomen infamat, quibus apertè dicendum est, ut non nubant, si se non possunt continere, aut contineant, si nolunt nubere. Hac verba, inquit Martyr, non possunt intelligi de iis qui nondum voverint. Quia nemo honestas aliquem ordinem nisi fuerit in illum adscriptus. Nullus turpi vita infamasset Apostolos, nisi inter eos fuisset annumeratus.

Respondeo, loquitur S. Hieronymus de ancillis sacrarum virginum nobilium. Erant enim quædam virgines sacræ formine nobilissimæ, quæ domi suæ vivebant, & multis ancillis comitatæ procedebant. Sæpè autem fiebat, ut aliquæ ancillarum, quæ quidem nullum habebant votum, parùm pudicè vivendo dominas infamarent. Sic enim pergit ibidem Hieronymus post verba citata: *Digna res risu, immò planctu, mercentibus dominis, ancilla virgo procedit ornatio, ut proxima consuetudine quam incomptam videris, dominam suspiceris.* Et paulò superius: *Mores enim, & studia dominarum plerumque ex ancillarum & comitum moribus judicantur.*

Porro ancillas virginum sacrarum non fuisse omnes sacras virgines, perspicuum est ex epist. 22. ad Eustochium; ubi monet virginem Eustochium, ut ex ancillis, si quas habeat ejusdem propositi, eas magis honoret, & ad mensam suam adhibeat, ut earum honor aliarum sit invitatio. Ubi etiam addit hæc verba de ancillis, quas dixerat invitandas ad continentiam ex aliarum honore. *Si qua dissimulat, & servitutem refugit, illi Apostolum legito, melius est nubere, quam uri.* Ubi docet, esse quidem provocandas ancillas ad propositum continentie, sed non esse cogendas.

Aliud testimonium ex Hieronymo proferri potuisset; sic enim loquitur ad sacram virginem in epist. 47. de vitando suspecto contubernio: *Si virgo es, quid times diligentem custodiam? si corrupta, cur non palam nubis?* Esse autem virginem sacram, quam alloquitur, patet ex verbis illis ejusdem epistolæ: *Non tibi displiceat ejus conversatio, qua te sponso tuo virginem consecravit.*

Respondeo, loquitur Hieronymus de quadam virgine, quæ non in monasterio publicè professa fuerat (nam in eadem epistola hortatur eam, ut se conferat ad monasterium) sed privatim voverat continentiam, ut eo tempore multæ facere solebant; ac deinde relicta matre vidua, juveni cuidam adhæserat, & cum eo vivebat non sine suspicionem impudicitie. Hanc ergo Hieronymus monet, ut potius apertè nubat, quam perpetuò cum aliorum scandalo impudicè vivat. Neque ita hoc monet, quasi peccatum non sit, quod adversarii volunt, nubere post votum, sed quia minus peccatum sit, & prudentia ac ratio doceat, ex duobus malis minus esse eligendum. Quod autem S. Hieronymus malum esse putet, nubere post votum, non negat Petrus Martyr, cum id millies repetat S. Hieronymus lib. 1. contra Jovinianum, & alius in locis, sed præterea id ipsum habemus hoc loco; nam postquam dixerat: *Si corrupta es, cur non palam nubis?* Ita subjungit: *Neque verò hoc dico, quod post peccatum tollam penitentiam, ut quod malè cepit, male perseveres, sed quod desperem in istiusmodi copula divinationem.* Hoc est, non horro ut nubas, quia cupiam in eo, quod malè coepisti fornicando, malè perseveres nubendo, & non potius cupiam penitentiam, & emendationem; sed quia despero te posse separari à viro, ideo malo, quod minus est malum, ut marito adhæreas, non fornicario.

Est autem hoc loco observandum, nuptias post votum simplex, de quo Hieronymus loquitur, licet sine peccato contrahi nequeant, tamen veras nuptias esse; & ideo aliquo modo minus malum esse, nubere.

nubere post votum ejusmodi, quàm assidue fornicari, tum ob fidem conjugii, tum ob prolem legitimam, tum ob alia bona: tamen etiam aliquo modo, ut nos supra diximus, est majus malum sic nubere, quàm fornicari, quia, qui ita nubit, reddit se inhabilem ad votum servandum, quod non facit, qui fornicatur.

Decimonono ponit Augustinum, quem in primis fatetur adversari sibi, & suis Lutheranis apertissime; sic enim ait; *Hac omnis votorum genera, idest, virginum, viduarum, conjugatarum, vult Augustinus & firma, & valida esse, itaut gravissime peccent, qui post ea nuptias, matrimonia contraxerint.* Et post testimonia allata subjungit: *Ista vir Dei scribit, ut homines decepti.*

At cur non sit verisimilius decipi Martyrem, quàm illum virum Dei, qui etiam adversariis testibus doctissimus atque sanctissimus fuit? Adfert deinde duo loca pro se. Unum ex libro de sancta virginitate, cap. 40. & 41. ubi Augustinus dicit, impossibile esse, aut valde difficile intelligere, cur Deus uni det continentiae donum, alteri non det. Ex quo loco colligit Martyr, non posse omnes qui volunt, hoc donum habere. Si enim omnes qui volunt, haberent donum, non esset difficile intelligere, cur uni daretur, alteri non daretur. Causa enim esset, quia unus vult, alius non vult.

Alterum testimonium sumitur ex lib. de bono viduitatis cap. 9. & 10. & ex epist. 70. ad Bonifacium, ubi S. Augustinus docet, nuptias post votum ratas esse, ac veras, nec debere dissolvi.

Tertium testimonium addit Brentius ex lib. de bono conjugali, cap. 21. ubi S. Augustinus non audet anteponeere virginitatem sancti Joannis, conjugio Abraham.

Addo ego quartum testimonium ex lib. de sancta virginitate, cap. 34. ubi sic loquitur S. Augustinus de virginibus quibusdam sacris: *Hæ nubere volunt, & ideo non nubunt, quia impune non possunt, quæ melius nubere, quàm urerentur.*

Respondeo ad primum testimonium, & dico, S. Augustinum loqui de dono continentiae, non quo fit, ut aliquis continere possit, quod nemini negari dicimus, sed quo fit, ut re ipsa aliquis contineat, quod non datur, nisi iis, quibus Deus dandum esse judicaverit. Neque est hoc proprium dono continentiae, sed commune cum dono fidei, dilectionis, perseverantiae, aliisque donis ejusdem generis. Siquidem omnes justi verè perseverare possunt, si velint, & tamen impossibile est intelligere, cur Deus uni justo, det perseverantiae donum, ita ut re ipsa infallibiliter perseveret, alium cadere sinat, nec det ei eam gratiam, qua efficaciter perseveret: lib. de spiritu & littera cap. 34. *Jam si ad illam profunditatem, inquit, scrutandam quisquam me coarctet, cur uni ita suadetur, ut persuadeatur, alteri non item, duo interim occurrunt quæ respondere libeat: O altitudo divitiarum. Et: Non est iniquitas apud Deum.* Sed de his alibi disputandum est.

Ad secundum dico, Augustinum voluisse quidem nuptias post votum esse veras nuptias, sed simul asseruisse (quod Petrus Martyr non negat) gravissime peccare eas, quæ post votum nubunt, sic enim ait lib. de bono viduitatis, cap. 9. *Demonstrantur tales viduae, non quia conjugalem fidem posterius inierunt, sed quia continentia primam fidem irritam fecerunt.* Et cap. 11. *Non possum dicere à proposito meliore lapsas, si nupservint, feminas, adulteria esse, non conjugia, sed plane non dubitaverim dicere, lapsas & ruinas, à castitate sanctiore, qua vocetur Deo, adulteris esse peiores.* Hæc ille. Itaque testimonium Augustini nihil efficit contra id, quod nunc defendimus, non licere nubere post votum.

A Sed instat Petrus Martyr: In eo saltem contradicis Augustino, quòd matrimonia Monachorum & Sanctimonialium irrita esse decernitis.

B Respondeo: convenit inter Theologos, matrimonium post votum simplex continentiae illicitum quidem esse, tamen ratum, nec dirimendum: post votum solemne nullum esse. Sic enim Innocentius I. docet in epist. 2. & post eum Gelasius in epist. 1. ac Tolertanum Concilium I. can. 16. Utrum autem post solemne votum, nullum sit matrimonium jure divino & naturali, an solum jure Ecclesiastico, quaestio est. Nam Albertus, B. Thomas, B. Bonaventura, Richardus, & Durandus in 4. dist. 38. & Dominicus à Soto lib. 7. de justitia & jure, quest. 2. art. 5. volunt jure divino, ac naturali matrimonium nullum esse, si post votum solemne contrahatur, Atque hi dicerent S. Augustinum de voto simplici tantum esse locutum, non de solemni, ut etiam S. Hieronymus in epist. 47. de vitando suspecto contubernio. Contrà verò, S. Basilium in lib. de virginitate & Chrysostomum in epist. 6. ad Theodorum, de voto solemni.

C At Scotus & Paludanus in 4. dist. 38. & Cajetanus in 22. q. 88. art. 7. & omnis schola Jureconsultorum, ut refert Panormitanus in cap. Rursus. Qui Clerici vel voventes, asserunt solo jure Ecclesiastico matrimonium irritum esse, quod post votum solemne contrahitur. Atque hi Augustinum & Hieronymum, vel de voto simplici locutos esse dicunt, vel de solemni secundum regulas juris divini ac naturalis. Decretum enim Ecclesiasticum, quo inhabiles fiunt ad matrimonium, qui votum habent solemne, ad eorum notitiam non pervenisse. Utraque sententia probabilis est; nec est nostræ considerationis hoc loco quaestionem istam definire.

D Ad tertium dico, S. Augustinum eo loco non conferre virginitatem cum conjugio absolute, sed virginitatem unius personæ cum conjugio alterius personæ. Et si enim absolute virginitas longè excellat conjugio, ut Augustinus, cum alibi sæpè, tum in ipso libro de bono conjugali, cap. 23. affirmat: tamen potest fieri, ut virginitas conjuncta sit in uno homine cum minore charitate, humilitate, aliisque virtutibus, quàm conjugium in altero homine. Idcirco non possumus anteponeere virginem conjugato, nisi constet in cæteris virtutibus illos esse pares.

E Ad quartum dico, S. Augustinum eo modo esse locutum, quo S. Hieronymus in epist. 47. nimium minus malum esse aperte nubere ei, qui simplex votum habet, quàm perpetuo occultè fornicari.

Vicesimo adducit Leonem, ex cuius operibus unum testimonium profert ex epist. 87. alias 85. ad Episcopos Africæ, ubi Leo ita loquitur: *Dicente Apostolo, ut inter alias Christianismi regulas is Episcopus ordinetur, quem unus uxoris virum fuisse, aut esse constaret, tam sacra semper habita est ista præceptio, ut etiam de muliere sacerdotis eligenda, eadem intelligatur servanda conditio.* Videtur enim hic dicere S. Leo, non modò posse Episcopum ordinari, qui uxorem habuerit, sed etiam qui habeat; & præterea posse Episcopum, qui non habet uxorem, eam ducere, si voluerit.

Sed ad hoc testimonium jam respondi in disputatione de coelibatu sacerdotum. Admittimus enim Episcopum fieri posse, qui uxorem habeat, modò ab ea se continere deinceps velit. Possit autem Episcopum uxorem ducere numquam sensit, vel scripsit S. Leo; siquidem in codicibus emendationibus non habetur: *De muliere sacerdotis eligenda*, sed, *de muliere sacerdotis eligendi.* Jubet enim S. Leo, ut non solum arceatur a sacerdotio, qui plures uxores habuit, sed etiam is qui unam habuit, quæ tamen alterius antea fuerit. Consule epist. 84. ad Anastasium, ubi ducit-

disertis verbis Leo docet, non modò Episcopum, sed etiam Presbyterum, Diaconum & Subdiaconum debere innuptum esse, vel continentem.

Postremo loco adducit Petrus Martyr Gregorium I. qui lib. 1. epist. 41. ita scribit: *Ante triennium omnium Ecclesiarum Sicilia Subdiaconi prohibiti fuerunt, ut more Romane Ecclesie suis uxoribus non miscerentur, quod mihi durum atque incompetens (impium pro incompetens, Petrus Martyr legere maluit ad rem exaggerandam) videtur, ut qui usum continentie non inuenit, neque castitatem promisit, compellatur à sua uxore separari, atque hoc, quod absit, in deterius cadat.* Ex his multa deducit Martyr, quæ adversus Catholicos pugnare videntur.

Primum est, Romanum Pontificem, qui prohibuerat, ne Subdiaconi Siciliæ suis uxoribus miscerentur, fecisse contra Nicænam Synodum, quæ Paphnutio auctore decrevit, non esse Clericis prohibendum propriæ uxoris commercium. At fabulam istam Paphnutianam in disputatione de coelibatu sacerdotum evidenter, ut arbitror, confutavimus. Præterea, si unus Romanus Pontifex præceptum paulò durius, & incompetens, ut S. Gregorius dicit, imposuit, mox illud à successore temperatum fuit.

Secundum est, non fuisse eo tempore votum annexum sacro ordini. Gregorius enim dicit, durum sibi esse visum, ut Subdiaconi castitatem tenere cogentur, qui non promiserant. At si in Sicilia Subdiaconi non vovebant, num alibi nusquam vovebant? Immo abusus erat, quòd in Sicilia non voverent. Atque idcirco ibi S. Gregorius jubet, moneri Episcopos, ut nullum ordinent Subdiaconum, qui non antea continentiam voveat.

Tertium est, tyrannidem hanc à Romana Ecclesia coepisse, in Orientali autem seu Græca Ecclesia ejusmodi usum non fuisse. Sed mendacium apertissimum est, non fuisse usum continentie Subdiaconorum, atque ordinum etiam superiorum in Orientali & Græca Ecclesia ante tempora S. Gregorii. Contrarium enim disertis verbis docet Epiphanius hæresi 59. Hieronymus lib. in Vigilantium. Leo epist. 84. & alii quos suprà citavimus in disputatione de coelibatu sacerdotum.

Quartum est, Gregorium, licet admodum superstitiosum, vidisse tamen hoc esse durum, & alienum à pietate, & moderari conatum, non tamen potuisse quantum volebat, ob canones & decreta. Sed quòd sanctissimum virum admodum superstitiosum Petrus Martyr vocat, facit more suo. Quòd ait eum vidisse hoc esse alienum à pietate, mentitur, ut solet. Non enim impium, sed incompetens Gregorius esse dixerat prædecessoris sui decretum. Quòd addit S. Gregorium moderari conatum canones prædecessorum, sed non tantum fecisse quantum voluisset, planè divinat, vel somniat potius. Gregorius enim, ut summa potestate, ita etiam summa libertate utebatur in iis, quæ ad Dei honorem, & Ecclesiæ utilitatem pertinere videbat.

Adferunt alii quidam adhuc unum testimonium ex Gelasio Papa. Is enim epist. 1. ad Episcopos Lucaniæ, cap. 23. de viduis, quæ continentiam voverant, loquens, ait: *Nos talibus nullum laqueum debemus injicere, sed solum adhortationes præmii sempiterni, penasque proponere divini judicii, & ut nostra sit absoluta conscientia, & illarum pro se rationem Dei reddat intentio.* Hæc ille.

Respondeo: laqueus, de quo Gelasius loquitur, non est, ut adversarii credunt, nuptiarum prohibitio iis quæ voverant, sed iis quæ non voverant. Nam antè dixerat Gelasius eas, quæ voverunt, non posse nubere sine peccato: *Sicut, inquit, si se continere non poterant, secundum Apostolum nullatenus habere ve-*

tabantur: sic habita secum deliberatione, promissam Deo pudicitiam fidem debent custodire. Vult igitur Gelasius non debere cogi viduas ad vovendum, sed exponenda illis esse, & præmia si voveant, & reddant, & supplicia si voveant, & non reddant.

C A P U T XXXV.

Quòd juniores vovere possunt.

SEquitur disputatio quarta de iis, qui vota monastica suscipere, ac nuncupare possunt. Quatuor sunt genera personarum, quibus præ cæteris adversarii negant facultatem hujusmodi vota suscipiendi. Primò, juniores. Secundò, filiusfamilias invitis parentibus. Tertiò, conjuges ex consensu mutuo. Quartò, conjuges ante matrimonium consummatum, invito altero conjuge.

De primo, Lutherus lib. de votis monasticis ait, non oportere viros admittere ad vota monastica, nisi post annum 70. vel 80. Similiter in Confessione Augustana, art. 27. conqueritur, quòd pueri permittantur fieri religiosi. Calvinus lib. 4. Institut. cap. 15. §. 19. dicit olim nefas fuisse ante annum 60. admittere fœminam ad votum continentie. Martyr in lib. de coelibatu, & votis eandem querimoniam renovat. Probant ex illis verbis 1. Tim. 5. *Adolescentiores viduas devota, vel ut est in Græco παρρητοῦ rejice, & Volo juniores nubere, matresfamilias esse &c.* possumus addere duos veteres Canones, nam Concilium Romanum sub Sylvestro, can. 10. prohibet velari sanctimoniales ante annum 72. & beatus Gregorius lib. 3. epist. 11. vetat sanctimoniale velari ante annum 60.

At his non obstantibus dicimus duo. Primò ad vota suscipienda continentie, obedientie, & paupertatis, requiri quidem eam ætatem, in qua sit usus liberi arbitrii; sed ubi is adfuerit, in quacunque ætate licere talia vota nuncupare. Probatur primò Scriptura, Thren. 3. *Bonum est viro, cum portaverit jugum ab adolescentia sua.* Matth. 19. *Sinite parvulos venire ad me.*

Secundò exemplis: nam Joannes Baptista à pueritia secessit in eremum, Luc. 1. B. Maria adolescentula vovit perpetuam continentiam, ut suprà demonstravimus, B. Antonius, Paulus I. Eremita, Hilarion, Benedictus, Bernardus, Franciscus, aliique permulti in adolescentia Monachi facti sunt, ut patet ex Athanasio, Hieronymo, Gregorio & Bonaventura, in eorum sanctorum vitis. Pari ratione omnes ferè sanctæ Virgines, quas Ecclesia publicè colit, adolescentulæ voverant continentiam, ut Thecla, Agnes, Cecilia, Agatha, Lucia, Clara, Catharina, & aliæ propemodum infinitæ.

Tertiò probatur ex Patribus. Athanasius de humanitate Verbi, dicit etiam pueros virginitatem profiteri doctos esse à Christo. Basilii in quæstionibus diffusè explicatis, quæst. 15. disputat in qua ætate recipiendi sint homines ad vota monastica, & respondet, in prima ætate esse recipiendos pueros ad monasterium, sed non esse admittendos ad professionem, nisi ubi coeperint liberum habere usum rationis. Ambrosius lib. 3. de virginibus: *Non ergo, inquit, ætas rejicitur florentior, sed animus examinatur. Ac certè Theclam non senectus, sed virtus probavit. Et hinc quid plura contexam, cum omnis ætas habilis Deo, perfecta sit Christo? Nec mirere in adolescentulis professionem, cum legeris in parvulis passionem. An dubitamus si enim usque ad continentiam sequatur adolescentia, quem usque ad mortem confitetur infantia?*

Hieronymus in epist. ad Eustochium de virginis. docet, in cœnobis fuisse suo tempore homines omnis ætatis, pueros, viros, senes, Augustin. de sancta virginit. cap. 36. Sed, inquit, respice agmina virginum, puerorum, puellarumque sanctorum. In Ecclesia tua eruditum est hoc genus, illis tibi à maternis uberibus pullulavit, nomen tuum ad loquendum linguam solvit, nomen tuum velut lac infantia sua siccis infusum. Non potest quisquam ex hoc numero dicere, qui prius fui blasphemus, & persecutor; Immo etiam quod non iussisti, sed tantummodo volentibus arripiendum proposuisti dicens, qui potest capere capiat, accipiant, voverunt, & propter regnum celorum seipsos, non quia minatus es, sed quia hortatus es, castraverunt.

Secundò dicimus ad professionem publicam, expectandam etiam eam ætatem, quam leges Ecclesiæ præscribunt, quæ pro temporum & locorum diversitate variæ extiterunt. Nam Concilium Cæsaraugustanum, cap. ult. & Agathense can. 13. iubeant expectari annum 40. antequam mulieres publicam professionem emitterent. Concilium autem Carthaginense III. can. 4. iubeat expectari annum 25. Quod expositum est in Concilio Milevitano can. 26. debere intelligi, nisi aliqua necessitas cogat ante illud tempus virginem velari. B. Gregorius lib. 1. epist. 48. in insulis ubi est molestior habitatio, jubet ne recipiatur aliquis ad monasticam professionem ante annum 18. ex quo rectè deducunt canonistæ, in aliis locis posse recipi in minori ætate, nimirum anno 14. quam ætatem definiunt multi canones, ut cap. Ad nostram, & cap. Significatum, extra de regularibus.

Porro Concilium Trullanum, can. 40. & Concilium Triburienſe, can. 24. permittunt professionem etiam ante annum 12. sed nostro tempore Concilium Tridentinum, sess. 25. cap. 15. statuit professionem non debere fieri ante annum 16. quam ætatem etiam olim definierat S. Basilus, ut testatur Concilium Trullanum cap. 40. ex quibus apparet nunquam in Ecclesia fuisse consuetudinem, aut legem, ut expectaretur annus 60. vel 80.

Ad argumenta, Illud Apostoli: *Adolescentiores devota*, seu reſice; intelligitur à numero earum viduarum, quas Ecclesia alebat, non à voto continentie. Solum enim anus 60. annorum, quæ serpas alere non poterant, voluit Apostolus nutriri sumptibus Ecclesiæ.

At, inquit Petrus Martyr, si juniores arcebat Paulus à convictu earum viduarum, quas alebat Ecclesia propter periculum incontinentiæ, cur non ob eandem causam arcendæ sunt à voto? Respondeo, quæ alebantur ab Ecclesia, vovebant etiam continentiam, turpius autem fuisset deficere à voto aliquam ex iis, quæ publicè alebantur ab Ecclesia, quam ex aliis; idcirco nolebat Apostolus recipi juniores ad numerum earum, quæ ab Ecclesia alebantur. Illis autem verbis: *Volo juniores nubere*, opponimus aliud, volo; ex 1. Cor. 7. *Volo omnes esse sicut meipsum*, idest, continentes. Cum enim istæ voluntates contrariæ sint, oportet dicere neutrum adferre præceptum, & absolute quidem Apostolum cupivisse, ut omnes continerent, tamen quia nonnullæ bonum propositum deseruerant, coepisse optare, ut juniores quæ non viderentur perseveraturæ, potius nubere, quam voverent. Vide quæ de hoc loco diximus suprâ cap. 30.

Ad illud Concilii Romani dico primò, locum esse corruptum, & intelligibilem, & fortasse multò minorem annorum numerum debere poni pro 72. Dico secundò, loqui Concilium non de omnibus virginibus, sed de illis solum quæ antequam profiterentur, viros petierunt, ut ipsa verba Concilii

A indicant, illæ enim diutius quàm ceteræ probandæ videntur.

Ad Gregorium dico, eum loqui de sola Abbatisſa. Sic enim ait: *Juveniles Abbatisſas fieri vehementissime prohibemus. Nullam igitur fraternitas tua, nisi sexagenariam virginem, cujus etas hoc, atque mores exegerint, velari permittat.*

CAPUT XXXVI

Licere filiis ingredi Religionem parentibus invitis.

B DE secundo, an videlicet filii invitis parentibus fieri possint religiosi, Lutherus in lib. de votis monasticis dicit, non posse filios, quamvis maximæ ætatis sint, ingredi religionem sine consensu parentum, si adhuc supersint. Idem docent Magdeburgenses Cent. 4. cap. 10. col. 1304. & Cent. 6. cap. 6. col. 354. & Martyr in lib. de cœlibatu, & votis. Ratio eorum prima est, quia præceptum de obediendo parentibus, in omni ætate obligat, & sicut non licet ulli vovere, quòd non obediatur parentibus, ira non licet vovere aliquid eis invitis. Secundò, quia uxor non potest ingredi religionem sine consensu viri, nec servus sine consensu domini, ergo nec filii sine consensu patris, & confirmatur ex Concilio Gangrenſi, cap. 16. *Quicumque filii à parentibus prætextu divini cultus abscedunt, nec debitam reverentiam dependunt illis, anathema sint.* Contrarium docet B. Thomas in 2. 2. quæst. 88. art. 8. ad 2. & antea idem probaverat exemplo suo, quippe invitis & repugnantibus matre & fratribus, ordinem Prædicatorum professus est.

Nos breviter respondemus, licere filiis invitis parentibus ad religionem transire, duabus servatis conditionibus. Una, ut ad annos pubertatis pervenerint. Porro pubertas in viris est anno 14. ut habemus cap. 1. de regularib. in 6. in feminis anno 12. ut habemus can. puella, 20. qu. 2. Altera conditio est, ut parentes non sint in tali necessitate, ut sine filiorum auxilio vivere non possint. Tunc enim tenentur ex præcepto Dei, parentibus adesse.

Probat jam hæc sententia, primò Scripturis. Etsi enim hoc Scripturæ disertè non docent, tamen eis valde conforme est. Genes. 12. *Egredere de domo tua, & de cognatione tua, & de domo patris tui.* Deuter. 33. *Qui dixit patri suo, & matri suæ: Nescio vos; & fratribus suis: Ignoro illos. Hi custodierunt eloquium tuum, & pactum tuum servaverunt.* Ubi Moyses in laudibus Levitarum ponit, quòd parentes & fratres deseruerint, ut Deo liberiùs vacarent. Unde glossa interlinearis exponit, qui dixerunt: nescio vos, patri & matri cursu mentis impredientibus. Item Psal. 44. *Obliviscere populum tuum, & domum patris tui, & concupiscet Rex decorem tuum.* Item Matth. 10. *Qui amat patrem vel matrem plus quàm me, non est me dignus.* Et Lucæ 9. non permittit Dominus eum, quem vocabat, ut iret domum ad salutandum, vel ad sepeliendum parentem.

Secundò sacris canonibus; nam in Concilio Toletano X. cap. ult. *Parentibus, inquit, filios religioni tradere non amplius, quàm usque ad quatuordecimum eorum ætatis annum licentia poterit esse. Postea verò, an cum voluntate parentum, an suæ devotionis sit solitarium votum, eis filiis licitum religionis assumere cultum.* Item 20. quæst. 2. can. Puella, qui sumptus est ex Concilio Triburienſi, can. 24. *Puella, inquit, si ante duodecimum ætatis annum sponte sua velamen sibi sacrum assumpserit, possunt statim parentes vel tutores id factum irritum facere si voluerint. Si verò in fortiori ætate adolescen-*

lescentula, vel adolescens servare Deo elegerit, non est potestas parentibus prohibendi. Item cap. Cum virum, de regularibus, Clemens III. loquens de puella nubilii: Tunc, inquit, quia liberum habet arbitrium in electione propositi, parentum sequi non cogitur voluntatem.

Tertio, testimoniis Patrum. Chrysostomus in fine lib. 3. contra vituperat. vitæ monasticæ: *Sic autem*, inquit, alloquens parentes, vos contenderitis, filii quidem si fuerint egregia virtute præditi, etiamsi natiueritis, ad hanc perveniunt Philosophiam monasticam, sempiternisque gaudiis fruuntur: Vos autem infinitos vobis ipsi cruciatus congeritis. Idem homil. 84. in Joan. Cum spiritualia, inquit, impediunt parentes, nec agnoscendi quidem sunt. Similia habet in cap. 6. epist. ad Ephes. in illud: *Filii obedite parentibus in Domino*, vult enim additum esse, *in Domino*, quia non debemus eis parere, cum pietatem impediunt.

Theophylactus in cap. 19. Joann. in illud: *Ecce mater tua*; Oportet, inquit, quidem parentibus ad pietatem obsequentibus non parere; non obsequentibus autem omni cura servare.

Ambrosius lib. 3. de virginitate loquens de illis, quæ invitis parentibus profitebantur, non arguit ipsas, sed eorum parentes, qui vim facere conabantur, quos dicit esse peiores Gentilibus, qui filias præmiis ad virginitatem invitabant: *Illic præmiis*, inquit, *revocantur à nuptiis*: hic ad nuptias coarctantur injuriis? *Illic violentia fit ut capiantur*? hic fiet violentia ne profiteantur? Et potest esse patientia Sacerdotum, ut non vel morte oblata, si ita necesse est, integritatis sacrificium vendicent?

Hieronymus in epist. de suspecto contub. Si quis, inquit, te corripit, quod sis Christiana, quod sis Virgo, non cures qua matrem deserueris, ut in monasterio inter virgines viveres: talis detractio lani tua est. Item crudelitas ista pietas est, illam enim præferi matri, quem præferre jubetis & anima tua. Idem ad Heliodorum, quæ prima est omnium: Licet, inquit, parvulus ex collo pendeat nepos, licet sparsa crine, & scissis vestibus ubera, quibus te nutrierat mater ostendat, licet in limine pater jaceat, percalcato perge patre, sicisque oculis ad vexillum crucis evola. Solum pietatis genus est, in hac re esse crudelem. Idem in vita Malchi testatur, eum, cum à parentibus ad nuptias minis & blanditiis cogeretur, eis invitis, ad monasterium se contulisse.

Augustinus in epist. 38. ad Letum, qui à matre impediabatur, ne ad vitam perfectam sequeretur: Sed quid, inquit, dicit, aut quid allegat? forte decem illos menses, quibus viscera ejus onerasti, & dolores parturitionis, ac labores educationis? Hoc hoc interfee verbo salutare, hoc perde matris, ut in vitam æternam invenias eam. Hoc memento, ut oderis in ea, si diligis eam, si tyro Christi es, si turris fundamenta posuisti.

Gregorius Turonicus in vita Leobardi & Pappulæ, laudat eos, quod tam ille, quam illa, invitis parentibus, monasticam professionem susceperint. Gregorius homil. 37. in Evangelia, in illud: Qui non odit patrem &c. Quos, inquit, adversarios in via Dei patimur, odiendo & fugiendo nescimus.

Denique B. Bernardus epist. 3. quam scribit nomine Helix Monachi ad parentes ejus: Sola, inquit, causa, quæ non licet obedire parentibus, Deus est. Ipse enim dicit, qui amat patrem, aut matrem plus quam me, non est me dignus. Si verè me, ut boni, & pii parentes diligitis, quid me Patri omnium Deo placere satagentem inquietatis, & ab ejus servitio, cui servire regnare est, retrahere tentatis? Verum nunc cognosco, quia inimici hominis domestici ejus. In hoc vobis obedire non debeo, in hoc non agnosco vos parentes, sed hostes. Si diligeretis me, gauderetis utique, quia vado ad meum atque vestrum, immò universorum Patrem. Alioquin quid

A mihi & vobis? quid à vobis habeo, nisi peccatum, & miseriam &c.

Quarto, probatur ratione B. Ambrosii lib. de virginibus: Cui licet, inquit, maritum eligere, cur non licet Deum præferre? At licet filiis parentibus invitis, matrimonium contrahere, cur non etiam liceat jildem invitis continentiam profiteri? Præterea licet viro, uxore invita, ad religionem transire, quando matrimonium de præfenti quidem contractum erat, sed nondum consummatum, ut habemus c. Verum, & c. Ex publico, de conversione conjugatorum: ergo multò magis licebit invito patre. Præterea quilibet ingenuus post annos pubertatis est juris sui, quantum ad ea, quæ ad personam & statum suum pertinent. In hoc enim differunt servi à liberis. Denique, magis obediendum est Deo, quam hominibus, Act. 5. Deus autem consulit perfectam vitam, Matth. 19. omnibus in genere, & in particulari interna inspiratione vocat quosdam: ergo si parentes resistant, audiendi non sunt.

Neque argumenta in contrarium vim ullam habent. Primum est, Deus jubet obedire parentibus, & eos honorare. Ephes. 6.

Respondeo: parentibus duo à filiis deberi, obedientiam, & honorem, idest, temporalia subsidia. Quantum ad primum, dico ex Chrysostomi, Theophylacti, Hieronymi, & aliorum expositione in eum locum, ideo Apostolum addidisse, *in Domino*, ut intelligamus, non esse eis obediendum, nisi in iis, quæ non impediunt pietatem. Quantum ad alterum, dico, præceptum illud, ut alia omnia affirmativa, non obligare, nisi in casu necessitatis, cum videlicet pater sine filii opera vivere non potest. Si enim vel dives sit, vel habeat alios, à quibus alatur, filius non tenetur ei adesse, ut expresse docet Luc. 9. Dominus cum ait: *Sine mortuos sepelire mortuos suos*. Nam ut Theophylactus exponit, qui dixerat: *Sine, ut vadam, & sepeliam patrem meum*, non dicere voluit: Pater meus mortuus est, debeo eum sepelire; sed, sine ut maneam cum patre meo, usque ad mortem ejus, cum autem obierit, & cum sepeliere, tunc sequar te.

D Secundum argumentum erat: Uxor non potest ingredi religionem sine consensu viri, nec servus sine consensu domini; igitur nec filius sine consensu patris.

Respondeo: vir non habet corporis sui potestatem, sed uxor, ut dicitur 1. Cor. 7. & ideo non potest vir de persona sua disponere sine consensu uxoris. Filii autem, quoad personam suam, liberi sunt post annos pubertatis. Unde B. Augustinus, qui epist. 36. ad Letum docuit posse filios invitis parentibus sequi perfectionem; idem in epist. 199. ad Ediciam, docet, uxorem id facere non posse sine consensu viri. Pari ratione servus non habet personæ suæ potestatem, sed dominus ejus: ideo de ea disponere non potest. Addit B. Thomas 2. 2. quæst. 189. art. 6. quod cum subjectio servilis sit poena peccati, non autem subjectio filialis, non mirum videri debet, si servis admittitur aliquid, quod antea eis competeat, & id non admittitur filiis.

E Argumentum tertium ex Concilio Gangrensi, cap. 16. Respondeo: fuisse eo tempore quosdam, qui malè intelligentes verba Domini, Luc. 14. Si quis venit ad me, & non odit patrem, & matrem, & uxorem, & filios &c. prætextu Evangelii relinquebant non solum parentes, sed etiam uxorem, & liberos, nec eorum ullam curam gerebant, etiamsi maxime indigerent. Hos ergo Synodus anathemati subiecit. Unde cap. 14. anathema dicit conjugibus deserentibus conjuges. Et cap. 15. parentibus deserentibus filios, & cap. 16. filiis negligentibus parentes.

Ex

Ex quo apparet, nihil facere hoc decretum contra religiosos, qui parentibus adsunt, si eorum presentia necessario indigeant. Si autem non indigeant necessario, absunt quidem corpore ab eis, tamen eos juvant quomodo religiosos decet, nimirum precibus apud Deum. Nam etiam filii seculares non eodem modo juvant parentes, sed alii consilio, alii artificio, alii opibus, prout convenit statui uniuscujusque.

Addit quartum argumentum Petrus Martyr ex Basilio quaest. 15. fuse explicata, ubi filios dicit non esse recipiendos ad monasticam disciplinam, nisi à parentibus offerantur. Respondeo: loquitur S. Basilius de filiis, qui ob minorem aetatem adhuc subsunt in omnibus patriae potestati, id quod textus Basilii loquitur apertissime: *Eos, inquit, qui sub parentibus sunt, dum ab illis ipsis adducuntur, coram multis testibus suscipimus.*

CAPUT XXXVII.

Licere conjugatis ex consensu vovere continentiam.

DE tertio, an liceat conjugatis ex consensu mutuo suscipere vota perpetuae continentiae. Negat hoc disertis verbis Petrus Martyr in commentar. 1. Cor. 7. & probat ex verbis Pauli: *Nolite fraudare invicem, nisi forte ex consensu ad tempus, ut vacetis orationi, & iterum revertimini in idipsum.* Ubi Paulus solum ad tempus concedit vacationem ab usu conjugali. Idem docent Magdeburgenses Cent. 4. cap. 10. col. 1304. ubi accusant Malchum Monachum, tamquam matrimonii contemptorem, quia ex consensu perpetuo abstinuit ab uxore, quam duxerat in captivitate sua. Ubi obiter notanda est imperitia, vel nequitia ipsorum. Nam, ut Hieronymus scribit in vita Malchi, cogebatur Malchus à Barbaris ducere in uxorem mulierem quamdam, quae virum habebat; cum igitur non posset sine peccato adulterii illam accipere, simulavit nuptias, ut mortem evaderet, & illam pro sorore habuit, & tamen Magdeburgenses illum reprehendunt, quod illi mulieri misceri noluerit.

At hic error impudentissimus est; & probo primo ex ipso Pauli loco: nam Paulus postquam ait: *Iterum revertimini in idipsum*, subdit: *Hoc autem dico secundum indulgentiam, non secundum imperium.* Ubi illud: *Secundum indulgentiam*, non potest referri ad illud: *Nolite fraudare invicem.* Ibi enim locum habet imperium, non indulgentia; neque ad illud: *Nisi ex consensu ad tempus, ut vacetis orationi.* Nam abstinere ad tempus ex consensu propter orationem, non eget indulgentia. Id enim dicimur indulgere quod non libenter concedimus, sed quasi coacti. Paulus autem maxime cupiebat, ut continerent, cum dicit: *Cupio omnes esse sicut meipsum*; ergo illud, secundum indulgentiam, refertur ad illud: *Iterum revertimini in idipsum.* Id enim Paulus non libenter concedit, sed indulget propter incontinentiam illorum; quomodo exponunt Hieronymus lib. 1. contra Jovinianum. Augustinus lib. 1. contra Julianum, cap. 21. Ambrosius, Theodoretus, & alii in hunc locum. Ergo qui perpetuo continent ab uxore ex consensu, rem gratissimam Paulo faciunt; tantum abest, ut ipse id prohibuerit.

Secundo, probatur ex Patribus, Basilius in quaestionibus diffuse explicatis, quaest. 12. *Eos, inquit, qui in conjugio matrimonii ad talem vitam accedunt, percontari oportet, an ex consensu hoc faciant &c.* Epiphanius haeresi 59. & Hieronymus lib. contra Vigilantium

dicunt, conjugatos non consuevisse sacris initiari, nisi continentiam perpetuam ab uxore promitterent. Quod idem statuit Concilium Arelatense II. can. 2. Idem quoque S. Hieronymus in epist. 14. ad Celantiam, arguit eam foeminam, quod sine consensu viri continentiam vovisset.

Augustinus in epistola ad Ediciam, quae est 199. *Quod, inquit, Deo pari consensu ambo voveratis, perseveranter usque in finem reddere ambo debuistis. A quo proposito si lapsus est ille, tu saltem constantissime persevera.* Et epist. 45. ad Arment. & Paulinam: *Ambo, inquit, Deo reddite, quod ambo vovistis.* Et infra: *Sit vester consensus oblatio ad supernum altare Creatoris &c.* Et supra: *Nunc verò quia tenetur apud Deum sponsio tua, non te ad magnam iustitiam invito, sed à magna iniquitate deterreo.* Idem Augustinus in epist. 32. ad Paulinum, laudat eum, quod cum Therasia conjugae sua continentiae votum susceperit. Ipse etiam S. Paulinus epist. 3. ad Aprum, mirifice eum laudat, quod cum uxore perpetuam continentiam Deo voverat.

Gregorius lib. 9. epistola 39. ad Theotistam patriam: *Si verò, inquit, utrique conveniat continentem vitam ducere, hoc quis audeat accusare, quando certum est, quod omnipotens Deus, qui minora concessit, maiora non prohibuit?* Theodoretus lib. 4. hist. cap. 13. laudat Pelagium Laodicensem Episcopum, quod prima die nuptiarum, cum ipse juvenis juvenem sponsam accepisset, ei persuaserit, ut simul continentiam voverent. Hilarius Arelatenensis in epist. ad Augustinum, quae praepositur libris de praedestinat. *Scias, inquit, sanctitas tua, fratrem meum cum matrona sua ex consensu perfectam Deo continentiam devovisse. Unde rogamus sanctitatem tuam, ut orare digneris, quo hoc ipsum in eis Dominus confirmare & custodire dignetur.*

Probatur tertio, exemplis eorum, quos rectè fecisse, quod ex consensu continentiam voverint, nullo modo negari potest, cum sancti fuerint, & miraculis claruerint. Primum exemplum est Mariae & Joseph. Quod enim veri conjuges fuerint, patet ex Evangelio Matth. 1. *Joseph fili David, noli timere accipere Mariam conjugem tuam.* Et: *Joseph vir ejus, cum esset iustus &c.* quod autem ex consensu perpetuo continuerint, certum est. Fuit enim error Helvidii à tota Ecclesia damnatus, quod B. Maria non fuerit semper virgo. Unde B. Augustinus de consensu Evangelistarum, lib. 2. cap. 1. *Hoc exemplo, inquit, magnifice insinuat fidelibus conjugatis, etiam servata pari consensu continentia, posse permanere conjugium, non permixto corporis sexu, sed custodito mentis affectu.* Neque hoc exemplum adversarii negare possunt.

Nam Centuriatores Cent. 1. lib. 1. c. 10. col. 366. dicunt, Josephum & Mariam ita verum conjugium contraxisse, ut voluerint, statuto tempore, more aliorum conjugum liberos procreare. Quod etiam docet Martinus Bucerus in c. 1. Matth. Petrus Martyr in lib. contra Smithæum de coelib. & Calvinus in 1. cap. Luc. Id autem etsi blasphemum est, cum B. Mariam virginitate animi, quae sola virtus est, spoliare nitatur, tamen in eo nobis deservit, quod hinc habemus non posse negare haereticos, quin veri conjuges fuerint Maria & Joseph. Porro idem Centuriatores Centur. 4. cap. 5. col. 405. dicunt errorem Helvidii esse, dicere B. Mariam aliquando cum Josepho viro suo rem habuisse: nec possunt dicere, B. Mariam, invito Josepho, continuasse, nec è contrario, cum uterque sanctissimus fuerit.

Secundum exemplum est Ammonis Monachi, qui cum uxore virgine ex consensu semper virgo permansit, teste Palladio in historia Lausiaca, cap. 8. & quod hoc Deo placuerit, ex eo manifestè colligitur, quod ejus animam S. Antonius in coelum ab Ange-

Angelis deferri cum summa gloria vidit, ut Athanasius refert in vita S. Antonii.

Tertium exemplum est apud Cassianum Collat. 14. cap. 7. ubi refert, Laicum quemdam, quia cum uxore sua, ex consensu continentiam virginalem colebat, adeo claruisse, ut Dæmonem quemdam ferocissimum, quem S. Joannes Abbas expellere ab obsesso corpore non potuerat, ipse sola sua presentia mox expulerit.

Quartum est S. Paulini & Tharasiae uxoris, qui ex consensu votum perpetuae continentiae susceperunt. De quo vide epist. 32. Augustini ad Paulinum.

Quintum est S. Maturiani & Maximae uxoris, de quo vide Victorem lib. 1. de persecutione Wandalica.

Sextum est apud Gregorium Turonicum de gloria Confessorum, cap. 32. ubi refert, quod cum ex duobus conjugibus, qui semper ex consensu caste vixerant, altera mortua esset, alter in hæc verba prorupit: *Gratias tibi ago, omnipotens Conditor, quod hanc puellam, sicut eam tradidisti impollutam, & ab omni voluptatis contagio puram, ita tibi restituo. Illa vero etiamsi mortua esset, subridens ait: Sile vir Dei, quia non est necesse proloqui nostrum, nemine interrogante, secretum.*

Septimum est S. Eduardi Angliæ Regis, de quo Surius tom. 1. ex antiquo manuscripto refert, quod cum una cum uxore virgo permanisset, multis miraculis claruit, & post annos centum à morte, inventus est omnino integer, adeo ut ne barba quidem illi, quæ prolixa & cana fuerat, decidisset.

Octavum est S. Hentici I. Imperatoris, sed secundi Regis, & Kunegundis uxoris ejus, qui similiter ex consensu virgines permanserunt, & miraculis claruerunt, adeo ut vomerem candentem sine læsione calcaverit S. Kunegundis in testimonium virginitatis, de quibus vide Krantzius lib. 3. cap. 32. suæ Saxoniæ.

Nonum est Petri Urseoli Ducis Venetorum, apud Volaterranum lib. 4. qui cum uxore ex consensu caste vivens, miraculis illustris fuit.

Decimum est S. Catharinæ Suecæ, quæ cum viro suo virgo permansit, & miraculis claruit. Volaterranus lib. 22.

Undecimum Boleslai Pudici Polonorum Regis, de quo sic canit Clemens Janicius Polon.

*Conjuge consensit cum virgine virgo maritus,
Addictus studiis casta Diana tuis.*

Duodecimum est Alphonsi II. Regis Castellæ, de quo similia refert Volaterranus lib. 2. quod nimirum miraculis claruerit, & ab uxore perpetuo se continuerit.

Probatum ultimò ratione. Nam tota causa, cur non liceat viro profiteri continentiam, est, quia non habet potestatem corporis sui, & nemo potest rem alienam donare invito domino. At ista causa cessat, cum ex consensu fit votum.

Adde postremò, quod solum contra objici potest illud Matth. 19. *Quod Deus conjunxit, homo non separet.* Sed hoc facile solvitur; nam non solvitur conjugium per votum continentiae. Unde Augustinus lib. 1. de serm. Domini, cap. 25. *Beatiora, inquit, sanè conjugia judicanda sunt, quæ sine filiis procreatis, si-ve etiam ista terrena prole contempta, continentiam inter se pari consensu servare potuerint; quod neque contra illud præceptum fit, quo Dominus dimitti conjugem vetat, & illud servatur quod ait Apostolus: Reliquum est, ut qui habent uxores, tamquam non habentes sint.*

CAPUT XXXVIII.

*Per vota solemnia solvi Matrimonium
ratum, non consummatum.*

DE quarto duo sunt errores extremi. Unus est Martini Kemnitii contra sess. 24. Concilii Tridentini can. 6. & Magdeburgensium, qui docent, matrimonium sive sit ratum & consummatum, sive sit ratum tantum, non posse solvi per monasticam professionem. Ita docent Centur. 1. lib. 2. cap. 12. col. 637. idem docet Erasmus in cap. 7. 1. ad Corint. & in eandem sententiam propendet ex Catholicis Claudius Espencæus lib. 6. cap. 4. de continent. suntque pro hac sententia gravissima argumenta. Nam Matth. 19. & 1. Cor. 7. matrimonium insolubile esse pronunciat: quod autem hoc de rato dicatur, patet primò, quia matrimonium ratum non differt à consummato ulla essentiali differentia; copula enim carnalis actus quidam est conjugii, non essentia conjugii. Secundò, matrimonium ratum est verum Sacramentum, significans Christi & Ecclesiæ unionem inseparabilem, ergo indissolubile. Præterea Tertio, per matrimonium ratum dat vir uxori potestatem corporis sui: ergo non potest invita uxore continentiam Deo vovere.

Alter error est in altero extremo, quod nimirum matrimonium etiam consummatum dissolvatur per ingressum in religionem. Ita decrevit Justinianus C. de Episc. & Cler. l. finali; & refert hanc legem Gregorius lib. 9. epist. 39. pro qua sententia adduci solet Basilii in quæstionibus fusiùs explicatis, q. 12. ubi videtur dicere, virum, qui non potest ab uxore impetrare consensum transcundi ad religionem, posse ea invita id facere; adducitur etiam exemplum Theonæ Abbatis, de quo Cassianus col. 21. cap. 9. scribit, quod cum per quinque annos cum uxore vixisset, ac deinde Monachus fieri vellet, & ab uxore licentiam non impetraret, illa invita, matrimonium solvit, & Monachus factus est. Et cap. 10. scribit idem Cassianus, non debere hoc factum reprehendi, cum iste Theonas Apostolicis miraculis postea claruerit, & à plurimis magnis Patribus factum ejus collaudatum fuerit.

At nihilominus Ecclesiæ sententia est in medio; nimirum matrimonium ratum solvi per monasticam professionem, non autem matrimonium consummatum. Id habemus cap. Ex publico, & cap. Ex parte tua, & cap. Verum, de conversione conjugat. & 27. quæst. 2. can. desponsatam, aliisque multis canonibus ibidem; quibus accessit Tridentini Concilii, sess. 24. can. 6. ubi dicitur: *Si quis dixerit matrimonium ratum, non consummatum, per solemnem religionis professionem alterius conjugum non dirimi, anathema sit.*

Probatum ergo secunda pars hujus sententiæ contra secundum errorem. Primò, ex ipsa Scriptura: nam quod Christus ait: *Quos Deus conjunxit, homo non separet.* Et: *Qui dimiserit uxorem, facit eam mochari.* Matth. 19. & quod ait Apostolus 1. Corint. 7. *His qui matrimonio juncti sunt, præcipio non ego, sed Dominus, mulierem à viro non discedere &c.* in aliquo matrimonio locum habere debet, ergo saltem in matrimonio consummato; si enim in hoc non habet locum, in nullo habebit. Secundò, ex Patribus: nam Hieronymus in epist. 14. ad Celantiam, arguit eam, quod sine licentia viri continentiam vovisset. Item Augustinus epist. 45. ad Armentarium, & in epistola 199. ad Ediciam, disertè docet, non licere conjugii, invito conjugē, vovere continentiam, & si id faciat,

faciat, debere cogi, ut, voto non obstante, viro suo debitum reddat. Idem docet Gregorius lib. 9. epist. 39. ad Theoctistum, ubi reprehendit legem civilem, quæ permittit contrarium. Idem prohibent VIII. Synodus & Nicolaus I. in epist. ad Carolum Regem, aliaque Conciliorum & Pontificum decreta apud Gratianum 27. quæst. 2. necnon in decretalibus de convers. conjugatorum.

Ad testimonium Basilii respondeo, fortasse loqui eum de matrimonio rato, sed nondum consummato. Quod si ita est, sententia eius nobis apertissime favet. Si autem de consummato fortè loquatur, dico tria habere eo loco Basilium. Primum enim asserit, conjugatum venientem ad monasticen, debere interrogari, an consensum uxoris obtinuerit: *Vir enim non habet potestatem corporis sui, sed uxor*, ut Apostolus ait 1. Cor. 7. Deinde addit Basilius, si conjux repugnet, ac resistat, oportere audire Domini vocem: *Qui non vult patrem, matrem, uxorem &c. non est me dignus*. Quæ duo inter se pugnare videntur. Sed addit tertio, sæpè accidisse, ut orationibus à Deo impetratum sit, ut conjux morbo correpta, consensum præbere cogeretur.

Videtur ergo S. Basilii velle, ut conjugatus, si Monachus fieri velit, primum consensum uxoris quærat: si impetrare non potest, oret Deum, & lachrymis & jeuniis instet, quo id etiam uxori persuadeatur, ac tum demum obtento consensu Monachus fiat. Sic enim & Apostolo obediet, dum non sine consensu conjugem relinquit, & Christo etiam parebit, dum uxoris amorem Christi amori postponit. Exemplum habemus in fratre & sorore S. Bernardi. Nam & ille ab uxore, & illa à marito orationum instantia consensum obtinuit, quem antea impetrare non poterant. Vide lib. 1. cap. 4. & 6. vitæ S. Bernardi.

Ad exemplum Cassiani dico, esse illud unum ex iis factis Sanctorum, quæ sunt admiranda, non imitanda. Credendum enim est, peculiari Spiritus sancti admonitu id factum esse, præter communem ordinem, ac legem, quandoquidem ille tot claruit postea signis & virtutibus.

Probat altera pars contra alterum errorem. Primum, testimoniis Ecclesiæ suprà citatis; etsi enim adversarii ea non recipiunt, tamen cum nulla ipsi in contrarium adferant, recta ratio docet, potius credendum esse tot sanctis Pontificibus, & uni generali Concilio, quàm simplici infirmationi paucorum hominum.

Secundò probatur exemplis Sanctorum. Ac primum, quod sanctam Theclam ante matrimonii consummationem S. Paulus à nuptiis revocaverit, testatur Epiphanius hæresi 78. & Ambrosius lib. 2. de virginibus.

Secundum exemplum est S. Alexii, qui prima nocte nuptiarum uxorem intactam relinquens, peregrè profectus est, castamque vitam perpetuò duxit: ita refert Simeon Metaphrastes in ejus vita, cujus historia totius Ecclesiæ à multis sæculis celebratione confirmata est.

Tertium exemplum est S. Euphrasie, de qua similia refert idem Simeon Metaphrastes.

Quartum est S. Cecilie, quæ, teste eodem Metaphraste, prima nocte nuptiarum negavit viro suo Valeriano conjugale debitum, quia nimirum continenter vivere volebat.

Quintum est apud Augustinum lib. 8. Confess. cap. 6. ubi scribit, duos milites, lecta Antonii vita, mox vota monastica suscepisse, relictis sponis, quas habebant: illas verò cum id cognovissent, similiter fecisse. Nec refert quòd ab Augustino dicantur sponse, non uxores; nam sæpissime Veteres spon-

as & sponso vocant usque ad consummationem matrimonii, atque exinde maritos & uxores. Sic accipitur nomen sponsæ in cap. Ex publico, & cap. Carissimus, & cap. Ex parte tua, extra de conversione conjugatorum; & eodem modo Augustinus lib. 8. Confess. cap. 3. *Institutum est, inquit, ut sponsæ jam pactæ, non citò tradantur, ne vilem habeat maritus datum, quam non suspiravit sponsus dilatum*. Præterea adversarii non solum uxores, sed etiam sponas futuras, negant posse dimitti propter vota monastica.

Sextum est S. Leobardi, qui, teste Gregorio Turonensi, rupit fœdera nuptialia cum honesta puella viuita, & invitis parentibus Monachus factus est.

Septimum est apud Gregorium lib. Dialog. 3. c. 14. ubi dicit, Gregoriam sacram virginem, nuptiis jam constitutis, ad Ecclesiam confugisse, & sanctimonialis vitæ habitum petuisse, ac impetrasse.

Probat ultimum, duplici ratione. Prima est, quia ratio ipsa docet, semper esse licitum transire de statu minus perfecto ad perfectiorem, si id possit fieri sine ullius detrimento. At status conjugii est imperfectior statu religionis: ergo poterit ab uno ad alium fieri transitus, quando id fiat sine ullius detrimento: sit autem sine ullius detrimento, quando matrimonium est ratum, sed non consummatum. Nam cum matrimonium est consummatum, duplex detrimentum oritur, si dirimatur; unum proli jam natæ, vel conceptæ, quæ non poterit tam bene educari; alterum ipsi conjugii, quæ manet ligata, nec potest alteri nubere, & quando etiam posset, non tam commodè, cum non sit amplius virgo. At nihil horum invenitur in matrimonio non consummato. Ibi enim nulla est proles, & uxor potest alteri nubere, & æquè bene, atque antea, cum adhuc sit virgo, & nihil infamæ incurrat ex hujusmodi repudio, ut notum est.

Dices: at injuria illi fit, cum spoliatur invita re sua. Respondeo: tenetur consentire marito volenti perfectiores nuptias sine ulla comparatione inire, cum id facere possit sine suo incommodo, potest autem cogi ut faciat, quod tenetur facere.

Dices rursum: si hæc ratio valeret quidquam, probaret non solum propter monasticam professionem matrimonium ratum dirimi, sed etiam propter sacrorum ordinum susceptionem, ac præcipuè propter episcopalem dignitatem, cum etiam sacro ordini sit annexum solemne votum continentie, & status Episcoporum sit perfectior statu religiosorum. At non dirimitur matrimonium ratum propter ordinis sacri susceptionem, ut Joannes XXII. definivit in Extravaganti, Antiquæ concertat. de voto. Respondeo: non esse similia; nam monasticæ professioni repugnat per se, & ex natura rei conjugium, non autem repugnat per se, & ex natura rei ordini sacro, sed ex solo decreto Ecclesiæ.

Secunda ratio est: nam in matrimonio duplex invenitur vinculum; unum spirituale, quod ex solo consensu nascitur; alterum carnale, quod nascitur ex copula; sed istud carnale dirimitur per mortem corporalem, ut patet ex 1. Corinth. 7. ergo vinculum spirituale dirimi debet per mortem spiritualem & civilem: talis est monastica professio, qua homo toti mundo quodam modo moritur. Et ex hac etiam ratione patet, cur non dirimatur tale matrimonium per ordinem sacrum; nam sacer ordo non requirit mortem illam spiritualem seu civilem, qua quis opibus & propriæ voluntati renunciet.

Ad argumenta duplex est solutio. Una communis Theologorum, quam præcipuè Sotus explicat in 4. dist. 27. quæst. 1. art. 4. quod tam insolubile sit matrimonium tantum ratum, quam consummatum; & tunc ad illa omnia argumenta respondent, ea

probare optimè matrimonium ratum non posse dirimi ab homine, idest, humana ulla auctoritate, sed tamen non probare, quin possit dirimi à Deo; Deum autem esse qui dirimit, cum sponsum vocat ad religionem.

Dices: unde habemus, quòd Deus dirimat matrimonia rata, & non dirimat etiam consummata per vocationem ad religionem, cum certum sit, Deum omnia posse dirimere? Respondeo, scimus ex Ecclesiæ declaratione.

Altera solutio est communis Canonistarum, quam etiam sequitur Cajetan. in opusculis tom. 1. tract. 28. qui docent, matrimonium consummatum non esse solubile, nisi à Deo: matrimonium autem ratum tantum esse solubile auctoritate Pontificis, & etiam sine illa auctoritate, solvi per ingressum in religionem; & tunc ad argumentum ex verbis Domini Matthæi 19. *Quos Deus coniunxit, homo non separet*; respondent, ea verba intelligi solum de matrimonio consummato. Nam hæc verba non sunt dicta à Domino, nisi postquam dixerat: *Erunt duo in carne una*, quod non fit, nisi per copulam carnalem. Et sic docet exponi debere hunc textum Alexander III. cap. Ex publico, de conversione conjugatorum.

Ad primam rationem respondent, matrimonium ratum & consummatum non differre solum accidentaliter, idest, ut rem operantem, & non operantem, ut vult prima opinio; nec tamen differre propriè essentialiter, quasi desit matrimonio rato altera pars essentiae, quomodo differunt homo & anima, sed differre, sicut perfectum & imperfectum, sicut differunt homo, cui non deest ulla pars integralis, & homo mancus, surdus vel cæcus: id, quod ipsa verba ostendunt. Cur enim dicitur matrimonium ratum, & non consummatum, si nihil ei deest, nisi operatio, sive effectus? Et cur non dicitur etiam sacerdotium ratum, & non consummatum, antequam Presbyter incipiat exercere sacros ordines?

Porro id, quod deest matrimonio rato, est id, quod facit illud solubile. Nam Sacramentum matrimonii triplicem habet significationem. Primò, significat gratiam invisibilem, sive conjunctionem Christi cum anima. Secundò, conjunctionem Christi cum Ecclesia per charitatem. Tertiò, conjunctionem Christi cum Ecclesia per naturæ conformitatem. Ex quibus matrimonium ratum habet solum primam, ut docet S. Thomas in 4. dist. 27. quæst. 1. art. 3. quæst. 2. ad 1. & Innocentius III. cap. Debitum, de bigamis. Quæ significatio sufficit ad constituendum verum Sacramentum, sed ea non facit matrimonium insolubile; nam illa conjunctio Christi cum anima non est insolubilis, ut patet.

Matrimonium autem consummatum habet alias duas, ut patet ex Paulo, Ephes. 5. qui non dicit: *Sacramentum hoc magnum est, ego autem dico in Christo, & in Ecclesia*, nisi postquam dixerat: *Erunt duo in carne una*, quod certè fit per copulam. Et confirmatur hoc totum ex eo, quòd si matrimonium ratum, non consummatum, significaret unionem Christi cum Ecclesia, sequeretur esse digamum, qui duo matrimonia rata contraxit, licet unum tantum, aut nullum consummaverit, quod est contra cap. Debitum, de digamis. Sequela patet; nam digamia contrahitur ex defectu significationis unius Christi cum una Ecclesia, quam non habet, qui cum duabus contraxit.

Ad secundam rationem dico, matrimonium ratum esse verum Sacramentum, sed non perfectum, quoad omnem significationem.

Ad tertiam dico. Primò, eos, qui dant seiplos

A uxori, semper intelligere, se dare cum ea conditione, nisi vocentur à Deo ad spirituales nuptias. Secundò, non teneri conjugem ad solvendum ejusmodi debitum cum detrimento boni spiritualis sui, quando id potest fieri sine ullo detrimento alterius conjugis, ut in præsentia accidit. Utraque solutio est bona, sed hæc posterior est conformior decretis & factis Pontificum, qui de facto dispensant in matrimonio rato, non consummato. Præterea, prima opinio nititur testimonio Nicolai, 27. quæst. 2. can. Scripsit, ubi dicit, Deum esse, qui solvit matrimonium, cum aliquem vocat ad religionem. At hoc fundamentum non est solidum, quia Nicolaus loquitur de matrimonio consummato, & intelligit illud solvi, quoad thorum, non quoad vinculum.

CAPUT XXXIX.

De Eremitis.

SEquitur disputatio quinta de Eremitis. Eremitarum institutum præ cæteris religionibus gravissimè reprehendunt Magdeburgenses Centur. 4. & 5. cap. 6. & 10. necnon Calvinus lib. 4. Instit. cap. 13. §. 16.

C Duo sunt autem, quæ reprehendunt, solitudinem, & vitæ severitatem. Solitudine dicunt eos peccasse dupliciter contra proximum. Primò, quòd quasi odio humani generis in solitudines recesserint, contra illud Matth. 24. *Eccē in deserto est, nolite exire*. Et Hebr. 10. *Non deserentes collectionem nostram*. Secundò, quòd illa officia charitatis dereliquerint, quæ Deus mandavit, contra illud Hebr. 10. *Adjungamus nos invicem*.

D Vitæ severitate dicunt eos peccasse in seiplos. Primò, quòd se exposuerint multis periculis, & temptationibus, sine Dei mandato, contra illud Matth. 4. *Non tentabis Dominum Deum tuum*. Et ideo in poenam peccati Deus permiserit eos vexari variis modis à Diabolo, ut de Antonio & Hilarione patet. Secundò, quòd sui ipsorum fuerint homicidæ, nimis jejuniis, ciliciis, aliisque sponte susceptis afflictationibus, contra illud Exod. 20. *Non occides*. Et Coloss. 2. *Habeto honorem corpori*. Tertiò, quòd stulto labore seiplos vexaverint, in rebus ridiculis & fatuis ponentes religionem, ut patet de Simeone, qui in altissima columna more avis plurimos annos vixit, in quo apparuisse dicunt miram Diaboli fascinationem & illusionem.

E At vitam Eremiticam sanctam & perfectam, & Deo gratam esse probatur. Primò, testimonio Scripturæ, quæ vehementer laudat Heliam, & Joannem, qui Eremitarum Principes fuerunt, sive solitudinem, sive asperitatem vitæ consideres; nam de Joanne dicit Matth. 11. *Inter natos mulierum non surrexit major Joanne*. Helias autem quantus fuerit, vel ex eo patet, quòd in laudibus Joannis, Angelus posuerit, futurum illum similem Heliae: *ipse, inquit, precedet in spiritu, & virtute Helia*, Luc. 1. Porro Helias ut plurimum versabatur in monte Carmelo, & pilis induebatur, zona pellicea præcinctus, ut dicitur 4. Reg. 1. Similiter Joannes vixit in deserto ab infantia ad finem usque vitæ, & pilis Camelorum induebatur, præcinctus zona pellicea, victusque ejus erant locustæ & mel sylvestre, ut dicitur Luc. 1. & Matth. 3. Quocirca veteres Patres Heliam & Joannem Eremitas & Principes Eremitarum faciunt, ut Basiliius in epistola ad Chilonem; Nazianzenus in Apologia postquam ex fuga redisset; Chrysostomus.

sofotomus hom. 69. in Matth. Hieronymus partim in epist. ad Paulinum de institutione Monachi, partim in epist. ad Eustochium de virginit. Cassianus Collat. 18. cap. 6. Sozomenus lib. 1. hist. cap. 12. Theophylactus in primum caput Luc. Isidorus lib. 2. c. 15. de officiis divinis.

Ad hoc argumentum respondent, ac præcipuè de Joanne docent, eum numquam fuisse in vera eremo, nec tam aspero victu, & vestitu usum, ut nos dicimus, Magdeburgenses Cent. 1. lib. 1. cap. 6. colum. 248. dicunt, Joannem prædicasse in deserto, esse accipiendum per Synecdochen, quia nimirum prædicabat in oppidis adjacentibus deserto, & cap. 10. col. 357. dicunt, Joannem habitasse cum suis parentibus, sed dictum habitasse in deserto, quia domus parentum ejus erat in montanis Judææ, qui locus vulgo dicebatur desertum, ob montes, & sterilitatem, quamquam plurima ibi oppida & pagi existerent, similiter exponunt Bucerus & Zvvinglius in cap. 3. Matth.

Rursus Centuriatores ibidem col. 356. dicunt, vestem Joannis fuisse quidem ex pilis cameli, sed tamen bene contextam, & talem, qualibus ordinariè utebantur homines ejus loci, quod idem ait Bucerus in cap. 3. Matth. Addit verò in eundem locum Chytræus, fuisse vestem similem illis, quas undulatas vocamus, vel Italicè, dici ciambellotto, quibus certè nobiles nunc uruntur, non rustici.

Denique Centuriatores col. 364. dicunt, locustas Joannis fuisse genus cancrorum, idest, optimorum piscium, quos piscatores projiciebant tamquam in lege prohibitos, sed Joannem illos manducare solum Evangelica libertate. Quod idem sensit Melancthon in concione de Joanne Baptista, & aliquot alii in cap. 3. Matth.

Hos errores refellit accuratè Petrus Canisius lib. 1. de corruptelis verbi Dei cap. 2. 3. & 4. Ac primum in verissimo deserto fuisse Joannem, probat Canisius. Primò, quia vox desertum, quæ in Scriptura frequentissima est, semper accipitur pro vero deserto.

Secundò probat, nam Lucæ 1. dicitur, erat in desertis usque in diem ostensionis suæ ad Israel; ergo non viderunt illum Israelitæ usque ad annum ejus 30. quo nimirum se ostendere, & prædicare cœpit, ergo toto illo tempore non habitavit in domo parentum, vel in oppidis, & pagis, sed in verissima eremo.

Tertiò ex illis verbis Luc. 3. *Factum est verbum Domini super Joannem Zachariæ filium in deserto, & venit in omnem regionem Jordanis, prædicans Baptismum penitentia.* Ubi notandum est, eam regionem Jordanis, ubi Joannes prædicabat, fuisse etiam desertam. Sic enim ait Matth. cap. 3. de re eadem loquens: *In diebus illis venit Joannes Baptista, in deserto prædicans Baptismum penitentia*, ergo Joannes venit à deserto in desertum: Sed prius illud desertum ubi mansit Joannes, antequam prædicare inciperet, adeò erat desertum, ut ejus comparatione illud alterum non videretur desertum: Nam alioqui cur Lucas diceret, venit à deserto in regionem, si hæc regio erat æquè deserta? Itaque vera est Euthymi sententia, qui in cap. 3. Matth. docet, duplex fuisse in Judæa desertum; unum interius, quo nimirum nemò, aut rarissimi penetrabant; alterum exterius, ubi non habitabant quidem homines, tamen per illud sæpius iter faciebant: ac Joannem quidem usque ad annum 30. fuisse in interiori deserto, deinde postremo vitæ suæ anno in deserto exteriori.

Possumus addere quartam rationem ex dubitatione Judæorum, qui Joan. 1. petunt à Joanne, quis ipse sit, num Helias, an aliquis alius. Si enim

Controv. Card. Bellarm. Tom. II.

A versatus fuisset semper in domo parentum, certè scivissent illum esse Joannem filium Zachariæ, & Elisabeth. At quia per tot annos latuerat, videlicet ab infantia, usque ad annos triginta, nemo erat qui eum agnosceret, & ideò petunt: *Tu quis es?* & quia videbant eum vestitum eo modo, quo Scriptura testatur indui consuevisse Heliam, & simul sciebant rediturum Heliam ante Christi adventum, ideò quærunt: *Helias es tu?*

B Accedunt ultimò testimonia Patrum. Eusebius libro 9. demonstrationum Evangel. cap. 5. *Procedebat, inquit, ex deserto inusitatum indutus habitum, omnemque communem hominum consuetudinem declinans, nam neque in vicum ullum, neque in urbem, neque in communem aliquem virorum cœtum commeabat.* Et infra: *Repente, inquit, nescio, unde à latebris solitudinis prodentem, & post prædicationem rursus in solitudinem, & latebras recedentem, sine cibo, sine potu, abhorrentem à multitudine, merito obstupecebant, & ne hominem quidem illum esse arbitrabantur.*

C Hieronymus in epist. 4. ad Rusticum: *Joannes, inquit, Baptista sanctam habuit matrem, Pontificisque filius fuit, & tamen nec patris affectu, nec matris opibus vincebatur, ut in domo parentum cum periculo viveret castitatis. Vivebat in eremo, & oculis desiderantibus Christum nihil aliud dignabatur aspicere.* Accedant testimonia suprâ citata, quæ Joannem Eremitarum principem faciunt.

D Jam verò de Joannis veste, quòd non fuerit ex panno, nec ullo modo mollis, ac delicata, patet ex illis verbis Domini Matth. 11. *Quid existis in deserto videre? hominem mollibus vestitum? ecce qui mollibus vestiuntur in domibus regum sunt.* Unde Chrysostomus hom. 10. in Matth. dicit Joannis vestem compunctioni, & pœnitentiæ accommodatam fuisse, & ibidem ait, fuisse cilicinam ad mundi contemptum indicandum. Sanctus quoque Bernardus in serm. de S. Joanne Baptista: *Venit, inquit, Joannes non manducans, nec bibens, plane nec vestiens, sicut enim non est locusta cibus nisi aliquarum fortè irrationabilium animalium, sic nec pilus cameli hominum est indumentum.* Hæc ille. Et cur quæso sanctus Evangelista tam sollicitè nobis Joannis vestem descripsit, si ea communis, & ordinaria erat? Cur vestem Christi non etiam descripserunt Evangelistæ, si personæ & non ipsius vestis ratio habebatur?

E Porro de victu, quòd locustæ illæ non fuerint pisces delicati, sed aut veræ locustæ, quæ sunt minuta animantia, vel certè herbarum summitates, patet primò, quia Græca vos ἀπίρας nihil aliud significare potest, ut Euthymius docet. Secundò, quia Christus Lucæ 7. ait: *Venit Joannes non manducans, neque bibens*, idest, usque adeò tenui cibo, & potu utens, ut nullo uti videatur. Tertiò, quia sic exponunt omnes Patres, quos vide apud Canisium.

Probatum Secundò vitæ eremiticæ institutum ex testimoniis sanctorum Patrum, qui uno consensu illud approbant. Basilus in epistol. ad Chilonem, Martyrio comparat vitam solitariam, & solvit omnes objectiones, quæ contra Eremitas fieri possunt similiter in epist. 1. ad Gregorium Theologum de utilitate solitudinis multa disputat. Nazianzenus in Apologia pro fuga sua, vocat cœlestem vitam Eremitarum, & in epist. ad Hellenium refert mira quædam de Eremitis sui temporis, ut quòd aliqui numquam homines videant, aliqui integri viginti diebus cibo abstineant. Refert etiam de quodam, quod toto anno in oratione steterit, & ne tantillum quidem obdormierit, cui reliquias exigui cibi vicinus corvus adferebat. Postquam autem hæc, & similia retulit, subjungit: *Talis est Christi pars, talis passionum Christi fructus, quem ipse à terra ad Patrem*

Q

desert:

desert: religionis, inquam, Christiana columen, populi decus, mundi fundamentum, cum celestibus pulchritudinibus elegantia propemodum certans.

Epiphanius in compendiarie doctrina, inter ea, quæ in Ecclesia Catholica servantur sine præcepto, primo loco ponit virginitatem, secundo solitudinem, quibus adjungit abstinentiam à carnibus, ovis, piscibus, & ab ipso etiam pane, & vino, humi cubationem, sacci gestationem, & similia.

Chrysostomus passim prædicat laudes Eremitæ, ut hom. 8. in Matth. ubi sic ait: *Si quis nunc ad Ægypti veniat solitudinem, paradiso prorsus omnem illum Eremitum videbit digniorem, & innumeros Angelorum choros in corporibus fulgere mortalibus &c.* Similia habet hom. 69. & 70. in Matth. & hom. 14. in priorem ad Timotheum.

Hieronymus in epist. 1. ad Heliodorum: *O desertum, inquit, Christi floribus vernans, & solitudo, in qua illi nascuntur lapides, de quibus in Apocalypsi civitas magni Regis exstruitur, & Eremitæ familiaris Deo gaudens &c.* Idem in epist. ad Eustochium de virginitate, dicit, eos, qui ex coenobiis ad Eremitum tamquam ad vitam perfectiorem profugunt, nihil secum ferre ad cibum, nisi panem, & salem.

Augustinus lib. 1. de moribus Ecclesiæ cap. 31. miris laudibus effert Eremitas: *Nihil, inquit, de iis dicam qui secretissimi penitus ab omni hominum conspectu, pane solo, & aqua contenti desertissimas terras incolunt, perfuentes colloquio Dei, cui puris mentibus inhaerent, & ejus pulchritudinis contemplatione beatissimi, quæ nisi Sanctorum intellectu percipi non potest.* Et infra: *Hoc tam excellens fastigium sanctitatis, cui non sua sponte mirandum, & honorandum videtur, oratione nostra videri qui potest?*

His adde Iulianiani novellam constitutionem 133. ubi sic ait: *Solitaria vita, atque in ea contemplatio res plane sacra est, & quæ suapte natura animas ad Deum adducat, neque iis tantum, qui cum incolunt commode, sed etiam omnibus aliis &c.*

Tertio probatur rationibus. Prima ratio sumitur ab effectu, videmus enim magnam partem veterum Eremitarum evasisse viros perfectissimos & miraculis clarissimos, cujus rei testes produci possunt illi omnes qui scripserunt vitas & res gestas Eremitarum, ut Athanasius in vita Antonii, Hieronymus in vita Pauli & Hilarionis, Palladius in historia Lausiaca, Cassianus in Collationibus, Theodoretus in historia religiosa, Sozomenus lib. 1. hist. cap. 12. 13. & 14. lib. 3. cap. 13. & lib. 6. cap. 18. & sequent. Rufinus lib. 2. hist. c. 3. & 4. Evagrius lib. 1. c. 21. & lib. 1. c. 7. Ac ut de cæteris nunc taceam, certe Paulum I. Eremitam Deus non pavisset annis 60. mittens ei per corvum singulis diebus dimidium panem, neque Antonius vidisset animam ejus ad chorum Apostolorum in cælum deferri, neque Leones illi sepulchrum effodissent, nisi summa illius solitudo centum ferè annorum, & maximè vitæ austeritas Deo placuissent.

Secunda ratio, vita Eremitica est culmen & fastigium vitæ religiosæ. Nam omnes ferè Patres docent, ad vitam Eremiticam non debere quemquam transire, nisi prius diligenter in coenobio se exercuerit, propterea quod Eremita non adferat perfectionem, sed præsupponat. B. Hieronymus in epist. ad Rusticum 1. Cassianus Collat. 10. cap. 3. Augustinus lib. 1. de moribus Ecclesiæ, cap. 3. Benedictus in Regula cap. 1. Bernardus serm. 3. de circumcissione, & hæc fortasse est causa cur liceat omnibus ferè religiosis transire ad ordinem Carthusiensem, quia nimirum vita illorum est solitaria, & proinde perfectiorum. Cum igitur vita Eremitica perfectissima sit, non potest Deo non esse grata; supra enim osten-

sum est, vitam perfectam adeò placere Deo, ut rectissime voveri possit.

Tertia ratio, austeritas, & solitudo sunt optima media ad optimum finem. Nam finis austere & solitariae vitæ est contemplatio Dei, rerumque celestium, ut patet ex Cassiano Collat. 19. quæ est de fine vitæ Eremiticæ; eam autem optimam partem Dominus vocat Luc. 10. Medium autem ad contemplationem omnium optimum, est habere animum collectum, & intentum, cui rei mirum in modum deservit solitudo, quæ omnem strepitum rerum, quæ animum distrahere possent, procul arceat. Hinc Dominus quotiescumque orare volebat, pergebat in montes, & loca deserta. Luc. 5. *Ipse autem secedebat in desertum, & orabat.* Moyfi quoque Exod. 24. cum Deus loqui vellet, iussit ut solus ascenderet in montis verticem, & caliginem intraret, nimirum ut nihil videre posset, quod animum ejus à Deo avocaret. Scribit etiam B. Hieronymus lib. 2. contra Jovinianum, adeò hoc esse verum, ut etiam multi Philosophi ductu naturæ in desertis habitaverint, & quidam etiam sibi oculos eruerint, ut sine distractione contemplari possent.

Idem de jejunio, & reliqua vitæ severitate dici potest. Nam quod jejunium medium sit optimum ad orationem, patet ex eo, quod in Scriptura ubique jungitur orationi. Tob. 12. *Bona est oratio cum jejunio.* Matth. 17. *Hoc genus non ejicitur nisi in oratione, & jejunio.* Luc. 2. *Hæc non discedebat à templo, jejunans, & obsecrationibus serviens nocte, & die.* 1. Corinth. 7. *Ut vacetis orationi, & jejunio:* & Chrysostomus hom. 1. in Gen. dicit jejunium esse animæ instar alarum ut sursum ferri, & summa contemplari queat. Similia habet Athanasius in lib. de virginitate, & Basilus orat. 1. de jejunio: & quisque experitur, cum caro viger & floret, & in deliciis agit, animum quoque fieri quodammodo carnalem & terrenum, & magis de luxuria quàm de sapientia cogitare.

Quocirca etiam Plato locum pestilentem elegit, ubi versaretur & doceret, ut ait Hieronymus lib. 2. contra Jovinianum, ut discipuli sui nihil amarent nisi sapientiam; Et ibidem refert Pythagoræ vitalisse non solum urbes, sed etiam hortos, & omnia loca, quæ voluptatem adferunt, ne animi mollescerent, & à studio sapientiæ retardarentur. Similia docet de sacerdotibus Ægyptiorum, qui ut vacarent contemplationi syderum, neque uxores habebant, neque ullum propinquorum videbant, & cibo tenuissimo utebantur. Scribit etiam Galenus in exhortatione medicinæ, animas hominum, voluptatibus deditorum, in multo sanguine tamquam in luto demersas nihil subtile, & celeste contemplari posse.

Quamquam sancti illi Eremitæ, non solum propter contemplationem ita severe vivebant, sed etiam aliis iustissimis de causis. Primò, quia loci natura id exigebat, nec enim poterant, etiamsi voluissent, eas commoditates vitæ in deserto reperire, quæ in urbibus reperiuntur. Et hæc est causa cur Paulus primus Eremita foliis palmarum indueretur, & fructibus ejusdem arboris aleretur, quia nimirum, nihil aliud ibi erat; & similiter cur Joannes locustis & melle sylvestri viveret, quia ejusmodi rebus illa eremus abundabat, ut Hieronymus docet lib. 2. contra Jovinianum.

Secundò, quia occupati deliciis animi, partim obliviscebantur corporis, ut de Joanne Abbate refert Cassianus Collat. 19. cap. 4. qui non recordabatur, an pridè comedisset necne: partim etiam agere ferebant istam corporis servitutem, & idè quò rariùs, & brevius poterant necessitati corporeæ satisfacere,

facere, eò se feliciores putabant, ut Philo scribit de primis illis Monachis, in lib. de vita contemplativa supplicum. Multi enim propter aviditatem spiritualium epularum vix quinto aut sexto quoque die corpus reficiebant.

Tertiò, quia noverant Deo gratissimam esse victoriam cupiditatum, & patientiæ exercitationem. Quia enim caro semper concupiscit contra spiritum, placet Deo, ut spiritus semper concupiscat adversus carnem. Unde Tertullianus, feras & aridas escas, & reliquam corporis afflictionem sacrificium Deo gratissimum esse dicit, libro de resurrectione carnis.

Quartò, ad fructus dignos poenitentiae peragendos, & pro peccatis satisfaciendum. Sancti enim qui seriò justitiam esuriunt, leves culpas graviter vindicare solent. Et hæc est una ex præcipuis causis, cur Joannes Baptista tam severè vixerit: Nam etiam ipse nulla fortasse peccata omnino voluntaria habuerit, cum scriptum sit ne levi saltem maculare vitam fame posset, tamen quia missus à Deo fuerat, ut poenitentiam prædicaret, voluit exemplo, & verbo eam prædicare, idcirco, ut Chrysostomus dicit hom. 10. in Matth. vestem habuit compunctioni & poenitentiae accommodatam. Ex his facile jam erit ad argumenta respondere.

Ad primum argumentum respondeo, Eremitas non odio humani generis, sed studio purioris vitæ concedere in solitudinem. Unde Augustinus lib. 1. de moribus Ecclesiæ Catholice cap. 31. *Quid est, inquit, quod vident qui non possunt homines non diligere, & tamen possunt homines non videre: Profectò illud quidquid est, præstantius est rebus humanis, cuius contemplatione potest homo sine homine vivere.* Itaque licet peccet contra genus humanum, qui odit societatem, non tamen peccat qui sine odio solitarii manet.

Locus autem Evangelii: *Nolite exire*, ad literam de adventu Antichristi intelligitur. Mysticum autem desertum, & penetralia significant Ethnicorum & Hæreticorum falsa dogmata, ut Origenes, Hieronymus & Beda scribunt in cap. 24. Matth. Hæretici enim Christum invenire volunt in quibusdam sensibus Scripturarum planè inviis, & desertis, quos sancti Patres ne à longè quidem salutaverunt. Qualis est hic ipse sensus horum verborum: *Nolite exire*. Quis enim unquam cogitasset per hæc verba prohiberi vitam Eremiticam, & tamen Magdeburgenses: *Ecce hic est Christus*, in hoc deserto, in hoc sensu recondito, est vera verbi divini intelligentia.

Ad illud Hebr. 10. *Non deferentes collectionem nostram*, dico Paulum accusare eos, qui ex odio, vel invidentia non conveniebant in Ecclesiam, quia nimirum non habebant eum locum, quem cupivissent, & idè seorsum cum paucis conventicula faciebant. Unde Theodoretus, & Oecumenius notant Paulum per collectionem intelligere consensionem animorum. Adde, quòd etiam Eremitæ, exceptis paucissimis, ad Ecclesiam in ipsa eremo simul conveniebant, ut nunc etiam Carthusianos, & Camaldulenses facere videmus.

Ad secundum argumentum respondeo cum Augustino lib. 1. de moribus Ecclesiæ cap. 31. ubi ille sic ait: *Videntur nonnullis (Anachoretæ) plusquam oporteret deseruisse res humanas, non considerantibus quantum nobis eorum animus in orationibus proficit, & vita ad exemplum, quorum corpora videri non sinimur.* Unde & Justinianus loco citato dicit, imperium, militiam, agros ipsos, & quidquid boni habent homines seculares, per orationes conservari sanctorum Eremitarum.

Dices, non sola oratio est opus charitatis à Deo

Centrov. Card. Bellar. a. T. in. l. l.

A præceptum, sed multa alia, ut Eleemosyna, visitatio ægrotorum, consilium, instructio &c. quæ Eremitæ non modò non præstant, sed etiam impotentes se reddunt ad ea præstanda. Respondeo, ad opera charitatis non obligantur homines privati, nisi quando se offert occasio. Hoc enim interest inter Prælatos, & non Prælatos, quòd illi tenentur ex officio inquirere, an populi sibi crediti aliqua re indigeant: At isti non tenentur quærere, sed solum oblata occasione facere aliis, quòd sibi fieri volunt. Et quamquam ex intentione facere se impotentem ad ea opera præstanda, sit peccatum, ut si quis idè semper maneat domi, ne ulli pauperi occurrat: tamen si præter intentionem id accidat, non est peccatum.

B Ad tertium dico, exponere se periculo, non esse peccatum, alioqui non liceret navigare, nec præliari &c. Sed peccatum esse temerè exponere se periculo; quòd faceret qui sine justa causa, & confusus suæ debilitatis & nuditatis, cum viro forti, & armato congredi vellet, & similiter in rebus spiritualibus, qui solitudinem peteret sine causa, idèst, sine proposito purioris vitæ, & non prius in cœnobio edoctus esset pugnare cum Diabolo, ut Patres citati docent, nisi fortasse extraordinariè Deus aliquem vocet, ut constat de Paulo primo Eremita, & aliis quibusdam.

C Ad quartum, dico, adèd sanctos Eremitas non fuisse sui homicidas, ut etiam diutissimè vixerint: Nam Paulus primus Eremita vixit annos 113. Antonius 105. cæteri ferè omnes admodum senes fuerunt, ut ex collationibus Cassiani colligitur. Ostendit etiam B. Hieronymus lib. 2. contra Jovinianum, ex Hypocrate, & Galeno, conducere sanitati jejunium, quòd idem ex Antiphane medico doctissimo, demonstrat Clemens Alexandrinus lib. 2. Pædagogi cap. 1.

D Ad illud autem Coloss. 2. *Habeto honorem corpori*, est duplex solutio. Una secundum Augustini explicationem in epist. 59. ad Paulinum, ubi sic explicat, quæ videntur quidem rationem habentia sapientiæ in superstitione, & humilitate, non ad parcendum corpori, non in honore aliquo ad saturitatem carnis, idèst, videtur abstinentia istorum habere quasdam rationes sapientiæ, licet superstitiosa sit, quia hoc facere videntur ad humiliandum cor, & castigandum corpus, non autem ad honorandum vel saturandum. Hæc enim bona essent, si non fierent supersticiosè: Nam & Paulus ait: *Castigo corpus meum, & in servitutem redigo* 1. Corinth. 9.

E Altera explicatio est Hieronymi in epistola ad Agastiam, & Chrysostomi in hunc locum, qui dicunt reprehendi eos, qui corpus non honorant. Porro honor corpori debitus id requirit, ut non subtrahantur ei necessaria, neque sine utilitate vel necessitate affligatur. Eremitæ autem affligebantur quidem, sed magna cum utilitate, nec tamen necessaria sibi subtrahebant, ut patet ex longissima vita ipsorum; Nam etsi interdum necessaria sibi ipsi subtrahere videbantur, ut cum jejunabant multis diebus sine ullo cibo, tamen quia vires ad hoc faciendum ex divino beneficio habebant, non erat illis ejusmodi cibus necessarius.

Ad quintum sufficit Apologia Theodoretæ in historia religiosa cap. 26. ubi duobus modis defendit factum Simeonis. Primò, quia id non fecit sponte, sed quasi coactus, cum enim plurimi ad eum confluerent, eumque certatim tangerent, ut curarentur à languoribus suis, vel certè, ut sanctitatem aliquam inde perciperent, ille indignum se judicans tanto honore, & simul agrè ferens tantam distra-

Q 2

Cio.

tionem, & impedimentum ab oratione, excogitavit rationem illam in columna vivendi, quo nemo attingere posset.

Secundo dicit, id eum fecisse instinctu Spiritus sancti, qui voluit novo illo spectaculo singularissimæ poenitentiae, & patientiae excitare torporem hominum, quemadmodum quondam Prophetas suos Deus quædam facere præcepit, quæ stulta videntur: Nam Isaiam iussit nudum prorsus incedere per civitatem Isaiæ 20. Hieremiam catena lignea sponte sua circumdatum, Hierem. 28. Ezechielem comedere panem in fumo bovino coctum, & per dies 390. dormire super latus sinistrum, & per 40. super dextrum. Ezech. 4. & caput, ac barbam radere, & pilos in medio foro in statera ponderare, & unam partem cremare, alteram concidere gladio, tertiam dispergere in ventum, aliam ligare in summitate pallii. Ezech. 5. denique Joannem Baptistam iussit habitare cum bestiis, indui pilis camelorum, & vesci locustis.

Quod autem verè Simeon iste Dei instinctu in columna habitaverit, probat Theodoretus ex vita ejus miraculis clarissima, & ex conversione innumerabilium hominum, qui per eum Christiani facti sunt. Nam hic erat ordo vitæ ejus, tota nocte, & magna diei parte, idest, usque ad horam nonam orabat. Deinde verba faciebat ad eos, qui illum invisebant, invisebant autem tam multi, ut via quæ ad illum ducebat propter continuum euntium & redeuntium hominum concursum, perenne quoddam flumen videretur. Porro his concionibus multa millia Ethnicorum ad Baptismum adduxit, sæpè etiam Judæos & Hæreticos confutavit. Post concionem curabat ægrotos, qui ordinariè adferebantur; Tanta autem erat fama nominis ejus propter miracula, ut ex toto orbe terrarum eò concurreretur, ex Armenia, Perside, Scythia, Æthiopia, Arabia, Hispania, Gallia, Britannia.

Romæ verò in omnium officinarum vestibulis, & porticibus imagines ejus visebantur, quibus Romani sibi præsidium, & opem parabant. Post curationes dirimebat lites, plurimi enim ad illam columnam, tanquam ad summum tribunal contentiones suas, & discordias dijudicandas adferebant. Multa futura prædixit, quæ suo tempore impleta fuisse idem Theodoretus ibidem affirmat. Jejunabat integram Quadragesimam sine ullo cibo & potu, idque plusquam per annos 28. continuavit. Denique, cum jam mortuus esset, adhuc stabat cadaver ejus immotum, & erectum in columna, quemadmodum cum vivebat, & post sepulturam miracula creberrima tam ad loculum reliquiarum, quam ad ipsam columnam fiebant. Porro harum rerum mirum silentium apud Magdeburgenses; nimirum hinc faciliè evanuiscent omnes ipsorum objectiones.

CAPUT XL.

De habitu & tonsura Monachorum.

Sequitur Disputatio sexta de habitu, & tonsura, de quibus duo explicanda sunt. Primò, antiquitas harum caeremoniarum. Secundo, ratio earum: Nam Magdeburgenses Centur. 4. cap. 6. colum. 467. loquentes de habitu, & tonsura Monachorum, dicunt esse res supersticiosas, & non conformes Scripturæ, nec usui purioris Ecclesiæ. Calvinus quoque lib. 4. Instit. cap. 19. §. 27. videtur indicare, coepisse usum tonsuræ tempore Augustini, causam autem fuisse dicit, quia eo tempore soli homines effœminati, & delicati alebant comam: non autem vide-

A batur permittendum Clericis, & Monachis, ut id facerent, quod soli faciebant lasciviores, & molliores; postea verò corruptionibus temporibus excogitata esse mysteria, & significationes.

B Quidam verò Hortensius Landus librum scripsit de persecutione Barbarorum, ubi multa dicit contra tonsuram Monachorum. Et ne videatur sine Scriptura loqui, profert aliquot Scripturas Testamenti veteris. Prima est Levitic. 19. ubi Dominus ait: *Non attondebitis comam in rotundum*. Cui similis est locus Hierem. 9. ubi Dominus dicit, se dispersurum omnes circumtonfos in comam. Tercia est Levit. 21. ubi de Sacerdotibus dicitur: *Non radent caput, nec barbam*. Quarta est Ezech. 44. ubi idem habetur. Quinta in epist. Hieremiæ apud Baruch cap. ult. ubi Hieremias ridet idolorum Sacerdotes, habentes caput, & barbam rasam.

Quantum igitur ad vestes, quod antiquissimum sit institutum, ut qui profitentur mundi contemptum, & poenitentiam, singulari & notabili habitu induantur, patet primò ex Dionysio cap. 6. Ecclesiasticæ Hierarchiæ, ubi de professione Monachi loquens ita ait: *Sacerdos, inquit, signo crucis eum consignatum tondet; omnique vest. detracta eum alia induit &c.* Eusebius lib. 2. hist. cap. 24. scribit ex Egesippo Jacobum Apostolum fratrem Domini numquam induisse laneam vestem, sed sola syndone lineam usum.

C Athanasius in lib. de virginit. ante medium, docet sanctimoniam, ut fuscam vestem & vilem gerat. Basiliius epist. 1. ad Gregorium multa dicit de habitu Monachi, & similiter in quæstionibus fuscæ explicatis, q. 22. Chrysostomus hom. 69. in Matth. dicit, Monachos habitu imitari Heliam, & Joannem, & lib. de comparatione Regis & Monachi dicit, Monachum uno tantum amictu, instituto suo conformi, uti solere.

Palladius in hist. Lausitica cap. 41. dicit etiam virgines sanctimoniales suo tempore cucullis uti conluevisse. Tertullianus lib. de velandis virginibus meminit habitus Deo dicati, quo utebantur sanctimoniales.

D Ambrosius lib. 6. epist. 36. de Paulino loquens, qui ex magno viro in sæculo, & nobili senatore Monachus factus fuerat, & eo facto multos gentiliū senatorum offenderat: *Et cum ipsi, inquit, capita & supercilia sua radant, si quando Idis suscipiant sacra: si fortè Christianus vir attentior sacrosancta religionis vestem mutaverit, indignum facinus appellant.*

E Hieronymus in epist. 4. ad Rusticum Monachum: *Vidi quosdam, inquit, qui postquam renunciavere sæculo, vestimentis duntaxat, & vocis professione, non rebus, nihil de conversatione pristina mutaverunt.* Epist. 13. ad Paulinum: *Tunicam, inquit, mutas cum animo &c.* Et epist. 15. ad Marcellam: *Tunicam facsciozem, inquit, induta se repente Domino consecravit.* Epist. 22. ad Eustochium de virginitate omnium coenobitarum eundem fuisse habitum dicit, nimirum tunicam & sagum, quibus in vita Hilarionis addit cucullam, dicit enim vestes ejus fuisse, tunicam sacceam, palliolum, & cucullam. Epist. 27. ad Eustochium de obitu Paulæ loquens de sanctimonialibus: *Unus, inquit, omnium habitus, lintheamine ad tegendas solum manus utebantur.*

Augustinus lib. 6. contra Faustum cap. 9. dicit, peccatum esse, si vel sanctimonialis gerat ornamenta nuptiarum, vel nuptæ speciem virginum vestibus referant, & in epist. 199. ad Ediciam indicat, fuscam vestem fuisse tunc insigne continentiam profitentium.

Gregorius lib. 2. Dialogorum cap. 1. meminit, habitus

bitus Monachi, & lib. 3. cap. 14. meminit habitus sanctimonialis; denique Cassianus totum primum librum de institutis coenobiorum consumit, in explicando habitu Monachorum, docens eos præscriptum habitum professioni congruentem à majoribus accepisse. Adde duo Concilia; Nam Gangrense can. 13. reprehendit eos Monachos, qui ob habitum superbiebant, & contemnebant alios Christianos, qui communibus vestibus utebantur. Concilium Carthaginen. IV. can. 104. distinguit habitum laicalem ab habitu religioso. De habitu Clericorum, vide Chrysost. homil. 83. in Matth. & Hieronym. lib. 1. contra Pelagianos, ubi meminerunt candidæ vestis. Item Hieronymus in Epitaphio Nepotiani, ubi meminit sacræ tunicæ, qua utitur in mysterio Christi.

Jam quod attinet ad rationem habitus monastici, ea redditur ab iisdem Patribus: Nam cur vestem mutet Monachus futurus, rationem esse dicit Dionysius, cap. 6. Eccles. hierarch. ut significetur vitæ mutatio. Cur proprio, & certo utantur religiosi vestium genere, rationes duas reddit Basilus quæst. 22. ex diffusè explicatis. Prima ratio est ad designandam propriam professionem. Si enim convenit, ut aliter vestiantur senatores, aliter milites, aliter nobiles, aliter rustici, & si Paulus 1. Corin. 11. jubet virum aperto capite orare ad significandam potestatem, mulierem verò velato ad significandam subjectionem. Cur non conveniet religioso certam vestem deferre ad significandum statum suum? Secunda ratio est, ut religiosi saltem inviti cogantur rectè vivere. Si non haberent certum habitum, non internoscerentur ab aliis: At nunc ab omnibus statim cognoscuntur & observantur, & si quid agant contra suam professionem, ab omnibus notantur, & reprehenduntur.

Cur utantur cucullis, rationem esse dicit Cassianus loco notato, ad designandam simplicitatem, innocentiamque infantilem, ad quam Monachi redire cupiunt. Infantes enim dum adhuc in fasciis, & sinu nutricis versantur, velis quibusdam quasi cucullis teguntur. Cur autem veste horrida, ut sacco, aut certè simplici, & vili utantur, causam reddunt Hieronymus, & Cassianus locis notatis, tum ad agendam poenitentiam, tum ad mundi contemptum demonstrandum. Nam saccos, & asperas vestes, habitum esse poenitentium Scriptura testatur, cum inducit Achab poenitentem sacco indutum 3. Regum cap. 21. & Heliam veste pilosa tectum, 4. Regum 1. & Ninivitas sacco vestitos, Jonæ 3. & Joannem pilis camelorum utentem, Matth. 3. & denique multos alios: *Circumcises in melotis, & in pellibus caprimis*, Hebr. 11.

Quia tamen potest quis & bene, & malè uti veste inusitata, idest, insigniter contempta, vel horrida, monet sapienter B. Augustinus lib. 2. de serm. Domini in monte cap. 19. ut ex sola veste neminem judicemus, sed ex alijs ejus operibus discamus, utrum id faciat contemptu superflui cultus, an ambitione aliqua, & simulatione sanctitatis. Potest enim sub ovina pelle lupus latere, nec tamen debet ovis deponere pellem suam, quia sub ea aliquando lupus delitescit.

Nunc ad tonsuræ antiquitatem ostendendam, habemus in primis Dionysium eodem cap. 6. Eccles. hierarch. ubi clarè dicit, Monachum futurum primum tonderi. Deinde, indui alia veste, priore abjecta. Habemus deinde Anticetum in epistola ad Gallos, ubi jubet radi caput in modum sphaeræ.

Tertiò, Athanasium in lib. de virginit. Palladium in hist. Lausiaca cap. 41. & Hieron. in epist. ad Sabinianum Diaconum, qui testantur etiam sanctimoniales tonderi consueville.

Quartò, Epiphanium hæres. 80. & Augustinum de Contrav. Card. Bellarm. Tom. 11.

A opere Monachorum cap. ult. qui acriter reprehendunt quosdam Monachos crinitos, qui tonderi more aliorum nolebant.

Quintò, Hieronymum & Augustinum qui coronæ sacerdotalis meminerunt. Hieronymus in epistola ad Augustinum, quæ est 26. inter epist. Augustini: *Fratres tuos Dominum meum Alipium, & Dominum meum Evodiam, ut meo nomine salutes precor coronam tuam*. Augustinus in epistola ad Proclinarum Episcopum 147. *Per coronam nostram nos adiuvant vestri, per coronam vestram vos adiuvant nostri &c.*

B Sextò, Isidorum lib. 2. de offic. divinis cap. 4. & Bedam lib. 5. hist. Anglorum cap. 22. quorum prior ab Apostolis dicit institutam esse tonsuram & coronam Clericorum, & Monachorum; posterior dicit S. Petrum omnium primum gestasse coronam capillorum, toto reliquo capite detonso, & ad ejus imitationem omnes Clericos & Monachos idem suscepisse.

C Septimò, Justinianum, qui in Authenticis colat. 7. tit. 5. cap. 2. & 3. distinguit tonsuram Monachorum novitiorum, quam Laicorum tonsuram vocat, à tonsura professorum.

Octavò, Concilia; Nam Concilium Carthaginen. IV. can. 44. prohibet Clericos alere comam aut barbam. Concil. Tolet. IV. can. 40. jubet, ut omnes Clerici toto capite detonso, solum circulum capillorum supra aures relinquant. Ex quo apparet, olim eandem fuisse coronam Clericorum & Monachorum: sed Monachi quidem servarunt antiquam consuetudinem, Clerici verò magna ex parte illam mutaverunt.

D Ut autem ad rationem tonsuræ veniamus. Primum, falsa est Calvinii ratio; Nam quòd tempore Augustini non solum aliqui dissoluti comam gestarent, sed multi alij probi homines, idque sine peccato facerent, ex eo patet, quòd poenitentes jubebantur tondere caput in signum doloris, & poenitentiae, ut patet ex Concil. Agathensi can. 11. & Toletano III. can. 12. & præterea non solum Clerici, & Monachi tondebantur, sed ita tondebantur, ut corona capillorum appareret, quòd certè non erat in communi usu Laicorum.

E Alia ratio redditur ab Isidoro lib. 2. de officiis divinis cap. 4. quòd nimirum Monachi tondebantur ad imitationem Nazaræorum, qui in die consecrationis suæ tondebantur, ut dicitur Num. 6. Nazaræi enim sunt Monachi Testamenti veteris. At hæc ratio non mihi probatur, siquidem Nazaræi tunc solum tondebantur, cum desinebant esse Nazaræi, insignemque illorum erat longa casaries, ut ex eodem cap. 6. Numeri patet. Immo Epiphanius hæres. 80. probat Monachos nostros debere esse tonsos, quia gerere comam longam, est proprium Nazaræorum Testamenti veteris. Sicut etiam Augustinus lib. de opere Monachorum, prope finem dicit, Patres Testamenti veteris meritò gestasse longos capillos, quia mysteria redemptionis nondum revelata erant. Idem enim significabant velamen positum in facie Moïsi, & coma longa Sanctorum. At nunc postea quàm Christus apparuit, convenit, ut qui Christo sunt consecrati, contrarium significant ablatione comarum, & hæc potest esse ratio prima nostræ tonsuræ.

Secundam reddit Beda lib. 5. hist. cap. 22. ad exprimendam imaginem spinæ coronæ Christi, ut enim omnes Christiani signo communi crucis ornantur, ita par erat, ut Clerici & Monachi, qui specialius Christum patientem imitari vellent, speciali signo ornarentur.

Tertiam & quartam rationem reddunt Isidorus lib. 2.

lib. 2. cap. 4. de officiis divinis, Rabanus lib. 1. de instit. Clericorum cap. 3. & Hugo lib. 2. de Sacramentis part. 3. cap. 1. dicunt enim tonderi capillos, qui sunt superflue quædam corporis partes ad significandum, debere Clericos & Monachos omnia superflua, & præcipue vitiosas cupiditates amputare, ut sic maneat vertex, idest, animus liber, & apertus divinis contemplationibus, & illustrationibus. Et rursum sic tonderi dicunt, ut relinquatur circulus capillorum, ad significandam regiam coronam, quandoquidem servire Deo, regnare est.

Quintam reddit Dionysius cap. 6. Eccles. hierarch. ut significetur illa nudatione capitis, vita pura & aperta, non fucata ulla specie, quam Monachus exhibere debet.

Posset addi sexta ratio tonsuræ Monachorum, nimirum ut signum esset poenitentiae, & conversionis: Nam ut ante diximus, poenitentes olim nonnisi tonsi recipiebantur. Porro tonsuræ Sanctimonialium rationem moralem reddit Hieronymus in epist. ad Sabinianum, quia nimirum non lavabant unquam, nec ungebant caput, & periculum erat, ne à parvis animalibus, quæ inter cutem & crines oriuntur, & concretis sordibus opprimerentur. Quamquam negari non potest, quin etiam id fiat ad contemptum mundi demonstrandum; solent enim foeminae capillos plurimi facere.

Est autem hoc loco observandum, olim non tam rasuram, quam tonsuram fuisse in usu. Tondebantur enim demissè quidem, sed ita tamen, ut cutis recta maneret. Id apparet ex Clemente Alexandrino lib. 3. Pædag. cap. 11. *Sed pili, inquit, tondendi sunt, non novacula, sed tonsorum forficibus.* Item ex Optato Milevitano, qui lib. contra Parmenianum arguit Donatistas, quod Catholicis Sacerdotibus, per vim capita raserint: *Docete, inquit, ubi vobis mandatum sit, radere capita Sacerdotibus, cum econtrariò tot sint exempla proposita, fieri non debere.* Item ex Hieronymo in cap. 44. Ezechielis, ubi dicit, Sacerdotes non debere comam alere, nec tamen radi, sed ita tonderi, ut cutis recta maneat. Denique Dionysius, Epiphanius, Hieronymus, Athanasius, Palladius, Augustinus, Isidorus, Beda, & Concilia Carthagenense & Toletanum nusquam nominant rasuram, sed solam tonsuram. Unus est Anicetus Papa, qui, ut dixi, rasuræ meminit, sed non est ea epistola prorsus indubitata, fortè enim falsum titulum præferret. Nec tamen propterea reprehendimus usum huius temporis, quo Monachi & Clerici raduntur; Nam nec unquam fuit prohibitum radi, & præterea ejusmodi caeremoniæ, pro temporum & locorum diversitate, variari possunt.

Ad argumenta Hortensii respondemus, in primis præcepta illa esse caeremonialia, & propterea non magis obligare, quam obligent circumcisio, sacrificia &c. Dico præterea primum & secundum locum ex Levit. 19. & Hierem. 9. nihil concludere; nam ut rectè notavit Isichius in hunc locum, tondere comam in rotundum, non est comam scindere, sed ornare. Itaque prohibebat Deus Judæis, ne comam rotundam efficerent; quod certè Monachi non faciunt, qui comam radunt, uno circulo capillorum excepto. Neque hoc Deus absolutè prohibebat, sed solum propter intentionem malam, nimirum ne hoc facerent in cultum dæmonis, ut eo tempore & in iis locis gentiles faciebant, ut notant Theodoretus quæst. 28. in Leviticum, & Isichius, ac Radulphus in hunc locum.

Ad tertium Levit. 21. dico, ibi non præcipi Sacerdoti, ne radat caput absolutè, sed ne radat in morte alicujus propinqui sui, in signum doloris. Voluit enim Deus Sacerdotes esse cæteris constantiores.

Ad quartum Ezech. 44. dico, Sacerdotibus Judæorum fuisse prohibitam rasuram, non quod in se mala sit, sed ne viderentur similes Sacerdotibus gentilium, in quorum vicinia habitabant, qui toto capite raso idolis sacrificabant, ut ex epist. Hieremias apparet. Quod ex se non esset malum, patet, quia Ezechiel, qui Sacerdos erat, jubetur à Deo radi. Ezechel. 5. & præterea Num. 6. Nazareus completo tempore consecrationis suæ jubetur radi. Unde Paulo dicit Jacobus Actor. 21. *Sunt nobis viri quatuor, habentes votum super se, his ergo assumptis sanctifica te cum illis, & radant capita sua.* Solum ergo propter viciniam idololatrarum prohibebantur Sacerdotes Judæorum radi. Quæ fortè causa erat, cur Optati, Hieronymi, & Ambrosii tempore Christiani Sacerdotes non raderentur, sed tonderentur: Nam adhuc ipsorum tempore erant Sacerdotes Isis, qui caput radebant, ut Ambrosius epist. 36. & Hieronymus in cap. 44. Ezechielis testantur. Posteaquam autem illa causa cessavit, nihil absurdi faciunt, qui ad aliquid sacrum significandum caput radunt.

Ad ultimum dico, Hieremias non ridere illos Sacerdotes, quia radebant caput, & barbam, sed quia id faciebant in honorem Deorum ligneorum, qui non poterant remunerari cultores suos.

C A P U T XLI.

Licere Monachis manibus laborare.

Restat postremò Disputatio de ratione vivendi, sive de opere corporali Monachorum. Sunt autem quatuor modi vivendi apud homines religiosus. Vel enim vivunt ex labore proprio, vendentes aliquid, & ementes aliud: vel vivunt ex bonis suis communibus, idest, ex bonis quæ religiosi ipsi ad monasterium adferunt, & in commune constituunt: vel ex bonis relictis ac donatis à piis viris, vel ex mendicatione.

De singulis dicendum est. Ac primum, de primo duo fuerunt extremi errores. Unus eorum, qui dicebant non licere religiosi operari, & laborare pro victu, sed debere eos confidere in Dei providentia, & vivere ex alienis laboribus; huius erroris fuerunt Messaliani, sive Euchitæ, apud Epiphanium hæres. 80. & rursus quidam apud Carthaginem, teste August. lib. 2. retract. cap. 21.

Alter error fuit Gulielmi de sancto amore, & postea Joann. Wiclefi apud Thomam Waldensem lib. 4. doctr. fidei antiquæ art. 2. cap. 22. & Joan. Calvini lib. 4. instit. cap. 13. §. 10. qui docent teneri Monachos ex proprio labore vivere, quamquam Gulielmus non omnes religiosos obligabat ad laborandum manibus, sed eos solum qui non habent bona stabilia in communi. Primus error natus est ex duobus locis Scripturæ malè intellectis, nimirum Matth. 6. *Nolite solliciti esse animo vestro, dicentes, quid manducabimus &c.* Ex Joan. 6. *Operamini non cibum qui perit, sed qui permanet in vitam æternam.* Refellit hunc errorem August. in lib. de opere Monachorum, ex verbis Apostoli 2. Thessalonic. 1. ubi & se laborasse, & operaturum dicit, ne quemquam gravaret, & alios monet, ut operentur, & laborent.

Quia verò respondebant hæretici illi, B. Paulum loqui de opere spiritali, idest, de oratione & exhortatione; notanda sunt alia loca, ubi expressè ponitur labor manuum, Actor. 20. *Ad ea, quæ mihi opus erant, & his, qui mecum sunt, ministraverunt manus istæ.* Ad Ephes. 4. *Qui furabatur, jam non furetur, magis autem laboret operando manibus suis.*

2. Theſſal. 4. *Operamini manibus vſtris*. Ad hæc, ut acutè notavit Auguſtin. idem Apoſtolus 1. Cor. 9. dicit ſe operatum, cùm tamen liceret ſibi ſecundùm Domini ordinationem non operari. At certè non licebat ei ſecundùm Domini ordinationem non concionari, & non orare. Ait enim: *Si non evangelizaverò, vobis mihi, &c.* Loquitur igitur de corporali labore, cùm dicit ſe laboraſſe, cum tamen non teneretur.

Ad verba illa Domini contra citata, respondeo, non prohiberi illis verbis moderatam ſollicitudinem quaerendi cibum proprio labore, ſed immoderatam & ſuperfluam. Poſſe autem tribus modis eſſe immoderata ſollicitudo. Primò, ratione finis, ut ſi quis quaerat cibum præcipua intentione, quaſi ſit ille ultimus finis, ut faciunt qui evangelizant, ut comedant; cùm deberent comedere, ut evangelizant. Atque hoc reprehendit Dominus Matth. 6. cùm ait: *Primum quaerite regnum Dei &c.* Et Joan. 6. *Operamini non cibum, qui perit, ſed qui permanet in vitam æternam*, id eſt, primaria intentione quaerite cibum ſpiritualem, ſecundaria corporalem.

Secundò, ratione diffidentiae immoderata eſt ſollicitudo, ut cùm quis adeò ſollicitus eſt de rebus temporalibus, ut vix poſſit credere ſibi Deum adfuturum in illis acquirendis, etiamſi adhibeat ipſe quoque ſuum laborem. Et hoc reprehendit Dominus cùm ait Matth. 6. *Nolite ſolliciti eſſe &c.* vult enim perſuadere fidelibus confidentiam in Deum; Et ſanè perſuadet efficaciffimis argumentis; Nam ſi Deus, inquit, paſcit aves, & veſtit lilia, quæ eum non norunt, imò etiam providet Gentilibus, qui eum blaſphemant, quomodo vobis cultoribus ſuis poterit deſſe? Et ſi vobis corpus & animum donavit, quæ majora ſunt; quomodo credibile eſt non daturum cibum & veſtes quæ ſunt minora?

Tertiò, immoderata eſt ſollicitudo ratione temporis, ut cùm quis hodie ſollicitus eſt pro ea re, pro qua ſatis tempeſtivè cras inciperet ſollicitus eſſe, & hoc reprehendit Dominus cùm ait ibidem: *Nolite ſolliciti eſſe de crasino. Sufficit diei malitia ſua.* Ubi notandum, non reprehendi providentiam parandi neceſſaria pro tempore futuro, alioqui peccaſſet Joſeph Genef. 41. qui recondidit frumenta pro futura ſterilitate: etiam Dominus ipſe habebat loculos, ut emeret cibos, Joan. 13. Itaque vocatur ſollicitudo de crasino, & mala eſt illa, quæ non convenit præſenti temporis ſecundùm rectam rationem.

C A P U T XLII.

Non teneri Monachos ad laborem manuum.

Secundus error tria affert præcipua fundamenta. Unum ex Apoſtolo, qui Ephel. 4. 1. Theſſal. 4. & 2. Theſſalon. 3. præcipit Chriſtianis, ut ex labore manuum victum quaerant; ex quibus locis tale argumentum duci poſſe: vel illa verba B. Pauli continent præceptum neceſſitatis, vel conſilium perfectionis, ſi primum, ergo tenentur laborare etiam religioſi; ſi ſecundum, ergo tenentur ſaltem religioſi, illorum enim eſt viam perfectionis & conſiliorum tenere.

Secundum fundamentum eſt ex Auguſtino, qui in lib. de opere Monachorum dicit, religioſos teneri ad hoc Apoſtoli præceptum implendum, nec excuſari per occupationes ſpirituales. Sic enim ait cap. 17. *Quid, inquit, agant, qui operari corporaliter noluſt, aut rei vacent, ſcire deſidero. Orationibus, inquit, & ſcripturis, & lectionibus, & verbo Dei. Sancta planè vita,*

Conſtru. Card. Bellarm. Tom. II.

A & in Chriſti ſuavitare laudabilis: ſed ſi ab his advocandi non ſumus, nec manducandum eſt, nec ipſa eſca quotidie præparanda, ut poſſint apponi & aſſumi. Si autem ad iſta vocare ſeruus Dei certis intervallis temporis ipſius infirmitatis humana neceſſitas cogit, cur non & Apoſtolicis præceptis obſervandis aliquas partes temporum deputamus? Citius enim exauditur una obediens oratio, quàm decem miſſia contemptoris.

B Tertium fundamentum eſt ex conſuetudine omnium antiquarum religionum: Nam Epiphanius hæref. 80. Hieronym. epift. 4. ad Ruſticum, Aug. lib. 1. de moribus Eccleſ. cap. 31. Caſſian. lib. 2. cap. 3. & lib. 3. cap. 2. de inſtitutis cenobiorum, dicunt omnia monaſteria bene inſtituta, ſecundùm Apoſtoli legem manibus laborare.

C His non obſtantibus, reſpondemus cum B. Thoma in opuſculo 19. & in 2. 2. quaſt. 187. art. 3. & B. Bonaventura in lib. de paupertate Chriſti, & in Apologia pauperum: ad victum labore manuum quaerendum non magis teneri Monachos, quàm ſeculares, & probatur primò, vel laborare manibus eſt præceptum, vel conſilium. Si primum, omnes obligat, tam ſeculares, quàm religioſos. Præcepta enim dantur omnibus, omnibus enim dicitur: *Si vis ad vitam ingredi, ſerva mandata.* Si ſecundum, ergo nemo tenetur laborare manibus, niſi qui ſponte ad huius conſilii obſervationem ſe obligaverit; talis enim eſt natura omnium conſiliorum: Ergo religioſi qui id conſilium non receperunt, non tenentur manibus laborare. Non enim tenentur religioſi ad omnia conſilia, ſed ſolum ad illa, quæ ſponte ſuſcipiunt.

D Secundò, ſi tenerentur religioſi laborare manibus magis quam ſeculares, aut id eſſet ex præcepto naturali, aut ex poſitivo: neutrum autem dici poſſe; quòd enim non ex poſitivo, patet, quia nullum tale exiſtat: quòd non ex naturali, probatur. Nam præceptum de laborando, ut eſt naturale, dupliciter obligat, uno modo abſolutè, alio modo in certo caſu. Primo modo non obligat ſingulos, ſed Rempublicam, ut patet, debent enim in ea alii eſſe artifices, alii agricolæ, alii medici, alii iudices &c. & ex hac parte non convenit religioſis laborare manibus, illi enim officium habent in Republica orandi; & pſallendi, & ſimilia faciendi. Secundo modo tenentur quidem ſinguli hoc præcepto, ſed non minus ſeculares, quàm religioſi; nam omnes caſus, in quibus obligantur ſinguli laborare manibus, non minus accidere poſſunt ſecularibus, quàm religioſis; ver. gr. unus, & præcipuus caſus eſt, ſi quis nihil habeat unde vivat, nec poſſit licitè habere, niſi operando. Alius caſus eſt, ſi quis teneatur providere alteri de cibo, & non poſſit licitè eum invenire niſi operando. Tertius eſt, ſi quis non poſſit otium fugere, vel tentationes carnales ſuperare, niſi operando corporaliter. At omnes tam religioſi, quàm ſeculares tenentur providere, ne moriantur fame, & otium fugere, ac ſuperare tentationes. Omnes igitur tenentur eodem modo laborare.

E Tertio probatur ex illis ipſis argumentis, quæ contra nos proferuntur. Nam in primis Apoſtolus, in illis locis non ſcribit Monachis, ſed ſecularibus ut patet, & præcipue juxta opinionem adverſariorum, qui docent nondum illo tempore exiſſe religioſes. Deinde Apoſtolus in illis locis numquam præcipit operari abſolutè, ſed ſolum ad evitandum furtum, vel ſcandalum, vel otium: Nam Ephel. 4. ait: *Qui furabatur, jam non furetur, magis autem laboret operando manibus ſuis.* Et 1. Theſſal. 4. poſteaquam dixerat, ut operarentur, ſubiungit rationem: *Ut honeſtè ambuletis ad eos qui foris ſunt, & nullius aliquid deſideretis.* Ubi illud, *deſideretis*, non ſignificat concupiſcatis, ſed careatis. Sic enim eſt in Græco & Latine

χρησται Χρησται, idest, & nullius indigentiam habeatis. Scandalizabantur enim infideles, cum videbant Christianos ex alienis bonis velle vivere. Et 2. Thess. 3. postquam dixerat: *Qui non laborat, non manducet.* Subdit: *Audivimus enim quosdam inter vos inquietos esse, nihil operantes, sed curiosè agentes.* Qui ergo possunt furtum evitare & scandalum, & otium, alio modo quàm corporaliter operando, eos Paulus non obligat corporaliter operari.

Jam verò B. Augustinus in illo lib. de opere Monachorum, solum obligat ad operandum manibus illos, qui antequam religiosi fierent, ex labore manuum vivebant, & nunc idem facere possunt, sine impedimento majoris boni, & tamen ex otio, & pigritia nolunt; Nam cap. 21. excipit religiosos, qui Ecclesiastica muniteria exercent, quales sunt hoc tempore omnes mendicantes. Sic enim ait: *Si Evangelista, inquit, sunt, si ministri altaris, si dispensatores Sacramentorum, bene sibi istam non arrogant, sed planè vendicant potestatem, nimirum vendendi ex facultatibus populi.*

Dices, potestas petendi sumptus à populo, non est data nisi ordinariis pastoribus: alioqui possent religiosi accipere decimas, quod est falsum, & contra canones multos, ut ex Clementina prima de decimis perspicuum est.

Resp. ideo, quidquid de hoc sit, quod postea videbimus, satis nobis est, quòd Augustinus hoc dicat, de cujus sententia disputamus. Et præterea si ve religiosi prædicantes, & Sacramenta ministrantes, possint, ex justitia sumptus petere, si ve non possint, satis est quòd licitè possint petere saltem ex charitate, & accipere corporalia, sicut ipsi ex charitate ministrant spiritualia, & populus accipit. Adde etiam, quòd religiosi hujusmodi rectè dici possunt operari manibus suis. Operari enim manibus est operari corporaliter, si ve id fiat manibus, si ve pedibus, si ve lingua, si ve alio modo: Appellatur autem opus corporale, opus manuum, quia manus est instrumentum præcipuum, quo operamur. Unde etiam aurigæ, & nautæ, & cursores, & vigiles dicuntur operari manibus, quia corporaliter exercentur, licet non minùs pedibus quàm manibus in suo opere utantur. Qui ergo canunt in choro, publicè concionantur, docent, confessiones audiunt, planè manibus laborare dici possunt.

Itaque soli contemplativi, qui sibi ipsis vacant, manibus non laborant. Inter illos autem excipit Augustinus ab obligatione laborandi illos omnes, qui in sæculo divites fuerunt, & bona sua pauperibus dederunt. Illis enim debet Ecclesia victum, & vestitum, quandoquidem omnia sua ipsi Ecclesiæ in eius pauperibus dederunt. Sic enim ait de istis loquens cap. 25. *Si & ipsi, inquit, aliquid manibus operentur, ut pigritia ex vita humilior, & ab hac exercitatione venientibus auferant excusationes, multò misericordius agunt, quàm cum omnia sua indigentibus diviserunt. Quod quidam non vident, quis audeat cogere?* & c. 21. tales multos fuisse dicit in Hierusalem, qui quoniam omnia sua pauperibus dederant, quando tempore famis egebant, non sunt coacti operari manibus, sed eorum inopia eleemosynis Græcorum sustentata est Act. 11. Soli ergo remanent illi religiosi, qui in sæculo vivebant ex opificio, & in religione sibi solis vacant, non populo. Hos August. obligat ad laborandum.

Sed nec istos obligat absolutè, sed solum quando, si operentur, non impediuntur à majori bono, & si non operentur perniciosè otiosi erunt. Nam si aliquis talis possit perpetuò orare, aut legere, & velit id facere, & inveniat qui eum in tali opere versantem gratis aliat, cur non poterit id facere? Nam hoc modo vixit per triennium B. Benedictus, ut Grego-

rius testatur lib. 1. dialog. c. 1. & tota vita sua B. Alexius, ut in eius vita scribit Simeon Metaphrastes.

Unde Augustinus cap. 17. ejusdem libri, ubi dicit Monachos non debere excusari ab opere manuum per orationem, psalmodiam, lectionem, & verbum Dei, clarissimè indicat se loqui non de oratione assidua, nec de continua, & publica psalmodia, lectione, concione, quæ totum hominem occupant, sed oratione, psalmodia, lectione, & exhortatione privata, & rara, quæ multum otii relinquunt. Et c. 21. dicit se reprehendere illos Monachos, qui ex conditione servili ad monasterium veniunt, ut vitam inopem, & laboriosam fugiant, & vacui pascantur ac vestiantur, & insuper honorentur, ab iis, à quibus contemni conterique consueverant. De quibus etiam dicit cap. 25. *Nulla modo decet, ut in ea vita, ubi sunt senatores laboriosi, ibi fiant episcopi otiosi, & quòd veniant relictis deliciis suis, qui fuerant prædiorum Domini, ibi sint rustici delicati.* Et cap. 28. ait: *Offendite, inquit, hominibus non vos in otio faciliem victum, sed per angustam & arctam portam regnum Dei quaerere.*

Ad argumentum tertium de consuetudine antiquorum monasteriorum dico, Monachos illos fuisse obligatos operari manibus ex propriis regulis suis. Cur autem ejusmodi regulam constituerint, causa est duplex. Una, quia non poterant aliter sustentari, nam nec habebant prædia, & possessiones sibi relictas, ut nunc habent multi Monachi, & eleemosynas à populo petere, nec audebant, cum populo non servirent, nec ullo modo id sufficisset: Nam uno in loco, sub uno Abbate debebant terna ut minimum hominum millia, ut Augustinus refert lib. 1. de moribus Ecclesiæ cap. 31.

Altera ratio est, quia illi Monachi cum non essent Clerici, sed Laici omnes, excepto Abbate, non erant satis occupati, & ideo ad fugiendum otium necessarium erat illis laborare. Hieronymus in epistol. ad Rusticum: *Ægyptiorum monasteria hunc morem tenent, ut nullum absque operis labore suscipiant, non tam propter victus necessitatem, quàm propter animæ salutem, ne vagetur perniciosi cogitationibus mens &c.* Nec tamen absolutè est verum omnes antiquos religiosos manibus laborasse. Sic enim scribit de monasterio S. Martini Sulpitius in vita S. Martini cap. 7. *Nemo ibi quidquam proprium habebat, omnia in medio conferebantur. Non emere, aut vendere, ut plerisque Monachis moris est, quidquam licebat. Ars ibi, exceptis scriptoribus, nulla habebatur. Cui tamen operi minor ætas deputabatur, majores orationi vacabant.* Hæc ille. Ubi vides solos juniores laborasse manibus, eosque non ad victum quaerendum (nam nihil eis vendere licebat, sed vivebant ex bonis, quæ attulerant) sed ad otium fugiendum. Sed nec primi Monachi sub Apostolis in Hierusalem, aut in Ægypto operabantur manibus, ut patet Act. 3. & 4. & ex lib. Philonis de vita contemplativa.

C A P U T XLIII

Licetum esse Monachis vivere ex bonis patrimonialibus in communi.

DE secundo modo vivendi nulla potest esse dubitatio, nam in primis talis fuit vita primorum religiosorum sub Apostolis cap. 4. Act. unusquisque enim adferebat pretia suarum rerum Apostolis, & inde dividebatur cuique, sicut cuique opus erat. Deinde talis etiam fuit usus antiquorum monasteriorum, ut reciperent, si quid à in commune dare volebant, qui Monachi fiebant, ut patet ex Augusti-

no, in epist. 109. ad Sanctimoniales, ubi sic ait: *Qua aliquid habebant in saculo, quando ingressa sunt monasterium, libenter voluit illud esse commune.* Item ferm. 2. de communi vita Clericorum: *Vivunt, inquit, nobiscum in societate communi, & nemo eos distinguit ab eis, qui aliquid astulerunt.* Et lib. de opere Monachorum cap. 25. ideo dicit, divites non teneri ad opus manuum, quia monasterio sua bona contulerunt.

B. Benedictus, ut in vita S. Placidi legitur: *Bona, qua fuerant Monachorum suorum, non fuit aliò derivari, quam ad sua monasteria, ut inde multos Dei servos alere posset.* B. Bernardus epist. 1. ad Robertum: *Ostenditur, inquit, terra, qua cum illo, & pro illo dicitur data fuisse.*

Denique hinc natae sunt illae leges Justiniani, in Authenticis coll. 1. const. 5. & illud quoque, & coll. 9. const. 15. §. Si qua mulier. In quibus statuitur, bona eorum, qui Monachi sunt, eo ipso ad monasteria, quae illi ingrediuntur, pertinere. Quamquam hoc tempore multae religiones huic privilegio renunciaverunt.

C A P U T XLIV.

Licetum esse Monachis vivere ex rebus spontè oblatiis & donatis.

DE Tertio modo nulla quaestio esse deberet, nam B. Augustinus in Psalm. 103. conc. 3. explicans illud: *Cedri, quas plantavit, illic passeret nidificabunt;* dicit cedros esse homines potentes, & divites, passeret autem esse religiosos pauperes: nidificare verò passeret in cedris, significare, quòd religiosorum monasteria à divitibus huius saeculi eriguntur, & sustentantur: *Cedri Libani, inquit, nobiles & divites, excelsi huius saeculi, quando cum timore audiunt: Beatus qui intelligit super egenum & pauperem, attendunt res suas, villas suas, & omnes superfluas copias, quibus videntur excelsi, & praebeant illas servis Dei, dant hortas, aedificant Ecclesias, monasteria, colligunt passeres, ut in cedris Libani nidificent.* Hieronymus in epist. 27. ad Eustochium de obitu Paulae, laudat sanctam Paulam, quòd ex rebus suis quatuor monasteria aedificasset, & sustentasset, unum Monachorum, & tria sacrarum virginum. Gregorius Papa, ut lib. 1. cap. 5. & 6. vitae ejus scribit Joan. Diaconus ex patrimonio suo septem monasteria erexit, & singulis praedia, & possessiones attribuit, sex in Sicilia, unum Romae. Similia exempla Caroli Magni. Caroli IV. Henrici II. & aliorum optimorum Principum, plurima adferri possent.

C A P U T XLV.

Licere Monachis ex mendicatione vivere.

DE Quarto praecipua est difficultas. Oppugnaverunt enim acerrimè ordines mendicantium. Primò, Gulielmus de sancto amore apud Antoninum part. 4. tit. 11. cap. 7. §. 5. summæ Theologiae. Secundò, Desiderius Longobardus apud Beatum Thomam in opusculo 19. Tertiò, Gyraldus de Abbatis vide apud Bonavent. initio Apologiae pauperum, Quarto, Joannes Wiclef apud Waldensem lib. 4. art. 2. doctrinalis fidei. Quintò, Richardus Episcopus Armacanus ferm. 4. Ultimò, Lutherus artic. ult. & Brentius in Confess. Wirtemberg. cap. de votis monasticis, qui omnes docent, esse extra statum salutis eos, qui redigunt seipsum sponte ad mendici-

tatem, tum quòd exponunt se evidenti periculo moriendi fame, tum quòd non liceat eis, nisi fortè ægrotent, eleemosynas petere, quae debentur solum iis, qui seipsum juvare nequeunt, tum denique quòd lex divina & humana reprehendat, & prohibeat voluntariam mendicantem.

At nihilominus vitam religiosorum mendicantium tamquam sanctam, & perfectam approbaverunt multi summi Pontifices, ut Innocentius III. teste Bonavent. Honorius III. Gregorius IX. Innocentius IV. Alexander IV. & Nicolaus IV. ut refert Joannes XXII. in Extravaganti, Quia quorundam, de verborum significatione, necnon Concilium Lugdunense generale, ut refert Nicolaus IV. c. Exut, de verborum significatione in 6. & Constantiense, sessione 8.

Rectè autem fuisse hanc vitam approbatam, ostendimus sequentibus rationibus. Primò, exemplo Domini, nam Dominus non habuit possessiones, neque proprias, neque communes, ut patet ex illo Luc. 9. *Vulpes foveas habent, & volucres caeli nidos; Filius autem hominis non habet ubi caput suum reclinet.* Et quòd non operaretur manibus, sed ex eleemosynis fidelium vixerit, patet ex illo Luc. 6. *Mulier aliquae ministrabant ei de facultatibus suis.* Item ex tota ejus vita, siquidem natus est in domo aliena, vixit in domibus & ex rebus alienis; nunc enim prandebat apud Martham, nunc apud Simonem leprosum, nunc apud Zachariam, nunc in domo Petri, nunc in domo Matthaei; equitavit in jumento alieno; fecit ultimam cenam in domo aliena; sepultus est in sepulchro alieno. Unde Psalm. 39. dicit, *Ego autem mendicus sum & pauper.* Et Psalm. 108. *Quia persecutus est hominem inopem & mendicum.* Quibus in locis est vox 1^{ae} quae habetur etiam Deuter. 15. ubi dicitur: *Non erit in te mendicus.* Quem locum pro se adferunt, qui dicunt, illicitam esse mendicantem. Et certum est utrumque Psalmum de Christo intelligi; nam priorem allegat Paulus ad Hebraeos 9. de Christo: *In capite libri scriptum est de me &c.* Et posteriorem allegat Petrus, Act. 1. *Scriptum est enim in libro Psalmorum, Episcopatum ejus accipiat alter &c.* Item 2. Corinth. 8. *Propter vos egenus factus est, cum esset dives.* Graecè ἐνταύθα, significat enim πτωχὸν, mendicare, unde apud Homerum Odys. 17. δαίτα πτωχῶν, prandium mendicare.

Ad hoc respondet Armacanus, Christum fuisse pauperem, sed non mendicum, & pauperem non amore paupertatis, sed quia restrictio domini ejus id exigebat. Dicit enim Christum successisse Adamo in dominio originali, cui repugnabat tam habere proprium, quam mendicare; Adamus enim in statu innocentiae fuit Dominus omnium bonorum terrenorum, sed ita tamen, ut non posset accipere in usum suum, nisi necessaria, nec sibi aliquid appropriare; divisio enim nata est post peccatum. Itaque in statu innocentiae non fuissent propriae divitiae, nec tamen fuissent ulli egeni, vel mendici. Quoniam ergo Christus natus est cum iustitia originali, habuit etiam tale dominium, quale Adam, & ideo repugnabat illi habere proprium, & simul repugnabat mendicare: cum omnia essent sua, quantum ad usum, tamen fuit restrictum dominium ejus, quia debuit esse sub lege; & sic fuit pauper, quia non potuit uti suo naturali dominio, obstante lege civili.

Haec omnia sunt contra apertas Scripturas. Et primò quòd Christus verè fuerit mendicus, & caruerit non solum usu, sed etiam dominio temporali rerum terrenarum, patet, quia dominium illud originale in bona communia, perit per divisionem rerum iustè introductam. Nec Dominus accepit dominium politicum more humano, licet dominium divinum semper habuerit. Itaque fuit verè mendicus,

ut

ut ex Psalmis, & ex Apostolo ostendimus. Fuit etiam verè Dominus, saltem in commune cum suis discipulis, eorum bonorum, quæ illi ut mendico donabantur. Quod enim Christus acceperit dominium civile, & proprietatem, saltem in communi cum Apostolis, earum pecuniarum, quæ sibi donabantur, patet ex Joan. 12. ubi dicitur Judas fur, quia usurpabat sibi pecunias loculorum Christi. At si Christus non habebat proprietatem, nec dominium civile, non erat furtum illud Judæ; nam per solum dominium naturale non magis pertinebant ad Christum illæ pecuniæ, quam aliæ res omnes.

Denique, quod Christus amore paupertatis, & non ex restrictione domini fuerit mendicus, planum est; Nam quis illum coegit fieri sub lege? Nonne sponte id ipse elegit? Quod certè poterat non eligere, si odisset paupertatem. Præterea etiam existens sub lege, nonne poterat faciliè ditescere si voluisset? Nonne turbæ illum Regem facere voluerunt? Cur ergo non habuit, ubi caput reclinaret, & sponte non habuit, si non amabat paupertatem? Denique cur Paulus 2. Cor. 8. vocat istam gratiam Domini, si non ex amore, sed ex necessitate fuit egenus?

Dicit Secundò Armacanus, Si Christus mendicaret, non propterea licere nobis mendicare. Eset enim hoc penendum inter opera admiranda, non imitanda, sicut quod jejunaverit 40. diebus sine ullo cibo. At mendicare, sine ullo miraculo fieri potest, ut experientia docet; jejunare autem sine omni cibo, non potest sine miraculo. Ad hæc, non consulit Christus, ut se imitemur jejunando sine omni cibo, consuluit autem ut se imitemur mendicando, cum ait Matthæi 19. *Si vis perfectus esse, vende omnia quæ habes, & da pauperibus, & sequere me.*

Secundò probatur, exemplo Apostolorum; nam illi omnia dimiserunt, Matth. 19. *Ecce nos reliquimus omnia.* Nec habuerunt possessiones in communi, ut patet Matthæi 18. *Nolite possidere aurum, neque argentum in zonis, nec duas tunicas &c.* Nec operabantur manibus, sed vivebant ex liberalitate eorum, quibus prædicabant, ut patet ex eodem capite 10. Matthæi, & 1. Corinth. 9. Talis autem est vita mendicantium. Unde Sanctus Franciscus, qui cum Sancto Dominico primus auctor fuit hujus instituti, pro regula suscepit decimum caput Matthæi.

Ad hoc respondent, Primò, vitam illam Apostolorum fuisse à Christo institutam ad tempus tantum, nimirum dum in Judæa prædicabat ante suam passionem; nam Lucæ 22. Dominus revocavit ista præcepta, dicens: *Quando misi vos sine sacculo, & pera, & calceamentis, numquid aliquid defuit vobis? sed nunc qui habet sacculum tollat similiter & peram.* Unde & loculos cum pecuniis habuit extremo tempore, ut patet Joan. 12. & 13. ex quo apparet, iam tunc abrogasse quæ dixerat Matth. 10. *Nolite possidere aurum &c.* Secundò objeunt, hoc fuisse præceptum, non consilium Evangelicum, proinde non pertinere ad mendicantes, qui se dicunt consilium sequi. Tertio, Apostoli ex Domini ordinatione ex justitia petebant a populo victum, ut patet ex illo Matth. 10. *Dignus est operarius mercede sua.* Et ex 1. Corinth. 9. *Quis militat suis stipendiis unquam?* ergo non mendicabant. At nostri mendicantes non petunt, nec petere possunt victum ex justitia.

Ad Primum respondeo, sive ad tempus sive non ad tempus vitam illam Christus instituerit, inde rectissime colligi, esse licitam, & sanctam, & imitatione dignissimam eam vitam, nisi fortè Christus ad tempus vitam illicitam instituerit. Præterea non est verum, Christum revocasse unquam illam institutionem quoad modum vivendi: revocavit quidem id quod dixerat: *In vitam Gentium ne abieritis.* At illa

A documenta de non possidendis pecuniis in zona &c. numquam revocavit, ut patet ex 1. Cor. 9. Quando autem ait Lucæ 22. *Nunc qui habet sacculum, tollat similiter & peram &c.* non jubet ut hoc faciant, sed prædicat illis, tempore passionis suæ futuros eos in tali timore, & perturbatione, in quali sunt ii, qui non fidunt ulli amico, & ideo sibiipsis prospiciunt, & tunicam vendunt, ut gladium emant. Neque loculi Domini repugnant illis verbis: *Nolite possidere aurum &c.* Nam, ut Nicolaus exponit in cap. Ex us, de verborum significatione, in Sexto, Dominus utramque vitam exemplo suo approbare voluit, nimirum illam quæ nihil habet, neque in particulari, neque in communi, excepto simplici usu rerum donatarum: & rursus illam, quæ aliquid habet saltem in communi; sed unam instituendo, non destruxit alteram.

Ad Secundum dico, illa verba non esse præcepta, sed consilia & instructionem ex parte Apostolorum, & aliorum prædicatorum, & simul esse ordinationem, & præceptum, ex parte populorum, ut patet ex declaratione Pauli 1. Corinth. 9. ubi dicit, Dominum ordinasse, ut qui Evangelium annunciant, de Evangelio vivant. Ex quo colligit, teneri populum ad alendos Evangelistas, & simul dicit, se non usum fuisse hac potestate: ex quo patet, non fuisse præceptum prædicatoribus, ut viverent ex populi sumptibus.

C Ad Tertium dico, Apostolos ex Domini ordinatione potuisse aliquando ex justitia petere à populo sumptus, aliquando ex æquitate, aliquando ex sola charitate. Pro quo nota ex Aristor. lib. 8. Ethicor. cap. 13. duplicem esse justitiam, unam legitimam, alteram moralem. Legitima dicitur, quando ex lege, aut pacto unus cogitur alteri aliquid solve- re. Moralis dicitur, quando sine pacto, aut lege unus laborat pro alio, ita ut consurgat obligatio quædam compensandi laborem, sed tamen non possit eum compellere ad ejusmodi compensationem. Jam Dominus ordinavit eos qui Evangelium annunciant, de Evangelio vivere.

D Hæc ordinatio respectu fidelis populi & ordinario- rum pastorum, est præceptum justitiæ in rigore; quando enim constituitur aliquis pastor, potest populus eum cogere ad spiritualia ministranda, & Pastor potest cogere populum ad temporalia danda, & hoc modo poterant Apostoli tamquam Episcopi cogere Christianos ad sumptus faciendos; At respectu populi infidelis, vel pastoris non ordinari, illa ordinatio non inducit rigorem justitiæ, sed quamdam æquitatem, seu moralem justitiam, & hoc modo Apostoli quando prædicabant Judæis ipso Christo vivente, non poterant cogere populum ad sumptus faciendos; nam nec populus susceperat Evangelium, & Apostoli nondum erant Pastores ordinarii; nam adhuc tenebantur Judæi agnoscere Sacerdotes Aaronicos, & eis decimas solve- re. Itaque Apostoli accipiebant sumptus ex morali justitia, vel petebant ex charitate.

E Jam religiosi mendicantes, qui mittuntur à summo Pontifice ad prædicandum & Sacramenta ministranda poterant facere pactum cum ipso Pontifice, vel cum populo de sumptibus accipiendis, & tunc ex rigore justitiæ illos petissent. Poterant etiam mitti a Pontifice eo modo, quo Christus misit Apostolos ad Judæos, antequam lex vetus cessasset, nimirum ut ex quadam æquitate peterent sumptus; nam *dignus est operarius mercede sua*, & qui Evangelium annunciat, de Evangelio vivere debet. Non enim Christus dixit, qui est ordinarius Evangelista dignus est mercede sua, sed *dignus est operarius*, idest, quicumque id operatur licetè, dignus

dignus est mercede sua: & hæc fuit expressa sententia Augustini de opere Monachorum, capite 21. Visum tamen est melius tam Pontifici mittenti, quam ipsis qui mittuntur, ut non peterent ullo modo ex iustitia, vel aequitate, sed solum ex charitate, sicut ipsi non ex debito, sed ex charitate ministrant spiritualia.

Tertio & Ultimo probatur ex eventu, nam hoc genus vitæ innumeris signis, & prodigiis confirmatum est, quæ Deus edidit per Sanctos Franciscum, & Dominicam, auctores huius vitæ, deinde ab eo tempore conversio gentilium, confutatio hæreticorum, pietas populi Christiani, conservatio Theologie, & innumera alia bona ordinibus mendicantium maxima ex parte accepta referenda sunt.

CAPUT XLVI.

Subiunguntur objectiones.

AT in contrarium obijciunt plurima argumenta, sed omnia reducuntur ad sex. Primum est, quia mendicitas jure divino, & humano prohibita est; nam de jure divino patet Deuter. 15. *Omnino indigens, & mendicus non erit inter vos.* De humano patet ex C. de mendicantibus validis lib. 11. cap. 25.

Respondeo, quantum ad legem divinam, sine dubio non prohiberi ea lege mendicationem vel mendicitatem, cum in eodem capite habeatur: *Non deerunt pauperes in terra tua &c.* Nec valet responsio Lyran, qui dicit, in prioribus verbis prohiberi publicos mendicantes, in posterioribus verò agi de pauperibus, qui etsi indigent aliorum auxilio, tamen non debent mendicare, sed debet eis à divitibus provideri. Non valet ista solutio, nam utrobique est *non* quod propriè significat mendicum, & ad verbum verti poterant, non deerunt mendici in terra tua, sicut suprâ dixerat: *Mendicus non erit inter vos.* Et præterea apud Judæos multi erant mendici, ut patet Lucæ 16. de Lazaro, Lucæ 18. de cæco secus viam mendicante, Joan. 9. de alio cæco mendicante, Actor. 3. de claudio mendicante ad portam templi speciosam.

Ad illa igitur verba: *Non erit mendicus inter vos,* respondeo dupliciter. Primò, illis verbis non prohiberi mendicitatem, sed promitti tantam ubertatem rerum, ut nullus sit futurus mendicus; qui sensus maximè convenit Hebræo textui, sequitur enim immediatè: *Quia benedicet tibi Dominus Deus tuus.* Neque repugnat hæc promissio illis verbis: *Non deerit mendicus in terra tua &c.* Nam promissio erat conditionata. Sic enim sequitur post illam promissionem: *Si tamen audieris vocem Domini Dei tui, & custodieris omnia, quæ iussit.* Et quoniam sciebat Deus istam conditionem non servandam, prædicit, nunquam defuturos mendicos, & monet, ut illis benefaciant.

Secundò dicit posset cum B. Thoma in opusculo contra impugnantes religionem, hæc lege prohiberi mendicationem, non ex parte mendicantium, sed ex parte divitum. Non enim Deus prohibet pauperibus mendicationem, cum infrâ dicat, non deerunt mendici, sed præcipit divitibus, ut quantum est in se, provideant ita pauperum necessitatibus, ut nulli cogantur mendicare. Melior est tamen prior solutio; nam si Dominus iussisset divitibus ut non peterentur mendicos, peccassent divites in populo Judæorum, qui revera permittebant mendicos tempore Christi, & tamen nunquam de hoc reprehensi leguntur à Christo, neque ab Apostolis. Præterea,

A si Dominus ibi prohibuit divitibus, ne p-mitterent mendicos, quomodo ibidem præcipit divitibus, ut mendicis eleemosynam faciant? Porro lex civilis loquitur de illis, qui mendicant, ut otiosè vivant, vel ut lucrentur &c. cum nullam adferant populo utilitatem. Unde ibidem inertes dicuntur.

B Argumentum Secundum. Scriptura passim detestat mendicitatem, ut causam multorum malorum Proverb. 30. dixit ille cum quo est Deus: *Mendicitatem & divitias ne dederis mihi, tribue tantum victui meo necessaria, ne fortè satiatus illiciar a: negantem, & dicam, quis est Dominus? aut egestate compusus fuer, & perjurem nomen Dei mei.* Ecclesiast. 17. *Propter inopiam multi deliquerunt.* Psalm. 36. *Non vidi justum derelictum, nec semen ejus quærens panem.* Psalm. 108. *Nutantes transferantur filii ejus, & mendicent.*

C Respondeo, loquuntur hæc loca de involuntaria mendicitate, qui enim mendicat coactus, & animum habet ad opes, ille facillè furatur, & peccat &c. Quamquam ad primum locum possunt dari duæ aliæ solutiones. Prima est, sapientem loqui in persona infirmorum, quales sunt plurimi in Ecclesia. Illis enim nocent nimis opes, & similiter nimia egestas. Viris autem perfectis qui sciunt cum Paulo abundare, & penuriam pati, tam opes plurimæ, quam etiam summa egestas sunt instrumenta virtutum, ut patet de Job, qui utrumque expertus est. Unde Chrysostomus homil. 18. in epist. ad Hebræos, & Ambrosius serm. 8. in Psalm. 118. dicunt, hæc verba Salomonis convenire hominibus Testamenti veteris, quia imperfecti erant.

D Secunda solutio est, à sapiente hoc loco recusari non quamlibet mendicitatem, sed illam solum, quæ est exposita periculo, qualis non est religiosorum mendicantium; illi enim certò sciunt sibi non defutura necessaria, tum ob Christi promissionem, Matthæi 19. *Centuplum accipiet, & vitam æternam possidebit;* & Marci 10. *Centies tantum nunc in tempore hoc:* tum ob populi devotionem, à quo non dubitant se recepturos temporalia, cum ei ministrent spiritualia. Immo videntur religiosi ad laceram petere, quod sapiens peti; nec enim volunt divitias, & ideo eas relinquunt, nec tamen volunt mendicantem periculosam, qua moriantur fame, & ideo dicunt, tribue tantum victui meo necessaria.

E Illud autem Psalm. 36. *Non vidi justum &c.* difficile est; nam Elias justus erat, & tamen quærebat panem, cum diceret viduæ: *Adfer mihi, obsecro, bucellam in manum tuam,* 3. Regum 17. & David quæsit panem ab Achimelech, 1. Reg. 21. & Lazarus quærebat micas panis, Lucæ 16. Hieronymus & Augustinus exponunt de pane spirituali. Caietanus & Lyranus dicunt loqui Psalmum de eo quod fit ut plurimum. Titelmannus optimè dicit debere referri illud *derelictum*, etiam ad *semen quærens panem*, ut sit sensus: non vidi justum derelictum, neque semen ejus quærens panem, derelictum. Vel certè ibi quærere; non significat quærere quomodocumque, sed quærere cum anxietate & labore, ut illi faciunt, qui diu quærunt, & vix inveniunt. Unde in Hebræo est verbum in Piel *קָרַע* quod significat quærere diligenter.

Argumentum Tertium. Opes moderatæ necessariae sunt, vel saltem valdè utiles ad vitam beatam & perfectam in hac vita ducendam; nam Ecclesiastæ 7. dicitur: *Melior est sapientis cum divitiis, & utilior videntibus solens: sicut enim protegit sapientia, sic protegit & pecunia.* Actor. 20. *Beatius est dare, quam accipere.* Et Arist. lib. 1. Ethic. cap. 8. dicit opes esse necessarias ad felicitatem.

Respondeo, opes & egestatem habere sua commoda

da & incommoda, nam opes profunt, quia materiam præbet liberalitatis, & quia liberant à sollicitudine querendi victum, tamen obsunt quatenus adferunt magnam sollicitudinem eas conservandi, & dispensandi: Contrà, paupertas prodest, quatenus præbet materiam patientiæ, & liberat à sollicitudine conservandi, & distribuendi pecunias; sed obest, quatenus affert sollicitudinem querendi victum. Verum omnibus consideratis, videtur esse majus bonum, quod adfert voluntaria paupertas, quàm id, quod adferunt divitiæ, & minus malum, quod paupertatem comitatur, quàm id, quod comitatur divitiæ, & præsertim iis, qui ex officio evangelizare, & Sacramenta ministrare debent. Et propterea Dominus Apostolis ejusmodi vitam consuluit, Matth. 10. & ipsi etiam Apostoli, Actor. 6. testantur, se non parum impediti à verbo Dei, & oratione, si opes Christianorum dispensare debeant.

Ad illud autem Ecclesiastæ respondeo, non voluisse cum dicere, meliorem esse sapientiam cum divitiis, quàm sine divitiis, sed meliorem esse sapientiam cum divitiis, quàm sine sapientia divitiis. Ita Tizelmannus, & rectè; nam in Hebræo non habetur melior, sed bona est sapientia cum divitiis: quod non potest dici, quia sit mala sine divitiis, sed quia sine ipsa malæ sunt divitiæ, & hoc probat, cum ait: *Sicut enim protegit sapientia, sic protegit pecunia.* Sed in hoc differunt, quod sapientia vitam tribuit possessori suo, quasi dicat, etsi pecunia protegit in hoc mundo à multis afflictionibus: tamen sola sapientia vitam præbet, & ideo sine sapientia parum aut nihil profunt divitiæ.

Ad illud Actor. 20. dico: cæteris paribus, beatius esse dare omnia sua simul propter Christum, & accipere postea aliquid modicum, quàm parum dare, & nihil accipere; & si niliter beatius esse accipere temporalia, ut possit expedire, & commodè dare spiritualia, quàm nihil accipiendo impediti à spiritualibus dandis.

Ad locum Aristotelis respondeo. Primum, loqui eum de humana felicitate, quæ multis rebus indiget, nam felicitas Christiana, nec ipsa in se eget ullis terrenis opibus, cum tota in Dei visione consistat, nec ad eam adipiscendam valde necessariae sunt opes, cum melius humilitate & patientia, quàm opibus ad regnum perveniatur æternum. Deinde addo, loqui Aristotelem de homine politico, qui in civitate vivere, & uxorem ac liberos habere, & Rempublicam unà cum aliis gerere velit. Ejusmodi autem hominibus negari non potest, quin opes necessariae sint. Si quis autem velit sibi soli vivere, & contemplationi vacare, huic certè Aristoteles opes necessarias esse minime judicabit, modò is habeat unde vivat sine dispendio contemplationis.

Argumentum Quartum. Redigere se ad extremam inopiam est vitium, nam virtus consistit in medio, vitia in extremis, sed dare aliquid est medium, nihil dare est extremum. Præterea confirmatur ex Paulo 2. Cor. 8. *Si voluntas prompta est, secundum id quod habet, accepta est, non secundum id, quod non habet. Non enim ut aliis sit remissio, vobis autem tribulatio, sed ex aequalitate.*

Respondeo, medium in virtutibus, excepta justitia, non considerari penes ipsas res absolute, sed cum ordine ad rationem, & omnes circumstantias. Verbi gratia, non est medium in temperantia, comedere unum panem, & extrema comedere duos, aut nullum; sed medium est tantum panis accipere, quantum ratio dicit tibi hoc tempore convenire; unde quod tibi est medium, alteri erit extremum. Sic ergo dare omnia, extremum est & vitiosum hominum patrifamilias, qui ex officio alere debet ux-

rem, filios, servos &c. At ei, qui statim mundo renunciare, & soli orationi & prædicationi instare, planè medium est omnia dare: & extrema erunt dare aliquid solum, & nihil dare, & per hoc solvitur confirmatio; nam Paulus alloquitur homines sæculares uxoratos &c.

Dices; dare omnia vel est medium ei, qui vult mundo renunciare, ante votum; vel solum post votum: si ante votum, ergo peccabit ille, si non der omnia, etiamsi nullum habeat votum paupertatis; nam medio virtutis opponuntur extrema vitiorum: si solum post votum, ergo mendicitas non potest voveri; nam nihil rectè vovetur, nisi quod ex se jam est virtutis actus. Respondeo, consilia Evangelica ante votum, non esse actus specialium virtutum, sed esse actus perfectus virtutum communium, ut liberalitatis, castitatis, obedientiæ. Porro actibus perfectis non opponuntur actus vitiosi, sed actus minus perfecti, & medium actus perfecti, non habet extrema vitiosa, sed extrema minus perfecta, at post votum idem actus jam sunt actus necessarij specialium virtutum, quibus opponuntur vera vitia specialia.

Argumentum Quintum. Qui se sponte redigit ad mendicantem, exponit se periculo fame moriendi, tentatque Deum, cum sibi ipsi auferat media ordinaria ad vitam conservandam, nec potest dicere, panem nostrum quotidianum da nobis hodie. Nam ei responderet Dominus, quid à me petis panem, cum tibi dederim antea, & tu illum abieceris?

Respondeo, ille diceretur exponere se tali periculo, qui omnia sua daret, quando probabiliter sciret, nihil se postea inventurum: at religiosi certam spem in Deo ponunt sibi nihil defuturum, quandoquidem Christus, id promissit, & experientia longa idem testatur. Neque tentant Deum: nam medium ordinarium ad vitam est cibus & potus, sive sit proprius, sive donatus ab alio: ille ergo rejicit media ordinaria, qui aut non vult comedere, aut non vult panem accipere, nisi per miraculum, ut illis accidit, de quibus Cassianus coll. 2. cap. 6. Nec prohibetur dicere, panem nostrum &c. Immo ipsi maxime hoc dicere possunt, quandoquidem sibi nihil retinuerunt, ut Christum sequerentur. Si enim dicat aliquis Rex civi opulento, relinque hic tuas possessiones & veni mecum ad bellum: certè ille jure poterit à Rege petere panem quotidianum.

Argumentum Sextum. Religiosi mendicantes, injuriam faciunt veris pauperibus: nam Lucæ 14. dicitur: *Cum facis prandium, voca pauperes, debiles, claudos, cecos, qui non habent retribuere tibi, & beatus eris.* Hoc loco, inquit Armacanus, Dominus non jubet vocari pauperes quoscunque, sed pauperes debiles, claudos, vel cecos, neque etiam debiles quoscunque, sed debiles pauperes: nam pauperes non debiles, possunt retribuere laborando: debiles non pauperes, possunt retribuere pecunias dando. Præterea, ordo charitatis postulat, ut semper detur eleemosyna magis egenti, magis autem egent pauperes debiles, quàm fortes, quales sunt religiosi, non igitur licet religiosis eleemosynas petere nisi fortè ægrotent.

Respondeo, si argumentum aliquid concluderet, non soli religiosi mendicantes, sed etiam omnes Clerici & Monachi, qui ex possessionibus vivunt, & non sunt debiles, claudi, vel cæci peccarent: nam possessiones donatæ monasteriis, & Ecclesiis, quid sunt aliud quàm eleemosynæ? Ridiculum autem est, non fraudari pauperes à Clericis & Monachis, qui accipiunt in eleemosynam redditus multorum millium aureorum, & fraudari à mendicantibus, qui accipiunt unum panem.

Ad locum ergo Evangelii dico, Dominum velle vocari pauperes, sive sint debiles, sive non: legendum

dum est enim cum distinctione, voca pauperes, debiles &c. Nam Apostolus Actor. 24. dicit, se attulisse eleemosynam pauperibus Christianis, qui erant in Hierusalem, quos certum est non fuisse omnes cecos, vel claudos. Et cum Dominus ait: *Voca eos qui non habent retribuere tibi*, non intelligit eos, qui nullo modo possunt retribuere, tales enim nulli ferè sunt: nam etiam pauperes claudi possunt retribuere aliquod obsequium, sed intelligit eos, qui non possunt reinvitare ad simile convivium, vel commodè aliquid donare, & proinde à quibus nihil sperari solet. Sic enim ait: *Noli, inquit, vocare amicos & vicinos divites, ne fortè ipsi te reinvitent, & fiat tibi retributio*. Porro, pauperes omnes, etiam qui validi sunt, & suis laboribus victum quaerunt, tales sunt, ut non possint retribuere: nam cum vix sufficiant sibi, quomodo poterunt convivio divites excipere, aut eis munera largiri?

Ad illam rationem dico, ceteris paribus dandam esse eleemosynam semper magis indigenti, alioqui

A magis danda est propinquiore, & meliori, & cui debetur ex justitia &c. Porro, tribus de causis potest fieri, ut sit danda eleemosyna potius religioso minus indigenti, quàm non religioso magis indigenti: ex Hieronymo in fine libri contra Vigilantium.

Primò, si is dederit verè omnia sua pauperibus: debetur enim illi victus ex bonis pauperum, non solum ex charitate, sed etiam aliquo modo ex justitia.

B Secundò, si laboret pro populo concionando, sacra faciendo &c. nam & huic debetur aliquo modo ex justitia, licèt is non petat, nisi ex charitate.

Tertiò, ratione perfectionis monasticæ: nam danda est semper eleemosyna potius meliori. Quia verò non possumus judicare de internis, danda est potius proficenti majorem sanctitatem, quàm proficenti minorem, quando non constat de mala vita religiosi. Excipitur tamen semper extrema necessitas cujuscumque pauperis: illa enim semper præponitur minori necessitati.



LIBER TERTIUS DE LAICIS SIVE SÆCULARIBUS.

CAPUT PRIMUM.

Ordo totius Disputationis.



Disseruimus de duobus membris Ecclesiæ, idest, Clericis, & Monachis, superest ut dicamus de tertio, idest, de Laicis, sive sæcularibus, & simul de membris ab Ecclesia præcis, idest, de hæreticis, quæ omnia ad disputationem de Magistratu politico revocari possunt.

Tota hæc Disputatio sex quæstionibus continetur. Primum enim, de ipsa politica potestate agendum est. Deinde, de officio ejus in rebus politicis. Tertio, de officio ejus in causa religionis.

De Primo sunt quæstiones duæ. Prima, An ista potestas sit res bona, & proinde Christianis licita. Secunda, An per peccatum amittatur.

De Secundo sunt duæ quæstiones. Prima, de officio Magistratus in conservanda Republica ab improbitate civium per leges, & judicia, tam civilia, quam criminalia, idest; An liceat Christianis leges condere, judicia exercere, & gladio ferire noxios, qui sunt actus proprii Magistratus. Secunda, de officio Magistratus in protegenda Repub. ab hostibus externis, idest; An liceat Christianis bella gerere, & huic addemus quasi corollarium propter Lutherum; An liceat bellare contra Turcas.

De Tertio sunt alie duæ quæstiones. Prima, An ad Magistratum pertineat cura religionis; An verò permittere possit, ut quisque credat, ut voluerit. Secunda, An Magistratus debeat hæreticos ab Ecclesia judicatos & damnatos punire, tam in libris eorum, quam in facultatibus, & in personis, etiam usque ad mortem.

CAPUT II.

Proponitur prima quæstio, An politica potestas sit bona, & Christianis licita.

Est una ex præcipuis hæresibus Anabaptistarum, & Trinitariorum hujus temporis, Non licere Christianis gerere Magistratus, nec debere esse ullo modo inter Christianos prætoria, tribunalia, judicia, jus gladii &c. Ministri, qui in Transylvania, Trinitatem, & Incarnationem, & parvulorum Baptismum oppugnant, ediderunt anno 1568. Albæ Julæ, Antitheses Christi veri & falsi; quarum septima est, Christum falsum habere in sua Ecclesia Reges, Principes, Magistratus, gladios; Christum verum nihil tale in sua Ecclesia pati posse.

A Argumenta eorum hæc sunt, vel certè esse possunt. Primum, ex Scriptura, Matth. 7. *Reges Gentium, à quibus accipiunt tributa &c. ergo liberi sunt filii.* Et Lucæ 22. *Reges Gentium dominantur eorum: non sic erit inter vos.* Rom. 13. *Nemini quidquam debeatis, nisi ut invicem diligatis.* 1. Corinth. 7. *Preterea empti estis, nolite fieri servi hominum.* 2. Corinth. 8. *Unus Dominus.* Ephes. 4. *Unus Dominus, una fides, unum Baptisma, unus Deus.*

B Secundum, ab exemplis; nam plerique Principum abutuntur potentia, & non solum non prosunt, sed etiam obsunt Reipublicæ ut patet in ipso initio mundi de Cain, Genes. 4. de filiis Principum, Genes. 6. qui accipientes varias uxores, corrupti sunt omni scelere, & eorum causa postea venit diluvium. Item de Nemrod, Pharaone, Nabuchodonosor, & de Saul, Roboam, & cæteris; nam post divisionem regni, ex Regibus Israel nullus fuit bonus.

C Tertium, à fine; nam Magistratus permissus fuit Judæis propter imperfectionem temporis, erant enim pueri Judæi, & ideo regi debebant ab alio, ut patet Galat. 4. At nos viri sumus perfecti, & unctio docet nos de omnibus.

D Quartum, ab efficiente; nam ista potestas non est à Deo introducta, sed ab hominibus tyrannicè usurpata; Quis enim fecit Nemrod Regem? quis Nabuchodonosor? quis Ninum? quis Alexandrum? quis Julium Cæsarem? quis alios? Hinc laudatur ille pirata, qui respondit Alexandro: ego quia cum parvo ligno discuro, pyrata dicor; tu quia cum magna classe orbem terrarum spoliis, Imperator diceris. Augustinus lib. 4. civit. cap. 4. ex Marc. Tull. lib. 3. de Republica.

E Quintum, ab origine. Nam Deus creavit hominem liberum, & per peccatum introducta est subiectio; ergo cum à peccato per Christum liberati simus, etiam à subiectione esse debemus. Antecedens patet; nam Genes. 1. non dicitur: *Dominamini hominibus*, sed: *Dominamini piscibus maris &c.* Item mulier nunc non subicitur viro, nisi politica subiectione, tamen hæc subiectione per peccatum introducta est, ut patet Genes. 3. *Sub viri potestate eris*; & præterea ante diluvium primus, qui condidit civitatem, & inchoavit regnum politicum, fuit Cain, ut ex Genes. 4. deducit Augustinus lib. 15. civit. Dei cap. 1. post diluvium primus fuit Nemrod, Gen. 10.

Denique id clarè docent Patres. Augustinus libro 19. de civit. Dei c. 15. rationalem factum ad imaginem suam, noluit Deus nisi irrationabilibus dominari, non hominem homini, sed hominem pecori. Inde primi iusti, pastores magis pecorum, quam Reges hominum constituti sunt; ut hinc etiam insinuet Deus, quid ordo postulet creaturarum, & quid meritum exigeret peccatorum. Gregorius libro 21. moral. cap. 11. Omnes homines natura æquales genuit, sed variante meritorum ordine, alios aliis dispensatio occulta postponit. Ipsa autem diver-

fitas,

fitas, quæ accessit ex vitio, rectè est divinis judiciis ordinata, ut quia omnis homo iter vitæ non æquè graditur, alter regatur ab altero; similia habet in Pastoralis, part. 2. cap. 6.

Hanc hæresim non solum Catholici omnes execrantur, ac præcipuè B. Thom. in opus. 20. & omnes Philosophi, sed etiam Philippus Melancthon in locis cap. de civili Magistratu, & Joan. Calvinus lib. 4. Institut. cap. 20. acerrimè, & fustissimè oppugnant, & Lutherus ipse in visit. Saxoniae, etsi ab ipsius verbis in Babyl. Captivitate cap. de Baptismo, occasionem sumpserunt Anabaptistæ.

Nos eam quinque argumentis refellimus; nam tot etiam sunt adversariorum fundamenta. Primò, ex Scripturis. Secundò, ex exemplis Sanctorum. Tertio, ex fine seu necessitate. Quarto, ex causa efficiente. Quintò, ex origine.

CAPUT III.

Ex Scripturis asseritur politicus
Magistratus.

Quantum ad Primum, Scriptura Testamenti veteris plena est testimoniis. Exod. 22. Judices populi à Deo ipso vocantur Dii, sicut etiam Psalm. 81. *Deus stetit in Synagoga Deorum, in medio autem Deos dijudicat*; cuius vocabuli rationem explicat Josaphat, 2. Paralip. 19. ubi dicit judices, non hominum, sed Dei judicia exercere, idest, loco Dei judicare, Et similiter Deuter. 1. monet Moyses judices populi, ut iustè judicent quia Dei iudicium est; & Christus Joan. 10. *Si illos dixit Deos, ad quos sermo Dei factus est, quem Pater sanctificavit, & misit in mundum &c.* Ubi Christus vult dicere; Si Principes Deus vocat Deos, quia ad illos mandatum divinum factum est, ut judicent loco suo, cur non magis, &c. non enim quadrat quòd alii dicunt, vocatos Deos eos omnes, quibus Deus loquutus est. Si ergo Principes vocantur Dii, quia locum Dei tenent, non potest reprehendi munus Principum, nisi reprehendatur Dei ipsius munus.

Præterea Deuter. 17. describit Moyses leges Regi futuro, & in lib. Judicum cap. ult. in ultimis verbis reddere volens Spiritus sanctus causam omnium malorum, quæ acciderunt illo tempore, dicit: *In diebus illis non erat Rex in Israel, sed unusquisque, quod bonum sibi videbatur, hoc faciebat.* In eodem libro Judicum, & in libro Regum passim habemus Deum excitasse Israel Judices, aut Principes, per quos populum liberaret, Prov. 8. *Per me Reges regnant.*

Respondent Anabaptistæ, Judæis fuisse permisos Magistratus propter imperfectionem: ac aliam rationem esse Testamenti novi.

Ac contrà; nam in primis Prophetæ prædixerunt omnes Reges terræ servituros Christo, & Ecclesiæ: quod non potest fieri, nisi in Ecclesia sint Reges. Psalm. 2. *Et nunc Reges intelligite, erudimini, qui iudicatis terram, apprehendite disciplinam; secundum Hebræum וְיִשְׁתַּחֲוּוּ לְבָנִים, osculamini filium, in eodem Psalmo Scriptura vocat Messiam; item Psalm. 71. Adorabunt eum omnes Reges terra, omnes Gentes servient ei. Isaia 60. Ambulabunt Gentes in lumine tuo, & Reges in splendore ortus tui. Et cap. 49. Erunt Reges nutrices tue, & Regina nutrices tua vultu in terra demisso adorabunt te, & pulveres pedum tuorum lingent; quod certè impletum videmus in Constantino, Theodosio, Carolo Magno, & aliis, qui adoraverunt sepulchra Apostolorum, & Martyrum, & Ecclesias ditaverunt, & protexerunt.*

Præterea, Christus, prædicans Evangelium re-

gni, inter alia dixit: *Reddite quæ sunt Cæsaris, Cæsari, Matth. 22. & Paulus Roman. 13. jubet, ut Omnis anima potestatibus sublimioribus subdita sit; non enim est potestas, nisi à Deo &c.* Et ibidem ter repetit, Principes sæculares, quibus tributa redduntur, esse ministros Dei. Quo loco utitur etiam Irenæus lib. 4. cap. 70. Item 1. Timoth. 2. jubet Apostolus nominatim orari pro Regibus. Quo loco utitur Tertullianus in Apologet. cap. 31. quia calumniabantur Ethnici Christianos, quòd Magistratibus nollent parere; Ac certè si Evangelium non ferret Magistratum, oporteret orare pro destructione Regum & Principum. Ad Titum 3. *Admone illos principibus & potestatibus subditos esse: & 1. Petri 2. Deum timeo, Regem honorificate.*

Sed respondente, ex his testimoniis probari, oportere nos parere Regi Ethnico, non autem licere Christianis regna possidere, & Magistratus gerere: Quibus nos respondemus, Primum, non esse mirum in Testamento novo non fieri multam mentionem magistratum; nam Christus non venit constituere regnum politicum, sed regnum spirituale, & cœlestè, & similiter Apostoli in hoc regno spirituali commendando, & propagando occupati fuerunt: politicum reliquerunt, ut antea erat.

Addimus præterea, Licet non expressè Scriptura novi Testamenti approbet in Ecclesia magistratum politicum, tamen evidenter colligi ex adductis testimoniis; nam si Christianus licet subesse Regi Ethnico, cur non potius Regi Christiano? & si licet Christiano subesse, cur non præesse? cum subesse videatur magis contra libertatem Evangelicam, quàm præesse.

Denique, si Christianæ libertati repugnaret subiectio, vel præfectura civilis, magis repugnaret Ecclesiastica, quia Christiana libertas magis pertinet ad Christianum, ut est civis Ecclesiæ, quàm ut est civis mundi: At non repugnat Christianæ libertati præfectura, vel subiectio Ecclesiastica, ut patet ex illo Matth. 24. *Quis putas est fidelis servus & prudens, quem constituit Dominus super familiam suam?* Et ex illo Rom. 12. *Qui præest in sollicitudine.* Et ex illo Hebr. 13. *Obedite præpositis vestris.* Neque igitur repugnat præfectura, vel subiectio politica. Atque hinc solvitur primum argumentum contrà allatum.

Ad Primum ergo dicendum est, Christum eo loco de seipso tantum loqui, & rectissimè probare se, quia Filius Dei summi Regis esset, non fuisse obligatum solvere tributum ulli Principi, alioqui ipse idem iussit reddi censum Cæsari, Matth. 22. & Apostolus Rom. 13. *Cui tributum, inquit, tributum &c.*

Ad Secundum, eo loco Christus instituit Ecclesiasticum Magistratum, & eum distinguit à politico, & à politico corrupto, cui pompæ, superbia, fastus, annexa esse solent, qualem etiam politicum Magistratum, si intelligamus prohibitum esse Christianis, nihil absurdi dicemus, ibi enim non reprehenditur regnum, sed modus regnandi.

Ad Tertium, non vult Paulus dicere, non finatis vos obligari ulla lege, sed solvite maturè omnia debita; præcedit enim: *Reddite omnibus debita, cui tributum &c.* Et quia solius amoris debitum numquam ita reddi potest, quin temper teneamur amare, ideo ait: *Nemini quidquam debeatis, nisi ut invicem diligatis.*

Ad Quartum dico, fieri servum hominis eo loco significare servire homini propter hominem tantum, nam alioqui ibidem Paulus hortatur servos, ut etiam si possint fieri liberi, tamen magis eligant servitutem: & Galat. 5. *Servite, inquit, invicem.*

Ad Ultimum dico, ibi nomen Domini propriè accipi, quomodo non convenit nisi Deo; nec propterea tolluntur Reges, & Principes, qui non propriè domini

domini sunt, sed ministri Dei, qui unus verus est Dominus, nullus enim est titulus maior. Nam verus Dominus duas habet conditiones, quæ nulli creaturæ conveniunt. Una est, ut possit pro libito uti re, cuius est Dominus, & eam augere, minuire, mutare, annihilare &c. Altera, ut nulli serviat, id est, nulla re indigeat, sed seipso sufficiat ad omnia; ut rectè notat Augustinus lib. 8. de Genes. cap. 11. & deducit ex Psalm. 15. *Dixi Domino, Deus meus es tu, quia bonorum meorum non eges*; nam in Hebræo est, *dixi Domino, Dominus meus* & hinc est quod LXX. interpretes ubique nomen proprium Dei reddiderunt per κύριος, & Hieronymus per Dominum: hinc etiam Augustus, ut Tertullianus refert in Apologet. cap. 34. numquam se Dominum appellari passus est, quod intelligeret hunc titulum soli Deo convenire, & è contrario reprehenditur à Suetonio incredibilis arrogantia Domitianus, quod in Amphitheatro sibi acclamari libenter audiret: *Domino, & Domina feliciter*: & quod juberet de se scribi: *Dominus, & Deus noster, sic fieri jubet*.

CAPUT IV.

Idem asseritur exemplis Sanctorum.

Secunda ratio sumitur ab exemplis; nam si res mala esset principatus, numquam viri sancti eum gessissent; at habemus in Scriptura plurima exempla sanctorum Principum, ut Melchisedech Regis Salem, Josephi Patriarchæ, qui toti Ægypto utilissimè præfuit, Moyses, Josue, omnium fere Judicum, Davidis, Salomonis, Ezechie, Josaphat, Josia, Danielis, Mardochei, Nehemie, Machabeorum, & aliorum.

In Testamento novo videmus Joan. 4. Regulum credidisse in Christum, nec tamen jussu renunciare principatu; & similiter Actor. 13. Proconsulem conversum à Paulo, non propterea, deposuisse magistratum. Videmus deinde à S. Fabiano Papa, & Martyre, & à tota Ecclesia admissum fuisse Philip-pum Imperatorem, nec illi imperatum, ut deponeret imperium, ut ex historia Eusebii lib. 6. cap. 25. colligitur.

Quod autem non sit in Testamento novo major copia exemplorum, ratio est, quia Deus voluit Ecclesiam suam inchoare ab hominibus pauperibus, & vilibus ut dicitur 1. Cor. 1. ne putaretur augmentum Ecclesiæ opus humanum, si favore Principum crevisset: immò è contrario voluit Deus primis 300. annis, ut Ecclesia totis viribus oppugnaretur ab Imperatoribus totius mundi, ut inde ostenderet, opus suum esse Ecclesiam, & plus posse illam patiendo, quam possent illi cruciando.

Unde Augustinus in epist. 50. dicit Deum voluisse primo tempore impleri illam partem Psalmi 2. *Astiterunt Reges terra &c.* Deinde sequenti tempore illam aliam: *Et nunc Reges intelligite*: sicut revera impletum videmus in Constantino, & successoribus ejus; siquidem videmus Constantinum divinitus edoctum, & vocatum à Deo singulari miraculo, ut Eusebius refert lib. 1. de vita Constantini. At si res mala esset principatus, quare Christus ipse Constantinum ad Ecclesiam vocasset? Ubi nota obiter dissonantiam circa hanc historiam; nam in historia Ecclesiastica Eusebii à Rufino versa lib. 9. cap. 9. habetur Constantinum per soporem vidisse signum crucis in celo, & deinde Angelos ei dixisse: *In hoc vince*; At lib. 1. de vita Constantini Eusebius refert, in itinere eum corporeis oculis vidisse supra solem signum crucis cum illis literis: *In hoc vince*; & idem signum à

A toto exercitu conspectum, & noctu postea ei apparuisse Christum, qui mysterium explicuerit, atque hæc omnia se ab ipso Constantino coram audivisse. Itaque verisimile est quod in historia habetur à Rufino additum fuisse. Alia plurima exempla addi possent Joviani, Gratiani, Theodosii junioris & senioris, Caroli Magni, Ludovici Pii, Othonis I. S. Henrici Imperatoris, S. Ludovici Regis Francorum, aliorumque multorum, qui vel in Britannia, vel in Hungaria, vel in Boemia, vel in aliis regionibus sanctissimè regnaverunt. Ad argumentum in contrarium dico Primò, falsum esse Principes ut plurimum esse malos; hic enim non agimus de regno particulari, sed de politico principatu in genere, qualis Princeps fuit Abraham, & alii; sicut ergo fuerunt mali Principes, Cain, Nemrod, Ninus, Pharao, Saul, Hieroboam, & alii Reges Israel; ita è contrario fuerunt boni Principes, Adam, Noè, Abraham, Isaac, Jacob, Joseph, Moyses, Josue, omnes fere Judices, & plurimi Reges Juda.

B Secundo dico, exempla malorum Principum non probare malum esse principatum, sæpe enim mali abutuntur rebus bonis, at exempla bonorum rectè probant, principatum esse bonum, quia homines boni non utuntur rebus malis. Præterea, etiam Principes mali plus prosunt sæpè, quàm obsint, ut Patet de Saule, Salomone, & aliis. Denique utilius est Reipub. malum Principem habere, quàm nullum, ubi enim nullus est, non potest diu consistere Respublica, dicente Salomone Proverb. 11. *Ubi non est gubernator, corrumpet populus*; & ubi est, licet malus, conservatur unitas populi. Vide Beatum Thomam in opusc. 20. cap. 6. lib. 1.

C Tertiò dico, quod in Regibus Israel nullus fuerit bonus, ad insignem Dei providentiam pertinere; Deus enim id permittere voluit, quia rebellio illa Israelitarum à tribu Juda, significabat schismata Hæreticorum ab Ecclesia, ut Eucherius docet in fine lib. 3. super libro Regum: sicut enim inter Catholicos sunt boni, & mali; at inter Hæreticos nullus potest esse bonus, ita quoque inter Reges Juda multi fuerunt boni, multi etiam mali. Ex Regibus Israel nullus omnino inventus est bonus.

CAPUT V.

Idem asseritur ex fine principatus.

E Tertia ratio ducitur à fine. Principatus politicus adeò naturalis, & necessarius est humano generi, ut tolli non possit quin natura ipsa destruat. Hominis enim natura est, ut sit animal sociabile; nam bruta quidem sunt à natura ita instructa, ut possint sibi singula sufficere, homo autem tam multis rebus indiget, ut solus vivere nullo modo possit. Nam bruta nascuntur vestita, & armata, & æstimativam habent ita determinatam ad omnia, quæ sibi conveniunt, ut naturaliter sine ullo doctore statim noverint nidos edificare, alimenta quærere, & medicinam etiam sibipsis facere; at homo nascitur sine vestibus, sine domo, sine alimentis, omnium rerum egenus; & quamquam habet manus, & rationem, quibus omnia instrumenta parare potest, tamen singula longum tempus requirunt, & adeò longum, ut sit impossibile sibi unum hominem sufficere ad omnia; præsertim cum nascamur rudes, & artes magis doctrinæ, quàm experientia discantur; ergo necesse est, ut simul vivamus, & unus alium juvet.

Præterea, etiamsi quisque sufficeret sibi ad vivendum, tamen numquam sufficeret ad protegendum se ab

ab impetu ferarum, & latronum, sed ad hoc necesse est convenire, & collatis viribus resistere; & licet sufficeret sibi etiam contra hostes, tamen semper maneret rudis, & expertus sapientiae, & iustitiae, multarumque aliarum virtutum, cum tamen ad hoc nati simus, ut mentem & voluntatem praecipue exerceamus. Nam scientiae, & artes longo tempore, & à multis inventae sunt, & sine doctore percipi non possunt: iustitia autem non nisi in societate exerceri potest, cum sit virtus constituens aequitatem inter plures.

Denique, donum loquendi, & audiendi, id est, percipiendi distinctè verba, quorsum homini collatum est, si debeat solitarius vivere? Itaque rectè Aristoteles lib. 1. politicorum, cap. 2. dicit, hominem naturam civile esse animal, magis quam sint apes, & grues, & quaecumque animalia, & si quis solitarius vivat aut esse bestiam, aut Deum, id est, aut minus, aut majus homine, neque id est contra Eremitas nostros. Nam qui penitus solitarii vixerunt, ut Paulus primus Eremita, Maria Magdalena, Maria Aegyptiaca, & si qui sunt alii, dici possunt aliquid amplius homine habuisse, non natura, sed gratia; nam non sine miraculo alebantur à Deo, ut notum est; Ceteri autem etsi in solitudine degerent, tamen frequentes simul conveniebant, & Abbatibus suis subiecti erant, ut in disputatione de Monachis demonstravimus.

Jam verò, si natura humana socialem vitam requirit, certè requirit etiam regimen, & rectorem; nam impossibile est multitudinem diu consistere, nisi sit, qui eam contineat, & cui sit curae bonum commune: sicut in unoquoque nostrum nisi esset anima quae contineret & conjungeret partes, & potentias, & elementa contraria, ex quibus constamus, statim omnia solverentur. Unde Proverb. 11. *Ubi non est gubernator, populus corrumpet.* Deinde societas est multitudo ordinata, non enim dicitur societas multitudo confusa, & dispersa; ordo autem quid aliud est, quam series quaedam inferiorum & superiorum? Necessariò igitur rectores habendi sunt, si societas futura est.

Ex hac ratione solvitur tertium argumentum Anabaptistarum, falsum enim assumunt, cum dicunt, regimen politicum permissum Judaeis ob imperfectiorem eorum, nobis autem non convenire, quia unctio doceat nos de omnibus: nam unctio hoc in primis docet esse necessarium, habere rectorem; nec sufficit scire omnia, sed oportet etiam multa facere, & parare, quae non possumus sine aliorum auxilio.

Et praeterea hinc deducitur falsum esse, quod M. T. dicit in primo de inventione, fuisse olim tempus, quo homines vagarentur more bestiarum, deinde à sapiente quodam, & eloquente homine vi eloquentiae persuasos convenire, & simul vivere. Quod idem etiam hoc tempore dicere solent quicumque eloquentiam laudandam suscipiunt. At revera numquam fuit, nec esse potuit, tale tempus. Nam Adam sapientissimus fuit, & sine dubio non permisit homines vagari more bestiarum, & Cain filius ejus aedificavit etiam civitatem materiale: ante Cain, & Adam nulli fuerunt. Sed non mirum Ciceronem & alios Ethnicos talia dicere; nam Ethnici quia putabant mundum fuisse ab aeterno, & tamen videbant omnes artes esse novas, & non exstare memoriam nisi paucorum annorum, inde suspicati sunt, longissimo tempore homines vixisse more ferarum, & solum exstare memoriam rerum gestarum ab eo tempore, quo coeperunt homines simul degere. Sed Christiani, qui ex testimonio Dei didicerunt, mundum creatum fuisse ante annos nondum sexies mil-

Conterov. Card. Bellarm. Tom. II.

lenos, & primos homines urbes continuò habere coepisse, mirum profectò est, cur dicere audeant, longissimo tempore homines sine rectore, & sine civitibus more ferarum vixisse.

CAPUT VI.

Idem asseritur ratione ducta ab efficiente.

Quarta ratio ab efficiente sumitur: nam certum est politicam potestatem à Deo esse, à quo non nisi res bonae, & licitae procedunt. Id quod probat Augustinus in toto scilicet 4. & 5. libro de civitate Dei; Nam sapientia Dei clamat Proverb. 8. *Per me Reges regnant.* Et infra: *Per me Principes imperant.* Et Daniel. 2. *Deus caeli, regnum & imperium dedit tibi &c.* Et Daniel. 4. *Cum bestis, ferisque erit habitatio tua, fenum, ut bos, comedes, & rore caeli infunderis, septem quoque tempora mutabuntur super te, donec scias quòd dominetur excessus super regnum hominum, & cuiusque voluerit, det illud.*

Sed hic observanda sunt aliqua. Primò, politicam potestatem in universum consideratam, non descendendo in particulari ad Monarchiam, Aristocratiam, vel Democratiam, immediatè esse à solo Deo: nam consequitur necessariò naturam hominis, proinde esse ab illo, qui fecit naturam hominis. Praeterea hac potestas est de jure naturae, non enim pendet ex consensu hominum: nam velint, nolint, debent regi ab aliquo, nisi velint perire humanum genus, quod est contra naturae inclinationem. At jus naturae est jus divinum, jure igitur divino introducta est gubernatio; & hoc videtur propriè velle Apostolus, cum dicit Roman. 13. *Qui potestati resistit, Dei ordinationi resistit.*

Secundò nota, hanc potestatem immediatè esse tamquam in subiecto, in tota multitudine: nam hac potestas est de jure divino. At jus divinum nulli homini particulari dedit hanc potestatem: ergo dedit multitudini. Praeterea sublato jure positivo, non est major ratio cur ex multis aequalibus unus potius, quam alius dominetur. Igitur potestas totius est multitudinis. Denique humana societas debet esse perfecta Respublica: ergo debet habere potestatem seipsam conservandi, & proinde puniendi perturbatores pacis &c.

Tertiò nota, hanc potestatem transferri à multitudine in unum vel plures eodem jure naturae: nam Respublica non potest per seipsam exercere hanc potestatem: ergo tenetur eam transferre in aliquem unum, vel aliquos paucos; & hoc modo potestas principum in genere considerata, est etiam de jure naturae & divino, nec posset genus humanum, etiamsi totum simul conveniret, contrarium statuere, nimirum, ut nulli essent principes vel rectores.

Quartò nota, in particulari singulas species regiminis esse de jure gentium, non de jure naturae, nam pendet à consensu multitudinis, constituere super se regem vel consules, vel alios magistratus, ut patet: & si causa legitima adsit, potest multitudo mutare regnum in Aristocratiam aut Democratiam, & è contrario, ut Romae factum legimus.

Quintò nota, ex dictis sequi, hanc potestatem in particulari esse quidem à Deo, sed mediante consilio, & electione humana, ut alia omnia, quae ad jus gentium pertinent. Jus enim gentium est quasi conclusio deducta ex jure naturae per humanum discursum. Ex quo colliguntur duae differentiae inter potestatem politicam, & Ecclesiasticam; una ex parte subiecti, nam politica est in multitudine, Ecclesiastica in uno homine tamquam in subiecto immédia-

R tē;

tè ; altera ex parte efficientis , quòd politica universa considerata est de jure divino , in particulari considerata est de jure gentium ; Ecclesiastica omnibus modis est de jure divino , & immediatè à Deo .

Ex his ad argumentum quartum Anabaptistarum respondeo , Primò : Argumentum solùm probare de regno in particulari , non de ipso principatu in universum , nos autem hoc loco principatum in universum , non certam aliquam ejus formam constituere volumus . Adde secundò , sapissimè regna esse justa & injusta ; à Deo , & non à Deo ; nam ex parte ipsorum occupantium & invadentium , regna sunt latrocinia , & injusta , & proinde non à Deo ; tamen ex parte divinæ providentiæ , quæ utitur mala intentione hominum , & illam ordinat vel ad peccata puniendâ , vel remunerandâ bona opera , vel ad alios bonos fines , regna illa sunt justa , & legitima . Deus enim interdum admirabili ratione providentiæ suæ , ita quibusdam regna adimit , quibusdam largitur , ut & qui regno cadit , justissimè cadat , nec tamen justè possideat , qui regnum invadit , daturus etiam ipse suo tempore illius invasionis justissimas pœnas . Ac longè alia ratione Deus filiis Israel Palæstinam tradidit possidendam , quàm illam eandem vel Salmanasar , vel Nabuchodonosor postea tradiderit . Siquidem filii Israel , duce Josue , laudabili obedientia cum Palæstinis pugnabant , illisque ad internecionem deletis , terras eorum sibi vendicabant . Salmanasar verò , & Nabuchodonosor , detestabili sacrilegio , Dei populum captivum ducebant ; neque enim imperio Dei , sed praviæ suæ cupiditati obsequi volebant , tamen Deus ipsis etiam ignorantibus utebatur ad id quod justissimè fieri volebat .

Explicant hanc rem accuratè S. Augustin. lib. de gratia , & libero arbit. cap. 20. & 21. & Hugo Victorinus lib. 1. de Sacramentis , par. 1. cap. 29. nec desunt scripturarum testimonia . Nam Isaïæ 10. sic legimus : *Assur virga furoris mei , & baculus ipse est , in manu eorum indignatio mea . Ad gentem fallacem mittam eum , & contra populum furoris mei mandabo illi , ut auferas spolia , & diripias prædâ , & ponam illum in concussationem , quasi lutum platearum ; ipse autem non sic arbitrabitur , & cor ejus non ita existimabit &c.* Ubi loquitur de Salmanasar , & Sennacherib , qui animo iniquo occupaverunt regiones Israel ; tamen Deus illis nescientibus usus est eorum opera ad puniendum Israelitas .

Sic Isaïæ 45. *Hæc dicit Dominus Christo meo Cyro , cujus apprehendi dexteram , ut subjiciam ante faciem ejus gentes , & dorsa regum vertam . Ego ante te ibo , & gloriosos terra humiliabo &c.* propter servum meum Jacob , & Israel electum meum ; & vocavi te nomine tuo , affimilavi te , & non cognovisti me . Ex quo loco apparet Cyrum acquisivisse sibi Monarchiam ex cupiditate dominandi , & non propter Dei obsequium : & tamen Deum illi affuisse , & Monarchiam , quam quærebat , illi dedisse , ut ipse liberaret populum Israel de Babylonica captivitate .

Hierem. 27. *Ego dedi omnes terras istas in manu Nabuchodonosor Regis Babyloniæ servi mei ; Insuper & bestias agri dedi ei , ut serviant illi , & servient ei omnes gentes , & filio ejus , & filio filii ejus , donec veniat tempus terra ejus , & ipsius , & servient ei gentes multæ , & reges magni . Gens autem , & regnum , quod non servierit Nabuchodonosor regi Babyloniæ , & quicumque non curvaverit collum suum sub iugo regis Babyloniæ , in gladio & in fame & in peste visitabo super gentem illam , ait Dominus omnipotens .* Et tamen quis dubitat , quin Nabuchodonosor mala intentione subjecerit sibi tot regna ?

Ezechiel quoque ait , cap. 29. *Nabuchodonosor Rex Babyloniæ servire fecit exercitum suum servitute magna*

adversus Tyrum , & merces non est reddita ei de Tyro pro servitute , qua servavit mihi adversus eam . Et infra : Dedi ei terram Egypti pro eo quod laboraverit mihi , ait Dominus Deus .

Sic Romani non propter Deum , sed cupiditate gloriæ quærebant Monarchiam , ut B. August. ostendit prolixè lib. 5. civit. Dei cap. 12. & tamen Deus Monarchiam ei donavit , tum , ut mercedem redderet bonis eorum operibus moralibus , ut idem Augustin. docet lib. 5. cap. 15. civit. Dei , tum etiam , ut per unionem omnium Gentium sub uno principatu pararetur via Evangelicæ prædicationi , ut B. Leo dicit serm. 1. de SS. Petro & Paulo .

Adde tamen , quòd etiam si initio , qui regna constituerunt , fuerint invasores , ut plurimum : tamen successu temporis fiunt vel ipsi , vel successores eorum legitimi Principes , quia populi paulatim consentiunt . Hoc modo regnum Francorum nunc omnium consensu legitimum est , licet initio Franci injustè Gallias occupaverint . Atque idem dici potest de regno Hispanico , quod ab invasione Gothorum cœpit ; & de regno Anglorum , quod cœpit ab injusta occupatione Anglosaxonum ; & de ipso Imperio Romano , quod à Julio Cæsare patriæ oppressorè constitutum est ; quod tamen postea adeo legitimum esse cœpit , ut Dominus dixerit Matth. 22. *Reddite qua sunt Cæsaris , Cæsari &c.*

C A P U T VII.

Idem asseritur ex antiquitate .

Quinta ratio sumitur ab origine ; Nam etsi subiectio servilis cœpit post peccatum Adæ , tamen politicus principatus fuisse etiam in statu innocentiae , & probatur primò , quia etiam tunc homo fuisset naturaliter animal civile , & sociale , ac proinde rectore opus habuisset .

Secundò , ex ipsa creatione ; Nam ideo Deus fecit mulierem ex viro , & non creavit simul multos viros , sed unum tantum , ex quo omnes alii nascerentur ; ut indicaret ordinem & præfecturam , quam inter homines esse volebat , ut Chrysostom. observat homil. 34. in 1. ad Corinth.

Tertiò , quia in illo statu fuisset disparitas sexuum , statuum , ingeniorum , sapientiæ & probitatis : ergo & præfectura ac subiectio ; nam in humana societate debuit esse ordo . Rectus autem ordo postulat , ut inferior à superiore regatur , scœmina à viro , junior à seniore , minus sapiens à sapientiore , & minus bonus à meliore : quòd autem hæc diversitates tunc etiam locum habuissent , sic ostendi potest .

In illo statu fuisset generatio , ut patet Genes. 1. *Crescite , & multiplicamini* : ergo & sexus disparitas , quæ necessariò præcedit generationem , & disparitas ætatum , quæ necessariò sequitur generationem , & disparitas sapientiæ & probitatis , quæ sequitur ætatum disparitatem ; non enim fuissent nati homines perfecti in illo statu , sed debuissent paulatim discere , & proficere . Fuissent quidem omnes nati in gratia Dei , & cum majori cognitione , quàm nunc , ut Augustinus docet lib. 1. de Baptismo parvulorum , c. 38. at sine dubio non fuissent tam perfecti , quàm adulti ; & inter ipsos adultos poterant per liberum arbitrium alii magis , alii minus applicari ad discendum .

Denique ingeniorum varietas oritur ex varietate corporum ; fuissent autem tunc corpora varia magnitudine , forma , robore , & similibus , ut patet , quia illa corpora non erant exempta à legibus naturæ , & egebant cibo , aeris inspiratione , coelorum influ-

influxibus; fuisset igitur etiam tunc ingeniorum diversitas. Vide B. Thomam 1. par. quest. 96. & 105.

Quartò, inter Angelos est præfectura, & subiectio, cur ergo inter homines non fuisset in statu innocentie? Certè Beelzebub dicitur princeps Dæmoniorum, Matth. 12. qui sanè principatum non acquisivit peccando, sed retinuit, quem antè habebat in eos Angelos, qui eum sequuti sunt. Ex Apocalyp. cap. 12. dicitur: *Michael, & Angeli eius*. Denique Dionysius cap. 9. celestis Hierarchiæ, dicit primam Hierarchiam Angelorum præesse, & imperare secundæ, & secundam tertiæ. Et B. Gregor. homil. 34. in Evangel. dicit, nomina Principatuum & Dominationum in Angelis, apertè significare, quòd alii aliis præfint.

Ex his ad argumentum quintum respondetur, non pugnare libertatem, in qua creati sumus, cum politica subiectione, sed solum cum despotica, idest, cum vera & propria servitute. Differt autem politica subiectio à servili, quòd subiectus serviliter est, & operatur propter alium; subiectus politicè, est, & operatur propter se; servus regitur non in sui, sed in domini sui commodum; civis regitur in commodum suum, non in commodum magistratus; sicut è contrario Princeps politicus, dum regit populum, non suam, sed populi utilitatem querit, Tyrannus autem, & Dominus, non populi, sed suam querit, ut Aristot. docet, lib. 8. de morib. cap. 10. Itaque revera si ulla est servitus in politico principatu, magis propriè servus dici debet qui præest, quàm qui subiectus est, ut docet Augustinus lib. 19. civitat. cap. 14. & hoc ad litteram significat illud Domini, Matth. 20. *Qui voluerit inter vos primus fieri, erit omnium servus*; quomodo Episcopi servos se plebium suarum, & summus Pontifex servum servorum Dei se nominat.

Ad primum locum ex cap. 1. Genes. dico, ibi agi de principatu despotico; sic enim dominari debuit homo pecibus maris, & volatilibus cœli, aliisque animantibus.

Ad secundum dico, mulierem tam ante peccatum, quàm post, sociam & subiectam esse viro, sociam in generatione, subiectam in gubernatione. Illud autem: *Sub viri potestate eris*, non significat quamcumque subiectionem, sed involuntariam, & cum tristitia ac timore, qualem ut plurimum experiuntur mulieres conjugatæ; ita docet B. Augustinus lib. 11. Genes. cap. 37. *Neque enim, inquit, & ante peccatum aliter factam fuisse, decet credere, mulierem, nisi ut vir ei dominaretur, & ad eam ipsa serviendo converteretur, sed rectè accipi potest hanc servitutem significatam, quæ cuiusdam conditionis est potius, quàm electionis*.

Ad tertium fateor, Cain primùm edificasse materiale civitatem, sed non propterea sequitur ibi coepisse politicum regimen; nam etiam sine civitate materiali potest esse Respublica & Principatus; neque negari potest, quin Adamo subiecti fuerint filii & nepotes ejus.

Ad quartum dico, Augustinum loqui de servitute propriè dicta, ut ex toto illo capite patet; ubi inter alia sic ait: *Conditio servitutis iure intelligitur imposita peccatori &c.* Neque obstat quod Augustinus ibidem dicit, quòd primi iusti, pastores, magis pecorum, quàm Reges hominum constituti sunt, ut hinc etiam insinuaret Deus, quid postularer ordo creaturarum, & quid exigat meritum peccatorum; nam hoc loco respicit ad abusum nominis regii, quod interdum accipitur pro despotico principatu; nam ut idem Augustinus ait lib. 5. de civit. Dei cap. 12. Rex dicitur à regendo, & consulendo, non à regnando atque dominando; & hoc modo Abraham, Isaac,

Controv. Card. Bellarm. Tom. 11.

A & Jacob Reges dici potuissent: tamen quia factus humanus Regem dici putat à regnando & dominando, unde est illud Domini, Luc. 22. *Reges Gentium dominantur eorum*, ideo primi iusti, pastores pecorum potius, quàm Reges hominum dicti sunt.

B Ad quantum dico, Gregorium non loqui de principatu politico simpliciter, sed adjuncto metu, & tristitia, & timore &c. quæ per peccatum invecita sunt; & cum ait, omnes homines natura esse æquales, & per peccatum fieri inæquales, & ideo unum ab altero regi debere, non intelligit homines natura esse æquales sapientia vel gratia, sed æquales in essentia & specie humana; ex qua æqualitate rectè colligitur, non debere unum alteri dominari, quomodo homo dominatur bestiis, sed solum debere unum ab altero regi politicè. Unde ibidem subdit: *Nam contra naturam superbire, est ab æqualibus velle timeri*; Quia verò peccatores per peccatum similes fiunt bestiis, & degenerant ab ea naturæ integritate, in qua creati fuerant; ideo ibidem Gregorius dicit rectè post peccatum unum alteri dominari coepisse; cum retrore minando & puniendo, quod in statu innocentie non fuisset.

CAPUT VIII

Principatum sive dominium in impiis esse posse.

C Quid secundo loco proposuimus, videlicet principatum in impiis esse posse, facile probare poterimus. Ac primum occurrit error Armacani, qui lib. 10. questionum Armenicarum, cap. 4. docet, titulum præcipuum dominiorum esse gratiam Dei, sive iustitiam & charitatem: alios autem titulos omnes in hoc fundari, & qui iustitia & gratia Dei carent, nullum habere verum dominium. Eundem errorem eodem tempore docuit Joannes Wiclef, quem refellit optimè Thomas Waldensis lib. 2. doctrinalis fidei, cap. 81. & seq. usque in finem libri, & postmodum errorem eundem asseruit Joannes Huls, ut patet ex Concilio Constantensi, sess. 15.

D Argumenta eorum erant tria. Primum ex Scriptura Osce 8. *Ipsi regnaverunt, & non ex me, Principes exstiterunt, & non cognovi, argentum suum & aurum suum fecerunt sibi idola, ut interirent*. Ubi Dominus improbat dominia improborum Regum, & dicit, se non dedisse ea illis, & causam reddit, quia idola sibi fecerunt. Secundum argumentum ex illo Eccles. 10. *Regnum à Gente in Gentem transfertur propter injustitias*. Argumentum tertium, ex ratione, quia non est dominium, nisi à Deo, Deus autem nullo modo conferret dominia improbis, tum quia hostes ejus sunt; tum etiam, quia videretur approbare abusum; abutuntur enim omnes impii sua potestate.

E Hic error facilè refellitur. Primò, Scripturis Sapient. 6. *A Domino data est potestas vobis, & cum effectis ministri regni illius, non rectè iudicastis &c.* Isaie 45. *Hac dicit Dominus Christo meo Cyro &c.* Hieremiz 27. *Ego dedi, inquit Dominus, omnes terras istas in manum Nabuchodonosor Regis Babylonis &c.* Et Daniel. 2. *Tu es Rex Regum, & Deus celi dedit regnum tibi &c.* Et Roman. 13. & 1. Pet. 2. Apostoli Petrus & Paulus docent, Regum potestatem esse à Deo, & illis obediendum, cum tamen nulli tunc essent Reges, nisi infideles.

Secundò, ex Concilio Constantensi, sess. 8. & 15. ubi hunc errorem Ecclesia damnavit.

Tertiò, ex Augustino, qui lib. 5. de civit. Dei, cap. 21. *Quæ cum ista sint, inquit, non tribuamus dandi*

R 2

regni

regni atque imperii potestatem, nisi Deo vero, qui dat felicitatem in regno colorum solis piis, regnum vero terrenum & piis & impiis, sicut ei placet, cui nihil iniuste placet. Et infra: Qui dedit, inquit, Mario, ipse & Casari, qui Augusto, ipse & Neroni, qui Vespasiano vel patri, vel filio, suavisimis Imperatoribus, ipse & Domitiano crudelissimo, & ne per singulos ire necesse sit, qui Constantino Christiano, ipse & Apostata Juliano.

Quarto, ratione: Nam domini fundamentum non est gratia, sed natura; homo enim quia factus est ad imaginem Dei, proinde mente ac ratione pre-ditus est, ideo dominatur rebus inferioribus, ut ex 1. cap. Genes. deduci potest: at natura in infidelibus manet, licet gratia careant, igitur & dominia vera habere possunt. Ad hæc cum gratia & iustitia sit occultissima, & nemo sciat de se, vel de alio, an sit verè iustus, si gratia esset titulus dominiorum, sequeretur, nullum dominium esse certum. Ex quo nasceretur incredibilis confusio & perturbatio inter homines. Neque argumenta eorum aliquid concludunt.

Ad primum dico, illis verbis non improbari à Deo Reges malos, sed improbari, quod Judæi voluerint habere Regem, cum Deus esset Rex eorum; nam, ut exponit B. Hieronymus, in hoc cap. 8. explicat Osee causas, propter quas populus Israel tradendus erat in captivitatem, & unam dicit esse, quia voluerunt habere Regem; alteram, quod fecerunt sibi idola. Quod autem valde peccaverint, volentes Regem habere, perspicuum est ex lib. 1. Reg. cap. 12. ubi post electum Saulem in Regem, Samuel sic ait ad populum: *State & videte rem istam grandem, quam facturus est Dominus in conspectu vestro. Numquid non messis tritici est hodie? Invocabo Dominum, & dabit vobis & pluvias, & scietis, & videbitis, quia grande malum feceritis vobis in conspectu Domini, petentes super vos Regem.*

Ad secundum dico, transferri regna de Gente in Gentem propter injustitiam, quia Deus propter peccata Regum sæpè donat victoriam hostibus eorum, sed non propterea eo ipso, quod peccant, jus regni amiserunt.

Ad tertium dico, Dei benignitatem decere, ut etiam hostibus suis beneficiat, ut legimus in Evangelio Matth. 5. *Salem suum oriri facit super bonos & malos, & pluit super iustos & iniustos.* Neque propterea approbat abulum. Non enim donat regna impiis, ut eis abutantur, sed vel ut beneficentia ejus invitati convertantur à peccatis suis, ut B. Hieronymus exposuit in illud Isai. 45. *Hæc dicit Dominus Christo meo Cyro: Ego ante te ibo, & gloriosus terra humiliabo, portas areas conteram, & vinctos ferreos confringam, & dabo tibi thesauros absconditos, & arcana secretorum, ut scias, quia ego Dominus &c.* vel ut remuneret quædam beneficia eorum, ut B. Augustinus docet lib. 5. de civ. Dei, cap. 15. vel denique, quia interdum hoc merentur peccata populorum, ut idem August. docet lib. 5. de civit. Dei, cap. 19. ex illo Job 34. *Qui regnare facit hominem hypocritam propter peccata populi.* Idem tamen Augustin. lib. 19. de civit. Dei, cap. 21. dicit, apud infideles non posse esse iustitiam, nec jura, nec verum populum, aut Rempubl. &c. sed vocat veram iustitiam, & vera jura, quæ ducunt ad vitam æternam. Vide lib. 5. in Julian. cap. 3.

CAPUT IX.

Proponitur quaestio de potestate magistratus.

SEquitur tertia quaestio: Liceatne Christiano magistratui leges condere, judicia exercere, & punire improbos. Sunt autem duo errores refellendi. Primus est Waldensium & Anabaptistarum, qui hæc omnia negant. Argumenta verò eorum sunt, quod legum obligatio tollat Christianam libertatem; judicia autem prohibeantur; Matth. 5. *Si quis voluerit tecum iudicio contendere, & tunicam tuam tollere, da ei & pallium.* Et 1. Corinth. 6. *Delictum est in vobis, quod iudicia habetis inter vos, cur non magis fraudem patimini? Quare non magis injuriam accipitis? Denique punire gladio interdictum videtur Christianis, Matth. 5. Dicitur est antiquis, oculum pro oculo, dentem pro dente, ego autem dico vobis non resistere malo; constat autem in lege veteri non fuisse permissum, nisi magistratui, poenam talionis inferre: ergo hoc ipsum Christus prohibet, qui etiam Matth. 26. ait: Omnes qui acceperint gladium, gladio peribunt.*

Secundus error Calvini est, qui etsi lib. 4. Institut. cap. 20. probat contra Anabaptistas, in Ecclesia debere esse leges civiles, judicia & gladium, tamen lib. 4. Institut. cap. 10. §. 5. asserit leges civiles non obligare in conscientia: quod ante illum docuerat Joannes Gerson de vita spirituali lect. 4. & Almain de potestate Ecclesiastica quaest. 1. cap. 10. Rationes hæc sunt.

Prima, quia potestas politica est temporalis: ergo nihil ei cum conscientia. Secunda, quia finis legum civilium est pax externa. Tertia, quia Princeps non judicat de internis. Quarta, quia Princeps non potest inferre poenam spirituales: ergo nec ad illam obligare. Quinta, quia Princeps non potest absolvere, ergo nec ligare. Sexta, quia bis puniretur idem peccatum, semel hic, semel in alio sæculo. Septima, quia Princeps ut plurimum non intendit obligare ad culpam. Octava, quia potius debemus prævaricari gravissimam legem civilem, quam levissimam divinam, ut illam de non mentiendo officiosè; at ista non obligat, nisi ad venialem culpam: ergo illa ad nihil obligat, nam si obligaret ad peccatum, præcipue mortale, oporteret potius cavere mortale, quam veniale.

CAPUT X.

Prima Propositio.

Licet Christiano Principi leges condere. Probatur; nam in primis proprium est Principis leges condere, juxta illud Proverb. 8. *Per me Reges regnant, & legum conditores iusta decernunt.* Et Isaia 33. *Dominus Rex noster, Dominus Legifer noster;* nam Regis est jubere, & jubendo dirigere. Porro lex est ipsa iussio & regula: ergo si Christiani esse possunt Principes, certè etiam possunt leges condere; & confirmatur ex Augustino lib. 19. de civit. Dei cap. 17. *Civitas, inquit, celestis, dum apud terrenam civitatem, vel ut captivam vitam sua peregrinationis agit jam promissione redemptionis, & dono spirituali, tanquam pignore accepto, legibus terrena civitatis, quibus hæc administrantur, qua sustentanda mortali vita accommodata sunt, obtemperare non dubitat.* Et infra: *Hæc ergo celestis civitas dum peregrinatur in terra, ex omnibus gentibus cives evocat, atque in omnibus linguis peregrinam colligit societatem, non curans quidquid in moribus, legibus,*

gibus, institutisque diversum est, quibus pax terrena vel conquiratur, vel tenetur, nihil eorum rescindens, vel destruens, immò etiam servans, ac sequens.

Secundò probatur ex necessitate legum civilium. Christiani ex eo quòd Christiani sunt, non desinunt esse homines & cives, & proinde membra Reipublice temporalis: ergo debent habere regulam aliquam actionum suarum humanarum, qua dirigantur in commerciis, & consuetudine cum aliis hominibus. Non sufficit autem lex naturalis, quia solum principia generalia ostendit, neque ad particularia descendit. Non sufficit etiam lex Evangelica, quia illa tractat solum de rebus divinis & coelestibus, ut notum est: lex autem divina politica Testamenti veteris jam cessavit, solum enim conveniebat uni illi populo Judaeorum, & in illo statu: ergo necessaria est alia aliqua regula humana, nimirum arbitrium Principis, aut lex civilis auctoritate Principis constituta. Et quamquam arbitrium Principis aliquo modo sufficere possit, quando Princeps est sapiens, & populus exiguus; tamen absolute necesse est, populum regi legibus, non solo arbitrio Principis, si rectè regi debeat. Quòd interdum sufficiat arbitrium Principis, patet, quia antiquiora sunt regna, quàm leges. Justinus lib. 1. histor. dicit, olim populos sine ullis legibus, solo Principum arbitrio, gubernari solitos, & ex Livio lib. 3. constat, Romanam Rempublicam ad annos 300. sine legibus gubernatam. Denique antiquissimus legislator vel est Moyses, ut Josephus contendit in 2. lib. contra Appionem, vel certè Phoroneus, qui 300. annis Moysè fuit antiquior, ut Eusebius in Chron. & Augustin. lib. 18. civit. Dei cap. 3. docent. Atqui ante Phoroneum constituta sunt regna Assyriorum, Argivorum, Ægyptiorum, & aliorum.

Quòd autem melius sit regi populum legibus, quàm solo Principis arbitrio, immò quòd sit hoc aliquo modo necessarium, affirmat Aristotel. lib. 3. polit. cap. 11. Et probatur primò, quia facilius est invenire unum vel duos bonos & sapientes, quàm plurimos. Si Respubl. debeat regi arbitrio boni Principis, indigebit infinitis bonis Principibus, quorum unus alteri succedat; at si gubernetur legibus, sufficit semel fuisse aliquos, vel unum sapientem, qui legem fecerit.

Secundò, qui leges condunt multi sunt; & diligenter eas examinant; at Princeps est unus, & sæpè repente judicare debet.

Tertiò, qui leges fecerunt, sine amore & odio judicarunt: nam de rebus absentibus judicarunt. Princeps de præsentibus judicat, ubi locum habent amici, propinqui, muneræ, terrores &c. unde iudicium legum est iudicium solius rationis, iudicium hominis est iudicium rationis & libidinis, idest, hominis & bestiae.

Quartò, iudicium Principis etiamsi rectissimum sit, vix unquam caret suspitione, invidia, querelis, maledictis; at iudicium legis his omnibus caret, quippe quòd scitur non posse corrumpi muneribus.

Quintò, gubernatio per leges potest longissimo tempore eadem perseverare; at iudicia hominum sæpè mutantur.

Sextò, gubernatio per leges potest reduci ad artem, & facilius effici; non autem gubernatio ad arbitrium hominis.

Septimò, melior est gubernatio Principis per se, quàm per vicarios; at gubernatio sine legibus necessariò requirit multos vicarios, qui omnes ad arbitrium suum iudicent; quando autem per leges gubernatur, ipse Princeps omnia per se judicare censetur, tum ejus legibus iudicetur.

Tertiò probatur, nam si non liceret Principi Christiano legibus obligare populum, id esset propter li-

Controv. Card. Bellarm. Tom. 11.

A bertatem Christianam, sed hoc dici non potest. Nam tantum abest, ut lex opponatur libertati Christianæ, ut potius opponatur servituti contrariæ eidem libertati, id quod ostendo ex ipsa natura libertatis Christianæ: nam libertas Christiana opponitur servituti peccati, Joan. 8. Amen, amen dico vobis, qui facit peccatum, servus est peccati, servus autem non manet in domo in aeternum: filius manet in aeternum; si ergo vos Filii liberaveritis, verè liberi eritis. Et Rom. 6. Liberati à peccato, servi facti estis iustitiæ. Vocatur autem hæc justificatio à peccato libertas quædam, quia qui in peccato est, donec non liberatur per gratiam, non potest velle bonum ordinatum ad vitam æternam; habet quidem liberum arbitrium, quia potest ex pluribus malis eligere unum, & etiam eligere bonum morale; at eligere bonum divinum non potest, nisi saltem liberari incipiat per Dei gratiam prævenientem, quia captivus tenetur à Diabolo ad ipsius voluntatem, ut dicitur 2. Timoth. 2. at liberum arbitrium liberatum per gratiam potest bonum divinum velle, & facere. Sed major adhuc libertas erat in statu innocentie, quia tunc homo poterat nullum unquam velle malum, quod nunc etiam iusti non possunt; maxima autem erit in cælo, ubi non poterimus velle ullum malum.

Itaque triplex est gradus libertatis, sicut etiam triplex gradus vitæ corporalis. Primus est Beatorum, qui sic poterunt vivere, ut non possint mori, & sic poterunt bene agere, ut non possint peccare.

C Secundus fuit Adami & Evæ in statu innocentie, qui sic poterant vivere, ut possent etiam numquam mori, & sic poterant bene agere, ut possent etiam numquam peccare.

Tertius noster, qui sic possumus vivere, ut non possumus aliquando non mori: & sic possumus bene agere, ut non possumus non peccare saltem venialiter. Infra hos tres gradus non est quartus, nisi non vivere, & non bene agere, qui gradus ad damnatos pertinet. Vide August. lib. de corrept. & grat. cap. 11. Cum ergo libertas consistat in eo, ut possumus eligere bonum, & rejicere malum, manifestum est, legem non pugnare cum libertate; non enim impedit, quò minus possumus eligere bonum, & rejicere malum, sed contra potius juvat: nam præbet materiam exercendæ libertatis. At servituti rectè opponi dici potest lex, quia non potest impleri à servo peccati. Unde Paulus Rom. 3. Quid ergo, inquit, legem destruimus per fidem? absit, sed legem statuiamus. Vide Augustin. de spiritu & litera, cap. 30.

D Probatum secundò hoc idem. Lex divina non pugnat cum libertate: ergo nec lex humana. Antecedens patet, nam Adam liber creatus est, & tamen lex ei imposita fuit, ut non velceretur ligno scientiæ boni & mali, Genes. 3. Probatum consequentia; nam lex divina & humana quoad obligationem sunt omnino æquales, ut patebit in seq. capite.

C A P U T XI.

Secunda Propositio.

L Ex civilis non minus obligat in conscientia, quàm lex divina, etsi minus firma & stabilis sit hæc, quàm illa. Explico, lex divina & humana differunt quoad firmitatem, quia divina non potest abrogari ab homine, humana potest; at quoad obligationem non differunt, utraque enim obligat in conscientia, nunc ad mortale, nunc ad veniale peccatum pro rerum ipsarum gravitate; ita ut nulla sit melior regula ad discernendum, utrum lex humana obliget ad mortale, an ad veniale, quàm cogitare legem illam esse

esse divinam, & videre, si divina esset, quomodo obligaret.

Probatum primò, vis obligativa est de essentia legis, ut dictum est lib. 4. de Pontifice, cap. 16. & obligare est effectus necessarius legis: ergo omnis lex & à quocumque feratur, sive à Deo, sive ab Angelo, sive ab homine, & homine sive Episcopo, sive rege, sive patre, eodem modo obligat. Probatum consequentia à simili, nam quia hominis essentia est, rationale esse, & propria passio esse risibilem, omnis homo est rationalis & risibilis, sive sit creatus à solo Deo, ut Adam, sive à Deo ex alio homine, ut Eva, sive ab hominibus genitus, ut Cain. Antecedens patet, nam lex est regula morum; regulæ autem proprium est intrinsecè ita dirigere, ut recessus ab ipsa sit peccatum in moribus, sicut recessus à regula in naturalibus dicitur peccatum naturæ, ut sunt monstra, & recessus à regula in artibus est peccatum artis.

Ubi notandum est, quòd sicut res ceteræ, quoad existentiam, pendent ab agente, non quoad essentiam, essentia enim sunt æternæ; sunt enim quædam participationes possibiles divinæ essentia: ita etiam lex, quoad existentiam, pendet à legislatore, non enim erit lex, nisi dicatur ab eo, qui habet auctoritatem. At quoad essentiam non pendet; quòd enim lex obliget est quid æternum, & immutabile, & participatio quædam legis æternæ Dei, qui est prima & summa regula; & hoc videtur voluisse dicere B. Augustin. lib. 22. contra Faustum, cap. 27. cum ait: *Peccatum est dictum, vel factum, vel concupitum, contra æternam Dei legem*. Nam sive quis prævaricetur legem naturalem, sive positivam, sive divinam, sive humanam, semper peccat contra legem æternam, quia omnis lex est legis æternæ participatio. Et quamquam non potest fieri, ut aliqua vera lex non sit à Deo, cum lex non possit condi, nisi ab habente potestatem, & non sit potestas nisi à Deo, Roman. 13. tamen si (per impossibile) esset lex non à Deo, adhuc obligaret ad culpam, sicut si (per impossibile) homo existeret non factus à Deo, adhuc esset rationalis.

Probatum secundò; nam si lex obligaret solum quia divina, omnes leges divinæ æqualiter obligarent, ut patet; nam eadem esset ratio obligationis in omnibus. At hoc est falsum: nam magis obligat lex, non occides, quàm lex, non furaberis; & magis lex, non furaberis, quàm lex, non mentieris; & lex, non mentieris, quàm lex, non loqueris verbum otiosum.

Præterea tertio, ostensivè, illa lex divina magis obligat, cujus violatio est magis contraria fini legis, idest, charitati; ideo enim peius est occidere quàm furari, quia magis contra charitatem; & ideo mortale est mentiri perniciosè, veniale est mentiri officiosè, quia illud est contra charitatem; hoc verò præter charitatem; sed lex humana etiam habet pro fine charitatem, & ordinat media ad hunc finem; quod enim ait Apostol. 1. Tim. 1. *Finis præcepti est charitas*, de omni præcepto intelligitur, & patet, nam lex civilis iusta, semper est vel conclusio, vel determinatio legis divinæ moralis: ergo habent eundem finem, & solum in hoc videntur differre, quòd lex humana dirigit actus humanos in ordine ad actus externos dilectionis, idest, ad pacem & conservationem Reipublicæ; lex autem divina dirigit etiam in ordine ad internos actus charitatis: igitur eadem est ratio legis divinæ & humanæ, quod attinet ad obligationem.

Sed objicies: si ex natura rei, & ex ordine ad charitatem sumitur gravitas peccati, superflue sunt leges, nam æquè obligamur ante legem, ac post legem ad id fugiendum, quod natura sua lædit charitatem, & ad id faciendum, quod est necessarium ad conservandam charitatem.

A Respondeo, negatur consequentia: nam si lex non adsit generaliter aliquid præcipiens, aut prohibens, multa quæ sunt mala uni, non erunt alteri mala, v.g. si lex non sit, quæ prohibeat gestare arma, erit malum gestare arma ei, qui facile provocatur ad iram, & qui habet inimicos, quibus cupit nocere: ac non erit malum homini pacifico, & qui solum cupit seipsum defendere. Tamen si id lex prohibeat, jam est malum omnibus; lex enim non debet respicere, quid huic aut illi sit bonum vel malum, sed quid proficit, aut obsit Reipublicæ. Præterea plurima sunt necessaria vel noxia bono communi, quæ tamen non sunt bona vel mala ulli in particulari, nisi lege præcipiantur, vel prohibeantur: v.g. tributum necessarium est Regi, tamen si lex non adsit, non est necessarium ut ego solvam; nam parum prodest meum solum tributum Regi, neque ad me pertinet videre, quibus rebus indigeat Respublica, & sic possent omnes dicere. Similiter noxium est Reipublicæ exportari aurum ex provincia, ac non est noxium notabiliter, quòd ego solus exportem meum aurum, & sic omnes dicere possent; Lex ergo necessaria est, quæ generaliter præcipiens & prohibens, publicæ utilitati prospiciat.

Quartò, lex divina positiva ideo obligat ad peccatum, quia constituit actum, quem præcipit in genere virtutis, cum ante non esset: nam si Judæus non ex contemptu, sed ex cibi appetitu moderatè comedisset carnem suillam in lege prohibitam, sine dubio peccasset, non autem peccasset formaliter contra obedientiam, quia non ex contemptu, ergo contra temperantiam; ac moderatè vesci carne suilla, ex se non est contra temperantiam, sed res quædam indifferens, ergo lex fuit, quæ illam abstinentionem fecit actum temperantiæ necessarium. At hoc idem videmus in lege humana: nam lex divina non alia de causa facit esse actum virtutis eum, qui ex se erat indifferens, nisi quia est regula morum ab eo posita, qui habuit auctoritatem præcipiendi. Sed homo etiam potest præcipere, & regulas morum constituere, ut supra ostendimus; potest igitur homo lege sua constituere actum, alioqui indifferentem, in genere virtutis: proinde pares sunt lex divina & humana, quoad obligationem.

Quintò, lex divina & humana ita differunt, ut lex Regis & Proregis, sive lex Pontificis & ejus Legati. At istæ obligant eodem modo, & solum differunt firmitate, ergo & illæ. Propositio patet, nam Scripturæ passim testantur, Reges esse ministros Dei, & ab illo habere auctoritatem, & loco ejus judicare, Proverb. 8. Sap. 6. Rom. 13. 1. Pet. 2. Assumptio etiam patet, nam auctoritas Proregis est à Rege, & Legati à Papa; & experientia idem testatur, & confirmatur ex sanctis Patribus Augustino & Bernardo. Augustinus in titulum Psal. 70. *Ubi, inquit, hoc jubet pater, quod contra Dominum non fit, sic audiendus est, quomodo Deus &c.* Certum autem est, majorem esse Regis, quàm patris auctoritatem, ut idem Augustinus dicit serm. 6. de verbis Domini. Bernardus tract. de præcept. & dispensat. *Sive Deus, sive homo vicarius Dei mandatum quodcumque tradiderit, pari profectò obsequendum est cura, pari reverentia deferendum, ubi tamen Deo contraria non præcipit homo; ubi clarè dicit, differre leges ex parte materiæ, non autem ex parte præcipientium.*

At objicies: nam B. Bernardus ibidem loquens de mandatis hominum, dicit, iussa sine culpa non negliguntur, sine crimine non contemnuntur, ubique enim & culpabilis neglectus, & contemptus damnaibilis est: ubi videtur dicere, legem humanam numquam obligare ad culpam mortalem, nisi ratione contemptus. Respondeo: loquitur de præceptis

ptis rerum levium, in talibus enim non potest esse crimen, nisi ratione contemptus. Nec enim possunt Prælati pro arbitrio obligare ad culpam mortalem.

Sextò probatur, quia videtur implicare contradictionem, posse Principes obligare ad poenam, & non ad culpam, si quidem culpa & poena relativa sunt. Et B. Augustinus dicit lib. 1. retract. cap. 9. *Omnis poena si iusta est, poena peccati est.* Et in epist. 105. & alibi, Deum ipsum fore injustum asserit, si quemquam damnaret innoxium. Quomodo igitur possunt Principes damnare ad mortem eos, qui leges suas prævaricantur, si illi nihil peccaverunt? si culpam in conscientia non contraxerunt?

Dices: quomodo ergo Regulæ quorundam religionum obligant ad poenam, & non ad culpam? Respondeo: obligant non per modum legis, sed per modum conventionis & pacti, ut leges purè poenales. Nec illa est propriè poena, sed poenalis afflictio suscepta in auxilium spiritus.

Septimò & ultimò ex doctrina Apostolorum; nam Roman. 13. Paulus multis modis id asserit. Primò, cum ait: *Omnis anima potestatibus sublimioribus subdita sit; non enim est potestas, nisi à Deo.* Secundò, cum ait: *Qui potestati resistit, Dei ordinationi resistit.* Tertiò, cum ait: *Qui autem resistunt, ipsi sibi damnationem acquirunt.* Id enim de æterna damnatione exponunt Patres Græci & Latini in hunc locum. Quartò, cum ait: *Ideo necessitate subditi estote.* Quintò, cum ait: *Non solum propter iram, sed etiam propter conscientiam.* Sextò, cum ait: *Ministri enim Dei sunt.* 1. Pet. 2. *Subiecti estote propter Deum, idest, non solum timore poenæ.* Ad argumenta in contrarium.

Ad primum, secundum, & tertium respondeo, ex eo, quòd potestas politica est temporalis, & ejus finis est pax exterior, & homo non judicat de internis, rectè colligi, eam non posse obligare, nisi ad actus temporales & exteriores; non autem non posse obligare in conscientia: nam etsi ista regula dirigat actus exteriores, tamen quia regula est, ab ipsa deviare, peccare est.

Dices: quomodo potest lex, vel potestas temporalis producere effectum spirituale, idest, ligare conscientiam? Respondeo: licet potestas politica & ejus lex dicantur temporales ratione objecti, quia versantur circa temporalia, & exteriora; tamen in se res sunt spirituales. Præterea, ligare conscientiam non est aliquid efficere in rem spirituale, sed solum imperare alteri, & sic imperare, ut si is non obediat, peccet, & testimonio propriæ conscientiæ intelligat, vel intelligere possit, se peccare. Itaque quicumque potest jubere, potest ligare conscientiam, etiam si is de internis non judicet, nec scrutetur conscientiam alterius.

Ad quartum & quintum dico, Principem non posse inferre poenam spirituale & æternam, nec posse dimittere ejusmodi poenam, & tamen posse obligare ad illam; quia id facit auctoritate Dei, qui ei concessit unum, & non alterum; sicut si Rex permetteret Proregi obligare subditos ad poenam capitis, & tamen non permetteret ei per se exercere justitiam, vel condonare supplicium. Vel dicendum est, legem politicam obligare ad poenam æternam, non ut est lex hominis, sed ut est lex ministri Dei. Qui enim ministrum Dei offendit, simul etiam Deum ipsum offendit; quocirca si (per impossibile) Deus non esset in rerum natura, & tamen lex politica similiter per impossibile extaret aliqua, illa obligaret in conscientia, & ejus prævaricatio peccatum esset, sed nulla sequeretur prævaricatore poena spiritualis aut æterna damnatio.

Ad sextum dico, non esse absurdum, idem peccatum puniri à pluribus, & pluribus in locis, quando

Controv. Card. Bellarm. Tom. II.

A plures offendit, sicut videmus homicidis sæpè abscindi manus in eo loco, ubi eadem patrarunt, & deinde in loco publicæ justitiæ abscindi caput.

Ad septimum dico, ex intentione legislatoris pendere, an velit revera imperare, & veram legem condere, an verò solum ostendere quid agendum sit, sine alio imperio: sed si velit seriò imperare, & veram legem condere, non est in ejus potestate impedire, quin lex obliget ad mortale, aut veniale, pro rei magnitudine.

B Ad ultimum dico, quòd legi divinæ cedat humana, quando simul servari nequeunt, non esse causam, quia humana non obliget ad peccatum, sed quia lex humana minus firmiter statuta est; in tali enim casu definit esse lex, & proinde etiam obligare. Vide quæ diximus in lib. 4. de Pontifice, & præterea Joannem Driedonem in 3. lib. de libertate Christiana; Adrianum quodlib. 6. Franciscum Victoriam in relectione de potestate civili; Alphonsum à Castro, lib. 1. de potestate legis poenalis, cap. 4. & Dominicum à Soto, lib. 1. quest. 6. art. 4. de justitia & jure.

C A P U T XII

Tertia Propositio.

C **J**udicia publica exercere non est illicitum Christianis. Probatum Primò, quia proprium est Principis judicare. Scriptura enim sæpè conjungere solet Regem & Judicem, Psal. 2. *Et nunc Reges intelligite, erudimini, qui judicatis terram.* Isaïæ 33. *Dominus Rex noster, Dominus Legifer noster, Dominus Index noster.* Hieremias 23. *Regnabit Rex, & sapiens erit, & faciet judicium & justitiam in terra.* Si ergo licet Christianis habere Principem, cur non & Judicem?

Secundò, quia nihil proderent leges, si nulla esse deberent judicia: at leges tolli non debent, ut supra ostensum est, igitur nec judicia.

D Tertiò, Scriptura utriusque Testamenti judicia admittit; sic enim legimus Deut. 16. *Judices & Magistros constitues in omnibus portis tuis, ut judicent populum iusto judicio.* 1. Corinth. 6. *Secularia judicia si habueritis, contemptibiles qui sunt in Ecclesia, hos constituite ad judicandum; sic non est sapiens quisquam in vobis, qui judicare possit fratrem suum?* Ubi Apostolus monet Corinthios, ut in iis causis, in quibus non tenebantur necessariò adire tribunalia Gentilium, constituerent inter se judicem.

E Neque difficile erit argumenta solvere, quæ initio posita sunt. Ad illa igitur verba Matth. 5. *Si quis voluerit tecum iudicio contendere, & tunicam tuam tollere, relinque illi & pallium.* Respondeo cum S. Augustino in epist. 5. ad Marcellinum, ea solum intelligi debere secundum animi præparationem: nam ibidem Dominus ait: *Si quis te percusserit in unam maxillam, præbe illi & alteram.* Et tamen idem ipse Dominus Joann. 18. percussus in maxilla, non præbuit alteram, sed dixit: *Cur me cadis?* Quo exemplo docuit, quemadmodum præcepta intelligenda sint.

Ad verba Apostoli 1. Corinth. 6. *Delictum est in vobis &c.* dico primò, vocem *Delictum*, Græcè esse ἁρτία, quod non peccatum, sed imperfectionem significat, & sic exponit Theodoretus. Dico secundò, si delictum significet peccatum, ut exponunt Chrysostomus & Ambrosius in hunc locum, & Augustin. in Enchirid. cap. 78. & lib. 2. de serm. Domini in monte, cap. 15. & conc. 24. in Psalm. 118. dico, inquam, vocari delictum, non quòd in se peccatum sit, sed quia ut plurimum non caret peccato, vel ratione finis, ut quando litigatur ex avaritia, vel ra-

tione mediū, ut quando ligatur cum odio, rancore, jurgiis, vel ratione injustitiæ, ut quando miscentur doli & fraudes, vel ratione scandali, ut accidebat Corinthiis, qui cum offendiculo Gentilium litigabant. Dico tertio, non reprehendi judicia ex parte judicis, sed ex parte litigantium. Itaque etiam si peccatum esset litigare, non tamen peccatum esset judicare; judicia enim finem imponunt litibus, quod est bonum.

CAPUT XIII.

Quarta Propositio.

Licet Christiano magistratui gladio punire perturbatores publicæ quietis. Probatum primò Scripturis; nam in lege naturæ, Moysi, & Evangelica habemus præcepta, & exempla hujus rei. Nam Genes. 9. Deus ait: *Qui effuderis humanum sanguinem, fundetur sanguis illius.* Quæ verba non possunt sonare prædictionem, quia prædictio hujusmodi sæpè esset falsa, sed ordinationem & præceptum. Unde Chaldaica paraphrasis vertit: *Qui effuderis sanguinem cum testibus, ex sententia judicis fundetur sanguis illius.* Genes. 38. dixit Judas: *Produce eam, ut comburatur.* Ubi Judas Patriarcha tamquam princeps familiæ adjudicavit adulteram ad ignis supplicium.

In lege Moysi plurima sunt præcepta, & exempla. Exod. 21. *Qui percusserit hominem volens occidere, morte moriatur.* Et ipse Moyses, Josue, Samuel, David, Helias, alique SS. viri plurimos occiderunt. Matth. 26. *Qui acceperit gladium, gladio peribit.* Quæ verba non possunt rectè intelligi, nisi hoc modo: Omnis, qui eadem injustam fecerit, debet à magistratu pariter occidi. Reprehendit enim Dominus Petrum, non quòd justa defensio sit illicita, sed quòd non tam se aut Dominum defendere, quàm injuriam Domino factam ulcisci vellet, cum tamen ipse non haberet publicam auctoritatem, ut rectè exponunt August. tract. 112. in Joan. & Cyrill. lib. 11. in Joan. cap. 35. præterea Rom. 13. *Si malè egeris, time, non enim sine causa gladium portat, minister enim Dei est.* Apostolus dicit datum gladium à Deo principibus contra facinorosos: ergo si in Ecclesia tales reperiantur, cur gladio feriri non poterunt?

Secundò probatur ex Patrum testimoniis. Innocentius L. in epist. 3. ad Exuperium, cap. 3. interrogatus, an post Baptismum liceret magistratui gladio animadvertere in fontes? Responder, omnino licere. Hilarius in can. 32. sive in cap. 26. Matth. dicit licere occidere in duobus casibus, nimirum si quis judicis fungatur officio, aut in sui defensionem utatur gladio. Hieronymus in cap. 22. Hieremias: *Homocidas, inquit, & sacrilegos, & venenarios punire non est effusio sanguinis, sed legum ministerium.* Augustin. lib. 1. de civit. Dei, cap. 21. *Nequaquam contra hoc præceptum fecerunt, quo dictum est: Non occides, qui personam gerentes publicæ potestatis sceleratos morte punierunt.*

Ultimò probatur ratione: Nam ad bonum principem, cui bonum commune tuendum commissum est, pertinet impedire, ne partes, quæ sunt propter totum, illud corrumpant, & ideo si non potest omnes partes integras servare, potius debet unam partem amputare, quàm sinere ut bonum commune pereat; sicut agricolæ amputant ramos & farmenta, quæ officiant viti, vel arbori, & medicus amputat membra, quæ totum corpus inficere possent.

Ad rationem Anabaptistarum ex Matth. 5. *Oculum pro oculo &c.* duæ sunt solutiones. Una, quòd lex ve-

Arus, quia dabatur hominibus imperfectis, permiserit vindictæ appetitum, & solum præceperit ne major expeteretur quàm fuerit injuria, non quòd petere vindictam sit licitum, sed quòd sit minus malum expetere moderatam, quàm immoderatam: porro Christum, qui perfectiores instruebat, hanc permissionem sustulisse. Ita August. lib. 1. de serm. in monte, c. 35. & contra Adimantum, cap. 8. & idem sentit Chrysostomus & Hilarius in hunc locum; sed quia in Levit. cap. 19. prohibetur vindicta: *Ne queras ultionem.* Et in Eccles. cap. 28. legimus: *Qui vindicari vult, à Domino inveniet vindictam;* rectius fortasse respondimus cum S. Thoma, & S. Bonaventura, & aliis nonnullis in 3. Sentent. dist. 30. Dominum, cum ait: *Andistis, quia dictum est antiquis, oculum pro oculo &c.* non reprehendere legem illam, nec prohibere magistratum infligentem poenam talionis, sed reprehendere pravam Phariseorum expositionem, & prohibere privatis hominibus desiderium, & postulationem vindictæ. Deus enim Exod. 21. & Levit. 24. sanctam legem constituit, ut magistratus poena talionis afficiat sceleratos; Pharisei inde deducebant, licere privatis hominibus appetere vindictam; sicut ex eo quòd lex dicebat: *Diliges amicum tuum,* deducebant licere odisse inimicos; Christus autem docet, istas esse legis corruptiones, & oportere diligere etiam inimicos, & non resistere malo, sed potius paratos nos esse debere, si opus sit, ad vertendam alteram maxillam ei, qui unam percusserit. Et quòd alloquatur Dominus privatos homines, patet ex iis, quæ sequuntur. Sic enim Dominus ait: *Ego autem dico vobis, non resistere malo, sed si quis te percusserit in maxillam unam &c.*

Est autem observandum, cum dicitur, *non resistere malo,* non prohiberi justam defensionem, sed re-percussionem; jubet enim Christus, ne ferias eum qui te percussit, ut Theophylactus rectè docet. Ille autem dicitur ferire, qui ferit ut noceat, non ille qui ferit ut se tueatur; ac breviter non defensio sed vindicta prohibetur, juxta illud Rom. 12. *Non vos defendentes charissimi,* idest, non vos ulciscetes. Sic enim est in Græco, *τὸν ἀντιμαρτυροῦντες*, unde sequitur: *Sed date locum iræ, scriptum est enim: Mihi vindictam, & ego retribuam.* Sed nec ipsa vindicta simpliciter prohibetur, si petatur à legitimo iudice, & petatur ad bonum finem, nimirum, vel quia spes est emendandum hac poena malefactorem, vel quia non aliter posset reprimi, & impediri ejus malitia, & pergeret nocere, si impunitus dimitteretur; solum ergo prohibetur vindicta, quam privati homines per se exercere volunt, & quam petunt à iudice ex desiderio nocendi inimico, & satisfaciendi propriæ iracundiæ, atque odio.

CAPUT XIV.

E Licere Christianis aliquando bella gerere.

Sequitur quæstio quarta, quæ est de bello. Continet autem hæc disputatio partes tres. Primum enim demonstrandum erit, licita esse aliquando Christianis bella. Secundò, explicandæ causæ justæ belli. Tertio, propter Lutherum, probandum erit rectè Christianos adversus Turcas arma sumere.

Ac ut à primo incipiamus, antiqua hæresis fuit Manichæorum, qui bellum ex natura sua illicitum asserabant, & ideo Mosem, Josue, Davidem, & ceteros veteris Testamenti Patres, qui bella gesserunt, tamquam impios accusabant, ut B. Augustinus refert lib. 22. cont. Faustum, cap. 74. & seq. Eandem hæresim nostro sæculo aliqui excitant, ac in pri-

mis Erasmus cum alibi, tum præcipue in annotationibus ad cap. 3. & 22. Luc. prolixa disputatione contendit bellum esse unum ex malis, quæ tolerantur, & veteribus Judæis à Deo permissum, Christianis autem à Christo & Apostolis interdictum.

Cornelius quoque Agrippa in libro de vanitate scientiarum, cap. 79. artem bellandi à Christo prohibitam esse affirmat. Idem etiam sequutus est Joannes Ferus lib. 4. commentariorum in Matthæum, exponens illud 26. cap. *Qui acceperit gladium, gladio peribit*. Idem docent Anabaptistæ, ut testatur Melanchthon in locis Theologicis, capite de Magistratu. Idem etiam tribuit Joanni Oecolampadio Alphonsius à Castro, verbo bellum, quod mirum mihi videtur, eum Zwinglius ejus collega adeo probavit bellum, ut in prælio pugnans perierit, & similiter Calvinus lib. 4. institut. cap. 20. & Melanchthon, ubi supra, & ceteri hæretici hujus temporis, verbo & opere doceant esse bellandum.

Nos autem, ut semper docuit Ecclesia tota & verbis & exemplis, dicimus bellum ex natura sua non esse illicitum, & non solum Judæis, sed etiam Christianis fas esse bellum gerere, modo conditiones servantur, de quibus postea dicemus. Id quod probatur Scripturæ testimonio, Judicum 3. *Hæ sunt gentes, quas Dominus dereliquit, ut erudiret in eis Israel, & omnes qui non noverant bella Chanaanorum, & postea discerent filii eorum certare cum hostibus, & habere consuetudinem præliandi*. Hæc sanè verba non permissionem, sed absolutam Dei voluntatem ostendunt. Item 1. Reg. 15. *Hæc dicit Dominus exercituum, recensui quicumque fecit Amalech Israeli, nunc ergo vade & percuti Amalech, & demolire universa ejus. Non parcas ei &c.* Hic etiam non permissionem, sed præceptum videmus, & similium plenum est Testamentum vetus. Item Luc. 3. *Interrogabant eum & milites, dicentes: Quid faciemus & noli?* Et ait illis: *Neminem contrarias, neque calumniam facitis, & contenti estote stipendiis vestris*. Anabaptistæ apud Melanchthonem dicunt Joannem permississe bellum Judæis, ut imperfectis: Christum autem longè aliter docuisse.

At contra, nam Joannes præparabat viam Domino, non ergo debuit permittere id quod Christus mox ablaturus erat; nam nec illi potuissent uti ea concessione, cum eodem anno venerit Christus, & prohibuerit bellum, ut ipsi volunt; & præterea poterant suspicari homines Christum & Joannem non convenire inter se, quod absurdissimum fuisset. Respondet aliter Erasmus, hæc dici militibus, non ut ea servantes bene viverent, sed ut minus malè viverent, ut videtur etiam explicare Theophylactus.

At contra, nam Joannes præmiserat: *Facite fructus dignos penitentia, & omnis arbor non faciens fructum bonum, in ignem mittetur &c.* Inde compuncti publicani & milites petierunt, quis esset fructus bonus, quem facere deberent: vel ergo Joannes eos decepit, vel possunt milites salvari, si servant quod Joannes illis præcepit.

Ad Theophylactum dico duo. Primò, eum non dicere bellum esse malum, sed solum dicere Joannem hortatum esse turbas, quæ erant innocentes, ad opera bona, idest, ad communicanda bona sua cum aliis: Publicanos autem & milites, qui non erant capaces hujus perfectionis, & non poterant facere bonum supererogationis, hortatum esse ut desisterent à malo. Putavit enim Theophylactus dare tunicam non habenti, ei qui habet duas, esse opus consilii, & supererogationis, alioqui non vocaret turbas, quibus hoc dicitur, innocentes, nec distingueret hoc opus tamquam bonum à ma-

lo, nam si præceptum sit non retinere duas tunicas, retinere erit malum.

Dico secundò, Theophylactum non rectè exponere hunc locum, nam vocat turbas innocentes, quibus Joannes dicit: *Genonius viperarum*; Et: *Facite fructus dignos penitentia*. Et præterea habere duas tunicas, est retinere superflua, ut Hieronymus dicit quæst. 1. ad Hedibiam, peccatum autem est retinere superflua. Præterea Matth. 22. Dominus docuit tributum Cæsari esse solvendum, ac certum est tributum non deberi Regibus, nisi ut possint alere milites in defensionem Reipub. quod exponit Apostolus Rom. 13. *Ideo, inquit, & tributa præstatis, ministri enim Dei sunt in hoc ipsum servientes*, nimirum, ut gladio puniant perturbatores publicæ pacis, id enim præmiserat: *Non sine causa gladium portat, Dei enim minister est, vindex in iram*.

Probatur secundò exemplis Sanctorum, qui bella gesserunt; nam si bellum esset malum, certè à Sanctis non gereretur. In veteri Testamento Abraham, Moyses, Josue, Gedeonem, Samsonem, Davidem, Josiam, Machabæos magna cum laude bella gessisse legimus. In novo Testamento Matth. 8. Centurio cum diceret Christo: *Habes sub me milites, & dico huic, vade, & vadit &c.* ejus fidem Dominus laudavit, non ut militiam desereret præcepit. Act. 10. Cornelius item Centurio dicitur, *Vir justus, & timens Deum*. Ita ut etiam Angelum videre meruerit, nec postea cum à S. Petro viam salutis doceretur, dictum est ei, ut militiam desereret.

Deinde post Christi in cælum ascensionem semper fuisse Christianos, aliquos verè Sanctos & Deo gratos in militia, etiam sub Ethnicis principibus, docet Tertullianus in Apologet. c. 5. ubi refert miraculum insigne à Christianis militibus factum, cum sub M. Aurelio in Germania bellum gererent; qui certè vel non militassent, si hoc esset malum, vel si militassent non ita Deo grati fuissent, ut etiam miracula facere possent. Vide histor. Eusebii lib. 8. cap. 4. & lib. 9. cap. 10. Docet etiam Basilus in oratione de laudibus 40. militum Martyrum, fuisse multos Sanctorum in castris gentilium Imperatorum, & similiter Gregorius Nazianzenus orat. 1. in Julianum ultra medium. Denique Constantinum, Theodosium, Valentianum, Carolum Magnum, S. Ludovicum Regem Galliarum, S. Mauritium cum sua legione Thebæorum, aliosque plurimos SS. Christianos bella gessisse constat, quos S. Episcopi numquam reprehenderunt, immò Theodosius consulebat de eventu belli Joannem Abbatem, ut Augustin. refert lib. 5. de civit. Dei, cap. 26.

Tertiò probatur, quia Deus sæpè justa bella adjuvat, quod nullo modo faceret, si bellum esset illicitum, nam mala permitti possunt, sed non etiam ad ea facienda auxilium dari. Gen. 14. Abraham, cum debellasset quatuor reges cum solis 318. famulis suis, dictum est à Melchisedech: *Benedictus Deus excelsus, quo protegente hostes in manibus tuis sunt*. Exod. 17. ad preces Moysi Deus dedit victoriam Hebræis contra Amalech. Josue. 10. pugnante Josue sol stetit, & Dominus pluebat de cælo lapides magnos, & plures occidit Deus lapidibus grandinis, quàm filii Israel hastis, & gladiis. 2. Machab. 10. Angeli in specie equitum pro Machabæis pugnabant, & cap. 15. legimus Deum non secundum armorum potentiam, sed prout ipsi placet, dare dignis victoriam.

Constantinum Dei auxilio miraculis evidenter ostensis, vicisse in bellis testatur Eusebius in vita Constantini, & lib. 9. hist. c. 9. Cum Theodosio S. Joannem, & S. Philippum Apostolos palàm pugnantem contra hostes ejus testatur Theodoretus lib. 5. hist. c. 24. pro

pro Theodosio juniore pugnasse Angelos contra Saracenos scribit Socrates lib. 7. cap. 28. De Clodoveo vide Gregorium Turonicum, lib. 2. hist. Francorum, cap. 30. Honorii exercitum divino miraculo victoriam incredibilem de Gothis retulisse, scribit B. Augustinus lib. 5. de civit. Dei, cap. 23. innumerabilia exempla similia referri possent.

Probatum quartò ratione, Licet Reipub. defendere cives suos ab internis hostibus pacis, eos necando variis generibus suppliciorum, ergo etiam licebit bello atque armis, quando alia via non potest, defendere eosdem suos cives ab hostibus externis: quia ut possint conservari Respublicæ, necessarium est ut omnes hostes tam internos, quam externos arcere possint; & cum hoc sit jus naturæ, nullo modo credibile est, per Evangelium esse sublatum.

Probatum ultimò testimoniis Patrum. Tertullianus in Apolog. cap. 42. *Navigamus, inquit, & nos vobiscum, & militamus, & rusticamur, & mercamur.*

S. Gregorius Nazianzenus orat. 3. de pace: *Licet, inquit, utriusque temporis habenda sit ratio, quandoquidem juxta illius legem, atque auctoritatem præclare interdum bellum suscipitur, quamdiu tamen licet, propensores ad pacem esse debemus, hoc enim sublimius est, & divinius.*

S. Joannes Chrysostomus homil. in Evang. de nuptiis, Joan. 2. ex variis: *Militiam, inquit, præcis, & dicis, non possum esse pius: Centurio nomine miles erat, nihilque nocuit illum sua militia?*

B. Ambrosius serm. 7. *Non militare, delictum est, sed propter prædæ militare, peccatum est.* Et lib. 1. de officiis, cap. 40. & 41. numerat inter virtutes, bellicam fortitudinem, & eam nostris non defuisse multis exemplis probat. Item in oratione de obitu Theodosii, vehementer Theodosium à laude bellica commendat.

B. Augustinus epist. 5. ad Marcellinum: *Nam si Christiana disciplina, inquit, omnia bella culparet, hoc patius militibus consilium salutis petentibus in Evangelio diceretur, ut abjicerent arma, seque militia omnino subtraherent: dictum est autem, neminem convenceritis, nulli calumniam feceritis, sufficiat vobis stipendium vestrum. Quibus proprium stipendium sufficere debere præcepit, militare utique non prohibuit.* Et epist. 205. aliàs 207. ad Bonifacium: *Noli, inquit, putare neminem Deo placere posse, qui armis bellicis ministrat &c.* Idem docet lib. 22. contra Faustum, cap. 74. & sequent. & lib. 6. questionum in Josue quest. 10.

B. Gregorius lib. 1. epist. cap. 72. ad Gennadium: *Sicut, inquit, excellentiam vestram hostilibus bellis in hac vita Dominus victoriarum fecit luce fulgere, ita oportet eam inimicis Ecclesiæ ejus omni vivacitate mentis, & corporis obviare &c.* Et cap. 73. *Si non ex fidei merito, ex Christiana religionis gratia, tanta excellentia vestra bellicarum actuum prosperitas eveniret, non summo opere miranda fuerat, sed cum futuras (Deo largiente) victorias non carnali providentia, sed magis orationibus prævenitis, sit ut hoc in stuporem venias, quod gloria vestra non terreno consilio, sed Deo desuper largiente descendat.*

Gregorius Turonicus, lib. 5. hist. cap. 1. *Utinam & vos, ô Reges, in his prælia, in quibus parentes vestri, exerceretis, ut gentes vestra pace contenta vestris viribus premerentur.*

B. Bernardus in serm. ad milites, cap. 3. *At verò Christi milites, inquit, securi præstantur prælia Domini sui, nequaquam metuentes, aut de hostium cade peccatum, aut de sua nece periculum, quandoquidem mors pro Christo vel ferenda, vel inferenda, & nihil habeat criminis, & plurimum gloria mereatur.*

At contrà obijciunt. Primò Scripturas, ac pri-

A) mùm Deut. 32. *Mea est ultio, & ego retribuam.* Et Rom. 12. *Non vos defendentes charissimi; scriptum est enim, mihi vindictam, & ego retribuam.* Respondeo, vindictam, quam exercent publicæ personæ, rectè vocari vindictam Dei, Dei enim ministri sunt in hoc ipsum servientes, unde Paulus postquam dixerat in fine cap. 12. ad Rom. *Mihi vindictam, & ego retribuam.* Subdit in principio cap. 13. *Si malè egeris, time, non enim sine causa gladium portat, minister enim Dei est, vindex in iram ei, qui malè agit.*

Addunt deinde illud Isaïæ 2. *Constabunt gladii suos in vomeres, & lanceas suas in falces, non levabit gens contra gentem gladium, nec exercebuntur ultra ad prælum, quæ de tempore Christiano prædicta sunt.* Respondeo, solum hoc loco prædicitur altissima pax futura, eo tempore, quo nasceretur Christus, ut B. Hieronymus exponit, & impletum esse scimus tempore Augusti Cæsaris. Illud enim (ultra) non significat, in æternum, sed in longum tempus. Præterea etiam si non esset hoc impletum, nihil inde concluderetur; nam non prohibet Isaïas bellum, si sint hostes, qui nos infestent, sed prædicit futurum, ut nulli sint hostes. Donec igitur sunt hostes, etiam bellum geri potest. Potest etiam dici prædictum esse regnum Christi fore regnum pacificum, quandoquidem non est de hoc mundo, nec temporalia curat, & in hoc distingui à regno Judaico, quod bello, & cædibus firmandum, & conservandum fuit.

C) Denique obijciunt illa verba Matth. 5. *Si quis te percusserit in unam maxillam, præbe ei & alteram: & diligite inimicos vestros: benefacite his, qui vos oderunt.* Et Matth. 26. *Qui acceperit gladium, gladio peribit.* Quibus similia sunt illa Rom. 12. *Nulli malum pro malo reddentes, & non vosmetipsos vindicantes charissimi &c.*

Respondeo, eadem argumenta objecisse Julianum apostatam olim Christianis, ut Gregorius Nazianzenus refert oratione prima in Julianum, procul à medio. Dicimus autem primò, hæc omnia, sive præcepta, sive consilia dari privatis hominibus; non enim Dominus vel Apostolus præcipit judici, ut non puniat eum, qui alteri fecit injuriam, sed præcipit unicuique, ut proprias injurias æquo animo ferat: bellum autem ad publicam justitiam, non ad privatam vindictam pertinet: & sicut dilectio inimici, ad quam omnes tenentur, non impedit judicem, aut carnificem ab officio suo, ita etiam non impedit milites & Imperatores à suo.

D) Dico præterea, etiam privatis hæc non semper esse præcepta, sed interdum præcepta, interdum consilia; præcepta sunt semper in animi præparatione, ita ut sit homo paratus præbere alteram maxillam, & auferenti tunicam dare etiam pallium potius, quam Deum offendere, sed re ipsa hoc præstare præceptum est, quando necessitas honoris Dei id exigit, aliàs solum est consilium, & aliquando ne consilium quidem, ut si ex eo quod præbeam alteram maxillam nulla sequitur utilitas, nisi quod ille iterum peccat. Ita respondent Gregorius Nazianzenus loco notato, & Augustinus epist. 5. ad Marcellinum.

E) Secundò obijci possunt tria decreta Ecclesiæ. Primum est in Concilio Nicæno, can. 11. ubi gravissima injungitur poenitentia iis, qui militiam, cui renunciaverant, reperierint. Secundum est in epistola B. Leonis 90. ad Rusticum, & habetur etiam canon. Contrarium, de poenit. distinct. 5. *Contrarium, inquit Leo, est Ecclesiasticis regulis post poenitentia actionem redire ad militiam secularem.* Et infra: *Non est liber à Diaboli laqueis, qui se militia mundana voluerit implicare.* Tertium est Gregorii, eadem distinct. canone, Fallas, ubi dicitur eos, qui exer-

cent negotium quod sine peccato non potest exerceri, non esse capaces poenitentiae, nisi negotio ejusmodi renuncient, & ponit Gregorius exemplum de milite.

Respondeo ad primum, agi de iis, qui ob confessionem fidei privati fuerant cingulo militari à Diocletiano, vel à Licinio, & postea repetebant cingulum, parati negare fidem. Vide Zonaram, & Balsamonem in eum canonem, & Ruffinum lib. 10. hist. cap. 6. & quæ nos scripsimus de hac re lib. 2. de Conciliis, cap. 8.

Ad secundum & tertium dico, agi de iis, qui occasione militiæ multa peccata commiserant, quique propterea poenitentiam egerant. Isti enim malè faciunt, si ad militiam redeunt, in qua experti sunt, se sine peccato vivere non posse, non ex vizio militiæ, sed ex proprio, & tunc præcipuè malè faciunt, quando imperatum eis fuerat à sacerdote, ne ad militiam redirent. Et quod revera isti canones non prohibeant absolutè militiam, patet ex fine illius canonis, Falsas, ubi posteaquam dictum fuerat malè facere eos, qui post poenitentiam ad militiam redeunt, subditur, nisi consilio religiosorum Episcoporum pro defendenda iustitia.

Tertiò obijciuntur ab Erasmo plura loca Patrum, quibus addimus duo, unum Tertulliani, alterum Hieronymi. Tertullianus lib. de corona militis, ultra medium, quærit an Christiano militiæ conveniat? & respondet: *Credimus ne, inquit, humanum Sacramentum divino superinduci licere? Et in alium Dominum respondere post Christum? licebit in gladio conversari, Domino pronunciante, gladio periturum, qui gladio fuerit usus? & prælio operabitur filius pacis, cui nec litigare conveniet?*

Respondeo, Tertullianum non damnare militiam tamquam per se malam. Quod patet primò, ex locis suprâ citatis, ex Apologetico cap. 5. & 42.

Secundò, quia in hoc libro de corona militis fatetur eos, qui milites erant ante Baptismum, posse manere milites etiam post Baptismum, & solum docet non debere ad militiam accedere post Baptismum eum qui liber est: *Planè, inquit, si quos militiæ præventos fides posterior invenit, alia conditio est, ut eorum, quos Joannes admitteret ad lavacrum, ut Centurionum fidelissimorum, quem Christus probat, & quem Petrus catechizat, dum tamen suscepta fide, atque signata, aut deferendum statim sit, ut multis actum, aut omnibus modis cavillandum, ne quid adversus Deum committatur.*

Tertiò patet, quia causæ præcipuæ, quas reddit, cur Christiani non debeant militare, sunt propter periculum idololatriæ, tunc enim omnes serè principes Gentiles erant. Itaque per accidens judicabat Tertullianus malum esse bellum eo tempore: *Excubabit, inquit, pro templis, quibus renunciavit? & carnabit illic ubi Apostolo non placet? & quos interdum exorcismis fugavit, noctibus defensabit? vexillum quoque portabit amulum Christo &c.* Porro aliæ rationes ejus suprâ positæ solum congruentiæ sunt, ut patet.

Hieronymus in epist. ad Ageruchiam de Monogamia: *Olim, inquit, bellatoribus dicebatur, accinge gladium tuum super femur tuum potentissimè: nunc Petro dicitur, converte gladium tuum in vaginam &c.* Respondeo, vult dicere, in Testamento veteri bella fuisse imperata à Deo, & necessaria ad terram promissionis capiendam, & conservandam: in Testamento novo non esse imperata bella, sed potius pacem, quia ad regnum coelorum acquirendum non sunt arma necessaria. Non tamen hinc sequitur, non posse Christianos, ut cives temporalis Reipubl. bella gerere cum iis, à quibus injuriam acceperunt.

A Præter hæc obijcit Erasmus aliquot alios Patres, ac primùm Origenem, qui lib. 2. cont. Celsum paulò ante medium dicit, Christum omnia bella sustulisse; & tractat. 7. in Matth. exponens obiter illud Luc. 22. *Qui non habet gladium, vendat tunicam, & emat gladium.* Dicit perniciosum esse hunc locum iis qui carnaliter eum intelligunt, qui revera putant esse tunicam vendendam ad emendum gladium.

B Respondeo: in priore loco nihil esse pro Erasmo; cum enim Origenes dicit, Christum sustulisse omnia bella, non intelligit Christum prohibuisse bella, sed providentia sua generalem pacem mundo attulisse tempore nativitatis suæ. Immo ibidem aliquid est contra Erasmus: dicit enim Origenes, propterea Dei providentia factum esse, ut veniente Christo omnia Romano Imperatori subiecta essent, quia si multi fuissent Reges, necessaria etiam fuissent bella, quibus alii aliorum injurias propulsarent. In posteriore etiam loco nihil dicitur contra bellum; fatemur enim non ita crasse verba Domini intelligenda, ut debeat unusquisque necessariò vendere tunicam, & emere gladium, sed solum modo illo loquendi Dominum explicare voluisse, in talibus angustiis, & necessitate Apostolos futuros tempore passionis, qualem patiuntur ii, qui ut se defendant, vendunt tunicam, & emunt gladium.

C Sed quid hinc colligitur contra bellum? An quia Dominus hoc loco non jussit, ut Apostoli verè gladios emerent, ideo intelligetur prohibuisse bellum? quod item Origenes ait homil. 15. in Josue, non esse Christianis carnalia bella peragenda, significat militiam Christianam sub Imperatore Christo non esse carnalem contra homines, ut fuit militia Judæorum sub Josue, sed spirituales contra Dæmones, non tamen hinc sequitur non licere Christianis, ut sunt cives politicæ Reipubl. bella gerere.

Ad eundem modum solvuntur, quæ Erasmus affert ex Chrysostomo, Basilio, & Theophylacto ex catena B. Thomæ in cap. 22. Lucæ, solum enim docent non jussisse Apostolis, ut verè gladios emerent.

D Deinde obijcit Ambrosium, qui lib. 10. in Lucam exponens illud: *Qui non habet, vendat tunicam, & emat gladium: O Domine, inquit, cur emere me jubet gladium, qui servire me prohibes? cur haberi præcipis, quem vetas promi? nisi fortè ut sis parata defenso, non ultio necessaria, & videar potuisse vindicari, sed noluisse; Lex tamen referre non vetat, & ideo fortasse Petro duos gladios offerenti, sat est, dicit, quasi licuerit usque ad Evangelium, ut sit in lege æquitatis eruditio, in Evangelio bonitatis perfectio.* Respondeo primò, nihil hoc loco dici de bello, quod publica auctoritate exercetur, sed de privata defensione, vel ultione. Secundò dico etiam privatam defensionem, secundum Ambrosii sententiam, non pertinere ad prohibitionem præcepti, sed ad perfectionem consilii, ut illa verba clarè indicant, ut sit in lege æquitatis eruditio, in Evangelio bonitatis perfectio.

E Item obijcit Erasmus Augustinum, quem dicit non sibi constare, & si alicubi belli patrocinium suscepit, tamen alibi contra bellum scripsisse; nam in Psalm. 37. scribit: *Non orare debemus, ut moriantur inimici, sed ut corrigantur.* Et epist. 5. ad Marcellinum multa scribit contra bellum, in epist. verò 158. & alibi supplicat eidem Marcellino, ut hæreticos Donatistas citra sanguinem puniat.

Respondeo: videtur Erasmus pueros putasse, cum quibus agebat, quid enim hæc ad propositum faciunt? nam in Psalm. 37. reprehendit odium inimici, quo aliqui Deum orant pro morte inimicorum. Quis autem negat esse malum optare mortem inimico ex odio, & cupiditate vindictæ? Tamen optare mortem

tem inimico, & etiam inferre, secundum ordinem iustitiæ malum non est, si fiat non odio hominis, sed amore iustitiæ, & communis boni. In epistola verò 5. nihil est contra bellum, sed potius pro bello, ut suprâ citavimus, nec scio quid Erasmus somniaverit. In epist. 158. supplicat iudici pro vita sceleratorum, qui jam tenebantur captivi, & crimen fatebantur, quod Episcopi etiam modò facere solent. Sed quid hoc ad bellum? Num quicumque supplicat, ne latro aliquis suspendatur, continuo bellum prohibet?

Obicit etiam exemplum S. Martini, qui ut Sulpitius in ejus vita refert, Juliano Imperatori dixit: *Domesticonum tuum militaturus accipias, ego Christianus sum, mihi pugnare non licet.* Respondeo, non satis fideliter verba S. Martini Erasmus retulit, non enim ait: *Ego Christianus sum, mihi pugnare non licet, sed, hæcenus militavi tibi, nunc patere ut militem Deo, Christi ego miles sum, mihi pugnare non licet;* quibus verbis non significavit se tantum esse Christianum, sed etiam voto, & proposito Monachum: id significat illud, patere ut militem Deo, & Christi ego miles sum. Unde paulò antè Sulpitius scripserat, S. Martinum post Baptismum susceptum adhuc duos annos militasse, non quòd non cuperet statim sæculo renunciare, sed quia tribunus militum, cui ipse contubernalis erat, promiserat se etiam exacto tribunatu sæculo valedicturum, idest, cum ipso Monacho futurum. Itaque non Christiano, sed Monacho bellum interdictum asseruit, cum ipse Christianus existens duos jam annos militavisset.

Postremò sic Erasmus instat, arma Ecclesiæ sunt gladius verbi Dei, scutum fidei, galea salutis, lorica iustitiæ, jacula orationum, ut Apostolus docet ad Ephes. 6. non ergo ferro & armis Christiani pugnare debent.

Respondeo primò, Apostolus non describit bellum contra homines, sed contra demones, ut patet ibidem: *Non est nobis colluctatio &c.* Secundò dico, præcipua Christianorum arma esse fidem & orationem, sed non propterea etiam arma ferrea non esse necessaria; nam Exodi 17. legimus Moysen orante, & Josue pugnante victoriam Israël à Deo donatam contra Amalec; & Machabæos scimus orationibus, & armis pugnasse, & Augustinus scribit ad Bonifacium, epist. 194. *Arripe manibus arma, oratio aures pulset auctoritas.* Et eidem Bonifacio scribit epist. 205. alias 207. *Alii pro vobis orando pugnant contra invisibiles inimicos, vos pro eis pugnando laboratis contra visibiles barbaros.*

At, inquiunt, bellum opponitur paci, sed pax est bona, & effectus charitatis, igitur malum est bellum. Respondeo, bellum sic paci opponi, ut sit etiam medium ad pacem, sed hoc interesse inter bellum justum & injustum, quòd bellum injustum opponitur paci bonæ, & ducit ad pacem malam, & ideo tale bellum vitiosum est: at bellum justum opponitur paci malæ, & ducit ad pacem bonam, sicut vulnera Chirurgi contraria sunt sanitati malæ, & imperfectæ quam habent ægroti, sed ad bonam & perfectam sanitatem, tamquam ad finem perdu-
cunt.

C A P U T XV.

Quot sint, & qua iusti belli conditiones.

Belli iusti conditiones quatuor numerare solent, qui hæc tractant. Auctoritatem legitimam, causam justam, intentionem bonam, & modum convenientem. Sed de singulis seorsim dicendum est.

A Prima igitur conditio est auctoritas legitima, dicit enim S. Augustinus lib. 22. contra Faustum, cap. 75. *Ordo ille naturalis mortalium paci accommodatus hoc poscit, ut suscipiendi belli auctoritas, atque consilium pene principem sit, exequendi autem iussa bellica ministerium milites debeant paci, salutique communi.* Et ratio idem probat, nam privati homines, & qui superiorem habent, si ab aliquo injurias accipiant, possunt ad superiorem confugere, atque ab eo iudicium petere. At principes si ab aliis principibus aliquid patiantur, non habent commune aliquod tribunal, ad quod illos accusent, & ideo licet ei bello injurias publicas propulsare.

B Residet autem hæc auctoritas indicendi belli, secundum communem sententiam, in omnibus, principibus, & populis, qui in temporalibus superiorem non habent, quales sunt Reges omnes; item Respub. Venetorum & similes &c. Item nonnulli Duces & Comites, qui nulli subsunt in temporalibus: non autem Duces & Comites, qui subsunt regibus immediate, qui enim subsunt aliis, non sunt per se capita Reipub. sed potius membra. Nota tamen hanc auctoritatem non requiri ad bellum defensivum, sed solum ad offensivum; nam defendere se unicuique licet, non solum principi, sed etiam privato, at indicere bellum, & invadere hostem, solius est supremi capitis.

C Secunda conditio est causa justa, non enim sine causa bellum dici potest, nec etiam propter quodcumque peccatum, sed tantum propter injuriam propulsandam. Ita B. Augustin. quæst. 10. in Josue: *Iusta bella, inquit, definiuntur, quæ nascuntur injurias, si qua gens vel civitas, quæ bello petenda est, vel vindicare neglexit, quod à suis improbe factum est, vel reddere, quod per injuriam ablatum est.* Ratio autem hujus est, quia princeps non est iudex, nisi hominum sibi subditorum, ergo non potest quæcumque peccata aliorum hominum punire, sed solum ea, quæ cadunt in detrimentum populi sibi subiecti, nam etsi non est iudex ordinarius aliorum, est tamen defensor suorum, & ratione hujus necessitatis efficitur etiam quodammodo iudex eorum, qui suis injuriam fecerunt, ita ut possit eos gladio punire.

D Est verò observandum causam belli debere esse non levem, neque dubiam, sed magnam & certam, ne fortè plus incommodi bellum afferat, quàm sit utilitas, quæ inde speratur. Si autem dubia sit distinguendum est de principe, & militibus; nam princeps ipse sine dubio peccat; nam bellum est actus iustitiæ punitivæ, injustum est autem punire aliquem causa nondum probata: milites autem non peccant nisi constaret certò bellum esse illicitum: debent enim subditi parere superiori, nec debent discutere imperia ejus, sed potius præsumere debent principem suum bonam causam habere, nisi manifestè contrarium noverint; sicut etiam cum dubia est culpa alicujus particularis, peccat iudex, qui eum damnat, non carnifex, qui damnatum occidit; non enim tenetur carnifex discutere sententiam iudicis, ita docet Bonifacius Papa in Sexto, de regulis juris, regula 25. *Quod quis, inquit, mandato facit iudicis, dolo facere non videtur, cum habeat parum necesse.* Et B. Augustinus lib. 22. contra Faustum, cap. 75. *Hoc etiam, inquit, fit ut vir iustus, si fortè sub rege sacrilego militet, rectè possit illo jubente bellare, civica pacis ordinem servans, cui quod jubetur, vel non esse contra Dei præceptum, certum est, vel utrum sit, certum non est, ita ut fortasse remm regem faciat iniquitas imperandi, innocentem autem militem ostendas ordo serviendi.*

E Nota tamen hoc intelligi de militibus, qui sunt obligati ei principi, qui bellum gerit, quales sunt subdi-

subditi ejus, & etiam ii, qui ordinarium ab eo stipendium habent etiam tempore pacis, non autem de aliis qui aliunde adveniunt cum est bellandum; Qui enim non sunt obligati militare, non possunt tanta conscientia ad bellum accedere, nisi sciant bellum esse justum; Qui autem nihil cogitant, sed parati sunt militare, live bellum sit justum, live non, modo stipendium habeant, ii in statu damnationis versantur.

Tertia conditio est intentio bona. Nam cum finis belli sit pax & tranquillitas publica, non licet bellum suscipere propter alium finem. Unde graviter peccant tam reges, quam milites, qui vel ut noceant alicui, vel ut imperium dilatent, vel ut exercent fortitudinem bellicam, vel alia de causa bellum suscipiunt, quam propter commune bonum, etiam si auctoritas legitima, & causa justa non desint, ita Beatus Augustinus in epist. ad Bonifacium comitem, quæ est 207. aliàs 5. *Pacem, inquit, habere debet voluntas, bellum necessitas, ut liberet Deus à necessitate, & conservet in pace. Non enim pax quaritur ut bellum geratur, sed bellum geritur ut pax acquiratur. Esto ergo etiam bellando pacificus, ut eos, quos expugnas, ad pacis unitatem vincendo perducas.* Et lib. 22. contra Faustum, cap. 74. *Nocendi cupiditas, ulciscendi crudelitas, impetratus, atque implacabilis animus, feritas rebellandi, libido domandi, & si qua similia, hæc sunt, quæ in bello jure culpantur.*

Sunt autem duo notanda. Primum, quoniam bellum est medium quoddam ad pacem, sed valde grave & periculosum, ideo non esse mox inferendum bellum, cum causa existit, sed esse prius procurandam pacem aliis rationibus facilioribus, nimirum pacifice petendo ab hostibus debitam satisfactionem. Deuter. 20. *Si quando accesseris ad expugnandam civitatem, offeres ei primum pacem &c.* Et B. Augustinus epist. 107. ad Bonifacium: *Pacem habere debet voluntas, bellum necessitas.*

Sed quæret aliquis, quid si hostis nolit initio satisfacere, sed paulò post bello jam inchoato petat pacem, & satisfactionem offerat, an tenebitur alter à bello cessare. Cajetanus verbo, Bellum, dicit, quod non tenetur cessare, quando bellum jam est inchoatum, quamquam teneretur antea quam inchoaretur, acceptare satisfactionem. Sed (meliori judicio salvo) dicendum videtur, quòd ex iustitia numquam tenetur, qui habet justam causam, acceptare satisfactionem nec ante bellum inchoatum, nec postea: tamen ex charitate utroque tempore tenetur, nisi per accidens aliud expediat. Prioris ratio est, quia princeps habens justam causam belli, gerit personam iudicis respectu alterius principis, qui injuriam fecit, iudex autem non tenetur ex iustitia condonare mortem reo, etiam si offerat satisfactionem, quamquam possit condonare ex misericordia, si sit supremus iudex, verbi gratia, Rex non tenetur donare vitam furi, etiam si restituat, etsi ex misericordia potest. Ratio posterioris est, quia bellum est gravissimum supplicium, & quo non solum punitur qui peccavit, sed etiam per accidens multi innocentes involvuntur: ideo Christiana charitas semper id videtur exigere ut à bello cessetur, quando qui nocuit debitam satisfactionem offert, nisi fortè per accidens aliud expediat, idest, nisi talis sit hostis contra quem pugnatur, ut bono communi expediat eum vel subiectum esse alteri, vel funditus interire, quales erant Amorhæi, quos Deus iussit penitus deleri, Deuter. 20.

Secundò notandum, differre hanc tertiam conditionem à duabus primis, quòd illæ si desint, faciunt bellum esse injustum, hæc verò si desit, facit bellum esse malum, sed non injustum propriè. Qui enim sine auctoritate vel sine justa causa bellum movet,

A non solum contra charitatem, sed etiam contra iustitiam peccat, & non tam est miles, quam latro: qui verò auctoritatem, & causam justam habet, & tamen amore vindictæ vel augendi imperii, vel propter alium finem malum bellat, non agit contra iustitiam, sed solum contra charitatem, nec est latro, sed malus miles.

B Ex quo deducitur, quòd cum solum deest hæc tertia conditio, non tenentur milites, nec reges ad ullam restitutionem, sed solum ad poenitentiam: cum autem deest prima vel secunda, tenentur omnes ad restitutionem damni illati, nisi excusentur ignorantia invincibili. Ignorantia enim crassa, & culpabilis sicut à peccato non excusat, ita nec à restitutione, ut habemus capite finali, de injuriis & damno dato. Qui autem laborat ignorantia invincibili, non tenetur restituere donec ea ignorantia laborat; at cum cognoverit bellum fuisse injustum, tenetur restituere, non damnum tempore belli illatum, sed si quid habet alienum ex illo bello: & si nihil habet in specie, sed tamen rebus venditis factus est ditior, tenetur restituere tantum, quantum est ditior factus; nam res aliena retineri non potest, etiam si propter ignorantiam sine peccato acquisita sit, sed reddi debet vel Domino si scitur, vel pauperibus.

C Quarta conditio est, modus debitus, qui in eo præcipue consistit, ut nulli innocenti noceatur, quod explicuit Joannes Baptista Luc. 3. *Neminem concutitis, nulli calumniam faciatis, contenti estote stipendiis vestris.* Quibus verbis prohibet injurias, quas milites inferre solent innocentibus aut vi, aut fraude, vel in personas, vel in bonis. Cum dicit: *Neminem concutitis*, prohibet injuriam, quæ aperta violentia inferitur personæ, ut cum rusticos caedunt, nisi ad nutum obediant. Cum dicit: *Nemini calumniam faciatis*, prohibet injuriam, quæ fraudibus, & calumniis inferitur, ut cum dicunt aliquem esse proditorem vel hostem, etiam si contrarium noverint esse verum, & eo nomine vel ipsi eum spoliunt, aut occidunt, vel deferunt ad ducem, vel præfectos, cum verò addit: *Contenti estote stipendiis vestris*, prohibet injuriam, quæ alicui non in persona, sed in bonis inferitur, ut cum furantur, & rapiunt undecumque possunt, vel etiam exigunt, & extorquent ab iis à quibus non debent.

D Est autem observandum, tria esse genera personarum, quibus milites damnum inferre non possunt secundum regulam Joannis Baptiste. Primum est eorum omnium, qui ad Rempub. hostium non pertinent. Ex quo excusari non possunt milites, qui damnum inferunt civibus, aut rusticis amicis, apud quos hospitantur, vel per quorum loca transeunt. Neque excusantur si dicant, sibi stipendia non solvi; nam non propterea illis obligata sunt bona privatorum civium, neque luere debet poenam civis, aut rusticus, si rex aut dux peccat non solvendo stipendia militibus, nisi fortè iusta de causa damnati sint homines alicujus loci ad hanc poenam, ut milites alant, quod tamen rarius accidit.

E Secundum est quorundam, qui etsi aliquo modo ad Rempub. hostium pertinent, tamen excipiuntur capite Innovamus, de tregua, & pace, ubi sic dicitur, Innovamus, ut Presbyteri, Monachi, conversi, peregrini, mercatores, rustici, euntes, vel redeuntes, vel in agricultura existentes, & animalia, quibus arant, & semina portant ad agrum, congrua securitate latentur. Ubi nomine mercatorum non videntur intelligi ii, qui in civitate hostium resident, & sunt pars quædam civitatis, sed solum ii, qui transeunt, vel ad nundinas veniunt, qui non sunt pars civitatis.

Tertium genus est hominum ineptorum ad bellum,

lum, quales sunt pueri, senes, mulieres: tales enim, etsi capi & spoliari possunt, quia sunt pars civitatis, tamen occidi iuste non possunt, nisi forte casu & per accidens occidantur: ut cum miles jaculatur in cuneum hostium, & forte occidit puerum, aut mulierem, aut etiam sacerdotem, non peccat, sed tunc peccat, cum ex intentione occidit, & potest, si velit, non occidere. Nam & ratio naturalis hoc docet, & etiam Deus hoc jubebat Hebræis Deuter. 20. nimirum ut parcerent parvulis & mulieribus, & Theodosius graviter ab Ambrosio reprehensus fuit, quod cum punire vellet Thessalonicenses, sine defectu obvios quosque necari iussit, ut refert Theodoretus lib. 5. hist. cap. 17. & 18. Quod si Moses aliquando iussit etiam mulieres, & parvulos occidi, ut patet Deuter. 2. & 3. & alibi, non propterea id etiam nostris militibus licet, nam ille Dei revelatione clarè cognoscebat Deum sic velle, cui nemo dicere potest, cur ita facis?

CAPUT XVI.

Licere bellum gerere Christianis contra Turcas.

IAm verò quæstio de bello contra Turcas omitti potuisset, nisi Lutherus inter alia sua paradoxa etiam hoc protulisset, ac defendere conatus esset, non licere Christianis contra Turcas bellum gerere, ut patet ex art. 34. in Bulla Leonis damnato. Luthero videtur assentiri Theodorus Bibliander in Chronologia tabul. 13. ubi sic ait: *Urbanus, seu potius turbo sacrifimus, à spiritu malo homicidiis gaudente impulsus, bellum pro recuperanda Judæa commovit.*

Est autem observandum, Lutherum non negare bellum contra Turcas esse licitum, quia putet in genere omne bellum esse illicitum; nam in assertionem ejusdem articuli suadet bellum contra Pontificem, quem Turcissimum Turcam esse dicit; neque quia existimet non habere Christianos justam causam; constat enim omnibus Turcas nullo jure occupasse regna Christianorum, & quotidie plura occupare velle. Constat etiam eum extinguere cupere omnem religionem, & dare omnem operam, ut homines ex Christianis fiant Mahumetani. Denique constat & antiquos Pontifices, ut Urbanum II. Paschalem II. Eugenium III. & alios multos, necnon generalia Concilia, ut Lateranense, Lugdunense, Viennense, & alia, generale bellum indixisse Mahumetanis, & S. Bernardum, aliosque sanctos viros concionibus publicis excitasse populos ad hoc bellum, & sermonem miraculis confirmasse, ut ipsemet B. Bernardus modestè indicat initio libri 2. de consideratione, nec aliquid horum Lutherus negat, sed sunt alie tres causæ cur senserit non licere contra Turcas bellare.

Prima, quia voluntas Dei esse videtur, ut à Turca, tamquam flagello quodam puniamur, neque licet nobis Dei voluntati resistere, quòd autem ista sit voluntas Dei, probat in assertionem art. 34. ab experientia, quæ docuit hætenus nihil Christianis profuisse bellum contra Turcas.

Sed hæc prima causa parum valet; nam etsi voluntas Dei sit ut peccata nostra per Turcam puniantur, tamen non est voluntas Dei, ut Turcæ non resistamus, immò voluntas ejus est ut resistamus; id quod ex fine probatur. Non enim Deus permittit Turcam in nos sævire ut pereamus, sed ut convertamur, tunc autem ad conversionem perducimur, cum Turcæ nos oppugnanti resistere conamur, resistendo laboramus, laborando nostram infirmitatem agno-

A scimus, atque inde ad Deum toto corde revertimur, & ejus auxilium imploramus. Itaque ex fine, quod Deus permittit Turcam in nos sævire, sequitur manifestè ipsum velle ut Turcæ resistamus. Præterea, ita flagellum Dei est bellum Turcæ, sicut pestis, famines, hæresis, fomes peccati, & similia; nemo autem tam est stultus, qui ideo putet non esse querenda medicamenta contra pestem, neque terram colendam, ne moriamur fame, neque hæresi & fomiti resistendum.

B Neque verum est quod Lutherus dicit, experientiam docere nihil nobis prodesse bellum contra Turcas; nam ut omittam plurimas victorias de Turcis relatas, certè cum primùm arma illata sunt in terram promissionis, felicissimo eventu Hierusalem à nostris recuperata fuit, & regnaverunt Christiani annis 88. & semper plura, & plura recuperabant, donec oriri cœperunt inter ipsos Christianos Principes contentiones, quemadmodum & nunc Turca plura occupat ob discordiam nostrorum, quàm sua virtute, & harum discordiarum potissima causa fuit Lutherus ipse. Nam ut ex Joanne Cochleæ patet in actis Lutheri anni 1526. Hungaria perit, quia Germani à rege Hungariæ vocati in auxilium, maluerunt Luthero parere tunc concionanti contra bellum in Turcas, quàm cogitare quid bonum commune postularet. Saltem hoc boni habet bellum, quòd impeditur Turca ne tantum noceat quantum vellet. Nisi enim hætenus cum eo pugnatum esset, jamdudum ille omnia obtineret.

C Secunda causa ejus est, quia Ecclesiæ utilior est tribulatio, & persecutio, quàm victoria, & tranquillitas; unde in sermone de matrimonio reprehendit Ecclesiæ consuetudinem, qua orat pro pace, & quiete, cum potius pro tribulationibus orandum esset. Sed respondemus, tribulationem, & persecutionem esse quidem utilem, sed periculosam, & ideo non expetendam, sed tolerandam, cum aliter fieri non potest. Unde Matth. 6. jubemur orare: *Et ne nos inducas in tentationem.* Ex 1. Tim. 2. Apostolus jubet orare pro regibus, ut quietam, & tranquillam vitam agamus. Ex B. Augustinus lib. 10. Confessionis, cap. 28. dicit, miseria tolerandas, non amandas, nec desiderandas, & petendas.

D Tertia causa, eaque præcipua fuisse videtur, odium Pontificis, tanto enim odio Pontificem aliquando Lutherus persequabatur, ut planè optaret videre Turcam occupantem omnia regna Christianorum, ut saltem eo modo nomen Pontificis extingueretur. Neque hoc fuisse votum, ac desiderium ejus, nos divinamus, sed ex verbis ejus colligimus, nam in libro ad nobilitatem Germaniæ, cap. 35. dicit, nullum esse pulchrius regimen usquam, quàm apud Turcas, qui legibus Alcorani gubernantur, nullum autem turpius, quàm apud Christianos, qui jure canonico, & civili reguntur. Ex in assertionem articuli 34. dicit, Pontificem, & Pontificias esse multò peiores, & truculentiores Turcis, & stultum esse pugnare pro pejoribus Turcis contra meliores, & in epistola quadam contra duo mandata Imperialia: *Oro, inquit, cunctos pios Christianos, ne alio modo sequamur, vel in militiam ire, vel dare aliquid contra Turcas, quandoquidem Turca decies prudentior, probiorque est, quàm sunt Principes nostri.* Quibus verbis quid aliud suadere conatus est, quàm esse juven-dos Turcas contra Christianos?

E Sed hæc sententia tantam absurditatem, & impietatem continet, ut ipse idem Lutherus postea, cum ille ardor nonnihil deferbuisset, planè contrarium scripserit. Sic enim ait in libro de visitatione Saxonica? *Clamant, inquit, aliqui predicatorum temerarie, non resistendum esse Turcæ. Hic sermo seditiosus est, qui neque ferri, neque permitti debet. Tementur igitur*

tur potestates resistere Turcis, qui non solum cupiunt provincias devastare, uxores ac liberos violare, & interficere, verum etiam iura provincia, cultum Dei, omnemque ordinationem bonam abrogare ac tollere. Idcirco debent Principes ob id præcipue belligare &c. Et ibidem: Multo, inquit, tolerabilius foret viro bono videre filiorum suorum interitum, quam Turcicis eos moribus imbuti: Turca enim nullam prorsus honestatem vel sciunt, vel curant. Hæc ille.

CAPUT XVII

Ad magistratum non pertinere iudicium de Religione.

Quinta sequitur questio de officio magistratus politici in causa religionis. Tres in hac parte sunt errores. Primus eorum, qui nimis multum tribuunt magistratibus, ut Brentii in Prolegomenis, Philippi in locis, capite de magistratu, & aliorum, qui reges esse volunt non solum custodes & defensores religionis, sed etiam iudices & magistratos. Dicunt enim ad eos, ut ad præcipua Ecclesiæ membra pertinere, iudicare controversias fidei, præsidere Conciliis generalibus constituere ministros, & pastores, & similia.

In quem errorem multa disputavimus in controversiis de iudice controversiarum, de summo Pontifice, & de Conciliis, ubi ostendimus reges habere primum locum inter Christianos, ut Christiani homines sunt, idest, ut sunt cives terrenæ civitatis, non ut sunt cives Sanctorum, & domestici Dei, ac ut Ecclesiæ membra sunt. Sic enim primum locum habent Episcopi, & præcipue summus Pontifex, secundum Presbyteri, tertium Diaconi, alique ministri Ecclesiastici, ultimum Laici, inter quos etiam Reges & Principes numerantur.

Unde Chrysostomus homil. 83. in Matthæum alloquens Diaconos: Si Dux quispiam, si Consul ipse, si is, qui diademate ornatur, indignè adeat, colibe, & coerce, majorem tu illo habes potestatem. Et Gelasius in epist. ad Anastasium Imperatorem: Nosti, inquit, fili clementissime, quod licet præfideas humano generi dignitate rerum terrenarum, tamen præsulibus divinarum devotus colla submittis, atque ab eis causas tuæ salutis expectas, inque sumendis cælestibus Sacramentis, eisque ut competit disponendis, subdis te debere cognoscis religionis ordinem potius, quam præesse. Nosti itaque inter has ex illorum te pendere iudicio, non illas ad tuam redigi posse voluntatem.

Denique, Christus Ecclesiam regendam Petro & Episcopis commisit, non Tiberio, & ejus præfectis, & per annos 300. sine ullis regibus Christianis, exceptis paucissimis, qui vel brevissimo tempore imperarunt, ut Philippus Cæsar, vel solum in aliqua provincia, ut Lucius Rex Britannorum, Ecclesia à solis Episcopis & Presbyteris optimè gubernata est. Vide cætera locis citatis.

CAPUT XVIII

Ad magistratum pertinere defensionem Religionis.

Secundus error est aliorum, qui ad alterum extremum deflectentes, docent reges debere curare Rempublicam suam, & pacem publicam, de religione autem non curare, sed permittere singulis ut sentiant prout voluerint, & vivant ut voluerint, modo non perturbent pacem publicam. In hoc errore fuerunt olim Ethnici, qui omnes religiones approba-

A runt olim Ethnici, qui omnes religiones approbant, & omnium Philosophorum sectas admittebant, ut August. dicit lib. 18. de civit. Dei cap. 51. unde beatus Leo serm. 1. de SS. Petro & Paulo. Hæc autem civitas, inquit, ignorans suæ profectionis auctorem, cum penè omnibus dominaretur gentibus, omnium gentium serviebat erroribus, & magnam sibi videbatur assumpsisse religionem, quia nullam respuebat falsitatem. Et Themistius Philosophus, ut refert Socrates lib. 4. hist. c. 27. Valenti Imperatori persuadere conatus est, Deo gratam esse sectarum varietatem, dum ita pluribus modis colitur, & pluris fit, dum difficilius cognoscitur. Item hæresiarcha quidam nomine Rethor apud Augustinum libro de hæresibus, cap. 72. omnes sectas veras esse docuit.

B Denique, hanc libertatem voluerunt & obtinuerunt Germani anno 1526. quando Principes Imperii Spiræ congregati fuerunt: & nunc idem feruntur in Flandria petere, quorum argumenta quatuor præcipue sunt. Unum, quod fides sit libera. Alterum, quod sit donum Dei. Tertium, quod experientia doceat cogendo nihil profici. Quartum, quod Christiani semper Judæos toleraverint, cum tamen Christi hostes sint.

C At hic error perniciosissimus est, & sine dubio tenentur Principes Christiani non permittere subditis suis libertatem credendi, sed dare operam, ut ea fides servetur, quam Episcopi Catholici, & præcipue summus Pontifex docet esse tenendam. Probatum primo Scriptura, Proverb. 20. Rex qui sedet in solio iudicis, dissipat omne malum intuitu suo. Item: Dissipat impius Rex sapiens. Porro impios esse hæreticos negari non potest. Item Psalm. 2. Es nunc Reges intelligite, erudimini, qui iudicatis terram, servite Domino in timore.

D Augustinus epist. 50. Aliter servit, inquit, Rex Deo, quia homo est, aliter quia Rex est, quia homo est, ei servit vivendo fideliter, quia verò etiam Rex est, servit, leges iusta præcipientes, & contraria prohibentes, convenienti vigore sanciendo: sicut servivit Ezechias, locos & templa idolorum destruendo: sicut servivit Rex Josias, talia & ipse faciendo: sicut servivit Rex Ninivitarum, universam civitatem ad placandum Dominum compellendo: sicut servivit Darius, idolum frangendum in potestatem Danieli dando: sicut servivit Nabuchodonosor, omnes in regno suo positos à blasphemando Deo lege terribili prohibendo. Et ibidem subiungit: Quis mente sobrius Regibus dicat, Nolite curare in regno vestro, à quo teneatur, vel oppugnetur Ecclesia Domini vestri? Non ad vos pertineat in regno vestro, quis velit esse sive religiosus, sive sacrilegus, quibus non potest dici: Non ad vos pertineat in regno vestro, quis velit esse pudicus, quis impudicus.

E Præterea in testamento novo Apoc. 2. reprehenditur Angelus Pergami, quod haberet apud se aliquos tenentes doctrinam Nicolaitarum, & Angelus Thiatyræ, quod permetteret Jezabel seducere servos Dei. Ex quibus colligitur, noxiam esse Ecclesiæ, mixtionem hæreticorum cum Catholicis. Roman. 16. jubentur Christiani declinare hæreticos. Galat. 5. Utinam, inquit, abscindantur, Tit. 1. Inrepa illos dure ut sani sint in fide, ergo Reges, qui sunt Ecclesiæ nutriti, Isaïæ 49. non debent permixtere istam confusionem.

Secundò probatur testimoniis Pontificum & Imperatorum. Leo epist. 75. ad Loonem Augustum: Debes, inquit, Imperator incunctanter advertere regiam potestatem tibi non solum ad mundi regimen, sed maxime ad Ecclesiæ præsidium esse collatam, ut ausus nefarios comprimendo, & quæ bene sunt statuta, defendas, & veram pacem his, quæ sunt turbata, restituas. Anastasius II. Papa in epist. ad Anastasium Imperatorem: Hoc,

Hoc, inquit, præcipue infuso serenitati tuæ, ut cum causa Alexandrinorum patuerint piissimis auribus vestris, ad Catholicam & sinceram fidem eos auctoritate, sapientia, divinisque vestris mandatis redire faciat. Similia habet Gregorius lib. 9. epist. 60. ad Regem Angliæ, lib. 11. epist. 44. ad Leontiam Augustam. Similia habet Agatho in epistola ad Constantinum IV.

Porro Imperatores pii idem senserunt; nam Theodosius L. cunctos populos, C. de summa Trinitate, & fide Catholica, radicitus evulsit libertatem credendi, quam aliqui Principes permiserant, ac iussit omnes credere eo modo, quo Romanus Pontifex docet esse credendum. Valentinianum juniorem laudat Ambrosius in oratione funebri, quod Romæ repetenti antiquam libertatem in religione, ut colere posset sacrificiis Deos, fortissimè restiterit. Similiter Martianus C. eodem, L. Nemo, severè prohibet, ne quis ea, quæ sunt in Conciliis Episcoporum definita, revolvat, aut de iis publicè disputare præsumat.

Constantinus Magnus initio quidem imperii permisit libertatem religionis omnibus, ut patet ex Historia Eusebii lib. 10. cap. 5. tamen postea iussit claudi templa idolorum, & solam Christianam religionem vigere, ut Optatus refert lib. 2. contra Parmen. quem filii sunt imitati, Constans & Constantinus, ut Augustinus refert epist. 166. & (apud Ruffinum lib. 10. cap. 5.) exilium minatus est Constantinus iis omnibus qui non acquiescerent Nicæni Concilii definitioni.

Qui libertatem credendi concesserunt, tres inveniuntur. Jovianus, qui tamen ne Catholicos cum hæreticis misceret, graviter admonitus est à Concilio Antiocheno, ut scribit Socrates lib. 3. capite 21. Valens Imperator Arianus omnibus hæreticis & Ethnicis liberam permisit religionem, ut scribit Theodoretus, lib. 4. cap. 22. Denique Julianus Apostata, qui idè permisit libertatem, quia sic sperabat posse interire Christianismum, sic enim ait Augustinus epist. 166. aliàs 165. Julianus, inquit, desertor Christi & inimicus, hæreticis libertatem perditionis permisit, & tunc Basilicas hæreticis reddidit, quando templa Daemoniis; eo modo putans, Christianum nomen posse perire de terris, si unitati Ecclesiæ, de qua lapsus fuerat, invideret, & sacrilegas dissensiones liberas esse permetteret.

Probatum tertio rationibus. Primò, potestas temporalis & spiritalis in Ecclesiâ non sunt res distinctæ & separatæ, ut duo regna poltica, sed sunt conjunctæ, ita ut unum corpus faciant; vel potius ita se habent, ut corpus & anima in uno homine, est enim potestas spiritalis quasi anima, & temporalis quasi corpus, ut Nazianzenus docet in oratione ad populum timore percussum, ergo debet potestas temporalis spiritali servire, eamque ab hostibus suis protegere ac defendere, ac (ut B. Gregorius ait, lib. 2. epist. 61.) terrenum regnum celesti famulari; sed Ecclesiæ exitialis est hæc libertas; nam vinculum Ecclesiæ est unius fidei confessio, ad Ephes. 4. Una fides, & idè dissensio in fide, Ecclesiæ est dissolutio. Debent igitur Principes hanc libertatem nullo modo permittere, si fungi munere suo volunt.

Secundò, quando apud Judæos vera religio florebat, non poterant Reges permittere libertatem religionis, ergo multò minus debent permittere Reges Christiani; non enim minus ordinata debet esse Ecclesiâ, quàm fuerit Synagoga. Antecedens patet Deuter. 17. ubi ex sententia iudicis politici jubentur occidi, qui non obediunt Sacerdoti. Et cap. 18. Pseudoprophetæ similiter exterminari jubentur; & idem patet exemplis, quæ affert Augustin.

A epist. 50. de Ezechia, Josaphat, Josia, & aliis piis Regibus, qui destruebant lucos, & templa idolorum, & severè puniebant idolatras, & populum ad cultum veri Dei compellebant. Quòd autem paulò ante Christi tempora cœperint permitti varix hæreses, ac præcipue Sadducæorum, qui negabant resurrectionem, non est mirum, quia Synagoga tunc ad interitum propinquabat, nec habebat Regem verè Judæum, qui ista curaret, sed Idumæum Herodem, Pontifices autem nihil poterant.

B Tertio, libertas credendi perniciofa est, etiam temporali bono regnorum, & publicæ paci, ut patet primùm ex Gregorio lib. 4. epist. 38. ubi dicit, Reipub. civilis incolumitatem, ex Ecclesiæ pace pendere. Deinde ratione, nam ubi servatur fides & obedientia Deo, ibi etiam servatur Principi; nam fides ipsa hoc docet & exigit. Item dissensio in fide parit animorum & voluntatum dissensiones: omne autem regnum in seipsum divisum, desolabitur; & experientia nostri temporis adèd manifestè hoc ostendit, ut frustra id probare nitamur.

C Quarto, libertas credendi perniciofa est illis ipsis, quibus conceditur, nam libertas credendi nihil est aliud, quàm libertas errandi, & errandi in re omnium periculosissima; nam fides vera non est nisi una, Ephes. 4. Una fides, ergo libertas ab ista una fide recedendi, est libertas in errorum baratrum ruendi. Sicut ergo salubriter non permittitur ovibus libertas vagandi per montes, & salubriter non liberatur gubernaculo, nec sinitur liberè à quolibet vento circumferri navis, ita quoque salubriter non conceditur populis libertas credendi, posteaquam uni veræ fidei se adjunxerunt. Argumenta solventur in sequenti Quæstione.

C A P U T XIX.

Non posse conciliari Catholicos cum hæreticis.

D TERTIUS error est Georgii Cassandri in libro de officio pii viri, ubi docet, debere Principes invenire rationem pacis inter Catholicos, Lutheranos, Calvinistas &c. Sed interim dum non inveniunt, debere permittere unicuique suam fidem, modò omnes recipiant Scripturam & Symbolum Apostolicum. Sic enim omnes sunt vera Ecclesiæ membra, licet in particularibus dogmatibus dissentiant. Similia docuerunt olim pacificantes, auctore Zenone Imperatore, de qua re vide Evagrium, lib. 3. cap. 14. & 30. Item Apelles, qui apud Eusebium lib. 5. hist. cap. 13. dicebat, non esse discutiendam rationem fidei, sed sat esse credere in crucifixum. Hic est manifestus error, & contra eum scripsit ex Catholicis Doctoribus Joannes à Lovanio, ex hæreticis Joannes Calvinus.

E Potest autem facilè refelli hæc sententia, primùm enim, non possunt Catholicos, Lutheranos, & Calvinistas eo modo conciliari; nam in ipso Symbolo non convenimus, exempli gratia, per articulum: *Descendit ad inferos*, diversissima intelligimus; nos enim credimus, Christi animam à corpore separatam, secundum substantiam suam descendisse ad limbum Patrum; hæreticorum alii volunt descendisse Christum ad inferos, nihil esse aliud, quàm sepultum fuisse; alii passum dolores inferni. Similiter articulum: *Credo sanctam Ecclesiam*, diversis modis intelligimus. Et illud etiam: *Sanctorum communionem*; nam de singulis Sacramentis sunt controversiæ. Denique de illo: *Remissionem peccatorum*, maximè dissentimus.

Dicet

Dicet Cassander, sat est, quod omnes fateamur, Symbolum esse verum, & illud recipimus.

Contra; primò, Symbolum unum est, & non in verbis, sed in sensu est fides; non ergo habemus idem Symbolum, si in explicatione dissidemus. Præterea si sufficeret verba Symboli recipere, nulli ferè veterum hæreticorum jure damnati fuissent. Nam Ariani, Novatiani, Nestoriani, & alii ferè omnes verba Symboli Apostolici recipiebant, sed quia in sensu dissensio erat, ideo damnati, & ab Ecclesia Catholica ejecti fuerunt.

Secundò, fundamentum Cassandri est falsum; non enim possunt vera membra Ecclesiæ vocari Lutherani & Calvinistæ, etiamsi in Symbolo nobiscum convenirent; nam præter illam fidem requiritur subjectio ad legitimum caput Ecclesiæ à Christo constitutum, & communicatio cum aliis membris; Ecclesia enim est unum corpus visibile, & proinde caput & membra habet visibilia, nec potest dici membrum, quod à capite & corpore reliquo separatum est. Certè Aerius, etiam quoad sensum in Symbolo conveniebat cum Catholicis, tamen quia nolebat subesse Episcopo, & cæteris membris communicare, ab Epiphaniò & Augustino in Catalogo hæreticorum ponitur, & Cyprianus lib. 4. epist. 1. dicit, Novatianum esse extra Ecclesiam, quia non volebat subijci Pontifici Cornelio, etiamsi nullam aliam hæresim introduxisset.

Tertiò, Cassander ira disputat, quasi inter Catholicos, Lutheranos, & Calvinistas solum dissensiones sint de ritibus & cæremoniis humanis; at multa dogmata sunt maximi momenti, in quibus dissentimus, quæque non habentur expressè in Symbolo, & propter quæ nulla pax sperari potest inter Catholicos, & Lutheranos. Nam verbi gratia, nos dicimus, Missam esse divinissimum cultum Dei; illi dicunt esse horrendam idololatriam: similiter invocare Sanctos nobis est pietas, illis impietas &c.

Quartò, sancti Patres docuerunt nos, ut non solum fidei Symbolum, sed etiam omnia alia dogmata fidei, licet minuta videantur, inviolata servemus, nec propter hæreticos ullo modo immutari patiamur, Galat. 2. Paulus dicit, se nec ad horam cedere voluisse falsis fratribus. Et cum olim Ariani pererent à Catholicis, ut saltem unam vocem omitterent, quæ non habetur in Scriptura, nec in Symbolo Apostolorum, vel unam literam immutarent, idest, non dicerent *ὁμοούσιον*, sed *ὁμοιούσιον*, & si hoc fieret, pacem pollicerentur. Catholici noluerunt, & Imperatori scripserunt, nefarium esse de rebus jam definitis aliquid immutare; & si quid justarum sanctionum fuerit immutatum, non propterea pacem futuram; nec enim apud eos pacem esse posse, qui pacis jura nescirent. Vide Theodoretum lib. 2. hist. cap. 18. & 19. vel Trip. lib. 5. cap. 21. & 33. & hoc verum esse patuit in Concilio Ariminensi; nam cum simplices Catholici ab Arianis decepti, nomen *ὁμοούσιον*, tollendum esse decrevissent, mox Ariani toto orbe terrarum prædicaverunt, se vicisse; & non contenti sustulisse vocem *ὁμοούσιον*, & pro ea substituisse *ὁμοιούσιον*, paulò post ipsum *ὁμοιούσιον*, in *ὁμοειδόν*, idest, dissimilis substantiæ, transformaverunt, ut Theodoretus refert, lib. 2. hist. cap. 21.

Hinc Basilus roganti Præfecto Valentis Imperatoris, ut tempori pareret, & non tot Ecclesias, propter parvam dogmatum subtilitatem, vexari pareretur, respondit: *Qui divinis inauriti sunt eloquiis, corrumpere de divinis dogmatibus, ne unam quidem syllabam patiuntur, sed pro his, si contringat, omnes etiam mortis species amplectuntur.* Vide Theodoretum lib. 4. cap. 17. Historiæ Ecclesiasticæ. Eadem constantia præditi fuerunt Eustathius & Sylvanus,

Centrov. Card. Bellarm. Tom. II.

A quibus cum Imperator exilium minaretur, nisi vocem *ὁμοούσιον*, abrogarent, responderunt, potestatem habes puniendi, non tamen nos Patrum statuta destrumus. Vide hist. Tripar. lib. 5. cap. 24.

B Denique Gelasius in epistola ad Euphemianum, petenti hæretico, ut Papa eis condescenderet, idest, aliquid remitteret de religione Catholica, pacis gratia, eleganter ejus petitionem irrisit. Cum autem, inquit, dicis, condescendere nos debere vobiscum: interim jam vos descendere, aut descendisse monstratis. Unde quæso, vel quò ista descensio est? Utique ex superiore quodam loco ad inferiora quæque deponites, à Catholica, Apostolicaque communione ad hæreticam, damnatamque prolapsos videtis, cognoscitis, non negatis: sed etiam in superiore manentes sede, vultis impelli, condescendere nos vobiscum invitatis ad ima de summis; nos coascendere vos nobiscum rogamus ad summa de imis.

C Quintò, non potest liberum esse credere in uno quolibet dogmate, quin eadem ratione liberum esse debeat in omnibus, etiam in iis, quæ in Symbolo Apostolico continentur; nam una est regula fidei indubitata, & certa in omnibus quæ creduntur, nimirum verbum Dei per Ecclesiam explicatum. Si ergo credo Ecclesiæ tradenti mihi Symbolum Apostolorum, quod non scio aliunde esse Apostolorum, nisi quia Ecclesia dicit; eadem ratione credere debeo Sanctos invocandos, quia eadem Ecclesia hoc dicit, vel si hoc possim non credere, eadem ratione possum non credere, Symbolum illud esse Apostolorum.

Sextò, opinio ista Cassandri nova est, & ab ipsa primùm excogitata, ut ipse initio fateatur, suspecta igitur haberi debet. Ut enim pulchrè docet Vincentius Lyrinensis in suo opusculo contra profanas novitates, suspitione carere non potest, quod novum est, cum vera fides una sit, & antiquissima.

D Septimò, ista opinio facit veram Ecclesiam omnino occultam & invisibilem; immò ex solis adulatoribus & simulatoribus constatam; nam Cassander dicit, ad veram Ecclesiam requiri duo, fidem in Christum, & pacem cum hominibus, & inde deducit eos, qui hostiliter insectantur Catholicos, & Lutheranos, non esse de Ecclesia, sed eos solum, qui cum omnibus pacem habent: ergo illi, qui sunt de Ecclesia, non possunt esse nisi occulti, & qui cum Catholicis simulant se hostes Lutheranorum, & cum Lutheranis hostes Catholicorum; nam Catholici non patiuntur in suo grege ullos, qui ostendant ullo signo externo, se favere Lutheranis: inter Lutheranos quoque, etsi permittuntur in iisdem provinciis omnes sectæ, tamen nulla secta in suo grege patitur amicos aliarum sectarum, ut notum est: ergo isti pii, & pacifici viri necessariò sunt omnes ficti & simulati, aliud ore profitentes, aliud in corde celantes, & similes Herodi, qui cum Ethnicis erat Ethnicus, cum Judæis Judæus; nam & Cæsari templum crexit, & simul Deo vero, ut Josephus refert lib. 15. Antiquit. cap. 13. & 14.

E Adde, quod fateatur Cassander, suos istos collegas esse paucos & occultos, sed hinc apparet, eos non posse Ecclesiam constituere; nam Ecclesia est manifesta & visibilis adeò, ut à Domino, Matth. 17. dicatur civitas supra montem posita. Denique, vera Ecclesia sine Pastoribus esse non potest, ad Ephesios 4. isti autem homines occulti nullos pastores habent, nec habere possunt, dum ita manent occulti, proinde nullam Ecclesiam habent.

CAPUT XX.

Libros hæreticorum abolendos esse.

Postrema restat quæstio de poenis hæreticorum, quas post Ecclesiæ iudicium & declarationem, Principes politici infligere possunt ac debent. Incipimus autem à libris eorum, ac breviter ostendimus, libros hæreticorum jure interdici, & exuri. Id igitur Probatur Primò ex antiqua & perpetua consuetudine, non solum Christianorum, sed etiam Ethnicorum.

Primò, refert Valerius Maximus lib. 1. cap. 7. quòd cum Romæ reperti fuissent libri quidam, qui non-nihil videbantur solvere religionem, Prætor Urbanus, ex auctoritate Senatus, in conspectu populi eos cremavit. Marcus Tullius lib. 1. de natura Deorum refert, Protagoram Abderitem, quòd libros noxios religioni scripsisset, Atheniensium jussu, urbe atque agro exterminatum, librosque ejus in concione combustos.

Deinde, tempore Apostolorum, refert Lucas Actor. 19. multos ab Apostolis conversos, libros curiosos & vanos contulisse, & combussisse coram omnibus: & Clemens lib. 1. consuet. Apostol. cap. 7. dicit, Apostolos prohibuisse initio fidelibus libros Gentilium, & falsorum Prophetarum. Scribit etiam Eusebius lib. 7. histor. cap. 6. Dionysium Episcopum Alexandrinum, qui floruit circa annum 250. à fidelibus reprehensum, quòd libros hæreticorum legeret.

Consequente postea tempore crevit zelus fidelium contra libros hæreticorum; Nam Nicænum Concilium libros Arii igni adjudicavit, ut Nicephorus testatur lib. 8. cap. 18. & Constantinus id executioni mandari jussit, proposita poena capitis, si quis libros Arii occultasset, ut patet ex epistola ejus apud Socratem lib. 1. cap. 6. & Nicephorum lib. 8. cap. 25. Scribit etiam Socrates lib. 1. cap. 24. Marcellum Ancyranum damnatum fuisse, quòd libros suorum errorum comburere nolisset; non enim recipiebantur ad poenitentiam hæretici, nisi prius libros suos combussissent.

Circa eadem tempora Epiphanius in Synodo Cypri coacta, vetuit libros Origenis legi, ut Socrates lib. 6. cap. 9. historiæ refert, & Concilium Carthaginense IV. can. 16. permittit solis Episcopis, ut tempore necessitatis libros hæreticorum legant. Non diu postea cum Nestorii hæresis in Concilio Ephesino damnata fuisset, libri quoque Nestorii in eodem Concilio interdicti fuere, & à Theodosio Imperatore exuri jussi, ut Liberatus refert cap. 10. Breviarii, & exstat adhuc lex Theodosii, L. Damnato, C. de hæreticis. Circa idem tempus prodiit lex Honorii & Theodosii, qua jubentur Mathematici omnes suos libros, in quibus aliquid est adversum Catholicæ religioni, in oculis Episcoporum cremare, L. Mathematicos, C. de Episcopali audientia. Pari ratione in Concilio Chalcedonensi damnantur libri Eutychetis, & ab Imperatoribus Valentiniano & Martino severa lege prohibetur, ne ullus eos legere, aut habere audeat, sed omnes diligentissimè quæsitæ cremantur, ut patet ex Concilio Chalcedonensi Actor. 3. & ex ipsa lege, quæ adhuc exstat L. Quicumque, §. Nulli, & §. Omnes, C. de Hæreticis.

Eodem tempore B. Leo in epist. 91. ad Turbium, cap. 15. & 16. interdixit lectionem librorum hæreticorum quorundam, & addidit eos Episcopos, qui eos in domibus fidelium haberi sinerent, hæreticos censendos; Paulò post Gelasius in Concilio 70. Epif-

A coporum, ut habetur dist. 15. can. S. Romanæ, proposuit indicem hæreticorum, quorum libros à fidelibus vitandos esse dicit.

Postmodum in V. Synodo damnato Anthymo, damnantur etiam ejus libri, & Justinianus Imperator gravem poenam statuit, nimirum amputationis manuum, in eos, qui ejusmodi libros describunt, ac jussit ubique comburi. Habetur hæc constitutio in 1. Act. Synodi V. & in Novellis, constit. 42. B. Gregorius lib. 14. Moralium cap. 32. refert jussu Tyberii Imperatoris, crematum librum Eutychii, quem ipse Gregorius hæresis convicerat. In VII. etiam Synodo Act. 5. interdicuntur & comburi jubentur libri hæreticorum, & can. 9. excommunicantur, qui libros hæreticorum legunt. Concilium Constantiense sess. 8. confirmat decretum Concilii Romani, quo interdicta fuerat lectio librorum Joannis Wiclefi. Denique, Concilium Tridentinum indicem librorum hæreticorum fieri jussit, ut omnes scirent, qui libri cavendi & exurendi essent. Ex quo apparet, semper eandem fuisse consuetudinem in Ecclesia.

Accedit etiam in argumentum hujus rei, quòd nulli ferè extant libri veterum hæreticorum; quomodo enim evanuerunt tot volumina Valentini, Marcionis, Arii, Eunomii, Nestorii, Pelagii, & aliorum, quibus SS. Patres respondent?

C Probatur Secundò ratione; nam colloquia hæreticorum sunt periculosissima, & ideo diligenter vitanda, ergo multò magis libri sunt noxii & pestilentes, ac vitandi. Ad Rom. 16. *Rogo autem vos, fratres, ut observetis eos, qui dissensiones & offendentia præter doctrinam, quam vos didicistis, faciunt, & declinate ab eis; nam per dulces sermones & benedictiones seducunt corda innocentium.* 2. Timoth. 3. *Hæc devota.* Titum. 3. *Hæreticum devota.* 3. epistola Joannis. *Si quis venit ad vos, & hanc doctrinam non affert, nolite recipere in domum, nec Ave ei dixeritis.*

S. Irenæus lib. 3. cap. 3. *Tantum, inquit, Apostoli, & horum discipuli habuerunt timorem, ut neque verbo tenus communicarent alicui eorum, qui adulteraverant veritatem.*

D S. Cyprianus lib. 1. epist. 3. ad Cornelium: *Declinent, inquit, fortiter, & evitent dilectissimi fratres nostri verba, & colloquia eorum, quorum sermo ut cancer serpit. Et infra: Nulla cum talibus commercia, nulla convivio, nulla colloquia misceantur, finisque ab eis tam separati, quàm sunt illi ab Ecclesia profugi.*

S. Athanasius de S. Antonio in ejus vita: *Namquam, inquit, Manichæis, aut aliis hæreticis saltem amabilia verba largitus est, denunciatis talium amicitiam, atque sermones, perditionem esse animæ. Sic etiam Arianos detestabatur, ut omnibus diceret, nec juxta eos quidem esse accedendum. Et ipse B. Anton. jam moriturus: Hæreticorum, inquit, & schismaticorum venena vitare, memique circa eos odium sectamini; scitis ipsi, quòd nullus mihi, nec pacificus quidem sermo cum eis unquam fuerit.*

E S. Augustinus in epist. 62. *Hæreticum, inquit, sicut vitandum monemus, ne infirmos, & parvulos falat, ita non abnuimus quibuscunque modis possimus corrigendum &c.* S. Leo serm. 18. de passione Domini: *Viperæ, inquit, hæreticorum vitæ colloquia, nihil vobis commune sit cum eis, qui solo sunt nomine Christiani.* Hæc ille.

Jam igitur, si tantopere vitanda sunt colloquia hæreticorum, quanto magis libri? Nam oratio in libris scripta, est magis composita, & artificii plena, quàm quæ in colloquiis usurpatur. Deinde, est semper ad manus: nam conciones & colloquia sunt rara, & verba ore prolata mox transeunt; at verba in libris manent perpetuò, & semper nobis ad-

sunt,

sunt, nobiscum peregrinantur, nobiscum domi sedent. Præterea libri magis sparguntur, potest enim aliquis per libros totum fere orbem terrarum simul loqui, & multorum domos & cubicula libri penetrant, quos auctor libri numquam vidit, & ad quos fortè numquam admitteretur. Denique, experientia idem docet; nam Joannes Wiclefius viva voce paucissimos pervertit; docuit enim solum in Anglia, & ibi penè nullos reliquit sui erroris hæredes: at per libros totam Boemiam pervertit. Vide Cochlaeum in historia Hussitarum.

At contrà obijciunt. Primò, quia multa bona sunt in libris hæreticorum, & stultum videtur, propter aliqua mala privare se etiam bonis: & confirmatur, quia alioqui multorum Patrum scripta comburenda erunt. Item, quia Ecclesia tolerat libros Gentilium, Judæorum, Turcarum, & veterum etiam hæreticorum, ut Origenis, Tertulliani, Eusebii, Pelagii.

Respondeo, veritatem quidem non esse negandam, tamen nec legendam in libris hæreticorum; nam, ut ibi est, nocet, non prodest. Scribit B. Gregorius lib. 5. moral. cap. 11. hoc esse proprium hæreticorum, ut veris falsa permisceant, & bonis mala; nam si sola falsa & mala dicerent, ab omnibus repellerentur; si sola vera & bona, hæretici non essent. Itaque omnia miscet, ut ex malis bona inficiant, & per bona mala sua abscondant, quæ etiam causa est, cur Christus & Apostoli prohiberent Dæmones vera dicere, ne videlicet per ea vera fidem sibi acquirerent, & postea falsa etiam illis crederentur. Luc. 4. Dominus non sinebat Dæmones dicere; Tu es Christus Filius Dei. Et Act. 16. Paulus prohibuit Diabolo dicere: *Isti homines servi Dei exelsi sunt, qui annunciant vobis viam salutis.*

Præterea, etiam non decet, ut veritas ab hæreticis suscipiatur, qui hostes sunt veritatis. Ut scribit Gellius lib. 18. cap. 3. apud Lacedæmonios; cum de summa Reipublicæ ageretur, vir quidam disertus & doctus, sed improbus & impurus, optimam sententiam dixit, quæ cum placeret omnibus, & juxta eam decretum faciendum videretur, & tamen ferre non possent, ut optimum consilium turpitudine actoris foedaretur, electus est vir quidam gravissimus, qui omnium consensu eandem sententiam diceret, & nulla prioris habita mentione, hujus sententia in decretum referretur.

Ad Primam confirmationem de scriptis Patrum, respondeo in primis, Patres non esse hostes Ecclesiæ, & eorum errata non hæreses, sed humanos esse errores. Præterea errores Patrum, esse errores extinctos & mortuos, qui nocere non possunt; nam error nocet quamdiu defenditur pertinaciter: Patrum autem errores non fuerunt detecti, dum Patres ipsi viverent, alioqui enim vel ipsi eos emendassent, vel ab Ecclesia ejecti fuissent: sed post mortem eorum detecti, notatique sunt, & ab omnibus improbat, sicut etiam ab ipsis improbarentur, si viverent.

Ad illud de Gentilibus dico eos tolerari, quia non nocent, cum sint errores mortui. Nulli enim nunc sunt, qui non rideant dogmata Gentilium, nec unquam audimus Christianos depravatos libris Gentilium, deficere ad Gentilismum, ut quotidie deficiunt ad hæreticos; Quia verò tempore Apostolorum multi erant, qui propugnabant dogmata Gentilium, Clemens scribit interdictos fuisse Gentilium libros, lib. 1. Const. cap. 7. & eadem de causa prohibentur libri Gentilium in Concilio Carthaginensi IV. cap. 16.

Ad illud de Judæorum & Turcarum libris dico, libros Judæorum & Turcarum melioris conditionis esse, quàm hæreticorum; illi enim sunt aperti ho-

stes Christianorum, nec fallunt sub nomine Christiano, ut hæretici faciunt. Itaque etiam simplicissimi quique norunt discernere dogmata Judæorum & Turcarum à Christianis dogmatibus, discernere autem hæreses non possunt, nisi homines valde docti. Præterea etiam Judæorum & Turcarum libri prohibentur, quando continent blasphemias in Christum, aut judicantur perniciosi Christianis, ut patet de Thalmud Judæorum.

Ad illud de Origene, Tertulliano, Eusebio, Pelagio, dico, eorum libros permitti, quia hæreses illæ sunt extinctæ, & libri profunt propter antiquitatem.

Argumentum Secundum: ex Paulo, qui 1. Thes. 5. dicit: *Prophetias nolite spernere, omnia probate, quod bonum est, tenete:* est enim sensus; Si quis futura prædicat, vel scripturas interpretetur, aut verbo, aut scripto, nolite rejicere, sed audite, vel legite, & quod Catholicæ fidei consonum est, accipite, reliquum omittite.

Respondeo, Apostolus loquitur de prophetia & scriptis, quæ nondum constat, an sint bona vel mala, & talia non vult rejici, nisi prius examinata; sed quando scriptum aliquod jam est examinatum, & constat esse malum, vult omnino rejici, & talia sunt scripta omnia, quæ nobis prohibentur; sunt enim probata, idest, examinata omnia, & ideo prohibita, quia mala reperta sunt.

Deinde licet Apostolus ad totam Ecclesiam scribat, tamen non vult omnia fieri ab omnibus, sed ab iis, qui possunt, & quibus ex officio incumbit, sicut cum ad Universitatem aliquam mittuntur articuli aliqui suspecti examinandi, non ad omnes, qui sunt in Universitate, pertinet eos examinare, sed solum ad Magistros, vel quos ipsi designaverint; ita igitur cum Apostolus jubet, in Ecclesia examinari prophetias & Scripturarum interpretationes, certè non vult hoc fieri à factoribus & cementariis, sed ab Episcopis, & aliis, quos Episcopi sibi adiungunt.

Aliud argumentum sumunt ex testimoniis quatuor veterum Patrum, Dionysii Alexandrini, Theophili item Alexandrini, B. Hieronymi, & Gelasii; nam Dionysius, ut scribit Eusebius lib. 7. hist. cap. 6. cum reprehenderetur quod libros hæreticorum legeret, respondit, se visionem habuisse, qua sibi dicebatur: *Lege omnia, quæ in manus tuas veniunt, valebis enim omnia expendere, & probare.* Theophilus, quoque cum argueretur quod Origenem legeret, respondit, ut Socrates refert lib. 6. hist. cap. 15. se legere, ut quod bonum est exciperet, quod malum respiceret. B. Hieronymus in epistola ad Alexandrum & Minervium, dicit, se legere libros hæreticorum, ut bona inde excerpatur, etiamsi sciat, aliquos propterea de se murmurare.

Gelasius in tomo de vinculo anathematis, probare volens, posse Concilium Chalcedonense partim recipi, partim non recipi, affert exemplum librorum hæreticorum, qui partim recipiuntur, partim rejiciuntur, & allegat illud: *omnia probate, quod bonum est, tenete.*

Ad hoc ultimum respondeo, exemplum Gelasii in eo consistere, quod sicut in Concilio Chalcedonensi quædam erant bona, quædam mala; & quædam recipienda, quædam rejicienda, ita & in libris hæreticorum: non tamen vult dicere, posse recipi libros ipsos hæreticorum propter vera admixta, sicut recipitur Concilium Chalcedonense, nam alia ratio est Concilii sanctorum Patrum, alia librorum hæreticorum, ut diximus, quamquam veritas ipsa inserta libris hæreticorum bona sit, & recipienda, si tamen alibi reperiat, verba ejus hæc sunt: *Nam quidnam in ipsorum hæreticorum libris non multa, quæ*

ad veritatem pertineant, posita leguntur? Numquid nam ideo veritas refutanda est, quia illorum libri, ubi pravitas inest, refutantur? Aut ideo pravi libri suscipiendi sunt eorum, quia veritas, que illis inserta est, non negatur?

Ad alia respondeo. Primum, ex his locis colligi, semper in Ecclesia fuisse morem vitandi lectionem librorum hæreticorum, alioqui enim nemo istos Patres reprehendisset. Dico Secundò, semper concessum fuisse, & modò etiam concedi Episcopis, & aliis multis lectionem librorum hæreticorum, & ideo non mirum, si Dionysius & Theophilus, qui Patriarchæ erant, & S. Hieronymus, qui semper doctissimus est habitus, poterant suo jure omnes libros legere. Dico Tertiò, nullam tunc fortasse fuisse legem universalis Ecclesiæ, sed solum consuetudinem de non legendis libris hæreticorum, exceptis libris Arii, at nunc lex est Ecclesiæ universalis, cui parendum est.

CAPUT XXI.

Possent hæreticos ab Ecclesia damnatos, temporalibus poenis, & etiam morte mulctari.

Joannes Huls art. 14. in Concilio Constantiensi, sess. 15. recitato, asseruit, non licere hæreticum incorrigibilem tradere sæculari potestati, & permittere comburendum. Idem Lutherus in art. 33. & in assertionem ejusdem. Nec novus est error, nam etiam Donatistæ olim idem docuerunt, ut Parmenianus, Petilianus, & Gaudentius, ut Augustinus testatur lib. 1. contra epistolam Parmeniani cap. 7. lib. 2. contra literas Petiliani cap. 10. Lib. 2. contra epist. Gaudentii cap. 17. & 26. & epist. 50. ad Bonifacium.

Contrarium docent omnes Catholici, & aliqui etiam ex hæreticis. Nam Calvinus posteaquam Michaelem Servetum tamquam hæreticum publicè supplicio extremo affecisset, & ab aliis sectariis argueretur, libellum edidit, in quo demonstrat, licitum esse in hæreticos gladio animadvertere. Benedictus quoque Aretius in historia de supplicio Valentini Gentilis, eundem Gentilem ob hæresim jure casum à Beupensi Magistratu, contendit, Fusiùs verò id ipsum docet Theodorus Beza in lib. de hæreticis à magistratu puniendis.

Nos igitur breviter ostendemus, hæreticos incorrigibiles, ac præsertim relapsos, posse ac debere ab Ecclesia rejici, & à sæcularibus potestatibus, temporalibus poenis, atque ipsa etiam morte mulctari.

Probatur Primò Scripturis. Scriptura veteris Testamenti Deut. 13. severissimè jubet falsos Prophetas, qui suadent colere Deos alienos, sine ulla misericordia occidi, & cap. 17. postquam dixerat, ut in rebus dubiis consuleretur summus Sacerdos, mox subdit: *Qui autem superbiert, nolens obedire Sacerdotis imperio, ex sententia judicis moriatur.* Et rursum cap. 18. Propheta falsus interfici jubetur. Et re ipsa legem hanc servarunt Helias, Josias, Jehu, & alii, qui falsos Prophetas plurimos occiderunt, ut patet 3. Reg. 18. & 4. Reg. 10. & 23. nullum est autem ferè discrimen inter nostros hæreticos & falsos Prophetas illius temporis. Nec solum sancti Reges & Prophetæ blasphemos morte mulctarunt, sed etiam Nabuchodonosor (ut dicitur Daniel. 3.) edictum constituit, ut quicumque blasphemaret Deum Danielis, idest, verum Deum, interficeretur, & domus ejus vastaretur, in quo edicto Deo vero obsequium iustissimum fecit, ut B. Aug. dicit in epist. 50. & alibi.

A In novo Testamento habemus in primis Matth. 18. posse Ecclesiam eos, qui obedire nolunt, à se rejicere, & habere ut Ethnicos & Publicanos, ac proinde permittere eos potestati sæculari, tamquam non amplius Ecclesiæ filios. Habemus deinde Roman. 13. sæcularem potestatem, posse scelestos homines gladio punire: *Non enim, inquit, sine causa gladium portat, minister enim Dei est, vindex in iram &c.* Ex quibus duobus locis apertè colligitur, licitum esse hæreticos, qui omnium judicio sunt rebelles Ecclesiæ & publicæ pacis perturbatores, ab Ecclesia abscindi, & à sæculari iudice morte mulctari.

B Præterea Christus & Apostolus ejus hæreticos iis rebus comparaverunt, quæ sine controversia ferro & igni repelluntur, nam Matth. 7. Dominus ait: *Attendite à falsis Prophetis, qui veniunt ad vos in vestimentis ovium, intrinsecus autem sunt lupi rapaces.* Actor. 20. *Ego scio, quoniam intrabunt post discessum meum lupi rapaces.* Nomine luporum certum est hæreticos intelligi debere, ut pulchrè explicat S. Ambrosius in commentario ad initium capitis decimi B. Lucæ. At lupi rapaces optimo jure occiduntur, si aliter abigi non possunt, pluris enim facienda est vita ovium, quàm mors luporum. Item Joan. 10. *Qui non intrat per ostium in ovile, sed ascendit aliunde ille fur est & latro:* ubi nomine furis & latronis intelliguntur hæretici, & omnes seductores, ac sectarum inventores, ut Chrysostomus & Augustinus exponunt, fures autem & latrones, quomodo puniantur notum est. Item 2. Timoth. 2. hæresis comparatur cancro, qui non curatur medicamentis, sed ferro excindi debet, alioqui perpetuò serpit, & totum corpus corrumpit. Denique Christus Joan. 8. flagello coegit negotiatores egredi de templo. Petrus Actor. 5. Ananiam, & Saphiram, quia mentiri auli fuerant Spiritui Sancto, occidit: & Paulus Act. 13. falsum Prophetam, qui proconsulem à fide impedire conabatur, cæcitate percussit.

C Probatur Secundò sententiis, & legibus Imperatorum, quas Ecclesia semper probavit. Constantinus I. Imperator ad petitionem Nicænæ Synodi Arium cum aliquot sociis in exilium relegavit, ut auctor est Sozomenus lib. 1. cap. 20. historiarum; item Donatistas supplicio affecit, ut Aug. refert lib. 1. contra epist. Parmeniani cap. 7. & in epist. 166. ad Donatistas, ubi enumerat multos Imperatores optimos, qui severissimas leges tulerunt contra hæreticos, & unum solum Julianum Apostatam hæreticis favisse.

D Deinde Theodosius Valentinianus, Martianus, & alii religiosissimi Imperatores, leges tulerunt in hæreticos, quibus eos interdum aliquot libris auri, interdum omnibus bonis, interdum exilio & verberibus, interdum ultimo supplicio mulctari voluerunt, ut patet C. de hæreticis L. Manichæos. L. Ariani. L. Quicumque, quæ ultima lege, quæ est Valentiniani, & Martiani jubentur occidi omnes, qui prava docere tentant; qui verò eos docentes audiunt, aliquot libris auri mulctari. Justinianus apud Paulum Diaconum lib. 16. lege edita omnes hæreticos de finibus totius Imperii eiecit, concessis trium mensium ad conversionem induciis; deinde Michael Imperator apud eundem Paulum Diaconum lib. 24. capitalem poenam in hæreticos constituit.

E Probatur Tertiò legibus Ecclesiæ cap. Ad abolendam, & cap. Excommunicamus, extra de hæreticis, & in Sexto de hæreticis cap. super eo, definit Ecclesia, hæreticos incorrigibiles sæculari potestati tradendos, ut ab eis debito modo puniantur. Item Constantiense Concilium sess. 15. damnavit sententiam Joannis Huls; & ipsum Joannem & Hieronymum de Priga tradidit sæculari potestati, à qua am-

bo exusti fuerunt; denique Leo X. articulos Lutheri damnavit.

Probatum Quarto testimoniis Patrum. Cyprianus lib. de exhortatione martyrii cap. 5. postquam retulerat ex Deuter. 13. necandos esse Pseudoprophetas, subdit: *Si hoc in Testamento veteri fiebat, nunc magis faciendum esse.*

Hieronymus in illud Galat. 5. Modicum fermentum totam massam corrumpit: *Igitur, inquit, scintilla statim ut apparuerit extinguenda est, & fermentum à massa vicina semovendum; secunda putrida carnes, & scabiosum animal à caulis vitium repellendum, ne tota domus, massa, corpus, & pecora, ardeat, corrumpatur, putrescat, intereat. Arius una scintilla fuit, sed quia non statim oppressa est, totum orbem ejus flamma populata est.*

Augustinus lib. 2. retract. cap. 5. & in epistol. 48. & 50. retractat. quod aliquando senserat, non esse vi cogendos hæreticos ad fidem, & prolixè probat id utilissimum; semper tamen excipit supplicium mortis, non quòd illos hoc non mereri putaret, sed tum quia hoc dedecere Ecclesiæ mansuetudinem existimabat, tum etiam quia nondum ulla exstabat lex Imperatorum, qua hæretici juberentur occidi; illa enim Lex, Quicumque, C. de hæreticis, paulò post mortem Augustini lata est.

Quòd autem Augustinus existimaverit, justum esse, si hæretici occiderentur, perspicuum est; nam lib. 1. contra epistolam Parmeniani cap. 7. ostendit, quòd si punirentur morte Donatistæ, justè punirentur. Et tract. 11. in Joan. O. *cidunt, inquit, animas, affliguntur in corpore, sempiternas mortes faciunt, & temporales se perpeti conqueruntur &c.* ubi dicit falsò illos conqueri, quòd occiderentur ab Imperatoribus: tamen si etiam verum esset, adhuc injustè conquererentur. Denique in epist. 50. ad Bonifacium dicit, Ecclesiam quidem nolle ullum hæreticum occidi, tamen sicut domus David non potuit habere pacem nisi Absalon exstingueretur, & David pace regni mœrorem mortis filii consolatus est: sic cum ex legibus Imperatorum contra hæreticos sequitur aliquorum mors, Ecclesiam dolorem materni cordis lenire ac sanare tantorum liberatione populorum.

S. Leo in epist. 91. ad Turbium cap. 1. *Merito, inquit, Patres nostri, sub quorum temporibus hæresis hac nefanda prœcepit, per totum mundum instanter agere, ut impius furor ab universa Ecclesia pelleretur; quando etiam Principes mundi hanc sacrilegam amentiam ita detestati sunt, ut auctorem ejus, ac plerosque discipulos legum publicarum ense prosternerent; & profuit diu ista districtio Ecclesiastica lenitati, qua etsi sacerdotali contenta iudicio cruentas refugit ultiones, severis tamen Christianorum Principum constitutionibus adjuvatur, dum ad spirituale nonnunquam recurrunt remedium, qui timent corporale supplicium.* Optatus Milevitanus lib. 3. respondens calumniæ hæreticorum, qui ægerrimè ferebant duos ex suis à Machario præfecto interfectos: *Videtis, inquit, à Mose, & Phinee, & Helia, & Machario similia esse facta, quia ab omnibus minus Dei vindicta processit.*

S. Gregorius lib. 1. epist. 72. ad Gennadium Exarchum Africæ, laudat eum, quòd magno zelo hæreticos armis persequeretur, & hortatur ut pergat.

S. Bernardus serm. 66. in Cantica: *Melius, inquit, proculdubio gladio coercerentur, illius videlicet, qui non sine causa gladium portat, quàm in suum errorem multos trahere permittantur; Dei enim minister ille est, vindex in iram ei, qui male agit. Mirabantur aliqui, qui non modò patienter, sed etiam lati, ut videbantur, ducerentur ad mortem; sed qui minus advertunt, quanta sit potestas Diaboli, non solum in corpora hominum, sed*

Controv. Card. Bellarm. Tom. II.

etiam in corda, quæ semel permissus possederat: Nonne plus est sibiimet hominem imicere manus, quàm id libenter ab alio sustinere.

Probatum Ultimò ratione naturali. Primò, hæretici excommunicari jure possunt, ut omnes fatentur, ergo & occidi. Probatum consequentia, quia excommunicatio est major pœna, quàm mors temporalis. Augustinus lib. 1. contra advers. Legis & Prophetarum cap. 17. dicit, horribilius esse tradi Sathanæ per excommunicationem, quàm gladio feriri, flammis absumi, ferisve subjici ad devorandum.

Secundò, experientia docet, non esse aliud remedium; nam Ecclesia paulatim progressa est, & omnia remedia experta; primò solum excommunicabat; deinde addidit multam pecuniariam, tum exilium; ultimò, coacta est ad mortem venire; Nam excommunicationem contemnunt hæretici, ac dicunt esse fulmina frigida; si mineri multam pecuniariam, nec Deum timent, nec homines reverentur, scientes non defuturos stultos, qui illis credant, & à quibus alantur. Si in carcere concludas, vel in exilium mittas, corrumpunt vicinos verbis, & longè positos libris. Ergo solum remedium est, mittere illos maturè in locum suum.

Tertiò, falsarii omnium judicio merentur mortem; at hæretici falsarii sunt verbi Dei.

Quartò, ex ratione Augustini epist. 50. gravis est non servare fidem hominem Deo, quàm sceminam viro, sed hoc morte puniatur, cur non illud?

Quintò, tres causæ sunt propter quas ratio docet homines occidendis esse, quas pulchrè scribit Galenus in libro, cujus titulus est, quòd mores animi corporis temperamentum sequantur, circa finem libri.

Prima causa est, ne mali bonis noceant, neve innocentes à nocentibus opprimantur; atque hinc iustissimè omnium judicio occiduntur homicidæ, adulteri, latrones. Secunda est, ut paucorum supplicio multi corrigantur: & qui noluerunt prodesse Reipub. vivendo, prosint moriendo. Atque hinc videmus etiam iustissimè omnium judicio quædam horrenda flagitia morte puniri, licet proximis non noceant, nisi exemplo, ut Necromantiam, quædam nefanda & contra naturam, ista ideo gravissimè puniuntur, ut ceteri intelligant, immania esse scelera, & non audeant similia perpetrare. Tertia est, quia ipsis hominibus, qui occiduntur, sæpè utile est occidi, quando videlicet semper fiunt peiores, & non est probabile unquam eos ad sanitatem mentis reversuros.

Hæ autem rationes omnes suadent hæreticos occidendos; nam primùm nocent proximis magis, quàm ullus pirata vel latro, quandoquidem animas occidunt, immò tollunt fundamentum omnis boni, & Rempub. tumultibus replent, qui necessariò religionum diversitatem sequuntur.

Deinde, plurimis prodest eorum supplicium; multi enim, quos impunitas faciebat torpentes, supplicia proposita excitant, ut cogitent qualis sit hæresis, quam sequuntur, & videant ne fortè vitam præsentem miserè finiant, & ad futuram beatitudinem non perveniant. Itaque & B. Aug. in epist. 48. testatur, plurimos conversos esse, postquam leges Imperatorum non sinebant hæreticos impunitos, & nos quotidie idem videmus fieri in locis, ubi viget inquisitio.

Denique, hæreticis obstinatis beneficium est, quòd do hac vita tollantur; nam quò diutius vivunt, eò plures errores excogitant, plures pervertunt, & majorem sibi damnationem acquirunt.

CAPUT XXII.

Solvuntur objectiones.

Superest argumenta Lutheri atque aliorum hæreticorum diluere. Argumentum Primum, ab experientia totius Ecclesiæ: *Ecclesia*, inquit Lutherus, *ab initio sui usque huc nullum combussit hæreticum*; ergo non videtur esse voluntas spiritus, ut comburantur.

Respondeo, argumentum hoc optimè probat, non sententiam sed imperitiam, vel impudentiam Lutheri; Nam cum infiniti propemodum vel combusti, vel aliter necati fuerint, aut id ignoravit Lutherus, & tunc imperitus est, aut non ignoravit, & impudens ac mendax esse convincitur; nam quod hæretici sint sæpè ab Ecclesia combusti, ostendi potest, si adducamus pauca exempla de multis. Priscillianus hæresiarcha cum sociis, à Maximo Christiano Imperatore necatus est, ut S. Hieronymus in lib. de viris illustribus testatur, & de Donatistis occisis meminit Optatus lib. 3. contra Parmenianum.

Basilus quidam Magus, ac proinde hæreticus; nam vix ulli sunt verè Magi non hæretici, Romæ combustus est à Christiano, & Catholico populo, ut B. Gregorius testatur lib. 1. Dialogorum cap. 4.

Rursum alius Basilus auctor hæresis Bogomilorum ab Alexio Comneno Imperatore publicè exustus est, ut scribit Zonaras in vita Alexii.

Tempore etiam B. Bernardi, quod hæretici ultimo supplicio afficerentur, testatur ipse in Cantica ferm. 66. Temporibus Innocentii III. fuerunt aliquando simul exusti 180. hæretici Albigenes, cum antea & verbis, & miraculis eos S. Dominicus convicisset, & multos eorum socios convertisset. Scribit rem totam B. Antoninus 3. parte tit. 19. cap. 1. §. 4. historiz.

Ac ut alios infinitos omittam, Joannes Hufs, & Hieronymus de Praga in Constantiensi Concilio ab Imperatore Sigismundo exusti fuerunt.

Respondet Lutherus ad hoc ultimum exemplum: Ego de hæreticis loquor, Hufs autem, & Pragensis non fuerunt hæretici. Contra. Saltem Priscillianus, & Bogomiles, & Albigenes fuerunt hæretici. Præterea Joannes Hufs, & nobis Catholicis, & ipsi Luthero hæreticus fuit; quod nobis, notum est: quod Luthero, probatur; nam Lutherus in lib. contra Regem Angliæ asserit impium esse, & blasphemum negare verum panem in Eucharistia cum corpore Domini; & pium, atque Catholicum, negare conversionem panis in corpus. At Joannes Hufs usque ad mortem in contraria sententia fuit, & protestatus est in ea fide se mori, credens firmissimè panis conversionem in corpus Christi, ut Joannes Cochleus refert lib. 2. de historia Hussitarum, pag. 76.

Argumentum Secundum, experientia testatur, non profici terroribus. Respondeo, experientia est in contrarium; nam Donatistæ, Manichæi, & Albigenes armis prostrati & extincti sunt. Item Augustinus testatur plurimos conversos suo tempore ob meritum poenæ, epist. 48.

Argumentum Tertium, Ecclesia tolerat Judæos, cur non hæreticos? Respondeo Primò, Judæi numquam susceperunt fidem Christianam, hæretici susceperunt. Secundò, Judæi religionem colunt, quam Deus instituit saltem pro tempore, hæretici eam, quam Diabolus invenit. Tertiò, secta Judæorum Ecclesiæ utilis est, quia eorum libri sunt prophetiæ nostrarum rerum, & eorum cæremoniæ figuræ nostrorum mysteriorum, & hinc probamus

A Gentilibus nos non finxisse hæc vaticinia, quandoquidem servantur à nostris inimicis; denique Judæi non conantur pervertere Christianos, ut plurimum, sicut faciunt hæretici. Vide Concilium Tolosanum IV. can. 55. & 56. & Augustinum in Psalm. 59. Item Bernardum in epist. 322. ad Spirenses, & 323. ad Episcopum Moguntinum.

Argumentum Quartum, ex Isaia 2. *Constabunt gladii sui in vomeres, & lanceæ suæ in falces.*

Respondeo, non est ad propositum, nam ut B. Hieronymus exponit, describit Propheta tempus adventus Messie, ac dicit futurum tempus altissimæ pacis, ita ut homines convertant instrumenta militiæ in instrumenta agriculturæ, & non exerceantur ultra, idest, in longum tempus ad prælium; hoc autem tempus impletum est in Christi nativitate; numquam enim fuit tam generalis, & tam diuturna pax in toto orbe, quàm tempore Augusti. Deinde, si verum est, numquam futura in Ecclesia bella, ut Lutherus ex hoc loco deducit, manifestum erit apud Lutheranos non esse Ecclesiam, qui & inter se, & contra Catholicos gravissima bella moverunt, quale fuit illud contra Carolum V. in quo captus fuit Dux Saxonie & Landgravius.

Argumentum Quintum, ex Isaia 11. *Non occident, & non nocebunt in omni monte sancto meo.*

Respondeo, argumentum est contra ipsum Lutherum, nam non dicit Propheta quod Catholici non occident hæreticos, sed potius contra quod hæretici non occident, & non nocebunt Catholicis; loquitur enim Propheta de leonibus, & ursis, & serpentibus, regulis, aliisque venenatis bestiis, de quibus dixerat: *Et delectabitur infans ab ubere super foramine aspidis, & in caverna reguli mittet manum suam* &c. his autem bestiis Diabolus, & hæretici ejus ministri significantur, ut Hieronymus, & Cyrillus exponunt: Ac dicit, quod non occident, neque nocebunt in omni Ecclesia; tamen enim hæretici videntur Ecclesiæ nocere, tamen se vera non nocent, sed eam exercent, & in sapientia, ac patientia proficere faciunt.

D Argumentum Sextum, Matth. 18. Dominus constituit, ut hæretici haberentur pro Ethnicis & Publicanis, non ut comburerentur. Et Paulus ad Titum 3. jubet hæreticum vitari, non occidi, ergo non licet eos occidere. Respondeo, Christum quidem, & Paulum hoc loco non præcepisse, sed nec prohibuisse, ut comburerentur hæretici: ac proinde nihil ex hoc loco deduci. Et hæc est solutio; qua ipse etiam Lutherus uti consuevit; nam in lib. 2. contra Carolstadium, objicienti Carolstadio, cur vocaret Sacramenta, quæ Christus non præceperat sic vocari, respondit Lutherus, & quare tu prohibes ea vocari Sacramenta, quæ Christus non prohibuit vocari. Præterea Christus, & Paulus nusquam jubent adulteros, & falsarios occidi, suspendi fures, comburi latrones, & tamen id fieri, & rectè fieri, neque Lutherus negare auderet.

Argumentum Septimum, B. Martinus apud Sulpitium lib. 2. sacræ historiæ circa finem, vehementer redarguit Idacium, & Ithacium Episcopos, qui procurabant mortem Priscilliani hæretici apud Imperatorem; eosdem etiam tamquam ingentis criminis reos propter eandem causam ibidem Sulpitius accusat.

Respondeo, duabus de causis meritò accusari illos Episcopos. Primò, quia causam Ecclesiasticam ad Imperatorem deferrebant; nam Priscillianus accusatus apud Concilium, provocavit à Concilio ad Imperatorem, & hoc Episcopi permiserunt; & de hac re ait B. Martinus, novum, & inauditum ne-

fas est, ut causam Ecclesiae iudex saeculi iudicaret. Secundò, quia Episcopi illi assumpserunt officium accusatoris in causa sanguinis; etsi enim Episcoporum est haereticos excommunicare, & relinquere iudici saeculari, & hortari etiam iudices, ut munere suo fungantur, non tamen decet Episcopum accusatorem agere. Quòd autem Sulpitius putaverit iustè Priscillianum occisum cum sociis, patet ex illis verbis ejus: *Hoc modo, inquit, homines luce indignissimi pessimo exemplo necati sunt.*

Argumentum Octavum. 1. Corinth. 11. *Oportet haerese esse, ut qui probati sunt manifesti fiant, ergo non debent extirpari.* Respondeo, sensus illius sententiae est, posita nequitia Diaboli, qui semper haerese seminat, & natura hominum corrupta, atque ad malum propensa, & postremò divina permissione, necesse est in mundo haerese inveniri, sicut dicimus, oportet in horto esse aliquas malas herbas, & sicut Dominus ait: *Necesse est ut veniant scandala, Matth. 18.* Itaque, non jubet Apostolus ut haerese seminemus, vel ut eas pro viribus non extirpemus, sed solum praeclit id quod semper in mundo erit: sicut scandala tollere, & malas herbas de horto extirpare iustissimè conamur, licèt sciamus numquam omnia scandala tollenda.

Argumentum Nonum. Luc. 11. Discipulis cupientibus comburere Samaritanas, Dominus ait: *Nescitis cuius spiritus estis.* Respondeo, Primò latissima differentia est inter Samaritanas illos, & haereticos, illi enim numquam promiserant se Christi religionem servaturos, sed tunc primò eis offerebatur, & ideo compellendi non erant. At haeretici promiserunt, professique sunt se Christi fidem servaturos, ideo merito compelluntur. Deinde Jacobus & Joannes non tam zelo salutis animarum, quàm amore vindictae cupiebant Samaritanas comburi, & ideo merito arguuntur. Ecclesia verò zelo salutis animarum, quas haeretici pervertunt, eos persequitur, quo zelo ipse Christus bis flagello eiecit ex templo vendentes oves & boves: *Et mensas nummulariorum subvertit, Joan. 2. & Matth. 21.* Petrus occidit Ananiam & Saphiram, Act. 5. Paulus tradidit fornicarium Satanæ in interitum carnis: 1. Corinth. 5. ut omittam Mosem, Phinees, Heliam, Mathathiam, & alios, qui zelo Dei plurimos occiderunt.

Argumentum decimum. Matth. 13. *Simite utraque crescere usque ad messem.* Hic apertè Dominus de haereticis loquitur, & prohibet eos occidi, ut Chrysostomus hunc locum exponens ait, ut etiam Cyprianus lib. 3. epist. 3. ad Maximum, & Urbanum, ubi de hac parabola loquens dicit, soli Domino concessum esse, vel fictilia vasa confringere, vel zizania evellere.

Respondeo, nomine zizaniorum non intelliguntur soli haeretici, sed omnes homines mali, ut patet ex ipsa Domini explicatione, ait enim: *Boni sunt semini, filii sunt regni, zizania filii nequam.* Et infra: *Sicut ergo colliguntur zizania, & igni comburantur, sic erit in consummatione saeculi: Mittet filius hominis Angelos suos, & colligent de regno eius omnia scandala, & eos qui faciunt iniquitatem, & mittent eos in caminum ignis.* Cum autem prohibet Dominus extirpari malos, non prohibet ne iste, aut ille occidatur, sed prohibet ne boni contentur omnes malos ubique extirpare, & nullum omnino permittere, id enim fieri non posset sine ingenti clade bonorum, & hoc est quod Dominus ait, ne fortè cum eis eradicetis simul & triticum. Itaque parabola generalis est, & solum docet numquam futurum ante mundi consummationem, ut omnes mali eradicentur.

Cum autem in particulari quaestio est vel de haereticis, vel de furibus, vel de aliis malis, An sint ex-

Contrav. Card. Bellarm. Tom. II.

A tirpandi, semper considerandum est, juxta rationem Domini, an id possit fieri sine detrimento bonorum, & si quidem potest fieri, sunt proculdubio extirpandi: si autem non possunt, quia vel non sunt satis noti, & periculum est ne plectantur innocentes pro nocentibus, vel sunt fortiores nobis, & periculum est ne si eos bello aggrediamur plures ex nobis cadant quam ex illis, tunc quiescendum est. Ita respondet Augustinus lib. 3. contra epist. Parmen. cap. 2. hunc locum explicans sibi à Donatistis objectum. Neque aliud Chrysostomus docet, ut patet ex his verbis: Dominus, inquit, prohibet evelli zizania, ne fortè simul cum zizanis herbam etiam tritici evellant, nam si tunc trucidarentur haeretici, atrox & irreconciliabile bellum orbi inferretur. Porro Cyprianus non de haereticis, sed de malis Christianis in ea epistola hanc parabolam intelligit, nec tam prohibet occidi scelestos, sed dicit solum Dominum esse discernere malos à bonis, & frumenta à zizaniis omnino purgare.

Argumentum undecimum. Joan. 6. cum multi ex discipulis recessissent, Dominus ait: *Vultis & vos abire?* Ergo sic etiam Ecclesia facere debet.

Respondeo, negatur consequentia; Primò, quia illi non obligaverant se ad manendum, sicut haeretici se per Baptismum obligaverunt. Secundò, quia decebat ut Christus, qui venerat iudicari non iudicare, non per se suas injurias ulcisceretur, sed eas vindicandas filius suis spiritualibus relinqueret, cuius rei figuram habemus in David, quousque vixit, numquam occidi voluit Semai, qui sibi maledixerat, sed tamen in morte praecepit Salomoni, ut ipse peccatum illud non relinqueret inultum, 3. Reg. 2.

Argumentum duodecimum. Fides est donum Dei, nemo igitur ad eam compelli potest. Respondeo, sic eam esse donum Dei, ut etiam sit actus liberi arbitrii, alioqui etiam castitas, & ceterae virtutes sunt dona Dei, & tamen rectè puniuntur adulteri, homicidae, latrones, & coguntur castè, ac iustè vivere. Sapientia quoque est Donum Dei, & tamen scriptum est Proverb. 29. *Virga, & correptio tribuunt sapientiam.* Denique fides est donum Dei, sed Deus hoc donum conservat variis modis, quorum unus correptio est.

Argumentum decimumtertium. Dominus attribuit Ecclesiae gladium spiritus, quod est verbum Dei, non autem gladium ferri, immò Petro volenti gladio ferreo ipsum defendere, ait: *Mitte gladium tuum in vaginam, Joan. 18.*

Respondeo, Ecclesia sicut habet Principes Ecclesiasticos, & saeculares, qui sunt quasi duo Ecclesiae brachia, ita duos habet gladios, spirituales, & materiales, & ideo quando manus dextera gladio spirituali non potuit haeticum convertere, invocavit auxilium brachii sinistri, ut gladio ferreo haeticos cohercet, & hoc fortasse significavit Dominus, cum prohibuit Petrum, qui erat futurus Princeps Ecclesiasticorum, uti gladio ferreo.

S. Bernardus lib. 4. de consideratione: *Quid, inquit, tu denudò usurpare gladium tentas, quem semel iussus es ponere in vaginam? Quomodo tamen qui tuum negant, non satis mihi videntur attendere verbum Domini, dicentis sic: Convertite gladium tuum in vaginam, tuus ergo & ipse, tuo forsitan nutu, & si non tua manu evaginandus. Alioquin si nullo modo ad te pertineret & is, dicentibus Apostolis: Ecce duo gladii hic, non respondisset Dominus, satis est, sed nimis est. Uterque ergo Ecclesiae & spiritualis scilicet gladius, & materialis, sed is quidem pro Ecclesia, ille verò & ab Ecclesia exercendus est: ille sacerdotis, is militis manu, sed sane ad nutum sacerdotis, & iussum Imperatoris. Hæc ille. Posset tamen brevius dici, solum prohibuisse Dominum usum*

gladii privata auctoritate; tunc enim Petrus nondum Pontifex, sed discipulus erat,

Argumentum Decimumquartum. Ecclesia non parcat hæreticis nisi semel, Apostolus autem ad Titum 3. jubet ut bis ad minimum hæreticis parcatur.

Respondeo, etsi nunc tam Latini, quam Græci codices constanter habeant: *Post unam & alteram correctionem*. Tamen olim in Græcis & in Latinis quibdam non habebatur, nisi: *Post unam correctionem devota*; ut patet ex Irenæo lib. 3. cap. 3. Tertulliano de præscript. Cypriano lib. 3. ad Quirinum cap. 78. Ambrosio & Hieronymo in hunc locum Apostoli. Itaque incertum est quæ sit vera lectio. Dico præterea, Apostolum non loqui de venia danda hæretico converso, sed de admonitione, quæ præmittitur antequam hæreticus excommunicetur per sententiam judicis: hoc autem Ecclesia servat non solum in hæreticis, sed etiam in omnibus aliis, quos excommunicat, semper enim duas admonitiones ut minimum præmittit.

Argumentum Decimumquintum. Hæretici sunt extra Ecclesiam: *At nihil ad nos de iis, qui foris sunt*, 1. Corinth. 6. Respondeo, sunt extra Ecclesiam, sed cum debito atque obligatione manendi intus, & ideo cogi possunt ut redeant, sicut cogimus oves, quando de grege fugerunt.

Argumentum Decimumsextum. Contra mansuetudinem Ecclesiæ esse videtur velle mortem hæreticorum.

Respondeo Primò, non est contra mansuetudinem Ecclesiæ, quia tenetur misereri filiorum suorum, & tunc verè immitis & crudelis esset, si mallet parere lupis, quàm ovibus. Secundò, quia Ecclesia experta est omnes alias rationes, antequam ad ultimum supplicium inferendum adduci posset; Nam initio, ut suprà diximus, solum excommunicabat, deinde videns hoc non sufficere addidit poenam pecuniariam, tum amissionem omnium bonorum, po-

A stea exilium, tandem huc devenit, ut satis patet ex variis legibus antiquiorum Imperatorum in C. tit. de hæreticis.

B Argumentum Decimumseptimum. Fides est libera. Respondeo, liberum duobus modis accipitur. Uno modo ab obligatione, quomodo dicimus liberum est vovere castitatem, intrare religionem; at non est liberum frangere votum, egredi religionem; & hoc modo fides in iis, qui eam numquam ceperunt, libera est ab obligatione humani juris, sed non divini; & ideo homines non cogunt, Deus tamen puniet. At in iis, qui eam in Baptismo professi sunt, non est libera ab obligatione, nec juris divini, nec humani, & ideo cogunt homines, ut ea servetur. Altero modo sumitur liberum, ut distinguitur contra necessarium, & hoc modo liberum est non credere, sicut liberum est alia peccata committere, sed hæc libertas non impedit, quin homines malè agentes puniantur. Immo potius exigit ut puniantur nam si liberum est credere, & non credere, ergo potuit credere & manere in Ecclesia, sicut debuit & quia non fecit, merito punitur: ita respondet S. August. in epist. 50. ad Bonifacium, & lib. 2. contra epistolam Gaudentii cap. 11. *Datum est homini, inquit, liberum arbitrium, sed ut si esset malè faciens, feret mala patiens.*

C Argumentum Decimumoctavum. Numquam Apostoli brachium sæculare contra hæreticos invocaverunt. Respondet S. Augustinus in epist. 50. & alibi, Apostolos id non fecisse, quia nullus tunc erat Christianus Princeps, quem invocarent. Tunc enim implebatur illud Psalm. 2. *Affiterunt Reges terra, & Principes convenerunt in unum adversus Dominum, & adversus Christum ejus*. At postquam tempore Constantini coepit illud impleri, quod sequitur in eodem Psalm. *Et nunc Reges intelligite, erudimini, qui judicatis terram, servite Domino in timore*: Mox Ecclesia auxilium sæcularis brachii imploravit.

Finis secundæ Controversiæ Generalis.

LAUS DEO, VIRGINIQUE MATRI Mariæ.

2

178

T E R T I A
C O N T R O V E R S I A
G E N E R A L I S,
D E
E C C L E S I A,
QUÆ EST IN PURGATORIO.
DUOBUS LIBRIS EXPLICATA.

INDEX LIBRORUM ET CAPITUM.

LIBER PRIMUS.

De Purgatorio.

PRÆFATIO.

- | | |
|--|---|
| <p>CAP. I. De nomine Purgatorii.
 II. De erroribus circa Purgatorium.
 III. Purgatorium esse probatur ex Scripturis Testamenti veteris.
 IV. V. VI. VII. VIII. Purgatorium esse probatur ex Testamento novo.
 IX. Afferitur Purgatorium testimonio Conciliorum.</p> | <p>CAP. X. Afferitur Purgatorium testimonio Patrum Græcorum & Latinorum.
 XI. Idem afferitur ratione.
 XII. Solvuntur argumenta ex Scripturis.
 XIII. Solvuntur objectiones ex Patribus.
 XIV. Solvuntur objectiones ex ratione de prompta.
 XV. Purgatorii confessionem ad fidem Catholicam pertinere.</p> |
|--|---|

LIBER SECUNDUS.

De circumstantiis Purgatorii.

- | | |
|--|--|
| <p>CAP. I. De personis quibus Purgatorium convenit.
 II. In Purgatorio non posse animas mereri vel peccare.
 III. Solvuntur objectiones.
 IV. Animas in Purgatorio certas esse de sua aeterna salute.
 V. Solvuntur objectiones.
 VI. De loco Purgatorii.
 VII. Sitne post hanc vitam aliquis locus pro animabus iustis præter Cælum & Purgatorium.
 VIII. Num ex receptaculis suis animæ defunctorum egredi valeant.</p> | <p>CAP. IX. De tempore quo durat Purgatorium.
 X. Qualis sit Purgatorii pena.
 XI. Ignem Purgatorii esse corporeum.
 XII. Sciri non posse, quomodo ignis corporeus animas urat.
 XIII. An in Purgatorio torquantur animæ à Demonibus.
 XIV. De gravitate punitionum.
 XV. Suffragia Ecclesie defunctis prodesse.
 XVI. Quot sint genera suffragiorum.
 XVII. Quis possit animas juvare.
 XVIII. Quibus prosint suffragia.
 XIX. De funere.</p> |
|--|--|

LIBER PRIMUS

DE

PURGATORIO.

P R Æ F A T I O.



DISSERUIMUS hactenus de ea parte Ecclesiæ, quæ est in terris : Nunc de ea disputandum est, quæ degit infra terram ; disputaturi ultimò de illa, quæ regnat in coelis ; & quoniam fideles jam defuncti, necdum beati, & corpore, & animo sunt infra terram, diversis in locis, ideò primùm de loco animarum dicemus ; secundò de loco corporum, idest, de sepultura.

Sed antequam ad quæstiones veniamus, tria præmittenda sunt. Primò, quid nomine Purgatorii hoc loco intelligamus. Secundò, qui fuerint errores de Purgatorio. Tertiò, quo ordine sit explicanda hæc disputatio.

Scripserunt autem de Purgatorio Joannes Rossensis contra articulos Lutheri ; Joannes Eckius lib. 4. de Purgatorio ; Joannes Bunderius in suo Compendio tit. 18. Joannes Garelius lib. de orat. pro defunctis ; Jacobus Latomus in explicatione artic. sexti Lovaniensium ; Jodocus Clitovæus in lib. de Purgatorio ; Bernardus Lutzenburg. lib. unico de Purgatorio ; Alphonsus de Castro, verbo Purgatorium ; Martinus Peresius Ajala de traditionibus ; Claudius Coussord contra Waldenses ; Cajetanus tom. 1. tract. 23. & 24. Franciscus Orantius lib. 5. de locis Catholicis ; Hugo Etherianus de regressu animarum ab inferis ; Catharinus lib. de veritate Purgatorii.

CAPUT PRIMUM.

De nomine Purgatorii.



INIA in Scripturis inveniuntur, quibus tribuitur purgatio peccatorum, & purgatoria dici possunt. Primò, Christus ipse, de quo dicitur ad Hebr. 1. *Purgationem peccatorum faciens.* Joan. 1. *Eccce agnus Dei, ecce qui tollis peccata mundi.* Sed de hoc non loquimur, tum quòd non soleat Christus vocari Purgatorium, tum quòd sit extra controversiam cum purgatore peccatorum esse.

Secundò, tribulationes hujus vitæ, de quibus ad literam videtur intelligendus Malachias cap. 3. *Ipse sedebit quasi ignis constans, & quasi herba fullonum, & purgabit filios Levi, & colabit eos quasi aurum, & quasi argentum.* Nam, ut rectè exponit B. Hieronymus, hic agitur de tribulatione, quæ præcedet diem judicii ad purganda peccata fidelium, & Joan. 15. *Omniem palmitem in me non ferentem fructum tollet enim, & omnem qui fert fructum, purgabit eum, ut fructum plus afferat.* De hoc Purgatorio non loquimur, tum quòd sit extra controversiam, tum etiam quòd non semper tribulatio hujus vitæ sit purgatoria. Nam multi justii affliguntur, non ut purgentur, sed ut exerceantur, & probentur juxta illud

A. Ecclesiast. 27. *Vasa figuli probat fornax, & homines justos tentatio tribulationis.* Ex multi injusti affliguntur, non ut purgentur, sed ut incipiant damnationis suæ poenas gustare.

Vocatur ergo tertiò Purgatorium, locus quidam, in quo tamquam in carcere post hanc vitam purgantur animæ, quæ in hac non plenè purgatæ fuerunt, ut nimirum sic purgatæ in cælum ingredi valeant, quòd nihil intrabit coinquinatum. De hoc est tota controversia.

CAPUT II.

De erroribus circa Purgatorium.

B. Multi, & inter se contrarii errores fuerunt de Purgatorio. Primus omnium, qui aliquid sensit contra Purgatorium, videtur fuisse Acrius, qui teste Epiphanto hæres. 75. & Augustino hæres. 53. docuit, non esse pro defunctis orandum. Hinc enim sequitur, aut non egere precibus, aut non posse juvari, quorum utrumque Purgatorio repugnat, saltem eo modo existenti, quo ab Ecclesia ponitur.

Disertè autem Purgatorium negaverunt Waldenses, ut Guido Carmelita in Summa de hæreticis & B. Antoninus 4. part. tit. 11. cap. 7. §. 2. Summæ Theologiæ referunt.

Idem docuerunt Apostolici apud B. Bernardum serm. 66. in Cantic. & fortè Waldenses proles sunt Apostolicorum ; nam in erroribus, qui eis tribuuntur,

tur, conveniunt, & tempore sunt vicini. Nam Waldensium secta exorta est circa annum Domini 1160. juxta Trithemii Chronicum, vel 1170. juxta Guidonem in sua Summa cap. 1. & Reynarium, qui floruit ante annos 300. cujus testimonium vide in fine libri Claudii Caussordii contra Waldenses. Apostolici autem sunt paulò antiquiores, nam exorti sunt tempore B. Bernardi, qui obiit anno 1153. vocari autem voluisse Apostolicos, etiam ipsos Waldenses, quòd Apostolorum paupertatem sectarentur, manifestum est ex historia ipsorum, apud Æmiliū lib. 6. de gestis Francorum, & Abatem Urspergensē in Chronico anni 1112.

Idem cum Waldensibus docuerunt eodem tempore Henricus & Petrus Bruis, contra quos scribit B. Bernardus epist. 240. & Petrus Cluniacensis in epistola ad omnes Episcopos.

Idem postea docuerunt Albigenes, qui tamen non solum Purgatorium, sed etiam infernum tollebant, testis B. Antonin. 4. par. tit. 11. cap. 7. §. 5.

Idem tribuit Wiclefistis, & Hussitis Bernardus Lutzenburgensis in præfatione libri sui de Purgatorio, sed fortasse falsò, cum nihil tale eis tribuat Concilium Constantiense, nec Thomas Waldensis, Æneas autem Sylvius, qui inter errores Hussitarum hunc etiam numerat libro de origine Bœmorum cap. 35. videtur confundere Hussitas cum Waldensibus.

Idem tribuitur Armenis & Græcis à Guidone Carmelita in summa de hæreticis, & quamquam Græci ipsi in Concilio Ferrariensi, sess. 1. affirmabant se non negare Purgatorium, sed ignem tantum, & existimare Purgatorium esse locum tenebrosū, & laborum plenum, tamen credibile est Græcos de hac hæresi saltem suspectos fuisse, nam B. Thomas in opusculo contra Græcos refellit etiam hunc errorem, & probat, Purgatorium esse, & in Concilio Florentino sess. ult. damnatus est idem error, cum tamen in eo Concilio solum damnati sint errores Græcorum, aut certè de quibus Græci suspecti erant.

Denique Lutherus, & omnes posteri ejus, licet in varias sectas dissecti, in hoc tamen conveniunt, ut Purgatorium tollant, quamquam Lutherus ipse valdè varius fuit. Nam primò, Purgatorium planè Catholicè admitteret, nam in disputatione Lipsiæ, quæ adhuc exstat: Ego, inquit, qui credo fortiter, immò ausim dicere, scio Purgatorium esse, facile persuaderi in Scripturis de eo fieri mentionem.

Deinde Purgatorium admisit quidem, sed multis admixtis erroribus. Primus error fuit, Purgatorium non posse probari ex Scripturis. Secundus, animas in Purgatorio non esse certas de salute consequenda. Tertius, animas in Purgatorio posse mereri, & demereri. Quartus, animas in Purgatorio sine intermissione peccare, dum horrent poenas, & requiem quærunt. Quintus, animas, quæ liberantur per suffragia Ecclesiæ, minus beari, quàm si per se satisfecissent. Isti quinque habentur inter articulos à Leone damnatos in fine.

Ultimò, simpliciter sustulit Purgatorium, suffragia pro defunctis, & asseruit nullum esse Purgatorium post hanc vitam, sed solum in vita, & in morte, horror enim & poena mortis purgat, si quid purgandum superest. Ita docuit in lib. de abroganda Missa privata, ubi dicit melius esse in totum negare Purgatorium, quàm credere B. Gregorio referenti animarum apparitiones, suffragia petentium, & in lib. ad Waldenses de Eucharistia: Cum, inquit, negatis Purgatorium, damnatis Missas, vigiliis, cenobis, monasteriis, & quidquid per hanc imposturam erectum est, per omnia etiam probo.

A Hoc ultimum sequuti sunt omnes hæretici huius temporis. Lutherani rigidi, ut Centuriatores, centur. 1. lib. 2. cap. 4. col. 460. & cent. 4. cap. 4. col. 304. Lutherani molles; ut Philippus in locis cap. de satisfactione, & Brentius in Confess. Wirtembergensi, cap. de Purgatorio. Item Zwingliani apud Cochlaeum in actis Lutheri anni 1526. Item Bernardinus Ochmus in Dialogo de Purgatorio. Calvinus lib. 3. Instit. cap. 5. §. 6. ubi dicit, Purgatorium esse exitiale Satanae commentum, quod Christi crucem evacuat, quod contumeliam non ferendam Dei misericordiae irrogat, quod fidem nostram labefacit, & evertit. Petrus Martyr in c. 3. 1. ad Corinth. duo dicit. Primò, sive sit, sive non sit Purgatorium, certè non esse dogma fidei. Secundò, dicit nec esse probabile Purgatorium existere. Denique Anabaptistæ Trinitarii lib. 2. cap. 1. ex iis, quos nuper ediderunt anno 1567. dicunt Lutherum jecisse fundamentum reformationis Ecclesiæ, cum Purgatorium, Missas, & similia sustulit; Fundamentum omnium Lutheranorum est, quia tollunt satisfactionem, & discrimen peccati mortalis à veniali; isto enim fundamento posito, necessariò sequitur nullum esse Purgatorium.

B Porro non defuerunt, qui adeò Purgatorium probarent, ut nullas poenas nisi purgatorias post hanc vitam agnoverint. Ita Origenes sensit, qui omnibus impiis hominibus, & dæmonibus tandem salutem pollicetur, ut refert Epiphanius in epistol. ad Joan. Hierosolymitanum, & Augustinus lib. 21. de Civit. Dei cap. 17. ubi addit aliorum opinionem, qui non quidem dæmonum, sed hominum tamen omnium poenas solum purgatorias agnoscebant, & eodem lib. 21. cap. 13. dicit eandem sententiam Platoniorum fuisse, nullam videlicet esse poenam post hanc vitam, nisi purgatoriam, & probat ex illis Virgilii versibus in 6. Æneidos.

Quam & supremo cum lumine vita reliquit.

Non tamen omne malum miseris, nec funditus omnes Corporea excedunt pestes, penitusque necesse est

Multa diu concreta modis inolescere miris.

Ergo exercentur poenis, veterumque malorum

Supplicia expendunt &c.

C Quamquam in ipsius Platonis operibus aliud legimus; nam in Phædone, & in Gorgia, tria facit hominum genera eorum, qui ad iudicium evocantur post mortem. Unum eorum, qui piè justèque vixerunt, & hos statim ad insulas beatorum transmitti dicit. Alterum eorum, qui peccata curabilia perpetrarunt, & hos asserit ad tempus exerceri poenis, donec scelus eluatur. Tertium eorum, qui peccata incurabilia commiserunt, & hos dicit in tartarum deijci in æternum puniendos, quorum supplicia ipsis quidem nihil prosint, sed aliis tamen prosint ad exemplum, & Virgilius quoque id non tacuit, ubi ait Æneid. 6.

E — *Sedet, æternumque sedebit*

Infelix Theseus, Phlegiasque miserimus omnes

Admonet, & magna testatur voce per umbras:

Discipe iustitiam moniti, & non temnere divos.

Sed de his satis.

Disputatio tota decem capitibus continetur. Primo, ostendemus esse Purgatorium. Secundo, id si de tenendum. Tertio, quibus personis conveniat, an iustis, an peccatoribus omnibus, an quibusdam tantum. Quarto, de statu eorum qui sunt in Purgatorio, an videlicet certi sint de salute. Quinto, possint ne mereri ac demereri. Sexto, de loco Purgatorii. Septimo, de tempore quo durat. Octavo, de ipsa poena, qualis sit, & à quibus infligatur. Nono, de remedio poenæ. Decimo, de sepultura corporum.

CAPUT III.

Purgatorium esse probatur ex Scripturis Testamenti veteris.

Primum igitur Purgatorium esse, quinque generibus argumentorum probabimus. Afferemus enim primò, Scripturas Testamenti veteris. Secundò, Scripturas Testamenti novi. Tertiò, Concilia. Quartò, Patres. Quintò, rationes, & tum demum solvemus argumenta. Primus locus habetur 2. Machab. cap. 12. ubi posteaquam Scriptura narravit, Judam Machabæum misisse in Hierusalem 12000. drachmarum argenti in sacrificia pro mortuis expendenda, subiungit: *Sancta ergo & salubris est cogitatio pro defunctis exorare, ut à peccatis solvantur.*

Hinc enim sequitur. Primò, posse mortuos post hanc vitam à peccatis solvi, & proinde esse Purgatorium. Secundò, sacrificia, & orationes vivorum prodesse defunctis. Tertiò, non expiari semper in morte omnes peccatorum reliquias, ut Lutherus dicit: Nam isti pro quibus orari iussit, mortui erant morte violenta, & pro religione, tamen credebatur Judas adhuc illos non plenè esse purgatos. Quartò, posse hominem sanctè & piè mori, & tamen habere debitum aliquod solvendum, vel propter venialia peccata non remissa in vita, vel propter satisfactionem pro mortalibus remissis non plenè expletam: Nam Scriptura hoc loco dicit eos, pro quorum peccatis iussit orari Judas, cum pietate dormitionem accepisse. Quintò, hoc esse de fide.

Ad hunc locum respondent adversarii. Primò, librum hunc non esse canonicum, cum auctor ipse in fine libri veniam petat, si qua in re erraverit: Ergo, inquit Brentius, demus illi veniam quòd erraverit, cum suffragia pro defunctis laudavit.

Secundò, quia saltem hæc pars non potest esse canonica (*sanctè & piè de resurrectione cogitans, nisi enim eos qui occiderant resurrecturos speraret, superfluum videretur, & vanum pro defunctis orare*) coninet enim exploratum errorem quòd nimirum animæ cum corporibus moriantur & resurgant, alioqui non esset superfluum & vanum orare pro mortuis, etiam si non resurgerent. Addit Ochinus, ex hac ipsa particula tolli posse Purgatorium: Nam si Purgatorium esset, etiam si resurrectio mortuorum non esset, non tamen fuisset vanum orare pro mortuis, quia profuisset illis oratio ad liberationem à poenis Purgatorii.

Tertiò, quia illa conclusio: *Sancta ergo & salubris est cogitatio &c.* non videtur historico convenire, & fortè erat annotatio aliqua marginalis, & inde in textum violenter intrusa est.

Quartò, quia non fit mentio in hac Scriptura Purgatorii, sed solum resurrectionis, dicitur enim Judas iussisse orare pro mortuis sanctè, & piè de resurrectione cogitans.

Quintò, quia sacrificia, & orationes jubentur fieri à Juda Machabæo pro illis, quos constabat in peccato mortali decessisse, nam ibidem habemus reperta fuisse sub tunicis omnium illorum occisorum quædam de donariis idolorum, quæ illi rapuerant contra expressam prohibitionem Deuteronom. 7. *Invenimus, inquit, sub tunicis interfectorum de donariis idolorum, quæ apud Jamniam fuerunt, à quibus lex prohibet Judæos.* Omnibus ergo manifestum factum est, ob hanc causam eos corruisse, ergo vel superstitiosum fuit factum hoc Judæ, vel non orarunt ut animas illas juvarent, sed solum ut seipsos consolarentur.

A Sextò, quia non sequitur: oratum & sacrificatum est pro mortuis, ergo erant in Purgatorio; nam potuerunt, pro quibus orabatur, esse in inferno, & potuerunt qui orabant, orare & sacrificare, ut piæ erga eos affectum, & memoriam ostenderent, & seipsos consolarentur.

Septimò, quia Scriptura ista non profert legem aliquam, aut decretum, sed solum unius hominis exemplum, non tenemur autem imitari, immò nec possumus omnia exempla Scripturarum. Neque obstat quòd laudatur hoc loco exemplum Judæ; nam in eodem libro laudatur exemplum Razæ, qui se occidit, 2. Machab. 14.

B Ad primum dico, lib. Machabæorum non esse Canonicum apud Judæos, sed apud Christianos esse, siquidem Ecclesia universa legit hunc librum in Missa, & legebat jam olim, ut patet ex epistola Petri Cluniacensis contra Petrobrusianos, & tamen prohibitum fuerat in Concilio III. Carthag. cap. 47. ne ullus liber legeretur in Ecclesia sub nomine divinorum librorum, nisi canonicus esset. Præterea eum numerat cum divinis libris, ex Conciliis Carthaginens. III. canon 47. ex Pontificibus, Innocentius I. in epist. ad Exuperium, cap. ult. ex Patribus, August. lib. 18. Civ. Dei cap. 36. ubi sic ait: *Libros Machabæorum non Judæi, sed Ecclesia pro canonicis habet.*

C Ex quibus testimoniis refellitur mendacium impudentissimum Ochini, qui in Dialogo de Purgatorio sic ait: *Quod apocryphi sint, ex Laodicensi, & Africana Synodo manifestum est, immò ex omnibus sacris doctoribus qui sacrorum librorum catalogum perconsentes, de Machabæis nullam mentionem faciunt.* Hæc ille. Qui quàm apertè mentiatur, facile cognoscet, qui legor Carthagin. Concilium III. quod Ochinus Africanum vocat, & præterea Innocentium loco citato, Augustin. lib. 2. de doctrina Christiana cap. 8. Gelasium in decreto de libris canonicis, quod edidit in Concilio 70. Episcoporum, Isidorum lib. 6. etymologiarum, cap. 1. aliosque Patres à nobis citatos lib. 1. de Verbo Dei, cap. 15.

D Respondet Petrus Martyr in cap. 3. 1. Corinth. ab Augustino, & Ecclesia ipsa hunc librum receptum in Canonem, non eorum librorum, qui valent ad confirmanda dogmata, sed eorum qui valent ad morum ædificationem, & probat: quia August. lib. 2. contra epist. Gaudenti, cap. 23. dicit hunc librum non esse paræ auctoritatis cum lege, prophetis & Psalmis, sed tamen utilem esse si sobriè legatur. Item quia Cyprianus in expositione Symboli dicit, hos libros non valere ad probanda dogmata.

E At perfidè agit Pseudomartyr, nam August. adeò putabat hunc librum valere ad confirmanda dogmata, ut lib. 1. de cura pro mortuis, cap. 1. ex solo hoc libro argumenta petat ad probandum orandum esse pro mortuis, & hoc esse dogma fidei idem August. docet, cum in lib. de hæres. cap. 53. ponit Aërium in numero hæreticorum, quia negaverat orationes pro defunctis. In 2. autem lib. contra Gaudentium, cap. 23. non dicit eos libros non esse paræ Psalmis, Legi, & Prophetis in Ecclesia, sed apud Judæos: *Et hæc quidem Scripturam, inquit, quæ appellatur Machabæorum, non habent Judæi sicut Legem, & Prophetas, & Psalmos, sed recepta est ab Ecclesia non inutiliter, si sobriè legatur, vel audiat.* Ex quo apparet insignis fraus Martyris. Quod autem Augustin. dicit, debere sobriè legi, non idèò dicitur, quia sint in hoc libro aliqui errores, sed propter exempla eorum, qui se occiderunt, qui in hoc libro narrantur, & imitanda non sunt; quomodo etiam Genes. sobriè legenda est, ne putemus imitandum factum Judæ Patriarchæ, qui incestum perpetravit.

Deceptus est autem idem Martyr, cum Cyprianum pr. Ruffino adduxit; illa enim Symboli explicatio, Ruffini est, non Cypriani, ut patet ex præfatione, ubi auctor indicat, se esse Aquilejensem, & Aquilejæ baptizatum, & educatum, & ibidem meminit Phormi hæretici, qui centum annis Cypriano posterior fuit; & ubi libros sacros enumerat, ibidem meminit Donati, Manichæi, Arii, Eunomii, aliorumque hæreticorum, qui post Cypriani obitum exorti sunt. Neque mirum esse debet, si Ruffinus hos libros non esse canonicos putavit: Nam libri Machabæorum sunt ex eorum numero, de quibus aliquando etiam inter Catholicos dubitatum est, & postea tamen ab universa Ecclesia, tamquam verè canonici, recepti sunt.

Ad probationem dico, auctorem non petere veniam errorum, sed elocutionis, quomodo etiam B. Paulus excusat sermonis sui imperitiam.

Ad secundum dico, idè videri ineptam sententiam huius libri, quia non observatur apud Judæos olim fuisse usitatissimum, habere pro eadem questione illam de resurrectione & illam de animorum immortalitate, & si revera distinctæ sunt. Nam apud Judæos, qui negabant unum, negabant alterum, ut Sadducæi; & qui unum fatebantur, fatebantur alterum, ut Pharisei, ut patet Act. 23. Nec immeritò; nam cum anima rationalis sit vera forma corporis, & proinde vera pars hominis, non est verisimile, Deum voluisse animam perpetuò vivere sine corpore. Hinc Dominus Matth. 22. probaturus Sadducæis resurrectionem, utitur illo testimonio Scripturæ: *Ego sum Deus Abraham, Deus Isaac, Deus Jacob*, & subiungit: *Non est Deus mortuorum, sed viventium*, ex quibus inferre intendit, ergo mortui resurgunt.

At hoc argumentum nihil concludit, nisi præsupponatur, questionem de immortalitate animorum, & de resurrectione corporum accipi pro una & eadem, posset enim alioquin negari consequentia. Nam Deus erit Deus viventium, etiam si mortui non resurgant, quandoquidem animi ipsi vivunt. Pari ratione Apostolus cum ait 1. Corinth. 15. *Quid mihi prodest, si mortui non resurgunt? comedamus, & bibamus, cras enim moriemur*, nisi præsupponat animas esse mortales, si corpora non resurgunt, nihil concludit. Nam si animus est immortalis, etiamsi corpora non resurgant, multum proderit jejunare, & bene vivere, quia proderit ad gloriam animæ acquirendam. Scriptura ergo libri Machabæorum loquitur omnino eodem modo, quo hic B. Paulus, & idem præsupponit. Vult enim dicere, Si mortui non resurgunt, inde sequi, animas esse mortales, & proinde superfluum & vanum orare pro mortuis, nisi speretur resurrectio.

Ad tertium dico, in textu Græco non haberi particulam; Ergo, sic enim legitur: *ἵνα ἡ ἐμὴ ἐλπίς ὡς ἐπὶ τοῖς μετ' εὐσεβείαν ποιουμένοις καὶ πολλοῖς ἀποκείμετοι χάριτι ᾧ, ὡς ἡ ἐμὴ ἐλπίς ἡ ἐπίνοια, ὅθεν περὶ τῶν νεκρῶν τὸν ἱερασμὸν ἐποιεῖτο, τῆς ἀμαρτίας ἀπολυθῆναι*, hoc est: Deinde considerans, is, qui cum pietate obdormierant optimam repositam gratiam, qua sancta & pia consideratio fuit, idè pro mortuis expiationem fecit, ut à peccato solverentur. Tamen sensus est omnino idem. Nec potest rejici Latina lectio, quin rejiciatur etiam Græca. Neque est insolitum historicis, aliquid interdum colligere ex rebus gestis, quod ad imitationem, & bonos mores pertineat.

Ad quartum dico, non esse necesse fieri mentionem expressam Purgatorii, cum satis apertè colligatur ex iis, quæ hic habentur. Non enim de nomine, sed de re ipsa contendimus. Neque verò cum dicitur Judas iussisse orare pro mortuis, benè & re-

ligiosè de resurrectione cogitans, sensus est, iussisse eum orare pro mortuis, ut resurgerent, sed est sensus, Judam, cum religiosè cogitaret resurrectionem futuram, & proinde animas esse immortales, & formidaret ne animæ interfectorum militum suorum, propter peccatum aliquod, in alio sæculo punirentur, iussisse pro eis orari & sacrificari, ut à peccatis solverentur, ut in fine capitis exprimitur.

Ad quintum dico, peccatum illorum aut fuisse veniale, quia fortè ignorabant legis prohibitionem, & non acceperunt ex donariis illis in honorem idolorum, sed solum discedendi cupiditate, quæ venialis esse potest; aut certè si mortale fuit, in mortis articulo milites illos doluisse de peccato, & quoad culpam remissum illis fuisse, juxta illud Psalm. 77. *Cum occideret eos, querebant eum, & revertebantur*, aut saltem Judam Machabæum ita existimasse, alioqui non diceret Scriptura, cum considerasse eos, qui cum pietate obdormierant, optimam habere repositam gratiam. Adde ultimò, saltem incertum fuisse statum illorum, & propterea licuisse pro eis orare, etiamsi damnati fuissent.

Ad sextum dico, nostram consequentiam non esse istam, orantur pro illis, ergo erant in Purgatorio; sed, orantur pro quibusdam defunctis, ergo existimantur posse fieri, ut illi essent in Purgatorio; vel istam, laudatur in Scriptura oratio pro defunctorum peccatis, ergo Purgatorium est in alia vita: Nam alioquin frustra oraretur, & Scriptura erraret laudando ejusmodi orationem. Quòd autem hoc loco laudetur oratio pro expiatione peccatorum, & non pro humano affectu ostendendo, patet, tum ex eo, quòd occasio hujus orationis fuit peccatum illorum mortuorum detectum ob donaria inventa sub vestibus eorum, ut historia dicit, tum ex eo, quòd expressè dicitur Judas misisse 12000. drachmas offerri sacrificium pro peccatis mortuorum, & infra, ut à peccatis solvantur.

Adde, quòd si nullum esset Purgatorium, liceret quidem flere ad humanum affectum ostendendum, at orare non item. Quorsum enim oratio pro illis, qui aut non egent, aut juvari non possunt?

Ad septimum dico, argumentum non sumi ab exemplo unius hominis, sed partim ab antiquo & solemni ritu Ecclesiæ Testamenti veteris, partim à testimonio infallibili scriptoris sacri. Quòd enim hic fuerit sollemnis ritus Ecclesiæ, patet, cum hoc loco dicitur: *Omnes qui cum Juda erant ad preses conversos*, & deinde: *Collatione facta*, idèst, singulis conferentibus aliquid, collectam esse multam pecuniam, & nullam a Juda, nomine omnium in Hierusalem, ad sacrificia pro mortuis; & hoc quidem magnum est argumentum: sed majus est, ad fidem Catholicam faciens, quòd sumitur à verbis Scripturæ sacræ laudantis orationem pro peccatis mortuorum tamquam sanctam, piam & religiosam. Neque valet instantia de laude Razæ, qui se occidit; Nam, ut Augustinus ostendit lib. 2. contra epist. Gaudentii, cap. 23. Razas laudatur, quòd fortiter & viriliter egerit, non quòd piè & sanctè, vel, si volunt probari hoc factum ab auctore huius libri, potius dicendum est, habuisse Raziam peculiarem inspirationem, & præceptum Dei, ut hoc faceret sicut habuit Sampson, teste Augustino lib. 1. de Civ. Dei cap. 31. quàm dicendum esset, hunc auctorem potuisse errare. Præter hunc locum sunt alia quædam, quæ solum probabiliter suadent, & quibus tamen sancti Patres usi sunt. Igitur ea quæ hic breviter adnotabimus.

Secundus locus est Tobie 4. *Panem tuum & vinum super sepulcrum iusti constitue, & noli ex eo manducare, & bibere cum peccatoribus*. Huius loci non potest esse alius sensus, quàm is, quem communiter expositores

res tradunt, videlicet; Instrue convivium, & voca fideles pauperes, ut ipsi post acceptam eleemosynam orent pro anima defuncti. Hinc enim nata est illa consuetudo, quæ & olim in Ecclesia fuit, & nunc etiam est, ut affines defuncti convivium faciant, & mittant etiam cibum & potum pauperibus & religiosis, ut orent pro anima defuncti. Chrysostomus hom. 32. in Matth. Cur, inquit, post mortem tuorum pauperes convocas? Cur Presbyteros, ut pro eis velint orare obsecras? Neque valet quidquam commentum Munsteri, qui interpretatur nomine sepulchri, ora pauperum iustorum, quia scriptum est Pl. 5. Sepulchrum patens est guttur eorum, ut sensus sit; Pone panem tuum in ore iustorum, ut non moriantur fame. Hæc enim falsa expositio est. Primò, quia nusquam Scriptura vocat sepulchrum os iusti, sed solum os peccatoris, unde exhalant foetores vitiorum. Secundò, quia Tobias in eodem capite multis verbis commendaverat pauperes vivos, & deinde transit ad commendationem mortuorum, ut in litera patet.

Tertius locus est 1. Reg. ult. ubi legimus, quòd habitatores Jabes Galaad audita morte Saul, jejuna-verunt septem dies. Et 2. Reg. 1. David flevit, & jejunavit pro Saule, & Jonatha, & aliis occisis, quod idem fecit pro Abner, 2. Regum 3. Quamvis enim hæc videbantur fieri in signum doloris & tristitiæ, tamen credibile est, præcipuè facta esse ad juvandas animas defunctorum, ut Beda exponit in fine commentarii in lib. 1. Reg. id quod ex duobus colligimus. Primò, ex eo, quòd irrationabile fuisset in signum doloris septem dies jejunare. Secundò, ex eo, quòd David 2. Reg. 12. jejunavit, & oravit pro filio suo infantulo, dum agrotaret; postea verò quando audivit eum esse mortuum, non amplius jejunavit, quo facto suo ostendit, se jejunare solitum, ut aliquid à Deo impetraret; ideo enim pro morte pueri non jejunavit, quia sciebat, non esse puerum ad vitam rediturum, & præterea eum suffragiis non egere, quò etiam spectat illa sollicitudo Patriarcharum, qui cupierunt in terra promissionis sepeliri, Genes. 47. & 50. nimirum ut essent participes precum & sacrificiorum, quæ ibi offerebantur.

Quartus locus est Psal. 37. Domine, ne in furore tuo arguas me, neque in ira tua corripas me. Etsi enim hæc verba variè exponi possint, tamen B. Augustinus ita exponit, ut in furore argui à Deo, sit in æternum damnari; in ira corripi, sit puniri severe post hanc vitam, ad correptionem tamen & emendationem. Unde subdit: In hac vita, inquit, purges me, talem me reddas, cui jam emendatorio igne non opus sit &c. Eodem modo exponit Beda, Haymo, Dionysius Carthusianus, & alii.

Quintus locus est Psal. 65. Transivimus per ignem & aquam, & eduxisti nos in refrigerium. Hic etiam locus potest habere varios sensus, tamen Origenes hom. 25. in Num. & B. Ambrosius in Psalm. 36. & ferm. 3. in Psalm. 118. exponit per aquam, Baptismum; per ignem, Purgatorium: Hic, inquit, per aquam, illic per ignem; per aquam ut abluantur peccata; per ignem ut exurantur.

Sextus locus est Isa. 4. Purgabit Dominus sordes filiorum & filiarum Sion, & sanguinem emundabit de medio eorum spiritu iudicii, & spiritu combustionis. Hunc locum exponit de poena Purgatorii B. Augustinus lib. 20. de Civit. Dei cap. 25.

Septimus locus est Isa. 9. Succensa est quasi ignis impietas, & spinas devorabit: Basilus in hunc locum dicit, per confessionem peccatum areferi, ut igne Purgatorio post hanc vitam absumi possit, & ex hoc loco probat.

A Octavus locus est Michæ 7. Ne lateris, inimica mea; nam si cecidi, resurgam; cum sedero in tenebris, iram Domini portabo, donec causam meam iudices. Adducet me in lucem, videbo iustitiam ejus. Hunc locum afferri solitum pro Purgatorio, docet Hieronymus in cap. ult. Isa. & Glossa ordinaria exponit; Iram Domini portabo hic vel in Purgatorio.

B Nonus locus est Zach. 9. Tu autem in sanguine Testamenti tui eduxisti vinctos tuos de lacu, in quo non est aqua. Etsi enim hunc locum adducunt passim pro liberatione Patrum ex limbo, tamen melius convenit liberationi animarum ex Purgatorio, quas Christus eduxit, cum eò descendit post mortem suam. Primò, quia isti rectius dicuntur vincti. Secundò, quia in Purgatorio non est aqua consolationis, quæ est in limbo: ut patet Luc. 16. de Lazaro: Hic vero consolatur. Unde Augustinus epistol. 99. ad Evodium, & lib. 12. in Genes. cap. 33. contendit, Christum, cum descendit ad inferos, non solum Patres invisisse, sed etiam eos, qui cruciabantur in inferno, idest, in Purgatorio, & multos eorum inde liberasse.

C Decimus locus est Malach. 3. Ipse sedebit quasi ignis constans, & purgabit filios Levi, & colabit eos &c. Hunc locum exponunt de poena purgatoria Origenes hom. 6. in Exod. S. Ambrosius in Psalm. 36. B. Augustinus lib. 20. de Civ. Dei cap. 25. & B. Hieronymus in hunc locum, & quamquam poena illa purgatoria non est ea, de qua nunc agimus: Nam illa purgabit viventes, nos autem agimus de poena mortuorum; tamen inde rectè infertur Purgatorium. Nam idèd tunc præcedet tribulatio gravissima, & postea etiam ignis descendet, & purgabit celerrimè omnes reliquias peccatorum in hominibus iustis, quia, ut Irenæus etiam notat in fine lib. 5. tunc repente Ecclesia, quæ est in terris, assumenda erit ad sponsum, nec erit tempus purificationis ulterius, ut nunc est post mortem ante iudicium.

CAPUT IV.

D Purgatorium esse probatur ex Testamento novo.

E Primus locus est Matth. 12. ubi dicit Dominus, esse quoddam peccatum, quod non remittitur neque in hoc sæculo, neque in futuro. Hinc enim colligunt sancti Patres, quædam peccata remitti in futuro sæculo per orationes, & suffragia Ecclesiæ: ita B. August. lib. 21. de Civit. Dei cap. 24. & lib. 6. in Julianum cap. 5. B. Gregorius lib. 4. Dialogorum cap. 39. B. Beda in cap. 3. Marc. B. Bernardus hom. 66. in Cant. qui hoc solo testimonio contentus fuit contra hanc hæresim. Item Petrus Cluniacensis in epistola contra Petrobrusianos. Rabanus lib. 2. de Institut. Cleric. cap. 44. & omnes Glossæ, ut ordinaria, interlinearis &c.

At contra hunc locum objicit primò, Petrus Martyr, hæc dici per exaggerationem. Respondeo, hoc modo poterimus etiam tollere infernum, & dicere esse exaggerationem, cum dicitur: Ite in ignem æternum. Præterea exaggeratio non debet esse inepta, qualis est, cum sit partitio, & uni membro nihil respondet.

Secundò, dicunt aliqui esse comminationem. Respondeo eodem modo.

Tertiò, obijciunt alii, Christus comparat peccatum in Spiritum Sanctum cum gravissimis peccatis mortalibus, cum blasphemia in Patrem, & in Filium; ergo si vellet dicere, aliqua peccata posse remitti in alio sæculo, intelligeret maximè de iis, quibuscunq;

bustum comparabat tunc peccatum in Spiritum sanctum; at hoc est falsum, quia sola venialia dimittuntur, per nos, in alio sæculo &c. Respondeo, Christus loquitur de perfecta remissione, quæ complectitur remissionem culpæ & poenæ, quomodo peccata gravissima remittuntur etiam in alio sæculo, quia ibi completur eorum remissio.

Quartò, inquiunt, Christus videretur significare, graviora peccata remitti in futuro sæculo, in hoc autem solum leviora, si aliqua ibi remitti vellet, alioqui non diceret: Neque in hoc sæculo, neque in futuro, sed econtrariò dixisset: Non dimittetur, neque in futuro, neque in hoc, ut oratio crescat. Respondeo, orationem crescere, quia in futuro majus spatium est diluendi peccata, quàm hic; & præterea præponitur hoc sæculum, quia hic inchoatur, ibi perficitur remissio delictorum.

Quintò, objicit Calvinus, Dominus loquitur de remissione culpæ, ergo malè allegaris hunc locum pro remissione poenæ Purgatorii. Respondeo, in Purgatorio remitti etiam culpas saltem veniales; præterea falsum est, loqui Christum de sola culpa. Hic enim est sensus, Peccatum in Spiritum sanctum non remittitur in hoc sæculo, nec in futuro, neque quantum ad culpam, neque quantum ad poenam, cum alia peccata vel remittantur in hoc sæculo, quoad culpam, & in alio interdum quoad poenam, ut mortalia; vel & hic & ibi quoad culpam, & quoad poenam, ut venialia.

Sextò, inquit Calvinus, in hoc sæculo & in futuro, vult dicere; In hoc judicio & in novissimo non remittetur, & sic nulla fit mentio Purgatorii. At contra, nam qui erunt illi, quibus hic non est remissum, & in judicio remittetur, nonne illi, qui aut venialium purgatione indigebunt, aut solius poenæ debitores erunt? Qui enim hinc cum injustitia decedunt, certè in judicio non absolverentur.

Septimò, objicit Petrus Martyr, quia ex negatione non sequitur affirmatio in bona Dialectica: non licet inferre, peccatum in Spiritum sanctum non remittitur in futuro sæculo, ergo quædam alia peccata in eo remitti possunt, sicut non bene sequitur, Rex Philippus non est Rex Venetorum, ergo aliquis alius est Rex Venetorum. Et confirmat Ochinus; Nam potuit Christus dicere: Hoc peccatum non remittetur in hoc sæculo, neque in inferno: & tamen non colligeremus inde, quædam peccata remitti in inferno.

Respondeo, non sequi secundum regulas Dialecticorum, id quod inferimus ex verbis Domini, sed tamen sequi secundum regulam prudentiæ, quia alioqui faceremus Dominum ineptissimè loquentem. Ineptè enim diceret: Hoc peccatum non remittetur, neque in hoc sæculo, neque in futuro, si in futuro nullum remittitur, sicut ineptè loqueretur qui diceret: Rex Philippus non absolvet te neque in aula Hispaniæ, neque in aula Franciæ. Non autem loqueretur ineptè, si diceret, neque in aula Hispaniæ, neque in aula Brabantæ. Unde Joan. 19. cum dixisset Christus: *Regnum meum non est de hoc mundo*. Intulit Pilatus: *Ergo Rex es tu*; nec respondit Christus, non bene sequi ex negativo affirmativum, sed approbavit. Neque valet similitudo allata ab Ochino, nam Christus non potuit dicere: Neque in hoc sæculo, neque in inferno, nisi ineptè loqui voluisset, tum quia sæculum tempus est, infernus verò locus; proinde, non opponuntur, sicut sæculum præsens, & futurum; tum etiam, quia in inferno constat nullam fieri remissionem.

Octavò, objiciunt illud: *Neque in hoc sæculo, neque in futuro*, idem significare, quod nunquam, live in æternum, ut exposuit Marcus, qui cap. 3.

ita ait: *Non habet remissionem in æternum*. Et sicut Petrus ait Joan. 13. *Non lavabis mihi pedes in æternum*.

Respondeo, non debere exponi Matthæum per Marcum, sed potius Marcum per Matthæum, cum Matthæus pluribus verbis utatur, & constet Matthæum copiosius scripsisse, & Marcum fecisse quasi compendium ex Evangelio Matthæi. Neque ita accepit Marcus vocem, In æternum, sicut Petrus apud Joannem. Nam ineptè dixisset Petrus: non lavabis mihi pedes, neque in hoc sæculo, neque in futuro, cum in futuro non laventur pedes. Non autem ineptè dixit Dominus apud Matthæum: *Non remittetur neque in hoc sæculo, neque in futuro*. Itaque Petrus apud Joannem accepit vocem: *In æternum*, improprie pro solo tempore hujus vitæ, Marcus autem proprie pro toto spatio hujus sæculi & futuri. Præterea aut Christus dixit, ut habet Matthæus, vel ut habet Marcus, vel utroque modo, si primum vel tertium, habeo intentum; si secundum, quamquam hoc non est probabile, tunc Matthæus, duce Spiritu sancto, exposuit verba Christi, & nisi ineptè exposuerit, indicavit, in alio sæculo dimitti aliqua peccata.

Nonò, dicunt esse phrasim Hebraicam. Respondeo, falsum esse, phrasis quidem Hebraica est illa Petri: *In æternum*, dicunt enim passim Hebræi *לְעוֹלָם* etiam de rebus temporalibus: *At neque in hoc sæculo, neque in futuro*, non est propria phrasis Hebræorum. Neque Marcus phrasi Hebraica utitur, sed proprie loquitur.

C A P U T V.

Secundus locus 1. Corin. 3. ubi Apostolus dicit: *Ipse autem salvus erit, sic tamen quasi per ignem*. Nota in primis, locum istum Apostoli 1. Cor. 3. esse unum ex difficillimis, & utilissimis totius Scripturæ: Nam ex eo statuunt Catholici duo Ecclesiastica dogmata, Purgatorium, & venialia peccata contra hæreticos & hæreticorum fautores, qualis in primis fuit Erasmus, qui annotatione in hunc locum conatur ostendere, nec Purgatorium, nec peccata venialia ex hoc loco statui posse.

Quòd sit difficillimus, testatur Augustinus lib. de fide & operibus cap. 15. *Diligenter*, inquit, oportet attendere, quomodo accipienda sit Apostoli Pauli illa sententia planè ad intelligendum difficilis, ubi ait: *Si quis autem superadificat super fundamentum hoc, aurum, argentum &c.* Et infra: *In his deputanda est qua Petrus dicit, esse in Scripturis ejus quædam difficilia intellectu, qua non debent homines pervertere ad proprium suum interitum*. Et cap. 16. *Fateor*, inquit, *me malle audire intelligentiores atque doctiores*. Idem repetit q. 1. ad Dilectum.

Nos igitur, ut locum istum diligenter explicemus, exponemus primum Metaphoram, qua Apostolus usus est: deinde proponemus, & solvemus difficultates, quæ circa hunc locum occurrunt. Quantum ad primum, hæc sunt Apostoli verba: *Secundum gratiam Dei, qua data est mihi, ut sapiens Architectus fundamentum posui. Alius autem superadificat, unusquisque autem videat quomodo superadificet; fundamentum enim aliud nemo potest ponere, præter id, quod positum est, quod est Christus Jesus. Si quis autem superadificat super fundamentum hoc, aurum, argentum, lapides pretiosos, lignum, fenum, stipulam, unusquisque opus manifestum erit. Dies enim Domini declarabit, quia in igne revelabitur, & unusquisque opus quale sit ignis probabit. Si cuius opus manserit, quod superadificavit, mercedem accipiet; si cuius opus arserit detrimentum patietur, ipse autem salvus erit, sic tamen quasi per ignem*.

Uritur

Utitur autem Apostolus in hac sententia similitudine duorum Architectorum, quorum unus super fundamentum lapideum & solidum erigit domum ex pretiosa materia & quæ ignem non timet, quælia sunt aurum, & argentum, lapides pretiosi, ut Iaspis, Porphyriticus, Parius lapis. Nam ex auro & argento sunt laminæ, & columnæ, ut de templo Salomonis legimus, ex lapide pario, & porphyretico etiam integri parietes erigi possunt. Alter vero super simile fundamentum, idest, lapideum & solidum, erigit domum more pauperum rusticorum ex asseribus & stipitibus, eamque regit foeno & stipulis.

Hac posita similitudine, fingamus utrique domui adhiberi ignem, videbimus priorem nihil penitus lædi, & si Architectus intus fortasse sit, similiter nihil pati. At posteriorem domum videbimus continuo ignem concipere, & brevi tempore totam consumi, & si Architectus intus sit, & velit salvus egredi, videbimus eum exire non posse, nisi per ignem. In quo transitu non quidem morietur, sed tamen barba & capilli non egredientur incolumes, nisi fortasse fiat miraculum trium puerorum, qui in fornace Babylonica non comburebantur. Hæc est similitudo, quæ B. Paulus utitur, cum ait: *Ipse autem salvus erit, sic tamen quasi per ignem.*

Quantum ad secundum, quinque sunt difficultates huius loci. Prima, quid intelligatur per ædificantes. Secunda, quid intelligatur per aurum, argentum, lapides pretiosos, ligna, foenum, & stipulas. Tertia, quid intelligatur per diem Domini. Quarta, quid intelligatur per ignem, qui in die Domini uniuscuiusque opus probabit. Quinta, quid intelligatur per ignem, de quo dicitur: *Ipse autem salvus erit, sic tamen quasi per ignem.* His explicatis, sententia erit perspicua.

Prima igitur difficultas est. Qui sint Architecti, qui superædificant. B. Augustinus lib. de fide & operibus cap. 16. & in Enchir. cap. 68. & alibi, censet omnes Christianos dici hæc ab Apostolo Architectos, & omnes superædificare super fidei fundamentum, vel opera bona, vel mala. Idem mihi docere videntur, Chrysostomus, Theodoretus, Theophylactus, & Oecumenius in hunc locum.

Alii permulti docent, Architectos hæc ab Apostolo non vocari, nisi Doctores, & Prædicatores Evangelii, ita Ambrosius & Sedulius in hunc locum. Idem insinuat Hieronymus lib. 2. in Jovinian. Idem recipiunt B. Anselmus & B. Thomas in hunc locum, etiam si priorem sententiam non rejiciant. Idem multi recentiores, ut Dionysius Carthusianus, Lyranus, Cajetanus, & alii in hunc locum.

Utraque expositio est bona, & ex utraque deducitur assertio Purgatorii & peccatorum venialium, tamen magis literalis est posterior, id quod patet manifestè ex verbis præcedentibus & sequentibus ejus capituli, dixerat enim antea. *Ego plantavi, Apollo rigavit.* Deinde in eodem sensu statim subiungit: *Ego ut sapiens Architectus fundamentum posui, alius autem superædificat.* Ex ibidem: *Qui plantat & qui rigat unum sunt.* Unusquisque autem propriam mercedem accipiet secundum suum laborem, Dei enim sumus adjutores, Dei agricultura estis, Dei ædificatio estis. Ubi apertissimè comparat se & alios prædicatores Evangelii agricolis, & architectis; populos autem qui docentur, comparat agris & ædificiis. Item in verbis sequentibus iterum loquitur de Doctoribus, cum ait: *Si quis videtur inter vos sapiens esse, stultus fiat, ut sit sapiens.* Et rursum: *Nemo itaque gloriatur in hominibus; omnia enim vestra sunt, sive Paulus, sive Apollo, sive Cephas, idest, nolite gloriari in Doctoribus & Prædicatoribus vestris, & dicere: Ego sum Pauli, ego vero Apollo.* Nam omnes sunt unum, & pro vobis

Controu. Card. Bellarm. Tom. II.

A omnes laborant. Itaque sicut dixerat, se plantasse, & Apollinem rigasse, ita nunc dicit: Ego fundamentum posui prædicans Christi fidem; alii autem superædificant docentes ea, quæ ad vitam & mores pertinent, & etiam explicantes latius fidei nostræ mysteria. Et in hac prima questione conveniunt nobiscum Calvinus, & Petrus Martyr, atque Ochinus.

B Altera difficultas est paulò gravior, sunt enim sex sententiæ. Quidam nomine fundamenti intelligunt fidem veram, sed informem. Nomine auri, argenti, lapidum pretiosorum, opera bona. Nomine ligni, foeni, stipulæ, peccata mortalia; ita Chrysostomus in hunc locum, quem sequitur Theophylactus.

At hoc defendi non potest. Primò, quia, ut Gregorius dicit lib. 4. Dialog. cap. 39. peccata mortalia potius compararentur ferro & plumbo. Secundò, quia sequeretur, veram esse hæresim Origenis, quòd omnes salvarentur, quia Apostolus dicit: *Salvus erit quasi per ignem.*

C Respondent Græci: *Salvus erit, idest, nunquam penitus consumetur, sed quasi per ignem, quia semper ardebit.* Hæc solutio in primis est dura & coacta; deinde est contra omnem usum loquendi Scripturarum: Numquam enim in Scripturis accipitur nomen Salutis in malam partem, sed semper in bonam, ut in Concilio Florentino ante sessionem primam Latini ostenderunt. Præterea illud (*Per*) significat transitum, non mansionem. Non dicit Apostolus: *Salvus erit, sic tamen quasi in igne; sed Salvus erit quasi per ignem;* idest, ad similitudinem ejus, qui evadit mortem transiens per ignem. Denique ex communi consensu Doctorum. Nam summa consensione volunt alii omnes tam Græci, quàm Latini hunc locum intelligi de venialibus peccatis, quorum sententias in quinta difficultate proferemus. Neque verò hinc putet aliquis, Chrysostomum negasse Purgatorium, vel peccata venialia. Nam Purgatorium esse sapissimè docet, sed præcipuè hom. 3. in epist. ad Philip. & hom. 69. ad populum Antiochenum. Item peccata venialia concedit hom. 24. in Matth. in hoc verò loco aliter exposuit, ut hæresim Origenis refelleret, quæ docet, penas Gehennæ non esse æternas, ut patet ex ipsa homilia.

D Secunda, sententia est, nomine fundamenti intelligi Christum, sive fidei prædicationem; nomine auri, argenti, & lapidum pretiosorum intelligi Catholicas expositiones; nomine ligni, foeni, & stipulæ intelligi hæretica dogmata. Ita videtur docere commentarius Ambrosii, ita etiam Hieronymus exponens illud Isaia 5. *Va qui conjungitis domum ad domum.* Atque huc propendet Calvinus, Martyr, & Ochinus, qui docent, per ligna, foenum, stipulas intelligi humanas traditiones & commenta, quæ pugnant cum verbo Dei.

E Hæc sententia minus defendi potest, quàm præcedens. Primò, quia hæretici non salvantur per ignem purgatorium, sed damnantur ad ignem æternum. Secundò, quia hæretici non ædificant super fundamentum, quod est Christus, nisi nomine tenuis. Omnis enim hæresis quantumcumque de Christo magnificè loquatur, tamen non verum Christum prædicat, sed alium, quem sibi finxit. Neque ista sententia, quam refellimus, est Ambrosii vel Hieronymi. Nam commentarius Ambrosii intelligit nomine ligni, foeni, & stipulæ, hæreses quidem, & falsa dogmata, sed per imprudentiam prolata, & sine pertinacia: dicit enim, ejusmodi Doctores salvos futuros per ignem purgatorium. Hieronymus verò apertè de hæreticis loquitur, sed ex mente aliorum, non sua; cum enim posuisset suam expositionem,

T

tionem,

tionem, subdit: *Quidam autem, inquit, hac de hæreticis intelligunt &c.*

Tertia sententia, nomine fundamenti intelligit fidem vivam; nomine auri, argenti, & lapidum pretiosorum intelligit opera supererogationis; nomine ligni, fœni, & stipulæ intelligit omissionem consiliorum, & affectum quendam carnalem ad bona huius mundi, licitum quidem, sed qui dolorem adfert, cum illa bona amittuntur. Ita B. Augustinus lib. de fide & operibus cap. 16. quæ sententia vera quidem est, sed non conveniens huic loco, nisi cum illo carnali affectu intelligamus peccata saltem venialia; nam non dantur opera media in particulari. Aut ergo ille amor carnalis est bonus, aut malus; si bonus, quare ardebit more stipulæ; si malus, ergo saltem admixtum habuit peccatum veniale.

Quarta sententia est eorum, qui exponunt per aurum, argentum &c. opera bona; per stipulam, fœnum &c. peccata venialia: ita B. Gregorius lib. 4. Dialogorum cap. 39. & alii, quæ bona est, sed alia est melior.

Quinta est eorum, qui intelligunt per aurum, argentum &c. bonos auditores; per stipulas, malos auditores. Sunt enim auditores opificium Doctoris, & quidem Doctor salvus erit; sed ex auditoribus alii sic, alii non &c. Ita Theodoretus, & Oecumenius; at refellitur rectè à Chrysostomo; nam detrimentum tribuitur etiam Architecto, & ipse dicitur ædificare stipulam, ergo non est sola culpa & pœna auditorum.

Sexta sententia, quam omnibus anteponimus, est, ut nomine fundamenti intelligatur Christus, à primis prædicatoribus annunciatus, quales erant Apostoli, qui fidem Christi & Evangelium detulerunt ad eos populos, qui nihil unquam de Christo audierant. Hinc enim B. Paulus ait: *Ego plantavi, & ego ut sapiens Architectus fundamentum posui.* Hinc etiam qui primi in aliqua regione fidem prædicant, dicuntur Apostoli ejus regionis. Nomine verò auri, argenti, & lapidum pretiosorum intelligatur doctrina utilis & salutaris aliorum prædicatorum, qui eos docent, qui jam fidem receperunt, & docent non solum verbo, sed etiam exemplo, ita ut verè auditores suos ædificent, & promoveant in religione & pietate. Nomine autem ligni, fœni, & stipulæ intelligatur doctrina, non quidem hæretica, vel mala, sed tamen curiosa, inutilis, supervacanea eorum prædicatorum, qui ad Catholicum populum Catholicè concionantur, sed absque eo fructu & utilitate, quam Deus requirit, ita ut sicut priores cum magno merito concionantur, ita isti non solum sine magno merito, sed etiam non sine peccatis venialibus concionentur.

Hæc expositio maximè probatur propter tria. Primò, quia (ut ostendimus) nomine ædificantium intelliguntur soli Doctores, ergo nomine operis ipsorum intelligi debet doctrina.

Secundò, quia valdè convenit hæc similitudo sic explicata Doctoribus Corinthiorum. Erant enim plus æquo dediti eloquentiæ & Philosophiæ, quæ licèt ex se juvent, tamen interdum impediunt fructum concionum; quocirca B. Paulus de utroque Corinthios in hac epistola reprehendit.

Tertiò, quia hoc totum caput optimè explanatur, si quidem B. Paulus in hoc capite tres similitudines posuit. Primam, de agricolis plantantibus & rigantibus, qua solum bonos Doctores complexus est. Secundam, de ædificantibus super bonum fundamentum, qua non solum bonos, sed etiam malos Doctores comprehendit. Tertiam, de corruptoribus templi, qua solus malos contineri voluit, & malos non quomodocumque, sed perfectè malos, ut hæ-

A reticos, errores pro veritate, & vitia pro virtutibus docentes, de quibus non dicit, quòd salvi erunt, quasi per ignem, sed quòd disperdet illos Deus.

Tertia difficultas est de die Domini. Alqui intelligunt nomine diei præsentem vitam, sive tempus tribulationis, in quo discernuntur sæpè boni à malis, ita B. Augustinus lib. de fide & operibus cap. 16. & Gregorius lib. 4. Dialog. cap. 39.

Hæc sententia non videtur ad mentem B. Pauli. Primò, quia Græcè est dies cum articulo, ἡ γὰρ ἡμέρα, ex quo apparet certum quendam & definitum diem significari, sicut 1. Timoth. 4. *Quam reddet mihi Dominus in illa die.* Et 1. Tim. 2. *Certus sum, quia potens est depositum meum servare in illum diem.* Et paulò infra: *Det ei Dominus invenire misericordiam in illa die.*

Secundò, quia præsens tempus non dicitur in Scripturis dies Domini, sed dies nostra, sicut contra, tempus alterius vitæ dicitur dies Domini, non nostra, ut Luc. 19. *Et quidem in hac die tua, qua ad pacem tibi,* Luc. 22. *Hæc est hora vestra.* Galat. 6. *Dum tempus habemus, operemur bonum.* Psal. 74. *Cum accipero tempus, ego justitias judicabo.* Sophoniæ 1. *Juxta est dies Domini magnus,* Joel. 2. *Veniet dies Domini, dies tenebrarum, & caliginis.*

Tertiò, tempore vitæ præsentis non declaratur opus uniuscujusque quale sit. Tribulationes enim communes sunt bonis & malis, justis & injustis.

C Quintò, quia omnes Doctores intelligunt hanc diem esse diem judicii; licèt enim Augustinus & Gregorius docuerint posse diem illam referri ad hanc vitam, tamen in eisdem locis docent, etiam posse intelligi de tempore futuro post hanc vitam. Verùm cum dies judicii sit duplex, una dies judicii particularis, altera dies judicii universalis, quidam, ut Cæteranus, & alii, volunt, Apostolum loqui de die judicii particularis. Primò, quoniam post hanc diem, de quo Apostolus loquitur, aliqui purgandi sunt per ignem; id verò fieri non potest post diem ultimi judicii.

Secundò, quia si hæc dies, de qua Apostolus loquitur, esset dies ultimi judicii, sequeretur nullum Sanctorum ingredi posse in cœlum ante diem judicii, qui est error damnatus in Concilio Florent. sess. ult. Consequentia probatur; Nam in hac die sunt examinanda omnia ædificia, & post examen aliqui statim coronandi, aliqui puniendi. Præterea cum nihil inquinatum interet in regnum cœlorum, si purgatio à venialibus non fieret, nisi in die ultimi judicii, omnes qui cum venialibus hinc migrant, expectare deberent eam diem, antequam in cœlum intrare possent.

D Tertiò, quia Græcus textus non habet, revelabitur, sed revelatur: ὅτι ἐν πυρὶ ἀπαλυνθήσεται, quoniam in igne revelatur. Dies autem ultimi judicii non revelatur, ergo de die judicii particularis loquitur, qui singulis diebus modò uni, modò alteri revelatur. Omnes tamen veteres videntur accepisse per illam diem, diem ultimi judicii, ut Theodoretus, Theophylactus, Anselmus, & alii, quorum mihi videtur verissima sententia, quamvis neutra repugnet Purgatorio.

E Primò, quia ubique in Scripturis dies Domini, significat diem ultimi judicii.

Secundò, quia dicitur in illa die, quo designatur una quædam certa dies, quo omnium hominum opera simul probantur; At dies judicii particularis non est una, sed multiplex, neque in ea probantur omnium hominum opera.

Tertiò, quia dicit Apostolus: *Dies Domini declarabit,* quasi dicat, tunc erunt omnia omnibus manifesta, ut capite sequenti dicit: *Donec veniat Dominus, qui illuminabit abscondita tenebrarum, & manifestabit* confi-

confilia cordium; id autem non fiet, nisi in novissimo iudicio.

Quartò, quia sequitur, *Quia in igne revelatur*. Dicitur enim dies iudicii revelari in igne, quia ultimum signum, & omnium notissimum erit conflagratio totius mundi, & propterea semper ferè dies iudicii describitur per ignem; ut Psal. 96. *Ignis ante ipsum precedet*. Joel. 2. *Ante faciem eius ignis vorax*. 2. Thesal. 1. *In revelatione Domini nostri Jesu Christi de celo, cum Angelis virtutis eius in flamma ignis*. 2. Pet. 3. *Elementa ignis ardore tabescent*. Quòd si non placeat hìc per ignem accipere ignem materiale, sed ipsum iudicium Dei, ut alii exponunt, adhuc non potest intelligi per hanc diem, nisi dies ultimi iudicii; Nam tunc sensus est, quia in igne revelatur, idest, quia illa dies erit notissima propter iudicium acerrimum, & maximum, quod in illa exercebitur; At dies iudicii particularis non est notissima propter iudicium, sed magis propter mortem; Nam ipsum iudicium particulare paucis est notum. Nec me movent argumenta in contrarium.

Ad primum dico, post iudicium novissimum non fore purgatorium, & idè illa verba: *Salvus erit, sic tamen quasi per ignem*, non significant: salvus erit, dummodo prius transeat per ignem, sed: salvus erit, dummodo prius transierit per ignem; sive: salvus erit, ut illi qui per ignem transierunt.

Ad secundum dico, si hoc concluderet, sequeretur, etiamsi Purgatorium non esset, neminem beatificari, vel damnari, ante diem iudicii; nam Scriptura passim tribuit distributionem præmiorum & pœnarum ultimo iudicio; immò & examen operum, ac sententiam iudicis, ut patet Matth. 25. & alibi. Sicut ergo sententia fertur in morte uniuscujusque, & tunc incipiunt aliqui puniri, aliqui præmiari, & tamen dicuntur hæc eadem fieri in novissimo iudicio, quia tunc fient coram toto mundo manifestissime, & cum summo honore iustorum, & ignominia impiorum, ita & examen fieri potest in morte uniuscujusque privatim, & iterum postea in ultimo iudicio publice.

Ad tertium dico, pro uno verbo quod hìc habetur in præfenti in Græco, haberi tria in futuro, nimirum *παρρη γερσεται*, *ἡμῖν δοξάσῃ*, & *πῦρ δοξάσῃ*; & valde credibile est etiam illud unum *ἀποκαλύπτῃ* in textibus correctionibus fuisse in futuro *ἀποκαλύψῃ*, quandoquidem noster interpret vertit revelabitur. Adde, quod frequentissime tempus præsens non ponitur ad significandam actionem certi temporis, sed consuetudinem, opinionem, professionem, aut aliquid simile, ut: *Virum non cognosco*, Luc. 1. ut ait B. Virgo, & Sadducæi dicebant: *Mortui non surgunt*. Et Carthusiani dicunt: *Non vescimur carnibus*. In hac difficultate dissentimus à Calvino & Martyre; nam illi intelligunt Paulum de iudicio particulari, sed nihil hoc facit ad questionem de Purgatorio.

Quarta difficultas est, quis sit ignis, qui in die Domini uniuscujusque opus probabit. Aliqui intelligunt tribulationes hujus vitæ, ut Augustinus & Gregorius locis notatis, sed hoc jam rejecimus. Alii intelligunt ignem æternum, verum id esse non potest, nam ille ignis non examinabit ædificium ex auro & argento, immò nec ædificium ex ligno & fœno, ut patet. Alii videntur intelligere ignem conflagrationis mundi, qui iudicium universale præcedet. Id quoque esse non potest, quia ille ignis non comburet nisi inimicos Dei, Psal. 96. *Ignis ante ipsum precedet, & inflammat in circuitu inimicos eius*. Ille autem, de quo Apostolus loquitur, omnes tanget, etiam eos, qui aurum & argentum superædificaverunt. Præterea ille ignis non potest probare

Controv. Card. Bellarm. Tom. II.

A opera, cum sit ignis materialis, & opera non sint nisi in mente, quia transierunt.

Alii intelligunt de pœnis Purgatorii, sed neque id rectè dici potest. Primò, quia ignis Purgatorii non probat opera eorum, qui ædificant aurum & argentum. At ille ignis de quo loquimur: *Uniuscujusque opus quale sit probabit*. Secundò, Apostolus apertè distinguit inter opera & operantes; & de isto igne dicit, quòd comburet opera, non operantes; ait enim: *Si cuius opus manserit, &c: Si cuius opus arserit*. At ignis Purgatorii, qui verus & realis est ignis, non potest opera comburere, quæ sunt actiones transeuntes, & jam transierunt.

B Denique sequeretur, omnes homines etiam sanctissimos transire per ignem Purgatorii, & salvari per ignem; nam per hunc ignem, de quo loquimur, omnes transeunt. At omnes transire per ignem Purgatorii, & salvari per ignem, est apertè falsum; nam Apostolus hìc apertè dicit solum eos, qui ædificant ligna & fœnum salvandos quasi per ignem. Ecclesia quoque perpetuò sensit sanctos Martyres & Infantes post Baptismum morientes, mox in cælum recipi sine ullo transitu per ignem, ut Concilium Florentinum docet, sess. ult. Idem etiam Sancti Patres docent. B. Hieronymus lib. 2. in Jovin. & B. Augustinus in Psalm. 37. *Si ædificarent, inquit, aurum, argentum, lapides pretiosos, de utroque igne securi essent, non solum de illo æterno, qui in æternam cruciaturus est impius, sed etiam de illo, qui emendabit eos, qui per ignem salvi erunt*.

C Superest igitur, ut dicamus hìc Apostolum loqui de igne severi & iusti iudicii Dei, qui non est ignis purgans vel affligens, sed probans & examinans. Ita exponit Ambrosius in Psalm. 118. concione 20. super illud. Vide humilitatem meam: *Omnes nos, inquit, fornax probabit, ergo quia examinandi sumus, sic nos agamus, ut iudicio probari mereamur divino, teneamus hic positi humilitatem, ut cum unusquisque nostrum venerit ad iudicium Dei, ad illos ignes, quos transaturi sumus, dicat, vide humilitatem meam &c*. Item Sedulius in hunc locum: *Examinationem iudicii, inquit, igni volui comparare secundum consuetudinem Scripturarum*; eodem modo exponunt Dionysius Carthusianus, Lyranus, Cajetanus, & alii in hunc locum.

D Quòd hæc sententia verissima sit, probatur primò, quia non aliter potest intelligi, quomodo ignis probeat eos, qui aurum & argentum ædificant.

E Secundò, quia hæc expositio optimè convenit verbis Apostoli, cum ait: *Uniuscujusque opus quale sit, ignis probabit; si cuius opus manserit, mercedem accipiet; si cuius opus arserit, detrimentum patietur*. Licet enim opera transierint ab oculis hominum, & igne materiali examinari non possint, tamen non transierunt ab oculis Dei, sed, ut dicitur Eccles. ult. *cuncta qua sunt adducet Deus in iudicium, & ea examinabit, & si cuius opus manserit, idest, si cuius opus iudicium Dei sustinere potuerit, sicut aurum sustinet ignem, mercedem accipiet, probabitur, & coronabitur à Deo; si cuius opus arserit, idest, si cuius opus iudicium Dei non sustinuerit, sicut fœnum & stipula non sustinent ignem, detrimentum patietur, reprobitur & rejicietur*.

F Tertio, quia iudicium Dei rectissime vocatur ignis, cum sit purissimum, celerrimum, efficacissimum, & maxime penetrativum; unde Dan. 7. *Fluvius igneus egredietur de ore eius*. Et quoniam Deus totus est iustitia, totus iudicium, inde etiam in Scripturis vocatur ignis, Malach. 3. *Ipse quasi ignis conflans*. Et Hebr. 12. *Etenim Deus noster ignis consumens est*. Et in hoc non dissentimus à Calvino & Martyre.

Quinta & ultima difficultas est, quid per ignem intelligatur, cum ait: *Ipse autem saluus eris, sic tamen quasi per ignem*. Aliqui intelligunt tribulationes huius vitæ. At hoc non potest convenienter dici, quia tunc etiam qui ædificant aurum & argentum, salvarentur quasi per ignem. Quocirca B. Augustinus & Gregorius, qui sunt auctores huius sententiæ, cum in ea non acquiescerent, etiam aliam posuerunt, de qua infra dicemus. Alii intelligunt ignem æternum, ut Chrysostomus & Theophylactus, sed hoc jam refutavimus. Alii ignem conflagrationis mundi. Id quoque dici non potest, propter rationes antea positas; & præterea, quia sequeretur eos qui habent peccata venialia, non posse ad beatitudinem pervenire ante diem iudicii; nec enim intrabit in coelum aliquid coinquinatum.

Calvinus & Martyr, Ochinus & Lutherus art. 37. intelligunt per hunc ignem iudicium Dei, quod doctrinam veram approbat, falsam confutat, sicut ignis perficit aurum, consumit foenum. Dicunt autem hoc iudicium fieri, dum quis convertitur, & præcipue in hora mortis, tunc enim illustrantur multi, & sic intelligunt se deceptos, & iacturam fecisse doctrinæ suæ, & confunduntur etiam, & erubescunt, & sic per ignem salvi fiunt. Addit Martyr se non dubitare, quin B. Bernardus, B. Franciscus, B. Dominicus, & alii Patres hoc modo salvi facti sint, quia nimirum in morte à Deo illustrati intellexerunt, & damnaverunt errores suos de Monachatu, de Misia &c.

At contra; Primò, quia istud iudicium fit solum in morte, adhuc vivente homine, vel potest fieri etiam post mortem: si potest fieri etiam post mortem, ergo post mortem fiet aliqua remissio & purgatio peccati, saltem per illam confusionem, & poenitentiam, quod ipsi nullo modo admittunt, hoc enim esset genus quoddam Purgatorii: si autem solum in ipsa morte fit hoc iudicium, peto, quomodo agetur cum illis, qui superædificaverunt lignum, foenum, stipulas, & moriuntur repente, ita ut non habuerint tempus poenitentiae? Isti enim non salvantur quasi per ignem, qui non habuerunt ignem istum iudicii, & refutationis suorum errorum, nec tamen possunt damnari ad Gehennam, quia habuerunt Christum in fundamento, & Paulus de omnibus talibus pronunciat, quod salventur. Nec possunt etiam salvari, nisi admittatur purgatorium, quia cum decesserint in peccato cum suis stipulis & foeno, non possunt salvari nisi per ignem.

Secundò, ignis iste, de quo Paulus loquitur, afficiet poena propriè & verè, præter iacturam ipsorum operum, & confusionem, quæ inde oritur, ergo illud iudicium confutans errores, non est ignis de quo hic agitur. Probatur antecedens primò ex illo verbo, *ipsum detrimentum patietur*. Græcè *ζημιωθήσεται* mulctabitur, dabit poenas. Nihil enim est apud Græcos frequentius quàm *ζημιωθῆναι* barbare morte mulctari; Item ex illo, *salvus eris quasi per ignem*, similitudo transeuntis per ignem significat poenam, ac dolorem; qui enim transiret per ignem sine ulla læsione, non diceretur transire per ignem, quasi per ignem, sed quasi per flores, ut de sancto Tiburtio legimus.

Tertiò, quia Apostolus opponit hunc transitum per ignem mercedi, sicut enim dixerat: *Si cuius opus manserit, mercedem accipiet*, ita nunc dicit, *si cuius opus arserit, detrimentum patietur*, & : *salvus eris quasi per ignem*. At illa merces significat aliquid præter ipsum bonum opus, & præter lætiam, quam ex se affert bonum opus. Non enim diceret, mercedem accipiet, si nihil aliud esset merces, quàm id quod ex se habebat, qui ædificavit

A aurum &c. ergo etiam detrimentum; & transitus per ignem ejus, qui superædificavit stipulam, est aliqua poena præter iacturam operum, & præter confusionem, quam ex se affert.

Quartò, quia illud iudicium confutans errores, non adfert detrimentum, sed lucrum; nam est illustratio quædam mentis, ut ipsi dicunt, & veritatis cognitio; & sicut qui habet auricalchum putans esse aurum, non existimat detrimentum, si quis ei auricalchum illud auferat, & aurum verum donet; ita qui habebat errores in mente & per divinam illustrationem discit veritatem, non detrimentum patitur, sed lucrum acquirit. At Paulus dicit: *Detrimentum patietur*, ergo &c.

B Quintò, quia sequeretur, omnes qui salvantur, salvari quasi per ignem, contra Apostoli distinctionem; nam etli Paulus hic solum agat de peccatis, quæ committuntur in docendo, tamen eadem est ratio omnium aliorum peccatorum. Sicut enim Deus iudicabit doctrinam, ita etiam opera omnia. At secundum Calvinum, & Lutheranos omnes, omnia opera nostra, quamvis iustissima videantur in oculis hominum, tamen peccata sunt in oculis Dei, nec ferre possunt iudicium divinum, sed arguentur eo modo planè, quo falsa doctrina, quare si ignis, de quo Paulus loquitur, est iudicium Dei, omnes salvabuntur quasi per ignem. Nec valet responsio, quod iustorum opera non sint arguenda, quia sunt tecta per non imputationem, impiorum autem qui non sunt per fidem iustificati, arguenda sint; nam Paulus cum dicit: *Salvus eris quasi per ignem*, loquitur de iustis, qui ædificaverunt stipulas, retento vero fundamento, idest, vera fide in Christum.

C Quod autem Martyr ait de Beatis, Bernardo & Dominico & Francisco, impudentissimum est mendacium. Illi enim usque ad ultimum spiritum commendaverunt suis perseverantiam in Monasterio, & obedientiam Romanæ Ecclesiæ. De S. Francisco scribit D. Bonaventura, cap. 14. vitæ ejus: *Hora, inquit, transitus sui propinquante, fecit fratres omnes existentes in loco ad se vocari, & eos consolatoris verbis pro sua morte demulcens, paterno affectu ad divinum est hortatus amorem, de patientia, & paupertate, & sancta Romana Ecclesia fide servandis sermonem protulit; & insuper adjecit: valete filii omnes in timore Domini, & permanete in eo semper; & quantum futura tentatio & tribulatio appropinquat, salutes qui perseverabunt in his, quæ ceperunt, ego vero ad Deum propero, cuius gratia vos omnes commendo.* Hæc est Palinodia scilicet, quam somniat Pseudomartyr Petrus.

D Est igitur communis Theologorum sententia, nomine ignis hoc loco intelligi poenam aliquam purgatoriam, & temporalem, ad quam post mortem adjudicantur, qui in iudicio particulari inveniuntur ædificasse lignum, foenum, aut stipulam. Hæc expositio præterquam quod optimè convenit textui, satis probatur ex communi consensu Patrum. Latini omnes hoc docent Cyprianus lib. 4. epist. 3. ad Antonianum: *Aliud est, inquit, ad veniam stare, aliud ad gloriam pervenire; aliud missum in carcerem non exire, donec solvat novissimum quadrantem; aliud statim fidei, & virtutis accipere mercedem, aliud pro peccatis longo dolore cruciatum emendari, & purgari diu igne; aliud peccata omnia passione purgasse.* Hic B. Cyprianus non meminit apertè huius loci B. Pauli, sed tamen cum nusquam in Scriptura fiat mentio ignis, ubi apertè de Purgatorio agitur, nihil dubium est, quin B. Cyprianus ad hunc locum respexerit.

E Ambrosius in hunc locum: *Sed cum, inquit, Paulus dicit (per tamen quasi per ignem) ostendit quidem*

dem illum saluum futurum, sed penas ignis passurum, ut per ignem purgatus fiat saluus, & non sicut perfidi aeterno igne in perpetuum torqueatur. Idem habet serm. 20. in Psalm. 118.

Hieronymus in 4. caput Amos, exponens illud, Facti estis sicut torris raptus de incendio: Juxta illud, inquit, quod in Apostola legimus, Ipse autem saluus erit quasi per ignem; qui ergo saluatur per ignem, quasi torris de incendio rapiatur. Idem docuit in ultimis verbis ultimi libri super Iaiam, & lib. 2. in Jovinianum ultra medium.

Augustinus in Psalm. 37. In hac vita, inquit, purges me, & talem me reddas, cui jam emendatorio igne opus non sit. Et infra explicans locum Apostoli: Dicitur, inquit, saluus eris quasi per ignem, & quia dicitur, saluus eris, contemnitur ille ignis, ita plane quamvis salui per ignem, gravior tamen est ille ignis, quam quidquid potest homo pati in hac vita.

Gregorius lib. 4. Dialogorum, cap. 39. Quamvis hoc (inquit, explicans hunc locum 1. Cor. 3.) de igne tribulationis in hac vita nobis adhibita possit intelligi, tamen si quis hoc de igne futura purgationis accipiat, pensandum sollicitè est, quia illum per ignem dicit saluari, non qui super hoc, ferrum, as, vel plumbum adificat, idest, peccata majora, & idcirco duriora, atque tunc jam insolubilia, sed lignum, fœnum, stipulam, idest, peccata minuta, atque levissima, qua ignis facile consumit. Alcuinus lib. 3. de Trinitate. Rupertus in 3. cap. Genes. exponens illud, quod ibi dicitur de gladio flammeo, & versatili. Magister in 4. dist. 21. & cum eo B. Bonaventura, & alii Scholastici. Item B. Anselmus, Haymo, & Beatus Thomas in hunc locum. Denique Innocentius III. in Psalmum 37. & omnes Latini recentiores sic exponunt.

Ex Græcis habemus in primis Origenem apertissime hoc docentem, hom. 6. in Exod. & homil. 14. in Levit. & hom. 12. in Hieremiam. Homil. 6. in Exod. sic ait: Sed & illuc cum convenitur, si quis multa opera bona & parum aliquid iniquitatis attulerit, illud parum tamquam plumbum igne resolvitur & purgatur &c. Præterea Oecumenium in hunc locum, qui etiam testatur Basilium hunc locum intellexisse de igne purgatorio; Adducit etiam B. Thomas in opusculo primo contra Græcos, Theodoretum explicantem hunc locum his verbis: Hunc credimus ignem purgatorium, quo purgantur anime, ut aurum in conflatorio. Gagneus vero eandem Theodoreti sententiam ex Græcorum scholiis Græcis verbis ita citat: τοῦτο τὸ πῦρ πωρίσματος καθαρῶν ἐν ᾧ καθρίζονται οἱ αἱ ψυχαὶ, καθὰ τὸ χρυσὸν ἐν τῷ χαυτηρίῳ.

At contrà obijciunt, primò, absurdum esse, quòd Apostolus in eadem sententia variè accipiat nomen ignis semel pro judicio, & semel pro vero igne purgatorio.

Respondeo primò, nos cogi ab ipso textu ad æquivocationem non unam; sed duas admittendas; nam cum dicit diem judicii manifestari per ignem, videtur omnino loqui de igne conflagrationis; cum addit, cujusque opus ignis probabit, non potest loqui de igne materiali, qui non potest probare opera quæ transierunt; rursum cum secundo isto igne dicat Apostolus omnia opera examinanda; tertio vero, non opera, sed operarios, & eos non omnes, sed eos solum, qui ædificant lignum, fœnum, stipulam; necessariò diversi ignes esse debent. Nec tamen propriè æquivocatio, sed elegans allusio mihi videtur esse in verbis Pauli. Hic enim est sensus totius hujus loci: Dies Domini per ignem conflagrationis declarabitur, & sicut ipsa dies per ignem declarabitur; ita eadem dies manifestabit per ignem, nimirum judicii, uniuscujusque opus; & sicut opera per ignem manifesta-

Controv. Card. Bellarm. Tom. II.

buntur, ita etiam operarii, qui purgatione egebunt, per quendam ignem purgabuntur.

Secundò dico, non esse insuetum B. Paulo in eadem sententia uti variè aliquo nomine; variè enim accipit vocem peccati, cum ait 2. Corinth. 5. Eum qui non noverat peccatum, pro nobis peccatum fecit. Et Rom. 8. De peccato damnavit peccatum.

Tertio dico, quòd si quis omnino non vellet significationum varietatem admittere, sed ubique acciperet ignem pro judicio, adhuc non efficeret, quin ex hoc loco Purgatorium statueremus. Tunc enim hic esset sensus: Si cujus opus arserit, detrimentum patietur, ipse autem saluus erit, sic tamen quasi per ignem, idest, si cujus opus judicium Dei sustinere non poterit, opus quidem reprobabitur, ipse verò saluus erit, sed sic tamen quasi is, qui per ignem divini judicii transiit, quòd judicium cum sit justissimum, omnino aliqua poena eum affecit.

Obijciunt secundò particulam, quasi, quæ non veritatem, sed similitudinem significare solet. Respondeo, particulam, quasi, similitudinem significare non ignis, quasi ignis ille non sit verus, sed phantasticus, sed transiens per ignem, ita ut sit sensus: Ad salutem perveniet, qui ædificavit fœnum, sed ad eum modum perveniet, quo pervenit ad aliquem locum is, qui transiit per ignem, sicut dicitur Joannis 1. Vidimus gloriam ejus, gloriam quasi unigeniti à Patre, idest, vidimus eum gloriosum ad eum modum, quo decet gloriosum esse filium Patris unigenitum.

CAPUT VI

Tertius locus est, 1. Cor. 15. Quid facient qui baptizantur pro mortuis, si mortui non resurgunt? ut quid baptizantur pro illis? Hic locus apertè convincit, quòd volumus, si bene intelligatur, idèò breviter eum expendamus. Sex invenio hujus loci expositiones.

Prima est, quòd Apostolus probet futuram resurrectionem, ex errore quorundam, qui Baptismum suscipiebant nomine alicujus amici sui defuncti sine Baptismo; existimabant enim, quòd sicut orationes & jejunia vivorum prosunt defunctis, ita & Baptismus prodesset. Ita exponunt Tertullianus lib. 5. in Marcionem, & libro de resurrectione, Ambrosius, Anselmus, & Haymo; secundum quam expositionem colligitur oratio pro defunctis ex hoc loco, quia docent isti Patres, quòd Apostolus, licet non probet errorem istorum, tamen probat intentionem, quam habebant juvandi defunctos, & ex ea argumentatur; si igitur Apostolus probat intentionem juvandi mortuos, certè reprobari non potest, nec debet ab ullo Christiano; tamen non puto veram hanc expositionem.

Primò, quia Apostolus debuisset saltem insinuare hunc esse errorem, ne daret occasionem errandi. Secundò, quia non solidè argumentaretur Apostolus; posset enim responderi, non bene probari resurrectionem ex eo, quòd ita credant quidam errantes. Sicut enim errant in eo, quòd baptizant unum pro alio, sic possunt errare in eo, quòd credunt futuram resurrectionem. Tertio, quia nullus veterum historicorum tradit hunc errorem tempore Apostolorum fuisse; tribuit enim Phylaster hunc errorem Montanistis qui 100. annis post obitum S. Pauli exorti sunt, eandem tribuunt Chrysostomus & Theophylactus, ubi suprà, Marcionistis, qui etiam post obitum Pauli 80. annis incepterunt; denique Epiphanius hæresi 28. hoc tribuit Cherinthianis, quorum secta 20. annis post obitum Pauli orta est. Adde

T 3

quod

Chrysostomus & Epiphanius, non ipsi Marcion & Cherinthe, sed posteritati eorum hunc errorem tribuunt, & merito. Alioqui enim quomodo Irenaeus & Tertullianus hunc errorem non refutassent, qui diligentissime refutarunt omnes errores Cherinthae & Marcionis. Dicit quidem Tertullianus, hunc errorem fuisse tempore Apostolorum, sed non habet nisi hunc. Itaque merito Chrysostomus & Epiphanius & Theophylactus, hanc expositionem ut falsam rejiciunt.

Alteram expositionem est, quod Apostolus nomine mortuorum intelligat peccata, cum dicit, qui baptizantur pro mortuis, quasi dicat: Quid facient, qui baptizantur pro mortuis, id est, pro peccatis diluendis? ita Sedulius, & B. Thomas in hunc locum Apostoli.

At contra; Primò, quia Apostolus subdit: *Si mortui non resurgunt, ut quid baptizantur pro illis* nimirum hominibus mortuis, qui non resurgunt; itaque clare docet, se non de peccatis, sed de hominibus agere. Non enim vult probare, quod peccata resurgant, sed quod homines resurgant. Secundò, quia tota vis argumenti perit, si dicatur, quid facient qui baptizantur pro peccatis diluendis, si mortui non resurgunt? Posset enim responderi, multum prodesse diluere peccata, etiam si mortui non resurgant, quia bonum est in hac vita frui testimonio bonae conscientiae. Tertio, quia peccata non dicuntur mortua, nisi quando sunt deleta, & extincta, non ergo Paulus nomine mortuorum intelligit peccata, quae adhuc delenda sunt.

Tertia expositio est, baptizari pro mortuis, esse, baptizari simpliciter Baptismo Christi, sed ideò dici baptizari pro mortuis, qui baptismum suscipiunt, quia antequam baptizentur, recitant Symbolum, in quo est unus articulus, *Carnis resurrectionem*, ita illud *pro mortuis*, significet pro spe resurrectionis, vel pro corporibus mortuis, id est, in eum finem, ut corpora nostra quae moritura sunt, aliquando immortalia resurgant. Ita Chrysostomus, Oecumenius & Theophylactus, sed certè dura & violenta expositio est.

Primò, quia non diceret Apostolus: *Quid facient qui baptizantur pro mortuis*, sed, quid facimus qui baptizamur pro mortuis? Non enim quidam, sed omnes sic baptizantur. Apostolus autem de quibusdam tantum loquitur, ut patet tum ex forma verborum, tum ex eo quod sequitur, ut quid & nos periclitamur tota die? Secundò, quia inauditum est, ut nomine mortuorum intelligatur spes resurrectionis, vel corpora mortua, cum in Graeco sit *νεκρῶν*, in genere masculino, & corpora sint generis neutri *σώματα*. Tertio, quia si ideò diceremur baptizari pro mortuis, quia recitamus articulum de mortuorum resurrectione, etiam possemus dici baptizari pro Deo Patre, & pro Christo, & pro Spiritu sancto, & pro Ecclesia, quia haec omnia recitamus in Symbolo. Quarto, quia Apostolus videtur omnino nomine mortuorum, homines mortuos intelligere, & nihil aliud, cum enim ait: *Si mortui non resurgunt, ut quid baptizantur pro illis* quid possumus intelligere per vocem, *illis*, nisi illis mortuis, qui non resurgunt?

Quarta expositio est, baptizari pro mortuis esse baptizari Baptismo Christi; dici autem Baptismum pro mortuis, quia dum baptizamur, agimus & representamus personam mortui, dum mergimur in aquam; & resurgentis, dum surgimus ab aquis, & sic profiteamur resurrectionem, & ex hac professione Apostolus probat futuram resurrectionem. Ita exponunt Theodoretus & Cajetanus.

At contra; Primò, quia neque Hebraicè, neque

A Graecè, neque Latinè, agere pro aliquo, significat eum representare, sed agere loco ejus, vel in ejus utilitatem. Quis unquam dixit de agente in theatro personam Davi, aut Pamphili, ille egit pro Davo, aut pro Pamphilo?

Secundò, quia qui baptizantur, representant mortem Christi, & simul mortem suam, ut patet ex Apostolo, Rom. 6. *Quotquot baptizati sumus in Christo Iesu, in morte ipsius baptizati sumus, consepulti enim sumus cum illo per Baptismum &c.* Itaque baptizari pro mortuis, erit baptizari pro se, & pro Christo, quod absurdissimum est. Nec in Scripturis unquam reperitur baptizari pro Christo, sed solum baptizari in Christo, vel in ejus nomine, ut patet Roman. 6. Gal. 3. Act. 10. & 19.

B Tertio, quia argumentum Apostoli nullum esset; nam ex eo quod qui baptizatur, agit personam mortui, non sequitur quod profiteatur resurrectionem. Debuisset ergo Apostolus dicere: Quid facient qui baptizantur pro suscitatis, vel pro mortuis, & suscitatis? sed etiam si hoc dixisset, adhuc leve esset argumentum ejus, quia posset responderi, in Baptismo representari resurrectionem, non carnis à morte, sed animae à peccato. Id enim Apostolus significat Rom. 6. *Ut in novitate vitae ambulemus*. Et Colos. 3. *Si consurrexistis cum Christo, qua sursum sunt querite*.

C Quinta expositio est Epiphani, haeresi 28. quam adfert Petrus Martyr, quod Paulus loquatur de Baptismo eorum, qui baptizabantur in lecto, cum essent in extremis, qui olim dicebantur Clinici, & quos Cyprianus festivè opponit Peripateticis lib. 4. epist. 7. ad Magnum, quod nimirum Clinici non ambulent, sed hæreant lecto affixi; *κλινὴ* enim lectum significat. Volunt ergo quidam hunc esse Apostoli sensum: Quid facient qui baptizantur pro mortuis, id est, qui baptizantur quando habentur magis pro mortuis, quam viventibus, & quando certum est eos non baptizari pro ullo commodo hujus vitae, cum pro mortuis habeantur.

D Hæc expositio refellitur. Primò, ex illis verbis, ut quid baptizantur pro illis? nam dicere debuisset, ut quid baptizantur pro se, non pro illis; Secundò, quia illud, pro mortuo, non potest dici, nisi in iis actionibus quae fiunt circa mortuos. Verbi gratia, rectè dicimus, ille cecidit ex loco edito, & pro mortuo sublatus fuit, vel pro mortuo lotus, sepultusque fuit, etiam si viveret. At non rectè dicitur, ille ambulabat, vel comedebat, vel loquebatur pro mortuo. At baptizari est vivorum non mortuorum; non ergo rectè dicitur baptizari aliquem pro mortuo, etiam si agat in extremis, sed potius deberet dici baptizari pro vivo, etiam si ferè sit mortuus.

E Est igitur sexta expositio vera & germana, quod Apostolus loquatur de Baptismo lachrymarum & poenitentiae, qui suscipitur orando, jejunando, eleemosynas faciendo &c. Et sensus sit: *Quid facient qui baptizantur pro mortuis, si mortui non resurgent*, id est, quid facient qui orant, jejunant, gemunt, affligunt se pro mortuis, si mortui non resurgunt? ita exponunt Ephrem in suo testamento, Petrus Cluniacensis in lib. contra Petrobrusianos, Dionysius, Hugo, Gagneus, & alii in hunc locum.

Hæc expositio verissima est. Primò, quia baptizari passim in Scriptura & Patribus accipitur pro affligi, ut Marc. 10. *Potestis bibere calicem quem ego bibiturus sum, & Baptismo quo ego baptizor baptizari?* Luc. 12. *Baptismo habeo baptizari*. Patres passim vocant poenitentiae afflictionem Baptismum laboriosum, & secundam tabulam. Cyprianus in sermone de coena Domini: *Lachrymis*, inquit, *se baptizat*. Et in Proce-

mio lib. de exhortatione martyrii, mori pro Christo, frequenter vocat Baptisma; & Gregorius Nazianzenus oratione de Epiphania: *Scio, inquit, quantum Baptisma, quod per martyrium, & sanguinem fit, scio & quantum, lacrymarum & penitentia.*

Secundò, quia ipsa poena Purgatorii à Scriptura & Patribus vocatur Baptisma; nam quod legimus Matth. 3. *Ipsè vos baptizabit in Spiritu sancto & igni.* B. Hieronymus exponit in Spiritu sancto, in hac vita, igne verò, in futura; sicut ante eum exposuerat B. Basilius lib. de Spiritu sancto, cap. 15. & post eos Beda in cap. 3. Lucæ. Item Gregorius Nazianzenus in fine orationis de Epiphania, vocat ignem Purgatorii in alia vita, ultimum Baptisma. Itaque elegantissimè Apostolus dixit, eos baptizari pro mortuis, qui affligentes se oratione & jejuniis, lumunt in se partem illius Baptismi ignei, quo animæ baptizantur in Purgatorio.

Tertiò, quia hæc expositio maximè quadrat cum sequentibus: *Ut quid & nos periclitamur tota die?* quasi dicat; Cur quidam se affligunt orando pro mortuis, & ego affligo me prædicando Evangelium, si mortuorum resurrectio non est?

Quartò, quia ista sententia eadem est cum illa; 2. Machab. 12. si mortui non resurgunt, superfluum est & vanum orare pro mortuis.

At contra hanc expositionem duo argumenta obijciuntur. Primum est, quia non debuisset Apostolus dicere, quid facient qui baptizantur pro mortuis, sed quid faciemus qui baptizamur pro mortuis; nam omnes Christiani orant pro mortuis. Respondeo, Apostolus argumentari voluit non à consuetudine Christianorum, quæ tamquam nova rejici potuisset ab incredulis, sed à consuetudine Judæorum, qui more veteri, & secundum scripturarum exempla orabant & jejunabant pro mortuis, quasi dicat: Quid facient illi qui imitantes antiquos Patres jejunant, & orant, ac se affligunt pro mortuis, si mortui non resurgunt?

Secundum argumentum est, quia non videtur bene probari mortuorum resurrectio, ex eo, quod oratur pro mortuis, quia oratur non ut resurgant, sed ut à poenis illis liberentur, atque ad requiem transcant. Respondeo, questionem de resurrectione & de immortalitate animarum ita fuisse conjunctas tempore Apostolorum, ut pro una haberentur, ut supra ostendimus, cum testimonium ex libris Machabæorum exponeremus. Sive igitur hanc expositionem sequamur, quæ nobis verissima videtur, sive primam, quæ melior est cæteris tribus, apertè colligitur oratio pro defunctis.

C A P U T VII

Quartus locus est, Matth. 5. & Luc. 12. *Esse consentiens adversario tuo citò dñm es cum eo in via, ne forte tradat te adversarius judici, & iudex tortori, & mittaris in carcerem. Amen dico tibi, non exies inde, donec reddas novissimum quadrantem;* exponendum est quid sit via, quid adversarius, quid iudex, quid tortor, quid carcer, quid quadrans.

De primo Chrysostomus in cap. 5. Matth. docet, viam hinc accipi propriè pro vera via, qua itur ad judicem in hoc mundo; Chrysostomus enim existimat nullam hinc esse parabolam, sed Dominum ad literam terrere dissidentes comminatione humani periculi, ita ut etiam iudex intelligatur homo, tortor, homo, carcer materialis hujus vite, & quadrans verus nummus æreus. Quo etiam modo contendit Ochinus esse hunc locum exponendum. De qua explanatione duo dico.

Controv. Card. Bellarm. Tom. 11.

A Primò, eam simpliciter non esse probabilem, tum quòd repugnent omnes alii expositores, Origenes, Cyprianus, Hilarius, Ambrosius, Hieronymus, Augustinus, Beda, Anselmus, & recentiores, Abulensis, Lyranus, Cajetanus, Jansenius, & alii, qui omnes docent, hinc viam significare vitam præsentem, ut cum dicitur: *Beati immaculati in via,* Psalm. 118. & magna ex parte hunc sermonem esse metaphoricum; tum etiam quòd non soleat Dominus tam seriò docere & instruere humanam prudentiam, cum ipse sæpè testatus sit, filios hujus sæculi prudentiores esse filiis lucis. Adde, quòd non tam assertivè Dominus diceret: *Amen dico tibi, non exies inde, donec reddas novissimum quadrantem;* si loqueretur de humano judicio, cum sæpè videamus contrarium accidere, ut rei liberentur favore alicujus, vel per se fugiant & nihil solvant.

B Dico secundò, si Chrysostomi sententia recipi debeat, ut probabilis, solùm recipi posse pro iis verbis quæ habentur Matthæi 5. quæ ipse exponit; pro iis autem quæ habentur Lucæ 12. nullo modo recipi posse, ut enim Ambrosius rectè notavit, his Dominus hæc verba loquutus est, diversisque oblatiis occasionibus. Nam Matthæi 5. dixit hæc verba, cum loqueretur de amore inimicorum, & de injuriis condonandis, & ideo tolerari utcumque expositio Chrysostomi potest. At Lucæ 12. Dominus loquitur de judicio futuro; dicit enim: *Sint lumini vestri præcuncti.* Et postea: *Vigilate quia quæ hora non putatis, Dominus veniet.* Et in fine concludit: *Cum ergo vadis cum adversario tuo ad Principem.* Ubi apertè ostendit se loqui de futuro judicio, quod erit post hanc vitam, quod etiam confirmatur ex verbis immediate præcedentibus, ait enim: *Quid autem & à vobisipso non iudicatis quod iustum est? Cum enim vadis cum adversario tuo.* Vult enim eos admonere, parabolam hanc sumptam ex iis quæ homines facere solent; nam debitores, dant omnem operam liberandi se à creditore antequam ad iudicium veniatur. Quocirca Theophylactus, & Euthymius qui in cap. 5. Matth. sequuntur Chrysostomum, tamen in cap. 12. Lucæ dicunt rectè intelligi per viam, vitam, per judicem, Deum &c.

C Desecundo, etsi parum refert, quod attinet ad nostrum propositum de Purgatorio, quis sit adversarius, quia tamen res est dignissima cognitione, explicemus breviter. Quidam per adversarium intelligunt Diabolum, ut Origenes hom. 35. in Lucam; Ambrosius, Euthymius, & Theophylactus in c. 12. Lucæ, & Hieronymus in epist. 8. ad Demetriadem. Neque Hieronymus hanc sententiam reprehendit in commentario Matth. 5. cum ait: *Quidam coactius differunt &c.* Nam illud, *Coactius*, est error impressorum, & debet legi, *Cautius*.

D Si petas quomodo debemus esse consentientes Diabolo, cum è contrario jubeamur illi resistere? Respondet Hieronymus, debere nos consentire illi, quatenus tenemur stare pactis cum ipso initis in Baptismo; tunc enim renunciavimus Diabolo, & pompis ejus; si enim rursus appetamus & invadamus pompas ejus, quibus renunciavimus, meritò nos coram Domino accusabit. Hæc opinio non est multum probabilis, & ab August. refellitur lib. 1. de sermone Domini in monte, cap. 23. nam Græca vox est *ὑπομῆναι*, idest, Benevolus, & concors, at Diabolo non possumus esse benevoli, deinde cum ipse cupiat ut concupiscamus pompas ejus, & ad hoc nos tentet, tunc esseimus consentientes illi, si appeteremus ejus pompas, & Deum offenderemus.

Alii exponunt per adversarium, carnem; sed refelluntur meritò ab Augustino, cum non possit juberi spiritui ut consentiat carni, cum hoc peccatum sit.

sit. Alii intelligunt spiritum per adversarium, cui caro iubetur consentire. Refellit hoc Hieronymus, quia non est credibile spiritum traditurum iudici suam carnem; neque ibit in carcerem caro sine spiritu, sed vel solus spiritus, vel spiritus & caro. Alii per adversarium, saltem apud Lucam, intelligunt peccatum, quia Lucas dicit: *Da operam liberari ab eo*, ita Ambrosius, sed non est probabile; nam liberari ab adversario, non est ab illo fugere, vel illum extinguere, sed componere cum illo, ut patet tum ex Matthæo, tum ex verbo *ἀντίδικος*, idest, litigator, sive actor. Alii intelligunt per adversarium, alterum hominem, qui nimirum nos læsit, aut nos illum; ita Hilarius, Anselmus, & Hieronymus in caput Matthæi 5. Quæ sententia etsi probabilis est, quantum ad locum Matthæi, tamen eam refellit Augustinus loco citato. Primò, quia videtur hic Dominus loqui de adversario qui semper nobiscum est in via, & cum quo semper possumus concordare, dum via durat: at adversarius homo sæpè moritur ante suum adversarium, & illum deserit in via. Nec tamen dicendum est, non posse iustum, qui est in via, per poenitentiam salvari, licet non possit cum adversario consentire.

Secundò, quia non propriè unus homo tradet alterum Deo iudici; vel saltem multa sunt alia: quæ magis propriè dicantur tradere, ut dicemus, præsertim quia vox Græca est *ἀντίδικος*, quæ non significat adversarium ratione injuriæ, sed ratione litis, idest, actorem, sive accusatorem.

Est ergo verissima expositio, adversarium esse Dei legem, sive Deum ipsum, quatenus præcipit contraria carni, sive conscientiam, quæ Dei legem semper objicit peccanti; hæc enim ferè in eum coincidunt, ita exponunt Ambrosius, Beda, & Bonaventura in cap. 12. Lucæ. Item Anselmus, & Augustinus in c. 5. Matthæi, necnon idem Augustinus homil. 1. de verbis Domini, homil. 5. in lib. 50. homiliarum, & in libro de decem chordis, cap. 3. Gregorius homil. 39. & Bernardus serm. 85. in Cantica. Nam lex Dei & conscientia nostra semper sunt nobiscum in via, semper adversantur pravis desideriis, usque utilissimum est citò consentire, & ab eorum inimicitia liberari, denique accusatores & testes erunt contra nos in iudicio.

Unum solum ob stare videtur huic expositioni, quod Matth. 5. immediatè ante hanc parabolam Dominus loquebatur de reconciliatione adversarii hominis. Respondeo, Dominum posteaquam docuit debere hominem homini reconciliari, monere voluisse hac parabola, ut etiam recordaretur reconciliari cum Deo sive cum ejus lege. Præterea, etiam si probabile sit propter eam rationem, Matthæi 5. per adversarium intelligi hominem, tamen Lucæ 12. non possumus intelligere nisi legem Dei, aut conscientiam; unde Cajetanus qui Matthæi 5. exposuit de homine, Lucæ 12. exposuit de conscientia.

De tertio, conveniunt omnes, iudicem esse Christum; nam Scripturæ passim hoc docent, & præcipuè Joan. 5. *Pater omne iudicium dedit filio.*

De quarto, Ambrosius in cap. 12. Lucæ, & Augustinus lib. 1. de sermone Domini in monte, cap. 21. intelligunt per ministros, Angelos bonos. Gregorius homil. 39. & Theophylactus in 12. Lucæ, intelligunt Dæmones, utrumque est probabile.

De quinto, conveniunt similiter omnes carcerem esse infernum, in quo tamen multæ sunt mansiones, aliæ pro damnatis, aliæ pro his, qui purgantur. Existit olim absurdissima hæresis Carpocratis, ut refert Irenæus lib. 1. cap. 24. qui dicebat, debere unumquemque exerceri in omni genere flagitiorum, & ideo animas à corpore, quasi à carcere

A abeuntes examinari à iudice, & nisi omnia flagitia patrassent, rursus remitti in aliud corpus tamquam in carcerem, & toties id fieri, donec per omnia omnino flagitia transissent, & hoc voluisse Dominum dicere cum ait: *Non exies inde donec reddas novissimum quadrantem.* Sed absurdior est sententia, quam ut refutari debeat.

De sexto, conveniunt etiam ferè omnes, per novissimum quadrantem intelligi minuta peccata, quadrans enim est minima moneta. Quod enim Augustinus dicit, ultimum quadrantem significare peccata terrena, quia terra est ultimum elementum, nimis durum, & coactum videtur, quia tamen non vult dicere Dominus, solum quadrantem solvendum, sed totum debitum usque ad ultimum quadrantem, dubium manet, an hæc solutio fiat in Gehenna, an in Purgatorio. Augustinus putat hic agi de poenis æternis Gehennæ, & ideo dicit, illud: *Donec reddas*, non significare certum tempus, sed æternitatem, sicut cum dicitur Matth. 1. *Non cognovit eam donec pareret filium suum.* Et Psalm. 109. *Sede à dextris meis, donec ponam inimicos tuos scabellum pedum tuorum.* Et 1. Cor. 15. *Oportet illum cælum suscipere, donec omnia subiciantur pedibus ejus.* Non enim licet colligere, ergo postquam Maria peperit, cognovit eam Joseph &c.

C Alii, ut Albertus & Cajetanus exponunt de Gehenna, & purgatorio simul, ut sensus sit, si debitum erit insolubile, numquam exibis; si erit solubile, exibis, cum totum exactè solveris; alii intelligunt de solo Purgatorio, nempe ii, quos statim citabimus.

Tertia hæc sententia est omnium verissima. Probatum primò, quia hoc modo hunc locum intellexerunt vetustissimi Patres. Tertullianus libro de anima, cap. 17. *Ille te in carcerem, inquit, mandat infernum, unde non dimittaris, nisi modico quoque delicto mora resurrectionis expenso.* Ubi nota, solum esse manendum in carcere Purgatorii ad summum, usque ad resurrectionem.

D Cyprianus lib. 4. epist. 2. *Aliud est ad veniam stare, aliud ad gloriam pervenire; aliud missum in carcerem non exire inde, donec solvas novissimum quadrantem; aliud statim fidei & virtutis accipere mercedem: aliud pro peccatis longo tempore cruciatum emendari, & purgari diu igne: aliud peccata omnia passione purgasse.*

E Origenes homil. 35. in Lucam: *Quod si magnam pecuniam debuerimus, sicut ille, qui scribitur decem millia talenta debuisse, quanto tempore claudamur in carcere, non possum manifestè pronunciare: si enim qui parum debet non egreditur nisi exsolvas minutum quadrantem, utique qui tanto debito fuerit obnoxius infinita ei ad reddendum sacula numerabuntur.* Et in epistola ad Rom. *Quamvis, inquit, promittatur exendum esse quandoque de carcere, tamen designatur non inde exiri posse, nisi reddat quisque novissimum quadrantem.*

Eusebius Emisenus homil. 3. de Epiphania: *Hi verò, inquit, qui temporaliibus poenis digna gesserunt, ad quos sermo Dei dirigitur, quod non exeant inde, donec reddant novissimum quadrantem, per fluvium ignem transibunt &c.*

Ambrosius in cap. 12. Luc. exponens hunc locum: *Quadrantem, inquit, in balneis dare solere reminiscimur, cujus oblatione, ut illic unusquisque lavandi accipit facultatem, ita hic accipit eluendi. Quia uniuscuiusque peccatum superscripta genere conditionis eluitur, cum tandem exercetur noxius poenis, ut commissi supplicia erroris expendat.*

Hieronymus in cap. 5. Matth. *Hoc est, inquit, quod dicit, non egredieris de carcere, donec etiam minuta peccata*

cata perfolvas. Bernardus serm. de obitu Huberti: *Illud*, inquit, *scitote*, quia post hanc vitam in purgatoris locis centupliciter, qua fuerint hic neglecta, redduntur, usque ad novissimum quadrantem.

Probatur secundò, quia illud: *Donec solvas ultimum quadrantem*, non videtur rectè posse dici, nisi aliquando sit futurus finis solutionis. Neque exempla B. Augustini satisfaciunt; nam cum dicitur: *Non cognoscebat eam donec pareret*, non licet quidem inferre, ergo postea cognovit eam, sed inferre licet, ergo illa aliquando paritura erat; similiter cum dicitur: *Sede à dextris meis, donec ponam* &c. rectè inferitur, ergo aliquando ponentur omnes inimici Christi sub pedibus eius; alioqui illud: *Donec*, ineptè diceretur; ita ergo cum dicitur: *Non exies donec solvas ultimum quadrantem*, inferimus rectè, ergo aliquando solvet ultimum quadrantem, & consequenter exibat inde.

Tertio probatur ex fundamento & scopo ipsius parabole; nam similitudo non est sumpta ab homicida, vel adultero, vel proditore, qui damnantur ad mortem, vel ad perpetuos carceres, vel triremes, sed à debitore, qui non propter crimen, sed propter debitum pecuniarium conicitur in carcerem, donec solvat. Solent autem huiusmodi homines ordinariè egredi post aliquod tempus, ut patet. Itaque scopus parabole est, ut in hac vita componamus cum Deo, quando facile impetramus remissionem poenae peccatis nostris debitæ, nec expectemus seculum futurum, in quo severissimè ageretur. Atque hæc de isto loco.

CAPUT VIII.

Quintus est Matth. 5. *Qui irascitur fratri suo, reus erit iudicio; qui dixerit fratri suo racha, reus erit Concilio; qui dixerit fatue, reus erit Gehennæ ignis.* Nota, hic certum esse agi de poena injungenda in foro Dei, ut patet ex illo: *Reus erit Gehennæ ignis.* Unde Augustinus lib. 1. de serm. in monte, cap. 19. exponit omnia tria de poenis animarum post hanc vitam. Nota secundò, certum etiam esse hic distinguere tria genera peccatorum, & poenarum, ut ibidem Augustinus exponit, & damnationem æternam solum tribui tertio generi peccatorum, idest, criminibus. Aliis autem utpotè levioribus peccatis, poenas leviores, ac proinde temporales; ex quibus inferitur, animas aliquas post hanc vitam puniri temporalibus poenis.

Dices, at Christus dixerat: *Qui occiderit, reus erit iudicio*; ergo reum esse iudicio est damnari ad Gehennam; nam homicidium crimen lethale est. Respondeo, cum ait Dominus: *Dictum est antiquis: qui occiderit, reus erit iudicio*, loquitur de iudicio humano, & temporali, quo homicidia mulctantur morte temporali; nec enim lex vetus aliam mortem comminabatur homicidis, ut patet Exodi 21. Vult ergo Dominus dicere homicidium puniri morte in hoc mundo, at in alia vita commotionem iræ internam, etiam si peccatum sit veniale, puniri poena quadam, temporali quidem, sed quæ æquetur morti temporali; iram autem exterius prodeuntem puniri adhuc gravius; at verbum contumeliosum, & multò magis homicidam puniri morte æterna.

Dices rursus, esto, hoc loco loquatur Dominus de poenis infligendis iudicio Dei, non tamen sequitur in alia vita esse poenas temporales; nam Deus in hac vita potest infligere huiusmodi poenas.

Respondeo primò, ab Augustino alisque Patribus hunc locum intelligi de poenis post hanc vitam. Secundò dico, saltem ex hoc loco posse deduci poe-

nas aliquas post hanc vitam purgatorias esse; nam hinc habemus quædam peccata non mereri nisi poenam temporalem; sed potest fieri, ut quis moriatur cum talibus peccatis, quia potest mori repente; vel dormiens, ita ut nullum habeat spatium poenitentiae, ergo in alia vita purgabitur, alioqui vel ibit in cælum aliquid coinquinatum, vel injustè damnabitur ad poenas æternas, qui non merebatur nisi temporales.

Sextus locus est Luc. 16. *Facite vobis amicos de mammona iniquitatis, ut cum defeceris, recipiant vos in æterna tabernacula.* Per (*deficere*) intelligunt omnes mori, per (*amicos*) intelligunt sanctos, qui cum Christo regnant, ex quibus sequitur homines post mortem juvari precibus Sanctorum.

Sed quia posset aliquis dicere hic agi de virtute eleemosynæ, & sensum esse, eos qui eleemosynas fecerunt, cum moriuntur salvari propter opera illa bona, quæ fecerunt; observandum est, non hoc solum velle Dominum, sed etiam velle post mortem juvari animas precibus Sanctorum; nam primò ad id cogunt verba illa: *Facite amicos, qui recipiant.* Nam eleemosyna, quæ datur malis hominibus, bona tamen intentione, meritoria est, & tamen non facit amicos, qui possint recipere in æterna tabernacula; unde Hieronymus lib. contra Vigilantium in fine, dicit, hic Dominum hortari ut detur eleemosyna potius bonis quàm malis, ut bonorum intercessione salventur qui eleemosynas faciunt; similiter Ambrosius in hunc locum, & Augustinus libro 21. de civit. Dei, cap. 27. dicunt, hic per amicos intelligi sanctos cum Christo regnantes, qui suis precibus nos juvant, & juvabunt cum mortui fuerimus.

Secundò, ad id nos cogit ipsa similitudo; nam parabola sumpta est à quodam œconomo, qui depositus ab officio, & egenus factus opem implorabat amicorum suorum: quòd autem in applicatione parabole deponi ab officio sit mori, Dominus ipse explicat.

Adde tertio, quod Augustinus lib. 21. de civit. Dei, cap. 27. ex hoc loco Purgatorium demonstrat. Dicit enim esse quosdam tam sanctos, qui rectà ad cælum evolvant post mortem, & qui non solum ipsi salvantur, sed etiam alios juvare possunt; rursus quosdam alios tam malos, qui nec seipsos juvare possunt, nec ab aliis juvari, sed ad poenas æternas sine remedio descendunt. Denique esse quosdam medios, qui ita moriuntur, ut nec digni sint morte æterna, nec tamen sufficiant eis propria merita ad salutem, nimirum statim recipiendam, & isti sunt, inquit, qui recipiuntur in æterna tabernacula precibus amicorum.

Ad hunc locum nihil respondet Petrus Martyr, sed objicit sibi nomine Catholicorum ea, quæ sequuntur post hanc parabolam, atque nos asserere Epulonem fuisse in Purgatorio, cum ab Abrahamo auxilium petiit, & hoc argumentum, quasi noster esset Achilles, operosè solvit, & simul inde deducit non posse animas juvari à viventibus; quandoquidem nec Abraham, nec Lazarus Epulonem juvare potuerunt, & per jocum miratur, cur Epulo non petierit anniversaria & Missas pro se fieri. Sed Catholici ferè omnes Epulonem in Gehenna esse dicunt, proinde Petrus Martyr in ventum pugnat.

Septimus locus est Luc. 23. *Memento mei dum veneris in regnum tuum.* Numquam hoc diceret bonus ille vir à Spiritu sancto edoctus, nisi crederet post hanc vitam posse remitti peccata, & auxilio animas indigere, & juvari posse. Certè Augustinus lib. 6. in Julian. cap. 5. hunc probat aliqua peccata remitti post mortem.

Octavus est Actor. Quem Deus suscitavit solutis doloribus inferni, juxta quod impossibile eras teneri cum ab illis. Hunc locum ita intelligit B. Augustinus. epist. 99. ad Evodum, & lib. 12. Genes. cap. 33. ut sensus sit, Christum cum descendit ad inferos, multos liberasse à cruciatibus inferni, quod cum non possit intelligi de damnatis, necessariò videtur accipiendum de iis, qui purgabantur. Quod etiam affirmat Epiphanius in heresi Tatiani, quæ est ultima primi libri; dicit enim Christum, cum descendit ad inferos, liberasse eos, qui per ignorantiam peccaverunt, nec tamen à Dei fide recesserunt; & præter horum Patrum auctoritatem, probatur ex ipsis verbis Scripturæ; nam illud: *Solutis doloribus inferni*, non potest intelligi de doloribus ipsius Christi, dolores enim Christi in cruce finiti sunt, ut patet ex illis verbis Luc. 23. *Hodie mecum eris in Paradiso*. Nec de doloribus damnatorum, ut patet, quia illi æternis ignibus addicti sunt; nec de doloribus sanctorum Patrum, illi enim nullos patiebantur dolores, ut Augustinus docet locis citatis, & Gregorius homil. 23. Relinquitur igitur ut de doloribus animarum Purgatorii hoc loco agatur.

Dices: Græci non legunt solutis doloribus inferni, sed solutis doloribus mortis τοῦ θανάτου, non τοῦ πύλου. Respondeo, nobiscum facere Primò, vulgatam antiquam editionem Latinam. Secundò, Syriacam, quæ similiter legit: *Deus*, inquit, *excitavit illum, & solvit funes inferni*. Tertio, antiquissimos Patres Græcos & Latinos; nam B. Polycarpus initio epistolæ suæ, citans hunc locum, scribit *solutis doloribus inferni*. Item Cyprianus serm. de coena Domini initio ad hunc locum respiciens ait: *Sed volebas*, inquit, *pater Magister ostendere impossibile esse suam animam ab inferno detineri*. Epiphanius quoque & Augustinus sine dubio ita legerunt. Denique probatur ex verbis sequentibus; nam probat Petrus id quod dixerat ex Psalm. 15. *Non derelinques animam meam in inferno, nec dabis sanctum tuum videre corruptionem*.

Nonus locus est Philipp. 2. *Ut in nomine Jesu omne genua flectatur, celestium, terrestrium, & infernorum*. Utitur hoc loco B. Augustinus lib. 12. de Gen. c. 33. quamquam per illud infernorum non improbabilius accipiuntur Dæmones. Similis huic est locus Apocal. 5. *Quis dignus est aperire librum, & salvere septem signacula ejus? & nemo inventus est neque in caelo, neque in terra, neque sub terra*. Per eos qui sunt in caelo intelliguntur Angeli, per eos qui in terra homines justi, per eos qui sub terra, non possunt intelligi nisi animæ Purgatorii, nec enim id damnatis tribueretur. Patres autem qui fuerant in limbo jam liberati erant.

Utuntur nostri hoc loco, sed tamen non videtur multum urgere; nam probabile est intelligi per eos qui sunt infra terram, Patres, qui erant in limbo; etsi enim quando Joannes hæc scripsit Patres exierant ex limbo, non tamen exierant eo tempore, quo loquitur; loquitur enim de tempore, quod præcessit Christi mortem, ideo enim subjungitur, *Vicit Leo de tribu Juda radix David aperire librum* &c. Christus enim morte sua aperuit mysteria libri usque ad illam diem clausa; similiter quod assertur ex hoc eodem cap. 5. Apocal. ubi dicuntur creaturæ quæ sunt in caelo, & in terra, & quæ sub terra dedisse laudem Deo, non convincit; nam possunt hic per creaturas intelligi res inanimes, ut, *Ignis, grando, &c.* Quæ in Psalm. 148. ad Deum laudandum invitantur, præsertim cum Joannes addat etiam ea quæ sunt in mari.

CAPUT IX.

Afferitur purgatorium testimoniis Conciliorum.

Secundum argumentum sumitur ex Conciliis, & Ecclesiæ consuetudine; nam in primis quid Ecclesia Africana senserit, patet ex Concilio III. Carthaginensi, cap. 29. *Et Sacramenta altaris*, inquit, *non nisi à legitimis hominibus celebrentur, si autem aliquorum pomeridiano tempore defunctorum commendatio facienda est, solis orationibus fiat*; similia habes in Concilio IV. Carthaginensi, cap. 79.

Idem sensit Ecclesia Hispanica, ut patet ex Concilio Bracarense I. cap. 34. ubi jubet non orari pro illis, qui seiplos interimunt, & cap. 39. ubi jubet dividi inter Clericos oblationes factas, ut oraretur pro defunctis.

Idem Ecclesia Gallica, ut patet ex Concilio Cabilonensi, & habetur de consecrat. dist. 1. can. Visum est: *Visum est*, inquit, *præterea, ut in omnibus Missarum solennibus pro spiritibus defunctorum loco competenti in Ecclesia ad Dominum deprecetur*. Vide etiam Concilium Aurelianense II. cap. 14.

Idem sensit Ecclesia Germanica, ut patet ex Concilio Wormatiensi, cap. 10. ubi definitur, etiam pro suspensis in patibulo esse orandum, & sacrificandum.

Idem Ecclesia Italica, ut patet ex Concilio VI. sub Symmacho, ubi dicitur sacrilegium, fraudare animas defunctorum orationibus &c.

Item Ecclesia Græca, ut patet ex Græcorum Synodis à Martino Bracarense Episcopo collectis, canone 69. Immo videntur aliqui Græci etiam nimium voluisse juvare animas defunctorum, nam in Concilio VI. can. 83. reprehenduntur illi, qui iis, qui sine communione sacra obierant, sacram Eucharistiam in os ingerere conabantur.

Accedant Concilia totius Ecclesiæ generalia, Lateranense sub Innocentio III. can. 66. Florentinum sess. ult. in decreto de Purgatorio, & Tridentinum sess. 25. in initio, & omnes Liturgiæ, Jacobi, Basilii, Chrysostomi, Ambrosii &c. Nam in omnibus fit oratio pro defunctis.

Respondet Petrus Martyr tripliciter loco notato: Primò: *Solet*, inquit, *nobis obijci, Ecclesiam semper pro defunctis orasse, quod quidem non inficit, sed asserto, istius facti neque verbi Dei, neque exempli, quod desumitur ex sacris literis, auctoritatem habere*. Facile movetur homines naturali quadam charitate impulsæ, & amore in defunctos, ut illis bene cupiant, & in aliquas preces pro eis erumpant, sed affectio hac vehementior, videndum est, ne fidei, & justæ pietatis adversetur. His verbis arguit totam Ecclesiam Martyr, quod sine testimonio Scripturæ oret pro defunctis, & quod id faciat ex vehementiore affectu erga mortuos, quæ affectio fidei, & pietati repugnat.

Primæ parti accusationis satisfacit Augustinus lib. de cura pro mortuis, cap. 1. *Adjungis*, inquit, *vacare non posse quod universa pro defunctis Ecclesia supplicare consueverit*. Et infra, approbans hanc sententiam B. Paulini, ad quem scribit: *In Machabæorum*, inquit, *libris legimus oblatum pro mortuis sacrificium, sed & si nusquam in Scripturis veteribus omnino legatur, non parva est universa Ecclesia, quæ in hac consuetudine claret, auctoritas: ubi in precibus sacerdotis, quæ Deo ad ejus altare funduntur locum suum habet etiam commendatio defunctorum*.

Secundæ parti accusationis facile respondetur; Nam quod ex naturali affectu prorumpatur in preces

ces pro charis defunctis, etiamsi quis putet nihil eis prodesse, potest contingere in precibus privatis, & quæ ex tempore recitantur; at in solemnibus precibus Ecclesiæ, quæ leguntur ex libro, & maturo iudicio compositæ sunt, & à Concilio Episcoporum approbatæ, quomodo potest id fieri?

Tertiz parti satisfacit B. Paulus, cum dicit: *Ecclesiam esse columnam & firmamentum veritatis*. 1. Tim. 3. Necnon Augustinus, qui epist. 118. dicit insolentissimæ insaniz esse disputare contra id, quod universa Ecclesia facit. Denique ipsa ratio; nam si universa Ecclesia potest veræ fidei & iustæ pietati adversari, ut Martyr dicit, potest ergo tota Ecclesia ruere contra Christi prædicationem, Matth. 16. *Porta inferi non prævalent adversus eam*. Utrum autem credibilis sit, Ecclesiam universam posse ruere, & Christum, ac Paulum mentiri, an Petrum Martyrem insolentissima insania laborare, cujuslibet hominis, modò sani, appello iudicium.

Secunda solutio Martyris est, quòd Ecclesia non oret pro defunctis, ut eos liberet à Purgatorio, sed ut memoriam eorum se habere testetur, & conservet etiam quàm diutissime potest, *Et alia causa*, inquit, *citra Purgatorium esse potuit, ut pro defunctis in Ecclesia preces fierent*. Noluere enim defunctorum nomen, & memoriam facile interire. At Augustinus lib. de cura pro mortuis, cap. 1. tractat quæstionem: An pro sint animabus defunctorum preces Ecclesiæ, & dicit prodesse illis, qui in hac vita non fuerunt valde mali, & qui meruerunt, ut sibi prodesse; non autem illis, qui fuerunt valde mali, & proinde nihil tale meruerunt; Proinde commentitia Petri Martyris solutio est.

Tertia solutio est, Ecclesiam fungi munere suo erga mortuos ac si adhuc viverent, & ideo precari illis id quod putat jam eos consequutos, quomodo Christus oravit pro Lazari excitatione, etiamsi sciret, jam se accepisse quod petebat; & Ambrosius in oratione de obitu Theodosii gratulatur illi quòd jam cum Christo regnaret, & tamen ibidem orat pro illo, ut optatam requiem Deus illi concedat; & Epiphanius hæresi 75. dicit orari etiam pro sanctis Patriarchis, Prophetis, Apostolis, & Martyribus.

Respondeo: si ita esset, Ecclesia oraret pro omnibus æqualiter, etiam pro Martyribus. At non ita facit; nam ut Augustinus dicit tract. 84. in Joan. *Ideo ad ipsam mensam non sic Martyres commemoramus, quemadmodum alios defunctos, qui in pace requiescunt, ut etiam pro eis oremus, sed magis, ut oremus ipsi pro nobis*.

Neque videtur ullo modo convenire, ut quis petat quod jam habet; & Christus cum oravit pro Lazaro, nondum acceperat quod petebat, neque enim Lazarus adhuc resurrexerat. Aliud autem est petere id quod scimus nos accepturos, aliud petere id quod jam accepimus. Porro Ambrosius sperabat, Theodosium jam esse in cælo, & ideo gratulabatur ei, & simul, quia non certò sciebat, an ita esset, pro illo orabat. Epiphanius verò nusquam dicit in Ecclesia orari pro sanctis, sed dicit memoriam fieri in Ecclesia omnium defunctorum fidelium tam peccatorum, quàm iustorum; & addit: *Peccatorum quidem, ut illis à Deo misericordiam imploremus: Iustorum autem, ut eos à Christo separemus*.

Separamus autem sanctos à Christo, non, ut Martyr dicit, quia pro sanctis oramus, non pro Christo, sed quia pro sanctis offerimus sacrificium gratiarum actionis; Pro Christo autem non offerimus, sed ipsi potiùs Christo cum Patre, & Spiritu sancto offerimus. Quod intelligi potest ex liturgia Græcorum, de qua Epiphanius loquitur, & quæ extat in quinto tomo Chrysostomi; ibi enim sic commemo-

ratio omnium Sanctorum, & dicitur: *Offerimus tibi, Domine, sacrificium pro Patriarchis, Apostolis, Prophetis, Martyribus, & præcipue pro Beatissima Deipara*; quòd autem hoc sacrificium non offeratur pro peccatis, sed pro gloria eorum, patet: Nam statim subiungit liturgia: *Quorum supplicationibus respice nos Deus*; & deinde oratio subiungitur pro aliis defunctis: *Et memento*, inquit, *omnium fidelium defunctorum, qui dormierunt in spe resurrectionis, & quiescere eos facito, ubi videtur lumen vultus tui*. Idem potest cognosci ex Augustino tract. 84. in Joan. & ex Cyrillo catechesi 5. Mystagogica, & ex nostra liturgia, quæ omnino talis est, qualem Cyrillus, Epiphanius, & Augustinus describunt.

CAPUT X.

Afferitur Purgatorium testimoniis Patrum Græcorum & Latinorum.

Primus ex Patribus, Clemens lib. 8. constit. c. 47. longam orationem describit pro defunctis fieri solitam. Dionysius de Ecclesiastica hierarchia, cap. 7. par. 3. *Accedens*, inquit, *deinde venerandus Antistes, precem sacram super mortuum peragit, precatur oratio illa divinam clementiam, ut cuncta dimittat per infirmitatem humanam admissa peccata defuncto, eumque in lucem statuas, & regione vivorum*. Athanasius quæst. 34. ad Antiochum, quærit, num animæ sentiant utilitatem ex orationibus vivorum. Respondet, sentire omnino. Basilii in liturgia instituit orationem pro mortuis.

Gregorius Nazianz. in orat. in Cæsarium circa fin. *Ipsi Deo*, inquit, *& nostras & earum, qui quasi in via paratiores prius ad hospitium pervenerunt, animas commendamus*. Ibidem orat pro anima ejusdem Cæsarii. Ephrem in suo testamento: *Affidue*, inquit, *in vestris orationibus mei memoriam faciatis; etenim in vanitate, & iniquitate vitam peregi meam*.

Cyrillus catechesi 5. Mystagogica. Denique pro omnibus oramus, qui inter nos vita sancti sunt, maximum credentes esse animarum juvamen, pro quibus offertur obsecratio sancti illius, & tremendi sacrificii. Eusebius lib. 4. de vita Constantini, dicit, cum voluisse sepeliri in celebri templo, ut fieret particeps multarum orationum. Epiphanius in fine operis contra hæreses, numerat inter dogmata Ecclesiæ orationem pro defunctis, & hæresi 75. Aerium hæreticum facit, quia hoc negabat.

Chrysostomus homil. 41. in priorem ad Corinth. *Juvenet*, inquit, *mortui non lacrymis, sed precibus, supplicationibus, elemosynis*. Et infra: *Ne fatigemur mortuis auxilium ferre, preces pro illis offerentes*. Homil. 69. ad populum: *Non temerè ab Apostolis hæc sancta fuerunt, ut in tremendis mysteriis, defunctorum agatur commemoratio; sciunt enim inde multum illis contingere lucrum, utilitatem multam*. Idem homil. 32. in Matth. & 84. in Joan. homil. 3. in epist. ad Philipp. & 21. in Acta Apostolorum, & alibi. Theodoretus lib. 5. histor. cap. 26. scribit, Theodosium juniorem procubuisse ad reliquias S. Joannis Chrysostomi, & orasse pro animabus parentum suorum Arcadii, & Eudoxiæ jam defunctorum.

Theophylactus in cap. 12. Luc. *Hoc autem dico*, inquit, *propter oblationes & distributiones, quæ fiunt pro defunctis, quæ non parum conducunt etiam iis, qui in gravibus delictis mortui sunt*. Damascenus in lib. de iis qui in fide migraverunt, probat hanc veritatem testimoniis multis Dionysii, Athanasii, Gregorii Nazianzeni, Gregorii Nysseni, & aliorum. Vide etiam Palladium in historia Lausiaca, cap. 41.

Venia-

Veniamus ad Latinos : Tertullianus in lib. de corona militis, inter traditiones Apostolicas numerat suffragia pro defunctis, & lib. de Monogamia ultra medium : *Pro anima*, inquit, ejus conjugis defuncti, oret, & refrigerium interitum adposulet ei, & in prima resurrectione consortium, & offerat annuis diebus dormitionis ejus; nam hoc nisi feceris verè repudiavit quantum in ipsa est. Idem lib. de exhortatione castitatis procul à medio.

B. Cyprianus lib. 1. epist. 9. Episcopi, inquit, antecessores nostri censuerant, ne quis frater excedens ad tutelam vel curam, Clericum nominaret, ac si quis hoc fecisset, non offerretur pro eo, nec sacrificium pro dormitione ejus celebraretur. Et infra : Et ideo Victor cum contra formam nuper in Concilio à sacerdotibus datam Geminum Faustinum Presbyterum ausus sit actorem constituere, non est quo pro dormitione ejus apud vos fiat oblatio, aut deprecatio aliqua.

B. Ambrosius lib. 2. epist. 8. ad Faustinum de obitu sororis : *Itaque*, inquit, non tam deplorandam, quam prosequendam orationibus reor, nec mastrificandam lachrymis tuis, sed magis oblationibus animam ejus Deo commendandam. Vide etiam orationes de obitu Theodosii, de obitu Valentini, & de obitu Satyri, in quibus omnibus pro animabus prædictorum Deo supplicat, & sacrificia se oblatorum pollicetur.

B. Hieronymus in epist. ad Pammachium de obitu Paulinæ uxoris ante medium : *Ceteri mariti*, inquit, super tumulus conjugum spargunt violas, rosas, lilia, floresque purpureos, Pammachius noster sanctam favillam, ossaque veneranda elemosyna balsamis rigat, his pigmentis, atque odoribus fovet cineres quiescentes, sciens scriptum : sicut aqua extinguit ignem, ita elemosyna peccatum.

B. Paulinus Nolanus in epist. ad eundem Pammachium laudat eum, quod & corpori, & animæ uxoris defunctæ satisfecerit, corpori lachrymis, animæ elemosynis. Idem in epist. 5. ad Delphinum Episcopum commendans illi animam fratris sui : *Fac*, inquit, ut orationibus tuis condonetur tibi, & ut illius animam de minimo sanctitatis tue digito destillans refrigerii gutta respergat. Et in epist. sequenti, quæ est prima ad Amandum, similia dicit, commendans eandem animam Amando Episcopo.

B. Augustinus de cura pro mortuis, cap. 2. In Machabæorum, inquit, libro legimus oblatum pro mortuis sacrificium, sed & si nusquam in Scripturis veteribus legeretur, non parva est universa Ecclesia, quæ in hac consuetudine claret auctoritas, ubi in precibus sacerdotis, quæ Domino Deo ad ejus altare funduntur, locum suum habet etiam commendatio mortuorum. Et cap. 4. Cum itaque recolit animus ubi sepultum sit charissimi corpus, & occurrat locus nomine Martyris venerabilis, eidem Martyr animam dilectam commendat recordantis & precantis affectus : qui cum defunctis à fidelibus exhibetur, cum prodesse non dubium est. Et infra : Non sunt præmittenda supplicationes pro spiritibus mortuorum, quas faciendas pro omnibus in Christiana, & Catholica societate defunctis, etiam tacitis nominibus quorumque, sub generali commemoratione suscepit Ecclesia, ut quibus ad ista defuncti parentes, aut filii, aut quicumque cognati, vel amici, ab una eis exhibeatur pia matre communi. Vide eundem in Enchirid. cap. 110. lib. 9. Confess. cap. 13. serm. de verbis Apostoli 17. & 34. lib. 21. civitat. cap. 24. tract. 84. in Joann. quest. 2. ad Dulcitium, ac demum lib. de hæresibus, cap. 53. ubi propterea hæreticum facit Aerium, quod negasset pro defunctis sacrificia offerenda.

B. Gregorius lib. 4. Dialog. cap. 55. Multum, inquit, solet animas etiam post mortem sacra oblatio hostia salutaris adjuvare, ita ut hanc nonnumquam ipsa defunctorum anima expetere videantur. Et cap. 50. Quos

A gravia, inquit, peccata non deprimunt, hoc prodest mortuis, si in Ecclesia sepeliantur, quod eorum proximi, quoties ad eadem sacra loca conveniunt, suorum, quorum sepulchra conspiciunt, recordantur, & pro eis Domino preces fundunt.

Isidorus lib. 1. de officiis divinis cap. 18. Nisi Catholica Ecclesia crederet fidelibus defunctis dimitti peccata, non pro eorum spiritibus, vel elemosynam faceret, vel Deo sacrificium offerret. Victor. lib. 2. de perseq. Wandal. Qui nos solemnibus orationibus sepulturi sumus morientes?

B Denique B. Bernardus serm. 66. in Cantica, & Petrus Cluniacensis in lib. contra Petrobrusianos, directè in hunc errorem scripserunt. Malachias apud Bernardum : *Nec parum spei mihi repositum*, inquit, in illa die, quæ defunctis tanta à vivis beneficia impenduntur.

Sed operæ pretium est audire quid ad hæc Calvinus, & Petrus Martyr respondeant. Petrus Martyr respondet, serè omnes patres in aliqua re errasse, & enumerat eorum errores. At errarunt in privatis opinionibus, quas alii refutarunt, ac simul omnes in uno errore convenire non possunt, quin Ecclesia universa erret, & pereat.

C Calvinus autem quatuor dicit, lib. 3. Institut. c. 5. §. 10. Primò sic ait : Ante 1300. annos usu receptum fuit, ut preces fierent pro defunctis. Et aliquot interpolitis : Sed omnes, fateor, in errorem abrepti fuerunt. Certè ista confessio sufficit ad Calvinum damnandum. Quomodo enim credibile est Ecclesiam per annos mille trecentos in tam crasso errore versatam, & nullum fuisse ex antiquis, qui restiterit, excepto Aerio, quem & nos, & Calvinistæ pro hæretico habemus?

Secundò dicit, veteres orasse pro mortuis, non ut eos juvarent, sed ut ostenderent erga eos pium affectum, & ut seipos consolarentur. At hoc mendacium est; apertè enim patres citati dicunt juvari animas, & distinguunt solatia vivorum ab auxiliis mortuorum, ac præsertim Augustinus in Enchirid. cap. 110. & libro de cura pro mortuis passim.

D Tertiò dicit, vulgus Christianorum coepisse orare pro mortuis ex imitatione gentilium, Patres autem se accommodasse opinioni vulgari, ut patet ex Augustino, qui in libro de cura pro mortuis, ubi præcipuè de hac re agit : Ita dubiè, hesitantè & frigide disputat, ut suo frigore Zelum extinguere possit pugnantium pro Purgatorio; Quod autem oravit pro matre, id fecit, inquit Calvinus, quia anile votum matris non examinavit ad Scripturas, & privato quodam affectu omnibus probari voluit.

E At hoc etiam mendacium est; nam in primis numquam fuerunt Patres diligentiores in Ethnicorum ritibus prohibendis, quàm quando multi Ethnici convertebantur. Certè Tertullianus & Cyprianus severissimi fuerunt castigatores omnis Ethnicæ superstitionis, adeò ut Tertullianus acerrimè reprehenderit Christianos milites, qui coronam gestarent more militum Ethnicorum; & tamen isti ipsi ad orationem pro defunctis hortantur. Præterea Patres non solum non reprehendunt hunc usum, sed etiam statuunt in suis Conciliis sic esse faciendum, hortantur ut sic fiat, ipsi exemplo suo præcedunt, ac demum multi eorum dicunt, hanc esse Apostolicam traditionem, & inter hæreticos numerant Aerium contrarium sentientem; quid amplius dicere poterant? B. Augustinus autem in lib. de cura pro mortuis, cap. 4. disertè dicit, non dubium esse quin juventur animæ, & in toto libro non est una syllaba, quæ dubium vel insinuet, de quo Calvinus loquitur; quod verò vocat anile votum

S. Mo-

S. Monice, & B. Augustinum arguit quod illud implere curaverit, non est mirum; est enim familiare Calvino reprehendere, & ridere sanctos.

Quarò dicit, de Purgatorio autem adeò nihil asseruisse Patres, ut illud pro re incerta haberent. At hæc etiam est intoleranda impudentia, vel imperitia; nam in primis, etiam si nusquam nominassent Purgatorium, tamen satis intelligi poterat quid Patres de eo sentirent ex eo, quod tam perspicue docent, animas quorundam fidelium egere refrigerio, & juvari orationibus viventium.

Deinde sunt apertissima loca in Patribus, ubi asserunt Purgatorium, quorum pauca quædam afferam. Gregorius Nyssenus in orat. pro mortuis procul à medio: *Vel*, inquit, *in præsentis vite precibus sapientiaque studio purgatus, vel post obitum per expurgantis ignis fornacem expiatus, ad pristinam velles redire felicitatem.* Et infra: *Non poterit*, inquit, *à corpore egressus divinitatis particeps fieri, nisi maculas unius immixtas purgatorius ignis abstulerit.* Et infra: *Aliis*, inquit, *post hæc vitam purgatorio igne materia labes abstergentibus &c.*

Ambrosius in illud Psalm. 36. *Gladium evaginaverunt peccatores: Et si salvos faciet*, inquit, *Domini sercos suos, salvi erimus per fidem, sic tamen salvi quasi per ignem. Etsi non excuremur, tamen uremur. Quomodo tamen alii remaneant in igne, alii pertranscant, alio loco nos doceat Scriptura divina, nempe in mare rubrum demersus populus est Egyptiorum, transiit autem populus Hebræorum, Moyses pertransiit, præcipitatus est Pharaon, quoniam gravia cum peccata meruerunt, eo modo præcipitabuntur sacrilegi in lacum ignis ardentis &c.* Vide etiam eundem serm. 20. in Psalm. 118.

B. Augustinus lib. 21. civit. Dei, cap. 16. loquens de infantibus baptizatis morientibus: *Non tantum panis*, inquit, *non preparatur æternis, sed nec ulla post mortem purgatoria tormenta patiuntur.* Et cap. 24. loquens de adultis fidelibus, qui tamen cum levibus peccatis decedunt: *Tales*, inquit, *constat ante iudicii diem per penas temporales, quas eorum spiritus patiuntur, purgatos, æterni ignis supplicii non tradendos.* Idem homil. 16. ex lib. 50. homiliarum: *Qui temporalibus panis*, inquit, *digna gesserunt, per ignem quandam purgatorium transiunt; de quo Apostolus inquit: salvi erit sic tamen quasi per ignem.* Et lib. 2. de Genesi contra Manich. cap. 20. *Qui forte agrum non coluerit, & spiritus eius opprimis permiserit, habet in hac vita maledictionem terra sua in omnibus operibus suis; & post hæc vitam habebit vel ignem purgationis, vel penam æternam.* Denique in Psalm. 37. *Quia dicitur*, inquit, *salvus erit, illo ignis contemnitur, ita plane quamvis salvis per ignem, gravior tamen erit ille ignis, quam quidquid potest homo pati in hac vita.*

Quare cum D. Augustinus lib. 21. civit. Dei, c. 26. & in Enchirid. cap. 69. dicit, posse dubitari, & quarri, an post hanc vitam animæ torquantur purgatorio igne: non dubitat de pena animarum, sed de modo & qualitate; nam in priore loco solum dubitat, an ignis purgatorius sit idem in substantia cum igne Gehennæ; de quo dicitur Matth. 25. *Ite in ignem æternum.* In posteriore autem dubitat, an post hanc vitam urentur animæ igne illo doloris de amissione temporalium, quo hic uri solent, cum rebus valde dilectis carere coguntur.

B. Hieronymus in fine commentarii in Isaiam: *Sicut*, inquit, *Diaboli, & omnium negatorum, atque impiorum, qui dixerunt in corde suo, non est Deus, credimus æterna tormenta, sic peccatores atque impiorum, & tamen Christianorum, quorum opera in igne probanda sunt, atque purganda, moderatam arbitramur & iustam clementiam sententiam iudicis.*

B. Gregorius lib. 4. Dialogorum, cap. 39. De qui-

A. busdam, inquit, levibus culpis esse ante iudicium, purgatorius ignis credendus est. Et in Psalmum tertium poenitentialem in ipso initio: *Scio*, inquit, *futurum esse, ut post hunc vitam exitum, alii flammis expiantur purgatorii, alii sententiam æterna subeant damnationis.*

Origenes homil. 6. in Exodum: *Qui salvis fit*, inquit, *per ignem salvis fit, ut si quid forte de specie plumbi habueris admixtum, id ignis decoquat, & resolvat, ut efficiantur omnes aurum purum.*

Gregorius Nazianz. orat. in sancta lumina, circa finem: *In altero suo*, inquit, *igni baptizabuntur, qui postremus est Baptismus, nec solum acerbior, sed & duratior, qui crassam materiam instar ferri depascitur, vitium ne levitatem absumit.*

B. Basilus in cap. 9. Itaque: *Si igitur per confessionem*, inquit, *detexerimus peccatum, iam succrescent gramen arefecimus, dignum plane quod depascatur ac devoret purgatorius ignis.* Et infra: *Non omnimodam*, inquit, *intercessionem, & exterminium comminatur, sed innuit expurgationem, juxta Apostoli sententiam. Ipse autem salvis erit quasi per ignem.*

Eusebius Emyllenus homil. 3. de Epiphania: *Hæc panis*, inquit, *infernalis illos manebit, qui amisso, & non servato Baptismo in æternum peribunt. Hi verò qui temporalibus panis digna gesserunt, per fluvium igneum, per vada ferventibus globis horrenda transibunt.*

C. Theodoretus in scholus Græcis in 1. Corinth. 3. *Hunc ipsum ignem purgatorium credimus, in quo animæ defunctorum probantur, & repurgantur, sicut aurum in conflatorio.* Oecumenius in eundem locum: *Salvabitur & ipse quoque*, non tamen citra dolorem, ut par est cum qui transiit per ignem, & à concretis levioribus maculis expiatur. Tertullianus lib. de anima, cap. 17. *In carcere te mandes infernum, unde non demittaris, nisi modico quoque delicto mora resurrectionis expenso.* Cyprianus lib. 4. epist. 2. *Aliud est pro peccatis longo tempore cruciatum purgari, & emendari diu igne, aliud peccata omnia passione purgasse.*

D. Hieronymus lib. 1. contra Pelagianos ultra med. *Si autem Origenes omnes rationabiles creaturas dicit non esse perdendas, & Diabolo tribuit poenitentiam: quid ad nos, qui Diabolum & satellites ejus, omnesque impios & pravaricatores dicimus perire perpetuo, & Christianos, si in peccato præventi fuerint, salvandos esse post penas?*

E. Paulinus epist. 1. ad Amandum: *Ob hoc impense rogamus, ut quasi frater grandi labores conspires ut misericors Deus refrigeret animam ejus stillentis misericordia sua per orationes vestras &c.* Boetius lib. 4. Prosa 4. *Nulla ne supplicia animarum post defunctum morer corpus relinquis? & magna quidem, quorum alia panis acerbitate, alia purgatoria clementia excori puto.* Isidorus lib. 1. de divinis officiis, cap. 18. *Nam & cum Dominus dicit: Qui peccaverit in Spiritum sanctum, non remittetur ei neque in hoc sæculo, neque in futuro, demonstrat quibusdam illis dimittenda esse peccata, & quodam purgatorio igne purganda.*

Beda in Psalm. 37. *Quidam*, inquit, *committunt quædam peccata venialia graviora & leviora, & idcirco necesse est, ut hi tales in ira corripiantur, id est, in purgatorio igne nunc interim ante diem iudicii ponantur, ut qui in eis immunda sunt, per illum exurantur, & sic tandem idonei esse cum his, qui in dextra coronandi sunt, inveniantur.* Ibidem dicit hunc ignem graviolem esse poenis latronum, martyrum &c.

Petrus Damianus in term. 2. de S. Andrea: *Non tibi blandiaris si graviter peccanti levior poenitentia à magistro, vel à dissimulante dicitur, cum in purgatorio ignibus perficiendum sit quicquid hic minus feceris, quia dignos poenitentia fructus querit Altissimus.*

Anselmus in 1. Corinth. 3. *Nam de quibusdam levibus culpis esse ante corporum resurrectionem, purgato-*

rius ignis credendus est. Et ibidem asserit esse gravissimam poenam.

Bernardus serm. de obitu Humberti: *Volat fratres irrevocabile tempus, & dum creditis vos cavere istam poenam minimam, incurritis ampliorem: Illud enim scitote, quia post hanc vitam in purgatoriis locis centupliciter, qua fuerint hic neglecta, redduntur usque ad novissimum quadrantem. Scio ego quàm durum sit homini dissoluto apprehendere disciplinam, verboso silentium pati, vagari solito stabilem permanere, sed durius, & multò durius erit futuras molestias tolerare.*

Lactantius lib. 7. cap. 21. *Quorum peccata pondere aut numero praevaluerint, perstringentur igne atque amurentur &c.*

Hilarius in Psal. 118. in illud: *Concupivit anima desiderare iudicia iustitiæ tuæ: Nobis, inquit, est ille indefessus ignis obeundus, in quo subeunda sunt gravia illa expianda à peccatis anima supplicia.*

CAPUT XI.

Idem asseritur ratione.

Argumentum quartum ex rationibus. Prima ratio: Quædam peccata sunt venialia, solaque temporali poena digna. At fieri potest, ut cum solis talibus homo decedat ex hac vita; igitur necesse est in alia vita posse purgari.

Esse autem quædam peccata venialia, probatur ex Jacobo, qui sic ait, Jacobi 1. *Unusquisque tentatur à concupiscentia sua; concupiscentia, cum conceperit, parit peccatum; peccatum, cum consummatum fuerit, generat mortem.* Hic describitur peccatum veniale ex imperfectione actus. Neque locum hic habet distinctio hæreticorum de imputatione; nam Jacobus explicat processum peccati secundum se, ac docet post tentationem concupiscentiæ, quæ sine peccato esse potest, continuò sequi peccatum, si quis non caveat; nam ex concupiscentia oritur delectatio in parte inferiori, quæ nonnullum peccatum est non tamen mortiferum, si non adsit consensus mentis deliberatus; idè enim subjungit: *Peccatum verò si consummatum fuerit, accedente nimirum pleno consensu, generat mortem.*

Præterea 1. Corinth. 3. *Qui superadificat ligna, fenum, stipulas, salvus erit quasi per ignem.* Hic describitur veniale ex levitate materiæ, & quomodocumque intelligamus verba Apostoli sive de hac vita, sive de alia, sive de doctrina, sive de omnibus operibus necessariò cogitur exponere per ligna, fenum, stipulas, peccata venialia, quandoquidem qui ista habet, salvatur quasi per ignem.

Augustinus lib. 83. q. 26. *Alia, inquit, sunt peccata infirmitatis, alia imperitiæ, alia malitiæ; infirmitas contraria est virtuti, imperitiæ sapientiæ, malitiæ bonitati. Quisquis igitur novit quid sit virtus & sapientiæ Dei, potest existimare quæ sint venialia peccata; & quisquis novit quid sit bonitas Dei, potest existimare quibus peccatis certa poena debeatur, & hic, & in futuro sæculo, quibus bene tractatis, probabiliter judicari potest qui non sint cogendi ad penitentiam luctuosam & lamentabilem, quævis peccata fateantur, & quibus nulla omnino speranda sit salus, nisi sacrificium obtulerint Deo, spiritum contribulatum per penitentiam.*

Probatur ultimò ratione; nam intelligibile non est quomodo verbum otiosum ex natura sua dignum sit perpetuo odio Dei, & sempiternis flammis. Hic enim in terris stultissimus haberetur, qui ob levissimam offensionem amici, nec malo animo factam, nollet amplius esse amicus, immò usque ad mortem persequeretur eum, quem amicum paulò ante ha-

Abuerat. Maneat igitur, quædam esse peccata venialia, ac sola poena temporali digna. Quòd autem cum eiusmodi peccatis aliqui interdum de hac vita migrent, ac proinde in alia vita purgatione temporali egeant, probatur hoc modo. Potest quis dum moritur, habere voluntatem permanendi in peccato veniali; igitur tale peccatum deleri in morte non potest: præterea cum *sepius in die cadat iustus*, ut dicitur Proverb. 24. & multi moriantur repente, quomodo credibile est, non mori aliquos cum peccato veniali? Hæc est igitur prima ratio.

BSecunda ratio: Cum reconciliantur Deo peccatores, non dimittitur semper cum peccato tota poena temporalis: at potest fieri, & sæpè fit, ut in tota vita aliquis non satisfecerit plenè pro temporali illa poena: ergo necessariò statui debet Purgatorium. Probatur major propositio breviter: nam alibi ex professo probabitur, 2. Reg. 12. cum David dixisset: *Peccavi Domino*, ait Propheta, *Deus quoque transfudit à te iniquitatem, sed quia blasphemare fecisti inimicos nomen Domini, filius qui natus est tibi morte morietur.* Num. 12. Cum Maria murmurasset contra Dominum, punita est morbo lepræ: orante autem pro ea Moyse, dimissa est ei culpa, & tamen poenam voluit Deus ut illa lueret per unam hebdomadam.

CAd hæc & similia respondet Calvinus lib. 3. Instit. cap. 4. §. 31. duo esse genera flagellorum Dei; quædam enim sunt propriè poenæ, & infliguntur à Deo ut iudice in vindictam peccatorum præteritorum, ut iustitiæ satisfiat; quædam autem sunt castigationes, quæ infliguntur à Deo ut patre, non in vindictam peccatorum præteritorum, sed ad futurorum remedium, nimirum ut homo admoneatur flagello, ne iterum facilis sit ad peccandum. Primum genus, inquit Calvinus, ad solos inimicos pertinere, secundum ad solos amicos; & proinde cum non sint istæ poenæ ex iustitia luendæ, non esse opus ut maneat earum debitum post mortem, quando non est periculum recidendi in peccatum.

DAt frustra laborat Calvinus; nam etsi fatendum est flagella iustorum esse etiam paternas castigationes, & remedia contra peccata futura, tamen simul est agnoscenda vera poena & satisfactio debita culpæ præteritæ ex iustitia. Quod sic probatur; nam in primis 2. Reg. 12. exprimitur causa cur puniretur David, & non dicitur: ne iterum pecces; sed, *Quia blasphemare fecisti nomen Domini.*

EDeinde mors est vera poena peccati originalis, & eam luunt homines iusti, non ut abstineant à peccato, sed ut satisfaciant iustitiæ divinæ. Quod patet, quia non est inflicta à Deo post peccatum, ut sunt castigationes paternæ, sed est lege statuta ante peccatum tamquam poena peccati, & eadem perseverat post peccatum & peccati remissionem, ut patet Genes. 2. *Quicumque die comederis, morte morieris.* Et Rom. 5. *Per unum hominem peccatum in hunc mundum intravit, & per peccatum mors, in quo omnes peccaverunt.* Et Rom. 6. *Stipendium peccati mors.* Et Calvinus ipse lib. 2. Institut. cap. 1. §. 8. apertè confitetur, mortem veram esse peccati poenam; denique quomodo potest esse mors flagellum paternum ad peccatum cavendum institutum? Qui enim moritur, non potest amplius emendari.

Præter mortem istam communem, quæ est poena peccati originalis, habemus alia exempla in Scriptura eorum, qui puniti sunt morte violenta, cum eis remissum esset peccatum, cum tamen mors non possit esse paterna castigatio in remedium peccati futuri; nam Exod. 32. Deus pepercit populo orante Moyse, & tamen Moyse in vindictam peccati iussit occidi multa millia de populo sine ullo delectu. Et similiter Numer. 14. Cum populus murmurasset,

set, & Deus placatus à Moyse fuisset, plurimi tamen in deserto perierunt. Incredibile est autem ex tot millibus nullum fuisse quem delicti poenituerit, 3. Regum 13. Propheta Domini quia inobediens fuit voci Domini, à Leone extinguitur, juxta quod ei ab altero Propheta prædictum fuerat, & tamen ut intelligeremus ei culpam antea remissam fuisse, & sanctè illum obiisse, neque ejus cadaver, neque jumentum, quo vectus fuerat leo tetigit, sed utrumque potius custodivit, donec venerunt qui eum sepelirent; denique 1. Corinth. 11. dicitur: *Idè inter vos multi imbecilles, & dormiunt multi.* Ubi, ut exponunt Ambrosius & alij, Apostolus indicat in primitiva Ecclesia multos eorum, qui indignè communicabant, morte à Deo punitos fuisse, quibus tamen culpam antea remissam patet ex eo quod Apostolus subjungit: *A Domino corripimur, ne cum hoc mundo damnemur.*

His accedant duo clarissima B. Augustini testimonia. Primum est tract. 124. in Joan. Cogitur homo tolerare etiam remissis peccatis, quantum, ut in eum veniret miseriam, primum fuerit causa peccatorum, productior est enim pena quam culpa, ne parva putaretur culpa si cum illa finiretur & pena: ac per hoc vel ad demonstrationem debita miseriam, vel ad emendationem labilis vitæ, ad exercitationem necessaria patientia, temporaliter hominem detinet pena etiam quem jam ad damnationem sempiternam reum non detinet culpa. Secundum est in Psalm. 50. Veritatem, inquit, dilexisti: hoc est, imposita peccata eorum etiam quibus ignoscis non reliquisti, sic prærogasti misericordiam ut servares & veritatem, ignoscis confidenti, ignoscis, sed seipsum punienti, sic servatur misericordia, & veritas.

Probatur jam assumptio hujus argumenti; nam multi qui plurima peccata commiserunt, in articulo mortis convertuntur, quando nullam possunt agere poenitentiam; ex quo certè illud sequitur, ut post hanc vitam satisfacere debeant. Respondent in morte deleri omnia. Contra: nam mors est poena peccati originalis, & idè communis omnibus etiam infantibus, ergo pro actualibus debet inveniri alia poena. Præterea Deus injustè ageret, nec videretur habere providentiam rerum nostrarum, si una & eadem poena, idèst, naturali morte puniret peccata magna & parva, multa & pauca.

Tertia ratio sumitur à communi opinione omnium Gentium: id enim confitentur Hebræi, Mahumetani, Gentiles, iique tam Philosophi, quam Poetæ. De Hebræis patet ex libr. 2. Machabæorum, cap. 12. nam saltem fides adhibenda est ei libro quæ adhibetur Livio: præterea Josephus filius Gorionis in libro de bello Judaico cap. 19. indicat Judæos consuevisse orare pro mortuis, non tamen pro illis qui se interimunt.

De Mahumetanis patet ex Alcorano, ubi Purgatorium disertè confitentur. De Ethnicis patet ex Platone in Gorgia, & Phædone: ex Cicerone in somnio Scipionis in fine: & Virg. 6. Æneid. Ergo exercentur penis, veterumque malorum supplicia expendant; & ex Claudiano lib. 2. in Rusticum circa finem.

*Quos ubi per varios annos, per mille figuras.
Egit Lethæo purgatos flumine &c.*

Neque dicat aliquis hos potius argumentum esse erroris, & fabularum, quandoquidem id sentiunt Ethnici, & Mahumetani; nam illa in quibus omnes ferè nationes conveniunt, vix possunt aliunde provenire, quàm à naturali lumine omnibus hominibus communi. Quæ enim sunt excogitata & conficta ab hominibus, varia sunt, & diversa pro Gentium varietate. Sicut ergo Deum esse, in quo omnes nationes conveniunt, dicimus verissimum esse, nec tamen

A recipimus in particulari Deos varios & multiplices, quos sibi quælibet natio fabricavit: & sicut post hanc vitam esse poenas, & præmia, in quo etiam conveniunt omnes, recipimus ut verum, nec tamen recipimus varias fabulas, quibus hoc explicant (nam esse poenas, & præmia post hanc vitam docuit omnes homines cognitio divinæ providentiæ, fabulas autem ex se finxerunt) ita etiam Purgatorii confessionem, in qua omnes ferè Gentes conveniunt, oportet dicere esse confessionem luminis naturalis; ejusdem enim providentiæ divinæ cognitio docuit Purgatorium, quæ docuit infernum, & paradysum, saltem generali & confuso quodam modo, quia nimirum videmus poenas, & præmia ita distribui in hac vita, ut plura bona habeant mali, & plura mala boni, ut plurimum: inde judicamus divinam providentiam in aliam vitam distulisse judicium, & veram distributionem præmiorum & poenarum.

Rursum videmus ex iis, qui migrant ex hac vita, alios esse valde bonos, alios valde malos, alios mediocriter bonos, & mediocriter malos: quocirca judicamus naturali lumine esse post hanc vitam poenas æternas pro valde malis, præmia æterna pro valde bonis, ac poenas temporarias, & per eas transitum ad præmia pro iis qui sunt mediocriter mali, vel boni. Hanc rationem sequutus est Plato, & alij, qui solo lumine naturali præditi, Purgatorium esse confessi sunt.

C Quarta ratio sumitur ab apparitionibus animarum, quæ se in Purgatorio esse renunciaverunt, atque opem à vivis imploraverunt, quas apparitiones cum viri gravissimi retulerint, non immeritò veras fuisse credimus, rideant licèt Lutherus, & Magdeburgenses. S. Gregorius lib. 4. Dialog. cap. 40. scribit de anima Paschasi, quæ in Thermis Puteolanis apparuit S. Germano Episcopo, & ejus precibus liberata est, & cap. 55. scribit aliud simile exemplum, & præterea de quodam Monacho suo, pro quo triginta Missas ipsemet Gregorius dici jussit, & ex ejus apparitione didicit liberatum.

D Gregorius Turonicus lib. de gloria Confess. cap. 5. scribit, B. Martino S. virginem quamdam nomine Vitalinam jam defunctam significasse se adhuc in purgatorio degere ob leve quoddam peccatum, ac paulò post precibus ejusdem S. Martini liberatam.

Petrus Damiani in epist. ad Desiderium scribit, B. Severinum Colonensem Episcopum apparuisse cuidam Presbytero ejusdem Ecclesiæ, eique significasse se adhuc in Purgatorio graviter torqueri, quòd horas canonicas non distinctis temporibus perfolvisset, sed manè omnes horas simul coacervasset, ut tota die negotiis Imperialibus liberius vacare posset.

E Beda lib. 3. hist. Anglorum cap. 19. scribit B. Fursum à mortuis resurgentem narrasse multa, quæ vidit de purgatoriis poenis, & lib. 5. cap. 13. refert mirabilem visionem cujusdam Diethelmi, qui similiter mortuus, & postea reviviscens mira narravit de inferno, purgatorio & paradiso. Et vita ejus sequens, ac fructus spiritualis, quem in aliis multis operatus est, testabatur veram fuisse visionem.

S. Bernardus in vita. B. Malachiz refert, B. Malachiz sororem ejus defunctam non semel apparuisse cum adhuc in purgatoriis poenis degeret, & tandem, frequenti Eucharistiæ ad Deum oblatione liberatam: & lib. 1. vitæ B. Bernardi cap. 10. refert Guglielmus Abbas, qui vitam Sancti Bernardi scripsit, ipso adhuc vivente, apparuisse aliquando B. Bernardo unum ex defunctis Monachis, in Purgatorio laborantem, & precibus, ac sacrificiis viri Sancti paulò post liberatum. Quod exemplum ipsum B. Bernardum narrare solitum scribit auctor ejus vitæ.

Libro primo vitæ B. Anselmi similiter legimus, B. Anselmum annum integrum instituisse sacrificiis quotidianis, & tandem apparente sibi amico defuncto, pro quo tamdiu oraverat, didicisse eum de Purgatorio liberatum. Plura similia legi possunt apud Vincentium lib. 23. speculi historialis, in revelationibus S. Brigittæ, & in vita Christinæ mirabilis: sed quæ attulimus sunt magis authentica.

Respondent Magdeburgenses, esse fabulas. At nec est credibile, tam sanctos viros decipere voluisse, neque etiam ipsos deceptos fuisse, cum haberent spiritum discretionis, & essent amici Dei.

Ultima ratio esse potest, quia ista opinio, quæ tollit purgatorium, non solum est falsa, sed etiam perniciosa: siquidem homines socordes facit in peccatis cavendis, & bonis operibus faciendis. Qui enim cogitat nullum esse purgatorium, sed omnia peccata per mortem aboleri in eis, qui moriuntur cum fide, facile dicet apud se: Quorsum ego laboro in jejuniis, precibus, continentia, elemosynis? Cur fraudo cor meum deliciis & voluptatibus? quandoquidem in morte sive pauca, sive multa peccata habuero, omnia delebuntur. At qui cogitat remanere præter Gehennam, ignem acerrimum Purgatorii, & quicquid hic deletum non fuerit per debitæ poenitentiae opera ibi diluendum, certè diligentior, cautiorque evadit.

CAPUT XII.

Solvuntur argumenta ex scripturis.

Superest argumenta adversariorum solvere, quæ partim ex Scriptura, partim ex Patribus, partim ex naturali ratione sumuntur.

Prima objectio, Psalm. 126. *Cum dederit dilectis suis somnum, ecce hereditas Domini*; non igitur Purgatorium intercedit inter mortem fidelium, & celestis hereditatis consequutionem.

Respondeo, tractat Psalmus de generali resurrectione, ut S. Augustinus rectè exponit: & hic est sensus eorum verborum; Cum dederit dilectis suis somnum, idest, cum dormierint per corporalem mortem omnes electi, ecce hereditas Domini, idest, continuò tunc apparebit hereditas Christi, resurgentibus in gloria omnibus ejus electis, quæ hereditas est etiam merces ejusdem Christi, qui passione & morte sua nos acquisivit. Itaque idem est hereditas, & merces; idem filii, & fructus ventris; filii enim Dei per adoptionem sunt hereditas Domini; & iidem filii, qui & fructus ventris appellantur, sunt ejusdem Domini merces. Adde quòd in textu Hebraico, quem adversarii Latino præferunt, non habetur, cum dederit, sed sic dabit. Proinde ruit vis tota argumenti, non enim exprimitur quando adveniet hereditas Domini.

Secunda objectio, Ecclesiastæ 9. *Quodcumque facere potest manus tua instanter operare, quia nec opus, nec ratio, nec sapientia, nec scientia erunt apud inferos, quò tu properas*. Videtur enim sapiens his verbis significare, voluisse, nullum esse remedium in alio sæculo.

Respondent aliqui, hæc dici à Salomone in persona impiorum, qui non modò Purgatorium, sed etiam Gehennam tollunt, & nihil omnino esse credunt præter hanc vitam. Alii docent Salomonem ad eos loqui, qui otiosè & flagitiosè vivunt, & ad Gehennam rectà proficiscuntur: quo in loco verissimum est nullum esse remedium vel solatium. Utamque expositionem attingit S. Hieronymus in

A) commentario. At sanctus Gregorius lib. 4. Dialogi cap. 39. accommodat hæc omnia satis aptè ad eos etiam, qui ad Purgatorium deducuntur; nam soli illi purgari possunt, & precibus viventium juvari, qui dum hic viverent, id meruerunt bonis suis operibus, ut in alia vita juvari possent; quare omnes debent in hac vita quidquid possunt boni peragere, quia in alia vita non juvabuntur, nisi per ea, quæ hic gesserunt, meruerint, ut juvari possent.

Tertia objectio, Ecclesiastæ 11. *Si ceciderit lignum ad austrum, aut ad aquilonem, in quocumque loco ceciderit ibi erit*. Non igitur, inquit, datur tertius locus, idest, Purgatorium, unde aliquando exeundum sit.

B) Respondeo, ad literam Sapientem loqui de morte corporali, ac velle dicere, ita homines necessario morituros, & cum mortui fuerint, per se numquam surrecturos, quemadmodum lignum tandem aliquando cadit, & ibi manet, ac putrescit, ubi cecidit. Si tamen velimus hæc ad statum animæ accommodare, tum dicendum erit, eos qui ad Purgatorium pertinent, ad austrum cecidisse, idest, ad statum salutis æternæ, & in eo statu salutis perpetuò permansuros: vel certè dici poterit per austrum gloriam coelestem, per aquilonem Gehennam intelligi, sed non omnes cadere ad austrum, aut ad aquilonem. Porro hunc locum nihil officere assertioni Purgatorii, ex eo etiam intelligi potest, quòd si Purgatorii assertioni officeret, officeret etiam assertioni ejus loci, ad quem sancti Patres ante Christi adventum descendebant, sive is locus sinus Abrahæ, sive limbus Patrum, sive infernus nominetur, constat enim Patres in eo loco non mansisse perpetuò. Vide Hieronymum in commentario, & Bernardum serm. 49. ex parvis.

Quarta, objectio, Ezechielis 18. *Cum aversus fuerit impius ab impietate sua, omnium iniquitatum ejus non recordabor*. At quomodo, inquit Petrus Martyr, non recordatur Deus iniquitatum amicorum suorum, si eas tam severè in purgatorio punit?

C) Respondeo dupliciter. Primò, non recordari iniquitatum, nihil aliud esse, quàm non servare inimitiam cum eo qui peccavit; nam si recordari iniquitatum, esset punire mala merita, recordari justitiarum esset remunerare bona merita. At non concedunt adversarii, recordari justitiarum, esse remunerare bona merita, ne videlicet merita justorum admittere cogantur, igitur neque debent concedere, recordari iniquitatum esse punire iniquitates; nam Ezechiel eodem modo de justitia & de iniquitate loquitur.

D) Secundò responderi potest, recordari iniquitatum esse quidem punire, sed punire in æternum; nam cum ibidem legimus, si justus averterit se à justitia, omnes justitiæ ejus non recordabuntur: cogimur ita exponere, ut dicantur justitiæ tradi oblivioni, non quòd non remunerentur temporali aliquo præmio, sed quòd non liberent hominem à Gehenna, nec remunerentur præmio sempiterno; nam alioqui opera bona impiorum non fraudari temporali mercede, docent Patres, Chrysostomus homilia 67. ad populum Antiochenum, Hieronymus in cap. 29. Ezechielis, Augustinus lib. 5. de civitate Dei cap. 15. & Gregorius hom. 40. in Evangelia, & colligitur ex illis verbis Lucæ 16. *Recepisti bona in vita tua*.

E) Quinta objectio, Matthæi 25. Duo solum ordines hominum inveniuntur; aliis enim dicitur: *Venite benedicti*. Aliis: *Ite maledicti*. Item Marci ultimo: *Qui crediderit, & baptizatus fuerit, salvus erit; qui vero non crediderit, condemnabitur*. Denique Joannis 3. *Qui credit, non judicatur; qui non credit, jam judicatus est; non igitur, inquit Brentius, locus ullus rema-*

remanet Purgatorio, cum duo solum sint loca post hanc vitam.

Respondeo, in extremo iudicio, de quo agitur Matth. 25. rectè duos tantum fieri ordines, quia tunc Purgatorium finem accipiet ac deinceps duo tantum loca remanebunt, Paradisus, & Gehenna. Porro, qui credit, salvus erit, & non iudicatur, idest, non condemnatur, modò etiam addat cetera quæ requiruntur; fides enim ex se iustificat, & salvat, si aliunde non sit impedimentum. Quemadmodum dicere solemus, ex hoc semine nascetur arbor, si videlicet non desint calor solis, humor aquarum, & si qua alia requiruntur; neque continuo qui salvus erit per fidem, sine Purgatorio salvus erit, multi enim salvantur, sic tamen quasi per ignem, ut suprà ex Apostolo demonstravimus.

Sexta obiectio, Lucæ 23. Latroni in extrema hora converso dicitur à Christo: *Hodie mecum eris in Paradiso*. Non ergo, inquiunt Petrus Martyr, & Bernardinus Ochinus, remanet Purgatorium pro iis, qui in hac vita non egerunt poenitentiam. Respondeo, mortem illam durissimam patientissimo animo toleratam, & confessionem tam admirandam eo tempore, quo Christum Apostoli ipsi negabant, potuisse iustè in plenam satisfactionem reputari. Adde, quòd privilegia paucorum legem non faciunt.

Septima obiectio, Rom. 8. Nihil damnationis est iis, qui sunt in Christo Jesu.

Respondeo, Paulum eo loco disputare de concupiscentia, ac velle dicere, iis qui sunt in Christo Jesu, & ejus gratia muniri, non consentiunt motibus carnis suæ, nihil peccati contrahere ex ejusmodi motibus. Itaque hic locus non Purgatorium oppugnat, sed hæresim adversariorum, qui vera peccata esse volunt eos etiam motus, quos interdum iustus sentit, licet eis non consentiat.

Octava obiectio 2. Corinth. 5. *Si domus terrena nostra habitationis dissolvitur, habemus domum non man factam, æternam in caelis*; rectè igitur post mortem sine ullo Purgatorio pii homines transferuntur in cælum.

Respondeo, B. Paulum id solum asserere, patere domum coelestem post mortem, non patere ante mortem. Quòd autem continuo omnes pii transferantur ad cælum post mortem, ipsum non dicere, sed contrarium potius indicare, cum ait: *Si tamen vestiti & non nudi inveniamur*. Significat enim his verbis eos, qui meritis & virtutibus vestiti sunt, ac proinde perfectam poenitentiam in hac vita egerunt, mox in domum coelestem deduci; alios autem salvari quidem, sed sic tamen, quasi per ignem, ut ipse idem ait, 1. ad Corinth. 3.

Nona obiectio, 2. Corinth. 5. *Omnes astabimus ante tribunal Christi, ut referat unusquisque prout gessit in corpore, sive bonum, sive malum*. At si post hanc vitam peccata remitterentur, & locus esset purgationi, certè non reciperet unusquisque prout gessit in corpore.

Respondeo, verissimam esse B. Pauli sententiam; Nam etiam illi, qui remissionis & purgationis locum inveniunt in futuro sæculo, nihil recipiunt, nisi quod gesserunt in corpore; id enim meruerunt perseverando in fide & charitate usque ad mortem, ut etiam post mortem purgari & juvari possent. Qua ratione etiam sancti viri post mortem, etsi nihil propriè mereantur, tamen impetrant à Domino quicquid postulant, quoniam id meruerunt in hac vita rectè vivendo, ut etiam post hanc vitam à Domino exaudirentur. Vide hoc ipsum quod nos docemus, apud Dionysium lib. de Eccles. hierarch. cap. ultim. part. 3. apud Augustinum lib. Enchiridii

Contror. Card. Bellarm. Tom. II.

cap. 110. & lib. de cura pro mortuis c. 1. & apud Gregorium lib. 4. Dialogorum cap. 39. Atque ad eundem modum intelligenda sunt illa: *Reddet unicuique secundum opera sua*, Roman. 2. Et illa: *Unusquisque onus suum portabit*. Et: *Qua seminaveris homo, hæc & metet*, Galat. 6.

Decima obiectio, Apocalypsis 14. *Beati mortui, qui in Domino moriuntur, amodo jam dicit Spiritus, ut requiescant à laboribus suis; opera enim illorum sequuntur illos*. At pii omnes in Domino moriuntur, omnes igitur pii post mortem requiescunt, neque ullus est qui in Purgatorio torqueatur.

Respondeo cum S. Anselmo, in commentario huius loci, illud, *amodo*, non significare à morte unicuiusque, sed ab extremo iudicio, de quo in toto eo capite S. Joannes loquitur. Itaque hic erit sensus: *Beati mortui, qui in Domino moriuntur, amodo enim, idest, à fine huius iudicii, de quo nunc loquor, in æternum requiescent à laboribus suis; vel si id minus alicui probetur, respondere possumus cum Richardo de S. Victore, & Haymone in hunc locum, loqui B. Joannem de viris perfectis, ac præsertim de sanctis Martyribus, (eos enim eo loco consolari volebat) qui simpliciter moriuntur in Domino, neque aliquid purgandum secum ferunt; nam qui decedunt cum peccatis venialibus, aut cum debito poenæ alicujus temporalis, ii non simpliciter moriuntur in Domino, sed partim in Domino ratione charitatis, quam secum ferunt, partim non in Domino ratione peccatorum, quæ nihilominus secum ferunt. Neque mirum videbitur, quòd aliquos dicamus mori partim in Domino, partim non in Domino, si legatur S. Augustinus lib. 3. contra duas epistolas Pelagianorum cap. 3. ubi eosdem homines in hac vita partim esse dicit filios Dei, partim filios huius sæculi. Atque hæc de Scripturis.*

C A P U T XIII.

Solvuntur obiectioes ex Patribus.

EX Patribus profert Brentius primò Cyprianum, qui tract. 1. contra Demetrianum, ait in fine: *Quando isthinc excessum fueris, nullus jam poenitentia locus est, nullus satisfactionis effectus.*

Respondeo, loqui eum de satisfactione pro culpa, quæ præcedit justificationem; Patres enim diserte duplicem ponunt satisfactionem. Unam ante justificationem, qua Deus placatur de congruo: & inclinatur ad culpæ remissionem, de qua Daniel 4. *Peccata tua elemosinis redime*. Alteram post justificationem, qua Deo ex condigno satisfacit pro poena. Quòd hic Cyprianus de priore loquatur, patet ex præcedentibus, ubi ait: *Mortamur, inquit, dum adhuc aliquid de sæculo superest, Deo satisfacere, & ad vera religionis candidam lucem de profundo tenebrosa superstitionis emergere*. Item ex sequentibus: Nam post verba citata à Brentio, immediatè sequitur: *Hic vita aut amittitur, aut tenetur*.

Secundò, profert Chrysostomum hom. 2. de Lazaro, ubi sic dicitur: *Cum hinc discefferimus, non est in nobis finis poenitere, neque commissæ diluere*. Et rursum: *Neque enim qui in presenti vita peccata non abluunt, postea consolationem aliquam inventuri sunt*.

Respondeo, loqui eum de remissione mortalium; nam exemplo Epulonis, qui in Gehenna cruciabatur, monet, ne differamus conversionem in aliam vitam. Nemo autem Catholicorum docet, culpas læthales remitti in Purgatorio.

Tertio, proferunt Ambrosium lib. de Bono mortis

V

us

113 cap. 2. Qui enim, inquit, hic non acceperit remissionem peccatorum, illic non erit, nimirum in patria beatorum.

Respondeo, loqui Ambrosium de remissione mortalium; Nam subiungit explicans: Non erit autem, quia ad vitam aeternam non potueris pervenire, quia vita aeterna remissio peccatorum est; ubi vitam aeternam vocat gratiam justificationis, quae est vita quaedam aeterna inchoata; nisi enim hanc vitam aeternam inchoemus, numquam ad gloriam beatorum venimus.

Quarto, objicit Petrus Martyr eundem Ambrosium, qui in cap. 23. Lucæ, & serm. 46. ait: *Lachrymas Petri lego, satisfactionem non lego.*

Respondeo, appellari satisfactionem eo loco excusationem. Solemus enim vulgo dicere; Ego satisfaciam illi, idest, purgabo verbis crimen obiectum, & ostendam me injustè accusari. Laudat igitur ibi Ambrosius Petrum, quod non excusaverit peccatum suum, quomodo Adam fecit, sed lachrymis potius confessus fuerit, & accusaverit, sic enim subiungit: *Rectè plane Petrus fleuit, & tacuit, quia quod deseri solet, non solet excusari, & quod defendi non potest, ablu potest.* Et suprà dixerat: *Invenio quod fleverit, non invenio quid dixerit, quia nimirum nihil Petrus dixerat in sui purgationem.*

Quinto objicit Calvinus Augustinum tract. 49. in Joan. *Habent, inquit, omnes animæ, cum de saeculo exierint, diversas receptiones suas; habent gaudium boni, & mali tormenta; sed cum facta fuerit resurrectio, & bonorum gaudium amplius erit, & malorum tormenta graviora, quando cum corpore torquebuntur.* Et infrà de gaudio bonorum loquens: *Requiem, inquit, qua continuè post mortem datur, si ea dignus est, tunc accipit quisque cum moritur.*

Respondeo, gaudium & requiem dari statim à morte omnibus, qui in charitate decedunt; Nam mox omnes certi sunt suæ aeternæ salutis, quod ingens gaudium affert; tamen non eodem modo datur istud gaudium, sed diversimodè, pro meritum diversitate; quibusdam enim datur sine admixtione doloris, quibusdam non sine temporalium admixtione poenarum, ut idem B. Augustinus sæpissimè docet.

Sextò, objiciunt Augustinum lib. Hypognostici ultra medium: *Primum, inquit, locum fides Catholicorum divina auctoritate credit, regnum esse celorum; secundum, Gehennam, ubi omnis apostata, vel à fide Christi alienus, aeterna supplicia experietur; tertium penitus ignoramus, immò nec esse in Scripturis sanctis invenimus.* Idem habet sermone 14. de verbis Apostolicis & lib. 1. cap. 28. de peccatorum meritis & remissione.

Respondeo, loquitur de locis æternis, Scribit enim contra Pelagium, qui invenerat tertium locum pro parvulis non baptizatis, quos volebat fore beatos quadam naturali beatitudine extra infernum, & extra regnum celorum. Quod autem non negaverit Augustinus, aut quicumque fuit, auctor Hypognostici, tertium locum temporarium post hanc vitam, ex eo potest intelligi, quod fides Catholica docet præter coelum & infernum fuisse ante Christi passionem sinum habrahe, ubi debebant animæ sanctorum Patrum, Luc. 16. ineptè igitur Erasmus ponit in margine ad illa verba: tertium penitus ignoramus Purgatorium, quasi dicat, Purgatorium est locus tertius, quem ignorat fides Catholica.

Septimò, Petrus Martyr objicit eundem Augustinum, exponentem illud Psalm. 31. *Beati quorum testata sunt peccata, ubi sic ait: Si texit peccata, noluit advertere: si noluit advertere, noluit animadvertere: si noluit animadvertere, noluit punire, noluit*

A: *agnoscere, maluit ignoscere.* Respondeo, loqui eum de poena aeterna; Nam de temporali, quod eam requirat Deus, patet ex locis suprà citatis ex eodem Augustino tract. 124. in Joan. & in Psalm. 50.

Octavo, proferunt Augustinum in epistol. 54. ad Macedonium, ubi dicit, post hanc vitam non esse locum morum corrigendorum. Respondeo, nihil hoc facit ad rem; Nam etsi non erit post hanc vitam locus, ubi flagitiosi convertantur, & mores suos corrigant, erit tamen, ubi peccata leviora iustorum, quæ flagitia dici non possunt, purgentur, & pro criminibus jam dimissis poena temporalis sui possit.

Nonò, objiciunt eundem Augustinum in epistol. 80. ad Hefychium: *In quo, inquit, quemque invenieris suis meritis dies, in hoc cum comprahendet mundi novissimus dies, quoniam qualis in die isto quisque moritur, talis in die illo judicabitur.* Respondeo, significat Augustinus post hanc vitam non crescere merita vel demerita, & ideo judicandos omnes ad gloriam, vel ad Gehennam, & ad majora vel minora præmia vel tormenta, prout erunt opera facta ante mortem.

Objiciunt decimò Theophylactum, qui in cap. 8. Matth. sic ait: *Anima egressa, in mundo non errat: iustorum enim animæ in manu Dei sunt, peccatorum vero & ipsa hinc abducuntur, ut animæ dicitis.* Respondeo, indicat Theophylactus, non vagari liberè animas per mundum, ut demones faciunt, sed clausas esse in suis receptaculis, & quamquam non meminit nisi duorum locorum, tamen non excludit alia. Possumus autem animas, quæ ad Purgatorium deducuntur, revocare ad quodlibet eorum duorum, quæ ipse ponit; Nam quia iustæ sunt, rectè possunt dici esse in manu Dei, licet non sint in regno; & similiter dici possunt esse in inferno, quia Purgatorium pars est inferni, vel certè locus vicinus.

Undecimò, Hieronymum objiciunt, qui sic in cap. 9. Amos loquitur: *Quando anima vinculis laxata corporeis, volandi quò velit, sive quò ira compellitur, habuerit libertatem, aut ad inferna ducetur, de quibus scriptum est: In inferno quis confitebitur tibi? aut certè ad caelestia sublevabitur.*

D Respondeo, non loqui Hieronymum de morte naturali, sed de solutione animæ à corpore per speculationem; Nam disputat eo loco de anima impia, quæ quocumque se verterit cogitatione, ibi Deum ultorem inveniet. Itaque cum dixisset: *Aut certè ad caelestia sublevabitur,* subiungit: *ubi sunt spiritualia nequitia in caelestibus & si sibi verè circumscisionis scientiam voluerit vindicare, & humilitate concepta habitare in montibus, & ibi scrutantem manum Dei evadere non valebit, quod si desperans salutem oculos Domini vitare tentaverit, & in ultimos falsarum fluctuum terminos pervenire, etiam ibi mandabit Dominus serpenti tormento, & antiquo, qui est inimicus, & ultor, & mordebit eam.* Capta quoque vitis, atque peccatis gladio Domini percussietur, ut per cruciatus, atque supplicia ad Dominum revertatur.

C A P U T XIV.

Solvuntur objectiones ex ratione de prompta.

U Ltimò, argumenta sumunt à rationibus. Prima ratio; Post remissionem culpam nulla remanet poena; Nam remissio culpæ fit per meritum passionis Christi, quod est infinitum & sufficientissimum ad tollendum omnem culpam & poenam, nihil igitur purgandum superest post justificationem.

Respondeo, primum retorquendo argumentum, nam

nam si Christus satisfecit pro omni culpa, & poena nostra, cur post remissam culpam adhuc tam multa patimur, & tandem etiam morimur? & ne dicant esse paternas castigationes in remedium futuri peccati, cur infantes baptizati aegrotant, qui non sunt capaces peccati actualis? Dico igitur Christi meritum sufficere ad omnem culpam, & poenam tollendam, sed debere applicari, ut sit efficax, alioqui omnes homines salvarentur.

Porro applicatio fit per actus nostros & Sacramenta. Voluit autem Deus ut post Baptismum per contritionem & confessionem, cum absolutione Sacerdotis, applicetur meritum Christi ad tollendam culpam, per opera autem satisfactoria applicetur ad tollendam poenam temporalem; nam poena aeterna commutatur in temporalem, quando remittitur culpa, quia cum remittitur culpa, redditur amicitia, & datur consequenter jus ad gloriam, ac proinde non debet puniri in aeternum, quia eo modo numquam ad gloriam perveniret, & tamen iustitia exigit: ut peccatum puniatur aliquo modo, ideò mutatur poena aeterna in temporalem, de qua re dictum est aliquid supra, & plura dicentur in disputatione, de satisfactione.

Secunda ratio; In Baptismo remittitur omnis culpa & poena; sed Poenitentia est quaedam Baptismi commemoratio, immò est Baptismus quidam, nihil igitur post poenitentiam remanet purgandum.

Respondeo, si Sacramentum poenitentiae accipiat Catholicè, & integrè, ut comprehendit contritionem, confessionem, & satisfactionem, plenam & jam perfectam, potest admitti totum argumentum; si autem accipiat pro sola absolutione, in qua praecipue Sacramentum consistit, negatur consequentia: Nam maximum discrimen est inter Sacramentum ablutionis, & Sacramentum absolutionis, cujus ignoratio causa est omnium errorum de satisfactione, de clavibus, de indulgentiis, de Purgatorio.

Dicimus ergo, in Sacramento Baptismi, Deum liberalissimè agere, & applicare Christi meritum per unam illam actionem absolutionis, ad tollendam omnem culpam & poenam futuri saeculi, idest, tam Gehennae, quam Purgatorii: nam poenas temporales huius vitae ne Baptismus quidem aufert, ut patet in pueris baptizatis aegrotantibus, & morientibus. At in Sacramento absolutionis Deum contrahere nonnihil manum, & applicare Christi meritum ad tollendam culpam, & poenam aeternam; tamen adhuc requirere opera poenitentiae, quibus redimamus temporales poenas, id quod patet ex cap. 6. ad Hebraeos, ubi dicit Apostolus. *Impossibile esse eos, qui semel sunt illuminati, idest, baptizati, iterum renovari ad poenitentiam*, nimirum baptismalem, quia Deus semel tantum utitur ea liberalitate. Et cap. 10. *Voluntariè peccantibus nobis post acceptam notitiam veritatis, idest, post illuminationem Baptismi, non relinquitur hostia pro peccato, idest, non relinquitur alius Christus patiens, & moriens, cui possimus rursus commori per Baptismum*; Sic enim exponunt haec duo loca omnes veteres Graeci, & Latini.

Ex quo habetur argumentum insigne pro Purgatorio: Nam statim ponitur adversativa particula, sed *terribilis expectatio iudicii, & ignis amulatio, qua consumptura est adversarios*. Si enim iste ignis significaret solum ignem Gehennae, sequeretur, omnes qui peccant post Baptismum necessariò damnandos, vel certè Paulum meptè loqui. Nec enim rectè dicimus, peccanti post Baptismum, non relinquitur alius Baptismus, sed Gehenna, si praeter Baptismum sunt alia remedia, ut revera sunt.

Comprou. Card. Bellarm. Tom. II.

A Oportet ergo dicere, B. Paulum per ignem intelligere ignem in genere, sive Gehennae, sive Purgatorii, ita ut hic sit sensus; Peccanti post Baptismum, non relinquitur alius Baptismus, neque aliud quod remedium aequivalens, idest, aequè facile, quod mox liberet ab omni poena; sed relinquitur ignis necessariò, aut perpetuus, si homo non convertatur, aut temporalis, si convertatur, qui tamen ignis temporalis Purgatorii erit in alio saeculo, nisi afflictionis ignis voluntariè assumptus purgaverit hominem in hac vita, & haec est quam vocamus satisfactionem.

B Idem patet ex Patribus, qui propterea Baptismum aquae vocant Baptismum facilem, & comparant navi, qua faciliè trajiciuntur flumina; At poenitentiam vocant Baptismum laboriosum, lachrymarum, ignis & secundam tabulam post naufragium.

C Denique ratio idem suadet, nam post primam reconciliationem qui peccat, tantò gravius peccat, quantò est magis ingratus, & majus lumen, & auxilium habuit. Vide Gregorium Nazianzenum oratione in sancta lumina & Theodoretum in Epitome divinorum decretorum, capite penultimo, & Damascenum lib. 4. cap. 10.

D Tertia ratio; Christi honor debet illibatus manere, ipse enim solus est liberator, & redemptor noster. At si nos satisfacimus, jam dividimus cum Christo honorem; sumus enim & nos ex parte aliqua redemptores nostri, nec totam salutem nostram, sed solum partem Christo debemus.

E Respondeo, si de verbis agitur, Scriptura aperte dicit Daniel. 4. *Peccata tua elemosynis redime*. Et Philip. 2. *Cum metu & tremore salutem vestram operamini*, ubi homo sui ipsius redemptor & salvator appellatur; nec propterea ulla fit Christo injuria; siquidem tota virtus operum & satisfactionis nostrae à Christi sanguine pendet, & si redimimus peccata, vel operamur salutem, id facimus per ejus spiritum nobis donatum, vel potius ipse Christi spiritus in nobis ista operatur, sicut nihil detrahitur Deo, quòd per secundas causas operetur; immò potius additur ad gloriam ejus, quia hinc apparet magis potentia & efficacia Dei, cum non solum operari possit, sed etiam dare aliis rebus vim operandi.

Quarta ratio; Si applicatur nobis per nostra opera Christi satisfactio, vel sunt duae satisfactiones simul junctae, una Christi, altera nostra, vel una tantum; si duae, ergo bis punitur eadem culpa, & duae poenae respondent uni culpae, si una tantum, vel illa est Christi, & tunc nos non satisfacimus; vel nostra, & tunc excluditur Christus, aut verè dividemus cum Christo honorem; Nam ille solvet pro culpa, nos pro poena.

Respondeo, tres esse modos dicendi. Primus quorundam est, qui asserunt esse unam tantum, & illam Christi esse, ac nos propriè non satisfacere, sed solum facere aliquid, cujus intuitu Deus applicat nobis Christi satisfactionem, quod est dicere; nostra opera non esse nisi conditiones, sine quibus non applicaretur nobis Christi satisfactio, vel ad summum, esse dispositiones. Ita Michael Bajus lib. de Indulgentiis cap. ultimo, quae sententia erronea mihi videtur; nam Scriptura & Patres passim vocant nostra opera satisfactiones, & peccatorum redemptiones. Deinde si potest homo justus suis operibus mereri de condigno vitam aeternam, cur non satisfacere pro poena temporali, quod est minus?

Secundus est aliorum, quòd sint duae, sed una ab altera pendens, qui modus non videtur mihi improbabilis; Nam etiamsi una sufficeret, tamen ad maiorem

jorem gloriam Dei, cui satisficit, & majorem honorem hominis satisficientis, placuit Christo conjungere nostram suam. Quomodo una gutta sanguinis Christi sufficiebat redimere mundum, & tamen voluit totum sanguinem effundere, ut esset copiosissima redemptio; quomodo etiam homo justus adultus, duplici titulo jus habet ad eandem gloriam, uno ex meritis Christi sibi communicatis per gratiam, altero ex meritis propriis.

Tertius tamen modus videtur probabilior, quod una tantum sit actualis satisfactio, & ea sit nostra; neque hunc excluditur Christus, vel satisfactio ejus; nam per ejus satisfactionem habemus gratiam, unde satisfacimus, & hoc modo dicitur applicari nobis Christi satisfactio, non quod immediate ipsa ejus satisfactio tollat poenam temporalem nobis debitam, sed quod mediate eam tollat, quatenus videlicet ab ea gratiam habemus, sine qua nihil valeret nostra satisfactio.

Præter has hæreticorum objectiones discutiemus etiam duas alias objectiones, quas Theologi proponere solent, ut rei veritas clarius elucescat. Sit igitur

Quinta ratio; In Purgatorio non est meritum, ergo nec satisfactio: Nam idem requiritur ad merendum, & satisfaciendum, & omnis satisfactio est meritum.

Respondeo, negandam esse consequentiam; nam requiruntur quidem communia quædam ad meritum, & satisfactionem, sed etiam quædam propria, ex quorum defectu aliquod est meritum sine satisfactione, & e contrario. Requiritur ad utrumque gratia inhabitans, sed hoc non sufficit? Nam ad satisfactionem requiritur, ut opus, quod fit, sit poenale, quod non requiritur ad meritum. Ad meritum requiritur libertas, quam sequitur laus; id quod non requiritur ad satisfactionem; qui enim à iudice cogitur solvere debitum, verè satisfacit, etiam si coactus. Requiritur præterea ad merendum status viæ; Deus enim Agonotheta noster statim tempus, præsentem vitam esse voluit; hinc igitur animæ, quæ degunt in Purgatorio, quia medix sunt, quoad statum inter viatores & beatos, vel damnatos; (nam sunt confirmatæ in bono, & tamen adhuc retardantur à consecutione summi boni) ideo possunt satisfacere, non mereri, cum nos utrumque possimus; beati & damnati neutrum.

Sexta ratio; Purgatorium constituitur partim ad remissionem culpæ venialis, partim ad satisfaciendum pro poena, sed neutrum habet locum post hanc vitam; nam ejus est à culpa resurgere, cujus est in culpam incidere, sed post hanc vitam non possunt animæ committere venialia peccata. Præterea peccata omnia remittuntur per poenitentiam, sed post hanc vitam non est poenitentia; nam idem est hominibus mors, quod Angelis casus, ut Damascenus dicit lib. 2. cap. 4. Sed Angeli per casum facti sunt immobiles in malo. Denique in hac vita, sicut potest homo justus mereri gratiæ augmentum, ita etiam remissionem venialium offensarum. At post hanc vitam nullum est meritum. De poena autem probatur sic: Poena est propter culpam, & crescente culpa, crescit poena, decrescendo culpa, decrescit poena: ergo remota culpa, removetur poena.

Respondeo, non defuerunt, qui propter hæc argumenta negarent peccatum veniale post hanc vitam posse remitti, ut B. Thomas refert in 4. dist. 21. quæst. 1. artic. 2. Sed dicebant remitti omnia venialia in ipsa morte per gratiam finalem; At errabant, quia Scripturæ & Patres disertè docent, post hanc vitam remitti peccata levia, neque fundamentum eorum est solidum; nam gratia finalis non potest

A remittere peccatum, quod actu placet, immò quod non displicet aliquo modo; At potest quis mori in complacentia peccati venialis, vel certè sine ullo actu, ut si moriatur repente, vel phræneticus, vel dormiens.

B Alii, ut Scotus in 4. dist. 21. quæst. 1. dicunt, peccatum relinquere solum in homine, postquam actus transiit, reatum poenæ, & ideo peccatum veniale dici remitti in Purgatorio, quia totaliter ibi punitur; mortale autem non dici remitti post hanc vitam, quia non punitur unquam ibi totaliter, nisi enim in hoc mundo mutetur reatus poenæ æternæ in reatum poenæ temporalis, & sic incipiat hic remissio, non poterit ibi purgari. Hæc sententia falsa est, tum quia sine ullo dubio peccatum relinquit in homine præter reatum poenæ, etiam maculam, aut aliquid simile, per quod dicatur homo formaliter peccator, & dignus poena, tum etiam, quia hoc modo revera peccata venialia non possent dici remitti in Purgatorio, non enim remittitur, quod totaliter punitur; remissio enim sonat condonationem.

C Aliæ est opinio ejusdem Scoti ibidem, peccata venialia remitti in primo instanti separationis animæ à corpore, remitti autem per merita præcedentia. Dicit enim ipse, omne opus bonum quod magis placet Deo, quàm displiceat veniale peccatum, remittere venialia peccata; cæterum dum homo vivit, non remitti omnia venialia per hujusmodi opera bona, quia est impedimentum ipsius complacentiæ peccati, quo impedimento sublato, quod fit in primo instanti post mortem, mox remitti peccatum. Non placet, quia non est probabile per omne opus bonum remitti venialia, nisi adsit displicentia saltem virtualis illorum peccatorum.

D Deinde, quia sequeretur post hanc vitam nunquam remitti nisi unum peccatum, nimirum illud, cujus actus continuatur usque ad mortem, id quod ipse admittit, sed est contra Scripturas & Patres; ut ex dictis patet. Tertio, quia non esset opus orare pro defunctis, ut à culpis venialibus solverentur, ut Ecclesia orat, ut patet apud Dionysium cap. ult. Eccles. hierarch. & ex orationibus Ecclesiæ, quibus petimus, ut dimittantur eis, quæ humana fragilitate contraxerunt.

E Est ergo opinio vera B. Thomæ in 4. distinct. 21. quæst. 1. artic. 2. dimitti in Purgatorio culpas veniales, per actum dilectionis & patientiæ; illa enim acceptatio poenæ à Deo inflictæ, cum ex charitate prodeat, dici potest virtualis quædam poenitentia, & licet non sit propriè meritum, quia non meretur gloriæ vel gratiæ augmentum, tamen est remissoria peccati.

Ad primum negatur major universaliter; Nam habet locum solum in mortalibus peccatis; quod enim ad venialia attinet, potest in Purgatorio anima liberari à veniali, quia habet media convenientia, idest, actum dilectionis peccato contrarium, non tamen potest cadere in peccatum veniale, quia caret fomite, & præterea quia est in bono confirmata.

Ad secundum dico, post hanc vitam non esse poenitentiam de mortalibus, quia damnati sunt obfirmati in malo, & hoc sibi vult Damascenus, tamen in animabus Purgatorii bene potest esse displicentia peccati, eaque ex charitate, & proinde utilis.

Ad tertium dico, animas Purgatorii non esse omnino in via, & propterea non posse mereri augmentum gratiæ: tamen neque esse omnino in termino, & ideo posse aliquid facere, quod pertineat ad peccati venialis remissionem.

Ad

Ad alteram partem argumenti respondeo, poenam pendere à culpa in fieri, non in esse, & ideo illud (decrecente culpa, decrescit poena) si intelligatur quòd quò minor est culpa, eò minorem generat poenam, verum est, alioqui est falsum, nam etiam ob culpam præteritam debetur poena.

CAPUT XV.

Purgatorii confessionem ad fidem Catholicam pertinere.

Superest nunc, ut Petri Martyris sententiam discutiamus, qui in commentario cap. 3. prioris ad Corinthios contendit, Purgatorium esse, non posse ad dogma fidei ullo modo pertinere; quæ fuit prima Lutheri opinio, sive primus ejus error. Rationes ejus sunt quinque.

Prima, quia scriptura tacuit Purgatorium in iis locis, ubi maxima fuit occasio de eo loquendi. Nam in Genesi cap. 49. describuntur funera Abraham, Isaac, Jacob, Saræ, Rachelis, & tamen ne verbum quidem de Purgatorio. Item in Levitico instituuntur sacrificia mortuorum generum pro variis rebus, & nullum instituitur pro defunctis. Denique Paulus in prioribus epistolis ad Thessal. cap. 4. cum ex professione mortuis agat, nihil dicit de Purgatorio, sed solum asserit eos resurrecturos, & concludit: *consolamini invicem in verbis istis.*

Secunda ratio est, quia Ecclesia Græca, quæ est altera pars Ecclesiæ, diu resistit huic dogmati in Concilio Florentino, ergo si usque ad nostra sæcula tempora media pars Ecclesiæ non credidit Purgatorium, quomodo est articulus fidei?

Tertia ratio est, quia Dionysius cap. ult. Ecclesiasticæ hierarchiæ, quæstionem proponit, Cur Antistes in sepultura fidelium oret pro defunctis, & Purgatorii non meminit, sed anxie laborat, ut quæstionem solvat. At si Purgatorium esset dogma fidei, potuisset statim facillimè respondere, orare pro defunctis, ut à Purgatorio liberentur.

Quarta ratio est, quia B. Augustinus disertis verbis asserit, se habere opinionem tantum incerta, non certa fide Purgatorium esse, in Enchiridio cap. 69. Tale, inquit, aliquid etiam post hanc vitam fieri incredibile non est, & utrum ita sit, quæri potest, & aut inveniri, aut latere nonnullos fideles, per ignem quemdam Purgatorium, quanto magis minusve bona pericula dilexerunt, tanto tardius citiusve salvari. In libro de octo quæstionibus Dulceti quæst. 1. Sive ergo, inquit, in hac vita tantum homines ista patiuntur, sive etiam post hanc vitam talia quadam judicia subsequuntur, non abhorret quantum arbitror à ratione veritatis iste intellectus hujus sententia. Idem habet lib. de fide & operibus cap. 16. Denique lib. 21. de Civitate Dei cap. 16. ait: Post istius sane corporis mortem, donec ad illum veniatur: qui post resurrectionem corporum futurus est damnationis, & remunerationis ultimus dies, si hoc temporis intervallo spiritus defunctorum ejusmodi ignem dicuntur perpeti, quem non sentiant illi, qui non habuerunt tales mores, & auctores in hujus corporis vita, ut eorum ligna, fanum, & stipula consumatur: alii verò sentiant, qui ejusmodi secum adificia portaverunt, sive ibi tantum, sive hic, & ibi, sive ideo hic, ut non ibi, secularia, quamvis à damnatione venialia, concremantem ignem transitoria tribulationis inveniant, non redarguo, quia forsitan verum est.

Quinta ratio est, quia Scriptura aperte repugnat, Joan. 5. Luc. 13. Apocal. 14. ut supra attulimus, & refutavimus.

Controv. Card. Bellarm. Tom. II.

A Hæc sunt ipsius firmamenta, quæ adeò nos nihil movent, ut constanter iterum asseramus, dogma esse fidei Purgatorium, adeò, ut qui non credit Purgatorium esse, ad illud nunquam sit perventurus, sed in Gehenna sempiterno incendio cruciandus. Nam dogmata fidei quatuor modis probari solent.

Primò, ex testimonio expresso Scripturæ cum Ecclesiæ declaratione, quomodo probamus, Christum esse duobus Patri, ex illo Joan. 10. *Ego & Pater unus sumus*, addita Nicæni Concilii declaratione; nam alioqui nunquam lis cum Arianis finire potuisset, cum eum locum, & omnia alia, quæ asseri solent, ipsi aliter exponerent.

B Secundò, per evidentem deductionem ex iis, quæ habentur expressè in Scriptura, quomodo probamus, Christum habere duas voluntates, divinam & humanam, quia secundum Scripturas Deus & homo est, addita Concilii sexti declaratione.

Tertiò, ex verbo Dei per Apostolos non scripto, sed tradito, quomodo probamus Evangelia & Epistolas Pauli esse divinas Scripturas.

C Quartò, per evidentem deductionem ex verbo Dei tradito, quomodo B. Augustinus passim probat, peccatum originale esse in pueris necessariò credendum, etiam si in Scripturis non haberetur, quia deducitur evidenter ex traditione Apostolica de Baptismo parvulorum. Sufficiencia horum quatuor modorum inde patet, quia id solum est de fide, quod est à Deo revelatum mediatè, vel immediatè; revelationes autem divinæ partim scriptæ sunt, partim non scriptæ. Itaque decreta Conciliorum, & Pontificum, & Doctorum consensus, & alia omnia ad ista quatuor reducuntur, tunc enim solum faciunt rem de fide, cum explicant verbum Dei, aut inde aliquid deducunt.

Jam verò his omnibus modis probatur Purgatorium. Nam de primo modo patet ex viginti locis Scripturæ, quæ attulimus, quorum aliqua à tota Ecclesia exponuntur de Purgatorio, ut patet ex Conciliis & Patribus, quos citavimus.

D De secundo modo patet ex duabus primis rationibus, quas fecimus.

De tertio modo perspicuum est ex eo, quòd non invenimus initium hujus dogmatis, sed omnes veteres Græci & Latini ab ipso tempore Apostolorum constanter docuerunt Purgatorium esse. Talia enim ad Apostolicam traditionem referenda esse, B. Augustinus affirmat lib. 4. de Baptismo contra Donatistas cap. 24.

E De quarto modo patet ex Clemente, Tertulliano, Epiphanio, & Chrysostomo supra citatis, quia asserunt, orationem pro defunctis esse Apostolicam traditionem; & nulli unquam veterum contrarium dixerunt. Hinc enim evidenter colligitur Purgatorium esse. Nam si traditio est Apostolica, orandum esse pro defunctis, quis non advertat, continuò inde sequi, ut animæ post hanc vitam egeant auxilio, & proinde sint in poenis non sempiternis, sed temporalibus. Neque argumenta Petri Martyris difficulter solvi possunt.

Ad primum ergo respondeo, primò non esse necesse, ut Scriptura ubique omnia dicat.

Dico secundo ad illud de Genesi, in Genesi non fuisse occasionem ponendi doctrinam de Purgatorio. Nam Genesi non est liber dogmatum, sed historia quædam Patriarcharum. Porro doctrina eo tempore non Scriptura, sed traditione conservabatur. Nam alioqui dicemus, ante Abraham tempora neminem fuisse justificatum, quia Scriptura non tradit, quomodo justificarentur homines tempore Adæ, Henoch, Noe.

V 3

Dico

Dico ultimò, implicitè saltem contineri in Genesi mentionem Purgatorii; quòd enim dicitur Gen. 23. *Et surrexit Abraham ab officio funeris*, quis prohibet per illud, *Officium*, intelligere non solum lachrymas, sed etiam orationem & jejunium? & cur, quæso, Jacob & Joseph, in Ægypto morientes, cupierunt ossa sua deferri in terram promissionis, nisi quia ibi solum sacrificia pro defunctis facienda esse noverant.

Ad illud de Levitico, nego non fuisse in Levitico instituta sacrificia pro defunctis, quandoquidem illa, quæ instituta sunt pro peccatis, intelligebantur pro peccatis tam vivorum, quàm mortuorum, ut patet ex lib. 2. Machab. cap. 12.

Ad illud ex Paulo, dico, Paulum in eo loco solum voluisse dicere, non esse mortuos immoderatè defensos, quomodo Ethnici faciebant. Ad hoc autem propositum non solum non proderat, sed etiam oberat mentio purgatorii. Dicere enim, animas propinquorum gravissimè torqueri in Purgatorio, non est adferre materiam consolationis, sed majoris luctus; Paulus autem consolari volebat eos, ut patet, & ideo meminit resurrectionis & gloriæ, & concludit: *Itaque consolamini invicem in verbis istis*. In aliis autem locis, ut in priori epist. ad Cor. cap. 3. & 15. & ad Hebræos 10. disertè Paulus ponit ignem Purgatorii, & Baptismum laboriosum pro mortuis susceptum.

Ad secundum dico, Ecclesiam Græcam numquam dubitasse de Purgatorio, ut patet ex Patribus citatis; Dionysio Areopagita, Origene, Athanasio, Basilio, Gregorio Nazianzeno, Gregorio Nysseno, Ephrem, Chrysostomo, Cyrillo, Epiphanio, Theodoro, Oecumenio, Theophylacto, Damasceno, & ex ipso Concilio Florentino. Nam quod Petrus Martyr dicit, in eo Concilio Patres Græcos diu restitisse, mendacium est; siquidem in prima sessione, & rursus in ultima, affirmant, se perpetuò Purgatorium credidisse, & orationem pro defunctis, sed solum ambigere de qualitate poenæ; An sit videlicet ignis, an aliquid aliud. Quod ergo de Græcis jactatur, quòd Purgatorium negent, aut est falsum, aut de particularibus hominibus intelligendum est.

In tertio argumento miror Petrum Martyrem; nam etsi Dionysius non nominat Purgatorium, tamen expressè dicit, orari pro defunctis, ut à peccatis liberentur. Sic enim ait cap. 7. part. 3. *Precibus, inquit, à divina benignitate contendit, ut omnia peccata, quæ humana fragilitate admissa sunt ei, qui co-cessit è vita, remittat*. Deinde querit, cur oretur

A pro defunctis, ut eis peccata remittantur, cum scriptum sit omnes accepturos, prout in corpore gesserint? Et respondet, ideo orari, quia illi per merita hujus vitæ digni facti sunt, quibus preces viventium prodesse. Nisi ergo S. Dionysius secum ipse pugnaverit, non potuit Purgatorium ignorare, aut negare cum tam apertè orationem asserat pro defunctorum peccatis.

Ad quartum, opponimus alia loca S. Augustini. Nam in eodem Enchiridio cap. 110. asserit, orationes & sacrificia prodesse animabus, & similiter q. 2. ad Dulcitium & lib. 21. de Civit. Dei cap. 24. dicit, constare, animas purgari post hanc vitam, & cap. 1. de cura pro mortuis agenda dicit: *Nam dubium est, prodesse orationem defunctis*.

B Respondet Petrus Martyr, debere hæc loca exponi per illa, in quibus dubitat. At quomodo, quæso, exponemus; constat, & non dubium est, per illa; Incredibile non est, & Forsan verum est? Necessè est igitur dicere. Augustinum aliquid de Purgatorio contra fidem tenuisse, & de aliqua re dubitasse, quid in de quo dubitavit, nos faciliè exponemus. At non potest ille exponere, quid sit, de quo non dubitavit, nihil enim minus dari potest, quàm eum non dubitare de Purgatorio in genere, id est, quòd sit aliquod Purgatorium post hanc vitam. Cum qua fide certa, rectè consistere dubitatio de qualitate poenæ, quæ imputatur, de qualitate peccati, quod punitur, de loco, tempore &c. At cum dubitatione de Purgatorio in genere, non potest consistere ulla certa fides circa Purgatorium, quam tamen Augustinus habere se dicit.

C Dico igitur, Augustinum in illis quatuor locis dubitare solum de genere peccati, quod punitur; An videlicet, sicut in hac vita immoderatus amor erga temporalia, purgatur à Deo variis afflictionibus, ut mortibus uxoris, liberorum &c. ita etiam credibile sit, post hanc vitam adhuc remanere in anima separata aliquas reliquias talium affectionum actualium, quæ purgari debeant tribulationibus, & molestiis, Etsi enim animæ corpore vacantes, non videntur posse tangi ejusmodi affectionibus corporalibus, tamen cum sint formæ corporum, & in corpore diu fuerint, & rursus appetant conjungi corpori, non est incredibile, eas recordari adhuc voluptatum, quas per instrumenta corporea perceperunt, & earum desiderio aliquo teneri. Quia verò res ista difficillima est, ideo rectè Augustinus dicit, posse queri, & numquam fortè inveniri &c.

Ad quintum supra responsum est.

LIBER SECUNDUS

DE

CIRCUMSTANTIIS

PURGATORII.

CAPUT PRIMUM.

De personis, quibus Purgatorium convenit.



DEMONSTRAVIMUS hactenus Purgatorium esse; nunc de circumstantiis Purgatorii, idest, de personis, loco, tempore, poenis, suffragiis, aliisque id genus differendum est. Prima igitur illa quaestio occurrit: *Quibus personis purgatio post hanc vitam conveniat?*

Multi autem extiterunt errores de ejusmodi personis.

Primus fuit, purgari debere post hanc vitam tam bonos, quam malos, uno Christo excepto. Hæc sententia solet tribui Alcuino, sed videtur esse non ejus solum, sed multorum Patrum. Origenes enim hom. 14. in Lucam: *Ego, inquit, puto, quia & post resurrectionem ex mortuis indigeamus Sacramento eluente nos atque purgante; nemo enim absque sordibus resurgere poterit, nec ullam posse animam reperiri, qua unversis statim vitiis careat.* Et in Psalm. 36. *Omnes nos venire necesse est ad illum ignem, etiam si Paulus sit aliquis, vel Petrus.*

Ambrosius in Psalm. 36. *Ignem ergo, inquit, purgabantur filii Levi, igne Ezechiel, igne Daniel.* Et in Psalm. 118. serm. 20. adducens illud Genes. 4. *Posuit ante paradisum flammeum gladium, dicit, illum gladium igneum, esse ignem purgatorium, per quem necessario transit, quicumque in Paradisum intrat: Omnes, inquit, oportet transire per flammam, siue ille Joannes sit, siue Petrus &c.* Et infra: *Unus ignem illum sentire non potuit, qui est justitia Dei Christus.*

Idem videtur sensisse Hilarius in illa verba Psalm. 118. *Concupivit anima mea desiderare judicia justitia tua.* Ubi insinuat etiam B. Mariam transire debuisse per illum ignem. Idem Lactantius lib. 7. c. 21. divin. Institut. & Hieronymus in cap. 7. Amos in illa verba: *Ecce vocabit ignem ad judicium.* Denique Rupertus lib. 3. in Gen. cap. 32. explicans flammeum gladium.

Hæc sententia accepta, ut sonat, manifestum errorem continet. Nam in Concilio Florentino sess. ultima definitum est, aliquas animas in infernum, aliquas in purgatorium, aliquas in cælum mox recipi. Deinde Ecclesia semper credidit eos, qui mox à Baptismo moriuntur, nullam Purgatorii poenam sentire posse, ut constanter Augustinus docet lib. 21. de Civ. Dei cap. 16. & similiter eos, qui baptizantur in sanguine suo, ut Cyprianus lib. 4. epist. 2. dicit, omnia enim peccata passione purgari affirmat, & ideo Martyres statim ad præmium pervenire.

Adde, quod Patres adducti (Origene excepto, cujus verba in homil. 14. in Lucam, non patiuntur commodam expositionem) videatur sano modo intelligi posse: Nam aliqui eorum per ignem non intelligunt ignem Purgatorium, sed ignem divini ju-

Centrov. Card. Bellarm. Tom. II.

A dicti, quomodo loquitur Paulus in priori epistola ad Corinthios cap. 3. cum ait: *Uniuscujusque opus quale sit, ignis probabit.* Et hoc modo fatendum est, omnes Sanctos, Christo excepto, per ignem transire. Ita videntur de igne loqui Hilarius & Hieronymus, & in loco posteriore Ambrosius.

B Aliqui verò videntur intelligere per ignem verum ignem Purgatorii, per quem tamen dicunt transire Sanctos sine ulla læsione, ita ut transeant per Purgatorium materialiter, non formaliter. Ita videntur loqui Lactantius, Ambrosius & Rupertus. Lactantius enim sic ait: *Sed & justos cum judicaverit Deus, etiam igne eos examinabit: tum quorum peccata vel pondere, vel numero pravaluerint, perstringentur igni atque amburentur: quos autem plena justitia & maturitas virtutis decocerit, ignem illum non sentient, habent enim aliquid in se Dei, quod vim flammæ repellat.* Sic etiam Ambrosius in Psalm. 36. ubi dixerat, omnes transituros per ignem, subjungit, quosdam mansuros in illo igne perpetuo, quosdam urendos, non tamen exurendos, quibusdam, idest, Sanctis instar roris futurum, ut quondam tribus pueris in Babylonis fornace.

C Conformis est huic sententiæ visio B. Fursi, quam describit Bedæ lib. 3. hist. cap. 19. Ille enim vidit in via ad cælum maximos ignes, per quos necessario transeundum erat, sed vidit simul eos, qui nihil haberent combustibile, idest, nullum culpæ aut poenæ reatum, illæfos transire, alios verò magis minusve exuri, prout plus minusve materiæ combustibilis afferebant. Sanè hanc sententiam, quæ docet omnes transituros per ignem, licet non omnes lædendi sint ab igne, nec auderem pro vera asserere, nec ut errorem improbare.

D Secundus error, est, omnes malos, tam demones, quam homines tandem inferno penitus evacuato salvandos, & proinde omnes poenas post hanc vitam esse purgatorias. Hic error Origenis fuit, ut referunt & refellunt Epiphanius epist. ad Joannem Hierosolymitanum, Augustinus lib. 21. de Civitate Dei cap. 17. & 23. Hieronymus in cap. 3. Jonæ, & Gregorius lib. 9. moral. cap. 45. & 46. & lib. 34. cap. 12. & 13. Nam Matth. 25. dicitur: *Ite maledicti in ignem æternum, qui parati estis Diabolo & angelis ejus.* Et ne fortè responderent, ignem esse æternum, sed non mansionem in igne, concludit Dominus: *Et ibunt hi in supplicium æternum, justis autem in vitam æternam.* Et Apocal. 20. *Diabolus, qui seducebat eos, missus est in stagnum ignis & sulphuris, ubi bestia & pseudopropheta cruciabuntur die ac nocte in sæcula sæculorum.*

E Errorem eundem tribuit S. Hieronymo, Rufinus lib. 1. invektiv. in Hieronymum, sed injuria: nam B. Hieronymus hujus erroris hostis acerrimus fuit, ut præter locum citatum patet ex Apologia 2. contra Rufinum, ex lib. 1. contra Pelagianos, ex epistola ad Pammachium de erroribus Joannis Hierosolymitani, & ex commentario in ultima verba Isaie. Quod autem citat pro hoc errore Rufinus ex com-

mentariis Hieronymi in epistolam ad Ephesios, sunt dicta in persona Origenis, ut idem Hieronymus docet de similibus erroribus, in Apologia 1. contra Rufinum. Dicitur exstare liber cuiusdam Stanislai Anabaptistæ pro hoc errore Origenis, qui inscribitur de divina philanthropia; sed eum librum nondum videre potui.

Tertius error est eorum, qui non quidem Diaboli, sed tamen omnium hominum peccatorum poenas, post hanc vitam dicebant esse temporales, & purgatorias, ut Augustinus refert & refellit lib. 21. de Civit. Dei cap. 18. & 24.

Quartus error est eorum, qui id sentiebant solum de omnibus Christianis, sive hæretici, sive Catholici essent; refert Augustinus ibidem c. 19. & 25.

Quintus eorum, qui id sentiebant de solis & omnibus illis, qui aliquando fuissent Catholici, Augustinus ibidem refert cap. 20. & 25. Hi errores refelluntur, tum ex Matth. 25. *Ite in ignem æternum.* Et Apocalypsis 20. *Cruciantur in sæcula sæculorum;* tum etiam ex Isaia ultimo; *Ignis eorum non extinguetur.* Et Galatas 5. *Qui talia agunt, regnum Dei non possidebunt.* Nam in his locis non soli Dæmones, nec soli homines Ethnici, aut hæretici, sed etiam flagitiosi Catholici puniendi esse dicuntur sine ullo fine.

Fundamenta errorum istorum erant quatuor. Primum, quia Psalm. 76, dicitur: *Nunquid obliviscetur misereri Deus, aut continebit in ira sua misericordias suas?* Secundum, quia Roman. 11. dicitur: *Conclusit Deus omnes in infidelitate, ut omnium misereatur.* Tertium, quia si Sancti orabant pro inimicis, & exaudiebantur in hoc mundo, multò magis orabunt, & exaudientur in die iudicii. Quartum, quia videmus in Scriptura supplicia à Deo absolute intentari, & tamen postea non inferri, ut patet Jo. 3. *Adbuc quadraginta dies, & Ninive subvertetur.* Unde intelligimus, inquirunt, cum Deus minatur supplicia, non significari ea re vera inferenda, sed tantum eos, quibus intentantur, dignos esse, qui ita punirentur.

Sed ad primum respondet Augustinus lib. 21. de Civit. Dei cap. 24. intelligi illa verba solum respectu bonorum, vel si extendantur ad damnatos, sensum esse, Damnatos puniendos quidem in æternum, sed tamen citra condignum. Posset etiam dici, intelligi illa verba, in hac vita, de qua dicitur: *Eccce nunc tempus acceptabile;* Nam de iudicio futuro dicitur Jacobi 3. *Judicium sine misericordia ei, qui non fecit misericordiam.*

Ad secundum respondet Augustinus ibidem, illud: *Ut omnium misereatur,* non significare omnium hominum, sed omnium nationum, idest, tam Gentilium, quam Judæorum, ita ut aliqui ex Gentibus, aliqui ex Judæis salventur, sicut illud: *Conclusit omnes in infidelitate,* significat tam Gentes, quam Judæos, idest, aliquos ex Gentibus, aliquos ex Judæis; Deus enim ante Christi adventum permittit Gentes ingredi vias suas in infidelitate & idololatria, ut postea confusi medicum requirerent, & invenirent, ut factum est. Deinde Gentibus conversis, permittit in infidelitatem ruere Judæos, ut & ipsi circa finem mundi confusi & humiliati, similiter convertantur.

Ad tertium respondet, Sanctos in hoc mundo orasse, quia sciebant in hac vita tempus esse fructuose poenitentiae, at in iudicio non oraturos pro damnatis, sicut nec nunc oramus pro Diabolo, aliisque damnatis.

Ad quartum respondet Augustinus, Ninivem verò fuisse everfam, ut prædictum fuerat; Nam omnes de malis facti sunt boni, quæ est everfio opti-

ma, & Deo gratissima. Potest etiam responderi supplicia à Deo intentata in hac vita, esse comminatoria, quia intelliguntur sub conditione, nisi quis egerit poenitentiam, at post hanc vitam non est poenitentia, saltem fructuosa: Nam Joan. cap. 9. dicitur: *Operamini dum dies est; venit nox, in qua nemo potest operari.* Et Eccles. 9. *Apud inferos non est opus, nec ratio &c.*

Sextus error est aliorum, qui volebant, omnes, & solos Catholicos in fide perseverantes ad Purgatorium descendere, quamvis alioqui pessimè vixissent, refert & refellit hunc errorem Augustinus lib. 21. de Civitate Dei cap. 25. & 26. Enchiridius cap. 68. de fide & operibus cap. 14. 15. & 16. & quæst. 1. ad Dulcitium. Nam Matth. 3. de fidelibus malis dicitur: *Paleas autem comburet igni inextinguibili.* Et Matth. 25. fidelibus immisericordibus dicitur: *Ite in ignem æternum.* Et 1. ad Corinth. 6. scribitur fidelibus à Paulo: *Neque ebriosi, neque avari, neque adulteri, neque molles, neque maledici regnum Dei possidebunt.* Et similiter habentur ad Galat. 5. & ad Ephes. 5.

Fundamentum hujus erroris erat locus ille 1. ad Corinthios 3. *Ipse autem salvus erit quasi per ignem;* Putabant enim illi per fundamentum intelligi fidem Catholicam, per argentum & aurum omnia opera bona, per ligna, scænum, & stipulas, omnia peccata; sed hoc supra sufficienter refutatum est.

Est autem observandum, esse aliquos, qui arbitrentur B. Hieronymum in hoc errore fuisse, quia in ultima verba Isaia dicit: *Sicut Diaboli & omnium negatorum atque impiorum, qui dixerunt in corde suo, Non est Deus, credimus æterna tormenta; sic peccatorum atque impiorum, & tamen Christianorum, quorum opera in igne probanda sunt atque purganda, moderatam arbitramur, & mixtam clementia sententiam iudicis.* Item lib. 1. contra Pelagianos: Si Origenes, inquit, omnes rationabiles creaturas dicit non esse pendendas, quid ad nos? qui & Diabolum & satellites ejus, omnesque impios dicimus perire perpetuo; Christianos verò si in peccato præventi fuerint, salvandos esse post poenas.

Videtur tamen Hieronymus in hoc errore non fuisse, quandoquidem in cap. 25. Matth. ubi manifestè agitur de damnatione æterna fidelium peccatorum, ita scribit: *Prudens Lector attende, quod & supplicia æterna sint, & vita perpetua metum deinceps non habeat ruinarum.* Et in cap. 5. ad Galat. Putamus, inquit, nos regnum Dei consequi, si à fornicatione, idololatria, veneficiis immunes somus? Ecce inimicitia, contentio, ira, rixa, dissensio, ebrietas quoque, & cætera, quæ parva arbitramur, excludunt nos à regno Dei.

In locis ergo citatis in contrarium, non vult B. Hieronymus dicere, omnes Christianos salvandos post poenas, sed nullos salvandos post poenas, nisi Christianos. Unde in priore loco dicit quidem Christianos impios salvandos, sed addit conditionem restringentem, cum dicit: *Quorum opera in igne probanda & purganda sunt;* idest, illi soli Christiani impii salvabuntur, quorum opera mala jam purgata, quoad culpam, purganda erunt quo ad reatum poenæ. In posteriore loco opponit impios Christianos, qui in peccato præveniuntur morte, ut iudicet se loqui solum de piis Christianis.

Septimus error eorum est, qui existimabant, omnes illos salvandos per ignem Purgatorii, qui elemosynas fecissent, etiam si alioqui in sceleribus perseverassent usque ad mortem.

Refellit hunc errorem S. Augustinus in Enchiridio cap. 75. & 76. & lib. 21. de Civitate Dei cap. 23. & 27. Nam Scriptura manifestissimis verbis multa requirit

requirit ad justificationem impii præter eleemosynam; & Luc. 13. Si penitentiam non habueritis omnes similiter peribitis. 1. Corinth. 3. Si distribuero in cibos pauperum omnes facultates meas, charitatem autem non habero, nihil mihi prodest. Qualem autem, quæso, charitatem habet, qui Deum offendere non timet, aut postquam eum offendit, non quærit reconciliationem?

At inquit, in die iudicii examen fieri videmus solum de eleemosyna, Matth. 25. qui enim fecerunt eleemosynam, mittuntur in regnum, qui non fecerunt, mittuntur in Gehennam.

Respondeo, Dominum minora posuisse, ut inde colligeremus majora, qui enim minatur Gehennam iis, qui non dederunt sua, multò magis punit eos, qui rapuerunt aliena; & qui promisit regnum iis, qui fecerunt eleemosynam ex pecuniis suis, multò magis coronabit eos, qui vitam pro fide ponunt. Vide, si placet, plura in disputatione nostra de Eleemosyna.

His ergo erroribus confutatis, manet ultima sententia vera, & Catholica: Purgatorium pro iis tantum esse, qui cum venialibus culpis moriuntur, de quibus agitur 1. ad Corinth. cap. 3. Illi enim sunt, qui ædificant super fundamentum ligna & stipulas, & salvi erunt quasi per ignem. Et rursus pro illis, qui decedunt cum reatu poenæ, culpis jam remissis, de quibus agitur Luc. 12. Non exies inde, donec reddas novissimum quadrantem; & alius locus supra citatus.

CAPUT II.

In Purgatorio non posse animas mereri vel peccare.

Sequitur altera quæstio: An in Purgatorio sit locus meriti, & peccati. Lutherus enim quoniam Purgatorium confitebatur, ita confitebatur, ut illud partim cum huius vitæ statu, partim cum inferno confunderet. Dicebat animas Purgatorii posse mereri, quod est vitæ huius, & rursus eas peccare continuò, ac desperare salutem, quæ sunt propria damnatorum. Radix horum fuit, quia existimavit eas animas ad Purgatorium mitti, quæ non sunt perfectæ in charitate, quæ enim nullam habent charitatem mittuntur in gehennam, quæ habent perfectam ascendunt in cælum. Quia verò imperfecta charitas debet augeri, & non potest augeri sine novis meritis, idè merendi statum posuit in Purgatorio. Rursus quia perfecta charitas foras mittit timorem, & proinde imperfecta habet admixtum timorem, servilem scilicet, & hunc timorem Lutherus peccatum esse existimat, inde deduxit animas peccare continuò, quia continuò timent, horrent, ac refugiunt poenas, quærunt quæ sua sunt &c. Vide librum Lutheri de Purgatorio, quem Joannes Eckius refellit.

Et quidem hanc Lutheri sententiam manifestè hæreticam esse, probatur testimoniis Scripturarum & Patrum. Primus locus Eccles. 9. Mortui nihil novērunt amplius, nec habent ultra mercedem. Hieronymus in hunc locum: Donec vivunt, inquit, homines possunt fieri iusti, post mortem verò nulla datur boni operis occasio. Et infra: Viventes meta mortis possunt bona opera perpetrare, mortui verò nihil valent ad id adiacere, quod semel secum tulero de vita. Et infra: Nec iustè quippe possunt agere, nec peccare, nec virtutes adiacere, nec vitia.

Secundus ibidem, ait Scriptura: Quodcumque potest agere manus tua, instanter operare, quia nec opus,

A nec ratio, nec sapientia, nec scientia, est apud inferos, quò tu properas. Non possumus dicere in alia vita nihil agi, aut sciri, cum Luc. 16. de Epulone legamus, eum & vidisse Lazarum in sinu Abraham, & primum pro se, deinde pro fratribus opere Abraham imploravisse; quare loquitur de opere meritorio, ut exponit Hieronymus. Neque loquitur de inferno inferiore, sed de inferno in genere, ut complectitur omnia loca, ad quæ descendebant omnes homines ante Christi resurrectionem, ut idem Hieronymus exponit.

B Tertius locus est, Eccles. 11. Si cecideris lignum sive ad austrum, sive ad aquilonem, ubicumque cecideris, ibi eris. Hieronymus in hunc locum, & Bernardus serm. 49. ex parvis, exponunt de immutabilitate animæ post hanc vitam quæ non potest de bona fieri mala, nec bona de mala.

Quartus est, Eccles. 14. Ante obitum tuum operare iustitiam, quia non est apud inferos invenire cibum.

Quintus est, Eccles. 18. Ne verearis usque ad mortem iustificari. Quare usque ad mortem, nisi quia post mortem non erit amplius tempus?

C Sextus, Joan. 9. Venit nox, in qua nemo potest operari. Origenes Psalm. 36. Chrysostomus, Augustinus, Euthymius, & Theophylactus in hunc locum, Hieronymus in c. 9. Eccles. & Gregorius lib. 4. Dialog. cap. 39. exponunt summo consensu per noctem, tempus alterius vitæ, per operari, facere opera meritoria significari.

Septimus est, 2. Corinth. 5. Omnes nos manifestari oportet ante tribunal Christi, ut referat unusquisque propria corporis, sicut gessit, sive bonum, sive malum. Quem locum exponens Augustinus in lib. de prædest. Sanctorum c. 12. monet propria corporis non vocari opera corporalia, quasi spiritualia iudicanda non sint, sed vocari omnia opera, quæ sunt dum sumus in eopore, quia post hanc vitam non superest tempus operandi, sed præmium aut poenas recipiendi.

D Octavus est, Gal. 6. Quia seminaveris homo, hac & metet. Et infra: Bonum autem facientes non deficiamus, tempore enim suo metemus non deficientes; ergo dum tempus habemus, operemur bonum. Hieronymus in hunc locum docet, tempus sementis non extendi ultra hanc vitam, serere autem esse bene operari.

Nonus est, Luc. 16. Redde rationem villicationis tue, jam enim non poteris amplius villicare &c. Exponunt Ambrosius & Theophylactus in hunc locum, Hieronymus quæst. 6. ad Algasiam, Augustinus lib. 21. de civ. Dei, cap. 27. & alii omnes per depositionem à villicatione, mortem, per non posse amplius villicare, non posse amplius mereri & lucrari.

E Decimus est, Apoc. 10. Angelus habens unum pedem super mare, & alterum super terram jurat per viventem in sæcula sæculorum, quia tempus non erit amplius, nimirum bene operandi. Denique Scripturæ hoc passim testantur, & nec ulla syllaba invenietur pro Lutheri errore.

Probatur Secundò ex Patribus Cyprianus serm. 4. qui est de mortalitate, ad hoc plurimum prodesse mortem dicit, ut eripiamur à periculis peccandi. Dum enim sumus in hac vita, in stadio pugnamus, pugnae finem obitus affert: quem locum Cypriani adducens Augustinus lib. de prædest. Sanctorum c. 14. inquit: His, atque huiusmodi Doctor ille sententiis in Catholica fidei luce clarissima satis aperteque testatur usque ad huius corporis depositionem peccandi pericula, temptatione sive metuenda; deinceps nulla talia quemquam esse passurum, quod etsi non testaretur, quando de hac re Christianus qualiscumque dubitaret?

Nota, Lutherum non posse vocari Christianum qualemcumque, ex sententia Augustini, sed planè Ethnicum, cum de re dubitet, de qua dicit Augustinus,

stinus, nullum Christianum dubitare posse. Idem Augustinus in Enchir. cap. 110. Quocirca, inquit, hic omne meritum comparatur, quo possit post hanc vitam relevari quispiam vel gravari: nemo autem se speret, quod hic neglexerit, cum obierit apud Deum promereri.

Chrysostomus hom. 2. de Lazaro multa dicit in hanc sententiam, & hom. 37. in Matth. *Præsentis*, inquit, *hæc vita tam rectè, quàm contra tibi proveniit tribuit potestatem; postquam verò diem tuum obieris, iudicium & pœna consequetur.* Hieronymus in cap. 9. Eccles. *Martiri*, inquit, *nec iuste possunt agere, nec peccare.* Damascenus lib. 2. de fide Orthodoxa cap. 4. *Quod est Angelis casus, idem hominibus mors.*

Tertiò probatur ratione: Nam Lutheri sententia secum ipsa pugnat; dicit enim Lutherus animas illas debere, & posse mereri, quia imperfectæ sunt in charitate, ut nimirum per nova merita augeatur, & perficiatur charitas. Ipse idem dicit animas illas, quia imperfectæ sunt, timere pœnas, & timendo peccare, & quia semper timent dum imperfectæ sunt, proinde etiam semper peccare dum imperfectæ sunt.

At ista pugnant inter se; nam qui peccat præsertim mortaliter, non potest mereri dum peccat: Animæ autem illæ semper peccant, dum sunt in Purgatorio, quia semper sunt imperfectæ, ergo numquam mereri possunt, dum sunt in Purgatorio. Præterea secundò, quia sequitur impossibile esse liberari animas de Purgatorio; nam semper peccabunt, dum timebunt; semper timebunt, dum erunt imperfectæ, semper erunt imperfectæ, donec accesserit nova charitas: nova charitas non potest accedere nisi per merita, non possunt illi mereri dum peccant, igitur numquam liberabuntur.

C A P U T III.

Solvuntur objectiones.

Superest argumenta solvere, Argumentum Primum; Animæ quæ in Purgatorio degunt sunt imperfectæ in charitate, igitur proficere debent & mereri ut perficiantur. Quòd sint imperfectæ probatur. Primò, quia si illæ animæ essent perfectæ, certè non punirentur; quorsum enim puniantur spiritus perfecti? Si dices, ut satisfaciunt Deo. Contra, quia Deo maximè satisficit per charitatem: *Charitas enim operit multitudinem peccatorum*, inquit Petrus 1. Pet. 4.

Secundò, quia si is qui moritur, debitor sit adhuc decem dierum jejunii, & tamen summè diligit Deum, incredibile est Deum non condonare illi decem illos dies, cum soleat Deus libenter acceptare voluntatem, ubi non invenit facultatem, ergo si illi non condonatur debitum, signum est non fuisse perfectum in charitate.

Tertiò, quia si essent perfectæ, non timerent pœnas; nam perfecta charitas foras mittit timorem; si non timerent pœnas, non punirentur, quia non est pœna id quod amatur, & libenter recipitur; ergo non essent in Purgatorio, nisi essent imperfectæ.

Quartò, quia nihil esse potest perfectum extra Deum, juxta illud 1. Corinth. 13. *Cum venerit quod perfectum est, evacuabitur quod ex parte est*; ergo animæ Purgatorii, quæ beatæ non sunt, necessariò imperfectæ sunt. Deinde probatur consequentia primi argumenti.

Primò, impossibile est in via stare; semper enim oportet progredi, aut regredi, ut Bernardus dicit,

animæ autem Purgatorii sunt in via; nondum enim pervenerunt. Secundò: *Virtus in infirmitate perfectitur*, 2. Corinth. 12. & aurum in fornace fit lucidius. Tertiò, impossibile est creaturam aliquam contrariari, nisi accipiat semper amplius & amplius, donec absorbeat in suum principium, ut patet in fluvio, qui semper accipiunt novam aquam, donec in mare ingrediantur, unde conservatio dici solet continua quædam creatio. Quartò, charitas post hanc vitam erit major, ergo augebitur, ergo per merita.

Respondeo ad antecedens, animas Purgatorii posse dici imperfectas respectu earum quæ sunt in gloria; & etiam unam in Purgatorio posse dici imperfectam respectu alterius, sive in Purgatorio, sive in hoc mundo existentis. Tamen absolute omnem animam in Purgatorio existentem esse perfectam in charitate. Nulla est charitas simpliciter imperfecta; dicitur enim 1. Joan. 2. *Qui servat verbum ejus, verè in hoc charitas Dei perfecta est.* Sufficit autem quilibet gradus charitatis, ut quis servet verbum, idest, præcepta Domini.

Ad consequentiam dico, animas Purgatorii, quatenus sint imperfectæ respectu earum, quæ sunt in cælo, debere perfici in charitate, sed illud augmentum non requirere nova merita; nam erit præmium omnium meritorum præteritorum. Dupliciter enim augetur charitas; uno modo in genere gratiæ, ut fiat homo aptior ad magis merendum, & hoc augmentum non datur post hanc vitam; altero modo in genere gloriæ, ut remunerentur omnia merita præterita, & hoc fiet in ipsa beatitudine, pars enim præmi erit, ut Augustinus dicit, lib. de correptione & gratia cap. 10. tanta copia charitatis, ut numquam excidere possit à beatitudine, & à justitia, qui ea copia charitatis præditus erit.

Ac ut ordine respondeamus ad singula capita hujus objectionis. Ad Primum dico, quamquam potest fieri, ut dolor internus sit tantus, & à tanta charitate procedens, ut plenè satisficiat pro omni reatu, tamen potest etiam fieri, ut non sit tantus dolor, & propterea remaneat aliquid in Purgatorio luendum; non enim repugnat perfectioni charitatis, quæ habetur extra regnum cælorum, reatus pœnæ, pro quo satisfaciendum sit. Ad verba B. Petri dico charitatem operire multitudinem peccatorum, sed non eodem modo quoad culpam, & quoad pœnam; nam culpam totam semper delet per actum suum proprium, pœnam autem tollit non semper totam per actum suum, sed per opera satisfactoria, quæ ipsa charitas imperat.

Ad Secundum dico similiter, si is qui moritur, summo amore doleat de peccatis, posse cum eo modo satisfacere pro omni pœna; si autem non sit tantus dolor, debere satisfacere postea in Purgatorio. Neque obstat, quòd ille cuperet jejunare, si superesset vita, & Deus acceptat voluntatem ubi non invenit facultatem; nam in isto invenitur facultas satisfaciendi, si non jejunando, certè patiando in Purgatorio.

Ad Tertium dico, animam Purgatorii non timere, sed pati reipsa pœnas; timor enim est futurorum, non præsentium: dico præterea non repugnare perfectæ charitati timorem pœnæ, alioqui Christus qui timuit pœnas, & ex eo timore sanguinem sudavit, Luc. 22. non fuisset perfectus in charitate. Quod autem Joannes dicit: *Perfecta charitas foras mittit timorem*, non intelligitur de timore pœnæ, sed de timore culpæ, præcipue propter pœnam; qui enim perfectè diligit, metuit offendere Deum, præcipue propter ipsum Deum, non propter pœnam, quæ sequitur offendentes Deum; atque ita perfecta chari-

charitas libera est ab illo metu servili, quo quis non audet peccare, ne damnetur, peccaturus si non timeret damnari.

Ad Quartum dico, extra Deum non posse inveniri aliquid ita perfectum, quod non debeat dici imperfectum respectu perfectionis gloriæ, tamen illud ipsum erit simpliciter perfectum: unde Paulus Philip. 3. dicit: *Non quod iam perfectus sim, sequor autem si quo modo apprehendam.* Et infra: *Quicumque ergo perfecti sumus: ubi se perfectum dicit absolute, & tamen imperfectum, comparatione facta ad beatos.*

Jam ad Primum in confirmationem consequentia, dico, animas Purgatorii non esse in via, sed in termino, quantum ad gratiæ augmentum, qui enim ad urbem aliquam tendit, & pervenit ad ejus portas nocturno tempore, dicitur jam pervenisse, & totam viam confecisse, licet portas inveniat clausas, & non possit ingredi, donec Sol oriatur. Præterea quod Bernardus ait: *In via Dei non progredi esse retrogredi,* non debet accipi mathematicè, sed moraliter, non enim vult dicere in quolibet opere nos mereri augmentum gratiæ, aut perdere aliquid gratiæ, sed eos qui non dant operam, ut proficiant, facile impelli posse à Diabolo, & mundo ad casum &c.

Ad Secundum dico, in primis Paulum ad literam loqui de virtute Dei, quæ dicitur perfici in infirmitate, quia tunc magis apparet Dei potentia, quò plura ei resistunt, habetur enim in Græco *ἀνὰ τὴν ἀσθενίαν*, idest, virtus mea. Dico præterea, virtutem etiam nostram perfici in tribulationibus, sed in hac vita tantum quoad verum augmentum virtutis, quia in hac vita tantum est locus merendi, at in futura dici posse perfici in Purgatorio, non quòd ei aliquid addatur, sed quòd auferatur rubigo peccatorum, quomodo aurum in fornace fit lucidius, non quia illi aliquid additur, sed quia separatur à terra, & plumbo, & similibus.

Ad Tertium dico, falsissimum esse illud principium Lutheri in rebus permanentibus, solumque habere locum in successivis, alioqui res permanentes nunquam essent eadem, & sic Deus nunc non puniret in inferno Judam filium qui peccavit, sed alium quem postea creavit, nec remuneraret Petrum, qui meruit, sed alium quendam postea creatum. Quod autem dicitur, conservationem esse continuam creationem, est verum, sed intelligitur creari illud idem, non augeri vel fieri aliud novum.

Ad Quartum jam est responsum.

Secundum argumentum Lutheri, Animæ in Purgatorio continuo peccant, ergo sunt in statu merendi, & demerendi. Probat antecedens, Animæ illæ horrent poenas, ac refugiunt, & requiem quarunt, ergo peccant. Antecedens probat, tum quia alioqui non punirentur, poena enim involuntaria esse debet, & amara, tum etiam, quia non deberemus precari illis requiem, & liberationem à Purgatorio, si amarent ipsæ eas poenas.

Probat Deinde consequentiam. Primò, quia verè amanti omnes poenæ dulcescunt, ergo animæ illæ dum refugiunt poenas non perfectè amant, proinde peccant. Secundò, quia dum refugiunt poenas, quarunt quæ suæ sunt, non honorem Dei. Tertio, quia Deum amant amore concupiscentiæ, dum cupiunt ab eo liberari. Quarto, quia Christus dicit, qui non accipit crucem suam, non est me dignus, idest, qui non accipit sponte & libenter. At crux animarum Purgatorium est, peccant igitur dum eam crucem refugiunt.

Respondeo, animas in Purgatorio horrere ac fugere poenas, & requiem querere, quatenus eas

A considerant ut malas, & naturæ contrarias, & tamen simul eas libenter admittere, & tolerare, quatenus considerant ut instrumenta, per quæ purgantur, quomodo agrotus horret medicinam amaram, & tamen libenter sumit, quia per eam curari sperat, neque in hoc ullum peccatum esse potest. Nam Dominus qui peccare non potuit, horruit tamen poenas, & dixit: *Pater transfer calicem hunc à me,* Matth. 26. & David clamat: *Quoniam tribulor, vehementer exaudi me,* Psalm. 68. Ex de Petro Christus ait, Joan. ult. *Cum senueris alius cinget te, & duces quò tu non vis.*

Denique S. Cyprianus ait lib. de mortalitate: *Quis non tristitia carere optet? quis non ad lætitiā venire festinet?* Et B. Augustinus lib. 10. Confessionum c. 28. de poenis loquens: *Tolerare eas jubet, non amare, nemo autem quod tolerat amat, quamvis tolerare amas.*

B Ad Primum ergo, quo probatur consequentia, dico, verè amanti non sic dulcescere poenas, ut eas non sentiat, sed sic, ut licet amaras, toleret tamen alacriter propter amatum, ut patet tum ex dictis, tum ex verbis S. Eleazari 2. Machab. 6. *Tu scis, inquit, Domine, quia cum à morte possem liberari, duces corporis sustineo labores, secundum animam verò propter timorem tuum libenter hac patior.* Et hic fuit communis affectus martyrum, qui revera sentiebant acerbissimos dolores, & tamen libenter eos ferebant, licet quibusdam Deus privilegio quodam sensum doloris abstulerit per affluentiam consolationis, ut scribit Rufinus lib. 10. hist. cap. 36. de Theodoro.

C Ad Secundum dico, eas non querere quæ suæ sunt, sed honorem Dei, cupiunt enim citò liberari, ut possint magis, & melius Deum laudare.

Ad Tertium dico, eas amare Deum amore amicitia, quia bonum suum referunt in Deum.

D Ad Quartum dico, eas accipere crucem suam, quia libenter patiuntur, nec petunt liberari, nisi secundum Dei voluntatem, & per media, quæ Deus instituit & certè si essent vera quæ dicit Lutherus, idest, animæ illæ si quærent quæ suæ sunt, & amarent Deum amore concupiscentiæ, nec vellent accipere crucem, non jam imperfectam charitatem, sed nullam haberent, & non in Purgatorio, sed in inferno essent.

E Argumentum Tertium, quorundam Catholicorum. Animæ Purgatorii habent omnia necessaria ad meritum, nam habent gratiam, fidem, spem, charitatem, & liberum arbitrium, saltem quoad exercitium, cur igitur non merentur? Deinde beati mereri possunt, ut patet de Christo qui semper fuit beatus, & tamen merebatur, ergo multò magis animæ Purgatorii mereri poterunt. Item dives in inferno oravit pro se, & suis Luca 16. ergo etiam animæ Purgatorii orare possunt, at ista oratio procedit sine dubio ex charitate, meretur igitur exaudiri. Denique idem confirmant auctoritate S. Thomæ, qui in 4. dist. 21. quæst. 1. art. 3. ad 4. dicit, post hanc vitam non posse reperiri meritum respectu præmii essentialis, sed tantum respectu accidentalis.

Respondeo ad argumentum, decisse ad meritum animabus Purgatorii statum vitæ, Deus enim, ut ex Scripturis manifestè probatur, solum pro tempore hujus vitæ constituit acceptare bona opera ad meritum, vel demeritum. Post hanc vitam verò bona opera erunt effectus gloriæ, & mala effectus damnationis.

Ad Primam confirmationem dico, Christum simul fuisse comprehensorem, & viatorem, & idè qua parte viator erat, mereri poterat, unde post mortem suam, quia defuit esse viator, nihil amplius meruit.

Ad

Ad Secundam dico, si animæ Purgatorii orent pro se vel nobis, de quo inferius in quæstione de suffragiis differemus, non mereri, sed solum impetrare ex meritis præteritis, quomodo nunc sancti orando pro nobis impetrant, licet non mereantur.

Ad Tertiam confirmationem dico, S. Thomam mutasse sententiam; nam in quæst. 7. de malo artic. 11. disertè docet, in Purgatorio nullum posse esse meritum nec essentialis, nec accidentalis præmii; quod idem docent Bonaventura, Scotus, Durandus, & alii: fortasse etiam B. Thomas in 4. nonnunc meriti non propriè uti voluit, sed impropiè; vocavit enim actum dilectionis in Purgatorio meritum remissionis culpæ venialis, quia est remissorius, licet non per modum meriti propriè dicti, sed per modum contrarii tollentis suum contrarium.

C A P U T IV.

Animas in Purgatorio certas esse de sua aterna salute.

Tertia quæstio nunc tractanda est. *Sintne in Purgatorio animæ certæ de sua salute, an incertæ.* Lutherus art. 38. docet, non esse certas. Idem docent quidam Catholici, qui existimant varias esse in Purgatorio penas, & unam esse omnium maximam, incertitudinem salutis, quæ dicunt quasdam solum animas mulctari, quæ licet revera certò salvandæ sint, tamen ipsas hoc ignorare. Ita videtur sentire Dionysius Carthusianus ob quasdam visiones, quas ipse refert libro de quatuor novissimis art. 47. Idem docet Michael Bau lib. 2. de merit. operum cap. 8. ubi probare volens peccatum veniale mereri ex natura sua mortem æternam, adducit in argumentum, quia alioqui sequeretur animas in Purgatorio certas esse de sua salute, quod absurdum ei esse videtur.

Denique idem videtur deduci ex sententia Cersonis lectione 1. de vita spiritali, & Joannis Rossensis contra articul. 32. Lutheri, qui admittunt veniale peccatum non esse tale, nisi ex misericordia Dei, ac proinde justè posse puniri in æternum, si Deus velit. Hinc enim sequitur, animas, quæ habent venialia peccata, non posse certò scire, an non punientur in æternum, quamquam Rossensis in art. 38. Lutheri contendit, animas Purgatorii esse certas de sua salute, quod non video quomodo cohereat cum priore sententia.

At communis Theologorum sententia est, omnes animas quæ in Purgatorio sunt, habere certitudinem suæ salutis. Ut autem intelligatur quantam habeant certitudinem, notandum est, tres esse gradus certitudinis:

Primus est ille, qui excludit omnem spem, & omnem timorem, & talis est beatorum, quibus beatitudo non est futura, sed præsens.

Secundus est ille, qui excludit omnem timorem, sed non omnem spem, & talis est in Purgatorio, nam beatitudo est illis futura, non præsens, & ideo non tollit expectationem; & rursum est ardua, quia per penas ad eam pervenient, & ideo illorum expectatio potest vocari spes, tamen non est contingens, sed necessaria, quia non possunt amplius ab ea excidere, & ideo tollit omnem timorem.

Tertius est ille, qui neque spem, neque timorem excludit, & dici potest conjecturalis certitudinis gradus, & talis est noster; nobis enim beatitudo est bonum futurum non præsens, arduum non facile, contingens non necessarium vel impossibile, & ideo

A. propriissimè speramus, & timemus, sumus enim adhuc in prælio, in stadio, in agone.

Nunc ostendamus rem ita esse. Si animæ non haberent certitudinem salutis, id necessariò fieret propter unam ex quatuor causis, vel quia adhuc possunt mereri, & demereri, vel quia nondum sunt judicæ, vel quia ignorant sententiam judicis, licet lata sit, vel quia propter magnitudinem dolorum ita absorbetur, & obscuratur earum iudicium, ut non possint cogitare, & videre hanc certitudinem: sed nihil horum habet locum; non primum, ut patuit; non secundum, quia licet iudicium universale nondum sit factum, tamen præter illud est particulare: quo judicantur animæ statim à morte, ut Theologi in quartum dist. 47. & B. Thomas 3. part. quæst. 59. art. 5. docent.

Adduci solent ad hoc iudicium particulare probandum loca duo: Unus ex illo Joan. 5. *Pater omne iudicium dedit filio*; cum enim dicit, *omne iudicium*, videtur plura iudicia significare, unum videlicet particulare, & aliud universale. Alter ex illo Hebr. 9. *Statusum est hominibus semel mori, & post hoc iudicium*. Sed illa loca non concludunt, uterque enim potest intelligi de iudicio universali; nam Joan. 5. illud (*omne*) non necessariò refertur ad duo iudicia, particulare, & generale, sed ad varios homines iudicandos, & ad varia opera, de quibus iudicandum erit, certè Augustinus exponit de ultimo iudicio. Alterius autem loci ex capite 9. ad Hebr. sensus est, cum fuerint mortui omnes homines, tunc fiet iudicium, ut Oecumenius exponit.

Efficaciter tamen probatur iudicium particulare ex illis verbis Eccles. 11. *Facile est coram Deo in die obitus retribuere unicuique secundum vias suas*. Item: *In fine hominis denudatio operum illius*. Et præterea idem colligitur evidenter ex alia veritate; nam de fide est, mox à morte impios descendere ad æterna supplicia, ut patet Luc. 16. de divite, & justos ad æterna gaudia, ut patet Luc. 23. de latrone: *Hodie mecum eris in Paradiso*. At non est ullo modo credibile prius distribui penas, & præmia, quam fiat iudicium.

Deinde Patres idem docent. Cyprianus sermone de mortalitate, *Gratulari, inquit, oportet, & temporis munus amplecti, quod dum nostram fidem firmiter promissus, & labore tolerato ad Christum per angustam Christi viam pergitur, premium vite & fidei ipso iudicante capiamus*. Chrysostomus hom. 37. in Matth. *Postquam, inquit, diem tuum obieris, iudicium, & pena consequetur. In inferno enim, Psalmista dicit, quis confitebitur tibi? Ubi etiam non additur statim, tamen necessariò subintelligitur. Nam refellit Chrysostomus illorum errorem, qui putabant Christum post mortem prædicaturum, & ad poenitentiam adducturum defunctos.*

Utitur autem hoc argumento; Post mortem sequitur iudicium, & post iudicium pena inferni, in inferno autem nemo potest confiteri Domino: igitur post mortem non est locus poenitentiae; quod si Chrysostomus non vellet dicere, statim à morte impios judicari, & trudi in infernum, sed differri hæc omnia in idem novissimum, nihil valeret argumentum eius. Responderetur enim, hoc medio tempore prædicari posse defunctis, dum iudicium universale differtur. Augustinus lib. 2. de origine animæ, cap. 4. *Jam illud, inquit, rectissimè, & valde salubriter credit, iudicari animas cum de corporibus exierint, antequam veniant ad illud iudicium, quo eas oportet jam redditur corporibus iudicari.*

His accedant exempla eorum, qui se iudicatos testati sunt. Scribit B. Gregorius lib. 4. Dialogorum cap. 36. de quodam Stephano, qui cum esset mortuus,

tus,

tuus, & iudici oblatu, audivit iudicem indicentem, non hunc sed Stephanum Ferrarium vocari iussi. Atque ita ille revixit, & simul Stephanus Ferrarius, qui in vicinia morabatur, obiit; cui simile narrat S. August. lib. de cura pro mortuis cap. 12. de quodam Curma. Addit autem Gregorius hæc non fieri vero errore, sed ut per istum quasi errorem, qui mortuus fuerat, revivisceret, & narraret viventibus tormenta, & iudicium quod manet impios post hanc vitam. Ibidem cap. 38. narrat exemplum de quodam Chrisorio, qui in articulo mortis positus, adhuc vivens vidit sententiam suæ damnationis.

Duo similia narrat Beda lib. 5. hist. cap. 14. & 15. de duobus, qui desperantes mortui sunt, quia jam viderant iudicium suum peractum, & sententiam latam. Simile narrat Joannes Climacus in sua scala gra. 7. de quodam eremita, qui in articulo mortis audiebatur quasi in iudicio positus respondere accusationibus, & interdum dicere, falsum est, non feci; interdum feci, sed poenitentiam egi; interdum: verum dicitis, nec habeo quod respondeam.

Denique exstat memorabile exemplum in vita S. Brunonis, de quodam Parisiensi Doctore, qui in ipsa Ecclesia, dum exequiæ fierent, sublato capite ex feretro clamavit: Iusto Dei iudicio accusatus sum, & sequenti die iterum clamavit, iusto Dei iudicio iudicatus sum, & tertio die, iusto Dei iudicio damnatus sum. Est autem notandum circa hæc exempla, tam iudicium illorum, quod ante mortem peractum est, quam istius Parisiensis, quod in triduum post mortem dilatum fuit, pertinere ad particularem quamdam, & extraordinariam providentiam, qua Deus utitur ad nos sive instruendos, sive terrendos, alioqui regulariter credendum est iudicium fieri statim à morte; nam ordinariè tempus poenitentiae utile durat usque ad extremum spiritum, ut aperte docet Leo epist. 90. ad Rusticum; nec est ratio cur post mortem retardetur iudicium, cum Deus non egeat testibus, nec allegationibus, sed in instanti possit iudicare. Dicit posset etiam, & fortasse probabilius, in exemplis à Beda allatis iudicium ante mortem non peractum, sed præostensum tantum fuisse: in exemplo autem illius Doctoris Parisiensis, iudicium non dilatum in alterum diem, sed solum altero die manifestatum.

Est etiam observandum, non posse certò defini-ri, an animæ deferantur ad iudicem, an ibi iudicentur ubi corpus relinquunt, & similiter an iudicentur immediatè à Christo in forma humana sententiam proferente, an solum divina virtute, quæ ubique præsens est, an verò per Angelos sententia manifestetur. Quod enim Scripturæ passim dicunt, Christum hominem esse iudicem vivorum & mortuorum, intelligunt de novissimo generali iudicio; nam etiam ante Christi incarnationem iudicium particulare exercebatur; unde non solum non est certum, sed nec admodum probabile, quod Innocentius III. affirmat libr. 3. cap. ult. de contemptu mundi, Christum in forma crucifixi apparere omnibus morientibus, tam bonis, quam malis.

Quantum ad Tertium, quòd sententia iudicis lateat animas quæ iudicantur, & falsum est, & impertinens; falsum quidem, quia iudicium particulare præcipuè fit ad hoc, ut innotescat sententia ei qui iudicatur. Nam propter alios erit generale iudicium; propter Deum non est necessarium iudicium, ipse enim omnia novit, ergo solum fit, ut innotescat ipsi animæ quæ iudicatur, & idem colligitur ex visionibus suprà citatis. Est etiam impertinens, nam etiam si non eis innotesceret senten-

ria iudicis, tamen faciliè possent per se cognoscere qualis sit, ab effectu, quia videbunt se statim in inferno, aut in cælo, aut in purgatorio.

At poterunt, inquires, dubitare, an sint in inferno, vel in purgatorio. Non ita est; nam in inferno blasphematur Deus; in purgatorio laudatur; in inferno non est fides infusa, neque ulla spes, aut charitas Dei: in purgatorio hæc omnia reperiuntur; ergo anima, quæ videbit se sperare in Deo, laudare, & diligere Deum, evidenter, cognoscat se in inferno non esse.

At poterit, inquiunt, metuere ne in infernum mittatur, licet ibi adhuc non sit; sed neque hoc dici potest; nam eadem fides manet in illa, quam hic habuit; hic autem credidit secundum clarissima Scripturarum testimonia; post mortem non posse fieri ullos de bonis malos, nec de malis bonos, & nullum nisi malum in infernum esse mittendum; cum ergo videat, se diligere Deum, & proinde se esse bonam, non metuet damnationem.

Dices: Nos hic videmus nos diligere Deum, & tamen non sumus certi, an simus iusti, ergo etiam animæ illæ non certò colligent ex dilectione sua iustitiam suam.

Respondeo: Nos non videmus habitum charitatis infusum, quo iustificamur, sed ex conjecturis fallibilibus colligimus eum in nobis esse, at animæ separatae sicut seipsas perspicuè intuentur, nec enim pendent ibi à phantasmatibus, ita etiam vident omnia quæ in se habent, ac proinde vident, an habeant verum habitum charitatis, an non; præterea sciunt animas esse immobiles tam in bono, quam in malo, ergo etiam si non viderent habitum suum infusum charitatis, tamen scirent numquam se Deum blasphematuras, nec odio habituras, ac proinde numquam in infernum mittendas. Denique ex fide noverunt animas impiorum mox à morte corporis detrudi in infernum, nec differri ulterius eorum supplicia, id enim omnes Catholici credunt ex cap. 16. Lucæ, ergo animæ quæ se vident extra infernum, credunt firmiter se in eum numquam mittendas.

Quantum ad Quartum, quòd animæ illæ propter nimios dolores impediuntur à cognitione sui status, & proinde putent se esse in inferno, & in quadam turbatione & desperatione versentur, ut Lutherus dicit, falsissimum est. Nam Primò, anima divinis in inferno, Lucæ 16. non impediatur à cognitione sui status, quanto minus ergo impediuntur animæ, quæ sunt in Purgatorio?

Secundò, quòd in hoc mundo impediuntur homines à recto iudicio ex intensione dolorum, provenit ex læsione organi corporei; at ibi est pura mens spiritalis, & incorruptibilis.

Tertiò quia Ecclesia in canone Missæ dicit, *Memento Domine famulorum, famularumque tuarum, quos nos præcesserunt cum signo fidei, & dormiunt in somno pacis.* Ubi Ecclesia orat pro animabus Purgatorii; nam subdit, ipsis Domine, & omnibus in Christo quiescentibus locum refrigerii, lucis, & pacis, ut indulgeas deprecamur. At certè quæ dormire dicuntur in somno pacis, non sunt anxie, nec desperant, sed potius habent admixtam cum summis cruciatibus incredibilem consolationem propter certam spem salutis.

Quartò, quia si crederent se damnatas, non peterent suffragia vivorum, nec dicerent se brevi liberandas si pro eis oretur, ut patet apud Gregorium lib. 4. Dialogorum cap. 40. & exemplis allatis in prima quæstione.

CAPUT V.

Solvuntur objectiones.

Objiciunt primò testimonia quædam Scripturarum, quibus utitur Ecclesia in officio defunctorum, dum pro animabus, quæ degunt in Purgatorio, orare eupit. Psalm. 6. *Anima mea turbata est valde.* Et ibidem: *Sana animam meam, quoniam conturbata sunt ossa mea.* Et Psalm. 114. *Circumdederunt me dolores mortis, & pericula inferni invenerunt me.* Certè ista tanta perturbatio & anxietas non potest nasci ex solis poenis, sed ex incertitudine, & metu æternæ damnationis; nam si animæ illæ perfectæ essent in charitate, & certæ essent de sua salute, non ita timerent, cum scriptum sit Proverb. 12. non contristabit justum quidquid acciderit ei.

Respondeo, stultum esse, ex eo quòd Ecclesia utitur aliquo Psalmo in officio defunctorum, vel le omnia verba ejus Psalmi intelligere ad literam de defunctis; quomodo enim intelligemus de defunctis illa verba ejusdem 6. Psalmi: *Lavabo per singulas noctes lectum meum, lachrymis meis stratum meum rigabo?* Itaque Ecclesia propter unam aut alteram sententiam, quæ ad rem præsentem facit, totum aliquem locum Scripturæ legere solet, etiamsi major pars illius loci ad rem præsentem non faciat. Sic in dedicatione Ecclesiæ legitur Evangelium de Zachæo, quia illa ultima verba: *Hodie salus huic domui facta est,* conveniunt aliquo modo dedicationi, & consecrationi Ecclesiæ: Sic in assumptione B. Virginis legitur Evangelium de Martha, & Magdalena propter illa verba: *Maria optimam partem elegit, qua non auferetur ab ea.* Sic denique (ut omittam cætera) in officio defunctorum propter illa verba Ps. 6. *Miserere mei Domine, quoniam infirmus sum.* Et propter illa Psalm. 114. *Placebo Domino in regione vivorum:* leguntur integri illi Psalmi.

Adde, quod falsum etiam est, quod in argumento assumitur, turbationem, & tristitiam non nasci ex dolore, sed ex incertitudine, aut desperatione salutis; nam Dominus ipse Joan. 12. cap. de se ait: *Nunc anima mea turbata est.* Et Matth. 26. coepit contristari & mœstus esse, & tamen nec incertitudo, nec desperatio in Dominum cadere poterat. Locus autem Proverbiorum non debet accipi de quavis tristitia, sed de tristitia deiciente, ac deprimente, quæ mortem operatur, quam B. Paulus 2. Corinth. 7. vocat tristitiam hujus sæculi.

Altera objectio sumitur ex illa oratione, quæ post Evangelium in Missa de mortuis recitatur: *Libera Domine animas omnium fidelium defunctorum de penis inferni, & de profundo lacu, libera eas de ore leonum, ne absorbeas eas tartarus, ne cadant in obscurum &c.*

Respondent aliqui, Ecclesiam orare pro agonizantibus, ne damnentur ad inferos; sed repugnat illud: Libera animas omnium fidelium defunctorum, non enim agonizantes dicuntur animæ defunctorum. Deinde usus Ecclesiæ habet, ut hæc oratio dicatur etiam in anniversariis defunctorum pro iis animabus, quæ ante multos annos migrarunt à corpore. Alii dicunt, hanc orationem fundi pro iis, qui sunt in Gehenna, quas interdum liberari contingit, ut fertur de Trajano: sed, ut omittam improbabilem esse illam Trajani historiam, qui in Gehenna sunt jam ceciderunt in obscurum, atque absorpti sunt à tartaro. Quid igitur pro illis Ecclesia orat ne cadant in obscurum, neve absorbeantur à tartaro? Deinde Ecclesia pro fidelibus tantum orat: *Libera,* inquit,

A *animas fidelium defunctorum.* Non autem sunt fideles, qui damnati sunt ad inferos.

Dux igitur solutiones alix dari possunt. Una est, quòd Ecclesia orat pro animabus, quæ in Purgatorio degunt, ne damnentur ad poenas Gehennæ semperternas, non quidem quòd certum non sit eas non damnandas ad eas poenas, sed quia vult Deus nos orare etiam pro iis rebus, quas certò accepturi sumus.

B Sed adversus hanc responsionem objici potest, quia etsi Ecclesia interdum oret pro iis rebus, quas certò est acceptura, non tamen orat pro iis rebus, quas jam accepit: potè jam accepit ne animæ illæ damnentur, cum certam sententiam illæ habuerint, & securissimæ sint. Deinde mens fidelium, qui pro defunctis orant vel orari cupiunt, certè eò fertur, ut animas illas juvent, & expediant à præsentibus poenis Purgatorii.

Verum istæ objectiones facillè diluuntur, nam etsi animæ Purgatorii jam acceperint primam sententiam in judicio particulari, eaque sententia liberæ sint à Gehenna: tamen adhuc superest judicium generale, in quo secundam sententiam accepturæ sunt. Quocirca Ecclesia orans, ne in judicio extremo animæ illæ cadant in obscurum, neve absorbeantur à tartaro, non orat pro ea re quam accepit, sed pro ea, quæ acceptura est.

C Ad illud verò de intentione fidelium, respondeo, etiam illi intentioni satisfieri, nam in illa oratione utrumque petitur, nimirum, ut liberentur animæ illæ de poenis inferni, idest, Purgatorii, quas in præsentia patiuntur, & postea liberentur à sententia damnationis in extremo judicio ferenda.

D Altera solutio est, quòd Ecclesia verè orat quantum ad intentionem suam, ut animæ liberentur à poenis Purgatorii, tamen utitur eo modo loquendi, quasi animæ tunc migrarent à corpore, & in periculo essent æternæ salutis, quia commemorat, & repræsentat diem depositionis sive obitus. Ut enim in celebratibus festorum Incarnationis, Natalis, Apparitionis, Passionis, Resurrectionis, & Ascensionis Domini Ecclesia ita orat, ac si tunc deberet Christus, vel incarnari, vel nasci &c. quia repræsentat illa mysteria ut præsentia, & tamen non intendit ad literam precari, ut Verbum carnem assumat, aut nascatur de Virgine &c. sed ut nobis applicetur fructus eorum mysteriorum: ita quoque in sacrificio pro defunctis, quia commemoratur dies obitus illorum, Ecclesia ita pro illis orat, ac si tunc morerentur, & tamen intendit orare, ut liberentur ab inferno eo modo, quo liberari possunt, idest, ut non detineantur diutius in illis poenis, vel ut refrigerium aliquod doloribus misceatur. Denique quomodo non est absurdum, nunc post mille & quingentos annos in adventu Domini dicere: *Rorate celi desuper, & nubes pluant justum, aperiat terra, & germinet Salvatorem:* & alia multa id genus, ita non est absurdum pro defunctis dicere: *Libera eas de ore leonum, ne cadant in obscurum &c.*

CAPUT VI.

De loco Purgatorii.

Sequitur quæstio quarta: *Ubi sit Purgatorium?* De qua quæstione nihil Ecclesia definivit; sunt autem multæ opiniones.

Prima quorundam qui putant ibi animas purgari, ubi peccaverunt, idest, variis in locis, & quidem quòd variis in locis animæ purgantur, satis probabiliter colligitur ex Gregorio lib. 4. Dialogorum

rum cap. 40. & cap. 55. qui refert animam Paschafii, & cuiusdam alterius in balneis quibusdam purgatas. Nec non ex epist. Petri Damiani de miraculis sui temporis, ubi describit visionem de purgatione animæ S. Severini in quodam flumine. At quod omnes ibi puniantur, ubi peccaverunt, non est probabile; nam contingit aliquem in multis locis peccasse, nec est verisimile in omnibus illis purgandum. Præterea visiones prædictæ contrarium ostendunt; nam Paschasius Diaconus peccaverat Romæ in electione Pontificis, purgabatur autem in thermis Puteolanis, & S. Severinus peccaverat in Palatio Imperatoris, & purgabatur in flumine.

Secunda opinio, loca animarum non esse corporalia: ita Augustinus lib. 12. de Gen. cap. 33. sed retractavit lib. 2. retract. cap. 24.

Tertia, loca pœnalia animarum esse hunc mundum, in quo animæ manent in corpore tamquam in carcere. Hanc refert, & refellit Irenæus in fine libri 5. nam Scriptura dicit, animas post hanc vitam descendere in infernum, ut patet Luca 16. & alibi.

Quarta, infernum & purgatorium animæ, nihil esse aliud præter conscientiam accusantem & punientem peccata: ita Philo in libro de congressu querendæ eruditionis gratia, & Origenes, ut refert Hieronymus in epist. ad Avitum. Hæc refellitur; nam si ista opinio esset vera, non minùs essemus nunc in inferno vel purgatorio, quàm post mortem.

Quinta est, infernum, & proinde purgatorium (sunt enim loca vicina) fore in valle Josaphat. Ita refert Chrysostomus sensisse veteres aliquos hom. de præmiis beatorum, tomo 3. Similem sententiam refert Gregorius lib. 4. Dialogorum cap. 42. fortè argumentum istorum fuit, quia Christus passim infernum vocat Gehennam, Gehenna autem est vallis quædam adeò conjuncta cum valle Josaphat, ut pars ejus esse videatur, de quo nomine infra dicemus.

Sexta opinio est, infernum esse statum animæ extra corpus; nam dum est in corpore in luce versatur, ut ex operibus apparet: cum de corpore exit, nihil amplius videre potest nisi beata sit, & istæ sunt tenebræ exteriores: ita refert Theophylactus in cap. 16. Luc.

Septima est, locum pœnalem animarum non esse terram, sed aerem illum caliginosum ubi Dæmones versantur: ita Gregorius Nyssenus in lib. de anima, & resurrectione, & Chrysostomus homilia de præmiis beatorum, & Auctor operis imperfecti in Matthæum hom. 53. cui sententiæ favet historia S. Fursei apud Bedam lib. 3. historię Anglorum cap. 19. illo enim defuncto cum ab Angelis in cœlum deduceretur, ostensi sunt maximi ignes supra aerem, qui servabantur (ut Angelus dicebat) ad mundi conflagrationem, & interim examinabantur ibi hominum opera.

Octava est communis Scholasticorum, Purgatorium esse intra viscera terræ, inferno ipsi vicinum. Constituunt enim scholastici communi consensu intra terram quatuor sinus, sive unum in quatuor partes divisum, unum pro damnatis, alterum pro purgandis, tertium pro infantibus sine Baptismo obeuntibus, quartum pro justis, qui moriebantur ante Christi passionem, qui nunc vacuus remanet: Quorum sufficiencia sumitur penes genera pœnarum, sunt enim hæc omnia loca pœnalia; omnis autem pœna, aut est tantum damni, aut etiam sensus, & rursus aut æterna, aut temporalis: pro pœna ergo solius damni æterna, est limbus puerorum; pro pœna solius damni temporali, erat limbus Patrum;

A pro pœna damni, & sensus æterna, est infernus; pro pœna damni & sensus temporali, est Purgatorium.

Quia verò hæc omnia fabulas esse Calvinus dicit lib. 2. Instit. cap. 16. §. 9. & similiter discipulus ejus Beza in cap. 2. Actor. & Magister ejus Bucerus in cap. 27. Matth. de singulis probandum est. Ac Primum, quod intra viscera terræ sit locus aliquis animarum, qui generali vocabulo vocatur infernus, demonstratum est à nobis lib. 4. de Christo cap. 9. inde petat Lector si velit plenè cognoscere, quæ ad hunc locum pertinent.

B Porro ad argumenta, quæ tunc attulimus, accedant variæ eruptiones ignis, quæ in terra apparent, quas non temerè B. Gregorius putat esse indicia quædam inferni, intra viscera terræ existentis lib. 4. Dialogorum cap. 35. nam in eodem lib. cap. 30. scribit se certa relatione cognovisse, eadem ipsa hora, qua obiit Rex Theodoricus Arianus, visam fuisse animam ejus iactari in foveam Vulcani, quæ est in Sicilia, & Laurentius Surius in historia anni 1537. scribit circa montem Heclam Insulæ Islandiæ, unde erumpunt flammæ, & audiuntur quædam quasi tonitrua horribilia, sæpè apparere animas, quæ dicant se mitti ad illum montem. Hæc de inferis in genere.

C Nunc de singulis locis. Ac primum quod infernus damnatorum sit in profundissimis terræ partibus, probatur Primò, quia intra viscera terræ est infernus, ut jam probavimus, sed Luc. 16. anima divitis Epulonis dicitur fuisse in inferno, & non solum in inferno, sed etiam in loco profundissimo, quandoquidem ut videret Lazarum, qui etiam tunc erat in locis subterraneis, sursum versus aspicere debuit. Præterea ratio ipsa dicat ut si locus beatorum est in summo cœlo, locus damnatorum sit in loco remotissimo à cœlo, nihil autem remotius centro terræ.

Deinde, quod Purgatorium sit etiam sub terra, & inferno damnatorum vicinum, probatur Primò ex illis verbis Actor. 2. *Solatis doloribus inferni*, quæ intelliguntur ab Augustino epist. 99. de pœnis Purgatorii, unde etiam Ecclesia in Missa de defunctis dicit: *Libera animas defunctorum de pœnis inferni, & de profundo lacu*. Secundò, id confirmatur ex visione, quam refert Beda lib. 5. cap. 13. historię, ubi apertè visum est Purgatorium inferno damnatorum contiguum. Denique, Theologi ferè omnes docent eodem in loco esse, & eodem igne torqueri damnatos, & animas Purgatorii.

E Quod autem limbus puerorum sit in inferno, probatur; nam Concilium Florentinum sessione ultima disertè definit tam eos qui moriuntur cum peccato mortali, quàm eos qui cum solo originali, mox in infernum descendere, pœnis tamen disparibus puniendos; & B. Augustinus lib. 4. de Baptismo parvulorum cap. 28. & lib. 5. hypognostici dicie, fidem Catholicam non nosse nisi duo loca, ubi homines sint futuri perpetuò; cœlum beatorum, & infernum damnatorum. Est tamen communis opinio Scholasticorum, limbum puerorum esse in loco inferni altiore, quàm sit Purgatorium, ita ut ad eum ignis non perveniat; quam sequutus est Innocentius III. cap. Majores, extra de Baptismo: sed de hac re alibi disputandum est.

Quod denique limbus Patrum sit in inferno, sed in parte suprema, probatum est satis accuratè in lib. 4. de Christo cap. 10. unum solum argumentum repetemus, quod in eo loco nimis breviter tractatum fuit. Igitur lib. 1. Reg. cap. 28. anima Samuelis de locis subterraneis ascendere visa est: *Vidi*, inquit *Pythoniā, Deos ascendentes de terra*.

Respondebunt adversarii illum non fuisse verè Samue-

mue-

muelem, sed Diabolum in forma ejus, ut docent Tertullianus lib. de anima propè finem. Auctor quæstionum apud Justinum quæst. 52. & Auctor quæstionum veteris Testamenti quæst. 27. apud Augustinum, & Auctor librorum de mirabilibus sacre Scripturæ lib. 2. cap. 11. Procopius & Eucherius in hunc locum libri Regum, & Isidorus lib. 8. etymologiar. cap. 9. qui his rationibus moventur.

Primò, quia non est credibile Samuelem subiectum fuisse Pythonissæ, nec etiam spontè venisse; quia artem magicam confirmasset. Secundò, quia Samuel non se adorari passus fuisset, ut illa umbra fecit. Tertio, quia non dixisset Sauli: *Cras tu, & filii tui mecum eritis*. Nec enim Saulis anima ad limbum Patrum, sed ad Gehennam descensura erat. Quarto, quia Deus negavit Sauli responsum per Prophetas, per oracula & per somnia, ut in eo capite dicitur, ergo non est credibile responsum postea fuisse per Pythonissam.

At his non obstantibus, tenendum est, verè Samuelis animam fuisse eam, quæ apparuit, & proinde vehementer confirmari sententiam nostram de loco subterraneo animarum. Nam in primis auctores citati sunt omnes aut incerti, aut obscuri; at qui contrarium docent, certi & clarissimi sunt, nimirum Josephus lib. 6. antiq. cap. 15. Justinus in Dialogo cum Triphone ultra medium, Basilius epistol. 80. ad Eustathium medicum. Ambrosius in cap. 1. Lucæ. Hieronymus in cap. 7. Isaïæ, & Augustinus lib. de cura pro mortuis cap. 15. Neque obstat quòd Augustinus lib. 2. ad Simplicianum quæst. 3. dubitaverit, an fuerit illa anima, nec ne; nam librum de cura pro mortuis scripsit postea, & re diligentius considerata. Præter hos veteres idem docent recentiores in hunc locum, Lyrannus, Abulensis, Dionysius Carthusianus, & Cajetanus.

Sunt etiam pro hac sententia fortissimæ rationes: Prima, quia Scriptura perpetuò vocat Samuelem, eum, qui apparuit: *Cum vidisset*, inquit, *mulier Samuelem*. Et rursum: *Dixit Samuel ad Saul*, & *intellexit ergo Saul quòd Samuel esset*. At certè non diceret, intellexit, sed cogitavit, vel putavit, si id non esset verum.

Secunda, quia Eccles. 46. ponitur in laudibus Samuelis quòd mortuus prophetaverit, & annuntiaverit regi quæ ventura erant. At quænam laus est quòd Diabolus alicujus speciem assumat, & decipiat? & hoc est argumentum propter quod Augustinus lib. de cura pro mortuis asserit, verè fuisse Samuelem illum, qui apparuit, cujus testimonii non meminerat cum scriberet ad Simplicianum.

Tertia, quia prædixit Sauli futura, quæ Diabolus scire non poterat, nimirum sequenti die eum cum filiis periturum, exercitum dissipandum, Davidem regnaturum &c.

Ultimo, quia rationes contrariæ nihil concludunt.

Ad Primum dico, Samuelem non venisse jussu Pythonissæ, sed jussu Dei, & potius impedivisse quàm confirmasse artem magicam. Prævenit enim Samuel adventu suo effectum incantationis; & contrario modo ascendit atque alii soleant, qui per incantationem excitantur: & hæc est causa cur Pythonissa turbata fuerit, & sibi impositum diceret. Si enim verum est, quod Rabbini scribunt, umbræ mortuorum, quæ vi magicæ artis evocantur, capite deorsum verso ascendunt: Samuel autem recta figura ascendit, ita ut primum caput, deinde pectus, postremò pedes à terra emergere visi sint.

Ad Secundum dico, illam adorationem non fuisse

A se latram, sed reverentiam debitam animæ Samuelis.

Ad Tertium dico, illud: *Mecum eritis*, non significare, in sinu Abraham eritis, sed mecum eritis sub terra, idest, mortui eritis; nam cum inter filios Saulis esset etiam Jonathas justus, non erant descensuri ad eundem locum Saul, & Jonathas, & tamen Samuel dicit in genere: *Mecum eritis*.

Ad Quartum dico, Deum se iratum Sauli ostendere voluisse, idque fecisse tam non respondendo quando interrogabatur, quàm respondendo quando non interrogabatur; utrumque enim est signum iræ. Adde, quòd cum Saul interrogabat Deum, si Deus respondisset, potuisset Saul declinare bellum, & poenam sibi à Deo paratam; at cum interrogavit Pythonissam, jam erant omnia parata, & acies instructæ, & in conspectu positæ, ut nullo modo prælium detrectari posset: Tunc ergo Deus, ut magis puniret Saulem, prædixit ei per Prophetam interitum suum, & filiorum, & totius exercitus.

Habemus igitur, Purgatorium, Infernum, ac limbos Patrum & puerorum, loca subterranea esse.

C A P U T VII.

Sitne post hanc vitam aliquis locus pro animabus justis præter Cælum & Purgatorium.

DE prædictis receptaculis subterraneis animarum, duo quædam à Theologis tractari solent, quæ hic breviter inferere placuit, plenioris doctrinæ causa. Primò, quærent, an præter hæc loca sit aliquis alius locus, ubi retineantur animæ antequam ad regnum cælorum perveniant. Secundò, an ex his locis egredi possint.

Quantum ad Primum, difficultas est satis magna, quia ex una parte omnes Theologi docent, non esse alia receptacula præter quatuor numerata, & Concilium Florentinum sess. ult. definit, animas, quæ nihil purgandum habent, mox recipi in cælum. Ex altera parte narrat Beda lib. 5. hist. cap. 13. visionem valde probabilem, cui ipse fidem adhibere non dubitavit. Fuit autem in illa ostensum cuidam animæ, quæ ad corpus postea rediit, præter infernum & purgatorium, & regnum cælorum, quoddam quasi pratum florentissimum, lucidissimum, odoratum, amœnum, in quo degebant animæ quæ nihil patiebantur, sed tamen ibi manebant, quia nondum idoneæ erant visioni beatæ: cui revelationi multas alias conformes adducit Dionysius Carthusianus in Dialogo de judicio particulari art. 31. & Ludovicus Blosius Moniti spiritali cap. 13.

E Videtur mihi dicendum, non esse improbabile talem aliquem locum reperiri, ceterum ejusmodi locum ad Purgatorium pertinere. Etsi enim ibi nulla sit poena sensus, tamen est poena damni: poena autem non convenit nisi animæ, quæ nondum plene purgata est, itaque erit locus ille minutissimum Purgatorium, & quasi carcer quidam senatorius, atque honoratus.

Hoc tamen addendum est, animas, quæ in eo loco morantur, non solum carere beatitudine, sed etiam affligi, ac torqueri ex illa dilatione beatitudinis. Dixi autem, mihi non videri improbabile, talem aliquem locum reperiri, quia S. Thomas in 4. sent. dist. 21. quæst. 1. art. 1. scribit, in iis quæ de Purgatorio determinata non sunt ab Ecclesia, standum esse iis quæ sunt magis conformia dictis

dictis & revelationibus Sanctorum. Movit me etiam auctoritas Joann. de Turrecremata doctissimi atque optimi Cardinalis, qui in prologo, qui prae-mittitur Revelationibus S. Birgittae, cum diligenter expendisset eas revelationes, affirmare non dubitavit S. Birgittae convenire id, quod dicitur Judith. 8. omnia quae loquuta es, vera sunt, & non est in sermonibus tuis ulla reprehensio. Scribit autem S. Birgitta lib. 4. cap. 124. animam quandam in Purgatorio nullam aliam poenam habuisse, nisi dolorem ex desiderio dilatæ felicitatis.

CAPUT VIII.

Num ex receptaculis suis anima defunctorum egredi valeant.

Alterius autem quaestionis triplex esse potest sensus. Primus, an possint exire numquam rediturae, quia nimirum transferantur de uno receptaculo ad aliud. Secundus, an possint exire, ut rursus redeant ad suum locum. Tertius, an possint ita egredi, ut hic nobiscum iterum vivant.

Quantum ad primum sensum, facile responderi potest, ex inferno damnatorum, limboque puerorum non dari regressum; ex Purgatorio, limboque Patrum dari; sunt enim animae impiorum damnatae ad perpetuos carceres, & ignes Gehennae, & similiter animae puerorum ad perpetuum exilium, & tenebras. Animae autem sanctorum Patrum damnatae erant ad exilium temporale, & animae Purgatorii ad carceres temporales. Ratio est, quia causa carceris, vel exilii damnatorum est culpa mortalis actualis, vel originalis, quae numquam remittitur; causa autem exilii Patrum fuit debitum temporale contractum ex peccato primi parentis; ille enim suo peccato coelum clauserat, quod aperiri non potuit, nisi Christi sanguine re ipsa effuso; causa vero Purgatorii est reatus temporalis poenae, quae necessario finem habet.

Contra hoc tamen est auctoritas Joannis Damasceni, qui in oratione de mortuis dicit, orationibus S. Theclae liberatam de inferno animam Falconillae cuiusdam foeminae paganæ, & orationibus S. Gregorii Papae animam Trajani Imperatoris.

Respondeo: si hæc historia defendi debeat, oportere dicere, Trajanum non fuisse damnatum absolute ad inferos, sed solum punitum in inferno secundum praesentia ejus demerita, & suspensam sententiam propter praevias B. Gregorii preces; & praeterea non immediate ex inferno ad coelum transisse, sed prius corpori unitum, & tunc baptizatum, & poenitentiam in hac vita egisse. Ista enim est communis solutio B. Thomae, Durandi, Richardi, & aliorum in 4. dist. 45. Quia tamen Trajanum resurrexisse, sine teste dicitur, nec enim ullus veterum hujus rei meminit, & repugnat hoc sententiae Damasceni, qui satis aperte docet de inferno ad coelum transisse, non autem ad hanc vitam rediisse Trajanum, & si poenitentiam egit, in inferno illam egisse: Cum tamen solius Damasceni auctoritate nitantur auctores citati, ideo magis propendeo in sententiam Melchioris Cani, qui lib. 11. de locis, cap. 2. simpliciter improbat hanc historiam ut confictam, & Dominici à Soto, qui in 4. dist. 45. quaest. 2. art. 2. dicit, hanc historiam sibi creditu durissimam esse, non obstante Apologia Alphonsi Ciaconis, pro hac historia ante hoc triennium edita. Rationes autem, quibus moveor, sunt quatuor.

Contrav. Card. Bellarm. Tom. II.

A Prima, quia quotquot hanc historiam admiserunt, id fecerunt propter Damasceni auctoritatem; at librum illum non esse Damasceni, facile probari potest; nam in eo libro auctor non solum dicit Trajanum, & Falconillam ab inferno damnatorum ad regnum coelorum transivisse, sed etiam multos alios, qui in infernum descenderant, quia fide divina caruerint, à Christo conversos, & salvatos quando ad inferos descendit: quod & per se erroneum est, & contrarium verbis Damasceni lib. 2. de fide, c. 4. ubi dicit hominibus id esse mortem, quod fuit Angelis casus.

B Secunda ratio est, quia nullus auctor Latinus historiae ejus meminit, ut Paulus Diaconus, Anastasius Bibliothecarius, Marianus Scotus, Ado, ac ne ipse quidem Beda, qui Beati Gregorii studiosissimus fuit. Immo in ipsa Romana Ecclesia, & ejus archivis nulla hujus rei memoria extabat, quando Joannes Diaconus vitam Beati Gregorii scripsit. Ipse enim vitam Beati Gregorii ex archivis Romanis diligentissime collegit, & tamen lib. 2. cap. 44. dicit, hanc historiam de Trajano repertam in Ecclesia quadam Anglorum, nec fidem certam illi habitam à Romanis.

C Tertia, quia B. Gregor. lib. 34. mor. c. 13. aliàs 16. disertè docet, non posse orari pro infidelibus defunctis, quemadmodum nec pro Diabolo, quandoquidem in eadem aeterna, & irrevocabili damnatione sunt; Quomodo ergo credibile est eum id fecisse? Respondet Abulensis quaest. 57. in 4. lib. Regum, idem Gregorium peccasse mortaliter orando pro Trajano. Sed absurdissimum est & ferè blasphemum, cum constet Gregorium virum fuisse non modo sanctissimum, verum etiam prudentissimum. Deinde si peccavit mortaliter orando, quomodo fuit exauditus? Num Deus placatur, quando offenditur? Respondet Ciaconus, non peccasse Gregorium orando, sed meruisse potius, quia licet ordinariè non liceat orare pro damnatis, tamen licet ex peculiari instinctu divino.

D At contra. Eadem historia refert Gregorium propter hoc peccatum punitum fuisse perpetuo dolore stomachi, & pedum. Respondet ipse, hunc dolorem non datum Gregorio in poenam, sed ne elatio illi subreperet. At contra; nam Petrus Diaconus, quem ipse citat ex libro quodam bibliothecae Vaticanae, dicit, Gregorio ab Angelo dictum fuisse, quod quia praesumpserat hoc petere, laboraret usque ad mortem dolore &c. ergo in poenam peccati, nam praesumptio peccatum est.

E Quarta ratio est, quia argumenta Ciaconis non concludunt; ipse enim nititur praecipue his testibus. Primo, testimonio Petri & Joannis Diaconorum Gregorii, quod extare dicit in bibliotheca Vaticana. Secundo, testimonio innominati auctoris, qui scripsit vitam B. Gregorii, quae praepositur operibus ejus impressis Basileae anno 1564. qui auctor videtur vixisse tempore ipsius Gregorii. Tertio, testimonio Damasceni. Quarto, testimonio Joannis Diaconi, lib. 2. cap. 44. vitae B. Gregorii. Quinto, testimonio B. Thomae. Sexto, testimonio S. Birgittae. Septimo, testimonio Mechtildis.

Primum testimonium mihi valde suspectum est; nam si illud esset verè Petri Diaconi, non diceret Joannes Diaconus, historiam hanc non extare in Romana Ecclesia, sed solum apud Anglos. Praeterea iste Petrus dicit, Gregorium à Deo petivisse, ut quotquot sepelirentur in Ecclesia S. Andreæ in clivo Scaturi, non possent damnari, dummodo fidem tenuerint Christianam, & impetravisse. At certè Gregorius vir prudentissimus numquam ita orasset; nam

X

vel

vel intelligit de fide informi, vel de formata; si de informi, ergo voluisset salvari homines morientes sine charitate, quod quis credat? si de formata, non erat opus id petere; nam ubicumque sepeliatur, qui moritur cum charitate, damnari non potest. Adde, quod totum illud fragmentum redolet novitatem, & proinde supposititium videtur: vocat enim Gregorium divum, quod nomen eo tempore erat inusitatum. Item anteponeit Cardinales Episcopis; quod repugnat Joanni Diacono, qui in vita S. Gregorii scribit, ex Cardinalibus consuevisse promoveri à Gregorio multos ad Episcopatum, ut ad gradum altiorum, alia quoque habet non pauca signa novitatis.

Secundum testimonium nihil novi adfert; auctor enim ille sine nomine non vixit tempore S. Gregori, sed posteriore tempore; redegit enim in compendium vitam S. Gregorii, quam scripserat fusissimè Joannes Diaconus.

Tertium testimonium jam est rejectum.

Quartum est contra ipsum Diaconum; nam Joannes Diaconus dicit, animam Trajani non esse liberatam de inferno, sed solum id obtinuisse, ut in inferno existens non pateretur poenam ignis, Diaconus autem vult eam in cœlo beatam.

Quintum est etiam contra ipsum, nam B. Thomas ubi ex professo hoc tractat, nimirum in 4. dist. 45. quæst. 2. probabilissimum putat animam Trajani liberatam solum à poenis inferni usque ad diem judicii, ac deinceps cruciandam cum cæteris.

Sextum est valde obscurum; nam S. Birgitta non dicit Trajanum esse salvum, sed solum elevatum ad gradum altiorum, ubi indicat in inferno aliquid salutis recepisse.

Septimum est expressè contra ipsum; nam Mechthildis dicit, se petivisse à Domino quid egerit cum animabus Sampsonis, Salomonis, Origenis & Trajani, & responsum esse, Deum velle esse omnibus incognitum, quid sua liberalitas cum illis egerit. Si ergo Deus vult esse incognitum, non est credendum auctoribus, qui asserunt Trajanum esse in cœlo. Adde, quod Deus in hac revelatione conjungit Trajanum cum Origene: At in prato spirituali, quod citatur à VII. Synodo, & à Joanne Diacono lib. 2. cap. 45. vitæ B. Gregorii, narratur alia revelatio, qua Origenes visus est in Gehenna ignis cum Ario & Nestorio, & V. Synodus cap. 11. dicit anathema Origeni sicut Ario, Nestorio, & cæteris hæreticis.

Quantum ad secundum, quidam existimant animas non posse unquam de suis receptaculis egredi, sed omnes apparitiones esse Dæmonum, qui fingunt se esse animas de Purgatorio exeuntes, & suffragia postulantes. Ita Tertullianus lib. de anima circa fin. & auctor quæstionum ad Antiochum quæst. 11. & 13. idem videntur dicere Chrysostomus homil. 29. in Matth. & homil. 2. & 4. de Lazaro, & Theophylactus in cap. 8. Matth. quamquam hi duo, si bene legantur, non dicunt, nullo modo posse animas egredi ad nos, sed non posse egredi pro arbitrio suo, nec verti in Dæmones, nec vagari inter nos more Dæmonum. Hæretici hujus temporis omnes apparitiones animarum ridet, tamquam Dæmonum illusiones, præcipuè Magdeburgenses.

Verissima tamen est Augustini sententia, lib. de cura pro mortuis, cap. 15. & 16. nimie impudentiæ esse negare animas interdum ad nos redire Deo jubente, vel permittente. Habemus enim testimonia gravissimorum auctorum, de regressu animarum ex omnibus receptaculis, præterquam ex limbo puerorum. Nam quod ex cœlo animæ beatæ ad nos aliquando veniant, sunt exempla certissima apud Eu-

A sebius lib. 6. histor. cap. 5. Augustinum de cura pro mortuis, cap. 16. Sulpitium in vita Martini, Paulinum in vita Ambrosii, Theodoretum lib. 5. histor. cap. 24. Gregorium lib. 3. Dialogor. cap. 24. & 25. & in VII. Synodo, act. 4.

Quod ex limbo Patrum apparuerint animæ probat Augustinus lib. de cura pro mortuis, c. 15. & 16. ex lib. 1. Regum, cap. 28. ubi Samuelis anima apparuit Sauli, & ex Matth. 17. ubi Moses apparuit cum Helia in monte Thabor; quamvis enim Hilarius in hunc locum, & Ambrosius lib. 1. de Cain, cap. 2. dicunt, Mosem adhuc vivere, tamen contrarium expressè habetur Deuteron. ult. & Josue 1.

B Quod ex Purgatorio apparuerint, sunt exempla apud Gregorium lib. 4. Dialogor. cap. 40. & 55. & alios auctores suprâ citatos. Quod denique ex inferno, probat multis exemplis auctor librorum de proprietatibus apum, & idem apparet ex illa apparitione Doctoris Parisiensis in vita B. Brunonis, qui post triduum à morte, dixit se condemnatum. Credibile est, animam illam mox à morte in infernum descendisse, sed tamen ter apparuisse, & primò, manifestasse suam accusationem. Secundò, suum judicium. Tertio, suam damnationem, ut hoc modo pluribus innotesceret hoc exemplum.

C Quantum ad tertium, quod aliqui ex Purgatorio vel limbo Patrum fuerint ad vitam revocati, nulli dubium esse potest. Nam mortui, quos excitant Helias, Helisæus, Dominus Christus, & Petrus, & Paulus, cum fideles fuerint, creduntur fuisse in Purgatorio, aut in limbo: Neque ullum sequitur inconveniens, si ex his locis aliqui resurgant, siquidem hoc nihil aliud est, quàm mutare illis exilium, vel carcerem.

Dices: at jam erant certi de sua salute, & per resurrectionem fient incerti. Respondet bene Abulensis quæst. 57. in 4. Regum, omnes eos qui ex Purgatorio aut limbo Patrum in vitam revocati fuerint, sine dubio confirmatos fuisse in gratia, ut nullo modo perire potuerint, quia alioqui injuria illis facta fuisset.

D Quod autem ex cœlo, aut inferno damnatorum revocari possent ad vitam, videretur incredibile, nisi exstarent exempla, quæ negari non possunt. Nam B. Gregorius lib. 1. Dialogor. cap. 9. scribit, à S. Fortunato excitatum fuisse Marcellum quemdam virum sanctum, qui ab Angelis in optimum locum ductus fuerat. Et cap. 12. scribit, à S. Severo excitatum quemdam virum pessimum, qui à Dæmonibus in infernum deducebatur. Egesippus scribit lib. 3. cap. 2. B. Petrum excitasse affinem quemdam Cæsaris Ethnicum à morte. Nec dubitari potest, quin Apostoli aliquos Ethnicos excitant. Maximus ferm. 2. de sancta Agnete, dicit, ab ea excitatum filium præfecti, qui in peccato mortali obierat. Et Evodius libro 1. de miraculis S. Stephani, dicit, puerulum mortuum ante Baptismum, ad reliquias S. Stephani excitatum.

E Dico igitur, beatos jam existentes non posse revocari ad vitam. Siquidem beatitudo includit certitudinem de non amittenda unquam foelicitate, ut B. Augustinus docet de corrept. & gratia, cap. 10. & ratio est manifesta, quia beatitudo est status omnium bonorum aggregatione perfectus; non habet autem omnia bona, qui non habet illam certitudinem. Si igitur aliqui sancti viri redierunt ad corpus, non fuerunt beati, sed Deus prævidens eorum excitationem, distulit eorum beatificationem, & interim detinuit eos in optimo aliquo loco, ut accidit Marcello illi, de quo Gregorius loquitur.

De damnatis similiter dico, damnatum absolutè ad

ad poenas aternas, non posse revocari ad vitam, quoniam alioqui fieret incerta impiorum damnatio; & sanè B. Augustinus lib. 21. de civit. Dei, cap. 24. nimiam præsumptionis esse dicit asserere, eos non mansuros perpetuò in igne, quibus Veritas dicit: *Ite in ignem æternum*. Dicit autem hoc Veritas omnibus, quos damnat tam in particulari, quam in universali iudicio. Præterea nullus esset damnatorum, qui non posset sperare salutem, & pro quo non possemus orare. Nunc enim non oramus pro infidelibus damnatis, quia secundum fidem credimus eos non posse salvari; at si possunt saltem ex privilegio salvari, certè pro illis orandum esset, sicut in hoc mundo oramus pro obstinatis in malo, ut Deus det illis gratiam efficacem, quæ certè non datur, nisi ex privilegio.

Sed objicit Abulensis quæst. 57. in 4. lib. Regum; ei, qui excitatur ab inferno damnatorum, non remittitur neque culpa, neque poena per ipsam excitationem, neque aliud miraculum hic necessarium est, quam simplex mortui resuscitatio: ergo fieri potest, ut tales redeant. Respondeo: non remitti culpam, neque poenam, sed dari beneficium æquivalens, quia ponitur in statu, in quo poterit à culpa & poena liberari: ex quo sequuntur omnia absurda supra dicta, quòd non erit certa impiorum damnatio: quòd illi sperare poterunt: quòd licebit pro eis orare.

Ad illa exempla, quæ adferuntur, respondet Sotus in 4. dist. 45. quæst. 2. art. 2. omnes Ethnicos, quos Apostoli excitant, laborasse ignorantia invincibili fidei, & proinde in Purgatorio fuisse.

At quid respondebit Sotus Ambrosio, qui serm. 90. & Maximo, qui serm. 2. dicunt, beatam Agnetem excitasse filium Præfecti, quem Diabolus necaverat, cum voluisset ipsam virginem sanctam stuprare? Igitur dico, eos qui sunt excitati, cum mererentur poenas aternas non fuisse damnatos, sed suspensionem eorum sententiam, & interim punitos secundum præsentem justitiam, ut B. Thomas docet in 4. sentent. dist. 45. quæst. 2. artic. 2. quomodo etiam respondet Richardus, Durandus, & alii ibidem.

CAPUT IX.

De tempore quo durat Purgatorium.

JAm verò de tempore, quo Purgatorium permanebit, duo sunt errores extremi. Primus error est Origenis, qui extendit tempora Purgatorii ultra diem resurrectionis; ita enim habet homil. 14. in Lucam: *Ego puto, inquit, quòd & post resurrectionem ex mortuis indigeamus Sacramento eluente nos, atque purgante, nemo enim absque sordibus resurgere poterit*. Hic tamen est error exploratus; nam B. Augustinus lib. 21. de civit. Dei, cap. 16. *Purgatorias penas, inquit, nullas futuras opinetur, nisi ante illud ultimum, tremendumque iudicium*. Et ratio est, quia Dominus Matth. 25. in iudicio solum duos ordines hominum dicit futuros, unum beatorum, alterum damnatorum.

Dices: Anima non peccavit sola, sed simul cum corpore, igitur simul cum corpore purgari debet; proinde post resurrectionem homines purgabuntur. Respondeo: si argumentum concluderet, probaret etiam, animam separatam non posse puniri in inferno, nec voluptatibus in celo frui, contra Evangelium Lucæ 16. *Crucior in hac flamma*. Et Lucæ 23. *Hodie mecum eris in Paradiso*.

Dico igitur, meritò puniri animam etiam solam, quia ipsa est subjectum & causa efficiens peccati; nam sunt quædam opera hominum, quæ non possunt

fieri, nisi à toto composito, nec recipi, nisi in totum compositum, ut illa omnia quæ sunt à potentiis organicis, ut loqui, videre, audire &c. & talia dissoluto composito non inveniuntur amplius; & si quidem tale esset peccatum, argumentum planè concluderet: At non ita est; peccatum enim est actus liberi arbitrii, & ideo à sola voluntate propriè fieri dicitur, & in sola voluntate formaliter invenitur; dissoluto ergo homine, peccatum integrè, & solum reperitur in voluntate, & per illam in anima, non autem in carne mortua. Ibi autem puniri vel purgari debet, ubi invenitur.

Addere etiam, quòd caro suo modo quoque punitur; nam, ut anima separata punitur poena damni, quia caret visione Dei, & poena sensus, quia torquetur igne; ita caro punitur poena damni, quia caret vita & poena sensus, licet improprie, quia paulatim putrefit, & in cineres redigitur. Tamen prior solutio est melior; nam etiam corpora Sanctorum hæc patiuntur, qui tamen purgatione non egent.

Alter error est Lutheri, qui è contrario nimis breve efficit Purgatorium. Vult enim, omnes peccati reliquias dolore mortis purgari in iis, qui in fide moriuntur, & ideo nullum aliud esse Purgatorium, præter mortem. Hic error facilè refelli potest; nam per reliquias peccatorum, vel intelligitur fomes, vel mali habitus contracti, vel reatus poenæ temporalis. Et peccata venialia; hæc enim sola & omnia remanere possunt in homine justificato ex iis, quæ ad peccatum pertinent, & proinde reliquias peccatorum dici possunt. Ac primum, fomes tollitur quidem in morte, quia tunc extinguitur sensualitas, sed non propter fomitem nos Purgatorium constituimus; alioqui etiam pueri baptizati morientes, deberent purgatorias penas pati, cum Baptismus eis non abstulerit fomitem. At Augustinus lib. 21. de civit. Dei, cap. 16. disertè docet, ejusmodi pueros nullas pati purgatorias penas. Mali autem habitus, qui in voluntate existunt, non necessariò extinguuntur per mortem, quandoquidem sunt in potentia, quæ organo non sunt alligatæ, ut patet. Nec tamen propter huiusmodi habitus constituimus Purgatorium; nam alioqui sequeretur, adultos, qui post multos malos habitus contractos baptizantur, & statim moriuntur, vel certè pro Christo occiduntur, non posse salvari, nisi per Purgatorium, quia nec Baptismus, nec Martyrium dissolvit ejusmodi habitus. Videmus enim baptizatos adhuc habere easdem malas propensiones, quas antea habebant, & oportere eos paulatim actibus contrariis ejusmodi habitus tollere.

Credibile igitur est, omnes istos habitus tolli per primum actum contrarium animæ separatæ, quem statim à separatione elicit. Etsi enim hic non possit uno actu destrui habitus contractus per multos actus, tamen ibi poterit, quia actus ille multò vehementior erit; cum anima tunc sit potentior, quantum ad actus spirituales nec habeat fomitem contrarium & resistentem, ut hic habet.

Restat ergo reatus poenæ, & peccata venialia, quæ propriè dici possunt reliquias peccatorum, ob quas est Purgatorium. Has autem reliquias aliquando certum est in morte purgari, aliquando certum est non purgari, aliquando dubium est quid fiat, & probabilissimum est, partim purgari, partim non purgari.

Probo singula. Ac primum quidem, quia mors violenta pro Christo suscepta, quæ dicitur martyrium, sine dubio purgat omnes huiusmodi reliquias. Cyprianus enim lib. 4. epist. 2. clarè dicit, peccata omnia passione purgari; & quòd non loquatur de

culpīs mortalibus, patet, quia ibidem dicit, sine charitate nec martyrium quidquam prodesse, quod ante Cyprianum docuerat B. Paulus in priorī epist. ad Corinth. cap. 13. Itaque Ecclesia numquam orat pro Martyribus, quia, ut Augustinus dicit, serm. 17, de verbis Apostoli: *Injuria est orare pro Martyre, cuius nos debemus potius orationibus commendari.*

Secundum probo; nam qui moriuntur inviti, vel sine usu rationis, ut amentes & dormientes, & quos repentini casus opprimunt, non possunt ea morte ullo modo purgari; nam vel ipsa mors per se absolute purgat, vel ratione alicujus voluntarij actus ipsam concomitantis. Non primum, quia mors secundum se est quid naturale, saltem post primi parentis peccatum; unde communis est bonis & malis, immo hominibus & jumentis; at per naturalia, quae necessario eveniunt, non meremur, nec demeremur, nec possumus dissolvere debita voluntarie contracta. Igitur si mors purgat, id sit ratione voluntarij actus concomitantis; at nos loquimur hoc loco de illis, qui sine ullo ejusmodi actu moriuntur. Præterea, videmus sæpe optimos viros pati mortem durissimam, & minus bonos levissimam; at si in morte deberent purgari reliqui peccatorum, necessario contrarium fieri deberet.

Tertium probo: nam multi sunt, qui æquo animo mortem tolerant propter sua peccata, quorum patientia sine dubio juvat ad satisfaciendum, sed utrum æquivalent debita contracta per peccata, nemo certo scire potest.

Præter hos errores fuit opinio Dominici à Soto, in 4. sentent. dist. 19. q. 3. art. 2. neminem in Purgatorio manere ad decem annos; & ratio ejus est, quia si hic in terris aliquibus poenis brevi tempore liberari possumus ab omni poena; quare non multo citius in Purgatorio, cum illæ poenæ sint poenæ in infinitum graviores, & intensiores istis? Præterea, hic sunt prolixæ poenæ, quia non possunt esse multum intensæ, nam subjectum destruerent; at post hanc vitam possunt esse intensissimæ, quia subjectum est incorruptibile: ergo credibile est, Deum illas animas ad gloriam anhelantes, brevissimo tempore per intensissimas poenas purgare. Sed istæ rationes non concludunt.

Ad primum dici potest, hic esse tempus misericordiae, illic justitiæ.

Ad secundum dico, Deum posse compensare extensionem intensione, sed nolle, alioqui sequeretur, animas non manere in Purgatorio ad unam horam, quia potest Deus augendo intensiorem redigere poenas decem annorum ad unam horam.

Præterea, repugnant huic sententiæ probatissimæ visiones Sanctorum. Scribit enim Beda lib. 5. histor. cap. 13. cuidam ostensas fuisse Purgatorii poenas, dictumque illi esse, animas quæ in Purgatorio degunt, salvandas omnes in die judicii, licet aliquæ orationibus & elemosynis viventium, & præcipue altaris sacrificio, juventur, ut etiam ante diem judicii liberentur. Ubi clarè indicat, aliquos jam defunctos usque ad diem judicii mansuros in Purgatorio. Similes visiones multas afferre possemus ex Dionysio Carthusiano, & ex aliis.

Repugnat etiam Ecclesiæ consuetudo, quæ anniversaria sacra celebrat pro defunctis, etiamsi constet eos ante centum vel ducentos annos esse mortuos, quod certè non fieret, si Ecclesia crederet, non puniri animas ultra decem annos. Res igitur est incertissima, & non nisi temerè definiti potest.

CAPUT X

Qualis sit Purgatorii poena.

DE poena Purgatorii quædam sunt certa, & quædam dubia. Primò, certum est, Purgatorii poenam non esse desperationem & metum Gehennæ, ut Lutherus sentit; id enim jam refutatum est.

Secundò, certum est etiam, unam Purgatorii poenam esse carentiam divinæ visionis; non enim possunt animæ illæ non dolere, quod videant se propter suas culpas impediri à fruitione summi boni, quæ vocatur poena damni.

Certum est tertio, præter hanc poenam esse etiam aliquam aliam poenam, quam Theologi vocant poenam sensus, quæ consistit in aliquo dolore proveniente aliunde, quam ex carentia visionis Dei. Ut enim qui peccat avertit se à summo bono, & convertit inordinatè ad creaturas, ita postea puniri debet non solum carentia summi boni, sed etiam afflictione inflicta ab aliquo alio creato objecto.

Certum est quarto, in Purgatorio, sicut etiam in inferno, esse poenam ignis, sive iste ignis accipiatur propriè, sive metaphoricè, & sive significet poenam sensus, sive damni, ut quidam volunt. Quod enim aliquis ignis sit in Purgatorio & inferno, patet tum ex illis verbis B. Pauli, 1. Corinth. 3. *Salvus erit quasi per ignem.* Et Matth. 25. *Ite in ignem æternum,* tum ex testimoniis Patrum citatis in primo libro; omnes enim ignem appellabant Purgatorii poenam.

His certis positis, & in quibus omnes conveniunt, dubium est, Primò: An ille ignis sit propriè dictus ignis, an metaphoricè? Secundò, si sit propriè dictus, quomodo possit agere in animas separatas? Tertio, à quibus ministrentur istæ poenæ, à Dæmonibus ne, an ab Angelis bonis, an per se agant? Quarto, an ista poena sit major omnibus poenis hujus vite?

CAPUT XI

Ignem Purgatorii esse corporeum.

Quantum ad primum, communis sententia Theologorum est, verum & proprium esse ignem, & ejusdem speciei cum nostro elementari. Quæ sententia non est quidem de fide, quia nusquam ab Ecclesia definita est; immò in Concilio Florentino Græci apertè professi fuerant, se non ponere ignem in Purgatorio, & tamen in definitione facta sessione ult. definitur, Purgatorium esse, nulla mentione ignis habita. Tamen est sententia probabilissima.

Primò, propter consensum Scholasticorum, qui non potest nisi temerè contemni.

Secundò, propter Gregorii auctoritatem, lib. 4. Dialogor. cap. 29. ubi dilertè asserit, ignem, quo puniuntur animæ, esse corporeum. Neque obstat, quod lib. 15. cap. 14. moralium, dicit, ignem Gehennæ esse incorporeum; est enim mendum scriptorum, qui posuerunt *incorporeum* pro *corporeum*, ut patet ex sequentibus, dicit enim statim corporaliter urere.

Tertio, propter Augustinum, qui in eandem sententiam propendet, lib. 21. cap. 10. de civit. Dei.

Quarto, quia in Scriptura passim poena impiorum vocatur ignis; & regula Theologorum est, ut verba

verba Scripturarum accipiantur propriè, quando nihil absurdi sequitur.

Quintò, quia corpora damnatorum punientur igne post resurrectionem, ut patet Matth. 25. *Ite in ignem æternum*, at corpora non possunt uri, nisi igne corporeo. Est autem idem ignis corporum damnatorum, & spirituum corpore vacantium; nam ibidem dicitur: *Qui paratus est Diabolo, & Angelis ejus*.

Sextò, quia Sapient. 11. dicitur: Per quæ peccat quis, per hæc & torquetur; sed homines peccant sæpè sensibilia oblectamenta inordinatè cupiendo: ergo puniri debent sensibilibus objectis; ignis igitur quo puniuntur, sensibilis est.

Septimò, id confirmatur ex eruptionibus ignis in monte Æthna, aliisque locis, de quibus diximus cap. 6.

CAPUT XII.

Sciri non posse, quomodo ignis corporeus animas urat.

DE secundo, verissima sententia est, non posse in hac vita sciri, quomodo ignis corporeus agat in animam incorpoream; id enim ingenue confitetur Durandus in 4. dist. 44. quæst. ult. & ante Durandum B. Augustinus lib. 21. de civit. Dei c. 10. ubi dicit, animas torqueri ab igne miris, sed veris modis; & B. Gregorius cum lib. 4. Dialogor. c. 29. dicit, ex igne visibili invisibilem poenam animas trahere; vocat enim invisibilem poenam, quia occulta & incognita est nobis. Sed licet non sciamus quomodo id fiat, posse tamen fieri, docet Augustinus ex alio simili; videmus enim animam incorpoream uniri corpori humano, & ei vitam dare, & cum illa simul gaudere & pati, cum tamen modus hujus unionis sit planè ineffabilis? Quis capiat, quomodo spiritus sit forma corporis, cum inter corpus & spiritum nulla sit proportio? Sicut ergo potuit uniri spiritus carni, ut illi vitam communicaret, ita potest uniri spiritus igni, ut ab illo poenam trahat, licet modus utriusque unionis sit prorsus incognitus.

CAPUT XIII.

An in Purgatorio torqueantur animæ à Dæmonibus.

DE tertio dubio res est omnino incerta; nam quod non torqueantur à Dæmonibus, nec ab Angelis, sed à solo igne, docent Scholastici, ut S. Thomas in 4. dist. 20. artic. 5. & rationem reddunt, quia omnes animæ Purgatorii in ultimo conflictu Diabolum superarunt, ideo non decet justitiam divinam, ut sinat eas ab hoste devicto vexari. Deinde, hic in terris etiam perfectos viros Dæmones vexant, quia sperant se posse eos ad peccatum pertrahere; at animas Purgatorii sciunt in gratia confirmatas, non posse cadere, & vexationem illis necessariò profuturam ad celeriore purgationem, non igitur credibile est, Dæmonum opera animas illas cruciari.

Ex altera parte, quod à Dæmonibus torqueantur animæ Purgatorii, docent multæ revelationes, ut illa B. Fursi apud Bedam lib. 3. histor. cap. 19. & apud Dionysium Carthusianum lib. de quatuor novissimis, & lib. 1. vitæ Beati Bernardi, cap. 10.

Controv. Card. Bellarm. Tom. 11.

A Maneat igitur & hoc inter secreta, quæ suo tempore nobis aperientur.

CAPUT XIV.

De gravitate poenarum.

DE quarto, poenas Purgatorii esse atrocissimas, & cum illis nullas poenas hujus vitæ comparandas docent constanter Patres. Augustin. in Psal. 37. *Quamvis, inquit, salvi per ignem, gravior tamen erit ille ignis, quam quidquid potest homo pati in hac vita*. Gregorius in Psalm. 3. poenitentialem: *Illum, inquit, transitorium ignem omni tribulatione præsentis evasissimo intolerabiliorem*. Beda in eundem Psalmum dicit, nulla esse supplicia martyrum, vel latronum cum illis purgatorii poenis conferenda. Idem habet B. Anselmus in 1. Corinth. 3. & B. Bernardus serm. de obitu Humberti.

Idem probant omnes revelationes, quæ apud Bedam lib. 3. & 5. historiz, apud S. Birgittam, apud Dionysium Carthusianum, & in vita Cristinæ mirabiles habentur.

Idem probat ratio, saltem de poena sensus; nam tam ad dolorem, quam ad gaudium tria concurrunt, potentia, objectum, & conjunctio unius cum altero. Jam quantum ad potentiam, sine comparatione capacior est doloris potentia rationalis, quam animalis; nam quantum ad apprehensionem, intellectus est veluti fons, sensus veluti rivulus; quantum ad appetitum, voluntas est veluti fons, appetitus inferior est veluti rivulus; cum ergo anima ipsa nuda immediatè torqueatur, maximus debet esse ille dolor ex parte patientis; nunc enim non tam anima, quam corpus torquetur, & per corpus aliquis etiam dolor ad animam transit.

Quantum ad objectum, si ibi est verus ignis, erit omnino acerrimus, cum ad hoc solum sit institutus, ut sit instrumentum justitiæ divinæ; si non sit ignis verus, erit aliquid multò horribilius, quale Deus parare potuit, qui potentiam suam in hoc ostendere voluit.

Quantum ad conjunctionem, maxima erit; nam hic ubi sunt omnia corporalia, non sit conjunctio, nisi per contactum extremitatum, & superficiem, at ibi animam ipsam intimè poena illa penetrabit.

Quamvis autem aliquo modo omnes admittant, poenas Purgatorii esse majores poenis hujus vitæ, tamen dubium est, quomodo hoc intelligatur, nam B. Thomas in 4. dist. 20. quæst. 1. art. 2. docet duo. Primò, poenam damni esse maximam poenarum, tam quæ in Purgatorio, quam quæ in hac vita reperiri possint. Secundò, dicit minimam poenam Purgatorii esse majorem maxima poena hujus vitæ.

Primum probat, quia sicut possessio desiderati boni gignit gaudium, ita absentia desiderati boni gignit dolorem: Sed bonum, quod animæ Purgatorii desiderant, est summum, & desiderium etiam est maximum, intellectus enim clariùs cognoscit, quam magnum bonum sit videre Deum, & appetitus tum naturalis, tum etiam infusæ charitatis exercit vires, & intensissimus est, nec impeditur à mole corporea, & sensibilibus delectationibus; ut in hac vita exempla dari possunt, ut si quis vehementissima fame vexaretur, vel arderet siti intolerabili, & videret ante se mensam instructam optimis cibis, dulcissimoque vino, nec posset quidquam attingere, & tamen sciret alioqui sibi parata illa omnia fuisse.

Probat deinde Secundum S. Thomas, quia omnis

qui in Purgatorio degit, cruciatur saltem hac poena damni, quæ est omnium maxima: ergo minima poena Purgatorii est major quàm sit maxima poena huius vitæ.

At B. Bonaventura in 4. dist. 20. art. 1. quæst. 2. docet, Primò, poenam damni in Purgatorio non esse maiorem omni poena, sive Purgatorii, sive huius vitæ. Secundò docet, Purgatorii poenas esse maiores poenis huius vitæ, solùm in hoc sensu, quia maxima poena Purgatorii est major, quàm sit maxima poena huius vitæ, licet aliqua poena Purgatorii reperiatur minor aliqua poena huius vitæ. Quæ sententia mihi placet; nam licet absentia summi boni ex se generet in amante summam tristitiam, tamen in Purgatorio mitigatur hæc tristitia, & levatur magna ex parte propter certam spem illius boni acquirendi; ista enim certissima spes affert incredibile gaudium, & quò magis propinquat finis illius exilii, tantò magis gaudium crescit. Itaque solùm in inferno poena damni est summa, quia est annexa desperationi certissimæ, & de hac loquitur Chrysostom. homil. 24. in Matth. cum mille Gehennas dicit nihil esse, si conferantur cum amissione divini conspectus; & Augustinus, qui in Enchirid. cap. 112. dicit, minimam poenam damni, si tamen æterna sit, maiorem esse omnibus poenis huius vitæ.

Dices: At damnati non diligunt Deum, ergo non cupiunt videre. Respondeo, non diligunt Deum propter Deum, sed tamen propter seipsos coguntur conspectum eius ardentissimè diligere, quia intelligunt in visione Dei consistere suum summum bonum.

Confirmatur hoc argumentum. Primò, quia si poena damni esset gravissima etiam in Purgatorio, sequeretur, Patres in limbo passos fuisse gravissimam poenam: quod adeò falsum est, ut Luc. 16. dicat Abraham diviti damnato de Lazaro: *Tu cruciaris, hic verò consolatur.* Et B. Augustinus epist. 99. negat, posse intelligi de sanctis Patribus illud Act. 2. *Solatis doloribus inferni*, quia nimirum non in doloribus, sed in requie illos Christus invenerit. Et B. Gregorius lib. 13. moral. cap. 22. dicit, Patres in inferno non tormenta ulla, sed requiem habuisse.

Confirmatur secundò, quia Augustinus, Gregorius, Beda, Anselmus & Bernardus, cum dicunt, poenam Purgatorii esse maiorem omni poena huius vitæ, disertè loquuntur de poena ignis per quam intelligunt omnes poenam sensus, non damni.

Alterum dictum Bonaventuræ, probatur Primò, quia ex certis revelationibus constat, aliquorum poenam esse tam exiguam, ut nihil pati videantur, quales sunt illi, qui albis vestibus induti, visi sunt in locis amoenis & lucidis, apud Bedam lib. 5. historiar. cap. 13.

Secundò probatur, quia potest fieri, ut quis moriatur, nullum debitum secum ferens, nisi unius verbi otiosi: at incredibile videretur, propter unum solum otiosum verbum pati debere aliquem supplicia graviora omnibus poenis huius vitæ.

Tertiò, quia licet sit quæstio: An poenæ Purgatorii semper crucient æquè graviter, ab initio usque ad finem purgationis; an verò paulatim minuantur, donec finem accipiant; tamen probabilior sententia est, paulatim remitti; hinc autem sequitur, non quamlibet Purgatorii poenam esse maiorem maxima poena huius vitæ; Nam poena illa Purgatorii, quæ est propè finem, debet esse adeò remissa, ut amplius remitti non possit, hic autem poenæ inveniuntur intensissimæ, quæ plurimum remitti possunt.

Quòd autem poena Purgatorii paulatim remittatur, probatur; nam S. Bernardus in vita S. Malachie

A scribebat, oranti Malachie pro sorore defuncta, ipsam defunctam ter apparuisse. Primò, in veste nigra, & extra Ecclesiam. Secundò, in veste subfusca, & intra lumen Ecclesiæ. Tertiò, in veste alba, & ad ipsum altare cum cæteris Sanctis. Ex quibus ipse intellexit, animam sororis paulatim remittentibus se poenis ad finem purgationis venisse. Et similes multæ visiones adferri possent.

C A P U T XV.

Suffragia Ecclesiæ defunctis prodesse.

B Quatuor explicanda sunt de suffragiis defunctorum. Primum, an suffragia vivorum prosint defunctis. Secundum, quot sint genera suffragiorum. Tertium, à quibus fieri possint. Quartum, quibus prosint.

De primo, hæretici huius temporis omnes, & alii veteres, quos citavimus initio huius disputationis, negant, prodesse defunctis vivorum suffragia. Quòd autem prosint, probari potest Scripturis, Conciliis, Patribus, & apparitionibus animarum, quæ omnia peti debent ex prima quæstione. Quibus addenda est ratio, quam tunc non attulimus, quia præsupponebat Purgatorium esse, quod nondum erat demonstratum.

C Ratio est Petri Cluniacensis in epist. contra Petrobrusianos: Ecclesia tota est unum corpus, cuius caput est Christus, ergo debet habere communicationem tam capitis cum membris, quàm membrorum inter se; nam, ut dicitur 1. Corinth. 12. pro invicem sollicita sunt membra, & si quid patitur unum membrum, compatiuntur omnia membra. Sed iusti defuncti sunt membra huius corporis; nam sunt colligati nobiscum & cum Deo in fide, spe, & charitate. Unde B. Augustinus lib. 20. de civit. Dei, cap. 9. *Neque enim, inquit, piorum anima defunctorum ab Ecclesiâ separantur, quæ est regnum Christi; igitur viventes possunt ac debent juvare defunctos, ut membra ejusdem corporis.*

D Præterea Christus qui caput est, profuit vivens in terris viventibus, mortuus mortuis, vivens mortuis, & mortuus viventibus, ergo etiam decet, ut membra inter se ita agant, ut iusti viventes viventibus, mortui mortuis, viventes mortuis, & mortui viventibus prosint. Ac primum, quòd Christus vivens profuerit viventibus, patet, quia remisit peccata Magdalene, Luc. 7. Paralytico Matth. 9. Zacchæo Luc. 19. Petro Luc. 22. Latroni Luc. 23. curavit etiam corporaliter plurimos, ut dicitur Marc. 1. Actor. 10. & alibi. Quòd mortuus mortuis, patet; nam descendens ad inferos, solvit plurimos à doloribus inferni, ut dicitur Actor. 2. & simul aperuit sepulchra, & multa corpora Sanctorum excitavit, Matth. 27. Quòd vivens mortuis, patet; nam puellam in domo, adolescentem in via, Lazarum in sepulchro mortuos revocavit ad vitam, Matth. 9. Luc. 7. Joan. 11. Quòd denique mortuus vivis, patet; nam morte sua vitam nobis æternam promeruit, & nunc in cælo semper interpellat pro nobis, & advocatum nostrum agit, Heb. 7. & 1. Joan. 2.

E Probatur tertiò & ultimò; nam ex quatuor membrorum divisionis, tria sunt certè manifesta, ergo & quartum debet habere locum; nam quòd viventes juvantur à viventibus, nemo negat, cum videamus doceri, instrui, pasci verbo & Sacramentis alios ab aliis. Et Jacobus dicit cap. 5. *Orate pro invicem ut salvemini.*

Quòd

Quod etiam mortui mortuis prosint, patet; nam Helizus mortuus mortuum alium suscitavit, 4. Regum 13. & Abraham mortuus in sinum suum Lazarum mortuum recepit, Luc. 16. Nec ulli dubium esse debet, quin Sanctorum defunctorum animæ cum Christo regnantes, orent pro Sanctorum animabus in Purgatorio laborantibus, cuius contrarium temerè asserit Dominicus à Soto lib. 4. sentent. dist. 45. q. 3. art. 2. nam præter Petrum Cluniacensem loco notato, B. Augustinus lib. de cura pro mortuis, cap. 4. ad hoc dicit prodesse mortuis sepulturam in Basilicis Martyrum, ut qui recordatur mortui, simul recorderetur Martyris, & ejus precibus mortui animam commendet, & Ecclesia tota in illa oratione: Deus veniæ largitor &c. supplicat Deo, ut B. Maria intercedente, & omnibus Sanctis, animas defunctorum ad perpetuam beatitudinis consortium pervenire concedat.

Quod autem mortui prosint viventibus, patet; nam 2. Machab. 15. legimus, Oniam & Hieremiam jamdudum defunctos, visos fuisse orare pro populo Judæorum viventium. Porro beneficia exhibita à sanctis defunctis, hominibus hic viventibus, innumerable, & certissima sunt. Vide Augustinum lib. 22. de civit. Dei, cap. 8. & Theodoretum in lib. de Martyribus. Non est incredibile, etiam animas Purgatorii pro nobis orare, & impetrare, quandoquidem anima Paschasii, & S. Severini miracula operabantur, etiam in Purgatorio degerent, ut patet ex Gregorio lib. 4. Dialogorum, cap. 40. & Petro Damiano in epist. de miraculis sui temporis.

Et quamquam S. Thomas in 2. 2. quæst. 83. art. 11. ad 3. contrarium docet, tamen ratio ejus non convincit; nam si animæ illæ non orant pro nobis, vel causa est, quia non vident Deum, vel quia sunt in maximis tormentis, vel quia sunt nobis inferiores, sed nihil horum dici potest. Non primum, quia tempore veteris Testamenti orabant Sancti defuncti pro vivis, ut patet ex 2. Machabæor. ult. cum tamen nec illi viderent Deum.

Non secundum, quia dives in inferno orabat pro fratribus suis, Luc. 16. cum esset tamen in majoribus tormentis, quàm sint animæ in Purgatorio. Præterea Martyres in hoc mundo in tormentis constituti orabant pro se, & aliis, ut patet de S. Stephano Act. 7. Item dolor animabus non perturbat ullo modo iudicium rationis, nec impedit affectum bonum voluntatis; ista enim nobis accidunt ratione corporali organorum, quibus illæ carent. Denique, non videtur dubium, quin pro seipsis orent, non obstantibus tormentis.

Non etiam tertium, quia in hoc mundo nos oramus pro Episcopis & summis Pontificibus, qui sunt nobis superiores, & etiam oramus pro illis, quos non dubitamus nobis esse sanctiores, sicut orabant Christiani olim pro Apostolo Paulo, qui eorum orationes petebat, Rom. 15. & alibi.

Præterea, animæ Purgatorii etiam si nobis sunt inferiores ratione poenarum, tamen superiores sunt ratione gratiæ & charitatis, in qua jam confirmatæ sunt; oratio autem, quæ ex charitate procedit, hanc potissimum superioritatem requirit, si ullam requirit; ergo probabile est eas pro nobis orare. Sed quamquam hæc vera sint, tamen superfluum videtur ab eis ordinariè petere, ut pro nobis orent; quia non possunt ordinariè cognoscere quid agamus in particulari, sed solum in genere sciunt nos in multis periculis versari, sicut nos de illis solum in genere scimus eas valde torqueri; nam nec rebus nostris interfunt, ut probat B. Augustinus libro de cura pro

Controv. Card. Bellarm. Tom. II.

A mortuis, cap. 13. nec in Deo orationes nostras vident, cum non sint beatæ; nec est verisimile eis revelari ordinariè, quid agamus, vel petamus. Si ergo vivi prosunt vivis, mortui mortuis, mortui vivis, cur non etiam prodesse poterunt vivi mortuis?

Superest argumenta solvere, quæ restant, præter ea, quæ fecimus in prima & secunda quæstione. Argumentum primum, Eccles. 9. *Viventes sciunt se morituros: mortui autem nihil noverunt amplius, nec habent ultra mercedem, nec partem in hoc sæculo in opere, quod sub Sole geritur.*

B Respondeo: loquitur Sapiens de bonis hujus vitæ, & vult dicere, mortuos non scire quid agatur de rebus, quas hic reliquerunt, nec posse illis uti propria actione, ut comedendo, bibendo, elemosynas faciendo &c. Ideo sequitur: *Vade ergo, & comedere in lætitia.* Non tamen hinc concluditur, quin à nobis juvari possint.

C Secundò, objicit Calvinus præfatione institutionis Ambrosii, qui lib. 1. de Abraham, cap. 9. *Docemus, inquit, ut non dentis inbecillitas mortuis, sed quantum satis est officii, deferamus. Hoc non faciunt, inquit Calvinus, qui perpetuam de mortuis sollicitudinem gerunt.*

Respondeo: Ambrosium hic agere de luctu, & pompa funeris, quam meritò vult esse moderatam. Quod autem non prohibeat sollicitudinem orandi pro defunctis, patet ex oratione ipsius de obitu Valentiniani junioris; nam in fine alloquens Gratianum & Valentinianum defunctos, ait: *Beati ambo, si quid mea orationes valebunt, nulla dies vos silentio præteribit, nulla nox non donatos aliqua precum meorum contextione transcurrat, omnibus vos oblationibus frequentabo.*

D Tertiò, objiciunt Hieronymum, qui in cap. 6. ad Galat. exponens illud: *Unusquisque onus suum portabit: Docemur, inquit, per hanc sententiam novum dogma, quod latitat: dum in presenti sæculo sumus, siue orationibus, siue consiliis invicem posse nos coadiuvare: cum autem ante tribunal Christi venerimus, non Job, non Daniel, nec Nos rogare posse pro quoquam, sed nunguemque portare onus suum.* Hæc autem Hieronymi sententia ab Ecclesia approbata videtur, quippe quæ in decretum Gratiani, can. In presenti, 13. q. 2. jamdudum relata est.

Respondeo: Hieronymum loqui de iis, qui mortaliter peccant, & sine poenitentia moriuntur, ut Gratianus annotavit. Vel dicendum, Hieronymum loqui de novissimo iudicio, quando cessante Purgatorio, cessabunt etiam suffragia, & solum iudicis ultima sententia executioni mandabitur. Quod ita sit Hieronymus intelligendus, patet ex libro ipsius contra Vigilantium, ubi graviter accusat Vigilantium, quod dixisset, posse nos orare pro invicem dum vivimus, post mortem autem nullius pro altero orationem audiendam.

E Quartò, ita ratiocinantur: Melius est per se, quàm per alium satisfacere; minus enim beatur, qui per alium, quàm qui per se satisfacit: ergo non debemus orare pro defunctis, ne illis gloriam minuamus.

Respondeo: in hac vita melius est per se satisfacere, quàm per alium, quia dum satisfacimus, simul meremur gratiæ & gloriæ augmentum; at in Purgatorio, ubi animæ non possunt mereri, non est melius satisfacere per se, quàm per alium.

Quintò: Nescimus, inquiunt, ubi defuncti nostri sint, & sæpè dum putamus eos in Purgatorio esse, illi sunt in inferno, vel etiam in coelo, ergo frustra oramus.

Respondet Augustinus lib. de cura pro mortuis, X 4 cap.

cap. ult. melius esse, ut superflui suffragia iis, qui non egent, quam ut deficiant iis, qui egent; sicut benefacimus injustis in hoc mundo, ne praterantur iusti. Adde, quod opus bonum numquam est frustra; nam est meritorium facienti, etiam si nihil prodesset ei, pro quo fit.

Sexto, Dei iustitia reddit mala pro malis, bona pro bonis, sed nemo patitur pro culpa alterius, quia non portabit pater iniquitatem filii, Ezechielis 18. nemo igitur debet frui bonis alienis.

Respondeo: neminem pro culpa alterius puniri, nisi particeps sit ejusdem culpæ, vel consensu, vel imitatione. De talibus enim dicitur Exod. 20. Deus punit peccata Patrum in filiis in tertiam & quartam generationem; quod intelligitur, quando filii imitantur parentes, ut exponit Hieronymus in cap. 18. Ezechiel. Augustinus in Psalm. 108. Chrysostomus hom. 29. in Genes. & Gregorius lib. 15. moral. c. 32. ita ergo non est absurdum, aliquem frui bonis alterius, si cum utriusque consensu & voluntate fiat, ut hoc loco; nam animæ Purgatorii cupiunt juvari, & nos volumus eas juvare; præterea punire unum pro alio, injustitia est; ac acceptare bona unius pro altero, misericordia & liberalitas est.

CAPUT XVI.

Quot sint genera suffragiorum.

Quantum ad secundum, tria sunt genera suffragiorum. Sacrificium Missæ, Oratio, & opera quælibet pœnalia & satisfactoria, ut eleemosyna, jejunia, peregrinationes & similia. Porro distinguimus orationem ab operibus satisfactoriis, cum tamen etiam ipsa sit satisfactoria, quia oratio duobus modis juvat defunctorum animas; uno modo, ut opus quoddam pœnale & laboriosum, & hoc modo poterat comprehendere sub opere satisfactorio; alio modo juvat, ut est impetratoria, quod est ipsi orationi proprium; quomodo etiam Beatorum orationes profunt nobis, & animabus Purgatorii, licet satisfactoriæ non sint.

Adhuc juvantur etiam defuncti indulgentiis, sed ideo non faciunt illæ quartum genus suffragiorum, quia indulgentia nihil est aliud, quam applicatio satisfactionum, seu pœnaliū operum Christi & Sanctorum, defunctis. Nam idcirco dicuntur indulgentiæ concedi defunctis per modum suffragii, non per modum absolutionis; non enim potest Pontifex absolvere defunctos à pœnis, quomodo absolvit viuentes, quia illi non sunt ei subiecti, isti sunt. Potest tamen tamquam summus dispensator thesauri Ecclesiæ communicare illis bona opera pœnalia, quæ in thesauro sunt. Sed de hac re alibi dicendum est; vide interim Cajetanum tom. 1. opusculor. tract. 16. quæst. 5. & 6.

Quod hæc ita sint, patet ex testimoniis Patrum. Ambrosius de sacrif. & orat. pro defunctis, sic loquitur lib. 2. epist. 8. ad Faustinum de obitu sororis: *Non tam deplorandam, quam prosequendam orationibus reor, nec moestificandam lachrymis tuis, sed orationibus animam ejus Domino commendandam.* De eleemosyna autem agit in lib. 2. de excessu Satyri fratris, qui inscribitur, De fide resurrectionis; hortatur enim parentes, ut portionem hæreditatis, quæ ad filios mortuos pertinebat, spiritibus ipsorum per eleemosynas pauperum transmittant.

Augustinus serm. 32. de verbis Apostoli: *Orationibus, inquit, sancta Ecclesia, & sacrificio salutari, & eleemosynis non est dubium mortuos adjuvari.*

A Chrysostomus homil. 69. ad popul. *Non temere ab Apostolis hæc sancita fuerunt, ut in tremendis mysteriis mortuorum fieret commemoratio, sciens enim multam illis continere utilitatem.* Idem homil. 41. in 1. ad Corinth. *Juvetur mortuus non lachrymis, sed precibus, supplicationibus, eleemosynis.*

His adde Angeli testimonium apud Bedam lib. 5. histor. cap. 13. *Multos, inquit, preces viventium, & eleemosynas, & jejunia, & maxime celebratio Missarum, ut ante diem judicii liberentur, juvant.*

B Unum hic solum est dubium, An non etiam restitutio rei alienæ profit defunctis, ac proinde sit quartum genus suffragii. Nam sæpe dicuntur animæ apparere, ac petere, ut restitutio pro ipsis fiat earum rerum, quas ipsi aut obliti sunt, aut non potuerunt restituere, & S. Birgitta lib. 6. revelationum, cap. 66. affirmat, animam tam diu cruciari, donec restituatur quod injustè ablatum est.

C Respondet Dominicus à Soto in 4. dist. 45. qu. 2. art. 3. ejusmodi restitutionem non juvare, si fiat; nec obesse defuncto, si non fiat; nam Deus non punit, nisi pro culpa propria in hac vita contracta; vel ergo defunctus peccavit non restituendo, vel non peccavit, si non peccavit, quia fortè non potuit, aut bona fide possedit, non debet etiam puniri; si autem peccavit, punietur pro culpa negligentie illius in Purgatorio; sed posteaquam pœnas debitas dederit salvabitur, si res illa restituatur, si non, ille enim jam est factus impotens simpliciter ad restituendum, neque debet pendere salus ejus ab alterius voluntate, alioqui posset anima in Purgatorio manere in æternum, si nimirum hæres numquam restitueret; quare si restitutio possit fieri, & non fiat negligentia hæredis, peccabit quidem hæres, non tamen id nocebit animæ: si verò fiat, nihil animæ illi proderit, quia restitutio non est satisfactio pro culpa; satisfactio enim est opus bonum pœnale, pœnale autem est dare suum, non restituere alienum.

D Ad illas apparitiones, respondeo, fortè animas non petere restitutionem ut restitutionem, sed ut eleemosynam; licet enim non profit animæ, si restituatur rem alienam is, qui tenetur restituere, tamen bene proderit, si restituatur alius, qui non tenetur; illa enim eleemosyna quædam est, & proinde satisfactoria.

CAPUT XVII.

Quis possit animas juvare.

Quantum ad tertium, qui potest suffragiis suis juvare animas, est is, qui est iustus; homo enim injustus non potest pro se satisfacere, & multò minùs pro aliis.

E Sed objicies: Nonne Missa mali Sacerdotis prodest defuncto? Nonne etiam si Dominus iustus jubeat dari eleemosynas de suis rebus pro defunctis, & dentur postea à ministro injusto, tamen eleemosynæ illæ proderunt? Respondeo, prodesse, sed non esse in his casibus ministrum injustum, qui suffragatur, sed dominum iustum.

Dices rursum: quid si Prælati iusti jubeat, spirituales filios orare, vel jejunare pro defunctis, & illi filii sint injusti?

Respondet Paludanus in 4. sent. dist. 45. quæst. 1. prodesse illa omnia. Melius id negat Sotus ibidem quæst. 2. art. 2. Nam quando servus de pecunia domini sui facit eleemosynam, illud opus propriè est domini, non servi, & ideo malitia ministri non vitiat

riat opus. At dum subditus orat, vel ieiunat, opus propriè est ipsius subditi, ipse enim suo labore operatur, non labore domini sui. Unde B. Hieronymus libro contra Vigilantium, dicit, melius esse dare eleemosynam pauperi iusto, quàm iniusto, quia ille orans pro benefactore, exauditur, alter non exauditur.

CAPUT XVIII.

Quibus profunt suffragia.

QUantum ad quartum, certum est, Ecclesiæ suffragia non prodesse beatis, nec damnatis, sed solum iis, qui in Purgatorio degunt; quia priores non egent, posteriores non possunt iuari; id quod docent omnes Scholastici in 4. dist. 45. sequenti Augustinum, qui in Enchiridio, cap. 110. & de cura pro mortuis, cap. 1. dicit, Ecclesiæ suffragia pro valde bonis gratiarum actiones esse, pro non valde malis propitiationes, pro valde malis nulla esse adjumenta mortuorum, sed qualescunque vivorum consolationes.

At sunt in contrarium tres difficultates. Primò, de beatis. Videtur enim falsum, quòd beatis non profunt suffragia; nam Epiphanius hæres. 75. & Cyrillus catech. 5. mystagogica, & Chrysostomus in sua liturgia, dicunt, sacrificium offerri Deo pro Apostolis, Martyribus, Prophetis &c.

Præterea secundò, Ecclesia in orationibus de Sanctis sæpè legit: *Sumpsimus, Domine, sancta mysteria, quæ sicut Sanctis tuis profunt ad gloriam, ita nobis, quæsumus, proficiant ad medelam.* Et in antiquis Missalibus, ut testatur Innocentius III. cap. Cum Marthæ, extra de celebratione Missarum, in die S. Leonis, dicebatur: *Annue, quæsumus, Domine, ut anima B. Leonis hac proficiat oblatio.* Et licet hæc oratio mutata sit, tamen adhuc hodie in secreta oratione in eodem festo dicimus: *Sancti Leonis Confessoris tui atque Pontificis annua solemnitas nos tibi reddat acceptos, ut per hac pia placationis officia, & illum beata retributio comitetur, & nobis gratia tua dona commiliet.*

Præterea Chrysostomus homil. 33. in Matth. exhortans ad eleemosynas pro defunctis filiis, *Patas, inquit, eum maculis inquinatum? da illi sua, ut illis se à maculis detergat. Patas in iustitia decessisse? prabe ipsi sua, ad mercedis, & retributionis adjectionem.*

Ad primum facilis est responsio: sacrificatur enim pro Sanctis, non ut eis aliquid petamus, sed ut pro gloria illis collata Deo gratias agamus. Id enim est, quod Augustinus dicit, pro valde bonis gratiarum actiones esse.

Ad reliqua respondet Innocentius, ubi suprà, dupliciter. Primò, cum Ecclesia petit gloriam Sanctis, qui regnum cælorum jam possident, non petere, ut illi in gloria crescant, sed, ut apud nos gloria eorum crescat, id est, ut toti mundo gloria eorum innotescat, & illi ubique magis & magis glorificentur. Secundò dicit, non videri absurdum, si petamus illis augmentum gloriæ alicujus accidentalis. Adde Tertiò, fortasse peti gloriam corporis, quam habebunt in die resurrectionis. Nam etiam si gloriam illam certò consequentur, & debetur eorum meritis, tamen non est absurdum hoc illis desiderare & petere, ut pluribus modis debeatur. Cum ergo Augustinus dicit serm. 17. de verbis Apostoli, injuriam facere Martyri, qui orat pro Martyre, intelligitur de illis, qui Martyri precantur remissionem peccati, vel gloriam essentialem, quasi illa careret.

A Secunda difficultas est de damnatis. Nam August. Enchir. cap. 110. dicit: *Quibus autem profunt suffragia, aut ad hoc profunt, ut plena fiat remissio, aut tolerabilior sit ipsa damnatio.* Et cap. 112. sic ait: *Panas damnatorum certis temporum intervallis existiment, si hoc eis placet, aliquatenus mitigari, cummodo intelligatur in eis manere ira Dei, hoc est, ipsa damnatio.*

B Item Chrysostomus homil. 3. in epist. ad Philip. postquam dixerat orandum pro defunctis, subdit: *Verum istud quidem de illis dicimus, qui in fide abcesserunt. Catechumeni verò neque hac digni consolatione censentur, sed omni huiusmodi sunt auxilio destituti, præter unum solum, quod autem illud? pauperibus eorum nomine dare licet, unde eis nonnihil refrigerii accedit.*

Præterea Damascenus in oratione de defunctis, non solum refert de Trajano & Falconilla liberatis ex inferno per orationem Gregorii & Theclæ, de quibus suprà diximus, sed etiam addit ex historia Palladii ad Lausum, S. Machario aliquando percunctanti cranium aridum cujusdam idololatæ, an eis prodesse preces viventium, responsum fuisse ex cranio: *Quando pro mortuis offers preces, nos interim aliquid lenimenti sentimus.*

Præterea Prudentius in Hymno de novo lumine Paschalis Sabbathi ait.

Sunt & spiritibus sapè nocentibus

Panarum celebres sub styge feræ, &c.

C Denique Innocentius III. cap. Cum Marthæ, ponit quadrimembrem divisionem; dicit enim, ex mortuis quosdam esse valde bonos, qui non egent suffragiis; quosdam valde malos, qui non possunt iuari: quosdam mediocriter bonos, quibus suffragia profunt ad expiationem: quosdam mediocriter malos, quibus profunt ad propitiationem: at certè ultimum membrum non videtur convenire, nisi pueris in limbo. Si enim valde boni sunt in cælo, valde mali sunt in Gehenna ignis, mediocriter boni in Purgatorio: ubinam erunt mediocriter mali, nisi in limbo? Ergo illis profunt suffragia, cum tamen in Purgatorio non sint.

D Respondeo ad primum, Augustinum per tolerabiliorem damnationem intelligere mitigationem poenarum Purgatorii, ut patet ex præcedenti trimembri divisione.

Ad secundum dico, Augustinum ibi non agere de oratione pro defunctis, & solum dicere, non esse erroneum concedere, damnatos puniri citra condignum, quod clariùs docet lib. 21. de civit. Dei, cap. 24.

Ad tertium: Chrysostomus solum videtur negare orandum esse publicè, vel sacrificandum pro Catechumenis, ut etiam aliquando definivit Concilium Bracarense I. can. 35.

E Ad quartum, B. Thomas in 4. dist. 45. art. 2. quæst. 2. post refutatas ineptas solutiones Præpositivi, Porretani, & aliorum, respondet, animas damnatorum orationibus Sanctorum non percipere veram aliquam poenarum mitigationem, sed solum inanè, & fallax aliquod gaudium, quòd nimirum videant se habere socios in poenis, quale est gaudium Dæmonum, cum aliquem decipiunt. At fortasse meliùs rejicerentur, ut falsa & apocrypha, quæ asferuntur de illo cranio; non enim in libro Palladii tale aliquid invenitur, nec est verisimile, S. Macharium orasse pro infidelibus.

Ad quintum nihil aliud dico, nisi more poetico luisse Prudentium.

Ad ultimum, quod multos torquere solet, suspicor Innocentium III. memoria lapsum putare divisionem, quæ est apud Augustinum trimembris, fuisse qua-

se quadrimembrem; nam apud August. iidem sunt mediocriter boni, & mediocriter mali. Innocentius autem distinguit hoc membrum in duo, dicens: *Alii sunt mediocriter boni, alii mediocriter mali*; possumus tamen dicere, mediocriter bonos dici, qui nullam habent culpam, sed tamen habent reatum poenae; mediocriter malos, dici eos, qui habent culpam aliquam, sed venialem tantum.

Tertia difficultas est de animabus Purgatorii. Nam Theologi conveniunt in duobus, & in uno non conveniunt. Conveniunt primò, quòd suffragia omnia prosint omnibus, saltem quatenus adferunt novum gaudium, id enim commune est omni bono operi, ut de illo gaudeant omnes boni juxta illud Psalmi 118. *Particeps ego sum omnium timentium te.*

Secundò, conveniunt, quòd suffragia communia, quae sunt pro omnibus defunctis, prosint etiam omnibus animabus Purgatorii, non solum in ratione gaudii, sed etiam in ratione satisfactionis, nulla enim est causa cur aliqui excludantur.

At dissentiunt de suffragiis particularibus. Nam Cajetanus tom. 1. opusculorum, tract. 16. quæst. 5. docet, omnes quidem animas juvari posse, & juvari etiam communibus suffragiis: at particularibus, quae pro illis fiunt, non juvari, nisi illas, quae peculiariter meruerunt, ut sibi talia prodesse. Dicit autem eas peculiariter mereri, quae hic in terris habuerunt specialem devotionem ad claves Ecclesiae, & solliciti fuerunt pro animabus aliorum; & probat ex Augustino lib. de cura pro mortuis, cap. 1. & in Enchirid. cap. 109.

Alii verò, quos citat B. Thomas in 4. dist. 45. q. 2. art. 4. dicebant suffragia, quae sunt pro uno, non ei solum prodesse, verum etiam omnibus aliis, nec minus aliis quam illi, sicut lucerna accensa pro Domino, aequaliter illuminat servos, qui in eodem loco sunt.

Sententia communis est in medio, quòd nimirum suffragia particularia, omni & soli illi prosint in ratione satisfactionis pro quo fiunt. Quòd ~~omni~~ contra Cajetanum, patet, quia fundamentum communicationis suffragiorum non est aliquod peculiare meritum; sed status gratiae. Sanctus enim Augustinus cum dicit solis illis prodesse suffragia qui meruerunt ut sibi prodesse possint per exclusivam, solis, non excludit ullas animas Purgatorii, sed animas damnatas, & notandum diligenter Augustinum in Enchiridio non dicere suffragia juvare illos defunctos, qui meruerunt ut sibi prodesse, sed qui meruerunt ut sibi prodesse possent.

Quocirca Cajetanus, qui dicit omnes animas juvari posse, sed de facto non juvari, non habet pro se Augustinum, ut ipse arbitratur. Quòd autem haec suffragia particularia soli illi prosint, pro quo fiunt, patet; nam applicatio ejusmodi bonorum pendet ex intentione applicantis, nec debent comparari ista suffragia luminis lucernae, sed potius pecuniae, quae solvitur ab uno pro altero.

Notandus est etiam locus Augustini pro hac sententia ex lib. de cura pro mortuis, cap. 4. ubi dicit ideo Ecclesiam orare interdum pro defunctis omnibus in genere, ut quibus defuncti parentes vel amici, qui pro eis orant, & proinde remanent auxilio destituti, habeant saltem auxilium à communi matre, quae est Ecclesia.

CAPUT XIX.

De funere.

Diximus hactenus de spiritibus defunctorum: Nunc de sepultura corporum dicendum est. Haeretici hujus temporis non reprehendunt ipsam sepulturam; reprehendunt tamen multa circa sepulturam.

Primò, quòd in locis sacris sepeliamus, atque ad hoc erigamus coemeteria. Hoc reprehendunt haeretici aliqui in Boemia apud Aeneam Sylvium de origine Boemorum, c. 35. & potest asferri argumentum, quòd nihil profit locus sepulturae ex illis verbis Lucae 12. *Ne terreamini ab his, qui occidunt corpus, & post haec non habent amplius quod faciant.* Item ex capite, Sacris, extra de sepulturis, ubi dicitur nihil obesse hominibus piis sepulturam vilem, aut nullam. Item ex Augustino lib. 1. de civit. Dei, cap. 12. & lib. de cura pro mortuis, ubi dicit, sepulturam & funeris pompam solatia esse vivorum, non mortuorum praedia.

Secundò, reprehendunt usum cereorum, quia in Concilio Elibertino can. 34. statutum fuit, ne cerei de die in coemeteriis accenderentur: *Non enim spiritus defunctorum, inquiunt Patres, inquietandi sunt.*

Tertiò, reprehendunt anniversaria, & tot repetitiones exequiarum die 3. 7. & 30. quia signum est diffidentiae, easdem preces toties iterare; & praeterea quia B. Ambrosius lib. 1. de Abraham, cap. 9. super illud Genes. 23. surrexit Abraham ab officio funeris: *Docemur, inquit, ut non diutius inbareamus mortuis, sed quantum satis est officii deferamus.* Quem locum expendens Calvinus praefat. Institut. dicit ab Ambrosio reprehendi eos, qui nullum finem faciunt orandi pro mortuis.

Quartò, reprehendunt quòd putemus sepulturam esse opus meritorium, & Deo gratum, cum tamen nusquam inveniat a Deo mandatum; immò Dominus Matth. 25. enumerans opera misericordiae, non meminerit sepulturae.

His non obstantibus asserimus sepulturam rem esse bonam, & utilem, & ritus omnes Ecclesiae in sepeliendis mortuis esse antiquos, & sanctos. Quòd sit res bona, & meritoria, probatur ex illo 2. Reg. 2. *Benedicti vos à Domino, qui fecistis misericordiam hanc cum domino vestro Saul, & sepelivistis eum, & nunc retribuet vobis Dominus.* Tob. 12. Angelus extollit inter alia opera Tobiae quòd mortuos sepelierit, Matth. 26. *Opus bonum operata est in me, mittens enim unguentum hoc ad sepeliendum me fecit.*

Quòd sit res antiqua & utilis facile demonstrari potest, nam omnia quae nunc in Ecclesia servamus, semper in usu Ecclesiae fuerunt. Primum, corpora mortuorum nunc lavantur, id etiam olim fiebat, ut patet Actor. 9. de Tabitha, & apud Gregorium lib. 3. Dialogorum, cap. 17. & lib. 4. cap. 16. & 27.

Secundò, corpora cum honore, & multitudine comitantium deferuntur ad sepulchrum. Ita etiam legimus factum olim Gen. 50. & Luc. 7. & apud Gregorium Nazianzenum orat. 2. in Julianum, Sulpitium in vita S. Martini, Hieronymum in vita S. Fabiolae, & S. Paulae, & alios.

Tertiò, corpora fidelium in templis, & locis sacris sepeliuntur. Ita olim Jacob & Joseph Patriarchae in terra Aegypti mortui, in terra promissionis sepeliri voluerunt, unde Christus erat nasciturus, & ubi templum Domini futurum erat, Gen. 49. & 50. Deinde temporibus Christianorum, corpora fidelium in tem-

in templis sepulta fuisse testantur Ambrosius lib. 1. de Abraham, cap. 9. Hieronymus in vita Paulæ & Fabiolæ, Gregorius lib. 3. Dialogorum, cap. 13. & Augustinus libro de cura pro mortuis, cap. 1.

Quartò, corpora fidelium cum hymnorum, & psalmorum cantu sepelienda, testantur Gregorius Nazianzenus orat. 2. in Julianum, Chrysostomus homil. 4. in epist. ad Hebr. Hieronymus in vita S. Pauli Eremitæ, & S. Paulæ viduæ, & S. Fabiolæ, Sulpitius in vita S. Martini, & omnium antiquissimus Dionysius Arcopagita, cap. 7. de Ecclesiastica Hierarchia.

Quintò, ad funus fidelium lampades, & cerei accensi adhibebantur, ut nunc etiam fit. Nyssenus epist. ad Olympiam de obitu sororis, Nazianzenus & Chrysostomus locis notatis, Hieronymus in vita Paulæ, & Theodoretus lib. 5. historiarum, c. 36. & alii.

Sextò, sacrificium altaris pro eis offertur, ita etiam olim testibus Tertulliano lib. de corona militis, Cypriano lib. 1. epist. 9. Augustino lib. 9. Confessionum, cap. 12. Ambrosio oratione de Valentini obitu, & aliis.

Septimò, non solum cum sepeliuntur, sed etiam die anniversaria pro defunctis offertur, & oratur, ut patet apud Tertullianum lib. de Monogamia, & Gregorium Nazianzenum, oratione in Cæsarium fratrem.

Octavò, non solum die anniversaria, sed etiam die 3. 7. & 30. ut est apud Ambrosium oratione de obitu Theodosii initio, id quod etiam nunc servatur.

Nonò, eriguntur tituli, idem olim Genes. 35. Actor. 2. 1. Machab. 13.

Decimò, dantur eleemosynæ pauperibus, idem olim, Chrysostomus hom. 32. in Matth.

At quæ sit huius rei utilitas, paulò obscurius est. Atque in primis rejiciendi sunt duo errores, quos rejicit D. Augustinus lib. de cura pro mortuis, cap. 2. Unus, quo Ethnici putabant sepulturam esse necessariam, ut animæ requiescere possent, juxta fabulas Virgilii 6. Æneidos. Alter est, quo quis putare posset in corporibus defunctorum adhuc sensum aliquem inesse.

His rejectis erroribus, dicimus multiplicem esse utilitatem sepulturæ, tam vivis, quàm defunctis: & vivis quidem quadruplicem. Primam, quòd per sepulturam arcetur fœtor & horror cadaverum, quæ non parum vivis nocerent.

Secundam, quòd eo studio testantur vivi fidem resurrectionis, & immortalitatis animarum; non enim tam diligenter corpora mortuorum curaremus, nisi putaremus ea resurrectura. Neque cereos accenderemus, nisi animos vivere post mortem corporum significare vellemus.

Tertiam, quòd admonentur propriæ mortis, unde etiam tumuli defunctorum monumenta dicuntur.

Quartam, quòd eo officio satisfaciant vivi aliquomodo affectui suo quo mortuos prosequuntur. Si enim vestes, & annulos amicorum bene collocari volumus, certè multò magis corpora, & hoc est quod Augustinus dicit, cum ait, sepulturæ pompam solatia esse vivorum.

Porro mortuis ex sepultura, alia quadruplex accedit utilitas. Prima, quòd consulitur honori eorum, adhuc in hominum memoriis viventium; non enim caret ignominia quadam, quòd fœditas nostri corporis aliorum conspectibus pateat. Quocirca, non levis pœna judicatur, cum quis à iudice privatur sepultura, & jubetur in patibulo, aut rota pendens, esse avium esca.

Secunda, quòd satisfat desiderio eorum, quòd dum viverent habuerunt; nemo est enim qui carnem suam odio habeat, ut dicitur Ephes. 5. & ideo quisque dum vivit, cupit etiam post mortem corpus suum honestè tractari. Immo credibile est, animos corpore solutos, etiamsi fortè nesciant quid corporibus eorum accidat, tamen cupere ut honestè habeantur, sicut etiam cupiunt ad ea reverti, ut Augustinus docet lib. 12. de Genes. ad literam, cap. 35. Atque hunc videmus Prophetæ inobedienti datum in pœnam, ut non sepeliretur cum patribus suis, 3. Reg. 13.

Tertia, utilitas nascitur ex eo, quòd à multis deducuntur ad sepulchrum, hinc enim per accidens fit, ut à multis pro eis oretur.

Quarta ex eo sumitur, quòd in templis Sanctorum sepulchrum habent; inde enim fit, ut eorum amici, cum eorum recordantur, simul etiam recordentur ejus Sancti, in cujus templo sepulti sunt, & frequenter ejus patrocinio eos commendent. Hanc utilitatem ponunt B. Augustinus libro de cura pro mortuis, cap. 4. & 5. & B. Greg. lib. 4. Dialogorum, cap. 50.

Ex his ad argumenta respondetur. Ad primùm dico cum Augustino lib. 1. civit. Dei cap. 12. Dominum loqui de dolore, quo affici possunt corpora dum vivunt; ideo enim ait: *Post hæc non amplius habent quid faciant*; quia corpus mortuum etiamsi secetur, aut lanietur, aut cremetur, nihil planè doloris sentit. Hinc tamen non sequitur, non esse aliquam eleemosynam, satisfacere desiderio hominis, quòd habuit dum viveret, & quòd fortè adhuc habet, ut corpus suum sepeliatur. Secundò dico, loqui Pontificem in ea decretali de utilitate ad salutem æternam, ac docere, nec per se prodesse sepulturam, nec per se obesse ad salutem consequendam, quamquam per accidens prodesse potest, ut diximus, ratione precum amicorum. Tertio idem dico, Augustinus enim solum docet sepulturam per se non esse præsidium mortuorum, ad vitam æternam consequendam, sed solatium vivorum: tamen quòd per accidens profit, ipsemet docet ibidem.

Ad aliud ex Concilio Elibertino, respondeo, in eo Concilio reprehendi, & prohiberi eam caeremoniam, quia fiebat ex superstitione Gentilium, qui putabant corpora mortua sentire aliquid. Illo autem errore sopito, non est malum eadem caeremonia uti ad alium finem, nimirum ad significandum animas vivere, & suo tempore etiam corpora resurrectura, & nostros defunctos esse filios lucis, non tenebrarum. Quod autem Concilium dicit, non esse inquietandos spiritus defunctorum, non significat spiritus illos revera inquietari, sed displicere illis ejusmodi errorem; quomodo Ambrosius dicit lib. 2. epist. 8. non debere mortificari lachrymis animam sororis defunctæ.

Ad tertium dico, non esse signum dissidentiae, sed desiderii, & fervoris, repetere easdem preces; id enim fecit Paulus 2. Corinth. 12. ter Dominum rogavi; & Dominus ipse Matth. 26. ter eandem orationem repetivit.

Ad Ambrosium suprà respondimus, cap. 15. non loqui eum de orationibus, sed de fletu, & dolore; nam ipse idem oratione in Valentinianum dicit: *Beati quibus, si quid mea orationes valeant, nulla dies vos silentio præteribit, nulla nox non donatos aliqua precum mearum contextione transcurret, orationibus vos & oblationibus frequentabo.*

Ad ultimum ex Evangelio Matth. 25. respondetur. Primò, cum Chrysostomo hom. 84. in Joannem, ubi dicit, Dominum non addidisse, mortuos sui,

fui, & sepelitis me, quia sponte sua homines non solum hanc eleemosynam facere solent, sed etiam nimium in ea facienda excedere. Sicut enim in aliis bonis rebus, ita etiam in hac abusus quidam se admiscuit, quo divites pretiosis vestibus induti sepeliri solent; melius enim esset, & mortuis multò grarius, & utilius, ut Chrysostomus ibidem dicit, pretium illarum vestium dare pauperibus pro anima ejus qui sepelitur. Dominus igitur, tum ut abusum corrigeret, tum quia necesse non videbatur hoc officium

A valde commendare, hanc eleemosynam cum ceteris non numeravit.

Secundò, dici posset, Dominum non meminisse hujus eleemosynæ, quia est omnium minima, & obscurissima, ut B. Augustinus docet libro de cura pro mortuis, cap. 3. Volebat enim Dominus ostendere, se justè remuneraturum bonos, & damnaturum malos, & ideo solum eorum operum meminit, quæ evidenter, & omnium judicio sunt opera misericordie. Atque hæc de tota hac disputatione sufficiant.

Finis tertiæ Controversiæ generalis.

LAUS DEO, VIRGINIQUE MATRI Mariæ.

QUARE

Q U A R T A
C O N T R O V E R S I A
G E N E R A L I S.
D E
E C C L E S I A
T R I U M P H A N T E,
TRIBUS LIBRIS EXPLICATA.

334
INDEX LIBRORUM
ET CAPITUM.

DE ECCLESIA TRIUMPHANTE; SIVE DE GLORIA ET CULTU SANCTORUM.

P R Æ F A T I O.

Ordo Disputationis.

L I B E R P R I M U S,

De Beatitudine & Canonizatione Sanctorum.

- | | | | |
|---------|--|---------|--|
| CAP. I. | A rgumenta hæreticorum, quibus illi probare nituntur, Sanctos nondum esse beatos. | CAP. X. | Sanctos non canonizatos privatim posse coli, non publicè. |
| II. | Animas Sanctorum jam nunc frui Dei visione, demonstratur testimonio Ecclesia. | XI. | Proponitur questio de cultu Sanctorum, cum adversariorum argumentis. |
| III. | Idem Scripturarum testimoniis demonstratur. | XII. | Explicatur sententia Catholica. |
| IV. | Eadem veritas ex Græcis Patribus confirmatur. | XIII. | Afferitur argumentis sententia Catholica. |
| V. | Idem probatur testimoniis Latinorum. | XIV. | Solvuntur argumenta initio proposita. |
| VI. | Idem confirmatur rationibus, quæ tamen in Scripturis fundamentum habeant. | XV. | Proponitur controversia de invocatione Sanctorum. |
| VII. | Sanctos rectè ab Ecclesia canonizari. | XVI. | Deteguntur aliquot fraudes, & mendacia hæreticorum. |
| VIII. | Cujus sit Sanctos canonizare. | XVII. | Quomodo Sancti invocandi non sunt. |
| IX. | Credendum esse, Pontificem non errare in Sanctorum canonizatione. | XVIII. | Sanctos pro nobis orare. |
| | | XIX. | Sanctos esse invocandos. |
| | | XX. | Solvuntur argumenta adversariorum. |

L I B E R S E C U N D U S,

De reliquiis & imaginibus Sanctorum.

- | | | | |
|---------|--|------------|--|
| CAP. I. | P roponuntur argumenta contra cultum reliquiarum. | CAP. XVII. | Solvitur argumentum quintum. |
| II. | Deteguntur mendacia Centuriatorum. | XVIII. | Solvitur argumentum sextum. |
| III. | Afferitur veritas, & probatur. | XIX. | Solvitur argumentum septimum. |
| IV. | Solvuntur argumenta adversariorum. | XX. | Proponitur questio, quo genere cultus imagines sint honoranda. |
| V. | De nomine Imaginis & idoli. | XXI. | Imagines per se & propriè colendas. |
| VI. | De principibus Iconomachorum. | XXII. | Non esse dicendum, imaginibus deberi cultum latræ. |
| VII. | Licere imagines & facere, & habere. | XXIII. | Imagines Christi impropriè, vel per accidens posse honorari cultu latræ. |
| VIII. | Non esse prohibitas imagines Dei. | XXIV. | Imagines, per se & propriè non esse colendas eo cultu, quo exemplar ipsum colitur. |
| IX. | Imagines in templis rectè collocari. | XXV. | Quo genere cultus adorentur imagines. |
| X. | Imagines utiles esse etiam extra historiam. | XXVI. | De adoratione Crucis. |
| XI. | Proponitur questio de cultu imaginum cum argumentis adversariorum. | XXVII. | De Cruce vera Domini. |
| XII. | Imagines Christi & Sanctorum rectè coli. | XXVIII. | De imagine Crucis. |
| XIII. | Solvuntur argumenta adversariorum. | XXIX. | De signo Crucis. |
| XIV. | Solvitur argumentum secundum. | XXX. | Solvuntur objectiones hæreticorum. |
| XV. | Solvitur argumentum tertium. | | |
| XVI. | Solvitur argumentum quartum. | | |

L I B E R T E R T I U S,

De iis rebus, quibus superna Hierusalem ab Ecclesia interris peregrinante colitur.

- | | | | |
|---------|--|----------|--|
| CAP. I. | D e erroribus circa templa. | CAP. IX. | De votis, quæ nuncupantur Sanctis. |
| II. | An templa sint erigenda. | X. | An sint festi dies à Christianis celebrandi. |
| III. | De forma. | XI. | De Dominica die. |
| IV. | De fine. | XII. | De Pascha. |
| V. | De dedicatione & consecratione Ecclesiarum. | XIII. | De Pentecoste. |
| VI. | De ornatu templorum. | XIV. | De Septuagesima & sequentibus Dominicis. |
| VII. | De benedictionibus aquæ, salis, cinerum, cerei &c. | XV. | De reliquis festis Domini. |
| VIII. | De peregrinationibus. | XVI. | De Festis. |
| | | XVII. | De Vigiliis. |

P R Æ

P R Æ F A T I O

D E E C C L E S I A
T R I U M P H A N T E.*Sive de Gloria, & cultu Sanctorum.*

PERVENIMUS tandem ad eam Ecclesiæ Catholicæ partem nostris disputationibus illustrandam, atque ab hæreticorum non tam argumentis, quàm mendaciis, & calumniis vindicandum, quæ in coelo beata cum rege suo Christo ævo sempiterno fruitur. Quamquam enim beatæ illæ sanctorum Angelorum, atque hominum mentes humana defensione, præsidioque pro se non egeant, cum in altissimis, & tutissimis arcibus collocatæ de universis hostibus suis novos quotidie triumphos agant, ac (ut S. loquitur Cyprianus) prorsus de sua felicitàte securæ, solum de nostra sint incolumitate sollicitæ: Nobis tamen perutile est, ac, ut veriùs dicam, multis nominibus necessarium, ut Sanctorum gloria orbi terrarum nota, atque perspecta, & omni idololatriæ caligine, quam illi aspergere, atque offundere conantur hæretici, purgata omnino, & libera emineat, atque splendeat.

Quia verò non panegyricam orationem de Sanctorum laudibus instituimus, sed ingressum dumtaxat ad futuram disputationem, nostra hac præfatiuncula aperimus, dicam solum, & paucis, de mendaciis, & conviciis hæreticorum in Sanctos, quorum illa ad ipsorum hæreticorum insaniam curandam magnum afferunt impedimentum, ista non solum Ecclesiam insigni patrocínio spoliant, sed etiam gravissimam, justissimamque divini Numinis iram mortalibus omnibus conciliant.

Etenim multa sunt, quibus à nobis hujus temporis hæretici dissident, multa illi in nostra Ecclesia, templis, monasteriis, gymnasiis, dogmatibus, ritibus, hominibus denique omnium ordinum reprehendunt, multa desiderant, multa carpunt, multa emendanda, & corrigenda esse clamitant: sed nihil est, quod exhorreant, & execrentur magis, quàm invocationem Sanctorum, reliquiarum cultum, imaginum venerationem. His enim tribus manifestam impietatem, & idololatriam contineri volunt. Hoc uno veluti pallio discessionem suam à nobis, hoc est, impiam ab Ecclesia Catholica separationem & defectionem, honestissimè tegere se arbitrantur. Hoc solo nomine latrocinia sua, & sacrilegia in Ecclesias, templorum direptiones, imaginum contrafractiones, sacerdotum cædes, sacrorum omnium profanationes, defendunt, quòd se bellum gerere contra idola pro pietate dicant. Hac ipsa de causa censuram æquissimam Ecclesiæ, & pastores baculos Episcoporum, quibus interdum ipsorum furor reprimitur, vel retardatur, impiam persecutionem, quasi adversus Deum pro idolis excitatam nominant: his denique vinculis, & compedibus provincias, & nationes à se deceptas arctissimè irretitas, & constrictas tenent.

Sic enim populis illis persuasum est, nos pro Deo vivente mortuos homines; pro summo & sempiterno spiritu ossa, & cineres, ligna, & lapides colere; & tam altè mentes eorum perniciofa hæc persuasio penetravit, ut propterea injusta quidem, sed tamen gravi, diuturna que apud eos laboremus infamia. Et licet multa interdum de nostrorum, hoc est, Catholicorum hominum gravitate, sapientia, justitia, benignitate, de studio precandi, de moderatione in rebus

omni-

omnibus audiant, non queant tamen non continuò ab ejusmodi sermonibus aures remove, seque totos avertere, cum ad memoriam revocant de quibus tam eximiae laudes prædicantur, eos nihilominus idololatrias esse, defunctorum manes, & cadavera, picturasque & statuas adorare.

Atque ut fides mihi facilius habeatur, neque me quisquam augendi gratia fingere aliquid arbitretur, referam pauca de libris eorum, ut ipsos eosdem suæ impietatis præcones, ac testes habeamus. Primum Lutherus sectariorum omnium antesignanus & princeps, in eo sermone, quem de cruce edidit, tamquam ex tribunali pronunciat: *Quoniam reliquia Sanctorum nihil sunt aliud, quam fidelium seductiones, ne deinceps populi Deos alienos colant, placere sibi, ut omnes ejusmodi reliquia altissime sub terram abscondantur: ut ea ratione videlicet omnis Apostolorum & Martyrum, aliorumque Sanctorum in terris memoria aboleatur.* Idem in Postilla ad Evangelium Dominicæ Annunciationis: *Papista, inquit, virginem Mariam Deum constituunt, omnipotentiam ei in cælo, & in terra attribuunt.* Et rursum: *In Papatu omnes se ad Mariam contulerunt, & plus favoris, & gratia ab ea expectarunt, quam à Christo ipso.*

Hinc Philippus Melanchthon Lutheri proles, & sectator egregius, cum in locis communibus primum decalogi præceptum exponeret, & gradus quosdam peccatorum distingueret, nosque, hoc est, ut ipse loquitur, Papistas, cum infidelibus jungeret, hac una ratione contentus fuit, quod idem sit, fingere multos Deos, & sanctos mortuos invocare; nec differant ab Ethnicis moribus invocatio Sanctorum, & statuarum cultus.

Jam verò Magdeburgenses Centuriatores, posteaquam in posteriore primæ Centuriæ libro inter fundamenta doctrinæ Catholicæ posuerunt, B. Mariæ, aliorumque Sanctorum invocationem, & cultum ab Apostolis non solum verbo, aut exemplo numquam approbatum, sed etiam ut manifestam idololatriam passim reprobatum fuisse, atque interdictum. Inde postea in singulis ferè Centuriis nihil sæpius monent, clamant, repetunt, inculcant, quam nos Ecclesiam non habere, quòd ab uno vero Deo ad falsorum Deorum multitudinem, & simulacra muta defecerimus. In præfatione verò sextæ Centuriæ, ubi graviter admodum & planè tragicè deplorant statum, sive casum potius, & ruinam Ecclesiæ, quam secundo & tertio sæculo vitium facere incipientem, quarto & quinto inclinatam, & nutantem, sexto demum penitus corruisse, misereque collapsam esse volunt, de causa tam gravis exterminii ita concionantur.

In primis, inquit, ista horribiles & perniciose tenebra in ipso docentium cætu, quasi nubes quadam atra, totum cælum occupantes exorta sunt; quod caeremonias cultusque humanos partim ipsimet Doctores Ecclesiæ, partim verò alii superstitiosi homines passim in templis auxerunt. Nam ades sacra omnibus in locis extrui cœperunt ingentibus sumptibus; prorsus Gentilium more? Non quidem principaliter eo fine, ut ibi verbum Dei traderetur, sed ut reliquiis Sanctorum aliquis honor exhiberetur, utque ibi defunctos stolidi homines venerarentur. Quàm verò facundus est Gregorius ille, Magnus appellatus, quàm ardens, quando rationem consecrandi ista fana veluti ex tripode dictat. Et infra: Cœperunt ea occasione etiam defunctæ creatura, atque exanguia, & semicorrosæ ossa coli, invocari, honore divino affici, & alligari ad illa ipsa loca preces. Ad ista omnia non modo connivebant Ecclesiæ Doctores, sed etiam ea adjuvabant. Ejusmodi igitur calamitas & pestis fundi Christi, in ipsa Ecclesiæ, & inter eos, qui custodes & vigiles Ecclesiæ præcipuè volebant perhiberi, nascebatur.

Porro Joannes Calvinus, qui post multas, gravissimasque cum suis disputationes, maximam partem Lutheranorum in sua retia pertraxit, & tantum non regnum aliquod inter Lutheri pastores obtinuit, in eo libro, quem

de re-

de reformandæ Ecclesiæ necessitate ad Imperatorem Carolum inscripsit, primam & maximam dissensionum causam inter suos & nostros esse dicit, quod sui, hoc est, omnes hujus temporis sectarii unum Deum colant, nostri, hoc est, Catholici, sic inter Sanctos distribuerint Dei officia, ut summo Deo, tamquam collegas, eos addiderint, in quorum multitudine delitescat; quodque non solum Sanctos loco Dei adorent, sed etiam ipsorum ossa, vestes, calceos, & simulacra. In libro verò Institutionis quarto cap. 21. causas recensens, cur à nobis discessionem cum suis fecerit, illam in primis ponit, quod nullum nobiscum conventum habere possint, in quo aperta idololatria non polluantur. Quam autem apud nos vigere idololatriam dicat, ex cap. 20. lib. 3. potest intelligi, ubi de Sanctorum invocatione loquens: *Singuli, inquit, peculiares sibi Deos ascriverunt, in quorum, non secus atque tutelarium Deorum, fidem se contulerunt: Neque modò (quod olim Israel exprobrabat Propheta) secundum numerum urbium Dii sunt erecti, sed secundum capitum multitudinem.*

Incidi aliquando in hominem de schola Calvini, qui cum mihi alioqui perhumanus & candidus videretur, eoque uterer familiariter, ut eum, si quo modo possem, ab illa infania revocarem, coepi ab eo quærere, quid in nostris dogmatibus Calvinistæ potissimum reprehenderent, quidve eis maximè displiceret, & quæ tandem præcipuè esset causa, cur ab Ecclesiæ communione, ab Episcoporum obedientia, à reliquo coetu fidelium, à majorum suorum vestigiis, cum tam manifesto salutis æternæ periculo discesserint? Respondebat ille, eam esse causam præcipuam, quod nos Sanctos in precibus invocaremus, quodque eo modo Divinitatem mortuis affingeremus. At hæ imposturæ, mendaciæque impudentissima sunt. Quis enim Catholicorum unquam uni vero Deo, vel imagines sacras, vel beata Sanctorum pignora, vel Martyrum, aut Apostolorum, aut etiam Angelorum spiritus, aut ipsam denique cœli Reginam, Deique Parentem Mariam ullo modo æquavit?

Quis in Catholica Ecclesia sacrificium, quod uni debetur Deo, vel Sanctis, vel reliquiis, vel imaginibus obtulit? Nonne hoc uno externo symbolo, quando nulla exstarent alia, satis apertè testamur, nos animo quoque & cogitatione unum Deum complecti, eique soli proprio quodam, & peculiari cultu servire? Nonne apertè distinguimus inter eum honorem, qui soli Deo debetur, & eum cultum ac venerationem, quæ Dei amicis, aliisque sacris rebus, propter ipsum Deum, piè religioseque tribuitur? Sed licet illa (ut diximus) mendaciæ, calumniæque sint, interim tamen ob ea ipsa mendaciæ innumerabiles populi, regna, nationes, multa millia animarum Christi sanguine redemptarum, à Christi corpore separata, & tamquam rami ab arbore vi tempestatis avulsi & disjecti jacent, & instar ovium, quæ ab ovili suo egressæ, sine ullo pastorem, canumve præsidio in montibus vagantur, infernalium luporum quotidie præda fiunt.

Sed quoniam aliquid diximus de mendaciis & calumniis, de conviciis & contumeliis aliquid etiam dicendum erit. Sanè tantus est in libris, & moribus hæreticorum, Sanctorum omnium contemptus, tamque horribiles in omnes cœlites blasphemix, ut ego hinc potissimum vehementer admirer divini Numinis patientiam. Nam, ut omittam, quod in imagines sacras tanto furore Calvinistæ debacchantur, ut eas plurimis jam in locis aut penitus confregerint, aut coeno & sordibus foedaverint, aut oculis effossis, naribusque & auribus truncatis deformaverint, ut nihil etiam dicam, quod ipsum crucis signum Angelis reverendum, dæmonibus formidolosum, humano generi salutare, ubique dejiciunt, conspuunt, proculcant, ut illud quoque præteream, quod beata corpora Sanctorum, quæ majorum nostrorum pietas thecis aureis, atque argen-

teis incluserat, quæque domicilia & organa Spiritus sancti fuerant, & quæ Deus signis & prodigiis sæpius illustraverat, ipsi ubique altaribus everfis effodiunt, flammis absumunt, in profluentem abjiciunt. Ut ista, inquam, omnia prætermittam, & solum de contumeliis verborum loquar: Quid, quæso, Erasmus Roterodamus, An non Luciani impietatem longo intervallo superavit? Ille enim Deos falsos, vereque ridiculos irrisit: At novus iste Lucianus veros Angelorum cives, verique Dei amicos & domesticos, ut Apostolus loquitur, contumeliosissimè tractavit.

In colloquio, quod inscripsit, Naufragium, quendam introducit alterum interrogantem, an imminente mortis periculo imploraverit alicujus Divi præsidium? Respondet ille: *Ne id quidem. Quamobrem autem?* inquit, *quia spatiosum est cælum; si cui Divorum commendaveris salutem meam, puta Petro, quia fortasse prius audiet, quòd adest ostio, priusquam ille conveniat Deum: priusquam exponat causam, ego jam periero.* Isti sunt lepidi, vel sacrilegi potius Erasmi joci. In eodem etiam libro, more prorsus Luciano, beatissimam Virginem Mariam in maris præfectura Veneri substituit; & ausus est homo Christianus Virginem illam, quam S. Joannes Chrysostomus Seraphicis spiritibus sanctiorem & puriorem esse verissimè scripsit, cum impurissima meretrice conferre?

Quid, quòd in Dialogo de peregrinatione religionis ergo, epistolam confictam nomine Virginis Mariæ edere non erubuit, qua ipsa Mater Veritatis falsorum dogmatum Lutheri auctor introducitur? Sic enim ficta illa Maria ad Glaucoplutum scribit: *Quòd, inquit, Lutherum secutus strenuè suades supervacaneum esse invocare Divos, à me quidem isto nomine bonam magnamque gratiam te misse scito; nam antehac tantum non enecabar improbis mortalium opplorationibus. Ab una petebantur omnia, quasi filius meus semper infans esset, quia talis fingitur, pingiturque in sinu meo.* Sed piget me certè, pudetque talia referre, quibus tamen undique scatent Erasmi lucubrationes.

Jam verò Martinus Lutherus in sermone de natali die Virginis Mariæ, tanti fecit patrocinium Matris Dei, ut audacter dicere non dubitaverit, se non pluris æstimare preces B. Mariæ, quàm cujuslibet è populo; propterea quòd omnes sumus æquè sancti & justi atque ipsa Virgo Maria, cæterique Divi, quantumvis magni.

Desinat ergo Bernardus Mariæ prærogativas enumerare. Non dicat amplius Chrysostomus, Virginem Deiparam Cherubin esse honoratiorem, & Seraphin incomparabiliter gloriosiore. Neque vox illa Anselmi deinceps audiatur: ea puritate Mariam nitere, qua major sub Deo nequit intelligi; nam omnes sumus æquè justi & sancti atque ipsa Virgo Maria. Nihil ergo Mariæ profuit, quòd prima trophæum virginitatis erexit, quòd Deum Virgo concepit, peperit, educavit; quòd omnium penè itinerum, laborum, ærurnarum, & molestiarum ejus comes, ad crucem usque, discipulis fugientibus, ipsum secuta, martyrium denique acerbissimum, doloris gladio viscera ejus penetrante, suscepit. Nam sine tot laboribus omnes sumus æquè justi & sancti atque ipsa Virgo Maria. Sine causa Petrus, & Paulus, cæterique Apostoli tanto labore ad Evangelium disseminandum orbem terrarum peragrarunt; frustra Martyres sanguinem suum pro Christo fuderunt; inanes vigiliæ, jejunia, solitudines, humi cubationes, horridi sacci, assidua cum Dæmonibus bella sanctorum Anachoretarum fuerunt, quoniam sine tot laboribus & sudoribus, Lutherani quiescentes domi in uxore sinu & complexu, bene pasti, beneque poti, cælum rapiunt, & æquè sancti & justi sunt atque ipsa Virgo Maria, cæterique Divi, quantumvis magni.

Veniamus ad Magdeburgenses; ipsi enim sunt præclari illi, religiosissimique

historici, qui in priore libro primæ Centuriæ, dum Christi vitam exponunt, B. Mariam usque adeo graviter deliquisse volunt, cum filium in templo amisit, ut ejus peccatum cum illo primo & gravissimo Evæ peccato non solum comparare non metuant, sed etiam utrum sit gravius, quærere & dubitare non vereantur. Idem postea in posteriore ejusdem Centuriæ libro, Petro Apostolorum Principi quindecim lapsus, & errata tribuunt, quorum aliqua sempiternis cruciatibus dignissima esse docent: nec multò infra, Apostolum Paulum reprehendunt, quod in Asia supra modum gravatus, de vita desperaverit, quodque in gratiam Jacobi Judaicas cæremonias Hierosolymis observaverit, & eo facto magis Judæos in errore confirmaverit, quàm imbecilles fratres adjuverit. In tertia verò Centuria, & sequentibus omnibus, ad finem capitis quarti, Patres omnes accusant, quod non opiniones tantum incommodas, & nævos, sed etiam errores, & stipulas, & fumos in Ecclesiam scriptis suis invexerint, adeo ut nisi Lutherus facem nobis doctrinæ prætulisset, caliginemque illam tempestivè dissipasset, jam fumo excæcati, eneſtque omnes essemus.

Quid de Quintino illo impuro & blasphemio, Libertinorum in Galliis parente dicemus, qui, ut Calvinus auctor est, instructione contra libertinos c. 9. adeo petulanter in Sanctos omnes debacchabatur, ut Paulum aliter non appellaret, quàm vas confractum; Joannem, juvenem stolidulum; Matthæum, foeneratorem; Petrum, Christi abnegatorem?

Porro Calvinus, qui tam severè alios arguit impietatis, tam fuit ipse pius & religiosus, ut non contentus iis conviciis, quibus Sanctos omnes vexat, qui post Christi adventum floruerunt, etiam ad eos linguæ suæ flagellum extendere, qui multis sæculis ejusdem Salvatoris adventum præcesserunt. Itaque in libris Christianæ suæ institutionis lib. 3. cap. 14. §. 11. Abrahamum idolorum cultorem facit; Saram lib. 3. Institut. cap. 2. §. 31. multis modis peccasse dicit, cum ancillam viro suo supposuit; Rebeccam verò variis fraudibus & imposturis Dei veritatem corrupisse, dum malo artificio filii benedictionem procurat, maritum decipit, Jacobum mentiri cogit. Judam Machabæum lib. 3. cap. 5. §. 8. superstitionis & præposteri zeli reprehendit, quod pro mortuis sacrificium offerri imperaverit. Sephoram lib. 4. cap. 15. §. 20. stultam mulierem fuisse, graviterque peccasse docet, quod filium circumciderit. Mosem ipsum, in caput 32. Exod. quo nihil habuit antiqua ætas mitius, sapientius, sanctius, arrogantia atque superbiæ Calvinus insimulat, quod nimirum imperiosè legem Deo præscripserit, suaque eum justitia exuerit.

Jam verò de sanctis hominibus Testamenti novi, primùm scurriliter nugatur, eos, si preces mortalium exaudire debeant, tam longas aures habere oportere, ut à coelo usque ad terram porrigantur. Deinde eosdem per contemptum, nunc homines mortuos, nunc umbras, nunc larvas, nunc etiam colluviem nominat, in institutione lib. 3. cap. 20. §. 27. In libro autem, quem inscripsit, De vera Ecclesiæ reformandæ ratione, etiam monstra, carnifices, & bestias appellavit. Qua contumelia & blasphemia vix ulla major cogitari potest. Quid enim? si non Calvinum ipsum, sed conjugem ejus (nefas enim apud eos est Episcopum creari, nisi unius saltem uxoris virum) si conjugem, inquam Calvini, aut liberos, aut amicos, aut etiam servos, vel ancillas, aliquis nostrum larvas, umbras, colluviem, bestias, monstra, carnifices appellaret, quo animo id Calvinus acciperet? An sibi injuriam fieri non arbitraretur? Numquid non molestissimè, gravissimeque ferret? & Christus æquo animo accipiet, amicos, domesticos, fratres, filiosque suos amantissimos, quos ipse in coelis tanto honore dignatur, ut in Apocalypsi dicat: *Si quis vicerit, dabo ei sedere in throno meo, sicut ego vici, & sedet in throno Patris mei*; hos, inquam, tam

sublimes Principes, consortes regni & solii divini, umbras, larvas, culluviem; ab uno quodam arrogantissimo terræ vermiculo nominari? Non feret certè æquo animo Deus, sed omnes ejusmodi blasphemos atque sacrilegos, æternis suppliciis tandem afficiet.

Sed & nos, si cives Sanctorum sumus, si ullum habemus fidei zelum, excitemur, atque accendamus oportet, & religiosa, piaque indignatione vehementer commoti tam nefariis hominibus acerrimè resistamus: Imitentur Lutherani majores suos, Porphyrium, Julianum, Vigilantium, Wiclefum, & quotquot unquam cum coelestibus Divis impia bella gesserunt, & ut fabulæ Poetarum de gigantibus ferunt, de suis sedibus coelites deturbare ac detrahere voluerunt. Nos verò majorum nostrorum, Athanasii, Ambrosii, Hieronymi, Paulini, Augustini, Gregorii vestigiis inhæreamus. Qui quidem Apostolorum, & Martyrum gloriam religiosè æmulari, & res gestas contra detractores pro viribus differendo tueri; & memoriam denique sermonibus alere, Basilicis honorare, carminibus celebrare, literis propagare, & consecrare æternitati semper studuerunt. Ita enim fiet, ut & illi, quorum imitantur scelera, eandem cum illis poenarum societate jungantur: & nos, quos in hoc studio ad virtutem habuimus Duces, eosdem ad præmia, & coronas socios habeamus. Nunc ad rem ipsam accedamus propius.

Ordo Disputationis.

HÆc disputatio duodecim præcipuis quæstionibus continetur. Prima est de Sanctorum beatitudine, an Sanctorum animæ Deum videant, & verè beatæ sint ante diem judicii. Hæc enim quæstio fundamentum est omnium aliarum, nam idcirco ante Christi adventum non ita colebantur, neque invocabantur spiritus Patriarcharum, & Prophetarum, quemadmodum nunc Apostolos & Martyres colimus & invocamus; quòd illi adhuc inferni carceribus clausi detinerentur.

Secunda de canonizatione, quæ sequitur ordine suo primam illam de beatitudine. Posteaquam enim didicerimus, sanctos homines vita functos cum Deo beatos regnare, discendum erit, qui sint illi: quod quidem non aliunde certò scire possumus, quàm ex publico Ecclesiæ testimonio, quod canonizationem nunc appellamus.

Tertia de cultu, ubi enim constiterit qui sint ii, qui inter beatos spiritus numerandi sunt, sequitur, ut quærat, an ii sint adorandi ullo genere adorationis.

Quarta de invocatione, quæ est eximium adorationis genus.

Quinta de reliquiis eorum, utrum videlicet non solum ipsi Sanctorum spiritus, sed etiam corpora, seu ossa, & cineres, aliæque eorum reliquiae venerandæ sint.

Sexta de imaginibus, an colendæ sint, & quo cultus genere.

Septima, VIII. IX. X. XI. & XII. de iis rebus, quibus non modò sanctis hominibus, sed etiam toti coelesti Hierusalem ab Ecclesia, quæ peregrinatur in terris, cultus debitus exhibetur; idest, de Basilicis, de peregrinationibus, de votis, de vigiliis, de jejniis, de festis.

LIBER PRIMUS

DE

BEATITUDINE

ET

CANONIZATIONE SANCTORUM.

CAPUT PRIMUM.

Argumenta hæreticorum, quibus illi probare nituntur, Sanctos nondum esse beatos &c.



Hæc igitur questio Prima: Sintne piorum hominum spiritus, qui & corpore saluti sunt, & nulla purgatione egent, jam ad fruendam beatitudinem, qua in clara Dei visione sita est, admissi? Et quidem antiquorum, & recentium hæreticorum opinio fuit, animas omnes, quantumvis sanctorum hominum, usque ad ultimi judicii diem fervari in quibusdam abditis receptaculis, ubi nec Deum videant, nec beatæ dici possint, nisi in spe.

Primus ex hæreticis, qui hoc asseruit, quantum ex auctoribus ego colligere potui, Tertullianus fuit, lib. 4. in Marcionem, sic enim ait: *Eam regionem, finem dico Abrahæ, etsi non celestem, sublimiorem tamen inferis, interim refrigerium præbaturam animabus iustorum, donec consummatio rerum resurrectionem omnium plenitudine mercedis expungat, tunc apparitura celesti promissione, quam Marcion suo vendicat quasi non à creatore promulgatam.* Id etiam habet libro de anima, duobus postremis capitulis.

Eum sequutus est Vigilantius, de quo sic Hieronymus in libro contra eundem: *Ais, inquit, vel in finem Abrahæ, vel in loco refrigerii, vel subter aram Dei animas Apostolorum & Martyrum consedisse, nec posse suis tumulis, & ubi voluerint, esse præsentem. Senatores videlicet dignitatis sunt, ut non inter homicidas terribili carcere, sed in libera, honestaque custodia, in fortunatorum insulis, & in campis Elysus recludantur.*

Eundem errorem tribuit Guido in summa de hæreticis, Armenis. In eodem versabantur Græci, ut patet ex Concilio Florentino sess. 1. & ex B. Thoma in opusculo 6. cap. 9. Eundem errorem habet Lutherus in prælect. in Genesin, ut Fridericus Staphylus citat in epitome trimembri Lutheranae Theologiæ, parte 2. Eundem habet Cornelius Agrippa in lib. 3. de occulta Philosophia.

Eundem habet etiam Joannes Calvinus, nam li. 4. Instit. cap. 20. §. 20. dicit, solum Christum ingressum esse Sanctuarium cœli, reliquos verò omnes residere in atrio, ibique expectare usque ad mundi consummationem. Et §. 24. dicit animas Sanctorum adhuc eadem fide, & charitate nobiscum esse conjunctas. Ubi autem fides est, ibi certè non est visio. Et cap. 25. §. 6. *Stultum, inquit, & temerarium est inquirere quo in loco sint animæ iustorum, & an gloria fruantur, nec ne. Interea cum Scriptura ubique jubet*

Controv. Card. Bellarm. Tom. II.

Apendere ab expectatione adventus Christi, & gloriam, ac coronam eo usque differat: consenti finis his finibus divinitus præscriptis, animas piorum militia labore perfunctas in beatam quietem concedere, ubi cum felici lætitia fruitionem promissa gloria expectant &c. Nota miram stulticiam hominis, qui dicit stultum, & temerarium esse querere, utrum animæ iustorum gloria fruantur, necne: & ipse tamen audacter definit eas nondum frui gloria, sed eam expectare. Argumenta pro hac sententia Calvinus nulla profert, sed multa sunt, & difficilia, quæ partim Græci profert solent, partim etiam pro illis profert solent.

B Primum argumentum sumitur ex decreto Joannis XXII. qui fertur hoc declarasse, & mandasse Parisiensibus, ut non aliter docerent vel in scholis, vel in templis, & nullos promoverent ad gradus in Theologia, nisi prius illi jurarent, se hanc sententiam defensuros. Testes sunt hujus rei Gulielmus Ockam in opere nonaginta trium dierum; Joannes Gerson in serm. de Pascha; Marsilius in 4. sentent. quæst. 13. art. 3. & Adrianus in 4. ubi disputat de Sacramento Confirmationis.

C Secundum argumentum ex Scripturis sumitur, & quidem Primus locus est, Matth. 20. ubi ad vespæram paterfamilias omnibus operariis simul reddit mercedem: constat autem per vespæram intelligi resurrectionem, & per denarium vitam æternam. Secundus Heb. 11. *Hi omnes testimonio fidei probati non acceperunt repromissiones, Deo pro nobis aliquid melius providente, ut non sine nobis consummarentur.* Tertius 1. Joan. 3. *Scimus quia cum appaveris (Christus in secundo adventu) similes ei erimus, quia videbimus eum sicuti est.* Quartus Apocal. 6. *Vidi subtus altare animas interfectorum propter verbum Dei.* Quid significat illa absconditio sub altari, nisi reconditum aliquod receptaculum, ubi quietæ quidem, sed in tenebris verberentur animæ?

D Tertium argumentum sumitur ex testimoniis Patrum Græcorum. Justinus quæst. 60. ex iis, quas gentes Christianis opponunt, dicit narrationem de divite, & Lazaro non esse veram historiam, & causam reddens: *Neque enim, inquit, ante resurrectionem unicuique ex iis, quæ in vita gessit præmium redditur.* Et quæst. 76. *Si ante resurrectionem nulla sunt operum præmia, quis fructus fuit latroni, cum in paradysum ejus animus introductus est? Respondet id consequentem latronem, ut sit in cœtu iustorum, & videat seipsum, & quæ infra se sunt, & præterea Angelos & Demones.*

E Irenæus lib. 5. extremo: *Cum enim Dominus, inquit, in medio umbra mortis abierit, ubi animæ mortuorum erant; post deinde corporaliter resurrexerit, & post resurrectionem assumptus sit, manifestum est, quia & discipulorum ejus, propter quos & hæc operatus est Dominus, animæ abibunt in invisibilem locum definitum eis à Deo, & ibi usque ad resurrectionem commorabuntur, sustinentes resurrectionem, post recipientes corpora, &*

Y 3

perfe-

perfectè resurgentes, hoc est, corporaliter, & sic venient ad conspectum Dei.

Origenes hom. 7. in Levit. Nondum, inquit, Sancti receperunt latitiam suam, nec Apostoli quidem; sed & ipsi expectant, ut ego latitia eorum particeps sim. Ex lib. 2. Periarchoa prope finem dicit, Sanctos post mortem deferri in paradysum terrestrem, & inde eos, qui puriores sunt, ad aeris loca conscendere.

Chrysostomus hom. 39. in priorem ad Corinth. in illud; Si in hac vita tantum sperantes sumus in Christo, miserabiles sumus omnibus hominibus; Quid ais Paulus? an non animus superstes erit? erit, & immortalis quidem: Quamquam vero vel sexcenties sit immortalis, tamen sine carne ipsa admirandis illis bonis non fruetur, quemadmodum neque panis puietur. Omnia enim coram tribunali Christi manifestabuntur, inquit Paulus, ut unusquisque ferat quæ per corpus suo bona, seu mala gessit; nam si corpus non resurgat anima nostra incoronata manebit, & extra celestem beatitudinem erit. Idem homil. 28. in epistol. ad Hebr. Ne aliquid præ nobis habere viderentur, si primi ante nos coronarentur, numquid defuisset tempus omnium coronarum; & qui ante tam multos annos vixit, secum accipiet coronam.

Theodoretus in cap. 11. ad Hebr. Sanctorum ergo, inquit, tot, & tanta fuerunt certamina, sed hi tamen nondum coronas acceperunt &c. Theophilactus in eundem locum: Sancti nihil adhuc celestium promissionum sunt assecuti. Et in cap. 16. Lucæ docet, narrationem de Lazaro esse parabolam, non historiam, quia nondum distributa bona & mala iustis & iniustis. Occumenius in eundem locum: Omnes, inquit, Sancti testimonium præbuerunt, quod per fidem placuerunt Deo, nondum consecuti sunt bona iustis promissa.

Arethas Cæsariensis Episcopus in c. 6. Apocalyp. Horum, inquit, spe, quæ per intellectum veluti in speculo contemplantur, omni crassitie liberati meritis latantur quiescentes in sinibus Abraha; nam id multis Sanctis dictum est, unumquemque virtutis cultorem sortitum esse dignum locum, unde etiam de futura sua gloria certam quandam assequatur conjecturam.

Euthymius in cap. 16. Lucæ dicit, narrationem illam de Lazaro, & divite esse parabolam, qua designatur quid erit post diem iudicii: & in cap. 23. Et tunc quidem dedit ei conversationem in paradiso tamquam arrabonem regni sui, quod est fructus ineffabilium, ac æternorum bonorum, quæ nec oculus vidit &c.

Confirmatur hoc argumentum, quia Græci Patres simpliciter negant Deum videri posse à creatura; ergo multò magis negare debent videri ante diem iudicii. Vide Chrysostomum homil. 23. in Genesim, ubi dicit, ne Angelis quidem Deum esse visibilem. Item hom. 14. in Joannem ubi dicit, Angelos nunquam vidisse filium Dei, nisi post incarnationem. Similia habet Theodoretus in Dialogo Immutabilis. Theophylactus in illud Joan. 1. Deum nemo vidit unquam: & Euthymius in eundem locum: quibus accedit ex Latinis Hieronymus, teste Augustino epistol. 111. ad Fortunatianum.

Quartum argumentum est ex testimoniis Patrum Latinorum. Lactantius lib. 7. cap. 21. Nec quisquam putet, animas post mortem protinus iudicari, nam omnes in una communique custodia detinentur, donec tempus adveniat, quo maximus iudex meritorum faciat examen.

Victorinus Martyr in cap. 6. Apocalyp. Animas autem occisorum dicit se vidisse sub ara, idest, sub terra. Et infra: In novissimo tempore Sanctorum remuneratio perpetua, & impiorum ventura est damnatio.

Hilarius in Psalm. 138. in illud; Si descendero in infernum, ades: Hæc, inquit, humana lex necessitatis est, ut sepulchris corporibus anima ad inferos descendat. Et ne putemus eum loqui de animabus impio-

rum, subdit: Quam legem Dominus ad consummationem veri hominis non recusavit &c. Vult ergo dicere, adeo esse necessarium, ut animæ sint in inferno, dum caro est in sepulchro, ut etiam Dominus hanc legem subire voluerit.

Prudentius in Hymno de exequiis defunctorum, docet, animas sanctas discedere ex hac vita in paradysum terrestrem, sive in sinum Abraha, quem dives ille ardens longè conspexit.

Quamnam regione iubebis
Animam requiescere puram?
Gremio senis abdita sancti
Recubabis, ut est Eloazar,
Quem floribus undique septum
Dives procul aspexit ardens.
Patet ecce fidelibus ampli
Via lucida jam paradisi,
Licet & nemus illud adire
Homini, quod ademerat anguis.

Ambrosius lib. 2. de Cain cap. 2. Solvitur à corpore anima, & post finem viæ huius adhuc futuri iudicii ambiguo suspenditur. Et lib. de bono mortis cap. 10. Satis, inquit, fuerat illis dixisse animas adhuc petere, idest, locum, qui non videtur, quem Latine infernum dicimus. Et ibidem: Scriptura Esdra habitacula animarum promptuaria munerat. Et occurrens querelæ humanæ, eò quod iusti, qui præcesserunt videntur usque ad diem iudicii per plurimum scilicet temporis debita sibi remuneratione fraudari, mirabiliter, ait coronæ esse similem diem iudicii; coronæ enim dies expectatur ab omnibus, ut intra eum diem & victi erubescant, & victores palmam adipiscantur victoris. Ergo dum expectatur plenitudo temporis, expectant animæ remunerationem debitam: alias manet poena, alias gloria.

Augustinus lib. 1. retract. cap. 14. De sanctis hominibus, inquit, jam defunctis, utrum ipsi saltem dicendi sunt jam in illa possessione consistere, meritis quaritur. Et epistol. 111. ad Fortunatianum, exponens quædam verba D. Hieronymi: In his verbis, inquit, hominis Dei multa considerata sunt: primum, quia secundum apertissimam Domini sententiam etiam ipse sentit, tunc visuros faciem Dei, cum in Angelos profecerimus, idest, aequales Angelis facti fuerimus, quod erit usque in resurrectione mortuorum. Item in Enchiridio cap. 108. Tempus, inquit, quod inter hominis mortem, & ultimam resurrectionem interpositum est, animas abditis receptaculis continet. Lib. 12. de Gen. cap. 35. querit, quid opus sit animabus resurrectione corporis, si possunt sine carne videre Deum? Respondet autem: Minime dubitandum est, & raptam hominis à carnis sensibus mentem, & post mortem ipsam carne deposita non sic videre posse incommutabilem substantiam, ut sancti Angeli vident. Et lib. 12. de civit. Dei cap. 9. Pars, inquit, civitatis Dei, quæ coniungenda immortalibus Angelis ex mortaliibus hominibus congregatur, nunc mortaliter peregrinatur in terris, vel in eis, qui mortem obierunt, secretis animarum receptaculis, sedibusque requiescit. In Psalm. 36. Post vitam, inquit, istam nondum eris, ubi erunt Sancti, quibus dicitur: Venite benedicti Patris mei, percipite regnum, quod vobis paratum est ab origine mundi, nondum ibi eris, quis nescit? sed jam poteris ibi esse, ubi illum quandam ulcrosus pauperem dives ille superbus in modis tormentis vidit longè requiescentem. In illa requie certè securus expectabit iudicii diem.

Bernardus serm. 3. de omnibus Sanctis: Advertitis, inquit, ni fallor, tres esse sanctorum status animarum: primum videlicet in corpore corruptibili, secundum sine corpore, tertium in beatitudine consummata: primum in tabernaculis, secundum in atriis, tertium in domo Dei. Et infra: In illam beatissimam Dei domum

anima nec sine nobis intrabunt, nec sine corporibus suis, idest, nec sancti sine plebe, nec spiritus sine carne. Ex serm. 4. exponens illud: *Vidi sub altare animas interfectorum*: intelligit per altare, Christi humanitatem, ac dicit animas Martyrum esse sub altari, quia solum vident Christi humanitatem, post diem iudicii exaltandas esse super altare ad videndum Dei essentiam: *Interim*, inquit, *sub Christi humanitate feliciter Sancti quiescunt, in quam nimirum desiderant etiam S. Angeli prospicere, donec veniat tempus, quando iam non sub altare collocentur, sed exaltentur super altare. Sed quid dixi? Numquid humanitatis Christi gloriam, non dicam hominum, sed vel Angelorum assequi quis poterit, nedum superare? Quoniam igitur modo super altare diximus exaltandos eos, qui nunc sub altari quiescunt? Visione utique, & contemplatione, non pralatione. Ostendet enim tunc nobis Filius, ut pollicitus est, semetipsum, non in forma servi, sed in forma Dei: ostendet etiam nobis Patrem, & Spiritum sanctum, sine qua nimirum visione nihil sufficeret nobis.*

Quintum argumentum sumitur ex ratione; nam iudicium, & examen bonorum, & malorum, futurum est in novissimo die, ergo premia & poenae usque ad eum diem differentur. Præterea Christi anima post separationem à corpore non statim ascendit in cælum, sed prius descendit ad inferos, & post resurrectionem carnis tandem in cælum ascendit; igitur & Sancti omnes post mortem in inferno erunt usque ad resurrectionem; nam Christi requies, resurrectio, & ascensio, exemplar fuit nostræ quietis, resurrectionis, & ascensionis, alioqui essent discipuli, & servi supra magistrum, & dominum. Adhæc, anima, & caro simul operantur tam bona, quam mala, igitur simul & non una sine alia puniri, aut remunerari debet. Denique demones nondum puniuntur, sed puniendi reservantur post diem iudicii; nam idcirco dicebant Christo: *Venisti hic ante tempus torquere nos*, Matth. 8. *Et deprecabantur eum, ne impetaret illis, ut in abyssum irent*, Luc. 8. igitur idem de hominibus fiet: si autem impii non puniuntur, certe nec pii remunerantur. Hæc igitur sunt argumenta, quæ adversus veritatem afferri solent: quæ quidem sequentibus capitibus per partes diluentur.

CAPUT II

Animas Sanctorum jam nunc frui Dei visione, demonstratur testimonio. Ecclesia.

Sed facile erit totidem argumentorum generibus veritatem propugnare. Primum igitur accedat Ecclesie testimonium, quæ in oratione de S. Gregorio dicit: *Deus, qui anima famuli tui Gregorii æternæ beatitudinis premia contulisti &c.* Præter quam orationem habemus etiam duo Concilia Oecumenica, & duorum summorum Pontificum decreta. Siquidem hoc ipsum definitum est in Concilio Florentino, sessione ultima, in decreto unionis Latinorum cum Græcis, & in Concilio Tridentino, sessione 25. Idem quoque disertis verbis docet Innocentius III. c. Apostolicam, Extra, de Presbytero non baptizato. Idem denique post longas disputationes Benedictus XII. definit in extravaganti, quæ incipit, Benedictus Deus, quam totam refert Alphonsus à Castro lib. 3. contra hæreses, verbo Beatitudo.

Atque hinc solvitur primum argumentum adversariorum; nam iste Benedictus XII. qui successor fuit immediatus Joannis XXII. apertè testatur, Joannem morte præventum, non definivisse istam questionem. Neque verò solum eam non definivit, sed etiam

Controv. Card. Bellarm. Tom. II.

A paulò ante mortem partim retractavit sententiam suam, partim etiam declaravit; nam asseruit Primò, se in omnibus suis sermonibus de hac re nunquam intendisse rem definire, sed solum quærere veritatem. Secundò, asseruit sibi displicere priorem sententiam, ac sentire se, animas Sanctorum videre Deum, etiam ante diem iudicii: nisi aliter Ecclesia, & sui successores definiunt: quorum definitionem se submittere dicebat omnes suas opiniones. Habetur hæc retractatio ipsis verbis, quibus facta est, apud Joannem Villanum lib. 11. c. 19. historię, de rebus Florentinorum, quam ille dicit se habuisse à fratre suo, qui in aula ejusdem Joannis Papæ degebat.

B Sed notanda sunt quinque mendacia Calvinii lib. 4. Institutionum cap. 7. §. 28. Primum est, Gersonem vixisse tempore hujus Joannis: nam Joannes obiit anno 1334 ut testantur omnes historici, & nominatim Onuphrius, & ille Joannes Villanus li. 11. c. 19. Gerson autem natus est anno 1363. ut ex Trithemio patet de scriptoribus Ecclesiasticis.

Secundum est, Joannem Papam negavisse animæ immortalitatem. At si hoc esset verum, multò magis eam negasset Calvinus, qui pertinaciter defendit, animas non videre Deum: nec enim Joannes Papa ullius erroris accusatur à Gersone, & aliis, præterquam istius de visione Dei.

C Tertium est, nullum Cardinalium se opposuisse Joanni Papæ: nam Joannes Villanus li. 10. c. ult. hist. scribit, majorem partem Cardinalium repugnasse Joanni, & idem colligitur ex decretali Benedicti XII.

Quartum est, Regem Gallię Philippum interdixisse suis communionem Joannis Papæ, nisi resipisceret. At Joannes ille Villanus loco citato scribit, Regem solum scripsisse ad Pontificem amicè, & reverenter, eumque monuisse, ut caveret ab illis opinionibus, quæ videntur suspicionem erroris ingerere posse.

D Quintum est, Pontificem coactum à Rege ad palinodiam. At Joannes prædictus scribit, Joannem Pontificem solum retractasse opinionem suam pridie ante mortem suavis affinium, qui metuebant, ne, si Ecclesia postea contrarium definiret, ut etiam fecit, memoriæ Joannis Papæ aliqua nota suspicionis erroris inureretur. Vide quæ scripsimus de hac re lib. 4. de Pontifice, cap. 14.

CAPUT III

Idem Scripturarum testimoniis demonstratur.

Jam secundo loco Scripturarum testimonia proferemus. Ac Primum sit id, quod legimus in Ecclesiastico cap. 11. *Facile est coram Deo in die obitus retribuere unicuique secundum vias suas.*

E Dices, non ait Scriptura in die obitus reddi unicuique secundum opera, sed posse reddi, si Deus vellet. At certè illud, facile est, non significat, posset Deus, si vellet: sed reddit Deus, & facilè reddit unicuique secundum opera sua in die obitus. Alioqui enim, si Deus posset reddere secundum opera, sed non redderet, frustra nos hoc argumento hortaretur Sapiens ad benefaciendum. Præterea cum dicat ibidem Spiritus sanctus: *In fine hominis denudatio operum ejus*; indicat etiam in fine hominis, reddi unicuique secundum opera. Nam ad hoc fit iudicium illud, & denudatio operum, ut sequatur remuneratio.

Dices rursum, quando hæc scripta sunt, non dabatur remuneratio essentialis in die obitus, sed tantum requies in sinu Abraham, igitur per ista verba: Fa-

Y 4 cile

eile est coram Deo in die obitus reddere &c. solum deducitur, reddi in die obitus iustis certam spem beatitudinis futuræ, & requiem in sinu Abraham.

Respondeo, Ecclesiasticum, cum dicit, in die obitus reddi remunerationem, intellexisse, reddi remunerationem, quæ pro temporum diversitate haberi poterat; & quia tunc nondum cœlum erat referatum, nunc autem à Christo referatum est, ex illius sententia sequitur, in die obitus, & tunc requiem dari solitam iustis, nunc veram felicitatem. Hinc nimirum Num. 35. Dominus jubet, ut post mortem sacerdotis magni omnes exules revertantur ad patriam: hæc enim est figura rerum nostrarum, nam nos exules sumus, patria paradysus, sacerdos magnus Christus, post cuius mortem jam patet aditus Adæ filiis in cœlum.

Alterum testimonium, & quidem longè clarius est Apostoli Pauli 2. Corinth. 5. *Scimus quia si terrestris domus nostra huius habitationis dissolvatur, ædificationem ex Deo habemus, domum non manufactam, æternam in cœlis. Nam & in hoc ingemiscimus, habitationem nostram, quæ de cœlo est, superindui cupientes, si tamen vestiti, & non nudi inveniamur: nam & qui sumus in hoc tabernaculo, ingemiscimus gravati, eo quod volumus expoliari, sed supervestiri, ut absorbeat quod mortale est à vita.*

Nota Primò, illud: *Si terrestris domus nostra*, intelligi à quibusdam (ut Chrysostomus citat) de mundo hoc sensibili, quasi Apostolus dicat, si hic mundus peribit, non deerit nobis alius melior post resurrectionem. Sed hoc falsum est; nam communis Græcorum, & Latinorum opinio pro domo hac terrestri accipit corpus hoc mortale, seu vitam præsentem corporalem. Et ratio est, quia in fine capitis superioris dixit Apostolus: *Si exterior homo noster corrumpitur, interior renovatur de die in diem.* Itaque, quod hic dixit terrestrem domum, ibi dixit hominem exteriorem. Præterea infra clariùs dicit: *Dum sumus in hoc corpore, peregrinamur à Domino.* Ubi aperte vocat corpus, quod antea vocaverat exteriorem hominem, domum terrestrem, tabernaculum &c.

Nota Secundò, per domum æternam, & cœlestem, quam opponit Apostolus domui terrestri, intelligi à Patribus vel corpus immortale, ut à Chrysostomo, Theophylacto, Theodoro, Ambrosio; vel vitam æternam, idest, visionem Dei. Et sine dubio verior est posterior expositio, quæ est Photii apud Oecumenium, Anselmi, & sancti Thomæ in hunc locum. Nam in primis Apostolus ait de præsentem, si domus hæc terrena dissolvitur, habemus aliam æternam in cœlo; debuisset enim dicere, si de corpore glorioso loqueretur, habebimus, non habemus, nam corpus immortale non habemus nunc in cœlo.

Præterea Apostolus, cum dicit, si hæc domus dissolvitur, habemus aliam, vult dicere: non est quod timeamus nobis domum defuturam unquam, nam si hinc pellimur, habemus aliam. At si per domum cœlestem intelligit corpus immortale, non est verum nobis numquam defuturam domum: deerit enim à die mortis usque ad diem resurrectionis. Præterea id ipsum vocat hanc domum cœlestem, quod paulò ante in fine cap. 4. vocaverat: *Æternam gloria pondus*; nam postquam dixerat: *Id enim, quod in præsentem est momentaneum, & leve tribulationis nostra, supra modum in sublimitate æternam gloria pondus operatur in nobis*; subiungit explicans: *Si enim terrestris domus &c.* At per illud: *Æterna gloria pondus*, omnes intelligunt ipsam essentialem beatitudinem.

Denique, nisi Apostolus hæc per domum cœlestem, intelligeret beatitudinem, non bene conclu-

deret paulò inferius: *Audentes igitur, & scientes quia dum sumus in corpore, peregrinamur à Domino, audemus, & bonam voluntatem habemus magis peregrinari à corpore, & presentes esse ad Dominum.* Nec enim sequitur: si hoc mortale corpus corrumpitur, habebimus aliud immortale post resurrectionem, ergo bonum est nunc mori, & peregrinari à corpore. Immo contrarium sequitur, nimirum non esse bonum mori usque ad diem resurrectionis, quia, etsi melius sit corpus immortale, quàm mortale, tamen melius est corpus mortale, quàm nullum. At, si per domum cœlestem, intelligamus beatitudinem, Apostoli argumentatio optima est, nimirum ista: si vita hæc mortalis perit, habemus statim aliam longè meliorem in cœlo, ergo bonum est citò mori in hoc mundo, ut citò vivamus in cœlo.

Dices, non videtur beatitudo posse vocari domus, non enim habet similitudinem cum domo, corpus autem habet; corpus enim revera est domus animæ.

Respondeo, beatitudinem optimè dici domum, quia est tam magna, ut eam anima non capiat, & potius anima in illam intret, quàm illa in animam: hinc 1. Joan. 3. dicitur: *Major est Deus corde nostro.* Et quod dicitur Joan. 14. *In domo Patris mei mansiones multe sunt*: omnes intelligunt de variis gradibus beatitudinis. De hac domo dicitur etiam Matthæi 25. *Intra in gaudium Domini tui.* Et hanc domum eleganter Apostolus opponit vitæ corporali, sive ipsi corpori, propter tria. Primum enim corpus ipsum vocat domum terrestrem, quia ex terra constat: vitam beatam vocat domum cœlestem, quia in cœlo invenitur; ibi enim est sedes Dei, & ibi semper videtur tamquam Rex in decore suo. Secundò, corpus dicit esse domum, quæ dissolvitur, quia quotidie deficit magis & magis, illam autem vocat æternam, quia semper in eodem statu permanet: Denique illam vocat non manufactam, insinuans, istam esse manufactam, quia nimirum corpus habemus opera hominum, qui illud generaverunt, & cibo, ac potu alunt, & sustentant: at illa domus cœlestis ab hominum opere non pendet, sed à solo Deo manifestante seipsum nobis.

Tertium testimonium est paulò infra: *Qui sumus in hoc tabernaculo, ingemiscimus gravati, eo quod volumus expoliari, sed supervestiri; audentes igitur, & scientes, quia dum sumus in corpore, peregrinamur à Domino, per fidem enim ambulamus, & non per speciem, audemus, & bonam voluntatem habemus magis peregrinari à corpore, & presentes esse ad Dominum.* Nota Apostolum hic docere duo desideria esse in nobis, unum naturæ ad vivendum corporaliter, alterum gratiæ ad videndum Deum, & quidem homines pios velle quidem utrumque, si possint, implere simul, sed cum non possint, anteponeere desiderium gratiæ desiderio naturæ, & proinde appetere mortem corporis, ut possint cum Deo vivere: homines impios econtrario omnia referre ad vitam corporis, & desiderium naturæ.

Ex quibus deducitur evidens argumentum pro sententia nostra; nam si non possemus videre Deum, nisi post resurrectionem, non diceret Paulus, se opere peregrinari à corpore, ut non peregrinaretur à Domino. His enim verbis ostendit esse aliquem statum animæ, in quo peregrinaretur à corpore, & non à Domino: at talis status non esset unquam, nisi ante resurrectionem videretur Deus. Nam in hac vita peregrinamur à Domino: sed non à corpore: in alia vita post resurrectionem non peregrinabimur nec à Domino, nec à corpore; ante resurrectionem autem oporteret necessario peregrinari à Domino, & à corpore. Quare ut detur status, in quo peregrinemur à corpore, sed non à Domino, de quo Pau-

Paulus loquitur, necesse est ut ante resurrectionem, spiritus iustorum corpore soluti, Deum videant. Neque etiam dici potest, Paulum loqui de quadam beatitudine imperfecta, quæ consistit in visione humanitatis Christi, & quod peregrinari à Domino, sit peregrinari à præsentia humanitatis Christi. Si quidem sanctus Apostolus ait: *Dum sumus in corpore, peregrinamur à Domino, per fidem enim ambulamus, & non per speciem.* Ex quo sequitur, ut econtrario non peregrinari à Domino, sit non ambulare per fidem, sed facie ad faciem videre speciem divinæ pulchritudinis. Idem enim Apostolus quod hic dicit: *Ambulamus per fidem, non per speciem,* dicit 1. Corinth. 13. *Videmus nunc per speculum in enigmate, tunc autem facie ad faciem.* At qui solam videt Christi humanitatem, adhuc habet fidem, & est peregrinus & viator, ut omnes fatentur.

Quartum testimonium est Luc. 23. *Hodie mecum eris in Paradiso.* Ubi nota, paradisum dupliciter accipi in Scripturis; uno modo pro horto quodam deliciarum corporalium, in quo primus homo constitutus fuit antequam peccaret, de quo loquitur Moyses Genes. 2. & 3. altero modo pro gloria beatorum, cuius prior paradisus-figura fuit, & de hoc loquitur Paulus 2. Corinth. 12. ubi se dicit raptum fuisse in paradisum. Explicans enim quid paradisus sit, dicit se raptum supra tertium coelum.

Euthymius in hunc locum existimat (nimirum ut confirmet errorem suum) hic Dominum loqui de paradiso terrestri; & ideo etiam scribit, Dominum latroni non respondisse, hodie mecum eris in regno meo, sed in paradiso; ut ostenderet aliud esse regnum, aliud paradisum. Et quia poterat aliquis obicere, Christum dixisse: *Mecum eris in paradiso,* & tamen Christus non est in paradiso terrestri, sed coelesti, respondet Euthymius, Christum esse ubique ut Deus est, & proinde esse cum latrone, aliisque Sanctis in paradiso terrestri, & simul cum Angelis in paradiso coelesti.

Hæc expositio sine dubio potest, ac debet rejici. Primum, paradisus terrestris est locus deliciarum corporibus, non animabus; quid enim prodest animabus abundare pomis, herbis, aquis, cæterisque rebus terreni illius paradisi? Christus autem promittens latroni paradisum, promittit hortum deliciarum ipsi convenientem, idest, spiritualem.

Secundò, voces Testamenti novi cum ambigæ sunt, potius accipi debent, ut sumuntur in aliis locis Testamenti novi, quam ut sumuntur in Testamento veteri, sed vox ista, *paradisus*, in Testamento novo accipitur pro paradiso spirituali, ut patet 2. Corinth. 12. igitur & Luc. 23. pro spirituali paradiso accipienda est.

Tertiò, Christus promittit latroni consortium suum, cum ait: *Mecum eris in paradiso.* Christus autem non terrestrem, sed coelestem paradisum introivit. Nec valet responsio Euthymii: nam eo modo, quo Christus est ubique, erat cum latrone etiam in hoc mundo, cum adhuc latrocinia exerceret, & nihil ei Christus novi promississet.

Jam verò Theophylactus nomine aliorum refert, & refellit duas alias expositiones ad hunc locum. Prima est quorundam, qui dicebant, latroni promissum fuisse paradisum coelestem, sed dandum post resurrectionem: dixisse autem Christum, *hodie eris*, propter certitudinem rei futuræ, quomodo Prophetæ sæpè expriment res futuras per tempus præsens, aut præteritum: ut, cum Dominus dicit: *Qui non credit, jam judicatus est.* Secunda est, illud, *hodie*, conjungendum cum, *dico*, non cum, *eris*, hoc modo: *Amen dico tibi hodie, mecum eris in paradiso.*

A Sed neutra est solida, non prima, tum quia non oportet recurrere ad figuras, & relinquere propriam verborum significationem, nisi quando alioqui absurditas aliqua sequeretur, tum etiam, quia ista non sunt verba Prophetica, ut oportuerit ea velari obscuritate, sed continent simplicem promissionem, & proinde simpliciter intelligenda sunt. Neque eo loco, qui non credit jam judicatus est, accipitur præteritum pro futuro: non enim vult Dominus dicere, certò judicabitur, sed verè jam judicatus est, & condemnatus à seipso, cum nolit eam fidem amplecti, per quam salvus esse posset.

B Secunda expositio est planè ridicula. Quorsum enim Dominus diceret: Amen dico tibi hodie? nonne videbat latro, Dominum loqui illa die? Præterea, quis non videt per illud adverbium, *Hodie*, responderi ad illud adverbium, *Quando*, quod latro posuerat? Latro dixerat: *Memento mei, quando veneris in regnum tuum.* Dominus respondet: hodie eris illud quando, proinde hodie mecum eris in regno, & paradiso meo. Vera ergo expositio est Theophylacti, Ambrosii, Bedæ, & aliorum, qui per paradisum intelligunt regnum coelorum. Ne fortè enim latro per regnum intelligeret aliquid humanum, Christus declaravit, regnum suum esse paradisum, idest, summam & sempiternam felicitatem.

C Quantum testimonium Ephes. 4. *Christus ascendens in altum, captivam duxit captivitatem.* Quo in loco per vocem, *altum*, non potest intelligi nisi summum coelum: etsi enim quidam intelligunt crucem, tamen Paulus se exponit paulò infra, cum ait: *Qui descendit, ipse est qui ascendit super omnes calos.* Porro nomine captivitatis, quam secum duxit in coelum, quid potest intelligi, nisi multitudo sanctarum animarum, quas ex limbo ad coelum evexit, ut Ambrosius exponit.

D Dices, non sequitur, Sancti sunt in coelo, ergo vident Deum. Respondeo, rectè sequi; nam per coelum intelligimus sedem, & quasi aulam regiam Dei, ubi Deus semper videtur; nam Isaie 66. dicitur: *Coelum mihi sedes est.* Et Matth. 5. *Nolite jurare per coelum, quia thronus Dei est.* Et Matth. 18. *Angeli eorum in calis semper vident faciem Patris mei.* Et in oratione Dominica dicimus: *Pater noster, qui es in calis.* Tamen enim Deus ubique sit, tamen propriè in coelo esse dicitur, quia per sui manifestationem illic se præsentem ostendit, & cernitur ab iis, qui digni sunt coelesti illa sede. Unde eleganter Cyrillus catechesi 9. dicit, coelum esse velum Deitatis, quo nobis videlicet, qui sumus extra velum, absconditur Deus. Immo B. Paulus ad Hebr. 9. comparat ingressum Christi in sanctuarium coeleste, cum ingressu Sacerdotis intra velum in sancta Sanctorum, indicans idem esse coelum respectu divinæ essentiae, quod erat velum respectu arcæ Testamenti, & certè animabus Sanctorum, si non videant Deum, parum videtur referre utrum in coelo isto materiali, an in terra, vel in alio loco sint.

E Sextum testimonium Philip. 1. *Cupio dissolvi, & esse cum Christo.* At si animæ servantur in aliquo loco extra coelum, frustra hoc desiderabat Paulus, Christus enim in coelis est.

Septimum testimonium Hebr. 9. *Hoc significante Spiritu sancto nondum propalatum esse Sanctorum viam adhuc priore tabernacula habente statum.* Quod exponunt Primasius, Anselmus, Theophylactus, Occumenius in hunc modum, quod in sancta Sanctorum non possent ingredi Sacerdotes, nec populus, significabat toto tempore Testamenti veteris non fuisse apertam viam ad coelum, & ideo etiam iustissimos quosque ad inferos descendisse: quia non pote-

poterant simul vigere figura & figuratum. At posteaquam Christus perripit velum tabernaculi, & figuræ cessaverunt, jam propalata est via Sanctorum ad sanctuarium coeleste.

Octavum testimonium Hebr. 12. *Non accessistis ad montem Sion &c. sed ad Sion montem & Hierusalem coelestem, & multarum millium Angelorum frequentiam, Ecclesiam primitivorum, qui conscripti sunt in caelis, & spiritus iustorum perfectorum &c.* Hic (ut rectè Anselmus exponit) describitur Ecclesia triumphans, & in ea dicuntur esse tamquam cives, primum Angeli, deinde animæ primitivorum, idest, eorum, qui primi crediderant, & jam mortui fuerant, ut Jacobi Apostoli, Stephani, & aliorum: qui dicuntur conscripti in caelis, quia sunt adscripti & cooptati cum Angelis in ordinem civium coelestium: quomodo dicebantur Romæ senatores Patres conscripti. Nisi fortè magis placeat per Ecclesiam primitivorum in caelis conscriptorum, intelligi animas Patriarcharum, & Prophetarum cum Christo regnantium: per spiritus autem perfectorum, animas Apostolorum & Martyrum. Semper tamen eadem est sententia, jam spiritus sanctorum hominum beatos esse, ea beatitudine, qua sancti Angeli soli ante fruebantur.

Nonum testimonium est in lib. Act. cap. 7. ubi Stephanus moriturus vidit celos apertos, & gloriam Dei, Christumque stantem à dextris Patri. Cur autem hoc vidit, nisi ut intelligeret, sibi cælum patere, & se statim à Domino recipiendum in illam gloriam? Id enim ille intelligens exclamavit. *Domine Jesu suscipe spiritum meum.*

Decimum testimonium est cap. 6. Apocal. ubi dantur Martyribus singulæ stolæ albae, quæ gloriam animæ significant; nam alteram stolam, idest, gloriam corporis post resurrectionem habebunt; ut exponunt Gregorius in 4. Psal. poenitentialem, & Beda, Haymo, & Anselmus in hunc locum: necnon B. Augustinus serm. 4. de festo Innocentium.

Undecimum est cap. 7. ubi de istis dicitur: *Hi, qui amicti sunt stolis albis, sunt ante thronum Dei, & servant ei die ac nocte in templo ejus.* Ex quo habemus, illos verè esse in cælo, & videre Deum. Quid enim significat esse ante thronum Dei, nisi habere Deum in conspectu, eumque cernere?

Atque hinc solvi potest argumentum secundum; nam ad primum locum contra adductum respondeo dupliciter; ac primum, ut Chrysostomus in cap. 30. Matth. monet, parabolas non oportere ex omni parte quadrare, sed solum considerandum esse scopum; multa enim dicuntur non ad significandum aliquid, sed solum ut narratio integra videatur. Quemadmodum & culter ad scindendum factus est, nec tamen ex omni parte scindit. Alioqui, quomodo operarii accipientes denarium murmurabant? Numquid erit murmur in cælo? Et cur Dominus dixit: *An oculus tuus nequam est, quia ego bonus sum?* Num erit in cælo oculus nequam? Quomodo etiam fieri potest, ut merces prius sit reddita ultimis, quam primis, cum constet omnes simul electos eadem sententia donandos regno cælorum? Solum ergo ex parabola illa de operariis habemus, minori tempore Patres novi Testamenti laborare, quam fecerint Patris Testamenti veteris: & tamen ad eandem beatitudinem pervenire: vel certè eos, qui convertuntur in senectute breviorē laborem habere, quam eos, qui in adolescentia, & tamen posse non minus præmium adipisci.

Possumus etiam secundò respondere, si velimus illam partem esse significativam, qua dicitur, ad vesperam vocatos esse omnes operarios, & simul omnibus redditam esse mercedem; dicemus enim per

A vesperam significari futurum generale iudicium; quò publicè reddatur omnibus perfecta merces: quod tamen iudicium non excludit particularia Dei iudicia, quibus in obitu uniuscujusque redditur singulis privatim pars mercedis.

Ad secundum locum ex Paulo, qui ait, Patres non accepisse promissiones, sed suo tempore accepturos, dico tria. Primò, per repromissionem posse intelligi Christi incarnationem, ut exponit Primasius, id enim Deus promiserat sæpissimè Patribus Abrahamæ, Isaac, Jacob, David; unde Dominus ait: *Multis Reges & Propheta voluerunt videre qua vos videtis, & non viderunt.*

B Secundò dico, per repromissiones posse intelligi beatitudinem animæ; & tunc conferri homines Testamenti veteris, cum hominibus Testamenti novi, ut sensus sit; illi antiqui Sancti mortui sunt, non accepta repromissione vitæ æternæ, ut non prævenerent nos, sed expectaverunt usque ad Christi adventum, ut eam repromissionem nobiscum, idest, cum Sanctis Testamenti novi acciperent. Et favet huic expositioni textus Græcus? *οὗτοι ἐκλήρωσαν τὴν ἐπαγγελίαν*, non acceperant repromissionem, idest, nunc quidem acceperunt, sed antehac nondum acceperant.

C Tertiò dico, per repromissionem intelligi perfectam beatitudinem corporis, & animæ, quam illi adhuc non habuerunt, ne sine nobis habeant; quæ quidem est communis Patrum expositio in eum locum, & Augustini tract. 49. in Joann. notanda sunt omnia illa verba: *Ne sine nobis consummarentur.* Non enim ait, ne sine nobis remunerarentur, sed ne sine nobis consummatam mercedem non modò animæ, sed etiam corporis acciperent.

D Ad tertium locum ex epist. 1a Joannis respondeo, illud, *cum apparuerit*, non significare, cum apparuerit Christus, sed cum apparuerit quid erimus, ut patet ex superioribus. Dixerat enim, *nondum apparuit quid erimus*, ac deinde subiecit, *scimus enim, quia cum apparuerit, nimirum, quid erimus, similes ei erimus, quia videbimus eum sicuti est.* Itaque illud, *similes ei erimus*, significat, similes Christo erimus coram oculis totius mundi; videbunt enim nos in nubibus Christo assidentes, ac similes illi quoad externam gloriam corporis. Quæ gloria ex eo nascetur, quòd videbimus eum sicuti est; Nam videre Deum, est beatitudo animæ, ex qua nascitur gloria corporis. Est autem similis hic locus, ut Beda etiam monet illi loco Pauli: *Mortui estis, & vita vestra abscondita est cum Christo in Deo; cum autem apparuerit Christus vita vestra, tunc & vos apparebitis cum ipso in gloria.* Coloſſ. 3. Quare non colligitur ex verbis Joannis, sanctos homines non visuros Dum ante diem iudicii, sed solum ante eum diem non esse eorum gloriam toti mundo manifestandam.

E Ad quartum ex Apocalypſi, dico, per altare, sub quo sunt animæ, non posse intelligi aliquem locum extra cælum; nam in cap. 7. habemus, istas animas amictas stolis albis esse ante thronum Dei; Deoque in templo ejus, idest, in cælo servire, die ac nocte.

Tres ergo sunt Catholicæ expositiones. Prima Bedæ, illud: *Sub altari*, conjungi cum *interfectorum*, hoc modo: *Vidi animas interfectorum sub altari*: per altare autem intelligi Christum, ut sensus sit: Vidi animas interfectorum sub altari, idest, sub testificatione nominis Christiani: quomodo 3. Machab. 7. dicuntur Machabæi occisi sub Testamento Dei, idest, pro Testamento Dei.

Secunda, ejusdem Bedæ, Primasii, & Haymonis, illud, *sub altari*, conjungi cum *vidi*, sed per altare intelligi secretum intellectuale, unde procedit thymiana

miama laudis divinæ. Sicut enim in tabernaculo erat arca, & ante arcam altare aureum thymiamatis, ita in cœlo, tabernaculo non manu factò, est arca humanitatis Christi, in qua residet divinitas: & ante eam est altare aureum, unde procedit perpetuum thymiana laudis divinæ, & precum. Et notat Haymo, quòd sicut in tabernaculo materiali, inter altare aureum, & arcam, erat velum, quod fractum est in morte Christi: ita quoque durante Testamento veteri, animæ Sanctorum erant sub altari, sacrificantes Deo hostias laudis, sed velum erat inter eas, & Deum; at fracto velo per Christum, iam altare est conjunctum arcæ, & nihil est in medio. Dicatur autem animæ esse sub altari isto, non autem ad altare, ad significandum secretum illud cœleste, quòd non solum oculi, sed nec mentes nostræ penetrare possunt. Quis enim capiat, quomodo animæ sint ante Deum, eique ministrent in cœlo?

Tertia est Anselmi, qui docet, per altare intelligi Christum. Sacrificia enim Sanctorum, sive laudis, sive orationum, non placent Deo, nisi super hoc altari ponantur, idest, per Christum offerantur. Dicuntur autem animæ sub Christo esse, non quia Christus sit illis quasi paries adumbrans, & impediens, quo minus Deum videant, ut B. Bernardus videtur exposuisse, sed sub Christo esse dicuntur, quia illo inferiores sunt loco, & dignitate; quia sub Christi patrocinio, & protectione vicerunt, & illi referunt accepta sua præmia.

CAPUT IV.

Eadem veritas ex Græcis Patribus confirmatur.

SEquitur nunc, ut post Scripturas sacras, proferamus etiam testimonia Patrum, ac primùm Græcorum, ne recentiores Græci existiment, veterum testimonio errorem suum se posse defendere.

Primus. Ignatius in epist. ad Rom. dicit, se per martyrium proficisci de mundo ad Deum. Et rursum ait: *Aqua viva manens in me, intrinsecus mihi dicit, veni ad patrem.* At secundùm errorem Græcorum & Calvinistarum, non ad Deum ibat, sed ad inferos, aut ad alium locum extra cœlum, ubi non magis Deus est, quàm hic nobiscum. Præterea ibidem ait: *Sinite me puram lucem aspicere, illuc perveniens, homo Dei ero.* Et rursum: *Miserabilis sum nunc, donec Deum merear adipisci.* An non clarissimè indicat, se statim à morte futurum cum Deo, & visurum puram lucem divinitatis? Denique sæpius repetit, se per martyrium adepturum Christum. At quomodo adipiscetur, si Christus est in cœlo, & ipse erit apud inferos, in abditis receptaculis, nescio quibus?

Secundus sit Dionysius Areopagita, qui lib. de Ecclesiast. hierar. cap. 7. par. 1. loquens de Sanctis in morte constitutis: *Narrant, inquit, profectò se totos percepturos exactissimam ad Christi speciem, requiem, cum ad presentis vite finem pervenerint, viamque ad immortalitatem suam è vicino iam clarius intuentes, divinitatis laudant munera, divinaque lætitia gessiunt, non iam ad deteriora conversionem metuentes, sed parata bona se firmiter perpetuoque habituros probè noscentes &c.* Nota, dicere Dionysium, animas Sanctorum statim à morte hominis consequi immortalitatem: cumque hoc non possit intelligi de immortalitate naturali, nec de immortalitate carnis, necessario esse intelligendum de beatitudine, quæ est vita æterna animæ. Eodem lib. & cap. par. 3. dicit

A animas Sanctorum statui in regione vivorum, in sinu Abraham, Isaac, & Jacob, & subdit: *Ista, ut reor, sunt perspicuè beatissima Sanctorum præmia. Quid enim immortalitati perfectæ, nunique tristitia vacua, ac plena perpetui luminis conferri possit? Licet multum sane promissiones illæ sublimiores nostra mente sint, quæ vocabulis nobis congruis designantur, longè tamen inferiores eorum re & veritate appellationes habent. Verum enim profectò illud existimandum eloquium est: quòd oculus non vidit, auris non audivit, in cor hominis non ascenderunt, quæ præparavit Deus diligentibus se &c.* At certè ista non conveniunt, nisi essentiali beatitudini, quæ sola superat nostra desideria.

B Tertius sit Justinus, qui quæst. 75. à gentibus posita (quamquam istæ quæstiones non videntur Justinini, sed alicujus recentioris:) At, inquit, post animi à corpore excessum statim sit bonorum, malorumque distinctio: ducuntur enim ad loca, quæ eis digna sunt, ab Angelis, bonorum quidem animi in paradysum, ubi consuetudo est, & aspectu Angelorum & Archangelorum, visio verò etiam conservatoris Christi ex verbis his, peregrinari à corpore, & presentes esse ad Dominum, improborum autem ad inferorum loca &c. Ubi nota probari sententiam nostram tum ex eo, quod dicit, bonorum animos duci ad paradysum, ubi sunt Angeli, & Christus, tum ex loco Pauli, quem Justinus allegat; nam (ut suprà diximus) præsentem esse ad Dominum, significat videre Deum, cum opponatur peregrinationi à Domino, & ambulationi per fidem.

C Atque ex his ad loca ex Justino adducta in contrarium, facile est respondere; nam quæst. 60. ubi dicit, narrationem de Lazaro non esse historiam, quia nondum facta est retributio, loquitur de retributione perfectæ, quando totus homo animo & corpore gaudebit, vel cruciabitur. Et quia in illa narratione fit mentio corporalis supplicii, dicitur: *Et refrigeret linguam meam, quia crucior in hac flamma.* Ideò Justinus dicit, illam narrationem non esse historiam, quia nondum habent damnati corporalia membra &c. In quæst. 76. Gentiles quidem quærebant, si ante resurrectionem nulla sunt operum præmia, quorsum latro in paradysum introductus fuit? Sed Justinus non admittit antecedens, immò ostendit magnam remunerationis partem esse, quòd animus latronis sit in cœtu beatorum, & videat inferiora, & Angelos, ac Dæmones. Non meminit autem Dei visionis, quia Græci non solent vocare visionem, nisi ejus rei, quæ plenè comprehenditur, & ideò passim negant, Deum posse videri à creatura: Sed quòd aliquo modo latro Deum videat, indicat Justinus, cum dicit eum esse in cœtu beatorum.

D Quartus. Irenæus lib. 1. cap. 2. *Iustis, inquit, & aequis, & præcepta ejus servantibus, & in dilectione ejus perseverantibus, quibusdam quidem ab initio, quibusdam autem ex penitentia vitam donans, incorruptelam loci muneris confert, & claritatem æternam circumdat.* Nota, quibusdam, idest, iis, qui mox à Baptismo moriuntur, vel qui pro Christo vitam ponunt, vel denique perfectis statim donari vitam, & claritatem æternam; aliis non, nisi post penitentiam, idest, satisfactionem in futuro sæculo actam. Est enim hæc sententia Irenæi simillima illi Cypriani lib. 4. epist. 2. ad Antonianum: *Aliud est, inquit, ad vitam flare, aliud ad gloriam pervenire: aliud missum in carcerem, non exire inde donec solvat novissimum quadrante: aliud statim fidei & virtutis mercedem accipere: aliud pro peccatis longo dolore cruciatum emendari, & purgari diu igne, aliud peccata omnia passione purgasse.*

E Quod ergo idem Irenæus lib. 5. extrema dicit, ani-

animas Sanctorum deduci in invisibilem locum, & post resurrectionem cum corporibus ituras ad Dominum, non significat eas interim non esse in coelo, vel non videre Deum, sed solum significat eas non esse nunc in illa perfecta beatitudine, in qua est Christus, qui animo & corpore est beatus.

Et confirmatur hoc ex multis conjecturis. Primò, quia hoc ipso loco dicit, Christum descendisse ad inferos, ut Sanctorum animas inde extraheret, & salvaret. Si eas ergo extraxit, non sunt amplius ibi: & si salvavit, certè vident Deum; nam hæc est salus animarum.

Secundò, cum dixisset, Christum descendisse ad inferos, antequam resurgeret, & subjungeret, debere discipulos imitari magistrum suum, non tamen ausus est dicere, discipulorum animas descendere ad inferos; sed ait, eas duci ad invisibilem locum, ut ibi expectarent resurrectionem, per invisibilem locum quid prohibet intelligere coelum, ubi est lux inaccessibilis?

Tertiò, quia Irenæus contendit, discipulos debere in morte, & requie, & resurrectione Christum imitari: At Christus statim à morte, non fuit quidem beatus corpore, sed quievit triduo in sepulchro, interim tamen animo erat beatus, & in paradiso, ipse enim dixit: *Hodie mecum eris in paradiso*; ergo etiam Sancti, dum quiescunt in sepulchris quantum ad corpora, animo sunt in paradiso beati.

Quintus. Origenes, qui in illis ipsis locis, qui contra nos afferuntur, pro nobis est; nam hom. 7. in Leviticum dicit, Sanctos habere nunc lætitiā, sed non perfectā, quia adhuc corpus eorum, id est, civitas illa beata non est plena, sed quando erimus nos etiam ubi ipsi sunt, tunc habebunt perfectā lætitiā, & addit, Christum etiam non habere perfectā lætitiā, quia nondum habet omnia sua membra. Itaque apertè loquitur de lætitiā accidentali. Libro autem 2. periarchon cap. ult. dicit plerosque Sanctorum primū duci ad locum aliquem terrestrem, ut ibi expoliantur, & doceantur multa, quæ nesciebant, deinde duci ad loca æthera, & ibi ducere quædam sublimiora, tandem duci supra coelos ad Christum, & ibi jam videre perfectè causas omnium rerum. Ibidem asserit Paulum, & similes perfectos jam ibi esse, & videre in Deo omnia. Itaque errat quidem in eo, quod vult, Sanctos paulatim proficere in alia vita, sed apertè fatetur nunc multos eorum esse in coelo, & videre Deum.

Sextus. Athanasius in vita Antonii dicit, animam Ammonis Angelis stipatam visam ab Antonio deferri in coelum.

Septimus. Basiliius homilia in quadraginta Martyres: *Vos, inquit, non terra occubuit, sed calum suscepit, aperta sunt vobis paradisi porta*: Et oratione in Gordium Martyrem: *Erat enim affectus, non ut quis in licitoris manus deventurus esset, sed ut Angelorum manibus seipsum commissurus, qui statim ipsum recens molatum, assumptum ad beatam vitam translatus esset*.

Octavus. Gregorius Nazianzenus oratione in Basilium: *Tu, inquit, obiter à calo nos respice, & datam mihi reman debilitatem, & articulorum dolorem, vel iube discedere, vel adjuva, & hortare, ita me aquo animo ferre, ut hinc deinceps discedentem me in æterna tabernacula recipias, & beatam Trinitatem eo, quo est modo, tecum pariter contemplari valeam*. Et oratione in Gorgoniam, dicit eam frui cum Angelis purissima illustratione Trinitatis, quæ toti menti totam se contemplandam præbeat.

Nonus. Gregorius Nyssenus oratione in sanctum Ephrem: *In celestibus tabernaculis, inquit, animus*

illius confedit, ubi sunt ordines Angelorum, ubi Patriarcharum populi, ubi chori Prophetarum, ubi sedes Apostolorum, ubi gaudium Martyrum, ubi piorum lætitiā, ubi Doctorum splendor, ubi celebres primogenitorum catas, ubi pura latantium voces. Et infra: *Tu verò divino assistens altari, vitæque principi, & sacrosancta unā cum Angelis sacrificans Trinitati, omnium nostrum recordare, nobisque peccatorum veniam impetra*.

Decimus. Joannes Chrysostomus hom. 10. in posteriore epistolam ad Corinth. loquens de beatitudine: *Si cogitatio, inquit, illorum quamvis obscura sit, tantam suppeditat voluptatem, cogita quantam lætitiā nobis allatura sit manifesta ipsa comprehensio*. Beati & ter beati, qui illis bonis fruuntur, sicut & miserabiles, & miserrimi, qui hisce contraria sustinent. Hom. 3. in epistol. ad Philip. Peccatores, inquit, ubi ubi fuerint, procul à Rege sunt, atque ideo digni qui flectantur. Iusti verò, sive hic, sive in futuro saculo fuerint, cum Rege sunt, illic tamen magis, & propius non per ingressum, ac fidem, sed facie ad faciem &c. Nec in textu Græco hic insignis locus aliter se habet: *ὁδὸς δὲ καὶ ἐν ταῖς, ἐν τοῖς, κατὰ τοῦ βασιλέως οἰοῖ, καὶ καὶ πολλοί, καὶ ἑγγύτερον, οὐδὲν εἰσόδου, οὐδὲν πίστεως, ἀλλὰ πρόσωπον, πρὸς πρόσωπον*. Eadem verba repetit hom. 69. ad popul. & hom. in illud Sapient. 5. *Iustorum anima in manu Dei sunt*.

Rursum idem Chrysostomus hom. 4. in epistol. ad Philipp. exponens illud, Utrum eligam ignoro &c. Quid, inquit, dices Paule, cum hinc abieris in ipsum calum migraturus sis, atque cum Christo futurus, ignoras quid eligere debeas? Et infra: *Quis athleta cupiet amplius certare, cum jam liceat coronari &c*. Idem homil. 32. in epistol. ad Roman. dicit, nunc Pauli animum versari in summo coelo prope ipsum Regis solium, ubi Cherubin & Seraphim volitant. Lib. 5. de sacerdotio, dicit eos, qui purè communicant corpori Dominico, in extrema hora ab Angelis stipatos rectà in coelum abduci. Ex his patet Chrysostomi sententia.

Quare ad id, quod obiciebatur ex homil. 39. in priorem ad Corinthios, dico, Chrysostomum non velle dicere, animam non frui bonis æternis ante resurrectionem; sed simpliciter non fructuram ullis bonis cœlestibus, si caro non resurgat; quia nimirum, cum tam animus, quam caro laboraverint, par est, ut utraque pars suam mercedem habeat. Quod si una non habebit, inde colligitur, nec alteram habituram. Et econtrariò, si caro suo tempore resurget, & coronabitur, colligitur nunc animam coram Deo vivere & coronari. Vide Theophylactum, qui in eundem locum Pauli scribens, Chrysostomi sensum clariùs proponit.

Ad alterum Chrysostomi locum dico, cum loqui de corona, seu gloria corporis, de qua etiam Paulus loquitur. Et idem respondemus ad loca objecta in contrarium Theodoret, Theophylacti, Oecumenii in hunc locum; nam illi, ut Chrysostomi discipuli, ipsius commentarium imitati sunt.

Undecimus. Cyrillus Hierosolymæ Episcopus catech. 13. de latrone loquens: *Tu, inquit, de ligno introduceris in paradysum*. Et ne putemus eum loqui de loco refrigerii in sinu Abraham. Nondum, inquit, Abraham fidelis ingressus est, & latro ingreditur &c. Et ne putemus eum loqui de paradiso terrestri: *Ne timeas, inquit, serpentem, cecidit enim de celo, non te ejiciet*. Itaque clarissimè Cyrillus asseruit, latronem primum omnium in Paradysum ingressum.

Duodecimus. Cyrillus Alexandrinus lib. 11. in Joannem cap. 36. dicit, animas Sanctorum non versari in terris post mortem corporis, nec deduci ad poenas Gehennæ, sed evolare in manus Dei Patris: Et ne putemus hoc intelligi de sinu Abraham, vel loco aliquo

aliquo extra cœlum, dicit, hoc iter à Christo primū apertum, & paratum. Non ergo descendunt animæ Sanctorum ad locum, quò ibant ante Christi mortem: & addit, animas Sanctorum vitam perpetuam cum Christo habere.

Decimustertius. Epiphanius hæres. 78. in fine: *Sancti, inquit, sunt in honore, quies ipsorum in gloria, profectio hinc in perfectione, fors ipsorum in Beatitudine, in mansionibus sanctis, tripudium cum Angelis, diuturnitas in celo, gloria in honore incomparabili & perpetuo, brachia in Christo Jesu Domino nostro.*

Decimusquartus. Theodoretus lib. 8. ad Græcos, qui est de Martyribus: *Si cœlum, inquit, sedes illorum est, qui pie vixerunt: hunc profectio finem sui cursus & Martyres jam consecuti sunt, his enim magis pium esse nihil potest. Et intra: Ideoque, inquit, magis forte merito perfruantur Martyres, qui nunc & à cunctis latè mortalibus honores amplissimos ferunt, & æternis sunt insigniti coronis.* Si ergo jam sunt in cœlo, & æternis coronis insigniti sunt, quomodo non sunt assecuti repromissionem (ut idem Theodoretus, nobis objectus ab adversariis, dicit) nisi de repromissione resurrectionis, & gloriæ corporalis sermo sit?

Decimusquintus. Eusebius lib. 4. hist. cap. 15. Polycarpum dicit per mortem immortalitatis præmia jam adeptum. At quæ est ista immortalitas, quæ præmii loco datur animæ natura sua immortalis, nisi beatitudo? Item lib. 6. cap. 5. de Potamiena: *Hoc modo, inquit, beata Virgo emigravit à terris ad cœlum.* Similia passim leges.

Decimussexus. Damascenus in historia de Barlaam & Josaphat in fine: *Vultui Domini, inquit, nitide & nudè præsentatur, illiusque gloria jam ante promissa sibi corona exornatur.*

Decimusseptimus. Theophylactus in cap. 23. Lucæ, *Dicendum est, inquit, idem esse paradisum, & regnum celorum: nam latro est in paradiso, ac regno, alioqui non frueretur perfecta bonorum participatione, &c.* ubi prolixè confutat eorum sententiam, qui volunt latronem fuisse ductum ad paradisum, non autem ad regnum cœlorum. Quando ergo Theophylactus dicit in caput 16. Lucæ narrationem de divite & Lazaro esse parabolam, quia nondum facta est divisio præmiorum, & poenarum; loquitur de præmiis & poenis quæ ad corpus pertinent; & ideo rectè vocat parabolicum sermonem de oculis, & lingua divitis in inferno. Quando etiam dicit in cap. 11. ad Hebræos, Sanctos nihil cœlestium promissionum accepisse, vult dicere, nihil illius gloriæ, & earum dotium, quæ corpori affert resurrectio.

Decimusoctavus. Oecumenius in cap. 9. ad Hebræos dicit, Christum non solum in cœlum ingressum esse, sed etiam secum duxisse genus humanum, idest, multos sanctos Patres, qui sine dubio si in cœlo cum Christo sunt, ibi quoque cum ipso beati sunt, alioqui (ut supra diximus) parum prodesset spiritibus cœlorum corporalium habitatio.

Habemus ergo, omnes Doctores Græcos pro nobis esse; soli enim remanent Arethas, & Euthymius ex iis, qui nobis objecti sunt. Ex quibus Arethas, cum dicit Sanctos sperare futuram gloriam, potest commodè intelligi de gloria corporis. Euthymius autem non potest exponi, sed non est hac in re usque adeo magni faciendus; nam est omnium recentissimus. Scripsit enim circa annum 1180. quo tempore Græci Schismatici, & Hæretici manifestè esse coeperant.

Ad illam confirmationem, quam asserabamus ex Græcis, qui Deum videri posse negant à creatura, B. Augustinus respondet, auctores illos, cum dicunt

A Deum non posse videri, loqui de visione corporali: Sic enim ipse exponit verba B. Hieronymi in epistol. 111. dicit enim Hieronymum voluisse dicere, Angelos non videre Deum oculis corporeis, sed tamen mente videre.

At hæc solutio non satisfacit propter tres causas. Primò, quia Hieronymus, & cum eo Chrysostomus, Theodoretus, & alii citati discretè asserunt, Angelos esse spiritus, & non habere corpora aerea, vel ignea naturaliter unita, ut B. Augustinus opinatus est, & tamen negant ab Angelis Deum videri.

Secundò, quia Hieronymus reddens causam, cur Angeli non possint videre Deum, ait non enim potest creatura aspicere creatorem suum, & eandem causam reddere solet Chrysostomus. At hæc ratio tam valet in oculis corporis, quàm in oculis mentis, utrique enim sunt oculi creati.

Tertiò, quia isti Patres dicunt, nec Angelis, nec hominibus Deum esse visibilem, sed soli ipsi Deo. At Deus non videt se corporeis oculis, sed mente. De mente igitur, non de corporeis oculis Patres loquuntur.

Vera ergo solutio est B. Thomæ 1. part. quæst. 12. art. 1. hos Patres nomine visionis intelligere comprehensionem perfectam; quia enim quod oculis corporis videmus, perfectissimè comprehendimus, quod autem in hoc mundo intelligimus, non ita perfectè intelligimus, non enim habemus species proprias substantiarum, & maximè separatarum; Ideo vocabulum videndi non solent usurpare pro qualibet cognitione, sed solum pro perfectissima illa, qua res comprehenditur, quo genere visionis non potest Deum videre, nisi Deus. Præterea etiam error Anomeorum dicentium Deum posse comprehendere à creatura, illo tempore vigeat, & ideo Patres abhorrebant à vocabulo videndi, cum de Dei contemplatione loquebantur, ne viderentur admittere comprehensionem.

Dices, at Chrysostomus ait, Angelis Deum fuisse invisibilem usque ad incarnationem Christi tantum, non igitur loquitur de comprehensione, alioqui sequeretur post incarnationem Deum posse comprehendere. Respondeo, Deum ante incarnationem nihil fuisse, nisi Deum, & ideo simpliciter incomprehensibilem: at post incarnationem factus est homo, & in quantum homo comprehensibilis est; & hoc vult Chrysostomus.

Dices Secundò, Theodoretus loco citato ait, Angelos non aliter videre Deum, quàm viderint olim Abraham, Moyses, & Isaias, & ceteri: at isti non solum non comprehenderunt, sed nec verè viderunt Deum in se, sed solum in corpore assumpto ab Angelis, qui Deum referebant, vel in imaginaria revelatione.

Respondeo, Theodoretum non dicere, non aliter, sed tantum statuere similitudinem inter visionem Angelorum, & Patriarcharum; quæ in hoc consistit, quòd sicut una est imperfecta, & non comprehensiva, ita & altera, quamvis cum magno discrimine.

CAPUT V.

Idem probatur testimoniis Latinorum.

A Djungamus nunc Latinorum Patrum consensum, ut hæc fides, totius Ecclesiæ fides fuisse intelligatur. Primus, Cyprianus lib. de exhortatione martyrii cap. ult. *Quis, inquit, non omnibus viribus elaboret, ut cum Christo statim gaudeat? ut post tormenta & supplicia terrena ad præmia divina perveniat?* Et

Ex infra: *Claudentur oculi in persecutionibus terra, sed patet cælum; minatur Antichristus, sed Dominus Christus tuetur; mors inferitur, sed immortalitas sequitur; occiso mundus eripitur, sed restituito paradysus exhibetur; vita temporalis extinguatur, sed aeterna reparatur. Quanta est dignitas, & quanta securitas, exire hinc latum, exire inter pressuras & angustias gloriosum, claudere in momento oculos, quibus homines videbantur, & mundus, & aperire eosdem statim, ut Deus videatur, & Christus? Tam velociter migrandi quanta felicitas, ut terris repente subtraharis, ut in regni caelestibus reponaris? Similia habet sermone de mortalitate epist. 2. lib. 4. & alibi sæpius.*

Secundus, Hilarius in Psal. 64. *Beati quidem, inquit, sunt, qui jam à Deo ad habitandum in tabernaculis eius electi sunt: sed festinare nos in consortium hujus beatitudinis congruum est, operationibus id atque orationibus expetentes &c.* Et paulò ante dixerat illa tabernacula esse coelestes mansiones, quas in domo Patris sui esse Christus dixit. Item in Psal. 60. dicit, Sanctos esse Reges, & perpetuò cum Deo habitare. Et in Psal. 124. loquens de Apostolis aliisque Sanctis: *Quomodo possumus, inquit, montes non eos significatos esse intelligere, qui super terrenam naturam gloriosi jam in Dei rebus exultant? Quando ergo idem Hilarius in Psal. 138. dicit legem esse humanæ necessitatis, ut animæ ad inferos descendant, intelligitur pro eo tempore, quo cælum erat clausum; Nam posteaquam Christus in cælum ascendens, aditum ad cælum referavit, non est amplius necessarium ad inferos descendere.*

Tertius, Ambrosius lib. 7. epistol. 59. ad Thessal. *Acalus, inquit, superiorum incolæ, possessor civitatis aeternæ, illius Hierusalem, quæ in cælo est, vidit illic urbis ejus mensuram immensam, purum aurum, lapidem pretiosum, lumen sine sole perpetuum, & hac munera jam dudum sibi comperta, sed nunc facie ad faciem.* Vide etiam lib. 10. epist. ult. & in cap. 1. epist. ad Philipenses. Quod ergo Ambrosius ait lib. 2. de Cain cap. 2. animas adhuc ambiguo futuri judicii suspendi, ad cognitionem temporis referendum est. Vult enim dicere, animas etiam beatas non scire, quando judicium sit futurum. In libro autem de bono mortis cap. 10. loquitur de retributione mercedis, quæ tam animo quam corpori publicè coram toto mundo danda est. Illa enim propriè dicitur corona, quæ datur victoribus publicè, & cum celebritate: sed hinc non sequitur, partem ejus præmii non esse datam antea per judicium particulare. Neque obstat, quod videatur Ambrosius dicere omnes animas descendere ad inferos, non enim ipse hoc dicit, sed tantum approbat, quòd Philosophi veteres hoc dixerint, quia illo tempore verum erat.

Quartus est, Prudentius, qui in carmine de B. Agnete sic cecinit:

*O Virgo felix, à nova gloria,
Cælestis arcis nobilis incolæ.*

Atque alia ejusmodi passim Prudentius repetit. Quare cum dicit alibi, animas beatas deduci ad sinum Abraham, vel ad paradysum, unde Adam ejectus fuit, loquitur figuratè, quia tam sinus Abraham, quam paradysus terrestris typi sunt regni cælorum, & patet ex ipso loco Prudentii: nam animas dicit esse in sinu Abraham, & simul in paradiso, cum tamen constet loca fuisse diversa secundum proprietatem, sed diversa non sunt secundum significationem.

Quintus est, B. Paulinus, qui natali 3. de S. Felice sic ait: *Corpore terris*

*Occidit, & Christo superis est natus in astris.
Cælestem nactus sine sanguine Martyr honorem.
Item: Ast illum superi sacra gloria luminis ambit,
Florentem gemmas belli pacisque corona.*

Sextus, B. Hieronymus in epist. ad Marcellam de obitu Leæ: *Nunc, inquit, pro brevi labore aeterna beatitudine fruitur, excipitur Angelorum choris, Christum sequitur, & dicit, quocumque audivimus, vidimus in Civitate Domini virtutum.* Similia habet in Epitaphio Nepotiani, Paulæ, Blæfillæ, & aliorum.

Septimus, Augustinus lib. 12. in Genesin cap. 34. primum dicit animas Sanctorum esse in paradiso, sive in tertio coelo, quòd raptus fuit Paulus: *Sive, inquit, in tertio cælo, sive ubicumque alibi quò post tertium cælum est raptus Apostolus: si tamen non aliquid unum est diversis nominibus appellatum, ubi sunt anime beatorum.* Deinde explicans quid sit hoc tertium cælum, sic ait: *Tertium est cælum quod mente conspicitur ita secreta, & remota, & omnino abrepta à sensibus carnis, atque mundata, ut ea quæ in illo cælo sunt, & ipsam Dei substantiam, verbumque Deum per quod facta sunt omnia, in charitate Spiritus sancti, ineffabiliter valeat videre, & audire.* Idem Augustinus lib. 20. de Civitate Dei cap. 13. *Anima victrices, inquit, gloriosorum Martyrum, omnibus doloribus ac laboribus superatis, atque finitis, posteaquam mortalia membra posuerunt, cum Christo atque regnaverunt, & regnant, donec finiatur mille anni, ut postea receptis etiam corporibus jam immortalibus regnent.* Idem in Psal. 116. in illud: *Heu mihi, quia incolatus meus prolongatus est &c.* Ibi, inquit, omnes iusti, & sancti, qui fruuntur verbo Dei sine lectione, sine literis, quòd enim nobis per paginam scriptum est, per faciem Dei illi cernunt? Idem lib. meditationum cap. 22. *Felix anima, inquit, quæ terreno resoluta corpore, libera cælum petit, secunda est & tranquilla, non times hostem, neque mortem; habet enim præsentem, cernitque indefinenter pulcherrimum Dominum, cui servavit, quem dilexit, & ad quem tandem lata, & gloriosa pervenit.* Et cap. 24. *Per ipsum vos rogo, qui vos elegit, qui vos tales fecit, de cujus pulchritudine jam satiamini, de cujus immortalitate jam immortalis facti estis, de cujus beatissima visione semper gaudetis.* Denique S. Augustinus epist. 111. existimat Paulum in illo suo raptu vidisse Dei essentiam; quantò ergo magis credendum, eum hoc sentire de animabus beatorum?

Jam pro explicatione locorum contrariorum duo notanda sunt. Primum est, Augustinum aliquando dubitasse, non quidem de ipsa visione Dei, & beatitudine, sed de loco, ubi sint anime beatorum, & tamen postea re diligenter considerata id asseruisse, quòd nos asserimus: Nam in Psal. 36. ait, animas ante diem judicii non esse in regno cælorum, sed in sinu Abraham, quasi hæc loca distincta sint. In lib. 9. Confessionum, cap. 3. indicat se dubitare, cum ait: *Nunc, inquit, vivit Nebridius in sinu Abraha: quidquid illud est, quòd illo significatur sinu: Ibi Nebridius meus vivit, dulcis amicus meus, tuus autem Domine adoptivus ex liberto filius, ibi vivit: Nam quis alius tali anima locus? ibi vivit: unde me multa interrogabas homuncione inexpertum: Jam non ponit aurem ad os meum, sed spirituale os ad fontem tuum, & bibit quantum potest sapientiam pro aviditate sua, sine fine felix &c.* Ecce hic asserit visionem, & fruitionem, & tamen ambigit de loco.

At lib. 2. quæst. Evangelicarum cap. 38. (quos libros posterius scripsit, ut ex Retractionum lib. 2. colligitur) sic ait: *Sinus Abraha requies est beatorum pauperum, quarum est regnum cælorum, in quo post hanc vitam recipiuntur.* Ex infra: *Sinus Abraha intelligitur secretum Patris, quò post passionem resurgens assumptus est: quò cum portatum ab Angelis idè dictum puto, quia ipsam receptionem, quæ in secretum Patris abscessit, Angeli annuntiaverunt discipulis intuentibus.* Dicentes enim 2

enim: Quid statis intuentes in calum? quid aliud dixerunt, nisi nullo modo posse oculos hominum usque in illud penetrare secretum, quod ibat Dominus, cum in conspectu discipulorum ferretur in calum. Jam cetera secundum superiorem expositionem accipi possunt, quia secretum Patris bene intelligitur, ubi etiam ante resurrectionem iustorum anima vivunt cum Deo. Quid clarius?

Rursum lib. 20. de Civ. Dei cap. 15. clarissime dicit, Beatos non esse apud inferos, ubi prius erat Lazarus; proinde correxit, quod dixerat in Pl. 36. sic autem ait: Si enim non absurde credi videtur, antiquos etiam Sanctos, qui venturi Christi tenuerunt fidem, locis quidem à tormentis impiorum remotissimis, sed apud inferos fuisse, donec eos inde sanguis Christi, & ad ea loca descensus erueret. Profecto deinceps boni fideles effusa illo pretio iam redempti prorsus inferos nesciunt. Ex his etiam deducitur apud Augustinum abdita vel secreta receptacula non esse limbum Patrum in inferno, sed secretum Patris in cælo, & sic explicata remanent tria loca, lib. Enchirid. cap. 108. & lib. 12. Civit. Dei cap. 9. & in Psal. 36.

Nota Secundò, Augustinum existimasse Sanctorum animas videre quidem Deum, sed non ita perfecte, ut videbunt post resurrectionem; propterea quod naturale desiderium recipiendi corpus non finiat animas toto conatu ferri in Deum & hoc esse discrimen inter Angelos & homines, quod Angeli, cum nihil amplius expectent, toti ferantur in Deum; animæ Sanctorum partim ad Deum, partim ad corpus respiciant. Id patet ex libro 12. de Genes. cap. 35. ubi posita quæstione: Quid opus sit animæ ad beatitudinem resurrectionis carnis? Respondet, quia non potest anima sine carne sic videre Deum, ut vident Angeli: & rationem reddens, ait: quia inest ei naturalis quidam appetitus corpus administrandi: quo appetitu retardatur quodam modo, ne tota intentione pergat in illud summum bonum, quam diu non subest corpus, cuius administratione appetitus ille conquiescat. Itaque non dicit Augustinus, animam à corpore separatam, non posse videre incommutabilem substantiam, sed non posse videre eo modo, idest, tam perfecte, ut Angeli vident, propter causam jam dictam. Pari ratione lib. 1. Retract. cap. 14. ubi merito quærit dicit, num Sanctorum animæ sint adhuc in illa possessione beatitudinis, in qua sunt Angeli, explicat seipsum paulò infra, cum ait: Sed utrum ad contemplandam cordis oculis veritatem, sicut dictum est, facie ad faciem, nihil ex hoc minus habeant (quia videlicet carent corpore suo, quod naturaliter appetunt) non hic locus est disputando inquirere &c. Non ergo dubitat, an animæ iustorum sint in illa possessione, sed an sint ita, ut nihil eis defuit.

Eodem modo respondendum est ad locum illum ex epist. 111. ad Fortunatianum: loquitur enim de perfectissima visione, quam non habebimus, nisi cum æquales Angelis fuerimus, quod erit utique in resurrectione mortuorum. Nunc enim Sancti non sunt Angelis æquales, cum Angeli toti sint vivi & immortales, Sancti autem partim vivi, partim mortui sint.

Est autem hic notandum, propter hæc loca B. Augustini, Scholasticos quærere; an gloria animæ major erit post resurrectionem, quam antea, & quidem conveniunt omnes in duobus. Primò, gaudium animæ accidentale futurum majus tam extensive, quia erit in anima, & in corpore, quam intensive, quia ipsa anima magis gaudebit, quando videbit suum corpus gloriosum, quam nunc, cum illud videt mortuum jacere,

Secundò, gaudium essentiale fore majus extensi-

ve, quia nunc est in sola anima, postea autem redundabit in corpus, & efficiet ipsum corpus suo modo gloriosum. Non autem conveniunt de incremento essentialis gloriæ intensive; nam Magister in 4. sentent. dist. 49. & B. Thomas ibidem quæst. 1. art. 4. D. Bonaventura ibidem art. 1. quæst. 1. Richardus ibidem art. 2. quæst. 7. & Marsilius ibidem quæst. 13. art. 3. dicunt gloriam essentialem fore tunc maiorem etiam intensive, & de hoc augmento intelligunt Augustinum.

Rationes præcipue sunt duæ. Prima, quia anima perfectius esse habet in corpore, quam extra corpus, ergo & perfectius operabitur. Secunda, quia anima separata propter inclinationem ad corpus distrahitur, & impeditur, ne tota intentione feratur in Deum, ergo remoto hoc impedimento, intensius operabitur. At in contrarium D. Thomas prim. 2. quæst. 4. art. 5. & Cajetanus ibid. & Durandus in 4. dist. 49. quæst. 7. dicunt, gloriam essentialem non fore maiorem intensive, sed extensive solum; & de isto augmento extensivo exponunt Augustinum; & ratio eorum est, quia si gloria cresceret intensive, vel id accideret ratione objecti, vel luminis, sive habitus gloriæ, vel potentie: non ratione objecti, vel habitus, quia ista non crescunt, nisi crescat gratia; gratia autem non crescit in die iudicii, quia non est locus novis meritis post hanc vitam: non etiam ex parte potentie, quia cum anima in videndo Deum, non pendeat à phantasmate, non pendet ullo modo à corpore, & proinde tam perfecte esse potest operatio ista videndi Deum, in anima separata, quam in anima corpori adjuncta.

Ego dico duo; Primò, opinionem priorem esse magis ad mentem Augustini, necnon Haymonis in c. 6. Apocalypsis, & Bernardi, de quo infra; nam Augustinus clarè dicit, animæ separatæ deesse aliquid ad videndum Deum perfecte, dum caret corpore. Dico Secundò, opinionem secundam esse simpliciter veriorē, & propterea B. Thomam rectè mutasse opinionem. Unde ad Primum pro prima opinione dico, animam non habere melius esse in corpore, quam extra corpus, nisi extensive, quia suum esse communicat corpori; nam alioqui in se esse animæ semper est idem; nec suscipit magis & minus.

Ad Secundum dico, inclinationem ad corpus, non impedire visionem, vel amorem Dei ullo modo, quia ordinatur ad amorem Dei, tamquam ad finem: sicut amor medicinæ non impedit amorem sanitatis; alioqui Angeli quando mittuntur ad exteriora, & de illis cogitare coguntur, distraherentur à visione Dei: & ipsa anima quando debet occupari in administrando corpore, distraheretur etiam magis, quam nunc in appetendo corpus. Adde, quod videtur hoc definitum à Benedicto XII. nam in Extravaganti, Benedictus dicit continuari visionem Dei, quam habent animæ à morte corporis usque ad resurrectionem, & inde usque in æternum: ubi videtur dicere, eam non crescere, neque minui: & Joannes Villanus libr. 11. histor. cap. 19. dicit, Benedictum definivisse animarum gloriam non augendam post resurrectionem, nisi extensive: ita enim testatur se audivisse à Theologis, qui interfuerunt, cum illud à Pontifice definiretur. Hæc de Augustino.

Octavus Pater Latinus, sit Prosper, qui lib. 1. de vita contemplativa cap. 1. Quia secundum Scripturam, inquit, sacra sermone, tota humana vita tentatio est super terram, tunc est tentatio finienda, quando finitur & pugna: & tunc est finienda pugna, quando post hanc vitam pugna succedet securæ victoriæ, ut omnes milites Christi, qui usque in finem vite presentis divinitus adiuti suis

suis hostibus infatigabiliter resisterunt, laboriosa iam peregrinatione transacta regnent felices in patria; cuius hoc erit totum primum, ut vita contemplativa semel compos effecta inexplēbiliter auctorem beatitudinis sua conspiciat, de illo gaudet, de illo quod speravit obtineat, & in eo, ad quod sanctē vivendo perveneris, sine fine permaneat.

Nonus, Maximus Taurinensis, Homilia in Eusebium Vercellensem. Digne, inquit, in memoria vertitur hominum, qui ad gaudium transit Angelorum. Ex hom. de S. Agnete: Ille nobis, inquit, tribuat indulgentiam peccatorum, qui tibi tuorum omnium laborum tradidit palmam.

Decimus, Leo I. in serm. de S. Laurentio: Nihil, inquit, obtrines, nihil proficis sava crudelitas, subtrahitur tormentis tuis materia mortalis, & Laurentio in calas abeunte, tu deficis flammis tuis.

Undecimus, Fulgentius serm. de S. Stephano: Hodie, inquit, miles de tabernaculo corporis exiens, triumphator migravit ad caelum, idem ad celi palatium pervenit regnaturus ascendit. Item: Hodie Stephanus stola est immortalitatis indutus.

Duodecimus, Primasius in cap. 9. Hebr. Caeleste regnum inaccessible erat mortalibus, quoadusque veniret Christus, qui expleta passione aperiret nobis iamans patria caelestis, reposito velo, idest, celo.

Decimustertius, Gregorius Papa in Psalm. 4. poenitent. Beatitudo & animabus Sanctorum ante resurrectionem tribuitur, & corporibus nihilominus post iudicium conferetur. Et lib. 4. Dialog. cap. 25. ex professo id probat.

Decimusquartus, Beda in cap. 6. Apocal. Singulas, inquit, modò stolas habent anima de sua beata immortalitate gaudentes; resurgentibus autem corporibus iuxta Isaiam, in terra sua duplicia possidebunt.

Decimusquintus, Haymo in eundem locum: Prima, inquit, stola est merces Baptismi, primum martyrii, merces aeternorum, gaudium caelestis beatitudinis &c.

Decimussexus, Anselmus in 2. Corinth. 5. Predicadores, inquit, Ecclesia, postquam de corporibus exiens, nequaquam per morarum spatia, sicut antiqui Patres, caelestis patria perceptione differuntur, sed mox ut à carnis caligazione exennt, in caelesti sede requiescunt.

Decimusseptimus, Sulpitius in epist. ad Aurelium Diaconum, de obitu B. Martini: Quamquam sciam, inquit, virum illum non esse lugendum, cui post devictum, triumphatumque saeculum nunc demum reddita est corona iustitiae.

Decimusoctavus, Bernardus in epistola ad fratres de Hibernia, quae habetur post sermones de festo omnium Sanctorum, & sermonem de S. Malachia: Absit, inquit, ut tua nunc, o anima sancta, (Malachiam defunctum alloquitur) minus efficax assistetur oratio, quando praesenti vividius supplicare est maiestati, nec iam in fide ambulas, sed in specie regnas. Absit ut inimica, nedum eximata tua illa tam operosa charitas reputetur, cum ad fontem ipsum charitatis aeterna procumbis pleno hauriens ore, cuius & ipsa prius stillucida futebas. Quid clarius? dicit Malachiam non ambulare in fide, at fides non evacuatur, nisi per visionem Trinitatis: dicit cum sic frui fonte charitatis, idest, Deo, quomodo fruitur aquis, qui procumbit ad fontem, & pleno haurit ore. Idem in sermone de S. Malachia, qui habetur ad finem vitae ejusdem Malachiae: Pari, inquit, cum Angelis gloria, & felicitate letatur. Atqui Angeli semper vident faciem Patris, qui in celis est, Matth. 18.

Idem in epist. 266. ad Sugerium Abbatem, qui agebat animam: Quid tibi, inquit, & terrenis exultis, qui ad celum iturus stola gloria max indui habes?

A Et infra: Te expectat pax illa, quae exuperat omnem sensum, te expectant iusti, donec retribuatur tibi, te expectat gaudium Domini tui. Ipse verò idem sermone quarto de festo omnium Sanctorum dicit, pacem, quae exuperat omnem sensum, consistere in visione Dei, ut est in seipso.

B Præterea in sermone de obitu Umberti: Ecce, inquit, coram te est, pater dulcissime (Umberte) fons ille puritatis, quem tanto ardore animi futebas: ecco immersus es in illum divina pietatis abyssum, cuius memoriam abundantia suavitatis tam devotè eructare solebas. Item sermone quinto de festo omnium Sanctorum, tractans illud: Convertimini ad me in jejuniis, fletu, & planctu; Querit, cur Deus in jejuniis & fletu inveniat potius, quam in gaudio & exultatione; & respondet interrogando: An verò iustus cum in letitia & exultatione: qui verò nondum iustus est, nonnisi in jejuniis, & fletu reperiet? Ita plane, sed iustus, qui iam conspectum meruerit, non qui adhuc vivat ex fide &c. Ubi admittit, aliquos jam Sanctos non vivere ex fide, sed conspectu Dei frui. Vide etiam quae scribit in secundo sermone de S. Victore.

C Ad loca igitur in contrarium dico, Bernardum Augustini esse discipulum, & cum dicit, Sanctos per resurrectionem visuros Deum, & non antea, non loqui de simplici visione, sed de illa perfecta, quam habebit anima, quando toto impetu feretur in Deum. Et hoc patet ex sermone tertio de festo omnium Sanctorum. Nam posteaquam dixerat, animas sanctas in hac vita esse in tabernaculis, post hanc vitam usque ad resurrectionem futuras in atriis, post resurrectionem futuras in domo Dei, idest, in beatitudine, pergit explicans, & dicit: Acceperunt jam singulas, sed non vestientur duplicibus, donec vestiamur & nos. Stola enim prima ipsa est felicitas, & requies animarum: secunda verò immortalitas, & gloria corporum &c.

D Vides hic in resurrectione nihil addi animabus per se nisi gloriam corporis, & proinde gloriam animæ, quae est visio Dei, datam esse ante resurrectionem. Dixi autem per se, quia secundum Bernardum, addetur etiam gloria animæ, sed non per se. Consequetur enim perfectior visio ex eo, quod anima nihil amplius desiderans tota feretur in Deum. Id quod explicat Bernardus in sequentibus verbis: Anima sancta, inquit, quas propria Deus insignivit imagine, te (caro) desiderant: ipsarum sine te compleri letitia, perfici gloria, consummari beatitudo non potest. Adeo siquidem viget in eis desiderium hoc naturale, ut necdum tota earum affectio libere pergat in Deum, sed contrahatur quodammodo, & rugam faciat, dum inclinatur desiderio tui. His adde S. Thomam opusculo contra Graecos & Scholasticos, ad finem 4. sent. distinct. 49.

E Habemus igitur sententiam Ecclesiae, fuisse sententiam omnium Patrum Latinorum, excepto Tertulliano, Lactantio, & Victorino, ex quibus Tertullianus haereticus fuit, Lactantius in plurimos errores lapsus est, praesertim circa futurum saeculum, cum esset magis librorum Ciceronis, quam Scripturarum sanctarum peritus. Victorinus Martyr quidem fuit, sed B. Hieronymo teste in epistola ad Magnum, ei eruditio defuit, licet eruditionis voluntas non defuerit.

CAPUT VI.

Idem confirmatur rationibus, quæ tamen in Scripturis fundamentum habeant.

Addamus postremò argumenta ex ipsa ratione petita. Prima ratio sumi potest ex suppliciis damnatorum. Siquidem Deus non est promior ad puniendum, quàm ad remunerandum: Quare cum impii jam nunc in tormentis sint, æquum certè videtur, ut etiam iusti præmia sua percipiant. Esse autem nunc impios in tormentis, Evangelium testatur; nam Luc. 16. legimus: *Dives autem cum in tormentis esset &c.* Respondent Græci, illam esse parabolam, & continere futurorum narrationem, sed ad maiorem efficaciam narrari futura tamquam præsentia.

Contra; Primò, non videtur esse parabola, sed historia, tum quia in ea ponuntur nomina propria Lazari & Abraham, tum etiam, quia Ecclesia colit Lazarum illum, ut verè sanctum hominem: tum denique, quia historiam esse dicunt Ambrosius in cap. 16. Lucæ, Hieronymus lib. 2. in Jovinianum, Augustinus de cura pro mortuis, cap. 14. Gregorius lib. 4. Dialog. cap. 29.

Secundò, etiamsi parabola esset, non potest significare res futuras post diem iudicii, sed rem præteritam, vel præsentem. Nam dives ait: *Rogo te pater Abraham, ut mittas Lazarum ad fratres meos &c.* Et Abraham respondet: *Habent Moysen, & Prophetas, audiant illos.* At post diem iudicii non erunt homines in hoc mundo, nec poterunt Moysen & Prophetas audire; igitur si narratio illa parabolica sit, ostendit tamen jam nunc animas esse in pœnis, alioqui nec vera, nec verisimilis esset.

Secunda ratio, tota Ecclesia invocat Sanctos post Christi adventum, & omnes Patres Græci & Latini docent, Sanctos esse invocandos: cum tamen ante Christi adventum non legatur id fieri solitum esse. At si Sancti essent etiam nunc sub terra in sinu Abraham, non differentem statum à statu Sanctorum Testamenti veteris haberent.

Tertia ratio, ut Basilus notat initio orationis in sanctum Barlaam, ante Christi adventum Sanctorum mors desolebatur; at post Christi adventum summa cum lætitia celebramus dies mortis Sanctorum. Quare hoc? nisi quia tunc mori miseria erat, nunc est felicitatis initium. Et confirmatur, nam diem mortis nunc vocamus diem natalem, quia videlicet Sancti morientes in terris, nascuntur in coelo.

Quarta ratio ex visionibus eorum, qui viderunt animas aliquas in tormentis Gehennæ, alias in Purgatorio, alias in paradiso. Vide Gregorium lib. 4. Dialog. cap. 37. & Bedam lib. 5. histor. cap. 13.

Quinta ratio, Sancti habent nunc meritum vitæ æternæ, vel si non habent, numquam habebunt, quia post finem vitæ non est locus novis meritis, & nullum est impedimentum, quo minus vitam æternam nunc habere possint, cum cœlum antea clausum nunc pateat; igitur fatendum est, eos jam nunc præmium suum accepisse.

Sexta ratio, Deus Levit. 19. scribi iussit: *Non morabitur apud te opus mercenarii tui usque mane*: ergo ne Deus contrarius sibiipso videatur, non retinebit mercedem Sanctorum usque ad mundi consummationem.

Septima, Proverb. 3. *Spes quæ differtur, affligit animam*; at non convenit, ut ii affligantur, qui nullum habent peccatum.

Ex his solvuntur argumenta opposita. Ad primum *Controv. Cypri. Bellarm. Tom. II.*

Adico, diem iudicii generalis futurum, & tunc reddendum unicuique secundum opera sua: sed tamen ante illud iudicium præcessisse aliud particulare, in quo etiam redditum est unicuique secundum opera ejus. Neque ista inter se pugnant, nam in priore iudicio redduntur præmia privatim, in posteriore publicè, & manifestè; quemadmodum dies iudicii generalis dicitur dies Domini, non quòd alii dies non sint Domini, sed quia ille erit manifestè dies Domini, atque adeo manifestè, ut nemo Epicureus, vel Atheus sit, qui tunc non sit confessurus, cum esse diem Domini. Et quomodo apud mercatores certus quidam dies vocatur dies solutionis, non quòd aliis diebus non solvantur debita, sed quia ille dies ad hoc tantum constitutus est, ut fiant solutiones: sic etiam quædam dies dicitur dies iudicii & retributionis, non quòd aliis diebus Deus non iudicet, & retribuat, sed quia illa dies ad hoc tantum constituta est, ut fiat iudicium & retributio.

Dices, At videtur frustrà futurum iudicium, si jam sunt reddita præmia; quid enim refert, sive palam, sive clam reddita sint?

B Respondeo, non erit frustrà. Sunt enim quinque causæ, ob quas fiet iudicium generale, etiamsi præcesserit iudicium particulare. Prima est, ut ostendatur Dei iustitia, & misericordia. Omnia enim Deus facit propter gloriam suam demonstrandam, sed tamen nunc non ita apertè ostendit, quin inveniantur, qui Deum iniustitiæ accusent, vel nullam habere eum providentiam credant, cum videant bonos affligi, malos gaudere; idè Deus elegit sibi unum diem, in quo coram toto mundo ostendat summam suam iustitiam in impios, & summam misericordiam in pios, & simul ostendat se cum summa misericordia erga iustos, nulla uti crudelitate, vel iniustitia in impios: & cum summa severitate erga impios nulla uti acceptione personarum, vel iniqua liberalitate erga pios.

Secunda causa est, ut clarificetur filius hominis; pertinent enim ad gloriam Christi, ut qui in primo adventu, tamquam reus injustè iudicatus est, iterum appareat gloriosus, & iudex, & impleatur illud Isaïæ 45. *Vivo ego, quia mihi curvabitur omne genu*, quod Paulus Rom. 14. de Christo iudicatu exponit.

Tertia est, ad laudem bonorum, ignominiam verò malorum. Vult enim Deus, ut Sancti, qui in certaminibus suis spectaculum facti sunt mundo, Angelis, & hominibus; sic etiam coram toto mundo, omnibus Angelis, & hominibus victores pronuncientur. Idè Paulus, ubicumque de iudicio loquitur, istam causam asserre solet, ut Roman. 2. 1. Cor. 4. & alibi.

Quarta est, ut totus homo iudicetur, & præmium suum recipiat; nunc enim solum animæ iudicantur, & partem præmii accipiunt.

C Quinta, quia nondum sunt finita opera bona & mala defunctorum. Adhuc enim Lutherus male agit corrumpeudo libris suis mentes hominum: & B. Paulus adhuc bene operatur exemplo & scriptis, id quod eleganter deducit Basilus in libro de virginitate, ante medium, ex illis verbis 1. Timoth. 5. *Quorundam hominum peccata manifesta sunt, præcedentia ad iudicium: quosdam verò subsequuntur.* Quia igitur tunc finientur opera mala & bona, quando finietur mundus, idè tunc ultima feretur sententia.

Ad secundum dico, nullam esse iniustitiam, quod animus sine corpore beatificetur; nam animus & corpus non sunt duo supposita, quales sunt duo sodales, ita ut uni fiat injuria, si prius altero remuneretur;

tur; sed sunt unum suppositum tantum ex duabus partibus compositum: hoc autem unum suppositum mavult secundum alteram partem interim beari, quam secundum neutram, & proinde nulla ei sit injuria; volenti enim non fit injuria, sed invito. Dico secundò, etiamsi animus & corpus duo supposita essent, tamen adhuc nulla fieret injuria corpori, dum solus animus beatur; nam ad opera bona & mala, anima concurret principaliter, corpus solum instrumentaliter, immò ad ipsam essentiam meriti & demeriti, non concurret nisi sola anima. Consistit enim meritum & demeritum in electione voluntatis, quæ electio à sola anima procedit, & in sola anima sedem habet. Dico tertio, etiamsi animus & corpus æquè principaliter concurrerent ad opera bona & mala; tamen adhuc non esset injustum coronari animam ante diem judicii, & non corpus, quia anima separata capax est gloriæ, & coronæ, corpus autem separatum non est capax.

Ad tertium dico duo. Primò, Christi animam ante resurrectionem corporis sui non ascendisse quidem ad cælum corporeum, tamen fuisse in paradiso cælesti formaliter, idest, fuisse beatam & gloriosam; quòd si hoc tribuere vellent adversarii animabus Sanctorum, non essemus multum solliciti de cælo isto corporeo. Dico secundò, Christum moriendo, quiescendo, resurgendo, & ascendendo in cælum fuisse exemplar nostrum quantum ad corpus; nos enim primò morimur, secundò quiescimus in sepulchro, tertio resurgemus, ultimò ascendemus in cælum corporaliter, sicut Christus fecit. Quòd autem Christi anima descenderit ad inferos, priusquam ascenderet in cælum, non pertinet ad exemplar; non enim Christus ad inferos descendit, ut nobis viam ad inferos demonstraret, vel ut ibi pararet nobis locum, sed ut animas, quæ ibi erant, educeret, ac infernum destrueret, ne animæ Sanctorum deinceps eò deducerentur.

Ad quartam rationem, quæ sumebatur ex poena dæmonum, respondeo, dæmones multos nondum esse demersos in abyssum, sed in aere hoc nostro caliginoso versari ad exercitationem hominum: unde Apostolus ad Ephes. 2. eos vocat principes aeris hujus. Nihilominus tamen omnes dæmones jam nunc puniri, tam poena damni, quam poena sensus; non enim sunt hominibus meliores, & tamen hominum impii spiritus jam demonstravimus luere poenas Gehennæ, ac propterea, cum sanctos Angelos, qui in veritate steterunt, ex Evangelio constat semper videre faciem Dei, cur non etiam consequens sit, ut Angeli rebelles judicium Dei sustineant? Quare rectè Beda in commentario c. 3. epist. S. Jacobi scribit, quocumque dæmones volent, eos ubique suam Gehennam circumferre. Et S. Augustinus lib. de corrept. & gratia, cap. 10. ac S. Prosper lib. 1. de vita contemplativa, dæmones jam judicatos ac miseros effectos docent.

Sunt tamen plura Sanctorum testimonia, quæ videntur asserere dæmones non esse torquendos poena Gehennæ ante diem judicii. Justinus in Apolog. 1. & 2. sæpius repetit, dæmones igni sempiterno tradendos, nondum tamen traditos. Irenæus lib. 7. ultra medium, dicit Diabolum ante Christi adventum numquam blasphemasse Deum, quòd ignoraret adhuc suam damnationem, sed à Christo & Apostolis tandem didicisse, ignem æternum sibi esse paratum: quam sententiam idem Irenæus à Justino se accepisse significat. Eandem tamquam Justini sequitur Occumenius in cap. ultimum primæ Petri. Epiphanius in hæresi Sethianorum affirmat, dæmones non modò damnationem suam ignorasse, sed etiam salutem per Christi adventum sperasse;

A sed cum viderent, nihil à Christo pro dæmonibus fieri, tum demum de salute desperasse, & per hæreticos Deum blasphemare cœpisse.

S. Antonius apud Arhanasium in vita ejusdem Antonii: *Non ignorat, inquit, dæmon futura tormenta, & æstuantis Gehennæ novis incendia.* Similem sententiam de futuris tormentis dæmonum habent etiam infra scripti patres; Ambrosius in comment. cap. 8. Lucæ, Hieronymus, & Chrysostomus in cap. 8. Matth. Augustinus lib. 8. civitate Dei, c. 23. & lib. 1. de nup. & concup. cap. 23. Gregorius lib. 4. moralium, cap. 10. & lib. 4. Dialog. cap. 29. Theodoretus in epitome divinarum decretorum, cap. de dæmonibus, & Bernardus in serm. de S. Malachia. Sed Justinus, Irenæus, Epiphanius, atque Occumenius sententiam non video, quo pacto ab errore possimus defendere. Ceteri autem Patres duo quædam affirmant, quæ verissima sunt, dæmones in die judicii ex hoc aere in abyssum præcipitandos, & eos adhuc expectare futura tormenta.

C Caterum non oportet inde colligere, eos hoc tempore non torqueri; nam etsi verè torqueantur, & locum Gehennam portent, ut ait Beda, tamen poenarum suarum plenitudinem in die judicii habebunt, quando inferorum carceribus concludentur; quod poenarum complementum adeò timent, ut in exorcismis nulla re magis torqueri videantur, quam comminatione futuri judicii, quæ etiam causa est cur exorcismi ferè concludi soleant: *Per eum qui venturus est judicare vivos & mortuos, & sacrum per ignem.*

Cur autem adeò trepident illam detractionem in abyssum, hæ causæ esse videntur. Prima, quia non poterunt amplius hominibus nocere. Secunda, quia non amplius extorquebunt ab ullo cultum Deo debitum, ut modò faciunt, dum ab Ethnicis & Necromanticis adorantur. Tertia, quia tunc patebunt eorum fraudes, & debilitas, cum omnes intelligent, eos à viris, foeminis, pueris, superatos. Quarta, quia non solum à Deo, sed etiam ab hominibus judicabuntur; nam etiam Angelos judicabimus, teste Paulo, 1. Corinth. 6.

CAPUT VII

Sanctos rectè ab Ecclesia canonizari,

SEquitur nunc altera quæstio, quæ est de Canonizatione, quæ quatuor capitibus continetur. Primum enim explicandum est, an sint Sancti canonizandi. Deinde, cujus sit officium eos canonizare. Tum, sitne infallibile judicium ejus qui Sanctos canonizat. Postremò, an liceat Sanctos nondum canonizatos colere.

E Sed antequam ad ista capita veniamus, explicandum est breviter, quid sit canonizatio. Igitur canonizatio nihil est aliud, quam publicum Ecclesiæ testimonium de vera sanctitate, & gloria alicujus hominis jam defuncti: & simul est judicium ac sententia, qua decernuntur ei honores illi, qui debentur iis, qui cum Deo foeliciter regnant. Qui quidem honores (ut in sequentibus disputationibus demonstratur) septem esse solent.

Primum enim qui canonizantur, inscribuntur in Catalogo Sanctorum, idest, statuitur, ac jubetur, ut ab omnibus publicè habeantur, & dicantur Sancti. Secundò, invocantur in publicis Ecclesiæ precibus. Tertio, templa & aræ in eorum memoriam dicantur Deo. Quarto, sacrificia tam Eucharistiæ, quam laudum, & precum, quod vulgo officium, sive

sive horz canonicæ nuncupatur, in honorem eorum Deo publicè offeruntur. Quintò, dies festi in eorum memoriam celebrantur. Sextò, pinguntur eorum imagines, addito certo quodam lumine in signum gloriæ, quam habent in cœlis. Septimò, eorum reliquie pretiosis thecis includuntur, & publicè honorantur.

His ergo præmissis, utile esse Sanctos canonizari, his argumentis demonstrari potest. Primum, quia Deus ipse voluit à sanctis Scriptoribus annotari in particulari gloriosam vitam, & mortem eorum, qui tempore ipsorum floruerunt, ut patet de Ecclesiastico, qui cap. 44. & sequentibus canonizavit plurimos Sanctos, ut Henoch, Noe, Abraham, Isaac, Jacob, Moysen, Aaronem, Phinees, Josue, Caleb, Samuelem, Davidem, Eliam, Eliseum, &c. Item in Testamento novo S. Lucas in Actis canonizavit S. Stephanum, & Jacobum majorem, necnon Petrum, Paulum, Barnabam, Silam, & alios: igitur credibile est, eodem modo Deum velle, ut deinceps fiat.

Secundò, tenemur Sanctos honorare, & laudare, tum quia Scriptura hoc jubet, Ecclesiast. 44. *Sapientiam ipsorum, inquit, narrent populi, & laudem eorum nuncient Ecclesie*: tum quia virtus ipsorum hoc mereatur. Est enim quasi naturale præmium virtutis honor: tum denique quia id nobis utile est ad plurima beneficia eorum intercessione promerenda: At nisi sciamus, qui sint veri Sancti, & qui non, non possumus eos colere, ut oportet.

Tertiò, probatur ex ratione imitationis. Sancti enim sunt exempla quædam virtutum, & norma rectæ vitæ, & quasi lucernæ quædam à Deo accensæ, ut omnibus aliis præluceant. Unde Paulus ad Hebræos 13. *Mementote, inquit, præpositorum vestrorum, qui locuti sunt vobis verbum, quorum intuentes exitum conversationis, imitamini fidem*. At non possumus accendi ad imitationem, nisi in particulari sciamus, qui sint imitandi, & quid illi egerint, aut passi sint. Et lucerna in candelabro poni debet, id quod sit per canonizationem.

Quartò, ex conjunctione, quam cum illis habemus. Siquidem sumus membra unius corporis, & membra invicem compatiuntur, & congaudent; oportet ergo eos nobis compati, & pro nobis sollicitos esse, quod sine dubio faciunt, etiam in particulari, ut infra docebimus, & è contrario nos illis congaudere, & pro illorum gloria Deo gratias agere, quæ sine particulari noticia fieri non possunt.

Quintò, ex incommodis; nam nisi iudicio Ecclesiæ certi Sancti proponerentur colendi facillè fieri posset, ut populus sæpè erraret, & damnatos pro beatis coleret: ut accidit tempore sancti Martini. Scribe enim Sulpitius, quòd cum populus quidam coleret nescio quem hominem mortuum, pro Martyre, & B. Martino suspecta esset illa religio, quòd nihil certi à maioribus de Sancto illo accepisset, tandem oranti Martino apparuit anima ejus, qui ibi colebatur, & confessa est, se animam damnatam esse latronis cuiusdam, qui pro suis sceleribus extremi supplicii poenas luerat. Idem accidit tempore Alexandri III. ut patet ex cap. Audivimus, extra de reliquiis, & Sanctorum veneratione, ubi reprehendit quosdam, qui hominem in ebrietate occisum pro Martyre venerabantur.

CAPUT VIII.

Cujus sit Sanctos canonizare.

DE secundo, ad quem videlicet pertineat auctoritas Sanctos canonizandi, notandum est, duobus modis posse aliquem canonizari. Uno modo particulariter, ita ut solum in una provincia, aut diocesi habeatur Sanctus, & colatur pro Sancto. Alio modo generaliter, ita ut in tota Ecclesia habeatur pro Sancto, nec ulli liceat de ejus sanctitate dubitare.

Primo modo canonizare poterat quilibet Episcopus, ut docet Thomas Waldensis, libro de Sacramentalibus, tit. 14. cap. 121. & patet tum ex Cypriano lib. 3. epist. 6. ubi jubet ad se scribi, cum aliquis Martyr de hac vita exit, ut statim possit ejus memoriam sacrificiis celebrare, & singulis annis postea diem ejus natalem colere; tum etiam ex multis Sanctis, quos ita colunt quædam provincie, ut tamen ignoti sint penitus aliis provinciis. Unde in Concilio Florentino, sess. 7. dicunt Latini, Simonem Metaphrastem in Ecclesiis Græcorum pro Sancto coli, cujus apud Latinos nulla unquam memoria existit. Tamen hoc, quod olim licuit, modò non licet. Siquidem Alexander III. & postea Innocentius III. videntes abusus, qui oriebantur circa Sanctorum cultum, prohibuerunt, ne deinceps aliquis pro Sancto coli inciperet, sine Romani Pontificis approbatione, ut patet cap. 1. & 2. de reliquiis, & Sanctorum veneratione.

Secundo modo canonizare, id est, ita ut in tota Ecclesia Sancti habeantur, communis sententia est, pertinere ad summum Pontificem: nam id habetur cap. Audivimus, & cap. Cum ex eo, de reliquiis, & veneratione Sanctorum, & cap. Venerabili, de testibus & attestationibus; & patet etiam ratione; nam ad eum spectat proponere toti Ecclesiæ quid sit credendum, & quid agendum in iis, quæ sunt religionis, qui toti Ecclesiæ præest. Item ex contrario, declarare, qui sint hæretici, ita ut à tota Ecclesia pro talibus habeantur, est summi Pontificis, ut antè ostendimus, ergo declarare qui sint Sancti, & colendi, ejusdem erit summi Pontificis.

Dices, plurimi Sancti sunt, qui in tota Ecclesia coluntur, quos non canonizavit summus Pontifex. Primus enim Pontifex (ni fortè fallor) qui Sanctos legatur canonizasse, videtur fuisse Leo Papa III. de quo sic scribit sanctus Ludgerus in epistola de miraculis sancti Suiberti, cap. 9. in 2. tomo Surii: *Tandem devota instantia Caroli (Magni) & Hildebaldi Archiepiscopis Coloniensis, venit à Colonia idem Papa Werdam, & ibi post alias solemnitates sanctum Suibertum solemniter Catalogo sanctorum Confessorum adscripsit pridie Nonas Septembris*. Hanc primam legi solemnem canonizationem, ante quam fortasse fuerunt etiam aliæ, sed non mihi constat: Postea autem Innocentius II. canonizavit sanctum Hugonem Episcopum Gratianopolis, ut patet ex epistola ejusdem Pontificis ad Priorem Carthusiæ datam, apud Surium, tom. 2. Inde verò Alexander III. B. Bernardum in Sanctos retulit, ut habetur ad finem librorum de vita ejusdem Bernardi: A quo tempore omnes alii, qui Sancti sunt habiti, ut Thomas Cantuariensis, Dominicus, Franciscus, & alii, à Pontificibus in numerum Sanctorum relati sunt. Quid ergo dicemus de tot Sanctis, qui ante ea tempora colebantur in Ecclesia?

Respondeo, Sanctos veteres coepisse coli in Ecclesia universali, non tam lege aliqua, quam consuetudine. Sed sicut consuetudines aliæ vim habent legis ex tacito consensu Principis, & sine eo nullam vim habent, ut patet ex B. Thoma, 1. 2. quæst. 97. art. 3. ita Sancti alicujus cultus, ex consuetudine Ecclesiarum generaliter introductus, vim habet ex approbatione tacita vel expressa summi Pontificis.

CAPUT IX.

Credendum esse, Pontificem non errare in Sanctorum canonizatione.

DE tertio duæ sunt sententiæ. Prior est hæreticorum, posse Pontificem errare in Sanctorum canonizatione. Ita Joannes Wiclef, ut refert Thomas Waldensis tom. 3. de Sacramentalibus, c. 122. ubi dicit, non minus in hac re posse Papam errare, quam Presbyterum Joannem Regem Æthiopie, vel Turcam, aut Sultanum. Idem sentire Lutheranos, & Calvinistas certum est, cum in aliis similibus rebus nullam ferè Pontifici tribuant auctoritatem.

Alterà est Catholicorum, asserentium, certum esse Ecclesiam non errare in Sanctorum canonizatione, ita ut sine ulla dubitatione sancti ab Ecclesia canonizati venerandi sint. Probatur hæc. Primò, quia si liceret dubitare, an Sanctus canonizatus sit sanctus, liceret etiam dubitare, an sit colendus: at hoc est falsum. Siquidem S. Augustinus in epist. 118. dicit, insolentissimæ insanix esse disputare, an sit faciendum, quod tota Ecclesia facit. Item ex Bernardo in epist. 174. ad Canonicos Lugdunenses, ubi loquens de colendis festis in honorem Sanctorum, dicit: *Ego quæ accepi ab Ecclesia, securus teneo, & trado.* Præterea, omnes veteres sine ulla dubitatione Sanctos coluerunt, & colendos asseruerunt. Denique tenemur obedire Pontifici indicenti diem festum alicujus Sancti; nec tamen possumus contra conscientiam aliquid agere: ergo non possumus dubitare, an sit colendus ille, qui ab Ecclesia est canonizatus.

Secundò, ex incommotis duobus; nam in primis fraudarentur non Sancti suffragis vivorum; nam pro canonizatis non licet orare. Ut enim Augustinus dicit, serm. 17. de verbis Apostoli: *Injuriam facit Martyri qui orat pro Martyre*; & idem intelligendum de omnibus Sanctis canonizatis, docet Innocentius, cap. Cum Marthæ, de celebrat. Missarum: at si in hoc Ecclesia erraret, defraudaret eum, qui habetur Sanctus, & non est, quicumque non oraret pro eo. Deinde fraudarentur etiam viventes intercessionibus Sanctorum, invocarent enim sæpè damnatos pro beatis, si Ecclesia in hoc erraret. Præterea Ecclesia peteret sibi maledictionem pro benedictione, cum in orationibus Sanctorum petit, ut sicut illos Deus glorificavit in coelis, sic nobis gratiam largiatur in terris. Et quamvis eam maledictionem non peteret nisi materialiter, tamen hoc ipsum absurdum videtur.

Tertio, miracula magna, & diligenter examinata, faciunt rem evidenter credibilem, ut alibi ostendimus: at Sancti à Pontifice non canonizantur ordinariè, nisi claruerint magnis & certis miraculis, & confirmatur. Nam si credimus sine ulla hæsitacione Cæsarem, & Pompejum fuisse, quia id testantur communi consensu historici, qui tamen homines fuerunt, & mentiri potuerunt, cur non credimus sine hæsitacione, quod testatur Deus ipse per

A miracula, quando nulla est ratio suspicandi contrarium?

Quartò, probatur ex præparatione; nam antequam Sancti canonizentur, indicuntur jejunia, & preces publicæ, & tota res diu, & diligentissimè examinatur: non est autem credibile, Deum non adesse Ecclesiæ suæ sic dispositæ, & supplicanti.

Ultimò, probatur à posteriori, quia in aliis rebus, in quibus Pontifices errare possunt, aliquando reipsa deprehenduntur errores; at in hoc nullus usquam error deprehensus est.

B Sed obijciunt quidam locum Augustini: *Multorum corpora honorantur in terris, quorum animæ torquentur in Gehenna.* Respondeo, locum hunc fortasse non esse Augustini; nusquam enim in ejus operibus eum reperire potui: præterea intelligi posse de impiis, qui honorantur superbissimis sepulchris, cum tamen animæ torquantur in Gehenna; vel de corporibus Sanctorum non canonizatorum; vel de corporibus fraude aliqua suppositis pro corporibus Sanctorum; vel denique de Martyribus Donatistarum, qui honorabantur ab hæreticis ut Martyres, cum eorum animæ revera torquerentur in inferno. De hujus capitis argumento vide quæ habet B. Thomas, quodlib. 9. quæst. ult. art. ult. Augustinus de Ancona in summa de potestate Ecclesiæ, quæst. 14. art. 4. Joannes Driedo, lib. 4. cap. 1. de Ecclesiast. dogmatibus, B. Antoninus 3. parte, tit. 12. cap. 8. summæ Theolog. Cajet. tract. de indulgent. ad Julium, c. 8. Sylvester verbo, Canonizatio. Canus lib. 5. de locis, cap. penult.

CAPUT X.

Sanctos non canonizatos privatim posse coli, non publicè.

DE quarto, an liceat colere non canonizatum, respondeo, licere privato cultu, non publico, ut Doctores communiter affirmant in cap. 1. & 2. de reliquiis, & veneratione Sanctorum. Siquidem summus Pontifex eo loco prohibet publicum cultum, ergo à contrario privatum censetur permittere. Vocamus autem publicum cultum, non eum, qui coram aliis exhibetur, sed qui nomine totius Ecclesiæ, & tamquam ab Ecclesia institutus exhibetur.

Ex quo intelligimus, quid sit dicendum de illis septem honorum generibus antea enumeratis. Nam quantum ad primum, licet non canonizatum credere & vocare sanctum, non tamen prædicare eum tamquam ab Ecclesia inscriptum Sanctorum Catalogo.

Quantum ad secundum, licet invocare non canonizatum, etiam aliis audientibus, ut patet ex Hieronymo in vita Paulæ, & Gregorio Nazianzeno in vita Athanasii, & Basilii, uterque enim invocat quos laudat ante canonizationem. Præterea oramus viventes, etiam si nesciamus esse sanctos, cur non defunctos, quando majori ratione confidimus esse sanctos? At non liceret in publicis Litaniis, & sacro officio id facere.

Quantum ad tertium, & quartum, non videtur licere ullo modo, eos honores sanctis non canonizatis deferre; nam templa, & altaria, & sacrificia sunt ex natura sua publici cultus. Nullum est enim sacrificium in Ecclesia, nisi commune, & à Deo ipso institutum: templa autem, & altaria ad sacrificium referuntur.

Quantum ad quintum, non licet publicum festum celebrare, liceret tamen in die natali sancti non cauo-

canonizati peculiariter latari, & Deo vacare in memoriam ejus. Quod fecisse etiam veteres cognoscitur potest ex Joanne Cassiano, collat. 19. cap. 1.

Quantum ad sextum, licet imaginem pingere, & venerari, non tamen in templo constituere eo modo, quo aliorum Sanctorum.

Quoad septimum, non licet reliquias non canonizati hominis in templo constituere publicè honorandas, licet tamen eas habere, & venerari, etiam aliis videntibus, modò scandalum absit; id enim habet praxis Ecclesiæ; mox enim ac Martyres defuncti erant, currebant fideles ad reliquias rapiendas; & similiter quando moriuntur homines clari sanctitate, multi devotè osculantur manus, & pedes, & de vestibus eorum pro reliquiis servant; nec id unquam prohibitum fuit. Præterea si licet honorare viventes, quos credimus sanctos, cur non mortuos?

Atque hæc pauca de canonizatione sufficiant. Si quis plura videre desiderat, legat Augustinum Triumphum in summa de potestate Ecclesiæ, & Troilum Malvezium in libro de canonizatione.

CAPUT XI.

Proponitur quaestio de cultu Sanctorum cum argumentis adversariorum.

EXpeditis quaestionibus de gloria, & canonizatione, sequitur recto ordine controversia de cultu. Fuit antiqua hæresis Eustachii apud Socratem lib. 3. histor. cap. 33. Eunomii, & Vigilantii apud Hieronymum, Claudii Taurinensis apud Joannem Aurelianensem, & Wiclefi apud Thomam Waldensem, tom. 3. de Sacramentalibus, tit. 13. Sanctos non esse colendos: quæ rursus per Calvinistas, & Lutheranos renovata est; nam Magdeburgenses Centur. 1. lib. 2. cap. 4. col. 340. dicunt omnem Sanctorum adorationem esse idololatriam. Pari ratione Calvinus lib. 1. Institut. cap. 11. §. 11. & cap. 12. §. 1. & 2. non patitur ullum cultum exhiberi sanctis Angelis, vel hominibus defunctis, neque parvum, neque magnum. Argumenta verò ejus hæc sunt.

Primum, duplex est honor: unus civilis, quo honoramus potentes, & sapientes homines: alter religionis, qui Deo soli convenit: sed Angelis, & sanctis hominibus non convenit honor ille civilis, ut notum est, cum non versentur nobiscum civiliter: honor autem religionis non potest eis tribui, quia religio est cultus Dei. Atque hac sua distinctione eludit Calvinus argumenta Catholicorum, cum probant posse creaturas adorari exemplo Abraham, qui adoravit filios Heth, & Jacobi, qui adoravit fratrem suum Esau, & filiorum Israel, qui adoraverunt Joseph, vult enim istos omnes fuisse civiles.

Secundum argumentum: Si Sanctis deberetur cultus aliquis religionis, certè dulciæ, non latræ, ut Catholici docent; at ineptum est dicere, Sanctos coli, & non latræ; nam cum latræ significet cultum, colere sine latræ, est colere sine cultu. Deinde plus est dulciæ quam latræ; nam dulciæ est servire, latræ est colere, minus autem est colere aliquem, quam ei servire, colimus enim pares, ut amicos, & collegas, non autem servimus, nisi dominus.

Confirmari potest hoc argumentum ex Laurentio Valla, & Theodoro Beza, qui in annotationibus ad cap. 4. Matth. docet, latræ & dulciæ idem significare, & confundi tam in Scripturis, quam apud profanos auctores; nam Levit. 23. *Opus servile non facies*. *Contrav. Card. Bellarm. Tom. II.*

Atiæ, semper est in Græco ἔργον λατρεύειν ἢ ποιῆσαι, & contra Rom. 7. *Ut serviamus in novitate spiritus*, est in Græco ὡς δουλεύει ἡμᾶς ἐν καινότητι πνεύματος. Itaque dicitur latræ de opere etiam in usum hominis, & dulciæ de cultu Dei. Item apud Xenophontem lib. 3. Cyropædæ ponitur λατρεύειν pro obsequio ancillæ erga dominum, & paulò post idipsum dicitur δουλεύειν: quare Augustinus quæst. 94. in Exodum dicit, tam latræ, quam dulciæ Deo tribui, latræ ut Deo, dulciæ ut domino.

BTertium argumentum Calvini ex Scripturis, Deuter. 6. *Dominum Deum tuum timebis, & illi soli servies*; cui simile est illud Pauli, 1. Tim. 1. *Soli Deo honor & gloria*. Item Matth. 4. cum Diabolus non meminisset latræ, sed solum postulasset προσκύνησιν, idest, inclinationem aliquam, Dominus cum repulit dicens: *Scriptum est, Dominum Deum tuum adorabis, & illi soli servies*. Ubi ostendit, non posse creaturæ inclinationem ullam religionis causa deferri, quin illa ad idololatriam pertineat. Item Gal. 4. *Iis qui natura non sunt Dii, serviebatis*, in Græco est, ἐδουλεύατε τοῖς μὴ φύσει θεοῖς; ergo dulciæ non potest tribui, nisi illi qui natura Deus est.

CQuartum argumentum ab exemplis Scripturarum; nam Hesther 13. Mardochæus noluit se inclinare coram Aman; & rationem reddens, ait: *Timui ne honorem Dei mei transferrem ad hominem, & ne quemquam adorarem, excepto Deo meo*. Item Act. 10. cum Cornelius adoraret Petrum, prohibuit Petrus, dicens, *Surge, & ego ipse homo sum*. Nec tamen credibile est, aut Aman voluisse adorari ut Deum, aut Cornelium voluisse Petrum adorare ut Deum. Item Act. 14. Paulus, & Barnabas prohibuerunt Licæonibus, ne se adorarent. Denique Angelus Apocal. 19. Joanni adoranti se, ait: *Vide ne feceris, conservus tuus sum, Deum adora*. Et tamen non ignorabat Angelus sibi à Joanne non latræ, sed dulciæ exhiberi.

DQuintum ex Patribus Athanasius serm. 3. contra Arianos ante medium, docet, neque Angelos, neque homines sanctos adoratione colendos esse. Epiphanius in hæresi Collyridianorum sæpius repetit, Mariam non esse adorandam, sed solum Deum. Ambrosius in cap. 1. ad Rom. reprehendit eos, qui adorant conservos. Augustinus lib. de vera religione, cap. 55. *Non fit nobis religio cultus hominum mortuorum: quia si pie vixerunt, non sic habentur; ut sales querant honores, sed illum à nobis coli volunt, quo illuminante letantur meriti sui nos esse consortes*. Et infra idem dicit de cultu Angelorum. Hæc ille.

CAPUT XII.

Explicatur sententia Catholica.

E**N**unc explicanda est sententia Catholicorum; de qua re Theologi tractant in 3. sent. dist. 9. Est autem primo loco observandum, adorationes tres actus complecti. Primò, actum intellectus, quo apprehendimus excellentiam alicujus. Secundo, actum voluntatis, quo nos illi interiorius inclinamur, & aliquid volumus facere actu interiore, vel exteriori, quo protestemur ejus excellentiam, & nostram subjectionem. Tertio, actum exteriorem, quo caput inclinamus, vel genuflectimus, vel aliquod aliud signum subjectionis ostendimus. Ex quibus actibus secundus est maximè proprius, & essentialis; nam primus actus potest esse sine adoratione; tertius etiam cum irrisione.

Secundò observandum est, tot esse species adorationis, quot sunt species adorationis.

rationis, sive cultus, quot sunt species excellentiæ, ut B. Thomas docet, 2. 2. quæst. 103. art. 3. honor enim, sive cultus debetur personæ propter excellentiam eius. Sed, quod ad præsens institutum pertinet, tres sunt species excellentiæ. Prima est excellentia divina, & infinita, cui respondet prima species cultus, qui à Theologis dicitur latria.

Secunda est excellentia humana, seu naturalis, quæ posita est in humanis virtutibus, dignitatibus, gradibus &c. Cui respondet secunda species cultus, quæ dici potest cultus civilis, & observantia quædam humana, quamquam hæc in alias multas species dividi potest, ut Aristot. docet, lib. 9. Ethic. cap. 2; nam alius honor debetur patri, alius principi, alius præceptor, alius sapienti, vel erudito &c.

Tertia est excellentia quædam media inter divinam & humanam, qualis est gratia & gloria Sanctorum; ista enim sunt dona supernaturalia, & excellentissima, & huic excellentiæ respondet tertia species cultus, quam Theologi vocant duliam. Et quia inter sanctas creaturas humanitas Christi, si seorsim consideretur, singulariter excellit propter unionem ad verbum, & similiter B. Virgo, ut mater filii Dei ita præstat alius Sanctis, ut dici possit Domina & Regina nostra, quod alius Sanctis non convenit, nisi admodum imperfectè; ideo Theologi hanc tertiam speciem, quam vocant duliam, dividunt in duliam propriè dictam, & hyperduliam, tribuentes illam Sanctis cæteris, istam soli humanitati Christi, & matri ejus.

Tertiò observandum est, has tres adorationis species non esse univocas, sed analogas, ut enim excellentia non dicitur univocè de excellentia Dei, & creaturarum, ita cultus debitus ob excellentiam, non potest dici univocè de cultu Dei, & creaturarum.

Notandum quoque est quartò has ipsas species adorationis, quantum ad actus interiores, optimè distingui. Nam prima species, idest, latria, est quædam summa voluntatis prostratio, & inclinatio cum apprehensione Dei, ut primi principii, & ultimi finis, atque adeò summi boni, qualis adoratio soli Deo convenit.

Secunda species, idest, cultus civilis, est longè minor inclinatio voluntatis, cum apprehensione certa humanæ excellentiæ.

Tertia species, est media quædam inclinatio voluntatis cum apprehensione excellentiæ plus, quàm humanæ, & minus, quàm divinæ. At quantum ad actus exteriores, non est facile species adorationum distinguere; nam omnes serè actus exteriores communes sunt omni adorationi, excepto sacrificio, & quæ ad illud referuntur, templis, altaribus, & sacerdotibus. Voluit enim Deus hunc cultum sacrificii sibi soli exhiberi, ut Augustinus docet, lib. 10. civitatis Dei, cap. 4. & Theodoretus lib. 8. ad Græcos, qui est de Martyribus, & patet ex illo, Exod. 22. Qui sacrificat Deo, eradicabitur, præterquam Dominus sibi. Ex aliis actibus exterioribus, qui sunt communes cultui Dei & cultui creaturæ, non potest evidenter colligi, an aliquis cultum Deo debitum tribuat creaturis, nec ne; nam Abraham eodem actu incurvationis usque ad terram adoravit Deum, Genes. 17. & Angelos, Genes. 18. & homines, Genes. 23.

Quintò observandum, latriam interdum sumi pro ipso actu, quo colitur Deus; interdum pro habitu, quo homo redditur promptus ad colendum Deum. Hunc autem habitum esse virtutem quandam specialem, & moralem, B. Thomas docet, in lib. 3. sentent. dist. 9. quæst. 1. neque obstat quòd B. Augustinus in Enchirid. 3. cap. & 12. Trinit. cap. 14. dicat,

A Dei cultum consistere in fide, spe, & charitate; ubi videtur velle, latriam esse generalem virtutem constatam ex tribus Theologis. Nam sicut charitas, & prudentia sunt virtutes speciales, quia habent speciale obiectum, & tamen simul sunt aliquo modo generales, quia dirigunt, aut ordinant actus omnium virtutum: ita latria virtus est specialis propter speciale obiectum suum, idest, honorem divinum; & tamen simul est generalis, quia utitur ad honorandum Deum actibus omnium virtutum, & præcipuè fidei, spei, & charitatis; nam summus honor Deo deferitur, cum per fidem protestamur eum esse primam veritatem; per spem esse potentissimum; per charitatem esse optimum. Itaque ipsius actus fidei obiectum, est Deus: actus autem ipse fidei est obiectum religionis: & ideo fides est virtus Theologica, quia circa Deum versatur. Religio non est virtus Theologica, quia versatur circa creaturam; actus enim fidei non est Deus, sed quid creatum. Idem dici de spe, & charitate potest; obiectum enim earum est Deus, actus verò ipsarum ad obiectum religionis pertinere possunt.

Sextò observandum, quantum ad nomina, in lingua Hebræa nullum esse nomen quo propriè designetur cultus solius Dei, sed omnia esse communia, & idem nomen nunc tribui cultui creaturæ, nunc negari, prout nimirum aliter atque aliter accipitur. Nam quod Græci verterunt Deuter. 6. *αὐτῷ μόνῳ λατρεύουσιν*, illi soli servies, in Hebræo est *עבדתי* verbum autem *עבד* tam est commune Hebræis, quàm Latinis, servire. Similiter Exod. 20. *Non adorabis ea*, quod Græci vertunt *ὀψωνύουσιν*, in Hebræo est *עבדתי* & ponitur in omnibus locis suprà citatis, Genes. 17. 18. & 23. & alibi ubicumque dicuntur vel homines, vel Angeli, vel Deus adorari. In lingua Latina similiter non habemus ullum vocabulum, quod solum dicatur de cultu Dei, ut Augustinus notavit, lib. 10. civit. Dei, cap. 1. & hinc est quòd Patres vocabula adorationis, & religionis nunc concedunt creaturis, nunc negant, prout variè accipiuntur.

B. Hieronymus in epist. ad Riparium contra Vigilantium dicit, nec Martyrum reliquias, nec Angelos, nec aliquid creatum coli posse, vel adorari. Et tamen ipse in Epiraphio Paulæ in fine dicit: *Vale & Paula, & cultorem tuam orationibus juvas*. Et lib. 2. Apologiæ contra Rufinum dicit: *Veni Bethlehæm, præsepe Domini, & incunabula adorari*. Sic etiam Augustinus lib. de vera relig. cap. 55. dicit, religionis cultum nec Angelis, nec sanctis hominibus iam defunctis deberi, sed soli Deo; & tamen lib. 20. contra Faustum, cap. 21. dicit: *Memorias Martyrum populus Christianus religiosa solemnitate concelebrat*.

Itaque aliquando accipiebant nomen religionis & adorationis, ut convenit principali analogatè, idest, virtuti illi speciali, quæ habet pro obiecto cultum Dei, & quæ distinguitur specie ab ea virtute, qua colimus Sanctos: aliquando verò accipiebant largius pro omni illa virtute qua colimus vel Deum, vel Dei amicos, aliasque res sacras, & distinguitur à cultu politico, & merè humano. In lingua Græca una vox est propria cultui Dei, nempe *θεοσιβία*, quæ non multum est in usu. Præter istam vocem sunt alia quatuor *εὐσεβεία* pietas, *θρησκεία* religio, & *λατρεία*, & *δουλεία* servitus; sed nullum horum est, quod non interdum attribuitur etiam creaturis.

Sed quamvis ista vocabula non sint propria divino cultui, secundum primam ipsorum vocabulorum institutionem, tamen Schola Theologorum non sine causa excogitavit illam distinctionem de latria

latria & dulia. Nam cum in re inveniatur manifesta distinctio, inter cultum Dei & Sanctorum; oportebat etiam ad vitandam æquivocationem invenire distincta vocabula: optima autem erant ista duo. Primum, quia scriptores sacri vocem λατρεία numquam usurpant, nisi pro cultu solius Dei, ut patet ex toto novo Testamento: vocem δουλεία usurpant pro omni servitute, tam Dei, quam hominum. Neque obstat, quod in versione Græca Levitici habetur semel nomen latriæ, pro servitio humano: nam textus Hebræus & Latinus vulgatæ editionis habent vocem communissimam, quæ ad omne servitium accommodatur. Deinde, antiqui Patres numquam nomen latriæ tribuunt, nisi Deo, cum tamen etiam Sanctos coli dicant, ut patet ex Augustino, lib. 10. civit. Dei, cap. 1. & lib. 20. contra Faustum, c. 21. & ex omnibus Patribus Nicæni Concilii II. ut videre est, act. 3. 4. 6. & 7. necnon ex Damasc. orat. 1. & 3. de imaginibus; & Jona Aurelianens. lib. 1. de cultu imagin. & Beda in cap. 4. Luc. Immo omnes veteres cultum taliorum Deorum idè vocaverunt idololatriam, non idoloduliam, quia videbant cultum Deo proprium, secundum Ecclesiasticum loquendi modum, vocari latriam, non duliam, ut Augustinus notavit, quæst. 61. in Genes.

Neque obstat, quod isti Patres raro meminerint nominatum duliæ; nam cum dicunt, Sanctos & imagines coli debere, & non latria, satis indicant, debere coli alia specie cultus. Eam nos vocamus duliam, ut eam vocat Beda in cap. 4. Lucæ, & Magister cum omni Schola lib. 3. sentent. dist. 9. & idem insinuat Augustinus, lib. 10. civit. Dei, cap. 1. ubi dicit, cultum debitum creature non vocari Ephes. 6. ab Apostolo latriam, sed alio nomine. Apostolus autem ibi vocat duliam. Itaque non erat opus, ut Martinus Peresius in suo opere de traditionibus, part. 3. consideratione 7. diceret, non sibi multum probari nomen duliæ sumptum pro cultu Sanctorum, cum dulia propriè significet servitutem, & nos non sumus servi Sanctorum, sed conservi. Nam in Scripturis dulia non solum accipitur pro servitute mancipiorum, sed etiam pro honoraria subiectione, ut Galat. 5. διὰ τῆς ἀγάπης δουλεύετε ἀλλήλοις; *Per charitatem servite invicem*. Hoc ergo modo potuerunt Theologi cultum Sanctorum vocare duliam.

CAPUT XIII.

Afferitur argumentis sententia Catholica.

Superest jam, ut probemus cultum aliquem minorem divino, & majorem civili & merè humano, sacris rebus, S. Angelis, & hominibus deberi.

Primum argumentum sumitur ex illo Psalm. 98. *Adorate scabellum pedum ejus, quoniam sanctum est*; ubi ad literam per scabellum pedum Domini, intelligitur arca Testamenti. Nam 1. Paralipome. non 28. dicit Salomon: *Paravi domum, ubi requiesceret arca Domini, & scabellum pedum Dei nostri*. Nec sine causa dicebatur arca scabellum pedum Domini, nam supra arcam erat propitiatorium quasi sedes Dei, quæ tenebatur manibus duorum Cherubin, de qua dicitur in principio hujus Psalmi. *Qui sedes super Cherubin, moveatur terra &c.* Idem habetur Psalm. 131. in illis verbis: *Introibimus in tabernaculum ejus, adorabimus in loco, ubi steterunt pedes ejus*; nam in Hebræo est: *Adorabimus scabellum pedum ejus*. Et quod loquatur de arca patet,

Controv. Card. Bellarm. Tom. II.

A quia præcedit: *Introibimus in tabernaculum ejus*. Et statim etiam sequitur: *Surge, Domine, in requiem tuam, tu & arca sanctificationis tue*. Et hoc idem clariùs colligitur ex lib. 2. Reg. cap. 6. *Arcam, inquit, super quam invocatum est nomen Domini, sedentis in Cherubin super eam*.

B Jam verò quod in his locis præcipiatur aliquis cultus, patet ex verbo, *adorate*, quod etiam Hebræicè est proprium verbum adorationis *עָבַד*. Quod autem arca sit creatura, nulli dubium esse potest. Quod denique iste cultus non sit civilis, sed religionis, patet ex ratione Davidis: *Quoniam, inquit, sanctum est*, hoc videlicet scabellum. Cultus enim civilis debetur rebus propter civilem & humanam excellentiam, at arca dicitur adoranda, non propter civilem excellentiam, sed quia sacra & sancta est, cum sit scabellum pedum Dei.

Bucerus & Calvinus in hunc locum Psalmi, respondent, hic nomine scabelli intelligi templum, & præcipi, non ut adoretur templum, sed ut adoretur Deus in templo, & probant dupliciter. Primum ex verbo Hebræo *עָבַד* ad scabellum. Secundò ex illo, quoniam sanctus est, nam Hebræum *קֹדֶשׁ* est ambiguum, sed Græcus exposuit vertens *ἅγιος*, non *ἄγιος*.

C Respondeo, nomine scabelli necessariò intelligi arcam, ut supra ostendimus; & proinde ruit expositio hæreticorum; non enim arca est locus, in quem possent Judæi intrare ad adorandum Deum. Deinde etiam si scabellum esset templum, adhuc argumentum nostrum vigeret, quia non ait David, *adorate in scabello*, sed *adorate scabellum*, & probatur. Primum, quia vertit Chald. *Incurvate vos templum*. Item LXX. & Hieronymus: *Adorate scabellum*, verterunt.

Secundò, quia in Scriptura ferè ubicumque habemus, adorari aliquem, constructio fit cum *ו*, ut Genes. 23. *Adoravit Abraham populum terræ*, idest, filios Cheth. *וְהָיָה אֲבְרָהָם עֹבֵד אֶת הָעַם הַהוּא*.

Tertiò, quia etiam si verteretur ad templum, adhuc idem significaretur; nam verbum Hebræum significat: *Incurvate vos ad illam rem*.

D Quartò, quia Hieronymus in epist. ad Marcellam, ut migret in Bethlehem, testatur, ipsam arcam coli solitam: *Venerabantur, inquit, quondam Judæi sancta Sanctorum, quia ibi erant Cherubim & propitiatorium, & arca Testamenti &c.* & hoc idem ex aliis Scripturis patet, Josue 3. 1. Reg. 6. 2. Reg. 6. Hebr. 9. nam Josue 3. jubentur in itinere numquam accedere prope arcam ad spatium duorum millium cubitorum 1. Regum 6. Bethsamitæ quia arcam viderunt sine debita reverentia, occisi sunt à Deo ad 5000. hominum 2. Reg. 6. Oza similiter interfectus à Domino est, cum arcam tetigisset, quod ei non licebat, sed solis Sacerdotibus. Denique propter honorem arcæ nemo poterat ingredi sancta Sanctorum, ubi illa erat, nisi summus Pontifex semel in anno, ut Paulus docet, Hebr. 9. At certè arca creatura erat, & iste honor illi exhibitus non ex urbanitate, sed ex religione aliqua procedebat.

E Ad illud: *Quoniam sanctum est*, fateor non malè verti: *Quoniam sanctus est*, ut LXX. & Hieronymus verterunt. Sed hoc nihil ad rem. Nam sive dicatur scabellum adorandum, quia sanctum est, sive quia est Dei sancti, semper assertur causa religiosæ adorationis.

Secundò, probatur ex adoratione exhibita Angelis ab hominibus piis & prudentibus. Nam Gen. 18. Abraham pronus in terram adoravit Angelum. Et similiter fecit Loth, Gen. 19. Sed quia posset responderi, tam Abrahamum, quam Loth non cognovisse Angelos, sed homines putasse initio, cum eos

adoraverunt, & civiliter tantum adorasse, proferamus loca clariora. Num. 22. *Aperuit Dominus oculos Balaam, & vidit Angelum stantem in via evaginato gladio, adoravitque eum pronus in terram.* Hic certe non prius adoravit, quam Angelum agnovit. Angelis autem ridiculum est dicere, deberi civilem honorem. Item Josue 5. cum vidisset Josue virum stantem evaginato gladio, dixit: *Noster es, an adversarium?* Ille, *Nequaquam*, inquit, *sed Princeps sum exercitus Domini.* Continuo cecidit Josue pronus in terram, & adoravit. Hinc aperte videmus adorationem illam mediam, quam quærimus; nam quod Josue non putaverit illum, quem adorabat, esse Deum, patet, quia Angelus dixerat, se esse Dei ministrum. Quod etiam non adoraverit civiliter, sed religiosè, patet, quia non prius adoravit, quam intellexit esse Angelum Dei legatum. Quod denique non malè fecerit adorando, patet, quia Angelus non solum non prohibuit eum ab adoratione, sed etiam iussit adhuc majorem honorem sibi exhiberi, dicens: *Solve calcamenta pedum tuorum, locus enim in quo stas, sanctus est.* Non erat autem sanctus locus ille, nisi ob Angeli præsentiam; non enim erat tunc Josue in loco sacro, sed in campestribus Hiericho.

Tertiò, probatur ex adoratione Sanctorum in Scripturis, 1. Reg. 28. Saul adorat animam Samuelis sibi apparentem. Certum autem est, non convenire civilem honorem animabus defunctorum. Neque dici potest, in hoc errasse Saulem, quandoquidem nec ipse Samuel, nec Scriptura Saulem reprehendit. Item 3. Reg. 18. Abdias vir sanctus adorat Heliam pronus in terram: neque possumus dicere hunc civilem cultum fuisse. Nam quantum ad humanam excellentiam, major erat Abdias, quam Helias; iste enim privatus homo erat, ille autem unus ex Principibus regni. Adoravit ergo eum ut Prophetam, ac Dei hominem singulari sanctitate excellentem. Item 4. Reg. 2. filii Prophetarum cum audissent spiritum Helix requievisse super Heliseum, accedentes adoraverunt eum proni in terram.

Denique Dan. 2. Nabuchodonosor adorat Danielem. Quis autem diceret, aut crederet à Rege summo adoratum civiliter unum ex captivis, qualis erat Daniel? Adoravit ergo eum religiosè, ut hominem Deo plenum, neque per errorem adoravit, Deum illum existimans; nam adorans ait: *Verè Deus vester Deus Deorum est, & Dominus Regum, & revelans mysteria, quoniam tu potuisti aperire hoc Sacramentum.* Quod etiam fecisse Alexandrum Regem Pontifici Jaddo, scribit Josephus lib. 11. cap. 8. antiquitatum.

Neque obstat, quod Nabuchodonosor Danieli iussit offerri sacrificium, nam non loquitur Scriptura de sacrificio, quod soli debetur Deo. Sacrificium enim Deo proprium est immolatio animalium, quod vocat Hebraicè *זבח* de quo dicitur Exod. 22. *Immola Deus, eradicabitur, præterquam Domino soli.* Ibi enim est Hebraicè *זבח*. Nabuchodonosor autem obtulit Danieli non *זבח*, sed *מנחה* & *קדש*, hoc est, munera; & odores, quorum utrumque tam Deo, quam homini offerri solet. Nam 1. Reg. 10. ubi legimus quosdam ex Israelitis non voluisse agnoscere Saulem Regem, nec ei munera attulisse, pro munere est *מנחה*. Porro suaves odores nos etiam in ipsa Ecclesia offerimus imaginibus & reliquiis, cum tamen asseramus, sacrificium non deberi nisi soli Deo. Immo Dionysius cap. 3. part. 2. Eccles. Hierarch. dicit, Pontificem in sacris mysteriis, ubi adoleri coepit incensum, primum suffire aram, deinde totius Ecclesie ambitum, quod etiam nunc fieri videmus. Si hoc non placeat, dicamus cum Hieronymo & Theodoro, Nabuchodonosor sacrificium obtulisse Danieli, idest, Deo Danielis.

A Argumentum quartum sumitur ex confessione Patrum, qui à temporibus Apostolorum, usque ad nostra tempora floruerunt. Justinus in 2. Apolog. pag. 2. loquens nomine omnium Christianorum, & fidem totius Ecclesie explicans: *Sed, inquit, & illum (Deum Patrem) & ejus Filium qui venit, nosque hæc docuit, & aliorum sequentium, simulque honorum Angelorum exercitus, & spiritum propheticum colimus, atque adoramus, verboque & re seu veritate veneramur, idque omnibus qui discere volunt, ut docti insistentique sumus, copiose tradimus.*

Origenes hom. 3. in diversos: *Horum, inquit, memoria semper, ut dignum est, in Ecclesia celebratur.*

B Eusebius lib. 13. præpar. Evang. cap. 7. *Nos, inquit, quotidie id facitamus, nam vera pietatis milites, ut Dei amicissimos honoramus.* Idem Eusebius lib. 4. hist. cap. 15. refert ex epistola Ecclesie Smyrneniæ de martyrio S. Polycarpi, quod cum Gentiles metuerent, ne Christiani, relicto Christo, Polycarpum adorarent, veteres illi Christiani dicebant, se non posse ullo modo Martyres pro Christo colere, sed tamen eos diligere & venerari, quod fidem integrè Magistro & Domino servaverint.

C Athanasius in lib. de virginitate, circa finem: *Si homo iustus ades tuas, inquit, intraverit, cum timore & tremore occurrens illi, adorabis hominē ad pedes illius.* At ut ostendat se loqui de religiosa adoratione: *Non enim, inquit, eum, sed Deum adorabis, qui illum mittit, Dominus enim ait, qui recipit iustum, me recipit.* Ubi nota, adorari Deum in iustis, non quod adoratio non terminetur ad hominem iustum, sed quia ratio, cur iustus adoretur, est Deus. Quemadmodum qui recipit iustum hospitio, eique elemosynam facit, Christum recipere, & Christo elemosynam facere dicitur, quia fit propter Christum, & Christus ita accipit, ac si fieret sibi.

Basilus oratione in sanctum Mamantem: *Ecclesia, inquit, per hoc, quod eos honorat, qui præcesserunt, presentes impellit.* Et orat. in quadraginta Martyres: *Honor, inquit, quem bonis conservis exhibemus, benevolentia erga communem dominum significationem de se præbet.*

D Gregorius Nazianzenus oratione in Machabæos, initio conqueritur, quod sanctos Machabæos non omnes ubique colant, sicut martyrium ipsorum meretur. Et orat. 1. in Julianum, non procul ab initio, loquens de quodam honore, impenso à Juliano Apostata cuidam Martyri, quem Martyr ille mirabili signo recusavit: *O insignem, inquit, Martyrum inter se Charitatem, honorem illius, qui multos Martyres contemptui habiturus erat, recusant.* Et paulò antè dixerat, honorem Martyrum esse perspicuam notam amoris in Christum.

E Gregorius Nyssenus oratione in Theodorum Martyrem, ubi multa dixit de cultu, qui sanctis Martyribus ab Ecclesia exhibetur, ait: *Cui Regum talis honor habetur? Quis ex iis, qui supra modum inter homines excellere vixi sunt, tali memoria celebratur? Quis Imperatorum adeo decantatus, & fama celebratus est, ut hic miles pauper, modò conscriptus Tyro, quem Paulus armavit, quem Angeli unxerunt, quem Christus coronavit?*

Epiphanius hæres. 79. ubi refellit eorum errorem, qui Mariæ tamquam Deæ sacrificium offerebant, metuens, ne illa occasione nullus honor B. Mariæ deferretur, ut nunc hæretici faciunt, sæpissimè repetit illa verba: *Sit in honore Maria, Dominus adoretur.*

Joannes Chrysostomus homil. de sanctis Juventino & Maximo: *Non aliter præfatos, inquit, aliter recentiores solitis Sanctos, sed eadem alacritate omnes.* Et infra: *Ed. Martyres, inquit, quos hodie volumus, aderant.*

aderant. Et infra : Idcirco sepe eos invisamus ; tumu-
los adoremus &c.

Cyrillus Alexandrinus lib. 6. in Iulianum , ultra
medium : Nos, inquit, non Deos factos esse dicimus
sanctos Martyres, sed omni honore dignari consuevimus.

Theodoretus lib. 8. ad Græcos : Sicut, inquit,
mortuos Dominus Deus noster in templo pro Diis ve-
stris induxit, ac illos quidem cassos gloria ; vanosque
reddidit, suis autem Martyribus honorem illorum de-
dit &c. Ubi notandum est, honorem Deorum tradi-
tum Martyribus, quia ubi colebantur Diis, nunc co-
lantur Martyres, non autem quod eodem modo co-
lantur. Subdit enim Theodoretus : Atqui nos, à Græ-
cis homines, nec hostias Martyribus, nec libamina ulla
deferimus, sed ut sanctos homines, Deique amicissimos
honoramus.

Denique Joannes Damascenus de fide Orthodoxa,
lib. 4. cap. 16. *Honorare*, inquit, *debet Sanctos, ut*
amicos Christi, ut filios & heredes Dei, &c.

Ex Latinis Tertullianus de corona militis, memi-
nit celebrationis festorum in natalis Martyrum.

Cyprianus lib. 4. epist. 5. *Martyrum*, inquit, *passio-*
nes, & dies anniversaria commemoratione celebramus.

Ambrosius serm. 6. in fine : *Quisquis honorat Mar-*
tyres, honorat & Christum, & qui spernit sanctos, spe-
rnat & Dominum.

Maximus serm. de natali sanctorum Octavi, Ad-
ventoris & Solentoris Martyrum : *Sancti*, inquit,
Martyres devotissime percolendi sunt ; sed specialiter in
venerandi, quorum reliquias possidemus.

Prudentius de S. Hyppolito :

Hic corruptelis, annique, & corporis ager
Orati quoties stratus, opem merni.

Nota illud : *Orati stratus*

Paulinus natali primo S. Felicis :

Roma Petro Pauloque potens rarefcere gaudet
Hujus honore Dei &c.

Et natali octava :

Cujus honore Deus gaudet, quia Martyr honorem
Contempsit proprium.

Hieronymus in epist. ad Riparium : *Honoramus*,
inquit, *servos, ut honor servorum redundet ad Domi-*
num. Et in vita Paulæ : Vale, à Paula, & cultorem
tuus orationibus juva. Et ibidem dicie, Paulam cum
inviseret sanctos Eremitas, singulis ad pedes provol-
utam, ita eos venerari solitam, ut si in singulis
Christum adoraret. Ubi certè non agitur de cultu ci-
vili, non enim femina nobilissima rusticanos civili-
ter honorasset tanta subjectionis significatione.

Augustinus serm. 1. de Sanctis Petro & Paulo :
Beatissimum Petrum piscatorem modo genibus provolutis
adorat Gentium multitudine. Et epist. 44. Ostendatur mi-
hi Roma in tanto honore templum Mantuli, in quanto
ibi ostendo memoriam Petri. In Petro quis honoratur,
nisi ille defunctus pro nobis? Idem lib. 20. contra Fau-
stum, cap. 21. obicienti Fausto, quod Christiani
idola vertissent in Martyres, respondit à Christianis
coli Martyres, sed non latría. Et in Psal. 96. obi-
cientibus. Ethnicis, quod Christiani colerent Ange-
los, respondit similiter, & addit : Utinam & vos illos
colere velletis ; facite enim ab ipsis disceretis, non illos
colere, idest, non colere ut Deos, sed ut Sanctos.

Gregorius lib. 3. Dialog. cap. 24. dicit, B. Petrum
apparuisse cuidam Theodoro lampades instruente in
Ecclesia ipsi B. Petro dicata, ut ostenderet probare
venerationem, quam servientes sibi exhibent.

Bernardus serm. in illud, *Signum magnum &c.*
Amplectamur Mariæ vestigia, & devotissima suppli-
catione beatis illius pedibus provolutumur. Et serm.
sequenti, qui est de aqueductu : Tatis, inquit,
medullis cordium, tatis precordiorum affectibus, &
totis omnibus Mariam veneramus, quia sic est vo-

luntas ejus ; quæ totum nos habere voluit per Ma-
riam.

Argumentum quintum sumi potest ex invocatio-
ne, templis, festis, votis, peregrinationibus imagi-
nibus & aliis, de quibus postea : cum hæc omnia ad
cultum Sanctorum non dubium sit pertinere.

Argumentum sextum ex eo, quod semper Ethni-
ci, Judæi, Hæretici accusaverunt Christianos idolo-
latræ, propter cultum Sanctorum ; quod certè non
fecissent, nisi vidissent à Christianis Sanctos passim
religiosè coli. De Ethnicis testatur Eusebius, lib. 8.
cap. 6. hist. de Judæis. Idem Euseb. lib. 4. cap. 15. De
Juliano apostata Cyrillus lib. 6. & 10. in Julian. De
Manichæis Augustin. lib. 20. cap. 21. contra Faustum ;
de Porphyrio, Vigilantio, & Eunomio Hieronymus
lib. contra Vigilantium.

Argumentum septimum ex ratione ; nam si honor
civilis debetur civili virtuti, sapientiæ, potentæ, &
nobilitati : Ergo honor plusquam civilis debetur su-
pernaturali virtuti, sapientiæ, potentæ, nobilitati :
sed Sancti quoad virtutes supernaturales, excellunt
omnino, cum ferveant divina charitate ; & peccare
non possint : nihil enim inquinatum intrare potest
in regnum celorum, Apocal. 21. Quoad sapientiam ;
vident ipsam sapientiam increatam, & in ea cognos-
cunt rerum omnium causas, juxta illud ; Matth. 5 :
Beati mundo corde, quoniam ipsi Deum videbunt. Quoad
potestatem, sunt Reges celorum, & participes ipsius
throni divini, ut dicitur in Apoc. cap. 3. *Qui vicerit,*
dabo ei sedere mecum in throno meo. Et Luc. 22. Ego
dispono vobis, sicut disposui mihi Pater meus regnum.
Quoad nobilitatem, sunt filii Dei, reipsa jam ado-
ptione confirmata per gloriam. Igitur meritò, jure-
que optima religioso cultu prosequendi sunt.

Denique, Deus Sanctis honorem & gloriam pro-
misit, 1. Reg. 2. *Qui honorificaverit me, glorificabo*
eum. Joan. 12. Si quis mihi ministraverit ; honorificabit
eum Pater meus : Et Rom. 2. Gloria & honor omni ope-
ranti homini : ergo debetur eis honor ; & certè non
ab aliis, quàm à nobis, qui illis inferiores sumus.
Non convenit autem mortuis honor civilis, ergo re-
ligiosus illis debetur.

CAPUT XIV.

Solvuntur argumenta initio proposita.

Nunc adversariorum argumenta breviter dissol-
vamus. Ad primum. Si Calvinus per cultum
religionis intelligit cultum latræ, fateamur Sanctos
non debere coli cultu religionis. Sed negamus, præ-
ter cultum latræ nullum esse alium cultum, nisi ci-
vilem, jam enim ostendimus quendam tertium cul-
tum, qui etiam dicitur religionis, licet secundariò.

Ad secundum, admitto dulci cultum deberi San-
ctis, & nego id esse absurdum. Ad primam proba-
tionem respondeo, colere sine latría non esse colere
sine cultu, sed colere sine tali cultu. Nam etiam
B. Augustinus, qui tamen non erat ineptus, lib. 20.
contra Faustum, cap. 21. dicit, Sanctos coli, & non
latría.

Ad secundam probationem dico, dulci non esse
plus quam latriam. Nam secundum profanos aucto-
res idem significant : secundum autem Scripturam &
Ecclesiæ nunc longè major est latría, quàm dulci :
latría enim non est quilibet cultus, sed cultus sum-
mæ servitutis : dulci est cultus cujuslibet servitutis.

Dices ; At non sumus servi Sanctorum, sed con-
servi, ergo dubia Sanctis non convenit. Aliqui res-
pondent, cultum Sanctorum non vocari dulci, sed
idest, servitutem, quia exhibetur eis à servis, sed

quia

quia exhibetur ipsis, qui servi Dei sunt. Sed isti timuerunt, ubi non erat timor.

Dicendum igitur, duliam significare quamlibet servitutem, tam perfectam, quam imperfectam. Est autem perfecta servitus eorum, qui id, quod sunt, alterius sunt; & operantur moti ab alio, tam efficienter, quam finaliter, idest, operantur propter Dominum, & ab ipso Domino moti tamquam instrumenta ad operandum, ut Aristot. docet, lib. 1. Polit. cap. 3. Imperfecta servitus est eorum, qui aliquid horum habent, non tamen omnia, idest, qui moventur ab alio aliquo modo. Unde infans dicitur nihil differre à servo, licet sit dominus, Galat. 4. quia movetur ab alio effectivè: & contrà, is qui regit, dicitur servus eorum quos regit, 2. Cor. 4. *Nos autem servos vestros per Jesum*; quia movetur ab alio finaliter. Nos ergo etiam si non sumus servi Sanctorum perfectè, sumus tamen imperfectè, quatenus illi nos movent & juvant ad bene operandum exemplo suo, & intercessione apud Deum. Hinc B. Paulinus natal. 1. 2. & 3. S. Felicis, passim vocat se famulum & servum S. Felicis; & B. Gregorius lib. 2. Dialog. c. 24. non timuit dicere B. Petro, grata esse servientium sibi obsequia.

Ad confirmationem ex Valla & Beza, fateor secundum usum profanorum scriptorum idem esse duliam & latrariam, tamen secundum usum Scripturæ, latraria ferè numquam accipitur pro cultu, qui exhibetur creaturæ: secundum usum autem Ecclesiæ, numquam omnino. Et sicut licuit antiquæ Ecclesiæ contra veteres hæreticos nova vocabula invenire, ut *ἐμμανής* &c. cur non licuit etiam Ecclesiæ posteriori contra hæreticos posteriores nova aliqua vocabula invenire, aut certè iisdem in alia significatione uti?

Ad illud Augustini de dulia & latraria respectu Dei, Respondeo: eum locum esse pro nobis; nam ex eo, quod Augustinus ait, latrariam dari Deo, ut Deus est, duliam eidem, ut Dominus est: colligitur latrariam non posse communicari creaturæ, quia unus tantum est Deus: at duliam posse communicari, quia multi sunt verè & propriè Domini. Quamquam interim fatemur, duliam, qua colitur Deus, esse duliam per excellentiam, & specie distingui ab ea, qua coluntur Sancti.

Ad tertium argumentum, ad primum locum, Deuteron. 6. dico, eum locum debere sic intelligi: *Dominum Deum tuum adorabis, & illi soli servies*; ea servitute, quæ Deo soli convenit. Nam in Græco est *λατρεύεις*. Unde Augustin. quæst. 61. in Genes. annotavit; idèò non esse dictum, solum Deum adorabis, & illi soli servies; sed: *Deum adorabis, & illi soli servies*, quia adoratio convenit etiam creaturis, non autem servitus latrariæ, quæ hic nominatur. Sed præterea quamvis esset scriptum, illi soli *δουλεύεις*, eodem modo exponi deberet; nimirum, illi soli servies certo quodam genere servitutis, non autem absolute, illi soli servies. Siquidem in textu Hebraico est *עָבַד*; & tamen invenimus, non obstante hoc præcepto, dictum Jacobo ab Isaac, Genes. 27. *Serviant tibi populi, & adorent te filii matris tuæ*; ubi sunt illa verba *עָבַד*, & *הִשְׁתַּחֲוָה*. Præterea sicut hic legimus: *illi soli servies*, ita legimus 1. Timoth. 6. *Qui solus habet immortalitatem*; & tamen scimus, Angelos, & animas esse etiam immortales suo quodam modo.

Ad illud 1. Timoth. 1. *Soli Deo honor & gloria*; respondeo, similiter intelligendum de certo honore & gloria; Nam Rom. 2. lego: *Gloria & honor omni operanti bonum*. Denique arctius dictum est Isai. 44. *Ego primus, & ego novissimus, & absque me non est Deus*; & tamen legimus in Psal. 81. *Ego dixi, Dii estis*; nec

tamen illud primum est falsum, sed sano modo intelligendum est.

Ad illud Matth. 4. dico, Diabolum postulasse à Christo *προσκύνησον*, in signum latrariæ, & proinde postulasse latrariam; ac propterea à Domino illi fuisse responsum: *Dominum Deum tuum adorabis, & illi soli servies*.

Ad illud Galat. 4. *Is qui natura non sunt Dii, idu- λείωται*, respondeo, verbum *δουλεύω*, esse commune servituti Dei & creaturarum, & proinde exponi debere pro loci exigentia. Hic autem sumitur pro cultu solius Dei; id enim circumstantiæ loci necessariiò postulant.

Ad quartum argumentum; ad primum exemplum dico, Aman voluisse adorari ut Deum; id enim ex verbis Mardochæi colligitur.

Ad secundum de Cornelio dico, cum S. Hieronymo lib. contra Vigilantium, Cornelium aliquid divinum in Petro inesse putavisse, & idèò jure correctum: vel cum Chrysostomo in hunc locum Acto- rum, Cornelium piè Petrum veneratum, sed Petrum ex modestia eum honorem, qui aliqui sibi debebatur, recusasse.

Ad tertium, quid mirum, si Paulus noluit sibi sacrificari? Id enim suprà diximus, esse actum externum, soli Deo debitum.

Ad quartum dico, esse pro nobis; nam vel Joannes putavit eum, qui sibi apparuerat, esse Deum, aut Angelum: si Deum meritò reprehensus est: si Angelum, & tamen adoravit, cur nos reprehendimur, qui facimus quod Joannes fecit? num melius Joanne norunt Calvinistæ, sintne Angeli adorandi?

At cur, inquirunt, reprehensus est? Primò, quia fortè Angelus sic apparuit, ut potuerit existimari Christus. Dixerat enim cap. 1. *Ego sum primus, & novissimus, & fui mortuus, & ecce sum vivens &c.* Itaque poterat existimari Christus, cujus personam gerebat, nisi ipse explicuisset, se non esse Christum, & idèò corrigendus fuit adorator non propter errorem adorationis, sed propter errorem personæ. Ita respondet Augustin. quæst. 61. in Genes.

Secundò dico, Joannem rectè voluisse Angelo cultum debitum exhibere; sicut meminerat fecisse Abraham, & Loth, atque alios majores suos: tamen Angelum prohibuisse ob reverentiam humanitatis Christi. Nam ante Christi adventum Angeli se ab hominibus adorari patiebantur: at posteaquam Deus homo factus est, & omnes Angeli hominem in Christo adorare coeperunt, noluerunt ipsi ab hominibus adorari, & præcipuè ab Apostolis, aliisque summis viris. Ita Beda, Anselm. Richard. & Rupertus in cap. 19. Apocal. & scholia Græca in cap. 22. & ante hos auctores S. Gregor. lib. 27. moral. cap. 11. & homil. 8. in Evangel. Nec tamen sequitur, nos malè facere, si Angelos adoremus; nam & nos rectè illos adoramus, & ipsi rectè adorari recusant. Itaque Joannes ipse cum cap. 19. semel audivisset: *Vide ne feceris &c.* tamen cap. 22. iterum voluit eundem Angelum adorare; intelligebat enim, & se rectè facere adorando, & Angelum rectè facere recusando, nec enim suspicari licet Joannem aut obliviosum, aut indocilem fuisse.

Ad ultimum ex Patribus, dico, eos loqui contra errores Gentilium, qui ex hominibus sceleratis veros Deos faciebant, eisque sacrificia offerebant. Nam quòd aliqui sancti Angeli & homines debito cultu prosequendi sint, sexcentis in locis idem Patres affirmant, quorum locorum jam aliqua suprà retulimus.

CAPUT XV.

*Proponitur controversia de invocatione
Sanctorum,*

Demonstravimus Sanctos esse colendos: sed quia peculiaris difficultas est de cultu invocationis, ideo nunc recto ordine sequitur, ut tractemus de invocatione Sanctorum.

Duo sunt de hac questione errores extremi, veritas est in medio, ut serè semper esse solet. Primus error est, posse ac debere S. Mariam, quæ præcipua Sanctorum est, invocari, non secus ac Deus invocatur, ita olim quidam, quos Epiphanius refert & refellit, hæresi 78. in fine, & hæresi 79. per totum. Alter est error, nullum Sanctorum post mortem debere invocari ullo modo, quia vel non possunt orare mortui pro viventibus; vel si possunt, non nisi in genere orant, quia non possunt cognoscere nostras preces, quas ad illos fundimus. Hic error multorum est.

Primus omnium videtur fuisse Vigilantius, qui in hunc lapidem offendit. Nam quod Alphonsus de Castro in libro de hæresibus, verbo, Sancti, tribuit hunc errorem Eustathio, qui ante Vigilantium vixit, non facile probari potest. Siquidem Eustathius Basilicas Martyrum contemnebat, & forè reliquias etiam: at de invocatione nihil docuit. Vide Socratem lib. 2. cap. 33. & Concilium Gangrense. Igitur Vigilantius, ut est in lib. S. Hieronymi contra Vigilantium, docebat; post mortem nullus pro altero exaudiri orationem, & ideo Sanctos mortuos non orare pro viventibus, ex quo sequitur, frustra eos invocari.

Deinde invocationem Sanctorum apertius & fortius oppugnavit tempore B. Bernardi Henriciani, seu Petrobrusiani, & Apostolici, ut refert ipse S. Bernardus serm. 66. in Cantica, & auctor vitæ S. Bernardi lib. 3. cap. 5. Idem paulò post docuerunt Waldenses, ut auctor est B. Antoninus 4. par. tit. 11. c. 7. §. 2. Idem postea quidam nomine Cathari, ut auctor est Turcetermata, lib. 4. par. 3. cap. 35. summæ de Ecclesia. Idem postea Joan. Wiclef, ut scribit Thomas Waldensis tom. 3. tit. 12. c. 108. & seq. Nec non Taboritæ, qui de familia sunt Joannis Huss, ut scribit Aeneas Sylvius de origine Bohemorum. c. 35. Quamquam Wiclef non illicitum esse dicebat orare Sanctos, sed solum inutile & superfluum, dicebat enim videri stultitiam recurrere ad scurras alicujus Principis, quando ipse Princeps est paratissimus per se audire, vel sectari turbidos rivos, quando fons ipse patet: quibus verbis obiter Sanctos scurras & rivi turbidis conferebat, quod est hæreticorum proprium.

Denique, hæretici nostri temporis, ut Lutherus in libris ad Waldenses, Melanchthon in Apol. art. 21. Confess. Augustanæ; Brentius cap. 24. Confess. Wirtemb. & Calvinus lib. 1. cap. 14. §. 12. & lib. 3. Instit. cap. 20. §. 20. & seq. tria docent de orationibus Sanctorum. Primum, ex divinis literis non haberi, quod sancti mortui orant pro vivis, ac proinde hoc non esse certum. Secundo, si sancti orant, eos non orare nisi in genere pro tota Ecclesia electorum, non autem pro isto, aut illo in speciali. Terriò, inutile & illicitum esse invocare Sanctos, sive Angelos, sive homines, ac petere, ut pro nobis orent; inutile quidem, quia non habent tam longas aures (ita enim Calvinus loquitur) ut preces nostras audire possint: illicitum autem, quia hinc obscuratur gloria Christi, qui est unicus mediator & intercessor noster.

CAPUT XVI.

*Deteguntur aliquot fraudes & mendacia
hæreticorum,*

Habemus igitur quæ sit sententia adversariorum, sed antequam eam refellamus, utile erit cognoscere breviter, quibus calumniis & mendaciis Melanchthon, & Calvinus eam simplicibus persuadeant.

Philippus loco notato tria mendacia dicit: Primum, nos tribuere Sanctis divinitatem, idest, vim cognoscendi mentium cogitationes. Mendacium est apertum; nec enim ullus Catholicorum hoc dicit, vel dixit unquam; asserimus enim eos cognoscere nostras preces, non ut sunt in mentibus nostris, sed ut sunt in Deo, quem vident, & qui eas ipsis ostendit.

Secundò, ante tempora S. Gregorii non extare mentionem invocationis Sanctorum. Paulò liberalior fuit Martinus Kemnitius, qui in examine sess. 22. Concilii Tridentini dicit, invocationem Sanctorum coepisse post tempora Augustini; & in exam. sess. 25. dicit, auctorem invocationis B. Mariæ fuisse Petrum Gnapheum, qui vixit circa annum Domini 480, quæ imperitia vel malitia est intolerabilis in tantis Magistris in Israel, cum sint loca innumerabilia in Ambrosio, Augustino, Hieronymo, Basilio, Achanasio, Irenæo, & aliis quos postea citabimus, & quæ etiam citantur à Centuriatoribus, Centur. 4. cap. 4. & Centur. 5. cap. 4.

Tertiò, Papistas esse asinos, qui docent ex libro S. Hieronymi contra Vigilantium, Vigilantium negasse invocationem Sanctorum, cum in toto illo libro Hieronymi non sit una syllaba de invocatione Sanctorum, sed solum de honore reliquiarum: At hoc ipsum ostendit Philippum non quidem asinum, sed certè valde stupidum fuisse; nam etsi Vigilantius non dixit, Sanctos non esse invocandos, tamen dixit, eos non posse orare pro nobis: hinc autem si non colligeremus, eum negasse invocationem Sanctorum, tunc verè tardiores asini essemus. Quis enim invocaret eum, qui non potest ullum auxilium præbere? Sapientius igitur fecerunt Magdeburgenses, Centur. 4. cap. 8. qui videntes non posse negari, quin Vigilantius idem senserit quod ipsi, dicunt, eum non fuisse hæreticum, sed sanctum Presbyterum, & cum Hieronymo contendisse, ac vicisse.

Porro Calvinus multa etiam dicit mirabilia: Primum affirmat lib. 3. Instit. cap. 20. §. 21. in omnibus hymnis & litanis Papistarum, nullam unquam fieri Christi mentionem: & cum semper oremus Sanctos mortuos, nunquam nobis in precibus Christum occurrere. Quod certè tale mendacium est, ut periculum sit, ne Diabolus cognomen mendacis amittat; quid enim? nonne in litanis dicimus: Kyrie eleison, Christe eleison, Pater de Calis Deus etc. Nonne serè omnes hymni, quos in Breviario legimus, sunt vel Ambrosii, vel Gregorii, vel Prudentii, vel Seduli antiquissimorum auctorum? Et nonne omnes diriguntur ad Deum, & terminantur per Gloria tibi Domine, vel quid simile? Nonne omnes orationes Ecclesiæ, quæ leguntur in Missa, diriguntur etiam ad Deum, & terminantur Per Christum Dominum nostrum?

Secundò, Sanctos cum Christo regnantes passim in illo capite 20. libri 3. vocat mortuos, larvas, umbras, colluvies; quæ incredibilis blasphemiam est.

Tertiò dicit, lib. 3. cap. 20. §. 20. solum Christum introisse in sanctuarium coeli, & solum ipsum defer-

deferre ad Deum vota populi eminus in atrio existentis. Quibus verbis significat, non solum sanctos homines, sed etiam SS. Angelos non posse Deo nostras preces offerre, sed solum Christum; quod est contra apertissimam Scripturam, Tob. 12. Ego, inquit Raphael, obtuli orationem tuam Domino. Et Apocal. 8. Ascendit fumus incensorum de orationibus Sanctorum de manu Angelorum coram Deo. Et contra ipsum Calvinum, qui infra sui oblitus admittit Angelos offerre Deo nostras preces.

Quartò dicit, lib. 3. cap. 20. §. 23. nos invocare Sanctos planè ut Deos, & habere nos Deos plurimos non pro numero urbium, ut dicitur Hierem. 2. de Judæis, sed pro numero capitum multitudinis, quæ est calumnia manifesta, ut ex Litanis apparet. Quis enim Deo dicere auderet, S. Deus, ora pro nobis? Nec est nova calumnia; nam etiam antiqui hostes Ecclesiæ mentiebantur, homines mortuos pro Diis Catholicos habere, ut patet ex Cyrillo lib. 6. in Julian. ultra med. & lib. 10. ante med. & ex Eusebio lib. 4. histor. cap. 15. & lib. 8. cap. 6. & ex Augustino lib. 22. contra Faustum, cap. 4. & ex Hieronymo contra Vigilantium.

Quintò ibidem dicit, nos rogare virginem, ut filium jubeat facere quod petimus. At quis nostrum hoc dicit? cur non probat ullo exemplo? Præterea si Josue 10. dicitur: *Obediente Deo voci hominis*, cur non posset aliquo modo dici, filium Dei obedire matri aliquid petenti?

Sextò ibidem dicit, nos ante statuas Barbaræ, vel Catharinæ demurmurare Pater noster, & Pastores hunc usum suo plausu approbare. At fideles etiam simplicissimi si interrogentur, respondere solent, se orationem Dominicam dirigere ad Deum, id autem se facere coram imaginibus Sanctorum, sperantes per auxilium Sanctorum suam orationem ad Deum melius, & feliciter perventuram, sed etiam si aliqui tam stupidi essent, ut S. Barbaræ dicerent, Pater noster, num imperitia aliquorum traduci debet quasi esset dogma Ecclesiasticum? & qui sunt Pastores, qui hunc abusum probant?

Septimò dicit, in Concilio III. Carthaginensi vetitum fuisse, ne in publicis precibus diceretur: *Sancte Petre, ora pro nobis*, sed istud decretum, nisi in suo codice Calvinus addiderit, nusquam reperitur. Concilium enim solum definit, ut oratio sacrificantis dirigatur ad Patrem, non ad Filium, vel Spiritum sanctum, de Sanctis nulla mentio. Sed Calvinus per suam Dialecticam ex eo, quod oratio debet dirigi ad Patrem, deducit non posse invocari Sanctos, & inde ulterius deducit, Concilium statuisse, ut non dicatur, *S. Petre ora pro nobis*.

Octavò dicit, horrendum esse sacrilegium, Sanctos vocare præsules salutis, & nullo colore defendi, quod quidam Sanctis dicunt, è caelo nos respice, & adjuva. At priora sunt verba Ambrosii libro de viduis: posteriora Gregorii Nazianzeni oratione in Cyprianum, in Athanasium, in Basilium: istis autem duobus viris nihil habuit antiquitas sapientius.

C A P U T XVII

Quomodo Sancti invocandi non sint.

Nunc ut rei veritas manifesta fiat, ponemus & probabimus aliquot propositiones.

Prima propositio. *Non licet à Sanctis petere, ut nobis tanquam auctores divinorum beneficiorum, gloriam, vel gratiam, aliæque ad beatitudinem media concedant.* Hæc est contra primum errorem, & contra calum-

A niam Calvinistarum. Probatur Primò Scriptura, Psal. 83. *Gratiam & gloriam dabit Dominus.* Et Pl. 120. *Levavi oculos meos in montes, unde veniet auxilium mihi, auxilium meum à Domino, qui fecit celum & terram.* Montes sunt homines sancti, ut exponit Augustinus in hunc Psalmum, & fufius tract. 1. in Joannem, & libro de Pastoribus, cap. 8. jubemur ergo levare oculos ad montes, idest, ad Sanctos, & ab eis auxilium expectare, sed ut intelligamus ab eis auxilium expectandum esse, non ut ab auctoribus, sed ut ab impetratoribus; idè statim subditur: *Auxilium meum à Domino, qui fecit celum & terram.* Item Jacob. 1. *Omne datum optimum, & omne donum perfectum, defursum est, descendens à Patre luminum.*

B Secundo probatur ex usu Ecclesiæ; nam in orationibus, quæ leguntur in Missa, vel in officio in celebratibus Sanctorum, nihil unquam aliud petimus, quàm ut eorum precibus à Deo nobis beneficia concedantur.

Tertiò ratione; nam ea quibus indigemus, superant vires creaturæ, ac proinde etiam Sanctorum: ergo nihil debemus à Sanctis petere, nisi ut à Deo impetrent, quæ nobis utilia sunt.

Quartò ex Augustino lib. 8. civit. Dei, cap. ult. & lib. 23. cap. 10. & ex Theodoro lib. 8. ad Græcos, qui disertè docent, Sanctos non esse invocandos ut Deos, sed ut qui à Deo impetrare possunt quod volunt.

C Est tamen notandum, cum dicimus, non debere peti à Sanctis, nisi ut orent pro nobis, nos non agere de verbis, sed de sensu verborum; nam quantum ad verba, licet dicere: *S. Petre miserere mei, salva me, aperi mihi aditum cœli*: item *da mihi saninitatem corporis, da patientiam, da mihi fortitudinem &c.* dummodo intelligamus, salva me, & miserere mei orando pro me, da mihi hoc, & illud tuis precibus & meritis. Sic enim loquitur Gregorius Nazianzenus orat. in Cyprianum & in Basilium, & alii multi veterum: necnon Ecclesia universa, cum in hymno ad Virginem dicit:

D *MARIA mater gratia,
Mater misericordia,
Tu nos ab hoste protege,
Et hora mortis suscipe.*
Et in hymno Apostolorum:
*Quorum precepto subditur
Salus & languor omnium,
Sanate agros moribus,
Nos reddentes virtutibus.*

Et sicut Apostolus de se dicit, Roman. 11. *Ut salvos facerem aliquos ex illis.* Et 1. Cor. 9. *Ut omnes facerem salvos*, non ut Deus, sed juvando concionibus, precibus &c.

E Secunda propositio. *Sancti non sunt immediati intercessores nostri apud Deum, sed quidquid à Deo nobis impetrant, per Christum impetrant.* Nota, tres personas posse considerari, quando nos Deum oramus; unam ipsius Dei, à quo petimus beneficia; alteram Christi, per cujus meritum ea cupimus nobis dari; tertiam ejus, qui petit beneficia per Christum. Ex his tribus personis non potest prima Sanctis tribui, ut jam probavimus; nec secunda, ut nunc ostendemus; sed solum tertia.

Itaque Sanctos invocamus ad hoc solum, ut faciant id, quod nos facimus, quia melius & efficacius ipsi facere possunt quàm nos, melius illi & nos simul, quàm nos soli. Probatur jam conclusio; Solus Christus est, qui mundum reconciliavit Deo, & qui meruit nobis gloriam & gratiam, & omnia necessaria ad salutem, ut patet Coloss. 1. *Quia in ipso*

complacuit, omnem plenitudinem inhabitare, & per eum reconciliare omnia, pacificans per sanguinem crucis eius, quæ in terris, & quæ in cælis sunt. Et 1. Joan. 2. Ipse est propitiatio pro peccatis nostris, non pro nostris autem tantum, sed etiam pro totius mundi.

Atque hinc Christus dicitur ostium Joan. 10. & via Joan. 14. quia, ut ipse ait, nemo venit ad Patrem, nisi per ipsum. Hinc etiam dicit Joan. 16. Petite in nomine meo. Hinc dicitur mediator Dei, & hominum 1. Timoth. 2. & 1. Joan. 2. dicitur advocatus apud Patrem; ergo nihil à Sanctis petere possumus, nisi ut intercedant apud Deum quò nobis Christi meritum applicetur, & per Christum gratiam & gloriam consequamur.

Secundo probatur ex verbis Sanctorum. Ambrosius lib. de Isaac, cap. 8. Ipse Christus, inquit, est os nostrum, per quod Patri loquimur; oculus noster, per quem Patrem videmus; dextera nostra, per quam nos Patri offerimus. Augustinus Psalm. 108. exponens illud: oratio ejus fiat in peccatum: Oratio, inquit, quæ non fit per Christum, non solum non potest delere peccatum, sed etiam ipsa fit peccatum. Bernardus sermone de B. Virgine, qui incipit, Signum magnum: Opus est, inquit, mediatore ad mediatorem ipsum, nec alter nobis utilior, quam Maria. Quibus verbis docet Christum esse intercessorem immediatum, qui per se impetrat, Sanctos esse mediatos, qui non nisi per mediatorem Christum impetrant.

Tertio probatur ex orationibus Ecclesiæ. Omnes enim, quæ de Sanctis sunt, illam formam habent: Concede nobis Deus intercessione hujus Sancti tale beneficium, per Christum Dominum nostrum.

CAPUT XVIII

Sanctos pro nobis orare.

Habemus igitur, quomodo Sancti invocandi non sint. Nunc, ut intelligamus quomodo invocandi sint, accedat Tertia propositio: Sancti orant pro nobis saltem in genere, secundum Scripturas. Probatur ex his Scripturis, quæ agunt solum de sanctis hominibus. Primus est Hier. 15. Dixit Dominus ad me, si steterint Moyses, & Samuel coram me, non est anima mea ad populum istum. Ergo Moyses & Samuel jam mortui poterant, & solebant orare pro populo Judæorum; ergo falsum est in Scripturis non haberi, quòd Sancti mortui orent pro vivis.

Respondet Calvinus duobus modis. Primo, ex hoc loco colligi potius contrarium; cum enim dicitur, si steterint, nimirum ad orandum, significatur eos nec stesisse, nec orasse, & si isti præcipui Prophetæ non orabant, quædò minus alii?

At contra, quia etiam fortè significetur, eos tunc non orasse, quia intelligebant rem esse jam desperatam, tamen significatur eos alias orare contuevisse, quando se impetrare posse putabant, alioqui inepta esset hæc Dei locutio. Nam si quis diceret, si jumentum meum oraverit pro te, nihil impetrabit: ineptè loqueretur. Quare? Quia jumenta non possunt orare, & similiter si quis diceret, si veneris huc Cicero, vel Demosthenes, non persuadebunt mihi, ineptè loqueretur, quia mortui huc venire non solent. Ita ergo & Deus (quod absit) ineptè loqueretur, cum dicit: Si steterint coram me Moyses & Samuel. Si illi non possent, vel non solerent Deum interpellare. Aliud esset, si Scriptura diceret, si starent, idest, si per impossibile nunc viverent, & orarent. At nunc ait: Si steterint, & Græcè ἐὰν ᾤσθῃ, non ἵα ἰσῆ, & Hebræicè וְיָסְתִּים si staret Moyses.

A Secundo responderet, sensum huius loci hunc esse, si nunc steterint coram me duo aliqui insignes viri, quales olim erant Moyses, & Samuel, tamen nihil obtinebunt. At contra opponimus gravissimos auctores, Chrysostomum homil. 1. in epist. 1. ad Thesalon. & Hieronymum in hunc locum, & Gregorium lib. 9. moral. cap. 12. qui docent Deum loqui de ipso vero Moyses, & Samuele.

B Secundus locus est 2. Machab. ult. ubi Judas in visione quadam vidit Oniam Pontificem, & Hieremiam Prophetam, qui jam obierant, orantes pro populo Judæorum; ad quem locum, nihil habet, quòd respondeat Calvinus, nisi hunc librum non esse Canonicum. At nos probamus esse Canonicum argumento, quòd Calvinus non potest relinere, si vult sibi constare; ipse enim contra invocationem Sanctorum affert tanquam argumentum potissimum testimonium Concilii III. Carthaginensis; ut videbimus in solutione argumentorum: in illo autem eodem Concilio cap. 47. sic dicitur: Item placuit, ut præter Scripturas canonicas nihil legatur in Ecclesia sub nomine divinarum Scripturarum. Sunt autem canonice Scripturæ, Genesim, Exodus &c. Et infra: Esdra libri duo, Machabæorum libri duo &c. Vel igitur Calvinus recipiat libros Machabæorum, ut canonicos & divinos, vel non deterreat nos huius Concilii auctoritate à Sanctorum invocatione; nec enim dicendum est, eos Patres in uno sapere, & in altero delirare.

C Tertius locus est Apoc. 5. ubi describuntur 24. seniores in cælo proculsi coram throno Dei, habentes phialas aureas plenas odoramentorum, quæ sunt orationes Sanctorum. Quem locum exponentes Primasius, Richardus, scholia Græca apud Oecumenium, & Gagneus, dicunt orationes illas esse intercessionem pro infirmorum stabilitate.

Quartus locus est 2. Petri 1. Dabo autem operam, & frequenter habere vos, nimirum commendatos, si ve in animo, post obitum meum, ut horum memoriam faciatis. Ut enim exponunt scholia Græca apud Oecumenium, aliqui veteres non ineptè hinc colligebant, Sancti post obitum gerere curam viventium. Et quamvis hoc non sit evidens argumentum, tamen est probabile.

D Quintus locus est Luc. 16. ubi dives Epulo orat pro fratribus suis: ergo multò magis orant iusti pro tota Ecclesia.

E Sextus est Apocalyp. 6. animæ sanctorum Martyrum magno clamore petunt vindictam de interfectoribus suis: ergo multò magis misericordiam petunt fratribus suis. Respondet Brennus: istas orationes intelligi figuratè; dicuntur enim Sancti mortui clamare ad Dominum, quia preces, quas viventes effuderunt, adhuc resonant in auribus Dei. At contra: nam dives Epulo dum viveret, non oravit pro fratribus suis. Sancti etiam Martyres dum hic viverent, non petebant à Deo vindictam de persecutoribus, sed potius ut eis ignoscereetur: ergo oratio, qua petunt vindictam, nova est; nam dum viverent, quia peccare poterant, & periculum erat ne si ultionem peterent, id facerent ex cupiditate, non petebant: nunc autem eam petunt intuitu, & amore iustitiæ, ut rectè exponit Beda.

Accedat ultimum, quòd Scripturæ apertè docent communionem Ecclesiæ triumphantis cum militante; nam Hebr. 12. Apostolus dicit, nos accessisse ad Ecclesiam primitivorum, qui sunt in cælis, idest, ci-ves illorum esse, Ephes. 2. & Galat. 4. dicit, matrem nostram esse Hierusalèm, quæ est in cælis. Et Coloss. 1. & Ephes. 4. dicit, Christum esse caput super omnem Ecclesiam, & certe non excluditur Ecclesia cælestis: at communio ista exigit necessariò, ut membra pro invicem sollicita sint, & invicem se juvent.

juvent. Hæc enim est natura membrorum sub uno capite viventium, ut Apostolus docet Roman. 12. & 1. Cor. 12. Hinc apparet quàm falsum sit, quod Calvinus dicit lib. 3. Institut. cap. 20. §. 24. Deum voluisse, ut nullum nobis esset commercium cum Sanctis mortuis, sed nec illis nobiscum. At quomodo hæc vera esse possunt, si sumus una Respublica, unus populus, unum corpus? Vide Augustinum lib. 20. civit. Dei, cap. 9. ubi hoc ipsum probat.

Quarta propositio. *Sancti, qui regnant cum Christo, pro nobis orant, non solum in genere, sed etiam in particulari.* Probatur primò, Angeli orant pro nobis, & curam nostri gerunt, etiam in speciali, ut patet Tob. 12. Zachar. 1. Apocalyp. 8. Daniel. 10. Psalm. 90. & Matth. 18. ergo multò magis id spiritus hominum beatorum faciunt, nam in primis nihil eis deest eorum, quæ Angeli habent, quantum ad hoc munus pertinet, cum sint præditi intelligentia, & voluntate, & adsint semper Deo, & nos vehementer diligant, ac demum sint æquales Angelis, ut dicitur Lucæ 20. Deinde aliquid habent præ Angelis, quod sunt membra corporis Ecclesiæ nobis magis conjuncta, quàm sint Angeli, & experti sunt miseras, & pericula nostra, quæ Angeli non sunt experti.

Respondet Calvinus, hoc argumentum concludere, si possumus ostendere, sicut Angeli præsent hominibus, eosque custodiunt, atque eorum rebus intersunt, ita etiam sanctos hominum spiritus facere. Existimat enim ipse (ut olim Vigilantius) Sanctos omnes in atrio quodam quasi in libera custodia inclusos esse, nec inde unquam egredi, aut ullam de nobis sollicitudinem gerere.

Nos autem facile ostendemus non solum ab Angelis, sed etiam à spiritibus beatorum hominum regi & gubernari fideles viventes: Et sit hoc argumentum secundum, id enim promissit Christus, Apocal. 2. *Qui vicerit, inquit, & custodierit usque in finem opera mea, dabo illi potestatem super gentes, & reges eas in virga ferrea, & tamquam vas figuli confringentur, sicut & ego accepi à Patre meo.* Et cap. 3. *Qui vicerit, faciam illum columnam in templo Dei mei.* Et infra: *Qui vicerit, dabo ei sedere mecum in throno meo, sicut & ego vici, & sedi cum Patre meo in throno eius.* Ille loquitur Joannes de spiritibus mortuorum, ut patet ex illis verbis: *Et custodierit usque in finem opera mea; & loquitur de tempore ante resurrectionem, ut patet ex eo quod dicit: Reges eas in virga ferrea.* Nam regere in virga ferrea, non significat punire, quod etiam post resurrectionem fiet, sed significat regere virga pastoralis, quod solum fit ante resurrectionem. Dicitur autem virga ferrea, quia inflexibilis est ad injustitiam, ut Psalm. 44. *Virga directionis, idest virga rectissima, virga regni tui, & etiam sempiterna; nam regni ejus non erit finis.* Quod autem sequitur: *Et tamquam vas figuli confringet eos,* non significat homines perdendos, sed peccatores, Christo peccata conterente, & delente, ut exponit Augustinus in Psalm. 2. juxta illud Actor. 10. *Occide, & manduca.* Vel reguntur, sive pascuntur electi in virga ferrea, reprobi autem tamquam vas figuli confringuntur.

Quod verò hoc significet, regere, in virga ferrea, patet primò ex verbo Hebræo, quo utitur David Psalm. 2. *Reges.* Et ex Græco Joannis Apocalypsis 2. 12. & 19. quod est *κυριανος*, idest, pascas, sive pastoraliter reges.

Secundò ex eo, quod dicitur Apoc. 12. *Peperit filium, qui reclusus erat omnes gentes in virga ferrea;* Christus autem non punit omnes gentes, sed regit pastoraliter.

Tertiò, quia Psalm. 2. unde Joannes verba sua de-

A sumpsit, dicitur Christus totam suam hereditatem regere in virga ferrea: *Postula à me &c.* nec tamen suspicari possumus totam Ecclesiam à Christo esse destruendam.

Quartò, quia sic exponunt, regere in virga ferrea, Hilarius, Augustinus, & Theodoretus in Psalm. 2. & Primasius, ac Beda, & Rupertus in cap. 2. Apocalypsis. Habemus igitur, spiritus hominum beatorum post mortem ante diem resurrectionis accipere potestatem in gentes, & regere, & pascere eas, necnon esse columnas in templo Dei, idest, sustentare Ecclesiam, quod propriè sanctis Martyribus convenire docet Chrysostomus in fine sermonis de Juventio & Maximo, ac demum sedere in throno Christi, idest, cum illo præsidere toti mundo, & Ecclesiam regere & gubernare.

B Idem colligitur ex illo Matth. 24. *Beatus ille servus, quem cum venerit Dominus, invenerit sic facientem, amen dico vobis, super omnia bona sua constituet eum.* Bona enim Domini Ecclesia est, ut Hilarius docet, quod etiam apertè legimus in præfatione de Apostolis, quam unam esse ex novem antiquissimis testatur Pelagius Papa II. qui S. Gregorium præcessit, in epist. 4. decretali. In ea præfatione dicitur: *Gregem tuum Pastor æternæ non deseras, sed per beatos Apostolos tuos continua protectione custodias, ut iisdem rectoribus gubernetur, quos operis tui vicarios eidem contulisti præesse pastores.* Id quod & Patres disertè docent.

C Basilius oratione in quadraginta Martyres, dicit: *O cunctum inexpugnabilem! o communes generis humani custodes, optimi curarum socii &c.* Et Gregorius Nazianzenus orat. in Cyprianum: *Tu, inquit, ab alto nos respice, nostrumque sermonem, ac vitam dirige, & sanctum ovile hoc pascere, aut simul unà rege &c.*

Hilarius in Psalm. 124. *Neque desunt stare volentibus Sanctorum custodia, neque Angelorum munitiones.*

Ambrosius lib. 8. in Lucam, in fine: *Sicut Angeli præsent, inquit, ita & hi, qui vitam meruerint Angelorum.*

D Item Leo serm. 2. de anniversario suæ assumptionis: *Petrus, inquit, nunc plenius, & potentius ea, quæ sibi commissa sunt, peragit, & omnes partes officiorum, atque curarum, in ipso, per quem est glorificatus, exequitur.* Et similia habet serm. 1. & 3. ejusdem argumenti. Item Maximus in serm. de Martyribus Tauricis: *Cum his, inquit, nobis familiaritas est, semper enim nobiscum sunt, nobiscum morantur, hoc est, & in corpore nos viventes custodiunt, & de corpore recedentes excipiunt.*

E Denique Theodoretus lib. 8. ad Græcos, circa finem: *Qui peregrè, inquit, aliquò proficiunt, petunt Martyres sibi comites esse in via, aut potius isimeris duces; qui verò jam sospites redierunt, gratias agunt, acceptum beneficium conspicientes.* Habemus igitur ex Scripturis secundum Patrum explicationem, Sanctos orare pro nobis.

Idem probatur Secundò testimoniis Patrum. Cyprianus lib. 1. epist. 1. *Si quis hinc nostrum, inquit, prior divina dignationis celeritate præcesserit, perseveret apud Deum nostra dilectio, pro fratribus & sororibus nostris, apud misericordiam patris non cesset oratio.*

Gregorius Nazianzenus orat. 14. quæ est de obitu Gregorii patris sui: *Nunc magis, inquit, proficit nobis precibus, quàm antea doctrina, quanto etiam Deo propinquior est, postquam vincula deposuit corporalia.*

Joannes Chrysostomus in serm. de Juventio, & Maximo, tom. 3. *Etenim sicut milites, inquit, vulnere in præliis sibi inflicta regi monstrantes fidenter loquuntur, ita & illi abscessa capita gestantes, & in medium afferentes, quacumque voluerint apud Regem celorum impetrare possunt.*

Hic-

Hieronymus hanc ipsam conclusionem ex instituto probat libro contra Vigilantium, in epistola ad Paulam de obitu Blaxillæ; *Pro te, inquit, Dominum rogas, mihiq[ue] veniam impetrat peccatorum.*

Augustinus lib. 7. de Baptismo contra Donatistas, cap. 1. *Adjuvet, inquit, nos Cyprianus orationibus suis, in istius carnis mortalitate tamquam in caliginosa nube laborantes, ut donante Domina quæsumus possimus, bona eius imitemur.*

Leo serm. 3. de anniversario suæ assumptionis: *Nunc, inquit, mandatum Domini p[ri]us Pastor (Petrus) exsequitur, confirmans nos cohortationibus suis, & pro nobis orare non cessans, ut nulla tentatione superemur.* Et in serm. 1. de SS. Petro & Paulo: *Sicut, inquit, nos experti sumus, & nostri probavere majores, credimus atque confidimus inter omnes labores istius vite ad obtinendum misericordiam Dei semper nos specialium patronorum orationibus adjuvandos.* His accedant omnia testimonia, quæ afferemus pro sequenti conclusione; nam qui dicunt Sanctos invocandos, sine dubio fatentur eos orare pro nobis.

Probatur ultimò ex apparitionibus Sanctorum, qui apertè testati sunt, se orare pro nobis etiam in particulari. Scribit Eusebius lib. 6. histor. capite 5. S. Potamionem carnifici promississe, se cum ad Dominum pervenisset, aliquid ei boni impetraturam: deinde post tres dies à consummato martyrio carnifici per quietem apparuisse, atque ejus capiti coronam imposuisse, pauloque post juxta Martyris prædictionem, & ipsum ex impio carnifice pium Christi Martyrem effectum.

Augustinus lib. de cura pro mortuis, cap. 16. *Non solum, inquit, beneficiorum effectibus, verum etiam ipsi hominum aspectibus Confessorem apparuisse Felicem, cum à barbaris Nola oppugnaretur, audierimus non incertis rumoribus, sed testibus certis.* Alia id genus plurima vide apud Basilium in orat. de S. Mamante; Gregorium Nazianzenum oratione prima in Julianum, & oratione de S. Cæsario; Gregorium Nyssenum in vita Gregorii Neocæsariensis; Theodoretum lib. 5. histor. cap. 24. Evodium, & Lucianum de inventionem, & miraculis S. Stephani; Ambrosium in serm. de SS. Gervasio & Prothasio, & serm. 90. de S. Agnete; Prudentium hymno de S. Fructuoso; Paulinum natali octavo S. Felicis; Sulpitium in vita S. Martini, qui omnes auctores ante mille annos floruerunt.

CAPUT XIX.

Sanctos esse invocandos.

Sequitur Quinta, ac postrema propositio: *Sancti, sive Angeli, sive homines p[er]i, atque utiliter à viventibus invocantur.* Probatur primò Scriptura, Genes. 48. Jacob sic ait benedicens filius Joseph: *Angelus, inquit, qui eruit me de cunctis malis, benedicat pueris istis.* Hic apertè S. Jacob Angelum invocavit. Item Job 5. *Voca si quis est, qui tibi respondeat, & ad aliquem Sanctorum convertere.* Ubi nomine Sanctorum intelligit Angelos, ut D. Augustinus exponit in annotationibus in Job, qui etiam illud, c. 19. *Misereris mei amici mei, ad Angelos dici existimat,* juxta quod dicitur, cap. 33. *Si fuerit Angelus loquens pro eo unus de milibus, miserebitur eis, & dicet, Es libera enim.* Sicut etiam cap. 15. cum dicit: *Ecce inter Sanctos ejus nemo immutabilis.* Nomine Sanctorum intelliguntur Angeli; nam idem habetur cap. 4. his verbis: *Ecce, qui serviunt ei, non sunt stabiles, & in Angelis suis reperit pravitatem.* Quamvis autem hæc

verba non videantur convincere, quia non sunt ipsius scriptoris libri, sed Eliphaz amici Job, tamen ideo convincunt, quia indicant tunc fuisse consuetudinem invocandi patrocinium sanctorum Angelorum.

Item Exod. 32. Moyses ita orat: *Recordare Domine Abraham, Isaac, & Israel servorum tuorum.* In quem locum scribens Theodoretus quæst. 67. in Exod. dicit sanctum Moysen, cum se non existimaret sufficientem ad placandum Deum, adhibuisse etiam patrocinium Patriarcharum. Ubi notandum est, quia ante Christi adventum, Sancti, qui moriebantur, non intrabant in cælum, nec Deum videbant, nec cognoscere poterant ordinariè preces supplicantium; ideo non fuisse consuetum in Testamento veteri, ut diceretur: *Sancte Abraham ora pro me &c.* sed solum orabant homines ejus temporis Deum, & allegabant merita Sanctorum, qui jam obierant, ut illis ipsorum orationes vivarentur.

Respondet Calvinus, non peti ejusmodi verbis auxilium à meritis Sanctorum, sed solum commemorari pactum, quod Deus cum Patriarchis fecerat de protegendis, & adjuvandis eorum posteris.

At solutio non satisfacit, nam & pactum Dei, & iustitia Sanctorum simul commemorabantur, ut patet ex Psal. 131. *Memento Domine David, & omnis mansuetudinis ejus.* Et infra: *Propter David servum tuum non avertas faciem Christi tui.* Quæ verba Salomonis sunt orantis Deum per merita patris sui Davidis, jam defuncti, ut constat ex lib. 2. Paralipom. cap. 6. Unde etiam lib. 3. Reg. cap. 15. dicitur: *Propter David dedit ei Dominus Deus suus lucernam in Hierusalem, ut suscitarret filium ejus post eum, eò quod fecisset David rectum in oculis Domini.* Et Daniel. 3. *Ne auferas misericordiam tuam à nobis propter Abraham dilectum tuum, & Isaac servum tuum, & Israel sanctum tuum.* Et Moyses Exod. 34. Hierem. cap. 32. & alii, cum orabant Deum, initio dicere solebant: *Deus, qui facis misericordiam in millibus his, qui diligunt te,* idest, qui propter iustitiam Patrum miseris sæpè filiorum, quod erat implorare merita veterum iustorum. Unde etiam B. Augustin. quæst. 149. in Exod. sic ait: *Admonemur, inquit, cum merita nostra nos gravant, ne diligamur à Deo, relevari nos apud eum illorum meritis posse, quos Deus diligit.* Idem docet Chrysostomus homil. 42. in Genes. & 27. in Matth.

Præterea in utroque Testamento sæpè legimus, viventes à viventibus invocatos; nam lib. 1. Regum cap. 7. dicunt filii Israel ad Samuelem: *Ne cesses pro nobis clamare ad Dominum Deum nostrum, ut salvet nos de manu Philistinorum.* Item Job ultimo: *Ite ad servum meum Job, ille orabit pro vobis.* Roman. 15. Paulus ait: *Obsecro vos, fratres, ut adjuvetis me in orationibus pro me ad Deum.* Idem repetit Ephes. 6. 1. Thessal. 5. 2. Thess. 3. Coloss. 4. & Hebr. 13. ergo licebit etiam nunc invocare eosdem Sanctos cum Christo regnantes. Nam si nunc non licet, vel quia nolunt, & hoc non, cum sint majori charitate præditi, quàm antea, & (ut loquitur Cyprianus serm. de mortalitate) de sua immortalitate securi, & de nostra incolumitate solliciti: vel quia non possunt, & hoc non, quia si poterant cum hic essent peregrini, quanto magis nunc poterunt in patria? vel quod non sciunt quid oremus, & hoc non, quia unde sciunt Angeli conversionem peccatorum, pro qua tantopere gaudent in cælis, ut dicitur Luc. 15. inde sciunt Sancti nostras preces: vel demum quia fit injuria Deo, aut Christo, si alius quàm ipse invocetur, & hoc non, quia tunc non liceret viventes invocare.

Atque hoc argumentum adversarii nunquam solvere potuerunt. Calvinus enim solum respondet, aliam esse rationem invocationis vivorum & mortuorum,

rum, quia vivi omnes subnixi una Christi intercessione tam pro se, quam pro aliis Deum rogant, quia sunt invicem membra; & quia Scriptura, hortatur, ut oremus pro invicem, Jacobi 5. At hoc idem de mortuis dici potest; nam & illi sunt membra ejusdem Ecclesie, & una Christi intercessione nituntur; quidquid enim nobis petunt, à Deo per Christum petunt.

Probatum tertio ex Conciliis, ac primum in epist. Episcoporum Europæ scripta ad Leonem Imperatorem, quæ habetur post Concilium Chalcedonense, sic dicitur: *Sanctissimum verò Præteritum in Choro, & ordine sanctorum Martyrum ponimus, & ejus intercessione misericordem, ac propitium Deum habere postulamus.* Et actione 11. Concilii Chalcedonensis, dicunt Patres: *Flavianus post mortem vivit, Martyr pro nobis orat.* Deinde in VI. Synodo generali, cap. 7. ex canonibus recens editis, sic dicitur: *Solo Deo creatore adorato, invocet Christianus Sanctos, ut pro se intercedere apud maiestatem divinam dignentur.* Item VII. Synodus generalis action. 6. in fine: *Cum timore, inquit Synodus, omnia agamus, postulantes intercessionem incontaminata Deipara, item sanctorum Angelorum, omniumque Sanctorum.* Item in Concilio Gerundensi, cap. 3. Aurelianensi l. can. 29. Moguntino sub Carolo Magno, cap. 33. Toletano V. cap. 1. & Toletano VI. cap. 2. & Bracarensi II. cap. 9. indicuntur litanie recitandæ vel triduo ante ascensionem, vel aliis temporibus. Sunt autem ista Concilia serè omnia celebrata ante annos serè mille. His accedat factum Gregorii, qui litanias indixit tempore pestis, lib. 1. vitæ ejus, cap. 42. & Walfridus Strabo, c. 28. testes sunt.

Sed forte obijcient, litanias hic vocari solum Kyrie eleison, Christe eleison; id enim vocant litaniam Græci, ut patet ex Basilio epist. 63. & ex liturgia ipsius Basilii & Chrysostomi.

Respondeo: in Conciliis prædictis litanias vocari illas ipsas invocationes Dei, & Sanctorum, quas nos modò vocamus litanias; nam in primis Walfridus Strabo lib. de rebus Ecclesiasticis, cap. 28. declarans, quid sit litania, de qua agitur in his Conciliis, & nominatim in Concilio I. Aurelianensi, dicit esse Sanctorum invocationem. Deinde tunc dicebantur litanie triduo ante ascensionem, & dicebantur non stando, sed ambulando, & circumambulando aliqua loca: at nunc videmus servari idem tempus, & eundem ritum, ergo eadem sunt litanie omnino.

Probatum quarto testimoniis Græcorum, & Latinorum Patrum. Ex Græcis primus prodeat S. Dionysius Areopagita, qui cap. 7. Ecclesiast. hierarch. *Nam profecto, inquit, idem fit, ac si quis sol suos radios sicut largiente oculis, sibi oculos eruens, solaris luminis particeps fieri possit. Sic impossibilem superflua spe ille suspensus est, qui Sanctorum flagitat preces, & natura ipsorum consentaneas sacras operationes abigit &c.*

S. Irenæus lib. 5. contra hæreses ultra medium: *Et fuit illa (Eva) seducta est, ut effugeret Deum, sic hæc (Maria) suasa est obedire Deo, ut virginis Eva, virgo Maria feret advocata. Quid clarius?*

Eusebius lib. 13. præparationis Evangelicæ, cap. 7. *Hæc nos, inquit, quotidie facitamus, qui vera pietatis milites, ut Dei amicos honorantes, ad monumenta quoque illorum accedimus, votaque ipsi facimus, tamquam viris sanctis, quorum intercessione ad Deum non parum juvari profitemur.*

Athanasius term. in Evangelium de sanctissima Deipara, idest, de annunciatione circa finem: *Inclina, inquit, aurem tuam (Maria) in preces nostras, & ne obliviscaris populi tui.* Et infra: *Ad te cla-*

manus, recordare nostri sanctissima Virgo. Et infra: Intercede hera, & domina, & regina, & mater Dei pro nobis.

Basilii orat. in 40. Martyres: *Qui aliqua, inquit, premittitur angustia, ad hos confugiat: qui rursus letatur, hos oret: ille ut à malis liberetur, hic ut daret in rebus latis.* Idem oratione in Psalm. 33. in illud: *Oculi Domini super justos, & aures ejus in preces eorum: Sancta, inquit, spirituales virtutes (Angeli) aliqua, oculi dicuntur, quod curam susceperint nos interveniendi: nonnulla aures, ut quæ nostras excipiunt preces.*

Gregorius Nazianzenus orat. in Cyprianum, in ipso medio, loquens de quadam sancta Virgine, quam Cyprianus tunc Ethnicus, & Magus per demonem ad stuprum sollicitabat: *Virginem Mariam, inquit, rogavit, ut periclitanti Virgini opem ferret.* Et infra: *Vicit Virgo, vincitur demon &c.* Idem in fine Cyprianum invocat; sicut etiam fecit in fine orationis in Basilium, & in fine orationis in Athanasium, ubi sic ait: *Tu autem è supernis propitius nos respice, & populum hunc sanctum dirige, & nos in pace quidem fore & compasce, in certamine autem dirige, & suscipe, & cum te ipso statue, & iis qui tales sunt ut tu, etiam si magna sit petitio.*

Chrysostomus homil. 66. ad populum, circa finem. *Nam, inquit, & ipse qui purpuram indutus est, accedit illa complexurus sepulchra, & fassu deposito stat Sanctis supplicaturus, ut pro se apud Deum intercedant, & scenarum fabrum, & piscatorem ut protectores orat qui diademate redimitus incedit.* Idem hortatur ad supplicandum Sanctis homil. 5. & 8. in Matth. homil. 43. in Genes. homil. 1. in priorem Thessal. serm. in Juventium & Maximum, & alibi.

Gregorius Nyssenus orat. in S. Theodorum, circa finem. *Intercede, inquit, ac deprecare pro patria apud communem Regem & Dominum. Timemus afflictiones, expectamus pericula. Non longè absunt scelesti Scythæ, bellum adversum nos parturientes. Ut miles propugna pro nobis, ut Martyr pro conservis utere libertate loquendi.* Et infra: *Quod si majori etiam opus fuerit deprecatione & advocacy, fratrum tuorum Martyrum coge chorum, & cum omnibus una deprecare, admove Petrum, excita Paulum, Joannem item Theologum, ac discipulum dilectum &c.*

S. Ephrem in sermonibus de laudibus sanctorum Martyrum: *Precamur, inquit, beatissimi Martyres, qui pro Domino salvatore, proque illius charitate spontè & impigrè tormenta sensistis, atque ideo famulari Domino conjuncti estis, ut pro nobis miseris & peccatoribus, & de negligentia squallore sordentibus, Dominum interpellare dignemini, ut superveniat in nos gratia Christi.*

Cyrellus catechesi 5. mystagogica: *Cum hoc sacrificium offerimus, facimus mentionem etiam eorum, qui ante nos obdormierunt, primum Patriarcharum, Prophetarum, Apostolorum, Martyrum, ut Deus orationibus illorum, suscipiat preces nostras &c.*

Theodoretus in historia sanctorum Patrum, singulas vitas ita concludit: *Ego autem huic narrationi finem imponens rogo & queso, ut per horum intercessionem divinam consequar auxilium.* Multa item habet de invocatione Sanctorum lib. 8. ad Græcos, qui est de Martyribus.

Damasceus lib. 4. de fide, cap. 16. *Per eos (Sanctos jam defunctos) demones abiguntur, infirmi curantur, ceci vident, leprosi mundantur, tentationes & tristitia solvantur. Omne donum bonum à patre luminum per eos, qui inhaſtabili fide petunt, descendit.*

Theophylactus in cap. 11. ad Hæbr. *Jam nunc, inquit, orationem, & pignus honoris habens (Sancti in celo) unde alias eis potestas esset, ut succurrere queant*

queant invocantibus se? Unde ipsi, quod fiduciam habent intercedendi?

Jam ex Latinis. S. Cornelius Papa in epistol. 1. quæ est de translatione corporum Apostolorum: Orantes, inquit, Deum & Dominum nostrum Jesum Christum, ut intercedentibus sanctis suis Apostolis, maculas vestrorum purget peccatorum &c.

S. Hilarius in Psal. 129. Intercessione, inquit, Angelorum non natura Dei indiget, sed infirmitas nostra. Missi enim sunt propter eos, qui hereditabunt salutem, Deus nihil ex his qua agimus ignorante, sed infirmitate nostra ad rogandum & promerendum, spiritualis intercessionis ministerio indigente. Similia dicit de intercessione sanctorum Apostolorum, & Prophetarum in Psal. 124.

S. Ambrosius lib. de viduis, ultra medium: Obsecrandi sunt Angeli, qui nobis ad praesidium dati sunt, Martyres obsecrandi, quorum videmur nobis quoddam corporis pignore patrocinium vendicare. Possunt pro peccatis rogare nostris, qui proprio sanguine, etiam si qua habuerunt, peccata laverunt. Isti enim sunt Dei Martyres, nostri praesules, speculatores vita, actuumque nostrorum. Non erubescamus eos intercessores nostra infirmitatis adhibere, quia ipsi infirmitatem corporis, etiam cum vincerent, cognoverunt. Item lib. 10. in Lucam exponens cap. 21. Mortuis regibus, inquit, in perpetuum Martyres regnum caelestis gratia honore succedunt, & illi sunt supplices, hi patrum.

S. Hieronymus in epitaphio Paulæ circa finem: Vale, inquit, o Paula, & cultoris tui ultimam sententiam orationibus iuxta, fides, & opera tua Christo te faciant, praesens facilius, quod postulas, impetrabis.

S. Maximus in ser. de S. Agnete: Itaque, inquit, o splendida Christo, pulchra Dei filio, & omnibus Angelis, & Archangelis grata, ut nostri meminissemus digneris, quibus possumus precibus exoramus.

Rufinus lib. 2. hist. cap. 33. Circuibat (Theodosius) cum sacerdotibus & populo omnium orationum loca, ante Martyrum & Apostolorum thecas jacebat cilicio prostratus, & auxilia sibi fida Sanctorum intercessione poscebat.

S. Paulinus in fine carminis Panegyrici de sancto Celso:

Celso juxta fratrem socia pietate laborans,

Ut vestra nobis sit locus in requie.

Et in epist. 12. ad Severum inserens quædam carmina de S. Claro, sic ait:

Qualibet in regione poli situs aut paradisi,

Clare sub aeterna pace beatus agit.

Hæc peccatorum bonus accipe vota rogantum,

Ut sis Paulini, Therasiaque memor.

Prudentius eodem tempore plurima scripsit carmina de Sanctis, in quibus eos invocari à viventibus docet. Proferamus loco exempli pauca. In carmine de S. Laurentio, sic ait:

Quod quisque supplex postulat,

Fert impetratum prosperè.

Et tristis hand ullus redit.

Cen praesto semper ades,

Tuosque alumnos urbicos

Lactante complexus sinu

Paterno amore nutrias.

Item in Hymno de S. Cassiano.

Andis, crede, preces Martyr prosperrimus omnes,

Ratasque reddit quas vides probabiles.

Item de S. Hippolyto:

Hippolyto scio me debere, Deus cui Christus

Posse dedit, quod quis postulet, annuere.

S. Augustinus tract. 84. in Joan. Ideo quippe ad ipsum mensam, inquit, non sic eos (Martyres) commemoramus, quemadmodum alios qui in pace requiescunt, Controv. Card. Bellarm. Tom. II.

A ut etiam pro eis oremus, sed magis, ut ipsi pro nobis orent. Item serm. 17. de verbis Apostoli: Habet, inquit, Ecclesiastica disciplina, quod fideles noverunt cum Martyres eo loco recitant ad altare Dei, ubi non pro ipsis oretur, pro ceteris autem defunctis oretur. Injuria est enim pro Martyre orare, cujus nos debemus orationibus commendari. Item lib. de cura pro mortuis c. 4. Non video, inquit, quod sit adiumentum mortuorum provisus sepeliendis corporibus apud memoriam Sanctorum locus, nisi ad hoc, ut dum recolunt ubi sint reposita eorum, quos diligunt, corpora, eisdem Sanctis illos tanquam patronis susceptos apud Dominum adjuvandos orando commendent.

B S. Victor Uticensis lib. 3. de perfec. Wandalica circa finem: Adestote, inquit, Angeli Dei, deprecamini Patriarcha, orate S. Prophetas, estote Apostoli suffragatores, precipue tu Petre beate, quare filios pro evibus, & agnos à communi Domino magna tibi cautela, & sollicitudine commendatist Tu S. Paule gentium magister, cognosce quid Wandali faciunt Ariani, & filii tui gemunt lugendo captivi, universique ingemiscite finis pro nobis Apostoli.

S. Fulgentius in serm. de laudibus B. Mariæ: Ideo, inquit, omnes cursus natura Virgo Maria in Domino nostro Jesu Christo suscepit, ut omnibus ad se confugientibus faminis subveniret.

C S. Leo serm. 5. de Epiphania: Confirmate, inquit, amicitias cum S. Angelis & Patriarchis, Prophetis, Apostolis, Martyribusque sociamini, horum devotitas concupiscite, & per bonam amulationem ipsorum ambite suffragia. Vide eundem in sermonibus de anniversario suæ assumptionis, & de sanctis Petro & Paulo, & Laurentio.

D S. Gregorius lib. 2. Dialog. cap. ult. in fine: Ubi, inquit, in suis corporibus Sanctorum Martyres jacent, dubium Petre non est, quid multa valeant signa demonstrare, sicut & faciunt, & pura mente querentibus innumera miracula ostendunt, sed quia ab infirmis potest mentibus dubitari, utrumne ad exaudiendum ibi praesentes sint, ubi constat, quia in suis corporibus non sint, ibi necesse est eos majora signa ostendere, ubi de eorum praesentia potest mens infirma dubitare. Quorum verò mens in Deo fixa est, tanto major habet fidei meritum, quatenus illic eos novit, & non jacere corpore, & tamen non deesse ab exauditione.

S. Gregorius Turonensis lib. 1. de gloria Martyrum cap. 94. Cyprianus, inquit, beatissimus Carthaginensis, & antistes, & Martyr, salutem sapientis infirmis supplicantibus praestat.

E S. Beda lib. 4. in Cantica, circa finem: Sed & cavernam maceria, inquit, cito volatu petamus, idest, Sanctorum vel Angelorum, vel hominum crebras pro nobis intercessionem apud misericordiam pii conditoris quaeramus, hæc sunt enim firmissima, ac tutissima Sancta Ecclesia praedia. Idem habet lib. 3. in Matth. in illud cap. 15. Qui non respondit ei verbum: Sanctorum, inquit, sunt petenda suffragia, ut ipsi supplicent pro Ecclesia.

S. Anselmus in lib. de excellentia B. Virginis Mariæ cap. ultim. Rogamus, inquit, te Domine per ipsam gratiam, qua te pius & omnipotens Deus sic exaltavit, & omnia tibi secum possibilia esse donavit, quatenus ad apud ipsum nobis impetres, & obtineas, ut plenitudo gratia, quam meruisti, in nobis sic operetur, quo participium beati pramii nobis misericorditer quandoque donetur.

S. Bernardus serm. 2. super Evangelium Missus est. In periculis, inquit, in angustiis, in rebus dubiis, Mariam cogita, Mariam invoca. Non recedat ab ore, non recedat à corde, & ut impetres ejus orationis suffragium, non desinas conversationis exemplum. Ipsam sequens non devias, ipsam rogans non desperas, ipsam cogitans

Etiam non erras, ipsa tenente non corrui, ipsa protegente non metuis, ipsa duce non fatigaris, ipsa propitia pervenis, & sic in semetipso experiris, quam merito dictum sit, & nomen Virginis Maria.

Ex his 30. antiquis, & doctissimis Patribus, soli sunt quinque Gregorio posteriores; ex quo apparet, quàm illustre fuerit mendacium Philippi, qui ante Gregorium ignotam fuisse scripsit Sanctorum invocationem.

Probatur quintò ex miraculis B. Bernardi factis contra hanc hæresim. Scribitur enim lib. 3. vitæ ejus cap. 5. quòd cum B. Bernardus apud Tholosam contra hanc ipsam hæresim prædicaret, populorum turbis offerentibus panes, ut eis vir sanctus benediceret, & benedicebat ille signo crucis edito his verbis: *In hoc sciatis vera esse quæ à nobis, falsa quæ ab hæreticis suadentur, si infirmi vestri gustatis panibus istis, adepti fuerint sospitatem.* Et cum Episcopus Carnotensis, qui aderat, diceret: *Si bona fide sumpserint, sanabuntur.* B. Bernardus addidit: *Non hoc ego dixi, sed verè quicumque gustaverint, sanabuntur, ut veros nos & veraces Dei nuncios esse sciatis.* Et subiungit auctor: *Tam ingens multitudo languentium gustato illo pane convalescit, ut per totam provinciam verbum hoc divulgaretur.*

Nota, miracula ista non esse facta propriè ad probanda merita B. Bernardi; nam ipse disertè dixit, ut sanarentur ægroti, si vera erant, quæ prædicaverat: & ne fortè tribuerentur fidei, & devotioni populorum addidit, omnes sanandos qui inde gustassent, sive cum fide, sive sine fide, ut nimirum totum miraculum referretur tamquam ad finem, ad confirmationem veritatis: Ergo cum sint facta innumerabilia miracula ad hanc nostram sententiam confirmandam aut ipsa vera est, aut Deus testis fuit falsitatis.

Accedant postremò infinita miracula, quibus Sancti sapissimè demonstrarunt, se audire preces viventium, & posse ac velle eos juvare, à quibus invocantur. Vide de his miraculis epistolam Nili recitatam in VII. Synodo act. 4. Theodoretum in histor. lib. 5. cap. 24. & lib. 8. ad Græcos. Ambrosium sermon. 90. qui est de S. Agnete. Augustinum lib. 22. de Civit. Dei cap. 8. Gregorium Turonicum in libris de gloria Martyrum & Confessorum. Gregorium Romanum lib. 3. Dialog. cap. 23. 23. 24. 25. & 37. Bonaventuram in vita S. Francisci.

Ex his colligi potest, quàm sint leves hæreticorum responsiones, quas adhibent ad loca Patrum à nobis citata; nam Magdeburgenses Centuria 4. cap. 4. inconstantissimè loquuntur; nunc enim agnoscunt esse Patrum testimonia, sed dicunt eos errasse, nunc verò dicunt à maligno spiritu esse inserta in operibus tantorum virorum, quod tamen non aliter probant, quàm quia Ambrosius lib. 3. de spiritu sancto c. 12. & Epiphanius in hæresi Colliridianorum, dicunt solum Deum esse adorandum. Nec advertere volunt eos Patres loqui de adoratione, quæ soli debetur Deo, in quo sensu etiam nos fatemur, solum Deum adorandum, cum quo tamen bene cohereret, quod dicimus, Sanctos non ut Deos, sed ut amicos Dei invocandos.

Porro Brentius cap. 24. Confessionis Wirtembergensis, omnia conatur eludere per figuram prosopopejæ. Dicit enim Patres in concionibus invocare solitos esse nomina mortuorum ac si viverent, sicut interdum inter declamandum alloquimur cælum, vel terram, vel mortuos homines, quos tamen certè scimus non audire. At hoc figmentum in primis, si ullum haberet locum, solum haberet in testimoniis Basilii, Nazianzeni, & quorundam aliorum, qui inter concionandum Sanctos invocaverunt. Nullum autem haberet in testimonio Dionysii, Irenæi, Hi-

larii, Ambrosii, Chrysostomi, Augustini, & aliorum, qui vel docent Sanctos invocandos, vel narrant, à quibus sint invocati. Sed quòd nec in testimoniis Basilii, & Gregorii locum habeat, inde patet, quòd isti Patres ibidem pollicentur sibi, & aliis auxilium ex illa invocatione, & miracula quæ facta sunt, satis ostendunt, non inanem prosopopejam, sed petitionem efficacem esse invocationem Sancto-

■■■■■

Jam Calvinus lib. 3. cap. 20. instit. responderet, Patres voluisse quidem prohibere hanc superstitionem, sed non potuisse frangere impetum vulgi, id quod ostendit ex Concilio Carthagenensi III. cap. 23. ubi prohibetur, ne in precibus, quæ ad altare funduntur, oratio dirigatur ad alium, quàm ad Patrem. Ex quo vult Calvinus colligi, voluisse Patres ejus Concilii saltem impedire ne mysterium cœnæ profanaretur invocatione mortuorum. Quod etiam confirmatur ex S. Augustino lib. 22. de Civ. Dei c. 10. ubi dicit Sanctos non invocari à sacerdote sacrificante.

Sed nimis infirmum est Calvinii refugium: Nam quòd Patres non cupiverint prohibere invocationem Sanctorum, patet ex verbis ipsorum jam citatis, ubi ipsi suadent, hortantur, docent, Sanctos invocandos, & ipsi eos passim invocaverunt, & in Conciliis à se celebratis eos invocari præceperunt. Neque in Concilio Carthagenensi habetur unum verbum de invocatione Sanctorum, sed solum præcipitur, ut oratio sacerdotis sacrificium offerentis dirigatur ad Personam Patris, non filii aut Spiritus sancti, quod etiam modò servamus, quamvis toti sacrificemus Trinitati.

Beatus etiam Augustinus solum docet, ipsa prece qua sacrificium offertur, non invocari Sanctos, sed Deum, cui soli sacrificatur; Nam quòd in ipso sacrificio memoria fiat Martyrum, & invocentur, ut pro nobis orent, idem Augustinus disertè docet tractat. 84. in Joan. & serm. 17. de verbis Apostoli, & Cyrillus catechesi 5. mystagogica, ut supra citavimus, & idem patet ex liturgia Chrysostomi, & aliorum veterum, nam in omnibus Sancti invocantur.

C A P U T XX.

Solvuntur argumenta adversariorum.

Superest nunc argumenta adversariorum proponere, & solvere.

Argumentum primum. Invocatio Sanctorum in injuriam Dei cedit; Nam Rom. 10. dicitur: *Quomodo invocabunt, in quem non crediderunt?* Ergo ille solum invocatur, in quem credimus, non autem credimus nisi in Deum, ergo vel solum Deum invocamus, vel Sanctos faciemus Deos.

His accedunt duo loca Patrum. Ambrosius in 1. cap. ad Roman. *Solent, inquit, pudore passi neglecti Dei, misera uti excusatione dicentes: Per istos posse ire ad Deum, sicut per comites pervenitur ad Regem. Age, nunquid ita demens est aliquis, aut salutis sue immemor, ut honorificentiam Regis vendicet comiti, cum de hac re si qui etiam tractare fuerint inventi, iure ut rei damnentur majestatis? & isti se non putant reos, qui honorem nominis Dei deferunt creatura, & relicto Domino conservos adorant; quasi sit aliquid plus, quod servetur Deo; Nam ideo ad Regem per tribunos aut comites itur, quia homo utique est Rex, & nescit, quibus debeat Republicam credere. Ad Deum autem (quem utique nihil latet, omnia enim merita novit) promerendum, suffragatore non opus est, sed mente devota.*

Item Theodoretus lib. 8. ad Græcos in fine, *Suos, inquit, mortuos Dominus Deus noster in templa pro Diis vestris*

vestris induxit; ac illos quidem cassos gloria, vanaeque reddidit, suis autem Martyribus honorem illorum dedit. Pro Pandis enim Diasisque ac Dionysis, hoc est, Jovis, Liberique patris solemnitatibus, Petro, Paulo, Thoma, Sergio, Marcello, Leontio, Antonino, Mauritio, aliisque SS. Martyribus solemnitates populari epulo peraguntur. His verbis tateatur Theodoretus nos habere Sanctos pro Diis.

Respondeo, quemadmodum non fit injuria, sed honor Regibus, quando eorum amici honorantur, & ad eos legati mittuntur, ita Deo non injuriam, sed honorem deferri, quando Sancti non ut Di, sed ut amici Dei honorantur, & tamquam patroni apud Deum accipiuntur. Alioqui etiam faceret Deo injuriam, qui à viventibus orationes postularer, ut fecit Apostolus Rom. 15. & alibi, & Centurio injuriam Christo fecisset, qui (ut dicitur Luc. 7.) non per se, sed per seniores Judaeorum à Christo auxilium petiit.

Ad primum autem locum dico, ibi agi de invocatione, qua aliquis invocatur ut Deus, & primus auctor honorum, praecedit enim: *Omnis, qui invocaverit nomen Domini, salvus erit.* Dico praeterea, revera sicut Deum non potest invocare ut Deum, qui in eum non credit, idest, qui non credit eum esse Deum, & qui ei non credendo in eo non sperat, nec eum diligit: ita etiam non posse eum Sanctos invocare, ut Sanctos, & amicos Dei, qui suo modo in eos non credit, idest, non credit esse Sanctos, nec in eis sperat, ut in patronis, nec eos ut tales diligit. Nec nomen invocationis, vel fidei in Scripturis soli Deo tribuitur. Dicit enim Jacob Gen. 48. *Invocetur nomen meum super pueros hos, & nomina Patrum meorum.* Ex quo loco docet B. Augustinus lib. locutionum de Genes. nu. 200. invocationem non solum Dei, sed etiam hominum esse. Et in epist. ad Philemonem dicit Apostolus: *Gratias ago Deo meo, audiens charitatem tuam & fidem, quam habes in Domino Jesu, & in omnes Sanctos.* In quem locum B. Hieronymus prolixè ostendit, etiam in Sanctos haberi debere fidem.

Ad locum Ambrosii dico, eum agere contra Ethnicos, qui astrarum cursus colebant, contra quos ibidem Apostolus agit. Unde etiam dicit, eos colere conservos, idest, creaturas, non secus ac Deum; quomodo faceret, qui comiti honores regios deferret. Quod autem in fine addit: *Ad Deum promerendum non esse opus suffragatore;* intelligitur ex parte Dei, quasi dicat, Deus non eget interpretibus, cum ipse per se omnia videat, & intelligat; tamen ex parte nostri opus esse suffragatoribus, vel saltem id esse utilissimum, idem Ambrosius clarissimè docet in lib. de viduis, ut supra ostendimus.

Dices, hoc idem poterant respondere Gentiles. Respondeo, negatur; nam illi putabant, summum Deum non esse immediatè accessibilem, nec aliter ad eum veniri, nisi per cultum inferiorum virtutum, ut clariùs docet Theodoretus in cap. 1. ad Coloss.

Ad locum Theodreti dico, eum significare voluisse, gloriam Deorum translatam in Martyres, quia templa & festa Deorum conversa sunt in templa & festa Martyrum, sed tamen eorum, quos religio vera permittit, ut Martyres non pro Diis habeamus, sicut illi habebant Jovem & Liberum & alios, sed pro viris sanctis & amicis Dei, qui nos exemplis, precibus, & meritis suis plurimum juvant. De qua re supra diximus.

Argumentum secundum. Invocatio Sanctorum injuriam facit Christo; nam 1. Timoth. 2. dicitur: *Unus est mediator Dei, & hominum, homo Christus Jesus.* Si ergo solus ipse est mediator, injuriam ei facit quicumque per alium ad Deum accedit. Quare Au-

Contrav. Card. Bellarm. Tom. II.

A Augustinus lib. 2. contra Parmenian. cap. 8. Si Joannes, inquit, ita diceret: *haec scripsi vobis, ut non peccetis, & si quis peccaverit, mediatorem me habetis apud Patrem, ego exoro pro peccatis vestris:* sicut Parmenianus quodam loco mediatorem posuit Episcopum inter populum, & Deum, quis eum ferret honorum atque fidelium Christianorum? Quis sicut Apostolum Christi, & non sicut Antichristum intueretur? Et infra: Si esset mediator Paulus, essent utique & ceteri coapostoli ejus, ac sic multi mediatores essent, nec ipsius Pauli constaret ratio, qua dixerat, *unus Deus, unus mediator Dei & hominum.*

B Praeterea Coloss. 2. dicitur: *Nemo vos seducat volens in humilitate & religione Angelorum, qua non vidit ambulans &c.* In quæ verba sic scribit Theodoretus: *Qui legem, inquit, defendebant, eos etiam ad Angelos colendos inducebant, dicentes legem per eos datam. Mansit autem diu hoc vitium in Phrygia, & Pisdia. Quocirca Synodus quoque, qua convenit Laodicea, qua est Phrygia metropolis, lege prohibuit, ne precarentur Angelos, & in hodiernum usque diem videre licet apud istos, & eorum finitimas oratoria S. Michaelis. Illi ergo hoc consulebant, utique humilitate utentes, dicentes, universorum Deum nec cerni, nec comprehendendi, nec ad eum posse perveniri: & oportere per Angelos divinam sibi benevolentiam conciliare.*

C Respondeo, nullam injuriam Christo fieri per invocationem Sanctorum. Neque enim invocamus Sanctos, ut fungantur vice Christi, vel Christum adjuvent, sed ut adjuvent nos, quo faciliùs à Deo per Christum impetremus, quæ poscimus, & si argumentum aliquid valeret, etiam concluderet, non esse petendas vivorum orationes, quod tamen esse contrarium Scripturis etiam haeretici concedunt.

Ad primum ergo locum respondeo, tribus de causis dici Christum unum, & solum mediatorem Dei & hominum. Primò, quia solus ipse fuit mediator per modum redemptionis. Notandum enim est posse tribus modis unum mediatorem reconciliare duos disidentes; uno modo declarando, uter justum petat; altero modo solvendo creditori pro debitore; tertio modo orando creditorem, ut debitum remittat.

D Primus modus, qui est declarando, uter justum petat, inter Deum & hominem, locum non habet, quia constat Deum ab homine esse offensum.

Secundo modo solus Christus est mediator Dei, & hominum, & hoc modo loquitur Apostolus, ut patet tum ex eo, quod subdit: *Qui dedit semetipsum redemptionem pro nobis;* tum etiam quia scribit ad Timotheum Episcopum Ephesi in Asia, ubi tunc vigeat haereticus Simonis, quæ Angelos loco Christi introducebat, unde etiam in epist. ad Ephesios, & ad Coloss. qui sunt populi Asiae, passim inculcat Christum esse caput totius Ecclesiae, & per eum solum reconciliatum esse mundum Deo.

E Postremo modo etiam Sancti dici possunt mediatores inter Deum, & eos, pro quibus orant. Neque est, cur timeamus, nomen mediatoris transferre ad Sanctos, sicut ad eos transferimus nomen advocati, & intercessoris, quæ Christo tribuuntur Rom. 8. & 1. Joan. 2. Nam S. Gregorius Nazianzenus in oratione ad Gregorium Nyssenum, Martyres mediatores inter nos, & Deum appellat, & S. Cyrillus lib. 12. thesauri cap. 10. dicit Prophetas & Apostolos omnes fuisse mediatores, & Moyses ipse Deuter. 5. dicit de se: *Ego sequester & medius fui, inter Dominum & vos, in tempore illo.* Quibus verbis alludens Apostolus Galat. 3. dicit, legem veterem ordinatam fuisse per Angelos, in manu mediatoris, idest, Moyses, & Hebr. 9. & 12. vocat Christum mediatorem novi Testamenti, ad distinctionem Moyses qui fuit mediator Testamenti veteris.

Aa 2

Hinc

Hinc solvitur argumentum ex testimonio Augustini; Nam quia Donatistæ putabant à sacerdote pendere gratiam Sacramenti, ita ut sacerdos bonus baptizans sanctificaret, sacerdos malus baptizans pollueret, & proinde faciebant sacerdotem mediatorem quodammodo redemptionis, ideo Augustinus docet, plebem esse securam sive à bono, sive à malo baptizetur, quia unus est mediator Dei & hominum Christus. Quòd autem non neget Augustinus sacerdotem posse dici mediatorem orando, patet, quia ibidem dicit Christianos rectè facere, cum se invicem orationibus commendant.

Altera causa, cur Christus dicatur unus mediator, est, quia Christus non solum est mediator ratione officii, quia conciliat Deum homini, sed etiam ratione naturæ, quia est medius inter Deum & hominem, cum ipse & Deus & homo sit: id quod erat necessarium ad reconciliandum hominem Deo. Hanc rationem reddunt serè omnes Patres, ut Ambrosius, Chrysostomus, Theophylactus, Theodoretus, Oecumenius, & alii in hunc locum Pauli, necnon Epiphanius in Ancorato ante medium. S. Cyrillus lib. 12. thesauri cap. 10. & lib. 1. de Trinitate, ante medium; Hilarius lib. 9. de Trinit. non procul ab initio; Augustinus lib. 9. de Civit. Dei cap. 17. & Fulgentius lib. de fide ad Petrum cap. 2.

Tertia causa est, quia solus Christus ita est mediator omnium hominum, ut ipse nullo mediatore indigeat. Nam Sancti ceteri etiam mediatores sunt inter Deum, & nos, quia Deum suis precibus nobis propitium reddunt: tamen & ipsi indiguerunt reconciliari Deo per mediatorem Christum, & nunc etiam quidquid nobis impetrant, à Deo per Christum impetrant: Christus autem nec pro se, nec pro nobis ullo mediatore indiguit, vel indiget, sed ut dicitur Hebr. 7. *Accedit per semetipsum ad Deum semper vivens ad interpellandum pro nobis.*

Hanc rationem sequutus est B. Augustinus lib. 2. contra Parmenianum cap. 8. *Homines, inquit, omnes Christiani invicem se commendant orationibus suis, pro quo autem nullus interpellat, sed pro omnibus, hic unus, versique mediator est.* Ex hinc patet alia solutio ad argumentum ex verbis Beati Augustini, non enim negat, quin sacerdos possit esse mediator orando pro populo; nisi in eo sensu, quo mediator Dei & hominum dicitur, qui pro omnibus interpellat, & ipse nullo eget, qui pro se interpellat, aut per quem interpellat.

Urget Calvinus hunc locum Augustini, qui ait: *Pro quo nullus interpellat, & ipse pro omnibus, hic unus, versique mediator est.* Sed Sancti, per nos orant pro nobis, & nemo pro illis. Respondeo, B. Augustinum, cum ait, Christum pro nobis interpellare, velle dicere, Christum esse quem omnes interpellant, ut omnium mediatorem, sive illi pro se, sive pro aliis orent. Hoc modo Christus interpellat nunc pro B. Petro, non quòd oret pro ejus salute, sed quia interpellat pro salute mea, quam etiam B. Petrus postulat. Alioqui etiam Angeli essent mediatores eo modo, quo Christus, nam Angeli orant pro omnibus, & nemo pro illis. Sed idè non sunt mediatores eo modo, quo Christus, quia ipsi egent Christo, per quem impetrent nobis à Deo beneficia.

Ad tertium locum, qui est ex epist. Coloss. dico, ibi Apostolum damnare hæresim Simonis Magi, qui Platonicos secutus, docuit quosdam Angelos adorandos quasi minores Deos, qui & mundum fabricarunt, & per Prophetas locuti sunt, nec posse ullum placare summum Deum qui invisibilis est, nisi per hos Angelos. Vide de hac hæresi Irenæum lib. 1. cap. 20. Tertullian. in lib. de præscriptione, & Epiphanius in hæresi Simonis. De hac idololatria, si-

ve magia, qua adorantur Angeli loco Dei vel Christi, exponunt hunc locum omnes interpretes. Joannes Chrysostomus hom. 7. in epist. ad Coloss. *Sunt nonnulli, inquit, qui dicunt, non oportere per Christum reconciliari, & ad Patrem accedere, sed per Angelos. Propterea (Paulus) sursum, ac deorsum, qua de Christo sunt, versat.* Ita etiam exponit Oecumenius & Theophylactus; Ambrosius in hunc locum putat eos notari, qui adorant stellas.

Hieronymus quæst. 10. ad Algasiam, & Haymo in hunc locum docent reprehendi eos, qui sacrificabant Angelis, nec ab his dissentit Theodoretus, immò ipse clarissimè omnium docet notari hic Simonianos, qui dicebant, Deum apprehendi non posse, sed per Angelos esse placandum, & ex illo ipso Concilio, quod ipse citat, apparet, idololatriam esse, quam Paulus reprehendit. Sic enim ait Concilium Laodicenum cap. 35. *Non oportet Christianos derelicta Ecclesia abire, & ad Angelos idololatria abominanda congregationes facere, qua omnia interdicta sunt. Quicumque autem inventus fuerit occultè huic idololatria vacans, anathema sit, quoniam derelinquens Dominum nostrum Jesum Christum accessit ad idola.* Ubi, ut vides, Concilium non damnat quamlibet venerationem Angelorum, sed eam, quæ Deo propria est.

Quòd verò Theodoretus dicit de oratoriis S. Michaelis, duobus modis potest intelligi. Uno modo, quòd velit dicere, hæreticos ædificasse oratoria sancti Michaelis, ut eum ibi colerent secundum hæresim Simonis, ei sacrificando &c. Altero modo, quòd significare voluerit, templa ab hæreticis exstructa ad sacrificandum malis Angelis, esse conversa à Catholicis in oratoria S. Michaelis, & ex multitudine talium locorum colligi, quàm multum hæresis Simonis ibi olim grassata fuerit.

Quòd enim templa idolorum olim conversa sint in Basilicas Martyrum, & aliorum Sanctorum; certum est ex ipso Theodoro lib. 8. de Martyribus, & adhuc Romæ videtur templum omnium Deorum conversum in templum omnium Sanctorum, & templum Castoris & Pollucis, in templum Sanctorum Cosmæ & Damiani, & Gregorius lib. 2. Dialogorum cap. 8. scribit à S. Benedicto conversum fuisse fanum Apollinis in oratorium S. Martini, & ipse B. Gregorius lib. 19. epist. 71. ad Mellitum, præcipit Augustino Episcopo Anglorum, ut fana idolorum non destruat, sed aqua benedicta aspergat, & reliquiis Sanctorum ornet, ac demum in templa Dei veri convertat.

Argumentum tertium. Sancti jam defuncti non cognoscunt viventium preces, igitur frustra invocantur. Quòd autem Sancti non cognoscant preces viventium, his argumentis probatur. Primò, Scriptura soli Deo tribuit scrutari renes, & corda, & scire cogitationes hominum 3. Regum 8. *Tu nosti solus cor omnium filiorum hominum.* Secundò Job 14. dicitur: *Sive nobiles fuerint filii ejus, sive ignobiles, non intelliget.* Tertiò Ecclesiast. 9. dicitur: *Viventes sciunt se morituros, mortui verò nihil moverunt amplius.* Quartò, Isaia 63. dicitur. *Tu es enim pater noster, & Abraham nescivit nos, & Israel ignoravit nos.* Quintò, lib. 4. Regum cap. 22. dicitur Josia regi à Deo: *Colligam te ad patres tuos, ut non videant oculi tui omnia mala, qua introducturus sum in locum istum.* Sextò, B. Augustinus lib. de cura pro mortuis cap. 13. *Si parentes, inquit, non interfunt, qui sunt alii mortuorum, qui noverunt quid agamus, quidve patiamur? Isaia Prophetam dicit: Abraham nos nescivit, & Israel non cognovit nos.* Si tanti Patriarchæ quid erga populum ex ipsis procreatum ageretur, ignoraverunt, quomodo mortui vivorum rebus,

bus, atque actibus cognoscendis, adjuvandisque mi-
licentur?

Item Gregorius Nazianzenus in fine orationis in
Gorgoniam sororem suam: *Si tibi, inquit, aliqua
nostri sermonis est ratio, & hoc sanctis annis à Deo
unius, ut talia resciscant, suscipe nostrum sermonem
multorum epitaphiorum loco. Vides certè Gregorium
dubitasse, an Sancti cognoscant nostras preces.*
Qualem etiam dubitationem legimus in Augustino
lib. de vera religione cap. 55. *Quisquis, inquit, An-
gelorum vel hominum diligit hunc Deum, certus sum
quòd etiam me diligit: Quisquis in illo manet, & po-
test humanas preces sentire, in illo me exaudit.* Ubi vi-
detur dubitare, utrum omnes Sancti possint huma-
nas preces sentire.

Similem etiam dubitationem legimus in Origene
lib. 2. in epist. ad Romanos, non procul à principio:
*Si extra corpus, inquit, positi, vel sancti qui cum Chri-
sto sunt, agunt aliquid & laborant pro nobis ad simili-
tudinem Angelorum, qui salutis nostra ministeria prae-
stant, vel rursus peccatores etiam ipsi, extra corpus po-
siti, agunt aliquid secundum propositum mentis suae, An-
gelorum nihilominus ad similitudinem suistorum, ha-
beatur hoc quoque inter occulta Dei, neque chartula
committenda mysteria.*

Respondeo, huius argumenti nec bonam esse con-
secutionem, nec verum id, quod assumitur. Itaque
primum consecutio negari potest: Nam cum cer-
tum sit ex tot Patrum testimoniis, & tot miraculis à
Deo ostensis, eos qui invocant Sanctos, exaudiri
& impetrare quod petunt. Certè non frustrà invo-
cantur Sancti, etiamsi demus eos non audire, ne-
que cognoscere nostras preces, nam aliquis alius
eorum vice fungitur; sicut non frustrà supplicat Re-
gi, qui certè scit Regem non lecturum supplicatio-
nem, sed aliquem alium ex aula ejus, & nihilomi-
nus ita se impetraturum quod petit, ac si Rex le-
gisset supplicationem.

Deinde, non est verum quod assumitur, Sanctos
ignorare quid ab illis petamus. Nam etsi dubitatio
esse possit, quemadmodum cognoscant absentia, &
quæ solo cordis affectu interdum proferuntur; ta-
men certum est eos cognoscere; cum, ut ostendi-
mus, præsint nobis, & rerum nostrarum curam ge-
rant. Ex certè melior est hæc consequentia: San-
cti rectè invocantur, ergo sciunt quid petamus;
quàm illa: non sciunt quid petamus, ergo non re-
ctè invocantur. Nam antecedens primi argumenti
habetur ex consensu totius Ecclesiae: antecedens se-
cundi, non probatur ullo solido fundamento.

De modo autem, quo cognoscunt, quatuor sunt
Doctorum sententiae; quidam dicunt eos cogno-
scere ex relatione Angelorum, qui nunc ad coelos
ascendunt, nunc inde ad nos descendunt. Quam
rationem innuit B. Augustinus lib. de cura pro mor-
tuis cap. 15.

Alii dicunt, Sanctorum animas, sicut etiam An-
gelos, mira quadam celeritate naturæ quodammo-
do esse ubique, & per se audire preces supplican-
tium, quam rationem videtur habere B. Hierony-
mus in lib. contra Vigilantium. Sed neutra est suffi-
ciens, nam neque Angeli, neque animæ beatæ,
etiamsi præsentes sint, possunt cognoscere natura-
liter preces nostras, quando sola cognitione ora-
mus. Et præterea, ad cognoscendas preces, quæ
eodem tempore fiunt in diversissimis locis, non suf-
ficit celeritas, sed requiritur vera ubiquitas, quam
nec Angelorum, nec hominum spiritibus convenire
credimus.

Alii dicunt, Sanctos videre in Deo omnia à prin-
cipio suæ beatitudinis, quæ ad ipsos aliquo modo
pertinent, & proinde etiam orationes nostras ad se

Contrav. Card. Bellarm. Tom. II.

A directas. Ita docent B. Gregorius lib. 12. moralium
cap. 13. & B. Thom. 3. part. quest. 10. art. 2. & 3. 2.
quest. 83. art. 4. & Cajetanus ibid. estque probabilis
hæc sententia.

B Alii postremò dicunt, Sanctos non videre in Ver-
bo orationes nostras à principio suæ beatitudinis,
sed solum tunc revelari eis à Deo orationes nostras,
quando eas fundimus. Sic enim Prophetæ, Deo re-
velante, cognoverunt futura, & multi Sanctorum
hic in terris donum à Deo habuerunt, quo cogno-
scerent cogitationes hominum, & facta etiam oc-
cultissima, ut de Samuele 1. Regum 9. Item de Eli-
sæo narratur lib. 4. Regum cap. 5. & de Petro A-
post. 5. & idem de S. Benedicto scribit B. Gregorius
lib. 2. Dialog. cap. 20. Ex idem legimus de S. Ber-
nardo, Francisco, aliisque permultis: Quantò ma-
gis credendum est, Sanctos in coelo hoc dono pol-
lere? Hæc est aperta sententia B. Augustini lib. de
cura pro mortuis cap. 15.

C Arque ex his duabus prior videtur simpliciter pro-
babilior, quia si indigerent Sancti nova revelatio-
ne, Ecclesia non diceret ita audacter omnibus San-
ctis: *Orate pro nobis*, sed peteret aliquando à Deo,
ut eis revelaret preces nostras. Deinde non posset
reddi ratio tam facilè, cur Sancti nunc invocentur,
& ante adventum Christi non invocarentur. Ta-
men posterior sententia est magis idonea ad convin-
cendos hæreticos; rationem enim superiorem Cal-
vinistæ non recipiunt, quippè qui putant Sanctos
non videre Deum ante Diem judicii, hanc autem
rejicere non possunt; nam etiamsi Sancti non vide-
rent Deum, adhuc possent eis revelari preces no-
stræ sicut hic in terris revelabantur.

D Sed dices; Quod respondebimus hæreticis secun-
dum hanc ultimam sententiam, si petant, cur Pa-
tribus in limbo non revelarentur preces viventium,
si nunc revelantur in coelo? Respondeo, Patribus in
limbo non fuisse ordinariè revelatum quid hic age-
batur, quia non erant beati; Nam ad perfectam
beatitudinem pertinet scire ea, quæ ad se pertinent,
& præcipue quæ faciunt ad honorem & gloriam.
Præterea, quia Sancti in limbo non ita gerebant
curam rerum nostrarum, nec erant præpositi Eccle-
siæ, ut Sancti in coelo sunt, ut supra ostendimus,
& ex divinis literis manifestè deduximus.

E Ex his ad primum dico, solum Deum cognosce-
re cogitationes omnes omnium cordium, idque na-
turaliter & propria virtute: Sanctos autem solum
cognoscere eas, quæ à Deo ipsis manifestantur,
sive beatifica visione, sive etiam nova revelatio-
ne.

Ad secundum respondet Gregorius lib. 12. mo-
ralium c. 13. eum locum exponens, sancto Job vo-
luisse dicere, naturaliter non cognoscere defunctos,
quid agant vivi, sicut nec vivi cognoscunt, quid
agant mortui; tamen Sanctos, qui Dei claritate
fruantur, omnia in Deo videre; quæ nimirum ad
eos pertinent.

Ad tertium, eadem solutio est.

Ad quartum, Hieronymus in eum locum expo-
nit de cognitione approbationis, ut sit sensus; A-
braham nescivit nos, idest, non habet nos pro fi-
liis, non diligit nos, contemnit nos, quia intelli-
git nos à te recessisse, & hæc videtur literalis ex-
positio. Quia tamen B. Augustinus lib. de cura pro
mortuis cap. 13. exponit de cognitione propriè di-
cta, idèò responderi etiam potest, Abrahamum &
Israellem, & alios Patres veteris Testamenti non
cognovisse posteros suos viventes, quia nondum
beati erant, & naturaliter mortui non sciunt quid
viventes agant.

Ad quintum, eadem solutio est.

A 2 3

Ad

Ad Sextum dico, Augustinum loqui in eo capite de cognitione & conversatione naturali, id enim solum contendit, mortuos non versari nobiscum, nec esse sollicitos de rebus nostris, nec eas cognoscere, sicut faciebant, cum hic viverent. Nam quod supernaturaliter divina revelatione sciunt, quæ hic aguntur, docet aperte ibid. cap. 15. Et quod divina virtute possint huc venire, & nobis opem ferre, docet ibid. cap. 16. ubi sic ait: *Non igitur, inquit, ideo putandum est, vivorum rebus quolibet interesse posse defunctos, quoniam quibusdam sanandis, vel adjuvandis Martyres adfunt, sed ideo potius intelligendum est, quod per divinam potentiam Martyres vivorum rebus interfunt, quoniam defuncti per naturam propriam vivorum rebus interesse non possunt.*

Dices, Augustinus putabat, matrem suam beatam esse, ut ipse dicit de cura pro mortuis cap. 13. & tamen ibidem probat, mortuos non scire quid agamus, quia mater sua numquam ad consolandum veniebat. Respondeo, Sanctos cognoscere preces nostras, & posse ad nos venire quando volunt, tamen non propterea scire omnia nostra, nec interesse assidue rebus nostris, more humano, ut Augustinus eo loco probat exemplo matris suæ.

Ad locum Nazianzeni dico, illud (Si) non esse dubitantis, sed affirmantis, ut cum dicit Apostolus ad Philemonem: *Si habes me socium, suscipe illum*; Nam Gregorius Nazianz. passim asserit, Sanctos videre quod hic agatur, ut oratione in Athanasium: *Ab alio, inquit, recte novi, res inspicit nostras, manumque porrigit illi, qui laborant pro bono, & tanto amplius, quanto magis à vinculis est liberatus.*

Ad alterum locum B. Augustini dico, cum rectissime dicere: *Quisquis in illo manet, & potest humanas preces audire*, quia multi manent in Deo, qui non possunt humanas preces audire, videlicet illi omnes, qui sunt in charitate, & tamen nondum sunt beati, nam omnis qui manet in charitate, in Deo manet, 1. Joan. 4. & tamen non omnis, qui manet in charitate, jam est in cælo beatus.

Ad locum Origenis dico, cum ibi agere de naturali conversatione & notitia, non enim ambigit, an Sancti videant quid agamus, & nos juvent orationibus suis, quod disertis verbis docet lib. 8. contra Celsum circa finem, & hom. 26. in lib. Numeri, & hom. 16. in Josue, & alibi, sed solum, utrum Sancti hominum spiritus, sicut Angeli & Demones, qui verè semper nobis adfunt, illi ut ad bonum, isti ut ad malum pertrahant, nobiscum assidue versentur.

Argumentum quartum. Deus paratissimus est nos audire, & magis nos diligit quam ullus Sanctorum, ergo frustra invocantur Sancti, imò signum diffidentiae est, Sanctos invocare, ait enim Dominus Luc. 11. *Petite, & accipietis.* Et Joan. 16. *Si quid petieritis Patrem in nomine meo, dabit vobis.* Et Paulus ad Hebræos 4. *Accedamus cum fiducia ad thronum gratiae ejus.* Præterea Joannes Chrysostomus in hom. de profectu Evangelii tom. 3. sic ait: *Certum, inquit, non opus tibi patronis apud Deum, neque multo discursu, ut blandiare aliis, sed licet solus sis, patronoque careas, & per te ipsum Deum preceris, omnino tamen voti compot eris, neque enim tam facile Deus annuit, cum ab aliis pro nobis orant, ut cum ipsimet oramus, etiam si plurimus pleni sumus malis.* Idem habet præfatione in Psal. 4.

Respondeo, nihil ex hoc argumento colligi, alioqui enim etiam frustra & ex diffidentia peteremus preces viventium, & præterea licet Deus sit paratus audire, & magis nos diligit, quam ullus Sanctorum, tamen magis paratus est audire Sanctos, quam nos, & magis diligit Sanctos, quam nos; quia oratio, ut impetret, requirit dispositionem in orante,

A) quam non habemus semper; ideo utilius est, ut ad Deum cum Sanctis eamus, quam soli. Unde Job ultimo dicit Deus: *Ite ad servum meum Job, ut oret pro vobis.* Et Gen. 20. Abimelech non nisi per Abrahæ preces à Deo sanari potuit. Et Ezech. 20. Deus ipse quærebat virum, qui opposeret se iræ ipsius; volebat enim ignoscere populo, sed per sancti cuius preces. Denique, quis nescit prædestinationem ipsam juvari precibus Sanctorum, quod statuerit Deus uti Sanctorum precibus, ad salutem alicuius exequendam.

B) Ad loca Scripturæ dico, esse impertinentia, nec enim cum oramus Sanctos, tunc nihil à Deo petimus, vel non petimus cum fiducia; immò contrà; ideo Sanctorum preces imploramus, ut majori cum fiducia ad Deum accedere possimus, & facilius impetremus, quod petimus.

C) Ad locum Chrysostomi dico, in primis cum loqui de iis, qui preces mortalium implorant, non de iis, qui Sanctos cum Christo regnantes invocant, ut patet ex illis verbis: *Non est opus multo discursu, ne blandiare aliis &c.* Dico præterea, cum reprehendere illos, qui pro se non orant, sed tantum aliorum orationes petunt, ut faciunt multi divites, qui nolunt laborare in oratione, & ideo solum largiuntur eleemosynas pauperibus, ut orent pro se: quibus merito anteponit eos qui pro se orant, etiam si aliorum orationes habere fortè non possint. Quibus tamen utrisque anteponendi illi, qui & pro se orant, & simul aliorum preces implorant, ut ipse idem Chrysostomus passim docet, ut hom. 5. in Matth. *Non igitur, inquit, quasi oscitantes & desides ex aliorum meritis pendeamus, habent enim vim pro nobis & quidem maximam, orationes, supplicationesque Sanctorum, sed tunc profectò, cum nos quoque id ipsum per penitentiam postulamus.* Et hom. 1. in priorem epist. ad Thessalon. *Quid mihi opus est, inquit, aliorum precibus, quando ipse sedulus fuero? numquam hoc dixeris homo, necesse est, & multa prece necesse est.* Et infra: *His itaque cognitis, nec Sanctorum preces contemnamus, neque totum in illas projiciamus &c.* Vide etiam homil. 8. in Matth. & homil. 43. in Genesim.

D) Argumentum quintum. Quis sit invocandus, Christus verbo, & exemplo nos docuit: Nam Matth. 6. & Lucæ 11. *Orantes, inquit, dicite, Pater noster qui es in cælis*, ipse etiam Christus aliquoties Patrem compellat, Joan. 12. *Pater, clarifica me*, Joan. 17. *Pater, venit hora &c.* Non igitur Angeli, vel homines mortui invocandi sunt, ita colligunt Magdeburgenses Cent. 1. lib. 1. cap. 4. colum. 139.

E) Respondeo, orationem Dominicam ad solum Patrem referti volunt idem Magdeburgenses ibidem. Sic enim habent: *Non Angelum, vel Patriarcham, aut Prophetam mortuum, sed Patrem tantum jubet invocari.* Quæro igitur, liceatne Filium & Spiritum sanctum invocare, an non? Respondebunt, licere. Sic enim infra docent: *Quod etiam Filius possit ac debeat invocari, exempla docent.* Et infra: *Spiritum sanctum quoque posse ac debere invocari, vel ex Baptismi verbis colligi potest:* Hæc illi.

Non igitur concludit illud argumentum, Christus verbo & exemplo solum Patrem invocari docuit, ergo Sancti homines, aut Angeli invocandi non sunt. Nam si hoc concluderet, concluderet etiam illud: Christus verbo & exemplo solum Patrem invocari docuit, ergo Filius Dei & Spiritus Sanctus invocandi non sunt.

Addo præterea, Christum cum Apostolos docuit orare, non de eo, qui orandus est, sed de iis rebus, quæ petendæ sunt, admonere voluisse discipulos.

pulos. Satis enim constabat, Deum esse orandum, & solum etiam Deum, cum auctor donorum quaritur, sed de modo orandi, sive de petendis rebus Apostoli ambigebant, cum dicerent Luc. 11. *Docet nos orare.*

Argumentum sextum. Nullum exstat Scripturæ mandatum, vel exemplum, vel promissio de invocatione Sanctorum: non igitur Sancti invocandi sunt. Ita colligit Confessio Augustana artic. 12. & omnes alii hoc argumento uti solent.

Respondeo, si hoc argumentum concluderet, efficeret etiam, Sanctos non orare pro Ecclesia, nec in genere, nec in particulari, quod tamen Apologia Confessionis Augustanæ aperte concedit. Sic enim loquitur: *De Sanctis, etsi concedimus, quod sint vivi orant pro Ecclesia universa in genere, ita in celis orant pro Ecclesia in genere, tametsi testimonium nullum de mortuis orantibus exstat in Scriptura, præter illud somnium sumptum ex libro Machabeorum posteriore.* Hæc Apologia.

Deinde, quod ad mandatum attinet, nullum certe mandatum requiritur, quando ipsa necessitas nos impellit. Exempla plurima sunt in utroque Testamento, ut supra demonstravimus. Promissio denique minimè desideratur, cum innumerabilia signa & prodigia ad invocationem Sanctorum facta satis testentur, Deum audire eos, qui Sanctorum patrocinia ad impetrandum aliquid à Deo adhibent. Quamquam in libro Job cap. ult. particulare mandatum, exemplum, & promissionem habeamus ex quibus de toto genere invocationis judicari potest: *Ite ad servum meum Job, in mandatum: & orabit pro vobis, in exemplum: & ego suscipiam faciem ejus, ut non vobis imputetur stultitia, in promissio.*

At, inquiunt, Job erat vivus & præsens, Sancti verò mortui sunt & absentes. Sed non ita est; Sancti enim nunc maximè vivunt ea parte sui, quæ preces audire, & pro supplicibus interpellare Deum possunt. Nec sunt absentes, quoad exauditionem, licet loco absentes videantur, ut supra satis probatum est. Et patet de Angelis ex illo Psal. 137. *In conspectu Angelorum psallam tibi.* Et 1. Corinth. 4. *Spectaculum facti sumus mundo, Angelis, & hominibus.* De sanctis item hominibus patet ex Apocalyp. cap. 11. & 19. ubi describuntur Sancti in celo videntes ea, quæ fiunt in terra. Unde Basilii in lib. de virginitate ante medium: *Reveretur, inquit, ipsum sponsum ubique præsentem, & hujus Patrem ac sanctum Spiritum, & quid jingula dico? Angelorum innumerabilem multitudinem, & cum his Patrum sanctos spiritus, nullus enim hominem est qui non ubique omnia videat.* Et Gregorius lib. 12. moralium cap. 12. *Qua anima intus claritatem omnipotentis Dei cernunt, nullo modo credendum est, quia foris sit aliquid quod ignorent.*

Argumentum Septimum. Nemo audeat causidici partibus apud terrenum Principem fungi, nisi à Principe ipso admissus: Unde ergo vermis, inquit Calvinus lib. 3. Instut. cap. 20. §. 23. *santa licentia, ut Deo patronos obtrudant, quibus nomen injunctum non legitur?*

Respondeo, non facimus Sanctos causidicos, sive patronos ejus generis, cujus illi sunt hic in terris qui iure agunt, causasque defendunt, quique non misericordiam sed justitiam petunt; hos enim à Magistratu admitti necesse est. Tribuimus autem Sanctis illud solum munus, quod hic in terris tribuere solentur amicis & familiaribus Principum, qui sæpè pro miseris intercedunt, nec ulla nova facultate ad id faciendum egent.

Argumentum octavum. Multi invocantur, qui non modò non Sancti, sed nec homines fuerunt, *Controv. Card. Bellarm. Tom. I.*

A ut Christophorus, Georgius, Catharina: superstitiosa igitur invocatio est. Ita ratiocinatur Philippus in Apolog. art. 21. Confess. Augustanæ, & Calvinus in lib. de ratione veræ reformationis Ecclesiæ, ubi etiam pro solita sua modestia S. Dominicum, carnicem, S. Medardum & quosdam alios, bestias; Sanctos verò generatim, monstra appellat.

B Respondeo, Sanctorum quorundam historias apochryphas quidem & incertas esse: non tamen propterea Sanctos ipsos nunquam fuisse. Nam si ita argumentari liceat; plerique Apostoli inter Sanctos numerari non poterunt, nam historiae, quæ feruntur vel ex Abdia, vel ex aliis, ut plurimum non sunt prorsus indubitatae. Habemus quidem in Evangelio vocationem Apostolorum, & pauca quædam ex vita ipsorum, necnon felicem dormitionem S. Jacobi Majoris, Act. 11. & S. Petri prædictam mortem gloriosam à Domino, Joannis 21. At aliorum Apostolorum finem ex divinis literis non habemus: Quocirca Gelasius Papa, Canone, Sancta Romana dist. 15. historiam S. Georgii inter Apochryphas numerat, & tamen sanctum ipsum Georgium colendum esse affirmat, quia etsi apochrypha erat historia, quæ tunc exstabat, non tamen apochrypha est consuetudo universalis Ecclesiæ, qua semper Georgii, Christophori, & Catharinæ memoria celebratissima fuit.

C Adde præterea, quòd si apochryphæ sunt historiae trium vel quatuor Sanctorum, innumerabilium aliorum certissimæ atque indubitatae sunt, quorundam etiam sanctitas & gloria in ipsis divinis literis prædicatur, ut Mariæ, Joannis Baptistæ, Petri, Stephani, & aliorum. Quocirca si ideò nolunt adversarii Georgium, Christophorum, aut Catharinam colere, quòd eorum historiae incertæ sint, cur Mariam, Joannem, Stephanum, Petrum, Jacobum, non colunt, quorum historias negare non possunt? Cur etiam in suis ipsi Calendariis eos ponunt, quos perditissimos homines fuisse, interdum etiam diversæ religionis à sua, fateri cogerentur, si ad rem attendere paulò diligentius vellent, de qua re vide Dialogum sextum Alani Copi Angli.

D Argumentum nonum. Si Sanctorum invocatio superstitione, & ethnica imitatione careret: certè non peteretur ab uno Sancto unum, ab alio aliud, cum Deus unus sit auctor omnium donorum, & iis æquè possit per intercessionem unius, ac per intercessionem alterius quidlibet concedere: at Catholici unum invocant contra pestem, alium contra oculorum dolorem, alium contra dolorem dentium.

E Respondeo, hoc argumentum passim inculcant Magdeburgenses, Calvinus, & alii, sed antiquam renovant querimoniam Juliani Apostatæ apud Cyrillum lib. 6. in Julianum; Manichæorum, apud Augustinum lib. 3. contra Faustum cap. 4. & Vigilantii apud Hieronymum lib. in Vigilantium. Omnes enim isti queruntur quòd verterimus idola in Martyres, & eos similibus votis colamus, quod argumentum est, majores nostros esse Cyrillum, Augustinum, Hieronymum, & reliquam Ecclesiam, quæ cum illis communicabat: majores autem Calvini, & Magdeburgensium esse Julianum Apostatam, Faustum Manichæum, Vigilantium, ac ceteros apostatas, vel hæreticos, qui cum eis communicabant.


Sed ut ad rem propiùs accedam, dico, Deum posse, si voluerit, per quemlibet Sanctorum omnia concedere, & sine Sanctis etiam multa, vel omnia dare: interdum tamen velle unius intercessione, miraculum aliquod operari; aliud verò intercessione alterius operari. Quis autem novit consilium Dei; aut quis ei dicere potest, cur ita facis? Sicut etiam

per unum operatur Deus multa miracula, & per alterum fortasse maiorem nulla, cuius rei causam solus ipse novit, ut B. Augustinus docet in epistol. 137. ad Clerum & populum Hipponens. Ubique quidem, inquit, Deus est, & nullo continetur vel includitur loco, qui condidit omnia. Verumtamen quis potest eius consilium perscrutari, quare in aliis locis hac miracula fiant, in aliis non fiant? Multis enim notissima est sanctitas loci, ubi B. Felicis Nolensis corpus conatum est, quò volui ut pergerent (duo Clerici) quia inde nobis facilius, fideliusque scribi potest, quidquid in eorum alioquo divinitus fuerit propalatum. Numquid non & Africa sanctorum Martyrum corporibus plena est? & tamen nusquam hic scimus talia fieri. Sicut enim dicit Apostolus, (1. Corinth. 12.) non omnes Sancti habent denominationem; ita nec in omnibus memoriis Sanctorum ista fieri voluit ille, qui dividit propria unicuique sicut vult. His accedat, quòd etiam quidam Sancti aliquo genere miraculi interdum magis clarent, quam alii, tamen ab omnibus omnia petimus, nec pu-

A ramus ita ab uno unum esse petendum, ut non etiam exstenuemus alterius intercessione obtineri posse.

Argumentum Decimum. Sancti in coelo nihil sibi mereri, vel impetrare possunt, ergo multò minus aliis. Respondeo, Sanctos non posse mereri, nec sibi, nec aliis, tamen ex meritis precedentibus posse impetrare & sibi & aliis, id quod orando petunt, petunt enim sibi gloriam corporis, nobis autem omnia, quibus indigemus.

B Sed objicies, jam primum acceperunt meritorum suorum, ergo nihil amplius eis debetur. Respondeo, eos quidem accepisse primum, sed ad primum eorum hoc etiam pertinere, ut semper sint amici Dei, & ut amici impetrent à Deo, quidquid ab illo petunt. Sicut etiam hic in terris, si aliquis, qui diu militavit, Regi, omnia stipendia sua acceperit, poterit tamen pro aliis supplicare, & jure amicitiae obtinebit multò facilius quàm alius, qui nunquam Regi servivit.



LIBER SECUNDUS

DE

RELIQUIIS

ET

IMAGINIBUS SANCTORUM.

CAPUT PRIMUM.

Proponuntur argumenta contra cultum reliquiarum.



Disseruimus Libro superiore de gloria & cultu Sanctorum; nunc de veneratione earum rerum, quæ ad illos pertinent, idest, reliquiarum sanctarum & imaginum disputandum erit. Ac, ut à reliquiis ordiamur, reliquiarum sanctarum cultum primus reprehendere cœpit Eunomius, & post eum Vigilantius, si B. Hieronymo lib. contra Vigilantium credimus. Neque his repugnat quod ibidem paulò infra idem Hieronymus dicit, hanc hæresim olim erupisse contra Ecclesiam, & adversus eam scriptum esse librum Tertulliani, qui dicitur Scorpiacus: nec etiam quod in epistola ad Riparium originem hujus hæresis revocet ad Judæos & Samaritanos; nam verè primus auctor, qui expressè hoc asseruit, Eunomius fuit. Gnostici enim, contra quos scribit Tertullianus suum Scorpiacum, solùm negabant, martyria perpetienda. Ex quo tamen deduci poterat, Martyrum corpora non colenda, quamvis ipsi hoc expressè non dicerent. Porro Judæi & Samaritæ omnia corpora immunda esse credunt: nihil tamen in particulari de Sanctorum corporibus disputant.

Post Vigilantium Constantinus Copronymus Imperator, ut Suidas in ejus vita scribit, omnes reliquias ubique deleri jussit. Eadem hæresi laborasse Claudium Taurinensem, scribit Jonas lib. 1. de cultu imaginum, Eandem etiam Wiclefistis placuisse, auctor est Thomas Waldensis tom. 3. tit. 14.

Denique eandem hoc tempore Lutherani & Calvinistæ excitarunt. Nam Lutherus in sermone de cruce, reliquias ut fidelium seductiones altissimè sub terram abscondendas judicat. Eum sequuti Magdeburgenses passim reprehendunt cultum reliquiarum, sed præcipuè Cent. 4. cap. 6. col. 456. Idem facit Calvinus lib. de formandæ Ecclesiæ necessitate, & in admonitione de reliquiis.

Argumenta Wiclefistarum duo erant. Primum, quia Matth. 23. arguuntur à Domino Judæi, quod ornarent sepulchra Prophetarum. Secundum, quia in tumulis, quæ dicuntur Sanctorum nec animæ, nec corpora Sanctorum sint, sed soli cineres.

His addit Calvinus in admonitione de reliquiis alia quinque. Primum, quia Deus abscondit Moysi corpus, ut habetur Deuteron. ult. Causa autem redditur ab omnibus, ne Judæi illud adorarent. Unde etiam in epistola Judæ legimus, Diabolum contendisse cum Michael Archangelo de Moysi corpore: quia videlicet Diabolus illud manifestare

A volebat, ut occasionem præberet Judæis illud adorandi.

Secundum, quia Paulus 2. Corinth. 5. dicit, post resurrectionem Christi se non nosse Christum secundum carnem; quibus verbis monet, quidquid in Christo carnale fuit, oblivioni tradendum, & missum faciendum, ut in eo secundum spiritum quærendo, & possidendo omne studium ponamus.

B Tertium, quia idem Paulus ad Colossens. 2. damnat omnem cultum arbitrarium, idest, à Deo non institutum, quem ipse Græcè vocat *idolopoiuian*, tamquam stulticiam, etiamsi speciem sapientiæ habere videatur. At certè cultus reliquiarum non habetur à Domino institutus, sed est voluntarius, & ab hominibus excogitatus.

C Quartum, quia desiderium reliquiarum nunquam superstitione caret, immò mater est idololatriæ. Nam non possunt haberi vel atrectari, quin statim sequatur veneratio; venerationi autem nullus adhibetur modus, quin statim honor Christo debitus ipsis tribuatur. Id quod experientia testatur, nam in signum sollemnis adorationis, cerei nunc passim accenduntur coram Martyrum sepulchris. Et confirmatur; nam Hieronymus objicienti Vigilantio esse idololatriam accendere cereos coram reliquiis, nihil aliud respondere potuit, quàm id facere solùm mulierculas, quæ zelum habent, sed non secundum scientiam. Addere possumus Concilium Elibertinum, can. 34. ubi dicitur, ejusmodi cereis Sanctorum spiritus inquietari, & Augustinum, qui lib. de moribus Ecclesiæ cap. 34. reprehendit sepulchrorum adoratores.

D Quintum, quia maxima pars reliquiarum suppositicia est, & sæpè accidit, ut pro reliquiis Sanctorum ossa latronum, vel etiam canum, aut asinorum veneremur. Id quod probat Primum, quia Augustinus in libro de opere Monachorum cap. 28. cum dixisset quosdam Monachos circumferre, & venditare membra Martyrum, addidit: *Si tamen Martyrum*. Si enim jam tunc coeperunt imposturæ, quid modo fieri credendum est? Deinde, quia tam multæ reliquæ ejusdem generis inveniuntur, ut oporteat vel eundem Sanctum multa corpora habuisse, vel multas esse falsas reliquias. Hæc ille, quæ omnia argumenta cap. 4. refellentur.

E Porro Calvinistæ ubicumque possunt reliquias Sanctorum exurunt, & cineres in flumen abjiciunt: & notandum sanè anno 1562. à Calvinistis corpora Sanctorum Irenæi, Hilarii, & Martini effossa, & cremata, & in profluentem projecta fuisse, ut refert Surius, quod idem eodem in loco corporibus aliorum Sanctorum fecerant Ethnicis ante annos 1400. nam ut scribit Eusebius lib. 5. histor. cap. 3. Ethnicis Martyrum reliquias igni absumptas, in Rhodanum abjecerunt. Ut hinc nimirum intelligamus, quanta sit Calvinistarum cum Ethnicis cognatio sacrilegiorum atque perfidiæ. Quod autem Calvinistæ ferro & flam-

& flammis agunt, id agunt imposturis, mendaciis & fraudibus Magdeburgenses, quorum aliquas hic breviter duximus adnotandas.

C A P U T II.

Deteguntur mendacia Centuriatorum.

INitio igitur de origine venerationis & cultus reliquiarum mirabiliter disputant Magdeburgenses, nam Centur. 6. in ipsa præfatione dicunt, eo sæculo, nimirum post annum Domini 500. coepisse cultum reliquiarum occasione templorum, quæ tunc ingentibus sumptibus extruebantur. Idem tamen Centur. 5. cap. 7. col. 744. dicunt, cultum reliquiarum ipso quinto sæculo, idest, ante annum 500. coepisse. Non ergo verum est, quod dicunt in præfatione Centur. 6. Porro iidem auctores Centur. 4. cap. 6. col. 456. & cap. 13. col. 1446. dicunt, superioribus sæculis, idest, usque ad annum 300. nihil haberi in probatis auctoribus de veneratione & translatione reliquiarum, sed coepisse istam superstitionem sæculo quarto, quando iussu Iuliani Apostatæ reliquie Sancti Babylæ translatae fuerunt, quæ translatio cum summa celebritate facta est circa annum Domini 365. Eo enim tempore Julianus imperavit, ut sanctus Hieronymus testatur in Chronico: non ergo verum est, quod scripserunt Magdeburgenses Centur. 5. & 6.

Sed neque est verum, quod in ista Centuria 4. dicunt, nam in additione ad primam Centuriam, in vita sancti Lucæ, fatentur iidem Centuriatores, ante tempora Iuliani fuisse translatas summo cum honore reliquias sancti Andree & S. Lucæ Constantinopolim à Constantino Imperatore, ut B. Hieronymus testatur libro contra Vigilantium.

Præterea Cent. 2. cap. 3. col. 31. & sequentibus referunt ad verbum ex historia Eusebii lib. 4. cap. 15. epistolam Ecclesiæ Smyrnenfis de martyrio Polycarpi, in qua epistola narratur, Christianis cupientibus reliquias Martyris, & Judæis pertinacissime resistentibus, iudicem Ethnicum voluisse corpus in medio positum cremari usque ad cineres: & tamen Christianos collegisse incredibili aviditate reliquias illas: *Ac si essent* (inquit epistola) *lapidibus pretiosissimis pretiosiores, & auro probatissimo probatiores*. Eas autem reliquias à Christianis collectas ad cultum, patet tum ex verbis citatis, tum ex contentione adversariorum. Judæi enim atque Ethnici resistebant, ne reliquie raperentur prætextu pietatis. Existimabant enim corpora à Christianis adorari, ut in eodem loco Eusebius testatur: non ergo verum est, quod dixerunt Centur. 4.

Sed neque tunc coepit honor reliquiarum, nam B. Gregorius lib. 3. epistol. 30. scribit, ipso tempore, quo Petrus & Paulus passi sunt, venisse fideles ab Oriente, qui eorum reliquias tamquam suorum civium peterent, sed cum eas detulissent usque ad secundum lapidem ab urbe, divino miraculo impeditos, non potuisse ulterius eas deferre, tum verò à Romanis fidelibus apud Catacumbas reconditas fuisse. Unde postea Cornelius Papa (ut in Pontificali Damasus refert) transtulit ad ea loca, ubi nunc jacent. Itaque de origine cultus reliquiarum quatuor mendacia inter se pugnantis Magdeburgenses protulerunt.

Secundum mendacium est, Centur. 4. cap. 8. col. 602. ubi postquam dixerunt, rectè & piè Vigilantium contra reliquias scripisse, Hieronymum autem solis conviciis & importunitate pro reliquiis pugnasse, addunt Gregorii testimonium: *Id quod* (in-

quunt) *etiam Gregorius visum est, qui de scripto Hieronymi contra Vigilantium ita censuit: in Vigilantium ita conviciis debachatur Hieronymus, ut plusculum in eo modestia cogor desiderare*. At ista verba nullius Gregorii sunt, sed Erasmi in argumento ad librum B. Hieronymi contra Vigilantium.

Tertium est, Centur. 5. cap. 6. col. 699. ubi sic habent: *Augustinus* (inquiunt) *de reliquiis Stephani scribit, superstitiosum, & magnum concursum multitudinis ad eas in Africam usque factum, dementatis populis quibusdam illusionibus, quæ pro miraculis habita sunt, libro de civitate Dei 23. capite 8*. At si legamus eorum istud caput, quod ipsi citant, non inveniemus usquam nomen superstitionis, vel illusionis, sed tantam pietatem erga sacras reliquias, ut hic locus Augustini satis esse videatur ad omnes hæreticorum nebulas dissipandas. Inter alia multa sic ait de quodam miraculo: *Clarissima femina est, nobiliter nata, nobiliter nupta, Carthagine habitat, ampla civitas, ampla persona, rem quærentes latere non possunt &c*. Ex infra: *Unum est apud nos factum, non majus quam illa, quæ dixi, sed tam clarum atque illustre miraculum, ut nullum arbitrer esse Hipponensem, qui hoc non vel viderit, vel didicerit, nullum qui oblivisci ulla ratione poterit*.

Neque est hoc Magdeburgensium solum mendacium impudens, sed etiam peccatum in Spiritum Sanctum, quod Dei miracula testatissima, illusiones vocent: & præterea est insania manifesta, cum B. Augustinum, virum sapientissimum, quasi pueriliter ludentem faciant. Nam cum beatus Augustinus toto illo capite probare contendat fidem Catholicam, non carere veris miraculis: nonne prorsus insaniret, secumque ipse, & cum fide pugnaret, si miracula, quibus fidem probari dicit, illusiones ipsemet appellaret, & populum, qui illis credit, supersticiosum, & dementatum diceret?

Quartum mendacium est omnino simile superiori, nam eadem Centuria 5. cap. 15. columna 1506. dicunt reliquias Martyrum ab Ethnicis contemptas fuisse, & in eo melius sensisse, quam supersticiosi Christiani sentiant, Theodoreto auctore lib. 8. de Martyribus. Atqui Theodoretus eo libro nusquam habet, melius sensisse Gentiles de reliquiis, quam Christianos, sed omnino contrarium asserit, & defendit. Vide (Lector) locum, & iudex esto.

Quintum est Centuria 4. cap. 13. col. 1446. ubi referunt historiam de translatione sancti Babylæ, ex Ruffino lib. 1. cap. 36. quia enim oraculum Apollinis obmutuerat ob viciniam sepulchri sancti Babylæ, & ideo Julianus Apostata jussit inde amoveri arcam Martyris: dicunt Centuriatores Diabolum de industria simulasse se impediri à Martyre, ut ea ratione occasionem daret celeberrimæ illi translationi, & sic introduceret usum translationis, & venerationis reliquiarum.

At istud mendacium est impudentissimum, nam in primis repugnat omnibus auctoribus, qui de hoc miraculo scribunt, nimirum Chrysostomo libro contra Gentiles, Ruffino lib. 1. cap. 36. Socrati lib. 3. cap. 18. Sozomeno lib. 5. cap. 19. & Theodoreto lib. 3. cap. 10. Deinde miraculum sequens clarè ostendit Diabolum seridè timuisse, nam vix arca Martyris inde abducta fuerat, cum descendit ignis de coelo, & idolum, unde Diabolus fundebat oracula, totum consumpsit.

Præterea non fuit ista prima translatio reliquiarum, nam, ut jam ostendimus, multæ antea præcesserunt, & idem corpus sancti Babylæ antea fuerat translatum ex Antiochia ad suburbium istud Daphnes, ut Chrysostomus docet, unde postea Julianus iterum Antiochiam transferri jussit: non ergo po-

potuit Diabolus illa simulatione velle introducere usum translationum. Præterea si Diabolus ita cupit istam idololatriam erga reliquias, cur semper instigavit Judæos, Ethnicos, & Hæreticos, ut abolerent omnes reliquias.

Sextum mendacium est in eadem Cent. 4. cap. 13. col. 1447. ubi referunt ex Gregorio Nazianzeno oratione prima in Julianum, duos adolescentes nepotes Constantii Imperatoris, Gallum & Julianum, volentes exstruere insignem Ecclesiam supra tumulum Mamantis Martyris, inter se divisisse opus, sed partem illam, quæ exstruebatur à Gallo verè pio, & fideli sceleratissime processisse: partem autem, quæ exstruebatur à Juliano, qui apostata futurus, jam mente corruptus erat, non potuisse unquam coalescere, eò quòd terra insolito more contremiscens, continuò quasi evomeret, quidquid Juliani sumptibus in fundamentis projiceretur. Causam hujus miraculi Nazianzenus dicit fuisse, quòd sancti Martyres inter se mirificè diligant. Ideò enim Martyrem, cui templum exstruebatur, honorem illum recusasse, quòd nollet ab eo honorari, à quo collegas suos contumelia afficiendos prævidebat: & ipsum etiam Deum, qui corda intuetur, opus Galli, tamquam Abelis sacrificium admisisse, opus Juliani, tamquam sacrificium Cain abjecisse. Sic igitur Gregorius.

At nostri Centuriatores de hoc miraculo duplicem sententiam proferunt. Ajunt Primò, temeritatem esse credere, illud portentum opera Martyris accidisse, propterea quòd Martyres non sunt καὶ κοινοί, & dormire dicuntur: ita illi loco citato, colum. 1445. At licet non sint Martyres ex natura sua καὶ κοινοί, idest, cordium scrutatores, quis tamen impedit, quo minus cordium cogitationes illis revelentur à Deo? & licet dormire dicantur, quia requiescunt à laboribus suis, tamen non sic dormiunt, quasi non videant, nec intelligant; nam si ita esset, tum etiam nec viverent.

Addunt Secundo colum. 1447. Deum impedivisse fabricam Juliani, ut indicaret, sibi displicere cultum illum superstitiosum Martyrum. At si ita est, cur non impedivit fabricam Galli, qui eidem Martyri operam dabat? An etiam Deum dormivisse dicent, ac fortasse Galli fabricam non vidisse?

Mendacium Septimum est in præfatione sextæ Centuriæ, ubi dicunt, à nobis divinis honoribus coli reliquias, atque easdem etiam, ac si viverent & sentirent, suppliciter invocari. Ceperunt, inquit, exanguia, & semicorrota ossa coli, invocari, divino honore affici. Eadem serè habet Calvinus in libro de necessitate reformatæ Ecclesiæ: Nec solum, inquit, Sanctos Christi loco adorant, sed etiam eorum ossa, vestes, calceos, & simulacra.

At quis unquam Catholicorum reliquias invocavit? Quis unquam auditus est in precibus, aut litanis dixisse: Sancta reliquia, orate pro me? Et quis easdem unquam divino honore affecit, vel Christi loco adoravit? Nos enim reliquias quidem honoramus, & osculamur ut sacra pignora patronorum nostrorum: sed nec adoramus ut Deum, nec invocamus ut Sanctos, sed minore cultu veneramus, quàm Sanctorum spiritus, nedum quàm Deum ipsum. Ita respondit etiam olim Hieronymus Vigilantio idem objicienti: & multò etiam antè idem responderunt discipuli S. Polycarpi apud Eusebium, loco antea citato lib. 4. hist. cap. 15.

CAPUT III.

Afferitur veritas, & probatur.

Nunc ad argumenta pro veritate accedamus. Primum sumi potest ab exemplis Scripturarum Exodi 13. Moyses discessurus cum populo ex Ægypto in Palestinam, noluit ibi relinquere ossa S. Josephi, jamdudum mortui, sed ea honorificè secum asportavit, & transtulit in terram promissionis. Non ergo superstitiosum neque novum est, transferre ossa Sanctorum, ut Magdeburgenses in singulis centuriis clamant. Item Deut. ultimo Deus ipse (ut Hieronymus contra Vigilantium argumentatur) corpus Moyse honoravit, dum illud propriis manibus sepelivit. Item 4. Reg. 13. ossa Helisai cum tetigissent mortuum quendam hominem, continuò illum ad vitam revocarunt. Non ergo Deus contemnit ossa Sanctorum, sed ea honorat, & honorari cupit, dum per illa miraculum tam insigne patravit. Item 4. Reg. 23. cum Josias delubra idolorum everteret, & omnem idololatriam delere vellet, tantum abest, ut reliquias Sanctorum delendas esse existimaret, ut cum aliorum mortuorum ossa effodisset, & in cineres redegisset, ossa tamen sancti Prophetæ ibidem reperta asservari jussit.

Adhæc de sepulchro Domini legimus Isaia 55. In eum (Messiam videlicet) Gentes sperabunt, & eris sepulchrum ejus gloriosum. Hunc locum de sepulchro Christi intelligi certum est, tum ex ipsis verbis, tum ex Apostolo Rom. 15. quod autem non intelligatur solum de sepulchro pro eo tempore, quo ibi Christus jacebat, sed etiam pro tempore futuro, ac proinde reliquias honorandas, docet Hieronymus in epistol. ad Marcellam, ut migret Bethlehem, ubi docet, Isaia prædixisse id, quod modò fit, ut sepulchrum Domini ab omnibus honoraretur. Ex quo refellitur Lutheri blasphemia, qui in libro de abolenda Missa dicit, Deo non majorem curam esse de sepulchro Domini, quàm de bobus.

Denique, si Christus hic adesset, & nos vestem ejus devotè oscularemur, continuò nos idololatrias esse Lutherus & Calvinus dicerent, at mulier Emorrhœissa solum fimbriam Christi fideliter tetigit, & sanata est, Matth. 9. Neque Actor. 5. sunt reprehensi populi, qui certatim ad umbram Petri eo modo, quo poterant, attingendam occurrebant, sed potius fidei suæ præmium retulisse dicuntur, & tamen quæ reliquæ viliores ipsa umbra cogitari possunt? Neque habiti sunt Actor. 19. supersticiosi, qui Pauli sudaria, & semicinctia deferrebant ad ægrotos, ut etiam nos modò facimus, sed potius religionem illorum miraculis confirmabat Deus.

Argumentum Secundum ex Conciliis diversarum partium orbis terræ. Ex Oriente habemus Concilium Nicænum II. Actor. 3. quod vocat reliquias fontes salutares, quibus Deus multa beneficia hominibus præstat; & Actor. 7. in ultima definitione jubet deponi Clericum, & Laicum excommunicari, qui reliquias Martyrum contemnit, & non, ut rem sacram, cum honore tractat.

Item ex Oriente habemus Gangrense Concilium ante annos 1200. canone ultimo, ubi anathema dicitur is, qui memorias Martyrum, idest, loca, ubi sunt Martyrum reliquæ, execrantur. Eustachiani enim, contra quos coactum fuit Concilium, volebant ingredi Martyrum basilicas, ne corpora Martyrum, quæ ipsi immunda putabant, venerari viderentur.

Ex Africa, Concilium Carthagenense V. can. 14. jubet,

jubet, ut nulla altaria, vel memoriz Martyrum dedificentur, nisi ibi sint aliquæ Martyrum reliquæ: & aliter dedicata evertantur: vel populus admonetur, ne ea loca frequentet, ne superstitione aliqua teneatur, si colat videlicet quasi Martyris sepulchrum, ubi revera non est corpus Martyris. Ac si est superstitio colere pro Martyris corpore, id quod non est revera tale: Religio igitur erit corpus veri Martyris colere; religioni enim opponitur superstitio.

Ex Hispania habemus Concilium Braccarense III. canon. 5. ubi statuitur, in supplicationibus thecam reliquiarum gestari debere manibus Episcoporum, aut aliorum Sacerdotum, populo præcedente & sequente.

Concilium Epainense, in Gallia celebratum, canon. 25. jubet, reliquias Sanctorum non poni in Ecclesiis, ubi non sunt Clerici, qui sacris cineribus pfallendi frequentia famulentur.

Ex Germania habemus Concilium Moguntinum, tempore Caroli Magni celebratum, in cuius can. 51. statuitur, ne corpora Sanctorum transferantur de loco ad locum, sine consilio Episcopi, & licentia sanctæ Synodi. Quod certè ad honorem non exiguum sanctarum reliquiarum pertinet.

Habemus denique ex Italia Concilium Lateranense, sub Innocentio III. cap. 62. ubi cavetur propter periculum fraudum, ne novas reliquias ullus publice venerari incipiat, sine auctoritate summi Pontificis. Unde est lex canonica cap. Cum ex eo, de reliquiis, & Sanctorum veneratione, cui similis est lex etiam civilis, C. de Episcopis & Clericis L. Decernimus.

Tertio, probatur ex Patribus. Eusebius lib. 7. histor. cap. 15. de sede lignea S. Jacobi Apostoli: *Servatur: inquit, cum ingenti studio, velut à majoribus tradita memoria sanctitatis, & cum magna veneratione habetur.* Hæc ille. Non ergo rideant Lutherani, si quando audiunt Romæ cathedram S. Petri ligneam honorari.

S. Athanasius in vita B. Antonii, scribit sibi ab Antonio relictum pallium tritum, & addit: *Legatarius Antonii benedicti, qui tritum pallium cum melote imperio ejus meruerat accipere, Antonium in Antonii numeribus amplectitur, & tamquam magna hereditate ditatus, latenter per vestimentum recordatur imaginem sanctitatis.* De eodem Magno Antonio Hieronymus refert in vita Pauli primi Eremitæ, cum Pauli tunicam ex solis palmarum contextam Antonius adeptus esset, ob ipsius Pauli reverentiam, illam induere solitum, in diebus tantum solemnibus Paschæ & Pentecostes.

S. Basilii in Psalm. 115. in illud, Pretiosa in conspectu Domini mors Sanctorum ejus: *Quando, inquit, Judaicè quis moriebatur, abominabilia erant morticina: cum pro Christo mors contingit, pretiosa sunt reliquia Sanctorum ejus. Antea dicebatur Sacerdotibus & Deo dicatis: Non contaminabitur ex aliquo mortuo; nunc autem qui contingit ossa Martyris, quandam sanctificationis societatem assumit ex gratia corpori insidente.* Ex oratione in quadraginta Martyres, loquens de reliquiis ipsorum per totam illam regionem dispersis: *Hi sunt, inquit, qui nostram regionem administrant, & veluti turres quadam coherentes securitatem ab hostium incursum exhibent, non uno loco seipsos includentes, sed multis jam locis hospites facti, & multas patrias exornantes.*

Gregorius Nyssenus oratione in Theodorum Martyrem, initio orationis: *Anima quidem, inquit, ex quo sublimis abiit, in suo loco requiescit, & corpore soluta cum sui similibus una vivit. Corpus verò venerandum & immaculatum ipsius instrumentum, cum multo ho-*

nore, & cultu compositum atque ornatum, in angusto, sacroque loco situm est. Deinde narrat multis verbis eos, qui templa Martyrum ingrediuntur, primò mirari molem ædificii, deinde parietes & pavementum pulchrè ornata, tum statuas & picturas varias, & subjungit tandem: *Ubi his, inquit, oculos oblectavit, cupit deinceps ipse conditorio appropinquare, sanctificationem ac benedictionem, contrectationem ejus esse credens. Quod si quis etiam pulverem, quo conditorium, ubi Martyris corpus quiescit, oblitum est, auferre permittat, pro manere pulvis accipitur, ac tamquam res magni pretii condenda terra colligitur; Nam ipsas attingere reliquias, si quando aliqua ejusmodi prospera fortuna contingat, ut id facere liceat, quam id sit multum desiderandum, & optandum, ac summorum precum donum, scimus experti, & ejus desiderii compotes facti.*

Gregorius Nazianzenus orat. 1. in Julianum paulò ante medium, reprehendens Julianum, quòd cum Deorum falsorum monimenta veneraretur, veri Dei amicorum, & Martyrum corpora despiceret: *Non victimas, inquit, pro Christo casus reveritus es? (& aliquot interpositis) quorum vel sola corpora idem possunt, quod anima sancta, sive manibus contrectentur, sive honorentur, quorum vel sola sanguinis gutta, atque exigua passionis signa idem possunt, quod corpora. Hæc non colis, sed contemnis & aspernaris, qui Herculis rogam, ex calamitate injuriisque mulieribus illatis excitatus, admiraris.*

Eusebius Emisenus homilia de sancta Blandina: *Ubi sunt, inquit, qui venerationem sacris Martyrum dicunt deferendam non esse corporibus &c.*

S. Cyrillus Episcopus Hierosolymitanus, catechesi 18. *Ubi autem, inquit, non solum anima Sanctorum honoretur credaturque, quod etiam in corporibus mortuorum inest virtus, seu potentia jacens in sepulchro Elisai mortuus, mortuumque Propheta corpus attingens, virtificatus est.*

S. Joannes Chrysostomus serm. de sanctis Juventio & Maximo, primùm laudat eos, qui corpora illa inhumata relictà piè rapuerunt etiam si cum periculo vitæ suæ. Deinde subjungit: *Idcirco sapius eos invisamus, tumulos adoremus, magnæ fide reliquias eorum contingamus, ut inde benedictionem aliquam assequamur.* Vide eundem hom. ult. in epist. ad Romanos, ubi dicit, Romam excellere omnibus urbibus, propter corpora Petri & Pauli. Item hom. 61. ad populum, ubi comparat sepulchra & reliquias Sanctorum cum sepulchris & cadaveribus Imperatorum, & Regum, & ostendit illa summo honore coli, ista delicta & abjecta esse: & pulchrè dicit, summum honorem Constantino Imperatori fuisse, quòd potuerit fieri janitor B. Petri, quia nimirum sepultus erat ad fores ejus basilicæ, ubi conditæ erant aliquæ particulæ B. Petri reliquiarum.

Theodoretus lib. 8. ad Græcos de Martyribus: *Ac anima quidem, inquit, triumphatorum Martyrum in caelesti nunc patria vitam agunt Angelorum choris interfecta: Eorum verò corpora, non singula quidem singulis monumentis conduntur, sed civitates, oppida, paganique conventus hac inter se sortitò partiti sunt, laborantibusque animis, ac aegrotis corporibus salutaria ea confiteri non cessant.*

Denique Joannes Damascenus lib. 4. cap. 16. de fide Orthodoxa copiosè disputat de Martyrum reliquiis venerandis.

Jam ex Latinis S. Ambrosius serm. 93. de sanctis Nazario & Celso in fine: *Quod si dicas mihi, inquit, quid honoras in carne jam resoluta, atque consumpta? honoro in carne Martyris exceptas pro Christi nomine cicatrices, honoro viventis memoriam perennitate virtutis: honoro per confessionem Domini sacros cineres: honoro in cineribus semina æternitatis: honoro corpus, quod mihi Domi-*

Dominum ostendit diligere, quod me propter Dominum mortem docuit non timere. Cur autem non honorent corpus illud fideles, quod reverentur & demones? quod & afflixerunt in supplicio, sed glorificant in sepulchro? Honoro itaque corpus, quod Christum honoravit in gladio, quod cum Christo regnabit in celo.

Maximus in sermone de sanctis Octavio, Advettore, & Solutore: Cuncti, inquit, Martyres devotissime percolendi sunt, sed si precipue venerandi sunt à nobis, quorum reliquias possidemus.

Gaudentius Episcopus Brixie, tractatu de dedicatione Basilicæ: Ut venerandas Sanctorum reliquias haberemus, Deus noster tribuit, deinde ut hanc honorem eorum basilicam fundere valeremus, ipse largitus est &c. Vide totum tractatum, ubi multa de cultu reliquiarum loquitur.

S. Paulinus natali tertio S. Felicis, de urbe Roma loquens, ob reliquias Apostolorum, sic ait:

*Nam prius imperio tantum, & victricibus armis,
Nunc & Apostolicis terrarum et prima sepulchris,*

Ibidem:

Martyris ad tumulum debes & terra coronas.

Prudentius in hymno de S. Laurentio.

*O ter, quaterque à septies
Beatus urbis incolæ,
Qui te, ac tuorum cominus.
Sedem celebras offitium.
Cui propter advocat licet,
Qui fletibus spargit locum,
Qui pectus in terram premis,
Qui vota fundit murmure.
Vix fama nota est abditis,
Quam plena Sanctis Roma sit,
Quam dives Urbanum solum
Sacris sepulchris floreat.*

S. Hieronymus in lib. adversus Vigilantium, Doct, inquit, Martyrum reliquias pretioso operiri velamine, & non vel pannis, vel cilicio colligari, vel projici in sterquilinum, ut solus Vigilantius ebrius & dormiens adoretur. Idem in epist. ad Marcellam, quam scripsit nomine Paulæ & Eustochii, inter alia bona quæ sunt in Palæstina, numerat, posse adorare sacros cineres Joannis Baptistæ, Elisæi, & Abdiæ, qui ibi servantur.

Rufinus lib. 11. hist. cap. 38. cum Gentiles tempore Juliani ossa B. Joannis Baptistæ apud Sebastem Palæstinæ igni cremarent: Quidam, inquit, cum tantum nefas humanis quidem manibus, sed mente ferina fieri viderent, mori gratius habentes, quam huiusmodi piaculo funestari, inter eos, qui ossa ad excurendum legabant mixti, diligentius ac religiosius congregantes, furtim se vel stupentibus, vel insipientibus subtrahere, & ad religiosum patrem Philippum venerandas reliquias perculere &c. Vide eundem libro eodem cap. 33.

S. Augustinus epist. 103. ad Quintianum: Portant sane (latores epistolæ) reliquias beatissimi & gloriosissimi Martyris Stephani, quas non ignorat sanctitas vestra, sicut & nos fecimus, quam convenienter honorare debeatis.

Auctor libri de Ecclesiasticis dogmatibus cap. 73. Sanctorum corpora, & precipue beatorum Martyrum reliquias, ac si Christi membra, sincerissime honoranda credimus.

S. Leo in serm. de S. Laurentio, de craticula ejus loquens: Nam, quid, inquit, non ad victoris gloriam ingenium tuum reperis, quando in honorem transferunt triumphi etiam instrumenta supplicii?

S. Gregorius lib. 5. epist. 50. ad Palladium: Quia reliquias, inquit, sanctorum Apostolorum Petri & Pauli, necnon Laurentii, atque Pancratii Martyrum, cum veneratione prabimus, hortamur, ut eas cum reverentia

A suscipere, & collocare, acclamante Domino debeatis: Idem repetit epistola sequenti. Idem lib. 3. epist. 30. Constantiæ Imperatrici petenti caput S. Pauli respondet, sacrilegum esse corpora tantorum Sanctorum tangere, vel inspicere. Et ibidem narrat, multos repentina morte obuisse, quod præsumpsissent ad corpora Sanctorum tangenda, vel aspicienda propius accedere; & tandem pollicetur se missurum aliquid de rasura catenarum S. Pauli, si tamen limando aliquid detrahare poterit, eam enim esse catenarum illarum conditionem, ut pro dignitate, vel indignitate petentium, aut sine mora ulla ramenta de catenis lima excutiantur, aut nihil omnino excuti possit, etiamsi totis viribus quis limando laboreat.

B S. Gregorius Turonicus libro de gloria Martyrum & Confessorum, nihil ferè aliud tractat, ut supervacaneum sit aliquid inde velle decerpere. Omitto Bedam, Bernardum, ac posteriores, quod de fide ipsorum ne adversarii quidem dubitent.

Quartò, probatur ex miraculis factis ad reliquias, quæ certè non fierent, si Deo cultus reliquiarum non placeret. S. Epiphanius in vita Isaie, Ezechielis, & Hieremiæ scribit, à plurimis coli solita sepulchra eorum ob multa beneficia, quæ in iis locis propter merita eorundem Prophetarum Deus conferebat.

C S. Basilus oratione in Mamantem dicit omnibus nota esse miracula, quibus Martyr aliis saniratem, alius vitam reddiderit. Et oratione in Julitam scribit, cum reliquie S. Julitæ ad quendam locum adductæ fuissent, ubi laborabatur penuria aquæ, mox è terra erupisse fontem aquæ dulcissimæ, ut videretur sancta illa, quasi mater vel nutrix communis, totam illam regionem lacte suo alere.

S. Gregorius Nazianzenus oratione in Cyprianum: Omnia potest, inquit, pulvis Cypriani, cum fide, ut sciunt hi, qui ipsi experti sunt, & miraculum ad nos usque transmiserunt.

S. Chrysostomus in lib. contra Gentiles, de reliquiis S. Babylæ Martyris: Sententia, inquit, nostra abundè fidem faciunt, quæ quotidiana à Martyribus eduntur miracula.

D Palladius in historia Lausiaca cap. 62. ad reliquias Philemonis, multa miracula facta narrat. S. Ambrosius sermone de sanctis Gervasio & Protasio, & epistola ad sororem de eisdem, inter multa miracula facta refert etiam cæcum nomine Severum, arte lanionem, omnibus notissimum, fuisse curatum ad contactum feretri, quo reliquie portabantur. Ubi etiam non tacet idem B. Ambrosius; Arianos impudentissime negare auctores illa miracula, quæ totus populus videbat.

E S. Hieronymus lib. contra Vigilantium: Tu, inquit, sepius hoc vilissimo tortus es pulvere, ubi dæmonem alloquitur, qui per os Vigilantii reliquias Sanctorum, vilissimum pulverem appellaverat: & in epist. ad Eustochium de vita Paulæ, narrat ad sepulchra Elisæi & Joannis Baptistæ, atque Abdiæ, rugire dæmones consuevisse: In vita Hilarionis dicit, magna quotidie signa fieri ad sepulchrum ejus.

S. Augustinus lib. 22. de Civit. Dei cap. 8. tot miracula dicit facta ad reliquias S. Stephani brevissimo tempore, ut multi libri scribendi sint si omnia referri debeant. Sulpitius in vita Martini dicit, solo contactu vestis ejus curatam mulierem à fluxu sanguinis. Alia id genus sine numero referri possent.

Quintò, probatur ex miraculis, quæ sæpè in ipsis Sanctorum mortuis corporibus cernuntur, per quæ Deus apertissime nos ad eorum venerationem quasi invitare videtur. S. Joannes Chrysostomus scribit in sermone de sanctis Juventio & Maximo, vultus eorum corporum ita splendere crepisse post mortem,

ut non posset in eos intendi sine honore quodam, & planè tales fuisse, qualem describit vultum Stephani S. Lucas Actor. 6. cum ait: *Intuebantur vultum ejus tanquam vultum Angeli.*

S. Hieronymus in vita Hilarionis scribit, corpus ejus post decem menses adhuc omnino integrum repertum, & tantis fragrans odoribus, ut delibutum unguentis videretur.

S. Augustinus serm. 2. de S. Vincentio, dicit, corpus ejus expositum seris, à corvo mirabiliter defensum: & projectum in aquas mergi non potuisse. Et lib. 9. Confess. cap. 7. dicit corpora sanctorum Gervasii & Protasii incorrupta per plurimos annos à Deo conservata, ut suo tempore propalarentur.

Sulpicius in epistola ad Bassulam Socrum, de obitu S. Martini dicit, post mortem ejus in ipsius corpore glorificati hominis apparuisse figuram, fuisse enim carnem ejus vitro puriorem, lactæ candidiorem, ut septennis pueri decorem ostenderet. Quod idem de corpore S. Francisci refert S. Bonaventura. De S. Eduardo Rege Anglorum, qui ante annos 400. floruit, scribit auctor ejus vitæ apud Surium mense Januario, anno 36. ab ejus obitu, inventum esse corpus ipsius integrum, plenum succo, flexibile, ac si etiam tunc viveret, & non solum ossa & carnes in nullo læsas, sed nec pilos capitis aut barbæ, nec ipsas vestes aut calceos. Quid de corpore S. Andreæ dicemus, ex quo liquor mirificus perpetuò funditur.

Ego ipse vidi Bononiæ corpus B. Catharinæ integrum, atque incorruptum, cum ante annos supra centum Sancta illa virgo de hac vita migraverit. Vidi quoque apud Montem Falcum in Umbria corpus B. Claræ æquè integrum, atque incorruptum, cum ante annos 300. Virgo illa foelicissima obierit: & quod majus adhuc miraculum videri potest, in ejus corde conspiciuntur instrumenta Dominicæ passionis ex ipsa carne tam admirabili arte formata, ut omnes qui ea cernunt, cogantur dicere, verè digitus Dei est hic. Ac, ut alia multa præteream, quid postremò de cive ac patrona mea beatissima Agnete Politiana dicam? Floruit illa ante annos 300. & vivens & mortua multis magnisque miraculis, quorum unum me puero contigit, cuius non ego solum, sed tota civitas testis fuit. Ejus corpus incorruptum, atque pulcherrimum non semel vidi. De qua etiam à probatis auctoribus literis proditum est, cum ad ejus sacrum corpus visendum, & venerandum Sancta Catharina Senensis accessisset, pluviam cœlestis roris, instar man, supra utramque divinitus descendisse. Et cum cives de sacro illo corpore aromatibus condiendo cogitarent, ut diutius servaretur, continuo suavissimum liquorem instar balsami, ab eo corpore fundi, ac manare cœpisse, ut omnes intelligerent, corpus divina gratia conditum nullis aliis aromatibus indigere. Ejus divini liquoris adhuc reliquæ in Ecclesia cum ipso corpore asservantur.

Sextò, probatur ex inventione & revelatione divinitus facta Sanctorum corporum. Si enim Deo cultus reliquiarum non placeret, cur ipse servis suis corpora Sanctorum, quæ latebant, ostenderet? S. Ambrosio revelata divinitus corpora sanctorum Gervasii & Protasii, scribit ipse in epistola de hac re, quæ refertur in tomis Surii. Scribit hoc idem S. Augustinus lib. 9. Confess. cap. 7. Exstat etiam epistola Luciani, in qua significat sibi divinitus ostensa corpora Sanctorum, Stephani, Nicodemi, & aliorum. Fuisse autem verum illud Stephani corpus, innumera miracula ostenderunt, de quibus Evodius lib. 2. duos conscripsit. Et B. Augustinus serm. 91. ex novis: *Latuit, inquit, tanto tempore corpus ejus (Ste-*

phani) processit quando Deus voluit, illuminavit terram, tanta miracula fecit, mortuos vivos facit mortuos, quia nec mortuus.

Adhuc refert Sozomenus lib. 5. cap. 8. ossa sanctorum Martyrum Nestabi & Eusebii fratrum, quæ Gazenses miscuerant cum ossibus camelorum & asinorum, ne à Christianis internosci possent, sanctæ cuidam foeminae divina revelatione ostensa, & ab eadem collecta fuisse. Idem Sozomenus lib. 7. cap. ult. refert ossa Abachuc & Michææ Episcopo cuidam divinitus revelata fuisse. Idem Sozomenus lib. 9. cap. 2. refert quadraginta Martyrum reliquias divina revelatione inventas.

Beda de sex ætatibus in Martiano, refert caput Joannis Baptistæ ab ipso Joanne revelatum duobus Monachis: & in Zenone scribit, corpus sancti Barnabæ cum Evangelio Matthæi super ejus pectore inventum, ipso Barnaba revelante.

Septimò, probatur ex translatione reliquiarum, de uno loco ad alium, honoris gratia, ab antiquis celebrari solita. Nec enim negari potest, quin ad honorem pertineant sacrorum ossium translationes. Prima quidem & antiquissima translatio fuit ossium Joseph ex Ægypto in Palestinam, à Mose facta Exod. 13. Deinde translatio reliquiarum Petri & Pauli, quæ facta est ipso tempore, quo passi sunt, ad Catacumbas: Gregorius lib. 3. epist. 30. Tum eorundem corporum translatio à Catacumbis, partim ad Vaticanum, partim ad prædium Lucinæ in via Hostiensis. Cornelius Papa epist. 1. Rufinus lib. 2. cap. 28. describit translationem reliquiarum Joannis Baptistæ ex Palestina Alexandriam.

S. Hieronymus libro contra Vigilantium scribit, tempore Constantini Imperatoris translata Constantinopolim, Andreæ, Lucæ, & Timothei reliquias, & tempore Arcadii translata ex Judæa in Thraciam reliquias Samuelis Prophetæ, tanto honore, ut in vase aureo ab Episcopis reliquæ portarentur, comitante tanta populorum frequentia, ut à Palæstina usque ad Chalcedonem jungerentur populorum examina.

S. Ambrosius initio exhortationis ad virgines: *Ego, inquit, ad Bononiense invitatus convivium, ubi sancti Martyris celebrata translatio est, apophoreta vobis plena sanctitatis & gratia reservavi.* Augustinus lib. 9. Confess. cap. 7. Cum, inquit, corpora sanctorum Gervasii & Protasii propalata & effossa digno cum honore transferrentur &c. Chrysostomus lib. de S. Babyla describit, quanto honore reliquæ Martyris translatae sint. Sozomenus lib. 7. cap. 10. describit translationem reliquiarum S. Meletii Antiocheni. Theodoretus lib. 5. cap. 36. describit translationem reliquiarum Chrysostomi. Evagrius lib. 1. cap. 16. describit honorificam translationem S. Ignatii sub Theodosio juniore Antiochiam.

Octavò, probatur ex eo, quòd reliquæ sub altaribus reconduntur, cujus rei meminit Sanctus Ambrosius in exhortatione ad virgines, de reliquiis Vitalis & Agricola, & in epistola ad sororem, de inventione corporum Gervasii & Protasii. Sanctus Hieronymus libro contra Vigilantium. Prudentius in hymno 11. de coronis Sanctorum, qui est de S. Hippolyto. Sanctus Augustinus serm. 11. de Sanctis. Sozomenus lib. 5. cap. 8. & Concilium Carthaginense V. can. 14. Videtur autem ista consuetudo Apostolorum tempore cœpisse; nam idèd Joanni Apocalyp. 6. ostensæ sunt in cœlo animæ Martyrum sub altari, quia corpora eorum in terris sub altaribus requiescunt, ut Augustinus insinuat loco notato. Porro ad magnum honorem pertinere hunc locum reliquiis assignatum, docent Hieronymus & Augustinus locis notatis, & res ipsa hoc docet.

Sem-

Semper enim altaria in magno honore fuerunt, ita ut etiam suo modo adorarentur, nam Tertullianus libro de Pœnitentia, inter ritus Christianorum ponit, aris Dei adgeniculati.

Nonò, probatur ex usu cereorum & lampadum, quibus honorantur sacræ reliquæ; nam quòd lumen sit honoris signum, nec sit supersticiosum, lumen accendere ante rem inanimam, etiam Sole lucente, patet ex candelabro, quod semper lucebat ante arcam testimonii, Exod. 25. Fuisse autem usum accendendi cereos coram reliquiis, patet ex objectione Vigilantiæ apud Hieronymum: *Videmus, inquit, moles cereorum Sole fulgente accendi &c.* Et ex ipso Hieronymo epist. ad Riparium: *Ergo accensi ante tumulos eorum cerei idololatrica insignia sunt?*

Item ex Constantino, qui, ut habetur primo Tomo Conciliorum in vita Sylvestri, inter alia dona, quæ obtulit sacris reliquiis Petri, Pauli, Laurentii, sanctæ Crucis, multa numerantur candelabra, multæ lucernæ, quæ perpetuò ardere deberent: Nec est credibile, Constantinum aliquid obtulisse, quod non esset in usu antea in Ecclesia. Præterea Theodoretus in historia lib. 5. cap. 36. testatur in translatione reliquiarum S. Chrysostomi, plurima accensa lumina prælata fuisse.

Paulinus natali 3. Felicis, describens cultum, qui S. Felici habebatur:

*Aurea, inquit, nunc niveis ornantur limina velis,
Clara coronantur densis altaria lychnis,
Limina ceratis adolentur odora papyris.
Noctæ, dieque micant, sic nox, splendorque diei
Fulget, & ipsa dies cælesti illustris honore,
Plus micat innumeris lucem geminata lucernis.*

Gregorius lib. 3. Dialogorum cap. 24. meminit lampadis, quæ ardebat etiam noctu, dormientibus omnibus, in templo S. Petri.

Decimò, probatur ratione ducta ab utili, & ab honesto. Ratio ducta ab utili, est apud Chrysostomum in lib. de sancto Babyla Martyre. Deus enim, ut Chrysostomus ait, nihil ferè utilius nobis reliquit ad salutem, Sanctorum reliquiis: nihil enim efficacius repræsentat, & infigit in animo memoriam Sanctorum, quàm sepulchrum ipsorum; statim enim atque videmus sepulchrum Sancti alicujus, recordamur illius, & virtutum ejus, patientiæ, charitatis, castitatis, pietatis; & simul cogitamus quanta gloria fruatur in cœlis pro labore brevissimo hujus vitæ &c.

Ratio ducta ab honesto est multiplex. Primum enim corpora Sanctorum fuerunt organa animarum ad omne opus bonum. Vide Tertullianum de resurrectione carnis. Secundò, fuerunt, & sunt instrumenta Dei ad miracula. Tertiò, sunt pignora patronorum. Quartò, sunt exuvie carissimorum. Quintò, sunt trophæa triumphantium. Sextò, designata sunt ad gloriam incredibilem, nimirum, ut sint post resurrectionem corpora sole clariora, & usque adeò corporibus omnibus præstent, ut super omnia meritò collocentur. His igitur, aliisque de causis Sanctorum reliquiæ à fidelibus magni fiunt, & debito cultu honorantur.

C A P U T IV.

Solvuntur argumenta adversariorum.

EX iis, quæ dicta sunt, non erit difficile argumenta solvere, quæ initio proposuimus.

Igitur ad Primum argumentum, quod erat Joannis Wiclef ex Evangelio depromptum, respondemus, Dominum non reprehendere Judæos, quòd

A ædificarent, vel ornarent monumenta Prophetarum; sed quòd non imitarentur eos, quorum monumenta ornabant, sed potius eos, qui illos occiderunt, atque ita seipso condemnarent. Sic enim exponunt eum locum ferè omnes Patres, ut Hilarius, Hieronymus, Chrysostomus, Theophylactus in cap. 23. Matthæi, & Ambrosius, ac Beda in cap. 11. Lucæ.

B *Prophetarum, inquit Ambrosius, ædificatione tumulorum, sceleris eos, qui occiderunt, arguebant, & similitum emulatione factorum se quoque declarabant paterna iniquitatis heredes: non igitur ædificatio, sed emulatio loco criminis æstimatur.* Hæc ille. Et Chrysostomus hom. 75. in Matth. *Nam quia ædificant, inquit, nec quia Patres suos accusant, va illis dixit, sed quoniam ita facientes, & ita dicentes Patres suos condemnare audebant, cum ipsi peiora committerent.*

C Dices; At Luc. 11. Dominus ait: *Profecit testificamini, quia consentitis operibus Patrum vestrorum, quia illi Prophetas occiderunt, vos autem ædificatis eorum sepulchra.* Ubi videtur Dominus accusare ipsam ædificationem tamquam testimonium consensus in necem Prophetarum.

Respondet Chrysostomus loco citato, Judæos ædificare solitos sepulchra Prophetarum non ut honorarent Prophetas, sed ut ostenderent vires, & potentiam majorum suorum, qui Prophetas occidere potuerunt. Licet enim Judæi non esse hanc suam intentionem dicerent, sed omnino contrariam, tamen revera hanc fuisse eorum intentionem patet, quia occidere quærebant Dominum Prophetarum.

Hieronymus in cap. 23. Matth. paulò aliter exponit, dicit enim antiquos Judæos ex superbia occidisse Prophetas; recentiores autem ex superbia, & ambitione ædificasse sepulchra eorundem, & proinde eo facto consensisse operibus Patrum suorum.

D Cajetanus satis accommodatè exponit, cum, qui sepelire occisum, posse id facere vel ut honoret mortuum, vel ut compleat actum homicidæ; ordinariè enim homines occiduntur, & postea sepeliuntur, ut scelus lateat. Judæi autem etiam si dicerent se ædificare sepulchra Prophetarum, ut eos honorarent, tamen id facere videbantur, ut complerent opera Patrum suorum, ut patet ex eo, quòd ipsi postea majores Prophetas, idest, Christum, & Apostolos aliquos occiderunt.

E Ad Secundum dico, in monumentis adesse, ut minimum, memoriam Sanctorum; nam inde sepulchra Sanctorum apud veteres passim dicuntur memorie. Porro memoria Sanctorum honorabilis est. Alioqui nec in sepulchro Christi adest nunc anima, vel caro Christi, & tamen juxta Isaie cap. 11. erit sepulchrum ejus gloriosum. Dico præterea, in sepulchris Sanctorum inveniri alteram partem substantiæ ipsorum, idest, materiam illam ipsam, quam Spiritus Sanctorum animarunt, & rursum animabunt.

Ad Primum Calvinus de Moyse corpore multis modis responderi potest. Hilarius in cap. 17. Matth. Ambrosius lib. 1. de Cain cap. 2. & Gregorius Nyssenus in vita Moysis dicunt, Moysen nondum esse mortuum, & proinde nec sepultum, sed translatum cum Henoch, & Helia: id quod etiam aliqui recentiorum docent. Sed id non facilè defendi potest; & firmis argumentis eam sententiam oppugnat Rupertus in cap. ult. Deuter. Philo in fine librorum de vita Moysis docet, mortuum quidem Moysen, & sepultum, sed ad gloriam Moysis pertinere, quòd sepultus sit in sepulchro tam admirando, ut nullus hominum dignus fuerit unquam illud conspiceret. Quo etiam videtur alludere Oecumenius in epist. Judæ. Probabile tamen est quod scribit Chrysostomus hom. 5.

hom. 5. in Matth. occultatum fuisse Moyfi sepulchrum, ne à Judæis coleretur pro Deo.

Dices, nec coluerunt Moysen viventem pro Deo, ergo multò minus coluissent mortuum. Respondeo, viventem non coluerunt, quia quotidie ab illo audiebant, unum esse verum Deum, se autem illius servum: At post mortem recordati mirabilium ejus, & non audientes verba ejus, facile potuissent adduci ut crederent esse Deum, eumque adorarent si scirent ubi esset, præsertim quia valde credibile est corpus ejus, licet mortuum, conservasse adhuc splendorem vultus & decorem, quem antea habebat, sicut multis Sanctorum accidit. Exemplum habemus in serpente æneo; nam Num. 21. jubente Moyse aspiciabant Judæi tacti à serpentibus in illum æneum serpentem, & curabantur; nec tamen eum adorabant cultu latriæ, quia nimirum Moyses dixerat illis, serpentem illum non esse Deum, sed signum duntaxat salutis: at 4. Reg. 18. eidem serpenti tamquam Deo sacrificabant, cum tamen jam nulla operaretur miracula, & ideo ab Ezechia contractus fuit.

Dices, idem periculum est nunc in reliquiis aliorum Sanctorum. Respondeo, falsum esse: nam populus Judæorum eo tempore propensissimus erat ad idololatriam, ita ut etiam vitulos aureos coleret; Unde post captivitatem Babylonicam, quia populus ille non amplius coluit idola, videmus Deum illustrasse sepulchrum Isaïæ, Ezechielis, Hieremïæ, Elisæi, Abdæ, & aliorum multis miraculis, & gratum habuisse cultum, qui ossibus eorum exhibebatur, ut Epiphanius, & Hieronymus tradunt. Adde, quod numquam est auditum apud Christianos, ut aliqui Sanctorum reliquiis divinos honores detulerint. Nec defunt in Ecclesia, qui & literis, & sermonibus populos doceant, quis cultus reliquiis debeat.

Ad Secundum dico 2. Corinth. 5. cum dicitur: *Et si novimus Christum secundum carnem, sed jam non novimus*, per carnem intelligi mortalitatem & passibilitatem; & sensum esse, si novimus aliquando Christum mortalem & passibilem, nunc non novimus, nisi immortalem & impassibilem; sicut 1. Corinth. 15. dicitur: *Carnis & sanguinis regnum Dei non possidebunt*. Et Hebr. 5. *Qui in diebus carnis sue preces, supplicationesque obtulit &c.* Sic exponunt omnes, Chrysostomus, Theodoretus, Theophylactus, Occumenius, Ambrosius, Anselmus &c.

Eodem modo respondit VII. Synodus act. 6. romano 4. eidem argumento, quod ab Iconomachus obiectum fuerat. Ubi etiam additur testimonium sancti Cyrilli. Et quod non velit Apostolus docere (quod Calvinus ait) esse oblivioni tradendum, & missum faciendum quidquid in Christo carnale fuit, idest, omnem memoriam humanitatis ejus, ut solum de spiritu & divinitate cogitemus, patet; nam Paulus 1. Corinth. 11. dicit Sacramentum Eucharistiæ institutum in memoriam passionis; & addit: *Quotiescumque manducabitis panem hunc, & calicem bibetis, mortem Domini annuntiabitis donec veniat*; & ipse nihil sæpius repetit, quàm crucem, & passionem, & mortem Domini. Et quomodo, quæso, juxta Isaïam cap. 11. esset sepulchrum ejus gloriosum, si deberemus oblivisci mortis Domini? Denique vel debemus recogitare beneficia Domini, vel non: Si non, ingratis sumus, contradicimusque Paulo, qui Hebr. 12. ait: *Recogitate eum, qui tale onus adversum semetipsum à peccatoribus sustinuit contradictionem*. Si sic, ergo debemus incarnationem, nativitatem, passionem, & mortem Domini cogitare.

Ad Tertium dico. Primò, cultum reliquiarum

non esse cultum voluntarium, idest, ab hominibus excogitatum, sed esse à Deo inspiratum, ut patet ex Scripturis citatis; nam Scriptura approbat cultum sepulchri, fimbriæ Christi, item umbræ Petri, sudariorum & semicinctiorum Pauli &c.

Dico Secundò, apud Paulum Coloss. 2. *idololatriæ* non significare cultum quomodocumque voluntarium, idest, non præceptum à Deo, sed ab homine excogitatum; sed cultum superstitiosum, ut noster interpret rectè vertit: sive falsam religionem, ut exponit sanctus Hieronymus in epist. ad Algasiam quæst. 10. Probandum igitur esset Calvino cultum reliquiarum esse superstitiosum, vel falsum, si vellet esse reprehensum à Paulo.

Ad Quartum; nego periculum esse idololatriæ, immò cultus reliquiarum est detestatio omnis idololatriæ. Nam Martyres mortui sunt, ut idololatriam destruerent; qui ergo Martyris reliquias colit, indicat se gaudere de idololatriæ destructione: & rectè Christiani apud Ruffinum lib. 1. cap. 35. cum transferrent reliquias Babylæ canebant magna voce: *Confundantur omnes, qui adorant sculptilia*.

Ad illud de cereis, dico cereos accensos coram tumulis Martyrum non esse signum adorationis, Deo debitæ; nam non offeruntur cerei Martyribus tamquam sacrificia, sed accenduntur in signum lætitiæ. Ignis enim accendi solet ad lætitiæ significandam etiam in rebus profanis. Præterea, ignis signum est gloriæ, unde Imperatoribus Romanis, & Imperatricibus ubique ignis præferebatur, teste Herodiano lib. 1. Sancti autem vera gloria nunc fruuntur, & cum Christo regnant, atque imperant in coelis, ut merito illorum memoriæ ignis accendi possit. Denique ignis signum est vitæ, proinde cereis protestamur vivere Sanctorum animas, & ipsa corpora suo tempore victura.

Ad Hieronymum dico, eum, cum ait de iis qui accendunt cereos coram reliquiis (*Confiteor zelem Dei habent, sed non secundum scientiam*) loqui de iis, qui cereos accendunt, existimantes inde Martyres illustrari; nam Vigilantius dixerat, per Ironiam: *Magnum honorem præbent hujusmodi homines beatissimis Martyribus, quos putant de vilissimis cereolis illustrari*. De his ergo qui cum tali opinione falsa cereos accendunt, Hieronymus dicit, eos zelem habere, sed non secundum scientiam.

Quod autem Hieronymus absolutè putaverit bonum coram reliquiis accendi cereos, patet Primò, quia in epist. ad Riparium ipsemet assertit in argumentum cultus Sanctorum usum accendendi cereos: & libro in Vigilantium ait: *Causabantur quidam & Apostoli, quod periret unguentum, sed Domini voce correpti sunt. Neque enim Christus egebat unguento, nec Martyres lumine cereorum: & tamen illa mulier in honore Christi fecit, devotioque mentis ejus recipitur: & quicumque accendunt cereos secundum fidem suam, habent mercedem*. Et infra: *Illud fiebat idolis, & idcirco detestandum est; hoc fit Martyribus, & idcirco recipiendum est*.

Secundò, idem patet, quia Hieronymi tempore erat usus ejusmodi cereorum non solum apud mulierculas, sed etiam apud Episcopos & universam Ecclesiam, ut patet ex Paulino, Theodoretto, & aliis suprà citatis.

Tertiò, si esset superstitio accendere cereos interdiu coram reliquiis, esset etiam accendere cum legitur Evangelium, & cum mortui deferuntur ad sepulchrum. Atqui consuevisse ad Evangelium accendi cereos in toto Oriente, docet Hieronymus ibidem contra Vigilantium: & accendi in funere, docet ipse idem in vita Paulæ, ubi dicit in funere Paulæ etiam Episcopos cereos accensos gestasse.

Ad

Ad Concilium Elibertinum respondimus cum ageremus de Purgatorio, Concilium id prohibuisse, quia fiebat more Gentilium, inter quos tunc Christiani versabantur &c.

Ad Augustinum dico, eum vocare sepulchrorum adoratores quosdam, qui (ut ipse putabat) sacrificium panis & vini, aliarumque epularum Manibus defunctorum offerebant, & deinde iisdem cibis & vino se ingurgitabant & inebriabant. Sic enim loquitur: *Novi, inquit, sepulchrorum adoratores, novi multos esse, qui luxuriosissime super mortuos bibant, & epulas cadaveribus exhibentes, super sepultos seipsos sepeliant, & varietates, ebrietatesque suas deputent religioni.* Sed hæc scripsit Augustinus initio conversionis suæ. Postmodum autem reprehendit quidem illam consuetudinem, sed non tamquam idololatriam; nam lib. 6. Confess. cap. 2. dicit, matrem suam consuevisse ex pietate id facere: sed Mediolani ab Ambrosii clericis fuisse prohibitam. Ambrosius enim prohibuerat istam consuetudinem, ne daretur occasio ebrietati, & quia videbatur affinis superstitioni Gentilium, licet integro animo à Christianis id fieret. Idem etiam Augustinus lib. 8. civit. Dei, cap. 27. dicit, meliores Christianos id non facere, eos autem, qui id faciunt, non sacrificare defunctis Martyribus, sed ponere super tumulos Sanctorum epulas ut à Deo per merita Martyrum sanctificentur.

Quod autem Augustinus non putaverit malum venerari sepulchra Sanctorum, patet ex epist. 43. ad Mandaurenses: *Videtur, inquit, imperii nobilissimi eminentissimum culmen ad sepulchrum piscatoris Petri submisso diademate supplicare.* Et Nota, Augustinum hæc scribere idololatriæ, ut ostenderet idolorum cultum à Christianis destructum. Præterea Augustinus eum reprehendit sepulchrorum adoratores, certè non reprehendit Chrysostomum, & Hieronymum, sed turbas imperitorum. Atqui Chrysostomus serm. in Sanctos Juventium & Maximum dicit: *Tumulos Martyrum adoremus;* & Hieronymus ad Marcellam, ut migret Bethlehem, dicit, sepulchra & cineres Joannis Baptistæ, Elisæi, & Abdæ meritò adorari à fidelibus in Palæstina.

Gaudentius Brixianus Ambrosii æqualis, tract. 4. in Exodum: *Gula, inquit, sua causa primum ceperunt homines grandia mortuis præparare, quæ ipsi concederent, post hoc sacrificia etiam ausi sunt eis sacrilega celebrare, quævis nec ipsi minus mortuis suis sacrificent parentalia, dum super sepulchrorum mensas tremulis ebrietate manibus vina fundentes, spiritum balbutiunt &c.* ubi arguit morem illum tamquam ex Gentilium errore relictum. Itaque fortasse pauci quidam mortuis sacrificabant, qui etiam meritò reprehenduntur, sed non propterea omnis cultus sacrarum reliquiarum abolendus est, quia nimis cultus jure reprehensus est.

Ad quintum argumentum, negamus reliquias, quæ publicè in templis exponuntur venerandæ, esse supposititias. Semper enim Ecclesia diligenter curavit, ne fraudes fierent, & præcipuè post decretum Concilii Lateranensis, ut nullæ reliquæ publicè recipiantur sine auctoritate Romani Pontificis.

Ad illud Augustini (si tamen Martyrum) dico, non mirum, si Augustinus dubitabat de reliquiis, quas quidam privati homines circumferebant. Nos autem de reliquiis agimus, quæ publicè in templis conservantur.

Ad illud, de pluribus corporibus, dico, in variis locis esse partes eorundem corporum, sed denominari à parte totum; nam, ut scribit Basilius orat. in 40. Martyres, toti Martyres 40. dicebantur tunc esse in variis urbibus, quia quilibet civitas habebat partem eorum. Theodoretus etiam lib. 8. de Mar-

Centrov. Card. Bellarm. Tom. II.

tyribus dicit, Martyrum corpora rarò inveniri integra in uno aliquo monumento, sed esse divisa, & distributa in varia loca.

Denique, S. Joannes Chrysostomus in libro, quod Christus sit Deus, Apostolum Petrum & Romæ, & Constantinopoli jacere dicit, cum tamen Constantinopoli nihil esset, nisi aliqua particula; nam corpus ipsum Romæ esse sepultum idem Chrysostomus testatur homil. 32. in epist. ad Romanos. Sed verba ejus audiamus ex libro jam citato: *Roma, inquit, quæ urbem est regalissima, relictis omnibus, ad sepulchra piscatoris & pellionis currunt Reges, & præfides, & milites; & Constantinopoli Reges nostri magnam gratiam putant, non si propè Apostolos, sed si vel extra eorum vestibula, corpora sua sepeliantur, proutque piscatorum officarii Reges.*

C A P U T V.

De nomine Imaginis & Idoli.

SEquitur nunc ordine suo disputatio de cultu imaginum; cujus disputationis octo erunt partes. Primum enim dicendum erit de nomine imaginis, idoli, & simulacri. Secundò, qui fuerint hostes imaginum. Tertiò, an liceat habere imagines. Quartò, an liceat eas colere. Quintò, quo cultu colendæ sint.

His addam peculiarem tractatum de cruce, & quidem trimembrem. Nam Primò agemus de vera cruce Dominica. Secundò, de imagine crucis permanente. Tertiò, de imagine transeunte, idest, de signo crucis, quod in aere pingimus.

Ut igitur à nomine incipiamus, Henricus Stephanus in suo thesauro in voce *ἰδωλόν*, scribit apud Ecclesiasticos idolum vocari omne simulacrum, numen aliquod representans, quod cultu & honore dignatur. Ex quo sequitur apud Ecclesiasticos imagines Christi & Sanctorum, & præcipuè imagines Trinitatis rectè vocari idola. Et si quidem Henricus per Ecclesiasticos intelligit Doctores suos, Calvinum, Martyrem, Illyricum & alios ejusdem classis, rectè dicit, illi enim vix unquam aliter imagines nostras appellant, quàm idola. Si autem per Ecclesiasticos intelligit sanctos Patres, vel Apostolos, & Prophetas, falsissimum est, quod ipse dicit; nam in primis VII. Synodus, act. 5. & act. 7. anathema dicit iis, qui imagines Christi & Sanctorum vocant idola.

Deinde Origenes homil. 8. in Exod. & Theodoretus quæst. 38. in Exod. exponentes illud Exod. 20. *Non facies tibi sculptile* (quod LXX. verterunt *ἰδωλόν*) & omnem similitudinem &c. Dicunt inter imaginem & idolum hoc interesse, quod imago est vera rei similitudo; ut cum pingimus hominem, equum &c. Imago enim ab imitando dicta est. Idolum autem est falsa similitudo, idest, representat id, quod revera non est. Ut cum Gentiles proponebant statuas Veneris, aut Minervæ. Illa signa idola erant, quia representabant Deos generis foeminini, quales Dii nec sunt, nec esse possunt. Atque ita nec verè representabant, sed erant falsæ imagines. Id enim, quod non est, representari non potest. Ex quo intelligimus imagines Christi & Sanctorum non esse idola. Sed nec Trinitatis, aut Angelorum imagines sunt idola, quia non sunt factæ ad representandum naturam Trinitatis, vel Angelorum, sed ad exprimendam formam, in qua apparuerunt, vel certè eorum proprietates, ut infra dicemus.

Hanc esse veram differentiam illarum vocum secundum Ecclesiasticos, probatur Primò, quia Scri-

Bb

ptura

ptura nusquam tribuit nomen idoli ulli veræ imagi-
ni, sed solum simulacris Gentilium, quæ falsos Deos
referebant. Scriptura vocat filium Dei imaginem Pa-
tris, Sapient. 7. Coloss. 1. & ad Hebræos 1. at num-
quam vocat idolum Patris; & 3. Reg. 7. dicitur, Sa-
lomon fecisse ad ornatum templi imagines Cherubin
ad similitudinem hominum; item imagines leonum,
boum, palmarum, malogranatorum, florum &c. nec
unquam ista vocantur idola, quia nimirum rerum
verarum similitudines erant.

Secundò, quia Scriptura Testamenti veteris idola
vocat ordinariè עֲצָבוֹת, ut Levit. 19. 26. & alibi,
vel עֲצָבִים, ut Num. 23. Osee 6. & alibi. Porro עֲצָבִים
significat vanum, falsum; & similiter מְדַבָּרִים vanum,
mendacium; interdum etiam vocat עֲצָבוֹת, idest, men-
dacium, ut Hieronymus notat in cap. 7. Osee, ubi
semper vides idolum aliquid falsi significare. Deni-
que Habacuch 2. ait Scriptura: *Quid prodest sculpi-
le, quia sculpsit illud scēlor suus constabile, & imaginem
falsam*; ubi clarissimè definitur idolum imago falsa.
Cui simile est, quod ait Plato in Theeteto, cum ait:
ἰδὼν ἢ εἰδῶλα περὶ πλείους πομπάμενοι τῷ ἀληθεῖ,
idest, mendacia, & idola pluris faciunt, quàm veri-
tatem, ubi idolum cum mendacio conjunxit, & ve-
ritati opposuit.

Tertiò, quia B. Paulus 1. Corinth. 8. ait: *Sciunt,
quia nihil est idolum in mundo*. Ubi idolum nihil esse
dicitur, quia licet sit aliquid secundum materiam,
tamen nihil est formaliter, cum id repræsentet quod
nihil est, & proinde nec verè repræsentet, & conse-
quenter nec sit. Cui loco alium similem adducit
Hieronymus in cap. 7. Osee, ad probandum idolum
nihil esse; nam Hesther 14. dicitur: *Ne tradas sceptrum
tuum his, qui non sunt*, idest, idolis.

Quartò, quia B. Hieronymus in c. 2. Habacuch,
& in c. 13. Zachariæ, & alibi passim confert hæreses
cum idolis, quia ut idolum est falsa imago, ita hæ-
resis est falsa imaginatio.

Quintò, ex ipsa vocis proprietate; nam (ut Ter-
tullianus docet libro de idololatria) idolum est di-
minutivum ab εἶδος, idest, forma, & significat for-
mam parvam, non quantitate sola, sed perfectione.
Est enim propriè idolum (ut exponit Eustathius in
lib. 11. Odissæ) imago inanis, qualis est, quæ cen-
nitur in umbra hominis, & qualia sunt phantasma-
ta, idest, imagines quas imaginatione fabricamus,
quibus sæpè nihil respondet in re; & qualia denique
sunt spectra & umbræ mortuorum, quæ videntur
quidem esse aliquid solidum, sed inanes sunt. Un-
de Homerus in 11. Odissæ, & Lucianus in Dialogo
de mortuis, animas mortuorum vocant εἰδῶλα; &
Virgilius in 6. lib. Æneidos videtur idipsum explica-
re voluisse, cum ait:

*Corripit hic subita trepidus formidine ferrum
Æneas, stridentemque aciem venientibus offert:
Et, ni docta comes tenues sine corpore vias
Admoneat volitare cava sub imagine forma;
Irruat, & frustra ferro diverberet umbras.*

Ubi quod Homerus, & Lucianus vocant εἰδῶλα;
vocat ipse umbras, & cava imagines, idest, vanas
& inanes. Quoniam ergo idolum propria & prima-
ria significatione designat imaginem inanem, inde
scriptores sacri, & Ecclesiastici Doctores vocave-
runt idola statuas falsorum Deorum, licet solidæ
sint quoad materiam, quia inanes sunt quoad for-
mam, idest, quoad repræsentationem. Hæc de no-
mine idoli.

Nomen simulacri est quidem paulò communius;
nam Lactantius lib. 6. de vero cultu, cap. 10. & 13.
vocat hominem Dei simulacrum; & lib. 2. de origi-
ne erroris, cap. 2. dicit, simulacrum dici à similitu-
dine, & proinde omnem veram imaginem posse dici

A simulacrum. Verius tamen est, quod alii dicunt, si-
mulacrum dici à simulando, non à similitudine; nam
in Scripturis simulacra ubique ponuntur pro idolis.
Semper enim ubi Latinus interpret posuit simulacra,
ut Actor. 15. Psal. 113. 1. Joan. ult. & alibi, semper
in Græco est εἰδῶλα; & B. Augustin. in Psal. 135.
dicit, Latinos ea simulacra vocare, quæ à Græcis
dicuntur idola. Hieronymus quoque in cap. 7. Osee
dicit, sic opponi simulacrum Deo, sicut opponitur
mendacium veritati, quia simulacrum Deum falsum
refert.

Denique, sicut Homerus & Lucianus vocant ido-
la umbras mortuorum, quæ videntur solida corpora
quædam, & non sunt; ita etiam Lucretius lib. 4. &
B Virgilius lib. 4. Georgicorum, & lib. 6. Æneidos,
eadem mortuorum umbras passim appellant simu-
lacula.

C A P U T VI.

De principibus Iconomachorum.

A Uctores Iconomachiar fuerunt omnes aut Ju-
dzi, aut Mahumerani, aut Magi, aut mani-
festè Hæretici, ita ut negare non possint qui hoc
tempore oppugnant imagines, avos & majores suos
fuisse impios.

C Alphonfus de Castro, verbo, Imago, tribuit hunc
errorem cuidam Felici, quem dicit damnatum in
Concilio Franconiæ, teste Platina in Adriano I.,
nec tamen potest invenire, quis iste Felix fuerit.
Tribuit item Sereno Episcopo Massiliæ, quem B. Gre-
gorius reprehendit lib. 7. epist. 109. & lib. 9. epist. 9.
Denique eundem errorem tribuit Alphonfus B. Epi-
phanio in epist. ad Joan. Hierosolymit.

Sed nullus horum, pace Alphonfi, in isto errore
versatus est; nam Felix damnatus in Synodo Fran-
cofordiensi, est Felix Episcopus Urgelitanus. Is au-
tem (ut ex Adone in Chronico, & Jona lib. 1. patet)
solum docuit, Christum esse filium Dei adoptivum,
quia tamen eadem Synodus reprobavit eodem tem-
pore (ut ex eodem Adone in Chronico anni 793.
patet) Pseudosynodum Græcorum contra imagines,
putaverunt tam Platina, quàm Alphonfus, hæresim
D Felicianam esse hæresim Iconomachorum.

Serenus autem confregit quidem imagines, sed nul-
lo modo Iconomachis hæreticis annumerandus est;
nam imagines fregit, quia videbat eas à Christianis,
tum recens conversis, adorari pro Diis. Unde Bea-
tus Gregorius laudat zelum ejus & fidem, & solum
reprehendit temeritatem, quod ausus sit id facere,
quod nullus unquam Episcopus fecerat, & monet
eum, ut populum instruat cur imagines ab Ecclesia
teneantur, & præmissa instructione imagines in tem-
E plis reponi sinat. Nec erat opus, ut Castro diceret,
Serenum, & Epiphanium excusari ab hæresi, quia
res nondum erat determinata. Satis enim res deter-
minata erat usu totius Ecclesiæ: sed nihil isti contra
fidem, aut veritatem egerunt, vel docuerunt. Ac
præsertim Epiphanius, qui purgatur ab omni suspi-
cione erroris circa imagines in VII. Synodo, act. 6.
tom. 5. & nos infra de hac re agemus. Ex certè non
sine temeritate, & præjudicio Catholicæ fidei tam
crassi errores tam magnis viris tribuuntur.

Nicolaus Sanderus lib. 1. cap. ult. de imaginibus,
dicit, primos Iconomachos fuisse Manichæos, tum
quia id videtur indicare Tharafius in VII. Synodo,
tum etiam quia Faustus apud Augustin. lib. 20. c. 3.
cont. Faustum, gloriatur à suæ sectæ hominibus Deum
sine simulacris coli. Sed an res ita se habeat, veho-
menter dubio; nam Tharafius in VII. Synodo act. 5.
non

non dicit Manichæos respuisse imagines, sed dicit, Iconomachos dum imagines respuunt, similes esse Manichæis, qui asseriebant, Christum non habuisse verum corpus; qui enim negat Christum posse depingi, videtur existimare, Christum non habere verum corpus. Porro Faustus apud Augustinum non loquitur de imaginibus Sanctorum, sed solum de imaginibus Dei. Unde nec Faustus eo loco reprehendit Catholicos, quod haberent imagines, nec Augustinus reprehendit Manichæos, quod imaginibus carerent. Ergo primi Iconomachi sunt Judæi, qui in suo Thalmud quod prodit anno Christi 476. ord. 2. tract. 1. dist. 2. disertè docent, Christianorum Ecclesias esse domos idololatriæ, quod propter imagines dictum esse patet tum ex VII. Synodo, ubi frequenter Iconomachi dicuntur Hebræi: tum ex Dialogis Leontii, ubi altercatur Judæus cum Christiano de imaginibus. Habetur pars horum Dialogor. in VII. Synodo, act. 5.

Circa idem tempus Zenone imperante existit Xenajas, quem principem Iconomachorum fuisse dicunt Nicephorus lib. 16. c. 27. & Cedrenus in compendio. Fuit autem iste Xenajas homo Persa, & barbarus, immò & servus fugitivus: & licet non esset baptizatus, simulans tamen se Christianum irrepsit ad Episcopatum. Sed quamquam iste apertè suasit, non esse venerandas imagines: non tamen legimus, quod persuaserit, nisi fortè aliquibus paucis. At post annos ferè centum, Justino juniore Imperatore, Samaritani quidam irruerunt in Ecclesiam quandam, & in imagines Christi, & Sanctorum ferocissimè grassati sunt, ut patet ex epist. Simeonis Eremitæ ad Justinum Imperatorem, quæ habetur in VII. Synodo, act. 5.

Non diu postea post annum Domini 600. exortus est Mahumetus, qui suæ sectæ hominibus nullas imagines in templis permisit, ut ex Alcorano, cap. 15. & 17. & ex ipsa experientia patet. Nec enim Turcæ imagines habent, & nos idololatrias putant propter cultum imaginum.

Iterum post annos ferè centum, idest, post annum 700. Domini, Hebræus quidam maleficus Ezidi Regi Arabum Mahumetano promisit 30. annos vitæ, si in suo imperio juberet imagines Christi, & Sanctorum ex Christianorum Ecclesiis auferri & comburi. Jussit ille, sed cum Christiani non parerent, immisit Arabes, & Hebræos in Ecclesias, qui negotium impigrè perfecerunt: Sed Rex Ezides anno sequenti obiit, & Hebræus tanquam impostor à successore ejus turpissima morte mori coactus est. Narratur historia in VII. Synodo act. 5. necnon à Cedreno, Zonara, & Niceta in vita Leonis Isauri.

Paulò post, Leo Isaurus Imperator à Judæis similiter persuasus, publico edicto imagines deponi, & deleri ex templis omnibus jussit: Et multos Christianorum resistentium neci dedit; unde Iconomachi cognomen invenit. Auctores sunt, Cedrenus, Zonaras, Paulus Diaconus, & alii. Atque hic fuit primus Christianorum, qui bellum movit contra imagines; nam etsi Philippicus, teste Paulo Diacono, deposuerat imagines sex Synodorum: tamen id fecerat odio sextæ Synodi, non odio imaginum. Fuit enim Philippicus Monothelita, non Iconomachus.

Utrum autem Leo rectè fecerit, an malè, vel ex eo perspicui potest, quod maluit in ea causa Judæorum maleficorum consiliis adherere, quàm S. Gregorij Papæ, S. Germani Patriarchæ Constantinopolitani, qui tunc sedebant, & Imperatori apertè resisterunt, ut ex iisdem auctoribus patet. Fuisse autem Gregorium illum, & Germanum, optimos & doctissimos Pontifices tradunt historici omnes ejus temporis Græci & Latini. Resisterunt etiam Leoni duodecim sapientes, qui cum præposito suo, qui dicebatur magister Oecumenicus, publicis sumptibus a-

lebantur, & omnium optimi, & sapientissimi erant: quos Leo unà cum domo, & instructissima eorum bibliotheca combussit. Vide Zonaram in vita hujus Leonis.

Impietatem porro Leonis sequutus est Constantinus Copronymus hujus Leonis filius, qui in signum futuræ improbitatis dum baptizaretur, sacrum fontem stercore foedavit: & præterea Necromanticus fuit, & hæreticus Nestorianus; nam non credidit B. Mariam esse Deiparam, ut ex Zonara & Cedreno cognosci potest.

Monet autem rectè Sanderus Gulielmum Xilandrum, non fideliter vertisse in hac historia verba Cedreni. Ubi enim Cedrenus scripsit, Constantinum istum exegisse juramentum ab omnibus Imperio suo subjectis, quo juramento confirmarent, nullam se imaginem adoraturos; illa verba, ἐμὸν μὴ προσκυνῶσαι τοῖς; ille vertit: nulli se simulacro supplicaturos; quasi videlicet Christiani idolis supplicent. Cùm tamen constet, ut jam ostendimus, imagines non rectè vocari simulacra; & usus Christianorum habeat, ut imagines veneremur, non ut eis quasi viventibus & sentientibus supplicemus. Sed nimirum qui fidem Deo non habet, nihil mirum, si etiam fidem non servet in libris transferendis.

Post annum deinde 800. cùm aliquandiu quievisset bellum contra imagines; iterum renovatum est à Leone Armenio Imperatore; & qui ei successerunt, Michael Balbo, & Theophilo, quos omnes improbilissimos fuisse, postremum etiam Judicæ sectæ, & Necromantiæ addictum testantur Cedrenus & Zonaras in vita ipsorum.

Eodem tempore, quo Theophilus in Oriente imagines oppugnabat, existit in Occidente sub Imperio Ludovici Pii Caroli Magni filii Claudius Hispanus, Episcopus Taurinensis, Felicitis Urgelitani discipulus, qui imagines omnes, & cruces è templis omnibus suæ diocesis abstulit. Fuit autem homo imperitus, & superbus, ut ex libello ejus, libris Jonæ inserto apparet, & hæresim Arianam, jam sepultam, rursus ad lucem revocare conatus est.

Post illa tempora circa annum Domini 1372. exstitit Joannes Wiclef, qui obiter attingit imaginum reprehensionem, sed discipuli ejus acrius postea imagines oppugnaverunt. Vide Thomam Waldensem, tom. 3. tit. 19. Eundem errorem tribuit Waldensibus Claudius Coussordius lib. contra Waldenses, artic. ultimo.

Scribit etiam Joannes Cochleus lib. 3. historiæ Hussitarum, à Hieronymo de Praga imaginem Christi crucifixi dejectam, & stercore foedatam, cùm tamen ipse in cubiculo adoraret imaginem Wiclefi diademate coronatam.

Denuque hoc nostro sæculo primus, qui imagines è templis abstulit, Andreas Carolitad. fuit, anno 1522. teste Joanne Cochleio in vita Lutheri. Lutherus autem quamquam rem probaret, reprehendit tamen auctorem, ut ibidem Cochleus dicit, quia, ut id faceret, non à se potestatem & auctoritatem flagraverat. Item Zwinglianos contra imagines pugnasse scribit Cochleus in act. Lutheri anni 1526. Philippus quoque in locis communibus explicans decalogum, reprehendit imaginum venerationem. Similiter Magdeburgenses Centur. 8. passim, sed præcipuè cap. 9. & 10.

Denique Joan. Calvinus lib. 1. cap. 11. & lib. 4. cap. 9. §. 9. Institur. acerrimè imaginum cultum reprehendit; & Calvinistæ, ubicumque possunt, eas frangunt, vel comburunt, vel abradunt.

CAPUT VII.

Licere imagines & facere, & habere.

His præmissis, ut ostendamus licere Christianis usum imaginum, proponemus, & refutabimus varios, qui de hac re exstiterunt, errores.

Ac primus quidem est Judæorum, qui quondam propensissimi erant ad idololatriam; at post Christi adventum supersticiosissimi sunt contra imagines. Dicunt enim jure divino prohibitum esse imagines quaslibet efficere, teste Paulo Burgensi, addit. 2. ad Lyranum super cap. 20. Exod. quod idem docent Wiclefistæ apud Waldensem, tom. 3. tit. 19. cap. 152. Ratio eorum est, quia Exod. 20. dicitur: *Non facies tibi sculptile, neque omnem similitudinem &c.* Cæterum hic est error manifestus. Et sine dubio non prohibetur in decalogo omnis imago, sed solum illa, quæ dici potest idolum, idest, imago, quæ habetur pro Deo, vel quæ repræsentat tamquam Deum eam rem, quæ non est Deus. Cum enim dicitur: *Non habebis Deos alienos*, prohibetur actus interior idololatriæ; cum autem additur: *Non facies tibi sculptile &c.* prohibetur actus exterior. Vide Augustinum quæst. 71. in Exod.

Probatur hæc sententia. Primum, quia si prohiberetur omnis imago, sequeretur præcepta decalogi non esse tantum 10. sed 11. vel 12. contra Scripturam, quæ dicit esse 10. Exod. 31. & 34. Deuter. 4. 9. & 10. nam constat unum præceptum esse: *Non habebis Deos alienos*. Alterum, non assumes nomen Dei in vanum. 3. Sabbathata sanctifices. 4. Honora parentes. 5. Non occides. 6. Non mœchaberis. 7. Non furaberis. 8. Non dices falsum testimonium. 9. Non concupisces. Ista novem sine controversia sunt distincta.

Porro illud: *Non concupisces*, vel debet dividi in duo; ut nonum sit, non concupisces uxorem alienam; 10. non concupisces rem alienam; vel ista omnia ad unum pertinent. Si debet dividi in duo, ergo illud: *Non facies tibi sculptile*, erit undecimum, vel oportet dicere, illud non esse præceptum distinctum à primo, ut revera dicunt Clemens Alexandr. lib. 6. Strom. Augustin. qu. 71. in Exod. & epist. 119. cap. 11. & communiter Scholast. 3. sentent. dist. 37. & Catechismi omnes Latini. Et tunc non prohibetur sculptile quodcumque, sed solum sculptile, quod habetur pro Deo alieno.

Si autem: *Non concupisces*, est unum tantum, ut existimant Philo in lib. de decalogo ante med. Joseph. lib. 3. antiquit. cap. 6. & 8. Origen. hom. 8. in Exod. Ambrosius & Hieronym. in cap. 6. ad Ephes. Procopius & Rupertus in cap. 20. Exodi: Tunc illa omnia verba erunt unum præceptum: *Non facies tibi sculptile &c. Et non adorabis ea, neque coles*, sed facere imagines absolute, & adorare eadem, sunt res distinctæ, ut patet; quia potest unus adorare sculptile, quod non fecit, & alius non adorare, quod fecit. Ergo unum tantum horum est prohibitum, alioqui essent undecim præcepta. Sed certum est prohiberi cultum: ergo non prohibetur fabricatio per se, sed solum in ordine ad cultum. Proinde peccat, qui facit, ut adoret, non qui facit ad alium usum.

Secundò probatur, lege divina non prohiberi imagines absolute, ex eo, quod in ipsa Scriptura legimus imagines factas Dei jussu. Siquidem Exod. 25. Deus fieri jussit imagines Cherubin super arcam. Num. 21. Serpentem æneum, 3. Reg. 6. & 7. Cherubin, boves, leones, & alia. Respondent Judæi, Deum præcepisse hominibus, non autem sibi ipsi. Porro imagines templi ipsum jussisse fieri, sicut pro-

A hibuit furtum; & tamen ipse jussit ut Judæi spoliarent Ægyptum, Exod. 12.

At contrà. Primò, præcepta decalogi sunt explanationes juris naturæ, excepto illo de Sabbatho: res autem prohibitæ jure naturæ, sunt prohibitæ, quia malæ; non malæ, quia prohibitæ, & proinde nec à Deo præcipi possunt. Nec jussit unquam Deus furtum, sed donavit ut Dominus, Judæis bona Ægyptiorum. Deinde, si imagines essent prohibitæ, certè propter periculum idololatriæ: at idem est periculum, si Deus jubeat eas fieri, immò eò majus, quò illæ habentur diviniore, sicut accidit de serpente æneo, 4. Reg. 18. non ergo prohibuit Deus imagines absolute.

B Probatur tertio, quia numquam intelligitur prohibitum id, quod nullo modo adversatur fini legis: finis autem præceptorum primæ tabulæ est, ut servetur Deo suus honor illibatus, ut patet ex initio decalogi: *Ego sum Dominus Deus tuus*. Item ex illa comminatione: *Ego sum Deus zelotes*. Item ex illa explicatione, Exod. 20. *Non facietis vobis Deos aureos, & Deos argenteos*. Item ex Levit. 26. *Non facietis sculptile, & idolum, ut adoretis*. Denique ex illo Isaie 42. *Ego Dominus gloriam meam alteri non dabo, & laudem meam sculptilibus*. At imago non facta ad venerationem, non adversatur honori Dei: Non igitur est prohibita.

C Dices: Imago est occasio idololatriæ. Respondeo etiam Sol, & Luna, & alia multa sunt talia; sed per accidens.

Quartò, ars pingendi, & sculpendi bona est, & à Deo, ut patet Exod. 31. & 35. ubi dicitur, Deus dedisse duobus viris Beseleel & Ooliab spiritum suum, sapientiam, & scientiam ad sculpendum, & excogitandum multa pro ornatu tabernaculi.

Quintò, Deus primus auctor est omnium imaginum, naturalium, & artificialium; nam genuit filium ad imaginem suam; & formavit hominem ad imaginem suam.

Sextò, imago est secundum naturam, & necessaria; nam in primis omnia naturalia producunt aliquid sibi simile, idest, imaginem sui. Homo quidquid cognoscit sive sensu, sive intellectu, per imagines cognoscit. Non possumus in lumine versari, quin corpora nostra umbram efficiant, quæ imago est corporis. Vestes omnes imagines sunt eorum membrorum, ad quæ regenda factæ sunt.

Denique Judæi tempore Christi habebant imaginem Cæsaris in nummis, ut patet Matth. 22. & nunc etiam retinent imagines Principum in pecuniis, ergo dicunt, non licere ullam imaginem habere? Certè si quis eis eripere vellet imagines, quas in nummis & aulæis habent, continuò mutarent sententiam.

E Secunda opinio est Ambrosii Catharini in opusculo de imaginibus, ubi docet, Deum in decalogo prohibuisse imagines simpliciter: sed illud præceptum fuisse positivum, & temporale: nam propterea existimat ipse Deum jussisse fieri imagines Cherubin, ut indicaret, imagines non esse malas per se, sed solum malas, quia prohibitæ: & etiam ne præjudicaretur Testamento novo, in quo permittendæ erant imagines.

Sed hæc opinio nobis non probatur, tum propter argumenta facta contra Judæos, tum etiam quia sanctus Irenæus lib. 4. cap. 31. & 32. disertè docet, decalogum esse legem naturalem, excepto præcepto de Sabbatho. Et Tertullian. lib. de idololat. toto contendit, nunc maxime observandum hoc præceptum. Idem docet B. Cyprianus lib. 3. ad Quirinum, c. 59. & de exhortatione martyrii, cap. 1. B. Augustin. passim affirmat totum decalogum, excepta lege de Sabbatho, à Christianis servandum, & nominatum illud:

Non

Non facies tibi sculptile. Vide lib. 15. cont. Faustum, cap. 4. & 7. & lib. 19. cap. 18. lib. 3. contra 3. epist. Pelagian. cap. 4. Idem habet B. Thomas 2. 2. q. 122. art. 1. & 4. Ergo si in decalogo prohiberentur omnes imagines, peccarent Christiani habentes imagines.

Dices: in decalogo præceptum Sabbathi est positivum saltem ex parte; ergo nihil prohibet, quo minus etiam præceptum de imaginibus sit ex parte positivum. Respondeo: in præcepto Sabbathi posita esse multa, quæ indicent, illud esse positivum; nam Primò, præmittitur, *Memento*, quia nimirum cum non sit naturale præceptum, poterant illius facile Judæi oblivisci. Secundò, additur ratio præcepti: *Quia Dominus quiescit ab opere die septimo*; non autem additur ratio ulli alteri præcepto, quia cætera sunt simpliciter naturalia. Denique Irenæus, Augustinus & Thomas diserte solum Sabbathum excipiunt à naturalibus præceptis decalogi.

Tertia opinio est Thomæ Cajetani in c. 20. Exod. qui docet, non esse prohibitum facere ullam imaginem, vel idolum, sed solum prohibitum esse, ne quis faciat sibi imaginem, quam habere velit pro Deo suo; & probat, quia non est dictum: *Non facies sculptile*; sed, *non facies tibi sculptile*.

Hæc sententia displicet solum in modo loquendi; nam Cajetanus pro eodem habet idolum, & imaginem, cum falsum sit; ut supra ostendimus. Deinde videtur concedere licere facere idola, quæ habeantur pro Diis, modò non habeat pro Diis ille, qui facit. At Tertullianus toto lib. de idololatria probat evidentissimis rationibus prohibitum esse Christianis pictoribus, aut statuariis facere idola Gentilibus. Et Ecclesia celebrat 8. Novembr. martyrium sanctorum Claudii, Nicostrati, & sociorum, qui necati sunt, quia noluerunt simulacra Gentilibus facere cum essent peritissimi statuarii.

Neque Cajetanus hoc negaret, quippe qui in 2. 2. quest. 10. artic. 4. docet, non licere vendere idola Gentilibus; ideo incautè locutus est in commentario Exodi. Nec obstat illa particula, *tibi*; nam secundum Hebraicam phrasim redundat. Sicut Genes. 12. *Vade tibi de terra tua*; & in Canticis canticorum passim.

C A P U T VIII

Non esse prohibitas imagines Dei.

Quarta opinio est Calvinii, lib. 5. Institut. cap. 11. ubi dicit Primò, nefas esse Deo invisibili, & incorporeo, imaginem visibilem & corpoream collocare. Secundò, imagines Christi & Sanctorum non esse prohibitas simpliciter, sed non debere poni in templis: Tertiò, historias depictas habere aliquem usum ad instruendum; imagines autem solas Christi, vel Sanctorum sine ulla notatione rerum gestarum nullum habere usum, nisi ad oblectandum, & ideo frustra fieri.

Ut ergo incipiamus à primo capite, probat Calvinus non posse pingi imaginem Dei. Primò, quia Exod. 20. prohibetur omnis Dei similitudo; nam postquam dixerat Scriptura: *Non facies tibi sculptile, neque omnem similitudinem*, subjungit infra, explicans: *Deos aureos, & argenteos non facietis vobis*, id est, non facietis imagines aureas, vel argenteas, quæ Deum representent. Et Deuter. 4. *Memento quòd Dominus locutus sit tibi in monte Horeb, vocem verborum audisti, imaginem nullam vidisti, observa ergo teipsum ne forte deceptus facias tibi ullam similitudinem.* Et Isai. 40. *Cui similem fecistis Deum? Aut quam imaginem ponetis ei?* Et cap. 46. *Cui assimilastis me, & ad-*

Controv. Card. Bellarm. Tom. II.

A *aquassis, & comparastis me, & similem fecistis? Qui confertis aurum de sacculo, & argentum statera ponderatis, conducentes aurificem, ut faciat Deum. Denique Act. 17. Paulus dicit: Genus ergo cum finis Dei, non est existimandum, auro, vel argento, aut lapidi artis sculptura, & cogitationis hominum divinum esse simile.*

Secundò, probat ex Concilio Elbertino can. 36. *Placuit in templis non haberi picturas, ne quod colitur, vel adoratur, in parietibus depingatur.* Ubi palam est agi de imaginibus Dei, qui solus à Christianis colitur & adoratur.

Tertiò, idem probat ex Patribus: nam Eusebius lib. 1. de præparatione Evangelica, cap. 6. & lib. 2. cap. 8. & Lactantius lib. 1. divin. institutionum, c. 15. scribunt, omnes quorum simulacra videmus, fuisse homines mortales: ergo nullum erat simulacrum veri Dei immortalis. Item Augustin. de fide, & symbolo, cap. 7. dicit, nefas esse Deo simulacra collocare. Præterea idem Augustin. lib. 4. civit. Dei c. 19. & 31. refert Varronem dicentem, qui primi Deorum simulacra induxerunt, eos & timorem dempsisse, & errorem auxisse. Et lib. 8. c. 10. refert Senecæ querimoniam, qui dolebat inviolabiles Deos in materia vilissima, atque ignobili dedicari.

Poterat addere etiam Origenem lib. 7. contra Celsum, in fine, & Joan. Damascenum lib. 4. de fide, cap. 17. qui docent, Christianos nullam Dei imaginem habere, utpote incorporei & invisibilis. Denique Patres VII. Synodi, act. 4. 5. & 6. qui dicunt, Christum rectè pingi, quia est homo: Deum autem pingi non posse.

Quartò, probat ex periculo erroris: nam licet S. Gregorius scripserit, imagines esse libros idiotarum, tamen è contrario Scriptura vocat imaginem ligneam, doctrinam vanitatis, Hierem. 10. & conflatile, doctorem mendacii. Habacuc 1. *Itaque*, inquit Calvinus, *si Gregorius in schola spiritus edoctus fuisset, nunquam dixisset imaginem librum idiotarum esse.*

Quintò, ratione, quia non videtur posse fieri veram imaginem corpoream rei incorporeæ. Adde etiam, quòd imagines sunt rerum absentium: Deus autem ubique est præsens.

Hæc opinio Calvinii est etiam aliquorum Catholicorum, ut Abulensis in cap. 4. Deuter. quest. 5. Durandi in 3. dist. 9. q. 2. & Petesii de traditionib. par. 3. in tractatu de imaginibus; qui docent, imaginem Dei non rectè fieri, & ab Ecclesia fortasse tolerari, non tamen probari.

Ego dico tria: Primò, non esse tam certum in Ecclesia, an sint faciendæ imagines Dei, sive Trinitatis, quàm Christi, & Sanctorum; hoc enim confitentur omnes Catholici, & ad fidem pertinet, illud est in opinione. Secundò, miram esse Calvinii fraudem & astutiam, qui posteaquam probavit non esse faciendas imagines Dei, ita digreditur ad amplificationes, & triumphum canit, quasi probasset, non licere colere, vel facere ullam imaginem. Tertiò dico, licere pingere etiam imaginem Dei Patris in forma hominis senis; & Spiritus sancti in forma columbæ, ut Cajetanus docet in 3. p. q. 25. art. 3. Ambrosius Catharinus in lib. de cultu imaginum. Dieghus Payva lib. ultim. contra Kemnitum. Nicolaus Sanderus in suo opere de cultu imaginum. Thomas Waldensis to. 3. tit. 19. c. 155. Id verò ita probamus.

Primò, Angeli sunt incorporei, & tamen depicti & sculpti sunt in Testamento veteri, Exod. 25. 3. Regum 6. quare Deus etiam, licet incorporeus, pingi poterit.

Calvinus respondet id factum esse ad pædagogiam veteris legis, nunc autem præterisse sæculum illud puerile. At nos non quarimus quorsum facta sint, sed tamen disputamus pingi posse rem incorpoream:

Bb 3 & si.

& sicut ad pædagogiam populi pinguntur Angeli, cur ad pædagogiam populi non poterit pingi Deus? Nam licet præterierit sæculum illud, quod puerile dici poterat respectu nostri, tamen & nostrum puerile dici potest respectu futuri sæculi in cælo.

Secundò, Deus visus est corporea specie; nam Adæ apparuit *tamquam homo deambulans in paradiso ad auram post meridiem*, Genes. 3. Jacob vidit Deum *in mixtum summitati scala*, & proinde forma corporea, Genes. 28. Moyses vidit *posteriora Dei*, idest, terga & humeros, Exodi 33. Isaias cap. 6. & Michæas 3. Reg. ult. viderunt *Domnum sedentem in solio* ad formam hominis Regis. Et Amos cap. 9. vidit *Domnum stantem super altare*. Denique Daniel cap. 7. vidit eum *sedentem in throno*, & describit caput & capillos ejus canos, & vestimenta ejus alba. Spiritus sanctus apparuit *in forma columba*, Matth. 3. Denique Angeli apparuerunt frequentissimè in forma humana, Genes. 18. & 19. in lib. Tobie. Visi sunt etiam cum alis, ut Isaias 6. & Daniel. 9. & in stola candida, Matth. ultim. Luc. ult. & Joan. 20. Quid ergo prohibet sic pingi?

Respondet Calvinus, quòd Deus interdum se ostenderit in humana forma, fuisse præludium incarnationis, columbam autem subito evanuisse, ut indicaret Spiritum sanctum invisibilem esse. Sed quorsum hæc? Non enim quærimus ad quem finem, vel quamdiu Deus apparuerit in forma corporea, sed contendimus posse Deum pingi in ea forma, in qua se ipsum demonstravit. Et præterea non est verum, apparitionem Dei in forma humana semper fuisse præludium incarnationis; nam interdum apparuit Deus Pater, vel Spiritus sanctus, qui tamen incarnandi non erant. B. Augustinus lib. 2. Trinit. cap. 11. existimat, in illis tribus viris, qui apparuerunt Abraham, Genes. 18. apparuisse tres personas Trinitatis: & lib. eodem, cap. ultimo, convincit, Patris personam visam esse in forma humana, ex Daniele cap. 7. ibi enim legimus visum esse *antiquum dierum in throno, qui filio hominis*, idest, Christo, regnum tradebat; & tamen nec tota Trinitas, nec Deus Pater incarnandus erat.

Tertiò, Scriptura verbis tribuit Deo omnia membra humana, dum eum dicit stare, sedere, ambulare; nominat ejus caput, pedes, brachia; tribuit illi sedem, thronum, scabellum &c. Cur ergo non poterit pictura exhiberi, qualis depingitur Scriptura?

Respondent, Scripturam idèd sine periculo tribuere membra Deo, quia alibi eadem Scriptura Deum incorporeum esse dicit. Sed cur, quæso, eadem Scriptura non poterit impedire errorem picturæ? Sicut enim à Scriptura discimus, membra quæ tribuuntur Deo in ipsa Scriptura, metaphoricè esse accipienda, ita etiam ab eadem discimus membra, quæ tribuuntur Deo in pictura, metaphoricè esse accipienda. Et idiotæ, qui vident picturas & non possunt legere Scripturas, possunt ac debent à Prælatiis & concionatoribus institui, ut Concilium Tridentinum monet, sess. 25. Alioqui fateor, non sine periculo exhiberi imperitis ejusmodi picturas. Hic enim tantum defendimus, non esse in universum damnandas ejusmodi imagines.

Quartò, pinguntur ea, quæ minus videntur posse pingi quam Deus, nimirum virtutes, quæ non solum spirituales, sed etiam accidentia sunt; cur ergo non poterit pingi Deus?

Quintò, homo est vera imago Dei; sed hominis potest pingi imago, ergo & Dei; nam quæ est imago imaginis, est etiam exemplaris; quæ enim sunt similia uni tertio, sunt etiam inter se similia.

Dicent, hominem non esse imaginem Dei qua

A parte pingitur, idest, corpore, sed qua parte non potest pingi, idest, animo.

Respondeo, si ita esset, sequeretur, hominem non posse depingi; nam homo non est homo ratione figuræ, & colorum, quæ sola exprimuntur in imagine, sed est homo ratione substantiæ, & præcipue ratione animæ, quæ pingi non possunt. Dicitur tamen homo verè & propriè depingi, quia figura & colores imaginis non solum figuram & colores hominis repræsentant, sed ipsum totum hominem; alioqui numquam fieret, ut res depicta videretur res ipsa vera. Quod tamen accidit uvis, quas pinxerat Zeufis, ad quas carpendas aviculæ accurrebant, teste Plinio lib. 35. cap. 10.

B Ita igitur licet homo sit ad imaginem Dei ratione intellectus & voluntatis, tamen ipse totus homo intelligens & volens, rectè dicitur & est imago Dei; nam Genes. 1. non ait Deus: *Faciamus animam*, sed *faciamus hominem ad imaginem Dei*; & cum Imperator quidam sæviret in eos qui confregerant imaginem uxoris suæ, dixit illi S. Macedonius (ut Theodoretus refert in historia religiosa, cap. 43.) eum malè agere, quòd pro imaginibus suis, Dei occidat imagines. Et tamen Imperator non animas, sed homines occidebat. Si autem ipse totus homo est imago Dei, & totus homo verè pingitur: ergo imago Dei verè pingitur. Illud tamen verum est, quòd sicut homo est imago Dei valde imperfecta, obscura, & dissimilis: ita etiam homo pictus est imago Dei valde imperfecta, obscura, & dissimilis.

C Ultimò probatur ex usu Ecclesiæ. Jam enim receptæ sunt ferè ubique ejusmodi imagines, neque credibile est Ecclesiam toleraturam universaliter aliquid illicitum. Adde quòd Concilium VII. act. 5. approbat imaginem Spiritus sancti in forma columbæ, & Concilium Trident. sess. 25. admittit imagines Dei præcipue in picturis historiarum.

D Pro solutione argumentorum observandum est tribus modis posse aliquid pingi. Uno modo ad exprimendam perfectam similitudinem formæ, & naturæ rei ipsius, & hoc modo res corporeæ solum pinguntur, quæ lineamentis & coloribus præditæ sunt. Et si quis hac ratione Deum pingere tentaret, is verum idolum constitueret.

Altero modo ad historiam aliquam oculis exhibendam; quomodo si quis pingere vellet expulsionem Adami de Paradiso, pingere deberet Deum in forma hominis ambulantiem, & Adamum, atque Evam nudos inter arbores se occultantes, ac demum Angelum in forma humana gladium gestantiem, & Adamum cum coniuge expellentem. Qui autem ita pingeret, non vellet certè repræsentare Dei vel Angeli naturam, sed solum exhibere oculis per picturam, id quod auribus exhiberet alius recitando Scripturam, & hoc modo potest Deus pingi.

E Tertiò, potest aliquid pingi extra historiam ad explicandam naturam rei non per immediatam, & propriam similitudinem, sed analogiam, sive metaphoricam, mysticasque significationes. Quemadmodum pingimus Angelos, juvenes, alatos, formosos, nudis pedibus &c. ad significandum eos semper viribus pollere, celerrimè moveri, splendore gratiæ & virtutum præditos &c. quæ vide apud Dionysium, cap. ultim. cælestis hierarch. Hoc etiam modo pinguntur virtutes: Et ipse homo, imago Dei, est hujus generis tertii. Non enim est inter hominem & Deum alia similitudo, quàm analogica. Hoc modo pingimus Deum patrem, cum eum extra historiam pingimus humana forma.

Hoc modo pingimus Christum in forma ovis, & Evangelistas repræsentamus per aquilam, leonem, bovem, & hominem, & Spiritum sanctum in forma colum-

columbæ, aut linguarum ignis. Ubi tamen notandum, non debere ejusmodi imagines multiplicari, nec tolerandum esset, quod pictores audent ex capite suo confingere imagines Trinitatis: ut cum pingunt unum hominem cum tribus faciebus, vel unum hominem cum duobus capibus, & in medio eorum columbam; ista enim monstra quædam videntur, & magis offendunt deformitate sua, quàm juvent similitudine. Unde etiam Ministri Hungarici in suo opere contra Trinitatem lib. 1. cap. 4. collegerunt multas formas imaginum Trinitatis, & eas tamquam monstra quædam accuratè depicta ridenda proponunt, easque vocant Cerberos, Geryones, Janos trifrontes, monstra & idola, quibus certè occasionem blasphemandi pictores nostri dederunt.

Præterea notandum est, errare Bartholomæum Caranzam, qui in summa Conciliorum dicit, can. 82. sextæ Synodi, prohiberi imaginem Christi in forma agni, & Spiritus sancti in forma columbæ. At Concilium non prohibet istas imagines, sed anteponit tantum istis imagines Christi in forma humana. Unde in VII. Synodo, act. 2. legitur epistola Adriani ad Tharasium, in qua laudata dicitur in VI. Synodo imago Christi in forma agni. Idem dicit Helias in VII. Synodo, act. 4. idem Epiphanius in VII. Synodo, act. 6. & præterea in VII. Synodo, act. 5. approbatur imago Spiritus sancti in forma columbæ.

Præterea ratio Bartholomæi contra ipsum videtur concludere; ipse enim dicit prohibitas esse has imagines, quia præsentate veritate cessare debent figuræ. At istæ imagines non fuerunt in usu in Testamento veteri, sed cœperunt post Christi adventum. Imago enim agni sumpsit occasionem ex illis verbis Joannis: *Eccce agnus Dei*; Imago autem columbæ ex illa columba, quæ apparuit super Christum, Matth. 3. Occasionem errandi videtur iste auctor accepisse ex ipso canone, qui non integrè habetur in illa Synodo, sed corrigendus est error ex VII. Synodo, ubi sæpius iste ipse canon integer adducitur.

Ex his ad argumenta adversariorum facilè poterit responderi. Ad primum posset uno verbo dici, in omnibus Scripturis citatis prohiberi imaginem Dei primi generis. Existimo tamen Exodi 20. cum dicitur: *Deos aureos, & Deos argenteos non facietis mecum*. Et similiter Isaia 40. & 46. ubi Deus conqueritur dicens: *Cui assimilastis me?* ad literam non agi de imagine facta ad representandum Deum verum, nec enim tales à Judæis fiebant, sed de quibuscumque simulacris, quæ haberentur pro Diis. Vult enim Deus dicere, si vobis simulacrum ligneum est Deus, cum ego etiam sim Deus, sequitur, me similem esse Deo ligneo secundum vos; nam Deus Deo non posset non esse similis?

Ad secundum dico, si Concilium illud loquitur de imagine solius Dei (ut vult Calvinus) nullam esse difficultatem; nam intelligemus Concilium de imagine Dei primi generis. At si loquatur Concilium de omnibus imaginibus, etiam Sanctorum, est major difficultas, de qua infra.

Ad tertium, Eusebius, & Lactantius loquuntur de idolis Gentium. Volunt enim ostendere, Deos Gentilium fuisse homines, & probant, quia omnia idola Gentium sunt statuae hominum, quorum etiam sepulchra ostenduntur. Augustinus de fide, & symbolo, loquitur de imagine Dei primi generis. Varro apud Augustinum rectè dicit, eos, qui simulacra Deorum induxerunt, metum dempsisse, & errorem auxisse; nam quidam propterea crediderunt ipsa simulacra esse Deos, & videntes ea nec aliis, nec sibi prodesse, vel obesse, cœperunt Deos contemnere.

Controv. Card. Bellarm. Tom. II.

A At si non Deos simulacra, sed imagines Deorum esse credidissent, & imagines non proprias, sed analogicas, nec metum amisissent, nec errorem invenissent, quemadmodum non minuitur metus Principum, nec error ullus oritur per imagines eorundem, quas videmus quotidie. Seneca apud eundem Augustinum conqueritur, simulacra Diis poni propter eundem errorem, quia putabantur ipsa simulacra Diis, vel certè Diis simulacris illis similes judicabantur. Origenes, & Damascenus, & Patres Nicæni loquuntur de imagine Dei primi generis.

B Ad quartum dico Primò, à Calvino injuria reprehendi B. Gregorium; nam B. Gregorius, cum ait picturas libros esse idiotarum, non agit de imagine Dei, sed de imaginibus Sanctorum, ac potissimum de historiis depictis, quibus mysteria redemptionis continentur. Prophetæ autem, quos opponit Calvinus Gregorio, cum dicunt, lignum esse doctorem vanitatis, vel mendacii, de simulacris falsorum Deorum, non de veris Sanctorum imaginibus loquuntur.

C Dico secundò, idola quidem esse doctores mendacii, quia volunt videri Diis; vel certè videntur referre Deorum effigiem, cum verè non referant: At imago Dei, & Trinitatis, ut à nobis pingitur, doctor est veritatis, quia neque habetur pro Deo à nobis, neque fit ad referendam Dei effigiem, sed ad perducendum hominem in aliquam Dei notitiam per analogicas similitudines.

Ad quintum, jam ostendimus quemadmodum pingi possit res incorporea.

Ad ultimum, pingi solent absentia, quia non videntur: Deus autem licet sit præsens, tamen non videtur, idè pingi potest, ac si abesset. Alioqui nec oporteret orare Deum voce exteriori, voces enim sunt propter eos, qui non intuentur cogitationes: Deus autem scrutatur renes, & corda.

CAPUT IX.

Imagines in templis rectè collocari.

D A Iterum Calvini dictum, quod imagines non debeant poni in templis, probat ipse lib. 1. Inst. cap. 11. Primò, quia primis quingentis annis non fuerunt ullæ imagines in templis Christianorum.

Secundò, quia Concilium Elibertinum can. 36. prohibet picturas in templis fieri.

E Tertiò, quia non potest imago in templo, in sublimi loco statui, quin statim erigatur signum quoddam idololatriæ. Nam, ut B. Augustinus ait, epistola 49. *Cum his sedibus locantur honorabili sublimitate, ut à precantibus, atque immolantibus attendantur, ipsa similitudine animatorum membrorum, atque sensuum, quamvis sensu, & anima careant, afficiunt infirmos animos, ut vivere ac spirare videantur*. Item in Psal. 113. *Hoc enim facit, & extorquet quodammodo illa figura membrorum, ut animus in corpore vivens magis arbitretur sentire corpus, quod suo simillimum videt &c.* Ex paulò post: *Plus valent simulacra ad curvandam infelicem animam, quod os, oculos, aures, pedes habent: quàm ad corrigendam, quod non loquuntur, neque vident, neque audiunt, neque ambulant*. Ibidem Augustinus dicit, in templis Christianorum esse quidem vasa aurea, & argentea, sed non talia, quæ os habeant, & non loquantur. Confirmat etiam ex 1. Joan. ultimo, ubi Joannes non dicit, ut caveant à cultu simulacrorum, sed à simulacris ipsis, quia nimirum non possunt haberi in templo, quin adorentur.

Quartò probat, quia templa sunt instituta pro imaginibus vivis, & iconicis, atque à Deo institutis,

Bb 4 qua-

quales sunt Baptismus, qui est imago internæ sanctificationis, & gratiæ; & sacra Coena, quæ est imago corporis Domini: sicut ergo templa ornantur istis vivis quodammodo imaginibus, ita dehonestantur imaginibus mortuis &c.

Quintò, probat lib. 4. cap. 9. §. 9. ex Epiphanio in epist. ad Joannem Hierosolymit. ubi dicit, contra Scripturæ auctoritatem esse, quòd in Ecclesia pon-deat imago hominis; & loquitur de imagine, quam ipse dicit fuisse Christi, vel Sancti alicujus.

Sextò addunt alii, quòd Adrianus Imperator (teste Elio Lampridio in vita Alexandri Imperatoris) in gratiam Christianorum templa iusserit exstrui sine simulacris.

Hæc sunt illorum argumenta, quibus tamen nihil terri, asserimus nusquam melius, quàm in templis imagines Sanctorum collocari. Probatur primò, quia in Testamento veteri, quando Judæi propensissimi ad idololatriam erant, in templo fuerunt imagines Cherubin, Exodi 25. & 3. Reg. 6.

Secundò, probatur ex consuetudine Ecclesiæ, quæ fuit primis quingentis annis, ut appareat impudens Calvini mendacium. Tertullianus in libro de pudicitia, ante medium, bis testatur, in sacris calicibus Ecclesiæ Catholicæ, depictum fuisse Christum in forma pastoris ovem errantem suis humeris reportantis ad ovile; & tam erat id commune, ut Catholici, contra quos in eo libro scribit Tertullianus, inde argumentum fumerent ad probandum poenitentiam, etiam gravium delictorum, in Ecclesia concedi. At certè calices sacri in Ecclesia, & in loco maximè sacro poni solent.

Sozomenus lib. 5. cap. 30. & Nicephorus lib. 10. cap. 30. scribunt tempore Juliani Apostatæ statuam Christi, quæ apud Paneadem fuerat, in templum à Christianis introductam. Quod certè factum est ante annum Domini 500. cum ad eum annum Sozomenus non pervenerit. Eusebius lib. 3. & 4. de vita Constantini, dicit, in templis à Constantino exstructis in Palæstina, fuisse maximam copiam imaginum aurearum & argentearum.

Nazianzenus epist. 49. ad Olympium, conqueritur, quòd civitas Diocæsariensis evertenda esset, in qua ipse templum mirificè exornarat; & addit: *Neque enim si statua deiciantur, hoc nos exerceat, etiam si aliqui exerceat, verum &c.*

Damasus in vita Sylvestri scribit, Constantinum in loco, ubi fuerat baptizatus, posuisse agnum ex auro purissimo, ad dexteram agni, statuam argenteam Salvatoris; ad levam autem, statuam argenteam Joannis Baptiste. In Ecclesia autem ipsa Lateranensi posuisse imagines argenteas Salvatori, Apostolis duodecim, & Angelis quatuor. In VII. Synodo, act. 6. refertur, quemadmodum discipuli S. Epiphani, templum Epiphanio crexerunt, & imaginem ejusdem in eo posuerunt.

Basilus orat. in S. Barlaam in fine, in ipsa con-cione ostendit imaginem sancti Barlaam alicubi in templo depictam, & ait, gaudere se, quòd melius pictores expresse-rint manum ejus pro Christo combustam; quàm ipse oratione descripserit: *Ab eo, inquit, fortium Martyris factorem pictura à vobis superat. Gaudeo tali vestra fortitudinis victoria hodie videri. Video manus ad ignem luctum exaltius à vobis descriptam. Video luctatorem in vestra imagine illustrius depictum.*

Gregorius Nyssenus orat. in Theodorum, initio: *Obletatur, inquit, dum adem, ut templum Dei, & magnitudine structura, & adjecti ornatus decore splendo elaboratum intuetur; ubi & faber in animalium figuram lignum formavit, & pictor induxit etiam flores artis in imagine depictos, fortia facta Martyris, repugnan-*

tiar, cruciatus, efferatas & immanes tyrannorum formas, impetus violentos, flammeam illam fornacem, beatissimam consummationem athleta, certaminum præsidiis Christi humana forma effigiem, omnia nobis tanquam in libro quodam, qui linguarum interpretationes contineat, coloribus artificiosè depingens, certamina atque labores Martyris nobis expressit, ac tanquam pratum amaranthi & floridum, templum ornavit. Solet enim etiam pictura tacens in pariete loqui, maximeque prodesse.

In Missa Chrysostomi, quam Erasmus Latinam fecit, sic habetur: *Sacerdos egreditur è parvo ostio portans Evangelium, precedente ministro cum lucerna, & conversus ad Christi imaginem inter duo ostia, inflexo capite cum exclamatione dicit &c.*

B Evodius lib. 2. de miraculis sancti Stephani scribit, in Ecclesia, ubi reliquæ S. Stephani servabantur, fuisse quoque imaginem ejusdem Martyris depictam, ad quam visendam frequentes homines concurrere soliti erant.

Prudentius in hymno de S. Cassiano scribit, se in templo S. Cassiani vidisse super altare ejus imaginem.

*Exegi ad cælum faciem, stetit obvia contra
Fucis colorum picta imago Martyris.
Plagas mille gerens, totas lacerata per artus,
Raptam minutis præferens punctis cutem.*

Item de sancto Hippolyto:

*Picta super tumulum species liquidis viget umbris,
Effigies tracti membra cruenta viri.*

C Paulinus epist. ad Severum, conqueritur, quòd se unà cum sancto Martino in templo depingi curaverat, & rogat, ut saltem ista carmina adscribi jubeat:

*Adstat Martinus perfecta regula vita,
Paulinus veniam quo mereare docet.
Hunc peccatores, illum spectate beati,
Exemplar Sanctis ille sit, iste reus.*

Et natali 10. sancti Felicis, inquit:

*Sanctasque feramur in aulas,
Miremurque sacras, veterum monumenta figuras &c.*

D Nicephorus lib. 14. cap. 2. scribit, Pulcheriam Augustam posuisse in templo, quod Constantinopoli ipsa extruxerat, imaginem B. Mariæ, quam è Hierosolymis ad eam miserat Eudocia.

Valentinianus junior admonitus à Sixto Papa (ut in vita Sixti scribunt Anastasius, qui supplevit pontificale Damasi, Platina, & alii) posuit in Ecclesia S. Petri supra tumulum, idest, super altare B. Petri, imaginem auream Salvatoris, gemmis pretiosissimis ornatam, & duodecim Apostolorum imagines item aureas.

E B. Augustinus lib. 1. de consensu Evangelistarum, cap. 10. testatur, multis in locis suo tempore cerni potuisse Christum depictum inter Apostolos Petrum & Paulum: & idem dicit de historia Abrahæ mactare volentis filium, lib. 22. cont. Faustum, cap. 73. Non est autem credibile Augustinum loqui de privatis domibus, ad quas non omnibus patet aditus, sed de publicis locis, & locis non profanis, sed sacris. Nam B. Gregorius lib. 9. epist. 9. dicit, in locis venerabilibus non sine ratione depictas imagines Sanctorum fuisse ab antiquis. Ubi nomine antiquorum non potest intelligere homines sui sæculi, sed superiorum; floruit autem ipse post annum 500. Ergo loquitur de Patribus, qui ante annum 500. floruerunt.

Denique Adrianus I. in libro pro imaginibus, qui habetur post VII. Synodum circa finem, refert Sylvestrum, Damasum, Coelestinum, Sixtum, Leonem, Joannem & Pelagium, Pontifices templa picturis

et ursoris exornasse. Qui tamen omnes ante annum Domini 500. sederunt. Vides igitur, quam egregie mentitur Calvinus, cum ait in Institut. lib. 1. cap. 11. §. 13. in templis Christianorum non fuisse imagines primis 500. annis.

Tertio, probatur ex quatuor Conciliis, duobus Orientalibus, & duobus Occidentalibus. In Oriente celebrata est VII. Synodus tota pro hac re. Item in VIII. Synodo, can. 3. renovantur decreta septimæ Synodi. In Occidente celebratum est Concilium Romanum sub Gregorio III. quod quidem nationale fuit, sed concurrerunt ad id Concilium fere mille Episcopi. In eo Concilio damnata est hæresis Iconomachorum, imagines è templis deturbantium, sub ipsis initiis hujus contentiois. Vide Siebertum in Chronico anni 633. Celebratum est etiam Concilium tempore Stephani, & Caroli Magni, pro eadem re, ut testatur Adrianus I. qui Stephano successit, in libro pro imaginibus ad Carolum.

Quarto, probatur ratione; nam signa sacra nusquam melius, quam in sacris locis poni possunt. Deinde nullum est ornamentum templorum melius, quam sacrarum imaginum, quia imagines simul templum ornant, & continent mentes hominum, ne vagentur manibus cogitationibus. Præterea templum est imago quædam cœli; nam Apostolus Hebr. 9. comparat tabernaculum Mosaicum cum Cœlo: & Chrysostomus hom. 36. in priorem ad Corinthios dicit, templum Christianorum esse quasi regiam cœli, sive terrestre quoddam cœlum. Sicut ergo templum est imago cœli, ita decet, ut in ipso templo sint imagines eorum, qui in cœlo sunt, id est, Christi & Sanctorum. Denique, ubi melius ponentur imagines Sanctorum, quam in domibus ipsorum, id est, in basilicis Sanctorum, ubi reliquæ ipsorum quiescunt?

Ad primum argumentum patet solutio. Non enim illud argumentum, sed mendacium fuit.

Ad secundum Payva respondet, Concilium Elibertinum solum prohibere imaginem Dei, quæ pingitur ad ipsius Dei effigiem repræsentandam. Sed non videtur satisfacere, tum quia Concilium loquitur in genere de picturis, tum etiam quia non erat in usu eo tempore, immò nec unquam fuerunt in Ecclesia tales imagines, quæ sunt vera idola, ut ostendimus supra testimonio Origenis, Augustini, & Damasceni: Concilium autem loquitur de eo, quod fieri solebat, & interdicit ne deinceps fiat.

Nicolaus Sanderus lib. 2. de cultu imaginum c. 4. respondet, Concilium illud prohibuisse imagines in templis, quia tempus & locus id requirebant. Tunc enim periculum erat, ne Gentiles existimarent, nostros adorare ligna, & lapides: ac denique periculum erat, ne in persecutionibus fuissent imagines contumelia affectæ à persecutoribus. Hæc solutio bona est.

Neque obstat quod quidam dicunt, hoc Concilium celebratum fuisse post Concilium Nicænum, & proinde non fuisse periculum persecutionum; nam revera Concilium hoc celebratum fuit ante Nicænum, cum adhuc durarent persecutiones, ut patet ex canone 25. ubi agitur de iis, qui adferebant literas à Confessoribus. Solebant enim ii, qui in persecutione confitebantur fidem, postea dare literas commendatitias pro lapsis ad Episcopos, & in toto fere Concilio agitur de iis, qui labuntur ad idololatriam. Fateor tamen rationem illam canonis, *Ne id, quod adoratur & colitur, in parietibus depingatur*, non multum quadrare huic expositioni.

A Alanus Copus in Dialogis lib. 5. cap. 16. dicit, hic prohiberi imagines, quia ab illis Christianis adorari coeperant tamquam Dii; & hunc esse sensum: Placuit in Ecclesia non esse picturas, ne aliquid in parietibus existens adoretur & colatur ut Deus. In quem sensum accepit istum canonem B. Ivo in suis decretis part. 3. cap. 40. sed huic etiam expositioni ratio canonis non omnino quadrat; nam debuisset dici potius, ne id quod pingitur, adoretur: quam ne id quod adoratur, pingatur.

B Alii ergo dicunt tantum prohiberi, ne imagines depingantur in parietibus Ecclesiæ, non autem ne depictæ in tabellis aut velis in Ecclesia habeantur, & rationem esse volunt propter honorem imaginum, quia in parietibus facillime corrumpuntur, vel humore parietum, vel situ, vel alia ratione. Quia ratione fuit olim prohibitum etiam, ne crux in pavimenti sculperetur, ne videlicet conculcicaretur; & tunc hic erit sensus: Placuit picturas in Ecclesia, id est, in ipsa fabrica, sive muris Ecclesiæ esse non debere, ne id, quod adoratur & colitur, in parietibus depingatur, id est, ne contingat rem sacram & venerabilem, quales sunt sanctæ imagines, in parietibus esse, ubi facillime corrumpuntur. Huic expositioni aptissime convenit ratio canonis.

C Adde postremo, quidquid Concilium statuerit, magis illud Concilium esse pro nobis, quam contra nos; nam contra nos tantum esse potest Concilium 19. Episcoporum, quod provinciale fuit, & minime confirmatum, & in aliis decretis videtur errasse, præsertim cum in plurimis casibus, ne in articulo quidem mortis velit absolvi poenitentem.

(Sic enim accipio, quod ait Concilium, communionem dari quovis non desist, qui per communionem accipiant solam Eucharistiam. Moveor autem his rationibus. Primo, quoniam in ipso Elibertino Concilio pro eodem accipitur reconciliatio & communicatio, nam can. 69. sic legitur, placuit agi debere poenitentiam, & sic reconciliari, nisi necessitas infirmitatis coegerit ante tempus dare communionem. Ubi vides idem esse reconciliare, & dare communionem, aut certe in ipsa communionem includi reconciliationem. Solebant enim veteres Sacramentum reconciliationis semper conjungere cum Sacramento Eucharistia. Et itea Tertullianus & Cyprianus, & alii scriptores ejusdem antiquitatis pro eodem accipiunt communionem, reconciliationem, & pacem. Secundo, quia S. Innocentius in epist. ad Exuperium, cap. 2. Corrigit observationem antiquam, qualis fuit tempore Concilii Elibertini, satis aperte indicat, consuevisse poenitentibus nonnullis, etiam in fine vite, negari reconciliationem. Quæsum est, inquit, quid de his observari oporteat, qui post baptismum omni tempore incontinentia voluptatibus dediti in extremo fine vite sua poenitentiam finit, & reconciliationem communionis exposcunt. De his observatio prior, durior, posterior, interveniente misericordia, inclinatio est. Nam consuetudo prior tenuit, ut concederetur poenitentia, sed communio negaretur. Nam cum illis temporibus crebra persecutiones essent, ne communionis concessa facilitas homines de reconciliatione securas non revocaret à lapsu, negata merito communio est, concessa poenitentia, ne totum penitus negaretur, & duriores esse remissionem fecit temporis ratio. Sed posteaquam Dominus noster pacem Ecclesiis suis reddidit, jam depulso terrore, communionem dari obsequentibus placuit, & propter Domini misericordiam quasi viaticum profecturis, & ne Novatiani Hæretici negantis veniam, asperitatem, & duritiam subsequi videamur. Tribuitur ergo cum poenitentia extranea communicatio, ut homines hujusmodi vel in supremis suis, permittente Salvatore, à perpetuo exilio vindicentur. Hæc Innocentius, cujus verbis illud expendendum videtur, non dixisse Innocentium, concessam fuisse

fuisse aliquando lapsi reconciliationem, negatam communionem: sed concessam penitentiam, negatam communionem. Concedebatur enim lapsi primò penitentia, id est, injungebatur actio penitentia, deinde alio tempore reconciliatio tribuebatur. Unde est illud Augustini in epist. 180. ad Honoratum, aliis baptisimum flagitantibus, aliis reconciliationem, aliis etiam ipsius penitentia actionem. Porro apud Innocentium nomine penitentia non reconciliationem, sed penitentia actionem esse intelligendam, perspicuum est ex eo quod ipse dicit, petentibus penitentiam, & reconciliationem communionis, concessam fuisse penitentiam, ne totum negaretur, & negatam communionem, ne homines de reconciliatione securi non revocarentur à lapsu, & quia remissionem duriores fecit temporis ratio. Ubi vides apud Innocentium id esse negari communionem, quod negari reconciliationem, & remissionem. Quod clarius adhuc perspicitur in verbis sequentibus, ubi dicitur, posteriore tempore concessam fuisse communionem, ne videretur Ecclesia imitari Novatiani asperitatem, & duritiam, qui veniam negabat. Ex sententia igitur Innocentii negare communionem est negare veniam, & Novatiani duritiam imitari, qui, teste Cypriano lib. 2. epist. 4. Ambrosio lib. 1. de penitentia, cap. 2. & Socrate lib. 4. cap. 23. penitentiam concedebat, atque ad eam hortabatur, sed reconciliationem à Deo petendam, non à sacerdotibus impetrandam docebat. Sed nihil apertius dici potuit eo, quod extremo loco adjunxit Innocentius, tribui videlicet hoc tempore cum penitentia communionem, ut homines in exitu de hac vita à perpetuo exitio vindicentur. Sequitur enim eos, quibus negatur communio, à perpetuo exitio minimè liberari; quod non esset consequens, si negata communione non etiam reconciliatio negaretur.)

Pro nobis autem facit, quòd hinc apertè colligitur, eo tempore fuisse imagines in templis, non enim diceret Concilium: *Placuit picturas in Ecclesia esse non debere*, nisi jam esse cœpissent. Præterea hinc habemus, vel ipsas imagines, vel certè Sanctos, quorum sunt imagines, coli & adorari; id enim significat illud: *Ne id quod colitur & adoratur, in parietibus depingatur*. Adde quòd hoc ipsum Concilium can. 26. inducit jejunium omni Sabbatho; & can. 33. prohibet usum uxorum Episcopis, Presbyteris, Diaconis, Subdiaconis; quorum utrumque execrantur adversarii nostri.

Ad tertium dico, Augustinum loqui de simulacris præsupposito errore Gentilium. Vult enim Augustinus dicere, quando quis putat simulacrum esse Deum, & accedit, ut adoret, & invocet ipsum simulacrum, mirabiliter confirmatur, & fovetur in errore, ab ipsa membrorum humanorum similitudine. Ita eum esse intelligendum probo ex verbis ejus, nam in epist. 49. quest. 3. ait: *Cum his sedibus collocantur honorabili sublimitate, ut à precantibus, atque immolantibus attendantur ipsa similitudine animatorum membrorum, atque sensuum &c.* Ubi nota illud; ut à precantibus attendantur. Et quod ibidem ait: *Accedente præsertim veneratione multorum &c.* Experientia enim docet imagines, quæ non habentur pro Diis, neminem licèt rudissimum ita decipere ut putentur vivere & spirare.

Ad illud de vasis Ecclesiæ aureis dico, Augustinum voluisse ostendere simulacra Gentilium, continere homines in errore, non ratione materiæ, quia pretiosa sint, sed ratione figuræ - quia figuram habent nostræ similes; id autem ostendit Augustinus dupliciter. Primo, quia multi dorsum convertunt ad solem, & interim supplicant simulacro solis: non quia sol non sit longè nobilior, sed quia figura illa solis globosa, non tam facile persuadet solem vivere & sentire, quemadmodum figura simulacri, quæ est

A nostræ similis. Secundò, quia Catholici etiam habent in locis sacris vasa ex materia pretiosa, & tamen quia deest figura humana, ne Gentiles quidem putarent ea vasa vivere vel spirare.

Dices, si calices non putantur vivere, quia carent humana forma, ergo imagines quæ habent humanam formam, si in templo sint, putabuntur vivere. Respondeo, Augustinus non dicit, imagines humanæ formæ putari vivere; sed si putentur, putari propter formam, non propter materiam. Non ergo Augustinus dicit, imagines in Ecclesia non fuisse, sed solum formam humanam simulacrorum, multum valere ad fovendum errorem in iis, qui simulacra pro Diis colunt. Ad confirmationem dico, Joannem loqui de idolis. Sic enim est in Græco: *φυλάττει τὰ εἰδωλά*: ex quo textu Latinum interpretari textum licet.

Ad quartum dico. Primò, Calvinum rectè imitari suos majores; nam etiam antiqui Iconomachi dicebant, nolle se imagines istas mortuas, sed sufficere sibi Eucharistiam, quæ est imago corporis Domini; quibus Catholici responderunt in VII. Synodo, act. 6. tom. 3. Eucharistiam non debere vocari imaginem, vel figuram corporis Domini, cum ipsum Domini corpus revera sit. Secundò dico, imagines vivas & mortuas non esse inter se contrarias, sed alias juvari ab aliis, ut ostendimus. Denique imagines Sanctorum non rectè vocari mortuas. Imaginis enim vita, est representatio: Illæ ergo sunt mortuæ, quæ nihil representant.

Ad quintum, Thomas Waldensis, tom. 3. tit. 19. cap. 157. dicit, Epiphanius propter hæresim Antropomorphitarum tunc vigente hoc fecisse. Alii dicunt, Epiphanius loqui de imagine hominis profani, quæ ibi honorabatur instar imaginum Christi & Sanctorum; ita responderet Marianus Victorius in annotatione ad hanc epist. Communior & verior solutio est, verba illa esse suppositiva; quod patet primò, quia post finem epistolæ ista adiecta sunt; epistola enim planè finita erat, ut apparebit legenti.

Secundò, quia hæretici Iconomachi non objecerunt hunc locum Catholicis, cum tamen objecerint omnia dicta Patrum, quæ ullum colorem habere poterant, ut patet ex VII. Synodo, act. 6.

Tertiò, quia Epiphanius Diaconus in VII. Synodo, act. 6. convincit duo alia similia loca, Epiphani scriptis fuisse inserta ab hæreticis.

Quartò, quia ut ibidem dicitur, discipuli Epiphani in ejus templo imaginem ejus posuerunt, quod certè non fecissent, si eorum præceptor dixisset, id esse contra Scripturæ auctoritatem.

Quintò, quia tempore Epiphani Basilii, Nyseni, & alii vivebant, qui imagines in templis laudabant.

Sextò, quia sententia illa, esse contra Scripturæ auctoritatem pendere in templo imaginem hominis, indigna esset Epiphanio, viro doctissimo, cum sit ineptissima. Nusquam enim id legitur prohibitum, immò contrarium legitur, ut patet de imaginibus Cherubin in forma humana, quæ erant in templo Salomonis.

Septimò, quia Gregorius lib. 9. epist. 9. dicit, nullum unquam Episcoporum ante Serenum Massiliensem fregisse imaginem Christi vel Sanctorum.

Octavò, quia B. Hieronymus in epistola ad Pamachium, contra Joannem Hierosolymitanum, totam serè hanc epistolam Epiphani à se Latinam factam recitat, & tamen non meminit hujus vel. Nonò, quia nec stylus convenit cum reliqua epistola.

Ad illud de Adriani templis sine simulacris, dico,

eo, Adrianum iussisse fieri templa sine simulacris Gentilium. Christiani enim volebant orare in templis Gentilium, quia plena erant idolis. Ideo Adrianus iussit eis fieri templa sine eiusmodi idolis. Unde idem Lampridius ea simulacra ibidem appellat numina; numina autem non vocantur imagines, nisi proponantur adorandæ pro Dus.

CAPUT X.

Imagines utiles esse etiam extra historiam.

Postremum Calvini dictum, quod imagines sine notatione historię, non sint utiles, est manifestè falsum; nam ipse non probat ullo argumento non esse utiles, & nos probare possumus esse utiles pluribus modis. Primò, quia Deus in templo suo iussit fieri imagines Cherubin, sine ulla historię notatione, Exod. 25. & certè non sine causa.

Secundò, quia semper Christiani habuerunt imagines, etiam solitarias, & extra historias, cum tamen primi Christiani non ducerentur sola delectatione. Tempore Christi tres imagines factæ leguntur. Prima est, quam Christus ipse linteo faciei suæ ad-moto fecit, & Regi Abagaro misit. Id enim refert Evagrius lib. 4. cap. 26. & Metaphrastes in vita Constantini Magni, & Damascenus lib. 1. de imaginibus: & hanc non esse fabulam, testatur ingens miraculum factum Edessæ per hanc imaginem, ut ibidem scribit Evagrius. Testatur etiam dies festus, qui agebatur Constantinopoli, in die translationis hujus imaginis ex Edessâ Constantinopolim.

Secunda est, quam apud Paneadem mulier liberata à fluxu sanguinis Christo erexit; testis est Eusebius lib. 7. hist. cap. 14. qui eam se vidisse asserit. Meminit ejusdem Sozomenus lib. 5. cap. 20. Damascenus lib. 1. de imaginibus, & Theophylactus in cap. 9. Matth.

Tertia est, quam dicitur Nicodenus fecisse, & quæ à Judæis per ludibrium crucifixa, innumerabilibus miraculis claruit. Refert hoc Athanasius in libello de passione imaginis Domini, cap. 4. Et quamquam dubium esse possit, an sit hoc opus Magni Athanasii, tamen certum est esse antiquissimi auctoris; quandoquidem citatur tamquam antiquissima historia in VII. Synodo, act. 4.

Præter has Christi imagines exstant etiam beatæ Virginis, quas B. Lucas pinxisse dicitur, quarum meminit Theodorus Lector, qui ante mille annos floruit, lib. 1. Collectaneorum. Nicephorus lib. 14. histor. cap. 2. & Simeon Metaphrastes in vita S. Lucæ. Tertullianus libro de pudicitia, meminit imaginis Christi in forma pastoris, ovem ferentis in humeris suis depictæ in sacris calicibus, ut supra diximus. Alius Lampridius in vita Alexandri Severi refert Alexandrum Imperatorem in suo larario imagines Christi & Abraham habuisse. At certè credibile est, eum à Christianis didicisse, quemadmodum Christus pingi deberet. Eusebius lib. 7. historię, cap. 14. dicit, passim consuevisse pingi imagines Apostolorum, & se multas antiquissimas vidisse. Ambrosius in epistola de inventionem sanctorum Gervasii & Protasii, quæ apud Surium exstat, dicit se cognovisse eum, qui sibi apparuerat, fuisse B. Paulum, ex imagine picta quam apud se habebat.

Chrysostomus oratione in S. Meletium, dicit Meletii imagines adeò celebres fuisse, ut etiam in anulis, in poculis, in phyalis, in thalami parietibus, atque ubique alibi conspicerentur. Similiter Theodoretus in historia religiola, in vita Simeonis Stylitæ

A dicit, Romæ in omnibus officinis pro foribus pendere consuevisse imagines S. Simeonis.

Augustini tempore frequentissimas imagines fuisse, colligitur ex lib. 1. de consensu Evangelistarum, c. 10. ubi dicit, passim inveniri imagines Christi inter Petrum & Paulum depicti. Multa alia testimonia Athanasii, Basilii, Nazianzeni, Nysseni, Chrysostomi, Cyrilli Hierosolymitani, & Cyrilli Alexandrini, & aliorum multorum Patrum, vide in VII. Synodo, act. 4. & lib. 3. Damasceni Apologetico in fine. Addes etiam præter ista, omnia illa quæ paulò antè nos attulimus, ad probandum, imagines fuisse in templis primis quingentis annis.

B Tertiò, probatur ab utilitatibus. Prima est instructio & eruditio. Melius enim interdum docet pictura, quàm Scriptura; cuius utilitatis meminit S. Gregorius Nyssenus, oratione in Theodorum, & S. Gregorius Papa lib. 7. epist. 109. & lib. 9. epist. 9.

C Dices, historię quidem depictæ instruunt, at non imagines solitariæ. Respondeo etiam solitarias imagines, ut à Christianis pinguntur, semper continere quasi per compendium aliquam historiam. Nam cum pingitur Christus, semper pingitur vel in forma pueri in sinu matris, vel in forma viri alligati ad columnam, vel in cruce pendentis, vel resurgentis è tumulo, vel ascendentis in coelum &c. Sic etiam Sancti semper cum insigni virtutis, vel passionis, vel potestatis pinguntur, Petrus cum clavibus, Laurentius cum craticula, Andreas cum cruce &c. Martyres omnes cum palma, Sancti omnes cum diademate. Ex quibus signis seu instrumentis docemur quasi per compendium, quid illi quos veneramur egerint, quidvè passi sint.

D Secundò, utiles sunt imagines, quamvis solitariæ, ad charitatem erga Deum, & Sanctos fovendam, & augendam. Qui enim diligit, libenter inspicit imaginem absentis amici, & inspicendo magis inardescit. Hinc Severus Sulpitius, quia vehementissimè sanctum Paulinum diligebat, nec tamen poterat apud eum semper esse, rogavit eum per literas, ut imaginem suam ad vivum expressam ad se mitteret; cui modestissimè se excusans, respondit Paulinus epist. 8. ad Severum, se nondum habere perfectam imaginem secundi Adami, sed gerere adhuc primi Adami effigiem, & ideò nolle mittere. Gregorius quoque lib. 7. epist. 53. mittens Secundino imaginem Salvatoris, dicit, se scire eum imaginem cupere, ut in amore ipsius domini recalesceret.

E Tertia utilitas est excitatio ad imitandum. Explicatur prolixè hæc utilitas in VII. Synodo, act. 6. extrema, de eadem loquitur Basilii oratione in quadraginta Martyres. Notum est apud Terentium in Eunuchio, quam vehementer juvenem quendam conspecta tabella, in qua pictus erat Jupiter, stuprum inferens Dianæ, ad simile flagitium perpetrandum provocavit. Contrà verò Nazianzenus in carmine de virtute, quod citatur in VII. Synodo, act. 4. dicit impudicam mulierem, cum ad quendam evocata veniret, in ipso lumine conspexisse imaginem Polemonis continentissimi hominis, & inde confusam erubuisse, & penitentia ductam reduisse domum suam.

Quartò, utiles sunt imagines, quia conservant in nobis memoriam Christi, & Sanctorum, & simul in angustius docent, nos habere patronos, quos invocemus. Hinc Theodoretus in vita Simeonis Stylitæ, dicit Romæ frequentissimas fuisse imagines sancti Simeonis, ut ea ratione sibi tutelam & præsidium multi pararent.

Quinta utilitas est confessio fidei, dum enim diligimus & honoramus imagines Sanctorum, testamur nobis placere eorum fidem, & doctrinam, & sanctos

Etos mores : & simul nos detestari omnem impietatem, & idololatriam, contra quam ipsi usque ad mortem pugnaverunt. Et nunc præcipue testamur, nobis non placere novitates Lutheranorum, & Calvinistarum, dum id religiosè veneramur, quod illi sacrilegè destruunt.

Sexta est honor Dei & Sanctorum; nemo enim unquam dubitavit, quin erigere statuas, vel imagines magnis viris, ad honorem eorum pertineat. Certè Eusebius lib. 7. historiz, cap. 14. hanc præcipuam fuisse causam indicat, cur Christiani coeperint Sanctorum imagines desiderare.

Neque obstat, quod ait hoc ex Gentilium consuetudine natum; non enim loquitur de aliqua Gentilium superstitione, sed de naturali, & proinde bona consuetudine, qua soliti erant statuas erigere iis, quos honore dignos judicabant, quamquam in eo postea errarent, quod sceleratis etiam hominibus, & falsis Diis eas erigebant.

C A P U T XI.

Proponitur questio de cultu imaginum, cum argumentis adversariorum.

Demonstravimus hætenus imagines Christi, & Sanctorum fieri, atque haberi, & in templis, aliisque sacris locis collocari posse: sequitur nunc controversia de cultu, utrum videlicet ejusmodi imagines aliquo genere cultus prosequendæ sint. De qua controversia Damascenus in libro de hæresibus circa finem, duas extremas hæreses adducit. Unam eorum, qui dicebant, imaginibus deberi divinos honores, quos hæreticos vocat Christianocategoros, idest, Christianorum accusatores, quia propter eos accusabantur Christiani tamquam idolorum cultores. Eodem modo certum est Alexandrum Severum coluisse imagines Christi & Abraham, cum cæteris suis idolis, teste Ælio Lampridio. Hæc hæresis refellitur omnibus Scripturæ testimoniis, quæ prohibent ne cultum Deo proprium tribuamus creaturæ.

Alter error priori contrarius est eorum, qui nullum omnino honorem imaginibus Sanctorum deferri patiuntur. Refert hunc errorem Damascenus in libro de hæresibus in fine, & est eorum omnium, quos recensuimus in secundo capite disputationis, qui quidem contendunt, non esse ullo modo colendas imagines, propter hæc argumenta.

Primò, quia Scripturæ utriusque Testamenti severè interdicunt cultum simulacrorum, Exodi 20. Deuter. 4. Rom. 1. &c. Et quia Catholici respondent, Scripturas reprehendere cultum, qui tribuitur simulacris tamquam Diis: Calvinus lib. 1. Institut. cap. 11. §. 9. & 10. conatur ostendere etiam Judæos & Gentiles non habuisse simulacra pro Diis, sed in simulacris Deum verum coluisse: & tamen reprehendi, quia Deus non patitur cultum suum ullo modo communicari cum imaginibus; & certè si Deus non debet coli in imagine, eodem modo Sancti, licet colendi essent, non essent tamen colendi imaginibus. Quod Judæi non habuerint simulacra pro Diis, sed Deum verum in idolo coluerint, probat Calvinus, quia Exod. 32. populus dicebat de vitulo aureo: *Isti sunt Diis tui Israel, qui te eduxerunt de terra Egypti.* Ubi fatentur se in vitulo colere eum Deum, à quo fuerant liberati de Ægypto, & ibidem Aaron indicturus diem festum in honorem vituli aurei, jussit præconis voce dici: *Cras sollemnitas Domini est,* ubi in Hebræo illud, *Domini*, est *יהוה*. Et Jud. 17. mulier quædam ait: *San-*

Actificavi, & dedi Domino mille & centum argenteas, ut faciam sculptile atque conflatile. Ubi etiam pro, *Domino*, est nomen proprium Dei veri *יהוה*.

Quòd autem Gentiles coluerint Deum verum in idolis, probatur primò ex Augustino in Psalm. 113. qui refert Gentiles respondere solitos, cum accusabantur idololatriæ, se non colere ipsa idola, sed nomen quod per idolum significabatur. Item ex eo, quod Gentiles mutabant simulacra pro arbitrio, nec tamen Deos mutabant. Item quia uni Deo plura simulacra erigebant; nam unum Jovem esse dicebant, & tamen innumerabilia illi simulacra dicabant. Denique, quia nova idola quotidie sacrabant, nec tamen dicebant, se novos Deos facere.

B Secundo, adducunt Concilia tria Constantinopolitana, sub Leone Iconomacho, teste Paulo Diacono lib. 21. Item aliud Constantinopolitanum Episcoporum 338. sub Constantino Copronymo, teste Paulo Diacono lib. 22. rerum Romanarum, utrumque definivit imagines abolendas. Utriusque acta prolixè referunt Centuriatores, Centuria 8. cap. 9. Tertium fuit Concilium Francofordiense, in quo reprobata fuit VII. Synodus, quæ imagines retinendas censuerat. Ita referunt Ado in Chronico anni 795. Abbas Urspergensis in Chronico anni 793. Hincmarus Remensis lib. contra Episcopum Jandunensem, cap. 20. & Joannes Aventinus in historia seu annalibus Bojorum lib. 4. Annonius lib. 4. Rhegino lib. 2.

C Porro Magdeburgenses Centur. 8. cap. 9. in fine, ex isto Concilio adducunt argumenta 10. contra imagines, & solvunt argumenta 44. Nicænæ Synodi, & respondent ad 11. testimonia Patrum, quæ allata fuerant pro imaginibus à Nicæna Synodo. Sed tam argumenta, quàm solutiones sunt meræ nugæ, numquam enim ea Nicæna Synodus existit, ut infra suo loco dicemus.

D Tertiò, adducunt libros quatuor Caroli Magni contra imagines, ex quibus Calvinus lib. 1. Institutionum, cap. 11. duo deducit. Primò, Nicænum Concilium fuisse statim refutatum ab Orthodoxo Principe. Secundo, in Concilio illo Nicæno manifestam impietatem definitam. Nam, ut ex libro Caroli patet, in eo Concilio definitum est, imaginibus deberi honorem sacrificiorum, & eum cultum, qui tribuitur vivificæ Trinitati. Prodiit iste liber anno 1549. addunt Centuriatores Centur. 8. cap. 9. col. 645. extare alium lib. adhuc æriorem contra imagines, Ludovici Pii, si tamen credere dignum est.

E Quarto, adducunt Patres; nam Irenæus lib. 1. cap. 24. ponit inter hæreses Carpocratis, quòd coleret imaginem Christi & Pauli. Epiphanius hæres. 79. dicit, hæreticos esse, qui imaginem beatæ Virginis circumferunt & colunt. Ambrosius de obitu Theodosii: *Invenit, inquit, Helena crucem Domini, Regem adoravit, non lignum utique, quia hic Gentilis est error, sed adoravit illum, qui pependit in ligno.* Hieronymus in cap. 3. Danielis: *Cultores, inquit, Dei imagines adorare non debent.* Augustinus de moribus Ecclesiæ, cap. 36. *Novi, inquit, picturarum adoratores.* Gregor. lib. 7. epist. 54. & 109. & lib. 8. epist. 9. dicit imagines adorandas non esse. Alia quædam testimonia adducuntur ab Iconomachis, in VII. Synodo, act. 6. & ibidem refelluntur; sed facilia sunt.

Quintò, adducunt exemplum Ezechiz, 4. Reg. 18. qui confregit serpentem aneum, quia coli jam coeperat.

Sextò, adducit Calvinus experientiam, quæ docet, paulatim in cultu imaginum irrepere superstitionem, & errorem, quo putatur imagini alligata Divinitas. Nam cur alioqui una imago Christi vel Mariæ, magis frequentatur, quàm alia? cur precaturi ad ima-

ad imagines accedunt? cur peregrinantur aliqui magno labore ad aliquam imaginem, cum habeant domi suæ fortè meliores & pulchriores?

Septimò, adducunt aliquot ratiunculas; nam imago, inquiunt, non est capax honoris, cum sit res inanima, & sensus ac rationis expers. Item imago non est sancta ratione ligni, aut ferri, aut marmoris, aut alterius cujuscvis materiae, sed nec ratione lineamentorum, aut colorum, aut alterius rei, quæ in ipsa sit; cur igitur colitur? Denique homo est imago Dei, & tamen non solet adorari: quantò minus igitur ligna, & lapides adorandi erunt, licet imaginem Dei, aut Sanctorum referant.

Atque hæc sunt illorum præcipua firmamenta, quibus respondebitur infra cap. 13. nam cæteras nugæ Magdeburgensium libenter omittam, indignæ sunt enim quibus respondeatur. Christus, inquiunt, mortuus est pro hominibus, non pro imaginibus; ergo imagines non sunt colendæ. Egregiè scilicet. Item si imagines necessariò colendæ essent, soli divites salvarentur, qui eas emere possunt. Item Christus non dixit, qui imagines recipit, sed qui vos recipit, me recipit; ergo honor imaginis non refertur ad exemplar. Quod quidem non argumentari, sed ludere est.

CAPUT XII.

Imagines Christi & Sanctorum rectè coli.

NOS cum Ecclesia asserimus, imagines Christi & Sanctorum honorandas esse, modò tamen (ut in Concilio Trident. sess. 25. declaratur) in imaginibus non collocetur fiducia, nec ab eis aliquid petatur, nec in eis inesse credatur ulla Divinitas, sed solum honorentur propter eos, quos nobis repræsentant. Quæ sententia probatur. Primum, testimonio Scripturæ; habemus tria genera testimoniorum. Primum ea testimonia, quæ expressè agunt de imaginibus, nimirum Exod. 25. de Cherubin propitiatorii. Et num. 21. de æneo serpente. Imagines enim Cherubin super arcam existentes Exod. 25. necessariò adorabantur ab iis, qui arcam adorabant. Imò Hieronymus in epistola ad Marcellam, ut migret Bethleem, ideo dicit tabernaculum fuisse veneratum à Judæis, quia ibi erant Cherubin. Serpens quoque æneus non poterat non honorari, cum in loco sublimi à Deo positus fuisset, & salutem miseris in se aspicientibus adferret. Unde Augustinus lib. 3. Trinit. c. 10. loquens de quibusdam signis, quæ venerationem tamquam religiosa merentur, ponit pro exemplo serpentem æneum. Præterea tam de imaginibus Cherubin, quàm de imaginibus serpentis, quòd honorari debuerint, patet ex regula B. Augustini lib. 3. doctr. Christ. cap. 9. ubi dicit, signa utilia divinitus instituta, veneranda esse, quia honor eorum ad prototypum transit. Fuisse autem illas imagines Cherubin & serpentis à Deo institutas, & utiles, certum est. Jam verò, si licuit, venerari imagines Angelorum, cur non etiam Sanctorum? Si licuit venerari imaginem Christi in forma serpentis (nam serpentem Christi fuisse figuram habemus Joan. 3.) cur non potius venerabilis erit imago Christi in forma hominis.

Deinde, habemus alia testimonia, quæ docent, creaturas honorandas religiosè propter solam relationem ad Deum, ut Psalm. 95. *Adorate scabellum pedum ejus*. Matth. 5. *Nolite jurare per caelum, quia thronus Dei est, neque per terram, quia scabellum est pedum ejus*. Ubi nota, juramentum esse actum religionis, quo honoratur primariò Deus, secundariò id, per quod juratur. Prohibet ergo Deus juramenta si-

A ne debitis circumstantiis, per coelum & terram, ne contumelia fiat ejusmodi creaturis, quatenus relationem habent ad Deum. Sed similem relationem habent imagines: igitur eadem ratione colendæ sunt.

Ultimum genus testimoniorum est eorum, quæ docent, creaturas dici sacras, vel sanctas propter relationem ad res sacras, Exod. 3. *Locus in quo stas, terra sancta est*; propter Angelum scilicet præsentiam. Exod. 12. dicitur dies Paschæ, dies sancta & venerabilis propter significationem, & quia dedicata erat cultui divino. Exod. 28. dicuntur vestes Sacerdotum Sanctæ propter eandem causam. Isaïa 11. sepulchrum Christi gloriosum, 2. Tim. 3. dicuntur Scripturæ sacræ literæ: *Ab infantia*, inquit, *sacras literas nosti*. Cur literæ illæ dicuntur sacræ, nisi quia signa sunt rerum sacrarum? Nec solum literas, sed etiam verba ipsa prolata, venerari consuevimus, præsertim nomen, Jesus; & Evangelium audimus stantes detecto capite, immò etiam luminibus accensis; quamvis in meridie, ut Hieronymus probat lib. in Vigilantium. At imagines Christi & Sanctorum sunt etiam institutæ ad significandas & repræsentandas res sacras, cur ergo eas honorare non liceat? Nam rem sanctam esse, hoc ipso quòd sancta est, venerabilem, patet ex illis verbis Exod. 12. *Dies prima erit sancta, & septima eadem religione venerabilis*. Ubi vides pro eodem accipi, rem sanctam & religiosè venerabilem.

C Secundò, probatur ex Conciliis Ecclesiæ. Habemus in primis canonem 82. sextæ Synodi, ubi dicuntur imagines venerabiles; tametsi enim isti canones non sint firmæ auctoritatis, tamen iste canon semper receptus fuit ab Ecclesia, & testatur ut minimum usum Ecclesiæ antiquæ. Deinde habemus Synodum Romanam sub Gregorio III. Episcoporum ferè mille pro imaginibus celebratam, anno 733. juxta Sigebertum in Chronico. Item Synodum habitam villa Gentiliacensi, anno 766. juxta Sigebertum, vel 767. juxta Adonem, in ea de imaginibus actum, & admoniti Græci, ut cum aliis piis de imaginibus sentire vellent, ut Paulus Æmilii testatur lib. 2. Rursus aliam Synodum pro imaginibus Romæ celebratam sub Stephano III. anno 768. juxta Sigebertum, cujus Synodi meminit aliquoties Adrianus in lib. de imaginibus ad Carolum.

D Post annum deinde 788. septima Synodus act. 7. definivit, imagines esse venerandas, non quidem cultu latriæ, sed honore illo, quo etiam prosequimur sacras literas, sacra vasa &c. testis Paulus Diaconus, Cedrenus, Zonaras &c. Est autem hoc Concilium ejusmodi, ut nullo modo dubitari possit, quin generale & legitimum fuerit. Nam habuit in primis legatos Romani Pontificis, & trium aliorum Patriarcharum, Alexandriæ, Antiochiæ, Hierosolymæ, necnon Patriarcham Constantinopolitanum, omnes consentientes, ut ex subscriptoribus patet. Præterea adfuerunt Episcopi 350. teste Cedreno, idest, plures quàm in prima, secunda, vel tertia Synodo generali. Præterea consensit Imperator Constantinus. Ad hæc disputatum est acriter, & diu allatis in medium Scripturis, Conciliis, & Patribus. Si ergo ullum est Concilium generale legitimum, certè hoc est.

E Neque obstat, quòd contrarium dicantur statuisse Concilia Constantinopolitana præcedentia & Francofordiense sequens. Nam etiam illa omnia fuissent legitima, tamen cedere deberent Nicæno; quia hoc plenarium & generale, illa particularia fuerunt. Est enim regula Augustini lib. 2. de Baptismo, cap. 3. Concilia particularia plenariis sine dubitatione cedere debere. Fuisse autem illa tria par-

particularia, patet; nam in Constantinopolitano sub Leone non fuerunt vocati, nec adfuerunt ulli Patriarchæ, excepto Germano Patriarcha Constantinopolitano, qui tamen non consensit, & ideo depositus fuit.

In Concilio Constantinopolitano sub Constantino Copronymo non sunt vocati, nec adfuerunt nec per se, nec per Legatos Romanus, Alexandrinus, Antiochenus, Hierosolymitanus Patriarchæ, sed solus Pseudoepiscopus, quem hæretici deposito S. Germano Patriarcham fecerant. Testantur hæc Cedrenus, & Zonaras in vita Constantini Copronymi, & ipsi etiam Magdeburgenses Centur. 8. cap. 9. col. 551. & Paulus Diaconus, qui tunc vivebat, lib. 22. rerum Romanarum.

Denique Francofordiense omnium iudicio particulare fuit, & (si verum est, quod Centuriatores dicunt) adfuerunt quidem Legati Romani Pontificis, sed Synodo assensu non sunt.

Ad hæc accedit, quod ex eventu colligitur Nicænum fuisse legitimum, nam solum illud tandem obtinuit. Imagines enim in templis permanserunt, & suum honorem in Ecclesia semper habuerunt; immò etiam solius huius Concilii acta exstant, reliqua tria mox evanuerunt, & solum in historiis aliqua eorum memoria servata est, quod idem accidit primo Nicæno. Fuerunt enim plurima Concilia celebrata ab hæreticis contra Nicænum I. sed ipsa cum suis erroribus evanuerunt, sola fides & canones Nicæni ad nos pervenerunt. Habemus præterea VIII. Synodum generalem, act. ult. canon. 3. Synodum Tridentinam, sess. 25.

Tertiò, probatur ex Patribus. Basilius in Julianum, ut citat Adrianus Papa in epistola ad Imperatores, in VII. Synodo, act. 2. *Historias, inquit, imaginum illorum honore, & palam adoro, hoc enim nobis traditum à sanctis Apostolis, non est prohibendum &c.*

Chrysostomus in liturgia: *Sacerdos, inquit, ad imaginem Christi caput inclinat.*

Ambrosius serm. 10. in Psalm. 118. *Qui, inquit, imaginem coronat Imperatoris, utique illum honorat, cuius imaginem coronavit, & qui statuas contempsit Imperatoris, Imperatori utique fecisse videtur injuriam &c.*

Augustinus lib. 3. Trinit. cap. 10. loquens de signis sacris, quales sunt imagines, literæ, & Sacramenta: *Sed quia, inquit, hæc hominibus nota sunt, quia per homines sunt, honorem tamquam religiosa possunt habere; stuporem tamquam mira non possunt &c.* ubi nominatim ponit serpentem ancum inter ea, quæ merentur honorem religiosum. Item lib. 3. de doctrina Christiana, cap. 9. dicit, eos servire sub signis, qui honorant utilia signa, nec sciunt quid significant, quales erant olim Judæi. Qui autem venerantur utilia, & sciunt quid significant, dicit eos non tam honorare ipsum signum, quàm rem significatam, & ideo liberos esse. Quòd autem imagines Sanctorum sint utilia signa divinitus instituta: & proinde veneratione digna tam à servis, quàm à liberis, patet ex lib. 2. de doctrina Christiana, cap. 25. ubi dicit, picturas, & statuas pertinere ad superflua instituta hominum, exceptis illis, quæ ob finem bonum suo loco & tempore proponuntur ab eo, qui habet auctoritatem. Tales autem esse Christi, & Sanctorum imagines, certissimum est. Denique lib. 10. Confess. cap. 34. reprehendit pictores, & similes artifices, quòd necessarium, & moderatum usum, & piam significationem longè aliquando transgrediantur. Ubi admittit, quasdam esse picturas necessarias, quasdam etiam piam significationem habentes, & proinde venerabiles.

Paulinus natali 10. S. Felicis, de imaginibus in templo depictis, sic ait:

Mirumque sacras veterum monumenta, figurat.

A Ubi cum sacras vocat figuras, honorandas etiam docet; res enim sacre omnes honorandæ sunt.

Gregorius lib. 7. epist. 5. ad Januarium Episcopum Caralitum, loquens de imagine B. Mariæ, & cruce quæ posita fuerant in Synagoga Judæorum, quas jubet inde auferri: *Hic, inquit, hortamur assatibus ut sublata exinde cum ea qua dignum est veneratione, imagine atque cruce, debeatis quod violentè ablatum est reformare.* Et lib. 7. epist. 53. ad Secundinum, docet imaginem sacram honorandam etiam prostratione ad terram, non tamen ut Deum: *Et nos, inquit, non quasi ante Divinitatem, ante illam prosternimur &c.*

B Damascenus lib. 4. cap. 17. de fide, dicit esse Apostolicam traditionem, cultum crucis & imaginum.

Præterea crucem, idest, crucifixi imaginem fuisse in Ecclesia semper honoratam, certissimum est; nam Lactantius in carmine de passione Domini.

Fleste genu, inquit, lignumque crucis venerabile adora.

Et Sedulius lib. 5. carminis Paschalis.

Nec quis ignoret, inquit, speciem crucis esse colendam.

Ambrosius oratione de obitu Theodosii: *Sapienter, inquit, Helena egit, qua crucem Christi in capite Regum levavit & locavit, ut crux Christi in Regibus adoraretur.* Et lib. de incarnationis Dominicæ Sacramento, cap. 7. *Numquid, inquit, cum in Christo imaginem Dei, crucemque veneramus, dividimus eum?*

C Hieronymus in vita Paulæ: *Prostrata, inquit, ante crucem, quasi pendente Dominum cerneret adorabat.*

Athanasius quæst. 16. ad Antiochum, dicit, Christianos imaginem crucis colere potius quam lanceæ, vel columnæ, & similibus instrumentorum passionis Dominicæ, quia si Gentiles accusent nos, quòd colamus lignum, possumus mox separare duo ligna crucis ab invicem, & eo modo sublata figura crucis, conculcare duo illa ligna, ut ostendamus nos non ligna sed imaginem crucifixi venerari. Denique Patres testantur, Christianos semper accusatos à Gentilibus, quòd colerent crucem quæ est imago crucifixi.

D Tertullianus in Apologetico, cap. 16. dicit, Christianos appellatos religiosos crucis: neque ipse hoc negat esse verum. Minutius Felix in Octavio respondet Gentilibus obicientibus adorationem crucis. Nec obstat quod ipse dicit: *Nos crucem neque adoramus, neque optamus;* nam loquitur de adoratione propria Deo, de qua accusabantur. Interim ex objectione constat crucem aliquo modo honoratam à Christianis. Julianus apud Cyrillum lib. 6. idem objicit. At certè numquam Gentilibus in mentem venisset, ut nostris obicerent adorationem crucis, nisi vidissent primis illis & sanctissimis Christianis crucem summæ venerationi fuisse.

E Ridicula est autem responsio Magdeburgensium, qui ex Concilio Francofordiensi Cent. 8. cap. 9. in fine dicunt, non esse eandem rationem crucis & imaginum altarum; nam Christus nos redemit cruce, non imagine. Ista enim responsio primo jugulat ipsos Centuriatores, ipsi enim non admittunt crucem posse honorari. Deinde unperita solutio est, nam Christus non redemit nos ista cruce, quam modò auream, modò argenteam, modò lapideam, modò depictam in tabula, vel signatam in aere veneramus, sed illa una lignea, cuius imago est, quam veneramur. Nec enim habemus ubique crucem illam Christi veram, & multò minus eam veteres habebant tempore Tertulliani & Minutii, cum postea repertam esse constet temporibus Magni Constantini. Magis autem redemit nos Christus corpore suo, quàm cruce lignea. Quare si licet venerari imaginem crucis, mul-

multò magis imaginem corporis. Argumentum quartum, à miraculis. Deus enim per imagines Christi & Sanctorum multa miracula operatur, ex quo intelligimus placere illi, ut imagines honorentur. Illustre in primis est, quod Eusebius refert lib. 7. histor. cap. 14. ubi testatur, ex basi statuæ Christi æneæ ab Hemorrhoida positæ apud Panceadem, herbam quandam omnibus incognitam oriri solitam, quæ ubi crevisset usque ad simbram imaginis Christi, eamque attigisset, vim haberet omnes morbos depellendi; quod etiam refert Theophylactus in cap. 9. Matth. Addit Sozomenus lib. 5. hist. cap. 20. de eadem imagine aliud miraculum, quod videlicet cum Julianus Apostata statuam Christi inde amovisset, & suam in eodem loco posuisset, mox ignis de celo statuam Juliani discepit, & caput à reliquo corpore divulgavit planè ad eum modum, quo olim accidit idolo Dagon, 1. Reg. 5.

Non est autem prætereundum hoc loco insigne mendacium Centuriatorum: quod enim Juliani statuæ accidit, id illi tribuunt etiam statuæ Salvatoris. Sic enim loquuntur Cent. 4. cap. 13. col. 1447. *Videtur, inquit, etiam ea fulmine confracta esse, ut exstaret testimonium, superstitionem illam, qua statuis vis aliqua tribuitur, Deo non placere.* Et ibidem superstitionem vocant herbæ illius vim, quæ morbos omnes curabat. At cum dicunt, imaginem Christi fulmine disceptam, mentiuntur apertissime contra fidem omnium historicorum. Cum autem miracula testatissima Christi, superstitioni Diabolicæ adscribunt, imitantur Scribas & Phariseos, qui ejusdem Christi miracula in Beelzebub fieri, calumniabantur.

Multa alia miracula per imagines à Deo facta legi possunt apud ipsos Magdeburgenses Cent. 6. & sequentibus, cap. 13. qui tamen respondent ad hoc argumentum ex libris Carolinis, non sequi, imagines esse adorandas, quia miracula faciunt. Multa enim sunt alia, per quæ Deus miracula facit, quæ tamen non adorantur. Nam Elizeus per aquas Jordanis curavit lepram Naaman: Christus sputo curavit cæcum, nec tamen adoramus aquam, vel sputum, quin etiam per homines malos aliquando facit Deus miracula, & tamen eos homines omni honore indignos judicamus.

Respondeo, spectandum esse finem miraculorum, id enim, quod miraculo confirmatur, Dei testimonium habet. Jam Elizeus & Christus non adhibuerunt aquam vel sputum in miraculis, ut aquam vel sputum honorarent, sed ut ostenderent, ille quidem se esse Prophetam Dei, iste autem se verum Dei Filium. Similiter homines mali non faciunt miracula, ut se ac vitam suam commendarent, sed fidem. Quare non ipsi, sed fides, quam prædicant, veneranda est.

Miracula autem per imagines facta, idèò facta sunt, ut probarent ac sancirent imaginum cultum. Nam cur, quæso, ignis coelestis discepit statuam Juliani, nisi ut vindicaret injuriam factam statuæ Christi? Et cur ab imagine à Judæis confossa, sanguis prodit, qui infirmos plurimos curavit, ut est apud Arhanatium libro de passione imaginis Domini; Gregorium Turonensem de gloria Martyrum, cap. 21. Rhegin. in Chronico anni 804. nisi ut ostenderet se honorare id, quod Judæi contumelia affliciebant?

Præterea beneficia, quæ per imagines à Deo conferuntur, cur illis duntaxat conferuntur, qui imagines honorant, & qui existimant Deo placere cultum imaginum? Nam illud miraculum factum Edessæ per imaginem Christi, ut refert Evagrius lib. 4. cap. 26. factum est in salute eorum, qui Christi imaginem

A venerabantur. Scribit etiam Zonaras in vita Michaelis Balbi, cum Leo Armenius imagines persequeretur, filium ejus Sabbatium Constantinum qui mutus erat, accessisse ad statuam S. Gregorii Nazianzeni, & sanctum ipsum mente precatum, loquendi usum divino miraculo recepisse. At si cultus imaginum esset idololatria, Deus certè tum maxime idololatriæ favere visus fuisset. Scribit Paulus Diaconus lib. 21. rerum Romanarum, cum Iconomachus quidam conspecta statua B. Virginis, lapides in eam jecisset, eamque comminasset, per quietem virginem ipsam ab eo visam, terribiliter his verbis comminantem: *In caput tuum hoc fecisti.* Deinde Paulò post eundem lapide percussam, atque ita contritam esse, ut ipse statuam comminuerat.

B Argumentum quintum duci potest à simili, hoc modo: homo dignus est veneratione, quia imago Dei est, ergo & cæteræ imagines Christi vel Sanctorum digna sunt veneratione, quod enim uni imagini convenit quia imago est, id necessario omnibus imaginibus convenit. Esse autem hominem venerabilem quatenus Dei est imago, Cyrillus & Augustinus testantur.

C Cyrillus catechesi 12. sic ait: *Imago lignea terreni Regis honoratur, quanta magis rationalis imago Dei?* Augustinus epist. 203. ad Maximum Episcopum Donatistarum, explicat, cur in titulo epistolæ dixerit: *Honorabili fratri,* & ait se non honorare Episcopatum ejus, sed honorare imaginem Dei, quam in illo sciebat esse, cum homo esset.

D Respondent Magdeburgenses ex lib. Carolino, argumentum nihil concludere, cum non sint similes depictæ imagines hominis, ut imago Dei est; imago enim Dei est in mente, similitudo autem inter hominem & picturam est in exteriori figura. Imperitè; nam argumentum procedit à simili proportionem, ut enim homo se habet ad Deum, cuius est imago, ita se habet pictura ad Christum, cuius est imago; si ergo homo idèò est honorabilis, quia est imago rei honorabilis, certè etiam imago dicta est honorabilis, quia imago est rei honorabilis.

Respondent secundo, hominem non adorari saltem religiosè, sed solum civiliter. At licet homo, ut Rex, vel Imperator honoretur civiliter, tamen homo, ut imago Dei honoratur religiosè; causa autem cur honoretur sacra res, est, quemadmodum qui honorat hominem, quia sanctus, vel Prophetas, vel Sacerdos, vel Episcopus est, certè religiosè honorat, non civiliter, ut supra diximus.

E Argumentum sextum item à simili, imago Regis est venerabilis civili quodam honore, ergo imagines Christi & Sanctorum sunt honorabiles cultu religioso. Et confirmari potest hoc argumentum ex insigni fraude Juliani Apostatæ, quam describunt Gregorius Nazianzenus oratione 3. in Julianum, Paulus Diaconus in vita Juliani, & alii, erat in more positum, ut imagines Imperatorum ab omnibus adorarentur, id quod etiam Christiani faciebant, quippe qui sciebant solum civilem adorationem illam fuisse, qualem etiam ipsi Imperatori licet Ethnicis deterebant. Julianus igitur ut cogeret Christianos saltem per errorem adorare idola, jubebat suam imaginem ita depingi, ut simul pingeretur Juppiter de celo coronam & purpuram Imperator detereus; pingerentur etiam Mercurius & Mars in Imperatorem respicientes, ut eo modo indicaret, se sapientem & fortem esse. Itaque seipse inter Deos depictum proponebat, ut Christiani de more venerantes imaginem Imperatoris, simul venerarentur Imagines taliorum Deorum. Monet autem Nazianzenus fuisse vena dignos Christianos simplices, qui non advertebant dolum,

nec putabant se adorare aliud, quàm Regis imaginem.

Respondent Centuriatores loco notato, non esse hæc similia, quia imago Regis adoratur propter absentiam Regis, qui non potest esse simul ubique in toto regno: Deus autem ubique est præsens. At in primis non quarimus, cur adoretur imago Regis, sed ex eo, quòd adoratur, colligimus, rectè adorari imaginem Christi. Præterea Christus, ut homo, non est ubique, nec Sancti sunt ubique. Denique falsum est, imagines Principum non adorari præsentem Principe, immò sicut contumeliam facere imagini gravius peccatum est præsentem Principe, quàm absente; ita etiam honorare imaginem præsentem Principe, res est illi gratissima.

Argumentum septimum à contrario; Imago est capax injuriæ & contumeliæ, ergo & honoris atque cultus. Eusebius lib. 9. hist. cap. 10. scribit in dedecus Maximini, imagines ejus fuisse vel dejectas, vel atris coloribus foedatas. Idem de imaginibus Domitiani scribit Suetonius.

Theodosius quoque (optimus alioqui & pientissimus Princeps) cum Antiocheni imaginem uxoris ejus deiecerint, ita iratus est, ut parum abfuerit, quin totam Antiochiam everteret. Exstant de hac re duæ orationes Chrysostomi, idest, secunda & tertia ad populum Antiochenum, quibus deplorat scelus illud in Theodosium commissum. Vide etiam Theodoretum lib. 5. cap. 19. historię. Denique Julianus Apostata Christi statuem non deiecerit, nisi eo modo Christo injuriam fieri credidisset. Neque Deus Juliani statuam fulmine percussisset, nisi ab eo injuriam accepisset, & nisi ad Juliani contumeliam id pertinere visum esset.

Argumentum octavum, idola Gentium merito execramur & confringimus, & hinc laudatur valde Theodosius, quòd, teste Theodoretò lib. 5. cap. 20. historię, jussit idola ubique destrui. At certè id non fit, nisi ratione significationis, quia sunt imagines falsorum Deorum; igitur è contrario imagines Christi & Sanctorum, quia res verè bonas & sanctas significant, honorabiles sunt.

Argumentum nonum, ab improbitate Iconomachorum, & pietate eorum, qui imagines colunt & coluerunt. Nam Iconomachi, ut ostendimus 2. cap. disputationis, fuerunt omnes aut Judæi, aut Samaritani, aut Mahumetani, aut Necromantici, aut manifestè hæretici, quos impios esse negare nemo potest. At qui imagines defenderunt, fuerunt sancti viri & docti, ut Gregorius & Adrianus summi Pontifices, Germanus, & Tarasius Episcopi Constantinopolitani, Joannes Damascenus, Methodius, Leontius, Ionas Aurelianensis, Paulus Diaconus, & alii Pii doctique viri omnium consensu. Non est autem credibile, Deum per hostes suos potius, quàm per amicos & sanctos Ecclesiam docere voluisse.

Quid, quòd ipse etiam Diabolus odit imagines? Nam ut in Prato spirituali cap. 45. legimus, Eremitæ quidam conquerenti, quòd spiritus fornicationis illum vexans, cum illo consensisset, nec abscedere vellet, apparuit Diabolus, ac promisit se discessurum, si is imaginem B. Virginis, quam in cubiculo habebat, non amplius se veneraturum polliceretur. Sed fortè Diabolus fingit odium in imagines, ut homines decepti magis eas colant. At si ita est, cur Diabolus tam sæpè per Judæos & Mahumetanos procuravit imaginum everisionem & confectionem?

Argumentum decimum, ab infelici exitu Iconomachorum, & foelicitate eorum qui imagines defenderunt. Nam in primis tempore Leonis Iconomachi, posteaquam imagines Sanctorum in foro Con-

stantinopolitano crematæ fuerunt, orta est pestilentia tam gravis, ut Constantinopoli trecenta hominum millia interirent. Vide Chronicum Matthæi Palmerii, anno 741. Item eadem occasione amisit idem Leo & successores ejus imperium Italiæ, nec unquam amplius recuperare potuerunt. Vide Zonaram & Paulum Diaconum in vita ejusdem. Eo tempore Rex Arabum Ezides, qui imagines Christianorum confringi jussit, non supervixit unum annum, cum tamen 30. anni promissi illi fuissent ab eo, qui illum ad Iconomachiam incitavit.

Tempore Constantini Copronymi inaudita calamitates Orientem invaserunt; nam terræmotus ingentes integras urbes deiecerunt, & multa millia hominum occiderunt. Item pestis gravissima orta est, ita ut vineæ, horti, putei, alique loca via sufficerent sepeliendis hominibus. Ex ne dubitaretur quam ob causam ista acciderent, simul ubique in vestibus hominum, in velis sacris, indumentis sacerdotalibus divinitus existerant cruces parvæ, quasi oleo designatæ: Deus enim indicare volebat, velle se ubique conspici crucis imaginem, quam Constantinus Copronymus eo tempore omnino obliterare contendebat. Ad hæc tam horribile frigus accessit, ut mare Ponticum ad centum miliaria congelaretur, essetque glacies profunditatis 30. cubitorum cui supervenit nix, quæ etiam in glaciem versa est, ad altitudinem 20. cubitorum super aliam glaciem 30. cubitorum. Paulò post coepit solvi glacies, & fragmenta ingentia instar magnorum montium, vel insularum, magno impetu discurrebant, quædam etiam ad Constantinopolim allisa partem mœnium, & vicinas domos everterunt. Testatur autem Paulus Diaconus se vidisse hæc omnia. Eodem anno tanta siccitas postea fuit, ut flumina, fontes, putei ferè omnes siccarentur; ita ut omnes intelligerent, & dicerent, propter impietatem in Deum & Sanctos, quam exercuerant Iconomachi, ista omnia fieri.

Denique obstinatus Imperator Constantinus ita perit, ut in morte clamaret, se adhuc vivum igni inextinguibili traditum comburendum. Testis Zonaras & Paulus Diaconus in ejus vita. E contrario Pipinus & Carolus filius ejus, qui cum Romano Pontifice imagines defendebant, ad regnum & imperium provecti foelicissimè vixerunt, & regnaverunt, ut ex iisdem auctoribus patet.

C A P U T XIII.

Solvuntur argumenta adversariorum.

Superest iam, ut argumenta adversariorum solvamus. Ad primum Calvini dico, in illis Scripturis reprehendi idololatriam, idest, cultum imaginum, quæ habentur pro Diis, vel per quas coluntur tamquam Diis, qui verè non sunt.

Ad probationem illam, qua Calvinus conatur ostendere, Judæos & Gentiles adorasse Deum in idolis; dico in verbis Calvini contineri multa mendacia. Primum est, quòd Judæi & Gentiles non vocaverint Deos sua idola; nam lib. 1. cap. 11. §. 10. Instit. objiciens sibi responsionem Catholicorum, ait: *Non vocamus, inquit, nostros Deos, nimirum imagines; deinde respondet: Neque illi, aut Judæi, aut Gentiles, alium vocabant, & tamen Propheta passim illis fornicationes cum ligno, & lapide exprobrare non desinebant. At si Judæi non vocabant idola suos Deos, unde est illud Exodi 32. Fac nobis Deos, qui nos procedant? & isti sunt Diis tui Israël? Unde illud Michæ, Judic. 18. Deos meos, quas mihi fecerant,*

ceram, abstulisti? Et 3. Reg. 12. de duobus vitulis Hieroboam, ecce Dii tui Israel.

Quodd autem simulacra ab Ethnicis vocarentur Dii, nemo nescit, qui aliquid in Poetis, vel etiam Oratoribus legerit. Sed unus locus nunc sufficiet ex Danielis 5. Bibebant, inquit, vinum, & laudabant Deos suos aureos, & argenteos, æreos, ligneosque & lapideos. Et alter ex libro Sapient. cap. 13. Appellaverunt Deos opera manuum suarum. Poteratne clarius Scriptura divina Calvinii mendacium redarguere?

Secundum mendacium est, quodd Judæi, cum fecerunt vitulum aureum, non sint obliti Deum verum. Nam planè è diametro pugnant verba Calvinii cum verbis Scripturæ. Calvinus enim lib. 1. cap. 11. §. 9. sic ait: Nec tam incogitantes erant Judæi, ut non meminissent Deum esse, qui eos eduxerat de terra Egypti. At Scriptura Deuteron. 32. Deum, inquit, qui te genuit, dereliquisti, & oblitus es Domini creatoris tui. Et in Psalm. 105. Fecerunt vitulum in Horeb, & adoraverunt sculptile: & oblitus sunt Deum, qui salvavit eos, qui fecit magnalia in Egypto, mirabilia in terra Cham, terribilia in mari rubro. Et Hierem. c. 2. Ambulaverunt post vanitatem, idest, post idola, & non dixerunt, ubi est Dominus, qui ascendere nos fecit de terra Egypti? Quid clarius.

Tertium mendacium est, quodd Judæi in omnibus suis idolis Deum unum & verum colere voluerint. Sic enim ait Calvinus lib. 1. cap. 11. §. 8. Deum quidem esse noverant, ejus virtutem experti erant. Sed à præeunte imagine volebant cognoscere Deum sibi itineris esse ducem. Et §. 9. ait: Deum æternum Judæi, unum, verumque cæli ac terræ Dominum sub talibus simulacris persuasi erant se colere.

At hoc esse mendacium probabo. Primò, quia si Judæi volebant tantum signum corporeum, non erat opus, ut facerent vitulum; nam habebant nubem & columnam ignis, quæ melius ducebant, quàm vitulus, qui portari necesse habebat: non ergo signum corporeum, sed Deum corporeum quærebant.

Secundò, quia nulla causa reddi potest, cur potius vitulum fecerint, quàm ovem, aut aliquid aliud, nisi quia assueti erant videre maximum Deum Egyptiorum, qui est vitulus niger albis maculis insignis, quem ipsi vocant Apim; de quo Cicero lib. 1. de natura Deorum, & Augustinus lib. 18. de Civit. Dei cap. 5. & scriptores omnes, Herodotus, Diodorus, Plutarchus, Plinius, Suidas, Eusebius &c. Judæi ergo quia viderant in Egypto in summo honore vitulum, putaverunt ipsum Deum cæli esse vitulum illum, & ideo illi imaginem vituli statuerunt.

Tertiò, quia Josue c. ult. datur optio Hebræis, an velint servire Dns alienis, quibus serviunt Thare & Nachor idololatæ, an idolis Amorrhæorum, an Deo Israel? non ergo in idolis adorabant, vel putabant, se adorare Deum Israel. Nam alioqui potuissent respondere, ineptam esse optionem illam, quandoquidem in ipsis idolis Amorrhæorum, & Thare, ac Nachor Deum verum colerent. Idem confirmatur ex 3. Reg. 18. ubi Elias dicit: Usquequo claudicatis in duas partes; si Dominus est Deus, sequimini eum: si Baal est Deus, sequimini illum. Ubi clarè opponitur Baal Deo vero. Quando ergo Judæi colebant idolum Baal, certè non colebant Deum verum. Adde illud Deuter. 32. Immolaverunt Dæmonibus, & non Deo, Dns, quas ignorabant. Adde etiam, quodd falsò accusarentur Judæi servisse Dns alienis, si in idolis semper coluissent Deum verum. At, inquires; quo nodo ergo de vitulo dicitur Exod. 32. Hi sunt Dii tui, qui te eduxerunt de terra Egypti. Quomodo etiam ibidem de vitulo dicitur: Cras solemnitas Domini est? Et Judic. 17. Sanctificavi hoc argentum Domino, ut faciam idolum? Ad Primum respondeo, significari illis verbis,

Controv. Card. Bellarm. Tom. II.

A putasse Judæos beneficium liberationis de Egypto se accepisse, non à Deo Moysi, sed ab Api Deo Egyptiorum. Ad Secundum & Tertium, duplex solutio est. Una Cajetani in c. 32. Exod. quodd verè nomen ipsum Domini, tribuatur à Judæis idololatris idolo, & hoc fortè significare Scripturam, Sap. 14. cum ait, Incommunicabile nomen lapidibus & lignis imposuerunt. Nullum enim Dei nomen est incommunicabile, præter hoc TM nam cætera tribuuntur aliquando etiam creaturis.

Dices, at nomen illud TM est proprium nomen Dei Israel, non ergo potuit communicari. Respondeo, fortè Judæos illos, qui plures veros Deos esse credebant, non putasse hoc esse nomen proprium, sed appellativum. Fortè etiam communicasse illud nomen per similitudinem. Quomodo enim Egyptii vocare solent Nilum, suum Jovem; & nos de homine strenuo dicimus, hic est noster Achilles; de sapiente, hic est noster Cato: Ita Judæi de vitulo dicebant, hic est noster TM; habeat sibi Moyses suum.

Altera solutio est Abulensis, Cajetani, & aliorum in cap. 16. Judicum, qui dicunt duo genera idolorum fuisse apud Hebræos. Unum sine nomine certi Dei, quale fuit idolum Michæ, Judic. 17. & fortè vitulus aureus, quem fecit Aaron, Exod. 32. & renovavit Hieroboam, 3. Reg. 12. non enim Scriptura vocat vitulum Deum Moloch, vel Baal &c. sed semper ait: Hi sunt Dii tui Israel.

C Alterum genus fuit cum certo nomine, ut Baal. Moloch, Astaroth, Chamos &c. ut videre est 3. Regum 11. & alibi. Igitur dicunt, nec improbabiler, posse de primo genere admitti, quodd Judæi in idolo putaverint, se colere Deum verum. Cæterum in hoc etiam eos errasse gravissimè, tum quia idolo sacrificabant, & in ipso idolo divinam vim inesse credebant: tum etiam quodd imaginabantur Deum esse corporeum, & ipsi idolo similem. Ex quo sequebatur, ut putarent se colere Deum verum, sed revera non colerent, nisi figmentum suum: Quemadmodum Manichæi dicebant se colere Deum Patrem, & Filium ejus Christum: sed quia per Deum intelligebant lucem corpoream, per Christum accipiebant solem istum corporeum, nihil habebant Dei, & Christi, nisi solum nomen.

D Quodd autem Judæi Deum putarent corporeum, & idolo similem, secundum hanc sententiam, patet ex vitulo aureo. Nam ideò faciebant Deum in forma vituli, quia viderant in Egypto vitulum in summo honore; inde enim existimabant, summum Deum esse vitulum illum, & hoc etiam modo Judæi verè obliviscebantur Dei, licèt non putarent se ejus oblivisci. In idolis autem secundi generis adeò certum est Judæos nec coluisse, nec putasse se colere Deum Israel, ut id fateatur etiam Petrus Martyr Calvinista in cap. 17. Judic.

E Quartum mendacium est, Ethnicos non putasse idola esse Deos. Sic enim ait Calvinus lib. 1. cap. 11. §. 9. Nec ita stupidi fuisse Ethnicis credendi sunt, ut non intelligerent Deum alium esse, quàm ligna, & lapides. Hæc ille. Licèt autem aliqui non fuerint ita stupidi, ut putarent idola lignea, vel lapidea esse Deos, tamen plurimi ita stupidi erant, ut verè crederent ipsa idola vivere, & sentire, & Deos esse. Neque erat hæc tanta stupiditas, quantam Calvinus videri vult. Nam movebantur Ethnicis ad credendum idola esse Deos propter quatuor causas. Primò, quia id eis dicebatur à Pontificibus suis. Secundò: quia videbant totum ferè mundum id credere. Tertiò, quia Diaboli opera interdum idola movebantur, & loquebantur, & futura prædicebant, seu potius mæveri, & loqui videbantur; nam revera Diabolus ea movebat, & in eis loquebatur, sed populus

Cc crede-

credebat ipsa verè moveri, & loqui, Solita verò idola loqui, patet ex cap. 21. Ezech. & cap. 10. Zachariae, & ex lib. 1. cap. ult. Valerii Maximi. Quartò, quia erant forma humana prædita, & qui videt sua membra sentire, & vivere, faciliè persuaderetur vivere, & sentire etiam sibi similia, præsertim si id à sapientioribus affirmari audiat. Sed quæcumque fuerint causæ, probo multos Ethnicorum credidisse, ipsa idola esse Deos, & proinde mentiri Calvinum.

Igitur credidisse idola esse Deos probo, Primò ex Scriptura; nam omnes Prophetæ laborant, ut doceant idola aurea, & argentea non esse Deos, & probant, quia non loquuntur, non vident &c. Vide Isaiam 46. Davidem Psalm. 113. & Psalm. 134. & Habac. 2. sed præcipuè epistolam Hieremiæ Baruch 6. ubi ad singula argumenta concludit: *Unde notum sit vobis, quia non sunt Dii. At certè stulti essent Prophetæ, si id refellere conarentur quod nemo assereret.* Præterea Act. 9. de Paulo dicunt Ethnici: *Paulus hic suadet, dicens, quia non sunt Dii, qui manibus fiunt.* Ergo ipsi putabant esse Deos eos, qui manibus fiunt. Præterea Hierem. 2. & Sap. 13. & 14. Scriptura dicit, Ethnicos solitos invocare idola, & eis commendare salutem suam: nemo autem invocatur, aut oratur simulacrum, inquit Augustinus in Psalm. 113. qui non putet ab illo se exaudiri.

Secundò ex Patribus; Augustinus lib. 3. de doctrina Christiana cap. 7. *Fateor, inquit, alius demersos esse qui opera hominum Deos putant, quam qui opera Dei.* Et infra: *Illi simulacra venerantur, vel tamquam Deos, vel tamquam signa, & imagines Deorum.* Et epistol. 49. ac in Psalm. 113. dicit, Ethnicos multos putasse ipsa simulacra vivere, spirare, & audire, & proinde esse Deos viventes, & in hoc errore foveri ex ipsa similitudine humanorum membrorum.

Tertullianus in Apologetico cap. 12. dicit, Deos gentilium plura pati, dum fiunt, ab artificibus, quam patiantur Christiani cum occiduntur, quod eos nolint adorare.

Eusebius lib. 5. præparat. cap. 15. *Triginta, inquit, Deorum millia in terra esse censet Hesiodus. Ego autem multò plures lapideos, atque ligneos hominum creatores esse video.* Denique Cyprianus, Lactantius, Arnobius, Minutius Felix, Clemens Alexandrinus, Athanasius, Theodoretus, & alii, qui scribunt contra Gentes, ridet Ethnicos, quod ligna, & lapides pro Deo colant. Et quid est, quod ait Horatius lib. 1. serm. Satyra 8.

*Ohm truncus eram ficulnus, inutile lignum,
Cum faber incertus faceret scammum, anmè Priapum,
Maluit esse Deus.*

Nec solum Poetæ, sed etiam viri sapientissimi hoc senserunt; nam Hermes Trismegistus apud Augustinum lib. 8. de Civit. Dei cap. 23. dicit, alios Deos factos à summo Deo, alios autem ab hominibus: Deos autem ab hominibus factos dicit esse statuas, quibus arte quadam magica alligantur Dæmones, ita ut statua sit quasi corpus Dei, spiritus autem inclusus sit anima, & totum idolum sit Deus, quomodo corpus, & anima est homo. Et Arnobius lib. 1. contra Gentes: *Venerabar, inquit, à cæcitas, nuper simulacra modò ex fornacibus prompta, in incudibus Deos, & ex malleis, fabricatos.* Et infra: *Tamquam menses vis præsens, adulabar, affabar, & beneficia poscebam.* Et infra: *Deos esse credebam ligna, lapides, ossa, aut in huiusmodi rerum habitare materia.*

Vide igitur, Lector, an non mentiatur Calvinus, cum negat Ethnicos habuisse idola pro Diis.

At inquit, Ethnici mutabant simulacra pro arbitrio, nec tamen Deos mutabant. Respondeo, Eth-

A nicos eadem stultitia, quæ putabant aliquos Deos posse fieri manibus hominum, potuisse etiam credere Deos aliquos potuisse destrui manibus hominum.

Sed rursus, ait Calvinus, uni Deo multa simulacra ponebant. Respondeo, Ethnicos habuisse alios Deos in cælo, alios in terra: nec putasse absurdum, si unus Deus cælestis, ut Jupiter, vel Apollo, haberet in terra multos collegas minores, idest, multa idola ejusdem nominis.

Denique addit Calvinus, Ethnici novas imagines sacrabant, nec tamen putabant se novos Deos facere. Respondeo, falsum esse, non putasse Gentiles, se novos Deos facere, saltem terrestres.

B Quintum mendacium est lib. 1. Instit. cap. 11. §. 10. *Propheta, inquit, passim Judæis, & Gentilibus fornicationes cum ligno, & lapide exprobrare non desinebant, tantum ob ea, quæ quotidie ab iis fiunt, qui Christiani haberi volunt, nempe quod Deum in ligno, & lapide carnaliter venerantur.*

Hoc est maximum & perniciosissimum mendacium. Nam in primis Judæi & Gentiles immolabant idolis, ut patet de Judæis Exod. 32. & alibi, de Gentilibus 1. Corinth. 10. & alibi: & hanc Scriptura vocat fornicationem: Christiani autem nunquam imaginibus immolantur.

C Præterea Judæi & Gentes, vel idola putabant Deos, ut ostendimus, vel certè in idolis creaturas pro Deo colebant, quod Christiani non faciunt. Quod autem Gentiles in idolis colerent creaturas pro Diis, probatur; nam plurimi in simulacris colebant pro Diis homines mortuos, quos & ipsi mortuos esse credebant, sed non faciliè audebant id populis dicere. Probat hoc Lactantius lib. 1. cap. 14. & 15. ubi etiam refert, Ciceronem Tulliolam suam Deam facere conatum esse, erecto illi simulacro. Et Augustinus lib. 8. cap. 26. de Civit. Dei, probat, Paganorum Deos homines fuisse: & lib. 18. cap. 5. docet Serapidis simulacrum digito ad os admoto indicare solitum, ut taceretur Serapidem fuisse hominem, immò & poenam capitis constitutam ait iis, qui Serapidem hominem fuisse dicerent, cum tamen verè hominem fuisse, & mortuum, ac sepultum constaret. Idem probat Cyprianus initio libri de Idolorum vanitate, & Eusebius de præparatione Evangelica lib. 2. cap. 7. & Tertullianus Apologetici cap. 11.

D Alii non homines mortuos, sed dæmones in idolis pro Diis colebant, ut patet ex Hermete apud Augustinum lib. 8. de Civit. Dei cap. 23. Quamquam dæmones non solum invitari magicis artibus, ut Hermes dicit, sed etiam sponte sua in idolis habitabant, & se supponebant pro mortuis hominibus, ut loco eorum adorarentur, ut docent Beatus Cyprianus initio libri de idolorum vanitate, & Beatus Augustinus lib. 8. de Civitate Dei cap. 24. & lib. 22. contra Faustum cap. 17. & idem patet ex eo quod dæmones assumpserunt sibi nomina vel idolorum, in quibus residebant, vel hominum mortuorum, quorum vice colebantur. Adjurati enim, & rogati nomen, quidam dicunt, se vocari Beelzebub, quidam Moloch, quidam Chamos &c. alii Jovem, aut Mercurium, aut Apollinem &c. ut observavit Origenes lib. 6. contra Celsum paulò ante medium. Eusebius lib. 4. præpar. cap. 6. Lactantius lib. 2. cap. 16. & Sulpitius in vita B. Martini. Hoc idem Scriptura testatur, cum Deuter. 32. dicit: *Immolaverunt dæmonis, & non Deo.* Et Psalm. 95. *Dii gentium dæmonia &c.* Et 1. Corinth. 10. *Quæ immolant gentes, dæmonibus immolant, & non Deo.*

E Alii nec simulacrum, nec homines mortuos, nec dæmones in idolis colere se dicebant, sed partes

mundi; nam in idolo Apollinis colebant Solem, in idolo Neptuni mare, in idolo Jovis ætherem &c. ut referunt Eusebius lib. 3. præpar. cap. 2. & Augustinus in Psalm. 113. & lib. 4. de Civit. Dei cap. 10. & lib. 7. de Civit. Dei cap. 5. & seq.

Alii denique nec ipsas corporeas mundi partes in idolis colere se dicebant, sed animas earum partium, idest, Solis, Lunæ, Terræ &c. ut referunt Eusebius lib. 3. cap. 3. præpar. & Augustinus loco citato. Sed omnes isti, ut patet, creaturas pro creatore coluerunt: nisi quis ita desipiat, ut homines mortuos, dæmones, elementa, stellas, creaturas esse neget. Id igitur Scriptura in Ethnicis reprehendit, quod adoraverint creaturam pro creatore. Quod sanè Catholici nec faciunt, nec fecerunt unquam, cum imagines nec Deos putent, nec imagines Deorum.

CAPUT XIV.

Solvitur argumentum secundum.

AD Secundum argumentum ex Conciliis. Dico in primis Concilia duo Constantinopolitana fuisse illegitima. Quod patet Primò, quia non adfuit Romanus Pontifex nec per se, nec per legatos, ut ex Zonara, Cedreno, Paulo Diacono, & ex Synodo Nicæna II. act. 6. patet. Porro regula est Ecclesiastica Concilii I. Nicæni, sine sententia Romani Pontificis, non licere Concilia generalia celebrari, ut præter alios refert Socrates lib. 2. c. 13. Secundò, quia non consenserunt ulli Patriarchæ nec per se, nec per legatos, ut ex iisdem auctoribus patet. Tertiò, quia omnes auctores, qui de Conciliis generalibus scribunt, ut Psellus, Photius, Zonaras, Nicephorus, Cedrenus, Nicetas, Paulus Diaconus, Rhegino, Ado, Sigebertus, Abbas Urspergensis, & alii, ista Concilia Constantinopolitana vel non numerant inter Concilia Ecclesiæ, vel aperte reprehendunt.

Dico Secundò, etiamsi legitima fuissent, tamen eis derogatum esse per Concilium plenarium & verè generale, idest, secundum Nicænum.

Est autem hic notandum, Concilium istud Constantinopolitanum falsò vocari Ephesinum III. à multis recentioribus, ut ab eo, qui edidit Concilia in quadam admonitione præmissa VII. Synodo, & ab auctore summæ Conciliorum in principio VII. Synodi, à Sixto Senensi lib. 5. Bibliothecæ sanctæ annotat. 247. & ab aliis. Causa erroris fuit, quia Concilio isti profano præfedit Theodosius Episcopus Ephesinus. Nam quòd verè non Ephesi, sed Constantinopoli habitum sit, patet ex omnibus antiquis historicis, & ex ipso Concilio, quod insertum habetur act. 6. Nicæni Concilii.

Notandum Secundò, Calvinum, & Magdeburgenses impudenter laudare Concilium Constantinopolitanum prædictum; nam illud Concilium etiamsi de imaginibus impiè sensit, tamen de cultu & invocatione Sanctorum, & de meritis operum rectè sensit, & anathema dixit iis, qui id docent quod nunc Calvinus & Magdeburgenses docent. Nam can. 15. anathematizat eos, qui non invocant B. Mariam, can. 17. eos qui non colunt, & non invocant Sanctos cæteros; can. 18. eos, qui non credunt Deum redditurum vitam æternam pro meritis operum secundum justam judicii sui libram. Habentur autem hi canones inserti in Concilio Nicæno II. act. 6. & eisdem fideliter recitant Magdeburgenses Centur. 8. cap. 9. ex quo sanè perspicui potest eorum incredibilis vel stupiditas, vel impudentia, qui id laudant, à quo anathematizantur.

De Concilio autem Francofordiensi, quo præci-

Controv. Card. Bellarm. Tom. II.

Apuè nituntur adversarii, dico tria. Primò, quidquid illud Concilium definierit, non esse magni faciendum; nam sine dubio illi anteponendum est Concilium Nicænum II. quod certum est fuisse universalis, antiquius, & sine controversia à summo Pontifice approbatum; nam constat ex ipso Concilio adfuisse legatos Papæ Adriani, & rursus approbatum à Leone III. patet ex Ivone 4. parte cap. 147.

BDico Secundò, si verum est quod dicunt Centuriatores Centur. 8. cap. 9. col. 639. nihil nobis eam Synodum obesse; nam ipsi dicunt, Synodo Francofordiensi non consensisse, sed repugnasse Adrianum, & legatos ejus. At certum est Synodum, cui repugnat Romanus Pontifex nullius esse auctoritatis, ut patet tum ex Gelasio in tomo de vinculo anathematis, tum experientia. Nulla enim Synodus unquam habita est legitima, cui Romanus Pontifex repugnaverit.

Quid, quòd ipsa Synodus Francofordiensis hoc ipsum docet? nam (ut ex Carolinis libris patet,) Synodus Francofordiensis decrevit, judicium ultimum controversiarum ad Romanum Pontificem pertinere, & hoc præcipuo argumento refellit Synodum VII. quia exstulavit sine auctoritate Romani Pontificis celebratam: Ergo Synodus Francofordiensis, testimonio Magdeburgensium, seipsam destruit.

CPræterea ibidem Magdeburgenses dicunt, Synodum Nicænam ab Adriano confirmatam; Concilium autem Francofordiense reprobat Synodum factam sine Papæ auctoritate, ergo iudicio Magdeburgensium non est Nicæna nostra, sed aliqua alia, quæ reprobat in Concilio Francofordiensi. Denique ibidem docent Magdeburgenses, in Synodo Francofordiensi non esse definitum, ut imagines tollantur à templis, sed ut in templis quidem maneat, at non adorentur. Cur ergo ipsi à templis imagines tollunt? cur frangunt? cur non servant Francofordiense decretum? Ex quo etiam refellitur mendacium Apologiæ Anglorum, quæ docet, in Concilio Francofordiensi decretum, ut imagines deleantur. At è contrario Synodus Francofordiensis testimonio librorum Carolinorum, Hincmari, & ipsorum Magdeburgensium, anathema dixit iis, qui imagines delere volunt. Præterea res ipsa idem ostendit; nam si ea Synodus id statuisset, cur non esset factum? Quis enim resisteret in Occidentali Ecclesia decreto Episcoporum omnium, & Regis potentissimi? Non esse autem factum, certo certius est: nulli enim historici id referunt. Immo Jonas Aurelianensis tamquam rem novam, & sacrilegam refert, quòd Claudius Taurinensis in sua diocesi imagines delere voluerit.

ETertiò dico, rem esse incertissimam, quid statutum sit de imaginibus in Synodo Francofordiensi. Nam antiqui auctores non sibi constant, nam in primis ipsum decretum Francofordiense, quod citatur in præfatione librorum Carolinorum, testatur in Synodo Francofordiensi damnatam Synodum, quæ Constantinopoli convenerat, & imagines adorari iusserat. Ubi cum nominat Constantinopolim, videtur loqui de Synodo hæreticorum contra imagines; at cum dicit, ibi decretum, ut imagines adorentur, videtur loqui de Synodo Catholicorum.

Pari ratione libri ipsi Carolini dicunt, in Synodo Francofordiensi damnatam Synodum, quæ facta fuerat Constantinopoli in Bithynia sine auctoritate Papæ pro imaginibus adorandis. Ubi cum nominat Constantinopolim, & dicit à Synodo abfuisse Papæ auctoritatem, videtur loqui de Synodo hæreticorum: Cum autem dicit in Bithynia, & pro imaginibus Synodum illam celebratam, videtur loqui de nostra Nicæna. Nam Nicæa est metropolis Bithyniæ, Constantinopolis autem in Thracia est.

Cc 2

Jam

Jam verò Hincmarus Remensis cap. 20. libro contra Hincmarum Laudunensem, qui ipso ferè tempore floruerat, dicit in Synodo Francofordiensi damnatam Synodum, quæ Nicææ convenerat sine Papæ auctoritate. Ubi etiam duo contraria conjungit, ut patet. Aimoinus lib. 4. cap. 85. de gestis Francorum, & Abbas Urspergensis in Chronico anni 793. scribunt in Synodo Francofordiensi damnatam VII. Synodum Græcorum, quæ convenerat Constantinopoli sub Constantino & Irene, ubi etiam ipsi contraria jungunt inter se.

Multi autem historici recentiores dicunt, in Synodo Francofordiensi damnatam Synodum de tollendis imaginibus, quam Græci VII. generalem dicebant. Ita Platina in vita Adriani, Blondus decadis secundæ lib. 1. Sabellicus lib. 8. Enneadis 8. Paulus Æmilius lib. 2. de gestis Francorum. Propter hanc confusionem Alanus Copus Dialogo 4. & 5. docet, in Synodo Francofordiensi solùm damnatam Synodum Constantinopolitanam hæreticam: Nicænam autem non solùm non damnatam, sed etiam confirmatam, quam sententiam optarem esse veram, sed tamen suspicor esse falsam.

Primo, quia libri illi Carolini, licet falsò inscribantur Carolo, ut dicemus, tamen sine dubio scripti sunt tempore Caroli, ut patet ex refutatione eorundem librorum, quam edidit Adrianus I. & scripti videntur in Concilio Francofordiensi, & acta continere Synodi Francofordiensis. Id enim asserit Hincmarus ejus temporis auctor, & ipsi libri hoc præferunt: quòd autem Synodus, quæ in his libris refutatur, sit verè Nicæna II. dubitari non potest, si legantur vel ipsi libri, vel Adriani responsio.

Secundò, quia auctores antiqui omnes conveniunt in hoc, quòd in Concilio Francofordiensi sit reprobata Synodus VII. quæ decreverat imagines adorandas. Ita Hincmarus, Aimoinus, Regino, Ado, & alii passim docent. Dicere autem hos omnes mentiri, vel libros eorum esse corruptos, ut Copus dicit, videtur mihi paulò durius.

Tertiò, quia si isti auctores loquerentur de falsa VII. Synodo, idest, de Synodo Constantinopolitana contra imagines, certè meminissent etiam in suis historiis Synodi Nicæne verè septimæ. At non meminere ullius Concilii VII. nisi istius, quòd reprobatum dicunt.

Neque obstat, quòd libri Carolini, & Abbas Urspergensis, & Aimoinus dicunt reprobata Synodum Constantinopoli habitam; nam Abbas sequutus est libros Carolinos, ut etiam Aimoinus: auctor autem eorum librorum vel lapsu memorie, vel ex imperitia posuit Constantinopolim pro Nicæa; nam alioqui cum dicat Synodum celebratam in provincia Bithyniæ, ubi Nicæa est, non Constantinopolis, satis indicat, se de Nicæa loqui. Et similiter Abbas, & Aimoinus cum dicunt, Synodum celebratam sub Constantino & Irene, clarè demonstrant, se loqui de Nicæna Synodo, etiamsi per errorem nomen Constantinopolim. Neque etiam obstat, quòd Hincmarus, & libri Carolini dicant, Synodum reprobata in Concilio Francofordiensi fuisse contractam sine auctoritate Papæ, quòd est falsum de Nicæna, & verum de Constantinopolitana. Nam Hincmarus sequutus est libros Carolinos, ut ipse indicat. Auctor autem eorum librorum hoc mendacium finxit cum aliis multis, ut imponeret Synodo Francofordiensi, ut mox dicemus.

Neque obstat ultimò quòd Platina, Blondus Sabellicus & Paulus Æmilius dicant, reprobata Synodum de tollendis imaginibus; nam in primis isti omnes recentiores sunt. Deinde quòd ipsi dicunt,

A non pugnat cum antiquorum historicorum dictis; nam in Synodo Francofordiensi duæ Synodi reprobatae fuerunt, nimirum Constantinopolitana contra imagines, & Nicæna pro imaginibus, ut patet ex libris Carolinis, & ex Hincmaro. Et fortasse hæc est causa, eorum antiquorum historicorum aliqui nominent Nicænam, aliqui Constantinopolim, cum dicunt Synodum Græcorum reprobata in Concilio Francofordiensi. Videtur igitur mihi, in Synodo Francofordiensi verè reprobata Nicænam II. Synodum, sed per errorem & materialiter, eo modo prorsus quo olim Synodus Ariminensis damnavit homou-sion. Nam auctor librorum Carolinorum imposuit Synodo, duoque mendacia illi obtrusit: Unum mendacium fuit, in Synodo Nicæna definitum fuisse, ut imagines adorarentur cultu latræ. Alterum, decretum illud factum à Græcis sine consensu Papæ Romani.

B His duobus mendaciis pro veritate habitis, Synodus Francofordiensis reprobavit, & meritò, Nicænam Synodum tamquam profanam & illegitimam. Quòd illa duo fuerint persuasa Concilio, patet ex ipsis libris Carolinis; nam in præfatione disertè habetur hoc modo: *Allata est in medium (scilicet in Synodo Francofordiensi) questio de nova Græcorum Synodo, quam de adorandis imaginibus Constantinopoli fecerunt, in qua scriptum habebatur, ut qui imaginibus Sanctorum ita ut Deifica Trinitati servitium, aut adorationem non impenderent, anathema judicarentur: qui supra, sanctissimi Patres nostri omnimodis orationem, & servitium eis impendere renuentes contempserunt, atque consentientes condemnarunt.* Hæc ibi. In ipso etiam opere introducit Constantinus Episcopus Constantiæ Cypri in Concilio Nicæno anathema dicens iis, qui non adorant imagines eo cultu, quo adoratur sanctissima Trinitas. En clarè primum mendacium. Idem auctor clarè docet, ad summum Pontificem pertinere judicium controversiarum fidei, & ideò Synodum illam pro adorandis imaginibus nihil valere, quòd Pontificis auctoritate careat.

C Præterea auctores illi antiqui, qui dicunt reprobata esse falsam Synodum, quæ decreverat imagines esse adorandas, sine dubio per illud, *adorandas*, intelligunt adorandas cultu latræ; nam ipsi quoque docent imagines esse venerandas, & tamen execrantur illam Synodum, quæ jubet imagines adorari. Ado in Chronico anni 696. dicit, Romæ in die exaltationis Crucis, à toto populo crucem osculari, & adorari solitam. Et in Chronico anni 717. vocat imaginem venerandam, quam everterat Philippicus hæreticus, & restituerat Theodosius Catholicus Imperator. Regino lib. 1. Chronici sub finem, agnoscit, crucis adorationem, & deturbationem imaginum per Leonem Iconomachum factam scelus appellat. Joannes Aventinus lib. 4. annalium dicit, Carolo Magno Imperatore designato imaginem ejus in templo ab omni populo veneratam ipso præsentem. Abbas Urspergensis in Chronico, invehitur in Leonem Isaurum, & Constantinum Copronymum propter imaginum dejectionem, eosque vocat impios, & Antichristi præcursores, & è contrario Gregorium Papam laudat, & sanctum virum fuisse dicit, qui propter imagines Christi & Sanctorum, Imperatorem excommunicavit &c.

D Quòd autem verè mendacia sint, quòd Synodus Nicæna caruerit Papæ auctoritate, & quòd decreverit imagines adorandas cultu latræ, certissimum est; nam in ipso Concilio Nicæno II. act. 2. recitantur epistolæ Papæ Adriani pro imaginibus, & in omnibus actionibus semper primi subscribunt Legati Romani. Deinde quòd ad cultum attinet, in prima actione Basilius Ancyranus qui antea fuerat hæreticus, cum resipi-

resipisceret & confessionem Catholicam ederet, toto Concilio audiente & probante dixit, se imagines quidem colere, non tamen latria, cum ea soli debeat Deo. Similiter Constantinus Episcopus Constantiæ Cipri in VII. Synodo act. 3. loquutus est. Similiter loquuntur etiam ceteri act. 4. & 7.

Neque mirum videri debet, quod auctor librorum Carolinorum tam manifesta mendacia obtulerit Synodo Francofordiensi de Nicæna Synodo paulò antè habita; nam si nunc Magdeburgenses, & Calvinus scribere audent, nos colere imagines divinis honoribus planè ut Deos, cum tot libri Catholicorum, & ipsum generale Concilium Latinum, & in Germaniæ sinibus Tridenti celebratum, disertè elament contrarium: quid mirum si idem confictum sit de Synodo Græca, quam paucissimi legere poterant, & quæ in Oriente celebrata fuerat?

Si dicas, ergo saltem Concilium Francofordiense, quod frequentissimum fuit, & legitimum, errare potuit. Respondeo, potuit errare & erravit, non in iuris, sed in facti questione. Et præterea non mirum si errare potuit; nam non consensere Legati Romani, ut Magdeburgenses dicunt: Papa autem non solum non consensit, sed etiam refutavit Francofordiense decretum, ut patet ex libro Adriani de imaginibus ad Carolum, ubi refutantur omnia mendacia illorum librorum Carolinorum.

CAPUT. XV.

Solvitur argumentum tertium.

QUOD autem ex libris Caroli adferunt, in quibus præcipuum firmamentum causæ suæ constituunt: Dico eos libros neque esse Caroli, neque eiusmodi, quibus ulla fides haberi possit.

Quod Caroli non sint, probatur Primò, quia exstat liber Adriani Papæ I. ad Carolum, in quo libri isti accuratè refelluntur; ex quo Adriani libro perspicuè intelligitur libros istos ab aliquo hæretico compositos, & à Carolo ad Pontificem missos, ut eis responderet. Esse autem Adriani hunc librum, qui exstat in tertio tomo Conciliorum, cum aliunde, tum etiam ex Ivone intelligi potest; qui multa ex hoc libro nomine Adriani in 4. partem sui decreti transtulit.

Secundò, constat ex historiis Græcorum & Latinorum, ut Zonaræ & Cedreni in vita Leonis Isauri, necnon Pauli Diaconi in vita ejusdem, Romanos Pontifices, Gregorium III. Adrianum I. & Leonem III. defecisse à Græcis Imperatoribus, eos excommunicasse, vectigalia eis tribui ex Italia prohibuisse, seque in tutelam Francorum contulisse, atque in eos tandem Imperium transtulisse, ea de causa præcipuè, quod Græci Imperatores hæresi Iconomachorum patrocinarentur, cum è contrario Francorum Reges in fide antiqua constantes essent: Quomodo ergo verisimile est Carolum Imperatorem eadem hæresi laborasse, & pro errore Græcorum contra Romanum Pontificem scripsisse? Sed verba Zonaræ audiamus.

Igitur, inquit, Papa Gregorius deserta Imperatoris obedientia ab perversam illius opinionem, pacem cum Francis fecit, cum prius sapè dedisset operam, ut Leonem per literas ab odio Dei revocaret, atque ad cultum sacrarum imaginum reduceret. Et infra in vita Irenes: Adriano veteris Romæ Papa mortuo Leo successus est, vir reverendus & honorabilis, qui cum se ad Carolum Francorum Regem contulisset, ab eo tempore Romæ Francis potius sunt, Carolo à Leone coronato, & Romanorum Imperatore appellato; nam Papa Gregorius nihil sibi rei esse
Contrav. Card. Bellarm. Tom. II.

A voluit cum impiis Ecclesia Constantinopolitana gubernatoribus, & pacem cum Francis fecit.

Tertio, scribit Jonas Aurelianensis lib. 1. de cultu imaginum (floruit autem Jonas tempora Ludovici Pii, Caroli filii) Claudium Taurinensem, ejus hæresis patronum, toto tempore quo vixit Carolus, numquam fuisse ausum mutare, idemque ibidem, virum piissimum ac sanctæ memoriæ Carolum Augustum appellat. Si ergo Iconomachi, vivente Carolo, non audebant hæresim suam prædicare; si defensores imaginum Carolum, ut piū, ac sanctum venerabantur, quanta impudentia est, libros contra imagines Carolo attribuere?

B Quartò, scribit Paulus Æmilius lib. 2. hist. Francorum, necnon Regino in Chronico in Concilio quodam Gentiliaci coacto, Pipinum Regem, Caroli Magni patrem, Græcorum errorem contra sacras imagines Imperatoris Græci legatis præsentibus confutasse. Ex eodem quoque Paulo constat, non diu postea ad Concilium, quod Romæ Stephanus Papa celebravit contra eundem Græcorum errorem, mississe Carolum Magnum Episcopos duodecim, ex præcipuis regni. Quia ergo audacia adversarii Christianissimum Principem in Iconoclastam transformare nituntur? præsertim cum Paulo Æmilio in hac parte assentiantur Magdeburgenses Cent. 8. cap. 9. col. 570.

C Quintò, constat ex historicis omnibus, & ex ipsius Caroli epistolis & carminibus, immò ex ipsis rebus gestis, Carolum & Adrianum semper conjunctissimos fuisse. Exstat adhuc Adriani epitaphium ab Imperatore Carolo non minus eleganter, quàm piè descriptum apud Platinam, cuius hæc est initium:

*Hic pater Ecclesiæ, Roma decus, inclitus auctor,
Adrianus requiem Papa beatus habet.*

*Vir cui vita, Deus pietas, lex gloria, Christus:
Pastor Apostolicus, promptus ad omne bonum.*

Et infra:

*Post patrem Carolus lachrymans hæc carmina scripsit,
Tu mihi dulcis amor, te modò plango pater.*

*Tu memor esto mei, sequitur te mens mea semper,
Cum Christo teneas regna beata poli.*

D Num credibile est igitur Carolum alterius religionis, ac fidei fuisse, quàm Adrianum? & in ipsum Adrianum tam acriter scripsisse, cum eum tantopere coluerit, & post obitum laudaret?

Denique certum est Carolum hominem Græcè & Latine peritum, prudentem, & ingeniosum fuisse; libri autem isti, hominis barbari, imperiti, levis, ac penè stulti esse videntur. Nam Constantinopolim urbem notissimam in Bithynia esse dicit, cum nemo nesciat esse in Thracia, nisi fortè, quia frequentes ibi terræmotus fiunt, solum mutaverit. Deinde Concilium pro cultu imaginum Constantinopoli celebratum asserit, cum tamen Nicææ celebratum nemo sit qui nesciat, nisi qui nihil legit: & quod gravius est, per calumniam & mendacium multa tribuunt isti libri Nicænis Patribus, quæ numquam dixerunt, & interdum quæ adversarii dixerant; quale est illud, quod Eucharistia sit imago corporis Christi; quod non solum Patres Nicæni non defendunt, ut iste auctor somniat, sed etiam ex professo refellunt. Unde accepit Calvinus alterius mendacii occasionem. Quia enim Iconomachi dixerant unam solum imaginem adorandam, idest, Eucharistiam, atque hoc dictum Pseudocarlus Nicæna Synodo attribuerat, Calvinus placuit ita rem totam immutare, ac dicere: Ceterum ne suo solemnè, plaudite, fabula careat, additur clausula (nimirum à Concilio Nicæno) gaudeant, & exultent, qui Christi habentes imagines, sacrificium illi offerunt; Quod est mendacium impudentissimum. Concilium enim Nicænum tantum abest, ut voluerit imaginibus sacrificium offerri, ut disertè in actio-

ne septima declaraverit non veram latrariam, sed honorariam tantum adorationem imaginibus deferri.]

Accedat postremo, quod liber iste tamquam alter Melchisedech, est sine patre, sine matre, sine genealogia; prodiit enim repente, in lucem, nec scitur quando, aut ubi, aut quomodo, aut à quo repperitus; nec habet nomen auctoris, nec impressoris, nec loci ubi impressus est. Quæ sunt omnia argumenta atque indicia fraudum.

Sed esto, sit liber Caroli Magni, quid tandem adversarii obtinebunt? prorsus nihil. Auctor enim huius libri disertè oppugnat omnia ferè dogmata Calvinistarum; apertè enim docet ad Romanum Pontificem pertinere ultimum iudicium de controversiis fidei, & eum non à Conciliis, sed à Deo ipso primatum habere. Idem vult exorcismum adhiberi in Baptismo, templa dedicari certo ritu, orandum esse pro defunctis, Sanctos invocandos, reliquias venerandas, Chrismatis, aquæ, salisque benedicti usum in Ecclesia retinendum, in Eucharistia verè esse corpus Christi, idque adorandum, & tamquam verum ac proprium sacrificium offerendum, quæ sunt omnes exploratæ hæreses apud adversarios. Si ergo volunt nos credere huic auctori, cum docet, Nicænam Synodum errasse, credant eidem ipsi, cum asserit tam multa, quæ jam enumeravimus.

Quod si etiam constaret Carolum ipsum hunc librum scripsisse, & in omnibus cum Calvinistis convenire, quid haberent aliud quam testimonium unius hominis laici & militis? Quod opponere velle Concilio generali Episcoporum stultitia est manifesta. Nam, ut rectè ait Damascenus orat. 2. de imaginibus: *Christus non commisit Ecclesiam Regibus, & Imperatoribus, sed Episcopis, & Pastoribus.*

CAPUT XVI.

Solvitur argumentum quartum.

AD Quartum argumentum ex testimoniis Patrum, ordine respondeamus. Irenæus lib. 1. cap. 24. non arguit Carpocratem, quod imaginem Christi haberet, sed quod eam coleret eo modo, quo gentes colunt idola, nimirum sacrificiis, ut clariùs explicant Epiphanius hæresi 37. & Augustinus hæresi 7. & præterea quod imaginem Christi, & Pauli eodem loco haberet, quo imagines Homeri, Pythagoræ, Platonis & Aristotelis. Epiphanius similiter hæresi 79. reprehendit Collyridianos, non quod imaginem B. Virginis, & ipsam Virginem honorarent, sed quod haberent pro Dea, eique sacrificium offerrent.

Jam Ambrosius quando ait, oratione de obitu Theodosii: *Helena crucem invenit, Regem adoravit, non lignum utique qui est error Gentilium &c.* Vult dicere, crucem non adorari propter se, sed propter Christum, qui in ea pependit. Licet enim ipsum lignum honoremus, non tamen honoramus, quia lignum est, sed quia Christum crucifixum repræsentat. Unde Ambrosius ibidem sic ait: *Sapienter Helena egit, qua crucem in capite Regis invenit, & collocavit, ut erant Domini in Regibus adoraretur.*

Porro Hieronymus in cap. 3. Daniel. cum dicit, eos, qui Deum colunt, non debere statuas adorare, loquitur de statu Regum, qui habebantur pro Diis, & quorum statuae divinis honoribus afficiebantur. Reprehendit enim eos, qui id faciunt, quod tres pueri facere noluerunt in Babylone.

Ad locum Augustini de moribus Ecclesiæ cap. 36.

A dico Primò, fortè eum loqui de idolis gentium, cum ait: *Novi picturam adoratores.*

Dico Secundò, eum fortè loqui de quibusdam, qui imagines Sanctorum supersticiosè colebant, ita ut accederent ad idololatriam; nam fuisse aliquos Christianos, qui imagines quasi Deos adorarent, testatur Damascenus in fine libri de hæresibus.

Dico Tertiò, Augustinum scripsisse eum librum in primordiis conversionis suæ ad fidem Catholicam, & idèò offensum quibusdam ritibus, putasse eos sapere idololatriam, quos tamen postea melius instructus excusavit omnino ab idololatria. Id quod ostendimus cum ageremus de reliquiis; nam in eodem loco dicit, eos, qui ponebant epulas super tumulos mortuorum, offerre solitos epulas cadaveribus, & inde vocat eos sepulchrorum adoratores: & tamen lib. 8. de Civit. Dei cap. ult. dicit, eos, qui id faciunt, non offerre mortuis epulas, sed solum ponere cibos super tumulos Martyrum, sperantes eos à Deo sanctificari per Martyrum preces.

Ad loca Gregorii dico, Gregorium solum reprehendere cultum imaginum supersticiosum, idèst, quo imagines coluntur ut Di. Ut patet ex epistola ad Secundinum lib. 7. epist. 53. Scio, inquit, quod imaginem Salvatoris non idèò petis, ut quasi Deum colas, sed ob recordationem filii Dei in ejus amore recalescas &c. Quod autem aliqua veneratio debeatur imagini ex sententia Gregorii, patet ex lib. 7. epist. 5. Sublata, inquit, qua dignum est veneratione, imagine, atque cruce &c.

CAPUT XVII.

Solvitur argumentum quintum.

AD Quintum de serpente æneo contracto ab Ezechia; respondeo non mirum esse, si id Ezechias fecerit. Hebræi enim, illi adolebant incensum, ut Deo; nam etiam si adolere incensum non sit necessariò sacrificium, cum videamus in Ecclesia etiam non sacerdotes incensum offerre, idque non solum Deo, sed etiam populo: tamen in lege veteri non licebat, nisi sacerdoti adolere incensum, & proinde sacrificium videtur tunc fuisse: vide 3. Regum 12. & 2. Paral. 26.

Præterea Hebræi obliti significationis, propter quam serpentem crexerat Moyses, honorabant illum propter materiam, quomodo cætera idola, hoc est, putabant beneficia sanitatum ab ipso serpente æneo profecta. Id enim indicare voluit Ezechias appellando serpentem *nehuş* idèst, ænulum, ubi diminutivum ponitur per contemptum, vel, ut alii legunt, *nehuş* idèst, æs eorum.

CAPUT XVIII.

Solvitur argumentum sextum.

AD Sextum argumentum Calvini, sumptum ab experientia, quia Catholici magis frequentant unam imaginem, quam aliam ejusdem rei, & quia precaturi ad imagines accedunt, & quia peregrinantur ad imagines, cum habeant domi pulchriores. Ex quibus ille colligit, nos credere in imaginibus inesse divinitatem.

Respondeo, unam imaginem magis frequentari, quam aliam, propter varias causas. Prima, quia Deus per unam operatur miracula, & non per aliam, quæ etiam causa est, cur magis frequentemus pre-

precibus unum Sanctum, quàm alium. Cur autem Deus hoc faciat, non est nostrum discutere.

Secunda causa est, quia quædam imagines pictæ sunt à sanctis viris, ut Luca, Nicodemo & aliis, aliæ à profanis. Certè autem peculiarem devotionem merentur imagines, quæ non solum sunt sanctæ propter significationem, sed etiam propter artificem. In quo genere excellbat imago Edessena, quæ ab ipso Christo facta credebatur: necnon imago S. Stephani, quæ ab Angelo formata & allata fuisse putatur, de qua Evodius lib. 2. de miraculis.

Tertia causa est, quia aliquæ magis excitant ad pietatem, quàm aliæ, cum sint magis piæ, & religiosæ &c. Porro precaturi ad imagines accedimus, non ut invocemus imaginem, sed ut memoriam ejus, quem orare volumus, nobis imago refricet. Peregrinationes ad imagines rariores sunt in Ecclesia; ordinariè enim peregrinationes ad reliquias, & loca Sancta fieri solent, ut ad sepulchrum Domini, ad limina Apostolorum, ad S. Jacobum, ad domum Virginis Lauretanæ &c. si qui tamen peregrinantur ad imagines, illa tria spectant, quæ diximus.

CAPUT XIX.

Solvitur argumentum septimum.

AD Septimum argumentum, ad primam rationem, quod imago non sit capax honoris, cum sit res inanima, & sensus, ac rationis expers. Respondeo, inde solum probari, imaginem non esse honoris capacem propter se, & idè imagines non honorari absolute, sed relative ad prototypum.

Ad Secundam dico, imaginem esse sanctam propter duo. Primò, propter significationem, & representationem rei sanctæ: & hoc modo quælibet imago Christi, vel Sanctorum etiam in officina existens, potest honorari.

Secundò, propter Ecclesiæ institutionem. Nam quemadmodum calices, & vestes, & ipsi homines eò ipso sunt sacri, quod dedicantur cultui divino, & separantur à profano usu; ita etiam imagines sunt sacræ, cum ponuntur ab Ecclesia in templis, vel aliis locis sacris, non ut pascant oculos curiosorum, sed ut excitent memoriam & amorem Sanctorum, & serviant cultui rerum sacrarum. In cujus rei signum solent aliquando imagines benedici, & precibus sacerdotalibus quodammodo sacrari, antequam in templis collocentur.

Ad Tertium dico. Primò, hominem ut imaginem Dei esse dignum veneratione, ut suprà ostendimus ex Cyrillo catechesi 12. & Augustino epist. 203. Dico Secundò cum Thoma Waldensi tom. 3. de sacramentalibus tit. 19. cap. 154. hominem non proponi ab Ecclesia colendum ut imaginem Dei, quia periculum esset, ne homo propter se coli putaretur; nam etiam propter se homo capax est honoris.

CAPUT XX.

Proponitur questio; Quo genere cultus imagines sint honoranda.

Venio nunc ad postremam questionem, quo genere videlicet cultus dignæ sint imagines. Tres sunt sententiæ.

Prima, quod imago non sit ullo modo in se colenda, sed solum coram imagine colendum exemplar: ita quidam, quos refert & refellit Catharinus. Idem videtur sensisse Alexander 3. part. quest. 30.

Centrov. Card. Bellarm. Tom. II.

A art. ult. necnon Durandus lib. 3. sent. dist. 9. quest. 2. & Alphonsus à Castro verbo, Imago. Fundamentum hujus sententiæ est, quia secundum Basilii sententiam in VII. Synodo sæpius repetitam, honor imaginis transit ad exemplar; non ergo inquit hi Doctores, in imaginem terminatur: proinde ipsa imago non est quæ honoratur, sed solum per illam, & in illa honoratur exemplar. Et confirmatur ex versibus, qui dicuntur compositi tempore VII. Synodi, quique visuntur Venetiis in æde aurea antiquissimo opere incisa, & referuntur à Sabellico lib. 8. Æneadis 8.

Nam Deus est quod imago docet, se non Deus ipsa: Hanc videas, sed mente colas quod cernis in ipsa.

B Quod autem dicitur de imagine Christi Dei, dici etiam posset de imaginibus Sanctorum, nimirum; Nam Petrus est quod imago docet, sed non Petrus ipsa &c.

Secunda opinio est, quod idem honor debeat imagini & exemplari, & proinde Christi imago sit adoranda cultu latriæ, B. Mariæ cultu hyperdulæ, Sanctorum aliorum cultu dulæ. Ita Alexander 3. part. quest. 30. art. ult. B. Thom. 3. part. quest. 25. art. 3. & ibidem Cajetanus, B. Bonaventura, Marsilius, Almayn, Carthusianus, Capreolus, & alii in 3. dist. 9. idem etiam habet Henricus quodlib. 10. quest. 6. quamvis addat, nullam imaginem adorandam esse latriæ; nam ipse putat quidem eundem esse honorem imaginis, & exemplaris, sed simul docet, imaginem Christi non esse imaginem Christi, ut Christus Deus, sed ut homo est.

C Fundamenta horum auctorum hæc sunt. Primò, quia Ecclesia canit de cruce: *O crux ave spes unica, auge piis iustitiam, reisque dona veniam.*

Secundò, quia honor imaginis transit ad exemplar ex Basilio, igitur idem est honor imaginis & exemplaris; quare, si exemplar colitur latriæ, & imago.

Tertiò, ex Ambrosio, qui libro de incarnationis Dominicæ Sacramento cap. 7. ait, eadem adoratione coli divinitatem Christi, & ejus crucem: *Nam, inquit, cum in Christo imaginem Dei, & crucem adoramus, dividimus eum?*

D Quartò, ex Hieronymo epistola de obitu Paulæ: *Prostrata, inquit, ante crucem, quasi pendentem Dominum cerneret, adorabat.* Sed Dominum pendentem adorasset latriæ, igitur & ipsam crucem latriæ cultu adorabat.

Quintò, ex Aristotele, qui libro de memoria, & remissentia dicit, eundem esse motum in imaginem, ut imago est, & in ipsum exemplar.

Sextò, mensura adorationis uniuscujusque rei est ratio, sive excellentia, propter quam adoratur; sed ratio, cur adoratur imago, non est alia, quàm excellentia exemplaris, ergo idem omnino debetur honor imaginis, qui debetur exemplari.

E Septimò, qui imaginem Regis afficit contumelia, habetur reus læsæ majestatis, ac si ipsum Regem contumelia affecisset, eadem igitur ratio est imaginis, & exemplaris quod attinet ad honorem, & contumeliam.

Tertia opinio versatur in medio, estque eorum, qui dicunt, ipsas imagines in se, & propriè honorari debere, sed honore minori, quàm ipsum exemplar, & proinde nullam imaginem adorandam esse cultu latriæ. Ita Martinus Peresius in libro de traditionibus, tractatu de imaginibus, item Ambrosius Catharinus in tractatu de imaginibus. Nicolaus Sanderus lib. 2. cap. ult. de imaginibus. Idem videtur sensisse Gabriel, qui in 3. dist. 9. quest. unica, & in canonem Missæ lect. 49. ait, imaginem adorari eadem adoratione cum exemplari, non tamen univoce, sed analogicè. Hoc enim est dicere, coli imagines cultu inferiore, quàm ipsum exemplar.

Cc 4

Pro

Pro solutione quæstionis, & opinionum conciliatione notandæ sunt tres distinctiones. Id enim, quod honoratur, potest honorari per se, vel per accidens: propter se, vel propter aliud: propriè vel impropriè. Per se honoratur suppositum, in quo inest ratio venerationis, per accidens id, quod est conjunctum rei, quæ adoratur, nec est ipsa ratio adorationis: ut cum honoratur Rex, per se honoratur homo ille, qui est Rex, per accidens honoratur purpura, & reliqua illi adjuncta, & accidentia omnia ejus, excepta regia dignitate, quæ licet non sit id, quod honoratur, est tamen id, quo homo ille honoratur. Itaque persona honoratur per se, ut quæ; regia dignitas honoratur per se, ut qua; reliqua honorantur per accidens.

Secunda distinctio, potest aliquid honorari propter se, vel propter aliud. Id honoratur propter se, quod habet in se rationem venerationis, non dependentem aliunde; & hoc modo sola natura rationalis est venerabilis. Propter aliud honoratur id, quod habet quidem in se causam honoris, sed illa causa tota pendet ab alio, & hoc modo signa rerum sacrarum sunt venerabilia; habent enim in se relationem similitudinis, sive representationem rei sacræ, & proinde quandam excellentiam, sed illa tota pendet ab ipsa re sacræ.

Tertia distinctio, potest aliquid honorari propriè, vel impropriè. Id propriè dicitur honorari, quod verè ratione sui ipsius honoratur. Impropriè dicitur honorari, quod honoratur loco alterius. Legatus Regis aliquando honoratur ut Legatus, & tunc ipse propriè honoratur, licet propter alium honoreretur: aliquando honoratur loco Regis honore proprio Regibus, & tunc ipse impropriè honoratur; propriè autem Rex in ipso tunc honoratur. Id clariùs apparet quando unus pro alio accipit possessionem aliquam; vel cum funus celebratur absente corpore, circa statuam, & fiunt erga statuam omnia, quæ circa corpus fierent, ut cum aliquando, teste Sexto Aurel. Victore, Romæ triumphavit Trajanus mortuus, & statua ejus pro eo sedit in curru triumphali. Nec enim potest dici, statuam propriè triumphasse, sed Trajanum à statua representatum.

CAPUT XXI.

Imagines per se & propriè colendas.

Nunc juxta positas distinctiones aliquot sententiis rem totam explicabimus. Sit igitur hæc Prima sententia, sive propositio. *Imagines Christi, & Sanctorum veneranda sunt non solum per accidens, vel impropriè, sed etiam per se & propriè, ita ut ipsa terminent venerationem ut in se considerantur, & non solum ut vicem gerant exemplaris.* Probatur Primò, quia Concilium VII. actor. 7. definivit imagines Christi esse venerandas, sed non latria; vult igitur esse venerandas per se, & propriè aliquo cultu: nam si Concilium solum vellet imagines adorari per accidens, vel impropriè, ita ut terminus proprius adorationis non esset imago, sed Christus ipse, non diceret, non debere adorari latria; Christus enim latria adoratur, cum sit Deus.

Neque obstat, quòd quidam dicunt, imaginem Christi non representare Christum ut Deum, sed Christum ut hominem, & proinde in imagine Christi non posse adorari Christum ut Deum, sed Christum ut hominem: Nam imago Christi ipsum Christum, idest, hypostasim divinam, humana carne vestitam representat: sicut imago cujuslibet hominis non solum figuram, & colorem, sed etiam perso-

A nam, & totum ipsum hominem representat. Atque qui Apostoli videntes Christum in carne non debuissent adorare latria; nec Thomas dicere debuisset: *Domine meus, & Deus meus.* Nam non videbant Christum ut Deum, sed ut hominem.

Secundò probatur, nam si imago non est veneranda nisi impropriè, quia nimirum coram illa, vel in illa, aut per illam adoratur exemplar, certè licebit simpliciter negare, imagines esse venerandas. Quod enim non dicitur nisi impropriè, simpliciter negari potest, ut patet: at Concilium VII. actor. 7. anathema dicit iis, qui negant imagines esse venerandas.

B Tertiò, Concilium idem ibidem, definit imagines venerandas eo modo, quo veneramur Evangelia & sacra vasa: Atque ista honorantur per se & propriè, ut omnes fatentur, nec enim personam alicujus alterius gerunt: igitur & imagines per se propriè venerandæ sunt.

Quartò, in ipsa imagine verè inest aliquid sacrum, nimirum similitudo ad rem sacram, & ipsa dedicatio, sive consecratio divino cultui; ergo ipsa in se, & non solum ut prototypi vicem gerunt, honore dignæ sunt.

C Neque objectiones suprà adductæ convincunt. Ad Primam dico, imagines sive honorentur propriè, sive per se, sive per accidens, semper honorari propter exemplar, & semper honorem earum transire ad exemplar, sed alio atque alio modo; nam quando imago adoratur impropriè, quia videlicet honor in ipsam non terminatur, sed per ipsam in exemplar, tunc immediatè, & formaliter honor imaginis transit ad exemplar. At quando imago honoratur per se, & propriè, ita ut in ipsam verè terminetur honor, tunc honor ejus transit ad exemplar non immediatè, sed mediatè, & quasi consequenter; nam qui honorat imaginem alicujus, sine dubio honorat propter eum, cujus est imago, & proinde honor imagini verè exhibitus redundat in prototypum. Quemadmodum qui facit eleemosynam pauperi, Christo illam fecisse dicitur, non quòd eleemosyna immediatè non tendat in pauperem, sed quia qui eleemosynam facit pauperi, propter Christum facit, & Christum honorat in paupere.

D Ad Secundam dico, illis versiculis solum doceri, non deberi imagini eundem honorem, qui debetur exemplari, ut patet ex ratione, quæ in ipsis versiculis redditur. Quia videlicet imago non est Deus, sed imago Dei. Inde enim sequitur non deberi imagini honorem, qui debetur Deo, sed minorem. Nos autem hic non asserimus, eundem honorem, sed aliquem honorem deberi imagini. Et fortasse auctores primæ opinionis hoc solum dicere voluerunt, nimirum honorem proprium exemplaris non posse exhiberi imagini, nisi impropriè: de honore autem inferiore nihil dixerunt. Quod si ita est, ab eis non dissentimus.

E

CAPUT XXII.

Non esse dicendum, imaginibus debere cultum latria.

Secunda propositio. *Quantum ad modum loquendi præsertim in concione ad populum, non est dicendum imagines ullas adorari debere latria, sed è contrario non debere sic adorari.* Probatur Primò. Concilia non affirmant, sed simpliciter negant imagines adorari latria, igitur & nos eodem modo loqui debemus; nam modus loquendi Conciliorum est modus loquendi Ecclesiæ, & proinde sequendus ab iis, qui nolunt errare. Porro Concilia non asserere, sed negare imagines

gines adorandas esse cultu latriæ, probatur; nam in primis nullum est Concilium, quod asserat imaginibus deberi cultum latriæ, deinde Concilium Nicænum II. act. 7. clamat imagines adorandas, sed non latria. Similiter nostro tempore Concilium Senonense c. 14. & Concilium Moguntinum c. 41. dicunt, à concionatoribus debere moneri populum ne imagines adoret; quod sine dubio intelligitur de adoratione latriæ. Dicent fortasse: Concilia ista loquuntur de latria, quæ exhibetur alicui propter se, non de ea quæ exhibetur alicui propter aliud. At id nihil facit ad rem; hic enim non de sensu, sed de verbis agimus. Satis nobis est, in Conciliis simpliciter negari, imaginibus deberi latriam: nos enim modum loquendi Conciliorum sequi debemus.

Secundo, nullæ sunt exactiores formulæ loquendi in materia fidei, quam eæ, quibus utuntur, qui hæresim abjurant: Atqui in VII. Synodo act. 1. Basilii Ancyranus, & actor. 3. Constantinus Cypri Episcopus abjurantes hæresim dicunt, se recipere & colere imagines, non tamen latria.

Tertio, Patres passim dicunt imagines non esse adorandas, ut patet ex Augustino epist. 119. c. 11. Prohibetur, inquit, coli aliqua in figuris hominum Dei similitudo, non quia non habet imaginem Deus, sed quia nulla imago ejus coli debet, nisi illa, qua hoc est, quod ipse. Item ex Gregorio, qui lib. 7. epist. 109. & lib. 9. epist. 9. monet Serenum Episcopum, ut populum instruat, ne imagines adoret, & sæpius repetit, non debere imagines adorari. At certè loquuntur de adoratione latriæ; nam alioqui imagines venerabiles esse non negant. Porro Joan. Damascenus lib. 1. & 3. Apologet. sæpius repetit, imagines honorari debere, sed nullo modo latria. Hadrianus Papa I. in epistol. ad Carolum Magnum can. ult. quæ epist. habetur in tomis Conciliorum post Nicænam II. Synodum imperfecta, magis autem integra habetur inter epistolas Pontificum nuper editas Romæ, multis verbis docet & repetit, imagines esse honorandas cultu, quo honoramus factas Scripturas, sed non colendas cultu quo colimus Deum. Idem habet Joannes Aurelianensis lib. de cultu imaginum. Cur ergo, quæso, non loquimur, ut Patres nostri loquuntur?

Quarto, dicere populo, imaginem Christi, vel crucem adorandam esse latriæ cultu, illo ipso, quo adoratur Deus, non caret magno periculo; Nam qui defendunt imagines adorari latria: coguntur ut subtilissimis distinctionibus, quas vix ipsimet intelligunt, nedum populus imperitus.

Quinto, iste modus loquendi offendit aures Catholicorum, & præbet occasionem hæreticis liberior blasphemandi.

Sexto, secundum rei veritatem (ut ostendam paulò post) non potest dici, adorari latria imagines, nisi per accidens, vel improprie, per se autem, & proprie nullo modo. Et præterea illa adoratio per accidens, vel impropria rarissimè exerceri solet. Ordinaria enim adoratio est illa, quæ exhibetur imaginibus externis per se, & proprie. At quod simpliciter dicitur, non intelligitur de eo, quod per accidens, vel improprie, & aliquando convenit rei, sed de eo, quod per se, & proprie, & ut in plurimum convenit, ergo simpliciter loquendo non est affirmandum, sed negandum imagines adorari latria. Est autem valde credibile S. Thomam, Alexandrum Alessem, & alios Doctores scholasticos illius temporis non vidisse Nicænam Synodum secundam, neque octavam Synodum Generalem, neque epist. Hadriani Papæ I. pro defensione Synodi Nicænæ. Nam hæc omnia longo tempore latuerunt, & hoc nostro sæculo primum edita sunt, ut vel ex eo cognosci potest, quod in tomis Conciliorum paulò antiquiori-

bus nihil horum extat: & sanctus Thomas, alique scholastici veteres nullam unquam de hac Nicæna synodo mentionem faciunt.

C A P U T XXIII.

Imagines Christi improprie, vel per accidens posse honorari cultu latriæ.

Tertia propositio: Si de re ipsa agatur, admitti potest, imagines posse coli improprie, vel per accidens, eodem genere cultus, quo exemplar ipsam colitur.

Ac primum, quòd imago possit coli improprie eo cultu, quo ipsum exemplar, probatur; Nam aliquando imago accipitur pro ipso exemplari, & ea, quæ fierent circa ipsum exemplar, si adesset præsens, fiunt circa imaginem, mente tamen defixa in exemplari. Sic concionatores alloquuntur imaginem crucifixi, eique dicunt, tu nos redemisti, tu nos Patri reconcilisti; ista enim non dicuntur imagini, nec ut lignum est, nec ut imago est; sed ut accipitur loco exemplaris, idest, dicuntur ipsi Christo, cuius tamen imago vicem gerit. Quemadmodum etiam in die Parasceves cum crucifixus paulatim detegitur, & ostenditur, & adorandus proponitur, ista omnia per imaginem ipsi Christo vero exhiberi intelliguntur. Tunc autem proprie nullus non est defectus imaginis, sed soli exemplari: tamen improprie dici potest ipsa etiam imago honorari.

Quòd autem possit imago adorari adoratione ipsius exemplaris, proprie quidem, sed per accidens, probatur; nam aliquando non accipimus imaginem pro exemplari, nec consideramus solam imaginem, vel solum exemplar, sed consideramus exemplar, ut objective relucet in imagine, & ipsum sic representatum, & quasi vestrum imagine veneramur: tunc autem necessariò adoramus imaginem eodem cultu, quo ipsum exemplar, sed per accidens; nam qui adorat aliquem, adorat etiam omnia, quæ cum illo conjuncta sunt. Sicut qui adorat regem vestitum, adorat simul regem, & vestes; sed imago concipitur eo tempore conjuncta cum exemplari, quod adoratur; igitur etiam ipsa adoratur, per accidens tamen, quia ipsa nec est suppositum quod adoratur, nec ratio adorationis, sed quiddam adjunctum.

Videtur autem hæc fuisse mens auctorum secundæ opinionis; nam illi omnes cum explicant, quomodo imago adoretur eadem adoratione, qua ipsum exemplar, semper deveniunt tandem vel ad impropriam adorationem, vel ad adorationem per accidens. Alexander, & Bonaventura satis clarè indicant se loqui de adoratione impropria. Dicunt enim ideo imaginem Christi adorari latriæ cultu, quia non tam ipsa, quàm Christus in ipsa adoratur.

Porro B. Thomas, & qui eum sequuntur, intelligendi sunt de adoratione per accidens; nam in primis hoc probat argumentatio eorum de unitate motus in imaginem, & in exemplar. Tunc enim est idem motus in imaginem & in exemplar, quando exemplar consideratur ut objective relucet in imagine, ut diximus.

Deinde Capreolus disertè admittit adorationem istam magnum esse per accidens, quomodo adorantur vestes Regis, cum Rex vestitus adoratur. Unde B. Thomas ipse art. 4. ejusdem quæstionis dicit, ita honorari honore regio imaginem Regis, sicut vestes Regis, certum autem est vestes Regis non honorari regio honore, nisi per accidens.

Denique eodem tendit speculatio Cajetani, cum ille dicit, imaginem Christi adorari latria, non ratione

tionem materię, nec rationem formę, seu figurę, sed ratione actualis representationis; non enim vult dicere, representationem illam actualem esse rationem, cur imago adoretur latría: sed vult dicere, illam representationem esse conditionem, ratione cuius imago concipitur conjuncta cum exemplari, & proinde per accidens adoratur.

C A P U T XXIV.

Imagines per se, & propriè non esse colendas eo cultu, quo exemplar ipsum colitur.

Quarta propositio: *Imago per se, & propriè non est adoranda eodem cultu, quo ipsum exemplar, & proinde nulla imago est adoranda cultu latría per se, & propriè.*

Probatur primò ex Concilio VII. act. 7. ubi legimus imaginem Christi non esse adorandam latría. Id autem falsum esset, si imagini per se, ac propriè deberetur idem cultus, qui debetur exemplari, Christus enim cultu latría adorandus est.

Dices, Concilium loquitur de adoratione quę exhibetur rei propter se; imago autem adoratur latría, sed propter aliud. Contra; nam Concilium dicit, imagines non aliter adorari, quàm adoretur liber Evangeliorum, & sacra vasa; Quod idem repetit VIII. Synodus act. ult. can. 3. At nemo unquam dixit librum Evangeliorum, vel sacra vasa adorari latría ullo modo.

Secundò probatur ex Augustino, Gregorio, & Damasceno, & ex Conciliis Senonensi, & Moguntino suprà citatis, ubi habetur imagines non esse colendas cultu divino.

Dices, loquuntur de cultu divino, qui exhibetur alicui propter se. Contra; quia de hoc non poterat esse dubitatio. Concilia autem de his rebus definiunt, quę in controversiam veniunt.

Tertiò latría est cultus proprius Deo, sed nulla imago per se, & propriè est Deus, sive consideretur ratione materię, sive ratione figurę, & colorum, sive ratione relationis, ergo per se, & propriè non debetur ulli imagini cultus latría.

Dicit aliquis fortasse, latríam esse cultum proprium Deo, quando exhibetur propter se, non autem quando propter aliud. Contra; nam de essentia verę latría est exhiberi propter se: latría enim dicitur summus cultus, qui debetur vero Deo, ut primo principio omnium rerum: Implicat autem contradictionem, exhiberi summum cultum primo principio, & propter aliud; Nam si primo principio, non ergo propter aliud: si propter aliud, non primo principio. Ergo vel imagini exhibetur cultus latría propter se, & hæc est vera idololatria, vel non exhibetur propter se, & tunc ille non est cultus verę latría.

Præterea vel ista latría, quę exhibetur imagini propter aliud, est idem cultus cum eo, qui exhibetur Deo, vel alius minor; si idem, ergo æquè colitur creatura, atque ipse Deus: quę certè idololatria est; nam idololatria non solum est, cum adoratur idolum relicto Deo, sed etiam cum adoratur idolum simul cum Deo, Exod. 20. *Deos aureos, & Deos argenteos non facietis mecum.* Si est cultus minor, non ergo est latría: Nam latría est summus cultus.

Quarta ratio, imagini non convenit cultus internus, nec externus verę latría; nam internus cultus est apprehensio rei, ut primi principii, & prostratio

A voluntatis conveniens, illi apprehensioni: actus autem externus proprius est sacrificium. Certè autem nec apprehendimus imaginem, ut primum principium, nec illi sacrificamus: non igitur illam adoramus cultu latría.

Quinta ratio, imago; ut imago, opponitur exemplari, & est illo inferior, ergo non potest coli eodem cultu, sed minori; Nam unumquodque honorandum est pro sua dignitate. Certè autem longè majus est, esse Christum, quàm esse imaginem Christi.

B Sexta ratio, qui colebant imaginem Christi divinis honoribus, inter hæreticos numerantur ab Irenæo lib. 1. cap. 24. Epiphanio hæresi 27. Augustino hæresi 7. & Damasceno lib. de centum hæresibus in fine: Atqui isti cum Christum colerent, sine dubio imaginem ejus propter ipsum colebant; non igitur licet imagines colere divinis honoribus, idest, cultu latría, etiamsi quis dicat, id se facere propter Deum, vel Christum, non propter imagines; nam hoc ipso, quòd eas colit divinis honoribus, convincitur eas colere propter ipsas, non propter Deum, quidquid ipse verbis dicat.

Accedant postremò illi antiquissimi versiculi:

Nam Deus est, quod imago docet, non Deus &c.

Satis enim apertè significant, non deberi imagini cultum Deo debitum.

C Ex his ad argumenta proposita facillè responderi potest.

Ad primum: *O crux ave spes unica &c.* Respondeo, vel ibi accipi crucem pro ipso Christo crucifixum, ut diximus: vel illam esse prosopopejam rhetoricam, qua Ecclesia alloquitur crucem eo modo, quo Moyses alloquitur coelum & terram, cum ait Deuter. 32. *Audite cali, qua loquar &c.* & quando B. Andreas eandem alloquebatur, cum diceret: *Salve crux pretiosa &c.* significamus autem hac prosopopeja nos desiderare fructum crucis, idest, salvari per meritum Christi, qui in cruce passus est.

Ad secundum dicitur infra in responsione ad quintum.

D Ad tertium dico, Ambrosium per crucem intelligere passionem Christi sive carnem patientem, sicut per imaginem Dei intelligit divinitatem. Vult enim dicere, unum esse Christum Deum, & crucifixum, & propterea cum adoratur Christus Deus, non separari ab illo humanitatem, & cum adoratur Christus crucifixus, non separari divinitatem.

Ad quartum respondeo, Hieronymum ibi non dicere, à Paula propriè adoratam crucem, sed quòd prostrata ante crucem adorabat Christum, quem in cruce representari videbat.

E Ad quintum de uno motu in imaginem, & in exemplar, variz dantur solutiones. Peresius respondet, id non esse verum, quòd eodem motu feramur in imaginem, & exemplar, cum illa sint opposita, nec possint cognosci, nisi duabus cognitionibus: At etiam nusquam haberi in Aristotele id, quod B. Thomas adducit. At certè Aristoteles lib. de memoria & reminiscencia cap. 2. id apertè dicere videtur; Nam reddere volens causam, cur memoria cognoscat absentia, dicit, causam esse, quia in memoria sunt species rerum, quę sunt quasi picturę quædam, & si quidem homo speculetur illa phantasmata, ut res quædam sunt in se, non cognoscat præterita, sed rem præsentem cogitabit: At si speculetur eadem phantasmata, ut imagines sunt, tunc cognoscat præterita, quorum illę sunt imagines, quia nimirum non potest cognosci imago ut imago, quin simul cognoscatur res, cujus illa est imago. Nec verum est, quod dicit Peresius, relativa quia sunt opposita, non posse cognosci una cognitione; nam ita sunt opposita,

ea, ut unum ab altero pendeat, & unum sine altero nec definiri, nec cognosci possit.

Durandus aliter respondet, admittit enim esse unum motum mentis in imaginem, & in exemplar; sed negat propterea esse etiam unam adorationem; nam licet mens utrumque simul cognoscat, tamen non dicit, unum esse alterum, sed intelligit esse distincta, & disparia, & proinde non adorat illa una & eadem adoratione.

Confirmant alii hanc solutionem, quia licet sit unus motus mentis, idest, intellectus in imaginem & exemplar, tamen possunt esse contrarii motus voluntatis. Nam qui videt imaginem Christi malè depictam, odit imaginem, ut imago est, & tamen diligit Christum: & econtrariò, qui videt imaginem Judæ pulchrè expressam, diligit imaginem, & odit exemplar.

Hæc solutio non satisfacit; nam B. Thomas non dicit, motum in imaginem, ut imago est, esse etiam in exemplar, sed dicit, motum in imaginem, ut imago alterius est, esse etiam in exemplar; & hoc est verum tam de motu intellectus, quam voluntatis. Nam qui amat imaginem Christi, non quia imago est, sed quia imago est Christi, impossibile est, quin simul diligit Christum, quandoquidem Christus est ratio, cur diligit imaginem. Qui autem diligit imaginem pulchram Judæ, & odit Judam, non diligit imaginem illam ut Judæ, sed ut pulchram imaginem simpliciter, idest, delectatur illa proportionem, quæ est inter imaginem & exemplar, non curans quale sit exemplar.

Existimo ergo aliter respondendum. Ac primum, admitto esse eundem motum etiam voluntatis in imaginem & exemplar: sed tunc vel exemplar concipitur & adoratur tamquam principale objectum, vel non, idest, vel concipio, & adoro ipsum Christum in imagine objectivè relucens, vel concipio, & adoro imaginem ipsam, ut Christi imaginem, ita ut Christus in obliquo ponatur, non in recto. Si primum, tunc adoratio quidem est latriæ, sed fertur in Christum per se, in imaginem solum per accidens: hoc videntur sibi voluisse Capreolus & Cajetanus. Si secundum, tunc adoratio fertur quidem in imaginem per se, & consequenter in Christum, sed non est adoratio veræ latriæ, sed longè inferior.

Dices, at Christo convenit adoratio latriæ veræ, si ergo ista adoratio terminatur etiam ad Christum, erit veræ latriæ. Respondeo, Christo convenire veram latriam, quando adoratur ut est in se, non autem quando adoratur ut est in imagine per participationem. Quemadmodum qui honorat famulum Regis, certè honorat ipsum Regem; & tamen longè aliter honorat Regem ipsum in propria persona, quam in famulo suo, ut notum est. Ex hinc patet responsio ad secundum: Nam cum honoratur imago, honor ejus transit ad prototypum, sed honor ille non est talis, qualis debetur prototypo in se, sed qualis ei debetur, ut ab imagine participatur.

Ad sextum dico eodem modo, rationem cur honoretur imago, esse ipsum exemplar, exemplar tamen aliter honorari debere, ut est in se, aliter ut participatur ab imagine.

Ad septimum dico, cum, qui lædit statuam Regis puniri ut reum majestatis, quia verè læsit Regem, sed nego tam graviter puniri, ac si læsisset Regem. Quod si aliquis æquè graviter puniretur, id fieret, quia constaret non læsisse statuam ut statuam Regis, sed accepisse statuam pro ipso Rege.

CAPUT XXV.

Quo genere cultus adorentur imagines.

Quinta Conclusio. Cultus qui per se, propriè debetur imaginibus, est cultus quidam imperfectus, qui analogicè & reductivè pertinet ad speciem ejus cultus, qui debetur exemplari. Explico, imaginibus non convenit propriè nec latria, nec hyperdulia, nec dulia, nec ullus alius eorum, qui tribuuntur naturæ intelligenti. Non enim est capax res inanimata, & rationis experta ejusmodi cultuum: sed cultus quidam inferior & varius pro varietate imaginum. Itaque imaginibus Sanctorum non debetur propriè dulia, sed cultus inferior, qui dici potest dulia secundum quid, vel dulia analogicè, sive reductivè. Similiter imaginibus B. Virginis non debetur hyperdulia simpliciter, sed hyperdulia secundum quid, sive analogicè reductivè.

Denique imaginibus Christi non debetur latria vera, & simpliciter, sed cultus sine comparisonem inferior, qui tamen reducitur ad latriam, ut imperfectum ad perfectum. Probatur, sicut se habet imago ad suum exemplar, ita se habet cultus imaginis ad cultum exemplaris, sed imago est ipsum exemplar analogicè, & secundum quid; nam homo pictus est homo secundum quid, & analogicè, ergo etiam imagini debetur cultus ipsi exemplari debitus, imperfectus, & analogicus.

Præterea, imago reducitur ad speciem exemplaris; nam homo pictus, & equus pictus differunt specie, quia homo verus & equus verus differunt specie: ergo etiam cultus imaginis reducitur ad cultum exemplaris, & fortè B. Thomas & B. Bonaventura, & alii hoc solum dicere voluerunt, cum dixerunt, eodem cultu coli imaginem & exemplar; ita enim eorum sententiam interpretatur Gabriel: quod si ita est, omnes convenimus.

Ex his habemus etiam, quid sit dicendum de vera cruce Domini, de clavis, spinis, aliisque reliquiis. Sunt enim hæc omnia honoranda minore cultu, quam Christus vel Sancti, quorum reliquiae sunt, sed tamen tali, qui analogicè & reductivè pertineat ad speciem cultus, quo Christus vel Sancti coluntur: nam reliquiae ideo merentur honorem, quia ratione contactus, vel aliquo alio modo habitudinem habent ad eos, quorum sunt reliquiae.

CAPUT XXVI.

De adoratione Crucis.

ETSI Crux Domini partim inter reliquias veneretur, partim inter imagines (nam crux illa vera, in qua Dominus pependit, propter contactum sacri corporis & sanguinis, inter preciosissimas reliquias habenda est, nec solum ipsa integra, sed etiam particula ejus; at crux illa eadem, quatenus figuram crucifixi Domini repræsentat, & similiter cæteræ cruces illi similes, inter sacras imagines numerantur) tamen quia peculiares errores, & peculiaria argumenta de cruce inveniuntur, peculiarem etiam de illa disputationem instituendam putavimus.

Fuit igitur hæresis in primis Claudii Taurinensis, qui præter cæteras imagines crucem Domini execrabatur, teste Jona lib. 1. Vixit autem Claudius anno Domini 800. Idem eodem tempore in Oriente docebant Pauliciani, à quodam Paulo sic appellati, teste Euthymio in Panoplia part. 2. tit. 21.

Deinde

Deinde circa annum Domini 1130. exstiterunt Petrus Brui, & Henricus, qui similiter crucem Domini, ejusque cultum oppugnabant, teste Petro Cluniacensi, qui contra eos epistolam prolixam & eruditam illo ipso tempore scripsit ad omnes Episcopos. Circa idem tempus, vel paulò post exstiterunt in Oriente Bogomiles, qui idem iisdem argumentis docebant, teste Euthymio Panopl. par. 2. tit. 23.

Non minus postea crucis honorem detestati sunt Wiclefistæ, apud Thomam Waldensem to. 3. tit. 20. Calvinus lib. 1. Institut. cap. 11. §. 7. Magdeburgens. Centur. 4. cap. 4. col. 302. cap. 6. col. 458. & 459. ubi etiam impudenter mentiuntur, usum signi crucis sæculo IV. novum fuisse. Nam Tertullianus lib. de corona militis, meminit signi crucis, cum tamen floruerit sæculo II. Sicut etiam Cent. 7. c. 6. col. 191. mentiuntur, Sergium Papam fuisse auctorem primum, ut crux adoraretur, & exoscularetur. Nam Sergius Papa sedit anno Domini 688. At meminit adorationis & exosculationis crucis Evagrius lib. 4. cap. 26. qui est centum annis Sergio antiquior. Meminit etiam Hieronymus in epistol. ad Marcellam, ut migret Bethlechem.

Argumenta Bogomilium & Petrobrusianorum erant tria. Primum, quia crux dolorem & ignominiam Christo attulit, ergo detestanda est iis, qui Christum diligunt.

Secundum, quia stultus & impius judicaretur filius, qui patibulum amaret, & honoraret, in quo pater ejus suspensus fuisset.

Tertium, quia si oportet adorare omnes cruces quia Christus in cruce pendit; oportebit etiam adorare omnia sepulchra, quia in sepulchro Dominus quievit; & omnia præsèpia, quia in præsèpi reclinatus fuit; & omnes columnas, lanceas, spongas, flagella &c. *Immo & omnes asinos* (inquit Claudius) *quia Christus asino vectus fuit.*

Quartò arguit Claudius, hostes Christi gaudebant de passione Domini, de resurrectione dolebant: & contrà, amici ejus de passione dolebant, de resurrectione gaudebant, ergo qui crucem honorant, & illam amant, imitantur Christi hostes.

Quintò argumentabantur Wiclefistæ apud Waldensem, si ratione contactus, vel quia instrumentum passionis fuit, crucem adoramus, oportebit etiam adorare labia Judæ, quæ contigerunt os Domini osculando, & manum illius servi, qui Dominum tetigit, cum alapam illi inflixit; nam hæc omnia tetigerunt Dominum, & instrumenta passionis fuerunt.

Sextò arguunt Centuriatores, superstitio est characteribus tribuere virtutem, at Papistæ tribuunt figuræ crucis vim pellendi Dæmones, & omnia mala; ergo superstitiosi sunt. Quæ objectiones infra cap. 30. diluentur: Antea verò rem explicabimus. Dicemus igitur tria: Primò, de ipsa cruce. Secundò, de crucis imagine. Tertio, de signo crucis transseunte.

C A P U T XXVII

De Cruce vera Domini.

QUantum ad primum, antequam veniam ad probationes, notanda sunt aliqua de figura ipsius crucis. Sciendum igitur, crucem ex tribus lignis factam esse, quorum unum erat longum, cui corpus adharebat, alterum transversum superpositum longo, quibus affigebantur manus, tertium lignum erat infixum in ligno longo, ut in eo pedes crucifixi starent, & clavis figi possent. Id testatur Irenæus lib. 2. cap. 42. *Habitur, inquit, idest, figura*

A crucis fines & summitates habet quinque, duas in longitudinem, duas in latitudinem, unam in medio, in qua quiescit, qui clavis affigitur. Item habet Justinus in Dialogo cum Triphone ultra medium.

Utrum autem lignum transversum esset suprapositum ligno longo, ita ut non emineret lignum longum sursum versus, non est certum; nam Beda in quæst. in Genes. ubi de victoria Abraham loquitur, dicit crucem similem fuisse literæ Græcæ τ, qualem etiam fuisse olim Hebraicum Thau, docet Hieronymus in c. 9. Ezechielis. At B. Augustinus epist. 120. c. 26. dicit, lignum longum eminusse supra transversum. Et hoc est probabilius; nam est conformius verbis Irenæi, & verbis Apostoli ad Ephesios c. 3. ubi alludens ad figuram crucis, nominat sublimitatem, profundum, longitudinem, & latitudinem. Porro qui dicunt crucem fuisse similem literæ Thau, dicunt verum, quia parum differebat.

Quod autem scribit Beda in suis collectaneis & floribus, crucem factam ex quatuor generibus lignorum, ex Cedro, Pino, Cypressso, & Buxo: & quod scribitur in historia scholastica de ligno eruto ex probatica piscina &c. non habent veterum testimonia, nec videntur probabilia.

Illud autem non est ignorandum, veteres aliquid addidisse mysterii gratia, quod etiam nunc ex parte servatur. Nam lignum longum producebant sursum versus, & flectebant ad modum baculi pastoralis, ut referret literam Græcam P, paulò inferius apponebant duo ligna transversa ad similitudinem crucis S. Andree quæ referrent literam Græcam X. ita ut duæ illæ literæ per abbreviationem significarent Christum; infra illum ponebant lignum transversum, quod verè perficit crucem, & inde pendebat velum expansum: Infra lignum transver-



sum erat lignum longum in similitudinem hastæ; ad infimam partem addebant capulum ad commoditatem gestandi. Hæc omnia significabant crucem esse vexillum Imperatoris Christi; nam crucem testabatur ipsa figura: Christi nomen indicabant duæ literæ X & P, vexillum, ex velo, hasta, & capulo dignoscebatur. Vide Joannem Pierum Valerianum de signis hieroglyphicis lib. 50. & Primasium lib. 4. in Apocalyp. ubi hoc ipsum signum vocat monogramma & signum Christi. Tale serè fuit & labarum Constantini. Nam ut Eusebius refert lib. 9. hist. cap. 9. labarum, quod ante Imperatores gestari solebat & à militibus adorari, Constantinus in formam crucis redegit, sic tamen ut etiam vexilli formam non amitteret.

Describit autem ipsum labarum Eusebius lib. 1. de vita Constantini, ubi dicit, fuisse hastam totam auro circumdatam, in cujus summitate posita erat corona pretiosissima, infra eam cornu transversum ad formam crucis, ex quo pendebat velum purpureum auro & gemmis ornatissimum, ad cujus partem infimam visabantur imagines Constantini & filiorum. In ipsa verò hasta sub corona erant literæ nominis Christi.

Jam verò modus crucifigendi communis non erat, ut multi putant, funibus alligando, sed clavis figendo. Pictores verò solent solum Christum depingere clavis affixum, latrones autem, & S. Petrum funibus. Sed non ita est, omnes enim clavis figebantur, immò & omnes crucem suam ferebant, omnesque antea flagellis cadebantur. Vide Plutarchum de tarda numinis vindicta; Marcum Tullium act. 7. in Verrem; Nonium Marcellum verbo Patibulum, qui sic ait: *Deligati ad patibulum circumferuntur, deinde cruci figuntur.* Macrobius lib. 1. Saturn.

Saturn. c. 11. Joseph. lib. 6. de bello Judaico c. 12. & in vita sua. Adde, quod ideo dubitabatur, quoniam ex tribus repertis crucibus, esset crux Dominica, quia omnes tres habebant similia foramina, & clavos &c. Vide Rufinum lib. 10. hist. cap. 8.

His ergo prenotatis, ad argumenta veniamus. Ac primum, quod lignum crucis venerabile sit, probatur ratione ex Scripturis desumpta. Nam Scripturae testantur, Christum non crucifixum casu, vel invitum, vel propter sua peccata, sed ipsum sponte elegerit crucem, & elegerit ut altare summi sacrificii, quo placaretur Deus, ut scalam sibi ipsi ad regnum, instrumentum liberationis generis humani, ac demum ut instrumentum, quo Diabolus vinceret, ac de eo triumpharet. Ex quo sequitur, crucem illam veram à Deo mirifice fuisse honoratam, & nobis omnibus amabilem, & venerabilem esse debere.

Quod sponte illam elegerit, patet Isaie cap. 53. Oblatus est, quia ipse voluit, Joan. 10. Ego pono animam meam, nemo tollit eam à me, sed ego pono eam. In Act. Apostol. cap. 2. Hunc definito consilio, & praesentia Dei traditum intercessit. Actor. 3. Deus, qui pronuntiavit per os omnium Prophetarum, pati Christum suum, implevit sit. Actor. 4. Convenerunt verò in civitate ista Herodes, & Pontius Pilatus cum Gentibus, & populus Israel facere, quia manus tua & consilium tuum decreverunt fieri.

Quod crux fuerit ara summi sacrificii, patet, quia Christus ipse crucifixus est summum sacrificium, in epist. ad Hebr. cap. 7. Unde ad Coloss. 1. Pacificans per sanguinem crucis ejus, id est, per sanguinem ejus in cruce, quasi in altari fustum. Et hoc significavit lapis erectus & inunctus, & domus Dei vocatus à Jacob Gen. 28.

Quod crux scala fuerit Christo ad regnum Joan. 12. Nunc Princeps hujus mundi ejicietur foras, & ego si exaltatus fuero à terra, omnia traham ad meipsum. Hoc autem dicebat, significans, quia morte esset mortuus. Ad Philip. 2. Humiliavit semetipsum, factus obediens usque ad mortem, mortem autem crucis, propter quod & Deus exaltavit illum &c.

Quod fuerit instrumentum liberationis, docent plurimae figurae, quas collegit Joannes Damascenus lib. 4. de fide cap. 12. Id enim significavit lignum vitae in paradiso Genes. cap. 2. arca lignea Noe domum ejus salvans Gen. 7. virga Moysis aperiens mare Exod. 14. lignum aquas dulces reddens Exod. 15. Sed praecipue serpens aeneus exaltatus in deserto. Num. 18. de quo Dominus Joan. 3. Sicut exaltavit Moyses serpentem in deserto, ita exaltari oportet Filium hominis, ut omnis, qui credit in eum, non pereat, sed habeat vitam aeternam. Hinc videlicet Ecclesia sequuta Paulum ad Galat. 6. dicit: Nos autem gloriamur oportet in cruce Domini nostri Jesu Christi, in quo est salus, vita, & resurrectio nostra.

Quod cruce Diabolus vicerit, & de eo triumpharit, patet ex epist. ad Coloss. 2. Chirographum decreti, quod erat contrarium nobis, tulit de medio, affigens illud cruci, expoliatis principibus & potestatibus, traduxit palam confidenter, triumphans illos in semetipso. Origenes hom. 8. in Josue, dicit, in Graecis haberi: triumphans illos in ligno crucis: & licet nunc non habeamus in ligno, sed in aurō, id est, in ipso, tamen optime refertur ad crucem, de qua supra dixerat, in τῷ σταυρῷ, ut refert Theophylactus. Dicit ergo Origenes, in cruce duos fuisse affixos, Christum visibiliter, sponte sua, & ad tempus; Diabolus autem invisibiliter invitum, & in sempiternum ejus opprobrium; & hoc probat ex isto loco, ubi Paulus utitur metaphora triumphi, indicare volens, crucem esse curram triumphalem, in cuius summa parte sedet Christus triumphans, & in parte ima

A trahitur Diabolus alligatus, & ostentatur quasi in pompa. Id enim significat verbum *ἐδυνατώθη* & *ἐπαυλώθη*.

B Argumentum secundum sumitur à mysteriis in ipsa cruce significatis. Nam, ut ait Augustinus epist. 120. cap. 26. Qui mortuus est, quia voluit; etiam mortuus est, quando voluit, nec sine causa crucem potius, quam aliud instrumentum mortis elegit. Quid autem crux mystica significet docent Irenaeus lib. 5. Greg. Nyssenus orat. 1. de resurrectione; Augustinus in epist. 119. & 120. Hieronymus & Theophylactus in c. 3. ad Ephes. ubi de cruce exponunt verba Pauli: *Ut possitis comprehendere cum omnibus Sanctis, quae sit latitudo, & longitudo, sublimitas, & profundum*. Nam latitudo vocatur lignum transversum; sublimitas pars ligni, ubi est titulus supra transversum; longitudo ligni pars à transverso usque ad terram; profundum, pars ejusdem, quae latet sub terram.

C Significat autem ista figura primo totam perfectionem Christianam, ut Augustinus docet, profundum, Fidem; sublimitas, Spem; latitudo, Charitatem; longitudo, Perseverantiam.

Secundo, Christi passionis effectum; nam lignum supremum significat coelum Christi passione apertum, & Deum placatum; lignum sub terram infernum evacuatum, & Diabolus devictum; lignum transversum respiciens Ortum & Occasum, totum orbem terrarum redemptum. Itaque propterea Christum crucifixum adorent caelestia, terrestria, & inferna, ut Nyssenus deducit.

Tertio, duo brachia crucis sub uno titulo Salvatoris; significant duos populos (inquit Irenaeus) sub uno capite Christo inter se connexos, juxta illud Joan. 12. Ego si exaltatus fuero à terra, omnia traham ad meipsum.

D Addunt Minutius Felix in Octavio, & Ambrosius serm. 56. crucis figuram esse etiam naturaliter salutarem. Nam aves numquam volarent, nisi expansis alis crucis formam imitarentur: & navis non moveretur, nisi ex malo & antenna crux fieret: & arator terram non scinderet, nisi ex aratro & stiva crucem faceret; & rursum aliam ex jugo & temone. Coelum ipsum crucem facit, si lineae ducantur ab Ortum ad Occasum, ab Aquilone ad Austrum.

Denique etiam Aegyptiis qui hieroglyphicis characteribus utebantur, crux vitam venturam significabat, ut refert Rufinus lib. 2. hist. cap. 19.

E Argumentum tertium, ab inventionione crucis, ex qua multiplex testimonium sumitur, quod veneratio ligni crucis Deo placeat.

Primo, quod non permiserit Deus lignum illud demergi in mare, vel flammis absumi. Quod enim hostes Christianorum conati sine abolere crucem, ejusque omnia vestigia, patet ex eo, quod altissime crucem sub terram absconderunt, & in loco crucis, Veneris simulacrum; in loco resurrectionis, Jovis; in loco nativitatis, Adonidis posuerunt, ut refert B. Hieronymus in epist. ad Paulinum de institutione Monachi. Cur, quapropter, non cremarunt crucem, cum vellent & possent, nisi quia Deus abstulit illis mentem, ut ad solatium piorum lignum preciosissimum servaretur?

Secundo, quod Deus eo tempore crucem inveniri voluerit, quo tunc poterat coli, nimirum ad initium imperii Constantini; Nam si antea resecrata fuisset, regnantibus persecutoribus, magis ludibrio quam honore excepta fuisset: Si autem diu post tempora Constantini fuisset inventa, fraudata fuisset sancta crux debito honore. Tunc igitur primum divina providentia crucem manifestavit, cum primum potuit coli.

Tertio, quia per evidentia miracula demonstra-

tum est esse veram crucem, & proinde crucis inventionem, revelationem illam esse à Deo. Nam cum tres cruces simul inventæ fuissent, nec posset planè crux Domini à crucibus latronum internosci, adnotæ fuerunt omnes tres ad mulierem quandam in extremis agentem, & cum duæ priores nihil egissent, tertia adnota mulieri, mox illam reddidit sanam. Scribit hoc Rufinus lib. 10. hist. c. 8. Socrates lib. 1. cap. 13. Theodoretus lib. 1. cap. 18. Sozomenus lib. 2. cap. 1. & Nicephorus lib. 8. cap. 29. Nec solum mulierem ægram sanavit, sed etiam mortuum virum excitavit eodem tempore, ut scribunt Paulinus epist. 11. ad Severum, Severus lib. 2. historię sacræ & Sozomenus lib. 2. c. 1. qui & viri mortui & mulieris ægrotae meminit.

Neque obstat, quod Ambrosius orat. in Theodosium, & Chrysostomus hom. 84. in Joan. dicunt, crucem Domini ex titulo cognitam, quo carebant aliæ duæ. Nam Rufinus indicat, ex titulo quidem fuisse cognitam crucem Domini, sed non omnino evidenter, quia titulus non erat affixus cruci, sed jacebat prope eam; ideòque, ut nulla remaneret ambiguitas, ad miraculum confugerunt. Nec solum crux miraculo illo claruit, sed etiam clavus quem Helena ad Constantinum misit. De eo siquidem (ut Ambrosius testatur loco citato) Judæi dicebant: *Ece & clavus in honore est, & quem ad mortem impressimus, remedium salutis est, atque invisibili potestate Dæmones torquet.*

Quartò, quia Helena non ex se incitata est ad crucem Domini querendam, sed divinis admonita revelationibus. Sic enim testatur Eusebius in Chron. quod Hieronymus Latinum fecit: *Helena Constantini mater, inquit, divinis monita visionibus, beatissimum crucis lignum in quo mundi salus pependit, apud Hierosolimam reperit.* Et idem dicunt Ambrosius, Rufinus, Paulinus, Sulpicius, & alii. Ex quo apparet impudens blasphemia Magdeburgensium, qui Centur. 4. cap. 6. col. 458. Helenam supersticiosam vocant, quia Hierosolimam perit, ut lignum crucis inveniret, quam tamen sancti Patres omnes mirificè laudant, & Spiritu sancto inspirante dicunt, eam crucis lignum quæsisse. Ipsam verò historiam licet celeberrimam conantur Magdeburgenses dubiam reddere Centur. 4. cap. 13. col. 1438. & 1439. duabus conjecturis. Prima est, quia Ambrosius est antiquissimus omnium, qui eam historiam referunt: sed illius orationem in Theodosium, ubi hoc habetur, Erasmus non recipit, ut germanam. Secunda, quia Eusebius lib. 3. de vita Constantini de Helena multa narrat, & de repurgatione montis Calvariae, & tamen non meminit inventionis crucis.

Ad primam dico primò, non exstare talem Erasmi censuram, immò ipsi Magdeburgenses Centur. 4. cap. 13. in vita Ambrosii, ex judicio Erasmi hanc orationem Ambrosio tribuunt. Ex quo perspicere pote, eorum constantiam.

Dico secundò, si exstaret, non esse Erasmi divinum oraculum, cui necessariò credi debeat, quando nullam affert rationem.

Dico tertio, falsum esse, quòd Ambrosius sit antiquissimus eorum, qui hanc historiam referunt; nam Sulpicius, Paulinus, Rufinus, Hieronymus, Chrysostomus, qui eandem recitant, æquales Ambrosii dici possunt, cum eodem tempore vixerint, licet Ambrosius esset fortasse paulò senior. Deinde eandem recitat Cyrillus Hierosolymitanus, Ambrosio antiquior, in epist. ad Constantium Augustum: item Constantinus ipse, Ambrosio similiter antiquior, ejusdem meminit in epist. ad Macharium, quam refert Eusebius lib. 3. de vita Constantini, ubi sic habet: *Tanta est Dei nostri benignitas, ut nulla verborum*

officia presenti miraculo digna esse queant. Hoc enim admirationem omnem, stuporemque præterit, indicium tormenti sacratissimi, tot annis humo sepultum, usque dum interfecto communi hoste, libera familia apparuit, ignorari &c. Ibidem addit, novis miraculis fidem esse declaratam.

Ad secundam objectionem dicimus, Eusebium in Chronico hujus rei meminisse: in libris autem de vita Constantini non fecisse de hac re mentionem, quia res erat notissima omnibus, & satis putabat esse, quòd eam attigisset in literis Constantini. Huic inventioni sanctæ crucis addi potest inventio sacræ lanceæ, quæ divina revelatione reperta est Antiochiæ, anno Domini 1098. & insigni miraculo nobilitata. Vide Gulielmum Tyrium lib. 6. de bello sacro, Paulum Æmilius lib. 4. de rebus gestis Francorum, & Dodechinum Mariani Scoti continuatorem in Chronico anni 1100.

Argumentum quartum, à testimoniis veterum, qui passim referunt, quanto desiderio tenerentur fideles habendi, aut certè videndi particulas veræ crucis, quod ad magnum crucis honorem pertinere nemo ignorat. In primis B. Cyrillus Hierosolymitanus catechesi 10. & 13. dicit, ex ligno crucis Hierosolymis invento totum mundum repletum; plurimis inde particulas petentibus & impetrantibus Constantinus particulam crucis statuæ suæ inseruit, quam Constantinopoli collocavit, existimans per eam crucis particulam totam urbem custodiendam, ut referunt Socrates lib. 1. cap. 13. & Eutropius, sive Paulus Diaconus, qui multa addidit Eutropio lib. 11. rerum Romanarum. Gregorius Nyssenus in vita Marcinæ sororis, scribit, eam gestare solitam ad collium crucem argenteam, cui inserta erat particula veræ crucis.

Paulinus epist. 12. ad Severum, scribit, se mittere, tamquam summum donum, particulam crucis veræ, auro inclusam. Idem etiam natali decimo S. Felicis, scribit, se restinxisse incendium maximum ostensa particula crucis, quod nulla arte extinguere poterat.

Ipsæ, inquit, damnum remeant, medicum, sed grande salutis.

De crucis aterna sumptum mihi fragmine lignum Promo, tenensque manu adversus procul ingero flammis &c.

Chrysostomus hom. quòd Christus sit Deus, scribit, eos qui potuerant potiri particula crucis, auro inclusam servare, ac inde se valde ornari & custodiri, meritò credere. Evagrius lib. 4. hist. cap. 26. & Procopius lib. 2. de bello Persico, narrat, Apameæ fuisse particulam sanctæ crucis, quam sibi ostendi populus voluit, cum civitas diu obsessa jam jam capienda videretur, ut nimirum conspecta cruce Domini, alacrius morerentur. Sed cum ab Episcopo crux illa ostenderetur semel, & iterum, & tertio effuluisse semel, & iterum, & tertio splendidum ignem, non comburentem, sed lucentem, quòd terri hostes, obsidionem solverint. Gregorius lib. 7. epist. 126. ad Recharedum Regem Visigothorum, mittit crucis particulam, ut eximium munus.

Ambrosius oratione in Theodosium, loquens de clavo inserto ab Helena galeæ Imperatoris, *Sapienter, inquit, Helena egit, quæ crucem (particulam videlicet crucis, nimirum clavum unum) in capite Regum levavit, ut crux Christi in Regibus adoretur.*

Hieronymus in Psal. 98. exponit de cruce, illud: *Adorate scabellum pedum ejus.* Et in epist. 17. ad Marcellam, dicit: *Ergone erit illa dies, quando nobis liceat speluncam Salvatoris intrare, crucis deinde lambere lignum &c.*

Augustinus lib. 22. de Civitate Dei cap. 8. scribit: *Ad*

De Imaginibus Sanct. Lib. II. Cap. XXVIII. 415

Ad terram sanctam, ex monte Calvariae allatam in Africam, miracula fieri solita, & se cum alio Episcopo eam infodisse, & orationis locum super eam constituisse. Quo honore Augustinus prosequeretur crucem, quando sic honoravit terram, ubi fuerat crux?

His adde Sybillae carmen, quod habetur lib. 6. carminum Sybillinorum, prope finem.

O lignum falix, in quo Deus ipse pependit.

Argumentum quintum, ab exaltatione crucis. Constat enim ex Paulo Diacono, Zonara, & Cedreno in vita Heraclii, Heraclium in recuperatione crucis, quam Persae ex Hierosolymis abstulerant, divinitus adjutum, ita ut etiam de coelo Deus lapidibus grandinis pugnaret contra Persas, ut olim fecerat cum Josue. In ipsa etiam restitutione crucis in suum locum, miracula quaedam contigerunt, ut refert Sigebertus in chronico anni 631. Unde etiam festum institutum testantur Ortho Frisingensis lib. 5. c. 9. Beda & Ado in martyrologio.

Argumentum sextum, si locus, in quo Angelus stetit, terra sancta est, Josue cap. 5. Exod. 3. cur non magis crux, ubi stetit Christus? Si sudaria & semicinctia Pauli honorabantur propter contactum, cur non magis crux Christi sanguine respersa? Si Sacramenta honorantur, quia instrumenta gratiae, cur non crux, quae instrumentum est redemptionis?

CAPUT XXVIII.

De imagine Crucis.

JAM verò de imagine Crucis habemus primò testimonium Matth. 24. *Tunc apparebit signum filii hominis in caelo*; ex qua apparitione miro modo venerabile reddetur signum illud, idest, crux. Nam etsi Calvinus, Musculus, & alii quos refert in sua catena ad hunc locum Marloratus, negent hic agi de cruce, ac velint hunc esse horum verborum sensum: *Tunc apparebit signum Filii hominis*, idest, tunc apparebit Filius hominis tam manifestè, ac si edito signo in se omnium oculos convertisset: omnes tamen veteres ad unum exponunt de cruce: ita Origenes, Chrysostomus, Hieronymus, Hilarius, Theophylactus, Euthymius, Beda in cap. 24. Matthaei: item Cyrillus catechesi 15. & Augustinus serm. 130. de tempore. Ecclesia quoque canit in festo inventionis: *Hoc signum crucis erit in caelo, cum Dominus ad judicandum venerit.*

Sybilla etiam lib. 6. in fine:

O lignum falix, in quo Deus ipse pependit.

Nec te terra capit, sed caeli scabra videbis,

Cum renovata Dei facies ignita mirabit.

Et quidem Thomas Waldensis tom. 3. titul. 20. cap. 158. non omnino improbabiler dicit, ipsam veram crucem ligneam, quae nunc divisa est in multas particulas, tunc reformandam, & colligendam, & apparituram in coelo. Nam id videntur asserere Sybilla & Chrysostomus in serm. de cruce & latrone; nec alii Patres contradicunt.

Neque obstat illud Ecclesiae: *Hoc signum crucis erit in caelo*. Nam etiam vera crux dici potest signum crucis, idest, instrumentum habens figuram crucis. Sed si hoc non admittatur, saltem imago crucis lucida in coelo apparebit ex aere, vel igne condensata, ut Abulensis & Janseuius, & alii docent.

Hinc autem multiplex argumentum ducitur ad probandum honorem crucis; Nam primò honorabilis est crux, quia ab ipso Christo vocatur signum ejus, idest, vexillum Christi: si enim vexillum Im-

peratoris milites adorant, ut patet ex Sozomeno lib. 1. hist. cap. 4. cur vexillum Christi non adorabitur? Secundò honorabilis est, quia in coelo apparebit, loco nimirum sublimi & honorifico. Tertio, quia manibus Angelorum feretur, ut Augustinus docet serm. 130. Quarto, quia splendet claris Sole: quod probant Augustinus & Chrysostomus, quia tunc apparebit, & conspicietur ab omnibus, quando Sol, & Luna, & stellae obscuratae fuerint, ut patet ex Matth. cap. 24.

Argumentum secundum sumi potest à testimoniis sacrorum Conciliorum. Nam Synodus VI. can. 73. Synodus VII. act. ult. & Synodus VIII. act. item ult. canones ediderunt de veneratione crucis.

Tertium argumentum ab usu & testimoniis veterum. Justinus in Apologia secunda: *Signa*, inquit, & *nota, quae apud nos sunt, hujus rei (crucis) virtutem declarant*. Tertullianus in Apologetica cap. 16. objectioni Gentilium respondet de adoratione crucis lignae; Idem facit Minutius in Octavio. Ex quo apparet, ab ipso Ecclesiae exordio, etiam ante crucis verae inventionem Christianos solitos habere, & venerari crucis imaginem. Origenes lib. 6. in epist. ad Romanos, dicit crucis figuram ante oculos positam, si attentè consideretur, valere ad depellendam omnem tentationem.

Constantinus Magnus labarum in formam crucis redegit, ut patet ex Eusebio lib. 9. cap. 9. hist. & ex lib. 1. de vita Constantini. Quia verò labarum adorabatur, numquam Constantinus crucem in labaro posuisset, si putasset, esse idololatriam venerari crucem: Immo Sozomenus lib. 1. cap. 4. hist. scribit, idèd Constantinum vertisse labarum in crucem, ut milites assuescerent crucem venerari.

Dices, etiam ante Constantini tempora labarum habuit formam crucis, ut Tertullianus in Apologetica cap. 16. Justinus in 2. Apologia, & Minutius in Octavio testantur.

Respondeo, labarum ante Constantini tempora habuisse quandam crucis similitudinem, quia erat velum in ligno suspensum, non tamen propriè crucis figuram habuisse, nisi tempore Constantini. Idem Constantinus, ut refert Eusebius lib. 1. de vita Constantini, Romae devicto Maxentio, in loco celeberrimo erexit crucem cum his verbis: *Hoc salutare signum*. Et rursus in manu dextera statuae suae crucem apponi jussit cum his verbis: *Hoc uno verae fortitudinis signo urbem vestram liberavi &c.* Idem etiam decreto cavit, ne deinceps ulli facinorosi cruci affigerentur, ut crux non amplius horrore, sed amoris & venerationi omnibus esset, ut scribit Sozomenus lib. 1. cap. 8. & Augustinus ser. 18. de verbis Domini. Et econtrariò in pecuniis, quas omnes amant, crucis figuram excudi jussit, ut ibidem Sozomenus refert.

Constantini pietatem imitatus Theodosius, prohibuit ne crux humi sculperetur, vel pingeretur, ne sacrum signum pedibus calcaretur: ita enim habetur lib. 1. Codicis, tit. 8. l. Cum sit nobis. Quod testimonium ex Petro Crinito lib. 9. cap. 9. adversarii corruptè citant, quasi Theodosius prohibuisset imaginem crucis sculpi, vel pingi.

Theodosium secutus Arcadius filius, auream monetam cum signo crucis cudi jussit, teste Prospero de praedictionibus & promissionibus part. 3. cap. 34.

Tiberius quoque optimus Imperator, Theodosii legem secutus, cum vidisset in palatio humi crucem in marmore incisam, mox erigi jussit, dicens: *Crucis Domini frontem & pectus munire debemus, & nos eam pedibus terimus?* testis Paulus Diaconus lib. 18. rerum Roman. Ubi etiam addit, sub illo marmore repertum ingentem thesaurum amplius centum millium

millium aureorum, in remunerationem videlicet pietatis tam religiosi Principis.

Constantini tempore scripsit Lactantius carmen de cruce, in quo inter cetera legimus:

Flecte genu, lignamque crucis venerabile adora.
Non diu postea Athanasius quæst. 16. ad Antiochum reddidit causam, cur Christiani faciant & colant potius imagines crucis, quam lanceæ, vel spongiæ; quia videlicet si Ethnici dicant nos colere lignum, mox duobus lignis crucis disjunctis figuram crucis destruimus, nec amplius veneramur.

Joannes Chrysostomus in supplicationibus argenteas cruces cum ardentibus facibus præferri jubebat, ut Socrates lib. 6. cap. 8. & Sozomen. lib. 8. cap. 8. testantur. Idem etiam Chrysostomus in lib. quod Christus sit Deus, dicit, suo tempore crucis figuram omnibus in locis depingi solitam, in urbibus, in domibus, in cubiculis, in vasis, in solitudine, in montibus &c. Augustinus tract. 36. in Joan. & in Psal. 36. *Qui tantum, inquit, honorem tribuit supplicio suo, quid servat fidelibus suis?* Cyrillus lib. 6. in Julianum, respondet Juliano reprehendenti Christianos, quod lignum crucis adorarent, ejusque figuram ante domos suas depingerent. Rufinus lib. 2. cap. 29. hist. testatur, apud Ægyptum, cum ad fidem converterentur Ægyptii, ubique fuisse depictas cruces loco thoracis Serapidis, quem Ethnici venerabantur. Beda lib. 1. hist. Angl. cap. 25. scribit, Augustinum à B. Gregorio missum ad Anglorum conversionem, crucem argenteam, & imaginem Christi in tabula depictam pro vexillo prætulisse. Ipse etiam Gregorius lib. 7. epist. 5. de crucis veneratione loquitur. Leo serm. 8. de passione Domini: *Pulchra specie, inquit, triumphi sui trophæum, & invictissima patientia signum salutis adorandum populus omnibus inferebat.*

Sedulius in carmine Paschali:

*Pax crucis ipse fuit, violentaque robora membris
Illustrans propriis, panem destruit honore.
Suppliciumque dedit signum magis esse salutis,
Ipseque sanctificans in se tormenta beavit:
Neve quis ignoret speciem crucis esse colendam,
Qua Dominum portavit ovans &c.*

Argumentum quartum ab apparitione, & miraculis crucis. Primò, apparuit Constantino crux lucidissima in aere cum illis verbis: *ὁ τούτῳ νικά, idest, in hoc vince:* refert Eusebius lib. 1. de vita Constantini. Ubi etiam addit, se id accepisse ab ipso Constantino jurante rem ita se habere. Neque apparuit illi crux in somno, ut Sozomenus lib. 1. cap. 3. & Paulus Diaconus lib. 11. rerum Roman. dicunt; sed planè vigili, & iter facienti cum toto exercitu, ut Eusebius dicit.

Porro non frustra dictum esse Constantino: *In hoc signo vince,* apparet ex victoriis Constantini, nam lib. 2. de vita Constantini scribit Eusebius, in præliis jussisse Constantinum semper deferri labarum cruce insignitum ad eam partem agminis, quæ magis laborabat, & quocumque labarum accessisset, mox etiam victoriam sequi solitam. Addit ibidem, eum, qui labarum deferrebat, cum metu hostium irruentium reliquisset labarum, continuò necatum esse: qui autem illud de manu abjicientis suscepit, nunquam feriri potuisse, etiam si innumerabilia propè tela in illum coniecta fuissent; omnia enim (mirabile dictu) in hasta crucis insigebantur.

Secundò, apparuit crux lucidissima supra montem Olivetum tempore Constantini Imperatoris, de qua apparitione exstat epist. Cyrilli Hierosolymitani ad Constantium.

Tertiò, apparuit tempore Juliani Apostatæ, qui am persequabatur, ut narrat Gregorius Nazianze-

nus orat. 1. in Julianum. Nam cum Julianus inspicere exta pecudum aruspicii gratia, invenit crucem coronatam, & quidam aruspices periti, ut refert Paulus Diaconus in ejus vita, dicebant, significari religionem Christianam; quæ crucem venerabatur, fore perpetuam, nec posse vinci à Juliano. Adulatores autem ejus dicebant, significari angustias, & quasi carceres crucis; sed eventus priorem sententiam veram ostendit. Eodem tempore, cum Judæi, Juliani jussu exstruere vellent templum in Hierosolymis in dedecus crucifixi, apparuit rursum in aere circulus ingens lucidus, crucem splendidissimam ambiens; & præterea in vestibus serè omnium hominum ejus loci apparuerunt cruces quasi summo artificio elaboratæ, ut scribit idem Nazianzenus or. 2. in Julian.

Quartò apparuit crux in aere tempore Arcadii, cum Imperator bellum suscipere pro fide contra Persas, Christianorum persecutores, in quo bello divinitus adjutus fuit: testatur hoc B. Prosper in lib. de promissionibus divinis part. 3. cap. 34.

Quintò, apparuerunt cruces in vestibis hominum tempore Leonis Iconomachi, cum hæretici contra imagines sacras insanirent, ut testatur Paulus Diaconus in vita Leonis Iconomachi. Ad hoc genus referri potest apparitio crucis in Anglia in arbore, anno 1559. de qua vide Alanum Copum.

Præter has apparitiones miracula sine numero per crucis figuram effecta referri possent. Insigne est illud Hilarionis, quod refert B. Hieronymus factum apud Epidaurum. Nam cum mare egrederetur terminos suos, & periculum esset, ne civitatem obrueret, Hilarion in littore tres cruces pinxit. Mare autem cum eò pervenisset, coepit intumescere, & in magnam altitudinem instar muri cujusdam excrevit sursum versus, quasi fremens & indignans, quod progredi ulterius prohiberetur, tandem crucis virtuti cedens, fluctus suos in seipsum retorxit. Multa quoque miracula facta narrat Beda lib. 3. cap. 2. hist. Anglor. per ligneam crucem, ab Osvaldo Rege sancto erectam, ac illud omnium primum, quod ipse cum paucis contra innumerabiles hostes pugnavit, & vixit.

Argumentum ultimum à ratione. Nam signa rerum sanctarum sancta, & venerabilia sunt, ut supra ostendimus: certè quælibet crux sancta & venerabilis est, quia gerit imaginem Christi crucifixi, idest, Christi in ipso opere redemptionis occupati, quo nihil sanctius cogitari potest.

C A P U T XXIX.

De signo Crucis.

R Estat signum crucis, quod in fronte, vel in aere pingitur, vel super quascumque res digito exprimitur. Quod signum sacrum esse & venerabile, Primò ostendi potest ex figuris Testamenti veteris. Nam sanguis agni in postibus domorum, de quo Exodi 12. nihil aliud significabat, nisi signum crucis in frontibus Christianorum, Augustino teste in lib. de catechizandis rudibus cap. 20. Item illud Tau, quod Ezechielis cap. 9. jubetur describi in frontibus gementium, apertissimè signum crucis, quod in fronte potissimum pingimus, indicabat, teste Cypriano in lib. adversus Demetrianum, & Hieronymo in commentario Ezechielis. His adde illud Apocalyp. 14. *Habentes nomen ejus, & nomen Patris ejus in frontibus suis;* idest, signum crucis. Item illud Apocalyp. 7. *Nolite nocere terra, & mari, neque arboribus, quoad usque signemus servos Dei nostri in frontibus eorum.*

Hoc

Hoc enim signum, esse signum crucis, docent Oecumenius, Beda, Anselmus & Rupertus in hunc locum. Jacob quoque cum cancellatis manibus benedixit filiis Joseph, Gen. 48. significavit, fore aliquando tempus, quo benedictiones signo crucis fierent.

Secundò, probatur ex testimoniis veterum, qui primis quingentis annis signaverunt. Dionysius c. 4. 5. & 6. Ecclesiast. hierarch. dicit, in omnibus Sacramentis adhiberi signum crucis. Justinus quæst. 118. respondet Gentibus quærentibus, cur Christiani ad Orientem orarent: & dicit, causam esse, quia Deo danda sunt meliora: Sicut etiam, inquit, dextera potius, quam sinistra signum crucis exprimimus, cum alicui benedicimus. Hippolytus quidam scriptor vetustissimus, & Apostolus familiaris, cujus librum citat Palladius in histor. Lausiaca, cap. 148. scribit, virginem quandam signo crucis munitam ex prostibulo illasam evasisse.

Tertullianus ita loquitur lib. de Corona militis: Ad omnem progressum, atque promotum, ad omnem adiuturum & exitum, ad vestitum, ad calceatum, ad lavandam, ad mensas, ad lumina, ad cubula, ad sedilia, quandocumque nos conversatio exerceat, frontem crucis signaculo terminus. Idem habet lib. 2. ad uxorem, & in principio Scorpiaci.

Cyprianus lib. 4. epist. 6. in fine: munitur frons, ut signum Dei incolam servetur. Et libro de unitate Ecclesiæ, ultra medium, dicit, Oziæ lepra in fronte percussam, offenso Domino, in qua parte corporis signantur, qui Dominum promerentur. Et libro de lapsis, in principio: Frons cum signo Dei pura, Diaboli coronam ferre non potuit, corona se Domini reservavit.

Cornelius Papa in epist. ad Fabianum, quæ est apud Eusebium lib. 6. hist. cap. 33. dicit, Novatianum à Dæmonio arreptum, quod non recepisset in fronte signaculum Christi.

Origenes in Exodi cap. 15. hom. 6. sic ait: Timor & tremor cadit super eos (Dæmones) cum signum in vobis viderint crucis fideliter fixum &c. Gregorium Neocesariensem sæpè usum signo crucis contra Dæmones, testatur Gregorius Nyssenus in eius vita. Lactantius lib. 4. cap. 26. dicit, Christum eis omnibus prodesse, qui signum crucis in fronte conscripserint.

Cyrillus catechesi 4. Non pudeas, inquit, nos crucis Christi. Quod si aliquis id occultet, tu manifestè signa te cruce in fronte. Et infra: Fac autem hoc signum, & manducans, & bibens, & sedens, & stans, & loquens, & ambulans, & in summa in omni negotio. Idem repetit catechesi 13.

Athanasius lib. de incarnatione Verbi: Signo crucis omnia magica, inquit, compescuntur &c.

Basilus lib. de Spiritu sancto, cap. 37. inter primas Apostolicas traditiones ponit, signare se signo crucis. Gregorius Nazianzenus orat. 1. in Julianum, dicit, etiam milites in mensa signum crucis adhibere solitos. Chrysostomus hom. 55. in Matth. cap. 12. signo crucis omnia Sacramenta perfici docet. Et hom. quod Christus sit Deus, plurima de gloria huius signi, & eloquentissimè persequitur.

Ephrem lib. de poenit. cap. 3. Pingamus, inquit, in ianuis, atque in frontibus nostris, & in ore, & in pectore, atque in membris omnibus vivificum signum. Armemur insuperabili hac Christianorum armatura. Item lib. de armatura spirituali, cap. 2. Scuti vice crucis signum seipsum muni; validissima enim armatura est. B. Antonius, ut refert Athanasius in vita eiusdem Antonii, contra omnes terrores jubebat solo crucis signaculo tutos esse Monachos. Palladius in hist. Lausiaca, cap. 2. scribit, sanctum senem quandam cum vi-

A) disset in puteo aspidem, signo crucis munivisse puteum illum, ac deinde sine timore hausisse aquam, & bibisse. Theodoretus in histor. religiosa, passim meminit crucis, & virtutis ejus.

Ambrosius ser. 43. hortatur, ut omnia opera à signo crucis incipiamus. Et serm. 90. recitantur verba sanctæ Agnetis dicentis: Posuit signum in faciem meam, ut nullum præter eum amatorem admittam. Id enim est signum crucis, quo dedicamur Deo.

Hieronymus in epist. ad Demetriadem: Claudas cubiculum pectoris, crebro signaculo crucis munitis frontem tuam. Item ad Eustochium: Ad omnem incessum manus pingat Domini crucem.

B) Augustinus Tract. 118. in Joan. ad finem. Quid est, quod omnes noverunt, signum Christi, nisi crux Christi? Quod signum nisi adhibeatur, siue frontibus credentium; siue ipsi aqua, qua regenerantur; siue oleo, quo Chrismate inunguntur; siue sacrificio, quo aluntur; nihil eorum ritè perficitur. Item lib. 1. Confess. cap. 11. Signabar jam signo crucis, & condiebar sale Christi.

Beatus Martinus apud Sulpitium: Ego, inquit, signo crucis, non clipeo protectus, aut galea, hostium cuneos penetrabo securus.

Prudentius in hymno ante somnum:

Fac cum vocante somno
Castum petis cubile
Frontem, locumque cordis
C) Crucis figura signet.
Cruce pellet omne crimen.
Fugiant crucem tenebra.
Tali dicata signo
Mens fluctuare nescit.

Paulinus natali 8. S. Felicis:

Nos crucis invicta signum, & confessio munit,
Armaturæ Deo mentem, non quarimus arma
Corporis, & quamquam membris videamur inermes,
Arma tamen gerimus, quibus & sub pace serena
Contra incorporeos annis decernimus hostes.

D) Tertio, probatur ex miraculis signo crucis factis. Tertullianus initio Scorpiaci dicit, Christianos signando, vel adjurando non solum Christianis, sed etiam Ethnicis sæpè prodesse. Lactantius lib. 4. c. 27. dicit præsentem Christiano, qui crucem fronte signaverat, Diabolum non ausum Imperatori poscenti responsa dare. Epiphanius hæresi 30. scribit, quendam Josephum nondum Christianum signo crucis Dæmones expulisse, & deinde Christianum effectum eodem signo incantationes Judæorum destruxisse. Nazianzenus orat. 1. in Julian. scribit, ipsum Julianum, licet Ethnicum, cum spectra quadam videret, dum necromantici sua mysteria operarentur, signo crucis seipsum munisse, & mox spectra omnia evanuisse. Nyssenus in vita Gregorii Thaumaturgi, scribit, Diaconum ejus, signo crucis munitum, exivisse noctu incolumen ex balneis inter innumerabilia spectra, ex quibus balneis nemo unquam vivus exierat eorum, qui noctu intraverant.

E) Athanasius in vita Antonii; Hieronymus in vita Pauli primi Eremitæ; Theodoretus lib. 5. hist. cap. 21. & Gregorius lib. 3. Dialog. cap. 7. multa scribunt miracula, quæ ad solum crucis signum Deus fecit, ac potissimum in Dæmonum expulsionem. Palladius in historia Lausiaca, cap. 54. scribit, quendam signo crucis munitum in mediis flammis longo tempore illasum permanisse. Theodoretus in vita sancti Juliani, & in vita sancti Marciani, scribit, ab utroque suo tempore signo crucis ingentes dracones occisos. Item in vita sancti Aphraatis, & sancti Macedonii, & sancti Petri, & aliorum, scribit, eos signo crucis varios morbos curasse. Quod idem Sulpitius in vita beati Martini; Hieronymus in vita Hilarii; Au-

gusti-

gustinus lib. 22. de civit. Dei. c. 8. similiter scribunt. Victor Uicensis lib. 2. de perseq. Wand. scribit, ab Eugenio Episcopo Catholico cæcum illuminatum solo crucis signo. Quod si addere vellemus miracula edita post primos quingentos annos, quæ referuntur à probatis auctoribus de S. Benedicto, Bernardo, Francisco, & alijs, nunquam finiremus.

CAPUT XXX.

Solvuntur objectiones hæreticorum.

EX his, quæ dicta sunt, facile erit objectiones hæreticorum, suprà notatas, solvere. Ad primam igitur, quæ sumebatur ex eo, quod crux dolorem & ignominiam Christo attulit, respondemus, si solum crux attulit Christo dolorem & ignominiam, merito esse execrandam: atqui attulisse etiam lætitiā & gloriam, propter Diabolum devictum, & genus humanum redemptum; quæ lætitia & gloria tanta fuit, ut dolorem & ignominiam illam priorem planè absorbuerit, ut patet.

Ad secundam, quæ sumebatur à similitudine eorum, quorum parentes in patibulis perierunt, qui impii viderentur, si ejusmodi patibula honorarent, dico illa non esse similia. Nam qui nunc in patibulis suspenduntur ex sententia judicis, culpa sua suspenduntur; aut vera, aut certè in judicio legitime probata. Præterea inviti suspenduntur. Denique ex ipsa morte nihil lucrantur, nisi poenam & infamiam. At Christus non propter culpam veram aut probatam crucifixus fuit. Constat enim ipsum judicem sæpius testatum, se nullam in eo causam invenisse. Adhuc, Christus sponte sua se tradidit crucifixoribus, ut Patris obedientiam impleret, cum alioqui posset evadere, si veller, ut notum est; quia cum diceret: *Ego sum*, omnes ejus inimici ceciderunt retrorsum. Denique, Christus ex ipsa morte plurima bona retulit, ut diximus, & sibi, & nobis. Neque id solum in Christi morte videmus, sed etiam in moribus aliorum, qui propter Deum, aut patriam occiduntur. Amici enim libentissimè instrumenta passionis eorum tamquam monumenta virtutis conservant.

Ad tertium argumentum, quod honorare crucem sit quasi latari de morte Christi, quemadmodum inimici ejus faciebant, dico nos nihil cum hostibus Christi habere commune; nam cum gaudemus de Christi passione, non gaudemus de eo, de quo hostes ejus gaudebant, sed de eo, de quo ipse gaudebat, idest, de triumpho ejus, non de ignominia. Alioqui enim etiam novimus Christo patienti esse compatiendum, & dolores ejus pus lachrymis decorandos.

Ad quartum argumentum dico, non sequi, si omnes cruces honoramus, oportere etiam nos honorare omnia præsepia, omnes spinas, omnes lanceas, omnes virgas &c. nam omnes cruces adoramus, quia omnes sunt imagines veræ crucis, in qua Dominus pependit; & præterea etiam ipsius Christi crucifixi. At præsepia, spineta, lanceæ, & similia non sunt imagines Christi, nec etiam præsepia, spinarum, lanceæ, & similia, quæ Christum tetigerunt. Ad imaginem enim non sufficit similitudo, sed requiritur, ut unum exprimatur ex alio. Quare frater non dicitur imago fratris, licet similes sint, quia unus non est ab alio. Filius autem, quia non solum est similis patri, sed etiam ab eo prodit, idcirco verè dicitur & est imago patris. Jam cruces omnes sunt ad exprimendam illam primam, & sic imagines ejus sunt. At præsepia, lanceæ, & similia, non fiunt ad illa exprimenda, sed ad alios usus, & idè nec imagines

A sunt. Quando autem pingitur, vel sculpitur præsepe ad representandam Christi nativatem, vel columna ad representandam flagellationem, quia tunc præsepe & columna sunt imagines, non carent sua aliqua veneratione.

Si petas unde est, quod pingimus, & adoramus crucem, etiam sine Christo crucifixo; & non pingimus, nec adoramus præsepe, vel columnam sine Christo?

B Respondeo, propter tres causas. Primò, quia crux etiam sola refert ipsum Christum crucifixum: illa autem hoc non faciunt. Secundò, quia crux non habet alium usum, quàm representandi, præsertim post edictum Constantini, de non crucifigendis hominibus. At illa alia habent alios usus; & idè qui videret unam columnam depictam, non facilè posset scire, quid illa significaret, an columnam Christi, an columnam Trajani, vel Adriani, vel Herculis, vel aliorum. Tertiò, quia (ut Athanasius quæst. 16. ad Antiochum dicit) cum accusamur, quod adoremus lignum, possumus statim ostendere, nos colere figuram, non materiam, separando duo illa ligna ab invicem: quod in columna, lancea, sponsia, & similibus, non tam facilè fieri posset.

C Ad quintum, de honorandis labijs Judæ, & manibus eorum, qui Christum occiderunt, tum propter contactum sacri corporis, tum quia instrumenta fuere passionis, respondeo, inter crucem, & labia Judæ, ac manus crucifixorum Christi, magnam esse differentiam, ut docet Thomas Waldensis, tom. 3. tit. 13. cap. 120. nam crucem Dominus elegit, & amanter amplexus est, ut rem innoxiam deservientem redemptioni. At labia Judæ, & manus impiorum Christus non elegit, nec amavit, sed execrabatur, ut res impias & sceleratas. Nos autem illa solum amare & honorare debemus, quæ Dominus amavit & honoravit.

D Sed possent respondere Wiclefistæ, paria esse labia Judæ, & crucem. Nam ut labia Judæ fuerunt instrumentum sceleris Judæ, & alioqui in se non erant capacia culpæ; ita & crux fuit instrumentum sceleris Judæorum: & sicut Dominus elegit crucem, non ut instrumentum sceleris, sed ut instrumentum passionis; ita quoque elegit labia Judæ & manus interfectorum, non ut instrumenta sceleris, sed ut instrumenta passionis. Unde Augustinus in Psal. 34. dicit, Judam à Christo electum, ut per eum imple-ret redemptionem nostram.

E Respondeo igitur, differentiam in duobus consistere. Primò, quia labia Judæ, & manus interfectorum Christi, non solum instrumenta passionis erant, sed etiam partes illorum hominum impiorum, & idè non poterant honorari, ut instrumenta passionis, quin simul ipsi impii homines honorari viderentur. At crux, spinæ, columna, & similia non sunt partes illorum hominum, sed sunt res per se existentes, & natura sua innoxie &c.

Secundò, quia in passione Domini possumus considerare actionem & passionem, quarum prior scelerata, posterior sanctissima fuit. Porro labia Judæ & manus impiorum fuerunt instrumenta propinqua & immediata ipsius actionis sceleratæ; remota autem & mediata passionis salutariæ. E contrario crux, & clavi, & similia fuerunt instrumenta propinqua & immediata passionis sanctæ, & remota ac mediata actionis sceleratæ, ut patet, & idè labia Judæ magis participant actionem, quàm passionem, & Crux è contrario magis passionem, quàm actionem. Propterea crux simpliciter est venerabilis, labia Judæ simpliciter detestanda.

Ad ultimum, de magia & superstitione dico tantum abesse à magia signum crucis, ut potius eo signo omnis magia solvatur, ut ait rectissimè S. Athanasius

nalius lib. de incarnatione Domini, & salutari ejus adventu: *Signo crucis*, inquit, *omnia magica conpescuntur, veneficia inefficacia fiunt*. Et infra: *Veniat, qui istorum dictorum experimentum capere velit, & in ipsis prestigiis Demonum, & imposturis vaticiniorum, & in miraculis magia utatur signo crucis, ab ipsis deriso, nomenque Christi invocet, & videbit, quomodo ejus rei metu Dæmones fugiant, vaticinia conquiescant, magia, & veneficia jaceant*. Hæc ille. Scribit etiam Jacobus Sprenger in malleo maleficorum, part. 2. quæst. 1. cap. 2. magos & sagas quando initiantur sacris Dæmonis, palam polliceri Diabolo pro tribunali sedenti, & coram testibus, se crucem Domini conculcaturus; quia videlicet, ubi crux honoratur, nullæ magicæ artes efficaces sunt.

Sciendum igitur est, ideò esse superstitiosum & prohibitum, uti characteribus & figuris ad effectus aliquos producendos, ut magi faciunt, quia effectus illi non possunt esse naturales, quia characteres & figuræ non sunt operativæ naturaliter. Nec proveniunt illi effectus à Deo, cum nulla talis Dei promissio reperitur, nec Deus ab illis invocetur, sed fiunt illa omnia à Dæmone, & characteres solum deserviunt pro signo foederis inter Diabolum & magos. At signum crucis operatur miracula, non ex virtute sua naturali, quam habeat, ut figura quædam, nec ut signum pacti cum Dæmone, sed ut signum divinitus institutum.

Ac, ut clariùs id percipiatur, nota, tres esse effectus crucis mirabiles. Primum, terret, & fugat Dæmones. Secundò, pellit morbos, & omnia mala. Tertiò, sanctificat ea, quibus imprimitur. Et quidem primum effectum ex tribus causis habet; ex apprehensione Dæmonis; ex devotione hominis; & ex instituto Dei. Nam Dæmon ubi crucem videt, mox recordatur cruce Christi se victum, spoliatum, ligatum, & enervatum fuisse. Inde crucem timet & fugit, quomodo canis fugit lapidem & baculum quo percussus fuit.

Deinde, vim habet crux ex opere operantis eo modo, quo vim habet oratio. Nam signum crucis est invocatio quædam meritum Christi crucifixi signo expressa. Loquimur enim corde, voce, & nutibus. Itaque opponere contra Diabolum signum crucis, est opponere meritum passionis Christi, id est, invocare Deum per Christi merita contra Diabolum. Unde effectus tunc magis procedit ex fide, & fiducia, ac devotione interiore, quam ex ipso characterē crucis; sicut quando oramus voce, & impetramus, effectus tribuitur potius fidei & fiduciæ internæ, quam sono vocis. Et de his duobus modis nullum est dubium.

Existimo tamen, etiam tertio modo, id est, ex instituto Dei, & ex opere operato valere signum crucis contra Diabolum. Nam videmus Judæos & Paganos sine ulla fide in Christum, solum intendentes facere quod Christiani faciunt, fugasse Dæmones signo crucis, ut patet ex Nazianzeno oratione 1. in Julianum, Epiphaniò hæres. 30. & Gregorio lib. 3. Dialog. cap. 7. ex quo apparet, non devotione aut fide operantis, sed ipso signo crucis fugatum Dæmonem.

Quare sanctus Augustinus lib. 83. quæstionum,

A quæst. 79. dicit, indictum à Deo Dæmonibus, ut cedant cruci, tamquam scepro summi Regis, quomodo populi militibus cedunt, cum ab illis profertur signum Imperatoris: *Nec mirum est, inquit, quòd hæc signa valent, cum à bonis Christianis adhibentur, quando etiam cum usurpantur ab extraneis, qui omnino suum nomen ad istam militiam non dederunt, propter honorem tamen excellentissimi Imperatoris valent*. Cum autem non cedunt his signis hujusmodi potestates, Deus ipse prohibet occultis modis, cum id justum, atque utile judicat. Nam nullo modo ulli spiritus audent hæc signa contemnere. Conterunt hæc ubicumque illa prospexerint.

B Dices; ergo erunt plura Sacramenta, quam septem. Respondeo, signum crucis non esse Sacramentum propriè dictum; tum quia non confert gratiam justificantem; tum etiam, quia non habet effectum infallibilem, ut Augustinus dicit, & experientia etiam testatur.

C Quantum ad morbos & cætera mala, quæ non possunt percipere vim signorum, dicimus ea fugari per crucem tamquam per signum fidei & fiduciæ, vel potius tamquam per invocationem, signo expressam. Christus enim promissit fidelibus se daturum quicquid peterent cum fide, & nominatim Marci ult. & de morbis dixerat: *Serpentes tollent, super agros manus imponent, & bene habebunt, & si mortiferum quid biberint, non eis nocebit*. Fideles igitur contra morbos, & reliqua mala implorant Dei auxilium per Christi meritum, idque faciunt corde, ore, & nutibus. Et quia tunc effectus non producit ex opere operato, more Sacramentorum, sed ex opere operantis, ideò non infallibiliter sequitur.

D Quantum ad benedictiones, idem ferè dicendum est. Nam cum benedicimus homines, domos, agros, & similia, illo signo commendamus Deo per Christi merita res illas, quas benedicimus, & similiter cum benedicimus aquam, oleum, ramos, candelas &c. commendamus res eas Deo, eumque precamur, ut velit illas nobis esse salutes, utque per eas tamquam per instrumenta nos adjuvet.

E Denique id, quod explicite petimus precibus, idem implicite petimus per signum crucis. Quamquam non potest, nec debet negari, quin etiam aliqua sanctitas accedat rebus cum signantur cruce: non quidem sanctitas quæ sit aliqua qualitas physica, sed sanctitas in relatione consistens, qualis est crucis, clavorum, vestium, aliarumque rerum, quæ tetigerunt Christum, aut Sanctos: & qualis est eorum, qui tangunt reliquias Sanctorum. Nam sanctificari aliquo modo eos, qui tangunt reliquias, constanter docent Patres; Basiliius in Psal. 115. Gregorius Nyssenus in vita sancti Theodori, Joannes Chrysostomus in sermone de sanctis Juventio, & Maximo, & alii. Si autem contactus reliquiarum sanctificat, cur non etiam contactus vexilli salutaris? Certè Augustinus lib. 2. de peccatorum meritis, & remissione, cap. 26. id asserit: *Catechumenas, inquit, secundum quendam modum suum per signum Christi, & orationem manus impositionis putò sanctificari: & quod accipiunt, quamvis non sit corpus Christi, sanctum est tamen*. Atque hæc de reliquiis, & Imaginibus pro instituta nostri operis brevitate sufficiant.

LIBER TERTIUS DE IIS REBUS, QUIBUS SUPERNA HIERUSALEM

Ab Ecclesia in terris Peregrinante colitur.

HTSI sequentes quæstiones de templis, votis, peregrinationibus, festis, & vigiliis, quæ fiunt in honorem Dei, & Sanctorum, non solum ad hunc locum, sed etiam ad multa alia pertinere possunt, visum est tamen hoc loco eas integrè disputare; tum quia disputationes ita conjunctæ sunt, ut non facile inter se disjungi possint; tum etiam, quia id, quod non est proprium hujus loci, hinc peti poterit, cum alibi opportunitas de ea re disputandi dabitur. Excipio tamen vota, de quibus hoc loco non nisi brevissimè differitur, quia jam alibi res tractata est.

Ut igitur à templis ordiamur, septem erunt partes hujus disputationis. Primum enim explicabimus, quæ fuerint hæreses de hac re. II. An sint templa erigenda. III. Qua forma. IV. Quos ob fines. V. De consecratione templorum, & dedicatione. VI. De ornatu eorundem. VII. De iis, quæ in templis benedicuntur, ut aqua, oleo, cereis, palmis &c.

CAPUT PRIMUM.

De erroribus circa templa.

DUO genera hostium habuerunt Dei templa. Unum eorum, qui re ipsa templa evertabant, non odio templorum, sed odio gentis, aut religionis. Aliud eorum, qui templa ipsa, vel eorum aliquid oderant tamquam malum. Primi generis fuerunt Nabuchodonosor, Antiochus, Pompejus, Cassius, Titus, qui templum Salomonis vel incenderunt, vel profanarunt, non odio templi, sed gentis. Vide 4. Reg. ult. 1. Machabæor. 10. Josephum lib. 14. antiquitatis, & lib. 7. de bello Judaico. Cornelium Tacitum lib. 11. & Augustinum lib. 18. de civit. Dei cap. 45.

Christianorum Ecclesias Diocletianus jussit omnes solo æquari, non odio templorum, sed religionis Christianæ. Eusebius lib. 8. hist. cap. 1. Idem facere voluisse Julianum scribit Hieronymus epistola ad Riparium.

Ariani quoque, & Donatistæ templa Catholicorum profanabant, & spoliabant, non odio templi, sed religionis. Vide Athanasium in Apologia pro fuga sua, & Theodoretum lib. 4. hist. cap. 19. & 20. & Optatum lib. 6. contra Parmen.

Ad aliud genus pertinent in primis Manichæi; nam Faustus apud Augustinum lib. 20. cap. 3. & 4. objicit Catholicis, quod haberent templa, & altaria more Gentium, & Judæorum, Manichæos sequuti Messaliani templa omnia, & altaria execrabantur, & solum in suis domibus orare volebant Deum, ut Damascenus refert lib. de centum hæresibus. Eodem ferè tempore Eustathius templa omnia, & præcipuè

A Martyrum detestabatur, teste Socrate lib. 2. histor. cap. 33. & in privatis domibus conventicula fieri volebat.

Petrobrusiani templa destruebant, novasque templorum fabricas irridebant. Auctor Cluniacensis in epistola contra Petrobrusianos, & auctor vitæ beati Bernardi lib. 3. cap. 5. Idem docuerunt postea Albigenes, ut Bernardus Lutzemburgensis in Catalogo refert. Idem docuerunt Waldenses apud Claudium Caussordium lib. contra Waldenses, cap. 6. idem Wiclefistæ apud Thomam Waldensem, tom. 3. tit. 17. & 22. idem Taboritæ apud Æneam Sylvium de origine Boemorum, cap. 35. Idem Anabaptistæ Transylvani in antithesibus Christi veri, & Christi falsi, editis Albæ Juliz anno 1568.

B Porro Lutherani & Calvinistæ admittunt templa, sed solum ad concionandum, & Sacramenta ministranda. Reprehendunt autem quod fiant templa ad orandum, quod in honorem Sanctorum, quod consecrentur certo ritu, quod magnis sumptibus ornentur. Nam Magdeburgenses Cent. 4. cap. 6. col. 407. & sequentibus, multa dicunt contra ritus consecrandi Ecclesias, & in præfatione Cent. 6. reprehendunt Catholicos, qui ingentibus sumptibus fabricent Ecclesias, easque in Martyrum honorem.

C Joannes Calvinus præfat. Instit. reprehendit ornatum templorum ex auro, argento, serico, lapidibus pretiosis &c. & lib. 1. cap. 11. §. 13. ornamenta templorum solum esse velle concionem, & Sacramenta, & lib. 3. cap. 20. §. 30. dicit, templa quidem erigi debere ad communes preces fundendas, sed non esse putandum ullam inesse templo sanctitatem. Ubi aperte indicat, privatas preces non fieri ullo modo melius in templo, quam alibi.

CAPUT II

An templa sint erigenda.

QUI templa simpliciter erigi nolunt, nihil pro se afferre possunt, nisi Scripturas illas, quæ Deum dicunt non habitare in locis manufactis, ut Matthæi 5. *Calum Dei sedes est, terra autem scabellum pedum ejus.* Et Act. 7. *Sed excelsus non in manufactis templis habitat.* Et Act. 17. *Nec in manufactis templis habitat, aut manibus humanis colitur.* Hinc enim Manichæi (ut testatur Augustinus lib. contra Adimantum cap. 10.) probabant Deum Testamenti veteris, qui iusserat sibi edificari tabernaculum, & templum, non esse verum Deum, sed malum principium, & pugnare cum Deo Testamenti novi. Sed refelluntur elegantissimè ibidem ab Augustino; nam Manichæi dicebant, Deum Testamenti veteris voluisse templa: Deum Testamenti novi non voluisse.

At è contrario legimus in Testamento veteri, Isaïæ 66. dicentem Deum, *Calum mihi sedes est, terra autem scabellum pedum meorum, & quam domum edificabitis mihi?* Et contra in Testamento novo, Joan. 2. dicentem Christum de templo manufacto: *Auferte ista hinc, & nolite facere domum Patris mei domum negotiationis.* Et Matth. 21. *Domus mea, domus orationis vocabitur.* Deus igitur unus, & idem in utroque Testamento approbat templa, in quibus adoretur, & non approbat templa, quibus putetur includi: quomodo idola, idest, Dii gentium verè in templis continebantur, nec inde poterant exire, nisi qui eos affixerant parietibus, inde detrahere, & asportare vellent. Sed de hoc plura in cap. 4.

CAPUT III

De forma.

DE forma Ecclesiarum Christianorum non est quod multa dicamus, cum adhuc antiquissimæ Ecclesiæ visantur. Duo tamen notanda sunt. Unum ad similitudinem templi Salomonis, in quo erat atrium, sancta, & sancta Sanctorum, Ecclesias ferè omnes habuisse tres partes. Primò porticus ante ingressum in templum, quem locum Græci πρόστυον, nostri vestibulum dicunt: ubi manebant poenitentes. Deinde erat ναός, idest, templum, sive navis. Ultimo θυσιαστήριον, sive ἱερόν, hoc est, sacrarium, sive sanctuarium, sive adyta, quæ erat pars interior templi, ubi erat altare, quæque divisa erat à reliquo templo gradibus, cancellis, & velis, sive aulis: neque eò penetrabant alii, quàm sacerdotes cum suis ministris clericis.

Præter has templi partes erat etiam domuncula annexa templo, quæ dicebatur ædícula saluatoria, ubi sedebat Episcopus, cum se pararet ad sacra faciendâ. Vide Eusebium lib. 3. de vita Constantini, ubi describit templum, quod Hierosolymis ad sanctum sepulchrum Constantinus exstruxit: item Theodoretum lib. 4. histor. cap. 20. ubi meminit sacrarii, aulaeis separati à reliquo templo, quò introduxit Basilii Valentem Imperatorem: ita lib. 5. cap. 17. ubi meminit tam sacrarii, quàm ædiculæ saluatoriæ. Vide etiam Hieronymum in epistola de obitu Nepotiani, Augustinum lib. 22. de Civit. Dei cap. 8. in fine, & Walsfridum Strabonem lib. de rebus Ecclesiasticis cap. 4. & 6.

Alterum est Ecclesias Christianorum, ut pluri-

Controv. Card. Bellarm. Tom. I I.

A mum ad Orientem conversas fuisse, & quatuor latera habuisse, quibus quatuor mundi partes aspicerent, exceptis quibusdam, quæ propter loci commoditatem aliter constitutæ sunt. Id partim experientia constat: partim etiam testimonio veterum. Nam Tertullianus lib. contra Valentinianos non procul ab initio, dicit, Ecclesias Christianorum Orientem amare solitas. Walsfridus Strabo lib. de rebus Ecclesiasticis cap. 4. dicit, majorem partem Ecclesiarum ita fabricari, ut qui in eis orant, Orientem respiciant: idem Paulinus epist. 12.

B Idem testantur Justinus quæst. 118. Epiphanius hæresi 19. quæ est Essenorum; Origenes homil. 5. in Numer. Basilii lib. de Spiritu Sancto cap. 27. Gregorius Nyssenus orat. 5. de oratione Dominica; Augustinus lib. 2. de serm. Domini in monte c. 5. Germanus in lib. de theoria rerum sacrarum, Joannes Damascenus lib. 4. de fide cap. 13. & omnes illi veteres, qui scribunt Apostolicam esse traditionem, ut oremus conversi ad Orientem: id enim præcipuè servari par est in solemnibus precibus, quæ funduntur in templis.

C Rationes autem hujus cæremoniæ sunt quinque. Prima, quia ad Orientem erat Paradisus, Genes. 2. secundum versionem LXX. ubi enim habet vulgata editio: *Plantaverat Deus Paradisum à principio,* Græca habet, ἡ ἰσὺρευσεν παράδεισον ἐν δὲ κατὰ ἀνατολάς, & certè verbum Hebræum עֵדֶן utroque modo rectè verti potuit: significant enim Ante, & Orientem, quæ est pars mundi anterior. Unde etiam noster Interpretes, Genes. 4. vertit idem nomen, ad Orientalem plagam. Oramus igitur conversi ad Orientem, quia profitemur nos peregrinos, & ad patriam nostram, unde ejecti sumus, suspiramus: ita Gregorius Nyssenus.

D Secunda ratio est, quia ab Oriente cælum surgere, & moveri incipit, estque propterea pars illa totius mundi corporalis excellentissima. Ideo autem orantes convertimus faciem corporalem ad corpus excellentissimum, tum, ut ait Justinus, quia Deo sunt danda semper meliora, tum etiam, ut admonemur convertere faciem spiritualem animæ ad spiritum excellentissimum, qui est Deus: ita B. Augustinus.

Tertia ratio est, quia Christus, quem oramus, est lux mundi, Joan. 8. *Et vir Oriens nomen ejus,* Zachar. 6. Ut igitur significemus, nos in oratione illustrari à Christo sole justitiæ, sicut illustrantur à sole corporeo, qui ad Orientem respiciunt, ideò hac cæremonia utimur: ita Walsfridus.

E Quarta ratio est: quia Dominus ipse moriens in cruce, Occidentem respiciebat, nos ad Orientem oramus, ut quasi in faciem crucifixi intueamur: & quia ipse *ascendit in cælum calorum ad Orientem,* Psalm. 67. nos ad Orientem convertimur, ut quasi eum ascendentem votis, ac precibus deducamus. Ac demum quia ipse ab Oriente venturus creditur ad judicium, Matth. 24. *Sicut fulgur exit ab Oriente, & paret usque in Occidentem, ita erit adventus filii hominis:* nos ad Orientem precamur, quasi venturum judicem expectantes: ita Damascenus.

Possumus addere Quintam rationem, quia Judæi orabant, & orant ad Occidentem, ut patet Exodus 26. ubi dicitur, ostium tabernaculi ad orientem versum fuisse, & Ezechielis 8. ubi dicitur: *Ecce in ostio templi Domini inter vestibulum & altare quasi viginti quinque viri, dorsa habentes contra templum Domini, & facies ad Orientem, & adorabant ad ortum solis.* Reprehendit enim Scriptura quosdam, qui contra ritum ejus temporis adorabant ad orientem. Nos igitur ad Orientem respicimus dum Judæi respiciunt ad Occidentem, ut significemus, eorum esse

esse literam occidentem, nostrum autem spiritum vivificantem: & velamen adhuc manere super eorum, nos autem conversos ad Dominum deposuisse velamen.

CAPUT IV.

De fine.

Quatuor ob fines eriguntur sacre ædes, unde etiam quatuor nomina sortiuntur. Primò, ad sacrificandum Deo, & hinc dicuntur templa. Secundò, ad orandum, & hinc dicuntur oratoria. Tertio, ad Martyrum reliquias honorificè conservandas, & hinc dicuntur basilicæ, seu memoriz, seu martyria. Quarto, ad populum verbo Dei, & Sacramentis pascendum, & hinc dicuntur Ecclesiæ.

Ex his finibus solum quartum agnoscunt Lutherani & Calvinistæ: Anabaptistæ autem, & Waldenses ne illum quidem. Nam quòd non debeant in novo Testamento erigi templa ad sacrificia, constanter asserunt omnes huius temporis hæretici, & probant omnibus illis argumentis, quibus probare solent non esse in Ecclesia ullum externum sacrificium, vel sacerdotium: quæ argumenta non sunt huius loci.

Unum invenit Argumentum Marloratus, quod directè obiceret contra templa, nimirum illud Apocal. 21. *Et templum non vidi in ea; Dominus enim Deus templum illius est.* Ubi de Ecclesia agitur, ut patet ex sequentibus: *Ambulabunt gentes in lumine ejus, & Reges afferent splendorem suum in illam.* Quæ verba mutuatur Joannes ab Isaia c. 60. Isaiam autem certum est de Ecclesia ista militante loqui, & confirmatur argumentum ex eo, quòd Deus voluit everti templum Salomonis, quod ad sacrificia erectum fuerat. Potest etiam confirmari ex Patribus, Patres enim ordinariè à vocabulo templi abstinere, cum de Ecclesiis Christianorum loquuntur; immò etiam eas templis opponunt, ut Hieronymus, qui in epist. ad Riparium dicit, Julianum Christi Ecclesias aut evertisse, aut in templa convertisse. Et Cecilius apud Minutium Felicem obicit Christianis, quòd tamquam athei nulla haberent templa vel altaria, & Optatus lib. 6. *Qui nostrum, inquit, intravit templum?*

Quòd autem ad orandum Ecclesiæ institui debeant, quasi melius sit in uno loco orare, quàm in alio, negant omnes huius temporis hæretici, & probant assertionem suam; Primò, ex illis verbis, Matth. 6. *Tu autem cum oraveris, intra in cubiculum tuum &c.* Secundò, ex illis, Joan. 4. *Venit hora, & nunc est, quando neque in monte hoc, neque in Hierosolymis adorabitis Patrem. Spiritus est Deus, & qui eum adorant, in spiritu, & veritate adorare oportet.* Non ergo oratio obliganda est certo loco. Tertio, ex Paulo 1. Timoth. 2. *Volo viros orare in omni loco levantes puras manus.* Quarto, Deus non est magis in templo, quàm alibi: *Non enim in templis manufactis habitat, sed celum, & terram implet.* Ergo ubique ex æquo adorari, & invocari potest.

Quòd verò non sint templa Sanctis erigenda, probant, quia est manifesta idololatria; nam ad latriæ cultum pertinere templa, S. Augustinus docet lib. contra sermonem Arianorum cap. 20. ubi probat Spiritum Sanctum esse Deum, quia Apostolus dicit, 1. Corinth. 6. *Membra vestra templum sunt Spiritus Sancti.* Si legerent, inquit, Ariani templum Salomonis ex lignis, & lapidibus Spiritui Sancto erectum, non negarent illum esse Deum, cum templi constitutio ad latriæ cultum pertineat: quomodo ergo negant Spiritum Sanctum esse Deum, cum templum habeat longè nobilius? Unde

idem Augustinus lib. 8. Civit. Dei, c. ult. dicit: *Nec tamen nos eisdem Martyribus templa, sacerdotia, sacra & sacrificia constituimus: quoniam non ipsi, sed Deus eorum nobis est Deus.* Item lib. 1. contra Maximinum argum. 11. de Spiritu Sancto, sic ait Augustinus: *Nomine si alicui sancto Angelo excellentissimo de lignis, & lapidibus faceremus templum, anathematizaremur à veritate Christi, & ab Ecclesia Dei, quoniam creatura exhiberemus eam servitutem, quæ uni tantum debetur Deo?* Hic autem ad marginem notavit Erasmus: *Hoc nunc sit quibuslibet Divis.*

Quòd denique non sint Ecclesiæ erigendæ ad conciones, & Sacramenta, non aliter probant Anabaptistæ, nisi exemplo Christi, qui concionabatur, nunc in montibus, nunc in desertis, nunc in mari ex navicula, nunc in privatis ædibus, Baptismum dabat in fluminibus; Eucharistiam instituit in privata & profana domo.

Ut igitur hæc omnia ordine refellantur, sit Prima propositio. *Resse instituntur certa loca, in quibus verbum Dei, & Sacramenta populo ministrantur.* Hæc est contra Eustathium, Waldenses & Anabaptistas, & eorum similes.

Probatur Primò, exemplo Christi & Apostolorum, qui etsi interdum data occasione in variis locis verbum Dei seminarent, tamen ordinariè in templo, vel synagogis, quæ erant ejus temporis Ecclesiæ, id faciebant. Matth. 26. Dominus sic ait: *Quotidie apud vos sedebam docens in templo, & non me tenuistis.* Et Joan. 18. *Ego palam loquutus sum mundo, ego semper docui in synagoga, & in templo, quòd omnes Judæi conveniunt, & in occulto loquutus sum nihil.* Item Actor. 5. Angelus educens Apostolos de carcere, dicit illis: *Ite, & stantes in templo loquimini plebi omnia verba vita hujus; qui cum audissent, intraverunt diluculo in templum, & docebant.* Actor. 13. Paulus & Barnabas missi ad prædicandum, primum intrant in synagogam, & ibi prædicant.

Secundò, probatur exemplo primorum Christianorum; nam quòd primi Christiani habuerint Ecclesias à privatis domibus distinctas, patet ex epist. 1. ad Corinth. cap. 11. *Convenientibus vobis in Ecclesiam, audio scissuras esse inter vos.* Et quòd ista Ecclesia non esset privata domus, patet ex sequentibus: *Numquid domos non habetis ad manducandum & bibendum, aut Ecclesiam Dei contemnitis?* Et rursus: *Si quis esurit, domi manducet, ut non in iudicium conveniatis.* Et c. 14. *Mulieres in Ecclesiis taceant, si quid autem volunt discere, domi viros suos interrogent.*

Idem confirmatur ex antiquissimis Patribus; nam Clemens lib. 10. recognitionum, circa finem, refert Antiochiæ Petro prædicante conversam fuisse Theophili domum in Ecclesiam, ibique Petro cathedram constitutam, unde doceret populum. Philo in lib. de vita theorica supplicum, quem citat Eusebius lib. 2. hist. cap. 17. scribit, primos Christianos in omnibus locis constituisse ædes sacras ad mysteria celebranda, & sacros libros legendos. Justinus in Apolog. 3. ad finem, dicit Christianos die Dominico in unum certum locum omnes convenire ad verbum Dei, & Eucharistiæ communicationem.

Tertullianus antiquissimus Latinorum lib. contra Valentinianos, non procul ab initio expressè meminit sacre ædis, ad quam Christiani conveniebant. Cyprianus sermone de eleemosynis arguens mulieres opulentas, quæ in Ecclesiam sine oblatione veniebant: *In Dominicum, inquit, sine sacrificio venis, & partem de sacrificio, quod pauper obtulit, sumis:* Ubi Dominicum, Ecclesiam vocat, quia domus illa sacra, Domini palatium est.

Gregorius Neocæsariensis, Cypriani aequalis, cum Ecclesiam exstruere vellet, nec satis loci haberet propter

propter vicinam quandam rupem, eam rupem precibus suis loco movit, ut refert Eusebius, lib. 7. histor. cap. 25. Qui etiam c. 26. scribit Catholicos cum Paulo Samosateno de sacra æde apud Aurelianum Imperatorem contendisse. Nec refert, utrum narrationem istam de miraculis Gregorii Eusebius scripserit, an Rufinus, qui Eusebium Latinum fecit, addiderit; uterque enim est antiquus auctor.

Tertiò, probatur ratione; nam populus Christianus debet aliquando necessariò convenire ad res sacras: nec enim concio potest fieri ad singulos seorsim, nec etiam celebratio Eucharistiæ: & etiam si posset, non expediret tamen, quia conventus hominum utilissimus est ad alendam animorum unionem: igitur necesse est, ut aliquis certus locus constitutur, ubi ejusmodi conventus fiant.

Præterea si habemus certa loca ad alia ministeria, ut ad judicia, ad convivias, ad somnum &c. cur non etiam ad res sacras? Neque exemplum Domini contrarium ostendit. Nam vivente Domino nondum erat Ecclesia novi Testamenti constituta, sed tunc colligebatur, & constituebatur, & idè non mirum, si non habuerit propria loca sacra. At postquam Christiani coeperunt esse populus aliquis, mox habuerunt Ecclesias, ut ostensum est.

Secunda propositio. *Ecclesia Christianorum ad sacrificia offerenda instituta sunt, & idè verè, & propriè templa appellari possunt.* Probari posset primò, omnibus argumentis, quæ probant Eucharistiæ esse sacrificium. Sed hæc, ut dixi, ad alium locum pertinent.

Probatur igitur hoc modo; Ecclesiæ Christianorum semper habuerunt altaria, ergo semper vera templa fuerunt; nam templum nihil est aliud, quàm locus altaris; & præterea magis indicat sacrificii ritum altare, quàm templum, nam sine altari non potest sacrificari, sine templo potest; quare si, ut excludant sacrificia, hæretici negant templa, multò magis deberent negare altaria, sed altaria nullo modo negare possunt, ut patet ex illo 1. Cor. 10. *Non potestis mensa Domini, & mensa demoniorum participes esse.* Ubi Apostolus opponit mensam Eucharistiæ mensis Idolothytorum, mensæ autem Idolothytorum erant vera altaria. Unde Ambrosius exponit mensæ Domini, idest, altaria. Item ex illo Hebr. 13. *Habemus altare, de quo edere non habent potestatem, qui tabernaculo deserviunt.* Quem locum adversarii intelligunt de altari crucis, quasi dicat Apostolus; habemus Christi passionem, qua frui non possunt, qui adhuc in ejus figura celebranda occupantur. At Patres intelligunt de sacrificio Eucharistiæ. Nam Theophylactus dicit, hîc agi de incruento sacrificio; idem dicunt Chrysostomus, Sedulius, Theodoretus, Oecumenius.

Accedit traditio omnium Patrum; nullus ferè est veterum, qui non meminerit altaris Ecclesiæ. Canon 3. Apostolorum, Dionysius cap. 3. Ecclesiæ hierar. Irenæus lib. 4. cap. 34. Arhanasius in vita B. Antonii, & in Apologia pro fuga sua, Tertullianus lib. de poenitentia, Opratus lib. 6. contra Parmenianum, Hieronymus in epitaphio Neapolitani, Augustinus epist. 50. & alii omnes sæpè altaris mentionem faciunt, ubi de Ecclesiis loquuntur.

Tertiò, probatur testimonio Patrum, qui nomine templi utuntur. Nam in primis Græci passim utuntur hoc nomine, ut Eusebius lib. 3. de vita Constantini, Basilii in Psalm. 114. Nazianzenus oratione in Gorgoniam sororem; Nyssenus oratione in Theodorum; Chrysostomus homil. 51. in Matth. & alii; nec Latini ab hac voce omnino abhorrent; nam Lactantius in carmine de passione Domini, ait:

Controv. Card. Bellarm. Tom. 11.

A *Quisquis ader, mediique subis in lumina templi, Siste parum &c.*

Et Salvianus lib. 4. de providentia: *Ecclesia, inquit, vel potius templum.*

B. Ambrosius lib. 2. de officiis, cap. 21. Et maxime, inquit, *sacerdoti hoc convenit, ornare Dei templum decore congruo, ut etiam hoc cultu aula Domini resplendeat.* Et cap. 28. *Nemo potest accusare, quia templum Dei adificatum est. Nemo potest indignari, quia humanis fidelium reliquiis, spatia laxata sunt.*

Hieronymus in cap. 7. Hierem. Ecclesiam vocat templum; & B. Augustinus lib. 8. civit. Dei, cap. ult. cum dicit: *Nec nos eisdem Martyribus templa, sacerdotia, sacra & sacrificia constituimus; quoniam non ipsi, sed Deus coram nobis est Deus.* Apertè indicat, Deo ista omnia constitui. Unde infra addit: *Non autem ista esse sacrificia Martyrum novit, qui novit unum quod Deo illic offertur sacrificium Christianorum.*

Ex his ad primam objectionem respondeo, in c. 11. Apocal. agi de Ecclesia triumphante. Ubi non erit templum, quia tunc cessabunt oblationes & preces, & Sacramenta, propter quæ templa eriguntur: ita enim exponunt omnes probati auctores, Primasius, Beda, Oecumenius, Richardus, Rupertus, Anselmus, necnon Augustinus lib. 20. civit. Dei, cap. 17. Ubi dicit impudentiæ nimie sibi videri, si quis istum locum Apocalypsis exponere velit de præsentis Ecclesiæ.

C Ex quo intelligimus non esse Augustini expositionem Apocalypsis, quæ habetur tom. 9. operum ejus ubi de Ecclesia hujus temporis eum locum intelligere videtur. Et ipse contextus hoc declarat; nam in cap. 20. describitur judicium, & damnatio impiorum, & concluditur caput illis verbis: *Judicatum est de singulis secundum opera ipsorum, & infernus, & mors missi sunt in stagnum ignis.* Hæc est mors secunda; & qui non est inventus in libro vite scriptus, missus est in stagnum ignis. Deinde sequitur cap. 21. de gloria beatorum: *Et vidi, inquit, celum novum, & terram novam &c.* Præterea paulò post illa verba: *(Et templum non vidi in ea)* subiungitur, *non intrabit in eam aliquid coinquinatum.* Quod certè non potest intelligi de Ecclesia hujus temporis, in quam multi intrant, immundi, & coinquinati. Ut patet ex parabola de sagena missa in mare, & ex omni genere piscium congregante, Matth. 13.

D Respondent, Scripturam loqui de Ecclesia interna, & prædestinata, quæ solum admittit justos. At contra, nam secundum ipsorum principia, quantumvis aliquis sit prædestinatus & fidelis, semper tamen est immundus, & in omni opere peccat. Peccatum enim non tollitur in hoc mundo per Baptismum, ut ipsi dicunt, aut fidem, sed solum non imputatur. Nec possunt dicere hîc vocari incoinquinos eos, quibus Deus non imputat peccata; nam Joannes addit, aut abominationem faciens, & mendacium. Quæro igitur, aut Lutherani fideles, & prædestinati abominationem faciunt, & mendacium, aut non faciunt; si faciunt, ergo non sunt in Ecclesia; si non faciunt, ergo non peccant in omni opere suo. Fateantur ergo necesse est, Joannem loqui de Ecclesia coelesti, in qua nulli erunt, qui abominationem, & mendacium faciunt.

E Ad probationem ex Isaia Hieronymus in eum locum tres indicat expositiones; unam Judæorum, & Hæreticorum Chilastarum, qui omnia verba Isaia in illo c. 60. referebant ad sclicitatem mille annorum, quam se habituros putant cum Christo hîc in terris post resurrectionem; alteram Catholicorum, qui omnia intelligebant de Ecclesia triumphante; tertiam aliorum Catholicorum, qui omnia intelligebant spiritaliter de Ecclesia hujus temporis.

Dd 4

Lyra-

Lyrano duas alias adfert; unam quorundam, qui ea omnia intelligunt de felicitate Judæorum post reditum ex Babylone, alteram suam, quod intelligantur omnia de Ecclesia, sed non omnia de eodem statu Ecclesiæ; sed prima pars capitis intelligatur de Ecclesia secundum statum hujus vitæ; secunda de Ecclesia secundum statum vitæ futuræ.

Prima expositio hæretica est, & fabulosa, & milites à Patribus explosa. Secunda probabilis est, & secundum eam nulla est in argumento nostro difficultas. Quarta falsissima est, & rectè à Lyrano refellitur. Quinta probabilis est, & secundum eam argumentum non habet difficultatem. Tertia est maxime probabilis, & eam sequuntur Hieronymus ipse, & post eum Cyrillus in hunc locum, & secundum eam ad argumentum respondemus, ea quæ ad litteram intelliguntur de Ecclesia militante, à Joanne in Apocalypsi per anagogem intelligi de Ecclesia triumphante; id enim Apostoli sapissime fecerunt; ut illud, *Ex Egypto vocavi filium meum*, Osee 11. quod ad litteram de filiis Israel intelligitur, Matthæus c. 2. in sensu allegorico de Christo intellexit; & quod de Agno Paschali ad litteram dixerat Moyses, Exod. 12. *Os non confringetis ex eo*: allegoricè intellexit Joannes de Christo, Joan. 19. neque hoc repugnat Hieronymo; ipse enim ad finem cap. 60. dicit, gloriam Ecclesiæ, quæ describitur illo capite, impleri quidem in hoc sæculo aliquando, sed plenius unplem in futuro.

Ad confirmationem primam dico, Deum voluisse, ut templum Salomonis everteretur, ut intelligeremus, statum veteris Testamenti jam cessasse, non quod ei templorum ædificatio displiceret.

Ad testimonia Patrum dico, primos Christianos, propter recentem memoriam sacerdotii Aaronici, abstinuisse non solum à vocabulo templi, sed etiam sacerdotii, ne viderentur adhuc durare Judæicæ ceremoniæ. Itaque Apostoli in suis epistolis pro sacerdotibus Episcopos, & Presbyteros, pro templis Ecclesias dicunt: & similiter loquuntur Justinus, Ignatius, & ceteri antiquissimi Patres.

Deinde tempore Tertulliani jam satis perspecta differentia inter Christianos & Judæos, coeperunt Christiani Presbyteros & Episcopos nominare sacerdotes, ut patet ex Tertulliano libro de velandis virginibus, libro de monogamia, & alibi, & ex Cypriano in omnibus ferè epistolis; & ex sequentibus omnibus Patribus. Adhuc tamen abstinabant à vocabulo templi; quia mundus plenus erat templis idolorum, & usus loquendi obtinuerat, ut nomine templi intelligeretur locus consecratus ad sacrificia cruenta. Et in hoc sensu Octavius apud Minutium Felicem, Optatus, & Hieronymus negant Christianos habere templa.

Dices, At Octavius objectioni Cecilii, quod Christiani non haberent templa, aras, sacrificia, respondit, idèd Christianos non erigere templa, quod sciant Deum non posse capi ullo loco; & idèd non sacrificare, quod sciant Deum nulla re indigere; & seipsum loco templorum constituere, & sacrificare iustitiam, pietatem, aliasque virtutes: ubi videtur simpliciter admittere Christianos nulla tunc habuisse templa, vel altaria, vel sacrificia.

Respondeo, Octavium noluisse Sanctum dare canibus; & quia non videbat Cecilium capacem mysterii Eucharistiæ; quod est unicum Christianorum sacrificium, maluisse hoc tacere, & ad mentem adversarii respondere, qui de sacrificiis cruentis loquebatur. Nam quod ante Minutii tempora Christiani altaria, & sacrificia, & proinde etiam templa habuerint, patet ex Irenæo & Tertulliano jam citatis; uterque enim Minutio antiquior est.

A Tertia propositio. Ecclesia Christianorum rectè ad orandum, etiam privata oratione, instituitur. Probatum primum, Scripturæ testimoniis; nam 3. Reg. 8. & 2. Paralip. 6. Salomon affirmat templum factum esse, ut sit locus orationis, & petit à Deo, ut quicumque ibi oraverit, exaudiat, 3. Reg. 9. Deus apparens Salomoni pollicetur ita futurum, ut ille perierat. Ac si esset superstitio orare in templo potius, quam alibi; neque Salomon ad hunc finem instituit templum, neque Deus approbasset factum ejus; superstitio enim nunquam fuit licita. Præterea Isaiæ 56. dicitur, domus mea domus orationis vocabitur; & confirmat hoc ipsum Dominus, Matthæi 21. Neque obstat verbum Domini: *Intra in cubiculum tuum, vel, venit hora, quando nec in monte hoc, nec in Hierosolymis adorabitur &c.* Nam post illa omnia Dominus dixit de templo Salomonis: *Domus mea, domus orationis vocabitur.*

B Secundo, probatur exemplis Scripturarum, 1. Regum 1. Anna precatur Dominum ad tabernaculum accedit; ubi erat arca, ibique orans exaudita est. 2. Reg. 7. David similiter precaturus perrexit ad tabernaculum, & coram arca Domini orare cœpit. Ac certè nisi putasset, ibi Dominum magis esse præsentem, & facilius orationem exaudiri, domi suæ mansisset. Idem etiam David, ut habetur 1. Paralip. c. 21. voluit ire ad tabernaculum Domini in Gabaon, ut oraret pro avertenda peste à populo, sed non prævaluit nimio timore perterritus, idèd in ipsa Hierusalem extruxit altare. Daniel oraturus, quia non poterat ingredi templum, in Babylone existens captivus, saltem aperta fenestra orabat ad eam partem conversus, ubi fuerat templum Domini, Danielis 6. Luc. 2. Anna filia Phanuelis, non discedebat de templo, jejuniis, & obsecrationibus serviens nocte, ac die. Lucæ 18. Publicanus in templo orans justificatur. Actor. 3. Petrus & Joannes ascendebant in templum ad horam orationis nonam. Actor. 8. Eunuchus Reginz Æthiopum venerat adorare in Hierusalem.

C Tertiò, probatur ex Patribus. Origenes homil. 2. in Exodum, Ecclesias Christianas domos orationis vocat. Tertullianus in Apologet. cap. 39. dicit, in Ecclesiam conveniri, primum ad orationem. Secundo ad lectionem. Tertiò ad exhortationem &c. Eusebius lib. 2. hist. cap. 17. ex Philone dicit, in singulis locis primorum Christianorum fuisse sacras ædes consecratas orationi.

D Chrysostomus homil. 30. contra Ananæos: *Orare, inquiunt, vel domi possumus. Te, homo, decipis, & magno in errore versaris; nam etsi domi quoque datur orandi facultas, tamen fieri non potest, ut domi tam bene ores, quàm in Ecclesia.* Idem repetit homil. 79. ad populum.

E Basilii lib. 2. de Baptismo, quæst. 8. dicit, locum non parum referre ad orandum, & solvit duo argumenta, ab adversariis nobis objecta ex Joan. 4. & 1. Tim. 2. & in quæstionibus fuse explicatis quæst. 40. dicit, ad Ecclesias non oportere accedere propter negotia secularia, sed causa orationis.

Ambrosius in oratione de tradendis basilicis dicit, se quotidie solitum ire ad Martyres, idèd, ad basilicas Martyrum orationis gratia. Hieronymus in Epitaphio Marcellæ: *Apostolorum, inquit, & Martyrum basilicas secretis celebrabat orationibus.* Rufinus lib. 2. hist. c. 33. de Theodosio scribit: *Circumibat omnia orationum loca.* Augustinus lib. 22. de civit. Dei, cap. 8. meminit multorum, qui in basilicis orantes miracula impetrarunt. Et ibidem dicit, se cum aliis collegis suis quandam orationis domum dedicasse.

Quarto, probatur ex nomine; nam Ecclesiæ à Græcis sæpè vocantur *ἐκκλησίαι*, & à Latinis oratoria. Unde Augustinus epist. 109. in oratorio nemo aliud agat,

agar, nisi ad quod factum est, unde & nomen accepit.

Quintò, probatur rationibus. Prima ratio, Deus est in templo magis, quàm alibi; nam alioqui non diceret Paulus 1. Cor. 3. *Nescitis quia esset templum Dei, & spiritus Dei habitat in vobis?* Et 1. Corinth. 6. non diceretur: *Membra vestra templum sunt Spiritus sancti, quem habetis in vobis, glorificate, & portate Deum in corpore vestro.* Et 2. Corint. 6. *Vos essetis templum Dei vivi, sicut dicit Dominus, quoniam inhabitabo in illis, & inambulabo.* Apostolus enim accipit similitudinem à veris templis; quia enim templum est domus Dei, in qua ipse peculiari modo inhabitat; ideo ipse, ut ostenderet in nobis esse Deum peculiari modo, corpora nostra templum Dei appellavit. Unde Augustinus lib. 2. ad Simplicianum quæst. 4. dicit, Davidem orasse ante arcam, quia ibi sacratio, & commendatio præsentia Domini erat. Cum igitur in templis sacratio, & commendatio sit præsentia Domini, ibi certè magis orare expediet, quàm alibi.

Secunda ratio, Deus in templo citiùs exaudit, ut patet ex promissione Dei, 3. Reg. 9. quod enim Deus promisit templo Salomonis, sine dubio promisit etiam templis Christianorum; nam quod petiit Salomon cum templum dedicavit, idem petit Ecclesia cum nova templa dedicat, nimirum, ut aures Dei in eo loco sint apertæ. Non est autem credibile Deum exaudisse preces Salomonis, & non exaudire etiam preces Ecclesiæ suæ. Immo hic est modus, quo Deus est in templo peculiariter, nimirum, quia ibi est per exauditionem.

Tertia ratio, quia oratio est res nobilissima, & proinde ei debetur locus nobilissimus, qualis est locus sacer. Ita Basilii lib. 2. de Baptismo, quæst. 8.

Quarta, quia in Ecclesia sunt omnia accommodata ad excitandam devotionem, quæ orationi maxime necessaria est. Nam altaria, cruces, imagines, reliquæ, ipsi etiam parietes Deo dicati movent ad pietatem; quæ certè alibi non inveniuntur.

Quinta ratio, quia in templis ordinariè præter Dei præsentiam, quæ est ubique, est etiam præsentia mediatoris Christi corporaliter in Eucharistia; quæ certè augeat spem, & fiduciam orantis; & præterea non potest non incurere menti religiosæ horrorem, & reverentiam; nam, ut Joannes Chrysostomus dicit, homil. 36. in 1. ad Corint. ubi est Christus in Eucharistia, ibi etiam non deest Angelorum frequentia; ubi autem est talis Rex, & tales Principes, ibi est coeleste palatium, immò coelum ipsum.

Hinc ad argumenta contraria faciliè responderi poterit. Ad illud igitur, quod objiciebatur ex Evangelio, respondeo, illa verba: *Intra in cubiculum tuum,* non posse intelligi simpliciter de cubiculo materiali; nam alioqui Apostolus Domino contradiceret, qui ait: *Volo vras orare in omni loco.* Et nonne ipse Dominus legitur orasse frequenter in montibus? In cubiculo autem non legitur. Et Chrysostom. homil. 79. ad popul. dicit, ubique orari posse, etiam in foro: & adfert exempla quorundam, qui magistratu clamante, & furente pro foribus ejus loci signo crucis muniti, & brevi oratione solo corde ad Deum missa, mox immutaverunt cor magistratus, & propitium habuerunt, quem iratum habituri erant. Dominus ergo Matth. 6. jubet, ut in oratione non queramus inanem gloriam, quemadmodum Pharisei faciebant, qui orabant in angulis platearum, ut viderentur ab hominibus, sed queramus Deo placere, & ab illo videri. Quando ergo sic oramus, ut non queramus humanas laudes, semper in cubiculo oramus, sive alioqui simus in Ecclesia, sive in montibus, sive et-

A iam in ipso foro. Quando autem intramus cubiculum ad orandum, & cupimus videri, tunc sanè extra cubiculum orare dicimur, ut pulchrè annotat Joannes Chrysostomus in hunc locum.

Porro Ambrosius lib. 1. de Cain, cap. 9. Hieronymus in cap. 6. Matth. & Augustinus lib. 2. cap. 6. de serm. Domini in monte, intelligunt per cubiculum secretum cordis, ac voluit prohibitas evagationes mentis tempore orationis. Quod verum est. Sed prima expositio est magis literalis.

B Ad secundum dico, Dominum eo loco non loqui de adoratione ratione loci, sed ratione modi. Non enim vult dicere, tempore novæ Legis neminem adoraturum Deum in Hierusalem, vel in monte Garizim, id enim falsum esset; nam Act. 3. Petrus & Joannes etiam post acceptum Spiritum sanctum ascendebant in templum ut orarent, & ab eo tempore usque nunc qui peregrinantur ad loca sancta Palæstinæ, adorant Deum in Hierusalem, & in monte Garizim, & in aliis omnibus ejus terræ locis.

C Sensus igitur verborum Domini est, tempore novæ Legis non adorandum amplius Deum in monte Garizim, idest, non adorandum ritu Samaritanorum, quo utebantur in eo monte adorantes; neque adorandum in Hierusalem, idest, non adorandum ritu Judaico, quo utebantur in templo illo adorantes, sed novo ritu, qui erit in spiritu & veritate, idest, qui non consistet præcipuè in externis, corporalibus & umbraticis caeremoniis, sed in interna & spirituali cognitione, & dilectione Dei; in corde contrito & humiliato. Quæ tamen adoratio non excludit externum cultum, si ad internum juvandum, vel exprimendum ordinetur. Ita Chrysostomus, Cyrillus, Euthymius, & alii exponunt in commentar. hujus loci; qui illud, *in spiritu*, opponunt caeremoniis Judæorum, quatenus corporales erant; illud, *in veritate*, opponunt iisdem caeremoniis, quatenus umbræ, & figuræ erant.

D Non malè tamen Theophylactus, B. Thomas, & Cajetanus in hunc locum Joannis, illud, *in spiritu*, opponunt caeremoniis Judæorum corporalibus; illud, *in veritate*, opponunt errori Samaritanorum, qui adorabant quod nesciebant. Itaque solutio in hoc consistit, quòd Dominus velit præcipuum cultum Christianorum esse spiritualem, & putum ab omni errore: cum præcipuus cultus Judæorum fuerit externus: cultus autem Samaritanorum fuerit non solum externus, sed etiam impurus, quia simul Deum Israel, & Deos gentium adorabant.

E Sed dices, non videtur verum, præcipuum cultum Judæorum fuisse externum. Nam Isai. 29. arguit Dominus Judæos, quòd labijs orarent, & honorarent Deum, cor autem eorum longè esset ab ipso. Et David Psal. 50. sacrificium Deo offert cordis contriti & humiliati.

Respondeo: cultum internum, etiamsi is à Judæis requirebatur, & in quibusdam inveniebatur, esse proprium novi Testamenti, quia internus cultus à spiritu fidei, & charitatis procedit, quæ est gratia novi Testamenti, & ex lege veteri nullo modo haberi potest. Sicut enim dicimus, timorem esse legis, amorem Evangelii, & tamen amorem ex toto corde à Judæis Deus requirebat, & S. Patriarchæ & Prophetæ Deum ex toto corde dilexerunt, & hac ratione ad novum Testamentum pertinebant. Non enim à litera legis, sed à spiritu gratiæ id habebant; ita dicimus cultum externum esse proprium legis, quamvis non placeat sine interno; cultum internum esse proprium Evangelii, quamvis sine externo esse non possit; & si aliqui in lege veteri cultu interno Deum coluerunt, ut Deus petebat, id non à lege, sed

sed à gratia novi Testamenti ad quam etiam ipsi pertinebant, habuerunt.

Ad Tertium locum facilis responsio est; cum enim Apostolus ait: *Volo ergo viros orare in omni loco, levantibus puras manus sine ira, & disceptatione*, vel agit de publica, vel de privata oratione: si de privata, ut Ambrosius, Anselmus, Haymo, Thomas, & alii Latini exponunt, tunc sensus est secundum eosdem, non solum in Ecclesia, quamvis ea sit præcipua domus orationis, sed etiam in aliis omnibus locis licitum esse orare Deum, modò turpitudine loci non videatur impedire. Si autem de publica oratione agitur, tunc testimonium hoc pro nobis facit; illud enim, *in omni loco*, significat, in omni loco, ubi ad orandum publicè convenitur, idest, in omni Ecclesia.

Quòd autem hæc sit vera expositio, patet Primo ex eo, quòd secundum omnes Græcos, & multos Latinos Apostolus ponit illud, *in omni loco*, propter Judæos, qui solum in uno loco, idest, in templo Salomonis orandum censebant. At privatas orationes etiam Judæi ubique faciebant, ut patet ex illo Matth. 6. *Amant in synagogis, & in angulis platearum stantes orare*: igitur de publica oratione, & de sacrificio agitur, quæ solum in templo Salomonis Judæi fieri debere existimabant.

Secundò patet ex eo, quòd statim subditur: *Similiter mulieres in habitu ornato &c.* quæ non possunt intelligi, nisi de oratione, quæ fit in Ecclesia. Cur enim necesse est mulierem convenienti habitu vestiti, cum ad orandum proficiscitur, nisi propter alios, cum quibus orat?

Tertiò patet, quia cum dicitur: *Volo ergo viros &c.* illud, *ergo*, conjungit hanc sententiam cum initio capitis, ubi dictum est: *Obsecro primam fieri obsecrationes, orationes, postulationes &c.* Quæ verba B. Augustinus in epist. 79. ad Paulinum, & omnes Græci intelligunt esse dicta de publica oratione, quæ fit in Mularum celebratione. Adde, quòd Basilii lib. 2. de Baptismo quest. 8. utrumque locum sic exponit, ut velit Christum, & Apostolum docere voluisse, deinceps non fore locum orationis solum in Hierusalem, sed in toto orbe erigenda templa, & oratoria.

Ad Quartum concedo, Deum esse ubique aliquo modo, sed non omnibus modis; nam certè si Deus esset ubique eo modo, quo est in cælis coram beatis, frustra diceremus: *Pater noster, qui es in cælis*. Ac ut verba ipsa Calvinii refellamus, sciendum est, Calvinum lib. 3. Instit. cap. 20. §. 30. sic loqui: *Cavendum est, ne putetur templum propria esse Dei habitatio, ut ibi aures suas propius nobis admoveat, quemadmodum aliquot sæculis ante putatum est*. Jam vel Calvinus vult Deum non ita propriè habitare in templo, ut ibi concludatur: vel existimat nullo modo posse dici, Deum magis in templo habitare, quàm alibi: si primum, rectè dicit, sed mentitur, cum ait: *Aliquot sæculis aliter putatum fuisse*; numquam enim Catholici tam stupidi fuerunt: si secundum, loquitur omnino contra Scripturas; nam si Deus esset ubique eo modo, quo est in templis, frustra templum diceretur domus Dei, Isaia 56. & alibi passim. Frustrà Paulus diceret, nos esse templa Dei, quia Deus in nobis habitat: & si Deus non loquitur, & audit magis in uno loco, quàm in alio, cur, quæso, in Testamento veteri ordinariè responsa dabat solum ex propitiatorio, quòd erat super arcam?

Quarta propositio. *Sacra domus non solum Deo, sed etiam Sanctis rectè adificantur, & dedicantur*. Probatur conclusio ista quarta ex Conciliis, & veterum testimonis. Concilium Gangrense in epist. ad Episcopos Armeniæ, damnat Eustathium tamquam contemptorem basilicarum sanctorum Martyrum, & canon. 20.

A nominat Martyrum basilicas. Concilium Cabilonen- se can. ult. Martyrum basilicas appellat. Concilium Carthaginense V. can. 14. vetat, ne ædes ulli Martyri ædificentur, nisi ibi sit aut corpus, aut aliquæ ejus reliquæ; aut ibi Martyr habitaverit; aut certè in eo loco passus sit: aliquid enim horum requiritur, ut memoria Martyris dici possit locus aliquis.

B Præterea Patres idem docent, ac primum Græci. Cyrillus catechesi 16. meminit Ecclesiæ Apostolorum erectæ in Hierosolymis in loco, ubi Spiritus sanctus descenderat. Athanasius in epist. ad solitariam vitam agentes, nominat templum S. Qurini. Basilii in Psalm. 114. in ipso principio vocat sacrum Martyrum templum. Nazianzenus orat. 1. in Julianum scribit Gallum, & Julianum ædem sacram Mame Martyri ingentibus sumptibus erigere cœpisse, & laudat Gallum, quia ex amore sincero id faciebat. Gregorius Nyssenus oratione in Theodorum multa dicit de templo ipsi Martyri dicato. Chrysostomus hom. 28. ad populum: *Ad veras, inquit, regias Ecclesias dico, & oratorias aedes, & Martyrum templa &c.* Et hom. 66. dicit, Constantinum post mortem factum janitorem piscatoris, quia sepultus erat pro foribus basilicæ S. Petri apud Constantinopolim. Theodoretus lib. 8. ad Græcos, templa olim idolorum, nunc Martyrum esse dicit. Eusebius lib. 4. de vita Constanti c. 58. 59. & 60. dicit, templum pulcherrimum Constantinopoli Apostolis à Constantino erectum. Sozomenus lib. 6. cap. 18. meminit templi S. Thomæ, quòd erat Edessæ. Socrates lib. 1. cap. ult. meminit Ecclesiæ Apostolorum. Evagrius lib. 2. cap. 3. meminit templi S. Euphemie, & lib. 3. cap. 8. templi S. Theclæ amplissimè à Zenone exstructi. Nicephorus lib. 13. c. 37. meminit templi S. Basilici. Damascenus lib. 4. c. 16. asserit templa in Martyrum memoriam ædificanda. Denuque exstat liber Procopii de ædificiis Justiniani, ubi plurima templa Martyrum, aliorumque Sanctorum enumerat.

C Ex Latinis Ambrosius lib. 1. epist. 5. ad Felicem Episcopum Comensem: *Ortus, inquit, est sermo de basilica, quam condidit Apostolorum nomine dedicanda*. Hieronymus lib. contra Vigilantium: *Ingrederet, inquit, basilicas Martyrum, & aliquando purgaberis*. Ibidem, & in epistola præcedente, & alibi passim meminit basilicarum Apostolorum & Martyrum.

D Gaudentius Ambrosii æqualis, tractatu de dedicatione Ecclesiæ: *Ut venerandas Sanctorum reliquias haberemus, Deus noster tribuit; deinde ut hanc honori eorum fundare basilicam valeremus, ipse largitus est &c.*

E Augustinus lib. de cura pro mortuis cap. 1. meminit basilicæ S. Felicis: *In Beatissimi, inquit, Felicis basilica penetretur &c.* Et lib. 1. Civit. Dei cap. 1. *Testantur hoc, inquit, Martyrum loca, & basilica Apostolorum &c.* Et lib. 20. contra Faustum cap. 21. *Populus Christianus memorias Martyrum religiosa solemnitate concelebrat*. Et lib. 8. Civit. Dei cap. 26. *Sed hoc videtur dolere, quòd memoria Martyrum nostrorum, templis eorum, delubrisque succederent*. Auctor libri de Ecclesiasticis dogmatibus cap. 73. Martyrum basilicas devotè adeundas dicit. Paulinus natali 1. S. Felicis dicit, se optare, ut possit servire S. Felici in ejus basilica purganda, & custodienda.

*Et foribus servire tuis, tua limina mane
Munditie curare fuit, & nocte vicissim
Excubiis servare piis, & munere in isto
Claudere promeritam defesso corpore vitam.*

Victor Uticensis lib. 1. persecutionis Wandaliæ scribit, apud Carthaginenses duas amplas basilicas S. Cypriani fuisse. Gregorius lib. 2. Dialogor. cap. 8. scribit, à S. Benedicto in monte Cassino duo sancta Apollinis versa in oratoria Sanctorum, unum Martini, alterum Joannis. Liber Pontificalis testatur Sylve-

Sylvestrum dedicasse basilicas à Constantino extructas, unam Petro, alteram Paulo, tertiam Joanni, quartam Laurentio, & alias. Liberium B. Mariæ; Damasum aliam S. Laurentio; Innocentium S. Gervasio & Protasio; Sixtum B. Mariæ, & S. Laurentio; Leonem S. Cornelio; Gelasium S. Euphemie; Symmachum S. Andree; Joannem I. S. Philippo & Jacobo; Pelagium II. S. Laurentio; Gregorium S. Agathæ; Bonifacium IV. B. Mariæ, & omnibus sanctis. Qui omnes Pontifices, excepto Gregorio & Bonifacio, ante mille annos floruerunt.

Secundò probatur ratione à simili, ex divinis literis. Templum Salomonis non solum fuit erectum ad sacrificia, & orationes, sed etiam ad conservandam arcam Domini, ut patet ex lib. 1. Paralip. cap. 17. ubi David volens ædificare templum, dicit ad Nathan: *Vides, quòd ego habitem in domo cedrina, & arca Dei sub pellibus.* Item lib. 1. Paralip. cap. 28. David dicit: *Cogitavi, ut ædificarem domum, in qua requiesceret arca fuderis Domini, & scabellum pedum Dei nostri.* Idem patet ex lib. 2. Paralip. cap. 5. ubi templo extructo introduxerunt arcam in illud cum magna celebritate, & ex Ps. 131. ubi dicitur David vovisse votum Deo de ædificanda domo arcæ Dei. Ubi etiam legimus, ingredi Domine in requiem tuam, tu & arca sanctificationis tuæ.

Sed idem honor, vel etiam major debetur sacris reliquiis Christi, & Sanctorum, quàm arcæ illi Moisaicæ: Nam de sepulchro Domini Hieronymus ait epist. 17. ad Marcellam: *Venerabantur quondam Judæi sancta Sanctorum, quia ibi erat arca. Nonne tibi venerabilis videtur sepulchrum Domini?* Ergo sicut super arcam extrui potuit ædes, ita etiam super Christi sepulchrum: quòd si super Christi sepulchrum, certe etiam super sepulchra Sanctorum: Nam eadem est ratio omnium, solum enim differunt secundum magis & minus. Præterea, quòd reliquiæ Sanctorum sint venerabiles eo modo, quo arca Domini, probatur: Nam arca quatenus lignea erat, nullum honorem merebatur, sed idèò venerabatur, quia representabat sedem Dei, & quia per eam Deus loquebatur; At corpora Sanctorum fuerunt vivæ sedes Dei, & viva organa, per quæ Deus locutus est; Nam 1. Corinth. 6. dicitur: *Membra nostra templum sunt Spiritus sancti.* Et 2. Corinth. 13. dicitur: *An experimentum queritis ejus, qui in me loquitur Christus?* Ergo licebit etiam extruere sacras ædes ad Sanctorum sepulchra ornanda, & conservanda; & hoc est, Sanctis dedicare basilicas.

Dices; Ergo saltem Angelis, & B. Virgini, & Sanctis, quorum non habemus reliquias, non licebit extruere basilicas.

Respondeo, nomine reliquiarum non solum intelligi ossa, & vestes, sed etiam loca, ubi Sancti passi sunt, vel ubi habitaverunt, aut aliquid præclari gesserunt. Et hoc modo extructæ fuerunt Cypriano duæ basilicæ, teste Victore lib. 1. una, ubi passus erat; altera, ubi jacebat corpus ejus. Similiter hoc modo extructæ sunt multe Ecclesiæ B. Mariæ, vel Angelis in locis, ubi apparuerunt, vel miracula aliqua ostenderunt. Addo etiam, posse erigi basilicas ad Sanctorum memoriam conservandam per imaginem, per ipsum solum nomen. Nimirum potest erigi basilica S. Petro, ut qui ingrediuntur, admoniti imagine ibi depicta, vel ipso templi nomine, recordentur S. Petri, eumque in eo loco tamquam patronum colant, & deprecantur. Neque hoc est contra Concilium Carthaginense V. canone 14. quod statuit, ut nulla memoria acciperetur, nisi ibi sint reliquiæ ejusdem Sancti, vel constet ibi eum esse passum, aut habitasse; Nam Concilium non vult prohibere simpliciter, ne extruatur basilica sine reliquiis ejusdem

A Sancti, cui basilica dicatur; sed vult, ut non habeatur pro tali memoria Martyris, in qua credantur esse ejus reliquiæ, nisi fidelissima historia constet, rem ita se habere.

Jam ad argumentum in oppositum duæ solutiones sunt. Prima, quorundam recentiorum, qui quia non distinguunt inter templum, & basilicam, existimant sacras ædes non posse propriè erigi, nisi Deo, quem admodum sacrificia non offeruntur, nisi Deo. Quia tamen plurima sunt templa, quæ dicantur Deo, ut possint inter se aliquo modo distingui, dicunt denominari à Sanctis, non quòd eis erigantur, sed quòd in illis templis præcipuè colantur eorum memorie, & ipsi in illis locis patroni invocentur.

B Quando igitur legunt in veteribus, vel audiunt in communi sermone vocari templum, vel basilicam S. Petri, vel Pauli, vel aliorum; dicunt debere exponi hoc modo: hæc basilica, vel templum est S. Petri, idest, est templum dicatum Deo in memoriam & nomen S. Petri; vel dicatum est Deo, ut ibi ore-
C tur Deus per intercessionem S. Petri: quemadmodum Missa quædam dicitur S. Petri, non quòd ipsum sacrificium offeratur Petro, sed quòd offeratur Deo in gratiarum actionem pro gloria S. Petro collata, & simul interpelletur Petrus tamquam patronus, & advocatus apud Deum. Quæ sanè pia est expositio, & conformis ritui Ecclesiæ, qui servatur in consecratione templorum; Nam aliquoties Pontifex in ea caeremonia dum preces fundit, dicit, se consecrare templum in honorem Dei, & nomen talis, vel talis Sancti.

Alter a solutio admittit sacras domos ipsis Sanctis verè & propriè ædificari, non tamen sub ratione templi, sed basilicæ, vel memoriæ. Est enim observandum secundum veterum Patrum doctrinam, templum, & basilicam non esse synonyma, & licet de eadem domo sæpè dicantur, tamen dici sub diversissimis rationibus. Nam sacra ædes propriè templum dicitur, quatenus erigitur ad sacrificia; eadem sacra ædes dicitur basilica, quatenus erigitur ad ornatum sepulchri alicujus Sancti, & commoditatem visitantium ejusmodi reliquias. Basilica enim non dicit relationem ad sacrificia: Nam etiam Regum palatia dicuntur basilicæ, ut patet Hesther 5. imò ea palatia propriè dicuntur basilicæ, & inde nomen translatum est ad Martyrum ædes significandas. Quod etiam videmus in altaribus; Nam unus, & idem lapis dicatur altare, quatenus in eo sacrificatur Deo; & idem dicitur tumulus, vel sepulchrum, quatenus tegit ossa Martyris alicujus. Omnia enim altaria sunt sepulchra Sanctorum: & sicut lapis ille verè dicatur sancto non sub ratione altaris, sed sub ratione sepulchri: ita domus aliqua verè dicatur sancto non sub ratione templi, sed sub ratione basilicæ. Et quemadmodum idololatria esset erigere Sanctis altaria, & tamen non est idololatria erigere illis lapideos tumulos: ita idololatria esset erigere Sanctis templa sub ratione templi; non tamen idololatria est erigere illis basilicas. Sicut etiam non est idololatria donare Sanctis thecas aureas, vel argenteas, quibus includantur reliquiæ eorum. Nihil enim aliud sunt basilicæ, quàm magnæ quædam thecæ, quibus minores thecæ, & ipsa sepulchra clauduntur.

Ex quibus sequitur, aliter dici Missam S. Petri, aliter basilicam S. Petri; nam Missa non offertur ullo modo S. Petro, nec primariò, nec secundariò: at basilica verè ædificatur S. Petro, si non primariò, saltem secundariò.

Esse autem hoc discrimen inter templum, & basilicam, probari potest ex Patribus. Augustinus enim clarissimè testatur, templi erectionem esse cultum latræ soli Deo debitum lib. 1. contra Maximum, & lib.

& lib. contra serm. Arianorum : & idem Augustinus coniungit templum cum altari & sacrificio lib. 8. de Civitate Dei cap. ult. docens cui convenit unum eorum, & alia convenire, & contra; & tamen in iisdem locis Augustinus fatetur, memorias rectè Martyribus ædificari, & præcipuè locus notandus est lib. 12. de Civit. Dei cap. 10. ubi sic ait : *Nos autem Martyribus nostris, non templa sicut Diis, sed memorias sicut hominibus mortuis, quarum apud Deum vivunt spiritus, fabricamus.* Idem Augustinus nusquam dicit templa Martyrum : & tamen passim dicit basilicas Martyrum, quod etiam in aliis Latinis Patribus observare licet.

Porro Græci dicunt quidem templa Martyribus fabricari, vel dedicari, ut patet ex Basilio in Pl. 114. ubi vocat, *ἱερὸν τῶν μαρτύρων*, & similiter loquuntur Nyssen, & alii; tamen certum est eos intelligere materialiter, idest, domum illam, quæ dicitur templum, fabricari Martyribus, non tamen sub ratione templi ad sacrificia, sed basilicæ, ad ornandam memoriam ipsorum Sanctorum.

Quod autem ipsi etiam intelligant, sacras ædes extrui Martyribus, & non solum Deo, in eorum memoriam, sicut sacrificium offertur Deo in eorum memoriam, probatur; nam ipsi simpliciter asserunt ædes extrui Martyribus, & tamen nusquam dicunt sacrificium offerri Martyribus, immò hoc simpliciter negant, ut patet ex Theodoro lib. 8. ad Græcos: ergo aliter existimabant ædes, aliter sacrificium ad Martyres pertinere. Neque obstat ritus consecrationis; nam cum dicitur, templum sacrari ad honorem Dei, & nomen Martyris, agitur de consecratione templi, ut templum est.

C A P U T V.

De dedicatione & consecratione Ecclesiarum.

M Agdeburgenses Cent. 4. cap. 6. col. 407. & sequentibus, tria in dedicationibus reprehendunt. Primò, quòd templa à nobis cum ingenti lætitia, & celebritate dedificentur, quòd ortum esse dicunt ex κακοῦνδία Judaismi, & esse rursus introducere Judaismum in Ecclesiam.

Secundò, quòd utamur tot cæremoniis in consecratione templorum; Nam præter alias, quædam sunt quæ non videntur posse excusari à superstitione & magia. Nam primò pinguntur duodecim cruces, & ante singulas accenduntur singulæ lampades, deinde pullatur templum, & aperitur. Tum describitur in pavimento super cineres ad hoc sparsos, baculo pastorali alphabethum Græcum ab uno angulo ad alium, & rursus alphabetum Latinum ab alio angulo ad alium, ita ut inde crux fiat. Tum fit mixtura ex aqua, vino, sale, & cineribus, & inde aspergitur templum; ac demum templum & ara Chrismate inunguntur.

Tertiò arguunt, quòd putemus, templa esse loca sanctiora cæteris: quod etiam reprehendit Calvinus lib. 3. Instit. cap. 20. §. 30. Nos ergo iuxta eorum reprehensiones, tres sententias subiiciemus.

Prima sit, *Meritò templa Dei cum ingenti lætitia & solemnitate dedificentur.* Probatum primò ex testamento veteri, ubi legimus celeberrimam dedicationem tabernaculi & altaris, Num. 7. Item ter legimus factam templi dedicationem cum ingenti lætitia & celebritate. Primò à Salomone lib. 2. Paralipomen. cap. 7. Secundò ab Esdra, lib. 1. Esdræ cap. 6. Tertiò à Machabæis, cum post profanationem iterum esset renovatum, & sanctificatum lib. 1. Machab. cap. 4. ad quam solemnitatem, quæ annis sin-

A gulis iterum agebatur, Christum etiam accessisse scribit Joannes cap. 10.

B Sed hoc argumentum adversarii putant esse potius contra nos, quia videmur Judaizare, cum id facimus quod illi faciebant, quantum ad ejusmodi cæremonias attinet. At revera pro nobis est argumentum, siquidem cæremoniæ propriæ Judæorum, & quæ cessaverunt, nec servari possunt sine peccato, sunt illæ, quæ institutæ erant ad aliquid significandum futurum in Christo, vel in Ecclesia. Illæ enim si nunc servarentur, falsam haberent significationem, & proinde falsæ fidei protestationes essent. Ut quia agnus Paschalis significabat Christi passionem futuram, si quis nunc agnum eo ritu immolaret, profiteretur Christum nondum esse passum, quod est contra veram fidem. At cæremoniæ, quæ fundantur in ratione naturali, ut flectere genua, tundere pectus, & similes, non sunt propriæ Judæorum, etiam si ab illis quoque adhiberentur; nec ad legem cæremonialem, sed ad moralem pertinere videntur.

Porro talem esse templorum dedicationem, patet primò, quia non legitur Deus instituisse hanc cæremoniam: sed Salomon, Esdras & Machabæi, natura duce, putaverunt convenire, ut de perfecto templo gratias Deo referrent, & cum publica lætitia auspicarentur usum templi.

C Secundò, quia verè natura hoc docet, ut ad finem magnorum operum homines gaudeant, & Deo gratias agant; & similiter quando incipiunt re aliqua nova uti, Deum invocent, & cum lætitia opus aggrediantur. Hoc autem fit in dedicatione templi: Nam exultamus, & Deo gratias agimus, quòd templi fabricam completam videamus, & rursus cum lætitia & faustis imprecationibus aggredimur usum ipsius templi.

D Tertiò, quia natura docet, celebrandos esse dies natales magnorum virorum; id enim etiam Ethnici faciebant: & apud nos celebratur singulis annis creatio Pontificis Maximi. Unde sunt sermones aliquot B. Leonis in anniversario suæ assumptionis. Cur non eodem modo celebrari poterit natalis templi, quæ est res publica, & magna, & toti Ecclesiæ utilissima?

Adde ultimò, quòd Deus ipse exemplum dedicationis dedisse videtur, cum expleto opere suo, in signum lætitiæ diem septimum benedixit, & sanctificavit, & nihil operando festum diem egit.

E Secundò probatur ex praxi Ecclesiæ & veterum traditione. Eusebius lib. 9. hist. cap. 10. *Festivitates, inquit, à nostris frequentissimè gerebantur, cum omni lætitia & exultatione, per urbes, & loca singula Ecclesiarum dedicationibus celebratis. Congregabantur in unum Sacerdotes, nec pigebat etiam longè positos convenire, quia nullum longius videbatur spatium charitati.* Idem lib. 4. de vita Constantini, scribit, Constantinum ad consecrationem & dedicationem ædis, quam Hierosolymis Martyribus extruxerat anno imperii sui 30. convocasse universam Synodum, quæ Tyri convenerat &c.

Athanasius in Apologia ad Constantium: *Illud, inquit, & à beata memoria Alexandro, aliisque Patribus actum est, qui populi conventus habuere, & absoluto opere agendis Deo gratias dedicationem celebraverunt. Huius ergo dedicationis te, Imperator, auctorem esse oportet. Locus enim ille exadificatus præsentiam tuam pietatis requirit; hoc enim ei solum deest ad plenum ornatum. Hoc igitur ut adimpleas, ut vota tua Domino, cui hanc domum construxisti, reddas, omnium vota optant & suspirant &c.* Ibidem pro dedicatione Ecclesiæ adfert exemplum Esdræ ex Testamento veteri.

Basilius in Psal. 114. initio reddit causam, cur serius venerit ad Ecclesiam dedicandam, ubi populus à me-

à media nocte usque ad meridiem expectaverat : Si verò, inquit, oportet, etiam nos pro nobis ipsis rationem reddere mora ac longioris nostrae absentiae, causam adferimus, quòd alteram huius aequalis Dei Ecclesiam non modico intervallo à vobis distantem, ministerio nostro curantes, tempus hoc diei consumpsimus. Hunc locum, qui fortè ambiguus posset videri, fatentur Magdeburgenses Centur. 4. cap. 6. col. 408. de templi dedicatione intelligendum.

Gregorius Nazianzen. orat. in novam Dominicam sic incipit : De enceniis honorandis lex vetus est, eaque praeclare constituta. Chrysostomus quoque sermonem habuit in enceniis, tom. 3. Sozomenus lib. 4. c. 13. scribit, Basilium Ancyranum ad templi dedicationem plurimos Episcopos invitasse.

Ambrosius lib. 1. epist. 5. ad Felicem, dicit, se & ipsum Felicem ad Basilicæ dedicationem à Bassiano invitatum. Et in epist. ad Sororem, quæ habetur inter sermones, num. 92. Cum, inquit, Basilicam dedicassem, multi tamquam uno ore interpellare ceperant, dicentes : Sic in Romana Basilica dedices. Respondi, faciam, si Martyrum reliquias invenero &c.

Gaudentius tractatu de dedicatione, dicit, convenisse multos Episcopos ad celebritatem dedicationis Ecclesiæ, quæ Brixie erecta fuerat in honorem reliquiarum Joannis Baptistæ, Andreæ, Thomæ, Lucæ, Gervasii, Prothasii, Celsi, & quadraginta Martyrum.

Augustinus quinque sermones ad populum habuit in celebritate dedicationis templi, qui sunt inter sermones de tempore 251. 252. 253. 254. 255. & 256.

Gelasius Papa epist. 1. ad Episcopos Lucaniz & Aprutii, cap. 6. Basilicas, inquit, noviter institutas, non petitis ex more preceptionibus dedicare non audeat. Item cap. 27. alia quædam constituit in dedicatione Ecclesiarum servanda. Felix IV. qui etiam ante mille annos sedet, in epistola sua decretali prolixè de hac re differit, ac inter alia sic ait : Solemnitates verò dedicationum Ecclesiarum per singulos annos celebranda sunt &c.

Prosper par. 3. cap. 38. de promissionibus Dei, testatur se interfuisse cum apud Carthaginem dedicaretur insigne quoddam templum, quod olim Gentilium fuerat ; in cujus frontispicio divinitus scriptum invenerunt magnis atque aeneis literis : AURELIUS PONTIFEX DEDICAVIT. Quod prælagium omnes mirabantur, cum viderent ab Aurelio Episcopo Carthaginensi fieri, quod tanto antea prædictum fuerat.

Gregorius lib. 3. Dialogorum, cap. 30. scribit, tempore suo dedicatam Basilicam non sine divinis miraculis, quibus indicaretur, Deo placuisse eam dedicationem. Bernardus sex sermones habuit de dedicatione templi. Rupertus in cap. 28. Genes. probat, rectè fieri festivas dedicationes. Hugo de S. Victore, lib. 2. de Sacramentis, par. 5. cap. 2. & 3. Isidorus lib. 1. de officiis, cap. 35. Rabanus lib. 2. c. 45. de institutione Clericor. Amalarius in lib. de ordine Antiphonarii, B. Ivo in serm. de consecrat. templi, & Walfridus de rebus Ecclesiasticis, cap. 9. qui omnes de dedicatione Ecclesiæ tractant, tamquam de re antiquissima, cum tamen etiam ipsi antiqui sint auctores.

Secunda propositio : Merito ab Ecclesia variis precibus & ceremoniis templa consecrantur. Probatur Primò Scripturæ testimonio. Siquidem ex Scriptura habemus consecrationem templi, vel altaris, in statu naturæ, legis, & gratiæ. In statu naturæ Jacob cap. 28. Geneseos, erexit lapidem, ut ibi sacrificaret, eumque consecravit fundens oleum desuper, & inde eum locum appellavit Bethel, idest, domum Dei ; & c. 35. monitus à Deo, ut faceret altare, rursus ibidem ere-

A xit lapidem, eumque inungendo consecravit, & libavit super eum libamina. Certè hoc non pertinet ad magiam, cum lauderetur hoc factum ab omnibus, & constet placuisse Deo. Nec etiam pertinet ad caeremonias legis, quæ adhuc data non fuerat. Cur ergo non liceat nobis idem facere?

Deinde in statu Legis videmus Mosem consecrasse oleo sacro, aliisque caeremoniis tabernaculum, altare, & omnia ejus vasa. Exodi cap. 40. & Num. 7. quas etiam caeremonias certum est non fuisse magicas. Et licet caeremoniæ fuerint veteris legis, tamen quia non erant propriæ ejus, quippe quæ in oratione fundantur, nihil obstat, quo minus à nobis etiam assumi possint.

B In statu Evangelii non habemus tam expressa testimonia Scripturæ, interim tamen ex eo, quòd Paulus in priori epistola ad Corinthios cap. 11. Corinthios arguit tamquam Ecclesiæ contemptores, quia in Ecclesia comedebant, satis innuitur, tunc etiam Ecclesiam aliquo modo sacramentatam fuisse. Cur enim Ecclesiam contemnere dicitur, qui in ea actionem alibi licitam exercet, nisi propter aliquam ejus loci consecrationem? Et confirmatur ex Dionysio Areopagita, qui tempore Apostolorum vixit, & lib. de Ecclesiastica hierarchia, cap. 5. par. 1. apertè docet, altaria sacro oleo inungi, & consecrari ab Episcopo debere.

C Secundò, probatur ex decretis Conciliorum antiquorum. Nam Concilium Carthaginense V. can. 6. sic habet : Similiter & de Ecclesiis, quoties super earum consecratione habetur, agendum est, idest, ut sine ulla trepidatione consecrentur. Item Agathenise Concilium cap. 14. Altaria placuit non solum unctiōe Chris-matis, sed etiam sacerdotali benedictione sacrari. Idem patet ex Concilio II. Bracarense can. 6. Item ex decretis Pontificum Gelasii & Felicis IV. suprà citatorum, & Joannis I. in epist. ad Episcopos Italiz. Alia decreta vide apud Gratianum de consecr. dist. 1. ubi etiam adfertur canon Nicæni Concilii, & alius Concilii Hipponensis, quod plenarium totius Africæ fuisse testatur Augustinus lib. 1. Retractat. c. 17. quamquam isti canones modò non exstant, nisi apud Gratianum.

D Tertiò, probatur ex Patribus citatis in priore conclusione; nam major pars eorum meminit etiam consecrationis, & caeremoniarum, quibus uti solemus in consecratione templi & altaris.

E Quartò, probatur ratione desumpta ex fine illarum caeremoniarum. Finis enim præcipuus est ad significandum templum illud Deo & sacris actionibus dedicari, neque esse domum profanam, sed sacram. Nam etiam si ista dedicatio essentialiter consistat in voluntate, & intentione dedicationis: tamen necesse est, ut hæc intentio & voluntas signis externis prodatur aliis hominibus. Quomodo etiam humani contractus consistunt in intentione & voluntate contrahentium: tamen ut innotescat voluntas, & ut firma & rata sint, non solum proferuntur verba, sed etiam multæ adhibentur caeremoniæ, ut patet in nuptiis, in coronatione Regum, in militia &c.

Quoniam ergo templum dedicatur Christo, idè ad hoc significandum pingitur signum ejus, idest, crux. Pinguntur autem crucees num. 12. ita inter se distantes, ut totum templum occupent; & ad singulas, lampades singulæ accenduntur, ad significandum, quòd Apostoli 12. hoc vexillum Christi per totum orbem terrarum portaverunt, & sua prædicatione mundum illustrarunt.

Et quia templum non debet esse profana & communis domus, sed sacra, idè ad hoc significandum inungitur. Oleum enim est communissimum & evidentissimum symbolum consecrationis. Quia enim est

est liquor nobilissimus, quippe qui omnibus supereminet, & maxime omnium penetrat, & sanat, ac roborat. Ac demum res illustres facit: ideo placuit omnibus Gentibus, & ipsi etiam Deo, illo uti ad consecrationem significandam.

Quia rursus templum destinatur divinis sacrificiis, & orationibus, aliisque sanctis & puris actionibus, non autem sordibus, & tenebris negotiorum secularium, ideo ad hanc munditiam & claritatem significandam aspergitur aqua, thus adoletur, cerei accenduntur.

Quia sacratum etiam templum ad concionandum, & docendam fidem, quæ est fundamentum totius iustitiæ, ideo describitur alphabetum in pavimento. Describitur autem Græcè & Latine, quia illis linguis prædicata est fides, & illis linguis utebatur tota ferè Ecclesia eo tempore, quo hæc ceremoniæ sunt institutæ.

Et quia in templo non solum docentur homines, sed etiam moventur & inflammantur ad virtutem, & vitæ novitatem, ideo fit illa mixtio aquæ, cineris, salis, & vini, ut infra dicemus.

Quia denique ex templo Diabolus ejicitur, neque ibi habitare finitur, sed è contrario oratur Deus, advocantur Angeli, alique Sancti, ut in eo loco habitare dignentur, ideo pulsatur ostium, & jubetur Diabolus recedere, & reliquæ Sanctorum introducuntur.

Alius finis harum ceremoniarum est, ad significandum Christum, & Ecclesiam. Ecclesia enim materialis, Ecclesiam spiritualement designat: altare verò significat Christum, hinc igitur altare fit ex lapide, & inungitur, & summo loco ponitur, & sub ipso absconduntur reliquæ: quia Christus dicitur petra, 1. Corinth. 10. & unctus fuit Spiritu sancto, præ confortibus suis, Psal. 44. Et caput est totius Ecclesiæ, Coloss. 1. Et in ipso abscondita est vita & gloria Sanctorum, Coloss. 3. Unde etiam in cælo vidit Joannes animas Sanctorum sub altari, Apocal. 6.

Porro ceremoniæ, quæ fiunt in ipsa consecratione, totum progressum fidelium demonstrant. Nam primo loco pulsatur, & aperitur templum baculo pastoralis ab Episcopo, quia prædicatores potestate à Christo accepta, corda infidelium pulsan, & ad fidem suscipiendam aperiunt.

Secundò, ingressus Episcopus eodem baculo describit in pavimento cinere consperso alphabetum, quia prædicatores eadem potestate in cordibus poenitentium inscribunt rudimenta fidei, eosque Catechumenos faciunt.

Tertiò, aspergitur templum aqua, & cerei accenduntur, quia post Catechismum sequitur Baptismus, quod est Sacramentum illuminationis.

Quartò, in parietibus pinguntur & inunguntur cruces (nam etiam si cruces ante initium consecrationis factæ sunt, tamen hoc tempore fieri debuissent; sed antea factæ sunt propter commoditatem, nimis enim diu expectaretur, si in ipsa consecratione pingerentur) ad significandam confirmationem, quæ post Baptismum cruce & chrismate perficitur.

Quintò, fit mixtio quædam aquæ, cineris, salis, & vini, quia tota vita fidelium consumi debet in mortificandis vitiis, & vitæ novitate quærenda, & retinenda. Nam aqua significat hominem, qualis est ex se post peccatum, est enim frigidus & insipidus. Cinis significat poenitentiam & mortificationem vitiorum. Sal saporem. Et vinum lætitiā & fervorem novæ vitæ.

Sextò, agitur dies festus cum lætitiā, finita consecratione, quia post finem hujus vitæ fideles intrabunt in gaudium Domini, ubi perpetuò latabuntur.

A Hæc & similia vide apud Augustinum & Bernardum in sermonibus de dedicatione, & apud Hugonem, Ivonem, & Rabanum supra citatos, qui singillatim explicant rationes harum ceremoniarum.

Tertia propositio: *Templum consecratum, merito sanctum & venerabile, ac divina quadam virtute præditum existimari debet.* Probatur, Primò, ex relatione ad Deum; Templum est dedicatum Deo, ergo est res Dei, ergo sanctum est; nam omnis res Deo dicata, eo ipso est sancta, Levit. ult. *Animal quod immolari potest Domino, si quis voverit, sanctum erit.* Et infra: *Quidquid semel fuerit consecratum Domino, sanctum Sanctorum erit.* Matth. 23. *Va vobis duces cæci, qui dicitis: Quicumque juraverit per templum, nihil est; qui autem juraverit in auro templi, debet. Stulti, & cæci, quid enim majus est, aurum, an templum, quod sanctificat aurum?* Ubi Dominus vult templum lapideum nobilius esse ipso auro, quod videlicet auro communicet sanctitatem; nam licet lapides sint absolute inferiores auro, tamen ratione relationis ad Deum, lapides illi, qui templum efficiunt, sunt longè nobiliores & sanctiores auro. Unde Augustinus lib. 4. cont. Cresconium, cap. 40. *Deo, inquit, omnipotenti, parietes consecratos, Ecclesiam venerandam, quasi quadam obfessione credidit retinendam.*

Secundò, probatur ex precibus & benedictione Episcopali; nam ut ait Apostolus, 1. Tim. 4. *Nihil abjiciendum est, quod cum gratiarum actione percipitur, sanctificatur enim per verbum Dei & orationem.* Jam si cibi sanctificantur per verbum Dei & orationem, cur non etiam templa sanctificabuntur, quæ per sacras personas publicis precibus & benedictione consecrantur? Præterea sanctificante Salomone templum, Deus etiam sanctificavit, ut ipse dicit, 3. Regum 9. *Exaudi, inquit, orationem tuam, & sanctificavi domum hanc, quam edificasti.* At non minus efficaces sunt preces Ecclesiæ, quàm Salomonis.

Tertiò, probatur ex iis, quæ sunt in templo; nam locus rerum sanctarum, sanctus quoque sit necesse est, ut patet ex illo, Exod. 3. *Locus, in quo stas, terra sancta est.*

Jam verò in templis sunt multæ res sanctæ. Primò, crux, & imagines Christi & Sanctorum. Secundò, reliquæ Sanctorum. Tertiò, præsentia corporis Domini in Eucharistia. Quartò, præsentia Angelorum; credibile enim est, aut semper, aut frequentissime in templis Angelos adesse. Quare Josephus lib. 7. de bello Judaico, cap. 12. scribit, in templo Salomonis paulò ante, quàm everteretur, auditas voces: *Migremus hinc*, quas Angelorum fuisse, deferentium eum locum, communis opinio est. Et B. Chrysostomus homil. 1. super illa verba Isaia: *Vidi Dominum sedentem &c.* dicit, Angelorum multitudine vallari sacram mensam in Ecclesiis. Quintò denique, adest Deus ipse per singularem quandam protectionem & virtutem, in cuius rei signum quando tabernaculum à Mose dedicatum est, Exod. ult. mox caligo, seu nubes quædam gloriæ Domini tabernaculum texit. Similiter fecit, cum templum à Salomone dedicatum est: *Nebula enim gloriæ, implevit domum Domini*, 3. Reg. 8. Idem etiam suo tempore accidisse Ecclesiæ consecratæ scribit Gregorius lib. 3. Dialogor. cap. 30. *In magna, inquit, serenitate aeris super altare Ecclesiæ nubes calitus descendit, suoque illud velamine operuit, omnemque Ecclesiam tanto terrore ac suavitatis odore replevit, ut patentibus januis nullus illuc presumeret intrare.* In lib. quoque 2. Machab. cap. 3. legimus, dixisse Heliodorum: *In loco illo est verè Dei virtus quædam; nam ipse qui habitat in cælis, visitator & adiutor est loci illius.*

Quartò, probatur ex absentia Dæmonis; nam sicut templa Gentilium polluta sunt, & immunda, quia

quia sunt domicilia Dæmonum, ut patet ex Gregorio lib. 3. Dialogor. cap. 7. ita è contrario, templa Dei sancta sunt, quia Dæmonibus carent. Idem enim Gregorius lib. 3. cap. 30. Dialogor. scribit, post consecrationem templi, quod antea Arianorum fuerat, Diabolum inde egressum sensibilibus in specie suis, maximo strepitu excitato. Et sicut domus Principum asyla sunt, nec ibi lictores ulli manus injicere audent, ita etiam in templo Dei, Dæmones non sinuntur grassari eo modo, quo in aliis locis.

CAPUT VI.

De ornatu templorum.

Ornatus templorum partim in ipsa fabrica consistit, partim in imaginibus, crucibus, calicibus, vestibus, aliisque id genus ornamentis. Reprehendunt hunc ornatum, tam veteres Petrobrusiani, & Wiclefistæ, quàm etiam Lutherani & Calvinistæ, locis initio notatis. Argumenta illorum hæc sunt.

Primum, ex Hierem. 7. *Nolite considerare in verbis mendacii dicentes, templum Domini, templum Domini. In quem locum ita scribit Hieronymus: Præcepit, inquit, & tunc populo Judaorum, & hodie nobis, qui videmur in Ecclesia constituti, ne fiduciam habeamus in adificiorum splendore, auratisque laquearibus, & vestitis parietibus marmorum crustis, & dicamus, templum Domini, templum Domini est.*

Secundum, ex Hieronymo in epist. ad Nepotianum: *Multi adificant parietes, & columnas Ecclesia substruunt, marmora nitent, auro splendent laquearia, gemmis altare distinguitur. Et infra: Neque mihi aliquis opponat dives in Judæa templum, mensam, lucernas, thuribula, patellas, scyphos, mortariola, & cætera, ex auro fabrefacta. Tunc hæc probabantur à Domino, quando Sacerdotes hostias immolabant, & sanguis pecudum erat redemptio peccatorum; nunc verò cum paupertatem domus sua pauper Dominus dedicavit, cozztemus crucem ejus, & divitias lutum putabimus. Et infra: Aut aurum repudiamus cum cæteris superstitionibus Judaorum, aut si aurum placet, placeant & Judæi &c.*

Tertium, ex Ambrosio lib. 2. de officiis, cap. 28. *Melius fuerat, inquit, ut vasa viventium servares, quàm metallorum. His non potest responsum referri. Quid enim diceret? timui ne templo Dei ornatus deesset. Responderet, aurum Sacramenta non quarunt, neque auro placent, quæ auro non exstant, ornatus Sacramentorum redemptio captivorum est.*

Quartum, ex Acacio, de quo Socrates lib. 7. cap. 21. refert, qui cum accusaretur, quòd sacra vasa vendidisset propter pauperes, respondit: *Deus non flet neque discit, neque calicibus eget, quia non comedit, neque bibit.*

Quintum, ex Hilario in epist. contra Auxentium: *Malè, inquit, parietum vos amor capis, malè Ecclesiam Dei in telis, adificiisque veneramini.*

Sextum, ex Lactantio, qui lib. 3. cap. 4. laudat Persium, quòd scripserit, non debere aurea vasa templis inferri: *Egregiè, inquit, sapienterque sensit.*

Septimum, ex Bernardo, in Apologia ad Gulielmum Abbatem propè finem: *O vanitas vanitatum, sed non vanior, quàm insanior: fulget Ecclesia in parietibus, & in pauperibus eget: suos lapides induit auro, & suos filios nudos deserit.*

Octavum, ex Chrysostomo, qui homil. 51. & 81. in Matth. docet, melius esse dare elemosynam, quàm ornare templum, & refellit argumentum, quod pro nobis fieri solet.

His addunt rationes. Prima ratio est, quia Christus semper amavit & docuit paupertatem.

A Secunda, quia otiosum & supervacaneum est aurum in templis; nam nec ipsi parietes sentiunt ornatum illum, nec eo indigent ad finem, ad quem constructi sunt. Unde Persius:

Dicite Pontifices, in sancto quid facit aurum?

Tertia, quia non tantum non prodest, sed etiam obest splendor ille templorum; nam avocat mentem, & distrahit à spiritualibus cogitationibus.

Quarta, quia melius est templa viva ornare, quàm mortua; numquam autem desunt pauperes, qui templa sunt viva, & qui egent non solum ornatu, sed etiam necessaria sustentatione.

Quinta, quia in judicio non damnabitur, qui templum non ornaverit auro & argento, sed qui in paupere Christum non aluerit. Hæc sunt igitur illorum argumenta, quæ etsi magnam vim habere videantur, nihil tamen adversus veritatem poterunt; nihil enim potentius veritate. Porro solutiones horum argumentorum in hoc eodem capite, post explicatam, & confirmatam sententiam Ecclesiæ adferentur.

B Sit igitur prima propositio: *Opus bonum & pium ex genere suo est, ingentibus sumptibus templa Dei adificare aut ornare.* Probatum Primum, ex Testamento veteri; nam Deus voluit, tabernaculum ornatissimum esse, ita ut omnia ferè instrumenta sanctuarii aurea essent, usque ad emunctoria Lampadum. Cortinas autem tabernaculi, & vestes Sacerdotis esse voluit pretiosissimas, ex serico, bysso, purpura, gemmis &c. & ne deessent artifices, donavit sapientiam & artem ad omnia illa facienda certis quibusdam viris. Vide Exod. 25. 26. 27. 28. 29. 30. 31. 35. 36. 37. 38. & 39. Deinde Num. 7. singuli Principes obtulerunt in ornatum tabernaculi immensa donaria auri & argenti. David paravit in sumptus templi, tantum auri, argenti, & lapidum pretiosorum, ut incredibile videatur. Lege 1. Paralipom. cap. ult. & penult. & lib. 2. cap. 3. 4. & 5. At certè rationes, quæ sunt contra ornatum templorum nostrorum, si quid valerent, militarent etiam contra tabernaculum Moysi, & templum Salomonis. Nam tunc etiam non deerant plurimi pauperes: tunc etiam parietes non sentiebant ornatum suum: tunc etiam distrahere poterant mentes orantium; & tamen non propterea cessatum est à magnificentissima adificatione templi, & tabernaculi.

C Secundò, ex Testamento novo; nam in primis Marci 12. Christus laudavit viduam, quæ in gazophylacium templi misit duo minuta, idest, omnem victum suum. Si ergo vidua illa rectè fecit, in donaria Dei expendens omnem victum suum, quomodo argui possunt, qui donant saltem partem bonorum suorum, ad ornandam Dei domum? Item c. 13. dicentibus Apostolis: *Magister aspice, quales lapides, & quales structurae?* Dominus occasionem habuit optimam reprehendendi magnificentiam illam templi, vel saltem instruendi discipulos, dicendo, licuisse in Testamento veteri ornare templa, at in lege Evangelica non fore licitum. At Dominus nihil tale dixit. Item cap. 14. cum Judas agrè ferrer, quòd Magdalena in unctionem capitis Domini tantos sumptus faceret, ac diceret: *Uti quid perditio ista ingenti facta est? poterat enim unguentum istud vendari plus quàm trecentis denariis, & dari pauperibus,* Dominus respondit: *Bonum opus operata est in me.* At si licuit prætermisissis pauperibus tanto sumptu inungere caput Domini, cur non liceat etiam magno sumptu adificare domum ipsi Domino?

D Tertiò, probatur ex vaticinio Isaie; nam cap. 60. ubi fatentur præcipui expositores ad literam agi de Ecclesia Christiana in terris existente, sic legimus: *Domum majestatis meae glorificabo.* Et infra: *Me enim insu-*

insula expectant, ut adducam filios tuos de longe: aurum eorum, & argentum eorum nomini Domini Dei tui. Et infra: Edificabunt filii peregrinorum muros tuos, & Reges eorum ministrabunt tibi. Et infra: Gloria Libani ad te veniet, abies, & buxus, & pinus, simul ad ornandum locum sanctificationis mee, & locum pedum meorum glorificabo. Quæ prophetia ad literam impleta est tempore Constantini, aliorumque Principum, qui Ecclesias magnificentissimas extruxerunt, & ornarunt.

Quartò, probatur ex Patribus. Eusebius lib. 9. histor. cap. 10. Ex quo adest, inquit, cunctis velut divino munere infusa letitia, maxime videntibus ea loca, quæ paulò ante impiis tyrannorum machinis fuerant destructa, redituva constructione clariora, & celsiora consurgere, templaque excelsa pro humilibus conventiculis elevari.

Cyrillus catechesi 14. Isti qui nunc sunt Reges, inquit, pietatis ergo argento induentes & auro sanctam hanc Ecclesiam resurrectionis, in qua nunc sumus, extruxerunt, & argenteis monumentis splendidam effecerunt.

Athanasius in Apologia ad Constantium indicat, ab ipso Constantio exstructam Alexandriæ tam ingentem basilicam, ut ea sola capere posset populum, quem alie capere non poterant. Neque reprehendit, sed laudat hanc ejus magnificentiam.

Gregorius Nazianzenus orat. 1. in Julianum, cum dixisset à Gallo & Juliano extrui cœpisse maximis sumptibus basilicam sancto Martyri Mamæ, subjungit munus Galli Deo acceptissimum fuisse, ut quondam fuit sacrificium Abel.

Gregorius Nyssenus orat. in Theodorum, dicit, templum S. Theodori magnificentissimum, & ornatissimum picturis & sculpturis fuisse: & hoc ad gloriam sancti maxime pertinere, ubi aperte laudat usum erigendi talia templa.

Joannes Chrysostomus homil. 66. ad populum Antiochenum: Servorum, inquit, crucifixi sepulchra regis aulis sunt clariora, non magnitudine & pulchritudine adificiorum (nam & in hoc superant) sed quod multò majus est, convenientium studio. Idem hom. 51. in Matth. Nec prohibeo, inquit, magnifica templa condere &c.

Cyrillus initio libri de recta fide ad Reginas: Valde sapienter, inquit, operam datis, ut qua Christo probantur, & sentiatis, & faciatis: partim operibus, & irreprehensibili conspicua fide, & vestras, & Regum aulas virginis gloriæ decoratis: partim sumptuosissima Christo templa erigitis, concessum enim & hoc est cum aliis, ab ipso, vestris animabus.

Theophylactus in cap. 14. Marc. Confundantur, inquit, hoc loco, qui pauperes Christo præferunt. Et infra: Audiant igitur quomodo Christus præferat sui curam pauperibus. Christi autem corpus propriè, quod in disco aureo, & sanguis, qui in poculo. Qui igitur abstulerit discum pretiosum, & cogit, ut corpus Christi in viliori ponatur, prætexens scilicet pauperes, sciat cujus partis sit.

Jam ex Latinis. Optatus lib. 6. testatur, suo tempore habuisse Ecclesiam pretiosa vasa Sacramentorum, quæ Donatistæ diripientes constrarunt & vendiderunt.

Ambrosius lib. 2. de officiis, cap. 21. Et maxime Sacerdoti, inquit, hoc convenit, ornare Dei templum decore congruo, ut etiam hoc cultu aula Domini resplendeat.

Hieronymus in epist. ad Demetriadem, postquam dixerat: Alii adificent Ecclesias, vestiunt parietes marmorum crustis &c. subiungit: Non reprehendo, non abnuo; sed tibi aliud propositum est &c. Et in cap. 8. Zachariæ, refert in gloriam Ecclesiæ, & laudem Prin-

cipum, quòd cum aliquot Imperatores Ethnici Ecclesias everterint, rursus alii basilicas extruxerint, & exaltaverint, summa fastigia, & laquearia, ac tecta auro decorarint, & parietes diverli marmoris crustis vestierint.

Augustinus in Psalm. 113. Sed & nos, inquit, pleraque instrumenta & vasa ex auro & argento habemus, in usum celebrandorum Sacramentorum, quæ ipso ministro consecrata sancta dicuntur.

Prudentius in hymno de S. Laurentio inducit sic loquentem tyrannum:

Hunc esse vestris orgiis
Moremque & artem proditum est,
Hanc disciplinam faderis,
Libens ut auro antistites,
Argenteis scyphis ferunt
Fumare sacrum sanguinem,
Auroque nocturnis Jactis
Adflare fixos cereos.

Paulinus natali 3. S. Felicis:

Aurea nunc neveis ornantur limina velis &c.

Prosper in lib. de promission. & prædiction. par. 3. cap. 38. dicit, templum amplissimum Deo vero consecratum suo tempore, cujus tanta erat magnitudo & excellentia, ut etiam plateam haberet, quæ ad ipsum ducebat, duorum millium passuum longitudinis totam pretioso pavimento, & columnis ac muris ornatam.

Quintò, probatur ex pietate eorum, qui Ecclesias ædificaverunt, nam præcipui fuerunt quatuor, Constantinus, Justinianus, Carolus Magnus, & Carolus IV. De Constantini templis vide Damasum in vita Sylvestri, & Eusebium lib. 3. & 4. de vita Constantini. De templis à Justiniano erectis, vide Procopium in lib. de ædificis Justiniani. De templis Caroli Magni, vide Abbatem Urspergensium in Chronico. De templis Caroli IV. vide Joannem Cochlaum initio lib. 1. historię Hussitarum. Constat autem Constantinum sanctum Imperatorem fuisse; nam in Calendario Græcorum ejus nomen inter Sanctorum nomina habetur: & ab Ambrosio in oratione de obitu Theodosii, ab Epiphanio hæresi 70. quæ est Audranorum, à Cyrillo, catechesi 14. & aliis Patribus passim sanctus & beatus appellatur.

Similiter Carolus Magnus tamquam sanctus colitur præcipue Parisiis, & Aquigrani, & ab omnibus historicis mirifice laudatur. Justinianus, excepta hæresi, in quam incidit in extrema ætate, laudatissimus Princeps fuit. Porro Carolum IV. optimum & religiosissimum fuisse, patet ex iis, quæ adfert Cochlaeus loco notato. Multas item ædificaverunt & ornavunt Basilicas sanctissimi Pontifices, Julius, Damasus, Leo, Symmachus, & alii, qui & ante mille annos floruerunt, & verè sancti scriptorum omnium consensu habiti sunt. Non est autem credibile, ita pios Principes, tum Ecclesiasticos, tum politicos, in ejusmodi opera conspirare potuisse, si ea Deo non placerent.

Probatur ultimò rationibus. Prima ratio ex magnitudine Dei, nam dominus quò majori Principi ædificatur, eò debet esse major. Quis autem Deo major? Quare Salomon lib. 2. Paralip. cap. 2. Dominus, quam ædificare cupio, inquit, magna est: magnus est enim Deus noster super omnes Deos.

Secunda ratio ex ipso genere operis; nam extruere Deo splendidum templum, est ex genere suo actus duarum excellentium virtutum, religionis ac magnificentię; proinde bonus ex genere suo.

Tertia ratio, quia non solum est actus illarum virtutum, sed etiam est exercitium & signum aliarum. Nam qui magnificum templum erigit, magnificum

ficiū testimonium edit fidei suæ, & charitatis erga Deum: necnon pietatis & gratitudinis, & quia pecuniæ summopere diligī solent, qui eas liberaliter ad honorem Dei expendit, indicat se verè diligere Deum super omnia.

Quarta ratio ab utilitate; Nam templum magnificè ornatum, multas habet utilitates. Primum enim attrahit homines facilius ad res pias, quæ in templis geruntur; nec enim obscura & sordida loca libenter frequentantur. Deinde conservat majestatem Sacramentorum, & reverentiam, quæ rebus divinis debetur; Nam quando videmus altare splendidum & ornatum, facile erigimus mentem, & cogitamus magnum esse Deum, cui talia exhibentur: & econtrariò facile contemnitur, quod sine apparatu proponitur. Tertio juvatur pietas & devotio, maxime simplicium, quorum maximus est numerus.

Accedit etiam corporalis utilitas, quòd magnifica templa diutius conservantur, & magno splendori sunt civitati. Multitudo quoque aurorum, atque argenteorum vasorum, sæpè fuit salutis toti Republicæ, dum in communi captivitate, fame, aut peste, Ecclesiæ thesaurus multis millibus miserorum opem tulit, ut quasi in id tempus divinitus datus, & servatus videretur.

Quinta ratio à contrario: qui Ecclesias vastaverunt, aut diripuerunt, semper sacrilegi & perditioni habiti sunt, sæpè etiam divinitus puniti, ut patet de Balthasare, Daniel. 5. de Heliodoro, 2. Machabæorum 3. de Antiocho, 2. Machabæor. 9. Scribit etiam S. Joannes Chrysostomus hom. 4. in Matth. quo tempore Julianus Apostata iussit diripi templorum ornamenta, & præcipuè sacra vasa, mox quæstorem regum per medium disruptum expirasse, & Juliani avunculum à vermibus corrosum interiisse. Scribunt quoque Cedrenus & Zonaras, Leonem filium Constantini Copronymi, cum abstulisset à templo insignem coronam, quam Mauritius Imperator donaverat ad ornatum templi, mox sensisse in capite suo ignitos carbunculos, inde concepta febre ardentissima periisse.

Secunda propositio: *Edificare, vel ornare templa, licet sit opus pium & bonum, potest tamen ejusmodi opus ex defectu circumstantiarum facile vitari.* Probatur; quatuor enim sunt circumstantiæ præcipuæ, ex quarum defectu malum erit ornare templa, nimirum tempus, locus, modus, & persona. Nam in primis quando quis tenetur juvare proximum, ac præsertim parentes, aut filios, & non potest simul providere proximo, & donare templo: tunc non rectè facit, si neglectis parentibus, vel proximis aedificet templa. Ait enim Dominus Osce 6. *Misericordiam volo, non sacrificium.* Et Marc. 7. reprehenduntur Pharisæi, qui docebant filios familias offerre templo donaria, cum detrimento parentum. Patet id etiam ex Paulo ad Roman. 3. qui docet, non esse faciendā mala, ut veniant bona. Denique ex praxi Sanctorum, qui tempore magnæ necessitatis pauperum, constarunt calices, & vendiderunt, ut patet ex Ambros. lib. 2. de officiis cap. 28. Si enim tempore necessitatis rectè pastores detrahunt Ecclesiæ ornamenta, certè multò rectius non dantur Ecclesiæ, quæ essent auferenda, si data fuissent.

Neque obstat factum viduæ, quæ tribuit in donaria Dei omnem victum suum; Nam non tribuit victum patris, aut filiorum, sed suum; & suum non multorum dierum, sed unius tantum; neque enim duobus minutis poterat diu sustentari.

Deinde quantum ad locum, certum est, non omnia loca æqualem ornatum requirere; Nam in magnis urbibus, ad quas multi confluent, splendida

templa esse debent; at in locis desertis, ubi soli Monachi versantur, non videtur convenire, ut tot sumptus fiant in aedificiis templorum. Ex hoc est, quod B. Bernardus præcipuè reprehendit in Apologia ad Gulielmum, quòd videlicet Monachi Cluniacenses vellent habere oratoria sua tam magna, & tam ornata, ut æquarent, vel superarent splendorem Episcopaliū Ecclesiarum; ubi etiam merito reprehendit, quòd in pavimento sculperent, vel pingerent Sanctorum imagines, & cogerentur, qui in eorum Ecclesiis spuerē necesse haberent, in faciem Angelorum, vel aliorum Sanctorum humi depictorum spuerē.

Quantum ad modum, peccatur, cum ornamenta templorum sunt vana, ac potius curiositati, quam religioni deservientia: qualia erant in oratoriis Cluniacensium, quæ B. Bernardus reprehendit in Apologia ad Gulielmum: *Quid facit, inquit, illa ridicula monstruositas? Quid ibi immunda finia? quid feri leones? quid monstruosi centaurs? quid semihomines? quid maculosa tygrides? quid milites pugnantes? quid venatores tubicantes? Videas sub uno capite multa corpora, & rursus in uno corpore capita multa. Cernitur hinc in quadrupede cauda serpentis, illinc in pisce caput quadrupedis: ibi bestia præfert equum, capram trahens retrò dimidiam: hinc cornutum animal equum gestat posterior. Tam multa denique, tamque mira diversarum formarum ubique varietas apparet, ut magis legere liceat in marmoribus, quàm in codicibus, totumque diem occupare fœgula ista mirando, quàm in lege Dei meditando.*

Quantum ad personam, peccatur, quando quis supra suum statum & conditionem vult ornare templa. Nam si qui paupertatem profitentur, & victum ab aliis emendicant, vellent aedificare templum marmoreum, & auro, ac geminis ornare, etiamsi fortè possent elemosynis, hinc inde conquisitis, id facere, tamen non decere eorum professionem; magnificentia enim non est Monachorum, sed Principum. Quare hinc etiam merito arguit S. Bernardus Cluniacenses in illa Apologia, quòd cum Monachi essent, tamen sumptibus, ac magnificentia Reges æquare vellent.

Supereſt, ut ad argumenta initio proposita respondeamus. Ad illud igitur, quod objiciebatur ex Hieremia: *Nolite confidere in verbis mendacis dicentes: templum Domini, templum Domini, respondeo, à Propheta eo loco argui Judæos, qui confidentes in externo templo, putabant apud se esse Deum, & se diligere à Deo, nec esse ventura ea mala, quæ prædicebantur à Prophetis, quia templum Dei apud se habebant, etiamsi ipsi interim malè vivendo essent templa Diaboli. Nihil autem efficit ista reprehensio adversum aedificationem, ornatumque templorum; Nam etsi reprehenditur nimia fiducia in externo templorum cultu, præsertim cum negligitur cultus animi, tamen non propterea non sunt aedificanda, atque exornanda templa ad honorem Dei & Sanctorum memoriam. Id ipsum respondendum est ad testimonium S. Hieronymi; ipse enim reprehendit eos, qui non curantes fieri templa Dei bene vivendo, putant sibi omnia tuta esse, si templum externum aedificent, aut ornent.*

Ad secundum, quod ex Hieronymi verbis sumptum est, ut commodè respondeatur, quædam ante prænotanda sunt. Observa igitur primum, propositum Hieronymo esse, ut reprehendat eos, qui majorem curam habent templi materialis, quàm spiritualis, idest, qui aedificia mirabiliter ornant, & tamen non curant an ad sacra ministeria eligantur idonei, vel non idonei. Sic enim incipit Hieronymus eam reprehensionem ornatus templorum: *Mulier, in-*

quit,

quit, adificant parietes, & columnas Ecclesia substrunt; marmora nitens; auro splendent laquearia; gemmis altare distinguitur; & ministrorum Christi nulla electio est. Hæc ille, quæ verissima sunt, & fuerunt semper.

Secundò nota, ornatum tabernaculi, & templi Judæorum aliquo modo typicum & ceremoniale fuisse; tabernaculum enim, & templum cum omni sua suppellectile figuræ fuerunt Ecclesiæ Christianæ, ut patet ex Jacobi concione Act. 15. ubi de Ecclesia exponuntur verba Amos cap. 9. *Post hac revertar, & reedificabo tabernaculum David, quod decidit, & diruta ejus reedificabo, & erigam illud.* Item ex Paulo 1. Corinth. 10. *Omnia contingebant illis in figura.* Denique idem patet ex illa accuratissima descriptione templi, quæ habetur Ezech. 40. & sequentibus & ex eo, quod dictum est Moyli, ut faceret omnia accuratè ad exemplar, quod in monte viderat Exod. 25. Quia ergo tabernaculum & templum figuræ erant, ideo necesse erat, ut essent talia qualia fuerunt, nec poterant aliquid minus vel magis habere, quia alioqui non rectè repræsentassent. Ut etiam in Scriptura, si una litera mutetur, non amplius significat id, quod antea significabat.

Et quoniam figuræ Testamenti veteris jam sunt completæ, & lex ceremonialis abrogata est: ideo qui nunc existimaret esse necessarium tale templum, quale fuit Judæorum, superstitiosus esset, ut hoc tempore Judæi verè superstitiosi sunt, dum existimant non licere sacrificare nisi in templo tali, quale fecerat Salomon. Et in hoc sensu reprehendit Hieronymus templorum ornamenta; Nam etiam si modò nulli sunt inter Christianos, qui revera existiment templa necessariò requirere illum ornatum, ut existimabant Judæi, tamen dum anteponunt curam fabricæ materialis ipsi electioni ministrorum, & edificio spirituali, videntur factis aliquo modo affines superstitioni Judæorum. Quod etiam notavit B. Bernardus in Apologia ad Gulielmum Abbatem: *Mibi, inquit, quodammodo repræsentant antiquum ritum Judæorum.*

Nota tertio, tabernaculi & templi Judæorum ornatum non solum ceremoniale & typicum fuisse, sed etiam morale; Nam etiam si nullius rei figura fuissent, tamen ratio ipsa naturalis dictasset, domum Dei ornatam esse debere: & hoc modo rectè trahimus ornatum tabernaculi, & templi Judæorum, in exemplum nostrorum templorum. Neque hoc unquam reprehendit Hieronymus, immò disertè dicit in epistola ad Demetriadem: *Non abusus, non reprehendo.*

Ad tertium ex Ambrosio (quod Calvinus adfert in epistola præfixa institutioni) dico, in verbis Ambrosii multa esse contra adversarios, nihil contra nos. Nam primò Ambrosius dicit, aurea vasa Ecclesiæ non debere alienari, nisi in magna pauperum necessitate; Ecclesia igitur eo tempore utebatur aureis vasibus. Secundò dicit, si necesse sit alienare vasa Ecclesiæ, esse diligenter querendum, an non sint aliqua nondum iniuncta, & si talia inveniantur, non esse ullo modo attingenda vasa iniuncta; ergo tunc certo ritu vasa consecrabantur. Tertio dicit, si necesse sit vendere vasa iniuncta, non debere vendi integra, sed prius confrangi, & deinde per partes vendi: Id quod fieri debere nos libenter admittimus, atqui hæc omnia pugnant adversus hæreticos hujus temporis, qui nec pretiosa, nec certo ritu consecrata, Et sancta, vasa Sacramentorum esse volunt.

Quod ergo Ambrosius ait (*aureum Sacramenta non querunt*) non significat, Sacramenta nullo modo requirere aurum, sed non requirere ex necessitate, quamvis requirant ex decentia, quando haberi po-

test, & quod subiungit (*nec auro placent, quæ auro non emuntur*) non significat, in auro displicent, vel nullo modo placent magis in auro, quàm in alia materia; sed non ideo principaliter placent, quia ministrantur in auro. Si enim in auro displicerent, vel non magis placerent, quàm in alia materia, Ambrosius non servasset illa vasa usque ad eam necessitatem, sed numquam illis usus fuisset.

Ad quartum, de Acacio, dico, verba illius Episcopi habere eundem sensum; Nam cum Ecclesia illa abundaret ejusmodi vasibus aureis (ut ibidem scribit Soerates) & occurrisset summa quædam necessitas redimendi captivos, ille sanctus Episcopus vendidit partem vasorum & redemit captivos ad quinque milia. Illa autem ejus verba (*Deus noster non eget discitis, neque calicibus, quia non comedit, neque bibit*) significant, ista vasa nullam Deo utilitatem adferre, sed haberi in Ecclesia ad honorem Dei, & nostram utilitatem, & ideo quando occasio se offert, quæ possint esse utiliora nobis, si vendantur, debent vendi, quia hoc etiam erit Deo gratius, & magis honorificum. Nam, ut Ambrosius ait, valde pulchrum, & honorificum Christo est, cum dici potest: hos pauperes Christus redemit, vel etiam calix Christi non solum sanguine, quem continet, captivos redimit, sed etiam pretio valoris: calix enim redimit ab hoste quos sanguis redemit à peccato.

Ad quintum, ex Hilario, testimonium Hilarii non est ad propositum; non enim agit ille de ornatu templi, sed eos reprehendit, qui in templo hæreticum Episcopum, idest, Auxentium audiebant, eo quod existimarent ibi tantum esse veram Ecclesiam, & verum Episcopum, ubi erat templum Deo factum: & non considerabant templa sæpè ab hæreticis occupari, & veros Catholicos vel in cryptis, vel in desertis sæpè versatos.

Ad sextum, ex Lactantio, Lactantius probare volebat, ineptè à Gentilibus offerri munera idolis, idest, Diis non sentientibus: *Frustrà, inquit, homines auro, ebore, gemmis, Deos exornant & exornant, quasi verò ex his rebus ullam possint capere voluptatem. Quis usus est pretiosorum munerum nihil sentientibus?* Hoc autem probat ex Persio, qui verè sapienter scribit, non debere aurea vasa templis inferri, quasi illis delectentur Diis lignei & marmorei, cum nihil sentiant; sed potius oporteret Diis viventibus offerri, ut ipse dicit:

*Compositum jus, fasque animi, sanctosque recessus
Mentis, & incertum generoso pectus honesto.*

Itaque non reprehenditur aurum templi, quando bonum usum habet, idest, excitandi ad pietatem; sed solum reprehenditur, quando sic offertur Deo, quasi is corporeus sit, & rebus ejusmodi corporaliter delectetur.

Ad septimum, ex Bernardo, dico, Bernardum non reprehendere simpliciter ornatum templi, sed ornatum, quem templis suis Monachi Cluniacenses adhibebant. Nam ut ex Apologia illa colligitur, reprehendit S. Bernardus Primò, quod Monachi, professione pauperes, erigerent oratoria in immensam altitudinem, quod eorum professioni non conveniebat. Secundò, quod dum templa sua ita ornarent, faterentur se esse carnales & infirmos. Ornatus enim templorum illis Ecclesiis potissimum convenit, ad quas populus confluere solet, quia simplices homines egent ejusmodi rebus. Unde ibidem ait: *Et quidem alia causa est Episcoporum, alia Monachorum. Scimus namque quod illi, sapientibus & insipientibus debitores cum sint, carnalis populi devotionem, quia spiritualibus non possunt, corporalibus excitant ornamentis.* Tertio reprehendit, quod quæstus causa ornarent templa, nimirum ut plures conflue-

rent

tent ad offerendum. Quartò, quòd cum injuria Sanctorum humi sculperent imagines. Quintò, quòd bona, quæ acceperant distribuenda pauperibus, insumerent in illa ornamenta, quando pauperes valde indigebant. Sextò, quòd ornamenta vana adhiberent templis, quæ solam curiositatem pascere, non autem pietatem excitare valerent. Porro hæc omnia meritò reprehenduntur.

Ad octavum ex Chrysostomo, dico, eum non negare, licitum esse templa magnificè exstruere, & ornare, sed solum anteponeere huic ornatui curam pauperum: cujus oppositum docet Theophylactus Chrysostomi discipulus in cap. 14. Marc. sed possunt facillè conciliari. Sciendum igitur, absolutè melius esse honorare Deum in seipso, quàm in pauperibus; Nam charitas Dei semper anteponi debet charitati proximi. Verumtamen quia Deus nulla re indiget, & quæ illi offerimus, vult nobis utilia esse, non sibi: ideò tunc Deus magis honoratur, & fit illi res gratior, quando quod illi offerimus, est hominibus utilius. Hinc igitur quando alicubi templa satis bene se habent, pauperes autem notabiliter patiuntur egestatem: tunc melius est dare pauperibus eleemosynam, quàm templo addere ornamenta; & in hoc casu loquitur Chrysostomus. Videbat enim homines pronos admodum ad offerenda Ecclesiæ donaria, & negligentes in cura pauperum, in quo sensu etiam videtur dixisse Oleas cap. 6. *Misericordiam volo, non sacrificium*, idest, malo misericordiam, quàm sacrificium.

At econtrariò, si alicubi pauperes mediocriter tractentur, sed templa sint inculta, & deserta, & propterea decreseat pietas, & devotio: tunc melius est ornare templa, quia id est utilius etiam proximo, cujus pietas, & devotio juvatur illo ornatu: & in hoc casu loquitur Theophylactus. Quando autem esset æqualis indigentia & templorum, & pauperum, modò non sit extrema, videretur melius dare templo quàm pauperi, quia pluris faciendæ est indigentia spiritalis, quàm temporalis, & quia ornatu templi est bonum durabilius, & communius, quàm sit eleemosyna data pauperibus: & quia magis immediatè datur Deo.

Ad primam rationem dico tria. Primò, Christum fuisse pauperem, nec requisivisse propter se ullam pompam, vel delicias in hoc mundo: tamen non recusasse interdum sumptuosa obsequia, quibus videbat ali, & augeri piorum devotionem, ut patet de ingressu ejus in Hierusalem super asinum; in quo libenter admisit, ut multi sternerent vestes suas in via, quæ pedibus jumenti illius conculcabantur, & fortè etiam lacerabantur Matth. 21. patet etiam de unguento pretiosissimo, quo caput suum, & pedes inungi passus est Matth. 26. & Joan. 12.

Secundò dico, quòd Christus fuerit pauper, & stabulum, ac pannos, & viles cibos amaverit, ideò factum esse, quia ista congruebant tempori mortalitatis ejus. Venerat enim ut pateretur, & per labores, ac dolores, mundum redimeret: At nunc post mortem, & resurrectionem, cum gloriosus regnat in cælo, convenit illi domus magnifica, & splendidissima.

Adde tertio, templa dicari Christo præcipuè ratione divinitatis: qua ratione semper fuit dives Rex Regum, & Dominus dominantium. Itaque rectissime exstruuntur illa templa magnifica, qualia Deo conveniunt, licet ipse idem in forma servi, humilitatem & paupertatem verbo, & exemplo docuerit.

Ad secundam dico, non esse otiosa ornamenta, quia sunt signa reverentiæ, & pietatis nostræ erga Deum, & excitant in animis hominum devotionem. Unde interroganti Persio:

Controv. Card. Bellarm. Tom. II.

Dicite Pontifices, in Sancto quid facit aurum?
Respondendum est, multa bona facit, quæ jam enumeravimus.

Ad tertiam dico, ornamenta illa non fieri, ut distrahant, sed ut excitent devotionem. Quòd si aliqui distrahantur, est vitium illorum, qui abutuntur rebus bonis: nisi fortè ornamenta sint omnino vana, & inepta, quæ & nos reprehendimus.

Ad quartam de pauperibus alendis, jam responsum est. Adde, quòd si propter ordinarios pauperes non liceret exstruere, vel ornare templa, multò minus liceret ornare palatia, instruere convivia, habere apparatus ullum equorum, famulorum, curruum &c. quòd si ista licita sunt ad tuendam dignitatem magnarum personarum, non obstante pauperum multitudine, cur non liceat etiam ad conservandam rerum sacrarum majestatem templa exornare, non obstante pauperum multitudine?

Ad quintam dico, Matth. 25 numerari opera minora, ut inde colligamus quid de majoribus sentiendum sit; dicitur enim: *Ite in ignem æternum, quia esurivi, & non dedistis mihi manducare*: & non dicitur, *ite in ignem æternum, quia rapuistis aliena*, sed hoc à majori deducitur ex illo. Ita etiam non dicitur, *ite in ignem æternum, quia non ædificastis templum*, sed deducitur hoc à majori. Si enim damnabitur qui non fecit eleemosynam, quando eam facere tenebatur: multò magis damnabitur qui non ædificavit, vel non reparavit, aut non ornavit templum, quando id facere tenebatur. Qui autem teneantur, & qui non, alia quaestio est, atque ad rem nostram nihil facit.

C A P U T VII

De benedictionibus aquæ, salis, cinerum, cerei &c.

Primi, qui ejusmodi benedictiones irridere ceperunt, Waldenses sunt, ut patet ex fragmento operis Reynerii, quod exstat in fine libri Claudii Coussord contra Waldenses. Exorti sunt Waldenses, eodem Reynerio teste anno Domini 1170. Post eos Flagellantes exorti sunt circa annum Domini 1350. teste Bernardo Lutsemburgensi in suo Catalogo, qui quòd omnem pietatem constituerent in Baptismo sanguinis per flagellationem spontè effusi, simul asserabant finem jam accepisse Sacramenta Baptismi, Confirmationis, Pœnitentiæ, & cætera omnia, & cum eis omnes benedictiones aquæ, cinerum, salis &c. Unde etiam instrumentum, quo aspergimus aquam lustralem, vocabant clavam mortis; ipsas verò guttas aspersæ aquæ scintillas infernales dicebant. Post eos Wiclestæ (teste Thoma Waldensi tom. 3. tit. ult. cap. 68.) asserabant benedictiones aquæ, salis, vini, panis, olei, cereorum, & similibus, esse veram practicam necromantiæ. Idem de hæreticis in Boemia grassantibus scribit Æneas Sylvius lib. de orig. Boemorum cap. 35.

Martinus Lutherus in libro de visione Danielis contra Ambrosium Catharinum, damnat etiam has omnes benedictiones. Magdeburgenses Centur. 2. cap. 6. column. 121. dicunt, aquæ consecrationem tribui à Catholicis Alexandro Papæ & Martyri tamquam inventori: sed rectius posse tribui alicui Gentilium Pontifici, cum Ethnicus sit ritus, aquæ lustralis aspersio.

Calvinus lib. 4. cap. 10. §. 20. Instit. tria dicit contra aquam benedictam. Primò, Catholicos pugnare
Ec 2 secum,

secum, dum dicunt, aquæ benedictionem esse Apostolicam traditionem; & tamen referunt ejus institutionem in Alexandrum Papam auctorem, qui fuit VI. à Petro. Secundò dicit, institutionem hanc esse recentiore multò, quàm ut Apostolis vel Alexandro tribui possit. Nam Augustinus epist. 119. cap. 18. dicit, Christianos omisisse caeremoniam lavandi pedes in die cœnæ Domini, ne videretur ea lotio ad Sacramentum Baptismi pertinere. Quare manifestum est, nullam eo tempore fuisse in Ecclesia lotionem religiosam, excepto Baptismo. Terriò dicit, aquæ lustralis institutionem nullo modo à spiritu Apostolico proficisci potuisse, quandoquidem nihil est aliud, quàm quædam Baptismi profanatio, & quasi repetitio.

Brentius in sua Confessione cap. ult. reprehendit easdem caeremonias, quia non debent adumbrari mysteria fidei, ipso Evangelio jam toto orbe coruscante.

Denique Tilmannus Heshusius in libro de sexcentis erroribus Papistarum, loco 27. ponit inter errores, aquam lustralem valere ad delenda venialia, & ad fugandos Demones, & morbos: & probat primum ex illo 1. Joan. 2. *Sanguis Christi emundat nos ab omni delicto*; ergo etiam à veniali. Secundò probat quia nusquam scriptum est, ut aqua consecratur ad fugandos Demones. Item quia scriptum est Exod. 20. *Non assumes nomen Dei tui in vanum*. Et Deuter. 18. *Non sis maleficus, nec incantator inter vos*. Est autem manifesta magia, præter Dei verbum uti creaturis ad fugandos Demones. Hæc illi.

His non obstantibus sit prima propositio: *Rectè benedicuntur aquæ, oleum, panis, cerei, cineres, rami, & similia*. Probat primum ex Scripturis, quæ continent exemplum & documentum. Exemplum est Domini Matth. 14. & Luc. 9. qui panes multiplicaturus aspexit in cœlum, & benedixit eos: & ea benedictione multiplicavit. Certè quod Dominus fecit, argui non potest. Documentum est Pauli, qui dicit 1. Timoth. 4. *Omnia creatura Dei bona est, & nihil abjiciendum, quod cum gratiarum actione percipitur. Sanctificatur enim per verbum Dei & orationem*. In quem locum Chrysostomus & Theophylactus scribunt, Apostolum loqui ex hypothese, idest, omnis quidem creatura bona & munda est, tamen etiamsi esset immunda, facile posset eam sanctificare adhibito signo crucis & oratione. Si ergo etiam res immundæ sanctificantur per crucis signum & orationem, quantò magis res alioqui bonæ fient meliores & sanctiores per signum crucis & orationem.

Secundò probatur ex traditione veterum. Ac primum de aqua, quod solet benedici ab ipso tempore Apostolorum, sunt innumerabilia testimonia. Clemens lib. 8. Apostol. constitut. cap. 35. ponit ordinem consecrationis aquæ. Dionysius de Ecclesiastica hierarch. cap. de Baptismo, dicit, aquam sacris invocationibus consecrari. Alexander I. epist. 1. similiter præcipit aquam benedici. Cyrillus catechesi 3. dicit: *Sicut mundi cibi sunt immundi invocatione Diaboli, ita aquam simplicem feri sanctam invocatione Dei*. Cyprianus lib. 1. epist. 12. *Oportet, inquit, mundari & sanctificari prius aquas à Sacerdote &c.* Ambrosius lib. 4. de Sacramentis cap. 5. docet, aquam debere consecrari, & lib. de his qui mysteriis initiantur cap. 3. dicit, aquam nisi crucis signo prius sacretur, nullum habere usum in Ecclesia. Basilus lib. de Spiritu sancto cap. 27. Apostolicam traditionem esse dicit, aquæ consecrationem. Epiphanius hæres. 30. & Theodoretus lib. 5. cap. 21. historię, aquæ benedictæ meminerunt. Augustinus homil. 27. ex lib. 50. homiliarum, & serm. 19. de Sanctis, & lib. 6. in Julianum cap. 8. dicit, aquam signo crucis in Ec-

A clefia consecrari. Adde Concilium Nannetense canon 4. ubi jubetur Presbyter cum agrotos visitat, primò aspergere aqua sancta ægrotum, & ipsum cubiculum.

Nec Calvinii objectiones aliquid valeant. Ad primam dico, aquæ lustralis institutionem non tribui Alexandro, sed Apostolis. Alexandro autem tribui præceptum, ut hæc caeremonia frequenteretur.

B Ad secundam dico, Augustinum non damnare caeremoniam lavandorum pedum, sed solùm recensere varias opiniones. Nec dicit Augustinus ullos fuisse quibus simpliciter displiceret caeremonia lotionis pedum: sed solùm fuisse aliquos, quibus displiceret lavari pedes Catechumenis in die Cœnæ Domini, ne videretur illa lotio ad Baptismum necessaria. Unde ibidem dicit, multis placuisse differendam lotionem in octavum diem Paschæ; & Ambrosius lib. 3. de Sacramentis cap. 1. defendit caeremoniam lotionis pedum.

Ad tertiam dico, per aquam benedictam non repeti Baptismum. Differt enim Baptismus ab asperzione aquæ sanctæ, forma, ministro, intentione, & effectu, ut patet. Quamquam non negarim, per aquam benedictam reficari memoriam Baptismi, & admoneri Christianos ut cogitent, se aliquando per aquam purgatos fuisse, & pactum cum Deo contra Diabolum iniisse.

C De Benedictione olei habemus testimonia Clementis, Dionysii, & Basilii, ubi suprâ, & Augustini tract. 118. in Joan.

De Benedictione panis extra Eucharistiam, habemus testimonium Augustini lib. 2. de peccat. merit. cap. 26. & Paulini in epist. ad Alipium & Romanianum, quæ sunt 35. & 36. inter epistolas Augustini.

De Benedictione Cerei Paschalis, habemus testimonium Strabonis cap. 30. & Concilii IV. Tolerani canon 8. & Papæ Zozimi, ut ex Pontificali patet.

De Benedictione Palmarum & Cinerum, habemus testimonium B. Maximi, cujus exstant homiliæ inscriptæ in die cinerum, & in Dominica Palmarum.

D Secunda propositio: *Rectè ad effectus supernaturales efficiendos & significandos utimur aqua, oleo, aliisque rebus benedictione consecratis*.

E Nota, benedici illa omnia, quæ diximus, in Ecclesia propter tres fines. Primò, ad significandos spirituales effectus. Nam cineris aspergio significat poenitentiam; palmæ, victoriam; cerei Paschalis, gloriam resurrectionis. Neque obstat ratio Brentii de adumbratione; nam istæ significationes non sunt propriæ adumbrationes futurorum, sed repræsentationes externæ rerum præsentium invisibilium, & spiritualium, vel etiam rerum præteritarum, quæ utilissimæ sunt ad affectum excitandum. Alioqui etiam tolleremus Baptismum, qui, secundum Apostolum in epist. ad Rom. c. 6. continet repræsentationem mortis, & resurrectionis Christi, & nostræ etiam per Christum. Unde etiam Augustinus epist. 119. dicit, Christianos diebus Dominicis, & à Pascha usque ad Pentecosten, stando orare solitos, ad significandam ea caeremonia Christi resurrectionem.

Secundò, ad deletionem venialium peccatorum. De qua re vide S. Thomam 3. part. qu. 87. art. 3. & Dominicam à Soto in 4. sent. dist. 15. q. 2. & Gratianum can. Aquam dist. 3. de consecrat. Neque argumentum Heshusii concludit: nam sanguis Christi emundat ab omni peccato, sed si aliquo modo nobis applicetur. Et quemadmodum applicatur per Baptismum & Poenitentiae Sacramentum, ad delenda omnia peccata: ita etiam applicatur per Sacramentalia & orationem Dominicam, ad delenda venialia in eo qui est in gratia.

Terriò,

Tertiò, ad fugandos Demones, & curandos morbos, ut ex precibus patet, quibus consecrantur. Verum est tamen, quod non operantur infallibiliter, sicut operantur Sacramenta, & ratio est, tum quia vim habent ejusmodi res non ex pacto Dei expresso, quomodo Sacramenta, sed ex precibus Ecclesie, & devotione utentium; tum etiam, quia aliquando non expedit nobis ut liberemur vel à morbo, vel à Dæmonis vexatione.

Probatur nunc popositio, quoad istum tertium effectum, exemplis Scripturæ & Sanctorum. Nam Numer. 5. aquæ, super quas maledictiones à Sacerdote pronuntiatæ fuerant, si ab adultera epotæ fuissent, mox ventrem ejus inflari, & femur putrescere faciebant; nec tamen ista necromantia dici poterat. Num. 19. aqua cineribus mixta dicebatur aqua expiationis, eaque mundabantur Judæi non quidem à peccatis, sed à legalibus sordibus, ut Apostolus dicit Hebr. 9. Nec dicere possumus eam fuisse incantationem. Similiter 4. Regum 2. Eliseus ad sanandas aquas miraculo adhibuit salem. Et 4. Regum 5. ad curandam lepram Naaman Syri adhibuit aquam Jordanis. Marc. 6. ungebant Apostoli ægros oleo, & curabantur. Hæc exempla satis ostendunt, non esse necromantiam, adhibere aquam, vel oleum, ad effectus supernaturales, tamquam signa divinæ virtutis.

Secundò, probatur exemplis Patrum. Nam apud Epiphanium hæres. 30. Joseph aqua benedicta solvit incantationes. Similiter fecit Marcellus Apameensis apud Theodoretum lib. 5. cap. 21. Item Macharius apud Palladium cap. 19. Porro Hilarion apud Hieronymum pane vel oleo benedicto plurimos curavit. Sicut etiam S. Bernardus, ut in vita ejus scribitur lib. 3. cap. 5. Gregorius lib. 1. Dialog. cap. 10. scribit, S. Fortunatum curasse quemdam, qui cadens ex æquo, semur confregerat, solius aquæ benedictæ asperione. Beda lib. 5. hist. cap. 4. scribit, nobilissimam foeminam gravissimè laborantem aqua benedicta mox ita convalescere, ut ministraret mensæ, quemadmodum aliquando fecerat socrus Petri. Bernardus in vita Malachie scribit, à Malachia, per aquam benedictam, hominem phræneticum esse curatum.

Ad hæc & similia ita respondet Heshusius: *Mendacia, inquit, quæ finguntur de miraculis factis per aquam lustralem, retundenda sunt præcepto, Non dices falsum testimonium. Quod si contendant vera esse, nota est Christi admonitio, Pseudopropheta edent miracula & prodigia, ut inducantur in errorem, si fieri potest, etiam electi.* Sed facile est judicare, mendacia necne dici possint quæ testimonium habent ab Epiphanio, Theodoro, Palladio, Hieronymo, Gregorio, Bernardo, & num sint Pseudoprophetae sanctissimi illi viri, Josephus, Marcellus, Macharius, Hilarion, Fortunatus, Malachias, qui Christi nomine aut Diaboli artes dissolverunt, aut morbos gravissimos curaverunt. Videat potius Heshusius, ne sit ipse temerarius, & blasphemus, & in spiritum Domini peccatum admittat. Quid enim temerarium magis, quàm tot sanctos Patres mendaci reprehendere, sine teste, sine ratione ulla? Quæ est autem blasphemia in spiritum sanctum, si hæc non est, opera divina, Christi invocatione, à sanctissimis viris perfectæ, inter signa mendacia Pseudoprophetarum referre?

Ad rationes autem Tilmanni facile est respondere. Ad illam: *Non est scriptum, ut aqua sanctificetur, ad pellendos Demones:* Respondeo, falsum est; Nam scriptum est, omnem creaturam posse sanctificari per verbum Dei, & orationem. Et rursus scriptum est: *Petite, & accipietis.* Ecclesia igitur Chri-

Controv. Card. Bellum. Tom. II.

stum, & Paulum sequens Verbo Dei, & oratione sanctificat aquam, & petit, ut valeat contra Demones, & morbos, & Deus miraculis testatur se audire ejusmodi preces. Præterea etiam scriptum non esset, quid tum? Ubi nam scriptum erat ut aquæ sanarentur sale, & lepra curaretur aqua Jordanis? & tamen utrumque fecit Eliseus.

Ad secundam: *Non assumes nomen Dei tui in vanum; & non eris inter vos magis,* respondeo, assumere nomen Dei in vanum, propriè nihil esse aliud, quàm pejerare, ut rectè explicat Concilium Toleranum VIII. cap. 2. Malefici autem, & incantatores sunt, qui Diaboli potestate aliquid mirum operantur. At qui aquam benedicunt, nec pejerant, nec Diabolum invocant sed solum religiosè Deum precantur. Tota enim virtus aquæ lustralis nititur verbo Dei, & oratione, ut ex Apostolo demonstravimus.

CAPUT VIII.

De Peregrinationibus.

Differuimus de templis, nunc de peregrinationibus ad templa, aliaque sacra loca, paucis differendum est. Error fuit Claudii Taurinensis, apud Jonam lib. 3. de cultu imaginum, inanes esse peregrinationes ad loca Sanctorum. Eundem secuti sunt Petrobrusiani, teste auctore vitæ S. Bernardi lib. 3. cap. 5. Wiclefistæ autem, teste Thoma Waldensi tom. 3. tit. 15. idololatriz damnabant eos, qui ad loca sancta peregrinabantur.

Joannes Calvinus lib. 4. Institut. cap. 13. §. 7. peregrinationes votivas ad loca Sanctorum non solum inanes, sed etiam plenas manifesta impietate esse dicit. Non tamen aliter probar, quàm communi suo axioma, quod omnis voluntarius cultus Deo displiceat.

Magdeburgenses Centur. 4. cap. 6. col. 458. tempore Constantini coepisse volunt abusum peregrinationum ad loca Sanctorum, sed non diu postea refutatum fuisse longa oratione à Gregorio Nysseno. Quam orationem totam recitant eadem Centur. 4. cap. 10. col. 936. & sequentibus.

Ex qua oratione sumuntur hæc argumenta. Primum Christus Matth. 5. inter ea, quæ homines beatos faciunt, non posuit peregrinationes. Secundum, multa sunt pericula spiritualia in itineribus, ac præsertim mulierum, ut notum est. Tertium, nihil invenire possumus Hierosolymis, quod in nostra regione non habeamus, nam Deus non magis est ibi, quàm alibi, ut patet ex eo, quod homines regionis illius non sunt meliores cæteris, sed fortè peiores. Porro res Dei, idest, templa, & altaria ubique inveniri possunt. Poterant addere Hieronymi epist. ad Paulinum de institutione Monachi, in qua multis argumentis probar, non expedire peregrinationem ad loca sancta suscipere, & adducit exempla S. Antonii, & aliorum Monachorum, qui licet in vicinia Sanctorum locorum habitarent, tamen numquam ad illa venerunt.

Sed nihil horum nos movere debet. Sunt enim peregrinationes ad loca sancta pie, & religiosæ, ut Concilium Tridentinum sess. 25. rectissimè docet. Id probatur primùm Scripturæ testimonio Deuter. 16. Deus instituit, ut omnes filii Israel ter in anno ad tabernaculum, vel templum Domini peregrinarentur. Quod præceptum studiosè servabat Helcana, & Anna uxor ejus 1. Reg. 1. necnon Christus ipse cum matre sua, & S. Josepho Lucæ 2. Joann. 12. etiam Gentiles veniebant adorare in Hierusalem pro-

pria regione relicta. Actor. 8. Eunuchus Æthiops ex longinqua regione veniebat adorare in Hierusalem. Actor. 20. Paulus ipse festinabat in itinere, ut in Hierusalem faceret Pentecosten, quem locum adducit Hieronymus in epist. 17. ad Marcellam, ut ostendat bonum esse ad loca sancta peregrinari. Hæc igitur exempla ex Scripturis petita, quæ nullo modo reprehendi possunt, satis indicant, non esse inanem peregrinationem.

Secundò probatur ex Patribus. Eusebius lib. 6. hist. cap. 9. Alexander, inquit, Hierosolymam adorandi, & locorum Sanctorum videndi causa properavit. Idem refert Hieronymus lib. de vir. illustr. in Alexandro. Porro iste Alexander floruit centum annis ante tempora Constantini, & Martyr fuit sanctissimus, quem etiam mirificè laudant Magdeburgenses Centuria 3. cap. 10. in principio. Ex quo apparet mendacium esse Magdeburgensium, quòd coeperint peregrinationes ad loca sancta tempore Constantini. S. Nicolaus quoque adolescens ante Constantini imperium voti causa peregrinatus est in Hierusalem, auctore Simeone Metaphraste. Idem Eusebius lib. 3. de vita Constantini, & Ambrosius oratione de obitu Theodosii laudant Helenam, quòd religionis causa Hierosolymam iverit.

Gaudentius Episcopus Brixienfis in serm. de dedicatione templi, scribit, se peregrinatum in Hierusalem, & in itinere, cum transiret per Cæsaream Cappadociæ, accepisse dono à duabus sanctis mulieribus, neptibus magni Basilii, reliquias XL. Martyrum.

Joannes Chrysostomus homil. 66. ad populum Antiochenum, circa finem, comparans sepulchra Martyrum cum sepulchris Regum: Itaque, inquit, quo regias quidem auras videat, nullus unquam peregrinatus fuerit: multi verò Reges plerumque hujus spectaculi gratia peregrinati sunt; futuri namque judicii vestigia, & signa Sanctorum ades exhibent, ubi demones flagellantur, corriguntur homines, & liberantur.

Hieronymus epist. 17. ad Marcellam: Longum est, inquit, nunc ab ascensu Domini usque ad præsentem diem per singulas ætates currere, qui Episcoporum, qui Martyrum, qui eloquentium in doctrina Ecclesiastica virorum venerint Hierosolymam, putantes minus se religionis, minus habere scientia, nec summam, ut dicitur, manum accepisse virtutum, nisi in illis Christum adorassent locis, de quibus primum Evangelium de patibula coruscaverat. Item epist. 27. de obitu Paulæ: Cujus, inquit, gentis homines ad loca sancta non veniunt? In epist. 46. ad Rusticum qui voverat peregrinari ad loca sancta Palæstinæ: Redde, inquit, quod præsentem Domino spondidisti, incerta est vita mortalium ne ante rapiaris, quam tuam impleas sponsonem. Denique epist. 154. ad Desiderium, hortatur illum, ut veniat ad loca sancta, & inter alia dicit: Certè adorasse ubi steterunt pedes Domini, pars fidei est.

Sulpitius lib. 2. sacre historię describens acta Helenæ dicit, illud esse mirandum Hierosolymis, quod in loco, unde Dominus cælum ascendit, adhuc serventur pedum ejus vestigia, & cum ad eum locum undique fideles confluant, & rapiant aliquid calcati pulveris, damnum tamen arena non sentiat.

Paulinus epistol. 11. ad Severum: Non aliter, inquit, affectus homines ad Hierosolymam rapit, nisi ut loca, in quibus corporaliter præsens fuit Christus, videant, atque contingant. Et natali 3. S. Felicis scribit, turbas innumerabiles ex remotissimis locis peregrinari solitas ad corpus S. Felicis.

Prudentius in hymno de SS. Hemiterio & Chelidonio:

Exteri necnon & orbis
Huc colonus advenit.
Fama nam terra in omnes
Præcurrens proditrix
Hic patronos esse mundi,
Quos precantes ambiant.

Augustinus epist. 137. ad clerum & populum Hipponensem: Elegit, inquit, aliquid medium, ut certo placito se ambo constringerent, ad locum sanctum se peregrinarentur.

Cassianus lib. 4. de institutis renunciantium c. 31. meminit Monachorum, qui orationis causa ad loca sancta pergebant: Quidam, inquit, fratrum ad loca sancta de Egypti partibus orationis causa conveniunt.

Socrates lib. 7. cap. penultimo scribit, Eudociam Theodosii junioris uxorem ex voto Hierosolymæ peregrinationem suscepisse. S. Alexium peregrinatum ad nobiliores Ecclesias mundi, scribit Simeon Metaphrastes in ejus vita.

Beda lib. 5. hist. cap. 7. scribit Regem Cæduallam peregrinationem ad limina Apostolorum suscepisse, cupientem ibi Baptismum suscipere, & mox à Baptismo ex hac vita migrare. Quorum utrumque impetravit; nam in Subbatho S. à Papa Sergio baptizatus, in ipsa hebdomada Paschæ in albis positus, levi morbo correptus migravit ad Dominum. Item cap. 20. scribit Regem Cœnredum relicto regno peregrinationem ad Apostolorum limina suscepisse, & apud eadem limina in jejuniis & precibus usque ad vitæ finem permansisse.

Nicolaus I. in epist. ad Michaellem scribit, multa millia hominum ex omnibus terræ finibus confluere solita ad limina Apostolorum religionis causa.

Palladius in hist. Lausiaca cap. 113. scribit Philorum, Presbyterum bis voti causa peregrinatum Hierosolymam, & item ex voto peregrinatum Romam ad limina Apostolorum, & Alexandriam ad reliquias S. Marci. Idem cap. 118. scribit Melaniam Hierosolymæ occupatam in suscipiendis peregrinis ex toto orbe venientibus.

His adde Concilium Cabilonense sub Carolo Magno celebratum, quod can. 45. docet eorum devotionem omnibus probari debere, qui poenitentiae causa ad limina Apostolorum, vel alia sancta loca peregrinantur.

Probatum ultimò ratione, sumpta ex utilitate peregrinationum; nam tria bona adferunt. Primò cedunt in honorem Dei & Sanctorum non mediocrem. Est enim manifestum signum, Deum, & Sanctos à nobis magni fieri, cum laborem, & pericula itinerum sponte suscipimus, ut Sanctorum reliquias invisamus. Secundò, est opus poenitentiae, & satisfactionis, quia laboriosum, & poenale. Tertiò, augeat devotionem; Nam præsentia loci Sancti vix dici potest, quantum incutiat horrorem, quantam exciet reverentiam, & licet ubique sint aliqua sancta loca, tamen sæpè alibi sunt loca sanctiora, ad quæ utile est peregrinari, vel si non sint sanctiora, sunt tamen alia ab his, quæ in nostra patria inveniuntur, & ipsa novitas juvat ad excitandam devotionem, sæpè etiam peculiari amore ferimur erga Sancti alicujus memoriam, quæ procul abest à nobis, & eò accedere non parum juvat, licet habeamus domi memorias celebriores.

Ex his ad argumentum Calvinii dico, cultum voluntarium dici eum, qui sine ratione suscipitur, ut si quis voveat se non iturum ad mensam, nisi bis laverit manus. At cultus qui exhibetur Deo per actus virtutum, non dicitur voluntarius, licet non sit præceptus, ut patet Num. 30. ubi Dominus jubet impleri vota rerum non præceptarum.

Ad

Ad Magdeburgenses dico duo. Primò, fortè non esse Nysseni illam orationem; nam nec habetur in operibus ejus, nec scitur quis illam verterit in sermonem Latinum, & fortè etiam Græcè non invenitur.

Secundò dico, in ea oratione non reprehendi absolute peregrinationem in Hierusalem, sed reprehendi ejusmodi peregrinationem in certis personis, idest, Monachis, & sanctimonialibus; Nam de talibus solum eo loco agitur. Quamvis autem peregrinatio sit bona, tamen non omnibus convenit, quidam enim sunt quibus non convenit peregrinari, quales sunt mulieres, nisi magnum, & tutum habeant comitatum; item Monachi, qui in claustris in silentio, precibus, ac jejuniis exercentur, illorum enim majus bonum impediretur minore bono peregrinationis. Ex hoc modo Jonas lib. 3. respondet ad calumnias Claudii contra Abbatem Theodemirum: dixerat enim Claudius Abbati laudanti peregrinationes ad urbem: *Quare tu Monachos tuos retines in monasterio, & non mittis omnes Romam?* Respondet Jonas pro Abbate, quia peregrinatio est bona, sed non convenit Monachis, sicut & nuptia bona sunt, sed non conveniunt professoribus continentia. Sic etiam Hieronymus, qui tam multa dixit in laudem peregrinationum, tamen Paulinum Monachum dehortatur à peregrinatione, quia proposito ejus magis conveniebat quies, & stabilitas monasterii. Ubi etiam rectè monuit idem Hieronymus, S. Antonium, quia Monachus erat, numquam peregrinatum ad loca sancta. Hilarionem autem quia in Palæstina degebat, semel tantum loca sancta invisisse, ne videretur contemnere religionem eorum locorum, quæ in vicinia erant. Sic ergo & Gregorius Nyssenus facit: nam alioqui quomodo credibile est Nyssenum voluisse reprehendere, quod sciebat factum à S. Alexandro Martyre, suæ regionis homine, & quod non ignorabat laudari ab omnibus Doctoribus suæ ætatis.

Sed diluamus objectiones. Ad primam rationem dico, ea probari solum, peregrinationem non esse opus necessarium ad perfectionem, vel ad salutem. Et ad hoc solum probandum adfertur à Gregorio; nam Monachi illi putabant se non posse esse perfectos, nisi viderent loca sancta, quod certè falsum erat.

Ad secundam dico, illa pericula rectè probare, peregrinationem non esse omnibus accommodatam, sed solum viris maturis, & quibus parum aut nihil periculi imminet. Gregorius igitur rectè argumentatur, quia de sanctimonialibus agit, cum dicit propter pericula debere omitti ejusmodi peregrinationes; nulli enim hominum generi magis cavenda sunt pericula tentationum, quàm sanctimonialibus, quibus & sexus, & professio cautionem maximam indicit.

Ad tertiam dico, nihil esse Hierosolymis quod non possit alibi inveniri, si agamus de rebus essentialibus, & necessariis ad religionem; Deus est ubique, Sacramenta, templa, altaria ubique etiam inveniri possunt: & hoc sufficiebat Gregorio, ut suaderet Monachis, & virginibus, ne solliciti essent pro itinere Hierosolymitano: tamen interim negari non potest, quin aliquid sit Hierosolymis, quo devotio juvari possit, quod alibi non invenitur, nimirum sepulchrum Domini, & loca illa sancta, quæ toties Dominus calcavit, & in quibus tot mirabilia operatus est. Sed hæc non tanti facienda sunt, ut propterea oporteat deferere majora bona.

CAPUT IX.

De votis quæ nuncupantur Sanctis.

ERasmus in Colloquio, quod inscribitur Naufragium, miro modo irridet vota, quæ Sanctis nuncupantur. De hæreticis autem omnibus nulla esse potest dubitatio, quin nos pro idololâtris habeant ob ea vota quæ passim Sanctis nuncupamus; & ratio esse potest, quia votum est actus religionis soli Deo debitus, qualis est etiam juramentum, & sacrificium, ut patet ex divinis literis, ubi perpetuò vota dicuntur fieri Deo, Numer. 30. Deuter. 23. in Psalmis passim, & præcipuè Isaïæ 19. ubi legimus: *Colebant eum in hostiis, & maneribus, & vota vovebant Domino, & solvunt.*

Verumtamen, posse aliquo modo Sanctis vota nuncupari, certissimum est. Et probatur testimoniis antiquorum Patrum. Eusebius lib. 13. præparatione Evangelica cap. 7. loquens de Martyribus, nomine omnium Christianorum: *Nos, inquit, vera pietatis milites, ut Dei amicos honorantes ad monumenta illorum accedimus, vota quoque illis facimus tanquam viris sanctis, quorum intercessione ad Deum non parum juvari profitemur.* Theodoretus lib. 8. ad Græcos, ubi dixerat varia à Martyribus peti, subdit: *Piè, inquit, fideliterque precator, ea maxime consequi qua desiderant, testantur illa, quæ votorum rei persolvunt; nam alii quidem oculorum, alii verò pedum, alii manuum simulacra suspendunt ex argento, aureo confecta &c.* Palladius in hist. Lausiaca cap. 113. scribit, sanctum Philoromum ex voto Apostolis nuncupato venisse Romam ad limina Apostolorum, & deinde Alexandriam ad S. Marcum.

Prudentius in hymno de SS. Hemeterio & Chelidonio:

*Illitas cruore sancto
Nunc arenas incolat
Confrequentant observantes
Voce, votis, munere.*

Paulinus natali 1. de S. Felice:

*Hunc liceat celebrare diem, pia reddere coram
Vota &c.*

Et natali 2.

Coram vota tibi, coram mea corda dicavit.

Et natali 4.

*Annua vota mihi remeant, simul annua lingua
Debita &c.*

Gregorius Turonicus lib. 2. hist. Francorum c. 37. meminit voti, quod nomine Clodovei Regis S. Martino fecerunt ministri ejus: *Domino, inquit, gratias agentes, & vota beato Confessori promittentes lati nuncupaverunt Regi &c.*

Accedat adversariorum testimonium: nam Faustus apud Augustinum lib. 20. contra Faustum c. 3. *Idola, inquit, vertistis in Martyres, quos votis similibus colitis.* Ex quo Fausti testimonio discimus, usitatissimum in primitiva Ecclesia fuisse, ut Martyribus vota fierent.

Ad argumentum autem, quod nos ipsi proposuimus, respondet B. Thomas in 2. 2. quæst. 88. art. 5. vota quæ fiunt Sanctis, vel Prælati, includere duas promissiones: unam quæ fit Sanctis, & illam non esse formaliter votum, sed materiam voti: alteram quæ fit Deo, & illam esse formaliter votum: ut cum quis dicit: Voveo B. Mariæ me ad ejus domum peregrinaturum, promittit Virgini hanc peregrinationem, sed hæc promissio non est votum: & simul promittit Deo, se impleturum promissionem Virgini factam, & hæc secunda promissio verè est

Ec 4 votum.

votum. At ista rectè se habent in votis, quæ includunt promissionem homini mortali factam; nam qui vovet obedientiam prælato revera votum non prælato, sed Deo facit, licet ipsi prælato obedientiam promittat, non enim illo voto prælatum, sed Deum colere & honorare intendit: similiter qui vovet perpetuò ministrare in Xenodochio, Deo facit votum, non Xenodochio, tametsi in utilitatem & commodum Xenodochii faciat. At qui vovet jejunium vel peregrinationem Sanctis, ipsos Sanctos religiosè honorare intendit. Et præterea Cajetanus in eum articulum B. Thom. probat ex ipsa professione Fratrum prædicatorum, vota verè fieri Sanctis: Nam dum profitentur, dicunt: *Voveo Deo, & B. Mariæ, & omnibus Sanctis, me prælato tali vel tali obediendum*, ubi ex duabus promissionibus una dirigitur ad prælatum, & illa est materia voti; altera quæ est formaliter votum, ad Deum, & Sanctos simul. Cajetanus igitur adfert aliam solutionem, ac dicit, vota fieri Sanctis, non ut sunt creaturæ quædam rationis participes, sed ut in eis Deus habitat per gloriam, ita ut vota, quæ fieri dicuntur Sanctis, fiant Deo in Sanctis: quomodo maledicta in Sanctos dicuntur blasphemie, quia Deus in Sanctis maledicatur.

Sed objiciet fortassis aliquis. Aut vota, quæ fiunt Deo in Sanctis, terminantur ad solum Deum, quomodo sacrificium soli Deo offertur, licet in memoriam, & honorem Sanctorum: aut terminantur etiam ad ipsos Sanctos, ita ut revera ipsis vota fiant, quomodo elemosina, quæ datur Christo in paupere, verè datur ipsi pauperi: si primum accipiat, ergo non verè fiunt vota Sanctis. Si secundum, ergo idololatras videmur.

Respondeo, secundo modo fieri vota Sanctis, nec tamen nos esse idololatrias; nam non eadem ratione fit votum Sanctis, & Deo, & solum votum quod fit Deo, est cultus latriæ. Animadvertendum est enim, inter omnes convenire verè & propriè Sanctis aliquid promitti; sicut verè & propriè aliquid promittitur Deo: id enim & B. Thomas concedit, & per se patet; nam si licet Sanctis edificare sepulchra, & basilicas, ornare eorum reliquias, accendere coram eis cereos, ut supra ostensum est, cur non liceat eis ista promittere?

Rursum, inter omnes Catholicos convenit aliter promitti munus Deo, aliter Sanctis; Nam Deo promittitur in signum gratitudinis erga primum principium omnium bonorum, & in recognitionem beneficii ab ipso, tamquam à primo auctore accepti, & proinde illa promissio est cultus latriæ; at Sanctis promittitur aliquid in signum gratitudinis erga mediatores, & intercessores, per quos à Deo beneficia accepimus; & proinde illa promissio non est cultus latriæ, sed dulciæ.

Solum videtur dubium esse, an ista promissio facta Sanctis possit dici votum, idest, an votum sit nomen generale, quod dicatur analogicè de promissione facta Deo & Sanctis, quomodo nomen orationis, & nomen cultus se habent: an verò sit nomen speciale, quod solum dicatur de promissione Deo facta, sicut sacrificium non dicitur nisi de munere, quod offertur Deo. Etsi autem controversia vocabuli, cum de re constat, nos torquere non debet; existimo tamen secundum usum Ecclesiæ nomen voti esse generale; nam nullus dicere auderet, sacrificio Deo, & B. Mariæ; vel etiam absolute, sacrificio B. Mariæ; & tamen dicimus, voveo Deo, & B. Mariæ; & etiam simpliciter, voveo B. Mariæ.

Præterea nomen voti ita est conjunctum cum nomine orationis, ut Græcè dicatur votum *ὑπόχρησις*, oratio verò *προσευχή*, ut notat Gregorius Nyssenus or. 1.

A in orationem Dominicam; Latine autem sæpius accipitur votum pro oratione. Et ratio est, quia ut ibidem docet Nyssenus, vota ordinantur ad orationem; solemus enim cum impetrare aliquid volumus, prius votis conciliare eum, à quo volumus petere, deinde petere id, quod volumus. Unde est illud 6. *Æneidos: Ænea cessas in vota, precesque?* Sicut ergo orationis nomen non solum dicitur de illa petitione, qua à Deo postulamus beneficia, quæque est actus latriæ; sed etiam de illa, qua postulamus à Sanctis, ut nostram orationem juvent, quam fundimus ad Deum: ita etiam voti nomen non solum conveniet promissioni, quæ fit Deo, quæque est actus latriæ, sed promissioni, quæ fit Sanctis, & quæ non est actus latriæ. Neque his repugnat, quod in Scripturis nomen voti semper accipiat pro promissione facta Deo; nam cum scriberentur Scripturæ sanctæ, nondum coeperat usus vovendi Sanctis.

Sed objicies; si promissio facta Sanctis mortuis potest dici votum; cur non etiam promissio facta Sanctis adhuc viventibus nobiscum?

Respondeo primò, quia promissio facta Sanctis cum Christo regnantibus, est similior promissioni quæ fit Deo, quam sit promissio homini mortali. Nam quemadmodum id, quod promittimus Deo, non est illi utile, sed nobis, & solum fit in signum honoris, & gratitudinis; ita etiam quod promittimus Sanctis in cælo regnantibus, non est illis utile, sed nobis; neque enim illi nostris rebus indigent, cum sint beati, & solum ista illis promittimus & offerimus in signum memorie, honoris & gratitudinis. At quæ hominibus hic viventibus promittimus, illis utilia sunt, vel certè esse possunt, cum ipsi multis rebus egeant.

Secundò, quia votum non convenit Sanctis nisi quatenus sunt Dii per participationem; at Sanctos, cum Christo regnantes certò scimus esse tales; de viventibus nobiscum non scimus certò, sed suspicamur tantum.

Tertiò, quia Sancti in cælo jam sunt reipsa beati, & gloriosi, & filii Dei, ac Dii quidam per participationem, quia sunt confirmati in illo statu, neque excidere possunt. At Sancti, qui vivunt nobiscum, modò sunt Sancti, modò non sunt, & magis in spe, quam in re sunt beati, & gloriosi. Rectè igitur quæ mortalibus promittuntur, non dicuntur vota, dicuntur autem, si beatis hominibus in cælo degentibus promittantur.

C A P U T X.

An sint festi dies à Christianis celebrandi.

E P Ostrima restat quæstio de festis. Differemus autem primò de festis in genere. Secundò, de die Dominica. Tertiò, de Paschate. Quartò, de cæteris festis Domini. Quintò de festis Sanctorum.

Quod igitur ad primum attinet, de celebratione festorum in universum, tres sunt errores. Primus veterum Ebionitarum, qui existimabant debere Christianos servare dies festos novi & veteris Testamenti, idest, Sabbathum; & Dominicam, ut Eusebius refert lib. 3. hist. cap. 27. Eundem errorem tempore B. Gregorii quidam renovare voluerunt, ut patet ex lib. 11. epist. 3. Idem hoc tempore servant Christiani, qui in Æthiopia degunt, qui in eodem honore habent Sabbathum, & Dominicam. Argumentum eorum est, quia Exod. 31. de Sabbatho dicitur: *Pæctum est sempiternum, signumque perpetuum.*

Alter

Alter error est Petrobrusianorum, ut patet ex lib. 3. cap. 5. vitæ B. Bernardi: & Waldensium, ut docet Guido in sua Summa: & Wiclefistarum, ut refert Thomas Waldensis tomo 3. tit. 16. cap. 140. qui omnia festa tollebant, tamquam si festi dies ad caeremonias Judæorum solum pertinerent.

Argumenta eorum erant tria loca B. Pauli. Primus Rom. 14. *Alius judicat diem inter diem, alius judicat omnem diem*; idest, alius putat unum diem esse sanctum, alium profanum; alius verò omnes dies putat esse æquales: & licet Paulus toleret in Romanis errorem illum de discretionem dierum, quia nondum erant instructi plenè; tamen clarè indicare videtur esse errorem. Secundus est Gal. 4. *Dies observatis, & menses, & annos: timeo vos, ne frustra laboraverim in vobis*. Tertius locus est Coloss. 2. *Nemo vos iudicet in cibo, aut in potu, aut in parte diei festi*. Ad hæc addunt ex Patribus rationem; nam Sabbathum, quod mandatum fuerat Judæis carnaliter observandum, nimirum, ut abstinerent ab operibus servilibus, nobis mandatum est spiritualiter, ut scilicet vacemus à peccatis, quæ sunt opera verè servilia; quæ sententia est sanctorum Patrum; Ambrosii in cap. 13. Lucæ; Hieronymi in cap. 4. ad Gal. Augustini epist. 119. & Gregorii lib. 11. epist. 3.

Tertius error est Lutherianorum, & Calvinistarum, qui admittunt dies festos, sed ita admittunt, ac si non admitterent. Summa doctrinæ eorum in his capitibus consistit. Primum docent, festos dies celebrare esse jure divino & naturali præceptum. Probant ex decalogo; nam licet præceptum de Sabbatho sit aliquo modo caeremoniale, est tamen aliquo modo etiam naturale, alioqui in decalogo positum non fuisset. Præterea, quia natura ipsa docet, oportere nos aliquando feriari ab operibus corporalibus, tum ut vacemus Deo, & conveniamus in Ecclesia ad verbum Dei audiendum: tum etiam ut aliquam remissionem concedamus famulis, & operariis nostris; & in hoc primo non dissentimus.

Secundò docent, quia jus divinum non determinavit certos dies, quibus Christiani feriari debeant, debere eos determinari ab Ecclesia, idest, à pastoribus, consentiente populo: & in hoc etiam non multum dissentimus; solum enim displicet, quòd putant necessarium populi consensum. Christus enim potestatem gubernandæ Ecclesiæ non tribuit Apostolis cum ea condicione, si populus consentiret, sed simpliciter. Verùm de hac re alibi diximus.

Tertiò docent, dies determinatos ad feriandum non debere haberi cæteris Sanctiores quasi mysterii aliquid, vel piam significationem continerent: sed solum haberi tamquam determinatos, disciplinæ, & ordinis, ac politicæ causâ, ita ut cum hac determinatione simul consistat æqualitas dierum: & in hoc nos accusant, quasi habeamus discrimen dierum more Judaico; & probant assertionem suam ex locis Pauli suprâ citatis. Paulus enim reprehendit discrimen dierum: at certè non reprehendit discrimen necessarium ad ordinem, & politiam, ergo discrimen religiosum, & caeremoniale, quale erat Judæorum, quale esse videtur (ut ipsi dicunt) Christianorum, qui ob similes significationes dies mysticos habent, & colunt.

Quartò docent, determinationem dierum non obligare Christianos in conscientia, nisi ratione scandalis, vel contempus: & in hoc etiam arguunt Catholicos, quòd obligent fideles humanis præceptis. Porro sententiam suam Centuriatores probant, quia festorum observatio in primitiva Ecclesia habebatur res indifferens, & media, ut revera est, ergo non potuit imponi postea sub necessitate; nam Paulus, & alii, modò colebant Sabbathum, modò Domini-

cam indifferenter: nam Actor. 13. Paulus in Sabbatho concionatur. Joannes autem Apocal. 1. mentionem facit Dominicæ.

Præterea quia Paulus, Galat. 4. resistit Pseudoapostolis volentibus introducere obligationem festorum. Deinde Heshufius idem probat: quia cum plura sint festa Christianorum, quàm Judæorum, si eorum observatio ad peccatum obliget, erit intolerabilius jugum Christianorum, quàm fuerit Judæorum; de quo tamen Petrus ait Act. 15. *Nec nos, nec Patres nostri portare potuimus*. Addit Calvinus testimonium Socratis lib. 5. cap. 21. qui dies festos liberos esse voluisset, ac reprehendit impositam necessitatem.

Quintò docent: non licere dies festos consecrare Sanctis vel Eucharistiæ, & multò minus conceptioni B. Mariæ: sed de hoc infra suo loco. Hanc esse mentem hæreticorum, patet ex Magdeburgensibus Cent. 1. lib. 2. cap. 6. col. 503. ex Tilmanno Heshufio lib. de 600. erroribus Pontificiorum tit. 26. ex Philippo in locis, in expositione Decalogi, & ex Calvino lib. 3. Institutionum cap. 8. §. 28. & sequentibus; sed notanda sunt etiam singulorum singula mendacia, sive ineptiæ.

Magdeburgenses Centur. 1. lib. 2. cap. 6. col. 504. dicunt, tempore Aniceti cœpisse in Romana Ecclesia laborare mysterium iniquitatis, & se prodere semina Antichristi, quia nimirum Anicetus volebat Pascha non celebrari alio die quàm Dominico. At hoc ipsum statuerunt eo tempore serè omnium Ecclesiarum Concilia; & postea Nicænum I. & idem servant etiam Lutherani. Quid igitur garriunt contra Romanam sedem?

Tilmannus dicit, apud Pontificios pari honore cum celeberrimis festis totius Ecclesiæ coli dies sanctorum Innocentium, S. Gregorii, S. Annæ, & S. Catharinæ. At mendacium est. Hæc enim festa in plurimis locis non servantur ex præcepto. Ibidem Heshufius probat, festum Corporis Domini esse rejiciendum, quia scriptum est: *Nam adorabis Deos alienos*. Ubi apertè significat, Christum sibi esse Deum alienum; nam festum Corporis Domini propriè ipsi Christo dicatum est, ob beneficium instituti sanctissimi Sacramenti.

Philippus dicit, opera præcipua hujus præcepti de sanctificatione Sabbathi, esse alere, ac honore afficere pios doctores: & peccata in hoc præceptum, esse, contemnere pios doctores, & nolle conferre ad eos alendos, & defendendos. Ita nimirum utiliter servantur festa pro ministris.

Calvinus dicit, cultum Sabbathi apud Christianos in eo consistere, ut otiemur ab operibus nostris, & Deum in nobis operari sinamus, idest, intelligamus nos carere libero arbitrio ad bonum, & quidquid agimus, esse peccatum. At certè, qui ita sabbathizant, non intrabunt in requiem Domini, sed in ignem detrudentur æternum. Igitur adversus hos errores aliquot sententias proponemus.

Prima sententia. *Nullo modo licet Christianis Sabbathum Judæorum, aut alias ferias Testamenti veteris observare*. Hæc est contra primum errorem: & probatur Primò ex tribus locis Pauli suprâ citatis Roman. 14. Galat. 4. & præcipuè Coloss. 2. adeò enim apertè Paulus reprehendit observatores Sabbathi, ut Ebionitæ propterea Paulum non reciperent, sed apostatam esse dicerent, teste Epiphanio hæ. 30. & Irenæo lib. 1. c. 26. ex quo refellitur etiam commentum Magdeburgensium, qui dicunt, Paulum indifferenter coluisse Sabbathum, vel Dominicam.

Secundò probatur ex Concilio Laodiceno cap. 29. ubi anathema dicitur iis, qui Sabbathum colunt, & in eo vacant ab operibus.

Ter-

Tertiò probatur ex Gregorio epist. 3. lib. 11. ubi ex professo hunc errorem refellit, ac dicit, Antichristum renovaturum Sabbathi culturam.

Quartò ratione, quia Sabbathum erat præcipua cæremonia Judaica, & præcipua figura Testamenti veteris, ut patet Coloss. 2. *Aut Neomenia, aut Sabbathorum, quæ sunt umbra futurorum, corpus autem Christi.* Igitur ubi Christus venit, Sabbathum necessariò finem habuit.

Ad Argumentum autem factum ex illis verbis Exod. 31. pactum est sempiternum, respondet Augustinus in quæstionibus in Exodum quæst. 46. 124. & 139. ac Primò dicit, Sabbathum, & sacerdotium, aliosque ritus Judæorum dici pacta, & signa æterna, quia res æternas significabant. Sicut cum dicimus, Deus est æternus, non significamus illas duas syllabas De, us, esse æternas, sed id, quod significant, esse æternum.

Secundò respondet, Sabbathum, & alias quasdam cæremonias dici æternas, quia non fuerant imperatæ Judæis usque ad aliquod tempus definitum, ut cum dicebatur, qui tetigerit mortuum, erit immundus usque ad vespem: sed imperatæ fuerant servandæ quousque Deus vellet, & proinde in æternum ex parte ipsorum, qui non poterant eas omittere pro arbitrio suo. Quòd autem sacerdotium Aaronicum, & cæteræ cæremonie non essent revera duraturæ in æternum, sed essent mutandæ à Deo, probat Augustinus ex Psalm. 109. *Juravit Dominus, & non poenitebit eum, tu es sacerdos in æternum, secundum ordinem Melchisedech.* Cum enim de sacerdotio Christi dicitur, *non poenitebit eum*, indicatur poenituisse Deum sacerdotii Aaronici, idest, mutare illud constituisse. Nec enim in Deo est poenitentia, nisi metaphoricè, quia videlicet mutat res aliquas, ut ii faciunt, quos earum rerum poenitet. Possumus addere

Tertiò cæremonias Judaicas dici æternas, non simpliciter, sed donec duraret status illius Reipublicæ. Id quod explicat Dominus, cum addit, vobis autem in generationibus vestris, aut filiis Israel, ut Exod. 13. *Celebrabitis hunc diem solennem in generationibus vestris cultu sempiterno.* Similia habentur de sacerdotio Exod. 28. & de Sabbatho Exod. 31.

Secunda propositio. *Festa Christianorum non solum ratione ordinis, & politia, sed etiam ratione mysticæ celebrantur, suntque dies festi verè aliis sanctiores, sacratiores, & pars quadam divini cultus.* Hæc est contra secundum & tertium errorem; nam tertius ferè coincidit cum secundo. Probatur Primò ex die Dominico; nam diem Dominicum omnes celebramus tam nos, quam hæretici: ac certum est diem illum celebrari in memoriam resurrectionis Domini, ut Augustinus dicit epist. 119. & fatetur etiam Calvinus lib. 2. cap. 8. Instit. ergo non solum ratione ordinis festa celebrantur, sed etiam ratione mysticæ significationis.

Respondet Calvinus huic objectioni, quam dicit fieri solere à suis etiam, qui crebrò muscant, Dominicæ dici observationem ad discrimen dierum, ab Apostolo prohibitum, pertinere. Dicit autem duo; Primò diem Dominicum non servari nisi propter ordinem Ecclesiæ; electum autem fuisse hunc diem, quia tali die Christus resurrexit. Cum enim Christi resurrectione finitæ sint omnes Judaicæ cæremonie, hoc die admonemur, non esse ampliùs inhaerendum umbris, & figuris.

At hæc solutio nihil valet; nam, si hunc diem colimus, ut admoneamur finitas esse umbras Judaicas, ergo colimus propter significationem. Nec enim dies aliter monet, quàm significando, & repræsentando, ergo non est sublata, sed mutata significa-

tio, & discretio dierum. Præterea dies Dominicus; ut Augustinus docet lib. 22. de Civit. Dei cap. 30. non solum est memoria resurrectionis, sed etiam vitam beatam præfigurat. Igitur Secundò respondet, se non subicere Ecclesiam servituti hujus diei, neque improbatum, si Ecclesiæ alium diem sibi eligant. At hæc solutio apertè demonstrat, Calvinum agnoscere etiam apud suos coli festa ob significationem, & cupere quidem abrogare diem Dominicum, sed non audere, quia nimis altè radicata, & stabilita sit hæc veritas.

Secundò probatur, quia alioqui tollendi essent solemnes dies natalis, passionis, resurrectionis, ascensionis Domini, & Pentecostes, quos de Apostolica traditione descendere, in tota Ecclesia servari docet Augustinus epist. 118. & 119. & quos etiam adversarii colunt. Nam certum est, hos dies non servari ratione ordinis, & politie, sed ratione significationis; nam in primis si solum ratione ordinis servarentur, temerè constituti fuissent. Quis enim est ista ordo, ut inter diem passionis & resurrectionis non sit nisi unus dies medius; inter resurrectionis, & ascensionis sint quadraginta; inter ascensionis, & Pentecostes sint decem, inter Pentecostem, & Natale sint plus quàm sex menses? Deinde si solum ratione ordinis celebrantur festa, cur sequimur lunam in festis mobilibus inveniendis? item cur habent ista nomina, Pascha, Ascensio &c. si nihil sacrum significant? Denique Patres disertè docent, festa ista celebrari ad significanda mysteria redemptionis, & ea externo ritu repræsentanda. Vide Augustinum epistola 119. & in Psalm. 110. ubi prolixè disputat de mysteriis Paschæ, & aliorum festorum.

Tertiò idem probatur ex eo, quòd dies festi à Patribus dicuntur sancti, sacri, mystici, & religiosè colendi quæ cum cæteris diebus non sunt communia. Ambrosius serm. 62. *Dominica nobis venerabilis est, atque sollemnis.* Augustinus præfatione in epist. Joannis: *Quia nunc interposita est sollemnitas sanctorum dierum &c.* Idem lib. 22. de Civit. Dei cap. 30. *Dies Dominicus Christi resurrectione sacratus est.* Lib. 20. contra Faustum cap. 21. *Populus Christianus memorias Martyrum religiosa sollemnitate concelebrat.* Et serm. 251. *Dominicum diem Apostoli religiosa sollemnitate habendum sanxerunt.* Et Leo I. serm. 4. de Quadragesima: *Ingressuri, inquit, dies mystici &c.*

Quartò, si solum ratione ordinis distinguerentur dies festi ab aliis, omnes dies festi essent æquales, nec unus alio major: una enim esset ratio celebritatis omnium. At non ita est; nam Ignatius vocat diem Dominicam, diem regalem, & eminentissimum omnium dierum epistola ad Magnesianos. Leo serm. 12. de quadragesima vocat diem Paschæ festum festorum omnium maximum. Nazianzenus orat. 3. de Pascha, dicit Pascha esse festorum, & celebritatem celebritatum, tanto cæteris omnibus majorem, quanto sol syderibus omnibus excellit: & oratione de obitu patris sui, dicit, Paschæ diem esse regem dierum. Chrysostomus homilia de S. Phulogonio, diem natalem Christi festum maximum, & festorum metropolim vocat.

Quintò, ratione ducta ex Scriptura. Observatio festorum, quæ præcipitur Exod. 20. ad cultum Dei pertinet; nam est præceptum Dei, & præceptum primæ tabulæ. Sed illud præceptum est aliquo modo naturale, & ad nos pertinet, ut adversarii concedunt; ergo etiam nos habere debemus aliquos dies, quorum observatio ad cultum Dei pertineat. Non habemus autem alia festa, quàm dies Dominicos: Pascha, Pentecosten, & similia; ergo horum observatio est cultus Dei, sanctus & religiosus. Li-

cet enim determinatio hujus aut illius diei sit facta ab hominibus tamen ipsa substantia festi imperata est à Deo in prima tabula.

Ultimò probatur hac ratione; Christus nascens consecravit locum, idest, præsepe, moriens consecravit crucem, resurgens consecravit tumulum, unde exivit, cur non etiam consecravit tempus, idest, dies illos, quibus natus, vel passus, vel redditus fuit nobis devicta morte? Cur præ cæteris locis sanctus ille vocatur, ubi Dominus resurrexit? & præ cæteris non erit sancta dies illa, in qua resurrexit? Præterea si templa, & altaria dicuntur domus Dei, & loca sancta, quia Deo sacrata sunt, nimirum ut in his colatur Deus, cur non etiam sancti, & facti erunt dies, qui cultui divino saccati sunt? Neque argumenta concludunt in contrarium.

Ad Primum ex Roman. 14. *Alius judicat diem inter diem, alius omnem diem*. Tres sunt expositiones. Prima Theodoret, & Theophylacti, & fortè etiam Chrysostomi, ut sensus sit: *Alius judicat diem inter diem*, idest, aliquo die abstinere à carne suilla, & aliis cibis in lege prohibitis, alius omni die ab illis abstinere, vel nullo die abstinere. Sed non placet hæc expositio; nam cibi secundum legem immundi nunquam edi poterant, & idè non est verisimile aliquos fuisse Judaizantium, qui ab illis modò abstinerent, modò non abstinerent. Nec tamen hæc expositio juvat adversarios.

Secunda expositio est Origenis, Ambrosii, Oecumenii, Primasii, & Anselmi in hunc locum, qui hunc esse volunt sensum; Alius judicat diem inter diem, alius omnem diem, idest, aliqui jejunant certis diebus, ut feria II. IV. & VI. vel Sabbatho, alii jejunant omni die, & utrique rectè agunt. Hæc est vera, & literalis, & nobis maximè faver.

Tertia est B. Hieronymi lib. 2. in Jovinianum, quod Paulus loquatur de festis Judæorum, & sensus sit; Alius discernit inter diem festum & profanum secundum legem, idest, feriatur die Sabbathi, & in Kalendis, alius omnem diem ducit profanum, quod attinet ad legem Judæorum. Hæc sententia non videtur mihi literalis, tum quia omnes veteres, qui ex professo hunc locum exponunt, de jejunio exposuerunt, non de festis: tum etiam quia Apostolus de cibis disputationem instituerat, tum denique quia postquam dixerat: *Alius judicat omnem diem*, subjungit: *Unusquisque in suo sensu abundet*. Quod certè non videtur fuisse dicturus, si de festis Judæorum ageret, quæ observare jam cœperat malum esse. Tamen si propter B. Hieronymum admittatur, dico Apostolum non loqui de festis Christianorum, sed Judæorum tantum; nam ipse etiam Paulus judicabat diem inter diem, quod attinet ad festa Christiana, cum celebrabat Pentecosten, ut dicitur Actor. 20. & consequenter etiam celebrabat Pascha; nam ut Epiphanius deducit hæresi 75. sine Paschate nulla est Pentecoste.

At instat Calvinus; nam Paulus videtur eodem modo damnare discrimen dierum, quo discrimen ciborum: sed discrimen ciborum in lege Christiana nullum est, quale erat apud Judæos, idest, propter significationem, igitur nec discrimen dierum esse debet propter significationem. Respondeo, à Paulo similiter reprobari discrimen ciborum, & dierum ex lege Judaica inductum: sed tamen in Ecclesia non esse eandem rationem ciborum, & festorum; nam ciborum delectus non est ab Ecclesia inductus propter significationem, dies autem festi instituti sunt ob significationem, non quidem talem, qualis erat Judæorum, sed aliam, & diversam.

Ad Secundum locum ex epistola ad Galat. duz

A sunt responsiones. Prima Ambrosii in Galat. 4. & Augustini Enchirid. cap. 79. & in epistol. 119. cap. 7. qui dicunt, Apostolum non loqui de observatione festorum, sed de observatione vana, & superstitiosa Gentilium, qui dicebant, cras non proficiat, quia talis est positio syderum; hoc anno non plantabo vineam, quia bissextus est.

Secunda est omnium Græcorum, & Hieronymi, atque Augustini in hunc locum, qui dicunt, Paulum agere de festis Judæorum. Quod etiam respondetur ad tertium locum ex epistol. ad Coloss.

B Sed contrà; nam licet Apostolus propriè Judaizantes arguat, tamen simul etiam illos videtur arguere, qui eodem modo tempora, & dies observant: atqui nos idem facimus. Non enim sustulimus observationem certorum dierum, sed mutavimus. Præterea Hieronymus in hunc locum scribens, adfert duas solutiones, quæ ambæ videntur contra nos. Primò sic ait: *Ne inordinata congregatio populi fidem minueret in Christo, propterea dies aliqui constituti sunt, ut in unum omnes pariter veniremus. Non quo celebrior sit dies illa, qua convenimus; sed quo quacumque die conveniendum sit, ex conspectu mutuo latitia major oriatur*. Secundò dicit, Christianis omnes dies esse æquales, sed propter saculares oportuisse constituere aliquos dies, quibus convenirent ad Ecclesiam.

C Ad Primum respondeo dupliciter. Primò cum Augustino contra Adimantum cap. 16. ubi sic ait: *Illi, inquit, ea serviliter observabant, non intelligentes ad quarum rerum significationes, & prænuntiationes pertinerent: hoc in eis culpatur Apostolus, & in omnibus qui servant creatura potius quam creatori. Nam nos quoque & Dominicum diem, & Pascha solemniter celebramus, & quaslibet alias Christiani dierum festivitates: sed quia intelligimus quò pertineant, non tempora observamus, sed qua illis significantur temporibus*. Exemplum de eo, qui adfert librum doct. ri, vel citharam magistro, cum ipse tamen nec legere, nec citharam pulsare sciat.

D Secundò respondeo, magnum est discrimen inter nostra festa, & Judæorum; nam in primis illa post Christum habent falsam significationem; nostra habent veram. Deinde illorum finis primarius erat significare futura, ut dicitur Coloss. 2. nostrorum autem finis primarius est agnoscere Dei beneficia, propter quæ festa singula instituta sunt. Denique summa præcepti in illis erat, non operari corporaliter: in nostris autem potissima præcepti pars est, interesse divino sacrificio, vacare autem ab opere corporali, nobis præcipitur solum, ne distrahamur à Dei laudibus. Itaque nostra festa succedunt Judaicis, non sicut in eadem hæreditate filius patri, sed sicut lux umbræ, & dies nocti, & exemplar figuræ, & illa dici poterant carnalia, nostra autem spiritualia.

E Ad Prima verba Hieronymi dico, eum in prima solutione sua duas causas reddere festorum Christianorum. Unam, ut honoremus Christi resurrectionem, & alia mysteria, & ex hac parte non potest negari quin sit dies celebrior Paschatis, quàm alii dies. Alteram ut habeamus certum diem ratione ordinis, & quantum ad istam causam non est una dies altera celebrior.

Ad Secunda verba ejusdem dico, eum in secunda solutione sua, cum dicit, Christianis esse dies omnes æquales, non intelligere simpliciter, & quoad omnia, sed solum quoad essentialia festi, & hoc remota Ecclesiæ lege; Nam, ut ipse ibi dicit, potest Christianus quotidie habere Pascha, & Pentecosten, & diem Dominicum: si nimirum quotidie audiat sacram, communicet corpori Domini, recogitet divina mysteria, & omnis operibus servilibus totus Deo vacet. Immo talis deberet esse vita clericorum, & reli-

& religiosorum, propter quos omnes dies dicuntur feriæ. Hoc autem Judæi habere non possunt, non enim eis licet quotidie immolare agnum Paschalem, vel erigere tabernacula, & similia. Cum hac tamen æqualitate consistit, quod apud Christianos sit inæqualitas dierum, tum ex præcepto Ecclesiæ determinantis dies, tum ex significatione, & representatione mysteriorum: dies enim Dominicus representat resurrectionem, quod non faciunt alii dies.

Ad rationem illam ex Patribus dico, Patres illos agere de ipso Sabbatho propriè dicto, non ut Sabbathum alioquin accipitur pro omni die festo, sed ut accipitur propriè pro die septimo. Dicunt enim Patres, ipsum Sabbathum mandatum Judæis carnaliter, nobis autem spiritualiter, sed non sequitur, si non debemus celebrare Sabbathum ad litteram externo ritu, non debere etiam nos celebrare Dominicam, & alia festa Christiana. Immo S. Augustinus in eadem epistola 119. ubi dicit, nobis mandatum Sabbathum spiritualiter, ibidem dicit, nos agere debere diem Dominicam celebrem externo ritu.

Tertia propositio. *Observatio certorum dierum festorum rectè præcipitur in Ecclesia lege obligante conscientiam, etiam citra contemptum, & scandalum.* Hæc est contra hæreticos hujus temporis. Sed antequam probetur, notandum est Primò, lege festorum duo quædam præcipi; Primò, ut omnes intersint Missæ sacrificio; Secundò, ut vacent ab opere servili. Horum utrumque requiri ad festi observationem adversarii fatentur, nam licet ipsi damnent Missam, quatenus sacrificium est, tamen fatentur die festo oportere convenire ad Ecclesiam, & interesse mysterio sacræ cœnæ: & quando etiam hoc negarent, facile probari posset ex Justino in fine 2. Apologiæ, ex Palladio cap. 69. historiæ Lausiæ, ex Hieronymo in vita Paulæ, & ex aliis antiquis auctoribus.

Pari ratione fatentur, festum diem requirere vacationem ab opere corporali, & si id negarent, probari posset ex Hieronymo in epist. ad Eustochium de custodia virginitatis, ubi dicit, Monachos sui temporis exerceri solitos in operibus manuum omnibus diebus, exceptis Dominicis, & similibus festis. Augustinus quoque serm. 251. & Gregorius lib. 11. epistol. 3. dicunt, festis diebus vacandum ab opere corporali.

Secundò nota, opus servile posse tribus modis accipi; quædam enim sunt opera, quibus homo servit cupiditatibus suis, nimirum peccata, & hæc non dicuntur propriè opera servilia, sed metaphoricè tantum, non enim sunt propria servorum, sed communia omnibus, & maxime divitibus, & nobilibus, qui aliis dominantur: neque prohibentur hæc speciali præcepto, sed omnibus præceptis simul. Alia sunt opera, quibus homo servit Deo, ut immolatio sacrificii, oblatio thuris, & similia, & hæc ita servilia sunt, ut sint etiam regalia, nam servire Deo regnare est, & hæc non modò non prohibentur, sed etiam præcipiuntur maxime die festo. Alia sunt, quibus homo homini servit, qualia sunt quæ per se spectant ad eos, quos propriè vocamus servos, qualia sunt omnia mechanica artificia, agricolarum labores, & similia, & hæc propriè servilia dicuntur, & prohibita in festis intelliguntur.

Tertiò, nota quòd licet sola ista opera per se prohibeantur in festis, tamen justis de causis quædam spiritualia, & liberalia interdiciuntur etiam, & quædam corporalia, ac servilia permittuntur. Liberalia, quæ prohibentur in festis, sunt quatuor, mercatum facere, agere causas, jus dicere, & juramentum solemne in judicio præstare, nisi ob causam pacis, vel

A aliam necessitatem. Ita enim habetur capit. Omnes dies, capit. Conquestus, de feriis.

Corporalia, quæ permittuntur, sunt etiam quatuor. Primò ea, quæ ad opera religionis vel spiritualia, per se ordinantur. Hoc modo licet in festis campanas pulsare, & olim licebat mactare oves & boves ad sacrificia, Matth. 12. *Sacerdotes in templo Sabbathum violant, & sine crimine sunt.* Sic etiam licet scribere in ordine ad intellectum, ut ad parandam lectionem, vel concionem, non tamen licet transcribere, sine necessitate, libros lucri gratia. Secundò, opera illa permittuntur, quæ vel propriæ, vel aliorum saluti necessaria sunt, ut est labor pharmacopolarum, chirurgorum, coquorum &c. quomodo etiam Judæis licebat in Sabbatho educere jumenta de fovea, si fortè cecidissent, & ducere ad fontem ad bibendum, Matth. 12. Tertiò, opera concessa à Prælati. Quartò, opera quæ ex consuetudine facta sunt licita. Numquam enim Ecclesia tam severe præcepit vacare ab opere, quàm lex Judaica; & ratio est, quia vacatio apud Judæos erat figura futurorum, figuræ autem debent esse exactæ, alioqui non bene significant; nostra autem vacatio etiam si interdum significat aliquid futurum, tamen non est hic ejus præcipuus finis, sed non impedire opera spiritualia.

Probatur nunc propositio; Primò, omnibus argumentis, quibus alias probavimus, Ecclesiæ præcepta obligare in conscientia.

Secundò, jure divino præcipitur, ut aliqui dies festi observentur, & tamen nulli sunt certi dies à jure divino determinati, ergo debuit esse in Ecclesia potestas determinandi certos dies, & obligandi ad eorum observationem: quia alioqui non servaretur jus divinum. Si enim determinatio Ecclesiæ non obligat, poterunt fideles non servare diem Dominicum, nec Pascha, nec alia festa indicta, & proinde nulla. Nec enim ulla alia festa sunt, quæ servari possint. Festa enim debent esse communia toti Ecclesiæ: nulla autem esse possunt communia, nisi quæ indicuntur à publica potestate.

D Tertiò, Mardocheus & ceteri Judæi cum Regina Hesther instituerunt festum, quod Deus non præceperat, & obligaverunt, ad illud servandum, Hesther 9. *Nulli liceat hos duos dies absque solemnitate transgere &c.* ergo idem licebit Ecclesiæ. Nam tota causa, cur credant hæretici non licere Ecclesiæ obligare fideles ad istam festorum observationem, est, quia Deus hæc festa in particulari non præcepit, ac nec præceperat festum illud Sortium, quod Mardocheus instituit.

E Quartò, antiqua Ecclesia festa cum imperio indicabat, nec fuit unquam ullus præter hæreticos, qui ejusmodi præcepta reprehenderit. Concilium Agathense ante mille annos cap. 47. *Missar, inquit, die Dominico secularibus totas audire speciali ordine præcipimus, ita ut ante benedictionem sacerdotis egredi populus non presumat. Quod si fecerint, ab Episcopo publicè confundantur.* Concilium Laodicenum ante 1200. annos cap. 29. *Non oportet, inquit. Christianos Judaizare, & in Sabbatho vacare, sed operari eos in eadem die, Dominicam præponendo eidem diei.* Concilium Aurelianense III. etiam ante annos mille can. 27. præcepit, ut puniantur, qui diebus festis operantur, & simul tamen damnat eos, qui Judaico more ita vacant, ut non putent licere parare in die Dominico quæ necessaria sunt ad victum. Similiter Concilium V. generale can. 8. die Dominica jubet audiri sacrum, & nulla opera corporalia fieri præter ea, quæ ad victum necessaria sunt, & alia similiter necessaria. Nec est ille canon ex Trullanis canonibus. Antisdorense ante annos 900. cap. 16. *Non licet, inquit,*

die

die Dominico, boves iungere, vel alia opera exercere. Similia habentur in Concilio II. Matisconensi cap. 1. Concilium Moguntinum ante annos 700. canon. 36. & 37. enumerat festa præcipua totius anni, & jubet omnino ab opere in eis diebus vacare. Vide plura decreta Conciliorum, & Pontificum, extra de festis. Neque argumenta in contrarium concludunt; nam ad primum Magdeburgensium dico, festorum dierum cultum ex se indifferentem esse, sed posita lege esse necessarium. Ad exemplum Pauli, nego illum aliquando coluisse diem Sabbathi. Concionabatur enim die Sabbathi, quia tunc inveniebat Judæos congregatos, non quia ipse coleret Sabbathum. Porro in epist. ad Galatas non arguit Pseudoapostolos, quod obligarent ad festa, sed quod obligarent ad festa Judaica.

Ad illud Heshufii, quod si festorum leges obligent, erit jugum Christianorum intolerabilius jugo Judæorum, cum nos plura festa habeamus, quam illi habuerint. Respondeo Primò cum B. Augustino lib. contra Adimantum cap. 16. servare festa Judaicè esse jugum, non autem more Christiano: quia illi non intelligebant finem vacationis, nos intelligimus.

Secundò dico, festa Judæorum verè fuisse gravia, quia cogebantur singulis Sabbathis non accendere ignem, non coquere cibos, non iter facere, nisi ad modicum spatium. Item oportebat eos ter in anno ad quædam festa ire in Hierusalem, etiam si longissimè abessent: item in Paschate cogebantur per dies septem comedere azima insipida, qui Deuteron. 16. idèd vocatur panis afflictionis, & lactucas agrestes plenas amaritudine, & alia multa, quæ festa onerosa reddebant. At nostra festa nihil laboris habent: quis enim labor audire sacrum, & vacare à quibusdam operibus?

Adde Ultimò, quod cum Petrus Act. 15. legem Judaicam, intolerabile jugum vocavit, non hoc propter festa, sed propter alias innumeras, & minutissimas cæremonias dixit, quas non tantum observare, sed etiam memoria retinere ferè impossibile erat. Ad testimonium Socratis dico, Socratem hæreticum fuisse Novatianum, neque ejus testimonium in dogmatibus ullius esse momenti.

Quarta propositio. *Non tenemur diebus festis ex præcepto peculiari ad non peccandum, sive ad actum contritionis, vel dilectionis Dei.* Hæc est B. Thomæ in 2. 2. quæst. 122. art. 4. & contra Scotum in dist. 27. & 37. qui dicit, homines teneri die festo ad actum dilectionis Dei internum: & contra Abulensem, ac Lyranum in cap. 20. Exodi: qui dicunt, hoc præcepto specialiter prohiberi opera servilia, idest, peccata, & proinde omne peccatum factum in die festo esse duplex.

Probatur Primò, quia jus divinum præcipiebat solum abstinere ab opere servili. Si dicas, opus servile est peccatum. Contra, quia præcepta debent intelligi propriè, non metaphoricè, peccata autem non sunt opera servilia, nisi metaphoricè. Secundò, Ecclesia determinavit tempus, & modum observandi jus divinum de observatione præceptorum: at Ecclesia nusquam præcipit actus illos internos. Tertio, id habet communis sensus fidelium. Nulli enim sunt, qui putent se novum peccatum commisisse, si die Dominico non habuerint contritionem. Quarto, actus ille internus est finis hujus præcepti, non autem finis, sed media propriè imperantur. Quintò, cultus internus præceptus jam erat in primo mandato; nam hic est ordo primæ tabulæ; in primo præcepto mandatur cultus cordis, in secundo cultus oris, in tertio cultus operis. Sextò, præceptum de colendo Sabbatho est præceptum religionis; at con-

tritio est actus poenitentiae, non religionis. Septimò, quia alioqui esset valde noxium tot festa multiplicare; esset enim tendere laqueos animabus.

At obijciunt; Primò, fornicari, vel occidere hominem in loco sacro est homicidium, & sacrilegium, ergo similiter occidere, vel fornicari in die festo.

Respondeo, circumstantiam loci, & temporis semper aggravare peccatum, sed non semper ita aggravare, ut censetur novum peccatum. Tunc enim solum fit novum peccatum, quando circumstantia loci, vel temporis est essentialis, & intrinseca peccato, idest, quando violatur ipsum tempus, aut locus sacer, verbi gratia, qui fornicatur, aut homicidium facit in templo, committit sacrilegium, quia per ea peccata tollitur sanctitas loci. Violatur enim templum per effusionem seminis, aut sanguinis voluntariam ex lege Ecclesiastica: At qui in templo mentitur etiam perniciosè, aut blasphematur, non committit propriè sacrilegium, quia mendacium, & blasphemia non tollunt templi sanctitatem. Idem dico de tempore sacro. Non enim violatur tempus sacrum per quæcumque peccata, sed solum per ea, quæ opponuntur ipsi tempori sacro, qualia sunt, non audire sacrum, & operari corporaliter, quæ sunt specialiter prohibita.

Secundò obijciunt testimonia Augustini, qui dicit, præcepto Sabbathi prohiberi opera servilia, idest, peccata. Sic enim loquitur Augustinus tract. 3. in Joannem, & in Psalm. 32. concione 1. Respondeo, eum loqui de præcepto Sabbathi, ut est generale præceptum, spiritualiter significatum per Sabbathum Judæorum.

Tertio obijciunt Augustinum, qui lib. de decem chordis cap. 3. dicit: *Melius faceret Judæus in agro aliquid utile, quam in theatro seditiosus existeret: & melius famina Judæorum domi lanam facerent, quam tota die in Neomeniis suis impudicè saltarent.*

Respondeo, Augustinum non velle dicere absolute esse melius, seu minus malum, die festo operari aliquid utile, licet prohibitum tali die, quam aliud peccatum facere. Potest enim fieri, ut aliquando sit melius, aliquando pejus; Nam minus malum est die Dominico operari in agro, quam blasphemare Deum: sed è contrario, majus malum est, operari in agro die Dominico, quam mentiri officiosè. Et tamen Augustinus videtur velle, minus malum esse die festo operari aliquid ex genere suo utile, quam peccatum aliquod committere. Augustinus ergo vult dicere, magis pugnare quolibet peccata cum fine sanctificationis Sabbathi, quam opera ex se utilia, quæ tamen prohibentur in Sabbatho; nam finis est quies mentis in Deo, cui quieti magis repugnat quodlibet peccatum, quam distractio operis corporalis, & idèd magna est cæcitas Judæorum, quia abutuntur otio Sabbathi ad multa peccata committenda, ut Augustinus dicit.

Obijcies, si peccata magis repugnant fini hujus legis, quam opera servilia, ergo omnia peccata prohibentur hoc præcepto magis, quam opera servilia; nam hoc præceptum positum est ad removenda impedimenta cultus divini interni. Respondeo, omnia peccata prohibita esse, & magis quam opera servilia; nam peccata in nullo casu permittuntur: opera autem servilia etiam in festo sæpè permittuntur. Non tamen omnia peccata prohibentur hoc præcepto speciali de Sabbatho, quia non erat necesse, nam jam antea prohibita erant. Opera autem servilia prohibentur hac speciali lege, quia antea prohibita non erant.

CAPUT XL

De Dominica die.

DE Dominica die tria dicenda sunt. Primò, de ejus antiquitate. Secundò, de ratione institutionis. Tertiò, de ritibus antiquis in die Dominica servatis.

Quantum ad Primum, sine dubio festum Dominicæ est antiquissimum omnium Christianorum festum; nam Ecclesia Christiana propriè cepit in die Pentecostes. Tunc enim impletis omnibus mysteriis redemptionis, promulgatum fuit publicè Evangelium. Post hunc autem diem coeperunt omitti festa Judæorum; & eis substitui festa Christiana; primus autem dies festus occurrens sine dubio fuit Dominicus; nam festum Natalis Domini, & Paschæ, quæ etiam antiquissima sunt, non nisi post aliquot menses occurrerunt. Attestantur autem huic antiquitati primò Scripturæ; nam Act. 20. dicitur, una Sabbathi cum convenissemus ad frangendum panem: & 1. Corinth. 16. per unam Sabbathi unusquisque apud se reponat &c.

Magdeburgenses Centuria 1. lib. 2. cap. 6. col. 503. & Calvinus in cathena Augustini Marlorati dicunt, hæc loca intelligi de die Sabbathi, & eum diem à Paulo servatum. Quod etiam probant Magdeburgenses ex Act. 13. ubi Paulus die Sabbathi disputat in Synagoga. At falluntur manifestè, nam in primis locum illum Act. 20. Chrysostomus, & Beda exp. int. de Dominica die: locum autem 1. Cor. 16. exponunt de die Dominica omnes interpretes Græci & Latini, Chrysostomus, Ambrosius Theophylactus &c. nec solum Catholici, sed etiam Petrus Martyr in eum locum. Adde etiam (cui hæretici multum tribuunt) commentarium Erasmi tam Act. 20. quàm 1. Corinth. 16. Præterea Marci 16. dicitur Christus resurrexisse una Sabbathorum, at constat resurrexisse die Dominica.

Præterea constat Paulum multis Hebraïsmis abundare: est autem Hebraïsmus frequentissimus dicere unum pro primo: ut Genes. 1. *Factus est vespere, & mane dies unus*, idest, primus, nam postea sequitur, *dies secundus &c.* Denique Paulus arguit Colossenses, & Galatas severissimè, quòd Sabbathum, & festa Judæorum servarent. Quomodo ergo credibile est eum servasse Sabbathum Judæorum? Quòd autem Act. 13. die Sabbathi prædicavit in Synagoga, non id fecit, ut coleret Sabbathum, sed quia non poterat habere alio loco, nec alio tempore Judæos congregatos.

Habemus præterea Apocal. 1. *Ego Joannes fui in spiritu in Dominica Die*. Quem locum de nostra Dominica die exponunt serè omnes, ut Occumenius, Anselmus, Primasius, & alii, & ipsi etiam Magdeburgenses, Cent. 1. lib. 2. cap. 6.

Ad hæc, habemus testimonia Patrum antiquissimorum, Clementis can. 65. Apostolorum, Ignatii epistola ad Magnesianos, Justinii Apologia 2. Tertulliani de corona militis, & Apologetici cap. 16. Clementis Alexandrini lib. 7. Strom. Origenis hom. 7. in Exod. Athanasii hom. in illud: Omnia mihi tradita sunt à patre meo, Ambrosii epist. 83. Hieronymi in cap. 4. ad Galat. August. lib. contra Adimantum cap. 16. Gregorii lib. 11. epist. 3. Leonis epist. 81. ad Dioscorum, Hilarii præfatione in Psalm. Quare nullo modo dubitare licet, quin festum Dominicæ diei sit vetustissimum.

Quantum ad Secundum, ratio institutionis fuit, ut succederet Sabbatho. Nam jus divinum require-

bat, ut unus dies hebdomadæ dicaretur cultui divino: non autem conveniebat, ut servaretur Sabbathum. Itaque Sabbathum ab Apostolis in diem Dominicum versum est.

Ut autem intelligatur, quàm rectè id factum sit, notandum est, Sabbathum fuisse festum antiquissimum & præstantissimum apud Judæos, & ideo solius Sabbathi mentionem factam in Decalogo. Erat autem Sabbathum festum excellentissimum, quia cum omnia festa celebrentur, vel in memoriam beneficii præteriti, vel ad significandum aliquid futurum, Sabbathum in utroque excellebat. Nam quantum ad præteritum, colebatur in memoriam primi, & communissimi beneficii, idest, creationis mundi. Nam, ut scribit Philo in lib. de opificio mundi, quemadmodum Reges coli jubent diem natalem filiorum suorum, ita Deus coli voluit diem natalem operis sui, idest, mundi. Quod etiam utilissimum erat ad errorem Philosophorum excludendum, qui dicturi erant, mundum non habuisse principium. Quantum autem ad futurum, Sabbathum figura erat trium beneficiorum Dei, ad quæ omnia alia revocantur.

Primò, figura erat in sensu allegorico quietis Christi in sepulchro. Ut enim Deus Sabbatho quievit ab opere creationis, ita Christus quievit Sabbatho ab opere redemptionis, ut Apostolus observavit Hebr. 4.

Secundò, figura erat in sensu tropologico quietis mentis humanæ ab operibus servilibus peccatorum. Judæi enim, dum Sabbatho oriabantur, significabant venturum esse tempus gratiæ, quo liberati homines per Christum à servitute peccati, quiete & otio spiritali fruerentur, ut exponit Augustinus tract. 30. in Joannem, & alibi.

Tertiò, figura erat in sensu anagogico quietis sanctorum animarum, quam post mortem in sinu Abraham expectabant, ut Augustinus docet epist. 119. & deducitur ex Apostolo Hebr. 4. Jam verò propter has ipsas causas, quibus Sabbathum fuit olim institutum, decuit, ut post Christi adventum mutaretur in Dominicam. Nam quantum ad memoriam præteritorum, dies Dominica longè excellit Sabbatho; nam refert nobis memoriam Natalis Christi, & Resurrectionis ejusdem, & Adventus Spiritus Sancti, quo die quodammodo nata est Ecclesia. Nam Christus die Dominica natus est, ut patet, quia illo anno currebat litera Dominicalis B, ut omnes Mathematici docent, & potest ostendi retrocedendo in Ciclo literarum dominicalium. Constat autem, litteram B haberi die 25. Decembris, quo die Christus natus est. Quòd autem idem Christus resurrexerit die Dominica, ex Evangelis constat. Quòd denique adventus Spiritus Sancti fuerit die Dominica, patet, quia fuit in die Pentecostes, idest, quinquagesimo die à Paschate, qui necessariò est dies Dominicus. Itaque dies Dominica repræsentat nobis natalem diem Christi, & Ecclesiæ, & Christi non simplicem, sed duplicem. Et præterea dies Dominica repræsentat etiam memoriam creationis mundi non minus, quàm Sabbathum. Nam die Dominico coepit mundus fieri, immò eo die sunt factæ omnes partes mundi principales, cælum, terra, Angeli, lux &c. Unde Justinus Apologia 2. & Leo epist. 81. ad Dioscorum, dicunt, diem Dominicam coli tam ob memoriam mundi creationis, quàm ob resurrectionem Christi.

Quantum autem ad futurorum significationem, Sabbathum planè cessare debuit, quia omnia, quæ per Sabbathum significabantur futura, jam sunt completa; nam Christus jam in sepulchro jacuit, & quies animarum in Deo jam agitur. Porro quies spirituum defunctorum in sinu Abraham jam est mutata.

tata in gloriam & beatitudinem: & nunc non amplius expectamus simplicem illam quietem, sed quietem gloriosam; gloria autem melius significatur per diem Dominicum, quam per Sabbathum. Ex idcirco B. Augustinus epist. 119. dicit, Sabbathum rectè datum Hebræis, qui post mortem ibant ad solam quietem; Christianis autem datam esse diem Dominicam, quia jam revelata est gloria resurrectionis in Christo; & quod præcessit in capite, etiam corpus totum expectat.

Quantum ad Tertium, ritus in Dominica erat quadruplex. Primò, conveniebant in Ecclesiam ad lectionem, concionem, sacrificium, communionem &c. ut ex Justino patet Apologia 2. extrema. Secundò, vacabant ab operibus servilibus, ut patet ex Hieronymo epist. ad Eustochium de virginare, & Gregorio lib. 11. epist. 3. Tertio, non jejunabant, ut patet ex Tertulliano de corona militis, & aliis, qui passim hoc docent. Quarto, non flectebant genua, sed stantes precabantur. De quo exstat canon 20. Nicæni Concilii. Idem etiam longè antea Tertullianus docuit libro de corona militis: *Die Dominice, inquit, jejunare, nefas ducimus, & de genuis adorare*. Item Hilarius præfatione in Psalmos, Ambrosius serm. 62. Augustinus epist. 119. cap. 15. & Alexander III. c. Quoniam, extra de feris idem docent. Ex quo intelligimus, nondum esse quingentos annos, ex quo ritus hic cessavit. Nam tres priores adhuc in universa Ecclesia observantur.

CAPUT XII

De Pascha.

Duo dicenda sunt. Primò, quid sit Pascha. Secundò, de erroribus circa Pascha. Quantum ad Primum, aliqui Patrum existimarunt, nomen Paschæ deductum esse à verbo *πάσχειν*, idest, pati, quia passionis Domini memoria in Paschate celebratur, juxta illud Apostoli: *Etenim Pascha nostrum immolatus est Christus*: ita Ambrosius in lib. de mysterio Paschæ cap. 1. Unde etiam Tertullianus lib. contra Judæos, dicit, Pascha Domini significare passionem Christi: quorum sententiam refert, & merito refellit Augustinus epist. 119. nam Pascha nomen est Hebræum, non Græcum. Hebræè autem dicitur *פסח* quod Græci verterunt *πάσχα*, Chaldaus *פסח*. Hieronymus legit Phasæ, nimirum secundum alia puncta: sed eadem semper est vox. Dicitur autem Pascha à verbo, *פסח*, quod est transilire. Unde primariò non significat immolationem agni, ut auctor commentar. in cap. 14. Marci apud Hieronymum docet: nec transitum populi per mare rubrum ad terram promissionis, ut docet Nazianzenus oratione 2. de Pascha, & Augustinus tract. 55. in Joannem. Nec etiam significat transitum Angeli per Ægyptum, ut videntur sonare illa verba: *Est enim Phasæ, idest, transitus Domini*. Exod. 12. sed significat transgressionem Angeli, & quasi saltum super domos Judæorum, ut patet ex ratione, quæ redditur Exod. 12. nam ubi dixerat Moyses: *Est enim Phasæ*, subiungit rationem: *Transibo enim per terram Ægypti nocte illa, & percussiam primogenita Ægyptiorum. Erit autem sanguis vobis in signum in adibus vestris, & videbo sanguinem, & transibo vos, nec erit in vobis plaga*. Ubi primum, transibo, est *פסח* secundum est *פסח* & ab hoc dicitur Pascha. Similis ratio ter in eodem capite redditur: ubi semper *פסח* significat transilire, seu transcendere, non simpliciter transire. Unde Josephus lib. 2. antiquitat. cap. 13. dicit, Pascha significare transgressionem. Idem docet Hiero-

nymus in cap. 26. Matth. & Theodoretus quæst. 24. in Exod.

Veruntamen hoc ipsum nomen traducitur etiam ad alia tria significanda. Itaque Primò, significat, ut diximus, transgressionem Angeli. Secundò, ipsum agnum Paschalem, qui per immolationem transibat de vita ad mortem. Unde dicitur Luc. 22. *Necesse erat occidi Pascha*. Tertio, transitum populi, qui illa ipsa nocte liberatus à tyrannide Pharaonis transivit per mare rubrum, ut iret in terram promissionis; & hanc significationem agnoscunt Gregorius Nazianzenus orat. 2. de Pascha, & August. tract. 55. in Joannem. Quarto, ipsum festum diem: nam Luc. 22. dicitur: *Appropinquabat dies festus azimorum, qui dicitur Pascha*.

Porro hæc ipsa quatuor sunt etiam apud Christianos suo modo, idest, ut exemplaria illorum typorum. Nam Angelus transiliens, & occidens primogenita Ægypti, & salvans filios Israel, est Christus magni consilii Angelus, qui, dum transiret de morte ad vitam, salvavit omnes, qui ejus sanguine aspergendi erant, relictis cæteris in manu vastatoris. Agnus Paschalis idem Christus est, pro nobis immolatus. Christum enim repræsentarunt Agnus & Angelus, quia Christus occidi & occidere debuit; Agnus autem occidi poterat, sed non occidere. Angelus occidere, sed non occidi. Transitus per mare rubrum, significat transitum populorum per aquas Baptismi; & idè in Paschate ordinariè olim baptizabantur Catechumeni. Denique, festus dies illorum nostrum festum diem figurabat.

Quantum ad Secundum, Primus, error fuit Aerii, qui Pascha simpliciter negabat esse celebrandum, quòd hoc Judaismum saperet. Refert hunc errorem, & refellit Epiphanius hæresi 75. non enim agimus Pascha Judæorum, sed quod illo significabatur.

Secundus fuit Blasti cujusdam, qui, teste Tertulliano lib. de Præscrip. docuit, Pascha necessariò debere celebrari ipso die, quo à Judæis celebrabatur, idest, 14. Luna, sive esset Dominica, sive non. In quo errore fuerunt eodem tempore multi Episcopi Asiæ minoris, ut patet ex lib. 5. histor. Eusebii c. 24. & 25. ubi refertur epistola Policratis Episcopi Ephesini ad Victorem Papam, qua ille auctor asserit, omnes suos prædecessores usque ad S. Joannem Evangelistam semper celebrasse Pascha die decima quarta. Nec defuerunt postea multi alii, quibus hic error placeret, quos Epiphanius hæresi 50. Quartodecimanos vocari asserit, quin etiam longo post tempore Audiani, seu Vadiani in eundem errorem inciderunt, eodem Epiphanio teste hæresi 70.

Hic error illo ipso tempore refutatus est à Conciliis ferè omnium Ecclesiarum, & à Romano Pontifice, qui omnes communi consensu statuerunt, Pascha celebrandum esse Dominica, proxima Lunæ quartæ decimæ post æquinoctium vernum, ut Eusebius idem refert. Deinde Concilium Nicænum, cum adhuc error ille alicubi duraret, idem statuit, ut testantur Epiphanius hæresi 50. & 70. qui dicit, in Concilio eodem ab Eusebio Cæsariensi compositum aureum numerum, qui ostendit Noviluniam. De qua re exstat epistola ipsius Concilii Nicæni apud Theodoretum lib. 1. cap. 9. histor. & ejusdem rei meminit Athanasius in epistola de Synodo Arminensi, & Seleuciensi; Ambrosius epistol. 83. & Theophylus lib. 1. Paschali; item Imperatoris Constantini epistola ad omnes Ecclesias, apud Eusebium lib. 3. de vita Constantini; ubi Constantinus tribus rationibus probat, debere Pascha celebrari die Dominico. Primò, ne concurramus cum Judæis Christi interfectoribus.

Secundò, quia par est, ut in tota Ecclesia sit una ratio

ratio Pascha celebrandi, & par est etiam, ut pauciores pluribus cedant. Porro ab antiquis temporibus Romana urbs, Italia, Africa, Gallia, Hispania, Britannia, Ægyptus, Lybia, Græcia, Pontus, Cilicia, & magna pars Asiæ celebrant Pascha die Dominico, soli autem pauci Orientales contra totum Meridiem, Occidentem Aquilonem, & magnam orientis partem cum Judæis Pascha celebrant.

Tertio, quia absurdum est, uno anno bis Pascha facere, & alio anno numquam. Atqui hoc accidebat illis, qui Pascha quartadecima die agebant, nam illi non observabant æquinoctium, sed solum menses 12. Lunares, & celebrabant Pascha 14. Luna mensis primi, non curantes, si illa decimaquarta esset ante æquinoctium, vel post. Itaque interdum accidebat, ut uno anno celebrarent Pascha post æquinoctium, & anno sequenti ante æquinoctium, & proinde bis in uno anno.

Adde etiam, quod isti falso fundamento nitebantur. Nam putabant, se sequi legem Judæorum, & revera sequebantur delirium Judæorum sui temporis. Nam Lex Judaica Exod. 12. præcipit Pascha fieri post æquinoctium vernalis, jubet enim fieri Luna decimaquarta primi mensis, porro mensis primus is erat, cuius decimaquarta dies incidebat in æquinoctium vernalis, aut illud proximè sequebatur. Unde etiam Josephus lib. 3. antiquit. cap. 13. dicit, Pascha fieri sole in Ariete existente, & opposito ipsi Lunæ, Judæi autem posteriores (ut Epiphanius dicit hæc. 70.) non amplius observabant æquinoctium, & eos tamen tamquam duces cæcos sequebantur errantes illi Christiani, qui cum Judæis Pascha faciebant.

Ad auctoritatem autem S. Joannis Evangelistæ, quam pro se adhibebant illi Quartadecimani, respondet Beda lib. 3. hist. cap. 25. Joannem celebrasse Pascha 14. die, ut se accommodaret in illis initiis Judæis ad fidem conversis, sicut etiam propter eandem causam Paulus circumcidit Timotheum: tamen Apostolum Petrum Romæ instruisse, ut Pascha die Dominico fieret: & hoc magis esse sequendum.

Tertius error fuit quorundam Cappadocum, qui, teste Epiphanio hæc. 50. semper Pascha celebrabant die 25. Martii, sicut Natalem Domini semper celebramus die 25. Decembris: quia putabant, Christum eo die passum fuisse, & ipso die passionis Pascha agendum credebant. Similis fuit error Gallorum in principio Ecclesiæ, qui, teste Theophylo Cæsariensi apud Bedam lib. de ratione temporum cap. 45. semper Pascha celebrabant 25. Martii, quod putarent, eo die Christum resurrexisse. Idem error summo opere placet Luthero in lib. de Conciliis part. 2. Ubi vellet eodem die celebrari ista festa, & non observari cursum Lunæ, ne videremur Judaizare.

Cæterum iste error refellitur Primò, ex consensu totius Ecclesiæ, quæ semper die Dominico Pascha celebrandum statuit. Secundò, quia secundum quosdam nititur falso fundamento, Christus enim ut illi docent, non potuit resurgere 25. Martii, nec etiam pati; nam passus est die Veneris, & resurrexit die Dominico, secundum Evangelia omnia. Constat etiam, Christum passum & resurrexisse anno ætatis suæ 33. vel 34. secundum alios. Porro anno Christi 33. die 25. Martii, non fuit feria 6. nec dies Dominica, sed feria 4. Anno autem Christi 34. die 25. Martii, fuit feria 5. ut ex litera Dominicali patet. Nam anno Christi 33. currebat litera D, anno 34. litera C; die autem 25. Martii, semper est G.

Ultimò, refellitur à B. August. in epist. 119. ubi ostendit, hoc interesse inter diem Natalis & diem Resurrectionis, quod ille celebratur solum ob memoriam, & ideo semper ipsa die 25. Decembris: at iste celebratur ob memoriam & Sacramentum, &

A ideo variatur. Vide ibidem pulcherrimam explanationem mysteriorum Paschæ.

Quartus error fuit Britonum & Scotorum apud Bedam lib. 3. hist. cap. 25. & lib. 5. cap. 22. qui contra communem totius Ecclesiæ usum Pascha celebrabant prima Dominica post Lunam 13. Martii, ita ut aliquando ipsa 14. Luna Pascha celebrarent, in quo neque Judæis, neque Christianis consentiebant. Nam Judæis primus dies sollemnis erat Luna 15. sed incipiebant festum à vespere præcedente, idest, Luna 14. ad vespem; istis autem primus dies sollemnis erat decimusquartus, & cum etiam ipsi inciperent à primis vespere, necessariò incipiebant Luna 13. sed hic error non eget alia refutatione; nam fundabatur in sola imperitia; existimabant enim, ita sanctum Joannem celebrare solitum.

Quintus error est Novatianorum, qui, teste Socrate lib. 5. hist. c. 20. decretum ediderunt, quod appellarunt *adūpōm*, quia in eo statuerunt, liberum unicuique esse debere, agere Pascha quando velit. Quem errorem satis constat placuisse etiam Magdeburgensibus ex Cent. 1. lib. 2. cap. 6. col. 504. & Cent. 2. cap. 6. col. 119. ubi dicunt, nec Apostolos, nec Apostolicos viros ullam legem dedisse Ecclesiæ de celebratione Paschæ, sed reliquisse Christianis integram libertatem. Et ibidem arguunt Romanos Pontifices, quod propter rem indifferentem excommunicaverint Asianos.

C Iste autem error refellitur. Primò, ex canon. 8. Apostolorum, ubi jubentur deponi Episcopi, vel Presbyteri, qui Pascha egerint ante æquinoctium cum Judæis.

Secundò, probatur, quia eos, qui pertinaces fuerunt in opinione Asianorum, idest, quod necessariò Pascha deberet agi Luna 14. cum Judæis, veteres Patres semper habuerunt pro hæreticis, ut patet ex Tertulliano de præscrip. Epiphani. hæres. 50. August. hæres. 29. & Theodoro lib. 3. de hæreticis fabulis, & Damascen. lib. de hæres. Et ne putemus eos esse hæreticos alia de causa, imposuerunt illis nomen Tetrastecedeceatitas, idest, Quartadecimanos. Non ergo sine causa Romani Pont. excommunicarunt Asianos.

D Tertio, si esse deberet res libera, & indifferens celebratio Paschæ, numquam fuissent sancti Patres multum solliciti de hac re: at semper maximè solliciti fuerunt, nam in ipso initio hujus controversiæ, ubique celebrata sunt provincialia Concilia pro hac re, ut apparet ex lib. 5. hist. Eusebii cap. 23. & 25. quod est signum magnæ sollicitudinis. Adde, quod in illis Conciliis non rem adiaphoram esse voluerunt: nam lib. 5. cap. 23. sic ait Eusebius: *Unum, inquit, omnes Ecclesiasticum dogma confirmant, ne liceat aliquando nisi in die Dominica, qua Dominus resurrexit, Dominicum Pascha celebrare mysterium.* Et c. 25. dicit, hunc fuisse finem decreti Concilii Cæsariensis de Paschate illo ipso tempore habiti: *Epistola autem nostra exemplaria per omnes Ecclesias transmittantur, ut ne rei efficiamur animarum, qua diversis erroribus immergantur.*

E Quarto, Concilium Nicænum post quæstionem de fide contra Arium nihil putavit magis dignum diligenti discussione & determinatione, quàm de die Paschæ, ut patet ex epistola Constantini apud Eusebium lib. 3. de vita Constantini. Immo Athanasius in epistola de Synodis Arimini & Seleuciæ, non procul ab initio, dicit, Concilium Nicænum propter duas causas convenisse, primò, propter controversiam de Pascha; secundò, propter hæresim Arii, Epiphanius etiam hæres. 70. dicit, Constantinum duo maxima bona contulisse in Ecclesiam; unum, quod congregari curavit Synodum Nicænam; alte-

alterum, quod in ipsa Synodo curaverit determinari quaestionem de Paschate. Quod autem Nicænum Concilium planè præceperit celebrari Pascha die Dominico, & non solum cohortationem adhibuerit, ut Socrates dicere videtur, patet ex Athan. qui in epist. de Concil. Arimini & Seleuciæ, sic ait: *In negotio de Paschate non abhorruerunt ab ista appendice, visum est, ut omnes obtemperarent.*

Quintò, probatur ex Concilio Antiocheno cap. 1. ubi excommunicantur, qui legem Nicænam de Pascharis die non servant.

Sextò, idem probatur ex magna sollicitudine, quam semper habuerunt Patres, ne erraretur in celebrando Paschate. Nam tempore B. Ambrosii, cum nata esset difficultas quædam, & ignoraretur, quæ esset dies Paschæ secundum Nicænum Concilium, undique mittebantur literæ Episcoporum ultro citroque. Unde etiam exstat prolixa epist. 83. Ambrosii de hac re.

Deinde tempore Innocentii I. cum orta esset similis difficultas, scripsit Innocentius epistolam, quæ est 11. ad Aurelium Episcopum Carthaginis, ut ipse quoque coacta Synodo, quaestionem illam discuteret, & ad se scriberet Concilii sententiam, ut ipse postea diem Paschatus de more omnibus præscriberet.

Rursum tempore Leonis, cum similis orta esset difficultas, scripsit inde S. Leo ad Imperatorem Martianum, ad Eudoxiam Augustam, ad Episcopos Galliæ & Hispaniæ, & alios. Vide epist. 63. 64. 65. & 95.

Præterea idem arguit generalis providentia Ecclesiæ; nam, ut scribit Leo epist. 64. ad Martianum, delegata fuerat Episcopo Alexandrino cura semper supputandi & indagandi diem Pascharis, quem ille Apostolicæ sedis Romanæ indicabat; ac deinde Apostolica sedes universæ Ecclesiæ diem illum præscribebat; cujus moris meminit etiam Concilium Arelatense I. cap. 1. & Innocentius I. epist. 11. ad Aurelium.

Ultimò, probatur ex divino testimonio, quod refert Paschasinus Episcopus Liberianus in epistola ad Leonem, & est 63. inter epistolas sancti Leonis. Scribit autem ille, tempore Zozimi Papæ ortam quaestionem de Paschate, quod Occidentales dicerent, Pascha celebrandum illo anno 25. die Martii, Orientales autem 22. Aprilis. Porro in quadam Ecclesia Siciliæ solebat singulis annis sacer fons divino miraculo per se repleti ipsa nocte Paschatis, qua Catechumeni baptizandi erant. Illo autem anno, cum ex præscripto Zozimi Pascha ageretur 25. Martii, fons inanis & aridus mansit: deinde 22. Aprilis fons repletus est; atque ex eo intellectum est, errasse occidentales in celebratione Paschæ. Quale miraculum contigisse etiam anno Domini 573. scribit Sigebertus in Chronico. Siquidem annotavit eo anno fontem baptismalem in Hispania divinitus impletum fuisse in Sabbatho veri Paschatis, quod tunc Galli rectè servabant, Hispani autem malè. At certè si res esset omnino indifferens, numquam Deus tali miraculo commissum errorem demonstrasset.

Magdeburgenses Cent. 5. cap. 6. col. 693. dicunt, fabulas, & nugas esse, quæ iste Paschasinus scribit. At constat, hunc Paschasinum fuisse Episcopum celeberrimum, quippe qui nomine S. Leonis præfedit Concilio Chalcedonensi 630. Episcoporum. Constat etiam eum scribere rem sibi notissimam, nimirum quæ acciderat suo tempore, & in loco sibi vicino. Constat denique rem illam scriptam gravissimo Pontifici S. Leoni, cui certè fabulam & nugas pro divino miraculo numquam vendidisset magnus ille Episcopus.

Ultimus error est, in quem à multis jam annis sæ-

Controv. Card. Bellarm. Tom. II.

pè incidimus, scientes quidem, & advertentes, sed tamen inviti. Sciendum enim est, Concilium Nicænum tres regulas constituisse ad inveniendum Paschæ diem. Una fuit, ut semper Pascha ageretur post diem 21. Martii, quia illo die erat æquinoctium veris, & Pascha post æquinoctium agi debet. Altera fuit, ut post 20. Martii expectaretur Luna 14. & post eam diem quaeretur Pascha. Pascha enim agi debet in tertia hebdomade Lunæ, idest, à Luna 14. exclusivè, usque ad 22. exclusivè. Et ad inveniendam Lunam, composuerunt Ciclum aurei numeri. Ubi cumque enim in Calendario invenitur aureus numerus illius anni, ibi est Novilunium. Tertia regula fuit, ut post Lunam 14. occurrentem, post vigesimum diem Martii, expectaretur dies Dominicus, & ille esset Pascha.

Istæ regulæ illo tempore & sequentibus annis multis optimæ fuerunt. Verè enim tunc erat æquinoctium 21. Martii, & verè aureus numerus tunc indicabat diem Novilunii. At à multis jam sæculis experientia docet, æquinoctium non esse fixum, vigesima prima Martii, sed semper anticipare: nunc enim est decimo Martii. Similiter experientia docet, aureum numerum antiquum non indicare amplius Novilunia fideliter. Nunc enim Novilunium invenitur quatuor diebus ante ipsum aureum numerum. Ex quo intelligimus, tempore Concilii Nicæni non fuisse exactè deprehensum motum nec Solis, nec Lunæ: Ecclesia autem semper antiquas illas regulas servat, & inde sæpissimè cogitur errare, etiam si nolit. Sicut anno superiore, idest, 1579. celebratum est Pascha 19. die Aprilis, cum debuisset celebrari 15. Martii.

C A P U T XIII.

De Pentecoste.

Magdeburgenses Cent. 2. cap. 6. col. 129. non solum dicunt, Apostolos nullam legem de festis instituisse, sed etiam addunt, primis illis sæculis Ecclesiæ nihil expressè legi de ullo festo, præterquam de Paschate. At hoc esse falsissimum, docet nos antiquitas Pentecostes. Nam in primis meminit ejus festi Paulus in priore epist. ad Corinth. 16. *Manebo, inquit, Ephes. usque ad Pentecosten.* Et Act. 20. de Paulo inquit Lucas: *Festinabat, ut, si quo modo posset, Pentecosten ageret Hierosolymis.* Et quamvis non sit omnino certum, an loquantur hæ Scripturæ de Pentecoste Judæorum, an Christianorum: tamen Epiphanius hæres. 75. exponit de Pentecoste Christianorum.

Præterea meminerunt hujus festi, antiquissimi auctores; Clemens lib. 5. constit. cap. 21. Irenæus apud Justinum quæst. 115. Tertullianus lib. de Corona militis; Origenes lib. 8. contra Celsum; Hilarius præfatione in Psalm. Theophilus lib. 1. Paschali; Hieronymus in epist. ad Marcellam de erroribus Montani, & in cap. 4. ad Gal. Gregorius Nazianzenus, Chrysostomus, Ambrosius, Maximus, Leo, & alii, qui sermones de hoc festo scriptos reliquerunt. Denique Augustinus epist. 118. dicit, festa Passionis Domini, resurrectionis, Ascensionis, Pentecostes, & alia, quæ in tota Ecclesia celebrantur, sine dubitatione vel à generalibus Conciliis, vel ab Apostolis instituta: constat autem, non esse instituta in generalibus Conciliis; nam eorum mentio invenitur in Clemente, Justino, Tertulliano & Origene, qui præcesserunt omnia generalia Concilia.

Est autem gravis difficultas, an rectè celebretur festum Pentecostes die quinquagesimo à die Resurrectionis. Nam certum est, celebrari hoc festum

F f

pro.

propter adventum Spiritus sancti, ut Hieronymus dicit in cap. 4. ad Galat. & alii Patres supra citati. Videtur autem Spiritus sanctus advenisse die 49. vel etiam ante 49. à die Resurrectionis Domini, & proinde non die Dominico, sed die Sabbathi, aut Veneris, aut Jovis. Nam ut habemus Act. 2. Spiritus sanctus venit, dum complerentur dies Pentecostes, id est, ipso die Pentecostes Judæorum. Non enim ibi Lucas potest intelligi de alia Pentecoste, quam Judæorum. Pentecoste autem Judæorum aut erat festum datæ Legis in monte Sina, ut dicit Augustinus epist. 119. cap. 16. aut erat festum Hebdomadarum, ut vult Hieronymus in cap. 4. ad Galat. aut fortasse utrumque simul: at neutrum in diem Dominicam incidisse videtur anno passionis Christi; nam festum datæ Legis celebrabatur die tertio tertii mensis, ut habetur Exod. 19. ex quo deducit Augustinus dies 50. numerari ab ipso Paschate Judæorum, id est, à die 14. primi mensis inclusivè; fuit autem dies Paschæ Judæorum, anno passionis Christi, die Jovis: ergo Pentecostes complebatur etiam die Jovis, nimirum triduo ante nostram Dominicam Pentecostes.

Porro festum Hebdomadarum, quod magis propriè dicitur Pentecostes, numerari incipiebat à secundo die azymorum, ut colligitur ex libro Levitic. cap. 23. ubi præcipitur, ut altera die Sabbathi offerant manipulos primitiarum, & inde numerent septem hebdomadas, qui sunt dies 49. & sequenti die, id est quinquagesimo, festum diem agant. Porro hoc loco nomine Sabbathi intelligitur primus dies azymorum, qui sollemnis erat, & generali nomine Sabbathum dicebatur, ut exponunt Lyranus, Abulensis, Cajetanus in hunc locum, & Josephus lib. 3. antiquit. cap. 13.

Cum ergo primus dies azymorum tempore passionis Christi fuerit die Veneris, si ab illo die exclusivè numeremus dies quinquaginta, inveniemus, Pentecosten completam fuisse die Sabbathi, non die Dominica. Neque potest aliquis effugere difficultatem, si dicat, Spiritum quidem sanctum non advenisse die Dominico, qui est quinquagesimus à Dominica Resurrectionis, tamen Ecclesiam voluisse die Dominico celebrare memoriam hujus adventus. Nam Clemens lib. 5. cap. 21. constituit. Theophylus lib. 1. Paschalis. Augustinus epist. 119. Leo in serm. de Pentecoste, & alii omnes, docent, revera die decimo ab Ascensione, & quinquagesimo à Resurrectione venisse Spiritum sanctum. Hoc ergo effugio prætermisso, respondeo, festum Hebdomadarum, & festum datæ Legis veteris, fuisse unum & idem, & celebrari solitum tum in memoriam datæ Legis veteris, ac figuram dandæ Legis novæ per adventum Spiritus sancti, tum etiam in gratiarum actionem pro collectis frugibus; & hoc unum festum anno passionis Christi incidisse in diem Dominicum, qui fuit quinquagesimus à Resurrectione Domini.

Ut autem ista omnia explicentur, consideranda sunt duo illa loca, Exod. 19. & Levit. 23. Quantum ad Primum locum, sciendum, non posse evidenter colligi ex Scriptura, quo die data sit Lex vetus. Nam Scriptura dicit, venisse Moysen cum populo in desertum Sinai mense tertio egressionis ab Ægypto, ac deinde tertia die datam Legem; sed non explicat quo die mensis tertii venerit in desertum Sinai; & proinde non certò scimus, unde numerentur tres illi dies, de quibus dicitur: *Esote parati in diem tertium*.

Invenio autem quatuor sententias. Prima est, B. Augustini epist. 119. cap. 16. & quæst. 70. in Exod. ubi dicit, venisse populum in desertum Sinai prima die mensis tertii, & tertia ejusdem datam esse Le-

A gem, & illam diem esse quinquagesimam à die primi Paschatis. Sed contrà sunt argumenta.

Primum, quia si ita numeremus, non coincidet festum datæ Legis cum festo Hebdomadarum, quod propriè dicitur festum Pentecostes: nam festum Pentecostes est dies quinquagesimus à secundo die azymorum, non à festo Paschatis, & tamen debent coincidere, vel nullum erit festum datæ Legis, quod est absurdum, & contra ipsum Augustinum, qui ipsum festum datæ Legis, vult esse festum Pentecostes.

Secundum, quia revera non tollitur nostra prima difficultas; nam si Lex data est die quinquagesimo à Paschate Judæorum, & illa die est festum Pentecostes, & Spiritus sanctus venit in die Pentecostes, certè sequitur, Spiritum sanctum non venisse die Dominico, sed die Jovis.

Tertium, quia B. Augustinus non videtur rectè numerare; ipse enim accipit ex primo mense dies septemdecim, ex secundo mense dies triginta, ex tertio mense dies tres, & sic efficit dies quinquaginta. At non potuit accipere ex primo mense dies septemdecim, & ex secundo dies triginta. Nam menses lunares, quales erant Judæorum, non omnes constant ex triginta diebus, sed unus ex triginta, alius ex viginti novem; ergo debuit accipere Augustinus ex primo mense dies septemdecim, ex secundo dies viginti novem; vel ex primo dies sedecim, ex secundo dies triginta, & sic non efficit quinquaginta, sed quadraginta novem. Adde etiam, quod Moyses non dicit, mense tertio Paschatis, sed mense tertio egressionis de Ægypto: egressio autem non fuit decimoquarto die, sed decimoquinto, ut habetur Num. 33.

Quartum, quia si tertia die mensis tertii data est Lex, oportebit, prima die mensis multò plura esse facta, quam patiatur tempus unius diei: nam in primis dicuntur filii Israel mense tertio pervenisse in desertum Sinai; ex quo apparet, aliquam partem diei illius primæ consumptam in itinere. Non enim credibile est, eos pervenisse summo mane, cum non consueverint noctu iter facere. Deinde, ubi pervenerunt, fixerunt tabernacula sua, in quo plurimum temporis consumebatur, cum essent in illa multitudine supra mille millia hominum. Deinde post fixa tabernacula, ascendit Moyses in montem Sina, qui altissimus erat, & cum Deo loquutus, descendit, & convocavit omnes majores natu, & concionem habuit ad illos, & per illos ad omnem populum. Deinde rursus in montem secundo ascendit, & iterum descendit, & cum populo locutus iussit, ut omnes lavarent vestimenta sua: *Cumque lavissent vestimenta sua, inquit Scriptura, dixit eis Moyses: Esote parati in diem tertium*. Quis porro credat, una, atque eadem die tabernacula erecta, & Moysen bis ascendisse ad montem, bis descendisse, bis populo concionatum? Quod si id credibile non est, certè sententia illa S. Augustini agrè defendi potest.

Alia expositio est Ruperti & Abulensis in cap. 19. Exod. qui dicunt, Legem quidem datam die tertio tertii mensis, sed eum diem non esse quinquagesimum, ut Augustinus dicebat, sed quadragesimum nonum à Paschate, & idè festum Pentecostes non celebrari propter Legem datam, sed propter fœdus ictum inter Deum & populum, quod factum est die quarta tertii mensis, ut dicitur Exod. 24.

Hæc expositio minus placet, quam prior; nam in primis valent contra hanc sententiam argumenta iam facta, excepto tertio; & prætere peribit figura pulcherrima nostræ Pentecostes, quam tamen Augustinus, Leo, & alii agnoscunt, nimirum quod Pentecoste Judæorum fuerit festum datæ Legis veteris, & nostra Pentecoste sit festum datæ Legis novæ.

Tertia sententia est Cajetani, qui dicit, Moysen venisse

venisse in desertum Sinai prima die mensis tertii, sed illa verba: *Estote parati in diem tertium*, dicta esse die quarto mensis, & proinde Legem datam die sexta ejusdem mensis, qui fuit quinquagesimus à secundo die azymorum inclusivè, & hoc modo coincidit hoc festum cum festo Hebdomadarum, & omnia cohererent.

Quarta sententia est Rabbi Salomonis, & Lyrani, qui dicunt Moysen venisse in desertum Sinai die tertia mensis tertii, ac deinde die quarta dixisse: *Estote parati in diem tertium*, & tandem die sexta datam Legem. Quae sententia coincidit cum sententia Cajetani quoad diem datæ Legis, de quo erat præcipua quaestio. Videtur autem hæc sententia magis conformis literæ; nam sic habet textus: *Mense tertio egressus filiorum Israel de Aegypto, in die hac venerunt in solitudinem Sinai*; ubi illud: *In die hac*, videtur referri ad numerum antea nominatum, nimirum ad tertium, ut sit sensus: Mense tertio, & die ipsa, idest, ejusdem numeri, hoc est, tertia. Quamquam potest etiam satis commodè illud, *In die hac*, referri ad initium mensis, ut sensus sit: In mense tertio, in die hac, idest, in ipso initio mensis. Maneat igitur, ut sexta die mensis tertii data sit Lex, sive populus in desertum Sinai venerit die prima, sive tertia.

Quantum ad secundum locum ex Levit. 23. duæ sunt expositiones. Prima est Isidori & Ruperti in eum locum, qui volunt, per alteram diem Sabbathi, intelligi primam Sabbathi, idest, Dominicam, quæ immediatè sequitur post Sabbatum, & sensum Legis esse, ut dies Pentecostes numerentur à prima Dominica, quæ occurrit post festum Paschæ, quæ sententia si vera sit, nobis maximè favet. Nam eo modo semper Judæorum Pentecoste venisset in Dominica die, & quia anno passionis Christi prima Dominica post Pascha Judæorum fuit Dominica resurrectionis, inde eo anno necessariò dies Pentecostes complebantur die quinquagesimo à die resurrectionis Domini.

Altera sententia est Lyrani, Cajetani, Abulensis, Rabbiorum omnium, & ipsius Josephi lib. 3. antiquitatum cap. 13. qui intelligunt per alteram diem Sabbathi primam diem post festum azymorum. Et sanè movet me multum auctoritas Josephi, quippe qui noverat praxim ejus Legis, cum ipse quoque esset Sacerdos, & vixisset in Hierusalem, cum adhuc Lex illa servaretur. Sed hac sententia, tamquam vera, admissa, sequitur, dies Pentecostes anno Passionis Christi numerari coepisse in Sabbatho; Sabbatum enim eo anno proximè occurrebat post festum azymorum. Ex quo sequitur, ut dies Pentecostes completerentur etiam in Sabbatho.

Quomodo igitur nos Pentecosten in Dominica celebramus? Respondet Rupertus, ubi suprâ, etiam hac sententia admissa, non potuisse Pentecosten incipere, aut compleri in Sabbatho, quia Judæi habebant quandam consuetudinem, ut numquam celebrarent duo festa duobus diebus continuis, & idè si quando occurreret primus dies azymorum feria 6. solitos Judæos illum diem festum transferre in sequentem, & die Sabbathi, celebrare tam festum Sabbathi, quàm festum azymorum. Atque ita anno passionis Domini diem primum azymorum celebratum à Judæis non feria 6. sed Sabbatho, & proinde dies Pentecostes coepisse numerari die sequenti, qui fuit Dominicus.

Sed quia hæc sententia passim refelli solet, neque vacat nunc eam discutere: dicam quod sentio, & licet auctorem meæ sententiæ non habeam, spero tamen eam non faciliè improbandam, cum certa ratione niti mihi videatur.

Respondeo igitur, ordinariè quidem coepisse nu-

merari dies Pentecostes à secunda die azymorum, sed tamen si secunda illa dies esset Sabbatum, tunc coepisse numerari à tertia die azymorum: neque ullus hoc arguere potest; Nam causa, cur illi dies 50. non inciperent à die primo azymorum, sed à secundo, est, quia oportebat illo die multa opera servilia facere, quæ die festo erant prohibita, nimirum oportebat metere manipulum frumenti, & exsiccare, & adferre ad Sacerdotem. At ista omnia magis prohibita erant die Sabbathi, quàm die primo azymorum: ergo non licebat in secunda die azymorum, quando ea die erat Sabbatum, incipere dies illos quinquaginta. Et hanc esse puto causam, cur Scriptura dixerit, *Altera die Sabbathi*; & non, altera die Paschæ, vel azymorum, quia nimirum voluit generatim includere festa, quæ immediatè occurrerent post Pascha, sive esset unum, sive plura. Itaque illud: *Altera die Sabbathi*, significat prima die profana post festum Paschæ. Et quia ut plurimum post Pascha non occurrebat festum, nisi primo die azymorum, idè non malè Josephus loquens de eo, quod ut plurimum accidebat, scripsit incipere Pentecosten Luna decimasepta, quamquam anno Christi passionis coeperit Luna decimaseptima, quia videlicet Sabbatum fuit Luna decimasepta. Quod si dies Pentecostes eo anno numerati ceperunt Luna decimaseptima, qui dies erat Dominicus, sequitur, ut completerentur dies Pentecostes etiam die Dominico. Arque hoc est quod quaerebatur.

CAPUT XIV.

De septuagesima & sequentibus Dominicis.

Diximus de Septuagesima, quæ celebratur post Pascha; nunc de ea breviter differemus, quæ celebratur ante Pascha. Septuagesimæ, Sexagesimæ, & Quinquagesimæ non invenio mentionem ante tempora B. Gregorii, sed in Antiphonario & Sacramentario Gregorii annotantur expressè officia harum Dominicarum, & earundem meminerunt multi auctores Gregorio posteriores; nimirum Beda in libello de officiis divinis; Alcuinus in lib. ejusdem argumenti; Amalarius lib. 1. c. 1. de officiis Ecclesiasticis; Rabanus lib. 2. c. 34. de institut. Clericor. Ivo in serm. de Septuagesima; Rupertus lib. 4. c. 1. de divinis officiis; & B. Bernardus in serm. de Septuages. Ratio autem horum nominum non est eadem apud omnes; Beda & Alcuinus dicunt, quosdam addidisse unam hebdomadam ad jejunium Quadragesimæ, & illam consequenter vocasse Quinquagesimam; alios addidisse adhuc aliam, quia volebant die Jovis jejunare, & tamen numerum dierum integrum servari volebant. Itaque addidisse unam hebdomadam ante Quinquagesimam, & eam hebdomadam consequenter vocasse Sexagesimam; alios denique, qui non jejunabant die Jovis, nec die Sabbathi, addidisse adhuc aliam, & illam vocasse Septuagesimam.

Sed improbabilis est hæc sententia. Nam non est verisimile propter abusum paucorum, qui non jejunabant die Jovis & die Sabbathi, Ecclesiam instituisse tam solennes Dominicas. Et præterea non invenimus mentionem harum Dominicarum, nisi post tempora Gregorii, quando jam non erat ille abusus.

Alii volunt Septuagesimam dici à numero dierum, quia sunt dies 70. ab ea Dominica usque ad Sabbatum in Albis: Sexagesimam dici, quia sunt dies sexaginta ab ea Dominica usque ad feriam 4. post Pascha: Quinquagesimam dici, quia tot sunt dies inde usque ad Pascha. Inepta opinio; nam sic omnis Dominica poterit vocari Septuagesima, si numeramus

remus 70. dies, & non curemus ubi terminentur. Adde, quod per septuaginta dies volunt isti auctores significari captivitatem spiritualem sub Diaboli potestate, cujus typus fuerat captivitas Babylonica 70. annorum. At absurdissimum est, inter dies captivitatis includere diem resurrectionis Domini, qui est dies perfectæ libertatis.

Alii prudentiores dicunt, denominari à Paschate has omnes Dominicas, sed per Synecdochen: nam à Septuagesima usque ad Pascha sunt serè 70. dies, idest, 64. A Sexagesima usque ad Pascha sunt circiter 60. dies, idest, 57. A Quinquagesima usque ad Pascha sunt 50. dies. Sed videtur deficere ista opinio in nomine Septuagesimæ; nam sexaginta quatuor dies magis dici deberent sexaginta, quam septuaginta.

Est ergo sententia Ruperti, quam puto verissimam, ista nomina non esse desumpta à numero dictum, sed à numero Dominicarum; voluit enim Ecclesia, ante Dominicam passionis præmittere septem celebres Dominicas, quibus revocaret nobis in memoriam, spiritualem nostram captivitatem, sicut per Dominicam passionis, & sequentem commemoratur redemptio à captivitate.

Itaque prima Dominica ex septem dicitur Septuagesima, quia est prima ex septem. Secunda dicitur Sexagesima, quia est prima ex sex. Tertia dicitur Quinquagesima, quia est prima ex quinque sequentibus. Quarta dicitur prima Quadragesimæ eadem ratione. Quinta dicitur secunda Quadragesimæ. Sexta dicitur tertia Quadragesimæ. Septima dicitur quarta Quadragesimæ. Deinceps autem non dicitur quinta Quadragesimæ, sed Dominica passionis. Et hinc etiam est, quod in Dominica Septuagesimæ, quia commemoratur captivitas, legitur in officio, ex initio Geneseos, peccatum primi hominis, & omittuntur omnia cantica lata, & ad Missam incipimus: *Circumdederunt me dolores mortis, pericula inferni invenerunt me.* In Dominica autem passionis incipimus: *Vexilla Regis prodeunt &c.*

De Dominicis Quadragesimæ & passionis frequentissima mentio est apud omnes Patres; sed de ea nos differemus in controversiis de ieiunio. Interim vide Epiphanius in compendiaria doctrina, quæ habetur ad finem librorum adversus hæreses, Theophylus in epistolis Paschalibus, Cassianus collat. 21. & Augustinus epist. 118.

CAPUT XV.

De reliquis festis Domini.

Natalis Domini meminit Clemens lib. 5. cap. 13. Chrysostomus orat. in S. Philogonium, Ambrosius lib. 3. de virginibus, in initio; Item Basilus, Nazianzenus, Maximus, Augustinus, Leo & alii, quorum exstant sermones de Natali Domini.

Circumcisionis festum videtur esse satis recens; Nam non solum veteres Patres non meminerunt ejus festi, verum etiam Isidorus, Micrologus, Amalarius, Rabanus, Walfridus, Strabo, qui describunt officia omnium festorum, meminerunt quidem officii dici octavæ Natalis Domini, sed non sub nomine Circumcisionis. B. Bernardus tamen, & ante eum B. Ivo Carnotensis, sermones habent de ipso festo Circumcisionis.

Epiphaniæ meminit Chrysostomus orat. de S. Philogonio, Nazianzenus orat. in sancta lumina, Maximus, Augustinus, Leo, & alii recentiores. Observat autem Cassianus collat. 10. c. 2. apud Ægyptum una & eadem die celebrari Natalis, & Epipha-

niæ diem, cum in Occidentis Ecclesiis sint festa diversa.

Dominicæ in Albis meminit Clemens lib. 5. c. 20. Nazianzenus orat. in novam Dominicam, & Augustinus serm. 1. de octava Paschatis, qui etiam lib. 22. de civit. Dei, cap. 8. meminit trium dierum Paschatis.

Ascensionis festum antiquissimum est, & ab Apostolis institutum, ut docet Clemens lib. 5. cap. 20. Apostolicè constituit. & B. Augustinus epist. 118. In eodem festo exstant sermones Nysseni, Leonis, & aliorum.

Festum Trinitatis recens est; Nam c. Quoniam, de feriis, Alexander III. dicit, suo tempore fuisse quidem in usu apud quasdam Ecclesias, non tamen Romæ. Micrologus etiam lib. de observationib. Ecclesiasticis, cap. 60. reprehendit eos, qui hoc festum celebrant; & ne quis objiceret, videri hoc festum antiquum, quandoquidem præfatio de Trinitate est una ex novem, quas Pelagius II. tamquam antiquissimas servari præcepit, monet Micrologus, eam præfationem in Dominicis omnibus cantari solitam: neque esse propriam festi Trinitatis. Postea tamen etiam Romæ meritò receptum est, & quidem in die octava Pentecostes, ut Deo specialiter agantur gratiæ pro mysterio Trinitatis, orbi terrarum Apostolorum ministerio declarato.

Festum Corporis Domini constat ab Urbano IV. institutum, post annum Domini 1200. quod festum omnes Lutherani & Calvinistæ oderunt, sed immeritò; Nam etiamsi non esset verè Christus in Eucharistia (ut Calvinistæ dicunt) vel non deberet adorari (ut dicunt Lutherani) tamen adhuc iustum esset, habere certum diem, quo recolere memorem institutionis ejus Sacramenti, quod etiam Lutherani & Calvinistæ maximum Sacramentorum esse concedunt.

Festum denique Transfigurationis Domini antiquum esse videtur. Exstant enim de eo sermones S. Leonis, necnon Cyrilli Alexandrini, & Andrea Cretensis apud Surium.

CAPUT XVI.

De festis Sanctorum.

Festa Sanctorum adversarii non parum oderunt. Primò, quod idololatriam sapere videantur; nam Sabbatha sanctificare, est præceptum primæ tabulæ, & proinde ad cultum Dei pertinet.

Secundò, quia aliqua falso fundamento nitantur, ut Conceptionis B. Mariæ festum, quod festum Beatus Bernardus nominatim reprehendit in epist. 174. ad Canonicos Lugdunenses. Ubi dicit, errorem & superstitionem sapere hoc festum, quia eo vel peccatum honoratur, sine quo conceptio ista non fuit, vel falsa inducitur sanctitas. Et præterea apud nos etiam non est certum, an B. Virgo sine peccato originali concepta fuerit; Ecclesia enim utramque opinionem permittit: ergo saltem dubium est, an rectè hoc festum celebremus.

Tertiò, quod plurima sint nova, ac præsertim festa B. Virgini dicata: nec enim ante Justiniani tempora exstabant.

Quartò, quod multa ab Imperatoribus sæculi instituta sint. Nam festum Purificationis instituit Justinianus, ut scribunt Paulus Diaconus lib. 16. rerum Romanarum, & Nicephorus lib. 17. cap. 28. Festum Assumptionis instituit Mauritius, qui Justiniano posterior fuit, ut idem Nicephorus ibidem refert.

Quin-

Quintò, quia eousque prolapsus est abusus festorum, ut etiam Imperatoribus non sanctis festi dies instituti sint, ut de Justiniano refert Nicephorus lib. 17. c. 31. Hæ sunt objectiones Tilmanni Heshnii, lib. de erroribus Pontificiorum tit. 16. & Magdeburgens. Cent. 6. cap. 6. col. 342. 343. & 344.

Verumtamen pium & bonum esse colere festos dies Sanctorum, facillè demonstrabimus auctoritate primum, deinde ratione. Auctoritas est totius Ecclesie Catholice, quæ omni tempore id servavit. Ac ut solum inspicimus quinque prima sæcula, primo sæculo, idest, Apostolorum tempore, habemus Clementem lib. 8. constitut. cap. 39. ubi jubet servari festa Apostolorum & Martyrum.

Secundo sæculo, habemus testimonium Ecclesie Smyrnenfis, cujus epistolam refert Eusebius lib. 4. hist. cap. 15. in ea epist. habentur hæc verba: *Quo in loco etiam nunc, præstante Domino, solemnes agimus celebresque conventus, maxime quidem in die passionis ejus; sed & cum eorum memoriam, qui prius passi fuerant, celebramus, ut sequentium animi ad prædecessorum viam exemplis insignibus excitentur.*

Tertio sæculo, Origenes hom. 3. in diversos Evangelii locos, dicit, festum Innocentium puerorum rectè in Ecclesia celebrari, propterea quod fuerunt illi Martyrum primitiæ. Item Tertullianus lib. de corona militis dicit, unam ex antiquis traditionibus esse, annuas oblationes facere pro natalitiis. Et clariss. B. Cyprianus lib. 3. epist. 6. *Dies, inquit, eorum quibus excedunt, annotate, ut commemorationes eorum inter memorias Martyrum celebrare possimus.* Et lib. 4. epist. 5. *Sacrificia, inquit, pro eis semper, ut meministis, offerimus, quoties Martyrum passiones, & dies anniversaria commemoratione celebramus.*

Quarto sæculo, Basilii oratione in Gordium Martyrem; Nysseni oratione in Theodorum Martyrem; Nazianzenus orat. 1. in Julianum, paulò ante medium; Ambrosius serm. 66. 77. & 78. Hieronymus in cap. 4. ad Galat. & epist. 19. ad Eustochium; Prudentius in hymno de Sanctis Petro & Paulo, festorum dierum in Sanctorum memoriam & honorem institutorum apertissimè meminerunt.

Quinto sæculo, Chrysostomus hom. 66. ad populum, Theodoretus lib. 8. de Martyribus; Augustinus in Psal. 63. & 88. & alibi; Paulinus natali 2. & 3. S. Felicis. His accedunt Leo, Gregorius, Beda, & alii omnes posteriores, quorum libri testimoniis plenissimi sunt.

Probatum hoc etiam ex antiquis Conciliis diversarum Ecclesiarum. Concilium Laodicenum in oriente celebratum ante annos 1200. can. 51. vetat, in Quadragesima celebrari festa Sanctorum; ex quo sequitur, extra Quadragesimam fuisse in ea provincia celebrata. Concilium Carthaginense III. ante annos 1100. can. 47. *Liceat, inquit, legi passiones Martyrum, cum anniversarii dies eorum celebrantur.* Concilium Toletanum in Hispania III. can. 23. jubet, ut in diebus festis Sanctorum populi non dent operam turpibus saltationibus. Concilium Lugdunense in Gallia, ut habemus can. Pronunciandum, de consecr. dist. 3. enumerat inter festa Ecclesie festum sanctorum Apostolorum, Assumptionem & Nativitatem B. Mariæ, festum S. Sylvestri, S. Martini, & aliorum. Idem ex Germania habemus in Concilio Moguntinensi cap. 36.

Ultimò probatur ratione, quæ fundatur in divinis literis. Festi dies rectè instituuntur ad recolenda divina beneficia, ut patet de festo Sabbathi & festo Sortium apud Judæos, & de festis Domini apud Christianos. Unde Augustinus lib. 10. de Civ. Dei cap. 4. *Beneficiorum, inquit, Dei, sollemnitatibus, festis, & diebus statuis dicamus, sacramusque memoriam,*

Controv. Card. Bellarm. Tom. II.

A *ne volumine temporum ingrata subrepat oblivio.* Sed non est parvum Dei beneficium beata consummatio alicujus Sancti, & præcipuè per martyrium; inde enim datur toti Ecclesie militanti exemplum fortitudinis, & unus novus patronus apud Deum. Datur etiam toti Ecclesie triumphanti novum gaudium de accessione unius civis: denique tunc agitur novus & perfectus triumphus de Diabolo.

B Confirmatur; Nam omnes causæ, propter quas homines etiam profani celebrant festos dies, concurrunt in obitu Sanctorum. Homines enim festa celebrant ob diem natalem Principum: item ob assumptionem alicujus ad summam aliquam dignitatem: denique ob partam victoriam. At cum Sancti moriuntur, tunc verè nascuntur, & nascuntur Principes cœlestes, unde ab Ecclesia eorum obitus natalitia dicuntur. Item tunc assumuntur ad summam dignitatem, quæ hominibus conferri queat, idest, ad æternam beatitudinem: denique tunc perfectam victoriam referunt de Diabolo, & triumphum agunt.

C Neque rationes adversariorum aliquid efficiunt. Ad primum de idololatria dico Primò, festa Sanctorum Deo dicari, sed in Sanctorum memoriam, quemadmodum templa sacrantur Deo in memoriam Sanctorum. Secundò dico, honorem dierum festorum immediatè, & terminativè pertinere etiam ad Sanctos, quemadmodum diximus de basilicis, de vocis, & de ipsa invocatione: sed talem honorem dicimus esse cultum dulcæ, non latræ, & proinde religionis quidem cultum, sed religionis, non ut est nomen specialis virtutis, quæ hominem erga Dei cultum bene disponit, sed ut est nomen generale.

Ad secundum de festo Conceptionis, quod falso fundamento niti videtur, dico Primò, in majori parte Ecclesie piè credi B. Virginem sine peccato originali conceptam, quod etiam ex adversariis fatentur Lutherus & Erasmus; ille in sermone de festo conceptionis; iste in Apologia ad Albertum Pium Carpensensem.

D Dico secundò, fundamentum hujus festi præcipuum non esse Conceptionem immaculatam, sed simpliciter Conceptionem matris Dei futuræ. Qualicumque enim fuerit illa conceptio, eo ipso quod conceptio fuit matris Dei, singulare gaudium affert mundo ejus memoria. Tunc enim primum habuimus pignus certum redemptionis, præsertim cum non sine miraculo ex matre sterili concepta fuerit. Itaque hoc festum etiam illi celebrant, qui putant Virginem in peccato conceptam.

E Dices, hoc modo etiam Joannis Baptistæ conceptio celebrari posset. Respondeo, posset sanè, ut Græci faciunt. Nam in Calendario Græcorum die 23. Septembris annotatur festum conceptionis Joannis Baptistæ: sed Ecclesie Latine non est visum tot festa multiplicare. Et præterea magnum est discrimen inter matrem Dei, & præcursores ejusdem, & inter utriusque conceptionem. Nam quia major pars Ecclesie piè credit immaculatam conceptionem, inde habuit eadem Ecclesia occasionem instituendi hoc festum, quam occasionem non habuit ad instituendum festum de conceptione Joannis Baptistæ.

Porrò B. Bernardi sententia nobis favet, ille enim reprehendit Canonicos Lugdunenses, quòd sine exemplo vel præcepto Romanæ Ecclesie novum festum instituissent. Si ergo nunc B. Bernardus videret ex auctoritate Romanæ Ecclesie festum celebrari, etiam ipse libentissimè celebraret.

Ad rationem autem Bernardi dico, nos nec peccatum honorare, nec inducere falsam sanctitatem, etiamsi Virgo in peccato concepta esset, sed honorare officium matris Dei, ad quod ab ipsa conceptione designata fuit. Nam idem Bernardus ibidem dicit,

Ff 3 meri-

merito celebrari nativitatem Joannis Baptiste, quia sancta fuit, & tamen ibidem dicit, se non audere asserere sanctificationem Joannis in utero delevisse originale peccatum, licet hoc pium sit credere. Si ergo *za* adversus Bernardum argumentaret; Colis festum nativitatis Joannis, quem non audes asserere natum sine peccato, ergo vel honoras peccatum, vel inducis incertam sanctitatem. Responderet Bernardus, nec peccatum se honorare, nec inducere incertam sanctitatem, sed honorare officium præcursoris, ad quod sanctificatus fuit adhuc in utero matris existens: Idem ergo respondeo illi de conceptione B. Mariæ.

Quod si ipse quæreret, unde habeamus B. Mariam ab ipsa conceptione sanctificatam, saltem ad hoc, ut esset mater Dei designata, responderem, inde nos hoc didicisse, unde ipse dicit, B. Mariam ab ipsa nativitate sanctam fuisse. Asserit enim ibidem, ex eo, quod Ecclesia jam tunc celebrabat B. Virginis ortum, se nihil dubitare, quin ortus ille sanctus fuerit; & nos ergo ex eo quod Ecclesia celebrat festum conceptionis, nihil dubitamus, conceptionem illam sanctam aliquo modo fuisse, ac saltem ratione officii, ad quod assumebatur.

Ad tertium dico duo; Primum, non esse absurdum, quod aliqua festa sint recentia, quandoquidem etiam sæpè sunt recentia Dei beneficia, propter quæ festa instituuntur, vel saltem occasio festorum instituendorum potest esse recens. Unde etiam tempore Judæorum vario tempore varia sunt festa instituta, præter ea, quæ Deus ipse per Moysen instituerat, ut patet de festo Sortium propter liberationem tempore Hesther, & de alio festo ob victoriam Judith, & de festis dedicationum tempore Salomonis, & postea tempore Esdræ, & ultimo tempore Machabæorum, quod festum, licet recentissimum, Christus ipse honoravit, Joan. 10.

Dico secundò, festa Sanctorum antiquissima esse, ut jam ostendimus; Fatemur tamen prius crepisse celebrari festa Martyrum, quam Confessorum, & nonnulla etiam festa B. Mariæ recentia esse. Nam festum Conceptionis tempore beati Bernardi coepit, sed non fuit publicè receptum à tota Ecclesia, nisi post decretum Sixti IV. Pontificis, quod habetur in Extravaganti, Cum præexcella, de reliquiis, & veneratione Sanctorum. Similiter festum visitationis in Ecclesia Latina novum est. Fuit enim institutum ab Urbano Papa VI. atque à Bonifacio IX. primùm confirmatum. Deinde etiam à Concilio Basileensi sess. 43. quamquam utrumque festum jam antea erat in Calendario Græcorum.

Festum Nativitatis B. Mariæ longè antiquius est. Meminit enim ejus Petrus Damianus, qui tres sermones de eo festo scripsit, & ante eum B. Gregorius, qui in Antiphonario, & Sacramentario annoveravit officium, 8. die Septembris pro Natali B. Mariæ.

Festum Annunciationis adhuc est antiquius. Exstat enim oratio S. Athanasii de sancta Deipara, ubi expressè meminit hujus festi.

Festum Purificationis est etiam antiquissimum. Siquidem hujus celebratæ exstant orationes Amphiloerii, Gregorii Nysseni, Chrysostomi, Cyrilli Alexandrini, & Andreæ Cretenensis apud Aloysium Lipomanum, & Laurentium Surium.

Denuque festum Assumptionis est etiam antiquis-

simum. Nam ejus meminit Gregorius in Antiphonario, & Sacramentario, & ante Gregorium Andreas Cretenensis in oratione de hoc festo, quæ exstat apud Lipomanum, & Surium. Atque ante Andreæ tempora exstat inter opera B. Hieronymi insignis sermo de festo Assumptionis, qui quidem vel ipsi Hieronymo, vel ejus æquali Sophronio tribuitur.

Ad objectionem ergo ex Nicephoro, & Paulo Diacono, dico, eorum verba non posse intelligi de prima institutione horum festorum, nisi illi apertissimè mentiantur. Quomodo enim instituit Justinianus festum Purificationis, & Mauritius festum Assumptionis, si utrumque festum erat institutum tempore Hieronymi, & Chrysostomi, qui ducentis annis Justiniano antiquiores fuerunt? Præterea iidem auctores ibidem dicunt, à Justino Imperatore institutum festum Nativitatis Domini. At constat ex Ambrosio, Augustino, Leone, & aliis, qui Justinum præcesserunt, festum Nativitatis longè esse antiquius. Solùm ergo Imperatores illi addiderunt aliquid ad celebritatem, & fortasse præceperunt civilibus legibus, ne ullus operaretur in illis solemnitatibus, cum tamen etiam antea legibus Ecclesiæ dies illi festi sanciti essent.

Ad quartum, patet responsio. Non enim Imperatores festa instituerunt, sed instituta jam festa ab Ecclesia, legibus etiam suis adjuverunt, & ornarunt.

Ad quintum respondeo, Nicephorum non dicere, institutum fuisse festum diem Justiniano, sed solùm quotannis Episcopum quendam Constantinopolitanum solitum celebrare ejus memoriam. Id quod non cogimur intelligere de aliquo festo die, sed solùm de laudatione Justiniani, quam ille Episcopus admiscebat concioni suæ, propterea quod Justinianus multa pia opera, & Ecclesiæ utilissima fecisset. Addo præterea, quidquid illud fuerit, sive festus dies, sive simplex laudatio, fuisse unius privati Episcopi factum, quod non immerito reprehendi posset, præsertim cum ejus successores mox omiserint ejusmodi celebritatem.

C A P U T XVII.

De Vigiliis.

IN profestis magnorum dierum consueverat Ecclesia vigilare & jejunare. Ac in primis Vigilia Paschæ, quæ nocte præcedente Dominicam Resurrectionis agebatur, semper celeberrima fuit, ut patet ex Clemente lib. 5. constitut. cap. 19. ex Tertulliano lib. 2. ad uxorem; ex Eusebio lib. 6. histor. cap. 7. & ex aliis permultis.

De Vigiliis autem in Sanctorum honorem meminit Basilus in Psal. 114. Hieronymus in lib. adversus Vigilantium, Burchardus lib. 13. decretorum, cap. 16. Bernardus serm. de Vigilia S. Andreæ, & de Vigilia sanctorum Petri & Pauli, & Innocentius Pontifex III. cap. 1. & 2. de observatione jejuniorum. Caterum quoniam paulatim occasione nocturnarum Vigiliarum, abusus quidam irreperere coeperant, vel potius flagitia, non rarò committi: placuit Ecclesiæ nocturnos conventus, & Vigiliis propriè dictas intermittere, ac solùm in iisdem diebus celebrare jejunia.

Finis quatuor Controversiarum generalium Tomi secundi.

LAUS DEO, VIRGINIQUE MATRI MARIE.

Corre-

Correctiones factæ ab Auctore pro melioratione hujus Tomi.

- Pagina 18. columna 1. linea 31. numquam finiri .
(Adde) vide plura in hoc eodem lib. cap. 20.
- pag. 21. col. 2. lin. 19. acquiescunt. (Adde sequen-
tia) & quamvis in fine primæ actionis videan-
tur iudices sæculares ferre sententiam in Diosco-
rum, & alios Episcopos : tamen in tertia actio-
ne declaratur, illam sententiam fuisse conditio-
natam, nimirum si id placeret Sanctissimo, Epi-
scopis, quibus, ut ibidem asseritur, id à Do-
mino Deo creditum est. Itaque Iudices illi non
tam sententiam judicariam tulerunt, quàm ex-
posuerunt quid sibi videretur. Nam sancta Sy-
nodus post illam Iudicum sententiam tertio ad-
monuit Dioscorum, & tandem Legati Papæ sen-
tentiam in Dioscorum tulerunt, tamquam veri
Concilii Præsides, quam omnes Episcopi proba-
verunt. Præfuerunt autem &c.
- pag. 58. col. 1. lin. 20. de Ecclesia pellerè. (Adde)
Gregorius in primum versum Psalmi 5. pœni-
tentialis inquit : De hoc spiritu non vivit hære-
ticus, non vivit schismaticus, non vivit excom-
municatus, quia non sunt de corpore. Proba-
tur &c.
- pag. 75. col. 1. lin. 31. corpus spirituale, (Adde)
quia spiritus in eo dominatur, & ipsum ad nu-
tum spiritus movetur, & obedit sine ulla resi-
stentia, & 1. Petri &c.
- Et lin. sequenti - ut eleemosina & jejunia (Adde)
quæ ad spiritum ordinantur. Beatus &c.
- pag. 81. col. 2. lin. 3. in Charitate. (Adde) Verum
est tamen, schisma, si diu dureret, tandem in
hæresim declinare. At obijciunt &c.
- pag. 95. col. 2. lin. 15. Athanasius ad Antiochum.
corrige - Athanasius, sive quicumque est auctor
questionum ad Antiochum.
- pag. 107. col. 3. lin. 39. Et lib. 9. cap. ult. (Adde)
Maxentius in flumine periit, & incruentam vi-
ctoriam Constantino reliquit. Euseb. lib. 9. c. 9.
ex versione Ruffini.
- pag. 121. col. 1. lin. 20. ante fin. non sit à solo Deo
(Adde) ratione prædestinationis, idest, quia
solus novit, qui sint prædestinati. Hæc &c.
- pag. 127. col. 2. lin. 11. in Synodo (Adde) si tamen
hi canones recipiantur, qui à Gratiano non ex
decretis Pontificum, aut Conciliorum, sed ex
Chronica Sigeberti collecti sunt. Quintus &c.
- Et lin. 34. concesserunt (Adde) si tamen conces-
serunt.
- pag. 137. col. 1. lin. 27. Cardinales ut patet (Adde)
ex Synodo I. sub Symmacho, in qua subscri-
ptiones ponuntur Presbyterorum Romanæ Ec-
clesiæ Cardinalium, & multi inveniuntur ejus-
dem tituli, ita ut tituli sint 28. Presbyteri au-
tem titulares 67. item ex Synodo S. Gregorii &c.
- pag. 144. col. 1. lin. 5. ante fin. D. Epiphanius. *corr.*
B. Epiphanius.
- pag. 144. col. 2. lin. 19. ante fin. Ac propterea. *corr.*
Ac præterea.
- pag. 145. col. 1. lin. 18. simpliciter pudicæ. *corr.* si-
militer pudicæ.
- pag. 147. col. 1. lin. 31. Christo, Mariæ, Joanni.
corr. Christo, Joanni &c.
- pag. 156. col. 2. lin. 26. in peccato jus. *corr.* in pec-
cato ejus.
- pag. 159. col. 1. lin. 8. secundus quia. *corr.* secundum
quia &c.

Controv. Card. Bellarm. Tom. II.

- Et lin. 13. At certè discipuli Christi Clerici omnes
esse debent. *corrige sic* - At certè Clerici omnes
discipuli Christi esse debent.
- pag. 161. col. 2. lin. 35. Matiscenense can. 8. (Adde)
Constantiense sess. 31. Vide etiam quæ addu-
cuntur paulò infra pro quinta propositione.
- Et lin. 26. ante fin. epist. 14. *corr.* epist. 54.
- pag. 171. lin. 31. eminere videantur. *corr.* eminere
videatur.
- pag. 174. col. 1. lin. 19. ante fin. seu etiam fines .
(Adde) Primus gradus charitatis est diligere
Deum quantum est diligibilis, idest, infinito
amore, qui gradus soli Deo convenit, & idcir-
cò solus Deus in ordine ad ipsum gradum per-
fectus est ; Angeli, & sancti homines quicum-
que illi sint, imperfecti sunt ; sed hæc imperfe-
ctio non est propriè dicenda privatio, aut vi-
tium, sed simplex negatio. Secundus &c.
- pag. 180. col. 2. lin. 36. art. 30. *corr.* art. 3.
- pag. 184. col. 1. lin. 25. tantummodum. *corr.* tan-
tummodo.
- pag. 191. col. 1. lin. 2. ante fin. elegans, politicus.
corr. elegans, politus.
- pag. 193. col. 2. lin. 25. ante fin. fuisset reprehensio.
corr. fuisset responsio.
- pag. 196. col. 1. lin. 27. ante fin. & quia est Episco-
pus. *corr.* quia est Episcopus.
- Et col. 2. lin. 5. non erat ulla. *corr.* vix erat ul-
la.
- pag. 208. col. 1. lin. 39. illa conjectura est. (Adde)
Tunc enim Virgo non dixisset, quoniam virum
non cognosco, sed, quoniam virum non co-
gnoscam. At inquires : Virgo credidit Angelo
annuncianti nativitatem Messie, & sciebat ex
vaticinio Isaie 7. Matrem Messie Virginem fu-
turam : cur ergo dixit, quoniam virum non
cognosco ? Respondeo, fortasse Virgini non
venisse in mentem statim Isaie vaticinium, &
ideò virginitati suæ timuisse, licet alioqui non
ignoraret Matrem Messie Virginem futuram ; &
hæc videtur sententia S. Bernardi, qui inducit
Virginem dicentem, Si oportuerit me frangere
votum, ut filium pariam, & gaudeo de Filio,
& doleo de voto ; & S. Athanasii in serm. de
Deipara, qui ait : Hic hæsitat Virgo ad natu-
ram respiciens, & de Josepho cogitans. Dico
secundò cum B. Ambrosio in hunc locum, Bea-
tam Mariam optimè scivisse Matrem Messie Vir-
ginem parituram, & hoc illi tunc in mentem
venisse, & ideò non quævisse an esset Virgo
paritura, sed quo modo, & ordine id futurum
esset ; quasi diceret : Quoniam ex voto, & fir-
mo proposito virum non cognosco, certè si pa-
ritura sum, Virgo paritura sum : at quomodo
res tam insolita fiet ? & quadrat Angeli respon-
sio, dicentis : Spiritus Sanctus superveniet in
te &c. idest, modus hic erit, ut Spiritus San-
ctus in te superveniat, & ejus opera, non viri
alicujus opera, & concipias, & parias. -- De-
leantur omnia quæ sequuntur, Nam primum &c.
donec pervenias ad illa - Sed jam Calvino di-
misso &c.
- pag. 208. col. 2. lin. 9. ante finem. Virginis futurus
erat, (Adde) verum est quòd de modo cupit
edoceri, sed ideò id cupit, quia certa erat se
Virginem parituram, quia virum non cognos-
cere

456 *Corrections & Additiones Auctoris.*

- scere voverat. — Deleantur quæ sequuntur usque ad finem capituli.
- pag. 226. col. 2. lin. 7. ante fin. ad illud. *corr.* ad aliud.
- pag. 229. col. 1. lin. 10. publicè & castè. *corr.* pudicè & castè.
- pag. 234. col. 2. lin. 9. suspicere. *corr.* suscipere.
- pag. 235. col. 1. lin. 16. expetendam etiam. *corr.* expectandam esse.
- pag. 236. col. 1. lin. 22. de virginitate loquens. *corr.* de virginibus loquens.
- pag. 241. col. 2. lin. 23. ante fin. *auxiōes.* *corr.* *auxiōes.*
- pag. 244. col. 2. lin. 6. de persecutione Barbarorum. *corr.* de persecutione Barbarum.
- pag. 250. col. 2. lin. 10. in cap. Ex iis. *corr.* in cap. Exiit.
- pag. 251. col. 1. lin. 13. ante fin. Secundò dicit posset. *corr.* Secundò dici posset.
- pag. 255. col. 2. lin. 27. ante fin. Ad primum ergo (Adde) locum scripturæ superiore capite contra allatum dicendum est &c.
- Et lin. 22. ante fin. cui tributum, inquit, tributum &c. (Adde) quamvis autem Christus de se propriè dixerit: Ergo liberi sunt filii, rectè tamen ex hoc loco colligitur, Ecclesiasticos debere esse liberos à tributis, quia filius Regis ita liber est, ut propter eum etiam familia ejus libera sit, ut supra diximus in libro de Clericis cap. 25.
- pag. 263. col. 1. lin. 31. timore poenæ. (Adde) Hæc loca satis demonstrant quod volumus; Nam si Principes à Deo potestatem habent imperandi, certè qui eis non parent, non solum Principes, sed etiam Deum offendunt; & si qui Principi resistunt, Dei ordinationi resistunt; certè peccant in conscientia, non secus ac si divinas leges prævaricarentur; & si qui resistunt, damnationem sibi acquirunt, certè culpam ea poena dignam incurrunt. Et si necessitate subditi sint privati Principibus non solum propter iram, sed etiam propter conscientiam, quomodo non peccant in conscientia qui eis non obediunt? Denique si Principes, Dei ministri sunt, & eis propter Deum parendum est, profectò majestatem Dei lædunt, qui Principum mandata contemnant. Ad argumenta &c.
- pag. 275. col. 2. lin. 13. propter antiquitatem. (Adde) Adde quòd Pelagii nihil habemus sub nomine Pelagi, sed sub nomine S. Hieronymi, qualia sunt commentaria brevia in omnes epistolas B. Pauli, Symbolum falsò inscriptum ad Damasum, & epistola quædam ad Demetriadem, quæ habetur in 4. tomo, ubi sunt etiam alia Pelagi hæresim sapientia. Argumentum Secundum &c.
- pag. 280. col. 1. lin. 12. in hunc locum Apostoli. Itaque incertum est, quæ sit vera lectio. Dico præterea Apostolum &c. *corr.* in hunc locum Apostoli; qui tamen S. Hieronymus magis approbat lectionem nostram, eamque dicit magis placuisse S. Athanasio; idèò dico, Apostolum non loqui &c.
- pag. 296. col. 2. lin. 14. ante fin. Eusebius Emisenus, (Adde) seu potiùs Cæsarius Arelatensis, vel quicumque fuit auctor earum homiliarum, homil. 3. de Epiphania &c.
- pag. 299. col. 2. lin. 25. Athanasius, (Adde) vel quicumque fuit auctor, quæst. &c.
- pag. 314. col. 2. lin. 5. ante fin. non intelligitur de timore poenæ, sed de timore culpæ, præcipuè propter poenam. *corr.* non intelligitur de quocumque timore poenæ ut naturali vel filiali, sed de timore servili, idest, de timore culpæ præcipuè propter poenam.
- pag. 323. col. 1. lin. 16. nisi ex privilegio (Adde) loquimur enim non de quacumque gratia efficaci, sed de illa, quæ convertuntur ii, qui oppugnant cognitam veritatem, qui dicuntur peccare in Spiritum Sanctum, & quorum peccatum dicitur irremissibile, quia rarissimè & difficillimè remittitur, quomodo dicitur morbus incurabilis, qui non nisi miraculo curatur. Sed objicit &c.
- pag. 355. col. 1. lin. 4. quodam lumine in signum. *corr.* quodam lumine ad formam diadematis in signum.
- pag. 380. col. 2. lin. 29. Eusebius Emisenus (Adde) sive potiùs Cæsarius Arelatensis, aut quicumque homiliarum illarum est auctor.
- pag. 413. col. 1. lin. 2. Et in vita sua (Adde) in lib. de passione S. Andreæ, inquit Proconsul: In ipsa cruce, quam laudas, te fustigatum affigi præcipiam. Cæterum cum S. Andreas crucifigendus esset, præter modum ordinarium, jussit idem Proconsul ut funibus eum in cruce suspenderent, ne clavis affixus citò deficeret. Adde quod &c.
- pag. 436. col. 2. lin. 37. ut ex Pontificali patet (Adde) idest, ex libro de Romanis Pontificibus, qui habetur in tomis Conciliorum. Scripsit etiam de cereo paschali carmen insigne Prudentius. De benedictione &c.

457

INDEX

SCRIPTURARUM

EX VETERI TESTAMENTO.

Numerus Primus Capita Bibliorum, Secundus verò Paginas indicat.

GENESIS.

Cap.	Pag.
H	IC liber est historia quædam Patriarcharum, non liber dogmatum. 310. a
1.	Factum est vespere & mane dies unus. 446. d
1.	Faciamus hominem ad imaginem & similitudinem nostram. 390. b
1.	Crescite & multiplicamini. 226. d
2.	Quicumque die comederis, morte morieris. 302. e
2.	Non est bonum hominem esse solum. 188. a
3.	Posuit ante Paradisum flammæum gladium. 311. c
4.	Ipse cepit invocare nomen Domini. 176. a
6.	Noë vir iustus fuit, atque perfectus. 61. e
9.	Qui effuderit humanum sanguinem, funderetur sanguis illius. 264. b
21.	Eijce Ancillam, & filium ejus. 151. c
23.	Surrexit Abraham ab officio funeris. 310. a
28.	Votum vovit Jacob. 198. b
38.	Produce eam ut comburatur. 264. b
44.	Ego hunc in fidem meam recepi. 310. a
47.	Sollicitudo Patriarcharum qui cupierunt in terra promissionis sepeliri. 287. c
48.	Angelus qui eruit me de cunctis malis, benedicat pueris istis. 367. e

EXODUS.

9.	Locus in quo stas terra sancta est. 397. a
12.	Est enim Phasë, idest, transitus Domini. 447. d
12.	Celebrabitur hunc diem solemnem in generationibus vestris, cultu sempiterno. 221. c
19.	Mense tertio egressionis Israel de terra Egypti, in die hac venerunt in solitudinem Sinai. Et, Estote parati in diem tertium. 341. b. 450. e. 451. a
20.	Non habebis Deos alienos. 388. b
20.	Non facies tibi sculpsile, neque omnem similitudinem. 388. a. 389. a
20.	Non adorabis ea. 359. c
20.	Non assumes nomen Dei tui in vanum. 456. c. 457. a
20.	Non concupisces rem alienam, &c. 388. c
20.	Deos aureos & argenteos non facietis mecum. 388. b. 389. e. 391. c. 410. e
21.	Qui percusserit hominem, volens occidere, morte moriatur. 264. b
22.	Judices populi vocantur Dii. 255. b
28.	Aaroni, & filiis præcipitur, ut formulis lineis à renibus usque ad femora tecti essent cum ingrederentur tabernaculum. 141. b
34.	Pactum est sempiternum, signumque perpetuum. 440. e

Cap.	Pag.
32.	Hi sunt Dii tui, qui te eduxerunt de terra Egypti. Et, Cras solemnitas Domini est. 75. b. 76. d. 396. e. 400. c. 401. e
32.	Recordare Domine Abraham, Isaac, & Israel servorum tuorum. 367. a
33.	Moyse vidit posteriora Dei. 390. a

LEVITICUS.

19.	Non morabitur apud te opus Mercenarii tui usque mane. 353. c
21.	Non radent caput neque barbam. 244. a
23.	Numerabis ergo ab altero die Sabbathi. 451. b
27.	Iussu Dei dantur Levitis decimæ. 155. d

NUMERI.

6.	Vota Nazæorum, qui seipsos Domino consecrabant. 176. b
6.	Nazæi in die consecrationis suæ condebantur. 245. e. 246. a
12.	Murmuratores ponantur morbo lepræ. 302. b
18.	In terra eorum nihil possidebitis, nec habebitis partem inter eos, ego pars, & hæreditas tua. 159. a
18.	Jubentur Decimæ dari Levitis. 155. d
20.	Cur eduxisti Ecclesiam Domini in solitudinem? 70. d
21.	De serpente æneo. 384. b
22.	Aperuit Dominus oculos Balaam, & vidit Angelum stantem in via, evaginato gladio, adoravitque eum. 360. a
30.	Si quis Domino votum voverit, non faciet irrium verbum suum. 210. b
35.	Ego Dominus hæreditas Levitarum sum. 159. e

DEUTERONOMIUM.

4.	Non vidistis aliquam similitudinem, &c. 389. d
6.	Diligas Dominum Deum tuum ex toto corde tuo, ex tota anima tua, &c. 192. b
6.	Dominum Deum tuum timebis, & illi soli servies. 362. d
10.	Non habuit Levi partem, nec possessionem. 159. a
15.	Omnino indigens, & mendicus non erit inter vos. 251. b
18.	Non sis maleficus, nec incantator inter vos. 456. c. 457. a
20.	Si quando accesseris ad expugnandam civitatem offeres ei primum pacem. 269. c
32.	Namquid non ipse est Pater tuus, qui fecit & creavit te. 64. d
33.	Qui dixit patri suo, & matri suæ, nescio vos, fratribus suis, ignoro illos, hi custodierunt eloquium tuum, & pactum tuum servaverunt. 140. b
34.	Deus ipse corpus Moyse honoravit. 579. c. Illudque abscondit. 383. e

Cap.	Pag.
------	------

JOSUE.

9.	Noster es, an adversariorum? 360. a
13.	Tribui autem Levi non dedit possessionem. 159. a

JUDICES.

3.	Qui non noverant bella Chanaanorum, & postea discerent filii eorum certare cum hostibus, & habere consuetudinem præliandi. 265. c
17.	Sanctificavi & vovi Domino mille & centum argenteos, ut faciam sculpsile atque conflatile. 396. a. 401. d
21.	Non erat Rex in Israel, sed unusquisque quod bonum sibi videbatur, hoc faciebat. 86. c

I. REGUM.

15.	Vade & percutite Amalech. 265. b
21.	Noluit Abimelech sacerdos dare Davidi panes propositionis comedendos, nisi prius intellexisset eum ab uxore aliquandiu se continuisse. 141. d
31.	Habitatores Rabes Galaad, audita morte Saul, jejunaverunt septem dies. 286. e

II. REGUM.

1.	David flevit & jejunavit pro Saule. 287. b
3.	David jejunavit pro Abner. ibid. b
12.	Peccavi Domino. Deus quoque transiit à te &c. 303. a
12.	David jejunavit pro filio suo infantulo, dum ægrotaret. ibid. b

III. REGUM.

2.	Convertitque Rex faciem suam, & benedixit Ecclesie Israel. Omnis enim Ecclesia Israel stabat. 70. e
8.	Tu nosti solus omnia corda filiorum hominum. 372. e
17.	Adfer mihi, obsecro, bucellam in manu tua. 251. d
18.	Usquequo claudicatis in duas partes? si Dominus est Deus sequimini eum, si Baal est Deus sequimini illum. 401. e
19.	Relictus sum ego solus. Et, Reliqui mihi septem millia virorum. 75. b. 76. e
22.	400. Prophetæ erraverunt, ipso Domino protestante. 302. a

IV. REGUM.

22.	Colligam te ad Patres tuos, ut non videant oculi tui omnia mala, quæ introdu-
-----	---

Cap. Productus sum in locum istum. 372. c. Pag.

I. PARALIPOMENON.

23. Sacerdotes à domo & throno abfuisse dicuntur tempore quo erant celebraturi. 141. d.
28. Paravi domum ubi requiescat Arca Domini. 359. e.

II. PARALIPOMENON.

15. Transibunt dies multi in Israel sine Deo vero, sine Sacerdote & Doctore, & sine lege. 75. c. 76. d.

T O B I A S.

- Vide auctoritatem libri hujus. 35. c.
4. Panem eum & vinum super sepulcrum iusti constitue, & noli ex eo manducare & bibere cum peccatoribus. 286. e.
15. Bona est oratio cum jejuniis. 241. b.
22. Ego obtuli orationem tuam Domino. 364. a.

J U D I T H.

- De tempore quo contigit hac historia. 35. c.
6. Omnis populus per totam noctem intra Ecclesiam oraverunt. 52. c. d.

H E S T H E R.

9. Nulli liceat hos duos dies absque solemnitate transigere. 444. d.
13. Timui ne honorem Dei mei transferrem ad hominem. 357. c. 362. a.
14. Ne tradas sceptrum tuum illi qui non sunt. 386. b. c.

J O B.

5. Voca si quis est qui tibi respondeat, & ad aliquem Sanctorum convertere. 367. e.
9. Verebar omnia opera mea. 194. d.
14. Sive nobiles fuerint filii ejus, sive ignobiles, non intelliget. 372. d. 373. e.
16. Rugae meae testimonium dicunt contra me. 67. a.
19. Misere mei, amici mei. 367. d.
34. Qui regnare facit hominem hypocritam propter peccata populi. 260. e.

P S A L M I.

2. Postula à me, & dabo tibi gentes, hereditatem tuam &c. 87. c.
5. Sepulchrum patens est guttur eorum. 287. a.
6. Misere mei Domine, quoniam infirmus sum. 318. b.
6. Sana animam meam, quoniam conturbata sunt ossa mea. 318. a.
6. Anima mea turbata est valde. ibid.
6. Lavabo per singulas noctes lectum meum. ibid.
17. Et ero immaculatus cum eo. 61. e.
28. In sole posuit tabernaculum suum. 71. b.
24. Unicus & pauper sum ego. 202. b.
25. Ecclesia malignantium. 12. a.
31. Tu remisisti impietatem peccati mei, pro hac orabit ad te omnis Sanctus in tempore opportuno. 61. d.
36. Non vidi justum derelictum. 251. b.
37. Domine, ne in furore tuo arguas me. 287. c.

Cap. Ego autem mendicus sum & pauper. Pag.

39. Ego autem mendicus sum & pauper. 249. b.
47. Deus fundavit eam in aeternum. 72. b.
53. Volenter sacrificabo tibi. 216. d. 217. e.
65. Transivimus per aquam & ignem, & eduxisti nos in refrigerium. 287. d.
75. Vovete & reddite Domino Deo vestro. 198. e. 199. d.
76. Numquid obliviscetur misereri Deus. 312. b.
77. Cum occideret eos, querebant eum, & revertebantur. 286. b.
81. Deus stetit in synagoga Deorum, in medio autem Deos dijudicat. 52. a. 255. b.
88. Ecclesia Sanctorum. 52. a.
88. Et ponam in saeculum saeculi semen ejus. 72. d.
88. Visitabo in virga iniquitatem eorum, & in verberibus peccata eorum, misericordiam autem meam non dispergam ab eo. 72. e.
88. Thronus ejus sicut sol in conspectu meo, & sicut luna perfecta in aeternum, & testis in caelo fidelis. 72. d.
98. Adorate scabellum pedum ejus. 359. e.
108. Nutantes transferantur filii ejus, & mendicent. 251. b.
108. Quia persecutus est hominem inopem, & mendicem. 250. c.
109. Sede à dextris meis, donec ponam inimicos tuos scabellum pedum tuorum. 297. a.
109. Juravit Dominus, & non poenitebit eum, tu es Sacerdos in aeternum secundum ordinem Melchisedech. 90. e.
114. Circumdederunt me dolores mortis, &c. 318. a.
114. Placebo Domino in regione vivorum. 318. b.
120. Levavi oculos meos in montes, unde veniet auxilium mihi. 364. a.
126. Cum dederit dilectis suis somnum. 304. e.
131. Introibimus in tabernaculum ejus, adorabimus in loco ubi steterunt pedes ejus. 359. e.
132. Ecce quam bonum & quam jucundum, habitare fratres in unum. 174. c.
142. Ne intres in iudicium cum servo tuo Domine, quia non justificabitur in conspectu tuo &c. 194. d.

P R O V E R B I A.

8. Per me reges regnant. 255. d.
11. Ubi non est gubernator, corrumpet populus. 256. c.
12. Non contristabit iustum quidquid ei acciderit. 317. c. 318. b.
16. Sortes mittuntur in sinum, à Domino autem temperantur. 119. e.
30. Mendicitatem & divitias ne dederis mihi. 251. a.

ECCLESIASTES.

7. Utilior est sapientia cum divitiis, & magis prodest videntibus solem. 251. e.
9. Viventes sciunt se morituros, mortui nihil noverunt amplius, nec habent ultra mercedem. 313. e. 372. c. 374. a.
9. Quodcumque facere potest manus tua, instanter operare, quia nec opus, nec ratio, nec sapientia, nec scientia erunt apud inferos. 304. e. 313. a.
12. Si ceciderit lignum ad Austrum, vel ad Aquilonem, in quocumque loco ceciderit, ibi erit. ibid. b.

C A N T I C A.

3. Sicut lilium inter spinas, & amica mea inter filias. 59. c. 64. a.

Cap. Tota pulchra es amica mea, & macula non est in te. Pag.

4. Tota pulchra es amica mea, & macula non est in te. 61. d.
4. Hortus conclusus, fons signatus, puteus aquarum viventium. 59. b.
6. Sexaginta sunt Regine, & octoginta concubinae, & adolescentularum non est numerus, una est columba mea, perfecta mea, una est matris suae, ibid. d.

S A P I E N T I A.

De hoc libro vide 35. b.

31. Felix sterilis, & incoquinata, quae nescivit thorum in delicto. 184. e.
31. Bonorum laborum gloriosus est fructus. 222. c.
8. Nemo potest esse continens, nisi Deus det. 148. c. & fusc. 221. a.

ECCLESIASTICUS.

10. Regnum à gente in gentem transferetur propter iniquitatem. 259. c.
11. Facile est coram Deo in die obitus retribuire unicuique secundum vias suas. 343. e.
18. Ne vereris usque ad mortem iustificari. 313. b.
17. Propter inopiam multi deliquerunt. 251. a.

I S A I A S.

1. Filios enutrivit & exaltavi, ipsi autem spreverunt me. 64. a.
1. Cognovit bos possessorem suum, & asinus praesepe Domini sui, Israel autem me non cognovit. Et, A planta pedis usque ad verticem capitis non est in eo sanitas. 75. c.
2. Constabunt gladios suos in vomeres. 266. a.
4. Purgabit Dominus sordes filiorum & filiarum Sion. 287. d.
9. Succensa est quasi ignis impletas, vepres & spinas devorabit. 287. e.
10. Aliter virga furoris mei, & baculus ipse est. In manu eorum indignatio mea (usque ad id) cor ejus non ita extimabit. 248. c.
11. Egredietur virga de radice Jesse, & flos de radice ejus ascendet, & requiescet super eum Spiritus Domini, spiritus sapientiae. 234. d.
11. Non occident, & non nocebunt in omni morte sancto meo. 278. a.
11. In eum Gentes sperabunt. 379. c.
19. In illo die cognoscent Aegyptii Dominum, & colent eum in hostiis, & muneribus, & vota vovebunt, & solvent. 197. e.
40. Cui similem fecistis Deum? aut quem imaginem ponetis ei? 389. e. 391. c.
42. Ego Dominus, gloriam meam alteri non dabo, & laudem meam sculptilibus. 388. a.
45. Haec dicit Dominus Christo meo Cyro, cujus apprehendi dexteram (usque ad) non cognovisti me. 258. d.
46. Cui assimilastis me? 390.
52. Non adjiciet ultra, ut pertranseat per te incircumcisus, & immundus, recedite, recedite, exite inde, pollutum nolite tangere, exite de medio ejus. 63. a.
56. Non dicat Eunuchus: Ego lignum aridum &c. 183. d.
56. Speculatores ejus caeci omnes, neque quidquam noverunt omnes canes muti &c. & Pastores ejus nihil sciunt. 30. c. 78. a.
60. Ambulabunt gentes in lumine tuo, & Reges in splendore ortus tui. 255. d. 422. c. 423. e.
61. Et foras perpetuum feriam eis, & scie-

- Cap. Pag.
 63. Tu es Pater noster, & Abraham nesci-
 vit nos, & Israel ignoravit nos. 371. d
 373. e
 64. Pannus menstruatus omnes iustitiae no-
 strae. 194. d
 66. Ad quem respiciam, nisi ad pauperem
 eum. 202. b
 66. Assumam ex eis Sacerdotes & Levitas.
 120. c
 66. Ignis eorum non extinguetur. 312. b

HIEREMIAS.

9. Dabo vobis Pastores juxta cor meum,
 & pascunt vos scientia & doctrina.
 14. c
 6. A Propheta usque ad sacerdotem, quis-
 que fecit mendacium. 30. d
 7. Nolite confidere in verbis mendacii,
 dicentes; templum Domini, templum
 Domini. 75. c. 431. c. 433. d
 9. Circumfossos in comam. 244. a. 246. e
 14. Prophetarum mendacium prophetant in no-
 mine meo. 30. d
 15. Dixit Dominus ad me, si steterint Moy-
 ses & Samuel coram me, non est ani-
 ma mea ad populum istum. 365. c
 23. Regnabit Rex & sapiens erit, & faciet
 iudicium, & iustitiam in terra. 263. d
 27. Ego dedi omnes terras istas in manu Na-
 buchodonosor &c. 258. e
 31. Dabo legem meam in cordibus eorum,
 & ero eis in Deum, & ipsi erunt mihi
 in populum. 74. b
 35. De Rechabitis qui laudantur propter
 obedientiam. 176. d. 187. a. 204. e
 48. Maledictus qui facit opus Dei negligenter.
 195. e

EZECHIEL.

18. Cum adversus fuerit impius ab impietate
 sua, omnium iniquitatum eius non
 recordabor. 304. c
 22. Conjuratio Prophetarum in medio eius,
 sicut leo rugiens qui rapit praedam,
 Sacerdotes eius violaverunt legem
 meam, & profanaverunt sancta mea.
 30. d
 29. Nabuchodonosor Rex Babylonis servi-
 re fecit exercitum suum servitute ma-
 gna. 258. e
 33. Speculatorem domus Israel dedi te.
 28. b
 44. Non radent caput, neque barbam. 241. a
 246. a

DANIEL.

2. In diebus Regnorum illorum suscitabit
 Deus coeli regnum, quod in aeternum
 non dissipabitur. 72. c. 433. c
 9. Deficiet hostia, & sacrificium. 75. c

OSEAS.

8. Ipsi regnaverunt, & non ex me, Prin-
 cipes exstiterunt, & non cognovi.
 259. d
 9. Speculator Ephraim cum Deo loquens
 Aucupis, odium in domo Dei. 30. d
 11. Ex Aegypto vocavi filium meum. 424. b

JOEL.

2. Veniet dies Domini, dies tenebrarum.
 290. b

AMOS.

9. Post haec revertar, & reaedificabo taber-
 naculum David, quod decidit, & di-
 ruta ejus reaedificabo, & erigam il-
 lud. 434. a

JONAS.

3. Adhuc quadraginta dies, & Ninive
 subvertetur. 312. d

MICHÆAS.

7. Ne lateris inimica mea, nam si cecidi
 resurgam. 287. a

SOPHONIAS.

1. Juxta est dies Domini magnus. 290. b

ZACHARIAS.

9. Tu autem in sanguine Testamenti tui
 eduxisti victos tuos de lacu, in quo
 non est aqua. 287. a

MALACHIAS.

3. Ipse sedebit, quasi ignis confans, &
 purgabit filios Levi, & colabit eos.
 287. a. 287. b

I. MACHABÆORUM.

De 1. & secundo libro Machabæorum
 vide quæ dicuntur. 35. b. 285. c. 365. a

II. MACHABÆORUM.

12. Sancta ergo & salubris est cogitatio pro
 defunctis exorare, ut à peccatis sol-
 vantur. 285. a
 15. Judas vidit Oziam & Hieremiam oran-
 tes pro populo Judæorum. 365. a

EX NOVO Testamento.

MATTHÆUS.

1. Joseph fili David, noli timere acci-
 pere Mariam conjugem tuam. 237. c
 2. Herodes turbatus est, & omnis Hier-
 osolyma cum illo. 193. b
 3. Ipse vos baptizabit in Spiritu sancto, &
 igne. 291. a
 3. Permundabit aream suam, & congrega-
 bit triticum in horreum suum, paleas
 autem comburet igne inextinguibili.
 58. e
 4. Dominum Deum tuum adorabis &c.
 357. a. 362. a
 5. Beati pauperes spiritu. 202. b
 5. Non potest civitas abscondi supra mon-
 tem posita. 71. b
 5. Audistis quia dictum est antiquis &c.
 ego autem dico vobis non resistere
 malo &c. 264. b
 5. Qui irascitur fratri suo, reus erit iudicio
 (usque ad id) gehennæ ignis. 297. c
 5. Esto consentiens adversario tuo citò
 dum es cum eo in via &c. 295. e

- Cap. Pag.
 5. Nolite jurare per coelum, quia chronus
 Dei est, neque per terram, quia sca-
 bellum est pedum ejus. 397. c
 5. Oculum pro oculo. 260. b. 264. b
 5. Si quis voluerit tecum iudicio contem-
 dere, & tunicam tuam tollere, da ei
 & pallium &c. 260. a. 263. d
 5. Si quis te percussit in unam maxillam,
 porrige ei & alteram &c. 260. a.
 263. d
 5. Solem suum oriri facit super bonos &
 malos, super iustos, & iniustos. 260. d
 5. Estote perfecti. 185. c
 6. Tu autem cum oraveris intra in cubicu-
 lum tuum. 422. d. 425. d
 6. Pater noster qui es in caelis. 374. d
 6. Dimitte nobis debita nostra. 61. d.
 181. c
 6. Nolite solliciti esse animæ vestræ dicen-
 tes; quid manducabimus. 246. e
 6. Quærite primum regnum Dei. 247. b
 7. Quam angusta porta est, & arcta via,
 quæ ducit ad vitam? 194. b
 10. Nolite possidere aurum, neque argen-
 tum, neque pecuniam in zonis vestris,
 non peram, non duas tunicas, neque
 calceamenta, neque virgam. 250. c
 10. Nihil tuleritis in via. 159. d
 10. Non est discipulus super magistrum.
 159. e
 12. Non remittetur ei neque in hoc seculo,
 neque in futuro. 288. e
 13. Comparatur regnum coelorum terræ bo-
 næ, cujus una pars reddebat fructum
 centesimum, alia sexagesimum. 184. a
 13. Qui habet aures audiendi audiat. 224. c
 13. Parabola de zizaniis. 55. d
 13. Sinite utraque crescere usque ad messem.
 279. d
 13. Simile est regnum coelorum sagene
 missæ in mare ex omni genere piscium
 congreganti. 58. e. 62. b. 72. c
 16. Tu es Petrus, & super hanc petram ædi-
 ficabo Ecclesiam meam. 46. b
 16. Et tibi dabo claves regni coelorum.
 124. a
 16. Portæ inferi non prævalent adversus
 eam. 23. b
 16. Qui vult venire post me, abneget semet-
 ipsum &c. 205. c
 17. Reges gentium à quibus accipiunt tri-
 buta &c. ergo liberi sunt filii. 254. d
 18. Si peccaverit in te frater tuus, vade &
 corripe eum inter te & ipsum solum
 &c. si eos non audierit, dic Ecclesie,
 si Ecclesiam non audierit, sic tibi sicut
 Ethnicus & Publicanus. 18. c. 50. e.
 62. c. 71. b
 18. Ubi sunt duo vel tres congregati in no-
 mine meo, ibi sum in medio eorum.
 10. a. 2. b. 37. a. 81. a
 19. Quis Deus conjunxit homo non sepa-
 ret. 239. d
 19. Non omnes capiunt verbum hoc, sed
 quibus datum est. 148. a. 184. b.
 19. Sunt Eunuchi qui se castraverunt. 184. b
 209. a
 19. Qui potest capere capiat. 221. c
 19. Si vis ad vitam ingredi serva mandata.
 185. b. c
 19. Si vis perfectus esse, vade & vende om-
 nia quæ habes, & da pauperibus. Et se-
 quere me. 174. b. 185. b. 203. b. 187. b
 19. Facilius est Camelum per foramen acus
 transire, quam divitem intrare in re-
 gnum coelorum. 191. b
 19. Quod impossibile est hominibus, possi-
 bile est apud Deum. 195. b
 19. Ecce nos reliquimus omnia & sequuti
 sumus te, quid ergo erit nobis &c.
 Omnis qui reliquerit domum, pa-
 trem &c. 145. a. 186. b
 20. Multi sunt vocati, pauci vero electi. 58. e
 21. Domus mea domus orationis vocabitur.
 421. c. 424. a
 22. Diliges Dominum Deum tuum ex toto
 corde tuo &c. 192. a. 193. a
 22. Reddite quæ sunt Cæsaris Cæsari, &
 quæ sunt Dei Deo. 156. b. 255. a
 23. Quæ-

- Cap. Pag.
23. Quicumque dicunt facite, quæ faciunt nolite facere. 62. d. 71. a
23. Væ vobis duces cæci, qui dicitis, qui cumque iuraverit per templum nihil est, qui autem iuraverit in auro templi debet; stulti & cæci, quid enim majus est, aurum, an templum quod sanctificaturum? 430. b
23. Væ vobis scribes, & Pharisei hypocritæ, qui edificatis sepulchra Prophetarum. 377. a. 383. a
24. Multi Pseudoprophete surgent, & seducunt multos. 30. c
24. Ecce in deserto est, nolite exire. 240. c. 242. c
24. Quis est fidelis servus & prudens, quem constituit Dominus super familiam suam. 47. a. ibid. d. 133. a. 255. d
24. Beatus ille servus quem cum venerit Dominus invenerit sic facientem, amen dico vobis, super omnia bona sua constituet eum. 366. b
24. Veniet Dominus ejus in die qua non sperat, & dividet eum, partemque ejus cum hypocritis ponet. 62. c
25. Simile est regnum coelorum decem virginibus. 58. c
25. Statuet oves quidem à dextris suis, boeos autem à sinistris. 227. d
25. Venite benedicti Patris mei (& de aliis) he maledicti in ignem æternum, quia esurivi & non dedistis mihi manducare &c. 304. e. 311. e
26. Omnes vos scandalum patiemini in me. 78. b
26. Tristis est anima mea usque ad mortem. 318. a
26. Omnes qui acceperint gladium, gladio peribunt. 260. c. 264. b
28. Ego vobiscum sum usque ad consummationem sæculi. 71. e

M A R C U S.

10. Intuens eum, dilexit illum. 185. b
20. Potestis bibere calicem, quem ego bibiturus sum, & baptismo, quo ego baptizor baptizari? 184. e
24. Sacerdos cum omnibus sacerdotibus & senioribus populi condemnaverunt Christum esse reum mortis. 78. a
25. Totus populus clamavit, crucifige. ibi. b
26. Exprobravit incredulitatem eorum, & duritiam cordis. ibi. b

L U C A S.

7. Quomodo fiet istud, quoniam virum non cognosco? 206. e. 291. d
1. Ex regni ejus non erit finis. 72. e
3. Factum est verbum Domini super Joannem Zachariæ filium in deserto, & venit in omnem regionem Jordanis, prædicans baptismum poenitentiae. 241. d
3. Neminem concutatis, neque calumniam faciatis. 269. c
6. Mutuum date nihil inde sperantes. 199. e
7. Venit Joannes non manducans, neque bibens. 241. c
9. Nescitis cujus spiritus estis. 279. b
9. Sine mortuos sepelire mortuos suos. 236. c
11. Illi prophetas occiderunt, vos autem edificatis eorum sepulchra. 383. b
12. Sint lumbi vestri præcincti. Ecce Vigilate. 295. b
12. Baptismo habeo baptizari. 294. e
12. Esso consentiens adversario tuo cito dum es cum eo in via, ne forte tradat te adversarius judici, & iudex tortor. & mittaris in carcerem. Amen dico tibi, non exies inde donec reddas novissimum quadrantem. 295. e
14. Cum facis prandium, voca pauperes,

- Cap. Pag.
debiles, claudos, cæcos, qui non habent retribuere tibi, & beatus eris. 253. a
14. Si quis venit ad me, & non odit Patrem &c. non potest meus esse discipulus. 236. e
14. Nisi quis renunciaverit omnibus quæ possidet, non potest meus esse discipulus. 159. a. 191. d
16. Redderationem villicationis tuæ. 313. d
16. Facite vobis amicos de mammona iniquitatis. 297. a
16. Narratio de Lazaro. 342. e. 347. c. 353. c
16. Dives autem cum in tormentis esset. 353. b
17. Cum feceritis hæc omnia, quæ præcepit sunt vobis, dicite &c. 194. c
17. Regnum Dei non venit cum observatione, neque dicent ecce hic, aut ecce illic, ecce enim regnum Dei intra vos est. 74. c
18. Putas inveniet fidem in terra? 75. c. 76. e
21. Videte ne graventur corda vestra crapula, & ebrietate, & curis hujus mundi. 140. c
22. Rogavi pro te, Petre, ut non deficiat fides tua, & tu aliquando conversus, confirma fratres tuos. 28. a
23. Memento mei dum veneris in regnum tuum. 297. e
23. Hodie tecum eris in Paradiso. 305. b

J O A N N E S.

1. Tu quis es? Helias es tu? 241. a
1. Ipse est qui baptizat in Spiritu sancto. 370. c
3. Non enim misit Deus filium suum in mundum, ut judicet mundum, sed ut salvetur mundus per ipsum. 211. e
3. Qui credit, non judicatur, qui autem non credit, jam judicatus est. 304. e
4. Venit hora, & nunc est, quando neque in monte hoc, neque in Hierusalem adorabitis Patrem. Spiritus est Deus, qui cum adorant, in spiritu & veritate adorare oportet. 422. d. 425. b
5. Filius, quos vult vivificat. Item. Pater non judicat quemquam, sed omne iudicium dedit filio, ut omnes honorificent filium, sicut honorificant Patrem. 316. b
8. Operamini non cibum qui perit, sed qui permanet in vitam æternam. 247. b
6. Nemo venit ad me, nisi Pater traxerit eum. 224. b
6. Vultis & vos habere? 279. b
8. Si manseritis in sermone meo, verè discipuli mei eritis. 61. b
8. Qui facit peccatum servus est peccati, servus autem non manet in domo in æternum, filius autem manet in æternum, si ergo filius vos liberaverit, verè liberaveritis. 261. a
9. Me oportet operari donec dies est, veniet autem nox in qua nemo potest operari, quamdiu in mundo sum, lux sum mundi. 312. a
10. Alias oves habeo quæ non sunt ex hoc ovili. 60. d
10. Illos dixit Deos, ad quos sermo Dei factus est. 81. a. 255. b
11. Jesus moriturus erat pro gente, & non solum pro gente, sed etiam ut filios Dei, qui erant dispersi, congregaret in unum. 60. d
12. Anima mea turbata est. 318. c
13. Hoc est præceptum meum, ut diligatis invicem, sicut ego dilexi vos. 195. b
15. Majorem dilectionem nemo habet, quam ut animam suam ponat quis pro amicis suis. 195. c
16. Spiritus veritatis docebit vos omnem veritatem. 27. e. 73. e
18. Mitte gladium tuum in vaginam. 279. d
20. Sicut misit me Pater, & ego mitto vos. 120. c

- Cap. Pag.
20. Quia vidisti me Thomas credidisti, beati qui non viderunt & crediderunt. 75. a

ACTA APOSTOLORUM.

1. Cecidit fors super Matthiam, & annumeratus est cum undecim Apostolis. 125. b
2. Quem Deus suscitavit, solutis doloribus inferni, juxta quod impossibile erat teneri eum ab illis. 298. a
5. Nonne manens tibi manebat, & vendidatum in tua erat potestate. 178. c
5. Cur tentavit Satanas cor tuum mentiri Spiritui sancto? non es mentis homini, sed Deo. 203. b
6. Et elegerunt Stephanum. 124. c
6. Et cum orassent imposuerunt illis manus. 125. c
7. Ecce video celos apertos, & filium hominis &c. 346. b
10. Surge, nam & ego ipse homo sum. 357. b. 362. a
14. Et cum constitissent illis per singulas civitates presbyteros. 125. a
15. Convenerunt Apostoli, & seniores videre de verbo hoc; & infra. Tunc placuit Apostolis & senioribus cum omni Ecclesia. 15. c
15. Paulus transiit Syriam, & Ciliciam præcipiebat populis ut custodirent præcepta Apostolorum &c. 18. c
20. Una Sabbathi cum convenissemus ad frangendum panem. 446. b
20. Festinabat ut si quo modo posset, Pentecosten ageret Hierosolymis. 449. d
20. Attendite vobis & universo gregi, in quo vos Spiritus sanctus posuit Episcopos regere Ecclesiam Dei, quam acquisivit sanguine suo. 71. a. 134. e
20. Scio quia post discessum meum intrabunt in vos lupi rapaces, non parcetes gregi. 30. c
21. Tota confunditur Hierusalem. 193. b

EPISTOLA AD ROMANOS.

2. Reddet unicuique secundum opera sua. 305. a
3. Non sunt facienda mala, ut eveniant bona. 433. e
3. Numquid incredulitas illorum fidem Dei evacuabit? 210. a
3. Quid ergo, legem destruimus per fidem? absit, sed legem statuimus. 261. d
6. Ut in novitate vitæ ambulemus. 294. b
6. Stipendium peccati mors. 302. e
6. Liberati à peccato servi facti estis iustitiae. 201. a. 261. a
7. Mente servio legi Dei, carne autem legi peccati. 194. d
7. Si quod nolo facio, jam non operor illud. 218. d
7. Sentio aliam legem in membris meis, repugnantem legi mentis meæ. 219. a
8. Si quis spiritum Christi non habet, hic non est ejus. 59. e
10. Quomodo invocabunt in quem non crediderunt? 370. d
11. Concluserunt Deus omnes in infidelitatem. 312. e
12. Qui præest in sollicitudine. 255. d
12. Non vos defendentes charissimi, mihi vindictam, & ego retribuam. 266. a
12. Nulli malum pro malo reddentes, & non vosmetipsos vindicantes charissimi. 266. c
13. Si malè egeris time, non enim sine causa gladium portat, minister enim Dei est, vindex in iram ei qui malè agit. 22. e. 266. a. 276. a
14. Omnis anima potestatibus sublimioribus subdita sit, non enim est potestas nisi à Deo, quæ autem sunt à Deo, ordinata sunt; itaque qui potestati resistit, Dei ordinationi resistit; ideoque

neces-

Cap. necessitate subditi estote, non solum propter iram, sed etiam propter conscientiam. 255. a
 13. Reddere omnibus debita, cui tributum, tributum, 255. e
 13. Nemini quidquam debeatis nisi ut invicem diligatis. 254. d. 255. e
 14. Alius iudicat diem inter diem, alius iudicat omnem diem. 441. a. 443. a
 14. Quod non est ex fide, peccatum est. 198. d
 16. Salutant vos omnes Ecclesie Asiae. 52. c
 16. Obsecro vos ut observetis eos, qui dissensiones, & offendicula praeferunt doctrinam, quam vos didicistis, faciunt, & declinate ab eis, nam per dulces sermones, & benedictiones, seducunt corda innocentium. 274. c.

I. AD CORINTHIOS.

1. Significatum est mihi, quod contentiones sunt inter vos. 62. d
 3. Ipse autem salvus erit, sic tamen quasi per ignem. 188. e. 289. b. 291. b
 3. Nescitis quia estis templum Dei, & spiritus Dei habitat in vobis. 425. a
 5. Cur non magis luctum habuistis, ut tolleretur de medio vestri qui hoc opus fecit? 57. c
 5. Audietur inter vos fornicatio &c. tollatur de medio vestri. 84. e
 5. Quid enim mihi de illis, qui foris sunt, iudicare? 56. a
 6. Membra vestra templum sunt Spiritus sancti. Item. Portate & glorificate Deum in corpore vestro. 425. a
 6. Delictum est in vobis, quod iudicia habetis inter vos. 260. a
 7. Propter fornicationem, unusquisque uxorem suam habeat. 147. c. 218. c
 7. Qui se non continent, nubant. 147. d. 210. a
 7. Hoc autem dico secundum indulgentiam. 220. a
 7. Melius est nubere quam uri. 218. e. a
 7. Bonum est mulierem non tangere. 187. c. 219. a
 7. De virginibus praeceptum Domini non habeo, consilium autem do. 187. e
 9. Si dormierit vir ejus, liberata est, cui vult nubat, tantum in Domino. 33. d
 7. Bonum est innuptis & viduis, si sic permanserint, & qui nubit, bene facit, qui non nubit, melius facit. 153. c. 187. a
 7. Si nupserit virgo, non peccavit. 222. a
 7. Qui statuit in corde suo firmus, non habens necessitatem, potestatem autem habens suae voluntatis. 221. b. 224. e
 7. Pretio reempti estis, nolite fieri servi hominum. 206. b. 254. d
 7. Arbitror hoc bonum esse propter praesentem necessitatem, & tribulationes tamen carnis habebunt huiusmodi. 188. a
 7. Mulier innupta, & virgo, cogitat quae Domini sunt, quomodo placeat Deo, ut sit sancta, & corpore & spiritu. 188. d
 7. Non ut laqueum vobis injiciam, sed ad id quod honestum est, & quod facultatem praebet, sine impedimento Dominum obsecrandi. 217. e
 7. Qui vult nubat tantum in Domino, beatior autem erit si sic permanserit. 188. e. 215. b
 7. Volo autem omnes homines esse sicut me ipsum, sed unusquisque proprium donum habet ex Deo, unus sic, alius vero sic. 188. c. 221. a
 7. Nolite fraudare invicem, nisi forte ex consensu ad tempus, ut vacetis orationi & jejuniis, & iterum revertimini in idipsum, ne tentet vos Sathanas propter incontinentiam vestram, hoc autem dico secundum indulgentiam. 237. c

Cap. Pag. 7. Si quod nolo facio, jam non ego operor illud. 218. d
 8. Scimus quia nihil est idolum in mundo. 386. c
 9. Nunquid non habemus potestatem sororem mulierem circumducendi, sicut ceteri Apostoli, & fratres Domini, & Cephas. 145. a. 153. b
 9. Quae est mens mea, ut Evangelium praedicans, sine sumptu ponam Evangelium? 189. a
 9. Melius est mihi mori, quam ut gloriam meam quisevacuet, nam etsi evangelizavero, non est mihi gloria. 189. a
 9. Ut non abutatur potestate mea. Et. Ne offendiculum ponam. 189. e
 9. Castigo corpus meum & in servitutem redigo. 219. a
 10. Nos sumus, in quos fines saeculorum devenerunt. 144. b
 10. Unus panis, & unum corpus multi sumus. 63. h
 10. Non potestis mensae Domini, & mensae demoniorum participes fieri. 423. d
 11. Ideo inter vos sunt imbecilles, & dormiunt multi. 303. a
 11. Oportet haerese esse. 279. a
 12. Omnes nos uno spiritu in unum corpus baptizati sumus. 59. a. 61. a. 63. c
 15. Quid facient, qui baptizantur pro mortuis, si mortui non resurgunt. 294. c
 16. Manebo Ephesi usque ad Pentecosten. 449. d

II. AD CORINTHIOS.

5. Scimus, quia si terrestris domus nostra huius habitationis dissolvatur, aedificationem ex Deo habemus. 305. c. 344. a
 5. Qui sumus in hoc tabernaculo, ingemiscimus gravati, eo quod nolumus expoliari, sed supervestiri. 344. d
 5. Et si novimus Christum secundum carnem, sed jam non novimus. 384. c
 5. Omnes nos manifestari oportet ante tribunal Christi, ut referat unusquisque prout gessit in corpore, sive bonum, sive malum. 305. d. 313. c
 6. Vos estis templum Dei vivi. 425. a
 6. Errecipiam vos, dicit Dominus. 63. c
 8. Unus Dominus. 254. a
 8. Propter vos egenus factus est, cum esset dives. 249. c
 8. Si voluntas prompta est secundum id quod habet, accepta est, non secundum id quod non habet. 252. e
 9. Unusquisque prout destinavit in corde suo, non ex tristitia aut necessitate, hilarem enim datorem diligit Deus. 216. d
 12. Virtus in infirmitate perficitur. 219. c
 12. Datus est mihi stimulus carnis meae, Angelus Sathanas, qui me colaphizat, propter quod &c. 219. b

AD GALATAS.

3. Non est Judaeus, neque Graecus &c. omnes vos unum estis in Christo. 117. d
 3. Omnes filii Dei estis per fidem in Jesu Christo, quicumque enim baptizati estis, Christum induistis. 59. a
 4. Quod si filius, & haeres per Deum. 61. a
 4. Filioli mei, quos iterum parturio. 64. c
 4. Ejice ancillam & filium ejus. 153. c
 4. Illi qui natura non sunt Dei serviebatis. 357. b. 363. a
 5. Quae talia agunt regnum Dei non possidebunt. 312. b
 6. Quae seminaveris homo, haec & metes. 313. c

Cap. Pag. AD EPHESIOS.

1. Elegit nos in ipso, ut essemus sancti. 61. e
 4. Posuit in Ecclesia primum Apostolos &c. 15. a
 4. Et ipse dedit quidam Apostolos &c. Solliciti servare unitatem spiritus in vinculo pacis. 71. e
 4. Unus Deus, una Fides, unum Baptisma. 254. a
 4. Magis autem laboret operando manibus suis. 246. c. 247. e
 4. Ascendens in altum, captivam duxit captivitatem. 345. c
 5. Viri diligite uxores vestras, sicut Christus dilexit Ecclesiam. 48. a
 5. Ut exhiberet ipse sibi gloriosam Ecclesiam, non habentem maculam aut rugam. 61. d
 5. Sacramentum hoc magnum est, ego autem dico in Christo & Ecclesia. 240. e
 5. Mundanam lavacro aquae in verbo vitae. 81. a
 6. Filii obedite parentibus. 236. b

AD PHILIPPENSES.

1. Qui sunt Philippi cum Episcopis & Diaconibus. 133. a
 1. Cupio dissolvi, & esse cum Christo. 246. a
 2. Omnes quaerunt quae sua sunt. 30. a. 59. c
 2. Superiores invicem arbitantes. 206. e
 3. Quicumque perfecti sumus hoc sentiamus. Et. Non quod jam acceperim, aut jam perfecti sumus. 61. e. 315. a
 3. Imitatores mei estote. 30. b
 4. Germane compar adjuva illas. 145. e
 4. Quaecumque sunt vera, & haec cogitate, quae & didicistis. 195. a

AD COLOSSENSES.

1. Pacificans per sanguinem crucis ejus, sive quae in terris, sive quae in caelis. 413. c
 1. Dignos nos fecit in partem sortis Sanctorum. 116. c
 2. Nemo vos seducat volens in humilitate, & religione Angelorum &c. 374. a. 372. e
 2. Nemo vos iudicet in cibo, aut potu, aut in parte diei festi. 441. b
 2. Chyrogaphum decreti, quod erat contrarium nobis, tulit de medio, affigens illud cruci. 413. d
 2. Habeto honorem corpori. 240. d. 243. e
 2. Apostolus reprehendit omnem superstitionem. 198. d
 3. Caritas est vinculum perfectionis. 262. e
 3. Filii obedite parentibus per omnia. 205. b
 3. Servi obedite per omnia Dominis carnalibus, non ad oculum servientes, quasi hominibus placentes. 206. c

I. AD THESSALONICENSES.

4. Consolamini invicem in verbis istis. 209. b
 4. Operamini manibus vestris. 247. a
 5. Prophetias nolite spernere, omnia probate, quod bonum est tenete. 275. a
 5. Ut integer spiritus vester, & anima, & corpus conservetur. 174. b

II. AD THESSALONICENSES.

2. Nisi venerit discessio primum, & revelatus fuerit homo peccati. 75. c
 2. In

462 INDEX SCRIPTURARUM.

Cap. Pag.
2. In omni virtute, & signis, & prodigiis mendacibus. 105. c

I. AD TIMOTHEUM.

1. Regi seculorum immortalis & invisibilis, soli Deo honor, & gloria. 362. c
1. Quidam circa fidem naufragaverunt. 55. a
1. Finis præcepti charitas. 261. e
2. Volo viros orare in omni loco, levantes puras manus. 422. d. 415. d. 426. c
2. Unus Deus, unus & mediator Dei & hominum, homo Christus Jesus. 371. e a. b. c. d
4. Jubeat Apostolus nominatum orari pro Regibus. 255. a
3. Oportet Episcopum irreprehensibilem esse, unius uxoris virum. 152. c
3. Hæc tibi scribo, fili Timothee, ut scias, quomodo te oporteat conversari in domo Dei vivi, columna, & firmamentum veritatis. 28. b. 47. d. 73. c
3. Qui domui suæ benè præsit, & filios habet subditos in omni castitate. 140. c 180. b
3. Diaconi sint unius uxoris viri. 153. a
3. Mulieres similiter pudicas non detrahentes &c. 155. b
4. Prohibentium nubere. 144. b
4. Noli negligere gratiam, quæ data est tibi per impositionem manuum Presbyterii. 89. a. 117. a. 134. c.
4. Omnis creatura Dei bona est, & nihil abijciendum, quod cum gratiarum actione percipitur, sanctificatur enim per verbum Dei, & orationem. 430. d 436. d
5. Damnationem habent, quia primam fidem irritam fecerunt. 210. a
5. Volo juniores nubere. 219. b. 220. c
5. Adolescentiores viduas devota, cum enim luxuriatæ fuerint in Christo nubere volunt. 211. b. c. d. 234. b. 235. c
5. Adversus presbyterum accusationem noli accipere, nisi sub duobus, aut tribus testibus. 133. b
5. Vidua eligatur non minus sexaginta annorum, quæ fuerit unius viri uxor. 130. a
6. Radix omnium malorum est cupiditas. 174. c

II. AD TIMOTHEUM.

1. Resuscites gratiam, quæ data est tibi per impositionem manuum mearum. 117. a
2. In magna domo, sunt vasa aurea, & argentea, & lignea, & fictilia. 55. b
3. Nemo militans Deo, implicat se negotiis secularibus. 141. a
4. Firmum Dei fundamentum sunt, habens signaculum hoc, novæ Domini qui sunt ejus. 60. e
5. Hos devota. 274. b

AD TITUM.

1. Hujus rei gratia reliqui te Creta, ut con-

Cap. Pag.
stituas per civitates Presbyteros &c. 134. a

1. Oportet Episcopum esse sine crimine, hospitem, benignum, sobrium, iustum, continentem &c. 134. a. 141. e 152. b
3. Hæreticum hominem post unam, & alteram admonitionem devota. 54. c 274. c. 280. a

AD PHILEMONEM.

Gratias ago Deo meo, audiens charitatem tuam, & fidem quam habes in Domino Jesu, & in omnes Sanctos. 371. b
Ne veluti ex necessitate bonum tuum sit, sed voluntarium. 216. d

AD HEBRÆOS.

6. Impossibile est eis, qui semel sunt illuminati, iterum renovari ad poenitentiam. 307. d
9. Hoc significante Spiritu sancto, nondum propolitam esse Sanctorum viam. 345. c
10. Non deferentes collectionem nostram. 240. c. 243. d
10. Adjuvemus nos invicem. 240. c
11. Hi omnes testimonio fidei probati, non acceperunt repromissiones. 341. d. 346. a
12. Non accessistis ad montem Sion &c. sed ad Sion montem, & Hierusalem celestem, & multorum millium Angelorum frequentiam, & Ecclesiam primitivorum, qui conscripti sunt in coelis, & spiritus iustorum perfectorum, &c. 74. c. 346. a
13. Honorabile connubium in omnibus. 145. c
13. Habemus altare, de quo edere non habent potestatem, qui tabernaculo deserviunt. 423. c
13. Obedite præpositis vestris. 255. c

JACOBUS.

1. Unusquisque tentatur à concupiscentia sua abstractus & illeceus &c. 302. b

I. PETRI.

2. Et ipsi tamquam lapides vivi superædificamini domus spiritualis. 74. c
2. Subiecti estote omni humanæ creature propter Deum. 106. c
5. Non dominantes in Cleris. 116. a
5. Pascite qui in vobis est gregem Dei, providentes non coacti, sed spontaneè &c. nequeut dominantes in Cleris, sed forma facti gregis ex animo. 118. b

II. PETRI.

1. Dabo autem operam, & frequenter ha-

Cap. Pag.
beret vos post obitum meum, ut horum memoriam faciatis. 365. d

2. Fuerunt & Pseudoprophete in populo, sicut & in vobis erunt Magistri mendaces, qui introducunt sectas perditionis. 30. d

I. JOANNIS.

1. Ex nobis exierunt, sed non erant ex nobis. 55. e
2. Nam si fuissent ex nobis, mansissent utique nobiscum. 60. e. 66. d
2. Quicquid est in mundo, aut est concupiscentia carnis, aut concupiscentia oculorum, aut superbia vitæ. 174. d
3. Scimus, quia tunc appaverit, similes ejerimus. 241. b. 346. c
4. Qui manet in charitate, in Deo manet, & Deus in eo. 374. a
4. Omnis qui diligit, ex Deo natus est. 61. a
4. Perfecta charitas foras mittit timorem. 314. e

II. JOANNIS.

Si quis venit ad vos, & hanc doctrinam non adfert, nolite recipere in domum, nec ave ei dixeritis. 274. b

APOCALYPSIS.

2. Qui vicerit, & custodierit usque in finem opera mea, dabo illi potestatem super gentes, & reget eas in virga ferrea. 366. d
2. Joannes septem Ecclesiis quæ sunt in Asia &c. 62. c
4. Virgines cantant canticum novum, quod nemo alius cantare potest. 222. b
5. Viginti quatuor seniores prociderunt coram throno Dei. 365. c
6. Vidi subtus altare animas interfectorum propter verbum Dei. 341. b. 346. c
6. Dantur singulis stolas albas. 346. c
6. Animæ sanctorum Martyrum petunt vindictam de interfectores suis. 365. d
7. Hi qui amici sunt stolis albis, sunt ante thronum Dei. 346. c
7. Nolite nocere terræ, neque mari, neque arboribus, quoadusque signemus servos Dei nostri in frontibus eorum. 417. a
12. Peperit Filium, qui reclusus erat omnes Gentes in virga ferrea. 366. c
14. Hi sunt qui cum mulieribus non sunt coinquinari. 190. a
14. Beati mortui, qui in Domino moriuntur. A modo jam dicit spiritus, ut requiescant à laboribus suis. 305. a
14. Habentes nomen ejus, & nomen Patris ejus in frontibus suis. 222. a
19. Vide ne feceris, conservus tuus sum. 357. c. 362. e
21. Ecce templum non vidi in ea. 432. c. 434. a
21. Fundamenta duodecim in edificio Ecclesie. 379. e

463

INDEX

RERUM NOTABILIVM.

A

A Aronis Peccatum in adoratione vituli. 76. c
 Aaronicum sacerdotium quale. 120. c 132. e quanto tempore duravit. 90. e
 Abnegatio sui duplex. 187. d
 Abrahæ filius. 350. e
 Abulensis in 4. cap. Deut. quest. 5. assensum (& male) non rectè fieri, ut imagines Dei ab Ecclesia tolerentur. 389. c
 Adam fuit principium materiale, & formale Ecclesiæ. 76. b
 Adoratio latræ etiam Christo convenit. 358. b c
 Adorationis species. ibid. d 409. a
 Adoratio in spiritu & veritate. 75. a
 Adversarius noster quis. 395. e
 Adulterorum poena. 147. c
 Aerii hæresis. 94. e
 Ambitio. 101. c 228. e Item hæresis. 447. c
 Afri Catholici Romanorum nomine designantur. 353. a
 B. Agnes excutavit quendam æternæ damnationis reum. 322. e
 Alberto Imperatore fuit actum Concilium Florentinum. 5. a
 Alexandro Magno quid responderit Pyrrata quidam. 254. b
 Altarium lapideorum erectio antiqua, & eorum consecratio. 132. e 429. e. qui meminerint altaris. 423. e
 Sub altaribus reconduntur reliquie Sanctorum. 380. a 382. d
 Amant quomodo dulcescant poenæ. 315. c
 B. Ambrosius in Psalm. 36. videtur sensit omnes, tam bonos, quam malos post hanc vitam transiuros per ignem Purgatorii, quæ opinio nec improbat ut error, nec asseritur ut vera. 311. b
 Idem asseruit lib. 1. de Cain, Moysen adhuc vivere. 322. a
 Idem asseruit in 1. cap. ad Rom. Deum non egere suffragatore, sed mente devota (intellige ex parte Dei non ex parte nostra.) 370. e
 Amor Dei habet multos gradus. 129. c 130. c
 Amor Dei ex toto corde, anima &c. 192. a b c
 Anachoretæ. 130. e vide v. Eremitæ.
 Angeli invocantur. 367. d adorantur loco Dei à Platonicis. 371. e an rectè pingantur. 394. c. visus sunt in forma humana. ibid. e
 Ipsorum præsentia in templis. 431. a
 Angelis comparantur virgines. 214. d e
 Adhibetur adoratio. 359. e 362. e an templa illis dedicanda. 427. e
 Inter Angelos præfectura & subiectio. 359. a
 An ex revelatione Angelorum Sancti cognoscant nostras preces. 372. d
 Anima Samuelis apparuit Sauli. 320. a
 Variæ animarum apparitiones. 303. c 322. d e
 Anima quomodo dicatur tota pulchra. 61. e est subiectum & causa efficiens peccati. 323. a concurrunt principaliter ad opera bona & mala. 354. a
 Quod sine corpore nunc beatificetur, nulla est iniustitia. 353. e ipsius inclinatio ad corpus secundum Augu-

stinum & Bernardum facit ut ante resurrectionem non possit tota vi ferri in Deum. 351. a 352. b
 Animæ judicantur statim ac exeunt à corporibus. 316. d exempla à quo & ubi. 317. a ibid. c
 Animæ Purgatorii non possunt mereri, nec peccare. 313. d possunt dici perfectæ & imperfectæ. 314. b non sunt in via, sed intermino, & quomodo. 315. a Quibus rebus juvantur. 324. e 328. e quibus torquentur. 325. e orandæ pro nobis cum nesciant quid agamus in particulari. 327. d orant pro nobis. ibid. b 367. b aliquando fuerunt redditæ corporibus, & quæ. 322. a aliquando etiam animæ ex inferno fuerunt redditæ corporibus. 322. c utrum idem dicendum de animabus Beatorum. ibid. e & de animabus in limbo. 322. e
 Animæ quæ in celo sunt orant pro animabus quæ sunt in Purgatorio. 322. a
 Animæ gloria an maior futura sit post resurrectionem quàm ante. 351. e Immortalitas animæ, & resurrectio corporum hinc habita eadem questio. 286. b
 De anima perfecta agitur in Canticis. 59. d
 Anni lunares. 348. e vide de Paschate Judæorum. 449. d
 Annorum supputatio à Seleuco, vel ab Asuero. 24. a 25. b
 Antichristi Miracula. 105. c
 Antichristus D scellus appellatur. 77. a
 Tempore ipsius paucierunt fideles. 77. a
 Antichristum quo tempore apparuisse dicant hæretici. 85. d
 Antonius non fuit primus Monachus. 176. e sed primus Eremita. 178. b conversio ipsius. 186. e 242. d.
 Antonii sententia in fine vitæ. 274. b pallium ipsius in veneratione habetur. 380. d
 Apostoli ordinati Episcopi à S. Petro. 119. a
 An erraverint omnes circa fidem tempore Passionis Domini. 78. e Primitiæ sacerdotii secundum ordinem Melchisedech. honorabant tamen illud Aaronicum. 90. a pauci homines contemptibiles totum mundum traxerunt. 99. a dicebantur omnes veri Episcopi tempore Apostolorum. 133. d an uxores habuerint. 145. d an fuerint virgines. 215. e Primi Monachi Christiani fuerunt. 178. d vide etiam. 203. b Primi Prædicatores. 290. c excitarunt aliquos Ethnicos. 322. e electi 12. à Christo. 89. a
 Apostolorum Paupertas. 250. a
 Angustia tempore passionis. 267. e an morte ipsorum vivere teneamur. 183. c
 An omnium Apostolorum finem ex divinis literis habeamus. 375. a Ipsorum Basilicas qui ædificantur. 426. e Ipsorum dies festi celebrari mandantur. 453. b
 Illis quomodo succedant Episcopi. 89. c
 Apostolica dicitur Ecclesia. 88. e vide v. Catholicus.
 Appellatio ad summum Pontificem Episcoporum est. 315. b & 316. d e
 Appellatio ad Imperatorem non datur Episcopis. 23. c
 Appellatio à Concilio generalis decretis non datur. 28. e

Appellatio à Concilio ad Papam. 49. b
 Appetitus concupiscibilis & irascibilis, naturalis & animalis. 174. c
 Aquæ benedictæ institutio. 437. c miracula per illam. 436. b
 Arcæ Noe comparatur Ecclesia. 59. e 63. a 86. b
 Arcæ Adoratio. 359. d
 Arca ubi conservabatur. 427. c
 Arii hæresis. 8. c 84. e ibid. e 93. e Ambitio. 101. a Exilium. 276. c
 Arios duos excogitavit Sulpitius. 3. e 23. e
 Ascensionis festus dies. 452. a
 Athanasius non fuit præses in Concilio Nicæno. 20. c vide. 34. a 49. c
 B. Augustinus institutor religionis clericorum regularium. 175. b & monastici ordinis. 178. e. episcopatum fugiebat. 181. e humilitas. 356. b miracula. 103. e
 Augustinus ambigere videtur, an finis Abrahæ in inferno fuerit, an alibi. 350. d
 Idem quid dubitet de Purgatorio. 310. a
 Idem aliquando dubitavit de loco ubi sint animæ Beatorum. 343. d 350. c
 Idem Sanctorum animas, dixit videre quidem Deum, sed non ita perfectè ut post resurrectionem. 351. b
 Vide quare reprehenderit sepulchrorum adoratores. 385. a. item picturarum adoratores. 436. a
 Aureus numerus quando compositus. 449. b 450. b

B

Baptismus est unum ex requisitis ad Ecclesiam constituendam. 64. b Diluit peccata, non solvit conjugia. 154. c
 Parvulis non baptizatis, qui moriuntur, invenit Pelagius locum quendam. 306. e
 Baptismus hæreticorum, & ab illis collatus. 88. d 437. a
 Per Baptismum homines fiunt membra Christi. 54. e & Ecclesiæ. 65. e
 Errores hæreticorum circa Baptismum. 93. d 94. e
 Miraculum factum in confirmatione veri Baptismi. 106. a
 Inter Baptismum & religionis professionem quædam similitudines. 180. e 181. c
 Promissio quæ fit in Baptismo, non est propriè votum. 201. d
 Baptizari pro mortuis quid sit. 293. b
 Baptismus lachrymarum & poenitentiar. 294. c
 Baptismus ablutionis, & absolutionis quomodo variè remittant peccata. 307. b
 Qui mox à Baptismo moriuntur nullam sentiunt Purgatorii poenam. 311. d
 Basilicæ ædificantur & dedicantur martyribus. 421. b 426. e
 Discrimen inter Basilicam & templum. 427. a
 Basilus Episcopus auctor cuiusdam ordinis monastici. 176. a 178. d
 Sub Basilio Imperatore fuit actum Concilium IV. Constantinopolitanum. 4. e
 Bartholomæus Caranza in summa Conciliorum canon. 82. VI. Synodi, errat dicendo VI. Synodum prohibere imaginem Christi in forma agni, & Spiritus

Iltus Sancti in forma columbae . 390. e
 Beatorum animae vident Deum ante diem iudicii . 245. b
 Beatorum spiritus post mortem, ante resurrectionem accipiunt potestatem in gentes . 366. a
 Beatiudo an maior futura post resurrectionem . 351. e includit certitudinem de non amittenda unquam felicitate . 321. e vocatur Domus . 344. b
 Ad perfectam beatitudinem pertinet scire ea quae ad se pertinent . 373. c
 Bellum Christianorum pro terra sancta recuperanda . 108. b
 Bellum gerere aliquando licet Christianis . 264. e
 Quot sint, & quae iusti belli conditiones . 268. e
 Licet bellum gerere Christianis contra Turcas . 270. b
 Benedictio Aquae, Salis, Cinerum, &c . 435. e
 Recte benedicti Aquam, Oleum, Panem, Cereos, Cineres, Ramos & similia . 436. b Objectiones Calvini & solutiones . 435. d e
 Recte ad effectus supernaturales efficiendos, & significandos, nos uti aqua, oleo, aliisque rebus benedictione consecratis . 436. c
 Solvuntur objectiones Meshuili . 437. e
 Benedictus clarus Prophetiae dono . 108. d laudatur . ibid.
 Bernardus clarissimus miraculis . 104. b Prophetia . 107. b laudatur etiam ab Haereticis . 107. d
 Defenditur cum loquitur de die festo Conceptionis B. Virginis . 453. e

C

C Alphas an verus Pontifex . 90. e
 Calixtus sententia de Christo . 33. b 78. a 119. b
 Calendarii error . 449. e
 Calvinus brevi invaluit . 47. d. In plerisque locis asseruit se toti antiquitati repugnare . 91. e Ipsius haereses de Christo . 325. d 71. a & miraculum tentatum . 103. b Mortis . 108. b
 Castella quae sola accensa conservantur in triduo ante Pascha . 78. e vide v. Ceri .
 Canones sex Conciliorum, quae videntur asserere continentiam clericis in sacris constitutis non esse praecipendam . 147. a
 Caudres sextae Synodi falsè ad scribuntur sextae Synodo . 4. e 35. d
 Canonistarum error de decimis . 156. e
 Canonizatio sanctorum . 354. e
 Quae dicuntur in canticis de sponsa, non necessariò intelligenda sunt de Ecclesia . 59. d
 Capacitas & incapacitas . 234. c
 Cardinales . Antiquitas & significatio nominis Cardinalium . 136. e antiquitas & varietas officii . 137. e. comparatio cum Episcopis . 138. b
 Ratio eligendi summum Pontificem per solos Cardinales, est omnium optima, & meritò conservanda, etsi absolute posset Pontifex eam mutare si vellet . 126. e
 Si casu aliquo omnes Cardinales simul perirent, ius electionis ad Episcopos vicinos, & Clerum Romanum pertineret, cum dependentia tamen aliqua à Concilio generali Episcoporum . 127. e
 Cardinales eligunt summum Pontificem . 126. e
 Caritas est vinculum perfectionis . 174. a. est radix omnium bonorum . ibid. c. augetur in genere gratiae & gloriae . 314. e
 Caritatis quatuor gradus . 174. e
 Ad opera caritatis non obligantur homines privati, nisi quando se offerunt occasio . 193. b

Caritati an repugnet timor . 314. e
 Carnis concupiscentia, item tentatio . 148. e
 Carolus Magnus & Pipintis pater . 38. d b e
 Carolus Magnus Imperator constitutus . 38. e. illi concessum ius eligendi summum Pontificem . 127. a. ipso imperante suit actum Concilium Francofordiense . 61. e. Basilicæ ab ipso fabricatae . 432. c. tamquam Sanctus colitur . ibid. adoravit sepulchra Apostolorum . 255. e
 Caroli IV. Basilicæ ab ipso fabricatae . 432. d
 Carpocratianorum errores . 98. d 196. e 396. d
 Catechumeni an sint de Ecclesia, & an possint salvari . 53. d. non dicebantur fideles . 68. d. ipsorum scrutinia in Quadragesima . 223. a
 Pro catechumenis an orandum & sacrificandum . 329. d
 Cathedra S. Petri . 91. b 96. e
 Cerei Paschalis benedictio . 436. e
 Cereorum & lampadum usus . 382. d 384. e
 Certitudinis tres gradus . 316. d
 Character baptismalis an faciat hominem haeticum esse actu in Ecclesia . 329. e 36. a b
 Cherubim veneratio . 397. e
 Chorepiscopi . 139. e
 Christiana perfectio . vide v. Perfectio.
 Christiani nomen . 69. a 87. e. In primitiva Ecclesia ex voto vivebant vitam communem . 203. d. cur viribus in bello inferiores plerumque sint . 259. b
 Christianorum Ecclesiae quare non vocantur templa ab Apostolis, item à Patribus . 422. c. 424. c. Arma praecipua fides & oratio . 268. c. cultus spiritalis . 425. e
 Christianorum tria genera, haetici occulti, mali, & boni Catholici . 67. e
 Christianis neque licet illa pluralitas uxorum . 151. b. non est illicitum iudicia publica exercere . 263. e
 A Christianis coepit initium persecutionis Diocletiani . 33. e
 Christiani laudantur etiam ab ipsis Paganis, Judaeis, Mahumetanis, & Haereticis . 106. e 107. a
 Christiano principi licet leges condere . 260. e
 Christus descendit ad inferos . 354. b
 Summus sacerdos semel se obtulit pro nobis in cruce, & nunc se offert per manus sacerdotum . 413. b. dicitur altare . 430. d
 Habuit omnem auctoritatem . 47. b
 Plusquam homo dicitur à Iosepho . 107. b
 Quomodo sequendus . 187. e
 Vivens profule viventibus, mortuus mortuis, vivens mortuis, & mortuus viventibus . 326. b
 Spontè elegit sibi crucem . 413. a 418. b
 Anima ipsius repleta scientia & gratia . 354. a
 In Christi nomine congregare Concilia quid sit . 88. e
 Adventus primus sine observatione . 74. d
 Tempore Passionis Christi an fides remanserit in Apostolis & ceteris . 78. a
 Nativitas attulit pacem mundo . 67. e
 Meritum ipsius quomodo applicetur . 307. e
 Memoria humanitatis Christi . 384. e
 Imago ipsius an pingenda, & quomodo . 389. e. 390. e. Varie imagines Christi variis modis depictae in calicibus & alibi . 392. b 395. c
 Imago Christi aenea erecta ab Hamorrhoeis . 399. a
 Per Christum impetrant nobis Sancti quicquid impetrant . 364. e
 Cibi immoderata sollicitudo . 247. a
 Ciborum delectus . 94. c. vide de sanguine & suffocato . 18. e 32. d

Circumcisionis questio in Concilio Hierosolymitano . 18. e
 Circumcisionis Domini festus dies . 452. d
 Clavus quem Helena ad Constantinum misit . 414. b e
 Clericus . De nomine Clerici & Laici . 116. a
 Clericis licet habere possessiones . 158. e
 Licet illis retinere proprium patrimonium . 160. a
 Clerici quomodo ad Concilium convocentur . 14. d e 15. a b c
 Clerici non debent domi suae habere mulieres . 143. b 146. b 148. d
 Qui bona patrimonialia habent, an simul habere possint bona Ecclesiastica . 160. e
 Clerici in sacris tenebantur olim alere suas uxores, licet se separaverint quod thorum . 147. c
 Poena ducentium uxores . 149. c
 Habitus . 245. a. ordines . 128. b. antiquitas . 129. a
 Clericis debentur Decimae . 155. a b c
 Licet habere possessiones quae dono laicorum possident . 158. e
 Clericus honor an prode ad salutem . 117. e
 Clerus an, & quomodo habuerit potestatem eligendi Episcopos vel Pontificem . 126. d
 Clerus Christianorum fortè major est quam sexagesima pars Christiani populi . 158. b
 Coelibatus, vide etiam v. continentia . Sine iure divino annexus sacris ordinibus an non . 140. c
 Iure Apostolico rectissime annexum ordinibus sacris . 140. e
 Argumenta haeticorum contra coelibatum, ex Scripturis petita . 144. a b e 218. c d e
 Argumentum ex historia Paphnutii . 146. e alia de Paphnutio . 18. d
 Ex epistola S. Udalrici . 149. b
 Ex Conciliis & Canonibus . 147. a
 Ex difficultate coelibatus . 148. b
 Poena incontinentium sacerdotum . 149. b
 Coelibatus in Ecclesia à Judaeis coepit . 215. e
 Coelibatus possibilitas . 221. e d e
 Ex coelibatu an sequantur absurda . 225. e a b
 Coelum dicitur velum Deitatis . 345. d
 Cogitationes hominum quomodo cognoverint Sancti quidam . 373. e
 Concilia . De Conciliis qui scripturae . 1. d. 2. b
 De nomine Concilii atque origine . 2. d
 Partitio Conciliorum duplex . 2. d
 Concilia generalia approbata . 2. c. Item reprobata . 5. b. Item partim confirmata, partim reprobata . 6. d. De Concilio nec manifestè probato, nec reprobato . 7. a
 Concilia ob sex causas celebrantur . 7. b
 Utrum sint necessaria Concilia generalia . ibid. c
 Concilia Episcoporum aliqua simpliciter esse necessaria . 9. e
 Cuius sit congregare Concilia . ibid. e
 Solvuntur argumenta haeticorum, quod non sit Papa indicere Concilium . 12. b
 An non liceat Concilium indicere ab alio, quam à Papa, quando sit necessarium Ecclesiae; & tamen Papa nolit illud indicere . 13. d
 An non liceat Concilium indicere ab alio, quam à Papa, quando Papa non debet indicere, eo quod sit haeticus vel schismaticus . 14. a
 An non liceat Concilium indicere ab alio, quam à Papa, quando Papa non potest illud indicere, eo quod sit captivus apud infideles, vel mortuus, vel infans effectus, vel renuntiavit . 15. e
 Quinam sint ad Concilium convocandi . 14. b

Quot

Quot Episcopi requirantur ad generale Concilium. 17. c
Episcopos in Conciliis non consiliarios, sed iudices esse. 17. d
Argumenta hæreticorum. 12. d
Cujus sit generali Concilio præsidere. 19. d
Præsides antiquorum Conciliorum. ibid. d
Argumenta hæreticorum, quod Papa non præsideat Conciliis. 22. b
Conditiones quas in Conciliis requirunt Lutherani. 25. a
Concilia generalia, à Pontifice confirmata, errare non posse, nec in fide, neque in moribus. 17. d
Concilia etiam particularia, à Pontifice approbata, errare non posse. 29. d
Argumenta adversariorum ex Scriptura. 30. d. ex Patribus. 30. e. ex Conciliorum erratis. 32. a. Ratione. 39. d
Concilia particularia non probata à summo Pontifice, non omnino certam fidem facere. 40. d
Concilia generalia ante confirmationem summi Pontificis, quænam errare possint. 41. d
An sit major auctoritas Concilii, quam Scripturæ. 43. b
An Concilium sit supra Pontificem. 44. a
Summus Pontifex est supra Concilium. 45. c. 47. b
Non esse in Concilio summam potestatem. 46. e
Pontifex nec à Concilio, nec à quoquam mortalium judicari potest aut puniri. 47. b
Neque potest seipsum subicere sententiæ coactivæ Conciliorum. 49. a. Solvuntur argumenta. ibid. e
Concilium generale errare potest in questionibus facti, non juris. 31. a. 32. a
Ad generale Concilium quatuor conditiones requiruntur. 17. d
Concilio generali representatur universa Ecclesia. 28. c
Concilio generalis sententia in causis fidei, est ultimum Ecclesiæ judicium. 28. e. 29. a. b. c. ubi multa de proprietatibus & attributis Concilii generalis.
Concilium generale cur errare non potest. 41. a. 42. b. c
Conciliis plenariis qui non acquiescunt, excommunicandi. 29. a
Decreta legitimorum generalium Conciliorum sunt à Spiritu Sancto. 29. b. c
Potius moriendum, quam recedendum à decretis generalium Conciliorum. ibid. d. e
Concilia generalia postularunt Lutherani, & postea contempserunt, & damnarunt, in præfatione.
Concilia provincialia absolute possunt errare, & quæ erraverint. 40. e
Concilia particularia an possint censere de hæresi secundum se, & definire dogmata verè dubia. 41. e
Concilium particulare non expressè confirmatum, an faciat argumentum probabile. 40. e
Concilia particularia, plenariis cedere debent. 397. e
Concilia Episcopalia ordinariè non instituunt dogmata fidei. 31. e
Concilia prima fiebant sumptibus publicis. 13. c
Concilium debere constare ex verè piis & electis, falsa sententia est. 14. c
Concilium legitimum potest errare in his, quæ non legitime agit. 31. b
Concilia possunt emendari quoad præcepta morum, non quoad dogmata fidei. ibid. c
Concilia varia quæ hæretici errasse dixerunt. 32. a. b. c
Concilia priora an emendantur à posterioribus. 31. a. 35. c. 39. d
Concilia legitima fuisse, unde cognoscamus. 40. e
Conciliorum decreta in multis differunt à Scriptura sacra. 43. c

Capitulum Card. Bellarm. Tom. II.

Conciliorum canones an ejusdem auctoritatis cum epistolis decretalibus. 44. b
In Conciliis quæ pars ad fidem pertineat, & quæ non. 43. e
Missio legatorum ad Concilia. 41. b. 42. c
Concilia varia. Antiochenum. 5. b
Ariminense. 5. e. 8. e. 19. b. 77. b
Basilense. 6. e. 39. e. 42. c. 44. b
Chalcedonense. 3. e. 21. e. a
Constantinopolitanum I. 3. a. 12. b. 20. e. 35. b
Aliud Constantinopolitanum. 4. d. 22. a
Constantinopolitanum III. sub Constantino IV. 22. c
Constantinopolitanum sub Leone I. 6. a
Constantinopolitanum aliud sub Constantino Copronymo. 6. a. 36. d. 396. b
Constantinopolitanum. 6. d. 39. d. 51. d
Ephesinum I. 3. d. 12. c. 21. b
Ephesinum II. 6. a
Ephesinum III. non datur, contra quosdam qui dicunt, Constantinopolitanum sub Copronymo fuisse Ephesinum III. 403. d
Florentinum. 5. e
Francfordiense. 6. d. 36. a. 396. b. 403. e
Hierosolymitanum tempore Apostolorum. 18. e. 22. c
Lateranense I. 5. b
Lateranense II. ibid. b
Lateranense III. ibid. c
Lateranense IV. ibid. d. 39. b
Lateranense V. 5. a. 48. b
Lugdunense I. 5. d
Lugdunense II. ibid. e
Mediolanense. ibid. e. 31. a
Nicænum I. 2. e. 20. a. Vide etiam de auctoritate & laudibus Nicæni Concilii quæ dicunt Patres. 28. d. Item. 31. d. 33. b. 43. e
Nicænum II. 4. c. 22. d. 36. c. 397. e
Prisacum. 6. c. 7. a. 44. a
Quinisextum. 6. a. 141. a. 147. e
Sardicense. 6. d. 13. a. 34. a
Syrmiense. 6. d. 34. a
Tridentinum. 5. a
Trullanum. 141. a. 148. b
Viennense. 5. e
Viticomburgense. 6. e
Concilium Pontificum Judæorum contra Christum. 32. e
Concordia est signum Regni Dei. 76. e
Concubina nomen quomodo accipiat interdictum. 35. d
Episcopi vel Presbyteri concubinari. 152. e
Concupiscentia carnis an peccatum. 93. c. 218. a. 304. e
Concupiscentia & membrorum inobedientia ex peccato nata est. 183. b. Edomatur jejuniis. 243. a
Concupiscentiæ motibus non consentiendum. 181. b. Item illius motus involuntarii potius sunt. 194. e
Conjugium simpliciter prohibetur sacerdotibus, atque hominibus in sacris constitutis: Monachis, & iis qui se voto virginis obstrinxerunt. 18. d. 34. b. 140. a. b. c. d. Item 209. usque ad 216. Item 231. c. d. e. vide v. Clericus v. Sacerdos, & v. Matrimonium.
Conjugium an aliquando necessarium. 259. c. an in præcepto. 258. b. 179. b. 218. c. Non æquatur virginitati. 94. e. dicitur honorabile. 145. c. Post votum est pejus adulterio. 228. e. Sacramentum non pollutio vocatur. 181. b. c
Confirmationis minister ordinarius est Episcopus. 132. e
Conscientia nostra dicitur noster adversarius. 295. d
Consilia Evangelica. Quid sit consilium, & quomodo differat à præcepto. 182. b
Variæ sententiæ de iis rebus, quas Catholici vocant consilia. 183. b
Afferuntur consilia Evangelica testimoniis Scripturæ. ibid. c. exemplis. 190. d. Testimoniis Patrum. 160. a. Solvuntur objectiones. ibid. c
Consilia Evangelica nobis demonstrata à Christo. 181. c. 184. d
Quæ sint. 183. b

Consilia an præponantur præceptis. 181. d
Constantinopolitana Ecclesia non est Apostolica. 50. d
Constantinus Magnus Imperator.
Profectus est de Episcopis se judicare non posse. ibid. d
Quid Ecclesiæ donaverit. 160. a. Iam ipse in defensione Ecclesiæ. 108. a
Tempore ipsius celebrari ceperunt Concilia generalia, & primò Nicænum. 2. c. 4. a. 9. a. 13. b. ibid. d
Abrogavit legem qua prohibebantur successionem hæreditaria homines steriles. 212. e. 230. b
Vocatus à Deo singulari miraculo. 256. d
Vici in bellis, miraculis ei ostensis. 265. e
Initio imperii permisit libertatem religionis: tamen postea revocavit. 273. c
Tempore ipsius translatae sunt reliquæ multorum Sanctorum. 381. e
Quid posuerit in loco ubi fuit baptizatus. 192. d
Tempore ipsius inventa crux Domini nostri. 413. e. & honorata. 415. c. eique apparuit. 416. d
Quæ templa ædificaverit. 426. 427. 432.
Ad consecrationem ædis cujusdam convocavit Synodum &c. 429. d. Sepultus ad fores Basilicæ S. Petri. 299. c. 34. a
Constantini IV. tempore coacta est VI. Synodus apud Constantinopolim. 3. e
Constantinus V. dictus Copronymus, omnes reliquas Sanctorum ubique deleri iussit. 377. c. item omnes imagines. 387. d
Infelix exitus ipsius. 400. a
Concilium sub ipso congregatum, reprobatum est. 6. c
Sub Constantino Imperatore congregata sunt Concilia Antiochenum, & Mediolanense, & Ariminense, reprobata. 5. d. item Sardicense, & Syrmienne, partim confirmata, partim reprobata. 6. d. 12. d
Superbia ipsius. 20. d
Continentia perpetua. Votum continentie asseritur illis verbis Luc. 1. Quomodo fiet istud. 206. e
Item ex illis Matth. 19. sunt Eunuchi qui se castraverunt. 309. a. item ex illis 1. Tim. 5. Damnationem habent, quia primam fidem irritam fecerunt. 210. a
asseritur etiam Conciliis. 212. b. Responsis Pontificum & Imperatorum. ibid. d. Testimonio Patrum. 213. a
Ratione. 215. a
Solvitur I. obiectio contra votum castitatis, sumpta ex ratione libertatis. 216. e
Solvitur II. ex Scripturis, quæ imperant conjugium iis, qui stimulum carnis patiuntur. 218. c
Solvitur III. ex locis Scripturæ, qui docent, continentiam esse donum Dei, quod non omnibus datur. 221. a
IV. Ex ratione naturali. 225. e
V. Ex Concilio. 227. a
VI. Ex Patribus. 229. b
Quod juniores possint vovere continentiam. 234. c
Licet conjugatis ex consensu vovere continentiam. 237. b
De possibilitate continentie. 221. d. 232. c. d. de difficultate. 182. b. 222. e. 225. a
De utilitate. 188. e. De dono continentie. 148. b. 222. b. 233. c
Nemo est qui continere non possit si velit. 143. a
Continentia Religiosorum. 175. e
De continentie voto fusiimè. 206. e
Continentia clericorum, & ab uxoribus. 141. d. 147. c. 233. d. 237. e
Continentie votum an annexum ordinibus sacris, & quo jure. 140. a. b. c
Continentiam esse relinquendam in arbitrio clericorum nullam habet apparentiam ex historiis. 146. a
Qui post votum continentie ad Matrimonium transeunt, pro bigamis habentur. 227. a
Continentia consilium Evangelicum. 183. b. ibid. c. d. usque ad 187.

Gg

Coni-

Continentia cur coli coepit in Ecclesia . 315. b
 An incommoda quædam pariat . 325. c. a b
 An liceat propter sanitate continentie votum frangere . 359. c
 Continentes debent esse humiles . 327. d
 Illis datur gloria singularis . 384. b
 Incontinentia & uisio idem significant apud Paulum . 197. d e
 Cordis cogitationes quomodo cognoverint Sancti quidam . 373. e a
 Corpori humano comparatur Ecclesia . 54. a
 Corpus nostrum appellatur domus terrestris . 344. b
 Corpus Christi in Sacramento altaris . Vide v. Eucharistia .
 Corruptio fraterna facta Judæis . 57. c
 In memoriam beneficii creationis celebrabatur Sabbathum , & nunc dies Dominica . 448. e 449. a
 Crucifigendi modus . 412. e
 Crux . Proponitur disputatio de adoratione crucis . 411. d
 De vera Cruce Domini . 412. e
 Vera Crux Christi veneranda . 413. a
 Imagines crucis venerandæ . 414. c
 Signum crucis quod digito exoritur , factum est & venerabile . 416. e
 Solvantur objectiones . 418. a
 Crucis adoratio . 398. b e d 412. d 416. a etiam adoratur crux quæ pingitur sine Christo . 418. a. Crucis figura . 412. c
 Crux Christi , & figura ejus crucis . Vexillum Imperatoris Christiani . 412. c
 Venerabilis . ibid. Electa sponte à Christo . 413. b 418. c. Ara summi sacrificii . 413. c. Scala fuit Christo ad Regnum . ibid. b. Instrumentum liberationis . ibid. d. Figura pro cruce . ibid. Hæc cruce Diabolus vincitur . ibid. & 419. b. Myſteria in ipsa significata . 413. d.
 Inventio crucis . ibid. d. Exaltatio . 415. a
 Attulit lætitiā & gloriam Christo . 418. b
 Tres effectus ipsius . 419. c
 In loco crucis , hostes Christiani nominis posuerunt Veneris simulacrum . 416. e
 Crucis particule gestantur ad collum . 414. c
 Crucis honor . 414. c
 Crucis signum in celo apparebit . ibid. b 415. a
 Crux non amplius horrore est . ibid. d
 In pecuniis , crucis figura excuditur . ibid. e. Humi non sculptur . ibid.
 In supplicationibus præfertur . 416. a
 Omnibus locis depingitur . ibid. b
 Apparet ones & miracula ipsius . ibid. d
 Crucis signum . 412. a. Ejus figura & honor . 416. e. Antiquitas & miracula . 417. c. Expelluntur Demones & omnia Magica compeſcuntur . 419. a
 Tres effectus hujus signi . ibid.
 Aliqua sanctitas accedit rebus cum significantur cruce . ibid. c. Crucis contra ejus aliquo modo sanctificat . ibid.
 Cultus divinus præcipue circa fidem , spem , & charitatem . 73. a
 Cultus Dei præcipuus in Ecclesia internus est . 74. d
 Cupiditas ad tria capita revocatur . 175. a
 Cypriani error de Baptismo . 9. d
 Defenditur . 29. c
 Cypriano duæ Basilicæ extructæ . 426. e
 Cyrus Monarchiam ex cupiditate dominandi . 252. e
 Catholici nomen . 68 d 83. c ibid. e 86. c 87. d
 Catholici cum hæreticis conciliari non possunt . 373. d

D

Dammati nec ætu , nec potentia sunt membra Christi . 56. b

Puniantur ultra condignum . 313. a 329. e
 Ad penas æternas damnati non possunt revocari ad vitam . 327. a
 Non possunt juvari precibus Sanctorum . 329. a
 Damnatos salvandos somniavit Origenes . 311. c
 Demones torquentur nunc ante diem judicii , etiam in aere nostro caliginoso aliqui versantur . 354. b
 In die judicii ex hoc aere in Abyssum precipitandi sunt , & adhuc expectant futura tormenta . ibid. a
 A Dæmonibus an torquentur animæ Purgatorii . 325. d
 Vide paulo post v. Diabolus .
 Decimæ sacerdotibus persolvendæ . 155. a etiam malis . 156. b
 Præceptum de Decimis solvendis , quantum ad determinationem talis quantitatis , non esse nunc de jure divino . ib. & an possit contraria consuetudine abrogari . 157. c
 An laici pauperes teneantur decimas dare Clericis divitibus . 158. a
 An excusari possint à peccato , qui nullas decimas solvunt , ubi nulla est consuetudo solvendi . ibid. b
 Quæ ratione ostendi possit justam esse determinationem Ecclesiæ , quod Christiani decimam partem suorum fructuum Ecclesiæ tribuant . 157. e
 Dedicatio templi , ejusque dies festus solemniss . 428. d e
 Defuncti non immoderate defendi . 310. a
 Statim judicantur , & exempla hujus rei . 316. d
 Ex limbo Patrum vel Purgatorio ad vitam revocari possunt : at ex inferno , & loco Beatorum non possunt . 322. c
 Possunt hic venire & nobis opem ferre . 374. b. Profunt defunctis , & viventibus . 326. e 327. a. Nesciunt naturaliter quid viventes agant . 373. c d e
 Justis defuncti sunt membra Ecclesiæ . 321. c
 Defuncti juvantur precibus Sanctorum . 327. c
 Defunctorum funus . 329. e 384. c. ubi de ceteris accensis .
 Justorum defunctorum laus . 347. e
 Defunctis prodest sacrificium Missæ , & alia bona opera fidelium . Vide contra hoc hæresim . 94. c 324. e 328. b
 Laborantes in sepeliendis defunctis . 128. d
 Oratio & suffragia pro defunctis . 285. d 298. a 310. a. Item epulæ & convivia . 286. c. Jejunia . 287. b. Baptismus lachrymarum , & poenitentia . 293. e
 Desertum duplex in Judæa . 241. e
 Desertum mysticum dicuntur dogmata hæreticorum . 243. c
 Deus est ubique . Sed non omnibus modis . 426. c. In celo propriè esse dicitur . 345. d. An possit videri à creatura . 342. d 349. a. Visus est corporea specie . 390. b. Quammodum rerum quomodo præsentare dicatur . 442. b
 Dei dilectio in quatuor gradibus . 174. c
 Item in tribus . 175. c
 Dei dilectio in toto corde & anima . 192. a b c
 Dei dona multiplicia . 321. e
 Dei imagines non sunt prohibita . 389. c d e
 Licet eas pingere . ibid. e. Honor qui eis debetur . vide v. Latra .
 Deo propinquioris requiritur continentia . 141. a
 Deo debentur omnia nostra . 200. d e a b
 Cum Deo componendum in hac vita , quando facile impetramus remissionem peccatorum . 297. b
 Judæi putant Deum esse corporeum . 417. d
 Diabolus nunquam salvandus , contra Origenem . 311. d
 Odit imagines . 420. d

Victus est cruce Domini . 413. d. Eamque timet . 419. c d
 Expellitur signo crucis . 417. c e 419. b
 Ejicitur à templo consecrato . 430. c. 417. b. Fugatur per aquam benedictam . 437. a b
 Diaconi sunt Principes , & Præfules . 129. a b
 Diaconi nostri sunt , ut Levitæ in Testamento veteri . 132. c
 Diaconorum officia . 131. a
 Diaconorum & Subdiaconorum continentia . 233. c. Vide v. Continentia supra .
 Diaconissa . 128. d 145. b
 Dies Domini quæ sit . 290. e
 Digami non admittendi ad sacros ordines . 150. e
 Digami , qui frangunt votum virginittis . 212. b
 Qui post votum continentie ad Matrimonium transeunt , pro digamis habentur . 154. e 227. a
 An censendus digamus , qui unam uxorem habuit ante Baptismum , & alteram post . 154. b
 Digamis communicatio datur . 34. c
 Digamie tres species . 154. d
 Diocletianus privavit multos cingulo militari . 107. b
 Dionysius Carthusianus , male opinavit animas Purgatorii ignorare certitudinem suæ salutis . 316. c
 Discipulis LXXII. succedunt Presbyteri . 132. d
 Discordiæ malum . 270. b
 Divites an debeant permittere mendicos . 251. a
 Divitiæ & mendicitas an postulanda . ib. c
 Divitiarum commoda , vel incommoda . 252. b. Renunciatio . 184. a 191. e
 Doctorum Ecclesiæ sanctitas . 100. b. quod non dici potest de Doctoribus Ethnicis , & Hæreticis . ibid. d
 Doctrina tempore Adæ , Henoch , & Noe , traditione conservabatur . 309. e
 Doctrinæ sanctitas in Ecclesia . 98. e
 Conspiratio cum Ecclesia antiqua . 91. e
 Doctrinæ filii qui dicantur . 64. c
 Dolor de peccatis . 314. d
 Dominica dies . 442. b & seq. & præf. tim . 446. a
 Dominica Septuagesimæ , Sexagesimæ , & Quinquagesimæ , & Passionis . 451. b
 Dominica in albis . 452. a
 Dominicus Sotus temerè asseruit neminem manere in Purgatorio ad decem annos . 324. e
 Idem temerè asseruit Sanctorum defunctorum animas , quæ cum Christo regnant , non orare pro Sanctorum animabus in Purgatorio laborantibus . 327. a
 Domitianus . 107. b. Libenter audiebat sibi acclamari In Amphitheatro Domino & Domine feliciter , & jubebat de se scribi : Dominus & Deus noster sic fieri jubet . 256. b. ejus imago delecta . 400. c
 Dominus verus quid sit . 256. a
 Domui comparatur Beatitudo . 344. b
 Dona Dei . 321. d
 Donatistarum hæresis . 93. c 98. e. Miracula contra se . 102. d. Visiones , seu potius somnia . 105. d
 Dulia quæ sit . 358. d 362. e
 Duplicitas per rugas designatur . 67. a
 Durandus asseruit non rectè fieri , ut ab Ecclesia tollerentur Dei imagines . 389. d

E

Ecclesia . Ecclesiæ nomen . 52. a. Definitio , & quos comprehendat . 53. b
 Utrum Catechumeni sint in Ecclesia . 54. c
 Hæretici & Apostata non sunt in Ecclesia . ibid. d
 Neque Schismatici . 56. c
 Neque excommunicati . 57. c

Præ-

Prædestinati, & reprobi ad Ecclesiam pertinent. 58. d
 Non perfecti etiam. 60. c. Item magni peccatores. 62. b. Item, infideles occulti. 64. c
 De Ecclesiæ visibilitate. 70. c. Est visibilis. 70. d. Ecclesia visibilis non potest deficere. 71. c
 Ecclesia non potest errare. 71. e
 Non esse eas notas vere Ecclesiæ, quas hæretici statuunt. 80. b
 Vere notæ Ecclesiæ quæ sint. 82. d
 Notæ vere Ecclesiæ I. Ipsum Catholicæ Ecclesiæ & Christianorum nomen. 84. a. II. Antiquitas. 85. c. III. Duratio diuturna, nec unquam interrupta. 86. c. IV. Amplitudo. 87. c. V. Successio Episcoporum in Romana Ecclesiâ ab Apostolis deducta usque ad nos. 88. d. VI. Conspiratio in doctrina cum Ecclesiâ antiqua. 91. c. VII. Unio membrorum inter se, & cum capite. 95. d. VIII. Sanctitas doctrinæ. 98. c. IX. Efficacia doctrinæ. 99. c. X. Sanctitas viarum auctorum sive primorum Patrum nostræ religionis. 100. c. XI. Gloria miraculorum. 103. a. XII. Lumen Propheticum. 106. b. XIII. Confessio aduersariorum. ibid. d. XIV. Infelix exitus, seu finis eorum qui Ecclesiam oppugnant. 107. a. XV. Felicitas temporalis diuinitus illis collata, qui Ecclesiam defenderunt. 108. c
 Contra id quod uniuersa Ecclesia facit, disputare insolentissimæ infantiæ est. 109. a
 Ecclesia est corpus quoddam vivum. 114. b
 Ecclesia est una, non plures. 117. b. 118. c. 119. c
 Ecclesia comparatur exercitui ordinato, corpori humano, Mulieri speciosa, Regno, Ovili, Domui, & Navi, seu Arce Noë. 114. d. 115. a. b
 Aliæ comparationes Ecclesiæ. 118. e. 119. e
 119. d. 120. e, assimilatur pani. 63. a. Item corpori humano. 67. b. Item soli. 82. d
 Ad Ecclesiam constituendam tria requiruntur. 64. b
 Ecclesia inchoata ab hominibus pauperibus, & vilibus. 99. d. 100. b
 Ecclesia ex latere Christi. 115. b
 Ecclesia Christiana propriè coepit in die Pentecostes. 446. a. d. Antiquitas ipsius. 84. a. Duratio. 86. c. Vide de notis Ecclesiæ supra.
 Ecclesia maximam partem orbis occupavit. 87. d
 Persecutionibus crevit. 86. d. Vide de persecutionibus Ecclesiæ. 82. d. & 86. b. & infra v. Persecutio Sustentare Ecclesiam propriè Martyribus conuenit. 116. b
 Ecclesia an errare possit. 118. d. 71. e
 In Ecclesia Romana semper viguit Apostolica Cathedra Principatus. 88. e
 Ecclesia debet habere unum caput. 45. c
 Ecclesiæ nomine aliquando intelligitur Episcopus. 50. e
 Non potest esse sine Pastoribus & Episcopis. 88. d
 Hoc argumento de successione Episcoporum tamquam indissolubili probatur apud hæreticos non esse Ecclesiam. 89. c. 118. e
 An aliquando gubernabatur à Presbyteris. 115. d
 Ecclesiæ Pastores omnes an possint errare. 78. a
 Ecclesia iudicat de sensu sacre Scripturæ. 75. d
 Quomodo dicatur tota pulchra, gloriosa, sine macula & ruga. 61. c. 64. e
 Dicitur sancta, & quare. 64. b. est regnum Christi. 47. b
 Ecclesia uniuersa representatur Concilio generali. 118. c
 Ecclesiæ uniuersalis simul congregatæ caput & Pastor est summus Pontifex. 46. a
Contra. Card. Bellarm. Tom. 11.

Ecclesia significatur per vestem Christi inconfutibilem. 56. a
 Ecclesia spiritalis, & quomodo. 75. a. b
 Ecclesia interdum obscurata tantum est. 77. e
 Particularis Ecclesia erat populus Iudæorum. 76. d
 Ecclesia est simpliciter prior & notior quam Scriptura. 82. a
 Ecclesia Testamenti veteris, figura Ecclesiæ Testamenti noui. 95. c
 Ecclesia sancta brevissimo tempore totum mundum traxit per homines contemptibiles. 99. d
 Christi sponsa est & virgo, & filios parit. 113. b
 Ecclesia Testamenti veteris non repudiatur sed renouatur. ibid.
 Ecclesia legere solet totum aliquem locum Scripturæ; propter unam aut alteram sententiam, quæ ad aliquod propositum faciat. 118. b. c. d. e
 An petat in orationibus gloriam Sanctis. 119. c
 Bona Domini, Ecclesia. 116. b
 Ecclesiam regere absoluta potestare, cuius sit. 114. e
 Ecclesiæ Christi an conueniat Monarchica gubernatio. 116. a. vide etiam. 119. c. 119. a. b
 An sit summa potestas Ecclesiastica in Ecclesia. 46. c
 Ecclesia ex se nullam habet auctoritatem. 47. c
 Ecclesia cum Papa quam auctoritatem habet. 50. c
 Ecclesiæ auctoritate nititur fides nostra quoad nos. 73. d
 Ecclesiæ forma est fides externa. 68. b
 In Ecclesia dissensiones esse possunt. 64. c
 In Ecclesia aliquid videtur, & aliquid creditur. 75. c
 Extra Ecclesiam nemo saluatur. 54. b
 Qui extra Ecclesiam sunt nullam habent auctoritatem aut jurisdictionem in Ecclesia. 66. a
 In Ecclesia diversi gradus & ordines. 113. b
 In Ecclesia militante tres hierarchiæ. 119. a
 Communio Ecclesiæ triumphantis cum militante. 116. b
 Ecclesiæ miracula in singulis ætatibus. 103. a. 105. a
 Ecclesiæ defensores. 108. c
 Ecclesiæ oratio pro defunctis. 73. d. e. 110. a
 Ecclesiæ figuræ fuerunt tabernaculum & templum. 434. a
 Solis iustis Ecclesiam constare error est. 93. e
 Ecclesiæ Christianorum quare non vocentur templa. 433. a. vide v. templum.
 Ecclesiæ nomen unde. 435. a
 Eleemosyna an magis danda templis quam pauperibus. 435. b
 Eleemosynæ pro sunt defunctis. 303. d
 Debent fieri liberè, id est, non coactè. 217. c
 Dandæ magis indigent. 113. a. Iusto potius quam iniusto. 118. d
 Illis iuuantur animæ Purgatorii. 118. e
 Error eorum qui existimant omnes illos esse salvandos per ignem Purgatorii, qui eleemosynas fecissent. 112. e
 Eloquentia. 117. e
 Epiphaniæ festus dies. 453. e
 Episcopus. Episcopus irreprehensibilis & sine crimine debet esse. 113. c
 Episcopus esse non potest qui in episcopatu filios gignat. 149. e. poena incontinentis episcopi. ibid. vide explicationem ejus loci, episcopum unius uxoris virum. 143. a. 150. e. 152. a. & quæ de causa debet esse Monogamus. 153. d. e. 152. b
 An olim potuerint episcopi plerumque uxores quas habebant antequam sacris initiarentur. 147. c. vide v. Sacerdotis coelibatus.
 Episcopus malus quomodo verum caput suæ ecclesiæ. 63. d. 66. a. 119. a. Quilibet episcopus personam gerit suæ ecclesiæ. 16. a

Ut aliquis episcopus dicatur ab Apostolis legitimè descendere, & esse legitimum episcopum duo requiruntur. 89. c
 Episcopus verus qui habeatur in ecclesia. ibid. a
 Episcopus nomine ecclesiæ aliquando intelligitur. 50. e
 Episcopus potest cogere populum ad temporalia danda. 110. e
 Episcopi maximus labor in regendis subditis. 63. e
 Episcopi & presbyteri jurisdictione an de jure diuino distinguatur. 114. d. 115. c. Nomen utrorumque commune olim erat. 89. e. 117. e. 119. d. 116. b
 Episcopi succedunt Apostolis. 89. a. 113. a
 Habendi ut Pastores. Praepositi, Doctores, & Patres. 118. a
 Omnes & soli in Conciliis habent iussufragil decisivè, ordinariè. 14. b. c. d
 Aliqui rudes Episcopi fuerunt in Concilio Nicæno I. 118. c
 Atribus Episcopis ordinari debent. 89. e. 117. e
 Quomodo cum Clericis, & Laicis se gerere debeant. 116. d
 Soli, aliquem ordinare possunt. 117. c. 112. c. 114. c. 115. e
 Eliguntur, non nascuntur per successionem. 110. b
 Ministri Ecclesiæ regendo. 114. d
 Quinque modis eligi consueverunt. 119. c
 De electione Episcoporum, videlicet Regibus concessa à Pontificibus. 116. b
 Quod non pertineat jure diuino ad eorum. 111. e. Quod ordinariè assumebantur ex Presbyteris & Diaconis. 119. b
 Episcopi & Presbyteri quomodo distinguantur, ubi de majoritate & auctoritate Episcoporum. 111. c. 116. b
 Nomen Episcopi & Presbyteri olim commune erat. 89. a. 117. e. 113. e. 116. a
 Episcopi veri tempore Apostolorum, dicebantur Apostoli. 113. d. 116. b
 Episcopi & Presbyteri variis modis à Patribus comparantur. 116. c
 Quinque Episcopi olim præferebantur Cardinalibus non Episcopis. 118. e
 Episcopi dicuntur servi suarum plebium. 119. c
 An dari possit casus, ut omnes Episcopi in uno Concilio fieri sint. 40. a. vel ut omnes Ecclesiæ Pastores errare possint. 78. b
 Quot Episcopi requirantur ad generale Concilium. 17. e
 Episcopi in Conciliis non sunt consilarii, sed iudices. ibid. e
 An omnes Episcopi simul, sive Concilium, sint supra Papam. 44. b
 Qui sint veri Episcopi. 89. a. b. c
 Hæretici non sunt veri Episcopi. ibid.
 Episcoporum honor, & præcellentia. 119. c. legitimus conventus. 40. d
 Episcoporum consensus in Conciliis legitimus est verum iudicium, ipsique veri iudices. 118. b
 Episcoporum ordinatio. 117. b. Vocatio seu missio. 119. a. vide infra v. Pastores & Ministri Ecclesiæ. 119. a
 Episcoporum electio per sortes reprobatæ. ibid. d
 Episcoporum electio non conuenit populo. 110. c
 Episcoporum doctrina vera vel falsa, quomodo iudicanda. 114. d
 Episcoporum proprium est officium prædicandi. 111. a
 Episcoporum & Cardinalium comparatio. 118. a
 Episcoporum perfectio qualis esse debeat. 119. c
 Argumentum insolubile contra hæreticos ex successione & ordinatione Episcoporum. 89. c
 In Episcopo munus sacrificandi, studium orationis, efficacia prædicationis, cura pastoralis, cura pauperum, & administratio Sacramentorum. 143. b

In Episcopis duo considerantur, quod locum Christi teneant, & quod habeant potestatem ordinis & jurisdictionis. 69. a
 Episcopus ambitione multi hæresiarum facti sunt. 100. e 101. a b c
 Episcopatus dignitate magis gravantur homines. 117. a
 Episcoporum inviti susceperunt Sancti, illumque fugerunt. 120. e
 Episcoporum novorum institutio ad Romanum Pontificem pertinet. 89. d
 Epistolæ decretales annumerantur inter Scripturas canonicas. 41. a
 Eremitæ & Coenobitæ. 175. b. & de Eremitis fusc. 240. c
 Esseni qui fuerint. 177. d
 Ad Evangelii lectionem in Ecclesia accenduntur cerei. 385. b 397. a
 Eucharistiæ Sacramentum sub utraque specie an omnibus concedendum. 39. a
 Hæreses contra Eucharistiam. 95. d
 Eucharistiæ Sacramentum circumdatur Angelis in Ecclesia. 430. d
 Transubstantiatio panis & vini. 39. e
 Signum habens conjunctum Christi corpus, sive verum Christi corpus ibi præsens existens frangitur & teritur; non tamen in se, sed in signo. ib. a
 Dies festus corporis Domini. 452. a
 Evidentia veritatis, & credibilitatis, quæ sit. 82. e
 Eunomius reliquiarum cultum primus reprehendit. 377. b
 Funerum voluntarii. 183. d 209. a 322. d
 Euthymius erravit opinando animas iustorum non conscendere cælum ante diem iudicii. 342. d
 Excommunicati sunt extra Ecclesiam. 69. e
 Excommunicati occulti sunt de Ecclesia numero, non merito; de facto, non de jure. ibid.
 Excommunicationis poena quæ sit. 58. b 277. a

F

Felicitas humana & Christiana. 252. e
 Ferdinandus Imperator. 5. a
 Florini hæresis. 92. e
 Festi dies. Sententiæ hæreticorum de festis. 440. e
 Mendacia & inepiæ illorum. 441. c
 Nullo modo licet Christianis Sabbathum Iudeorum aut alias seras Testamenti veteris observare. 441. e
 Festa Christianorum non solum ratione ordinis, & politæ, sed etiam ratione mysticæ celebrari, esseque dies festos velle aliis sanctiores, & partem quandam divini cultus. 442. c
 Argumenta hæreticorum. 443. a
 Observationes errorum de eorum festis rectè præcipi in Ecclesia lege obligante in conscientia etiam circa contemptum & scandalum. 444. b
 Argumenta hæreticorum. 445. a
 Quenam operæ illis festis sint prohibita, & quæ mandata. 444. b
 Non teneri nos diebus festis ex præcepto peculiari ad non peccandum, sive ad actum contritionis, vel dilectionis Dei. 445. c
 Dies festus hebdomadarum & datæ legis annus & idem. 448. b
 De die, dicitur in c. n. de antiquitate. 442. d 446. a. de ratione institutionis. ibid. e. & de ritibus antiquis in ea observatis. 447. a
 De Paschate. Quid sit. 447. c. errores circa celebrationem. ibid. d. error in quem incidimus à multis jam annis. 448. c. non debet esse libera & indifferens huiusmodi celebratio. ibid. d
 De Pentecoste. Antiquitas huius festi. 449. c. an rectè celebratur die quinquagesima à die resurrectionis. ibid. b
 De septuagesima, sexagesima, quinquagesima &c. 451. b

De Dominicis Quadragesimæ, & Passionis. 452. c
 De reliquis festis Domini. 451. c
 De festis Sanctorum. 452. c
 De festo Conceptionis. 453. b
 De aliis festis B. Virginis. 454. d
 Fidelis nomen. 68. d
 Fides externa est forma Ecclesiæ. 68. b
 Fides in quibus permanserit tempore Passionis Domini nostri. 78. c
 Fidei seu credendi libertas non debet permitti. 271. d e. 272. a b. & qui permiserint. 272. b c
 Fidei dogmata inviolatè servanda. 273. d
 Fidei dogma quatuor modis probari solet. 209. a
 Fides quomodo faciat filios Dei. 118. a
 Fides & oratio præcipua anima Christianorum. 268. c
 Omnis sententia de fide nascitur vel ex duabus propositionibus de fide, vel ex una de fide, altera evidenti. 75. d
 Fidem sine operibus sufficere, qui hæretici dixerint. 92. e. Accedens ad fidem an debeat explorare vires suas. 222. e
 Fidei externa professio pertinet ad definitionem Ecclesiæ. 75. b. Item est unum ex requisitis ad Ecclesiam constituendam. 64. c
 Fides promissione & pacto. 210. a 213. d
 De Filio Dei hæreses. vide v. Arius, & v. Christus.
 Filii Dei, & filii huius sæculi, qui dicantur. 305. c
 Filii nomen tribus modis accipitur in Scriptura, ratione productionis, imitationis, doctrinæ. 64. d
 Filii tenentur obedire parentibus. 205. c
 Filii quid debeant parentibus. 236. e
 Filiis licet ingredi religionem parentibus invitatis. 235. a
 Filiorum magnorum generatio prædicta in Scriptura. 208. d
 Fornicatio prohibita ab ipsis Apostolis. 33. a
 B. Francisci vita, miraculis plena. 104. c
 ipsius prophetia. 106. d. vitæ asperitas. 180. b. auctor fuit vitæ mendicantium. 251. c. illius mors. 292. b
 Fridericus I. 5. d. Fridericus II. ibid.
 Funera defunctorum. 330. & 331. & 385. a
 ubi de cereis accensis ad tumulos.

G

Galerii Imperatoris exitus. 107. c
 Galliz Regnum convertit S. Kilianus. 100. a
 Gaudium in Spiritu sancto est regnum Dei. 82. a
 Gentiles propter quas causas movebantur ad credendum idola esse Deos. 401. c
 Gentilium Dii, homines erant. 391. e
 Ipsorum simulacra vocabantur Dii. 400. e
 Gentilium testimoniis quare utuntur Patres, atque etiam sacra Scriptura interdum. 215. d
 Germanos convertit S. Bonifacius. 100. a
 In Germania tempore Gregorii VII. Sacerdotes ceperunt uxores ducere. 144. c
 Germani voluerunt, & obtinuerunt quoddam interim anno 1526. 271. a
 Sanctorum Gervasi & Protasii corpora divinitus revelata. 382. e
 Gothi misere decepti ab Arianis. 99. b
 Græci suspecti fuerunt de hæresi, quæ purgatorium tollebat. 284. b. tamen nunquam dubitarunt de Purgatorio. 310. b
 Græci professi sunt in Concilio Florentino se non ponere ignem in Purgatorio. 324. d
 Græci dixerunt animas Sanctorum non posse admitti ad beatitudinem usque ad diem iudicii. 341. b
 Imperatores Græci hæresim Iconomachorum patrocinabantur. 405. e
 Græcorum Imperium cur translatum ad Gallos & Germanos. 38. d
 Græcorum Episcoporum successio interupta. 90. c

Apud Græcos non est Ecclesia; ibid. e
 Græcis permittitur usus uxorum, quas habuerunt ante ordinationem. 140. a. & quando incepit hic mos Græcorum. 141. a b
 Gratia sufficiens & efficax. 222. b 233. d
 Gratia naturam sanat & dirigit. 194. b
 Ad gratiam vocamur à Deo sine ullo opere nostro. 216. d
 Gregorius Magnus an sacerdotibus uxores ademerit, & deinde decretum resciderit. 134. c
 An oraverit pro Traiano. 321. c
 Illius tempore fuit vera Ecclesia (contra hæreticos) 85. b 87. e
 Laus illius. Item humilitas. 181. c
 Gregorius 4. Dialogor. cap. 40. & 55. videtur asserere animas Purgatorii purgari ubi peccaverunt; quod est improbabile. 319. a
 Gregorius Nyssenus libro de anima & resurrectione dicit locum poenalem animarum esse aerem istum caliginosum. 319. d

H

Hæreses enumerantur ordine sæculorum, & à quibus Conciliis & Pontificibus damnata. Item hæreses 20. hæresiarum, cum eorum sectatoribus. 92. b c d e
 Item multæ hæreses enumerantur, quæ ortæ sunt ex ambitione, invidentia, & odio. 100. d
 Item divise in varias sectas. 97. a
 Hæreses varix permitti ceperunt paulo ante Christi adventum. 272. a
 Hæreses ferè omnes extinctæ. 86. b
 Hæreses in uno loco exortæ, in alio damnantur. 25. e
 In hæresim manifestam aliquem incidisse, Concilia provincialia & Diocesana judicare possunt. 41. c
 Hæreses manifestæ contra fidem & mores. 98. c
 Hæreses conferuntur cum idolis. 105. a
 Hæretici sunt Simiaci Catholicorum. 55. a
 Dicuntur Antichristi. 66. c
 Comparantur lupis. 30. c 276. a. Furbis & latronibus. 276. b. Item Canero. ibid.
 Hostes sunt veritatis, & vera falsis permiscet. 275. b
 Moderni, & antiqui hæretici denominantur ab hominibus privatis, quod signum est, eos non esse in vera Christi Ecclesia. 84. b
 Non diu durant illorum dogmata. 86. d
 Ipsimet timent sibi interitum. ibid. e
 Repugnant toti antiquitati. 91. d
 Tantum concordant cum antiquis hæreticis. 92. e. Concertant inter se. 93. e
 Superbia eorum. 100. d
 Mali mores. ibid. & 101. a b
 Destituti sunt gratia miraculorum. 102. c d e
 Martyrium ipsorum nullum est. 83. b
 Eorumque falsi martyres. ibid.
 Inter se, unus habet alium pro hæretico. 97. d
 Non possunt conciliari cum Catholicis. 272. b
 Postulant, & deinde contempserunt Concilia. in præfat.
 Varii in diversis Conciliis damnati. 42. e
 Neque habent veram Ecclesiam. 89. c. 120. e
 Quare potest Ecclesia eos punire. 56. a
 Ab Ecclesia damnati, temporalibus poenis, atque etiam morte possunt mulctari. 276. b. Vide argumenta ipsorum in contrarium. 278.
 Infelix exitus ipsorum. 107. b
 Vendicant sibi auctoritatem Ecclesiæ, more simiarum. 55. a
 Non habent veros Episcopos. 89. d
 Argumentum insolubile contra ipsos ex suc-

successione & ordinatione Episcoporum. 89. b 130. a b c d
 An sint vere Christiani. 68. a
 An sine rebaptizandi. 91. e
 An sepe simulent se esse Catholicos. 69. e
 Occulti an sint de Ecclesia. 66. d
 Numquam converterent Ethnicos aut Judaeos ad fidem, sed solum perverterunt Christianos. 99. b
 Etiam ipsorum confessione habemus veram fidem. 97. c
 Theobutes primus haereticus, vide sequentes. 100. d
 Dogmata ipsorum dicuntur desertam. 243. c
 Ipsorum schisma ab Ecclesia figuratur per rebellionem Israelitarum à tribu Juda. 256. e
 Ipsorum confusio cum Catholicis permitti non debet. 271. b
 Ipsorum colloquia & libri vitandi sunt. 274. a
 Haereticos qua arte compescuit Theodosius. 91. d
 Numerus Hebraeorum in Testamento veteri. 158. b. vide de his v. Judaei infra.
 Helena mater Constantini laudatur. 23. b
 Helias & Helisus sine uxoribus & divitiis in hoc mundo vixerunt. 132. a 179. c 228. a
 Helias eremitarum princeps. 240. a
 Helix tempore defecit populus Judaeorum. 76. d
 Hentici I. Imperatoris opera, plures Reges & populi ad fidem converti. 100. c
 Henricus IV. Rex propter multa scelera excommunicatur. 7. a
 Henricus V. Imperator. 5. b
 Henricus VII. Imperator. 5. e
 Heraclius Imperator. 117. c 415. a
 Herodis magni simulatio. 273. e
 Herodis Aiscalonitae Tetrarchae exitus. 107. b
 Hieremiam non coluerunt populi sacrificiis. 105. c
 B. Hieronymus fuit simplex presbyter. 138. a
 Ipsius humilitas in fugiendo presbyteratum. 181. e & sacrificium altaris offerre non audebat. 97. a. 182. a
 Tentationes carnis patiebatur. 218. e 219. b
 Hieronymus videtur in ea sententia fuisse, ut existimaret Episcopos, si de jurisdictione agatur, esse quidem presbyteris majores, sed jure Ecclesiastico, non divino, quae sententia falsa est. 134. a
 Idem in commentario 1. cap. epistolae ad Titum, in quadam sententia non admodum constans videtur. 135. b
 Idem memoria lapsus est, dicendo juvenem illum, de quo Matth. 19. animo tentantis, non animo discensis ad Dominum accessisse. 185. d
 Quaedam verba ipsius in epistolam ad Ephesios sunt dicta in persona Origenis adherentis, omnes malos, tam Demones, quam homines tandem salvandos, & falso Rufinus tribuit ea Hieronymo. 311. d
 Idem in ultima verba Isaac non videtur existimasse, omnes & solos Catholicos in fide perseverantes ad Purgatorium descendere, quamvis alioqui pessime vixissent. 312. b
 Hierosolymorum Ecclesia Patriarchalis. 35. a
 Hierusalem recuperata à nostris. 270. b
 Eversio praedicta à Daniele. 76. c
 Historiae aliquorum Sanctorum apocryphae. 375. a
 Homocida puniendi gladio. 224. d
 Homo est animal sociale, & quare, & quomodo. 256. d e 257. a b. Est imago Dei. 390. e. & ut sic est dignus veneratione. 407. c
 Potest dici membrum Christi, vel filius Christi. 60. b c
 Controv. Card. Bellarm. Tom. II.

Nullus est homo qui non peccet. 61. c
 Homines numquam vagati sunt more bestiarum, ut M. T. dixit. 257. d
 Hosius Cardinalis à calumniis haereticorum defenditur, in praefat.
 Humana lex. vide v. Lex.
 Hilarus dixit; Moysen adhuc vivere. 322. a

I

D. Jacobi sedes lignea honoratur. 380. c
 Sola linea veste usus est. 244. a
 Leonmachorum principes. 386. c. eorum improbitas. 400. c. Infelix exitus. ibid. d
 Idola quid sint. 385. b
 Esse Deos, quare putabant Ethnici. 401. e. ubi de idolorum cultu apud Gentiles & Judaeos, usque ad 403.
 Idolorum templa conversa in Basilicas Martyrum. 372. c
 Idola gentium merito execramur & confringimus. 405. a
 Idolothytorum mensa. 423. c
 Jejunium est remedium pro tentationibus. 148. d
 Est medium optimum ad orationem. 242. c
 Confert ad sanitatem. 243. d
 De Jejunio quadragesimae, quatuor temporum, & vigiliarum, & haerese contra hoc. 94. c. vide 146. d e a
 Jejunium Sabbathi. 14. c
 JESUS nomen venerabile. 397. b
 Ignis, signum laetitiae, gloriae, & vitae. 385. c e. signum honoris. 383. a
 Ignis eruptiones quae in terra apparent. 319. a
 Ignis in genere, sive gehennae, sive Purgatorii. 307. a
 Ignis Purgatorii an corporeus. 324. d
 Quomodo animas urat. 325. c. & quomodo animarum torqueantur ab igne. 325. d
 Ignis vocatur justum Dei iudicium. 291. c 311. a. item poena aliqua Purgatorii. 292. d 324. c
 Imagines. De nomine imaginis, idoli, & simulacri. 385. c
 De Principibus Leonmachorum. 386. c
 Licere imagines facere & habere. 388. a
 Non esse prohibitas imagines Dei. 389. c
 Imagines in templis recte collocari. 391. e
 Imagines utiles esse etiam extra historiam. 395. a
 Proponitur quaestio de cultu imaginum. 396. c
 Imagines Christi & Sanctorum recte coll. 397. c
 Quo genere cultus imagines sint honorandae. 37. c 407. c
 Imagines per se & proprie colendas. 408. d
 Non esse dicendum imaginibus deberi cultum laetitiae. 37. c 408. e
 Imagines Christi improprie, & per accidens posse honorari cultu laetitiae. 409. a
 Imagines per se, & proprie non esse colendas eo cultu, quo exemplum ipsarum colitur. 410. b
 Quo genere cultus adoretur imagines. 411. a
 De imaginibus quid statutum sit in Concilio Francofordiensi. 36. c
 Concilium Elibertinum, an & quare prohibuerit imagines in templis. 393. d
 Imaginum Sanctorum in templis antiquitas. 95. a. vide haerese. ibid. & 391. d
 Imagines Sanctorum utilia signa divinitus instituta. 398. d
 Miracula facta per imagines Christi, & Sanctorum. 399. a
 Tres imagines factae leguntur tempore Christi. 395. b
 Imagines B. Mariae Virginis. ibid. d
 Infelix exitus eorum qui imagines obliterare conabantur. 400. a
 Imago una cui magis frequentetur quam alia. 400. e

Imagines in pavimento non debent sculpi. 433. a
 Imperatores qui iudicium de rebus fidei judicandis Ecclesiae Romanoque Pontifici remiserunt. 12. a 20. a b c
 Imperatorum non est in causa fidei judicare. 24. c
 Imperatores non possunt convocare Concilia generalia. 10. b. & seq.
 Quomodo possint interesse Conciliis, iisque subscribere. 15. c
 Non possunt esse Praesides in Conciliis. 19. b
 Aliquando praesidebant tantum quoad locum materiale, non ut iudices, ibid. vide objectiones. 22. b ad 25. a
 Qui sunt habiti optimi, favorunt Christianis. 106. e
 Imperatores optimi qui contra haereticos leges tulerunt. 276. c
 Qui Ecclesiam defenderunt. 108. c
 Aliquando habuerunt ius eligendi summum Pontificem. 127. a ibid. c
 Imperatores variis excommunicati, & depositi, à summis Pontificibus. 7. c
 Imperatorum imagines adorabantur. 399. d
 Imperatoribus Romanis ubique praeferebatur ignis. 384. c
 Imperii translatio à Graecis ad Gallos & Germanos. 38. a
 Incarnatio comparatur mysterio Trinitatis. 218. b. dicitur repromissio. 346. a
 Incensum adolere in Ecclesia. 360. e
 Indulgentiae defunctorum per modum suffragii. 328. c
 Infernus, est locus subterraneus. 319. b
 Damnati qui sunt in inferno, numquam inde sunt liberandi. 322. d e
 Quid sentiendum de Traiano. 321. e
 Quid de aliis, quorum animae ex inferno ad corpora revocatae sunt. 322. c ibid. d
 Utrum damnati aliquando subleventur poenis. 329. e
 Error Origenis de inferno, nempe esse conscientiam accusantem. 93. c 294. e a b c
 Inimico mortem optare ex odio, malum est. 267. c
 Innocentiae status habuisset etiam politicum Principatum. 258. c
 Innocentium puerorum dies festus. 453. b
 Innocentius III. quod dixit lib. 2. cap. ult. de contemptu mundi, nempe Christum in forma Crucifixi apparere omnibus morientibus, tam bonis, quam malis, probabile non est. 317. d
 Invocatio sanctorum. 363. usque ad 371.
 B. Joannis Baptista desertum in quo fuit. 240. b. vestis. 241. c. victus. ibid. d
 Ejus conceptio celebratur à Graecis. 453. d
 Fuit Monachorum & Eremitarum princeps. 176. d 234. d 240. a
 Praescripsit modum servandum in bello. 269. c
 Ejus ossa igni cremantur. 269. e
 Ad ejus sepulchrum Demones rugire consueverunt. 270. a
 Inventio ejus capitis. ibid. b
 B. Joannis Evangelistae Evangelium, quia lingua scriptum. 41. e. item qua occasione. 45. b
 B. Joannes Chrysostomus, Presbyter ordinatus. 24. c
 Episcopatum fugiebat. 181. e. Ab Episcopatu depositus. 49. d
 Ad reliquias ipsius procubuit Theodosius junior. 299. e. Pugnavit contra hostes Theodosii. 265. e. Translatio reliquiarum ejus. 382. c
 Idem putavit locum poenalem animarum esse istum aerem. 319. d
 Joannes Gerson lect. 2. de vita spiritali videtur negare animabus Purgatorii certitudinem suae salutis. 316. d
 Joannes Rossensis contra art. 32. Luth. eri, idem videtur sensisse quod Gerson. 316. d
 Joannis Feri error exponentis illud 16. cap.

Matth. qui acceperit gladium, gladio peribit: ubi docet, artem bellandi prohibitam esse à Christo. 265. a
 Iovinianus hæresis. 94. d 179. d 183. c
 Iovinianus libertatem credendi concessit. 272. b
 Irenæus asseruit Dæmones tradendos igni sempiterno in die iudicii. 354. b
 Israel, sub Rege Samaritæ. 76. e
 Judas dicebantur ii qui erant sub Rege Hierusalem. ibid.
 Judas de vera Ecclesia aliquando fuit. 59. c
 Judæ labia propter contactum facti corporis, non sunt propterea veneranda. 418. b
 Judæi an reprehendantur in Evangelio, quod edificarent vel ornarent monumenta Prophetarum. 383. a
 Ut facilius converterentur, Apostoli statuerunt illis legem de sanguine & suffocato. 33. a
 Semper habuerunt aliquam Synagogam. 86. a
 Post Christi adventum nulla habuerunt miracula. 102. a
 Cur tolerantur. 378. a
 Erant propensius idololatriam. 384. b
 Sunt primi Iconomachi. 386. b c
 Post Christi adventum sunt superstitionisissimi contra imagines. 388. a
 Vocabant Deos suos idola. 400. d usque ad 402. b. ubi de idolis, & idololatria ipsorum.
 Quare vitulum aureum pro Deo coluerunt. 401. d
 Putabant Deum corporeum. ibid. c. Duo genera idolorum apud ipsos. ibid. b
 Orabant & orant ad occidentem. 421. e
 Nimium confidebant in suo templo. 423. e
 Judæorum præclarum de Christo, & Christianis testimonium. 107. b 177. d
 Manifesti errores ipsorum. 98. b
 Ingratitudo quærentium Regem. 260. c
 Ceremoniæ Judaicæ. 199. b
 Ecclesia eorum particularis erat, non universalis, ut est Christianorum. 76. d ibid. a b c
 Eorum secta triplex. 178. b
 Non fuit proprium ipsorum, vota facere, sed cum Christianis commune. 195. a
 Religio eorum quando florebat, non poterant Reges permittere libertatem Religionis. 272. a
 Cultus ipsorum an fuerit tantum externus. 425. d
 Ritus & cultus Sabbathi. 441. d 446. e
 Inter festa Christianorum & Judæorum differentia. 443. d
 Ipsorum festa gravia. 433. d. Lex ipsorum intolerabile jugum. 447. b
 Pentecostes ipsorum. 447. c. festa pro variorum temporibus instituta. 454. b
 Judæi an permissum regimen politicum. 257. d
 Item bellum. 265. a
 Cum Vindexque correptio facta à Deo. 57. e
 Apud Judæos eadem sit equitatis de immortalitate animæ, & de Resurrectione. 280. a
 A Judæis coepit coelibatus in Ecclesia. 215. b
 Gentibus conversis permisit Deus in infidelitatem ruere Judæos. 312. c
 I. dices populi. 255. b
 I. dices politicus non potest punire Clericos. 255. b. vide de Iudice politico. ibi. b & seq.
 Iudicia publica exercere licet Christianis. 263. b
 Iudicium infallibile in generalibus Conciliis. 27. c & seq.
 Iudicium Dei severum & iustum vocatur ignis. 291. c
 Iudicium particulare, quo judicantur animæ statim à morte, quale, à quo, & ubi judicentur animæ. 316. & 317.
 Iudicium generale, ob quinque causas fiet. 333. b
 Iudicii diem præcedet magna tribulatio. 283. a
 Julianus apostata libertatem credendi concessit. 272. b

Idem persequatur crucem, cum tamen usus sit signo crucis. 416. e
 Idem voluit destruere omnia templa. 433. c
 Juniores votare possunt vota monastica. 234. a
 Juramentum differt à voto. 196. a. & accipitur pro voto. 197. b
 Juramento honoratur primario Deus, secundario id per quod juratur. 397. a
 Jus gentium est quasi conclusio deducta ex jure nature per humanum discursum. 257. e
 Iustificatio à peccato libertas dicitur. 261. a
 Justinus Apolog. 1. & 2. non potest defendi ab errore dicendo, Dæmones nondum esse traditos igni sempiterno, sed tradendos in die iudicii. 354. e
 Justinianus senior Augustus vocat Joannem II. caput omnium sanctarum Ecclesiarum. 85. e
 Idem voluit suam approbationem increando summo Pontifice. 127. a
 Ipsi laus in defensione Ecclesie. 108. c
 Idem Basilicam fabricavit. 432. b c
 Idem aliquid addidit ad celebrationem purificationis beatæ Virginis. 452. c 454. d
 Justinianus II. convenit V. Synodum apud Constantinopolim, & canones Trullanos edidit. 6. c
 Justitia legitima & moralis. 250. e

L

L. Abatur Constantini. 412. b. & quale fuerit ante ipsum. 415. c
 Lactantius sentit omnes transiuros per ignem, licet non omnes ledendi sint ab igne, quæ opinio nec affirmari, nec negari potest. 311. a
 Idem erravit asserendo animas Sanctorum non visuras Deum ante iudicii diem. 342. b 352. e
 Laici quomodo convenire possunt in Conciliis. 14. b. & seq. præsertim. 16. a
 Laici nomen & distinctio à Clericis. 116. a
 Lampadum usus in Ecclesia. 383. a
 Lanceæ Domini nostri Inventio. 414. c
 Latria, dulia, & hyperdulia. 357. e
 Latriæ cultus non debetur imaginibus. 408. e 409. a
 Laus tribuitur aliquando omnibus, pro aliquibus. 30. d
 Lazari narratio, an sit historia, vel parabola. 341. c 347. b 349. d 353. c
 Leo I. sicut Iconomachus. 61. a 230. d c ab
 Levi familia. 157. c 159. e
 Levitis an respondeant nostri Sacerdotes. 95. b
 Lex nova, cur lex libertatis, vetus autem lex terroris appellatur. 200. d
 Lex data in Syna. 450. a
 Lex Pontificia & civilis obligant in conscientia. 261. e 262. a b c
 Lex Ecclesiastica necessaria, similiter civilis. 261. a
 Item à Christiano Principe. 260. e
 Lex civilis an possit condì à Papa; Item à Christiano Principe. 260. e
 Lex Domini facilis & difficilis. 194. b
 Lex Domini non est impossibilis. ibid. a b c
 Lex Domini quomodo sit noster adversarius. 298. b
 Lex vetus quod die data sit. 450. d
 Legis divinæ custodes debent esse Reges. 23. a
 Legis essentia vel passio, est obligatio. 262. a
 Legis divinæ & humanæ differentia. 262. d
 Leges varæ multorum Philosophorum contra fidem & mores. 98. e
 Imperfectio legum Philosophorum. 73. a
 Libertas in religione permittenda non est. 271. e & 272. c
 Libertas in qua creati sumus repugnat cum despotica subjectione. 259. b
 Libertatis lex quæ sit. 201. a
 Liberi arbitrii articulum habent pro fundamento suæ doctrinæ Lutherani. 91. c
 Hæreses circa liberum arbitrium. 95. a
 Libri qui vulgò tribuuntur Dionysio Areopagitæ verè sunt illius. 177. c

Libri Carolo Magno adscripti contra imagines. 316. a 405. c
 Libri hæreticorum abolendi sunt. 273. e
 Lymbus sanctorum Patrum. 319. e
 Item lymbus puerorum. ibid. d
 Litanie quando inventæ. 368. c
 Lotharius Imperator. 5. c
 Lumen est signum honoris. 383. a
 Lutherus fuit præses conciliabuli Lutheranorum. 6. c
 Lutheri hæreses. 81. b 84. a 85. e 92. c. 93. a & 99. c. Prima hæresis illius. 310. b
 Superbia & inquit suæ hæresis. 101. d
 Miracula tentata. 102. e Prophetia. 107. b
 Mors. 108. a. & scietur in morte. 102. e 104. a
 Lutherani vix nati arescere coeperunt. 86. c
 Contra Lutherum & Lutheranos multa. 101. a 148. e
 Comparatio Lutheri, & Francisci Xaverii. 104. a
 Testatur in Papatu esse omne bonum Christianum. 107. c
 Lyranus in 35. Numeri non bene quædam advertit. 159. b

M

M. Agia omnis expellitur signo crucis. 419. b
 Magistratus politicus an possit esse apud Christianos. 295. d
 Magistratus politicus asseritur ratione ducta ab efficiente. 257. a
 Principatus sive dominium in impiis esse potest. 259. c. vide 254. d & 256. a
 De potestate Magistratus. 260. a
 Licet Christiano Principi leges condere. 260. e
 Lex civilis obligat in conscientia. 261. e
 Iudicia publica exercere non est Christianis illicitum. 263. b
 Licet Christiano magistratui gladio punire perturbatores publicæ quietis. 264. b
 Ad Magistratum non pertinet iudicium de religione. 326. a. sed pertinet ad illum defensio Religionis. ibid. d
 Mahumeti hæreses. 98. b. Incontinentia. 101. c. falsum miraculum. 102. a. fuit Iconomachus. 386. c
 Docet Christianos salvari, Christum verè esse maximum Prophetam, & ipsam Dei animam habere. 107. c
 Hujus secta nunquam transiit ad Occidentem. 88. b
 Mahumetani traxerunt quidem multos ad suam fidem, sed terrore armorum, non vi, & efficacia doctrinæ. 99. a
 Mali sunt in Ecclesia. 61. & 62.
 Mali Principes principatum habere possunt. 259. c 254. d 256. a vide v. Principatus.
 Manichæi mors. 107. d
 Manichæorum hæreses. 93. e & 98. e
 Manus attollere erat signum suffragii. 125. a
 Manibus laborare Monachis licet. 246. c. non tamen tenentur. 247. e
 Marcionis hæresis & ambitio. 101. a
 B. Marcus institutor Monachorum, & sacrum Virginum in Egypto. 177. d
 Marci Aurelii Imperatoris testimonium de laudibus Christianorum. 107. a
 Marci Aurelii milites miraculum quoddam fecerunt. 265. c
 Martiano Imperatore celebratum est Concilium Chalcedonense. 4. a 12. d 21. a
 libertatem credendi avulsit. 272. a
 B. Martini sanctitas. 381. c
 Martyres. Vide v. Sancti.
 Martyres statim ad præmium perveniunt. 311. a
 Invocantur in sacrificio Altaris. 370. c
 Ad eorum memorias quomodo alligamus cultum & invocationem. 383. c d 421. c d
 Eorum sanguis est semen Christianorum. 86. e
 Eorum consolationes in tormentis. 315. e
 Eorum reliquæ venerandæ. 377. b vide v. Reliquiæ.

Eorum

Etiam dies festi prius celebrari coeperunt, quam Confessorum. 454. d.
 Martyrum beneficia collata viventibus. 327. a
 Martyribus convenit sustentare Ecclesiam. 366. a
 Illis edificantur & dedicantur Basilicæ. 426. a. non autem templa. 427. c
 In Martyrum Basilicas conversi sunt templa idolorum. 372. c
 In Martyres translata est gloria Deorum. 369. d
 Pro ipsi non est orandum. 399. d 323. d 329. e 369. a
 Martyres falsi diversorum hæreticorum. 82. c
 Martyrium purgat reliquias peccatorum. 323. e
 B. Marthæ electio per sortes. 121. e & 124. d
 Matrimonium prohibetur sacerdotibus, & hominibus in sacris constitutis, Monachis, & iis qui se voto virginis devinxerunt. 18. d 33. b 34. b c d 94. a 140. a b c 141. c 309. a usque ad 217. vide v. Clericus, & v. Sacerdos.
 Matrimonium an necessarium. 225. b c d e
 An in præcepto. 258. b 179. c 222. d
 Non æquatur virginis. 94. e
 Dicitur honorabile. 145. b
 Post votum est pejus adulterio. 228. d 232. a
 Post votum simplex vel solemne. 312. b 213. b c 220. 221. 231. a 222. b c 223. a b. & præcipue. 228. a b c d
 Ante matrimonii consummationem mulieri continentiam voverunt ex consensu. 237. b 237. a 238. a 239. a
 An solvatur per conversionem alterius conjugis ad fidem. 147. c
 Andrimatur propter ordinis sacri suspensionem. 239. e
 Matrimonium cum hæretico vel hæretica. 35. d
 Matrimonium Sacramentum non pollutio vocatur. 181. c. laudatur. 229. a. ad matrimonium an sint creatæ mulieres. 179. b
 Matrimonii Sacramentum triplicem habet significationem. 240. d
 Ad Matrimonium vocantur homines non ob solas tentationes, sed ob incontinentiam, & ob flagitia quæ committunt incontinentes. 218. d e a b c
 Matrimonium quo impedimento esset sacerdotibus. 144. b
 Solemnitas secundi matrimonii prohibetur. 33. d
 Matrimonium B. Virginis cum Josepho. 207. d 241. e
 Maximiniani exitus. 107. c
 Maximilianus Imperator. 5. a
 Mediator Christus ut homo non ut Deus. 365. c. ubi de mediatore. 371. b c d
 Membra Christi secundum prædestinationem, & secundum præsentem iustitiam. 60. d
 Membra Christi viva & mortua quæ. 63. b
 Mendicitas. de hac vide. 249. d e a b
 Meritum Christi quomodo sufficiens & efficax. 307. a
 Meretur homines in hac vita posse purgari, & juvari in alia. 305. e 310. b
 Meritum non est post hanc vitam in Purgatorio. 313. c. & quare 315. e
 Ad meriti essentiam non concurrat nisi sola anima. 354. b
 Meritis & satisfactionis propria. 308. b
 Michaelis Bani error dicentis; nostra opera esse tantum conditionem sine quibus non applicaretur nobis Christi satisfactio, vel ad summum esse tantum dispositiones. 307. e
 Idem negavit animabus Purgatorii certitudinem suæ salutis. 316. c
 Militia vide v. Bellum.
 Militiæ cingulus olim fuit res magni honoris. 33. c
 Miracula quæ Deus operatur per Sanctos, cur maiora per minores, & contra. 376. a
 Miracula facta ad reliquias. 381. b

Miracula quæ in ipsi Sanctorum mortuis corporibus cernuntur. 382. a
 Miracula facta per imagines Christi & Sanctorum. 399. a
 Miracula facta ipsa cruce Domini. 412. e. item signo crucis. 417. b
 Miracula Ecclesiæ in singulis ætatibus enumerantur. 103. c
 Miracula paganorum & hæreticorum ficta, vel contra se patrata. 102. e a b c
 Miraculorum necessitas & sufficientia in confirmanda fide. 102. c
 Ex miraculis demonstratur Ecclesiæ. 105. a
 Miraculum præcipuum fuit quod pauci Apostoli totum mundum subegerint. 99. e
 Miracula facta pro invocatione sanctorum. 370. b
 Missæ sacrificium, vide v. Sacrificium, in frâ.
 Missæ pro defunctis offerre. 94. b 328. e
 Triginta Missæ pro defunctis. 303. c
 Missa S. Petri &c. cur sic dicatur. 261. c
 Monachi & monastice. Varia nomina indita Monachis. 173. b
 Explicatio huius nominis Monachus. lib. a
 Antiquitas monastice. 176. c 180. c
 Causa instituendæ monastice. 178. b
 Eadem est essentia monastice nostrorum, & antiquorum Monachorum. 178. e
 Habitus Monachorum. 244. e
 Labor manuum. 246. c 247. e
 Licium est illis vivere ex bonis patrimonialibus in communi. 248. e. item ex rebus sponte oblati, & donatis. 249. b. item ex mendicatione. ibid. d
 Solvuntur objectiones contra mendicantem istam. 251. c
 Monachi antiqui habuerunt proprium altare, & sacerdotes. 97. e 121. e
 Monachi omnium ætatum, sunt juvenes, senes &c. 180. a & 224. c
 Monachi, qui inviti facti sunt Episcopi. 181. d
 Monachi similes Crucifixo esse debent. 205. b
 Monachi est, spiritus utilitatem querere. 180. b
 Monachorum sanctitas tempore D. Augustini. 100. c
 Monachorum ordinatio. 128. d
 Monachodorum redire non licet. 232. b
 Monachus bellum interdictum. 268. b
 Monachus laudatur. 180. e
 Monastica vita melior seculari. 181. c. à Domino approbata. 182. b
 Monasteria qualia fuerint tempore D. Augustini. 179. e 180. a b c
 Monasteria edificata ex rebus sponte oblatis. 249. d
 Mons Sion, Ecclesiæ triumphans. 75. b
 Montani ambitio. 102. b. Hæreses. 98. d
 Mors felix Sanctorum, vide Patres. 347. e 350. b
 Mori in Domino & non in Domino qui dicantur. 305. c
 In morte aliquando reliquias peccatorum purgantur. 323. e
 Mors est poena peccati originalis. 302. c
 Morte violenta puniti in Scriptura veteri. ibid. d
 Mortem secundum se unusquisque abhorret. 227. c
 Mori licet pro opere supererogationis. 189. b 225. c
 Mortuo Christo an fides remanserit in Apostolis, & aliis. 78. a
 Moses erat summus sacerdos, sed extraordinarius. 119. d
 Moses non erravit in illa adoratione vituli. 76. c
 Moses solitus erat orare pro populo etiam mortuus. 365. e
 Moï sepulchrum cur occultatum Judæis. 377. d & 382. e
 Mulier quæ nubis vivente adhuc priore viro. 399. b
 Mulier subiecta viro. 359. d
 Circa principium mulieris error. 93. c
 Mulieres creatæ ad aliud quam ad nuptias. 179. c

Mulieres non occiduntur in bello. 269. e
 Mulieres prohibentur habere Sacerdotes & Diaconi domi suæ. 142. b 143. c 146. e
 Mulieres velari debent. 229. c
 Mulieres quæ sequebantur Apostolos. 145. b
 Mundus creatus die dominico. 448. d
 Mundus oritur ex malis, sed per accidens. 64. d

N

N Abuchodonosoris regnum amplissimum. 257. e
 Natalis Domini nostri dies. 442. e 452. d
 Nativitas Christi attulit pacem mundo. 266. b. 267. a
 Naturalis propositio ad gignendam prolem. 226. c
 Nazæorum vota. 176. b
 Necessitas triplex. 256. e
 Neronis exitus. 107. c
 Nestorii hæresis. 95. c. superbia. 101. e exitus. 107. e
 Nomen *ἐμμανις*. 273. e
 Nomen Dei. vide v. Deus.
 Norvegiam ad fidem convertit Adrianus IV. ante Pontificatum. 100. d
 Novatiani ambitio. 101. b. Hæresis. 93. d 273. a
 Novum quod est, suspitione carere non potest. 273. a
 Secundæ nuptiæ. 151. c 152. d 212. b 221. d 232. e a b c d e

O

O Bedientia religiosorum. 178. e
 Obedientia consilium Evangelicum & quale. 197. 198.
 Rectè vocetur Deo, ubi de obedientia. 199. e 200. a b c
 Inter inferiorem & superiorem. 258. c
 Occidere fortes licitum est publico magistratui. 264. b
 Oculis suis. 386. e. cur peccatum. 226. a
 Odores suaves in Ecclesiis imaginibus, & reliquiis offeruntur. 360. a
 Occumenius in cap. ult. 1. Petri dicit Demones non modo damnationem suam ignorasse, sed etiam salutem per Christi adventum sperasse. 354. e
 Oleo quare utimur in consecratione Ecclesiarum. 429. e
 Olei benedictio. 437. a
 Opera consilii & præcepti quomodo distinguantur. 180. e
 Opera quæ sunt ex voto magis grata sunt Deo, quam sine voto. 216. e 217. e
 Opera bona impiorum non fraudantur temporali mercede. 304. d
 Operum nostrorum virtus à sanguine Christi. 307. d
 Opus servile quod sit. 444. c
 Opus non imperatum an sit melius facere, quam imperatum. 217. e
 Oracula Apollinis. 106. c
 Est res nobilissima. 425. c
 Ubique fieri potest. 425. d
 Requirit dispositionem in orante ad hoc ut impetret. 374. a
 Est remedium pro tentationibus carnis. 164. d 218. b
 Est arma Christianorum. 268. c
 In oratione quid petendum. 223. a 374. d
 Media ad orationem sunt austeritas, solitudo, & jejuniū. 242. b
 Orationis ritus. 74. d
 Ad orandum etiam privata oratione instituantur templa. Et exempla eorum quæ magis exauditi sunt in templis. 434. a b c d
 Orantes convertantur ad Orientem. 421. e
 Oratio & Psalmodia non est nota vera Ecclesiæ. 82. c
 Oratio & votum apud Latinos idem est. 196. e
 Orationi insistentes debent ab opere neptiarum

rum vacare. 307. a. b. quia oratio requirit mentem purgatam. 144. c
Orationes fidelium pro defunctis. 286. c
 287. a 298. d 310. c 318. d 328. b. vide v. Defunctorum suffragia, & v. Sacrificium.
Orationes mortuorum pro aliis exaudiuntur. 94. c
Orationes animarum Purgatorii pro nobis. 327. b
Orationes Sanctorum pro nobis. 365. c
Orationes sacerdotis sacrificium offerentis, debet offerri ad Patrem. 370. b
Orationes petendae etiam à vivis. 367. d 371. a b c
Orationes viventium quomodo cognoscantur à Sanctis. 373. e
 Christiani diebus Dominicis, & à Pascha usque ad Pentecosten stando orare solent. 436. e 447. b
Oratoria dicuntur Ecclesiae. 429. a
Ordinum Ecclesiasticorum numerus. 128. b. Antiquitas. 129. a
Officium singulorum ordinum. 129. c d e
 Canonici novem ordines faciunt. 129. d
Origenes sensit Infernum nihil esse nisi conscientiae horrorem. 93. b 319. b
 Adamum perdidisse imaginem Dei ad quam creatus fuerat. 93. b
 Nullas alias agnovit poenas nisi Purgatorias. 284. c
 Poenas inferni negavit esse aeternas, & omnes tam demones, quam homines malos dixit esse salvandos. 311. c
 Purgari debere post hanc vitam tam bonos, quam malos, uno Christo excepto. 311. b 323. d
 Similiter sensit, Sanctos paulatim proficere in alia vita. 341. d e 342. a b 348. b c
Origenes damnatus à Vigilio Papa. 4. c
 Vilis est in Gehenna. 322. c. Defenditur etiam ab aliquibus. 357. c
Ovis comparatur Ecclesia. 59. b
Oves dicuntur praedestinati. 60. a

P

Paganorum errores. 98. e. **Miracula**. 102. e. laus de Christianis. 106. e
Palmarum benedictio. 436. c
Pani comparatur Ecclesia. 63. a
Panis benedictio. 436. c
Paroxysmus in cap. Cum olim, de Clericis conjugatis utile iudicavit (& male) si sacerdotibus ius conjugii concederetur. 141. d
 Idem in cap. Aliquibus, de decimis, tenet decimas quoad determinationem quantitas esse de iure divino, quod error est. 156. e
Paphnutii consilium in Concilio Nicano. 18. c 146. c
Parabolae non oportet ut omni ex parte quaderent. 346. d
Paradisus nomen pro terrestri, & caelesti. 344. b
Paradisus terrestris fortè perit aquis diluvii. ibid.
 An latro primus omnium in Paradiso sit ingressus. 348. e. vide etiam. 298. b 305. b 318. d 323. e. vide de explicatione illius loci (hodie mecum eris in Paradiso) agitur.
Paschalis celebratio. 149. a. & praefectum 447. c. ubi multa de Paschate.
Passio Christi die veneris. 448. b
Passionis Christi instrumenta. 418. c
Pastores seu Ministri Ecclesiae, vide v. Episcopus, & v. Pontifex.
 A quo sint instituendi Pastores & Ministri Ecclesiae. 118. b
Ordinatio tum Episcoporum, tum aliorum Ecclesiae Ministrorum, non ad plebem, sed à solos Episcopos pertinet. 119. c
Vocatio seu missio Pastorum non ad populum pertinet, sed ad Episcopos, & potissimum ad summum Pontificem. 421. a

Electio ministrorum Ecclesiae non fit à solo Deo. ibid. c
 Non deceat Christianos Sacerdotes & Pastores carnali successione propagari. 122. c
 Jus eligendi summum Pontificem, ceterosque Ecclesiae Pastores, & Ministros, non convenit populo iure divino; sed si quid aliquando in hac re populus potuit, id totum habuit ex conniventia vel concessione Pontificum. 122. c
Electio Episcoporum non pertinet iure divino ad Clerum, sed ad summum Pontificem, ut vel ipse eligat, vel praescribat eligendi modum. 126. c
Ratio eligendi summum Pontificem per solos Cardinales, est omnino optima, & merito conservanda, et si absolute posset Pontifex eam mutare si vellet. 126. e
 Si nulla extaret Pontificia constitutio de electione summi Pontificis vel casu aliquo omnes electores à iure designati, id est, omnes Cardinales simul perirent, ius electionis ad Episcopos vicini, & Clerum Romanum pertineret, cum dependentia tamen à qua à Concilio generali Episcoporum. 127. d
Pastorum Ecclesiae munus. 14. e
Patres Testamenti veteris accusantur ab haereticis. 93. b
Patrum errores excusantur. 275. c
S. Patres in limbo nullos patiebantur dolores. 294. b 326. d
Sanctorum Patrum locus ante Christi adventum. 304. d
Patres novi Testamenti minores tempore laborarunt, quam fecerunt Patres Testamenti veteris. 346. e
 Cur Patribus in limbo non revelarentur preces viventium. 373. c. quia non erant beati. ibid.
Patriarchales sedes quae sint, & quo ordine, & numero. 34. d
 Defecerunt à fide, excepta Romana sede. 90. e
Patriarchae an ad Concilium generale convenire debeant. 17. a
Patriarchae & Metropolitani quando possint novos episcopos erigere. 89. b
Patriarcha Constantinopolitano numquam videtur caruisse Ecclesia Constantinopolitana. 90. d
B. Paulus prius fuit lupus deinde ovis. 59. c
 An habuerit uxorem. 146. c
 Gratis Evangelium praedicavit. 189. a
 Multis hebraeis abundat. 445. a
Pauli epistola ad Corinthios quo tempore scripta. 146. b
Paulus I. Eremita. 276. d 242. e
Paupertas Christi. 249. d
Paupertas cummoda & incommoda. 173. a
 Consilium perfectionis vendendi omnia pro Christo, & dandi pauperibus. 185. a b c d
Paupertas religiosorum. 345. b
Paupertas voluntaria recte suscipitur ac vector Deo. 202. b. ubi multa de paupertate.
Pax tempore Christi. 266. b 267. e 278. e
Peccator non potest velle bonum ordinatum ad vitam aeternam. 261. a
Peccatores graves, occulti & manifesti sunt in Ecclesia. 62. b c d
Peccatores & homines impii dicuntur filii & alieni. 66. a
Peccatores & perturbatores publicae quietis, gladio puniuntur. 264. a
Peccatorum opera. 194. a. non fruantur temporali mercede. 302. e
 Contra peccatum originale haereticis. 95. a
Peccati causa non est Deus. 93. b
Peccati subiectum & causa efficiens est anima. 323. e
Peccatum in renatis semper vivere dixerunt Proclus, Lutherus &c. 93. c
Peccatum post Baptismum negatur ab haereticis. 94. e
 Per peccatum homo fit similis bestis. 259. b

Peccatum quod in Purgatorio puniunt. 309. d
Peccata parentum an puniantur in filiis. 328. a
Peccata in Spiritum Sanctum quare irremissibilia dicuntur. 287. d
Peccatorum reliquiae. 323. e
Peccata commissa in die festo an aggraventur ratione diei festi. 445. c
Peccatum veniale dari probatur. 303. c
 Culpa venialis dimittitur in Purgatorio per actum dilectionis & patientiae. 308. c
 Item quomodo remittantur venialia secundum Scotum. ibid. b
Peccata venialia delentur per aquam benedictam. 436. e
Pelagianorum haereticis. 95. b
Pentecostes. 446. d e
Peregrinationes ad loca sacra. 43. d. & praefectum. 437. a b c
Perfecti & non perfecti quomodo ad Ecclesiam pertineant. 61. c
Perfectio vera in charitate consistit. 174. a
Perfectio Christiana essentialiter consistit in observatione praeceptorum. 182. e
Perfectio duplex in qualibet re naturali, ad esse & ad bene esse. 191. c
Perfectio ad excellentiorem gradum gloriae. 185. d
 Medium ad perfectionem est vendere omnia &c. ibid. e
Perfectionis quatuor gradus. 174. c
Perfectio hominis interior consistit. ibid. b
Persecutio Diocletiani unde ortum habuit. 33. d
Persecutiones Ecclesiae. 270. c
Persona una in Christo. 95. c
Petro datae sunt claves, atque eas in personam totius Ecclesiae accepit. 134. b
Petro tribuuntur nomina quae dicuntur de Christo in Scriptura. 47. c
Petrus Romae mortuus, ubi multa de morte sanctorum Petri & Pauli, Romaeque sepultus. 380. d 385. a
Petri & Pauli reliquiae in magna veneratione habentur. 378. e 380. c
D. Philippus pugnavit contra hostes Theodosii. 265. e
Philonis error dicentis, infernum & Purgatorium nihil aliud esse quam conscientiam accusantem. 293. d
Philosophi dicti sunt Monachi. 173. e
Philosophorum errores. 98. a
Philosophorum superbia & impunitas. 100. d
Philosophorum antiquorum sapientia imperfecta. 99. a
Philosophiam naturalem execrantibus quomodo respondeatur. 149. a
Pictores reprehenduntur aliquando. 349. a
Picturae utilitates. 395. b
Pingendi & sculptendi ars bona est. 388. b
Pingi potest aliquid tribus modis. 390. d
Pilati infelix exitus. 107. b
Pipinus & Carolus Magnus. 38. a
Plato dixit, Angelos adorandos tamquam minores Deos. 372. e
Plato locum pestilentem elegit, ubi versaretur & doceret. 242. c
Plebs quomodo potest interesse Conciliis Episcoporum. 15. c. vide v. Populus.
Poenae respondet Culpa vide infra v. satisfactio.
Poenae Purgatorii qualis. 299. b
 Gravitas poenae Purgatorii. 325. a
Poenae damnationis summa omnium. ibid. e
Poenae Purgatorii paulatim remittuntur. 326. e
Poenas omnes, Purgatorias esse, existimavit Origenes. 244. c 289. d 322. a
Poenas horruit Dominus. 314. e
Poenitentia, vide v. Dolor de peccatis.
Poenitentiae tempus utile usque ad extremum spiritum. 317. b
Poenitentiae fructus peragendi. 243. a
Poenitentia dicitur Baptismus. 294. e. quomodo peccata remittat. 307. b
Poenitentium habitus. 245. b
 Item Tonsura. ibid. c
Pontifex Romanus se Christi vicarium & familiam profectur. 46. a

Est pastor & ceterum non solum omnium Ecclesiarum particularium, sed etiam totius universalis Ecclesie simul congregatæ. 45. c.

Illi tribuuntur nomina quæ de Christo dicuntur. 47. c.

Pontifex summus servum servorum Dei se nominat. 259. c. Vide supra v. Gregorii humilitas.

Est summum caput in Ecclesia militante, quoad influxum exteriorem. 57. a.

Pontificum successio à temporibus Apostolorum, usque ad hæc nostra tempora. 87. d.

Pontificis electio non convenit populo. 122. b. sed Cardinalibus. 126. e. 127. a.

Pontifices olim eligebantur ab Episcopis vicinis. ibid. c. Arque hi Episcopi dicebantur Cardinales. 137. b.

Pontifici non expedit eligere successorem. 127. a.

Pontificis eligendi forma temperata est ex omnibus aliis bonis & legitimis formis. 137. b. c. d.

Pontifex à nemine judicari, neque deponi potest. 44. a. 47. b. 48. c. d. e.

Pontificum depositio tentata. 44. e. 48. c. 50. b. 51. b. & 76. a. vide loca, quid à nemine judicari potest.

Pontifex malus quomodo verum caput Ecclesie. 63. d.

Ejus est congregare Concilia generalia. 10. e. Vide v. Concilia.

Ad ipsum jure pertinet præsentia in Conciliis. 19. e.

Cum adest sententia summi Pontificis intelligitur Concilium absolute generale. 42. e.

Pontificum decretales an numerentur inter Scripturas canonicas. 44. a.

Conjunctio cum Romano Pontifice est nota veræ Ecclesie. 95. e.

Pontifex ultimus quis fuerit secundum hæreticos. 85. e.

Pontificis auctoritas distinguitur ab imperiali. 161. a.

Romanus Pontifex prædet Conciliis. 19. d.

Argumenta. 32. b.

An Concilium sit supra Pontificem. 44. e.

Pontifex nec à Concilio, nec ab ullo mortalium judicari aut puniri potest. 47. b.

Neque potest seipsum subicere sententiae coactivæ Conciliorum. 49. a.

Solvuntur argumenta adversariorum. ib. e.

Electio Episcoporum pertinet ad summum Pontificem, ut vel ipse eligat, vel præscribat eligendi modum. 126. c.

Ratio eligendi summum Pontificem per solos Cardinales, est omnium optima, & merito conservanda, etsi absolute posset Pontifex eam mutare, si vellet. ibid. d.

Si nulla existeret Pontificis constitutio de electione summi Pontificis, vel casu aliquo omnes electores à jure designati, idest, Cardinales omnes simul perirent, jus electionis ad Episcopos vicinos, & Clerum Romanum pertineret, cum dependentia tamen aliqua à Concilio generali Episcoporum. 127. d.

De quibusdam Romanis Pontificibus, quibus hæretici, errores & vitia obijciunt.

De Joanne XXII. 343. e.

Leone I. 50. d.

Liberio. 50. c.

Marcellino. 7. b. 48. b. 49. e.

Populus Episcopos & Presbyteros creare non potest, ac jus eligendi summum Pontificem non convenit illi de jure divino. 122. c.

Non potest ordinare Episcopos, sed nominare & postulare. 119. d. Quando & quomodo coepit suffragia dare super electione Episcoporum. 123. e. 125. e.

Quia regula judicare debeat doctrinam sui pastoris, an sit vera, vel falsa. 124. d.

Populus Romanus contra Pontificem. 375.

Populo an aliquando sit datum iudicium privatum de rebus fidei. 16. e.

Populus an melius regatur legibus, quam arbitrio Principis. 261. a.

Potentia seu omnipotentia tribuitur Filio Dei. 150. b.

Potestas summa Ecclesiastica data Petro, &c. 46. d. e.

Potestas spiritalis est quasi anima, & temporalis quasi corpus. 272. d.

Potestas politica. Vide supra v. Magistratus politicus.

Potestatis Ecclesiasticæ & politicæ differentia. 257. e. 258. a.

Potestas politica est à Deo immediatè, & de jure naturæ, & divino, ejusque subiectum quod sit. 257. c.

Potestas ligandi & solvendi peccatores, non est in populo. 124. b.

Præceptum. Vide supra v. Lex.

Præcepta moralia Scripturæ veteris non minus ad Christianos, quam ad Judæos pertinent. 199. e.

Præcepta Decalogi sunt explicationes juris naturæ, excepto illo de Sabbatho. 387. a. 388. e.

Consilia non præponuntur præceptis. 181. a.

Præceptorum & Consiliorum differentia. 182. b.

De præceptis justitiæ non dicitur: qui potest facere faciat. 184. d.

Præcipi potest aliquid duobus modis. 192. e.

Deus non præcipit impossibile. 194. a. e.

Prædestinati soli an sint de Ecclesia. 48. d.

Secundum prædestinationem, & secundum præsentem justitiam, oves, & membra Christi quæ dicantur. 60. d.

Prædicatio vera quæ sit. 81. b.

Prædicatio Pauli gratis sine præmio temporali. 189. a. 250. d.

Prædicationis verbi Dei efficacia. 99. e.

Prædicationis officium proprium est Episcoporum. 131. d.

Prædicatores primi fuerunt Apostoli. 190. c.

Prædicatores concessum est, ut jure exigant sustentationem. 250. d.

Prælatorum mali mores non impediunt quominus illi verè Prælati sint, & nos illis obedire teneamur. 63. e. 77. e.

Presbyter. Vide infra v. Sacerdos.

Presbyteri nomen commune erat olim Presbyteris & Episcopis. 119. a. 133. d. e. 134. a. b.

Distinctio inter Episcopos & Presbyteros. 131. c.

Presbyteri & Episcopi jurisdictio, an de jure divino distingatur. 134. c.

Presbyteri & Episcopi variis modis à Patribus comparantur. 136. e.

Non sunt pares Episcopis. 94. e.

Presbyteri ordinare non possunt. 119. d. 132. c. 135. e.

Presbyteri an per suffragia populi creabantur. 133. d. e. a. 124. e.

Succedunt LXXII. discipulis. 132. d.

Presbyteri dignitas an conferat ad salutem. 117. e. a. b. c. d.

Primates qui sint. Vide v. Patriarcha.

Primatus semper viguit in Romana Ecclesia. 24. a.

Princeps politicus. Vide de politica potestate. 254. a. & seq.

Principatus in implis esse potest. 254. d. 257. b. 259. c.

Prophetæ saluti Testamenti veteris. 106. c.

Qui erraverunt tempore Michæ. 32. c.

Prophetæ Bala. 102. c.

Prophetarum filii. 176. c.

Prophetis quædam sententia videbatur aliquando præcipi. 244. e.

Prophetæ domum in Ecclesia. 106. b.

Psalmista an ordo. 11.

Psalmodia Religiosorum. 179. a.

Psalmos canunt lingua vulgari, hæretici. 82. e.

Pubertatis ætas. 263. d.

Purgatorium. Via & significatio nominis Purgatorium. 283. a.

Purgatorium esse, probatur Scripturis Testamenti veteris. 285. a.

Idem ex Testamento novo. 287. d.

Afferitur testimoniis Conciliorum. 298. a.

Testimoniis Patrum Græcorum & Latinorum. 299. b. c. d. e.

Afferitur ratione. 302. b.

Solvuntur argumenta contra Purgatorium sumpta ex Scripturis. 304. c.

Ex Patribus. 305. c.

Ex ratione. 306. e.

Purgatorii confessio ad fidem Catholicam pertinet. 309. b.

Quibus personis Purgatorium subeundum sit. 311. a.

In Purgatorio non possunt animæ mereri, vel peccare. 313. c.

Solvuntur objectiones. 314. c.

Animæ in Purgatorio ceteræ sunt de sua æterna salute. 316. e.

Ubi sit Purgatorium. 318. e.

Genus quoddam Purgatorii multissimum in aëre loco. 320. b.

Utrum qui sunt in Purgatorio possint revocari ad vitam. 321. b.

Post extremum iudicium non erit amplius Purgatorium. 323. d.

Quot annis duret Purgatorium. 324. d.

Qualis sit Purgatorii poena. ibid. a.

Ignis Purgatorii est corporis. ibid. d.

Sciri non potest quomodo ignis corporis animas orat. 325. b.

An in Purgatorio torquantur animæ à Demonibus. ibid. c.

Gravitas poenarum Purgatorii. 325. e.

Non est incredibile etiam animas Purgatorii pro nobis orare & impetrare. 327. b.

Animæ Purgatorii possunt dici perfectæ & imperfectæ. 314. b.

Non sunt in via, & quomodo. 315. a.

Assignantur gravissimis poenis. 324. a. 325. e.

Quæ poenæ paulatim remittuntur. 326. d.

Multis rebus juvantur. 324. d. 326. b. 328. b.

Vide v. Suffragia, & v. Defuncti.

Pœna temporalis Purgatorii per ignem significatur. 292. a.

Homines merentur in hac vita purgari & juvari in alia. 305. e. 310. b.

An omnes tamen boni, quàm mali debeant transire per Purgatorium saltem materialiter, sine ulla scilicet læsione bonorum. 311. b.

Quod genus peccati in Purgatorio puniatur. 310. b.

Purgatorium est pro his tantum, qui cum venialibus culpis, vel cum reatu poenæ, culpis jam remissis moriuntur. 313. b. 323. b.

Purgatorii poenas non sentiunt qui mox à Baptismo decedunt. 311. d. 323. b.

Non alias poenas agnovit Origenes quàm Purgatorias. 284. c. 289. d. 311. c.

Purificationis Beatæ Virginis festus dies. 454. d.

Puillanimitatis vitium. 82. e.

Q

Quadragesimæ jejunium est Apostolica traditio. 146. a. b.

Quomodo dicatur iudicium à Domino. 157. a.

Integram Quadragesimam sine ullo cibo & potu jejunavit S. Simeon. 244. d.

Dominicæ Quadragesimæ. 451. 452.

In Quadragesima celebrari dies festos Sanctorum prohibuit Concilium Laodicenum. 453. d.

Quartodecimani excommunicari à Victore I. Papa. 329. e.

Cui sic nominati. 450. a.

R

Redemptio nostra per sanguinem, & mortem corporalem Christi. 310.

Regnum Dei dicitur gratia & charitas. 74. d.

Regnum

Regnum Dei, gaudium in Spiritu Sancto. 82. a
 Regni Dei signum est concordia. 76. e
 Regnum Christi est Ecclesia, & Ecclesia comparatur Regno. 43. b
 Regna sæpe sunt iuste & iniuste occupata, à Deo, & non à Deo. 258. b
 Religio defendi debet à regibus. 271. e
 Religionis libertatem qui concesserint. 272. a
 Religionem remittere, nemo audere debet. 273. d e
 Iudicium de religione ad magistratum non pertinet. 271. b
 In omni mutatione religionis sex demonstrari possunt. 290. e
 Religio & religiosi. Explicatur natura & definitio religionis. 174.
 Diversa genera religionum. 175. b
 Utilitas diversarum religionum. ibid. a
 Confirmatio religionum. ibid. a
 Quando incoeperint. 176. d
 Causa instituendarum religionum. 178. b
 Religionem ingredi licet paucioribus. 180. c
 Licet filius ingredi religionem parentibus iuvicis. 281. d
 Mendacia contra religionem deteguntur, & calumnie refutantur longissime. 279. b
 Primi vituperatores eorum. 283. e
 Religiones mendicantium sanctæ sunt & perfectæ. 249. e 257. b e d
 Solvuntur objectiones contra ordinem mendicantium. 179.
 In ingressu religionis præ creditur remitti totam poenam, remissa culpa. 180. e
 Laudes religionis. ibid.
 Inter religionis professionem, & Baptismum quedam similitudo. ibid.
 Religiosus similis crucifixo esse debet. 205. e
 Religiosorum opera quid mereantur, & quomodo communicentur aliis. 180. e
 Religiosæ vitæ essentia in tribus virtutibus consistit. 178. d
 Contra religiosorum vota sentit Vigilantius. 94. e 95. e
 Reliquiæ. Proponuntur argumenta contra cultum reliquiarum. 377. a
 Deteguntur mendacia Centurionum. 378. a
 Afferitur veritas & probatur, primò exemplis. 379. a
 Conciliis. ibid. e
 Patribus. 380. e
 Ex miraculis factis ad reliquias. 105. e 381. b
 Ex miraculis quæ sæpe in ipsis Sanctorum mortuis corporibus cernuntur. 382. b
 Ex inventione & revelatione divinitus facta Sanctorum corporum. ibid. b
 Ex translatione reliquiarum de uno loco ad alium. 104. a 379. a 382. a
 Ex eo quod reliquie sub altaribus reconduntur. 383. d
 Ex usu careorum & lampadum quibus honorantur sanctæ reliquie. 383. e
 Ex ratione ducta ab utili & honesto. ibid. e
 Reliquiarum cultus à Deo inspiratus. 384. e
 Qui reliquias tangunt, aliquo modo sanctificantur. 419. d
 Reliquiarum nomine, quæ intelligantur. 427. e
 Reliquiis Sanctorum idem vel maior honor debetur, qui debebatur arce Moysæ. ibid. e
 Hæreses contra venerationem reliquiarum. 94. e
 Respublica an possit indicare bellum. 268. b
 Resurrectionis fides an fuerit in Apostolis tempore Passionis Domini nostri. 205. a b e
 Resurrectio mortuorum probatur. 293. e d e
 Ex quibus locis possint mortui revocari ad vitam. 322. a
 Resurrectio mortuorum cum corporibus in die iudicii quale gaudium futurum sit. 348. a
 An post resurrectionem sit futura gloria animæ maior quam antea. 351. e
 Resurrectionis questio fuit habita eadem

cum questione de animæ immortalitate. 285. e 286. a b
 Rex, vide supra v. Princeps, & v. Principatus.
 Regis nomen unde dictum. 259. a
 Rex magis propriè dicitur servus quam Dominus. 259. e
 Regia potestas quomodo à Deo sit. 262. e
 Regis electio ad populum. 122. e
 Reges Israel an omnes mali. 256. b
 Reges qui sanctissime regnaverunt. ibid. a
 Reges mali quare permittantur regnare. 121. b 260. d
 Habent primum locum inter Christianos, ut Christiani homines sunt. 271. e
 Custodes esse debent legum divinarum, non interpretes, & negotiis sacerdotibus non se debent miscere. 25. b
 Sunt ministri Dei. 262. e. eorum Palatia dicuntur Basilicæ. 427. d
 Possunt indicare bellum contra hostes. 268. a
 Non debent permittere confusionem hæreticorum cum Catholicis, neque libertatem credendi, sed religionem defendere. 248. d e
 Reges habent jus eligendi Episcopos ex concessione Pontificum. 126. b 127. a
 Romæ dignitas propter reliquias martyrum, præcipuè Apostolorum Petri & Pauli. 380. e d e
 Romani cupiditate gloriæ quærebant Monarchiam. 258. e
 Romani & Romanensis nomen. 83. e
 Romani Imperii defectio, nomine discissionis ab aliquibus significatur. 77. a
 Rugæ nomine quid intelligatur. 67. a

S

Sabellii superbia. 101. b. Item hæresis eiusdem. 93. e
 Sabbathum fuit dies festus antiquissimus & præstantissimus. 438. d
 Sabbathum Iudeorum Christianis observare non licet. 431. e
 Una Sabbathorum quid significet. 448. e
 Sacerdos. vide etiam v. Presbyter.
 Summus Sacerdos, ac Sacerdotes minores, & Levitæ. 332. b
 Summus sacerdos Testamenti novi. vide v. Pontifex.
 Dum sacra mysteria peragit, Christi personam sustinet. 141. e
 Dicitur mediator. 371. e
 Ejus oratio sacrificium offerentis debet offerri ad Deum. 370. d
 In Testamento veteri nulli erant nisi qui descendebant à Levi per Aaronem. 89. b
 Respondent Levitis. 95. e
 Non propagantur carnali successionem. 122. e
 Prohibentur interesse nuptiis digamorum. 152. b
 Cur olim non radebantur. 246. a
 Dei providentia erga sacerdotes. 159. e
 Eorum officia reges invadere non possunt. 23. b
 Eorum Celibatus, vide supra v. Celibatus. 18. d 33. b 34. e 94. b
 Sacerdotum uxores ducentium poena. 149. d
 Sacerdotibus præstanda obedientia. 276. d
 Ad illos recurrendum in dubiis circa legem. 18. b 23. b 30. a
 Privilegium illis concessum, non errandi in docendo populo, usque ad Christum duravit. 78. d
 Prohibetur aliis conjugium, & quo jure, vide supra v. Conjugium. 140. a 141. b e a b 146. e d e
 Quare Monogami debent esse. 152. b
 Illis prohibetur mulieres domi suæ habere. 142. b 143. b 146. d
 A Sacerdotibus quedam requiruntur. 144. e
 Sacerdotum Atronicum duravit usque ad Christum, & quale fuerit. 90. e 122. a
 Cur abstinent Patres à nomine sacerdotii. 424. d

Sacramentum Eucharistiæ, vide supra v. Eucharistia.
 Sacramentorum communicatio pertinet ad definitionem Ecclesiæ. 53. d
 Mali ministri comparantur canali lapide. 65. a
 Eorum administratio impeditur, si sacerdotibus concederentur uxores. 144. e
 Sacramenta rectè ministrantur certo loco. 422. b
 Sacrificium, vide v. Missa.
 Sacrificium soli Deo exhiberi potest. 358. e 360. e
 Sacrificium gratiarum actionis offerimus pro Sanctis. 299. e 329. e
 Sacrificandi munus summam puritatem requirit. 144. b
 In sacrificio oratio sacerdotis debet offerri ad Patrem. 370. a
 Ad sacrificia offerenda instituta sunt Ecclesiæ Christianorum. 423. a
 Sacrificium pro defunctis, quo juvantur animæ Purgatorii, vide supra v. Defunctorum suffragia, & v. Oratio, & hæresim contra hoc. 377. e 94. b 324. e 328. e
 Solomon S. Augustini sententia, à Deo reprobatum est. 322. a
 Sampson an salvatus. 322. a
 Samuel etiam si mortuus, solitus erat orare pro populo. 373. a
 Anima ipsius Samuelis verè apparuit Sauli. 320. a b e d e
 Sancti miraculis clari in singulis sæculis enumerantur. 103. e 104. a b e
 Sancti post mortem impetrant à Domino quicquid postulant, quia id meruerunt in hac vita rectè vivendo. 305. a
 Post hanc vitam an debeant transire per Purgatorium saltem materialiter sine lætione. 311. a
 In celo orant pro animabus Purgatorii. 311. e
 Eorum præmia paria dixit Jovinianus. 94. e
 Eorum beneficia exhibita viventibus. 327. a. eorum precibus juvantur homines post hanc vitam. 297. b
 Pro illis non est orandum. 299. d 324. b 329. a
 Sanctis an gloriam præat Ecclesia. 329. d
 Multi Sancti bella gesserunt. 265. b
 Mendacia hæreticorum in Sanctos. 335. 336. item contumeliæ. 337. 338. 375. e
 Argumenta quibus illi probare nituntur Sanctos nondum esse beatos. 341. a
 Contraria Catholica assertio demonstratur testimonio Ecclesiæ. 343. a. Scripturarum testimonio. ibid. d. Ex Patribus Græcis. 346. e. ex Latinis. 349. e
 Rationibus. 353. a
 Sancti rectè ab Ecclesia canonizantur. 354. d
 Cujus sit Sanctos canonizare. 355. a
 Credendum est Pontificem non errare in canonizatione Sanctorum. 356. a
 Sancti non canonizari privatim possunt coll non publicè. 356. e
 Questio de cultu Sanctorum. 357. b e d e
 Controversia de invocatione Sanctorum. 363. a b e d
 Quomodo Sancti invocandi non sint. 364. a
 Sancti pro nobis orant. 365. e 375. a
 Sunt invocandi & orandi. 85. e & hæresim contra hoc. 94. d 367. e a b
 Solvuntur argumenta contra invocationem Sanctorum. 370. d
 Possunt aliquomodo Sanctis vota munerari. 419. a
 Sancti quomodo sint mediatores. 371. e
 Quomodo cognoscant viventium preces. 387. a b e d
 Vident in Verbo quæ ad eos pertinent. 373. d
 Vident quæ sunt in terris. 375. b
 Non est signum dissidentie eos invocare. 374. a
 Sanctorum aliquorum historie apocryphæ. 375. a

Sanctorum dies festi. 374. a. vide v. Festi dies.
 Sanctis rectè edificantur, & dedicantur templa. 325. c
 Sanctorum reliquiarum veneratio. 379. b
 Miracula. 381. b
 Inventio. 382. e
 Translatio. ibid. c. & vide suprâ v. Reliquiæ.
 Sanctimonialia juniores possunt vovere. vide v. Virgines sacræ &c. Continentiæ votum &c. 179. e 234. e a b c
 Sanctimonialium vota. 212. 213. & 242. a b c d
 Sanctimonialium habitus, ejusque antiquitas. 245. a. item tonsura. 245. a 246. b
 Sanctimonialium ancillæ. 232. b
 Sanguinis & suffocati lex. 18. e 32. d
 Satisfactio Christi sufficiens & efficax. 306. e
 Satisfactio Christi quæ applicatur nobis per opera nostra an sit una vel duæ, una Christi, altera nostra. 307. d
 Satisfactionis nostræ virtus est à sanguine Christi. ibid.
 Satisfactio ante & post justificationem. ibid. c
 Opera satisfactoria defunctis profunt. 328. b
 Satisfactionis & meriti propria quedam. 308. c
 Schismatici non sunt de Ecclesia. 56. d 97. c
 Scriptores sacri misicè inter se consentiunt. 96. e
 Scriptura quomodo differat à Conciliorum decretis. 43. e
 Non est simpliciter notior quàm Ecclesia. 82. a
 Quæ sit vera Scriptura, & quis verus sensus ipsius, ex Ecclesia peti debet. 81. b
 Est antiquior ipsi Diis gentilium. 83. e
 Pendet ab Ecclesia, non contra. 82. a
 In Scriptura nullum est verbum frustra, & omnia ad fidem pertinent. 43. d
 In Scriptura nullus potest esse error. ibid. e
 Scripturas canonicas credere, an sit absolute necessarium ad salutem. 73. d
 An sit major auctoritas Concilii, quàm Scripturæ. 43. e
 Sedes Petri comparatur capiti, radici, fonti, soli. 82. d. vide suprâ v. Ecclesiæ comparationes.
 Sepulchrum Domini gloriosum. 379. c 384. c
 Sepulchra Sanctorum dicuntur memoriæ. ibid.
 Sepulchrum esse rem bonam & utilem, & scriptus Ecclesiæ in sepeliendis mortuis esse antiquos, & sanctos. 330. b
 Serpens æneus colebatur. 397. d. contractus ab Ezechia. 406. c
 Servitutis duplex genus. 259. b
 Sexum distinctio futura in alia vita negatur ab Origenis. 179. d
 Si, aliquando non est dubitantis, sed affirmantis. 374. b
 Sigismundus Imperator. 6. e
 S. Simeon Stylites in columna plurimos annos vixit. 243. e
 Ejus imagines frequentissimæ. 395. a
 Simonis magi ambitio. 100. e. fictum miraculum. 102. b. Hæresis. 352. b. Mors. 103. b
 Simoniorum hæresis. 92. b
 Simulacrum quid sit. 386. a
 Socrates hæreticus Novatianus. 445. d
 Socrates in historia multa mentitur. 146. d
 Solitudo & austeritas vitæ. 240. b 242. e
 Sortium usus in electione Prælatorum damnatus. 321. d. quando licitus. 322. a
 Sozomeni historia à S. Gregorio reprobatur, quia multa mentitur. 146. e
 Spirituale dicitur aliquid vel secundum substantiam, vel secundum ordinationem ad spiritum. 75. c
 Spiritus sanctus inhabitat per charitatem. 177. e
 Ejus dona sunt anima corporis Ecclesiæ. 54. b
 Ejus adventus die Dominica. Vide d. hac die. 446. a. & de Pentecoste. 447. a

Ejus imago sub specie columbæ an rectè pingatur. 389. e
 Sponsæ quæ sint. 239. e
 S. Stephani inventio. 382. a. Miracula. 381. e
 Subjectio politica, & despotica. 259. b. 362. a
 Suffragii signum erat attollere manus. 125. a
 Suffragia defunctorum. Vide suprâ v. De functi. v. Oratio, & v. Sacrificium.
 Suffragia Ecclesiæ defunctis profunt. 321. b
 Suffragiorum genera quæ sint. 328. b
 Quis possit defunctis suffragari. ibid. e
 Quibus profunt suffragia. ibid. e
 An & restitutio rei alienæ sit genus quoddam suffragii. ibid. a
 Superbia commune vitium hæresiarcharum. 100. d
 Supplicationes. In supplicationibus gestari debet Theca reliquiarum. 380. b
 Debet præferri crux cum ardentibus facibus. 416. a
 Supplicia à Deo intentata in hac vitâ, sunt comminatoria. 325. d
 Symbolum Apostolorum recipere an satis sit. 272. e
 Synagoga, particularis Ecclesiæ. 87. a
 An repudiata. 153. c

T

T Abernaculi Mosayci ornatus. 431. a
 Hic ornatus fuit typicus. 432. b. & moralis. 434. c
 Tau signum. 412. a 417. a
 Templum, de erroribus circa templa. 420. a
 Eorum erectio. 420. a. forma ibid. c. finis. 422. a
 Rectè instituuntur quedam loca in quibus Verbum Dei, & Sacramenta populo ministrantur. 422. b
 Ecclesiæ Christianorum ad sacrificia offerenda instituta sunt, & idem verè & propriè templa appellari possunt. 423. c
 Ecclesiæ Christianorum rectè ad orandum etiam privata oratione instituuntur. 424. b
 Sacre domus non solum Deo, sed etiam sanctis rectè edificantur & dedicantur. 426. c
 Merito templa Dei cum ingenti læticia, & solemnitate dedicantur. 427. c
 Merito ab Ecclesia variis precibus, & ceremoniis templa consecrari. 429. a
 Templum consecratum merito sanctum, & venerabile, & virtute quadam divina præditum existimari debet. 430. a
 Opus bonum & pium est ex genere suo ingentibus sumptibus templa Dei edificare, aut ornare. 431. c
 Potest tamen ejusmodi opus ex defectu circumstantiarum facile vitari. 433. d
 Templi Salomonis partes. 421. d. Ornatus. 431. c. fuit typicum & morale. 434. a. fuit etiam ad conservandam Arcam. 427. b
 Quare voluit Deus ut everteretur. 424. b
 Templi repurgatio & dedicatio quoties facta. 428. e
 Cur Apostoli abstinent à nomine templi. 424. c
 Qui autem Patres nomine templi utuntur. 423. e
 Templum vocatur domus orationis. 424. b
 Varia templa à variis fabricata & dedicata. 426. a 432. b
 Templa idolorum conversa in Basilicas Martyrum. 372. c
 In templis eriguntur altaria. 322. b 380. a 382. d
 In templis rectè collocantur imagines. 391. d
 In templis Deus est magis, quàm alibi, & citius exaudit. 425. b
 Miracula in erectione templi. 379. c
 Templorum destructores. 433. b
 Templorum Christianorum magnificentia, ædificia, ornatus, & splendor sacrorum vasorum. 431. b c d e

An magis danda elemosyna templis, quàm pauperibus. 434. e
 Tentatio carnis, ejusque remedia. 148. d 419. c
 Ob solastentationes carnis non vocantur homines ad nuptias. 218. d e a b e
 Tentari non esturi. 218. e 219. a b c
 Loca Scripturæ pro tentationibus justorum. ibid. b c
 Tertulliani defenditur quidam locus. 229. a
 Ejus hæresis fuit, animas beatorum nondum esse admittas ad beatitudinem. 341. b
 Item animarum apparitiones, dixit fuisse Dæmonum, qui fingunt se esse animas. 322. d. Discrimen inter ærumque Testamentum. 74. d
 In Testamento veteri qui erant de populo Dei. 89. b
 In signum cessationis status veteris Testamenti voluit Deus ut everteretur templum Salomonis. 424. d
 Testamenti novi proprius cultus est internus. 425. e
 Theodosii senioris laus in defensione Ecclesiæ. 108. d
 Eo Imperatore celebrata est Synodus Constantinopolitana I. 3. b 12. b
 Quare compescuit hæreticos. 91. b
 Adoravit sepulchra Apostolorum & Martyrum. 255. e
 Cum eo pugnavit sanctus Joannes Chrysostomus contra hostes ejus. 265. e
 Reprehensus est ab Ambrosio quod sine delectu obvios quosque necari jussit. 270. a
 Libertatem credendi avulsit. 271. a
 Jussit idola ubique destrui. 400. a
 Nihil judicavit in causa fidei. 24. d
 Theodosius junior laudatur pro defensione Synodi, & Ecclesiæ. 21. b. Eo Imperatore celebratum est Concilium Ephesinum I. 3. d. item Ephesinum II. reprobatum. 6. a
 B. Thomas post hanc vitam posuit meritum, non respectu præmii essentialis, sed accidentalis, quam tamen opinionem mutavit. 315. e
 Thomas Cajetanus videtur incautè concedere, licere facere idola quæ habeantur pro Diis, modò non habeat pro Diis ille qui facit. 389. b
 Thomistæ & Scotistæ ex quibus dissentiant. 97. c
 Tonsura Monachorum. 244. e
 Prima Tonsura non est ordo. 128. c 129. d
 Tilmanni hæresis de Pontifice. 382. a
 Timor Christi in passione qualis. 314. e
 Timor an repugnet charitati. ibid. e
 Trajani historia an vera. 321. d. ejus exitus. 107. c
 Trajanus mortuus triumphavit. 408. c
 Traditiones non scriptas non recipiebant Ariani. 93. e
 Ad traditiones Apostolicas quæ referantur. 309. d
 Doctrina quando conservabatur traditio. ibid.
 Transfigurationis Domini nostri dies festus. 451. b
 Tribulationes aliquando dicuntur Purgatorium. 283. b
 Tribulationes per diem Domini aliqui intellegunt. 290. a
 In tribulationibus perficitur virtus. 315. b vide etiam suprâ v. Persecutio.
 Tribus duodecim vel tredecim erant. 157. c. & 159. e. ubi particulatim de Tribu Levi.
 Trinkatis imagines an faciendæ, vel pingendæ. 389. c 390. e
 Trinitatis festus dies. 452. a
 Turca. Contra Turcas bellum gerere licet. 270. c
 Tyrannus suam quærit utilitatem. 259. b

V

Valens Imperator. 356. a. Libertatem credendi concessit. 372. b
Idem Gothos miserè decepit. 99. b
Valentinianus senior noluit Concilium convocare, neque Episcopum eligere. 123. c
Concessit Polygamiam. 151. a
Valentinianus junior libertatem credendi avulsit. 271. c
Quid posuerit super altare S. Petri. 392. d
Valentini gentilis ambitio. 101. a
Vasorum sacrorum splendor. 433. d e
An liceat aliquando vendere sacra vasa templi. 433. e a b
Verbi Dei prædicatio, vide v. Prædicatio.
Verbi Dei efficacia. 99. e
Verbum Dei rectè ministratur certo loco. 422. b
Vespasianus cæcum & claudum non curavit, ut aliqui dixerunt. 105. e
Vexillum Imperatoris Milites adorabant. 415. e
Vexillum Christi, est crux. 412. d
Via intelligitur vita præsens. 295. d
In via Dei non progredi, est retrogradi. 315. b
Vidua quæ alebatur ab Ecclesia. 211. a
Vigilantiæ hæreses. 94. c 142. b 363. b 377. b
Vigiliæ in profestis magnorum dierum. 454. d
B. Vincentii efficacia in prædicando. 100. b
Ejus miracula. 104. d
Vindicta non est appetenda. 364. b
Virga ferrea quæ sit. 366. e
Virginitas hostia Christi dicitur. 189. e
Virginitas an virtus. 226. e
Virginitatis consilium. 179. c 182. d
Præmium. 190. a. Laus. 215. ad 237. c

Virginitatem vovit B. Virgo ante Matrimonium. 179. b 207. e 208. a b c
Virginitati non æquatur conjugium. 94. d 179. e 183. d 225. a 233. c
In B. Virgine fuit fides explicita resurrectionis in triduo mortis Christi. 78. e
Hæreticorum contumelia in B. Virginem. 338.
B. Virginis invocatio. 348. a 369. e
B. Virginis imago posita Constantinopoli. 392. d
Miraculum ex imagine B. Virginis. 399. b
Illas imagines timer Diabolus. 400. e
B. Virginis templa an sint dedicanda. 427. e
Dies festi B. Virginis, ut Conceptionis. 454. d. Nativitatis. ibid. e. Annunciationis. ibid. Purificationis, & Assumptionis. ibid.
Virtutis medium. 253. a
Virtutes quare pingantur. 390. e
Visiones, & miracula quibus hæreses condemnantur. 103. c
Visiones, seu potius somnia quorundam hæreticorum. 104. e
Vita præsens intelligitur nomine viæ. 295. d
Viæ sanctitas auctorum, seu primorum Patrum nostræ religionis. 100. b
Viæ austeritas & solitudo. 240. b 242. e a b
Viæ impuritas in homine docto quid efficiat. 275. b
Vita una melior alia. 218. c
In hac viâ merentur homines posse purgari, & juvari in alia. 305. e
Vinculus in summo honore apud Judæos. 401. a
Unio membrorum Ecclesiæ cum capite, & inter se. 96. b
Votum. Ejus definitio. 196. d
Dicta hæreticorum de votis. 197. c 234. b
Omne quod sit ex voto, esse cultum Dei. 197. d
Non est propriè votum, promissio quæ sit in Baptismo. 201. d

Num res à Deo imperata, sub votum propriè cadere possint. ibid. e
Vota parvulorum facta à parentibus non sunt rata, nisi ab ipsis confirmantur in ætate adulta. ibid. d
Melius est cum voto aliquid facere, quam sine voto. 216. d 217. a
Etiam juniores possunt vovere. 234. e
Licet conjugatis ex consensu vovere continentiam. 237. b
Per vota solemnia solvitur Matrimonium ratum, non consummatum. 233. a 238. a
Incitatur ad vota emittenda. 216. d
Votum ex se læticiam gignit. 217. b
Votum ab invito aut temerè susceptum, dicitur laqueus. ibid. c
An faciat opus laudabilius qui facit opus non imperatum, nempe ex voto. ibi. e
Vota Religionis cuius efficacia. 156. a
Voti usus etiam in primitiva Ecclesia. 179. b
Possè aliquomodo Sanctis vota nuncupari. 439. a
Argumentum in contrarium. 224. b
Responsio. ibid. c d
Ustio incontinentiam significat. 218. e
Usuræ prohibitio. 199. e
VValdensium hæresis quando exorta. 183. c
VValdalos quidam Monachi converterunt. 100. d
VViclefianismo. 101. d
Uxor ducta sine dote, & externa solemnitate, dicitur concubina. 35. d
Uxores non permittuntur hominibus in sacris constitutis. 18. e 151. d 140. a b 141. b 147. b. vide v. Matrimonium, & v. Sacerdos, vel Clerici.
Apostoli an habuerint uxores. 145. e 216. b 228. c
Continentia ab uxoribus aliquando à Deo requirebatur. 141. a
Uxorum pluralitas an aliquando liceret. 150. a ibid. d e 151. a b

Finis Controversiarum Secundi Tomi.

OPUSCULA.
Quæ Disputationibus
ROBERTI BELLARMINI
POLITIANI,
EX SOCIETATE JESU,
IN EDITIONE VENETA, AB EODEM AUCTORE
ADJUNCTA FUERUNT.

Hoc ordine collocata reperies.

Appendix ad libros de Pontifice.

De Exemptione Clericorum.

Libri Tres de Translatione Imperii.

Appendix ad disputationem de cultu imaginum.

De Indulgentiis libri duo.

Judicium de Concordia Lutheranorum.

Apologia brevis pro eodem libello.

* *
*

Typographus Lectori benevolo Salutem:

CUM in Veneta editione Disputationum ROBERTI BELLARMINI Societatis JESU Theologi, quae nunc Lector candide recenter prodit, Opuscula quadam ejusdem authoris, numquam antea divulgata, fuerint addita, rem non minus utilem doctis nos omnibus, quam gratam esse facturos arbitrati sumus, si eadem illa, quae in prioribus desiderantur editionibus Opuscula, in unum quasi fasciculum conjecta, & à veteribus separata Disputationibus, praelo subjecta Typographico, in publicum produceremus, hoc potissimum fine, ut illorum, qui jam in prioribus emendis impensas antea fecerunt, commoditati consulentes, ab eorundem iterata eisdem emptione liberaremus, simulque hujus utilitate auctarii ex integro frui faceremus. Vale, & nostros hosce conatus, in rem tuam praecipue exercitos, quo solitus es affectu ut per tuam prosequi digneris humanitatem optamus. Venetiis ex Calcographia nostra anno puerperii Despara Virginis 1599. ipsis Kalendis Martii.

479

APPENDIX AD LIBROS DE SUMMO PONTIFICE,

Quæ continet responsionem ad librum quendam anonymum,
*Cujus titulus est, Aviso piacevole dato alla bella Italia,
eodem Roberto Bellarmino Auctore.*

CAPUT PRIMUM.



SCRIBIT ad Timotheum B. Apostolus in epistola posteriore cap. 4. futurum esse tempus aliquando, cum homines à veritate quidem auditum avertent, ad fabulas autem convertentur. Id tempus advenisse nunc cernimus; Nam cum ex divinis literis, & veterum scriptorum monumentis per annos plus septuaginta inter Catholicos, & Hæreticos de fidei controversiis sit acerrimè disputatum: nunc tandem Calviniani, verbi Dei & sapientissimorum Patrum auctoritate contempta, ad Poetarum fabulas convertuntur, & ex Canticis, vel narrationibus partim fabulosis, partim impuris de dogmatibus fidei, gravissimisque Religionis capitibus decernere non verentur.

Ita nimirum par est, ut qui fontem aquæ vivæ dereliquerunt, fodiant sibi cisternas dissipatas: & pro divinis Prophetarum oraculis Poetarum somnia, & fabulas meditentur, ut in reprobum sensum omnino se traditos tori orbi terrarum ostendant.

Et quamvis ejusmodi homines indigni sint, quorum ratio à viris gravibus, ac præsertim Catholicis habeatur, nec tam disputationibus refellendi, quam Hippocratis vinculis alligandi, & tanquam malè sani helleboro curandi esse videantur: tamen ob scandalum parvulorum, qui verum à falso, & lucratum à sincero non sine labore discernunt, operæpretium esse duxi, brevi lucubratiuncula anonymo libello respondere.

Et quoniam libelli auctor ita suum opus contexit, ut primum in Romanum Pontificem, quem Antichristum haberi cupit, canina eloquentia invehatur, deinde quædam ex Dante, Petrarcha, & Bocacio adducat in medium, quæ adversus eundem Pontificem facere judicavit: postremò unam & quinquaginta satyras, non furore poetico, sed rabie, ut dixi, canina in ipsum Christi Vicarium Sextum V. evomat: ego eodem ordine declamationem ejus adversus Pontificem summum primo loco refellam, deinde Dantis, Petrarchæ, atque Bocacii, ad quos Judices adversarius provocavit, apertissima testimonia contra ipsum proferam; ad extremum sententiam satyrarum ipsius, imperitiæ, & temeritatis coarguam, & levibus satyris unius obscuri hominis gravissima testimonia, atque exempla scripturarum opponam.

CAPUT II

SED jam ad rem aggredientes, inscriptionem famosi libelli paulisper inspiciamus. *Aviso piacevole dato alla bella Italia da un nobile giovane Francese.* Huc tandem Hæreticorum impietas delapsa est, ut res maximè serias, atque tristissimas, & omni lachrymarum fonte plangendas, jucundæ narrationis, & tanquam amicæ confabulationis materiam faciant. Quid enim miserius, quid luctuosius, quid atrocius Christiana pietas audire poterat, quàm à perditis quibusdam hominibus gladio linguæ ita proscindi Christi Vicarium, ut ex verborum contumeliæ in ipsum sine ullo pudore jaciantur, quæ vix in vilissima quæque mancipia convenirent?

Et tamen hæ contumeliæ, vel blasphemia potius, atque impia maledicta ita nonnullis jucunda visa sunt, ut eo titulo ornandas putaverit, *Aviso piacevole.* Ita nimirum Calviniani paulatim Athei fiunt, de religione jocum, & de controversiis fidei ludicras declamatiunculas faciunt; *Latantur cum malè fecerint, & exultant in rebus pessimis.*

Dato alla bella Italia. Invidebas videlicet Italiæ suam pulchritudinem, quæ in eo potissimum sita est, ut nullius hæresis maculis, nulla schismaticorum colluvione foederetur, & ea causa fuit, cur Italica lingua, non Latina scriberes (nisi fortè, quod facile suspicari possumus, Latinas literas ignorabas) ut eorum Italorum, qui Latine linguæ expertes sunt, piam fidem corrumperes.

Videbat nimirum Satanas innumerabiles in Italia homines esse de numero eorum, quos (ut Sanctus Augustinus loquitur in lib. contra epist. fundamenti cap. 4.) credendi simplicitas turissimos facit. Intelligebat singulari Dei providentia fieri, ut Romana fides Apostolico ore laudata in Italia populis incorrupta, & inviolata permaneat. Non ignorabat eam adhuc esse per Italiam universam Sedis Apostolicæ reverentiam, quæ in toto orbe Christiano esse deberet, & aliquando fuit, verè enim S. Prosper in lib. de Ingratis scripsit,

*Sedes Roma Petri, quæ pastoralis honoris
Facta caput Mundi, quicquid non possidet armis,
Religione tenet.*

Et S. Leo serm. 1. de Natali Apostolorum, *Per sacrum B. Petri sedem caput orbis effecta, latius præfides religione divina, quàm dominatione terrena.* Angebatur hostis humani generis, quod impia defectio à matre Ecclesiarum, atque ab ipso communi Patre omnium Christianorum, tanquam à Babylone & Antichristo, apud multos Septentrionales populos tam facilè propagata, in Italiæ provinciis locum nullum haberet.

Itaque

Itaque nactus tandem aptum ad suas fraudes instrumentum, perditum nescio quem juvenem excitavit, qui vulgari idiomate, dulci oratione, & suavis canticis, læthale venenum vulgi auribus instillaret. Sed Deo bene juvante *mentietur iniquitas sibi*, nec solum Pastorum vigilantia diligentissime providebit, ne ejusmodi libelli ad Italorum manus aliquando perveniant: sed neque ullus nostrum Italicis verbis istiusmodi libros refutabit, ne vel ex ipsa nostra responsione cognoscant populi horribiles illas blasphemias, quas ne fando quidem unquam audiverunt.

Et quemadmodum adversarius Rapsacem illum Assyrium imitatur, de quo in lib. 4. Regum cap. 15. dum lingua populari blasphemias in Christi Vicarium evomit: ita nos Eliachim prudentiam imitabimur, dum respondendo cavebimus, ne populorum aures inauditis illis blasphemias polluantur, ne quo modo corrumpantur sensus eorum, & excidant à simplicitate, quæ est in Christo.

Da un nobile giovane Francese. Gallus ne fuerit, an Gallum simulaverit, qui hæc scripsit, non magni refert, juvenem certè fuisse facile credi potest, satis enim procacitas, petulantia, levitas, imperitia, quæ in toto libro cernuntur, auctoris sui juvenile ingenium produunt. At nobilem eundem fuisse, vel esse, ego quidem ægrè adduci possum, ut credam, nisi fortè nobilem scurræ, non virum nobilem, libri titulus indicet: certè obscena vocabula, convicia, & contumeliæ, quibus undique liber scatet, Agafonem potius, Aurigam, vel Nautam, quàm virum nobili loco natum decebant.

Et cur quæso nobilis iste juvenis nomen suum non prodidit? Cur latet in tenebris, qui tam ferociter summo Christianorum Præsuli minas intentat? Cur novus iste Goliath qui tam confidenter exercitui Dei viventis exprobrat, & tamquam alter Semei, Christo Domini maledicit, ita obscurus latitat, ut ne de nomine quidem velit agnosci? Sed veram esse oportet sententiam veritatis Joan. 3. *Qui male agit, odit lucem.*

C A P U T I I I

Venio nunc ad eam declamationem, qua libelli auctor in Christi Vicarium impiè debacchatur. Primis quatuor pagellis verbosissima oratione Pontificem Romanum Antichristum esse affirmat ac repetit millies, idque jam perspectum ac notum esse omnibus contendit, exceptis paucis quibusdam excæcatis Italis, atque Hispanis. Quare si quis totidem verbis, multaque sententiarum congerie, & varietate Calvinum, aut Lutherum, aut verius utrumque vel Antichristum ipsum vel ejus præcursores esse dicat, repetat, inculcet, par pari sine dubio referret, & stulto secundum ejus stultitiam responderet. Sed non est hominum doctorum, ac potissimum Catholicorum verbis contendere, inanis ista garrulitas hæreticorum propria est, qui cum rebus non possint, verborum certè profusione coram imperitis malam causam suam utcumque sustentant. Multa de Antichristo scribit Daniel, multa post eum Paulus, multa Joannes, sed illa præter cæteras insignis est Antichristi nota, Deos omnes contemnere, ut ipse unus habeatur Deus. *Et elevabitur*, inquit Daniel cap. 11. *& magnificabitur adversus omnem Deum, & adversus Deum Deorum loquetur magnifica*, & Apostolus 2. Thessalon. 2. *Et revelatus fuerit homo peccati, filius perditionis, qui adversatur, & exollitur supra omne quod dicitur Deus.* Huc etiam pertinet, quod Christus ipse Judæis prædixit. Joan. 5. cum ait: *Ego*

veni in nomine patris mei, & non recepistis me, si alius venerit in nomine suo, illum accipietis. Antichristus enim in nomine suo veniet, quia nullum supra se Deum agnosceret. Jam verò Pontifex Maximus prædecessorum suorum imitatus exempla, nonne & in literis servum servorum Dei se palam appellat? & ad sanctum altare uni vero Deo populo inspectante sacrificium offert? & summum honoris titulum esse censet, si Christi Vicarius nominetur? & denique Christum publice, & privatim colit, & ut ab omnibus agnoscat, & adoretur, satagit? Qui verò servum, sacerdotem, Vicarium, cultorem Christi, & verbis & factis se profitetur, certè non elevatur supra omnem Deum, juxta Vaticinium Danielis, neque juxta Paulum se ipse extollit supra omne quod dicitur Deus, neque à seipso venit, juxta verbum Domini apud Joannem, sed ab illo qui Petrum, cujus se successorem Pontifex Romanus verè nominat, ad gregem suum cum potestate misit, cum ait Joan. 21. *Pasce oves meas.* Quæ cum ita sint, nihil verius, nihil apertius, nihil certius dici potest, quàm nihil esse Romano Pontifici cum Antichristo commune, nisi fortè quæ sint Antichristi notæ ex hæreticorum mendaciis, non ex divinis oraculis discere libeat. Quid, quòd tanta est hæreticorum hujus temporis inconstantia, ut quem Antichristum esse volunt, iidem ipsi Antichristum non esse doceant? nihil enim sapius, neque majori contentione Romanis Pontificibus, quàm idololatriam objiciunt, siquidem & sanctorum invocationem, & reliquiarum atque imaginum cultum, & ipsum Missæ sacrificium idololatriam esse clamitant. At si tot Deos à Romanis Pontificibus coli existimatis, quot sunt beati spiritus in cælo; unde tandem vobis in mentem venit, ut eosdem Pontifices Antichristos faceretis? an verò Daniel, & Paulus illum Antichristum forè prædixerunt, qui Deorum multitudinem sese prosterneret, & non eum potius, qui se supra omne numen elevaret? An non sentitis, quàm parum coherentia cum divinis literis, & quàm ipsa secum apertè pugnantia sint, quæ dicitis? Quale autem mendacium est, in sola Italia, atque Hispania Romanum Pontificem non ut Antichristum repudiari, sed pro vero Christi Vicario agnosci, & coli? Quid? in ipsa Germania, nonne Imperator, ejusque fratres, & Archiepiscopi Electores, Dux Bavarie potentissimus, aliique plurimi tum Ecclesiastici, tum Politici Principes vivunt, qui unà cum populis, quibus imperant, Romano Pontifici, ut Christi Vicario parent? In Polonia nonne Reges semper Catholici cum Episcopis item Catholicis, & magna nobilium, ac plebeorum multitudine Romanam fidem professi sunt, & adhuc hodie profitentur? Svecia, Hungaria, Scotia nonne suos habent Catholicos? In Anglia verò nonne Catholicorum pro Romana fide pugnantium pleni sunt carceres? Nonne quotidie gloriosa martyria exhibentur? Nonne libris in ipsa Anglia editis Catholici Lutheranos, & Calvinianos exagitant? Quid de Gallia dicam? Rex ipse Christianissimus totius regni caput, Romanum Pontificem splendidissima legatione non honoravit? non eum Christi loco in terris esse agnovit? non obedientiam illi suo nomine præstari jussit? Episcopi totius Gallie nonne Catholici sunt, & summum Pontificem debito cum honore suscipiunt? Quis verò Principes, quis populos numeret, qui pro Romana fide vitam ipsam, & sanguinem profundere tota Gallia parati sunt? Quid igitur sibi volebat ille mendaciorum architectus, cum paucos dumtaxat cæcos, eosque in sola Italia, & Hispania esse pronuntiabat, qui Romanum Pontificem Antichristum esse non crederent? & tamen Europam nondum sumus egressi: nam si

lustra-

Iustrare Asiam, & Africam, & novi orbis vastissimas regiones animo velimus, inveniemus profecto in America, in Brasilia, in exteriori Africa, in Arabia, in sinu Persico, in India, in insulis Moluccis, in aurea Chersoneso, apud Sinas, apud Japones, ubi nondum Lutheri, & Calvini nomen penetravit, plurimos optimosque esse Christianos, qui sub Rom. Pontificis obedientia Christum colant; Ante nonnullos annos ex ultima Japonia nobilissima legationum annorum itinere confecto ad Romanum Pontificem, ut verum Christi Vicarium agnoscendum, ac venerandum venit, neque multi menses præterierunt, cum ad hunc ipsum, qui nunc B. Petri sedem tenet, Clementem VIII. Pontificem literæ à Patriarcha Alexandrino ex Ægypto missæ sunt, quibus cum is Patriarcha caput Ecclesiæ universæ Christique Vicarium confiteretur, ut nihil hic de Armenis & Maronitis dicam, qui inter tot sectas hæreticorum, & Paganorum, quæ Orientem premunt, Romanæ Ecclesiæ fidem, & obedientiam retinent; quæ cum ita sint, quanta vanitas, atque temeritas ejus hominis fuit, qui in sola Italia atque Hispania paucos quosdam invenire potuit qui sedem Apostolicam, ut æquum erat, venerarentur? Sed cætera videamus.

CAPUT IV.

MUltis verbis inaniter, ut dixi, profusis, inep̄tè philosophatur adesse jam annum à Lutheri prædicatione septuagesimum, proinde initium liberationis à tam diuturna captivitate sese aperire atque ostendere. Sed instar phrenetici nesciens omnino quid diceret, verè significavit septuagesimum annum jam agi Lutheranae captivitatis, si enim ulla captivitas Luthero exoriente exorta est, ea certè Romana esse non potuit, cum nulla mutatio in Urbe Romana per id tempus facta sit, sed eadem fides, eadem religio, eadem forma Christianæ Reipub. quæ ad eam diem fuerat, esse perseveraverit. At in Germania, Satana auctore, & administro Luthero, Christi religio in perditissimam hæresim mutata est, nec solum externus Dei cultus, & Sacramenta omnia mutilata, vel sublata sunt, sed ipsum etiam hominum arbitrium, ex libero ac soluto in miseram captivitatem redactum, annos jam amplius septuaginta apud Saxoniam Babylonem servit.

CAPUT V.

P̄Ergit deinde libelli auctor & Calvinianos hæreticos non esse ea ratione demonstrare aggreditur quia hæreticus non est, qui Evangelio credit, quique nullum articulum symboli Apostolici inficiatur. Et quoniam Apostoli in eo Symbolo Unam Ecclesiam Catholicam, & Apostolicam esse docuerunt, Romanæ autem mentionem nullam fecerunt, vitio vertit ipse Romanis Pontificibus, quod ad articulum de Ecclesia vocem illam, Romanam, adjecerint. Sed hac responsione indicat se nescire quidem quale sit Apostolicum symbolum, neque quid sit fides, aut hæresis unquam didicisse, neque id sane mirum, cum in amatoris canticis Petrarchæ, non in dogmatibus Christianæ religionis ætatem contriverit. Disce igitur quicumque es famosi libelli auctor, non illos tantum esse hæreticos, qui Evangelium, aut Symbolum apertè rejiciunt, sed illos etiam qui in Evangelii, & Symboli interpretatione judicium ipsi suum Ecclesiæ judicio præferunt; alioqui enim neque Ariani, neque Macedoniani,

Controv. Card. Bellarm. Tom. II.

A neque Nestoriani, neque Pelagiani, neque alii permulti hæretici erunt, quos tamen non solum Catholici, sed etiam Lutherani, & Calviniani pro hæreticis habent. Siquidem illi omnes Evangelium, & Symbolum, quod attinet ad verba, integrè recipiebant, sed perperam tamen, ut omnes hæretici faciunt, interpretabantur. Quid? nostra ætate qui in Polonia, & Ungaria duo primaria religionis Christianæ mysteria destruunt, personarum divinarum Trinitatem, & incarnationem Verbi Dei, nonne totum Evangelium, totumque Symbolum Apostolicum, præter ceteros homines tueri se, ac defendere profitentur? Ita omnino, & tamen qui sunt hoc tempore magis hæretici? Denique si Evangelio credere, & nullum articulum symboli pernegare, sufficere vobis videtur, ut quis hæreticus non esse judicetur, cur tam audacter Pontificem Romanum, & qui illi adherent, hæreticos pronunciat, quos Evangelium, & symbolum integrè colere, amplecti, ac sequi non ignoratis? Quod enim Pontificem accusatis, quasi is Apostolicum symbolum depravarit adjectione vocis, Romanam, ad voces, Catholicam & Apostolicam in articulo de Ecclesia, inficiam vestram prodit: nam neque in symbolo Apostolico fuit unquam vox, Apostolica, neque à Pontificibus addita est vox Romana, sic enim symbolum habet, *Credo in Spiritum Sanctum, Sanctam Ecclesiam Catholicam, Sanctorum communionem* &c. sic olim veteres legebant, sic hodie in horariis precibus legimus, sic in omnibus Ecclesiæ Catechismis invenies. Solemus quidem extra symbolum cum veram fidem, aut Ecclesiam describimus, eam Catholicam, Apostolicam, Romanam appellare, quia (ut S. Cyprianus scribit lib. 1. epist. 3.) *Ad Romanam Ecclesiam perfidia habere non potest accessum*. Et Ambrosio teste in oratione de Obitu Satyri, *Is cum Episcopis Catholicis convenit, qui cum Romana Ecclesia convenit*. Et auctore S. Gregorio Nazianzeno in Carmine de vita sua, *Vetus Roma ab antiquis temporibus habet rectam fidem, & semper eam retinet, sicut decet Urbem, qua toti orbi præsidet*, & ut loquitur S. Hieronymus lib. 3. apologiæ adversus Rufinum, *Romana fides Apostolica voce laudata, præstigijs hæreticorum non recipit, etiam si Angelus aliter annunciet, quam semel prædicatum est, Pauli auctoritate munus non potest mutari*. Et denique, ut sanctus canit Augustin. in Psalmo contra partem Donati, *Romanorum successio Episcoporum ipsa est petra, quam non vincunt superba inferorum porta*.

CAPUT VI.

V̄Enit tandem adversarius ad argumenta, & primùm testimonia Pauli, Joannis, & Danielis de Antichristo profert, quæ quidem nos libenter admittimus, sed probandum erat adversario, Romanum Pontificem per ea testimonia designari, quod nec fecit, nec in æternum faciet. Progreditur deinde ad testimonia cæterorum patrum, & iis affirmare conatur, Romanum Pontificem à veteribus quoque pro Antichristo habitum, ea testimonia paulisper inspiciamus. Primo loco S. Irenæum producit in medium, qui alicubi scribit, *Antichristus licet sit servus, volet tamen adorari ut Deus*, hæc enim sunt verba sua. *Ireneo dice à punto così, L'Antichristo quantunque sia servo, vorrà nondimeno essere adorato come Dio. Le quali parole se bene le considerai, Italia mia, troverai ottimamente dipingerli il vero ritratto del Papa, il quale si nomma, non senza alto misterio dell'eterno Dio, servo de servi*. Si Dialecticam nosces, admonerem te, ne tam apertè in Paralogismum incideres, siquidem

Hh

ex

ex sententia Irenæi Antichristus non se nominabit servum, sed erit servus: Pontifex noster contra, servum se ex humilitate nominat, cum pater sit omnium, etiam Regum, & Imperatorum. Sed paralogismum tibi condono, crimen falsi condonare certe non possum, locus Irenæi habetur lib. 5. cap. 25. in hæc verba: *Cum sit servus, Regem se vult præconari.* Non igitur (ut tu fingis) Irenæus dicit, *cum sit servus, quasi Deus vult adorari, sed Regem se vult præconari.* Romanus autem Pontifex neque ipse se Regem appellat, neque ab aliis appellari cupit. Sed quid si ex eodem Irenæi loco planum faciam non posse nisi per summam impudentiam Antichristi nomen ad Romanum Pontificem trahi? Antichristum futurum genere Judæum atque ex tribu Dan Irenæus affirmat. Eundem Hierosolymis regnaturum, & in templo quod Salomonis dicebatur sessurum scribit, tribus annis cum dimidio cum regnaverit, ab ipso Christo interficiendum docet. Denique addit Idola omnia submoturum, ut ipse unus pro idolis omnibus adoretur. Porro ab eo tempore quo Lutherani Romanum Pontificem Antichristum appellare coeperunt, nullus fuit Pontifex de tribu Dan, nullus Hierosolymam vidit, nedum in templo Salomonis sedet, nullus tribus annis cum dimidio rerum potitus est, sed alii longiore, alii breviori tempore Ecclesiæ Catholicæ præfuerunt. Denique idola quidem summus Pontifex noster re vera non patitur, sed opinione vestra, tot idola crexit quot sunt imagines in Ecclesiis: quare si Irenæo credimus, neque Romanus Pontifex Antichristus est, neque eum Lutherani possunt, nisi secum ipsi pugnent, Antichristum nominare. Secundo loco Tertullianum, & Hieronymum in testes adducit, qui per Babylonem de Apocalypsi Romanam significari voluerunt. Poterat addere testimonium longè majus Apostoli Petri, qui in ultimo capite Epistolæ primæ, eandem Romam Babylonem appellat. Sed nihil omnino ista faciunt ad rem: Nam & Petrus, & Joannes, & post eos Tertullianus ac Hieronymus cum Romam per Babylonem significari volunt, de Roma loquuntur Ethnica, non de Roma Christiana, de Roma inquam illa, quæ sub Nerone, ac Domitiano imperium tenebat super reges terræ, & ebría erat, ut Joannes scribit, de sanguine sanctorum, & de sanguine martyrum Jesu. Alioqui Romam Christianam idem Tertullianus in lib. de præscriptione adversus hæreticos mirifice laudat, & S. Hieronymus in lib. 2. Contra Jovinianum extremo, sic Romam Christianam alloquitur: Ad te loquar, quæ scriptam in fronte blasphemiam Christi confessione delecti. Itaque fuit aliquando Roma magna illa meretrix, fuit Babylon mater fornicationum, sed ut idem Joannes prædixit, brevi perit, vel potius in Sanctam Hierusalem & Civitatem Dei, atque in arcem religionis & (ut Hieronymus loquitur) in tutissimum Christianæ Communionis portum commutata est.

CAPUT VII

Tertio loco Sancti Gregorii verba producit, qui cum Antichristi præcursores appellat, qui Episcopi Universales, aut summi Pontificis nomen usurpat. Sed locum nullum adducit, ubi nomen summi Pontificis S. Gregorius averletur. Quod nomen à Sancto Bernardo, Sanctoque Anselmo, Romano Pontifici passim tribuitur. Quin etiam idem S. Gregorius, lib. 1. Dialogorum cap. 4. prædecessorem quendam suum disertis verbis Summum Pontificem nominat. Quamobrem & hoc inter mendacia nume-

retur. Porro nomen Episcopi Universalis in Joanne Constantinopolitano Sanctus Gregorius duplici de causa merito reprehendit, nam & in eo sensu ab illo accipiebatur, quasi solus ipse esset Episcopus, quo sensu nomen Episcopi Universalis nulli homini convenit: & licet in alio quodam sensu appellatio illa in Romanum Pontificem optimè quadret, ut etiam à Conc. Chalcedonensi S. Leoni tributum idem Gregorius refert, lib. 4. epist. 38. tamen Joanni Constantinopolitano nulla ratione conveniebat. Itaque optimo jure S. Gregorius Antistitem illum Constantinopolitanum ingentis superbix notat, & præcursores Antichristi facit. Sed quid hoc ad rem, de qua nunc agimus, pertinet? Nam in primis Romanus Episcopus non se Episcopum Universalem, sed servum servorum appellat: deinde nomen Episcopi universalis, si bene accipiat, merito illi tribuitur, qui toti Ecclesiæ ab ipso Christo præpositus est. Denique non dicit Gregorius, Antichristum esse, sed Antichristi præcursores, qui se ipse Universalem Episcopum vocat: quare si se Romanus Pontifex universalem Episcopum diceret, in eo etiam sensu, quem Gregorius reprehendit, hoc ipso Antichristus non esset, quod ejus præcursor esset, neque enim idem esse potest is, qui præcurrit cum eo, quem præcurrit, nisi Christum cum Joanne, dominum cum servo, Regem cum præcone confundas.

CAPUT VIII

Quarto testimonium adfert Arnulphi cuiusdam Episcopi Aurelianensis, qui cum ante 600. annos in Conventu quodam Remensi multa in Romanum Pontificem maledicta congereret, inter alia etiam Antichristum, appellare ausus est. Sed ista non pluris facimus, quam tuas, quicumque es auctor famosi libelli, & tui similium criminationes. Satis enim constat eum hostem Romani Pontificis fuisse, & inimico animo quicquid stomachus suggererat evomisse. Sed opponam illi uni Gallo Episcopo testimonia omnium Episcoporum Galliarum, qui tempore Joannis Papæ VIII. ante annos 700. Concilium apud Treas celebrantes excommunicationem à Roman. Pontifice in Principes quosdam latam his verbis comprobant: Domine Sanctissime ac Reverendissime Pater Patrum, Joannes Catholicæ atque Apostolicæ Ecclesiæ, sanctæ videlicet Romanæ primæ sedis Papa. Nos filii, famuli, ac discipuli vestræ auctoritatis, Galliarum, & Belgicarum Episcopi, his quæ super vulnera dolorum vestrorum maligni homines ac ministri diaboli addentes in Sanctam matrem nostram, ac magistram omnium Ecclesiarum commiserunt, & dolori vestro consentes condolemus, atque judicium vestræ auctoritatis, quod privilegio B. Petri, & sedis Apostolicæ in eos, & complices eorum juxta Sacros Canones spiritu Dei conditos, & totius mundi reverentia consecratos, ac secundum ejusdem Sanctæ Romanæ sedis Pontificum prædecessorum vestrorum decreta protulistis, voto, voce, & unanimitate nostra, atque auctoritate Sancti Spiritus, cujus gratia in Episcopali ordine sumus consecrati, gladio spiritus Sancti, quod est verbum Dei, eos interimentes persequimur, scilicet quos, sicut prædiximus, excommunicatis, excommunicatos tenemus: quos ab Ecclesia abiecit, abicimus, quos anathematizastis, anathematizatos esse judicamus, & quos regulariter satisfacientes vestra auctoritas, & Apostolica sedes receperit, recipiemus. Hæc ex Amoino lib. 5. de gestis Francorum cap. 27. ad verbum transcribere volui, ut prudentes judicent, uni ne Episcopo Gallo,

Gallo, an Synodo Episcoporum omnium Provinciarum ejusdem fidei habere oporteat.

CAPUT IX.

Quinto loco adversarius nesciens omnino quid loqueretur, ad Sanctum Bernardum judicem provocavit, ac ut stultitiam ejus magis miretur, ipsa ejus verba ponam. (*Leggi, à Italia mia, quello che scrisse San Bernardo ha più di quattro cento anni nelli libri delle sue Considerationi del Papa, de Vescovi, & del Clero, & poi non dubito punto, che tu non confessi, che di tai persone non si poteva dire, à voler dire la verità, meglio di quello che dice.*) Prodeat igitur Sanctus Bernardus, & temerarium istum juvenem sua auctoritate confundat. Non solum enim in libris quinque quos de Consideratione ad Eugenium scripsit, ne verbo quidem Sanctus Bernardus Pontificem Romanum Antichristum esse significavit, sed etiam in iis libris & in epistolis passim ejusdem Pontificis auctoritatem iurifice prædicavit, atque defendit. Primum librum ita exorditur. *Subit animum dicere aliquid, quod te Papa beatissime Eugeni vel adificet, vel delectet, vel consoletur, sed nescio quomodo vult, & non vult exire lata quidem, sed lenta oratio, dum certatim illi contraria imperare contendunt, majestas, atque amor.* Ita nimirum Sanctus Bernardus Antichristum alloqueretur, ita illum ædificare, delectare, consolari cuperet, ita simul diligeret, & timeret. In secundo autem libro accuratè exponens, quid sit Papa, Age, inquit, indulgemus adhuc diligentius qui sis, quam geras videlicet pro tempore personam in Ecclesia Dei. *Quid responsurum putas ille iniquus, homo peccati, filius perditionis, aperte denique dicam Antichristus? Audi quid respondeat, Quis est sacerdos magnus, summus Pontifex, tu Princeps Episcoporum, tu hæres Apostolorum, tu primatus Abel, gubernatus Noe, patriarchatus Abraham, ordine Melchisedech, dignitate Aaron, auctoritate Moses, iudicatus Samuel, potestate Petrus, unctione Christus. Tu es, cui claves tradita, cui oves credita sunt. Sunt quidem & alii celi janitores & gregum Pastores, sed tu tanto gloriosus, quanto & differentius utrumque præ cæteris munus hereditasti. Habent illi sibi assignatos greges, singuli singulos, tibi universi crediti, non unus, nec modo ovium, sed & pastorum tu unus omnium pastor.* Porro initio libri tertii una brevissima sententia idem Bernardus expressit quousque se Jurisdictio Romani Pontificatus extendat, ne fortè adversarius noster Reges ac Principes conetur excipere. Orbe, inquit, excedendum ei, qui fortè vellet explorare, quæ non ad tuam summi Pontificis pertineant curam. Librum quartum idem Sanctus Bernardus semper sui similis ita concludit, ut Summum Pontificem nomen Christianorum Ducem, pastorem plebium, ultorem scelorum, malorum metum, malleum Tyrannorum, Regum patrem, Legum moderatorem, Canonum dispensatorem, sal terræ, orbis lumen, sacerdotem altissimi, Vicarium Christi, Christum Domini, Deum Pharaonis. Hæc igitur sunt quæ Sanctus Bernardus in libris de Consideratione de Pontifice Maximo scribit, quibus vel ipso adversario teste, nihil verius dici poterat. Ac ut intelligat is, qui ad Bernardum judicem provocavit, Summum Pontificem ex Bernardi sententia non tantum non esse ut Antichristum fugiendum, sed etiam ad eum propriè pertinere causas fidei judicare, & non egredi limites suos, ut iste fingit, si de fide Gallorum sententiam ferat, audiamus initium epistolæ 190. ad Innocentium Papam, de Petro Abailardo, qui intra

Controv. Card. Bellarm. Tom. II.

A Gallias hæreses seminabat; Amantissimo patri, & domino Innocentio Summo Pontifici Frater B. Clarevalis vocatus Abbas, modicum id quod est. Oportet ad Vestrum referri Apostolatum pericula quaque & scandala emergentia in regno Dei, ac præsertim quæ de fide contingunt. Dignum namque arbitror ibi potissimum reserari damna fidei, ubi non possit fides sentire defectum, hoc quippe hujus prerogativa Sedis. Legat igitur Italia, ut adversarius cupit, legat etiam Gallia, legat Ecclesia universa Doctorem illum sanctum, sapientem, disertum & illi potius, quàm stolido isti juveni, qui tamen Bernardum judicem de hac controversia fecit, de Summo Pontifice credat.

CAPUT X.

Sexto loco producit ad medium verba quædam Eberhardi Episcopi Salisburgensis, quæ apud Joannem Aventinum extant. Sed ea neminem movere debent, cum Joannes Aventinus auctor sit parum probatæ fidei, & non sine causa illa omnia in odium Pontificum vel finxisse vel amplificasse credatur, nihil enim tale extat apud alios Historicos, ac ne apud ipsos quidem Germanos Wymphelingium, Krantzium, Nauclerum, qui eandem historiam literis consignarunt. Deinde, licet historia ab Aventino verè conscripta esset, illud tamen in dubium revocari non potest, quin Episcopus ille hostis acerrimus fuerit Gregorii IX. Pontificis, & contra Friderico II. Imperatori addictissimus. Cum autem ob discordiam illam inter Pontificem, & Imperatorem omnia bello arderent, & factiones illæ Guelphorum, & Gibellinorum tunc primùm exortæ, quasi rabie quadam accensæ furerent, qui Pontifici savebant in Fridericum, & qui Fridericum sequebantur, in Pontificem omnia convicia & maledicta iaciebant, quæ in mentem venire ullo modo potuissent. Quare non quid irati homines tunc effutirent, sed utri bonam causam tuerentur, considerare operæ pretium erit, quod quidem illa etiam de causa utile erit, quod auctor iste paulò ante videlicet pag. 4. scribere ausus sit, Fridericos Imperatores sanctos fuisse, & injustè à Pontificibus oppugnatos. Nolo scriptores Italicos producere, Sanctum Antoninum, Blondum, Sabellicum, Platina, & cæteros, qui adversario suspecti esse possent; sed Germanos tantum, qui ante exortam Lutheri hæresim sine præjudicio anticipatæ opinionis, rem ipsam, ut erat, literis prodiderunt. Jacobus Wymphelingius in Epitome rerum Germanicarum cap. 36. de Gregorio IX. à Friderico II. miris modis afflucto, ita scribit. *Tum Pontifex humanis destitutus auxilii, ad rem divinam supplicationesque animum divertit, quibus, Deo agente, Fridericum avertit hostem.*

E Habes hîc testimonium hominis Germani, & quod majus est, Friderico Imperatori addictissimu, quippe qui cap. 39. summus eum laudibus effert, qui tamen satis apertè meliorem causam Pontifici tribuit, cum ab ipso Deo Pontificem ab Imperatoris impetu defensum scribit. Joannes Nauclerus in 2. Volumine suæ Chronographiæ generatione 41. de Friderico II. loquitur ad hunc modum: *Romanus veniens mores mutavit; spreta iurjurandi religione multa, & quidem enormia aggressus, disionem vexabat Pontificiam, Pontifices & Archiepiscopos ponens in Ecclesiis suo modo, & insistens à Papa expellens, collectas ab Ecclesiis exigens; & infra, admonitus super his, ipsi non obtemperabat: admonentem magis, magisque in dies sprevit, unde eum percussit Pontifex anathemate &c.* Accedat Albertus Krantz-

Hh 2

zsius,

zius, ut in ore trium testium stet omne verbum. Hic insignis auctor in lib. 8. Saxoniz, cap. 8. Imperator, inquit, Fridericus à Papa multis ex causis excommunicatus, quas in bulla declaravit, diu permansit in sordibus, & paulò post, Pontifex sollicitavit Archiepiscopos & Episcopos, ut Imperatorem excommunicatum cunctis denunciarent: Sed Episcopi Thementonia ne hoc fieret, supplicarunt, veriti tyrannidem ejus. In Francia autem, Anglia, & Dania denunciabatur sine timore. Ex paulò infra, Imperator interit, cum Papa Concilium Prælatorum evocasset ad succurrendum terra sancta, revocatis Cardinalibus de sua quævis legatione, omnes vias terra, marique occupavit, & itinerantes ad urbem captos protraxit in carcerem Cardinales, Episcopos, Prælatos, nobiles, doctos cujusque generis & ordinis, ab orbe Christiano ad Summum Pontificem missos oratores. Doluit Christianismus tantum esse vulnus in visceribus, ab eo præsertim, qui omnia tueri susceperat, & Sacramento se adiecit, cum interim Turci & Saraceni premerent Christianos in terra sancta. Deinde cap. 9. horribilem Friderici crudelitatem his verbis exponit: Perductos ad se Romanos partim quaternis ad crucis formam perfodit vulneribus; partim caput in crucis modum quadrifarium scidit; partim fronte eodem ferro cruce reddidit insignitos, Clericos verò detonsam in vertice coronam ferro casum in cruce vulneratam, ut dicebat, iussit ornari, quorum unus inscriptum vulnus nimis patienter tolerare visus, in palearum cumulum funiculo est pertractus: & cum benedicere ac laudare Deum perseveraret, igni suppositus est crematus. Et post multa similia summæ crudelitatis exempla subiungit cap. 10. de perfidia atque impietate ejusdem: Friderici, inquit, rem in Sicilia administrantes, in nullum sacrum locum magis sacraverunt, quàm in monasterium Cassinense Divi Benedicti: aurea cunctis & argentea vasa fregerunt, qua Fridericus conflata redegit in nummos, & Monachis inde vi ac convivio deturbatis, satellites sunt in habitationem ruinamque profecti; & quod impietatem auget, Saracenos adeo fovit Fridericus, ut eos mercede conductos magis, quàm ceteros Christianos in militia charos habere sit visus: præterque arma tractantes multos ex ea Barbarie per Italiam, & Siciliam honoribus, & magistratibus evehit, ejusque gentis amore in Christianos usque adeò est debachatus, ut Luceriam Apulia civitatem ejectis populariter Christianis, Saracenis dederit habitandam, & paulò post, legem in regione promulgavit, qua Saracenos adeò voluit saluos esse, ut contendentes cum illis impune occiderentur: casuum autem Saracenorum questio, si captus non esset, qui vim attulerat, in vicina regionis populos haberetur, qua aris summa ac totidem capitum supplicio punirentur. Quin etiam alia impietate, atque infamia, ut Saraceno non magis militanti, quàm in Africa agentis commodaret, est usus, qui forma præstantiores per Siciliam mulieres, & summi Italia regnum concupitæ Virgines à parentum suum, matronasque à maritorum complexu rapi & passus fuerit & curaverit. Tuncis Africa Regis fratrem baptizari volenti Panormi prohibuit. Hæc ille: atque hæc sunt videlicet pia illa opera ob quæ sanctum Imperatorem, & unctum Dei adversarius appellavit, & cur Pontifex Gregorius Antichristus jure habendus videatur, quia cum anathemate notatum ab Ecclesia eiecit. Sed pergamus ad cætera.

CAPUT XI.

Septimo loco Joachimum Calabrum testem adducit, à quo in explicatione Apocalypsis Ro-

A manum Pontificem Antichristi nomine appellatum affirmat. Sed impudens est mendacium, quod certe nobilem virum, qualem iste se jactat minimè decebat, tantum enim abest, ut Joachimus Abbas ullo in loco Romanum Pontificem Antichristum esse significarit, ut contra potius frequenter de illo summo cum honore scripserit. In ipsa epistola, quam toti illi operi præmisit, jubet suum opus Apostolicæ Sedis judicio subijci, ubi etiam certa fide se credere dicit, non posse portas inferi contra Romanam Ecclesiam prævalere, neque usque ad mundi consummationem fidem ejus ullo unquam tempore perituram. Deinde in prima parte expositionis explicans textum septimum capitis secundi aperte scribit, Ecclesiam Constantinopolitanam finem esse habituram, Romanam autem ut veram Hierusalem, & thronum David semper mansuram. Rursus in expositione undecimi textus capitis sexti habet hæc verba. Quicumque Petri Ecclesiam moribus, viribusque impugnant, Babylonis se filios contremiscant. In expositione autem secundi textus capitis septimi per Angelum, ascendentem ab ortu solis, atque habentem signum Dei vivi, Romanum Pontificem intelligendum esse dicit, qui cum Coepiscopis suis signo crucis electos munit in illa ultima tribulatione, quam Antichristus videlicet excitabit. Sed quid opus est pluribus, cum adversarius locum nullum attulerit pro mendacio suo? Unus exstat locus in expositione textus undecimi capitis noni, qui fortè pro adversarii facere videatur. Sed in eo loco non verum Pontificem Romanum, sed Principem quendam Patrenorum hæreticorum, ab Ecclesia Romana jam olim damnatorum, quem illi suum Apostolicum dicebant, Antichristi præcurso-rem futurum esse Joachimus suspicatur. Sed nihil ad rem nostram hoc pertinet.

CAPUT XII.

D A ducit postremò testimonia trium auctorum, qui lingua Italica scripserunt, Dantis, Petrarchæ, atque Bocacii, quos testes esse dixit omni exceptione majores, quod Papæ domestici, quod antiqui, quod venerabiles ob vitæ & morum integritatem, quod summa doctrina præditi fuerint, quod sine perturbatione animi scripserint, quod denique etiam præviderint ruinam Pontificatus Romani, ut non tam poetæ, quàm prophetæ fuisse videantur. Et quidem quid isti auctores scripserint, paulò post videbimus. Nunc breviter laudes illas, quibus ab adversario afficiuntur discutiamus. Ait in primis ejusmodi esse testes ut eis nulla ratione contradici possit. At si carmina amatoria, si fabulas, si somnia scripserunt, unde illis auctoritas tanta, ut contradici nequeat? Quid si Dantem ipsum qui maxime serius, ac sobrius ex tribus illis fuit, falsitatis, ne dicam mendacii, manifestè coarguam? Certe enim quæ scribit de Anastasio Pontifice, ut suo loco ostendam, defendi nulla ratione possunt. Denique si testes isti adeo sunt veraces, ut fides omnino illis habenda sit, cur auctor iste pag. 22. fidem Danti habendam esse negat, cum donationem Constantini, & Leprosæ ejus Baptismo curatam affirmat? Ait deinde Papæ domesticos fuisse: quod de Dante & Bocacio simpliciter est falsum. Dantes enim factione Gibellinus, non modò non domesticus, sed etiam hostis Pontificum fuit; Bocacius vero nullus Pontificis domesticus fuisse legitur. Quod autem de eruditione & antiquitate dicit, antiquior & doctior S. Bernardus fuit, antiquo-

quiores etiam & doctiores innumerabiles alii, qui summi Pontificis dignitatem totis viribus defenderunt. Sed risum vix tenui, cum Petrarcham, & Bocacium à morum sanctitate, vitæque integritate laudari vidi, cum eorum scripta Italica, ob quæ ab isto juvene tantopere commendantur, nihil ferè nisi turpes amores contineant, quorum etiam ipsum Petrarcham aliquando vehementer puduit. Talibus videlicet sanctis Prophetis digni sunt Lutherani, & Calvinistæ, qui juventutem libris suis corrumpant, qui Deam Venerem & prolem ejus Cupidinem pro summis numinibus venerentur, qui vel triumphos amoris canant, vel confictis fabulis expugnandæ pudicitie artes doceant. Istud credo, Evangelium ab Antistite vestro Beza didicistis, cujus exstant tot carmina amatoria in Candidam, quædam etiam turpissima in tandem, ac puerum Audebertum; & qui non alia de causa præfationem in Psalmos poenitentiales Latinis versibus scripsit, nisi ut formam Bethsabæ impudicissimè (ut fecit) nobis depingeret. Disce miser, aliquando tandem, quanto sit Ecclesiæ Catholicæ, quam vestræ sanctior disciplina, cum illos ipsos libros vos appelletis sacros, & iterum, atque iterum typis excusos populo obtrudere nitamini, quos censura Ecclesiæ Catholicæ legi ob impuritatem, & corruptellam juventutis prohibet. Jam quod addit hos auctores sine animi perturbatione de Romano Pontifice esse locutos, quis credat, cum Dantes factione, ut dixi, Gibellinus eos ferè Pontifices solùm reprehendat qui Gibellinis præter ceteros adversabantur. Nicolaum III. Bonifacium VIII. Clementem V. Nam à Petrarcha tria illa cantica in Curiam Romanam non sine magna animi perturbatione scripta, cum aulicis insensu esse coepisset, clarius est quàm ut sit à nobis necesse dici. Quod denique ad vaticinium illud pertinet, quo illi Romani Pontificatus ruinam præsignificasse vobis visi sunt, si quidem illi tale aliquid prædixerunt, id ipsum de vaticinio ipsorum dicimus, quod de similibus prophetis olim Ezechiel cap. 13. pronuntiavit; Veh prophetis insipientibus qui sequuntur spiritum suum, & nihil vident. Tentaverat quondam Martinus Lutherus horum omnium, qui nunc in Ecclesiam Catholicam debachantur, parens, futura prædicere, ac in Epistola quadam anno 1521. cum illa inscriptione edita fidelem admonitionem ad omnes Christianos, audacter prædixit, post biennium fore, ut Papæ, Cardinales, Episcopi, Presbyteri, Monachi, Moniales, turre, campanæ, & quicquid Ecclesiasticum est, in auras diffunderet, atque evanesceret, modo, ipse illo biennio concionari, & scribere, ut coeperat, sineretur, sed permissus est non duos, ut petebat, sed ferè viginti & duos annos summa libertate scribere, ac docere, nec tamen quidquam eorum quæ prædixit, evenit. Atque eundem exitum omnia ejusmodi vaticinia necessariò sortientur, quæ cum prophetæ illius omnipotentis vaticinio pugnant: Super hanc petram ædificabo Ecclesiam meam, & portæ inferi non prævalebunt adversus eam. Matth. 16.

CAPUT XIII.

Quia verò Pius V. Pontifex optimus, & sanctissimus carmina illa Petrarchæ, quæ adversus Urbem Romam impiè scripta fuerant, abradi jussit, inde sumpta occasione, adversarius in extrema declamatione sua tragicè deplorat, quod libri sacre scripturæ non passim lingua vulgari unicuique permittantur. Sed causam istam tam ineptè & imperitè agit, ut nisi inscitiam ejus ex toto ipsius ope-

Controv. Card. Bellarm. Tom. II.

re deprehenderem, suspicarer fortasse eum prævaricari dedita opera voluisse. Primum ait, Ecclesiæ Catholicæ Præsules, & pastores id unum satagere, ut hominibus persuadeant, eos qui legunt scripturas sacras novi, ac veteris testamenti, hæreticos fieri. Sed quale est hoc mendacium? An non scripturæ sacre utriusque testamenti summo Pontifice, non solum approbante, sed etiam jubente passim publicè & privatim in templis, in scholis, in domibus leguntur? Deinde addit, impiè prohiberi lectionem biblicorum lingua vulgari, cum Moses in lege veteri iussit ut sacerdotes ad populum lingua materna conciones haberent? O acumen, quasi verò Ecclesiæ Catholicæ sacerdotes non lingua materna ubique ad populos concionentur. Tertio dicit Christum quoque id ipsum discipulis imperasse, ut videlicet ad populum vulgari idiomate loquerentur. Et quamquam vulgaris idiomatis nulla in Evangelio, ut nec in lege Moysi, mentio sit, admittimus tamen ad gentes ad quas docendas missi erant, Apostolos lingua vulgari esse concionatos, quod ut dixi, etiam hoc tempore faciunt Catholici Sacerdotes. Sed idem cur quæso lingua minimè vulgari epistolas conscripserunt, si eas à vulgò legi voluerunt? Nam certè B. Paulus ad Romanos non Romanè sed Græcè scripsit, & Apostoli Petrus & Jacobus ad Hebræos non Hebraicè sed Græcè literas dederunt; & S. Joannes Parthis non Particam sed Græcam Epistolam misit. Quarto dicit, ab Apostolo Paulo seriò Christianis omnibus denunciari, ut sacras literas investigent, ac scrutentur. Atqui hoc præceptum Apostolicum in 14. quæ extant, Paulinis Epistolis non invenitur; si Calviniani quintam decimam fortè habent, non graventur eam cum ceteris communicare. Sed quando Paulus Apostolus hoc juberet, qui ut dixi, ad Romanos ea lingua scripsit, quam vulgus non intelligebat, qui seriò monet ad Ephes. 4. positos in Ecclesia Doctores, & Pastores, ut videlicet non deessent, qui divinas literas imperitæ multitudini exponerent? Postremò argumentum inde petit adversarius, quod Mahomethus populis suis persuaserit, ad eos non pertinere libros legis Domini per se evolvere, cum id proprium sacerdotum sit, sed utrum Mahomethus id præceperit, adversarius noster videbit. Nos verò non in Alcorano Pseudoprophetæ Mahomethi, sed in Malachia sancto, fidelissimoque Propheta legimus, *Labia sacerdotis custodiant scientiam & legem requiretis ex ore ejus: quia Angelus Domini exercituum est.* Malach. 2. & sanctum Basilium gravissimum doctissimumque patrem, præfecto Culinæ Imperatoris locum è divina scriptura proferenti respondisse scimus, *Tuum est de pulmentis cogitare, non dogmata divina decoquere;* id quod refert Theodoretus lib. 4. historie eccles. cap. 17. Sanctum quoque Hieronymum, clarissimum Ecclesiæ Catholicæ lumen, non ignoramus quàm acriter reprehenderit, in epistola ad Paulinum, pravam illam consuetudinem, qua sibi divinas literas omnes vendicabant, cum tamen alioqui veteri Proverbio, tractent fabrilia fabri. Atque hætenus de illa declamatione, qua Summum Pontificem Antichristum esse frustra probare adversarius contendebat.

CAPUT XIV.

*Responsio ad ea, quæ ex Dante Aligherio
contra Sedem Apostolicam
adferuntur.*

Venio nunc ad ea, quæ ex Dante Poeta Italico in medium adferenda libelli auctor iudicavit. Ea licet multa & varia sint, tamen omnia ad quinque capita revocari possunt. Primum enim in opere illo Dantis certorum Pontificum & Cleri etiam totius vitia deteguntur, deinde locus Apocalypsis de Babylone ad Summos Pontifices applicatur; tertio Sacrificium Missæ juxta Lutheranorum errorem improbari videtur; quarto Lutheri adventus, & prædicatio prophetico spiritu, si adversariis credimus, præsignificatur; quinto Indulgentiæ Pontificiæ reprehendi videntur. Ordiamur à primo. Quinque Pontifices à Dante reprehensos adversarius annotavit, Anastasium II. Nicolaum III. Bonifacium VIII. Clementem V. & Joannem XXII. Addere poterat ad alios etiam Celestinum V. hos enim sex ex tam ingenti numero Summorum Pontificum in toto illo opere reprehendit. Sed in Anastasio ex inscitia turpiter lapsus est. Scribit enim Anastasium inter hæreticos in gehenna puniri, ob hæresim quandam Photini.

Cant. II. dell' Inferno.

*Ci raccostramo dietro ad un coperchio
D' un grande avello, ov' io vidi una scritta
Che diceva, Anastasio Papa guardo
Lo qual trasse Fotin da la via dritta.*

Commentarius adversarii ad hunc locum habet, Photinum in Thessalia docuisse spiritum Sanctum à patre non procedere, & filium minoris auctoritatis esse quam patrem: atque hanc hæresim ita placuisse Anastasio II. Pontifici, ut eam etiam publice defendere sit conatus, proinde iure à Dante inter hæreticos numerari. Ac Dantes quidem aliqua venia dignus est, quippe qui Martinum Polonum, Gratianum, & alios quosdam erroris sui habuit auctores. Illi enim Dante antiquiores scriptum reliquerunt, Anastasium Pontificem in eo peccasse, quod Acacium Eutychie hæresis fautorem, & à prædecessoribus suis iuste depositum, in sedem Constantinopolitanam revocare voluerit, quodque Photino cuidam Thessalonicensi Acaci amico sine consensu Episcoporum cæterorum temerè communicaverit. Addunt etiam, prædictum Anastasium ob id peccatum divina ultione percussum miserè periisse. Quæ omnia falsa fabulosaque sunt, nam certissimis rebus constat, Acacium multo ante obiisse diem suum, quam Anastasius Pontifex fieret: testantur id Evagrius lib. 3. histor. cap. 23. Nicephorus lib. 15. cap. 17. & Liberatus in Breviario de causa Nestoriana cap. 18. Quomodo ergo fieri potest, ut Anastasius Acacium ad sedem revocare voluerit, quem jam olim defunctum esse constabat? Deinde, nonne exstat epistola doctissima & pulcherrima huius Anastasii Pontificis optimi ad Anastasium Imperatorem, in qua totis viribus persuadere nititur, ne nomen quidem Acacii tolerandum esse? Sed occasionem fabulæ dedit, quod illo ipso tempore vixit Anastasius Imperator, hæresi Eutychiana infectus, qui & Acacio favebat, & fulmine ictus interit, ut scribunt Cedrenus, Zonaras, & Paulus Diaconus in ejus vita. Quod ergo ad Anastasium Im-

A peratorem propriè pertinebat, vel inscitia, vel malitia scriptorum ad Anastasium Pontificem retulit, atque hæc ad Dantem. Ad Commentarium adversarii breviter respondemus, in eo tria splendida mendacia contineri. Non enim Anastasius IV. ut iste somniat, sed secundus fuit, de quo loquitur Dantes. Nec Photinus ille Spiritum sanctum à patre procedere, ut iste sine ullo fundamento affirmat, inficiabatur, sed Acacio tantum Eutychianistæ favebat. Nec denique Anastasius Photini errorem publice defendisse usquam legitur, nisi apud istum verè commentitum commentarium. Auctores enim supra citati, quos Dantes secutus videtur, tantum scribunt, Anastasium sine consensu Episcoporum & Clericorum totius Ecclesiæ Photino communicasse. Jam verò in Celestino V. nihil aliud Dantes reprehendit, nisi quod Pontificatu sponte se abdicavit; sic enim habet.

Cant. 3. dell' Inferno.

*Guardai & vidi l' ombra di colui.
Che fece per viltate il gran rifiuto.*

Sed hunc locum neque adversarius annotavit, quod nihil ad rem ejus pertineret, neque Dantes verè iudicavit. Fuit enim Celestinus vir sanctissimus, & tam ante Pontificatum, quam etiam post, miraculis plurimis illustris, ut ex ejus vita intelligi potest, quam & doctè, & fideliter scripsit Cardinalis Cameracensis Petrus ab Alliaco. Cæteros quatuor Pontifices Nicolaum, Bonifacium, Clementem, & Joannem, & generatim Clericos omnes, Dantes quidem non parum vituperat, sed ob vitam & mores, non ob fidem, & doctrinam, neque hæreticos, aut Antichristos usquam vocat. Quid autem mirum esset, si in tam numeroso Summorum Pontificum ordine, pauci quidam invenirentur vitæ parum integræ & probatæ, an ideo quia pauci quidam minus sanctè vixerunt, sedes ipsa Apostolica Antichristiana dicenda est, cum & antea, & postea plurimi viri Sanctissimi, eandem Apostolicam Sedem tenuerint? An verò non possemus cum Sancto Augustino de summis Pontificibus disputante, liberè dicere, in illum ordinem Episcoporum, qui ducitur ab ipso Petro usque ad Anastasium, jam usque ad Clementem VIII. qui nunc in eadem cathedra sedet, etiamsi quisquam traditor per illa tempora subrepisset, nihil præjudicaret Ecclesiæ, & innocentibus Christianis, quibus Dominus prævidens, ait de præpositis malis: *Quæ dicunt facite, quæ autem faciunt, facere nolite: dicunt enim, & non faciunt*, ut certa sit spes fidelis, quæ non in homine, sed in domino collocata numquam tempestate sacrilegi schismatis dissipetur. Quid? quod, ut supra dixi, Dantes factione Gibellinus in reprehensione Pontificum & Cleri merito suspectus haberi debet, cum odio potius inimicorum, quam veritatis amore adscribendum animum appulisse videatur. Accedit postremo, quod adversarius etiam noster in quibusdam rebus Danti fidem habendam esse negat, quod eum vulgi opinionem secutum esse dicat, ut in donatione & lepra Constantini. Quod si adversario licuit Danti, quem ut prophetam coli voluit, fidem interdum non habere: cur nobis non liceat eidem Danti, quem poetam non prophetam fuisse scimus, interdum etiam fidem non habere? atque hæc de primo.

CAPUT XV.

Alterum caput erat de loco Apocalypsis de quo sic loquitur Dantes.

Cant. 19. dell' Inferno. Apoc. 17.
*Di voi Pastor s' accorse l' Vangelista
 Quando colei che siede sopra l' acque
 Puttaneggiar co' Regi à lui fù vista.
 Quella che con le sette teste nacque
 Et da le dieci corna hebbe argomento
 Fin che virtute al suo marito piacque.*

Hic verò triumphat adversarius, sed planè ante victoriam, nam in eodem Cantico Dantes agnoscit verum Ecclesiæ Catholicæ pastorem fuisse Nicolaum illum tertium de quo loquebatur, cum summos Pontifices per mulierem illam meretricem significatos esse diceret.

*Et se non fusse, ch' ancor lo mi vieta
 La reverentia delle somme chiavi.
 Che tu tenesti nella vita lieta.
 L' userei parole ancor più gravi.
 Che l' avaritia vostra il mondo attrista
 Calcando i buoni, & su levando i pravi
 Di voi Pastor s' accorse l' Vangelista &c.*

Cum igitur ob summarum clavium reverentiam, quas Nicolaum Pontificem habuisse in terris confiteretur, ne in Inferno quidem Dantes audeat contumeliosè illum alloqui: certè non Antichristum, sed verum Christi Vicarium fuisse illum censebat, etiamsi ob avaritiam cum meretrice illa de Apocalypsi eundem conferri posse judicaverit. Deinde quis neget veteres patres doctissimosque scripturæ sanctæ Interpretes uni Danti anteposendos esse? Porro nullus unquam veterum hunc locum Apocalypsis de Romana Ecclesia, aut summo ejus Pontifice accipiendum esse docuit. Sanctus Augustinus tract. in Psalm. 26. & Arethas, Haymo, Beda, & Rupertus in comment. hujus cap. 17. Apocal. per magnam illam meretricem universam diaboli Civitatem, idest, omnem impiorum multitudinem significatam volunt. Cateri, ut Tertullianus, & Hieronymus suprâ citati, de Roma quidem locum illum exponunt, sed de Roma Ethnica, & Imperatoribus ejus Paganis, qui Christi Ecclesiam in ipsa Urbe ita persequabantur, ut planè juxta verba Joannis meretrix illa magna ebria dici posset de sanguine Martyrum Jesu. Sed jamdudum Roma ad Christi fidem per Apostolorum Principes conversa, ut idem sanctus Hieronymus ait lib. 2. contra Jovinianum, blasphemiam in fronte scriptam Christi confessione delevit, & ut magnus loquitur Leo, serm. de SS. Petro & Paulo, *De magistra erroris discipula facta et veritatis: & per ejusdem sancti Petri sedem caput orbis effecta latius præsides religione divina, quam dominatione terrena.*

CAPUT XVI.

Tertium ad sacrificium Missæ pertinet, & in illis verbis continetur.

Cant. 33. del Purgatorio.
*Sappi che l' vaso che l' serpente ruppe
 Fu & non è: ma chi n' hà colpa creda
 Che vendetta di Dio non teme suppe.*

Hunc enim locum adversarius ita exponit, ut velit, vas quod fuit & non est, esse Romanam Ecclesiam designatam per bestiam illam, de qua dicitur in Apoc.

Controu. Card. Bellarm. Tom. II.

A calypsi cap. 17. fuit & non est, & quia suppa linguæ Italica significat panem vino maceratum, scribit impius iste juvenis, per eam vocem significari Eucharistiam, ac sententiam Dantis esse non placari Deum sacrificiis Catholicorum Sacerdotum, quæ in specie panis & vini domino offeruntur. Et quidem quod attinet ad vas illud contractum, non negamus eo vase Romanam Ecclesiam designari, quam Dantes ob corruptam morum disciplinam in deterius mutatam cum cerneret, dixit, fuisse, sed non esse: quod autem dixit non esse, per comparisonem accipiendum est; non absolute, neque enim significare voluit, non esse jam Romæ Ecclesiam, sed non esse talem qualis aliquando fuerat, si de moribus, & vitæ integritate agatur, nam alioqui Ecclesiam Romæ esse, & Summos Pontifices Christi locum in terris gerere ex ipso Dante paulò post luce clariùs ostendemus. In eo verò quod de pane & vino scripsit Dantes, explicando, toto cælo adversarius aberravit; nam Landinus, qui commentaria in Dantem scripsit, ubi ad hunc locum venit, ex testimonio Inolensis antiqui interpretis hujus poetæ, & ex monumentis quibusdam filii ejusdem Dantis, & ex communi Florentinorum consensu docet, allusisse Dantem hoc loco ad superstitionem, quæ suo tempore vigeat Florentiæ; existimabant enim illius ætatis homines eos qui homicidium perpetrassent, non posse in manus inimicorum devenire, si super occisi tumultum panem vino maceratum comedissent, atque ea de causa cognati ejus, qui cæsus fuerat, diligenter tumultum custodiebant, ne fortè homicidæ super eum tumultum cibo illo vescerentur, antequam eadem alia cæde ulți essent. Ad hanc igitur sui temporis consuetudinem, sive potius superstitionem, Dantes respiciens, minatur divinam vindictam iis, qui Ecclesiam malè vivendo deformant: atque addit eis minimè profuturam superstitionem illam, quam sibi prodesse patriidæ falso, atque impiè credunt.

CAPUT XVII.

Sequitur Quartum caput, quo carmina illa continentur, quibus Lutherum à Dante præsignificatum adversarius credit.

Cant. ult. del Purgatorio.
*Non sarà tutto tempo senza reda.
 L' Azuglia, che lasciò le penne al carro.
 Perche divenne mostro, & poscia preda.
 Ch' i veggio certamente, & però l' narro.
 A darne tempo già stelle propinque.
 Sicure d' ogni intoppo, & d' ogni sbarro.
 Nel quale un cinque cento dieci & cinque
 Messo di Dio anciderà la fuja.
 Et quel Gigante che con lei delinque.*

E Hic adversarius, ut se acutissimum ænigmatum interpretem esse demonstrat, tempus significari affirmat, quo Lutherus conciones suas adversus Ecclesiam & Summos Pontifices exorsus est. Is enim annus fuit quingentesimus septimus decimus supra millesimum. Parum autem interest inter annum quingentesimum quintum decimum notatum à Dante, & annum quingentesimum septimum decimum, quo Lutherus apparuit. Sed non advertit novus iste Oedipus, Dantem per eum numerum non tempus, sed personam significasse, non enim ait, anno quingentesimo quinto decimo nuncius Dei venit, sed tempus erit, cum quidam à Deo missus adveniet, qui per numerum 515. significatur, in qua re imitari voluit Dantes locum illum cap. 13. Apocalypsis, ubi nomen Antichristi per numerum 666. describitur.

Hh 4

Dein-

Deinde si numerum annorum Lutheranz prædicationis Dantes prævidisset, cur à vero per integrum biennium aberrasset? cur etiam mille annos omisisset? Adhæc cum tam apertè Dantes per nuncium illum Dei Imperatorem designet, cum dicat, non semper Aquilam hærede carituram, unde quæso in mentem venire potuit ulli homini, ut per eum nuncium Lutherum ex Monacho apostatam, ac privatum hominem intelligeret? & cum Dantes prædicat, nuncium illum non solum oppressurum meretricem, sed etiam Gigantem, qui cum ea fornicabatur, & per Gigantem adversarius noster Philippum Pulchrum Galliarum Regem, qui Clementis V. temporibus vixit, significatum fuisse concedat, quanta quæso amentia fuit, per eum Nuncium Lutherum accipere, & interpretari, quasi Lutherus Philippum illum debellaturus esset, qui ante obiit quàm Lutherus nasceretur? Vera igitur expositio, quæ ex ipsius Dantis testimonio colligitur, hæc est, per numerum quingentorum quindecim, nomen describitur trium literarum videlicet, Dux, siquidem numerus ille Latinè sic scribitur DXV. eadem verò literæ transpositæ faciunt Dux. Porro per eum ducem Principem Veronæ intelligi voluit, qui Chanes Scaligerus nominabatur, cum enim ab eo Principe multa beneficia Dantes accepisset, atque ei more poetico adulari vellet, prædicit fore, ut is aliquando Imperio Romano ac præsertim per omnem Italiam potiatur: & non solum Ecclesiam ditione temporali spoliaret, sed etiam Regem Galliarum Philippum in ordinem redigat. Id ita esse perspicuum est ex primo Cantico de rebus Inferorum, ubi similia prædicens & nomen Canis exprimit, & Civitatem ejus describit.

*Molti son gl' animali à cui s'ammoglia
E più saranno ancora in fin che 'l veltro
Verrà che la farà morir con doglia.
Questi non cibarà terra, ne peltro
Ma sapienza, & amore & virtute
Et sua nation farà tra Feltra è Feltra.*

Sita enim Verona est inter Feltrum Romandiolæ, & Feltrum Marchiæ Trivisanæ. Idem etiam apertè colligitur ex Cantic. 17. Paradisi. Cæterum vaticinium istud non alium exitum habuit, quàm inanis adulationis, & poeticum somnium merebatur.

C A P U T XVIII.

R Estat postremum caput, in quo adversarius indulgentias Pontificias à Dante reprehendi credit, hæc sunt verba Dantis.

*Cant. 29. del Paradiso.
Ma tal uccell nel beccetto s'annida,
Che s'el volgo 'l vedesse, vederebbe
La perdonanza, di che ei si confida.*

Sed hic locus nihil omnino facit contra indulgentias, siquidem ut exponit Landinus, & res ipsa clamat, eos concionatores Dantes reprehendit, qui falsas indulgentias prædicant, & turpis lucri gratia venias peccatorum auditoribus pollicentur, cum Pontificis testimonium nullum proferre possint, quos quidem concionatores, si qui jam sunt, ut impostores, & falsarios Catholici omnes reprehendunt; loqui autem de eiusmodi Dantem impostoribus patet ex verbis qui proximè sequuntur.

*Per cui tanta sfulsitia in terra crebbe,
Che sen' i prova d'alcun testimonio,
A chi promission si correrebbe
& paulò infra.
Pagando di Moneta senza conio.*

A Ubi significat, ejusmodi concionatores iis, à quibus eleemosinas accipiunt ratione indulgentiæ, solvere pecunias sine impresso ullo signo, quæ nihil valent.

C A P U T XIX.

A Tque hætenus respondimus ad ea, quæ ex Dante protulit adversarius, nunc audire eum necesse erit ex eodem Dante, quæ fortè non cupe-
B ret. Proferemus enim testimonia plurima, atque apertissima Dantis, non solum pro summa Romanæ Pontificis auctoritate, & dignitate, sed etiam pro aliis nonnullis fidei nostræ capitibus, ut adversarius intelligat, se Dante Judice non modo causa cecidisse, sed etiam planè hæreticum & impium esse.

De Sancto Petro sic loquitur Dantes.

Cant. 24. del Paradiso.

*O luce eterna del gran viro,
A cui nostro Signor lasciò le chiavi,
Ch'ei portò giù da questo gaudio miro.*

De Urbe Roma sic.

Cant. 2. dell'Inferno.

*Non pare indegno ad huomo d'intelletto;
Ch'ei fu de l'Alma Roma, & di suo impero
Nel empireo ciel per padre eletto.
La quale, e 'l quale à voler dire il vero
Fur stabilite per lo loco santo
V' siede il successor del maggior Piero.*

Audisne, Romam non Antichristi locum esse, sed Urbem almam, & locum Sanctum, de coelo stabilitum, ubi successor Petri sedem habet?

Alio loco Nicolaum III. Papam jam defunctum sic alloquitur.

Cant. 19. dell'Inferno.

*Et se non fusse, ch' ancor le mi vieta.
La riverentia delle somme chiavi
Che tu tenessi nella vita lieta
Io userei parole ancor più gravi.*

Audisne qua reverentia Dantes Pontificem, etiam mortuum prosequatur, licet ei, præter cæteros infensus esset.

Alio loco describens captivitatem Bonifacii VIII. ita cecinit.

Cant. 20. del Purgatorio.

*Veggio in Anagna entrar lo fior d'aliso.
E nel Vicario suo Christo esser catto.
Veggio un'altra volta esser deriso,
Veggio rinnovellar l'aceto e 'l fele,
E tra viri ladroni esser anciso.
Veggio 'l novo Pilato sì crudele,
Che ciò no 'l satia, ma senza decreto
Porta nel tempio le cupide vele.
O Signor mio quando sarò mai lieto
A veder la vendetta, che nascosa
Fa dolce l'ira tua nel tuo secreto.*

Audisne illum ipsum Pontificem Bonifacium, quem ob malos ejus mores, vel ob contrariam factionem Dantes sæpè reprehendit, Vicarium Christi nominari, & injuriam illi factam, Christo factam judicari? Non igitur Dantes more Lutherico, & Calvinistico Pontificem Summum Antichristum esse putabat, etiamsi alioqui illum reprehenderet, quod vitam, & mores minus probatos habere videtur.

Alio

Alio loco de eodem sic loquitur.

Cant. 22. dell' Inferno.

*Ne sommo offitio, ne ordini sacri
Guardò in se*

Audiscut ut summum officium, sacrosque ordines cum pravis moribus in Bonifacio Dantes agnoscat?

Alio loco scribit se occurrisse animæ Adriani V. Pontificis & continuò in genua procubuisse ut cum ea anima loqueretur ob summam dignitatem, quam in terris gesserat.

Cant. 19. del Purgatorio.

*Io m' ero inginocchiato, & volea dire,
Ma com' io cominciai & ei s' accorse
Solo ascoltando del mio riverire,
Qual cagion, disse, in giù così ti torse?
Es io à lui per vostra dignitate.*

Alio loco de Papa Agapeto ita scribit.

Cant. 6. del Paradiso.

*Ma' benedetto Agapito, che fue
Sommo Pastore alla fede sincera
Mi ridirizzò con le parole sue.*

Alio loco de Clemente V. quem præter omnes alios reprehendere solet, scribit.

Cant. 30. del Paradiso.

*Et sia perfetto nel foro divino.
All' hor tal: che in paese & in coverta
Non anderà con lui, con un camino;
Ma poco poi sarà da Dio sofferto
Nel santo officio.*

Alibi contra eos, qui sectarios audiunt omnia doctrina Ecclesiæ, ac Summi Pastoris, ut hoc tempore Lutherani, & Calvinistæ faciunt.

Cant. 5. del Paradiso.

*Siate Christiani à muovervi più tardi.
Non fate come penne ad ogni vento.
Et non crediate, ch' ogni acqua vi lavi,
Havete il vecchio, e l' novo testamento,
E l' Pastor della Chiesa che vi guida
Questo vi basti à vostro salvamento.*

Alio loco docet merita operum bonorum, quæ adversarius noster cum Magistro suo Calvino non agnoscit.

Cant. 25. del Paradiso.

*Speme, dissi io è un attender certo
Della vita futura, il qual produce
Gratia divina, & precedente merito.*

Alio loco asserit arbitrii libertatem, cujus ne nomen quidem Calvinistæ ferre possunt.

Cant. 1. del Paradiso.

*Lo maggior don, che Dio per sua larghezza
Fesse creando, & alla sua bontate
Più conformato, & quel ch' ei più apprezza,
Fà della volontà la libertate;
Di che le creature intelligenti
E tutte & sole furo, e son dotate.*

Et alibi de eodem libero arbitrio.

Cant. 18. del Purgatorio.

*Questo è l' principio la onde si piglia
Cagion di meritare in voi secondo,
Che buoni & rei amori accoglie & viglia.*

Alio loco signum crucis approbat, à quo Calvinistæ non minus quam dæmones fugiunt.

A

Cant. 2. del Purgatorio.

Poi fece il segno lor di santa Croce.

Alio loco invocationem sanctorum describit, quæ idololatria à Calvinistis judicatur.

Cant. 13. del Purgatorio.

*Udi gridar, Maria ora per noi
Gridar, Michele, & tutti gli altri Santi.*

Item alibi inducit S. Bernardum sic loquentem de intercessione B. Virginis Mariæ.

Cant. 32. del Paradiso.

*Orando gratia convien, che s' impetri
Gratia da quella, che puote aiutarci.*

B

Item alibi ad eandem Virginem.

Cant. ultimo del Paradiso.

*Donna sei tanto grande, e tanto vali
Che qual vuol grazie, e à te non ricorre
Sua distanza vuol volar senz' ali.*

Alio loco de reliquiarum veneratione.

Cant. 25. del Paradiso.

*Mi disse mira, mira, ecco l' Barone
Per cui la giù si visita Galitia.*

Alio loco de imaginibus.

Cant. 4. del Paradiso.

*Et santa Chiesa con aspetto humano
Gabriel, & Michael vi rappresenta,
Et l' altro che Tobia rifece sano.*

C

Alio loco de votis, quæ sine Pontificis auctoritate, commutari nequeunt, in quo se maximè alienum ab hæreticis nostri temporis Dantes ostendit.

Cant. 5. del Paradiso.

*Mà non trasmuti carco alla tua spalla.
Per suo arbitrio alcun senza la volta,
E della chiave bianca, e della gialla.*

D

Alio loco contra quosdam, qui Virginem Deo dicantam ex monasterio sanctæ Claræ rapuerunt, quod nostro tempore fecit Lutherus, tantopere ab adversario lat datus.

Cant. 3. del Paradiso.

*Dal mondo per seguir la giovinetta
Fuggimi, & nel suo habito mi chiudi,
Et promissi la via della sua setta.
Huomini poi al mal più ch' al ben usi
Fuor mi rapiron della dolce chiostra,
Dio lo si sa qual poi mia vita fosse.*

Alio loco de poenis purgatorii, quas Calvinistæ ut fabulas rident.

Cant. primo dell' Inferno.

*Color, che son contenti
Nel foco, perche speran di venire.
Quando ch' e sia, alle beate genti.*

E

Alio loco de suffragiis pro defunctis, quæ similiter negantur à Calvinistis.

Cant. 26. del Purgatorio.

*Fagli per me un dir di Pater nostro.
Quanto bisogna à voi di questo mondo,
Ove poter peccar non è più nostro.*

Item alibi de eadem re.

Cant. 11. del Purgatorio.

*Ben si dee lor aiutar lavar le note,
Che portaron quinci, sì che mondi e lievi
Possan uscir alle stellate rote.*

Alio

Alio loco de duobus gloriosissimis Ducibus Minorum & Prædicatorum.

Cant. 11. del Paradiso.

*Due principi ordinò in suo favore,
Che quindi & quindi le fusser per guida
L'un fù tutto Scrafico in amore,
L'altro per sapientia in terra fue
Di cherubica luce uno splendore.*

Item ibidem de approbatione regulæ Sancti Francisci per Apostolicam sedem.

*Et regalmente sua dura intentione,
Ad Innocentio aperse, e da lui ebbe
Primo sigillo à sua religione*

Item.

*Di seconda corona redimista
Fui per Honorio dall'eterno spiro
La santa voglia d'esso Archimandrita.*

Item de primis locis Sancti Francisci.

Cant. 12. del Paradiso.

*Il venerabile Berardo
Si scalzò prima, e dietro à tanta pace
Corse, e correndo li parve esser tardo.
O ignota ricchezza, ò ben ferace:
Scalzasi Egidio, scalzasi Silvestro.
Dietro à lo sposo si la sposa piace.*

Sed finis sit: neque enim omnia adducere debemus, & hæc abundè sufficiunt, ut juvenem illum, qui Dantem judicem appellavit, si frontem habet, erubescere cogant.

C A P U T XX.

Responsio ad ea, quæ adferuntur ex Petrarcha.

TRANSKO nunc ad ea, quæ ex Francisco Petrarcha in medium adversarius protulit, ea sunt partim cantica quadam, partim fragmenta epistolarum, sed omnia in unam atque eandem sententiam conveniunt, ut videlicet Romanam Curiam multorum vitiorum acculent, ac propterea etiam Babylonem quandam nominari posse affirmant. Fateor illa in libris Petrarchæ exstare, sed quæ vitia hominum damnent, non Pontificum, aut sedis Apostolicæ dignitatem imminuant, id quod ipse testatur lib. 11. senilium Epistolarum ad Franciscum Brunum Pontificis Maximi secretarium scribens. Nam cum admoneretur, ne tam multa scriberet in Cardinales, aliosque Rom. Curie prælatos, respondit, se non homines, sed vitia hominum insectari, neque id facere, quod sibi nocuerint, sed quia injuriam malè vivendo faciunt Romanæ Urbi, Ecclesiæ Dei, Christo ipsi, atque Apostolis ejus Petro, & Paulo. Nam alioqui in iisdem libris innumerabilia exrant loca, ex quibus Fides, & cultus Petrarchæ erga summam illam, ac Deo proximam Romani Pontificis potestatem agnoscas, lib. 1. senilium Epistolarum ad Talanandum Cardinalem. Quis, inquit, quæso non stupeat, simulque non gaudeat, si amicus sit Vicario Jesu Christi? lib. 7. senilium ad Urbanum V. Pontificem, quem ut Romam redeat adhortatur, Mihi, inquit, apud te, summum culmen Ecclesiæ, non de meatate, sed de tua humanitate fiducia nascitur; audio enim te libenter audire, quæ vera sunt, etsi acris sint: falsa autem quamvis dulcia, aspernari; neque id mirum; Veritatis vivæ Vicarius es in terris, & infra, Ubi cumque rite colitur Christi nomen,

A illic sedem tuam esse nec nego, nec dubito. Illud mihi non negetur, quod inter omnes alias singulare tecum aliquid, immò quamplurimum, habeat Urbs Roma. Cæteræ enim omnes suos habent sponsores, tibi quidem uni subditos, sed suis Ecclesiis præsidentes: illa verò nullum habet, nisi te. Itaque summus in reliquis, in Romana Urbe solus es Pontifex, solus sponsus; & infra, Quo animo, da quæso, misericors pater, temerariæ devotioni meæ veniam, quo, inquam, animo tu ad Ripam Rhodani sub auratis teætorum laquearibus somnum capis, & Lateranum humi jacet; & Ecclesiarum mater omnium tecto carens & ventis patet, ac pluviis; & Petri, Pauli Sanctissimæ domus tremunt; & Apostolorum, quæ nunc ædes fuerant, jam ruina est, informisque lapidum acervus lapideis quoque pectoribus suspiria extorquens? & infra: Romam almam, ac sacrosanctam Urbem, Reginam urbium, arcem Christianæ fidei, locum Deo gratum, hominibus venerandum, sacram tellurem, rerum caput, non semel appellat; & ibidem, nullam esse toto orbe terrarum civitatem, ubi magis religio, ac devotio erga res divinas conspiciatur, affirmat. Ibidem de Bonifacio Papa VIII. Ananiz à Columnensibus comprehenso loquens: Nulla, inquit, homini in Vicarium Dei sui causa sufficiens est offensionis. Idem lib. 9. Senilium ad eundem Urbanum: Verè, inquit, summus ac Romanus est Pontifex, verè Urbanus, verè Petri successor, verè Vicarius Jesu Christi. Item in eodem libro ad Franciscum Brunum scribens. Illud inquit, neque tuum, neque cuiusquam animum moveat, quod Papam Romanum quo nihil majus, immò cui par nihil orbis habet, alloquor; quasi illius reverentia stylium cohibere debuerit, mihi enim ut vides, magna hinc pars fiduciæ orta est, quod Vicario veritatis nulla veri particula occultanda videretur. Idem lib. 11. Senilium, epist. ult. Roma, inquit, proculdubio Sacrosanctissimus mundi locus est, ubi Christianus verus & vivere optet & mori. Idem in Apologia contra Galli calumnias: Non quidem, inquit, sic insanus sum, ut Romano Pontifici legem ponam, cum ipse sit legis omnium Christianorum. Idem lib. 1. Investivarum contra medicum, Romano Pontifici, inquit: Omnes, qui Christiano nomine gloriamur, non modo consilium, sed obsequium insuper, & obedientiam debemus. Neque verò solum de summi Pontificis dignitate multo aliter sentit Petrarcha, quàm adversarius crederet; sed etiam de cæteris omnibus fidei nostræ capitibus. Nam lib. 11. Senilium ad Bonaventuram scribens, laudat Monachum quendam, quod & Monasticam vitam religiose duxerit, & Missas devotissimè celebraverit, lib. 13. in epist. ad Franciscum Brunum, orat pro anima Pontificis defuncti, lib. 14. in epist. ad Philippum Cardinalem multa scribit de sacra illa spelunca, in qua Sancta Maria Magdalena habitasse dicitur, eamque illo carmine invocat.

*Dulcis amica Dei lachrymis insteclere nostris;
Atque humiles attende preces, nostraque saluti
Consule, namque potes.*

In lib. 2. de vita solitaria cap. 11. Sacra stigmata Sancti Patris Francisci, & ordinem ab illo institutum debitis laudibus celebratum, lib. 1. de otio Religiosorum Monachos sic alloquitur: O felices animæ, ò excubitores assidui, intentique; ò sollicita & devota Christi mancipia, proque brevi servitio non libertatem modò perpetuam, sed ingenuitatem, filiationemque promerita, ò mercimonium optabile, fausta que rerum alternatio, servire modicum, non ut diu regnes, sed ut semper. Denique, ut alia prætermittam, extat etiam ipsius Petrarchæ testamentum, in quo multa sunt Catholici animi signa, sed

sed illud in primis, quod B. Virginem ac Sanctos cæteros magna devotione implorat. Nec solum Latinis, serisque operibus, sed etiam in Italicis illis verbis, quos tantopere adversarius admiratur, & in libello, quos de vitis Pontificum, & Imperatorum conscripsit, & Summum Pontificem Christi Vicarium vocat, & alia non pauca scribit adversus ea, quæ nostri temporis hæretici docent, De Summo Pontifice ita loquitur:

*E' l' Vicario di Christo con la soma
De le chiavi, e del manto al nido torna:
Si che s' altro accidente nol distorna
Vedrà Bologna, e poi la nobil Roma.*

Item alibi Ludovicum IV. Imperatorem non alia de causa solum Idolum appellat, & nomen habere dicit sine re; nisi quia Summi Pontificis auctoritate, & ab Imperio dejectus, & extra communionem fidelium ejectus fuerat.

*Latius sanguis gentile
Sgombra da te queste dannose sorme;
Non fare Idolo un nome
Vano senza soggetto.*

Alio loco Romanam Urbem Domicilium Dei nominat, quia videlicet sedes est Vicarii ejus.

*Le Donne lagrimose, e l' volgo inerme
De la tenera etate, e i vecchi stanchi;
E hanno se in odio, e la soverchia vita,
E i neri fraticelli, e i bigi, e i bianchi
Con l' altre schiere travagliate, e inferme,
Gridan: o Signor nostro aita, aita:
E la povera gente sbigottita
Ti scuopre le sue piaghe à mille à mille.
Ch' Annibale, non ch' altri farian pio.
E se ben guardi à la Magion di Dio
Ch' arde oggi tutta, assai poche faville
Spegnendo, sien tranquille
Le voglie che si mostran s' infiammate,
Onde sien l' opre tue nel Ciel lodate.*

Alio loco piè describit peregrinationem ad Urbem Romam, & cultum fidelium erga sacras reliquias atque Imagines, quas vos Calviniani irridere soletis.

*Movesi l' vecchiar el camuto, e bianco
Del dolce luogo, ove hà sua età fornita,
E da la famigliuola sbigottita,
Che vede l' caro padre venir manco:
Indi trahendo poi l' antico fianco
Per l' estreme giornate di sua vita;
Quanto più può col bon voler s' aita
Rotto da gli anni, e dal camino fianco.
E viene à Roma seguendo il desio
Per mirar la sembianza di colui,
Ch' ancor là sù nel Ciel vedere spera.*

Alio loco Virginem Deiparam magno affectu implorat: & simul damnat amores, & amatoria cantica, quæ juveni sibi exciderant.

*Per te può la mia vita esser gioconda,
S' a' tuoi prieghi, o Maria,
Vergine dolce, e pia,
Ove l' fallo abonda, la gratia abonda.
Con le ginocchia de la mente inchine.
Prego che sia mia scorta,
E la mia torta via drizzi à bon fine.*

Et infra:

*Mortal bellezza, atti, e parole m' hanno
Tutta ingombrata l' alma;
Vergine sacra, & alma
Non tardar, ch' io son forsi all' ultimi' anno.*

*I di miei più correnti, che faceta
Fra miserie, e peccati
Sonsen' andati: sol morte m' aspetta.*

Et infra:

*Se dal mio stato assai misero e vile
Per le tue man resurgo,
Virgine, i' sacro, e purgo
Al tuo nome, e pensieri, e' ngegno, e stile;
La lingua, e l' cor, le lagrime, e sospiri
Scorgine al miglior guado;
E prendi in grado i cangiati desiri.*

His adjungam duo illa cantica, ubi deplorat pretiosum tempus in nugis, idest, in amatoris verbis amissum.

*Tennemi amor anni vent' uno ardendo
Lieto nel foco, e nel duol pien di speme;
Poiche Madonna, e l' mio cuor seco insieme
Saliro al Ciel, diece altri anni piangendo.
Homai son fianco, e mia vita riprendo
Di tanto error, che di virtute il seme
Ha quasi spento, e le mie parti estreme,
Alto Dio, à te devotamente rendo.
Pentito, e tristo de miei sì spesi anni,
Che spender si doveano in miglior uso,
In cercar pace, & in fuggir affanni.
Signor, ch' in questo carcer m' hai rinchiuso
Trammene salvo da gl' eterni danni
Ch' io conosco l' mio fallo, e non lo scuso.*

*I vò piangendo i miei passati tempi,
I quai posi in amar cosa mortale,
Senza levarmi à volo havendo io l' ale
Per dar forsi di me non bassi esempi.
Tu che vedi i miei mali indegni & empì,
Rè del Cielo invisibile, immortale,
Soccorri all' alma disviata, e frale,
E l' suo difetto di tua gratia adempi.
Si che s' io vissi in guerra, & in tempesta,
Mora in pace, & in porto, e se la stanza
Fà vana, almen sia la partita honesta.
E quel poco di viver che m' avanza,
Et al morir degni esser tua man presta;
Tu sai ben, ch' in altrui non hò speranza.*

CAPUT XXI.

Claudam hunc locum cum illis ejusdem Petrar- chæ testimoniis, quæ in eo libro Italico continentur, quem scripsit de vita & moribus Pontificum Romanorum. Omittam autem, quæ ille dicit de Pontificibus, qui ante ipsius tempora sederant, quos tamen ut plurimum laudat, ea solum testimonia, quæ ad eos pertinent, quos ipse optimè noverat, Joannem videlicet XXII. Benedictum XII. Clementem VI. Innocentium VI. & Urbanum V. De Joanne sic loquitur: Costui fù ottimo, e glorioso Pastore; fece molti beni; & hæretici per zelo della fede condannò.

De Benedicto. Fù nell' adolescenza di buona, & intera vita, dipoi Maestro in Theologia, e fatto che fù Papa, riformò l'Ordine di S. Benedetto. Nel dare i Beneficii era duro, havendo grande cura, che non fussero conferiti à chi non gli meritava. Era fervido nella fede, e nelle buone opere zelatore; & però era ad alcuni non troppo caro. Fù rigido & aspro in modo, che fingeva di non riconoscere li parenti, dicendo, che il Papa non hà parenti.

De Clemente: Fù & per nome, & per fatti di molte virtù pieno. De Innocentio: Fù grandemente de Religiosi amatore. Fù in ragione Canonica eccellente. All' ul-

timo

rimo habendo sanctamente tradotta la vita, si morì. De Urbano: Fù nelle sacre Scritture dottissimo, e santamente visse. Hæc sunt Petrarchæ testimonia de Pontificibus Romanis, quorum temporibus ipse vixit; quæ quidem non ab assentationis studio, sed à veritatis amore profecta non dubitabit, qui cogitabit ea scripta post obitum omnium illorum fuisse, & ab eo qui & liberrimè vitia Romanæ Curiae taxare solebat, & qui nihil unquam à Romano Pontifice ambierat, & oblatum etiam Episcopatum constantissimè recusavit, ut ex variis ejus Epistolis cognosci potest. Ex tot locis, à nobis adductis, tria quædam colligi possunt; Primum non potuisse Petrarcham, cum Romanam, sive Avenionem ob Curiam summi Pontificis Babylonem appellavit, de fide, de religione, de potestate Ecclesiastica, sed de vitiis tantum, quæ tunc vigeant ea dicere. Neque illi unquam venisse in mentem quod adversarii mentiantur, ut scriberet Romanum Pontificem Antichristum factum, aut Ecclesiam ipsam Romanam ab antiqua fide degenerasse. Quomodo enim Antichristum esse crederet, quem tot in locis Vicarium Dei nominare non dubitat? Aut quando Romanam Urbem Antichristi sedem esse diceret, qui eam almam, sanctam, domicilium Dei, locum Deo gratum, arcem Christianæ fidei, sacram tellurem, sanctissimam Sedem appellat, ubi omnis verus Christianus & vivere optet, & mori? An verò placere illi unquam potuisset nefarium istud bellum in summum Ecclesiæ Catholicæ Pastorem, & Patrem, ad quod Reges inflammare Adversarius noster pro viribus nixitur, cum disertis verbis scriptum reliquerit, nullam esse posse homini Christiano in Vicarium Dei sui sufficientem causam offensionis? Deinde ex iisdem locis intelligimus Pium V. Pontificem nullam fecisse Petrarchæ injuriam, quod tria ejus Cantica abradi jussit. Nam si Petrarcha suspicari potuisset, futuros fuisse aliquando homines, qui ejus versibus abuterentur ad fidem Catholicam labefactandam, atque ad eos confirmandos errores, quos ipse toto pectore execrabatur, sine dubio manibus ipse suis versus illos in ignem conjecisset. Quin etiam, si summus Pontifex, quem ille tam frequenter Vicarium Dei sui nominare solebat, totum illud opus amatoriarum cantuuncularum flammis adjudicaret. Equidem arbitror spiritum ejus in cœlesti Hierusalem, ut ex ejus poenitentia piè confido, cum Deo conjunctum, ingenti lætitia perfundendum; & Deo atque ejus Vicario de ea re gratias acturum. Cur enim non gauderet, si cerneret opus illud exuri, cujus ipsum jam antea poenituerat: quod multis causa sempiterni exitii esse posset; ob quod denique vix ipse gehennæ ignem effugisset? Cognoscimus ad extremum ex iisdem illis locis, Adversarium nostrum, vel ipso Petrarcha teste, seu potius Judice, Judicem enim Adversarius fecit, hæreticum esse; atque adeò extra veram Christi Ecclesiam cum Apostatis & fugitivis contra veritatem arma gerere. Siquidem Petrarcha, ut supra demonstravimus, in ea fide & religione vivebat, quæ Romanam Ecclesiam, ut omnium Ecclesiarum Parentem veneratur; quæ summum Pontificem Christi Vicarium, totiusque orbis Christiani Patrem & Pastorem agnoscit; quæ Reliquias, atque Imagines Christi & sanctorum colit; quæ B. Virginem, & Sanctos cæteros invocat; quæ pro defunctis orat; quæ Monasticam vitam laudat. Atque hanc solam unicam & veram esse religionem idem Petrarcha in lib. 1. de remediis utriusque fortunæ apertissimè docet. Adversarius autem eorum se focum esse fatetur, qui pro Romana Ecclesia Genevensem Synagogam; Pro summo Pontifice Christi Vicario, Lutherum, aut Calvinum, Vicarium Sathanæ colunt, Orare pro defunctis otiosum, Sanctos in-

A vocare impium credunt. Sanctorum Reliquias, atque Imagines tantum abest, ut venerentur, ut etiam illas in flumina, istas in ignem abjiciant. Monasticen verò tanto prosequuntur odio, ut potius lupanaria, quàm Monasteria tolerare posse videantur. Quare nulla dubitatio remanet, quin, Petrarcha Judice, inter hostes veræ fidei numerandus sit nobilis ille juvenis, qui ad Petrarchæ, quasi egregii cujusdam prophetæ, in gravissima causa religionis judicium provocavit.

CAPUT XXII.

Responsio ad ea, quæ ex Joanne Bocacio adferuntur.

B
C
D
E
UNus restat Bocacius ex ternario illo testium numero omni exceptione majorum, ex quibus vulgo Italorum summum Pontificem Antichristum esse persuadere voluit Adversarius. Sed quàm ingeniosè, & argutè Bocacius fabulas texit; tam imperitè, atque ineptè Juvenis noster argumenta concinnat. Producit enim in medium ex Bocacii fabulis pauca quædam loca, in quibus vitia Clericorum & Monachorum attinguntur. Sed ex iis non sequi, ut propterea falsa religionis, fideique doctrina habenda sit (ut Adversarius vellet) ipse idem Bocacius docet. Nam in secunda fabula, quam imprudenter Adversarius præter cæteras elegit, ut eam nobis objiceret, scribit quidem Bocacius multa, & gravia esse vitia Romanæ Curiae; sed addit hoc ipsum manifestum argumentum esse veritatis fidei, ac religionis, quæ Romanæ colitur. Cum enim non solum Pagani & Hæretici illam oppugnent, sed etiam ipsi, qui eam profitentur, ac docent, moribus perversis destruere, ut ipse quidem loquitur, atque ad nihilum redigere molantur, & ea tamen semper vigeat, ac floreat, quis ambigere possit, quin ea sit opus Dei, & non humano consilio, prudentia, viribus, Romanam religionem consistere, sed ejus qui dixit: *super hanc petram edificabo Ecclesiam meam; & porta inferi non prevalebunt adversus eam?* In prima quoque fabula jure Bocacius à Catholicis reprehenditur, quod sacramentum Confessionis, atque extremæ unctionis, fabulæ fundamentum fecerit. Cæterum in illa ipsa fabula satis ostendit nil sibi commune fuisse cum novatoribus istis, qui præter baptismum, & Eucharistiam nulla alia sacramenta recipiunt. Siquidem ipse cum honore de Sacramento Confessionis, & unctionis extremæ, necnon de religioso illo Sacerdote, quem ut ministrum Sacramentorum illorum introducit, semper loquitur; & in extrema fabula perditum illum execratur, ac damnat, qui sancto viro Sacerdoti suo imposuit, & ad Sacrosancta illa mysteria planè indignus accessit. Neque verò in cæteris fabulis sui dissimilis fuit. Etsi enim passim Monachorum, ac Sanctimonialium vitia sub occasione fabularum carpat, non tamen inde colligit, quod Adversarius facit, Monasticen ipsam universè esse damnandam; sed contra potius eos reprehendit, qui sanctimonialiam ac decorem Religiosorum malè vivendo obscurant. Quorsum igitur, inquires, Pontificem jussu hæ fabulæ ita corriguntur, ut ubique nomina Sacerdotum, Monachorum, sanctimonialium, aut deleantur, aut in alia commutentur? Causa est in promptu. Nescit enim vulgus, cujus manibus vulgares ejusmodi libri teruntur assidue, vitium à persona, & mores à dignitate secernere. Si Sacerdotes ac Monachos flagitiorum, ac scelerum argui videat, facile Sacerdotium ipsum, ac Monachatum contemnit: neque cogitat, quod paucorum est, non esse omnibus tribuendum; neque ordinis sanctitatem personarum vitus inquinari;

nec pauci sunt, qui sacerdotum vitia libentius multò quàm virtutes imitari velint. Quin etiam licere sibi credunt, quod Sacerdotes, sive rectè, sive perperam agunt. Quanti autem facienda sit Sacerdotum bona existimatio, vel ex uno illo Imperatoris Constantini factò, ab omnibus scriptoribus mirificè laudato, colligi potest. Quod ego, quia ad rem nostram non parum facere videtur, Theodoreti verbis referam lib. 1. histor. cap. 11. Erant, inquit, quidam calumniandi studio flagrantès, qui quosdam Episcopos accusabant, & criminationis libellos Imperatori offerebant. Ille istis ante concordiam constitutam acceptis, primum cum eos vinculo constrinxisset, anuloque suo obsignasset, servari iussit. Deinde cum concordiam inter eos conciliasset, libellos in medium adductos, illis ipsis præsentibus, igne absumendos curavit; iurejurando adjecto, se ne verbum quidem in illis scriptum perlegisset; nam sacerdotum, inquit, vitia non sunt populo aperienda; ne ille inde causa offendiculi arrepta licenter peccare aggrediatur. Quin etiam eum hoc quoque adiecisse memorat: Si suis oculis Episcopum alienæ uxori stuprum inferre fortè videret, facinus illud nefandum suo paludamento se oblecturum, ne facinoris aspectus eos, qui idem ipsum cernerent, ulla ex parte læderet. Hæc Theodoretus. Sanctus autem Cyprianus longius etiam progressus scribit Christum ipsum, & Apostolos ejus, de sacerdotibus Aaronicis, licet jam sacrilegi, atque impii essent, tamen ob ipsum, quamvis mane nomen, & umbram quamdam sacerdotii, honorificè esse locutos. Quòd si vera crimina Sacerdotum populo aperienda non sunt, & verenda Patrum non cum maledicto Cham detegenda, sed potius cum optimis ejus fratribus contegenda, quis ferat eos, qui oblectandi gratia falsa crimina affingunt, aut fabulosis narrationibus in contemptum eos adducunt? Poteram hoc loco multa quoque ex libris Joannis Bocacii adferre, ex quibus intelligeret Juvenis noster in causa religionis se cum cæteris Calvinistis ab hoc etiam auctore damnari. Nam & in libro qui inscribitur Corbaccio, & in altero, qui dicitur Filocopo multa Bocacius de invocatione B. Mariæ, de laude virginitatis, de libero arbitrio, de igne purgatorio, de precibus pro defunctis, de sacrificio Missæ planè Catholicè scribit. Sed nolui tam multa Italica verba huic nostro Latino opusculo inferere, neque tam sæpè de rebus iisdem verba facere.

CAPUT XXIII.

JAm verò quoniam Adversarius tribus testibus probare conatus est plurima esse vitia Catholicorum, ut videlicet inde colligeret Catholicam Ecclesiam in Antichristi regnum esse conversam, non debet molestè ferre, si nos etiam vicissim tribus aliis testibus, quos rejicere nullo modo possit, ei probemus, deteriores esse Lutheranorum mores, quàm unquam fuerint Catholicorum. An autem inde efficere velit, Lutheranorum sectas ad regnum Antichristi pertinere, liberum illi permitto, nos enim ejusmodi argumentis non egemus, ut certo certius eorum conventicula Satanæ Synagogas, & eorum multitudines agmina quædam, Antichristum præcurrentia, esse credamus. Primus testis Lutherus sit, quem adversarius nuncium Dei à Dante prædictum appellare non erubuit. Is enim in Postilla super Evangelium Dominicæ primæ Adventus ita loquitur: *Mundus in dies fit deterior, sunt nunc homines magis vindictæ cupidi, magis avari, magis ab omni misericordia remoti, magis inmodesti, & indisciplinati, multoque deteriores, quam fuerint in Papatu.* Hæc ille, qui nihil ferè aliud

A verè scripsit in tot libris suis. Alter testis Jacobus Andreas Smiddelinius esse poterit, qui adhuc vivit, & primas tenet inter Lutheranos, adeò ut eorum Papa non malè à quibusdam nominetur. Is in concione 4. super caput 21. Lucæ, sic habet: *Ut totus mundus agnoscat eos (Lutheranos videlicet, nam de his loquitur) non esse Papistas, nec bonis operibus quidquam fidere, illorum operum nullum exercent penitus, jejunii loco comestationibus, & perpotationibus nocte dieque vacant. Ubi pauperibus benignè facere oportebat, eos deglubunt, & excoriant: preces verunt in juramenta, blasphemias, & divini nominis execrationes, idque tam perditè, ut Christus ne ab ipsis quidem Turcis hodie tantoperè blasphemetur. Demum pro humilitate regnat passim superbia, fastus, elatio, atque hoc universum vitæ genus ab illis Evangelicum dicitur institutum.* Hæc ille, de quo sanè illud Apostoli usurpare turò possumus, *testimonium hoc verum est.* Sed accedat etiam testis tertius Erasmus Roterodamus, qui res eorum optimè noverat, & ab ipsis maximi fieri solet. Is in Epistola ad Vulturium Neocomum: *Circumspice, inquit, populum istum Evangelicum, & observa, num minus illic indulgeatur luxui, libidini, & pecunia, quam faciant ei, quos detestamini? Profer mihi quem istud Evangelium ex comessatore sobrium, ex furoci mansuetum, ex rapaci liberalem, ex maledico benedictum, ex impudico reddiderit verecundum.* Ego tibi multos ostendam, qui facti sunt seipsum deteriores. Hæc Erasmus, qui non carmina fabulosa, sed narrationem seriam & verissimam in ea epistola de moribus pseudoevangelicorum, de quorum numero Adversarius noster se esse gloriatur, instituit.

CAPUT XXIV.

Responsio ad ea, quæ Adversarius in Satyris suis Pontifici Maximo petulanter objecit.

D R Estat pars ultima anonymi libelli, quæ Satyras quinquaginta & unam Italicis rithmis comprehendit. Eas ego diligenter excutiens, reperi partem earum maximam consumi tum in repetitione eorum, quæ supra ex Dante, & Petrarca dicta fuerant, tum in congerendis in Pontificem Maximum conviciis, & maledictis. Vix autem succum aliquem argumentorum aut certè sententiarum, quæ aliquam argumenti speciem præferrent, iterum, atque iterum premendo exprimere potui. Quicquid autem illud sit, quàm brevissimè refutabo, licet alioqui carmen tam impolitum & fordidum contemni sine ulla auctoris injuria potuisset.

E Satyra prima & quarta, & aliis nonnullis, Christum caput Ecclesiæ esse dicit, atque inde efficit, summum Pontificem caput Ecclesiæ esse non posse, nisi monstrum aliquod biceps Christi Ecclesiam faciamus. Sed hoc argumentum tam sæpè jam est à Catholicis refutatum, ut mirum sit, cur non pudeat Adversarios tam putidæ repetitionis. Christum igitur caput esse Ecclesiæ universæ libentissimè confitemur, neque ullum hominem, ac ne Angelum quidem illi æquamus; quod esset propriè duo capita in Ecclesiæ corpore constituere. At, quoniam sub Christo summo capite Vicarius ejus in terris caput, ut sic dicam, ministeriale non principale rectè nominetur, negari nullo modo potest. Siquidem, ut in Republica temporali caput omnium principale Rex est, sub Rege deinde capita sunt Provinciarum ii, qui dicuntur Proreger, & sub Proregibus capita sunt Urbium singularum certi quidam Prætores, & sub Præ-

Prætoribus quælibet familia suum habet caput, ipsum videlicet patremfamilias: & in exercitu caput est omnium militum Imperator, sub Imperatore legati capita sunt legionum, sub legatis Tribuni, sub Tribunis Centuriones, sub illis Decani suo quodam modo capita dicuntur, & sunt; nec tamen aut regnum, aut exercitum ob tot capitum multitudinem monstrum videri ullus unquam scripsit: ita quoque in Ecclesia Dei summum caput omnium hominum, & Angelorum Christus est. Sub Christo in terris caput omnium Christianorum est Pontifex Maximus, sub illo Episcopi, sub Episcopis Parochi capita sunt Christianæ multitudinis. Et quamvis plurima veterum Patrum testimonia huc adferri possent, duo tamen, unus Græcus, alter Latinus hoc loco sufficient. S. Joannes Chrysostom. homil. 55. in Matth. *Dens*, inquit, *concedere solus potest, ut Ecclesia tot, tantisque fluctibus irrudentibus immobilis maneat, cujus pastor, & caput homo piscator, atque ignobilis*. S. Hieronymus lib. 1. in Jovinianum: *Inter duodecim*, inquit, *unus eligitur, ut capite constituto, schismatis tolleretur occasio*.

Satyra 3. Pontifices arguit quod se Christi successores esse gloriantur, cum Christus non successores, sed ministros Apostolos fecerit. At hoc mendacium nisi fortè licentia poetica, sive potius hæretica, excusari non potest. Siquidem Summi Pontifices, cum & ipsi se Vicarios Christi nominent, & ab aliis passim hoc nomine designentur, certè non successores, sed ministros Christi se faciunt. Nam successores morientibus, Vicarii viventibus dantur: & successores pares sunt iis, quibus succedunt, Vicarii verò multo inferiores, ac planè ministri habentur eorum, quorum vices interim gerunt. Sed nolite Poeta furore illo poetico in fransim actus, quid inter Vicarium & successores discriminis esset, videre non potuit.

Satyra 6. satis pulchrè sibi demonstrare visus est, non esse hæreticos, qui Romanam veram Ecclesiam esse non credunt, quod in symbolo Apostolico Catholicam, idest, Universalem Ecclesiam confiteamur; Romana autem particularis sit, nec sine detrimento cæterarum Universalis appellari queat. Sed non mirum est si nesciat Satyricus iste Poeta, de quibus loquatur, neque de quibus affirmet, ut Apostolus Paulus de similibus hominibus loquitur 1. Timoth. 1. cum majorem operam in fabulis Bocæcii, quàm in Theologis legendis, & meditandis posuerit. Neque enim Ecclesiam Universalem Romanam dicimus, quod in sola Urbe Roma Christi Ecclesia sit; sed quod Ecclesia toto orbe diffusa, cum Romana, ut cum sua matre, magistra, radice, fonte consentiat: quodque, ut loquitur S. Cyprianus lib. de unit. Ecclesiæ, cæteræ à Romana divisæ, nihil sint aliud, nisi rami à radice divulsi, rivuli à fonte præcisi, radii à solari corpore separati. Ad hanc enim Ecclesiam, ut vetustissimus Irenæus scriptum reliquit lib. 3. cap. 3. propter potentiorē principatū oportet omnem convenire Ecclesiam: hoc est omnes qui sunt undique fideles. Itaque quicumque in symbolo unam Catholicam Ecclesiam confitentur, si nec verè unam, nec verè Catholicam tenent, nisi radicem & matricem Catholicæ Ecclesiæ, quæ sola Romana est, ut eam Cyprianus vocat lib. 4. epist. 8. agnoscant.

Satyra 11. & 12. audacter mentitur ab Apostolo Paulo Romanum Pontificem Antichristum esse nominatum. At nos in quatuordecim, quæ extant Epistolis Paulinis, tale testimonium non habemus. Fingat ipse, si ita videretur, pro ea licentia quilibet audendi, quam pictoribus, atque poetis Horatius tribuit, Epistolam 15. Legimus quidem in Apostolo

A 2. Thessal. 2. futurum aliquando hominem quemdam peccati, qui sese efferet super omne, quod dicitur Deus, at hunc Romanum Pontificem esse, non Apostolus Paulus, sed Apostata Lutherus scriptum reliquit. Lutherum autem, & quotquot eum sequuntur hac in re esse mentitos, satis apertè initio demonstravimus. Tantum enim abest, ut Romanus Pontifex sese efferat super omne, quod dicitur Deus; ut se non solum Christi famulum, sed etiam servum servorum Dei libenter appellet.

B Satyra 33. Hoc ipsum nomen servi servorum exagitat; miratur enim quo pacto ista cohereant, ut, qui servus servorum dicitur, Regibus etiam imperare velit. Sed (ut magis Poeta miretur) addo ego, non tantum posse fieri, ut servus servorum, Regibus imperet, sed etiam ut imperando serviat, & imperet serviendo; neque enim omnes qui serviunt obediunt eos necesse est. Serviunt siquidem alii obediendo, ut mancipia; alii jubendo, ut Magistratus; Magistratus enim populo servit, si legitimus non tyrannicus sit. Quare B. Paulus 2. Cor. 4. servum se Corinthiorum vocat; & 1. Cor. 4. iisdem Corinthiis ira minatur, ut dicat: *Quid vultis? in virga veniam ad vos, an in spiritu mansuetudinis?* Et cum omnes Præpositos Ecclesiarum servos esse, docuisset loco ante notato 2. Corinth. 4. ait tamen Hebr. 13. ad filios Ecclesiarum: *Obedite Præpositis vestris, & subiacete eis*. Sic igitur Summus Pontifex servus omnium servorum Dei verè dicitur & est, quod omnibus Christianis, ut communis omnium Pastor, & Doctor, monendo, dirigendo, imperando, castigando etiam & corrigendo, serviat. Nam etiam Christus, cujus ille Vicarius est, minister fuit circumcisionis Apostolo teste; nec ministrari venerat, sed ministrare, & tamen docebat, imperabat, è templo negotiantes ejiciebat, & se adorari, sibi que à populis supplicari patiebatur.

D Satyra 20. Non posse dici Ecclesiæ fundamentum Apostolum Petrum ex eo colligit, quod B. Paulus ait 1. Corinth. 3. non posse pont. fundamentum aliud præter id, quod positum est, quod est Christus Jesus. Sed loquitur Apostolus de primario Ecclesiæ fundamento, quod à nullo alio pendeat, quod etiam Ephes. 2. summum angularem lapidem nominavit. Quod si post Christum non esset etiam Petrus Ecclesiæ fundamentum, cur eum quæso Dominus in Evangelio, Cepham, idest, petram appellaret? & de petra eadem dixisset: *Et super hanc petram edificabo Ecclesiam meam*? Neque enim Petri nomen à petra dicitur, ut Adversarius credit, sed est ipsum petræ vocabulum cum masculina terminatione, ut commodius auribus accideret. Dominus enim, qui hoc nomen Simoni imposuit, Syriacè Cepham dixit: Cephas autem Syriacè non petreum, vel petrinum, sed petram significat; ut etiam Græcum nomen *πέτρος*; Idque etiam Patres omnes una voce confessi sunt. Origenes homil. 5. in Exod. Vide, inquit, *magno illi Ecclesiæ fundamento, & petra solidissima, super quam Christus fundavit Ecclesiam, quod dicatur à Domino: Modica fidei, quare dubitasti?* Tertullian. in lib. de præscript. adversus hæreticos: *Latuit, inquit, aliquid Petrum edificanda Ecclesiæ petram dictum?* S. Cyprianus in epist. ad Quirinum: *Petrum Dominus primum elegit, & super eum edificavit Ecclesiam*. S. Hilarius in Comment. ad cap. 16. Matth. *O in nomenclatione novi nominis felix Ecclesiæ fundamentum, dignaque adificatione illius petra, qua Inferorum leges dissolveret. O beatus Cæli Janitor*. S. Gregorius Nazianzenus in orat. de moderatione in disputationibus servanda: *Petrus, inquit, petra vocatur*. S. Epiphanius in Ancorato: *Dominus, inquit, constituit Petrum, Apostolum, petram formam, supra quam Ecclesiæ Dei edificata est*. S. Am-
bro-

brofus in hymno, qui tota Ecclesia celeberrimus est; *Hoc ipsa*, inquit, *petra Ecclesia*, *canente culpam dimittit*. S. Hieronymus in comment. ad cap. 16. Matth. *Secundum metaphoram*, inquit, *Petra recte dicitur ei edificabo Ecclesiam meam super te*. S. Joannes Chrysostomus homil. 55. in Matth. *Tu es*, inquit, *Petrus; & ego super te edificabo Ecclesiam meam*. S. Augustinus in Psalmo contra partem Donati: *Numerate*, inquit, *Sacerdotes, vel ab ipsa Sede Petri; ipsa est Petra, quam non vincunt superba inferorum porta*. S. Cyrillus lib. 2. in Joan. cap. 2. *Nec Simon*, inquit, *fore iam nomen illi, sed Petrus, praeclit, vocabulo ipso commode significans, quod in eo tanquam in petra, lapideque firmissimo suam esset edificaturus Ecclesiam*. S. Paulinus in epist. 4. ad Severum: *Petra*, inquit, *est Christus, sed etiam discipulo suo huius vocabuli gratiam non negavit, cui ait: super hanc petram edificabo Ecclesiam meam*. Theophilactus in comment. ad cap. 22. Lucæ, Christum inducit ita loquentem ad Petrum: *Post me Ecclesia petra es, & fundamentum*. In quam sententiam sic etiam Euthymius scribit in comment. ad cap. 26. Matth. *Te ponam fundamentum credentium, edificabo super te Ecclesiam meam*. Sed stultus videar fortasse, & ab illis ipsis Patribus merito reprehendar, quod tam graves auctores levissimæ satyræ obiciendos putaverim. Veniam igitur ad postremam criminationem, & Apologiz finem imponam.

Satyra 2. 9. 14. 35. vitio vertit Sixto V. & Pio etiam V. humilitatem generis, & quod ex claustris Monasteriorum ad Pontificatum ascenderint. In qua re satis prodit se cuiusdam quinti Evangelii discipulum, ac sectatorem esse. Non placent illi videlicet Evangelia quatuor Matthæi, Marci, Lucæ, & Joannis, in quibus ab ipso Christo ad summas Ecclesiæ dignitates lectos videmus humiles piscatores, ex Bethsaidâ vinculo Galilææ. Non sapit illi quod Apostolus ait: *Videte vocationem vestram fratres, quia non multi sapientes secundum carnem, non multi potentes, non multi nobiles: sed quæ stulta sunt mundi elegit Deus, ut confundat sapientes; & infirma mundi elegit Deus, ut confundat fortia; & ignobilia mundi, & contemptibilia elegit Deus, & ea quæ non sunt, ut ea quæ sunt, destrueret*. Non probat Adversarius consilium Dei, qui Regem secundum eorum suum in pascuis quæsit, & invenit, & sustulit eum de gregibus ovium, & de post fœtantes accepit eum pascere Jacob servum suum, & Israel hæreditatem suam. Credo etiam Moysen contemneret, qui ad Principatum à Deo vocatus est non ex aula Pharaonis, sed ex deserto, ubi soceri sui gregem pascebat. Ac ne sapientes quidem mundi huius Adversarius audiret, qui gloriosius esse ducebant posteris suis faciem prætulisse, quam splendorem à maioribus accepisse: & virtutis, ac sapientiæ laude, quam generis nobilitate, aut majorum commendatione viam sibi ad summos honores patefecisse. Quæ cum ita sint, aut solus Adversarius noster sapit, & sapientes omnes, ac ipse etiam Deus, & Christus, & Apostoli desipiunt, aut quod est verissimum, sic ipse unus desipit, ut id vituperet, quod summa laude dignum erat. Quod verò attinet ad Monasteria, quis nescit optimos, sapientissimosque Pontifices, atque Ecclesiæ Catholicæ utilissimos ex Monasteriis ad summi Pontificatus fastigium omnibus ætatibus fuisse promotos? Monachus certe fuerat S. Dionysius, qui vicesimus sextus à B. Petro, & omnium consensu doctissimus, & optimus, magna cum laude

A Ecclesiæ præfuit. Monachus fuerat S. Gregorius, qui ob doctrinæ & pietatis excellentiam, ac rerum gestarum magnitudinem Magni cognomen invenit. Monachus fuerat insignis ille Agatho, qui VI. Synodum Oecumenicam magno suo labore ac diligentia congregavit, & doctrina ac miraculis claruit. Nec minor in Adeodato Pontifice & Monacho, qui Agathonem præcellerat innocentia vitæ, morumque integritas fuit. Monachi fuerant Stephanus IV. Paschalis I. Joannes IX. laudatissimi Pontifices. Monachus fuerat Gregorius VII. qui velint nolint Hæretici, inter optimos, sapientissimos, constantissimos, sanctissimosque Pontifices semper est numeratus. Tamen enim concubinari & simoniaci, quos ille summo studio persequabatur, multas in eum criminationes confingerent, tamen signa & prodigia (ut loquitur Lambertus Scaphnaburgensis in historia rerum Germanorum, qui eo tempore vixit & scripsit, & Germanus, non Italus fuit) quæ per orationes Gregorii Papa frequenter fiebant, & zelus ejus ferventissimus pro Deo, & Ecclesiasticis rebus, satis enim contra venenatas detractorum linguas communiebant. Monachi fuerant Victor III. Urbanus II. & Paschalis II. qui ordine post Gregorium VII. in Apostolica Sede constituti, scriptorum omnium consensu vitæ sanctitate, & rebus gestis claruerunt. Monachus fuerat Eugenius III. qui ob egregiam sanctitatis famam ad Pontificatum assumptus, in summo illo fastigio moderationem pristinam retinens, miraculis & vivus & mortuus floruit. Monachus fuerat Adrianus IV. qui cum doctissimus, & optimus haberetur ab Eugenio III. Cardinalis creatus, & in Norvegiam missus, eam Provinciam Christo suis laboribus acquisivit, ac deinde Pontifex factus laude constanti & magnitudinis animi insignis fuit. Monachi fuerant Innocentius V. ex Ordine Prædicatorum, ac non diu post Nicolaus IV. ex Ordine Minorum, quos uno ore historiz omnes optimos probatissimosque Pontifices fuisse testantur. Ac ut Benedictum XI. Urbanum V. & alios laudatos Pontifices prætermittam. Monachus fuerat S. Petrus Moronus, qui Coelestinus V. in summo Pontificatu appellatus est; cuius quidem ea fuit apud Deum devotio ac fides, ut miraculis maximis claruerit, ea rerum humanarum despicientia, & solitudinis, ac divinæ contemplationis amor, ut ipso se Pontificatu spontè abdicaverit.

Neque verò solum in ordine sumorum Pontificum ex Monasteriis viros clarissimos invenire licet, sed etiam in ordine Præfulum cæterorum. Siquidem S. Gregorius Nazianzenus, S. Basilii Magnus, S. Martinus Turonensis, S. Augustinus clarissimum lumen Ecclesiæ, S. Paulinus Nolanus, Severus Sulpitius, S. Anselmus, alique innumerabiles viri doctissimi & omni virtutum laude celeberrimi ex Monasteriis ad Episcopatum assumpti fuerunt. Desinat igitur Adversarius nisi planè stultus haberi velit, in summis Pontificibus Sixto, Pioque id reprehendere, quod in tam multis aliis cogitur laudare. Et quoniam omnis Adversarii conatus, ut etiam cæterorum Calvinistarum, eo potissimum spectat, ut sedis Apostolicæ auctoritatem & dignitatem imminuat, Sancti Leonis Magni viri sapientissimi, atque optimi verbis Apologiam claudam: *Quisquis huic sedi Principatum æstimat demergendum, illius quidem nullo modo potest minuire dignitatem, sed inflatus spiritu superbia sua, semetipsum in Inferna demergit*.

496
DISPUTATIO
DE
EXEMPTIONE CLERICORUM.

CAPUT PRIMUM.

*An Clerici sint liberi à jugo potestatis
sæcularis.*



Ostremia restat questio de libertate Ecclesiastica, de qua in hac ultima editione paulò fusius disputare institui, quòd animadverterim his proximis annis non defuisse, qui testimoniis hujus libri abuti voluerint ad oppugnandum Ecclesiasticam libertatem.

Primum igitur Hæretici permulti contendunt, Clericos tum majores, tum minores, jure subiectos esse debere sæculari potestati tum in solvendis tributis, tum in judiciis, & causis. Marsilius de Padua, & Joannes de Janduno docuerunt, ipsum etiam Christum non fuisse liberum à solvendis tributis, & quod fecit, Matth. 17. cùm tributum solvit, id fecisse non voluntate, sed necessitate. Ita refert Joannes de Turrecremata lib. 4. Summæ de Ecclesia, par. 2. cap. 37.

Joannes Calvinus lib. 4. Institut. cap. 11. §. 15. docet, Clericos omnes, præterquam in Causis merè Ecclesiasticis subiectos esse debere legibus, & tribunalibus sæcularium Magistratum. Idem docet Petrus Martyr in cap. 17. ad Romanos, ubi etiam addit, Principes non potuisse concedere Clericis privilegium, ut non subicerentur Magistratibus politicis, cùm id sit contra jus divinum: & ideo non obstante concessione Principum, debere Clericos subiectos esse Magistratibus sæcularibus. Joannes Brentius in Prolegomenis, & Melanchthon in Locis, cap. de Magistratu, in rebus etiam & causis Ecclesiasticis subiciunt Clericos politicis tribunalibus.

Ex Catholicis nonnulli censent, jure divino liberos esse Clericos, & eorum bona à potestate Principum sæcularium. Ita docet Glossa, & nonnulli ex Canonistis in can. Si Imperator, dist. 96. & in cap. Quamquam, de Censibus in 6. & ex Theologis Joannes Driedonius lib. 1. de libertate Christiana c. 9. Nonnulli verò existimant, Clericos liberos esse partim jure divino, partim jure humano, idest, in causis ecclesiasticis, & spiritualibus jure divino, in aliis, jure humano. In his videntur esse Franciscus Victoria de potestate Ecclesiæ, Relect. 1. quest. ult. Dominicus à Soto in 4. dist. 25. quest. 2. art. 2. Joannes Medina in Codice de restitu. quest. 15. & ex Canonistis Didacus Covarruvias in lib. practicarum questionum cap. 31.

Sic igitur prima propositio: *In causis Ecclesiasticis liberi sunt Clerici jure divino à sæcularium Principum potestate.* Vocantur causæ Ecclesiasticæ, quarum cognitio non pendet à legibus civilibus, sed ab Evangelio, vel à Canonibus Pontificum, aut Conciliorum, quales sunt controversiæ de fide, de sacramentis, & aliæ id genus.

Probatum primum ex divinis literis. Nam ex do-

A Crina scripturarum sanctarum Regimen Ecclesiasticum est distinctum à politico, & illo etiam sublimius, ut à nobis demonstratum est in lib. 1. de summo Pontifice cap. 7. & lib. 5. cap. 7. Ergo causæ Ecclesiasticæ judicari non debent à Politicis Magistratibus. Præterea, secundum scripturas tota auctoritas regendi Ecclesiam à Christo commissæ est Apostolis, & præcipuè Petro: ergo in rebus Ecclesiasticis Laici omnes, etiam Principes, sunt oves, & subditi, non Pastores, & Judices, ut locis notatis demonstratum est.

B Secundo probatur ex Conciliis. Nam in Milevitano can. 13. & Matisconensi can. 8. Clerici graviter puniuntur, si causam Ecclesiæ ad Imperatoris terreni judicium deferant.

Tertio ex Patribus. Severus Sulpitius in lib. 2. sacræ historiæ refert, sanctum Martinum aliquando exclamasse, novum esse, & inauditum nefas, ut causam Ecclesiæ Judex sæculi judicaret. Item sanctus Ambrosius in epist. 78. ad Theophilum, & sanctus Augustinus in epist. 162. reprehendunt eos, qui causas Ecclesiæ terrenis Judicibus judicandas exponunt.

C Quarto ex Apostolorum exemplo. Apostoli enim Ecclesias gubernaverunt, quo tempore nulli erant Principes Christiani, proinde numquam ad eos causam Ecclesiæ judicandam detulerunt. Et si Apostolus Paulus 1. Cor. 6. jubet lites etiam civiles Christianorum non deferri ad judicium Ethnicorum, quo modo permisisset ad eos deferri lites Ecclesiasticas? Ultimo ex Justiniano seniore Imperatore, qui idem affirmat Novella 83.

D Secunda propositio: *Non sunt exempti Clerici ab obligatione legum civilium, quæ non repugnant sacris Canonibus, vel officio clericali.* Loquimur hic potissimum de legibus politicis, quæ dirigunt actiones humanas in commerciis temporalibus, ut cùm Princeps, vel Magistratus constituit pretia rebus venalibus, vel jubet noctu neminem incedere cum armis, vel sine lumine, vel non asportare frumentum extra provinciam, & his similia. Nec volumus dicere his legibus teneri Clericos obligatione coactiva, sed solùm directiva, nisi eadem leges ab Ecclesia approbatæ fuerint. Quòd si de iisdem temporalibus rebus disposuisset etiam lex Ecclesiastica, eam sequi deberent Clerici, & tunc legem civilem ne directivè quidem observare tenerentur.

E Probatum igitur Clericos ad observationem legum civilium directivè teneri in defectum legis Ecclesiasticæ; Nam Clerici præterquamquod Clerici sunt, sunt etiam cives, & partes quædam Republicæ politicæ: igitur ut tales vivere debent civilibus legibus: non sunt autem alii, ut nunc ponimus, nisi quæ à politico Magistratu sunt latæ: igitur illas Clerici servare debent. Alioqui magna perturbatio, & confusio in Republica oriretur, si Clerici non servarent civiles leges in commerciis civilibus & humanis.

Secundo probatur ex confessione Pontificum, & Imperatorum. Nicolaus I. in epist. ad Michaellem propè finem dicit, Deum divisisse Pontificiam auctoritatem ab Imperiali, ut & Christiani Imperatores pro æterna vita Pontificibus indigerent, & Pontifices

fices pro cursu temporalium tantummodo rerum Imperialibus legibus uterentur. Imperator Valentinianus in epist. ad Episcopos Asiæ, quam refert Theodoretus lib. 4. hist. cap. 7. scribit, probos Episcopos non solum Dei, sed etiam Regum legibus obtemperare. Denique, S. Joannes Chrysostomus in cap. 13. ad Rom. dicit Christi Evangelio non tolli politicas leges, & idè debere etiam sacerdotes, & Monachos eis parere.

Tertia propositio. *Non possunt Clerici à iudice seculari judicari, etiam si leges civiles non servant.* Probatum primò ex Concilio Chalcedonensi can. 9. ubi sic legimus: *Si Clericus adversus Clericum habet negotium, non relinquat Episcopo suum, & ad secularia iudicia non recurrat.* Concilium Agathense can. 32. adhuc clarus in hæc verba loquitur. *Clericum nullus presumat apud secularem Iudicem, Episcopo non permittente pulsare.* Idem habent Concilium Carthagenense III. can. 9. Toletanum III. can. 13. Maticonense can. 8.

Secundò probatur ex Imperatorum Constitutionibus. Nam eximit Justinianus Clericos, & Monachos à seculari iudicio in Novellis 79. 83. & 123. quamquam non eximit in causis criminalibus, sed in civilibus tantum, in criminalibus autem, vult à Prætoribus cognosci causam, non tamen condemnari Clericum, nisi prius ab Episcopo fuerit degradatus. At nihilominus lex Canonica simpliciter eximit Clericos in omnibus causis tum civilibus, tum criminalibus, & perspicuum est ex epist. Caji Papæ ad Felicem Episcopum, item ex epist. 2. Marcellini, & ex lib. 11. Regulæ S. Gregorii epist. 14. ad Joannem Defensorem. Debet autem lex Civilis cadere legi Canonice cum possit summus Pontifex Imperatori præcipere, in iis præsertim, quæ ad Ecclesiam pertinent.

Tertiò probatur ratione: nam omnino absurdum est, ut ovis Pastorem suum quocumque modo judicare præsumat. Itaque non sine magna laude refert Rufinus lib. 10. hist. cap. 2. & post eum B. Gregorius lib. 4. epist. 75. vocem illam Constantini ad Episcopos: *Vos Dei estis à summo Deo constituti, æquum non est, ut homo iudicet Deos.*

At objicit Calvinus lib. 4. Institut. cap. 11. §. 15. epist. Constantini Imper. ad Nicomedienfes, quam refert Theodoretus lib. 1. hist. cap. 20. ubi dicit Constantinus se Eusebium Episcopum Nicomediensem in exilium eiecisse, & subiungit: *Si quis Episcoporum inconsulto tumultuatus sit, ministri Dei, hoc est, mea executione illius audacia coercetur.*

Respondeo, more solito Calvinum imponere simplicibus. Nam Constantinus in illa epistola scribit, se quidem eiecisse in exilium Eusebium Episcopum, sed addit, eum ante fuisse à Nicæno Concilio depositum ab Episcopatu propter hæresim. Nos autem non negamus, quin debeat Magistratus secularis punire Clericos, quando ab Ecclesia damnantur, & degradantur, & iudicibus secularibus traduntur. Verba autem Constantini, quæ Calvinus subiungit, ab ipso depravata sunt. Non enim minatur eo loco poenam Constantinus Episcopis, sed Laicis. Dicit enim se graviter animadversurum in plebem Nicomediensem, si iterum redire velit ad Episcopos Hæreticos à Concilio generali damnatos, & non acquiescat suscipere probum & Catholicum Antistitem. Hæc enim sunt verba ejus: *Si autem quisquam (non dicit, Episcoporum, ut Calvinus addidit) temeritate & audacia accensur, eas Ecclesia pestes, idest, Episcopos Arianos, vel membra, vel laudibus celebrare aggrediatur, confestim opera ac diligentia Ministri Dei, hoc est, mea, poenas suas infert dabit.*

Objicit secundò Petrus Martyr: *Jure divino subiecta est omnis anima sublimioribus potestatibus, idest, Regibus,* Controv. Card. Bellarum. Tom. II.

A *ut constat ex epist. ad Rom. cap. 13. Ergo non poterunt Reges eximere ullos Christianos à sua potestate. Et confirmatur argumentum ex doctrina Catholicorum, qui ea ratione probant, non posse ullum eximi à potestate Papa, quia jure divino omnes subijciuntur Papa.*

B Respondeo, nihil ea ratiocinatione concludi, quamvis enim jure divino sit omnis anima potestatibus sublimioribus subiecta, ac per hoc etiam Regibus, dum sublimiores potestates sunt, tamen fieri potest, ut qui nunc est sublimior potestas, paulò post non sit, ut si ipse subiciat alteri partem sui Regni, vel jure belli, aut alio justo titulo Regnum, vel Regni partem amittat. Quoniam ergo Clericos partim ipsi Principes subjecerunt in omnibus causis, etiam temporalibus & civilibus Episcopis suis: & postremò summus Pontifex Clericos omnes eximit à subiectione Principum secularium, sequitur, ut respectu clericorum non sint Principes, superiores potestate, ac proinde non teneantur Clerici Principibus parere neque jure humano, neque jure divino, nisi quantum ad leges quasdam directivas ut diximus.

Ad confirmationem respondeo, non esse eandem rationem Pontificatus, & Regnorum. Nam Regna non sunt immediate à Deo instituta, sed ab hominibus, & idè ab hominibus mutari possunt in alias regiminis formas: Pontificatus autem à Deo immediate est institutus, & idè non potest ab hominibus immutari.

C Quarta propositio: *Bona Clericorum tam Ecclesiastica, quam secularia libera sunt, ac merito esse debent à tributis Principum secularium.* Quod libera sint de facto, perspicuum est ex Concilio Lateranensi sub Alexandro III. part. 1. cap. 19. ex Concilio Lateranensi sub Innocentio III. c. 46. Item ex cap. Ecclesia Sanctæ Mariæ, de constit. ex cap. Quamquam, de cens. in 6. Extravaganti. Quod olim, de immunit. Eccles. Item ex cap. Quia nonnulli, & cap. Clericis, de Immunit. Eccles. in 6. Præterea, ex legibus Principum quæ habentur in C. Theodosiano lib. 16. tit. 2. l. 16. & 26. & in C. Justiniani l. sancimus, de sacrosanctis Ecclesiis, & in lib. 10. hist. Eusebii cap. 7. ex versione Christophoroni. Ubi tamen est observandum, ante Justiniani tempora legibus priorum Principum immunes fuisse Clericos à tributis personalibus, ut etiam indicat S. Hieronymus in comment. ad cap. 17. Matth. non tamen fuisse liberos à tributis, quæ pendendi solent ratione possessionum, ut colligitur ex S. Ambrosio in orat. de tradendis Basilicis, ubi dicit: *Agri Ecclesie solvant tributum, & ex Theodoro lib. 4. hist. cap. 7. ubi scribit, Valentinianum Seniores in epistola ad Episcopos Asiæ illa verba posuisse: Boni Episcopi tributa pensant Regibus.*

D Quod autem hæc exemptio jure facta sit, & quo jure, humano ne solum, an etiam divino, in sequentibus propositionibus exponemus.

E Objicit adversus hanc propositionem Marsilius de Padua exemplum Christi, qui tributum solvit, ut habemus Matth. 17. Sed facilis est responsio. Christus enim solvit tributum, quia voluit, non quia debuit. Id quod ex eodem loco intelligi potest. Nam cum dictum esset Petro ab iis qui exigebant tributum. *Magister vester non solvit didrachma?* Dominus Petro ait: *Quid tibi videtur Simon? Reges terre à quibus accipiunt tributum, vel censum à filiis suis, an ab alienis?* Respondit Simon, *ab alienis.* Ait Dominus, *ergo liberi sunt filii, sed ut non scandalizemus eos, vade ad mare, & mitte hamum, & eme piscem, qui primus ascenderit, tolle, & aperto ore ejus invenies staterem, illum sumens da eis pro me, & pro te.* Dux sunt autem interpretationes ejus loci: Ergo liberi sunt filii, & secundum utramque rectissime Dominus ostendit, se liberum fuisse à tributo solvendo. Prior expositio est

S. Hilarii, qui docet, agi hoc loco de tributo, quod imposuerat Deus omnibus filiis Israel Exod. 30. in usum templi, quod tributum propriè erat didrachma, & secundum hanc expositionem, quæ verissima nobis videtur, vis argumenti hæc est, Reges terræ non exigunt tributum à filiis suis, sed ab alienis: igitur neque Rex coeli exiget tributum à me, qui sum ejus proprius & naturalis filius. Posterior interpretatio est S. Hieronymi, qui verba Domini de tributo, quod Cæsari solvebatur, exponit. Quæ sententia minus probabilis esse videtur, quia tributum, quod solvebatur Cæsari, tempore Christi, non erat didrachma, sed denarius, ut perspicuum est ex cap. 22. Matth. *Ostendite mihi numisma Censui. At illi obtulerunt ei denarium.* Neque potest ulla solida ratione demonstrari, consuevisse didrachmi tributum Cæsari solvi, nisi post Christi Ascensionem in cælum. Scribit enim Josephus in lib. 7. de bello Judaico cap. 26. post eversum templum à Vespasiano Imperatore, institutum fuisse, ut tributum didrachmi, quod Judæi omnes templo solvebant singulis annis, deinceps in Capitolium deferretur. Sed tamen ex hac etiam sententia rectè colligitur, Christum non fuisse ullius tributi debitorem, quamvis enim non esset filius Cæsaris, qui tributum, juxta hanc sententiam, exigebat: erat tamen filius Dei, cujus Ministri sunt omnes Reges, & Principes terræ, ut legimus Sap. 6. & Roman. 13: Neque debent Ministri Regis à Filio Regis tributum petere. Præterea, tributa solvuntur Regibus ratione vitæ hujus corporalis, timoribus, & periculis obnoxii, ut S. Thomas docet in 2. 2. q. 104. art. 6. ad primum, & idèd iusti etiam homines, licèt secundum animam liberi sint à servitute peccati, tamen ratione corporis, cujus redemptionem adhuc expectant, ut ait Apostolus ad Rom. 8. subiecti sunt tributis, & potestati civili. At Christus non solum secundum animam, sed etiam secundum corpus liber erat, non servus, neque redemptionem, sed solam Resurrectionem corporis expectabat, carebat enim omni morbo concupiscentiæ, & omni lege peccati, neque periculis, aut injuriis obnoxius erat, nisi quantum ipse permittebat: *Oblatus est*, inquit Isa. cap. 53. *quia ipse voluit.* Itaque nulli Regi tributum debebat, qui nullius Regis defensione indigebat, & meritò damnata est, ut hæretica, sententia Marsilii Paduani à Joanne XXII. Pontifice in Extravag. licèt, quam refert Joan. de Turrecr. lib. 4. Sum. de Eccles. par. 2. c. 37.

Quinta propositio, *Exemptio Clericorum in rebus politicis tum quo ad personas, tum quo ad bona, introducta est jure humano pariter & divino.* Ex quidem quòd jure humano introducta sit, patet ex iis testimoniis, quæ attulimus in tertia & quarta propositione probanda. Quod autem sit etiam introducta jure divino, probandum est hoc loco. Sed antea tamen observandum est, nos per jus divinum non intelligere præceptum Dei propriè dictum, quod extet expressè in sacris literis: sed quod ab exemplis vel testimoniis testamenti veteris, vel novi per quandam similitudinem deduci possit. Atque hinc fortasse conciliari poterunt Theologorum, & juris peritorum sententiæ. Illi enim cum negant, exemptionem Clericorum esse juris divini, præceptum divinum propriè dictum expressè in scripturis extare negant: isti verò cum affirmant, eandem exemptionem esse juris divini, id solum affirmant, quòd Theologi minimè negant, deduci per similitudinem ab exemplis, & testimoniis sacre Scripturæ, Deum voluisse, ut Clerici, & ipsorum bona libera essent à potestate, & jurisdictione Laicorum.

Certè Geminianus, Ancharanus, & alii insignes Doctores, exponentes caput, *Quamquam*, de Censibus in 6. notant, in eo capitulo haberi textum expressum, quo immunitas Ecclesiasticorum dicatur es-

se juris divini. Sed quomodo id sit intelligendum, à Glossa petendum esse monent. Glossa verò in idem caput, docet, esse juris divini eam immunitatem, quia deducitur ab exemplo Josephi Patriarchæ, qui exemit sacerdotes Ægyptiorum Genes. 47. & Artaxerxis Regis Persarum, qui exemit sacerdotes Israeliticos 1. Esdræ 7. Nam ut rectè ait Alexander Pontifex in Concilio Lateranensi, unde extat cap. Non minus de immunit. Eccles. *Non decet Ecclesiam Dei minus liberam esse tempore Principum Christianorum quàm fuerit tempore Pharaonis.*

His igitur notatis, probatur nostra propositio, primò testimoniis scripturæ divinæ. Nam præter loca jam citata ex Genes. & ex lib. Esdræ, habemus alia duo non minus illustria: siquidem in lib. Numerorum cap. 3. Deus non semel, sed sæpius repetit, Levitas propriè suos esse, atque eos sibi ex omni populo delegisse: & in eodem loco dono dari jubet omnes Levitas Aaroni, & filiis ejus, idest, summo sacerdoti, & successoribus ejus. Quos enim sibi ipse delegit ad ministerium templi, rerumque sacrarum, soli Pontifici, qui locum Dei repræsentabat in terris, subiectos esse voluit, ac per hoc à jurisdictione terrenorum Principum liberavit. Constat autem id esse nunc in Ecclesia Clericos, quod erant Levitæ in testamento veteri, & Pontificem Christianorum non minoris esse auctoritatis, sed longè majoris in Ecclesia Christi, quàm fuerit Aaron in Synagoga Judæorum. Nunc (inquit S. Leo serm. 8. de Passione Domini) *& ordo clarior Levitarum, & dignitas amplior Seniorum, & sacratior unctio Sacerdotum.*

Sequitur igitur ut quemadmodum in testamento veteri liberi erant Levitæ jure divino à potestate Principum secularium: ita sint etiam Clerici in testamento novo.

Alius locus est is, quem supra tractavimus ex cap. 17. Matth. *Ergo liberi sunt filii.* Nam cum filii Regum à tributis eximuntur, non ipsorum personæ tantum, sed etiam servi, & Ministri, atque adeò ipsorum familiæ à tributis eximuntur. Certum est autem Clericos omnes propriè ad familiam Christi, qui filius est Regis Regum, pertinere. Atque id videtur Dominus significare voluisse, cum ait Petro: *Ut autem non scandalizemus eos, sumens staterem da illis pro me, & pro te*, quasi diceret, & se & familiam suam, cujus præfectus erat Petrus, liberos à tributis esse debere. Quod etiam intellexisse videtur S. Hieronymus in commentario ejus loci, cum dicit, Clericos propter honorem Domini tributa non solve, & S. Augustinus lib. 1. q. Evangel. q. 23. cum scribit, in omni Regno terreno non esse vectigales filios Regni illius, sub quo sunt omnia Regna terræ.

Secundò probatur eadem propositio ex testimoniis sacrorum Canonum. Concilium Tridentinum Generale nostris temporibus celebratum sess. 25. cap. 20. de Reformat. sic loquitur: *Ecclesia & personarum Ecclesiasticarum immunitas Dei ordinatione, & Canonicis sanctionibus instituta est.* Concilium Colonienſe paulò ante ipsam Tridentinam Synodum celebratum par. 9. cap. 20. *Immunitas*, inquit, *Ecclesiastica vetustissima res est, jure pariter divino & humano introducta, quæ in duobus potissimè sita est, primò ut Clerici eorumque possessiones à vectigalibus & tributis, aliisque muneribus laicis libera sint, deinde ne rei criminis ad Ecclesiam confuzientes inde extrahantur.* Concilium Lateranense sub Leone X. celebratum sess. 9. Cum à jure, inquit, tam divino, quàm humano Laicis potestas nulla in Ecclesiasticas personas attributa sit, innovamus omnes, & singulas constitutiones, & Concilium Lateranense sub Innocentio III. cap. 43. *Nimis* (inquit) *de jure divino quidam Laici usurpare conantur, cum viros Ecclesiasticos, nihil temporale obtinentes ab eis, ad præstanda*

sibi fidelitatis iuramenta compellunt. Bonifacius VIII. in cap. Quamquam, de censibus in 6. tamquam de re nota & explorata loquitur, cum ait, jure divino & humano Clericos & eorum bona libera esse à secularium potestate. Joannes item VIII. Can. si Imperator. dist. 96. *Non à legibus (inquit) publicis, non à potestatibus saculi, sed à Pontificibus & Sacerdotibus Omnipotens Deus Christiana Religionis clericos & Sacerdotes voluit ordinari, & discere.* Et quod de personis affirmat Joannes Pontifex, affirmavit multò ante Simmachus Papa cum tota Synodo III. Romana de bonis Ecclesiasticis. *Solis (inquit) sacerdotibus disponendi de rebus Ecclesie indiscussè à Deo cura commissa est.* His addi potest Innocentius IV. Pontifex, quamvis non ut Pontifex, sed ut Doctor particularis de hac re scripserit. In commentario enim ad cap. 2. de Majoritate & obedientia posteaquam docuerat, Clericos exemptos fuisse à potestate Laicorum per Summum Pontificem Imperatore consentiente, addit, hanc non esse plenam exemptionem, & ideò dicendum esse, clericos ab ipso Deo fuisse exemptos. Hoc testimonium Innocentii ea de causa addendum putavi, quoniam Covar. in lib. practicar. qu. cap. 31. scribit, prædictum Pontificem in loco à nobis citato affirmasse, exemptionem Clericorum non esse juris divini, quod falsum esse verba citata palam ostendunt, & ante nos in hanc eandem sententiam Innocentium allegavit Panormitanus, in cap. Nimis, de iurejurando: ubi etiam idem auctor rectè refellit eos, qui per jus divinum intelligunt jus Canonicum, & fortasse ad ejusmodi explicationes excludendas Concil. Tridentinum non utitur vocibus juris divini, & humani, quæ possent trahi ad significandum jus Canonicum, & civile, sed ait, *ordinatione divina, & Ecclesiasticis sanctionibus immunitatem Ecclesie, & personarum ecclesiasticarum fuisse institutam.*

CAPUT II.

An exemptio clericorum sit juris divini naturalis.

Disseruimus hætenus de jure divino positivo; nunc de jure naturali differendum est, quod planè divinum esse in dubium revocari non potest, cum jus naturale sit illud, quod est ab auctore naturæ in animis nostris impressum. Sed antequam explicare incipiam, an ad hoc jus pertineat exemptio Clericorum, distinguendi sunt gradus juris naturalis. Tres enim sunt gradus naturalium præceptorum. Primus est eorum, quæ ita perspicuè sunt impressa in cordibus hominum, ut solo lumine rationis, sine ulli disciplina vel arte, imò sine novo discursu rationis judicentur ab omnibus justa; talia sunt prima quædam principia, ut bonum esse appetendum, malum fugiendum, conservandam vitam cibo & potu, propagandam & educandam sobolem ad conservandum genus humanum, Deum esse colendum, non esse faciendum alteri, quod tibi non vis fieri. Hæc maxime propriè sunt præcepta juris naturæ, de quibus ita loquitur S. Ambrosius in epist. 71. ad Irenæum: *Lex natura, quam Deus singulorum infudit pectoribus, non scribitur, sed innascitur, nec aliqua percipitur lectione, sed profluo quodam natura fonte in singulis exprimitur, & humanis ingeniiis hauritur;* & S. Hieronymus epist. ad Algasiam q. 8. *Lex, quæ in corde scribitur, omnes continet nationes; & nullus hominum est, qui hanc legem nesciat, & ideò, justum judicium Dei est scribentis in corde humani generis, quod tibi fieri nolueris, alteri ne feceris.* Et S. Augustinus in tract. Psal. 57. *Manu formatoris nostri in ipsis cordibus nostris veritas scripsit, quod tibi non vis fieri, ne facias alteri.* Hoc & Controv. Card. Bellarm. Tom. I l.

antequam lex daretur, nemo ignorare permissus est, ut esset unde judicarentur, & quibus lex non esset data. Nec dissentiant Græci, ut Chrysostomus hom. 54. in Gen. nec Scholastici, ut S. Thomas in 1. 2. q. 94. art. 2. neque etiam ipsa jura, ut patet ex can. Jus naturale, dist. 1. & l. 1. ff. de just. & jure. Secundus gradus est eorum præceptorum, quæ deducuntur ex illis primis principiis, tamquam conclusiones proximæ, & quasi naturaliter fluentes per facilem, evidentem, & necessariam consequentiam, ut non sit opus arte vel disciplina, sed simplici discursu, qualem omnes homines habere possunt. Talia sunt omnia præcepta decalogi: nam ex illo principio in corde omnium impresso, Deum esse colendum, sequitur continuò non esse colenda idola, neque esse pejerandum, ex illo altero principio, quod tibi non vis fieri, alteri ne feceris, sequitur non esse occidendum, non esse moechandum, non esse furandum &c. Et sanè aliqua hujus generis præcepta aliquando ob nimiam hominum execrationem deleta sunt de cordibus hominum, ut patet ex lib. 6. Cæsaris de bello Gallico, ubi legimus apud Germanos furtum non fuisse vitium, sed virtutem, & ex S. Hieronymo lib. 2. in Jovinianum, & ex Theodoro lib. 9. ad Græcos, qui referunt multa vitia contra naturam, quæ à populis quibusdam, & etiam à Legislatoribus eorum tamquam licita & justa approbabantur. Sed quamvis ejusmodi præcepta à nonnullis ignorarentur, verè tamen & propriè ad jus divinum naturale pertinent, ut docet S. Thomas in 1. 2. qu. 94. art. 5. & qu. 100. art. 8. ubi scribit, in præceptis Decalogi, quia sunt propriè juris naturalis, nullam cadere posse dispensationem: & certè, sicut ea, quæ deducuntur per necessariam consequentiam ex articulis fidei, pertinent ad fidem, quia non possunt negari, quin articuli ipsi negentur: ita quæ deducuntur per necessariam consequentiam ex primis principiis juris naturalis pertinent etiam ad jus naturale, quia non possunt destrui, quin destruaturs natura. Tertius gradus præceptorum naturalium est eorum, quæ deducuntur quidem ex principiis juris naturæ, sed per consequentiam non absolute necessariam, nec omninò evidentem, & ideò egent humana constitutione. Et hæc sunt quæ Theologi propriè referunt ad jus gentium, & ea distinguuntur à jure civili, quod jus civile non deducatur ex jure naturæ per modum conclusionis deductæ ex principiis, sed per modum determinationis eorum, quæ generatim præcipiuntur à jure naturæ, quæ doctrina est S. Thomæ in 1. 2. q. 95. art. 2. & 4. Et quamvis idem S. Thomas in prædicta q. 95. art. 4. Isidorum secutus, dicat, jus gentium esse speciem juris positivi, contra verò in 2. 2. q. 57. art. 3. & clariùs lect. 12. in lib. 5. Ethic. dicat esse speciem juris naturalis, & alleget Jureconsultos veteres, qui jus naturale aliud esse docebant, quod est commune omnibus animalibus, aliud quod est commune omnibus hominibus: tamen non pugnat ipse secum, nec Isidorus cum Jureconsultis pugnat. Nam & idem S. Thomas in 1. 2. q. 95. art. 4. ad primum, scribit jus gentium esse aliquo modo naturale, & aliquo modo positivum, ac per hoc est medium inter jus naturale purum, & jus civile. Jus enim naturale purum, est illud, quod nullo modo pendet ex humana constitutione; jus civile autem quod ex sola hominum constitutione pendet, & ideò purè positivum dici potest. Jus verò gentium partim est naturale, partim positivum, quia pendet quidem ab humana constitutione, idest, à consensu omnium gentium, sed non pendet ab auctoritate Principis, vel Magistratus particularis. Ex quo sequitur, ut ea quæ sunt de jure gentium, quia sunt aliquo modo naturalia, ideò prohibeantur quia sunt mala: contra autem quæ sunt

de jure civili, quia sunt purè positiva, idèò sint mala, quia prohibentur. Rursus sequitur, ut ea quæ sunt de jure gentium, quia sunt aliquo modo naturalia, non possint à Principibus, vel Magistratibus abrogari, vel immutari: contra autem, quæ sunt de jure civili quia sunt purè positiva, sicut à Principe, vel Magistratu constituuntur, ita posse à Magistratu, vel Principe abrogari. His ita explicatis, dicendum videtur, exemptionem Ecclesiasticorum non pertinere ad primum, vel secundum naturalium præceptorum gradum, nec tamen esse juris tantum positivi sive canonici, sive civilis, sed referenda esse ad tertium gradum præceptorum juris naturæ, sive, quod idem est, ad jus gentium. Hæc mihi videtur esse sententia serè omnium Theologorum, & Canonistarum, & in re non arbitror dissentire Joannem Driedonem, qui in lib. 1. de libertate Christiana cap. 9. cum Canonistis dicit, exemptionem Clericorum esse juris divini naturalis, à Victoria in Relectione 1. de potestate Ecclesiæ q. ult. & Soto in 4. sent. dist. 25. q. 2. qui dicunt, esse juris humani, ac positivi. Nam Joannes Driedo non dicit esse juris naturalis, quia sit primum aliquod principium juris naturæ, aut conclusio proxima, & quasi naturaliter deducta ex primis principiis, sed dicit esse juris naturalis, quia est omnino conformis, & consentanea rationi naturali. Victoria verò, & Sotus negant esse juris divini naturalis, quia per jus naturale intelligunt jus purè naturale, quo modo etiam negat idem Sotus jus gentium esse naturale; tamen iidem auctores, & maxime Sotus, addunt hanc exemptionem esse omnino consentaneam rationi, & ipsi naturæ. Neque dicere volunt solum esse rationabilem, idest, non contrariam rationi, sic enim nihil dixissent, cum omnis justa lex etiam purè positiva non debeat esse contraria rationi, sed dicere volunt, esse deductam ut conclusionem ex jure naturæ, & vim habere ex jure naturæ, & idèò addunt, in hanc exemptionem consensisse omnes gentes, ac propterea non posse mutari, vel abrogari à Regibus & Principibus, etiam si omnes simul conjuncti eam abrogare conentur. Neque dissentit S. Thomas, licet in commentar. ad cap. 13. ad Rom. scripserit, Clericos privilegio Principum liberos esse à tributis: Nam in eodem loco addit, id factum esse ob naturalem æquitatem.

Hanc igitur sententiam probare possumus his argumentis. Primò ex consuetudine omnium gentium, quod enim ubique sit, ex natura ipsa descendit, quæ omnibus communis est. Constat apud Hebræos, Levitas fuisse liberos à tributis ex c. 30. Exod. & cap. 1. Num. Constat apud Ægyptios sub Rege Pharaone sacerdotes fuisse exemptos, ex cap. 47. Genes. Constat idem de sacerdotibus Hebræorum sub Rege Artaxerxe ex lib. 1. Esdræ cap. 7. Idem cognosci potest de sacerdotibus Gentilium ex Aristotele in lib. 2. Oeconom. ex Cæsare lib. 6. de bello Gallico; ex Plutarcho in Camillo, & ex aliis. Apud Christianos Imperator Constantinus, qui primus fuit Imperator apertè Christianus, continuò natura docente Ecclesiasticos immunes à communibus Reipublicæ oneribus declaravit, ut patet ex epistola ejus ad Avilinum, apud Eusebium lib. 10. hist. eccles. cap. 7. quòd idem multi alii Imperatores fecerunt, & notanda sunt verba Justiniani l. sancimus, 2. C. de sacrosanct. eccles. Nam ubi emisisset Ecclesias, ait: *Cur enim non facimus discrimen inter res divinas & humanas, & cur non competens prerogativa celesti favori conservetur?* Quibus verbis ostendit, exemptionem illam non fuisse arbitriam, & liberam, sed debitam, & necessariam.

Alterum argumentum ducitur à similitudine, quam potestas ecclesiastica, & secularis habent cum anima & corpore humano. Nam, ut ostendimus in lib. 5. de

A Summo Pontifice, ex S. Gregorio Nazianzeno, Hogue de S. Victore, aliisque insignibus auctoribus, non potest melius intelligi quo modo se habeat potestas ecclesiastica ad sæcularem, quàm ex modo, quo se habet in homine spiritus ad carnem. Spiritus autem ita se habet ad carnem, ut quamvis non impediat actiones ejus, cum bene se habent, eam tamen regat, & moderetur, & aliquando cohibeat, aliquando excitet, prout ad finem suum expedire judicat: Contra verò, caro nullum habet imperium in spiritum, neque cum ulla in re dirigere, vel judicare, vel coercere potest. Sic igitur potestas ecclesiastica, quæ spiritualis est, ac per hoc naturaliter sæculari superior, sæcularem potestatem, cum opus est, dirigere, judicare, & coercere potest; ipsam verò à sæculari dirigi, vel judicari, vel coerceri nulla ratione permittitur. Tertiò probatur ex nominibus Patris, & Pastoris, quibus tum in sacris literis, & in libris sanctorum Patrum, tum ex communi Christianorum consuetudine sacerdotes ornantur. Natura enim docet, ut filii parentibus obediant, atque ab iis se corrigi æquo animo ferant, non autem ipsi parentibus imperare, eosve corrigere, vel judicare velint. Multò etiam magis eadem duce & magistra natura, oves à Pastoribus reguntur & gubernantur, & quando aberrant, vel sibilo, vel baculo reducuntur in viam, & planè contra naturam esset, si ovis Pastorem regere, vel gubernare videretur. Quartum argumentum peti potest à nomine & officio clericorum, clerici enim sunt ministri Dei consecrati ad obsequium solius Dei, atque ad hoc ipsum ab universo populo Deo oblato, unde & Clerici dicuntur tamquam ad sortem Domini pertinentes, ut S. Hieronymus docet in epist. ad Nepotianum. Certè autem in ea, quæ sunt oblata & consecrata Deo, & quasi propria ipsius Dei facta sunt, nullum jus habere possunt Principes sæculi: id quod & lumen rationis ostendit, & Deus ipse in scripturis Sanctis non obscure tradit, cum ait Levit. ult. *Quicquid semel Deo fuerit consecratum, sanctum sanctorum erit Domino.* Quis autem dicere audeat, jus esse profano homini in ea, quæ sancta sanctorum, idest, sanctissima dici meruerunt? Qua ratione bona etiam temporalia Clericorum, bona dominica propriè dicuntur in canon. 4. Apostolico, & idèò tamquam Deo sacra, jurisdictioni Laicorum subiecta esse non possunt. Quintum argumentum ducitur à signis, & prodigiis quæ non rarò Deus ostendit in eos, qui Ecclesiarum immunitatem violare præsumpserunt. De qua re multa legi possunt apud Tilmannum Bredembachium in lib. 5. sacrarum collationum. Sed extat insigne testimonium Basilii Porphyrogeniti Græcorum Imperatoris apud Balsamonem in Nomocanone Photii, in commentario canonis primi synodi Constantinopolitane primæ, & secundæ, quam nos Latini octavam synodum appellamus. Refert enim idem Basilii causam omnium calamitatum ejus temporis in legem quandam Nicephori Phocæ prædecessoris sui contra Ecclesiæ libertatem latam. Ex quo (inquit) *Lex ista robur habuit, nihil boni penitus in hodiernum usque decursu nostra contigit, sed potius e contrario nullum omnino genus calamitatis defuit.* Itaque legem illam meritò irritam esse voluit, ac penitus abrogavit.

C A P U T III.

Solvuntur argumenta contraria.

SED operæpretium erit ad eas objectiones breviter respondere, quas Didacus Covarruvias loco citato, & Joannes Medina in C. de Restit. quest. 15. (qui

(qui liberius aliis auctoribus loquuti sunt,) in medium protulerunt. Obijciunt ergo primò, nullam extare legem divinam, qua Clerici eximantur à jurisdictione Principum Laicorum. Sed jam ostendimus extare non pauca testimonia scripturæ veteris, ex quibus per probabilem consequentiam ducatur argumentum ad probandum jure divino Clericos liberos esse à jurisdictione Principum secularium. Neque obstat, quòd testamentum vetus abrogatum jam sit per testamentum novum. Nam tamen abrogata sint caeremonialia, judicialiaque præcepta, non tamen sunt abrogata moralia, idest, quæ continent vel declarant jus naturæ, & præterea cum caeremoniæ Judæorum figuræ fuerint rerum nostrarum, ut Apostolus docet 1. Corinth. 10. Galat. 4. & Hebr. 7. non malè ducimus argumenta per similitudinem à ritibus Judaicis. Denique non sola testimonia scripturæ veteris, sed etiam rationes ex jure naturæ depromptas adduximus, jus autem naturæ non humanum, sed divinum est, cum ab ipsius naturæ auctore manaverit. Secundò obijciunt leges multas Justiniani ex Codice, & Authenticis, ex quibus cognosci potest, olim Clericos Imperatoris jurisdictioni fuisse subiectos. Sed facilis est responsio: Nam si hoc argumentum vim ullam haberet, probaret etiam in rebus ecclesiasticis & spiritualibus non esse liberos Clericos jure divino à potestate Principum Laicorum: constat enim non solum ex Codice & Authenticis, sed multo magis ex Nomocanone Photii, non paucas leges Justiniani de rebus planè ecclesiasticis, & spiritualibus disponere. Covarruvias autem, & Medina, ut etiam omnes Theologi & Canonistæ, summo consensu docent, in rebus ecclesiasticis & spiritualibus liberos esse Clericos à Potestate Principum sæculi jure divino. Coguntur igitur ipsi etiam nobiscum dicere leges illas procedere de facto, non de jure, & toleratas aliquando à summis Pontificibus, numquam autem approbatas. Non tamen negaverim, multas quoque esse civiles leges Imperatorum, quas non minus Clerici, quàm Laici sequi debeant. Ecclesia enim pro cursu temporalium tantummodo rerum, ut loquitur Nicolaus I. Papa in epist. ad Michaelem, Imperialibus utitur legibus. Quod idem habemus in multis Canonibus distinctionis decimæ apud Gratianum, & cap. 1. de novi oper. nunciat. & alibi. Quæ tamen omnia intelligi debent de iis legibus, quæ non sunt contrariæ Ecclesiasticæ libertati, & quoad directionem, non quoad coactionem, ac denique cum adsunt aliæ conditiones, quas notant Doctores, ac præsertim Felinus in cap. Ecclesia S. Mariæ, de constitut. quæst. 1. Tertio obijciunt exemplum Apostoli Pauli, qui cum esset Præsul ecclesiasticus, non timuit appellare Cæsarem, atque ab eo judicari se debere liberè confiteri, ut S. Lucas refert Act. 25. sed hanc objectionem Covarruvias omnino debuisset omittere. Nam B. Paulus, ut constat ex cap. ult. Actorum, coactus est appellare Cæsarem, oppressus videlicet calumniis Judæorum, & iniustitia Præsidis Romani, qui solum Cæsarem supremum Judicem agnoscebant. Itaque ipse quoque de facto saltem, si non de jure, Cæsarem Judicem agnoscere debuit, nec sine risu exceptus fuisset, si B. Petri supremi Principis ac Judicis sui coram Gentilibus, vel Judæis mentionem facere voluisset.

Quartò obijciunt testimonia SS. Apostolorum Petri, & Pauli, scribit enim B. Petrus in epist. priore cap. 2. *Subiecti estote omni humana creatura propter Deum, sive Regi, tamquam præcellenti, sive Ducibus, tamquam ab eo missis*: & B. Paulus in epist. ad Roman. cap. 13. *Omnis, inquit, anima potestatibus sublimioribus subdita sit*: In quem locum scribit S. Jo-

Contrav. Card. Bellarm. Tom. II.

A annes Chrysostomus, hæc dici non tantum Laicis, sed etiam Clericis & Monachis, & ipsis etiam Apostolis & Evangelistis. Respondeo, sententias Apostolorum generales esse. Quamvis enim nominatim in eis fiat mentio Regum, quoniam eo tempore valdè necessarium erat diligenter monere Christianos, ut Regibus obedirent, ne fidei prædicatio impediretur, tamen absolute verba illa tam B. Petri, quàm B. Pauli, nihil aliud significant, nisi debere omnes homines suis legitimis superioribus subditos esse, eisque debitam obedientiam exhibere. Quare non potest ex his testimoniis Apostolicis probari Clericos Principibus sæculi, vel ipsorum legibus obtemperare debere, nisi prius probetur, Reges sæculi esse legitimos superiores, & Judices Clericorum, quod certè probari non poterit, nisi probetur, oves Pastoribus, filios parentibus, & temporalia spiritualibus præminere. Nec tamen Chrysostomus contradicimus; quamvis enim judicem proprium Clericorum, & Monachorum solum Pontificem esse dicamus, tamen fatemur, Reges non solum Laicorum, sed etiam Clericorum, & Monachorum Reges esse. Unde etiam non sine causa in publicis precibus oramus pro Rege, vel pro Imperatore nostro: Nam cum Reges bella gerant non solum pro Laicis, sed etiam pro Clericis, & Monachis, proque omnium pace, & tranquillitate invigilent, debetur eis ab omnibus honor, juxta illud B. Petri, 1. epist. cap. 2. *Regem honorificate*; debetur etiam obedientia, cum eorum leges non sunt contrariæ sacris Canonibus, & cum de rebus iisdem nulla extat Canonica dispositio, ac demum quoad directionem ut supra diximus, non quoad coactionem. Præter hæc argumenta obijcit Joannes Medina loco citato quædam alia, quæ Covarruvias fortasse ut leviora prætermittenda putavit. Sed nos ea quoque breviter diluamus. Ait igitur Medina, in lege naturæ primogenitos omnes fuisse sacerdotes, nec tamen exemptos à majorum suorum potestate. Item in lege scripta Levitas, quibus nunc succedunt Clerici, non solum Aaroni Pontifici subiectos fuisse, sed etiam Mosi, qui Princeps erat civilis totius populi Judæorum. In lege quoque evangelica Christi, ipsum, qui caput erat omnium sacerdotum, Pilato subiectum fuisse, juxta illud: *Non haberes potestatem in me ullam, nisi tibi datum esset desuper*. Joan. 19. Denique ita ratiocinatur Medina: Lex evangelica, Baptismus, ordo clericalis, non liberant jure divino à debitis antea contractis, ut à debito servitutis, à debito pecuniario, à debito conjugali, ergo nec à debito subjectionis & obedientiæ civilis, sed Clerici ante clericatum subiecti erant potestati & jurisdictioni Principum, & Magistratum secularium, non igitur liberi sunt jure divino ab eadem potestate, & jurisdictione post Clericatum. Sed ad hæc omnia facilis est & expedita responsio. Nam de primogenitis in lege naturæ non probavit Medina eos civilibus Magistratibus fuisse subiectos: nos autem probare possumus, non fuisse, quoniam iidem Primogeniti sacerdotes & Principes esse solebant, docet S. Hieronymus in quæstionibus Hebraicis ad cap. 49. Genes. quæ est etiam communis Hebræorum sententia, & exprimitur ab ipsa Paraphrasi Chaldaica eodem loco in benedictione Ruben. Porro Moses, cui subiecti erant Levitæ, non solum Princeps civilis totius populi, sed etiam summus sacerdos erat, & Aaron major, quamvis extraordinaria potestate. Unde dicitur in Psal. 98. *Moy-ses, & Aaron in sacerdotibus ejus*; & novimus Aaron à Mose consecratum; & denique testatur Philo in extremo lib. de vita Mosi, fuisse Mosem Pontificem, Regem, & legislatorem Hebræorum. Quid

Ii 3 igitur

igitur mirum, si Levitæ Moyſi ſubjecti erant non minus quàm Aaroni, cùm Moſes non minus quàm Aaron ſacerdotio ſungeretur. Chriſtum autem Pilato ſubjectum fuiſſe de ſacto ſolum, non de jure, certiffimum eſt, & poteſtas deſuper data, quam in Pilato Chriſtus agnoſcit, non poteſtas judiciaria, ſed permiſſio intelligenda eſt, ut Sancti Patres docent, Chryſoſtomus & Cyrillus. De qua Dominus ait Luc. 22. hæc eſt hora veſtra, & poteſtas tenebrarum. Et certè, ferendum non eſſet, ſi Medina cum Marſilio Paduano Chriſtum Dei filium naturalem, Principibus terrenis jure ſubjectum fuiſſe dicere veller. Ratiocinatio denique eiſdem Medinæ aut nihil probat, aut plus, quàm ipſe velit, probat. Nam ſi paria ſunt eximere à debito ſervitutis, vel pecuniario, vel uxorio; & eximere à debito ſubjectionis, & obedientiæ civilis, ſicut non poteſt ſummus Pontifex eximere homines Chriſtianos à debito ſervitutis, vel pecuniario, vel uxorio ſine conſenſu partis, quoniam alioquin injuriam facere videretur, ita non potuiſſet idem ſummus Pontifex eximere Clericos à jurisdictione Principum ſecularium, ſine ipſorum conſenſu. Atque hoc eſt contra omnes Theologos, à quibus nec ipſe Medina diſſentit. Non igitur ſunt illa paria, ac per hoc Medinæ argumentum non rectè concludit. Ratio verò diſcriminis inter illa debita, hæc eſt, quòd majus omnino ſit vinculum inter creditorem & debitorem, Dominum & ſervum, virum & uxorem, quàm inter Principem, vel Magiſtratum, & civem. Itaque clericatus non eximit à debitis illis prioris generis, & idèd non poterit fieri Clericus is, qui ſervus eſt, niſi priùs à Domino liberetur, neque is, qui eſt alligatus uxori, niſi uxor conſentiat, & ipſa quoque votum continentię emittat: neque is, qui tantum pecuniæ debet, ut reſtituere nequeat, ſi Clericus fiat, niſi à creditore debitum remittatur. At idem Clericatus eximit à ſubjectione civili, & transfert in ſubjectionem eccleſiaſticam etiam non conſentiente, vel repugnante ſuperiore civili, quoniam unusquiſque circa ſtatum propriæ perſonæ liber eſt, ſicut poteſt relinquere patrem & matrem, & adhærere uxori, juxta verbum Domini Matth. 19. ita poteſt relinquere Principem ſæculi, & in ſortem Domini tranſire, atque ad Dei ſervitutem accedere, ſequè totum Epifcopo in Clericatu, vel Abbati in Monachica profeſſione committere. At, inquit Medina, lex evangelica, & Baptiſmus, non eximunt à jurisdictione civili, igitur neque eximit Clericatus. Reſpondeo, non eſſe eandem rationem legis evangelicæ & Baptiſmi, ac ipſius Clericatus. Nam lex evangelica, & Baptiſmus non excludunt, imò neceſſarium eſſe volunt Principatum civilem, ut adverſus Anabaptiſtas nos alio loco probavimus. At clericatus, ut etiam Monachatus, non poſſet ſuo munere rectè fungi, niſi liber eſſet, & immunis à jurisdictione civili; & ordo ipſe naturæ perverteretur, ſi Paſtores ovibus, parentes filiis, & ſpiritualia corporalibus ſubjicienda ſint. At, inquit, injuria fiet Principibus ſi inviti ſuo jure priventur, quòd in Clericos ante Clericatum habebant. Reſpondeo, nullam ipſis injuriam fieri, quia qui jure ſuo utitur, nullam facit injuriam. Utitur autem jure ſuo, qui eligit ſtatum, quem ſibi magis convenientem eſſe cenſet, quamvis per accidens ſequatur, ut Princeps ſubdito ſuo privetur. Nam eſt quis juſta de cauſa domicilium ſuum in aliam civitatem, vel provinciam transferat, deſinet ſubditus eſſe priori Principi, nec tamen injuriam illi feciſſe videbitur. Ultima obſectio Medinæ illa eſt, quòd non repugnet rationi, ut homines addicti obſequio Dei

A & ſpiritualibus functionibus, ſubſint in rebus temporalibus, & civilibus Regi, vel Magiſtratui ſeculari. Ex quo ſequitur, ut ſi exempti ſint, id factum ſit, conceſſione Principum, non jure divino. Addi poteſt confirmatio ad hoc argumentum, ut nihil difficultatis ſubterfugere videamur. Nam ſicut Princeps ſecularis, ut Chriſtianus & in rebus ſpiritualibus eſt ovis, & filius ſacerdotum: ita econtrariò ſacerdotes ut cives, & in rebus temporalibus videntur poſſe dici oves, & quaſi filii Principum ſecularium. Item quia una tantum eſt Eccleſia, continens Clericos & Laicos, & Eccleſiæ caput eſt ſummus Pontifex, idèd ſubſunt omnes eidem ſummo Pontifici tum Clerici, tum Laici, igitur eodem modo quoniam una eſt civitas continens Laicos, & Clericos, & civitatis caput eſt Princeps ſecularis, idèd ſubjecti debent eſſe omnes tam Laici, quàm Clerici Principi ſeculari in iis, quæ pertinent ad bonum regimen civitatis. Reſpondeo, hoc argumento probari, exemptionem Clericorum, non eſſe de jure naturæ primario, quod nos ſupra in duos gradus diſtinximus, ſed eſſe de jure naturæ ſecundario, quod etiam juſ gentium appellari diximus. Nam ut S. Thomas rectè docet in 2. 2. quæſt. 57. art. 3. juſ naturæ primarium reſpicit rem abſolutè conſideratam, juſ naturæ ſecundarium, ſive juſ gentium reſpicit rem in ordine ad certum finem, & idèd pendet ex diſcurſu rationis. Licet igitur non repugnet rationi abſolutè, ut Clericus ſubſit in rebus civilibus Principi ſeculari: tamen repugnat in ordine ad officium Clericorum rite adminiſtrandum. Nam ut alia omittam, turpiſſimum eſſet, ut etiam Sotus annotavit, ſi Magiſtratus, Epifcopum corrigere, vel punire poſſet, à quo ipſe corrigendus, & puniendus eſt. Et quis ferret, ſi hodie ſacerdos ad ſuum Tribunal Magiſtratum vocaret, cras autem Magiſtratus vocaret ſacerdotem ad ſuum? & nonnè omnis reverentia, quam neceſſariò debent Laici ſacerdotibus, periret, ſi eos pro imperio coercere poſſent. Hinc igitur ante omnes Principum leges, humanum genus ratione docente conſtituit, ut ubique ſacerdotes immunes eſſent à jurisdictione Principum Laicorum. Ad primam confirmationem reſpondeo, Principem quidem ovem, ac filium ſpiritualem ſacerdotis eſſe: ſed ſacerdotem nullo modo filium vel ovem Principis dici poſſe: quoniam ſacerdotes, & omnes Clerici ſuum habent Principem ſpiritualem, à quo non in ſpiritualibus ſolum, ſed etiam in temporalibus reguntur. Neque fieri poteſt, ut duos agnoſcant Principes in rebus temporalibus, cùm, juxta Evangelium, nemo poſſit duobus Dominis ſervire. Ad alteram confirmationem reſpondeo, Eccleſiam verè unam tantum eſſe, & nullo modo duas, civitatem autem unam eſſe materialiter, & duas formaliter. Nam Eccleſia continet omnes Chriſtianos Catholicos, ſive ſint Clerici, ſive Laici. Si quis autem conſideret coetum Laicorum, non ut Chriſtiani ſunt, ſed ut cives, vel quocumque alio modo, is coetus Eccleſiæ dici non poteſt. Non igitur duæ fingi poſſunt Eccleſiæ, ac multo minus eſſe. At coetus Laicorum, & coetus Clericorum formaliter duæ civitates dici poſſunt, quoniam in ipſis etiam temporalibus rebus diverſas leges habent, diverſum Principem, diverſa tribunalia, & tamen materialiter unam quoque civitatem faciunt, quia unam Urbem inhabitant, & ſub eiſdem Principis protectione vivunt, qui ſicut pro labore, ac ſollicitudine, quam pro communi bono ſuſcipit, à Laicis tributa recipit, ita recipit à Clericis auxilia longè majora publicarum precum, & ſacrificiorum ad Deum.

D E
T R A N S L A T I O N E
IMPERII ROMANI
A GRÆCIS AD FRANCOs.

ADVERSUS MATTHIAM FLACCIUM
Illyricum, Libri Tres.

A U C T O R E
ROBERTO BELLARMINO
E S O C I E T A T E J E S U.

SUMMA LIBRI PRIMI.

ROMANUM IMPERIUM A GRÆCIS AD FRANCO
SUMMI PONTIFICIS AUCTORITATE TRANSLATUM.

CAPITA LIBRI PRIMI.

- | | |
|--|--|
| <p>CAP. I. Contradictiones duodecim Illyrici detegit.
II. Mendacia viginti ejusdem Illyrici refellit.
III. Prolegomena adversarii confutat, & eam controversiam explicat, qua fuit Adriano Summo Pontifici cum Friderico Enobardo Imperatore.
IV. Testimoniis Historicorum supra triginta demonstrat, Imperium Romanum Summi Pontificis auctoritate ad Francos à Græcis esse translatum.
V. Testimoniis duodecim Principum idem confirmat.
VI. Idem asserit testimoniis septem Summarum Pontificum.</p> | <p>CAP. VII. Imperium Romanum non esse à Francis acquisitum jure belli.
VIII. Non accepisse Carolum Magnum à Deo immediate Imperii dignitatem.
IX. Imperium Romanum non esse devolutum ad Carolum Magnum jure successionis hereditaria.
X. Imperium Romanum non esse delatum ad Francos auctore Senatu Populoque Romano.
XI. Imperium Romanum non fuisse à Græco Imperatore Carolo Magno traditum.
XII. Summum Pontificem jure suo Romanum Imperium transferre potuisse, ac reipsa ad Francos transfuisse.
XIII. Objectiones Illyrici dissolvit, ac jans antè dissolutas demonstrat.</p> |
|--|--|

SUMMA LIBRI SECUNDI.

Romanum Imperium à familia Caroli Magni, & gente Francorum ad familiam Othonum, & gentem Saxonum, Summi Pontificis auctoritate transisse.

CAPITA LIBRI SECUNDI.

- | | |
|--|---|
| <p>CAP. I. Successionem explicat Caroli Magni.
II. Othonem primum, non autem Henricum aut Chunradum, Imperatorem primum ex gente Saxonum fuisse demonstrat.</p> | <p>CAP. III. Eundem Othonem à Summo Pontifice Joanne duodecimo ad Imperium proventum ostendit.
IV. Objectiones Illyrici diluit.</p> |
|--|---|

SUMMA LIBRI TERTII.

Septem Electores Imperii à summo Pontifice Gregorio Quinto potissimum institutos.

CAPITA LIBRI TERTII.

- | | |
|---|--|
| <p>CAP. I. Electores ante Gregorii decimi Pontificis & Friderici secundi Imperatoris tempora designatos.
II. Objectiones Omphrii refellit.
III. Electores Imperii non ab Othone tertio Imperatore, sed à Gregorio V. Pontifice Maximo institutos ostendit.</p> | <p>CAP. IV. Objectiones Illyrici dissolvit, ac mendacia plurima auctoris ejusdem detegit, & redarguit.</p> |
|---|--|

LIBER PRIMUS.

ARGUMENTUM

ET PARTITIO HUIUS LIBRI.



SCRIPTURUS de Translatione Imperii Romani à Græcis ad Germanos, adversus mendacissimum librum, quem ante paucos annos de eodem argumento edidit Matthias Flaccius Illyricus, operæpretium me facturum existimavi, si quemadmodum ipse prolegomena quædam præmisit, ita quoque & ego loco prolegomenorum pauca quædam præmittam tum de contradictionibus, tum de mendaciis ejusdem Illyrici manifestis, atque crassissimis. Ita enim spero fore, ut hominis hujus inconstantia & impudentia patefacta, simul etiam aditus patefiat veritati in aures atque animos illorum, quos jam fortè falsitas occupavit, quibusque ille suis artibus, & multa historiarum confusione & varietate, tenebras offudit. Deinde ad rem ipsam aggrediar hoc ordine. Quoniam Illyricus, ut est inconstans, & varius, uno in loco docet non esse translatum Imperium Romani Pontificis auctoritate à Græcis in Francos, seu Germanos, in alio verò fatetur id quidem, sed affirmat injustè & impiè factum, esseque hanc translationem præcipuum miraculum Antichristi, propterea primùm demonstrare conabor, verè translationem esse factam Summi Pontificis auctoritate; atque argumenta desumam ex consensu omnium Historicorum, ex confessione Imperatorum, ac Principum aliorum, ex testimoniis veterum Romanorum Pontificum, ac demum ex refutatione omnium eorum jurium, vel titulorum, quos adversarii prætendunt. Ostendam enim certissimis rationibus, Carolum Magnum, quem Imperatorem Romanum fuisse nec Illyricus, neque alius quispiam negat, ad eam dignitatem pervenisse, nec jure belli atque armorum, nec immediata vocatione Dei, nec successione hæreditaria, nec dono Græcorum, nec denique electione Senatus Populique Romani: proinde aut Carolum à Pontifice Imperium habuisse, aut omnino non habuisse. Deinde planum faciam, id quod Summus Pontifex in hac translatione Imperii fecit, ritè ac jure esse factum. Addam postremò, ut nihil eorum, quæ Illyricus tractat, prætermisisse videar, de translatione Imperii, si tamen translatio dicenda est, ex familia Caroli Magni in Saxones, & de institutione septem Imperii Electorum.

CAPUT PRIMUM.

Complectitur contradictiones Illyrici.



NGITUR noster Illyricus (ut ordiamur ab eo quod primo loco propositum est) pro sua gravitate & constantia in asserendis sententiis, non tam quid sit in re, considerare solet, quàm quid proposito suo maximè deserviat. Itaque si affirmare aliquid causæ, quam defendit, utile est, confidenter affirmat, si rursus illud ipsum negare, rei suæ conducere putat, audacter negat, parum omnino laborans, cohæreantne scripta sua inter se, an secum ipsa pugnent, & utrum unum alteri opem fe-

Arat, an potius, tamquam in bello sociali, unum evertatur ab altero.

I. In libro, quem nuper edidit de translatione Imperii, passim figmentum, & fabulas appellat, quod vulgò creditur, Imperium Romanum translatum à Græcis ad Germanos Summi Pontificis auctoritate. Atque ut aliquem certum locum notemus, titulus secundæ partis primi capitis hic est: *Quod non sit facta per Papas Imperii translatio à Græcis ad Germanos.*

BSed nimirum cùm hæc scriberet, oblitus erat quid paulò ante scripsisset. Nam in libro contra primatum Papæ penè extremo, notas Antichristi explicans, quinto loco hanc ponit de translatione Imperii, & quidem his verbis: *Antichristus apparebit cùm Romani regni defectio fiet, & reddet Romanis libertatem, sub suo tamen nomine. Hoc accidit ante annos 700. cùm Romanum Imperium rueret, & à Papa, non tamquam Cesare Dictatore, Consule, aut Senatore,*

nature, sed ut à Papa Romano nonnihil inflauratum est: tunc enim Papa suam potentiam & impietatem propagavit. Sic Apocalyp. 13. *Lasa bestia ab alia simili agni bestia honoratur.* Nec solum in eo libro, sed etiam in Centuriis idem affirmat Illyricus. Sic enim scribit Centur. 8. cap. 10. col. 751. *Atque ita Imperium Romanum ad Carolum, & Francos (Leo Tertius) transtulit, & tamen sibi reservavit ius Franci imperandi. Atque hinc factum est deinceps, ut qui Imperii sceptrum acciperent, à Pontifice inaugurarentur, estque hac translatio præcipuum ex miraculis Antichristi, Apocalypsis 13. & 17.*

Quid hic Illyrice eliges? si transtulit Romanus Pontifex Imperium in Francos, totus liber tuus de translatione Imperii corrui: si non transtulit, corruiunt partes non exiguae tum ex libro tuo contra Primatum, tum ex Historiarum tuarum Centuriis. Immo verò, si transtulit Papa Romanus Imperium in Francos, si non transtulit, corrui liber tuus de translatione Imperii. Siquidem Papam esse Antichristum, ex Verbo Dei efficacissima ducta ratione demonstrasse te putas in locis paulò ante citatis, quia videlicet Papa dum Imperium Occidentale instauravit, curavit (ut tu quidem interpretaris) plagam bestiae, quod est miraculum, & nota præcipua Antichristi, Apocal. 13. & 17. Igitur in lib. de translatione Imperii dum contendis tam acriter, non esse Papam auctorem Occidentalis Imperii, quid aliud contendis, quàm id efficere, ut credamus falsam esse tuam illam demonstrationem, qua ex Verbo Dei probare volebas, Papam esse Antichristum? & tamen in hoc ipso libro, tertio quoque verbo repetis Papam esse Antichristum, in quo tu ipse tuam præcipuam demonstrationem labefactas, qua effici credebas, Papam esse Antichristum. Sed pergamus ad cætera.

II. In hoc ipso libro de translatione Imperii in epistola dedicatoria affirmat Illyricus ius in Imperium Romanum Germanos adeptos esse ante annos 1500. cum videlicet Arminio duce duas Aquilas Romanis eripuerunt, atque in huius rei signum bicipitem Aquilam Germanos Imperatores in insignibus suis præferre. Huc (inquit) referre possis, quòd & mox post Iulium, sub Augusto Germani duas Aquilas Romanis iustissimo bello abstulerunt. Et infra: *Quandocumque igitur volet Romanus sacrificus, alique Imperii amuli, cognoscere Germanorum monarchia originem, ac ius, intueantur modò, ac contemplantur ejus gloriosa insignia bicipitem Aquilam ostentantis; & mox ea illor de origine jureque suo abundè edocebunt, ac vel invitos convincent.* Hæc ille.

Sed hæc somnia, quæ nos infra cap. 6. refutabimus, refellit etiam ipse idem Illyricus cum ita loquitur Centur. 9. cap. 16. col. 621. *Aquila Romana in duo capita statim in initio huius sæculi (quod est ab anno 800. ad 900.) divisa est. Nam Carolus Magnus à Leone Pontifice cum consensu Senatus & populi Romani Imperator Occidentis solemnè ritu inauguratur anno Domini 801. Quomodo, quæso, ista coherent, ut ante annos 1500. coeperit Aquila biceps, & ius, atque origo Imperii Germanici; & tamen Aquila Romana anno 801., idest, ante annos 700. divisa primùm fuerit, cum Carolus Magnus à Leone Pontifice Imperator Occidentis primus inauguratus est?*

III. Rursum in libro de translatione Imperii cap. 1. pag. 9. Audet (inquit Illyricus) Gelasius Papa ad Anastasium Imperatorem scribens 15. quæst. 6. can. Alius, affirmare, Zachariam Papam deposuisse Hildericum Regem Francorum, & transtulisse regnum in Pipinum Caroli patrem. (Et infra: Tale mendacium ausus est Papa confingere, & Gratianus suæ rapsoðiæ Decretorum inferere.) Hæc ibi. At in hi-

storia longè aliter. Sic enim scribit Cent. 8. cap. 10. col. 706. Pipino Zacharias Papa regnum Francorum dedit, idque ei tutum præstitit, deposito, & in monachum consecrato Carolomanno fratre ejus, & Hilderico Rege priore. Poterat ne clariùs secum pugnare, & uno in loco destruere, quod in alio affirmavit?

IV. In libro eodem de translatione Imperii c. 1. pag. 12. affirmat Illyricus, Summos Pontifices quondam servos & mancipia fuisse Caroli, nunc e contrario à Summis Pontificibus adigi Cæsares ad turpissima pedum oscula. Quàm fœda (inquit) est ista vanitas, quòd Papistæ fingunt, illos servos & mancipia Caroli, Imperium Romanum in Carolum transtulisse, cumque sibi ut vasallum quendam dato feudo obligasse; ut nunc arctissimis juramentis Cæsares sibi obstringunt, & etiam ad turpissima pedum oscula adigunt. Sed audi rursus ejusdem Illyrici verba ex Centur. 8. cap. 10. col. 724. Pipinus (inquit) & Carolus filius ejus, in terram prostrati, pedes ejus (Stephani Papæ) osculati sunt, & stapedes ejus apprehenderunt, & frænum equi illius tenentes, stratoris officia ei præstiterunt. Quid hic dices Illyrice? Si Papa mancipium erat Caroli, qui factum est, ut non Papa Caroli, sed Carolus Papæ stapedes apprehenderit, & stratoris officium ei præstiterit? Et si nunc primùm coepit Papa Principes adigere ad oscula pedum, quo pacto ante annos propè 800. Pipinus & Carolus humi strati, Pontificis pedes, nullo cogente, nisi Dei metu, ac reverentia, Christi Vicario debita, osculabantur?

V. Eadem pag. 12. in libro de translatione Imperii ita scribit Illyricus: Testantur quoque omnes Historici, etiam ii qui Papis sunt addictissimi, Leonem Papam mox ut electus fuit in Papam, misisse ad Carolum Magnum legationem unà cum clavibus S. Petri, quod est Papale insigne, & vexillis urbis Romæ cum Aquilis, petiisseque juxta Synodum Adriani, confirmationem sui, & ut aliquis mitteretur qui Romanos Carolo denuo juramento adstringeret; quod fuit extremæ subjectionis indicium. Hæc ibi. In Centuriis contrarium legimus, nimirum petiisse Leonem ut aliqui à Carolo mitterentur, qui Romanos non Carolo, sed ipsi Papæ juramento adstringerent: sic enim legimus Centur. 8. cap. 10. column. 750. Legatos ergo infcio Senatu cum muneribus ad Carolum mittit, eique sacras claves, insigne Pontificiæ dignitatis, & vexillum urbis Romæ, seu Aquilam, signum Imperii Romani offert, seque & urbem Romam ejus fidei commendat, ac postulat ut suos Romam ableget, qui populum Romanum ad suam fidem atque subjectionem Sacramento firmarent: juxta annales Francorum. Quæ verba alii (hoc est, Illyricus idem in alio loco) intelligunt, quòd jussit Romanos Francis fidem jurare; sed id non tam facilè esset impetratum. Quare verisimilius est, quòd petierit Romanos eo adigi, ut Pontifici jusjurandum præstarent. Quare Engelbertus, vel Agilbertus, Abbas S. Richarii, jussu Caroli compulit Romanum populum fidelitatem jurare Pontifici.

VI. Pag. 22. Italiam ab Odoacre occupatam affirmat Leone Bessicano Imperatore. At Cent. 5. c. 16. column. 1526. scribit id accidisse sub Zenone qui post Leonem juniorem Leoni Seniori, idest, Bessicano successit.

VII. Pag. 26. & sequentibus, Theodoricum Ostrogothum, Imperatorem Romanorum & Augustum, ac purpura Cæsarea ornatum fuisse fusè docet, ac multis testimoniis confirmat. At Centur. 6. cap. 16. col. 840. disertis verbis dicit, Theodoricum eundem nec nomen nec insignia Imperatorum Romanorum unquam habuisse.

VIII. Pag. 49. Carolo Magno Imperium Occidentis donatum fuisse scribit ab Irene, antequam idem Carolus à Leone coronaretur. At Cent. 9. cap. 16. colum. 621. scribit Græcos in Imperium Caroli quodammodo consensisse, quod non possent mutare quod Leo fecerat Romæ, quando Carolum Imperatorem appellavit.

IX. Neque verò de Electoribus Imperii minor est apud Illyricum, quàm de ipsa Imperii translatione dissensio: Nam in libro de translatione Imperii c. 5. pag. 89. habentur hæc verba: Hic quoque ut ubique alibi, Pontificiorum parasitarum mendacia grassantur. Dicunt enim quod imperante Othone III. Gregorius V. Germanus, malè à Romanis tractatus, suæque sede pulsus, decretum tulerit quod septem Germani Principes, loco Romani populi, Senatufque, Imperatores in perpetuam posteritatem eligere deberent: Quod eorum figmentum mox evidenter, Deo dante, redarguemus. At in historia Ecclesiastica, Cent. 10. c. 10. col. 546. habentur hæc alia ejusdem Illyrici verba, quæ pugnent necne cum præcedentibus, vel ipse Illyricus iudex esto: Gregorius undecimo sui exilii mense, pristinae dignitati per Imperatorem restitutus, suam patriam insigni aliqua dignitate ornaturus, sanxit, ut penes solos Germanos eligendi Regem esset jus ac potestas, qui post diadema à Romano Pontifice acceptum, Imperator & Augustus appellaretur. Suntque Electores constituti, Moguntinus, Coloniensis, & Trevirensis Archiepiscopi, Comes Palatinus Rheni, Saxonie Dux, Marchio Brandenburgensis, & Rex Bohemæ, qui paribus suffragiis Electorum existentibus, litem inter eos dirimat. Ne autem liber de translatione Imperii solum cum aliis ejusdem Illyrici libris, & non etiam ipse secum pugnare videatur, annotemus adhuc unam vel alteram contradictionem.

X. In ipso igitur lib. de translatione Imperii cap. 1. pag. 5. sic Illyricus loquitur: *Dei solius est iste titulus: Mea sunt omnia; ego do ea cui volo; ego transfero Regna, ac Monarchias de gente in gentem pro meo arbitrio. Horrenda ergo blasphemia est, quod Antichristus, sicut in aliis omnibus se Deo exæquavit, immò & supra eum extulit, ita in hoc quoque gloriatur: suum esse transferre Imperia ac Regna ad quemcumque velit; seque transfuisse Imperium à Græcis ad Francos, & porro à Francis ad Germanos.* Hæc ibi. At infra cap. 2. pag. 21. non vult solus Dei esse transferre imperia, sed etiam hominum. Siquidem docet non semel translatum fuisse Imperium à Græcis ad Germanos: *Romani, inquit, aut potius Constantinopolitani Imperatores sapius jus Occidentalis Imperii Germanis tradiderunt.* Et mox pag. 22. *Prima igitur, inquit, translatio facta est sub Leone Bessicano, Constantinopolitano Imperatore, circa annum 460. in Othacarem, aut Odoacrem.* Et infra ponit secundam translationem factam à Zenone Imperatore in Theodoricum; tertiam ab Anastasio in Clodovæum; & quartam ab Irene in Carolum. Sed si horrenda blasphemia est, quod Papa asserat, se transfuisse Imperium in Germanos, quia transferre imperia soli Deo convenit, quomodo non est horrenda blasphemia, quod Illyricus asserit, à Leone Bessicano, vel ejus militibus, translatum Imperium in Odoacrem, à Zenone in Theodoricum, ab Anastasio in Clodovæum, ab Irene in Carolum?

XI. Et si Antichristus est, & Deo se exæquat, vel super ipsum extollit, qui audet regna transferre, quod soli Deo est proprium, certè Antichristi fuerunt Leonis milites, necnon Zeno, Anastasius, & Irene Imperatores, qui re ipsa (ut Illyricus dicit) imperium transfulerunt, ac Dei potestatem usurparunt. Papa verò non modò non est Antichristus, sed etiam Antichristo omnino contrarius, cum

A non solum Imperium non transfulerit, nec Deo se æquaverit, sed etiam (ut idem Illyricus scribit pagin. 12.) se ut servum ac mancipium Imperatori subjecerit. Nonne igitur Illyricus manifestè secum pugnat, cum passim in hoc suo libro Papam Antichristum vocat, & quidem extollentem se supra ipsum Deum; & tamen in eodem libro tam humilem facit eundem Papam, ut se mancipium, & juratum servum Imperatoris, esse fateatur?

XII. Rursum in eodem libro cap. 1. pag. 12. ipsa, inquit Illyricus, *vox translationis eos evidentissimè mendacii redarguit: nam si transfulerunt Papa Imperium à Græcis ad Francos, sequitur Græcos esse planè privatos Imperiali dignitate.* Hæc ibi. Sed paulò post pag. 22. & sequentibus numerat Illyricus quatuor translationes factas à Græcis ad Germanos, manente nihilominus etiam Græcis Imperiali dignitate: quia videlicet non totum Imperium, sed altera pars dumtaxat, quæ Occidentale Imperium dicitur, translatum fuit. Aut igitur ipsa vox translationis Illyricum arguit evidentissimè mendacii, cum ait pag. 22. translatum Imperium à Græcis in Germanos à militibus, Zenone, Anastasio, & Irene, aut falsum est quod scripsit pag. 12. nam utrumque simul nulla ratione defendi potest.

XIII. Sed insignis contradictio, & contumeliosa in Romanum Imperium habetur ad finem epistolæ dedicatioræ: ubi sic Illyricus de se ipse loquitur: *Testor (inquit) me ab omnibus sceleris, erroribusque à Romano Imperio, & Augustana Confessione damnatis abhorre.* Hæc enim verba manifestam implicant contradictionem, nisi Romanum Imperium Augustanæ Confessionis patronum, vel sectatorem Illyricus faciat. Quod certè facere non poterit, nisi cum manifesta ratione pugnare velit: constat enim Confessionem Augustanæ solum ex Romano Imperio adhæsisse ac subscripsisse Electorem unum, Principes sex, & civitates liberas duas: eandem verò Confessionem in eodem Augustano conventu publicè reprobata, ac damnata ab ipso Romanorum Imperatore Carolo ejus nominis Quinto, ab electoribus quinque, à Principibus Imperii partim Ecclesiasticis, partim secularibus septem supra centum, ac demum à liberis Imperialibus Civitatibus novem & triginta; tot enim fuisse Catholicos Principes, & Status Imperii, qui in damnationem Confessionis subscripserunt, & subscriptionem sigillis suis munierunt, testis est Joannes Cochläus, qui in eo conventu præsens interfuit, in actis Lutheri anni 1530. & 1531. Cum igitur Romanus Imperator cum longè majore parte Principum, & Statuum Imperialium, Augustanam Confessionem damnaverit, merito ea ab Imperio Romano damnata existimanda est. Nam si Imperator, ut caput Imperii, Imperium universum repræsentat, quanto magis & certius conventus Principum & Statuum ferimè omnium unà cum ipso Cæsare Imperium universum repræsentabit? Quocirca meritò Philippus Melanchthon in epist. ad Joannem Obernburgerum ita scribit: Non delector recordatione Comitiorum Augustanorum, in quibus tristi ac atroci sententia damnati sumus. Eligat jam Illyricus utrum voluerit: aut sequitur Imperii Romani sententiam, & mentitur cum ait, se adhærere Confessioni Augustanæ: aut sequitur Confessionem Augustanam, & mentitur cum ait, se abhorre ab erroribus ab Imperio Romano damnatis. Utrumque certè simul verum esse nullo modo potest.

CAPUT II.

Continet mendacia Illyrici.

Veniamus nunc ad alteram partem Prolegomenorum, idest, ad mendacia quibus undique scatet Illyrici libellus.

Ac primum ipsam epistolam, qua librum suum dedicat Imperatori Maximiliano, omnibusque Imperii Principibus, totam ferè mendacis texuit, ut mirum sit eum tam impudenter tantis viris imponere voluisse.

I. Non procul ab initio scribit politici Magistratus gloriam & dignitatem per Lutheri doctrinam esse illustratam, & contra seductores & oppressores ornata, & vindicatam. Hoc (inquit) tempore instaurati Evangelii non uno modo gloria, dignitasque politici Magistratus est verbo Dei illustrata, & contra seductores, ejusque oppressores speciosè ornata, & vindicata; quantumvis illi contrarium fingant. At quàm hoc sit verum, testantur in primis libri ipsius Lutheri, quibus ita Principes omnes in contemptum & invidiam adduxit, ut nihil aliud meditari videretur, quàm principatum omnem de medio tollere. Sic enim loquitur in lib. de potestate seculari, Principes mundani sunt, mundus autem inimicus est Deo: idcirco, & ipsos quoque facere oportet, quod Deo contrarium, mundo autem consentaneum sit, ut scilicet non fiant infames, sed Principes mundani permanent. Ne mireris igitur si contra Evangelium furunt, & fatuè agunt. Oportet ipsos titulo, nomini-que suo satisfacere, & scire debes quòd ab initio mundi admodum rara avis est Princeps prudens, adhuc multo rarior Princeps probus. Sunt communiter maximi fatui, aut pessimi nebulones super terram. Quapropter semper pessima quæque ab ipsis expectanda sunt, & parum boni sperandum est, præsertim in rebus divinis, quæ ad salutem animarum pertinent. Ipsi enim sunt lictores, & carnifices Dei, quibus, utitur ira divina &c. & infra: Si Princeps prosperatur, ut sit prudens, probus aut Christianus, hoc è magnis miraculis unum est, & pretiosissimum signum divinæ gratiæ super eam provinciam. Nam juxta communem cursum evenit secundum illud Isaïæ 3. Dabo pueros Principes eorum, & effeminati dominabuntur eis, & Osæ 13. Dabo tibi Regem in furore meo, & auferam in indignatione mea, & infra: Admodum pauci sunt Principes, qui non habeantur pro fatuis aut nebulonibus. Causa hujus est, quia & tales sese demonstrant, & populus communis sit intelligens, & Principum plaga, quam Deus contemptus vocat, potenter progreditur in plebe, & communi populo, & vereor ne prohiberi non possit, nisi Principes agant ut principes decet, & incipiant rursus cum ratione & modestia gubernare; non ferunt, non possunt, nec volunt vestram tyrannidem petulantiamque diu perferre. Boni Principes & Domini, secundum hoc agere sciatis; Deus non vult diutius permittere. Non amplius nunc mundus est ut olim, quando homines sicut feras venabamini &c. Item in lib. quem inscripsit, Duo Cæsarea mandata discordantia, & contraria &c. prope finem, Oro (inquit) omnes pios Christianos, dignentur simul precari Deum pro ejusmodi miseris & excæcatis Principibus, quibus nos Deus tribulavit in magna procul dubio ira, ne sequamur eos ad proficiscendum, aut ad contribuendum contra Turcas: quandoquidem, Turca decies prudentior, & probior est principibus nostris, & infra: De his conqueror ex imo corde, cunctis probis Chri-

A stianis, ut mecum commiserentur super ejusmodi stolidos, fatuos, insanos, furiosos, & amentes moriones, & in fine: Deus (inquit) nos ab ipsis liberet, aliosque nobis ex gratia det regentes, Amen. Ita nimirum novit Lutherus Principes ornare, atque ad obedientiam & reverentiam magistratus populos adducere. Sed ne solum unum testem habeamus, quamvis omni exceptione majorem, Illyriciani mendacii: proferamus & alterum testem omni fide dignissimum. Imperator Carolus V. in edicto Wormatiensi, quod Imperii Principibus universis consentientibus edidit anno 1521. inter cætera de Luthero sic ait: Obedientiam (inquit) & regimen omne prorsus tollit, unde populi ad defectionem & rebellionem à suis tam spiritualibus quàm temporalibus dominis faciendam, ad rapinas, cædes, incendia, cum magno & manifesto Christianæ Reipublicæ discrimine provocentur. Quinimò, cum vitam quamdam solutam, licentiosam, atque ab omni lege explicitam, & verè ferinam inducere conetur, ita exlex homo leges ipsas omnes damnat & contemnit, ut decreta sanctorum Patrum & sacros Canones publico igni comburere non formidaverit: facturus pejora civili juri, si non magis sæculi gladium, quàm Pontificis excommunicationes & censuras metuisset. Hæc Imperator. Quare si non mentitur Illyricus, mentitur Cæsar cum universo Romano Imperio. Utrum autem verissimilius sit, Augustum Cæsarem cum tot illustrissimis Principibus, an unum Illyricum esse mentitum, nemo est qui non videat. Sed quid si addamus & tertium testem, qui jam non verbis, sed rebus ipsis & factis clamet? Unde enim quæso, prodit ingens illa rebellio rusticorum adversus Principes anno 1525. ob quam brevissimo tempore in una Franconia 292. nobilium arces everse sunt, & supra centum millia rusticorum cæsa, nisi ex doctrina Lutheri? Quid aliud Principes Protestantes anno 1546. in ipsum suum Imperatorem Carolum V. armavit, nisi doctrina Lutheri? Cur tot annos Galliæ universæ in motu fuerunt, nisi ob doctrinam Lutheri? Quis tot rebelles populos Regibus Francorum & Hispanorum fecit, nisi posteritas Lutheri? Quis denique Anabaptistas, qui palàm magistratum omnem de medio tollunt in Germania peperit, nisi Lutherus? Et audet tamen Illyricus scribere, per Lutheri evangelium defendi, atque ornari contra seductores Papistas politicos Magistratus.

Eadem pagina scribit Illyricus in hunc modum: Cum antea præstantes viri, in politica gubernatione existentes, falsa doctrina persuaderentur, se in quodam profano, carnali, Deoque parum grato vita genere versari, ac propemodum de salute sua desperare cogentur: eoque non raro, deserta sua divinitus mandata statione, publicoque bono, sese in latibula, ignotumque atium monasteriorum abderent. Nunc contra ex verbo Dei certò sciunt nihil suo vita genere si modo rectè, ac in fide Filii Dei observatur, vel Deo gratius vel etiam hominum generi utilis esse. Hæc ille, qui una brevi sententia quatuor mendacia comprehendit.

II. Primum enim nullus unquam probatus auctor in Catholica nostra Ecclesia docuit, genus vitæ eorum, qui extra monasteria vivunt, parum Deo gratum esse, aut ejusmodi, ut qui in eo versantur, de salute desperare cogantur, quin potius in hæreticorum numero ponimus eos, qui talia docent. Nam & S. Augustinus lib. de hæresibus c. 40. & S. Thomas, qui Lutheranorum judicio supra modum Papista fuit, in 2.2. quæst. 66. artic. 2. scribunt, hæreticos esse illos, qui docent non habere spem salutis eos qui ducunt uxores, & res proprias possident, & denique non eo modo vivant, quo ii, qui dicuntur in Ecclesia Monachi. Nec solum privatos homines, sed

etiam

etiam Principes, & Magistratus, atque adeo etiam milites, si Christianè vivant, Deo gratos esse, & spem salutis habere passim Catholici docent, ac præsertim S. Augustinus epist. 5. ad Marcellinum, & epist. 70. ad Bonifacium, & S. Thomas in libris de Regimine Principum. Denique Magister Sententiarum, & cum eo Theologi Scholastici omnes lib. 4. dist. 26. & 33. apertissimè docent, statum matrimonii bonum, licitum, sanctum, ac Deo gratum esse. Itaque eos qui in politica gubernatione versantur, in parum Deo grato vitæ genere versari, ut penè desperare de salute cogantur, non doctrina Ecclesiæ, sed mendacium Illyrici existimandum est.

III. Deinde quod Illyricus addit, eos qui à politica administratione ad monasteria se conferunt, deferere divinitus sibi mandatam stationem, impudens quoque mendacium est: nam ubi (quæso) Deus mandavit, ut qui in politica gubernatione versantur, in ea perseverent usque ad mortem? Qui magistratu funguntur, si rationibus suis consulere judicent, abdicare se magistratu; quo verbo Dei prohibentur id facere? Quis ante Illyricum reprehendit, aut non potius vehementer laudavit sanctissimos viros Basilium, Nazianzenum, Chrysostomum, Martinum, Paulinum, Augustinum, Gregorium, qui aut militia, aut foro, aut academia, aut senatu, aut prætura sæculari relictæ, Deo soli servire in monasteriis maluerunt? Laudant Germani Historici Lotharium Imperatorem, & Rachim Longobardorum Regem, quod in monasteriis potius, quàm in palatiis mori voluerint. Carolomannum, qui relicto principatu Francico, monachatum elegit, divino succensum amore fuisse scribit Abbas Urspergensis. De quo etiam, ac de Rachi multa præclara scribit Leo Hostiensis in historia Casinensi. De Coenredo Rege Merciorum in Britannia ita scribit Beda lib. 5. hist. gentis suæ cap. 20. Coenredus, qui regno Merciorum nobilissimè tempore aliquanto præfuerat, nobilius multo sceptrum regni reliquit: nam venit Romam, ibique attonsus, Pontificatum habente Constantino, ac monachus factus, ad Limina Apostolorum in precibus, jejuniis, & eleemosynis usque ad diem permansit ultimum, & infra: Venit autem cum illo & filius Sigheri Regis Orientalium Saxonum, vocabulo Offa, juvenis amantissimæ ætatis, & venustatis, totique suæ genti ad tenenda servandaque regni sceptrum exoptatissimus; qui pari ductus devotione mentis, reliquit uxorem, agros, cognatos, & patriam propter Christum, & propter Evangelium, ut in hac vita centuplum acciperet, & in sæculo venturo vitam æternam, & ipse ergo, ubi ad loca Sancta Romam pervenerunt, attonsus, & in monachico vitam habitu complens, ad visionem beatorum Apostolorum in coelis diu desideratam pervenit. Albertus Krantzii lib. 8. Saxonie cap. 7. posteaquam scripserat insignem conversionem Adolphi Conitis Holsatiæ, qui propter Christum ex opulentissimo & potentissimo Principe pauperrimus monachus factus est, ita subiunxit: Hic tum erat fervor in divinam religionem apud nobilitatem, & infra: Hæc est mutatio dextere excelsi. Quis enim alius ex tam glorioso milite sæculi faceret tam humilem peditem Christi?

IV. Et quoniam Illyrico ignavum otium appellare placuit vitam, quam post relictum sæculum præclari isti heroes duxerunt, addamus pauca quædam de isto ipso Adolpho ex eodem libro Krantzii, ut videamus quàm delicato otio in Christi militia Adolphus frueretur. Monasterium (inquit Krantzii) sui Ordinis ipse manibus multa molitus in oppido Kul, ubi nunc requiescit, curavit erigere, eleemosynas suorum quondam subditorum humiliter poscens & accipiens: cumque multum sollicitè labora-

ret in erectione dicti monasterii in oppido Kul, ostiatim lac in hydriam mendicans, ut haberent perarii, & fratres, quo inter laborandum per æstus reficerentur. Media jam platea, ubi declinare iter non poterat, ibat hydriam bajulans lacte plenam: & cum obvios habuisset filios sublimes in equis, Comitum more sæcularium, passus est humanitus aliquid, ut rubore coeperit perfundi. Sed ille infremuit, & robur mentis advocans, cum adhuc in conspectu essent filii, hydriam levatam super caput everit, sese totum à vertice lacte perfundens, dixitque, Infelix erubuisti Christi pauperiem, bajulare lac in manibus: nunc vel in capite ostende quid portaveris. Quis non jure miretur tantam humilitatem, patientiam, fortitudinem? Hæc Albertus. Porro his non dissimilia de Carolomanno refert Leo Hostiensis in historia monasterii Casinensis.

V. Sed veniamus ad postremum illud, crassissimumque mendacium, quod Illyricus effudit cum ait: *Nunc contra ex verbo Dei certò sciunt nihil suo vitæ genere, si modò rectè, ac in fide Filii Dei observatur, vel Deo gratius, vel etiam hominum generi utilius esse.* Et ubi quæso est hoc verbum Dei? Cur testimonium nullum profertur? Nam si nihil Deo gratius est, quàm ut homines vitæ hujus negotiis, politicæque administrationi se dedant, mentitur igitur Christus, cum ait adolescenti diviti: Si vis perfectus esse, vade, vende omnia quæ habes, & da pauperibus, & habebis thesaurum in coelo, & veni, sequere me, Matth. 19. & cum Mariæ contemplationem Marthæ actioni apertissimè anteposuit dicens: Martha, Martha sollicita es, & turbaris erga plurima, porro unum est necessarium, Maria optimam partem elegit, quæ non auferetur ab ea. Luc. 10. in quæ verba S. August. serm. 27. de verbis Domini: Non tu malam, inquit, sed ista meliorem elegit. Et de loco superiore disputans idem Augustinus in epist. 89. Qui illius, inquit, perfectionis de vendendis rebus suis consilium tam grande, tamque præclarum non receperunt, & tamen à damnabilibus immunes criminibus esurientem Christum paverunt, non sedebunt quidem cum Christo sublimiter judicaturi, sed ad ipsius dexteram stabunt misericorditer judicandi. Sed quoniam de his rebus non est hic locus fusiùs disputandi, adjiciam solum testimonium Eusebii, quo simul & Catholice Ecclesiæ sententia explicatur, & quatuor prædicta Illyrici mendacia refelluntur. Sic igitur loquitur Eusebius lib. 1. Demonstrat. Evangel. cap. 8. Cæterum ille quidem (Moyses) in tabulis manimatis, hic autem Christus, in mentibus vita præditis perfecta novi Testamenti documenta descripsit. Et infra, explicans hæc documenta, Duo, inquit, in Ecclesia Dei vivendi modi instituti sunt; alter quidem naturam nostram, & communem hominum vitæ rationem excedens, non nuptias, non sobolem, non substantiam, non opum facultatem requirens: totus autem profusus à communi & consueta cunctorum hominum vita abhorrens, & soli divino cultui ex immenso rerum cœlestium amore addictus. Qui hunc modum amplexi sunt, quasi ab hac mortali vita sejuncti, ipsumque dumtaxat corpus in terra gerentes, cogitatione verò atque animo in ipso coelo degentes, quasi quidam cœlites, reliquorum hominum vitam despiciunt: quippe qui pro universo genere supremo omnium Deo sacrati sint: idque non boum mactationibus, non cruoribus, non libationibus, aut nidore ullo, neque fumo, aut ignis devoratione, consumptione corporum, sed rectis verè pietatis sententiis, & purgati animi affectione. Ad hæc operibus quoque & verbis, quæ à virtute profiscuntur, quibus rebus divinitatem ipsam placantes suum, & pro se ipsis, & pro aliis, qui ejusdem sint gene-

generis, administrant sacerdotium, & talis quidem existit in Christianismo perfectus vitæ modus. Alter verò remissior, atque humanior: hic & modesto conjugio, & sobolis procuracione implicatur, & rei familiaris curam assumit, & justè militantibus quæ sint agenda describit: agros quoque, & mercaturam, aliunquæ magis civilem vivendi morem adjuncta religione non negligit, & his quidem secundus pietatis attributus est gradus, dum apertam huic ipsi generi vitæ præbet utilitatem, ut nullus planè ab adventu saluari separatur, sed omne genus hominum tam Barbarorum, quàm Græcorum Evangelicæ doctrinæ fructum percipiat. Hæc Eusebius.

VI. Pergit Illyricus in sequenti pagina, atque ait: *Sic etiam cum antea pedibus seductorum fœdissimè proculebantur, nunc se verbo Dei super omnem animam exaltatos esse cernunt, latanturque de quo ingenti Dei beneficio meritò profectò omnes Magistratus illi maximas gratias agere deberent.* Non unum, sed duo mendacia his paucis verbis comprehendi mihi videntur. Primum enim nec verbis, nec factis apud nos Magistratus & Principes proculebantur; nisi proculationem fortasse voces, quod apertè docemus, non licere Principibus diripere templa, monasteria spoliare, & bona Ecclesiarum quasi in prædam invadere. Deinde quis unquam fœdius ac petulantius pedibus proculeavit Principes omnes ac Magistratus quàm Lutherus? quis enim Catholicorum unquam ausus est Principes appellare pessimos nebulones, lictores, carnifices, fatuos, stolidos, insanos, furiosos, amentes, moriones, & ipso Turca decies stultiore, & pejores, ut non semel eos appellavit Lutherus?

VII. Alterum horribilius est mendacium: liquidem in ipsum Dei verbum mentitur Illyricus, cum ait: Verbo Dei exaltatos esse Principes politicos super omnem animam; nec enim Paulus ait: omnis anima potestatibus politicis subdita sit: sed, Omnis anima potestatibus sublimioribus subdita sit. Quocirca antequam Principes politicos exaltare incipias super omnem animam, ac proinde super ipsum etiam Summum Pontificem (de hoc enim potissima questio est) demonstrandum tibi erit, sublimiorem esse potestatem magistratus politici, quàm Ecclesiastici. Id enim si facere non potueris, non verbo Dei, sed adulatione, & mendacio tuo exaltabis Principes politicos super omnem animam. At quando quæso demonstrabis nobis politicum magistratum Ecclesiastico sublimiorem? Num sanctus Apostolus non apertè omnes fideles, ne magistratu quidem excepto, Episcopis subiecit, cum ait: Obedite præpositis vestris, & subiacete eis; ipsi enim pervigilant tamquam rationem pro animabus vestris reddituri? Nonne S. Greg. Nazianzenus in oratione ad cives, timore perculsos, & Præsidem irascentem, hoc modo alloquitur Præsidem? An me liberè loquentem æquo animo feretis? Nam vos quoque potestati meæ, meisque subfellis lex Christi subiecit; Imperium enim ipsi quoque gerimus, addo etiam præstantius, ac perfectius: nisi verò æquum est, spiritum carni fasces submittere, & cœlestia terrenis cedere. Sanctus quoque Ambrosius in oratione de tradendis Basilicis; Nonne, ait, bonus Imperator intra Ecclesiam est, non suprâ Ecclesiam? & S. Joannes Chrysostomus hom. 4. in cap. 6. Matæ, Major, inquit, hic principatus, propterea Rex caput submittit manui sacerdotis. Denique (ut plurima prætermittam) S. Bernardus in epistol. 183. ad Conradum Imperatorem, Legi, inquit, omnis anima potestatibus sublimioribus subdita sit, quam sententiam cupio vos custodire in exhibenda reverentia Petri Vicario, sicut ipsam vobis vultus ab universo servari imperio.

Sed audiamus quid paulò inferius in eadem præfa-

A tione Illyricus dicat: Deus (inquit) dici severissimè mandat, constare jam fœdè toti orbi terrarum, unquam à quoquam fœdius & diutius vexatum, oppressumque esse sacrosanctum Imperium, ejus Monarcham & gloriosissimos Ordines, ac Status, & denique sedem eorum, amplissimam nempe, & vetustissimam gentem Germanorum, quàm à Romano Pontifice, ut omnes Historia una voce copiosissimè narrant. In his verbis triplex mendacium inest.

VIII. Ac primum quidem omnino mirabile, & inopinabile, atque ut Græci dicunt, παράδοξον est, quod Illyricus dicit, Deum severissimè mandate, ut dicatur Imperium Romanum, à Romano Pontifice vexatum, & oppressum fuisse. Ubi enim est hoc Dei mandatum? In quo Propheta, in quo Evangelista, in quo Apostolo hæc legisti? Nisi fortè Lutherum non solum Eliam tertium, ut adhuc fecistis, sed etiam Deum alterum faciatis. Satis enim constat, Lutherum severissimè mandasse, ut quidquid mali fingi potest, in Romanum Pontificem dicatur.

IX. Alterum est mendacium, Germaniam à nullo unquam fœdius oppressam, quàm à Romano Pontifice: cùm contra constet, à nullo unquam plura beneficia Germaniam accepisse, quàm à Romano Pontifice. Nam Dei agnitionem, quo beneficio nullum est majus, per sanctos Episcopos, Maternum, Chilianum, & Bonifacium diversis temporibus à sede Romana missos, Germanos primùm accepisse, ne Illyricus quidem negare potest; quippe qui disertis verbis id scripsit Centur. 1. lib. 2. cap. 10. col. 624. & Cent. 7. cap. 2. col. 31. & Cent. 8. c. 3. col. 2. Porro hoc unum beneficium quot alia beneficia consecuta sint, facillè perspiciet qui historias legerit. Videbit enim, Germaniam, quæ ante id tempus in summa barbarie degebat, quæque nec urbes habebat, nec literas noverat, neque ullum civilem cultum ferre posse videbatur, paulatim suscepta fide ad eum cultum & splendorem venisse, ut jam nulli provincie cedat. Vide Senecam in lib. de gubernatione mundi c. 4. Strabonem lib. 7. de situ Orbis; Cornelium Tacitum de situ & moribus Germanorum, C. Cæsarem lib. 6. de bello Gallico. Deinde Imperium ipsum, quo uno maximè Germania gloriatur, & Electorum Principum dignitatem, qua Imperium solidissimè in Germania confirmatum est, negat quidem Illyricus à Romana sede ad Germaniam devenisse: sed id agnoscunt, & gratissimè confitentur ipsi Principes Germani; Extant enim literæ publicæ, sive publicum instrumentum Principum Germanorum ad Nicolaum Pontificem ejus nominis tertium, quarum literarum hoc est initium: *Complectens ab olim sibi Romana mater Ecclesia quadam quasi germana charitate Germaniam illam, eo terreno dignitatis nomine decoravit, quod est super omne nomen temporaliter tantum præsentium super terram; plantans in ea Principes, tamquam arbores prælectas & rigans illas gratia singulari: illud ei dedit incrementum miranda potentia, ut ipsas Ecclesia auctoritate sustulit, velut germen electum per ipsorum electionem, illum qui frana Romani teneret Imperii, germinarent.*

X. Mendacium tertium, & quidem impudentissimum illud est, quod omnes historiae una voce copiosissimè narrent, à nullo unquam fœdius vexatam & oppressam Germaniam, Cæsarem, Principes, atque Ordines Imperii, quàm à Romano Pontifice. Nam si unum, aut alterum detrahas, qui odio nationis Italicæ, aut Pontificis Romani, invectivas potius, quàm historias conscripserunt, historici penè omnes ornatam Germaniam à Pontifice Romano, non vexatam scribunt, quorum testimonia suo loco infra recitabuntur. Quod si quis à nullo unquam fœdius vexatam & oppressam Germaniam & Cæsares diceret, quàm

quàm à Luthero, atque Illyrico, is demum sanè non mentiretur. Quid enim gravius Germaniæ, atque Imperatori accidere poterat, quàm ut Caroli Magni Imperium Antichristi opus esse diceretur, & scriberetur? Lutherus primus id affirmare ausus est, eumque Lutherani magno consensu sequuti sunt. Nam ut David Chytraeus testatur in comment. c. 13. Apocalypsis, Lutherus, & plerique Lutheranorum Imperium quidem Germanicum à Papa constitutum feribunt, sed Papam in ea re Antichristum, & beſſiam in Apocalypſi deſcriptam præclare egiſſe; proinde Germanicum Imperium non alio jure niti quàm Antichriſtiano. Theodorus Bibliander in Chronico tabula decima extrema, Lutherum ſequutus, Leonem Papam uſurpata auctoritate Imperium à Græcis ad Francos tranſtulſiſſe ſcribit. Illyricus autem (ut ſuprà diximus) Centur. 8. cap. 19. colum. 751. unum ex præcipuis Antichriſti miraculis hanc ipſam Imperii translationem vocat. Præclare igitur Lutherus, & ejus filii Chytraeus, Bibliander & Illyricus, de Germania, & Imperio meriti ſunt, qui Cæſarum Germanorum potentiam, & gloriam, ad Antichriſti præſtigias, & tyrannidem referunt. Vide præterea de innumerabilibus detrimentis, quæ Germaniæ attulit hæreſis Lutherana, præſationem Joannis Cochlei ad librum de actis & ſcriptis Lutheri. Sed pergamus ad cætera.

XI. Non longè à mendaciis jam confutatis, Illyricus Henricum IV. præclariffimum Heroem appellat, atque injuſtè à Papa oppreſſum fuiſſe ſcribit. Quod mendacium uno ore confutant ſcriptores ferme omnes, atque in primis Germani, quorum teſtimonia breviffimè adſcribam, propterea quòd frequentiffimè ex abdicatione huius Henrici, tum Illyricus, tum cæteri Lutherani, invidiam Romano Pontifici conſtare ſtudent.

Stephanus Alberſtatenſis, vir ſanctus, & doctus, ſcripſit vivente Henrico IV. ad Walramum Episcopum prolixam epistolam, quæ exiſtat apud Dodechinum in additione ad Marianum Scotum anno 1090. in qua epistoſta ſic ait: *Audi vera, non ſucata; audi fortia non ſaceta: omnis qui dignitates ſpirituales vendit, hereticus eſt. Dominus autem Henricus, quem Regem dicunt, Episcopatus & Abbatias vendit; etenim Conſtantiensẽ, Bambergensẽ, Moguntinensẽ, & plures alios pro pecunia; Ratisbonensẽ, Auguſtensẽ, & Straſburgensẽ pro gladio; Abbatiam Fuldenſẽ pro adulterio; Monaſterienſẽ verò Episcopatum, quod dicere & audire nefas eſt, pro Sodomitica immunditia vendidit; quæ ſi impudenter negare volueris, teſte calo, teſte terra, omnes etiam à furno redeuntes ſcioli concludent hoc: Dominus Henricus hereticus eſt; pro quibus nefandis malis ab Apoſtolica ſede excommunicatus, nec poteſtatem aliquam ſuper nos, qui Catholici ſumus, poterit exercere.* Marianus Scotus & ipſe Henrici IV. æqualis in Chronico anni 1075. Hæc, inquit, & ſimilia nefanda, & inaudita Henrici Regis ſlagitia videntes & audientes feri, Catholici viri per id tempus in Eccleſia conſtituti, cum Propheta Helia zelo Domini zelantes pro domo Iſrael, directis Romanæ nunciis ad Alexandrum Apoſtolica ſedis Antifiteſtem, hæc ei, & alia quamplurima, quæ in regno Thentonicæ, inſanientibus Simoniacis hæreticis, Rege Henrico auctore & patrono dicta & geſta ſunt, tam literis, quàm viva voce gemenda ac dolendo conqueſti ſunt. Et inſtrà: Gregorius, inquit, querimonis, & clamoribus Catholicorum juſtis adverſus Henricum, & ſcelerum ejus immanitatem auditis, zelo Dei accenſus, jam dictum Regem excommunicatum pronuntiavit, maxime propter Simoniam, quod factum Catholicis quidem viris bene placuit, Simoniacis verò, ac fautoribus Regis nimium diſplicuit.

Ex quo Mariani teſtimonio non ſolùm habemus,

A qualis Henricus IV. fuerit, ſed etiam abdicationem ejus ab ipſis Germanis procuratam fuiſſe, quod enim Gregorius Pontifex fecit, ad preces & querimonias Principum Germanorum fecit. Dodechinus Mariani continuator anno 1106. Henricum, inquit, hominem perversum, & juſto judicio ab Eccleſia ejectum, conſtat manifeſtè. Idem auctor in Chronico anni 1090. & 1093. adeò immania & horribilia ſcœla Henrici refert, ut puduerit me hæc adſcribere. Conradus Abbas Urſpergenſis in Chronico anni 1068. Henricus, inquit, adoleſcentiæ uſus libertate, Saxoniam ſolam ex omni Romano Imperio cœpit incolere, Principes deſpicere, Nobiles opprimere, inferiores ſuſtollere &c. Et inſtrà: Hic finis, hic interitus, hæc ſors ultima Henrici, illo ſub vocabulo, quarti Romanorum Imperatorum à ſuis appellati. A Catholicis verò, ideſt, cunctis B. Petro, ſuiſque ſucceſſoribus fidem & obedientiam lege Chriſtiana conſervantibus, archipirata ſimul, & hæreſiarcha, necnon & apoſtata, perſequutorque plus animarum quàm corporum competenter dicebatur.

Lambertus Schaſnaburgenſis, in hiſtoria Germanorum, quàm Henrico IV. regnante conſcripſit, ſic loquitur, dum refert acta Regis anno 1073. Rex (inquit) tamquam ſeveriſſimo pædagogo liberatus, ſtatim in omnia genera ſlagitiorum, ruptis omnibus modeſtiæ & temperantiæ frænīs præcipitem ſe dedit. Albertus Krantzius lib. 5. Saxonie, cap. 24. Mirum, inquit, & incomparabile rerum humanarum ſpectaculum & exemplum non vulgare, in quo contemplari poſſunt ima & ſumma. Si laudes requiris (Henrici) nobilis, doctus, fortis, procerus & Rege dignus vultus, qui ſummam Reipublicæ tenuerit annis quinquaginta. Cæterum ſi alteram partem reſpicias, incredibilia dictu ſlagitia, & pertinax ſuperbia, adeò ſibi hominem dimidiarunt, ut potiores ſibi partes in uno vendicarent. Habeant Reges ſpeculum utriuſque fortunæ in homine, qui ubi tolerabiliter ſe geſſit, in ſummo rerum mortalium ſaſtigio eſſloruit; ubi verò verſus eſt in reprobos mores, in extremam incidit calamitatem, non in morte luctum, non ſepulturam accipiens.

D Joannes Aventinus (quo auctore mirificè oblectari ſolet Illyricus) lib. 5. Annalium Boiorum pag. 563. Henricum (inquit) ſupris, amoribus, impudiciæ & adulterii ſagraſſe infamia, ne amici quidem negant. Joannes Calvinus, Summi Pontificis hoſtis acerrimus, à veritate ipſa coactus ita ſcribit lib. 4. Inſtitut. cap. 11. §. 3. Imperator Henricus ejus nominis IV. homo levis & temerarius, nullius conſilii, magnæ audaciæ, vitæ diſſolutæ, Episcopatus totius Germaniæ habebat in aula ſua partim venales, partim prædæ expoſitos.

E Habemus igitur quàm ſit verum, quod Illyricus ſcribit cum tragicè deplorat injuſtam oppreſſionem præclariffimi herois Henrici IV. Adduxi autem ſolùm teſtimonia Germanorum, aut hoſtium Pontificiorum, ne ulla ſuſpicio mendacii naſci poſſet, ſi ex Gallis, & Italis ſcriptoribus teſtimonia peteremus; quamvis ea non deſint, & præſertim ſanctiſſimorum virorum, qualis in primis fuit S. Anſelmus Episcopus Cantuarienſis, qui Henrici æqualis cum eſſet, præſatione lib. de azymo ad Walramum, Henricum IV. Neronis, Domitiani, & Diocletiani ſucceſſorem vocat. Sed de his hætenus.

XII. In eadem epistoſta dedicatoria non procul à fine ſcribit Illyricus: *Concilium Tridentinum ſuſtinuiſſe ſine omni cleri reformatione, eluſis Cœſaris, aliorumque Principum admonitionibus & petitionibus, quæ reformationem cleri obnixè poſtulaverant. At mendacium hoc apertè coarguit ipſum Concilium, quod plenum eſt decretis ſaluberrimis de reformatione;* quodque

extat, & legitur, & multis in locis magno cum fructu servatur.

XIII. Non procul ab eo loco subjungit Illyricus in hunc modum: *Extat etiam verè aureus libellus centum importabilium gravaminum à toto Imperio in Comitibus Norimbergæ anno 1523. Papa Adriano oblatus. Mendacium hoc hominis impudentissimi detexit Joannes Cochläus in actis Lutheri anni 1523. ubi scriptum reliquit, nullum ejusmodi libellum in Comitibus Imperialibus editum: sed cum in eo conventu proposita fuissent quædam gravamina, quibus gravi videbatur natio Germanica, non solum à Romana curia, verum etiam ab Episcopis & Prælatibus Germaniæ; ea occasione Lutheranos edidisse librum de centum gravaminibus Germaniæ, omnia in Papæ odium augentes, aut malignè interpretantes.*

XIV. Sed ut ad finem epistolæ veniamus, Illyricus more insignium Oratorum, ad extremam partem orationis suæ splendidissimum mendacium referavit. Sic enim in extrema epistola loquitur: *Quod (inquit) ad meam personam attinet, testor coram Deo, me puram Christi religionem secundum Prophetica & Apostolica scripta, triaque Symbola amplecti, cujus aliqua summa in Augustana Confessione comprehensa est, quæque cum primitivæ Ecclesiæ religione optimè convenit. Testor & insuper, me adeò ab omnibus scèlis, erroribusque à Romano Imperio, & Augustana Confessione damnatis, abhorreere. Hæc ille. Hoc esse mendacium, & quidem clarissimum, ut nullo modo tegi vel excusari queat, duabus rationibus ostendi potest. Primum ex eo, quod propria quædam ipsius Illyrici dogmata, quale est illud, quod peccatum originis sit substantia, quodque ipse homo totus sit peccatum, manifestè pugnat cum scriptis Prophetarum & Apostolorum, cum doctrina Ecclesiæ primitivæ, cum Symbolis fidei, & cum ipsa etiam Confessione Augustana. Sed quia longum esset hæc persequi, & multi jam tum Catholici, tum Lutherani editis libris hunc Illyrici errorem certissimis rationibus confutarunt, nihil hîc addemus ampliùs.*

Altera ratio expeditior & facilior est. Siquidem constat, Romanum Imperium non solum perpetuò coluisse Apostolicam sedem, quam Illyricus tamquam Antichristi sedem execratur, verum etiam nostro hoc sæculo publico edicto damnasse Lutheranam hæresim, cujus se patronum singularem Illyricus profiteretur; ita ut omnino necesse sit, aut mentitum esse Illyricum, cum ait se abhorreere ab erroribus ab Imperio Romano damnatis; aut certè eundem Illyricum non Lutheranum, sed Papistam fuisse, cum hæc scripsit. Porro Apostolicæ Sedi perpetuo ab Imperio Rom. debitam reverentiam exhibitam fuisse, nec ullum fuisse Imperatorem à Carolo Magno, usque ad Rodolphum, qui nunc imperat, qui Romanum Pontificem ut verum Christi Vicarium non coluerit, in 12. capite demonstrabo, adductis præcipuè eorum Imperatorum testimoniis, qui cum certis Pontificibus inimicitias gessere, videlicet Henrici IV. & V. Friderici I. & II. Philippi, Othonis IV. & Ludovici item IV. Damnata verò hæresim Lutheranam ab Imperio universo perspicuum est ex edicto Wormatiensi; quod editum fuit anno 1521. Sic enim in eo edicto loquitur Carolus V. Imperator: *Ad honorem Dei omnipotentis, Romanique Pontificis, & sanctæ sedis Apostolicæ debitam reverentiam, pro Imperiali dignitatis officio, ac debito, necnon zelo ac studio, quo nostrorum majorum more, & ingenita etiam nobilitate, ad defensionem Catholica fidei, sanctæque Romanæ & universalis Ecclesiæ honorem, tutelam, & protectionem omnes nostras vires & facultates, Imperium, Regna, Dominia, amicos, vitam denique, & animam ipsam nostram exponere sumus parati. Ex Imperiali, &*

A Regia auctoritate, necnon consilio, & assensu. (Nota lector) Electorum, & omnium sacri Romani Imperii Principum, Ordinum, & Statuum in hac celeberrima & frequentissima Imperiali Dieta Wormatia congregatorum, ad perpetuam rei memoriam, in exequendis sanctissimi Domini nostri Papæ, veri in hac parte iudicis, sententiam, decretum, & condemnationem, in literis Apostolicis (ut supra dictum est) ad nos directis, contentam, Martinum Lutherum, ut membrum ab Ecclesia Dei alienum, ut obstinatum schismaticum, & notorium hæreticum à nobis haberi declaramus, & ut talem à vobis omnibus, & singulis habendum decernimus & edicimus. Quid hîc dices Illyrice? Num adhuc testaris coram Deo te abhorreere ab omnibus erroribus ab Imperio Romano damnatis? Cur igitur in omnibus serè tuis operibus Lutherum tuum, ut Prophetam Germanicum, & Eliam tertium laudas, & in hoc ipso libro ubi iuras te sequi doctrinam Imperii Romani, tam crebrò Romanum Pontificem Antichristum vocas; & nihil aliud omnibus viribus tuis contendis, quàm ut populos Christianos ab antiqua religione, & Apostolicæ Sedis reverentia, & obedientia ad Lutheri hæreses pertrahas, tam apertè ab Imperio Romano damnatas? Sed nimirum certum est tibi milles potius mentiri, & mendacia jurjurando confirmare, quàm Lutherum deferere.

Atque hætenus de epist. dedicatoria. Jam in reliquo libro non facillè numerus mendaciorum iniri posset. Idcirco paucissimis annotatis, reliqua taceri libenter patiemur, nam & ad majora festinamus, & ex paucis quæ notabimus, facillè de reliquis conjecturam facere licebit.

XV. Igitur cap. 1. pag. 13. *Fingunt* (inquit Illyricus) *Carolus ignorasse Papæ consilium, & decretum Senatus, populi que Romani de transferendo in eum Imperio. O mirum tum illorum silentium, tum & Caroli in explorandis rebus negligentiam, ac somnolentiam: Dicunt ei invito & recusanti esse coronam, & nomen Imperatoris obtrusum. O mirum, & præposteram modestiam, aut etiam humilitatem Caroli. Hæc ille. Atqui id fingi dicitur quod sine certo auctore asseritur. Ignorasse autem Carolum Papæ consilium de transferendo in eum Imperio, & recusanti planè, atque invito Imperium esse delatum, auctores certissimi, fideque dignissimi narrant. Eginarthus, qui Caroli tempore vixit, & vitam ac res gestas Caroli ut testis oculatus summa fide scripsit, Augusti, inquit, nomen primò tantum averfatus est (Carolus,) ut affirmaret se eo die, quamvis præcipua solemnitas esset, Ecclesiam non intraturum fuisse; si Pontificis consilium præscire potuisset. Conradus Abbas Urspergensis, vetustus & diligens auctor, in rebus Germaniæ præcipuè describendis: Dum, inquit, ante confessionem B. Petri Apostoli ab oratione surgeret (Carolus) nihil minus speranti, Leo Papa coronam imposuit, & Imperatorem Romanum pronunciavit. Quod idem, ac iisdem penè verbis scripsit Joannes Cuspinianus ab Illyrico non semel laudatus in vita Caroli Magni, necnon Joannes Aventinus, Illyrici delicia, lib. 4. annalium Bojorum pag. 345. Non igitur Papistæ Italici finxerunt quod tot testibus, vel antiquissimis, vel hostibus Pontificum, Germanis certè omnibus, comprobamus. Sed addamus etiam testimonium Alberti Krantzii, auctoris Germani, & ab Illyrico sæpè citati. Sic igitur lib. 2. Saxonie cap. 18. Albertus Krantzius loquitur. Cum nihil tale Carolus aut cogitaret, aut speraret, magisque recusaret alienum invadere (ut supra diximus) Imperatoris honorem, infra Missarum solemnias, dum ante confessionem B. Petri Apostoli ab oratione surgeret, Papa ei coronam imposuit, & Imperatorem Romanorum pronunciavit.*

Addit

Addit paulò post & aliud insigne mendacium, Fingunt, inquit, item die Natalis Domini illam tam solemnem actionem (Coronationis Caroli) idque in templo esse habitam. Itane tam curtis diebus, tam sacro festo, & in tam multis sacris actionibus, verisimile est, politicam, eamque tam grandem, difficilemque actionem esse peractam, ut stata illorum sacra, ritulque impedirentur à religioso Imperatore. Hæc ille. Quis crederet tam impudentem hominem reperiri unquam potuisse, qui rem decantatam historicorum penè omnium vocibus, plurimisque oculatis testibus confirmatam, asserat esse figmentum? Annales Francorum ipso tempore Caroli Magni scripti sic habent: Ipse autem cum die sacratissimo Natalis Domini ad Missarum solennia Basilicam B. Petri Apostoli fuisset ingressus, & coram altari, ubi ad orationem se inclinaverat, assisteret, Leo Papa coronam capiti ejus imposuit. Id ipsum cum de tempore, tum de loco disertis verbis testantur Eginarthus in vita Caroli; Paulus Diaconus, qui ejusdem Caroli equalis fuit, lib. 23. rerum Romanarum; Regino Abbas lib. 2. Chronicorum, Ado Viennensis in Chronico ætate 6. Aimoinus lib. 4. de gestis Francor. cap. 90. Conradus Abbas Urspergensis in Chronico anni 801. Demum recentiores plurimi, Paulus Æmilius, Albertus Krantzius, Joan. Cuspinianus, Flavius Blondus, Baptista Platina, & alii. Sed fortasse hos auctores Illyricus non legit. Immo legit ac diligenter omnes evolvit, quippe qui eos tum in Centuriis, tum in hoc libro de translatione Imperii passim citat: & tamen adeo mendacis delectatur, ut fingat se nihil ejusmodi unquam legisse; & audacter asserat esse figmentum Papistarum, & rem non modò non veram, sed ne verisimilem quidem. Sed præterire non possum tergeminum quoddam mendacium, quod idem Illyricus in eodem cap. 1. pag. 9. scriptum reliquit. Audet, inquit, Gelasius Papa ad Anastasium Imperatorem scribens 15. quæst. 6. can. Alius, affirmare Zachariam Papam deposuisse Hildericum Regem Francorum, & transtulisse in Pipinum Caroli patrem; de quo tamen mendacio cum illic Glossa propria, Annonius historicus Francorum, & Rodolphus de Columna redarguunt. Et infra: Tale mendacium cum ausus sit Papa ille confingere &c.

XVII. Tria hic sunt manifesta mendacia. Primum asserit Illyricus à Gelasio Papa mendacium esse confictum de translatione regni Francorum ab Hilderico in Pipinum. At Gelasius Papa, is qui ad Imperatorem Anastasium scribit, de quo loquitur Illyricus, obiit multò ante quàm Zacharias Pontifex, aut Pipinus, vel Hildericus Reges nascerentur; obiit enim Gelasius anno Domini 496. Zacharias autem, Pipinus, & Hildericus post annum Domini 700. floruerunt, de qua re nulla est inter historicos controversia. Sed Illyricus, inquit, Gratianum secutus est. At si mendacium erat in Gratiano, quomodo tantus Historicus Illyricus id non advertit? Advertit omnino, quippe qui in Centuriis, Gelasii & Anastasii tempora amplius ducentis annis antiquiora fecit temporibus Zachariæ, Pipini, & Hilderici, cum illa ad Centuriam 5. hæc ad octavam retulerit, sed pro more suo nullam mentiendi occasionem undecumque oblatam prætermittendam sibi esse censuit.

XVIII. Mentitur 2. cum affirmat, figmentum ac mendacium esse quod nostri affirmant, à Zacharia Pontifice Regnum Francorum ab Hilderico in Pipinum esse translatum. Nam, ut suprà diximus, id propriè fingitur, quod sine auctore probato dicitur: Plurimi verò, gravissimique auctores constanter asserunt quod nos dicimus. Annales Francorum vetustissimi sic habent: Data auctoritate sua (Zacharias)

A. jussit Pipinum Regem constitui. Et infra: Secundum Romani Pontificis sanctionem Pipinus Rex Francorum appellatus est. Eginarthus in vita Caroli Magni, Pipinus, inquit, per auctoritatem Romani Pontificis ex Præfecto palatii, Rex constitutus est.

Aimoinus lib. 4. de gestis Francorum cap. 61. Pontifex, inquit, data auctoritate sua jussit Pipinum Regem institui. Regino lib. 2. Chronici. Zacharias, inquit, per auctoritatem Apostolicam jussit Pipinum Regem creari, & sanctæ unctionis oleo inungi. Lambertus Schafnaburgensis in historia Germanica, Pipinus, inquit, decreto Zachariæ Papæ per unctionem sancti Bonifacii Rex appellatus est. Sigebertus in Chronico, Anno, inquit 750. Pipinus Princeps auctoritate Apostolica & Francorum electione à sancto Bonifacio in Regem ungitur & consecratur. Anno 752. iterum inungitur in Regem à Stephano Papa. Hermannus Contractus in Chronico, Anno inquit 752. Pipinus auctoritate Stephani Papæ depositus ac deponso Rege Hilderico, Rex Francorum factus, regnavit annis 15. Marianus Scotus lib. 3. Chronici, Zacharias, inquit, Papa ex auctoritate S. Petri Apostoli mandat populo Francorum, ut Pipinus, qui potestate Regia utebatur, etiam nominis dignitate frueretur. Ita Hildericus Rex qui ultimus Merovingorum Francis imperabat, depositus, & in Monasterium missus est. Conradus Abbas Urspergensis in Chronico, Anno inquit 750. Pipinus per auctoritatem Zachariæ Papæ more Francorum electus ad Regnum, per manus sancti Bonifacii elevatus est in Regni solium. Et infra: Stephanus (Papa) Pipinum sacra unctione in regis dignitatis honore confirmavit. Ortho Frisingensis lib. 5. Histor. cap. 22. Auctoritate, inquit, Zachariæ Papæ Pipinus ad Regnum eligitur. Albertus Krantzius lib. 1. Metropolis cap. 14. Merito, inquit, summus Pontifex, & Gallorum Rex mutuis se attollunt favoribus, quando ab initio hæc sedes Domui Caroli hoc præstitit, ut regiam haberet dignitatem. Viderit jam Illyricus utrum nos finxerimus, Pontificis auctoritate Pipinum Regem creatum; an ipse potius nos hæc finxisse, more solito mentiatur.

D. XIX. Postremum, sed dignum extremo loco, mendacium illud est, quo Illyricus affirmat, Papæ figmentum de translatione Regni Francorum ab Hilderico in Pipinum, Annonii auctoritate coargui. Nam, ut paulò ante citavimus, Annonius, qui & Aimoinus ab aliis dicitur, non Papæ, sed Illyrici mendacium verbis clarissimis reprehendit. Sic enim ait lib. 4. cap. 61. Pontifex data auctoritate sua, jussit Pipinum Regem institui. Et infra: Hoc anno secundum Romani Pontificis sanctionem Pipinus Rex Francorum appellatus est, & ad hujus dignitatem honoris unctus sacra unctione manu sanctæ memoriæ Bonifacii Archiepiscopi & martyris. Quid clarius? Sed finem faciam mendaciorum commemorandorum, si unum adhuc addidero, quod toto passim libro repetitur.

E. XX. Siquidem in epistola dedicatoria, in prolegomenis, & in singulis ferè libri capitibus Illyricus queritur de Pontificiis adulatoribus, & parasitis, quòd audeant Imperium à Pontifice Romano ad Reges Francorum delatum scribere: nec veretur hanc ipsam translationem figmentum & fabulas appellare. At nos paulò post suprà triginta Historicorum testimonia proferemus, quorum cum alii Græci, alii Galli, plurimi Germani, atque omnes penè veteres fuerint, ipsa tum nationis diversitas, tum vetustatis auctoritas, omnem ab eis suspensionem falsitatis atque adulationis excludit. Sed præter ea testimonia, quæ suo loco postea producentur, producam nunc Martinum Lutherum, teste Illyrico, omni exceptione

maiores, quippe Prophetam, atque Evangelistam novum, & Romani Pontificis non modò non parasitum & adulatorem, sed etiam hostem acerrimum, atque infestissimum, cui comites addam Theodorum Bibliandrum, ac Davidem Chytræum, & ipsum quoque Flaccium Illyricum, qui in Romano Pontifice oppugnando, non multum Luthero cedunt.

David igitur Chytræus in commentar. cap. 13. Apocalypsis, Lutheri sententiam, ac suam & aliorum quorundam Lutheranorum his verbis describit: *Lutherus & alii hanc partem visionis de novo Imperio Romano per Pontificem instaurato enarrant. Cum enim vetus Imperium Urbis, & Caesarum Romanorum per Francos, Gothos, Vandalos, & alias gentes laceratum, & planè extinctum esset, Romanus Pontifex Leo Tertius, veteris illius Romani Imperii imaginem, seu simulacrum, & umbram aliquam excitavit, cum Carolo Francorum Regi nomen, & titulum Imperatoris Romani anno Christi 800. attribuit, ei spiritum, ac vitam imagini à se effusa dedit, ut formam aliquam veteris Imperii referret, & inqueretur, ac leges sanciret de obedientia bestie & imagini ipsius præstanda. Nihil enim ferè potestatis & juris habuit, vel usurpare ausus fuit Imperator Romanus in hac nova Imperii forma, nisi quantum Romanus Pontifex, aut bestia ei concessit. Hæc ille.*

Theodorus autem Bibliander in Chronico suo, Tabula decima propè extrema, de eadem Imperii translatione sic loquitur: *Ut per Longobardos Imperatorem novæ Romæ Papa veteris Romæ expulsi ex Italia; ita Longobardos armis Francorum oppressit: eodemque jure, ac potestate Regnum Francorum transfudit à Merovingis ad Germanos Principes, & Romanum Imperium à Grecis in Carolum Magnum. Et infra in Tabula undecima: In Natali, inquit, die Christi Servatoris post solennia sacra in templo S. Petri magna voce proclamavit (Leo Papa) Carolum Imperatorem Augustum, ac diademate ornatum innoxit: simulque filium Pipinum innoxit Italia Regem. Ita Imperium Occidentis, quod post Augustulum ab Oedacaro Germano depositum jacebat annis 300. per Romanum Papam excitatum rursus, & in Regem Francorum, atque Germanorum translatum est. Papa quidem Romanus videri voluit gratiam referre Carolo de Romana Ecclesia optimè merita, appellans more Romani, Patritium, & Augustum, & Caesarem Romanum, occulta autem iudicio Dei ad eam nationem Auctore Papa, & applaudente acclamanteque populo Romano, Carolo Augusto à Deo coronato, magno & pacifico Imperatori vita, & victoria, Imperium translatum est. Et infra: Auctoribus Papis à Pipino & Carolo Germanis Principibus, Longobardi Regnum Italia amiserunt: quod Papa Leo, cum præclara auctoritate videlicet, Carolo Magno resignavit. Hæc Theodorus. Illyrici ac sociorum ejus Magdeburgensium Centuriatorum testimonium supra retulimus cap. 1. Habemus igitur multorum hostium Pontificiorum testimonia de translatione Imperii auctore Pontifice facta, usque adeò clara atque illustra, ut planè nesciam, an ulli scriptores ex iis, quos Illyricus parasitos Pontificis vocat, clarius de eadem re loqui potuerint. Atque hæc Illyrici mendacia hoc loco satis esse visa sunt. Nam si singula persequi velimus, totus liber in mendaciis numerandis & refellendis consumendus sit.*

Sed ne fortè Illyricus gloriatur, ex Apocalypsi Joannis demonstrari Pontificem Romanum esse Antichristum, observet prudens Lector, apud Joannem nusquam legi, ab Antichristo sanandam eam bestiam, quæ Romanum Imperium significatur. Si quidem unum illud caput bestie, quod in Apocalypsi cap. 13. dicitur moriturum, & paulò post opera draconis resurrecturum, non Imperium, vel Imperatorem, sed ipsum Antichristum designat, qui tinget se mortuum, & opera draconis, idest, arte

diabolica, paulò post iterum se ipse excitare videbitur, ut immetur veram Christi mortem & resurrectionem. Ita hunc locum exponunt veteres, Gregorius lib. 11. epist. 3. Primasius, Bedæ, Haymo, Anselmus, Richardus Victorinus, & Rupertus Tuitiensis in commentario huius loci, & textus ipse omnino cogit, ut per illud bestie caput, non Carolum Magnum, ut Lutherani volunt, sed Antichristum accipiamus. Illud enim caput bestie, ut Joannes scribit, potestatem habuit solum mensibus quadraginta duobus, & blasphemabat Deum, & eos qui in coelo habitant; & iniperavit in omnem tribum, & populum, & linguam, & gentem, & adoraverunt illud omnes qui habitant in terra; quarum rerum nulla convenit in Carolum, aut in aliquem successorum ejus: omnes verò omnium consensu in Antichristum quadrant. Neque enim Carolus Magnus, in quo Imperium quodammodo revixit, potestatem habuit mensibus tantum quadraginta duobus, sed annis ferè quatuordecim. Neque Deum aut Sanctos, Carolus, vel ejus successores blasphemarunt, sed eos potius mirificè coluerunt. Denique neque Carolus, neque ullus successorum ejus, aut omnibus gentibus imperavit, aut ab omnibus gentibus adoratus est. Sed de his satis: nam in libro tertio de summo Pontifice totum hoc argumentum accuratè tractavimus.

C A P U T III.

Refelluntur prolegomena Illyrici.

ET si prolegomena Illyrici nihil sint aliud nisi ingens quoddam mendacium, quia tamen ejus mendacii refutatio longior erit quàm ut ad caput, quo mendacia continentur, commodè possit adjungi, rectius esse duxi, si propriam disputationem ad prolegomena refellenda instituerem. Igitur Illyrici prolegomena tota consumuntur in variis fragmentis diversorum auctorum recitandis, ex quibus ipse colligit, ante annos quadringentos inter Adrianum IV. Pontificem, & Fridericum I. Imperatorem litigatum esse, utrum beneficio Papæ Germani Cæsares imperarent: ac tandem post longam concertationem definitum, signentum esse, quod vulgo fertur, Germanos Cæsares Romanorum Pontificum beneficio imperare. Sic autem exorditur: *Tota ista controversia, an Imperium ex dono beneficiæve Papa ad Germanos pervenerit, jam olim, nempe ante 400. annos inter Fridericum I. & Adrianum Papam IV. gravissimè agitata, definitaque fuit, ut ex sequentibus locis Historia Othonis Frisingensis, epistolis illorum ipsorum Monarcharum ab Othone sua Historia insertis, patebit, quas hic ordine adscribam. Hæc ille. Ubi mentitur primò cum ait, controversiam hanc ante annos 400. agitaram & definitam. Controversia enim quædam eo tempore agitata est, esset necne Imperium Romanum beneficium, idest (ut ipsi loquuntur) Fendum Pontificis. Utrum autem Imperium à Grecis ad Germanos, Pontificis auctoritate, translatum esset, in controversiam tunc non venit. Sed res tota paulò post apertior fiet.*

Mentitur secundò, cum addit ex historia Othonis Frisingensis narrationem hanc à se desumptam, non enim ex Othone, sed ex Radevico eam desumpsit. Otho siquidem vir gravis & doctus, dedita opera narrationem illam totam in suo opere præternovit, tanquam indignam videlicet, quæ inter alias res gestas Friderici, quem ipse laudandum susceperat, locum haberet. Alioqui autem eidem Othoni res tota perspecta erat, quippe qui præsens interfuit, & literas

teras summi Pontificis ea de causa missas Imperatori interpretatus est, ut ex Radevico cognosci potest libro 1. cap. 22.

Mentitur tertio, cum se ordine rem totam adscripturum dicit, cum contra potius studiosè nullum ordinem sequi videatur, ut ex enumeratione & discussione eorum quæ profert, manifestum fiet.

Primum igitur adfert narrationem Radevici (quem ipse falsò vocat Othonem Frisingensem) ex lib. 1. de rebus gestis Friderici, cap. 8. qua narratione continetur legatio duorum Cardinalium à Pontifice Adriano ad Imperatorem Fridericum missa, de qua nihil est quod dicamus, cum simplex rei gestæ narratio sit. Secundò adjungit fragmentum epistolæ Adriani, quam legati illi attulerant. Fragmentum autem referre voluit Illyricus non totam epistolam, ut lectori suo persuaderet, id potissimum in ea epistola egisse Pontificem, ut se Imperii Germanorum auctorem ostenderet, neque Imperium aliud esse nisi beneficium, seu feudum Ecclesiæ Romanæ. Nos igitur totam epistolam producemus, ut omnes intelligant, causam ob quam Summus Pontifex scripsit, non fuisse, ut Imperium Germanorum beneficium suum esse jactaret, cujus rei obiter solum mentionem facit, sed ut Imperatorem officii admoneret in sacrilegis hominibus puniendis.

Exemplum epistolæ Adriani IV. ad Fridericum I. ex lib. 1. cap. 9. Radevici Frisingensis.

Adrianus Episcopus, Servus servorum Dei, Dilecto filio Friderico illustri Romanorum Imperatori salutem, & Apostolicam benedictionem. Imperatoria maiestati paucis retroactis diebus recolimus scripsisse illud horrendum & execrabile facinus, & piaculare flagitium, tempore nostro commissum in Teutoniciis partibus, sicut credimus aliquando intentatum, excellentia tua ad memoriam revocantes, non sine grandi admiratione ferentes, quòd absque digna severitate vindictæ, usque nunc transire passus sis tam perniciosi sceleris feritatem. Qualiter enim venerabilis frater noster E. Londonensis Archiepiscopus, dum à sede Apostolica remearet, à quibusdam impiis & sceleratis, quod sine grandi merore non dicimus, in partibus illis captus fuerit, & adhuc in custodia teneatur: Qualiter etiam in ipsa captione prædicta viri impietatis, semen nequam, filii scelerati, in eum, & in suos evaginatis gladiis violenter exarserint, & eos, ablatiis omnibus, quam turpiter atque inhoneste tractaverint, & tua serenissima Celsitudo cognoscis, atque ad longinquas, & remotissimas regiones fama tanti sceleris jam pervenit. Ad cuius utique vehementissimi facinoris ultionem, sicut is, cui bona placere, mala verò displicere credimus, constantius exsurgere debuisti, & gladium, qui tibi ad vindictam malefactorum, laudem verò bonorum est ex divina provisione concessus, in cervicem desavire oportuit impiorum, & gravissimè contereere presumptores. Tu verò idipsum ita dissimulasse diceris, favitiam neglexisse, quòd eosdem non est quare penitentem commisisse reatum: quia impunitatem sacrilegi quod gesserunt, jamjam sentiunt invenisse. Cujus quidem dissimulationis & negligentia causam penitus ignoramus: quoniam nos in aliquo serenitatis tue gloriam offendisse, conscientia scrupulus nostrum animam non accusat: sed personam tuam, sicut charissimi, & specialis filii nostri, & Principis Christianissimi, quem in Apostolica confessionis petra non ambigimus per Dei gratiam solidatum, sincera semper dileximus charitate, & debita tractavimus benignitatis affectu. Debes enim, gloriosissime fili, ante oculos mentis reducere quàm gratanter & quàm jucundè alio anno mater tua sacrosan-

Controv. Card. Bellarm. Tom. II.

A Et Romana Ecclesia te suscepit: quanta cordis affectione tractaverit, quantam tibi dignitatis plenitudinem contulerit, & honoris: & qualiter Imperialis insignis corona libentissimè conferens, benignissimo gremio suo tua sublimitatis apicem studuerit conservare, nihil prorsus efficiens, quòd Regia voluntati, vel in minimo cognosceret obviare. Neque tamen penites nos desideria tua voluntatis in omnibus, implevisse, sed si majora beneficia excellentia tua de manu nostra suscepisset, si fieri posset, considerantes quanta Ecclesia Dei, & nobis per te incrementa possint & commoda provenire, non immeritò gauderemus. Nunc autem quia tam immensum facinus, quòd in contumeliam universalis Ecclesiæ, & Imperii tui, noscitur etiam commissum, negligere ac dissimulare videris, suspicamur utique, ac veremur ne fortè in hanc dissimulationem, & negligentiam propter hoc tuus animus sit inductus, quòd suggestionem perversi hominis, rixania seminantis adversus clementissimam matrem tuam sacrosanciam Romanam Ecclesiam, & nos ipsos indignationem (quòd absit) aliquam conceperis, vel rancorem. Ob hoc igitur, & ob alia negotia, quæ cognoscimus imminere, duos de melioribus & charioribus quos circa nos habemus, dilectos scilicet filios nostros Bernardum, sancti Clementis presbyterum, & Rolandum, sancti Marci presbyterum Cardinalem, & Cancellarium nostrum, viros utique religione, prudentia, & honestate conspicuos, Serenitati tuae de latere nostro ad præsens duximus destinandos, excellentiam tuam rogantes attentius, quatenus eos tam honorificè, quàm benignè recipias, honestè tractes, & ea quæ ipsi super hoc, & super aliis ad honorem Dei & sacrosancie Romanae Ecclesiæ, ad decus etiam, & exaltationem Imperii proposuerint dignitati, sicut si ab ore nostro procedant, absque ulla hesitatione suscipias, & ipsorum verbis, tamquam si ea contingeret nos proferre, fidem non dubites adhibere.

B Hæc est epistola Adriani, ex qua perspicuum est, modicè admodum, idque necessariò, attigisse Pontificem coronationem Imperatoris, quæ anno superiore peracta fuerat: cum tamen præcipuum argumentum aliò spectaret.

C Tertio loco ponit Illyricus reliquam narrationem historię ex eodem Radevico lib. 1. cap. 10. Summa verò ejus historię hæc est: Lectis Pontificiis literis Imperator, & qui cum illo erant, Imperii Principes, cum verba illa Pontificis: Si majora beneficia excellentia tua de manu nostra suscepisset, non immeritò gauderemus, in eum sensum acceperint, quasi dictum esset, Regnum atque Imperium Germanorum non absolutum, liberumque Imperium, sed feudum Romani Pontificis esse, in tantam iracundiam exarserunt, ut parum absuerit, quin duos illos Cardinales continuò trucidarent. Qui Cardinales, quamvis tandem à periculo vitæ liberati fuerint, tamen sine ullo honore, sine literis Imperatoris, sine ulla responsione dimissi, iussi sunt quamprimum, via recta, idest brevissima, excedere ex Provinciis Imperio subjectis, severissimeque interdictum illis est, ne ad ulla Episcoporum, vel Abbatum Germaniæ loca diverterent. Interim verò Imperator literas plenas acerbatis scripsit ad omnes Imperio Romano subjectos, quibus literis ne verbum quidem facit de criminibus, quorum à Pontifice admonitus, ac paternè castigatus fuerat, sed solum questus est, planè tragicè, injuriam sibi à Pontifice factam, dum is Imperii coronam suam beneficium appellavit. Hæc est illius historię summa, in qua multa profectò admiranda occurrunt. Primum, quòd Imperator ad tam horrenda sacrilegia, quorum in epistola summi Pontificis admonebatur, omnino tacuerit, quasi ad se nihil attinerent. Deinde quòd ex unius verbi ambiguitate, quòd tamen secundum propriam significationem nihil offensionis habebat, tantam tragediam excitaverit, ut vix major excitanda fuerit,

Kk 2 si to-

si totius Imperii extrema ruina, certissimumque exitium impendisset. Tertio quod in ea epistola Romanum Pontificem, sanctæ Ecclesiæ caput, ac proinde se membrum ejus (nisi ipse extra Ecclesiam esse velit) appellet, & tamen non modò isti capiti suo, isti Principi populi sui acerbissimè maledixerit, sed etiam legatos ejus (qui apud quosvis Barbaros, atque etiam Ethnicos jure gentium tuti fuissent) contra omne jus & fas indignissimè violaverit. Postremo quod ubi tandem ad firamenta atque præsidia causæ suæ explicanda pervenit, nihil attulerit, præter unam, eamque levissimam, ne dicam ineptam, ac puerilem argumentationem: Cùm, inquit, per electionem Principum à solo Deo Regnum & Imperium nostrum sit, qui in passione Christi Filii sui duobus gladiis necessariis regendum Orbem subiecit, eumque Petrus Apostolus hac doctrina mundum informaverit, Deum time, Regem honorifica: quicumque nos Imperialem coronam pro beneficio à Domino Papa suscepisse dixerit, divina institutioni, & doctrina Petri contrarius est, & mendacii reus erit. Hæc ille. Quæ certè argumentatio, si ad veræ rationis trutinam revocetur, vereor ne prorsus indigna tanto Principe videatur. Nam quod attinet ad duos illos gladios, quorum in passione Domini mentio fit, si quis paulò attentius Evangelium legat, non Cæsaris unum, alterum Ecclesiæ, sed utrumque gladium Ecclesiæ, ac potissimum Petri esse videbit. Quocirca si alterum Cæsar habet, non à solo Deo (ut Fridericus Imperator dicit) sed à Deo per Petrum habet. Ita Imperatoris argumentatio adversus ipsum suum auctorem pugnat.

Sed placet de hac ipsa re S. Bernardi testimonium in medium adferre. Sic enim scribit lib. 4. de Considerat. cap. 3. Quid tu denuò usurpare gladium tentas, quem semel jussus es ponere in vaginam? Quem tamen, qui tuum negat, non satis mihi videtur attendere verbum Domini dicentis sic: Converte gladium tuum in vaginam. Tuus ergo & ipse, tuo forsitan nutu, etsi non tua manu, evaginandus. Alioquin si nullo modo ad te pertineret & is, dicentibus Apostolis: Ecce gladii duo hic; non respondisset Dominus, Satis est, sed, Nimis est. Uterque ergo Ecclesiæ, & spiritualis scilicet gladius, & materialis, sed is quidem pro Ecclesia, ille verò & ab Ecclesia exercendus est. Iste Sacerdotis, is militis manu, sed sanè ad nutum Sacerdotis, & jussum Imperatoris. Hæc Bernardus.

Illam autem qualis quæso argumentatio est: S. Petrus ait, Deum time, Regem honorifica: ergo cum Petro pugnat, & reus mendacii est, quicumque dixerit Imperatorem Summi Pontificis beneficio imperare? Quæ est hæc nova Dialectica? An ille Rex fortasse (juxta præceptum S. Petri) honorificandus non erit, qui ab alio regnum acceperit? Quis ita insanat, ut hoc dicat? Rex Catholicus, ac potentissimus Philippus regnum Neapolitanum feudum esse Romani Pontificis quotannis publicè proficitur; & tamen quis dicere auderet, non esse Regem Philippum à populo Neapolitano honorificandum, aut verba S. Petri ad eum Regem nihil pertinere? Quid quod non solum Imperatoris Friderici argumentatio nihil efficit, sed etiam illa ejus sententia: Regnum atque Imperium suum esse à solo Deo, nulla ratione defendi potest? Nam quis omnium ignorat, humana Regna jure gentium constitui, dum populi communi consensu in unum aliquem potestatem suam transferunt? Id certè (ut cætera taceam) Leges ipsæ Imperatoris, disertè testantur. Lex hoc jure gentium, ff. de justitia & jure. Si verò potestas Regis à populo est, quid est quod Fridericus ait, Regnum nostrum à solo Deo est? Quod si & Imperium (post translationem à Græcis in Germanos) non à Pontifice, sed

A à solo Deo est, quæ causa fuit cur Fridericus in Italiam ad Pontificem veniret, atque ab eo ad Imperium provehi postulare? Hæc enim sunt verba, quæ nomine Friderici ipso præsentem Friderico ad Pontificem Adrianum Bambergensis Episcopus fecit: *Notum tibi esse volumus, Reverende Pater, quia omnis Ecclesia de finibus orbis ad honorem Regni collecta, adduxit Principem suum ad tuam Beatitudinem, provehendum per te ad culmen Imperii. Hoc meretur nobilitas, prudentia, fortitudo, Dei timor, & Catholica pacis amor in corde illius regnans, & sancta Romana Ecclesia cultus non vulgariis. Ecce te venientem excepit venerabilis tuis sanctissimis vestigiis humiliter provolutus. Ergo, venerande Pater, tu circa ipsum peragas, ut quæ ei desunt de plenitudine Imperialis culminis, per tua Beatitudinis munificentiam suppleantur.* Hæc ille, teste Alberto Krantzio lib. 6. Saxoniz, cap. 16. Quæ ratione igitur Imperium Friderici à solo Deo fuit, si Pontifex Adrianus ad Imperium illum provexit, & Imperialis culminis plenitudinem, quæ illi deerat, contulit? & si munificentiam Pontificis Episcopus Bambergensis, Friderici ipsius orator, appellare non timuit illam coronationem Imperatoriam, quid est cur beneficium Pontificis eadem illa coronatio dici non possit? Sed pergamus ad cætera.

Quarto loco addit Illyricus epistolam quandam Adriani Papæ ad Archiepiscopos Moguntinum, Colonensem, & Trevirenses, quam ex Aventino descripsit. De qua epistola nihil est quod dicamus, cum ea tota nostra sit. Id unum annotandum erit, mentiri Illyricum cùm ait: Adrianus nodum in scirpo quærit, Imperium esse beneficium Romani Sacerdotis, Augustumque precario dumtaxat regnare asserit. Siquidem in tota epistola nusquam legitur nomen beneficii. Neque Pontifex Adrianus eo loco asserit Augustum precario dumtaxat regnare; quin contra potius affirmat, Regnum habere illum ex electione Principum suorum, à se autem nomen Imperatoris. Ex electione, inquit, Principum suorum habet nomen Regni, ex consecratione nostra habet nomen Imperatoris.

D Quinto Illyricus adjungit epistolam quandam Friderici ad Adrianum ex Naclero, quæ neque est ordine suo posita, neque facit ad rem. Non enim illa scripta est tempore hujus controversiæ, de qua nunc agimus, sed aut antea, si credimus Naclero in Chronico Generat. 30. aut postea, ut ex Radevico lib. 2. cap. 18. colligi videtur; si tamen hæc epistola illa est, cujus meminit eo loco Radevicus, & non potius alia ab aliquo conficta. Scribit enim Radevicus, Fridericum Imperatorem, ut indignationem conceptam in Adrianum solaretur, notario suo imperasse, ut in scribendis epistolis ad Pontificem nomen suum nominis Pontificis anteponeret, & distinctionibus singularis numeri ipsum alloqueretur. Hæc autem epistola, quam ex Naclero produxit Illyricus, contendit quidem nomen Imperatoris præponi debere, cum Imperator ad Pontificem scribit, perpetuò tamen Pontificem alloquitur in numero multitudinis. Quid quod hæc ipsa epistola non parum officit causæ ejusdem Friderici? Nam inter cætera scribit epistolæ auctor, Silvestrum ante Constantini donationem nihil regalium habuisse: ex quo satis apertè videtur agnoscere ut veram atque legitimam Constantini donationem, quæ apud Gratianum habetur distinct. 96. can. Constantinus. Porro illa donatio non solum urbem Romam, atque Italiam universam, sed etiam omnes Occidentalis Imperii Provincias complectebatur. Quod si ita est, unde postea Occidentale Imperium ad Carolum & successores pervenit, nisi ex dono ac beneficio Pontificum Romanorum? Nisi fortè Carolus Magnus (quod nefas est cogitare) sacrilegè

crilegè eripuerit sancto Petro, quod ei piè donaverat Constantinus. Vides igitur hanc epistolam vel esse confictam, vel ipsi causæ Friderici, atque Illyrici majus detrimentum adferre, quàm attulerint omnia verba, atque omnes legationes Pontificis Adriani. Nec enim Adrianus unquam tam luculenter dixit, aut scripsit, Germanos Reges Apostolicæ Sedis beneficio imperare, quàm id ipsum Fridericus scripsit, si ipsius illa epistola est.

Sextò producit Illyricus ex Othone Frisingensi lib. 2. de rebus gestis Friderici, cap. 21. legationem populi Romani ad Fridericum, & Friderici responsionem. Nihil autem horum loco suo ponitur, nec ad rem facit. Nam ista legatio populi Romani missa est ad Fridericum, cum is ad Urbem propinquaret causa coronæ Imperialis à Pontifice petendæ. Controversia autem illa de Imperio: Sit ne beneficium Pontificis, an non, sequenti anno, coronatione jam peracta, exorta est. Porro ad rem ista non faciunt, cum non sit nostra quæstio de populo, sed de Pontifice Romano. Tantum verò abest, ut ea legatio populi Romani Pontificis jussu, vel consilio, aut consensu missa sit ad Fridericum, ut potius (Othone teste ibidem) Adrianus legationem illam improbaverit, & paulò post, iisdem repugnantibus Romanis, Fridericum coronaverit. Vides igitur, Lector, quàm verè initio dixerit Illyricus, se ordine subjecturum, quæ ad præsentem controversiam pertinerent.

Septimò addit ex Radevico (quem falsò Othonem vocat) lib. 2. cap. 30. de rebus gestis Friderici epistolam Eberhardi Episcopi Bambergensis, ad Eberhardum Archiepiscopum Salzburgersem, nec non responsionem quandam Friderici Imperatoris ad quandam summi Pontificis legationem. Quæ similia sunt superioribus, idest, neque narrantur ordine suo, neque pertinent ullo modo ad rem.

Octavò profert ex lib. 1. cap. 15. & 16. Radevici (quem ipse omnino Othonem Frisingensem vult videri) fragmentum epistolæ Adriani ad Episcopos quosdam Germanos, & responsionem eorundem ad Pontificem. Ac nunc tandem Illyricus post longos errores domum redit. Istæ siquidem dux epistolæ (si ordo tenendus sit) propriè sequuntur post eam narrationem, quam tertio loco Illyricus recitaverat. Cætera quæ interjecta sunt, ac præcipuè quintum, sextum, & septimum, inter parerga numerari possunt. Neque alia de causa inserta videntur, nisi ut augeant prolegomena, & lectoris mentem confundant. Tamen autem hæc omnia, quæ octavo loco ab Illyrico producentur, ad rem præsentem faciant, nihil tamen habent quod refellendum sit; cum nihil ferè aliud contineant, quàm repetitionem superiorum. Unum est dumtaxat, quod non tam refutatione, quàm animadversione indiget, argumentum videlicet quod Illyricus præmittit ante epistolam Præsulum Germaniæ ad summum Pontificem, quod quidem ejusmodi est: *Responsio Præsulum Germanorum ad prædictas literas Pontificis, quibus reprehendunt illud Papale figmentum, & movent ut id nova legatione ac scriptione revocet. Prætereo novam illam elegantiam sermonis: Responsio Præsulum, quibus reprehendunt. Sed mendacium præterire non possum; neque enim in tota illa epistola ulla mentio sit Papalis figmenti; neque admonetur Pontifex ut revocet quidquam, sed solum ut exulceratum animum Principis ex verbi cujusdam ambiguitate, novis literis lenire, ac mitigare velit. Hæc enim sunt illorum verba: De cætero sanctitatem vestram suppliciter rogamus & obsecramus, ut nostra partatis infirmitati, utque magnanimitatem filii vestri, si cut bonus Pastor, leniatis scriptis vestris, scripta priora suavitatem mellita dulcorantibus.*

Controv. Card. Bellarm. Tom. II.

A Nonò addit legationem, ac literas Pontificis Adriani ad Fridericum, quibus verbi ambiguitate expolita, continuò animus Principis mitigatus est. Sed verba Illyrici audiamus: *Nova, inquit, litera, ac legatio Papa, qua totum illud suum figmentum de beneficio Imperii Germanis collato, artificiosa interpretatione tollit, ac non obscure recantat, polliceturque se posthac Imperii jura minime violaturum esse.* Hæc sunt Illyrici verba, in quibus duo splendida mendacia continentur. Extant enim literæ integræ Pontificis Adriani apud Radevicum lib. 1. cap. 22. in iis autem non retractat Pontifex ullum figmentum, nec se jura Imperii posthac non violaturum promittit, sed arguit imperitiam eorum, qui Friderico suggererant, beneficium coronationis feudum significare. Hæc enim est epistola Pontificia.

B Ex quo universalis Ecclesiæ curam Deo, prout ipsi placuit, disponente suscepimus, ita in cunctis negotiis magnificentiam tuam honorare curavimus, ut de die in diem animus tuus magis ac magis in amore nostro, & veneratione Sedis Apostolicæ debuisset accendi. Unde per grandis admiratione non ferimus, quòd cum audito, ex suggestione quorundam animum tuum aliquantulum contra nos fuisse commotum, duos de melioribus & majoribus fratribus nostris, Rolandum scilicet Cancellarium tituli sancti Marci, & Bernardum tituli sancti Clementis presbyteros Cardinales, qui pro tua majestatis honore in Romana Ecclesiâ solliciti semper extiterant, pro voluntatis tue cognitione ad tuam præsentiam destinavimus, aliter quàm Imperialem decueris honorificentiam, sunt tractati. Occasione siquidem cujusdam verbi, quod est beneficium, tuus animus (sicut dicitur) est commotus, quod utique nedum tanti viri, sed nec cujuslibet minoris animum merito commovisset. Licet enim hoc nomen, quod est beneficium, apud quosdam in alia significatione, quàm ex impositione habeas, assumitur; tunc tamen in ea significatione accipiendum fuerat, quam nos ipsi posuimus, & quam ex institutione sua noscitur retinere. Hoc enim nomen ex bono & facto est editum, & dicitur beneficium apud nos, non feudum, sed bonum factum, in qua significatione in universo scriptura sacra corpore invenitur, ubi ex beneficio Dei, non tamquam ex feudo, sed velut ex benedictione, & bono facto ipsius gubernari dicimur & nutriri. Et tua quidem magnificentia liquidò recognoscit, quòd nos ita benè, & honorificè Imperialis dignitatis insignie capiti tuo imposuimus, ut bonum factum valeat ab omnibus judicari. Unde quidam verbum hoc, & illud scilicet, (contulimus tibi insignie Imperialis corona) à sensu suo visi sunt ad alium retorquere, non ex merito causa, sed de voluntate propria, & illorum suggestione, qui pacem Regni, & Ecclesiæ nullatenus diligunt, hoc egerunt. Per hoc enim vocabulum (contulimus) nihil aliud intelleximus, nisi quod superius dictum est, imposuimus. Sanè quòd postmodum personas Ecclesiasticas à debita sacrosancta Romana Ecclesiâ usitatione (ut dicitur) revocare iussisti, si ita est, quàm inconvenienter actum sit, tua, fili in Christo charissime, discretio, ut credimus, recognoscit. Nam si aliquid apud nos amaritudinis habebas, per nuncios, & literas tuas fueras intimandum, & nos honori tuo curavissemus, sicut filii charissimi, providere. Nunc igitur ad commonationem dilecti filii nostri Henrici Bavaria & Saxonia Ducis, duos de fratribus nostris Henricum tituli sancti Nerei, & Achillei, & Jacinthen sanctæ Mariæ in Cosmedin Diaconum, Cardinales prudentes siquidem & honestos viros ad tuam præsentiam destinavimus, celsitudinem tuam monentes, & hortantes in Domino, quatenus eos honestè & benignè recipias, & quod ab eis ex parte nostra tua magnificentia fuerit intimatum, à sinceritate cordis nostri noveris tua excellentia processisse, ac per hoc cum eisdem filiis nostris, mediante jam dicto filio nostro Duce, ita celsitudi-

do tua studeat convenire, ut inter te, ac matrem tuam sacrosanctam Romanam Ecclesiam nullius discordia seminarium debeat remanere.

Hanc epistolam totam ne uno quidem verbo omisso adscribere volui, ut Illyrici mendacia ex ipsa epistola refutarentur. Ubi enim obsecro est illa figmenti Pontificii retractatio? Dixerat Pontifex in priore epistola, quam etiam supra totam adscripsimus, se Friderico, cum is Romam ad coronam accipiendam venisset, læto animo occurrisset, ac plenitudinem dignitatis, idest, Imperialis coronæ insignia contulisset. Quod ipsum Friderici nomine orator ipsius Episcopus Bambergensis (ut ex Krantzio supra citavimus) à Pontifice postulaverat. Deinde de hac ipsa coronatione loquens addiderat in literis suis idem Pontifex, non modò se non molestè ferre, quòd ea contulisset, sed etiam non immeritò gavisurum, si majora beneficia de manu sua Cæsar accepisset. Quo loco beneficium quod in Imperatorem à Pontifice significatur collatum, non potest ullo modo aliter accipi, nisi quis de industria cavillari velit, quàm ut ad coronationem Imperialem referatur. Quid igitur Papa retractat, quid revocat, quid recantat (ut verbo utar Illyrici) cum nomine beneficii non se feudum aliquod, sed coronationis munus intellexisse dicit. Neque verò rectè colliget jam Illyricus; Non dicit Papa Imperium Germanorum feudum esse Pontificis: ergo figmentum est quod Adrianus, quod Innocentius III. quod omnes historici dicunt, Imperium à Græcis ad Francos Pontificis auctoritate esse translatum. Nam etsi non dixit Adrianus, Imperium esse feudum, non tamen dixit non esse: & licet non esse dixisset, non tamen continuò sequeretur, falsam esse translationem Imperii. Aliud enim est, Imperium ab una gente ad aliam transferre; aliud verò, feudum constituere.

Deinde in quo angulo epistolæ Adriani lateat id, quod Illyricus in argumento posuit, cum ait: *Pollicetur se posthac Imperii jura minime violaturum*? Certè epistolam totam audivimus, ac ne syllabam quidem unam de hac pollicitatione reperimus. Sed video ubi fundamentum mendacii sui Illyricus constituerit, quòd nimirum Radevicus Frisingensis, posteaquam epistolam Adriani operi suo inseruerat, subiunxerit continuò, illis literis Imperatorem placatum, benignè deinceps cum legatis Romani Pontificis egisse, Legatos verò Imperatori promississe, Præsulem Romanum honorem atque justitiam Imperii illibatam semper conservaturum. At illa pollicitatio Legatorum fuit, non ipsius Pontificis. Neque Legati polliciti sunt Præsulem Romanum jura Imperii posthac non violaturum, quasi aliquando antea violasset, sed illibata, ut semper fecerat, perpetuò conservaturum. Siquidem idem Legati (Radevico teste) cum primum Imperatorem alloquerentur, eique literas Apostolicas traderent, præfati sunt, sine ulla justa causa adversus Romanam Ecclesiam Imperatorem fuisse commotum. Hæc enim sunt illorum verba: *Quanta dilectione sancta Romana Ecclesia amplitudinem, & honorem Imperii vestri amplectatur, quàm sine conscientia peccati vestram satis invita sustinuerit indignationem, & scripta presentia, & in ore nostro posita viva vocis officium declarabit*. Ex quibus verbis satis profectò manifestè colligitur, numquam venisse in mentem Legatis, ut violata fuisse à Romano Pontifice jura Imperii dicerent. Proinde mendacium est Illyrici, promississe Pontificem Friderico, se posthac Imperii jura minime violaturum.

Addit postremò in prolegomenis suis Illyricus ex historia Abbatis Urspergensis, Adrianum Pontificem iterum ab Imperatore dissidere cœpisse, atque eo usque progressum dissidium, ut tandem Imperator à

A Pontifice excommunicaretur, sed paulò post divino miraculo Pontificem, dum is recentem aquam ex fonte biberet, à musca quæ os ejus simul cum aqua intraverat, apud Anagninam extinctum. Veruntamen hanc non veram historiam, sed improbabilem fabellam esse, ex eo potest intelligi, quòd Abbas Urspergensis ex Joanne quodam Cremonensi, auctore obscuro, & schismatico, eam narrationem refert. Ille verò non alium testem producit, quàm incertum rumorem vulgi: *Cum venisset, inquit, ad quemdam fontem, hausit de potu illius, & continuò, ut dicitur, musca quadam os ejus intravit, & gutturi ejus adhaesit, nulloque artificio medicorum avelli potuit, quoad usque spiritum exhalaret*. Hæc ille. Quo circa tota fides hujus rei pendet ex illo, ut dicitur, hoc est, ex falso rumore, quem æmuli fortè sparserunt.

B Porro Radevicus lib. 2. cap. 43. honorificè describit obitum ac sepulturam Adriani, quod idem faciunt Platina, Martinus Polonus, & alii, qui Pontificum vitas describunt. Joann. Nauclerus in Chronico, generatione 39. scribit, suspicari se narrationem illam Cremonensis affectu potius quàm veritate scriptam. Sanctus autem Antoninus in Summa historica, par. 2. tit. 17. cap. 1. §. 9. ex Helinando refert, Adrianum virum optimum fuisse, ut nullo modo probabile sit eum talem exitum habiturum, qualem Cremonensis dicit. Denique si res esset vera, qui fieri posset, ut mors tam nova & insolens à nullo certo scriptore annotata fuisset?

C At Fridericum Imperatorem, qui non solum cum Adriano diu contendit, sed etiam Alexandrum, successorem Adriani, ita vexavit, ut tres Antipapas adversus eum Imperiali potentia foverit, non incertus rumor, sed testes certissimi, idest, omnes Historici testantur, in Armenia à flumine quodam absorptum miserrimè periisse. De quo sic scribit Gulielmus Neubrigenensis ejus temporis auctor, in lib. 4. rerum Anglicarum cap. 13. *Fridericus Imperator Teutonicus, iter Hierosolymitanum ingressus, cum in gurgitem fluvii equo stimulato profiliisset, in momento suffocatus interiit*. O abyssus multa iudiciorum Dei! Vir tantus, & qui divino quodam fervore relictis deliciis, opibusque Imperii, mille se exposuerat propter Christum periculis, tam subito miseroque casu absumitur. Peccatum tamen ejus tantum & tale elucet, quod fortè in Imperialibus non potuerit deliciis expiari, atque ideo oportuerit, ne aternaliter plecteretur, pia divinitatis provisione in hac vita severius castigari. Siquidem nefarii schismatis sub venerabili Papa Alexandro principalis fautor existerat, & pacis Ecclesiasticae per Imperialem potentiam multo tempore perturbator. Tandem verò perspicuè danti palmam veritati, minus tamen in deliciis palatii piaculare malum desleverat. Hæc ille. Addit autem Abbas Urspergensis in Chronico, post absorptum (ut dictum est) à flumine Fridericum, exercitum ejus, aut aeris intemperie, aut abundantia ciborum morbo contracto penè totum brevissimo tempore consumptum. Ita sententiam Adriani Pontificis, quæ exstat in epistola ad Episcopos Germaniæ apud Radevicum lib. 1. cap. 16. verissimam fuisse, rei eventus comprobavit. Sic enim ille scripserat: *Non acquiescas idem filius noster consiliis iniquorum, consideret novissima, & antiqua, & per illam viam incedat, per quam Justinianus, & alii Catholici Imperatores incessisse noscuntur*. Exemplo siquidem, & imitatione illorum, & honorem in terris, & felicitatem in calis sibi poterit cumulare. Vos etiam, si eum ad rectam semitam reduxeritis, & Beato Petro Apostolorum Principi gratum dependetis obsequium, & vobis, & Ecclesiis vestris conservabitis libertatem. Alioquin noverit antedictus filius noster ex admonitione vestra, noverit ex promissionis Evangelica veritate,

D quòd

E

quod sacrosancta Romana Ecclesia super firmissimam petram, Deo collocante, fundata, quancumque ventorum turbine quatitur, in sua firmitate, protegente Domino, in seculum seculi permanebit. Hæc ille tum cum ardore juvenili, & Imperiali potentia Fridericus Ecclesie minaretur. Sed cum finem tragœdia illa habuit, quem Adrianus prædixerat. Siquidem post annum decimum nonum gravissimæ persecutionis, prævaluit tandem Ecclesia, & Fridericus Imperator, Calisto Antipapa, quem ad eam diem foverat, abdicare coacto, sese vero Pontifici Alexandro subiecit; ut scribunt probati historici, Abbas Urspergens in Chronico, Platina in vita Alexandri, Gulielmus Neubrigensis rerum Anglicarum lib. 3. cap. 2. Gulielmus Episcopus Tyri de bello sacro lib. 18. cap. 26. & alii. Neque tamen hac humilitate illud à Deo impetrare potuit, ut non etiam morte horribili, ac totius exercitus interitu peccatum ejus in Ecclesiam severissimè puniretur. Atque hæc de progomenis.

C A P U T IV.

Imperium Romanum translatum à Græcis ad Francos Summi Pontificis auctoritate, Historicorum testimoniis demonstratur.

Tempus jam est ut ad ipsam causam propius accedamus; atque, ut ordine progrediamur, principio quid sit quod queritur, sive statum causæ breviter exponemus; deinde sententiam nostram certissimis rationibus comprobabimus.

Igitur Romanum Imperium tametsi ante Constantini tempora, modò ab uno, modò à pluribus Augustis pari potestate regeretur, unum tamen atque indivisum censebatur. Deinde verò posteaquam Magnus Constantinus Constantinopolim quasi alteram Romam ædificavit, & cum ea alterum Consulem, alterum Senatam, & omnia Romanæ Urbis privilegia communicavit, divisum est Imperium in partes duas; quarum altera Imperium Orientis, altera Occidentis appellari coepit, & quemadmodum ante Constantinum Principem, indivisum Imperium aliquando plures Augusti administrabant, sæpius unus ac solus regebat, ita post Constantinum, Imperium jam divisum plerumque duo Cæsares tenuerunt, rarò unus ac solus Princeps gubernavit. Siquidem Constantino vita functo anno Domini 341. Occidentale Imperium Constantino juniore & Constanti, Imperium Orientis Constantio cessit. Post Constantini autem, & Constantis excessum, anno 353. Constantius solus universo Imperio præfuit. Constantio Julianus, Jovianus Juliano successit. Sed post obitum Joviani, Valentinianus, qui Joviano successerat, Imperio Occidentis contentus, Orientale Imperium Valenti fratri attribuit anno Domini 368. atque ex eo tempore usque ad annum Domini 476. idest, usque ad Augustulum, Imperatores diversi divisum Imperium tenuerunt. Augustulo verò ab Odoacre Herulo abdicare coacto, atque Imperio Occidentis à Barbaris occupato, soli Imperatores Orientis, & in solo Oriente regnarunt usque ad Justinianum. Sed cum is opera Belisarii & Narsetis, fortissimorum Ducum, Africam & Italiam, inde Vandalis, hinc Gothis exactis, recuperasset; tandem anno Domini 556. iterum ab uno Imperatore Oriens & Occidens administrari coepit. Sed cum Imperator Græcus esset, & Italiam per Exarchos regeret, nec eam ab infestatione Longobardo-

Controv. Card. Bellarm. Tom. II.

rum tueri jam posset, anno 801. incunte, ipso die Natalis Domini, creato in Urbe Roma novo Imperatore Carolo Magno Rege Francorum, ac per hoc translato Occidentali Imperio à potestate Græcorum ad Francorum ditionem, iterum Romana Respublica rediit ad eum statum, in quo eam Constantinus Magnus instituerat, & in quo permanerat à Valentiniano seniore, usque ad Augustulum. Quamquam illud negari non potest, quin paulò major Imperii divisio fuerit à tempore Caroli Magni, quam antea. Siquidem à Constantino ad Augustulum etsi divisæ erant Imperii Romani Provinciae inter duos Imperatores, quod attinet ad regimen & administrationem, erat tamen ita commune Imperium, ut leges utriusque Imperatoris nomine toti Imperio darentur, & si alter sine liberis decedebat, ad alterum totius Imperii gubernatio, & providentia pertineret. Quocirca Paulus Orosius lib. 7. scribit, Arcadio Orientis, Honorio Occidentis Provincias gubernantibus, commune Imperium, divisum tantum sedibus fuisse. At post tempora Caroli Magni neque leges à Larino Græcoque Imperatore communiter latæ sunt, neque deinceps unquam aut Latinus Orientem, aut Græcus Occidentem gubernavit. Queritur igitur, quisnam hujus translationis auctor fuerit, quisve Carolo Magno, ac successoribus ejus, nomen, dignitatem, ac potestatem Imperatoris Romanorum, ac Cæsaris Augusti in Occidente tribuerit. Respondemus id quod clamat consensus omnium gentium, Leonem III. Pontificem Maximum aut solum, aut præcipuum & primarium auctorem hujus translationis fuisse, eique Germanicam nationem Imperium acceptum referre debere. Negat Illyricus, & odio Pontificum nescio quos alios auctores comminiscitur, atque ita se versat in omnem partem, ut historiam aliqui clarissimam, & fide Orbis terrarum tot jam sæculis confirmatam, omnino obscurare nitatur. Accedant igitur Historici omnes tum veteres, tum recentiores, & auctoritatis suæ pondere, levitatem & impudentiam unius hominis comprimant.

I. Joannes Zonaras, auctor Græcus, qui Romano Pontifici adulari non noverat, tomo 3. Annalium in vita Constantini & Irenes, ubi de hac translatione loquitur, nullam Senatus, nullam populi, nullam exercitus mentionem facit, sed rem totam Leoni Papæ adscribit: Roma (inquit) prorsus Franci potiti sunt, Carolo à Leone coronato, & Romanorum Imperatore appellato. Et infra, sub Constantino & Irene, Papa Leo Francos etiam Romam admisit, sic & Italia universa, & ipsa Roma sunt potiti. Et infra: At Francorum Dux Carolus, Imperator Romanorum à Papa Leone, ut dictum est, appellatus, missis ad Irenem Legatis, nuptias illius ambiit, cum nec illa ab eo conjugio abhorreret.

II. Georgius Cedrenus in compendio historiarum in vita Constantini & Irenes, eadem serè quæ Zonaras refert, sed brevius. Venerunt (inquit) etiam à Carolo, quem Leo Papa Romæ coronaverat, Legati ad Irenem, eam Carolo in uxorem ambientes.

III. Paulus Diaconus, qui tempore Caroli Magni floruit, & eidem Carolo familiaris fuit, lib. 23. rerum Romanarum, posteaquam narraverat Leonem III. Pontificem à Carolo Rege Francorum in sedem suam restitutum, subjungit: Cæterum (Leo) vicem Carolo recompensans in Imperatorem coronavit eum in templo S. Petri Apostoli, perungens oleo à capite usque ad pedes, & circumdans Imperatoria veste, atque corona, 8. Kal. Januarii, indict. 9. in quibus verbis Pauli Diaconi duo sunt annotanda: Unum est, nullam fieri mentionem in ejus verbis Senatus, aut populi Romani, quam certè prætermittere non debuisset fidelis Historicus, si translatio Imperii à

Kk 4 Græ-

Græcis ad Francos munus Senatus, populique Romani potius, quam Pontificis Leonis fuisset. Alterum est, hanc translationem, quæ facta est in ipsa Caroli Magni coronatione beneficium Leonis collatum in Carolum à Paulo Diacono agnosci & appellari. Siquidem illa verba: Cæterum Leo vicem Carolo recompensans, satis apertè significant, ita fuisse beneficium Pontificis in Regem coronationem Imperatoris, ut antea fuerat beneficium Regis in Pontificem restitutio in propriam sedem.

IV. Eghinartus Pauli Diaconi æqualis, nec minus quam Paulus Carolo Magno notus & familiaris (quippe qui Cancellarius ejus fuit, teste Trithemio) in vita ejusdem Caroli ita describit hanc translationem, ut soli Pontifici Leoni rem totam tribuat. Augusti nomen (inquit) primò in tantum aversatus est, ut affirmaret, se eo die, quamvis præcipua solemnitas esset, Ecclesiam non intraturum fuisse, si Pontificis consilium præscire potuisset. Perpende lector hæc verba: Si Pontificis consilium præscire potuisset. Cur enim non ait: Si consilium Senatus, populique Romani præscire potuisset, nisi quia rem totam à Pontificis voluntate & auctoritate pendere intelligebat?

V. Annales Francorum incerto auctore, sed omnium consensu fidelissimo, & qui Caroli tempore vixit, ita habent in enarratione rerum gestarum anno 801. Ipse autem cum die sacratissimo Natalis Domini ad Missarum solemniam Basilicam B. Petri Apostoli fuisset ingressus, & coram altari ubi ad orationem se inclinaverat, assisteret, Leo Papa coronam capiti ejus imposuit, cuncto Romanorum populo acclamante, Carolo Augusto à Deo coronato, magno & pacifico Imperatori Romanorum, vita & victoria. Hic primùm mentio fit populi Romani, sed acclamantis post coronationem, non Imperatorem appellantis ante coronationem.

VI. Aimoinus, sive (ut ab aliis vocatur) Anmonius, vel Annonius, vixit tempore Ludovici Pii, ut ipse indicat lib. 5. cap. 17. Is igitur in lib. 4. de rebus gestis Francorum cap. 90. describit exordium Imperii Caroli Magni iisdem serè verbis, quibus Francorum Annales suprà citati, nihilque tribuit populo Romano præter acclamationem Carolo jam à Pontifice coronato.

VII. Ado Episcopus Viennensis, qui temporibus nepotum Caroli Magni floruit, in Chronico suo ætate 6. sic habet: In die sancto Nativitatis Domini, ante confessionem B. Petri Apostoli, cum gloriosus Rex Carolus ab oratione surrexisset, Leo Pontifex capiti ejus coronam imposuit, sicque ab universo populo acclamatum est, Carolo Augusto à Deo coronato, magno & pacifico Imperatori Romanorum, vita & victoria. Hic etiam auctor nullam facit Senatus, aut populi mentionem, nisi post coronationem jam peractam.

VIII. Regino Abbas Prumiensis, qui ante 600. annos floruit, lib. 2. Chronici, coronationem Caroli Magni iisdem verbis describit, quibus Ado Viennensis, quæ non duxi repetenda, ne fastidium gignerent. Sed ut intelligamus apud Reginonem, non simpliciter coronari Imperatorem à Summo Pontifice, sed planè creari & ordinari, referam verba ejus de Arnulphi, & Othonis I. coronatione: Anno (inquit) Domini Incarnationis 896. Arnulphus civitatem ingressus, à Formoso Apostolicæ sedis Præsule magno honore susceptus, ante confessionem S. Petri coronatus, Imperator creatus est. Et infra, anno 962. Rex (Otho I.) Romæ favorabiliter susceptus, acclamatione totius Romani Populi, & Cleri, ab Apostolico Joanne Imperator, & Augustus vocatur, & ordinatur. Hic planè vides, Regem festiva acclamatione à

A) populo suscipi, non autem à populo, sed ab Apostolico Joanne Imperatorem dici, & ordinari.

IX. Vitichindus Corbejensis Monachus, Reginonis æqualis, lib. 3. regnorum Saxoniorum propè extremo, de Othone II. Imperatore sic loquitur: Licet (inquit) jam olim unctus esset in Regem, & à Beato Apostolico designatus in Imperatorem. Ubi vides apertè distingui Regnum Germaniæ ab Imperio Romano; & regnum quidem illud à Germaniæ proceribus, Imperium verò Romanum à Pontifice dari, ejus enim est magistratum vel Principem designare, cujus est & creare, alioqui frustra designat, qui non perficere.

B) X. Luitprandus Diaconus Ticinensis, Othone I. vivente scripsit historiam rerum in Europa suo tempore gestarum, ut ipse significat lib. 1. cap. 7. Is igitur lib. 6. historiæ cap. 6. de Othone I. sic loquitur: Dehinc Romam similia facturum adit, ubi miro ornatu, miroque apparatu susceptus, ab eodem summo Pontifice, & universali Papa Joanne unctionem suscepit Imperii. Porro idem auctor apertè declarat, non simplicem ceremoniam unctionis, sed nomen etiam, & dignitatem Imperialem à Pontifice suscepisse Othonem, cum ita loquitur in eodem capite: Pissimo (inquit) tunc Regi, nunc Augusto Casari Othoni. Quam phrasim tum ipse, tum alii veteres observare solent, ut ante Pontificiam coronationem, Reges; post eam coronationem, Imperatores & Augustos appellent.

C) XI. Hermannus Contractus, Comitis nobilissimi filius, & Monachus sancti Galli, qui floruit ante annos 500. tempore sancti Henrici Imperatoris, in Chronico suo sic ait: Anno 801. Carolus Imperiali benedictione sublimatus, Augustus & Casar Romano more appellatur. Et infra: Anno 816. Leo Papa obiit, & Ludovicus Imperator à Stephano Papa factus est. Et infra: Anno 962. Otho Rex ab Octaviano Joanne Papa Imperator ordinatur. Et infra: Anno 1026. Conradus Rex filium suum Henricum Regem fecit, & ipse Romam pergens, Imperator efficitur. Hæc ille. Non potuit certè hic auctor clariùs exprimere, per ipsam Pontificis coronationem D) Imperatorem verè fieri.

XII. Marianus Scotus, qui natus est anno 1028. ut ipse in Chronico annotavit, & Hermannus Contractus æqualis fuit, lib. 3. Chronici Caroli Magni ad Imperium promotionem brevissimè his verbis attingit: Carolus hoc tempore à Romanis Augustus appellatus est. Quæ verba, ne testimoniis vetustiorum historicorum jam citatis, & sequentibus ejusdem Mariani sententiis repugnent, sic accipi debent, ut intelligamus, Carolum à Romanis omnibus, idest, Pontifice, Clero, Senatu, & populo, Augustum appellatum; sed ordine quodam, nimirum Pontifice præeunte, cæteris sequentibus. Nam ut ex historiis præcedentibus didicimus, appellavit Leo Pontifex E) Carolum Imperatorem, & simul inunxit, & coronavit; cæteri verò acclamatione probaverunt. Sed Mariani ipsius aliquot sententias proferamus. Anno 875. Carolus Romam perveniens, datis Joanni Papæ magnis muneribus, Imperator factus est. Anno 896. Arnulphus urbem ingressus cum magno honore à Formoso Papa susceptus, & ante Confessionem S. Petri Imperator factus est. His igitur, aliisque similibus sententiis satis apertè Marianus testatur à Romano Pontifice Imperatores Romanos fieri.

XIII. Dodechinus Mariani continuator, cum de Lothario Henrici Imperatoris successore scriberet, Legati (inquit) pro confirmando Rege Romam mittuntur. Et infra: Plenitudinem (inquit) Imperii in eadem Romana civitate sicut decebat offerens Dominus Papa Regem Lotharium Romanum invirabat.

Fridericus (inquit) ab Adriano Papa Imperator factus est . Vides igitur à Pontifice Romano electum Regem Romanorum confirmari , ac deinde ab eodem plenitudinem Imperii accipere , & sic tandem Imperatorem fieri .

XIV. Lambertus Schafnaburgensis , qui circa annum 1070. floruit , in historia Germanica de Carolo Magno nihil addit ad verba Mariani Scoti , ut vel Marianus à Lamberto , vel à Mariano Lambertus accepisse videatur . Verumtamen cum de Othone primo & III. loquitur , clarius explicat sententiam suam . Sic enim de Othone primo scribit : Otho Rex perrexerat Romam , eumque Joannes Papa grater suscipiens honorificè super cathedram Augustalem posuit , & benedictione atque consecratione sua Imperatorem fecit . Et infra de Othone III. Otho Rex contra Crescentium Romam venit , ubi & Brunonem in sede Apostolica constituit , à quo & ipse Imperator factus est .

XV. Otho Episcopus Frisingensis ante annos 400. floruit , genere & eruditione nobilissimus , quippe qui (teste Radevico lib. 2. de rebus gestis Friderici cap. 11.) quatuor Imperatoribus ita conjunctus fuit , ut Henrici IV. nepos , Henrici V. sororius , Conradi Regis frater uterinus , & Friderici primi patruus esset , atque historiam ab orbe condito libris octo satis feliciter comprehendit , is igitur lib. 5. cap. 21. hoc modo scribit : Anno ab incarnatione Domini 801. ab urbe condita 1552. Carolus Rex , Regni sui anno 33. à summo Pontifice , ablato patricii nomine , coronatus , omni populo tunc acclamante , Carolo Augusto , à Deo coronato , Magno & pacifico Imperatori vita & victoria , anno 69. ab Augusto Imperator , & Augustus vocatur . Ex hinc Regnum Romanorum , quod à Constantino usque ad id tempus in urbe regia , scilicet Constantinopoli fuit ad Francos derivatum est . In his Othonis verbis tria video summo Pontifici tribui , ablationem minoris dignitatis , quæ patriciatus dicebatur , coronationem , & appellationem Imperatoris , & Augusti : Romano populo solam acclamationem . Idem quoque Otho lib. 7. cap. 11. non veretur Henricum IV. avum suum , non verum Imperatorem Romanorum appellare , quod Imperium à schismatico Papa suscepisset . Principes (inquit) seditionem vulgi timentes , ei (Henrico IV.) apud Inglinheim occurrunt , ibique multis modis commonitum , vel juxta alios , circumventum , ac coactum , insignia regni resignare , ac filio mittere 43. Regni sui post mortem patris , Imperii 5. anno (ad quod tamen potenter magis , quam justè à Guiberto capta urbe sublimatus fuerat) persuadent . Observa hoc loco Lector , Henricum IV. non fuisse Othoni Frisingensi Imperatorem , sed Regem duntaxat , donec à Papa Guiberto , qui & Clemens dictus est , ad Imperium sublimaretur , & rursus ad Imperium potenter , non justè sublimatum , quod Guibertus cum Imperatorem fecerit , qui in Schismate contra Gregorium VII. verum Pontificem , sederit . Tam enim non potuit Guibertus verum Imperatorem facere , quam ipse verus Papa non fuit . Quid autem est aliud , quæso te , à Pontifice aliquem ad Imperium sublimari , quam Imperatorem à Pontifice fieri ? & cur ab Antipapa sublimatus , Imperator non legitimè factus censetur , nisi quia solius veri ac legitimi Summi Pontificis est , Imperii dignitatem nomenque conferre ?

XVI. Godefridus Viterbiensis , qui Othone paulò posterior fuit , in suo Chronico universali , quod Pantheon appellavit , iisdem ferè verbis , quibus Otho Frisingensis , exordium Imperii Francorum describit . Anno (inquit) ab incarnatione Domini 801. Carolus Magnus regni sui anno 33. à Leone III. Sum-

mo Pontifice coronatur , omni populo Romano tunc acclamante , & laudes Imperiales canente .

XVII. Conradus Abbas Urspergensis , Godefridi ferè æqualis , in Chronico suo , in quo res Germanicas diligentissimè persecutus est , Anno (inquit) 796. Leo Papa XCVI. ordinatur . Sedie annis 20. Hic Carolum fecit Imperatorem . Et infra Anno (inquit) Dominicæ Incarnationis 801. Urbe verò condita 1552. Carolus Magnus Rex Francorum , Pipini Regis filius , septuagesimo tertio loco ab Augusto Romanorum Imperator consecratus est anno regni sui 33. Sic imperavit annis 14. Cum enim pro calumnia Leoni Papæ ingesta Romam veniret , & Natale Domini ibi celebraret , in ipsa die sacratissima ad Missarum solemniam veniens , dum ante Confessionem B. Petri Apostoli ab oratione surgeret , nihil minus speranti Leo Papa coronam imposuit , & Imperatorem Romanum pronuntiavit . Hæc ille , qui sicut hoc loco translationem Imperii , & Caroli creationem soli Pontifici tribuit , ita quoque in reliquo Chronico semper sibi similis , de aliorum Imperatorum creatione loquitur . Quorum duas exempli gratia hic subiiciemus . Anno (inquit) 875. Carolus (Calvus) Romam tendens , à Joanne Papa efficitur Imperator . Et infra , Anno 962. Otho rogatu Joannis Papæ , & querimonia multorum de Berengario , & filio proclamantium Romam tendit , ibique Imperator ab eodem Papa factus , Berengarium capit .

XVIII. Lupoldus Bambergensis in proœmio libri de Juribus Imperii , De sacri (inquit) Regni & Imperii Romanorum viribus à tempore , & post tempus translationis ipsius Imperii de Græcis Imperatoribus in personam Caroli Magni ad Reges Francorum , & ad Germanos , per sacrosanctam Romanam Ecclesiam factæ , secundum mei modicitatem ingenii tractaturus &c. Et infra in primo capite , Dum inquit , in sacratissima die Natalis Domini , sub anno ejusdem Domini 801. in Ecclesia Sancti Petri ab oratione surgeret , Leo Papa coronam capiti ejus imposuit , & à cuncto populo acclamatum est , Carolo Augusto &c.

XIX. Mathæus Palmerius in Chronico anni 801. Carolus , inquit , à Leone Pontifice Augustus est appellatus , & obliteratum jam penè in Italia Romanum Imperium resumpsit , primusque post Augustulum apud Romanos imperavit annis 14.

XX. Blondus Flavius Decadis 2. lib. 1. Leo , inquit , Pontifex , populi Romani scito , precibusque Carolum Imperatorem Romanorum declaratum diademate , vetusto Imperatorum capitis gestamine , coronavit .

XXI. Æneas Sylvius in Abbreviatione Blondi , & XXII. Baptista Platina in vita Leonis Papæ III. iisdem omnino verbis rem eandem declarant . Atque hic primùm invenimus scitum populi Romani nominatum in creatione Caroli Imperatoris . Sed nihil causæ nostræ officit : tum quod merito his duobus auctoribus , qui ante annos centum floruerunt , antepone-re possumus vetustissimos & plurimos scriptores , qui nihil ejusmodi tradiderunt : tum etiam quod scitum populi Romani , cujus hic mentio fit , non ad Carolum Imperatorem creandum , sed ad ejus creationem à Summo Pontifice impetrandam pertineat ; id enim significat adjuncta illa vox , precibusque . Quorsum enim preces ad Romanum Antistitem , ut is Carolum Imperatorem diceret , si populi scito , (idest) populi auctoritate Imperator creari poterat ? Si quid ergo tum populus Romanus decrevit , id certè solùm decrevit , ut à Romano Pontifice peteretur , ut ipse , qui solus id facere posset , Imperium à Græcis ad Francos transferret .

XXIII. Joannes Trithemius in Cathalogo scriptorum ,

rum; Leo; inquit; Papa III. natione Romanus, post Adrianum Pontificem sedit annis 20. vir in scripturis tam divinis quam secularibus valde eruditus, morum quoque & vite sanctimonia clarissimus; Carolum cognomento; & opere Magnum; ad Imperium Romanorum unxit; & hanc dignitatem à Græcis in Francos transtulit.

XXIV. Antoninus in histor. part. 2. tit. 14. cap. 4. Carolus Magnus, inquit; prius Francorum Romanum Imperium accepit, conferente sibi illud seu confirmante Leone Papa. In quibus verbis illud seu confirmante ea de causa additum videtur, quia magnam partem provinciarum Imperii Occidentalis jam Carolus tenebat titulo Regis Francorum, & Longobardorum: voluit enim Pontifex, non solum novo Imperatori jus dare ad ea quæ nondum acquisierat, sed etiam confirmare quod acquisierat.

XXV. Joannes Nauclerus in Chronologia sua, Generatione 27. Eo die (Natali Domini) Imperium Romanum à Græcis in persona Caroli Magni translatum est in Germanos. Et infra: Sic Monarchia mundi, quæ stetit apud Græcos quingentos ferme annos, residet apud Germanos, non sine felici auspicio Ecclesiæ Romanæ.

XXVI. Robertus Gaguinus lib. 4. Compendii de rebus gestis Francorum, Carolus (inquit) Pontificem restituit; restitutori suo gratificaturus Leo III. Sacerdotum habito conc. 8. Kal. Januarii, cum Francorum regnum tres & triginta annos administrasset, Augustum appellat, gratum nomen Romanis.

XXVII. Philippus Bergomensis lib. 11. Supplementi, Pontifex, inquit, infamia liber, Carolo aliquam telaturus gratiam, cum videret Imperatores Constantinopolitanos agere id nomen tueri. Idibus Decembris anno salutis nostræ 800. in Basilica B. Petri post sacra solemnia, populi Romani precibus rogatus, Carolum Romanum Imperatorem declaratum diademate decoravit, acclamante ter populo; Carolo Augusto, à Deo coronato, Magno & pacifico Imperatori vita & victoria. In quibus verbis illud solum est observandum, retulisse Philippum Caroli coronationem ad annum Domini 800. non ad 801. ut superiores omnes Historici, quod annum veteres inchoarent à Natali Domini, hic verò auctor more nostro à Kalendis Januarii. Itaque nulla inter eos dissensio de anno est; cur autem Philippus Idibus Decembris, contra veterum omnium sententiam, scripserit Caroli coronationem esse factam, non cerò scio: neque res tanta est, ut in ea diligentius investiganda desudandum sit.

XXVIII. Joannes Cuspinianus, quem Illyricus maximi facere solet, in vita Caroli Magni: Cum magno, inquit, illo Natalis Salvatoris nostri die templum oraturus, Carolus, ingrederetur, nihil minus speranti Leo Pontifex coronam capiti suo imposuit, Imperatoremque Romanum pronuntiavit; tum ab universo populo acclamatum est, Carolo piissimo Augusto, à Deo coronato &c. Item in vita Caroli Calvi, Interim, inquit, Carolus Italiam ingreditur, quem Joannes VIII. Summus Pontifex benignissime accepit diademate Imperiali, ac Augusti nomine adornat: acceptis tamen ab eo multis magnisque muneribus.

XXIX. Jacobus Wymfelingius in Epitome rerum Germanicarum cap. 9. Pontifex, inquit, Carolo aliquam gratiam relaturus, cum videret Imperatores Constantinopolitanos agere id nomen tueri, ac ob eam rem Urbem & Italiam ipsam magnas calamitates passam, in Basilica Petri post solemnia sacra, populi Romani scito & precibus ipsum Carolum magna voce Imperatorem decernit, ac diademate donat.

XXX. Polydorus Virgilius lib. 4. de inventotibus rerum cap. 7. aliàs 10. Quas ob res, inquit, Leo III. ipsum Carolum Magnum fecit Imperatorem.

XXXI. Raphael Volaterranus lib. 3. Geographiæ Leonem III. inquit, Pontificem à Romanis expulsum, ac ejus auxilium implorantem per Legatos confectum, deinde per se tertio veniens in Italiam, compressa seditione, ac inimicis expulsi (Carolus Magnus) restituit. Pro quibus meritis ab ipso primum Imperator consalutatus, nomen quod annos serè 330. cessaverat, Occidenti restituit.

XXXII. Donatus Acciajolus in vita Caroli Magni, Primò adventu, inquit, omni motu sedato, noxus supplicio affectis, Pontificem Romanum cum ingenti gloria in Urbem (Carolus) restituit: à quo mox pro suis egregiis meritis, & singulari erga libertatem omnium Christianorum fidè, Augustus appellatus, Imperatorum nomen, dignitatemque suscepit: non solum assentiente, sed etiam applaudente populo Romano.

XXXIII. Albertus Krantzius, auctor & Germanus, & diligens, & Illyrico præter ceteros familiaris, tandem aliquando coronam hanc insignium virorum, ac testium, claudat. Is igitur lib. 2. Saxoniz, cap. 18. Tum verò, inquit, in die nati Salvatoris, primo post 800. inchoante anno, cum nihil tale Carolus aut cogitaret aut speraret, magisque recusaret alienum invadere Imperatoris honorem, infra Missarum solemnia, dum ante Confessionem B. Petri Apostoli ab oratione surgeret, Papa ei coronam imposuit, & Imperatorem Romanum pronuntiavit. Idem lib. 1. Metropolis cap. 14. Olim, inquit, Imperatores non passi vivere Pontifices, ad supplicia devocabant, & Græculi postquam apud eos extincta stirpe Constantini, & deinde Magni Theodosii, non habuere Pontificem, nisi quem ipsi confirmassent; mutata sunt vices: ut non habeatur Imperator, nisi quem Romanus Pontifex confirmarit, & consecravit. Domini est terra, & plenitudo ejus. Ipse transfert Regna, & Imperia, dignissimeque ad suum in terris Vicarium hoc sacrum ministerium delegavit.

Habemus igitur ex continuata serie Historicorum, translationem Imperii Romani à Græcis ad Francos, eamque Romano Pontifice auctore factam, non fictam, nec fabulosam, ut Illyricus mentiebatur, sed certam, atque exploratam esse, ut jam in dubium revocari, nisi ab Illyrico, homine impudentissimo, vel etiam parum sano, non possit.

C A P U T V.

Proferuntur testimonia & confessiones Principum de translatione Imperii à Græcis ad Germanos per Romanum Pontificem facta.

ET si ad eam rem, quam probandam suscepimus, tot clarissimorum Historicorum testimonia in medium allata sufficerent; statui tamen ipsorum etiam Imperatorum tum Latinorum, tum Græcorum, necnon quorundam aliorum Principum confessionem, & sententiam addere; ut (si fieri possit) erubescat adversarius id negare, quod ipsi Principes, quorum maxime interest, ultro gratissime consentiant.

I. Principio Carolus Magnus, qui primus Imperium à Rom. Pontifice delatum suscepit, primus quoque id ab eo se accepisse testatus est. Siquidem cum testamento Imperium Filiis divisisset, rem totam à Leone Pontifice confirmari voluit, ut non sine consensu ejus, à quo illud acceperat Imperium aliis tradere

dere videretur. Aimoinus lib. 4. de rebus gestis Francorum cap. 94. Testamentum, inquit, Caroli Leoni. Papæ missum est, ut approbaretur; quod & factum est. Ado Viennensis in Chronico 6. ætate, Imperator, inquit, inter filios suos regna dividit; ut sciret quisque, si superstes esset, quam partem tueri, & regere debuisset. Testamentum inde factum, & iurejurando ab Optimatibus Francorum confirmatum, & Leoni Papæ missum, ut sua manu subscriberet. Denique Annales Francorum vetustissimi sic habent; Hæc omnia literis mandata sunt, & Leoni Papæ, ut ipse sua manu subscriberet, per Eginarthum missa. Quibus Pontifex lectis, & assensum præbuit, & propria manu subscripsit.

II. Lotharius Ludovici filius, Caroli nepos, ut Ado scribit in Chronico, Ludovicum filium suum per se Regem Italiz fecit; sed cum Imperatorem quoque illum fieri vellet, Romam ad Pontificem misit per Drogonem patrum suum. Atque eo modo Ludovicus junior à Sergio Papa Imperator creatus est. Vides igitur Lotharii primi confessione, Regem ab Imperatore fieri posse; Imperatorem non item, nisi Summi Pontificis confirmatio & consecratio accedat. Neque verum est quod quidam obijciunt, à Carolo Magno Ludovicum filium Imperatorem & Augustum appellatum ante Pontificis confirmationem: nam (ut paulò antè diximus) testamentum quo Carolus Imperium filius relinquebat, à Leone Papa, ipso Carolo petente, confirmatum est. Constat autem ex Historicis, Ludovicum non ante confirmatum illud testamentum, sed aliquanto post à patre appellatum Augustum. Nam Annales Francorum ponunt testamenti confirmationem anno 806. Ludovici autem assumptionem ad Imperium anno 813. Itaque Ludovicum Imperatorem Leo III. confirmavit, ac postea Stephanus IV. coronavit.

III. Carolus Calvus, Ludovici junioris in Imperio successor, insigne testimonium nobis præbet. Nam cum esset ei cum Ludovico fratre, Germaniz Rege, de Imperio adipiscendo contentio, mira celeritate Romam accurrit, & multis magnisque muneribus aditum sibi ad Pontificis gratiam, ac per eam ad Imperium patefecit. Sed verba Historicorum audiamus. Joannes Cuspinianus in vita Caroli Calvi, Ipse (Carolus) omni mora abiecta, summa cum festinatione Alpibus superatis, in Longobardiam contendit, ut hinc rectà Romam proficiscatur pro corona Imperiali, in Franciam Cæsarem nomen allaturus. Ludovicus Germaniz Rex filium mittit Carolum, ut iter prohibeat: & cum is cederet, indignatus pater, alium quoque filium cum exercitu mittit, qui Carolum avertat: sed cum copius præstaret, & potentiam ferre non posset; reversus ad patrem, missus in Franciam cum exercitu diris incursionibus eam vexat. Interim Carolus Italiam ingreditur, quem Joannes VIII. Summus Pontifex benignissimè accepit, diademate Imperiali, ac Augusti nomine adornat: acceptis tamen ab eo multis magnisque muneribus. Item Regino lib. 2. Chronici de re eadem sic loquitur: Anno 877. Carolus (Calvus) Romam secundò profectus est, ubi jam pridem Imperatoris nomen à Præsule sedis Apostolicæ Joanne ingenti pretio emerat. Rursum Marianus Scotus lib. 3. Chronici: Carolus, inquit, Romam perveniens, datis Joanni Papæ magnis muneribus, Imperator factus est. Hic ego libenter quærerem ab Illyrico: Si nihil Imperatori, quod ad Imperium attinet, aut solam caeremoniam Coronationis Papa dare solet, quorsum Ludovicus Rex Germaniz, tanto studio fratrem Carolum Calvum ab itinere Romano avertere conabatur? Quorsum

A Carolus ipse tanto labore, ac dispendio Romam ad Pontificem venit? Quorsum tam diligenter pretiosis etiam muneribus, Pontificis animum sibi conciliavit? Cur maluit potius cum fratris exercitu in certamen descendere, ac pati ut regnum suum à fratris exercitu vastaretur, quàm Imperii coronam de manu Pontificis non accipere?

B IV. Albertus Imperator (ut auctor est in Chronico suo Albertus Argentinenfis, qui illo ipso tempore vixit) à Bonifacio Papa VIII. vehementer contendit, ut Imperium sibi, & hæredibus confirmaret. Id quod minimè impetravit. Voluit enim summus Pontifex Imperatorem Romanum eligi, non nasci. Sed ex illa Alberti contentione quis non videt, quæ fuerit ejus sententia de potestate summi Pontificis in evehendis hominibus ad Imperium?

C V. Henricus VII. Alberto successit electus ex Comite Lucemburgensi. De eo sic loquitur Conradus Vercerius in libro de rebus gestis Henrici VII. Lucemburgius, inquit, mittit in oram Narbonensem, qui à Clemente Papa V. postulent, ut ratam sibi facere subrogationem pro more dignaretur.

VI. Ludovicus IV. qui post Henricum VII. imperavit, tametsi cum Romano Pontifice perpetuas inimicitias gesserit, quod ab eo non modò non confirmatus, sed etiam excommunicatus, & dejectus de sede Imperatoria fuisset, tamen nunquam destitit occasiones quærere, quibus in gratiam Pontificis rediret, & ab eo restitutionem in Imperium impetraret. Scribit enim Albertus Argentinenfis in Chronico, eundem Ludovicum defuncto Joanne Papa XXII. misisse ad Benedictum XII. qui Joanni successerat, Legatos, qui demississimis precibus peterent absolutionem, & restitutionem.

VII. Carolus IV. inquit, Theodoricus de Nihem in Nemore, tractatu 6. cap. 33. procuravit talem qualem electionem dicti Venceslai Regis per Urbanum VI. orto jam Schismate, ac in ejus principio fecit approbari. Et per hoc acquisivit ideim Urbanus, quod dictus Carolus Imperator adhærebat eidem.

D VIII. Fridericus I. cum in Italiam ad Pontificem Adrianum IV. venisset, ita coronam per Oratorem suum à Pontifice petiit, ut apertissimè testaretur, agnoscere se summam Imperii dignitatem, & (ut ipse loquitur) plenitudinem, nisi à Summo Pontifice haberi non posse. Sic enim ea de re scribit Albertus Krantzius lib. 6. Saxoniz cap. 16. Pontifex dignatione sua flectere contenderat Germanorum formidatam insolentiam, & venit in castra regis cum solemnibus, Pontificeque summo digno comitatu. Rex concitus occurrit venienti, & ab yumento descendenti strepitu fertur tenuisse sella, acceptumque reverenter per manum in sua tentoria perduxisse. Bambergensis Episcopus verbum Regis prolocutus, ait: Honorabilem tua sanctitatis præsentiam, Apostolicæ Pontifex, sicut dudum desideranter optavimus, ita nunc lætante suscipimus, gratias agentes omnino largitori bonorum Deo, qui nos deducit in hunc locum, & sacratissima visitatione tua nos dignos fecit. Notum ergo tibi esse volumus, Reverende Pater, quia omnis Ecclesia, de finibus orbis ad honorem regni collecta, adduxit Principem suum ad tuam Beatitudinem, provehendum per te ad culmen Imperii. Hoc meretur nobilitas, prudentia, fortitudo, Dei timor, & Catholica pacis amor in corde illius regnans, & sancta Romana Ecclesia cultus non vulgaris. Ecce te venientem excepit venerabilis, tuis sanctissimis vestigiis humiliter provolutus. Ergo venerande Pater, tu circa ipsum peragas, ut quæ ei desunt de plenitudine Imperialis cubminis, per tua Beatitudinis munificentiam suppleantur. Et infra cap. 17. Consedentibus iterum, inquit, Papa verbum fecit, Solebant, inquit,

quit, qui ad coronam petendam venerant prisca atavis Principes, insigni aliquo facto Romana Ecclesia benevolentiam promereri, ut suo velut officio praevenientes benedictionem, iam debitam coronam omnibus praeclara facinore restarentur. Sic Carolus dum domus Longobardos; Ottho dum compescuit Berengarios; novissimus Latharius dum Normannos reprimeret, coronam Imperii meruere. Quocirca Serenissimus Rex Apuliam, Rom. Ecclesia peculiarem provinciam, iam à Normannis occupatam, nobis Ecclesiaeque restituit: deinde, qua nostra sunt, facile exequentur. Principes respondent, ab longo itinere, & multiplici per viam labore attenuatas esse vires exercitus, nec posse Regem illis copiis magnam invadere Provinciam. Impleat in Rege benedictionem Pontifex, non se certasse priorem officio pariter: restitutos in sua Principes cumulationibus armis cum suo Rege redituros, facturosque, qua in rem Ecclesia videbatur. Cessit Papa contentioni, facturum spondens qua peterentur.

Hæc tam prolixè recitare volui, ut omnes intelligerent, quanti fecerint semper Reges Germaniae Pontificiam coronationem. Nam si nihil ea coronatione Papa confert, aut inanem solum cæmoniam, eamque debitam electo jam Principi exhibet, cur is, qui coronandus est, ad Imperialem culmen provehendus dicitur? Nihil ne tribuit, qui ad culmen Imperii aliquem provehit? Deinde cur tam humiliter corona à Pontifice postulat? Cur singulari aliquo facinore Romanæ Ecclesiæ benevolentia est antè promerenda? Cur denique petenti Pontifici, ut Rex Apuliam de potestate Normannorum eriperet, Ecclesiæque restitueret, si coronam Imperii adipisci vellet, nemo Principum respondit, iniquam esse conditionem, sed cum afflictum exercitum dicerent, tempus commodius postularunt? Neque verò Latini solum Imperatores, sed etiam Græci Romanum Pontificem auctorem Occidentalis Imperii agnoverunt, & professi sunt.

IX. Michael siquidem Imperator Constantinopolitanus cum accepisset Carolum Magnum à Leone Pontifice Imperatorem Occidentis appellatum, Legatos ad eum misit, qui pacem ac foedus inirent inter utrumque Imperatorem. Pacis verò capitula non à solo Cæsare, sed etiam à Pontifice voluit approbari, tunc enim demum stabilem pacem futuram inter se & Carolum censuit, si is eam probasset, cujus auctoritate Carolus imperabat. Ado Viennensis in Chronico anni 812. Michael, inquit, Imperator creatur, cujus legati Aquisgranum ad Imperatorem Carolum missi, laudes more suo dixerunt, Imperatorem & Basileum illum appellantes, & pacis libello ab Imperatore accepto, & denuo à Leone Papa Romæ, reversi sunt.

Item Rhegino Prumiensis Abbas, lib. 2. Chronici, Anno, inquit, 812. Legati Græcorum de pace libellum acceperunt à Carolo, & deinde à Leone Papa.

X. Emanuel Comnenus, qui tum Orientale Imperium gubernabat, cum Occidentali Fridericus I. præesset, obtulit per Legatos non semel, sed bis Alexandro Pontifici magnam vim pecuniarum, exercitum non contemnendum, & quod pluris faciendum erat, unionem Ecclesiæ Græcæ cum Latina, sub uno summo Pastore Rom. Pontifice, si modò in Occidentale Imperium, à quo Fridericus I. jure excidisse videbatur, iterum cum Orientali conjungi, atque Imperatori Constantinopolitano restitueretur. Testes sunt Blondus Decade 2. lib. 5. Abbreviator Blondi Æneas Sylvius, ibidem, Platina in Alexandro III. & Joannes Naclerus in Chronico, generatione 39. pag. 848.

XI. Philippus Rex Francorum vacante sede Impe-

A riali ob mortem Alberti Imperatoris, & Romano Pontifice Clemente V. per id tempus in Galliis commorante, ratus venisse tempus quo Imperium ad Gallos à Germanis transferretur, cum proceribus suis consilium habuit, in quo tandem illud decretum est, ut id à Pontifice per solemnes nuncios peteretur. Cui enim, inquit Rex, fiat injuria, si vacantis Imperii conditio permutetur? Idem fecerunt olim Pontifices alii. Verum summus Pontifex, cum id quod in Consilio Regis decretum erat, continuo rescisset, ne aut Regem offendere, aut contrà voluntatem suam aliquid concedere cogeretur, Electoribus Imperii scripsit, ut maturarent electionem, & Henricum Lucemburgium Comitem, si eis videretur, eligerent, alioqui periculum esse, ne unà cum Imperio potestatem etiam eligendi deinceps amitterent. Delatis ad Germanos epistolis, reque intellecta, comitorum solemnitas maturatur; eligitur Lucemburgius. Quæ omnia accuratè scripsit Conradus Vercerius, in lib. de rebus gestis Henrici VII. Colligimus autem ex hac historia, non modò Regem Gallorum cum universo cœtu procerum Franciæ, sed etiam Imperii Electores in ea sententia fuisse, ut existimarent à Summo Pontifice translaturum fuisse Imperium à Græci in Germanos, rursus ab eodem Pontifice à Germanis in Gallos posse transferri. Nam & Rex in publico procerum conventu id affirmavit, & Electores festinata electione Henrici VII. idem apertissimè comprobarunt.

C XII. Accedit ad hæc clarissimum testimonium eorundem Electorum in quodam publico instrumento, quod infra subjiciemus, ac suprà citavimus. Hoc enim ejus instrumenti principium est; Complectens ab olim sibi Romana Mater Ecclesia quadam quasi germana charitate Germaniam, illam eo terreno dignitatis nomine decoravit, quod est super omne nomen, temporaliter tantum præsidentium super terram. Hæc igitur tot Principum ingenua, verissimaque confessio, quamvis nulla alia argumenta suppeterent, an non satis esse ad causam istam finiendam deberet? Verumtamen addam etiam Summorum Pontificum testimonia, non quod ea magni fieri credam ab adversariis, sed tum propter Catholicos, quibus sacrosancta est (ut debet) Pontificum auctoritas, tum etiam ut adversarius videat, quæ Pontifices dicunt, à probatis historiis & Principum confessione non dissentire; quam etiam ob causam hoc genus testimoniorum, quod, si auctoritatem spectes, primum locum merebatur, in tertium distuli.

C A P U T VI

Idem asseritur testimoniis Pontificum.

E P Rimum igitur Pontificum testimonium illud esse poterit, quod de Gregorio IV. refert Paulus Æmilius. Sic enim ait lib. 3. de rebus gestis Francorum: Lugduni Consilium Episcoporum, quos Ludovici Imperatoris filii contraxerant, habitum, Imperiumque patri abrogatum. Quod decretum mox à Gregorio Pontifice Maximo rescissum est. Eodem pertinet, quod scribit Marianus Scotus lib. 3. Chronici: Rex, inquit, Ludovicus Reginam Aquis obviam ei venientem jubente Papa Gregorio accepit. Si quidem filii Ludovici non solum Imperium patri abrogaverant, sed etiam uxorem Juditham ei ademerant. Sed utrumque jubente Gregorio recepit. Ex quo refellitur (ut obiter hoc annotemus) quod Sigebertus in Chronico scribit, Gregorium Papam cum filiis Ludovici adversus patrem eorum conspirasse. Nec

Nec solum Marianus Scotus, & Paulus Æmilius, sed etiam Rhegino lib. 2. Chronic. & Aimoinus lib. 5. de rebus gestis Francorum cap. 14. & 16. alique Sigeberto antiquiores Historici Gregorium Papam, Ludovico Imperatori fuisse testantur. Sed hoc (ut dixi) obiter admonui; illud est proprium huius loci, à Gregorio Papa decretum Francorum esse rescissum, quo illi Ludovico Imperium abrogaverant; nec enim id Gregorius ausus fuisset, nisi ab Apostolica sede Imperium ad Francos delatum, atque ab eadem sede pendere intellexisset.

II. Adrianus II. Pontifex Maximus cum accepisset Imperium Ludovici junioris Imperatoris à Carolo Calvo Rege armis tentari, continuo ad Carolum Legatos, & literas misit plenas auctoritatis: de quibus sic loquitur Aimoinus lib. 5. cap. 24. In epistolis, inquit, Papæ continebatur, ut regnum quondam Lotharii, quod Ludovico Imperatori, spiritali filio ejus, hæreditario jure debebatur, & quod ad eum post mortem ejusdem Lotharii rediit, vel homines in eo degentes, mortalium nullus invaderet, nullus commoveret, nullus ad se conaretur inflectere, quod si quis præsumeret, non solum per suæ auctoritatis ministerium infirmaretur, verum etiam vinculis anathematis obligatus, nomine Christianitatis privatus, cum diabolo omnino locaretur. Et infra cap. 27. idem Aimoinus narrat, Carolum quidem his literis acceptis molestè tulisse, quod regnum suum propagare prohiberetur; interim tamen non contempsisse Apostolicum mandatum, sed legatos cum magnis muneribus ad summum Pontificem destinasse.

III. Adrianus IV. in epistola ad Episcopos Germaniæ, quam refert Joannes Aventinus lib. 4. annalium Bojorum, Ideo, inquit, Imperium à regno Græcorum translatum est in Alemannos, ut Rex Teutonicorum non antè quàm à Pontifice Rom. consecraretur, Imperator vocaretur, & esset Augustus. Pontifex Romanus promovit Carolum, fecit ei nomen grande, ut esset Imperator.

IV. Alexander III. legatis Imperatoris Græcorum, qui Occidentale Imperium iterum cum Orientali conjungi cupiebat, respondit, Platina teste, se nolle id in unum conjungere, quod olim de industria maiores sui disjunxissent.

V. Innocentius III. in epistola ad Ducem Thuringiæ, unde extat caput, Venerabilem, extra de electione, Illis, inquit, Principibus jus & potestatem eligendi Regem in Imperatorem postmodum promovendum recognoscimus, ut debemus: ad quos jure, ac antiqua consuetudine noscitur pertinere, præsertim cum ad eos jus & potestas hujusmodi ab Apostolica sede pervenerit, quæ Romanum Imperium in personam magnifici Caroli à Græcis transtulit ad Germanos.

VI. Clemens V. universali Concilio approbante decretum edidit de juramento, quod Imperatores Pontificibus præstant; unde extat Clementina, Romani principes, de jurejurando, ejus decreti hoc est initium: Romani Principes Orthodoxæ fidei professores, sacrosanctam Romanam Ecclesiam, cujus caput est Christus redemptor noster, ac Roman. Pontificem ejusdem Redemptoris Vicarium fervore fidei, & claræ devotionis promptitudine venerantes, eidem Romano Pontifici, à quo approbationem personæ ad Imperialis celsitudinis apicem assumendæ, necnon unctionem, consecrationem, & Imperii coronationem accipiunt, sua submittere capita, non reputarunt indignum, seque illi, & eidem Ecclesiæ, quæ à Græcis Imperium transtulit in Germanos, & à qua ad certos eorum Principes jus, & potestas eligendi Regem in Imperatorem

A postmodum promovendum, pervenit, adstringere vinculo juramenti, prout tam mos observationis antiquæ, temporibus novissimis renovatæ, quàm forma juramenti hujusmodi sacris inserta canonibus manifestant.

VII. Pius II. in epistola ad regem Turcorum Mahumethum, quæ est inter ejus epist. 396. Hortatur ad fidem Christi amplectendam eundem Mahumethum, eique si id faciat, jus ac titulum Orientalis Imperii pollicetur. Nos, inquit, te Græcorum & Orientis Imperatorem appellabimus, & quod modò vi occupas, & cum injuria tenes, possidebis jure. Et infra: Et sicut antecessores nostri Stephanus, Adrianus, Leo adversus Hæstulphum, & desiderium gentis Longobardica Reges, Pipinum, & Carolum Magnum accersiverunt, & liberati de manu tyrannica Imperium à Græcis ad ipsas liberatores transfulerunt: & nos in Ecclesiæ necessitatibus tuo patrocinio utemur, & vicem redderemus accepti beneficii. Cum igitur in gratiam Cæsarum & in odium Pontificum controversia hæc ab Illyrico in medium sit allata, si inter se ipsi consentiunt, ut revera eos consentire, utrorumque testimoniis demonstravimus; quid nos amplius disceptare necesse est? Sed accedamus tamen ad rationem, & titulos omnes excutiamus, quibus adversarii fingunt, Imperium Romanum ad Carolum pervenisse.

CAPUT VII

Imperium Germanorum non esse acquisitum jure belli.

S Ex omnino tituli sunt, quibus homines regna, atque Imperia possidere solent, Jus belli, Beneficium divinum, Successio hæreditaria, Electio populi, Donum Principis, Summi totius Ecclesiæ Præfatus decretum. Aut enim aliquis per se Imperium occupat, aut accipit illud ab alio. Si per se occupat, jure belli dicitur possidere, qui est primus titulus, quo titulo Cyrus, Alexander, Julius, alique nonnulli summa Imperia tenuerunt. Si accipit ab alio, aut à Deo singulari vocatione, aut ab hominibus: si à Deo, jam est secundus titulus, isque omnium iustissimus, quo titulo, Moyses, Aaron, Saul, David, Petrus principatum vel Ecclesiasticum, vel Politicum adepti sunt. Si verò ab hominibus, aut naturali successione, aut electione voluntaria: si naturali successione, jure hæreditario regnare dicitur, qui est titulus tertius, quo Salomon David, Tiberius Augusto, Ludovicus Carolo, atque alii aliis successerunt: si electione voluntaria, aut multitudo eligit, aut princeps: si multitudo, inde est quartus titulus, quo Claudius, Galba, Vespasianus, ac cæteri deinceps Romani Imperatores ut plurimum electi sunt: Si à solo Principe, aut is Politicus est, aut Ecclesiasticus: si Politicus, oritur quintus titulus, quo titulo imperarunt Lucius Verus à Marco Antonino, Maximianus à Diocletiano, Valens à Valentiniano, Theodosius à Gratiano, & si qui sunt alii Principes à præcedentibus Principibus ad Imperium vocati. Si denique à Principe Ecclesiastico Imperator dicatur, existet titulus sextus, quo nos asserimus, Carolum Magnum, & qui eum secuti sunt, Germanos Imperatores jus Imperii esse adeptos.

Quæ cum ita sint, si primos quinque titulos in Imperio Germanorum locum non habere demonstraverimus, efficiemus profectò, Carolum Magnum aut à Pontifice Maximo Imperium habuisse, aut omnino non habuisse. Quomodo enim habuit quod nec ipse

ipse armis occupavit, nec successione hereditaria, nec divina aut humana electione suscepit? Quod si Carolus Magnus Imperator non fuit, certe nec ceteri Francorum, Germanorumve Reges Imperatores fuerunt; nec Rodolphus, qui nunc est in Imperio, jure Imperator dici potest. Viderit igitur Illyricus, ne, dum Imperatoribus adulatur, eoque multis falsis titulis onerat, eisdem verò jure imperandi privet, ac de solio Cæsarum deturbet imprudens.

Ordiamur à primo titulo, quem Illyricus præter ceteros asserit, ac pro viribus propugnat. Obtinuit Carolus Magnus paterna hereditate regnum Francorum, expugnavit deinde Longobardos, atque ex ea victoria Rex etiam Longobardorum appellari coepit. At cum Romanis numquam pugnavit, Romanam urbem vi numquam intravit, semper socius & amicus, deinde etiam patricius Romanorum, hostis & inimicus numquam fuit. Id quod Historici omnes clamant, ac præsertim Albertus Krantzii lib. 2. Saxoniz, & Eginarthus in vita Caroli. Nec poterit Illyricus unam syllabam contrà producere. Qua ratione igitur jure belli Romanos subiectos habuit, qui cum Romanis bellum numquam habuit?

At (inquit) regnum Longobardorum in Italia, quod Carolus armis adeptus est, aliquando Romana provincia fuit. Sed si omnes qui Romanas provincias occuparunt, Imperatores Romani dicendi essent, nimium multos Imperatores haberemus. Nam (ut cetera nunc omittam) Gallia, Hispania, Anglia, quæ nunc à Regibus tenentur, Romanæ provinciæ aliquando fuerunt; num igitur rectè facerent Reges Gallorum, Hispanorum, atque Anglorum si se Romanos Cæsares appellarent? Non opinor hoc dicturum Illyricum, aut eorum aliquem, qui decus Imperii in sola Germania conservari cupiunt. Quare neque Carolus eo solùm nunc Romanus Imperator dici potuit, quod Longobardis regnum Italiæ eripuerit, quod antea Romanorum provincia fuerat.

Deinde si Carolus jure belli Romanum Imperium sibi paravit, quo tempore id fecit? Ante coronationem à Leone Papa acceptam, an postea? Si antea, cur igitur usque ad eam diem, neque ipse se in suis diplomatis, quorum nonnulla apud Joannem Aventinum exstant, Imperatorem Romanorum vocat, neque ab ullo Historicorum hoc nomine appellatur? Si postea, cur igitur ab eo die, cùm Imperium nondum haberet, Imperator, & Augustus cùm in propriis literis, tum in omnibus historicis incipit appellari? Sed fortasse neque antea neque postea, sed illo ipso tempore quo armis Imperium occupavit; coronam etiam & consecrationem accepit. Id verò dici non potest: nam ex Adone, aliisque Historicis suprà notatis constat, Carolum quo anno à Pontifice coronatus est, Romam venisse, non ut hostem ad expugnandam Urbem, sed ut Patrium; tum orationis gratia, ut inquit Ado, tum etiam, ut exitus probavit, ad causam cognoscendam, quæ inter Pontificem, & seditiosos quosdam cives fuerat exorta.

Ac ne fortè hic adversarius audito nomine iudicii, à Rege Pontificem iudicandum esse clamet, placet ex lib. 3. Pauli Æmilii adscribere, qualis ejus iudicii forma fuerit. Cogniturus, inquit Æmilius, de Leone venerat Rex. Cùm verò ad rogandas sententias descendit, tunc Episcopi magis sacrosancta potestatis, quam Regis majestatis memores, consentienti ore reclamare, summum optimumque Regem esse Carolum. Sed cuinam tandem de Pontifice Maximo iudicium facere fas esse? susciperet Leo in gremium causam suam:

A quique in ceteros clavium ius haberet, de se quoque ipse incorruptè iudicaret, solo numine vel teste conscientia, vel vindice. Ita Leo (haud agrè ferente Franco demptum sibi grave onus de Pontifice Maximo iudicandi) suggestum conscendit, crimen iurejurando diluit. Hæc Æmilius. Consentunt Platina in vita Leonis III. Jacobus Vimphelingius in Epitome rerum Germanicarum cap. 9. & alii. Sed hæc præter causam dicta sunt, ut lapidem in via occurrentem removeamus.

B Quod autem ad rem præsentem pertinet, ex Historicis omnibus apertè colligitur, Carolum non illo ipso anno, quo coronatus est, Imperium armis occupasse. Nam præter ea, quæ dicta sunt, scribit Abbas Rhegino lib. 2. Chronici, Carolum ex Ravenna misso filio Pipino cum exercitu Beneventum, sine milite Romam venisse, atque à Pontifice, Clero, Senatu, Populo, amicè magnificeque susceptum. Quamquam neque in hoc anxie laborandum erat. Si quidem adversarius in hoc ipso libro de translatione Imperii, quem refutandum suscepimus, pluribus locis quod volumus confitetur: sic enim ait pag. 7. Carolus jure, ac vi belli occupavit Occidentale Imperium, antequam Leo eum coronaret; & pag. 15. Constat, inquit, Carolum amplius viginti annis ante illam Leoninam (penè dixissem vulpinam) Papa coronationem, totum Occidentale Imperium occupasse, & tenuisse. Redit igitur argumentum nostrum: si amplius viginti annis ante illam, quam tu vocas Leoninam, coronationem occupaverat Carolus totum Occidentale Imperium, atque ea de causa Imperator Romanorum erat; cur amplius viginti annis Imperatorio nomine abstinuit? Cur omnes Historici à coronatione Caroli primum annum ejus Imperii numerant? Cur annos solùm 14. quot videlicet à coronatione ad obitum ejus fluxerunt, Carolo Imperatori tribuunt? Cur usque ad eam diem in Oriente Imperium fuisse, ac tum demum in Occidentem translatum esse dicunt? Hæc enim omnia falsa sint necesse est, si (ut Illyricus dicit) viginti annis ante Leoninam coronationem Carolus Magnus Imperator fuerat.

D Audi Abbatem Urspergensem, à quo non dissentiant ceteri scriptores: Anno, inquit, Dominica Incarnationis 801. ab urbe verò condita 1552. Carolus Magnus, Rex Francorum, Pipini Regis filius, 74. ab Augusto Romanorum Imperator consecratus est, anno regni sui 33. Sic imperavit annis 14. Et infra: Hic est annus regni ejus 33. Imperii verò primus. Et ibidem paulò antè, Hucusque Romanum Imperium à temporibus apud Constantinopolim Constantini Magni Helena Filii in Græcorum Imperatoribus mansit: ex hoc jam ad Reges Francorum, & ad Imperatores per Carolum transit. Sed habet fortasse Illyricus firmissima præsidia, quibus sententiam suam tueatur. Imò verò tam sunt ineptæ & ridicula argumenta, quæ profert, ut me illa propemodum pudeat commemorare.

E I. Primum igitur in epistola dedicatoria argumentum ducit ex historia Lucii Flori, qui in eo prælio, quo Pompejus à Cæsare victus est, & Romana Monarchia quodammodo constituta, initium victoriæ Cæsaris factum esse scribit à quibusdam Germanorum cohortibus, quæ in exercitu Cæsaris militabant. Possit, inquit Illyricus, verissimè dicere, non tantum tempore Caroli Magni Germanorum sanguine, ac virtute Imperium acquisitum, sed etiam mox ab initio constitutum: nam nemo dubitat, à Julio Cæsare, idque potissimum Pharsalico prælio contra Pompejum, Imperium Romanum partum, constitutumque esse. At ibi sex illa (teste Lucio Floro) Germanorum cohortes in subsidiis collocata, quæ subito, & quasi nullo impetu

tum numerosissimum equitatum Pompeii in montes fugerunt, tum ingentem sagittariorum, ac levis armatura ejusdem numerum conciderunt, & denique etiam legiones ipsas Pompeii validissimas in fugam converterunt, principium & caput totius ejus victoria, ut omnes historici testantur, fuerunt.

Quis hoc Illyrici argumentum non rideat. Nam in primis omnino credibile est, eas cohortes (tres autem fuerunt, ut Cæsar significat lib. 3. de bello civili, non sex, ut Illyricus ex Floro falso citat) quæ initium victoriae dederunt, non Germanorum militum fuisse; & vel corruptum esse Flori codicem, vitio librariorum, vel Florum ipsum errore esse deceptum. Nam Appianus Alexandrinus, lib. 2. de bello civili, & Dion Cassius lib. 41. historiarum, enumerant diligenter eas gentes, quæ in exercitu Cæsaris erant, ac Germanorum nullam omnino mentionem faciunt, sed solum Italarum, Gallorum, Hispanorum, atque Græcorum. Deinde Appianus loco notato scribit Cæsarem maximam spem victoriae in Italicis militibus posuisse. Ipse autem Cæsar lib. 3. de bello civili, disertis verbis testatur, posuisse se spem victoriae in illis tribus cohortibus, quas in subsidium collocaverat, & à quibus, ut ipse præviderat, atque monuerat, initium victoriae factum est. Ex collatione igitur Appiani & Cæsaris, eas cohortes, quæ victoriam Cæsari attulerunt, Italicorum, non Germanorum fuisse manifestè colligitur. Ad hæc Cæsar lib. 7. de bello Gallico indicat se interdum usum esse in bello adversus Gallos opera Germanorum, sed equitum dumtaxat, aut pedum levis armaturæ, qui inter equos pugnare soliti essent. At cohortes illæ, de quibus nunc loquimur, non equitum, nec pedum levis armaturæ, sed instructissimarum legionum cohortes erant, ut idem Cæsar in tertio libro de bello civili demonstrat. Denique cum prælium illud Pharsalicum celeberrimum fuerit, & ab ipso Cæsare, ab abbreviatore Livii, à Plutarcho, Appiano, Paterculo, Lucano, Tranquillo, Dione, Eutropio, Orolio, totque aliis illustribus scriptoribus memoriæ proditum sit, quomodo factum est, quæso, ut nulli eorum in mentem venerint Germanicæ illæ cohortes, quæ sua virtute tantam victoriam pepererunt?

Verum quid opus est de hac re amplius litigare? Etiam si verum esset quod Florus dicit, quid tandem Illyricus lucraretur? num propterea Germani Romanum Imperium sibi jure vindicare possunt, quia in exercitu Julii tres Germanorum cohortes acerrimè pugnaverunt? Quid enim aliud eis præter stipendium pro opere, gratia pro fide, laus pro virtute debebatur? Quæ omnia cum à liberalissimo Imperatore sine dubitatione cumulatissimè fuerint persoluta, quid querunt amplius? Denique si præter stipendium, Imperium ipsum Romanum Germani milites illo die sibi pararunt, cur illud à Julio, vel Augusto, vel cæteris Principibus non repetebant? Cur annis amplius octingentis de re tanta siluerunt? Cur omnes scriptores, ut supra docuimus, primordia Germanici Imperii à Carolo Magno deducunt? Sed nolo diutius in his nugis tempus terere, præsertim cum his nugis aliæ nugæ successuræ sunt, quæ me, velim nolim, non parvo tempore detinebunt.

II. Igitur 2. Illyrici argumentum ducitur ab ea victoria, quam Germani duce Arminio de tribus Romanorum legionibus retulerunt. Quod argumentum his verbis Illyricus proponit in eadem epistola dedicatoria: Hæc, inquit, referre possis, quod & mox post Julium, sub Augusto, Germani duas Aquilas Romani

nis iustissimo bello abstulerunt. Sicut inter alios historicos idem Lucius Florus inquit: Duas Aquilas Germani, caeso exercitu, Romanis abstulerunt, & adhuc retinent. Quibus jure belli, virtuteque partis insignibus, etiamnum Germanorum Imperium in protestationem, defensionemque juris sui, contra omnes adversarios constanter utitur, cum antè Romani simplicibus Aquilis in suis insignibus uterentur. Et infra: Quodcumque ergo volet Romanus Sacrificus, alique Imperii amuli cognoscere Germanorum Monarchia originem, ac jura; intueantur modò, ac contemplantur ejus gloriosa insignia, bicipitem Aquilam ostentantia, & mox ea illis de origine, jureque suo abundè edocebunt, ac vel invitos convincent. Hæc ille. Enumeremus nos modò hujus argumenti peccata. Primum superiori argumento repugnat. Nam si Pharsalica victoria Imperium Germanis peperit, ut superiore argumento concludere conabatur Illyricus, qui fieri potest, ut origo Germanici Imperii tum coeperit, cum Germani Romanis duas aquilas eripuerunt, quod longo post tempore factum est. Deinde falsum est, iustissimo bello, virtuteque Germanorum (ut Illyricus jactat) duas Aquilas Romanis ereptas; non enim bellum, sed rebellio illa Germanorum fuit, ut Paulus Orosius scribit lib. 6. sive potius perfidiæ scelus, ut eam Vellejus appellat, lib. 2. neque enim in acie collatis signis Germani vicerunt, sed improvisos adorti Romanos conciderunt. Sic enim Florus tradit lib. 4. Itaque, inquit, improvidum, & nihil tale metuentem improvise adorti, cum ille (ò securitas!) ad tribunal citaret, undique invadunt, castra rapiunt, tres legiones opprimuntur. Varus perditas res eodem quo Camensem diem Paulus, & faso est & animo secutus. Nihil illa cade per paludes, perque silvas cruentius, nihil insultatione barbarorum intolerantius, præcipue tamen in causarum patronos: aliis oculos, aliis manus amputabant: unius os sutum, recisa prius lingua, quam in manu tenens barbarus: Tandem, inquit, vipera sibilare desiste. Ipsius quoque Consulis corpus, quod militum pietas humi abdiderat, effossum, signa, & aquilas duas adhuc barbari possident: tertiam signifer, prius quam in manus hostium veniret, evulsit, mensamque intra balnei sui latebras gerens, in cruenta palude sic latuit. Hæc Florus, cujus verbis non legitimum prælium, sed excitatam repente seditionem, & furorem barbaricum descriptum videmus. Adhæc figmentum est Illyrici, quod Romani Imperatores bicipitem aquilam in insignibus ferant ob duas illas aquilas ab Arminio quondam Vari Legionibus detractas. Non enim duas aquilas in insignibus Imperatores gerunt, sed unam divisam in duo capita: cujus rei causa illa est, quod Imperium esset inter duos Principes divisum, quorum alter in Occidente, alter in Oriente, sedem habebat. Quod præter alios scriptores, ipse etiam Illyricus probat Cent. 9. cap. 16. col. 621. Denique non rectè colligit Illyricus, Germanos jus adeptos in Imperium Romanum, quia duas aquilas Romanis eripuerunt; nam si ita liceret colligere, multo justius sibi Carthaginenses, Parthi, Persæ, aliæque gentes Romanum Imperium vindicarent, quàm Germani. Siquidem Annibal Carthaginensium Imperator, non duas aquilas ex insidiis rapuit, sed ad Ticinum primò, deinde ad Trebiam, tertio ad Trasimenum, quarto ad Cannas, totos Consulares exercitus fudit, idque tanta Romanæ nobilitatis strage, ut ex postrema hac victoria, duos modios annulorum aureorum Carthaginem miserit, cujus rei, ut omitam cæteros, testis est Lucius Florus, lib. 2. Parthi postmodum, Orode Rege, eodem Floro teste, lib. 3. cap. 11. cum Crasso Roman. Imperatore congressi, undecim legionibus Romanorum deletis, lignis quoque, & aquil-

& aquilis ereptis, & ipso Imperatore occiso, victoriam de Romanis maximam retulerunt. Sapo- res verò Persarum Rex, non exercitum solum Ro- manorum profligavit, sed etiam Romanum Prin- cipem Valerianum vi cepit, eumque ad extre- mam usque senectutem, ignominiosissimam servitu- rem servire coegit, ut scribit Eutropius lib. 6. Oro- sius lib. 7. aliique permulti; nec tamen unquam vel Annibal, vel Orodes, vel Sapo- res Romano- rum se Imperatores appellarunt: Verum ne Ar- minius quidem id nomen sibi usurpare auderet, ni- si jam tandem post mille quingentos annos eum purpura & diademate vel invitum ornare decrevis- set Illyricus.

III. Veniamus ad 3. Illyrici argumentum, quod ex verbo Dei, admirabili artificio scilicet, conte- xitur. Regna, atque Imperia, inquit, Illyricus pag. 2. 3. 4. & 5. non sacrificorum caeremoniis, sed gladio, ac jure belli Deus transferre solet. Testatur id Deus illa nobili monarchiarum pictura divinitus Danieli monstrata, Daniel 2. & 4. Idem perpetua experientia confirmat. Sic Nembrotus, Ninus, Semiramis, & alii facti sunt robusti vena- tores coram Deo. Sic jure, ac vi belli, aut gla- dii, Imperium transivit à Babyloniis ad Persas, à Persis ad Macedonas, à Macedonibus ad Roma- nos, & à Romanis ad Germanos. Hanc rationem transferendi regna, ac dominia declarat Deus Hie- rem. 27. & Isaïæ 45. Hac igitur divinitus ordinata via, Germanica natio longè amplissima & robu- tissima, Occidentale Imperium occupavit. Hac il- le. Hic ego primum quæro, an Deus plerumque solum, an verò omnino semper Regna transferre soleat vi gladii. Si enim plerumque, non autem semper, dixeris, jam argumentum per se concidet. Non enim rectè colliges: Plerumque Regna trans- feruntur vi gladii: igitur regni Romani translatio à Græcis ad Francos vi gladii facta est, quod enim plerumque fit, potest etiam aliquando non fieri. Sin autem, semper omnino, responderis, falsum assumes. Nam translatio Reipubl. Hebræorum à Judicum potestate ad Regiam gubernationem, & rursus translatio ejusdem Imperii à Saule ad Da- videm; ac deinde à Joramo & Jehu, prophetica unctione, non vi gladii facta est; 1. Reg. 9. & 16. & 4. reg. 9. tametsi enim bellum fuerit Davidi cum Isboset filio Saulis, tamen sine bello regnum ob- tinuerat super domum Juda. Jehu verò etsi Re- gem Joram, & Jezabel Reginam, & stirpem om- nem Regiam interfecit; id tamen non bellum fuit, sed ultio divina: nec enim ullus restitit Jehu, aut cum eo more belli pugnavit. Viderit igitur Illy- ricus, an sit falsum & contra Dei verbum, quod ipse confidenter asseruit, Deum non caeremoniis Sacrifici, sed jure ac vi belli regna transferre. Deinde translatio maximæ partis regni Hebræorum à Roboam ad Hieroboam sine bello facta est 3. Reg. 12. Translationem ejusdem regni post Baby- lonicam captivitatem à domo Juda ad domum Le- vi, hoc est, à Ducibus ad Sacerdotes, certè non bellum, sed populi consensus fecit. Translationem alterius partis Romani principatus ab Urbe Roma ad Constantinopolitanam civitatem, ex qua fa- ctum est postea ut Græci aliquando Romanis im- perarent, nonne sine gladio sola Constantini vo- luntas effecit? Translatio regni Francorum à Me- rovingis (ut Historici loquuntur) ad Carolingos, nonne Pontificis auctoritate, & procerum consen- su sine armis facta est? Denique, ut alia multa præteream, translatio Imperii Roman. à Francis ad Saxones, nonne cum incredibili omnium pace & tranquillitate, sine ullius sanguine facta est? Non

A igitur est verum quod Illyricus ait, perpetuam expo- rientiam testari, Regna atque Imperia vi gladii so- lere transferri.

Sed rursus ab Illyrico quæro, utrum Nembro- tum, Ninum, Semiramidem, Nabuchodonosor, Cyrum, Alexandrum, Julium, quorum similem videri voluit Carolum Magnum, jure, an injuria, regna occupasse velit? Si enim injuria, responde- rit; iniuriam faciet Carolo, & qui ei successer- unt, Germanis omnibus Imperatoribus, cum titu- lum justissimum, quem nos Historicorum omnium testimonio Imperatores nostros habere defendimus, ipse illis detrahat, & pro eo latrocinium, Tyran- nidemque substituat. Sin autem jure, dixerit, quod ejus verba satis apertè indicare videntur, tum sine dubio cum verbo Dei, & ipsa ratione pugnet. Nam etsi Deus sit, qui ut scripturæ loquuntur, transfert Regna, atque Imperia, quique Nabucho- donosor, & Cyro, aliisque monarchis, regna ma- xima attribuit, non tamen propterea illi justè regna aliena invadebant, & igni, ac ferro omnia devastan- tes, viam sibi ad summam potentiam, & gloriam patefaciebant.

Certè de his monarchis S. Augustinus ita scrip- sit lib. 4. de Civitate dei cap. 6. *Inferre bella finiti- mis, & inde in cetera procedere, ac populos sibi non molestos sola Regni cupiditate conterere, & subdere, quid aliud quàm grande latrocinium nominandum est?*

C Neque huic sententiæ testimonia illa repugnant, quæ Deum auctorem translationis, ac mutationis Regnorum faciunt. Deus enim utitur mala volun- tate (quam tamen ipse non fecit) aliquorum ho- minum, ad aliorum peccata punienda: & sic in- terdum admirabili ratione providentiæ suæ quibus- dam Regna admittit, quibusdam largitur, ut & qui Regno cadit, justissimè cadat, nec tamen justè pos- sideat, qui regnum invadit. Ac longè alia ratione Deus provinciam Palæstinæ filiis Israel possidendam tradidit, quàm illam eandem vel Salmanasar, vel Nabuchodonosor postea tradiderit. Siquidem filii Israel duce Josue laudabili obedientia cum Palæsti- nis pugnant, illisque ad internecionem deletis, terras eorum sibi vindicabant. Salmanasar & Na- buchodonosor detestabili sacrilegio Dei populum ca- ptivum ducebant, nec imperio Dei, sed pravæ suæ cupiditati obsequiebantur, tametsi Deus ipsis etiam ignorantibus & nolentibus utebatur ad id quod ju- stissimè fieri ipse volebat. Explicant hanc rem ac- curatè S. Augustinus lib. de gratia & libero arbi- trario cap. 20. & 21. & Hugo de sancto Victore lib. 1. de Sacramentis part. 5. cap. 29. Sed nobis unum scripturæ testimonium hoc loco satisfaciet. Isaïæ 10. sic loquitur Dominus ad Regem Assy- riorum: *Va Assur; virga furoris mei, & baculus ipse est. In manu ejus indignatio mea. Ad gentem fallacem mittam eum, & contra populum furoris mei man- dabo illi, ut auferat spolia, & diripiat pradam, & ponat illum in conculcationem quasi lutum platearum. Ipse autem non sic arbitrabitur, & cor ejus non ita existimabit, sed ad conterendum erit cor ejus, & ad internecionem gentium non paravimus; dicit enim: Num- quid non Principes mei simul reges sunt? Et infra: *Erat cum impleverit Dominus cuncta opera sua in mon- te Sion, & in Hierusalem, visitabo super fructum magnificæ cordis Regis Assur, & super gloriam altitu- dinis oculorum ejus; dixit enim: In fortitudine manus meæ feci &c.* Hoc enim loco apertè videmus, nul- lum fuisse a Deo regem Assyriorum ad occupan- dam & diripiendam provinciam Hebræorum, quod ita essent eorum peccata promerita, ipsum tamen Regem Assyriorum non eo animo profectum, ut tamquam Dei minister peccata puniret, sed ut per alio-*

aliorum cladem & subiectionem ipse cresceret, & semper longius latiusque regnaret. Quare nec ita missum fuisse intelligere debemus, quasi præceptum habuerit, ubi obedientia laudaretur; sed quia permisit Deus ut cupiditatem suam expleret in eum populum, qui tali vexatione dignus erat, puniendus etiam ipse postea, quod alienam provinciam nullo jure sibi vindicasset. Quod etiam hoc tempore de Turcarum Imperio dici posse, nemo piorum & prudentium Christianorum dubitat. Quis enim ambigere potest, quin divina providentia, quæ transfert Regna atque Imperia, factum sit, ut ad nostra punienda peccata, Rex Turcarum Græcis provincias universas, & nuper etiam Rhodum, Chium, Cyprum, & magnam Pannoniæ partem Latinis eripuerit? & contrà tamen nemo nisi Turca, aut Turcarum amicus negabit, quin per summam injustitiam Othomannus alienas provincias occuparit. Hæc ego paulò fusiùs tractavi, quod Illyricus ita loquatur de hac re ambigè, ut verissima latrocinia pallio providentiæ divinx tegere, & Principes ad aliena regna occupanda exhortari voluisse videatur. Sed de hoc tertio argumento satis diximus. Sequitur quartum.

IV. *Imperialem* (inquit Illyricus pag. 44. & 45.) *dignitatem inde habuit* (Carolus) *quo, sicut Theodoricus primus Gothicus Rex fuit adoptatus à Zenone Imperatore, accepitque dono Roman & Italian unâ cum suis successoribus, ac insuper ea dignitate Odoacreus exiit: ita porro Longobardi, comprobante & juvante Constantino Imperatore, eadem gloria, jure, & possessione exierunt Gothos, ac denique Reges Longobardicos Francisci Reges, præsertim verò Carolus Magnus, vicit, & dignitate possessioneque Occidentalis Imperii super Romanâ ac Italia exiit, ipseque eo jure belli potitus est. Quare etiam mox Romani post victos Longobardos illi jurarunt, quod factum est amplius 20. annis ante illam actionem sub Leone Papa (ut isti ajunt) factam, per quam Papista dicunt esse translatum Imperium ad Francos. Hæc ille. Hujus argumenti tot mihi videntur esse mendacia, quot sunt sententiæ. Principiò non exierunt Longobardi Gothos possessione Italiæ, sed Græci Imperatoris duces Belisarius & Narfes, ut Procopius, Agathius, Jornandes, Leonardus Aretinus, Paulus Diaconus, & alii omnes testantur, qui de bellis Gothorum & Longobardorum scripserunt. Tantum verò abest ut Imperatore comprobante & juvante Longobardi Italian occupaverint, ut potius cum ipso Imperatore, & ejus Exarchis longo tempore de Italiæ possessione pugnaverint, ut ex libris Pauli Diaconi de rebus gestis Longobardorum, & ex aliis Historicis cognosci potest. Quid quod Paulus Diaconus in vita Justiniani senioris scribit, Longobardos in Italian à Narfete invitatos fuisse, ut Imperatorem ejus provinciæ possessione spoliarent? Quemadmodum autem Franci potuerunt Longobardis Urbem Roman eripere, quam illi numquam possederunt? Siquidem ex historicis omnibus illius temporis constat, Longobardos, etsi magna Italiæ parte potirentur, numquam tamen Urbem Roman, aut provincias Italiæ, Campaniam, Apuliam, & Calabriam, Græcis Imperatoribus adimere potuisse. En igitur quanta fide sit dignus Illyricus, qui novas historias, repugnantibus Historicis omnibus, comminiscitur.*

Porro Cives Romani, exactis Italia Longobardis, si Carolo Magno jurarunt (nec enim ejusmodi jusjurandum apud idoneos auctores invenio) non ut Principi, aut domino, sed ut Patritio, & defensori jurarunt. Adrianus enim Pontifex cum fideli opera Caroli Magni usus esset in expellendis Longobardis, qui perpetuis excursionibus ditionem Roma-

Controv. Card. Bellarm. Tom. II.

A nam infestabant, Patritium eum Romanorum, & defensorem appellavit, ut Gratianus scribit dist. 63. canon. Adrianus, & canon. In Synodo. Neque de ea re dubitari potest: cum & Adrianus Papa in epistola ad Tarasium Episcopum Constantinopolitanum, Carolum Francorum, & Longobardorum ducem, Patritiumque Romanorum appellet, & ipse se eisdem nominibus in diplomatibus suis appellare consueverit.

B V. Restat argumentum postremum, quod Illyricus ex quatuor testimoniis texit. Primo loco pag. 45. testimonium petit ab Hermanno Comite Novæ aquilæ, qui libellum de Francorum origine & sedibus ad Carolum quintum scripsit, cujus auctoris verba, ut etiam quædam alia aliorum, Illyricus aliquoties repetit, & tanta prolixitate, ut planè metuere libro suo videretur, si paulò tenuior appareret. Deinde pag. 57. addit testimonium Andreæ Alciati, nobilis Jureconsulti, & pag. 58. & 59. adjungit his Gothfridum Viterbiensem, ac Blondum Flavium pag. 60. Quid igitur hæc testimonia valeant, breviter expendamus.

C Hermannum Comitem, & Alciatum, quod nostro sæculo vixerint, non cogimur magnifacere: præsertim cum eis plurimos auctores, eoque antiquissimos & integerrimos objicere possimus. Videtur tamen Hermannus, ut etiam Fridericus Imperator, quem ipse citat, non tam de jure ac titulo Imperatoris, quàm de possessione Imperii loqui; qua in re ab eo non dissentimus. Nec enim affirmamus Leonem Pontificem armis Imperium de manu Græcorum eripuisse, ac deinde sic partum & acquisitum Carolo donavisse; sed jus ipsum, quod Græcus Imperator in provincias Occidentalis Imperii habebat, nec non titulos, honores, ac dignitates Augustorum, à Leone Pontifice Carolo impertitas asserimus. Qua communicatione factum est, ut Carolus, & ea quæ jam bello sibi pepererat, justo titulo, ut legitimus Imperator possideret, & jus item haberet ad ea recuperanda, quæ Romani Imperatoris antè fuissent. Itaque non pugnat quod Hermannus scribit, Francorum sanguine partum Imperium, cum eo, quod Historici veteres summo consensu tradunt, Imperium à Græcis ad Francos Pontificis auctoritate translatum, si ille de possessione, isti de jure locuti esse intelligantur. Quod quidem tam perspicuè etiam Alciatus scribit, ut mirari satis non possum, cur hunc auctorem in sententiam suam Illyricus pertrahere voluerit. Hæc enim sunt Alciati verba, quæ Illyricus producit pag. 57. *Igitur, inquit, Carolus Maximus hac expeditione apud omnes nationes nomine acquisito, nulli non formidabilis, cum armis per Germaniam omnem, Pannoniasque circumtulisset, & non Italian tantum, sed & Illyrici aliquas regiones Græco eripisset, ut justum aliquem titulum adepto Imperio præstendere posset, Casarem se, & Rom. Imperatorem à Pontifice, populoque Romano designari procuravit. Audis ne, Illyrice, quid tuus Alciatus dicat? justum titulum accepisse dicit Carolum à Pontifice populoque Romano. Si autem justum titulum dare, nihil tibi esse videtur, cur paulò ante dicebas, Italian à Zenone Imperatore Theodorico Regi fuisse donatum? Neque enim Italian à se expugnatam Zeno tradit Theodorico, sed jus dumtaxat expugnandi, & occupandi dedit. Quare quemadmodum (te auctore) Zeno Italian Theodorico verè donavit, cum jus ad eam tribuit, quam ille tamen suo labore, & Gothorum sanguine sibi paravit, ita nos patiaris cum tot suprâ citatis auctoribus dicere, Occidentale Imperium à Pontifice Leone Carolo Regi verè esse donatum, cum justum titulum tribuerit, licèt possessio armis quærenda & retinenda fuerit. Unum tamen hoc loco non*

Ll est

est praterendum, quod Alciatus scribit, à Carolo Imperium procuratum, non modò sine certo auctore, sed etiam repugnantibus plerisque veteribus auctoribus scribi. Eginarthus enim, Caroli Cancellarius, Conradus Abbas Urspergensis, Albertus Krantzius, & Joannes Cuspinianus, quos cap. 2. mendacio 15. suprà citavimus, testantur Carolo nihil tale speranti, vel etiam recusanti, Imperium à Pontifice esse delatum, quibus certè auctoribus quin major fides quàm uni Alciato habenda sit dubium esse nemini potest.

Sequitur testimonium Gothfridi Viterbiensis, & Blondi Flavii. Sic igitur Gothfridus: *Carolus, ut fangi statuit diademate mundi, Pontificis summi manibus decrevitungi.* Blondus verò: *Otho pater, inquit, filium Othonem, re in Saracenos, Græcosque bene gesta, reversum, consortem Imperii adscrivit, voluitque Imperatorem à Romano Populo ex prisca consuetudine acclamari, quem Pontifex mundum Imperiali diademate insignivit.* Ex his testimoniis colligit Illyricus, nihil omnino Pontificem Imperatori conferre, nisi theatralem & pompaticam caeremoniam, eamque non arbitrari suo, sed Principis jussu, vel nutu. At id non rectè colligi, facile ex his quæ diximus demonstrabitur. Non enim Carolus ita fangi statuit (ut Gothfridus loquitur) mundi diademate, ut illud sibi, nullo dante, per se arripere ac vindicare voluerit; id enim nec ab ullo antiquo scriptore asseritur, & multis apertè repugnat. Nec scriptoribus modò, sed etiam moribus & pietati Caroli Magni repugnare videtur. Itaque non antè Carolus Imperium sibi assumendum statuit, quàm illud sibi à Pontifice Maximo offerri vidit, tum verò etsi initio recusaret, ut veteres auctores scribunt, tandem tamen assensus est, & (ut Gothfridus dicit) tum demum statuit diadema Cæsareum, & unctionem Imperialem, de manibus summi Pontificis accipere.

Eadem est ferè Blondi sententia de Imperio secundi Othonis: Adscriptum enim illum dicit à patre ad consortium Imperii, sed non negat id Pontifice consentiente factum esse, & quod Blondus non negat, quamvis nec asserat. Asserit Virichindus, qui Othonis æqualis fuit, nam lib. 3. de rebus Saxoniciis extremo scribit, secundum Othonem jam antea munitum fuisse Regem, & à Beato Apostolico designatum Imperatorem. Quapropter Otho senior nullam Pontifici fecit injuriam, si cum in Imperii societatem assumpsit, quem ab ipso Pontifice successorem designatum acceperat. Sed jam solutis omnibus Illyrici argumentis, & primo illo titulo profligato, quo potissimum adversarius nitebatur, minus erit in confutandis cæteris laborandum.

C A P U T VIII.

Non accepisse Carolum Magnum à Deo immediate Imperii dignitatem.

Alter erat titulus, Dei solius donum. Nam quemadmodum Aaronem in Republica Judæorum, & Petrum in Ecclesia Christiana non humana electio, sed Dei solius benignitas summos Antistites fecit; & Mosem, Josue, Othonielem, Gedeonem, Saullem Imperatores, ac Principes solus Deus populo suo dedit: sic etiam fieri potuisset, ut Carolus Magnus sine ulla humana vel ope, vel vi, sive arte, aut industria, solius Dei voluntate ad Imperium vocaretur. Sed ejusmodi titulum Carolo Magno non convenire, isti omnes auctores docent, quos cap. 4. 5. & 6. suprà citavimus; ac ne ipse qui-

Adem Illyricus, si sibi constare velit, id negare potest. Dum enim contendit, Carolum jure belli Imperium sibi parasse, & rursus illud idem, successione hæreditaria, donatione Græcorum, & electione Romanorum obtinuisse, simul certè contendit, non accepisse id munus à solo Deo.

BDuo tamen sunt loca in eo Illyrici libro, quem refellendum suscepimus, quæ satis apertè significant, traditum Imperium Carolo Magno fuisse divinitus. Prior locus est pag. 5. ubi ex eo probat Illyricus, non potuisse Papam transferre Imperium; quia Dei solius est posse dicere: *Mea sunt omnia, ego do ea cui volo: ego transfero Regna ac Monarchias de gente in gentem meo arbitrio.* Sed si hoc argumentum aliquid efficeret, efficeret etiam, nullum omnino Principem electione hominum fieri, & quoniam non solum Dei solius est Regna transferre, sed etiam non est potestas nisi à Deo, ut Apostolus ait Rom. 13. rursus efficiemus, nec Regem Prætori, nec populum magistratui, nec dominum servis, nec parentem liberis ullam potestatem posse tribuere.

CSi quis verò pro Illyrico fortè respondeat, ita esse Deum auctorem primum, ac præcipuum omnis potestatis, atque ab eo potissimum ita Imperia omnia & Regna transferri, ut modò tamen id per se, modò per alios faciat, is quoque pro nobis poterit Illyrico respondere, Imperium Romanum à Græcis ad Francos, Pontificis auctoritate translatum à Deo esse translatum, id enim Deus fecit, sed opera Vicarii sui. Nam quod Vicarius accepta à Principe auctoritate facit, id etiam Princeps ipse facit.

DPosterior locus est pag. 61. ubi ex nescio qua visione Constantini Imperatoris Constantinopolitani, Illyricus probat, divino mandato Carolum Magnum Imperatorem esse constitutum. Sed indignum est argumentum, cui respondeatur. Primum enim auctor ejus visionis non satis magnam fidem apud homines doctos habere solet. Nam etsi vir probus, ac pius fuerit, multa tamen fabulosa operi suo inseruit. Itaque more suo mentitur Illyricus, cum auctorem hunc antiquissimum, atque ita authenticum esse dicit, ut ejus scripta Catholicis quasi propria adyta, & quasi sacra esse, videantur. Deinde ipsa visio (seu vera seu falsa fuerit) nullam mentionem Imperii facit. Hæc enim est summa visionis: (*Vincen- tium lib. 24. Speculi cap. 4.*) Cum egeret auxilio adversus barbaros Imperator Constantinus Copronymus, per quietem à Deo monitus est, ut Carolum Regem Francorum adiutorem in eo bello susciperet. Ergo quod Illyricus addit, tum divino jussu datum esse Carolo Imperium Occidentis à Constantino, figmentum Illyrici est, nisi fortè ipse quoque in quiete somnium aliquod vidisse se dicat. Sed hac postremò & visionem Constantini veram esse, & ea Carolo Imperium Occidentis promissum, quid aliud inde colligi posset, quàm id Imperatori Græco à Deo fuisse divinitus indicatum, quod postea est factum, cum Carolus Pontificis Maximi auctoritate Imperator Occidentis salutaris est? Sic enim & Nabuchodonosor somnio divinitus immisso didicit Imperium suum ad Persas, & Medos, inde ad Græcos, postremò ad Romanos transferendum, nec ullus inde colligit, jussum fuisse à Deo Nabuchodonosor Regem, Regnum suum cum Persis & Medis communicare.

CAPUT IX.

*Imperium Romanum non venisse ad
Carolus jure hereditario.*

Tertius expendendus titulus est, jus successionis hereditariae. Quo titulo non pervenisse ad Carolus Imperium Romanorum, nemo negare potest, nisi qui aut nimium sit impudens, aut in historiis nihil legerit. Siquidem extra controversiam est, Pipinum, Caroli Magni patrem, ex praefecto sive magistro aulae, Regem Francorum dictum esse; idque Zachariae & Stephani Romanorum Pontificum auctoritate. Auctores nos supra citavimus cap. 2. mendacio 19. Imperatorem Romanorum fuisse Pipinum nemo scripsit. Quare cum ex Pipini patris successionem nihil aliud Carolus habere potuerit, nisi quod Pipinus habuit; efficitur profecto, Carolus jure hereditario non Imperatorem Romanorum, sed Francorum Regem solum, idque non sine Pontificis Maximi beneficio in patrem ejus antea collato, esse potuisse.

Deinde certum, exploratumque est, Carolus Magnum post obitum Patris, ab Adriano Pontifice Patritium Romanorum (quae est dignitas secunda post Imperatoriam) esse creatum, ut nos supra demonstravimus. Quis vero sibi persuadeat, Carolus Magnum passurum fuisse, fieri se ex Imperatore Patritium? Idem enim fuisset, ac si aliquis hoc tempore in suo regno aut Princeps, aut Praefectus urbis, honoris ergo diceretur.

Accedit postremo, fieri nullo modo posse, ut successionem hereditaria Romanum Imperium Carolus Magnus acceperit, nisi falsum sit quod omnes Historici summa consensione tradunt, fuisse Carolus Magnum, primum Imperatorem ex gente Francorum.

Sed videamus quid Illyricus contra proferat. Is igitur Odoacrem Herulum, Theodoricum Gothum, & Clodoveum Francum, Romanos Imperatores fuisse contendit: & quoniam ii Germani, vel certe ex Germania oriundi erant, eorum imperium hereditaria successionem ad Carolus Magnum devolutum esse colligit, ac primum pag. 21. 22. 23. 24. & 25. Odoacrem Imperatorem fuisse, sex rationibus probat, quas ego, Deo juvante, sex mendacia esse demonstrabo.

Affirmat primo à Leone Bessicano, Graeco Imperatore, tributum fuisse Odoacri Imperium Occidentis: ita Odoacrem Imperatoris auctoritate Imperatorem legitime creatum. *Romani*, inquit Illyricus, seu potius Constantinopolitani Imperatores, saepius jus Occidentis Imperii Germanis tradiderunt, quod authenticis historiis, Christo juvante, contra Papalium adulatorum mendacia probabimus. Prima igitur translatio facta est sub Leone Bessicano Constantinopolitano Imperatore, circa annum 460. in Othacrum, aut Odoacrem, à militibus Romanis, teste Alciato. Hæc ille: qui etsi non dicat à Leone, sed sub Leone Imperium translatum esse in Odoacrem, necesse tamen est, ut aut velit Leonis auctoritate id factum esse, aut ipse non sibi constet. Proposuit enim se probaturum, saepius Imperium à Graecis Imperatoribus traditum esse Germanis, & continuo subiungit primam communicationem sub Leone Bessicano esse factam. Si ve autem Alciato id scripserit (neque enim usquam id in Alciato reperire potui) live non scripserit, falsum est quod hic asseritur. Cassiodorus enim in Chronico, sub Zenone, qui tertius fuit à Leone Bessicano, scribit Odoacrem Italiae Regem factum,

Contrav. Card. Bellarm. Tom. II.

A Leone Bessicano jam defuncto: quod idem scribunt & ceteri graviores Historici, ut Beda de sex aetatibus in Zenone, Marcellinus Comes in Chronico, Paulus Diaconus lib. 16. rerum Romanarum, Ado Viennensis in Chronico, Abbas Urspergensis item in Chronico, Otho Frisingensis lib. 4. cap. 30. Joannes Nauclerus generat. 16. Onuphrius il libro primo de Principibus Romanis; & quod magis est mirandum, Illyricus ipse Centur. 5. cap. ultimo colum. ultima; ut iam cum non solum mentiri, sed etiam sibi repugnare necesse sit. Itaque falsum est quod de Leone Bessicano hoc loco scribit Illyricus.

B Sed forte erratum est solum in nomine, & Zeno Imperator Imperium Odoacri tradiderit: quod fecisse Leonem, falso dictum fuerat. Immo non solum in nomine, sed etiam in re ipsa erratum est. Tantum enim abest, ut Zeno Imperator Imperium Occidentis Odoacri tradiderit, ut nihil gravius tulerit, quam ab eo Italiam per vim & tyrannidem occupatam. Ut enim Abbas Urspergensis scribit, Odoacer regnum Italiae invito Zenone possedit: ac propterea Theodoricum Gothum cum exercitu ad Italiam Zeno misit, ut inde Odoacrem Tyrannum, atque oppressorem Urbis & Italiae expelleret; quod etiam plerique alii scripserunt, ut Procopius lib. 1. de bello Gothorum, Jornandes in commentario de rebus Geticis, Leonardus Aretinus in 1. lib. de bello Italico, Paulus Diaconus lib. 16. rerum Romanarum, Blondus Decadis primae lib. 3. Nauclerus generat. 16. Freculphus tom. 2. Chronicorum lib. 5. cap. 18. nec ullum omnino me legisse memini, qui contra scriberet, præter unum Illyricum.

C Addit 2. Illyricus Odoacrem à militibus Romanis in Monarcham electum, cum esset ipse etiam unus ex primoribus Ducibus ac Principibus Romanorum. Sed hic quoque duo mendacia sunt. Nam Historici omnes supra citati testantur, Odoacrem non alios milites habuisse nisi barbaros, reliquias videlicet exercitus Attilae Regis Hunnorum; atque ab iis militibus Regem appellatum, cum capto Ticino, Romanas legiones ad internecionem delevisset, scribit Carolus Sigonius lib. 14. de Imperio Occidentali, quod planè congruit cum eo, quod scribit Procopius lib. 1. de bello Gothico, Odoacrem non à Romanis, sed à Gothis militibus petiisse, ut se Romanum Regem constituerent.

D Porro summa dignitas, quam apud Romanos adeptus est, antequam Regnum in Italia sibi vindicaret, ea fuit (si Procopio credimus lib. 1. de bello Gothorum) ut armiger esset Orestis, magistri militiae Romanorum. Quocirca non Dux, aut Princeps in exercitu Romano, sed famulus unius ex Ducibus Romanis Odoacer antea fuerat. Sed placuit Illyrico eum ex armigero Principem facere, & ex ordine servorum, in ordinem Senatorum mendacio suo provehere, quamquam eo tempore, quo Rex Italiae creatus est, nihil omnino commune cum Romanis habebat. Discesserat enim jam antea ex Italia, & in patriam profectus, multitudinem variam barbarorum collegerat, ut cum ea Italiam, dissensionibus Principum laborantem, opprimeret. Nec solum Romani Principis dignitatem eo tempore non habebat, sed neque civilem ullum cultum, ac ne indumenta quidem, nisi rusticana, & barbara. Siquidem iter facienti Odoacri cum exercitu per Noricum rura (ut scribit Paulus Diaconus in vita Augustuli, & post eum Abbas Urspergensis in Chronico) S. Severinus victoriam in hæc verba prædixit: Vade nunc ad Italiam, vade Odoacer, vilissimis interim animantium pellibus indutus, multis citò plura largiturus.

LI 2

Ter-

Tertiam rationem sumit Illyricus ex ambiguis quibusdam verbis Blondi Flavii. Quod enim Blondus scripsit lib. 2. Decadis primæ, turbinem illum irruptionis Odoacris in Italiam à Romanis civibus, Augustuli æmulis, suscitatum, sic Illyricus interpretatur, ut primarii Romanorum Odoacrem vocaverint, ac Romanum Imperatorem contra Augustulum appellaverint. Atque addit, non defuisse graves causas creandi novi Imperatoris, & suscipiendi arma contra Augustulum. Sed hæc interpretatio cum ipso Blondo pugnat. Blondus enim in eodem libro non modò non meminit illius expeditionis Romanorum pro Odoacre adversus Augustulum, sed etiam disertis verbis testatur, nullum novum Imperatorem post Augustulum esse creatum à Romanis, sed in Augustulo perisse atque omnino extinctum fuisse Occidentale Imperium; Odoacrem verò non Romanorum Imperatorem, sed Italix dumtaxat Regem fuisse. Itaque verba illa Blondi de turbine irruptionis Odoacris, ab æmulis Augustuli suscitato, si cum aliis Blondi, ac cæterorum Historicorum sententiis consentire debent, nihil aliud significare possunt, quàm ex mutuis odiis, & contentionibus Principum Romanorum, quibus ad extremam debilitatem Imperium Occidentale paulatim devenerat, occasionem accepisse Odoacrem Italiam occupandi. Quod plinius loco paulò ante notato his verbis Sigonius explicavit: Odoacer fama rerum, quæ seditiosè gererentur in Italia percitus, vehementius ad illius cupiditatem exarsit. Animum verò ejus incendit, ac propè certa victoriæ fiducia incitavit ipse Imperator Momyllus, cujus in tanta populorum dissensione infirmissimas opes esse comperiebat.

Quarta Illyrici ratio similis est superiori. Nam quia Blondus Flavius lib. 3. Decadis primæ scriptum reliquit, Odoacrem à Romano populo summis honoribus affectum, inde ipse colligit, Odoacrem à Romano populo Imperatorem sine dubio salutatum. Qui poterant, inquit, alii esse isti summi honores à populo tam cupide oblato Odoacri, nisi Imperium, de quo nunc prior Imperator victus novo victorique tedeat? Sed non est cur in hoc argumento diluendo diutius hæreamus: explicat enim eodem loco Blondus, qui fuerint summi illi honores, dum ait, Odoacrem ab universo populo Regem Italix salutatum, & in Capitolium, tanquam Urbis dominum, festivis acclamationibus deductum. Deinde quidquid ei honoris Populus, aut Senatus obtulerit, Imperatoris certè titulum Odoacer numquam admisit. Sive enim verecundia Augustalis majestatis, ut quidam volunt, permotus fuerit, sive barbara superbia, everfi potius, quàm parti Imperii, gloriam maluerit, illud ex Mariano Scoto, & Aurelio Cassiodoro in Chronico constat, solo eum Regio nomine contentum, purpura, & diademate, aliisque regalibus insignibus perpetuò caruisse.

Ex quo solvitur etiam quintum Illyrici argumentum, quod ex jure belli depromptum est, Id enim jus belli postulate videtur, ut victoris fiant, quæ is qui victus est antea possidebat. Sed præterquam quòd Odoacer, ut suprà dictum est, solo Italix regno contentus, ad jus universi Imperii, & Augustalem dignitatem minimè aspiravit, non jus, sed injustitia belli dicenda est, cum quis alienam provinciam, nulla injuria provocatus, sola regnandi cupiditate invadit: quod Odoacrem fecisse Procopius scribit lib. 1. de bello Gothico. Hoc pacto, inquit, sibi tyrannidem cum comparasset, ad decimum annum tyrannidem stabilivit, neque à Procopio scriptores cæteri dissentiant.

Sextum denique ac potissimum argumentum Illyricus ducit ex Augustali abdicatione. Quoniam enim

A Odoacre Italiam invadente, Augustulus Imperator sponte purpuram abiecit, atque ab Odoacre vita donatus est, ratiocinatur Illyricus Augustulum Imperatorem Imperium suum Odoacri pacificè tradidisse. *Non est dubitandum, inquit Illyricus, quin id ipsemet Regi Odoacri renunciaverit, ut sibi modò vitam largiretur.* At levior conjectura est, quàm ut opponi possit tot Historicorum testimoniis, qui in Augustulo Occidentale Imperium defecisse constanter affirmant. Nec enim in Augustulo defecisset, si Odoacrem successorem Augustulus habuisset. Quia verò eodem in loco bis mentitur Illyricus, cum ait, Italicos scriptores solos tunc scripsisse, & ex invidentia inter Imperatores Romanorum Odoacrem numerare noluisse, adscribere hic operæ pretium duxi testimonia Germanorum, qui cum Italicis in hac re describenda mirificè consentiunt.

B Jornandes Gothus ante omnes Italicos de hac re scripsit, cum Justiniani tempore floruerit, ante annos 1000. Is igitur sic loquitur in lib. de rebus Geticis, Odoacer, inquit, Turcilingorum Rex, habens secum Scyros, Herulos diversarum gentium auxiliares, Italiam occupavit: & Oreste interfecto, Augustulum filium ejus de regno pulsum, in Lucullo Campaniæ Castello exilii poena damnavit. Sic quoque Hesperium Romanæ gentis Imperium, quod 709. Urbis conditiæ anno primus Augustorum obtinuit Octavianus, cum hoc Augustulo perit, anno decessorum, prædecessorumve regni 522. Quod idem repetit in libro de regnorum ac temporum successione.

C Idem tradit, ac propè verbis iisdem, Freculphus Lexoviensis tom. 2. Chronicorum lib. 5. c. 17. qui auctor cum tempore Ludovici Pii ante annos ferè 800. vixerit, sine dubio plerosque Italicos scriptores antecessit. Id ipsum testantur Otho Frisingensis lib. 4. Historiæ cap. 31. & Conradus Abbas Urspergensis in Chronico, cujus verba (quia diligentissimè annorum numerum continent) hic adscribam: *Augustulus, inquit, sponte purpuram abiecit, & Imperialem majestatem deposuit. Ita Romanum Imperium toto orbe venerandum, & Augustalis illa sublimitas, qua ab Augusto quondam Octaviano 709. à condita Urbe anno cepit, in hoc Augustulo perit, anno ab Urbe condita 1227. à Cesare verò, qui primus singularem in ea principatum arripuit anno 524. ab Incarnatione Domini anno 477.* Hæc ille. Consentiant Joan. Naucletus generat. 16. & Albertus Krantzius lib. 1. Vandalizæ cap. 35. qui Imperium in Occidente ab Augustulo usque ad Carolum Magnum annis plusquam trecentis vacasse scribunt. Quid igitur Illyricus somniabat, cum scriberet solos Italicos tunc scripsisse, & ex invidentia Odoacrem Imperatorem appellare noluisse? Sed Martinus Polonus, inquit Illyricus, contraria differtis verbis scribit. Sic enim ait: Augustulus cum videret Odeneum (ut ipse eum nominat) interfecto suo patre Oreste, jam totam Italiam tenere, sponte ei, exuens purpuram, de Imperio cessit. At non rectè legisti, aut de industria more tuo, Illyrice, pervertisti verba Martini. Ille enim Conradum (ut videtur) secutus, sic ad verbum scribit: Augustulus sponte purpuram abiciens, Imperialem deposuit majestatem. Abiecit igitur ac deposuit Imperium Augustulus: sed neque ipse illud Odoacri tradidit; neque Odoacer, ut jam satis perspicuè à nobis est demonstratum, assumpsit.

D Sed fac, si placet, Odoacrem Imperatorem Romanorum fuisse, adde etiam, ab exercitu dictum, à Senatu & Populo confirmatum, atque (ut nihil desit) voluntas quoque Græci Imperatoris accesserit: quid hæc ad Carolum Magnum? Odoacer Herulus fuit,

fuit, Carolus Francus. Qua igitur lege hic illius Hæres constituitur? Odoacer paulò postquam Italiam occupasset, à Theodorico Rege Gothorum, & vita & regno spoliatus est. Qua ratione igitur amissam hæreditatem ad posteros transmisit? Odoacer Carolum annis trecentis & triginta circiter antecessit, atque interim Italia dominos sæpè mutavit Gothos, Græcos, Longobardos, quis igitur post tot sæcula, totque rerum mutationes, Odoacris hæreditatem integram Carolo representavit? Ad Germanos, inquit Illyricus, Imperium pertinet: Odoacer enim Herulus fuit, proinde Germanus. At cum tam Heruli, quam Franci, Germani sint, cur ad Francos potius quam ad Herulos Imperium delatum est? Deinde Odoacer fuit Germanus, ita Severus Africanus, Heliogabalus Syrus, Maximus Thrax, Philippus Arabs, Decius Pannonius, Claudius junior Illyrius, Diocletianus Dalmata, Theodosius Hispanus, atque, ut alias nationes omitram, quæ Imperatores Romano populo dederunt, Julius, Octavius, Tiberius, Cajus, & cæteri quamplurimi, Itali fuerunt. Quo jure igitur propter unum Odoacrem Imperium ad Germanos pertinebit, propter alios tam multos ad alias nationes, atque ad Italicam præcipuè, non pertinebit? Quare non necessariò ad eam nationem Imperium pertinet, ex qua eligitur Imperator. Quòd verò post tempora Caroli Magni sola Germania sedes Imperii facta sit, non virtus Odoacris, neque Imperii ratio ac natura, sed solius Apostolicæ Sedis auctoritas fecit.

Atque hæcenus de Odoacre. Nunc de Theodorico & Clodoveo faciliùs explicabimus: eadem enim ferè horum atque illius est ratio. Igitur à pag. 26. usque ad 35. de Theodorico Rege Gothorum scribit, ac docet, eum quoque Romanum Imperatorem fuisse, & per eum ad Carolum Magnum, quòd uterque Germanus esset, Imperium hæreditario jure pervenisse. *Secunda*, inquit, *translatio aut communicatio Imperii erga Germanos, facta est à Zenone Imperatore Constantinopolitano, qui de consensu totius Senatus Imperialis adoptavit sibi Theodoricum Gothorum Regem, qui sine controversia Germanus fuit, eique Romam, Italiam, & totum Occidentale Imperium largitus est.* Hic primùm dicere possemus quòd de Odoacre diximus: quid Carolo & Theodorico; cum ille Francus, iste Gothus fuerit? & rursus cum Theodorici successores, à Justiniano Imperatore Italia pulsî profligatique fuerint, atque adeò Imperium Theodorici (si hoc nomine appellari debet) penitus interierit, quòd est illud Imperium, quòd à Theodorico ad Carolum hæreditario jure pervenit? Sed hæc omitto, ne adversarium imitari videar, qui iisdem sæpiùs iterandis, incredibili tædio lectorem suum fatigat.

Id unum hoc loco statuo, Theodoricum à Zenone sibi filium adoptatum, Consulemque ordinarium & Regem Italiæ dictum, non tamen Imperatorem & Augustum appellatum; proinde Regem Imperio subiectum, non collegam & consortem Imperii ab Augusto assumptum, Theodoricum fuisse. Ita verò se rem habere testantur Historici penè omnes, qui ab Augustulo usque ad Carolum Occidentis Imperium vacasse scribunt. Testantur quotquot nomina, tempora, numeros Imperatorum edidere. Siquidem in tanto numero Chronologorum neque unus reperitur, qui Theodoricum in Imperatorum Romanorum seriem & numerum retulerit: ac ne ipse quidem Cassiodorus, qui Theodorici Cancellarius erat, & in Chronico suo Imperatores, & Consules Romanos accuratissimè descripsit, testatur ipse Theodoricus, qui in tot epistolis, quas scripsit, quæque apud Cassiodorum exstant, numquam

Controv. Card. Bellarm. Tom. II.

A se Cæsarem, numquam Augustum, numquam Imperatorem vocat. Testatur Procopius, qui lib. 1. de bello Gothico, Theodoricus, inquit, Romani Imperatoris, nec insignia, nec nomen sibi desumpsit, sed quoad vixit, Rex est appellatus, quo nomine suos barbari nuncupant duces. Testatur denique ipse noster adversarius Illyricus. Sic enim scribit Centur. 6. cap. 16. col. 840. *Theodoricus*, inquit, *Romani Imperatoris nec insignia quidem, nec nomen sibi vendicavit: sed Rex est appellatus, sicut barbari Duces vocare solent.* Ac, ne fortè soli sibi non crederemus, idem confirmavit ex Joan. Cuspiniano. Quod sanè Illyrici testimonium satis esse deberet, nisi cum homine ageremus, qui modò ait, modò negat. Subiectum verò Imperatori Regem Theodoricum fuisse testatur in primis ipsa adoptio, cujus meminero plerique Historici, Jornandes de rebus Gothicis, Procopius libro de bello Gothico, Abbas Urspergensis in Chronico, & alii. Siquidem propterea Imperator Zeno Theodoricum Italiæ regno donatum, sibi filium adoptavit, ut subjectionis, atque obedientiæ memor esset, quam Imperatori Rex, & patri filius deberet. Testatur deinde Theodoricus ipse, qui, Jornande in lib. de rebus Gothicis auctore, servum se & filium Imperatoris esse, atque ejus munere regnum Italiæ possessurum dicebat; & (ut addit Olavus lib. 9. Hist. Gothorum cap. 17.) non tam sibi, quam Imperatori Romam, atque Italiam recuperandam asserbat. Testantur denique Athalaricus, & Theodaharus, Theodorici in Italiæ regno successores, uterque enim in epist. ad Justinianum Imperatorem, quæ sunt apud Cassiodorum 1. lib. 8. & 25. lib. 10. obedientiam Imperatori debere se ingenuè confitentur. Quòd idem satis indicant epistolæ cæteræ, tum ipsius Theodahati, & prædecessoris ejus Athalarici, tum etiam Amalasuenthæ & Godulinæ Reginarum ad eundem Justinianum, & conjugem ejus Theodoram.

Sed videamus quibus testibus Illyricus probet, Theodoricum Imperatorem fuisse Romanorum. Primo loco Sigebertum profert. At Sigebertus in Chronico anni 487. (quem locum Illyricus notat,) Imperii ne meminit quidem. Hæc enim sunt verba Sigeberti: Zeno Imperator Theodorico Ostrogothorum Regi regnum Italiæ donat.

Secundò Abbatem Urspergensensem producit. At Urspergensis in eo ipso loco, quem citat Illyricus, contra Illyricum testimonium dicit; sic enim loquitur: *Eo tempore regnum Orientale Zeno Imperator habebat, qui audiens Theodoricum gentis sue Regem esse, gratè suscepit, eumque ad se Constantinopolim venire præcepit, digneque susceptum inter proceres Palatii collocavit; & post aliquod tempus in filium sibi adoptans Consularibus fascibus, quæ dignitas post Imperiale fastigium prima est, eum sublimavit.* Et infra nulla Imperii facta mentione, subiungit, Italiam recuperandam & gubernandam eidem Theodorico à Zenone esse commissam. Ubi vides summum honorem, quem Theodoricus Zenonis beneficio est consequutus, non Imperium, sed Consulatatum fuisse. Quòd etiam apertè testatur Athalaricus Theodorici nepos in epistola ad Justinianum, quæ est prima libri octavi apud Cassiodorum: ubi enumerans beneficia quæ ab Imperatore Gothi Reges acceperant, sellas curules, & vestes palmatas, quæ insignia Consularatus erant, in primis beneficis numerat; Imperii ne meminit quidem. Vos, inquit, avum nostrum in vestra civitate celsis curulibus extulistis. Vos genitorem meum in Italia palmatæ claritate decorastis.

At, inquit Illyricus, idem Abbas Urspergensis in alio loco Theodoricum Romano Imperio præfedis-

Ll 3 se scri-

se scribit. Verum est id quidem, sed cum præfeditur ut Imperatorem, non scribit, nec scribere potuit, nisi secum ipse pugnare vellet, quippe qui in Augustulo periisse, nec ante Caroli tempora revivisse Imperialem dignitatem, non semel in illo suo Chronico tradidit. Itaque præfedit Theodoricus Romano Occidentis Imperio, non tamen ut Augustus & Imperator, sed ut Rex Italiæ, ipsique Romano Imperatori subjectus.

Tertiò profert Illyricus Nauclerum, qui cum scribit Theodoricum à Zenone sacro velamine insignitum; nihil aliud significasse videtur, quàm purpura Imperatoria circumdatum, & verè ac propriè Imperatorem factum. Sed fallitur, aut fallit Illyricus. Sacrum enim illud velamen non purpura erat Imperatoria, sed publicum concessæ provinciæ stabilimentum (ut Paulus Diaconus lib. 16. & Blondus Flavius lib. 3. scriptum reliquerunt.) Nec aliter Nauclerus interpretari potuit illam velaminis cæremoniæ, cum in eodem Chronico generat. 16. paulò ante scripsisset in Augustulo Occidentale Imperium periisse.

Profert quarto loco Illyricus Olai Magni Gorhi Scriptoris testimonium, nec tamen ulla ejus verba in medium adducit. Sed parum certè consideratè ad Olaium Illyricus provocavit. Is enim cum multa alia scribit quæ Illyrici causam lædant; tum illud in primis, Italiam à Theodorico, non tam sibi, quàm Imperatori recuperatam. Sic enim Theodoricum Regem cum Zenone Imperatore loquentem facit Olai lib. 9. Hist. Gothorum cap. 17. *Illud commemorare officii nostri est, & cogitare sapientia tua: quia si res voto responderet, sanè Italia, non tam mihi recepta fuerit, quàm Imperio. Poteris tu quidem, quidquid erit terrarum, mariumque, quicquid præterea copiarum & exercituum, ad gloriam Imperii referre, cujus beneficio restituta sit. Neque tua minus erit Roma* (Nota) re ipsa, quàm titulo. Et infra cap. 18. Deinde Zeno Theodoricum sacro velamine (quod erat tunc maximum à Principe factæ concessionis stabilimentum) insignivit.

Quintò Platinæ testimonium Illyricus adducit. Hæc autem sunt verba Platinæ: Nemine adversante, Theodoricus totius Italiæ Imperio potitus est. En audis, inquit Illyricus, Theodoricum esse factum Romanum Imperatorem. Audio, sed Illyrici, non Platinæ testimonio: nec enim est idem, Imperio Italiæ potiri, & Romanum Imperatorem fieri; nisi fortè jus Imperii Romani Italiæ finibus concludi velis. Alioqui multis jam sæculis Germania Imperatorem Romanum minimè habuisset.

Postremò nec illud Illyricus omittendum putavit, quòd Theodoricus, ut se verum Imperatorem Romanorum probaret, ipsi etiam summo Pontifici Symmacho imperavit, cumque coram se accusatum judicavit. Mirum cur non etiam addiderit, Joannem Pontificem ab eodem Rege direo carceri mancipatum, inedia, & squalore enectum, & tamen licèt id, quod nos de Joanne diximus, verum sit, non tamen est verum, quod de Symmacho Illyricus dicit. Theodoricus enim toto ferè Principatus sui tempore, tametli barbarus natione, & Arianus religione esset, moribus tamen perurbanus, clementia, justitia, aliisque regis virtutibus insignis fuit. Quamobrem in causa summi Pontificis Symmachi non aliter se gessit, quàm se Constantinus, aut Theodosius gessisset, idest, ut Christianum & modestum Principem decebat. Siquidem, ut ex IV. Synodo Romana sub Symmacho cognosci potest, cum querelæ de Pontifice delatæ ad se fuissent, rem totam ad Synodum Episcoporum retulit, cumque episcopi libertate sacerdotali Regi suggerere non dubita-

sent, Synodorum convocationem ad ipsum; qui accusabatur, idest, ad Romanum Pontificem pertinere, cui B. Petri meritum, Domini jussio, & Conciliorum auctoritas, singularem tradidissent in Ecclesiis potestatem, nec unquam tantæ sedis Antistitem minorum subjacuisse judicio: tum verò Rex ipsum quoque Papam in congreganda Synodo voluntatem suam literis demonstrasse significavit; quas etiam literas, Episcopis postulantibus, continuò exhiberi præcepit; ac demum legatis concilii ad se venientibus ait, in Synodali esse arbitrio in tanto negotio sequenda præscribere, nec aliquid ad se præter reverentiam, de Ecclesiasticis negotiis pertinere. Hæc ille tum, cum, Historicorum omnium consensu, regis virtutibus mirificè floreret. Sed cum postea sub extremum vitæ suæ tempus, moderatum regimen in apertam tyrannidem commutasset, (quod ne ipse quidem Olai Gothus libro suprà citato negat) id fecit in Joannem Pontificem, quod tyranni, atque hæretici solent; quodque ante illum Nero, Domitianus, Decius, Maxentius, Constantius in sanctos sui temporis Pontifices, & martyres fecerant.

Jam verò quòd Illyricus nugatur de nominibus Imperatoris, & Regis, ea solere confundi; proinde in idem recidere, sive quis Rex Italiæ, sive Romanus Imperator dicatur, levius est, quàm ut longa refutatione indigeat. Etsi enim ante Julii & Augusti tempora Regium nomen Imperatorio majus ac venerabilius erat: tamen post constitutam Cæsarium Monarchiam, nihil in terris augustius esse coepit nomine Imperatoris. Itaque cum aliquando Cæsar Imperator de nomine, ac diademate regio assumendo cogitaret, admonitus est, inquit Tranquillus, se quòd Imperator Romanorum esset, Principum ac Regum excessisse fastigia. Ac licèt posterioribus temporibus Imperatores Græci & Germani Regio nomine interdum usi fuerint, numquam tamen, qui solum essent Reges, Imperatorium nomen usurparunt. Id quod in Epistolis Theodorici, Athalarici, & Theodahati Italiæ Regum, ad Imperatores Anastasium & Justinianum, apud Cassiodorum perspicuè cernitur. Numquam enim in tot epistolis nomina (quæ promiscua esse Illyricus contendit) ita commutantur, ut Justinianus vel Anastasius Rex, Theodoricus vel Theodahatus Imperator appelletur. Ipse etiam Carolus Magnus Imperator, filium suum Pipinum, deinde eo mortuo, Bernardum nepotem, Italiæ Regem fecit; atque ad eundem modum longo tempore Rex Italiæ non Imperator, sed Princeps Imperio subjectus fuit. Ex quo manifestè colligitur, non esse idem, Regem Italiæ, & Imperatorem Romanorum. Deinde Lupoldus, quem imprudenter Illyricus pro se citat, cum contrà ipsum maximè faciat, in libro de Juribus Imperii cap. 5. testatur, Henricum II. non se Imperatorem, sed Regem dumtaxat appellasse ante coronationem. Quod idem de aliis etiam Imperatoribus, ex antiquis Historicis nullo negotio demonstrare possemus.

Venit postremò Illyricus ad Clodoveum, atque ejus hereditate Imperium ad Carolum pervenisse his verbis docet pag. 35. & sequentibus: *Tertia communicatio Imperii Germanis facta est paulò post præcedentem ab Anastasio Imperatore Constantinopolitano, qui de unanimi consensu totius Senatus, aut Principum, largitus est Augustale nomen ac dignitatem Clodoveo Regi Francorum, qui primus ex illis Regibus baptizatus est. Quare dignitas Imperialis semel Regibus Francorum donata, necessariò etiam ad posteros per ordinem successionis permanavit, atque ita etiam ad Carolum Magnum idem jus pervenit. Quòd autem Anastasius Imperator Augusti nomen, ac dignitatem com-*

communicaverit Clodoveo, & Francorum Regibus, ex hisce sequentibus prorsus authenticis testimoniis liquido patet, ubi clarè tum Augusti, tum & Imperatoris nomen Regibus illis à Constantinopolitano Cesare communicatum esse. Et infra post recitata ad id probandum testimonia Gregorii Turonici, Adonis, Hannonis, Ivonis, Sigeberti, Sabellici, & Bergomensis, ita subiungit: Quare id decus eodem jure etiam ad Carolum Magnum una cum reliquis Francia Monarchia insignibus pervenit, non ex donatione Papa. Hæc ille.

Ego verò in hac brevi narratione quatuor mendacia inesse video. Primum enim, quod Illyricus dicit à septem illis supra nominatis scriptoribus memorie proditum, id esse falsum ipsi eodem auctores docent. Siquidem Consulatus, vel Patritiatus insignia Clodoveo donata ab Anastasio, omnes illi auctores testantur: Augustalem dignitatem, vel appellationem soli posteriores. Addunt quidem Turonicus, Ado, & quidam alii, post accepta Consulatus insignia appellatum Clodoveum etiam Augustum; sed à Francis, non à Romanis additam fuisse eam appellationem testatur Blondus lib. 3. Decad. 1. & Albertus Krantzius lib. 3. Svetie cap. 17. nec à vero aberrant. Hæc enim sunt Gregorii verba lib. 2. Histor. Francorum cap. 38. Igitur ab Anastasio Imperatore codicillos de consulatu accepit. Et infra: Ab ea die tanquam Consul & Augustus est vocitatus.

Ado verò sic loquitur in Chronico ætate 6. Hic Anastasius codicillos Clodoveo Regi pro Consulatu misit. Ab eo die & Consul & Augustus est appellatus. Hanno lib. 1. Chronicorum: Legationem (inquit) suscepit Anastasii Constantinopolitani Principis, munera epistolasque ei mittentis; in quibus literis hoc continebatur, quod complacuerit sibi & Senatoribus, eum esse amicum Imperatorum, Patritiumque Romanum. His ille perlectis Consulari trabea insignitus, ascenso equo, in atrio, quod inter basilicam sancti Martini & Civitatem situm erat, largissima populo contulit munera. Ab illa die Consul & Augustus meruit nuncupari. Sigebertus in Chronico: Clodoveus Rex ab Anastasio Imperatore codicillos de Consulatu, & coronam auream cum gemmis, & tunicam blacteam accepit, & ex ea die Consul, & Augustus est appellatus. Ipse verò Rex coronam auream cum gemmis Romanam sancto Petro misit.

Itaque vides quàm aperte auctores isti antiquiores distinguant Consulatus insignia, quæ Clodoveus ab Imperatore accepit, à nomine Augusti, quo illum postea appellatum in Francia scribunt. Porro Historici cæteri, etiam ii qui Francis maximè favent, Consulatum dumtaxat & patritiatum Clodoveo donatum scribunt, nulla Imperialis nominis facta mentione. Vide Reginonem lib. 1. Chronici, Orthonem Frisingensem lib. 5. cap. 2. Abbatem Urspergensensem in Chronico, Robertum Gaguinum, & Paulum Æmiliū in vita Clodovei, ac demum Albertum Krantziū lib. 3. Svetie cap. 17.

Deinde mentitur rursus Illyricus, cum ait, ipsum Imperium Romanum communicatum fuisse cum Clodoveo ab Anastasio Imperatore, nihil enim ille Clodoveo dedit, præter titulos & insignia. Nam nec Consulatum ipsum, cujus ferè omnes meminerunt, re ipsa Clodoveus gessit, sed solo nomine Consulatus donatus, solo nomine fuit contentus. Id testantur quotquot Fastos Consulares literis mandaverunt, Cassiodorus, Marianus Scotus, Gregorius Haloander, Onuphrius, Mercator, & cæteri, nullus enim Clodoveum Regem inter Consules numeravit. Anno verò Domini 510. quo juxta Chronicum Francicum Joan. Tili, Clodoveus Consulatus nomine & insignibus donatus est. Consules veri fuerunt A-

Controv. Card. Bellarm. Tom. I. l.

A Anastasius & Venantius, si Haloandrum sequimur, vel Eutharicus & Boetius, si Onuphrium. Quamobrem nisi tres eo anno Consules fuerint, quod est planè inauditum, Clodoveus Consul non fuit. Quod etiam de Imperio dici posset. Quod enim nullus Historicus, aut Chronologus Clodoveum inter Imperatores Romanos unquam retulerit, argumento est, eum Imperatorem Romanum re ipsa non fuisse, quidquid de nomine & insignibus fuerit.

B Tercium Illyrici mendacium in ea sententia est, cum nomina & insignia Clodoveo ab Imperatore collata, ad posteros ejus pertinere contendit, atque inde jure hæreditario ad Carolum pervenisse. Nam cum post obitum Clodovei nullus omnino ex Francorum Regibus Consul, aut Patritius, nedum Imperator & Augustus ante Carolum Magnum aut se ipse appellaverit, aut ab aliis fuerit appellatus, mirum est, unde Illyricus colligere potuerit, munus illud Anastasii, non proprium Clodovei, sed cum omnibus Regibus Francorum fuisse commune. Deinde cum inter Clodoveum, & Carolum trecenti anni circiter intercesserint, qua ratione, quæso, id potuit Carolus à Clodoveo hæreditaria successione accipere, quod intermedii Reges numquam habuerunt?

C Postremum idque certissimum, crassissimumque mendacium est, Clodovei Monarchiam ad Carolum Magnum sine Romani Pontificis auctoritate, successione hæreditaria pervenisse. Quis enim Historicorum tacuit, Carolum Magnum Pipino patri successisse; Pipinum autem non jure hæreditario, sed Pontificis Maximi sanctione, Regnum Francorum adeptum, cum antea in Hilderici Regno, Præfecti aula munere fungeretur? Testimonia supra citata sunt cap. 2. mendacio 19. ac ne unum quidem scriptorem contra Illyricus proferre potuit, aut unquam potuisset. Siquidem id Historici omnes summa consensione, & quasi una voce testantur. Cum igitur Pipinus, non jure hæreditario, sed Papæ beneficio (ut loquitur Joan. Tilius in Chronico Francico) regnum Galliarum obtinuerit, certè eidem Pontifici Carolus Magnus, Pipini filius, idem regnum acceptum referre debet. Adde quòd etsi solum Pipinum S. Bonifacius Archiepiscopus Moguntinus inunxit, postea tamen Stephanus Papa in Gallias veniens, Pipinum simul, & filios ejus, Carolum Magnum, & Carolomannum, Reges Francorum inunxit, eisque regnum Francorum perpetuò possidendum confirmavit, ut iidem Historici testantur. Mentitur igitur Illyricus cum ait, Carolo Magno sine Pontificis auctoritate Monarchiam Clodovei esse delatam.

C A P U T X

E Non accepisse Carolum Magnum Imperii dignitatem auctore Senatu, populo Romano.

Q Uartus erat titulus, Beneficium S. P. Q. R. Illyricus enim, ut nihil intactum relinqueret, tamen aliquoties in suo libro significaverit, nihil à Senatu, populo Romano Carolum accepisse, tamen objecit, etiam aliquot auctores, qui populo, ac Senatui potius quàm Pontifici Imperium à Germanis acceptum referri debere scripserint. Hi sunt Sigebertus, Blondus, Leopoldus, Æneas, Vincentius, & Onuphrius, quorum sententias sic refert Illyricus pag. 7. 55. & 56. ut licet non omnino eas recipiat, tamen probabiliores existimet iis, quæ translationem Imperii Romano Pontifici tribuunt. Ac nos in primis us auctoribus, quos testes produ-

ex Illyricus, opponere possumus illos omnes, quos supra citavimus, hoc est, plures paucioribus, & antiquiores recentioribus. Illi enim supra triginta erant; isti sex: illorum nonnulli scripserant ipso Carolo vivente; multi non diu postea; Ex istis autem unus Sigebertus trecentis annis Carolo posterior fuit; reliqui quingentis, aut sexcentis, aut etiam septingentis & eo amplius annis posteriores fuerunt. Quis igitur non videat utri maiorem fidem mereantur, quos nos citavimus, an quos Illyricus citat?

Neque tamen concedimus sex istos scriptores omnino esse à nostra sententia alienos. Nam Sigebertus, qui eorum est vetustissimus, & qui Sigebertum secutus est Vincentius Belvacensis, nihil tribuit Romano populo in Imperii translatione præter assensum & acclamationem. Hæc enim sunt verba Sigeberti & Vincentii: Romani, qui ab Imperatore Constantinopolitano jamdiu animo desciverant, nunc accepta occasionis opportunitate, quia mulier, excreta Imperatore Constantino filio suo, eis imperabat, uno omnium consensu Carolo Regi Imperatorias laudes acclamant, eumque per manus Leonis Papæ coronant, Cæsarem & Augustum appellant: Pipinum verò filium ejus Regem Italiæ ordinatum collaudant. Hic nullam Plebisciti, nullam Senatufconsulti mentionem fieri audio, sed solius laudis, & acclamationis. Et quamquam non apertè Sigebertus explicet, utrum populi acclamatio coronationem, an coronatio acclamationem præcesserit, tamen dubium esse nemini debet, quin coronationem Pontificiam præcessisse Sigebertus intellexerit, alioqui enim pugnaret cum omnibus historicis, qui ante ipsum de eadem coronatione & acclamatione scripserunt.

Quod verò Sigebertus ait, à populo Carolum per manus Leonis coronatum, non rectè interpretatur Illyricus, Leonem ut ministrum, ac delegatum populi, coronam imperialem Carolo imposuisse, cum potius ea verba significant, sic placuisse populo id quod Princeps eorum & Pastor summus fecit, ac si ipsi per manus ejus id fecissent. Quod quidem ex sequentibus verbis illustrari potest. Nam de Pipino, quem ex consensu omnium Historicorum Leo Papam Regem Italiæ declaravit, cum ipsum Carolum Imperatorem fecit, sic loquitur Sigebertus: Pipinum verò filium ejus, Regem Italiæ ordinatum collaudant. Ubi vides ordinationem Regis, Pontifici laudationem quæ secuta est populo tribui.

Jam verò Blondus nihil omnino sententiæ nostræ officit. Nam (ut notavimus cap. 3.) etsi scitum populi Romani in coronatione Caroli non defuisse scribat, tamen id contra fidem antiquorum tradit. Ac præterea non significat ejusmodi plebiscito Imperatorem Carolum appellatum, sed cum ad Imperium à Pontifice Maximo postulatum. Nam, ut ibidem Blondus ait, precibus populi Romani Leo Pontifex Carolum Imperatorem dixit.

Porro Lupoldus non meminit plebisciti, aut senatufconsulti, sed solum recitat cap. 3. extrema verba Vincentii, quæ sunt illa quæ habet Sigebertus, de quibus jam diximus. Ex propria autem sententia passim Lupoldus repetit translationem factam esse per Pontificem, ac præter alia sic ait cap. 4. de Juribus Imperii: *Leo Papa, consideratis omnibus, quæ digne ac bene sufficiebant pro translatione Imperii de Imperatoribus Constantinopolitanis ad Reges Francorum facienda, ipsum Carolum Rome in Ecclesia sancti Petri in die Natalis Domini, sub anno ejusdem Domini 801. acclamante ac petente populo Romano unxit & coronavit Imperatorem & Augustum, per quas unctionem & coronationem dicta translatio peracta fuit: ut etiam dixi supra capitulo primo, & capitulo precedenti in fine.* Ex infra

A cap. 12. proponit opinionem quorundam, qui dicebant, populum Romanum posse leges condere, & Imperium transferre; deinde subjungit: *Sed hæc responsio, salvo meliori judicio, mihi non placet.* Ex quo enim Imperium Romanorum tempore dictæ translationis, & etiam longo tempore ante ipsam, non fuit apud Romanos, sed potius apud Græcos, nec etiam hodie apud Romanos, sed apud Germanos existit, non occurrit ratio, quare populus Romanus tempore translationis prædicta habuerit, vel etiam hodie habeat maiorem potestatem circa translationem Imperii, quam quicumque alius populus Imperio Romano subiectus. Hæc ille.

B Viderit igitur Illyricus qua fide auctores citet, Certè Lupoldus non poterat clariùs negare id, quod ab eo affirmari Illyricus scripsit. De Ænea Sylvio facilis responsio est. Nam & in iis verbis, quæ Illyricus citat (quæ tamen ut verum fatear, adhuc in operibus Æneæ invenire non potui) non excluditur consensus Romani Pontificis, & in abbreviatione Blondi lib. 1. decadis 2. precibus Romanorum scribit idem Æneas à Leone Pontifice Carolum coronatum: & denique in epistola ad Regem Turcorum, quam supra citavimus, disertis verbis idem auctor affirmat à Pontificibus, prædecessoribus suis (fuit enim & ipse summus Pontifex) in Reges Francorum Imperium esse translatum.

C Solus igitur Onuphrius est, quem pro se Illyricus allegare potest: cujus testimonium tribus rationibus non modò infirmari, sed omnino refelli ac profligari potest. Primum, constat aliquando Imperatores invito, ac repugnante populo Romano, creatos fuisse, quos tamen veros ac legitimos Imperatores cum ipse Illyricus, tum etiam Historici omnes agnoscunt. Exemplo esse potest Fridericus primus, quem, repugnante populo Romano, coronavit Romæ in templo sancti Petri Adrianus Papa Quartus, quam Historiam vide apud Othonem Frisingensem lib. 2. de rebus gestis Friderici cap. 22. Deinde cum Historici vetustissimi, tum Latini, ut Eginarthus, Paulus Diaconus, Aimoinus, Ado, Regino, & ceteri, tum Græci, ut Cedrenus & Zonaras, in describenda translatione Imperii, aut nullam populi, atque Senatus mentionem fecerint, aut ei solam acclamationem, Carolo jam coronato, tribuerint: unde, quæso, post octingentos fere annos Onuphrius didicit S. P. Q. R. suffragiis Carolum Magnum Imperatorem & Augustum appellatum?

D At credibile est ita rem accidisse: ita enim fieri decuit. Respondebo quod Onuphrius ipse rectè monuit in lib. de Comitibus Imperatoriis, non esse fidelis Historici rem describere, ut fieri debuisset, sed ut facta est. Alioqui enim non res gestæ scribuntur, sed mendacia obruduntur. Quid autem factum sit, non ex Philosophiæ promptuariis hauriendum est, sed ex eorum narratione, ac fide, qui interfuerunt, vel qui ab iis, qui interfuerunt, acceperunt, aut certè qui aliorum testimonio sibi commendata, literis ac memoriæ tradiderunt. Deinde Romani Principes post constitutam à Julio & Augusto Monarchiam, aut ab alio Principe nominabantur, aut ab exercitu creabantur. Quos Senatus, aut populus creavit, ii & paucissimi fuere, & non diu tolerati. Certè in tanto numero Principum Romanorum, tres tantum Onuphrius in lib. de Comitibus Imperatoriis nominat à Senatu electos, Nervam, Maximum cum Balbino, & Tacitum. Nervam à Senatu creatum, Dion Cassius, quem solum Onuphrius citat, non dicit; Aurelius Victor arbitrio legionum (quamquam id non in omnibus codicibus haberi animadverti) Nervam Imperatorem factum scripsit. Eutropius lib. 8.

lib. 8. favore Præfecti prætorio Nervæ delatum Imperium testatur. Ipse quoque Onuphrius sic à Senatu Nervam creatum Imperatorem scripsit, ut non negaverit accepisse etiam suffragium militum prætorianorum, sine quo videlicet irrita fuisset electio. Maximus & Balbinus invito exercitu electi, prima data occasione à militibus interfecti sunt. Siquidem (ut scribit Herodianus lib. 8.) indignabantur milites sibi à Senatu Principes datos, quos & Senatorios Imperatores per ludibrium appellabant. Tacitus à Senatu quidem dictus est, sed militibus jubentibus; ut Flavius Vopiscus scribit in ejus vita: senatus enim ad milites Imperatoris electionem rejiciebat, probè intelligens non placiturum militibus Principem, quem ipsi non elegerant. Itaque rectè S. Hieronymus in epistol. 85. ad Evagrium, Imperatorem ab exercitu creari dicit.

Cum igitur hæc fuerit apud Romanos eligendi Principis ratio, multorum sæculorum consuetudine roborata, quis credat post annos 800. Romanum Senatum, aut populum, quando nullius fermè auctoritatis erat, id fuisse ausurum in electione Principis, quod ante, cum floreret, minimè audebat? Quare consultius fecit Joannes Aventinus, quem Illyricus & Onuphrius præter ceteros laudant. Is enim cum Senatusconsultum, & Plebiscitum in Imperii translatione omnino habere vellet, & tamen non auderet contra fidem omnium veterum id asserere, tacitum Senatusconsultum, & Plebiscitum factum fuisse scribit, & primas partes ejus actionis Pontifici Romano attribuit. Sic enim loquitur lib. 4. Annalium Bojorum: *Pontifex, Senatus, populusque Romanus Imperium transferre jure suo in Germanos, Carolique tacito Senatusconsulto, Plebiscitoque decernunt.* Nimirum sic interpretari voluit hic auctor acclamationem populi Romani, Carolo à Pontifice coronato. De qua veteres loquuntur, ut videlicet illa acclamatio quoddam veluti Plebiscitum fuisse videretur. Sed de his satis. Nam neque adversarius (ut suprà diximus) hunc Imperii titulum agnoscit.

C A P U T XI.

Non devenisse ad Germanos Imperium donatione Græcorum.

Restat postremus titulus, Principis Orientalis donatio, sive communicatio, quem titulum Illyricus non solum agnoscit, sed etiam pro viribus defendere nititur. Tot verò fraudibus & mendaciis in hac una re explicanda utitur, ut mirum sit, si non ipse sibi apud sanos lectores existimationem, fidemque detraxerit.

Nobis autem ad hunc titulum explodendum duplex via, eaque expeditissima, sese offert. Primum enim Historici tum veteres, tum recentiores scribunt, Græcos Imperatores, cum primum ad eos fama perlata est coronationis Caroli, vehementer commotos atque indignatos fuisse. Quod sanè argumentum est evidens, Imperium Carolo non esse Græcorum donatione tributum. Sed verba Historicorum audiamus. Eginarthus, Caroli Magni (ut suprà diximus) Cancellarius, in vita ejusdem Caroli, postea quàm exposuit coronationem, ita subjecit: Invidiam suscepti nominis, Constantinopolitanis Imperatoribus super hoc indignantibus, magna tulit patientia, vicique eorum contumaciam magnanimitate, qua eis proculdubio longè præstantior erat, mittendo ad eos crebras legationes, & in epistolis fratres eos appellando. Sigebertus in Chronico anni 805. & Conradus Abbas Urspergensis in Chronico, ubi

A refert compendio res gestas Caroli, iisdem ferè verbis indignationem Imperatorum Græcorum describunt. Quos sequutus Albertus Kranzius lib. 2. Saxonie cap. 8. ita scripsit: Invidiam suscepti nominis, Constantinopolitanis Imperatoribus non dissimulantibus magna superavit pecunia: vicique eorum contumaciam magnanimitate, qua Græculis multum præstabat.

B Deinde ex historiis constat Græcos Imperatores agnovisse tandem vel invitos Imperium Caroli, sed non antequam is à Pontifice Imperator appellatus & Augustali diademate insignitus est. Ut nonnisi impudentissimo mendacio Illyricus scribere potuerit pag. 48. & 52. multis annis ante Caroli coronationem concessum eidem Carolo fuisse Imperium Occidentis ab Imperatore Græco.

C Exstant Annales Francorum accuratissimi, ipso Caroli tempore conscripti. In his anno Domini 798. ponitur prima legatio Irenes Imperatricis ad Carolum nondum Imperatorem, qua legatione non Imperii communicatio tractata est, sed restitutio captivorum. Deinde anno 801. adscribitur Caroli coronatio Romæ facta à Pontifice Leone. Tum anno 802. qui fuit ultimus Irenes, narratur alia legatio ejusdem Irenes ad Carolum Imperatorem, pro pace inter Græcos & Francos impetranda. Sed neque in ea legatione ulla mentio communicationis Imperii facta est. Anno 803. describitur legatio Nicephori Imperatoris, qui Irenæ successerat, ad eundem Carolum pro impetranda pace; de Imperii communicatione nulla mentio. Pacem enim optabant Græci à Rege Francorum potentissimo, sed nondum (quod ex veteribus colligatur) Carolum salutare Imperatorem & Augustum dignabantur. Anno 812. qui fuit ultimus Nicephori, commemoratur legatio Michaelis, qui successerat Nicephoro, ad eundem Carolum, & tum demum scribit auctor Annalium, à Legatis Græci Imperatoris Carolum magnum, cum jam annos 12. imperaret, Imperatorem & Augustum salutatum. Denique anno 814. scribit auctor obitum Caroli, quem annis 14. in Imperio fuisse testatur, ac proinde non numerat annos Imperii à consensu Græcorum, sed à coronatione, quam à Leone Pontifice Romæ susceperat. Consentiunt his Annalibus omnes Historici graviore, Aimoinus lib. 4. cap. 90. & 91. Paulus Diaconus lib. 23. rerum Roman. Ado Viennensis in Chronico 6. ætate, Regino Prumiensis lib. 2. Chronic. Otho Frisingensis lib. 5. cap. 31. & sequentibus, Cedrenus in Compendio historiarum, Zonaras in annalibus, Abbas Urspergensis, Hermannus Contractus, & Sigebertus in Chronico, Blondus lib. 1. Decadis 2. Platina in vita Leonis III. & (quod magis est admirandum) Illyricus Cent. 9. cap. 16. col. 621.

D Videamus nunc quid Illyricus in lib. de translatione Imperii adversus hanc notissimam, certissimamque historiam, adversus scripta sua priora, & (ni fallor) etiam adversus propriam mentem & conscientiam adserat: *Habuit (inquit pag. 47.) Carolus Magnus Imperialem dignitatem concessione, ac consensu Constantinopolitanorum Imperatorum, quod aliquanto clariùs ordineque deinceps exponam.* Nec nos diffitemur, consensisse tandem Græcos in Imperium Caroli, sed invitos; & ut tu ipse loco notato in Centuriis dicis, quod mutare non possent, quod à Leone Pontifice jam factum erat. Sed perge, & expone quod proposuisti. *Platina ut homo Italus, & Papis suis addictissimus, studio rem totam obscurat: ac cum narrasset, Romæ Carolum, acclamante ei populo (ut Imperatori) à Leone coronatum esse, mox addit hæc verba: Interea verò Constantinopolitana Imperatrix missis in Italiam Legatis, cum Carolo fædus & pacem inivit, Imperiumque* hifce

hisce terminis divisit &c. quibus verbis ostendit quidem Imperatricem proculdubio de consensu Imperialis Senatus Carolo Magno concessisse Occidentale Imperium, & haud dubiè etiam nomen ipsum cum re, sicut omnes alii Historici scribunt; sed tamen non vult clarè dicere, an antea Papa populusque eam coronaverint, aut verò Imperatrix illi eam dignitatem, & potentiam concesserit.

At certè Platina satis clarè expressit, post peractam Caroli coronationem, Legatos de pace ab Irene ad Carolum venisse. Sed fac Platinam ut Italicum, & Papis addictum, rem obscurasse: quid respondebis ad Annales Francorum, ad tot Historicos suprà citatos, Græcos, Germanos, Gallos, ad ipsum denique? certè illi nec Italici erant, nec Papis addictissimi; & tamen coronationem Caroli antea factam, quàm Legati de pace ab Irene mitterentur, clarissimè docuerunt.

Quod autem addis, omnes historicos testari, nomen Imperatorium cum ipsa re, quæ tanto nomini respondet, Carolo ab Irene concessum, mendacium est apertissimum: Nullum enim Historicorum reperire potui (evolvi autem plurimos), qui id ullo verbo significaret quod tu dicis; quin potius annales Francorum, Ado Viennensis, & Regino Prumiensis in Chronicis anno 812. tamquam rem novam & insolitam referunt, quòd legati Michaelis, qui tertius fuit ab Irene, laudes Imperatorias Carolo dixerint, eumque Imperatorem & Basileum appellaverint. Perge. Verum quod antea Imperatrix id fecerit quàm Papa, vel populus, inde liquidissimè apparet, quia, teste Matthæo Palmerio Florentino, & Martino Polono, antea est Irene Imperatoria dignitate spoliata per Nicephorum, quàm Papa Leo, populusque eam actionem cum Carolo Roma habuit. Sunt verò isti duo vel diligentissimi supputatores temporum. Et hinc, ni fallor, contra conscientiam loqueris.

Nam in primis, qua fronte audes Martinum Polonum diligentissimum temporum supputatorem appellare, quem constat omnium ferè Historicorum fuisse negligentissimum? Ac ne longius abeamus, in descriptione annorum Irenes, Nicephori, Michaelis & Caroli Imperatorum, quæ omnia vix duas paginas explent, sex commisit errores. Primum Irenem solam tribus annis imperasse dicit. At Paulus Diaconus, qui Irenes tempore vixit lib. 23. rerum Romanarum, quinque annos, & aliquot menses illi tribuit, & singulorum annorum acta describit. Idem facit auctor Annalium Francorum, qui Pauli Diaconi æqualis fuit. Idem Cedrenus, Græcus auctor, in compendio Historiarum. Idem alii veteres, & ex recentioribus Onuphrius lib. 2. de Principibus Romanis Irenæ soli tribuit annos quinque, menses undecim, dies 16. Deinde Nicephorum, qui Irenæ successit, Martinus Polonus solum mensibus novem imperasse scribit. At Paulus Diaconus, Cedrenus, Annales Francorum, & omnes alii veteres, octo annos, & eo amplius Nicephoro tribuunt: Onuphrius lib. 2. de Principibus Romanis annos octo, menses octo, dies 26. & ne putetur esse librarium error in numero; quid singulis annis Nicephorus egerit, Paulus Diaconus & Cedrenus diligenter perscripserunt. Tertio Michaelis Imperium constituit Martinus Polonus anno 800. contra omnium aliorum Historicorum tum veterum, tum recentiorum fidem. Quartò Caroli Magni initium ponit anno 802. neque errore librarium id factum existimari debet. Si quidem eodem in loco Carolum imperasse dicit annis 14. mense uno, & diebus quatuor, ac deinde consequenter initium Ludovici, qui Carolo successit, ponit anno 816. At Carolum imperare coepisse primo die anni 801. si à Natali Domini initium anni sumatur, vel octo diebus ante exitum anni 800. si

A exordium anni ducatur à Kalendis Januarii, tot, & tam graves auctores scribunt, ut mirum sit Martinum Polonum vigilasse, ista cum scriberet. Vide testimonia quæ suprà citavimus cap. 4. Quintò idem Martinus ibidem Leonem III. qui Carolum coronavit, quartum appellat, contra cæteros omnes Historicos, eique tribuit ædificationem urbis Leoninz, quam tamen constabat ab alio Leone esse factam, quem alii omnes quartum, ipse verò quintum vocat. Sextò in eadem pagina idem Martinus scribit anno 814. Stephanum Papam IV. venisse in Gallias, & honorificè susceptum à Ludovico Imperatore. At si Ludovicus imperare coepit anno 816. ut paulò post idem Martinus docet: quomodo potuit anno 814. Imperator Ludovicus Stephanum Pontificem ad se venientem suscipere? Itaque Martinus Polonus, diligentissimus scilicet supputator annorum, tam Pontificum quàm Cæsarum annos ut plurimum perperam disponit.

Quod verò idem Illyricus ait, ex Matthæo Palmerio liquidissimè apparere, Irenem antè Imperio spoliatam fuisse, quàm Pontifex Leo Carolum coronaverit, liquidissimum quoque mendacium est. Palmerius enim in additione ad Chronicum Eusebii, tametsi in eo labitur, quòd Irene post filii excecationem solum quatuor annos tribuit, cum Paulus Diaconus, Annales Francorum, & Cedrenus quinque annos, & aliquot menses illi tribuant, tamen ipse idem coronationem Caroli ponit anno 801. & initium Imperii Nicephori anno 802. constat autem ex Cedreno, & Paulo Diacono, eadem die Nicephorum imperare coepisse, qua Irene se abdicare Imperio coacta est. Ex quo intelligimus Palmerium non solum quatuor annos integros, sed etiam aliquot menses Irenæ tribuendos existimasse, licet solum perfectum numerum exprefferit. Proinde ex Palmerii sententia posterius Irenem Imperio spoliatam, quàm Carolus fuerit coronatus.

Sed audiamus jam cætera. Testatur quoque Platina, Nicephorum Imperatorem, oppressorem, aut successorem Irenes, mox initio factus Irenes de Imperii divisione cum Carolo renovasse: ut hæc quoque fuerit confirmatio Imperii Occidentalis à Constantinopolitanis Carolo facta. Porro Nicephorum hunc Imperatorem collocat Martinus Polonus Penitentiarius Papa, & Archiepiscopus Consentinus, in annum Domini 799. omnino eum clarissimè prapont illi Romana coronationi Caroli, sicut & Sebastianus Francus, quin & Jacobus Philippus Bergomensis. De Martino Polono jam antè respondimus, eum in manifesto errore versari, cum Imperium Nicephori refert ad annum Domini 799. quod ad annum 802. referre debuisset. Sebastianum Francum non vidi, nec multum laboro quid ille dixerit, cum auctor fuerit admodum recens, & à Catholica Religione alienus.

Jacobum Philippum Bergomensem more tuo fraudulentè citas. Ille enim etsi lib. 11. supplementi commemoret divisionem Imperii inter Carolum & Irenem, antequam narret ejusdem Caroli coronationem Romæ factam, tamen id facit per anticipationem, ut expediat ea quæ ad Græcorum Imperium pertinent. Nam postea loco suo ad ordinem temporum rediens, disertis verbis docet Imperium à Græcis ad Francos translatum fuisse Pontificis auctoritate anno Domini 800. exeunte, ut etiam suprà citavimus in 4. cap.

Præponit quoque (addit Illyricus) Martinus Michaellem Imperatorem eidem coronationi, qui ibidem illud factus renovavit cum Carolo. Denique & Chronicon D. D. Achilles Gassari initium principatus Nicephori ponit in annum 798. facta verò est illa renovatio concessi Imperii à Nicephoro mox initio sui Imperii. Quare ex hisce licet colligere ut minimum tres donationes aut concessiones Imperii

perii per Constantinopolitanos Imperatores factas ante illam Romanam actionem nempe Irenes, Nicephori, & Michaelis, vel certè illas duas priores.

Colligebat olim Virgilius aurum ex Ennii stercore: at noster Illyricus (ut video) ex Historicorum auro stercus colligit. Nam cum veteres, ac probati Historici, & illi ipsi, qui tempore Caroli Magni vixerunt, tam perspicue tradant, anno quinto Irenes Carolum Magnum à Pontifice Maximo coronatum, ac deinde post eam coronationem, Irenæ successisse Nicephorum, & Nicephoro Michaellem, quis non intelligit errasse Martinum Polonum, & qui eum sequuti sunt, recentiores Historicos, qui sine ulla ratione ex sola imperitia veteribus contradicunt? Quanta autem impudentia est, ejusmodi errores tam diligenter consecrari, & demum in obscuris auctoribus vix repertos ita proponere, ac si nihil verius literis mandari potuisset? & tamen pergit Illyricus, atque ait: Ex hisce etiam licet colligere, temere, vel potius fraudulenter à Sabellico concessionem Imperii ab Irene post factam coronationem Leonis Papa poni. Redarguitur enim manifestè ratione temporum. Plerique sanè omnes Irenem ajunt postremò ab Imperio depositam esse ante illam actionem Romanam, aliqui autem eodem anno. Igitur oportet translationem Imperii antea in Carolum factam esse à Constantinopolitanis quàm à Romanis.

At si temerè vel fraudulenter Sabellicus anteposuit Caroli coronationem Irenes abdicationi, num etiam Paulus Diaconus, Annales, Francorum, Cedrenus, Zonaras, Ado, Rhegino, Otho, Conradus, Sigebertus, & alii veteres, temerè vel fraudulenter id egerunt? Certè Sabellicus veteres Historicos sequutus est. Et quinam sunt, Illyrice, illi plerique omnes, qui Irenem ajunt postremò ab Imperio depositam esse ante illam actionem Romanam? Nimirum Martinus Polonus, qui unus est instar omnium. An non te pudet tam aperte mentiri? sed perge.

Porro illam translationem de pace Imperioque inter Irenem & Carolum factam, collocant Ado Viennensis, & Annales Caroli in annum Domini 798. Praeponunt igitur eam ut minimum integro quadriennio coronationi Leonina. Paulus quoque Emilius in sua Francorum Historia affirmat seriam sollicitamque actionem & legationem Irenes ad Carolum longè precessisse illam Romanam Coronationem. Id verò, Illyrice, non est solum audacter mentiri, sed etiam configere oculos hominibus, ut non videant ea quæ clarissimè patent. Siquidem Ado Viennensis, & Annales Francorum duas ponunt legationes Irenes ad Carolum, unam pro pace, & restitutione captivorum, ante Caroli coronationem anno 798. alteram pro pace iterum renovanda, post Caroli coronationem, anno 802. & quamvis Platina dicat hac legatione posteriore procuratam esse Imperii divisionem, tamen Ado Viennensis, & Annales Francorum nullam Imperii mentionem faciunt, nisi multò inferius, ubi describunt legationem Michaelis anno 812. Hæc enim sunt verba Adonis: Anno 798. Irene ad excellentissimum Regem Carolum legationem pro pace servanda misit. Et infra, postquam narraverat coronationem Caroli factam anno 801. ita subjungit: Anno 802. Irene Imperatrix ad Imperatorem Carolum misit pro pace inter Francos & Græcos firmanda. Et infra, Anno 803. Irene ab Imperio deposita est: & Nicephorus Imperator Constantinopoli creatus, qui Legatos suos, unà cum Legatis Imperatoris Caroli remisit. Nam Imperator Carolus Jesse Episcopum Ambianensem, & Elinigandum Comitem, Constantinopolim direxerat. Susceperunt autem legati Nicephori Imperatoris epistolam inscriptam de fœdere pacis, sicque tali pacto Constantinopolim reversi sunt. Denique

A infra Anno 812. In ejus locum Michael gener ejus Imperator creatur, cujus legati Aquilgrani ad Imperatorem Carolum missi laudes more suo dixerunt, Imperatorem, & Basileum illum appellantes. His consentiunt tum Annales Francorum (nam inde hæc omnia Ado Viennensis accepit) tum etiam Paulus Emilius in lib. 3. de rebus Francorum, ut quisvis per se cognoscere potest.

B Novum enim mendacium est, quod paulò post Illyricus addit, cum ait: *Mihi verò verisimile est, mox initio illius instaurati Regni Irenes esse factam talem transactionem de Imperio inter eam & Carolum, quo constabiliret adhuc principio dubium, & invidiosum regnum, quod & Emilius affirmat.* Hoc (inquam) apertum mendacium est, cum Paulus Emilius non solum non dicat ullam factam esse transactionem de Imperio inter Irenem & Carolum, sed contrà potius asserat invita Irene & Nicephoro Augustis, Carolum à Pontifice magno procerum Romanorum assensu, Imperatorem factum. Id illa verba indicant de legatis, quos Irene misit ad Carolum, jam à Pontifice coronatum. Augustæ legati fœdus petebant, ægritudine animi interim dissimulata, & illa de Nicephoro: Hactenus Carolum Augustum, magno, patientissimoque animo Nicephori similitatem, invidiamque tulisse.

C Sed pergamus ad reliquas nugas Illyrici, ut hunc locum aliquando claudamus: *Credibile, inquit Illyricus, tamen profectò valde est, Irenem cum filio Constantino multo antea illam dignitatem, & possessionem Imperii cum Carolo communicasse.* Unde autem id credibile sit, multis verbis conatur ostendere. Sed summa est, quia Carolus devictis Longobardis, jam magna Italiae parte, & ipsa Urbe potiebatur; & Constantinus Imperator Constantinopolitanus filiam Caroli in matrimonium sibi dari petierat. *Expendat, inquit, quæso totum hoc negotium quisvis intelligens, quomodo potuit Constantinus Imperator ambire, aut impetrare filiam Caroli non facta pace? Quomodo autem potuit inter eos fieri pax, non concesso Carolo Occidentali Imperio, quod jam fortiter occupaverat, & firmiter retinebat? Necessariò igitur in tali nuptiarum filia Caroli pactione diviso Imperii facta est.* Egregia sanè demonstratio, quasi non possit Imperator cum Rege potentissimo pacem facere, & affinitatem contrahere, nisi Imperialem dignitatem cum eo communicare voluerit. Qua igitur ratione Carolus V. Imperator cum Francisco Rege Francorum pacem fecit, & Leonoram sororem ei in matrimonium collocavit, nec tamen eum in Imperio collegam accepit? At Carolus Magnus Occidentale Imperium armis acquisitum possidebat: nec pacem cum Imperatore Constantinopolitano fecisset, nisi ei Imperium jam occupatum retinere permissum esset. Verum, non est, ut supra diximus, de possessione provinciarum Imperialium quæstio, sed de titulo, de jure, de nomine, de dignitate, ac Majestate Augustali tota controversia est. Neque enim inficiamur, Carolum bellica virtute Longobardos ex Italia exegisse, eamque provinciam suam fecisse, quæ aliquando Romani Imperii provincia fuerat. Sed quemadmodum hoc tempore Reges Francorum, & Hispanorum, Romani Imperii provincias tenent, nec tamen sunt Romani Imperatores, & Imperator cum eis pacem & affinitatem habet, ita quoque fieri potuit, ut Carolus Magnus aliquot Romani Imperii provincias sine nomine, & Jure Imperatorio teneret, & tamen cum eo Imperator Constantinopolitanus pacem, atque affinitatem habere cuperet.

CAPUT XII.

*Romanum Pontificem jure suo Imperium
à Græcis in Germanos transfuisse.*

Demonstravimus hætenus, Carolum Magnum, quem Imperatorem Romanorum fuisse nemo negat, ejusmodi Imperium nullo alio titulo adeptum, nisi Pontificis Maximi auctoritate. Nunc quoniam Illyricus inter alia argumenta, quibus efficere nititur, Imperium non pervenisse ad Carolum Magnum Pontificia auctoritate, etiam illud assert, quod Romanus Pontifex non habeat jus Imperia transferendi: Nos contra Deo juvante, ad demonstrandum aggrediemur, posse Romanum Pontificem, si causa postulet, id facere, non quidem Regia, aut Imperatoria, sed Apostolica, idest, summa atque eminentissima Ecclesiastica potestate.

Pendet autem tota hæc res ex duabus sententiis: altera, Romanum Pontificem totius Ecclesiæ, idest, omnium Christianorum Patrem & Pastorem esse; altera, summum Ecclesiæ totius Pastorem ita non modò privatis hominibus, sed etiam Regibus, & Imperatoribus Christianis præesse, ut, si causa Christi & Ecclesiæ id exigat, possit eos Regnis, atque Imperiis exuere, eaque regna, & Imperia ab aliis ad alios transferre. Nemo est enim qui non intelligat, si hæc duæ sententiæ veræ sint, continuò illud etiam effici, ut Romanus Pontifex certis de causis Imperia transferre possit.

Priorem sententiam multi ex nostris accuratissimè, ac fulissimè demonstrarunt. Quod etiam nos præstitimus in libris quinque, quos de summi Pontificis institutione & potestate scripsimus. Quare hoc loco satis erit, si eam sententiam confirmemus testimoniis Imperatorum, atque eorum potissimum, qui Romanæ sedi infesti fuerunt. Si enim ipsos Imperatores, ubi de jure ipsorum agitur, testes habemus, frustra aliorum testimonia desideramus.

Carolus Magnus Imperator primus ex gente Francorum non semel primatum Rom. Pontificis agnosce-re se, ac venerari professus est. Exstat privilegium ejusdem Caroli, quod Bremensi Ecclesiæ dedit, apud Albertum Krantzium lib. 1. Metropolis cap. 7. in hæc verba: *Summi Pontificis, & universalis Papa Adriani præcepto, necnon & Moguntinensis Episcopi Lulonis, omniumque qui affuere Pontificum consilio, eandem Bremensem Ecclesiam cum omnibus suis appendiciis, Villetado, probabilis vita, coram Deo & Sanctis ejus committimus.* Exstant item libri nomine Caroli Magni adversus Synodum Græcorum de cultu imaginum: quos libros etsi ego non esse Caroli Magni arbitror, tamen quia ab adversariis Carolo tribui constanter video, summam etiam inde testimonium. Sic igitur habet liber primus cap. 6. *Sicut ceteris discipulis Apostoli, & Apostolis omnibus Petrus eminet, ita nimirum ceteris sedibus Apostolica, & Apostolicis Romana eminere dignoscitur.* Hæc enim nullis Synodicis constitutis ceteris Ecclesiis prælata est, sed ipse Dominus auctoritate primatum habet. Denique, ut ex Platina in vita Leonis III. & Paulo Æmilio lib. 3. de rebus gestis Francorum, ac Jacobo Vimpelingio in epitome rerum Germanicarum cap. 9. cognosci potest, cum aliquando idem Carolus Romæ sententias Episcoporum, qui ex tota Italia & Francia conveniant, rogaret de vita & moribus Papæ Leonis, atque ab eis una voce responsum esset, Sedem Apostolicam, omnium Ecclesiarum caput, à nemine Judicari debere, continuò acquievit, ac permisit,

A ut summus Pontifex Leo solo jurejurando crimen, quod ei falsò obiciebatur, dilueret.

Otho Magnus, qui primus ex gente Saxonica Romani Imperii gubernacula rexit, eundem primatum Romanæ Ecclesiæ disertis verbis confessus est in epistola, quam scripsit ad Joannem XII. Rom. Pontificem, quæ exstat apud Luithprandum Tici-nensem lib. 6. cap. 9. Hæc enim est inscriptio literarum: *Summo Pontifici, & universali Papa Domino Joanni, Otho divina respectu clementia Imperator Augustus.* Fuit quoque hic Otho Magnus Romanæ Ecclesiæ & acerrimus defensor, ut Jacobus Vimpelingius testatur in Epitome rerum Germanicarum cap. 18. Ut autem omnes intelligant non solum Imperatores amicos, sed etiam hostes Romanæ Ecclesiæ, Pontificis primatum agnovisse, subijciam testimonia omnium ferè Imperatorum, qui Romanam Ecclesiam hostiliter persecuti sunt.

Henricus IV. qui primus ex Germanicis Imperatoribus cum Romano Pontifice graves inimicitias gessit, etsi certis de causis Gregorium VII. Pontificem oderat, auctoritatem tamen Romanæ sedis super omnes homines, atque adeò super ipsos Reges & Imperatores, numquam negavit. Exstat Epistola ejus ad Principes Imperii, quam totam refert Conradus Abbas Urspergensis in Chronico anni 1106. In epistola hæc habentur: *Præterea, inquit, Domino Papa in presentia Legati sui & vestra obedire parati sumus: & nunc parati sumus ei omnem debitam reverentiam & obedientiam facere corde, & devotione presentialiter exhibere.* Et infra: *Rogamus vos per auctoritatem Romanæ Ecclesiæ, cui nos committimus, & honorem Regni, ne super nos, & fideles nostros veniat.*

C Et infra: *Si interpellatio vestra, inllaque alia interventio ad præsens prodesse poterit, appellamus Romanum Pontificem, & sanctam universalem Romanam sedem, & Ecclesiam.* Hæc ibi. Rursus autem idem Henricus IV. in postrema epistola ad Principes: *Appellavimus, inquit, & tertio appellamus Dominum Romanum Pontificem Paschalem, & sanctam, & universalem Sedem, & Romanam Ecclesiam.*

D Henricus V. tamen non parvo tempore propter Episcoporum investituras Romanam Ecclesiam vexavit & afflixit, ejus tamen primatum semper agnovit. Sic enim de eo scribit Abbas Urspergensis in Chronico anni 1110.

In Epiphania Domini Ratispona Henricus colloquium cum Principibus faciens, animi sui propositum eis aperuit, scilicet, quod Transalpinis partibus se exhibere vellet, quatenus & benedictionem Imperialem à Summo Pontifice, Romana, qua caput mundi est, in Urbe perciperet, & latas Italia provincias in societatem regni Germanici fraterna pace, & justitiis ac legibus antiquis componeret, insuper ad omnia qua defensio posceret Ecclesiastica, ad nutum Patris Apostolici se promptum demonstraret. Et infra in Chronico anni 1117. ubi exposuisset Abbas terrifica signa, quæ de coelo ostendebantur adversus impietatem ejusdem Henrici, qui summum Pontificem captivum facere, atque ab eo per vim extorquere investituras Episcoporum ausus esset, ita subjungit: *His, & ejusmodi cladibus Rex Henricus corde tenus sanciat, non cessat legationes satisfactorias ad Apostolicam sedem destinare.* Et infra in Chronico anni 1122. pacem inter Calixtum Pontificem & eundem Henricum Imperatorem his verbis Abbas describit: *Facto, inquit, universali conven-tu apud urbem Vangionum, qua nunc Vormatia dicitur, sicut longam, ita & incredibile memoratu est, quam prudenti, quam instanti, quamque per omnia sollicito cunctorum procerum consilio, pro pace & concordia per unam, vel amplius, hebdomadam certatum sit, donec ipse in cujus manu cor Regis est, omnem animo-*

fitatem

statem Augusti sub Apostolica reverentia obedientiam, causa matris Ecclesia, etiam ultra spem plurimorum, inflexit.

Fridericus I. Imperator, & Romani Pontificis Alexandri III. hostis acerrimus, Romanæ Ecclesiæ primatum & rebus & verbis confessus est. Nam cum in Italiam venisset, Adrianum IV. Pontificem ita veneratus est, ut ad ejus pedes primum venerabundus accederet. Deinde descendenti ex equo stapedem teneret, ut refert Albertus Krantzius lib. 6. Saxonie cap. 16. Quod idem postea fecit etiam Victori, quem verum Pontificem, cum Schismaticus esset, existimabat. Sic enim scribit Radevicus lib. 2. de rebus gestis Friderici I. cap. 70. Ibi, inquit, religiosissimus Imperator ante januas Ecclesiæ eum suscepit, & descendenti de equo strepam humiliter tenuit, & apprehensum per manum usque ad altare perduxit, & pedes ejus est osculatus. Itaque Fridericus Imperator re ipsa, & factis satis declaravit quo loco Romanus Pontifex haberi deberet. Nec tamen solis factis, sed etiam verbis sententiam suam aperuit. Nam in epistola ad omnes Imperio Romano subjectos, quæ exstat apud Radevicum lib. 1. cap. 10. Romanum Pontificem caput Sanctæ Ecclesiæ nominat: & rursus in epistola ad Adrianum IV. Pontificem, apud Radevicum lib. 2. cap. 16. Romanam Ecclesiam matrem omnium Ecclesiarum & ipsius Imperii vocat. Denique in epist. ad Hermannum Episcopum Brixinensem, apud eundem Radevicum lib. 2. cap. 56. ubi deplorat Schisma, quod in Romana Ecclesia fuerat exortum, ita loquitur: Cum, inquit, unus Deus, unus Papa, unus Imperator sufficiat & una Ecclesia Dei esse debeat, quod sine dolore dicere non possumus, duos Apostolicos in Romana Ecclesia habere videmur. Et infra: Pro tanta namque, & tam perniciofa Ecclesiæ iactura, tota nimirum Italica Ecclesia conturbatur, & dissensiones, Schismate orto in capite, jam in inferiora membra defluxissent, & totum Ecclesiæ corpus defecissent, nisi nos consilio, & auxilio religiosorum virorum, qui spiritu Dei aguntur, tam impudica iniquitati iustitia rigorem opposuissimus. Et infra: Ut iusto declaretur examine, quis illarum regimen universalis Ecclesiæ de jure debeat obtinere. Vides certè, Lector, ex sententia Imperatoris Friderici, unum esse debere Papam, qui ut caput toti corpori Ecclesiæ præsit, & cui Ecclesiæ universalis regimen debeatur.

Philippus Imperator creatus in schismate contra Othonem IV. licet à Pontifice Innocentio III. ab Imperio repulsus esset, is tamen (ut scribit Abbas Urspergensis in Chronico) cum audisset se in excommunicationem Pontificiam incidisse, humiliter à Legato Pontificis absolutionem petiit, quod certè nunquam fecisset, nisi summum Pontificem, pastorem suum, ac proinde aliorum etiam Principum & Regum fuisse credidisset. Si enim sola Romana civitas, & non Ecclesia universa, ad curam Romani Pontificis pertineret, quam ob rem Princeps Germanus Romani Pontificis censuram tantopere timuisset?

Fridericus II. Ecclesiæ Romanæ longo tempore hostis, & persecutor, timuit tamen Romani Pontificis, ut veri Christi Vicarii, latam in se Ecclesiasticam censuram. Sic enim scribit de hoc Friderico Abbas Urspergensis in extremo Chronico: Nihilominus quoque omni tempore, quandiu, denunciabatur eum Papa excommunicatum, beneficium absolutionis humiliter cum omni obedientia, & devotione, & iustitia exhibitione postulavit; & Jacobus Vampelingius in Epitome rerum Germanicarum cap. 35. Fridericus, inquit, secundus in Cyprum usque navigans, Aconem tandem pervenit, nuncios rogans Pontificem, ut se absolveret anathemate: quoniam in ejus potestate demceps semper sit mansurus.

A Ludovicus IV. Imperator, & armis & scriptis Joannem XXII. Pontificem oppugnavit, tantum tamen abest, ut existimaverit summi Pontificis auctoritatem de Ecclesia esse tollendam (ut eam Illyricus sublatam cupit) ut cum verum Pontificem sibi faventem habere non posset, falsum Pontificem creandum curaverit: Nec interim tamen unquam destitit varias rationes querere, quibus verò, legitimoque Pontifici reconciliari posset. Nam per Joannem Regem Boemiæ, & literis & nunciis tentavit, si posset in gratiam Joannis Pontificis redire, paratus Antipapam suam deponere, seque reum gravissimi criminis agnoscere, ac misericordiæ Pontificiæ totum permittere. De qua re vide literas Joannis Pontificis ad Joannem Regem, apud Robertum Arboricensem tom. 2. de utroque gladio, theoremate 7. Deinde mortuo Joanne Pontifice, cum audivisset idem Ludovicus Imperator, Benedictum Papam ad amicitiam suam esse propensum, continuo ad eum legatos misit, qui demississimis precibus absolutionem ab excommunicatione, & restitutionem ad Imperium peterent. Cujus rei testis est Albertus Argentinenfis in Chronico, qui illo ipso Benedicti & Ludovici tempore floruit.

B Neque solum post tempora Caroli Magni, sed etiam antea, Romani Imperatores Pontificem Romanum Ecclesiæ Catholicæ caput esse professi sunt. Atque ut nomine omnium aliorum duo testimonia, unum Latini Imperatoris, & Græci alterum proferamus, exstat epistola Valentiniani III. ad Theodosium juniorem inter epistolas præambulares ad Concilium Chalcedonense. In ea epistola sic loquitur Imperator: Debemus dignitatem propria venerationis B. Apostolo Petro in nostris temporibus conservare, quatenus Beatissimus Romana civitatis Episcopus, cui principatus sacerdotii super omnes antiquitas contulit, locum habeat & facultatem de fide sacerdotibus judicandi. Exstat quoque epistola Justiniani Græci Imperatoris ad Joannem II. Romanum Pontificem in ipso primo titulo Codicis. In qua epistola hæc habentur verba: Nec enim patimur quidquam quod ad Ecclesiarum statum pertinet, quod non etiam vestra innotescat Sanctitati, qua caput est omnium sanctarum Ecclesiarum.

C Habemus igitur Imperatorum testimonia, veterum, recentiorum, Latinorum, Græcorum, amicorum, & inimicorum, quibus testimoniis prior illa sententia, quam confirmandam suscepimus, satis munita, quod ad præsentem controversiam de translat. Imperii facit, & constituta esse videtur.

D Jam verò summum Ecclesiasticæ Hierarchiæ Principem (quæ erat altera sententia) Regna, atque Imperia Christianorum, si necessitas Ecclesiæ id postulet, posse transferre, demonstratum est à nobis in lib. 5. de Pontifice, ex quo libro huc unam vel alteram rationem transferemus.

E Primum igitur, licet potestas Ecclesiastica, quæ in summo Pontifice potissimum residet, & potestas politica, quam præter ceteros Principes Imperator Romanus habet, non modò duæ sint, ac distinctæ finibus & officiis, sed etiam separata interdum inveniantur (nam aliquando Ecclesia nullos habuit politicos principes, & nunc etiam multi sunt Principes ac Reges extra Ecclesiam) tamen quando Principes sunt Christiani, & in Ecclesiæ Catholicæ membris, ac filiis numerantur, duæ illæ potestates ita conjunguntur, ac conveniunt inter se, ut unam Rempublicam, unum regnum, unam familiam, imò & unum corpus efficiant. Unum enim, ut Apostolus ait Rom. 12. sumus corpus in Christo, singuli autem alter alterius membra. In hoc autem corpore mystico Ecclesiæ, potestas Ecclesiastica veluti animus quidam est, politica autem veluti corpus, ut

S. Gregorius Nazianzenus docet in Oratione ad populum timore perculsum, & Præsidem irascentem. Neque in controversiam id revocari potest, cum constet Ecclesiasticam potestatem spiritalem ac celestem esse, politicam verò, humanam ac terrenam: & rursus illius finis æterna beatitudo sit: hujus autem, pax & tranquillitas temporalis: illa animos & corda potissimum regat; ista in corporibus vim suam habeat: illa legibus divinis, & celestibus oraculis; ista jure civili ac gentium nitatur: illa denique auctorem immediatum Deum habeat; ista per jus gentium, & consensum populorum ad Principes derivetur. Igitur quemadmodum distincta sunt animi & carnis munera, & separata etiam inveniuntur in Angelis, qui corpore vacant; & belluis, quæ rationis sunt expertes; & tamen in homine quia unam hypostasim efficiunt, ita conveniunt, & conjunguntur, ut animus præsit, caro subjiatur; & possit animus jure suo carnem jejunis, vigiliis atque laboribus coercere, ne impediatur munera spiritus, vel etiam, si opus sit ad finem ipsius spiritus consequendum; possit spiritus carni imperare, ut se, ac sua exponat omnia, etiam cum detrimento vitæ, ut sanctos Martyres facere videmus, pari ratione in Ecclesia Christi, si verè unum corpus sit, tantam esse oportet conjunctionem Ecclesiasticæ, ac politicæ potestatis, tantumque inter eas ordinem, & unius ad alteram subjectionem; ut in his quæ ad æternam salutem adipiscendam pertinent, Ecclesiastica potestas politicam dirigat, eique imperet; & si opus sit, cohibeat, & coerceat, ne adeptionem proprii finis impediatur etiam cum detrimento propriæ potestatis; ut eo modo, juxta B. Gregorii sententiam lib. 2. epist. 61. terrestris regnum coelesti regno famuletur.

Huc accedit, quòd cum Principes politici ad Ecclesiam veniunt ut Christiani fiant, recipiuntur illi quidem, sed cum pacto expresso, vel tacito, ut sceptrum suum Christo subiciant, & Ecclesiam Catholicam non evertant, sed tueantur pro viribus ac defendant; & nisi id fecerint, puniri possint etiam Regni amissione. Non enim est aptus Regno Dei, nec tunc ad sacramentum baptismi admitti potest, qui non est paratus Christo servire; & propter ipsum amittere quicquid habet; cum Dominus dicat in Evangelio Luc. 14. Si quis venit ad me, & non odit patrem suum, & matrem, & uxorem, & filios, & fratres, adhuc autem & animam suam, non potest meus esse discipulus; & rursus in eodem loco: Sic ergo omnis ex vobis, qui non renunciat omnibus quæ possidet, non potest meus esse discipulus. Quæ loca (ut S. Augustinus rectè exponit in epist. 5. ad Marcellinum) sic intelligenda sunt; ut is non possit Christi esse discipulus, qui non est paratus carere potius uxore, liberis, parentibus, opibus, honoribus, atque ipsa etiam vita, quam ut Christum offendant. Quæ cum ita sint, nullam profectò injuriam facit summo Principi politico Princeps summus Ecclesiasticus, si eum admoneat, illique imperet, ut politica sua potestate rectè utatur, legibus & poenis impios ac blasphemos coerceat, fidem Catholicam protegat, adversus infideles Ecclesiam oppugnantes arma suscipiat. Quòd si is aut ex ove lupus evadat, & hæreticos, ac sectarios sequens, fidem Catholicam destruat, aut velut aries furiosus contempto pastore in oves sibi subjectas grassetur, aut certè instar languidi ac timidi canis, propter ignaviam ac segnitiam, gregem Domini à luporum moribus defendere non audeat, cur quæso non poterit summus Pastor, & qui Christi ipsius vices in terris gerit, lupum illum ab ovili arcere, atque ovibus imperare ne illum ultra sequantur; & arietem furiosum reclu-

A dere, ac prohibere ne gregem deinceps ducat; ac denique imbecillo cani valentiorum alium substitueret, qui gregem, ut oportet, custodiat ac defendat?

Ergo hac potestate Jojada Pontifex Arthalam Reginam, tyrannidem in populo exercentem, à regno amovit, & Joas Regem constituit; ut legimus lib. 4. Reg. cap. 11. & lib. 2. Paralip. cap. 23.

Hac potestate Gregorius Papa II. Leonem Imperatorem Iconoclastarum hæresi studentem, atque eam in Italiam inducere molientem, non solum excommunicavit, sed etiam vectigalibus Italiae prohibuit, ut Cedrenus & Zonaras in eiusdem Leonis vita scriptum reliquerunt. Hac potestate Pontifex Zacharias Hilderici regnum, quod eis socordia Catholica religio in Gallus non modicum detrimentum pateretur, in Pipinum & filios ejus transtulit, ut supra multis testimoniis demonstravimus.

Hac potestate Leo III. Pontifex, Regem Nordambrorum Regno suo inique pulsum, atque ad se tamquam omnium Christianorum caput & Principem fugientem, per Legatos suos in regnum restituit, ut Aimoinus scribit lib. 4. de rebus gestis Francorum cap. 96. & Regino lib. 2. Chronici anno 808.

Hac denique idem Leo Romanum Imperium à Græcis ad Francos transtulit, quòd jam longo usu didicisset, Græcos aut non posse, aut nolle laboranti Ecclesiæ opem ferre: ac tum maxime id metuendum videretur, cum, Imperatore Constantino fraude suorum excæcato, foemina, quod antea numquam acciderat, Romano Imperio præsideret.

Porro divino consilio eam translationem factam, testantur in primis victoriæ, ac triumphus, quos de omnibus suis hostibus Carolus reportavit. Ut enim Deus ostenderet suum esse illud opus, ita Carolum Magnum pietate, fortitudine, justitia, clementia, omnibusque regis virtutibus ornavit, ejusque Imperium tantis opibus, tanta benevolentia populorum, tot clarissimis victoriis, tot sacrarum ædium magnificentissimis ædificiis nobilitavit, ut post Magnum Constantinum nullus Imperator foelicior, nullus Ecclesiæ utilior fuisse videatur. Testatur deinde consensus & approbatio Orbis terræ. Siquidem Carolo Magno à Leone Pontifice Imperatore appellato, non modò Romanus populus lætissimis vocibus acclamavit, nec solum universa Italia, Gallia, Germania, Pannonia, totus denique Occidens, novum Imperatorem gratissimè excepit, sed etiam ab Asia & Africa maximorum Regum legationes gratulatoriæ cum magnis muneribus ad Carolum advenerunt. Ipsi etiam Græci Imperatores, tametsi alioquin æmuli & hostes Latinorum (ut supra demonstravimus) per Legatos Imperium Caroli agnoverunt, eumque Imperatorem & Augustum salutarunt. De quibus legationibus vide, si placet, Annales Francorum, Adonem, Reginonem, Abbatem Urspergensensem in Chronico anni 801. 802. 803. 807. & 812. necnon Orthonem Frisingensem lib. 5. hist. cap. 31. & 32. Testantur denique omnes consequentes ætates, siquidem ab anno Domini 801. quo anno in Germanos Imperium translatum esse constat, omnes omnino Christiani Romanum Imperium apud Germanos esse crediderunt. Neque ullus fuit Princeps, aut Rex Christianus, qui Caroli Magni successores ut veros, legitimusque Imperatores non agnoverit, aut qui se eis posthabitu ægrè tulerit. Soli sunt Lutherani, qui dum Germanicum Imperium Antichristi miraculum esse contendunt, Germaniam suam legitimo Imperio sine dubitatione spoliare nituntur.

Sed occurrit Illyricus, & adversus ea quæ hætenus diximus, objicit Jus Canonicum & divinum, quo politica potestas omnino Pontificibus interdicitur. Sic enim probat in lib. suo de translatione Imperii

perii pag. 6. non esse translatum Imperium à Græcis ad Francos Pontificis Maximi auctoritate: Quia Papa, inquit, testantibus id ipsorum propriis Juribus, non sunt à Deo constituti domini, aut gubernatores temporalium dominiorum, sicut ipsemet Christus negat suum regnum esse de hoc mundo, negat se esse constitutum iudicem rerum, ac litium terrenarum. Prohibet quoque Apostolis ne dominantur politicè, inquit, Reges gentium dominantur, vos autem non sic. Jubeat eos esse servos, & omnium minimos. Quin D. Petrus, qui se isti fundatore jactant, jubet presbyteros politicis gubernatoribus obtemperare. Quod igitur juxta Christum hic in terris non habuit, & non tantum non tradidit suis Apostolis, sed etiam severissime prohibuit, id profecto nec Petrus, nec Papa, etiam si centies vicarii Christi essent, habere poterunt.

Verum tota hæc Illyrici argumentatio uno verbo destrui potest. Nam tametsi fateremur, Romanum Pontificem neque re ipsa habere, neque etiam habere posse ullam politicam potestatem, non tamen inde rectè colligeretur, Imperium à Græcis ad Germanos ab eodem Romano Pontifice non potuisse transferri: Non enim politica, sed Ecclesiastica potestate, quæ politica longè major & sublimior est, quæque politicæ præest, eamque regit ac dirigit, ut supra diximus, ea translatio facta est. Siquidem Papa, non quod esset Rex Regum, aut summus temporalis Monarcha, qualis Augustus & Constantinus fuerit, Occidentale Imperium à Græcis ad Francos transtulit, sed quod Pastor Ecclesiæ universæ, à Christo ipso cum summa potestate constitutus, inter oves suas etiam Reges & Imperatores numeraret, possetque, ac deberet operam dare, ne Reges, & Regna Christianorum, Christi regnum impediant, nevé Ecclesiæ obsint, sed ejus potius honori, atque utilitati deserviant.

Sed ne fortè queratur Illyricus suam argumentationem nimis breviter refutatam, excutiamus paulò diligentius. At primò summos Pontifices (testantibus id propriis ipsorum juribus) non esse constitutos à Deo dominos, aut gubernatores temporalium dominiorum. At iisdem Juribus testantibus, constituti Pontifices sunt pastores ac præsules animarum, quarum æternæ salutis omnia temporalia bona deservire debent. Proinde licet, dum Reges Christiani regna sua (ut Christianos decet) administrent, non debeat summus Pontifex eorum regnorum curis ac negotiis se implicare, ubi tamen ii coeperint à via deflectere, & in detrimentum animarum regnis suis abuti, potest ac debet remedia congruentia (ut sæpè diximus) adhibere. Quare translationem Imperii à Græcis ad Germanos, Apostolicæ Sedis auctoritate factam esse, omnia Jura clamant. Vide quæ supra citavimus cap. 6.

At secundò Illyricus Christum ipsum non fuisse Regem de hoc mundo, nec iudicem litium terrenarum. At non negabit (opinor) Illyricus, potuisse Christum nihilominus, si ita expedire judicasset, regna mutare, atque transferre. Neque ideo non fuit Christus Rex temporalis, nec lites terrenas judicavit, quia non potuit, sed quia noluit.

Addit teritiò interdictum severè Apostolis, ne dominantur sicut gentes faciunt, & contra eis imperatum, ut essent minimi, atque omnium servi, sed facilis responsio est. Siquidem hæc omnia ad commendationem humilitatis faciunt, quæ virtus cum superbia pugnat, non cum potestate. Nam ubi Christus Apostolis imperavit, ut non dominantur more Gentium, sed minimi essent, ac servi, ibidem de se ait: Sicut filius hominis non venit ministrari, sed ministrare, & rursus: Ego autem in medio vestrum sum, sicut qui ministrat, & tamen idem

A ipse dixerat se habere potestatem omnis carnis, & sibi omnia tradita esse in manus, & se esse Dominum & magistrum.

Addit Illyricus postremò, Apostolum Petrum presbyteris mandasse, ut politicis gubernatoribus obtemperarent: qui locus in neutra B. Petri epistola invenitur. Hæc enim sola de presbyteris verba leguntur apud Apostolum Petrum: Seniores ergo, qui in vobis sunt, obsecro consenior, & testis Christi passionum, qui & ejus, quæ in futuro revelanda est, gloriæ communicator, pascite qui in vobis est gregem Dei, providentes non coactè, sed spontaneè secundum Deum: neque turpis lucris gratia, sed voluntariè, neque, ut dominantes in cleris, sed forma facti gregis ex animo, & cum apparuerit Princeps Pastorum, percipietis immarcescibilem gloriæ coronam 1. Petri 5. quæ verba non presbyteros magistratibus politicis, sed magistratus potius, ut cæteros laicos, presbyteris subiciunt.

C A P U T XIII

Solvuntur, aut soluta demonstrantur argumenta Illyrici.

C ETSI ex iis quæ hæcenus dicta sunt, profligata videtur omnis controversia, & argumenta omnia, quæ ab adversario adferebantur, dissoluta, quia tamen Illyricus in ipso primo capite sedecim objectiones, quasi totidem cohortes, aut legiones produxit in aciem, quas non eodem ordine, sed prout se obtulit occasio, variis in locis confecimus, opæpretium visum est, hoc loco singulas iterum inspicere, & vel locum annotare ubi soluta sunt, vel breviter refellere, si qua fortè adhuc restat, quæ caput attollere videatur. Ita igitur ille præfatur. Quod non sit facta per Papas Imperii translatio à Græcis ad Germanos, probatur sequentibus argumentis.

D Primò, quia id asserunt, probantque duo summi viri, idque non temerè, suæ arbitrio, sed ex vetustis historiis, nempe Nicolaus Cusanus Cardinalis, & Henricus Kaltefleiter, Archiepiscopus Nidrosiensis, & Papa domus, Sicus, qui ante centum annos mortui sunt, quorum testimonio in fine adyciam. Non opinor duos istos tuos milites tam esse temerarios, ut audacter stare velint in acie adversus nostros circiter quinquaginta, partim historicos, partim etiam summos Principes & Pontifices. Sed quid si demonstrare potuero, ne istos quidem, Illyrice, tibi favere?

E Nicolaus Cusanus, vir alioqui doctus & pius, injuria temporum, tanta librorum veterum penuria laboravit, ut apertè dicat lib. 3. Concordantiæ Catholicæ cap. 3. quem solum locum Illyricus citavit, in nullis historiis se reperisse Carolum Magnum verum Imperatorem fuisse. Proinde contendit Germanorum Imperium in Othone I. ita coepisse, ut nullus prædecessorum ejus inde usque ad Carolum Magnum Imperator fuerit. Placet ne tibi Illyrice, ut auctore Cusano, negemus etiam nos, Carolum, Ludovicum, Lotharium, & cæteros tam multos Imperatores fuisse? Deinde nullum omnino Historicum, neque præscum, neque recentem Cusanus nominatim citat, excepto Luithprando Ticinensi. Quid igitur tibi volebas cum diceres, Cusanum non temerè, suæ arbitrio, sed ex vetustis historiis sententiam suam munire? Adhæc tuus ille Cusanus tota illa disputatione sua nihil molitur aliud, nisi Imperium non esse translatum à Græcis ad Francos Adriani vel Stephani Romanorum Pontificum auctoritate: Nam de Leone III. cui omnes Historici veteres

terea translationem hanc Imperii tribuunt, nihil omnino Cusanus dixit, ac Leonem III. nec nominavit quidem. Quæ igitur est hæc nova Dialectica: Adrianus & Stephanus Carolum Magnum, Patritium Romanorum, non Imperatorem & Augustum appellaverunt, nemo igitur postea Rom. Pontifex eundem Carolum Imperatorem fecit?

Sed annotabo alium etiam insignem lapsum Cusani, ut Illyricus discat in aliis rebus magis, quam in historiis, fidem habendam esse Cusano. Scribit igitur Cusanus loco notato, in generali Concilio Basileensi I. anno 1061. Cadolum Parmensem à Legatis Romanis, communi omnium consilio electum Papam, Anselmum verò Lucensem à certis Romanis & Normannis item electum cathedram occupasse. At unde ista Cusanus hauserit, ipse viderit. Constat enim ex Lamberto Schaphnaburgensi, qui tum vivebat, Cadolum Parmensem non in Concilio generali, neque anno 1061. neque à Legatis Romanis, sed ab Imperatore Henrico puero, & aliquot Principibus intusum in Sedem Apostolicam anno 1063. contra verò Anselmum, qui in Pontificatu Alexander II. appellatus est, Romæ communi consensu Romanorum electum, ac deinceps ab omni Ecclesia, & ab ipso etiam Imperatore Henrico, qui Cadolum elegerat, verum Christi Vicarium habitum. Nec differunt ab historia Germanica Lamberti, Chronica Mariani Scori (qui etiam tunc vivebat) Othonis Frisingensis, Sigeberti, Martini Poloni, & aliorum. Atque hæcenus de Cusano. De Henrico Kaltheisen nihil est, quod dicam. Nam ipse etiam Illyricus cum advertisset nihil in eo esse præsidii, nullum ejus testimonium protulit. Pergamus ad cætera.

Secunda, inquit, ratio sit, quia Papa, testantibus id ipsorum propriis Juribus, non sunt à Deo constituti domini &c. Vide solutionem cap. præced. ubi totam hanc Illyrici argumentationem excussimus.

Tertio, quia ipsemet Carolus jure, ac vi belli occupavit Occidentale Imperium. Vide solutionem cap. 7.

Quarto, quia alii historici id factum Senatui, populoque Romano tribuunt, non Papa. Vide solutionem c. 10.

Quinto, quia eam dignitatem habuit Carolus multiplici jure à suis majoribus, jure gladii, & insuper ex concessione Constantinopolitanorum Imperatorum. Vide solutionem cap. 7. & 10.

Sexto, quia incertissima narrationes illius translationis eam vanitatis redarguunt. Respondeo omnes probatos Historicos summa consensione translationem factam literis mandasse à Leone III. anno 801. inchoante, ipso die Natalis Domini in Basilica S. Petri. Testimonia supra scripta sunt in cap. 3. Nam Joannem Andreæ, Vincentium Gallum, Antonium Rossellum, & Glossam Decretalium, quos auctores inter se dissidentes Illyricus citat, nihil moramur, quòd illi & posteriores sint, & in historiis parum omnino versati.

Septimo, quia evidens indicium falsitatis istius translationis illud quoque est, quòd Gratianus, qui diligentissime talia congegit, nullam istius translationis Imperii mentionem facit, cum alioqui ambiciose omnia Pontificum decora ostenderet, immò amplificet, & si quid in Imperatores beneficii contulerint, prædicet. Respondeo, Gratianum decreta & canones, tum ex Pontificum epistolis & Conciliorum definitionibus, tum ex libris sanctorum Patrum satis diligenter collegisse, de rebus gestis Pontificum & Imperatorum non laborasse. Quare nemini mirum videri debere, cum de translatione Imperii nullum sit factum decretum, sed res tantum publicè gesta, si de ea re Gratianus mentionem non fecerit. Porro Gratianum ambiciose ostentare, atque amplificare omnia Pontificum decora, tam est à veritate alienum, quam quod

A maximè. Sed non miror Illyricum tam libere mestiri de Gratiano. Quoniam enim jamdudum apud Lutheranos Gratianus publico igni exustus fuit, existimavit Illyricus, saltem apud suos mendacia esse in tuto: quippe quæ codicibus jam sublati detegi non possent.

Octavo, cognatum huic est, quòd Leo VIII. in restitutione, aut recognitione privilegiorum Othoni I. facta, cum confessionis, aut potius concessionis Adriani II. quæ se cum populo Romano Carolo subjecerat, mentionem honorificam faciat, nihil prorsus, ne verbulo quidem unico, de translatione Imperii dicit, cum multo profectò justius hujus tanta rei meminisse debuisset. Quare enim in veteribus actis fundamentum hujus sue novæ concessionis, aut largitionis, quod centuplo justius potuisset in illa tam gloriosa Imperii translatione, si quæ à Leone facta fuisset, ut isti fingunt, quam in Adriani sola patritiatus confessione. Quare cum in illa tam seria, solemnique actione inter Leonem VIII. aut potius totam ejus Synodum, & Othonem I. nulla prorsus mentio fiat istius translationis, merum profectò figmentum esse liquidò patet. Hæc profectò evidentissima demonstratio est.

multa sunt hoc loco Illyrici ornamenta numeranda, atque admiranda. Primum insignis memoria, aut historiarum peritia, cum Adriano II. tribuat, quod annis plus octoginta ante Adriani II. Pontificatum gestum esse constat. Deinde non vulgare studium veritatis, cum scribat Adriani confessionem existare, quæ se cum populo Romano Carolo Magno subjecerat; & ea confessio tamen nusquam exstet. Nam apud Gratianum can. Adrianus, & can. In Synodo dist. 63. ad quæ loca Illyricus respexit, legimus quidem concessum ab Adriano Carolo Regi jus eligendi Romanum Pontificem: at jus imperandi Pontifici, eumvè judicandi, quod verè ac propriè ad subjectionem Pontificis pertinuisset, concessum non legimus. Non est autem idem, jus eligendi Pontificem & jus Pontifici imperandi, alioqui etiam Cardinales Pontifici imperarent, & Canonici Episcopo, & populus Regi, & Principes Imperatori, quòd Pontifices à Cardinalibus, Episcopi à Canonici, Reges à populo, & Imperatores à Principibus eligantur. Tertiò cernimus in Illyrico egregiam Juris cognitionem, qui id in Jure perspicere potuit, quod ibi numquam fuit. Nam Leo VIII. (ut ex can. in Synodo, jam citato, intelligi potest) renovare voluit majorum suorum decretum de electione Pontificum, atque id Othoni I. concedere, quod illi Carolo Magno concesserant, videlicet, ut jus esset Imperatori nominandi tum ipsum Romanum Pontificem, tum etiam Episcopos cæteros. Quoniam autem Carolo Magno Leo III. nihil ejusmodi dederat, sed Adrianus I. cum Episcopis sui temporis id fecerat, propterea Leo VIII. exemplum sequi se dixit Adriani, in ea concessione, Leonis autem III. non meminit, quòd ejus mentio ad rem non pertineret. Quòd si in eo decreto Leo VIII. mentionem fecit patritiatus, quem Adrianus Carolo eodem tempore tribuit, id ea de causa fecit, quia simul, & jure electionum, & patritii dignitate Adrianus Carolum ornaverat. Noluisset enim ea separare, quæ conjuncta erant, tamen ad rem suam, aut solum, aut certè potissimum pertineret concessio juris Pontificis eligendi. Agnoscimus postremò novam in Illyrico formam demonstrationum, cum hæc sit (illo auctore) evidentissima demonstratio: Leo VIII. in suo quodam decreto non dicit: Imperium translatum ad Francos, sive Germanos Romani Pontificis auctoritate: igitur merum figmentum esse liquet quicquid Historici tradunt de illa translatione. Egregiè omnino, quasi continuò debeat esse falsum quicquid Leo VIII. non dixit.

Nonò, quia multi id factum adscribunt Senatui, populoque

puloque Romano; alii ipsi Carolo, qui sibi id ultro sum-
pserit suo arbitrio, ac jure &c. Sed hæc est mera repe-
titio tertiæ & quartæ argumenti.

Decimò, quid impudentius, aut vanius fingi potest,
quàm Papam, aut plebem Romanam, potuisse, vel et-
iam ausos esse transferre, aut donare cuiquam supra se
Imperium, qui jamdudum amissa libertate, jurata man-
cipia Imperatorum erant. Ipsinet Carolo jam amplius
viginti annis antea sub Adriano omnem potestatem Im-
peratorum Constantinopolitanorum in Romanam Italiam,
& Papas ipsos (quàm ipse aliqui armis acquiserat)
Pontifex, ac Romani, integraque Synodus, adhibitis
etiam juramentis, & Anathematibus consenserant, ejus-
que sese subditos, & veluti mancipia recognoverant,
aut confessi fuerant, ut id ipsum proprium eorum jus,
dist. 63. & omnes historia testantur. Diximus de hac
re satis multa in secundo capite: verumtamen ni-
hil oberit hic adscribere quicquid habetur apud
Gratianum dist. 63. ut Illyrici mendacia eo teste
detegantur, quem ipse pro se protulit. Sic igitur
loquitur Gratianus. Adrianus Papa Romam venire
Carolus Regem ad defendendas res Ecclesiæ po-
stulavit. Carolus verò Romam veniens, Papiam
obsedit, ibique relicto exercitu, in sancta Resurre-
ctione ab Adriano Papa honorificè susceptus est,
post sanctam Resurrectionem reversus Papiam,
cepit Desiderium Regem. Deinde Romam rever-
sus, constituit ibi Synodum cum Adriano Papa in
Patriarchatu Lateranensi, in Ecclesia S. Salvato-
ris: quæ Synodus celebrata est à 153. Episcopis,
Religiosis, & Abbatibus. Adrianus autem Papa cum
universa Synodo tradiderunt Carolo jus & pote-
statem eligendi Pontificem, & ordinandi Apostoli-
cam Sedem: dignitatem quoque patriatus ei con-
cesserunt, insuper Archiepiscopos & Episcopos per
singulas provincias ab eo investituram accipere de-
sinivit, ut, nisi à Rege laudetur, & investatur E-
piscopus, à nemine consecratur, & quicumque con-
tra hoc decretum ageret, anathematis vinculo eum
innodavit: & nisi resipisceret, bona ejus publica-
ri præcepit. Hæc Gratianus, quæ ad verbum re-
periuntur etiam apud Sigebertum in Chronico an-
no 773. Cæteri autem Historici veteres Rhegino,
Ado, Otho Frisingensis, Lambertus Schaphnabur-
gensis, Marianus Scotus, & Abbas Urspergensis in
Chronici ejusdem anni, & sequentium, nihil om-
nino hac de re scripserunt.

Dicat igitur nobis Illyricus, ubi sit in verbis
Gratiani & Historicorum, datam esse Carolo ab
Adriano omnem potestatem Imperatoris Constani-
nopolitani, item datum esse Carolo Imperium
in Romanos Pontifices, item adhibitum iururan-
dum quo Papa subiceretur Regi; item agnovisse
& confessos esse Pontifices se Caroli esse manci-
pia. Nihil certè horum legitur nec in Gratiano,
nec in ullo scriptore, proinde necesse est Illyrici
esse mendacia.

Deinde quo pacto non secum ipse pugnasset A-
drianus, si se Regis mancipium agnovisset, & ta-
men eidem dignitatem patriatus, & jus eligendi
Pontifices concessisset? Nisi fortè illius temporis man-
cipia ea prædita auctoritate erant, ut etiam patri-
tios facere, & Reges ipsos novis dignitatibus auge-
re possent. Quid quod Rhegino in Chronico an-
ni 787. scribit, Carolum Regem & patrium subdi-
tum se Adriani Pontificis agnovisse? Rex autem,
inquit Rhegino, ad postulata respondit, se per mul-
ta tempora quævisse, sed munere obtinere potuis-
se: ne tamen inobediens videretur esse monitis A-
postolicis, asseruit se in ejusdem Papæ præsentia,
cum ejusdem missis pacem velle firmare.

Undecimò: Testantur quoque omnes Historici, etiam
Controv. Card. Bellarmin. Tom. II.

A ii, qui Papis sunt addictissimi, Leonem Papam, mox
ut electus fuit in Papam, misisse ad Carolum Magnum
legationem unà cum clavibus sancti Petri, quod est Pa-
pale insigne, & vexillis Urbis Roma cum aquilis: pe-
tisseque juxta Synodum Adriani confirmationem sui,
& ut aliquis mitteretur, qui Romanos Carolo denuò
juramento adstringeret, quod fuit extrema subjectionis
indicium. Quare etiam paulò post orto diffidio inter Pa-
pam & Romanos, tum ipse Papa ad Casarem ut summo
superiorem confugit, tum & Romani eodem suis accu-
satores miserunt, ut sic utrique sint testati eum esse
suum legitimum iudicem, ac dominum. Quàm sæda er-
go tandem est ista vanitas, quàm Papiste fingunt illos
servos, aut mancipia Caroli Imperium Romanum in Ca-
rolum transfuisse, eumque sibi ut vassallum quendam da-
to fendo obligasse, ut nunc arctissimis juramentis Casa-
res sibi obstringunt, & etiam ad turpissima pedum oscu-
la adigunt. Non satis scio quid in hac objectione ma-
gis admiretur, imperitiam, an impudentiam. Claves
S. Petri à Leone ad Carolum missas, doctus Illyri-
cus Papale insigne interpretatur, quasi Pontifex Leo
Pontificatum suum Carolo Magno, vel dono dede-
rit, vel certè subjecerit. At claves illæ nihil erant
aliud, nisi thecæ quædam pretiosæ, quibus reliquia-
rum fragmenta servabantur. Solebant enim Pontifi-
ces, cum summo aliquem munere afficere voluis-
sent, rasuram cathenarum S. Petri, aut aliquid aliud
generis ejusdem, clavicula aurea, vel argentea in-
clusum mittere. Audi S. Gregorium in epist. 23. li-
bri 6. ad Theotistum & Andream: Præterea, in-
quit, benedictionem S. Petri Apostoli, clavem à
sacratissimo ejus corpore transmissi. Et in epist. 126.
libri 7. ad Recharedum Regem Visigothorum; Cla-
vem, inquit, parvulam à sacratissimo B. Petri Apo-
stoli corpore pro ejus benedictione transmisimus, in
qua inest ferrum de catenis ejus inclusum; ut quod
collum illius ad martyrium ligaverat, vestrum ab
omnibus peccatis solvat. Crucem quoque dedi lato-
ri præsentium vobis offerendam, in qua lignum Do-
minicæ crucis inest, & capilli B. Joannis Baptistæ:
ex qua semper solatium nostri Salvatoris, per inter-
cessionem præcursoris ejus, habeatis. Talem igitur
clavem non insigne Papale, sed religiosum munus
Christianissimo Principi summus Pontifex misit.
Nam idcirco Rhegino in Chronico anni 796. Ado
Viennensis in Chronico sexta ætate, & Abbas Ur-
spergensis, item in Chronico ejusdem anni, has
ipsas claves, confessionis S. Petri, idest, sepulchri,
claves appellant, & pro munere missas à Leone ad
Carolus scribunt. Qui etiam auctores in Chronico
anni 800. simile quoddam donum ab Episcopo Hie-
rosolymæ ad eundem Carolum transmissum, his
verbis tradunt: Eadem die Zacharias pater cum duo-
bus monachis, uno de monte Oliveti, altero de Bethle-
hem, Romam venit, quos Episcopus Hierosolymorum ad
Regem direxit, qui benedictionis causa claves sepulchri
Domini, ac loci Calvaria, claves etiam civitatis cum
vexillo detulerunt. Hæc illi. Nec sanè dubitari ulla
ratione potest, quin fuerint omnia illa religiosa mu-
nuscula, non insignia dignitatum. Quare Paulus
Æmilius in vita Caroli, pia magis quam magnifi-
ca munera esse dixit.

Quod secundo loco addit Illyricus, postulasse Leo-
nem, ut à Carolo mitterentur, qui Romanos eidem
Carolo juramento adstringerent, jam supra discuf-
sum est in primo capite, ubi ex ipso Illyrico de-
monstravimus, Leonem à Carolo postulasse, qui Ro-
manos jurejurando adstringeret, non Carolo, sed
Leoni, & sanè ratio erat magna, cur novo Pontifi-
ci Leoni novum sacramentum populus præstaret, cur
autem Carolo præstaret, nulla erat. Quæ cum ita
sint, evanuit (credo) illud jam extremæ subjectionis

nis indicium, quod ex missis clavibus, & Legatis postulatis, qui ad jurandum Romanos adigerent, Illyricus fabricaverat.

At, inquit, dissidio inter Papam & Romanos exorto, utrique Carolum dominum, ac iudicem appellarunt. Nulquam ista nomina legi, iudicis, & domini. Res autem gesta narratur ab Othone Frisingensi lib. 5. c. 30. his verbis.

Anno ab Incarnatione Domini 799. Leo Papa, qui Adriano successerat, in Litania majore à Romanis flagitiosissime, ita ut oculi ejus eruti viderentur, tractatur: qui ad Regem Carolum veniens, eventum rerum deplorat. Igitur Carolus victoriosissimus, qui jam subjugatis sibi Bavoriis, Aquitanis, Saxonibus, Danis, Nortmannis Britannis, Pannonis, multisque aliis provinciis, regnum Francorum plurimum dilataverat, dignus qui altius proveheretur, Papam ultimus ad urbem tendebat, cui pridie quam Urbem intraret, Leo ad duodecimum lapidem occurrit, eumque honorifice suscepit. Mane facto, Urbem ingressus, à Pontifice ac cuncto populo susceptus, in Ecclesiam B. Petri traducitur. Post, septem diebus transactis, Rex concione facta, causam adventus sui exponit. Leo quoque, cui amuli sui magnum crimen imposuerant, nemine cogente, ex bona conscientia de objecto crimine coram omnibus supra sacrosancta Evangelia se purgavit. Hæc ille. Ex qua narratione discimus, Carolum Romam venisse, non ut Pontificem judicaret, sed ut injuriam illi factam ulcisceretur, & Leonem Pontificem non ab aliquo judicatum, sed à se ipso, nemine cogente, jurejurando purgatum. Nec dissentiant Historici cæteri. Sed Rhegino, atque Abbas illud etiam addunt, Pontificem ad Carolum venientem summo cum honore ab eodem Carolo susceptum; quod utrum vilissimis mancipiis satis conveniat (quales fuisse eo tempore summos Pontifices mentitur Illyricus) Illyricus ipse iudex esto.

Jam verò quod in postremis verbis Illyricus habet, adigi nunc à Pontificibus Imperatores ad iurandum, & oscula pedum, Otho Magnus, & Fredericus I. (ut alios prætermittam) nobis etiam tacentibus satis refellunt. Siquidem ille Joanni XII. Pontifici iurjurandi sacramentum, antequam Urbem ingrederetur, à nemine coactus, nisi ab ipso jure & æquitate, præstitit; Quod exstat adhuc apud Gratianum can. Tibi Domino Joanni, dist. 63. Ille autem (ut capite superiore ex Krantzio & Radevico demonstravimus) Adrianum IV. humi prostratus sponte sua veneratus est, & Victori IV. quem ipse Pontificem in Schismate quodammodo fecerat, nemine cogente pedes osculari coram universa Ecclesia non erubuit. Sed de hac objectione satis multa dicta sunt. Pergamus ad cæteras.

Duodecimò, ipsa vox Translatio eos evidentissime mendacis redarguit, nam si transfulerunt Imperium à Græcis ad Francos, sequitur Græcos esse planè privatos Imperiali dignitate. Et infra: *Decretalis, Solita, clare Constantinopolitanum Regem vocat Imperatorem Romanorum.* At hæc obiectio nulla est. Non enim Imperium universum, sed Occidentale solum translatum esse dicimus à Græcis ad Francos. Græci siquidem cum Gothos. Belisario & Narsete ducibus, Italia exegissent, Occidentale Imperium Orientali iterum adjunxerunt; postea verò, quam à Leone Pontifice Carolus Magnus Occidentalis Imperii jure donatus est, Græcus Imperator Occidentali Imperio caruit, Orientale retinuit. Atque ex eo tempore Augusti duo pari potestate Romanum Imperium tenuerunt.

Decimotertiò, quæcumque omnino parte, aut quasi lancia quis istam narrationem translationis Imperii apprehendit, mox liquidò animadvertit esse vanissimum mendacium. Fingunt enim illi Carolum ignorasse Papa consilium &c.

A) Ista verò est nova forma Syllogismi. Constat enim tota argumentatio ex tribus manifestissimis, crassissimisque mendaciis, quæ sunt à nobis suprâ cap. 2. notata & refutata. Vide igitur cap. 2. Mendacia 15. & 16.

Decimoquintò (nam decimumquartum præ festinatione Illyrico excidisse videtur, nisi forte sit error in numeris) Quis, inquit, dubitat, si Papa, ac Romani sponte, suoque arbitrio Imperium à Græcis in Francos transferre tunc potuissent, voluissentque, eos certis firmisque passionibus, ac conditionibus cum Carolo acturos fuisse, quibus tam sibi, tum etiam aliis regionibus, & hominibus cavissent de certa quadam libertate &c. An tu ridiculus non es Illyrice, cum pactum de libertate

B) retinenda commemoras, ubi de Imperatore ac domino constituendo agitur? Quibus enim, quæso, iste Cæsar imperabit, si omnes homines, ac regiones, quæ ad illius Imperium pertinent, sibi diligenter de libertate conservanda caveant? Sed nimirum magistrum tuum secutus es Lutherum, qui in lib. de votis monasticis jubet monachos futuros hac forma verborum uti, cum Deo sua vota nuncupant: Voveo paupertatem, castitatem, & obedientiam usque ad mortem liberè, ita ut mutare possim quando volo, nec unquam ea vota teneat observare. Audi igitur Illyrice. Si pacta nulla inter Leonem & Carolum intercessissent, mirum vident certè non deberet:

C) dabatur enim Imperium virtutibus Caroli, dabatur meritis ejus, necnon patris & avi, quæ multa & magna in Ecclesiam Romanam exstabant. Verumtamen accesserunt etiam pacta, non quidem, ut tu dicis, de libertate gentium & populorum conservanda, sed de Ecclesia universa, ac potissimum de Apostolica Sede perpetuò defendenda. Est enim Imperator Romanus (ut jura passim loquuntur) proprius Ecclesiæ Catholicæ, atque præcipuus advocatus. Porro continetur hoc pactum tum in eo sacramento, quod Reges Romanorum Pontifici Romano præstare solent cum ad coronam accipiendam veniunt: tum etiam in ipsa voce translationis Imperii, idcirco enim non novum Imperium erectum, sed antiquum translatum ad Germanos dicitur, ut meminerint Germani Imperatores, non modò jus & potestatem imperandi, sed etiam curam & sollicitudinem Ecclesiæ tuendæ, Constantini, Theodosii, Martiani, Justiniani, Tiberii, aliorumque veterum ac piorum Cæsarum ad se translata, quæ etiam causa est, ut aliquando Romani Pontifices certos Imperatores & Ecclesiæ communionem, & Imperii dignitatem privarent; quòd videlicet adversus iniuriam & iurata pacta, non se illi advocatos, sed hostes Ecclesiæ præstulissent. Sed de his satis.

D) Decimosextò, Verum, inquit, ut hisce quoque argumentationibus, sententiæ finem imponamus, hoc unum quæro à Pontificis seductoribus: cum constet Carolum amplius viginti annis ante illam Leoninam (penè dixissem vulpinam) Papa coronationem totum Occidentale Imperium occupasse & tenuisse, hoc, inquam, quæro, num jure occupavit, & tenuit, fuitque legitimus ejus Monarchia possessor? Injustè eum occupasse, ac tenuisse, non audebunt (credo) dicere. Si verò justè occupavit, ac tenuit totum Occidentale Imperium tot annis ante Papatum Leonis, quomodo potuit Leo Imperium Romanum in eum transfundere, aut quid tandem ei adjecit? Sed hæc obiectio soluta est in sexto capite, ubi ostendimus, Carolum Magnum ante Leonis III. Pontificatum, justo bello occupasse, ac tenuisse non quidem universum (ut Illyricus dicit) Occidentis Imperium (nec enim Hispaniam, Africam, Illyricum, Britanniam, Apuliam, Calabriam, Siciliam, aliasque nonnullas Occidentales Imperii Provincias eo tempore Carolus occu-

occupaverat) sed magnam tamen ejus partem, id est, Galliam, Germaniam, Pannoniam, atque Italiae partem quandam. Ceterum ea ipsa loca non jure Caesaris, sed partim jure regio, partim jure patritio Carolum possedisse. Id igitur Imperii translatio effecit, ut Carolus Magnus illa ipsa, quæ jam habebat, non tantum ut Rex, aut Patritius, sed ut verus Imperator & Augustus retineret: utque jus haberet ad alias item provincias, quas Occidentalis Imperii fuisse, atque injuria ab aliis occupatas esse constaret: ut denique nominibus, titulis, honoribus omnibus veterum Caesarum uteretur, atque eo nomine omnes alios Reges, ac Principes, tum ipse, tum ejus successores, ac posteri anteirent, etiamsi aliquando contingeret, ut essent alii Chri-

Astiani reges, ipso Cesare longè potentiores. Ac ne id parum fortasse Illyrico videatur, revocet ad memoriam quæ de Zenone & Theodorico ipse scripsit. Non modò enim affirmavit, sed etiam multis testibus asserere conatus est, Theodoricum Gothum, Zenonis Imperatoris beneficio, Occidentale Imperium accepisse, cui si nunc objiciamus, Theodoricum ne uno quidem milite, aut obolo à Zenone adjutum, sua tantum, ac suorum virtute, multis exantlatis laboribus, multoque sanguine effuso Italiae possessionem adeptum, nihil aliud inveniet quod respondeat, nisi idèò verè Theodoricum à Zenone Imperium (vel Regnum potius Italiae) accepisse, quòd ab eo, jus, titulum, dignitatem, ac potestatem regiam accepisset.



LIBER SECUNDUS. SUMMA.

*Imperium Romanum de gente Francorum ad gentem Saxonum
Summi Pontificis auctoritate transisse.*

CAPUT PRIMUM.

Succeffionem explicat Caroli Magni.



SEQUITUR altera Controversia apud Illyricum de translatione Imperii à Francis ad Saxones; quam translationem Illyricus non modò, non auctore Romano Pontifice, sed etiam eo invito factam esse contendit. Sed ut res tota facilius perspiciatur, historia successione Imperatorum à Carolo usque ad Othonem paulò altius repetenda erit. Igitur Carolus Magnus à Leone III. Pontifice Romæ anno 800. coronatus, successorem habuit Ludovicum filium, quem Stephanus IV. aliàs V. Papa Remis in Gallia coronavit anno 815. teste Othone Frisingensi lib. 5. cap. 33. Ludovico Lotharius filius successit, quem Paschalis Papa Romæ coronavit anno 822. eodem teste Othone lib. 5. c. 34. Lothario successit filius Ludovicus, quem Sergius Papa II. Romæ coronavit anno 834. teste Adone Viennensi in Chronico 6. ætate. Ludovico Carolus Calvus successit, qui huius Ludovici patruus erat, Lotharii videlicet frater ex patre Ludovico seniore: coronavit autem Carolum Calvum Romæ Joannes VIII. anno 874. teste Rheginone lib. 2. Chronici. Carolo Calvo Ludovicus Balbus filius successit anno 877. teste Rheginone ibidem: coronavit autem eum idem Joannes Papa VIII. teste Onuphrio in additione ad Platinam in vita ejusdem Pontificis Joannis. Ludovico Balbo successit Carolus Crassus Ludovici Regis Germaniæ filius, qui Ludovicus Caroli Magni ex Ludovico filio nepos erat. Coronavit eum idem Joannes VIII. Romæ anno 878. teste Othone Frisingensi lib. 6. cap. 8. Carolo Crasso Arnulphus successit, quem Papa Formosus coronavit Romæ anno 896. teste Rheginone in Chronico. Fuit autem Arnulphus Carolomanni filius, Ludovici Regis Germaniæ nepos. Arnulpho successit filius Ludovicus, Ludovico Chunradus, Arnulphi ex alio Chunrado nepos. Atque hic series desinit Caroli Magni, & gentis Francorum, ut ex Abbate Urspergeni in Chronico anni 914. cognosci potest. Chunrado successit Henricus I. ex gente Saxonum, cognomento Auceps. Nam etsi is Henricus nepos erat Arnulphi Imperatoris ex filia, ut Albertus Krantzius demonstrat lib. 2. Saxoniz cap. 33. tamen ex patre non Francus erat, sed Saxo. Porro nullus horum trium coronam Imperialem habuit, ut Historici omnes testantur. Henrico autem filius Otho successit, quem Joannes Papa XII. Romæ, ut infra demonstrabimus, coronavit.

Quæstio igitur est, cœperit ne Saxonum Imperium in Henrico, an in Othone, & quidem in Henrico cœpisse, Illyricus totis viribus contendit: siquidem inde rectissime deduci putat, invito Romano Pontifice Saxonicum Imperium constitutum: quoniam is

A Henricus nec Romam ad Pontificem venit, nec ab eo unctionem, vel coronationem ullam postulavit. Ego verò Imperatorem primum ex gente Saxonum Othonem Magnum fuisse, eumque à Romano Pontifice Imperium accepisse, nullo negotio demonstrari posse censeo.

CAPUT II.

Othonem I. non autem Henricum, aut Chunradum Imperatorem primum ex gente Saxonum fuisse demonstrat.

Primùm igitur, Henricum patrem Othonis, Regem tantum, non Imperatorem fuisse, testis est ipse idem Henricus, qui Regio nomine contentus, insignia, appellationesque ceteras, necnon unctionem & coronationem sponte recusavit, ut custos Imperii potius, quàm Imperator dici possit. Virichindus, qui huius Henrici tempore vixit, lib. 1. gestorum Saxonorum, de hoc ipso Henrico ita loquitur: *Cum ei offerretur unctio cum diademate à Summo Pontifice, qui eo tempore Herigerus erat, non spernit, nec tamen suscepit, satis, inquit, mihi est, ut prae meis majoribus Rex dicar & designer, divina ammente gratia, ac vestra pietate. Penes meliores verò nobis unctio & diadema sit: tanto honore nos indignos arbitramur.* Hæc Virichindus, quem secutus Abbas Urspergensis in Chronico anni 920. Henricus, inquit, renuit diadema & unctionem, solo nomine Regis contentus. Albertus Krantzius lib. 3. Saxoniz cap. 1. Henricus, inquit, Dux Saxoniz, primus ex ea familia ad Romani regni culmen ascendit, quod ea domus per aliquot continuata sæcula perseveranter servavit, ut in contextu docebimus, cui, si in Italiam prædecessorum more venire dignaretur, diadema cum consecratione ad Imperatoriam dignitatem Joannes ejus nominis X. Summus Pontifex repromisit. Henricus autem satis sibi videri respondit, quòd primus ad regni culmen immeritus pervenisset, diadema Imperii majoribus debitum: se nihil ambire suprà id quod accepisset, etiam si majora, quàm obire posset, sustollentem onera. Habemus igitur in primis Henrici ipsius ingenuum, planeque Germanicum testimonium.

Sed accedant secundo loco sequentium Principum, ejusdem nominis testimonia. Nam (ut Onuphrius Panvinus testatur in lib. de Comitibus Imperatoris) S. Henricus Chunradus, & tres alii Henrici, qui post Othonem III. imperarunt, in diplomatis suis ita nomina sua inscribunt, ut nullo loco Chunradum & Henricum, qui ante Othones regnarunt, inter Imperatores habuisse videantur, non enim se scribunt Chunradum II. & Henricos II. III. IV. V. sed Chunradum I. & Henricos I. II. III. & IV. quibus etiam numerorum notis distingui sepulchra Chunradi, & posteriorum trium Henricorum, quæ adhuc Spiræ exstant, idem Onuphrius testis est. Ut jam non levis temeri-

tas eorum esse videatur, qui contra ipsa Imperatorum diplomata, & literas, in monumentis ante tot annorum centurias incisas, Chunradum I. & Henricum I. Secundos; necnon Henricum II. III. & III. IV. & IV. V. appellandos esse contendunt. De Ludovicis autem res adeò manifesta est, ut non possit Illyricus Ludovicum, Arnulphi Imperatoris filium, qui corona Imperii caruit, inter Imperatores numerare, quin sibi ipse repugnet. Nam si is Ludovicus Imperator fuit, necesse est quartus fuerit, tres enim ante ipsum Ludovici præcesserant, senior, junior, & Balbus? At si quartus est Arnulphi filius, qua ratione Ludovicus Bavarus & se ipse quartum, non quintum, in omnibus suis diplomatibus vocat; & quartus, non quintus, ab omnibus auctoribus; & ab ipso Illyrico in hoc lib. de translatione Imperii, aliquoties appellatur? Quod si Ludovicus ille è numero Imperatorum eximitur, quia corona, & unctione Apostolica caruit, licet alioqui de stirpe Caroli, & filius Imperatoris fuerit: quanto magis Henricus Saxo ex Imperatorum numero eximendus erit, qui nihil horum habuit, & coronam ac dignitatem Imperatoriam recusavit?

Accedant postremo testimonia etiam veterum gravissimorumque Historicorum. Lambertus Schafnaburgensis in historia Germanica, Anno, inquit, 1024. Henricus primus Rex: II. Rex Imperator obiit. Ubi vides, Lector, Lamberti Historici gravissimi, & Germani, & qui illo ipso sæculo floruit, iudicio, Henricum I. Regem tantum; secundum autem, Regem Imperatorem fuisse. Regino & Siebertus non dissentiunt à Lamberto: siquidem tres illos Reges, Ludovicum Arnulphi Imperatoris filium, Chunradum & Henricum, qui coronam Imperii à Romano Pontifice non habuerunt, numquam Imperatores, sed perpetuò Reges vocant, cum tamen præcedentes, & sequentes Reges, qui à Romano Pontifice coronati fuere, Imperatores semper appellant. Otho Frisingensis pluribus in locis sententiam nostram aperte confirmat. Sed antequam verba illius ponam, operæpretium esse duxi, Lectorem præmonere quod Otho Frisingensis scribit, & sæpe repetit, virtute Othonis I. Imperium transisse ad Francos Orientales, non sic esse accipiendum, quasi Otho I. sine Pont. Max. auctoritate Imperium obtinuerit; id enim paulò post apertissimis argumentis refutabitur. Id igitur solum Otho Frisingensis significare voluit, in Othone I. translationem factam esse Romani Imperii ab Occidentalibus Francis ad Orientales; ejus autem translationis causam fuisse virtutem ejusdem Othonis, qui & à Pontifice Summo promotionem ad eam dignitatem facillè promeruit, & armis hostes Imperii fortissimè domuit. Ille igitur sic loquitur lib. 6. hist. cap. 17. Ex hoc, inquit, quidam post Francorum regnum supputant Teutonicorum. Unde filium Othonem in decretis Pontificum, Leonem Papam, primum Regem Teutonicorum vocasse dicunt. Nam iste, de quo agimus, Henricus, oblatam sibi à summo Pontifice dignitatem renuisse perhibetur. Et infra, Otho, inquit, qui Imperium à Longobardis usurparum deduxit ad Teutonicos Orientales Francos, forsitan dictus est primus Rex Teutonicorum, non quòd primus apud Teutonicos regnaverit, sed quòd primus post eos qui à Carolo Carolingi, sicut à Meroveo Merovingi, dicti sunt, ex alio, idest, Saxonum sanguine natus, Imperium ad Teutonicos Francos revocaverit. Et cap. 22. ubi narravit coronationem Othonis Romæ celebratam, ita subjungit: Ex hinc Regnum Romanorum post Francos & Longobardos ad Teutonicos, vel, ut aliis videtur, iterum ad Francos, unde quodammodo elapsum fuerat, translatus est. Et c. 24.

Controv. Card. Bellarmin. Tom. I. l.

A Hic, inquit, est Otho, qui post multas victorias Græcos quoque in Apulia & Calabria superavit, ac Imperium Romanorum virtute sua ad Francos Orientales reduxit. Et paulò ante: Vide, inquit, regnum Teutonicum cum regno Francorum affine & quodammodo cognatum principium habere. Ibi primum Carolus (Martellus) sine Regis nomine honorem Regis gerebat: hic Magnus Otho Saxonum Dux (Othonis Imperatoris avus) Regibus adhuc ex stirpe Caroli manentibus, regni summam administrabat. Illius filius Pipinus non solum re, sed etiam nomine Rex coepit esse, & dici, hujus simili modo filius Henricus Regis nomine meruit honorari. Illius filius Carolus Magnus non solum regnum, sed etiam Imperium capto Desiderio primus obtinuit ex Francis. Istius filius Otho Magnus post multos triumphos, primus ex Teutonicis post Carolos capto Berengario Romanis imperavit. Hæc ille.

B Neque ab hoc numero veterum Historicorum separandus est Luitprandus Diaconus his omnibus antiquior. Siquidem ipse lib. 6. cap. 6. cum Othonem I. ante coronationem Imperialem piissimum Regem tantum; deinde autem etiam Imperatorem Augustum fuisse dicat; manifestè significat, Henricum Othonis patrem, qui coronatus numquam fuit, Imperatorem numquam fuisse. Philippus Bergomensis lib. 11. supplementi Chronicorum, aperte docet, à Ludovico, Arnulphi filio, usque ad Othonem I. non fuisse in Germania Imperatores, sed Reges dumtaxat. Deinde lib. 12. addit in Othone I. Imperium Germanis iterum restitutum. Lupoldus quoque in lib. de Juribus Imperii cap. 2. & 5. ut ipse Illyricus citat pag. 105. Othonem Imperatorem primum ex gente Saxonum facit.

C Addamus si placet etiam testimonium Cuspiniani, quoniam eo auctore Illyricus mirificè delectari videtur. Othonem (inquit Joannes Cuspinianus in vita ejusdem Othonis) plerique scriptores primum Germanorum Imperatorem numerant, qui Imperium, à justa sobole, agnationeque Caroli Magni ablatum, primus hic Otho justus princeps, vir belli pacisque insignis, recuperavit Pontificis Maximi auctoritate. Habemus igitur testimoniis Historicorum, Principum, & ipsius Henrici patris Othonis, non Henricum patrem, sed Othonem filium Imperatorem primum ex gente Saxonum fuisse; quod etiam cognomen Magni satis aperte significare videtur. Nam propterea inter omnes Imperatores Occidentis, soli Carolus & Otho Magni cognomen invenerunt, quòd ille ad Francos, iste ad Saxones, Imperii Romani decus attulerit.

C A P U T III.

Eundem Othonem à Summo Pontifice Joanne XII. ad Imperium provec-
tum ostendit.

J Am verò demonstrandum superest, hunc ipsum Othonem à Pontifice Romano ad Imperium vocatum, provecumque fuisse. Id verò Historici omnes una voce tradunt, atque ut à posterioribus sursum versus ascendamus. Cuspinianum modò dicentem audivimus, ab Othone quidem recuperatum Imperium, sed Pontificis Maximi auctoritate. Albertus Krantzius lib. 4. Saxonæ cap. 9. Cum appropinquaret, inquit, Urbi, insigni pompa à Romanis est introductus, & Imperii coronam cum consecratione, & Imperatorio honore suscepit.

Joannes Nauclerus in Chronographia sua, generat. 33.

rat. 33. Otho, inquit, à Joanne Papa Augustus vocatur, & ordinatur, unctione Imperiali, ac benedictione sublimatus. Idem quoque docent Blondus lib. 3. decad. 2. Platina in vita Joannis XII. quem ipse tamen 13. vocat. Philippus Bergomensis lib. 12. Supplementi; & Jacobus Wymphelingius in Epitome rerum Germanicarum, cap. 18. Sigebertus in Chronico: Anno, inquit, 963. Otho I. à Joanne Papa coronatur. Lambertus Schafnaburgensis in historia Germanica: Otho Rex, inquit, perrexit Romam; eumque Joannes Papa gratanter suscipiens, honorifice super Cathedram Augustalem posuit, & benedictione atque consecratione sua Imperatorem fecit. Otho Frisingensis lib. 6. cap. 22. Otho, inquit, gloriosus Rex à Papia usque ad Urbem progrediens, honorifice à Summo Pontifice Joanne, ac toto populo susceptus, applaudentibus cunctis, Imperatoris & Augusti nomen sortitur.

Abbas Urspergensis in Chronico: Ipse, inquit, Romam veniens mirifico apparatu susceptus, & ab eodem Apostolico Joanne Imperiali unctione & benedictione sublimatus, Imperator & Augustus est appellatus.

Marianus Scotus in Chronico: Otho Rex, inquit, Romam veniens, Imperator efficitur à Joanne Papa.

Rheginus Abbas lib. 2. Chronici, Rex, inquit, Otho Romæ favorabiliter susceptus, acclamatione totius Romæ populi & Cleri, ab Apostolico Joanne Imperator, & Augustus vocatur & ordinatur.

Luithprandus Diaconus Tichensis, qui tempore ipsius Othonis floruit, lib. 6. de rebus per Europam gestis cap. 6. Romam, inquit, veniens (Otho I.) mira ornatu, miroque apparatu susceptus, ab eodem Summo Pontifice, & universali Papa, Joanne unctionem suscepit Imperii.

CAPUT IV.

Objectiones Illyricæ diluit.

Videamus nunc quid pro sententia sua Illyricus adferat, quamquam valde suspicor fore ut mendacia potius, quàm argumenta nobis refellenda sint.

Sic igitur incipit pag. 64. *Indicatum est, quomodo Imperii possessio, & dignitas pervenerit à Græcis ad Carolum Francum, aut Germanum.* Et infra: *Porrò quomodo à Francis, ad reliquos Germanos perveneris, nunc indicandum est. Nam hic quoque Papa adulatores, ut ubique mendacii omnia conspurcans, ac corrumpunt.* Videlicet Illyrico magna religio est mentiri, idcirco confidenter alios mendacii reprehendit. Sed quam verè id faciat, testantur quæ suprà diximus, & quæ continuo Illyricus ipse subjungit. Sic enim pergit: *Dicunt enim illi, quid deficiente virtute stirpis Carolina, Cardinales scripserint ad Othonem I. eumque creaverint Imperatorem. Quod tamen nullis certis documentis probare possunt.* At non hoc dicunt scriptores, qui sunt alicujus nominis apud Catholicos, quos tu falsò Papæ adulatores vocas; plerique enim Othonem I. à Romano Pontifice Joanne XII. Imperatorem creatum esse tradunt, non à Cardinalibus. Testimonia paulò ante citata sunt. Atque ut verum fatear, nullum omnino auctorem me legisse memini, qui à Cardinalibus Imperium Othoni delatum scripserit. Scripserunt quidem Cardinales duo ad Othonem Imperatorem quædam adversus Joannem Pontificem, sed posteaquam idein Otho ab eodem Joanne Imperator fuerat appellatus & coronatus, ut Illyricus ipse testatur in historia Magdeburgensi Cent. 10. cap. 10. col. 535. Itaque literæ illæ Cardinalium nihil omnino ad rem præsentem faciunt.

A Pergit Illyricus: *Vera autem historia illius translationis exstat prolixè apud Nauclerum & Cuspinianum.* Ex qua narratione liquidò patet, non potestate aut voluntate Papæ factam esse. Id verò quàm impudens est mendacium! Cuspinianus enim (ut paulò ante citavimus) in vita Othonis ita loquitur: Imperium à justa sobole, agnationeque Caroli Magni ablatum, primus hic Otho justus princeps, vir belli pacisque insignis recuperavit, Pontificis Maximi auctoritate.

B Quid hic dicis Illyrice? Liquidone patet ex his verbis Imperium translatum ad Germanos sine Pontificis voluntate & potestate, an te potius egregiè esse mentitum? Porrò Nauclerus, etsi zelo patriæ (ut ipse fatetur) conatur asserere Henricum patrem Othonis Imperatorem, vel certè Regem Romanorum fuisse, non tamen sine voluntate Romani Pontificis fuisse docet (ut Illyricus noster mentitur); quin potius sententiam suam Nauclerus ex decretis Pontificum adstruere conatur: nimirum profert cap. Venerabilem, de electione; & Clementinam, Romani Principes, de iurejurando; ubi legimus, Imperium Romanum auctoritate Sedis Apostolicæ translatum à Græcis ad Germanos in persona Caroli Magni; ex quibus decretis Nauclerus colligit, Henricum, & ejus prædecessores Conradum & Ludovicum, Imperatores fuisse, quia Romani Pontifices, qui Imperium transtulerunt, apud Germanos, non apud Gallos, aut Italos illud esse voluerunt.

C Sed hæc ejus argumentatio, nec apud Illyricum, nec apud nos ullius momenti est. Neque enim Illyricus admittit, Pontificis auctoritate ad Germanos Imperium esse translatum, licet pro sua constantia Nauclerus, qui illud docet, passim pro se testem adducat. Nos autem fatemur quidem, vel potius asserimus & defendimus, translationem Imperii auctore Pontifice factam esse: non tamen inde rectè posse colligi arbitramur, Ludovicum, Conradum & Henricum, qui corona Imperii caruere, Imperatores Romanorum fuisse, nisi fortè designatos; quemadmodum olim Cæsares dicebantur, qui Augusti futuri erant, licet nondum essent re ipsa. Si quidem illi ipsi textus, quos Nauclerus citat, apertè docent, Germaniæ Principes potestatem habere eligendi Regem, in Imperatorem postmodum à Pontifice promovendum. Quare tres illi, qui à Principibus electi ad Regnum, non autem à Pontifice ad Imperium promoti fuere, Reges duntaxat, non Imperatores, secundum ea capitula dici possunt.

D Addit postea Nauclerus, Henricum patrem Othonis idèò verum Imperatorem habendum, quòd à summo Pontifice Imperator habitus videatur, cum exstet apud Gratianum dist. 63. constitutio primi Henrici, & primi Othonis cum Romanis Pontificibus. Sed hoc totum ut adversus Illyricum mirifice pugnat, ita nobis parum omnino nocet. Nam etiam in ea constitutione nominetur primo loco Henricus, non tamen necesse est eum Henricum illum esse qui Othonem præcessit; immò verò probabilissimum est, illum esse, qui Othonem III. secutus est. Is enim verè primus Henricus Imperator fuit, & magnam cum Romanis Pontificibus amicitiam habuit. Cur autem ante Othonem nominetur, causa esse videtur, quòd ejus constitutio, notior & recentior esset. Adde quòd in ea constitutione nulla Imperii mentio sit, nec Henricus ille primus Imperator nominatur: quare ad causam nostram non facit, quis ille Henricus fuerit.

E Pergit Illyricus: *Nam quod attinet ad illam scripturam Cardinalium ad Othonem, ea fuit nihil aliud, quàm accusatio Joannis XII. hominis impurissimi, ac petisio, ut depositus eo, alium meliorem Episcopum, aut Papam, in ejus locum sufficeret; Quod etiam Otho I. strenuè effectum dedit.*

dedit. Nam tunc, & olim per omnem vetustatem erat juris & auctoritatis Casarea, impuros Papas castigare. Historia habetur prolixè apud Luitprandum Ticensem, Historicum fide dignissimum. Veritas hujus sententia, & falsitas Papistica, etiam ex eo elucescit, quia si verè de creatione novi Imperatoris actum fuisset, eaque (ut isti volunt) juris, ac potestatis Pontificia fuisset, non Cardinales aliquos, sed ipsemet Papa de ea scripsisset, eamque peregisset. An igitur si ex ipso Luitprando demonstravero, non Cardinales, sed Papam ad Othonem scripsisse, & eundem Othonem Imperatorem creasse, non continuo fabula illa de Cardinalium literis, & querimonia evanescet; & luce clariùs apparebit, veram esse sententiam nostram, Illyrico teste, & ipsum eundem Illyricum, qui nos ad Luitprandum remisit, suo se gladio jugulasse? Hæc igitur sunt verba Luitprandi lib. 6. de rebus per Europam gestis cap. 6. Joannes summus Pontifex, & universalis Papa, Legatus S. R. E. Joannem videlicet Cardinalem Diaconum, & Aronem Scriptorium serenissimo atque piissimo tunc Regi, nunc Augusto Casari Othoni destinavit, supplexiter literis, & Regem signis orans, quatenus pro Dei amore, sanctorumque Apostolorum Petri & Pauli, quos delictorum suorum cuperet esse remissores, se sibi commissam sanctam Romanam Ecclesiam, ex illorum (Berengarii & Alberti) faucibus liberaret, ac saluti & libertati pristina restitueret. Hæc ille, qui etiam paulò post subiungit, quod suprà citavimus, Othonem literis Papæ acceptis, mox in Italiam venisse, atque ab eodem Papa Imperialem coronam, & Augusti nomen & dignitatem accepisse. Neque verò Luitprandus solus (quamquam is etiam solus sufficeret, cum & res gestas sui temporis scripserit, & Illyrico teste Historicus fide dignissimus fuerit) sed etiam alii gravissimi scriptores, non Cardinalium, sed Pontificis Maximi literis Othonem Regem ad Urbem vocatum, & ab eodem Pontifice Imperatorem creatum scribunt. Abbas Urspergensis in Chronico anni 962. Otho, inquit, rogatu Joannis Papæ, & querimonia multorum de Berengario & filio proclamantium, Romam tendit; ibique Imperator ab eodem Papa factus Berengarium capit. Otho Frisingensis lib. 6. hist. cap. 21. Joannes, inquit, Diaconus, & Azo Scriptorius, ab Apostolica Sede missi, ad Regem (Othonem) veniunt, tam de tyrannide Berengarii querimoniam facientes, quam ipsum ad defensionem sanctæ Romanæ Ecclesiæ, ac totius Italiæ invitantes. Capite verò sequenti describit idem auctor Othonis coronationem à Romano Pontifice factam.

Sed ut videas, Lector, non solum impudentiam, sed etiam inconstantiam & levitatem Illyrici, legito historiam ejus Ecclesiasticam, Cent. 10. cap. 10. col. 535. ibi siquidem omnia reperies, quæ nos accersitis hinc inde testimoniis confirmare nitimur. Ipse Joannes, inquit Illyricus, Othonem Imperatorem tunc suo, cum Romanorum nomine, missis ad eum Legatis, ad Berengarii tyrannidem avertendam, in Italiam denuò accersivit. Ex infra: Imperator externo rerum statu aliquo modo in Italia pacato, Romam adiit, ac præstito prius Romanis juramento, de suo erga Urbem & Ecclesiam indefesso studio, intra menia receptus est. A Pontifice autem, totoque populo honorificè excipitur, ac paulò post Imperii diademate una cum filio, septem vix annorum, accepto, insuper Germania Pannoniaque titulo, publico & solemniori ritu, in B. Petri Basilica ante altare à Joanne ornatur. Hæc ille. Ex his igitur testimoniis, & iis quæ paulò ante citavimus de coronatione Othonis, manifestissimè colligitur, ipso etiam teste Illyrico, inde elucere veritatem sententiæ nostræ, unde ipse falsitatem ejusdem nostræ sententiæ elucere arbitrabatur.

Sed enim aliud quoque mendacium in verbis Illyrici: Con:roy. Card. Bellarm. Tom. I I.

A rici suprà citatis inest, quod non est ulla ratione prætereundum. Quod enim Illyricus ait, ab Othone Joannem Pontificem se abdicare coactum, & olim, ac per omnem vetustatem juris, & potestatis Imperatoris fuisse, Pontifices castigare, mendacium est impudentissimum. Siquidem omissis primis illis Pontificibus, sanctissimisque martyribus Petro, Lino, Cleto, Clemente, & cæteris ferè ad Silvestrum usque, quos ab Ethnicis iniquissimè caesos Illyricus etiam confitetur; necnon paucis quibusdam, quos ab hæreticis Principibus fidei causa injustè vexatos constat, quales fuere Liberius, Felix II. Joannes Sylverius, & Martinus, cæteri omnes usque ad Joannem XII. ab Imperatoribus Christianis religiosè (ut par erat) observati, summisque honoribus semper affecti sunt. Nec poterit Illyricus ullum scriptorem testem producere, quemadmodum nec producit, aut in lib. de translatione Imperii, aut in historia Magdeburgensi, qui contrarium scripserit. Quanta igitur impudentia est, affirmare, per omnem vetustatem juris Casarei fuisse, castigare Pontifices; cum totius vetustatis exempla contrarium clament? Sed nec Joannem XII. Otho deposuit, ut Illyricus jactat: neque enim id sibi arrogare ausus est pius Princeps, quod ei vel invito Illyricus obtrudit. Nam ut scribit Luitprandus lib. 6. cap. 6. & 7. & ex Luitprando Illyricus ipse Centur. 10. cap. 9. col. 434. & seq. Otho Imperator cum Joannem Pontificem multorum criminum reum fieri videret, non ausus ipse judicem judicis sui se facere, Synodum Episcoporum Romæ coegit, atque eidem Synodo causæ cognitionem permisit. Hæc enim sunt verba Othonis in Synodo apud Luitprandum. Quid super hoc sancta Synodus decernat, edicat. Quin etiam in eodem lib. duas epistolas Othonis ad Joannem Luitprandus refert, quibus Otho Imperator Joannem Pontificem honorificè admodum appellat, neque illi imperat, sed eum rogat, ut ad Synodum veniat; hoc autem est initium epistolæ prioris.

D Summo Pontifici, & universali Papa Domino Joanni, Otho divina respectu clementia Imperator Augustus, cum Archiepiscopis Liguria, Tuscia, Saxonia, Francia, in Domino salutem. Romam ab servitium Dei venientes, dum filios vestros, Romanos scilicet Episcopos, Cardinales, Presbyteros, Diaconos, & universam plebem de vestra absentia percurramus, & quid causa esset, quod nos Ecclesia vestra, vestrique defensores videre noluisse: talia de vobis, tanque obscura protulerunt, ut si de his trionibus dicerentur, vobis verecundiam ingererent. Quæ ne magnitudinem vestram omnia lateant, quadam vobis sub brevitate describimus. Et infra: Oramus itaque Paternitatem vestram obnixè, venire, atque ex his omnibus vos purgare non dissimuletis.

E Nec illud hoc loco prætermittendum est, ne ipsi quidem Concilio licuisse in summum Pontificem sententiam dicere, semper enim hæc vox omnium veterum Synodorum fuit, primam sedem (extra causam hæresis) à nemine judicari posse. Ac licet mirandum non sit, Othonem Imperatorem, qui Synodo intererat, minus peritum fuisse rerum Ecclesiasticarum, ipsi tamen Synodo nullo modo ignosci potest. Siquidem ea Synodus (ut est apud Luitprandum loco notato) non solum sine ullo exemplo antiquitatis Episcopum primæ sedis judicare ausa est, sed etiam illius excommunicationem contempsit, eo prætextu quod malus Episcopus nec ligare possit, nec solvere. Quem esse manifestum errorem, ne Illyricus quidem negaret. Quare non immerito Otho Frisingensis lib. 6. cap. 23. modestè Othonem Imperatorem, atque ejus Synodum reprehendit; sed de his satis.

Pergit hinc Illyricus, & fusè admodum, sed præter

ter rem, ac solum ut librum suum paulò grandiore faceret, historiam recitat electionis Conradi & Henrici, qui Othonem Magnum proximè præcesserunt, ex Nauclero, Cuspiniano, Vitichindo, Luthprando, Othone Frisingensi, Abbate Urspergeni, & Rheginone. Ac demum non sine insigni mendacio ita concludat: *En audis plurimos, fideque dignissimos, Historicos uno ore testari, Imperium à Francorum Regibus ad reliquos Germanos, non per Papas, aut etiam de consilio aut consensu Paparum, quin potius contra eorum voluntatem, qui id suis Italis offerere conabantur, quos Italicos pseudoimperatorculos octo Onuphrius nominat, sed voluntaria electione, ac cessione Gallicorum Regum, & libera electione Principum translatum esse.* Sed non rectè dixi, insigni mendacio hanc Illyrici vel narrationem, vel disputationem esse conclusam: non enim unum tantum, sed quatuor insignia mendacia hac brevi sententia continentur.

Primum enim ex tot historicis nullus affirmat (Cuspiniano & Nauclero omnium recentissimis exceptis) Imperium translatum à Francis ad Germanos in electione Conradi, aut Henrici, de quibus Illyricus loquitur. Solum enim scribunt illi, à Francis, atque Saxonibus electos Reges Conradum, atque Henricum; de Imperii translatione nihil dicunt. Nos autem contra demonstravimus, neutrum illorum Imperatorem Romanorum fuisse, nisi fortè designatum tantum, ut Cuspinianus & Nauclerus dicere videntur. Cujus rei Lectoris cujushbet, modò sani, appello iudicium.

Deinde nullus eorum scriptorum, quos Illyricus testes producit, contra voluntatem Summi Pontificis Imperium ad Saxones translatum scribit. Nam cum de Conrado & Henrico (Regibus) scriptores notati narrant, nullam Summi Pontificis mentionem faciunt, uno excepto Nauclero: cum autem ad Othonem Imperatorem veniunt, omnes uno ore testantur, eum à Summo Pontifice Joan. XII. Imperatorem creatum & coronatum.

Quod autem Nauclerus dicit, Romanos Pontifices temporibus Conradi & Henrici, Longobardos, sive Italicos Principes quosdam ad Imperium admisisse: non significat invito Pontifice Conradum & Henricum Reges electos, & Cæsares designatos, sed id tantum significat, cum Reges Germaniæ ad coronam Imperii, & Italiæ possessionem capiendam venire, aut non possent, aut non vellent, Duces Longobardorum sibi regnum Italiæ vindicasse, & coronam Imperii à Summis Pontificibus extorsisse. Veruntamen promptum etiam tum fuisse Pontificem ad Germanos Principes coronandos, si ii ad Urbem accedere voluissent, dubium esse non potest, cum ex Rheginone constet, à Papa Formoso, anno 894. Lambertum Longobardum Italiæ Regem, & Imperatorem dictum: & deinde tamen anno 896. Arnulphum Germaniæ Regem Romam venientem, summo favore exceptum, atque ab eodem Pontifice Imperii corona donatum.

Jam verò quod addit Illyricus Imperatores Italicos, qui, regnantibus in Germania Ludovico, Conrado & Henrico, in Italia imperarunt, ab Onuphrio pseudoimperatorculos nominari, ipsi Onuphrio ma-

nifestè repugnat. Siquidem Onuphrius in libris de principibus Romanis honorificè admodum loquitur de Imperiis Vidonis, Lamberti, Ludovici & Berengarii, quos & Imperatores atque Augustos passim vocat, & à Romanis Pontificibus coronatos fuisse demonstrat. In lib. verò de Fastis, & Triumphis Romanis, Berengarii & Alberti Regum Italiæ meminit: Vidonis, Lamberti, & Ludovici non meminit, neque usquam in eo lib. ullos pseudoimperatorculos vocat. In libro autem de Comitibus Imperatoris graviter invehitur in eos, qui (ut Illyricus facit) omnes Germaniæ Reges, Imperatores Romanorum appellandos censent, etiam si Imperii coronam à Romano Pontifice non acceperint.

Non possum, inquit, non vehementer mirari, & reprehendere aliquot recentiorum Germanicarum rerum scriptorum audaciam (ne dicam temeritatem) qui undique clamant, Italos omnes, & præsertim Romanos malè agere, rem indignam facere, quod non omnes Germaniæ Reges, Imperatores appellant, neque omnium ipsorum ratio habeatur in eis numerorum notis, quibus distinguuntur inter se ii Principes, qui idem nomen habent. Nam volunt omnes Germaniæ Reges, quamvis à Romanis Pontificibus inaugurati non fuerint, Imperatores & Augustos appellari. Hæc ille, qui eodem in loco ex ipsorum Imperatorum diplomatibus ostendit, Conradum & Henricum, qui Othonem Magnum præcesserunt, inter Imperatores habitos non fuisse. Quid, quod Illyricus si sibi constare velit, Longobardos illos Imperatores nulla ratione contemnere, aut pseudoimperatores appellare potest? Eo siquidem belli jure illi Imperium Italiæ sibi vindicarunt, ac Germaniæ Regibus eripuerunt, quo ipse docet, à Carolo Magno Longobardis & Græcis quondam ereptum, atque ad Francorum regnum adjunctum fuisse. Huc accedit quod Otho Magnus, jam Imperator factus, in privilegio quod Episcopo Paravii Goslino dedit, quodque exstat apud Carolum Sigonium lib. 7. de regno Italiæ, Berengarium Imperatorem, ac prædecessorem suum appellat. Cujus Othonis iudicium meritò apud omnes, maxime apud Illyricum, magnum momentum habere debet.

Postremum, idque clarissimum in Illyrici narratione mendacium est, Imperium Romanum translatum esse à Francis ad Saxones voluntaria electione, ac cessione Gallicorum Regum. Id enim in primis nullus omnino auctor ex iis, quos citavit Illyricus, prodidit: deinde contrarium ex Historicis omnibus manifestè colligitur, cum satis constet inter eos qui Italiæ regnum occuparunt, ac de Imperio toto eo tempore cum Berengariis, Vidone, & Lamberto contenderunt, fuisse Rodolphum Burgundionem Galliarum Regem post Carolum Simplicem; necnon Ludovicum Regem Provinciæ; item Gallum, atque Hugonem Regem Arelatensium, & Lotharium ejus filium. Quocirca, ut mentitur apertissimè Illyricus, ita verum est quod scribit Nauclerus gener. 31. post Arnulphum Imperatorem magnam fuisse inter Italos, Longobardos, Germanos, seu Francos Orientales, & Francos Occidentales, seu Gallos, de possessione Imperii concertationem.

LIBER TERTIUS.

SUMMA.

SEPTEM ELECTORES IMPERII à Romano Pontifice constitutos.

CAPUT PRIMUM.

*Electores ante Gregorii X. Pontificis, &
Friderici II. Imperatoris tempora
designatos.*



Postrema restat quaestio de septem Electoribus, quam Illyricus fusissimè persequitur à pagina 89. usque ad 138. & quoniam tres auctorum sententias de hac ipsa quaestione fuisse video; quarum una Gregorio V. Romano Pontifici, altera Gregorio X. item Romano Pontifici, postrema Othoni III. Imperatori institutionem hanc Septemvirorum Principum adscribit, ut primam sententiam, quæ verissima est, corroboremus; duas posteriores confutare pro viribus aggrediemur.

Principiò igitur Joannes Aventinus primus est, (quod sciam) qui communi, & multorum auctorum sententiis trito itinere prætermisso, novam quandam semitam aperuit. Is enim lib. 5. Annalium Bojorum pag. 510. de septem Electoribus loquens, Ego, inquit, illos demum post fata Friderici II. institutos, & à Gregorio X. confirmatos esse compertum habeo.

Aventinum secutus est Onuphrius Panvinus in lib. de Comitibus Imperatoris. Tamen enim ignorare se dicit, quando, & à quo septem Electorum institutio manavit, affirmat tamen, se certò comperisse, incidisse eam in illud tempus, quod inter mortem Friderici II. & creationem Rodulphi Imperatoris intercessit. Illud etiam addit probabile videri, illam institutionem Gregorii X. auctoritate in Oecumenico Concilio Lugdunensi factam esse. Quæ sententia præsentis causæ nostræ nihil officit (quid enim nostra interest V. ne, an X. Gregorius is Pontifex fuerit, qui Electores instituit, modò Pontifex aliquis instituerit?) Verùm tamen falsa est, atque adedò perspicuè falsa, ut Aventini & Onuphrii temeritas nulla ratione excusari queat. Siquidem Aventinus (ut paulò ante audivimus) compertum sibi esse dicit, post fata Friderici II. Septemviros institutos; Onuphrius autem in lib. de Comitibus Imperatoris, hæc verba scribere ausus est. Itaque cum nullus nec Germanus, nec Italus, nec cuiusvis gentis auctor, qui tamen ante Friderici obitum vixerit, vel verbum quidem de hac re faciat, profectò necesse est, ut longo tempore post Othonis tempus hoc institutum fuerit.

Videamus igitur, an reperire possimus auctorem, qui ante obitum Friderici II. vixerit, & Electorum Imperii memnerit. Martinus Polonus Pœnitentiarius fuit Innocentii Papæ IV. ut Onuphrius testatur in additione ad Platinam, ubi fabulam Joannis VIII. forminae refellit. Vixit igitur idem Martinus, Onuphrio teste, ante obitum Friderici II. Nam cum Innocentius Papæ ante Fridericum obierit, ut idem

A Martinus scribit in vita ejusdem Innocentii, non potuit certè Martinus Innocentii Pœnitentiarius esse, nisi ante obitum Friderici vixerit. Neque multum refert quòd Onuphrius Fridericum annis quatuor ante Innocentium obuisse scripsit. Nam ne sic quidem potuit Martinus Pœnitentiarius apud Innocentium agere nisi multos annos ætatis exegerit ante obitum Friderici, nisi Pœnitentiarius, infantulus, atque adeo quadriennis fuerit. Hæc igitur Martinus in vita Othonis III. ita scribit: Et licet isti tres Othones per successionem generis regnaverint, tamen postea fuit institutum, ut per Officiales Imperii, Imperator eligeretur, qui sunt septem; videlicet primò tres Cancellarii isti, Maguntinensis Germaniæ, Trevirensis Galliæ, Colonienfis Italiæ: Marchio Brandenburgensis Camerarius est; Palatinus Dapifer; Dux Saxonie ensen portat; Rex Bohemus pincernam agit. Unde verius:

*Maguntinensis, Trevirensis, Colonienfis,
Quilibet Imperii sit Cancellarius horum:
Et Palatinus Dapifer; Dux portator ensis:
Marchio prepositus Camera; pincerna Bohemus.
Hi statuant Dominum cunctis per sacula summum.*

C Habemus igitur auctorem unum, qui disertis verbis Electorum meminit, cum tamen ante obitum Friderici vixerit. Sed accedat etiam secundus testis. Sanctus Thoma Aquinas non modò ante obitum Friderici II. vixit, sed etiam obiit ante Lugdunense Concilium, in quo vult Onuphrius septem Electores Imperii à Gregorio X. institutos. Nam Fridericus II. obit (Onuphrio teste) anno Domini 1250. Sanctus autem Thomas in cœlum ex hac vita migravit anno Domini 1274. cum ad Concilium Lugdunense proficisceretur, & annum vitæ ageret quinquagesimum, ut S. Antoninus scribit, 3. par. Summæ historialis tit. 23. cap. 7. §. 11. ex quo sequitur, ut S. Thomas annum egerit sextum & vigesimum, quo tempore Fridericus II. moriebatur. Hæc autem sunt verba S. Thomæ, lib. 3. de regimine Principum, cap. 19. Otho, inquit, Imperium tenuit usque ad tertiam generationem, quorum quilibet vocatus est Otho; & ex tunc (ut historiæ tradunt) per Gregorium V. genere similiter Teutonicum provisa est electio, ut videlicet per septem Principes Alemanniæ fiat, quæ usque ad ista tempora perseverat, quod est spatium ducentorum septuaginta annorum, vel circa, & tantum durabit, quantum Romana Ecclesia, quæ supremum gradum in principatu tenet, Christi fidelibus expediens judicaverit. Hæc S. Thomas. Quòd si quis objiciat, hunc librum non videri S. Thomæ, cum in eodem lib. 3. cap. 20. mentionem faciat Adolphi, & Alberti Imperatorum, qui post ejus obitum imperare coeperunt: respondebimus, aut ab aliquo alio insertam fuisse in opere S. Thomæ illam narrationem de Imperio Adolphi, & Alberti: vel certè si liber S. Thomæ non sit, auctorem tamen libri tam esse antiquum, ut ante obitum Friderici II. vivere potuerit, ut ex annorum supputatione colligitur.

Prodeat verò & tertius testis, B. Augustin. Triumphus

phus (ut ex Epitaphio constat, quod exstat incisum in sepulchro ejus Neapoli, in Ecclesia Eremitarum Augustinianorum) obiit anno Domini 1228. cum vixisset annos octoginta quinque, quocirca necesse est eum anno Domini 1250. quo Fridericus II. obiit, fuisse annorum septem, & anno 1274. quo Lugdunense Concilium à Gregorio X. coactum est, annorum fuisse unius & triginta, proinde vixisse non modò ante Concilium Lugdunense, & Gregorii X. Pontificatum, sed etiam antequam Fridericus II. moreretur. Hic igitur auctor in Summa de potestate Ecclesie q. 35. art. 2. ita loquitur: Gregorius V. tempore Othonis Imperatoris, convocatis & requisitis Principibus Alemanie, septem Electores instituit, officiales ipsius curie Imperialis: quatuor laicos, ut Regem Bohemie, Ducem Saxonie, Comitem Palatinum, & Marchionem Brandenburgensem: & tres clericos, Archiepiscopum Maguntinensem, Trevirensensem & Coloniensem. Jam verò si tres isti testes Onuphrio atque Aventino minimè satisfaciunt, accedat etiam quartus, Henricus Cardinalis Hostiensis, qui, teste Trithemio in lib. de scriptoribus, anno 1240. florebat, nimirum anno decimo ante obitum Friderici, & trigésimo quarto ante Concilium Lugdunense à Gregorio X. celebratum. Is enim explicans Decretalem Innocentii, quæ incipit: Venerabilem, septem numerat ac nominat Principes, ad quos Electio Imperatoris antiquo jure pertineat. Accedat etiam quintus testis, quem Illyricus antagonista noster producit, exstat enim (ut ipse ait) Chronicum manu scriptum, ex quo plurima Albertus Krantzius ad verbum descripsit. Est autem Chronici illius auctor Friderici II. æqualis, & ante obitum ejus sine dubitatione vixit, cum ipse testetur coeptum à se scribi Chronicum illud anno Domini 1240. idest, decennio ante mortem Friderici. In eo igitur Chronico sic auctor loquitur: Papa Gregorius (IX.) insolentias Imperatoris contra Ecclesiam metuens, Principes super electione alterius sollicitavit, sed nihil profecit, quia quidam Principum ei rescripserunt, non esse sui juris Imperatorem substituere, sed tantum electum à Principibus coronare; electio enim ad illos dignoscitur pertinere. Ex prætatione Principum, & consensu, eligunt Imperatorem, Trevirensis, Moguntinus & Colonienfis. Palatinus eligit, quia Dapifer est; Dux Saxonie, quia Marscalcus; & Margravius de Brandeburga, quia Camerarius. Rex Bohemie, quia pincerna est, non eligit, quia Teutonicus non est. Hæc ille.

Neque mirari debet quisquam, quòd hic auctor Regem Bohemie à numero Electorum exclusit, cum is tamen septimus Elector numerari soleat; nam revera Bohemæ Rex non eligit cum ceteris; sed solum quando sex Electores inter se ita dividuntur, ut tres uni, & tres alteri suffragentur, tum ille jus habet ex duobus electis alterutrum nominandi. Sic enim loquitur Hostiensis in cap. Venerabilem, de elect. Septimus est Dux Bohemie, qui modò est Rex; sed iste secundum quosdam non est necessarius, nisi quando alii discordarent. Idem cum Hostiense docent glossa in cap. Ad Apostolicam, de sent. & re judic. lib. 6. Albericus in l. Bene à Zenone, C. de quadrienn. præscript. Baldus in Margarita, verbo, Annus; Card. Florentinus in cap. Venerabilem, de elect. §. 1. n. 6. & alii.

Cum igitur tempore Gregorii IX. electio Imperatoris ad Septem viros pertineret, ut is auctor disertis verbis testatur, qui tum vivebat; quis Aventini, atque Onuphrii temeritatem excusare poterit, qui tam confidenter scribunt, sibi compertum esse, Electores Imperii non ante Gregorii X. tempora, & Friderici obitum institutos?

A His addo tres alios testes, quos etsi non constat vixisse ante obitum Friderici, constat tamen aut tum vixisse, aut certè non diu postea, ut nullo modo ignorare potuerint, quid egerit Gregorius X. cujus temporibus ipsi vixerunt. Hi sunt, Lupoldus Bambergensis, Alvarus Pelagius, & Joannes Villanus, qui omnes florebant sedente in Apostolica sede Joanne XXII. idest, anno secundo & quadragesimo post Lugdunense Concilium à Gregorio X. celebratum. Ac Lupoldus quidem in lib. de Juribus Imperii c. 2. sic ait: Tempore Othonis III., qui filius caruit, fuit institutum, ut per certos Principes Germanie, scilicet per Officiarios Imperii, seu Curie Imperialis, eligeretur Imperator. Hæc ille, qui etiam paulò post septem illos Principes enumerat, atque eosdem vericulos adscribit, quos suprà ex Martino Polono retulimus. Alvarus Pelagius lib. 1. de planctu Ecclesiarum art. 41. de iisdem septem Electoribus loquens: Ista, inquit, electio incepit anno Domini 1603. & perseverabit, quantum Ecclesia Romana permiserit, cujus est regna transferre. Joannes Villanus lib. 4. historie Florentinæ cap. 2. Italicis verbis tradit post obitum Othonis III. constitutum fuisse, idque summi Pontificis auctoritate; ut deinceps à septem Imperii Principibus Imperator diceretur, quos etiam ibidem enumerat, eorumque officia circa obsequium Imperatoris describit. Accedat postremò testimonium ipsorum Electorum, quorum publicæ literæ scriptæ anno 1279. Romæ exstant authenticæ. (Hoc testimonium habes inferiùs cap. 3. integrè adscriptum.) in iis enim literis fatentur ipsi, jam olim à Sede Apostolica Electores Imperii in Germania constitutos. Non est autem credibile, per eam vocem (olim) eos intelligere voluisse tempora Gregorii X. aut Concilii Lugdunensis, cum epistola scripta sit tantum quatuor annis post obitum Gregorii, quinque verò post Concilium Lugdunense. Neque illud hoc loco prætereundum videtur, eos Principes qui epistolam jam dictam scripserunt, aut omnes, aut certè eorum aliquos vixisse ante obitum Friderici II. cum inter Friderici obitum, & tempus epistolæ anni tantum 29. intercesserint. Itaque undique Onuphrii, atque Aventini judicium non modò falsitatis manifestæ, verum etiam intolerandæ temeritatis arguitur.

C A P U T II

Objectiones Onuphrii refellit.

E Sed occurrit Onuphrius, ac duobus gravissimis argumentis cum sententiam nostram refellit, tum suam corroborat. In primis illud adducit: quod si verum esset, quod nos defendimus, Gregorii V. atque Othonis III. tempore, Electores Imperii constitutos, incredibilis negligentia accusandi essent plurimi scriptores, qui rem tantam silentio involverunt; nihil enim de hac re Vitichindus, nihil Luithprandus, nihil Lambertus, nihil Rhegino, nihil Marianus, nihil Otho Frisingensis, nihil Abbas Urspergensis, nihil Sigebertus, nihil alii veteres scripserunt. Deinde percurrit electiones Imperatorum ab Othone III. usque ad Fridericum II., ac demonstrat eos electos fuisse non à septem dumtaxat Principibus, sed ab omnibus quotquot ex Germania & Italia interesse voluissent, cujus demonstrationis hic brevem subiciam summam. Henricum II. Regem, sed Imperatorem primum, qui Othoni III. proximè successit, electum ab omnibus totius regni primoribus scribit Otho Frisingensis, lib. 6. c. 27. Chunradum item Regem secundum, & primum Imperatorem, communi omnium procerum consensu electum scribit idem

idem Otho Frisingensis lib. 6. cap. 28. necnon Abbas Urspergensis in Chronico anni 125. ubi inter alios Electores numerat Episcopum Bambergensem. Henricum IV. Regem, tertium Imperatorem electum ab Episcopis, ac Principibus Germaniæ, scribit Abbas Urspergensis in Chronico anni 1053. Henricum V. Regem Imperatorem quartum electum ab universis totius Imperii Romani Principibus, tum Ecclesiasticis, tum Laicis, qui duo & quinquaginta numerabantur. Scribit Abbas Urspergensis in Chronico anni 1106. ubi etiam addit, solum abfuisse Saxoniam Ducem, nec tamen ullam rationem ejus absentiae habitam esse dicit. Lotharium II. electum ab Archiepiscopis duobus, Episcopis octo, Abbatibus permultis, & eminentioribus aulae regalis Primatibus, scribit continuator Sigeberri in Chronico anni 1126. quo tempore auctor ille florebat. Chunradum III. Regem, secundum Imperatorem, electum à multis Principibus, non vocato Duce Saxoniae, & Duce Noricorum, vacante etiam sede Moguntina, scribit Otho Frisingensis lib. 7. cap. 22. Fridericum I. ab omnibus totius Germaniæ Principibus electum, scribit Otho Frisingensis lib. 2. de rebus gestis Friderici cap. 1. Philippum à Svevis, & Saxonibus, & Bavaris, & Bohemis, & Principibus, Urspergensis in Chronico. Othonem IV. à Coloniensibus & Argentinenfibus, aliisque nonnullis electum, scribit idem Abbas in eodem loco. Fridericum II. adhuc puerulum ab Alemanniæ Principibus penè omnibus vivente patre electum; ac deinde rursus in Schismate adversus Othonem IV. à Rege Bohemiæ, Duce Austriæ, Duce Bavariae, Lanthgravio Thuringiæ, aliisque plurimis Principibus electum, scribit idem auctor ibidem.

Hæc sanè argumenta, negare non possum quin gravia sint, & nullo modo à viris prudentibus contemnenda: quamquam ad eam controversiam, quam nos præcipuè explicandam suscepimus, nihil ferè pertineant. Nos enim (ut supra diximus) non multum laboramus, utrum Gregorius V. an X. an aliquis alius jus eligendi Principem certis Electoribus dederit, modò qui id fecit, Romanus Pontifex fuerit: quod quidem paulò post adversus Illyricum clarissimè demonstrabimus. Tamen autem ad causam nostram parum faciat definire, utra verior sit opinio, ea ne, quæ Gregorium V. auctorem facit ejus decreti; an illa, quæ alteri cuidam Pontifici rem totam tribuit: quia tamen prior opinio verior est, nitentur eam paucis explicare.

Igitur ex his quæ dicta sunt, unum exploratum ac certum haberi debet; alterum in quaestionem vocari potest. Exploratum, ac certum haberi debet, sanctionem illam de Electoribus non tempore Friderici II., sed annis plus ducentis ante Imperium Friderici, factam esse. Nam cum soli Aventinus atque Onuphrius, qui hoc nostro sæculo scripserunt, eam sanctionem editam esse dicant post obitum Friderici II. contra verò S. Thomas, B. Augustinus Triumphus, Martinus Polonus, Henricus Hostiensis, auctor innominatus Henrici æqualis, Lupoldus Bambergensis, Alvarus Pelagius, Joannes Villanus, ipsi denique Electores Principes, qui vel Friderico II. vivente, vel paulò post ejus obitum scripserunt, constanter affirmant, eandem illam sanctionem non esse editam suo tempore, sed ante annos plus ducentos; nec ullus omnino invenitur auctor antiquus, qui eam sanctionem post obitum Friderici II. editam significaverit, quis non videt Onuphrium & Aventinum maluisse temerè divinare, quàm rem certam, & exploratam ab idoneis testibus accipere?

Quod in quaestionem vocari potest, illud est, unde factum sit, ut tot Imperatores post Othonem III. ab Electoribus multo pluribus, quàm septem electi

fuisse inveniantur. Ad quam sanè quaestionem duplex responsio adhiberi potest. Prima responsio est, plures omnino quàm septem ad electionem convenire solitos, sed qui non tam eligerent, quàm à septem viris electum agnoscerent, eique presentia sua faverent. Nam hoc etiam tempore multo plures conveniunt ad electionem, quàm septem, & omnium habetur ratio; licèt soli Septemviri propriè jus habeant eligendi.

Quod autem in argumento Onuphrii dicitur in Henrici V. & Chunradi III. electione Ducem Saxoniae non adfuisse, verum est quidem; sed non potest inde colligi, non fuisse Ducem Saxoniae unum ex numero Septemvirorum Electorum. Abbas enim Urspergensis disertis verbis scribit, in electione Henrici V. Ducem Saxoniae non adfuisse, quòd senectute impediretur. Ex quo intelligimus, eum adesse debuisse; & vel per Legatos, aut epistolam adfuisse; vel certè juri suo cessione. In electione autem Chunradi III. scribit Otho Frisingensis loco notato, Ducem Saxoniae, qui expectatus non fuerat, eam electionem pro illegitima, atque irrita habuisse: quamvis postea pro bono pacis assensum præbuerit, & electionem factam suo etiam calculo confirmaverit.

Altera responsio esse posset, sanctionem illam à Gregorio V. Pontifice, Othone III. Imperatore consentiente factam esse; sed non continuo omnes partes ejus decreti in mores induci potuisse. Quatuor enim ejus decreti videntur esse partes: Una, ut non hæreditate, sed electione ad Imperium veniatur. Altera, ut soli Principes, non etiam populus eligat. Tertia, ut ii Principes Germani sint, ad quos nimirum initio translatum Imperium fuerat. Postrema, ut non omnes Principes Germani, sed sex dumtaxat aut septem Imperatorem eligant. Et quidem pars prima jam antea in usu esse coeperat, sed tunc primùm sanctione stabilita esse videtur. Nam in familia Caroli Magni Imperium hæreditarium fuerat usque ad Ludovicum Arnulphi Imperatoris filium, deinceps electio locum habuit. Veruntamen certum decretum, ut electione dumtaxat, non propagatione naturali ad Imperium veniatur, nullum legitur existisse ante Othonis III. tempora. Meminit hujus rei Otho Frisingensis lib. 2. de rebus gestis Friderici I. cap. 2. Id juris, inquit, Romani Imperii apex, videlicet non per sanguinis propaginem, sed per Principum electionem Reges creare, sibi tamquam ex singulari vendicat prærogativa. Meminit ejusdem Innocentius III. Pontifex in epist. supra notata ad Ducem Thuringiæ, ubi monet Principes, ut caveant, ne jus suum eligendi Regem Romanorum amittant, si sæpius filios parentibus in Imperio succedere patiantur.

Altera item decreti illius pars continuò à morte Othonis III. usu recepta est. Nam usque ad illud tempus, non soli Principes, sed universus populus ad electionem convenire solitus erat. Chunradum enim, qui Ludovico Arnulphi Imperatoris filio successit, omnis populus Francorum & Saxonum elegit, teste Vitichindo lib. 1. rerum Saxoniarum, & Luitprando lib. 2. cap. 7. rerum in Europa gestarum. Henricum successorem Chunradi ab omni populo Francorum & Saxonum Regem creatum, scribit idem Vitichindus in eodem lib. Othonem Magnum, Henrici Regis filium, ab universo populo electum, Vitichindus lib. 2. ejusdem operis testatur. Othonem II. Regem appellatum ab omni populo, omnibusque proceribus scribit Continuator Rheginonis in Chronico anni 961. Othonem III. Regem creatum à Germanis, qui tum frequentes Romæ aderant, ubi paulò ante Otho II. obierat, testatur Platina in vita Benedicti VII. Deinceps autem (quod sciam) electioni

Ationi populus numquam interfuit, sed valuit decretum, ut soli Principes Regem eligerent.

Tertia porro pars, ut soli Germani, non etiam Itali interessent, diu postea vim suam obtinuit; & quoniam hoc loco Illyricus more suo mendacia admiscet, paucis ea refutanda sunt. Sic igitur ille pag. 130. *Illud, inquit, non possum bona conscientia reticere, nequaquam probandum esse, quod Onuphrius iste indicat, quinam ab initio, ante constitutos septem Electores, Imperatores elegerint, primo loco inter illos vetustiores Electores nominat Pontificem, seu ejus Legatos, secundo Comitum Faurinensem, & Marchionem Montisferrati, quibus in genere addit: Et alii quidam Itali: postea demum illis adiungit omnes Principes Germaniae. Hanc suam enumerationem cum profiteatur se veterum Historicorum testimonio probare velle, proferatque multorum dicta; nec unus quidem ex illis, vel Pontificem, aut Pontificis Legatos, vel aliquem Italicum Principem Imperatorum electioni interfuisse testatur: sed tantum Germanicos Principes, omnes uno ore testantur elegisse Imperatorem. Ego verò numquam credidissem, Illyricum tam fuisse mendaciorum amicum, ut etiam diceret, se non potuisse bona conscientia ea reticere, quae sunt mendacia manifesta. Quid enim hoc aliud significat, nisi non potuisse eum bona conscientia non mentiri? Audi enim veteres Historicos inter Electores Imperatoris modò Romanum Pontificem, modò ejus Legatos, modò Italicos Principes numerantes. Abbas Urspergensis in Chronico anni 1053. Filium, inquit, suum Henricum, Romani Pontificis, cunctorumque Pontificum, & Principum regni electione Regem constituit. Continuator Sigeberti in Chronico anni 1126. Mense Augusto, inquit, Legati Apostolicæ Sedis, & Archiepiscopi cum Episcopis & Optimatibus Imperii ex condito convenientes Moguntiae, consultant sibi & toti Romano Imperio de substituendo Rege. Lotharius Dux Saxonum, vir sapiens, & industrius, & Ecclesiastico juri devotus, præpotens divitiis & victoriis, omnium consensu eligitur. Otho Frisingensis lib. 3. de rebus gestis Friderici I. cap. 1. Anno, inquit, ab Urbe condita 1800. ab Incarnatione verò Domini 1152. decedente ab hac luce, vernali tempore, idest, sexta feria proxima, ut dictum est, post caput Jejunii, in civitate Bambergensi puillimo Rege Chunrado, 3. Nonas Martii, idest, tertia feria post Oculi mei, in oppido Franconesfurt, de tam immensa Transalpini regni latitudine universum (mirum dictu) Principum robur, non sine quibusdam ex Italia Baronibus, tamquam in unum corpus coadunari potuit, ubi cum de eligendo Principe Primates consultarent (nam id juris Romani Imperii apex, videlicet non per sanguinis propaginem descendere, sed per Principum electionem Reges creare, sibi tamquam ex singulari vendicat prærogativa) tandem ab omnibus Fridericus Svevorum Dux Friderici Ducis filius, petitur, cunctorumque favore in Regem sublimatur. Hæc ille. Idem Otho Frisingensis lib. 7. hist. cap. 22. Chunradum, inquit, Imperatoris Henrici sororium, præsentis Theoduno Episcopo Cardinali, ac S. R. E. Legato, Summi Pontificis, ac totius Romani populi, urbiumque Italix assensum promittente, nonagesimum tertium ab Augusto Regem creant. Hæc ille.*

Habemus igitur Romanum Pontificem per se, vel per Legatos, necnon Italicos Principes cum Germanis aliquando electioni interfuisse. Postea tamen, ut diximus, paulatim solis Germanis Principibus id juris relictum est, ut Regem Romanorum eligerent, Romanus autem Pontifex, electione confirmata, eundem ad Imperium promoveret: ut Innocentius III. apertissime confiteretur in epistola ad Ducem Thuringiae, unde existat cap. Venerabilem, de elect.

A Postremam decreti illius partem, quæ numerum Electorum ad septenarium redigit, post electionem Friderici II. usu recipi coeptam esse constat ex omnibus historicis, qui post illa tempora scripserunt. Credibile verò est, constitutionem istam, quatenus excludebat omnes Principes ab electione, septem dumtaxat exceptis, idè non fuisse initio admissam, quia odiosa erat, & nec Principes facili se patiebantur excludi, nec Imperator audebat tot Principes sibi infestos reddere: sed tamen occasione schismatum, quæ temporibus Friderici II. in Imperio quotidie exoriebantur, tandem aliquando omnium consensu esse receptam.

C A P U T III.

Electores Imperii non ab Othone III. Imperatore, sed à Gregorio V. Pontifice Maximo institutos ostendit.

C Sed jam Aventino, atque Onuphrio dimissis, ad Illyricum veniamus. Institutos igitur septem Electores antiquis temporibus non negat Illyricus, id unum negat, eam constitutionem Summi Pontificis auctoritate factam esse, remque totam Imperatori adscribit. Nos contra summam rei Pontifici Maximo tribuimus, etsi consensum quoque Imperatoris adhibitum non negamus. Quia verò quæstio historica est, atque à testium idoneorum fide & multitudine pendet, proferamus nos primùm testes nostros, deinde quid Illyricus adserat videamus.

D Primus igitur testis sit Innocentius III. quem Illyricus pag. 120. testem esse dicit omni exceptione majorem. Is enim disertis verbis testatur, à Sede Apostolica ad certos Germaniæ Principes potestatem eligendi Regis Romanorum pervenisse: *Verum* (inquit in epist. ad Ducem Thuringiæ, unde extat cap. Venerabilem, de elect.) *illis Principibus jus & potestatem eligendi Regem, in Imperatorem postmodum promovendum, recognoscimus ut debemus, ad quos de jure, & antiqua consuetudine noscitur pertinere: præsertim cum ad eos jus & potestas hujusmodi ab Apostolica Sede pervenerit, quæ Romanum Imperium in persona magnifici Caroli à Gracis transfudit in Germanos.* Hæc ille, qui etsi non meminit Gregorii V., tamen id affirmat quod potissimum hoc loco probare contendimus. Innocentium sequuntur ex Italicis, & Gallicis scriptoribus Henricus Hostiensis, S. Thomas Aquinas, B. Augustinus Triumphus, Alvarus Pelagius, & Joannes Villanus, suprâ citati: necnon Philippus Bergomensis lib. 12. supplem. Chronicor. Blondus Flavius lib. 3. Decadis 2. Baptista Platina in vita Gregorii V. Raphael Volaterranus lib. 23. Anthropologiæ: Polydorus Virgilius lib. 4. de Inventoribus rerum, cap. 7. aliàs 10. Item Joannes Andreas in cap. Ad Apostolicæ, de sent. & re judic. lib. 6. & in cap. Venerabilem, de elect. Card. Florent. in idem cap. Venerabilem, §. 1. col. 3. in 6. quæst. num. 7. Albericus in l. Bene à Zenone, num. 5. de quadrien. præscript. Baldus in sua Margarita, verbo, Annus. S. Antoninus par. 3. tit. 22. cap. 5. §. 13. Andreas Alciatus (quem virum doctissimum, atque historiarum peritissimum vocat Illyricus pag. 57.) in Commentario legis, Bona civitatis, ff. de verbor. signif. & in lib. de singulari certamine c. 32. Multi præterea cum Juriconsulti, tum Historici, quos longum esset recensere.

E Ex Germanis habemus in primis Jordanum quendam, quem ipse Illyricus citat pag. 90. cujus hæc sunt verba in lib. de Translat. Imperii: *Factum est, quod Sereniss. Carolus Magnus Imperator de consensu, &*

mandato Romani Pontificis ordinationem sibi divinitus inspiratam instituit, & praecepit ut Imperium Romanorum apud electionem Canonice Principum Germanorum in perpetuum remaneret. Hæc ille. Certè autem si Carolus Imperator jussu Romani Pontificis Electores Imperatoris instituit, ejus institutionis auctor primus, ac præcipuus Summus Pontifex fuit. Siquidem in re quavis, major est auctoritas ejus qui jubet, quàm ejus qui alterius jussu exequitur.

Neque hoc Jordani testimonium pugnat cum eo, quod alii ferè omnes scribunt, tempore Othonis III. qui ducentis annis Carolo Magno posterior fuit, eam sanctionem edicam. Nam Carolus Magnus instituit quidem, ut electio penes Principes esset, sed neque dignitatem Electorum ad certos Principes restrinxit, neque voluit ut electio locum haberet, nisi deficiente successione legitima filiorum. Constat enim, ut supra diximus, Imperium hæreditarium fuisse Caroli Magni filiis & nepotibus, temporibus autem tertii Othonis, Gregorius V. Pontifex, hæreditaria successione exclusa, solam electionem certorum Principum in Imperio locum habere voluit.

Jacobus Wymphelingius, auctor item Germanus, in Epitome rerum Germanicarum cap. 20. sic ait: Gregorius cognita Imperii imbecillitate, varietateque fortunæ, utque is, qui cæteris virtute præstaret, præesset etiam dignitate, sanctionem tulit, hand abnuente Othone, de Imperatore deligendo, anno Christi 1002. quam usque ad nostra tempora servatam videmus, videlicet solis Germanis licere Principem eligere, qui Cæsar, & Romanorum Rex appellatus, tum demum Imperator & Augustus haberetur, si eum Romanus Pontifex inunxisset.

Albertus Krantzius & ipse Germanus lib. 4. Saxoniæ cap. 25. Gregorius, inquit, ad undecimum, quo abfuerat, mensem restitutus, acerrimam de accepta à Romanis injuria ultionem sumpsit. Paulò enim postea quàm redierat, eam fecit de Imperatoris electione sanctionem, quam hucusque per annos jam quingentos servatam videmus, solis licere Germanis, qui inde Electores sunt dicti, Principem deligere, qui Cæsar tunc, & Romanorum Rex dictus, si à Romano Pontifice coronabitur, Imperator Augustus appelletur.

Joannes Naucletus natione Germanus, in 2. volumine Chronographiæ, generat. 34. ita scribit: Salvare potest, quod ex monumentis Aquilejensis Ecclesiæ traditum invenitur, sanctionem de Imperatore à Germanis deligendo, Silvestri temporibus factam esse. Nam etsi Gregorius sanctionem instituerit, ille tamen Silvester electionem primam juxta sanctionem factam approbavit. Et infra: Anno salutis secundo supra millesimum, Othone III. mortuo, Germani Electores concessio juri per sanctionem Gregorii V. & Othonis III. primùm innitentes, Henricum Ducem Bavarix, Comitem Bambergensem, Claudium postea dictum, Cæsarem declarant. Hæc ille.

His adde Joannem Carionem lib. 3. Chronici, & Joannem Cuspinianum in vita Othonis III. & ipsum Illyricum cum collegis suis Magdeburgensibus Centuriatoribus: omnes enim isti disertis verbis docent, aut Gregorium Pontificem, aut certè Othonem, ope & auctoritate Gregorii sanctionem illam de Electoribus edidisse. Ac ut Illyricus intelligat quanti faciamus gravissimam ejus, collegarumque ipsius auctoritatem, testimonium jam antea in 1. cap. adscriptum, hoc etiam loco in ejus gratiam iterum adscribemus. Sic igitur habet Centur. 10. cap. 10. col. 546. Gregorius suam patriam insigni aliqua dignitate ornatus, Jancxit, ut penes solos Germanos jus esset eligendi Regem, qui post diadema à Romano Pontifice acceptum, Imperator & Augustus appellaretur. Hæc ille.

A Accedant postremò duo gravissima testimonia, unum Concilii Generalis, alterum ipsorum Imperii Electorum. Exstat enim in Clementina, Romani Principes, De jurejur. decretum Concilii Viennensis generalis, in quo hæc habentur verba: *Ecclesia Romana à Græcis Imperium transulit in Germanos, & ab eadem ad certos eorum Principes jus & potestas eligendi Regem, in Imperatorem postmodum promovendum, pervenit. Exstat item Electorum Imperii publicum instrumentum ad Nicolaum III. Pontificem missum, quod, ad majorem rei fidem, totum hoc loco subijciemus, descriptum ex autographo, quod Romæ in arce sancti Angeli conservatur.*

B Instrumentum publicum Germanorum Principum.

C N OS Principes Imperii universis presentem paginam inspecturis. Complectens ab olim sibi Romana Mater Ecclesia quadam quasi germana charitate Germaniam, illam eo terreno dignitatis nomine decoravit, quod est super omne nomen, temporaliter tantum præsidium super terram, plantans in ea Principes tanquam arbores præelectas, & rigans illas gratia singulari, illud eis dedit incrementum miranda potentia, ut ipsius Ecclesiæ auctoritate suffulti, velut Germen electum per ipsorum electionem, illum, qui frana Romani teneret Imperii, germinarens. Hic est illud luminare minus in firmamento militantis Ecclesiæ, per luminare majus, Christi Vicarium, illustratum. Hic est, qui materialem gladium ad ipsius nutum excutit & convertit, ut ejus præsidio pastorem Pastor adjutus, oves sibi creditas spiritali gladio protegendo communiat, temporali refrenet, & corrigit, ad vindictam malefactorum, laudem verò credentium & bonorum. Ut igitur omnis materia dissensionis & scandali, seu etiam rancoris occasio inter ipsam Ecclesiam & Imperium auferantur, & si duo gladii in domo Domini constituti, debito fadere copulati, se ipsos exerceant, in utilem reformationem regiminis universi, & nos in actu voluntatis & operis inveniamur filii devotionis & pacis, qui tam Ecclesiam, quàm Imperium consovere tenemur: quicquid per Dominum nostrum R. Dei gratia Romanorum Regem semper Augustum sanctissimo Patri & Domino nostro D. Nicolas Papa III. ejusque successoribus, & ipsi Romana Ecclesia recognitum, confirmatum, ratificatum, innovatum, de novo donatum, declaratum, siue concessum, juratum & actum, seu factum est per privilegia, vel quacumque alia scripta quorumcumque tenorum super recognitionibus, ratificationibus, approbationibus, innovationibus, confirmationibus, donationibus, concessionibus, & factis, seu gestis tam aliorum Imperatorum, & Regum Romanorum prædecessorum Regis ejusdem, quàm ipsius Regis, & specialiter super fidelitate obedientia, honorificentia, & reverentia per Romanos Imperatores & Reges Romanis Pontificibus, & ipsi Ecclesia impendendis, ac possessionibus, honoribus, & juribus ejusdem Ecclesiæ: Et nominatim super tota terra quæ est à Radicofano, usque Ceperanum, Marchia Anconitana, Ducatu Spoletano, Terra Comitissa Matildis, Civitate Ravenna & Emilia, Bobio, Cesena, Foropopuli, Forlivo, Faventia, Imola, Bononia, Ferraria, Comaclo, Adriani, atque Gabello, Arimino, Urbino, Monteferetri, Territorio Babuen., Comitatu Brettinorij, Exarchatu Ravenna, Pentapoli, Massa trabaria cum adjacentibus terris, & omnibus aliis ad prædictam Ecclesiam pertinentibus, cum omnibus finibus, Territoriis, atque Insulis in terra marique ad Provincias, Civitates, Territoria, & loca prædicta quoquomodo spectantibus, necnon super Civitate Romana, & Regno Sicilia, cum omnibus ad ipsam spectantibus tam citra Farum, quàm ultra, Corsica quoque, atque Sardinia, & cæteris terris,

ris, ac iuribus ad ipsam Ecclesiam pertinentibus: Nos nostri nomine Principatus in omnibus & per omnia approbamus, & ratificamus, ac iisdem omnibus, & singulis, & quibuscumque aliis super eisdem per eundem Regem quouomodo factis, & in posterum faciendis, voluntatem nostram, assensum, atque consensum unanimiter & concorditer exhibemus. Et promittimus, quod contra promissa, vel aliquod promissorum, nullo unquam tempore veniemus, sed ea omnia & singula pro posse nostro procurabimus inviolabiliter observari, & ut hac nostra voluntas, approbatio, ratificatio, assensus, consensus, atque promissio à nobis eisdem Romanis Pontificibus, & Ecclesia in perpetuum observentur, hoc præsens scriptum inde fieri fecimus, nostrorumque sigillorum munimine roboratum. Actum & datum Anno Domini MCCLXXIX. Indictione VII. regnante Domino nostro præsente D. R. Romanorum Rege glorioso Regni eius anno sexto.

Hos igitur nos testes habemus, Pontifices, Concilia, Principes, Theologos, Jureconsultos, Historicos, eosque veteres, & recentiores; Germanicos & Italicos.

C A P U T IV.

Objectiones Illyrici dissolvit, ac mendacia plurima auctoris ejusdem detegit, & redarguit.

Nunc verò quid pro se adferat Illyricus videamus; sic igitur præfatur pag. 89. *Restat ut dicatur de Electoribus, & iure electionis novi Imperatoris, decedente priore. Nam hic quoque, ut ubique alibi, Pontificiorum parasitarum mendacia grassantur. Dicunt enim, quod imperante Othone III. Gregorius V. Germanus, malè à Romanis tractatus, suaeque sede pulsus decretum tulerit, quod septem Germani Principes, loco Romani populi, Senatusque Imperatorem in perpetuum posteritatem eligere deberent. Quod eorum figmentum max evidenter Deo dante redarguemus.* Hæc est Illyrici præfatio: quæ si vera sit, necesse jam erit, ut idem Illyricus fateatur, non modò paucos quosdam Scriptores Italicos, sed etiam multos Germanos, & ipsos Electores, atque adeò Illyricum, & collegas ejus fingere, ac mentiri, ut Romani Pontificis gratiam aucupentur. Sed videamus quàm evidenter Pontificiorum parasitarum (ut ipse vocat) figmentum redarguat.

Primo loco testem producit Jordanum, qui in lib. de Translatione Imperii scribit à Carolo Magno Electores institutos. At idem Jordanus addit, id fecisse Carolum de consensu & mandato Romani Pontificis, ut suprà ex verbis ejus ostendimus. Neque nos terret Illyrici annotatio illa: *Supposititium planè videtur esse illud verbum, de mandato Papæ; nam tunc Papa fuerunt subditi jurati Principum Romanorum, atque adeò Caroli ipse; non autem eorum dominus, qui aliud eis mandare possent, aut auderent.* Hæc, inquam, annotatio nos neque terret, neque movet. Siquidem Pontifices Romanos Imperatorum subditos juratos aliquando fuisse dixit aliquoties jam Illyricus, sed numquam probavit. Nos verò contrà demonstravimus ex Chronico Mariani Scoti, Ludovicum Imperatorem, Caroli Magni filium, jubente Papa Gregorio (sic enim loquitur Marianus) conjugem recepisse: & ex Aimoino lib. 5. de rebus Gallorum cap. 24. mandato Adriani Papæ recessisse Carolum Calvum ab infestatione Ludovici junioris, Imperatoris Romanorum: denique (ut omittam alia innumerabilia exempla suprà citata) ex Radevico canonico Frisingensi lib. 2. de rebus gestis Friderici I.

A cap. 70. Fridericum Imperatorem Pontificis pedes osculatum, eique ex equo descendenti strepam tenuisse.

Secundo loco producit testem Nauclerum: Porro Nauclerus, inquit, generatione 34. ordinationem Electorum tribuit Othoni III. hisce verbis: *Hoc in tempore Electores Imperii institui leguntur: de quo aliqui scribunt, quod Otho III. cum haeredes ex se descendentes non haberet, constituit ex consilio Principum Germania, ut Imperatore mortuo, in oppido Francofurt perpetuò fieret electio, Electoresque constituit tres Archiepiscopos &c.* At Illyricus non satis germana fide sequentia verba prætermisit, quæ ita habent: Itaque ajunt Gregorium V. cognita Imperii imbecillitate, varietateque fortunæ; utque is, qui ceteris virtute præstaret, præesset etiam dignitate; sanctionem tulisse de Imperatore deligendo &c. Vide etiam quæ suprà citavimus ex Nauclero, & planè perspicies quàm bona fide auctores citet Illyricus.

Tertium testem esse vult, nescio quam additionem ad epistolas Decretales: *Quin, inquit, & Decretalium exemplaria quadam recens Lugduni impressa, habent additionem super cap. Venerabilem, qua constitutionem septem Electorum Othoni III. tribuit, cui sanè aliqua fides à Papistis tribuenda est.* Ista verò additio nihil omnino nos movet, tum quod sit Caroli Molinæ, hominis hæretici, & qui Romanum Pontificem non minus quàm Illyricus oderat; tum quod sit glossa destruens textum, cum in ipso cap. Venerabilem, apertissimis verbis legatur, potestatem eligendi Regem Romanorum, ad Principes Germaniæ ab Apostolica Sede pervenisse.

Quartum testem producit Theodoricum à Niem, Eodem modo, inquit, & Theodoricus Niemus, qui primum fuit multorum Paparum secretarius, postea Episcopus Verdensis, eidem Othoni Cæsari, & Principibus Imperii constitutionem septem Electorum adscribit. Hic verò non solum fidem, sed etiam prudentiam in Illyrico desiderare cogor: Siquidem Theodoricus à Niem in suo Nemore, ut ipse etiam Illyricus post quatuor pagellas prolixè citat, nihil ejusmodi scribit, quin etiam (quod attinet ad Othonem III.) clarissimis verbis Illyrici mendacium coarguit. Ait enim Electores primum institutos post obitum Henrici sancti, qui Othoni III. successerat in Imperio. Quo pacto autem Othoni III. tribuere potuit Niemus, id quod ipse scribit factum post obitum successoris ejus?

Quinto loco Albertum Krantzium testem profert: Quod, inquit, & Albertus Krantzius in sua Metropoli facit disertis verbis, sicut & in aliis suis historiis.

Nunc planè Illyricus sapere cœpisti, qui diserta illa verba Krantzii non adscripsisti. Sed adscribemus nos, ut candorem pectoris tui omnes agnoscant. Sic igitur Krantzius lib. 3. Metropolis cap. 40. *Ita pervenit sine prole (Otho III.) pravaluitque electio, quam idem Imperator cum Gregorio V. propinquo suo fecisset, quaque durat in hodiernum, ut non legitima successione quaratur Imperator (quomodo à memoria Magni Caroli videbatur inolitum) sed electione septem primitivorum Principum assumatur.* Hæc sunt illa diserta verba Krantzii, ubi vides Gregorium Pontificem nominari, cum de constitutione Electorum agitur. Sed magis adhuc diserta sunt verba ejusdem Krantzii in lib. 4. Saxonie cap. 25. à nobis suprà citata. In iis enim verbis illud ipsum legitur, quod Illyricus in præfatione hujus disputationis parasitarum Pontificiorum mendacium, & figmentum appellavit.

Sexto loco Nicolaum Cusanum testem producit, cujus integrum caput 4. libri 3. de Concordantia Catholica suo libello inseruit. Sed is auctor ab Illyrico multum dissentit. Etsi enim docet non à solo Pon-

Pontifice Electores Imperii institutos, sed à communi consensu Imperii universi; docet tamen Summi Pontificis consensum, ad eam institutionem legitime faciendam primo loco necessariò requisitam: non secus atque in concilio universali auctoritas, & consensus Præsidis requiratur. Concurrerebat, inquit, ad hoc consensus ipsius Gregorii V. tamquam unius Pontificis Romani, qui iuxta gradum suum in consentiendo in communem Imperatorem interesse habet, rectè, sicut in Conciliis universalibus concurrat in primo gradu auctoritas ipsius per consensum cum aliis omnibus ipsum Concilium celebrantibus; vigor nihilominus definitionis non ab ipso primo omnium Pontifice, sed ex communi omnium, & ipsius, & aliorum consensu dependet. Et infra: ita quòd puto in veritate consensum Romani Pontificis à principio intervenisse, dum isti Electores constituerentur. Unde ipsi communi fungentes legatione omnium, qui Imperio subsunt, etiam totius sacerdotii, & Romani Pontificis, eligunt. Hæc ille. Nihil igitur aliud Cusanus docet, nisi Summum Pontificem non per se solum, sed adhibito etiam aliorum consilio, & consensu, eam sanctionem edidisse.

Veruntamen in eo ab isto auctore dissentire cogimur, quòd ipse auctoritatem præcipuam ejus institutionis ad consensum omnium eorum referat, qui ad Imperium pertinent. Quod quidem nullo teste probat, nec probare potest. Nullus enim Historicus refert talem aliquem popularem conventum, qualem Cusanus fingit, ad instituendos Imperii Electores celebratum esse. Neque mirum videri debet, si Cusanus, vir alioqui doctissimus & diligentissimus, in ejusmodi rebus, quæ ab historiarum cognitione pendent, hallucinatus sit, siquidem ipsius ætate adeò magna erat ubique penuria veterum historicorum, ut ipse capite superiore ejusdem libri aliquoties referat, se apud nullum veterem auctorem legisse, Imperium Romanum translatum fuisse à Græcis ad Carolum Magnum; & inde etiam colligat, neque Carolum Magnum, neque ceteros Principes successores ejus, usque ad Magnum Othonem, verè ac propriè fuisse Imperatores Romanorum. At hos manifestos esse errores, & ex librorum inopia natos, ne Illyricus quidem negabit.

Accedit postremò, libros illos de Concordantia Catholica scriptos esse à Nicolao Cusano adhuc juvene, & in gratiam Concilii Basileensis, atque eorum, qui tum nihil aliud magis optabant, quàm aliquid dici, vel scribi, quo Romani Pontificis auctoritas minueretur; ex quo etiam fonte manaverunt illa verba: Vigor nihilominus definitionis, non ab ipso primo omnium Pontifice &c.

Itaque idem ipse postea maturior, multis de rebus aliter sensit & scripsit. Nam cum in secundo lib. de Concordantia Catholica passim evehat in sublime Concilii Basileensis auctoritatem, postea tamen in epistola prima quæ est ad Rodericum, ejusdem Concilii acta his verbis reprehendit: Visi sunt, inquit, illi obeccatissimi viri in spiritu furoris fuisse, quando supra sacrum Principem Ecclesiæ nescio qualem judicariam sibi vendicabant potestatem, & horridum nefas attentarunt, in sacrum Principem suum favientes, seipsos ab eodem, & universa per orbem Catholica Ecclesia perniciosissimè secantes. Hæc ille; qui sine ulla dubitatione (si occasio se obtulisset) de hac etiam questione nostra longè aliter postea scripsisset. Atque hæc paulò fusiùs de Cusano differere placuit, ob ejus viri eruditionem. Nam alioqui facilè potuissim unum auctorem, eumque recentissimum, contemnere; cum tot haberem veteres Theologos, Jureconsultos, Historicos, ipsum denique Summum Pontificem, ac Principes Electores, quos uni illi objicerem.

A Pergit deinde Illyricus, atque ait: Martinus Polonus Paparum familiaris, differens de constitutione Electorum, non tribuit eam Papa, facturus procul dubio si verè potuisset; sic & Antoninus, Episcopus Florentinus, sic & Leopoldus de Bambergæ, sapè dicens de constitutione septem Electorum, nusquam tamen id Papis, aut Romane Ecclesiæ adscribit, cujus aliqui studiosissimus fuit. Rectè facit Illyricus ut ad testes mutos provocet. Nam, ut est solertis ingenii, facilè prævidebat fore, ut loquentes testes ex ipsis ipsorum testimoniis nullo negotio refellerentur. At quid, quæso, valent tres muti testes, adversus tam multos loquentes, fideque dignissimos, quos nos protulimus? Sanè in quovis tribunali multo plus ponderis habent duo tresve homines, qui affirmant, quàm viginti qui neque asserant, neque negent. Quanto igitur magis pluris faciendi sunt viginti, & eò amplius, qui disertis verbis testantur, Electores à Pontifice constitutos, quàm tres, qui id neque negant, neque affirmant, sed ut rem notam, & pervulgatam prætereunt?

B Pergit igitur Illyricus, his omissis, ad argumenta quædam longius petita, atque ex eo probare conatur, à Gregorio V. nullam editam sanctionem de Electoribus Imperii, quòd ejus antecessor Benedictus Othone II. Romæ vita functo Germanos oraverit, ut bonum Principem eligerent. Scribit, inquit, etiam Platina, Benedictum Pontificem ibi tunc apud omnes instituisse, & orasse, ut in tanta rerum difficultate, totque periculis, maxime idoneum deligerent: Quo ille disertè confessus est, ipsorum esse, non suum, eligere Imperatorem. Si verum esset quod Paparum adulatores contendunt, Papas Carolo dedisse Imperium, Papas Othoni Imperium tradidisse, Papas denique post Othonem III. jus eligendi Casaris Germanis tradidisse, an non ibi mortuo secundo Othone suum illud tam plenarium jus eligendi, & creandi Imperatores, vel maxime Papa demonstrasset, cum tanta esset de ea re controversia, cumque Roma in sede Papali negotium ageretur?

C At quid est hoc aliud Illyrice, nisi aerem verberare? Quis enim Catholicorum scriptorum dicit, ad Pontificem pertinere, Imperatores eligere? Elegit ille quondam Carolum Magnum; sed cum in ejus persona (ut Innocentius loquitur) ad Germanos Imperium transulisset, jus etiam electionis illis concessit; sibi verò id retinuit, ut electum, si is idoneus videretur, confirmaret, inungeret; coronaret. Quod jus Pontificium confirmandæ electionis, Principes Electores agnoscere debere, & in sua præsentia agnovisse, testatur Innocentius Pontifex in cap. Venerabilem, aliquoties jam citato. Itaque idem Platina, qui scribit à Benedicto Pontifice exoratos Electores, ut idoneum Principem designarent, scribit etiam (quod Illyricus non satis germana fide reticuit) ab eodem Pontifice Othonis III. electionem confirmatam, & eo modo schisma sublatum, quod in Imperio oriri jam coeperat, cum alii Othonem, alii Henricum, alii Crescentium Imperatorem delegissent. Quo sanè facto summa apparuit in Summo Pontifice potestas; quemadmodum etiam ante illa tempora, cum Carolus Calvus, & Ludovicus Rex Germaniæ de Imperio disceptarent, ille obtinuit causam, quem Summus Pontifex coronavit, ut nos supra cap. 5. ex probatis historiis demonstravimus, & post tempora Benedicti cum Lotharius & Conradus (ut verbis utar Innocentii in cap. Venerabilem) in discordia fuissent electi, Romanus Pontifex Lotharium coronavit, & Imperium obtinuit coronatus, eodem Conrado tunc denuò ad ejus gratiam redeunte.

D Sed veniamus ad aliud Illyrici argumentum: At, inquit, quod Pontificii adulatores clamant, Gregorium V. eam potestatem Germanis tradidisse, & ista ratione (ut

nunc sunt) constituisse, nullo certo testimonio probari potest, & insuper rationi repugnat. Et infra: Denique proferant, si possunt, exemplar istius decreti, quod à Papa Gregorio V. factum esse ajunt.

Non laborabimus (credo) in hac diluenda objectione, si Illyricus sibi constare velit. Nam (ut omnium testes illos tam multos, & tam probatos, quos antea in medium adduxi) in eadem pagina, ubi objicit nobis testium idoneorum penuriam, pronunciat ipse sine ullis testibus, sanctionem illam de septem Electoribus ab Othone III. esse factam, cum is in Germaniam ex Urbe redisset. Quæro igitur ab Illyrico: qui sunt historici, qui scripserunt, Othone III. in Germania sanctionem illam edidisse? Ego sanè nullum omnino legi, qui aliquid ejusmodi scripserit: quos autem Illyricus supra citavit, nihil juvare causam ejus, supra demonstravi. Deinde proferat si potest Illyricus exemplar istius decreti, quod ab Othone III. factum esse dicit, qui in historia illa centuriata ita omnia collegit, ut nihil planè præterisse videatur, cur non etiam decretum illud Othonis III. de septem Electoribus in eam retulit? Cur igitur nobis objicere non veretur, quod æquè sibi ac suis objici posse videret? Ut igitur uno verbo respondeam, ubi decretum illud Gregorianum lateat, si tamen usquam hoc tempore existat, nescio; quod tamen aliquando factum esse, facile mihi persuadent insignes illi viri, qui in libris suis narrationem hujus facti inferendam censuerunt. Nam etiamsi existeret, non aliunde certius cognosceretur esse Gregorij, quàm ex traditione, & fide Historicorum.

Postremum, idque gravissimum Illyrici argumentum sumitur ab ipsa naturali ratione. Sed pugnat, inquit, cum omni ratione hoc figmentum. Nam primum electionis jus veteri more statim in ipsa Imperatoria dignitate continuabatur, cum Imperium fuit adhuc hereditarium, ut Carolus, aliusve aliquis cum semel fuit factus Imperator, non tantum ipse pro arbitrio imperavit, sed potuit etiam eam dignitatem communicare alteri, cui voluit, ut Carolus communicavit Ludovico filio, is porro Lothario. Potuit igitur idem Imperator ex plenitudine suæ potestatis etiam aliis illud jus eligendi tradere, aut constitutionem aliquam, decretumque de ea facere, non expectato Papæ mandato, qui tunc ejus juratus subditus fuit cum omnibus Romanis. Sicut Sergius juravit Lothario fidelitatem cum suis Romanis, & plurimi alii Papæ. Deinde creato semel Imperatore, & translato Imperio in aliquam gentem, ut isti gloriantur se transfuisse in Francos & Germanos; non tantum ipse unus homo habuit illam plenitudinem Imperatoria potestatis, sed etiam principes potestatis illius participes fuerunt. Imperium enim non in uno solo homine, sed in toto eorum corpore, & præsertim in ejus principibus consistit.

Sed hæc omnia, aliaque perimulta, quæ Illyricus repetit, & inculcat usque ad nauseam, nihil aliud efficiunt, nisi jus eligendi Imperatorem penes Germanos fuisse ab ipsa translatione Imperii, quod nos certè minimè negamus. Quin potius Innocentius Pontifex, loco supra citato, ex eo probat, potestatem eligendi Imperatorem ad Germanos ab Apostolica sede pervenisse, quod eadem Apostolica sedes in persona magnifici Caroli Imperium à Græcis transfulerit in Germanos. At non rectè colliges ex eo quod Apostolica Sedes jus eligendi Germanis in Carolo Magno tribuit illo ipso tempore, quo in eos Imperium transfudit, non potuisse Gregorium V. postea sanctionem aliquam circa electionem Imperatoris, ipso præsertim Imperatore, Germanisque Principibus consentientibus, edere.

Nam etsi Pontifex Imperium transfudit, & jus eligendi Principem dedit, non transfudit tamen, neque

A dedit illam suam, quam in omnem Ecclesiam ab ipso Christo habet, summam atque plenissimam potestatem. Quare sicut potuit Ecclesiæ causa id exigente, Imperium à Græcis ad Germanos transferre; ita quoque transferre posset, si eadem causa nunc occurreret à Germanis ad aliam nationem. Pari ratione, sicut jus eligendi Principem potuit Summus Pontifex Leo ejus nominis III. Germanis tribuere, ita quoque potuit Gregorius V. ad impedienda schismata, bella & seditiones, quæ ex multitudine Electorum nascebantur, ad certum numerum Principum Electores ejusmodi revocare; præsertim (ut supra dixi) ipso quoque Imperatore assentiente, vel etiam petente ac rogante. Omnino enim verisimile est, Imperatorem, quod ipse facere non audebat, ut tot Principes ab electionis jure excluderet, à Summo Pontifice id postulasse.

B Jam verò quod Sergium Papam Lothario fidelitatem jurasse Illyricus scribit, non aliò pertinet, quàm ad cumulum augendum ejus mendaciorum. Nam neque Ado, neque Rhegno, neque Otho Frisingensis, neque Abbas Urspergensis, neque Marianus Scottus, neque Sigebertus, neque Martinus Polonius, neque Platina, neque Naucerus, neque alius ullus (quod sciam) hoc dicit. Ac ne ipse quidem Illyricus in vita Sergii, quam scribit Cent. 9. cap. 10. col. 497. & 498. Sed video unde occasionem mentiendi arripuerit Illyricus. Liber Pontificalis in vita Sergii II. & Joannes Naucerus in Chronico generat. 39. tradunt rogatum fuisse Sergium Pontificem, ut permitteret Romanam nobilitatem jurare fidelitatem Ludovico Lotharii filio, quem idem Sergius Regem Italiae declaraverat. Pontificem autem nullo pacto concedere voluisse, ut Romani Ludovico jurarent, idque tantum permisit, ut Lothario Imperatori jusjurandum quod petebatur, præstarent. Quoniam igitur Sergius Papa Romanos proceres Imperatori Lothario jurare permisit, id Illyricus pro sua mentiendi auctoritate ita interpretatus est, ac si Pontifex ipse Imperatori jusjurandum præstitisset.

C Ac ut videas, Lector, quàm sibi ipse constet Illyricus, adscribam hic pauca de isto ipso Sergio ex loco citato historiae centuriatæ ejusdem Illyrici, ibi enim Sergium Papam, ut Monarcham Orbis terræ, & Dominum Regum, atque Imperatorum describit, quem hoc loco subditum juratum Imperatoris facit. Sic igitur ille Centur. 9. cap. 10. col. 498. Majestatem sprevit, nam sese passus est ordinari in Pontificem, non expectato Imperatoris assensu: quod erat contra privilegia ejus. Deinde noluit committere, ut populus Romanus Ludovico Filio Lotharii sacramentum præstaret: licet Drogo Metensis, & alii Archiepiscopi, qui ex Gallis cum Ludovico adveniant, acriter ea de re cum ipso contenderent. Inquit enim ad Episcopos, & Legatos: si vultis Domino Lothario Imperatori magno, hoc sacramentum ut faciant, solummodo consensio & permisso; nam Ludovico ejus filio ut hoc peragatur, nec ego, nec omnis nobilitas consentit. Regna hujus mundi, & gloriam ejus affectavit; penes se enim voluit esse potestatem, Reges & Imperatores, quos vellet, inaugurandi. Nam Lotharium coronavit, & Ludovicum ejus filium Regem Lombardorum designavit, Ludovici filius, de regno diglaciatus, ad pacem per Legatos cuboratus est, & regni partitionem approbavit, & Siconulpho Beneventano in terram profecto pedes suos osculandos præbuit. Hæc ille, qui si verba sua inspicere non gravetur, per se ipse facile judicabit, utrum ille juratus subditus, atque, ut supra vidimus, juratum mancipium Regum jure appelletur, qui Imperatores, quos vult, coronat, qui filios Imperatoris Reges designat, cui duces humi prostrati pedes osculantur, ad cujus nutum populi sacramentum fidelitatis Imperatori præstant, quo

deinam

demum repugnante, iidem populi in verba Ludovici Regis præsentis, atque armati, jurare non audent. Sed jam libri totius Illyriciani conclusionem audiamus.

Hactenus, inquit, Spiritu Domini, nos in omnem veritatem manucente, & dolos fraudesque Antichristi, ejusque Symystrarum patefaciente, ostendimus veram translationem, aut etiam communicationem Romani Imperii in Germanos factam, qua etiam nunc Dei beneficio fruuntur, & simul contra recepta historicorum clericorumque fragmenta probavi, nec translationem Imperii, nec ipsi Electorum, eis Papa beneficio contigisse &c.

Non possum equidem non vehementer mirari, cur summum Pontificem Antichristum tam confidenter Illyricus nominet. Novimus enim ex Daniele cap. 11. & Paulo 2. Thessal. 2. Antichristum nullum Deum curaturum, seque ipsum supra omne quod dicitur Deus, exaltaturum, & rursus ex Illyrico in hoc ipso libro sæpius audivimus, Romanos Pontifices servos & mancipia Imperatorum fuisse; ex Centuria verò 8. & 9. c. 10. jam antè didicimus eosdem Pontifices tot Diis sese subicere solitos, quot sunt in cælo sancti, quot in terris imagines, quot sub terram reliquæ. Quis igitur capiat, eum extollere se super omne quod dicitur Deus, & nullum Deum curare, qui non modò Deos innumerabiles publicè colat, sed etiam adeò sit humilis atque abiectus, ut se mancipium juratum Principum terrenorum esse fateatur? Sed quid opus est in hoc mendacio resellendo diutius laborare, cum totus liber ex mendaciis constet? Sic nimirum loqui, sic disputare oportuit discipulum ejus, qui in veritate non stetit.

Sed quid ego de illa incredibile impudentia, vel sacrilega potiùs impietate dicam, qua tot mendaciorum auctorem Spiritum sanctum facit: *Hactenus, inquit, Spiritu Domini nos in omnem veritatem manucente, dolos & fraudes Antichristi ostendimus.* Hoc sane deorat ad cumulum mendaciorum, ut disputationem mendacis undique scatentem, vel potiùs totam ex mendaciis fraudibusque contextam, Spiritui sancto tribueret, omnemque veritatem appellaret. Est ne aliquid ultra, quò progredi audacia atque impietas possint? Si mentiri scelus est apud Christianos, quid erit, religioni sibi ducere non mentiri? Quid ipsa mendacia in Spiritum sanctum auctorem conferre?

Sed ego non jam Illyricum miror confidentissimè mentientem, ac religioni sibi ducentem non mentiri, & demum ipsa sua mendacia Spiritui veritatis adscribentem: Nam impius cum in profundum venerit peccatorum, contemnit. Illos miror, qui cum viri prudentes & graves videri velint, sibi tamen ab ejusmodi portentis imponi atque illudi tam facile patiuntur. Quæ enim major cogitari aut fingi potest vel negligentia, vel cæcitas, vel etiam stupiditas, quàm iis hominibus fidem habere, quorum tanta est levitas & inconstantia, ut perpetuò secum ipsi pugnent; tanta mentiendi libido, ut in exiguis libellis tantos acervos mendaciorum inferant, ut plura mendacia sint penè quàm verba?

Sed si eorum desidia non immeritò reprehenditur, qui mendacissimos libros facile sibi obtrudi sinunt, intoleranda deinceps non jam desidia, sed improbi-


tas erit, si detecta & confutata mendacia ab oculis suis atque auribus non repellant. Quamquam ego meliora de Germanis, ut corpore candidis, sic etiam animo sinceris, & veritatis amantibus sperare debeo. Injuriam enim facerem nobilissimæ nationi, si eos crederem mendacis potiùs, quàm explorata veritate delectari.

Unum illud oro, atque obsecro Germanos omnes, ut secum ipsi cogitent, qui sint, unde genus duxerint, quos majores habuerint, quantum denique inter sit inter præclarissimos illos heroes, Carolum Magnum, Ludovicum Pium, S. Henricum, Lotharios, Othones, Chunrados, qui nihil antiquius habebant, quàm ut Apostolicam B. Petri sedem certatim honorarent, atque ornarent, & nescio quos Illyricos homines obscuros, seditiosos, ac turbulentos, qui totis viribus laborant, ut eandem illam Sedem imposturis, ac fraudibus evertant. Neque enim dubito, quin, si ista paulò attentius cogitaverint illorum potiùs, quàm istorum similes videri volent: multoque magis eorum pietatem, gravitatem, constantiam sectandam sibi esse statuent, qui Germanicum nomen toto orbe terrarum celeberrimum sua virtute fecerunt, quàm impios istorum furores, temeritatem, & inconstantiam, qui Germaniam universam sectis, seditionibus, ac tumultibus repleverunt. Illud certè historicorum omnium literis, ac vocibus testatum extra controversiam est, nunquam magis potentia atque opibus floruisse Germaniam, quàm cum illi imperarent, qui Sedem Apostolicam in primis venerabantur.

Ad finem libri sui de translatione Imperii adjecit Illyricus longissimam Appendicem, in quam primo loco retulit integrum cap. 3. lib. 3. de Concordantia Catholica Nicolai Cusani. Secundò integram epistolam Innocentii III. quæ incipit, Venerabilem, & habetur inter epist. decretales tit. de Electione. Tertiò epistolam Friderici I. Imperatoris ex Radevico lib. 3. cap. 10. quam etiam suprà posuerat in prolegomenis. Quartò historiam quandam de rebus gestis Paschalis Papæ, & Henrici Imperatoris, ex Dodechini Abbatis appendice ad Marianum Scotum. Quintò Ludovici IV. Imperatoris Apologiam. Ex quibus omnibus nihil est quod responsionem desideret, præter Apologiam Ludovici IV. nam de testimonio Cusani diximus suprà cap. 13. & 15. Epistola Innocentii causæ nostræ maximè favet. De epistola Friderici disseruimus cap. 3. Historia Paschalis & Henrici ad rem præsentem nihil facit. Non enim inter eos quæstio erat de Imperii translatione, sed de investituris Episcoporum, & præterea imperfecta historia est, quam ex Dodechino refert Illyricus. Perfecta ex Abbate Urspergensis petenda est; ex qua quisque perspicere poterit, contentionem illam longè alium exitum habuisse, quàm optasset Illyricus. Coactus enim fuit Imperator, terroribus plagisque immissis divinitus, Ecclesiæ collum subicere, atque investuras Episcoporum, pro quibus retinendis tamdiu laboraverat, vel invitatus dimittere. Sola igitur restat Ludovici IV. Apologia; quæ quoniam ab Alberto Pighio egregiè refutata est, ne actum agere videar, ad ipsius Alberti responsionem Lectorem censui remittendum.

APPENDIX AD TRACTATUM DE CULTU IMAGINUM.

*In qua continetur refutatio Libelli, qui falsò Synodus
Parisiensis inscribitur.*



ANNO 1596. prodiit Francofurti novus libellus cum hoc titulo, *Synodus Parisiensis de imaginibus anno Christi 824. ex vetustissimo Codice descripta, & nunc primum in lucem edita.* Hoc autem præsentì anno cùm mihi is libellus ab amico ostensus esset, animadverti continuò, nec verè Synodum esse, nec scriptum luce dignum.

Quare ne fortè inscriptio fallat incautos, operæpretium me facturum existimavi, si libellum brevissimè confutarem.

CAPUT PRIMUM.



PRINCIPIO igitur non esse Synodum ullam Parisiensem, quæ hoc libello contineatur, argumento esse potest, quòd nulla in eo conspiciantur Decreta, nulli Canones, nulla extet Episcoporum subscriptio, nulla Synodi mentio; sed & ipse libellus apertè redarguit sui tituli vanitatem. Sic enim legimus pag. 126. Nos non Synodum congregando, sed quemadmodum à vobis postulavimus, licentiamque agendi percepimus, unà cum familiaribus nostris, filiis vestris, quantum pro multiplicibus Regni diversis occupationibus impediti, per intervalla potuimus, considerare studuimus, quid Almitati vestræ de tanta necessitate significare possissemus.

Ac, ut verborum istorum sententia intelligatur, totius libelli argumentum exponemus. Scripsit Michael Balbus Imperator Græcus ad Ludovicum Pium Imperatorem Latinum epistolam bene longam, in qua, post alia multa, significavit, Ecclesiam propter imagines Christi & sanctorum in duas partes esse divisam, cùm alii adorandas, alii non adorandas esse contenderent; & simul petiit, ut Ludovicus in Occidente operam daret, ut sublato supersticioso cultu imaginum Ecclesia pacem & unionem recuperaret.

Ludovicus his literis acceptis à Summo Pontifice facultatem obtinuit convocandi viros aliquot doctos, qui veterum Patrum testimonia de cultu imaginum diligenter colligerent. Quo facto scribi iussit epistolam, quam nomine Summi Pontificis, ipso consentiente Pontifice, cui primum ostendenda erat, ad Michaellem Imperatorem dirigere cogitabat. Denique tum epistolam prædictam, tum aliam à se ad ipsum Pontificem, qui Eugenius dicebatur, propriè scriptam per duos Episcopos misit.

Hæc igitur quinque in libello, nuper edito, continentur. Primum, Epistola Michaelis Balbi ad Ludovicum Pium, Caroli Magni filium: secundò, collecta testimonia ex veteribus Patribus, quibus probatur, imagines, neque frangendas esse, ut volebant Iconomachi, neque colendas, ut Synodus Nicæna secunda statuerat: Tertiò, Epistola, summi

A Pontificis nomine scripta à Francis Doctoribus ad Michaellem Imperatorem, qua docetur, imagines neque injuria afficiendas esse, neque etiam adorandas. Quartò, Epistola Ludovici Imperatoris ad Eugenium Pontificem ejus nominis secundum, qua eum hortatur ad legationem in Græciam mittendam, & Ecclesiam pacificandam. Quintò, Epistola ejusdem Ludovici ad Hieremiam, & Jonam Episcopos, quos Romam ad Summum Pontificem mittit, eosque instruit, quemadmodum prudenter cum Pontifice se gerere debeant, ut eum ad suam sententiam pertrahant.

B Ex his promptum erit intelligere, fucum facere voluisse eos, qui hunc libellum specioso nomine Synodi Parisiensis ornare voluerunt; qui quidem causam Iconomachorum juvare, & Catholicæ fidei detrimentum aliquod adferre conati sunt; sed Deo juvante, mox efficiemus, ut oleum & operam se perdidisse doleant.

CAPUT II.

C NAM ut ad epistolam Michaelis, quæ primam partem libelli occupat, veniamus: ea quidem plena videtur religiosi studii, ut si quis aliundè quis iste Michael fuerit, ignoret, arbitretur eum unum ex optimis, & Christianissimis Principibus fuisse.

D Sed extant annales publici Joannis Zonaræ, Georgii Cedreni, & aliorum, qui res gestas Græcorum Principum literis mandaverunt. Ex his cognoscere licet, Michaellem non solum cognomine, sed etiam re ipsa Balbum, virum fuisse impium & scelestissimum, quippè, qui magis Hebraicæ superstitioni, quàm Christianæ Religioni addictus esset: qui Resurrectionem carnis pernegaret, & ob id Prophetas, & Apostolos, qui eam prædicaverant, irrideret: qui fornicationem licitam esse diceret, & sacrum exlibatum adeò contemneret, ut è monasterio sanctimoniale, jam Deo sacram, sibi conjugem deligeret: qui septimam Synodum Oecumenicam, atque ab Adriano Pontifice maximo approbatam, respiceret: qui sacras imagines nullo honore dignas arbitraretur: qui Iconomachis impensè faveret, & Constantinum Copronymum, Iconomachorum Principem, sibi præter ceteros imitandum proponeret: qui S. Euthimium, Sanctumque Methodium, aliosque pios ve-

ritatis

ritatis defensores vel exilio, vel carcere, vel morte mulctaret.

Hic igitur est ille Michael, qui ovinam pellem indutus, cum esset re vera Lupus rapax, quasi fidei zelo accensus, nihil aliud optare se fingit, nisi Ecclesiae reformationem & pacem. Sed quemadmodum in illa ipsa epistola deplorat necem Leonis Imperatoris, cui proximè ipse successit, quem dicit ab improbis quibusdam conjuratione facta miserè necatum, cum satis apertè constet ex auctoribus supra citatis, ipsum eundem Michaellem conspirationis Principem fuisse: sic etiam piè queri videtur, Ecclesiam ob dissensiones de cultu imaginum esse divisam, cum ipse potissimum dissensionis, & divisionis auctor esset, qui Synodum Generalem, quæ dissensiones sustulerat, rejecisset, & Iconomachiam propagare studeret: & non contentus dissensionibus Orientalibus, in Occidente quoque dissensiones serere, ac propagare satageret.

Quòd verò in extrema epistola Catholicos reprehendit, quòd vivificam crucem despiciant, quòd imagines, ut Deos quosdam adorent, quòd ei sacrificia offerant, quòd ab eis nescio quo artificio de sacro fonte suscipi, & sacram communionem percipere velint, denique quòd alias id genus superstitiones, vel ineptias in cultu sacrarum imaginum ostendant, merz calumniae, atque imposturae sunt. Neque mirabitur ejusmodi mendacia Graecum Imperatorem in sua epistola ad Latinos longè positos scribere potuisse, qui cogitare voluerit, quàm crassa, & quàm incredibilia mendacia nostri temporis Hæretici de Catholicis in vicinis locis degentibus fingant.

Sed ex Concilio Nicæno II. verè legitimo, & Oecumenico, velit nolit Michael Balbus, illis ipsis temporibus celebrato, luce solis clarius effici potest, illa esse commenta, fraudeque Hæreticorum. Docuit enim Concilium illud, cui Catholici omnes assentiebantur, imaginibus sacris deberi quidem suam venerationem, sed non majorem quàm vivificæ Cruci, neque illis ullo modo sacrificandum esse, neque eos cultu latræ, qui Deo est proprius, adorandas. Legatur Synodus, & impostura subito evanescent.

Quæ cum ita sint, vel Franci, qui Ludovico Imperatori à consiliis erant, fidem habuerunt literis Michaelis, vel non habuerunt. Si fidem habuerunt, circumventi sunt, atque decepti: Si fidem non habuerunt, abusi sunt literis illis ad permovendum summum Pontificem, ut majorum suorum acta rescinderet, & Synodum Nicænam, ab Adriano approbatam, improbaret ipse atque damneret.

Sed sive decepti fuerint, sive decipere voluerint, nihil attinebat istum vel errorem, vel scelus ipsorum orbi terrarum prodere, præsertim, cum non sine causa majores nostri libellos ejusmodi, qui nihil utilitatis, detrimenti autem plurimum adferre poterant, libenter delitescere passi sint.

C A P U T III.

VEnio nunc ad ea testimonia, quæ pauci illi viri à Ludovico Imperatore vocati, ex veterum monumentis collegisse se dicunt. Multis enim nominibus viri illi peccasse videntur. Ac primùm quidem ante collectionem satis auctorè judicium sibi de scriptis Apostolicis desumpserunt. Nec solum de Summo Pontifice, sed etiam de Generali Synodo, à Pontifice approbata, temerè judicaverunt. In qua re longè superarunt peccatum auctoris illius, qui nomine Caroli Magni librum edidit adversus cultum sacrarum Imaginum. Ille enim (quod etiam Patres Concilii Francofordiensis fecerunt) Nicænam Syno-

Controv. Gard. Bellarm. Tom. II.

A dum secundam improbat, quoniam celebratam fuisse existimavit sine consensu Apostolicæ Sedis. Ac consiliarii isti Ludovici Imperatoris, quorum scripta discutimus, fatentur Synodum pro cultu imaginum, idest, Nicænam secundam ab Adriano summæ Pontifice coactam, & probatam, & tamen tum ipsam Synodum, tum epistolam ejusdem Adriani ad Constantinum Imperatorem pro cultu imaginum, & rursus defensionem ejusdem Synodi, ab Adriano ad Carolum missam, examinare, dijudicare, reprehendere non verentur.

B Hæc enim sunt ipsorum verba pag. 19. *Primam epistolam Domini Adriani Papa, quam pridem pro imaginibus erigendis Constantino Imperatori, & Irenæ matri ejus ad eorum deprecationem in transmarinis partibus direxit, coram nobis legi fecimus, & quantum nostra parvitati res patuit, sicut justè reprehendit illas, qui imagines sanctorum temerario ausu in illis partibus infringere & penitus abolere præsumpserunt: sic indifferetè noscitur fecisse, in eo quod superstiosè eas adorari iussit, pro qua etiam causa Synodum congregari præcepit.* Et infra pag. 21. de defensione Nicænæ Synodi ab Adriano edita sic loquuntur. *Per singula capita in illorum excusationem respondere, quæ voluit, non tamen quæ decuit, comatus est &c.*

C Ita nimirum Judicem suum, & totius Mundi judicare, pastorem omnium Christi ovium pascere, & Doctorem universorum docere non erubuerunt, quæ temeritate nulla major cogitari potest.

C A P U T IV.

SED fortasse nova aliqua, atque recondita testimonia repererunt, quibus freti resistere in faciem Apostolico Præfati non reformidarunt. Immo verò novissima & vulgaria, & quæ nihil ad rem faciant sine ulla ratione, vel ordine collegerunt.

D Ac, ut exempli gratia pauca discutiamus, primum testimonium sumum ex libro S. Augustini de hæresibus, ubi legimus Simonem Magum jussisse imaginem suam, & Helenæ meretriculæ suæ à discipulis adorari. Atque hanc esse dicunt primam originem adorandarum imaginum. Quasi verò, si de falso cultu agatur, non ante Simonis tempora, vituli aurei ab Hebræis, & simulacra hominum mortuorum à Gentilibus adorata fuerint. Sed Ecclesia Catholica non discit cultum rerum sacrarum ab hostibus suis, & si ex eo testimonio liceret colligere non esse Christi, & Sanctorum imagines venerandas, licebit eadem ratione colligere, ne ipsum quidem Christum ullo honore dignum esse, propterea siquidem impium erat, Simonis, & Helenæ imagines colere, quod Simon, & Helena indignissimi essent qui colerentur.

E Sed ridicula planè sunt, quæ ex epist. 56. ejusdem Augustini ad Dioscorum testimonia desumpserunt: ridicula, inquam, si ad id, de quo agimus, referantur. Quæ namque S. Augustinus disputat de imaginibus, quæ à corporibus defluentes in animum penetrant, ut per eas aliquid cernamus, vel cogitemus, ea proferunt isti ad probandum non esse Christi & sanctorum imagines depictas, vel sculptas ullo modo colendas. Quæ quàm bene cohæreant cum præsentī disputatione, lectoris esto judicium.

Quid? quòd plurima testimonia, quæ Summus Pontifex Adrianus in epistola illa sua doctissima pro imaginibus posuit, isti rursus allegant, qui contra imagines pugnant.

Quod verò dicunt, & nonnullis etiam testimoniis probare nituntur, non esse consuetudinem, vel annorum numerum, aut quamlibet vetustatis aucto-

N a ritatem

ritatem præferendam veritati: tunc rectè diceretur, si probari posset, cultum, quem Ecclesia Catholica imaginibus exhibet, ex manifesto errore, non ex certa veritate descendere. Sed cum de re aliqua litigatur, multum valere consuetudinem, & venerandam esse antiquitatem, ne ipsi quidem negare possunt: Quorsum enim tantoperè laborarunt in evolvendis antiquitatis monumentis, si nullum probabile argumentum ex antiquitate peti potest? Nonne vident, se hoc suo facto contra sua verba pugnare? & re ipsa destruere, quod verbis astruere nitebantur? Certè si liceret testimonia S. Augustini, S. Basilii, aliorumque veterum Patrum in medium asferre, quibus ipsi ex antiquitate, vel Ecclesie consuetudine probant Ecclesiastica dogmata, nullus finis esset.

Sed quod superat omnem admirationem, illud est, quòd multa testimonia proferunt pro adoratione Crucis, & cum rationem reddere volunt, cur signum, vel lignum Crucis adorandum sit, & imagines Christi non sint adorandæ, dicunt eam esse causam, quia Christus in Cruce suspensus fuit, non in imagine: & quia per Crucem nos redemit, non per imaginem. Quod si refellere voluero, timeo ne nimie tarditatis lectores existimare videar. Certè enim Christus non in signo Crucis, quod in pariete, vel in tabella, vel in fronte, vel in aere pingimus, suspensus fuit, neque etiam in ligneis illis crucibus, quæ passim cernuntur, & adorantur in Ecclesiis, sed in illa una Cruce, cujus ista nostra signa, quæ pingimus, vel erigimus, imagines sunt. Cum ergo liceat per adversarios Crucis imaginem colere, cur imaginem Crucifixi colere non licebit? & si jure Crucis adoramus imaginem, quia per Crucem redempti sumus à Christo, qua causa fingi potest, cur non jure coli possit imago Christi, qui propriè nos redemit?

At, inquiunt, nihil manu factum colere fas est, quid igitur? Lignum vel signum Crucis non est manufactum? Codex Evangeliorum, & sacra vasa, quæ horum opinione veneranda sunt, quid sunt aliud, nisi opera manuum humanarum? Et tamen verum est, nihil manufactum esse colendum eo genere cultus, quo Deus ipse qui omnino non est factus, sed omnium rerum factor colendus est.

Quare poterant Collectores isti maximam partem testimoniorum, quæ attulerunt, omittere, quoniam iis nihil probatur aliud, nisi solum Deum esse colendum cultu latræ sibi uni proprio, & non esse imagines ita adorandas, ut etiam sacrificia illis offerantur, quæ neque nos negamus, neque Sancta Nicæna Synodus negavit.

Ac, ut videas, Lector, quantas vires veritas habeat, ipsi quoque qui eam oppugnant, non rarò vel inviti vel imprudentes eam tuentur. Id accidit Collectoribus nostris. Nam inter alia testimonia colligunt etiam nonnulla, ut probent imagines non esse frangendas, vel injuria afficiendas. Sed in iisdem testimoniis non habetur solum quod ipsi volunt, imagines videlicet non esse afficiendas injuria, sed habetur etiam, quod nolunt, afficiendas honore. Quod quidem isti Collectores aliquando viderunt, & textum audacter corruerunt, aliquando non viderunt, & testimonium contra se in ipso suo libello imprudentes reliquerunt.

Prioris rei exemplum habes pag. 87. ubi allegatur S. Gregorius, qui in epistola quinta libri septimi ad Januarum reprehendit acriter nonnullos, qui B. Virginis Imaginem, & Crucem dominicam contumelie causa ad Judæorum Synagogam detulerunt: & mandat Januario Episcopo, ut sublatam ex eo loco cum ea, qua dignum est veneratione, imaginem, atque Crucem, in Ecclesiam referat. Hic boni Collecto-

A res nomen Imaginis simpliciter deleverunt, vel omiserunt, ne videretur contra eorum dogma non solum Crux, sed etiam imago Beatæ Virginis veneranda, nisi fortè librarium errore nomen imaginis sit omissum.

Jam verò pag. 91. adscribunt hæc verba ex epistola Synodica Gregorii Papæ: *Nos non ob aliud nomen imagines facimus, & adoramus, sed pro nobis incarnato Verbo Dei &c.* Audis ne Collector, vocabulum, (adoramus?) & tamen à se hoc testimonium prolatum est. Sed habemus clariora.

Paulò infra ponuntur hæc verba ex libro S. Basilii ad Amphilochem de Spiritu sancto cap. 17. *Imaginis honor ad primam formam transit, &c.* Ecce tibi rursus honorem imaginis. Sed ad clarissima veniamus.

Paulò post adferuntur hæc alia verba ex epistola ejusdem Magni Basilii ad Imperatorem Julianum. *Credo in unum Deum patrem omnipotentem, Deum patrem, Deum Filium, Deum Spiritum sanctum, unum Deum, hæc tria adoro & glorifico. Confiteor autem & filii Incarnati dispensationem, & Dei genitricem, qua secundum carnem eum genuit, Sanctam Mariam. Suscipio verò & Sanctos Apostolos, Prophetas, & Martyres, & ad Deum deprecationem, qua per eos propitium mihi efficit misericordissimum Deum, pro quo & figuras imaginum eorum honore & adoro, specialiter hoc traditum est à Sanctis Apostolis, & non prohibitum, sed in omnibus Ecclesiis nostris eorum designari vel historias &c.* Quid audivimus? S. Basilii Magnus ab adversario advocatur testis, & verè testis est omni exceptione major. Is verò palam affirmat, se honorare, & adorare Apostolorum, Prophetarum, & Martyrum imagines. Idque affirmat, dum fidei suæ confessionem edit, ac de rebus, non dubiis aut verisimilibus, sed certissimis, & exploratis loquitur. Addit verò id ab Apostolis traditum, & ab omni Ecclesia susceptum, & observatum. Quid quæso responderi potest? Auctor gravissimus, apertè loquitur, & ejus testimonium ab adversariis profertur. Neque desunt alia testimonia similia in eodem libello, Athanasii, Germani, Leontii, & aliorum, quæ imprudenter ab adversariis contra se, & pro nobis, hoc est, pro cultu sacrarum imaginum proferuntur. Sed ego brevitati studeo, neque libenter in his refellendis inceptis tempus tero.

CAPUT V.

SEquitur pars tertia, idest, Epistola Eugenii Papæ ad Michaellem, & Theophilum ejus filium Imperatores, quam epistolam iidem Collectores scripsisse videntur. Neque enim Eugenius ullam talem epistolam scripsit, sed (ut supra diximus) scripta fuit, ut nomine Pontificis mitteretur, si ipse probaret. In qua re cogimur desiderare prudentiam Collectorum. Qua enim fronte Romano Pontifici præscribere ausi sunt, quod ipsum scribere oporteret? Qua verò fiducia sperare potuerunt, Romanum Pontificem scripturum ad Græcum Imperatorem contraria iis, quæ prædecessores ejus non semel scripserant?

Sed videamus, si placet, paulò diligentius, an epistola illa Summum Pontificem deceat. Omitto autem, quod in hoc libello epistola illa caret principio, quod peccatum non primo auctori, sed ei, qui nunc demum post tot sæcula libellum hunc in lucem edidit,tribuendum videtur. Nihil etiam dico quòd epistola verbosa est admodum, obscura, barbara, imperita; detur enim hoc tempori. Taceo denique; quòd dum conatur tollere repugnantiam, quæ in verbis

verbis S. Gregorii esse videbatur, tanto se magis involvit, quanto magis conatur evolvere. Sed tria quædam tacitus præteritis non possum. Primum enim facit hæc epistola Pontificem summum, adulatorem Imperatoris impudentissimum, dum ita loquitur: *O venerande Mundi Principes, cum universa Sancta Dei, quam Domino disponente, & committente gubernatis, Ecclesia.* Et infra, *propter adunandam, quam Dominus Deus ordinante regit, Ecclesiam.* Quæ foedior adulatio! Michael Balbus interfecto legitimo Imperatore, cum esset ipse pro sceleribus suis jam morti adjudicatus, tyrannicè invalit Imperium, & Pontifex Maximus affirmabit, Deo disponente, committente, & ordinante hunc ipsum Balbum gubernacula suscepisse non solum Imperii, sed etiam Ecclesiæ, & si Ecclesia Dei ab ipso Deo gubernanda Imperatori tradita est, quid faciunt in Ecclesia Episcopi? quid ipse summus Pontifex? *Imperator* (inquit S. Ambrosius) *in Ecclesia est, non supra Ecclesiam, filius Ecclesiæ, non Rector, ovis, non pastor.* Et S. Joan. Chrysostomus Diacono suo dixit: *Si is, qui diademate coronatur indigne adeat ad sacra mysteria percipienda, cohibe & coerce, majorem tu illo habes potestatem.*

Deinde, in eadem epistola non semel repetitur hoc argumentum: *Si nulla unquam picta, vel ficta fuisset imago, nihil periret de fide, spe, & charitate, quibus ad regnum pervenitur æternum:* & tamen propter imagines orta est dissensio, & divisio in Ecclesia, turbata pax, charitas violata. Et non animadvertunt, qui eam epistolam nomine Summi Pontificis scribunt, eo argumento non solum effici quod ipsi volunt, imagines non esse adorandas, sed etiam effici (si quid tamen efficitur, quod nunc videbimus) imagines omnino de medio esse tollendas, quod ipsi nolunt. Nec tamen argumentum illud aliquid valet.

Quamvis enim nihil periret de fide, spe, & charitate, si nulla picta, vel ficta esset imago tamen quando picta, vel ficta est, peccat in fidem, qui eam negat esse venerandam, quoniam honor imaginis ad prototypum refertur, quod venerandum esse fides docet, & adversarius non negat. Et potest hoc ipsum similitudine illustrari, si libellus aliquis divinæ scripturæ, ut epistola ad Philemonem, non extaret, nihil deperiret de fide, spe & charitate: & tamen quia nunc extat, qui eam negaret esse cum veneratione suscipiendam, peccaret in fidem, & si propterea dissensiones orirentur, non esset epistola abjicienda, sed imperitia dissidentium coarguenda, & instruenda.

Postremo in eadem illa epistola reprehenditur Constantinus & mater ejus Irene, quod edicto suo

A jussisset sacras imagines juxta Concilii generalis decretum, cum veneratione esse habendas. Quæ sanè reprehensio à Summo Pontifice, nisi planè amente, scribi non potuit. Quid enim? Adrianus Papa Constantinum, & Irenem summis laudibus æfert, quod sacrarum imaginum religioso cultui faveant: & Adriani successor Eugenius eisdem Imperatores ob causam eandem reprehendet? & quæ major stultitia fingi potest, quàm ut Summus Pontifex molestè ferre se dicat, quod ab Imperatore decreta Conciliorum generalium, à sede Apostolica approbata, servantur, ac defendantur?

B Sed si parum prudentes Collectores fuerunt, non fuit inconstans Apostolica sedis Antistes, permansit enim in iis, quæ prædecessores non sine magna deliberationis maturitate statuerant. Nam neque Eugenius eam epistolam misit: & paulò post Adrianus II. Synodum Oecumenicam octavam Constantinopoli celebrandam curavit, in qua Synodus septima de cultu imaginum iterum approbata est. Denique Anastasius Bibliothecarius Romanus in præfatione septimæ Synodi ad Joannem VIII. Pontificem, qui Adriano II. proximè successerat, scribit, in eadem sententia fuisse omnes Romanos Pontifices. *Quæ, inquit, super venerabilium imaginum adoratione præfata Synodus docet, hæc & Apostolica vestra Sedes, sicut nonnulla scripta innuunt, antiquitus tenuit, & universalis Ecclesia semper venerata est, & hactenus veneratur, quibusdam dumtaxat Gallorum exceptis, quibus atque nondum est horum veritas revelata.*

CAPUT VI.

R Estat pars ultima, hoc est, epistola Ludovici Imperatoris ad Eugenium Pontificem, & altera ejusdem Ludovici ad Hieremiam, & Jonam Episcopos. In quibus nihil observandum occurrit, nisi quod in eis quædam dicuntur, quæ redolere videntur fraudes recentium hæreticorum. Unde venit in mentem suspicari, ne fortè vel totus hic libellus sit confictus, vel, quod est credibilius, depravatus, & auctus ad invidiam Romanæ Ecclesiæ conciliandam.

D Sed sive sit verus liber, sive confictus, sive partim sincerus, partim adulterinus, illud unum constat, non esse librum dignum, in quo legendo tempus conteratur. Titulus falsus, dictio barbara, sententiæ insulæ, ordo perversus, eorundem testimoniorum crebra repetitio, faciliè potuissent persuadere Typographo, si is commune commodum, & non proprium lucrum spectasset, ut sibi ab edendo ejusmodi opere temperaret.


LIBER PRIMUS
DE
INDULGENTIIS.
P R Æ F A T I O.



QUÆ prima controversiarum hoc nostro sæculo fuit, ea non electione, sed casu postremo loco à nobis tractanda suscipitur. Nam cum locum huic controversiæ post libros de pœnitentia designavissem, & casu factum esset, ut libri illi propè ferias autumnales absolverentur, & Typographus illo ipso tempore extremam manum secundo tomo imponere vellet, implere non potui quod maximè cupiebam. Deinde supervenerunt aliæ, atque aliæ occupationes, tum publicæ, tum privatæ, quibus impeditus, vix otium paucorum mensium pro tertio tomo (quod opus majoris momenti esse videbatur) perficiendo invenire potui. Sed cum præter spem hoc anno aliquid vacui temporis nactus fuisssem, & simul anni sexcentissimi supra millesimum jam imminentis expectatio nos admoneret celeberrimi Jubilæi, solemniūque Indulgentiarum, quibus is annus vetere instituto consecratus est, non potui diutius hujus debiti solutionem differre, quam multi à me jure, ac meritò expetebant. Quamvis autem eas potissimum controversias explicandas susceperim, quæ de Indulgentiis inter Catholicos, Hæreticosque versantur, tamen attingam etiam illas, quæ inter Catholicos salva fide, veritatis indagandæ, vel illustrandæ gratia disputantur. Igitur universæ disputationis hic erit ordo. Primum de nomine Indulgentiæ, & Jubilæi breviter differemus, & simul qui pro defensione Indulgentiarum, qui contra easdem scripserint, indicabimus. Deinde an Indulgentiæ sint, prosequemur; ubi duo tractanda erunt, alterum de thesauro quodam spirituali Ecclesiæ; alterum de potestate eum thesaurum distribuendi. Tertiò quid propriè sit Indulgentia, id est, in quo præcipuè natura ejus posita sit, investigabimus; ubi alia duo explicanda erunt; unum, sit ne Indulgentia solutio, vel absolutio; alterum, à quo vinculo solvat, vel absolvat. Quartò, qualis Indulgentia sit, id est, de multiplici forma, & varietate ejus differemus. Quintò, propter quid, sive cujus rei gratia sit, hoc est, de fructu, & utilitate Indulgentiæ disputabimus. Sextò, quis possit Indulgentias concedere, & quam ob causam, inquiremus. Septimò, quis eas suscipere possit, & quæ dispositio ad eas suscipiendas requiratur, videbimus. Octavò, an, & quomodo defunctis Indulgentiæ prosint, aperiemus. Atque hæc omnia in priore libro breviter, & perspicuè explicare conabor. In posteriore verò libro mendacia, fraudes, & imposturas, argumenta quoque sive à testimoniis scripturæ, & Patrum, sive ab ipsa ratione petita, Lutheri, Calvini, Heshusii & Kemnitii, qui præter cæteros in hoc argumento laborasse videntur, aperiam, discutiam, & refellam.

CAPUT PRIMUM.

De nomine Indulgentia & Jubilæi.



Aut à nomine exordiamur, Indulgentia remissionem, & facilitatem, sive (ut sic loquamur) condescensionem in scripturis Sanctis, aliisque auctoribus, præsertim Ecclesiasticis, significare solet. Et quidem priore notione usurpatur hoc nomen apud Isaiam cap. 61. Sancto Luca interprete cap. 4. Evangelii. Nam quod legimus in Isaiâ: *Prædicare captivis Indulgentiam*, in Evangelio Lucæ redditum videmus, *Prædicare captivis remissionem*. Eadem notione passim veteres Patres usi sunt, Cyprianus in serm. de lapsis, & in epist. ad Jubaiantum, Hieronymus in comment. ad cap. 4. Danielis, & Augustinus in Psal. 101. explicans illa verba, cinerem tamquam panem manducabam, posteriore significatione, qua nomen Indulgentiæ pro lenitate, & ut diximus, condescensione accipitur, usus est Apostolus in priore ad Corinth. cap. 7. in illis verbis: *Hæc autem dico secundum Indulgentiam, non secundum imperium*. Eadem significatio apud alios scriptores tum sacros, tum profanos frequentissima est.

Ecclesia igitur, & Scholæ Theologorum utramque significationem conjungentes, Indulgentias vocant remissiones poenarum, quæ sæpè remanent luendæ post remissionem culparum, & reconciliationem in Sacramento poenitentiae adeptam, quas remissiones Summi Pontifices ex paterna lenitate, & condescensione in filios suos, compatiētes eorum infirmitati, certis temporibus, & non sine iusta aliqua, & rationabili causa concedere solent. Videtur autem Ecclesia ad hanc rem significandam nomen hoc derivasse ab usu veterum Imperatorum, & Jureconsultorum. Siquidem illi Indulgentiam solemnem, proprioque vocabulo appellant remissionem generalem criminum, quam aliquando Principes sæculi publicæ lætitiæ causa faciebant. Vide Codicem Theodosianum lib. 9. tit. 38. qui est de Indulgentem criminum, & nominatim invenies lege 3. Indulgentiam fuisse remissionem criminum, quo ad solam poenam legibus debitam, & lege 4. invenies Indulgentiam nunc remissionem, nunc absolutionem appellari. Vide etiam l. Lucius ff. ad Senatufconsultum Turpilli. & l. Indulgentia, C. de generali abolitione, & Ammianum Marcellinum lib. 16. ubi etiam indicat, nomen Indulgentia esse antiquum, & solemnem cum ait, *ne per Indulgentias, quas appellant* &c. Atque hæc de nomine Indulgentiæ hic sufficiant, nam definitionem accuratam Indulgentiæ postea suo loco trademus.

Porro Jubilæus dicitur à voce Hebræa *יובל* Jobel, & quamvis aliqui malint Jobelæum, vel Jobilæum, quam Jubilæum dicere, nos tamen S. Hieronymum sequimur, qui vocem Jobel, perpetuò Jubilæum reddidit. Non enim in convertendis vocibus tam superstitiosi esse debemus, ut propterea S. Hieronymum, virum doctissimum, & prudentissimum & ab ipsa Ecclesia approbatum deserere debeamus. Significat autem Jubilæus annus remissionis, qui apud Hebræos erat quinquagesimus, ut perspicuum est ex cap. 25. & 27. Levitici, & cap. postremo Numerorum, siquidem eo anno remittebantur labores omnes agriculturæ, non enim arabatur, nec serebatur, nec metebatur, sed ex frugibus anni superio-

Controv. Card. Bellarm. Tom. II.

Aris, quas Dominus triplo plures suppeditabat, omnes commodè sustentari poterant; restituebantur etiam agri, ac domus venditæ prioribus dominis, & qui servituti addicti fuerant, libertati pristinae reddebantur. De etimologia verò Jubilæi, Grammatici certant, & adhuc sub Judice lis est. Ego tamen non assentior Rabbini, qui docent Jubilæum à sonitu cornu arietini sic nominari, quod ejusmodi sonitu indiceretur annus remissionis. Nam tametsi uno in loco, videlicet Exod. 19. videatur Jobel sonum buccinæ, vel ipsam buccinam significare: tamen ubi agitur propriè de Jubilæo, nimirum Levit. 25. sonitus buccinæ, quo indicebatur Jubilæus, non vocatur Jobel, sed *תְּרוּחָה* theruha, qua etiam voce utitur David in Psalmis ubicumque Jubilum vel Jubilationem nominat. Et certè si Jubilæus Hebræicè diceretur à sonitu buccinæ, debuisset omnino Moses Levit. 25. ubi ait: *Est clangor buccina mense septimo, decima die mensis, propitiationis tempore in universa terra vestra, sanctificabisque annum quinquagesimum, & vocabis remissionem cunctis habitatoribus terra tua. Ipse est enim Jubilæus*: Debuisset, inquam, uti voce Jobelin designando sonitum buccinæ. Quod tamen non fecit, sed usus est voce theruha, ut diximus. Itaque non dicitur Hebræicè Jubilæus à Jubilatione, cum ille Jobel, ista theruha dicatur: sed dicitur, ut existimo, à *יָבַל* Jabal, quod significat germinare, & producere, unde est nomen *יֵבֶל* Jebul, quo fruges & fructus omnes significari solent. Dicitur igitur Jubilæus, quasi annus germinans, utilis, & fructuosus, quia sine labore adducit fructus terræ, & sine sumptibus restituit agros & domos antiquis dominis, & sine ulla vi reddit servis pristinam libertatem. Fuit autem sine ullo dubio Jubilæus Hebræorum typus & figura Evangelii, per quod homines remissionem peccatorum, liberationem à servitute Diaboli, possessionem paradisi, & domum coelestem, ac denique fructus bonorum operum, & alia innumerabilia beneficia per Christum acquirunt. Ad quod alludens Isaias cap. 61. in persona Christi, sic ait: *Spiritus Domini super me, eo quod unxit me, ad annuntiandum mansuetis misit me, ut mœderer contritis corde, & prædicarem captivis Indulgentiam, & clavis apertionem, ut prædicarem annum placabilem Domino*.

Hinc Pontifex Maximus, Clemens ejus nominis sextus, annum illum celebrem, in quo Indulgentiæ maximæ adeuntibus Apostolorum basilicas more veteri conceduntur, Jubilæi nomine appellandum censuit, præsertim cum ad similitudinem veteris Jubilæi annum quinquagesimum pro centesimo, qui antea fuerat in usu, ipse designasset. Denique idem Jubilæi nomen derivatum est ad omnes Indulgentias, quæ in amplissima forma subinde concedi solent, etiam extra annum illum, qui propriè Jubilæi nomen invenit. Quamvis autem Indulgentia Pontificia, ut postea suo loco probabimus, solam poenam temporalem peccatis debitam remittat, atque ob id solum ex parte nonnullam habeat cum veteri Jubilæo similitudinem, tanti tamen fructus poenitentiae, tot conversiones hominum sceleratorum, tam multa, & tam præclara pietatis opera, Indulgentiam illam vel præcedunt, vel comitantur, ut merito annus ille, sanctus, placabilis Domino, germinans & fructuosus, quod nomine Jubilæi significari diximus, appellari possit. Extat libellus, in quo recensentur ordine opera pietatis egregia, ac penè innumerabilia, quæ in proximo Jubilæo sub Gregorio XIII. Pontifice Maximo edita sunt. Nec minora speramus visuros nos esse in eo, qui nunc imminet anno millesimo sexcentesimo sub Clemente VIII. Pontifice Optimo, atque sanctissimo.

Ac ut possint qui volunt auctores consultare, qui

Nu 4 de

de Indulgentiis præclare scripserunt, adscribam eorum nomina, quorum libri ad manus meas venerunt; Primi igitur sunt Gulielmus Alsfiodorensis in Summa Theologica lib. 4. tract. 6. cap. 9. & Alexander Aletius in Summa item Theologica part. 4. q. 23. Hos sequuti sunt Albertus Magnus, S. Thomas, S. Bonaventura, & cæteri Scholastici Theologi in Comment. ad 4. lib. Sentent. dist. 19. aut 20. aut 45. quibus addi possunt Interpretes Juris Canonici, Panormitanus, & alii, in varia capita tituli de poenitentia, & remissionibus: tum in epist. Decretalibus, tum in Sexto, & Extravagantibus: necnon Joannes de Turrecremata, in Commentario ad Gratiani Decretum, de poenit. dist. 1. can. Quis vidit aliquando, & Item in Levit. Felinus in serm. sive Tract. de Indulgentiis, & S. Antoninus in Summ. part. 1. tit. 10. cap. 3. His postremo adjungendi sunt, qui post natam Lutheranam hæresim scripserunt, Sylvester Prieras, tum in libello adversus Lutherum, tum in Summa, Verbo, Indulgentia. Joannes Eckius in Enchir. cap. 24. Adrianus Papa VI. in commentar. ad 4. lib. Sentent. in Tract. de Indulgentiis. Thomas Cajetan Cardinalis in 1. tom. opuscul. Tract. 8. 9. 10. 15. & 16. Joannes Episcopus Rossensis in refutatione assertionis articulorum Lutheri art. 17. 18. 19. 20. 21. & 22. Dominicus à Soto in 4. Sentent. dist. 21. Petrus Soto in Institutione Sacerdotum lect. 1. 2. & 3. de Indulgentiis. Jacobus Latomus in defensione septimi articuli Lovaniensium. Martinus Ledesmius in 2. part. 4. sent. qu. 27. 28. & 29. Michael Medina in disputat. de Indulgentiis. Antoninus Cordubensis in quæstionibus de Indulgentiis. Joannes Baptista Paulianus in libris de Jubilæo, & Indulgentiis. Martinus Navarrus in Commentario de Jubilæo & Indulgentiis, Franciscus Turtianus lib. 4. de dogmaticis characteribus Verbi Dei. Gregorius de Valentia in lib. de Indulgentiis, Jacobus Nachantus tract. 10.

Porro ex Ecclesiæ hostibus primi, qui Indulgentias contempserunt, & oppugnaverunt, fuerunt Valdenses, qui Pauperes de Lugduno appellati sunt. Horum errores referuntur à S. Antonino in 4. part. Summ. tit. 11. cap. 7. §. 2. & à Joanne de Turrecremata lib. 4. Summ. part. 2. cap. 35. Octavus eorum error fuit, Indulgentias, quæ à Summo Pontifice conceduntur, nihil prorsus valere.

Secutus est Valdenses Joan. Wicleffus, cujus errores recensentur, & damnantur in Synodo Constantensi sess. 8. eorum errorum quadragesimus secundus est, fatuum esse credere Indulgentias Papæ, & Episcoporum.

Wicleffum secuti sunt Hussitæ, ut intelligi potest ex 1. lib. Joannis Cochlaei de Historia Hussitarum. Hos majores, & parentes habuit Martinus Lutherus, qui nostro sæculo ab Indulgentiarum reprehensione principium fecit sectæ suæ propagandæ, ut perspicuum est ex Resolutionibus de Indulgentiis, ex Assertionibus articulorum à Leone X. damnatorum, ex initio libri de captivitate Babylonica, & ex aliis ejus libellis.

Lutherum secutus est ipsius Achates Philippus Melancthon, in Apologia Confessionis Augustanæ, artic. 18. Matthias Illyricus in Centuriis, centur. 4. cap. 15. col. 1529. Tilmannus Heshusius in lib. de erroribus Pontificiorum tit. 32. Sic copiosius Indulgentias oppugnavit Joan. Calvinus in Institutione Christiana lib. 3. cap. 5. & in alia editione lib. unic. cap. 9. n. 38. & sequentibus copiosissime verò Martinus Kemnitius in 4. part. examinis Tridentini Concilii.

CAPUT II.

Extare thesaurum aliquem in Ecclesia, qui sit Indulgentiarum fundamentum.

UT investigemus an Indulgentiæ sint, quod erat secundo loco propositum, duo querenda sunt. Unum, an extet in Ecclesia thesaurus aliquis satisfactionum Christi & Sanctorum, qui applicari possit iis, qui rei sunt poenæ luendæ post culpam in Sacramento poenitentiae remissam. Alterum, an sit in Pontifice Maximo, aliisque Episcopis potestas applicandi hunc thesaurum, & eo modo absolvendi homines à reatu poenæ temporalis. Nam hæc duo necessaria esse ad Indulgentias constituendas, quales à Catholicis, auctoribus defenduntur, nemo negare potest.

Quod igitur ad primum attinet, non defuerunt ex antiquis Theologis Scholasticis, qui tamen Indulgentias admitterent, tamen de thesauro dubitarent. Nam Franciscus Maironis in 4. sent. dist. 19. quæst. 2. thesaurum satisfactionum Christi superfluentium, & apud Ecclesiam reconditarum, in dubium revocavit. Durandus verò in 4. dist. 20. quæst. 3. in quæstionem vertit, an ad hunc thesaurum pertinerent satisfactiones sanctorum. Uterque autem paratus erat iudicio Ecclesiæ acquiescere, si forte aliter saperet. Hæc enim sunt verba Durandi in præfatione Commentariorum suorum in Magistrum: *Et quoniam interpretatio dubiorum sacra scriptura ad Sanctam Ecclesiam Romanam, & Catholicam pertinet, omnia opera ejus correctioni totaliter suppono.* Cæterum communis aliorum Theologorum, tum antiquiorum, ut sancti Thomæ, & S. Bonaventuræ, tum recentiorum omnium sententia, thesaurum satisfactionum tum Christi, tum sanctorum semper agnovit, & secundum eam sententiam Clemens V. Pontifex Maximus paulò post obitum Maironis, & Durandi, de ea re decretum edidit, in Constitutione, quæ incipit, Unigenitus.

Cæterum Martinus Lutherus, Joannes Calvinus, & alii supra citati hujus temporis sectarii, ut in aliis rebus multis, sic etiam in articulo de thesauro satisfactionum ab Ecclesiæ Catholicæ sententia, ut Pontificis Maximi iudicio recesserunt. Nos igitur ut rem totam facilius explicemus & probemus, aliquot propositiones in medium adferemus.

Prima Propositio. *In bonis actionibus hominum iustorum duplex valor, sive pretium assignari potest, meriti videlicet, & satisfactionis.* Hanc distinctionem Lutherus in assertionem art. 17. figmentum esse dixit, sed nullo argumento eam refutare tentavit. Non esse autem figmentum, sed rem verissimam, parvo negotio demonstrari potest. Dicimus igitur, in uno, atque eodem opere bono, ut eleemosyna, vel jejunio, & meritum, & satisfactionem reperiri, & unum horum ab altero sejungi posse, neque unum ab altero impediri. Probatur primum ex Scripturis. Eleemosyna delet peccatum, quod est satisfactorium esse. Job 4. *Eleemosyna ab omni peccato, & à morte liberat.* Ecclesiastici 3. *Sicut aqua extinguit ignem, ita eleemosyna extinguit peccatum.* Sanctus Joannes Chrysostomus homil. 25. in Acta Apostolorum: *Non est, inquit, peccatum, quod non possit purgare eleemosyna.* Sanctus Cyprianus in serm. de eleemosyna: *Eleemosyna, inquit, atque operibus iustis, delictorum flamma sopitur.* Et tamen eadem eleemosyna, quia est opus bonum, & Deo gratum, meritoria est vitæ æternæ, ut perspicuum est ex c. 25. Matth. *Percipite regnum, quod vobis paratum est ab origine mundi.* Esurivi enim, & dedi-

Et dedisti mihi manducare &c. Neque responderi potest, non convenire eidem eleemosynæ, ut sit satisfactoria, & meritoria, sed aliam esse satisfactoriam, & aliam meritoriam. Nam esse satisfactoriam convenit eleemosynæ, quia est opus laboriosum, & poenale; esse meritorium convenit eidem, quia est opus bonum ex charitate factum; non est autem eleemosyna minus bona & ex charitate facta, quia laboriosa & poenalis, neque contra: Igitur una & eadem utrumque fructum parit. Idem dici potest de Jejunio, est enim verè satisfactorium, quia poenale, ut perspicuum est ex facto Nativitatum Jonæ ultimo, & tamen est meritorium si fiat ex charitate, cum Dominus dicat Matth. 6. *Tu autem cum jejunas, unge caput tuum, & faciem tuam lava, ne videaris hominibus jejunans, sed Patri tuo, qui est in abscondito, & Pater tuus, qui videt in abscondito, reddet tibi.* Quid autem reddet, nisi mercedem? Sic enim paulò ante de Hypocritis dicitur, *qui cupiunt videri ab hominibus jejunantes, Amen dico vobis receperunt mercedem suam.* Idem de oratione dici potest. Nam in oratione Dominica petimus ut dimittantur nobis debita nostra, atque hac petitione satisfacimus pro peccatis venialibus, ut Sanctus Augustinus affirmat in Enchiridio cap. 71. *De quotidianis, inquit, brevibus, levibusque peccatis, sine quibus hac vita non ducitur, quotidiana fidelium oratio satisfacit.* Et tamen de eadem oratione Dominus dicit in Evangelio cap. 6. *Tu autem cum oraveris, intra in cubiculum tuum, & clauso ostio, ora Patrem tuum in abscondito, & Pater tuus, qui videt in abscondito, reddet tibi.* Denique de operibus poenitentiae generatim quòd simul satisfactoria & meritoria esse possint, extat memorabilis sententia Sancti Cypriani in serm. de Lapsis extremo. *Qui sic Deo satisfecerit, qui poenitentia facti sui, qui pudore delicti plus & virtutis & fidei de ipso lapsus sui dolore conceperit, exauditus, & adjuvus à Domino, quam contristaverat nuper, latam faciet Ecclesiam, nec jam solam Dei veniam merebitur, sed coronam.* Addamus his testimoniis rationes ex Theologia petitas. Principio, Opus bonum ex charitate factum meritorium est vitæ æternæ, ut copiosè demonstravimus lib. 5. de justificatione. At nihil detrahatur de bonitate, & dignitate ejus operis, si acceptetur à Deo ad satisfactionem pro poena: igitur idem opus meritorium & satisfactorium erit. Ad hæc, qui orat pro aliis, eisque impetrat remissionem peccati, vel quodvis aliud beneficium Dei, certè non minus bene operatur, & Deo placet ita orando, quàm si pro se tantum oraret, imò melius facit, ac magis Deo placet, quia simul exercet charitatem in Deum & in proximum, igitur non perdit mercedem suam apud Deum, quamvis etiam proximo beneficium aliquod illo ipso opere impetriverit. Quare poterit eadem oratio simul esse impetratoria, & meritoria. Quod si ita est, quid impedit quo minus possit esse simul satisfactoria & meritoria? Quemadmodum enim ille meretur apud Deum dignam operis sui mercedem, qui ex charitate orando impetrat aliquid proximo: sic etiam merebitur apud Deum dignam operis sui mercedem, qui ex charitate orando, vel jejunando, vel eleemosynas tribuendo, pro aliorum peccatis nititur satisfacere. Præterea, si duo pii viri cum æquali charitate & pietate erga Deum orent, aut eleemosynas tribuant, & uni remittatur poena aliqua temporalis, cui erat obnoxius, alter non egeat ulla remissione, quæro, an par præmium in vita æterna sibi acquirant, an diversum? Si par, igitur opus bonum meritorium, & satisfactorium simul esse potest, neque aliquid amittit de ratione meriti, propterea quod ratio satisfactionis accedat: si diversum, igitur opus

A bonum, aut meritorium non integram à Deo mercedem accipit. Nam non potest tam parum detrahi de præmio vitæ æternæ, & augmenti gratiæ, quin sit illud multo pretiosius, & majus quàm remissio cujuscumque poenæ temporalis. Est autem absurdum, opus bonum, & meritorium, non accipere à Deo integram mercedem. Igitur par præmium duo illi viri obtinebunt, etiam si alteri tantum poena temporalis remittatur; nam alteri non remittitur, non quia non possit, sed quia non est necesse.

Postremò, potest uni atque eidem operi duplex merces deberi, altera ex justitia commutativa, altera ex distributiva: atqui operi satisfactorio debetur remissio poenæ ex justitia commutativa, operi meritorio debetur præmium ex justitia distributiva secundum substantiam, ut sanctus Thomas docet in 1. par. quæst. 21. art. 1. & lib. 1. contra Gentes c. 93. quamvis secundum modum debeat, & reddatur secundum commutativam, ex eodem sancto Thoma, in 2. 2. quæst. 61. art. 4. ad primum. Igitur potest unum, atque idem opus bonum simul satisfactorium esse, & meritorium. Propositio hujus argumenti certissima est, nam Evangelizanti debetur ex justitia commutativa victus & vestitus. *Dignus est enim operarius mercede sua,* Luc. 10. & Apostolus affirmat 1. Corinth. 9. Dominum ordinasse, ut qui Evangelium annunciant, de Evangelio vivant, ac ut ostendat, id exigi secundum justitiam commutativam, mercedem illam stipendium appellat: *Quis, inquit, militat suis stipendiis unquam?* Eidem verò Evangelizanti debetur præmium in æterna vita secundum justitiam distributivam; Id enim est quod promittit scriptura 1. Petri 2. cum ait: *Pascite, qui in vobis est gregem Dei, & cum apparuerit Princeps Pastorum, accipietis immarcescibilem gloriam coronam.* De quo præmio loquens B. Paulus 1. Corinth. 3. *Unusquisque, inquit, mercedem accipiet secundum suum laborem.* Idem etiam quotidie videmus in rebus humanis. Miles enim, qui fideliter, fortiterque se gerit in bello, meretur ex justitia commutativa stipendium ordinarium, & rursus ex distributiva meretur gratiam Ducis, ac ut in distributione graduum, atque honorum militarium aliis præferatur, qui minus fideliter, aut minus fortiter se gesserunt. Porro assumptio ejusdem argumenti non minus est certa. Quòd enim compensatio poenæ pertineat ad justitiam commutativam perspicuum est ex sacris literis Deuter. 25. Pro mensura peccati erit & plagarum modus. Neque de hac re ulla dubitatio esse potest. Quòd autem meritis operum bonorum respondeat præmium secundum justitiam distributivam saltem secundum substantiam, docent Theologi ex eo quòd in scripturis Deus, ut Judex distribuit unicuique secundum opera sua, ut patet Matth. 25. in parabola de talentis, & ex illo Apostoli 2. Timoth. 4. *Reposita est mihi corona justitiæ, quam reddet mihi Dominus in illa die iustus iudex,* & passim in sacris literis, ut Act. 10. Rom. 2. & alibi dicitur Deus non esse acceptator personarum. Quod vitium contrarium est justitiæ distributivæ, ut S. Thomas docet in 2. 2. q. 63. artic. 1. Igitur satis constat, idem opus bonum posse meritorium esse vitæ æternæ, & simul satisfactorium pro temporali poena, nec minus meritorium, quia satisfactorium.

Secunda Propositio: *Opus bonum, qua parte meritorium est, non potest aliis applicari: potest tamen, qua satisfactorium est.* Prior hujus sententiæ pars extra controversiam est; Nam is dicitur mereri qui bene operatur, & ex bono opere dignus est præmio: non potest autem fieri, ut ex eo quòd unus bene operatur, alter censeatur bene operari, vel dignus præmio habeatur. Deinde nemini potest proprio merito spolia-

spoliari, quantumvis pro aliis oret, vel jejundet, vel eleemosynas faciat, non igitur meritum suum cum aliis communicare potest, & hoc est quod scripturæ passim docent, cum dicunt, unusquisque propriam mercedem accipiet 1. Corinth. 3. & reddet unicuique secundum opera sua, Psalm. 61. potest quidem unusquisque per opera sua bona impetrare aliis divina aliqua beneficia; potest etiam communicare opera sua bona, quod attinet ad satisfactionem pro reatu poenæ, vel ad gaudium, quod inde percipitur. Sic enim David affirmat, se participem fuisse omnium timentium Deum, Psalm. 118. Sed ut alius ex merito alterius sit dignus præmio, vel ut qui bene operatus est, merito suo privetur, fieri non potest. Posterior pars ejusdem sententiæ non difficulter probari potest. Nam satisfactio est compensatio poenæ, vel solutio debiti: potest autem unus ita pro alio poenam compensare, vel debitum solvere, ut ille satisfecisse merito dici possit. Præterea, qui pro alio satisfacit, non potest eodem opere pro se satisfacere, igitur verè satisfactionem suam cum altero communicavit. Et possunt hæc omnia familiaribus exemplis illustrari. Nam potest civis propria pecunia debitum alterius civis ita dissolvere, ut non possit eadem pecunia debitum aliquod suum simul dissolvere: & rursus non potest unus civis bonis operibus suis efficere, ut alius civis dignus sit Magistratu, quod ad justitiam distributivam pertinet, cum tamen possit debito pecuniario eum liberare, ut satisfecisse dici possit, si pro eo debitum solvat, quod pertinet ad commutativam. Sic igitur nemo potest meritum proprium, cui debetur præmium ex justitia distributiva, alteri applicare, potest tamen applicare satisfactionem, quæ ex justitia commutativa exigitur pro poena.

Tertia Propositio, *Extat in Ecclesia thesaurus satisfactionum ex Christi passionibus infinitus, qui nunquam exhausti poterit.* Hæc propositio in dubium revocari non potest. Nam Christi passio pretii fuit infiniti, cum esset passio personæ infinitæ, Verbi videlicet incarnati. Sic enim loquitur Apostolus Act. 20. *Attendite vobis, & universa gregi, in quo vos Spiritus Sanctus posuit Episcopos regere Ecclesiam Dei, quam acquisivit sanguine suo.* Itaque Deus est, qui sanguinem fudit pro Ecclesia, sed in carne humana hypostaticè assumpta illum fudit, ut ait B. Petrus in priori epistol. cap. 4. *Christo, inquit, in carne passio.* Dignitas autem satisfactionis mensuram accipit à dignitate personæ satisfaciens, quemadmodum gravitas offensionis à dignitate personæ læsæ. Deinde Christus pro hominibus omnibus mortuus est, ut Apostolus scribit 1. Corinth. 5. *Pro omnibus, inquit, mortuus est Christus;* & ut ait S. Joannes in priori epistol. cap. 2. *Ipse est propitiatio pro peccatis nostris, non pro nostris autem tantum, sed etiam pro totius mundi.* Certum est autem non omnibus hominibus, qui hæcenus vixerunt, pretium mortis Christi, reipsa applicatum, non fuisse ad eorum expianda peccata, immò majorem partem hominum morti æternæ addictam esse, *multi enim sunt vocati, pauci vero electi.* Matth. 20. *Et: lata est porta, & spatiosa via, quæ ducit ad perditionem, & multi ingrediuntur per eam.* Matth. 7. Superest igitur multum illius pretii, quod semper applicari possit, etiam si infinitum non esset, sicut revera est, & semper redundabit. Præsertim cum tota Christi satisfactio nobis applicari possit, cum ipse per se nulla satisfactione indigeret, qui peccatum non fecit, nec facere potuit. Nam ut dicit Apostolus ad Hebr. 7. non habuit Christus necesse prius pro suis delictis sacrificium offerre, deinde pro populi, cum fuerit semper sanctus, innocens, impollutus, segregatus à peccatoribus, & ut idem ait 2. Corinth. 5. *factus*

est peccatum, idest, hostia pro peccatis eius, qui peccatum non novit. Ipse enim peccatum non fecit, nec inven-
tus est dolus in ore eius 1. Petri 2.

Quarta Propositio, *Ad hunc thesaurum superfluum satisfactionum, pertinent etiam passionibus B. Mariae Virginis, & omnium aliorum sanctorum, qui plus passi sunt, quam eorum peccata requirerent.* Hanc propositionem nullo modo audire possunt Hæretici nostri temporis, ac potissimum Joannes Calvinus, & Martinus Kemnitius, quorum argumenta suo loco solvemus. Asserimus igitur non paucos sanctos homines multo plura propter Deum, & justitiam esse perpessos, quam exigeret reatus poenæ temporalis, cui fuerunt obnoxii propter culpas ab ipsis commissas.

Nam culpam ipsam, & reatum poenæ sempiternam non ipsorum satisfactionibus, sed Christi sanguine expiari Ecclesia Catholica docet. Probatur hæc veritas, primò ex passionibus B. Virginis. Constat enim Virginem Mariam nullo actuali peccato maculatam fuisse, pium quoque est existimare, ab originali quoque peccato immunem illam fuisse, ut alibi docuimus, sed hoc in præsentem ad rem nostram non pertinet. Actuali autem peccato caruisse Virginem sanctissimam, communis est totius Ecclesiæ sensus, ut Concilium Tridentinum affirmat sess. 6. Can. 23. Sanctus quoque Ambrosius serm. ult. in Psalm. 118. scribit B. Virginem fuisse ab omni integram labe peccati. Et S. Augustinus lib. de natura & gratia cap. 36. dicit ei tantum gratiæ collatum, ut peccatum omni ex parte vinceret. Quod idem docet S. Bernardus in epistol. 174. Liturgiæ Græcorum Basilii & Chrysostomi prædicant Virginem Mariam prorsus irreprehensam, & incontaminatam, immò puriorem & sanctiorem ipsis Cherubim, & Seraphim. Denique verba illa Canticum 4. *Tota pulchra es amica mea, & macula non est in te.* Nulli particulari personæ aptius, quam B. Virgini conveniunt. Non igitur eguit Virgo Maria ulla satisfactione pro se, & tamen plurima passa est propter Deum, ac præsertim cum animam ejus gladius doloris pertransiit, juxta Simeonis vaticinium Lucæ 2. Secundò, idem probari potest ex passionibus S. Joannis Baptiste, quem constat in utero sanctificatum vitam innocentissimam duxisse, ut vix levissimis culpis, & paucissimis obnoxius fuerit, ut non immerito de ipso canatur:

*Antra deserti teneris sub annis
Civium turmas fugiens petisti,
Ne levi posses maculare vitam
Crimine lingua.*

Et tamen ex Evangelio discimus, totam ejus vitam adeò severe & duriter actam, ut exemplar poenitentiae omnibus esse potuerit, & tandem pro veritate vincula, carcerem, & ipsam capitis obtruncationem passum esse. Quare in dubium revocari non potest, quin ingens omnino cumulus passionum ei superfuisset, quò ipse ad expianda propria peccata non eguit. Tertio idem ostendi potest ex passionibus Sanctorum Prophetarum. Fuerunt enim omnes viri sanctissimi, ita ut modica omnino pro suis culpis satisfactione opus habuerint, & tamen tot angustis, & afflictionibus oppressi fuerunt, ut plurima & maxima peccata expiare potuerint. De se B. Job, unus ex vetustissimis Prophetis sic ait cap. 6. *Ultimam appenderetur peccata mea, quibus iram merui, & calamitas quam patior in statera, quasi arena maris hac gravior apparet.* Similia dicere potuissent Helias, Helixus, Isaias, Hieremias, Ezechiel, & alii Sanctissimi Prophetæ, qui gravissimas persecutiones ab impiis, vel etiam ipsam mortem pertulerunt. De his enim scribit Apostolus ad Hebr. 11. *Alii vero ludibria & verbera experti, insuper & vincula, & carceres, lapidati*

pidati sunt, secuti sunt, tentati sunt, in occisione gladii mortui sunt, circumierunt in melotis, in pelibus caprinis, egentes, angustati, afflicti, quibus dignus non erat Mundus, in solitudinibus errantes, in montibus, & speluncis, & in cavernis terra. Quartò idem clarissimè demonstrari potest ex passionibus Apostolorum. Nam de se B. Paulus in epist. posteriore ad Corinth. c. 11. *Ministri, inquit, Christi sumus, & ego, ut minus sapiens dico, plus ego, in laboribus plurimus, in carceribus abundantius, in plagis supra modum, in mortibus frequenter &c.* & tamen quàm parum deberet pro suis ipse culpis satisfacere, indicat in priore ad Corinth. c. 4. cum ait: *Nihil mihi conscius sum; & 2. Corinth. 1. Gloria nostra hoc est, testimonium conscientie nostrae, quòd in simplicitate cordis, & sinceritate Dei conversati sumus in hoc mundo.* Porro de omnibus Apostolis idem B. Paulus 1. Corinth. 4. *Puto, inquit, quòd Deus nos Apostolos novissimos ostendit tanquam morti destinati; Ex infra; Usque in hanc horam, & esurimus, & sitimus, & nudi sumus, & colapso cadimus, & infirmabiles sumus, & laboramus operantes manibus nostris, maledicimur, & benedicimus; blasphemamur, & obsecramus, tamquam purgamenta huius mundi facti sumus, omnium peripsema usque adhuc.* Sextò idem probatur ex passionibus Martyrum, qui planè innumerabiles fuerunt. Constat enim Martyrium tam plenam satisfactionem esse, ut expiare possit reatum contractum ex quantovis ingenti numero, & magnitudine peccatorum. Nam dummodo constet aliquem esse verè Martyrem, Ecclesia non dubitat, eum inter sanctos, & Beatos numerare, etiam si ante martyrium multis flagitiis fuerit coopertus. Promissio enim Domini generalis est, Matth. 10. *Omnia, qui confitebitur me coram hominibus, confitebor & ego eum coram Patre meo.* Ex: *Qui perdidit animam suam propter me, inveniet eam.* Quare B. Cyprianus lib. 4. epist. 2. affirmat, Martyres omnes statim à morte cælum ascendere ad coronam percipiendam. Sanctus quoque Augustinus tract. 84. in Joannem dicit pro Martyribus in Ecclesia non orari, cum nos potius debeamus eorum orationibus commendari; Ex ferm. 17. de verbis Apostoli: *Injuriam, inquit, facit Martyri, qui orat pro Martyre.* Quod idem scribit Innocentius cap. Cum Marthæ, de celebr. miss. nec ullus Catholicorum contradicit. Cum igitur Martyrium omnem reatum, quamvis gravissimum expiare possit: & multi Martyres reatus levissimos, aut etiam nullos habuerint ipso tempore martyrii, certè sequitur, ut ingens cumulus satisfactionum Martyribus superfuerit. Sextò denique idem probatur ex fructibus poenitentiae plurimis, & maximis quos protulerunt tam multi Sancti Confessores, ac præsertim Eremitæ, qui longissimo tempore vitam Sanctissimam, & laboriosissimam, idest, asperissimam & durissimam egerunt, quos non est dubium in hoc spiritale ararium multum omnino satisfactionum contulisse.

Quare rectè Clemens VI. Pontifex in Constitutione Extravagantis, quæ incipit, Unigenitus, titulo de poenitentis, & remissionibus, declaravit, extare in Ecclesia thesaurum spiritalem ex passionibus Christi & Sanctorum omnium constatum. Quo thesauri nomine nihil aliud intelligimus nisi passiones plurimas, quibus non eguerunt ad propria delicta expanda, qui eas perpessi sunt, & tamen non perierunt, nec oblivioni traditæ sunt, sed vivunt, ac permanent ante oculos Dei.

CAPUT III.

Esse in Ecclesia potestatem applicandi thesaurum satisfactionum, ac per hoc Indulgentias concedendi.

Demonstravimus hætenus extare in Ecclesia thesaurum satisfactionum ex passionibus Christi & Sanctorum, quæ ipsis ad expiandum reatum proprium necessariae non fuerunt. Sequitur nunc, ut ostendamus, esse potestatem in Ecclesia thesaurum ejusmodi applicandi aliis, qui indigent. Quod ut planius fiat, propositiones aliquot in medium adferemus.

Prima Propositio, Satisfactiones Christo & Sanctis supervacaneæ, applicari possunt aliis, qui rei sunt luenda pena temporalis. Probatur Primò ex articulo Symboli Apostolici, Communionem sanctorum. Docemur enim in hoc articulo, fideles omnes esse invicem membra, & quasi vivum quoddam corpus, ut etiam B. Paulus affirmat Rom. 12. & 1. Corinth. 12. & sicut membra viva se invicem juvant, ita fideles inter se bona sua communicare, præsertim cum ea, quæ uni superflua sunt, alteri necessaria, vel valde utilia esse possunt. Secundò probari potest ex verbis Apostoli Pauli 2. Corinth. 12. *Ego libentissimè impendam, & superimpendar ipse pro vobis.* Et 2. Timoth. 2. *Omnia sustineo propter electos.* Et Coloss. 1. *Gaudio in passionibus pro vobis, & adimpleo quæ desunt passionum Christi in carne mea pro corpore ejus, quod est Ecclesia.* Quamvis enim possint hæc verba ita exponi, ut significant, Apostolum passum esse multa propter electos, & propter Ecclesiam, quia non potuit Evangelium prædicare, nisi se multis periculis exponeret, & multos labores subiret, & rursus passum esse propter electos, propter Ecclesiam, ut exemplo suo infirmos confirmaret, & ad bravium supernæ vocationis accenderet; tamen negari non potest, quin possint etiam rectè exponi de communicatione satisfactionum: nam isti sensus inter se non pugnant, & possunt omnes simul admitti. Optavit enim Apostolus fidelibus prodesse omnibus modis, quibus id fieri poterat; nihil enim excipit, qui dicit, *libentissimè impendam ipse pro vobis.* Potuit autem prodesse communicando passiones suas ad expiandum reatum temporalem, cum sibi ejusmodi satisfactiones abundarent, ut jam ostendimus: igitur optavit & voluit etiam hac ratione fidelibus prodesse, quare patièdo adimplebat ea, quæ deerant passionum Christi, idest, quæ Christus in sanctis suis adhuc passurus erat, pro corpore ipso Ecclesie sive instruendo prædicationibus, sive confirmando exemplis, sive expiando satisfactionibus. Quod autem Apostolus Paulus optavit, optarunt sine dubio ceteri Sancti Apostoli, alique pii viri, qui Dei & proximi charitate flagrabant. Certè sanctus Augustinus tractatu in Psalm. 61. satis apertè colligit ex hoc loco Apostoli, conferri in commune bonum Reipublicæ Christianæ passiones Sanctorum, quæ adjunctæ passionibus Christi hætenus sunt, & usque ad mundi finem adjungentur.

Secunda Propositio, Ecclesie Pastoribus auctoritas divinitus concessa est, thesaurum satisfactionum dispensandi, ac per hoc Indulgentias concedendi. Probatur primò ex verbis illis Domini Matth. 16. *Quodcumque solveris super terram, erit solutum & in cælis.* Est enim hæc promissio amplissima ac generalis, nec restringitur ad peccata, qualis est illa Joan. 20. *Quorum remiseritis peccata &c.* Sed complectitur omnia vincula, quæ

quæ impedire possunt homines à consecutione salutis æternæ. Itaque in hoc verbo fundatur potestas non solum absolvendi à peccatis in Sacramento poenitentiae, sed etiam absolvendi à censuris quibuscumque, necnon dispensandi in legibus, in votis, in juramentis, dum causa rationabilis adest. Promittitur enim his verbis Apostolo Petro supremum tribunal Ecclesiasticæ potestatis, ut loco Christi Ecclesiam omnem regere, & judicare summa cum potestate possit, quod ei tunc demum exhibitum est, cum à Christo audivit Joan. 21. *Pasce oves meas*. De qua re multa scripsimus in libro primo de Summo Pontifice, ubi etiam objectiones Hæreticorum refutavimus. Quare quemadmodum Petrus ut supremus Judex loco Christi absolvere potest homines peccatores ritè dispositos à culpis quibuscumque, applicando illis per Sacramentum Baptismi, vel poenitentiae Christi merita, ita etiam potest absolvere eosdem extra Sacramentum à poenis temporalibus, applicando eisdem Christi, & Sanctorum passiones. Ratio autem tur reatus culpæ solvatur in Sacramento, reatus autem poenæ extra Sacramentum, est in promptu. Quamvis enim potestas solvendi sit generalis, tamen debent omnia solvi prout exigit eorum natura: culpæ lethales non solvuntur sine infusione gratiæ: infusio autem gratiæ non datur ministerio humano, nisi per Sacramenta: reatus autem poenæ remanentis post dimissam culpam, solvuntur extra Sacramentum, quia non sequitur infusionem novæ gratiæ, sed eam jam adeptam præsupponit. Porro superesse sæpenumero poenam temporariam luendam post dimissam culpam, probatum est à nobis fusillimè in lib. 4. de poenitentia, quæ non sunt hoc loco repetenda. Possit autem reatum earum poenarum expiari Christi, & sanctorum passionibus, quæ in thesauro Ecclesiæ reconditæ asservantur, paulò ante demonstratum est. Eodem pertinent illa verba, Matth. 18. *Quaecumque alligaveritis super terram, erunt ligata & in caelis; & quaecumque solveritis super terram, erunt soluta & in caelis*. Ne quis enim Ecclesiam contemneret, de qua dictum erat paulò ante in eodem loco: *Si te non audierit, dic Ecclesiæ; & si Ecclesiam non audierit, sit tibi sicut Ethnicus & publicanus*: addit Christus tantam fore potestatem Præsulum Ecclesiæ, ut quaecumque ipsi ligaverint, vel solverint, sint etiam apud Deum ligata, vel soluta, cum ipsos loco suo Judices & Principes Ecclesiæ esse voluerit, & cum hac etiam promissio generalis sit, nulla est ratio, cur non possit extendi ad solutionem reatus poenæ temporalis, præsertim cum divinæ justitiæ satisfiat ex redundantibus satisfactionibus Christi, & Sanctorum. Cur enim potius colligatur ex his verbis potestas absolvendi à reatu culpæ etiam lethalis per applicationem meritorum Christi, quàm absolutio à reatu poenæ per applicationem eorundem meritorum, cum costet utrumque reatum solubilem esse, & verba Domini generalia sint? Secundò probatur hæc eadem potestas ex praxi, & usu perpetuo Ecclesiæ Catholicæ. Quod enim Ecclesia semper in usu habuit, dubitari non potest, quin sit à Deo, etiam si fortè fundamentum ejus consuetudinis nos lateret. Ipso Apostolorum tempore concessam fuisse Indulgentiam, perspicuum est ex verbis illis B. Pauli 2. Corinth. 2. *Cui autem aliquid donastis, & ego: nam & ego quod donavi, si quid donavi, propter vos in persona Christi, ut non circumveniamur à Satana*. Rogaverant Corinthii B. Paulum, ut Theodoretus, & S. Thomas hoc loco docent, ut incestuoso excommunicato & seriâ poenitentiam agenti, ignosceret, & condonaret quod supererat poenitentiae; annuit B. Paulus, & iussit, ut ipsi nomine suo indulgerent. Ac ut videamus nihil defuisse eorum, quæ ad

A justam Indulgentiam pertinent, quæ tria numerantur à Theologis, & à nobis suo loco fusiùs tractabuntur, nimirum auctoritas in concedente, pietas in causa, & status gratiæ in suscipiente: Apostolus in persona Christi, idest, auctoritate à Christo accepta indulgere se dicit, idque propter ipsos, idest, propter, communem ipsorum utilitatem, ut non detur locus insidiis Diaboli ob nimiam Prælati severitatem. Denique constat ex eadem epistola Corinthiis incestuosum tantum de suo peccato dolorem concepisse, ut periculum esset ne nimia tristitia absorberetur; ex quo intelligimus, eum per veram poenitentiam ad statum gratiæ pervenisse.

B Post Apostolica tempora extant testimonia Tertulliani & Cypriani de remissione poenæ, quam Pontifices faciebant, vel ad Martyrum intercessionem, vel aliis de causis, neque multum refert quòd Pontifices illi non dicerent se ex thesauro satisfactionum Indulgentiam dare. Nam neque dicebant cum per Baptismi, vel Poenitentiae sacramentum peccata remittebant, se id facere applicando merita Christi, & tamen sine dubio Christi merita applicabant, ut etiam Adversarii concedunt; debet enim divinæ justitiæ satisfieri, sive in sacramento, sive extra sacramentum peccatorum debita remittantur. Quamquam nec omnino de thesauro filuerunt, ut statim dicemus. Sed testimonia ipsa videamus. Tertullianus in libro ab Martyres cap. 1. *Quam pacem, inquit, quidam in Ecclesia non habentes, à Martyribus in carcere exorare consueverunt, & ideo ea etiam propterea in vobis habere, & fovere, & custodire debetis, ut si forte & alius prestare possitis*.

C S. Cyprianus lib. 3. epist. 15. quæ in editione Pameliana est epist. 11. scribit S. Martyribus, qui pacem dari lapsis petierant, eosque monet, ut cautè, & cum delectu lapsos commendent Episcopis. *Petitiones, inquit, & desideria vestra Episcopo servent, & ad pacem vobis petentibus dandam maturum & pacatum tempus expectent*. Et infra: *Oro vos, quibus possum precibus, ut Evangelii memores, & considerantes quæ, & qualia in præteritum antecessores vestri Martyres concesserint, quàm solliciti in omnibus fuerint, vos quoque sollicitè & cautè petentium desideria ponderetis, utpote amici Domini, & cum illo postmodum iudicaturi inspicietis, & actum, & opera, & merita singulorum, ipsorum quoque delictorum genera, & qualitates cogitetis, ne si quid abruptè & indignè vel à vobis promissum, vel à nobis factum fuerit, apud Gentiles quoque ipsos Ecclesia nostra erubescere incipiat*. Idem in sermone de lapsis extremo: *Poenitenti, inquit, operanti, roganti potest clementer ignoscere, potest in acceptum referre quicquid pro talibus & petierint Martyres, & fecerint sacerdotes*. Hæc ille. Non est autem credibile poenitentes ambivisse patrocinia Martyrum in carceribus constitutorum, quando integram poenitentiam peragere volebant; sed quando pacem, idest, absolutionem, & communicationem sibi dari cupiebant, non peracta integra poenitentia, proinde à Martyribus petebant, ut sibi ab Episcopis partem poenitentiae condonari, hoc est, Indulgentiam dari precarentur.

E Illud quoque observandum est, Episcopos dare solitos Indulgentiam ad preces Martyrum, non solum ut Martyres honorarent, & ad consummandum martyrium accenderent, sed etiam quia videbant, merita Martyrum posse communicari poenitentibus, & acceptari passiones eorum pro satisfactione, quæ lapsis poenitentibus deerat. Atque ita vetus etiam Ecclesia ad thesaurum respiciebat cum Indulgentias daret. Id quod ex Tertulliano colligi potest, qui posteaquam Hæreticus esse cepit, in lib. de pudicitia cap. 22. negavit quod antea in lib. ad Martyres concesserat, posse videlicet ad preces Martyrum indulgeri

dulgeri lapsis reconciliationem: & rationem adfert, quia non supersunt Martyribus satisfactiones, quas cum lapsis communicare possint: Sufficiat, inquit, *Martyri propria delicta purgasse. Ingrati, vel superbi est in alios quoque spargere, quod pro magno fuerit consecutus.* Et intra sic Martyrem alloquitur: *Si peccator es, quomodo oleum facula tua sufficere & tibi & mihi poterit?* Ex cuius verbis manifestè colligitur, Martyrum passiones applicari solitas illis, qui ad petitionem ipsorum Martyrum indulgentiam consequabantur. Nec ratio Tertulliani solida est, cum jam ostenderimus plurimorum Martyrum passiones verè potuisse non solum ipsorum Martyrum, sed etiam aliorum hominum debita expiare, quod attinet ad reatum poenae temporalis.

Post illa tempora extant Concilia Ecclesiae antiquissima, partim generalia, partim etiam diversarum Provinciarum, in quibus per Episcopos Indulgentiae poenitentibus conceduntur. Concilium Nicenum I. can. 11. vel in alia editione 12. statuit, ut qui seriò poenitentiam agunt, possint Indulgentiam aliquam ab Episcopo obtinere. *Licebit*, inquit, *Episcopo de his aliquid humanius cogitare: negligentiores autem jubet idem Concilium, ut definitum tempus poenitentiae omninò explere debeant.* Quid autem hoc est, nisi prioribus aliquid, posterioribus nihil indulgere? Similia habentur in Concilio Ancyrano can. 5. in Concilio Laodicensi can. 2. quorum alterum non diu ante Nicenum, alterum non diu post Nicenum celebratum fuit. Idem etiam docet S. Basilii in epistolis suis Canonicis, quae habentur in Nomocanone Photii Canon. 73. A tempore autem S. Gregorii usus Indulgentiarum usque adeò notus & perspicuus fuit, ut ne Adversari quidem id negare, nisi omnino impudenter valeant. Nam S. Gregorium Indulgentias in diebus stationum populo concessisse testantur gravissimi auctores. S. Thomas in 4. sent. dist. 20. q. 1. art. 3. quaest. 2. & qui eum praecessit Gulielmus Alcuinodorensis lib. 4. Summae Theologiae tract. 6. c. 9. Leonem III. Pontificem ante annos 800. Indulgentias concessisse, testis est S. Ludgerus in epistola de S. Suviberto, quae extat apud Surium tom. 2. post vitam S. Suviberti à S. Marcellino descriptam. Sic enim loquitur in ea epist. S. Ludgerus c. 9. *Idem S. Leo Papa anno Dominicae Incarnationis 803. cum magna solemnitate suorum Cardinalium, Archiepiscoporum, Episcoporum, & Praelatorum ad Imperatorem Carolum in Germaniam veniens, & ab eodem Imperatore imperialiter cum suis susceptus, inter multa pietatis sua opera, instantia eiusdem Serenissimi Imperatoris & Regis, Aquisgran in palatio dedicavit Ecclesiam perpetuae Virginis Mariae, donans eandem Ecclesiam multis Indulgentiis.* Et intra: *Et Colonia Agrippina tam ad Sanctum Martinum, quam in Capitolio altaria consecravit, & multa alia Monasteria & altaria, ac cappellas per Alemanniam, & Galliam consecravit, ubique multas Indulgentias conferendo.* Et intra: *Obtulit idem S. Papa eidem Ecclesiae speciales Indulgentias cunctis fidelibus celebrantibus festum S. Suviberti Episcopi, & ad divina confluentibus.* Hæc ille. Sergium juniorem Pontificem, qui sedit circa annum 844. concessisse Indulgentiam trium annorum, & trium quadragenarum visitantibus Ecclesiam S. Martini in montibus in die festo eiusdem Ecclesiae constat ex memoria huius rei, quae extat in marmore inciso literis antiquissimis in eadem Ecclesia, ut nulla fingi possit suspicio fraudis. Neque ullo modo credibile est, Leonem III. aut Sergium II. aut Gregorium I. cum viri Sanctissimi essent, ausos fuisse rem novam instituere, quam à prædecessoribus non accepissent, & modus ipse loquendi S. Ludgeri, & verba in marmore incisa iussu Sergii, aperte indicant, rem solitam fuisse Indul-

gentiarum concessionem. Multa his similia de posterioribus Pontificibus, ut Gregorio VII. Alexandro III. & aliis referre possemus. Sed Adversari non negant, quin à posterioribus Pontificibus Indulgentiae concessae fuerint. Tertiò probatur eadem hæc potestas ex Conciliis Generalibus Ecclesiae Catholicae, in quibus Indulgentiae conceduntur, vel probantur: Quod enim Concilia Generalia docent, id universa Ecclesia docet. Habemus anno 1096. Concilium Claramontanum Generale teste S. Antonino 2. par. hist. tit. 16. cap. 1. §. 23. in quo Urbanus II. Papa Indulgentiam plenariam tribuit iis, qui ad sacrum bellum proficiscebantur. Paulò post, anno videlicet 1116. in Concilio Lateranensi Generali, & numerosissimo Paschalis II. Papa concessit Indulgentiam 40. dierum iis, qui ad Concilium prædictum venerant, teste Abbate Urspergeni, qui tunc vivebat, in chronico anni 1116. Rursus anno 1213. teste Abbate Urspergeni Innocentius III. concessit Indulgentiam plenariam pro auxilio terrae Sanctae, & simul indixit Concilium Generale Lateranense frequentissimum, quod celebratum est anno Domini 1215. atque in eo de Indulgentiis quoque actum est, & emendati abusus, qui circa Indulgentias paulatim irreperant, ut patet ex cap. Cum ex eo, de poenit. & remiss. Emendatio verò abusu testatur rem esse antiquissimam, non enim irrepunt abusus, nisi in iis rebus, quæ diu fuerunt in usu. Similis emendatio legitur in Concilio Generali Lugdunensi ut habemus in Sexto, de poenit. & remiss. c. 1. & in Concilio Generali Vienneensi, ut habemus in 2. Clementina, eodem titulo. In Concilio verò Constantiensi item Generali, non solum damnantur errores de Indulgentiis Joannis Wicleffi, sess. 8. sed etiam in ultima sessione concedit Martinus V. Indulgentiam plenariam. Denique Tridentinum Concilium sess. 25. iterum probat usum Indulgentiarum, & emendat abusus. Quamvis autem hoc argumentum ab auctoritate tot Generalium Conciliorum ab Hereticis nostri temporis contemnatur: tamen re vera gravissimum est argumentum. Nam Ariani quoque nihili faciebant Concilium Nicenum, Nestoriani Ephesinum primum, Euthychiani Chalcedonense, & ceteri variorum temporum Concilia eorum Episcoporum, à quibus damnabantur, & tamen semper Ecclesia Catholica hunc morem servavit, ut in Concilio Hæreses damnarentur, & ut S. Augustinus ad Januarium scribit in epist. 118. semper fuit in Ecclesia plenariorum Conciliorum saluberrima auctoritas.

Quartò probatur ratione petita ab iis signis, ex quibus internoscuntur Catholica dogmata ab Hæresibus. Nam Catholicorum dogmata hoc est proprium, ut non inveniantur eorum origo, nisi ad Evangelium, vel Apostolos ascendamus. Hæresum autem semper designari potest certus auctor, & locus, & tempus, in quo exoriri coeperunt. Jam verò nullus hæcenus indicare potuit auctorem Indulgentiarum, neque locum, vel tempus, quo prædicari coeperint. Omnes enim, qui de Indulgentiis mentionem faciunt, sive Doctores sint, sive Pontifices, sive etiam Concilia, ita de iis loquuntur, ut de re usitata, & recepta. Quare Martinus Kemnitius in quarta parte Examinis pag. 329. fatetur originem Indulgentiarum non satis luculenter in historiis notatam fuisse, & quod paulò post pag. 333. affirmat, Indulgentias coepisse circa annum Domini 1200. manifestè falsum esse convincitur ex iis, quæ citavimus de Indulgentiis concessis à Paschali II. Urbano II. Sergio III. & potissimum à Leone III. qui sedit anno Domini 800. id est, quadringentis annis ante millesimum ducentessimum à Kemnitio notatum. Initium autem Hæresis contra Indulgentias notis-

notissimum est. Constat enim non solum ex Catholicis, sed etiam ex ipso Kemnitio pag. 375. primos fuisse Valdenses, qui doctrinam Ecclesiae de Indulgentiis oppugnare coeperunt. Valdenses autem quorum auctor Valdesius civis Lugdunensis fuit, à qua civitate Pauperes de Lugduno appellati sunt, constat mundo apparuisse circa annum Domini 1170. ex Claudio Gussordio in libro contra Valdenses extremo. Ex quo etiam confutatur error Kemniti de origine Indulgentiarum. Nam si Valdenses, qui Indulgentias oppugnabant exorti sunt circa annum Domini 1170. quomodo fieri potest, ut Indulgentiae ipsae coeperint circa annum Domini 1200.

Quintò probatur ex divinis testimoniiis revelationum & miraculorum. Nam S. Bernardus predicavit multis in locis Indulgentias, quas Eugenius III. Papa concessit iis, qui accepta Cruce ad bellum sacrum Hierosolymitanum proficiscerentur, & predicationem suam miraculis plurimis & maximis confirmavit, ut cognosci potest ex vita ejus fideliter scripta lib. 3. cap. 4. & ex initio lib. 2. de Consideratione ejusdem Bernardi. Sanctus quoque Franciscus divina revelatione Indulgentiam à Domino, & ab ejus Vicario Romano Pontifice obtinuit pro Ecclesia S. Mariae de Angelis. De qua Indulgentia plura dicemus in 2. lib. cap. ult. ad quem locum Lectorem remittimus. S. Birgitta Vidua sanctissima, cujus revelationes diligenter examinatae, & approbatae per viros doctissimos fuerunt, ab ipso Christo non semel admonita est de Indulgentiis maximis quae sunt Romae. Vide lib. 6. Revelationum cap. 102. & 105.

Sextò & ultimo probatur ratione ducta à simili. Nam in omni bene instituta Republica pertinet ad Principem, vel Magistratum dispensatio communium bonorum, & rursus ad eosdem pertinet admittere satisfactionem unius pro altero, si ita judicent expedire utilitati ejusdem Reipublicae. Ut exempli gratia si Princeps aliquis debeat stipendia multa militibus, & rursus habeat in carceribus multos, qui ob fraudes, fisci rationibus illatas, debeant poenam luere vel in pecunia, vel in corpore, si fortè milites illi ex direptis civitatibus locupletati, stipendiis non egent, eaque Reipublicae condonent pro arbitrio Principis eroganda, certè poterit Princeps ob utilitatem aliquam Reipublicae ex militaribus illis stipendiis fisco suo pro debitis miserorum, qui carceribus detinentur, satisfacere, & miseros illos absolvere. At certum est, Episcopos, Principes esse populi Christiani, & Romanum Pontificem in universa Ecclesia loco Christi Summum Magistratum gerere: nec minus est certum, extare in Ecclesia thesaurum satisfactionum ex passionibus Christi & Sanctorum, quo ipsi non egent, & in communem fidelium utilitatem erogari desiderant. Denique certum est, multos esse fideles homines, & Dei filios, & amicos, qui tamen reatu poenae temporali adhuc teneantur obstricti: cur igitur non poterunt Episcopi, ac potissimum Pontifex Maximus si rationabilis causa subsit, ex thesauro illo pro debitoribus satisfacere Deo, & nomine ipsius Dei, eandem satisfactionem pro debitoribus illis acceptare, atque ea ratione Indulgentiam illis dare, eosque à reatu poenae temporalis absolvere?

Tertia Propositio, *Praelati Ecclesia dispensare possunt Christi passionem, tum per sacramenta, tum per indulgentias, passiones vero sanctorum non nisi per indulgentias.* Ratio est in promptu. Nam Christi passio, qua parte dispensatur pro justificatione & reconciliatione peccatorum, non potest ab Ecclesiae Praelatis dispensari nisi per Sacramenta: gratiam enim & gloriam (ut omnes Theologi fatentur) non potest donare extra sacramenta, nisi Deus potestate propria,

A & Christus per potestatem sibi communicatam à Deo, quam vocant excellentiae. Qua parte autem eadem Christi passio dispensatur pro remissione poenae temporalis, potest & per sacramenta & extra sacramenta dispensari. Nam in sacramento Baptismi virtute passionis Christi remittitur omnis poena sive temporalis, sive aeterna: in sacramento vero poenitentiae remittitur semper poena sempiterna, & pars aliqua poenae temporalis. Passiones vero Sanctorum per sacramenta dispensari non queunt. Numquam enim in sacramentis remittitur poena sine remissione culpae: culpae autem passionibus Sanctorum expiari non possunt, ut illud omitam, quod Sacramenta instrumenta sunt passionis solius Christi, nec ullam vim habent à passionibus sanctorum, cum ipsi etiam Sancti per Christi Sacramenta sanctificati fuerint. Restat igitur, ut passiones Sanctorum, si ullo modo dispensari debeant extra sacramenta solum, idque pro solutione solius reatus poenae temporalis dispensari debeant. Quòd si passiones Sanctorum extra Sacramenta dispensentur, dubium esse non debet, quin etiam Christi passio pro solutione reatus poenae temporalis extra sacramenta dispensari possit. Atque haec ad explicandam, & confirmandam veritatem in praesenti sufficiant, nam in sequenti capite ex objectionum solutione veritas ipsa magis elucescet.

CAPUT IV.

Solvuntur objectiones contra doctrinam duorum capitulum superiorum.

A Dversus ea, quae dicta sunt capite secundo & tertio, multa obijciuntur ab Adversariis, quae sunt breviter diluenda. Omittam autem in praesentia Lutheri, & ceterorum Haereticorum argumenta, tum quoniam ea simul omnia in secundo libro refellam: tum quia tam malè inter se coherent, ut vix prae se ferant speciem, vel umbram argumenti. Quo magis mirum est propter tam debiles & ineptas rationes potuisse tot populos ab antiqua fide deficere. Adferam igitur solum Durandi & Maironis objectiones.

B Prima Objectio, Deus Pater Christi meritis, atque in primis acerbissimae passioni ejus, & morti cumulatissimum praeium reddidit, ut Apostolus docet in epist. ad Philippenses cap. 2. cum ait: *Humiliavit semetipsum factus obediens usque ad mortem, mortem autem Crucis, propter quod & Deus exaltavit illum, & dedit illi nomen, quod est super omne nomen.* Non igitur supersunt passiones aliquae non remuneratae, quae in thesauro recondantur. Responsio, Christi passiones qua parte merita dici poterant, actiones videlicet virtutum obedientiae, patientiae, humilitatis, ac potissimum charitatis, praeium aliquod habuerunt, gloriam corporis, & nominis exaltationem, ut Apostolus scribit: sed qua parte satisfactiones erant, ut opera bona, & poenalia, nullum omnino praeium in ipsa Christi persona sortitae sunt, cum ipsa nulla peccata propria haberet, pro quibus satisfacere teneretur. Itaque universae Christi afflictiones, ut rationem satisfactionis habent, supervacaneae ipsi fuerunt, & in thesauro jure continentur. Quamquam neque integrum praeium Christus habuit laborum suorum, qua parte meritorii erant. Nam gloriam animae essentialem sine meritis habuit in primo instanti conceptionis suae, ut Theologi docent: & cum ea merita infiniti pretii essent, certè non fuit integrum eorum praeium sola corporis gloria, & nominis exaltatio. Quare Theologi rectè statuunt Chri-

Christum meruisse de rigore justitiæ gratiam, & gloriam omnibus hominibus, etiam si illi infiniti futuri fuissent.

Secunda Obiectio, Culpa lethalis est infiniti damni causa, quod ad se attinet, cum sit offensa Dei, qui est summum & infinitum bonum: igitur ad culpam lethalem tollendam, necessaria fuit infiniti pretii satisfactio. Tota igitur Christi passio, quamvis infiniti meriti fuerit, in redemptione & expiatione culpæ lethalis consumitur, ac per hoc nihil superest, quod pro expiandis poenis in thesauro reponatur. Responsio. Si argumentum propositum aliquid efficeret, probaret unicam solum culpam lethalem Christi passione deleri potuisse: & jam non solum pro tollendis poenis, sed etiam pro tollendis plurimis culpis nihil in thesauro remansisse. Sed non ita est: nam multæ culpæ, quarum unaquæque sit offensa infinita, non requirunt ad sui expiationem multas infinitas satisfactiones: sed una satisfactio verè infinita, qualis fuit quælibet Christi afflictio, sufficit ad expiandas omnes illas culpas, & poenas pro eis debitas, nihil enim majus infinito dari potest. Quare verissimè scripsit Clemens VI. in Constitutione, quæ incipit Unigenitus, unam sanguinis guttam Christi, propter unionem ad Verbum, toti mundo reconciliando satis esse potuisse. Et cum Dominus Christus non unam sanguinis guttam, sed totum sanguinem pro nobis fuderit, & ab ipsa conceptione usque ad mortem ardentissima charitate gravissimos labores pertulerit, ut Deo Patri nos reconciliaret, proque culpis nostris divinæ justitiæ satisfaceret, dubium esse non potest, quin semper super sit pretium, idque justissimum, quo debita nostra solvi possint.

Tertia obiectio. Satisfactio Christi est infinita, ut jam dictum est: non igitur opus est, ut ad satisfactionem Christi adjungantur satisfactiones ex passionibus sanctorum. Responsio. Non est quidem opus, ut adjungantur passionibus sanctorum passionibus Christi, quasi hæc per se non sufficiant: Sed adjunguntur tamen, quia æquum est, ut passionibus illæ coram Deo non sint inanes, præsertim cum id sit tum gloriosum Christo, à quo manat omne bonum sanctorum, tum ipsis etiam sanctis perhonorificum. Quomodo autem concurrant in hac applicatione satisfactiones Christi cum passionibus sanctorum, id est, an applicetur pars una satisfactionis ex passionibus Christi, pars alia ex passionibus sanctorum. An verò integra satisfactio accipiatur semper ex passionibus Christi, & superaddantur ad cumulum satisfactionis passionibus sanctorum, non videtur nimis curiosè investigandum. Illud videtur certum, passionibus Christi, quæ sunt infiniti pretii applicari per Indulgentias finito modo, & ideo aliquid re vera superaddi, cum passionibus sanctorum illis adjunguntur, quod rectè annotavit Dominicus à Soto in 4. senten. dist. 21. quæst. 1. art. 2.

Quarta Obiectio, Sancti omnes plenam mercedem laborum suorum acceperunt, immò supra condignum sanctos omnes à Deo remuneratos rectè colligunt Theologi ex divinis litteris, cum Dominus dicat Luc. 6. *Mensuram bonam, & confertam, & coagitatam, & superfluentem dabunt in sinum vestrum.* Et Apostolus ad Rom. 8. *Non sunt condignæ passionibus hujus temporis ad futuram gloriam, quæ revelabitur in nobis.* Nihil igitur superest ex laboribus sanctorum, quod ad expiationem alienorum peccatorum infumi possit, & ad hunc finem in thesauro Ecclesiæ conservetur. Responsio. Jam supra docuimus in bonis operibus sanctorum, quæ laboriosa & poenalia fuerunt, duplicem esse rationem, alteram meriti, alteram satisfactionis. Quod igitur attinet ad rationem meriti, plenam mercedem, immò etiam con-

A fertam, & coagitatam, & superfluentem mensuram præmi sancti omnes pro suis laboribus acceperunt. Quod autem pertinet ad rationem satisfactionis, multi labores sanctorum inanes, & sine fructu essent, nisi pro reatibus aliorum consumerentur, cum ipsi sancti aut nullis, aut certè minoribus laboribus pro suis expiandis reatibus indigerent.

B Quinta Obiectio, Nihil omnino sancti fecerunt vel pertulerunt propter Deum, quod facere, vel perferre non tenerentur: nihil igitur illis superest, quod cum aliis communicare possint. Antecedens colligitur ex multis testimoniis Sacrae scripturae, sed ex eo potissimum, quod habetur Luc. 17. *Cum feceritis hæc omnia, dicite: servi inutiles sumus; quod debuimus facere, fecimus.* Quare prudentes virgines Matth. 25. non sine causa fatuis dicentibus, *dare nobis de oleo vestro,* responderunt, *ne forte non sufficiat nobis, & vobis, ite potius ad vendentes, & emite vobis.* Responsio. Non est necesse hoc loco de operibus supererogationis disputare de quibus in libro de Monachis disseruimus. Nam etiam si admitteremus, quod tamen falsum esse loco notato demonstravimus, nihil omnino sanctos viros fecisse, vel pertulisse propter Deum, quod facere vel tolerare non tenerentur; nihil tamen argumentum concluderet. Nam ipsi obedientia legis, ad quam implendam sine dubitatione tenemur, meritoria, & satisfactoria est, & potest fieri, ut ex satisfactione pro suis delictis non egeat, qui legis obedientiam præstat, ac propterea cum aliis eam communicare possit. Neque virgines prudentes de satisfactione loquuntur, sed de oleo gratiæ, & charitatis, sine quo salvi esse non possumus. Quod quidem oleum unusquisque retinet sibi, neque in alios effundere potest, cum sit opus solius Dei, effusio tam pretiosi olei. *Charitas Dei,* inquit Apostolus ad Rom. 5. *diffusa est in cordibus nostris per spiritum sanctum, qui datus est nobis.*

C Sexta obiectio. Si sanctorum passionibus expiari possent nostra delicta, non esset absurdum eos appellare nostros Redemptores, saltem ex parte. At solus Christus est Redemptor generis humani, de quo dicit Apostolus 1. Corinth. 1. *Qui factus est nobis justitia, & redemptio;* Et 1. Corinth. 5. *Empti estis pretio magno.* Responsio. Propter hoc argumentum non defuerunt aliqui ex recentioribus, qui dicerent, passionibus sanctorum non ita nobis applicari per Indulgentias, ut sint justæ compensationes pro poenis, quas nos debemus Deo, hoc est, veræ satisfactiones: sed esse aliquid, quod moveat Deum, ut nobis Christi satisfactionem applicet. Sed hæc opinio reprobata est à Pio V. Pontifice & à Gregorio XIII. qui sententiam Pii confirmavit. Damnavit enim Pius V. multos articulos quorundam Lovaniensium, quorum unus erat, *Salus Christi satisfactionibus remitti penam temporalem, sanctorum autem passionibus offerri Deo, ut Deus illarum intuitu applicet nobis merita Christi.* Præterea repugnat eadem illa opinio Constitutioni Clementis VI. quæ incipit Unigenitus, & Bullæ Leonis X. in qua damnantur errores Lutheri, & communi consensui Theologorum. Ad hæc, si non possent nobis applicari sanctorum passionibus ad redimendas poenas, quas pro peccatis Deo debemus, ne sancti Redemptores nostri esse videantur, certè, neque nos ipsi propriis laboribus, poenas eadem redimere possemus, ne nos ipsi Redemptores nostri esse videamur. Atqui Concilium Tridentinum sess. 14. c. 8. & can. 13. & 14. apertissimè docet contrarium. Ad argumentum igitur respondemus, si propriè, & absolute nomen Redemptoris accipiat, solum Christum esse Redemptorem; is enim dicitur propriè & absolute Redemptor, qui redimit à capti-

à captivitate, non qui solvit pro alio debitum aliquod parvi momenti. Nos autem tunc solum captivi dicimur, cum venundati sub peccato, ut scriptura loquuntur, & cum laqueis Diaboli vincti teneamur ad ipsius voluntatem; id quod tunc solum fit, cum per lethale peccatum à gratia Dei excidimus. Ab hac autem servitute & captivitate solo Christi sanguine redimi possumus, proinde ipse solus verè proprièque Redemptor dici debet. At si largo modo Redemptor appelletur quicumque liberat alium ab aliquo debito, non erit absurdum, si Sancti viri Redemptores nostri aliquo modo, idest, secundum aliquid, non simpliciter, & largo modo, non in rigore verborum esse dicantur. Nam si Propheta Daniel Regi Nabuchodonosor non ineptè dixit, *Peccata tua elemosynis redime*, Dan. 4. cur ineptè dicantur Sancti viri aliquo modo passionibus suis delicta nostra posse redimere? & si B. Paulus de se scripsit 1. Corinth. 9. *Omnibus omnia factus sum, ut omnes facerem salvos*; cur non etiam scribere potuit, ut omnes redimerem? Non enim minus est proprium Christo nomen salvatoris, quàm Redemptoris.

C A P U T V.

Quid propriè sit Indulgentia, solutio ne, an absolutio.

Demonstratum est hætenus, Indulgentias esse: nunc quid sint, idest, in qua re potissimum Indulgentiæ ratio, & natura posita sit explicandum erit. Disputatio bipartita erit; primum enim quaeremus, an Indulgentia propriè sit absolutio, vel solutio: deinde cuius debiti sit solutio, vel à quo debito absolutio. His enim duobus explicatis, in promptu erit vera ac propria Indulgentiæ definitio. Quod ad primum attinet, non defuere, qui Indulgentias nihil esse aliud voluerunt, nisi solutionem, idest, compensationem poenarum ex thesauro meritorum Christi, ac Sanctorum depromptam & applicatam auctoritate Pontificis. Ita sensisse videntur Durandus in 4. dist. 20. quæst. 3. Paludanus ibidem quæst. 4. S. Antoninus in p. parte Summæ Theologiæ tit. 10. cap. 3. Adrianus VI. Pontifex in 4. sent. 9. de Indulgentiis. Silvester in Summa, Verbo, Indulgentia num. 3. & videtur in eadem fuisse sententia Sanctus Thomas in 4. dist. 20. quæst. 1. art. 3. ad 2. & 3. Contra verò Franciscus Mayronis loco supra citato, contendit Indulgentias nihil esse, nisi judicariam absolutionem. Cui prima fronte favere videntur exempla vetustissimorum Conciliorum, in quibus videmus ab Episcopis absolvi poenitentes ab aliqua parte mulctæ impositæ, nulla facta mentione thesauri spiritualis, unde compensentur debita illa poenarum.

Cæterum re tota diligentius considerata, posteriores Theologi definierunt utrumque simul in Indulgentiis reperiri, absolutionem, & solutionem; Neque veteres Theologos scholasticos negasse judicariam absolutionem, quamvis solutionis tantum ferè meminerint, neque vetustissimos Patres negasse solutionem ex thesauro, licet solius absolutionis meminisse videantur. Ita docet Card. Cajetanus tractat. 15. ad Julium Medicem cap. 6. Dominicus à Soto in 4. dist. 21. quæst. 1. art. 2. Petrus à Soto lect. 2. de Indulgentiis, in institutione sacerdotum. Martinus Ledesinus in 2. par. 4. sententiarum quæst. 38. art. 1. & alii passim: & expressè idem docuerunt ex antiquis S. Bonaventura in 4. dist. 20. par. 2. quæst. 5. & alii. Sic igitur

Prima Propositio. *Indulgentia propriè est absolutio*

A judicaria, annexam habens solutionem ex thesauro. Probatur pars prior propositionis primò ex testimoniis scripturæ, in quibus fundari diximus Indulgentias, Nam illud Matth. 16. *Tibi dabo claves regni caelorum, & quodcumque solveris super terram, erit solutum & in caelis*. Et illud Matth. 18. *Quaecumque solveritis super terram, erunt soluta & in caelo*, intelliguntur sine dubio de potestate judicaria absolvendi. Secundò probatur ex testimoniis sacrorum Canonum. Siquidem Alexander III. Pontifex in epist. ad Episcopum Cantuariensem, ut habemus cap. Quod autem consulisti, de poenit. & remiss. docet, neminem posse concedere Indulgentias nisi propriis subditis, & rationem reddit: quia non potest nisi proprius Judex absolvere, vel ligare. Quibus verbis Alexander satis apertè Indulgentiam absolutionem judicariam esse docuit. Sic etiam Martinus V. Pontifex in fine Concilii Constantiensis concedens Indulgentiam plenariam, dicit se absolutionem plenariam concedere. Gregorius VII. in multis epistolis Indulgentiam tribuens, ut plurimum utitur verbo absolutionis. Tertio probatur ratione. Nam cur quæso pro defunctis non conceduntur Indulgentiæ nisi per modum suffragii, certè nulla est ratio, ut suo loco demonstrabimus, nisi quia defuncti non possunt propriè judicialiter absolvi. Ergo Indulgentia, quæ viventibus simpliciter datur, absolutio judicaria est. Denique si non esset necessaria Jurisdictio ad Indulgentias concedendas, quicumque applicare vellet alteri satisfactionem suam, is dici posset Indulgentiam dare, quod tamen est omnino inauditum.

B Jam verò posterior propositionis nostræ pars, quod videlicet Indulgentiæ præter absolutionem contineant applicationem thesauri, probari potest primum auctoritate Clementis VI. qui in Extravaganti, Unigenitus, manifestè hoc docet. Deinde ratione, quoniam Prælati Ecclesiæ, & ipsi etiam Summi Pontifices non sunt absoluti Domini ut possint pro arbitrio, sine ulla compensatione condonare hominibus culpas, vel poenas, quarum rei sunt in foro Dei, Sed sunt Judices à Deo constituti, qui possunt quidem pro potestate sibi à Deo concessa remittere culpas & poenas nomine Dei, sic tamen, ut iustitiæ satisfiat, & confirmatur à simili. Nam cum sacerdotes in sacramento poenitentiae absolvunt reos poenitentes à culpis & ab aliqua parte poenæ temporalis, non id faciunt sine compensatione, sed applicant pretium sanguinis Domini ut divinæ iustitiæ satisfiat: Igitur eodem modo cum per Indulgentias Prælati Ecclesiæ subditos suos absolvunt à poenæ temporalis reatu, id faciunt applicando satisfactiones Christi, & Sanctorum. Generalis enim est Apostoli sententia ad Hebr. 9. *Sine sanguinis effusione non fit remissio*. Quare minus consideratè locutus est Petrus Paludanus in 4. dist. 20. q. 4. cum ait, hoc interesse inter remissionem, quæ datur per sacramenta, & eam quæ datur per Indulgentias, quod prior sit omnino liberalis, posterior verò compensationem aliquam requirat.

C **D** **E** Secunda Propositio, *Quamvis in Indulgentiis absolutio cum solutione ordinariè coniungatur, posset tamen Summus Pontifex Indulgentiam concedere per solam solutionem, non tamen per solam absolutionem*. Quod per solam solutionem, certum est ex Indulgentiis quæ dantur pro defunctis. Nam quemadmodum defunctis Indulgentiæ conceduntur per hoc solum, quod Summus Pontifex applicat ex thesauro quantum satis est ad compensandam poenam, quam illi in Purgatorio luituri erant: sic etiam posset viventi alicui applicare satisfactionem ex thesauro Ecclesiæ, & eo modo cum liberare à debito poenæ, etiamsi non propriè illum absolveret. Cæterum ista non esset Indulgentia ejusdem rationis cum ea, quæ ordinariè

nariè viventibus tribuitur. Quòd autem non possit concedi Indulgentia per solam absolutionem sine applicatione thesauri, perspicuum est ex iis, quæ supra diximus.

CAPUT VI.

Solvuntur objectiones contra doctrinam capituli superioris.

SED adversus ea, quæ in his propositionibus continentur, pauca quædam objici possunt, quæ breviter dissolvenda sunt.

Prima obiectio. Si posset Pontifex absolvere judicialiter per Indulgentias à pœna temporali, posset consequenter absolvere à pœna, quam aliquis in Purgatorio daturus esset, si cum reatu illius pœnæ moreretur; at in pœnas Purgatorii non habet Pontifex auctoritatem, igitur non potest eam tollere per suam absolutionem, sed solum per applicationem thesauri, ut facit cum Indulgentias pro defunctis concedit. Responsio. An summus Pontifex potestatem habeat in animas, quæ in Purgatorio degunt, postea videbimus. Sed in pœnam Purgatorii, immò etiam in pœnam æternam Gehennæ sine dubio potestatem habet, saltem consequenter & indirectè, quia dum absolvit per sacramentum pœnitentiæ à culpa lethali, liberat consequenter hominem à debito pœnæ sempiternæ, & eodem modo dum per Indulgentias absolvit hominem à pœnitentia injuncta, vel injungenda, absolvit eundem consequenter à pœna Purgatorii, quam is luiturus esset, si eam pœnitentiam non explevisset, vel ab ea absolutus non fuisset. Sed hoc non est habere potestatem in Purgatorium, vel in Gehennam, sed in homines fideles, qui rei sunt culpæ, vel pœnæ. Quare meritò damnata fuit sententia Petri Oxoniensis à Sixto IV. Pontifice, & Concilio Complutensi, qui docebat, non posse Summum Pontificem indulgere alicui viventi in carne pœnam Purgatorii, & sola contritione deleri peccata quoad culpam & pœnam alterius vitæ, sine ordine ad claves. Vide si libet, condemnationem hujus erroris apud Alphonsum de Castro in lib. adversus hæreses, verbo, Confessio, vel in Summa Concilior. in decretis Sixti IV. Pontif.

Secunda obiectio. Per applicationem thesauri fit integra compensatio pro debito pœnæ temporalis, igitur supervacanea est absolutio judicialis. Responsio. Argumentum non rectè concludit, quoniam Judex non tenetur dimittere reum alicujus pœnæ, etiam si justa compensatio offeratur ab alio, præsertim si compensatio non sit ejusdem rationis, & ideo si Judex admittat compensationem, & absolvat reum, verè dicitur gratiam illi præstare, ut exempli causa, si quis damnatus sit ad triremes, vel ut publicè virgis cædatur, & aliquis offerat pro illius rei liberatione magnam pecuniæ summam, certè non tenebitur Judex acceptare pecunias, & reum liberare: sed si voluerit id facere, gratiam illi præstabit, atque eum absolvet. Itaque si propriè loqui velimus, non dicetur tollere obligationem ad pœnam is, qui compensationem offert, sed is, qui admissa compensatione reum ab illa obligatione absolvit. Dat igitur verè Indulgentiam subditis suis Pontifex, quia nomine Dei, cujus vices in terris gerit, admittit compensationem ex thesauro depromptam, & ea admissa pœnitentes à reatu pœnæ temporalis absolvit. Contra autem, defunctis non dicitur dare simpliciter Indulgentiam, sed per modum suffragii, quia non ipse, sed Deus acceptat compensationem pro defunctis, & eosdem defunctos absolvit: Pontifex autem solum offert ex thesauro justam compensationem.

Controv. Card. Bellarm. Tom. II.

Tertia obiectio. Absolutio judicialis dari potest etiam invito, ut patet de absolutione ab excommunicatione: sed Indulgentia invito dari non potest, igitur Indulgentia non est absolutio, sed mera solutio. Responsio. Non omnis absolutio dari potest invito, sed ea sola, quæ non requirit necessariò aliquam actionem, vel dispositionem in eo, cui datur. Itaque absolutio sacramentalis, quia requirit contritionem, confessionem, & satisfactionem, non potest in invitum conferri; absolutio ab excommunicatione, aliisque censuris, quia non pendet necessariò nisi à voluntate Prælati, potest in invitum conferri. Porro Indulgentia exigit in suscipiente primùm, ut sit in statu gratiæ, deinde ut faciat quæ præscribuntur in literis Indulgentiæ, visitet Basilicas, oret, jejunet, eleemosynas faciat, quæ omnia sic à libero arbitrio pendent, ut ab invito extorqueri non possint. Quare Indulgentia, quamvis sit absolutio, non est mirum si in invitum conferri nequeat.

Quarta obiectio. Absolutio requirit cognitionem causæ; sed Indulgentiæ sæpè dantur in communi omnibus, qui hoc aut illud egerint, non cognitis causis eorum, quibus Indulgentiæ tribuuntur: non igitur Indulgentia judicialis absolutio dicenda est. Responsio. Absolutio particularis, & absoluta, ut etiam condemnatio, quia feruntur secundum allegata, & probata, sine dubio requirunt particularem & accuratam cognitionem causæ. At absolutio quædam generalis, & conditionata, non requirit cognitionem causæ, nisi generatim. Prior absolutio dicitur sententia ab homine, posterior à jure. Atque Indulgentiæ quidem, quæ dantur singulis pœnitentibus, quæ apud veteres utilitatissimæ erant, similes sunt priori absolutioni, & ideo tunc exigitur cognitio causæ in particulari: ex verò, quæ dantur omnibus generatim, & cum conditione certi operis faciendi, ut militandi adversus Mahumetanos pro recuperanda Hierosolyma, similes sunt posteriori absolutioni, & propterea satis est generatim cognoscere justam causam adesse talis Indulgentiæ concedendæ.

Quinta obiectio. Archiepiscopus ad totam Provinciam Indulgentiam suam extendere potest, ut habetur cap. Nostro, de pœnit. & remis. At non sunt propriè subditi Archiepiscopo omnes provinciales, sed ii soli, qui ad ejus dioccesim pertinent: igitur Indulgentia non est absolutio propriè dicta, quæ jurisdictionem exigit. Respondeo. Non sunt quidem omnes provinciales absolute subditi Archiepiscopo, sed sunt tamen omnes subditi in certis casibus, quorum unus est Indulgentiæ condonatio.

Postrema obiectio. Si Indulgentia esset judicialis absolutio, non posset Summus Pontifex ullius Indulgentiæ particeps esse, cum se ipse judicialiter absolvere nequeat, nec se, vel alium superiorem habeat. Atqui id videtur absurdum, ut Summus Pontifex illis Indulgentiis frui non possit, quæ sunt communes omnibus fidelibus. Quod idem argumentum fieri potest de Episcopis, quod attinet ad Indulgentias, quæ ab illis toti populo conceduntur. Responsio. Non defuerunt qui negaverint, summum Pontificem, aut Episcopos participes esse posse Indulgentiarum, quas ipsi cæteris in commune largiuntur. Certè Archidiaconus in cap. Indulgentiæ, de pœnitent. & remis. in 6. ita docet. Atque in eandem sententiam paucos alios citat Sylvester in Summa, verbo, Indulgentia num. 21. Contra tamen sentiunt omnes alii, tum Theologi, ut S. Thomas, Durandus, Richardus & alii, in 4. dist. 20. & Sotus dist. 21. tum Juris Canonici interpretes, in cap. Nostro, de pœnit. & remis. & in cap. Indulgentiæ, eodem in 6. Quibus accedit Navarrus in tract. de Jubilæo, Notab. 20. num. 19. Quamvis autem hæc sententia communis verissima sit,

O o

fit, & omnino consentanea rationi, tamen argumentum contrarium non facile solvitur. Illa enim principia certissima sunt, neminem posse ligari, vel solvi, nisi à superiore; & neminem sui ipsius superiorem esse: unde etiam fit, ut nemo se in sacramento poenitentiae absolvere unquam sit ausus. Posset igitur fortasse dici summum Pontificem & Episcopos erga alios viri absolutione, erga se verò solutione duntaxat. Posset item dici, non posse quidem Pontificem immediate seipsum absolvere per Indulgentiam, sed posse per alium id facere, cui ipse potestatem tribuat. Cur enim possit Confessario suo facultatem dare, ut se à peccatis absolvat, quod omnes admittunt, & non possit eidem potestatem facere, ut sibi Indulgentiam conferat? Certè hæc responsio probabilis visa est Cardinali Cajetano tract. 15. cap. 5. & ante eum Richardo in 4. dist. 20. art. 4. quæst. 3. in solutione argumenti. Quamvis enim Indulgentia non pertineat ad sacramentum poenitentiae, pertinet tamen ad forum interius, & poenitentiale, in quo summus Pontifex potest se alteri subicere, qui in se ministerio clavium utatur. Potest etiam postremo & optimè dici, posse Pontificem indirectè participem fieri Indulgentiae à se vel à Prædecessore generatim propositae, etiamsi nolit uti opere Confessarii, sed solum ea præstare, quæ ab aliis exiguntur ad Indulgentiam consequendam, quoniam ut rectè ait S. Thomas in 4. dist. 20. qu. 1. art. 5. qu. 4. ad ult. non potest quidem Pontifex se ipse directè absolvere, sed potest uti his rebus, quas ipse aliis ex jurisdictione concessit. Tales autem sunt Indulgentiae, ad quas ipse percipiendas accedit, non ut Pastor, sed ut unus de grege, subiectus clavibus Ecclesiae, ac per hoc indirectè, & per accidens subiectus sibi. Addit Dominicus à Soto loco citato, hanc ipsam subiectionem indirectam non esse etiam coactivam, quoniam absolutio quæ datur in Indulgentia, non est quasi sententia personalis ab homine lata, neque etiam quasi lata à jure, & coactiva, sed quasi lata à jure communi, & non continens coactionem, sed remissionem cum conditione talis operis faciendi.

CAPUT VII.

A quo vinculo per Indulgentias solvamus, vel absolvamur.

CUM demonstratum sit Indulgentiam esse absolutionem cum annexa solutione: sequitur, ut explicemus, à quo vinculo nos Indulgentia solvat, vel absolvat. Sic enim constabit, quæ sit propria ratio, definitio ac natura Indulgentiae. Sciendum igitur est, duplex esse vinculum, sive debitum, sive reatum peccati, alterum culpæ, alterum poenæ. Rursus autem reatum poenæ iterum esse duplicem, alterum poenæ naturalis, quæ consequitur originale peccatum, qualis est morbus, mors, ignorantia, concupiscentia, & similes: alterum poenæ personalis, quæ consequitur peccatum actuale, qualis fuit pestis immissa in populum ob peccatum Davidis. Rursus, reatum poenæ personalis, alterum pertinere ad forum externum, alterum ad internum. Rursus reatum poenæ debet in foro interno, sive poenitentiali, alterum esse poenæ injunctæ, alterum injungendæ. Denique reatum ejusdem poenæ sive injunctæ, sive injungendæ, vel esse debitum, ut satisfiat soli Ecclesiae, vel ut satisfiat etiam Deo. His divisionibus expositis, propositiones more solito adiciendæ sunt.

Prima propositio: *Per Indulgentias non absolvimur, nec solvimur à reatu culpa ullius, idest, nec lethalis, nec venialis.* Et quidem de culpa lethali nulla dubitatio esse potest, nam cum ea tolli non possit sine infusione

A gratiæ, & gratia non infundatur ministerio humano nisi per Sacramenta, pro comperto habendum est, eam per Indulgentias non posse tolli. De veniali autem videtur quidem Petrus Paludanus in 4. dist. 20. qu. 4. existimare, tolli eam per Indulgentiam. Sed longè probabilior est aliorum communis sententia, per Indulgentias non tolli nisi reatum poenæ temporalis, qui remanet culpa dimissa. Siquidem Indulgentia supplet locum satisfactionis poenitentialis, & ideo dicitur ab Innocentio, cap. Cum ex eo, de poenit. & remiss. enervare poenitentialem satisfactionem, cum est Indulgentia indiscreta. Præterea, cum Pontifices Indulgentias concedunt, sæpè declarant se condonare poenitentiam injunctam, sæpè etiam dicunt, se largiri certum numerum annorum, vel dierum Indulgentiæ, quæ nullo modo ad peccata venialia, sed ad solas poenas accommodari possunt. Itaque si quando in literis Indulgentiarum legatur concedi absolutionem à culpa & poena: intelligendum est id propterea dici, quod Indulgentia conjungitur ordinariè cum confessione sacramentali, & facit, ut qui per Sacramentum poenitentiae fuit absolutus à culpa, per Indulgentiam absolvatur à poena. Pari ratione, cum dicunt Pontifices, se per Indulgentias absolvere poenitentes à peccatis, vel condonare omnia peccata, vel dimidiam, aut tertiam partem peccatorum, semper loquuntur de peccatis quo ad poenam, non quo ad culpam, quæ ante Indulgentiam remissa esse creditur.

C Secunda propositio: *Per Indulgentias non liberamur à poenis naturalibus.* In hac omnes auctores conveniunt. Constat enim definitum esse à Deo, ut poenæ illæ naturales non tollantur, nisi cum natura ipsa mutabitur, idest, cum per resurrectionem mortale hoc inducet immortalitatem, 1. Cor. 15. & cum adoptionem filiorum Dei perfectam consequemur, redemptionem videlicet corporis nostri, Rom. 8.

Tertia propositio: *Nec poenas, quæ in foro externo, & contentioso, sive Ecclesiastico, sive saculari infliguntur, Indulgentia tollere possunt.*

D Docet hoc S. Thomas in 4. dist. 20. qu. 1. art. 5. quæstiuncula 2. nec dissentiant alii scriptores. Siquidem poenæ fori externi propter bonum Reipublicæ infliguntur, ut facinorosi deterreantur à peccatis, & probi homines securitate fruantur. Præterea, Indulgentiæ non conceduntur, nisi poenitentibus, & Deo reconciliatis: poenæ autem illæ fori externi infliguntur maximè pertinacibus, & rebellibus. Denique Indulgentiæ, ut dictum est, locum obtinent satisfactionis poenitentialis: quare non aliam poenam tollunt, nisi quam debemus in foro secreto & poenitentiali.

E Quarta propositio: *Indulgentia liberant homines à reatu poenæ non solum coram Ecclesia, sed etiam coram Deo.* Hæc propositio negabatur olim à nonnullis, quorum sententiam referunt, & refellunt Theologi veteres, S. Thomas in 4. dist. 20. q. 1. art. 3. & alii. Eadem hoc tempore negatur à Luthero, Calvino, cæterisque sectariis, qui docent, Indulgentiam apud veteres non fuisse aliud, nisi relaxationem mulctæ, quam Ecclesia ipsa imperaverat, non ut per eam satisficeret Deo, sed exempli & disciplinæ causa, ut omnes intelligerent, illum, qui ejusmodi poenam luebat, verè resipuisse. Et quidem adversus Catholicos in hac re minus rectè sentientes, probatur nostra propositio his argumentis, Primò quoniam si solum deberet Ecclesiae satisfieri, sive tolli præceptum agendæ poenitentiae ab Ecclesia positum, non esset opus thesauro meritorum Christi, & sanctorum. Secundò non esset utilis, sed noxia Indulgentia, & Ecclesia filios suos in re maxumè gravi decipere videretur, liberaret enim eos à poena hujus vitæ mitissima, & remitteret ad poenam atrocissimam Purgæ æt. Tertiò non possent concedi Indulgentiæ pro defunctis, quippe, qui non

non ligantur jam Ecclesiae praeceptis, neque aut ipsi disciplina indigent, aut alius exemplo esse possunt.

Quartò, multi fideles Indulgentias percepturi, confitentur sacerdotibus peccata, & satisfactionem inunctam explent: interdum etiam Pontifices in literis Indulgentiarum praescribunt, ut sacerdotes injungant poenitentias salutare iis, qui Indulgentiam consequi desiderant; igitur & populi, qui suscipiunt Indulgentias, & Pontifices, qui eas tribuunt, ejus sententiae se esse testantur, ut Indulgentiae potissimum prosint ad poenam Purgatorii expiandam. Denique hoc significare videntur verba illa, de vera Indulgentia, quae addi solent cum Indulgentiae in facello Pontificio promulgantur. Vera enim Indulgentia dicitur, quae reatum poenae non solum coram Ecclesia, sed etiam coram Deo verè tollit.

Jam verò adversus Haereticos non est cur multum laboremus in hac re comprobanda. Ipsi enim propterea negant Indulgentiis tolli reatum poenae coram Deo, quoniam existimant, post remissionem culpae nullum superesse reatum poenae coram Deo, nulla-que opus esse vera satisfactione; & quia negare non possunt, apud veteres extare plurima testimonia praenarum, quae poenitentibus injungebantur, vel relaxabantur, idè docent, eas poenas infligi solitas exempli, & disciplinae causa. Ceterum haec omnia satis copiose tractavimus in 4. lib. de poenit. ubi etiam omnia argumenta diluimus, quae à Lutherò, Philippo, & Calvino in medium allata fuerunt. Ne tamen hoc loco nihil omnino dixisse videamur, probare possumus Indulgentias valere ad relaxandam poenam etiam coram Deo, primò ex verbis Christi saepe citatis Matth. 16. *Quaecunque solveris super terram, erit solutum & in caelo.* Et Matth. 18. *Quaecunque solveritis super terram, erunt soluta & in caelo;* quorsum enim additur, & in caelo, si non solvitur vinculum nisi humanum? Secundo ex Patribus, qui passim affirmant, per inunctas vel spontè assumptas poenas, satisfieri Deo. Tertullianus in lib. de poenit. loquens de iis, qui dum agunt poenitentiam redeunt ad peccata, ita inquit: *Qui per delictorum poenitentiam instituerat Domino satisfacere, Diabolo per aliam poenitentiam poenitentiam satisfaciunt.* S. Cyprianus in serm. 5. de lapsis: *Domine, inquit, orandus est, Dominus nostra satisfactione placandus.* S. Pacianus in Paraneis ad poenitentiam: *In quantum, inquit, poena vestra non peperceritis, in tantum vobis Deus parcat.* S. Augustinus homil. 50. ex libro quinquaginta homiliarum, cap. 11. *Veniat, inquit, ad Antisites, per quos illi in Ecclesia claves ministrantur, accipiat satisfactionis suae modum, & id agat, quod non solum illi propter ad recipiendam salutem, sed etiam ceteris ad exemplum.* Et cap. 15. *Non sufficit, inquit, mores in melius mutare, nisi etiam de iis, quae facta sunt satisfiat Deo per poenitentiam dolorem, per humilitatis gemitum, per contriti cordis sacrificium, co-operantibus elemosynis.* Petrus Damiani in serm. 2. de S. Andrea: *Ne tibi, inquit, blandiaris, si graviter peccanti levior poenitentia à consuetudo, vel dissimulante dictatur, cum in purgatorii ignibus perscrutandum sit, quicquid hic minus feceris.*

Ex his testimoniis manifestè colligimus, per inunctas poenitentias satisfieri Deo, ac per hoc Indulgentias, quae ab ejusmodi poenitentiis absolvunt, expiare poenae temporalis reatum etiam coram Deo. Multa possent alia testimonia veterum adduci, sed non sunt omnia ubique repetenda. Tertiò probatur ratione ducta à simili. Poenitentiae siquidem à Sacerdotibus impositae, & ea quae spontè assumuntur, sunt omnino similes; constant enim ex iisdem rebus, oratione videlicet, jejuniis, & elemosynis, & ad eundem finem tendunt, & aliae alias juvant, immò Sacerdotes cum poenitentias imponunt, hortantur poenitentes,

Controv. Card. Bellarm. Tom. II.

A ut ipsi etiam spontè assumant alias, cum credibile sit, impositas non esse aequales criminibus. Et Cyprianus dicat in serm. de lapsis, *poenitentia crimine minor non sit.* Quod idem alii Patres docent. Certum autem est, per poenitentias spontè assumptas satisfieri Deo, ut perspicuum est ex eo, quod occultae esse solent, juxta illud Psalm. 6. *Luxabo per singulas noctes lectum meum, lacrymis meis stratum meum rigabo.* Igitur & poenitentiae à Sacerdotibus non solum exempli, vel disciplinae causa, sed etiam ad satisfaciendum Deo imponi solebant. Praeterea, poenitentiae pro occultis criminibus occultè injungebantur, sicut & ipsa confessio secreta esse debebat, ut patet ex epistola S. Leonis I. ad Episcopos Campaniae: non igitur semper injungebantur exempli, vel disciplinae causa. Denique omnia argumenta, quibus in 1. lib. de Purgatorio demonstravimus post hanc vitam extare loca poenalia, in quibus exerceantur animae illorum, qui dum viverent, pro suis peccatis non integrè satisfecerunt Deo; probant etiam Indulgentias liberare homines à reatu poenae non solum coram Ecclesia, sed etiam coram Deo. Nam nec ipsi Lutherani Indulgentias negarent, si Purgatorium crederent. Est tamen hoc loco animadvertendum, Indulgentias quae conceduntur in hac vita immediatè, & principaliter liberare à debito poenae subeundae in hac vita, mediatè verò, & quasi secundariò à debito poenae subeundae in Purgatorio. Quemadmodum enim poena Purgatorii succedit poenae, quae non est in hac vita integrè expiata: sic etiam Indulgentia liberans à debito totius poenae temporalis, quae in hac vita persolvenda fuisset: consequenter liberat à poena Purgatorii, quae illi fortè successisset.

C Quinta propositio: *Cum in forma Indulgentiae palam exprimitur concedi remissionem poenitentiae inunctae, non intelligitur concedi remissio nisi ejus poenitentiae, quam sacerdos in sacramento confessionis injungit.* Est hac propositio adversus nonnullos, qui per inunctam poenitentiam intelligi volunt omnem omnino poenitentiam, quoniam, ut ipsi existimant, omnis poenitentia peccatis debita, inuncta dici potest, vel à sacerdote, vel à canone poenitentiali, vel certè à Deo. Ita docuit quidam Thomas Elysius in Clypeo piorum Catholicorum qu. 44. art. 7. sed contra sentiunt plerique omnes viri docti, ut D. Thomas, Cajetanus tract. 15. cap. 7. Dominicus à Soto in 4. dist. 21. q. 2. art. 2. concl. 3. Martinus Ledesmius in 3. sent. par. 2. q. 27. art. 2. Navarrus in tract. de Jubilæo, & Indulgentiis, Notab. 11. num. 12. Antonius Cordubensis de Indulg. qu. 9. proposit. 3. Sylvester, verbo, Indulgentia, qu. 8. num. 12. & quaest. 10. num. 11. Gabriel in Supplemento, lib. 4. sent. dist. 41. quaest. 3. art. 2. proposit. 10. ac praeterea Petrus Paludanus, Adrianus, Petrus à Soto, & alii nominandi in sequenti propositione. Et certè res non videtur esse dubia. Nam poenitentia non dicitur propriè injungi, nisi à sacerdote, qui in particulari obligat praecepto suo poenitentem ad certa opera poenalia peragenda. Canones enim poenitenciales expriment quidem generatim, quae poenitentia quibus peccatis conveniat, sed quoniam non satis est ad justam poenitentiam imponendam scire quid congruat peccato secundum se, nisi simul attendantur variae circumstantiae, maxime circa personam poenitentis; idè non potest à Canone poenitentiali poenitentia absolutè injungi; neque ullus tenetur ad eam poenitentiam subeundam, quae notatur in Canone poenitentiali, nisi ab aliquo Judice injungatur. Pari ratione Deus non dicitur propriè injungere poenitentiam, sed exigere eam, quae sequitur ex natura rei, ad peccati gravitatem. Accedit praeterea, quòd cum Indulgentiae concessio secundum jura sit res odiosa, quippe quae relaxat

Oo 1 pr-

pœnitentiæ rigorem, ut rectè docet & probat Navarrus in tract. de Jubilæo Notab. 9. num. 9. non debent extendi verba literarum Pontificiarum ad pœnitentias injunctas largo modo, & improprie, sed restringi ad injunctas proprie, quales non sunt nisi eæ, quæ à sacerdotibus in sacramento pœnitentiæ injunguntur. Quæ enim definiuntur in canonibus, vel exiguntur, non possunt dici injuncta, nisi largo modo, & improprie.

Sexta conclusio: Cùm non sit mentio injunctarum pœnitentiarum, sed absolute conceduntur Indulgentia, intelligendum est, condonari omnes pœnitentias, sive injunctas sint, sive injungi potuerint. Hæc propositio est adversus graves auctores, Alexandrum Alensem in Summa Theologica par. 4. quæst. 23. memb. 2. Durandum, & Paludanum in 4. sentent. dist. 20. qu. 4. Adrianum VI. in 4. sentent. quæst. de Indulgentiis, 6. Sed ex hoc petes ulterius, Petrum à Soto lect. 2. de Indulgent. propè fin. & Card. Cajetan. tract. 15. cap. 7. qui docent, Indulgentias numquam dari, nisi de injunctis. Sed tamen habemus nostræ sententiæ patronos alios auctores, nec pauciores, nec minus graves, Sanctum Thomam in 4. dist. 20. quæst. 1. art. 3. Joannem Majorem in 4. distinct. 20. quæst. 2. 6. Dubitatur, Sylvestrum, verbo, Indulgentia, q. 2. num. 1. Dominicum à Soto in 4. dist. 21. quæst. 1. artic. 1. Michaelen Medinam disp. 4. de Indulgent. Ledesimium in 2. par. 4. quæst. 27. art. 2. Antonium Corduben. quæst. 9. de Indulgent. Navarrum tract. de Jubilæo Notab. 11. num. 18. & ex veteribus Canonistis Panormitanum, & Joan. Andream in cap. Quod autem, de pœnit. & remis. Denique facetur Cajetanus hanc esse communem sententiam, nec immerito; Nam illi quoque, quos pro ipso citavimus, excepto Petro à Soto, non tam aperte loquuntur, ut certum sit eos ejusdem esse sententiæ, quamvis in eam propendere videantur. Probat igitur nostra propositio, primò ex constitutione Extravagante Bonifacii VIII. quæ incipit, Antiquorum: in qua legimus, Indulgentiam datam esse plenam, largiorem, & plenissimam. At certè si non concederetur Indulgentia, nisi de injunctis pœnitentiis, satis fuisset dicere concedi plenam, sive plenariam. Quid igitur sibi vult plenior & plenissima? Adde quod auctor Glossæ in hanc Extravagantem scribit, Bonifacium de hac re interrogatum respondisse, per plenissimam Indulgentiam se intellexisse illam omnem Indulgentiam, ad quam se claves Ecclesiæ possunt extendere. Non potest autem dubitari, ut etiam Cajetanus, & Petrus à Soto fatentur, quin claves Ecclesiæ ad indulgendas pœnitentias non injunctas, sed tamen debitas in judicio Dei possint extendi. Adde præterea, quod Paludanus loco notato testatur, ab eodem Bonifacio fuisse prohibitum Pœnitentiarium, ne confitentibus peccata anno illo Jubilæi satisfactiones injungeret: Non igitur dubitari potest, quin Pontifex Bonifacius Indulgentias de non injunctis dare voluerit. Simile est, quod de Pio V. Pontifice Maximo & optimo testatur Bartholomæus ab Angelo, in libro Italico, qui inscribitur *Consolatione de pœnitenti*, lib. 1. cap. 4. pag. 13. scribit enim hic auctor, Pium V. privatim interrogatum, affirmasse, indulgentias absolute pronunciatas, non restringi ad pœnitentias injunctas, sed extendi etiam ad non injunctas. Et quamvis duo isti Pontifices non ediderint publicam hujus quæstionis explicationem per rescriptum aliquod Pontificium, tamen non est levis momenti tantorum virorum etiam privata sententia. Secundò probatur ex consuetudine nostrorum temporum. Nunc enim vix unquam injunguntur pœnitentiæ multorum annorum, & tamen Pontifices, qui hoc non ignorant, adhuc promulgant Indulgentias septem, vel

A decem annorum, atque alias similes; igitur non volunt Pontifices, hoc saltem tempore, Indulgentias restringere ad pœnitentias injunctas, sed extendunt etiam ad eas, quæ merito injungi possent si pœnitentiæ criminibus æquales injungerentur. Præterea, ut supra diximus, hoc tempore qui se parant ad Indulgentias consequendas, confiteri solent peccata sacerdoti, & injunctam satisfactionem implere, non igitur existimant, sibi tantum injunctas pœnitentias condonari, sed alias longè majores: quòd si hæc populorum existimatio non esset vera, manifestè falleretur populus, & hujus deceptionis causa in Prælatos Ecclesiæ referri posset. Denique in literis Indulgentiarum aliquando ponitur, ut sacerdotes imponant salutares pœnitentias iis, qui Indulgentias consequuturi sunt; non igitur Indulgentia earum literarum ad injunctas pœnitentias, sed ad non injunctas pertinet. Neque enim Pontifices relaxare intendunt pœnitentias illas salutares, quas jubent imponi.

C A P U T VIII.

Solvuntur argumenta contraria.

A Dversus doctrinam capitis superioris non desunt objectiones, vel calumniæ Lutheranorum, sed eas in librum sequentem differte maluimus. Hoc autem loco solum diluimus argumenta, quæ fieri solent adversus postremam propositionem capitis superioris.

Prima objectio. In jure Canonico additur particula de injunctis, cùm de Indulgentiis concedendis agitur; igitur ea particula subintelligi debet, etiam cùm non exprimitur. Debet enim Indulgentiarum concessio semper explicari ad formam juris. Id quod expresse testatur forma Indulgentiarum, quæ in sacello Pontificio promulgantur. Dicuntur enim dari Indulgentiæ secundum formam Ecclesiæ consuetam. Responsio. Additur quidem nonnumquam ea particula, De injunctis, in jure Canonico: sed sæpè etiam non additur; proinde nihil efficit hoc argumentum. Porro sæpè non addi eam particulam facile demonstrari potest. Nam in Extravaganti Antiquorum, in Extravaganti Unigenitus, in Extravaganti Quemadmodum, de pœnitent. & remis. numquam illius particulae sit mentio. Innocentius III. in Bulla expeditionis pro terra sancta recuperanda, quæ habetur in tomis Conciliorum post Concilium Lateranense, concedit plenariam Indulgentiam sine ulla mentione pœnitentiæ injunctæ. Gregorius VII. Pontifex in epistola ad Monachos Massilienses, & in aliis passim Indulgentias absolute concedit. Denique Sergius junior ante annos ferme 800. ut supra notavimus, Indulgentiam dedit trium annorum, & trium quadragenarum, sine ulla adjunctione de injunctis, vel non injunctis pœnitentiis. Ex quo intelligimus per formam Ecclesiæ consuetam non significari Indulgentiam de injunctis, sed aliam, quæ in suscipiendis Indulgentiis semper observantur, ut videlicet qui eas suscipit, si peccatorum lethalium conscientiam habeat, cor contritum gerat, cum proposito confitendi suo tempore eadem peccata sacerdoti, præterea preces fundat pro Ecclesiâ, pro summo Pontifice, pro aliis rebus in forma Indulgentiarum expressis; denique illa omnia perficiat, quæ pro assequenda Indulgentia præscribuntur.

Secunda objectio. Non dicuntur proprie remitti, nisi debita: nemo autem debitor est pœnitentiæ agendæ tribus, vel septem, vel pluribus certi numeri annis, nisi ea pœnitentia à sacerdote sibi fuerit injuncta; igitur cùm Indulgentiæ remittunt tres, vel septem,

prem, vel plures annos poenitentiae, de injunctis intelligenda sunt, etiam si forte nomen, injunctae, tacitum fuerit. Responsio. Fateor equidem, formam condonandi certum numerum annorum, vel dierum, vel quadragenarium poenitentiae ex antiquo usu relictam esse. Nam ideo certus numerus annorum, vel dierum in Indulgentiis exprimebatur, quia certus etiam numerus annorum, vel dierum poenitentibus injungebatur, ut eo tempore se in bonis operibus laboriosis, & poenalibus exercerent. Caterum hoc tempore non injungitur quidem poenitentia tam severa, tamen verè debitores sunt, qui peccata gravia commiserunt, poenitentiae agenda multis vel annis, vel diebus, & ideo per Indulgentias remittuntur hoc tempore poenitentiae certorum annorum, vel dierum, idest, remittitur debitum poenae, cui satisfecissent, si tot annis, vel diebus poenitentiam egissent.

Tertia objectio, Innocentius III. in Concilio Lateranensi, ut habemus cap. Cum ex eo, de poenit. & remis. restringit Episcoporum potestatem in Indulgentiis conferendis ad condonationem unius anni de injunctis poenitentibus. At si Indulgentiae secundum jura dari possent tam de injunctis, quam de non injunctis; Pontifex restringens solum Indulgentias de injunctis, inane decretum fecisset; voluit enim rescare Indulgentias superfluas, & indiscretas, per quas satisfactio poenitentialis, ut ipse loquitur, enervatur. Non autem rescasset, si possent Indulgentiae dari de non injunctis, de quibus ipse nihil decrevit. Quod si respondeas, Pontificem dum rescavit superfluas Indulgentias de injunctis poenitentibus, censeri majore ratione rescasse Indulgentias de non injunctis: contra objicietur, quod graviores sint poenitentiae injunctae, quam non injunctae, quia illae obstringunt coram Deo & Ecclesia, istae autem coram Deo tantum: & cum tollantur graviora, non censentur sublata etiam leviora. Responsio. Primum dici posset, injunctas poenitentias esse graviores aliquando & secundum quid, non injunctas autem ut plurimum & simpliciter; potest enim accidere, ut alicui poenitentia injungatur non quidem integra & aequalis, sed tamen ejusmodi, ut plus poenae per eam expietur, quam expiandum relinquatur; tamen ut plurimum longè plus est, quod expiandum restat per non injunctas poenitentias, quam quod expiatur per injunctas: pari ratione tanto minus est obstringi coram Deo, & coram Ecclesia ad agenda poenitentiam injunctam levissimam, & fortè unius horae, quam obstringi coram solo Deo ad perferendum cruciatum acerrimum multorum annorum: ut illud dici possit gravius secundum quid, hoc autem gravius simpliciter. Quare qui restringit Indulgentias de poenitentibus injunctis, jure censetur restringere etiam Indulgentias de non injunctis, si revera modum ponere voluit Indulgentiis. Deinde responderi potest brevius & facilius: in decreto Innocentii duas restrictiones contineri, unam quo ad tempus, ut non liceat Episcopis excedere unum annum in Indulgentiis condonandis: alteram quo ad genus, sive qualitatem, ut non liceat eisdem Indulgentias concedere absolutè, sed solum de injunctis poenitentibus; per hoc enim omnia quae possunt fieri, argumenta cessant. Est autem hoc loco observandum, quod quamvis non teneatur qui Indulgentias percipit, injunctam poenitentiam explet, nisi fortè Indulgentia minor sit quam debitum ipsius, aut impletio poenitentiae injunctae sit una ex conditionibus expressis in literis Pontificiis pro Indulgentia obtinenda: tamen hortandi, ac monendi sunt poenitentes, ut injunctam poenitentiam diligenter devotèque perficiant, tum quia poenitentia illa medicinalis, tum quia meritoria erit, tum quia fieri potest, ut Indulgentia, quam se percipitur sperat,

Controv. Card. Bellarm. Tom. II.

A ob aliquod impedimentum non verè percipiat; de qua re vide S. Thomam in 4. dist. 20. quaest. 1. art. 3. quaest. 1. ad 4. Panormitanum in cap. Quod autem, de poenitent. & remis. Gabrielem in supplemento 4. dist. 45. qu. 3. art. 2. proposit. 11. Angelum in Summa, verbo, Indulgentia, num. 1. Sylvestrum, verbo eodem, quaest. 9. num. 23. & Anton. Cordub. quaest. 10. de Indulgent. coroll. 4.

B Ex his quae hactenus dicta sunt colligi potest integra Indulgentiae definitio, quae talis erit; Indulgentia est absolutio judicialis à reatu poenae Deo debitae in foro poenitentiario, extra Sacramentum data per applicationem satisfactionum, quae thesauro Ecclesiae continentur. Quod si quis definitionem extendere velit ad Indulgentias, quae pro defunctis accipiuntur, quae sunt Indulgentiae per modum suffragii, non simpliciter, & absolutè: mutare poterit illud initium, Est absolutio judicialis à reatu &c. & dicere, Est remissio poenae &c. Porro Cajetani definitio, Indulgentia est absolutio à poena injuncta in foro poenitentiae, quae habetur tract. 15. cap. 2. partim videtur redundans, propter verbum, Injuncta, partim deficiens, propter omissam mentionem thesauri. Definitio Dominici à Soto in 4. dist. 21. quaest. 1. art. 1. Indulgentia est relaxatio poenae peccato debitae, quae extra Sacramentum fit, nimium est diminuta, cum neque explicet, an Indulgentia sit propriè absolutio, neque doceat à qua poena hominem liberet, neque thesauri mentionem faciat.

C A P U T IX.

De varietate Indulgentiarum.

E Xplicuimus hactenus de Indulgentiis, an sint, & quid sint, nunc quales sint paucis expediemus. Nihil enim aliud circa Indulgentiarum qualitatem queri posse video, nisi quae sit Indulgentiarum varietas. Invenio autem Indulgentias quinque modis consuevisse concedi. Interdum enim conceduntur aliquot dies, vel anni Indulgentiarum; Interdum quadragenae dierum, Interdum tertia, vel quarta, vel alia peccatorum pars; Interdum Indulgentia plenaria; Interdum Indulgentia plena, plenior, & plenissima in forma Jubilaei; & rursus haec omnia vel conceduntur in vita, vel in articulo mortis; & denique vel sunt Indulgentiae temporariae, vel perpetuae. Et quidem Indulgentia tot dierum, vel annorum, secundum veriore sententiam significat remissionem poenitentiae, quae peragenda fuisset tot diebus, vel annis, secundum Ecclesiae ritum. Constat enim ex Tertulliano in lib. de poenitentia, & apertius ex Concilio Triburiensi can. 54. & ex lib. 19. Burchardi, poenitentibus multa fuisse imperata, multa etiam interdicta, ut exempli gratia imperabatur jejunium feria 2. 4. & 6. interdicebatur usus balnei, equitationis, uxoris etiam interdum, potissimum sacrae communionis.

E Indulgentia quadragenae significat remissionem poenitentiae, quae quadraginta continuatis diebus in jejniis, aliisque laboriosis operibus agenda fuisset. Quae quadragena, quando imperabatur acrior, ita ut solo pane & aqua contenti esse deberent, qui eam peragebant, carena dici solebat, quod videlicet carentiam omnium ferè ciborum contineret. Ejusmodi carenam praemitti solitam ante septennem poenitentiam, testantur Concilium Triburiense, & Burchardus locis notatis. Porro cum Indulgentia condonat aliquam partem, ut tertiam vel quartam peccatorum, nihil significatur aliud, nisi remitti poenitentiam, quae pro tanta parte poenae peccatis debitae

expianda necessaria fuisset. Indulgentia verò plenaria totum poenae reatum tollit, qui post culpam remissam fortè remansit. Denique Indulgentia plenior, vel plenissima etiam in Jubilæo, re vera non differt à plenaria simpliciter & absolute concessa. Neque solida est illa quorundam distinctio, quod plena referatur ad solam poenam peccatis mortalibus debitam, plenior addat remissionem poenae debitam peccatis venialibus, plenissima adjungat absolutionem non solum à poena, sed etiam à culpa, saltem veniali. Posset tamen fieri ut Bonifacius VIII. qui in Extravaganti Antiquorum, primus usus est illis vocibus, Indulgentiam plenam, largiorem, & plenissimam, retulerit plenam ad remissionem totius poenitentiae junctae; plenior, sive largiorem ad remissionem totius poenitentiae, quae secundum Canones injungi debuisset; plenissimam, ad remissionem totius poenitentiae, quae à divino judicio posset exigi. Vide de hac tota re Joannem de Turrecremata in commentar. dist. 1. de poenitentia, super illud, Item in Levitico quæst. 4. Navarrum in tract. de Jubilæo Notab. 9. & 31. & Antonium Cordubensem quæst. 33. de Indulgentiis.

Existit autem hoc loco dubitatio, num Indulgentiae aliquot dierum, vel annorum hujus vitae, respondeat in Purgatorio relaxatio poenae totidem dierum, vel annorum. Et quidem omnes conveniunt, cum per Indulgentias condonantur poenitentiae aliquot dierum, vel annorum, consequenter etiam remitti poenam Purgatorii, quae poenitentiae condonatae responderet: sed utrum poenitentia unius diei, vel unius anni in hac vita tantum reatus poenae coram Deo expiare valeat quantum expiaret unus dies, vel annus in Purgatorio exactus, quæstio est. Nam Dominicus à Soto in 4. dist. 21. quæst. 2. art. 1. contendit poenam Purgatorii tanto esse acriorem poenis hujus vitae, ut unus dies in Purgatorio exactus multo amplius de reatu poenae peccatis debita detrahat, quam multi anni vitae praesentis in poenitentia severissime agenda consumpti. Ex quo ipse colligit, neminem quantumvis insignem peccatorem in Purgatorio poenam datum ad viginti annos, & fortasse ad decem vel pauciores. Sed communis sententia contrarium docet, ut videre est apud Paludanum in 4. dist. 20. quæst. 4. Adrianum in tract. de Indulg. §. Petet fortasse. Navarrum de Jubilæo Notab. 11. num. 22. Cordubensem quæst. 33. de Indulg. proposit. 3. & alios, quos citat Sylvester in Summa, verbo, Indulg. num. 8. Quamvis enim poena Purgatorii sit acrior omnibus poenis, quas in hac vita experti sumus, ut docent Sancti Patres, Augustinus in Psal. 37. Gregorius in Psalmum 3. poenitentialem, Beda in eundem Psalmum, Anselmus in commentar. capitis tertii prioris Epistolae ad Corinth. & Bernardus in serm. de obitu Humberti Monachi: tamen ad expiandum reatum poenae efficacior est poena voluntaria hujus vitae, quam poena acrior Purgatorii, quoniam hoc est tempus misericordiae, illud justitiae. Itaque in hac vita non est debitum ullum poenae tam grande, quod non possit uno die, vel etiam una hora per martyrium omnino dissolvi; pro quo tamen solvendo in Purgatorio vix multi anni sufficerent. Sic enim loquitur S. Cyprianus lib. 4. epist. 2. *Aliud est longo tempore pro peccatis cruciatum emendari, & purgari diu igne, aliud peccata omnia passione purgasse.* Quod idem de vehementissima contritione dici potest, de qua re multa exstant exempla in historiis. Sed illud unum hoc loco sufficiet, quod se praesente contigisse narrat Joan. Climacus in libro suo De scala Paradisi, grad. 4. scribit enim, latronem quendam omni genere scelerum cooptum tanto ardore animi peccata sua publice patefecisse, ut revelatum sit sanctis aliquibus viris ea om-

nia continuo illa satisfactione purgata fuisse atque deleta. Constat praeterea ex venerabili Beda lib. 5. historiae Anglicanae cap. 13., aliisque probatis auctoribus, plurimas animas in Purgatorio usque ad diem Judicii, idest, per multas annorum centurias cruciandas: cum tamen nulla sit multitudo, vel gravitas peccatorum, quae non possit in hac vita per poenitentiam deleri non solum quo ad culpam, sed etiam quo ad poenam. Denique legimus in auctoribus gravissimos viros aliquos sanctos ob unum solum peccatum non parvo tempore in Purgatorio cruciatis, ut patet de Paschasio Card. Romano apud S. Gregorium lib. 4. Dialogor. cap. 40. & de Severino Coloniensi Episcopo apud S. Petrum Damiani in epist. de miraculis sui temporis ad Desiderium, & de sancta quadam Virgine apud Gregorium Turonicum lib. de gloria Confessorum, cap. 5. In praesenti autem vita ejusmodi peccata levi ac brevi poenitentia dilui potuissent. Sed contra objici potest, quod aliqui homines rei sunt poenae luendae multis annorum millibus; quod probatur ex Indulgentiis, quae interdum continent condonationem poenitentiae quindecim, vel viginti millium annorum: at si longiori tempore reatus poenae expiatur in Purgatorio, & non potius tempore longè, ac longè breviori, quam in hac vita, sequitur omnino multa peccata post diem Judicii inexpiata mansura. Responsio. Non desunt, qui negent Indulgentias illas, quae continent condonationem poenitentiae multorum millium annorum esse à Pontificibus datas, & à Quæstuariis confectas dicant. Ita sentiunt Joan. Gerson in tract. de absolutione Sacramentali, & Dominicus à Soto in 4. dist. 21. quæst. 2. artic. 1. Pontifices enim non solebant Indulgentias concedere nisi tot annorum, quot annorum poenitentiae injungebantur: poenitentiae verò non solebant injungi nisi unius, duorum, trium, quinque, septem, decem, viginti annorum, aut ad summum per totam vitam, quae ultra centum annos porrigi non solet. Sed quicquid de hoc sit, non videtur negandum, posse aliquos reos fieri poenitentiae agenda secundum Canones per spatium aliquot millium annorum. Nam si peccatis lethalibus singulis debetur secundum Canones poenitentia trium, vel septem annorum, quis enumeret annos poenitentiae, qui secundum Canones praescribi deberent iis, qui consuetudinem habent pejerandi, vel blasphemandi ad singula propè momenta, & frequentissime homicidia, furta, sacrilegia, adulteria perpetrant, ac denique ut legimus in lib. Job cap. 15. *Bibunt quasi aquam iniquitatem?* Atque huc sine dubio respexerunt summi Pontifices, si qui sunt, qui revera Indulgentias dederint decem, vel viginti millium annorum. Sed quemadmodum in hac vita poenitentia multorum annorum potest una hora persolvi, si poenitentes temporis diuturnitatem vehementia charitatis, & extensionem poenitentiae intensione compensent: sic etiam fieri potest, ut in Purgatorio diutius quidem crucientur quam in hac vita, qui cum tam ingenti debito decesserint: tamen ibi quoque acerbicatis vehementia, faciat, ut debitum viginti millium annorum, annis trecentis, vel quadringentis expiari queat.

Jam verò de alia varietate, qua dicebamus, Indulgentias concedi in vita, vel in mortis articulo: nonnulla quæstio esse potest, quid intelligendum sit per mortis articulum. Sed responsio facilis est; nam si in literis Pontificiis exprimatur mortis articulus verus, tunc sine dubio non assequitur Indulgentiam illam, nisi qui re vera paulò post acceptam absolutionem moritur. Si verò non exprimatur, sed generatim dicatur, In mortis articulo, tum sententia communior est Indulgentiam obtineri etiam in mortis articulo praesumpto, quamvis revera mors non sequatur.

quatur. An autem qui Indulgentiam consequutus est in mortis articulo præsumpto, possit rursus eandem assequi cum iterum veniet ad mortis articulum, Doctores dissentiunt, sed istæ quæstiones ut plurimum ex inspectione literarum dissolvi possunt. Vide Navarrum de Jubilæo Notab. 30. num. 3. 4. & 5. & Cordubensem quæst. 39. de Indulg.

Restat ultima varietas de Indulgentiis temporariis, vel perpetuis. Dicuntur enim temporariæ, quæ conceduntur definito spatio temporum, quo Indulgentia percipi potest, ut cum definiuntur vigintiquatuor horæ, vel una, aut altera hebdomada, vel integer annus, ut in Jubilæis. Perpetuæ verò dicuntur, quæ sunt alligatæ certis locis, ut Ecclesiis, vel altaribus, vel etiam rebus mobilibus, ut Rosariis, vel Granis benedictis, sine ulla temporis determinatione, quales fuerunt, quas concesserunt Leo III. & Sergius II. ut annotavimus supra cap. 3.

CAPUT X.

Utilem esse Indulgentiam omni hominum generi.

JAM verò de utilitate Indulgentiæ breviter dissendendum est, ut ad illam etiam quæstionem respondeamus, Propter quid, sive cuius rei gratia Indulgentia detur vel accipiat. Sed de causa, cur Indulgentia detur, disputandum erit paulò post, cum explicabimus quid requiratur in eo, qui Indulgentiam concedit. Ostendimus enim requiri duo, auctoritatem legitimam, & causam piam. Nunc solum de causa cur Indulgentiæ quærantur, & accipiuntur, dicendum est. Et quidem, dubitari non potest, quin potissima causa sit remissio poenæ temporalis. Hic enim est fructus, hæc præcipua utilitas Indulgentiæ. De qua re id solum quæri potest, an sit utilis omnium hominum generi remissio poenæ temporalis. Lutherus enim, præter alios errores suos, id etiam docuit, Indulgentias non esse utiles nisi publicis & sceleratissimis peccatoribus, ut perspicuum est ex assert. art. 18. Sed apud Catholicos res certissima est, Indulgentias omnibus esse utiles, & ab iis etiam, qui perfectioni dant operam, rectè quæri, & suscipi posse. Nam omnibus utile est liberari ab iis rebus, quæ retardare possunt adeptionem summi boni, talis autem est reatus poenæ temporalis, cum quo si quis ex hac vita migraverit, non poterit continuò pertingere ad vitam æternam, sed expiare debet eum reatum in locis purgatorii. Præterea, Indulgentiæ non solum expediunt ab impedimento jam dicto, sed etiam contra non impediunt ullum bonum meritum, aut ullum majus bonum: neque enim prohibentur, qui suscipiunt Indulgentias, operam dare jejuniis, elemosynis, precibus, aliisque operibus bonis. Quare nulla ratio est, cur non sint dicendæ utiles, & salutes omni hominum generi. Sed obijciunt aliqui, Perfectorum hominum non est fugere poenas, sed eas potius quærere, tum ob exercitium patientiæ, tum ob imitationem Christi patientis. *Christus enim passus est pro nobis, relinquens nobis exemplum, ut sequamur vestigia ejus.* 1. Pet. 2. Responsio. Perfectorum est non fugere poenas, quæ juvant ad promerendum Deum, & promovent ad salutem citius acquirendam, quale est Martyrium, & aliæ poenæ spontè susceptæ, atque ad ejusmodi poenas libenter perferendas Sanctus Petrus adhortatur. Est tamen perfectorum fugere debitum poenæ, cum per illud impediuntur & retardentur, ut diximus, ab ingressu patriæ cœlestis. Immo propterea quærant poenas hujus vitæ, & severam poenitentiam agunt, ut liberentur à reatu illo, &

Contrav. Card. Bellarm. Tom. II.

A non cogantur post mortem diutius in Purgatorio poenas dare. Quare libentissimè propter eandem causam suscipiunt Indulgentias, ut tanto facilius à reatu illo expediantur.

B Obijciunt rursus, Indulgentia non est opus meritorium, sed solum satisfactorium, non igitur utilis est Perfectis, qui modica, vel nulla satisfactione indigent. Responsio, Indulgentia per se non est meritoria, sed satisfactoria: tamen meritoria etiam esse potest ratione operis injuncti. Si quis enim ex charitate Dei injuncta opera exequatur, jejunia, elemosynas, preces & similia, sine dubio per hæc opera ex charitate facta meritum non exiguum sibi parabit. Ipsa quoque susceptio Indulgentiæ meritoria erit, si quis eam ex amore Dei suscipiat, ut expeditus reatu illo poenæ liberius ad ipsum Deum videndum, & perpetuò laudandum evolare possit. Et quamvis viri perfecti modica satisfactione egeant, tamen rari sunt, qui non aliqua egeant, ac per hoc non sint illis etiam utiles Indulgentiæ.

C Denique obijciunt ex communi sententia utilius esse pro se propriis operibus satisfacere, quàm alienam satisfactionem quærere; Responsio: Utilius quidem est, & tutius pro se satisfacere, quàm Indulgentias quærere, sed utroque utilius est illud facere, & istud non omittere; & hoc est, quod boni auctores consulunt, ut qui suscipiunt Indulgentiam, non cessent à poenitentiae fructibus producendis, qui meritorii, & medicinales plerumque esse solent, & utilius est, duobus pedibus iter facere, quàm uno tantum.

Præter hanc utilitatem sunt etiam aliæ adjunctæ, quando in forma Jubilæi Indulgentiæ publicantur. Nam & datur facultas eligendi Confessarium, ex approbatis tamen, juxta decretum Concilii Tridentini sess. 23. cap. 15. nam alioqui non judicantur idonei confessarii, & Summus Pontifex in Jubilæis non permittit facultatem non idoneos eligendi. Item datur auctoritas confessariis absolvendi à multis casibus reservatis, multisque censuris Ecclesiasticis, necnon vota nonnulla in alia pia opera commutandi, atque alia id genus, quæ notissima sunt. Sed existunt hoc loco dubitationes duæ.

D Prima. Si quis tempore Jubilæi absolutionem à reservatis accipiat, & postea tamen negligat ea perficere, quæ ad Indulgentiam consequendam necessaria sunt, an absolutio illa rata sit. Responsio communis est, ratam esse, quoniam absolutio non pendet à futura conditione, neque pendere potest.

Altera dubitatio. Si quis spe futuri Jubilæi in peccatum reservatum spontè incidat, an ab eo peccato possit absolvi? Respondent aliqui, non posse, in quibus est S. Antoninus 1. par. tit. 10. cap. 3. §. . . Sed alii contra sentiunt, ut Navarrus in tract. de Jubilæo, Notab. 34. num. 4. & 6. Cordubensis quæst. 37. de Indulgent. proposit. 3. & alii.

CAPUT XI.

Quis possit Indulgentias concedere.

SEQUITUR nunc, ut explicemus, quid requiratur ad hoc ut Indulgentia rata sit, tum ex parte concedentis, tum ex parte suscipientis. Et quidem ex parte concedentis duo requiri videntur, auctoritas legitima, & causa justa: ex parte suscipientis alia duo, status gratiæ, & executio operis injuncti. De quibus ordine dicendum erit. Principio igitur auctoritatem requiri extra controversiam est, nam absolvere, vel ligare non potest, nisi is, qui jurisdictionem habet; Indulgentias autem dare, absolvere est, ut supra demonstravimus ex cap. Quod autem, de poenit. & remiss.

miss. Præterea, distribuere bona communia non potest nisi Magistratus, vel Princeps, cui bonorum communium administratio, & dispensatio credita est: Indulgentiæ verò præter absolutionem, continent etiam applicationem thesauri spiritualis, ut ostendimus loco notato. Porro hæc auctoritas potissimum residet in Summo Pontifice, ac propterea potest ipse Indulgentias etiam plenarias omnibus fidelibus elargiri. De qua re nulla dissentio est. Nam constat Apostolo Petro, cui Summus Pontifex succedit, propriè dictum esse à Domino Matth. 16. *Quodcumque solveris &c.* Deinde constat ex iure Canonico, cap. Cum ex eo, de poenit. & remis. in Summo Pontifice ad Indulgentias concedendas esse plenitudinem potestatis. Denique constat, re ipsa frequentissimè summos Pontifices Indulgentias plenarias concessisse.

De Episcopis, ac Metropolitanis res est etiam extra controversiam, posse illos in sua diocesi, istos in sua Provincia Indulgentias tribuere, sic tamen, ut Indulgentiam unius anni in die Dedicationis Ecclesiæ vel quadraginta dierum aliis temporibus, de injunctis poenitentis non excedant. Ita enim habemus cap. Cum ex eo, & cap. Nostro, de poenit. & remis. & cap. Indulgentiæ, eodem in 6. Nec minus certum est, non requiri potestatem ordinis, sed solam potestatem Jurisdictionis ad Indulgentias concedendas. Proinde poterit Pontifex Maximus, vel Episcopus Indulgentias concedere, etiam si nondum sit sacris Ordinibus insignitus, ut docet S. Thom. in 4. dist. 20. quæst. 1. art. 4. quæstiuncula 2. Neque amittitur hæc potestas per peccatum lethale, ut idem S. Thomas docet in eodem art. 4. quæstiunc. 4.

De Legatis Apostolicis, posse eos concedere ex commissione speciali, vel generali summi Pontificis Indulgentias in omni loco, ad quem suæ legationes se extendunt, nemo dubitat. Summum Poenitentiarium, posse concedere centum dies Indulgentiæ testatur Petrus Paludanus in 4. dist. 20. quæst. 4. art. 2. quod idem de aliis Cardinalibus testatur Navarrus in tract. de Jubilæo, Notab. 31. num. 17. quamvis id magis consuetudine, quam lege nitatur. Atque hæc quidem videntur esse certa & rata. Nunc de iis, quæ dubia sunt breviter differemus. Primum igitur De Concilio Generali quæri potest, an possit plenarias Indulgentias dare. Id enim affirmant Felinus, in serm. de Indulgent. num. 28. Dominicus à Soto. in 4. dist. 21. quæst. 1. art. 4. Navarrus de Jubilæo, Notab. 31. num. 2. & Cordubensis quæst. 12. de Indulgent. proposit. 8. Quamvis autem neminem legerim, qui expressè doceat Concilium Generale non posse id facere: tamen videntur hoc sentire omnes alii auctores, qui scribunt ad solum Pontificem summum spectare potestatem concedendi plenarias Indulgentias, & de Concilio Generali nihil dicunt. Et sanè verissima mihi esse videtur posterior hæc sententia; Nam nullum hujus rei exemplum habemus, nisi Concilii Basileensis sess. 24. quod Concilium eo tempore Schismaticum erat, neque ejus decreta, & multo minus exempla certam fidem faciunt. Concilium autem Constantiense sess. 17. prope fin. Indulgentias concedit non plenarias, sed solum centum, vel quadraginta dierum, quod rectè poterat facere, cum in eo Concilio essent multi non solum Episcopi, & Archiepiscopi, sed etiam Cardinales. Præterea primus, qui docuit à Concilio Generali concedi posse plenarias Indulgentias, & quem Felinus aliique secuti sunt, Panormitanus fuit in serm. habito in Synodo Basileensi, ut Felinus refert. Quid autem mirum si Panormitanus hoc docuit in eo loco, ubi Concilium supra Papam esse clamabant omnes? Postremò Concilium Generale, secluso Papa, non habet Papalem aucto-

ritatem, nec formaliter, nec eminenter, nec ullo alio modo, ut rectissimè Cajetanus docet & probat tract. 1. de auctorit. Papæ, & Concilii cap. 11. & 12. & tract. 2. cap. 6. & nos etiam docuimus, & probavimus in lib. 2. de Conciliis cap. 16. Non igitur potest Concilium, secluso Papa, ea facere, quæ propriè ad Summum Pontificem pertinent, sed ea solum, ad quæ se extendit Episcopalis auctoritas. Constat autem non posse Episcopos, etiam multos simul conjunctos Indulgentiam dare, nisi unius anni, vel quadraginta dierum, ut expressè habetur cap. Cum ex eo, de poenit. & remis. & cap. Indulgentiæ, eodem in 6.

Altera dubitatio est de jure, quo Episcopi possunt Indulgentias elargiri. Aliqui enim existimant, Episcopos jure divino id posse, alii negant. Sed hæc quæstio ex alia pendet, utrum Jurisdictionem Episcopi accipiant à Deo immediate, an verò per summum Pontificem. Quam quæstionem nos explicuimus in lib. 4. de summo Pontifice, cap. 23. & duobus sequentibus, neque est cur hoc loco eadem repetamus. Igitur juxta ea, quæ loco notato diximus, existimamus Episcopos à Summo Pontifice jurisdictionem omnem, ac per hoc potestatem Indulgentias conferendi accipere. Cujus rei argumentum est etiam, quod videamus à summo Pontifice restrictam & limitatam Episcopis hanc potestatem fuisse, neque dubium est, quin ab eodem penitus tolli, vel etiam augeri & extendi possit. Quod si adeò immediate illam haberent, posset quidem Summus Pontifex interdiceret illis usum ejus potestatis, tamen si obstinatè ea uti vellent, non posset Summus Pontifex impedire, quominus ratum esset, quod illi fecissent. Quemadmodum cum Pontifex alicui Episcopo interdicit, ne utatur facultate, quam habet à Deo, conferendi Sacramentum Confirmationis vel Ordinis, peccat quidem Episcopus non obtemperans Pontifici Maximo, tamen collatio illa Sacramenti Confirmationis, vel Ordinis rata est: neque videtur posse reddi ulla ratio, cur possit Summus Pontifex efficere, ut Indulgentia ab Episcopo concessa non sit rata, & non possit idem efficere de collatione Sacramenti Confirmationis, vel Ordinis, nisi quia priorem potestatem habent Episcopi à Pontifice, posteriorem à Deo.

Tertia Quæstio est de Abbatibus, Parochis, aliisque Sacerdotibus, an possint Indulgentias tribuere; Nam Abbates jurisdictionem habent in suos Monachos, non secus ac Episcopi in populum. Solent etiam tum Abbates, tum alii ordinum Religiosorum Præpositi communicare cum aliis merita, & satisfactiones suorum ordinum: quod nihil esse videtur aliud, nisi Indulgentias quasdam tribuere: Denique Angelus in Summa, verbo, Indulgentia, num. 5. & Bartholomeus Fumus in Summa, verbo, Indulgentia, num. 2. docent, omnes Parochos, aliosque Sacerdotes, qui jus habent confessiones audiendi, posse in ipso Sacramento confessionis Indulgentias concedere, remittendo id quod superest expiandum, quando minor poenitentia injungitur, quam ut sufficiat ad totam poenam peccatis debitam exhaustiendam, & adducunt pro hac sententia Innocentium in comment. cap. Cum ex eo, de poenit. & remis. Panormitanum in cap. Sicut dignum, de homic. volunt. & alios Juris Canonici Interpretes. At sententia communis contrarium docet, nullos omnino Sacerdotes Episcopis inferiores posse jure communi tribuere Indulgentias, sed solum ex commissione Pontificis Maximi, vel Episcoporum. Nam extat expressus textus juris, cap. Accedentibus, de excess. Prælatorum, ubi habetur, non licere Abbatibus, neque aliis quibuscumque inferioris ordinis, quam Episcopalis, Indulgentias concedere.

Præterea S. Thomas in 4. dist. 20. quæst. 1. art. 4. quæstiuncula 1. pulchrè docet, nullos esse absolute Prælatos, nisi Episcopos, ipsi enim sunt Rectores integri populi, & quasi Reges in parvo regno, atque ita præstant hominibus omnium ordinum, ætatum, sexuum, conditionum; Abbates autem sunt quasi Patres unius familiæ, ac domus, & præstant solis Monachis. Parochi quoque non præstant, nisi uni parochiæ quasi uni familiæ: potestas autem dispensandi thesaurum Ecclesiæ non convenit nisi veris Prælati, qui sunt Principes populi Dei. Quare tum ipsi Abbates, tum Parochi, alique omnes sive clerici, sive laici, sive Regulares, sive sæculares aliquo modo subiciuntur Episcopo, & ideo participes fieri possunt Indulgentiæ ab Episcopo in commune propositæ, ut docet Paludanus in 4. dist. 20. quæst. 4. art. 3. concl. 1. sicut etiam tenentur, licet alias Regulares ut plurimum sint exempti, dies festos ab Episcopo toti civitati indictos observare. Verum tamen est, quod si opus injunctum ab Episcopo pro Indulgentia consequenda, non possit impleri à Regularibus absque Præpositi facultate, tenentur eam facultatem à Præposito petere, si velint Indulgentiæ participes fieri; non enim debet regularis observantia propter assequendas Indulgentias violari, vel relaxari, ut monet S. Thomas in 4. dist. 20. quæst. 1. art. 5. quæstiuncula 2. Neque his repugnat communicatio illa meritorum, vel satisfactionum, quas Præpositi ordinum Religiosorum bene merentibus de ipso ordine concedere solent. Illa enim communicatio non est Indulgentia, ut perspicuum est, tum quia non absolvit à poenitentia injuncta à Sacerdote in Sacramento poenitentiae, tum quia non communicat merita, vel satisfactiones jam præteritas, cum illæ si superflue fuerunt, in thesauro reconditæ sint, sed solum futuras post illam communicationem: tum quia ista communicatio magna ex parte prodest per modum impetrationis, quod non convenit Indulgentiis. Orant enim religiosi assidue pro sua Congregatione, pro amicis & benefactoribus, & pro aliis, vel personis, vel necessitatibus ad intentionem Præpositorum. Neque Innocentius, aut Panormitanus ab Angelo, & Bartholomeo allegari loquuntur de Indulgentiis, sed solum dicunt, posse Parochum, & alios Confessarios injungere poenitentiam minorem, quam Canones præscribant, si eis videatur ita esse faciendum justis de causis. Sed hoc non est dare Indulgentiam, quia quod minus illi injungunt, expiandum erit, vel in hac vita per opera poenalia sponte assumpta, vel in Purgatorio. Vide Silvestrum verbo Indulgentia n. 12. Cordubensem de Indulgent. quæst. 12. & Navarrum de Jubilæo Notab. 31. num. 9.

CAPUT XII.

An requiratur causa justa, ut Indulgentia sit rata.

Differuimus de auctoritate, nunc de causa differendum est. Nam hæc duo requiri diximus, ut Indulgentia rite concedatur. Ac ut sejungamus certa ab incertis. Convenit primò inter omnes scriptores, sine justa causa ratam esse Indulgentiæ concessionem, quo ad ea, quæ pendent ex solo jure Ecclesiastico, qualia sunt privilegia eligendi confessarium, qui possit etiam à reservatis peccatis absolvere, & alia id genus. Docet Navarrus de Jubilæo, Notab. 15. num. 12. & Dominicus à Soto in 4. dist. 21. quæst. 2. art. 2. concl. 2. & ratio est, quoniam cum Summus Pontifex dispensat in jure Ecclesiastico, dispensatio est rata, etiam si non adsit causa justa. Satis enim

A est, si constet, eum voluisse dispensare, cum id totum ab ejus arbitrio & voluntate dependeat.

B Secundo convenit inter omnes, sine justa causa, Indulgentiam non esse ratam, quod attinet ad expiandum reatum poenæ coram Deo, vel in hac vita, vel in alia. Docent S. Thomas, S. Bonaventura, Durandus, Gabriel, & alii, in 4. dist. 20. & recentiores omnes. Ratio verò est, quoniam hæc poena expianda est jure divino, non potest autem summus Pontifex sine justa causa dispensare in iis, quæ aliquo modo pertinent ad jus divinum, quoniam minister Dei est, non dominus. Id quod etiam videmus accidere in dispensatione juramenti, & voti; relaxat enim obligationem nomine Dei, quando causam habet ejusmodi, ut credibile sit id placitum Domino. Quod si pro arbitrio, sine ulla justa causa dispense, Deus non habet ratam dispensationem. Præterea summus Pontifex non solum non est supra jus divinum, ut possit illud pro arbitrio tollere, sed neque est dominus, sed dispensator thesauri spiritualis, dispensator autem fidelis, & prudens esse debet, alioqui non dispensator, sed dissipator dicendus erit. Quare Clemens VI. in Extravaganti, Unigenitus, cum scribit, summum Pontificem posse thesaurum spirituales dispensare, addit, justis ex causis, & post finem Concilii Constantiensis in Constitutione Martini V. interrogari jubentur suspecti de fide, an credant, Summum Pontificem Indulgentiam justis de causis posse concedere, & semper in literis Indulgentiarum exprimitur causa, cur Indulgentiæ concedantur. Denique cur dicuntur in Concilio Lateranensi Generali sub Innocentio III. Indulgentiæ quædam non solum indiscretæ, sed etiam superflue, nisi quia otiosæ, inanes, & irritæ sunt? de quibus rectè dici potest illud S. Cypriani serm. de lapsis, Irrita pax, perniciofa dantibus, & nihil accipientibus profutura.

C Terriò convenit inter omnes, ad justam causam non requiri, ut opus injunctum sit in se ita satisfactorium, ut plenè compense debeat poenæ, quod remittitur per Indulgentiam; tunc enim Indulgentia non esset remissio, sed commutatio, vel redemptio. Quæstio igitur in eo solum versatur, an ad justam causam requiratur proportio aliqua operis injuncti cum Indulgentia, ita ut pro majori Indulgentia major causa requiratur, an verò possit pro opere minimo dari Indulgentia maxima. De qua re duæ sunt opiniones; prior est eorum, qui docent, non requiri proportionem ullam, sed satis esse, si causa sit pia, idest, modò non concedatur Indulgentia pro opere malo, vel pro opere merè temporali, aut pro opere vano, & nihil ad divinam gloriam pertinente, sed pro quocumque opere, quod ad honorem Dei, vel Ecclesiæ utilitatem cedat, Indulgentia rata erit. Ita docuit S. Thomas in 4. dist. 20. quæst. 1. art. 3. quæstiuncula 2. Durandus, & Paludanus in eadem distinct. 20. quæst. 4. S. Antoninus 1. par. tit. 10. cap. 3. §. 1. Joannes de Turecremata in comment. dist. 1. de poenit. can. Quis aliquando, §. Item in Levitico, quæst. 4. Glossa in Extravagantem Bonifacii VIII. Antiquorum, de poenit. & remis. Silvester in Summa, verbo, Indulgentia, num. 19. Joan. Tabienfis, verbo, Indulg. num. 10. & noster Gregorius de Valentia in tract. de Indulg. cap. 7. Rationes hujus sententiæ ducuntur ferè omnes ab usu Ecclesiæ. Nam videmus pro eadem causa dari Indulgentias aliquando majores, aliquando minores. Item videmus interdum pro causa levissima dari Indulgentias maximas, ut cum datur Indulgentia plenaria omnibus, qui ante fores Basilicæ S. Petri astant, dum summus Pontifex in die Paschæ populo solemniter benedicit. Ad hæc si Indulgentiæ, sine causa satis magna concessæ, non essent ratæ, Christianus populus à Pastoribus

floribus suis graviter deciperetur, quod non videtur ullo modo asserendum. Præterea commune pronunciatum Theologorum est, Indulgentias valere, quantum sonant: igitur si pro levissima causa indulgentia maximè in literis Pontificiis dari significetur, indulgentia illa rata esse debet. Denique Indulgentiæ non nituntur ista causa operis injuncti, quamvis hæc etiam adesse debeat, sed thesauro infinito meritorum Christi, & Sanctorum, quæ est causa sufficiens, immò superans, & transcendens omnem Indulgentiæ condonationem.

Posterior sententia est aliorum, qui contendunt ad justam causam requiri aliquid non solum pium & utile, sed etiam quod proportionem habeat cum Indulgentia, ita ut non sit ratum, si detur pro causa levissima Indulgentia maxima. Ita docent ex veteribus Scholasticis S. Bonaventura in 4. dist. 20. par. 2. quæst. ult. Richardus in eadem dist. 20. quæst. ult. Augustinus de Ancona in Summa de potestate Ecclesiæ quæst. 20. art. 4. & 5. Joan. Gerson in tract. de Absolutione sacramentali. Gabriel in supplemento 4. dist. 45. quæst. 3. art. 1. & in Canonem Missæ lect. 57. Ex auctoribus nostri sæculi idem docuit Adrianus Papa in 4. in tract. de Indulg. Cardin. Cajetanus in tract. de causa Indulgentiæ, & in alio tractatu ad Julium Medicem cap. 8. Joan. Major in 4. dist. 20. quæst. 2. Martinus Ledesmius par. 2. 4. sent. quæst. 27. art. 2. Dominicus à Soto in 4. dist. 21. q. 2. art. 2. Petrus à Soto lect. 2. de Indulg. Navarrus de Jubilæo Notab. 5. num. 3. & 4. Cordubensis quæst. 20. de Indulg. His addi possunt Innocentius in cap. Quod autem, de poenit. & remiss. & Felinus in serm. de Indulgentiis. Hujus posterioris sententiæ rationes hæc sunt. Prima, quoniam videntur abuti vocabulis, qui dicunt, requiri justam causam ad concessionem Indulgentiarum, & tamen volunt pro opere quorumque etiam levissimo concedi posse Indulgentiam maximam. Quomodo enim justa causa dici potest, quæ nullam habet proportionem cum effectu? Secunda, quoniam non solum infidelis dispensator dicitur, qui nulla de causa donat bona domini sui, sed etiam qui pro re minima profudit, ac prodegit thesauros pretiosos ejusdem domini sui. Tertia, quoniam si pro quacunque pia causa concessæ Indulgentiæ, ratæ essent, nullæ dici possent superflue, vel indiscretæ, cum semper sit in promptu aliqua pia causa, quæ allegari possit. Quarta, quoniam non est dissimilis Indulgentiæ, largitio dispensationi votorum. In votis autem conveniunt omnes, non posse dispensari nisi pro maxima causa, quæ magis placeat Deo, quàm ipsa impletio voti. Quinta, quoniam si esset vera ea sententia, posset summus Pontifex in momento liberare omnes animas Purgatorum: quia posset dici non deesse causam piam, cum ad gloriam Dei pertineat, ut tot animæ citissime volent ad cælum, ubi perpetuo Deum laudabunt. Possunt fortasse conciliari hæc sententiæ aliquo modo: sed absolute posterior, ut est communior, ita etiam verior mihi esse videtur. Sed ut magis res explicetur, observandum est primum, ad causam justam ut plurimum duo requiri, primum finem aliquem pium, ac Deo gratum, cujus assecutio magis placeat Deo, quàm poenitentialis satisfactio, quæ per Indulgentiam relaxatur. Is enim fidelis, & prudens est dispensator celestis thesauri, qui fideliter agit causam domini sui, & juxta ejus voluntatem operatur. Secundò opus aliquod, per quod revera finis ille probabiliter obtineri possit. Nam si finis quidem valde placeat Deo, sed per opus injunctum nullo modo valeat obtineri, non videtur justa causa dandæ Indulgentiæ. Ut exempli gratia, si detur Indulgentia plenaria iis, qui semel recitant orationem Domini-

A cam pro conversione Hæreticorum causa non videbitur justa, quoniam tametsi conversio Hæreticorum res est maxima, & Deo gratior, quàm poenitentialis satisfactio multorum fidelium, tamen non est probabile convertendos Hæreticos per eam solam, brevissimamque orationem. Quomodo etiam si detur Indulgentia iis, qui nummum unum exponunt pro recuperanda Hierosolyma, non videbitur justa causa tantæ Indulgentiæ, quia opus illud non est ejusmodi, ut per ipsum Hierosolyma recuperari possit. Observandum est secundum, non requiri ad proportionem causæ cum Indulgentia, ut opus injunctum sit in se valde meritorium, vel satisfactorium, vel difficile, & laboriosum, quamvis hæc etiam spectari debeant, sed requiri, ut sit medium aptum, atque utile ad consequendum finem, cujus gratia conceditur Indulgentia. Itaque fieri potest, ut per opus in se satis leve & facile magna Indulgentia acquiri possit, quoniam opus illud leve, ac facile est medium ad finem Deo gratissimum assequendum. Talis est exempli gratia, assistentia illa præ foribus Basilicæ S. Petri Romæ, dum Summus Pontifex solemnè cæremonia populo benedicit. Illam enim assistentiam prior opinio rem levissimam & causam minimam appellabat, talis enim est si per se absolute consideretur. At eandem assistentiam posterior opinio magnam causam & justam esse diceret, quoniam frequentia illa populi eo tempore medium est aptum, & utile ad protestationem fidei de capite Ecclesiæ, atque ad honorem sedis Apostolicæ, qui est finis illius indulgentiæ. Observandum est tertio, non eodem modo judicandum esse de causa Indulgentiæ, cum datur uni alicui particulari, & cum datur in commune multis. Nam cum datur uni particulari, oportet ut opus injunctum illi soli, sit proportionatum fini, cujus gratia datur Indulgentia: at cum datur in commune multis, non est necesse, ut opus singulorum, sed tantum ut opus omnium simul sit proportionatum fini. Arque hinc accidere potest, ut Indulgentia maxima sit justissima, etiamsi opus injunctum singulis videatur leve. Exempli causa, si necesse sit ædificari Basilicam, vel Xenodochium, & detur Indulgentia septem, vel decem annorum, vel etiam plenaria conferentibus certam auri summam: si respiciatur opus singulorum, non videbitur causa justa, sed tamen si tota summa ab omnibus collata consideretur, jam erit justa causa, quia poterit iis sumptibus ædificari Basilica vel Xenodochium, quæ ædificatio erit gratior Deo, & utilior Ecclesiæ, quàm poenitentialis satisfactio, quæ per Indulgentiam relaxatur. Observandum est quarto, supra dictum esse, plerumque in causa justa duo contineri, finem, & media ad finem: quoniam aliquando solus finis satis esse videtur, sine ullis mediis, idest, sine aliquo opere injuncto, quando videlicet finis non pender ab aliquo opere, & per se sufficit ad Indulgentiam justam efficiendam. Sic olim ad petitionem Martyrum (ut supra ex Tertulliano, & Cypriano probavimus) dabatur Indulgentia sine aliquo opere injuncto, quia judicabat Ecclesia satis magnam causam esse, petitionum Martyrum, ut videlicet homines ad Martyrium accenderentur, cum viderent tanti fieri Martyrum preces. Vocantur autem in his locis Martyres, qui in carceribus inclusi, & jam aliquid passim fuerant quod confessionem fidei, & consummationem Martyrii expectabant. Quomodo etiam in articulo mortis hominibus bene meritis de Ecclesia dantur aliquando Indulgentiæ, neque opus ullum injungitur, quia videtur causa esse satis justa ipsa necessitas extrema conjuncta cum præcedentibus meritis. Ita legitur Gregorius VII. Indulgentias sine ullo injuncto opere dedisse, lib. 1. epist. 34. lib. 2. epist. 61. & lib. 6. epist. 15.

epist. 15. Itaque sine opere inuncto concedi potest aliquando Indulgentia, sine causa verò, eaque iusta & rationabili numquam potest. Observandum est ultimò, iustam quidem semper causam requiri, sed non esse subditorum iudicare, utrum causa sit iusta, vel iniusta: debent enim simpliciter existimare iustam esse. Nihilominus tamen sicut probandum non est, quod aliqui pro zelo, sed nimio fortasse de Indulgentiis quibusdam, levibus de causis concessis obloquuntur, quod faciunt Joan. Gerson in tract. de Absolutione sacramentali, Dominicus à Soto in 4. dist. 21. quæst. 2. art. 2. conclus. 5. & Andreas Vega in Concilium Tridentinum lib. 13. cap. ultimo; Sic laudandus merito est Clemens VIII. Pontifex Maximus, qui nunc sedet, quod decretum Concilii Lateranensis sub Innocentio III. de moderandis indiscretis Indulgentiis, & decretum Concilii Tridentini sess. 25. de revocandis Indulgentiis ad veterem, & probatam Ecclesie consuetudinem, executioni mandare studet. Veteres enim parcissimos fuisse in Indulgentiis conferendis notissimum est. Siquidem Sergius II. (ut citavimus cap. 3.) trium tantum annorum Indulgentiam dedit; & Paschalis II. quadraginta solum dierum. Testatur quoque Innocentius III. capite, Cum ex eo, de poenitent. & remis. Apostolicam Sedem solitam esse ordinariè non extendere Indulgentias ultra condonationem poenitentiae unius anni, vel quadraginta dierum; & iuxta hoc Innocentii dictum, Nicolaus IV. in Indulgentiis variis, quas concessit Ecclesie Sanctæ Prædix, quæ leguntur in introitu cappellæ S. Zenonis, numquam excedit annum unum, vel dies quadraginta. Denique S. Thomas in 4. dist. 20. quæst. 1. art. 3. quæstiuncula 2. ad 4. scribit, venientibus ad limina Apostolorum ex regionibus ultramarinis dari Indulgentiam quinque annorum; ex regionibus ultramontanis, trium annorum, ex aliis locis vicinioribus, unius anni duntaxat.

Ex his ad argumenta pro priore opinione facile responderi potest. Ad illud, quod propter eandem causam dentur Indulgentiæ modò majores, modò minores, responderi potest, id posse accidere duplici de causa: aliquando enim datur Indulgentia minor, quam pro magnitudine causæ dari posset, & hoc modo datur pro eadem causâ modò major, modò minor Indulgentia, & numquam superat Indulgentiæ magnitudo magnitudinem causæ. Potest etiam fieri, ut idem opus bonum sit uno tempore magis proportionatum fini, cuius gratia datur Indulgentia, & magis utile, vel necessarium, quam alio tempore, ut vigente magna necessitate eadem eleemosyna plus conferret ad subsidium pauperum, quam si ea charitas annonæ non vigeret: & imminente gravissimo periculo eadem oratio cum eodem jejuniis, & eleemosyna magis necessaria erit ad placandum Deum, quam si illud periculum non immineret. Ex quo sequitur, ut idem sit opus bonum secundum se, sed ex accidente diversum, & causa re vera non sit eadem, & ideo non sit mirum, si dentur variæ Indulgentiæ pro illo opere, quod uno tempore majorem causam, alio tempore minorem offert.

Ad aliud, quod pro causa levissima dentur Indulgentiæ maximæ, jam supra responsum est, id fieri, quoniam causa, quæ est in se levissima, si attendatur labor, aut sumptus, aut aliquid ejusmodi, sæpe maxima est, si consideretur proportio ad finem, ad quem obtinendum Indulgentiæ proponuntur.

Ad tertium illud de populi deceptione respondemus, ut plurimum nullum esse deceptionis periculum, quoniam non existimamus, Indulgentias à Sede Apostolica sine iusta causa dari; tamen sicut potest fieri, ut aliquando Indulgentia non sortiatur effectum ob defectum ejus, qui illam suscipit, vel ob

A defectum auctoritatis in eo, qui illam concedit, ita non debet videri absurdum, si aliquando idem accidat ob defectum causæ, & Christianus populus non ignorat ad fidem pertinere, quod sit in Ecclesia potestas Indulgentias concedendi, non autem quod in particulari non possit fieri, ut Indulgentia vel non sit rata, vel non prosit, & ideo sic accipiunt prudentes Christiani Pontificias Indulgentias, ut simul etiam studeant dignos poenitentiae fructus ferre, ac pro suis peccatis Domino satisfacere.

B Ad quartum de illo communi pronuntiato, Indulgentiæ tantum valent, quantum sonant, respondemus, pronuntiatum illud verissimum esse, sed intelligi de Indulgentia, cui non desunt necessariae conditiones, auctoritas in concedente, charitas in suscipiente, & iustitia, ac pietas in causa. Fuit autem celebris apud veteres Scholasticos quæstio illa, an Indulgentiæ tantum valeant, quantum sonant, vel quantum ab Ecclesia prædicantur, propter nonnullos errores, qui tunc vigeant, cum alii dicerent, Indulgentias non valere nisi pro mensura devotionis, alii tantum valere quantum opus inunctum ex se ad satisfaciendum prodest, alii tantum valere coram Ecclesia, non coram Deo. Qui errores à S. Thoma, aliisque veteribus confutati, extincti jam sunt.

C Ad postremum de thesauro meritorum Christi, & Sanctorum, qui dicitur esse vera causa Indulgentiarum, respondemus: thesaurum meritorum Christi, & sanctorum esse veram causam, cur Indulgentiæ concedi possint: sed præter istam causam requiri aliam, quæ moveat ad dispensandum thesaurum hoc tempore potius quam alio, & nunc magis nunc minus liberaliter, non enim debent Pontifices relaxare poenitentialem satisfactionem, neque recurrere ad thesaurum, nisi quando judicant id esse necessarium, vel utile ad gloriam Dei, & animarum salutem.

CAPUT XIII.

De dispositione susipientis Indulgentias.

D I N eo, qui cupit re vera fructum ex Indulgentiis capere, duo requiri diximus, ut sit in statu gratiæ, & ut perficiat quod pro Indulgentia fuerit inunctum. Et quidem exigi statum gratiæ docent communiter Theologi in 4. dist. 20. & ratio est apertissima, quoniam Indulgentia cum remittat reatum poenæ temporalis relictum post remissionem culpæ, sine dubio requirit, ut culpa sit jam remissa, ac per hoc translatus sit homo per infusionem gratiæ, & charitatis de statu peccati in statum filiorum Dei. Præterea nulla ratio paritur, ut poena remittatur ei, qui adhuc hæret in culpa; vel debitum illi condonetur nomine Dei, qui adhuc est aversus à Deo, & hostis, ac inimicus. Denique nomen ipsum Indulgentiæ, ut initio diximus, sonat paternam facilitatem in filios, quæ non debet esse communis cum servis, maxime fugitivis, quales sunt omnes, qui Deo deserto Diabolum sequuntur. Pari ratione exigi, ut opus inunctum perficiatur, convenit inter omnes ut patet ex S. Thoma in 4. dist. 20. quæst. 1. art. 5. quæstiuncula 3. & ex aliis. Sed his positæ tamquam certis & exploratis multæ supersunt quæstiones. Prima est, an requiratur status gratiæ solum eo tempore quo percipitur Indulgentia; an etiam cum perficiuntur opera inuncta, vel etiam cum primùm Indulgentiæ pronuntiantur, aut earum literæ recipiuntur. Nam Cajetanus tract. 10. quæst. 2. & tract. 15. cap. 9. Petrus de Soto lect. 3. de Indulg. & alii contendunt non requiri statum gratiæ, cum Indulgentiæ publicantur, vel literæ Indulgentiarum recipiuntur, nisi forte

idem

idem sit tempus publicationis & perceptionis: ut cum in sacello Pontificio dantur Indulgentiæ omnibus, qui divinis officiis in eo loco interfuerunt, tamen requiri statum gratiæ non solum, cum Indulgentia percipitur, sed etiam cum perficitur opus iunctum. Ratio huius sententiæ est, tum quia in ipsis literis Pontificiis, ut plurimum exprimitur, Indulgentias concedi iis, qui verè pœnitentes Ecclesiam visitaverint, aut tale, vel tale opus fecerint, tum etiam quia Indulgentia non acquiritur, nisi per opera viva verè meritoria, & satisfactoria, qualia non sunt, nisi ea, quæ sunt in statu gratiæ.

Alii tamen gravissimi auctores, ut Petrus Paludanus in 4. distinct. 20. quæst. 4. artic. 3. concl. 1. S. Antoninus 1. part. tit. 10. cap. 3. §. 5. in fine, & Antonius Cordubensis, quæst. 24. de Indulgent. & alii contrà sentiunt. Non requiri statum gratiæ, nisi cum ipsa Indulgentia percipienda est. Ratio posterioris huius sententiæ est, quia Indulgentia non nititur nostra satisfactione, sed Christi, & idè non videtur necessarium, ut opus iunctum sit opus vivum, & satisfactorium. Deinde quia Bonifacius VIII. in Extravaganti, Antiquorum, dicit, se concedere Indulgentiam iis, qui visitabunt Ecclesias pœnitentes, & confessi, vel qui pœnitebunt & confitebuntur. Ex his sententiis prior sine dubio tutior est, ut S. Antoninus etiam notavit. Est etiam certa, quando opus iunctum in literis Pontificiis expressè jubetur perfici in statu gratiæ, ut cum in Extravaganti, Unigenitus, de pœnitent. & remiss. Item in Constitutionibus de indictione Jubilæi Clementis VII. Julii III. & Gregorii XIII. expressè habetur, ut qui Indulgentiam consequi volunt, verè pœnitentes & confessi visitent Ecclesias, orent &c. Denique verior mihi esse videtur, etiam si in literis Pontificiis id non exprimitur, quando opus iunctum tale est, ut non conferat ad finem, nisi fiat in statu gratiæ: ut si finis Indulgentiæ sit placare Deum Christiano populo, & idè iungantur preces, jejunia, eleemosynæ, visitationes Ecclesiarum, & similia. Cum Deus non placetur per opera mortua, necessarium esse videtur, ut opera illa fiant in statu gratiæ, alioqui nihil conferunt ad finem, & proinde non est intentio concedentis, ut Indulgentiam lucrentur, qui in statu peccati illa opera faciunt. At posterior opinio vera esse videtur, quando opus iunctum utile est ad finem, pro quo datur Indulgentia, etiam si non fiat in statu gratiæ. Ut exempli gratia, si finis Indulgentiæ sit ædificatio Basilicæ, vel subventio pauperum, aut recuperatio Hierosolymæ, & propter ista dentur Indulgentiæ contribuentibus pecunias, vel arma, quia non minus ad finem conducunt pecuniæ illæ, vel arma, si dentur ab homine peccatore, quàm à iusto, probabile est, prodesse illa opera, etiam si facta sint in statu peccati, modò is, qui ea fecit sit in statu gratiæ, quando reipsum percipit Indulgentiam.

Altera quæstio est, utrum non solum requiratur status gratiæ ad Indulgentiam obtinendam, sed etiam carentia omnis culpæ venialis. Sed facilis responsio est, si distinctione utamur. Nam vel quæstio est de tempore, quo perficiuntur opera iuncta, vel de tempore, quo percipitur fructus Indulgentiæ. Si de priore tempore quæstio sit, rursus alia distinctione opus est, nam vel peccatum veniale vitiat opus bonum iunctum, ut si quis oret, vel jejuset ex vana gloria: vel non vitiat, sed per accidens ei coniungitur, ut si quis dum eleemosynam facit, vel Ecclesiam visitat, loquatur verbum aliquod otiosum. Quod si bonum opus non vitietur, certum est non impediri fructum Indul-

A gentiæ, si verò bonum opus vitietur, ita ut ipsum efficiatur veniale peccatum, tum sine dubio impeditur fructus Indulgentiæ, si opus illud erat faciendum ad placandum Deum, vel satisfaciendum pro peccato: non enim per peccatum veniale placatur Deus, neque satisfit Deo. Et hæc est sententia Adriani in 4. tract. de Indulg. conclus. 4. & Petri de Soto lect. 3. de Indulg. quod si opus faciendum non erat ad placandum Deum, neque ad satisfaciendum, sed solum ad subventionem pauperum, vel alium finem, qui potest obtineri, etiam si opus non fiat in statu gratiæ, tunc non impeditur fructus Indulgentiæ, quamvis opus peccato veniali fuerit vitiatum.

B At si de posteriore tempore quæstio sit, respondendum erit, non impediri fructum Indulgentiæ, si quis eo tempore habeat, vel committat veniale peccatum, nisi quoad remissionem pœnæ debitæ propter illam culpam venialem: non enim dimittitur pœna, nisi prius dimissa fuerit culpa. Nulla autem ratio est, cur non possit percipi fructus Indulgentiæ quoad remissionem pœnæ debitæ propter alias culpas sive lethales, sive veniales jam remissas, etiam si culpa aliqua venialis adhuc hæreat in anima. Nam peccatum veniale non impedit statum gratiæ, qui requiritur ad hoc ut homo sit capax Indulgentiæ.

C Tertia quæstio est de Confessione, quæ ut plurimum requiritur, ut pars operis iuncti, an exigatur semper in re, an verò sufficiat in proposito. Responsio facilis est. Nam quando in forma Indulgentiæ disertè ponitur, ut qui eam lucrari cupiunt, confiteantur peccata sua intra tot dies, tunc sine dubio exigitur confessio in re, quoniam ponitur in forma Indulgentiæ, ut conditio quædam, sive ut pars operis iuncti, & non solum ad hoc, ut homo transferatur de statu peccati ad statum gratiæ. Quando autem in forma Indulgentiæ non iungitur expressè opus confessionis, sed simpliciter dicitur concedi Indulgentiam verè pœnitentibus & confessis: tunc non videtur requiri confessio, ut pars operis iuncti, sed solum ut homo sit in statu gratiæ, & idè si quis non habeat peccata lethalia, non necessario confiteri tenebitur, & si habeat peccata lethalia, probabile est, sufficere illi contritionem cum proposito confitendi: nam per hæc adipiscetur statum gratiæ. Ita docent Paludanus in 4. dist. 20. quæst. 4. art. 2. Silvester verbo Indulgentia num. 20. Panormitanus in cap. Omnis utriusque, de pœnit. & remiss. Felinus in ferm. de Indulgentiis num. 12. & alii. Tamen tutius & probabilius videtur requiri confessionem in re, & non solum in voto, quotiescumque dicitur, Indulgentiam concedi pœnitentibus & confessis, ut docent S. Antoninus 1. par. tit. 10. cap. 3. Adrianus in 4. sentent. tract. de Indulgent. Cajetanus tract. 15. de Indulgent. cap. 10. Navarrus de Jubilæo Notab. 18. numero 1. & Glossa in Extravagantem, Antiquorum, de pœnit. & remiss.

E Quarta quæstio est, an percipiat Indulgentiam, qui non perficit omnia opera iuncta, sed aliqua tantum, ob inopiam, vel morbum, vel alia iusta causa impeditus. Responsio communis, est S. Thomæ, Durandi & aliorum in 4. dist. 20. non percipi Indulgentiam, nisi ab iis, qui integrè omnia opera iuncta perficiunt, concessio enim conditionata non valet, nisi conditio impleatur. Atque in hanc quoque sententiam allegari solet dictum illud commune; Indulgentiæ tantum valent, quantum fontant; Nam Summi Pontifices, quando volunt percipi Indulgentiam ab iis, qui legitime impediti non perficiunt omnia opera iuncta, addere solent, ut con-

confessarii commutent opera injuncta in alia pia opera, vel disertis verbis explicant, obtineri Indulgentiam ab iis, qui inchoarunt opera injuncta, & perficere non potuerunt, ut habetur in Extravaganti, Unigenitus, & in aliis similibus, in quibus annus Jubilæi publicatur.

Quinta quaestio est, An requiratur alia dispositio in suscipiente Indulgentias, præter statum gratiæ, & adimpletionem operum injunctorum. Nam Cardin. Cajetanus in tract. 10. qui est de suscipientibus Indulgentias quæst. 1. docet requiri tertiam conditionem, ut videlicet qui vult consequi Indulgentias, habeat propositum satisfaciendi Deo propriis laboribus quo ad poterit: iis autem, qui nolunt pro se ipsis satisfacere, cum possint, negat prodesse Indulgentias. Ex quo etiam colligit, paucos admodum re vera frui Pontificiis Indulgentiis ex tanto numero adeuntium Ecclesias temporibus stationum, aliarumque similium Indulgentiarum. Quæ sententia utilis est, & pia, sed fortasse non vera, præsertim cum sit contraria communi aliorum doctrinæ, ut ipse etiam Cajetanus fateatur: nec enim legi ullum auctorem, qui Cajetanum sequatur, præter Bartholomæum Fumum in Summa, quæ Armilla dicitur; Verbo Indulgentium. 13. Nec video quemadmodum Summi Pontifices non deciperent populos, si Indulgentias cum ea conditione proponere vellent, quam numquam explicarent. Neque argumenta Cajetani talia sunt, ut solvi non possint. Ille enim sic ratiocinatur; Qui non vult satisfacere Deo per se, cum possit, indignus est, cui applicetur aliena satisfactio: At non intendit Ecclesia conferre hoc beneficium Indulgentiæ in indignos, igitur non prosunt indulgentiæ iis, qui nolunt per se satisfacere, cum possint. Propositionem argumenti probat Cajetanus his rationibus; primò quia non decet ab amico petere, ut pro te satisfaciat, cum ipse possit per te satisfacere. Secundò quia in Republica benè instituta non sunt dispensanda bona communia pro liberandis illis civibus ære alieno, qui per se sum æs alienum dissolvere possunt. Tertia quia in forma Indulgentiæ addi solet, verè poenitentibus Indulgentias tribui: non sunt autem verè poenitentes, qui recusant facere fructus dignos poenitentiae. Quartò quia dantur Indulgentiæ de injunctis poenitentibus à sacerdote: vel igitur qui injunctam poenitentiam accepit, id fecit animo eam perficiendi, & sic habemus quod volumus, vel animo fallendi, & indignissimus est, qui ex fallacia sua lucrum reportet. Respondemus, cum qui non vult per se satisfacere cum possit, non esse indignum, sed tantum non dignum, cui aliena satisfactio applicetur. Ecclesia autem non intendit conferre hoc beneficium in indignos: sed bene potest velle conferre in non dignos, quoniam Indulgentia ex misericordia, & liberalitate datur, non ex iustitia & meritis. Ad primam rationem respondemus, non fieri injuriam amico, quia non petitur ejus satisfactio ex iustitia, sed ex gratia, & petitur satisfactio, quæ non est ei necessaria, sed omninò supervacanea. Ad secundam respondeo, dispensatorem bonorum communium in Republica instituta, non dissolvere sine causa æs alienum eorum civium, qui solvendo sunt per se: tamen posse dari causam, cur utile sit Reipublicæ, ex communi ærario solvere debita eorum, qui per se illa solvere potuissent. Ad tertiam respondeo, verè poenitentes dici eos, qui contritionem habent cum proposito satisfaciendi, nisi aliunde pro eis satisfiat. Ad quartam respondeo, plerumque Indulgentias dari de non injunctis ut supra probavimus, & eos qui Indulgentias quaerunt, velle perficere poenitentiam injunctam, sed nolle alium laborem sponte sumere pro reliqua poena expianda, si possint per Indulgen-

tiis ab ea liberari. Addo etiam, quòd si Indulgentiæ non darentur nisi de injunctis, possent homines injunctam poenitentiam accipere animo perficiendi, nisi possint alia ratione ab eo reatu liberari.

CAPUT XIV.

De Indulgentiis quæ accipiuntur pro defunctis.

DE Indulgentiis, quibus juvantur animæ defunctorum sex quaestiones sunt. Prima an prosint. Secunda an per modum absolutionis dari possint. Tertia quid sit dari Indulgentias defunctis per modum suffragii. Quarta an ex iustitia, an ex misericordia liberentur animæ, quibus Indulgentiæ applicantur. Quinta quid requiratur ut Indulgentiæ prosint defunctis. Sexta an Indulgentiæ prosint in particulari certis animabus, an solum omnibus in communi.

Quod ad primam quaestionem attinet, Hæretici omnes, tum recentiores, tum antiquiores, qui Purgatorium negaverunt, consequenter etiam suffragia, & Indulgentias mortuis prodesse negaverunt. Ex Catholicis Ostiensis in Summa lib. 5. tit. de Remissionibus num. 9. & Gabr. lect. 57. in Canonem Missæ docuerunt Indulgentias defunctis non prodesse: sed Gabriel cito correxit errorem, ut perspicuum est ex additione ad eandem lectionem. Res autem certissima est, & apud Catholicos indubitata, Indulgentiis juvari posse animas quæ in Purgatorio poenas luunt. Id quod primò probari potest ratione deducta ex scripturis, Conciliis, & Patribus. Constat enim, animas defunctorum posse juvari suffragiis viventium, idest, elemosynis, precibus, jeuniis, sacrificiis Missarum, aliisque piis operibus, ut copiosè ostensum est à nobis in lib. 1. de Purgatorio ferè toto, & lib. 2. cap. 15. quæ non sunt hoc loco repetenda. Et quamvis suffragia defunctis per modum impetrationis prosint, ac præsertim preces, & oblatio sacrificii: tamen nulla ratio reddi potest, cur non prosint etiam per modum satisfactionis, ac præcipuè jeunia, & elemosynæ. Nam hæc opera satisfactoria esse, satis à nobis probatum est in quarto libro de poenitentia, & in libris de operibus bonis in particulari, & defunctos, quibus hæc suffragia à vivis applicantur, satisfactione indigere non dubium est. Constat præterea illam esse rationem, cur suffragia viventium prodesse possint defunctis, quia fideles defuncti ita conjuncti sunt cum fidelibus viventibus ejusdem fidei, & charitatis vinculo, ut unam Ecclesiam, & unum corpus efficiant. Neque enim (inquit S. Augustinus lib. 20. de Civ. Dei c. 9.) piorum animæ defunctorum ab Ecclesia separantur, quæ est Regnum Christi. Ex his duobus fundamentis apertè colligitur posse etiam privatos homines offerre Deo pro defunctis, tamquam membris ejusdem corporis satisfactiones suas, jeunia, elemosynas, peregrinationes, & similia opera laboriosa. Quòd si privati homines possunt applicare defunctis, tamquam membris ejusdem corporis, satisfactiones suas, cur non potest summus Pontifex applicare eisdem satisfactiones Christi, & Sanctorum, quæ sunt in thesauro spirituali, cujus ipse dispensator est? Præterea idem probatur ex usu Ecclesiæ: constat enim Paschalem Summum Pontificem ante annos 700. concessisse Indulgentiam pro defunctis, quæ habetur in Ecclesia S. Prædix in introitu cappellæ S. Zenonis, cujus Indulgentiæ meminit etiam Gabriel loco notato, sed non rectè vocat Paschasium V. cum sit re vera Paschalis primus. Multi etiam Pontifices alii, ut ibidem

dem refert Gabriel, pro defunctis Indulgentias concesserunt. Denique consentiunt Theologi, ut Sanctus Thomas in 4. dist. 45. quæst. 2. art. 3. quæstioncula 2. S. Bonaventura in 4. dist. 20. part. 2. quæst. 5. Richardus dist. 20. art. 3. quæst. 3. & alii; necnon Canonistæ, ut Innocentius in cap. Quod autem, de poenitent. & remiss. Felinus in serm. de Indulg. & alii. Neque iis repugnat, quod Joan. Major in 4. dist. 20. quæst. 2. dicat multos Theologos contrà sentire. Nam loquitur de Indulgentia per modum absolutionis judicialis non de Indulgentia absolute.

Altera quæstio difficilior est, de modo quo Indulgentiæ defunctis prodesse possunt, an videlicet summus Pontifex possit animas defunctorum, quæ sunt in Purgatorio, judicialiter absolvere, ut facit cum hominibus viventibus, dum Indulgentias eis concedit. Nam Michael Medina disput. 7. cap. 34. & disput. 8. cap. 41. de Indulgentiis, contendit animas defunctorum, quæ sunt in Purgatorio, pertinere ad Jurisdictionem Summi Pontificis, & posse ab eo Indulgentias percipere per modum absolutionis. Sed contrà sentiunt ferè omnes alii scriptores, ut S. Bonaventura, Richardus, Gabriel, & Joan. Major locis citatis. Qui postremus auctor testatur suo tempore à Schola Parisiensi fuisse damnatam sententiam contrariam. Item Cajetanus tract. 15. cap. 5. Dominicus à Soto in 4. dist. 21. quæst. 2. art. 1. concl. 3. Petrus de Soto lect. 3. de Indulgentiis. Navarrus de Jubilæo Notab. 22. num. 6. Antonius Cordubensis q. 15. de Indulg. & alii; & probatur hæc sententia posterior, primò, quoniam S. Leo in epist. ad Rusticum Narbonensem episcopum, & habetur apud Gratianum 24. quæst. 2. can. 1. sic ait, De communione privatis, & ita defunctis, eorum causâ iudicio Dei reservanda est; & Gelasius Papa in Epistola ad Faustum, & in altera ad Episcopos Dardaniæ, ut est apud eundem Gratianum 24. quæst. 2. can. Legatur; & can. Nec quisquam, disertis verbis docet, homines mortuos, qui sunt in divino iudicio constituti, non posse ab Ecclesia judicari; Secundò, quia non potest Ecclesia mortuorum animas citare, non potest earum causam cognoscere, non potest eas cogere ad obedientiam, non igitur potest absolvere vel ligare. Tertiò, Pontifex non habet auctoritatem nisi in oves quas pascendas suscepit, juxta illud Joan. 21. *Pasce oves meas*. At animæ defunctorum non possunt pasci à Pontifice, cum non possint ab eo doctrinam, vel sacramenta, vel leges & jura percipere: non igitur sunt ei subjectæ, ac proinde non possunt ab eo ligari vel solvi. Quartò, quoniam Pontifices ordinariè cum extendunt Indulgentias ad mortuos, addunt particulam, per modum suffragii, ut perspicuum est ex Constitutionibus Alexandri VI. & Clementis VII. de indictione Jubilæi. Refert etiam Gabriel in additione ad lectionem 57. super Canonem, se vidisse declarationem Sixti IV. quod Indulgentiæ profint defunctis per modum suffragii. Quod (ut mox dicemus) opponitur ei, quod est, per modum absolutionis. At obijciunt aliqui verba Domini, Matth. 16. Quodcumque solveris super terram, erit solutum & in coelis, & probant, illud, super terram, non referri ad eos, qui solvuntur, sed ad eum qui solvit, ut sensus sit: Quodcumque solveris tu super terram degens, erit solutum à me, qui sum in coelis. Præterea dicunt, Defunctos qui sunt in Purgatorio, adhuc esse viatores, & auxilio egentes, ac proinde videri esse subjectos Pontificis jurisdictioni. Denique ostendunt ex Can. Sane, 24. quæst. 2. sæpè ab Ecclesia excommunicari defunctos, & tursus absolvi ab excommunicatione, ex quo sequi videtur ut propriè sint Ecclesiæ iudicio subditi. Sed facilis est responsio. Nam ad primum dici posset, Gelasium, cujus ma-

A gna est in Ecclesia auctoritas, exposuisse illud (super terram) ut referatur ad eos, qui solvuntur, non ad eum qui solvit, ut patet ex can. Legatur, jam citato. Sed esto, referri possit ad eum, qui solvit, nihil tamen ex eo sequitur: quia debet intelligi de solutione circa eos, qui sunt ei subjecti. Alioquin posset Summus Pontifex ligare & solvere eos etiam, qui sunt in coelo vel in Gehenna, si ita universaliter accipiatur ligandi, vel solvendi potestas. Ad secundum responderi potest, non omnes viatores esse propriè subjectos Pontifici, sed solum eos, qui sunt oves visibiles hujus ovilis, & membra hujus visibilis Ecclesiæ. Quod autem defuncti, qui in Purgatorio degunt, aliquo modo sint viatores, & egentes auxilio Ecclesiæ, & cum ipsa Ecclesia visibili invisibiliter conjuncti per fidem & charitatem, facit, ut possint ab Ecclesia nostra juvari, & Indulgentiis frui, non ut subditi per modum absolutionis, sed ut amici absentes per modum suffragii. Ad tertium respondemus, Defunctos ab Ecclesia posse excommunicari, & ab excommunicatione absolvi, solum quo ad ea, quæ à viventibus fieri debent. Nam cum defunctus excommunicatur, id fit, quia post mortem detegitur ejus pertinacia ut hæresi, aut aliquid ejusmodi, & id solum ex illa excommunicatione sequitur, ut pro ipso non fiant suffragia, non sepeliatur in loco sacro, & similia. Et contrà, si detegatur aliquis per errorem excommunicatus, & ideo absolvatur, effectus absolutionis erit, ut pro ipso oretur, & sacrificetur, ejusque cadaver honorificè sepeliatur. Itaque excommunicatio, vel absolutio defunctorum, est potius declaratio sententiæ, quæ ferenda fuisset, si meritum eorum non latuisset, quàm nova aliqua poena, quæ ad animas ipsas pertingat. Quod autem legitur in 2. libro Dialogorum S. Gregorii cap. 23. de Sanctimonialibus à B. Benedicto excommunicatis, quæ de sepulchris exire videbantur, & de Ecclesia recedere, quando inter Missarum solemnità Diaconus clamabat. Qui non communicant recedant: inter miracula referendum videtur. Voluit enim Deus eo signo demonstrare quanti faciendæ sint admonitiones Sanctorum. Nam alioqui S. Benedictus non eas excommunicaverat, sed solum excommunicationem minatus fuerat, ut S. Gregorius ibidem dicit. Præterea non eas excommunicavit post mortem, sed in vita (si tamen ea excommunicatio dicenda sit). Neque eas propriè per sententiam postea absolvit, sed per intercessionem mittendo oblationem, quæ pro eis Domino offerretur. At (inquies) S. Gregorius ibidem, ut ostendat, non esse mirum, si S. Benedictus potuit in carne mortali degens de spiritibus defunctorum judicare, allegavit illud Evangelicum, *Quodcumque solveris super terram, erit solutum & in celis*. Respondeo, S. Gregorium argumentum à simili ducere voluisse. Nam quemadmodum divina potestate sibi collata possunt Prælati cum sint homines in carne mortali degentes, judicare de rebus spiritualibus, ita potuit S. Benedictus, in carne adhuc mortali degens, extraordinario privilegio sibi collato à Deo, ligatas tenere, vel solvere animas earum, quibus dum viverent, excommunicationis sententiam fuerat comminatus. Neque credibile est S. Gregorium S. Leoni repugnare voluisse, qui in epist. ad Rusticum, jam citata, disertis verbis docet, non posse ab Ecclesia solvi eos, qui communione privati de hac vita recedunt, cum jam sint in divino iudicio constituti.

Tertia quæstio est, quid significet illud (per modum suffragii) cum Pontifices dicunt, Indulgentias valere defunctis per modum suffragii. Non desunt, qui existiment, Indulgentias prodesse defunctis per modum suffragii quia profunt eis suffragia, id est, Missæ, præces, & alia pia opera, quæ Pontifex in-

jungit,

jungit, cum Indulgentias tribuit . Sed hoc non est Indulgentias prodesse, nam etiam si Pontifex ea opera non injungeret, valerent illa suffragia ad refrigerium defunctorum . Itaque frustra darentur Indulgentiæ defunctis, si nihil adderent præter valorem suffragiorum . Neque Pontifices dicerent, Indulgentias prodesse per modum suffragii, sed dicerent cum Hostiensis, Indulgentias non prodesse defunctis ut indulgentiæ, sed sola vi suffragiorum adjunctorum . Alii existimarunt, Indulgentias defunctis prodesse per modum suffragii, quia tamen ipsæ Indulgentiæ re vera profint, tamen profint per suffragia viventibus imperata . Pontifex enim applicat satisfactiones Christi & sanctorum ex thesauro tam viventibus, quam defunctis, sed viventibus applicat per opera ipsis viventibus injuncta, defunctis verò per opera eisdem viventibus imperata, quæ opera, cum fiant nomine defunctorum, suffragia quædam defunctorum dici possunt . Sed neque hæc sententia rationem idoneam reddit illorum verborum : neque enim hoc est Indulgentias prodesse per modum suffragii, sed est prodesse per ipsa suffragia . Vera igitur sententia est, Indulgentias prodesse per modum suffragii, quia non profint per modum absolutionis juridicæ, sed per modum solutionis, quo modo profint suffragia, quæ vel publicè, vel privatim pro defunctis fieri solent . Sed cum suffragia tribus modis defunctos juvent, per modum meriti de congruo, per modum impetrationis, & per modum satisfactionis : Indulgentiæ autem non sint nisi satisfactoriæ; intelligendum est Indulgentias dari defunctis per modum suffragii tantum satisfactorii . Itaque quemadmodum cum quis dat elemosynam, vel jeiunat, vel peregrinatur ad loca sancta pro defunctis non absolvit defunctos à reatu poenæ, sed offert Deo satisfactionem illam pro defunctis, ut Deus eam acceptans liberet defunctos à debito poenæ, quam luituri erant; sic Pontifex non absolvit animas defunctorum, sed offert Deo ex thesauro satisfactionum, quantum necesse est ad eas liberandas : & Deus acceptans alienam satisfactionem communicatam animabus defunctorum, eas liberat à reatu illo poenæ . Sed hoc interest inter suffragia, & Indulgentias, quòd ut suffragia offerantur, non requiritur aliqua jurisdictio, sed ut Indulgentiæ dentur, requiritur jurisdictio, quia non potest thesaurum dispensare, nisi qui habet claves Ecclesiasticas . Præterea qui offert suffragia, nescit, an id quod offert sufficiat ad animam liberandam, vel solum refrigerandam: at Pontifex potest offerre ex thesauro illo infinito quantum requiritur ad satisfaciendum integrè pro reatu cuiuscumque poenæ : & idèd dicitur dare Indulgentiam plenariam, atque animas liberare per modum suffragii, quia offert quantum ad plenam satisfactionem satis est . Vide Cajetanum tract. 16. de Indulg. quæst. 6. & Cordubensem quæst. 15. de Indulgentiis .

Quarta quæstio, difficillima omnium, ea est, utrum ex Justitia, sive certa lege, & ex condigno profint Indulgentiæ defunctis, an solum ex benignitate Dei, & ex congruo . Aliqui docent, Indulgentias ex condigno, sive ex justitia defunctis prodesse . Ita enim scribit Dominicus à Soto in 4. dist. 21. q. 2. art. 3. quem sequitur Navarrus de Jubilæo Notab. 22. num. 20. Ratio eorum est, quoniam potest unus vivens pro alio vivente ex condigno satisfacere, igitur potest etiam vivens pro mortuo satisfacere ex condigno . Eadem enim est ratio utriusque satisfactionis, unio videlicet, quæ est inter membra ejusdem corporis Ecclesiæ . Nam vivens pro vivente satisfaciit ex condigno, quia sunt membra ejusdem corporis, glutino fidei & charitatis unita: at sunt etiam mortui, qui in Purgatorio degunt, membra ejusdem

corporis glutino fidei & charitatis unita . Quòd si privatorum suffragia ex condigno defunctis profint, quatenus satisfactiones sunt, certæ multò magis satisfactiones Christi & sanctorum iisdem mortuis fidelibus à capite Ecclesiæ, idèst, à Pontifice Maximo applicatæ proderunt ex condigno .

Alii contrà sentiunt, Indulgentias, quæ defunctis dantur, niti misericordia, & benignitate Dei, ac per hoc ex congruo non ex condigno eis prodesse . Ita docet Cajetanus tract. 16. quæstione 5. quem sequuntur Petrus de Soto lect. 3. de Indulgentiis, & Antonius Cordubensis; quæst. 15. de Indulgentiis . Neque significare volunt hi auctores, dubium, aut incertum esse dogma Ecclesiasticum de Indulgentiis defunctorum, immò affirmant, certum esse, & indubitatum, quòd Indulgentiæ rectè dentur, vel suscipiantur pro defunctis, quodque illis prodesse possint, & re ipsa profint, vel ad refrigerium, vel ad plenam liberationem, sed quibus, quando, & quantum divinæ pietati placuerit . Quomodo etiam pro mortuis rectè fundi preces, eisque prodesse fides Catholica docet, & tamen non ex condigno, sed ex congruo, non ex justitia, sed ex misericordia nos impetrare confidimus quicquid à Domino petimus, ut vel ex ipsa forma precum intelligi potest . Rationes hujus sententiæ sunt hæ . Prima, quoniam non videtur certum, posse viventes pro viventibus satisfacere ex condigno, quod erat fundamentum prioris opinionis . Contrarium enim docent Joan. Medina Cod. de satisfactione quæst. 5. & Cordubensis quæst. 5. de Indulgentiis . Unio enim fidei & charitatis, quo colligantur inter se viva membra Ecclesiæ, facit quidem ut possimus invicem adjuvare, & bona nostra communicare, & unus pro alio saltem ex congruo satisfacere, sed non videtur facere, ut teneatur Deus ex justitia acceptare unius satisfactionem pro altero, nisi ostendatur de hac re pactum, vel promissio aliqua ipsius Dei, quamvis possit Deus, & soleat acceptare ex benignitate sua . Et confirmatur à simili, nam in foro externo non tenetur Judex acceptare, ut unus flagelletur, vel ad triremes amandetur pro alio, etiam si illi non solum sint conjuncti ut Christiani, sed etiam ut cives, vel ut consanguinei . Denique videtur esse proprium solius Christi posse pro aliis ex condigno, ut mereri, ita etiam satisfacere, quoniam est caput corporis Ecclesiæ, & dum pro nobis satisfecit, pro corpore suo satisfecit . Secunda ratio, quoniam etiam si certum esset, posse in præsentis vitæ unum pro alio ex condigno satisfacere : tamen non videtur eadem ratio de satisfactione pro defunctis, hic enim possumus solvere poenas ejusdem generis, ut nostro jejunio, vel elemosyna satisfacere pro alio, qui jejunii, vel elemosynæ poenam subiturus erat : at poenæ, quibus jam addictæ sunt animæ in Purgatorio, sunt alterius generis, & idèd sicut non tenetur Judex remittere poenam corporalem uni alicui reo propter multam pecuniariam; quam alius offert : ita non videtur teneri Deum ex justitia admittere satisfactiones hujus vitæ pro remissione poenarum Purgatorii, ad quas animæ illæ jam sunt addictæ . Sed si id fiat, ut certò fieri credimus, ex benignitate Dei fieri credibile est . Tertia ratio, quoniam ipsæ animæ, ut ex historis gravium auctorum colligimus, hoc ipsum declarasse videntur . Nam Petrus Damiani in epist. 5. ad Dominicum cap. 4. scribit animam Benedicti Pontificis Romani in Purgatorio constitutam apparuisse, Deo permittente, cuidam, atque ab eo petisse, ut suffragia pro ipsa fierent, & addidisse, se per ea suffragia liberandam, quando hoc miseratio divina decreverit . Petrus quoque Cluniacensis in primo libro de miraculis cap. 10. scribit animam defuncti apparuisse alicui, & postula-

tis suffragiis adjecisse, per ineffabilem misericordiam Dei se liberandam, si ei per suffragia subventum fuisset, & cap. 27. scribit aliam animam similiter apparentem, & suffragia postulantem adjecisse, conditoris mediante clementia se per ea suffragia liberandam. Quod si suffragia nituntur pietate divina, & Indulgentiæ defunctis non dantur, nisi per modum suffragii, certè sequi videtur, ut etiam Indulgentiæ ex divina pietate defunctis prosint.

Ex his sententiis neutram reprobare audeo, videtur enim prior admodum pia, posterior verò valde rationalis.

Quinta quæstio est, quid requiratur ad hoc ut Indulgentiæ defunctis prosint. Et quidem certum est primum auctoritatem requiri, eamque summam, idest, Apostolicæ sedis, non enim Episcopi, aliive Prælati summo Pontifice inferiores Indulgentias defunctis concedere possunt, ut Navarrus docet de Jubilæo Notab. 22. num. 4. quoniam solus Christi Vicarius habet potestatem dispensandi thesaurum Ecclesiæ absolute. Episcopi enim solum possunt applicare subditis suis, secundum mensuram sibi ab Apostolica sede determinatam. Secundò certum est, requiri causam justam, ut S. Thomas docet in 4. distinct. 45. quæst. 2. art. 3. quæst. 2. Non enim potest Summus Pontifex pro arbitrio liberare animas à poenis Purgatorii, neque sufficit pro causa, utilitas illarum animarum, vel gloria Dei, quæ redundaret ex animarum illarum liberatione. Nam si ista sufficerent, Christus ipse jam omnes animas liberasset. Itaque requiritur causa aliqua particularis pertinet ad honorem Dei, & Ecclesiæ utilitatem, sicut de Indulgentiis pro viventibus diximus, ita ut Summus Pontifex arbitretur gratiorem esse Deo rem illam, cujus gratia Indulgentiæ conceduntur, quàm executionem justitiæ, quæ exercetur in expiandis animabus Purgatori. Tertiò requiritur, ut qui pro defunctis Indulgentias suscipit, adimpleat opus injunctum, nam ut S. Thomas loco notato, & alii Doctores scribunt, Indulgentiæ primariò & directè non dantur, nisi viventibus, qui possunt opera injuncta perficere: defunctis autem dantur secundariò, & indirectè, quatenus viventes pro mortuis opera injuncta perficiunt. Ex quo etiam requiritur, ut qui opera illa perficit, sit in statu gratiæ, si opera ipsa id requirant, ut diximus suprà de opere viventibus injuncto. Nam si opus injunctum id non requirat, probabiliter dici potest, prodesse defunctis Indulgentias, etiamsi is, qui pro defunctis eas suscipit non sit in statu gratiæ. Sed omnino tutius est, ut qui cupit mortuis Indulgentiam obtinere, prius det operam, ut ipse Indulgentiam à culpa per sacramentum confessionis obtineat. Quartò requiritur ex sententia Cajetani tract. 16. quæst. 5. de Indulgentiis, ut defunctus non solum sit in statu gratiæ, & in purgatorii locis degat, sed etiam, ut dum viveret, fuerit devotus clavium Ecclesiæ, mortuosque suffragiis juvare studuerit, & pro suis peccatis satisfacere non neglexerit. Ita enim intelligit Cajetanus verba illa S. Augustini lib. de cura pro mortuis cap. 1. & in Enchiridio cap. 109. suffragia non prodesse omnibus mortuis, sed illis tantum, qui in hac vita meruerunt, ut sibi prodesse possent. Sed hæc Cajetani sententia, ut est utilis & pia, quia excitat viventes ad opera bona, ita videtur minus vera, & ab omnibus passim refellitur. Nam S. Augustinus

A locis notatis non excludit à suffragiis etiam particularibus illas animas ex his, quæ degunt in Purgatorio, sed solum animas damnatas ad æternas poenas inferorum: dicit enim eas tantum esse capaces suffragiorum, quæ dum viverent, id meruerunt, quia videlicet in gratia Dei & charitate perseveraverunt. Charitas enim est fundamentum communionis inter Ecclesiæ membra, & non aliqua peculiaris devotio ad Ecclesiæ claves vel aliquid hujusmodi.

Postrema quæstio est, an Indulgentiæ prosint illis, pro quibus in particulari suscipiuntur, an omnibus in communi. Præpositivus quidam antiquus auctor, ut refert S. Thom. in 4. dist. 45. quæst. 2. artic. 4. docebat, suffragia Ecclesiæ semper prodesse defunctis fidelibus in communi, & illis magis qui liberationi propinquiore erant, atque ad hoc persuadendum adducebat similitudinem Lucernæ, quæ si accendatur in aula Regis pro ipso Rege, non tamen lucet soli Regi, sed omnibus, qui adsunt, & illis magis, qui habent oculos meliores. Adducebat quoque similitudinem ex libro aliquo, qui fortè legatur ad mensam Regis, ex quo non minorem fructum percipiunt alii, qui adsunt, quàm Rex ipse, & nonnulli fortè longè majorem, quamvis propriè Regi liber legatur. Quod Præpositivus de suffragiis dixit, idem sine dubio de Indulgentiis intellexit, quæ juvant defunctos per modum suffragii. Sed responsio communis Doctorum est, tam suffragia, quàm Indulgentias prodesse omnibus defunctis, quo ad gaudium quoddam accidentarium, charitas enim facit omnia communia in hoc sensu, quod omnes, qui sunt præditi charitate, gaudent de bonis aliorum, ac si propria essent. Sed quo ad satisfactionem, & liberationem à poenis, suffragia Ecclesiæ communia prodesse omnibus in communi, sed suffragia particularia, & Indulgentias, quæ pro certis animabus suscipiuntur, non prodesse nisi illis, quibus ex intentione viventium applicantur. Atque hoc esse verissimum, perspicuum est, primò ex ipsis Pontificiis concessionibus. Nam Paschalis I. Indulgentiam ita concessit, ut qui pro anima patris, vel alterius particularis personæ defunctæ tot Missas celebraverit in cappella S. Zenonis, quæ est in Ecclesia S. Praxedis, animas illas de Purgatori poenis eripiat. Item Alexander VI. Clemens VII. alique Pontifices in constitutionibus de indictione Jubilæi, disertis verbis dicunt, Indulgentias illas anni Jubilæi extendi per modum suffragii ad animas Patris, vel Matris, vel alterius personæ particularis pro quibus suscipiuntur. Secundò quoniam hic est sensus totius Ecclesiæ, omniumque fidelium. Tertiò quoniam S. Augustinus in lib. de cura pro mortuis, cap. 4. scribit, Ecclesiam suffragia quædam communia transmittere ad animas defunctorum, ut quibus defunctis particularia à consanguineis, vel amicis, non desint aliqua à communi Matre, quæ est Ecclesia. Quartò denique, quoniam nulla ratio est, cur satisfactiones uni alicui animæ per intentionem satisfaciendæ applicentur, aut illi non prosint magis, quàm aliis, aut aliis ullo modo prosint. Neque similitudines illæ Præpositivi aliquid efficiunt, non enim similes sunt Indulgentiæ, vel suffragia particularia Lucernæ, vel lectioni, sed potius summæ pecuniariæ, quæ ita datur in liberationem alicujus debitoris ab ære alieno, ut per eam non possint debitores alii liberari.

LIBER SECUNDUS.

DE

INDULGENTIIS.



DISSECUIMUS hætenus de Indulgentiis Scholastico more, tum ut Catholicis satisfaceremus, tum ut futuræ disputationis fundamenta jaceremus. Voluimus autem quæstiones Scholasticas à disputatione adversus Hæreticos separare, ne cogerentur Catholici, aut Hæretici omnia legere, sed liberum esset unicuique quod vellet eligere. Igitur respondebimus primùm iis, quæ Martinus Lutherus adversus Indulgentias in assertione articulorum suorum scripsit. In qua re breviores erimus, quoniam sunt ea omnia à Joanne Rossensi, beatæ memoriæ viro, diligentissimè confutata. Deinde excutiemus ea, quæ Joannes Calvinus in Institutione sua, doctrinæ Catholicæ de Indulgentiis objecit. Tertiò breviter refutabimus nugas Tilmanni Heshusii. Ad extremum respondebimus Martino Kemnitio, qui præter cæteros copiosè de Indulgentiis disputavit in examine postremæ sessionis Concilii Tridentini.

CAPUT PRIMUM.

Refutantur argumenta Lutheri contra Indulgentias.



MARTINUS Lutherus Hæresiarum nostri sæculi à reprehensione Indulgentiarum sectam suam auspicatus est, & quod mirum videri poterit, ita per quosdam gradus ad summum impietatis ascendit, ut non animadvertente majori se licentiae aditum patefecisse, quàm ea esset, ob cuius repressionem cum Catholicis Doctoribus contendere atque altercari, & libris, & sermonibus coepit. Nam cum Albertus Card. & Archiepiscopus Moguntinus præpositus esset à Leone X. Pontifice Maximo Indulgentiis quibusdam per Germaniam prædicandis, scripsit ad eum Lutherus epistolam, in qua notabat errorem illorum, qui usque adeò Indulgentiis confidebant, ut securos se de salute sempiterna esse arbitrarentur, si nummum argenteum in arcam, juxta præscriptum Indulgentiæ coniecissent. Refellit autem hanc nimiam confidentiam eo potissimum argumento, quòd ne ipse quidem habitus gratiæ justificantis à Deo cordibus nostris infusus certos nos reddere possit de salute æterna obtinenda, cum Apostolus jubeat, ut cum timore & tremore salutem nostram operemur. Deinde paulò post longius progressus, edidit Resolutiones de Indulgentiis, & mox libellum pro iisdem Resolutionibus, in quibus docuit, Indulgentias esse pias fraudes Matris Ecclesiæ, quæ promissione Indulgentiarum excitat filios suos ad opera bona, cum tamen Indulgentiæ non remittant poenam debitam in judicio Dei, sed solum in judicio Ecclesiastico, & simul addidit, thesaurum meritorum Christi non esse in potestate Pontificum, neque expendendum in re tam vili, ut est expiatio à poena temporaria. Ita progressus est à reprehensione abusu ad reprehensionem Indulgentiarum. Sed neque hic substitit. Nam cum Leo X. Pontifex hanc novam Lutheri doctrinam improbas-

Centrov. Card. Bellarm. Tom. II.

A set, scripsit ille continuò librum de captivitate Babylonica, in cujus libri principio docuit Indulgentias non esse pias fraudes Matris Ecclesiæ, sed meras Pontificum imposturas. Addidit etiam mox librum alium, in quo asseruit, ac defendit omnes articulos à Leone X. improbatos. Atque in eo libro affirmavit, Indulgentias nihil esse, & si quid essent, non fore utiles, sed perniciosas, cum liberent homines ab operibus bonis; non esse necessarias, vel expectandas, nisi publicis peccatoribus, inertibus & desidiosis, quibus publica poenitentia esset imposita, quam peragere nollent. Denique asseruit nullum esse Purgatorium, nullam requiri satisfactionem post culpam remissam, sola fide homines justificari & liberari ab omni debito culpæ & poenæ. Itaque incidit in eum abusum, quem initio reprehendit, vel potiùs in alium longè majorem. Ægrè ferebat enim initio, quòd homines injecto in arcam argenteo nummo, & Indulgentia suscepta, securos se de salute æterna esse confiderent. Ipse autem etiam sine nummo argenteo securos omnes reddidit de justificatione & salute. Neque ullus unquam tam amplam Indulgentiam promulgavit, quam Lutherus, qui sine ullo poenitentiae labore, sine ullis operibus bonis, culpas omnes, & poenas sola fide remisit: si tamen ea Indulgentia, & non potiùs licentia, & verè impia fraus, & impostura dicenda est. Ea verò quæ profert ad suum dogma stabiliendum in assertione articuli 17. & sequentium, tam sunt ineptæ, & parum inter se connexæ, ut vix ad argumenti formam revocari possint.

Prima igitur obiectio ejusmodi est, Merita Christi sunt res sacræ, & vivæ, cum corda justificent; Indulgentiæ autem non justificant, sed solum remittere dicuntur debitum poenæ temporalis: igitur Indulgentiæ non possunt fundari in thesauro meritorum Christi. Responsio. Merita Christi sunt res vivæ, & sacræ, sed non solum justificant corda, verùm etiam satisfactoria sunt pro reatu poenæ tum sempiternæ, tum temporariæ. Quocirca non est mirum, si in meritis Christi fundari possint non solum Sacramenta quæ justificando abluunt maculas culpæ, sed etiam Indulgentiæ, quæ applicando satisfactionem Christi, expiant reatum poenæ. Porro Christi merita, seu po-

Pp

tius

ialis Christi passionem; non solum fuisse meritoriam, sed etiam satisfactoriam probamus ex eo quod scripsit Isai. cap. 53. (Verè languores nostros ipse tulit, & dolores nostros ipse portavit,) & S. Joannes in priorē epist. cap. 2. (Ipse est propitiatio pro peccatis nostris, non pro nostris autem tantum, sed etiam pro totius mundi.) Lutherus verò non probavit, Christi passionem non esse satisfactoriam, quod tamen probare debuit, si quid efficere voluit.

Secunda Obiectio. Blasphemia est, rem tam facram, ut sunt merita Christi, in sordidum opus mortis ponere: At pena temporalis, est sordidum opus mortis; igitur blasphemia est, Christi merita collocare in expiatione penae temporalis. Responsio. Quare Lutherus vocet sordidum mortis opus temporalem penam, non facile divinarem, nisi fortè, quia reatus penae fructus est peccati, quod est mors animae, ita nominare placuerit. Sed quaecumque sit causa huius appellationis, certè non est sordidum, sed gloriosum liberare hominem à sordido mortis opere. Nam quid sordidius, & deterius peccato? & tamen non est sordidum Christo, sed valdè honorificum esse Agnum Dei, qui tollit peccata mundi, multò igitur minus sordidum erit expiare reatum penae, cum non sit sordidum expiare reatum culpae. Quare non est blasphemia, sed gloriosa praedicatio dicere; Christi merita sacrosancta ejus esse virtutis, ut omnia peccata, & peccatorum reatus omnes eluere, & expiare valeant.

Tertia obiectio, Merita Christi sunt omnibus necessaria ad salutem, & idè tenentur omnes quærere, ut sibi ea merita applicentur. At Indulgentiae non sunt necessariae ad salutem, neque tenentur Christiani ullo praecepto ad eas suscipiendas: non igitur fundantur Indulgentiae in meritis Christi. Responsio. Merita Christi partim sunt omnibus necessaria, partim non necessaria, sed utilia, atque posteriore modo ad fundamentum Indulgentiarum pertinent. Nam quod attinet ad gratiam justificationis obtinendam, sine qua nemo salvus esse potest, sunt Christi merita omnibus necessaria, & idè tenentur omnes divino praecepto curare, ut sibi ea merita per Baptismum, vel, si post Baptismum à gratia Dei exciderint, per sacramentum poenitentiae applicentur, & hoc modo faciemur non pertinere ad fundamentum Indulgentiae Christi merita. At si quis post gratiam reconciliationis adeptam adhuc sit reus luendae penae temporalis, is non necessario eget meritis Christi, ut per ea reatus ille simpliciter condonetur, non quòd sine meritis Christi possit reatus poenae simpliciter condonari, sed quia poterit ipse non requirere tantam liberalitatem, contentus ipse suis laboribus, & poenis, vel in hac vita, vel in Purgatorio satisfacere Deo, cooperante semper Christi merito, & gratia, tamen utilissimum illi erit, si Christi merita ita sibi per Indulgentias applicentur, ut sine propria satisfactione continuo reatus ille solvatur, & hoc modo negari non potest, quin merita Christi pertineant ad thesaurum, & fundamentum Indulgentiarum: quamvis ut nemo cogitur suscipere Indulgentias, ita nemo cogatur dare operam, ut debitum temporalis poenae, Christi passione & meritis sine labore proprio compensetur.

Quarta Obiectio. Nullis scripturae sacrae testimoniis thesaurus Indulgentiarum comprobari potest, sed sola constitutione Clementis VI. quae incipit, Unigenitus. Non igitur satis firma sunt quae de Indulgentiis traduntur. Responsio. Jam supra ostendimus in priorē libro Indulgentiarum thesaurum non care fundamentis scripturarum sanctarum. Sed quamvis nulla testimonia scripturarum haberemus, non propterea sola Clementis constitutione niteremur. Neque enim Clemens ex proprio capite thesaurum

A excogitavit: sed ex antiqua traditione, ex Ecclesiae sensu, ex Theologorum communi doctrina, & consuetudine veterum Pontificum didicit, quod de thesauro docuit, & auctoritate Apostolica confirmavit. Denique etiam si nihil certi de thesauro Indulgentiarum (quod tamen minimè concedimus) ante Constitutionem Clementis habuissimus, satis tamen certi redderemur de thesauro huius veritate ex Clementis Pont. Maximi declaratione. Ipsum enim toti Ecclesiae datum à Deo Magistrum & Doctorem esse scimus, cum illius sedem teneat, cui propriè dictum est: *Pasce oves meas*, Joan. 21. Sed de hac re satis multa in aliis nostris libris, ac praesertim lib. 4. de Summo Pontifice cap. 3. scripta extant, quae hoc loco repetenda non sunt.

B Quinta Obiectio. Poenae, quae peccatum sequuntur, non possunt ullo modo remitti, sed velimus, nolumus, tolerandae sunt: igitur Indulgentiae, quae dicuntur esse remissiones poenarum, nihil omnino sunt. Probat Lutherus antecedens huius argumenti ex eo, quòd poena peccati Adamo, & toti generi humano inflicta, est labor, & mors, quam poenam certum est per Indulgentias tolli non posse. Sic etiam Deus in Psalm. 88. dicit: *Si peccaverint filii tui, visitabo in virga iniquitates eorum*. At Papa hanc virgam per Indulgentias avertere non potest. Sic Apostolus ad Hebr. 12. dicit, nos à Deo disciplinam accipere, & 1. Corinth. 11. dicit, nos à Deo judicari, & corripiri, ut non cum hoc mundo damnemur. Istam verò disciplinam, & correctionem Indulgentiae non tollunt. Responsio. In libro superiore demonstravimus, per Indulgentias non remitti poenas naturales, idest, quae sequuntur originale peccatum, & toti generi humano sunt communes: sed poenas dumtaxat, quae sequuntur peccata personalia, & eas non omnes, sed eas tantum, quarum sumus rei in foro poenitentiariorum, non autem eas, quas debemus in foro externo. Porro poenae, quarum fit mentio in Psalm. 88. & in epist. ad Corinth. & ad Hebr. ad forum externum pertinent, infliguntur enim à Deo tamquam Iudice in externo, & criminali foro. Nam si non potest Indulgentia tollere poenam, qua Praetor aliquem multavit ob furtum, vel homicidium, quanto minus tollere poterit eam, quam Deus ipse alicui decrevit? Quam igitur, inquires, poenam tollit Indulgentia? Illam quae in foro poenitentiariorum infligitur, quae voluntariè adimpletur, ad quam implendam non cogimur nisi timore Dei, & stimulo conscientiae. Haec enim est, per quam Domino satisfacimus, & cui succedit, nisi in praesenti Domino satisfiat, Purgatorii poena. Quamvis illud etiam negari non debeat, satisfieri quoque Deo per flagella ab ipso immissa, quando libenti animo tolerantur, sicut etiam interdum per poenam sponte susceptam praevenerimus manum Dei, & flagella ejus avertimus, ut exemplum Ninivitarum docet, quod habetur apud Jonam Prophetam cap. ultimo.

E Sexta obiectio, Indulgentiae dicuntur remittere poenitentias injunctas; at illae sunt opera bona, videlicet jejunia, eleemosynae, proceres, & similia: igitur Indulgentiae noxiae sunt, non salutes, cum à bonis operibus nos impediunt. Responsio. Indulgentiae remittunt poenitentias injunctas, non quatenus sunt opera, sed quatenus debitum eas implendi retardaret nostrum ingressum in vitam aeternam, si fortè ante illorum impletionem de vita nos exire contingeret. Itaque Ecclesia dum largitur Indulgentias, non prohibet studium poenitentiae, immò ad illud nos hortatur & excitat, sed à reatu illo nos liberat, quo, ut diximus, impediiri possumus à regno coelorum citius obtinendo. Proinde verè salutes, & nullo modo noxiae dicendae sunt Indulgentiae. Atque haec est summa objectionum Lutheri, nam

nam ad singula ejus verba satis accuratè Rossensis respondit, ut non sit opus aliquid addere.

CAPUT II.

Respondetur ad ea, quæ adversus Indulgentias Joannes Calvinus objecit in libro Instit. cap. 9. n. 38.

Venio nunc ad objectionem Joannis Calvini. Et quoniam nemo (quod sciam) ejus sententias ex proposito discutiendas suscepit: respondebo ad omnia, quæ scripsit in Institutione cap. 9. à num. 38. usque ad 44. in quem locum congescit, quæ de Indulgentiis dicenda sibi esse judicavit.

Initio igitur num. 38. more suo conviciis, & mendaciis ludit. Primum enim scribit, non multum sibi laborandum esse in Indulgentiis refellendis, cum ex sponte sua atque argumentis Lutheri, tanquam fortissimis arietibus concussæ, ad inclinationem spectare incipiant. Deinde addit, eas tamdiu salvas constitisse, quoniam tam alta errorum nocte immersi fuerunt aliquot sæculis homines, ut cum viderent, per Indulgentias sibi emungi pecunias, quæ in scorta, & lenones absumerentur, & à quæstuariis se palam deludi, tamen Indulgentias summa veneratione exciperent, venerarentur, adorarent. Adjungit postremò, ubi orbis sibi sapere aliquid permisit, Indulgentias paulatim frigere, & congelascere cepisse. Sed primum Calvini pronunciatum adeò falsum esse constat, ut nunquam major fuerit Indulgentiarum frequentia, nunquam major devotio, nunquam tam ardentè à populis Catholicis expetita fuerint, quàm ab eo tempore, quo à Luthero exagitari cœperunt. Hinc enim Tridentinum Concil. sess. 25. de Indulgentiis moderandis decretum edidit, & Clemens VIII. Pontifex Maximus, qui nunc Ecclesiam regit, nimium desiderium Indulgentiarum, & piam potentium importunitatem reprimendam esse prudentissimè censuit. Argumenta verò Lutheri adeò levia, insulsa, inepta sunt, ut non videatur negligentius causam istam agere potuisse, si ex animo prævaricari voluisset. Certè à doctis hominibus ita ridentur, ut per ea non everti, sed constitui Indulgentias arbitrentur. At persuasit tamen Lutherus multis. Ita est, sed persuasit etiam alia multo absurdiora, & crassiora, quia viam latam aperuit, per quam carnales homines libenter ingrediuntur. Quomodo etiam Mahumethes sine miraculis, sine sapientia, sine probitate vitæ, novam suam sectam quo licentiam magnam carni, ac sensibus daret, innumerabilibus hominibus persuasit.

Alterum Calvini pronunciatum in duobus peccat, primum enim tribuit errorum noctem aliquot sæculis, in quibus doctrina de Indulgentiis celebrior in Ecclesia fuisse videtur, videlicet ab anno millesimo ad millesimum quingentesimum. At certè sæcula ista ut caruerunt luce linguarum Latinæ & Græcæ, ita luce doctrinæ, & sanctitatis mirificè fulserunt, ut nullis anterioribus sæculis cedere videantur. Argumento esse possunt Concilia celeberrima singulis his postremis sæculis acta, Lateranensia, Lugdunensia, Viennensia, Constantiensia, Florentina. Item viri sancti miraculis clarissimi, Bernardus, Dominicus, Franciscus, Antonius, Petrus Martyr, Vincentius, Bernardinus, Nicolaus Tolentinus, alique quamplurimi. Denique viri doctissimi, Anselmus, Hugo, & Richardus Victorini, Alexander, Albertus, Thomas, Bonaventura, Scotus, Henricus, Durandus, alique propè innumerabiles, ut omniam Jureconsultos, Medicos, Historicos, qui scriptis suis, ista

Controu. Card. Bellarm. Tom. II.

sæcula egregiè illustrarunt. Deinde Calvinus abusus quæstuatorum in ipsos Pontifices refert, cum aperitissimè constet à Pontificibus semper fuisse damnatos, ut perspicuum est ex decretis Innocentii III. in Concilio Lateranensi. Innocentii IV. in Concilio Lugdunensi, & Clementis V. in Concilio Viennensi. At ut intelligant Calviniani, quàm immeritò de hac re Calvinus Pontifices reprehenderit, referam ad verbum partem decreti Clementis V. & Concilii Oecumenici Viennensis. *Abusonibus* (ita decretum incipit) *quas nonnulli elemosynarum Quæstores in suis proponunt predicationibus, ut simplices decipiant, & aurum subtili, vel fallaci potius ingenio extorqueant ab eisdem, cum in animarum cedat periculum, & scandalum plurimorum, viam, prout nobis possibile, praecludere cupientes, juxta statuta Concilii Generalis, duximus prohibendum distinctè &c.* Et infra: *Ad hac cum aliqui ex hujusmodi Quæstoribus, sicut ad nostram audientiam est perlatum, non sine multa temeritatis audacia, & deceptione multiplici animarum, Indulgentias populo, motu suo proprio de facto concedant, super votis dispensent, à perjuriis, homicidiis, & peccatis aliis sibi consentientes absoluant, malè ablata incerta data sibi aliqua pecunia quantitate, remittant, tertiam aut quartam partem de penitentibus injunctis relaxent, animas tres vel plures parentum vel amicorum illorum, qui elemosynas eis conferant, de Purgatorio (ut afferunt mendaciter) extrahant, & ad gaudia paradisi perducant, benefactoribus locorum, quorum Quæstores existunt, remissionem plenariam peccatorum indulgeant, & aliqui ex ipsis eos à pena & culpa ut coram verbis utamur, absoluant, Nos abusus hujusmodi, per quos censura vilescit Ecclesiastica, & clavium Ecclesia auctoritas ducitur in contemptum, omnimodè abolere volentes, ea per quoscunque Quæstores fieri, vel attentari de cetero districtius inhibemus.* Non igitur (ut Calvinus mentitur) à Papa, & suis bulligerulis quæstuosæ nundinationes de salute animarum exercebantur, pauculis nummis salutis pretium taxabatur, hac specie pecuniæ, quæ in scorta & lenones, & commensationes turpiter insumerentur, emungebantur. Sed hæc omnia tanquam manifesti abusus, à Pontificibus, & Conciliis Catholicis reprehendebantur, & prohibebantur, ut etiam hoc tempore reprehenduntur, & prohibentur.

Tertium Calvini pronunciatum causam verè aperit omnium malorum, quæ Germaniæ, & totius Septentrionis magnam partem miserè perdiderunt. Dicit enim, cum orbis sibi sapere aliquid permisit, tunc demum cepisse Indulgentias frigere & congelascere, donec tandem evanescant. Quid enim est, orbis sibi sapere aliquid permisit? nisi privati homines sapere voluerunt, contra præceptum Apostoli Rom. 12. plusquam sapere oportere. Item nullo mittente, nullo vocante, officium sibi docendi desumpserunt. Oves contemptis pastoribus ad nova pascua progredi, equi fessoribus excussis per devia currere decreverunt. Hæc igitur nova præsumptio, quæ unusquisque, Luthero auctore, Judicem se controversiarum omnium fecit, ac Pastores & Rectores à Deo positos in Ecclesia, juxta Apostolum ad Ephes. 4. audire contempsit, hæc, inquam, est, quæ dissidiis, & hæresibus Septentrionem replevit. Sed illud tamen, ut initio diximus, falsum est, *Indulgentias frigere, & congelascere cepisse, cum orbis sibi aliquid sapere permisit.* Quamvis enim serpente antiquo malè oculos aperiente seductis ab Hereticis, non solum Indulgentiæ, sed omnia bona opera, & ipsa fides vera & Catholica apud Lutheranos esse desierint, tamen apud Catholicos Indulgentiæ, quæ antiquis temporibus frigere videbantur, post exortam Lutheri sectam, quasi per antiperistatim recalescere, revirescere, ac resorere cœperunt, tantumque abest ut periculum sit, ne

evanescant, ut potius de moderandis, & intra certos terminos coercendis cogitandum fuerit. Sed jam ad argumenta veniamus.

C A P U T III.

Respondetur ad Objectiones Calvini ex num. 39. cap. 9. Infit.

IN sequenti numero, sive ut ipse vocare solet, sectione, Calvinus profitetur ipsas: *Indulgentias, etiam absterfas omni labe, idest, si nullo abusu fadentur, nihil esse aliud nisi sanguinis Christi profanationem, satanaque ludibrium, quo Christianum populum à Dei gratia, à vita, quæ est in Christo, abducant, & à vera salutis via avertant.* Gravissima hæc est Indulgentiarum accusatio, quam si Calvinus solidis argumentis comprobare queat, sine dubio causam obtinebit. Audiamus igitur probationem. Quo enim, inquit, poterat fadiri profanari Christi sanguis, quàm dum negatur sufficere ad peccatorum remissionem, ad reconciliationem, ad satisfactionem, nisi velut arescentis, & exhausti defectus aliunde suppleatur, & sufficiatur? Sed hoc non tam argumentum, quàm mendacium est. Nullus enim Catholicorum scripsit, Christi sanguinem non sufficere ad peccatorum remissionem, ad reconciliationem, ad satisfactionem, nisi defectus ejus aliunde suppleatur. Debuisset sanè vel unum aliquem allegare, qui ita sentiret. Neque solum nemo Catholicorum id scripsit, sed neque scribere potuit, cum ipse Clemens VI. Pontifex in constitutione de thesauro Indulgentiarum, quem propriè Calvinus oppugnat, & omnes Theologi affirmant Christi sanguinem adedò pretii esse infiniti, ut vel una ejus gutta sufficere potuerit ad omnia totius mundi crimina expianda. Quod autem Calvinum fefellit, id fuit, quod Catholici docent in thesauro Indulgentiarum contineri non sola Christi merita, sed etiam sanctorum. Sed non idedò adjungimus meritis Christi merita Sanctorum, quasi illa non sufficiant, sed ut merita Sanctorum, quæ illis superfuerunt, non sint otiosa, ut Sancti hoc honore gaudeant, ut efficacia meritorum Christi magis eluceat, quæ non solum per se possunt expiare peccata, & reatum peccatorum, sed etiam efficere ut merita sanctorum vim habeant expiandi reatum poenæ temporalis. Quæ est etiam ratio, cur Deus voluerit, ut unusquisque nostrum propriis meritis coronam vitæ sibi acquirat, juxta illud Apostoli 2. Tim. 2. *Non coronabitur nisi qui legitime certaverit:* non quod Christi merita non sufficiant, sed quia id nobis utilius, & Christo gloriosius est. Quemadmodum etiam idem Deus instituit, ut secundæ causæ non sint otiosæ, sed cum ipsa prima causa ad res producendas convenient, quamvis prima causa sine secundis res omnes æque facili, ac perfectè efficere potuisset.

Pergit Calvinus, & ex variis scripturarum testimoniis probare nititur, Christi sanguinem profanari, si illi sanctorum merita adjungantur: *Christo, inquit, lex, & Propheta omnes (teste Petro Act. 10. testimonium perhibent, quod per ipsum accipienda sit remissio peccatorum. Indulgentia remissionem peccatorum per Petrum & Paulum, & Martyres largiuntur. Sanguis Christi emundat nos à peccato (inquit Joannes 1. Joan. 1.) Indulgentia sanguinem Martyrum faciunt peccatorum ablationem. Christus (inquit Paulus 2. Cor. 5.) qui peccatum non novit, factus pro nobis est peccatum, idest, peccati satisfactio, ut iustitia Dei efficeremur in illo. Indulgentia peccatorum satisfactionem in sanguine Martyrum reponunt. Clamabat Paulus, & Corinthiis testificabatur 1. Cor. 1. Solum Christum pro ipsis crucifixum, & mortuum esse. Indulgentia pronunciant Paulum & alios*

A *pro nobis mortuos.* Alibi dicit, Christum acquisivisse Ecclesiam suo sanguine Act. 20. Indulgentia aliud pretium acquisitionis in sanguine Martyrum statuunt. Una oblatione Christus consummavit in perpetuum sanctificator, ait Apostolus Hebr. 10. Indulgentia reclamant, à Martyribus perfici sanctificationem, quæ aliqui non sufficeret. Joannes dicit Apoc. 7. *Sanctos omnes lavasse stolas in sanguine Agni.* Indulgentia docent lavare stolas in sanguine Sanctorum. Hæc ille, cui respondemus, testimonia scripturarum verissima esse, sed perperam allegari: loquuntur enim de remissione culpæ, ac præsertim lethalis, idest, de justificatione impij, & reconciliatione, per quam ex peccatoribus efficitur justus, quam accipimus in sacramentis Baptismi, vel poenitentiae, ubi nullum locum habent merita sanctorum. Porro Indulgentiæ non remittunt culpam, neque lethalem, neque venialem, sed solam poenam, eamque temporariam, cujus reatus inveniri potest in omnibus justificatis, sanctificatis, ablutis, sicut inveniebatur in Davide, cui post confessionem peccati dictum est à Propheta Nathan 2. Reg. 12. *Dominus transulit peccatum tuum, verumtamen, quoniam blasphemare fecisti inimicos nomen Domini, Filius, qui natus est tibi, morte morietur.* Non igitur Indulgentiæ tribuunt sanctis id, quod scripturæ allegatæ tribuunt Christo. Ac ut id planius fiat, excutiam breviter singula testimonia à Calvino adducta. In Actis c. 10. loquitur S. Petrus de remissione peccati, quæ habetur per fidem, & Sacramenta, sine qua nemo salvus esse potest. Nam idedò dictum est Cornelio ab Angelo, *Accersi Simonem, qui cognominatur Petrus, qui loquetur tibi verba, in quibus salvus eris tu, & universa domus tua.* Neque obstat, quod Cornelius in eodem loco dicitur fuisse vir justus & timens Deum, etiam antequam Petrum audiret. Nam (ut scribit S. Augustinus in lib. 1. ad Simplicianum quæst. 2.) Justus erat Cornelius iustitia quadam inchoata & imperfecta, sed non poterat salvus esse nisi crederet in Christum, & per baptismum remitterentur ei peccata, & ipse incorporaretur Ecclesiæ. Nam ut idem Augustinus loquitur lib. 1. de prædest. sanct. c. 7. *Si potuisset Cornelius sine fide Christi salvus esse, non ad eum adificandum missus fuisset architectus Petrus.* De hac igitur remissione loquitur idem Apostolus, cum ait: *Hinc omnes Propheta testimonium perhibent, quod per ipsum accipienda sit remissio peccatorum, de qua remissione falsò Calvinus dicit, Indulgentia remissionem peccatorum per Petrum, & Paulum, & Martyres largiuntur; cum jam sæpè sit dictum, culpas per indulgentias non remitti.*

In epist. 1. cap. 1. S. Joannes cum dicit: *Sanguis ejus emundat nos à peccato,* loquitur de remissione culpæ, quæ maculam propriè gignit in anima. Macula enim est, quæ ablutione tollitur, non poena, quæ debitorem, non sordidum facit. Itaque falsò Calvinus addit, *Indulgentia sanguinem Martyrum faciunt peccatorum ablationem.* Non enim ablutionem culpæ, sed solutionem pro debito poenæ Indulgentiis Catholici tribuunt.

In epist. 2. ad Corinth. cap. 5. Apostolus Paulus posteaquam dixit, Christum factum esse peccatum, idest, hostiam pro peccato adjunxit, ut nos efficeremur iustitia Dei in illo. Ex quo intelligimus eum loqui de remissione peccati, per quam justificamur & ex impijs efficitur pii, quem effectum nemo unquam Catholicorum Indulgentiis attribuit. Quare Calvinus cum scribit, *Indulgentia peccatorum satisfactionem in sanguine Martyrum reponunt,* vel loquitur de satisfactione pro culpa & poena sempiterna, & falsò Catholicis imponit, quod ex eorum sententia Indulgentiæ satisfactionem peccatorum in sanguine Martyrum reponant: vel loquitur de satisfactione pro poena temporali & falsò Indulgentias verbis Apostoli Pau-

li Pauli opponit, cum Apostolus de satisfactione pro culpa intelligendus sit.

In Epist. 1. ad Corinth. c. 1. idem Apostolus cum restitatur & clamat, solum Christum crucifixum esse pro nobis, loquitur sine ullo dubio de passione Christi, quatenus ea per baptismum applicata iustificat, & reconciliat. Ideo enim duo illa conjungit: *Numquid Paulus pro vobis crucifixus est? aut in nomine Pauli baptizati estis?* In quo sensu nemo Catholicorum ferret, quod Calvinus dicit: *Indulgentia promittant, Paulum & alios pro nobis mortuos.*

In Actis c. 20. cum idem Apostolus scribit, Christum proprio sanguine Ecclesiam acquisivisse, manifeste loquitur de pretio sanguinis, quo redimimur de captivitate Diaboli, & per fidem & Baptismum adjungimur ad Ecclesiam, tunc enim edificatur, & acquiritur Ecclesia, cum per fidem & sacramenta homines incorporantur Ecclesiae. In quo sensu falso Calvinus dicit: *Indulgentia aliud pretium acquisitionis in sanguine Martyrum statuit.*

In Epist. ad Hebr. c. 10. cum idem Apostolus scribit Christum unica oblatione consummasse in perpetuum sanctificatos, significat, Christum unica oblatione corporis sui in Cruce sufficiens pretium obtulisse, quo possint omnes homines redimi ab omni iniquitate, & ita redimi, ut ipsa redemptio perpetua esse possit, cui redemptioni non repugnat, ut homines sic redempti, hoc est iustificati, & reconciliati reatum aliquem poenae temporalis habeant, pro quo solvendo Indulgentiis opus habeant, sicut enim culpae veniales, sine quibus haec vita non ducitur, non impediunt redemptionem, justificationem, & sanctificationem; ita nec reatus poenae temporalis eam impediunt. Proinde falso Calvinus adjungit: *Indulgentia reclamant, à Martyribus perfici sanctificationem, qua aliqui non sufficeret.* Nam Catholici neque dicunt, Indulgentiis perfici sanctificationem, & multo minus affirmant, Christi sanctificationem non sufficere. Sed non est hoc primum, quod falso Catholicis Calvinus attribuit.

In Apocalypsi cap. 7. cum Joannes dicit, omnes sanctos lavisse stolas in sanguine Agni, nemo dubitare potest quin loquatur de justificatione à culpa tum originali, tum actuali, quae ut supra diximus, proprie maculam gignit. Quare falso Calvinus addit: *Indulgentia docent, lavare stolas in sanguine Sanctorum.* Si quidem Indulgentiae Catholicae nihil tale docent, neque unquam docuerunt. Videmus igitur agmen argumentorum Calvinianorum tot scripturarum telis armatum, plus ostentationis, quam soliditatis habuisse. Nam cum totum vel ex falsis, vel ex veris ad rem non facientibus constaret, cum ad manus ventum est, & cominus signa collata, vera ad rem non facientia pugnare noluerunt, falsa verò facile hostibus terga verterunt.

C A P U T IV.

Respondetur ad objectionem Calvinii ex cap. 9. Instit. num. 40.

IAM verò in sectione 40. ducit Calvinus argumentum à testimoniis Sanctorum Patrum, Leonis, & Augustini, Praclare, inquit, adversus hac sacrilegia Leo Episcopus Romanus in epist. 81. ad Palestinos loquitur. *Quamvis multorum Sanctorum in conspectu Domini pretiosa mors fuerit: nullius tamen insontis occiso propitiatio fuit mundi. Accepere iusti, non dedere coronas, & de fortitudine fidelium nata sunt exempla patientia, non dona iustitia. Singulares quippe illorum mortes fuerunt, nec alterius quispian debitu suo sine persolvit, cum unus extiteris Dominus Christus, in quo omnes cruci-*

Contrav. Card. Bellarm. Tom. II.

A *fixi, omnes mortui, omnes sepulsi, omnes sunt etiam resuscitati. Nec minus appositè S. Augustinus tract. 84. in Joannem. Et si Fratres, inquit, pro fratribus moriamur, nullius tamen sanguis Martyris in remissionem peccatorum funditur, quod fecit Christus pro nobis, neque in hoc quid imitaremur, sed quid gratularemur, contulit nobis. Item lib. 4. ad Bonifacium c. 4. sicut solus filius Dei factus est filius hominis, ut nos secum filios Dei faceret, ita pro nobis solus suscepit sine malis meritis poenam, ut nos per ipsum sine bonis meritis consequeremur gratiam. Hoc argumentum Calvinii non minus speciosum, nec magis solidum est, quàm superius. Vera sunt omnia, quae à Sanctis Patribus, Leone, & Augustino dicuntur: sed ad rem praesentem nihil omnino faciunt. Quid enim **B** S. Leo dicit? Solius Christi mortem mundi propitiationem fuisse, neque Sanctorum mortibus ullam partem ejus propitiationis esse tribuendam. Verissimum est, nam ipsi etiam sancti de mundo aliquando fuerunt, & Christi morte redempti, de mundo exire coeperunt. Neque nos Indulgentiis id adscribimus, ut mundum reconcilient Deo, sed ut eos, qui jam de mundo per Christum educti, & Deo Patri reconciliati sunt, juvent, ut à reatu poenae temporalis, si quo fortè adhuc tenentur obstricti, facilius liberentur. Quid praeterea S. Leo dicit? Accepisse iustos, non dedisse coronas, & hoc nos quoque libentissimè confitemur, neque enim merita, quibus praemia, & coronae respondent, per Indulgentias habere nos credimus. Quid postea idem Leo adjungit? Ex fidelium **C** fortitudine nata esse exempla patientiae, non dona iustitiae. Et hoc nihil verius, nam dona iustitiae non potest dare, nisi qui iustificat impium. Impium verò iustificare non potest, nisi ille, qui peccatum non fecit, & cuius passio pretii fuit infiniti, de cuius plenitudine nos omnes accepimus. Solus ipse caput existens corporis Ecclesiae, suis omnibus membris gratiam comparavit. Neque ullus Catholicorum docuit unquam per Indulgentias acquiri dona iustitiae, vel, quod est idem, quemquam ex impio iustum fieri. Quid postremo S. Leo nos monet? Singulares aliorum **D** mortes fuisse, neque quemquam alterius debitum suo sine solvisse, unum esse Christum, in quo omnes mortui, omnes sunt etiam suscitati. Id verò quis nostrum unquam negavit? Certè unusquisque dum moritur, debitum proprium solvit, quod in Adamo contraxit. Solus Christus, qui debitum moriendi non habuit, pro omnibus mortuus est, ut mortem moriendo destrueret, & vitam resurgendo repararet. Neque ista inter se pugnant, quòd per Christi mortem à debito mortis liberati sumus, & tamen unusquisque nostrum moriendo debitum solvat, quod in Adamo contraxit. Siquidem mortis debitum non erat solum ut moreremur, sed ut in morte perpetuò maneremus Christus autem, qui ut Apostolus ait 2. ad Timoth. 1. destruxit quidem mortem, illuminavit autem vitam & incorruptionem, id nobis morte sua contulit, ut licet ad tempus moriamur, tamen ad vitam revocati perpetuò cum ipso vivamus. Neque verò aliquid horum Indulgentiis tribuimus, aut sanctorum mortibus, ut Calvinus credi voluit. Sed quemadmodum nos verissima esse fatemur omnia, quae S. Leo in epistola allegata posuit: sic ipse vicissim non negasset, si de his rebus differendi illi se occasio obtulisset, sanctorum passiones aliis Ecclesiae membris applicari posse ad solum reatum poenae temporariae dissolvendum. Propositum enim S. Leoni in ea epist. fuit demonstrare necessitatem verae carnis in Christo adversum haeresim Eutychetis, quae paulò ante suborta fuerat. Itaque docet S. Leo, veram in Christo fuisse carnem, quoniam sine vera carne, verè mori non potuisset. Quòd si Christus verè mortuus non esset, nos quoque redempti, ac reconciliati Deo non essemus, cum*

nullius alterius hominis, quamvis innocentis, & sancti, propitiatio mundi esse potuerit. Hæc est S. Leonis ratiocinatio, quæ solidissima est, si agatur, ut verè agitur, de redemptione à captivitate Diaboli, de propitiatione peccati lethalis, & de satisfactione pro reatu, ac debito mortis æternæ. At si quis contendat, eandem ratiocinationem extendere ad satisfactionem pro reatu poenæ temporariæ, nihil efficiet, & contra ipsum Leonem disputabit, qui ferm. 1. de jejunio decimi mensis, in epist. 79. ad Nicetam, & 91. ad Theodorum, & 92. ad Rusticum sæpè reperitur, per opera bona satisfieri Deo, poenas peccatorum redimi, placari Deum &c. & quemadmodum non negat S. Leo, immò verò palam affirmat, posse unumquemque suis operibus satisfacere Deo pro reatu poenæ temporalis, quamvis solius Christi mors reconciliatio fuerit mundi: sic etiam non negaret propter vinculum charitatis, & Sanctorum communionem, posse unius satisfactionem alteri applicari pro solutione reatus poenæ temporalis, atque hoc solum est, quod per Indulgentias fieri Catholici docent. Nunc ad S. Augustini testimonia eadem responsio dari potest, loquitur enim S. Augustinus, ut verba ipsa clamant, de remissione peccatorum, quam in justificatione accipimus, cum ad gratiam Dei sine ullis nostris bonis meritis pervenimus; quam remissionem (ut sæpè jam diximus) nemo Catholicorum ab Indulgentiis, vel à sanctis expectat, sed omnes in unum Christum integrè referunt. Quid igitur jam habet Calvinus? Optima testimonia protulit, sed nihil nisi aerem verberavit.

CAPUT V.

*Refelluntur ea, quæ Calvinus habet cap. 9.
Instit. num. 41. & 42.*

Pergit Calvinus, & sectione 41. refellere conatur rationem Catholicorum, quæ thesaurum Indulgentiarum ab illis astrui dicit. Proponit autem eam rationem his verbis. *Agnoscant, an non hæc sint sua placita: Martyres plus morte sua præstitisse Deo, ac meritos esse, quam sibi opus esset: tantamque illis meritorum largitatem superfuisset, quæ in alios redundaret. Ne igitur supervacuum sit tantum bonum, commisceri eorum sanguinem sanguini Christi, & ex utroque thesaurum Ecclesie confici ad remissionem, & satisfactionem peccatorum. Atque ita accipiendum quod ait Paulus Galoss. 1. Supplea in corpore meo ea quæ desunt passionum Christi pro corpore ejus, quod est Ecclesia.* Hæc ille. Qui non omnino fideliter rationem Catholicorum proposuit, ut planè negare possimus illa nostra esse placita. Neque enim docemus, Martyres morte sua plus Deo præstitisse, quam sibi opus esset absolute: sed quàm sibi opus esset ad satisfactionem pro reatu poenæ temporalis. Quod quidem adeò verum est, ut cæcus sit oporteat, qui id non videat. Certè Joannes Baptista tam innocenter vitam duxerat, ut nullo modo ad expianda peccata sua passionis & mortis illius acerbitate indigeret. Proinde plus Deo præstitit morte sua, quàm sibi ad peccata expianda opus esset. Quod idem de Apostolis, multisque aliis Martyribus dici potest. Nam si peccatorum etiam maximorum & plurimorum reatus unica Martyris passione purgatur, pro quibus alioqui du in igne poena luenda fuerat, ut S. Cyprianus scribit lib. 2. epist. 4. ad Anonianum, profecto qui levium, & paucorum delictorum est reus, & tamen pro Christo, post varia tormenta vitam ponit: morte sua plus Deo præstat quàm sibi ad reatum poenæ temporariæ peccatis suis debita dissolvendum opus esset. Præterea quod

A Calvinus addit, nos dicere, sanctos plus esse meritos apud Deum, quàm sibi necesse esset, & meritorum largitatem ita illis superfuisset, ut in alios redundaret: non agnoscimus, ut nostra placita, sed ut ipsius commenta. Nos enim, ut concedimus, satisfactiones multis sanctorum superfuisset, quod modo satis evidenter ostendimus: ita negamus superfuisset merita, vel ipsa merita in alios redundare. De qua re in lib. priore satis multa diximus. Sed facile agnoscimus Calvino, quod vel ob imperitiam, vel ob negligentiam, vel etiam ut causam Catholicorum odiosam redderet, non fideliter nostra proposuit. Illud videamus, an qui non integrè fundamentum Indulgentiarum retulit, illud saltem solide refutaverit. Sic igitur pergit loco notato. *Quid hoc est, nisi Christo nomen relinquere, cateram vulgarem sanctulum facere, qui in turba vix dignoscatur? Unum, unum istum prædicari decebat, unum proponi, unum nominari, unum respici, cum de obtinenda peccatorum remissione, expiatione, sanctificatione agitur.*

B At non ita est, non vulgaris sanctulus, sed sanctus sanctorum ex thesauro Indulgentiarum Christus agnoscitur. Non enim sanctorum passionibus Christi passionibus miscentur in thesauro, quod Christi passionibus per se non sufficiant, sed ut ostendatur excellentia passionum Christi, quæ non solum expiare queunt reatus peccatorum, sed etiam aliis vim expiandi communicare. Itaque, ita miscentur in thesauro passionibus Christi passionibus sanctorum, ut Christi passionibus omnem culpam, originalem, & actuale, lethalem, & venialem, & omnem poenam sempiternam, & temporariam expiare valeant, idque totum per se; etiamsi nullæ admiscerentur passionibus sanctorum, quæ sanctorum passionibus sine Christi passionibus nihil possunt, & cum Christi passionibus solas poenas temporarias expiare possunt. Non igitur unum de turba, sed Regem Martyrum, & sanctorum Omnium Christum facimus, illumque unum, ut simpliciter & absolute Redemptorem, propitiatorem, & Salvatorem prædicamus, nominamus, proponimus, atque respicimus. Quod si solum nomen Christo relinquit, qui Sanctos quoquomodo illi adjungit, quid respondebimus Apostolo, qui se Christi Adjutorem facit 1. Cor. 3. & Salvatoris officium sibi vendicat 1. Cor. 9. & illuminatorem omnium hominum se dicit Ephes. 3. an ignorabat Apostolus, Christum non egere humano adjutorio, & ipsum solum esse Salvatorem omnium hominum; & ipsum eundem, & solum esse lucem veram, quæ illuminat omnem hominem venientem in hunc mundum? An volebat Christum, vulgarem sanctulum facere, ut in turba vix dignosceretur? Quemadmodum igitur Apostolus dum sibi officium adiuvandi Christum, salvandique, & illuminandi homines desumit, nullam Christo facit injuriam, quia Christus ipse Paulum sibi adiutorem esse voluit, dignatione, non necessitate: & si Christus & Paulus salvant & illuminant homines, Paulus à Christo virtutem salvandi, & illuminandi accepit, non Christus à Paulo; sic etiam dum nos sanctis tribuimus officium satisfaciendi pro poenis temporalibus aliorum, non facimus Christo injuriam, quoniam, ut dictum est, virtutem satisfaciendi ab ipso Christo sancti accipiunt, non absolute, & simpliciter sed pro modulo sibi communicato. Addit postremo Calvinus in eadem sectione.

Sed audiamus eorum entymemata. Ne sine fructu effusus sit sanguis Martyrum, in commune Ecclesia huius conferatur. Ita ne? an verò nullus erat fructus, glorificare Deum per mortem? veritati ejus suo sanguine subscribere? testificari præsentis vitæ contemptum meliorem se vitam quærere? fidem Ecclesia sua constantia confirmare, hostium autem pertinaciam frangere.

At

At nos talia entymemata numquam fecimus, neque est difficile conficta à se argumenta dissolvere. Extant libri permulti Catholicorum, ubi de Indulgentiis accuratè differitur, & in nullo eorum invenitur, passionibus sanctorum sine fructu futuras, si in thesauro non reponantur. Id solum dicunt, passionibus sanctorum non absolutè, sed ut satisfactorias sine fructu futuras, si neque illis ipsi egeant, neque aliis applicentur; quamvis alioqui multis aliis nominibus gloriosas Deo, honorificas ipsis, & utiles Ecclesiæ fuisse non dubium sit.

Porro ad testimonium Apostoli ex epist. ad Coloss. cap. 1. quod Calvinus à Catholicis adferri dixit, respondet in sectione sequenti, quæ est quadragesima secunda: ac multis verbis docet Apostoli verba: *Suppleo quæ defunt passionibus Christi &c.* non significare Christi passionibus aliquid defuisse ad vim satisfaciendi pro peccatis, sed Christi membra, nempe fideles omnes exerceri oportere variis afflictionibus, idque pro Ecclesiâ, idest, pro Ecclesiæ ædificatione, & profectu. Sed quamvis hic sensus, quem Calvinus amplectitur, sit etiam à multis ex nostris observatus, & approbatus: tamen nos in libro superiore ostendimus, præter eum sensum, posse Apostolica illa verba commodè recipere alios sensus; atque eum præferimus, qui ad thesaurum Indulgentiarum stabilendum confert, quem quidem sensum sibi non probari Calvinus significat, sed eum refellere solido aliquo argumento nec potuit, nec tentavit.

CAPUT VI.

Respondetur ad ea, quæ Calvinus profert cap. 9. Inst. num. 43.

Postremam objectionem Calvinus in sectione, si ve numero 43. petit à comparatione Indulgentiarum cum Evangelio. Sic autem loquitur. *Quis docuit Papam plumbo & membrana gratiam Jesu Christi includere, quam Dominus verbo Evangelii dispensari voluit? Sane aut mendax Dei Evangelium esse oportet, aut mendaces Indulgentias. Nam Evangelium Christum cum omni affluentia bonorum coelestium, cum omnibus suis meritis, omni sua iustitia, sapientia, gratia, nulla exceptione nobis offerri testis est Paulus, qui 2. Corinth. 5. dicit, depositum esse apud ministros verbum reconciliationis, quo hac legationis forma fungantur seu Christo per ipsos hortante, obsecramus reconciliamini Deo. Eum qui peccatum non novit, pro nobis peccatum fecit, ut efficeremur iustitia Dei in illo. Contra, hi Indulgentia demensum aliquod gratia, ex armario Papa reclusum, plumbo, membrana, loco etiam affigunt, à verbo Dei avellunt. Hæc omnia per partes sigillatim refellenda sunt, ne queratur Calvinus, aliquid à nobis temerè prætermisum. Quod igitur reprehendit, gratiam Dei plumbo, & membranz includi, respondeo: non aliter à Pontifice Maximo gratiam Dei plumbo & membranz aliquando includi, quàm Apostoli, & Prophetæ literis, & chartæ mysteria salutis incluserint. Nam quemadmodum scripta Apostolorum, & Prophetarum signa quædam sunt rerum coelestium, quæ nobis vel revelantur, vel promittuntur, vel dantur: sic etiam literæ Pontificiæ suis legitimis sigillis munitæ, signa sunt remissionis, quam Pontifex, pro potestate à Deo accepta, concedit iis, qui ea, quæ ab ipso præcipiuntur, impleverint. At non hoc inquit, reprehendit Calvinus, quòd remissio aliquomodo plumbo & membranz, ut instrumentis quibusdam includatur, sed quòd literis ea remissio includatur, quam Dominus verbo Evangelii dispensari voluit. Quæro igitur à Calvino, an existimet verbo*

Contrav. Card. Bellarm. Tom. II.

A Evangelii solum voce prolato, an etiam scripto gratiam illam remissionis dispensari posse? Certe si velit sibi constare, concedere debet, verbo Evangelii non solum per sermonem, sed etiam per scripturam dispensari. Ipse enim tum alibi sæpè, tum in hoc loco docet remissionem peccatorum per exhortationem, sive concionem fieri, idè enim allegat verba illa: *Posuit in nobis verbum reconciliationis, tamquam Deo exhortante per nos, obsecramus pro Christo, reconciliamini Deo.* At exhortatio, & concio non solum verbo, sed etiam scripto fieri potest. Ipse enim Apostolus cum illa dicebat, quæ Calvinus citat per epistolam scriptam Corinthiis prædicabat, & ipse idem tot exhortationes, & quidem gravissimas fecit, quot Epistolas scripsit. Unde Thessalonicensibus dicebat: *Ne terreamini, neque per sermonem, neque per Epistolam tamquam per nos missam, quasi instet dies Domini &c.* Itaque, quo modo potest remissio annunciari verbo, ita potest annunciari scripto, ac per hoc potest literis, & membranz includi. Atque hæc dicta sunt à nobis, ut ex principiis propriis Calvinum refelleremus. Nos enim non credimus, verbum reconciliationis nihil esse aliud, nisi concionem, neque existimamus (ut Calviniani somniant) potestatem remittendi vel retinendi peccata ad concionem esse referendam. Scimus enim conciones fieri ad fideles, & infideles, justos, & peccatores, poenitentes, & impenitentes; peccata autem non remitti, nisi fidelibus peccatoribus, poenitentibus. De qua re satis multa dicta sunt à nobis in lib. de Poenitentia. Neque admittimus remissionem peccatorum Sacramentalem debere, aut posse plumbo, & membranz includi, sed tantum eam remissionem, quæ fieri potest extra Sacramentum, qualis est absolutio à censuris Ecclesiasticis, & absolutio à reatu poenæ temporalis, quæ datur per Indulgentias. Neque hoc est, gratiam Dei plumbo, & membranz propriè includi ut Calvinus dicit, sed est voluntatem ejus, qui potestatem habet Indulgentias largiendi, declarari literis, sigillo munitis, ut solent alia multa declarari, quæ à voluntate Principis dependent.

D Jam verò quod Calvinus adjungit, aut mendax esse Dei Evangelium, aut mendaces Indulgentias, non integram partitionem continet, deest enim tertium membrum, aut Calvinus nescit quid loquatur; Evangelium enim non dicit, ut Calvinus interpretatur, in omni reconciliatione nobis offerri Christum cum omni affluentia coelestium bonorum, ita ut semper remittatur omnis reatus culpæ, & poenæ tam sempiternæ, quam temporariæ. Si enim Evangelium hoc doceret, pugnaret utique cum Indulgentiis; & quia mendax Evangelium esse non potest, id planè sequeretur, ut mendaces essent Indulgentiæ. At Evangelium dicit quidem in prima reconciliatione, quæ fit in Baptismo, hominem renovari, & renasci, Joan. 3. & Tit. 3. Christo commori, & conspeli, & resurgere in novam creaturam, Rom. 6. ac proinde nihil expiandum remanere, neque egere hujusmodi homines ulla alia Indulgentia, si fortè continuo post Baptismum eos de hac vita migrare contigerit. Cæterum in secunda reconciliatione, quæ fit per Sacramentum Poenitentiae, Evangelium dicit, Christum offerri poenitenti cum affluentia quidem coelestium bonorum, sed non tanta, ut continuo remittatur omnis reatus culpæ & poenæ, sed ut post remissam omnem culpam, & poenam sempiternam, remaneat poenitentia, & satisfactio peragenda pro temporaria poena explenda; non enim reconciliatio hæc secunda, est regeneratio, & renovatio, sed est quasi medicinalis curatio, & baptisimus quidam laboriosus, & secunda tabula post naufragium, ut Sancti Patres passim docent, quos citavimus in libris de Poenitentia.

etia. Quare cum in secunda reconciliatione secundum Evangelium relinquatur saepenumero reatus aliquis poenae temporalis expiandus, locum suum habere possunt Indulgentiae, neque cum Evangelio ulla ratione pugnant. Sed videamus, quomodo probaverit Calvinus, Evangelium in omni reconciliatione offerre nobis Christum cum omni affluentia coelestium bonorum, ita ut semper tam copiose merita ejus applicentur, ut nihil omnino remaneat expiandum. Certe nihil attulit, nisi testimonium Apostolicum 2. Cor. 5. *Posuit in nobis verbum reconciliationis &c.* At in eo testimonio nulla fit mentio totius affluentiae coelestium bonorum, neque applicationis omnium meritorum Christi: sed solum ex eo loco habemus, eos reconciliari Deo per ministerium servorum Dei, qui ab illo potestatem habent, quique legatione funguntur pro Christo, & per quos Deus nos exhortatur, ut reconciliemur. Quandoquidem Christus, qui peccatum non fecit, factus est pro nobis peccatum, idest, victima salutaris ad expianda peccata, ut nos efficiamur iustitiae Dei in illo, idest, per ipsum verè, proprieque justificemur. Sed quam latè pateat ea reconciliatio & an semper relaxet omnem culpam & poenam, an aliquando solam culpam, & poenam aeternam, Apostolus non dicit, & ex aliis locis tum scripturae, tum Patrum satis apertè colligimus, post remissam culpam, restare poenae temporalis reatum, vel propriis laboribus solvendum, vel per Indulgentias condonandum. Non igitur Evangelium est mendax, neque mendaces sunt Indulgentiae, sed Calvinus Evangelium mendaciter allegavit.

Pergit in eadem sectione Calvinus, ac docet, unde origo Indulgentiarum fluxerit. Si quis, inquit, originem requirat, hanc videtur hic abusus emanasse, quod cum injungerentur olim severiores satisfactiones poenitentibus, quam ut ab omnibus fieri possent, qui poenitentia sibi imposita gravari se ultra modum sentiebant, petebant ab Ecclesia relaxationem. Remissio qua talibus fiebat, Indulgentia vocabatur. Ubi autem satisfactiones ad Deum transfuderunt, ac compensationes esse dixerunt, quibus se redimant homines à iudicio Dei, simul etiam Indulgentias eo traxerunt, ut essent expiatoria remedia, quae nos poenis meritis liberent. Illas verò quas retulimus blasphemias, tanta impudentia confecerunt, ut nullum praetextum habere queant.

In his verbis tria quaedam Calvinus affirmat, quae nullo testimonio, nulla ratione probare potuit. Neque enim ex historia antiquitatis, sed ex Lutheri somniis hausit quaecumque hoc loco effudit. Primum igitur, ait, injungi solitas olim severiores satisfactiones, quam ut ab omnibus fieri possent, & relaxationem eorum, qui supra modum gravati erant, Indulgentiam esse nominatam. Quæro, ubi hoc legitur, ubi didicerit, mirum silentium. Nos contra legimus in antiquis Conciliis, Indulgentias concedi solitas non iis, qui se supra modum gravatos dicerent, sed qui poenitentiam injunctam aliquanto tempore studiosè, libenterque peregerant. Concilium Ancyranum can. 4. aliàs 5. *Penes Episcopum, inquit, erit potestas modum conversationis eorum (poenitentium) probare, vel humanius erga eos agere, vel amplius tempus adjicere. Ante omnia verò procedens eorum vita, & posterius inquiratur, & ita eis impertiatur humanitas.* Et clariùs cap. 22. *Modus poenitentia in Episcoporum sit arbitrio, ut secundum conversationem poenitentium, possint & extendere tardantibus, & minuire studiosè festinantibus.* Concilium Nicænum I. canon. 11. aliàs 12. cum poenitentiam lapsis præscripsisset annorum tredecim, addit: *Ab omnibus verò illud præcipue observetur, ut annuus eorum, & fructus poenitentiae attendatur. Quicumque enim cum omni timore & lachrymis perseverantibus, & operibus bonis conversationem suam non verbis solis,*

sed opere, & veritate demonstrant, cum tempus statutum etiam ab iis fuerit impletum, nimirum primi triennii, quo inter audientes futuri erant, & orationibus jam ceperint communicare, licebit Episcopo humanius circa eos aliquid cogitare (idest, minuire aliquid de reliquis decem annis) qui verò indifferenter habuerint lapsum, & sufficere sibi quod Ecclesiam introierint arbitrantur, isti omni modo tempora statuta complebunt. Ubi clarissimè vides Indulgentiam dari diligentibus, negari negligentibus. Neque solum non est verum, quod Calvinus dicit, sed nec est ullo modo verisimile. Nam nec sancti illi Patres satisfactiones injunxissent severiores, quam par esset: nec si fortè aliquis supra modum gravatus fuisset, illum per Indulgentiam, sed per iustitiam ab illo onere sublevassent. Quæ enim Indulgentia est, demere onus injustè impositum? Deinde affirmat idem Calvinus, satisfactiones illas poenitentiarias postea ad Deum fuisse translatas, & inde factum esse, ut Indulgentiae crederentur esse remedia expiatoria, quæ nos à poenis meritis liberent. Hic etiam quærimus, ut ostendant Calviniani, quando satisfactiones poenitentiariae non pertinerint ad expiandas poenas iudicio Dei debitas, nos enim legimus in antiquissimis Patribus, per satisfactiones illas placari Deum, propitiari Deum, satisfieri Deo. Multa citavimus in libris de Poenitentia, nonnulla etiam in libro superiore. Nunc unius Cypriani testimonio contentus ero. Is igitur in serm. de lapsis exhortans ad poenitentiae opera illos, qui jam resipuerant, & poenitentiam agere coeperant, sed intercessione Martyrum cupiebant sibi condonari reliquam poenitentiam, inter alia sic loquitur: *Poenitentia crimine minor non sit. Putas ne tu Dominum citò posse placari, quem verbis perfidis abnuisti, cui patrimonium praeponere maluisti, cujus templum sacrilega contagione maculasti?* Ex infra: *Poenitenti, operanti, roganti potest clementer ignoscere, potest in acceptum referre quicquid pro talibus & petierint Martyres, & fecerint Sacerdotes. Vel si quis plus eum (Deum videlicet) suis satisfactionibus moverit, si ejus iram, si indignantis offensam iusta deprecatione placaverit, dat ille & arma rursum, quibus victus armetur.* Ex infra: *Qui sic Deo satisfecerit, qui poenitentia facti sui, qui pudore delicti plus & virtutis, & fidei de ipso lapsus sui dolore conceperit, exauditus, & adjutus à Domino, quem contristaverat nuper, letam faciet Ecclesiam, nec jam solam Dei veniam merebitur, sed coronam.* Ex his habemus, non semel, sed bis, terve repetitum, per labores poenitentiae satisfieri Deo, & placari Deum: non igitur novum est, ut Calvinus videri volebat, satisfactiones ad Deum referri. Sed quoniam radix totius Lutherani, & Calviniani erroris in eo posita est, quod negant, post remissam culpam, remanere poenae temporalis reatum expiandum in hac vita, vel in alia, adducam aliud Cypriani testimonium, quo manifestè docetur, etiam post hanc vitam remanere ejusmodi reatum. Sic igitur loquitur in epistol. 2. lib. 4. conferens gloriam Martyrii, quo reatus omnis continuo purgatur, & tollitur, cum aliis generibus mortis, quæ non habent eam vim: *Aliud, inquit, est ad veniam stare, aliud ad gloriam pervenire, aliud, missum in carcerem, non exire inde, donec reddat novissimum quadrantem, aliud statim fidei, & virtutis accipere mercedem, aliud pro peccatis longo tempore cruciatum emendari, & purgari diu in igne, aliud peccata omnia passione purgasse.* Hæc ille, quæ si à Calvino animadversa, & credita fuissent, numquam negasset, post remissam culpam manere debitum luendæ poenae, ac per hoc satisfactionem esse necessariam, & Indulgentias, quæ satisfactionem condonant, liberare à meritis poenis.

Ultimo loco Calvinus dicit, nullo prætextu excusari

fari posse blasphemias supra recitatas de satisfactionibus Sanctorum Martyrum, quæ cum Christi satisfactionibus misceantur. Sed nos contra existimamus, nullo pretextu excusari posse Calvini temeritatem, qui propter aliqua testimonia perperam intellecta (ut supra demonstravimus) totam Ecclesiam reprehendit, & tam perverso judicio de his rebus censet, ut blasphemias vocet, quæ revera gloriam Dei continent maximam, nisi fortè credendum sit, Christum cum honorem invidere Martyribus, quem ipse illis contulit. Sed de his satis, neque enim verbis, sed rationibus dimicare proposui.

CAPUT VII.

Refelluntur objectiones Tilmanni Heshusii.

Tilmannus Heshusius in libro, quem inscripsit de sexcentis erroribus Pontificiorum, cum multo justius inscribi possit de sexcentis mendaciis Lutheranorum tit. 32. qui est de Indulgentiis, contendit, Indulgentias quadruplici nomine exterminandas esse, quod labefactent, ut ipse loquitur, quatuor præcipua capita doctrinæ cœlestis, videlicet de officio & merito Jesu Christi, de vera poenitentia, de sola fide justificante, & de potestate clavium. Tam autem frigidè, & insulsè probat quæ dicit, ut nullo negotio refelli possit.

Quod enim ad primum caput attinet, ponit hoc principium, *Christus sanguine suo expiavit peccata mundi.* Idque probat ex illis verbis. *Hic est sanguis novi testamenti, qui pro vobis effundetur in remissionem peccatorum,* Matth. 26. Item ex illis: *Filius hominis venit in hunc mundum non ministrari, sed ministrare, & dare animam suam redemptionem,* Græcæ *λύτρον* pro multis. Matth. 20. Item ex illis: *Ipsa est propitiatio pro peccatis nostris* &c. 1. Joan. 2. Item ex illis: *In quo habemus redemptionem per sanguinem ipsius,* ad Ephes. 1. Item ex illis, *Deus posuit in eo iniquitates omnium nostrum,* Isai. 53. Denique ex illis: *Ecce Agnus Dei, ecce qui tollis peccata mundi,* Joan. 1. Ex his testimoniis nudè recitatis, concludit his verbis: *Cum ergo tam caro pretio redempti, & Patri reconciliati simus, quæ est illa impudentia, & contumelia in filium Dei, quod impossit ille promittit pro numerata pecunia remissionem, & mercenarium panarum Indulgentiam? & cum Christus satisfecerit Patri pro totius mundi peccatis, blasphemum est mendacium, quod fingunt Pontificii, oportere fideles pro suis peccatis satisfacere. Sublato errore de satisfactione, sponte evanescit figmentum de Indulgentiis.* Hæc est prima Heshusii demonstratio, idest, antiqua Lutheranorum cantilena, millies à Catholicis refutata. Fatemur enim Christum pro nobis, & pro toto mundo integrè, immò plenissimè Deo Patri satisfecisse, ut scripturæ allegatæ, aliæque permultæ nos docent. Sed negamus, inde sequi, non debere fideles pro suis peccatis, idest, pro reatu poenæ temporalis expiando Domino satisfacere. Sicut etiam fatemur, Christum nobis gratiam, & gloriam sanguine suo acquisivisse, ac promeruisse: & tamen debemus gratiam per fidem, & Sacramenta quærere, & gloriam quasi palmam & beavium certando, & currendo promereri: Apostolus enim omnibus dicit, *Sic currite, ut contemdati.* 1. Cor. 9. & de se: *Bonum certamen certavi, cursum consummavi, fidem servavi, ideoque reposita est mihi corona justitiae.* 1. Timoth. 4. Ratio autem horum omnium est, quoniam pretium redemptionis, & satisfactionis à Christo perfolutum, non prodest nisi iis, quibus per certa media, sive instrumenta applicatur, quod etiam adversarii confitentur, & si negarent, nullam causam reddere possent, cur Pagani,

A Mahumethani, Judæi, ceterique Infideles pereant, cum Christus pro toto mundo satisfecerit, & omnibus hominibus gratiam, & gloriam promeruerit. Itaque præter illud principium, quod Heshusius ponit, Christum satisfecisse pro peccatis nostris, ponendum est hoc aliud, eam satisfactionem nemini prodesse, nisi per certa media, & instrumenta applicetur, & tum remanet controversia, quæ sint illa media, quam controversiam Heshusius hoc loco non attigit, & ideò nihil omnino suis clamoribus efficit. Nos enim existimamus pretium sanguinis Christi iis, qui ab infidelitate primò convertuntur, applicari per fidem, & baptismum, iis autem, qui post baptismum ad peccata redeunt, & rursus à peccatis convertuntur ad Deum, applicari per Sacramentum poenitentiae, cujus partes sunt contritio, confessio, satisfactio. Heshusius contra, existimat, sola fide applicari, vel cerè per fidem, & baptismum. Sed nihil horum probat, nec probare potest. Pleni sunt enim libri tum Prophetarum, & Apostolorum, tum etiam SS. Patrum testimoniis pro satisfactione, quam Deus post remissionem culpam à nobis requirit. Et quemadmodum non est contumelia, vel blasphemia in Christum, dicere, pretium sanguinis ejus non prodesse infidelibus, nisi per fidem, & baptismum illis applicetur: ita non est contumelia, vel blasphemia, dicere fidelibus, poenitentibus non prodesse, nisi per Sacramentum poenitentiae, ac per hoc per contritionem, confessionem, & satisfactionem applicetur. Admissa autem necessitate satisfactionis, dogma de Indulgentiis facillimè constituitur. Nam sicut pretium sanguinis Christi non prodest ad remissionem culpæ, & poenæ sempiternæ, nisi per fidem, & Sacramentum applicetur: ita sine ulla Christi contumelia dici potest, idem pretium non semper prodesse ad remissionem totius poenæ temporalis, nisi per opera poenitentiae, vel per Indulgentias applicetur. Quod autem diximus, per opera poenitentiae, idest, per nostram satisfactionem, pretium sanguinis Domini, idest, ejus satisfactionem nobis applicari, non sic intelligimus, quasi nostra satisfactio non sit veri nominis satisfactio. Nam & vera satisfactio est, ut in lib. 4. de Poenitentia demonstravimus, & simul tamen cum ea, & per eam Christi satisfactio nobis applicatur. Neque nostra satisfactio Christi satisfactioni adjungitur, quod illa per se non sufficeret: sed quia voluit ipse nobis etiam gratiam satisfaciendi tribuere, ut efficacia sanguinis ipsius magis splenderet, dum non solum ipse satisfaceret, sed etiam membris suis virtutem satisfaciendi communicaret.

D Porro quod addit Heshusius, Pontificem pro numerata pecunia peccata remittere, atque Indulgentiam dare, mera calumnia est. Neque enim Pontifices pecunias ullas pro Indulgentiis exigunt, sed jubent eos, qui Indulgentias consequi cupiunt, orare, jejunare, eleemosynas facere, vel in commune pauperibus, vel in certum aliquod pium opus, ut in Basilicæ adificationem, sed illud est frequentius, & hoc tempore solum in usu, ut eleemosinæ pauperibus in communi erogari jubeantur.

CAPUT VIII.

Refelluntur alia objectiones ejusdem Tilmanni Heshusii.

Venio ad secundum caput argumenti Heshusiani. Sic igitur ille pergit: *Obscurant, inquit, Pontificii necessariam doctrinam de poenitentia commento Indulgentiarum. Cum enim docens homines pro suis peccatis vel in hac, vel in futura vita satisfacere, aut etiam im-*

possas

possas satisfactiones pecunia redimere posse, extenuant peccati magnitudinem, parvi faciunt iudicium Dei adversus peccatum, infillant animis hominum securitatem, atque ita vera contritionis fundamenta evertunt. Hæc ille, qui sine dubio aliquid diceret, si nos diceremus, pro culpa, & poena sempiterna, posse à nobis Domino satisfieri. Id verò non dicimus, atque ea de causa Theologi nostri disputant, necessariam fuisse incarnationem Filii Dei, quoniam tanta est magnitudo peccati, ut non potuerit ulla pura creatura ex rigore iustitiæ pro peccatis hominum satisfacere Deo. Id igitur solum docemus, post culpam remissam posse hominem iustificatum per gratiam Dei, satisfacere Deo pro reatu poenæ temporalis tantum: quod non solum non extenuat, sed etiam amplificat mirum in modum tum peccati magnitudinem, tum iudicium Dei adversus peccatum. Quis enim non miretur divini iudicii severitatem, & ipsius peccati molem, si cogitet Deum ab ipsis etiam filiis suis, & amicis, Christi sanguine iustificatis, & reconciliatis adhuc repetere poenas pro delictis, vel in hac vita, vel in futura? Sed qui sunt, qui nobis obijciunt, quod peccati gravitatem extenuemus, & iudicium Dei parvi faciamus? Nempè Lutherani, qui usque adeò peccatum extenuant, iudiciaque Dei contemnunt, ut nihil ad expianda peccata exigi arbitrentur, nisi ut credant ea sibi à Deo non imputari. Utri igitur magis peccatum extenuant, & Dei iudicia parvipendunt, Catholici, qui præter fidem, contritionem, confessionem, & satisfactionem necessariam esse docent ad peccata purganda; an Lutherani, qui sola fide, sine ullo poenitentiae labore purgari peccata contendunt? Simile est, quod de securitate addit Heshusius. Nam si Catholici dicerent, per satisfactionem, vel Indulgentias homines reddi securos de salute aeterna, etiamsi contritionem de peccatis nullam habeant, neque à peccatis ad Deum converti velint, rectissime diceret Heshusius, per inanem istam securitatem everti fundamenta contritionis, & poenitentiae. At non hoc dicimus, sed cum B. Augustino in lib. 21. de Civit. Dei cap. 27. inter errores perniciosissimos numeramus sententiam illorum, qui dicebant, eleemosynas, & similia bona opera sine vera conversione, & poenitentia sufficere ad salutem, & verbis disertis omnes Theologi nostri tradunt, satisfactionem, & Indulgentias non prodesse nisi iis, qui per veram contritionem, & reconciliationem iustificati in gratiam à Deo recepti sunt. Neque etiam tunc securitatem salutis pollicemur per Indulgentiam, nisi sub conditione, si videlicet adsit auctoritas in concedente, gratia statim in suscipiente, & pietas, atque rationabilitas, ut sic loquamur, in causa. Absolutè autem spem bonam, & fiduciam pollicemur, juxta illud Apostoli 1. Timot. 3. *Qui bene ministraverint, gradum bonum sibi acquirunt, & multam fiduciam in fide, qua est in Christo Jesu.* Est autem valde mirum, quod Heshusius securitatem nobis obijciat, cum alioqui nos ut plurimum reprehendant Lutherani, quod dubitationem, & metum persuadeamus nostris, cum ipsi contra doceant suos, ut certissime credant, se justos esse, & salvos fore, atque hanc ipsam fidem de propria iustitia, fidem iustificantem & Catholicam esse velint.

Superest tertium caput argumenti Heshusii, quod his verbis ipse persequitur: *Sepeliunt quoque doctrinam, inquit, de fide, seu fiducia in Mediatorem Jesum Christum, si enim remissio poenarum pecunia emi potest, non est necesse credere in filium Dei Jesum Christum.* At tota scriptura clamat: *qui non credit in filium, vitam non videbit, sed ira Dei manet super eum, Joan. 3.*

Hæc videlicet est illa insolubilis demonstratio, ob quam ita se jactat, & triumphat Heshusius. Et quidem doctrinam de vera fide & fiducia in Christum

A non solum non sepeliunt, sed etiam enitescere, atque eminere faciunt Indulgentiæ. Siquidem fundamentum habent in thesauro meritorum Christi, & non profunt nisi veris fidelibus, & per fidem veram ac vivam iustificatis. Quare absurda, & inepta est illa consequentia, per Indulgentias, vel per opera satisfactoria, quales sunt eleemosynæ pecuniarie, redimuntur peccata ab iis, qui credunt in Christum, & meritis ipsius, ac satisfactione nituntur, igitur non est necesse credere in Christum Filium Dei. Fateor tamen per satisfactiones, & Indulgentias verè sepeliri doctrinam de sola fide, seu fiducia iustificante. Quam fidem, seu fiduciam inanem, & falsam, & non tam iustificantem, quam sub spe justificationis animas deludentem, ac seducantem esse, alibi demonstravimus. Quod autem Heshusius dicit, pecunia redimi poenarum remissionem ex Catholicorum sententia, verum est in eo sensu, quo Daniel Regem quendam admonuit, *peccata tua eleemosynis redime, & iniquitates tuas misericordiis pauperum, Daniel. 4.* Nimirum existimamus, per eleemosynas, ut etiam per jejunia, aliaque pia opera, præsertim laboriosa, & poenalia, remitti poenas temporales, quæ remanent post culpam remissam, ut iam sæpè dictum est.

B Quartum caput argumenti, quo probandum erat per satisfactiones, & Indulgentias labefactari doctrinam de potestate clavium, Heshusius non adscripsit: An oblivione, an alia de causa, incertum est. Sed hanc jacturam meliori compensatione resarcivit. C Adjunxit enim aliquid adversus Indulgentias pro defunctis. *Quod fingunt, inquit, Indulgentias per modum suffragii valere pro mortuis, pugnat cum dicto Christi, Qui non credit in filium, jam judicatus est, Joan. 3.* Item: *Omnes nos manifestari oportet ante tribunal Christi, ut referat unusquisque ea, quæ gessit in corpore, sive bonum, sive malum, 2. Corinth. 5.* Item: *Beati mortui, qui in Domino moriuntur, Apocal. 14.* Infelices ergo, & quibus nulle Indulgentiæ profunt, qui in Domino non moriuntur. Sanctorum meritis confidere, blasphemum, & contumeliosum est in filium Dei.

D Mirabilis sanè Dialectica Heshusii, per quam sine medio termino quilibet ex quolibet licet colligere. Qui non credit in Filium Dei, jam judicatus est: Igitur Indulgentiæ per modum suffragii defunctis valere non possunt. Sanus ne est, an delirat, qui ita colligit? Fatemur Indulgentias nullo modo prodesse iis, qui sine fide in Christum decesserunt, qui juxta verbum Domini judicati, id est, condemnati sunt. At non inde sequitur, non prodesse iis, qui cum fide, spe, & charitate migrarunt, & adhuc tamen in locis purgatoriis degunt, de quibus sic loquitur S. Augustinus hom. 16. ex lib. 50. Homiliarum. *Qui temporalibus panis digna gesserunt, per ignem quandam purgatorius transibunt, de quo Apostolus inquit: Salvus eris, sic tamen quasi per ignem.* At inquit Heshusius, omnes stabimus ante tribunal Christi, ut referat unusquisque ea, quæ gessit in corpore, sive bonum, sive malum: non igitur mortuus aliquid profunt Indulgentiæ, aliave suffragia. Respondeo, mortuos quidem ea tantum recipere, quæ gesserunt in corpore, sed eos, qui in fide, spe, & charitate usque ad finem perseverarunt, id egisse in corpore, ut post mortem suffragiis, atque Indulgentiis juvari possent. Contra autem eos, qui in peccatis lethalibus usque ad mortem permanserunt, id egisse in corpore, ut eis post mortem, neque Indulgentiæ, neque suffragia ulla prodesse. Sic enim loquitur S. Augustinus in Enchir. cap. 109. *Neque negandum est, defunctorum animas pietate suorum viventium relevari, cum pro illis sacrificium Mediatoris offertur, vel eleemosyna in Ecclesia fiunt. Sed eis hoc profunt, qui cum viverent, ut hac sibi prodesse possent, meruerunt. Est enim quidam vivendi modus, nec tam bo-*

mus, ut non requirat ista, nec tam malus, ut ei non proficiat ista post mortem. Ex infra: Non igitur ista, qua pro defunctis commendandis frequentat Ecclesia, illi Apostolica sunt adversa sententia, qua dictum est, omnes astabimus ante tribunal Christi, ut referat unusquisque secundum ea, qua per corpus gessit, sive bonum, sive malum; quia etiam hoc meritum sibi quisque, cum in corpore viverent comparavit, ut ei possent ista prodesse, non enim omnibus prosunt, & quare non omnibus prosunt, nisi propter differentiam vite, quam quisque gessit in corpore? Hæc ille. Ad locum autem Apocalypsis respondemus, eos, qui in Domino omni ex parte moriuntur, quales sunt Martyres, quos eo loco præcipue Joannes Apostolus consolatur, planè beatos esse, neque Indulgentiis, aliisve suffragiis indigere, ac de his hunc locum exponunt S. Ambrosius, Haymo, Hansbertus, & Richardus de S. Victore; eos autem qui nulla ex parte in Domino moriuntur, quales sunt homines periti, qui sine gratia Dei, & justificatione decedunt, infelices omnino, ac miseros esse, neque Indulgentias aliave ulla suffragia eis prodesse. Sed inter hos quidam sunt medii, ut paulò ante ex Augustino didicimus, qui partim in Domino, partim non in Domino moriuntur, in Domino quidem, quia cum fide, spe, & charitate de hac vita discedunt, non in Domino, quia maculæ veniales, vel reatus poenæ temporalis illis adherent, ob quæ purificatione, atque expiatione indigeant. Isti igitur nec tam perfecti sunt, ut continuo requiescant à laboribus suis, neque suffragiis Ecclesiæ, vel indulgentiis opus habeant: nec tam sunt imperfecti, ut requiem à poenis, & laboribus non expectent, vel ut Indulgentiis, & elemosynis, aliisque suffragiis relevari non possint. Neque mirabitur, nos dicere aliquos mori partim in Domino, partim non in Domino, qui apud S. Augustinum lib. 3. ad Bonifacium cap. 3. legerit, homines eosdem propter gratiam Dei, quam habent, esse filios Dei, propter peccata venialia, quibus non carent, esse filios huius sæculi. Illa denique Heshusii postrema conclusio, blasphemum, & contumeliosum esse in Filium Dei, sanctorum meritis fidere, unde colligatur, omnino non video. Nam neque ex proximis superioribus verbis nascitur, neque ad rem propositam ullo modo facit. Sed jam dictum est, secundum novam Heshusii Logicam, quilibet ex quolibet colligi posse. Tantum autem abest, ut fidere sanctorum meritis, sit vel blasphemum, vel contumeliosum in Filium Dei, ut sit Filio Dei perhonorificum, & gloriosum: Quid enim sunt sancti, nisi palmites fructuosi, ejus nobilissimæ vitis, quæ dicit in Evangelio: *Ego sum vitis, & vos palmites*? & quoniam palmites omnem virtutem suam ex vite trahunt, certè omnis palmitum gloria in vitem redundat. Itaque cum sanctorum meritis confidimus, Christo confidimus, sine quo illi nihil facere possunt. Neque ita confidimus sanctorum meritis, ut ab illis gratiam, vel gloriam expectemus, sed solum, ut sæpè diximus, ut per eorum satisfactiones, nobis communicatas, à reatu poenæ temporalis liberemur, vel eorum intercessione à Deo per Christum varia beneficia consequamur.

CAPUT IX.

Respondetur ad primum caput disputationis Martini Kemnitii de Indulgentiis.

Martinus Kemnitius in 4. part. examinis Concilii Tridentini, discutiens decretum Concilii de Indulgentiis, quod habetur in ult. sess. longissimam, idest, verbosissimam more solito de Indulgentiis dis-

Aputationem instituit. Eam nos hoc loco refutare aggredimur, ac Deo bene juvante non magno negotio fraudes ejus & mendacia detegemus, & argumenta, si quæ erunt alicujus momenti, breviter & dilucidè refellemus. Sed illud initio lectorem admonitum volo, nolle me tempus terere in recitandis iis, quæ Kemnitius, ut librum suum pleniorum faceret, ex libris Catholicorum descripsit; quæ plurima sunt, ut Canones omnes poenitentiales, quos ex Conciliis, ex Burchardo, & ex Gratiano in medium attulit, & alia id genus. Item nolle me repetere refutationem aliorum errorum Lutheranorum, qui passim à Kemnitio inculcantur, quamvis ad rem præsentem non faciant. Satis enim multa tum in libris aliorum Catholicorum, tum etiam in nostris extant, unde errores illi plenissimè confutentur. Denique nolle me verbis sine necessitate contendere, neque convicia, & contumelias, quibus Catholicos passim aspergit, referre, & retorquere (quod longissimum esset) nisi aliquando nimia ejus impudentia nos cogat aliquid dicere. Igitur duo tantum in hac discussione Kemnitianæ disputationis præfate mihi propositum est, ut notem quæ falso Kemnitius nobis imponit, & argumentis ejus adversus Indulgentias perspicuè, solideque respondeam.

BIn primo capite disputationis suæ Kemnitius, idest pag. 215. in editione Francofordienfi in octavo, statum quæstionis exponit, quid videlicet illud sit, quod nomine Indulgentiæ in hac disputatione accipiat. **C**Ubi multa sunt, quæ perperam ab illo dicuntur, ut causam Catholicorum odiosam reddat. *Primum miratur cur Tridentinum Concilium, si Pontificias Indulgentias non prosus damnare & abicere volebat, non saltem earum mentionem sepeliret, vel approbationem suspenderet: cum toti orbis, atque adeò ipsi Pontificii notum sit (ut ipse loquitur) impudentem & inopiam Indulgentiarum nundinationem à multis doctis, & piis viris deploratam, & reprehensam fuisse.* Sed non est cur miretur. Nam Concilia Ecclesiæ Catholicæ, quale Tridentinum fuit, non solent dogmata quotannis mutare, ut Lutherani faciunt, neque circumferri omni vento doctrinæ. Concilia vetera, Lateranensia, Lugdunensia, Viennensia (ut supra ostendimus) Indulgentias approbarunt, abusus, qui fortè irrepsert, condemnarunt. Idem omnino Tridentinum Concilium fecit. Neque tribuendæ sunt Ecclesiæ Catholicæ, si quæ irrepunt ex cupiditate pravorum hominum corruptelæ in cultu religioso, præsertim cum non solum pii, & docti viri, sed ipsa etiam Concilia vigilent adversus ejusmodi corruptelas. Neque id Kemnitius ignorare potest, cum in hac ipsa disputatione pag. 332. referat decretum Concilii Lateranensis & pag. 345. decretum Concilii Viennensis adversus abusus, qui in Indulgentiarum prædicatione admisceri coeperant, & ipse idem pag. 213. integrè recitet decretum Concilii Tridentini, quo damnantur, & prohibentur superstitiones, & abusus omnes, & nominatim pravi quæstus, unde plurimorum in Christiano populo abusuum causa fluxit. At non sunt tollendi boni usus, ut destruantur abusus, neque specie reformationis Ecclesia funditus evertenda est, ut Lutherani & Calviniani facere moliuntur. Sed non mentitur, qui ait: *Tu es Petrus, & super hanc petram edificabo Ecclesiam meam, & porta inferi non prevalebant adversus eam,* Matth. 16.

ESecundò idem Kemnitius pag. 218. dicit ex sententia Catholicorum temporalem poenam, quæ remanet luenda post remissam culpam in Sacramento Poenitentiae, majorem esse, quam ut à quoquam hominum in hac vita exolveri possit. Sed hoc falso nobis imponit, neque ullum scriptorem Catholicum inveniet, qui hoc dicat. Immo verò Catholici Theologi docent,

docent, non solum posse hominem iustificatum satisfacere Deo pro debito poenae temporalis, sed etiam id posse ex condigno. Vide praeter ceteros, Dominum à Soto in 4. sentent. dist. 19. q. 1. art. 4. Porro falsa ista dogmata nobis Kemnitius adscribit, ut videamur super falsis fundamentis inniti, cum doceamus in Purgatorio poenas dari à spiritibus defunctorum, & tum in hac vita, tum in alia Indulgentias locum habere.

Tertio ibidem Kemnitius dicit, Catholicos docere, divinam iustitiam maiores adhuc poenas exigere, quae in Purgatorio luendae sint, etiam canonica poenitentia in hac vita plenè exolvatur. Sed hoc etiam falsò Catholicis imponi certissimum est. Tunc enim solum maiores poenas Deus exigit, quando poenitentia canonica in iuncta est minor, quam par esset. Sed si iungatur aequalis, ut planè injungi potest, & ea plenè exolvatur, nihil in Purgatorio solvendum superesse omnes Catholicis docent, ut videre est apud S. Thomam, aliosque Theologos in 4. dist. 10.

Quarto Kemnitius pag. 219. dicit, satisfactiones ex thesauro Ecclesiae per Indulgentias applicari illis, qui eas vel pecunia, vel aliis operibus redimunt, atque hanc esse Catholicorum doctrinam, & paulò infra, dicit, ex sententia Catholicorum, Indulgentias licitantibus, & redimentibus dispensari. Sed hae merè sunt calumniae, & imposturae, elemosynas quidem, aliaque pia opera Pontifex Maximus solet iungere cum Indulgentias tribuit, non tamen ut emanent Indulgentiae (neque enim ea pecunia ad Pontificem, sed ad pauperes pervenit); sed, ut exerceantur in operibus bonis Christi fideles, & ut aliorum liberalitate miserorum inopia succurratur.

Quinto, in eadem pagina Kemnitius dicit, ex sententia Catholicorum, thesaurum Ecclesiae constare ex operibus bonis sanctorum, quae ipsis ad promerendam, & consequendam salutem necessaria non erant, quae vocantur opera supererogationis: item ex passionibus eorundem, quae ipsis ad propria delicta purganda opus non fuerunt. Sed ut hoc postremum de passionibus est verum, ita illud de operibus supererogationis est falsum. Neque enim ullus Theologorum est, qui scripserit thesauro Ecclesiae contineri opera meritoria supererogationis. Illa enim opera, quamvis supererogationis fuerint, tamen suo praemio non caruerunt, atque ideo nulla ratio finit, ut alius applicari possint. Vocant quidem aliqui opera supererogationis passiones sanctorum, ut satisfactiones ipsis minime necessarias. Sed nos de re ipsa, non de nomine litigamus. Sed haec non sine causa finguntur à Kemnitio. Scit enim Lutheranos valde odisse opera supererogationis, ut ipsum etiam vocabulum ferre non possint. Inde igitur existimavit, vel hoc ipso Indulgentias fore invisas, & execrandas, si ex operibus supererogationis sanctorum fluxisse dicerentur.

C A P U T X.

Respondetur ad secundum caput disputationis Kemnitii.

IN secundo capite disputationis suae Kemnitius demonstrare conatur, Indulgentias, ut à Catholicis accipiuntur, non habere fundamentum in scripturis, imò pugnare cum praecipuis capitibus doctrinae Christianae. Primum igitur profert multa scripturae testimonia, quibus probat, per Christum nobis peccata remitti. Sed haec non egent ulla solutione, cum non pugnent adversus Indulgentias, neque à nobis negentur, & solum ad implendas paginas adferantur.

A Secundo profert argumenta negantia, quod videlicet, scripturae non dicant, quod nostris operibus possimus Deo satisfacere, quod sint aliqua poenae Purgatorii, quod sit thesaurus operum supererogationis, quod soli Petro sint traditae claves Regni coelorum, quod sacerdos absolvens debeat imponere poenitentias: & quod Bullae Indulgentiarum fieri debeant &c. Et addit, adeò haec esse vera, ut Durandus, Antoninus, Rosensis, & Sylvester fateantur, Indulgentias non posse probari ex scripturis, sed ex sola Ecclesiae Romanae auctoritate. Sed huius argumenti magna ex parte falsum est antecedens, & omnino mala consequentia. Falsum est, in scripturis non haberi, quod operibus nostris possimus satisfacere Deo, cum scriptum sit Dan. 4. *Peccata tua elemosynis redime.* Luc. 11. *Date elemosynam, & ecce omnia munda sunt vobis.* Prov. 16. *Misericordia, & veritate redimitur iniquitas.* Falsum est, scripturas nihil habere de poenis Purgatorii, cum scriptum sit 1. Cor. 3. *Ipse autem saluus erit, sic tamen, quasi per ignem,* & Luc. 12. *Non exies inde, donec reddas novissimum quadrantem,* & Matth. 12. *Qui dixerit verbum in Spiritum sanctum, non remittetur ei, neque in hoc saeculo, neque in futuro.* Falsum est, nihil in scripturis tradi de operibus supererogationis, quamvis, ut supra diximus, non pertineant haec opera ad Indulgentias. Quid enim est, quod ait Dominus, Luc. 10. *Si quid supererogaveris, ego, cum rediero, reddam tibi?* Et nonne B. Paulus 1. Corinth. 9. testatur se potuisse victum quærere ab his, quibus evangelizabat, ut Apostoli ceteri quærebant, & tamen maluisse propriis manibus laborare, quod fuit opus supererogationis interpretum omnium testimonio? Falsum est, in scripturis nihil dici de clavibus soli Petro traditis cum disertis verbis Dominus dicat Matth. 16. *Beatus es Simon Bar Jona, quia caro & sanguis non revelavit tibi, sed Pater meus, qui in caelis est, & ego dico tibi, quia tu es Petrus, & super hanc petram aedificabo Ecclesiam meam, & porta inferi non prevalebunt adversus eam, & tibi dabo claves Regni coelorum, & quodcumque solveris super terram, erit solutum & in caelis: & quodcumque ligaveris super terram, erit ligatum & in caelis.* Falsum est in scripturis non haberi Sacerdotem absolventem debere imponere poenitentiam. Nam cum in scripturis sacerdos fiat Iudex, qui debeat solvere vel ligare, remittere vel retinere peccata, certè etiam debet ita reos absolvere ut iustitiae satisfiat, ac proinde solvere à culpa, & ligare ad poenam pro modo culpae subeundam. Sed de his omnibus suis locis disseruimus. Quod ultimò dicebatur de Bullis Indulgentiarum, non habetur quidem in scripturis in particulari, sed habetur in communi. Dum enim tribuitur Pontifici Maximo potestas ligandi, & solvendi quicquid ligandum, solvendumve iudicaverit, non dubium est, quin sit etiam eidem attributa potestas solvendi reatum poenae, remanentis post culpam remissam, & ea de re scribendi literas, quae Bullae vocantur, quibus ea concessio contineatur. Sed etiam si nihil horum scriptum esset, non tamen sequeretur, Indulgentias non nisi auctoritate Ecclesiae Romanae, possent enim nisi auctoritate Divina, cognita per traditionem Apostolorum, quo modo alia non pauca, & praeter cetera numerum librorum factorum, ac praesertim Evangeliorum, non ex aliqua scriptura, sed ex traditione Apostolica, & Ecclesiae auctoritate habemus. Neque enim Ecclesia usum Indulgentiarum concedendarum per se excogitavit, sed à maioribus accepit, cuius rei signum est, quod non possunt adversarii huius consuetudinis ullum assignare principium. Atque hoc sibi volunt Durandus, Antoninus, Rosensis, & Sylvester, quos Kemnitius allegat: nimirum affirmant, non haberi in scripturis expressam mentionem

tionem Indulgentiarum, quamvis fundamenta non desint, unde perspicue colligantur. Sed sufficere ad eas etiam sub hoc nomine defendendas Ecclesiae auctoritatem, quæ non tam constanter Indulgentias prædicaret, & in Conciliis Oecumenicis approbaret, nisi divinitus traditam sibi potestatem huiusmodi non ignoraret.

Sed obicit Kemnitius S. Augustinum, qui lib. 3. contra literas Petiliani cap. 6. ita scribit: Si quis de quacunque re, quæ pertinet ad fidem, vitamque nostram, si vel Angelus è cælo vobis annuntiaverit præter quàm quod in scripturis legalibus, & Evangelicis accepistis, anathema sit. Nos autem ipsum eundem S. Augustinum respondentem adducemus. Ipse enim tract. 98. in Joannem scribit, illud, præter quàm, non significare, plus quàm, sed contra quàm. Non ait Apostolus (inquit Augustinus) plus quàm accepistis, sed præter quàm quod accepistis. Nam si illud diceret, sibi ipsi præjudicaret, qui cupiebat venire ad Thessalonicenses, ut suppleret quæ illorum fidei defuerunt. Sed qui supplet, quod minus erat, addit, non quod inerat tollit. Qui autem prætergreditur regulam fidei, non accedit in viam, sed recedit de via &c. Non igitur anathema dicitur is, qui credunt aliquid, quod non invenitur expressè scriptum in sacris literis, sed is, qui credunt aliquid, quod repugnat sacris literis. Nam idem Augustinus lib. 2. de Baptis. cont. Donat. cap. 7. Multa, inquit, non inveniuntur in literis Apostolorum, neque in Conciliis posteriorum, & tamen quia custodiuntur per universam Ecclesiam, nonnisi ab ipsis tradita, & commendata creduntur. Et lib. 4. cap. 24. Quod universa tenet Ecclesia, nec Conciliis institutum, sed semper retentum est, nonnisi auctoritate Apostolica traditum rectissime creditur: Denique lib. 1. cont. Crescon. cap. 33. Quamvis, inquit, huius rei de scripturis Canonicis non proferatur exemplum: earundem tamen scripturarum à nobis etiam in hac re tenetur veritas, cum hoc facimus, quod universa iam placuit Ecclesie, quam ipsarum scripturarum commendat auctoritas. Ab hoc igitur loco depulsus Kemnitius, aggreditur demonstrare Indulgentias repugnare scripturis: Non rhetoricis, inquit, declamationibus, sed nuda tantum indicatione simpliciter per capita spectandum, & considerandum proponam, quemadmodum Indulgentia pugnent. I. contra meritum, & satisfactionem Christi. II. contra gratuitam, & plenariam remissionem Dei. III. contra claves Regni Cælorum. IV. contra fidem. V. contra doctrinam de bonis operibus. VI. quod talis mundatio in scriptura jamdudum damnata sit.

Ac primum quidem caput solo mendacio probat. Dicit enim nos docere, Christum culpam quidem nostram omnem, sed non totam poenam peccatorum nostrorum in se suscepisse. Ac deinde probat id esse falsum ex scripturis Isai. 53. Galat. 3. Deuter. 28. At mendacium esse manifestum, à Catholicis doceri, Christum suscepisse purgandam omnem culpam, sed non omnem poenam, vel ex eo potest intelligi, quod Indulgentiæ ex nostra sententia nituntur thesauro passionis Christi, qui satisfecit Deo Patri plenissime pro reatu culpæ, & poenæ temporalis, & æternæ omnium peccatorum. Si per Indulgentias dicimus applicari nobis satisfactionem Christi pro reatu poenæ, quo modo potuit in mentem Kemnitii cadere nos dicere Christum non satisfecisse pro poena?

Secundum caput, idest, pugnare Indulgentias cum gratuita & plenaria remissione Dei, probat ex scripturis nihil ad rem nostram facientibus. Adducit enim illa testimonia: Qui credit in Filium Dei, non judicatur. Joan. 3. & in iudicium non venit. Joan. 5. peccatorum eius non recordabor. Ezech. 18. Omnia peccata nostra projecit in profundum maris. Michæ 7. & similia. Nam hæc testimonia probant quidem reconciliari peccatorem Deo, sed an tota poena peccatis debita semper remittatur, non docent. Jam enim supra de-

A monstravimus ex lib. 2. Reg. cap. 12. dictum esse Davidi poenitenti: Dominus transulit peccatum tuum, & tamen expetitam ab eo poenam, mortem filii, quam ut averteret David, jejunavit, oravit, flevit &c. Sed Kemnitius adducit similitudinem ab humana consuetudine: Certum, inquit, & manifestum est, si quis privatus ita dimitteret offensam proximo, ut nihilominus vindictam aliquam expetere, & supplicium aliquod de ipso sumere vellet, talem ut non ex corde remittentem peccata graviter à Christo reprehendi. Qua fide igitur talem remissionem ipsi Deo tribueremus? Certè si culpam, hoc est, debitum omne dimisit, non habet causam exquirendi poenæ. Ac similitudo in ipsum retorqueri potest. Nam qui injuriam accepit, & vel in facultate, vel in fama, vel in ipsa persona læsus est, sic potest, ac solet ordinariè offensam dimittere, & in gratiam recipere eum, qui læsit, ut tamen detrimentum compensari, & reſarciri sibi velit. Et quamvis privati homines nullam interdum compensationem injuriæ quarant, Judex tamen poenam ab eo, qui injuriam fecit repetere, & vindictam sumere solet. Sic igitur Deus, qui non solum pars offensa, sed etiam Judex est, remittit quidem culpam, cum poenitentes in gratiam recipit, sed poenam totam non semper remittit, ut exemplo Davidis ostendimus. Neque hoc repugnat illis verbis Domini Matth. 18. Omne debitum dimisi tibi, quoniam rogasti me &c. Nam per omne debitum, intelligitur omnis culpa, non omnis poena. C Comparat enim Dominus eo loco peccata cum debito pecuniario, & loquitur de remissione offensarum, quatenus ea gignunt inimicitias. Itaque exemplo suo Dominus, qui poenitentibus ita peccata remittit, ut eos verè in gratiam & amicitiam suam admittat, admonet homines, ut ex corde remittant injurias proximis, eosque verè diligant; id enim significat illa sententia: Sic & Pater meus faciet vobis, si non remiseritis unusquisque fratri suo de cordibus vestris. Quibus verbis, ut S. Hieronymus in commentario docet, omnis simulatio fictæ pacis evertitur. Sed nihil impedit, ut diximus, quo minus satisfactionem justam exigere possit, qui læsus est, etiam si eum qui læsit, ex corde diligere, nec solum non lædere, sed etiam D protegere deinceps velit.

Tertium caput, quod videlicet Indulgentiæ pugnent cum doctrina de clavibus Regni cælorum, non probat Kemnitius, nisi verbis ludendo: Christus, inquit, dicit: Quicquid solveritis, erit solutum, & quorum remiseritis peccata, erunt remissa. Romanenses Indulgentia contradicunt, quicquid Christi claves solvunt, hoc Pontifex Romanus suis penis retinet, & ligatum mittit ad penas vel in hac vita, vel in Purgatorio exolvendas. Hæc non sunt argumenta, sed nugæ. Nobis autem non libet in re seria ludere. Porro Christus non solum dixit, quodcumque solveris, erit solutum; sed etiam, quicquid ligaveris, erit ligatum. Itaque Pontifex non ligat, quod Christus solvit, sed sicut potest solvere, ita potest ligare, & hac potestate ligat ad poenam subeundam, quos à culpa absolvit. Neque contrarium potuit Kemnitius probare, nec poterit.

Quartum caput, quod Indulgentiæ pugnent contra fidem justificantem, non probat Kemnitius, nisi hoc argumento, quod scriptura Rom. 3. & 4. & 11. & Ephes. 2. ita solam fidem in justificationis negotio requirat, ut excludat etiam opera legis, quæ Deus ipse mandavit: Indulgentiæ verò justificationem tribuant commentitiis operibus, ut peregrinationibus ad hanc vel illam Ecclesiam visitandam. Sed hoc argumentum totum ex imperitiis, & mendaciis constat. Nam ut omittam, quod non excluduntur à justificatione opera bona, quæ nascuntur ex fide, & gratia Dei, sed illa tantum, quæ fiunt solis viribus naturæ, ut in libris de justificatione docuimus. Non dicimus

per Indulgentias, homines justificari, imò docemus, non dari Indulgentias, nisi justificatis. Id quod vel à suo Patriarcha Luthero Kemnitius discere potuisset. Lutherus enim hoc assumpsit, Indulgentias non justificare, & nos admisimus esse verum. Præterea cum Indulgentiæ ex Catholicorum sententia nonificent, multò minus tribuere possunt justificationem operibus commentitiis. Adhæc opera illa, quæ acceptis Indulgentiis injunguntur, valde temerè commentitia à Kemnitio nominantur; peregrinationes enim ad loca sacra orationis causa præcipi solent, quibus ordinariè jejunia, & elemosynæ adjunguntur. Ista autem omnia multis scripturarum testimoniis commendantur, ut præsertim Tob. 12. Matth. 5. & 6. & alibi passim. Denique istis ipsis operibus non tribuimus effectum Indulgentiarum, quem falsò justificationem appellat Kemnitius. Effectus enim proprius Indulgentiarum est relaxatio poenæ temporalis, qui effectus potissimum tribuitur meritis Christi, ut in libro superiore docuimus. Quare cum omnia penè verba Kemnitiani argumenti falsa sint, certè non potest ullo modo esse vera conclusio.

Quantum caput, quòd Indulgentiæ pugnent cum operibus bonis, probat Kemnitius ex iis locis scripturæ, quibus ipse censet refelli opinionem de operibus supererogationis, in qua opinione fundari existimat Indulgentias. Locis sunt hi Luc. 17. *Cum omnia feceritis dicite, servi inutiles sumus, quia quod debuimus, fecimus.* Matth. 25. dicentibus fatuis virginibus, *dare nobis de oleo vestro, responderunt prudentes, ne forte non sufficiat vobis & vobis, ite potius ad vendentes, & emite vobis.* Sed hoc argumentum nititur falsis principiis, non minus, quàm præcedens. Neque enim fundamentum Indulgentiarum ponitur à Catholicis in operibus supererogationis Sanctorum, sed in satisfactionibus, quæ ipsis necessariæ non sunt. Nam etiam opera debita & imperata à Deo satisfactoria esse possunt, & non necessaria iis, à quibus fiunt, in ratione satisfactionis. Si Tyrannus instet, ac supplicia, & mortem comminetur, nisi fidem abneges, non est opus supererogationis, sed planè debitum & necessarium, fidem non negare, sed confiteri, & perferre supplicium, & tamen opus illud non solum est meritum gloriæ, sed etiam satisfactorium pro reatu poenæ, quem reatum fieri potest, ut non haberet, qui supplicia illa perferrebat. Nec tamen Kemnitius refellere potuit opera supererogationis, nisi depravando scripturas. Non enim Dominus ait Luc. 17. *Cum feceritis omnia, dicite servi inutiles sumus.* Sed ait, *Cum feceritis hæc omnia, quæ præcepta sunt vobis, dicite, servi inutiles sumus, quod debuimus facere, fecimus.* Itaque illi dicuntur inutiles, qui nihil faciunt, nisi quod eis præceptum est, & quod facere debent. Ex quo sequitur, ut qui faciunt aliquid amplius quàm teneantur, ut qui se castrant propter Regnum coelorum, idest, perpetuam continentiam servant, & qui dant omnia pauperibus, vel alia id genus non imperata faciunt; servi utiles dici debeant. Neque hæc mea, sed S. Ambrosii explicatio est, qui in libro de Viduis tractans hunc locum sic ait: *Hæc Virgo non dicit (nimirum servus inutilis sum,) hoc non dicit ille, qui bona sua vendidit, sed quasi reposita expectat premia, sicut Sanctus Apostolus ait: Ecce nos reliquimus omnia, & sequuti sumus te, quid ergo erit vobis? Non enim quasi inutilis servus quod debuit facere fecisse se dicit, sed quasi utilis Domino, qui commissa sibi talenta quasque multiplicavit usuris, mercedem fidei atque virtutis bene sibi conscius, meritumque securus expectat.* Illud verò Matthæi 25. *Dare nobis de oleo vestro, & ne forte non sufficiat nobis, & vobis:* non ad exclusionem operum supererogationis, neque communicationis satisfactionum pertinet, sed ad exclusionem communicationis justitiæ & meritum. Significatur enim per eam parabo-

A lam, eos quibus in hac vita extincta fuerit lampas charitatis, & operum bonorum, & qui in eo statu de vita migraverint, frustra imploratos merita sanctorum. Nam ut dicitur Ezech. 18. *Justitia iusti super eum erit, & impietas impii erit super eum, & Gal. 6. Unusquisque onus suum portabit, & Rom. 2. Reddet Deus unicuique secundum opera sua.* Atque ad hoc significandum in ea parabola dicentibus fatuis Virginibus, *Domine Domine aperi nobis,* responderetur à Domino, *Amen dico vobis, nescio vos.* Alia testimonia Kemnitius adducit ad probandum, opera nostra non esse sine peccato, sed ea nihil ad propositum faciunt, & sunt à nobis omnia diligenter explicata in libris de Justificatione.

B Sextum caput, quòd Indulgentiæ sint expresse damnatæ in scripturis Sanctis, probat Kemnitius ex Epist. 3. B. Petri cap. 2. *In avaritia fœtis verbis de vobis negotiabantur.* Item *libertatem aliis pollicentur, cum ipsi sint servi corruptionis, & Act. 8. Pecunia tua tecum sit in perditionem, quoniam donum Dei existimasti pecunia parari.* Ex his duobus locis concludit suum argumentum in hæc verba Kemnitius: *Hoc est ipsissimum iudicium spiritus Sancti, de Indulgentiis Pontificiis.* Quæ conclusio indicat incredibilem fuisse in Kemnitio libidinem maledicendi, etiam adversus propriam conscientiam. Nam ignorare non potest abusum Quæstuariorum, quibus utcumque accommodari possent verba S. Petri, ut ea Cajetanus accommodat, Romanis Pontificibus adeò semper displicuisse, ut eos publicis constitutionibus damnaverint, & prohibuerint. C Siquidem ipse idem Kemnitius refert ad verbum decreta de hac re Innocentii III., Clementis V. & ipsius Synodi Tridentinæ. Qua igitur conscientia, qua fronte non solum hoc loco, sed passim in tota disputatione Romanis Pontificibus tribuit, quæ à Romanis Pontificibus damnata, atque interdicta fuisse idem ipse testatur? Videat autem Kemnitius, ne verba S. Petri in 3. epist. ad se, & Lutheranos ceteros pertineant. Certè S. Augustinus in lib. de fid. & operib. cap. 14. totam hanc epist. ut etiam epistolam Jacobi, & Judæ adversus eos scriptas esse dicit, qui affirmabant sola Fide homines salvari posse, quæ est hoc tempore hæresis Lutheranorum, & in eodem libro D cap. 24. illa ipsa verba, quæ Kemnitius citat, contra eos pugnare dicit, qui libertatem pollicentur, idest, securitatem salutis, modò credant in Christum, ut idem explicat cap. 26. Atque hæc fortasse est causa, cur Lutherani, & ipse Kemnitius in examine 4. sess. Concilii Tridentini, hanc epistolam aut negent esse canonicam, aut ejus auctoritatem in dubium revocant, quia vident hæresim suam de sola fide justificante hujus epistolæ testimoniis apertissime refutari. Illud verò quod Kemnitius addit ex Actis Apostolorum c. 8. *Pecunia tua tecum sit in perditionem, quia existimasti donum Dei pecunia parari,* si ad Indulgentias referatur mera calumnia est. Nam Catholici non existimant, Indulgentias pecuniis vendi, vel emi: sed elemosynas imperari ad opus aliquod pium, ut Basilicæ adificationem, pauperum subventionem, captivorum redemptionem, & similia, quod opus pium sit causa Indulgentiæ concedendæ, ut sæpè diximus.

C A P U T XI.

Respondetur ad tertium caput disputationis Kemnitii, & defenditur primum argumentum Catholicorum.

I N tertio capite disputationis suæ Kemnitius profert in medium argumenta ex scripturis, quæ à nonnullis Catholicorum pro Indulgentiis fieri solent: atque ad ea respondere conatur, quamvis more suo multa dicendo nihil dicat. Eas responsiones ordine refutabimus.

Primum

Primum Catholicorum argumentum sumi dicit ab illis verbis Domini Matth. 16. *Tibi dabo claves Regni celorum, & quodcumque solveris super terram erit solutum & in caelis &c.* Adversus hoc argumentum objicit primò Kemnitius solvere & ligare nihil est aliud, nisi remittere, vel retinere peccata, ut habetur Joan. 20. Illa autem remissio, vel retentio exercetur in foro penitentiae, & absolutionis, ut Scholastici docent. Igitur nihil hoc testimonium facit pro Indulgentiis, quas fidem Scholastici à foro penitentiae, & absolutionis longè, latequè disjungunt. Responsio: Solvere & ligare, quod habetur Matth. 16. multò latius patet, quàm remittere, & retinere peccata, quod habetur Joan. 20. Nam in hoc posteriore loco restringuntur verba ad peccata, in priore non restringuntur, sed generatim dicitur, quodcumque solveris, vel ligaveris, & notum est, non solum solvi, cui remittuntur peccata, sed etiam eum, qui liberatur à quocumque debito, vel lege, vel pacto &c. Quemadmodum etiam non solum ligatur, cui retinentur peccata, sed etiam qui præcepto, vel juramento, vel promissione, vel alia quacumque obligatione constringitur. Itaque etiamsi probasset Kemnitius verba Domini Joannis 20. pertinere ad solum penitentiae forum, non tamen probasset hoc idem de verbis Domini, Matth. 16. sed tamen neque illud probavit. Nam Scholastici dicunt quidem, verba Domini Joan. 20. pertinere ad forum penitentiae, sed non restringunt ad illud forum, multi enim etiam ad remissionem, quæ fit in Baptismo, ea verba referunt, alii generatim ad omnem remissionem, quæ fit ministerio clavium, si-ve in Sacramentis, si-ve extra Sacramentum pertinere volunt. Mihi quidem valdè probabile videtur, hunc locum pertinere solum ad potestatem ordinis, & ea de causa non eum protuli in priore libro pro Indulgentiis.

Secunda objectio Kemnitii. *Solvere, & ligare ita opponuntur, ut quod solutum est, non sit amplius ligatum. Pontifex verò contra fingit, quod in absolutione solum est super terram, illud in foro Pontificio manere ex parte ligatum, & solvendum esse non clave ministerii, sed Pontificiis Indulgentiarum nundinationibus.*

Responsio. Ingens profecto patientia necessaria est ei, qui Kemnitio respondere velit. Quis enim ferat impudentiam hominis, qui tertio quoque verbo nundinationes iis objicit, à quibus severissimè prohibitas non ignorat? Deinde quem non pigeat in ejusmodi nugis tempus terere? Quis enim unquam dixit, in foro Pontificio ligatum manere quod in absolutione solutum est super terram? Sed cum in foro penitentiae solutio fiat à culpa & à reatu poenae sempiternae, non autem à reatu totius poenae temporalis, quod in eo foro ligatum mansit, id non nundinatione, sed clave ministerii Pontificii per Indulgentias relaxari dicimus. Hoc refellat, si potest, & non sibi fingat argumenta quæ solvat.

Tertia objectio. *Ministerium reconciliationis ita solvit peccata, ut penitentibus & credentibus annunciet condonata omnia delicta. Coloss. 2. peccata non imputari. Roman. 4. & 5. & per Christum redemptos esse à maledictio legis. Galaz. 3. quod maledictum aeternum & temporale est. Deuter. 28. Pontificia verò Indulgentia fingunt peccata etiam post remissionem imputari, & Christum credentes non à tota maledictione legis redemisse, sed partem ejus ex Pontificio thesauro redimendam esse.* Responsio. Vetus cantilena hæc est, millies refutata. Omitto errorem illum Kemnitii, & aliorum Lutheranorum, quod remittere peccata, sit annunciare remissa, quia ad hunc locum non pertinet. Condonata nobis omnia delicta per Christum, & Apostolus dicit, neque Indulgentiæ contradicunt. Nam condonata omnia intelligi debent quoad sufficientiam pretii à Christo persoluti, sed pretium illud applicari postea necesse

est, ut etiam Lutherani fatentur, si efficaciter huic, aut illi delicta condonanda sint. Nos autem existimamus non sola fide applicari, sed etiam aliis instrumentis, quorum unum Indulgentiæ sunt. Pari ratione peccata non imputari justificatis, idem Apostolus dicit, & Indulgentiæ non contradicunt. Neque enim fingimus peccata imputari post remissionem, si quo ad culpam, & poenam remissa sint, ut fit in Baptismo, sed si remissa sint quoad culpam, & poenam æternam, & adhuc maneat reatus aliquis poenae temporalis, ut ordinariè fit in secunda reconciliatione, quid mirum si adhuc imputentur ex parte? Quod additur de maledicto legis ad rem non pertinet, non enim liberatio illa à maledicto legis est liberatio à culpa, vel poena peccati, sed est liberatio ab obligatione legis caeremonialis Hebræorum, de qua potissimum disputatur in eo loco. Est etiam liberatio à terrore legis cujuscumque, quæ Judæos ut servos premebat. Filios enim testamenti novi lex divina, moralis, & Evangelica obligat quidem ad observantiam, sed non terret, quia charitas diffusa in cordibus non timore poenae, sed amore justitiæ implet legem.

Quarta objectio. *Quod Christus promissit Petro Matth. 16. cum ait. Tibi dabo claves &c. exhibuit, ac probavit Joan. 20. cum ait. Quorum remiseritis peccata &c. At ista dicuntur omnibus Apostolis, & omnibus Ministris, quibus datur potestas absolvendi: non igitur ex loco Matth. 16. colligitur auctoritas Pontificia Indulgentias conferendi.* Responsio, falsum est id totum fuisse exhibitum Jo. 20. quod fuerat promissum Matth. 16. Nam ut supra diximus multò latius patet, quodcumque solveris, quàm, quorum remiseritis peccata. Itaque sicut soli Petro dictum fuerat Matth. 16. *Tibi dabo claves &c.* ita soli Petro dicitur Joan. 21. *Pasce oves meas.* Atque in hoc loco datur, quod in alio fuerat promissum. Quam rem nos copiosè exposuimus in 1. lib. de Summ. Pontif. cap. 12.

Quinta objectio, *Christus ait Apostolis Joan. 20. Sicut misit me pater, & ego mitto vos: Ipse autem quando tempore ministerii sui peccata remittebat, simul debitum condonabat, & debitorem liberabat. Hæc enim est forma absolutionis ejus, Confide, remittuntur tibi peccata tua, vade in pace, & noli amplius peccare. Matth. 9. Luc. 7. Joan. 5. & in parabola Matth. 18. servum sibi debentem decem millia talenta, liberum dimisit, & debitum remisit ei, & Adultera Joan. 8. nullam poenam imposuit. Quod autem Christus tales unquam vel docuerit, vel dederit Indulgentias, quales ex Pontificiorum placitis supra descriptæ sunt, nulla oratione, nulla dictione, nulla syllaba, nulla litera, ex scriptura probari potest.* Responsio. Immo testimonia omnia allegata clamant Christum dedisse Indulgentias, quales ipsum, qui Princeps absolutus erat, dare decebat. Christus enim illis omnibus remisit culpam, & poenam, extra Sacramentum applicans merita sua. Pontifex autem qui Vicarius est, remittit etiam culpam & poenam, applicans merita Christi, sed culpam & poenam æternam per Sacramenta, quia ita Christus instituit, poenam temporariam extra Sacramenta, quia ita Christus fecit, & ex natura sua remissio solius poenae Sacramento non eget. Quod autem Christus non injunxerit jejunia, vel eleemosynas, aut aliud pium opus iis, quibus Indulgentiam largitus est, quod tamen Pontifex facere solet, eadem est ratio, quia videlicet Christus, ut Princeps absolutus, potuit pro arbitrio Indulgentias dare, Pontifex, ut Vicarius, non potest pro arbitrio, sed pro causa justa, & rationabili, idem facere.

Sexta objectio. *Petrus, cui data sunt claves Regni celorum, eis sine dubio usus est, & tamen Indulgentias Pontificias non dedit; immò Simoni Mago dixit Act. 8. Pecunia tua tecum sit in perditionem, quoniam donum Dei existimasti pecuniis comparari.* Responsio. Quod Aposto-

Apostolus Petrus Indulgentias Pontificarias dedit, vel non dedit, ex scriptura probari non potest, quoniam acta ejus, exceptis paucissimis, in sacris literis non extant. Simon vero Magus non Indulgentias petebat cum pecunias offerret, sed potestatem dandi spiritum sanctum per manus impositionem. Sed Kemnitio perinde est, ad rem, vel extra rem verba profundere, modò calumniari possit.

Septima objectio. Sicut Christus dicit Petro, Matth. 16. quodcumque solveris, ita dicit toti Ecclesie, Matth. 18. quaecumque solveritis &c. & tamen Ecclesia per annos mille & amplius istas Indulgentias ignoravit. Responsio. Ex ignorantia antiquitatis, vel perversa intelligentia veteris historiae procedit objectio. Ostendimus enim in libro superiore, ex Tertulliano, & Cypriano vetustissimis Patribus, necnon ex Conciliis antiquissimis, Ancyrano, & Nicæno, usum Indulgentiarum, & propriè sub nomine Indulgentiarum, idem ostendimus ex Gregorio I. Leone III. & Sergio II. qui omnes ante annum millesimum Ecclesie præfuerunt. Nec defunt, qui idem probari existimant ex Sylvestro I. qui sedet post annum Domini 300. quorum argumenta ex tabulis Ecclesiarum petita contemnenda non sunt.

Octava objectio. Ligare seu retinere peccata non est penitentiam agentibus, & credentibus post absolutionem, seu remissionem peccatorum, partem aliquam ligatam reservare, vel ad proprias satisfactiones, aut redemptiones per Indulgentias obligare: sed impenitentibus, & incredulis peccata sunt liganda, denunciata illis hæc Dei sententia, quod peccata ipsorum maneant. Joan. 9. & ira Dei mineat super ipsi. Joan. 5. quodque perituri sunt, nisi penitentiam egerint. Luc. 13. Responsio. Multa Kemnitius dicit, sed nihil probat, & tamen probandi officium sibi desumpsit. Imperiè autem, nisi fortè malitiosè, & fraudulentè confundit ligare, & retinere: Neque enim ista sunt idem, nam retinere est non remittere, sed relinquere in suo statu, & hoc modo sacerdotes nostri retinent peccata impenitentibus, non solum denunciando illis Dei sententias, sed etiam negando absolutionis beneficium. At ligare non est non solvere, sed novum vinculum addere, nisi vocabulis abuti velimus, & hoc modo sacerdotes audita confessione penitentis, ligant eum ad opera satisfactionis, quæ ab antiquis dicebatur actio penitentiae, ut apud S. Augustinum in epist. 180. ad Honoratum: Aliis, inquit, Baptismum flagitantibus, aliis reconciliationem, aliis penitentia ipsius actionem. Atque hæc est penitentia, quam Pontifices per Indulgentias, vel totam, vel ex parte condonant. Habemus igitur primum & præcipuum testimonium pro Indulgentiis ex cap. 16. Matthæi, non potuisse à Kemnitio labefactari, quamvis octo arctibus illud impetere conatus sit.

C A P U T XII.

Defensio secundi argumenti Catholicorum pro Indulgentiis.

Secundum argumentum Catholicorum peti dicit Kemnitius à verbis illis Apostolicis 2. Corinth. 2. Nam & ego quod donavi, si quid donavi, propter vos in persona Christi. Ex quo loco demonstratur usus Indulgentiarum antiquissimus, cum Apostolus condonaverit penitenti Corinthio partem penitentiae quæ illi supererat peragenda. Refellere conatur Kemnitius hoc argumentum, & quia decrant solidæ rationes digreditur ad explicationem historiae, & Græcarum dictionum, ut multa hinc inde infarciendo sex tandem paginas impleverit. Percurramus ejus objectiones.

Prima objectio: Pontificii dicunt, penitentibus cul-

A pan remitti in absolutione: post ejus verò remissionem imponendas penas satisfactorias, quas per Indulgentias redimi, & relaxari fingunt; Sed Corinthius ille nequaquam antea fuerat à peccatis absolutus: sed fuerat securus, & impenitens, atque ideò traditus Satana, ut afflictione carnis, publica correptione, & contritione ad penitentiam adduceretur. Neque enim ipsum Paulus satana tradidisset, si penitens & credens à peccatis absolutus fuisset. Responsio. Non dicunt Pontificii post remissionem culpæ, idest, post absolutionem sacerdotalem, imponendas penas satisfactorias, sed dicunt imponendas ante absolutionem, quamvis post absolutionem adimplendæ sint, nisi fuerint antea adimpletæ. Non enim multum refert, utrum impleantur ante absolutionem sacerdotis vel postea, modò impleantur in statu gratiæ, qui status gratiæ obtineri potest per veram contritionem, & propositum confessionis suo tempore faciendæ. Immo in poenitentia publica ordinariè implenda erat satisfactio ante absolutionem, ut notum est ex Conciliis supra citatis. Porro Corinthius ille, quamvis initio impenitens videretur, tamen post increpationem publicam, & excommunicationem resipuit, & gravissimam penitentiam agere cœpit. Atque eo tempore sine dubio per veram contritionem gratiam Dei recepit, & per actionem poenitentiae Deo satisfacerebat. Hujus autem satisfactionis, quæ adhuc longius tempus requirebat, partem reliquam Paulus condonavit, ac publicè absolvi, & reconciliari iussit. Quia enim peccatum publicum fuerat, & poenitentia publica, ita etiam publica debuit esse reconciliatio, & absolutio à peccatis, & ab excommunicatione.

Secunda objectio. Paulus non imposuit Corinthio multam publicam, ut suis illis penis, & afflictionibus Deo pro peccato incestus satisfaceret. Nulla syllaba hoc ex Paulo probari potest; imò tota Pauli doctrina clamat, Christum sua passione, obedientia, & morte pro peccatis nostris satisfecisse, & factum esse nostram redemptionem. Causam verò, & finem illius contritionis Corinthii Paulus ipse scribit hanc fuisse, ut ea operaretur penitentiam, & esset domus an serias, & vera esset penitentia. Responsio. Quamvis fortasse B. Paulus non indixerit Corinthio certum tempus, vel speciem poenitentiae, tamen hoc ipso imposuit illi multam publicam, quod iussit eum separari à cœtu fidelium, & admoneri, ut penitentiam ageret. Notum enim erat Ecclesie, quomodo gerere se deberent, qui penitentiam agebant. Nam in antiquis Conciliis solum dicitur tot annis penitentiam agant, qui hoc aut illud peccatum commiserint, & relinquuntur ut notum à quibus rebus se abstinere debeant penitentes. Quod autem illa actione poenitentiae Corinthius Deo satisfacere debuerit, & non solum ostendere Ecclesie serio se resipuisse, perspicuum est ex illo verbo, in persona Christi. Ideò enim Apostolus dicit, se donare in persona Christi, quia Christo satisfaciendum erat, & Apostolus, ut Christi Vicarius, interpretatur Christi voluntatem, & ejus auctoritate condonat reliquam satisfactionem. Præterea idem colligitur ex verbo, donavi, nam si actio poenitentiae non alium finem habebat, quam ostendere veram resipiscenciam, jam finita erat illa poenitentiae actio, quoniam satis superque constabat omnibus, illum verè resipuisse: Quid igitur donavit Apostolus, cum ait, & ego quod donavi, in persona Christi propter vos donavi. Certè hæc verba manifestè docent aliquid ei donatum, & remissum, cujus debitor erat, & quod ab eo iustè exigi potuisset. Quemadmodum autem non pugnet propria satisfactio cum satisfactione Christi, supra non semel explicatum est. Fatemur enim Christum nostram esse redemptionem, & satisfecisse pro culpis & penis omnium hominum, sed ejus satisfactionem applicari per varia instrumenta, ut per fidem, per baptis-

baptismum, per absolutionem, per opera bona, per Indulgentias.

Tertia obiectio. *Condonatio, de qua Paulus loquitur, fuit ipsa absolutio, seu remissio peccatorum à culpa & poena. Dicit enim se loqui de tali condonatione, qua conscientia adfert firmam consolationem, ut non absorbeantur tristitia, sed pacem habeant erga Deum, quod fit quando fide justificamur accepta remissione peccatorum. Rom. 4. & 5. Non ergo loquitur de Pontificiis Indulgentiis, qua dantur post absolutionem à culpa.* Responsio. Fateor Corinthium iussu Pauli simul accepisse reconciliationem, & absolutionem à culpa, & poena, & à vinculo etiam excommunicationis, sed affirmo, in ea reconciliatione admixtam fuisse Indulgentiam, idest, condonationem reliquæ satisfactionis. Nam ut supra dixi, non est necesse, ut Indulgentia detur alio tempore, quam reconciliatio. Illud tamen falsum est quod Kemnitius dicit, Apostolum loqui de illa justificatione, qua homo per fidem ex impio fit iustus, & pacem ad Deum habere incipit, de qua agitur ad Rom. 4. & 5. Nam Corinthius ille jam resipuerat, & dolorem maximum de peccato suo conceperat, & poenitentiam ex amore Dei, & odio peccati agebat, quæ sine fide, spe, & charitate fieri non possunt. Itaque jam coram Deo justificatus erat per veram poenitentiam, & desiderium absolutionis suo tempore recipiendæ, & solum restabat reconciliatio per ministerium Sacerdotum, quam Paulus dari iussit. Illud autem, ne abundantiori tristitia absorberetur, non significat illum non fuisse coram Deo justificatum per veram contritionem: sed significat periculum fuisse, ne nimia tristitia conficeretur, si nimis diu reconciliatio differretur. Itaque iussit, ut eum consolarentur, & recrearent, relaxata omnino reliqua poenitentia, ut bono animo esset, & majori alacritate deinceps curreret viam mandatorum Dei.

Quarta obiectio. *Falsum est, quod dicunt quidam, Paulum pro solvendo debito Corinthiis incestuosi accepisse ex operibus supererogationis Ecclesia Corinthiaca. Clamitat enim Paulus sanctam Christi passionem esse arripit pro peccatis nostris, & magna vehementia, inquit, numquid Paulus pro vobis passus & crucifixus est?* Responsio. Nulli sunt ex Catholicis, qui dicant Paulum accepisse pretium pro debito incestuosi ex operibus supererogationis Ecclesiæ Corinthiacæ. Sed cum Catholici dicant, Paulum ad intercessionem, idest, ad preces Ecclesiæ Corinthiacæ, condonasse aliquam poenitentiam partem Corinthio poenitenti, Kemnitius ita interpretatur, ut dicere voluerint, oblatum fuisse pretium operum supererogationis. Sed hæc impostura, & figmenta ipsius sunt, qui facilius sibi esse ducit, argumenta à se conficta, quam vera refellere.

Quinta obiectio. *Non est verum, certum numerum, vel dienum, vel annorum publica poenitentia fuisse à Paulo præscriptum &c.* Responsio. Neque nos hoc dicimus, neque de hac re contendimus. Satis nobis est, quod ex epistola Pauli perspicue colligitur, adductum Corinthium ad agendam accuratam poenitentiam, ac deinde parte aliqua adimpleta, reliquam auctoritate Apostoli condonata.

Sexta obiectio. *Postremò non nisi impudentissimè fingi potest, Corinthium illum dedisse pecunias ad redimendas Indulgentias: manifestissimum igitur est, locum illum Pauli 2. Cor. 2. nullo modo confirmare Pontificias indulgentias.* Responsio. Si diceremus necessarium esse, pecunia redimere Indulgentias, & non possemus ostendere id à Corinthio factum, tunc sanè aliquid efficeret argumentum Kemnitii. Sed cum doceamus, non solum non esse necessarium, sed neque licitum pecunia redimere Indulgentias, cum decretis Conciliorum, & Pontificum nundinationes Indulgentiarum prohibuæ sint: qua impudentia Kemnitius colligit, locum illum Pauli non confirmare Pontificias Indulgentias, quia non

Controv. Card. Bellarm. Tom. II.

fingimus à Corinthio pecunias numeratas pro Indulgentia redimenda?

Ultima obiectio. *Si huic loco Paulino immitteretur Indulgentia, sequeretur in concessione Indulgentiarum non plus posse Paulum, vel Papam, quam reliqua membra Ecclesiæ. Paulus enim dicit, cui condonatis aliquid, & ego condono. Responsio. Non sequitur, non plus posse Paulum, vel Papam, quam reliqua membra Ecclesiæ in concessione Indulgentiarum. Nam Ecclesia Corinthiaca id quod fecit, ex auctoritate Pauli fecit; sicut etiam hoc tempore non solum Pontifex Indulgentias concedit, sed etiam alii, qui ab ipso auctoritatem habent. Neque obstant illa verba à Kemnitio citata, cui condonatis aliquid & ego condono. Sequitur enim, Nam ego quod donavi, si quid donavi, propter vos in persona Christi. Ex quo apparet, primum fuisse Paulum, qui donavit, deinde Corinthios donasse iussu Pauli, postremò Paulum confirmasse donationem suo iussu factam. Neque hoc negare potest Kemnitius, licet nunc abutatur illis verbis ad suum propositum; nam pag. 243. aperte scribit, Corinthios non fuisse auctores reconciliare incestuosum poenitentem, sed causam ad Apostolum retulisse. Atque hæc de secundo loco.*

C A P U T XIII.

Defenditur III. argumentum Catholicorum.

Tertium argumentum Catholicorum pro Indulgentiis colligi dicit Kemnitius ex duplici ordine testimoniorum scripturæ divinæ. Primum enim adferri ait illa testimonia, quibus probatur post remissionem culpam remanere poenam temporalem adhuc luendam, 2. Reg. 12. 2. Reg. 24. Exod. 32. Num. 14. & alia. Deinde illa, quibus probatur, posse redimi ejusmodi poenas jejuniis, eleemosynis, aliisque operibus bonis, Dan. 4. Jonæ 3. Num. 16. 2. Reg. 12. & 24. & alia. Ex his denique concludit, posse etiam tolli harum poenarum reatum per satisfactiones indebitas sanctorum, hoc est, per thesaurum Indulgentiæ. Hoc verò argumentum ego quidem non attuli in libro superiore, neque ab aliis Catholicis, nisi admodum paucis adferri vidi; quoniam ista pertinent propriè ad disputationes de satisfactione, & hoc loco prærequiruntur potius quam disputentur. Quia tamen Kemnitius argumenti huius mentionem facere voluit, non gravabor & quid ipse contra objiciat exponere, & ipsa ejus obiecta refellere.

Ad testimonia prioris ordinis objicit, si quis ex illis colligere velit post remissionem culpæ remanere poenam luendam, sequi unum ex sequentibus incommodis, vel satisfactionem Christi pro peccatis nostris fuisse dimidiatam, & imperfectam: vel Deum credentibus non omnia peccata remittere, & fallere homines, quibus promisit, se iniquitatum eorum non amplius recordaturum: vel falsum esse, quod Christus sub juramento affirmavit, quæcumque solveritis in terra, erunt soluta & in cælo, si partem vindictæ Deus ligatam retineret, vel Ministros Ecclesiæ fraudulenter, & non ex voluntate Domini claves Regni cælorum administrare, si dum solvunt à peccatis, partem aliquam retinent. Ad hanc objectionem respondeo nihil eorum sequi. Nam non sequitur primum incommodum, quoniam Christus quidem integrum pretium pro culpis & poenis omnium hominum obedientia sua & passione persolvit: sed placuit sapientiæ ejus, pretium illud in baptismo applicare pro culpis, & poenis omnibus expiandis: in reconciliatione autem, quæ fit in sacramento poenitentiae, placuit eidem divinæ sapientiæ idem pretium applicare pro culpa & poena sempiterna, non autem pro reatu totius poenæ temporalis,

Qq

ut

ut supra non semel explicatum est. Non sequitur etiam alterum incommodum. Nam Deus præstat semper quod promittit; & omnia peccata ita in reconciliatione condonat, ut iniquitatum commissarum non recordetur amplius. Sed quemadmodum, cum iustus peccat, dicitur Deus iusticiarum ejus non recordari amplius, quia non conservat illi gratiam suam etiam si temporali aliquo præmio eas iustitias fortè remuneret: Sic etiam cum impius resipiscit, dicitur Deus non recordari amplius peccatorum ejus, quoniam in gratiam suam, atque amicitiam eum recipit, ac si numquam peccasset, quamvis temporalem poenam ab illo exigat. Nec sequitur tertium, vel quartum incommodum, Christus enim verissimè affirmavit: *Quicumque alligaveritis super terram, erunt ligata & in caelis; & quicumque solveritis super terram, erunt soluta & in caelis.* Nam sicut ipse retinet reatum aliquem poenæ temporalis in reconciliationem post Baptismum, ita & Ministri ejus faciunt, cum rite funguntur munere suo. Ea enim de causa in Sacramento poenitentiae imponunt multam pro satisfactione, quam non imponunt in Sacramento Baptismi, quoniam sciunt eam esse Dei voluntatem, ut qui ab ignorantiae tenebris convertuntur primum ad Lumen fidei, & Baptismum recipiunt, non ligentur ad ullam poenam: qui verò post tantum lumen adeptum, & justificationem, ac renovationem Baptismi lapsi sunt, cum ad poenitentiam venerint, ligentur omnino ad poenam pro peccati magnitudine, & qualitate solvendam.

Adhibet deinde Kemnitius ad illa eadem testimonia, quæ à Catholicis allegantur pro reatu poenæ, remanente post culpam remissam, suam explicationem ac dicit, infligi quidem à Deo varias castigationes, & poenas hominibus reconciliatis, ut scripturæ illæ testantur, sed infligi, ut sint mortificationes carnis, vel admonitiones ad cavenda peccata, vel ad insinuandam peccati magnitudinem, vel ad exercitium patientiæ, aliarumque virtutum, denique ad alios salutares fines, non autem ut sint ultiones peccati præteriti, quasi Deus punire velit peccatum jam condonatum. Sed profecto admiranda est Hæreticorum audacia, qui omnes alios fines flagellorum divinorum admittunt, præter eum, qui ab ipso Deo in scripturis disertis verbis exprimitur. Nam 2. Reg. 12. cum Deus per Prophetam David dixisset peccatum ipsius ob sceleratam poenitentiam esse dimissum, & tamen flagello mortis filii, eum castigare vellet, non ait, ad mortificandam carnem, vel admonitionem ad cavenda peccata, vel ad exercitium patientiæ, vel alios fines ejusmodi, sed ait, Verumtamen quia blasphemare fecisti inimicos nomen Domini, filius qui natus est tibi morte morietur. Quid clarius ad significandam vindictam divinam pro peccato commissio? Inde David (ut habetur in eodem capite) jejunavit & flevit, & oravit, ut averteret flagellum illud Dei, qui tamen non hoc faceret, ut impediret bonos illos fines, idest, mortificationem carnis, exercitia patientiæ, & similia, sed fecit, ut satisfaceret Deo per aliam viam, quam per mortem filii. Præterea non raro flagellum Dei pro peccato commissio est mors corporalis ejus, qui flagellatur, ut perspicuum est ex lib. 3. Reg. cap. 8. ubi Prophetam Domini ob inobedientiam traditur à Deo Leoni interimendus; & tamen ante mortem sine dubio remissum fuit ei peccatum, quo ad culpam (si fortè lethalis fuit) constat enim eum ut virum sanctum, & justum fuisse post mortem à Leone custoditum, non læsum, ut honorificè sepeliri posset. Mors autem corporalis ejusmodi flagellum est, ut non possit infligi ad mortificationem carnis, admonitionem ad cavenda peccata, exercitia patientiæ, & similia quæ post mortem cessant, sed solum ad ultionem peccati commissi. Denique (ut alia multa præteream) in Psal. 98. apertissimè legimus de Mose, & Aaron: *Invocabant Domi-*

num, & ipse exaudiebat eos, in columna nubis loquebatur ad eos, Domine Deus noster tu propitius fuisti eis, & ulciscens in omnes adinventiones eorum. Ubi loquens David de peccato eorum ad petram, pro quo puniti sunt (ut habetur Num. 20. & 27.) ut mererentur ante ingressum in terram promissionis, apertè testatur, Deum fuisse illis propitium, quia remisit peccatum quo ad culpam, & tamen ultum fuisse omnem adinventionem eorum, quia poenam ab eis, & quidem gravissimam in vindictam, & satisfactionem repetiit. Atque hæc de primo ordine testimoniorum, de quibus frustra Kemnitius gloriatur ita à se explicata, ut succisus sit gladio spiritus unus nervus Indulgentiarum Pontificiarum. Manet enim nervus ille integer, & sanus, non minus quam si gladio fæneo, vel papiraceo tentatus fuisset.

Jam verò in succidendo altero nervo, idest, in tractando secundo ordine testimoniorum magis cautè se gessit, cum enim animadvertisset, non posse ullo modo negari, quod ex illis testimoniis Catholici colligunt, videlicet, posse flagella Dei aliquando per voluntarias afflictiones averri, Deumque placari fructibus poenitentiae, nihil contra hoc dogma Catholicorum objecit, sed solum probare conatus est, non posse per Indulgentias condonari poenas peccatis debitas. Id autem facit adducendo in medium quandam Lutheri partitionem. Scripsit enim Lutherus, quinque esse genera poenarum secundum scripturam, & veteris Ecclesiæ traditionem. Primum esse poenam gehennæ. Secundò afflictiones quæ sponte suscipi debent ad fructus poenitentiae faciendos, qui sint argumenta novæ vitæ. Tertiò afflictiones prioribus non dissimiles ad carnis mortificationem, quæ necessaria est ad cavenda peccata. Quartò flagella divinæ immissa, ut penuriam, morbos, orbitatem, & similia. Quintò denique esse poenam canonicam, quæ disciplinæ causa à veteribus imponi solebat. Certum est autem poenam Gehennæ non esse subiectam clavibus Ecclesiæ. Nec minus certum est, non debere relaxari per Indulgentias exercitia virtutum, fructus poenitentiae, & novæ vitæ, & carnis mortificationem, alioqui noxiæ, ac perniciosæ essent Indulgentiæ. Neque illud est dubium flagella à Deo immissa non posse per Indulgentias repelli, ut vel ipsa experientia docet. Restant solæ poenæ canonice, quæ relaxari possunt, si essent in usu, sed jam à longo tempore desierunt imponi. Nulla igitur restat poena, quæ per Indulgentias remitti possit, nisi commentitius quidam reatus poenæ, qui fingitur in hac vita, vel in alia expiandus, sine ullo scripturæ, vel antiquæ Ecclesiæ testimonio. Nos verò libenter agnoscimus poenam Gehennæ, & flagella à Deo immissa non subesse clavibus Ecclesiæ, quamvis ea flagella non raro per voluntarias afflictiones avertantur, ut perspicuum est ex cap. 3. Jonæ. De poenis autem sponte susceptis respondemus, non debere eas relaxari, quatenus utiles sunt ad novitatem vitæ, & carnis mortificationem, sed posse utiliter relaxari, quatenus sunt poenæ debite peccatis. Utile enim est carere illo debito, sive reatu. Esse autem eas poenas debitas peccatis non est commentum, nec figmentum Catholicorum (ut Lutherus & Kemnitius dicunt) sed est sententia scripturæ, & totius antiquitatis; idè enim dicuntur afflictiones illæ fructus digni poenitentiae Luc. 3. quoniam tales esse debent, quales requiruntur ab illis, qui dignè poenitentiam agunt. Dignè autem poenitentiam agere, non est solum novæ vitæ fructus ostendere vel carnis concupiscentias mortificare (ista enim ab iis etiam fieri debent qui non peccaverunt) sed est punire peccata præterita, & Domino, quem superbia, & cupiditate, atque illicita delectatione offendimus, humilitate, largitione, compunctione, & afflictione voluntaria satisfacere. Et in hanc sententiam exponunt illa verba Dominica omnes veteres Pa-

Defenditur IV. argumentum Catholicorum.

Patres. S. Joannes Chrysostomus hom. 10. in Matthæum explicans quid sit facere fructus dignos poenitentiae, *Deliciis, inquit, antea & temulentia dissuabas? Jejunio, & aqua potu utrumque compensa.* S. Augustinus in Enchiridio c. 70. *In melius, inquit, est vita mutanda, & per elemosynas de peccatis praeiudicis propitiandus est Deus, non ad hoc emendas, ut ea semper liceat impune committere.* Nemini enim dedit laxamentum peccandi, quantumvis miserrando delectat jam facta peccata, si non satisfactio congrua negligatur. Et in Psal. 50. sic inducit loquentem poenitentem cum Deo: *Domine non eris impunitum peccatum meum, sed idcirco nolo ut tu punias, quia ego peccatum meum punio.* S. Gregorius lib. 6. cap. 2. in 1. Reg. cum docuisset tria requiri ad poenitentiam, mentis conversionem, oris confessionem, & peccati vindictam, hoc tertium probat ex verbis Evangelicis jam allegatis: *Tunc, inquit, bene conversum peccatorem cernimus, cum digna afflictionis austeritate delectare nititur, quod loquendo confitetur.* Unde Joannes Baptista ait: *Facite fructus dignos poenitentiae.* Beda in Psal. 4. *Facite, inquit, dignos fructus poenitentiae, tantum pro singulis peccatis vos affligentes, quantum digna expetit poenitentia, quod erit sacrificium iustitiae.* Christianus Druthmarus in cap. 3. Matthæi: *Fructum, inquit, dignum poenitentiae facere, est praeiudicia mala fletibus punire, & bona e contrario agere, & male commissa elemosynis redimere.* Petrus Damiani serm. 2. de S. Andrea, *Ne tibi blandiaris si graviter peccanti levior poenitentia à mansueto, vel à dissimulante dictatur, cum in purgatorii ignibus perficiendum sit quicquid hic minus feceris, quia dignos poenitentia fructus queris Altissimus.*

Hinc etiam B. Paulus, in epistola posteriore ad Corinthios cap. 7. describens effectus poenitentiae, inter alios ponit vindictam. *Ecce, inquit, hoc ipsum contristari nos secundum Deum, quantum in vobis operatur sollicitudinem, sed defensionem, sed indignationem, sed timorem, sed desiderium, sed emulationem, sed vindictam, si ve autem hæc vindicta significet afflictionem, quam poenitens ad sua peccata puniendam sponte suscipit, si ve ea, quam poenitenti praelatus imponit, illud est certum, poenitentiae actionem ad peccata puniendam referri. Proinde non est figmentum, vel commentum, sed spiritus Sancti oraculum, quod Catholici de poenitentia docent.* Vide multo plura in lib. 4. de poenitentia, ubi de satisfactione disserimus. Quod verò attinet ad penam canonicam, quod erat ultimum membrum partitionis Kemnitii, verum est quidem minori severitate hoc tempore poenitencias injungi, quam Canones præferbant, tamen injunguntur poenitentiae majores, vel minores pro criminum varietate, nec imponuntur causa disciplinae solius, sed etiam ut supra demonstratum est, in satisfactionem, vel satisfactionis partem. Ac proinde relaxatio poenae adjunctae per Indulgentias, in his etiam locum suum habet. Sed præter has omnes poenas, est poena Purgatorii, quam nemo negare potest, non spectare ad fructus novae vitae, nec ad carnis mortificationem, neque ad flagella Dei particularia, neque ad Ecclesiasticam disciplinam, sed solum ad castigationem peccatorum præteritorum, & ad reatum poenae remanentis post culpae remissionem omnino expiandum. Non esse autem hanc poenam Purgatorii commentum, vel figmentum Catholicorum, sed dogma scripturarum sanctarum, & confessionem totius Ecclesiae etiam antiquissimae, probatum est à nobis in priore libro de Purgatorio. Quare non deest poena, quae per Indulgentias utiliter relaxetur, & argumentum Catholicorum, etiam ut à Kemnitio proponitur, vim suam habet, neque potuit ipse gladio spiritus (ut frustra gloriabatur) nervos ejus incidere.

Quartum Catholicorum argumentum desumi dicite Kemnitius ex cap. 1. ad Coloss. ubi leguntur illa verba, *Adimpleo quae desunt passionum Christi in carne mea pro corpore ejus, quod est Ecclesia.* Ut autem hoc argumentum commodè refellat Kemnitius duo mendacia admiscet. Scribit enim hoc modo. *Hanc Pauli sententiam ita & intelligunt, & intelligi volunt, quod passionibus Christi, quibus peccata nostra expiavit, & stipendium peccati sustulit, redimens nos à maledictione legis, aliquid defuerit, quo minus plena, perfecta, consummata, & sufficiens satisfactio esse possit pro peccatis nostris.* Hoc est primum mendacium, tam impudens & crassum, ut nihil impudentius, vel crassius fingi queat. Neque ex tanto numero scriptorum veterum, & recentiorum, qui de Indulgentiis scripserunt, unum allegare poterit, qui dicat, quod ipse fingit nos dicere. Imò summa confessione scriptores Catholici cum Clemente VI. Pontifice in Constitutione quae incipit, *Unigenitus*, docent satisfactionem Christi fuisse infiniti pretii, & non solum plenè, & perfectè pro peccatis nostris Deum placasse, sed etiam placare potuisse pro peccatis infinitae multitudinis hominum, si tot futuri fuissent. Adducit quidem Kemnitius Bonaventuram, quasi is dicat, *satisfactiones sanctorum applicari ad pretium aliquod solutionis pro peccatis, idcirco quia pretio Christi aliquid defuerit.* Sed illa verba postrema, (*idcirco quia pretio Christi aliquid defuerit*) non habentur apud Bonaventuram. Consulat lector locum ipsum, qui est in 4. sent. dist. 20. parte 2. art. 1. quæst. 2. ad 3. Alterum mendacium addit ibidem Kemnitius his verbis. *Illum verò defectum passionis Christi, supplendum esse dicunt passionibus Sanctorum.*

Quare quis hoc dicat ex Catholicis, & nullum invenies. Dicunt quidem Catholici cum Clemente Pontifice, ad cumulum thesauri accedere passionibus Sanctorum, sed ad supplendum defectum passionis Christi, quam infiniti pretii esse fatentur, nemo dicit. His mendaciis suis, quasi nostra essent dogmata, refellendis deinceps occupatur, & probat, quod nemo negat, idcirco Mediatorem debuisse esse Deum, & hominem &c. Accedit postea ad locum ipsum B. Pauli explicandum, & repetit quae Calvinus attulit, & ad quae nos supra respondimus, quae hoc loco repetenda non duximus. Unus tantum est locus in tota hac disputatione à Kemnitio adductus, quem hactenus explicatum non memini. Is est in Psal. 48. ubi negat David, posse fratrem à fratre redimi, aut pretium redemptionis ejus Deo persolvere, ex quo probari existimat, non posse satisfactiones Sanctorum applicari ad reatum poenae pro aliis expiandum. Sed facilis est responsio. Nam tribus modis explicari potest, & solet ea sententia. Prima explicatio, eaque conformis Rabbini Judæorum est, quod asserit David, neminem posse liberari à morte corporis propria virtute, vel potentia amicorum, aut consanguineorum. Reprehendit enim illos, qui confidunt (ut habetur in versu superiore) in virtute sua, aut in multitudine divitiarum suarum; & ait: *Frater non redimis, redimet homo, idest, Frater, qui conjunctissimus, & amicissimus est, non potest fratrem redimere à morte, quia mortem nemo potest effugere, quis igitur alius homo est, qui cum redimere possit? & in eundem sensum additur, neminem posse muneribus Deum placare, nec vitam ullo pretio redimere.* Atque hic quidem sensus, nihil Kemnitium juvat, quia non facit ad rem, de qua agitur. Altera expositio est S. Basilii in commentario hujus loci, qui exponit has sententias de redemptione à morte animae, idest, à peccato, & Gehenna, ut hic sit sensus; *Frater*

ter non redimit, ac multo minus quisvis alius homo, quia omnes peccaverunt, & egent gloria Dei, omnes sunt captivi, omnes redimendi. Ideo misit Deus redemptorem Christum, qui non est frater, nec homo sicut ceteri, sed est Deus homo iustus, & liber, qui neque redemptione indiget, & liberare omnes potest. Hæc explicatio nihil etiam juvat Kemnitium, quoniam non negamus, immò asserimus omnes Catholici, non potuisse nos redimi à morte animæ & Gehenna per satisfactiones Sanctorum, sed Christi solius, qui factus est nobis à Deo iustitia, & redemptio, ut Apostolus loquitur in priore Epistola ad Corinthios cap. 1. Tertia explicatio est S. Augustini in prima concione in Psalmum prædictum, qui ita interpretatur, *Frater non redimit, redimet homo*, idest, Si Christus, qui frater noster fieri dignatus est, non te redimit, expectas ut te redimat alius homo? Non dabit Deo placationem suam, nec pretium redemptionis animæ suæ, ille qui confidit in virtute sua, & in multitudine divitiarum suarum. Atque hucusque expositio S. Augustini; neque causam Kemnitii, neque nostram juvat. Loquitur enim de liberatione impij à captivitate peccati, & dicit, non posse impium, qui in sua virtute confidit liberari nec à se, nec ab alio, cum à Christo liberatus non fuerit, non defectu Christi, qui pro omnibus mortuus est, sed defectu impij, qui redemptionem sibi applicari noluit. Nos autem in disputatione de Indulgentiis non loquimur de liberatione impij, sed de liberatione hominis iustificati à reatu poenæ temporalis, de qua liberatione loquitur in sequentibus verbis S. Augustinus, quæ verba hæresim Kemnitii manifestè refellunt. Addit enim Augustinus, *Qui sunt qui dant pretium redemptionis animæ suæ? Quibus ait Dominus, facite vobis amicos de mammona iniquitatis ut & ipsi recipiant vos in aeterna tabernacula. Illi dant pretium animæ suæ, qui non cessant elemosynas facere. Ideo illas, quos monet per Timotheum Apostolus noluit esse superbos, ne in abundantia divitiarum glorientur. Denique quod possidebant, noluit apud illos veterascere, sed aliquid ex eo fieri, ut esset pretium redemptionis animæ illorum. Thesaurizent, inquit, sibi fundamentum bonum in futurum, ut apprehendant veram vitam, sic dabunt pretium redemptionis animæ suæ*: Hæc ille. Itaque S. Augustinus non timet dicere, & ter repetere, homines iustos à Christo redemptos à morte animæ, dare per elemosynas pretium redemptionis animæ suæ, juxta illud, *Peccata tua elemosynis redime*; quæ redemptio non potest alia intelligi nisi à reatu poenæ remanente post redemptionem peccati, quoad culpam. Exi Augustino teste potest quisque dare pretium redemptionis animæ suæ si ne ulla injuria Christi Redemptoris omnium, non debet videri mirum, si nos dicamus, posse sanctos Martyres dare pretium aliquod redemptionis pro solo poenæ reatu aliorum fidelium: non quod Christi pretium non sufficiat, sed ut hac etiam ratione Martyrum passionibus & meritis honorentur.

CAPUT XV.

Defenditur V. argumentum Catholicorum.

Quintum argumentum pro thesauro Indulgentiarum sumi dicit Kemnitius ab illis Apostoli verbis 2. Corinth. 8. *In presenti tempore vestra abundantia illorum inopiam suppleat, ut & illorum abundantia vestra inopia sit supplementum*. Ex hoc loco ita formari argumentum à Catholicis, affirmat idem Kemnitius, *Corinthii abundabant pecunia, sed inopes erant meritorum. Contra verò sancti Hierosolymitani abundabant meritis spiritualibus, à pecunia verò male parati erant. Paulus igitur talem permutationem inter eos instituit, ut Corinthiis præberent manus adiutrices conferendo largè pecuniam: & pro*

A illa pecunia sancti Hierosolymitani ex operibus suis supererogationis supplementum inopia Corinthiorum venderent, quod ad satisfactionem pro peccatis attinet. Sed in duobus peccat Kemnitius, nam nec fideliter refert argumentum Catholicorum, nec solidè illud refellit. Catholici enim non dicunt Apostolum instituisse illam commutationem, ut Hierosolymitani venderent merita supererogationis Corinthiis: sed tantum ex eo loco colligunt, eam esse in Ecclesia communicationem, ut alii aliis bona sua communicare soleant: nec solum bona corporalia, sed etiam spiritualia invicem præbere possint. Ex quo sequitur, ut etiam unus pro alio satisfacere, & aliorum passionibus aliis applicari valeant. Nec tamen solidè argumentum Catholicorum, etiam ut ab ipso propositum est, Kemnitius refutavit, dicit enim in sequentibus per inopiam Corinthiorum non intelligi inopiam meritorum, sed inopiam prædicationis Verbi Dei, & probat ex duobus locis ejusdem Apostoli. Nam Roman. 15. Apostolus scribens de eadem contributione elemosynarum, ait, si spiritualium eorum participes facti sunt Gentiles, debent & ipsi in carnalibus ministrare illis. Qui verò per spiritualia intellexit applicari, dicit 1. Cor. 9. in illis verbis, *Si spiritualia vobis seminavimus, quid magni est, si carnalia vestra metamus?* Hæc ille. Sed in priore loco Apostolus de spiritualibus donis generatim loquitur, nec restringit sermonem ad prædicationem. Verè enim Gentiles facti sunt participes donorum spiritualium, quæ in Hierusalem primum effusa sunt à Deo, videlicet fidei, spei, charitatis, sacramentorum, miraculorum &c. In posteriore autem loco non est sermo de ista communicatione bonorum, de qua nos agimus, sed de stipendio debito ex iustitia iis, qui evangelizant. Hoc autem loco, videlicet 2. Cor. 8. Apostolus loquitur generatim de bonis spiritualibus & temporalibus. Nec debent ejus verba restringi ad prædicationem. Quod patet, Primò, quia verba sunt generalia, *illorum abundantia vestram inopiam suppleat*. Secundò, quia non egebant Corinthii, ut mitterentur eis Prædicatores ex Hierusalem, jam enim plenè instituti erant. Nam 1. Cor. 1. legimus de Corinthiis, *Jam doctores facti estis in Christo, in omni verbo, & in omni scientia*, & in hoc ipso cap. 8. Epistolæ secundæ, *sicut, inquit Paulus, in omnibus abundatis, fide, & sermone, & scientia &c.* Tertio, quia veteres Patres non exponunt hanc abundantiam spiritualem Hierosolymitanorum, de prædicatione verbi, ut vellet Kemnitius, sed de meritis, & precibus. Chrysostomus in hunc locum, dicit Hierosolymitanos abundasse integritate vitæ, libertate, & fiducia ad Deum, & horum bonorum futuros participes Corinthios, si elemosynam pecuniariam, quæ ipsi tunc abundabant, Hierosolymam misissent. Nec multo aliter exponunt Theodoretus, & Theophylactus, & alii veteres Græci. S. Thomas exponit de precibus, ut sit sensus, Corinthios fore participes orationum, quas Hierosolymitani fundunt ad Deum, si eos bonorum suorum temporalium participes fecerint. Haymo in hunc locum addit etiam jejunium inter opera spiritualia Hierosolymitanorum, quorum participes erant futuri Corinthii, si elemosynis illis adjuvissent: quam explicationem insinuare videtur Apostolus in eodem cap. 8. extremo, cum ait: *Ministerium huius officii, non solum supplet ea, quæ desunt sanctis, sed etiam abundat per multas gratiarum actiones in Domino, per probationem ministerii huius glorificantes Deum in obedientia confessionis vestra in evangelio Christi, & simplicitate communicationis vestra in illos, & in omnes, & in ipsorum obsecratione pro vobis*. Sed de his satis, non enim in hoc testimonio fundamentum Indulgentiarum præcipuè consistit.

CAPUT XVI.

Defenditur argumentum VI. Catholicorum.

Argumentum sextum, quod est postremum apud Kemnitium, sumitur ab articulo symboli de communione sanctorum. Catholici enim ex hac communione colligunt, posse satisfactiones, quæ sanctis superfuerunt, idest, quibus ipsi, ad sua peccata purganda non eguerunt, applicari abis fidelibus, quibus propriæ non sufficiunt. Adversus hoc argumentum Kemnitius nihil solidi adfert. Primum enim explicationem odiosissimam ejus articuli nobis affingit: *Communione*, inquit, *sanctorum largius & latius interpretatur de meritis operum supererogationis, quæ non solum factoribus propria, sed communia sunt omnibus fidelibus, collata in commune quasi Ecclesia ararium, ad quod solus Papa claves habeat, & pro data pecunia inde cuiuslibet vendat, quantum visum fuerit.* Hæc ille. Ubi pro suo more calumniatur nos loqui de meritis supererogationis simpliciter, cum non loquamur nisi de satisfactionibus, siue de meritis ut accipiuntur pro satisfactionibus ad reatum poenæ expiandum, non ut accipiantur propriè pro meritis gratiæ vel gloriæ. Deinde jam sæpe diximus, non solum non vendi à Pontificibus satisfactiones sanctorum, sed etiam severissimè prohiberi, & puniri omnem speciem similium venditionum, quod ne ipse quidem Kemnitius ignorat, qui decreta Pontificum & Conciliorum de his rebus vidit, & legit, & in suum librum, ut eum plenior faceret, transtulit. Deinde addit Kemnitius communionem sanctorum, de qua in Symbolo fit mentio, tria significare. Primo quod Ecclesia sit societas quædam eorum, qui spiritu Christi sanctificantur, & membra unitus corporis mystici. Secundò quod in Ecclesia sint omnibus fidelibus communia bona quædam divinitus collata, ut fides, Baptismus, remissio peccatorum, & vita æterna. Tertiò, quod inter fideles, debeant esse communia officia charitatis, sicut exemplo membrorum corporis humani Paulus ostendit Rom. 12. & 1. Cor. 12. His expositis concludit, articulum illum fidei, non loqui de Indulgentiis Pontificiis, nec de meritis supererogationis, & ideo insigni depravatione Pontificias Indulgentias in illum articulum intrudi. At neque nos dicimus, articulum illum fidei, loqui in specie de operibus supererogationis, vel de Indulgentiis, sed colligimus ex generali proprietate Ecclesiæ posse unum membrum ab alio jvari, quod ipse etiam Kemnitius agnoscit in tertia significatione communionis sanctorum. Nam si debent officia charitatis inter fideles esse communia, ut sunt inter membra ejusdem corporis, quid quæso prohibet, cur non possit unus alteri satisfactionem suam communicare? Potest ex Apostoli sententia ad Galat. 6. propter communionem membrorum Ecclesiæ, alter alterius onus portare: cur non poterit alter pro poena alteri debita satisfacere? Potest ex sententia S. Augustini Epist. 23. & lib. 3. de Baptismo contra Donatistas cap. 18. unus pro alio credere ut sit in Baptismo parvulorum, cur non poterit unus pro alio pati? Sed audi eundem Augustinum tract. 33. in Joannem de communione Sanctorum differentem: *Oculus*, inquit, *solum videt in corpore, sed nunquid soli sibi oculus videt, & manui videt, & pedi videt, & ceteris membris videt. Non enim si aliquis ictus in pedem veniat, avertit se oculus inde ut non præcaveat. Rursus sola manus operatur in corpore, sed nunquid soli soli operatur, & oculo operatur. Nam si ictus aliquis veniens non eat in manum, sed tantum in faciem, nunquid dicit manus, non me moveo, quia non tendit ad me? sic per ambulando omnibus membris militat. Membra cetera tacuit, & lingua omnibus loquitur.* Hæc ille. Quæ si applicentur ad fideles, qui membris illis corporis significantur,

Contrav. Card. Bellarm. Tom. II.

Alicebit sine dubio dicere, cum qui jejunat, qui facit eleemosynam, qui orat, qui persecutionem injunctam patienter tolerat, qui vincula, qui verbera, qui mortem pro Christi fide patitur, non sibi soli hæc agere vel pati, sed etiam aliis, præsertim si ipse non habeat peccata, quæ illis passionibus purget.

BAdjungit obiter Kemnitius tria alia scripturæ testimonia, quæ perperam à Catholicis adduci affirmat. Unum est Ps. 118. *Particeps ego sum omnium timentium te*, & dicit illud, *particeps*, significare voce Hebraica, & Græca (*Socium*) & sensum eorum verborum esse, Davidem publica confessione ostendisse se socium & amicum aliorum piorum timentium Dei. Sed indoctos nescio quos inde fecisse pontificale participium, ad probandum per Indulgentiarum nundinationem partem pecuniarum accipere à Clero, partem à populo, partem ab utroque. Sed nullus Catholicus est, qui ita exposuerit ut illud *particeps ego sum* retulerit ad Pontificem, qui tribuit Indulgentias? Omnes enim referunt ad ipsos fideles, qui cum socii & amici sint aliorum fidelium piorum, participant etiam ipsorum bona, quoniam sociorum & amicorum omnia sunt communia, ut pulchrè S. Augustinus ostendit tract. 33. in Joan. ubi adeò dicit omnia esse communia piis fidelibus, ut omnes dicere possint se loqui omnibus linguis, sicut loquebantur olim, qui visibilibus accipiebant Spiritum sanctum: quoniam lingue omnium fidelium, toto terrarum orbe dispersorum, singulis sunt communes per charitatem, quæ sumus omnes unum in Christo. Itaque qui dixit: *Socius & amicus sum omnium timentium te*, consequenter etiam dixit, *particeps sum omnium bonorum, quibus præditi sunt omnes qui timeant te.* Alterum testimonium est in Ps. 121. *Hierusalem, quæ ædificata est civitas, cujus participatio ejus in idipsum.* Hoc testimonium perperam allegari dicit à Lindano pro communione Sanctorum, & thesauro Indulgentiarum; cum tamen constet ex verbis sequentibus, sensum illorum verborum esse, *Hierusalem ita ædificari ut sit civitas, in qua sit conjunctio, seu consociatio talis, ut sibi ascendant tribus Domini ad testimonium Domini, & ad judicium.* Sed hæc est nimia contradicendi libido. Non enim Psalmus dicit esse in Hierusalem participationem, siue consociationem solum ad ascendendum ad testimonium Domini, & ad judicium: sed dicit, *Hierusalem, idest, Ecclesiam ædificari iuxta civitatis pacatissimæ, & concordissimæ, in qua sit participatio in idipsum, idest, participatio simul omnium in unum, ut sint omnia omnium.* Id verò probat Psalmus, quia illuc ascendunt tribus Domini, idest, varæ tribus, varæ gentes, & nationes conversæ ad Dominum, & licet sine tam multa & tam varæ, tamen conveniant in eadem confessione fidei, & in eisdem legibus, & judiciis &c. Tertium testimonium dicit esse illud Ps. 149. *Ad faciendam vindictam in nationibus, ad alligandos reges eorum in compedibus &c.* Sed adscribere debuisset, ubi legerit hoc testimonium pro Indulgentiis citatum. Ego enim legi sæpe omnes, qui inter Catholicos de Indulgentiis scripserunt, nec apud ullum inveni hunc locum inter alios adductum; nihil autem facilius est, quàm argumenta à se conficta refutare.

CAPUT XVII.

Respondetur ad cap. 4. disputationis Kemnitii.

IN quarto capite disputationis suæ Kemnitius probare aggreditur Indulgentias Pontificias veteri Ecclesiæ per annos 1200. fuisse incognitas. Id verò probat primo testimonio Durandi, S. Antonini, & Rosensis, qui id fatentur. Deinde quia nulla invenitur mentio Indulgentiarum apud Anselmum, Rupertum, Bernardum, Petrum Lombardum, & Gratianum, qui

Qq 3 pro-

proximè præcesserunt annum millesimum ducentesium. Postremò, quia veteres Patres, Chrysostomus, Nyssenus, Augustinus, Bernardus, & Petrus Lombardus, Indulgentias, nondum natas scriptis suis confutarunt. Sed ut à primo incipiamus, non idè Indulgentiæ non sunt antiquæ, quia duo, vel tres ex Catholicis id non legerunt in veterum libris. Neque tres isti auctores negant Indulgentias fuisse cognitæ tempore Anselmi, Bernardi, Ruperti, Petri Lombardi, & Gratiani, ut Kemnitius dicit, sed tempore Hieronymi, & Augustini, & aliorum veterum, qui primis quingentis annis floruerunt. Ac ut omnes intelligant Kemnitium apertè mentiri. Alexander ejus nominis tertius, Pontifex Maximus, sedere coepit anno Domini 1159. Is verò Pontifex in epist. ad Archiepiscopum Cantuariensem scribens, respondet quæstioni sibi propositæ, an Indulgentias ab aliquo Episcopo concessas, lucrari possint ii, qui non sunt eidem Episcopo subiecti: ac dicit non posse, quia nemo potest nisi à suo Iudice ligari, vel solvi, & habetur hoc Rescriptum in Jure, cap. Quod autem, de poenit. & remis. Videmus autem hoc loco mentionem Indulgentiæ, ut rei non tunc primùm institutæ, sed usitatæ, & receptæ. Igitur mentitur Kemnitius pag. 274. cum sic loquitur: *In hac de Indulgentiis disputatione non possunt vel ulla Patrum testimonia, vel ulla veteris Ecclesiæ exempla proferre, quod talis vel doctrina, vel usus talium Indulgentiarum nullo unquam tempore usque ad annos post natum Christum mille ducentos in veteri Ecclesiâ fuerit.* Eugenius III. Pontifex sedere coepit anno 1145. Is autem per literas generales concessit Indulgentiam accipientibus Crucem, & proficiscentibus ad bellum sacrum, & S. Bernardo injunxit, ut eas Indulgentias prædicaret populus, eosque ad bellum illud accenderet. Paruit S. Bernardus Pontifici, & prædicationem suam innumerabilibus, & maximis miraculis confirmavit, ut ipse modestè indicat initio libri 2. de Considerat. sed copiosius rem totam narrat auctor vitæ ipsius lib. 3. cap. 4. Ergo mentitur Kemnitius tum cum ait ante annum 1200. non fuisse notas Indulgentias, tum cum apud Bernardum nullam hujus rei mentionem extare confirmat, & cum Petrus Lombardus, & Gratianus eodem sæculo floruerint, fieri non potest, quin ipsi quoque Indulgentias noverint. Paschalis II. Pontifex sedere cepit anno 1099. & in Concilio quodam Lateranensi anno 1116. celebrato, Indulgentias quadraginta dierum concessit iis, qui limina Apostolorum visitaverant, ut Conradus Abbas Urspergensis in Chronico suo testatur, & quoniam eo tempore florebat Rupertus Abbas Tuiensis: mentitur Kemnitius, qui dicit tempore Ruperti nondum Indulgentias Pontificias orbi terrarum innotescere coepisse, nec ante annum 1200. innotuisse. Urbanus II. Pontifex sedere coepit anno 1088. & ejus tempore S. Anselmus floruit. Scribit autem idem Conradus Abbas Urspergensis in Chronico anni 1099. prædictum Urbanum in Concilio Claramontano Indulgentiam concessisse omnibus, qui spontè adversus Infideles Orientales arma sumebant, cujus rei multi alii meminerunt. Mentitur igitur Kemnitius, cum tam audacter scribit, tempore S. Anselmi, & ante annum 1200. Indulgentias cognitæ non fuisse. Quid nunc addamus Gregorium VII. qui sedere coepit anno 1073., & in Epistolis suis frequentissimè concedit Indulgentias. Sergium II. qui sedere coepit anno 844. & Indulgentiam tribuit adeuntibus Ecclesiæ S. Martini in montibus, cujus memoria existat incisa in lapide marmoreo literis vetustissimis: & Leonem III. qui sedere coepit anno 796. & Indulgentias varias multis in locis in ipsa Germania constituit, teste S. Ludgero in vita S. Suiberti? An non evidenter mendacii Kemnitius convincitur, qui veteres omnes Historias legisse videri vult, & tamen affirmare non veretur ante annum 1200. ignotas fuisse orbi ter-

A rarum Indulgentias Pontificias? Neque mirum videri debet, si auctores antiquiores non multos habemus, qui harum rerum mentionem faciant, quoniam plurima sunt in Ecclesiâ, quæ solo usu, sine literis conservantur. Extant tamen Romæ in antiquissimis Ecclesiis memoriæ Indulgentiarum, à multis Pontificibus, & ab ipso etiam S. Sylvestro, qui ante annos 1200. floruit, concessarum. Sed ea, quæ diximus ad incendia Kemnitii confutanda sufficere videntur.

B Venio nunc ad testimonia veterum scriptorum, quæ profert Kemnitius adversus Indulgentias nondum natas. Primò igitur adducit Petrum Lombardum, qui lib. 4. sent. dist. 18. dicit Deum tunc tegere poenitentium peccata, quando ad poenam non reservat, sed debitum poenæ remittit, idque probat ex Augustini sententia in explicatione Psalmi 32. Sed in eodem loco solutio est hujus objectionis. Significat enim Petrus Lombardus de poena æterna intelligendum esse, quod dicitur, Deum tegere peccata, cum ea non reservat ad poenam. *Et idè, inquit, sicut interius gratia sua animam illuminat, ita & simul debitum æternæ mortis relaxat.* Ipse enim per seipsum peccata poenitentium tegit, & tunc tegit, quando ad poenam non reservat, & paulò infra, *Ita ergo, inquit, dicit à Deo testis, ut Deus non videat, idèst, æternaliter puniat.* Quod autem poena temporalis remaneat post remissam culpam, in hac vita, vel in Purgatorio luenda, docet Petrus Lombardus dist. 20. lit. B, his verbis, *Qui, inquit, ante expunctionem poenitentia discesserint, ignem purgatorium sentient, & gravius punientur, quàm si hic impleissent poenitentiam.* Horrendum enim est incidere in manus Dei viventis. Deus enim cum sit misericors & iustus, ex misericordia poenitenti ignoscit, non reservans peccatum ad poenam æternam: ex iustitia verò impunitum non dimittit delictum, aut enim punit homo, aut Deus &c. & paulò post lit. D, docet posse poenitentem, præsertim post mortem, juvari aliorum satisfactionibus per orationes & eleemosynas. Itaque Petrus Lombardus illa omnia disertis verbis affirmat, quæ fundamenta esse Indulgentiarum Kemnitius fatetur: videlicet Purgatorium, poenæ reatum post culpam remissam, & communicationem satisfactionis alienæ.

D Secundo loco adducit Kemnitius Chrysostomum homil. 1. in epist. ad Philemonem, ubi legimus, ad impetrandam peccatis nostris veniam, non opus esse vel pecunias impendere, vel peregrinando ad loca longinqua transire. Eandem sententiam habet Augustinus in ferm. de Martyribus, *Non dixit Deus, vade in Orientem & quære iustitiam, naviga usque in Occidentem, ut accipias Indulgentiam; dimitte inimico tuo, & dimittetur tibi &c.* Bernardus etiam ferm. 1. de Adventu, *Non te oportet, ô homo, maria transfretare, non penetrare nubes, non transalpinares necesse est, non grandis tibi ostenditur via, usque ad temetipsum occurre Deo tuo.* Sed hæc testimonia nihil efficiunt. Primùm enim loquuntur de justificatione impii, ac remissione culpæ, non de solo reatu poenæ de quo nos loquimur. Deinde solum probant, non esse absolutè necessariam ad remissionem peccatorum vel peregrinationem, vel eleemosynam, alioqui enim pauperes & ægrotantes spe omni carerent; & satis novimus, posse hominem per internam conversionem ad Deum ita vehementer accendi in amorem Dei, & de peccatis suis dolorem, cum proposito confessionis, ut continuo recipiat remissionem omnium culparum, & poenarum. Sed non idè sunt inutiles peregrinationes, & eleemosynæ, & hoc solum contendimus adversus Hæreticos. Ac ut omittam de eleemosynis dicere, de quorum utilitate ad redimenda peccata pleni sunt libri Patrum, ac præsertim Chrysostomi, & Augustini, & nos ostendimus in lib. de eleemosyna, qui est postremus in Controversiis nostris. Certè idem Chrysostomus mirificè laudat peregrinationes ad sepulchra Martyrum in homil. 66.

mul. 66. ad populum Antiochenum. Sanctus etiam Augustinus in epist. 137. ad Clerum & populum Hippo- nensem scribit, se auctorem fuisse, ut quidam ad lo- ca Sancta peregrinationem susciperent. Denique S. Bernardus Petrobrusianos Hæreticos confutavit, qui præter alios errores, hunc etiam habebant, ut pere- grinationes fidelium ad loca sancta reprehenderent. Vide vitam S. Bernardi lib. 3. cap. 5.

Tertio Kemnitius adducit Chrysostomum hom. 38. in Matthæum, ubi dicit, eos de templo Dei spelun- cam latronum facere, qui lucra terrena sectantur: & Christum quousque intrare templum Dei, & ejicere omnes vendentes gratiam Dei. Sed quorsum hæc tendunt? An fortè omnes, qui avaritiam in sacerdo- tibus reprehendunt, continuo etiam Indulgentias re- prehendunt? An non sæpissimè repetivimus, non so- lum non probari Summis Pontificibus eos, qui quo- quomodo ex Indulgentiis negotiationem faciunt, sed maximè improbari, damnari, puniri.

Addit ultimò Kemnitius, se alio in loco demon- strasse, Gregorium Nyssenum integram orationem op- posuisse persuasioni de peregrinationibus ad loca Hie- rosolymitana. Cui respondemus, nos quoque alio in loco, idest, lib. 3. de cultu Sanctorum cap. 8. demon- strasse testimoniis scripturæ, & veterum Patrum nec- non argumentis aliis peregrinationes ad loca sancta pias & Deo gratas, & nobis utilissimas esse, Grego- rium verò Nyssenum non reprehendere peregrinatio- nes absolutè, sed docere quibusdam personis, ut Mo- nachis, & sanctimonialibus, non convenire, cum eo- rum proposito magis conveniat quies & solitudo, quamvis etiam non sit omnino certum, an ea oratio Gregori sit.

CAPUT XVIII.

*Respondetur ad primam partem argumenti
historici contra Indulgentias.*

IN ultimo capite disputationis suæ Kemnitius histo- riam longissimam texit, ut originem Indulgentia- rum, quales à Catholicis defenduntur, novam esse demonstraret. Continet autem ea historia tria tempora, unum ab initio Ecclesiæ usque ad annum circiter 90. alterum ab anno 90. ad 1203. ab anno 1200. ad an- num 1517. quo tempore, auctore Luthero extinctas Indulgentias Kemnitius gloriatur. Ac primò quidem tempore Indulgentias nihil aliud fuisse contendit, nisi relaxationes publicæ poenitentiae, sed eas relaxationes nihil habere commune cum Indulgentiis Pontificiis, de quibus instituta controversia est. Sed antequam ad rem propositam veniat, longissima digressionem refert multa de ritibus publicæ poenitentiae, de causis ejus- dem, ac demum de canonibus poenitentialibus, ubi ad verbum describit canones Conciliorum Nicæni & Ancyran, necnon eos, qui habentur apud Burchar- dum & Gratianum. Quoniam enim jamdudum Lu- therus jus Canonicum publicè exussit, & ejusmodi ri- tus, & leges non solum de moribus, sed etiam de memoria & libris Lutheranorum exciderunt, voluit Kemnitius commemoratione harum rerum doctrinam reconditam, & abstrusam venditare, ut cæteris diligen- tior, ac doctior haberetur. Et quamvis non desint in hac digressionem multa, quæ falsitatis coargui potuissent, tamen quia ad rem præsentem non faciunt, non exi- stimavi tempus esse in his commemorandis, vel refel- lendis conterendum. Illud unum præterire non pos- sum, Kemnitium inter scripta veterum revolvenda, non raro invenisse quod minimè volebat. Nam cum ipse cum Lutheranis cæteris contendat, poenitentias veterum disciplinæ causa, non autem satisfactionis co- ram Deo, & redemptionis, vel expiationis peccato- rum institutas, tamen fatetur se hoc etiam potitrenum

Controv. Card. Bellarm. Tom. II.

A apud Patres non raro legisse, ac pro sua modestia, & adversus antiquissimos Patres reverentia, eos non ob- scurè reprehendit. Sic enim loquitur pag. 306. *Nec ve- rò nescimus, veteres aliquando nimis largiter, & verbis nimium, magnificis disciplinam illam canonicam commen- dare: ut quod Tertullianus dicit, satisfactionibus illis pec- cata expiari: Cyprianus illis dicit peccata redimi, ablu, sa- nari, & Inducem placari: Augustinus Deum illis de pecca- tis præteritis propitiari. Ea talia sunt, quæ salvi, fide, (Lutherana videlicet) nec possunt, nec debent, sicut so- nant, accipi, & intelligi. Hæc ille. Sed profecto justius erat novos Lutheranorum errores ex doctrina veterum Patrum corrigere, quàm ex novis illis erroribus de ve- terum Patrum doctrina, & sententis judicare. Porro digressionem illa aliquando expedita pag. 318. aggredi- tur ad probandum, Indulgentias olim nihil aliud fuisse, nisi moderationes, relaxationes, & remissiones multarum canonicarum, quæ in publica poenitentia usitatae tunc erant. Id verò probat ex Canonibus Con- ciliorum Ancyran, Nicæni, & Agathensis, & tan- dem his verbis concludit: *Ha fuerunt veteres Eccl. sive, sive relaxationes, sive Indulgentia, à quibus quemadmodum Pontificia Indulgentia per omnia genera causarum diversa fuit, ex hac narratione, & ex descriptione Indulgentiarum in principio exposita, si fiat collatio manifestum est. Atque ideo nudam tantum pono recitationem, relinquens lectori col- lationem diversitatis.* Respondeo, Relationes poeniten- tiæ Canonicae per omnia genera causarum cum his In- dulgentiis convenire, quas Catholici defendunt, & quas Kemnitius supra non fideliter, sed admixtis men- daciis explicavit. Causa enim veluti efficiens Indul- gentiarum juxta Catholicorum omnium sententiam, Episcopi sunt, ac potissimum Romanus Episcopus, quem Episcopum Episcoporum Tertullianus in libro de Pudicitia nominavit. Constat autem tum veteres relaxationes, tum recentiores Indulgentias non ab aliis, quàm ab Episcopis dari solere, vel posse. Causa formalis est ipsa liberatio, sive judicialis absolutio per ministerium clavium à poenis in foro poenitentiario debitis. Quod totum in utraque remissiones tam ve- teres, quàm recentes convenire non dubium est. Causa materialis, sive sint ipsi poenitentes, qui absolvan- tur, sive poenæ circa quas versatur absolutio, eadem omnino utrobique reperietur. Nam & veteres, & re- centiores Episcopi, non aliis quàm poenitentibus In- dulgentias tribuunt, nec alias poenas, quàm in foro poenitentiario debitas relaxant. Quod autem tunc re- laxarentur poenæ injunctæ, nunc autem cum injun- ctæ, tum injungendæ, ratio est, quoniam tunc injun- gebantur severiores poenitentiae, quæ sæpè delictis æ- quales erant, nunc autem injunguntur mitiores, quæ delictis impares sunt. Sed sive pares, sive impares in- jungantur, omnino pares in hac vita, vel in alia per- ferendæ sunt, nisi misericorditer relaxentur. Atque ad hoc probandum adduximus supra cap. 13. testimo- nium S. Cypriani qui in epist. 2. lib. 4. ad Antonianum, apertissimè scribit, eos, qui in hac vita non plenè sa- tisfecerunt, emendandos & cruciandos igne Purgato- ri in alia vita, donec reddant novissimum quadran- tem. Ac ut non repetam tam multa, quæ alibi dixi- mus, unius S. Augustini uno vel altero testimonio con- tentus ero. Hunc enim auctorem præter cæteros, et- iam Hæretici nostri temporis magni faciunt. Igitur S. Augustinus in Psal. 37. in illa verba, *Domine ne in fu- rore tuo arguas me, neque in ira tua corripas me*, illos di- cit argui in furore, quibus dicitur, *Ite maledicti in ignem æternum*, illos autem corripi in ira, qui emendantur igne purgatorio. Neque, inquit, in ira tua emendes me, ut in hac vita purges me, & tale n me reddas, cui jam emendatorio igne non opus sit, præter illos, qui salvi erunt, sic tamen quasi per ignem, & paulò post, *Quare petit iste, ne in indignatione arguatur, neque in ira emendetur, tanquam dicens Deo, quoniam ista, quæ patior, multa**

Qq 4 sunt,

sunt, magna sunt, quæso ut sufficiant, & incipit illa numerare satisfaciens Deo, offerens illa, quæ patitur, ne peiora patiatur. Audis ne Kemniti, per poenas huius vitæ patienter toleratas satisfieri Deo? Audis, eos, qui hic non plenè purgantur in alia vita igne purgatorio emendandos? & rationem horum omnium idem Augustinus reddit in Psal. 50. cum ait: *Veritatem dilexisti, quoniam impunita peccata etiam eorum, quibus ignoscis, non dimisisti; sic prorogasti misericordiam, ut servares & veritatem. Ignoscis confitenti, ignoscis, sed se ipsum puniunt. Sic servatur misericordia, & veritas.* Quid clarius dici potuit ab ullo Scholastico Doctore? Atque hæc est etiam causa, cur in priore libro dixerimus, tum ad veteres relaxationes, tum ad recentiores Indulgentias thesaurum satisfactionum Christi, & Sanctorum applicandum fuisse, quoniam misericordia cum iustitia in omnium relaxatione coniungenda est. Itaque etiam in hac re similes sunt Indulgentiæ veteres, & novæ. Restat causa finalis, quæ saltem in genere semper eadem fuit, gloria Dei, & utilitas Ecclesiæ. Nam antiqui poenitentias relaxabant, vel quando necesse erat lapsos ad Martyrium per communionem & Sacramenta præparare, vel quando timebant, ne poenitentes sub onere deficerent: vel quando negligentiores ad studium poenitentiae accendere cupiebant, hoc veluti præmio relaxationis, quod diligentioribus præbebatur, vel quando Martyres, qui pro poenitentibus Episcopos rogabant, honorare, & eo modo reliquos fideles ad martyrii gloriam provocare volebant. Denique numquam deerat rationabilis causa cur sancti illi Patres poenitentias injunctas moderandas, vel remittendas judicarent. Posterioribus quoque temporibus semper causa Indulgentiæ concedendæ, vel fuit recuperatio terræ sanctæ, vel subventio pauperum, vel excitatio fidelium ad preces, & opera poenitentiae, vel alia similis rationabilis, & pia. Neque poterit Kemniti, quamvis muleas fabulas à suis confictas recitet, producere unum aliquod Pontificium diploma, ubi pro pecunia ipsi Pontifici numeranda, vel alia, sive turpi, sive profana, sive levi causa Indulgentiæ concedantur. Habemus igitur omnia genera causarum eadem fuisse in Indulgentiis antiquis & novis. Unum discrimen in medium adferri posset, quod veteres illi Episcopi singulis poenitentibus poenas relaxabant, nunc autem plerumque in communi omnibus relaxantur, qui certa opera sibi injuncta præstulerint. Sed neque est hoc essenziale discrimen; neque ejusmodi communes Indulgentiæ antiquis temporibus defuerunt. Attulimus enim supra certa testimonia de Indulgentiis communibus à Sergio II. Leone III. & Gregorio I. concessis; qui omnes ante annum millesimum sederunt. Nec desunt probabiles conjecturæ de Indulgentiis à Paschali I. & Sylvestro I. in commune propositis.

CAPUT XIX.

Respondetur ad alteram partem argumenti historici contra Indulgentias.

Altera pars historiæ Kemniti continet ea tempora, quibus poenitentiae redimi coeperunt. Scribit enim Burchardus ex poenitentiali Romano, cum qui uno die in pane & aqua jejunaturus erat, potuisse jejunium illud commutare seu redimere, si quinquaginta Psalmos flexis genibus recitasset, & pauperem unum eo die pavisset, & eodem modo alias poenitentias aliis redimi, vel in alias commutari per ea tempora licuisse. Quando hæc redemptiones propriè coeperint, non ita certò constat, sed Burchardus, qui de illis scribit, circa annum Domini 1020. floruit. Sed extat etiam mentio harum redemptionum in Concilio Triburiensi can. 56. & 58. quod Concilium tempore Arnulphi Im-

Aperatoris anno 896. celebratum est. De his igitur redemptionibus nonnulla Kemniti dicit, quæ discussione indigere videntur. Primum pag. 323. scribit circa hæc tempora, accessisse ad opera poenitentiae opinionem de opere operato: quod ipsum inferius aliquoties repetit. Vocat autem opinionem de opere operato, quo credere coeperint homines, his operibus satisfieri Deo pro peccatis, & necessarias esse ejusmodi satisfactiones non solum causa disciplinæ, sed etiam ad placandum Deum. In qua re bis errat Kemniti, primum in nomine, deinde in re. Neque enim intelligit, quid Catholici Theologi per opus operatum significare voluerint. Nam si id intelligeret, certè non diceret, opera poenitentiae ex sententia Catholicorum vim habere ex opere operato. **B** Quod igitur Catholici opus operatum vocant? id quod non pender à dignitate, vel sanctitate Ministri operantis, sed hoc ipso quod sit ex divina institutione vim habet. Talis est exempli causa, Baptismus, qui vim habet sanctificandi ex divina institutione, & re vera sanctificat, etiam si ab homine improbo, & perdito conferatur. At opera poenitentiae ex Catholicorum doctrina nihil efficiunt, hoc est, non placant Deum, non satisfaciunt pro peccato, non expiant poenæ reatum, nisi fiant ab homine iustificato, & reconciliato. Proinde ex opere operantis, non ex opere operato vim habent, quando non sunt pars Sacramenti poenitentiae, sed sponte assumuntur ad placandum Deum, eique pro reatu poenæ satisfaciendum. **C** Quando autem sunt pars sacramenti, tunc quidem utroque modo vim habent, sed Kemniti loquitur de his operibus priore modo, neque vult ex sententia Catholicorum eam habere ex opere operato, quia sunt pars sacramenti, sed quia assumuntur ad placandum Deum. Atque hæc de hallucinatione Kemniti circa nomen. Quod autem ad rem attinet; jam ipse citavit, & reprehendit Tertullianum, Cyprianum, & Augustinum, qui scripserunt opera poenitentiae placare Deum, & per ea redimi peccata, sanari, ablui, expiari; & nos addidimus alia testimonia Cypriani, & Augustini, quibus probatum est necessaria esse opera poenitentiae ad satisfaciendum Deo pro peccatis, alioqui in vita futura, eluenda esse gravissimis poenis in igne Purgatorii. **D** Non igitur verum est, his temporibus, id est, circa annum Domini millesimum accessisse opinionem de necessitate, & efficacia satisfactionum, cum ea opinio, vel potius certa fides in Ecclesia Catholica semper fuerit.

Secundò Kemniti addit, ex illis redemptionibus, & commutationibus poenitentialium, secutam esse langufactionem (sic enim ipse loquitur) veræ contritionis, everfionem seriæ emendationis, & persuasionem impunitatis in delictis. Sed mirum est, cur hoc dicat, cum illæ redemptiones gravissimæ poenitentiae fuerint, & non omnium poenitentialium, sed solum aliquarum redemptiones permetterentur; & si veteres Patres recte interdum relaxabant, ac remittebant injunctas poenitentias, cur vitio verti debet posterioribus Patribus, quod easdem poenitentias aliis commodioribus redimi, vel in alias faciliores commutari posse censuerint? Certè apud Lutheranos non opus est redimere jejunia elemosynis, cum nulla sint amplius apud eos indicta jejunia; nec poenitentibus opus est querere quibus operibus redimant impositas poenitentias, cum Lutherus, eorum Patriarcha, scripserit in lib. de captivitate Babylonica, de Baptismo, omnia peccata in momento absorberi, si stet, vel redeat fides. Sed de his sæpè diximus.

Et, inquit, Kemniti, in Concilio Cabilonensi sub Carolo Magno, teste Burchardo, extat canon contra eos, qui de industria peccabant, & propter elemosynarum largitionem impunitatem peccandi sibi promittebant. Item contra alios, qui putabant, se à peccatis omnibus posse purgari, si Romam, vel Tur-

ronum,

ronum; aut alia Sancta loca sub pretextu orationis pergerent. Extant quidem isti canones, & sanctè, prudenterque statuti sunt adversus eos, qui sine vera conversione ad Deum, nimò cum proposito perseverandi in peccatis, satis sibi esse ducebant, si eleemosynis, vel peregrinationibus operam darent. Sed hæc vitia sunt hominum non canonum, neque enim canones, qui redemptionem permittebant, volebant fieri sine vero proposito dimittendi peccata, vel sine vera contritione, & conversione ad Deum.

Postremò adjungit Kemnitius, ex his redemptionibus poenitentiarum paulatim ortas esse modernas Indulgentias, quibus per opera indebita Sanctorum peccata redimì posse dicuntur. Sed hoc falsum esse manifeste patet ex eo, quod Indulgentias, quales nunc sunt in usu Ecclesiæ, antiquiores sunt redemptionibus illis poenitentiarum. Nam redemptiones illæ ceperunt circa annum millesimum, vel nongentesimum, & Indulgentias quales nunc sunt in usu fuisse ostendimus per certissima testimonia diu ante annum nongentesimum tempore Sergii II. Leonis III. & Gregorii I. Neque Kemnitius aliud profert ad probanda quæ dicit, nisi suas, easque levissimas coniecturas.

C A P U T XX.

Respondetur ad tertiam partem argumenti historici contra Indulgentias.

POSTrema historię pars continet ea tempora, quibus Kemnitius conatur ostendere originem habuisse Indulgentias, quæ nunc sunt usu receptæ. Ac primum facitur, quod est verissimum, summæ antiquitatis argumentum, non esse usquam annotatum, quo tempore ceperint Indulgentiæ. Deinde refellere conatur, quod Catholici dicunt, tempore S. Gregorii, idest, anno Domini sexcentesimo, jam fuisse in usu Ecclesiæ Indulgentias, cum traditio antiqua habeat, ab ipso S. Gregorio additas fuisse stationibus Indulgentias. Refellit Kemnitius eam Catholicorum sententiam, illo solum argumento, quia nihil de hac re in scriptis S. Gregorii, vel in historiis eorum temporum invenitur. Sed argumentum nullas habet vires, cum constet ejusmodi concessionem non libris, sed usu, & consuetudine conservari. Nam etiam de Indulgentiis à Leone III. in tot locis Germaniæ constitutis, nihil extat in ejus epistolis, quas satis multas scripsit, neque in historiis universalibus eorum temporum; & nisi incidisset occasio ut S. Ludgerus vitam S. Suiberti scribendam susceperet, sciremus quidem Aquisgranii, & Colonie Indulgentias à Leone III. concessas haberi, sed nullo certo teste id probare possemus. Quo modo etiam nisi S. Innocentius primus necessitatem habuisset rescribendi Decentio Episcopo Eugubino, sic sciscitanti, an Episcopus deberet conferre Sacramentum unctionis extremæ, an solus presbyter, certè non haberemus testimonium ullius auctoris illius temporis pro Sacramento illo. Siquidem de his rebus, quæ sunt in usu communi fidelium, non scribebant Patres, nisi coacti ab Hæreticis, aut alia simili necessitate. Itaque ad probandum à S. Gregorio Indulgentias stationibus adjunctas fuisse, multo amplius valere debet S. Thomæ, & Gulielmi Alnifiodorensis gravissimorum virorum affirmatio, quàm silentium omnium aliorum. Quòd enim aliquid verum sit, etiam si à multis scriptum non sit, facile credi potest. At falsum esse, quod à viris gravissimis, ac fide dignissimis affirmatur, non facile credi debet. Obiter autem Kemnitius cum stationes nominasset, addere voluit, quæ sit notio ejus vocis, & quia stantes, inquit, verbum audiebant, & orationes faciebant, dictæ sunt stationes. Sed longè aberrat à vero. Stationes enim dictæ sunt militari

A vocabulo, vigiliæ quædam spirituales Ecclesiæ, quæ vel ob imminentem persecutionem, vel alia de causa in jejuniis & oratione perseverabat, usque ad horam dici nonam, aut etiam usque ad vesperam: simul enim jejunium & statio solvebantur. Et quemadmodum milites in excubiis vigilantes in statione esse dicuntur, sive stent, sive sedeant, sive obambulent, sic etiam Christiani stationem celebrare dicebantur, cum in oratione, & jejunio tota die perseverarent, sive stando, sive prostrati ad terram, sive genibus positos, sive alio quovis modo Dominum precarentur. De qua re vide Tertullian. in lib. de fuga in persecutione, in lib. de jejunio, & in lib. de oratione, & quæ nos scripsimus in lib. 2. de bonis operibus in particulari c. 22.

B Deinde Kemnitius addit nihil de Indulgentiis inveniri in scriptis Burchardi, Gratiani, & Petri Lombardi, atque inde concludit, Indulgentias ortum habuisse circa annum Domini 1200. cui argumento nos supra respondimus, capite 17. ubi ostendimus ex testibus certis, Indulgentias multo esse antiquiores, ac ut videas, Lector, quàm verum sit proverbium, mendacem memorem esse debere: scripsit Kemnitius supra pag. 274. hæc verba: *In hac de Indulgentiis disputatione non possunt vel ulla Patrum testimonia, vel ulla veteris Ecclesiæ exempla proferre, quòd talis, vel doctrina, vel usus talium Indulgentiarum ulla unquam tempore ad annos post natum Christum 1200. in veteri Ecclesia fuerit.* Et idem repetit pag. 275. affirmans nullum auctorem scripsisse de Indulgentiis ante annum Domini 1200. & tamen pag. 332. scribit Kemnitius Alexandrum III. Pontificem circa annum Domini 1170. scripsisse de Indulgentiis, quæ fiebant in dedicationibus Ecclesiarum, aut conferentibus aliquid ad ædificationem pontium. Neque Alexander tunc Indulgentias instituit, sed loquitur de re nota & usitata, & frequentissima; & infra pag. 375. numerat idem Kemnitius Valdenses inter eos, qui Indulgentias, quales nunc habet Ecclesia, rejecerunt, & oppugnarunt: constat autem Valdenses circa eundem annum 1170. errores suos prædicare coepisse. At quomodo ista coherent, ut Indulgentiarum origo referenda sit (auctore Kemnitio) ad annum 1200. & tamen eodem auctore anno 1170. Alexander III. de Indulgentiis jamdudum introductis rescripta edat, & Valdenses Hæretici Indulgentias, in Ecclesia olim receptas, damnent, atque rejiciant? Igitur non solum testibus à nobis productis cap. 17. sed etiam ipso Kemnitio teste, sententia ejusdem Kemnitii de Indulgentiarum novitate apertissimè refutatur.

D His tractatis, Kemnitius aggreditur longissimam narrationem de quæstionibus Scholasticorum circa Indulgentias, de Jubilæis in Ecclesia celebrari solitis, de Indulgentiis singularum Ecclesiarum Urbis Romæ, ac demum de contentione Lutheri, & Teccelii circa Indulgentias: quæ non egent refutatione, sed sola mendaciorum, & calumniarum annotatione.

E Igitur pag. 346. posteaquam recitavit Kemnitius decretum Concilii Viennensis contra Quæstuariorum abusus, addidit hæc verba: *Sed Pontifices ipso facto mox addiderunt interpretationem, quòd sint abusiones damnabiles, & abolende, si fiant à Quæstoribus Hospitalium: si verò à Romanis Pontificibus tales Indulgentiæ, & eo modo concedantur, esse opus maximè pium.* Hoc autem esse mendacium manifestum ex ipsa constitutione intelliget quicumque eam legere voluerit. Continet enim ea constitutio tres paragraphos; in primo cavetur, ne Quæstores admittantur, nisi Apostolicæ sedis vel Dioecesani Episcopi literas ostenderint. In secundo narrantur abusus Quæstorum, & simpliciter damnantur & prohibentur, neque ulla additur declaratio, quòd si tales Indulgentiæ, & eo modo à Pontifice concedantur, sit opus maximè pium. In tertio decernuntur poenæ Quæstoribus, qui superioris mandato

non paruerint; neque etiam hoc loco additur ulla talis declaratio, qualem finxit Kemniti^{us}. Illa igitur verba Kemniti: *Et videri sanè possent abusiones illa in Indulgentiis generaliter taxari, damnari, & aboleri per Clementinam illam. Sed Pontifices ipso facto mox addiderunt interpretationem quod sint abusiones damnabiles, & abolenda, si fiant à Quæstoribus Hospitalium: si autem à Romanis Pontificibus tales Indulgentia, & eo modo concedantur, esse opus maxime pium.*

Mendacium, & imposturam apertissimam continet, nusquam enim talis interpretatio in tota illa constitutione reperitur, neque reperiri potest, quia ipsi constitutioni sine dubio repugnaret, in qua non solum abusiones illæ absolute & simpliciter abolentur, sed etiam revocantur omnia privilegia, Quæstoribus quoquomodo concessa, circa materiam abusionum illarum, ita ut nihil eorum, in quibus abusiones consistunt, ne prætextu quidem literarum Apostolicarum illis additare licuerit. Quod vero initio constitutionis dicitur, ut Quæstores non admittantur, nisi literas Apostolicæ sedis, vel Episcopi proprii demonstraverint: non est id quod Kemniti^{us} reprehendit; tum quia hoc non est additum post abusiones damnatas, sed præmissum ante damnationem; tum quia in hac parte non agitur de abusionibus, sed de simplici propositione Indulgentiarum, & charitativi postulatione subsidii, ut ipsa constitutio loquitur.

Idem Kemniti^{us} pag. 353. multa dicit de venditione Indulgentiarum tempore Pauli II. & Sixti IV. & addit, ne videatur ea ex capite suo finxisse, *Extant hæc in Extravagantibus Pauli II. & Sixti IV.* At ego iterum, atque iterum legens, ac relegens eas Extravagantes, ne vestigium quidem ullum earum venditionum reperio. Sed qui versatus est in scriptis Kemniti^{us}, & novit, quàm is audacter, & sine ulla verecundia mentiri solitus sit, non mirabitur eum in hac materia præter omnes alias apud Lutheranos odiosa, impudentiæ mentiendi omnino fræna laxasse.

Rursus pag. 362. adscribit narrationem de Indulgentia divinitus concessa ad preces S. Francisci aduentibus Ecclesiam S. Mariæ de Angelis; quam ipse vocat impudentissimam fabulam, & verè ex parte fabula est, quo ad ea videlicet, quæ ipse Kemniti^{us} admiscuit. Nam præter alia scribit, S. Franciscum Honorio Summo Pontifici dixisse, sigilla Bullæ Indulgentiæ illius esse stigmata sua. At nullus auctor hoc refert, præter Kemniti^{um}, & non solum non est verum, sed nec verisimile, tum quia nondum S. Franciscus stigmata habuerat, cum illa Indulgentia concessa est, tum quia etiam si habuisset, non ea vir summae humilitatis ulla ratione iactasset. Porro ad eam narrationem infirmendam nihil omnino Kemniti^{us} adfert, nisi iudicium suum: ad confirmandam autem adsunt testes illius temporis, qui historiam conscripserunt, ut cognosci potest ex initio secundi libri Chronicorum Ordinis S. Francisci; adest præterea testimonium S. Bernardini tom. 1. serm. 9. qui est in Evangelium Donnicæ primæ Quadragesimæ, qui vir sanctitate, doctrina, & miraculis clarissimus fuit. Adest testimonium S. Antonini 3. par. Summæ hist. tit. 24. cap. 14. §. 3. qui etiam vir doctus, & sanctissimus fuit. Adest concursus populorum frequentissimus ad eam Ecclesiam Kalendis Augusti, quo solo die Indulgentia divinitus concessa obtineri potest. Adsunt denique signa & prodigia non pauca, quæ ad illius Indulgentiæ veritatem astruendam edita fuisse chronica jam citata testatur. Sed non sine causa Kemniti^{us} hanc historiam falsam, & fabulosam haberi cupit, quoniam per eam historiam tria Catholica dogmata confirmantur, unum de Indulgentiis, alterum de Pontifice Maximo, tertium de confessione. Siquidem ad preces S. Francisci Christus ipse plenariam Indulgentiam dedit, sed non nisi per ministerium Vicarii sui Pontificis Maximi dedit, nec nisi

A per contritionem & confessionem à culpa expiatis, & eam Ecclesiam visitantibus dedit.

Idem Kemniti^{us} pag. 364. incipit narrare varias Indulgentias, quæ habentur in Ecclesiis Urbis Romæ, quas ipse ex incertis auctoribus, & obscuris libellis colligit ascendere ad multa centena annorum millia, & quoniam satis constat, non tam diu Purgatorium, neque ipsum mundum esse duraturum, dicit se pro Germanica simplicitate assequi non posse rationem calculi Pontificii; rogatque Romanenses, ut hoc mysterium explicare non graventur. Sed primum admonendus est, ut si nosse cupit veras historias de Indulgentiis Romanis, non eas petat vel ab hostibus Ecclesiæ, qualis fuit Vesellus ille, quem sæpissimè citat, neque ab obscuris quibusdam libellis, qualem unum se vidisse dicit editum Norumbergæ, Germanicè scriptum, amplificatum de stationum Romanarum Indulgentiis, cum antea Latine, & brevius editus Romæ fuisset: sed à Pontificum diplomatibus, vel ab authenticis Ecclesiarum tabulis, aut certè ab auctoribus certis, gravibus, doctis, probatis. Neque enim dubitari potest, quin multa vel depravata, vel conficta in eiusmodi libellis incertis & anonymis legantur, quale illud est, quod Gregorius Papa cum Lateranensem Ecclesiam iterum dedicaret, tot dierum Indulgentias dederit, quot guttæ cadunt, si per tres dies & noctes continuè pluât. Hanc enim fabulam Kemniti^{us} sicut eam retulit pag. 367. ita per se faciliè potuisset dijudicare verè fabulam esse, cum neque adscribatur quis ille Gregorius fuerit, quando Ecclesiam illam dedicaverit, quis earum rerum testis sit: neque in certis & probatis historiis ullum ejus dedicationis, vel Indulgentiæ vestigium extet. Quod si fortè probari possit (id enim, ut dixi, in probatis auctoribus non legi) concessa fuisse aliquando multa millia dierum, vel annorum Indulgentiæ: legat quæ supra scripsimus libro superiore, cap. 9. & intelliget mysterium calculi illius, quod sibi explicari petit.

Idem Kemniti^{us} pag. 372. pollicetur se demonstraturum, omnibus temporibus fuisse aliquos, qui imposturis Indulgentiarum contradixerint; & primum quidem proferit Concilia Generalia Lateranense, & Vienne, quibus damnantur abusus & fraudes Quæstuariorum. Sed quia intelligebat, in his Conciliis ita damnari fraudes & abusus, ut verus & legitimus usus Indulgentiarum confirmaretur & probaretur, transit ad eos, qui omnino Indulgentias contempserunt, vel reprehenderunt. Adducit autem Valdenses Hæreticos, Joan. Vicleffum Hæresiarcham, Ruthenos schismaticos, Joan. Hus, & Hieronymum de Praga, Vicleffi discipulos, Vesellum, & Vesalium, similiter Hæreticos, atque Ecclesiæ hostes; quibus falsò adjungit Hieronymum Savonarolam, cum nihil tale de eo referant auctores historiarum istius temporis, qualis in primis est Jacobus Nardius; denique Lutherum nostri temporis Hæreticorum omnium Patrem, & principem. Quid autem mirum est, si hostes Ecclesiæ qui tam multa alia fidei dogmata reprehendunt, idem, in Indulgentiis faciant? Id enim perpetuum hæreticis fuit, ab ipso initio Ecclesiæ, ut doctrinam Catholicam reprehenderent. Certè si Kemniti^{us} aliquid efficere volebat, debebat tales proferre reprehensores Indulgentiarum, qui ob sapientiam & probitatem, & cum Ecclesia Catholica communionem, fidem indubitatam mererentur. Sed ille id nec fecit, nec facere potuit. Nos autem contra, multos proferre possumus Indulgentiarum Pontificiarum laudatores, & prædicatores, qui & libris editis sapientiam, & miraculis maximis sanctitatem suam probaverunt, quales sunt S. Bernardinus, S. Antoninus, S. Vincentius, S. Bonavent. S. Thomas, S. Petrus Martyr, S. Antonius Paduanus, S. Franciscus, S. Dominicus, & ipse etiam S. Bernardus, quem etiam Lutherani admirari, & Sanctum appellare coguntur.

JUDI-

J U D I C I U M
ROBERTI BELLARMINI
P O L I T I A N I.
SOCIETATIS JESU THEOLOGI,

DE LIBRO, QUEM LUTHERANI VOCANT
CONCORDIÆ,

Cum Apologia brevi pro eodem Judicio.

Figure 1. The effect of the concentration of the *Agrobacterium* suspension on the transformation efficiency of *Agrobacterium* strains. The number of transformed cells was determined by the number of colonies obtained on the selective medium. The results are the mean of three independent experiments. Error bars represent the standard deviation.

Figure 1 is a line graph showing the percentage of respondents who believe that the U.S. should take action to reduce global warming, broken down by age group (18-29, 30-49, 50-69, 70+) and gender (Male, Female). The Y-axis ranges from 0 to 100. The X-axis lists the age groups and gender. The legend indicates that solid lines represent 'U.S. should take action' and dashed lines represent 'U.S. should not take action'. The graph shows that for all age groups, a majority of respondents believe the U.S. should take action, with the highest percentages in the 18-29 age group (around 85% for males and 80% for females) and the lowest in the 70+ age group (around 65% for males and 60% for females).

2011 年 12 月 22 日

[illegible]

100

J U D I C I U M

DE LIBRO CONCORDIÆ L U T H E R A N O R U M.

LIBER CONCORDIÆ, nuper editus à Lutheranis, tria mihi continere videtur, præter communes & notos Lutheranorum errores, insignem videlicet vanitatem, gravissimas hæreses contra Symbolum Apostolicum, & mendacia innumerabilia, apertissima, atque inter se pugnantia. De singulis ordine dicemus.

De vanitate Concordiæ.



Nignis igitur vanitas in subscriptione perspicitur. Quorum enim attinebat, ut omnes ministri, concionatores, ludimagistri, hypodidascali, subscriberent? Certè non potest exemplum ullum, ejusmodi subscriptionum, in negotio fidei, ab antiquitate peti. Siquidem ab Apostolicis

temporibus per annos mille quingentos, in omnibus Conciliis tam generalibus, quàm nationalibus, aut provincialibus, soli Prælati, qui jurisdictionem aliquam habent, subscribere consueverunt. Sunt etiam interdum addita nomina Imperatorum, aut Regum, aut Principum aliquorum; Sed ludimagistrorum & hypodidascalorum, nulla usquam invenitur mentio. Deinde ista subscriptio ad librum Concordiæ, ingentis discordiæ signum est. Qualem enim unionem inter Lutheranos esse existimabimus, quando non solum Principes ad Concordiam redigi, sed etiam privati homines ad subscribendum cogi debuerunt? Et quamvis numerosa subscriptio esse videatur, est tamen ipsa quoque argumentum paucitatis. Nam si Catholica Ecclesia ejusmodi subscriptionem requireret, in puncto temporis haberet non octo millia, sed plus quàm octingenta millia subscribentium; neque ex sola Italia libentissimè subscriberent innumerabiles Presbyteri & Diaconi, atque Scholarum & Gymnasiorum Præfecti, sed etiam ex Hispania, Germania, Gallia, America, Brasilia, India, Japonia; nec desissent etiam ex Britannia & Palæstina. Denique tam numerosa subscriptio, inexcusabilia reddit tam multa, & tam crassa mendacia, quæ nos infra annotabimus. Si enim unus tantum aut alter librum istum, antequam ederetur, vidisset, ignosci posset fortasse humanæ imbecillitati, si aliquid erroris obrepisset: at quòd sedecim millia oculorum crassissima illa mendacia, deprehendere non potuerint, quis ferat? Alterum profectò necessarium est, aut cæcos omnes fuisse, aut etiam cum mendaciis Concordiam facere voluisse.

De erroribus Concordiæ, discordantibus à Symbolis in ipsa Concordia receptis.

L E R R O R.

Primus error est, quòd Christus non solum ut homo, sed etiam ut Deus, Patri fuerit obediens. Qui error destruit penitus veram divinitatem Chri-

A sti, quam Symbolum Nicænum contra Arianos asseruit. Nam si Christus ut Deus Patri obedit, certè ut Deus à Patre distinguitur; alius igitur Deus est Pater, alius Deus est Filius: sed unus tantum est verus Deus, & constat Patrem esse verum Deum, non igitur filium esse verum Deum, nec *quædam* Patri, ut in Nicæno Symbolo confitemur. Rursum qui obedit, minor est illo, cui obedit: nam imperare superioris, obedire inferioris est: Ergo, si Christus ut Deus, Patri obedit, ut Deus minor est Patre, & mentitur Symbolum Athanasii, cum ait: *Æqualis Patri secundum divinitatem*, minor Patre secundum humanitatem. Adhæc, secundum illam naturam Christus obedit, secundum quam mortuus est: nam ipsa mors, obedientia fuit summa, & absolutissima; at non est mortuus Christus secundum divinitatem, sed solum secundum carnem, 1. Pet. 4. Christo igitur in carne passo &c. Denique cur Apostolus Paulus, ad Philippens. 2. dicturus: humiliavit semetipsum, factus obediens usque ad mortem, præmisit, exinanivit semetipsum formam servi accipiens, nisi ut nos admoneret, non secundum formam Dei, quæ æqualis est Patri, sed secundum formam servi, quæ minor est Patre, Christum obedientiam usque ad mortem Deo Patri præstitisse?

B Sed fortasse non habet Concordia hunc errorem. Inspiciamus igitur an ita sit. In Epitome articulorum controversorum, art. 3. pag. 556. *Credimus, inquit, docemus, & confitemur magno consensu, quòd Christus quidem verè sit nostra justitia; sed tamen neque secundum solam divinam naturam, neque secundum solam humanam naturam: Credimus autem Christo totum, secundum utramque naturam, esse nostram justitiam: in sola videlicet obedientia sua, quam ille Patri ad mortem usque absolutissimam præstitit.* Hæc illi. Si igitur justitia nostra, idest, nobis imputata, totus Christus est, secundum utramque naturam, & justitia illa in obedientia consistit, quam Christus Patri usque ad mortem exhibuit, certè sequitur, Christum totum secundum utramque naturam Deo Patri obedientiam præstitisse. Et infra, pag. 664. *Ac sentiendum est, inquit, quòd justitia nostra, neque in divina, neque in humana natura, sed in tota ipsius persona consistat: quippe, qui ut Deus & homo, in sola sua tota, & perfectissima obedientia, est nostra justitia.* Quid est, qui ut Deus & homo in sua obedientia est nostra justitia, nisi Christus ut Deus & homo, Patri obedit, & ea obedientia, nostra obedientia reputatur? Nec est idem, Deus & homo Patri obedit, & Christus ut Deus & homo Patri obedit. Illud enim personæ divinæ obedientiam tribuit, sed in natura humana, & Catholicum est: hoc verò utrique naturæ tribuit obedientiam, & Arianum est. Et pag. 663. *Tota totius personæ Christi obedientia, quam ille Patri usque ad ignomi-*

nia

niosam crucis mortem, nostri causa, prestitis, nobis imputatur. Et infra: Cum autem obedientia Christi, non sit unius dumtaxat natura, sed totius persona &c. Et in his locis, quare dicunt totius personæ obedientiam illam fuisse? Non satis erat dicere, fuisse personæ? Sed utrique naturæ obedientiam non tribuissent, nisi totius personæ dixissent. Per totam enim personam duas naturas pag. 727. significare se dicunt. Nec mirum est, Professores Augustanæ Confessionis & Apologiæ ita sentire, quandoquidem ipse primarius, tam Confessionis, quam Apologiæ architectus Philippus Melancthon, in Locis communibus anni 1558. loco de Filio, pag. 40. ita scripsit: *Natura divina, non est quidem lacerata, aut mortua, sed fuit obediens Patri, quiescit, cessit ira aeterni Patris.* Et Martinus Lutherus in lib. de Conciliis & Ecclesia, non solum obedientiam, sed etiam passionem divinitati tribui posse contendit.

II. E R R O R.

Alter error est, quod Christus fuerit perfunctus munere mediatoris, & Pontificis, non solum per humanam naturam, sed etiam per divinam. Sic enim habent verba Concordiæ, pag. 736. in articulo de persona Christi. *Itaque Christus est noster mediator, redemptor, Rex, summus Pontifex &c. Non secundum unam tantum naturam, sive divinam, sive humanam, sed secundum utramque naturam.* At quod Christus sit mediator, & Pontifex secundum utramque naturam, & ideo non solum ut homo, sed etiam ut Deus, error est, qui apertè pugnat cum Christi vera divinitate, & proinde cum Symbolo fidei, ubi dicitur Christus, Deus verus de Deo vero. Nam mediator per id quo munus mediatoris exercet, necessario distinguitur ab eo cujus est mediator. Est autem Christus mediator Dei & hominum. Ergo, si ut Deus mediator est, ut Deus à Deo distinguitur; erunt igitur duo dii; unus major, alius minor, ut Ariani volebant. Quocirca B. Paulus, 1. Timoth. 2. cum dixisset, Unus est mediator Dei & hominum, mox adjunxit: homo Christus Jesus. Et B. Augustin. lib. 2. de peccato Originali, cap. 28. Non per hoc, inquit, mediator est, quod æqualis patri, per hoc enim quantum Pater, tantum & ipse à nobis distat: & quomodo erit medietas, ubi eadem distantia est? Ideo Apostolus non ait: Christus Jesus, sed, homo Christus Jesus, per hoc ergo mediator, per quod homo: inferior Patri, per quod nobis propinquior: superior nobis, per quod Patri propinquior. Quod apertius ita dicitur inferior Patri, quia in forma servi: superior nobis, quia sine labe peccati. Et tract. 82. in Joan. Mediator Dei & hominum, non in quantum Deus, sed in quantum homo est, Christus Jesus. Deinde si Christus, ut Deus, mediator est, sequitur unum è duobus, aut totam Trinitatem esse mediatricem, aut Christum non esse unum Deum cum Patre & Spiritu sancto, sed alium quendam Deum. Nam quod uni personæ convenit ratione Deitatis, id etiam aliis omnibus personis convenit, quæ habent eandem Deitatem. Igitur esse mediatorem, quod filio convenit ratione Deitatis, quandoquidem ut Deus mediator est, convenit etiam Patri & Spiritui sancto, si unam & eandem cum filio Deitatem habent; vel si non convenit, certè non habent. Denique esse Pontificem, & Sacerdotem, intrinsecè & essentialiter includit esse creaturam, & longè minorem eo, cui sacrificium offerri debet. Omnis enim Pontifex & Sacerdos minister Dei est, & cultu latræ Deum summum colit, dum ei sacrificium offert. Ergo si Christus, ut Deus est, Pontifex etiam est, & Patri suo sacrificium desert, profectò

A ut Deus, Patre suo longè minor, atque adeò verè & propriè creatura est. Hinc videlicet Ariani inter propositiones suas, quæ leguntur apud Augustinum tomo 6. in serm. Arianorum, etiam istam numerabant, quod filius Dei minister & Sacerdos sit Patris sui. Ipse verò B. Augustin. lib. 1. de consensu Evangelistarum, cap. 3. Secundum hominem, inquit, Christus & Rex, & Sacerdos effectus est, ut esset ad interpellandum pro nobis mediator Dei & hominum, homo Christus Jesus. Et lib. 10. de Civit. Dei, c. 20. Unde, inquit, verus ille mediator, in quantum formam servi accipiens, mediator effectus est Dei & hominum, cum in forma Dei sacrificium cum Patre sumat, cum quo est unus Deus. Et S. Cyrillus in Apologia pro capitulis suis adversus Orientales, in defensione decimi capituli; Quando, inquit, factus est homo, vocatus est & Pontifex; non quod majori Deo offerret sacrificium, sed sibi ipsi & Patri. Et infra: Dictus est, inquit, Sacerdos propter humanitatem. Et lib. 11. in Joann. cap. 7. In quantum, inquit, filius & Deus est, unà cum Patre bonà nobis largitur; in quantum verò mediator est, & Pontifex, nostras preces ad Deum adducit.

III. E R R O R.

Tertius error est, quod natura humana Christi sit ubique verè, & realiter. Sic enim loquitur liber Concordiæ, in articulo de Coena Domini pagina 572. *Dextera Dei ubique est; ad eam autem Christus, ratione humanitatis suæ, verè & re ipsa collocatus est: ideoque præsens gubernat, in manu suâ, & sub pedibus suis, ut Scriptura loquitur, habet omnia quæ in celo sunt & in terra.* Et infra pag. 731. *Revera omnia implet, & ubique non tantum ut Deus, verum etiam ut homo, præsens dominatur à mari ad mare.* Et similia leguntur pag. 745.

C Porro hic error repugnat primò Scripturis, quæ passim asserunt, Christum ratione humanitatis, alibi non fuisse. Joan. 6. Cum vidisset turba, quia Jesus non esset ibi. Joan. 11. Lazarus mortuus est, & gaudeo propter vos, ut credatis, quoniam non eram ibi. Matth. ult. non est hic, surrexit.

D Secundò, repugnat articulis Symboli, de Christi conceptione, nativitate, passione, morte, descensu ad inferos, resurrectione à mortuis, ascensione ad cælos, & descensu ad judicandum. Nam articulus de Conceptione, docet in solius Mariæ utero corpus Christi fuisse. At si ubique fuit statim ab incarnatione, ut adversarii docent, fuit in uteris omnium sceminarum, immò etiam omnium virorum. Articulus de Nativitate, docet, Christi corpus post nonum mensem ex utero produsse, & sic verè esse natum. At secundum Ubiquistas, ante nonum mensem, immò primo die conceptionis fuit extra uterum, & post nonum mensem adhuc erat in utero, nec inde unquam exiit. Nec valet responsio quam adferunt, cum dicunt, Christum verè esse natum, quia cum fuisset in utero localiter spatio novem mensium, & non alibi, postea esse cœpit localiter extra uterum, & non in utero. Hæc inquam solutio nihil valet, nam quod verè est ubique, sive localiter, sive alio modo sit, non potest verè & propriè moveri de loco ad locum, sed solum potest metaphoricè moveri, idest, apparere, ubi non apparebat, licet ibi esset. Quemadmodum Deus, qui ubique verè est, tamen non localiter, moveri non potest, sed solum apparere, & ostendere se, ubi antea non videbatur esse, quamvis ibi esset. Eodem igitur modo, si corpus Christi ab ipsa conceptione ubique fuit, licet non localiter fuerit ubique, tamen numquam verè moveri potuit de loco ad locum, & proinde Nativitas ex utero, non

non verus ex utero egressus, nec vera nativitas, sed tantum apparens, & metaphorica fuit. Pari ratione destruuntur cæteri articuli. Qui enim semper ubique fuit, non verè potuit in pallione transire de loco cœnæ ad hortum, nec de horto ad domum Caiphæ, nec inde ad prætorium Pilati, nec inde ad montem Calvariæ: nec potuit in morte separari anima à corpore, ita ut corpus sine anima in sepulchro jaceret, & anima sine corpore ad inferos descenderet: nec potuit verè anima in resurrectione ad corpus redire: nec corpus illud redivivum de clauso sepulchro egredi; nec intrare ad discipulos januis clausis; nec denique verè potuit in cœlum conscendere; nec poterit verè in novissimo die de cœlo descendere. Sed hæc omnia metaphoricè exponi debent, quemadmodum cum De Deo legimus ejusmodi mutationes.

Tertio, repugnat hic error veritati corporis Domini in Coena, & quod admirabile est, confirmat Zwinglii sententiam, ad quam destruendam excogitatus est. Nam si corpus Christi, ab ipsa conceptione est ubique, non egemus Sacramento Cœnæ, ut præsentiam habeamus corporis Domini. Quid igitur Sacramentum Cœnæ facit? non exhibet certè præsentiam corporis Domini: nam hæc antea quoque aderat. Quid igitur facit? nisi hoc quod significat Christi corpus adesse? At hoc volunt Zwingliani, ex vi Sacramenti Cœnæ nihil nos habere, nisi signum. Et hoc idem videtur liber Concordiæ agnoscere, pag. 745. cum ait: *Quare cum præsentem habemus, non tantum secundum divinam, verum etiam secundum humanam naturam: juxta quam ipse frater noster est, & nos caro sumus de carne ejus, & os de ossibus ejus. Et sane in hujus etiam rei confirmationem, sacram suam Cœnam instituit: ut testaretur, se etiam secundum eam naturam, qua carnem & sanguinem habet, nobiscum esse, in nobis habitare, & efficaciter operari velle.* Præterea, si Christi corpus ubique est, non potest verè cum pane, quantumlibet consecrato, sumi, nec sanguis ejus cum vino, quantumlibet etiam consecrato, bibi. Nam panis & vinum idèò sumi verè possunt, quia non sunt ubique, & proinde verè transeunt de mensa ad manum, de manu ad os, de ore ad stomachum: quæ de Christi corpore & sanguine dici non possunt, si ubique sunt: quemadmodum, licet Deus ubique sit, nemo tamen cum pane Deum comedit, nec cum vino Deum bibit. Quorsum igitur Eucharistia? Ut habeatur Christi corpus fructuosè, dicit aliquis Brentianus; Ergo solus fructus, sola efficacia, sola virtus corporis Domini sumitur in Coena; at hoc ipsum docent Calvinistæ.

Quarto, repugnat hæc ubiquitas decreto Dresdensi, quod in eadem Saxonia, ab iisdem Confessionis Augustanæ Theologis, ante annos circiter decem promulgatum est, idèst, anno 1571. ubi præter alia hæc verba leguntur: *Communitas illa communicatio physica, qua nostro primum tempore cum ubiquitate corporis Christi introduci coepit, est, universa Orthodoxa Ecclesia, & toto orbi Christiano, inde usque ab initio incognita fuit, atque etiamnum à Pontificis ipsi rejicitur, & taxatur acerrimè.* Et infra: *Communitas illa ubiquitas, horrendum in modum corripit omnes penè articulos fidei de Christo, ac discrimen divina & humana natura in Christo in primis delet, atque evertit.* Hæc ibi tunc. Nunc autem sacrosanctæ Fidei dogmata esse debent, quæ ante annos decem pestilentissimæ hæreses erant. Ista videlicet est constantia Theologorum Saxonico-

rum. Quinto, repugnat sententiæ primarii auctoris Confessionis, & Apologiæ, qui duo libri primum locum in Concordia obtinent. Philippus liquidem Melancthon in epist. ad Fridericum Comitem Palatinum,

A quam scripsit anno 1551. ita loquitur: *Alii ubiquitatem excogitarunt.* Et addit: *Hæc sunt portentosa omnia, ignota erudita vetustati.* Denique repugnat S. Augustino, & omnibus Patribus. Ac, ut cætera omitteremus, Augustin. in epist. 57. ad Dardanum, non solum docet, Christi humanitatem non esse ubique, sed etiam solvit primum argumentum adversariorum. Illi enim existimant, necessariò sequi, ut Christi humanitas sit ubique, si conjuncta est personaliter Verbo, quod sine dubio est ubique. At S. Augustin. Homo, inquit, Christus, illo die secundum carnem in sepulchro, secundum animam in inferno futurus, Deus verò idem ipse Christus, ubique semper est. Et infra: Non est autem consequens, ut quod in Deo est, ita sit ubique ut Deus. Nam & de nobis verissima Scriptura dicit, quod in illo vivimus, movemur, & sumus, nec tamen sicut ille, ubique sumus; Sed aliter homo ille in Deo, quoniam aliter & Deus ille in homine, proprio quodam & singulari modo. Una enim persona Deus & homo est, & utrumque est unus Christus Jesus, ubique per id quod Deus est, in cœlo autem per id quod homo. Hæc ille. Neque hic locum habent distinctiones de variis modis essendi in loco. Nam S. Augustinus negat in forma idipsum, quod adversarii docent. Ipsi enim volunt, propter unionem hypostaticam, Christi humanitatem necessariò esse debere ubicumque est Verbum, modo quodam super naturali, & divino: at hoc idem Augustinus negat. Et præter exemplum ab eo adductum, habemus etiam insigne exemplum in anima rationali. Nam caput unitum est animæ, & tamen non ubicumque est anima, ibi continuò est caput; cum anima sit etiam in pedibus, ubi certè non est caput.

IV. ERROR.

Quartus error est, quod Christi humanitati sine collata verè & realiter multa attributa divina, ut omnipotentia, omniscientia, omnipræsentia, atque adeò ipsa divina majestas. Qui error destruit veritatem humanitatis Christi, renovat hæresim Eutychetis, & pugnat cum Symbolo fidei. Nam si Christi humanitas, verè & realiter non solum est ubique, quia est in toto Mundo, sed quia habet omnipræsentiam & immensitatem, quam habet Verbum, & proinde est in infinitis spatiis imaginariis extra mundum, vel certè esse potest: profectò est formaliter infinita & immensa; & cum non sit infinita magnitudine molis, ut adversarii concedunt; nam dicunt, eam non esse diffusam ubique localiter, infinita erit magnitudine virtutis; Infinita autem virtus infinitam essentiam requirit. Est igitur Christi humanitas essentia infinita; & proinde vel est conversa in Deitatem, vel duo sunt entia infinita. Idem argumentum de omnipotentia, & aliis Dei attributis fieri potest. Sed verba Concordiæ audiamus, pag. 731. *Adeptus autem est Christus, secundum humanam naturam, plenam possessionem, & divinæ majestatis usurpationem.* Hæc ibi. Jam si Christus secundum humanam naturam adeptus est divinam majestatem; ergo secundum humanam naturam est Deus. Ergo secundum humanam naturam non est homo. Nec enim idem secundum idem, duo disparata esse potest. Et pag. 744. *Jam etiam secundum assumptam humanam naturam, omnia novit, & revera omnipotens est.* Hæc ibi. Ecce quàm apertè dicunt, Christum ut hominem esse omniscientem, & omnipotentem; quod quid est aliud, quàm dicere, Christum, ut hominem, non esse hominem, sed Deum? Et pag. 745. *Scriptura sacra hanc majestatem omnipræsentia soli Christo, nulli autem alii homini tribuit.* Et paulò

paulò ante dixerant, se de Christi humanitate loqui, & non de sola divinitate, cum Christo tribuunt omnipræsentiam. Denique pag. 738. prolixè docere conantur, Christi humanitatem capaceam esse infinitorum attributorum, verè & realiter sibi communicatorum per hypostaticam unionem. Nec satis expediunt se, cum dicunt, hanc esse idiomatum communicationem, quam etiam veteres Patres agnoverunt. Nam communicatio idiomatum, secundum Patrum doctrinam, non tribuit uni naturæ ea quæ sunt alterius, sed tribuit uni supposito utriusque naturæ proprietates. Vide de communicatione idiomatum, Ambrosium lib. 2. de fide, cap. 4. Augustinum lib. 1. de Trinit. cap. 13. Cyrillum in defensione 4. Anathematismi. Et Joan. Damascenum lib. 3. cap. 4. Et præterea communicatio idiomatum, quam Patres agnoscunt, mutua est, & non minus Deo convenit quàm homini. At adversarii, humanæ naturæ tribuunt realem communicationem divinorum attributorum; Divinæ autem non tribuunt realem communicationem humanarum proprietatum; ut in hac ipsa Concordia disertè docent, pag. 736. Itaque rectè Dresdense decretum, cujus supra mentionem fecimus, ab usdem Saxonis ministris editum, ita alicubi habet: *Quod præcipuum fidei nostræ, & Ecclesiæ caput est, videlicet articulum de duabus naturis in Christo, id communis idiomatum, realis & physica, in ipse naturis communicatione, depravari horribiliter; atque econtrariò, hæreses jam olim damnatas, Marcionitarum, Ariarum, Manichæorum, Samosatensium, Valentinianorum, Sabellianorum, Nestorianorum, Eutychianorum, & Monothelitarum, reduci atque innovari, satis evidenter demonstratum est.* Hæc ibi.

V. ERROR.

Quintus error est, quod unio hypostatica consistat in communicatione divinorum attributorum. Tamen enim pag. 744. videntur dicere communicationem istam esse posteriorem unionem hypostaticam. Sic enim loquuntur: *Propter unionem autem hypostaticam, & ex ea consequentem communicationem* &c. Tamen in pluribus locis apertè indicant, in ista communicatione consistere unionem hypostaticam, pag. 729. *Propter hanc, inquit, hypostaticam unionem, qua sunt vera illa communicatione nec cogitari, nec subsistere potest* &c. At certè id non est posterius, sed est verè de essentia, sine quo alterum nec esse, nec cogitari potest. Et pag. 730. *Et sicut, inquit, veteres Ecclesiæ Doctores, duo hæc vocabula, nominum & essentia, communicationem & unionem in explicatione huius mysterii conjunxerunt, & alterum per alterum declaraverunt.* En quàm apertè idem esse volunt unionem hypostaticam, & suam illam communicationem proprietatum. Cum ergo dicunt, unum ex altero sequi, vel manifestè secum pugnant, vel intelligunt de consecutione Logica, non Physica, quomodo dicimus, ex eo quòd aliquis est homo, sequi ut sit animal rationale.

Porro hæc sententia, quòd unio hypostatica consistat in illa communicatione divinorum attributorum, destruit omnino mysterium incarnationis. Nam in primis, cum divina attributa, idest, omnipotentia, omniscientia, omnipræsentia, & similia, sint

A communia toti Trinitati, si in illorum communicatione consistit unio hypostatica, sequitur, omnes tres personas esse incarnatas. Ut enim secundum Catholicam fidem, quam exposuerunt vetera Concilia generalia, 3. 4. 5. & 6. idèd sola persona filii incarnata est, quia unio facta est per communicationem subsistentiæ propriæ ipsius filii: ita secundum adversariorum sententiam totam Trinitatem incarnatam esse necesse est, cum unio facta sit in eo, quod est commune toti Trinitati.

Deinde si unio hypostatica consistit in communicatione attributorum, sequitur, Patrem, & Filium, & Spiritum sanctum, unitos esse hypostaticè, atque unam tantum esse personam. Nam Pater gignendo **B** Filium, omnia sua attributa illi communicavit, & similiter Pater & Filius producendo Spiritum sanctum, omnia sua attributa illi communicarunt. Præterea, aut volunt hypostaticam unionem consistere in communicatione omnium attributorum, vel aliquorum tantum; si omnium, impossibilis erit unio hypostatica. Nam inter attributa Dei, numeratur vera æternitas, quæ principio & fine caret: at impossibile est rem creatam carere principio, & saltem certum est, Christi humanitatem non fuisse ab æterno. Pari ratione, Dei proprium est, carere principio effectivo, at id nullo modo creaturæ communicari poterit. Si verò aliquorum tantum, quis dicere poterit, quæ sint illa, cum eadem sit ratio omnium? **C** Ut enim esse potest unio hypostatica, sine communicatione æternitatis; cur non poterit esse sine communicatione omnipræsentia, vel omnipotentia? Denique ista attributa non possunt esse naturæ humanæ essentialia, erunt igitur accidentalia; id quod liber Concordiæ asserere videtur, cum pag. 741. explicat istam communicationem, per operationem divinitatis, quam exercet per humanitatem. At hæc ipsa est Nestorii hæresis, qui Verbum cum homine per operationem conjungebat; estque hæc hæresis expressè damnata in Concilio V. generali, cap. 4. & 5.

VI. ERROR.

Sextus error est, quòd totus Christus, Deus & homo, ad inferos descenderit. Id quod apertè sequitur ex tertio errore, & præterea in ipsa Concordia disertè asseritur, pag. 750. *Simpliciter, inquit, credimus, quòd tota persona Deus & homo post sepulchram ad inferos descenderit.* Atque hic error cum duobus, immò etiam tribus articulis Symboli pugnat; destruit enim mortem, sepulchram, & resurrectionem Christi. Nam si Christus homo descendit ad inferos, vivus non mortuus descendit; mortuus enim non est homo, cum omnis homo per mortem definat esse homo. At si Christus vivus, & de cruce descendit, & vivus pervenit ad inferos, non anima solum descendit, sed etiam caro; non enim sola anima homo dici potest; quòd si anima & caro descendit, quid quæso jacuit in sepulchro? Denique si Christus semper fuit homo, nec unquam verè mortuus aut sepultus est, certè nec verè etiam resurrexit; non enim refurgit homo, nisi quando per novam vitam iterum incipit esse homo, qui per mortem desierat esse homo. Atque hæc pauca de erroribus contra Symbolum sufficiant.

MENDACIA CONCORDIÆ.

PRIMUM MENDACIUM.



IN præfatione Concordiæ, atque adeò in ipso principio præfationis, habetur illustre mendacium de Confessione Augustanæ, quòd videlicet in totum orbem terrarum sparsa, ubique percrebuerit, & in ore & sermone omnium esse cœperit. Nam ex tribus partibus orbis terræ, duæ, Asia atque Africa, ne nomen quidem Augustanæ Confessionis adhuc audierunt; in Europa, quæ tertia pars est, Græcia, Italia, Hispania, aut omnino quid sit Augustana Confessio, ignorant, aut eam ut perniciosam & hæreticam doctrinam execrantur. Gallia ac Britannia, partim à Catholicis, partim à Calvinistis habitantur, quorum illi Augustanam Confessionem apertè repudiant; isti solo nomine recipiunt. Quamquam novam hanc in Confessione Concordiam, Calvinistæ, ne quidem nomine amplectuntur. Solus restat angulus Germaniæ, isque non totus, in quo sese fama Confessionis dilatat. Nam & in ipsa Germania Zvingliani, & Anabaptistæ inveniuntur, qui Confessionem Augustanumquam receperunt. Quid? quòd initio nec in parte Germaniæ Confessio Augustana locum habere potuit. Nam eo ipso anno quo Augustæ nata est, Augustæ quoque extincta quodammodo est. Siquidem à Theologis Catholicis refutata, & ab Imperatore Carolo V. publicè damnata fuit in generali recessu; cui damnationi subscripserunt Electores 5. Ecclesiastici Principes 30. Sæculares 23. Abbates 22. Comites & Barones 32. Civitates liberæ & Imperiales 39. Cum ipsi confessioni solum subscripserint Elector 1. Principes 6. Civitates 2. Quocirca merito Philippus lib. 1. Epist. in epist. ad Joan. Obernburgerum ita scribit; *Nam deletor, inquit, recordatione Comitiorum Augustanorum, in quibus tristi, ac atroci sententia dammati sumus.* Nec solum Augustæ confessio vix dum nata, extincta fuit, sed etiam in duobus archivis ita sepulta, ut per totos annos 40. lucem non viderit. Confessio enim Germanica in Cancellaria Moguntina, Latina verò in Bruxellensi longissimo tempore delituerunt, atque interim singulis propè annis edebantur, aliæ atque aliæ; quæ cum omnes Confessionis Augustanæ titulum præ se ferrent, tamen & verbis, & sententiis, cum inter se, tum ab illa prima plurimum dissentiebant. Itaque gloriosum illud encomium Augustanæ Confessionis, quòd in totum orbem terrarum sparsa, ubique percrebuerit, ita interpretandum esse videtur: Confessio Augustana, idest, Confessio, falsum nomen gerens Confessionis Augustanæ per totum orbem terrarum, idest, in quodam angulo Septentrionis, ubique sparsa percrebuit, idest, in aliquot oppidis Germaniæ audiri cœpit.

II. MENDACIUM.

IN eadem præfatione, ultra medium, protestantur adversarii, in negotio Cœnæ ad nulla alia fundamenta pios homines deducendos esse, quàm verborum institutionis Testamenti Domini nostri Jesu Christi; licet tam ipsi, quàm etiam Lutherus, inviti pertracti sint ad disputationem de unionem personali duarum in Christo naturarum. At in ipsa Concordia, pag. 571. & iterum pag. 717. in articulo de Cœna Domini, unà cum Lutero, quatuor alia fundamenta jaciunt. Primum est, quòd Christus sit Deus & homo, in una persona, indivisus, & inseparabilis. Secundum, quòd dextera Dei est ubique. Tertium, quòd verbum Dei sit neque falsum, neque fallax. Quartum, quòd Deus varios modos habet, novitque, quibus aliquo in loco esse potest. Mendax igitur est hujus præfationis protestatio.

III. MENDACIUM.

PRæfatione Confess. ad Carolum V. pag. 6. ita habetur: *Offerimus in hac religionis causa, nostrorum Conciliarium, & nostram Confessionem; cujusmodi doctrinam ex Scripturis sanctis, & puro verbo Dei, hætenus illi in nostris terris, Ducatibus, ditionibus, & urbibus tradiderunt, ac in Ecclesiis tractaverunt.*

Hoc insigne mendacium esse, vel ex eo cognosci potest, quòd Confessio Lutheri in multis ab Augustana dissentit; cum tamen eodem anno 1530. edita sit, neque credibile videatur, melius Lutheranos, quàm ipsum Lutherum, quæ sit Lutherana doctrina, scire potuisse. Articulus 11. Lutherana Confessionis habet: *Quòd Confessio privata debeat esse libera.* Confessio autem Augustana, in cap. de Confessione, dicit: *Apud suos non solere porrigi corpus Domini, nisi antea exploratis & absolutis.* Et in cap. de Missa, sic ait: *Nulli admittuntur ad Sacramentum, nisi antea explorati atque auditi.* Item artic. 16. Lutherana Confessionis, vult *Missam præ omnibus abominationibus esse abrogandam.* Confessio verò Augustana in cap. de Missa: *Falsò, inquit, accusantur Ecclesia nostra, quòd Missam aboleant; retinetur enim Missa apud nos, & summa reverentia celebratur.* Ad hæc nec Augustana Confessio à Philippo fabricata, nec Lutherana, quæ Augustanam sine dubio peperit, cum ea doctrina concordat, quam initio Lutherus & Melancthon tradiderunt. Audio Joannem Cochlearum eodem anno 1530. collegisse articulos ex libris Lutheri & Philippi, contra singulos articulos Confessionis Augustanæ; sed eos nondum videre potui. Sed facile credo illum hoc fecisse, cum ipse quoque id præstare nullo negotio possem, qui tamen multò minus versatus sum in Lutheranorum libris, quàm Cochleus fuerit. Ac ne sim nimis prolixus, conferam solum duos, aut tres principales Confessionis articulos, cum Lutheri & Philippi doctrina.

Articulus primus Confessionis Augustanæ sic habet: *Ecclesia magna consensu apud nos docent, decretum Nicænæ Synodi, de unitate essentia divina, & de tribus personis, verum & sine ulla dubitatione credendum esse.* Et infra: *Es nomine persona utuntur ea significatione, qua usi sunt in hac causa scriptores Ecclesiastici, ut significet non partem, aut qualitatem in alio, sed quòd propriè subsistit.* Et infra: *Damnant omnes hæreses contra hunc articulum exortas, ut Manichæos, Valentinianos, Arianos, Eunomianos &c.* Huic articulo primo rectè annectitur tertius, qui est de incarnatione filii Dei, in quo duæ naturæ unitæ asseruntur in una persona. Lutherus autem quàm verum crediderit Nicænæ decretum de unitate essentia, satis ostendit illis verbis, quibus est usus contra Jacobum Latomum; *Anima mea, inquit, odit hoc verbum quòd unus.* Quod tamen verbum ignorare non poterat in Concilio Nicæno, (ut D. Augustinus loquitur

quitur lib. 3. contra Max. cap. 14.) adversus hæreticos Arianos, veritatis auctoritate, & auctoritatis veritate, firmatum esse. Neque verò id Luthero excidit per incogitantiam. Nam rursus id repetit, in libro de Concilio; *Sanctus*, inquit, *Hieronymus vehementer perturbatus, lamentabiles literas scribebat ad Episcopum Rom. Damasum, & cupiebat expungi vocabulum divinus*. Ubi scilicet notanda est alia fraus Lutheri. Non enim S. Hieronym. vocabulum *divinus*, sed vocabulum *divinus*, tacendum arbitrabatur, propter ejus vocis ambiguitatem. Notæ sunt Epistolæ duæ S. Hieronymi de hac re ad Damasum, quarum altera ita concluditur: Obtestor beatitudinem tuam per crucifixum, mundi salutem, per *divinam* Trinitatem, ut mihi Epistolis tuis sive recendarum, sive dicendarum hypostaseon detur auctoritas.

Deinde, si Luthero probatur doctrina Catholica de unitate essentiae, & Trinitate personarum, tur ex precibus communibus Germanorum, illam precatiunculam sustulit, Sancta Trinitas unus Deus, miserere nobis! Nec novam esse hanc formam invocationis, sed ab antiquissimis Patribus, tam Græcis, quam Latinis, usurpatam, certum est ex Nazianzeno, qui oratione secunda de pace, ad finem, ait: O Trinitas sancta & longanimis, suscipe etiam istos &c. Et ex Augusti lib. ult. cap. ult. de Trinitate: Domine Deus, unus, inquit, Deus Trinitas, quæcumque dixi in his libris de tuo, agnoscant & tui: Si qua de meo, & tu ignosce, & tui, Amen.

Porro de incarnatione, quam rectè Lutherus senserit, ex tribus ejus operibus facile poterit intelligi. Nam in concione de Natali Domini, qua primum caput Epistolæ ad Hebræos exponit, dum metuit cum Eutychete permiscere naturas, audacter cum Nestorio dividit personas. Dicit enim: *Imperito quosdam, facere Christum hominem omnipotentem*. At si ille homo Christus non est omnipotens, eadem ratione non est Deus; Nec enim Deus esse potest qui non sit omnipotens. Duo igitur erunt, Christus Deus, & Christus homo, quæ est apertissime Nestoriana sententia. Contrà verò, in lib. de Concilio & Ecclesia part. 2. dum vitare cupit Nestorium, apertè incidit in Eutychetem. Sic enim loquitur: *Mihi paulò ante negotium fuit cum Nestorianis, qui pertinacissime contra me disputabant, quòd divinitas Christi non posset pati*. Et infra: *Oportet divi, hic homo Christus, hac caro & sanguis condidit carnem & terram*. Certè natura divinitatis & carnis, nomina sunt naturarum non personarum. Ergo si Luthero divinitas patitur, si caro coelum ac terram condit, quis non videat, à Luthero Christi naturas confundi? ac ut propensionem animi sui in Nestorium, & Eutychetem Lutherus ostenderet, in eodem de Concilio libro, ita diligenter Nestorium & Eutychetem excusat, ut utrique zelum bonum, animum sincerum, & fidem rectam tribuat, & solum ex inscitia quadam, & in modo loquendi lapsos dicat; totam verò causam tumultuum & perturbationis illius temporis, in Episcopos Catholicos referat. Ex eò usque tandem progreditur, ut dicat, *Veri se, ne in extremo judicio aliqui, qui dicuntur hæretici, indices sedent; & Episcopi, qui illis in Concilio damnantur, in æternum pereant*. Tantum non apertè affirmans, Nestorium, & Eutychetem cum Christo judices futuros, Sanctos verò, Leonem, & Cyrillum, in æternum perituros. Porro in libro, qui inscribitur: *Confessio Martini Lutheri de Cena Domini*, non solum reprehendit Zwinglianos, quòd passionem Christi soli tribuant humanitati, non etiam Deitati; Sed etiam econtrariò ipsam humanitatem in Deitatem evchere videtur, cum ait: *Ne-*

cesse habet, cum Christi essentiam, quæ est cum Dea una persona, longissimè extra creaturas collocare, ideoque tam longè quàm Deus ipse, extra creaturas est. Neque vult Lutherus dicere, Christi humanitatem extra creaturas esse, quantum ad locum, sive spatium, sed quantum ad ordinem & dignitatem. Nam in eodem libro contendit, ubique esse Christi humanitatem. Et in Serm. de Sacramento Cœnæ Domini: *Credimus*, inquit, *quòd Jesus Christus sit juxta humanitatem, super omnes creaturas collocatus, & omnia impleat*. Et infra: *Et habeat omnia in sua manu, & sit ubique præsens*. Si igitur Christi humanitas, extra ordinem creaturarum est, non creata natura, sed increata essentia est, ac per hoc non amplius humanitas, sed divinitas dici debet. Rursus: Si Christi humanitas tam longè abest à creaturis, quantum ad excellentiam & dignitatem, quàm longè abest ipse Deus, Deus autem infinito intervallo à creaturis omnibus separatur; Igitur Christi humanitas infinitæ dignitatis, & excellentiæ est. Ex quo sequitur, aut duas esse infinitas naturas, aut Christi humanitatem in Deitatem esse conversam, quæ est hæresis Eutychiana. Et fortasse non sine mysterio, nec in Confessione, nec in Apologia, ulla sit mentio Nestorii, & Eutychetis, qui tamen nominatim damnari debuissent in articulo tertio, ut damnantur in primo, Arius, & Eunomius. Jam verò Philippus Melancthon, in Locis anni 39. pag. 9. *Necesse est*, inquit, *in filio aliquid esse divinæ naturæ*. Et rursus pag. 11. *Necesse est in Christo aliquid esse divinam naturam*. Et in Locis anni 45. fol. 52. de Spiritu sancto loquens: *Testatur*, inquit, *per Isacem Deus, non mitti creatam agnitionem, sed aliquid essentia Dei*. Necesse est autem personam esse distinctam, quæ est aliquid Dei, & tamen non est Pater. Philippo igitur, aut multæ sunt naturæ divinæ, cum necesse sit in filio aliquid esse divinam naturam, aut certè multæ sunt partes ejusdem divinitatis, cum tam in Filio, quàm in Spiritu sancto aliquid sit divinæ naturæ. Quod quàm bene cohereret cum articulo primo Confessionis, nemo non videt. Rursus, idem Philippus in Locis anni 45. & 58. pag. 40. *Non est*, inquit, *lacerata, aut mortua divina natura, sed fuit obediens Patri, qui vivit, cessit ira æterni Patris*. Quid clarius pro Ariana hæresi dici poterat, Nam si natura divina Filii, Patri fuit obediens, & iræ illius cessit, distinguitur divinitas Filii à Patre, & Pater non habet divinitatem, vel habet aliam. Ubi est igitur unitas essentiae divinæ, quam prædicat Augustana Confessio? Ad hæc in iisdem Locis pag. 42. ita exponit illud: *Glorifica me Pater; Nunc missus subiectus sum cruci, & feruis meæ vocationi*. Deinde verò gloriam mihi restitue, quam ante mundi constitutionem apud te habui &c. Certè non potest restitui quod non fuit amissum; amisit igitur Christus gloriam, quam habuit ante mundi constitutionem; non autem amisit eam ut homo, cum ante mundi constitutionem non fuerit homo, amisit igitur ut Deus. Deus igitur mutabilis est Christus, ac per hoc nec Deus verus, nec Deus unus cum Patre, sed Deus factus & creatus à Patre, ut Ariani docebant. Atque huc etiam fortasse alludit in iisdem locis pag. 45. cum ait; *Tempore passionis non fuisse in Christo gloriam beatitudinis, ut alio tempore*. Omitto illud, quod ibid. pag. 22. tres personas divinas, tres esse vult singulares intelligentes. Qui modus loquendi, non satis consentit cum Symbolo Athanasii, quòd in hac Concordia, tamquam pium, ut verè est, recipitur. Ut enim in Symbolo dicitur: Non tres omnipotentes, sed unus omnipotens, ita sine dubio dici debet, non tres intelligentes, sed unus intelligens.

Venia-

Veniamus ad articulos de libero arbitrio, & causa peccati, & videamus, an id semper Lutherus & Philippus docuerint, quod in Confessione nunc docent. Artic. 18. Confessionis, sic habet: De libero arbitrio docent, quod humana voluntas, habeat aliquam libertatem ad efficiendam civilem iustitiam, & eligendas res rationi subiectas &c. Artic. 19. de causa peccati: docet: Quod tametsi Deus creat & conservat naturam, tamen causa peccati est voluntas maligna, videlicet diaboli, & impiorum, qua non adjuvante Deo avertit se à Deo, sicut Christus ait: Cum loquitur mendacium, ex seipso loquitur.

Audiamus nunc verba Lutheri ex assert. art. 36. Liberum, inquit, arbitrium, est figmentum in rebus, & titulus sine re, quia nulli est in manu sua quippiam cogitare boni, vel mali, sed omnia, (ut Wiclephi articulus Constantia damnatus, rectè docet) de necessitate absoluta eveniunt, quod & Poeta voluit, quando dixit: Certe stant omnia lege. Et Christus Matth. 6. Folium arboris non cadet in terram, sine patre vestro. Et infra: Non est dubium Satanae magistro, in Ecclesiam venisse hoc nomen, Liberum arbitrium. Ac, ut sibi & suis Lutherus præcluderet aditum ad retractionem in eadem assertionem, ita præfatus fuerat: In ceteris articulis, de Papato, de Conciliis, de Indulgentiis, aliisque non necessariis magis, ferenda est levitas, & stulticia Papa, & suorum: Sed in hoc articulo, qui omnium optimus, & verum nostrarum summa est, dolendum & flendum est, miseros sic insanire. Et in lib. contra Regem Angliæ scripserat: Adeo se certum esse de sua doctrina, ut si quis aliter doceret, aut damnaret, qua ipse scripsit de fide, de operibus, de libero arbitrio &c. is damnaret Deum, & oporteret ipsum manere filium inferni. Atque his similia Philippus docuit in Locis, anno 21. & 22. editis. Tantum abest igitur, ut verum sit, quod in præfatione Confessionis dicitur, Hanc ipsam Confessionis doctrinam eam esse, quam hactenus Lutherani Concionatores tradiderunt, ut potius sit verissimum, in præcipuo articulo & in summa rei defecisse Confessionis auctores à Lutherò ad Papam. Et (si verum sit Lutheri vaticinium) oportere jam eos manere filios inferni: quippe qui Deum in Luthero damnare ausi fuerint. Non ignoro Lutherum in Visitatione Saxonica, & Philippum in Epitome Moralis Philosophiæ, & in Locis editis posterioribus annis, longè aliter docuisse de libero arbitrio & causa peccati, quam antea docuerant, cum haberent primitias Spiritus; tamen id neque mendacium excusat, & arguit inconstantiam. Et quia non parum conducere videtur ad commendationem architecti hujus Confessionis, ad memoriam revocare Philippi egregiam in doctrina constantiam, annotabo breviter ejus sententias de libero arbitrio, & causa peccati.

In Locis anni 21. Primò, repudiatur nomen ipsum liberi arbitrii, & rationis: Usurpata est vox, inquit, liberi arbitrii, à divinis literis, ac sensu, & iudicio Spiritus alienissima. Additum est à Platonis Philosophia, vocabulum rationis aequè perniciosum. At in Locis posterioribus: Monendi sunt, inquit, rudiores, ut à Phisicis sumant distinctiones, & appellationes partium hominis. In homine est pars cognoscens, & iudicans, qua vocatur mens, vel intellectus, vel ratio; altera pars appetens, vocatur voluntas. Vocatur autem liberum arbitrium mens & voluntas conjuncta.

Secundò, defendit Vallam, contra Joannem Eckium: Valla, inquit, ait Eckius, quod scholares sententiam de libero arbitrio confutavit, plura voluisse scire, quam didicisset, scilicet egregiè festinus nugator. At in locis posterioribus: Valla, inquit, & plerique alii non rectè detrahunt voluntati hominis libertatem. Et

Centrov. Card. Bellarm. Tom. 11.

A in Epitome moralis Philosophiæ: Stoicas illas, inquit, de Fato, seu Valla absurdas imaginationes, qua propter divinam gubernationem, adimunt libertatem voluntati, fugiamus.

Tertiò, reprehendit Philosophiam: Hoc loco, inquit, prorsus Christiana doctrina à Philosophia, & humana ratione dissentit. At in Epitome moralis Philosophiæ: Est, inquit, prudentissimè ab Aristotele addita rationis descriptio. Et in locis, cap. de viribus hominis: Hac est, inquit, libertas voluntatis, quam Philosophi rectè tribuunt homini.

Quartò, tollit omnem libertatem, & contingentiam: Quandoquidem, inquit, omnia quæ eveniunt, necessario juxta divinam prædestinationem eveniunt, nulla est arbitrii nostri libertas. Quid igitur, inquires, nulla ne est in rebus contingentia? nihil casus? nihil fortuna? Omnia necessario evenire, Scriptura docent. Esi videatur tibi in rebus humanis esse contingentiam, iudicio rationis hic imperandum est. At in locis posterioribus: Concedendum est, inquit, quod Scriptura Apostolica tribuat homini, etiam nunc post lapsum, libertatem aliquam delegendi ea, qua sunt subiecta rationi. Et infra: Hac Manichea imaginatio (qua videlicet libertatem & contingentiam tollit) horribile mendacium est, & ab hoc errore mentes abducenda sunt, & docenda agere aliquid liberum arbitrium.

Quintò, in comment. ad cap. 8. epist. ad Rom. docet, Deum peccatorum causam esse. Sicut, inquit, fatemur, proprium Dei opus fuisse, Pauli vocationem, ita fatemur opera Dei propria esse, siue qua media vocantur, ut comedere, bibere &c. siue qua mala sunt, ut Davidis adulterium, Manlii severitatem. Constat enim ex cap. 1. ad Roman. Deum omnia facere, non permittit, sed potenter. Et infra: Ergo non est, cur frigidum glossema admittamus, Deum mala permittere, non etiam facere. At in locis de causa peccati. Est, inquit, hac vera, & pia sententia, utraque manus, & verius, toto pectore tenenda, Deum non esse causam peccati: nec velle peccatum. Et infra: Nec figura illa verborum in sermone Hebraico pugnat cum hac sententia, Indurabo cor Pharaonis; & similes. Certum est enim Hebraica phrasi significare permissionem, non efficacem voluntatem.

Ex his satis constare puto, & quàm gravem & constantem auctorem habuerit illa Confessio tantoperè celebrata, & quàm verum sit, quod in ejus præfatione asseritur, in hac Confessione eam doctrinam contineri, quam usque ad illud tempus ex divinis literis Lutherani tradiderant.

IV. MENDACIUM.

E IN Confessione Augustana, art. 12. pag. 15. Concordiæ, sic habetur: Rejiciuntur & isti, qui non docent, remissionem peccatorum per fidem contingere; Sed docent, remissionem peccatorum contingere propter nostram dilectionem, & opera. Hac verba etsi de industria obscurè proposita esse videntur, tamen sine dubio hunc faciunt sensum, ut rejiciendos esse significant illos, qui docent homines justificari à peccatis sine fide, per solam dilectionem, & opera. Nec dubitari potest, quin his verbis notentur Catholici omnes, & præsertim Theologi Scholastici. Et si quod dubium esse potuisset jam est sublatum per Apologiam, ubi usque ad nauseam repetitur, & inculcatur hoc mendacium, quod Scholastici doceant, justificationem non contingere ex fide, sed ex operibus, hoc est, ex operibus sine fide. Quoniam enim versantur ipsi in uno extremo, cum docent, justificari homines ex fide sine operibus, cupiunt nos in altero extremo collocare, qua-

Rr a si doceat-

si doceamus, iustificari homines ex operibus sine fide. At non est ista, nec unquam fuit, doctrina Ecclesiæ Catholicæ, nec etiam Scholasticorum Theologorum. Semper enim docuimus & docemus, iustificari homines ex fide & dilectione, ac operibus bonis, ita ut ad præparationem, ac dispositionem ad iustificationem, requirantur actus fidei, spei, & dilectionis, quos ipsos tamen non habemus, nisi Dei gratia nos præveniente, excitante, & adjuvante: Ipsa verò formalis iustificatio consistat in remissione vera omnium peccatorum, & infusione habituum fidei, spei, & charitatis, quos propter Christi meritum, Deus in corda nostra gratis diffundit. Denique actualis iustitia sit legis divinæ obedientia & observatio, ad quam non ex nobis idonei sumus, sed ex spiritu gratiæ, idest, fidei, spei, & charitatis, nobis à Deo per Christum donato. Ita docet Concil. Trident. Sess. 6. cap. 6. Disponuntur, inquit, ad ipsam iustitiam, dum excitati divina gratia, & aduti, fidem ex auditu concipientes, libere moventur in Deum &c. Et cap. 7. Quamquam nemo possit esse iustus, nisi cui merita passionis Domini nostri Jesu Christi communicantur, id tamen in hac impii iustificatione fit, dum ejusdem sanctissimæ passionis merito, per Spiritum sanctum Charitas Dei diffunditur in cordibus eorum, qui iustificantur, atque ipsis inhaeret. Unde in ipsa iustificatione, cum remissione peccatorum, hæc omnia simul infusa accipit homo, per Jesum Christum, cui inseruit, fidem, spem, & charitatem, Et cap. 10. Per observationem mandatorum Dei & Ecclesiæ in ipsa iustitia, per Christi gratiam accepta, cooperante fide, bonis operibus, crescunt &c. Vides igitur fidem numquam excludi, sed contra potius semper requiri, sive de ipsa iustificatione agatur, sive de iis, quæ illam aut præcedunt, aut etiam consequuntur. Ac ne dicant novam hanc esse doctrinam, & nos nunc demum ab ipsis excitatos sapere coepisse, ut aliquoties Philippus jactat in Apologia, addamus etiam testimonium principis Scholasticorum, quod fides ad iustificationem requiratur. S. Thomas 1.2. quæst. 113. art. 4. Ad iustificationem impii requiritur motus mentis, quo convertitur in Deum. Prima autem conversio in Deum, fit per fidem, juxta illud Hebr. 11. Accedentem ad Deum, oportet credere. Et ideo, motus fidei requiritur ad iustificationem impii.

V. MENDACIUM.

PAG. 16. in art. 13. Confess. habentur hæc verba: *Damnant igitur illos, qui docent, quod Sacramenta ex opere operato iustificent, nec docent fidem requiri in usu Sacramentorum, qua credat remitti peccata.* Hoc etiam loco Theologi Scholastici notantur, quasi doceant, Sacramenta etiam sine fide prodelle. Sed apertum mendacium est, ad quod refellendum unius S. Thomæ testimonium sufficiet, qui 3. part. q. 68. art. 8. Recta fides, inquit, ex necessitate requiritur ad Baptismum, quia sicut dicitur Rom. 3. Iustitia Dei est per fidem Jesu Christi. Et infra: Ad primum ergo dicendum: quod Dominus loquitur ibi de Baptismo, secundum quod perducit homines ad salutem, per gratiam iustificantem, quod quidem sine recta fide esse non potest, & ideo signanter dicit: Qui crediderit, & baptizatus fuerit, salvus erit.

VI. MENDACIUM.

PAG. 17. in art. 16. Confess. ita habetur: *Damnant & illos, qui Evangelicam perfectionem non collocant in timore Dei, & fide: sed in deferendis civilibus officiis.* Mendacium est manifestum contra Catholicos professores ordinum religiosorum, quasi existiment perfectionem propriè consistere in deferendis civilibus officiis, conjugio, militia, magistratibus, & similibus. At neque veteres, neque recentiores Monachi, unquam hoc docuerunt. Joannes Cassianus Collat. 1. cap. 7. Jejunia, vigiliæ, meditatio Scripturarum, nuditas, ac privatio omnium facultatum, non perfectio, sed perfectionis instrumenta sunt. B. Thomas ex Scholasticis, 2.2. q. 184. art. 2. Per se, inquit, & essentialiter consistit perfectio Christianæ vitæ in charitate, principaliter quidem secundum dilectionem Dei, secundariò autem secundum dilectionem proximi. Et infra: Secundariò, & instrumentaliter consistit perfectio in consiliis, quæ ordinantur ad removendum impedimenta actus charitatis, quæ tamen charitati non contrariantur, sicut est matrimonium, occupatio negotiorum sæcularium, & alia hujusmodi.

Quod autem status perfectior sit eorum, qui deserunt omnia propter Christum, nec implicatur negotiis sæcularibus, quam aliorum, qui hoc non faciunt, & quod hic perfectior status, non impetetur, sed consulatur, satis apertè colligitur ex verbis Domini, Matth. 19. ubi postquam dixerat: Si vis ad vitam ingredi, serva mandata, Subjuxit: Si vis perfectus esse, vade, vende omnia, quæ habes &c. Nec usquam legimus: Si vis perfectus esse, uxorem ducito, capeffe Rempublicam &c. Hinc D. Augustinus Epist. 89. quæst. 4. Viderit, inquit, ille juvenis, quemadmodum illa legis mandata servaverit. Verumtamen Magister bonus mandata legis ab ista excellentiore perfectione distinxit. Ibi enim dixit: Si vis venire ad vitam, serva mandata. Hic autem: Si vis perfectus esse, vade, vende omnia &c. Eusebius lib. 1. de Demonstrat. Evangel. cap. 8. declarans communem doctrinam Ecclesiæ Catholicæ, ex divinis literis derivatam: Quocirca, inquit, in Ecclesia Dei, duo modi vivendi instituti sunt. Alter quidem naturam nostram, & communem hominum vitæ rationem excedens; non nuptias, non sobolem, non substantiam, non opum facultatem requirens, & soli divino cultui, ex immenso rerum celestium amore, addictus. Et talis quidem existit in Christianismo vitæ perfectæ modus. Alter verò remissior, atque humanior; hic & modesto conjugio, & sobolis procreatione implicatur, & rei familiaris curam assumit, & justè militantibus quæ sint agenda describit, agros quoque & mercaturam, adjuncta religione, non negligit; Et his quidem secundus pietatis attributus est gradus.

Hoc idem ex pluribus Scripturæ, & Patrum testimoniis probare possemus, si refellere errores Confessionis, & non solum mendacia indicare, propositum nobis esset.

VII. MENDACIUM.

PAG. 18. in artic. 20. Confess. *Falsò accusantur nostri, quod bona opera prohibeant.*

Mendacium hoc esse non dubitabit, quicumque aliquid Scriptorum Lutheri perlegerit. Certè in serm. de piscatione Petri sic legimus: *Quanto sceleratior es, tanto citius Deus gratiam infundit.* Ibidem: *Debemus cum solo Isaac venire, idest, cum fide, servare* &c.

Et asinus, hoc est, opera, deorsum dimittere oportet. Item in serm. Sic Deus dilexit mundum: Ego dico tibi, quia angusta est via, Oportet te fieri tennem, si vis per eam venire. Caterum, qui operibus onerati sunt (sicut conchilibus onustos videmus Jacobi peregrinos) ii non poterunt penetrare. Et infra: Si veneris cum magnis saccis operum plenis, deponere oportebit, alioqui non poteris penetrare. Potrò ex his fontibus manarunt illa præclara dogmata, quæ Lutheri discipuli in Colloquio Altenbugensi stabilire conati sunt. Opera bona legis, et nova obedientia, non ad regnum Christi, sed ad mundum pertinent. Ad Satanam spectant Christiani cum omnibus bonis operibus. Precari verò oportet, ut in fide sine bonis operibus omnibus, ad finem usque constantes perseveremus. Adcò necessaria illa non sunt, ut etiam ad salutem incommodent, suntque perniciofa. Deinde Catholici non tam Lutheranos accusant, quòd prohibeant opera bona, quàm quòd ea contemnunt, & cum Eunomio antiquo hæresiarcha, imò etiam cum Simone Mago hæreticorum omnium principe, non necessaria ad salutem esse, doceant. Ac de Eunomio quidem testis est Augustinus in lib. de hæres. cap. 54. de Simone Irenæus lib. 1. cap. 20. de Luthero, liber ipsius de captivitate Babylonica, cap. de Baptismo: Liber de libertate Christiana; Sermo de Moyse; Comment. in epist. ad Galat.

VIII. MENDACIUM.

PAG. 19. in artic. 20. Confess. Jubent (Catholici Doctores) mereri remissionem peccatorum operibus. Si de merito operum illorum, quæ sunt solis naturæ viribus, sermo sit, de quo merito articulum intelligendum esse, consequentia verba declarant: insigne est mendacium Philippi. Non enim id habet Catholica doctrina, ut operibus illis, quæ sunt sine fide, & auxilio Dei gratuito mereri possint homines remissionem peccatorum, & contra hæc operum merita defendit S. Augustinus gratiam & iustitiam fidei: nec non etiam S. Prosper in libris de vocatione gentium, quos libros imperitè Philippus tribuit Ambrosio, cum in iis libris nominatim refellantur Pelagiani, qui post Ambrosii obitum orti sunt. Si verò de illis operibus agatur, quæ ex fide & gratia Dei proficiuntur, fateamur quidem nos illis operibus aliquo modo mereri remissionem peccatorum. Sed idem fateantur Prophetæ, Evangelistæ, Patres, Ezechiel. 18. Cum averterit se impius ab impietate sua, ipse animam suam vivificabit, Daniel. 4. Peccata tua elemosynis redime, Jonæ 3. Vidit Deus opera eorum, & misertus est eis, Lucæ 11. Date elemosynam, & ecce omnia munda sunt vobis, Lucæ 7. Remittuntur ei peccata multa, quia dilexit multum; Ambros. lib. 10. in Lucam. Lachrymæ veniam non postulant, sed merentur. Et infra: Et tu si veniam vis mereri, dilue culpam tuam lachrymis &c. Hieronymus lib. 2. contra Pelagianos: Qui peccata simpliciter confitentur, merentur humilitate clementiam Salvatoris; Augustinus epist. 105. Nec ipsa remissio peccatorum sine aliquo merito est, si fides hanc impetrat, neque enim nullum est meritum fidei: qua fide ille dicebat, Deus propitius esto mihi peccatori, & descendit iustificatus merito fidei humiliatus, quoniam qui se humiliat exaltabitur. Restat igitur, ut ipsam fidem, unde omnis iustitia sumit initium, non humano, quo isti extolluntur, tribuamus arbitrio, nec ullis præcedentibus meritis, quoniam inde incipiunt bona quæcumque sunt merita, sed gratuitum donum Dei esse fateamur, si gratiam veram, idest, sine meritis, cogitamus. Et epist. 106. Si quis dixerit, quòd gratiam bene operandi fides mereatur,

Contrav. Card. Bellarm. Tom. II.

A negare non possumus, imò gratissimè confitemur, Gregorius in lib. 1. Reg. lib. 3. cap. 4. Dum Ninivitar, veluti pro difficili reconciliatione, gravi poenitentia se dejiciunt, omnipotentis Dei misericordiam facillè meruerunt. Sanctus etiam Thomas, ex Scholasticis, cum prædictis Patribus docet iis operibus, quæ sunt ex fide, & auxilio Dei, mereri nos aliquo modo justificationem à peccatis 2. sentent. dist. 27. quæst. 4. in resp. ad 4. Quod tamen constanter negat de illis operibus, quæ sunt solis naturæ viribus 1. 2. qu. 109. art. 6. & quæst. 114. art. 5. Huc accedit, quòd istis etiam operibus, quæ sunt ex fide, & auxilio Dei, non tale tribuimus meritum, ut ei respondeat ex iustitia merces; sed meritum solum impetrationis, ut Augustinus loquitur, quòd Scholastici meritum de congruo, non de condigno nominare solent. Neque in hoc ulla est inter Catholicos dissensio. Et Concil. Trident. sess. 6. cap. 8. de hoc genere meriti apertè pronunciat, ideò gratis justificari homines, quia nec fides, nec opera, quæ justificationem præcedunt, ipsam merentur. Sed Paradoxum videtur adversariis, quòd homo operetur ex fide, & nondum sit iustificatus à peccato, cum apud ipsos ita fides sola iustificet, ut separari nequeat fides à justificatione. At non illis paradoxum videtur, qui ex fide orantes dicunt, Dimitte nobis debita nostra, Matth. 6. Nec illi paradoxum hoc videbatur, qui ex fide orabat, Deus propitius esto mihi peccatori, Luc. 18. Nec denique Augustino paradoxum hoc erat, cum scriberet in Epist. 105. Nec ipsa remissio peccatorum sine aliquo merito est, si fides hanc impetrat.

IX. MENDACIUM.

Et quidem multiplex.

PAG. 18. & 19. in eodem art. 20. multa simul conglomantur mendacia, ut: Quod nostri concionatores olim parum docebant de operibus, quæ Deo placent, quòd tantum urgerent puerilia, & non necessaria opera; quòd nunc à Lutheranis admoniti, hæc dediscant: quòd iam incipiant fidei mentionem facere, quòd doctrina fidei diu jactueris ignota. Scilicet, non legerat Philippus Sermones S. Bernardi, Petri Damiani, Innocentii III. Thomæ Aquinatis, Vincentii, Bernardini, Laurentii Justiniani, & aliorum innumerabilium, in quibus de Symbolo, de Decalogo, de oratione Dominica, de omnibus vitiis, omnibusque virtutibus gravissimæ disputationes continentur. Sed facile est dicere, & non probare.

X. MENDACIUM.

PAG. 22. in artic. 21. Confess. Hæc ferè summa est doctrina apud nos, in qua cerni potest nihil inesse, quòd discrepet à Scripturis, vel ab Ecclesia Catholica, vel ab Ecclesia Romana, quatenus ex Scripturis nota est. Ad hoc mendacium convincendum, non erit opus ut extra articulum istum 21. egrediamur. Hic enim asserunt, non esse à Sanctis auxilium petendum, eò quòd unus sit intercessor Christus. In quo quidem articulo manifestè dissentiant à Scripturis, ab Ecclesia Catholica, & ab Ecclesia Romana. Nam etsi unus est mediator Dei & hominum, homo Christus Jesus; & ideò unus mediator, quia dedit semetipsum redemptionem pro multis, 1. Tim. 2. Nec ullus Catholicorum docuit unquam Sanctos esse mediatores per modum redemptionis: tamen unum esse tantum intercessorem, unum advocatum, unum qui interpellat pro nobis, imò etiam unum tantum mediatorum per modum supplicationis, non modò Scriptura

R r 3 non

non dicit, sed etiam ita dicentibus apertissime contradicit, Job 5. Voca si quis est, qui tibi respondeat, & ad aliquem Sanctorum convertere, ubi Angeli sunt intercessores hominum, teste Augustin. in annotationibus in Job, non igitur solus est intercessor Christus, Deuter. 5. Ego, inquit Moyses, sequer fui, & medius inter Deum, & vos, in illa die, 1. Reg. 7. dicunt filii Israel ad Samuelem: Ne cesses pro nobis clamare ad Dominum, Job ult. Ite ad servum meum, ille orabit pro vobis: suscipiam faciem ejus, Roman. 15. obsecro vos fratres, ut adjuveris me in orationibus pro me ad Deum. Idem repetit, 1. Corinth. 1. Coloss. 4. Ephes. 6. Hebr. 13. Quomodo igitur unus est tantum intercessor, cum & Job, & Moyses, & Samuel, & tot Romani, & tot Corinthii, tot Colossenses, tot Ephesii, tot Hebræi adhibeantur intercessores? At, inquiunt, de mortuis agimus, non de viventibus. Sed si idem mortui invocandi non sunt, nec esse possunt intercessores, ne Christo gloria singularis intercessionis detrahatur, eadem de causa nec viventes invocandi erunt, nec esse poterunt intercessores. Deinde si viventes in terris invocari possunt, cur non magis viventes in coelis? An fortassis idem, quia non valeant, aut non velint illi pro nobis orare, aut certe nesciat quid petamus? Sed nec eorum felicitas patitur, ut non valeant, nec charitas finit ut non velint, nec possunt ignorare preces ad se porrectas, cum non ignorent poenitentiam peccatorum. Gaudium enim est in celo super uno peccatore poenitentiam agente, Luc. 15. Jam verò Concilium Calcedonense, Concilium Ecclesiæ Catholicæ fuisse, & Concilium Orthodoxum, generale, plenissimum, adversarii non negant. Concilium autem istud Actor. 11. ita clamat, Flavianus post mortem vivit, Martyr pro nobis oret. Eusebius Cæsariensis Catholicæ Ecclesiæ communem doctrinam tradens, lib. 13. Præparat. Evangelicæ, cap. 7. Hæc nos, inquit, quotidie facitamus, qui veræ pietatis milites, ut Dei amicos honorantes, ad monimenta quoque illorum accedimus, vota que ipsis facimus, tamquam viris sanctis, quorum intercessione ad Deum, non parum juvari proficemur. S. Basilus ad Catholicam Ecclesiam verba faciebat, cum diceret, oratione in 40. Martyres: Qui aliqua premitur angustia, ad hos confugiat, qui rursus lætatur, hos oret, ille, ut à malis liberetur, iste, ut duret in rebus lætis. S. Ambrosius, in lib. de Viduis. Catholicas viduas instituebat, cum ita scriberet: Obsecrandi sunt Angeli, qui nobis ad præsidium dati sunt, Martyres obsecrandi, quorum videmur nobis quoddam corporis pignore patrociniū vindicare. Possunt pro peccatis rogare nostris, qui proprio sanguine, etiam si quæ habuerunt peccata, laverunt. Isti enim sunt Dei Martyres, nostri præfules, speculatores vitæ, actuumque nostrorum. Non erubescamus eos intercessores nostræ infirmitatis adhibere, quia ipsi infirmitatem corporis, etiam cum vincerent cognoverunt. S. Augustinus tract. 84. in Joan. tribus penè verbis tria adversariorum dogmata convellit, de Sacrificio altaris, de Oratione pro defunctis, de invocatione Sanctorum: Idem quippè, inquit, ad ipsam mensam, non sic eos (Martyres) commemoramus, quemadmodum alios, qui in pace requiescunt, ut etiam pro eis oremus, sed magis, ut ipsi pro nobis orent. Denique Theodosius Imperator, Orthodoxus & pius erat, ut etiam adversarii confitentur, & tamen de eo sic scribit Rufinus lib. 1. hist. cap. 33. Circumbat cum sacerdotibus & populo omnia orationum loca, ante Martyrum & Apostolorum thecas iacebat, cilicio prostratus, & auxilia sibi fida Sanctorum intercessione poscebat. Et de eodem Chrysostomus, homil. 66. ad populum Antio-

A chenum: Nam & ipse, qui purpuram indutus est, accedit, illa complexurus sepulchra, & fastu deposito, stat Sanctis supplicaturus, ut pro se apud Deum intercedant, & scenarum fabrum, & piscatores, ut protectores orat, qui diademate redimitus incedebat. Viderint ergo qui negant Sanctos esse orandos, an ab Ecclesia Catholica non dissentiant.

Quodd autem ab Ecclesia Romana, quatenus ex antiquis Scriptoribus nota est, pariter dissentiant, ex Leone, & Prudentio, ut ceteros omittamus, notissimum est. Leo siquidem, qui Episcopus Romanæ Ecclesiæ ante mille & centum annos fuit, & propter sanctitatis, & sapientiæ, atque etiam eloquentiæ excellentiam, Magnus dici meruit, Romanam Ecclesiam ita instituebat, serm. 5. de Epiphania: Confirmare amicitias cum sanctis Angelis, & Patriarchis, Prophetis, Apostolis, Martyribusque sociamini. Horum divinitas concupiscite, & per bonam emulationem ipsorum ambite suffragia. Et serm. 1. de natali SS. Petri & Pauli. Sicut, inquit, & nos experti sumus, & nostri probavere majores, credimus atque confidimus, inter omnes labores istius vitæ, ad obtinendam misericordiam Dei, semper nos specialium patronorum orationibus adjuvandos. Prudentius in hymno de S. Laurentio, de Romana Ecclesia loquens, ita cecinit:

Quod quisque supplex postulat,
Fert impetratum prosperè,
Et tristis haud ullus redit,
En præsto semper adies,
Tuosque alumnos urbicos,
Lactante complexus sinu,
Paterno amore nutrias.

Quale igitur & quam impudens mendacium est hujus Confessionis, quæ in eo ipso articulo affirmat, in nulla parte doctrinæ dissentire se à Scripturis, vel Ecclesia Catholica, vel Ecclesia Romana, in quo articulo Sanctorum invocationem oppugnat, quam & Scripturæ, & Ecclesia Catholica, & Ecclesia Romana apertissime docuerunt. Neque verò hoc unum est, in quo discrepat Confessio Augustana, à Confessione Catholicæ & Romanæ Ecclesiæ. Nam nec de ipsa Ecclesia, nec de peccato Originis, nec de Justificatione, nec de Sacrificio, nec de Sacramento Eucharistiæ, nec de aliis Sacramentis consensus est. Sed unum sufficebat, ad mendacium detegendum.

XI. MENDACIUM.

PAG. 22. in artic. 21. Confess. Apud nos, (inquiunt) magna ex parte veteres ritus diligenter observantur. Falsa enim calumnia est, quod omnes caeremonia, omnia vetera instituta, in Ecclesiis nostris aboleantur. Quale sit hoc mendacium nullo negotio intelliget, qui conferre voluerit cum præsentis statu Ecclesiarum Protestantium, ea quæ de ritibus Ecclesiæ scripta reliquerunt Tertullianus, Basilus, Epiphanius, Augustinus, alique veteres Scriptores. Certè Tertullianus in lib. de corona militis, inter Ecclesiasticas caeremonias numerat, ante Baptismum renuntiare diabolo, & pompis ejus, ter mergi in sacro fonte, oblationes anniversarias pro defunctis facere, ad omnem progressum frontem crucis signaculo terere. Basilus lib. de Spiritu sancto ad Amphilo- chium cap. 17. inter Ecclesiæ ritus ponit, orare ad Orientem, cruce signare, invocationis verba dum ostenditur Eucharistia, benedictionem aquæ baptismatis, benedictionem olei unctionis, benedictionem ejus qui baptizatur, trinam immersionem, &c. Epiphanius in compendiaris doctrina Ecclesiæ, primo loco ponit virginitatis professionem, deinde etiam

etiam viduitatis, tum solitudinem Anachoretarum, jejuna quartæ & sextæ feriæ, jejunium quadragesimæ, arctiorem abstinentioniam in sacra hebdomada passionis Dominicæ, memoriam defunctorum in precibus, nocturnas & matutinas Psalmorum, & Hymnorum celebrationes, varia Monachorum instituta, quorum alii à carnibus abstinebant, alii etiam ab ovis, alii etiam à piscibus &c. Denique August. nemine consecrationis aquæ per signum crucis, lib. 6. contra Julianum, cap. 8. Exorcismi & exsufflationis, lib. de gratia Christi, cap. 40. Unctionis, qua utimur in Baptismo, lib. 2. quæst. Evangelica cap. 40. Item Chrismatis, quo inunguntur post Baptismum, lib. 15. de Trinit. cap. 26. Signo crucis, quo benedicitur Chrisma, & quo signamur in fronte, dum Sacramentum Confirmationis accipimus. In Psal. 141. & tract. 118. in Joan. Aquæ miscendæ vino in sacro calice, lib. 4. doctrin. Christ. cap. 21. Jejunii 4. & 6. feriæ, Epist. 86. ad Casulanum. Jejunii quadragesimalis, in Psal. 110. Delectus ciborum in diebus jejuniorum, lib. 3. contra Faustum, cap. 5. Voti continentie etiam post conjugium, Epist. 45. ad Armentarium. Voti virginittatis, lib. de sancta virginitate, cap. 29. Voti paupertatis, lib. 17. de Civit. Dei cap. 4. Monachorum, & Anachoretarum, lib. de moribus Ecclesiæ, cap. 31. Voti Monachorum, in Psal. 75. & 99. Peregrinationum ad loca sancta, Epist. 137. ad clerum & populum suum. Porro hæc & similia, quæ in veteri Ecclesia in usu erant, & nunc etiam in Ecclesia Catholica locum suum retinent, à Lutheranis non modò non servantur, sed etiam irridentur, & tamen in Confessione dicere audent, veteres ritus à se diligenter servari, & falsam esse calumniam, quòd omnium veterum instituta, atque omnes sermè caeremonias abolerint.

XII. MENDACIUM.

PAG. 22. in præfat. de abusibus mutatis: *Cum Ecclesia, inquit, apud nos de nullo articulo fidei dissentiant ab Ecclesia Catholica, tantum paucos quosdam abusus omittant &c.* Hæc verba mendacii arguuntur ab ultima parte hujus Concordiæ, ubi ea de Christo docent, quæ cum Symbolo Apostolico, Nicæno, & Athanasii, aperte pugnant, ut supra jam ostendimus. Illud autem non est prætereundum, quòd cum dicunt, se ab Ecclesia Catholica non dissentire, nisi propter paucos, eosque novos abusus, si per Ecclesiam Catholicam intelligunt eam, quæ nunc paret Romano Pontifici, fatentur se extra Catholicam esse. Et sanè viderint ipsi, an propter paucos abusus ab Ecclesia Catholica separari licuerit. Si verò per Catholicam intelligunt antiquam aliquam Ecclesiam, mentiuntur, cum dicunt, hos abusus esse novos; fuerunt enim in antiqua Ecclesia, si illa est ea Catholica, à qua non dissentiunt, nisi ratione abusuum.

XIII. MENDACIUM.

PAG. 23. in articulo de conjugio sacerdotum: *In Germania, inquit, primum ante annos 400. sacerdotes vi coacti sunt ad calibatum.* Quod idem repetit Philippus in Apologia. At exstat Concilium Moguntinum, celebratum in Germania tempore Arnulphi Imperatoris, ante annos 600. cujus decimus canon statuit, ut nulla penitus mulier, ne soror quidem aut mater, cum Ecclesiasticis habitare permittatur. Exstat Concilium Wormatiense, in Germania ante annos 700. celebratum, cujus nonus canon ita habet; Placuit, ut Episcopi, Presbyteri,

A Diaconi, & Subdiaconi abstineant se ab uxoribus, & non generent filios; quòd si hoc decretum violaverint, ab honore clericatus pellantur. Exstat Concilium Aquisgranense, tempore Ludovici Pii celebratum, anno Domini 816. idest, annis 714. ante Confessionem Augustanam, in cujus Concilii Canone 6. indicitur Subdiaconis perpetua continentia, & quod de Subdiaconis dicitur, sine dubio de alioribus gradibus intelligitur. Exstat denique Epistola Zachariæ Romani Pontificis, ad Bonifacium Episcopum & Apostolum Germanorum, scripta ante annos 800. ubi sic legimus: A die suscepti sacerdotii, etiam ab ipso proprio conjugio prohibendi sunt. Cujus legis meminerunt etiam Magdeburgenses, Centur. 8. cap. 10. col. 704. Mendacium igitur Confessionis tot testibus refutatur, quot Episcopi in tribus supra citatis Conciliis confederunt, addito etiam Romani Pontificis testimonio.

XIV. MENDACIUM.

PAG. 24. in eodem articulo de conjugio sacerdotum: *Et res, inquit, gesta est tam inconvulter, ut non solum in posterum conjugia prohiberentur, sed etiam præsentia, contra omnia jura divina & humana, contra ipsos etiam canones, factos non solum à Pontificibus, sed à laudatissimis Synodis, distraherentur.* Et hoc numerari potest inter illustria mendacia Confessionis. Dux sunt enim quæstiones de conjugio sacerdotum. Una, an liceat post sacros ordines susceptos uxorem ducere. Altera, an liceat ei, qui duxit uxorem ante sacram ordinationem, simul & sacerdotio & conjugio operam dare. Ac de prima quidem quæstione Lutherani omnes, & verbis & factis respondent, licere. Sed hoc, ex sententia veterum canonum, quæ vel Concilia, vel Pontifices ediderunt, velle defendere, nimis aperta impudentia est. Nam etiam Græca Ecclesia, quæ tamen in hac parte semper liberalior fuit, & damnat, & omni tempore damnavit conjugia post ordinationem. Exstat Concilium Neocæsariense, ante annos 1200. celebratum. In cujus I. Canone sic legimus: Presbyter si uxorem duxerit, ordine suo moveatur. Et Synodus Tralliana, Canone 6. prohibet, ne Episcopi, Presbyteri, Diaconi, Subdiaconi, post ordines susceptos uxorem ducere præsumant. Quam eandem prohibitionem legimus in Synodo Romana sub Sylvestro, Can. 8. In Concilio II. Toletano cap. 1. in Canonibus Apostolorum, Can. 27. in Decreto Calixti I. apud Gratianum dist. 27. Can. Presbyteris. In Epist. 82. Leonis I. ad Anastasium, Thessalonice Episcopum cap. 4. Et in epistolis Gregorii I. lib. 1. epist. 42. Nec ulla fuit unquam de hac re in Ecclesia Catholica dissensio. Adde, quòd hoc ipsum affirmat Paphnutius & Udalricus, quos adversarii pro sua causa opportunè & importunè adducere solent. Scribunt enim Socrates lib. 1. cap. 8. & Sozomenus lib. 2. cap. 22. Paphnutium in Concilio Nicæno, dum sententiam suam de conjugio clericorum explicaret, inter alia dixisse, oportere juxta veteres canones, Ecclesiasticis prohibere, ut post sacram ordinationem uxores ducant. Udalricus quoque in Epist. ad Nicolaum, quam referunt Magdeburgenses, & sæpius inculcant, Cent. 6. cap. 7. col. 388. Et cap. 10. col. 686. Et Cent. 9. cap. 10. col. 540. aperte docet, non licere Presbyteris, & Monachis uxores ducere, & si duxerint, debere separari. Et quamquam nec historiam Paphnutii, nec epist. Udalrici omnino nos probamus: tamen ostendere volui, in quæstione de novis nuptiis sacerdotum, non solum à nostris, sed etiam à suis patronis adversarios refutari.

Jam verò de altera quæstione. An videlicet liceat sacerdotibus liberis operam dare; Philippus affirmat, & quidem ita, ut subtrahere sacerdotibus conjugium, esse contendat contra veteres Canones, quos tam Pontifices, quàm laudatissimæ Synodi condiderunt. Mirum autem est, cur nec in Confessione, nec in Apologia, ullum talem protulerit canonem. Nos enim econtrariò, omnes Ecclesiarum canones proferre possumus, quæ omnem usum uxorum sacris hominibus interdiciunt. Ex quibus Philippi mendacium evidentissimè confutatur.

Ac primò ex Orientali Ecclesia, proferimus Nicænum Concilium I. in cuius Concilii III. canone prohibetur Episcopis, Presbyteris, Diaconis, ne ullam domi mulierem habeant, præter matrem, aut sororem, aut amitam. Ubi nulla uxoris sit mentio, quæ tamen primo loco nominari debuit, si ejus cohabitatio sacerdotibus licita esset. Ac eam mentem Nicæni Concilii fuisse, tribus testibus fide dignissimis comprobabimus.

Basilus enim in Epistola ad Georgium, ex hujus canonis sententia, prædictum Georgium ab uxore separari præcipit. Epiphanius in hæresi 59. quæ est Catharorum, ita scribit: Sed & adhuc viventem, & liberos gignentem, unius uxoris virum, non suscipit; sed eum qui se ab una continuit, aut in viduitate vixit, Diaconum, & Presbyterum, & Episcopum, & Hypodiaconum, maxime ubi sinceri sunt Canones Ecclesiastici. At dices mihi, in quibusdam locis adhuc liberos gignere Presbyteros & Diaconos, & Hypodiaconos. At hoc non est juxta Canones, sed juxta hominum mentem, quæ per tempus elanguit. Hieronymus in lib. contra Vigilantium; Quid facient, inquit, Orientis Ecclesiæ? quid Ægypti, & sedis Apostolicæ, quæ aut virgines clericos accipiunt, aut si uxores habuerint, mariti esse desistunt?

Ex Ecclesia Africana testem habemus Concilium II. Carthaginense, Can. 2. ubi sic legimus: Omnibus placet, ut Episcopi, Presbyteri, Diaconi, vel qui Sacramenta contrectant, pudicitie custodes, etiam se ab uxoribus abstineant, ut quod Apostoli docuerunt, & ipsa servavit antiquitas, nos quoque custodiamus. Idem habet Concil. Carthaginense V. Can. 3. & Concil. Africanum, Canon. 77. His subscribit Augustinus, qui in lib. 2. de adulterinis conjugis cap. 20. Solemus, inquit, eis proponere continentiam clericorum, qui plerumque ad eam sarcinam subeundam capiuntur inviti, eamque susceptam usque ad debitum finem, Domino adjuvante, perducunt.

Ex Ecclesia Hispanica testem habemus Concilium, Elibertinum, antiquissimum, Can. 33. Toletan. II. Can. 1. Toletan. IV. Can. 26. Toletan. VIII. Can. 6. quæ etiam Subdiaconis usum uxorum prohibent.

Ex Ecclesia Gallicana testem habemus Concilium Arelatense II. ante annos 1200. celebratum, in cuius II. canone caveatur, Ne ullus conjugatus ad sacerdotium assumatur, nisi continentiam ab uxore promiserit. Item Aurelianense III. Canone 2. Ut nullus, inquit, clericorum à Subdiacono & supra, propriæ, si fortè jam habeat, miscetur uxori. Quod idem præcipiunt Agathense Concilium, Canone 92. Turonense I. Can. 1. & 2. Ex Turonense II. Canone 20.

Ex Ecclesia Germanica, jam supra citavimus tria antiqua Concilia, Aquisgranense, Wormatiense, Moguntinum.

Ex Ecclesia Anglicana testem habemus Bedam, qui lib. 3. de tabernaculo cap. 9. Nemo, inquit, potest vel sacerdotium suscipere, vel ad altaris ministerium consecrari, nisi aut virgo permanserit,

A aut contracta cum uxore matrimonii foedera solverit.

Ex Ecclesia denique Italica, testem habemus D. Ambrosium, qui lib. 1. de officiis cap. ult. Inoffensum, inquit, exhibendum, & immaculatum ministerium, nec ullo conjugali coitu violandum cognoscitis. Item Siricium Papam in epist. ad Hincricum cap. 7. Innocentium I. in epist. ad Victorium cap. 9. & ad Exuperium cap. 1. Leonem I. in epist. 90. ad Rust. cap. 3. Et Gregorium I. lib. 3. epist. 34. Sed verba Leonis audiamus in Epistola ad Anastasium Thessalonicensem Episcopum: Omnium, inquit, sacerdotum tam excellens est electio, ut hæc, quæ in aliis Ecclesiæ membris vacante à culpa, in illis tamen habeantur illicita. Cum enim extra clericorum ordinem constituti, nuptiarum societati, & procreationi filiorum studere sit liberum, ad exhibendam tamen perfectæ continentie puritatem, nec Subdiaconis quidem carnale connubium conceditur, ut & qui habent sint tamquam non habentes, & qui non habent permancant singulares, & innupti.

His accedunt exempla totius antiquitatis. Quotquot enim ab Apostolicis temporibus Episcopi, & Presbyteri celebres & laudati fuerunt, omnes omnino aut uxorem numquam duxerunt, ut Athanasius, Basilus, uterque Gregorius, Chrysostomus, Ambrosius, Hieronymus, Augustinus, Leo, & alii innumerabiles; aut uxores quidem habuerunt, sed illis post susceptum sacerdotium operam non dederunt, ut Gregorius pater Gregorii Theologi, Hilarius, Paulinus, & alii non pauci. Certè unum aliquem laudatum Episcopum, Presbyterum, Diaconum, Subdiaconum aut Monachum, qui duxerit uxorem, aut ex uxore antea ducta, filios procreaverit, adhuc adversarii invenire in tota antiquitate minimè potuerunt. Videat igitur Confess. contra quos canones, Pontif. agant, cum sacerdotes non patiuntur nuptiis & procreationi operam dare.

XV. MENDACIUM.

D PAG. 25. in eodem articulo. Hinc, inquiunt, capitalibus poenis excruciantur sacerdotes, contra canonum voluntatem, nullam aliam ob causam, nisi propter conjugium. Si hoc non est mendacium, proferant adversarii, vel unum canonem ubi prohibitum sit, ne sacerdotes excrucientur, si uxorem ducere tentaverint. Nos enim jam canones multos produximus, in quibus indicitur continentia sacerdotibus, & sanè contra canones esse non potest, si poena statuatur in canonum violatores: At, inquit Philippus in Apologia, Canones tantum suspendunt ab officio, vos autem suspenditis ab arboribus. Ergo fateretur in primis Philippus, Lutherum, præceptorem suum, & omnes alios novi Evangelii ministros, qui uxoribus carere noluerunt, ex canonum sententia, suspensos ab officio fuisse, & cum nihilominus officio fungi voluerint, contumaces, & rebelles, contra leges omnium Ecclesiarum extitisse, propter quod crimen, jure sanè ab arboribus suspendi potuissent. Deinde, neque est verum, antiquos canones solum ab officio suspendisse. Exstat enim Canon 1. II. Concilii Toletani, ubi statuitur, ut qui post sacros ordines uxorem ducunt, aut ad eam redeunt, à cuius contubernio jam recesserant, ut sacrilegi rei ab Ecclesia habeantur extranei. Et in Concilio Toletano VIII. Can. 6. qui post sacros ordines uxoribus copulantur, jubentur sub poenitentiarum oneribus usque ad extremum vitæ ad Monasteria relegari. In Concilio verò Turonensi II. ante 1000. annos celebrato Can. 16. habentur hæc verba de

de Monachis, (qualis Lutherus, Bucerus, Martyr, Ochinus, & alii fuerunt ex Evangelicis) Si qui in monasterio conversi sunt, nullatenus habeant licentiam evagandi, nec, quod absit, ullus eorum conjugem ducere. Nam si uxorem duxerit, excommunicetur, & de uxoris malè sociatæ consortio, etiam iudicis auxilio, separetur: qui infelix Monachus, tali conjunctione foedatus, si per cuiuscunque patrocinium se conatus fuerit defendere, & is qui in hac pertinacitate perdurat, & illi qui eum susceperint defendendum, ab Ecclesia segregentur donec revertatur ad septa Monasterii, & indictam ab Abbate, quamdiu præceptum ei fuerit, agat poenitentiam, & post satisfactionem revertatur ad gratiam. Scribit Gregorius Turonicus lib. 4. historiz Francorum c. 4. Insignem quendam Comitem, qui dimisso, ex consensu mutuo, uxoris thoro, sacris ordinibus initiatus fuerat, ac deinde à diabolo instigatus, ad eandem redire præsumperat, mox fuisse una omnium Episcoporum sententia excommunicatum. Et multa similia vel exempla, vel decreta, proferri possent, si necessitas postularet.

Accedit postremo, quod numquam Ecclesia sacerdotes punivit, propter conjugia, (ut mentitur Philippus) sed propter sacrilegia. Sicut enim (ut August. dicit, in lib. de bono viduitatis cap. 9.) Non damnantur viduæ, quæ nubunt post votum, quia conjugalem fidem posterius inierunt, sed quia continentia primam fidem irritam fecerunt. Sic etiam non punit Ecclesia sacerdotes, quia conjugium inire volunt, sed quia conjugium post solemne votum contrahendo, non verum conjugium contrahunt, sed sacrilegium committunt. Etsi August. in eodem libro cap. 11. lapsus viduarum, quæ post simplex votum continentia nubunt, adulteris peiores esse dicit, quid de lapsu sacerdotum diceret, qui post solemne votum, uxorum nomine concubinas ducendo, conjugium simul & sacerdotium violant? Quod si contendant, ut faciunt, vota continentia non esse servanda, jam non sacrilegi solum, sed etiam hæretici sunt, & merito ab arboribus suspendi possunt, cum Apostolo contradicant, dicenti 1. Tim. 5. Adolescentiores viduas devita, cum enim luxuriatæ fuerint, in Christo nubere volunt, habentes damnationem, quia primam fidem irritam fecerunt: quem locum de voti continentia violatione esse intelligendum, docent duo antiqua Concilia, Carthaginense IV. Canone 104. Et Toletan. IV. Canon. 55. Duo antiqui Pontifices, Innocentius I. in Epist. 2. cap. 23. Et Gelasius I. in Epist. 1. cap. 23. Omnes interpretes huius loci, Chrysostomus, Theodoretus, Theophylactus, Oecumenius, Ambrosius, Sedulus, Primasius, Beda, Haymo, & cæteri denique Patres, Tertullianus de Monogamia, Basilius de virginitate, Epiphanius hæres. 48. Hieron. lib. 1. in Jovinianum, Augustinus de bono viduitatis cap. 8. & 9.

XVI. MENDACIUM.

PAG. 25. in eodem articulo: Cyprianus, inquiunt, suadet ut mulieres nubant, quæ non servant promissam castitatem. Verba ejus hæc sunt lib. 1. Epist. 11. Si autem perseverare nolunt, aut non possunt, melius est ut nubant, quam ut in ignem delictis suis cadant. Mendacium hoc esse, & Cyprianum non de iis loqui, quæ continentiam voverunt, sed de iis, quæ adhuc deliberant, quid sint facturæ, & interim extra matrimonium impudicè vivunt, multis modis idem Cyprianus docet. Primò, quia non ait, si perseverare nolunt, aut non possunt, quæ promiserunt Christo continentiam; Sed simpliciter, si perseverare nolunt, aut non possunt, melius est ut nubant, quam ut in

A ignem delictis suis cadant: idest, si perseverare nolunt, melius est, ut non voveant, quam ut voveant, & votum non impleant. II. Quia in sequentibus verbis idem Cyprianus conjugia detestatur earum, quæ se Christo dicaverant: Christus, inquit, Dominus, & iudex noster, cum virginem suam sibi dicatam iacere cum altero cernit, quam indignatur, & irascitur, & quas poenas incestis ejusmodi conjunctionibus comminatur? III. Quia cum Cyprianus sub conjunctione loquatur, & dicat, si perseverare nolunt, aut non possunt; Si de iis loqueretur, quæ continentiam promiserunt, videretur velle dicere, licitum esse iis, pro arbitrio vota violare, si tantum nolunt perseverare, etiamsi possint: quod certè nemo sanus admittet. Accedit, quod non est ullo modo credibile, aliud sensisse Cyprianum de isto loco Apostoli; Melius est nubere, quam uri, quam quod postea sensit August. qui tractans eundem locum lib. 1. de adulterinis conjugis cap. 15. Illis, inquit, quæ se non continent, expedit nubere, & quod licet, expedit; Quæ autem voverunt continentiam, nec licet, nec expedit. Multò verò minus credibile est, aliud Cyprianum Carthag. Episc. de voto continentia docuisse, quam ante eum Tertull. docuerit, & post eum omnes Patres, ac præcipuè 214. Episcopi Afric. qui in IV. Carthag. Concilio, convenerunt, quorum testimonia paulò ante citavimus.

XVII. MENDACIUM.

PAG. 25. in articulo de Missa: Falsò, inquiunt, accusantur Ecclesia nostra, quod Missam aboleant: retinetur enim Missa apud nos, & summa reverentia celebratur. Concordent, si possunt, huius Concordia auctores hæc sua verba, cum illis aliis verbis suis, quæ habentur pag. 279. inter articulos Smalcaldicos. Curetur, ut publicè hominibus ostendatur, Missam ut rem commentitiam, seu humanum figmentum, posse sine peccato omitti. Et pag. 280. abroganda meritò missa est, Et pag. 281. Cæterum Draconis cauda ista (Missa intelligo) peperit multiplices abominationes, & idololatrias. Si igitur Missa res est vobis commentitia, & hominum figmentum, & cauda draconis, & meritò abroganda, cur eam non abrogatis? Aut si eam jam dudum abrogastis, nec ullus ei apud vos locus conceditur, cur tam splendide mentimini? Dicent fortasse, Pontificiam Missam, idest, oblationem corporis Domini pro vivis & mortuis, à se abrogatam, Lutheranam autem, idest, Eucharistia distributionem, retineri, & summa reverentia celebrari. At non accusantur Ecclesie vestrae quod Eucharistia distributionem aboleant; sed quod sacrificium è medio tollant, quod omnibus sæculis in Ecclesia fuit. Itaque si per Missam intelligitis Cænam Dominicam, mendacium est quod accusemini: Si verò sacrificium, mendacium est quod falsò accusemini.

XVIII. MENDACIUM.

PAG. 27. in eodem articulo. Accessit, inquiunt, opinio, quod Christus satisfecerit sua passione pro peccato originis; & instituerit Missam, in qua feret oblatio pro quotidianis delictis mortalibus & venialibus. Hinc innuunt, quod Missa sit opus tollens peccata vivorum & mortuorum ex opere operato. Multa sunt in his paucis verbis, vel absurda, vel mendacia, vel pugnantia cum superioribus partibus huius libri. Primum enim, quis ante hoc tempus audivit, Peccata mortalia vocari delicta quotidiana. Sanè D. Augustinus in Enchirid. cap. 71. distinguit peccata quotidiana, à sceleribus, & illa levia, brevia, & minima vocat. Deinde impudenti mendacio tribuitur Catholicis doctoribus

ribus illa divisio quod Christus passione sua satisfecerit solum pro peccato originis; Pro actualibus autem instituerit Missam. Nemo enim Catholicorum unquam sic docuit, sed credimus, & profitemur, Christum in cruce pro omnibus omnino peccatis satisfecisse, tam originalibus, quàm actualibus; quia tamen meritum passionis ejus non prodest, nisi certa aliqua ratione applicetur, (si enim nulla requiritur applicatio, cur non omnes homines salvantur, cum sanguis Christi fuerit propitiatio pro peccatis totius mundi, 1. Joan. 2. neque verò sola fide applicari potest, alioqui mentiretur, qui dixit: Nisi quis renatus fuerit ex aqua & Spiritu Sancto, non potest intrare in regnum Dei. Joan. 3.) Propterea docet Ecclesia Catholica, ad peccata expianda, sive ad meritum passionis Christi, hominibus applicandum, instituta esse varia Sacramenta, & ipsum etiam corporis Domini sacrificium, quæ omnia ex opere operato utilia sint, & ad peccatorum purgationem conducant, licet non æqualiter, nec eodem modo. Quod verò hic negat Philippus Missam valere ex opere operato, & apertius Lutherus in articulis Smalcaldicis, qui huic ipsi operi inserti sunt, repugnat articulo Confessionis 8. & hæresin Donatistarum renovat. Nam cum in hoc artic. de Missa, Missam à se retineri, & summa reverentia celebrari dicunt, certè Missam utilem esse credunt. Non autem volunt utilem esse ex opere operato; ergo ex opere operantis vim illius pendere existimant. At hæc hæresis est Donatistarum, quam nominatim artic. 8. damnavit August. Confessio. Ubi etiam asseruit: *Verbum, & Sacramenta, utilia & efficacia esse ex institutione Dei, sive per bonos, sive per malos ministros exhibeantur.* Et hoc ipsum est, quod Theologi nostri per opus operatum intelligunt, & ab opere operantis distinguunt. Sed video unde Philippus occasionem arripuerit taentendi, & calumniandi, quia videlicet S. Thomas in opusculo, de Sacramento altaris cap. 1. docet: Corpus Domini semel oblatum in cruce pro debito originali, jugiter offerri in altari pro debitis quotidianis. At S. Thomas non dicit, in cruce pro solo debito originali oblatum Christi Corpus, immò etiam pro actualibus oblatum docet 3. par. quæst. 1. art. 4. & quæst. 49. art. 1. ad 4. Id ergo in eo opusculo sibi voluit S. Thomas, quia peccatum originale semel dimissum numquam repetitur, ideò ad illud expiandum non esse necessaria quotidiana sacrificia, sed sufficere sacrificium crucis semel peractum, & semel per Baptismum applicatum; At pro peccatis actualibus, quæ sæpius committuntur, instituta esse, præter Baptismum, quotidiana remedia, in quibus sacrificium altaris meritò numeratur. Non quòd statim peccatores justificet, (ut adversarii nos dicere mentiuntur,) sed quòd juvet ad placandum Deum, & ab eo impetrandum, ut super peccatores clementer respiciat, eisque desiderium conversionis inspiret, atque ad justificationem querendam, & obtinendam, disponat.

XIX. MENDACIUM.

PAG. 28. in eodem articulo. *Veteres*, inquiunt, ante Gregorium, non faciunt mentionem privata Missæ. Quod idem repetitur in Apologia pag. 225. Si per Missam privatam intelligatur Missa, quæ privato nomine fiat, sive ab uno tantum fiat, & uni soli profit, Mendacium est, quòd post Gregorium, ejusmodi Missæ in Ecclesia esse coeperint. Nulla est enim, nec unquam fuit in Ecclesia Missa privata; sed omnis Missa publica est, cum omnis Missa fiat à sacerdote, ut publicus minister est, & pro communi & publica utilitate totius Ecclesiæ. Si verò per Mis-

A sam privatam intelligant eam, quæ non sit in loco publico, vel ad quam non convenit populi multitudo, vel in qua non distribuitur populo Sacramentum; falsum est apud veteres non existare memoriam ejusmodi Missarum, ante tempora Gregorii. Certè Augustinus Gregorium, ducentis ferè annis antecessit, & tamen lib. 22. de Civ. Dei cap. 8. scribit hæc verba: Vir tribunicius Hesperius, qui apud nos est, habet in territorio Fussalensi fundum Cupedi appellatum, ubi cum afflictione animalium, & servorum suorum, domum suam spirituum malignorum vim noxiam perpeti comperisset, rogavit nostros, me absente, Presbyteros, ut aliquis eorum illo pergeret, cujus orationibus cederent. Perrexerit unus, obtulit ibi sacrificium corporis Christi, orans quantum potuit, ut cessaret illa vexatio, Deoque protinus miserante cessavit. Habes hic Missam in loco privato, ab uno celebratam, sine distributione Eucharistiæ populo facta, & tamen utilem, & Deo gratam, ut miraculum subsequens declaravit.

XX. MENDACIUM.

PAG. 29. in articulo de Confessione. *Antea*, inquiunt, immodicè extollebantur satisfactiones, fidei verò & meriti Christi, ac justitia fidei, nulla fides mentio. Hoc mendacium refellunt omnes libri Catholicorum, in quibus & fides passim prædicatur, & virtus Sacramentorum, & ipsarum etiam satisfactionum, ad meritum Christi refertur. Nunc unus locus S. Thomæ sufficiet 3. par. quæst. 62. art. 5. Christus inquit S. Thomas, liberavit nos à peccatis nostris, præcipuè per suam passionem, non solum efficienter, & meritoriè, sed etiam satisfactoriè. Similiter etiam per suam passionem initiavit ritum Christianæ religionis, offerens seipsum oblationem, & hostiam Deo, ut dicitur ad Ephes. 5. Unde manifestum est, quòd Sacramenta Ecclesiæ specialiter habent virtutem ex passione Christi &c. Et infra: Per fidem Christus habuit in nobis, ut dicitur ad Ephes. 3. & ideò virtus Christi copulatur nobis per fidem &c. Mentitur ergo qui dicit, ante hæc tempora nullam factam esse in Ecclesia fidei & meriti Christi mentionem.

XXI. MENDACIUM.

PAG. 34. in articulo de votis monasticis. *Augustini*, inquiunt, tempore Monasteria erant libera collegia; postea corrupta disciplina, ubique addita sunt vota, ut tamquam excogitato carcere, disciplina restitueretur. Mendacium est hoc sanè dignissimum. Cui non solum octo millia Lutheranorum subscriberent; sed etiam tot illustres civitates, totque illustrissimi Principes, suffragium suum adjungerent. Quid enim? An non vixit Augustinus tempore Augustini? Is igitur scribens in Psalm. 75. ita loquutus est: Nemo positus in Monasterio frater dicat, recedo de Monasterio, neque enim soli, qui sunt in Monasterio, perventuri sunt ad regnum cælorum; & illi qui ibi non sunt, ad Deum non pertinent. Respondetur ei, sed illi non voverunt, tu vovisti. Et in Psalm. 99. de Monachis apostatis loquens: Dum non perseveraverit, inquit, implere quod vovit, sit desertor tam sancti propositi, & reus voti non reddit. Sed fortè non sufficit unus: Nam in ore duorum vel trium restitutum stabit omne verbum. S. Joan. Chrysost. qui ætate Augustini ita vixit, ut etiam ante Augustinum mortuus sit, in epist. 6. quæ est ad Theodorum, qui deserto Monasterio uxorem ducere voluerat (ut hoc tempore passim faciunt, qui ab Ecclesia ad Lutheranos deficiunt) Honorabiles, inquit, nuptiæ, sed

te jam

te jam servare non convenit privilegia nuptiarum ; quamvis frequenter hoc ipsum nuptias voces, ego tamen adulterio illud pejus existimo &c. At cur obsecro, nuptiæ Monachorum, adulteriis sunt peiores, si nullis votis tenentur? S. Hieronymus, & ipse Augustino senior, in epist. ad Sabinum. Moris est, inquit, in Ægypti & Syriæ Monasteriis, ut tam virgo, quàm vidua, quæ se Deo voverint, & sæculo renunciantes, omnes delicias sæculi conculcarint, erinem Monasteriorum matribus offerant defecandum. S. Epiphanius scribens contra hæresim sexagesimam primam. Tradiderunt, inquit, sancti Apostoli, peccatum esse, post decretam virginitatem, ad nuptias converti. S. Basilus, qui nominatis Patribus aliquanto vetustior fuit, in proœmio Monasticarum constitutionum. Itaque, inquit, qui à mundi vinculis liber esse cupit, nuptias veluti pedicas quasdam fugit, his autem relictis, vitam suam Deo consecrat, & castitatem proficitur, ut neque facultas ipsi sit conversionis ad nuptias. Et infra cap. 22. Constitut. meminit voti Obedientiæ, & cap. ult. voti Paupertatis. Idem in lib. de virginitate, parum à medio: Cum, inquit, Domino virginitatem professæ sint, carnali postmodum voluptate malè blanda delinæ, ac devictæ, stupri scelus honesto conjugii nomine obtegere cupiunt. Hæc dicta putentur Catharinæ conjugii Lutheri, ipsi autem Luthero convenit, quod paulò ante habet: Horrendo, inquit Basilus, sacrilegio Christi sponsæ adulter efficitur. Denique idem Basilus in epist. ult. quæ est ad virginem lapsam. Et quia, inquit, impius in profundum collapsus, mala de cætero contemnit, etiam ipsa abnegas ad verum sponsum pacta, neque esse virgo, neque unquam promississe clamans. Revoca in memoriam honestam professionem, quam professæ es coram Deo, & Angelis, & hominibus &c.

XXII. MENDACIUM.

I Bidem sic ajunt. *Docebant vota paria esse baptismi; docebant se hoc vita genere mereri remissionem peccatorum & justificationem coram Deo.* Et infra: *Ita persuadebant vitam monasticam esse meliorem baptismi.* Et addit Philippus in Apologia pag. 350. *docebant, applicata aliis, alios salvare.* At quis Catholicorum unquam ita docuit? Dicimus quidem opera religionis, idest, castè vivere, nihil proprii possidere, obedire majoribus, opera esse bona, & meritoria vitæ æternæ, si à justis fiant, & conducere, ad satisfaciendum pro peccatis, sicut cætera omnia opera bona: At mereri justificationem illam, quæ ex impiis efficiuntur justis, nullus Catholicorum docet. Scimus enim non ex operibus justitiæ, quæ fecimus nos, sed propter magnam Dei misericordiam, justos fieri, quotquot verè justificantur. Addimus verò, posse Monachos facere alios homines operum suorum bonorum participes, ut possunt omnes alii fideles, cum sit communicatio inter membra ejusdem corporis. At quòd possit Monachus suis operibus alios salvos facere, merendo eis gratiam & gloriam, mera calumnia est, nemo nostrum dicit. Denique non negamus, inter Baptismum & Monachatum esse quandam similitudinem; quòd sicut in Baptismo remittitur omnis poena peccatis debita; ita quoque in susceptione vitæ monasticæ fieri credibile est. At non continuò anteponimus, vel æquamus Monachatum Baptismo, Baptismus enim, & culpam, & poenam remittit, & hominem de impio facit pium, & de filio diaboli filium Dei, Professio verò monastica, solam poenam remittit, quæ post remissionem culpam aliquando remanet. Neque hæc est solius S. Tomæ doctrina (ut Philippus existimat) sed etiam veterum

A SS. Patrum. Scribit S. Athanasius, in vita B. Antonii, Angelicam vocem aliquando auditam, quæ testaretur, D. Antonio omnia peccata dimissa, cum per vitam monasticam sæculo renunciavit. Sanctus quoque Hieron. in epist. 25. de obitu Blestillæ: Cum, inquit, propitio Christo ante quatuor ferme menses, secundò quodam modo se propositi Baptismo laverit, & ita deinceps vixerit, ut calcato mundo semper Monasterium cogitaverit &c. S. Bernardus lib. de præcepto & dispensatione, non procul à fine: Audire, inquit, & hoc vultis à me, unde, præter cætera poenitentiae instituta, monasterialis disciplina meruerit hanc prærogativam, ut secundum Baptisma nuncupetur? Arbitror, ob perfectam mundi renunciationem, ac singularem excellentiam vitæ spiritualis, qua præeminens universis vitæ humanæ generibus hujuscemodi conversatio, Professores & amatores suos Angelis similes, dissimiles hominibus facit, immò divinam in homine reformat imaginem, configurans nos Christo instar baptismi; & quasi denique secundò baptizamus, dum per id, quòd mortificamus membra nostra, quæ sunt super terram, Christum induimus, complantari denuò similitudini mortis ejus. Hæc S. Bernardus, cujus testimonium Philippus rejicere non deberet, cum in Apologia eum, tum inter sanctos viros numeret, tum ejus testimonia tamquam gravissima, pro se adducat. Illud tamen non est prætereundum, nec S. Bernardum, nec S. Thomam, nec ullum Catholicorum vitam monasticam baptismi anteposuisse, quòd tamen Philippus Catholicis attribuit.

XXIII. MENDACIUM.

PAG. 34. *Quid fiebat, inquiunt, in Monasteriis? olim erant Schola sacrarum literarum, & aliarum disciplinarum.* At non ita describunt nobis Monasteriorum exercitationes. Hieron. in epist. ad Eustochium, de servanda virginitate, & in altera ad Rusticum de institutione Monachi; Augustinus in libro de moribus Ecclesiæ Catholicæ; Joan. Cassianus in lib. de institutis cœnobiorum; Benedictus in Regula; & ante hos omnes Basilus, in monasticis constitutionibus; Hi siquidem, meminerunt obedientiæ, continentiae, paupertatis, jejuniorum, vigiliarum, silentii, psalmodiæ, solitudinis, ciliciorum, & similium rerum: At humanarum disciplinarum, Physicæ, Dialecticæ, Oratoricæ, ac Poeticæ artis, ne verbo quidem meminerunt. Viderit ergo Philippus, ubi scholastica & politica Monasteria somniant.

XXIV. MENDACIUM.

PAG. 45. in articulo de potestate Ecclesiastica. *Facile, inquiunt, possent Episcopi legitimam obedientiam retinere, si non urgerent servari traditiones, quæ bona conscientia servari non possunt. Nunc imperant coelibatum, nullos recipiunt nisi jurent se puram Evangelii doctrinam nolle docere.* Ostendant si possunt, quis unquam Episcopus exegerit juramentum de non docenda pura Evangelii doctrina. Nisi fortè nomine puræ doctrinæ, hæreses intelligi velint. Praxis enim Ecclesiæ habet, ut exigatur à Pastoribus juramentum, de non docendis hæresibus, & de Scriptura non explicanda nisi juxta consensum sanctorum Patrum, & hoc, ut erroribus, & impuritati doctrinæ aditus præcludatur. Neque verum est, coelibatum imperari, sed tantum exigi ut conditionem ad sacerdotium necessariam. Quemadmodum enim liberum est unicuique sacros ordines non suscipere, ita quoque liberum est coelibatum non servare.

XXV. MENDACIUM.

PAG. 51. in præfatione. *Et nunc scripsi, quàm moderatissimè potui. Ac si quid videtur dictum asperius, hoc mihi præfandum est, me cum Theologis, ac Monachis, qui scripserunt confutationem, litigare, non cum Cesare, aut Principibus, quos, ut debeo, veneror &c.* Si vera sunt hæc verba, contra Theologos, & Monachos, aliosque Catholicos, qui confutationem non scripserunt, nihil scripsit in Apologia hæc Philippus, quod contumeliam sonare possit: contra ipsos etiam, qui confutationem scripserunt, utli aliquid asperius dictum sit, servata tamen est moderatio, quæ tantum Theologum decebat. At in ista ipsa pag. 51. in verbis, quæ immediatè præcedunt hanc protestationem moderationis, asperrimè flagellantur Theologi Catholici. *Sed adversarii, inquit, sic agunt causam, ut ostendant se neque veritatem, neque concordiam quarere, sed ut sanguinem nostrum exsorbeant, Et infra, eadem pagina: Sophista nominantur omnes Theologi.* Et infra pag. 103. moderatissimè loquitur Philippus, cum ait: *Turpe est autem adversarii, tantoperè predicare dilectionem, cum nusquam præstent eam. Quid nunc agunt? Dissipant Ecclesias, scribunt leges sanguine, & has proponunt Cesari, clementissimo principi promulgandas, trucidant sacerdotes, & alios bonos viros, si quis leviter significarit, se aliquem manifestum abusum non omnino probare.* Et pagin. 164. Insignis moderatio cernitur in istis verbis Philippi: *Deus perdat illos impiorum Sophistas, qui tam sceleratè detorquent verbum Dei, ad sua somnia vanissima.* Et paulò post: *Quis docuit hos asinos Dialecticam.* Et pag. 200. *Nec vident isti Asini apud Hieronymum contra Vigilantium &c.* Et pag. 208. *Manifestos abusus nova & iniurata crudelitate defendunt. Nullos patiuntur in Ecclesia idoneos doctores.* Et pag. 212. *Nunc hoc expendat prudens lector, quid frontis habeant isti nihili homines.* Et infra, de gravissimis Theologis ait: *Quasi verò Ecclesiam valde ornet ista publica infamia flagitiosarum, ac prodigiosarum libidinum, quæ flagrant apud illos sanctos Patres, qui Curios simulant, & Bacchanalia vivunt, ac pleraque ne verecundè quidem nominari queunt, quæ isti summa licentia faciunt.* Et pag. 220. *Illi Sardanapali consilio abutuntur prætextu religionis.* Et pag. 222. *Videtur, inquit, extremam impudentiam istorum nebulonum &c.* Sanè prædicanda moderatio est, senes gravissimos, doctissimosque Theologos, nunc asinos, nunc nebulones, nunc Sardanapalos, nunc homines nihili appellari, & sic appellari ab eo, qui vix Grammaticam bene teneat.

XXVI. MENDACIUM.

PAG. 59. in Apologia art. 2. *Ad eundem modum, (inquit Philippus,) loquitur & Augustinus qui ait: Peccatum in baptismo remittitur, non ut non sit, sed ut non imputetur. Hic palam fatetur esse, hoc est, manere peccatum, tametsi non imputetur. Et hæc sententia, adeò placuit posterioribus, ut recitata sit & in decretis.*

Mirum profectò est, tantopere placere quibusdam mendaciis, ut ab eis avelli nulla ratione possint, scripserat hoc idem Lutherus in assertionem articuli 2. & ostensum illi fuit ab Episcopo Rostensi, nusquam dicere Augustinum, peccatum manere, & non imputari, sed concupiscentiam manere, & non imputari in peccatum, sicut verè non est peccatum. Hæc enim verba sunt Augustini: quæ corruptè citantur à Lutheranis, libro primo de nuptiis & concupiscentia, cap. 25. Si quaeritur quomodo ista concupiscentia maneat in regenerato, in quo universorum facta

A est remissio peccatorum? Respondetur; dicitur concupiscentiam carnis in Baptismo, non ut non sit, sed in peccatum non imputetur. Lib. quoque 6. in Julianum cap. 8. non dicit August. peccatum actu manere, reatu transire. Nec enim tam stupidus erat August. ut non intelligeret, ista non coherere, peccatum actu manere, & non manere reatu; cum ipse idem August. peccatum per reatum definire soleat. Et ibid. lib. 1. de nuptiis & concup. cap. 25. Cum dicit, hoc est non habere peccatum, reum non esse peccati. Qui etiam passim asserit, concupiscentiam remanentem malum quoddam, & infirmitatem esse, non autem peccatum. Tractatu 41. in Joannem 3. Numquid inquit, quia deleta est tota iniquitas, nulla remansit infirmitas? Et lib. 6. contra Julianum cap. 5. Omni peccato carent justificati, sed non omni malo. Quid quod ipse etiam Philippus in colloquio Wormatiensi, (ut Joan. Cochleus testatur, in discussione Confessionis Augustanæ art. 2.) ingenue fassus est, malè hunc locum ex Augustino esse citatum, cum id ei Joan. Eckius objecisset. Quid? quod multi nostrorum sapius jam de hoc errore Lutheranos admonuerunt? Cum igitur mendacium toties patefactum & refutatum, in libro Concordiæ, cui octo milia hominum subscripserunt, adhuc inveniat, unum è duobus necessarium est, aut hoc mendacium à sedecim millibus oculorum deprehendi non potuisse, aut voluisse adversarios, etiam cum mendacis Concordiam facere. Adde quòd in decreto etiam Gratiani dist. 4. de consecratione, can. Per Baptismum; non habetur peccatum manere (ut Philippus mentitur) sed concupiscentiam.

XXVII. MENDACIUM.

PAG. 62. in Apologia pro art. 4. sic ait Philippus. *Damnant auctores confutationis Confessionis Augustanæ, quod affirmamus, homines fide consequi remissionem peccatorum, & fide in Christum justificari.* At mendacium est. Non enim auctores confutationis Confessionis damnant, quòd fide dicamur justificari, sed quòd fide sola. Illa enim confutatio, de qua Philippus loquitur, exstat in harmonia Confessionis Augustanæ, edita ab Andrea Fabricio Leodio, & in ea sic legimus art. 5. Quòd fidei mentionem hic faciunt, eatenus approbatur, quatenus de fide non sola, ut aliqui malè docent, sed quæ per dilectionem operatur, ut Apostolus rectè docet, ad Galat. 5. intelligatur: hæc ibi.

XXVIII. MENDACIUM.

Ibidem. *Antonius, Bernardus, Dominicus, Franciscus, & alii sancti Patres, elegerunt certum vitam genus &c.* Vel ex animo Philippus loquitur, cum sanctos vocat, Antonium, Bernardum, Dominicum, Franciscum, vel aliud sentit, aliud dicit. Si loquitur ex animo, destruit totam Confessionem Augustanam, & universum prorsus Lutheranismum. Constat enim hos quatuor Patres Monachos fuisse, & Patres Monachorum, & omnes certum vestimenti genus excogitasse, cucullos gestasse, à certis cibis abstinuisse, vota continentiae perpetuæ, & paupertatis, ac obedientiae coluisse, atque aliis commendasse. Item Antonium certum est in solitudinem se contulisse, & omnia civilia officia deseruisse. Bernardum & Dominicum Missam assidue dixisse, Papæ Romano adhæsisse, atque adeò Papistas supra modum fuisse: Franciscum denique nemo ignorat, in suo testamento fidem Romanæ Ecclesiæ commendasse, ac imperasse, ut si quis ex suis à fide Romanæ Ecclesiæ aberraret, is diligentissimè custoditus, in manus

manus iudicium traderetur. Si verò aliud loquitur, aliud sentit, illius imitator, & filius est, qui mendax fuit ab initio, immò & qui pater mendacii, ab ipsa veritate nominatur.

XXIX. MENDACIUM.

PAG. 105. in Apologia. *Adversarii*, inquit Philippus, *docent homines justificari, dilectione & operibus, de fide, qua apprehendimus propitiorem Christum, nihil dicunt. Immò hanc fidem improbant, neque improbant tantum sententias, aut scriptas, sed etiam sermo & supplicii conantur in Ecclesia delere.* Jam sæpè diximus, veram fidem in Christum nos maximè requirere in negotio justificationis; & propterea mentiri Philippum, cum ait, nos de fide aut nihil dicere, aut fidem oppugnare. Specialem tamen illam fidem Lutheranorum, superbam, atque arrogantem, quæ sola vult justificare, nec patitur comites, quos illi Deus assignavit, meritò rejicimus, & deleram funditus, atque exterminatam optamus, quandoquidem & ipsa delet atque exterminat orationem, Sacramenta, opera bona, & quidquid Deus ad salutem hominum instituit. Nam si quis non orat ex fide, malè orat, & Deum irritat potius, quàm placat, ut adversarii etiam fatentur. Debet igitur fides orationem præcedere: At ubi est fides, ibi continuo est justificatio; & certus est Lutheranus ex fide, sibi remissa esse peccata; neque potest ea de re sine gravissimo scelere dubitare; Ergo non potest orare ac dicere: Dmitle nobis debita nostra, vel cum publicano: Deus propitius esto mihi peccatori; Sed cum Phariseo dicendum illi est: Domine, gratias tibi ago, quia non sum sicut ceteri homines. Quomodo enim petere audebit, quod certò scit ex fide, se jam esse consecutum? Pari ratione sine fide Sacramenta non profunt, sed obsunt; at fides ubi adest, mox justificat; quorsum igitur Baptismus post fidem adhibetur? Nimiviz quoque perdiderunt jejunium illud suum tam laboriosum. Nam si absque fide jejuna- runt, nihil eis profuit; si fide præcedente, jam Deus ante jejunium placatus erat. Multa hinc dici possent, sed causa ista usque ad fastidium jam à multis tractata est.

XXX. MENDACIUM.

PAG. 112. in Apologia. *Planè*, (inquit Philippus,) *surdi sunt adversarii, toties jam dictum est, legem sine Christo non prodesse, propter quem placent bona opera. Sed illi ubique, excluso Christo, docent mereri justificationem, opera legis.* Mentiris, Philippe, & tam impudenter, ut mirum sit, si quem inveneris, qui tibi credat. Profer saltem unum ex Theologis nostris, qui doceat, opera sine Christo mereri justificationem. Certè ipsa confutatio Catholica, adversus quam potissimum Apologiam scribis, ita loquitur art. 4. Attamen omnes Catholici fatentur, opera nostra ex se nullius esse meriti. Vide suprà, mendacio XX.

XXXI. MENDACIUM.

PAG. 124. in Apologia, art. 6. sic ait Philip. *Nec offendas quemquam, quod sibi Ecclesia nomen vendicant. Nam Ecclesia Christi apud hos est, qui Evangelium Christi rectè docent: non apud illos, qui pravæ opinionis contra Evangelium defendunt.* Et passim in hac Apologia negat Philippus, apud nos esse Ecclesiam. At hoc falsum esse, ex eadem Apologia convinci potest. Nam pag. sequenti, idest, 125. dicit Philippus, *Antichristum sedere in templo Dei, idest,*

A ipse exponit, *in Ecclesia dominari, & gerere officia.* Et pag. 130. dicit, *Papam esse Antichristum.* Si ergo Papa tamquam Antichristus in Ecclesia dominatur, & gerit officia, & tamen non dominatur nec gerit officia inter Lutheranos, sed inter Papistas: Ergo non Lutherani, sed Papistæ sunt Ecclesia. Et præterea pag. 222. Philippus agnoscit aliquam offensionem, eò quod schisma feceris, & se cum suis duxeris, ab illis, qui existimantur ordinarii Episcopi; Et addit, se concordiam summo studio concupivisse; quod & alibi sæpè repetit. At si apud nos non est Ecclesia, sed regnum Antichristi, & ipsi Episcopi membra sunt Antichristi, certè non est crimen, à nobis & Episcopis nostris dissidere; sed è contrario potius crimen gravissimum est, cum Antichristo velle concordare. Concordet igitur secum liber Concordiæ, & aut apud nos Ecclesiam esse fateatur, aut non dicat Antichristum in Ecclesia magistratum gerere, neque nobiscum Concordiam desideret.

XXXII. MENDACIUM.

PAG. 129. in Apologia. *Manifestus*, (inquit Philippus) *error est, quod docent adversarii, mereri homines remissionem peccatorum dilectione erga Deum, ante gratiam.* At profectò ne somniavit quidem ullam ullus Catholicorum, quod hic nobis obijci- tur, & in confutatione Catholica passim repetitur, opera sine gratia nihil valere.

XXXIII. MENDACIUM.

I Bidem. *Quid opus erit fide, si Sacramenta ex opere operato, sine bono motu utentis justificant?* At nullus Catholicorum dixit vel scripsit unquam, in adultis non requiri cum Sacramentis motum internum fidei, displicentiæ, vel contritionis &c. Et nos suprà, Mendacio XX. adduximus S. Thomam, asserentem, applicari Christi meritum hominibus per fidem, in Sacramentis.

XXXIV. MENDACIUM.

PAG. 129. in Apologia, sic ait Philippus. *Sed forsasse adversarii sic postulanti, definiri Ecclesiam quod sit Monarchia externa, suprema totius orbis terrarum, in qua oporteat Romanum Pontificem habere potestatem universalem, de qua nemini liceat disputare, aut judicare, condendi articulos fidei, abolendi Scripturas, qua velint instituendi cultus & sacrificia &c.* Et infra: *Atque hæc definitio non Ecclesia Christi, sed Regni Pontificii, habet auctores non solum Canonistas, sed etiam Danielelem, cap. 11.*

E Profer igitur unum Canonistam, qui dicat Pontificem Romanum posse Scripturas abolere, instituere sacrificia, & similia facere, & cum non potueris, scito, te & esse & haberi mendacem. At nos facillè possumus ostendere, Lutherum vestrum id sibi auctoritatis arrogasse, ut aboleret plurimos sacrosanctæ Scripturæ libros, ut Machabæorum volumina, Epistolam Jacobi, Epistolam ad Hebræos, & alia quædam. Item, ut conderet novum articulum, quo videlicet quisque ex fide credere teneatur se esse justum, licet in omni bono opere peccet. Quod verò ex Daniele adducitur, ad demonstrandum Romanum Pontificem esse Antichristum, non in Pontificem, sed in Lutherum aptissime quadrat. In eo enim loco Daniel Antichristo tribuit, non instituere sacrificia, quod vos Papæ tribuitis, sed tollere iuge sacrificium, quod Lutherus totis viribus facere conatus est. Addit ibidem Daniel, Antichristum contra omnes Deos pugnaturum; At Pontifex Romanus,

ut vos quidem putatis, Deos innumerabiles colit, omnes videlicet Sanctos, & Sanctas, qui cum Christo regnant, cum è contrario Lutherus adversus omnes Sanctos bellum gerat.

XXXV. MENDACIUM.

PAG. 130. in Apologia, artic. de Ecclesia sic de Romanis Pontificibus loquitur Philippus. Quotus quisque curat Evangelium, aut iudicat dignum lectione? Multi etiam palam irident religiones omnes. At cur tam insignis criminis nullum testem citas, nisi quia non crimen Pontificum, sed tuum mendacium, tua blasphemia est? Certè Innocentius III. ex illis est, quos non probatis, & tamen exstant sermones ejus, exstant epistolæ, exstant alia opera plena sacris testimoniis. Quod idem de multis aliis dici posset, ut omittam, quod semper Pontifices sacra fecerunt, ubi leguntur Evangelia non Latine solum, sed etiam Græcè.

XXXVI. MENDACIUM.

PAG. 136. in Apologia, art. 10. sic mentitur Philippus. Decimus articulus approbatus est, in quo confitemur nos sentire, quod in Cæna Domini verè, & substantialiter adsint corpus & sanguis Christi, & verè exhibeantur cum illis rebus, quæ videntur, panis & vino, his qui Sacramentum accipiunt. At bone Philippe in art. 10. Confessionis, quem nostri receperunt, nulla facta est mentio, panis & vini manentis cum corpore, & sanguine Christi, Hic enim est articulus decimus. De Cæna Domini docent, quod corpus & sanguis Christi, verè adsint, & distribuuntur vescientibus in Cæna Domini. In Germanico autem exemplari additum erat, sub specie panis & vini. Tantum verò abest, ut Catholici tunc receperint talem articulum, de pane manente cum corpore Domini, ut expressè monuerint, recipiendum esse decretum Generalis Concilii de transubstantiatione panis in corpus, & vini in sanguinem Domini.

XXXVII. MENDACIUM.

PAG. 140. in Apologia, art. 11. Nunc de hac fide, & consequente remissionem peccatorum, nulla est syllaba in tanta mole Constitutionum, Glossarum, Summarum, Confessionum: nusquam ibi Christus legitur. Si de fide loqueris, quæ sola justificet, & certos absolutè reddat remissa esse peccata, non mireris, si ea fides non inveniatur in Glossis & Summis; nam cum illæ fierent, ista nondum erat nata. At de fide vera in Christum & de ipso Christo, nihil in tot libris legi, mendacium est nimis crassum. Certè S. Antoninus, qui inter Summistas non postremum locum tenet, tam de fide, quàm de Christo fusissimè disserit. Nec ulli alii de hisce rebus siluerunt.

XXXVIII. MENDACIUM.

PAG. 140. in Apologia, art. 12. sic Philippus loquitur. Quid hic Carole, Caesar invictissime, faciemus? Hæc est propria vox Evangelii, quod fide consequamur remissionem peccatorum. Hanc vocem Evangelii clamant isti scriptores confutationis. Sed non ita est, Philippe: non enim confutatio usquam negat, nos fide consequi remissionem peccatorum; sed negat nos sola fide consequi remissionem peccatorum: quod & Evangelium passim negat, cum & Sacramentis, & dilectioni, & poenitentiae tribuat remissionem peccatorum.

XXXIX. MENDACIUM.

Sed Sexies Geminatum.

PAG. 143. in Apologia, art. 12. numerantur hæc dogmata, tamquam sint Catholicorum Theologorum. Quod per bona opera extra gratiam facta, mereamur ex pacto divino gratiam. Quod per attritionem mereamur gratiam. Quod ad deletionem peccati, sola detestatio criminis sufficiat. Quod per contritionem, non fide in Christum consequamur remissionem peccatorum. Quod potestas clavium valeat ad remissionem peccatorum, non coram Deo, sed coram Ecclesia. Quod susceptio Sacramenti poenitentiae, ex opere operato, sine bono motu utentis, hæc est, sine fide in Christum, conferat gratiam. At hæc omnia non nostra dogmata, sed Philippi mendacia sunt. Nec dubium quin subscriberent contra ista dogmata, non octo millia, sed plusquam octingenta millia Catholicorum, ut jam periculum sit, ne suffurentur adversarii Cretensibus illud Encomium Apostolicum, Cretenses semper mendaces.

XL. MENDACIUM.

PAG. 163. in Apologia, art. 12. de satisfactione loquens Philippus, sic ait. Hæc tota res est commentitia, recens conficta, sine auctoritate Scriptura, & veterum scriptorum Ecclesiasticorum. At ne Lombardus quidem, de satisfactionibus hoc modo loquitur. Scholastici viderunt in Ecclesia esse satisfactiones, nec animadvertunt, illa spectacula instituta esse, tum exempli causa, tum ad probandas hos, qui petebant recipi ab Ecclesia. In summa, non viderunt esse disciplinam, & rem prorsus politicam. Idè superstitionè sinxerunt eas, non ad disciplinam coram Ecclesia, sed ad placandum Deum valere. Et pag. 164. Adhuc Lombardi tempore ignota erat (satisfactio.) Et pag. 175. Quod Patres mentionem faciunt satisfactionis, quod Concilia fecerunt canones, docimus supra, disciplinam Ecclesiasticam fuisse exempli causa constitutam; nec sentiebant, hanc disciplinam necessariam esse, vel ad culpam, vel ad poenitentiam remissionem.

Hoc esse mendacium, vel unus Cyprianus abundè declarabit. Is enim auctor, & sanctus, & antiquus, & doctissimus fuit. Nam de sanctitate martyrium, de doctrina volumina quæ reliquit, de antiquitate, historiae omnes testimonium præbent. Certè plus quàm octingentis annis, Petro Lombardo vetustior est Cyprianus. Is igitur in Sermone, qui est de lapsis, propè finem, ita loquitur. Qui autem poenitentiam criminis tollunt, satisfactionis viam claudunt: ita sic, ut dum temeritate quorundam promittitur salus falsa, vel creditur, spes veræ salutis adimatur. Vos verò, fratres dilectissimi, quorum timor in Deum pronus est, & in ruina licet animus constitutus, mali sui memor est, poenitentes ac dolentes peccata vestra perspicite, gravissimum conscientiae crimen agnoscite, ad intelligentiam delicti vestri oculos cordis aperite, nec desperantes misericordiam Domini, nec tamen jam ventam vindicantes. Deus quantum Patris pietate indulgens semper & bonus est, tantum iudicis maiestate metuentus est. Quàm magna deliquimus, tam granditer desicemus. Alto vulnere diligens & longa medicina non desit: poenitentia crimine minor non sit. Putasne tu Dominum citò posse placari, quem verbis perfidis abnuisti, cui patrimonium præponere maluisti, cujus templum sacrilega contagione violasti? Putas facile eum misereri tui, quem tuum non esse dixisti? Orare oportet impensius, & rogare, diem luctu

luctu transigere; vigiliis noctes ac fletibus ducere, tempus omne lachrymosis lamentationibus occupare, stratos solo adherere cineri, in cilicio & fordibus volutari: post indumentum Christi perdatum, nullum hic jam velle vestitum, post diaboli cibum, malle jejunium. Et infra: Sic sub Apostolis fides viguit, sic primus credentium populus Christi mandata servavit. Et infra: Pœnitenti, operanti, roganti, potest clementer ignoscere, potest in acceptum referre, quidquid pro talibus & petierint martyres, & fecerint sacerdotes: vel si quis plus eum suis satisfactionibus moverit, si ejus iram, si indignantis offensam, iusta deprecatione placaverit; dat ille & arma rursus, quibus victus armetur. Et infra Qui sic Deo satisfecerit, qui pœnitentia facti sui, qui pudore delicti, plus & virtutis & fidei de ipso lapsus sui dolore conceperit, exauditus & adjutus à Domino, quam contristaverat nuper, lætam faciet Ecclesiam; nec jam solum Dei veniam merebitur, sed coronam. Hæc illæ. Habes hic in primis ter nomen satisfactionis. Habes deinde, illam consistere in operibus, luctu, cinere, cilicio, jejunio, eleemosynis, precibus. Habes tertio, hæc non tantum expedire, sed necessaria etiam esse, orare oportet, inquit Cyprianus, & impensius rogare &c. Habes quarto, his operibus Deum placari; nam & hoc aliquoties repetitum est, & proinde non ad solam disciplinam externam, & politicam satisfactionem pertinere. Habes quinto in ultimis verbis, per ejusmodi opera non solum nos veniam, sed etiam coronam promereri. Habes sexto, non sufficere fidem solam, quando tam multa alia necessaria sunt. Habes septimo, non debere nos continuo veniam vindicare, etiam si jam ceperimus non solum credere, sed etiam timere & dolere. Habes postremo, sic sub Apostolis fidem viguisse, & propterea mendacium esse Philippi, quod ista sint nova, & inaudita ante tempora Petri Lombardi.

XLI MENDACIUM.

PAG. 180. in Apologia, artic. 13. Hic damnamus (inquit Philippus) totum populum Scholasticorum Doctorem, qui docet, quod Sacramenta non ponendi obicem conferant gratiam, ex opere operato, sine bono motu utentis. Hæc simpliciter Judaica opinio est, sentire quod per ceremoniam iustificemur, sine bono motu cordis, hoc est, sine fide, & tamen hæc impia & perniciofa opinio, magna auctoritate docetur in toto regno Pontificis. Hæc ille. Ex ore tuo te judico, serve nequam; Nonne tu dixisti supra pag. 154. & 155. Scholasticos cum de Sacramento pœnitentia disputant, requirere contritionem vel attritionem; & quid aliud est tam contritio, quam attritio, nisi motus cordis? Deinde in ipsa confutatione art. 12. ut etiam in omnibus libris Scholasticorum, nonne passim inculcatur, tres esse partes pœnitentiae, contritionem, confessionem, & satisfactionem? Et certe contritio, sine fide, spe, & dilectione, id est: sine tribus cordis motibus esse non potest.

XLII MENDACIUM.

PAG. 184. in Apologia, art. 15. At isti (inquit Philippus) sentiunt Deum esse placatum, propitium, propter traditiones, non propter Christum.

XLIII MENDACIUM.

PAG. 186. in Apologia, art. 15. sic rursus mentitur Philippus. Docent, inquit, quod non propter Christum gratis iustificemur per fidem, sed per tales cul-

tas. Hæc & similia non egent confutatione, cum nec adversarius ullum pro se testem adducat. Et contra eum omnes scholæ, omnia templa, omnes libri Catholicorum testentur.

XLIV. MENDACIUM.

Et quidem Tergeminum.

PAG. 186. in Apologia, art. 15. Hæc causas habent Patres (inquit Philippus) rituum servandorum, ut aperte testatur Epiphanius in disputatione contra Encratitas, quod genus simile fuit Monachorum nostrorum. Fuerunt enim sodalitia, quæ sibi certas traditiones imponebant, abstinere à vino, & in ipsa Cœna Domini, nullis carnibus vescerentur, ne piscium quidem; quæ in re fratres Domini longè superabant, à conjugio verò vel maxime abhorrebant. Et infra: Hæc observationes fingebant esse cultum Dei, & iustitiam, propter quam Deo accepti essent, quæ placarent iram Dei: hanc opinionem improbat Epiphanius. Hic tria sunt apertissima mendacia. Primum, quod Monachi nostri similes sint Encratitis, dum abstinere à vino, à carnibus, à conjugio. Nam Encratitæ abstinere, ut à rebus natura sua immundis, & quæ nulli omnino hominum licite essent, & hoc damnat Epiphanius. Sic enim scribit hæres. 47. quæ est Encratitarum: Nuptias palam Diaboli esse decernunt, animata verò abominantes interdiciunt. Et infra: Utuntur & ipsi mysteriis, per aquam; vino verò omnino non utuntur, Diabolicum esse dicentes, & bibentes ac utentes iniquos esse ac peccatores. At quis unquam Monachorum Catholicorum, nuptias, Diaboli esse dicit, & non potius ut à Deo institutas in conjugatis Catholicis honoravit? Quis animatas res abominantes interdixit? Quis vinum Diabolicum asseruit? Quis illud bibentes iniquos iudicavit? Quis non saltem inter mysteria illo usus est? Quod verò etiam tempore Epiphani, Catholici Monachi, ad alios bonos fines, à conjugio abstinerent, & quidam eorum à vino, quidam à carnibus, supra ostendimus, ex compendiarie doctrina ejusdem Epiphani. Alterum mendacium est, quod Encratitæ abstinere à conjugio, carnibus & vino, propter cultum Dei, existimantes se eo modo Deum placaturos. Nam non meminit Epiphanius eo loco huius finis, id est, cultus Dei; & clarissime dicit, eos abstinere solitos, non continentiae gratia, sed propter timorem, & imaginationem, ut ne condemnarentur propter animatorum esum. Itaque non abstinere, ut Deum placarent, sed ne magis irritarent, cum crederent, res illas immundas esse, & contaminare eos, qui illis uterentur. Tertium mendacium est, quod Epiphanius improbet hanc opinionem, quod abstinentia à conjugio, carnibus & vino, sit utilis ad colendum Deum. Nam neque hoc loco talis improbatio cernitur, & alibi apertissime habetur approbatio. Sic enim Epiphanius scribit hæres. 48. quæ est Montanistarum: Pleraque enim sectarum matrimonium contrahere prohibent, & à cibis abstinere præcipiunt, non honestæ vitæ gratia exhortantes, non majoris virtutis gratia & præmiorum ac coronarum; sed abominabilia ea, quæ à Deo facta sunt, putantes. At verò sancta Ecclesia, & virginitatem glorificat, & solitudinem, ac castitatem laudat, & nuptias pudicas honorat, & suscipit: Scortationem verò & adulterium, ac petulantiam interdicit. Et infra: Etenim cum moderatione quadam, Deus, verbum in Evangelio dixit, Si vis perfectus esse, misericordiam exhibeas hominum formationi ac debilitati. Et gaudet quidem his, qui approbatum Dei cultum præstare

possunt, & virginitatem ac castitatem, & continentiam exercere deligunt. Verum unas nuptias honorat, etiam si maxime sacerdotii dona per eos, qui ab unis etiam nuptiis se continuerunt, & in virginitate vitam degunt, se ornasse præexpressit: velut etiam Apostoli ipsius, Ecclesiasticam sacerdotii regulam ordinatè ac sanctè constituerunt. Quid hic dicis, Philippe? Nonne audis ab Epiphanio continentiam ab uxore, à vino & carnibus debere suscipi, gratia majoris virtutis & præmiorum ac coronarum? Item virginitatem cultum esse à Deo approbatum, & illi gratissimum? Denique sacerdotum continentiam, etiam ab una uxore, lancitam ab Apostolis fuisse?

XLV. MENDACIUM.

PAG. 188. in Apologia, art. 15. *Exstant* (inquit Philippus) *inmensi libri, immò bibliotheca tota, nullam syllabam de Christo, de fide in Christum, de bonis operibus sua cuiusque vocationis continentes, sed tantum colligentes traditiones.* Si tu omnes bibliothecas adisti, & omnes libros legisti, cur non indicas nobis, vel unum auctorem Ecclesiasticum, qui de Christo & fide non loquatur?

XLVI. MENDACIUM.

PAG. 190. in Apologia, art. 15. *Apud adversarios* (inquit Philippus) *nulla profus est uarietatis puerorum.* Quàm impudens hoc mendacium sit testantur innumerabiles Catechismi, qui à nostris editi sunt, nec unquam defuit in Ecclesia puerilis instructio; sed stultum est respondere homini nihil probanti, & ad mentiendum projectissimo.

XLVII. MENDACIUM.

PAG. 194. in Apologia, art. 16. *Vanissimum est* (inquit Philippus) *quod sit perfectio Christiana, non tenere proprium.* Et infra: *Sed Monachi illam externam hypocritam offuderunt oculis hominum, ne videri posset, in quibus rebus sit vera perfectio: quibus laudibus venerunt communionem rerum, quasi Evangelicam? At haec laudes plurimum habent periculi, præsertim cum longè dissentiant à Scripturis.* Bene autem Philippus fecisset, si ad probandum, laudes vitæ communis dissentire à Scripturis, attulisset in medium verba illa B. Lucae; (solet enim ipse plerumque, ut est insignis Dialecticus, ita connectere argumenta) Multitudinis autem credentium, erat cor unum, & anima una: nec quisquam eorum quæ possidebat, aliquid suum esse dicebat, sed erant illis omnia communia. Et paulò post: Et gratia magna erat in omnibus illis, neque enim quisquam egens erat inter illos. Quotquot enim possessores agrorum aut domorum erant, vendentes afferebant pretia eorum, quæ vendebant & ponebant ante pedes Apostolorum. Dividebatur autem singulis, prout cuique opus erat. Actor. 4. Potuisset quoque Augustini commentarium adicere, ut magis communiret sententiam suam. Is enim in sermone 1. de Comuni clericorum vita, sic habet: Ecce dico, audite; Qui societatem communis vitæ jam susceptam, quæ laudatur in actibus Apostolorum, deferit, à voto suo cadit, & à professione sancta cadit. Et infra: Ego scio quantum mali sit, profiteri sanctum aliquid, nec implere, Vovete, inquit, & reddite Domino Deo vestro. Ac breviter, si quis legat duos illos Augustini sermones, mirum si non videat Philippi vanitatem.

XLVIII. MENDACIUM.

PAG. 195. in Apologia, art. 18. *Sed quid interest,* (inquit Philippus) *inter Pelagianos, & adversarios nostros? cum utrique sentiant homines sine Spiritu Sancto posse Deum diligere, & præcepta Dei facere, quoad substantiam actuum, mereri gratiam ac justificationem operibus, qua ratio per se efficit sine Spiritu Sancto?* Vis audire, quantum intersit inter nos & Pelagianos? quantum inter Catholicos & hæreticos. Neque Pelagianus error est, posse hominem aliqua præcepta, & aliquando facere quoad substantiam actuum, solis naturæ viribus, idest, sine speciali auxilio gratiæ Dei. Nam hoc idem & tu doces, nisi tecum fortasse pugnas, in eadem pagina. Hæc enim sunt verba tua. *Habet humana voluntas libertatem in operibus, & rebus deligendis, quas ratio per se comprehendit: Potest aliquo modo efficere iustitiam civilem, sem iustitiam operum. Potest loqui de Deo, exhibere Deo certum cultum externo opere, obedire magistratibus, parentibus in opere externo eligendo, potest continere manus à cade, ab adulterio, à furto.* Hæc tua, etiam nostra sunt: Et hoc vocamus implere quædam præcepta, quoad substantiam actuum. Porro diligere Deum super omnia sine Spiritu Sancto tribuit homini fortasse unus aut alter Scholasticorum, sed graviores repugnant, ut S. Thomas, S. Bonaventura, & alii. Quod autem opera sine Spiritu Sancto facta mereantur gratiam & justificationem, nullus Theologorum docet, tuum est mendacium, tua calumnia.

XLIX. MENDACIUM.

PAG. 198. in Apologia, art. 20. *Non est ferenda,* (inquit Philippus) *blasphemia, tribuere honorem Christi nostris operibus. Nihil pudet jam istos Theologos, si talem sententiam in Ecclesia audient ferre.* At bone vir, non id habet confutatio Theologorum, quod tu reprehendis. Nec enim usquam dicunt Theologi illi, opera sine Christo mereri remissionem peccatorum. Sed negant, quod vos docetis, opera nostra, licet ex fide, licet ex gratia, licet ex Christi meritis prodeant, nihil tamen mereri. Itaque cum confutatio dicit, opera nostra mereri remissionem peccatorum, hunc habet sensum, quod opera poenitentiae cum fide, & auxilio Dei facta, mereantur ex congruo, sive per modum dispositionis, culpæ remissionem, quam esse vocem Scripturarum & Patrum, supra docuimus Mendacio 8. Opera verò hominis justificari, facta ex gratia, per Christi meritum nobis infusa, mereantur ex condigno remissionem poenæ, quæ interdum relinquitur, culpa dimissa. Nam, ut ait August. Tractat. 124. in Joan. Productior est poena, quàm culpa, ne parva putaretur culpa, si cum illa finiretur & poena. Nec solum poenæ remissionem, sed & coronam gloriæ mereri nostras satisfactiones, paulò ante ex Cypriano audivimus, in serm. de lapsis, in postremis verbis.

L. MENDACIUM.

PAG. 200. in Apologia art. 21. *Nec vident isti Asini,* (inquit humanissimus Philippus) *apud Hieronymum contra Vigilantium, nullam exstare syllabam de invocatione. Loquitur de honoribus Sanctorum, non de invocatione.* At quænam est ista consequentia: Loquitur Hieronymus de honoribus Sanctorum; Ergo non de invocatione? Videlicet invocatio non est honor, sed ignominia. Et ideo nullum præter Christum, invocari vultis, ne decus Christo proprium, cum aliis communicetur. Audi igitur. Vigilantius volebat

bat Sanctos honorari; & quoniam non ignorabat, A præcipuum Sanctorum honorem, esse ipsorum invocationem, duabus rationibus ostendit, non eos debere ab hominibus invocari, tum, quia abditis receptaculis inclusi, non possent ubi vellent esse præsentés, & se invocantibus per se opem ferre; tum etiam, quia nec posset ullus post mortem, pro alio apud Deum aliquid impetrare, & proinde supervacanea esset invocatio. Utramque rationem Hieronymus refellit. Ais, inquit, vel in sinu Abraham, vel in loco refrigerii, vel subter aram Dei, animas Apostolorum & Martyrum confedisse, nec posse suis rumulis (ubi videlicet à fidelibus præcipue invocantur) & ubi voluerint adesse præsentés. Senatorie videlicet dignitatis sunt, ut non inter homicidas reterrimo carcere, sed in libera honestaque custodia recludantur. Tu Deo leges pones? Tu Apostolis vincula injicies &c. Et infra: Dicit, inquit, quod dum vivimus, mutuo pro nobis orare possumus, postquam autem mortui fuerimus, nullius sit pro alio exaudienda oratio. Si Apostoli, & Martyres adhuc in corpore constituti, possunt orare pro cæteris; quanto magis post coronas, victorias, & triumphos? Cum ergo Hieronymus Vigilanti argumenta refellat, quibus ille Sanctorum honoribus invidens, invocationem eorum oppugnabat, verè stupidi, ac ferè asini essemus, si non inde colligeremus, invocationem Sanctorum è Hieronymo approbari.

LI. MENDACIUM.

PAG. 200. in Apologia, art. 21. *Neque reliqui veteres scriptores (inquit Philippus) ante Gregorium fecerunt mentionem invocationis.* Non te pudet tantum Magistrum in Israel, aut nihil in veteribus legisse, aut tam impudenter mentiri? Proferam igitur viginti quatuor Patres, Gregorio antiquiores, qui instar viginti quatuor seniorum de Apocalypsi testimonium dicant pro invocatione Sanctorum. Vide Dionys. Areopag. lib. de Ecclesiastica hierarchia cap. 6. Iren. lib. 5. Euseb. lib. 13. de præpar. Evang. cap. 7. Athan. Serm. in Evangelium de S. Deipara. Basilium orat. in quadraginta Martyres; item in Psal. 33. Nazianzenum orat. in Cyprianum; item in Athanasium. Nyssenum orat. in S. Theodorum. Cyrillum Catechesi 5. Mystagogica. Ephrem Serm. de laudibus Martyrum Chryl. hom. 66. ad populum Antiochenum. Item hom. 43. in Genesim hom. 8. in Mathæum hom. 1. in priorem ad Thessalonicens. Theodoretum lib. 8. de curandis Græcorum affectionibus. Et in hist. religiosa, ad finem singularum vitarum. Hilarium in Psal. 124. & in Psal. 129. Ambrosium lib. 10. in Lucam cap. 21. Et in lib. de viduis. Hieron. in Epitaphio Paulæ. Ruffinum lib. 2. hist. Eccles. cap. 33. Prudentium in Hymno de S. Cassiano; item de S. Hippolyto; item de S. Laurentio. Paulinum Nolensem, Epist. 12. ad Severum. Gaudentium Brixiensem, tractatu in dedicationem Basilic. Concilii Sanctorum. Severum Sulpitium, Epist. ad Aurelium Diaconum, & Epist. ad Bassulam Socrum. Maximum Taurinensem, Serm. de S. Agnere. August. lib. de cura pro mortuis cap. 4. & Serm. 17. de verbis Apostoli. Leonem I. Serm. 5. de Epiphania. Victorem Uricensem lib. 3. de persecutione Wandalica. Fulgentium Rufinensem, Serm. de laudibus Beatæ Mariæ. His accedit Concilium Chalcedonense, 630. Patrum, & alia quæ suprâ citavimus, Mendacio X.

LII. MENDACIUM.

PAG. 201. in Apologia, art. 21. *Triplex honor, inquit, probandus est. Primus est gratiarum actio.* Controv. Card. Bellarm. Tom. II.

Secundus confirmatio fidei nostræ. Tertius imitatio fidei & cæterarum virtutum. Hos veros honores non requirunt adversarii. At ubi legisti, vel à quo audivisti, nos non requirere hos honores?

LIII. MENDACIUM.

PAG. 220. in Apologia, pro conjugio sacerdotum. *Vituperabant Monachi, inquit, conjugium, tamquam vita genus, quod vix unquam Deo placeret, aut certè non placeret, nisi propter procreationem.* At omnes Monachi, qui commentaria in Magistrum scripserunt, agnoscunt tria bona, propter quæ Matrimonium Deo placeat, fidem, prolem, & Sacramentum. Vide lib. 4. Sent. dist. 31.

LIV. MENDACIUM.

PAG. 223. in Apologia, pro conjugio sacerdotum, Philippus sic argumentatur. *Joviniani tempore nondum norat mundus legem de perpetuo celibatu. Impudens igitur mendacium est, conjugium sacerdotum, Joviniani hæresim esse.*

Utrum Philippus mentiatur nec ne, iudex sit beatus Hieronymus. Is igitur in lib. contra Vigilantium sic ait: Quomodo Euphorbius in Pythagora renatus esse perhibetur, sic in isto Joviniani mens prava surrexit: ut in illo, & in hoc, diaboli respondere cogamur insidiis. Illæ Romanæ Ecclesiæ auctoritate damnatus, inter phasides aves & carnes fuillas non tam emisit spiritum, quam eructavit: iste caupo Calagurritanus, & in perversum propter nomen viculi mutus Quintilianus, miscet aquam vino; & de artificio pristino, suæ venena perfidiæ Catholicæ fidei sociare conatur, impugnare virginitatem, odisse pudicitiam, in convivio secularium contra Sanctorum jejunia proclamare. Proh nefas, Episcopos sui sceleris dicitur habere consortes, Si tamen Episcopi nominandi sunt, qui non ordinant Diaconos, nisi prius uxores duxerint; nulli coelibis credentes pudicitiam, immò ostendentes, quàm sanctè vivant, qui malè de omnibus suspicantur. Et nisi prægnantes uxores viderint clericorum, infantesque de ulnis matrum vagientes, Christi sacramenta non tribuunt. Quid facient Orientis Ecclesiæ? quid Ægypti, & sedis Apostolicæ? quæ aut virgines clericos accipiunt, aut continent, aut si uxores habuerint, mariti esse desistunt. Hoc docuit Dormitanti, libidini fræna permittens &c. Si igitur Hieronymo teste Vigilanti hæresis ac Joviniani, una atque eadem sententia fuit, adeò ut in Vigilantio Jovinianus revixisse dicatur, mentitur Philippus, cum ait, non fuisse hæresim Joviniani oppositam continentie sacerdotum. Quod verò mendacium etiam sit, Joviniani tempore, mundo notam non fuisse legem perpetui coelibatus, satis constat ex iis, quæ suprâ diximus, Mendacio XIV. necnon ex hoc ipso Hieronymi testimonio, & ex Augustino in lib. de hæresibus cap. 82. ubi legimus, quoddam sacras virgines, provectæ jam ætatis, Joviniano auctore, nuptias contraxisse. Quod certè D. Augustinus non reprehendisset, si virginitas consecrata Deo, votum perpetui coelibatus non complecteretur, aut hoc votum illo tempore notum mundo non fuisset.

LV. MENDACIUM.

PAG. 226. in Apologia, de Missa. *Hic causa statui est (inquit Philippus) de quo ita nobis monendi sunt lectores, ut Eschines admonerat iudices, ne fuerent adversarium extra causam egredi. Nos in Confessione nostra ostendimus, nos sentire quod* S3 Cana

Cana Domini non conferat gratiam ex opere operato, nec applicata pro aliis, vivis aut mortuis, mereatur eis ex opere operato remissionem culpa aut pena.

At mira ista perversitas est, alios arguere ejus peccati, quod ipse committis. Non enim iste est causæ status, an Missa mereatur gratiam, & justifi-
cet ex opere operato. Si enim iste status esset, cau-
sa finita esset. Quæstio verò præcipua in eo consistit:
an Missa sit verum & propriè dictum Sacrificium,
quod omnes Lutherani negant, & Catholici omnes
affirmant.

LVI. MENDACIUM.

PAG. 233. in Apologia, de Missa. *Sed adversarii*
(inquit) *ubique sacrificii nomen ad solam ceremoniam detorqueunt: prædicationem Evangelii, fidem, invocationem, & similia omittunt; cum ceremonia propter hæc instituta sit.* Fatemur quidem sacrificium propriè dictum, nec prædicationem Evangelii, nec invocationem significare, sed oblationem corporis Christi, cum mystica ceremonia à sacerdote factam; sed quod non sit apud nos Evangelii prædicatio, nec invocatio, nimis impudens mendacium est, cum in ipsa celebratione sacrificii legatur Evangelium, & sæpè etiam exponatur, & multæ preces fundantur pro sacerdotibus, pro regibus, pro populo.

LVII. MENDACIUM.

PAG. 236. in Apologia, de Missa. *De fide* (inquit) *qua gratis consequimur remissionem peccatorum, nulla prorsus fiebat ab adversariis mentio; De exercitiis fidei lutantis cum desperatione, de gratuita remissione peccatorum propter Christum, omnes libri, omnes conciones adversariorum muta erant.* Magnus & mirabilis vir fuit Philippus, qui omnes libros legit, omnes conciones audivit, etiam si variis in locis eodem tempore, aut variis temporibus eodem loco haberentur. Et quod mirabilius est etiam illas conciones audivit, quæ prius factæ sunt, quam ipse nasceretur, alioqui, unde novit, de gratuita remissione peccatorum propter Christum omnes conciones mutas fuisse.

LVIII. MENDACIUM.

PAG. 239. in Apologia, de Missa. *Transferunt* (inquit) *Missam & ad mortuos, liberant animas applicatione Sacramenti, à penis purgatorii; cum sine fide nec vivis Missa profit. Neque ex Scripturis, vel nunc syllabam asferre possunt, ad defensionem istarum fabularum, quas in Ecclesia magna auctoritate docent: neque Ecclesia veteris, neque Patrum testimonia habent.* Duo sunt hic mendacia. Unum, quod applicatione Sacramenti, liberari dicamus animas à penis purgatorii. Nemo enim Catholicorum hoc docet, sed quod de sacrificio dicimus, imperitè aut callidè transfert Philippus ad Sacramentum. Alterum mendacium est, quod non habeamus testimonia veteris Ecclesiæ, quod Missa profit etiam defunctis. Tot enim habemus testimonia, ut planè adversarios obruere possimus. Concil. Carthaginense IV. Can. 79. jubet commendari defunctos orationibus, & oblationibus. Concil. Wormatiense Can. 10. jubet, etiam pro suspensis orari, & sacrificari. Similia passim in Conciliis leguntur. Tertullianus lib. de Monogamia. Pro anima, inquit, ejus oret, & offerat annuis diebus dormitionis ejus. Cyprianus lib. 1. epistol. 9. Non est, inquit, quod pro dormitione ejus apud nos fiat oblatio, aut deprecatio. Ambrosius lib. 2.

Epistol. 8. Itaque, inquit, non tam deplorandam quam prosequendam orationibus reor, nec inestuficandam lachrymis tuis, sed magis oblationibus animam ejus Domino commendandam. Cyrillus Catechesi 5. Mystagoga. Maximum, inquit, credentes esse animarum juvamen, pro quibus offertur obsecratio sancti illius & tremendi sacrificii. Chrysostomus homil. 69. ad populum Antiochenum. Non temerè hæc ab Apostolis sancita fuerunt, ut in tremendis mysteriis defunctorum agatur memoria. Omitto ceteros.

LIX. MENDACIUM.

PAG. 247. in Apologia, de Missa. *Falsò*, (inquit Philippus) *citant adversarii contra nos damnationem Aerii, quem dicunt propterea damnatum esse, quod negaverit in Missa oblationem fieri pro vivis & mortuis.*

Quæstio nostra cum Lutheranis est, an Missa pro sit mortuis, nam quod vivis pro sit, nemo negat. Porro Augustinus lib. de hæres. cap. 53. inter dogmata propria Aerii etiam illud numerat: Orare, vel offerre pro mortuis oblationem, non oportere. At hoc idem omnes Lutherani dicunt.

LX. MENDACIUM.

IBidem, sic ait Philippus. *Epiphanius testatur Aerium sensisse, quod orationes pro mortuis sint inutiles, id reprehendit, neque nos Aerio patrocinamur.* Si verum loquitur Philippus, mentitur altera pars Concordiæ, cui ferè concordant omnes Lutherani. Nam pag. 381. *Purgatorium animarum, mera diaboli larva esse definitur.* At si nullum est purgatorium animarum, inutiles sunt orationes pro mortuis, ut volebat Aerius, nisi fortè velit Philippus, pro animabus beatis, aut damnatis orandum esse. Adde quod Epiphanius hæres. 75. quæ est Aerii, refert etiam alium ejusdem errorem, & quidem ipsius verbis; Sed neque jejunium, inquit, erit ordinatum; *Hæc enim Judaica sunt, & sub iugo servitutis. Iusto enim lex non est posita, sed patricidis ac matricidis, & reliquis.* Si vero omnino volo jejunare, qualemcumque eligam diem, à me ipso, & jejunabo propter libertatem. Et infra: In diebus autem Paschatis (quos nos vocamus majorem, sive sanctam hebdomadam) quando apud nos fiunt humi dormitiones, castitates, afflictiones, siccorum elus, preces, vigiliæ, ac jejunia, & omnes animarum salutis, per sanctas afflictiones; ipsi à summo mane obsonantur, carneque ac vino venas suas explentes, cachinnantur, ridentes ac subfannantes eos, qui sanctum hunc cultum hebdomadis Paschatis perficiunt. Quæro te, Philippe, an non & vos hoc idem facitis, & docetis? Magis ingenuè Matthias Illyricus facit, qui Cent. 4. cap. 5. col. 401. agnoscit, Aerii dogmata fuisse, non orandum, nec offerendum pro mortuis; nec stata jejunia servanda; & quia horum similia docuit Lutherus, mavult Epiphanium & Augustinum hæreticos facere, quam Aerium.

LXI. MENDACIUM.

PAG. 253. in Apolog. de votis monasticis: *Obedientia, paupertas, & celibatus*, (inquit Philippus) *exercitia sunt ad id præparata. Ideoque sancti uti eis sine inopinate possunt, sicut nri sunt, Bernardus, Franciscus, & alii sancti viri: Et hi sunt propter utilitatem corporalem, ut expeditiores essent ad docendum.* Scilicet, magna utilitas corporalis erat S. Francisco, nudis pedibus ambulare, una sola tunica eaque culcina, & asper-

ma cooperiri, humi cubare, pane solo & aqua ut plurimum vivere, totas noctes vigilare. Deinde quid dicemus de S. Antonio, S. Hilarione, S. Paulo I. Eremita, imò de tot millibus sanctorum Anachoretarum, qui non fungebantur docendi officio, & tamen vitam pauperrimam & severissimam, in perpetuo cœlibatu, & sub obedientiæ jugo ducebant? Porro S. Bernardus non solum vilissimis pannis, & cibariis aridissimis utebatur, sed etiam Serm. 30. in Cantica diligenter monuit, non esse Monachi, sed medici, corporis utilitatem, & bonam valetudinem curare: Monachi verò esse, spiritus utilitatem querere, & carnem crucifigere, atque in ea re Dominum & Salvatorem imitari.

LXII. MENDACIUM.

PAG. 255. in Aplogia: *Nemo nescit*, (inquit Philippus) *vitam monasticam recens excogitatam esse*. Omitto quod Patres ad Apostolos referunt, ut Euseb. lib. 2. hist. cap. 16. Epiphani. hæres. 29. quæ est Nazarorum, Hieron. 1. lib. de Scriptoribus Ecclesiasticis, in Philone. Joan. Cassianus, lib. 2. de institutis Cœnobiorum, cap. 5. & Collat. 18. cap. 5. Augustin. serm. 2. de communi vita Clericorum. Possidonius in vita S. August. Sozomenus lib. 1. hist. c. 12. Et Nicephorus lib. 2. cap. 15. Certè Magdeburgenses Centur. 4. cap. 6. col. 464. anno 300. à Salvatoris adventu ponunt initium Monastices. Quod si contendunt, Monachos hujus temporis, non esse illis similes qui erant tempore Antonii, Hilarionis, Augustini; tamen non negant, nec possunt negare, quin saltem Monachatus qui nunc est, à tempore S. Benedicti initium sumpserit, id enim Lutherani omnes admittunt, cum videant adhuc exstare, & servari regulas ab ipso conditas, & habitari Monasteria, quæ ille fundavit. Sanctus autem Benedictus ante 1000. annos floruit. Nisi ergo apud Philippum mille anni sint, sicut dies unus, ut Scripturæ loquuntur de temporibus, cum Dei æternitate collatis, viderit ipse, quàm sit verum, vitam monasticam recens excogitam.

LXIII. MENDACIUM.

PAG. 158. in Apologia, de votis Monasticis. *Desertio facultatum* (inquit Philippus) *non habet mandatum, aut consilium in Scripturis. Nam Evangelica paupertas, non est desertio rerum, sed non esse avarium &c.* De hoc mendacio diximus suprâ Mendacio 6. sanè deberet sufficere tot Sanctorum exemplum. Omnes enim illi veteres Monachi, qui tantoperè co-

A lebrantur à Patribus, verba Domini, Matth. 19. Si vis perfectus esse, vade, vende omnia &c. de rerum desertione intellexerunt.

LXIV. MENDACIUM.

PAG. 259. in Apologia, de votis monasticis: *Sancti*, inquit Philippus, *in locum Christi subrogantur, & impie coluntur*. Longè aliud ostendunt Litanæ, aliæque preces Catholicorum. Christo enim, ut Deo ac Domino dicimus, Κύριε ἰλάνθον, Christe eleison, Sanctis verò, Sancta Maria, ora pro nobis, Sancte Petre, ora pro nobis. Sed antiqua ista calumnia est; quod enim Lutherani nunc dicunt, dixerunt olim Ethnici, Judæi, Hæretici, ut patet ex historia Eusebii, lib. 4. cap. 15. Et lib. 8. cap. 5. Ex Cyrillo lib. 6. & 10. in Julianum. Ex Hieronymo lib. contra Vigilantium. Et ex Augustino lib. 20. contra Faustum cap. 21.

LXV. MENDACIUM.

PAG. 263. in Apologia, de potestate Ecclesiastica. *Suas traditiones*, inquit Philippus, *longè accuratius servari possunt, quàm Evangelium*. Hoc de Episcopis Ecclesiæ generatim dictum, apertissimum mendacium est.

LXVI. MENDACIUM.

PAG. 267. Ibidem: *Libri adversariorum*, inquit, *nusquam fidei mentionem faciunt, cum de remissione peccatorum loquuntur. Nusquam docent de dignitate rerum civilium, nusquam docent quomodo Evangelium tradat iustitiam externam*. Et hæc mendacia toties repetuntur in hac Apologia, ut mirum sit quomodo non ipsi auctori nauleam fecerint.

LXVII. MENDACIUM.

PAG. 268. Ibidem: *Cultus Sanctorum*, inquit, *plenus est apud eos manifesta idololatria*. At nos corde sentimus, & voce asserimus, Sanctos non esse Deos, sed creaturas eximias. Nec illis ut Diis sacrificamus, ut etiam D. Augustinus docet, lib. 23. Civit. Dei cap. 10. Nec invocamus, ut gratiam vel gloriam largiantur; Sed ut eam nobis à Deo precibus suis obtineant. Nec denique illabi eos animis, & corda scrutari existimamus, ut adversarii nos credere mentiuntur; Sed Deo revelante atque ostendente, quid nos petamus, cognoscere eos posse docemus.

Hic libellus tam fabre aperit mendacia, revellit errores Concordiæ Lutherana, ut nihil possit esse aut enucleatius, aut nervosius in hoc genere; Nam animus fuit auctori, stringere rem, non explicare, sed stringere ea arte, ut Lutherani alioqui plumbei facile tangant se tangi, aut potius everti.

Censui ROBERTUS TURNERUS Sacræ Theologiæ Doctor atque INGOLSTADII Professor, & pro tempore ejusdem facultatis Decanus.

BREVIS APOLOGIA

ROBERTI BELLARMINI

Pro Libello suo de Libro Concordiæ Lutheranorum.



MUM ante multos annos liber concordie Lutheranorum in Saxonia prodisset, petiit à me vir quidam gravissimus atque doctissimus, & qui mihi jure suo imperare poterat, ut ei per literas significarem quid mihi de ea concordia videretur. Perlegi continuo librum, quem idem ipse ad me miserat, & sententiam meam de eo libro paucissimis verbis, idest, brevissimo libello comprehendi. Pervenit is meus libellus, nescio quomodo ad manus Davidis Sartorii, egregii sanè Typographi, qui tunc Ingolstadii Catholicis libris excudendis magna cum laude operam dabat. Is verò per amicum quendam meum à me quæsit, molestè ne essem laturus, si is libellus typis ipsius emitteretur in lucem: respondi, quòd res erat, me non eo animo libellum confecisse, ut ederetur, sed ut ei parerem, qui mihi onus illud imposuerat: tamen si Theologi Ingolstadienses opusculum illud utiliter edi posse judicarent, me non repugnare quominus id fieret. Ita libellus in lucem editus est: qui quoniam visus est non leviter adversarios pupugisse, iterum jussu clarissimæ memoriæ Stephani Regis Poloniæ potentissimi typis mandatus est. Nec multò post in linguam Germanicam paraphrastice conversus, & auctus ita Ministrorum novi Evangelii bilem accendit, ut dignus visus sit qui ab universa Academia Wirtembergensium Theologorum conjunctis armis, & quasi agmine facto opprimeretur. Sed libellus ipse, ut audio vivit adhuc, immò ne guttam quidem eruoris emisit, sed clipeo veritatis armatus canit cum Propheta, *Sagitta parvulorum facta sunt plaga eorum*. Et cerrè si Auctor ipsius vacaret in ejusmodi nugis tempus consumere, posset decem diebus, decem alios similes libellos emitte de vanitate, erroribus, & mendaciis hujus Refutationis. Ac ut rem ita se habere demonstrem, pauca quedam exempli gratia proferam. Totum enim librum adversariorum refellere non esse operæ pretium, nisi quem juvet bonas horas malè perdere, ex his paucis quæ dicimus lector intelliget. In prima parte libelli notaveram vanitatem eorum, qui ut concordiam in doctrina maximam esse apud Lutheranos ostenderent, coegerant ad subscribendum dogmatibus fidei turbam Ludimagistrorum, Hipodidascolarum, & similibus qui neque auctoritate, neque scientia pollent, ut de dogmatibus præsertim controversis judicare possint. Atque addidi, nullum exemplum ejusmodi subscriptionum in negotio fidei posse ab antiquitate peti, cum ab Apostolicis temporibus per mille quingentos annos Concilium tum Generalibus tum Nationalibus, vel Provincialibus soli Prælati, qui jurisdictionem habent, subscribere consueverint. Ad hoc respondent Theologi Wirtembergenses, his verbis: *Nam latet nos, Deo laus, qua ratio in Conciliorum subscriptionibus observata fuerit, quam etiam in nostris conventibus ante hac multoties secuti sumus, ut si quid de religione scripto commendaretur, præcipue tantum Theologi subscriberent: quemadmodum in Smalchaldicis articulis videre licet. Quòd autem etiam vulga-*

Ariter, nec ita excellenter docti Ministri subscripserunt, in scripto publico omitti id bene poterat, nisi Electores, & Principes ad hoc coegissent impudentes vestra calumnia, quas contra ipsorum Theologos & Ministros in publicam confessionis Augustana contumeliam publicis typis evanuisse. Meminisse autem Jesuita debebant, qualibus eminentis titulis Tridentini Concilii Episcopi superbiuerint, ut homines in sui admirationem raperent, cum se Episcopos, & Patriarchas jactarent nescio quorum locorum, in qua nemo illorum unquam pervenit, neque ex illis regionibus quisquam Ecclesiasticus ad Concilium Tridentinum missus erat.

B Hæc responsio satis indicat, eos nihil solidi habuisse, quo vanitatem illam à nobis notatam purgare possent. Primum enim non eis objecimus, quòd antiquis Conciliis soli Theologi præstantes subscribere consueverint, sed quòd soli Prælati, qui jurisdictionem habent, idest, Episcopi. Itaque cum dicunt, non latere se, quæ ratio servata sit in antiquis Conciliis, & eam à se quoque servatam in suis conventibus, ubi præcipue Theologi tantum subscripserunt, vel falsò dicunt non latere se formam veterum Conciliorum, vel mentiuntur cum affirmant, eam à se in conventibus suis esse servatam. In veteribus enim Conciliis veros Episcopos, non autem Theologos quoscunque, in conventibus autem Lutheranorum nullum verum Episcopum, sed Theologos nescio quos subscripsisse non dubium est.

C Deinde cum addunt, omitti potuisse nomina Ministrorum vulgare tantum, & non excellenter eruditorum nisi coegissent eos nostræ calumniæ, quibus eis exprobrare solemus, quòd nulla sit inter Ministros eorum concordia: nihil omnino dicunt, quòd ad rem faciat. Nos enim cum illis objecimus, quòd in gravissimis dogmatibus inter se non conveniant, non loquimur de turba imperitorum, quam scimus facile duci ab iis, quos opinione doctrinæ suspiciunt: sed de viris doctis, vel certè qui docti haberi volunt. Scimus autem non solum in tota Germania inter varias Lutheranorum sectas, sed in ipsa Saxonia, atque inter eos, qui propriè Lutherani dici volunt, dissensiones esse gravissimas, ut vel ex colloquio Altemburgensi cognosci potuit, ubi ex ipsa Saxonia duodecim viri delecti ad componenda dissidia de religione, non solum gravissimos errores alii aliis objecerunt, sed etiam inde absque ulla spe concordie discesserunt. Ad hanc igitur notam tantæ inter eos dissensionis eluendam, nihil omnino prodest subscriptio tot millium vilium personarum. Quid enim mirum, si ex una factione sex tantum viri (tot enim fuerunt auctores libri Concordiæ) inter se conveniant, & octo millia imperitorum, sibi que subditorum ad subscribendum cogant? Certè in Ecclesia Catholica definitionibus Tridentini Concilii omnes omnino qui Catholici haberi volunt, sive docti, sive indocti, sive Principes, sive privati, sive Itali, sive Galli, sive Hispani, sive Germani, sive Angli, sive Poloni, sive cujuscumque regionis sint, sententiam suam, judiciumque subjiciunt.

D Quod postremo adjungunt de Patribus Tridentini Concilii, quòd numquam viderint ea loca, quorum titulos præferunt, inter splendida mendacia numerari

ari potest. Exstat enim Concilium, extant nomina & tituli singulorum Episcoporum. Atque inter trecentos ferme Episcopos, variarum nationum, nescio an tres, vel quatuor inveniri possint, quorum Ecclesiae in iis locis sitae sint, ubi Episcopi rorum aditum habere non possunt.

In altera parte mei libelli reprehendi sex errores gravissimos contra Symbolum Apostolicum, quos in libro Concordiae Adversarii posuerunt. Ita verò ipsi in sua Refutatione respondent, ut errores erroribus addant, & eam imperitiam rerum Theologicarum praeferant, ut indociles omnino videantur.

Exemplum esto in refutatione primi erroris. Primus error à me notatus in eorum libro fuerat, quòd Christus non solum ut homo, sed etiam ut Deus Patri fuerit obediens. Respondent se hanc sententiam libenter agnoscere, nec opus est, inquit, ut Jesuita ex libro Concordiae, & locis communibus Philipp. istius doctrina nos prolixè convincant, quandoquidem hanc non tantum constanter profiteamur, sed eam quoque summam nostram consolationem esse ducamus, quòd obedientia, qua iusti & beati reputamur, Christo non solum secundum humanitatem, verum etiam secundum Deitatem adscribatur. Hæc illi. Nec solum admittunt Christum ut Deum, obedisse Patri, sed etiam admittunt B. Virginem Mariam non tantum esse Matrem Dei, quæ est Catholicorum omnium sententia, verum etiam esse Matrem Christi, ut Dei, quòd est hætenus apud Christianos inauditum, cum, ut infra ostendam, reduplicatio, ut, non suppositum, sed formam reduplicet. Quomodo, inquit, Maria Christi non solum ut hominis, sed etiam ut Dei Mater est, ita quoque Christus, non solum ut homo, sed etiam ut Deus, Patri obediens fuit. Quid est autem, si propriè loqui velimus, Beatam Mariam esse Matrem Christi, non solum ut hominis, sed etiam ut Dei, nisi Christum à Beata Maria divinitatem habere, quemadmodum ab illa humanitatem habet? Quòd si Christus à Matre humanitatem & Divinitatem habet, certè antequam ex Virgine nasceretur, Deus non erat, immò neque aliquid erat, qui est error Ebionis, & Photini.

Ex eodem ignorantie fundamento paulò post adjungunt, non posse negari, quin Christus ut Deus, fuerit Patri obediens, nisi duæ cum Nestorio affirmantur in Christo esse personæ, una quæ obediverit Patri, videlicet persona humana, altera quæ Patri non obediverit, videlicet filius Dei. Quasi verò non possit una & eadem persona divina in forma servi (ut scripturæ verbis utamur) obedire Patri, in forma Dei cum Patre jubere. Sic enim Apostolus ad Philipp. 2. de una & eadem Christi persona dicit, quòd in forma Dei non rapinam putaverit, esse se aequalem Deo Patri, in forma servi Patri obediens fuerit usque ad mortem, mortem autem Crucis; & S. Athanasius in Symbolo de eadem persona Christi dicit, Aequalis Patri secundum Divinitatem, minor Patre secundum Humanitatem. Neque aliud est, quòd Theologi Catholici dicunt, Christus unus & idem, idest, una & eadem persona, ut Deus, æqualis est Patri, ut homo, minor est Patre: ut Deus fuit ante Matrem, ut homo ex Matre principium habuit.

Sed ulterius progrediuntur Adversarii, & obedientiam filio Dei tribuunt etiam antequam formam servi acciperet, idest, non solum secundum Deitatem, sed etiam secundum solam Deitatem, quòd quemadmodum ab hæresi Ariana distingui possit, ipsi viderint. Adferunt enim illa verba Domini Joan. 3. Non misit Deus filium suum in mundum, ut condemnet mundum, sed ut servetur mundus per eum. Sic enim ipsi citant, qui vulgatæ atque antiquissimæ editionis rationem

Contrav. Card. Bellarm. Tom. II.

A nullam habent: ac statim adjungunt: Si igitur Deus filium suum unigenitum in mundum misit, ut genus humanum servaret, necesse est hunc filium Dei obedientem fuisse Patri, dum in Mundum venit, naturam humanam assumpsit, & in ea nos miseros peccatores redemit. Hinc de filio Dei aeterno in Symbolo Nicæno cantatur: Descendit de cælis, & incarnatus est de Spiritu sancto &c. Hæc illi, ex quibus manifestè colligitur, eos sentire, filium Dei etiam antequam esset homo, obedivisse Patri, ac per hoc secundum solam Deitatem. Filius enim Dei cum venit in Mundum, & naturam humanam assumpsit, non erat Deus & homo, sed Deus tantum, nisi quis ita desipiat, ut dicat, Deum & hominem descendisse de cælo, ut fieret homo. Itaque Deus Verbum, cum non esset homo, descendit de cælo, ut fieret homo, & ideò Verbum caro factum est, & ipsa incarnatio descensio fuit. Quòd aliis verbis dicit Apostolus Philipp. 2. Exinanivit semetipsum formam servi accipiens. Quòd si Deus Verbum, cum nondum esset homo, obedivit Patri, ut descenderet & fieret homo, quis non videt, obedientiam, ac per hoc subjectionem tribui Deo Verbo secundum solam divinitatem? Neque enim secundum humanitatem, quam non habebat obedire poterat. At, inquit: Si Deus filium suum misit in mundum, ut carnem assumeret, quomodo non obedivit filius Patri, dum venit in mundum, & carnem assumpsit? Hoc ipsum est argumentum Arianorum, qui ex missione colligebant subjectionem; sed respondebant majores nostri veteribus Arianis & nos respondemus novis Arianis, mittere non esse jubere, nec muti semper esse parere. Nam dominus quidem servum jubendo mittit, amicus amicum hortando, inferior superiorem orando mittere potest. Ac certè negare non possunt Adversarii, Spiritum sanctum mitti à Patre, & Filio: juxta illud Joan. 14. Paracletus autem, quem mittet Pater in nomine meo, & cap. 15. Cum venerit Paracletus, quem ego mittam vobis à Patre: & tamen Spiritum sanctum obedire Patri, & Filio, vel Patrem, & Filium imperare aliquid Spiritui sancto, ne adversarii quidem admittere ausi sunt. Itaque vera est communis Theologorum sententia, missionem in divinis non jussionem, non imperium, sed processionem unius personæ ab alia significare, cum novi effectus connotatione. Sed operæpretium erit cognoscere quid Adversarii ad nostræ argumenta respondeant. Referunt primùm hæc nostra verba: Si Christus, ut Deus, Patri obedivit, certè ut Deus à Patre distinguitur. Alius igitur Deus est Pater, alius Deus est filius: sed unus tantum est verus Deus, & constat Patrem esse verum Deum: non igitur filius est verus Deus nec æqualis Patri, ut in Nicæno Symbolo confitemur. Respondent deinde his verbis: Rudes animos Jesuitas istos esse oportet, quòd distinguere nesciunt inter unitatem Deitatis, & distinctionem inter personas in hac una Deitate. Nam certè filius à Patre distinctus est, tamquam persona divina, quæ ipse Pater non est: & tamen non alius Deus quam Pater est. Atque ita Pater & Filius unus Deus sunt, licet distincta persona, quarum una alteri obedit. Hæc illi. Qui qua modestia præditi sunt, eodem pollent acumine. Nos autem quia scimus unitatem Deitatis cum sola personarum distinctione credi ab omnibus fidei Catholicæ professoribus, ideò tamquam exploratum errorem notavimus dogma Adversariorum, ex quo sequitur, Deitatem filii distingui à Deitate Patris, & proinde filium non esse verum Deum, neque Patri consubstantialem. Argumentum verò, quo id sequi demonstravimus, Adversarii non solverunt. Quòd enim illi exponunt, Christus ut Deus obedivit Patri, idem esse, ac si diceretur, Christus ut persona divina obedivit Patri, ut alteri personæ divinæ, nullo modo defen-

ss 3 di

di potest. Siquidem illa particula reduplicans, ut, non reduplicat suppositum, sed formam. Neque enim dubium est, omnes actiones esse suppositorum, sive personarum, & ideo non ponuntur reduplicantes particulae ad notandam personam, sive suppositum; sed quia dubium esse potest, secundum quam formam suppositum agat, quando plures habet formas, ideo per reduplicantem particulam significatur ea forma, secundum quam suppositum agit. Itaque sicut qui dicit, Petrus ut musicus canit, ut Medicus curat, ut homo ratiocinatur, significat illam personam, quae dicitur Petrus secundum scientiam musicam canere, secundum scientiam medicinae curare, secundum rationalitatem, ut sic loquamur, ratiocinari; ita qui dicit, Christus ut Deus obedit Patri, significat Christum, qui est persona divina, obedire Patri secundum Deitatem. Et quoniam, qui obedit distinguitur ab eo, cui obedit, sequitur ut Christus, qui obedit Patri secundum deitatem, distinguatur à Patre secundum Deitatem. Quod si filius distinguitur à Patre secundum Deitatem, evidenter sequitur, ut duae sint Deitates Patris, & Filii, & alius Deus sit Pater, alius Deus sit Filius, quemadmodum ex eo, quod filius distinguitur à Patre secundum personalitatem, recte colligunt omnes Theologi duas esse personalitates Patris & Filii, & aliam personam esse patrem, aliam personam esse Filium. Hoc igitur est argumentum, quod solvere debuissent Theologi illi Vitembergenses. Sed ut videtur, argumentum non perceperunt, eum tamen tam acuti videri velint, ut eorum comparatione ceteri omnes Asini dici possint.

Nec multò felicius ab altero nostro argumento se expediunt. His enim verbis alterum argumentum nostrum proponunt. *Rursus qui obedit, minor est illo, cui obedit, nam imperare superioris, obedire inferioris est. Ergo si Christus ut Deus Patri obedit, ut Deus, minor est Patre, & mentitur Symbolum Athanasii cum ait: Aequalis Patri secundum Divinitatem, minor Patre, secundum humanitatem.* Respondent autem hoc modo: *Hec ratio locum habet in iis personis quae non sunt ejusdem dignitatis: ubi hac imperat, illa necessitate quadam patet etiam inviti. Cum Christo autem, ejusque obedientia res se aliter habet. Pater enim filio ut Deo non imperavit, ut coactus humanam naturam sumeret: Sed filius Dei sponte, & libere hoc fecit secundum aeternum decretum totius Trinitatis, quocirca etiam filii Dei obedientia alia est, quam obedientia subditi erga suum Magistratum.* Novam hic audimus Theologiam, novam Philosophiam, novam vocabulorum acceptionem. Haec enim obedientia virtus fuit, qua subditus superioris sui mandatum implet. Inter personas ejusdem prorsus dignitatis, atque adeo in omnibus aequales inauditum est esse veri nominis obedientiam, cum par in parem non habeat imperium, vel potestatem. Certè B. Paulus ad Ephes. 6. scribit: *Filii obedite parentibus, & rursus, servi obedite dominis, & ad Hebr. 13. Obedite Praepositis vestris, & subjacete eis;* Et ratio horum omnium est, quia Praepositus major est subdito, dominus major est servo, Pater in humanis major est Filio, quia senior, quia prudentior, quia causa: & S. Augustinus serm. 6. de verbis Domini scribit, obedientiam superioribus esse praestandam, sed illo ordine, ut semper majores minoribus antependantur, ita ut filii parentibus obediant, quia parentes majores sunt filius, sed magis Patriae, quam parentibus, quia patria parentibus major est, & magis, Deo, quam patriae, quia Deus major est, quam patria. Sic etiam obediendum docet curatori, sed magis Proconsuli, quam curatori; magis Imperatori, quam Proconsuli; magis Deo, quam Imperatori. Nec difficile esset multa hujusmodi testimonia proferre, non

A solum ex scripturis sanctis, & veteribus Patribus, sed etiam ex philosophis, aliisque scriptoribus profanis, apud quos semper obedientia, quasi è regione respondet imperium, & obedientia subdito, imperium Principi tribuitur. Neque rectè Adversarii obedientiam respondentem imperio non agnoscunt, nisi in iis, qui parent inviti: quasi verò non sit illa vera & laudabilis obedientia, qua subditus libenter Principi suo pareat. Quae cum ita sint, nisi Adversarii vocabulis abuti, & obedientiae novam definitionem assignare velint, omnino coguntur, aut admittere cum Arianis, Christum secundum Divinitatem esse Patre minorem, si Christum secundum Divinitatem Patri veram obedientiam exhibuisse contendunt: aut negare debent Christum secundum Divinitatem Patri obdivisse, si cum Catholicis aequalem Patri filium secundum Divinitatem esse volunt.

B Sed ineptissima praeter ceteras est responsio ad argumentum tertium. Sic enim argumentum nostrum tertium ipsi proponunt. *Ad hac, secundum illam naturam Christus obedivit, secundum quam mortuus est; nam ipsa mors obedientia fuit summa, & absolutissima; At non est mortuus Christus secundum Divinitatem, sed solum secundum carnem: ergo nec secundum Divinitatem, sed solum secundum humanitatem obedivit Patri.* Respondent his verbis. *Voces nata, secundum, causam indicant propter quam filio Dei adscribitur quod humanitatis proprium est: & vicissim cur Deitatis propria Homini tribuantur, quia enim non duo, sed unus dominatur Christus est, in quo duae diversa naturae arctissime, & intimè unitae sunt; ideo haec duae naturae, omnes istius personae operationes, passiones, & gloriam quoque inter se communicant &c.* Mirum est valdè cur non animadvertant ex hac responsione sua non solvi, sed confirmari argumentum nostrum. Nam si vox *nata*, idest, secundum, indicat causam, cur tribuatur filio Dei, quod proprium est humanitatis, & homini Christo, quod proprium est Divinitatis, certè non licet dicere, filius Dei secundum Divinitatem mortuus est, sicut non licet dicere, Christus homo secundum humanitatem creavit mundum; sed hoc modo dicendum est: filius Dei secundum humanitatem mortuus est, & Christus homo secundum Divinitatem mundum creavit. Causa enim cur filio Dei mors tribuatur, non est Divinitas, sed Humanitas, & causa cur mundi creatio tribuatur homini non est Humanitas, sed Divinitas, ut Adversarii in sequenti pagina contententur, & res ipsa per se clamat. Quid igitur opus est, ut nos in eorum errore confutando laboremus, cum ipsi tam aperte secum pugnent, & sententiam suam sua responsione confutent? Quod verò paulò post addunt, nos cum Nestorianis negare, Christum Deum esse natum, passum, mortuum, mera calumnia est. Nos enim etsi negamus, Christum ut Deum sive secundum Divinitatem, passum & mortuum esse: tamen Christum Deum passum, & mortuum libentissimè confitemur. Denique (ut hunc locum aliquando concludamus) id unum, ab adversariis peto, ut quandoquidem ipsi in extremo libro refutationis hujus provocant omnes Jesuitas ad disputationem cum ea conditione, ut sola scriptura divina sit iudex, proferant unum locum ex toto veteri, aut novo testamento, ubi habeatur, B. Mariam matrem esse Christi ut Dei, & Christum ut Deum, sive, quod est idem, secundum Deitatem, obdivisse Patri, aut passum, & mortuum esse. Haec enim non protulerunt, nisi illa, *Sanguis Jesu Christi Filii Dei emundat nos ab omni peccato*, 1. Joan. 1. & illud: *Non misit Deus filium suum in mundum, ut iudicet Mundum, sed ut salvetur Mundus per ipsum*, Joan. 3. & illud: *Eccce venio, in volumine libri scriptum est de me, ut facerem voluntatem tuam. Deus meus volui, & lex tua est*

in medio cordis mei. Sed neque in his locis, neque usquam alibi inveniunt ſuas illas verborum novitates. Vel certè ſicut nos illis oſtendimus ſcriptum eſſe 2. Corinth. 13. *Chriſtus crucifixus eſt ex infirmitate*; id eſt, ex ea parte qua erat infirmus, & paſſibilis, nimirum ex Humanitate, & ad Rom. 1. *Qui factus eſt ei ex ſemine David ſecundum carnem* & denique 1. Petri 4. *Chriſto igitur in carne paſſo*: ita nobis ipſi viciffim legant, alicubi ſcriptum eſſe: Qui crucifixus eſt ex virtute, id eſt ex ea parte, qua erat impaſſibilis, nimirum ex Divinitate. Vel, qui factus eſt ei ex ſemine David ſecundum Divinitatem; Vel, Chriſto igitur in Deitate paſſo. Quod cum oſtendere non poſſint, intelligant ſe, Iudice ſcriptura, ad quam appellaverunt, omnino cauſa cecidiſſe. Reliqua omnia, quæ ad errores pertinent, omittenda cenſui, quoniam ſuperioribus ſimilia ſunt, & mihi propoſitum eſt, non ad refutationem reſpondere, ſed id ſolum oſtendere, refutationem indignam eſſe, cui reſpondeatur.

In poſtrema libelli mei parte notavi mendacia libri Concordiæ, quæ tam perſpicua ſunt, ut mirum ſit, auſos fuiſſe Adverſarios refutationem eorum aggredi. Sed quam aptè reſponderint, uno exemplo, vel altero demonſtrabimus.

In 31. articulo Confessionis Auguſtanæ habentur hæc verba: *Hæc fore ſumma eſt doctrina apud nos, in qua cerni poteſt, nihil meſſe quod diſcrepet à ſcripturis, vel ab Eccleſia Catholica, vel ab Eccleſia Romana, quatenus ex ſcriptoribus nota eſt.*

In his verbis notavi mendacium contineri: quoniam in hoc ipſo art. 21. docent non eſſe invocandos ſanctos: & tamen non ignorant in Eccleſia Catholica veteri, & in Eccleſia Romana, ut nota eſt ex veterum ſcriptis, ſanctos paſſim invocatos fuiſſe. Ac ut mendacium hoc tegi non poſſet, citavi in meo libello teſtimonia expreſſa pro invocatione ſanctorum Eusebii, Baſilii, Chryſoſtomi, Græcorum; & Ambroſii, Auguſtini, Ruſſini, Latinorum. Addidi teſtimonia S. Leonis Papæ, ut inde fides Eccleſiæ Romanæ veteris cognosceretur, & teſtimonium Prudentii ipſo Leone antiquioris, qui teſtatur Romanam Eccleſiam conſueviſſe ſanctos invocare. Reſpondent in hac ſua refutatione, teſtimonia veterum Patrum, quæ nos adduximus, pugnare cum divino mandato, *Invoca me, & Dominum Deum tuum adorabis*; & ideo veritati confessionis ipſorum nihil derogare. At noſtra quaſtio non eſt, an Patres vera ſcripſerint, quamquam & hoc nullo negotio deſendi poteſt, ſed an ſcripſerint, id eſt, an teſtentur, Eccleſiam ſui temporis, quam veram Eccleſiam, Catholicam fuiſſe Adverſarii conſitentur, ſanctos invocari. Cum autem aſſerunt Adverſarii, Patres antiquos docuiſſe invocationem ſanctorum, eoſque accuſent quod id ſecerint contra mandatum Dei, quomodo non mentiuntur, vel mendacium non confirmant, cum dicunt, & repetunt doctrinam ſuam, quæ prohibet invocationem ſanctorum, à doctrina Eccleſiæ Catholice veteris non diſſidere? Deinde ut probent in Eccleſia Romana veteri non fuiſſe uſum invocandi ſanctos, adducunt unum teſtimonium Ambroſii ex commentario in c. 1. ad Romanos, ubi videtur Ambroſius damnare Invocationem Sanctorum, cum tamen conſtet Ambroſium eſſe Doctorem Eccleſiæ Romanæ. Sed multis modis reſpondere poſſumus. Nam primò auctor eorum commentariorum non damnat invocationem ſanctorum, ſed errorem quorundam Gentilium, qui docebant Deum immediatè adiri non poſſe. Sed neceſſario per quaſdam inferiores virtutes cœleſtes adeundum eſſe. Secundò commentaria illa à viris doctis non tribuuntur Ambroſio. Tertiò, Ambroſius in lib. de Viduis, quem nemo negat

A Ambroſii eſſe, apertiffimè docet invocationem Sanctorum, atque adeò apertè, ut Adverſarii hoc loco Ambroſium hoc nomine reprehendant, quod contra verbum Dei ſanctos invocandos eſſe docuerit. Quarto Ambroſius nuſquam dicit in Romana Eccleſia non invocari ſanctos, & contra Prudentius, qui æqualis Ambroſii fuit, diſertis verbis in hymno de S. Laurentio Romanam Eccleſiam invocare ſanctos ſolitam eſſe teſtatur. Atque idem teſtatur S. Leo Papa Romanus. Quæ omnia cum Adverſarii ſciant, & ſaltem in noſtro libello legerint, qua fronte mendacium excuſare poſſunt, quo aſſerunt doctrinam ſuam ab Eccleſia Romana veteri non diſcrepare? Atque hoc de invocatione ſanctorum exempli loco poſuimus. Nam alioqui plurima ſunt in confeſſione Auguſtana, quæ maniſeſtè diſcrepant à Romana Eccleſia, quæ ante mille annos & eo ampliùs florebat.

B In eadem confeſſione Auguſtana in articulo de Miſſa habentur hæc verba: *Falsò accuſantur Eccleſia noſtra, quod Miſſam aboleant: retinetur enim Miſſa apud nos, & ſumma reverentia celebratur.* In his verbis evidens mendacium contineri probavi in meo libello ex articulis Smalchaldicis, qui unà cum Confeſſione Auguſtana deſcribuntur, & approbantur in eodem libro Concordiæ. Nam in articulis Smalchaldicis, Miſſa, ut res commentitia, & figmentum humanum, vel potiùs ut cauda draconis abroganda mandatur. Reſpondent in Refutatione, per Miſſam, quæ ſecundum Confeſſionem Auguſtanam in Eccleſiis Lutheranorum retinetur, intelligi diſtributionem Sacramenti, non autem ſacrificium pro vivis & mortuis: per Miſſam, quæ in articulis Smalchaldicis damnatur ut res commentitia, figmentum humanum, & cauda draconis intelligi Miſſam Papiſticam, quæ dicitur eſſe ſacrificium pro vivis & deſunctis. At hanc refutationem ego ante prævideram, & ideo in meo libello addideram, non accuſari à nobis Lutheranos, quod abrogaverint diſtributionem Sacramenti, ſed quod ſuſtulerint ſacrificium, quod in Eccleſia Catholica ſub Miſſæ nomine celebratur. Itaque hoc Dilemmate uſus ſum: Si per Miſſam intelligitis Coenam Domini, mendacium eſt quod accuſemini, ſi verò intelligitis ſacrificium, mendacium eſt quod falsò accuſemini. Ad hoc noſtrum Dilemma non potuerunt in Refutatione aliud reſpondere, niſi Miſſam à ſe abrogatam non eſſe, quia ipſa Coena Dominica nonnullis in locis apud Lutheranos adhuc Miſſæ nomen retinet, quamvis nullum in ea ſacrificium offeratur. At non de nomine, ſed de re quaſtio eſt. Neque Lutheranos à Catholicis accuſantur, quod Miſſæ nomen aboleverint, ſed quod Miſſam ipſam, qualem ante Lutheri tempora per multa ſæcula Germani ſacerdotes celebraverant, jam non ſolum non celebrent, ſed etiam ut Idololatriam & Sacrilegium execrentur. Quare eodem Dilemmate uti poſſumus, ſi per Miſſam intelligitis vocabulum Miſſæ coenæ Dominicæ accommodatum, mendacium eſt quod accuſemini: ſi autem rem ipſam, quæ Miſſa dicebatur ante Lutheri tempora, id eſt, ſacrificium corporis Domini pro vivis & deſunctis oblatum, mendacium eſt, quod falsò accuſemini.

E Addam & tertium exemplum. In eadem Confeſſione Auguſtana, & ex ea in libro concordiæ habentur hæc verba: *Auguſtini tempore Monasteria erant libera collegia: poſtea corrupta diſciplina ubique addita ſunt vota, ut tamquam ex cogitato carcere diſciplina reſiſteretur.* Hoc maniſeſtum eſſe mendacium probavi ex ipſo Auguſtino, qui ſic loquitur in explicatione Pſalmi 75. *Nemo poſitus in Monasterio frater, dicat, recedo de Monasterio; Neque enim ſoli qui ſunt in Monasterio perventuri ſunt ad Regnum calorum, & illi, qui ibi non ſunt, ad Deum non pertinent. Reſpondetur ei, ſed*

sed illi non voverunt, tu vovisti. Et in Psalm. 99. *Dum non perseveraveris implere quod vovisti, fit desertor tam sancti propositi, & reus voti non redditi.* Respondent in Refutatione, falsò accusari mendacii suam Confessionem Augustanam, & reddunt rationem, quia S. Augustinus in eadem explicatione Psalmi 99. significat, eodem loco habitas Virgines sacras, quæ in Monasteriis degebant, & alias, quæ in propriis ædibus versabantur. Secundò quia idem S. Augustinus in lib. de bono viduitatis cap. 10. & 11. dicit, se non probare illorum opinionem, qui dicunt lapsarum à sancto proposito sceminarum, si nupserint, adulteria non conjugia esse. Tertiò, quia *Confessio Augustana, cum dicit, Augustini tempore Monasteria fuisse libera collegia, & sine votis, non loquitur de votis in genere, sed de votis in Papatu usutatis, quibus puella, & juvenes ante justam ætatem implicati & constructi in vinculis istis, & contra verbum Dei, & conscientiam manere coacti sunt.* At hoc quid aliud est, nisi fugere recta veritatis, & in laqueos falsitatis incurrere? Primum enim falsum est, quòd eodem loco habitæ fuerint Virgines Deo sacræ, quæ in Monasteriis, & quæ in domibus propriis versabantur. Nam quæ in domibus propriis versabantur, solo voto castitatis obstrictæ erant, quæ in Monasterio degebant, voverant præter castitatem etiam vitam communem, ut idem Augustinus in utroque loco à nobis allegato scribit. Deinde S. Augustinus dicit quidem in libro de bono viduitatis, videri sibi conjugia post votum castitatis non esse adulteria, sed vera conjugia, tamen addit in eodem loco esse sacrilegia, adulterio ipso pejora. Proinde non vult, liberum illis fuisse post votum nubere, nisi sacrilegia adulteris pejora libera esse debeant. Adde quòd Augustinus eo loco de voto castitatis simplici loqui videtur, non de voto castitatis solemnî, quale est illarum, quæ ut mundo omni ex parte mortuæ, in Monasterio vitam communem sub obedientia profitentur. Denique falsum est, quòd in Ecclesia Catholica ante justam ætatem juvenes, aut puellæ servare cogantur vota temerè emissa. Contrarium enim cavetur in antiquis Conciliis; & in ipso jure Canonico, & demum idem renovatum cernimus in Concilio Tridentino Sess. 25. cap. 15. & 17. de Regularibus. Sed illud omnem impudentiam superat, quòd verba Confessionis Augustanæ, generalia, perspicua, diserta, quibus asseritur tempore Augustini Monasteria fuisse libera collegia, & postea ob corruptam disciplinam, addita fuisse vota, per novam glossam restringere velint ad vota emissa ante justam ætatem. Sed veniam damus pudori, voluerunt enim aliquo saltem imaginario pallio Patrum suorum verenda contegere. Quamvis si quis eos urgeret, ac peteret, an vota monastica emissa iusta ætate necessariò servanda sint, ex doctrina S. Augustini, & exemplo veteris Ecclesiæ, in majores angustias credo, redigerentur; Nec scio, qua ratione Lutheri, & Catharinæ, Bucer, Petri Martyris, torque aliorum suorum Principum apostasiam defenderent. Sed his ommissis, veniam ad id, quod in principio, in medio, in fine totius Refutationis, atque adeò in singulis ferè paginis libri sui reperunt & inculcant ad nauseam usque. Quoniam enim ad tot mendacia illis objecta quid solidi responderent, non inveniebant, excogitaverunt callidum sanè consilium, ut Jesuitis invidiam eo nomine conflarent, quòd ausi sint Illustrissimos Principes mendacii coarguere. Ita enim derivata mendaciorum infamia à se

A in Principes, id futurum speraverunt, ut quod ipsi rationibus non possent, notam videlicet mendaciorum eluere, id Principes auctoritate præstarent. Ego verò sanctè affirmare possum, numquam mihi in mentem venisse, ut Illustrissimos Principes, quamvis à religione Catholica alienos, mendacii reprehenderem. Illorum esse mendacia, quæ retuli, semper existimavi, qui Confessionem Augustanam, qui Apologiam, qui librum Concordiæ confecerunt, id est, Philippi, Smiddelini, & paucorum aliorum Theologorum. Isti enim sunt, qui sciebant, vel certè scire poterant, & scivisse præsumuntur falsa esse, quæ dicebant, & scribebant, atque hoc est esse mendacem. Principes, & populi, quorum munus non est libros evolvere, quique suis Theologis crediderunt, seducti, circumventi, decepti dici possunt, mendaces dici non possunt. At (inquiunt, Adversarii pag. 62.) Idcirco Jesuita non solo fædo illo mendacii nomine contenti, adjuncto epitheto *Illustre mendacium* vocarunt, hoc est, vanitatem, & mendacium Principum; probè namque noverunt, vocem hanc, *illustre*, in lingua Latina, præcipuè erga Principum personas usurpari. Responderem profecto illustrem hanc esse calumniam, nisi timerem, ne id etiam detorquerent ad principum injuriam. Ego igitur in Cicerone, aliisque bonis linguæ Latinæ auctoribus frequentissimè legi (*illustre*) pro dilucido, & perspicuo, pro verbo, vel factò Principis numquam legi. *Illustre* perjurium est in oratione Ciceronis, de Aruspicum responsis. Quod si Adversarii nostri perjurium hominum illustrium, id est, Principum, interpretentur, quis non rideat? Ita igitur Jesuitæ de mendacis Principum ne cogitantes quidem, illustria dixerunt mendacia Philippi Melanchthonis, aliorumque similium sectariorum, quomodo Tullius illustre perjurium, quod perspicua, manifesta, clarissima essent; nam ut idem ait Cicero in Partitionibus: *Illustre* aliquanto plus est, quàm dilucidum. At, inquiunt, *verba illa præfationis Concordiæ, in quibus mendacia notantur, Principum verba sunt.* Verba quidem illa ita scripta sunt, ac si à Principibus dicerentur, sed à Theologis composita, & conscripta sunt. Principes enim nomine suo præfationem illam edi voluerunt, quo liber concordiæ plus auctoritatis haberet. Sed quemadmodum decepti sunt, non autem mentiti, cum Concordiæ subscripserunt, quia vera esse crediderunt, quæ in ea continebantur: ita quoque cum præfationem à Theologis confectam suo nomine typis mandari voluerunt, non ipsi mentiti esse dicendi sunt, quamvis in ea præfatione multa sint falsa, sed ii, qui scientes falsa esse, non veriti sunt ea conscribere. Quæ cum ita sint, si Principes Lutherani rectè judicare voluerint non de Jesuitis querentur, à quibus nulla injuria sunt affecti; sed Theologis suis meritò irascantur, atque ab his dignas pœnas reposcent, qui ipsis ita imposuerunt, ut errores gravissimos, mendaciaque clarissima pro veritate eis obtulerint. Quod autem ad libellum meum attinet, is magnas agit Adversariis gratias, quòd cum antea ab Auctore suo neglectus, sola Typographi benignitate lucem aspiceret, nunc tantorum virorum summo conatu, totisque viribus oppugnatus, & nihil tamen læsus, cujus rei judicium æquis lectoribus liberè libenterque permittitur, ab Auctore proprio, non solum pro suo agnitus, & ejusdem jussu editus, sed etiam inter alios ejus libellos optimo loco sit collocatus.

F I N I S.

IN-

INDEX RERUM

MEMORIA DIGNARUM

Qua in hoc Appendicis Opusculo operum D. Roberti Bellarmini Societatis Jesu Theologi passim occurrere possunt, serie Alphabetica digestus.

A

ARON à Mose fuit in sum-
mum sacerdotem consecra-
tus. Pag. 501. c
Aronorum sacerdotum li-
cet sacrilegorum & imple-
rum Christus Salvator &
Apostoli honorifice loquendo memi-
nerunt, & quare. 491. c
Absolutio duplex, altera particularis, al-
tera generalis, & ultra eorum requirit
cognitionem causae. 577. c
Absolutio non modo à peccatis, per sacra-
mentum poenitentiae, sed à censuris
quibuscumque, & etiam dispensatio in
omnibus unde colligatur. vide. 572. a
Actionum humanarum bonarum duplex
valor, scilicet meriti, & satisfactio-
nis. 568. d
Adolphus Comes Holfatiae propter Chri-
stum ex opulentissimo & potentissimo
principis pauperimus monachus fa-
ctus est. 509. d. e
Adrianus Papa, Carolum Magnum electio-
nem Pontificis ceterorumque Episco-
porum jure, & patriciatu unius digni-
tate ornavit. 544. d
Adrianus IV. antea Monachus ab Eugenio
III. Card. creatus, doctissimus & opti-
mus in Norvegiam missus, eam pro-
vinciam Christo suis laboribus acqui-
sit. 495. c
Adrianus IV. novo & insolito mortis gene-
re apud Anagninam extinctum fabulose
refert Abbas Urspergensis ex Joanne
quodam Cremonensi obscuro auctore
& schismatico quem ex affectu potius
quam veritate calia scripsisse refert Jo-
hannes Nauclerus in Chronico. 518. b
Aerius quid senserit pro Missa in remedium
defunctorum. 300. e
Aeneas Sylvius postea Pius II. appellatus,
Pont. Max. Imperium in Reges Fran-
corum per suos predecessores Pontifi-
ces translatum affirmat. 516. b
Albertus Imperator à Bonifacio VIII. vehe-
menter contendit ut Imperium sibi &
heredibus suis confirmaret, sed non
impetravit, quia Rom. Pont. voluit
Imperatorem eligi, non nasci; unde
cognosci potest quae fuerit ejus Impera-
toris sententia de potestate summi Pon-
tificis in evehendis hominibus ad Im-
perium. 523. a
Albertus Pighius Apologiam Ludovici IV.
egregie refutavit. 561. d
Alberti Krantzii Germani testimonio Ele-
ctorum jus septemvirum nominandi
Regem in Imperatorem per Pontif.
promovendum à Pontificibus Romanis
promovendum comprobatur. 558. d
Ejusdem testimonio Illyricus mala fide
abusus notatur ibid. e
Alciatus vir doctissimus & historiarum pe-
ritissimus etiam haereticorum adversa-
riorum testimonio. 556. e
Alciati ejusdem nobilis Juriconsulti error,
quo scribat Carolum Magnum Impe-
rium sibi à Pontifice populoque Roma-
no designari procurasse. 570. a

Alexandri III. Pontif. responsum legatis
Graecorum Imperatoris unionem ite-
rum fieri cupientibus Orientalis simul
& Occidentalis Imperii datum, au-
thoritate & prudentia plenum. 525. c
Alexandrinus Patriarcha non multis ab hunc
mensibus missis ex Aegypto literis
moderno Pontifici maximo Clementi
VIII. inscriptis, caput cum Ecclesiae
universae Christi vicarium consti-
tuit. 481. a
Anabaptistae palam Magistratum omnem de
medio tollunt. 508. d
Anima Christi habuit essentiali gloriā
sine meritis in instanti conceptionis
suae, & ideo de rigore justitiae meruit
omnibus hominibus gratiam, & glo-
riam. 574. e
Animae existentes in purgatorio non dicun-
tur liberari applicatione sacramenti
contra Lutheranos, ita asserentes. 596. d
Anselmus Cantuariensis Episcopus vir san-
ctimonius & literis clarissimus, Henri-
cum IV. Neronis, Domitiani, & Dio-
cletiani successorem vocat. 511. e
Antichristus in suo nomine venit, qui nul-
lum supra se Deum agnoscit. 480. a
Antichristum futurum genere Judaeum at-
que ex Tribu Dan, cum S. Irenaeus di-
cit, Hierosolymisque regnaturum, &
in templo quod Salomonis dicebatur
sessurum, summa est Calvinianorum
ceterorumque haereticorum impuden-
tia ejusdem Antichristi notam Roma-
no Pontifici impii adscribere. 482. b
Antipapas tres ob similitudines cum legitimis
Pontificibus susceptas schismaticae for-
vis potentia Imperiali Fredericus I. Im-
perator contra Alexandrum Adriani
IV. successorem. 518. c
Apostolicae Sedis auctoritate Imperii gau-
det prerogativa Germania. 522. b
Aquilam bicipitem quare Romani Impera-
tores pro gloriosis gerant insignibus.
527. d
Argumentum libelli inscripti falso ab Ha-
reticis, Synodus Parisiensis, ab Au-
ctore explicatur. 562. b
Argumentum secundum Catholicorum de-
sumptum ex Apostolo 2. Corint. sex
objectionibus impugnatur à Kemnitio,
& quae illae sint. 608. e
Argumenta Lutheri contra Indulgentias
quomodo refellantur. 549. e 550. a. &
seq.
Arianos, Macedonianos, Nestorianos &
Pelagianos non solum Catholici, sed
etiam Lutherani & Calviniani pro ha-
reticis habent. 481. a
Arnulphus Germaniae Rex à Papa Formoso
Romam veniens summo favore excep-
tus & Imperii Corona donatus. 552. d
Arnulpho Imperatore defuncto, magna in-
ter Italos Longobardos, Germanos seu
Francos Orientales & Francos occiden-
tales seu Gallos de possessione Imperii
fuit concertatio. 552. d
Articuli multi Lovanensium damnati à Pio
V. & Greg. XIII. & praecipue ille, qui
habet solius Christi satisfactionibus re-
mitteri poenam temporalem, sanctorum
autem passionibus offerri Deo, ut ipse

eorum intuitu malis applicet merita
Christi. 575. d

Auctorum nomina, qui de Indulgentiis, &
piè, & Catholicè scripserunt tum eo-
rum, qui ipsi impiè detraxerunt. 568. a
& seq.

Aurum ex Ennii stercore colligebat olim
Virgilius, at Illyricus ex historicorum
auro sterco colligit. 532. a

B

BABYLON ubi Roma dicitur à Ter-
tulliano & Hieronymo immò ab ipso
principe Apostolorum Petro, & simi-
liter ab Apostolo Joanne de Roma Er-
thulica non de Roma Christiana intelli-
gitur. 482. d

Bambergenus Episcopus Friderici orator
Imperatoris ad Summum Pontif. Prin-
cipis sui nomine Coronae Imperialis
insigne à Pontifice petiit. 518. a. b

Baptismus renovat ita hominem, ut post il-
lum nihil profus sit explandum, ne-
que culpe, neque poenae, aut aeternae,
aut temporariae, & post illum si ma-
neat in statu gratiae, nullo modo sunt
necessariae Indulgentiae. 559. e

Baptismus, & Monachatus quam simili-
tudinem habeant invicem quo ad cul-
pam, & poenam. 635. e

Barbari suos duces nominant Reges. 542. a. b
Belisarius & Narces Graeci Imperatoris Du-
ces Gothos Italiae possessione exuerunt
non Longobardi ut mentitur Illyricus.
540. c

Belli jure Imperium Germaniae non fuisse
acquisitum. 525. c

Berengarius tyrannus ab Othone I. Impera-
tore captus. 551. c

Berengarius Longobardus Italiae Rex & Im-
perator ab Othone I. jam Imperatore
praedecessor & Imperator appellatus.
552. d

Boccacius jure à Catholicis reprehensus
quod primae fecerit fabulae fundamen-
tum sacramenta confessionis atque ex-
tremae unctionis. 492. d

Bohemiae Rex ab Electorum numero ab
Hultensi Cardinale Henrico excludi-
tur, quod non sit Teutonicus. 554. d

Revera non eligit Imperatorem cum ce-
teris, sed solum quando sex electores
inter se ita dividuntur, ut tres uni, &
tres alteri suffragentur, tum ille jus ha-
bet ex duobus electis alterum nomi-
nandi. ibid.

Bona opera non prohibentur praeter fidem
in justificatione contra mendacium Lu-
theranorum. 628. e

Bona Clericorum tam Ecclesiastica quam
secularia libera sunt, ac merito esse de-
bent à tributis principum secularium;
& istius propositiones varias probatio-
nes vide. 497. c. d

Bona Clericorum temporalia, bona domi-
nica propriè dicuntur & quare. 500. c

Bullae indulgentiarum sunt consuevit,
contra Kemnitium, quamvis hoc non
probetur ex scripturis in particulari,
sed tantum in communi. 504. d

CAL-

C

- CALVINUS** refutatur cum dicat sanguinem Christi profanari Indulgentiis. 596. c
- Calvinus** decipitur & est mendax cum dicit, Catholicos negare sanguinem Christi non sufficere ad remissionem, reconciliationem & satisfactionem peccatorum, hoc enim falsum esse multis rationibus probatur. 596. c. d. e
- Calvinus** citans testimonia scripturæ, quibus nititur probare merita Sanctorum si adjungantur sanguini Christi, siue ejus meritis ipsum Christi sanguinem profanari, quomodo sint intelligenda. 596. e. a. b
- Calviniani** paulatim in Atheismum prolabentes de religione jocum, & de controversiis fidei ludicras declamationculas faciunt. 479. a. b
- Calviniani** opinantur potestatem remittendi, vel retinendi peccata esse referendam ad concionem, quod absurdum reprobat. 599. b
- Caput Ecclesiæ** cum sit Christus quomodo item caput ejusdem summus Pontifex dici possit nimirum ministeriale. 427. e
- Carolus Magnus** Occidentis primus & Francorum Imperator à Leone III. Pont. Max. nominatus & coronatus Irenes Imperatricis Orientis nuptias ambibat illa nec ab eo conjugio abhorrente. 519. d
- Carolus Magnus** omnium consensione Historicorum primus ex gente Francorum fuit Romanorum Imperator ex quo constat non hereditario eum jure Imperium ut mentitur Illyricus habuisse. 521. c
- Carolus Magnus** Romam venit Pontificis Max. ulturus injurias non eum judicaturus ut mentitur Illyricus. 546. b
- Carolus Magnus** Patrius Romanus nunquam Romanorum hostis sed semper eorum amicus fuit. 526. c. d
- Longobardorum** in Italia Regnum armis adeptus est; Romam venit non ut hostis orbem expugnaret, sed ut Patrius & brachionis etiam gratia, & ut causam cognosceret quæ inter Pontificem & sediciosos quosdam elves fuerat exorta. ibid. e
- Caroli Magni** successionis series videatur. 538. a. b. c. & per totam.
- Carolus Magnus** precibus populi Romani Leo Pontifex Imperatorem dixit. 536. d
- Carolus Calvus** ab infestatione Ludovici junioris Imperatoris non hortatu Pontificis Summi Adriani sed mandato abstulit. 558. e
- Caroli Calvi** testimonio & seria celerique ad Pontificem ex Francia professione ostenditur præter coronationem & Imperii jus ad Reges per Summum Pont. transferri posse. 523. e
- Carolomanum** qui relicto principatu Franciæ Monachatum elegit divino succensum amore fuisse scribit Abbas Urspergensis. 509. b
- Carolus V.** Imperator cum Francisco I. Rege pacem fecit & Leonoram sororem ei in matrimonium collocavit non communicata cum eo Imperii dignitate. 539. d
- Carolus Molinæus** Gallus Hæreticus & ob id Pont. Rom. inimicus auctoritate fidei in suis scriptis caret. 558. c
- Cassiodorus** Chronographus insignis Theodoricæ Gothorum regis Cancellarius. 533. e
- Catholici** præter fidem in lapsis contritionem, confessionem, & satisfactionem necessariam volunt Lutherani solam fidem. 602. c
- Catholici Theologi** omnes volunt homines justificatos posse satisfacere Deo pro debito poenæ temporalis de congruo,

- sed etiam de condigno contra secundum cap. Remittit falsò imponentis ipsis poenam temporalem non posse exsolvi. 604. a
- Catholicis** omnibus sacrosancta Pontificum esse debet auctoritas. 524. c
- Causa** justa Indulgentias concedendi utrum debeat esse proportionata, ita, ut minima indulgentia minimam requirat causam, maxima verò maximam, in hoc gravissimorum auctorum diversæ sententiæ, & rationes. 585. d. e
- Causa** justa indulgentiæ, quare non requiratur, ut opus injunctum sit omnino satisfactorium, ita ut compensent omne delictum. 585. c
- Causam** justam, ut plurimum in dandis Indulgentiis duo requirere. 586. d
- Causæ** concedendi Indulgentias antiquis temporibus, & novis, quænam essent & in quibus differrent, & convenirent. 616. b. c. d
- Causæ** indulgentiæ datæ particulari, & in communi invicem diversæ, & quomodo. 586. c
- Causæ** Indulgentiarum quot sint, & quæ illæ. 615. c
- Causæ** Ecclesiasticæ quænam vocentur. 496. e
- Cælestinus V.** Rom. Pont. à Dante reprehensus quod pontificatu sponte se abdicavit. 486. b
- Ejusdem** laudes ob vitæ sanctitatem & miraculorum exhibitionem. Vide. ibid. c. & 495. c. d
- Ejusdem** vitam fideliter & doctè scripsit Cardinalis Cameracensis Petrus ab Aliaco. 486. b
- Celibatus** quomodo sit necessarius ad sacerdotium. 616. d
- Ceremoniæ** Ecclesiæ veteris antiquorum Patrum in Ecclesia nostra servantur contra mendacium Lutheranorum asserentium se illas servare, & quæ illæ sint. 610. d. e
- Cæsar** Dictator in bello adversus Gallos interdictum opera Germanorum se usum testatur. 527. c
- Cæsar** Germanicus regnum habet ex electione suorum principum, à Pontif. autem max. habet nomen Imperatoris. 516. c
- Cæsares** ante Pontificiam Coronationem Reges, post eam verò Imperatores & Augustos à veteribus usitata phrasi appellati solitos. 520. b
- Cæsares** olim dicebantur qui Augusti futuri erant. 520. c
- Cæsares** Germanorum potentiam & gloriam ad Antichristi præstigias & Tyrannidem Lutherus ejusque filii Chytræus Bibliander & Illyricus referunt. 511. b
- Cæsarei** juris fuisse per omnem vetustatem castigare Pontifices summos, cum totius vetustatis exempla contrarium clementer, affirmare, ut facit Illyricus, summa est impudentia. 551. b
- Christus** Salvator & Apostoli de Sacerdotibus Aaronicis licet jam sacrilegis, & impiis honorificè loquuti fuerunt & quare. 497. b
- Christus** Salvator quare ad tributum solutionem non fuerit obligatus. 498. c
- Christus** assumpsit sibi adiutorem Paulum ad salvandum dignationem, non necessitate, quomodo sit etiam per merita sanctorum admixta ipsis meritis Christi in Indulgentiis. 598. d. e
- Christus** licet non judicet res terrenas, id non fecit quia non potuit, sed quia noluit. 543. e
- Christus** Pilato fuit subiectus de facto non de jure & potestas desuper data quam in Pilato Christus agnovit non potestas judiciaria sed permissio intelligenda est ut sancti Patres docent. 502. a
- Christus** sua passione satisfecit pro omnibus peccatis non solum pro peccato originis contra Lutheranos volentes missam

- fuisse institutam, ut pro actualibus prodesset. 633. e
- Christus** quare voluit applicare integrum pretium suæ redemptionis tam quoad culpas, quam quoad poenas tum æternam, tum temporalem, sacramento Baptismi, non autem sacramento poenitentiae. 609. e
- Christum** suscepisse pro nobis omnem culpam, sed non totam poenam est mendacium falsò à Remittit Catholicis impositum. 605. e. a
- Clavium** missio ad principes viros summorum Ecclesiæ Romanæ Pontificum religiosum munus erat, non dignitatum vel Papale insigne. 545. c
- Clemens VI.** annum, in quo summæ indulgentiæ conceduntur ad euntibus basilicas apostolorum, instituit appellandum annum Jubilæi, more veteri propter similitudinem. 567. d
- Clemens VI.** quibus rationibus fuerit adductus edere Extravagantem qua determinat, extare thesaurum spirituale passionem Christi, & sanctorum. 571. e
- Clemens VIII.** laudandus. 587. a
- Clerici** sic dicti tamquam ad sortem Domini pertinentes. 500. b
- Clerici** graviter puniuntur Decretis Conciliorum Milevitani & Matiscenensis si ad terreni Imperatoris causam ecclesiæ deferant. 496. a
- Iidem** quomodo ab obligatione legum civilium non eximantur scilicet obligatione non coactiva, sed solum Directiva. ibid. d
- Clerici** etiam si leges civiles non servant, non possunt à iudice seculari judicari. 497. a
- Clericorum** exemptio in rebus politicis tum quoad personas, tum quoad bona introducta est jure humano pariter & divino. 498. d
- Clericos** ob honorem Domini tributa non solvere Divus asseruit Hieronymus. ibidem.
- Clericos** tum majores tum minores jure subiectos esse debere seculari potestati asserere hæreticum est. 496. b
- Jure** divino tantum esse liberos & eorum bona à potestate principum secularium Catholici aliquot tenent. ibid. d
- Et nonnulli** ex iis pariter Catholicis parim divino jure partim humano iidem hanc immunitatem competere asserunt. ibid. d. & e
- Clodoveo** Carolus Magnus trecentis fere annis posterior fuit. 525. b
- Clodoveo** Consulatus & patricatus insignia contulit Anastasius Imperator non Augustalem dignitatem ut mentitur Illyricus. 525. a
- Clodoveo** Coronam auream gemmatam sibi ab Anastasio Imperatore donatam Roman. S. Petro misit. ibid. d
- Communio** Sanctorum quæ est novus articulus, quam communionem significet, & quod illa sit triplex contra Remittit. 612. b
- Concessio** indulgentiarum quo ad ea, quæ pendunt ex solo jure Ecclesiastico est rata etiam sine justa causa, quæ verò pendet à Deo, vel in hac vita vel in alia non; & qua de causa. 585. e. a
- Concilium** Generale sectufo Papa non posse concedere plenarias Indulgentias, quare. 584. a
- Concilium** Nicænum statuit quo cultu Imagines sint adorandæ, vivifica Crux contra imposturam Michaelis Balbi. 563. c
- Concilium** Generale sectufo Papa non habet auctoritatem Papalem nec formaliter, nec emmenter, sed tantum Episcopalem. 584. e
- Concilia** Ecclesiæ Catholice, quare non mutant quotannis dogmata, ut Lutherani. 603. c
- Concilia** tum Generalia, tum provincialia antiquissima probant dari Indulgentias. 573. b

Conciliatio opinionum circa proportionem iustæ causæ ad dandas indulgentias & iura verior sententia. 386. d. e. a

Conditiones necessariæ indulgentiæ quæ, & quot sint. 387. b

Confessio Augustana coheret cum Ariana hæresi circa unitatem essentia divinz, & quomodo. 626. e

Confessio Augustana damnata à Carolo V. cum subscriptione quinque Electorum; Ecclesiasticorum principum triginta, secularium viginti trium, Abbatum viginti duorum; Comitum, & Baronum triginta duorum; Civitatum liberarum, & Imperialium trigintanovem. 625. a

Confessione Augustanæ unum solum Principem Electorem, sex principes, & Civitates liberas solum duas adhæsisse & subscripsisse constat. 507. d

Eandem in Augustano Conventu Imperii ordinem ab ipso Imperatore Carolo V. damnatam cum numerosa principum & Civitatum subscriptione. ibid.

Confessio Lutheri in quot dissentiat à Confessione Augustana contra ipsos Lutheranos: & quam se secum pugnans in duobus articulis, altero de unitate Essentia divinz, altero de Incarnatione. 625. e. & seq.

Confessio quando sit: necessario faciendâ ante indulgentia perceptionem, & quando non. 388. c. d. e

Conjugium quando prohibitum sacerdotibus contra Lutheranos dissentientes. 631. e. a. b

Conjugium omnino prohibitum sacerdotibus ex Canonibus omnibus contra mendacium Lutheranorum. 632. d

Constantinus magnus Constantinopolim quasi alteram Romam ædificavit.

Constantinus qui primus fuit Imperator aperte Christianus, natura docente Ecclesiasticos immunes à communibus Reipub. oneribus declaravit. 500. e

Quod & multi alii Imperatores post eum fecerunt. ibid.

Idem Episcopum Eusebium Nicomedensem in exilium relegavit antea tamen à Concilio Nicæno depositum propter hæresim. 497. d

Eiusdem donatio Sylvestro Pontifici facta, non solum urbem Romam atque Italiam universam, sed etiam omnes Occidentalis Imperii provincias complectebatur. 516. e

Eiusdem Imperatoris hereticum non minus quam pius in defensionem nominis sacerdotalis factum ex Theodoro vide. 493. a. b. c

Constantino magno excepto nullus Imperator felicior, nullus Ecclesiæ utilior Carolo magno reperiuntur. 542. c

Constitutio Pontificia quæ septem viros principes Electores esse voluit, odiosa. 556. e. a

Postea tamen vitandorum occasione Schismatum omnium consensu recepta fuit. ibid. a

Consuetudine communi Christianorum præterquam quod ex sacris literis & libris sanctorum patrum nominibus patris & pastoris sacerdotes ornantur. 500. b

Consules tres uno anno fuisse inaudium est. 535. a

Contradictiones Illyrici hæresiarchæ de Imperii Romani translatione quamplures videtolæ. 505. c. usque ad 508. a

Crucis imaginem cum colere liceat, multo magis imaginem crucifixi. 564. c

Crucem tantum esse adorandam, non autem reliquas imagines impie blaterant hæretici. 564. b

Culpa peccati cur solvatur per sacramentum tantum, reatus vero poenæ extra sacramentum. 572. b. c

Culpe hominum non possunt expiari passionibus sanctorum & qua ratione id fiat. 574. a

Culpe multa lethales, quarum unaquæque sit offensio infinita, non requiunt ad sui expiationem multas infinitas satisfactiones, & hoc quare. 575. b

Cyrus Persa, Alexander Macedo, & Iulius Cæsar Romanus, iure belli per se occupando iura aliorum summa tenere Imperia. 525. c

D

DANTES Aligherius Poeta haud vulgaris adulatorio poemate prædixit Imperio Romano præsertim per omnem Italiam aliquando potiturum Chanem Scaligerum Veronæ principem summum suum benefactorem, sed vaticinio falso & inani. 488. c

Quæstuariorum Indulgentiarum reprehendit non ipsas Indulgentias. ibid. e

Testimonia ejusdem prolata in defensionem aliquot præcipuorum fidei Catholicæ capitum, ut de primatu Pontificis Romani, de igne purgatorio, de operum meritis Bonorum, de libero hominis arbitrio, & de signo Crucis venerando, sanctorum invocatione, Desperæ intercessionem, reliquiarum veneratione & imaginum. ibid. & 489. per totam.

Idem donationem Constantini & lepram ejusdem Baptismo curatam affirmat, idque in commendationem Sanctæ Sedis Romanæ. 489. e

Quamvis in hoc illi fidem habendam Satyrus scriptor neget. 487. e

Idem factione Gibellinus non domesticus sed hostis fuit Romanorum Pontificum. ibid.

Et ob istius factionis affectum in Pontificum Clerique reprehensione non immerito suspectus haberi debet, cum odio potius inimicorum, quam veritatis amore adscribendum animum appulsi videatur. ibid.

Agnoscat Pontif. Romanum pro vero Eccles. Pastore. ibid. b

Quos Pontifices Romanos & quot numero præcipue reprehendat adversantes Gibellinæ factioni. ibid. 489. e & 486. b

Dantem Aligherium quinque numero Romanos Pontifices reprehendisse, & quosnam illos, Satyrus scriptor a nonym libelli Gallus annotavit. ibid.

Definitio propria Indulgentiæ, cum aliorum auctorum definitionibus. 581. a

Defuncti cum juvantur, per modum suffragii satisfactorii juvantur, quia indulgentiæ non sunt nisi satisfactoriæ, & quomodo illa satisfactio detur. 591. c. d

Defuncti existentes in Purgatorio quomodo excommunicentur, & absolvantur ab ipsa excommunicatione. 590. b

Defuncti cur non profint Indulgentiæ per modum absolutionis, sed per modum tantum suffragii, qui modus est oppositus primo, vide pulcherrimas rationes. 590. b. c. d. e

Defunctis prodesse Indulgentias non tantum per modum impetrationis quod est proprium, sed etiam per modum satisfactionis, & hoc quibus rationibus. 589. c. d. e

Defunctis quare non concedantur Indulgentiæ, nisi per modum suffragii. 576. c

Debitum mortis contractum per peccatum, erat ut non solum moreremur, sed, ut etiam in ipsa morte perpetuo maneremus. 597. e

Desiderium Regem Longobardorum Papia obfissa Carolus Magnus captivum fecit. 545. b. 549. b

Deus aliorum mala utitur voluntate, quam tamen ipse non fecit ad aliorum peccata puniendâ, exemplo Nabuchodonosor & Salmanassar. 528. c

Deus distribuere unicuique secundum opera

sua, de qua Iustitia intelligi debeat

Matth. 25. 560. d

Deus cur voluerit, ut unusquisque nostrum propriis meritis coronam gloriæ sibi acquireret. 506. d

Deus cum per poenitentiam remittit omnem culpam & poenam sempiternam sine Indulgentiis, cur non & temporalem sine illis, ut gratuita, & plenaria sit remissio ipsius Dei. 605. c

Desperam Virginem magno affectu implo- rat Petrarcha, damnatque simul amores, & amatoriam cantica quæ juveni sibi exciderant. 491. e

Discipulus Christi qui esse non possit. 542. d

Dogma Catholicorum est flagella Dei aliquando posse averti per voluntarias afflictiones contra Remissionem impugnantem. 610. a

Dogmata Catholica quomodo differant ab Hæreticorum dogmatibus. 573. e

Dogmata immo mendacia sex omnino pugnantia cum nostris, & quæ illa sint. 612. a. b

Donæ iustitiæ non acquiruntur per Indulgentias, & hoc quare. 597. e. d

Donæ iustitiæ non potest dare, nisi qui iustificat impium. 610. e

Donatistæ quomodo convenient cum Lutheranis circa Missæ utilitatem, quam volunt esse non ex opere operato, ut Catholici, sed ex opere operantis. 614. b

E

ECCELESIA Græca in quo Concilio damnet conjugia sacerdotum non esse faciendâ post susceptos ordines, & quæ poena illis esset constituta. 631. c

Ecclesiæ habet duos modos vivendi perfectos, & qui illi sint. 628. c. d

Ecclesiæ veteri testimonio imbutam, cum Apostolorum, tum eorum qui is proximè successerunt didicisse probatur, se concessisse Indulgentias propter Martyres, quod videret ipsorum merita posse applicari poenitentibus pro remissione poenæ temporalis. 572. b. e

Ecclesiæ immunitates violat præsumptas signis & prodigiis calamitate plenis à Deo puniri. 500. d

Ecclesiastica potestas spiritualis cum sit & celestis, politica vero humana & terrena, illa huic longè præferenda est huicque urgente causa imperare potest. 542. a

Eadem potestas politicam dirigit, eique imperat. ibid. c. & 543. b

Ecclesiasticum regimen à politico distinctum esse scripturæ sanctæ docent. 496. a

Effectus Indulgentiarum quis ille sit proprius, & cui tribuatur. 606. b

Electiois titulo imperarunt apud Romanos olim Claudius, Galba, Vespasianus, & plurimi alii Romani Imperatores. 525. d

Electus Rex Romanorum à Pontifice Maximo confirmatur, & plenitudinem Imperii accipit, & tandem fit Imperator. 521. a

Electores Principes ius Pontificium confirmandæ eorum electionis agnoscere debent & agnoverunt. 559. d

Electores Principes Septem viros instituit Greg. V. Pontif. Maxim. genere Teutonici. 553. b

Electores Septem viros ante Gregorii X. Pontif. & Friderici II. Imperatoris tempora designatos. ibid. a

Varietas sententiæ auctorum triplicis generis. ibid. b

Prior sententia ut verior ab auctore defensa. ibid.

Electorum Imperii septemvirum officia. ibid. a. b

Eleemosinæ in Indulgentiis quare injungantur à Summo Pontifice contra Martinum Kemnitium. 604. b

Ema-

Emanuelis Comneni Orientis Imperatoris amplissima pollicitationes & oblationes non contemnendæ Alexandro III. Pontif. factæ ea potissimum causa fuisse, ut auctoritate ejusdem Pontificis unio vicissim Orientalis & Occidentalis Imperii in ipsius commodum fieri posset. 524. e
Episcopi non possunt excedere Indulgentias unius anni, neque possunt concedere Indulgentias, nisi de poenitentibus injunctis. 581. e
Episcoporum potestas elargiendi Indulgentias est à summo Pontifice, non autem à Deo, sacramentorum verò è contrâ, & cur. 584. b c
Evangelium politicus leges non tollit, & ideo etiam sacerdotes & monachos eis debere parere inquit Chrysostomus. 497. a
Evangelium, nec Indulgentiæ possunt esse mendacia contra positionem Calvini. 599. c d
Eugenius III. Pont. Max. antea Monachus, miraculis vivus & mortuus floruit. 495. b
Eugenio Papæ falsè ascribè ostenditur ipsum scripsisse epistolam Michaeli Balbo contra adorationem Imaginum ex multis incommodis. 564. d
Eutychetes hæreticus negans realitatem veræ carnis Christi, quibus verbis confutetur à S. Leone Papa. 597. e
Excommunicatio à Pontifice Romano in quosdam Galliarum principes lata à Concilio Trecenti solemniter comprobatur. 482. c d e

F

FABULAM Joannis VIII. refellit O-nuphrius in additione ad Placiam. 553. d
Fabulæ sunt verè aliqua, quæ in Indulgentiis ab imperitiis quibusque miscentur contra Pontificum diplomata, aut graves auctores, & illæ refecundæ, & quæ illæ sint, non tamen Indulgentiæ dammandæ. 618. b
Feudum esse Pontificum Imperium Germanicum numquam Pontifices vel asseruerunt, vel negarunt. 518. c
Fictio in quo consistat, & quid fingi dicatur. 512. c 513. c
Fides in homine est merè gratuitum Dei donum, non procedens ab humano arbitrio. 629. e
Fides virtus sacramentorum, & etiam satisfactionum refertur ad meritum Christi contra Lutheranos. 612. b
Fideles, quare gratiam debeant querere per fidem, & sacramenta, quamvis tamen Christus gratiam & gloriam nobis suo sanguine acquisierit. 579. e a b
Fiduciam sanctorum fidelium esse Deo honorificam, ne dum contumeliosam probatur ex Evangelio, & cujus generis illa sit. 603. d
Finis solus quando sit causa justa concedendi Indulgentias sine mediis, id est sine opere injuncto. 586. d
Flori Codex librorum incuria corruptus. 527. a
Formina Romano Imperio præfedit tempore Leonis III. Pontificis, maxime quod acciderat antea numquam. 523. c
Fridericus primus in Italiam venit, & à Pontifice Max. Adriano IV. ad Imperium provehi postulavit. 516. a
Fridericus primus in Armenia à summe quodam absorptus miserè perit non sine certa numinis vindicta ob simulates cum Christi vicariis exercitas. 518. e
Friderici II. Imperatoris ex Neucheto, & Kranzio authoribus Germanis scelera, impietas, perjurium, crudelitas & rabies in clerum odio Romani Pontificis, videatur. 483. 484.

Fructus Indulgentiæ quare non impediatur tempore quo percipitur ipsa Indulgentia per superveniens peccatum veniale. 588. b
Fructus Indulgentiæ quando impediatur per peccatum veniale, & quando non quo ad perfectionem operum injunctorum. ibid. e a
Fundamentum Indulgentiarum quare non ponatur in operibus supererogationis sanctorum, sed in satisfactionibus ipsis non necessariis. 606. c
Fundamentum tertium Catholicorum pro Indulgentiis, vel potius pro satisfactione desumptum ex duobus locis sacre scripturæ, & qui illi sint, cum bipartito ordine illorum adductum à Kemnitio ut impugnetur. 609. b
Fundamentum quartum Catholicorum pro Indulgentiis desumptum ex D. Paulo ad Coloss. 1. impugnetur à Kemnitio duobus mendaciis, & quæ sint, cum solutione. 611. a b c
Fundamentum quintum Catholicorum pro Indulgentiis desumptum ex D. Paulo Corinth. 2. c. 8. quàm falsè impugnetur à Kemnitio. 612. e
Fundamentum sextum Catholicorum pro Indulgentiis desumptum ex nono articulo fidei quibus fundamentis impugnetur à Kemnitio. 612. a
Fundamenti tertii Catholicorum pro Indulgentiis impugnatio ex quatuor incommodis, & quæ illa sint cum responsione. 609. d e 610. a b
Furtum apud Germanos non fuisse vitium, sed virtutem aliquando, ex Caesaris Commentariis de bello Gallico constat. 499. b

G

GALLIÆ Rex Christianissimus totius Regni caput splendidissima legatione Pontificem Max. Clementem VIII. honoravit. 480. e
Eundem Christi loco in terris esse agnovit & obedientiam eidem suo nomine præstari jussit. ibid.
Garrulitas inanis & verbosa dicaxque contentio, hæreticorum propria est, qui cum rebus non possint, verborum certè profusione coram imperitiis malam causam suam utcumque sustentant. ibid. e
Gentiles hominum mortuorum simulacra & Hebræi aureum vitulum ante Simonis Magi tempora adorarunt. 563. c
Germania Imperatores non habuit à Ludovico Arnulphi filio usque ad Othonem primum, sed Reges tantum. 549. c
Germania Dei agnitionem quo beneficio nullum est majus per sanctos Episcopos Maternum, Chibanum & Bonifacium diversis temporibus à Sede Romana missos primum accepit. 510. b
Germaniæ iterum Imperium in Othone I. restitutum fuit auctore Philippo Bergomense. 549. e
Germani ut corpore candidi, sic etiam animo sinceri & veritatis amantes. 561. a
Germanorum opera se usum in bello adversum Gallos interdu testatur Cæsar Dictator. 527. c
Gradus naturalium præceptorum tres numero ponuntur. 499. d
Gratia Dei quomodo intelligatur includi in literis Pontificiis, sive in plumbo, & membrana, contra argumentum Calvini. 529. c
Gratiæ status requiritur eo tempore quo percipitur Indulgentia, & hoc quare, requiritur etiam cum perficiuntur opera injuncta, si opus injunctum sit ejusdem rationis ut non conferat ad finem nisi in statu gratiæ; si verò opus injunctum conferat ad finem etiam si non sit in statu gratiæ, tunc non requiritur, & hoc quare. 587. e 588. a b d

Gratianus Decretalium diligens quidem compiler de rebus tamen gestis Imperatorum & Pontificum parum curavit. 544. e
Idem apud Lutheranos jam pridem publico igne exustus fuit. ibid.
Græcorum Imperatorum donatione Imperium ad Germanos non pervenisse. 537. d
Eorundem indignatio & vebemens commotio quam primum ad eos fama coronationis Caroli Magni pervenit evidens judicium est & argumentum Imperium Carolo non fuisse Græcorum donatione tributum ut mentitur Illyricus. ibid. a
Gregorii V. Pontificis & Othonis III. Imperatoris tempore Electores Imperii principes septemviro institutos. 554. c
Gutta una sanguinis Christi Verbouniti, sufficiens fuit toti mundo reconciliando. 575. b

H

H Adrianus Papa II in octava Synodo Constantinopoli habita curavit omnes iterum approbare septimam Synodum de cultu Imaginum. vide. 565. b
Hannibalis Carthaginensis contra Romanos quadruplex notabilis victoria, qua totos Consulares exercitus fudit. 527. e
Dons modios aureorum annulorum Carthaginem misit nobilitatis Romanæ apud Cannas bello & strage memorabilis casus. ibid.
Hæreditario jure dicitur regnare qui naturali successione regnat, quo Salomon David, Tiberius Augusto. Carolo Magno Lodovicus atque alii successerunt. 525. d
Hæresis Lutherana circa Justificationem in quo consistat, & cur ipsi negent Epistolæ Judæ, & Jacobi esse authenticas. 606. d e
Hæresis Eutychiana circa humanitatem Christi. 606. a b
Hæresum causæ quæ existerint. 596. d e
Hæretici scripturis convincuntur apertissime cum dicant non esse petendum auxilium à sanctis; & quod auxilium præstent ipsi sancti. 584. b. c. d. e
Hæretici non solum illi sunt qui Evangelium aut Symbolum aperte rejiciunt, sed illi etiam qui in Evangelii & Symboli interpretatione judicium proprium Ecclesiæ judicio præferunt. 481. e
Hæreticorum auctoritates, & argumenta, desumpta cum ex Augustino tum ex aliis quibus probare contendunt imagines non esse adorandas, neque ipsam Christi Imaginem, sed tantum Crucem, pulchris rationibus diluuntur. 563. c. d. e. 564. a. b. c. d
Henricus Auceps Saxo non Imperator sed Rex tantum fuit, cum oblatam à Pontificationem coronationemque sponte recusavit. 548. b. c
Solo regio nomine contentus fuit. ibid.
Henrici Luxemburgi ad Imperium Pontificem maximo suadente per Germanos Electores promotio cur facta. 524. b
Henricum quartum Cæsarem ut invidiam Romano Pontifici constaret Illyricus cum sequacibus suis Lutheranis præclarissimum hæroem appellat, impium alioquin & scelestum. 511. c
Ejusdem abdicationem ab Imperio per Pontificem maximum factam, à Germanis ipsis procuratam fuisse. ibid.
Ejusdem vitam dissolutè transactam & improbos mores Historicorum testimonio Germanorum & ipsorum etiam adversariorum contestatione videbis. ibid. c. d. e
Eundem Ocho Frisingensis Episcopus non est veritus licet avum suum non verum Rom. Imperatorem appellare quod Imperium à schismatico Papa suscepisset. 521. c

Hildericus Rex Francorum qui ultimus Merovingorum Franci imperabat, depositus & in monasterium missus est. 513. c
 Hildericus regno Galliarum à Zacharia Pontifice maximo privatus, Pipino & filiis ejus pontificis ejusdem voluntate locum fecit, & quare. 543. a b
 Historia originis Indulgentiarum secundum Kemnitium contra Catholicos falsa probatur, & quæ tempora hæc historia contineat. 611. d
 Homo justificatus per gratiam Deitantum potest satisfacere ipsi pro poena temporali, & ideo necessaria fuit incarnatio Christi, & quare. 602. a
 Homines quare gratis justificentur ex Concilio Tridentino. 639. d
 Homines non justificari per indulgentias, immò Indulgentias non dari nisi justificatis. 606. a

I

ICONOMACHORUM causam juvare voluerunt qui libellum de Imaginibus specioso titulo Synodus Parisiensis ornarunt. 562. a
 Illyricus mendax & secum pugnans. 531. a
 Illyrici ineptissima & proflus ridicula argumenta quibus probare contendit Carolum Magnum ante Coronationem Leonis tertii Pontificis viginti annis Imperium Occidentis occupasse. 526. d
 Illyrici propria dogmata erronea quidam & Catholici & Lutherani editis libellis refutant, & quinam illi. 512. b c
 Eiusdem impudentia in asserendis his quorum contrarium testimonio multorum comprobatur. 513. a
 Illyrici Barbarismus vel solecismus potius Grammaticalis notatus. 517. e
 Illyrici inconstantia qui ea quæ modo affirmat paulo post negat. 531. b
 Imaginem Deiparæ & Crucem Dominicam contumelia causa ad Judæorum Synagogam deferentes acriter à D. Gregorio reprehensit. 564. e
 Imagines à nulla extant pictæ, nihil periret de fide, spe, & Charitate, vide quomodo sit intelligendum. 565. c
 Imaginum cultum ex illo loco D. Augustini, impiè hæretici proferunt, ubi legimus Simonem magum iussisse ejus tum imaginem cum Helena ipsius meretricis esse adorandas. 563. c
 Imaginibus sacris venerationem deberi sed non majorem quam vivificæ Crucis, docuit Concilium Nicænum. 563. c
 Imaginibus qui cultus præscribendus. 564. d
 Imperator in Ecclesia est, non supra Ecclesiam, inquit D. Ambrosius filius Ecclesiæ, non Rector, ovis, non pastor. 565. a
 Imperator Carolus Magnus quando fuerit per legatos Græcorum Imperatorum salutatus Augustus. 538. c
 Imperator Romanus proprius est Ecclesiæ Catholicæ atque præcipuus advocatus. 546. c
 Imperatores Græci tandem in Caroli magni in Imperatorem Occidentis inaugurationem & coronationem inviti consentire. 537. e
 Imperatores non solum amici Romanæ Ecclesiæ sed etiam hostes, Romani Pontificis primatum agnovere. 540. a
 Et quinam illi, ordine recensentur. 540. 541.
 Imperatores Romani nonnulli invito populo Romano creati fuere. 516. c
 Solum tres enumerat Onuphrius à Senatu electos. ibid. e
 Imperatores Romani varietatem nationum originarii enumerantur. 533. a

Controv. Card. Bellarm. Tom. II.

Imperatores qui cum Romanis Pontificibus inimicitias gessere similitudinesque exercere enumerantur. 512. d
 Imperium non novum à Romanis Pontificibus erectum, sed antiquum in Germanos translatum fuit, & quare. 546. c
 Imperium Germanicum Lutherani soli Antichristi miraculum esse contendunt. 543. e
 Imperii divisio in orientale & occidentale sub Constantino Magno facta. 519. c
 Eiusdem Imperii Orientalis & Occidentalis unio quando iterum facta fuerit. 519. e
 Eiusdem Imperii Occidentalis à Græcis ad Francos vel Germanos translatio Leoni Tertio Pontifici accepta ferenda est. ibid. b
 Imperii Caroli magni anni non à consensu Græcorum Imperatorum numerantur, sed ab ipsa ejusdem facta à Pontifice maximo Coronatione, ut Annalium Francorum ipso Caroli Magni tempore accuratissime conscriptorum auctor testatur. 537. c
 Imperii jus quo titulo fuerit Carolus Magnus & qui eum sequuti sunt Imperatores Germani adepti. 535. e
 Imperio impios quosdam Principes privant Romani Pontifices quod pacti violatores cum sede Apostolica inihi, non se advocatos sed hostes Ecclesiæ præstiterint. 546. d
 Imperium ab una gente ad aliam transferre, aliud est ab eo quod feudum constituere. 518. b c
 Imperium Romanum hoc nostro seculo Lutheranam hæresim publico edicto damnavit. 512. c
 Imperium Romanum à Græcis ad Francos Pontificis auctoritate translatum à Deo esse translatum cum opera sui id fuerit Vicarii effectum. 530. c
 Italix pulchritudo in eo potissimum sita est, quod nullius hæresis maculis, nulla Schismaticorum colluvione foedetur. 479. b
 Et ibi à religionis sincero cultu Apostolicæque sedis reverentia laudes ejusdem provincie videtur.
 Jubilæus apud Hebræos significabat annum remissionis quinquagesimo quoque anno, & quem remissionem adnotabat, & qui Typus erat Evangelii. 567. e
 Jubilæi æthimologia non adeo est certa; Rabbini enim volunt derivare à Jobel, quod significat buccinum cornu arcerini; quod refutatur, et venit à Jabal, quod significat germinare, quare dicitur Jubilæus, quasi annus germinans. ibid. e a b c
 Jus divinum aliud positivum aliud naturale est. 498. d
 Jus nature secundarium est quod aliis jus gentium appellatur. 502. b
 Jus naturale purum quodnam sit. 499. e
 Jus gentium partim naturale partim positivum est, & quare. ibid.
 Indulgentia ad hoc, ut rata sit, tum ex parte concedentis tum ex parte suscipientis, quæ requiritur utrimque. 583. e
 Indulgentia cur liberet homines à reatu poenæ temporalis, & coram Ecclesia, & coram Deo; rationibus & auctoritate contra hæreticos probatur. 578. d e 579. a b c
 Indulgentia divinitus concessa B. Francisco in Ecclesia sanctæ Mariæ de Angelis Kalendis Augusti sex testimoniis probatur contra Kemnitium, & quod ab illo negetur, quod tria fidei dogmata confirmantur, & quæ illa sint. 612. c
 Indulgentia duplex, ut absolutio altera particularis. Altera Generalis, & utraque requirit cognitionem causæ. 577. b
 Indulgentia cur neque absolvat, neque sol-

vat nos à reatu sive debito poenæ naturalis scilicet mortis. 578. b
 Indulgentia datur ex misericordia, & liberalitate; non ex Justitia & meritis. 589. d
 Indulgentia cur non absolvat, neque solvat nos à reatu culpæ internæ, sive lethalis, sive venialis. 578. e
 Indulgentia cur non absolvat nos à reatu poenæ in foro externo, sive Ecclesiastico, sive seculari. 578. c
 Indulgentia præter absolutionem, continet etiam applicationem thesauri spiritualis quæ potestas quo ad plenarias extenditur solum ad summum Pontificem. 584. b
 Indulgentia, quare non possit conferri in invitum, sicut nec absolutio sacramentalis, quæ requirit primum partes essentielles. 577. e a b
 Indulgentia quomodo etiam dicatur meritoria. 583. a
 Indulgentia quadragezæ cur carena dicatur, & quid illa sit. 581. e
 Indulgentia quandoque conceditur sine opere adjuncto, numquam verò sine iusta causa. 586. e
 Indulgentia defunctorum non datur per absolutionem, sed per suffragia. 577. e
 Indulgentiæ verba non esse dilatanda, sed restringenda; quia indulgentia secundum iura est odiosa, & quare. 579. e
 Indulgentiæ ratio, & natura, ubi sint posita. 576. b
 Indulgentiæ nominis ex scripturæ locis notio; est enim Indulgentia remissio, & facilitas sive condescensio. 567. a
 Indulgentiæ nominis duplex notio, scilicet pro remissione, secundo loco pro facilitate, & utrumque habetur ex sacra scriptura. ibid. b
 Indulgentiæ nomen derivasse videtur ab usu veterum Imperatorum, & Jurisconsultorum qui alienius publicæ litiæ causa omnem poenam legibus debitam remittebant. ibid. d
 Indulgentiam potest concedere summus Pontifex per solam solutionem, ut patet de defunctis, non tamen per solam absolutionem, potest tamen per utramque, & hoc ferè semper. 576. e 577. a b
 Indulgentiam plenariam re non differre à pleniore, vel plenissima etiam in Jubilæo, & quare. 582. a
 Indulgentiam proprie esse judicariam absolutionem habentem annexam solutionem ex thesauro probatur ex scriptura, Conciliis, & ratione. 576. a
 Indulgentiam plenam referri ad adjunctam poenitentiam, pleniorē, ad adjunctam & non adjunctam, plenissimam ad remissionem totius poenitentiae, quæ à divino iudicio posset exigi. 582. a
 Indulgentiam quare non percipiant non exequentes omnia opera adjuncta, etiam iusta causa impediri. 583. e
 Indulgentiæ quæ temporariæ, & quæ perpetuæ. 581. a b
 Indulgentiæ nullam remittunt culpam, nec lethalem, nec venialem, sed solum poenam temporalem contra Calvinum. 596. b
 Indulgentiæ quando valeant tantum in mortis articulo, & quando etiam extra. 583. e
 Indulgentiæ non dantur nisi iustis de causis. 585. c
 Indulgentiæ, ut profint defunctis quatuor requirunt, primò auctoritatem tantum summi Pontificis, non aliorum, secundò iustam causam, & quæ illa debeat esse, tertio ad impletionem operis adjuncti in statu gratiæ, si opera ipsa id requirant, quarto ut dum viveret fuerit devotus clavium, & mortuos juvaret. 591. a b c d
 Indulgentiæ quare non repugnent meritis, & satisfactionibus Christi. 605. e
 Indulgentiæ profint defunctis per modum suffragii, sic intelligitur, quia non profint illis per modum absolutionis iudicis, sed solutionis. ibid.

Tt

Indul-

Indulgentiæ quoad gaudium accidentarium profunt omnibus & qua ratione, quo ad satisfactionem verò, & liberationem profunt particularibus. 592. b

Indulgentiæ non repugnant fidei iustificanti, immò non possunt haberi nisi à iustificatis contra quartum Caput Kemnitii. 606. d e a

Indulgentiæ pro defunctis per modum suffragii quomodo illis profint, utrum de condigno, sive ex iustitia; an vero de congruo, sive ex Dei misericordia; utraque sententia gravissima. 591. d e

Indulgentiæ quæ genera poenarum remittant, & quomodo. 610. d e 611. a b c

Indulgentiæ quibus mortuis profint, & quibus non. 602. c d e

Indulgentiæ, ut sint, duo sunt querenda, primò. An exterius Ecclesiæ thesaurus, secundò an in Pont. Maximo aliisque Episcopis sit potestas applicandi hunc thesaurum. 568. a

Indulgentiæ non pugnant cum clavibus Regni Cælorum, & quare, contra tertium Caput Kemnitii. 605. c d

Indulgentiæ, quomodo nantur auctoritate divina, nedum Ecclesiastica quavis id expressum ex Evangelis non habeatur contra Kemnitium. 605. e

Indulgentiæ quas poenas remittant, naturales ne, an personales, & quomodo, contra objectionem quintam Lutheri. 594. c d

Indulgentiæ quare non repugnent operibus bonis contra Kemnitium capite quinto. 605. c d 606. a b

Indulgentiæ quare non repugnent gratuite, & plenarie remissioni Dei, contra secundum caput Kemnitii. 605. a b c d

Indulgentiæ quomodo dicantur relaxare poenam centum vel amplius millium annorum cum iudicium carnis ante sit futurum, & quomodo sint intelligendæ contra Kemnitium. 618. c 582. c

Indulgentiarum bullæ, cum ponuntur absolute extenduntur ad remissionem omnium poenarum, & hoc contra graves auctores. 580. a

Indulgentias esse relaxationes, & moderationes, & remissiones, quomodo sit intelligendum, & quomodo conveniant cum relaxatione poenitentiae Canonice contra Kemnitium, per omnes quatuor causas efficientes &c. 615. b c

Indulgentias pecunia redimere, ut illicitum, & vetitum. 609. e

Indulgentias remittere poenitentis non quatenus sunt opera, sed quatenus debitum eas implendi retardaret nostrum ingressum in vitam æternam, & quare contra sextam Lutheri objectionem. 594. e

Indulgentias prodesse in communi, & in particulari defunctis, quomodo intelligantur. 592. b c

Indulgentias magis expetitas, quo tempore infuxerunt Lutherani contra illas, quam antea, contra Calvinii mendacium. 595. c

Indulgentias falsissimum esse à scripturis condemnatas, sed ab usum quaestuariorum contra caput sextum Kemnitii. 606. b c

Ingenium juvenile procacitas, petulantia, levitas, imperitia facile prodere solent. 480. b

Clemens VI. fuit primus, qui aperte promulgavit thesaurum Indulgentiarum, quia & ipse ex antiqua traditione didicit. 584. e a b

Instrumentum publicum Romæ in arce S. Angeli aservatum quo principes Germani electores ius eligendi Imperatorem sibi à Romano Pontif. concessum fatentur. 557. a b c d e

Joachimum Abbatem Calabrum in sua explanatione Apocalypsis Romanum Pontificem Antichristi nomine appellasse mendaciter asseruit impudens libelli auctor Anonymus. 484. a

Joannes Aventinus parum probatæ fidei auctor. 482. b

Joannes Averlinus auctor mirificè oblectare solitus Illyricum, ipsius delicia. 511. c 512. d

Joseph Patriarcha exemit à tributis & iurisdictione principum secularium sacerdotes Ægyptiorum & Artaxerxes Rex Persarum sacerdotes Israelitarum. 439. a

Irenes Imperatrix Constantinopolitana proprium filium excæcavit. 538. b

Ab Imperio se abdicare coacta est. ibid. c

Irenes Imperatricis Græcæ ad Carolum Magnum legatio prima & cur instituta. 537. b

Ejusdem secunda ad eundem Legatio & quare facta fuerit. 539. d

Irene & Nicephoro Augustis invidis Carolus Magnus à Pontif. Max. procerum Romanorum magno assensu Imperatorem factum. 539. b

Ironice laudatur excellens Illyrici memoria, historiarum, & juris peritia, ac studium non vulgare veritatis, cum in omnibus turpissime pertinacissime que & hallucinatus & lapsus fuerit. 544. b

Juris Cæsarei fuisse per omnem vetustatem castigare Pontifices summos, cum totius vetustatis exempla contrarium element, affirmare, ut facit Illyricus, summa est impudentia. 531. b

Iure suo utens nemini facit injuriam. 502. d

Iusta causa concedendi Indulgentias, quam debet esse, & qualis. 585. c

Iustitia actualis legis divinæ quid sit, & quomodo ad illam idonei reddimur. 628. a

Iustificatio formalis impii in quo consistat. ibid.

Iustificatio, quare non tribuantur Indulgentiæ. 596. d e

Iustificatio requirit fidem, dilectionem, ac bona opera secundum Catholicos, & quomodo; secundum verò Lutheranos fidem tantum. 618. a

Justinianus Imperator Monachos & Clericos à seculari iudicio exemit tribus Novellis constitutionibus idque in civilibus tantum, non in criminalibus; Jus autem Canonicum simpliciter eos exemit tam in civilibus quam criminalibus. 497. b

Justinianus Imperator Orientis opera Narsetis & Belisarii fortissimorum Ducum Africam & Italiam à barbaris occupatas Imperii Romani provincias inde Vandalis hinc Gothis exactis recuperavit. 519. a b

K

KEMNITIUS convincitur de mendacio circa originem Indulgentiarum. 573. e

Kemnitius affirmans Indulgentias veteri Ecclesiæ per annos 1200. fuisse incognitas, apertissimis testimoniis convincitur. 613. e 614. a

Kemnitius falsus oppugnat Indulgentiarum ex locis scripturæ quomodo existat. 604. e a b c

Kemnitius qua de causa fuerit motus impugnare Indulgentias tamquam repugnantes scripturis, & quot sint capita. 606. c d e a b c

Kemnitius quam vehementissimus Indulgentiarum impugnator, sed insulsißimus. 602. e a b c

Kemnitius quomodo falso imponat Catholicis hoc dictum. Divinam iusticiam, quamvis canonica poenitentia in hac vita plenè exolvatur; adhuc tamen in purgatorio majores repetere. 604. a b

Kemnitius quomodo falso imponat Catholicis, quod satisfactiones ex thesauro Ecclesiæ per Indulgentias applicentur illis qui eas pecuniis, vel aliis operibus redimunt, & quomodo sit verè intelligendum. 604. b c

L

LAMBERTUS Longobardus Italiæ Rex à Papa Formoso Imperator dictus. 552. d

Latini non solum Imperatores, sed etiam Græci Romanum Pontificem auctorem Occidentalis Imperii agnovērunt & professi sunt. 514. c

Legatio ex ultima Iaponia ante non paucos annos nobilissima trium annorum itinere confecto ad Romanum Pontificem ut verum Christi Vicarium agnoscendum & venerandum Romam venit. 481. a

Legationes gratulatoriæ ad Carolum Magnum Occidentis Imperatorem coronatum maximorum regum Asiæ & Africæ advenērunt. 542. c

Legatum Apostolicum posse concedere Indulgentias in locis sibi subditis auctoritate tunc speciali, tunc generali. 584. c

Legatorum immunitas vel apud ipsos barbaros & Ethnicos iure gentium tuta esse solet. 516. a

Leo Tertius Pontif. Max. iurejurando crimen quod ei falsè obiciebatur diluit. 540. a

Leo Tertius Pontif. Maxim. crimen obiectum cum nullum iudicem in terris agnosceret consensu suggestu iurejurando diluit. 526. a

Leo Tertius Nordamburcorum Regem regno suo iniquè pulsus atque ad se tamquam omnium Christianorum caput & principem fugientem per legatos suos in regnum restituit. 542. b

Idem Leo Romanum Imperium à Græcis ad Francos transtulit & quare. ibid.

Leo Imperator Orientis Iconoclastarum hæresi studens, qualiter à Gregorio Papa II. punitus & mulctatus fuerit. 542. a

Leoninæ Urbis constructio à quo Leone Pontifice facta fuerit. 528. a

Leges subicientes Clericos principum secularium potestati, de facto procedunt, non de iure, & toleratæ quidem aliquando à summis Pontificibus numquam autem approbatæ fuerunt. 501. e

Legifer omnium Christianorum Romanus, est pontifex Petrarum iudicio. 490. c

Levitæ apud Hebræos liberi à tributis. 500. d

Ut apud Ægyptios sub rege Pharaone sacerdotes. ibid.

Et ibid. de multis aliis videto.

Liber Concordiæ Lutheranorum tria continet incommoda. 621. d

Libellus inscriptus Synodus Parisiensis, quæ capita & quas partes contineat. 562. e

Libellus Synodus Parisiensis inscriptus omnino ut legatur indignus, quia redolet apertis hæreticorum fraudes & est confictus. 565. c

Libelli huius Synodus Parisiensis falsa inscriptio. 562. b

Libellum hunc non continere ullam Synodum Parisiensem demonstratur quatuor signis. ibid. a

Libertum arbitrium omnino à Luthero, & Philippo reſutatum, in articulis Confessionis Augustanæ cum causis peccati, eorumque rationes, & dicta quam valde invicem sine pugnantia. 627. a

Liberatio à maledicto legis, de quo maledicto intelligitur apud D. Paulum de culpa vel poena peccati, an de terrore legis. 607. b

Locus ille Psal. 48. frater non redimit, redimet homo &c. de qua redemptione sit intelligendus, secundum triplicem ejus expositionem contra Kemnitium. 611. d

Loca clarissima ex Doctoribus desumpta

ex quibus probatur Imagines esse adorandas contra Hæreticos. 164. a
 Loca tria ex psalmis male à Kemnito adducta contra Indulgentias, & quæ illa sint, & quomodo intelligenda. 613. a b
 Longobardi Gothos possessione Italiae non exuerunt, sed Græci Imperatoris duces Belisarius & Narses. 529. c
 Longobardi quinam ab Onuphrio Imperatores, & Augusti uisus à Romanis Pontificibus coronati passim fuerint vocati. 552. a
 Longobardorum Duces Regnum sibi Italiae vindicarunt negligentia aut impotentia Germaniarum Regum, & coronam Imperii à summis Pontificibus extorserunt. 552. c
 Longobardos expellit è ditione Romana Adrianus Pontifex fidei opera Caroli Magni, cum illam perpetuis incursionibus infestarent. 552. e a
 Lotharius Imperator & Racheis Longobardorum Rex, ab historicis Germanis laudati fuere, quod in monasteriis potius quam palatiis mori voluerint. 509. b
 Ludovicus Arnolphi Imperatoris filius Chunradus & Henticus, quia coronam Imperii à Rom. Pont. non habuerunt, ab historicis non Imperatores, sed perpetui Reges vocantur. 549. c
 Ludovicus Caroli magni filius Imperator, iubente Romano Pontifice non rogante conjugem recepit. 558. c
 Ludovicum IV. Imperatorem non alia de causa solum appellat Idolum Petrarca, nisi quia summi Pontificis auctoritate, & ab Imperio dejectus, & excommunicatus fuerit. 491. b
 Ludovicum Imperatorem filii Imperio privarunt, uxorem ademerunt, irrita mentem illorum per Pontificem facto decreto, eodemque in integrum Imperatore restituito. 524. e
 Lutheri Hæresiarum de suorum præposteris moribus iudicium. 492. e a
 Et ibid. pariter vide Jacobi Andreæ Smidelini hæresiarum, item Lutherani, & Erasmi Apostata eorundem factoris iudicium. ibid. a b c
 Lutheri in Principes huius sæculi scemata & rebellionem plena dictoria. 508. b c. 510. b
 Lutheri ridicula in voti monastici professione faciendi verborum formula videatur. 546. b
 Lutherani affirmant Christum esse mediatorem non tantum ut hominem, sed ut Deum, quæ doctrina pugnat cum divinitate, & Symbolo fidei, & quibus rationibus refellatur. 622. b c d
 Lutherani affirmantes Christum, ut Deum & hominem, fuisse Patri obediens, refelluntur Conciliis, & argumentis. 621. b
 Lutherani asserentes Christum Deum, & hominem descendisse ad inferos, errant contra tres Symboli articulos De morte, sepultura, & Resurrectione; cum rationibus destruendis. 624. d e
 Lutherani asserentes in eorum Concordia humanitatem Christi esse collata multa attributa divina, verè & realiter, ut omnipotentia &c. errant in tribus. Primo destruunt veritatem humanitatis Christi. Secundò renovant hæresim Eutychetis. Tertiò pugnant cum Symbolo fidei. 623. d e. 624. a b c
 Lutherani asserentes in eorum Concordia Naturam humanam Christi esse ubique verè & realiter, repugnant sex; primò scripturis. secundò Symbolis nostræ fidei, tertio veritati. quartò Decreto eorundem Lutheranorum Dresdensi in Saxonia habito, quinto Philippo Melanchthoni eorum primario idolo, sexto omnibus Patribus, omnibus rationibus. 622. b c d e

Centrov. Card. Bellarm. Tom. II.

Lutherani asserentes in suo libro Concordia unionem hypostaticam verbi consistere in communicatione divinarum attributorum, errant, quia destruunt mysterium incarnationis, & quibus rationibus id probetur. 624. c d e a
 Lutherani, & Calviniani negantes post remissionem culpam remanere ullum reatum poenæ temporalis, convincuntur testimonio D. Cypriani. 600. d
 Lutherani ipsi quo pacto extenuent peccatum. 602. b
 Lutherani in quo dissentiant à Catholicis circa illud quod sacramenta conferant gratiam non ponens obicem ex opere operato, & quam male sibi cohaereant. 606. a
 Lutherani in quo à Catholicis dissentiant circa satisfactionem, & quid illa fuerit antiquitus secundum illos, & illam secundum nos esse necessariam secundum Cyprianum. 618. b c

M

Magistratus secularis punire potest Clericos delinquentes ab Ecclesia, tamen prius damnatos, degradatos, & isdem traditos. 497. e
 Magistratus, vel Princeps possunt tantum distribuere communia. 584. b
 Magni cur Carolus Francorum Rex, & Otto primus Saxo fuerint appellati. 549. d
 Maximus & Balbinus Imperatores Romani exercitu invito electi prima data occasione à militibus interfecti sunt. 536. e
 Martinus Lutherus cepit jacere fundamenta suæ hæresis à reprehensione indulgentiarum. 507. a b c d
 Martinus Lutherus Illyrico asserente omni exceptione major testis, quippe Prophetæ atque Evangelistæ novus si diis placet, non paratus Pontificius, sed hostis, Imperii translationem Pontifici cum suis affectis attribuit. 512. e
 514. a b c
 Martini Lutheri hæresiarum, & omnium qui tunc in Ecclesia debacchantur parentis ridicula futuræ suæ prædicationis prædictio. 485. d
 Martinus Polonus Historiographus, & Gratianus Decretista erroneè, falsè item & fabulosè quid scripserint de Anastasio Rom. Pontif. 486. d
 Et quid huic fabulæ dederit occasionem. ibid. a b
 Martinus Polonus Historicus, quem diligentiissimum vocat Illyricus temporum supplicatorem, omnium ferè fuit historicorum negligentissimus. 518. c a b
 Martyrium posse expiare reatum contractum ex quantovis ingenti numero peccatorum, & magnitudine, quia Ecclesia inter sanctos non dubitat referre martyres, etiam si multis flagitiis ante martyrium fuissent irretiti. 571. b
 Martyres, quomodo præstiterint plus Deo morte sua, quam sibi opus esset, & quomodo sic intelligendum contra Calvinii argumentum. 508. d
 Matrimonii statum sanctum, bonum, licitum, ac Deo gratum esse Magister Sententiarum cum omni Theologorum schola docet, contra quam calumniatur Lutherani. 509. a
 Mahumetani, Pagani, reliquique infideles quare dicantur perire, cum Christus pro omnibus satisfecerit. 602. a
 Mendacium de amplitudine Confessionis Augustianæ monstratur. 625. a
 Mendacium Lutheri de libero arbitrio, & de causa peccati quam valde sit apertum, & in multis ejus locis sibi contrarium. 627. a b c

Mendacium Lutheranorum ostenditur circa determinationem Coenæ Domini; & in quo consistat. 625. d
 Mendacium impudens famosi & Anonymi libelli Auctoris quo in sola Italia, & Hispaniis Pontificem non ut Antichristum repudiari, sed pro vero Christi Vicario coli scripsit. 480. c
 Meretrix Magna Babilonica in Apocalypsi descripta, cujus typus fuerit & figura, ex antiquis Patribus. 487. b c
 Meritum cui debetur premium ex iustitia distributiva, non potest ullus alteri applicare, potest tamen satisfactionum meritum cui debetur merces, vel remissio poenæ, vel solutio debiti, ex Commutativa. 570. b
 Meritum Passionis Christi quare non omnibus prodest, cum ejus sanguis fuerit propitiatio totius mundi, causa redduntur. 614. a
 Merita Christi duplicis generis sunt, alia necessaria ad salutem, & quæ illa sint, alia non; & illa item quæ sint; & utrum sint fundamenta Indulgentiarum necessaria, an non necessaria, contra secundam objectionem Lutheri. 594. b c d
 Merita Christi cur non solum fundent sacramenta, quæ iustificando abluunt culpas, sed etiam Indulgentias, quæ expiant reatum poenæ temporalis contra objectionem Lutheri primam. 592. 594.
 Metropolitanus in sua Provincia, & Episcopus in sua Diocesi in die Dedicationis Ecclesiæ non possunt excedere Indulgentias unius anni, aliis verbò temporibus 40. dies. 584. b
 Michael Balbus Græcorum Imperator non cognomine solum, sed re etiam ipsa Balbus, vit impius & scelestus. 562. e
 Idem Michael Balbus interfecto legitimo Imperatore cum esset ipse pro scelertibus suis jam morti adjudicatus, tyrannicè invasi Orientis Imperium. 565. a
 Idem Michael Balbus Græcus Imperator quid scribat Ludovico Pio Romanorum Imperatori, circa cultum Imaginibus præstandum. 562. b
 Idem Michael Balbus scelestissimus esse deegitur, multaque Hæresis labe infectus ostenditur, tum ex Joannis Zonaræ, tum ex Georgii Cedreni annalibus, quamvis videatur religiosissimus Princeps in Epistola ad Ludovicum Pium conscripta. 562. e
 Eiusdem Michaelis adversus Christianos, de Crucis contemptu, de imaginum adoratione cultu latræ, deque sacrificando ipsis imaginibus, falsæ calumniæ ac imposturæ. 563. b
 Eiusdem Michaelis Imperatoris Constantinopolitani, qui tertius fuit ab Irene Imperatrice Græcorum Legati, insolito & novo more laudes Imperatori Occidentis Carolo Magno dixere, cum Imperatorem & Basilium appellando. 538. b
 Eiusdem Michaelis Imperatoris Orientis Legatio ad Carolum Magnum Occidentis Imperatorem, & qua de causa missa. 534. c
 Pacis fœdera cum Carolo inita à Pont. Max. voluit idem Michael confirmari, & quare. ibid.
 Miles quomodo ex iustitia Commutativa mereatur stipendium, sive poenam, & quomodo ex distributiva gratiam, sive odium. 569. c
 Miraculum quorundam sanctimonialium à beato Benedicto excommunicatarum. 590. b
 Missa privata quid intelligatur à Catholicis contra Lutheranos. 614. e
 Missa quæ sit damnata apud Lutheranos. 633. c
 Missæ oblatio sic pro mortuis contra Lutheranos. 642. d

Tt 2

Modi

Modi Indulgentiarum quinque, & qui sint illi. [581. c](#)
 Moyses non solum politicus Princeps, sed etiam summus sacerdos erat & Aaron major, quamquam extraordinaria potestate. [501. e](#)
 Fuit Pontifex, Rex, & Legislator Hebræorum, ex Philone. [ibid.](#)
 Moyses, Aaron, Saul, David & Petrus principum vel politicum vel Ecclesiasticum à Deo singulari vocatione, & ob id iustissimo titulo adepti sunt. [525. c](#)
[539. e](#)
 Monachi Pontifices summi fuere inculparis moribus doctrinaque clarissimi quamplures. [495. e a b c](#)
 Monachi, & ceteri fideles, quomodo possint facere alios participes suorum bonorum operum, & quod non possint aliis mereri gratiam, ut falsà dicunt Lutherani. [635. e](#)
 Monachos & Clericos à seculari iudicio exemisse Imperator Justinianus tribus Novellis constitutionibus idque in civilibus tantum, non in criminalibus. Jus autem Canonicum simpliciter eos exemisse tam in civilibus quam in criminalibus. [497. b](#)
 Monarchia mundi, quæ stetit apud Græcos quingentos fere annos apud Germanos reledit ex Naclero. [523. b](#)
 Monasteria habuerunt semper adjuncta sua vota contra mendacium Lutherani dicentium fuisse olim libera Collegia, & quibus testimoniis id probetur. [633. c d](#)
 Mors Christi in qua nobis profuerit, & à qua nos morte liberaverit. [597. e](#)
 Mortui in Domino qui intelligantur; mortui verò sine Domino qui etiam intelligantur, & mortui tandem partim in Domino, partim sine Domino, & quibus applicentur Indulgentiæ. [603. b](#)
 Mulieres quæ continentiam voverunt non possunt nubere, contra Lutheranos asserentes posse, testimonio D. Cypriani. [633. e a b](#)

N

N Abuchodonosor somnio divinitus immisso didicit Imperium suum ad Persas & Medos, inde ad Græcos, postremo ad Romanos transferendum. [530. e](#)
 Necessitas satisfactionis quomodo constituitur necessitas dogma Indulgentiarum. [601. b c](#)
 Necessitas satisfactionis, & efficacia ipsarum fuit semper in usu apud Ecclesiam, non autem circa annum Domini millesimum contra Kemnitium. [616. d](#)
 Nervæ delatum Imperium Romanum fuit favore præfecti prætorio. [517. a](#)
 Nicæna Synodus de cultu sacrarum Imaginum cur ab aliquibus improbat. [563. a](#)
 Nicolaus Cusani de Consilio Basileensi iudicium duplex, unum juvenile, senile alterum. [559. d](#)
 Eiusdem Nicolai Cusani Cardinalis errorem quo contendit Othonem primum ex Occidentalibus Imperatorem fuisse, & ante illum neminem. [533. e](#)
 Alium ejusdem insignem lapsum. [544. a](#)
 Ninivitarum quomodo meruerint reconciliationem peccatorum ex operibus. [639. a](#)
 Norvegia provincia ab Adriano IV. adhuc Cardinale Legato in eam provinciam missa, fidem educta Catholicam Christo lucrifacta. [494. c](#)

O

O Bedientiam legibus Regum debent Clerici cum non sint sacris Canonibus contrariæ. [501. c](#)

Obiectio prima Kemnitii in tertio Capitulo disputationis, ex quo argumento Catholicorum sumatur, cum solutione. [607. a b](#)
 Obiectio secunda tertii Capitis disputationis Kemnitii contra Indulgentias, ex quo loco scripturæ sumatur, cum responsione. [ibid. c](#)
 Obiectio tertia tertii Capitis disputationis Kemnitii contra Indulgentias, ex quo loco scripturæ sumatur, cum responsione. [ibid. b](#)
 Obiectio quarta Kemnitii contra secundum fundamentum Catholicorum pro Indulgentiis, ex quibus locis scripturæ sumatur, cum responsione. [ibid.](#)
 Obiectio quinta Kemnitii contra secundum fundamentum Catholicorum pro Indulgentiis unde sumatur, cum responsione. [ibid. c](#)
 Obiectio sexta Kemnitii contra secundum fundamentum Catholicorum pro Indulgentiis, ex quibus locis scripturæ sumatur, cum responsione. [ibid. e](#)
 Obiectio septima Kemnitii contra secundum fundamentum Catholicorum pro Indulgentiis, ex quo loco sumatur, cum responsione. [609. a](#)
 Obiectio prima Kemnitii contra secundum argumentum Catholicorum pro Indulgentiis, ex quibus locis scripturæ petatur. [608. b](#)
 Obiectio secunda Kemnitii contra secundum fundamentum Catholicorum pro Indulgentiis, ex quibus scripturæ locis sumatur, cum responsione. [ibid. c](#)
 Obiectio tertia Kemnitii contra secundum fundamentum Catholicorum pro Indulgentiis, ex quibus locis scripturæ trahatur, cum responsione. [609. a b](#)
 Obiectio quarta tertii Capitis disputationis Kemnitii contra auctoritatem Pontificiam & Indulgentias, ex quo loco scripturæ petatur, cum responsione. [607. c](#)
 Obiectio quinta tertii Capitis disputationis Kemnitii contra Indulgentias, ex quibus locis scripturæ trahatur. [608. d](#)
 Obiectio sexta tertii Capitis disputationis Kemnitii contra Indulgentias, ex quibus scripturæ locis petatur. [607. e](#)
 Obiectio septima tertii Capitis disputationis Kemnitii contra Indulgentias, ex quibus locis scripturæ trahatur, cum responsione. [608. a](#)
 Obiectio octava tertii Capitis disputationis Kemnitii contra Indulgentias, ex quibus locis scripturæ sumatur, cum solutione. [ibid. b](#)
 Occidentale Imperium extinctum fuisse in Augustulo testatur Flavius Blondus. [532. a](#)
 Vacavit ab Augustulo usque ad Carolum Magnum annis plus quam trecentis. [ibid. d](#)
 Occidentale Imperium Orientali iterum adungere Græci cum Belisario, & Narsete duobus Gothos Italia exegerunt. [546. c](#)
 Odoacer Herulus Italiam regnum per vim & tyrannidem occupavit, & non illud habuit beneficio Zenonis, Imperatoris Græci, ut mentitur Illyricus. [531. b](#)
[532. e](#)
 Habuit in sua militia barbaros reliquias exercitus Attilæ Regis Hunnorum. [ibid. b](#)
 Delevit ad internecionem legiones Romanorum Ticino capto, & Rex à suis militibus fuit appellatus. [ibid.](#)
 Paulò postquam Italiam armis occupasset à Theodorico Rege Gothorum & vita & regno spoliatus est. [531. a](#)
 Non fuit Imperator, sed tantum Rex Italiam teste Blondo. [532. a b](#)
 Oleum significare gratiam & charitatem in sacris literis, & quomodo intelligatur locus ille Matth. [25.](#) date nobis de oleo &c. [575. b](#)
 Onuphrii acque Aventini de Electorum Imperii septemvirum institutione judi-

cliam falsitatis arguitur. [554. c](#)
 Opus bonum qua parte est meritorium, non potest alius applicari, at qua est satisfactorium, & quomodo utrumque probetur. [569. e](#) [570. a b](#)
 Opus leve quomodo possit nobis acquirere facere magnam indulgentiam cum sit contra communem opinionem, quæ habetur. [586. a](#)
 Opus operatum malè à Kemnitio explicatum. [616. a](#)
 Opus operatum quid sit secundum Catholicos; & à quo vim habeat, & quæ sacramenta sanctificent ex opere operato. [ibid. a b c](#)
 Opus idem bonum ut elemosyna, & jejunium quomodo possit esse & meritorium, & satisfactorium. [568. d](#)
 Opus dicitur esse satisfactorium quatenus laboriosum, ac poenale diciturque meritorium quatenus ex charitate est factum. [569. a](#)
 Opus idem bonum uno tempore quàm alio, quomodo sit magis utile, aut necessarium. [587. d](#)
 Opus injunctum per indulgentiam an requirat semper proportionaliter ad ipsam, meritum, vel satisfactionem, an etiam sufficit, ut sit medium spiritum ad consequendum finem. [586. b](#)
 Operi satisfactorio debetur remissio ex Justitia commutativa, operi verò meritorio debetur premium ex Justitia distributiva, & quomodo. [569. a](#)
 Opera bona sanctorum prenaliter duplicia uno modo, ut meritoria, & sic acceptant premium supra condignum, ut loquitur Luc. [6.](#) Mensuram bonam &c. Altero modo ut satisfactoria, & ut sic plurima impenderunt, quæ non erant illis necessaria quæ reponuntur in thesauro. [575. c](#)
 Opera bona quæ requirantur ad Justificationem. [605. e](#)
 Opera injuncta, ut peregrinationes, elemosynæ &c. quomodo sint necessaria ad consequendas Indulgentias. [614. e](#)
[615. a](#)
 Opera nostra quomodo mereantur contra positionem Lutherani. [640. c d](#)
 Opera poenitentiae quæ sunt ab homine non iustificato quid efficiant, & ex quo opere vim habent. [616. b](#)
 Opera poenitentiae generatim quomodo sint satisfactoria, & quomodo meritoria. [569. c](#)
 Opera quando dicantur habere vim ex opere operantis. [616. c](#)
 Opera Religionis bona de perfectione, non de necessitate, quomodo sint meritoria vite æternæ, & quid requirant necessarium contra mendacium Lutherani. [632. c](#)
 Opera supererogationis sanctorum meritoria, & satisfactoria; & utra illarum ponantur in thesauro Indulgentiarum contra Kemnitium. [604. c](#)
 Opera supererogationis, quæ illa sint; & quanto odio à Lutheranis persecuta. [ibid.](#)
 Operibus quæ sunt ex fide cum auxilio Dei, idest, non solis viribus naturalibus, quæ merces eis correspondeat. [629. b](#)
 Oratio Dominicalis est satisfactoria pro venialibus peccatis in petitione: Et dimitte nobis debita nostra &c. [569. b](#)
 Origo Indulgentiarum falso per Calvinum assignata, cum ipsius argumenti solutione. [600. b](#)
 Origo Indulgentiarum est immemorabilis, habetur ejus usus S. Gregorii tempore anno Domini [600.](#) contra Kemnitium. [617. c](#)
 Origo Indulgentiarum secundum Catholicos quomodo colligatur ex SS. Patribus. [600. d](#)
 Othonis Episcopi Friūngensis à generis nobilitate & literis commendatio. [523. b c d](#)

Otho Frisingensis Henticum IV. avum suum non veretur non verum Imperatorem Romanorum appellare quod Imperium à schismatico Papa suscepisset. 521. c

Otho magnus primus ex Saxonica gente Romani Imperii gubernacula rexit. 540. a Primatum Pontificis & Romanæ Ecclesie disertis verbis confessus est. ibid.

Idem fuit magnus Romanæ Ecclesie & acerrimus defensor. ibid.

Otho Magnus & Fridericus primus Imperatores osculo pedum præstis fidelitatis juramento summos Pontifices utroneque venerati fuere. 546. c

Otho primus Imperator Saxo una cum filio vix septem annorum à Pontif. Maximo Imperiali diademate ipso teste Illyrico Romæ ornatur. 551. e

Otho primus capto Berengario Romanis Imperavit. 549. b

Otho primus non simpliciter unctionem à Summo Pontifice sed nomen etiam & dignitatem Imperialem suscepit. 520. b

Othonis primi Imperatoris modestia christiana cum non exigua conjuncta reverentia & veneratione in eo relexit quod Pontificem quem multorum criminum fœderum videret judicare detrectavit, & ad Synodum coactam ejusdem negotium remisit. 551. c d

Quamvis ob illam remissionem à nobilissimo historico & famosissimo modestè licet, justissime tamen reprehendatur. 552. a

Othonis tertii à Pontif. Maximo confirmata electione Schisma quod in Imperio ortum cepit cum alii Othonem, alii Henricum, alii Crescentium Imperatorem delegissent sublatus fuit, quo factum summa Pontif. potestas apparuit. 559. d e

Othonem primum Saxonem à summo Pontif. Joanne duodecimo ad Imperium Romanum proventum multorum testimonio historicorum. 549. e. 550. a b c

Non à Cardinalibus sicut mentitur Illyricus sed à Pontif. creatum Imperatorem esse historici plerique referunt. 550. e

Oris ut pastorem suum quocumque modo judicare præsumat est absurdum. 497. c

P

PARTHI cum Romanis congressi Crasso Imperatore eorum cum undecim legionibus deleti, victoriam de Romanis maximam retulerunt. 528. a

Passio Christi, qua parte dispensatur ad remissionem poenæ temporalis, dispensatur extra sacramenta, & etiam per sacramenta. 574. a

Passio Christi continet infinitum thesaurum satisfactionum qui nunquam exauriri poterit, & quomodo. 570. c d

Passio Christi, qua parte dispensatur pro justificatione peccatorum à Prælati non nisi per sacramenta dispensatur, & qua ratione. 574. a

Passiones Christi cum passionibus sanctorum quomodo concurrant in applicatione, est difficillime investigandum. vide 575. c

Passiones Christi, qua parte fuerunt satisfactiones, ut opera bona, & poenalia nullum premium in ipso Christo fortitasse ostenditur, & hoc qua ratione. 574. d

Passiones Christi in duplici sunt consideratione, altera ut actiones, altera, ut satisfactiones, & cur. ibid.

Passiones B. Mariæ aliorumque sanctorum cum plus passi sint quam eorum peccata requirerent, ponuntur inter thesaurum infinitam satisfactionum Christi, quæ propositio quàm valde exagiteur ab hæreticis, vide 570. a

Passiones Sanctorum adjunguntur passionibus Christi: non quod Christi passio-

nes non sufficiant per se ad expianda peccata, sed ut coram Deo non sint inanes, illisque sint perhonorificæ. 575. c

Passiones Sanctorum, qua ratione intelligantur misceri cum passionibus Christi in thesauro Indulgentiarum. ibid.

Pastores Ecclesie, sive Prælatos habere auctoritatem divinitus concessam dispensandi thesaurum satisfactionum, & concedendi Indulgentias, apertis auctoritatibus probatur. 571. e a. 572. b c

Patriarcha Alexandrinus non multis abhinc mensibus missis ex Ægypto litteris modernis Pontifici Maximo Clementi VIII. inscriptis, caput eum Ecclesie universæ, Christique vicarium confitebatur. 481. a

Patricius Romanus secunda post Imperatoriam dignitas est, qua Carolus Magnus post Pipini patris obitum ab Adriano Pontifice fuit cohonestatus. 531. b

Paulus Apostolus ad Romanos non Romano idiomate, sed Græcè scripsit. Et Petrus, ac Jacobus ad Hebræos non item Hebræicè, sed Græcè litteras dederunt. Sanctus item Joannes Parthis non Parthicam, sed Græcam epistolam misit. Et cur id factum fuerit ab his Apostolis. 485. b c

Paulus Apostolus coactus Cæsarem appellavit, cum esset præsul Ecclesiasticus Judæorum scilicet calumniis & præiudiciis Romani injustitia oppressus. 501. d

Peccatum cur non extenuetur per indulgentias, contra Tilmannum. 602. a

Peccatum spontè admissum, spe futuri Jubilæi anni possit remitti. 583. d

Pelagiani orti post obitum D. Ambrosii. 639. d

Perfectio Christianæ vitæ duplex, & utra necessaria. 628. a b

Perfectio Evangelica quomodo sumatur à Catholicis contra Lutheranos, & quomodo de illa malè damnetur ipsi Catholici. ibid.

Perfidia ad Romanam Ecclesiam, S. Cypriani testimonio solemniter accessum habere non potest. 481. c

Petrarcha librum scripsit Italico sermone de vita & moribus Pontificum Romanorum. 492. d

Vita Romanæ Curie nunc tunc tunc so- lebat. 492. a

Petrarchæ erga Sanctam Sedem Romanam ejusque præsulē veneratio. 490. e a

Ejusdem Romanæ urbis ob Religionis cultum encomia eximii pluribus epitheris ornata. ibid. b c

Ejusdem judicio Satyrarum scriptor anonymus hæresis notatur & impietatis. 492. e

Utræque Boetio. 492. e

Petrus Oxoniensis damnatur à Sixto IV. & à Concilio Complutensi, & qua ratione. 577. b

Philippus Francorum Rex vacante per obitum Alberti Imperatoris Sede Imperiali eam exambovit. 524. a

Photinus Hæresarcha in Thessalia olim opinionem Anonymi scriptoris Satyrici docuit Spiritum Sanctum à patre non procedere, & filium minoris esse auctoritatis patre. 486. d

Pipinus & Carolus Magnus Gallorum Reges, in terram prostrati, pedes Stephani Papæ osculati sunt, & stapedes ejus apprehenderunt & frænum equi illius tenentes stratoris officia præstiterunt. 506. b

Pipinus Caroli Magni pater decreto Zachariæ Papæ per unctionem S. Bonifacii Rex appellatus est Francorum. 511. a b

Idem Pipinus Caroli Magni pater non jure hæreditario Clodovei monarchiam adeptus fuit, sed Pontificis Max. sanctione. 515. a b

Idem pater ex præfeto sive magistro Au-

la, Rex Francorum dictus est, idque Zachariæ & Stephani Romanorum Pontificum Maximorum auctoritate. 530. a b

Idem Pipinus nullius historici concessatione Romanorum fuit Imperator, sicque filium Carolum hæredem Imperii non reliquit. 531. a b

Pipinum solum licet S. Bonifacius Archiepiscopus Moguntinus in Regem Galliarum inuenerit, postea tamen Stephanus Papa in Galliam veniens Pipinum simul & filios ejus Carolum Magnum & Carolomanum Reges Francorum inuexit, eisque Regnum Francorum perpetuo possidendum confirmavit. 535. d

Pius secundus Pontif. Max. Epistola ad Mahometum Turcorum Regem data eum hortatus est ad fidem Christi amplectendam, eique si id faceret jus ac titulum Orientalis Imperii pollicitus fuit. 525. a b

Pius V. Pont. Max. tria Petrarchæ Cantica jussit abradi. 492. c

Plumbi, & membræ in literis Pontificiis significatio, & mysterium, contra Calvinii argumentum. 599. e

Pœna purgatorii cum sit omnium poenarum hujus vitæ acerrima, cur non plus expiet, quàm ista. 583. c

Pœnæ genera quinque secundum Lucherii partitionem, in quibus non enumerat poenam Purgatorii, & quæ illa sint, & quæ illorum remittantur secundum Catholicos contra Kemnitium per Indulgentias. 611. b c d

Pœnitentia publica, quare olim solet per- fici ante absolutionem ad differentiam privatæ, quæ utroque modo potest fieri, tamen in statu gratiæ. 608. b

Pœnitentia, quæ est secunda reconciliatio remittit omnem reatum culpæ, & poenæ æternæ, sed non reatum poenæ temporariæ, & hinc est necessaria esse Indulgentias post hanc, etsi non sint necessariae post Baptismum. 599. e

Pœnitentia injuncta minus expiat nos quàm non injuncta, & qua ratione. 581. c

Pontifex maximus, sive Episcopus etiam non adhuc sacro ordine insigniti possunt concedere Indulgentias, & quare. 584. b

Pontifex Romanus jure suo Imperium à Græcis in Germanos transtulit. 540. a

Totius Ecclesie, id est, omnium Christianorum pater & pastor est. ibid. b

Summus Ecclesie pastor non modo privatis hominibus sed etiam Regibus & Imperatoribus Christianis præest, ut si causa Christi & Ecclesie id exigat, possit eos Regnis atque Imperiis exuere, eaque Regna & Imperia de aliis ad alios transferre. ibid. d

Pontifex Christianorum majoris est in Ecclesia Christi auctoritatis quàm fuerit Aaron in Synagoga Judæorum. 498. b

Pontifex maximus non se Christi successorē ut Poeticè immò verius hæreticè mentitur Satyricus scriptor Anonymus sed vicarium & ministrum se nominat & ab aliis hoc passim nomine designatur. 494. c

Pontifex summus eximere homines non potest à debito servitutis vel pecuniariæ vel uxorio sine consensu partis citra injuriam. 502. a

Pontifex summus etsi Imperium transtulerit & jus eligendi principem Germanis dedit, non transtulit tamen neque dedit illam suam quam in omnem Ecclesiam ab ipso Christo habet potestatem. 560. e a

Pontifex summus quomodo possit esse participes Indulgentiarum. 577. d e

Pontifex summus habet potestatem in poenam Purgatorii & Gehennæ consequenter & indirectè, & hoc quomodo, vide 576. e 577. a

Pontificis Romani primatum Carolus magnus Imperator primus ex gente Francorum

corum agnoscere se & venerari non semel professus est. [540. c](#)
Eum defendit auctor quinque libris de hac re editis. *ibid.*
Pontificis Romani auctoritate Pipinum Regem Francorum fuisse creatum. [513. c](#)
Pontificis Romani prerogativas, titulos, encomia ex S. Bernardo vide satis diffuse. [482. b. c](#)
Pontificem eligendi jus habere & Pontifici imperare sunt diversa. [544. c](#)
Pontificem nominandi jus cum etiam Episcopos ceteros ut Leonis Octavi majoris Carolo magno ultro concessere, de hoc facto decreto, sic is idipsum jus Othoni primo Casari voluit renovatum. *ibid. d*
Pontifices Romani priores ab Ethnicis iniquissime cæsi, alii ab hæreticis principibus fidei causa injustè vexati multi à Religiosis Imperatoribus ut par est observati summisque honoribus affecti sunt. [551. a](#)
Pontifices nullam recipiunt pecuniam pro Indulgentiis concedendis contra Tilmannum. [601. d](#)
Pontificum Romanorum more cum aliquem summo afficere vellent honore inolevit, ut rasuram Carhenarum S. Petri, aut aliquid aliud generis ejusdem clavicula aurea vel argentea inclusam mitterent. [545. b. c](#)
Pontificatus à Deo immediatè est institutus, idè ab hominibus mutari non potest, non item Regna quæ ab hominibus instituta idè etiam in alias regiminis formas mutari possunt. [497. b](#)
Potestas concedendi Indulgentias non amittitur per peccatum mortale. [582. b](#)
Potestatem eligendi Romanorum Regem ad principes Germaniæ ab Apostolica sede pervenisse ostenditur ex Decretis ex cap. Venerabilem. [558. c](#)
Pretium sanguinis Christi non applicatur ad remissionem culpæ & poenæ sempiternæ, nisi per fidem, & Sacramentum, idem etiam non prodest ad remissionem poenæ temporalis, nisi per opera poenitentiae, vel per indulgentias applicetur. [601. b](#)
verum sanguinis Christi quomodo applicetur infidelibus, qui convertuntur ad fidem, & quomodo illi qui post baptismum ad peccata redeunt & contra. [598. a](#)
Prætor idem cum eo quem præcurrit esse non potest. [482. b](#)
Prælati possunt dispensare passionem Christi, & per sacramenta, & per Indulgentias, ac verò passiones sanctorum non nisi per Indulgentias, & hoc quibus rationibus vide. [574. d](#)
Principes protestantes Germaniæ in Casarem armavit Carolus V. ipsum Lutheri Pseudoevangelium & seditiosa pariter doctrina. [508. c](#)
Principes quosnam solus Deus populo suo dediecitra omnem humanam electionem. [530. e](#)
Proportio causæ cum Indulgentia quid requiratur. [586. b](#)
Provinciales quomodo sint subditi Archiepiscopo, simpliciter ne, an in certis casibus. [577. c](#)

Q

QUALIS sit Indulgentia demonstratur. [581. c](#)
Quæstus omnes pravi abususque ac corruptelæ semper à Conciliis damnatae, contra primum Caput Kemnitii contra Indulgentias, non tamen quia abusus damnati, idè Indulgentiæ damnatae sunt. [602. d. e](#)

R

REATUS culpæ in bene disposito expiatur in sacramento per applicatio-

nem meritorum Christi, reatus verò poenæ temporalis expiatur extra sacramentum per applicationem passionum ipsius. [572. d](#)
Reatus peccati, sive vinculum aut delictum duplex, Alterum poenæ naturalis quæ consequitur peccatum originale ut ignorantia &c. Alterum poenæ personalis quæ consequitur peccatum actuale. [578. d](#)
Reatus poenæ personalis alter ad forum externum, alter ad internum pertinet. *ibid. e*
Reatus personalis poenæ internus alter est poenæ injunctæ, alter injungendæ, & uterque an debitus Ecclesiæ solùm, vel Deo, & Ecclesiæ. *ibid.*
Reconciliatio quatuorplex, & utra requiratur Indulgentias. [599. d](#)
Redemptio nostra per Christi sanguinem quamvis sit sufficiens ad delendam omnem iniquitatem, sine indulgentiis cur & ipsæ admittantur. [597. a. b](#)
Redemptiones poenitentiarum injunctarum quo tempore coeperint, & Indulgentiæ similiter, contra Kemnitium. [617. b](#)
Redemptio nostra à Christo pro nobis perluta, quare non proficit nisi illi, quibus applicatur per certa media sive instrumenta, & quæ sint. [601. e](#)
Redemptor duobus modis dicitur. Altero simpliciter, & sic dicitur ille qui redimit à captivitate; & Christus, qui sua passione nos redimit à captivitate peccati; & sic nulli præter Christum convenit. Altero largi; ut cum quis pro alio solvit alicui debicum parvi momenti & hoc modo sancti dicuntur Redemptores. [576. a](#)
Refutatio Tilmanni impugnantis suffragia, sive Indulgentias pro mortuis. [602. c](#)
Relaxatio poenæ per Indulgentias in hac vita respondet toridem poenis in purgatorio. [582. b. c](#)
Relaxationes poenitentiae Canonice veteris conveniunt cum Indulgentiis novis in omnibus quatuor causis contra Kemnitium, & quomodo. [619. e](#)
Religio Christi in Germania auctore Satana & administro apostata Lutero in perditionem hæresim mutata est. [481. a. b. c. d](#)
Cultus Dei externus, & sacramenta omnia mutilata & ablata sunt. *ibid.*
Liberum hominum & solutum arbitrium in captivitate redactum annis amplius septuaginta apud Saxoniam Babilonem servit. *ibid.*
Remissio peccatorum præter fidem habetur ex operibus non purè naturalibus, idè sine fide, sed gratuitis per auxilium contra mendacium VII. Lutherianorum. [629. c. d. e](#)
Remissio peccatorum sacramentalis, nec debet, nec potest fieri per sigillum, nec membranam, & quare; remissio verò non sacramentalis, qualis est Indulgentiarum, & censurarum, potest, & quomodo intelligatur dari per plumbum, vel membranam. [599. c](#)
Remissione poenarum redimi pecunia, sive elemosinis in quo sensu sit vera, cum sit objecta à Tilmanno. [602. b](#)
Remittere peccata non esse annunciare remissa & quare. [607. e](#)
Retinere quàm valde differat à ligare contra Kemnitium. [608. c](#)
Rex Bohemæ ab Electorum numero ab Hostiensis Cardinale Henrico exclusus, quod non sit Teutonicus. [554. d](#)
Revera non eligit Imperatorem cum ceteris sed solùm quando sex Electores inter se ita dividuntur ut tres uni & tres alteri suffragentur, tum ille jus habet ex duobus electis alterum nominandi. *ibid.*
Rex Galliarum Henricus IV. Christianissimus totius Regni caput legatione splendissima Pontificem maximum Clementem VIII. honoravit. [480. e](#)

Rex Romanorum ab Imperatore fieri potest exemplo Lotharii Caroli magni ex filio Nepotis & Ludovici pronepotis. Imperator non item, nisi summi Pontifici confirmatio & consecratio accedat. [522. b](#)
Reges Germaniæ magni semper pontificiam coronationem fecere. [524. b](#)
Regibus quare tributa solvantur. [498. c](#)
Regna Nembrotus, Ninus, Semiramis, Nabuchodonosor, Cyrus, Alexander & Julius Cæsar injuria non jure occupant. [528. a](#)
Regium nomen quo tempore Imperatorio majus ac venerabilius fuerit. [555. b](#)
Regna humana jure gentium constituta dum populi consensu communi in unum aliquem potestas sua transfertur. [516. c. a](#)
Regna transferendi potestas ad Romanam pertinet Ecclesiæ. [554. a. b](#)
Rossensis optimè omnia Lutheri argumenta contra Indulgentias refutavit. [524. e. 595. a](#)
Romanam Christianam Tertullianus in libris de præscriptione adversus hæreticos mirificè laudat. [482. c](#)
Romanus Pontifex per se vel legatos & Italici principes cum Germanis aliquando Imperatoris electioni interfuerunt. [556. c](#)
Romanus Pontifex servus servorum Regibus imperat, imperando servit, & imperat serviendo. [494. a](#)
Romani Imperii translationem ad Francos factam non veritus fuit contra quam plurimum fidem Historicorum Illyricus figmentum & fabulas appellare. [513. d](#)
Romano Pontifici nihil cum Antichristo commune esse ut impiè effusum passim hæretici apertissimis demonstrationibus ostenditur. [480. e. a. b. c](#)
Romanorum clades ab Arminio & Germanis proditoriè causata & eorundem in Romanos rebellionem. [527. e](#)
Romana Ecclesia sola est matrix & radix Catholicæ Ecclesiæ dicto Cypriani. [494. d](#)
Rusticorum ingens rebellio anno salutis 1525. ob quam eorum supra centum milia cæsa fuere ex doctrina Lutheri prodixit. [508. c](#)

S

SACERDOS nullus Episcopis inferior de jure communi potest concedere Indulgentias, potest tamen ex commissione Pontificis. [584. d. e](#)
Sacerdotes non posse conjugio se obstringere ullo modo, quæ causæ. [631. b. c. d. e](#)
Sacerdotes, qui uxorem duxissent, quare ab Ecclesia non solent puniri, nec solent propter conjugium, sed propter sacrilegium. [633. b](#)
Sacramentum Baptismi virtute passionis Christi remittit omnem sive æternam, quod ad culpam attinet sive temporalem poenam, quod ad satisfactionem spectat. [574. a](#)
Sacramenti extremæ unctionis usum pertinere ad solos Episcopos expressè habemus tantum ex S. Innocentio, & quare. [617. d](#)
Sacramenta nullam vim habere à passionibus sanctorum ostenditur, & qua ratione id fiat. [574. c](#)
Sacramenta non justificare ex opere operato esse mendacium Lutherianorum. [628. d](#)
Sacrificium propriè dictum quid significet. [642. a. b](#)
Sacrilega Illyrici impietas quia congerie sanctorum mendaciorum Spiritum Sanctum auctorem facit. [561. c](#)
Sancti quomodo sint intercessores pro hominibus & item Christus contra mendacium illustre Lutherianorum. [629. e. 630. a. b](#)

Sancti

Sancti, ut plus præstiterunt Deo pro facis
factione poenæ temporalis, quam sibi
esset opus, sic non fuerunt meriti apud
Deum, plusquam sibi necesse erat, ne-
que illorum merita in alios unquam re-
dundarunt, contra Calvinum. 598. a

Sanctorum satisfactiones fuerunt superabun-
dantes, & multò plura sunt perpetrati pro-
pter Deum, & iusticiam, quam exi-
geret reatus poenæ temporalis, cui e-
rant obnoxii: poenæ verò sempiternæ
per culpam contractæ non satisfacere-
runt, nisi meritis passionis Christi.
570. a

Sanctio Gregorii V. Pont. Max. Teutonici
de eligendo à Septemviris Principibus
Imperatore quadrimestris. 555. b

Satisfactio Christi quamvis pro culpis, &
poenis omnium in infinitum valeat,
quare non repugnet nostræ satisfactio-
ni, immò eam requirat. 608. e

Satisfactio dicitur quatenus continet labo-
rem, & poenam, meritum verò qua-
tenus continet charitatem. 569. a

Satisfactio est compensatio poenæ, vel solu-
tio debiti, quæ tam pro se, quam pro
alio præstari potest, pertinetque ad
commutativam. 570. b

Satisfactio, & Indulgentiæ, quare non pro-
finitus, nisi qui per veram contritio-
nem, & reconciliationem sunt iustifi-
cati à Deo contra Tilmannum. 603. c

Satisfactio nostra quomodo dicatur concu-
rere cum satisfactione Christi in remis-
sione peccatorum. 601. c

Satisfactio unus potest applicari alteri pro
solutione reatus poenæ temporalis per
charitatem, & communionem sancto-
rum. 598. b

Satisfactiones, tum Christo, tum sanctis
supervacaneas aliis applicari posse, pro-
batur multis rationibus. 571. b

Satyricus scriptor Anonymus maiorem in
Bocacii fabulis operam quam in legen-
dis posuit & medicandis Theologis.
494. d

Sebastianus Francus Historicus recens & à
Catholica religione alienus. 538. d

Securitas de statu gratiæ, quomodo præ-
supponatur in nobis. 602. c

Schismatis nefarii sub Alexandro Papa qui
Adriano IV. successit fautor præcipuus
fuit Fridericus primus Imperator.
518. d

Scripturæ utrum probent posse nos satisfacere
Deo operibus & an purgatorium
existat, & an dentur opera supereroga-
tionis, & an claves sint traditæ soli Pe-
tro, & an sacerdos debeat poenitentias
imponere contra Kemnitium secundam
disputationem. 604. a. b. c

Sergium Papam Lothario Imperatori fide-
litatem iurasse dum scribit Illyricus, id
ad cumulum ipsius mendaciorum ac-
cedit. 560. b

Servi inutiles qui dicantur in scripturis sa-
cris. 606. d

Simon Magus cum obtulit pecunias Petro,
non petiit facultatem concedendi In-
dulgentias, sed dandi Spiritum San-
ctum. 607. c. 608. a

Simonis Magi vanitas & arrogantia qua ima-
ginem suam & Helenæ meretriculæ suæ
iussit à suis discipulis adorari. 563. c

Sixto V. & Pio item V. Pontificibus maxi-
mis anonymus satyrum & insulsum
scriptor generis ignobilitatem & Mo-
nasticæ cultum ridiculè objicit.
495. b. c

Solvere, & ligare quare latius pateant, quam
remittere, & retinere. 607. a

Spiræ Nemetum sepulchra Chunnadi &
Henricorum Germaniæ Regum. 548. e
549. a

Status gratiæ præsupponitur in suscipiente

Indulgentias, & hoc quibus rationibus,
& perfectio operis inuncti. 587. d

Status perfectior qui sit, & quare non sit
imperatus. 638. b. c

Statio quid propriè significet secundum Ec-
clesiæ significationem. 617. e

Suffragia quomodo differant ab Indulgen-
tiis. 591. c

Suffragia dicuntur iuvare defunctos tribus
modis, & quibus. 591. b. c

Summus Poenitentarius, & Cardinales de
consuetudine possunt concedere cen-
tum dies Indulgentiæ. 584. c

Supersticio Florentinorum quæ Dantis Ali-
gherii tempore vigeat, quæ opinaban-
tur eos qui homicidium perpetrassent
non posse in manus inimicorum deve-
nire si super occisi tomulum panem vi-
no maceratum comedissent. 487. b. c

Suscipiens indulgentias duo requirit, &
quæ illa sint. 587. c

T

TACITUS à Senatu dictus quidem
Imperator fuit sed militibus iubenti-
bus. 512. a

Testamentum votus licet per novum sit ab-
rogatum, ejus tamen caeremonialia tan-
tùm sunt abrogata non autem moralia.
501. a

Testamento Imperium cum filiis Carolus
Magnus divisisset, rem totam à Leone
voluit Pontifice confirmari, ut non si-
ne consensu ejus à quo illud acceperat
Imperium aliis tradere videretur. 522. e

Testes omni exceptione majores ex quibus
faciat Dantem, Petrarcham & Bocac-
cium anonymæ author Satyræ ut malæ
sue patrocinetur causæ. 484. c. d

Testimonia veterum Patrum à Kemnitio ad-
ducta ad destruendas Indulgentias quo-
modo sint intelligenda. 614. b. c. d

Testimonia multa scripturæ sanctæ malè ad-
ducta à Calvino ad destruendas Indul-
gentias, quomodo sint intelligenda.
596. e

Theodorici senior Occidentis Imperator &
Justiniani Orientis ante Caroli magni
tempora primatum pontificis agnove-
re. 541. b. c

Theodoricus Gothorum & Italix Rex, Ze-
nonis Imperatoris filius adoptivus ef-
fectus. 533. a. b

Theodoricus Gothi licet natione Barbari &
religione Arianæ præter hæresim lau-
des. 534. e

Idem Theodoricus sub finem vitæ mode-
ratum regimen in apertam tyrannidem
commutavit. ibid. a. b

Ejusdem Theodoricus Gothi Italix Regis
successores Justiniani Imperator Italix
possessione privavit. 533. d

Thomas Aquinas Lutheranorum iudicio su-
pra modum Papista fuit. 508. e

Thesaurus spiritualis quis sit. 571. e

Thesaurus meritorum Christi, & sancto-
rum quamvis sint vera causa conceden-
di indulgentias, requiritur tamen et-
iam alia quæ moveat potius uno quam
alio tempore. 587. b. c

Tilmannus Heshusius oppugnat Indulgen-
tias ob quatuor capita, & quæ illa
sint. 601. b

Idem, quæ loca scripturæ adducat con-
tra Indulgentias, non esse contra nos
probat. ibid. c

Ticuli numero sex sunt quibus homines Re-
gna acque Imperia possidere solent &
quænam illi. 525. c

Translatio Reipublicæ Hebræorum à Judi-
cum potestate ad Regiam gubernatio-
nem prophetica unctio non vi gladii
facta est. 528. c

Translatio item ejusdem Regni post Baby-
lonicam captivitatem à domo Juda ad
domum Levi, hoc est, à Ducibus ad
sacerdotes, non bello sed populi con-
sensu facta est. ibid. d

Translatio item Regni Francorum à Mero-
vingis ut historici loquuntur ad Caro-
lingos Pontificis Romani auctoritate
& procerum consensu sine armis facta
est. ibid. e

Tributum solvit Christus Salvator noster
non quia debuit sed quia voluit. 497. d

Tributum quod Cæsari solvebatur tem-
pore Christi non erat didrachma, sed
denarius. 498. a

Et tributum didrachmi post eversum à
Vespasiano Imperatore templum, quod
Judæi omnes templo singulis annis sol-
vebant ut deinceps in Capitolium de-
ferretur institutum fuit. ibid. b

Turcarum Rex Græcis provincias univer-
sas Latins magnam Pannoniæ partem
per injuriam manu armata eripuit.
529. a. b

Turcarum principem decies prudentiorem
& probiorem esse principibus Christi-
anis sediciose scripsit Lutherus. 508. e. a

V

VALERIANI Imperatoris miseran-
da clades, & infelix ad extremam
usque senectutem servitus Sapori Per-
sarum regi præfata. 528. a

Vanitas libri Concordiæ hæreticorum ex
subscriptione notatur. 621. a

Varius sensus particulæ illius (per modum
suffragii) & quis sit illius verus sen-
sus. 591. a. b

Velamine sacro ab Imperatore insigniri
quid, & quis ejus caeremoniæ effectus.
534. b. c

Venerem Deam & prolem ejus Cupidinem
Lutherani & Calvinistæ pro summis
numinibus venerantur. 485. a

Veteres fuisse parcissimos in concedendis in-
dulgentiis. 587. b

Viatores qui sint subjecti summo Pontifici
visibiles solum an invisibiles etiam,
ut scilicet existentes in purgatorio.
590. a

Vicarius Christi summus Pontifex in quo
differat à Christo in remittendis culpis
& poenis æternis. 607. e

Et in quo differat ab ipso in Indulgentiis
dandis. ibid. & 608. a

Victoriæ triumphus Caroli magni Translatio-
nem Imperii in eum factam divino
consilio contigisse testatur sunt. 542. c

Universalis Episcopi nomen quomodo Pon-
tifici Romano & quomodo non conve-
niat. 482. e

Ufus Indulgentiarum quando incoeperit
contra Kemnitium. 608. a. b

Utilitatem præcipuam Indulgentiæ esse re-
missionem poenæ temporalis, & eam
indulgentiam afficere omnes homines
nedum scelestissimos, contra Luthe-
rum. 583. c. d. e

Z

ZACHARIAS Papa Pipino Regnum
Francorum dedit, idque ei totum præ-
stitit depositum & in monachum conse-
crato Carolomano fratre ejus & Hilde-
rico Rege priore, etiam Illyrici testi-
monio. 506. a

Zonaras & Cedrenus res gestas Græcorum
principum lkeris mandarunt. 562. d

Zwvnglianorum hæresis quæ sit circa sacra-
mentum Eucharistiæ, & circa corpo-
ris Christi omnipotentiam. 631. a. b

Errata Typographorum.

Pag.	Col.	Lin.	Error.	Corr.
23	1	21	jubenter	jubentur
40	1	2	tu	ut
44	1	5	quoniam	quoniam
56	2	14	postquam	postquam
77	2	30	quoniam	quoniam
118	2	1	rationes	ratione
125	1	50	sede	sed
138	2	37	ille	ille
159	1	19	possessum	possessum
225	1	72	ei	eis
251	1	59	dicat	dici
252	1	2	præbet	præbent
307	1	42	absolutionis	ablutionis
337	1	7	recenset	recensens
346	1	63	Patris	Patres
	2	52	Dum	Dum

Pag.	Col.	Lin.	Error.	Corr.
350	2	46	viviviv	viviv
373	2	52	sancto	sanctum
427	2	48	dicatur	dicatur
497	1	10	Clericis	Clerici
526	1	27	Carolus	Carolus
531	2	7	il	in
543	2	11	Christianorum	Christianorum
557	1	72	Corisca	Corisca
572	1	28	ab	ab
		54	Martyres	Martyres
578	1	8	vir	ut
598	1	43	sanguinem	sanguinem
602	2	35	bonum	bonum
626	2	9	quo	quod
630	2	18	divitias	divitias
646	1	30	cum	cum

ANT 144 1314



LICATORIA DI LIBRO
VIN. LOFFREDO
F.lli e C. 1872



